



The New Testament the Kusaal language (Ghana)

ପୁସ୍ତକ ଖୋଲା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

**ପୁସ୍ତକ ଖୋଲା,
କୁସାଲ ପୁସ୍ତକ ଖୋଲା, 2020**

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files dated 8 May 2025
c688c8bf-38ac-5c00-90bd-6e4eaa165a20

Contents

ମାଡ଼ିୟୁ	1
ମାକ	50
ଲୁକ	81
କହନ	131
କାମା	170
ରମୟ	218
କେରନ୍ତ	240
୨କରନ୍ତ	260
ଗାଲାତୟ	273
ଏପିସ	281
ପିଲିପି	288
କଲସିୟ	293
୧ତେସଲନିକି	298
୨ତେସଲନିକି	303
୧ତିମତି	306
୨ତିମତି	312
ତିତସ	317
ପିଲିମନ	320
ଏବି	322
କାକୁର	338
୧ପିତର	344
୨ପିତର	350
୧କହନ	354
୨କହନ	360
୩କହନ	362
ଜାହୁଦା	364
ଝେକ୍‌ହି ବଲୁ	366

ମାଥୁର ଲିଖିତ ସୁସମାଚାର ମାତିୟୁ ରାଚାମାନି ନେହୁ କାରୁ ମୂଲୁ ହାଡ଼ା

ପୁଃନି ମେରାତି ସାରିଗଟା ନେହୁ କାରୁ ପତିୟା ବିତ୍ରାଟି ମାତିୟୁ ରାଚାମାନି ନେହୁ କାରୁ ଜୀସୁ ଜୀସୁଟି କାତା ରାସ୍‌କି ଆହାମାନେ □ ଇ ସାରିଗଟା ପତିୟାଙ୍କ ନେହୁ କାରୁ ଇନେରି □ ଏ ପତିୟା ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାନେରି □ ମାତିୟୁ ରାଚିତି ନେହୁ କାରୁ ଏଚେଲା ରାସ୍‌କି ଆହାମାନେ ଇଞ୍ଜୁ ବୁଦିଗାଟାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ ଜୀସୁ ଜାର୍ନାଆତି ୬୦ ବାର୍ସା ତାୟୁ ରାସ୍‌କି ଆହାମାନେ, ଅଡ଼େ ଆମିନି ଟାୟୁତା ରାସ୍‌କି ଆହାମାନେ, ଆମ୍ବାଆରି ପୁଞ୍ଜାହିଲଅରି, ଇ ନେହୁ କାରୁଟି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍‌କି ଆହାମାନେ □

ଜୀସୁ ମାତିୟୁଙ୍କ ତାନି ସୀସୁ ଆହାଲି ହାଡ଼ିତି ନକେଏ ମାତିୟୁ ର ସିସୁ ରାହନାସି ମାଚେସି, ଇଞ୍ଜା ତାନି ଅଡ଼େ ର ଦରୁ ଲେବି ମାଚେ, ଏଞ୍ଜାସି ବାରଜାଣା ବିତ୍ରାଟି ରଅସି ମାଚେସି, ଏଞ୍ଜାସି ଜୀହୁଦି ଲକୁତାକି ଇ କାରୁ ରାଚାମାନେସି □ ଜୀହୁଦିୟା ଜୀସୁଙ୍କ, ଇ ରାକିତା ସାଲୁଞ୍ଜି କିନି ରାଜା ଇଞ୍ଜୁ ଅଣ୍ଡିମାଚେରି, ସାମା ମାତିୟୁ ଏ ନାମୁତି ବାଦଲି କିହାନା ରାଚାମାନେସି; ଜୀସୁ ଦାରୁତିତି ରାକି ଆଏ, ସାମା ଲାକପୁରୁ ଜୀସୁଟି ରାକି କାତା ଷ୍ଟେସିହୁ ଜାଗ୍ରାତା କିହା ଷ୍ଟେସାମାନେସି, ମାହାପୁରୁ ଆଡ଼ିତି ଗେଲ୍‌ପିକିନି ରାଜା, ଆମିନି ଗାଟାଣି ତାକି ପୁଃଇ ମେରାତି ଦାର୍ମ୍ବ ପତିତା ମାହାପୁରୁ ବଲୁ ଷ୍ଟେହନାରି ଷ୍ଟେସାମାନେରି, ଇଞ୍ଜହୁ ପୁଣ୍ଡି କିହାଲି ଅଣ୍ଡିମାଚେସି, ଇ ଆକୁତା ମାହାପୁରୁ ରାକିତି କାତା ହାଡ଼େକା ଷ୍ଟେସିମାନେସି □

ମାତିୟୁ ରାଚିତି ନେହୁ କାରୁ ପୁଃନି ମେରାତି ମୂଲୁ ପତି ଇଞ୍ଜୁ ତଞ୍ଜା ଆହାମାନେ, ଇତିହୁ ପୁଃଇ ମେରାତି ମାହାପୁରୁ ବଲୁ ହାଡ଼େକା ରାସ୍‌କି ଆହାମାନେ, ଇ ପତି ପୁଃଇ ମେରା ପୁଃନି ମେରା ତଲେ ଆଣ୍ଡାମାନେ, ଷ୍ଟେଡ଼ା ହପୁଞ୍ଜାକିତି ସଗୁପୁନାରି ଷ୍ଟେସିମାନେରି, ମାତିୟୁ ତାନି ଆକୁତା ମସାତି ମେରା ପାରିନାୟି □ ହରୁଲେକ ଜୀସୁ ଜାପ୍‌ନାୟି ମାତି ୫:୭, ମାହାପୁରୁ ମସାକି ହରୁଲେକ ମେରା ହାନାୟି ଷ୍ଟେ ମେରା ୧୯:୩; ୨୩-୩୩ □

ପତିତା ମାନାୟି

- ୧ ଜୀସୁ ଜୀସୁଟି ଜାର୍ନା ଅଡ଼େ ତାନି ସେବା କାମା □ ୧:୧-୪:୨୫
- ୨ ଜୀସୁ ଜୀସୁଟି ସେବା ଅଡ଼େ ତାନି ଜାପ୍‌ନାୟି □ ୫:୧-୨୫:୪୭
- ୩ ଜୀସୁ ଜୀସୁ ହାନାୟି ଅଡ଼େ ଷ୍ଟେଣ୍ଡେ ନିଜିନାୟି □ ୨୬:୧-୨୮:୨୦

ଜୀସୁ ଜୀସୁଟି ଆକୁ ଆବାୟା (ଲୁକ ୩:୨୩-୩୮)

- ୧ ଅବ୍ରାହାମ ମୀରୁଏସି ଅଡ଼େ ଦାଞ୍ଜୁଦତି ମୀରୁଏସି ଜୀସୁ ଜୀସୁଟି କୃତା □
- ୨ ଅବ୍ରାହାମ ମୀରୁଏସି ଇସାହାକ, ଇସାହାକ ମୀରୁଏସି ଜାକୁବ, ଜାକୁବ ମୀରୁଏସି ଜୀହୁଦା ଇଞ୍ଜା ତାନି ତାୟିୟା,
- ୩ ଜୀହୁଦା ଅଡ଼େ ତାମାର ମୀରୁଏସି ପେରସ ଅଡ଼େ ଜେରହ, ପେରସ ମୀରୁଏସି ହେସ୍ରାଶ, ହେସ୍ରାଶ ମୀରୁଏସି ଅରାମ,
- ୪ ଅରାମ ମୀରୁଏସି ଅମିନାଦାବ, ଅମିନାଦାବ ମୀରୁଏସି ନହସନ, ନହସନ ମୀରୁଏସି ସଲମନ,
- ୫ ସଲମନ ଅଡ଼େ ରାହାବ୍ ମୀରୁଏସି ବୟାଜ, ବୟାଜ ଅଡ଼େ ରୁତ ମୀରୁଏସି ଅବେଦ, ଅବେଦ ମୀରୁଏସି ଜିସି □
- ୬ ଜିସି ମୀରୁଏସି ଦାଞ୍ଜୁଦ ରାଜା, ଦାଞ୍ଜୁଦ ଅଡ଼େ ଉରିୟ ଡକ୍ରିନି ତାଣାଟି ସଲମନ ଜାର୍ନା ଆଡ଼େସି,
- ୭ ସଲମନ ମୀରୁଏସି ରିହବୟାମ, ରିହବୟାମ ମୀରୁଏସି ଅବିୟ, ଅବିୟ ମୀରୁଏସି ଅସା,
- ୮ ଅସା ମୀରୁଏସି ଜିହସାପାଟ୍, ଜିହସାପାଟ୍ ମୀରୁଏସି ଜରାମ, ଜରାମ ମୀରୁଏସି ଉଜିୟ,
- ୯ ଉଜିୟ ମୀରୁଏସି ଜତମ, ଜତମ ମୀରୁଏସି ଆହାଜ, ଆହାଜ ମୀରୁଏସି ହିଜକିୟ,
- ୧୦ ହିଜକିୟ ମୀରୁଏସି ମନସି, ମନସି ମୀରୁଏସି ଆମନ, ଆମନ ମୀରୁଏସି ଜସିୟ,
- ୧୧ ଇସ୍ରାୟେଲଙ୍କ ବାବିଲନ ଦେସାତା ଦସାନା ଅନି ବେଲାତା ଜସିୟ ମୀରୁକା ଜିକନିୟ ଇଞ୍ଜା ତାନି ତାୟିୟା ଜାର୍ନା ଆଡ଼େରି □
- ୧୨ ବାବିଲନତା ଅଞ୍ଜିଆଡ଼ି ଜେତ ଜିକନିୟ ସଲ୍‌ଟିୟେଲଙ୍କ ଜାନ କିଡେସି, ସଲ୍‌ଟିୟେଲ ମୀରୁଏସି ଜିରୁବାବେଲ,
- ୧୩ ଜିରୁବାବେଲ ମୀରୁଏସି ଅବିହୁଦ, ଅବିହୁଦ ମୀରୁଏସି ଏଲିୟାକିମ, ଏଲିୟାକିମ ମୀରୁଏସି ଅସର,
- ୧୪ ଅସର, ମୀରୁଏସି ସାଦକ, ସାଦକ ମୀରୁଏସି ଆକିମ, ଆକିମ ମୀରୁଏସି ଏଲିହୁଦ,
- ୧୫ ଏଲିହୁଦ ମୀରୁଏସି ଏଲିୟାଜର, ଏଲିୟାଜର ମୀରୁଏସି ମତାନ, ମତାନ ମୀରୁଏସି ଜାକୁବ,
- ୧୬ ଜାକୁବ ମୀରୁଏସି ମରିୟମନି ତକ୍ରା ଜସେପ, ଇ ମରିୟମନି ବାଣ୍ଡିଟି ଜୀସୁ ଜାର୍ନା ଆଡ଼େସି, ଏଞ୍ଜାଣାଙ୍କ ଜୀସୁ ଇଣ୍ଡି ଆହାମାନେ □

୧୭ ଇଲେଆହୁଁ ଅରାହାମ ତାଣାଟିଏ ଦାଝୁଦ ପାତେକା ସଦ ଜାଣା ଆକୁୟାଁ, ଅଡେ ଦାଝୁଦ ତାଣାଟିଏ ବାବିଲନ ଅଝିଆଡ଼ି ପାତେକା ସଦ ମାଣସି, ଇଞ୍ଜା ବାବିଲନ ଅଝିଆଡ଼ି ତାଣାଟିଏ ଜୀସୁ କ୍ରୀସ୍ତତି ଜାର୍ନା ପାତେକା ସଦ ମାଣସି □

ଜୀସୁ କ୍ରୀସ୍ତତି ଜାର୍ନା ଆନାୟି
(ଲୁକ ୧:୨୬-୩୮; ୨:୧-୭)

୧୮ *ଜୀସୁ କ୍ରୀସ୍ତତି ଜାର୍ନା ଇଲେକିଁ ଆଡେ □ ତାମି ଇୟା ମରିୟମ ଅଡେ ଜସେପ ତଲେ ବାହା ଆହାଲି ରୀସପି ଆହାମାଟି ଢେର, ଏଝି କାଲଝି ଆଆ ନକେଏ, ଏଡ଼ି ସୁଦୁଜୀଝୁ ତଲେ ପୁରାମାସା ଆହାମାନେ ଇଞ୍ଜିଁ ପୁଣାମି ଆଡେ □

୧୯ ଏଚେଟିଏ ତାନି ତକ୍ରା ଜସେପ ର ଦାମ୍ ଲକୁ ମାଚାକି, ଇଞ୍ଜା ଏଦାଣି ଲକୁ ନକିତା ଦହ ଗାଟାୟି ଇଞ୍ଜିଁ ତହୁଆପେଏଁ ଇଞ୍ଜିଁ ଏଦାନି ତକ୍ରାହାନା ପିସାଲି ତାରି କିତେସି □

୨୦ ସାମା ଏଝାସି ଏଲେଇଞ୍ଜି ତାରିକିତି ତାୟୁ, ମେହଦୁ, ମାହାପୁରୁତି ର ଦୁତୁ ଏଝାଣାଇ ହାପାନାତା ଏଲେଇଚେସି, “ଆଡେ ଦାଝୁଦ କୁଡାତି ଜସେପ, ମରିୟମନି ତକ୍ରା କିହାଲିତାକି ଆଜାଆନି, ଏନାଆଁତାକି ଇଚିହୁଁ ମାହାପୁରୁତି ସୁଦୁଜୀଝୁ ତଲେ ପୁରାମାସା ଆହାମାନେ □

୨୧ *ଏଡ଼ି ର କକାଣାଇଁ ଜାନିଁ କିନେ, ଅଡେ ମୀରୁ ଏଝାଣି ଦରୁ ଜୀସୁ ଇଞ୍ଜିଁ ଇଟାଦୁ, ଇଚିହୁଁ ଏଝାସି ତାମି ଲକୁଇଁ ତାମି ବାରେ ପାପୁଟି ଗେଲ୍ପିନେସି □”

୨୨ ମାହାପୁରୁ ଅଣ୍ପୁତି ବଲୁ ଝେହନାରି ତାଣାଟି ପ୍ରୁତି ଇ କାତା ଏନିକିଁ ପୁରା ଆନେ, ଇଦାଆଁତାକି ଇ ବାରେ ଆଡେ,

୨୩ “ମେହଦୁ ର ତାଆ ମାଞ୍ଜା ପୁରାମାସା ଆହାନା ର କକାଣାଇଁ ଜାନିଁ କିନେ, ଅଡେ ଲକୁ ଏଝାଣି ଦରୁ ‘ଇମାନୁୟେଲ’ ଇଚିନେରି □” ଇ ଦରୁତି ଅର୍ତ “ମାହାପୁରୁ ମା ତଲେ ମାନେସି □”

୨୪ ଏମ୍ବାଟିଏ ଜସେପ ଇଦାଟି ନିଞ୍ଜିତି ତାୟୁ ପ୍ରୁତି ଦୁତୁ ଏନିକିଁ ହୁକୁମି ହାହାମାଚେସି, ଏଲେକିହୁଁ ଏ କିତେସି, ଏଝାସି ମରିୟମଇଁ ବାହା ଆଡେସି;

୨୫ *ସାମା ଏଡ଼ି କକାଣାଇଁ ଜାନିଁ କିଆ ପାତେକା ଏଦାଣି ତଲେ କୁଡାଆଡେସି, ଅଡେ ଏ କକାଣି ଦରୁ ଜୀସୁ ଇଚିତେରି □

୨

ଝେଡା ହପୁଝାକିତି ସଗୁପୁନାରି

୧ ହେରଦ ରାଜା ବେଲାତା ଜୀହୁଦା ଦେସାତି ବେତଲିହିମ ଗାଡାତା ଜୀସୁ ଜାର୍ନାଆଡ଼ି ତାୟୁ,

ମେହଦୁ, ଝେଡା ହପୁ ଝାକିଟି ଏଚରଜାଣା ସଗୁପୁନାରି ଜିରୁସାଲମତା ଝାହାନା ଝେଚେରି,

୨ “ଆମିନି କକାସି ଜୀହୁଦିଙ୍ଗା ରାଜା ଆହାଲି ଜାର୍ନା ଆହାମାନାସି, ଏଝାସି ଆମିୟା ? ମାମୁ ଝେଡା ହପୁ ଝାକିଟି ତାନି ହୁକା ମେସାନା ଏଝାଣାଇଁ ଜହରା କିହାଲି ଝାହାମାନମି □”

୩ ଇ କାତା ଝେଞ୍ଜାନା ହେରଦ ରାଜା ଅଡେ ତାନିତଲେ ଜିରୁସାଲମତି ବାରେ ଲକୁ କାବାଆହାନା ଆଜିତେରି □

୪ ଅଡେ ଏଝାସି ଲକୁତି କାଜା ପୂଜେରାଙ୍ଗା ଇଞ୍ଜା ମେରା ପୁନାରାଇଁ କୁଡ଼ି କିହାନା, କ୍ରୀସ୍ତ ଏମିୟା ଜାର୍ନା ଆନେସି, ଏଦାଆଁ ଏଝାରି ତାଣାଟି ପୁଞ୍ଜାଲି ଅଣ୍ପିତେସି □

୫ ଏଝାରି ଏଝାଣାଇଁ ଏଲେଇଚେରି, ଜୀହୁଦା ଦେସାତି ବେତଲିହିମ ଗାଡାତା ମାହାପୁରୁ ଅଣ୍ପୁତି ବଲୁ ଝେହନାରି ତାଣାଟି ଇଲେଇଞ୍ଜିଁ ରାସ୍କି ଆହାମାନେ;

୬ “ଏ ଜୀହୁଦା ଦେସାତି ବେତଲିହିମ, ଜୀହୁଦାତି କାଜା ନାସ୍କା ବିତ୍ରାଟି ନୀନୁ ଉଣା ଆଏ;

ଇଚିହୁଁ ଆମ୍ବାଆସି ନା ଇସାୟେଲ ଲକୁଣି ପହି କିନେସି, ଏଲେତି ର ସାଲଝି କିନାସି ନୀ ତାଣାଟି ଝାଡନେସି □”

୭ ତାୟୁ ହେରଦ ସଗୁ ପୁନାରାଇଁ ମେଣେଏ ହାଟାନା, ଏ ହୁକା ଏଚେଲା ତଞ୍ଜାଆଡେ ଏ କାତା ଏଝାରି ତାଣାଟି ନେହୁଁକିଁ ଝେଚେସି □

୮ ଇଞ୍ଜା ଏଝାସି ଏଝାରାଇଁ ବେତଲିହିମତା ପାଣ୍ଡାନା ଏଲେଇଚେସି, “ମୀରୁ ହାଜାନା ଏ କକାଣି କାତା ନେହୁଁକିଁ ସିନିକିହାନା ନାଙ୍ଗେ ଜିକେଏ ଝେସ୍ତାଦୁ, ଇଚିହୁଁ ନୀନୁ ଜିକେଏ ହାଜାନା ଜହରା କିକାଇଁ □”

୯ ଏଚେଟିଏ ଏଝାରି ରାଜା କାତା ଝେଞ୍ଜାନା ହାଚେରି; ଅଡେ ମେହଦୁ, ଏଝାରି ଝେଡା ହପୁଝାକି ଆମିନି ହୁକା ମେସାମାଚେରି, ଏଡ଼ି ଏଝାରି ନକି ନକିତା ହାଜାନା, ଏମିୟା କକାସି ମାଚେସି ଏ ଲାକ ହାଜାନା ନିତେ □

୧୦ ଏ ହୁକା ମେସାନା ଏଝାରି ହାଚେରକା ରାହାତଲେ ରାହା ଆଡେରି □

୧୧ ଏଝାରି ଇଲୁ ବିତ୍ରା ହଡାନା ତାମି ଇୟା ମରିୟମ ଇଞ୍ଜା କକାଣି ତାଲୁଇଁ ମେସାନା, ଏଝାଣାଇଁ ମେଣ୍ଡାକୁତାନା ଜହରା କିତେରି, ଇଞ୍ଜା ତାମ୍ନୁ ତାଚାମାଟି ପେଡାୟାଟି ବାଂଗାରା, ଦୁପା ଦୁପାଣି ଅଡେ ଗାନ୍ଦା ନିୟୁଁ ବେଟୁ ହାଚେରି □

୧୨ ତାୟୁ ହେରଦ ରାଜା ତାଣା ଝେଣ୍ଡା ହାଲାଆପେରିଝା ଇଞ୍ଜିଁ ମାହାପୁରୁ ଏଝାରାଇଁ

☆ ୧:୧୮ ୧:୧୮ ଲୁକ ୧:୨୭ ☆ ୧:୨୧ ୧:୨୧ ଲୁକ ୧:୩୧ ☆ ୧:୨୫ ୧:୨୫ ଲୁକ ୨:୨୧

ହାପାନାତା ହୁକୁମି ହୀହାଲିଏ, ଏଞ୍ଜାରି ଅର ଜିରୁତି ତାମି ଦେସାତା ଖେଣ୍ଡାହାଚେରି □

ମିସର ଦେସାତା ହାନାୟି

୧୩ ଏଞ୍ଜାରି ହାତି ତାୟୁ, ମେହଦୁ, ମାହାପୁରୁତି ଦୁତୁ ଜସେପଇଁ ହାପାନାତା ଏଲେଇଚେସି, “ନିଙ୍ଗାମୁ କକାଣି ତାଲୁଇଁ ଅଡେ ତାମି ଇୟାନି ଅହିଁ ମିସରତା ହାଲାନୁ, ନାନୁ ମିଙ୍ଗେ ଖେସ୍ତାଆ ପାତେକା ଏମ୍ପାଆଁ ମାଞ୍ଜୁ, ଇତିହିଁ କକାଣି ତାଲୁଇଁ ପାୟାଲି ହେରଦ ଅଣ୍ପିମାନେସି □”

୧୪ ଜସେପ ନିଙ୍ଗାନା କକାଣି ତାଲୁ ଇଞ୍ଜାଁ ତାମି ଇୟାନି ଆସାନା ଲାଆଁ ଲାଆଁୟାଁ ମିସର ଦେସାତା ଅହିଁ ହାଚେସି,

୧୫ ହେରଦ ହାନି ପାତେକା ଏମ୍ପାଆଁ ଏଞ୍ଜାରି ଡିୟିତେରି, ଇ ବାରେ ଗଟଞ୍ଜି ଆନାଣି ମାହାପୁରୁ ଅଣ୍ପୁତି ବଲୁ ଖେହନାରି ତାଣାଟି ଇ ମାହାପୁରୁ ଅଣ୍ପୁତି ବଲୁ ପୁରା ଆନେ, “ନା ମୀରୁଏଣାଇଁ ନାନୁ ମିସର ଦେସାଟି ହାଟା ତାତେଏଁ □”

କକାରି ତାଲୁକାଣି ପାୟିନାୟି

୧୬ ଖେଡ଼ା ହପୁ ଦେସାଟି ଖାହାମାଟି ସଗୁପୁନାରି ଏଞ୍ଜାଣାଇଁ ନାଡ଼ିକିହାନା ହାଜାମାନେରି ଇଞ୍ଜାଁ ପୁଞ୍ଜାନା, ହେରଦ ହାରେକା କପା ଆଡେସି, ହୁକାତି ଉଜେଡ଼ି ଆମିନି ବେଲ୍ଲାତା ତଞ୍ଜାଆହାମାଚେ ସଗୁପୁନାରି ତାଣାଟି ନେହିଁକିଁ ପୁଞ୍ଜାମାଚେସି, ଏଦାଆଁ ପୁଞ୍ଜାନା ବେତଲିହିମ ଅଡେ ତାମି ତାଗେ ମାଟି ନାସ୍କାତି ରୀ ବାର୍ଯାଟିଏ ଉଣା କକାରାଇଁ ପାୟାଲି ତାକି ହୁକୁମି ହୀତେସି □

୧୭ ଏଚିବେଲା ମାହାପୁରୁ ଅଣ୍ପୁତି ବଲୁ ଖେହନି ଜିରିମିୟ ଖେସ୍ତି ଇ ବଲୁ ସାତା ଆଡେ,

୧୮ “ରମାତା ହାଡ଼ା ଖେଙ୍ଗିମାନେ, ଡ଼ାକି ଅଡେ ହାରେକା ଦୁକୁଡ଼ି ଗିୟାଁ ରାହେଲ ତାମି ମୀରୁକା ତାକି ଡ଼ାହିମାଚେ; ଅଡେ ଏଞ୍ଜାରି ବାରେ ହାହାହାଚେରି ଇଞ୍ଜାଁ, ଏଦି ଦୁକୁ ଡ଼ୁକ୍‌ହାଲି ମନ କିହି ହିଲାଆତେ □”

ମିସରଟି ଖେଣ୍ଡାଖାନାୟି

୧୯ ହେରଦ ହାଡ଼ି ତାୟୁ, ମେହଦୁ, ପ୍ରବୁତି ର ଦୁତୁ ମିସରତା ଜସେପଇଁ ହାପାନାତା ତଞ୍ଜାଆହାନା ଏଲେଇଚେସି,

୨୦ “ନିଙ୍ଗାମୁ, କକାଣାଇଁ ଅଡେ ତାମି ଇୟାନି ତଲେ ଇସ୍ରାୟେଲ ଦେସାତା ହାଲାନୁ, ଇତିହିଁ ଆମ୍ପାଆରି କକାଣି ଜୀଞ୍ଜୁ ଅହାଲି ତାକି ଅଣ୍ପିମାଚେରି ଏଞ୍ଜାରି ହାହାମାନେରି □”

୨୧ ଏଚେଟିଏ ଜସେପ ନିଙ୍ଗାନା କକାଣାଇଁ ଇଞ୍ଜାଁ ତାମି ଇୟାନି ଆସାନା ଇସ୍ରାୟେଲ ଦେସାତା ଖାଡେସି □

୨୨ ସାମା ହେରଦ ଟାୟୁତା ତାମି ମୀରୁଏସି ଆକିଲ୍ଲାୟ ଜୀହୁଦାତି ରାଜା ଆହାମାନେସି ଇଞ୍ଜାଁ ଖେଞ୍ଜାନା ଏଞ୍ଜାସି ଏମ୍ପାଆଁ ହାଜାଲି ଆଜିତେସି; ସାମା ହାପାନାତା ହୁକୁମି ବେଟାଆହାନା ଏଞ୍ଜାସି ଗାଲିଲି ରାଜି ଖାକି ହାଚେସି,

୨୩ ଇଞ୍ଜାଁ ନାଜ୍‌ରିତତି ଗାଡ଼ାତା ହାଜାନା ଡିୟିତେରି, ଏନିକିହିଁ ମାହାପୁରୁ ଅଣ୍ପୁତି ବଲୁ ଖେହନାରି ରାଡ଼ିତି କାତା ସାତା ଆନେ, “ଏଞ୍ଜାସି ନାଜ୍‌ରିତତାସି ଇଞ୍ଜାଁ ଖେଙ୍ଗିନେସି □”

୩

ବାପ୍ତିସ୍ମା* ହାନି ଜହନତି ଖେକ୍‌ନାୟି

(ମାତି ୧:୧-୮; ଲୁକ ୩:୧-୧୮; ଜହ ୧:୧୯-୨୮)

୧ ଏ ବେଲ୍ଲାତା ବାପ୍ତିସ୍ମା* ହାନି ଜହନ ଜୀହୁଦା ଦେସାଟି ବାଃଲି ବାଟାଟି ଖାହାନା ବଲୁ ଖେକ୍‌ହାଲି ମାଟ୍‌ହେସି □

୨ “ପାପୁ ପିସାନା ମନ ଖେଟ୍‌ହା କଡାଦୁ, ଇତିହିଁ ଲାକପୁରୁ ରାଜି ଏଗାଞ୍ଜାହିମାନେ □”

୩ ମାହାପୁରୁ ଅଣ୍ପୁତି ବଲୁ ଖେହନି ଜିସାୟ ତାଣାଟି ଇ ହାଡ଼ା ଖେସ୍‌ପି ଆହାମାଚେ, ଏଞ୍ଜାସିଏ ଇଞ୍ଜାସି; “ରଅଣି ହାଡ଼ା ଲକୁ ହିଲାଆ ଟାୟୁତା ଖେଙ୍ଗିମାନେ, ପ୍ରବୁ ତାକି ଜିରୁ ତିୟି କିଦୁ □”

୪ ଜହନ ଉଟୁ ବାଣାୟାଁ ତଲେ କେପିତି ହିମ୍ପରିକା ତୁରହିମାଚେସି, ଇଞ୍ଜାଁ ତାମି ଟେଡେଲିତା ର ଡଲୁଡି ବୁଡ଼ପା ମାଡ଼ା ଦସା କଡ଼ଞ୍ଜିତେସି, ଗପ୍‌ଏରିକା ଅଡେ ଜାଡ଼ାତି କ୍ରିୟାଁ ଏଞ୍ଜାଣି କାଦି ମାଚେ □

୫ ଏଚିବେଲାତା ଜିରୁସାଲମ ଗାଡ଼ା ଇଞ୍ଜାଁ ବାରେ ଜୀହୁଦା ଦେସା ଅଡେ ଜର୍ଦନ ଦାରିତି ନାସ୍କାତି ବାରେ ଲକୁ ତାମି ତାଣା ଖାହାଲି ମାଟ୍‌ହେରି,

୬ ଏଞ୍ଜାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାତାତା ବାପ୍ତିସ୍ମା* ଅଡେରି □

୭ ଶାମା ହାରେକା ପାରୁସିୟାଁ ଅଡେ ସାଦୁକିୟାଁ ବାପ୍ତିସ୍ମା* ଅହାଲି ଖାହିମାନାଣି ମେସାନା ଏଞ୍ଜାରାଇଁ ଏଲେଇଚେସି, “ଅଡେ ରାସ୍କା କୁଡ଼ାତାଚେରି ମାହାପୁରୁ ତାଣାଟି ଖାହିମାନି କପାଟି ପିସ୍‌ପି କିହାକତାଲି ଆମ୍ପାଆସି ମିଙ୍ଗେ ସେଡନା ହିୟାତେସି

୮ ଇଦାଆଁତାକି ମନ ଖେଟ୍‌ହାମାନାଣି ନେହିଁ କାମାତା ତହ୍‌ଦୁ,

୯ ଅଡେ ଅବ୍ରାହାମ ମା ଆବା ଇଞ୍ଜାଁ ମୀ ମନ ବିତ୍ରା ଅଣ୍ପାଆଦୁ, ଏନାଆଁତାକି ଇତିହିଁ ନାନୁ

* ୨:୨୩ ୨:୨୩ ମାର୍କ ୧:୨୪; ଲୁକ ୨:୩୯; ଜହ ୧:୪୫ * ୩: ୩:୧ ମୁଞ୍ଜିନାୟି † ୩: ୧ ୩:୧ ମୁଞ୍ଜିନାୟି * ୩:୨ ୩:୨ ମାତି ୪:୧୭; ମାର୍କ ୧:୧୫ ‡ ୩:୨ ୩:୨ ମୁଞ୍ଜିନାୟି * ୩:୨ ୩:୨ ମାତି ୧୨:୩୪; ୨୩:୩୩ § ୩:୨ ୩:୨ ମୁଞ୍ଜିନାୟି * ୩:୯ ୩:୯ ଜହ ୮:୩୩

ମିଙ୍ଗେ ଖେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ ଅବାହାମତି ମୀରକାଣି ଗାଡ଼ି କିହାଲି ଆଡ଼ିମାନେସି □

୧୦ ✨ଅଡ଼େ ନୀର୍ବି ଜିକେଏ ମାରୁନୁ ତାକିତା କାଃଆଲି ଆଟାମାନେ, ଆମିନି ମାରୁନୁ ନେହିଁ ପାଡ଼େୟି ଆୟେଏ, ଏଦାନି ଚୁଣ୍ଡହାନା ହିରୁତା ମେଡ଼ପି ଆନେ □

୧୧ ନାନୁସାଁ ମିଙ୍ଗେ ପାପୁଟି ପିସପି କିହାଲି ଇଞ୍ଜା ମନ ଖେଟପି କିହାଲି ଏୟୁତଲେ ବାପ୍ତିସ୍ତା* ହାହିମାଞ୍ଜାଇଁ, ସାମା ନା ତାୟୁ ରଅସି ଖାହିମାନେସି ଏଝାସି ନା କିହାଁ ହାରେକା ବାଡ଼ୟୁ ଗାଟାସି, ଏଝାଣି ସେପୁୟାଁ ହୁକହାଲି ଜିକେଏ ନାନୁ ପାଡ଼ାଆଅଁ; ଏଝାସି ମିଙ୍ଗେ ସୁଦୁଜୀଝୁ ଇଞ୍ଜା ହିରୁତଲେ ବାପ୍ତିସ୍ତା† ହିୟାନେସି □

୧୨ ଏଝାସି ତାନି କ୍ଳାନୁତି ନେହିଁକିଁ ତାସାହାଁ, ତାନି ଆନୀତି କ୍ଳସାହାଁ ଗାଦେୟିତା ଇଟାଲି ଏଝାଣି କେୟୁତା ହେତି ମାନେ, ସାମା ଟାଟା ପଡ଼ତୁ ଏରେଲା ତୁମ୍ବାଆଗାଟି ହିରୁତା ହୁଡ଼ା ତୁହନେସି □”

ଜୀସୁ ଏୟୁତା ବାପ୍ତିସ୍ତା‡ ଅନାୟି
(ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏତିବେଲା ଜୀସୁ ଗାଲିଲିଟି ଖାହାନା ବାପ୍ତିସ୍ତା§ ଅହାଲି ତାକି ଜର୍ଦନ କାତାତା ଜହନ ତାଣା ଖାଡ଼େସି □

୧୪ ସାମା ଜହନ ଜୀସୁଇଁ କାହି କିହାଲି ଅଣପାନା ଏଲେଇରେସି, “ନୀ ତାଣାଟି ନାନୁ ବାପ୍ତିସ୍ତା* ଅନାୟି ନା ଲଡ଼ାମାନେ, ଇଞ୍ଜା ନାନୁ ନା ତାଣା ଖାହାମାଞ୍ଜି?”

୧୫ ସାମା ଜୀସୁ ଏଝାଣାଇଁ ଏଲେଇରେସି, “ନା ହାଡ଼ା ଆହମ୍ବୁ, ଏନାଆଁତାକି ଇତିହିଁ ଇଲେ ତଲେ ମାହାପୁରୁ ଦାମ୍ବୁତି କାମା କିନାୟିମାନେ □” ଏରେଟିଏ ଜହନ ମାନୁଝି ଆଡ଼େସି □

୧୬ ଜୀସୁ ବାପ୍ତିସ୍ତା† ଅଡ଼ି ଦେବୁଣିଏ ଏୟୁଟି ନିଙ୍ଗା ଖାଡ଼େସି □ ଏରେଟିଏ ହାଗୁ ଦେପିଆଡ଼େ, ଇଞ୍ଜା ମାହାପୁରୁଟି ସୁଦୁଜୀଝୁ ପାରଖା ପଗାଲେହେଁ ଜୀସୁ ଲାକ ରେଟା ଖାହିମାଟାଣି ଜହନ ମେସ୍ତେସି □

୧୭ ✨ଅଡ଼େ ମେହ୍ଦୁ, ହାଗୁଟି ଇ ହାଡ଼ା ଆଡ଼େ, “ଇଝାସି ନା ଜୀଝୁଟି ମୀରଏସି ଇଝାଣି ତାଣା ନା ହାରେକା ରାହାଁ ମାନେ □”

୪

ଜୀସୁଇଁ ତାୟିପାରି କିନାୟି
(ମାର୍କ ୧:୧୨-୧୩; ଲୁକ ୪:୧-୧୩)

୧ ✨ଏତିବେଲା ଜୀସୁ ସୟତାନ ତାଣାଟି ତାୟିପାରି କିଝି ଆହାଲି ସୁଦୁଜୀଝୁ ଲକୁ ହିଲାଆ ଚାୟୁତା ଅଡ଼େ □

୨ ଜୀସୁ ରୀ କଡ଼ି ଦିନା ଲାଆଁୟାଁ ମାଦେନା ଏନାଆଁ ତିନାଆନା ଉପାସା କିହାଁ ହାକି ଆଡ଼େସି □

୩ ଏତିବେଲା ସୟତାନ ତାନି ଦାରିତା ଖାହାନା ଏଲେଇରେ, “ନାନୁ ମାହାପୁରୁ ମୀରଏଣାଟି ଇତିସାରେ ଇ ଖାଲକାଣି ରୁଟି ଆହାଲି ହୁକୁମି ହୀମ୍ବୁ □”

୪ ସାମା ଜୀସୁ ଏଲେଇରେସି, “ଦାମ୍ବୁ ସାସ୍ତେରିତା ରାସ୍ତକି ଆହାମାନେ ମାଣ୍ଡସି ଖାରଇ ରୁଟି ତିଞ୍ଜାନା ନୀତଅସି, ସାମା ମାହାପୁରୁ ଗୁଡ଼ିଟି ହଡ଼ିମାନି ବଲୁ ତଲେ ନୀଡ଼ିନେସି □”

୫ ତାୟୁ ସୟତାନ ଜୀସୁଇଁ ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଇଲୁ ତୁଡ଼ିୟା ଲାକ ନିପହାନା,

୬ ଏଲେଇରେ, “ନାନୁ ମାହାପୁରୁ ମୀରଏଣାଟି ଇତିହିଁ ଇମ୍ବାଟି ଡ଼ଇକା ଗେମ୍ବାମ୍ବୁ,” ଦାମ୍ବୁ ସାସ୍ତେରିତା ରାସ୍ତକି ଆହାମାନେ,

ନିଙ୍ଗ ଜାଡ଼ୁ କିହାଲିତାକି ମାହାପୁରୁ ତାନି ଦୂତୁୟାଁ ହୁକୁମି ହୀନେସି;

“ନୀ କତାୟାଁ ଏନିକିଁ ଖାଲକାଣା ଆଡ଼ାଉ ଇଞ୍ଜା ଦୂତୁୟାଁ ନିଙ୍ଗ କେସ୍ତାତଲେ ପେରହା ଆସ୍ତାନୁ □”

୭ ଜୀସୁ ଏଦାନି ଏଲେଇରେସି, “ଦାମ୍ବୁ ସାସ୍ତେରିତା ରାସ୍ତକି ଆହାମାନେ, ନାନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି □”

୮ ଅଡ଼େ ଖେଣ୍ଡେ ସୟତାନ ଜୀସୁଇଁ କାଜା ହରୁ ଲାକ ଅହାନା ଦାରତିତି ବାରେ ରାଜି ଅଡ଼େ ଏମ୍ବାତି ବାରେ ଅଞ୍ଜୁ ଅଡ଼େ ଜୁପକା ତସାନା ଏଲେଇରେ,

୯ “ନାନୁ ନାଙ୍ଗେ ମେଣ୍ଡାକୁତାନା ଜହରା କିୟାଦି ଇତିହିଁ ନାନୁ ଇ ବାରେ ନିଙ୍ଗ ହିୟାଇଁ □”

୧୦ ଏମ୍ବାଟିଏ ଜୀସୁ ଏଲେଇରେସି, “ଏ ସୟତାନ ନା ତାଣାଟି ହେକ ହାଲାମ୍ବୁ! ଦାମ୍ବୁ ସାସ୍ତେରିତା ରାସ୍ତକି ଆହାମାନେ, ‘ଖାରଇ ନୀ ପ୍ରବୁ ମାହାପୁରୁଇଁ ଜହରା କିଦି ଅଡ଼େ ଖାରଇ ତାଙ୍ଗେଏ ସେବା କିଦି □’”

୧୧ ଏ ଦେବୁଣିଏ ସୟତାନ ଜୀସୁଇଁ ପିସାନା ହାଜାତୁସ୍ତେ; ଅଡ଼େ ଦୂତୁୟାଁ ଖାହାନା ଏଝାଣି ସେବା କିଡ଼ୁ □

ଜୀସୁ ଗାଲିଲିତା ତାନି କାମା ମାଟ୍ନାୟି
(ମାର୍କ ୧:୧୪-୧୫; ଲୁକ ୪:୧୪-୧୫)

☆ ୩:୧୦ ୩:୧୦ ମାତ ୭:୧୯ * ୩:୧୧ ୩:୧୧ ମୁଞ୍ଜିନାୟି † ୩:୧୧ ୩:୧୧ ମୁଞ୍ଜିନାୟି ‡ ୩:୧୨ ୩:୧୩ ମୁଞ୍ଜିନାୟି § ୩:୧୩ ୩:୧୩ ମୁଞ୍ଜିନାୟି * ୩:୧୪ ୩:୧୪ ମୁଞ୍ଜିନାୟି † ୩:୧୭ ୩:୧୭ ମୁଞ୍ଜିନାୟି ☆ ୩:୧୭ ୩:୧୭ ମାତ ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫ ☆ ୪:୧ ୪:୧ ଏଡ଼ି ୨:୧୮; ୪:୧୫ ☆ ୪:୧୭ ୪:୧୭ ମାତ ୧୪:୩; ମାର୍କ ୬:୧୭; ଲୁକ ୩:୧୯,୨୦

୧୬ *ଜହନଇଁ କାୟିଦି ଇଲୁତା ଇଚିତେରି
ଇଞ୍ଜିଁ ଖେଞ୍ଜାନା ଜୀସୁ ଏମ୍ବାଟିଏ ଗୁତା ଆହାନା
ଗାଲିଲିତା ଖାଡ଼େସି;

୧୭ *ଏଞ୍ଜାସି ନାଜରିତତା ଡୟାଆଡେସି,
ସାମା କପରନାହୁମତା ଡୟାଲି, ସୁବୁଲୁନ୍ ଅଡେ
ନପ୍ତାଲିତା ମାନି ର ଗାଲିଲି ସାମ୍ବୁରି ଗାଟୁତା ମାନି
ଗାଡ଼ାତା ହାରେସି □

୧୪ ଏନିକିହଁ ମାହାପୁରୁ ଅଣ୍ପୁତି ବଲୁ
ଖେହ୍ନି ଜିସାୟତି ହାଡ଼ା ସାତା ଆନେ, ଏଞ୍ଜାସି
ଏଲେଇଞ୍ଜାମାରେସି;

୧୫ “ସୁବୁଲୁନ୍ ଦେସା ଅଡେ ନପ୍ତାଲି ଦେସା
ସାମ୍ବୁରି ତାଗେ ଇଞ୍ଜା ଜର୍ଦନ କାତା
ଆତାଲାଖାକିତି, ଜୀହୁଦିଆଆତି ଗାଲିଲି!

୧୬ ଆନେରିତା ବାସା କିହିମାନି ଲକୁ କାଜା ଉଜେଡ଼ି
ମେସ୍ତେରି
ହାକିତି ନାସ୍କା ଅଡେ ସାହ୍ଡାତା ମାନି
ଲକୁତାକି

ଉଜେଡ଼ି ତଞ୍ଜାଆନେ □”

୧୭ *ଏ ବେଲାଟିଏ ଜୀସୁ ତାନି କାତା ଖେକହାଲି
ମାଟୁହେସି, “ମୀ ପାପୁ ପିସାନା ମନ ଖେଚହା
କଡାଦୁ, ଏନାଆଁତାକି ଇଚିହଁ ଲାକପୁରୁ ରାଜି
ଏଗାଞ୍ଜାହିମାନେ □”

ସାରି ଜାଣା ମୀଶକା ଆହନାରାଇଁ ଜୀସୁ
ହାଟିନାୟି

(ମାର୍କ ୧:୧୭-୨୦; ଲୁକ ୫:୧-୧୧)

୧୮ ଜୀସୁ ଗାଲିଲି ସାମ୍ବୁରି ଗାଟୁଟି ହାଜିମାଟାଟି
ସିମନ ଇନି ପିତର ଅଡେ ତାନି ତାୟି ଆୟିୟ, ଇ
ତାୟି ରିଆରି ସାମ୍ବୁରିତା ଜାଲା ମେଡ଼ହି ମାଟାଣି
ମେସ୍ତେସି, ଏନାଆଁତାକି ଇଚିହଁ ଏଞ୍ଜାରି ମୀଶକା
ଆହନାରି ମାରେରି □

୧୯ ଜୀସୁ ଏଞ୍ଜାରାଇଁ ଏଲେଇରେସି, “ନା ଜେଚ
ଖାଦୁ, ନାନୁ ମିଙ୍ଗ ଲକୁଣି ଆହନାଣି ଜାପୁହାଇଁ □”

୨୦ ଏଚେଟିଏ ଏଞ୍ଜାରି ଦେବୁଣିଏ ଜାଲା ପିସାନା
ଏଞ୍ଜାଣି ଜେଚ ହାରେରି □

୨୧ ଏମ୍ବାଟିଏ ଜୀସୁ ନକିତା ହାଜାନା ଜେବଦି
ମୀରକା ଜାକୁବ ଅଡେ ଏଞ୍ଜାଣି ତାୟି ଜହନ
ଦରୁଗାଟାସି ଇଞ୍ଜା ଅଡେ ରିଆରି ତାୟିୟା
ତାନି ଆବା ଜେବଦି ତଲେ ତଂଗତା ଜାଲା
ମୁଦା କିହିମାଟାଣି ମେସାନା ଏଞ୍ଜାରାଇଁ ଜିକେଏ
ହାଟିଡେସି □

୨୨ ଏଚେଟିଏ ଏଞ୍ଜାରି ଏ ଦେବୁଣିଏ ତଂଗ ଅଡେ
ତାନି ଆବାଇଁ ପିସାନା ଜୀସୁ ଜେଚ ହାରେରି □

ଜୀସୁ ସେବା କାମା ମାଟୁନାୟି
(ଲୁକ ୬:୧୭-୧୯)

୨୩ *ଡାୟୁ ଜୀସୁ ଗାଲିଲି ଦେସାତା ରେଜି
ରେଜିହଁ ଜୀହୁଦି ଲକୁତି କୁଟମି ଇଲୁକାଣା
ଜାପୁହିହଁ, ମାହାପୁରୁ ରାଜିତି ନେହଁ କାଟୁ
ଖେସିହଁ ରଗାଟାଟି ଲକୁଣି ନେହଁ କିହାଲି
ମାଟୁହେସି,

୨୪ ଅଡେ ଏଞ୍ଜାଣି କାତା ଦେସାତି ସାରିଞ୍ଜାକି
ଇଞ୍ଜା ସିରିୟା ଦେସାତା ଜିକେଏ ଖେଙ୍ଗାହାଚେ,
ଇଞ୍ଜା ଲକୁ ବୁଡୁୟା ଆଲୁଗା ମାଟାରାଇଁ,
କାଟିଖେତାରାଇଁ, ଇଞ୍ଜା ଟଟ ଖାୟିତାରାଇଁ;
ଇଲେତି ହାରେକା ରଗାଟି କସ୍ତୁ ଆହିମାନାରାଇଁ
ଜୀସୁ ନକିତା ତାତେରି, ଇଞ୍ଜା ଏଞ୍ଜାସି ଏଞ୍ଜାରାଇଁ
ନେହଁ କିଡେସି □

୨୫ ଅଡେ ଗାଲିଲି, ଦସଗଟା ନାସ୍କା,*
ଜିରୁସାଲମ, ଜୀହୁଦା ଅଡେ ଜର୍ଦନତି ଏ ଗାଟୁତା
ମାନି ନାସ୍କାଟି ହାରେକା ଲକୁ ଜୀସୁ ଜେଚ
ହାରେରି □

୫

ହରୁ ଲାକ ଜାପୁନାୟି

୧ ଜୀସୁ ହାରେକା ଲକୁଇଁ ମେସାନା ର ହରୁ ଲାକ
ହାଜାନା କୁଗିଡେସି, ଇଞ୍ଜା ସୀସୁୟା ଏଞ୍ଜାଣି ତାଗେ
ଖାଡ଼େରି □

୨ ଏମ୍ବାଟିଏ ଏଞ୍ଜାସି ଗୁତି ଏକହାନା ଜାପୁହାଲି
ମାଟୁହେସି □

**ଆମ୍ବାଆରି ନେହ୍ନାରି
(ଲୁକ ୬:୨୦-୨୩)**

୩ ଆମ୍ବାଆରି ଜୀଞ୍ଜୁତା ଏନାଆଁ ହିଲାଆ ଗାଟାରାକି
ନେହ୍ନେ,
ଏନିଇଚିହଁ ଲାକପୁରୁ ରାଜି ଏଞ୍ଜାରି ଖାଇଁ □

୪ ଆମ୍ବାଆରି ଦୁକୁତା ଡାହିମାନି ଲକୁତାକି ନେହ୍ନେ,
ଏନାଆଁତାକି ଇଚିହଁ ମାହାପୁରୁ ଏଞ୍ଜାରି ଦୁକୁ
ଡୁକନେସି □

୫ କପା ହିଲାଆ ଗାଟାରି ନେହ୍ନେ,
ଏନାଆଁତାକି ଇଚିହଁ ଦାରତିତା ଏଞ୍ଜାରି
ଅଦିକାରା ଆନେରି □

୬ ମାହାପୁରୁ ଦାମ୍ପୁତି କାମା କିହାଲି ହାକି ଏସ୍କି
ଗାଟାରି ଏଞ୍ଜାରାକି ନେହ୍ନେ,
ଏନାଆଁତାକି ଇଚିହଁ ମାହାପୁରୁ ଏଞ୍ଜାରାକି
ଲଡ଼ାମାନାଣି ବାରେ ହୀନେସି □

୭ ଏଟକା ଲକୁଣି କାର୍ମା ମେହ୍ନେରି, ଏଞ୍ଜାରାକି
ନେହ୍ନେ,
ଏନିଇଚିହଁ ମାହାପୁରୁ ଏଞ୍ଜାରାଇଁ କାର୍ମା
ମେହ୍ନେସି,

୮ ଆମ୍ବାଆରି ସୁଦୁ ହିୟା ଗାଟାରି ଏଞ୍ଜାରାକି ନେହ୍ନେ,

* ୪:୧୩ ୪:୧୩ ଜହ ୨:୧୨ * ୪:୧୭ ୪:୧୭ ମାତି ୩:୨ * ୪:୨୩ ୪:୨୩ ମାତି ୯:୩୫; ମାର୍କ ୧:୩୯ * ୪:୨୫ ୪:୨୫ ଦେକାପଲି

ଏନିଇତିହିଁ ଏଞ୍ଜାରି ମାହାପୁରୁଇଁ
 ମେହନେରି □
 ୯ ହିଡ଼ଡ଼ି ଗାଟି ଲକ୍ଷ୍ମ ନେହେଁ,
 ଏନିଇତିହିଁ ଏଞ୍ଜାରି ମାହାପୁରୁତି ମୀରକା
 ଇଞ୍ଜିଁ ଝେଙ୍ଗାନେରି □
 ୧୦ *ମାହାପୁରୁ ଦାମ୍ନୁ କାତାତାକି ଦୁକୁ ବେଟାଆନାରି
 ଏଞ୍ଜାରାକି ନେହେଁ,
 ଏନିଇତିହିଁ ଲାକପୁରୁ ରାଜି ଏଞ୍ଜାରିଝାୟି □
 ୧୧ *ଏତିବେଲା ଲକ୍ଷ୍ମ ମିଙ୍ଗ ନା ତାକି ନିନ୍ଦା କି
 ଲାଜା କିୟାନେରି, ଅଡ଼େ ନା ତାକି ଉଜେ ଉଜେଏ
 ମୀ କପାଟି ମିଟି କାତା ଜଲାନେରି, ଆତିହିଁ
 ମିଙ୍ଗେ ତାକି ନେହେଁ □
 ୧୨ *ରାହାଁ ଆହାନା ଏନ୍ଦାଦୁ, ଏନାଆଁତାକି
 ଇତିହିଁ ଲାକପୁରୁତା ମୀ ତାକି ହାରେକା ଦାନା
 ମାନେ; ଏଲେକିହିଁଏ, ମୀ ନକିତି ମାହାପୁରୁ
 ଅଣପୁତି ବଲୁ ଝେହନାରାଇଁ ଜିକେଏ ଇଲେକିହିଁ
 ନିନ୍ଦା କିହାମାଚେରି □

ହାରୁ ଅଡ଼େ ଉଜେଡ଼ି
 (ମାର୍କ ୯:୫୦; ଲୁକ ୧:୩୪-୩୫)

୧୩ *ମୀରୁ ବାରେ ଦାରୁତିତି ହାରୁ ଲେହେଁ, ସାମା
 ହାରୁ ମୁଆତିହିଁ, ଅଡ଼େ ଏଦାଆଁ ଏମ୍ବିୟା ଜିକେଏ
 ଲେମ୍ବାଲି ଆଏ, ଇଞ୍ଜାଁ ଏଦି ଏନି କାମାତା ପାଡ଼ା
 ଆଏ, ଲକ୍ଷ୍ମ ଏଦାଆଁ କଡ଼ାଁ ଡ଼ଇ ଝିସା ହାନେରି □
 ୧୪ *ମୀରୁ ଦାରୁତିତି ଉଜେଡ଼ି ଡେରି, ଆମିନି
 ଗାଡ଼ା ହରୁ ଲାକ କେପି ଆହାମାନେ, ଏଦି ଏଚେଲା
 ଡ଼ଗୁନା ଡ଼ୟାଲି ଆଡ଼େଏ □
 ୧୫ *ଅଡ଼େ ଦୀଞ୍ଜିଁ ଡ଼ାସାନା ଆମ୍ବାଆରି ମାଣା
 ପୁକ୍‌ହାନା ଇଟଅରି, ସାମା ଏଦାନି ଦୀଞ୍ଜିଁ ସଡ଼ାତା
 ଇତିନେରି, ଆତିହିଁ ଇଲୁତା ଝାନି ବାରେ ଲକ୍ଷ୍ମ
 ଉଜେଡ଼ି ମେହନେରି □
 ୧୬ *ଏଲେକିହିଁଏ ମୀ ଉଜେଡ଼ି ଲକ୍ଷ୍ମ ନକିତା
 ନେହିଁକିଁ ତଞ୍ଜାଆପେ, ଏନିକିଁ ଏଞ୍ଜାରି ମୀ
 ନେହିଁ କାମା ମେସାନା ଲାକପୁରୁତି ଆବାତି
 ଗାଞ୍ଜୁରମି କିନେରି □

ମେରାତି କାତା ଜାପ୍‌ନାୟି

୧୭ ନାଙ୍ଗେ ମସାତି ମେରା ଅଡ଼େ ମାହାପୁରୁ
 ଅଣପୁତି ବଲୁ ଝେହନାରି ମେରାତି ମେକ୍‌ହାଲି
 ଝାହାମାନେସି ଇଞ୍ଜିଁ ଅଣପାଆଦୁ; ନାନୁ
 ମେକ୍‌ହାଲି ଝାହାହିଲଅଁ ସାମା ଇ ବାରେ ପୂରା
 କିହାଲି ଝାହାମାଇଁ □
 ୧୮ *ଏନାଆଁତାକି ଇତିହିଁ ନାନୁ ମିଙ୍ଗେ
 ସାତା ଝେସିମାଞ୍ଜାଇଁ, ହାଗୁପାକା ଅଡ଼େ ଦାରୁତି
 ମେଣ୍‌ଙ୍ଗାଆ ପାତେକା ଇଞ୍ଜାଁ ଇ ବାରେ

ଆଆପାତେକା ମସା ମେରାତି ଇଚାୟି ସିନା
 ଜିକେଏ ମେଣ୍‌ଙ୍ଗେଏ □
 ୧୯ ଏନାଆଁତାକି ଇତିହିଁ ଆମ୍ବାଆସି ଇ ହୁକୁମିଟି
 ର ଉଣା ହୁକୁମି ମାନଞ୍ଜି ଆଅସି ଅଡ଼େ ଲକ୍ଷ୍ମ
 ଏଲେକିହିଁଏ ଜାପ୍‌ନେସି, ଏଞ୍ଜାସି ଲାକପୁରୁ
 ରାଜିତା ଉଣା ଇଞ୍ଜିଁ ଝେଙ୍ଗାନେସି; ସାମା
 ଆମ୍ବାଆସି ମାନଞ୍ଜି ଆନେସି ଅଡ଼େ ଜାପ୍‌ନେସି
 ଏଞ୍ଜାସି ଲାକପୁରୁ କାଜାସି ଇଞ୍ଜିଁ ଝେଙ୍ଗାନେସି □
 ୨୦ ଏନାଆଁତାକି ଇତିହିଁ ନାନୁ ମିଙ୍ଗେ
 ଝେସିମାଞ୍ଜାଇଁ, ମୀ ଦାମ୍ନୁ ମେରା ପୁନାରି ଅଡ଼େ
 ପାରୁସିୟାଁ ଦାମ୍ନୁ କିହାଁ ମୀ ନାମ୍ନୁ ହାରେକା
 ଆଆତିହିଁ, ମୀରୁ ଜିକେଏ ଲାକପୁରୁ ରାଜିତା
 ହଡ଼ାଲି ଆଡ଼ଅଡ଼େରି □

କପା ଗାଟାଣି ଜାପ୍‌ନାୟି

୨୧ “ମୀରୁ ଝେଞ୍ଜାମାଞ୍ଜେରି, ତଲିକାଲାତି
 ଲକ୍ଷ୍ମ ଝେସିଆହାମାଚେ, ‘ଲକ୍ଷ୍ମ ପାୟାଆଦୁ,
 ଆମ୍ବାଆରି ଲକ୍ଷ୍ମ ପାୟିନେରି, ଏଞ୍ଜାରି ନାହାଁୟି
 ପାଙ୍ଗାତା ତଣ୍ଡ ବେଟା ଆନେରି □’ ”
 ୨୨ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି
 ତାମି ତାୟି ଲାକ କପାଆନେସି, ଏଞ୍ଜାସି ନାହାଁୟି
 ପିଣ୍ଡାତା ତଣ୍ଡ ବେଟା ଆନେସି, ଇଞ୍ଜାଁ ଆମ୍ବାଆସି
 ତାମି ତାୟି କାରୁବିଗାଟାତି ଇଞ୍ଜିଁ ଇନେସି,
 ଏଞ୍ଜାସି ବେରଣିମାଣ୍ଡାତା ତଣ୍ଡ ବେଟା ଆନେସି;
 ଅଡ଼େ ଆମ୍ବାଆସି ପଲ୍‌ଆଗାଟାତି ଇଞ୍ଜିଁ ଇନେସି,
 ଏଞ୍ଜାସି ହିରୁ ଗାଡ଼ୟୁତା ମେଡ଼ପି ଆନେସି □
 ୨୩ ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା
 ତାତିମାନାଟି ମୀ ତାୟି କପାଟି ଏନି ହାଡ଼ା ମାନେ
 ଇଞ୍ଜିଁ ଏମ୍ବାଆଁ ଅଣପୁ ଝାନେ,
 ୨୪ ଆତିହିଁ ଏଦିଏମ୍ବାଆଁ ପୂଜା ପିଣ୍ଡାତା ମୀ
 ଦାନା ପିସାନା ହାଜୁ, ଇଞ୍ଜାଁ ମୀ ତାୟିତଲେ ଆଣ୍ଡିତି
 ଜେଟ ଝେଣ୍ଡା ଝାହାନା ମାହାପୁରୁ ନକିତା ଏ ଦାନା
 ହେରପାଦୁ □
 ୨୫ ନାନୁ ଗଡ଼ହା ଆଡ଼ାଣି ତଲେ ନାହାଁୟି
 କିନାଣି ତାଣା ହାନିବେଲାତା ଜିରୁତେଏ କାଲ୍‌ଞ୍ଜି
 ଆୟାଲି ଅଣପାମୁ, ଆଆତାଁ ଏଞ୍ଜାସି ନିଙ୍ଗେ
 ନାହାଁୟି କିନାଣି ତାଣା ହେରପାନେସି, ଅଡ଼େ
 ନାହାଁୟି କିନାସି ନିଙ୍ଗେ ଜାମାନାଙ୍ଗା କେନ୍ଦୁତା
 ହେରପାନେସି, ଅଡ଼େ ଏଞ୍ଜାରି କାୟିଦି ଇଲୁତା
 ସୁଣ୍ଡାନେରି □
 ୨୬ ନାନୁ ମିଙ୍ଗେ ସାତା ଝେସିମାଞ୍ଜାଇଁ ମୀ ତାକି
 କିଞ୍ଜିଆହାମାନି ର କାନି ଜିକେଏ ହାଆ ପାତେକା
 ଏମ୍ବାଟି ଏନିଜିକେଏ ହଡ଼ାଝାହାଲି ଆଡ଼ଅଡ଼େରି □

ଦାରିକାମା କିଆଦୁ ଇଞ୍ଜିଁ ଜାପ୍‌ନାୟି

☆ ୫:୧୦ ୫:୧୦ ଏପିତ ୩:୧୪ ☆ ୫:୧୧ ୫:୧୧ ଏପିତ ୪:୧୪ ☆ ୫:୧୨ ୫:୧୨ କାମା ୭:୫୨ ☆ ୫:୧୩ ୫:୧୩ ମାର୍କ ୯:୫୦; ଲୁକ
 ୧୪:୩୪,୩୫ ☆ ୫:୧୪ ୫:୧୪ ଜହ ୮:୧୨; ୯:୫ ☆ ୫:୧୫ ୫:୧୫ ମାର୍କ ୪:୨୧; ଲୁକ ୮:୧୭; ୧୧:୩୩ ☆ ୫:୧୬ ୫:୧୬ ଏପିତ
 ୨:୧୨ ☆ ୫:୧୮ ୫:୧୮ ଲୁକ ୧୭:୧୭

୨୭ ମୀରୁ ଖେଞ୍ଜାମାଞ୍ଜେରି, ଇଲେଇଞ୍ଜି ରାସ୍ତକି ଆହାମାନେ, ଦାରିକାମା କିଆଦୁ □

୨୮ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ର ଇୟାନି ଲାଗେଏତି ଅଣ୍ଡୁ ତଲେ ସିନିକିନେସି, ଇଞ୍ଜା ଏଞ୍ଜାସି ଏଦାନିତଲେ ମନ ମନତା ଦାରିକାମା କିତେସିଏ □

୨୯ ✽ଅଡେ ମୀ ଚିଃନି କାନୁ ମିଙ୍ଗେ ପାପୁ କିଞ୍ଜିକିୟାନେ ଇଚିହିଁ ଏ କାନୁ ଡେଞ୍ଜା କୁତାଦୁ, ଇଚିହିଁ ମୀ ବାରେ ଆଙ୍ଗା ନକର୍ତା ରୀନି କିହାଁ, ଆଙ୍ଗାତି ର ବାଗା ହିଲାଆଗାଟାଇ ନେହେଁ □

୩୦ ✽ଇଞ୍ଜା ମୀ ଚିଃନି କେୟୁ ମିଙ୍ଗେ ପାପୁ କିଞ୍ଜିକିୟାନେ ଇଚିହିଁ ଏଦାଆଁ ଜାଟାନା କୁତାଦୁ, ଇଚିହିଁ ମୀ ବାରେ ଆଙ୍ଗା ନକର୍ତା ରିନିବାଟା ଆଙ୍ଗାତି ର କେୟୁ ହିଲାଆଗାଟାୟି ନେହେଁ □

ଡକ୍ରିନି ପିହିନି କାତା

(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ✽ଅଡେ ରାସ୍ତକି ଆହାମାନେ, ଆମ୍ବାଆସି ତାନି ଡକ୍ରିନି ପିହିନେସି, ଇଚିହିଁ ଏଞ୍ଜାସି ଏଦାନାକି ପିହିନି ଆକୁ ରାଟାନା ହାପେସି □

୩୨ ✽ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ତାନି ଡକ୍ରିନି ଦାରି କାମାତି ଦହ ହିଲାଆନା ଡକ୍ରିନି ପିହିନେସି, ଏଞ୍ଜାସି ଏଦାନି ଦାରେଣି କିନେସି; ଅଡେ ଆମ୍ବାଆସି ପିସ୍ତ୍ର ଇୟାନି ବୀହା ଆନେସି, ଏଞ୍ଜାସି ଜିକେଏ ଦାରେଲା ଆନେସି □

ପାରମାଣା

୩୩ ଅଡେ ମୀରୁ ଖେଞ୍ଜାମାଞ୍ଜେରି, ତଲିକାଲାତି ଲକୁଣି ଖେସିପି ଆହିମାଟେ, ମୀରୁ ମିଚି ପାରମାଣା କିଆଦୁ, ସାମା ପାରମାଣା କିହାମାନାଣି ଡିକ୍‌ଆଦୁ, ମାହାପୁରୁ ନକିତା ପୁରା କିଦୁ □

୩୪ ✽ସାମା ନାନୁ ମିଙ୍ଗେ ଖେସିମାଞ୍ଜାଇଁ ପାରମାଣା କିଞ୍ଜୁଏ କିଆଦୁ; ପାରମାଣା କିନି ବେଲା ଲାକପୁରୁତି ଦରୁତଲେ ପାରମାଣା କିଆଦୁ, ଏନାଆଁତାକି ଇଚିହିଁ ଏଡି ମାହାପୁରୁତି ସିଂଗାସାଣି;

୩୫ ଅଡେ ଦାର୍ତ୍ତିତି ଦରୁତଲେ ପାରମାଣା କିଆଦୁ, ଏନାଆଁତାକି ଇଚିହିଁ ଏଡି ମାହାପୁରୁତି କତାୟା ଇଚିନି ଟାୟୁ; ଜିରୁସାଲମ ଦରୁତଲେ ପାରମାଣା କିଆଦୁ, ଏଡି ଆହିମାନେ କାଜା ରାଜାତି ଗାଡ଼ା;

୩୬ ଇଞ୍ଜା ମୀ ତାୟୁଁ ତୁଁ ପାରମାଣା କିଆଦୁ, ଇଚିହିଁ ମୀ ତାୟୁଁ ତୁଁ ର ବାଣା କାଡ଼ିୟା ଆଆତ୍ ଦବ୍‌ଲା କିହାଲିତାକି ମୀ ବାଡ଼ୟୁ ହିଲେଏ,

୩୭ ସାମା ମୀଦି ହାଅ ଇନି କାତା ହାଅ ଆପେ, ଇଞ୍ଜା ଆଏ ଇନି କାତା ଆଏ ଆପେ; ଇଦାଆଁ ପିସ୍‌ପେ ଏନାଆଁ ଇଚାଣି ଆଗାଡ଼ା କାଲୁହିହିଁ ଏଡି ଲାଗେଏ ତାଣାଟି ଖାନ୍‌ନେ □

**ରାକି ଆହନାୟି
(ଲୁକ ୭:୨୯-୩୦)**

୩୮ ମୀରୁ ଇ କାତା ଖେଞ୍ଜାମାଞ୍ଜେରି, ରାସ୍ତକି ଆହାମାନେ, କାନୁତି ବାଦୁଲି କାନୁ, ପାଲୁତି ବାଦୁଲି ପାଲୁ □

୩୯ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ମିଙ୍ଗେ ଲାଗେଏ କିୟାନାଣାଇଁ ବାଦୁଲି ଅଆଦୁ, ସାମା ଆମ୍ବାଆସି ନୀ ଚିଃନି ଗେଏଲାତା ସାପ୍‌ଡ଼ା ଖେତାନେସି, ଏଞ୍ଜାଣାକି ଅର ଗେଏଲା ଜିକେଏ ତହୁଦୁ □

୪୦ ଇଞ୍ଜା ଆମ୍ବାଆସି ନୀହାଁୟି ପାଙ୍ଗାତା ମୀ ସକା ଅହାଲି ମନ କିଚିହିଁ ଏଞ୍ଜାଣାକି ମୀ ହିମ୍‌ପରି ଜିକେଏ ହାଦୁ □

୪୧ ଆମିନି ଦେସା ସାଲୁଞ୍ଜି କିନାସି ମିଙ୍ଗେ ବଜୁ ଡେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜାନେସି, ଏଞ୍ଜାଣିତଲେ ରୀ କିଲମିଟର ହାଜୁ □

୪୨ ଆମ୍ବାଆସି ମିଙ୍ଗେ ରାସ୍ତାନେସି, ଏଞ୍ଜାଣାକି ହାଦୁ, ଅଡେ ଆମ୍ବାଆସି ମୀ ତାଣାଟି ରୀଣା ଅହାଲି ମନ କିନେସି ଏଞ୍ଜାଣାଇଁ ଆଏ ଇନାଆଦୁ □

**ସାତୁୟାଁଇଁ ଜୀଞ୍ଜୁନଦୁ
(ଲୁକ ୭:୨୭-୩୨)**

୪୩ ମୀରୁ ଖେଞ୍ଜାମାଞ୍ଜେରି, ରାସ୍ତକି ଆହାମାନେ, ମୀ ପାଡ଼ିତାଣାଇଁ ଜୀଞ୍ଜୁନଦୁ ଇଞ୍ଜା ସାତୁୟାଁଣି ଅପାଆଦୁ □

୪୪ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ମୀ ସାତୁୟାଁଇଁ ଜୀଞ୍ଜୁନଦୁ, ଇଞ୍ଜା ଆମ୍ବାଆରି ମିଙ୍ଗେ ନିନ୍ଦା କିୟାନେରି, ଏଞ୍ଜାରି ତାକି ପ୍ରାଟାନା କିଦୁ □

୪୫ ଏନିକିଁ ମୀରୁ ମୀ ଲାକପୁରୁ ଆବାତି ମୀରକା ଆଦେରି; ସାମା ମାହାପୁରୁ ନେହାଁରି ଅଡେ ଲାଗେଏ ପଲେଏତି ବାରେ ଲକୁତାକି ଖେଡ଼ା ଉଜେଡ଼ି ହାନାସି ଅଡେ ଦାମ୍‌ଗାଟାରି ଅଡେ ଦାମ୍‌ ହିଲାଆ ଗାଟାରାକି ଜିକେଏ ପିୟୁ ହାନେସି □

୪୬ ଇଞ୍ଜା ଆମ୍ବାଆରି ମିଙ୍ଗେ ଜୀଞ୍ଜୁ ନୟାଁନେରି ଏ ଲକୁଇଁଦେଁ ଜୀଞ୍ଜୁ ନଡ଼ିହିଁ ଏନାୟି ମେଡ଼ାଆୟାନେ ? ସିସ୍ତ୍ର ରାହନାରି ଜିକେଏ ଏଦାଆଁ କିଅରିକି ?

୪୭ ଅଡେ ମୀରୁ ମୀ ତାୟୁୟାଁଇଁ ଜହରା କିଦେରି, ଏମ୍‌ପାଟିଏ ଅଡେ ଏନି କାମା କିଦେରି ? ଜୀହୁଦିଆଆତାରି ଜିକେଏ ଏଦାଆଁ କିଅରିକି ?

✽ ୫:୨୯ ୫:୨୯ ମାତି ୧୮:୯; ମାର୍କ ୯:୪୭ ✽ ୫:୩୦ ୫:୩୦ ମାତି ୧୮:୮; ମାର୍କ ୯:୪୩ ✽ ୫:୩୧ ୫:୩୧ ମାତି ୧୯:୭; ମାର୍କ ୧୦:୪
✽ ୫:୩୨ ୫:୩୨ ମାତି ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮; ୧କର ୭:୧୦,୧୧ ✽ ୫:୩୪ ୫:୩୪ ଜାକୃବ ୫:୧୨; ମାତି ୨୩:୨୨

୪୮ ଏଦାଆଁତାକି ମୀ ଲାକପୁରୁତି ଆବା ଏନିକ୍ ବାରେକିହାଁ ନେହାଁସି ମୀରୁ ଜିକେଏ ଏଲେକ୍ ନେହ୍ ଆଦୁ □



ଦାନା ହୀନାଣି ଜାପ୍ନାୟି

୧ *ଲକୁ ମେସାପେରିଝା ଇଞ୍ଜି ଲକୁ ନକିତା ଦାମ୍ଭୁତି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା ଆଦୁ, ଆଆତିହ୍ ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ □

୨ ଏଦାଆଁତାକି ଦାନା ହୀନାଟି କୁଟୁ ଗାଟାରିଲେହେଁ ଜାହାରା ନକିତା ତାଡ଼ି ଉକାଆଦୁ; ଏଝାରି ଲକୁ ତାଣାଟି ମାନି ବେଟାଆହାଲି ଜୀହୁଦି ଲକୁତି କୁଟମି ଇଲୁତା* ଅଡେ ମାଦି ଆଂଗେଣିତା ଏଲେକିନେରି, ନାନୁ ମିଙ୍ଗେ ସାତା ଝେସିମାଞ୍ଜାଇଁ ଏଝାରି ତାମି ଦାନା ବେଟାଆହାମାନେରି □

୩ ସାମା ମୀରୁ ଦାନା ହୀନାଟି ମୀ ଟିଝନି କେୟୁ ଏନାଆଁ କିହିମାନେ ମୀ ଟେବୁ କେୟୁ ପୁନାଆପେ,

୪ ଏନିକ୍ ମୀ ଦାନା ହୀତାୟି ପୁନାଆରେଟୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେଟୁ ମେହନାସି, ଏଝାସି ମିଙ୍ଗେ ଦାନା ହିୟାନେସି □

ପ୍ରାତାନା (ଲୁକ ୧୧:୨-୪)

୫ *ପ୍ରାତାନା କିନାଟି କୁଟୁ ଗାଟାରିଲେହେଁ ଆଆଦୁ, ଏନାଆଁତାକି ଇତିହ୍ ଏଝାରି ଲକୁଣି ତସାଲି ତାକି, ଜୀହୁଦି ଲକୁତି କୁଟମି ଇଲୁତା† ଅଡେ ଡେଡା ଜିରୁତି କନତା ନିତାନା ପ୍ରାତାନା କିହାଲି ରାହାଁ ଆନେରି; ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାରି ତାମି ଦାନା ବେଟାଆହାମାନେରି □

୬ ସାମା ମୀରୁ ପ୍ରାତାନା କିନାଟି ମୀ ଇଲୁ ବିଡା ହାକୁ, ଇଞ୍ଜା ଦାରା ସୁଣ୍ଡା କଡାଦୁ ଅଡେ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା ପ୍ରାତାନା କିଦୁ; ଅଡେ ମୀ ଆବା ଆମ୍ବାଆସି ଡୁଗ୍ନାନା ମେସାନେସି ଏଝାସି ମିଙ୍ଗେ ଦାନା ହିୟାନେସି □

୭ ମୀରୁ ପ୍ରାତାନା କିନାଟି ଜୀହୁଦିଆଆତାରି ଲେହେଁ ଉଜେ ଉଜେଏ ପେଚେପେଚେ ଜଲ୍ଲାଆଦୁ, ଏନାଆଁତାକି ଇତିହ୍ ଏଝାରି ଅଣ୍ପିନେରି, ହାରେକା ପ୍ରାତାନା କିତିସାରେ ମା ପ୍ରାତାନା ମାହାପୁରୁ ଝେଞ୍ଜାନେସି □

୮ ଏଦାଆଁତାକି ଏଝାରିଲେହେଁ ଆଆଦୁ, ଏନାଆଁତାକି ଇତିହ୍ ମିଙ୍ଗେ ଏନାୟି ଲଡାମାନେ, ରୀହୁଆ ନକେଏ ଏଦାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି □

୯ ଅଡେ ମୀରୁ ଇଲେକିହ୍ ପ୍ରାତାନା କିଦୁ; ଏ ମା ଲାକପୁରୁତି ଆବା,

ନୀ ଦରୁ ନେହାୟି ଇଞ୍ଜି ମାନଝି ଆପେ;

୧୦ ନୀ ରାଜି ଝାପେ;

ଲାକପୁରୁତି ଲେହେଁ ଦାର୍ତତିତା ଜିକେଏ ନୀ କାଡେଏ ଆପେ,

୧୧ ନୀଞ୍ଜୁ ମାଙ୍ଗେ ଲଡା ଆନି ରାନ୍ଦା ହିୟାମ୍,

୧୨ ମା କପାତଲେ ଦହ କିହାମାନି ଲକୁଣି ମାମ୍ ଏନିକିହ୍ ଦହ ଆହୁଅମି,

ଏଲେକିହ୍ ମା ଦହ ବାରେ ମେକ୍‌ହାମ୍ □

୧୩ ମାଙ୍ଗେ ପାନ୍ଦାତା ମେଡହାଆନି ଲାଗେଏ ପଲେଏ ତାଣାଟି ପିସ୍ପି କିୟାମ୍,

ଏନିଇତିହ୍ ରାଜି ବାଡ଼ୟୁ କାଜାପାଣା କାଲା କାଲାତାକି ନୀଦିଏ ଆପେ □ ଆମେନ୍ □

୧୪ *ଇତିହ୍ ମୀରୁ ଏଟକା ଲକୁତି ପାପୁ ବାରେ ମେକ୍‌ହିସାରେ, ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମେକ୍‌ହାନେସି;

୧୫ ସାମା ମୀରୁ ଲକୁତି ପାପୁ ମେକ୍‌ଆସାରେ, ମୀ ଆବା ଜିକେଏ ମୀ ପାପୁ ମେକ୍‌ହୁଅସି □

ଉପାସା କିନାଣି ଜାପ୍ନାୟି

୧୬ ଉପାସା କିନାଟି କୁଟୁ ଗାଟାରିଲେହେଁ ମୀ ମୁମ୍‌ଡୁ ଝାଡ଼ି କିଆଦୁ, ଏନାଆଁତାକି ଇତିହ୍ ଏଝାରି ଉପାସା କିହିମାନେରି ଇଞ୍ଜି ଲକୁଣି ତସାଲି ତାମି ମୁମ୍ ଝାଡ଼ି କିନେରି; ନାନୁ ମିଙ୍ଗେ ସାତା ଝେସିମାଞ୍ଜାଇଁ ଏଝାରି ତାମି ଦାନା ବେଟାଆହାମାନେରି □

୧୭ ସାମା ମୀରୁ ଉପାସା କିନାଟି, ମୀ ତାୟି ତୁ ନିୟୁଁ ଉହ୍‌ଦୁ ଅଡେ ମୁମ୍ ନୁରହା କଡାଦୁ □

୧୮ ଏନିକ୍ ମୀରୁ ଉପାସା କିହିମାଞ୍ଜେରି ଇଞ୍ଜି ଲକୁ ନକିତା ତଞ୍ଜା ଆଆନା, ପୁନାଆରେଟୁ ମାନି ମୀ ଲାକପୁରୁତି ଆବା ନକିତା ତଞ୍ଜା ଆଦେରି; ଅଡେ ମୀ ଆବା ପୁନାଆରେଟୁ ମେସାନା ମିଙ୍ଗେ ଦାନା ହିୟାନେସି □

ଲାକପୁରୁତି ଦନ୍ (ଲୁକ ୧୨:୩୩-୩୪)

୧୯ “ଏମ୍‌ୟା ସୀରନେ ଇଞ୍ଜା ଲୀମ୍‌ଡୁତିନେ ଅଡେ ସରକା କାତି ତୁଡହାନା ସରୁ କିହା ଅନେରି, ଇଲେତି ଦାର୍ତତିତା ମିଙ୍ଗେତାକି ଦନ୍ କୁଡ଼ିକିହାଁ ଇଟାଆଦୁ □

୨୦ ସାମା ଆମ୍‌ୟା ସୀରଏ ଇଞ୍ଜା ଲୀମ୍‌ଡୁତିନେଏ ଅଡେ ସରକା କାତି ତୁଡହାନା ମାଣ୍ଡା ଅଅରି ଇଲେତି ଲାକପୁରୁ ମିଙ୍ଗେତାକି ଦନ୍ କୁଡ଼ି କିଦୁ,

୨୧ ଇତିହ୍ ଆମ୍‌ୟା ମୀ ଦନ୍ ଏମ୍‌ଏଏ ମୀ ମନ୍ ଜିକେଏ ମାନେ □”

* ୭:୧ ୭:୧ ମାତ୍ରି ୨୩:୫ * ୭:୨ ୭:୨ ସିନଗର୍ * ୭:୫ ୭:୫ ଲୁକ ୧୮:୧୦-୧୪ † ୭:୫ ୭:୫ ସିନଗର୍ * ୭:୧୪ ୭:୧୪ ମାର୍କ ୧୧:୨୫,୨୬

**ଆଜ୍ଞାତି ଉଦ୍ଦେଷ୍ଟି
(ଲୁକ ୧୧:୩୪-୩୬)**

୨୨ କାନୁ ଆଜ୍ଞାତି ଦୀର୍ଘ ଲେହେଁ, ଇତିହାସ ମୀ କାନୁ ନେହା ମାନେ, ଆତିହାସ ମୀ ବାରେ ଆଜ୍ଞା ଉଦ୍ଦେଷ୍ଟି ଆନେ □

୨୩ ସାମା ମୀ କାନୁ ଲାଗେଏ ମାନେ, ଆତିହାସ ମୀ ବାରେ ଆଜ୍ଞା ଜିକେଏ ଆନ୍ଦେରି ଆନେ □ ଏନାଆଁତାକି ଇତିହାସ ମୀ ଆଜ୍ଞାତି ଉଦ୍ଦେଷ୍ଟି ଆନ୍ଦେରି ଆତିହାସ ଏ ଆନ୍ଦେରି ଏଚେକା ଆଜିନାୟି ଆନେ □

**ମାହାପୁରୁ ଅଡ଼େ ଦନ
(ଲୁକ ୧୨:୧୩; ୧୨:୨୨-୩୧)**

୨୪ ଆମ୍ବାଆସି ଜିକେଏ ରୀ ସାସୁକାରି ତାଣା ହଲେଏସି ଆହାଲି ଆଡ଼ଅସି; ଏନାଆଁତାକି ଇତିହାସ ଏଞ୍ଜାସି ରଅଣାଲ୍ ଜୀସୁ ନନେସି, ଅଡ଼େ ରଅଣାଲ୍ ଅପଅସି, ରଅଣାଲ୍ ମାନି କିନେସି ଅଡ଼େ ରଅଣାଲ୍ ମାନୁଡ଼ି ଆଅସି, ମୀରୁ ମାହାପୁରୁ ଅଡ଼େ ଦନତି ହଲିୟାଜା ଆହାଲି ଆଡ଼ଅଡ଼େରି □

୨୫ ଏଦାଆଁତାକି ନାନୁ ମିଜେ ଖେସିମାଜ୍ଞାଲ୍, ଏନାଆଁ ତିନାୟି ଏନାଆଁ ଗହନାୟି, ଏଲେକା ମୀ ଜୀସୁତାକି, ଏନାଆଁ ତୁରନାୟି ଇଲେକା ମୀ ଆଜ୍ଞା ତାକି ଅଣ୍ଠାଆଦୁ, ରାନ୍ଦାକିହା ଜୀସୁ, ହିମ୍ବରକା କିହା ଆଜ୍ଞା କାଜାୟି ଆଏକି ?

୨୬ ପଟାୟାଣି ସିନିକିଦୁ, ଏଞ୍ଜି ମାଟାଉ କି ଦାଉ କି ଗାଦେୟିତା କୃତିକିହା ଇଟାଉ, ଏଲେଆଡ଼ିଞ୍ଜା ଲାକପୁରୁତି ଆବା ଏଞ୍ଜାସିକାକି ତାମି ରାନ୍ଦା ହାହିମାନେସି, ଏଞ୍ଜାସିକା କିହା ମୀରୁ କାଜାଡ଼େରି ଆଏକି ?

୨୭ ଅଡ଼େ ମୀ ବିଦ୍ରାତି ଆମ୍ବାଆସି ତାନି ଗାଡ଼ି ଅଣ୍ଠା ତଲେ ତାନି ଜୀସୁତି ଆଗାଡ଼ା ପାଡ଼ିକିହାଲି ଆଡ଼ିମାନେସି ?

୨୮ ହିମ୍ବରକା ତାକି ଏନାଆଁତାକି ଅଣ୍ଠାମାଜ୍ଞେରି ? ଜାଡ଼ାତି ପୁଜାଣି ସିନିକିହା ଅଣ୍ଠାମା ଜାପାଦୁ, ଏଞ୍ଜି ଏନିକା ପାତାଆନୁ; ଏଞ୍ଜି କସ୍ତ କିଉ କି ଲୁଲୁ ଦାଉ,

୨୯ ଆଡ଼ିଜିକେଏ ନାନୁ ମିଜେ ଖେସିମାଜ୍ଞାଲ୍, ରାଜା ସଲମନ ଗାଡ଼ି ଦାରାଡ଼ି ହିମ୍ବରକା ହୁତିମାଡ଼ିହା ଜିକେଏ ଏ ପୁଜା ବିଦ୍ରାତି ର ପୁରୁ ଲେହେଁ ଅଜ୍ଞା ହିଲାଆଡ଼େସି □

୩୦ ସାମା ଗୁଡ଼ିୟାତା ତୁୟିନି ଗାକା ଜାଡ଼ା ନୀଞ୍ଜୁ ମାନେ ଝିଏ ହଲୁତା ହୁଡ଼କିଆନେ, ଏଦାନାକି ମାହାପୁରୁ ଇଚେକା ନେହା ଅଜ୍ଞୁ ହାଡ଼ିହା, ଏ ନାମୁ ହିଲାଆଗାଟାଡ଼େରି ମିଜେ ହାରେକା ଗାଡ଼ି ହିମ୍ବରକା ହିୟଅସିକି ?

୩୧ ଏଦାଆଁତାକି ଏନାଆଁ ତିନମି, ଏନାଆଁ ଗହନମି, ଏନାଆଁ ପରନମି ଏଲେକିହା ଅଣ୍ଠାଆଦୁ □

୩୨ ଇତିହାସ ଜୀହୁଦିଆଆତି ଲକୁ ଇ ବାରେ ପାରିନେରି, ଅଡ଼େ ଇ ବାରେ ମିଜେ ଲଡ଼ାମାନେ ଇଞ୍ଜା ମୀ ଲାକପୁରୁତି ଆବା ପୁଜାମାନେସି □

୩୩ ସାମା ମୀରୁ ନଚେଏ ମାହାପୁରୁତି ରାକି ଅଡ଼େ ଦାମୁତି ପାରାଦୁ, ଆତିହାସ ମୀ ଲଡ଼ାମାନି ବାରେ ହାପକିଆନେ □

୩୪ ଇତିହାସ ଝିଏତାକି ଅଣ୍ଠାଆଦୁ, ଏନାଆଁତାକି ଇତିହାସ ଝିଏତି ଅଣ୍ଠାପୁ ଝିଏ ମୀରୁ ମିଜେତାକି ଅଣ୍ଠାପିଦେରି, ଇତିହାସ ନୀଞ୍ଜୁତି କସ୍ତ ନୀଞ୍ଜୁତାକି ସାରି □



**ଏଚକା ତାରାଲ୍ ନାହାୟି କିନାୟି
(ଲୁକ ୭:୩୭-୩୮; ୪:୧-୪୨)**

୧ ମୀରୁ ଏନିକା ନାହାୟି କିଞ୍ଜି ଆଅଡ଼େରି, ଏଦାଆଁତାକି ମୀରୁ ଆମ୍ବାଆରାଲ୍ ନାହାୟି କିଆଦୁ □

୨ ଇତିହାସ ମୀରୁ ଏନିକା ଲକୁଣି ନାହାୟି କିଦେରି, ଏଲେକିହା ଏ ମୀରୁ ଜିକେଏ ନାହାୟି କିଞ୍ଜିଆଦେରି; ଅଡ଼େ ଆମିନି ମାଣାତଲେ ଲାଡ଼ିଦେରି ଏ ମାଣା ତଲେ ମିଜେ ଲାଡ଼ା ହିୟାନେରି □

୩ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଜ୍ଞି, ସାମା ନୀ କାନୁତା ଆମିନି କାଜା ଲାଟା ମାନେ, ଏଦାଆଁ ଅଣ୍ଠାପି ହିଲଅତି କି ?

୪ ଅଡ଼େ ନୀନୁ ଏନିକା ମୀ ତାୟିଲ୍ ଏଲେଇଞ୍ଜି ଝାମୁ, ନୀ କାନୁତି ଲାଟା ଡ଼େଞ୍ଜାଲ୍, ଅଡ଼େ ମେହମୁ ନୀ କାନୁଡ଼େଏ କାଜା ଲାଟା ମାନେ!

୫ ଆଡ଼େ କୁରୁ ଗାଟାଡ଼ି ତଲିଏ ନୀ କାନୁତି ଲାଟା ଡ଼େଞ୍ଜା କଡ଼ାମୁ, ଆତିହାସ ମୀ ତାୟି କାନୁତି ଲାଟା ଡ଼େଞ୍ଜାଲି ନେହାକା ମେସାଲି ଆଡ଼ିଦି □

୬ “ନେହା ଆସିତି ନେସକାକି ହାଆଦୁ, ଏଞ୍ଜି ଝେଣ୍ଡେ ତିରଞ୍ଜାହା କାଟାନୁ ଇଞ୍ଜା ବାଂଗାରା କିହା ଆଗାଡ଼ା ଦାରାଗାଟି ହାଜା ପାଜିୟା ନକିତା ମେଡ଼ଆଦୁ, ଏଞ୍ଜି ଏଦାନି କାଡ଼ତା ତୁଡ଼ବିନୁ □”

**ରୀହୁଦୁ, ପାରାଦୁ ଅଡ଼େ ଦୁଝେରିତା ଝେଡୁ
(ଲୁକ ୧୧:୯-୧୩)**

୭ “ରୀହୁଦୁ ଆତିହାସ ମିଜେ ହାପକିଆନେ; ପାରାଦୁ ଆତିହାସ ମିଜେ ମେଡ଼ାଆୟାନେ; ଦୁଝେରିତା ଝେଡୁ, ଏଚେଟିଏ ମିଜେତାକି ଦୁଝେରି ଦେପିଆନେ □

୮ ଇତିହାସ ଆମ୍ବାଆସି ରୀହୁନେସି, ଏଞ୍ଜାସି ବେଟାଆନେସି; ଆମ୍ବାଆସି ପାରିନେସି, ଏଞ୍ଜାସି ମେଡ଼ିକିନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଞ୍ଜାଣାକି ଦାରା ଦେପିଆନେ □

୯ ଇତିହାସ ମୀ ବିତ୍ତା ଆମ୍ବାଆସି ଇଲେତି ମାଣ୍ଡି ମାନେସି, ତାନି ମୀରୁଏସି ରୁଟି ରାସ୍ତିସାରେ ଏଞ୍ଜାଣାକି ଖାଲକା ହାନେସି,

୧୦ ଅଡେ ମୀନୁ ରାସ୍ତିସାରେ ଏଞ୍ଜାଣାକି ରାଚୁ ହାନେସି ?

୧୧ ଏଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡିଜିକେଏ ମୀ ମୀରୁକା ମାସକାକି ନେହାଁଣି ହାହିମାଞ୍ଜେରି, ଆଡିହାସି ମୀ ଲାକପୁରୁତି ଆବା ନକିତା ରାହନି ଲକୁକି ଏଚେକା ନେହା ନେହାଁଣି ହାଅସି!”

୧୨ “ଏଦାଆଁତାକି ଲକୁ ମିଙ୍ଗେ ତାକି ଏନିକିଲେମ୍ବାପେରି ଇଞ୍ଜି ମୀରୁ ଅଣ୍ଡିମାଞ୍ଜେରି, ମୀରୁ ଜିକେଏ ଏଞ୍ଜାରାଲ୍ ଏଲେକିହାସି କିବୁ, ଏଦାଆଁତାକି ଇତିହାସି ଇଦିଏ ମସାତି ମେରା ଅଡେ ମାହାପୁରୁ ଅଣ୍ଡପୁତି ବଲୁ ଖେହନି ଦାମ୍ବୁ ପତିତି କାତା □”

ଜାକ୍ଣି ଦୁଖେରି
(ଲୁକ ୧୩:୨)

୧୩ ଜାକ୍ଣି ଦୁଖେରିଟି ହାଲୁ, ଏଦାଆଁତାକି ଇତିହାସି ନକିତା ହାନି ଜିରୁ ଅସାରା ଅଡେ ଉସାସା, ଏ ଜିରୁ ନାସା ଆନିଞ୍ଜାକି ଅନାୟି, ଏ ଜିରୁଟି ହାଡେକା ଲକୁ ହାନେରି □

୧୪ ଅଡେ ଜୀଞ୍ଜୁତା ଅନି ଦୁଖେରି ଜାକ୍ଣି ଇଞ୍ଜା ଏମ୍ବାଆଁ ହାନି ଜିରୁ କସ୍ତୁଗାଟାୟି ଏ ଜିରୁଟି ହାନି ଲକୁ ହାଡେକା ଉଶା □

ମାରୁନୁ ଅଡେ ତାନି ପାଡେୟି
(ଲୁକ ୬:୪୩-୪୪)

୧୫ “ମାହାପୁରୁ ବଲୁ ଖେହନାତମି ଇଞ୍ଜି ଖେସାନା ମିତି କାତା ଖେହନାରି ତାଣାଟି ଜାଗ୍ରାତା; ଏଞ୍ଜାରି ମେଣ୍ଡାୟି ଖାଣା ଆସାନା ମୀ ତାଣା ଖାନେରି, ସାମା ଏଞ୍ଜାରି ହିୟାତା କାରବି ଆଡି କ୍ଷାଣି!”

୧୬ ଏଞ୍ଜାରି କାମା ମେସାନା ମୀରୁ ଏଞ୍ଜାରାଲ୍ ପୁଞ୍ଜାଲି ଆଡିଦେରି, ଲକୁ ହାପ୍ତକା ମାରୁନୁତା ଅଲ୍ଲୁରି ପାଡେୟି ଆଆଡିହାସି ଅଣ୍ଡା ମାରୁନୁତା ତୟା ପାଡେୟି ଏହନେରି ?

୧୭ ଏଲେକିହାସି ନେହାସି ମାରୁନୁତା ବାରେ ନେହାସି ପାଡେୟି ଅଡେ ଲାଗେଏତି ମାରୁନୁତା ବାରେ ଲାଗେଏତି ପାଡେୟି ଆୟିନେ □

୧୮ ନେହାସି ମାରୁନୁ ଲାଗେଏତି ପାଡେୟି ଆୟାଲି ଆଡେଏ, ଅଡେ ଲାଗେଏତି ମାରୁନୁ ନେହାସି ପାଡେୟି ଆୟାଲି ଆଡେଏ □

୧୯ ଏଆମିନି ମାରୁନୁ ନେହାସି ପାଡେୟି ଆୟେଏ, ଏଦାନି ଟୁଣ୍ଡି ଆହାନା ହିରୁତା ମେଡ଼ପି ଆନେ □

୨୦ ଏଲେକିହାସି ମିତି ମାହାପୁରୁ ବଲୁ ଖେହନାରାଲ୍ ତାମା କାମା ତଲେ ପୁଞ୍ଜାଲି ଆଡିନାୟି □”

ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜିଅଁ
(ଲୁକ ୧୩:୨୫-୨୬)

୨୧ “ନାଙ୍ଗେ ‘ପ୍ରୁ, ପ୍ରୁ’ ଇଞ୍ଜି ହାଟାନେରି, ଏଲେତି ବାରେକାଣା ଲାକପୁରୁ ରାଡିତା ହାଲଅରି, ସାମା ଆମ୍ବାଆରି ନା ଲାକପୁରୁତି ଆବା ଖେସ୍ତି କାତା ମାନଞ୍ଜି ଆନେରି, ଏଞ୍ଜାରି ହାକାଲି ଆଡିନେରି □

୨୨ ଏ ଦିନା ହାଡେକା ନାଙ୍ଗେ ଏଲେଇଞ୍ଜାନେରି, ଏ ପ୍ରୁ ଏ ପ୍ରୁ ମାମ୍ବୁନୀ ଦରୁତଲେ ମାହାପୁରୁ ଅଣ୍ଡପୁତି ବଲୁ ଖେହାଆତମି କି ? ଅଡେ ନୀ ଦରୁତଲେ ବୁଡୁୟାଲ୍ ପିସ୍ପି କିଆତମି କି ? ଅଡେ ନୀ ଦରୁତଲେ ହାଡେକା କାବାଆନି କାମା କିଆତମି କି ?

୨୩ ଏଚିବେଲା ନାନୁ ଏଞ୍ଜାରାଲ୍ ତୀରେତଲେ ଏଲେଇଲ୍ ‘ଏ ଲାଗେଏ ପଲେଏ ଗାଟାଡେରି, ନା ତାଣାଟି ହେକ ଆଦୁ, ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜିଅଁ □”

ରୀ ଇଲକା କେପିନାରି
(ଲୁକ ୬:୪୭-୪୯)

୨୪ “ଇଞ୍ଜା ଆମ୍ବାଆସି ଇ ନା ହାଡା ଖେନେସି ଅଡେ ମାନଞ୍ଜି ଆନେସି, ଏଞ୍ଜାସି ପାକା ଖାଲି ଲାକ ଇଲୁ କିନି ର ବୁଦିଗାଟି ଲକୁ ଲେହେତାସି □

୨୫ ଗାଡି ପିୟୁ ରୀତେ ଖାରୁ ଖାଡେ ଅଡେ ଗାଲି ଆଡେ, ଏ ଇଲୁତି ଗୁପିତେ, ସାମା ଏ ଇଲୁ ରିଆଡେ, ଇତିହାସି ଏଡି ପାକାତା କାମା କାରହାନା ପୁନାଦି ଦସାମାଟାୟି □”

୨୬ “ଅଡେ ଆମ୍ବାଆସି ଇ ନା ହାଡା ଖେଞ୍ଜାନା ମାନଞ୍ଜି ଆଅସି ଏଞ୍ଜାସି ବାଃଲି ଲାକ ଇଲୁ କେପା ଡୟିନି ବୁଦି ହିଲାଆଗାଟି ଲକୁ ଲେହେତାସି □

୨୭ ଗାଡି ପିୟୁ ରୀତେ, ଖାରୁ ଖାଡେ ଅଡେ ଗାଲି ଆଡେ, ଏ ଇଲୁତି ଗୁପିତେ ଏମ୍ବାଟିଏ ଇଲୁ ତରଗାହାଜା ବୁମିତା ଆଣ୍ଡିତେ □”

ଜୀସୁତି କାଜାପାଣା

୨୮ ଏଜୀସୁ ଇ ବାରେ କାତା ରାପ୍ତହି ଜେତ ତାନି କାତା ଖେଚାରି କାବା ଆଡେରି □

୨୯ ଇତିହାସି ଏଞ୍ଜାସି ତାନି ବୁଦି ଗାଟାରିଲେହେ ଜାପ୍ତାନା ଅଦିକାରା ବେଟାଆହାମାନି ମାଣ୍ଡିଲେହେ ଜାପ୍ତହି ମାଚେସି □



ଜୀସୁ କାଜା ରଗ ଗାଟାଣାଲ୍ ନେହାସି କିନାୟି
(ମାର୍କ ୧:୪୦-୪୫; ଲୁକ ୫:୧୨-୧୬)

☆ ୭:୧୨ ୭:୧୨ ଲୁକ ୬:୩୧ ☆ ୭:୧୯ ୭:୧୯ ମାତ୍ରି ୩:୧୦; ଲୁକ ୩:୯ ☆ ୭:୨୦ ୭:୨୦ ମାତ୍ରି ୧୨:୩୩ ☆ ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨

୧ ଜୀସୁ ହରୁ ଲାକଟି ରେଚା ଖାଡ଼ି ତାୟୁ ମାନ୍ଦା ଲକୁ ତାନି ଜେଟ ହାଚେରି □

୨ ଏଚିବେଲା ର କାଜା ରଗ ଗାଟାସି ତାନି ନକିତା ଖାହାଁ ମେଣ୍ଟାକୁତାନା ଜହରା କିହାଁ ଏଲେଇଚେସି, “ପ୍ରବୁ ନୀନୁ ମନ କିତିହଁ ନାଜେ ନେହଁ କିହାଲି ଆଡ଼ାଦି □”

୩ ଏଚେଟିଏ ଜୀସୁ କେୟୁ ଦାସାହାଁ ତାଙ୍ଗ ତୀଗାନା ଏଲେଇଚେସି, “ନାନୁ ମନ କିହିମାଜ୍ ନୀନୁ ନେହଁ ଆମୁ □” ଏ ଦେବୁଣିଏ କାଜା ରଗ ଗାଟାସି ନେହଁ ଆଡ଼େସି □

୪ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରତା ଆମ୍ବାଆରାଇଁ ଝେହ୍ଆନି, ସାମା ନୀନୁ କାଜା ପୂଜେରା ତାଣା ହାଜାନା ନିଜ୍ ତସାକତାମୁ, ଅଡ଼େ ମସା ଆମିନି ମେରା ହୀହାମାନେସି ଏଦାଆଁ ଲକୁ ନକିତା ସାକି ହୀନିଲେହେଁ ହେରପାମୁ □”

ଜୀସୁ ର ରମିୟ କସ୍‌କା ହଲେଏଣାଇଁ ନେହଁ କିନାୟି (ଲୁକ ୭:୧-୧୦)

୫ ଜୀସୁ କପରନାହୁମ ଗାଡ଼ାତା ହାଜାଲିଏ ର ରମିୟ ପାସାକଡ଼ି କସ୍‌କା ମୁହେଁ କାଜାସି ଏଞ୍ଜାଣି ତାଣା ଖାହାନା ବାତିମାଲିହଁ ଏଲେଇଚେସି,

୬ “ଏ ପ୍ରବୁ, ନା ହଲେଏସି ଟଟଞ୍ଜାୟାନା ହାରେକା କସ୍‌ ଆହଁ ଇଜ କାଚେଲିତା ତୂରାମାନେସି □”

୭ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଖାହାନା ଏଞ୍ଜାଣାଇଁ ନେହଁ କିଇଁ □”

୮ ସାମା ପାସାକଡ଼ି କସ୍‌କା ମୁହେଁ କାଜାସି ଏଲେଇଚେସି, “ଆଏ, ପ୍ରବୁ ନୀନୁ ନା ଇଜ ପାଞ୍ଜୁଲି ଇଚିଦି, ଏଲେତି ଜଗେ ଆଏ; ସାମା ନୀନୁ ର ପଦୁ ଝେସା ପାଣ୍ଡାମୁ, ନା ହଲେଏସି ନେହଁ ଆନେସି □

୯ ଇଚିହଁ ନାନୁ ରଅଣି ତାଣା କାମା କିନି ମାଣ୍‌ସି ଆଡ଼ିହଁ ଜିକେଏ ନା ଅଦିକାରାତା ଅଡ଼େ କସ୍‌କା ମାନେରି; ନାନୁ ରଅଣାଇଁ ହାଲାମୁ ଇଚିହଁ ଏଞ୍ଜାସି ହାନେସି; ଅଡ଼େ ରଅଣାଇଁ ଖାମୁ ଇଚିହଁ ଖାନ୍‌ସି; ଅଡ଼େ ନା ହଲେଏଣାଇଁ ଇଦାଆଁ କିମୁ ଇଚିହଁ ଏଦାଆଁ କିନେସି □”

୧୦ ଜୀସୁ ଇ ବାରେ କାତା ଝେଞ୍ଜାନା କାବା ଆଡ଼େସି, ଅଡ଼େ ତାନି ଜେଟ ଖାହିମାଟି ଲକୁଣି ଏଲେଇଚେସି, ନାନୁ ମିଜେ ସାତା ଝେସିମାଞ୍ଜାଇଁ, ଇସାୟେଲ ବିତ୍ରା ଆମ୍ବାଆରି ତାଣା ଇଚେକା କାଜା ନାମୁ ମେସାହିଲଅଁ □

୧୧ ✨ସାମା ନାନୁ ମିଜ୍ ଝେସିମାଞ୍ଜାଇଁ, ହାରେକା ଲକୁ ଝେଡ଼ା ହପୁ ଖାକିଟି ଅଡ଼େ ଝେଡ଼ା କୂଡ଼ନି ଖାକିଟି ଖାହାନା ଅବ୍ରାହାମ, ଇସାହାକ ଅଡ଼େ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁରିନେରି □

୧୨ ✨ସାମା ରାଜିତି ମୀରକାଣି ପାଙ୍ଗାତି ଆନ୍ଦେରିତା ମେଡ଼ପି ଆନେ ଏମ୍ବାଆଁ ଏଞ୍ଜାରି ପାଲୁକା ଟୀଟି କିହଁ ତୀନେରି □

୧୩ ଅଡ଼େ ଜୀସୁ ଏ କସ୍‌କା ମୁହେଁ କାଜାଣାଇଁ ଏଲେଇଚେସି, ଇଜ ହାଲାମୁ ଏନିକିହଁ ନାମାମାଞ୍ଜି ନିଜେତାକି ଏଲେକିହଁ ଆପେ □ ଏ ଦେବୁଣିଏ ଏ ହଲେଏସି ନେହଁ ଆଡ଼େସି □

ଜୀସୁ ହାରେକା ଲକୁଣି ନେହଁ କିନାୟି (ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାୟୁ ଜୀସୁ ପିତର ଇଜ ଖାହାନା ପିତରତି ପୟା ନମେରି ତାକି କାଚେଲିତା ତୂରାମାନାଣି ମେସେସି □

୧୫ ଏଚେଟିଏ ଜୀସୁ ତାନି କେୟୁ ତୀଗାଲିଏ ନମେରି ପିସ୍ତେ, ଅଡ଼େ ନିଜ୍ମାନା ଏଞ୍ଜାଣି ସେବା କିହାଲି ମାଟ୍‌ହେ □

୧୬ ମିଡ଼ଅଲ୍ଲା ଆହାଲିଏ ଲକୁ ହାରେକା ବୁଡୁ ଆଲ୍‌ଗାମାଟି ଲକୁଣି ଜୀସୁ ତାଣା ତାଚେରି, ଏଚେଟିଏ ଜୀସୁତି ର ବଲୁ ତାକି ବୁଡୁୟାଁ ଏଞ୍ଜାରି ତାଣାଟି ହଡ଼ାହାଡୁ, ଅଡ଼େ ହାରେକା ନମେରି ଗାଟାରାଇଁ ନେହଁ କିଚେସି □

୧୭ ଏନିକିହଁ ମାହାପୁରୁ ଅଣପୁତି ବଲୁ ଝେହ୍‌ନି ଜିସାୟତି କାତା ସାତା ଆନେ, “ଏଞ୍ଜାସି ତାନୁଏ ମା ନମେରି ଦୁକା ଅଡ଼େସି ଅଡ଼େ ମା ରଗତି ଡ଼େକିଚେସି □”

ଜୀସୁ ସୀସୁୟାଁ ଆହାଲି ମନ କିନାୟି (ଲୁକ ୯:୫୭-୬୨)

୧୮ ଜୀସୁ ତାନି ସାରିଞ୍ଜାକି ଲକୁଣି ମେସାନା, ସୀସୁୟାଁଇଁ ସାମ୍‌ଦୁରି ଆତାଲା ହାଜାଲି ହୁକୁମି ହୀଚେସି □

୧୯ ର ମେରା ଜାପୁନାସି ଖାହାନା ଜୀସୁଇଁ ଏଲେଇଚେସି, “ଗୁରୁ, ନୀନୁ ଆମ୍ବିୟା ହାଜି, ନାନୁ ଜିକେଏ ନୀ ତଲେ ଖାଇଁ □”

୨୦ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାକାୟାକି ତୁୟିନି ପାଞ୍ଜୁୟାଁ ମାନୁ, ହାଗୁ ଲାକ ଉୟିନି ପଟାୟାକି ବାସାଟାୟୁ ମାନେ, ସାମା ମାଣ୍‌ସି ମୀରଏଣାକି ତାୟୁଁ ତୁନଟ୍‌ହାଲି ବାସାଟାୟୁ ହିଲେଏ □”

୨୧ ଇଞ୍ଜା ସୀସୁୟାଁ ବିତ୍ରାଟି ଅଡ଼େ ରଅସି ଜୀସୁଇଁ ଏଲେଇଚେସି “ପ୍ରବୁ, ନକେଏ ହାଜାନା ନା ଆବାଇଁ ମାହ୍‌ଣିଣା ମୁସାଲି ହେଲ ହିୟାମୁ □”

୨୨ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ନା ଜେଟ ଖାମୁ, ହାଡ଼ାରାଇଁ ତାମି ହାଡ଼ି ଲକୁଣି ମୁସାଲି ପିହ୍‌ମୁ □”

✨ ଟ:୧୧ ଟ:୧୧ ଲୁକ ୧୩:୨୯ ✨ ଟ:୧୨ ଟ:୧୨ ମାତି ୨୨:୧୩; ୨୫:୩୦; ଲୁକ ୧୩:୨୮

ଜୀସୁ ଗାଲି ପିୟୁ ସାପି କିନାୟି
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ତଂଗତା ହଟାଲିଏ ସୀସୁୟାଁ ତାନି ଜେଚ ହାଚେରି □

୨୪ ଅଡେ ମେହ୍‌ଦୁ ଦେବୁଣିଏ ସାମ୍‌ଦୁରିତା କାଜା ଗାଲି ଆଡେ, ଇଞ୍ଜା ତଂଗ ଏୟୁତା ମୁଞ୍ଜାଲି ମାଟ୍‌ହେ, ସାମା ଜୀସୁ ତଂଗତା ତୁରାମାଚେସି □

୨୫ ଏମ୍‌ପାଟିଏ ଏଞ୍ଜାରି ତାଗେ ଖାହାଁ ନିକହାନା ଏଲେଇଚେରି, “ପ୍ରବୁ, ମାଙ୍ଗ ଗେଲ୍‌ପାମ୍, ଆଆତ୍ ମାମ୍ ହାହିମାନମି □”

୨୬ ଜୀସୁ ଏଞ୍ଜାରାଇଁ ଏଲେଇଚେସି, “ଏ ଡ଼ଣା ନାମ୍ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି ?” ଏମ୍‌ପାଟିଏ ଜୀସୁ ନିଙ୍ଗାନା ଗାଲି ଅଡେ ଖାଡିମାଟି ସାମ୍‌ଦୁରିତି ଦାକା ହାଚେସି, ଇଞ୍ଜା ଦେବୁଣିଏ ସାପିଆଡେ □

୨୭ ଏମ୍‌ପାଟିଏ ଏଞ୍ଜାରି କାବା ଆହାଁ ଏଲେଇଚେରି, “ଇଞ୍ଜାସି ଏନିଲେହେଟି ମାଣ୍‌ସି ? ଗାଲି ଅଡେ ସାମ୍‌ଦୁରି ଜିକେଏ ଇଞ୍ଜାଣି ହାଡା ମାନଞ୍ଜି ଆହିମାନେ □”

ବୁତୁ ଆଲ୍‌ଗାମାଟି ରିଆରାଇଁ ଜୀସୁ
ନେହ୍ କିନାୟି

(ମାର୍କ ୫:୧-୨୦; ଲୁକ ୮:୨୬-୩୯)

୨୮ ତାୟୁ ଜୀସୁ ସାମ୍‌ଦୁରି ଆତାଲାଞ୍ଜାକିତି ଗଦରିୟ ନାମ୍‌କାଣାଁ ଏଗାହାଜାଲିଏ ରୀ ବୁତୁୟାଁ ଆଲ୍‌ଗା ମାଗାରି ମାଡହା ମୁହ୍‌ନି ଚାୟୁଟି ଖାହାନା ଜୀସୁଇଁ ବେଟାଆଡେରି, ଏଞ୍ଜାରି ଇଲେତି ଆଜିହ୍‌ପେତି ଲକୁ ମାଚେରି, ଏ ଜିରୁଟି ଲକୁ ରେଜାଲି ଆଡିହିଲାଆଚେରି □

୨୯ ଇଞ୍ଜା ମେହ୍‌ଦୁ ଏଞ୍ଜାରି କିର୍ଡିହ୍ ଏଲେଇଚେରି, “ଏ ମାହାପୁରୁ ମାର୍‌ଏଣାତି! ନୀ ତଲେ ନାଙ୍ଗେ ଏନାୟି ମାନେ ? ମା ବେଲା ଖାଆନେଏ ମାଙ୍ଗେ କସ୍ ହିୟାଲି ଇମ୍‌ପାଆଁ ଖାଡିକି ?”

୩୦ ଇଞ୍ଜା ଏଞ୍ଜାରି ତାଣାଟି ହେକ ର ମାନ୍‌ପା ପାଜିୟାଁ ମେୟିମାରୁ □

୩୧ ଏ ଲକୁ ବିତ୍ରାତି ବୁତୁୟାଁ ଜୀସୁଇଁ ବାଡିମାଲିହ୍ ଏଲେଇଚୁ, “ମାଙ୍ଗେ ପେରହାଦି ଇଚିହ୍, ଏ ପାଜିୟାଁ ମାନ୍‌ପା ବିତ୍ରା ପାଣ୍ଡାମ୍ □”

୩୨ ଜୀସୁ ଏଞ୍ଜାସିକାଣି ଏଲେଇଚେସି, “ହାଡୁ □” ବୁତୁୟାଁ ଏ ଦେବୁଣିଏ ଲକୁଇଁ ପିସାନା ପାଜିୟାଁ ମାନ୍‌ପା ବିତ୍ରା ହଟୁ; ଏ ପାଜିୟାଁ ହରୁ କାଡ଼ିଦିଟି ଦାବଡି ହଟାନା ଦାରିତି ସାମ୍‌ଦୁରିତା ମେଦାନା ହାହାହାଚୁ □

୩୩ ପାଜିୟାଁ ମେଟିମାଟି ଗଡ଼କା ହଟିହ୍ ହାଜାନା ଗାଡ଼ାତା ବାରେ କାରୁ ଇଞ୍ଜା ବୁତୁୟାଁ ଆଲ୍‌ଗା ମାଗାରି ଏନି ଆଡେରି ଏ ବାରେ ହାଡା ଖେସ୍‌ପେରି □

୩୪ ଅଡେ ନାମ୍‌କାତି ବାରେ ଲକୁ ଜୀସୁଇଁ ମେସାଲି ଖାଡେରି, ଇଞ୍ଜା ଜୀସୁଇଁ ମେସାନା ତାନି ହାନ୍‌ଡିଟି ହାଜାଲି ବାଡିମାଲିଚେରି □



ଜୀସୁ ର ଟଟଞ୍ଜାୟିତି ଲକୁଇଁ ନେହ୍ କିନାୟି
(ମାର୍କ ୨:୧-୧୨; ଲୁକ ୫:୧୭-୨୬)

୧ ଏମ୍‌ପାଟିଏ ଜୀସୁ ତଂଗତା ହଟାନା ସାମ୍‌ଦୁରି ଗାଣ୍‌ଗାହାଁ ତାନୁ ବାସାଆହାମାନି ଗାଡ଼ାତା ଖାଡେସି □

୨ ଅଡେ ମେହ୍‌ଦୁ କାଚେଲିତା ତୁରାମାଟି ର ଟଟଞ୍ଜାୟିତି ଲକୁଇଁ ଡେକାନା ତାନି ତାଣା ତାଚେରି, ଇଞ୍ଜା ଏଞ୍ଜାରି ନାମ୍ ମେସାନା ଜୀସୁ ଏ ଟଟଞ୍ଜାୟିତାଣାଇଁ ଏଲେଇଚେସି, “ଏ ମାର୍‌ଏଣା, ସାସା ଆହ୍‌ମ୍ ନୀ ପାପୁ ବାରେ ମେଣ୍‌ଙ୍ଗାହାଚେ □”

୩ ଏଚେକା ମେରା ଜାପ୍‌ନାରି ଇ ହାଡା ଖେଞ୍ଜାନା ଏଞ୍ଜାରି ଖେସ୍‌ପି ଆଡେରି, “ଇ ମାଣ୍‌ସି ମାହାପୁରୁଇଁ ନିନ୍‌ଦା କିହିମାନେସି □”

୪ ଜୀସୁ ଏଞ୍ଜାରି ମନତି ହାଡା ପୁଞ୍ଜାନା ଏଲେଇଚେସି, “ମାରୁ ମୀ ମନତା ଏନାଆଁତାକି ଇଚେକା ଲାଗେଏତି ଅଣ୍‌ପୁ ଅଣ୍‌ପିମାଞ୍ଜେରି ?

୫ ଇଚିହ୍ ଏନାଆଁ ଇନାୟି ଡସାସା, ନୀ ପାପୁ ମେଣ୍‌ଙ୍ଗାହାଚେ, ଆଆତ୍ ନିଙ୍ଗାନା ତାକାମ୍ ?

୬ ସାମା ଦାରତିତି ପାପୁ ମ୍ଲେକ୍‌ହାଲି ତାକି ମାଣ୍‌ସି ମାର୍‌ଏଣାକି ଅଦିକାରା ମାନେ, ଇଦାଆଁ ଏନିକ୍ ପୁଞ୍ଜାଲି ଆଡିନେରି,” ଏଦାଆଁତାକି ଜୀସୁ ଟଟଞ୍ଜାୟିତାଣାଇଁ ଏଲେଇଚେସି, “ନିଙ୍ଗାମ୍ ନୀ କାଚେଲି ଡେକାନା ଇଜ ହାଲାମ୍ □”

୭ ଏମ୍‌ପାଟିଏ ଏଞ୍ଜାସି ନିଙ୍ଗାନା ତାନି ଇଜ ହାଚେସି □

୮ ଇଦାଆଁ ମେସାନା ଲକୁ ଆଜିଚେରି, ଅଡେ ଆମିନି ମାହାପୁରୁ ମାଣ୍‌ସିୟାକି ଇଲେତି ଅଦିକାରା ହାହାମାନେସି ଇଞ୍ଜିହ୍ ଏ ମାହାପୁରୁତି ଗାଞ୍ଜୁରମି କିଚେରି □

ଜୀସୁ ମାତୃମୁଇଁ ହାଡିନାୟି
(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜୀସୁ ଏମ୍‌ପାଟି ହାଜି ହାଜିହ୍ ମାତୃମୁ ଦରୁଗାଟି ର ସିସୁ ରୀହ୍‌ନାସି ତାନି ସିସୁ ରୀହ୍‌ନି ଚାୟୁତା କୁଗାମାନାଣି ମେସାନା ହାଟାନା ଏଲେଇଚେସି, “ନା ଜେଚ ଖାମ୍ □”

ଏମ୍‌ପାଟିଏ ମାତୃମୁ ନିଙ୍ଗାନା ତାନି ଜେଚ ହାଚେସି □

୧୦ ☆ ଇଞ୍ଜା ଜୀସୁ ମାତୃମୁ ଇଜ ତାନି ବେଲା ଏଚେକା ସିସୁ ରୀହ୍‌ନାରି ଅଡେ ପାପୁଗାଟି ଲକୁ ତାନି ସୀସୁୟାଁ ତଲେ ତିଞ୍ଜାଲି କୁଗିଚେରି □

☆ ୯:୧୦ ୯:୧୦ ଲୁକ ୧୫:୧,୨

୧୧ ପାରୁସିୟା ଇଦାଆଁ ମେସାନା ସୀସୁୟାଁଙ୍କ ଏଲେଇଚେରି, “ମୀ ଗୁରୁ ଏନାଆଁତାକି ସିସୁ ରାହନାରି ଅଡ଼େ ପାପୁ ଗାଟାରି ତଲେ ତିଞ୍ଜି ମାନେସି □”

୧୨ ସାମା ଜୀସୁ ଏଞ୍ଜାରି ହାଡ଼ା ଖେଞ୍ଜାନା ଏଲେଇଚେସି, “ନେହଁ ଲକୁଡାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ □

୧୩ ✱ଇଦାଆଁତାକି ମୀରୁ ହାଜାନା ଇଦାନି କାତା ଜାପାଦୁ, ସାମା ପୂଜା ହୀନାୟି ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେଁ; ଇଚିହଁ ନାନୁ ଦୀର୍ମୁ ଗାଟାରାକି ଆଏ ସାମା ପାପୁ ଗାଟାରାକି ହାଟାଲି ଖାହାମାକି □”

ଉପାସା କିନାଣି ଖେନାୟି
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲାତା ବାପ୍ତିସ୍ମା* ହାନି ଜହନତି ସୀସୁୟାଁ ଜୀସୁଙ୍କ ଖାହାନା ଖେଚେରି, “ମୀସୁ ଅଡ଼େ ପାରୁସିୟାଁ ଉପାସା କିହିମାନମି, ସାମା ମୀ ସୀସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଞ୍ଜାରାକି ଏଲେଇଚେସି, “ବୀହା ହନେଏସି ତ୍ଵୟିନି ପାତେକା ବୀହା ଲକୁ ଦୁକୁ ଆଅରି, ସାମା ଦିନା ଖାନେ, ଏଚିବେଲା ବୀହା ହନେଣାକି ଅନେରି, ଏଚିବେଲା ଏଞ୍ଜାରି ଉପାସା କିନେରି □”

୧୬ “ଆମ୍ବାଆସି ପୁଃଇ ହିମ୍ବରିତା ପୁଃନି ପାସକି ତାଚଅସି, ଏନାଆଁତାକି ଇଚିହଁ ଏ ପାସକି ପୁଃଇ ହିମ୍ବରିତି ଗେସାଅନେ, ଇଞ୍ଜା ଏଦି ହାରେକା କାଜାୟି ଆହଁ ଗେଞ୍ଜିନେ □

୧୭ ଅଡ଼େ ଲକୁ ପୁଃନି ଅଞ୍ଜୁରି ରାସା ପୁଃଇ ତ:କାତା† ଇଚିଅରି; ଇଚିହଁ ଏ ତ:କା ତାୟାହାନେ ଅଞ୍ଜୁରି ରାସା ବହାହାନେ, ସାମା ପୁଃନି ଅଞ୍ଜୁରି ରାସା ପୁଃନି ତ:କାତା ଇଚିନେରି, ଆତିହଁ ଅଞ୍ଜୁରି ରାସା ଅଡ଼େ ତ:କା ନେହଁ ତ୍ଵୟିନେ □”

ର କାଜାଣି ମାଞ୍ଜା ଅଡ଼େ ର ଇୟା ଜୀସୁ ହିମ୍ବରି କୁଞ୍ଜୁ ତୀଗାନା ନେହଁ ଆନାୟି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏଚିବେଲା ଇ ବାରେ କାତା ଜୀସୁ ଏଞ୍ଜାରାକି ଖେସିମାଟି ବେଲାତା ର ଜୀହୁଦି କାଜାପାଣା ଗାଟାସି ତାଗେ ଖାହାନା ମେଣ୍ଡାକୁତାନା ଜହରା କିହଁ ଏଲେଇଚେସି, “ନା ମାଞ୍ଜା ନୀଏଁ ହାହାହାଚେ, ସାମା ନୀନୁ ଖାହାନା ତାନି ଲାକ କେୟୁ ଇଚିତିହଁ ଏଦି ନୀତିନେ □”

୧୯ ଏମ୍ବାଟିଏ ଜୀସୁ ନିଞ୍ଜାନା ତାନି ସୀସୁୟାଁ ତଲେ ଏଞ୍ଜାଣି ଜେଚ ହାଚେରି □

୨୦ ଅଡ଼େ ମେହ୍ଦୁ ବାର ବାର୍ସା ପାତେକା ନେତେରି ଖାଞ୍ଜିନି ରଗାଟା ର ଇୟା ତାୟୁଖାକିଟି ଖାହାନା ଜୀସୁତି ହିମ୍ବରି କୁଞ୍ଜୁ ତୀଗିତେ □

୨୧ ଇଚିହଁ ଏ ଇୟା ମନତା ଅଣ୍ଡିମାଚେ, “ଞ୍ଜାରୁଇ ତାନି ହିମ୍ବରି ତୀଗିତିହଁ ନାନୁ ନେହଁ ଆକି □”

୨୨ ସାମା ଜୀସୁ ଖେଣ୍ଡେ ତାୟୁଖାକି ସିନିକିହାନା ଏଲେଇଚେସି, “ମାଞ୍ଜା ସାସା ଆହ୍ମୁ, ନୀ ନୀନୁ ନିଞ୍ଜେ ନେହଁ କିହାମାଞ୍ଜାନେ” ଏ ଦେବୁଣିଏ ଏ ଇୟା ନେହଁ ଆଡ଼େ □

୨୩ ତାୟୁ ଜୀସୁ ଏ କାଜାପାଣା ଗାଟାରି ଇଜ ହାଚେସି, ଏମ୍ବାଆଁ ପୀରୁଡ଼ି ଉକିନାରାକି ଅଡ଼େ ତୀହଁ କାଲୁଞ୍ଜି ଆହିମାଟି ଲକୁଣି ମେସାନା ଏଲେଇଚେସି,

୨୪ ବାରେ ଇମ୍ବାଟି ପାଞ୍ଜାତା ହାଜୁ, ପଦା ହାହାହିଲେଏ, ସାମା ତୁରାମାନେ, ଏଚେଟିଏ ତାନି ହାଡ଼ା ଖେଞ୍ଜାନା ଏଞ୍ଜାରି କାକହେରି □

୨୫ ସାମା ବାରେ ଲକୁ ପାଞ୍ଜାତା ହାଜାଲିଏ, ଜୀସୁ ଇଜ ବିତ୍ରା ହାଜାନା ପଦାନି କେୟୁ ଆସାନା ନିକହେସି ଅଡ଼େ ଏ ଦେବୁଣିଏ ନିଞ୍ଜିତେ □

୨୬ ଇଞ୍ଜା ଇ କାରୁ ଏ ଦେସାତି ସାରିଖାକି ଖେଞ୍ଜିତେ □

ଜୀସୁ ରିଆରି କାଣାୟାଁକି ନେହଁ କିନାୟି

୨୭ ଜୀସୁ ଏମ୍ବାଟି ହାଜିମାଟି ବେଲାତା ରିଆରି କାଣାୟାଁ କାଜା ଗିୟାତଲେ ହାଟିହଁ ଏଲେଇଚେରି, “ଏ ଦାଞ୍ଜୁଦ ମୀରୁଏଣାତି ମାଞ୍ଜା କାର୍ମା ମେସ୍ତାମୁ □”

୨୮ ଇଞ୍ଜା ଜୀସୁ ଇଲୁ ବିତ୍ରା ହଡ଼ାଲିଏ ଏ କାଣାୟାଁ ଜିକେଏ ଏଞ୍ଜାଣି ତାଗେ ଖାଡ଼େରି, ଇଞ୍ଜା ଜୀସୁ ଏଞ୍ଜାରାକି ଏଲେଇଚେସି, ମାଞ୍ଜେ ନେହଁ କିହାଲି ଆଡ଼ାନେସି ଇଞ୍ଜି ମୀରୁ ନାମିମାଞ୍ଜେରି ?

ଏଞ୍ଜାରି ଏଲେଇଚେରି “ହାଅ ପ୍ରବୁ □”

୨୯ ଏଚେଟିଏ ଜୀସୁ ଏଞ୍ଜାରି କାଣ୍ଡକା ତୀଗାନା ଏଲେଇଚେସି, “ମୀ ନାମିନି ଲେହେଁ ମିଞ୍ଜେତାକି ଆପେ □”

୩୦ ଏଚେଟିଏ ଏଞ୍ଜାରି ମେସାଲି ଆଡ଼ିତେରି, ଅଡ଼େ ଜୀସୁ ଏଞ୍ଜାରାକି ଜାଣ୍ଡେ ହୁକୁମି ହୀହାନା ଏଲେଇଚେସି, “ହେଣ୍ଡୁ ଇ ହାଡ଼ା ଆମ୍ବାଆରି ଜିକେଏ ପୁନଅରି □”

୩୧ ସାମା ଏଞ୍ଜାରି ପାଞ୍ଜାତା ହାଜାନା ଜୀସୁତି ହାଡ଼ା ଦେସାତି ସାରିଖାକି ଖେସ୍ତେରି □

ଜୀସୁ ର ଗୁଲାକି ଜଲି କିତେସି

୩୨ ଏଞ୍ଜାରି ହଡ଼ା ହାଜିମାଟାଟି ଲକୁ ର ଜଲଲି ଆଡ଼ାଆଗାଟି ବୁଡୁ ଆଲଗା ମାତାଣାକି ଜୀସୁ ନକିତା ତାତେରି □

✱ ୯:୧୩ ୯:୧୩ ମାତି ୧୨:୭ * ୯:୧୪ ୯:୧୪ ମୁଞ୍ଜିନାୟି † ୯:୧୭ ୯:୧୭ ତଲୁ ତଲେ କେପିତି ଅଞ୍ଜୁରି ରାସା ଇଚିନି ବାସ୍ତା ବୁସୁ

୩୩ ଜୀସୁ ବୁତୁରୁଁ ପେରୁହା ପାଣ୍ଡିତି ଦେବୁଣିଏ ଏଞ୍ଜାସି ଜଲ୍ଲୀ ଆଡ଼ିତେସି, ଏଚେଟିଏ ଲକୁ କାବାଆହାନା ଏଲେଇଚେରି, “ଇସ୍ରାୟେଲ ଦେସାତା ମାମୁ ଇଲେତି କାବାଆନି କାମା ଏଚେଲା ମେସାହିଲାଆତମି □”

୩୪ ☆ଏଚିବେଲା ପାରୁସିୟା ଖେଚେରି, ଏଞ୍ଜାରି ଏଲେଇଚେରି, “ଇଞ୍ଜାସି ବୁତୁରୁଁ ପିସ୍ପି କିହିମାନେସି” ଏନାଆଁତାକି ଇଚିହିଁ ଏଞ୍ଜାସିକାଣି ସାଲୁଞ୍ଜି କିହିମାନି ବାଲୁପେନୁ ଏଞ୍ଜାଣାକି ବାଡ଼ୁଲୁ ହାହିମାନେ ଲାକା ଆଡ଼ିମାନେସି □

୩୫ ☆ଏମ୍ବାଟିଏ ଜୀସୁ ଏଞ୍ଜାରି ଜୀହୁଦି ଲକୁତି କୁଟମି ଇଲକାଣାଃ ଜାପୁହିହିଁ ମାହାପୁରୁ ରାଜିତି ନେହିଁ କାବୁ ଖେସିହିଁ ବାରେଲେହେତି ରଗ ନଫେରି ଦୁକାଟି ନେହିଁ କିହିହିଁ, ବାରେ ଗାଡ଼ାୟା ଇଞ୍ଜା ନାସକାଣା ରେଜାଲି ମାଟୁହେସି □

ଲକୁତାକି ଜୀସୁତି କାର୍ମା

୩୬ ☆ଅଡେ ବାରେ ଲକୁଣି ମେସାନା ଏଞ୍ଜାସି କାର୍ମା ଆଡେସି, ଇଚିହିଁ ଏଞ୍ଜାରି ଗଡ଼ୁହିଲାଆ ମେଶ୍ଟାୟା ଲେହେଁ କାକୁଲିଟି ଇତାଲା ଆତାଲା ଆହିମାଚେରି □

୩୭ ☆ଏଚିବେଲା ଜୀସୁ ତାନି ସୀସୁୟାଁଇଁ ଏଲେଇଚେସି, “ପାଟି ହାରେକା ସାମା ଦାଃଆନାରି ଉଣା ଜାଣା □

୩୮ ଏଦାଆଁତାକି ପାଟି ଜାଡାଲି, ଲକୁଣି ପାଣ୍ଡାଲିତାକି ଗୁଡ଼ିୟାତି ସାଞ୍ଜୁକାରିଇଁ ବାଡ଼ିମାଲୁଦୁ □”

୧୦

ବାରଜାଣା ସୀସୁୟାଁ

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଏମ୍ବାଟିଏ ଜୀସୁ ତାନି ବାରଜାଣା ସୀସୁୟାଁଇଁ ତାଗେ ହାଟାନା ବୁତୁରୁଁ ପିସ୍ପି କିହାଲି, ଇଞ୍ଜା ବାରେ ରଗ କସ୍ପୁଟି ନେହିଁ କିହାଲି ଏଞ୍ଜାରାକି ଅଦିକାରା ହୀତେସି □

୨ ଏ ବାରଜାଣା ପାଣ୍ଡୁଆଡ଼ି ସୀସୁୟାଁ ଦରକା ଆଡୁ, ସିମନ, ଆମ୍ବାଆରାଈଁ ପିତର ଇନେରି, ଅଡେ ତାନି ତାୟି ଆହିୟ, ଜେବଦି ମୀରଏସି ଜାକୁବ ଅଡେ ତାନି ତାୟି ଜହନ,

୩ ପିଲିପ ଅଡେ ବାର୍ତଲମି, ତମା ଅଡେ ସିସୁ ରୀହନି ମାଡିୟୁ, ଆଲେପି ମୀରଏସି ଜାକୁବ ଅଡେ ତଦିୟ,

୪ ଦେସାତି ଜୀସୁ ନନ୍ତି ସିମନ ଅଡେ ଇସ୍ତାରିୟତ ଜୀହୁଦା ଆମ୍ବାଆସି ଜୀସୁଇଁ ସାଡୁ କେୟୁତା ହେରପିତେସି □

ବାରଜାଣା ସୀସୁୟାଁଇଁ ପାଣ୍ଡିନାୟି

(ମାର୍କ ୬:୭-୧୩; ଲୁକ ୯:୧-୬)

୫ ଜୀସୁ ଇ ବାରଜାଣାତି ପାଣ୍ଡାନା ହୁକୁମି ହୀହାଁ ଏଲେଇଚେସି, ମୀରୁ ଜୀହୁଦିଆଆତି ଲକୁତାଣା ହାଲାଆଦୁ, ଅଡେ ଆମିନି ସମିରଣି ନାସକାଣାଁ ହଡ଼ୁଆଦୁ,

୬ ସାମା ଜାଜ୍ଜାମାନି ମେଶ୍ଟାୟାଁ ଇଚିହିଁ ଇସ୍ରାୟେଲ ଲକୁତାଣା ହାଡୁ □

୭ ଏଞ୍ଜାରିତାଣା ହାଡୁ ଅଡେ ଖେକ୍ଦୁ ଲାକପୁରୁ ରାଜି ଏଗାଞ୍ଜାହିମାନେ □

୮ ଅଡେ ନଫେରି ଗାଟାରାଇଁ ନେହିଁ କିଦୁ, ହାଡାରାଇଁ ନିକ୍ଦୁ, କାଜା ରଗ ଗାଟାରାଇଁ ନେହିଁ କିଦୁ, ବୁତୁରୁଁଇଁ ପେରୁଦୁ □ ମୀରୁ ଉଜେଏ ବେଟା ଆହାମାଞ୍ଜେରି ଏଦାଆଁ ଉଜେଏ ହୀଦୁ □

୯ ମୀ ତଲେ ବାଂଗାରା ଖେଣ୍ଡି କି ଅଚଡ଼ିତା ଟାକାୟାଁ ଅଆଦୁ,

୧୦ ☆ଅଡେ ହାନାଟି ଲେଟା କଡ଼ିନି ମଣା, ରୀ ଜଡ଼ୁ ସକାୟାଁ କି ସେପୁୟାଁ କି କୁତା ବାଡ଼ଗା ଜିକେଏ ପାରାଆଦୁ, କାମାକିନାସି ତାନି ରାନ୍ଦା ବେଟା ଆନେସି □

୧୧ ଅଡେ ମୀରୁ ଆମିନି ନାୟୁତା କି ଗାଡ଼ାତା ହାଜେରି ଏମ୍ବାଆଁ ନେହାଁଣାଇଁ ପାରାଦୁ, ଅଡେ ଏମ୍ବାଟି ଖେଶ୍ଟାହାନି ପାତେକା ଏଞ୍ଜାଣି ଇଜ ଡୟାଦୁ □

୧୨ ଅଡେ ଇଜ ହଡ଼ନାଟି ଏଞ୍ଜାରାଇଁ ହିଡ଼ଡ଼ି ଜୀସୁ ମିଜେ ଆୟାପେ ଇଞ୍ଜୁ;

୧୩ ଏଞ୍ଜାରି ଇଜଡାରି ନେହାଁରି ଇଚିହିଁ ଏଞ୍ଜାରିତଲେ ମୀ ହିଡ଼ଡ଼ି ଡୟାପେ, ସାମା ଏଞ୍ଜାରି ନେହାଁରି ଆଆଡ଼ିଁ ମୀ ହିଡ଼ଡ଼ି ମିଜେ ଖେଶ୍ଟା ଖାପେ □

୧୪ ☆ଅଡେ ଆମିନି ଇଲୁତାକି ନାସକାଣାଁ ମିଜ୍ଜା ଲକୁ ଅପଅରି, ମୀ କାତାତି ଖେନଅରି, ଏ ଇଲୁଟି କି ଏ ଗାଡ଼ାଟି ହଡ଼ାଞ୍ଜାନାଟି ମୀ କଡ଼ାତି ଦୁଡ଼ି ହାଣ୍ଡା କଡ଼ାନା ଏ ଗାୟୁ ପିହ୍ଦୁ □

୧୫ ☆ନାନୁ ମିଜେ ସାତା ଖେସିମାଞ୍ଜାଇଁ, ମାହାପୁରୁତି ନୀହାଁୟି ଦିନାତା ଏ ଗାଡ଼ାତି ଡଣ୍ଡୁ କିହାଁ ସଦମ ଅଡେ ଗମରା ଦେସାତି ଡଣ୍ଡୁ ଉଣା କିଞ୍ଜିଆନେ □

ଞ୍ଜାହିମାନି କସ୍ପୁ ଅଡେ ନିନ୍ଦା

(ମାର୍କ ୧୩:୯-୧୩; ଲୁକ ୨୧:୧୨-୧୬)

☆ ୯:୩୪ ୯:୩୪ ମାତି ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫ ☆ ୯:୩୫ ୯:୩୫ ମାତି ୪:୨୩; ମାର୍କ ୧:୩୯; ଲୁକ ୪:୪୪ † ୯:୩୫ ୯:୩୫ ସିନଗର ☆ ୯:୩୬ ୯:୩୬ ମାର୍କ ୬:୩୪ ☆ ୯:୩୭ ୯:୩୭ ଲୁକ ୧୦:୨ ☆ ୧୦:୧୦ ୧୦:୧୦ ୧କର ୯:୧୪; ୧ଡିମ ୫:୧୮ ☆ ୧୦:୧୪ ୧୦:୧୪ କାମା ୧୩:୫୧ ☆ ୧୦:୧୫ ୧୦:୧୫ ମାତି ୧୧:୨୪ ☆ ୧୦:୧୫ ୧୦:୧୫ ଲୁକ ୧୦:୪-୧୨ ☆ ୧୦:୧୬ ୧୦:୧୬ ଲୁକ ୧୦:୩

୧୭ *ହେଣୁ ମେଣ୍ଡାୟାଣି କ୍ଷାନ୍ତିୟା ବିତ୍ତା ପାଣ୍ଡିନିଲେହେଁ ନାନୁ ମିଜେ ପାଣ୍ଡିମାଞ୍ଜାଇଁ, ଏଦାଆଁତାକି ମୀରୁ ରାରୁ ଲେହେଁ ବୁଦି ଗାଟାତେରି, ଅଡେ ପାର୍ଝା ପଟାଲେହେଁ କପା ହିଲାଆ ଗାଟାତେରି ଆଦୁ □

୧୭ *ସାମା ମାଣ୍ଡିୟାଁ ତାଣାଟି ଜାଗ୍ରାତା ଆହାନା ତୟାଦୁ, ଏନାଆଁତାକି ଇଚିହଁ ଏଞ୍ଜାରି ମିଜେ ଆସାନା ନାହାଁୟି କିନି ତାଣା ହେବପାନେରି, ଇଞ୍ଜା ଜୀହୁଦି ଲକୁଡି କୁଟମି ଇଲକାଣା* ଏଞ୍ଜାରି ମିଜେ ସାଟ୍ଟି ତଲେ ଝେତାନେରି,

୧୮ ଅଡେ ମୀରୁ ନା ତାକି ରାଜା ଅଡେ ସାଲଝି କିନି ଲକୁଡାଣା ଅହାନା ନାହାଁୟି କିଝିଆଦେରି; ଏଦି ଏଞ୍ଜାରାକି ଅଡେ ଜୀହୁଦିଆଆତି ଲକୁଡି ମାହାପୁରୁତି ନେହଁ କାରୁ ଝେସାଲି ସାକି ଆନେନ □

୧୯ ସାମା ଏଚିବେଲା ଏଞ୍ଜାରି ମିଜେ ହେବପାନେରି, ମୀରୁ ନାହାଁୟି ଆନିବେଲା ଏନାଆଁ ଜଲିଦେରି ଅଡେ ଏନିକଁ ଜଲିଦେରି, ଏ କାତା ଅଣପାଆଦୁ, ଇଚିହଁ ମୀରୁ ଏନାଆଁ ଜଲିଦେରି ଏ ବେଲାତେଏ ମିଜେ ଝେସ୍ତାନେସି □

୨୦ □ ଇଚିହଁ ମୀରୁ ଜଲିନାତେରି ଆଏ, ଆବା ମାହାପୁରୁତି ସୁଦୁଜୀଝୁ ମୀ ଗୁଡି ହାହାନା ହାଡା ଜଲିନେ, ଏଦି ଜଲିନାୟି □

୨୧ *ତାୟି ତାୟିଇଁ ଆବା ମୀରୁଏଣାଇଁ ପାୟାଲି ହେବପାନେସି, ମାସ୍କା, ମୀରକା ଏଞ୍ଜାରି ତାମି ଇୟା ଆବା କପାଟି ହଚାନା, ଏଞ୍ଜାରାଇଁ ପାୟିନେରି □

୨୨ *ଅଡେ ନା ଦରୁ ତାକି ମୀରୁ ବାରେତାଣା ଅପାଆ ଗାଟାତେରି ଆଦେରି, ସାମା ଆମ୍ବାଆସି ରାନ୍ତି ପାତେକା ସାସା ତଲେ ମାନେସି ଏଞ୍ଜାସି ଗେଲପି ଆନେସି □

୨୩ ସାମା ଏଞ୍ଜାରି ଏଚିବେଲା ର ଗାଡାତା ମିଜେ ନିନ୍ଦା କିୟାନେରି, ଏଚିବେଲା ଏଚକା ଗାଡାତା ହାଜୁ, ଇଚିହଁ ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ ଇସାୟେଲତି ବାରେ ଗାଡାୟାତା କାମା ରାପୁଆ ନଚେଏ ମାଣ୍ଡି ମୀରୁଏସି ଝାନେସି □

୨୪ *ସୀସୁ ତାନି ଗୁରୁ କିହାଁ ହଲେଏସି ସାଝୁକାରି କିହାଁ କାଜାସି ଆଏ □

୨୫ *ସୀସୁ ତାନି ଗୁରୁ ଅଡେ ହଲେଏସି ତାନି ସାଝୁକାରି ଲେହେଁ ଆତିହଁ ଏଞ୍ଜାରାକି ସମାନା ଆନେ, ଏଞ୍ଜାରି ଇଲୁଡି ସାଝୁକାରିଇଁ ବାଲଜିବୁଲୁ ଇନେରି ଇଚିହଁ ଏଞ୍ଜାଣି ଇଲୁଡି ଲକୁବାକାଆଁ ହାରେକା ପଲୁଆ କାତା ଜଲିନେରି □”

ଆମ୍ବାଆରାଇଁ ଆଜିନାୟି ?
(ଲୁକ ୧୨:୨-୭)

୨୨ *“ଏଦାଆଁତାକି ଲକୁଇଁ ଆଜାଆଦୁ; ଇଚିହଁ ତଗୁମାନାୟି ଏନାୟିଞ୍ଜା ର ଦିନା ତଞ୍ଜାଆନେ, ଏଲେକଁ ତଞ୍ଜାଆଆନା ତଗୁମାନାୟି ଏନାୟିଞ୍ଜା ହିଲେଏ, ଇଞ୍ଜା ପୁଣ୍ଡି କିଝିଆଆଗାଟାୟି ଇଲେକଁ ଏନାୟି ତଗୁ ହିଲେଏ □

୨୩ ନାନୁ ମିଜ ଏନାଆଁ ଆନେରିତା ଝେସ୍ତାଇଁ ଏଦାଆଁ ଉଜେଡିତା ଝେହୁଦୁ, ଅଡେ ଏନାଆଁ ତଗୁମାନା ଝେଞ୍ଜେରି ଏଦାଆଁ ଇଲୁ ତୁଡିୟା ଲାକ ହଚାନା ଝେହୁଦୁ □

୨୮ ଅଡେ ଆମ୍ବାଆରି ଝାରଇ ଆଜାତି ପାୟିନେରି, ସାମା ଜୀଝୁଡି ପାୟାଲି ଆଡଅରି, ଏଞ୍ଜାରାଇଁ ଆଜାଆଦୁ; ସାମା ଆମ୍ବାଆସି ମୀ ଜୀଝୁ ଅଡେ ଆଜା ବାରେତି ନକର୍ତା ନାସା କିହାଲି ଆଡିନେସି ଏଞ୍ଜାଣାଇଁ ଆଜାଦୁ □

୨୯ ରୀ ଜେତା ପଟାୟାଁ ର କାନ୍ତି ତାକି ପାରପି ଆଡ କି ? ଅଡେ ମୀ ଲାକପୁରୁଡି ଆବା ହେଲ ହାଆତି ଏଞ୍ଜାସିକା ବିତ୍ତାଟି ରଣ୍ଡି ଜିକେଏ ତଲ ତରଗେଏ □

୩୦ ସାମା ମୀ ତାୟିଁ ତୁ ବାରେ ବାଣାୟାଁ ଜିକେଏ ଏଜିକିଝି ଆହାମାନୁ □

୩୧ ଏଦାଆଁତାକି ଆଜାଆଦୁ, ମୀରୁ ହାରେକା ଜେତା ପଟାୟାଁ ତାଣାଟି ମୀ ଦାରା ହାରେକା □”

ଲକୁ ନକିତା ଜୀସୁଇଁ ଝେକନାୟି
(ଲୁକ ୧୨:୫୧-୫୩; ୧୪:୨୬-୨୭)

୩୨ “ଅଡେ ଆମ୍ବାଆସି ଲକୁ ନକିତା ନାଜେ ଆବାନେସି, ଇଞ୍ଜା ନାନୁ ଜିକେଏ ନା ଲାକପୁରୁଡି ଆବା ନକିତା ଆବିଇଁ □

୩୩ *ସାମା ଆମ୍ବାଆସି ଲକୁ ନକିତା ନାଜେ ଆବଅସି, ନାନୁ ଜିକେଏ ନା ଲାକପୁରୁଡି ଆବା ନକିତା ଆବଅଁ □”

ହିଡଡି ପିସ୍ପେ କାଣ୍ଡା
(ଲୁକ ୧୨:୫୧-୫୩; ୧୪:୨୬-୨୭)

୩୪ “ନାନୁ ଦାରଡିତା ହିଡଡି ହାହାଲି ଝାହାମାଇଁ ଇଞ୍ଜାଁ ମନ କିଆଦୁ; ହିଡଡି ହାହାଲି ଝାଆନା, କାଣ୍ଡା ହାହାଲି ଝାହାମାଇଁ □

୩୫ ଇଚିହଁ ନାନୁ ଆବା କପାଟି ମୀରୁଏଣାଇଁ, ଅଡେ ଇୟାନି କପାଟି ମାଜା ଇଞ୍ଜା ପୟାନି କପାଟି କୁଡିୟାନି ଗଡହା କିହାଲି ଝାହାମାଇଁ □

୩୬ ଅଡେ ମାଣ୍ଡିତି ତାନି ଇଲୁଡି ଲକୁଏ ବାରେକାଣା ତାନି ସାତୁ ଆନେରି □”

* ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫ * ୧୦:୧୭ ୧୦:୧୭ସିନଗର * ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭ * ୧୦:୨୨ ୧୦:୨୨ ମାତି ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତି ୨୪:୧୩; ମାର୍କ ୧୩:୧୩ * ୧୦:୨୪ ୧୦:୨୪ ଲୁକ ୬:୪୦; ଜହ ୧୩:୧୨; ୧୫:୨୦ * ୧୦:୨୫ ୧୦:୨୫ ମାତି ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫ * ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭ * ୧୦:୩୩ ୧୦:୩୩ ୨ତିମ ୨:୧୨

୩୭ “ଆତ୍ମାଆସି ଆବା କି ଇୟାନି ନା କିହ୍ନା ହାରେକା ଜୀଝୁ ନନେସି, ଏଝାସି ନା ସୀସୁ ଆୟାଲି ପାଡ଼ାଆସି, ଅଡ଼େ ଆତ୍ମାଆସି ନିଜେତି ମାଜ୍ଜା କି ମୀରଏଣାଇଁ ହାରେକା ଜୀଝୁ ନନେସି ଏଝାସି ନା ସୀସୁ ଆୟାଲି ପାଡ଼ାଆସି □

୩୮ *ଆତ୍ମାଆସି ନିଜେତି କୁସ ଡେକାନା ନା ଜେଟ ଝାଅସି, ଏଝାସି ନା ସୀସୁ ଆୟାଲି ପାଡ଼ାଆସି □

୩୯ *ଆତ୍ମାଆସି ନିଜେତି ଜୀଝୁ ନୀଟହା କତିନେସି ଏଝାସି ହାରେସି, ଅଡ଼େ ଆତ୍ମାଆସି ନା ତାକି ନିଜେତି ଜୀଝୁ ହୀନେସି, ଏଝାସି ନୀତିନେସି □”

ଦାନା ପାଣ୍ଡନାୟି
(ମାର୍କ ୯:୪୧)

୪୦ * “ଆତ୍ମାଆସି ମିଜେ ଆବାନେସି, ଏଝାସି ନାଜେ ଆବାନେସି; ଆତ୍ମାଆସି ନାଜେ ଆବାନେସି, ଏଝାସି ନାଜେ ପାଣ୍ଡାତାଣାଇଁ ଆବିନେସି □

୪୧ ଆତ୍ମାଆସି ମାହାପୁରୁ ଅଣ୍ଟପୁତି ବଲୁ ଝେହନାରାଇଁ, ମାହାପୁରୁ ବଲୁ ଝେହନାରି ଇଞ୍ଜି ଆବିନେସି, ଏଝାସି ଏ ବଲୁ ଝେହନାରି ଦାନା ବେଟା ଆନେସି, ଅଡ଼େ ଆତ୍ମାଆସି କି ତାରିଗାଟାରାଇଁ, ତାରିଗାଟାସି ଇଞ୍ଜି ଆବିନେସି ଏଝାସି ତାରିଗାଟାରି ଦାନା ବେଟା ଆନେସି □

୪୨ ଅଡ଼େ ଆତ୍ମାଆସି ନା ସୀସୁୟା ବିତାତି ରଥଣାଇଁ ନା ସୀସୁ ଇଞ୍ଜି ଗିନାତା ଏୟୁ ଗସାଲି ହୀନେସି, ନାନୁ ମିଜେ ସାତା ଝେସିମାଞ୍ଜାଇଁ, ଏଝାସି ତାନି ଦାନାତି ଜାକ୍ଅସି □”

୧୧

ଜହନତି କାରୁ ହୀନାରି
(ଲୁକ ୭:୧୮-୩୫)

୧ ଜୀସୁ ତାନି ବାରେଜାଣା ସୀସୁୟାଲ୍ ଇ ବାରେ ହେଲ ହୀତି ତାୟୁ ଗାଲିଲି ଦାରିତା ମାନି ନାସକାଣାଁ ହାଜାନା ମାହାପୁରୁତି ହାଡ଼ା ଜାପୁହିହ୍ ଝେସିହ୍ ଏ ଟାୟୁଟି ହାରେସି □

୨ ଏରିବେଲା ବାପ୍ତିସ୍ମା* ହୀନି ଜହନ କାୟିଦିତା ମାଞ୍ଜାନା କ୍ରୀସୁତି କାମା କିହିମାନାଣି ଝେଞ୍ଜାନା ଏ ବାରେ ପୁଞ୍ଜାଲି ତାନି ସୀସୁୟାଣି ଜୀସୁ ତାଣା ପାଣ୍ଡିତେସି □

୩ ଏଝାରି ହାଜାନା ଜୀସୁଇଁ ଝେଚେରି, “ଆମିନି ଲକୁ ଝାରେସି ଇଞ୍ଜି ଜହନ ଝେସାମାଚେସି, ନାନୁ କି ଏଝାତି ? କି ଅଡ଼େ, ଆତ୍ମାଆରି ତାକି କାଚାନା ଡ଼ୟିନମି ?”

୪ ଜୀସୁ ଏଝାରାଇଁ ଏଲେଇଚେସି, “ମୀରୁ ଝେଣ୍ଡା ହାଜାନା ଏନାଆଁ ଝେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଇଁ ଝେହ୍ଦୁ □

୫ କାଣାୟା ମେସିମାନେରି, ସଗାୟା ତାକି ମାନେରି, କାଜା ରଗ ଗାଟାରି ନେହ୍ ଆହିମାନେରି, ବେରାୟା ଝେଞ୍ଜିମାନେରି, ହାଡ଼ାରି ନିଜିମାନେରି ଅଡ଼େ କାଜାଲା ଗାଟାରି ନେହ୍ କାରୁ ଝେଞ୍ଜିମାନେରି;

୬ ନା ତାଣା ଆତ୍ମାଆରି ଆନାମାନା ଆଅରି ଏଝାରି ନେହ୍ □”

୭ ଜହନତି ସୀସୁୟାଁ ଝେଣ୍ଡାହାଜିମାତି ବେଲା ଜୀସୁ ଲକୁଇଁ ଜହନତି କାତା ଏଲେଇଚେସି, “ମୀରୁ ଲକୁ ହିଲାଆ ରାଜିତା ଏନାଆଁ ମେସାଲି ହାଜାମାଚେରି ? ଗାଲିତା ଦାଜିନି ତାଣ୍ଡି ଆକୁ ?

୮ ଏଦାଆଁ ଆଆତିହ୍ ଏନାଆଁ ମେସାଲି ହାଜାମାଚେରି ? ନେହ୍ ଅଜିତି ପାଡ଼ାଡ଼ା ହିମ୍ପୁରି ହୁଟାମାନି ର ଲକୁଇଁ ? ମେହ୍ଦୁ ଅଜିତି ହିମ୍ପୁରି ହୁଟିତି ଲକୁ ରାଜା ଗାଡ଼ାତା ଡ଼ୟିନେରି □

୯ ଏଦାଆଁ ଆଆତ୍ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍ଟପୁତି ବଲୁ ଝେହନାଣାଇଁ ? ନାନୁ ମିଜେ ସାତା ଝେସିମାଞ୍ଜାଇଁ, ମାହାପୁରୁ ଅଣ୍ଟପୁତି ବଲୁ ଝେହନାରି କିହ୍ନା ହାରେକା କାଜାଣାଇଁ;

୧୦ ଇତିହ୍ ଏ ଜହନତି କାତା ରାସ୍କି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନାନୁ ନକେଏ ନା ଦୂଡୁଇଁ ପାଣ୍ଡାଇଁ, ଏଝାସିଏ ଇ ମାଣ୍ଡସି □

୧୧ ନାନୁ ମିଜେ ସାତା ଝେସିମାଞ୍ଜାଇଁ, ନୀଞ୍ଜୁ ପାତେକା ଇ ଦାରିତା ଏଚେକା ଜାନାଁ ଆହାମାନେରି, ଏ ବାରେଜାଣା କିହ୍ନା ବାପ୍ତିସ୍ମାଁ ହୀନି ଜହନ କାଜାସି; ଆଡ଼ିଜିକେଏ ଲାକପୁରୁ ରାଜିତା ଆତ୍ମାଆସି ବାରେକିହ୍ନା ଡ଼ଣା, ଏଝାସି ଜହନ କିହ୍ନା କାଜାସି □

୧୨ *ବାପ୍ତିସ୍ମାଁ ହୀନି ଜହନତି କାତା ଝେହ୍ନି ଦିନାଟିଏ ନୀଞ୍ଜୁପାତେକା ଲାକପୁରୁ ରାଜି ବାଡ଼ୟୁ ତଲେ ପାତାଆହିମାନେ; ଇଞ୍ଜା ବାଡ଼ୟୁଟି ଆସାମାନାରି ଏଦାଆଁ ବେଟାଆହାଲି ଅଣ୍ଟପିମାନେରି □

୧୩ ଇତିହ୍ ବାରେ ମସାତି ମେରାତା ଅଡ଼େ ମାହାପୁରୁ ଅଣ୍ଟପୁତି ବଲୁ ଝେହନାରି ତାଣା ଜହନତି ଝାନି ଦିନା ପାତେକା ଝେସ୍ପି ଆହାମାଚେ □

୧୪ *ଅଡ଼େ ମୀରୁ ଏଝାରି କାତା ଆସାଲି ମୀ ମନ ମାତିହ୍ ଆମିନି ଏଲିୟ ଝାନାୟି ମାଚେ ଜହନଏ ଏଝାସି □

୧୫ ଆତ୍ମାଆରି କୀର୍କା ମାନୁ ଏଝାସି ଝେଣ୍ଡାସି □”

୧୬ “ସାମା ନାନୁ ଆତ୍ମାରିତଲେ ଇ ଜୁଗୁତି ଲକୁଣି ତୁକ୍ଇଁ, ଆମିନି ହାଟା ମାଦି କୁଗାନା କାହି ଡ଼ୟିନି

* ୧୦:୩୮ ୧୦:୩୮ ମାତି ୧୭:୨୪; ମାର୍କ ୮:୩୫; ଲୁକ ୯:୨୩ * ୧୦:୩୯ ୧୦:୩୯ ମାତି ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଜହ ୧୨:୨୫ * ୧୦:୪୦ ୧୦:୪୦ ଲୁକ ୧୦:୧୭; ଜହ ୧୩:୨୦; ମାର୍କ ୯:୩୭; ଲୁକ ୯:୪୮ * ୧୧:୨ ୧୧:୨ ମୁଞ୍ଜିନାୟି † ୧୧:୧୧ ୧୧:୧୧ ମୁଞ୍ଜିନାୟି * ୧୧:୧୭ ୧୧:୧୭ ଲୁକ ୧୭:୧୭ ‡ ୧୧:୧୭ ୧୧:୧୭ ମୁଞ୍ଜିନାୟି * ୧୧:୧୪ ୧୧:୧୪ ମାତି ୧୭:୧୦-୧୩; ମାର୍କ ୯:୧୧-୧୩

କକାରି ଲେହେଁ, ର ଗଚିତି କକାରି ଅର ଗଚିତି ଏଲେଇନେରି,

୧୭ ମାମ୍ବୁମୀ ନକିତା ପୀରୁଡ଼ି ଉକିତମି, ସାମା ମୀରୁ ଏନ୍ଦାଆତେରି; ମାମ୍ବୁମୁକୁତି ପାରୁ ପାଡ଼ିତମି ସାମା ମୀରୁ ଡୀଆତେରି, ନୀର୍ବତି ଲକୁ ଏଲେତାରି □

୧୮ ଇଚିହ୍ମ ଜହନ ଖାହାନା ରାନ୍ଦା ତିନାଆତେସି ଅଡ଼େ ଲକୁ ଏଞ୍ଜାଣାଇ ଏଲେଇଚେରି ବୁଡୁ ଆଲଗାମାନାସି □

୧୯ ସାମା ମାଣ୍ଠସି ମୀରୁଏସି ଖାହାନା ରାନ୍ଦା ତିଚେସି ଉଚେସି, ଇଞ୍ଜା ଲକୁ ବାରେଜାଣା ଏଲେଇଚେରି, ଇଞ୍ଜାସି ଚିଶ୍ଟିକାସୁ, କାଡ଼ବୁଡୁ, ଏଞ୍ଜାସି ସିସୁ ରାହନାରି ଅଡ଼େ ପାପୁ ଗାଚାରି ତଣେଏସି; ସାମା ମାହାପୁରୁତି ବୁଦି ଏଞ୍ଜାଣି କାମାଟି ସାତା ଇଞ୍ଜା ଖେଜିନେ □”

**ନାମାଆଗାଟି ଗାଡ଼ାୟି
(ଲୁକ ୧୦:୧୩-୧୫)**

୨୦ ଏଚିବେଲା ଆମିନି ଗାଡ଼ାତା ହାରେକା କାବାଆନି କାମା କିଞ୍ଜି ଆହାମାଚେ, ଏ ଗାଡ଼ାତି ଲକୁ, ତାମି ପାପୁଟି ତାମା ମନ ଖେଚୁହା ହିଲାଆତେରି, ଇଞ୍ଜା ଜୀସୁ ଏ ଗାଡ଼ାୟିତି ଲକୁଇଁ ଦାକା ହୀହାନା ଏଲେଇଚେସି,

୨୧ ଆୟଡା ତଣ୍ଡ ପାଣ୍ଠନି କରାଜିନ୍ ଅଡ଼େ ବେଡ଼ସାୟିଦା, ଏନାଆଁତାକି ଇଚିହ୍ମ ମୀ ତାଣା ଆମିନି ବାଡ଼ୁୟି କାମା କିଞ୍ଜିଆହାମାନେ, ଏ ବାରେ ସର ଅଡ଼େ ସିଦନତା କିଞ୍ଜି ଆହାମାଚିହ୍ମ ମା; ଏମାତି ଲକୁ ଆଜ୍ଞାତା ବାସ୍ତାୟି ପର୍ହାନା ଦାରମ୍ବୁ କୁଗାନା ମନ ଖେଚୁହାଲି ଅଣ୍ପିତେରିମା

୨୨ ଆଡ଼ିଜିକେଏ ନାନୁ ମିଙ୍ଗେ ଖେସିମାଞ୍ଜାଇ, ମାହାପୁରୁତି ନାହାୟି ଦିନାତା ମୀ ତଣ୍ଡ କିହାଁ ସର ଅଡ଼େ ସିଦନତି ତଣ୍ଡ ଅରୁହିନାୟି ଆନେ □

୨୩ ଏ କପରନାହୁମ, ନାନୁ ଏନାଆଁ ଲାକପୁରୁ ପାତେକା ପାତାଆଦି ? ନାନୁ ହାଡାରି ମାନି ରାଜିତା ଅଞ୍ଜିଆଦି, ନୀ ତାଣା ଆମିନି ବାଡ଼ୁୟି କାମା କିଞ୍ଜିଆହାମାନେ, ଏଦାଆଁ ସଦମତା କିଞ୍ଜିଆଡ଼ିହ୍ମ ମା, ଏ ଗାଡ଼ା ନୀଞ୍ଜୁପାତେକା ଡ଼ୟିତେମା □

୨୪ *ଆଡ଼ିଜିକେଏ ନାନୁ ମିଙ୍ଗେ ଖେସିମାଞ୍ଜାଇ “ମାହାପୁରୁତି ନାହାୟି ଦିନାତା ମୀ ତଣ୍ଡ କିହାଁ ସଦମ ଦେସାତି ତଣ୍ଡ ଅରୁହିନାୟି ଆନେ □”

**ନା ତାଣା ଖାହାନା ଜମାଦୁ
(ଲୁକ ୧୦:୨୧-୨୨)**

୨୫ ଏ ବେଲାତା ଜୀସୁ ପ୍ରାତାନା କିହ୍ମ ଏଲେଇଚେସି; “ଏ ଆବା, ଲାକପୁରୁ ଅଡ଼େ ଦାରତିତି ପ୍ରୁ, ଇ ବାରେ ହାଡା ନାନୁ ବୁଦି ଅଡ଼େ ପୁନି ଲକୁତାଣାଟି ଡ଼କୁହା ଇଚାନା, ଇ ବାରେ କାତା

ପୁନାଆଗାଟି ଲକୁତାଣା ତସିମାନାକି ନାନୁ ନିଙ୍ଗ ଜହରା କିହିମାଞ୍ଜାଇ □

୨୬ ହାଅ ଆବା, ଇଦି ନୀ ନକିତା ରାହାଁତି କାତା ଆହିମାନେ □”

୨୭ * “ନା ଆବା ନାଙ୍ଗେ ବାରେ ହୀହାମାଞ୍ଜାନେସି, ଆବା ପିସ୍ପେ ଆମ୍ବାଆରି ମୀରୁଏଣାଇଁ ପୁନଅରି ଅଡ଼େ ମୀରୁଏଣା ପିସ୍ପେ ଆମ୍ବାଆରି ଆବାଇଁ ପୁନଅରି, ମୀରୁଏସି ଆମ୍ବାଆରି ତାଣା ତହ୍ନେସି ଏଞ୍ଜାସି ପୁନେସି □”

୨୮ “ଏ ଖାହୁ ରାଡା ଗାଟି ଲକୁ, ବାରେ ନା ତାଣା ଖାଦୁ, ନାନୁ ମିଙ୍ଗେ ଜମିକିୟାଇଁ □

୨୯ ନା ଜୁଞ୍ଜେଡ଼ି ମୀ ବମିତା ଡେକାନା ନା ତାଣାଟି ଜାପାଦୁ, ଇଚିହ୍ମ ନାନୁ କପା କାରୁବି ହିଲାଆନା ସୁଦୁ ହିୟା ଗାଟାତେଏଁ, ଇଞ୍ଜା ମୀରୁ ନା ତାଣାଟି ମୀ ଜୀଞ୍ଜୁତା ଜମିଦେରି;

୩୦ ଇଚିହ୍ମ ନା ଜୁଞ୍ଜେଡ଼ି ଉସାସା ଅଡ଼େ ବଜୁ ଉଣା ମାନେ □”

୧୨

**ଜମିନି ଦିନାତି ମାନି
(ମାର୍କ ୨:୨୩-୨୮; ଲୁକ ୬:୧-୫)**

୧ ଏଚରଦିନା ତାୟୁ ର ଜମିନି ଦିନାତା ଜୀସୁ ଗହଁ ଗୁଡ଼ିୟାଟି ହାଜିମାଚେସି, ଇଞ୍ଜା ତାନି ସୀସୁୟାଁ ହାକି ଆହାମାଚାକି ଗହଁ ଡେକା ତାପହାନା ତିଞ୍ଜାଲି ମାଚୁହେରି □

୨ ସାମା ପାରୁସିୟାଁ ଏଦାଆଁ ମେସାନା ଜୀସୁଇଁ ଏଲେଇଚେରି, “ମେହ୍ମୁ ଜମିନି ଦିନାତା ଏନାଆଁ କିନି ମେରା ହିଲେଏ, ଏଦାଆଁ ମୀ ସୀସୁୟାଁ କିହିମାନେରି □”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ର ଦିନା ଦାଞ୍ଜୁଦ ଅଡ଼େ ତାନି ତଣେସିଙ୍ଗା ହାକି ଆହାଲିଏ ଏନାଆଁ କିହାମାଚେରି, ମୀରୁ ସାସ୍ତେରିତା ପଡ଼ଞ୍ଜି ଆହାହିଲଅତେରି ?”

୪ ଏଞ୍ଜାସି ଏନିକ୍ମ ମାହାପୁରୁ ଇଲୁତା ହଡାନା ଆମିନି ମାହାପୁରୁକି ହେରପାମାନି ରୁଟି ପୂଜେରାଙ୍ଗା ପିସ୍ପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଦାଞ୍ଜୁଦ ଅଡ଼େ ତାନି ତଣେସିଙ୍ଗା ତିନାଆଗାଟାୟି ମାଚେ, ଏଦାଆଁ ଏଞ୍ଜାରି ତିଚେରି □

୫ ଅଡ଼େ ଜମିନି ଦିନାତା ମାହାପୁରୁ ଇଲୁ ବିତ୍ତା ପୂଜେରାଙ୍ଗା ମେରା ଉରିତି ଜିକେଏ ଦହଗାଗାରି ଆଅରି, ମୀରୁ ଏନି ଏଦାଆଁ ପଡ଼ଞ୍ଜି ଆହାହିଲଅତେରି କି ?

୬ ସାମା ନାନୁ ମିଙ୍ଗେ ସାତା ଖେସିମାଞ୍ଜାଇ, ଇ ଚାୟୁତା ମାହାପୁରୁ ଇଲୁ କିହାଁ ହାରେକା କାଜାୟି ଇମ୍ବାଆଁ ମାନେ □

* ୧୧:୨୪ ୧୧:୨୪ ମାତି ୧୦:୧୫; ଲୁକ ୧୦:୧୨ * ୧୧:୨୭ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫

୭ ✨ “ସାପ୍ତେରି ଖେସିମାନେ, ସାମା ପୂଜା ହୀନାୟି ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେଁ, ଇଦାଣି କାତା ମୀରୁ ପୁଞ୍ଜାମାତିହୁଁମା ଇ ଦହ ହିଲାଆ ଗାଟାଣାଇଁ ଦହ କିଆତେରିମା;
 ୮ ଇଚିହୁଁ ମାଣସି ମୀରୁଏସି ଜମିନି ଦିନାତ ପ୍ରବୁ ଆନେସି □”

**ୱାୟିତି କେୟୁଗାଟାସି ନେହୁଁ ଆନାୟି
 (ମାର୍କ ୩:୧-୬; ଲୁକ ୬:୬-୧୧)**

୯ ଜୀସୁ ଏମ୍ବାଟି ହାଜାନା ଜୀହୁଦି ଲକୁଡି କୁଟମି ଇଲୁତା* ହାଚେସି □

୧୦ ଅଡେ ମେହଦୁ ଏମ୍ବାଆଁ ରଅସି ମାଚେସି, ଏଞ୍ଜା ର କେୟୁ ୱାୟାହାଜାମାଚେ, ଜୀସୁଇଁ ଦହ ଆସାଲି ଏଚେକା ଲକୁ ଏମ୍ବାଆଁ କାଟାମାଚେରି, ଏଞ୍ଜାରି ଜୀସୁଇଁ ଖେଚେରି, “ଜମିନି ଦିନାତା ନେହୁଁ କିନାୟି ମେରା ମାନେକି ?”

୧୧ ✨ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀ ବିତ୍ତା ରଅଣାକି ର ମେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ ମେଣ୍ଡା ଗାଡ଼ୁୟୁତା ତରୁଗିନେ, ଇଞ୍ଜା ଆମ୍ବାଆସି ଏଦାନି ନିକ୍‌ଅସି, ଇଲେତି ଲକୁ ଆମ୍ବାଆସି ମୀ ବିତ୍ତା ମାନେସି ?

୧୨ ଆତିହୁଁ ର ମେଣ୍ଡାତି ଦାରା କିହାଁ ମାଣସିତି ଦାରା ହାଚେକା □ ଏଦାଆଁତାକି ଜମିନି ଦିନାତା ନେହୁଁ କାମା କିନାୟି ମେରାତି କାମା □”

୧୩ ଏଚିବେଲା ଏଞ୍ଜାସି କେୟୁ ୱାୟିତାଣାଇଁ ଏଲେଇଚେସି, “କେୟୁ ଦାହମୁ □”

ଇଞ୍ଜା ଏଞ୍ଜାସି ଏ କେୟୁ ଦାସ୍ତେସି ଏମ୍ବାଟିଏ ଏ କେୟୁ ଅର କେୟୁଲେହେଁ ନେହୁଁ ଆଡେ □

୧୪ ସାମା ପାରୁସିୟାଁ ପାଙ୍ଗାତା ହାଜାନା ଜୀସୁଇଁ ପାୟାଲି ଏଞ୍ଜାଣି କପାଟି ପାରୁ ପାରିଚେରି □

ମାହାପୁରୁ ଆଟାମାନି ହଲେଏସି

୧୫ ଜୀସୁ ଏଦାଆଁ ପୁଞ୍ଜାନା ଏମ୍ବାଟି ଏଚକା ଆହାନା ହଟାହାଚେସି, ଇଞ୍ଜା ହାଚେକା ଲକୁ ତାନି କେଚ ହାଚେରି, ଅଡେ ଏଞ୍ଜାସି ବାଚେଜାଣାତି ରଗଟି ନେହୁଁ କିଚେସି □

୧୬ ଇଞ୍ଜା ତାଙ୍ଗେ ଲକୁଇଁ ଖେକ୍‌ଆଦୁ ଇଞ୍ଜୁ ହୁକୁମି ହାଚେସି □

୧୭ ଏନିକିହୁଁ ମାହାପୁରୁ ଅଣ୍ଡପୁତି ବଲୁ ଖେହନି ଜିସାୟିତି କାତା ସାତା ଆନେ,

୧୮ “ମେହଦୁ ନା ହଲେଏସି, ଆମ୍ବାଆରାଇଁ ନାନୁ ଆଟାମାଇଁ;

ଏଞ୍ଜାସି ନା ଜୀହୁତି ମୀରୁଏସି, ଆମ୍ବାଆରିତାଣା ନା ହାଚେକା ରାହାଁ ମାନେ;

ନାନୁ ଏଞ୍ଜାଣିଲାକ ନା ସୁଦୁଜୀହୁ ହାଇଁ,

ଅଡେ ଏଞ୍ଜାସି ଜୀହୁଦିଆଆତି ଲକୁତାଣା ନୀହାୟିତି କାତା ଖେକନେସି □

୧୯ ଏଞ୍ଜାସି ଗଡ଼ହା କିଅସିକି କାଲୁଞ୍ଜି ଆଅସି, ଇଞ୍ଜା ଆଂଗେଣିତା ଏଞ୍ଜାଣି ହାଡ଼ା ଆମ୍ବାଆରି ଖେନଅରି □

୨୦ ନୀହାୟିତା ଜୀଣା ଆଆପାଚେକା, ଏଞ୍ଜାସି ୱାୟିତି ତାଣ୍ଡିତି ଡିକ୍‌ଅସି ବୟୁଁ ଆହୁଁ ଡ଼ାଞ୍ଜିମାନି ଦୀଞ୍ଜିତି ଦୁପ୍‌ଅସି □

୨୧ ଅଡେ ଏଞ୍ଜାଣି ଦରୁତା ଜୀହୁଦିଆଆତି ଲକୁ ବାସୁଁ ଇଚିନେରି □”

**ଜୀସୁ ଅଡେ ବାଲୁଜିବୁଲୁ ବୁଡୁ
 (ମାର୍କ ୩:୨୦-୩୦; ଲୁକ ୧୧:୧୪-୨୩)**

୨୨ ର ଦିନା ଲକୁ ବୁଡୁ ଆଲୁଗାମାଚି ର କାଣାଇଁ ତାଚେରି ଏଞ୍ଜାଣାଇଁ ବୁଡୁ ଆଲୁଗା ମାଚାକି ଗୁଲା ଆହାମାଚେସି □ ଜୀସୁ ଏଞ୍ଜାଣାଇଁ ନେହୁଁ କିଚେସି; ଇଞ୍ଜା ଏଞ୍ଜାସି ମେସାଲି ଅଡେ ଜଲୁଲି ଆଡିଚେସି □

୨୩ ଇଞ୍ଜା ଲକୁ ବାଚେ କାବାଆହାନା ଏଲେଇଚେରି, “ଇଞ୍ଜାସି ଏନାଆଁ ଏ ଦାହୁଦ କୁଡ଼ାତାସି ଆଏକି ?”

୨୪ ✨ପାରୁସିୟାଁ ଇ କାତା ଖେଞ୍ଜାନା ଏଲେଇଚେରି, ଇ ମାଣସି ବୁଡୁୟାଁ କିହାଁ କାଜା ବାଲୁଜିବୁଲୁ ବୁଡୁ ହିଲାଆନା ବୁଡୁୟାଁ ପେରଅସି □

୨୫ ସାମା ଜୀସୁ ପାରୁସିୟାଁ ମନତି ଅଣ୍ଡପୁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ର ରାଜି ତାନୁ ତାନୁଏ ଆସପି ଆହାନା ରୀ ବାଗା ତାନି ବାଗା ଆଡିସାଚେ ଏ ରାଜି ଅଡେ ତୀରିତଲେ ମାଞ୍ଜାଲି ଆଡେଏ, ଇଞ୍ଜା ର ଗାଡ଼ା କି ର ଲକୁ କୁଟମି ତାମ୍ବୁତାମ୍ବୁ ଆସପି ଆହାନା ବାଗା ଆଡିସାଚେ ତୀରିତଲେ ମାଞ୍ଜାଲି ଆଡେଏ □

୨୬ ଇଞ୍ଜା ସୟତାନ ସୟତାନଇଁ ପିସପି କିନେ ଆତିହୁଁ ଏଦି ବାଗା ଆହାନା ତାନି କପାଟି ନିଙ୍ଗିଚେୟିଏ, ଆତିହୁଁ ଏଦାନି ରାଜି ଏନିକିଁ ତୀରିଆହାଁ ଡିନେ ?

୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ ପଲୁଆ ବୁଡୁୟାଁ ବାଲୁଜିବୁଲୁ ତଲେ ବୁଡୁୟାଁ ପିସପି କିହିମାଇଁ, ଆତିହୁଁ ମୀ ମୀରକା ଆମ୍ବାଆରି ବାଡ଼ୁ ତଲେ ବୁଡୁୟାଁ ପେରନେରି □ ଇଦାଆଁତାକି ଏଞ୍ଜାରିଏ ମୀ ନୀହାୟି କିୟାନାରି ଆନେରି □

୨୮ ସାମା ନାନୁ ମାହାପୁରୁ ଜୀହୁତି ବାଡ଼ୁ ତଲେ ବୁଡୁୟାଁ ପେରହି ମାଇଁ, ଆତିହୁଁ ମାହାପୁରୁତି ରାଜି ମୀ ତାଣା ଏଦାଚେୟିଏ □”

୨୯ “ଇଞ୍ଜା ଆମ୍ବାଆସି ର ବାଡ଼ୁଗାଟି ଲକୁଇଁ ତଲିଏ ଦହଆନା, ଏନିକିହୁଁ ଏଞ୍ଜାଣି ଇଜ ହଡାନା ତାନି ଇଲୁ କାଣା ବାଚେ ସରୁ ଅୟାଲି ଆଡିନେସି ?

✨ ୧୨:୭ ୧୨:୭ ମାତି ୯:୧୩ * ୧୨:୯ ୧୨:୯ ସିନଗଗ୍ ✨ ୧୨:୧୧ ୧୨:୧୧ ଲୁକ ୧୪:୫ ✨ ୧୨:୨୪ ୧୨:୨୪ ମାତି ୯:୩୪; ୧୦:୨୫

ଏଞ୍ଜେଲ୍ ତଳିଏ ଦସ୍ତିହ ଦେ ଏଞ୍ଜେଲ୍ ଇଲୁ କାଣ୍ଡା ସରୁ ଆହାଲି ଆଡ଼ିନେସି □

୩୦ ☆“ଆମ୍ବାଆସି ନା ଖାକିଟି ଆଆଗାଟାସି, ଏଞ୍ଜେଲ୍ ନା ସାତୁ, ଇଞ୍ଜେଲ୍ ଆମ୍ବାଆସି ନା ତଲେ କୁଡ଼ି କିଅସି ଏଞ୍ଜେଲ୍ ଆଲାରା କିନେସି □

୩୧ ଇଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇ, ମାଣ୍ଡସି ଲକୁଡ଼ି ବାରେ ପାପୁ ଅଡ଼େ ଲାଗେଏ ପଲେଏଟି ଲକୁଣି ନିନ୍ଦା କାତା ଜଲ୍ଲାମାନାଣି ମ୍ଲେକହା ତୁସପିଆନେ, ସାମା ମାହାପୁରୁଡ଼ି ସୁଦୁଜାଞ୍ଜୁ ଦରୁତଲେ ଜଲ୍ଲିନାଣା ପାପୁ ମେଣ୍ଡିକି କିଞ୍ଜିଆଏ □

୩୨ ☆ଅଡ଼େ ଆମ୍ବାଆସି ମାଣ୍ଡସି ମୀରଏଣା କପାଟି ଜଲ୍ଲିନେସି, ଏଞ୍ଜେଲ୍ ପାପୁ ମେଣ୍ଡିକି କିଞ୍ଜିଆନେ, ସାମା ଆମ୍ବାଆସି ମାହାପୁରୁଡ଼ି ସୁଦୁଜାଞ୍ଜୁ କପାଟି ଜଲ୍ଲିନେସି, ଇ କାଲ୍ଲାତା କି ତାୟୁ କାଲ୍ଲାତା ଜିକେଏ ଏଞ୍ଜେଲ୍ ପାପୁ ମେଣ୍ଡିକି କିଞ୍ଜିଆଏ □”

ମାରୁନୁ ଅଡ଼େ ତାନି ପାଡ଼େୟି (ଲୁକ ୬:୪୩-୪୫)

୩୩ ☆“ମାରୁନୁଡ଼ି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିଡ଼ି ନେହାୟି ଇଞ୍ଜୁ, ଆଆତ ମାରୁନୁଡ଼ି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିଡ଼ି ଲାଗେଏତାୟି ଇଞ୍ଜୁ, ଇଚିହ ମାଡ଼େୟି ତଲେ ମାରୁନୁଡ଼ି ପୁଣ୍ଡି ଆନେ □

୩୪ ☆ଆଡ଼େ ରାସ୍ତା କୁଡ଼ାତେରି, ମୀରୁ ପଲ୍ଲଆ ଗାଟାତେରି ଆହାଁ ଏନିକ ମୀରୁ ନେହାଁ ହାଡ଼ା ଖେସାଲି ଆଡ଼ିଦେରି ? ଇଚିହ ହିୟାତା ମାନି କାତା ଗୁଡ଼ି ଜଲ୍ଲିମାନେ □

୩୫ ନେହାଁ ଲକୁ ନେହାଁ ମନ ବିଡ଼ାଟି ନେହାଁ କାତା ହପ୍ନେସି, ଇଞ୍ଜେଲ୍ ପଲ୍ଲଆ ଗାଟାସି ପଲ୍ଲଆ ମନ ବିଡ଼ାଟି ପଲ୍ଲଆ କାତା ହପ୍ନେସି □”

୩୬ “ସାମା ନାନୁ ମିଙ୍ଗେ ସାତା ଖେସିମାଞ୍ଜାଇ, ବାରେଜାଣା ତାୟୁ ଖେସାମାନି ଉଜେଏଡ଼ି କାତାତାକି ବିଚାରା କିନି ଦିନାତା ଏମ୍ବାଟି କାତା ଜଲ୍ଲିନେରି;

୩୭ ଇଦାଆଁତାକି ମୀ ଗୁଡ଼ିଡ଼ି ହାଡ଼ାତଲେ ନାହାଁୟି ଦିନାତା ମୀରୁ ଦହ ଗାଟାତେରି ଅଡ଼େ ଦହ ହିଲ୍ଲାଆଗାଟାତେରି ଆଦେରି □”

ସିନା ପାରିନାୟି (ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ ☆ଏଚିବେଲ୍ଲା ମେରା ପୁନାରି ଅଡ଼େ ପାରୁସିୟାଁ ବିଡ଼ାଟି ଏଚରଜାଣା ଜୀସୁଇ ଏଲେଇଚେରି, “ଗୁରୁ, ମାମ୍ବୁ ନୀ ତାଣ୍ଡାଟି ର କାବାଆନି ସିନା ମେସାଲି ଅଣ୍ଡିମାନମି □”

୩୯ ☆ସାମା ଜୀସୁ ଏଞ୍ଜେରାଇ ଏଲେଇଚେସି, “ପଲ୍ଲଆ ଗାଟାରି ଅଡ଼େ ମାହାପୁରୁଇ ନାମାଆ ଗାଟାରିଦେହେଁ ସିନାୟାଁ ପାରିନେରି, ସାମା ମାହାପୁରୁ ଅଣ୍ଡିପୁଡ଼ି ବଲୁ ଖେହ୍ନି ଜୁନସତି ସିନା ପିସ୍ପେ ଏଞ୍ଜେରାକି ଏନି ସିନା ହାପ୍ନି ଆଏ □

୪୦ ଇଚିହ ଜୁନସ ଏନିକ ତାନିଦିନା ତାନି ଲାଆଁୟାଁ କାଜା ମୀନୁ ବାଣ୍ଡି ବିଡ଼ା ମାଚେସି, ଏଲେକ ମାଣ୍ଡସି ମୀରଏସି ଜିକେଏ ବୁମି ବିଡ଼ା ତାନିଦିନା ତାନି ଲାଆଁୟାଁ ତୁୟିନେସି □

୪୧ ନାହାଁୟି ଦିନାତା ନିନିବିଡ଼ି ଲକୁ ଇ କାଲ୍ଲାତି ଲକୁ ନକିତା ନିଚାନା ଏଞ୍ଜେରାଇ ଦହ କିନେରି, ଇଚିହ ଏଞ୍ଜେରି ଜୁନସ ଖେସି କାତା ଆସାନା ପାପୁଡ଼ି ମନ ଖେହ୍ନା ମାଚେରି, ଅଡ଼େ ମେହ୍ନୁ ଜୁନସକିହାଁ କାଜାସି ଇମ୍ବାଆଁ ମାନେସି □

୪୨ ନାହାଁୟି ଦିନାତା ସିବା ଦେସାଟି ରାଣି ଇ କାଲ୍ଲାତି ଲକୁ ନକିତା ନିଚାନା ଏଞ୍ଜେରାଇ ଦହ କିନେ, ଇଚିହ ସଲମନତି ବୁଦିଡ଼ିକାତା ଖେଞ୍ଜାଲି ଦାରୁଡ଼ିଡ଼ି ହେକ ଦେସାଟି ଖାହାମାଚେ, ଇଞ୍ଜେ ମେହ୍ନୁ ସଲମନକିହାଁ କାଜା କାତା ଇମ୍ବାଆଁ ମାନେ □”

ଲାଗେଏ ପଲେଏଡ଼ି ବୁଡୁ ଖେଣ୍ଡାଖାନାୟି (ଲୁକ ୧୧:୨୪-୨୬)

୪୩ “ର ପଲ୍ଲଆ ବୁଡୁ ର ମାଣ୍ଡସି ତାଣ୍ଡାଟି ହଡ଼ା ହାଜାନା ଏୟୁ ହିଲ୍ଲାଆ ଟାୟୁ ବାରେ ରେଜିହ ଜମାଲି ଟାୟୁ ପାରିଚେ, ଇଞ୍ଜେ ଏଦାଆଁ ପୁଞ୍ଜାତେ,

୪୪ ଏଚେଟିଏ ଏଡ଼ି ଏଲେଇନେ, ନାନୁ ଆମିନି ଇଲୁଡ଼ି ହଡ଼ା ଖାହାମାଇ, ନା ଏ ଇଲୁଡ଼ା ଖେଣ୍ଡେ ହାଇ; ଇଞ୍ଜେ ଖେଣ୍ଡା ଖାହାନା ଖାରୁଆଣି ଇଞ୍ଜେ ଅଜିତାଣି ମେହ୍ନେ □

୪୫ ଏଚିବେଲ୍ଲା ଏଡ଼ି ହାଜାନା ତାନିକିହାଁ ଆଗାଡ଼ା ପଲ୍ଲଆଗାଟି ସାଡ଼ାଗଟା ଜୀସୁୟାଁ ଆସାନା ଖାନ୍ନେ, ଇଞ୍ଜେ ଏଡ଼ି ବାରେ ଏମ୍ବାଆଁ ହଡ଼ାନା ବାସା କିନୁ, ଅଡ଼େ ଏ ଲକୁଡ଼ି ତଲିଡ଼ି କସ୍ତୁ କିହାଁ ତାୟୁଡ଼ି କସ୍ତୁ ହାରେକା ଆନେ, ଇ କାଲ୍ଲାତି ପଲ୍ଲଆ ଗାଟାରାକି ଜିକେଏ ଏଲେଆହ୍ ଏ ଆନେ □”

ଜୀସୁଡ଼ି ଇୟା ଅଡ଼େ ତାୟିୟାଁ (ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକୁଇ ହାଡ଼ା ଆହିମାଗାଟି ତାନି ଇୟା ଅଡ଼େ ତାୟିୟାଁ ପାଞ୍ଜାତା ନିଚାନା ହାଡ଼ା ଆହାଲି ମନ କିହିମାରୁ □

୪୭ ଏଚେଟିଏ ରଅସି ଖାହାନା ଜୀସୁଇ ଏଲେଇଚେସି, “ମେହ୍ନୁ, ମୀ ଇୟା ଅଡ଼େ ନୀ ତାୟିୟାଁ ପାଞ୍ଜାତା ନିଚାନା ହାଡ଼ା ଆହାଲି ମନ କିହିମାନେରି □”

☆ ୧୨:୩୦ ୧୨:୩୦ ମାର୍କ ୯:୪୦ ☆ ୧୨:୩୨ ୧୨:୩୨ ଲୁକ ୧୨:୧୦ ☆ ୧୨:୩୩ ୧୨:୩୩ ମାତୃ ୭:୨୦; ଲୁକ ୬:୪୪ ☆ ୧୨:୩୪ ୧୨:୩୪ ମାତୃ ୩:୭; ୨୩:୩୩; ଲୁକ ୩:୭; ମାତୃ ୧୫:୧୮; ଲୁକ ୬:୪୫ ☆ ୧୨:୩୮ ୧୨:୩୮ ମାତୃ ୧୭:୧; ମାର୍କ ୮:୧୧; ଲୁକ ୧୧:୧୨ ☆ ୧୨:୩୯ ୧୨:୩୯ ମାତୃ ୧୭:୪; ମାର୍କ ୮:୧୨

୪୮ ସାମା ଇ କାତା ଖେସ୍ତାଣାଇଁ ଜୀସୁ ଏଲେଇରେସି, “ଆମ୍ବାଆୟି ନା ଇୟା ଇଞ୍ଜା ଆମ୍ବାଆରି ନା ତାୟିୟା ?”

୪୯ ଅଡେ ସୀସୁୟାଁ ଖାକି କେୟୁ ଦାସାନା ଏଲେଇରେସି, “ମେହ୍‌ଦୁ ମାୟା ଇଞ୍ଜା ମା ତାୟିୟା,

୫୦ ଇଚିହ୍ ଆମ୍ବାଆୟି ଜିକେଏ ନା ଲାକପୁରୁତି ଆବା କାତା ଆହ୍‌ନେସି ଏଞ୍ଜାସି ନା ତାୟି ଏଡି ନା ତାଜି ଅଡେ ମା ଇୟା □”

୧୩

ବିଚା ମାଟିନାଣି ପୁଣ୍ଡିକିନି କାତା
(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଚି ହରା ହାଜାନା ସାମ୍‌ଦୁରି ତାକିତା ଲକୁଇଁ ଜାପୁହାଲି କୁଗିତେସି □

୨ *ଏରେଟିଏ ହାରେକା ଲକୁ କୃତା ଆହାଲିଏ, ଏଞ୍ଜାସି ହାଜାନା ର ତଂଗତା କୁଗିତେସି, ଇଞ୍ଜା ଲକୁ ବାରେ ସାମ୍‌ଦୁରି ଗାରୁତା ନିଚାମାରେରି □

୩ ଅଡେ ଜୀସୁ ପୁଣ୍ଡିକିନି କାତା ହାରେକା ଖେସ୍ତେସି, ଏଞ୍ଜାସି ଏଲେଇରେସି □ “ମେହ୍‌ଦୁ ର ବିଚା ମାଟିନାସି ମାଟାଲି ହଡେସି □

୪ ଏଞ୍ଜାସି ବିଚା ମାଟିନି ବେଲା କରେକା ବିଚା ଜିରୁତା ରୀତେ ଇଞ୍ଜା ପଟାୟାଁ ଖାହାନା ଏ ପାଡେୟି ପେରହା ତିରୁ □

୫ ଅଡେ କରେକା ବିଚା ଖାଲକାତି ପାତାଡା ବୁମିତା ରୀତେ, ଇଞ୍ଜା ଇରୁଆ ଗାଡି ହିଲାଆତାକି ପାଡେୟି ତବେ ଗଜା ଆଡେ □

୬ ସାମା ଖେଡା ହରାଲିଏ, ଗଜା ଆହାମାଚାୟି ଖେହା ହାଚେ, ଇଞ୍ଜା ତାନି ହୀରୁ ଗାଡି ଡ଼କକା ହାଲାଆତାକି ଖାୟାହାଚେ □

୭ ଅଡେ କରେକା ବିଚା ହାପୁକା ବୁଟା ଡ଼କ ରୀତେ, ଇଞ୍ଜା ହାପୁକା ବୁଟାୟାଁ ବାରେ ପାତାଆହାନା ଆନାଁ ତାକିତି ପୁକହାଡୁସ୍ତେ □

୮ ଅଡେ କରେକା ବିଚା ନେହ୍ ବୁମିତା ରୀତେ, ଇଞ୍ଜା କାମ୍ବାନା ର ପାଡେୟିଟିଏ ପାସାକଡି, ତାନିକଡି ଇଞ୍ଜା କଡେଦସ ପାଡେୟିକା କାମ୍ବିତୁ □”

୯ “ଆମ୍ବାଆରାକି କୀର୍କା ମାନୁ ଏଞ୍ଜାସି ଖେଣ୍‌ମାସି □”

ପୁସପନି ପୁଣ୍ଡିକିନାୟି
(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମ୍ବାଟିଏ ସୀସୁୟାଁ ଜୀସୁ ତାଣା ଖାହାନା ଖେରେରି, “ଲକୁଣି ଜାପୁନାଟି ନୀନୁ ଏନାଆଁତାକି ପୁଣ୍ଡିକିନି କାତାୟାଁ ଖେସିହ୍ ଜାପୁହିମାଞ୍ଜି ?”

୧୧ ଜୀସୁ ଏଲେଇରେସି, “ଏନାଆଁତାକି ଇଚିହ୍ ଲାକପୁରୁ ରାଜିତି ବାରେ ଡ଼ଗୁମାନି ହାଡା ପୁଞ୍ଜାଲି

ମିଙ୍ଗେ ବାଡୁୟୁ ହାପୁକି ଆହାମାଞ୍ଜାନେ, ସାମା ଏଞ୍ଜାରାକି ହାପୁକି ଆହା ହିଲେଏ □

୧୨ *ଇଞ୍ଜା ଏମ୍ବାଆରାକି ମାନେ, ଏଞ୍ଜାରାକି ହାପୁକିଆନେ ଅଡେ ଏଞ୍ଜାଣାକି ଗାଡିଆନେ; ସାମା ଆମ୍ବାଆରାକି ହିଲେଏ ତାନିତାଣା ଏନାୟି ମାନେ, ଏଦାଆଁ ଜିକେଏ ଅଡିଆନେ □”

୧୩ ଏଞ୍ଜାରି ମେସି ମେସିହ୍ ମେସାଲି ଆଡଅରି, ଅଡେ ଖେଞ୍ଜିଖେଞ୍ଜି ଖେନଅରି କି ପୁନଅରି; ଏଦାଆଁତାକି ନାନୁ ଏଞ୍ଜାରାଇଁ ପୁଣ୍ଡିକିନି କାତାତଲେ ଖେସିମାଇଁ □

୧୪ ଅଡେ ମାହାପୁରୁ ବଲୁ ଖେହ୍‌ନି ଜିସାୟତି ଇ କାତା ଏଞ୍ଜାରାକି ସାତା ଆନେ □

ଇ ଲକୁ ଖେଞ୍ଜିଖେଞ୍ଜିହ୍ ଖେନେରି, ଏନାଆଁ ତେଲହଅରି, ମେସି ମେସିହ୍ ମେହ୍‌ନେରି ସାମା ଏନାଆଁ ପୁନଅରି;

୧୫ ଇଚିହ୍ ଇ ଲକୁତି ହିୟାଁ ଅଣ୍‌ପାଲି ଆଡାଆ ଗାଟାୟି, ଏଞ୍ଜାରି କସ୍ତୁଟି କୀର୍କା ତଲେ ଖେଚେରି, ଇଞ୍ଜା ତାମି କାଣ୍‌କା ପଟିତେରି,

ଏନିକ୍ ଏଞ୍ଜାରି କାଣ୍‌କା ତଲେ ମେହ୍‌ଅରି, ଅଡେ କୀର୍କା ତଲେ ଖେନଅରି, ଅଡେ ହିୟାଁ ତଲେ ତେଲହଅରି

ଇଞ୍ଜା ଏଞ୍ଜାରି ନା ତାଣା ଖେଣ୍‌ଣା ଖାଅରି, ଅଡେ ନାନୁ ଏଞ୍ଜାରାଇଁ ନେହ୍ କିଅଁ □

୧୬ *“ସାମା ନେହ୍‌ ମୀ କାଣ୍‌କା ଇଚିହ୍ ଏଡି ମେସି ମାନୁ, ନେହ୍‌ ମୀ କୀର୍କା ଇଚିହ୍ ଏଡି ଖେଞ୍ଜିମାନୁ □

୧୭ ଇଚିହ୍ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି, ଏ ବାରେ ହାରେକା ମାହାପୁରୁ ଅଣ୍‌ପୁଡି ବଲୁ ଖେହ୍‌ନାରି ଇଞ୍ଜା ତାରିଗାଟାରି ମେସାଲି ମନ କିତେରି, ସାମା ମେସାଲି ଆଡାଆତେରି; ଅଡେ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଖେଞ୍ଜାଲି ମନ କିତେରି, ସାମା ଖେଞ୍ଜାଲି ଆଡାଆତେରି □”

ଜୀସୁ ବିଚା ମାଟିନି କାତା ପୁଣ୍ଡିକିନାୟି
(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆଡିହ୍ ମୀରୁ ବିଚା ମାଟିନି ପୁଣ୍ଡିକିନି କାତା ଖେଞ୍ଜୁ □

୧୯ ଆମ୍ବାଆସି ମାହାପୁରୁ ରାଜିତି କାତା ଖେଞ୍ଜାନା ପୁନାଆ ଗାଟାସି, ଏଞ୍ଜାଣି ହିୟାଁତା ଖେସାମାନି ମାହାପୁରୁ ବଲୁ ସୟତାନ ଖାହାନା ମୀଞ୍ଜା ଅନେସି, ଏଞ୍ଜାସି ଜିରୁ ଦାରି ମାଟାମାନି ବିଚା ଲେହ୍‌ତାସି □

* ୧୩:୨ ୧୩:୨ ଲୁକ ୫:୧-୩ * ୧୩:୧୨ ୧୩:୧୨ ମାତି ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭ * ୧୩:୧୭ ୧୩:୧୭ ଲୁକ ୧୦:୨୩,୨୪

୨୦ ଅତେ ଆମ୍ବାଆସି ଖାଲକା ବୁମିତା ମାଟିତି ବିଚା ଏଞ୍ଜାସି ଇଲେତାସି, ଆମ୍ବାଆସି ମାହାପୁରୁତି କାତା ଖେଞ୍ଜାନା ରାହୁଁତଲେ ନାମିନେସି,

୨୧ ସାମା ଏଞ୍ଜାଣି ତାଣା ହୀରୁ ଜୀଆତାକି ଗାଡ଼େକେଏ ତୀରିଆହାନା ମାନେସି, ତାୟୁ ମାହାପୁରୁ କାତାତାକି ବାଦା ଅଡ଼େ ନିନ୍ଦା ବେଟାଆଡ଼ିସାରେ ଏ ବାରେ ପିସାତୁହୁନେସି, ଏଞ୍ଜାସି ଖାଲକା ବୁମିତା ରିତି ବିଚା ଲେହେଁତାସି □

୨୨ ଆମ୍ବାଆସି ମାହାପୁରୁତି କାତା ଖେନେସି, ଇଞ୍ଜା ଦାରତିତି ଅଣ୍ପୁ ଦନତି ଜୁପକା ଏଞ୍ଜାସି ଖେଞ୍ଜାମାନି କାତାତି ପୁକହା ତୁସାଲିଏ, ତାନି ଜୀଞ୍ଜୁତା ପାଡ଼େୟି କାମ୍ବାଆତେ, ଏଞ୍ଜାସି ହାପକା ବୁଟା ଡ଼ଇ ରିତି ବିଚା ଲେହେଁତାସି □

୨୩ ସ୍ତାମା ଆମିନିଗାଟାସି କାତାତି ଖେନେସି ଇଞ୍ଜା ନେହ କ ପୁନେସି, ଅଡ଼େ ନେହ ପାଡ଼େୟି କାମ୍ବିନେସି, ଆମ୍ବାଆସି ପାସାକଡ଼ି, ଆମ୍ବାଆସି ତାନିକଡ଼ି, ଆମ୍ବାଆସି କଡ଼େଦସ ପାଡ଼େୟିକା, ଏଞ୍ଜାସି ନେହ ବୁମିତା ରିତି ବିଚା ଲେହେଁତାସି □

ଚଲି ଜାଡ଼ାତି ପୁଣ୍ଡିକିନି କାତା

୨୪ ଜୀସୁ ଏଞ୍ଜାରାଇଁ ଅଡ଼େ ର ପୁଣ୍ଡିକିନି କାତା ଖେସ୍ତେସି, ଲାକପୁରୁ ରାଜି ରଅସି ତାନି ଗୁଡ଼ିୟାତା ନେହ ବିଚା ମାଟାମାନି ମାଣ୍ଡିଲେହେଁ;

୨୫ ସାମା ଲକୁ ତୁରାମାନାଟି ତାନି ସାତୁ ଖାହାନା ଏ ଗହୁଁୟା ବିତ୍ରା ଚଲି ଜାଡ଼ାତି ବିଚା ମାଟାନା ହାଚେସି □

୨୬ ଏଚିବେଲା ଗହୁଁୟା ପାତାଆହାନା ଜେକା ଆନିବେଲା ଚଲି ଜାଡ଼ା ଜିକେଏ ତଞ୍ଜାଆତେ □

୨୭ ଏଚେଟିଏ ସାଞ୍ଜୁକାରିତି ହଲିୟାଜା ତାନି ତାଣା ଖାହାନା ଏଲେଇଚେରି, ବାରୁ, ନୀନୁ ଏନାଆଁ ନୀ ଗୁଡ଼ିୟାତା ନେହ ବିଚା ମାଟା ହିଲାଆତି ? ସାମା ଇ ଚଲି ଜାଡ଼ା ବାରେ ଏମ୍ବିଟି ଖାଡ଼େ ?

୨୮ ଏଞ୍ଜାସି ଏଞ୍ଜାରାଇଁ ଏଲେଇଚେସି, ର ସାତୁ ଇଦାଆଁ କିହାମାନେସି □ ଅଡ଼େ ହଲିୟାଜା ଏଞ୍ଜାଣାଇଁ ଏଲେଇଚେରି, ନୀ ମନ୍ ଏନାୟି, ମାୟୁ ହାଜାନା ଚଲି ରେଜାନା କୁଡ଼ି କିନମି,

୨୯ ସାମା ଏଞ୍ଜାସି ଏଲେଇଚେସି, ଆଏ ଏଡ଼େତା ମୀରୁ ଚଲି ଜାଡ଼ା ରେଜି ରେଜିହୁଁ ଗହୁଁୟା ଜିକେଏ ରେଜେରି □

୩୦ ଗହଁ ଦାଃନି ପାତେକା ଗହଁ ଅଡ଼େ ଚଲି ଜାଡ଼ା ରହେଏ ପାତାଆପୁ, ଅଡ଼େ ଆର୍ନା ଦାଃନି ବେଲାତା ଦାଃଆନାରାଇଁ ନାନୁ ଏଲେଇଇଁ, ତଲିଏ ଚଲି ଜାଡ଼ା ଦାଟାନା ହୁଡ଼ାଲିତାକି ପେଣ୍ଡାୟାଁ ଏଟକା କିଦୁ, ସାମା ଗହୁଁୟା କୁଡ଼ି କିହାନା ନା ଗାଡ଼େୟିତା ଇଟାଦୁ □

ହାସୁଁ ପାଡ଼େୟିତି ପୁଣ୍ଡିକିନାୟି (ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଞ୍ଜାରାଇଁ ଅଡ଼େ ର ପୁଣ୍ଡିକିନି କାତା ଖେସ୍ତେସି, ଲାକପୁରୁ ରାଜି ର ହାସୁଁ ପାଡ଼େୟି ଲେହେଁତାୟି, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି □

୩୨ ଏ ପାଡ଼େୟି ବାରେ ପାଡ଼େୟିକା କିହାଁ ଡ଼ଣା, ସାମା ଏଡ଼ି ପାତା ଆଡ଼ିସାରେ ବାରେ କୁଟା କିହାଁ କାଜାୟି ଆହାଁ ଇଲେତି ମାରୁନୁ ଆନେ, ଇଞ୍ଜା ହାଗୁତା ଡ଼ମ୍ବିମାନି ପଟାୟାଁ ଖାହାନା ଏଦାନି କମାତା ବଣ କିହାନା ବାସା କିନୁ □

ପୁଲା ଏୟୁତି ପୁଣ୍ଡିକିନାୟି (ମାର୍କ ୧୩:୨୦-୨୧)

୩୩ ଜୀସୁ ଏଞ୍ଜାରାଇଁ ଅଡ଼େ ର ପୁଣ୍ଡିକିନି କାତା ଖେସ୍ତେସି, ଲାକପୁରୁ ରାଜି ର ପୁଲା ଏୟୁଲେହେଁତାୟି; ର ଇୟା ଗହୁଁୟା ଗୁଣ୍ଡାତା ପୁଲାଏୟୁ କାଲହାନା ଇଚିତେ, ଏଚେଟିଏ ଏ ଗୁଣ୍ଡା ପଞ୍ଜାମା ବାରେ ପୁଲା ଆଡ଼େ □

ଜୀସୁ ପୁଣ୍ଡିକିନି କାତାତି ଅର୍ଡ଼ ଖେହନାୟି (ମାର୍କ ୪:୩୩-୩୪)

୩୪ ଇ ବାରେ ପୁଣ୍ଡିକିନି କାତାତଲେ ଜୀସୁ ଲକୁଣି ଖେସ୍ତେସି, ଇଞ୍ଜା ପୁଣ୍ଡିକିନି କାତା ଆଟ୍‌ଆନା ଏନାଆଁଖା ଲକୁଣି ଖେସି ହିଲାଆତେସି,

୩୫ ଏନିକଁ ମାହାପୁରୁ ଅଣ୍ପୁତି ବଲୁ ଖେହନାଣି ତାଣାଟି ଇ କାତା ସାତା ଆନେ,

“ନାନୁ ନା ଗୁଡ଼ି ଏକହାନା ପୁଣ୍ଡିକିନି କାତାତଲେ ଖେହଇଁ;

ଦାରତି ଗାଡ଼ି ଆଡ଼ି ଦିନାଟିଏ ଡ଼ଗୁାମାନି କାତା ବାରେ ଖେହଇଁ □”

ଜୀସୁ ଚଲି ଜାଡ଼ାତି ପୁଣ୍ଡିକିନି କାତାତି ଅର୍ଡ଼ ଖେହନାୟି

୩୬ ତାୟୁ ଜୀସୁ ମାନ୍ଦା ଲକୁଣି ପିସାନା ଇଲୁ ବିତ୍ରା ହାଚେସି, ଇଞ୍ଜା ତାନି ସୀସୁୟାଁ ତାଗେ ଖାହାନା ଏଲେଇଚେରି, “ଗୁଡ଼ିୟାତି ଚଲି ଜାଡ଼ାତି ପୁଣ୍ଡିକିନି କାତା ମାଙ୍ଗେ ନେହଁକଁ ଖେସ୍ତାମୁ □”

୩୭ ଜୀସୁ ଏଲେଇଚେସି, “ନେହଁ ବିଚା ମାଟିନାସି ଏଞ୍ଜାସି ମାଣ୍ଡି ମୀରଏସି;

୩୮ ଇ ଦାରତି ଆହିମାନେ ଗୁଡ଼ିୟା, ନେହଁ ବିଚା ମାହାପୁରୁ ରାଜିତି ମୀରକା ମାୟକା; ଚଲି ଜାଡ଼ା ସୟତାନତି ମୀରକା ମାୟକା;

୩୯ ଆମିନି ସାତୁ ଏଦାଆଁ ମାଟିତେସି ଏଞ୍ଜାସି ସୟତାନ; ଆର୍ନା ଦାଃନି ଦିନା ଇଚିହଁ ଜୁଗୁ ରାଜି ଦିନା, ଇଞ୍ଜା ଆର୍ନା ଦାଃଆନାରି ମାହାପୁରୁତି ଦୂତୁୟାଁ □

୪୦ ଇଚିହଁ ଚଲି ଜାଡ଼ାତି ଏନିକଁ ର ତାଣା କୁଡ଼ି କିହାନା ହିରୁତା ହୁଡ଼ିନାୟି, ଜୁଗୁ ରାଜି ଦିନାତା ଜିକେଏ ଏଲେକିହଁ ଆନେ □

୪୧ ମାଣସି ମୀରୁସି ତାନି ଦୁତୁୟାଣି ପାଣ୍ଡିନେସି, ଇଞ୍ଜା ଏଞ୍ଜାରି ତାନି ରାଜିତି ବାରେ ଲାଗେଏ ପଲେଏତାରାଇଁ ଅଡ଼େ ପାପୁ ଗାଟାରାଇଁ ରୁଣ୍ଡା କିନେରି □

୪୨ ଅଡ଼େ ଏଞ୍ଜାରାଇଁ ହିରୁ ଗାଡ଼ୟୁତା ମେଡ଼ନେରି, ଏମ୍ପାଆଁ ଏଞ୍ଜାରି ଡ଼ୀହଁ ପାଲ୍‌କା ଟୀଟି କିନେରି □

୪୩ ଏଚିବେଲା ତୀରିଗାଟାରି ତାମି ଆବା ରାଜିତା ଖେଡ଼ାଲେହେଁ ଡ଼ୀଞ୍ଜିହଁ ତଞ୍ଜାଆନେରି □ ଆମ୍ପାଆରାକି କୀର୍କା ମାନୁ ଏଞ୍ଜାରି ଖେଣ୍ଡାମ୍ପାରି □”

ଡ଼ଗୁମାନି ଦନ ପୁଣ୍ଡିକିନି କାତା

୪୪ “ଲାକପୁରୁ ରାଜି ଗୁଡ଼ିୟାତା ଡ଼ଗୁମାନି ଦନ ଲେହେଁତାୟି, ରଅସି ଏଡ଼ାଆଁ ମେସାନା ଡ଼କୁହା ଇଚିତେସି, ଅଡ଼େ ରାହଁଟି ହାଜାନା ତାନି ଇସିତାସି ଆସ୍ତି ପାର୍‌ଚାନା ଖେଣ୍ଡେ ହାଜାନା ଏ ଗୁଡ଼ିୟାତି କଡ଼ିତେସି □”

ଦାରାଗାଟି ଅପ୍‌ନି ଖାଲିତି ପୁଣ୍ଡିକିନି କାତା

୪୫ “ଅଡ଼େ ଲାକପୁରୁ ରାଜି ନେହଁ ଅପ୍‌ନି ଖାଲି ପାରିମାନି ର ବେବାରା କିନାଣିଲେହେଁ □

୪୬ ର ଦାରାଗାଟି ଅପ୍‌ନି ଖାଲି ମେସାନା ଏଞ୍ଜାସି ହାଜାନା ତାନି ଇସିତାସି ଆସ୍ତି ପାର୍‌ଚାନା ଏ ଅପ୍‌ନି ଖାଲିତି କଡ଼ିତେସି □”

ମୀଣ୍ଡାକା ଆହ୍‌ନି ଜାଲ୍‌କାତି ପୁଣ୍ଡିକିନି କାତା

୪୭ “ଅଡ଼େ ଜିକେଏ ଲାକପୁରୁ ରାଜି ସାମ୍‌ଦୁରିତା ବାରେ କୁଡ଼ାତି ମୀଣ୍ଡାକା ଆସାଲି ମେଡ଼ନି ଜାଲ୍‌କା ଲେହେଁତାୟି □

୪୮ ଏ ଜାଲ୍‌କା ନେଞ୍ଜାଲିଏ ମୀଣ୍ଡାକା ଆହ୍‌ନାରି ଏଡ଼ାଆଁ ସାମ୍‌ଦୁରି ଗାରୁତା ରେଜା ତାନେରି, ଇଞ୍ଜା କୁଗାନା ନେହଁଆଁ ବାରେ ରୁଣ୍ଡା କିହାନା ତିରିତା ଇଚିନେରି, ସାମା ଲାଗେଏ ପଲେଏ ଗାଟାଆଁ ବାରେ କୁତା ତୁହ୍‌ନେରି □

୪୯ ଜୁଗୁ ରାଜି ଦିନାତା ଏଲେକିହଁ ଆନେ; ଦୁତୁୟାଁ ହଡ଼ାଞ୍ଜାହାନା ତୀରିଗାଟାରି ତାଣ୍ଡାଟିଏ ଲାଗେଏ ପଲେଏତାରାଇଁ ଏଚ୍‌କା କିନେରି □

୫୦ ଅଡ଼େ ଏଞ୍ଜାରାଇଁ ହିରୁ ଗାଡ଼ୟୁତା ମେଡ଼ହା ତୁହ୍‌ନେରି, ଏମ୍ପାଆଁ ଡ଼ୀନାୟି ଅଡ଼େ ପାଲ୍‌କା ଟୀଟି କିନାୟି ଆନେ □”

ପୁଞ୍ଜାଆଣି ଅଡ଼େ ପୁଞ୍ଜାଣି ଜାପ୍‌ନାୟି

୫୧ ଜୀସୁ ସୀସୁୟାଁଲ୍ ଖେଚେସି, “ମୀରୁ ଇ ବାରେ କାତା ପୁଚେରି ?”

ଏଞ୍ଜାରି ଏଲେଇଚେରି, “ହାଅ ପ୍ରବୁ □”

୫୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆତିହଁ ଆମିନି ଇଲୁଗାଟାସି ତାନି ଇଲୁଟି ପୁଞ୍ଜାଣି ପୁଞ୍ଜାଆଣି ହପ୍‌ନେସି, ଲାକପୁରୁ ରାଜିତି

ସୀସୁ ଆହ୍‌ମାନି ବାରେ ମେରା ପୁନାରି ଏଞ୍ଜାଣି ଲେହେଁତାରି □”

ଜୀସୁଇଁ ନାଜ୍‌ରିତତା ଅପାଆଗାଗାୟି

(ମାର୍କ ୭:୧-୭; ଲୁକ ୪:୧୭-୩୦)

୫୩ ଜୀସୁ ଇ ବାରେ ପୁଣ୍ଡିକିନି କାତା ଖେସାଲି ଆଡ଼ାଲିଏ, ତାୟୁ ଏମ୍ପାଟିଏ ହାଚେସି □

୫୪ ଇଞ୍ଜା ଏଞ୍ଜାସି ତାନୁ ପାତାଆଡ଼ି ନାୟୁତା ଖାହାନା ଲକୁଣି ତାମି ଜୀହୁଦି ଲକୁଟି କୁଟମି ଇଲୁତା* ଇଲେକିହଁ ଜାପ୍‌ହେସି, ଇଞ୍ଜା ଏଞ୍ଜାରି କାବାଆହାନା ଏଲେଇଚେରି, “ଇଞ୍ଜାଣାକି ଇଲେତି ବୁଦି ଇଞ୍ଜା ଇଲେତି କାବାଆନି କାମା କିହାଲି ଆମ୍ପିଟି ବାଡ଼ୟୁ ବେଟାଆଡ଼େସି ?

୫୫ ଇଞ୍ଜାସି ଏ ବାଡ଼ିୟାତି ମୀରୁସି ଆଏକି ? ଇଞ୍ଜାଣି ଇୟା ମରିୟମ ଆଏ ? ଅଡ଼େ ଇଞ୍ଜାଣି ତାୟିୟାଁ ଦରକା ଜାକୁବ, ଜସେପ, ସିମନ ଇଞ୍ଜା ଜୀହୁଦା ଆଏ ?

୫୬ ଅଡ଼େ ଇଞ୍ଜାଣି ତାଜିସ୍ତା ମା ତଲେ ହିଲାଇ ? ଇଞ୍ଜାହାଁ ଇଞ୍ଜାସି ଏ ବାରେ ଆମ୍ପିଟି ମେଡ଼ାଆଡ଼େସି ?”

୫୭ ☆ଇଞ୍ଜା ଏଞ୍ଜାରି ଜୀସୁଇଁ ଅପାଆତେରି □ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ନିଜେତି ନାୟୁତା ଇଞ୍ଜା ନିଜେତି ଇଲୁ କୁଟମିତା ମାନି ପୁଞ୍ଜାଅରି □”

୫୮ ଅଡ଼େ ଏଞ୍ଜାରି ନାମାଆତାକି ଏଞ୍ଜାସି ଏମ୍ପାଆଁ ହାଡ଼େକା କାବାଆନି କାମା କିଆଡେସି □

୧୪

ବାପ୍‌ସ୍ତୀ* ହାନି ଜହନ ହାନାୟି

(ମାର୍କ ୭:୧୪-୨୯; ଲୁକ ୯:୭-୯)

୧ ଏଚିବେଲାତା ଗାଲିଲିତି ସାଲ୍‌ଞ୍ଜି କିନି ରାଜା ହେରଦ ଜୀସୁତି କାରୁ ଖେଚେସି,

୨ ଅଡ଼େ ତାନି ହଲିୟାଙ୍ଗାଣି ଏଲେଇଚେସି, “ଇଞ୍ଜାସି ବାପ୍‌ସ୍ତୀ† ହାନି ଜହନ ଏଞ୍ଜାସି ହାଡ଼ାରି ତାଣ୍ଡାଟି ନିଙ୍ଗାମାନେସି, ଏଡ଼ାଆଁତାକି ଇ ବାରେ ବାଡ଼ୟୁ ଏଞ୍ଜାଣି ତାଣ୍ଡା କାମା କିହିମାନେ □”

୩ ☆ଇଚିହଁ ତଲି ହେରଦ ଡ଼ାମି ତାୟି ପିଲିପ ତକ୍ତି ହେରଦିୟାନି ତାକି ଜହନଇଁ ଦସ୍‌ପା ତାଚାନା କାୟିଦି ଇଲୁତା ଇଟାମାଚେସି □

୪ ଇଚିହଁ ଜହନ ତାଜା ଏଲେଇଞ୍ଜିମାଚେସି, ହେରଦିୟାନି ଇଚିନାୟି ନୀ ମେରା ହିଲେଏ □

୫ ଅଡ଼େ ହେରଦ ଏଞ୍ଜାଣାଇଁ ପାୟାଲି ମନ କିତି ଜିକେଏ ଲକୁଣି ଆଜିମାଚେସି, ଏଡ଼ାଆଁତାକି ଇଚିହଁ ଏଞ୍ଜାଣାଇଁ ର ମାହାପୁରୁ ଅଣ୍‌ପୁତି ବଲୁ ଖେହ୍‌ନାସି ଇଞ୍ଜା ମାନି କିହିମାଚେରି □

* ୧୩:୫୪ ୧୩:୫୪ ସିନଗଗ ☆ ୧୩:୫୭ ୧୩:୫୭ ଜହ ୪:୪୪ * ୧୪: ୧୪:୧ ମୁଞ୍ଜିନାୟି † ୧୪:୨ ୧୪:୨ ମୁଞ୍ଜିନାୟି ☆ ୧୪:୩ ୧୪:୩ ଲୁକ ୩:୧୯,୨୦

୭ ସାମା ହେରଦତି ଜାନା ଦିନା ଖାହାଲିଏ, ହେରଦିୟାତି ମାଙ୍ଗା ରୁଣ୍ଡା ଆହାମାତି ଲକୁ ନକିତା ଏହାନା ହେରଦଇଁ ରାହାଁ କିଝିକିତେ □

୭ ଏଚେଟିଏ ଏଝାସି ପାରମାଣା କିହାନା ଆଞ୍ଜିତେସି, ନୀନୁ ନାଙ୍ଗେ ଏନାଆଁ ରୀସ୍ତାତିହିଁ ଏଦି ନିଙ୍ଗ ହୀପକିଆନେ □

୮ ଇଞ୍ଜା ଏଦି ତାମି ଇୟାନି କାତା ଆସାହାଁ ଏଲେଇଚେ, “ବାପ୍ତିସ୍ମଃ ହାନି ଜହନତି ତାୟ୍ଁ ନୀଏଁ ଇମ୍ପାଆଁ ର ସାଡ଼ଝାତା ନାଙ୍ଗେ ହିୟାମୁ □”

୯ ଇଦାଆଁ ଖେଞ୍ଜାନା ରାଜା ଦୁକୁ ଆଡ଼ିହିଁ ଜିକେଏ ତାନୁ ପାରମାଣା କିହାଁ ଆଞ୍ଜାମାଚାକି ଅଡ଼େ ତାନିତଲେ ବଜିତା କୁଗାମାଚାରି ନକିତା ଆଞ୍ଜାମାଚାକି ଏଦାନି ମନଲେହେଁ ହୀହାଲି ହୁକୁମି ହୀତେସି □

୧୦ ଇଞ୍ଜା ଲକୁଣି ପାଣ୍ଡାନା କାୟିଦି ଇଲୁତା ଜହନତି ତାୟ୍ଁ ଦାପିକିତେସି,

୧୧ ଅଡ଼େ ଏଝାଣି ତାୟ୍ଁ ରୁ ସାଡ଼ଝାତା ତାଚାନା ଏ ପଦାକି ହୀତେରି, ଇଞ୍ଜା ଏଦି ଅହାନା ତାମି ଇୟାନି ତାଣା ଅଡ଼େ □

୧୨ ଏଚେଟିଏ ଜହନତି ସୀସୁୟାଁ ଖାହାନା ମାଡ଼ହା ଅହାନା ମୁସ୍ତେରି, ଅଡ଼େ ହାଜାନା ଜୀସୁଇଁ ଖେସ୍ତେରି □

ଜୀସୁ ପାସାମାଣା ଲକୁକି ତିଞ୍ଜାଲି ହୀନାୟି
(ମାର୍କ ୭:୩୦-୪୪; ଲୁକ ୯:୧୦-୧୭)

୧୩ ଜହନ ହାଡ଼ି କାରୁ ଖେଞ୍ଜାନା, ଜୀସୁ ର ତଂଗତା କୁଗାନା ଲକୁ ହିଲିଆ ଟାୟୁତା ହାଚେସି, ଲକୁ ଇ କାତା ଖେଞ୍ଜାନା ଗାଡ଼ାୟାଁଟି ଖାହାନା ତାକି ତାକିହିଁ ଏଝାଣି ଜେତ ହାଚେରି;

୧୪ ଅଡ଼େ ଏଝାସି ତଂଗଟି ରେଚାନା ମାନ୍ଦା ଲକୁଣି ମେସାନା କାର୍ମା ଆହାନା ଏଝାରି ରଗ ଗାଚାରାଇଁ ନେହିଁ କିତେସି □

୧୫ ଖେଡ଼ା ହାଜାଲିଏ ତାନି ସୀସୁୟାଁ ତାନି ତାଣା ଖାହାନା ଏଲେଇଚେରି, “ଇ ଟାୟୁ ଲକୁ ହିଲିଆ ଟାୟୁ ଇଞ୍ଜା ଆନ୍ଦେରି ଜିକେଏ ଆହିମାନେ; ଏଦାଆଁତାକି ବାରେ ଲକୁ ଏନିକିଁ ନାସକାଣାଁ ହାଜାନା ତାମ୍‌ଙ୍ଗେ ତାକି ଲହଡ଼ି ପାରିନେରି, ଏଦାଆଁତାକି ଏଝାରାଇଁ ହାଜାଲି ହେଲ ହୀମୁ □”

୧୬ ସାମା ଜୀସୁ ଏଝାରାଇଁ ଏଲେଇଚେସି, “ଏଝାରି ହାନି ଲଡ଼ା ଆଏ, ମୀରୁ ଏଝାରାକି ତିଞ୍ଜାଲି ହୀଦୁ □”

୧୭ ଏଝାରି ଏଝାଣାଇଁ ଏଲେଇଚେରି, “ମାଙ୍ଗେ ଇମ୍ପାଆଁ ପାସାଗଟା ରୁଟି ଇଞ୍ଜା ରୀ ମୀଣକା ମାନୁ □”

୧୮ ଜୀସୁ ଏଝାରାଇଁ ଏଲେଇଚେସି, “ଏଝାଆଁ ଇମ୍ପାଆଁ ନା ତାଣା ତାଦୁ □”

୧୯ ଅଡ଼େ ଏଝାସି ଲକୁଣି ଗାକିଁ ଜାଡ଼ା ଲାକ କୁଗାଲି ହୁକୁମି ହୀତେସି, ଅଡ଼େ ଏ ପାସାଗଟା ରୁଟି ଇଞ୍ଜା ରୀ ମୀଣକାଣି ଅହାନା ଲାକପୁରୁ ଖାକି ସିନିକିହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ଡ଼ିକିହାନା ତାମି ସୀସୁୟାଁକି ହୀତେସି, ଏଚେଟିଏ ସୀସୁୟାଁ ବାରେ ଲକୁକି ହୀତେରି □

୨୦ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିତେରି, ଇଞ୍ଜା ସୀସୁୟାଁ ହାଚାମାଚି ରୁଟି ଗାଣ୍ଡୁୟାଁ କୁଡ଼ି କିହାନା ବାଚଗଟା ତାଲିତା ନେଞ୍ଜିକିତେରି □

୨୧ ରାନ୍ଦା ତିଟି ଲକୁ ଇୟାସିକା ଇଞ୍ଜା କକାରି ପଦାଁଣି ପିସାନା ବାରେ ପାସାମାଣା ଆବାୟାଁ ମାଚେରି □

ଜୀସୁ ଏୟୁ ଲାକ ତାକିନାୟି
(ମାର୍କ ୭:୪୫-୫୨; ଜହ ୭:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସୀସୁୟାଁଣି ତଂଗତା ଏକହାନା ସାମ୍‌ଦୁରି ଆତାଲାଝାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକୁଣି ହାଜାଲି ହେଲ ହୀତେସି □

୨୩ ଜୀସୁ ଲକୁଣି ହେଲ ହୀତି ତାୟୁ ପ୍ରାତାନା କିହାଲି ହରୁ ଲାକ ହାଚେସି, ଇଞ୍ଜା ମିଡ଼ଅଲିଆ ଆହାଲିଏ ଏଝାସି ଏମ୍ପାଆଁ ରଅସିଏ ମାଚେସି □

୨୪ ସାମା ଏଚିବେଲା ତଂଗ ସାମ୍‌ଦୁରି ଗାଟୁଟିଏ ହାଚେକା ହେକ ମାଚେ, ଇଞ୍ଜା ସାମ୍‌ଦୁରିତା ଗାଲି ଖେଚାଲିଏ ଏ ତଂଗ ଖୀଡ଼ିମାଚେ □

୨୫ ସାମା ଖେୟା ନେକେରି ଜୀସୁ ଏୟୁ ଲାକ ତାକି ତାକିହିଁ ସୀସୁୟାଁ ତାଗେ ହାଚେସି □

୨୬ ଅଡ଼େ ସୀସୁୟାଁ ଏଝାଣାଇଁ ଏୟୁ ଲାକ ତାକି ମାନାଣି ମେସାନା ଆଜାହାଚେରି, ଇଞ୍ଜା ଏଲେଇଚେରି, “ଇଦି ର ବୁଡୁ!” ଇଞ୍ଜା ଆଜିତାକି କିରଡ଼ିତେରି □

୨୭ ସାମା ଜୀସୁ ଦେବୁଣିଏ ଏଝାରାଇଁ ଏଲେଇଚେସି, “ସାସା ଆହ୍‌ଦୁ ଆଜାଆଦୁ ନାନୁ ଜୀସୁତେଏଁ □”

୨୮ ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାତେଏ ନୀନୁ ଇଚିହିଁ ଏୟୁଲାକଟି ତାକିହିଁ ନୀପ ଖାହାଲି ହୁକୁମି ହିୟାମୁ □”

୨୯ ଜୀସୁ ଏଲେଇଚେସି “ଝାମୁ!” ଏଚେଟିଏ ପିତର ତଂଗଟି ରେଚାନା ଜୀସୁ ତାଣା ଏୟୁଲାକଟି ତାକିହିଁ ହାଚେସି □

୩୦ ସାମା ଗାଲି ମେସାନା ଆଜିତେସି, ଇଞ୍ଜା ଏୟୁଣାଁ ମୁଞ୍ଜିହିଁ ଏଲେଇଚେସି, “ଏ ପ୍ରବୁ ନାଙ୍ଗେ ଗେଲ୍‌ପାମୁ □”

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇଁ ଆସାନା ଏଲେଇଚେସି, “ଏ ଡ଼ଣା ନାମୁ ଗାଚାତି! ଏନାଆଁ ତାକି ଆନାମାନା ଆଡ଼ି ?”

‡ ୧୪:୮ ୧୪:୮ ମୁଞ୍ଜିନାୟି

୩୨ ଅତେ ଏଞ୍ଜାରି ତଂଗତା ହରାଲିଏ ଗାଲି ତୁଲିତେ □

୩୩ ଏଚେଟିଏ ତଂଗତା ମାଟି ସୀସୁୟାଁ ଜୀସୁଇଁ ଜହରା କିହାନା ଏଲେଇଚେରି, “ନୀନୁ ସାତେଏ ମାହାପୁରୁ ମୀରଏଣାଟି □”

ଗେନେସର ରାଜିତା ଜୀସୁ ରଗ ଗାଟାରାଇଁ ନେହଁକିନାୟି

(ମାର୍କ ୬:୫୩-୫୬)

୩୪ ଏଞ୍ଜାରି ସାମଦୁରି ଗାଣ୍ଟାନା ଗେନେସର ରାଜିତା ଏତେରି □

୩୫ ଅତେ ଏମ୍ବାଟି ଲକୁ ଜୀସୁଇଁ ପୁଞ୍ଜାନା ସାରିଞ୍ଜାକି ମାନି ବାରେ ରାଜିତା କାକୁ ପାଣ୍ଡିତେରି, ଇଞ୍ଜା ଲକୁ ବାରେ ରଗ ଗାଟାରାଇଁ ଜୀସୁ ତାଣା ତାତେରି;

୩୬ ଅତେ ରଗ ଗାଟାରି ଜୀସୁଟି ହିମ୍ବରି କୁକୁ ଡାଗିନେରି, ଏଦାଆଁତାକି ଜୀସୁଇଁ ବାଟିମାଲିତେରି, ଇଞ୍ଜା ଏଚେକା ଲକୁ ଡାଗିତେରି ବାରେ ନେହଁ ଆତେରି □

୧୫

ଆକୁ ଆବାୟାଁ ମେରା ଜାପୁନାୟି

(ମାର୍କ ୬:୧-୧୩)

୧ ଏଚିବେଲାତା ଜିରୁସାଲମଟି ପାରୁସିୟାଁ ଇଞ୍ଜା ମେରାପୁନାରି ଜୀସୁ ତାଣା ଖାହାନା ଏଲେଇଚେରି,

୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପୁହି ମେରା ମାନି କିହିହିଲଅରି ? ଇଚିହଁ ରାୟା ତିନାଟି କେସ୍ଲା ନରଅରି □”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣାପାଟୁ ମେରାତାକି ମାହାପୁରୁଟି ହୁକୁମି ମାନଞ୍ଜି ଆହି ହିଲଅତେରି ?”

୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଇଁ ମାନି କିଦୁ, ଇଞ୍ଜା ଆମ୍ବାଆସି ଇୟା କି ଆବାଇଁ ବାକା ଇଚିନେସି ଏଞ୍ଜାସି ହାନି ତଣ୍ଡ ବେଟା ଆନେସି □

୫ ସାମା ମୀରୁ ଏଲେଇଞ୍ଜାମାଞ୍ଜେରି, ଆମ୍ବାଆସି ଆପେସି ତାମି ଇୟା କି ଆବାଇଁ ଏଲେଇନେସି, ନା ତାଣାଟି ମିଙ୍ଗେ ଏନାଆଁ ହିୟାତିହଁ ନେହେଁ ଆତେମା, ଏ ବାରେ ମାହାପୁରୁକି ହେର୍ପି ଆହାମାନେ,

୬ ଏଞ୍ଜାସି ସାତେଏ ତାମି ଇୟା ଆବାଇଁ ମାନି କିଅସି □ ଇଲେକିହଁ ମୀରୁ ମୀ ପାଣାପାଟୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି □

୭ ଆତେ କୁଟୁ ଗାଟାତେରି, ମାହାପୁରୁ ଅଣ୍ଡପୁଟି ବଲୁ ଖେହ୍ନି ଜିସାୟ ମିଙ୍ଗେତାକି ନେହଁକି ଇ କାତା ଖେସାମାନେସି □

୮ ଇ କୃତାତାରି ଖାରଇ ଗୁଡି ତଲେ ସେବା କିୟାନେରି,

ସାମା ଏଞ୍ଜାରି ହିୟାଁ ନା ତାଣାଟି ହେକ ଡିୟିନେ □

୯ ଏଞ୍ଜାରି ମାଣ୍ଡସି କେପିତି ପାଣା ପାଟୁଟି ଦାମୁଡି ନେହଁ କାତା ଇଞ୍ଜା ଜାପୁହାନା, ଉଜେଏ ନାଙ୍ଗେ ସେବା କିହିମାଞ୍ଜାନେରି □

ମାଣ୍ଡସିଇଁ ଲାଗେଏ କିନାୟି

(ମାର୍କ ୭:୧୪-୨୩)

୧୦ ଅତେ ଜୀସୁ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ଖେଞ୍ଜୁ ଇଞ୍ଜା ପୁଞ୍ଜୁ □”

୧୧ ମାଣ୍ଡସି ଗୁଡି ବିତ୍ରା ଏନାୟି ହଡନେ ଏଡି ଏଞ୍ଜାଣାଇଁ ଲାଗେଏ କିଏ, ସାମା ଗୁଡି ବିତ୍ରାଟି ଏନାୟି ହଡନେ ଏଡି ମାଣ୍ଡସିଇଁ ଲାଗେଏ କିନେ □

୧୨ ଏଚିବେଲା ସୀସୁୟାଁ ଜୀସୁ ତାଣା ଖାହାନା ଏଲେଇଚେରି, ପାରୁସିୟାଁ ଇ କାତା ଖେଞ୍ଜାନା କସ୍ତ ବେଟାଆହି ମାନେରି ଇଦାଆଁ ନୀନୁ ପୁଞ୍ଜା ମାଞ୍ଜିକି ?

୧୩ ସାମା ଜୀସୁ ଏଲେଇଚେସି, “ନା ଲାକପୁରୁଟି ଆବା ଆମିନି ମୀରୁନୁ ଉହା ହିଲଅସି ଏ ବାରେ ରେଞ୍ଜି ଆନୁ □”

୧୪ ☆ପାରୁସିୟାଁ କାତା ଖେନାଆଦୁ, ଏଞ୍ଜାରି କାଣାୟାଁ ଆହାନା କାଣାୟାଁଇଁ ଜିରୁ ତହ୍ନେରି, ଇଞ୍ଜା କାଣା ଅର କାଣାଇଁ ଜିରୁ ତସ୍ତୁହଁ ରିଆରି ଜିକେଏ ଗାଡୁୟୁତା ତରଗିନେରି □

୧୫ ପିତର ଏଲେଇଚେସି, “ଏ ପୁଣ୍ଡିକିନି କାତା ମାଙ୍ଗେ ଖେସ୍ତାମୁ □”

୧୬ ଜୀସୁ ଏଲେଇଚେସି, “ମୀରୁ ଜିକେଏ ନୀଏଁ ପାତେକା ପୁନାଆ ଗାଟାତେରି ?”

୧୭ ଏନାୟି ଗୁଡିଟି ହଡନେ ଏଡି ବାଣ୍ଡିତା ହାଜାନା ଏଡି ବାଣ୍ଡିହାନିଲେହେଁ ହଡା ହାନେ, ଇଦାଆଁ ପୁଞ୍ଜି ହିଲଅତେରି ?

୧୮ ☆ସାମା ଗୁଡିଟି ଏନାୟି ହଡିମାନେ ଏଡି ହିୟାଟି ହଡିମାନେ ଏଡିଏ ମାଣ୍ଡସିଇଁ ଲାଗେଏ କିହିମାନେ □

୧୯ ଇଚିହଁ ହିୟାଟି ଲାଗେଏତି ଅଣ୍ଡପୁ ହଡନେ, ଇଚିହଁ ଲକୁଣି ପାୟିନାୟି, ଦାରି କାମା କିୟାଲି, ଲାଗେଏ ପଲେଏ କାମା କିହାଲି, ସରୁ କାମା କିହାଲି, ମିଟି ସାକି ହୀହାଲି ଇଞ୍ଜା ନିୟା କାତା ଜଲ୍ଲାଲି;

୨୦ ଇ ବାରେ କାମା ମାଣ୍ଡସିଇଁ ଲାଗେଏ କିନେ, ସାମା କେୟୁ ନରଆନା ତିନାୟି ମାଣ୍ଡସିଇଁ ଲାଗେଏ କିଏ □

ର ଇୟାନି ନାମୁ

(ମାର୍କ ୭:୨୪-୩୦)

୨୧ ଜୀସୁ ଏ ଚାୟୁ ପିସାନା ସର ଅତେ ସିଦନ ରାଜିତା ହାଚେସି □

୨୨ ଅଡ଼େ ମେହଦୁ ଏ ହାନ୍ଦିଟି କିଣାନ ଦେସାତି ର ଇୟା ଖାହାନା କାଜା ଗିୟାତଲେ ଏଲେଇଚେ, “ଏ ପ୍ରବୁ ଦାହୁଦ ମୀରଏଣାତି ନାଜେ କାର୍ମା ମେସ୍ତାମୁ ଇଚିହିଁ ନା ମାଜ୍ଜାନି ହାରେକା ଆଜିହପେତି ବୃତ୍ତ ଆସାନା କସ୍ତୁ ଆହିମାନେ □”

୨୩ ସାମା ଜୀସୁ ଏଦାନି ର ପଦୁ ଜିକେଏ ଜଲ୍ଲାଆତେସି □ ଇଜ୍ଜା ତାନି ସୀସୁୟା ଖାହାନା ଏଝାଣାଇଁ ଏଲେଇଚେରି, “ଇଦାନି ହେଲ ହାହାନା ପାଣ୍ଡାତୁହମୁ, ଏନାଆଁତାକି ଇଚିହିଁଁ ଇଦି ମା ଜେଚ କାଲ୍ଲି ଆହିମାନେ □”

୨୪ ସାମା ଜୀସୁ ଏଲେଇଚେସି, “ନାନୁ ଇସ୍ତାୟେଲ କୃତାତା ଜାଜ୍ଜାମାନି ମେଣ୍ଡାୟା ପିସ୍ତପେ ଅଡ଼େ ଆମ୍ବାଆରି ତାଣା ପାଣ୍ଡା ଆହାହିଲଅଁ □”

୨୫ ଏ ଇୟା ଖାହାନା ଜହରା କିହାନା ଏଲେଇଚେ, “ଏ ପ୍ରବୁ ନାଜେ କାର୍ମା ମେସ୍ତାମୁ □”

୨୬ ସାମା ଜୀସୁ ଏଲେଇଚେସି, “ମୀରକା ମାସ୍କା କାଦି ଅହାନା ନେସ୍କା ତାଗେ ମେଡ଼ନାୟି ନେହେଁ ଆଏ □”

୨୭ ଏ ଇୟା ଏଲେଇଚେ, “ହାଅ ପ୍ରବୁ ଇଚିହିଁଁ ନେସ୍କା ତାମି ସାହୁକାରିୟାଁ ତାଣାଟି ତରଗାମାନି ଜୁଟା ରାନ୍ଦା ପେରହା ତିନୁ □”

୨୮ ଏଚେଟିଏ ଜୀସୁ ଏ ଇୟାନି ଏଲେଇଚେସି, “ଏ ଇୟା ନାଦି ହାରେକା କାଜା ନାମୁ ନୀ ମନ ଲେହେଁଏ ନିଜ୍ଜା ଆୟାପେ □” ଏ ଦେବୁଣିଏ ତାନି ମାଜ୍ଜା ନେହେଁ ଆଡ଼େ □

ଜୀସୁ ହାରେକା ଲକୁଣି ନେହଁଁ କିନାୟି

୨୯ ଜୀସୁ ଏସ୍ତାଟିଏ ହାଜାନା ଗାଲିଲି ସାମ୍ବୁରି ତାଗେ ଖାଡ଼େସି, ଅଡ଼େ ହରୁ ଲାକ ହାଜାନା କୁଗିତେସି □

୩୦ ଅଡ଼େ ହାରେକା ଲକୁ ସଟାୟାଁ, ଚୁଡୁଖାୟାଁ, କାଣାୟାଁ, ଗୁଲ୍ଲାୟାଁ, ହାରେକା ଲକୁଇଁ ତାମିତଲେ ତାଚାନା ଜୀସୁ କର୍ତ୍ତା ତୁଇ ଇଚିତେରି, ଅଡ଼େ ଏଝାସି ଏଝାରାଇଁ ନେହଁଁ କିତେସି □

୩୧ ଇଲେକିହିଁଁ ବେବ୍ତାୟାଁ ଜଲିମାନେରି, ଚୁଡୁଖାୟାଁ ନେହଁଁ ଆହିମାନେରି, ସଟାୟାଁ ତାକି ମାନେରି ଅଡ଼େ କାଣାୟାଁ ମେସିମାନେରି; ଇ ବାରେ ମେସାନା ଲକୁ କାବା ଆଡ଼େରି, ଇଜ୍ଜା ଇସ୍ତାୟେଲତି ମାହାପୁରୁଇଁ ଜହରା କିତେରି □

ଜୀସୁ ସାରି ମାଣା ଲକୁଣି ତାସ୍ତେସି

(ମାର୍କ ୮:୧-୧୦)

୩୨ ଅଡ଼େ ଜୀସୁ ତାନି ସୀସୁୟାଁ ତାଗେ ହାଟାନା ଏଲେଇଚେସି, “ଇ ବାରେ ଲକୁତାକି ନାଜେ କାର୍ମା ହଡ଼ିମାଜ୍ଜାନେ, ଏନାଆଁତାକି ଇଚିହିଁଁ ଇଝାରି ତାନିଦିନା ଆଡ଼େରିଏ ନା ତଲେ ମାଜ୍ଜାମାନେରି,

ଅଡ଼େ ଇଝାରି ତାଣା ଏନାୟିଝା ତିଜ୍ଜାଲି ହିଲେଏ; ଇଝାରି ହାନାଟି ଜୀସୁ ହଡ଼ା ହାଡ଼ିଲେହେଁ ଜିରୁତା ତରଗିନେରି, ଏଦାଆଁତାକି ହାକିଟି ପାଣ୍ଡାଲି ନା ମନ ହିଲେଏ □”

୩୩ ସୀସୁୟାଁ ଏଝାଣାଇଁ ଏଲେଇଚେରି, “ଇଚେକା ଲକୁତାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲାଆ ଚାୟୁତା ଏସ୍ତିଟି ରୁଟି ପାଣ୍ଡନାୟି □”

୩୪ ଜୀସୁ ଏଝାରାଇଁ ଝେଚେସି, “ମୀ ତାଣା ଏଚରଗଟା ରୁଟି ମାନୁ ?”

ଏଝାରି ଏଲେଇଚେରି, “ସାତାଗଟା ଇଜ୍ଜା ଏଚରଗଟା ଉଣା ମୀଣକା ମାନୁ □”

୩୫ ଏଚେଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହୀତେସି,

୩୬ ଅଡ଼େ ଜୀସୁ ଏ ସାତାଗଟା ରୁଟି ଇଜ୍ଜା ମୀଣକାଣି ମାହାପୁରୁ ତାଣା ଜହରା କିହାନା ସୀସୁୟାଁକି ହୀତେସି; ଏଝାରି ଲକୁତାକି ହୀତେରି □

୩୭ ଅଡ଼େ ଲକୁ ତିଜ୍ଜାନା ପାଞ୍ଜିତି ତାୟୁ, ତୀଗିତି ରୁଟି ସାତା ତାଲି ହାରିତାଣି କୃଡ଼ି କିତେରି □

୩୮ ରୁଟି ତିଟି ଲକୁ ଇୟାସିକା ଅଡ଼େ ଉଣା କକାରି ପଦାଁଣି ପିସାନା ସାରି ମାଣା ଆବାୟାଁ ମାଚେରି □

୩୯ ଏଚେଟିଏ ଏଝାସି ଲକୁଣି ହେଲ ହୀହାନା ତଂଗତା ହଡ଼ାନା ମଗଦାନ ହାନ୍ଦିତା ଖାଡ଼େସି □

୧୭

କାବାଆନ୍ତି କାମା ତସାଲି ଏଲେଇନାୟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ☆ଏଚେକା ପାରୁସି ଅଡ଼େ ସାଦୁକିୟାଁ ଜୀସୁ ତାଣା ଖାହାନା ତାୟିପାରି କିହାଲି, ମାଜେ ହାଗୁ ଲାକଟି ର ସିନା ତସ୍ତାମୁ ଇଜ୍ଜାଁ ବାତିମାଲିତେରି □

୨ ସାମା ଜୀସୁ ଏଝାରାଇଁ ଏଲେଇଚେସି, “ମିଡ଼ଅଲ୍ଲା ବେଲ୍ଲା ଏଲେଇଞ୍ଜେରି, ଝିଏ କାରା ଆନେ, ଇଚିହିଁଁ ହାଗୁ ଗାଦଗା ଆହାମାନେ □”

୩ ଅଡ଼େ ଲାକ ବେଲ୍ଲା ଏଲେଇଞ୍ଜେରି, ନୀଞ୍ଜୁ ପିୟୁ ଆନେ, ଇଚିହିଁଁ ହାଗୁ ଗାଦଗା ଅଡ଼େ ଦୁନ୍ଦା ମୁତାମାନେ □ ମୀରୁ ହାଗୁତି ପାଗା ମେସାନା ନକିତି କାତା ପୁଞ୍ଜାଲି ଆଡ଼ି ମାଞ୍ଜେରି, ସାମା ନୀଏତି କାତା ଅଡ଼େ ସିନାୟାଁ ପୁଞ୍ଜି ହିଲଅତେରି □

୪ ☆ପଲ୍ଲୁଆ ଗାଟାରି ଇଜ୍ଜାଁ ମାହାପୁରୁଇଁ ଅଣ୍ଡାପାଆଗାଟି କୃତାତାରି ସିନାୟାଁ ପାରିନେରି, ସାମା ଜୁନସତି ସିନା ପିସ୍ତପେ ଅଡ଼େ ଏଟକାତି ସିନା ଏଝାରାକି ହୀପୁକି ଆଏ, ଇଜ୍ଜାଁ ଏଝାସି ଏଝାରାଇଁ ପିସାନା ହାଚେସି □

ପାରୁସିୟାଁ ଅଡ଼େ ସାଦୁକିୟାଁ ତାଣାଟି ଜାଗ୍ରାତା

(ମାର୍କ ୮:୧୪-୨୧)

☆ ୧୭:୧ ୧୭:୧ ମାତି ୧୨:୩୮; ଲୁକ ୧୧:୧୭ ☆ ୧୭:୪ ୧୭:୪ ମାତି ୧୨:୩୯; ଲୁକ ୧୧:୨୯

୫ ସୀସୁୟାଁ ସାମୁଦ୍ରି ଆତାଲା ହାଜାନା ସିନକିତେରି, ଏଞ୍ଜାରି ରୁଟି ଅହାଲି ବାଣା ଆହା ହାଜାମାନେରି □

୬ *ଜୀସୁ ଏଞ୍ଜାରାକ୍ ଏଲେଇରେସି, “ଜାଗ୍ରାତା ଆଦୁ, ପାରୁସିୟାଁ ଅଡେ ସାଦୁକିୟାଁ ପୁଲା ଏୟୁଟି ଜାଗ୍ରାତା ଆହାଁ ମାଞ୍ଜୁ □”

୭ ଏମ୍ବାଟିଏ ଏଞ୍ଜାରି ତାମ୍ବୁ ଚୁମ୍ବୁସୁ ଜଲୁକି ଆହାଲି ମାଟ୍‌ହେସି, “ମାର ରୁଟି ତାତା ହିଲାଆୟି ଇଞ୍ଜିଁ ଏଞ୍ଜାସି ଏଲେଇଞ୍ଜିମାଞ୍ଜାନେସି □”

୮ ସାମା ଜୀସୁ ଏଦାଆଁ ପୁଞ୍ଜାନା ଏଲେଇରେସି, “ଆଡେ ଉଣା ନାମ୍ବୁ ଗାଟାତେରି, ମୀ ବିତ୍ରା ରୁଟି ହିଲେଏ ଇଞ୍ଜିଁ ଏନାଆଁତାକି ଝେସ୍‌ପି ଆହିମାଞ୍ଜେରି ?

୯ *ମୀରୁ ନୀର୍ବ୍ୟ ପାତେକା ପୁଞ୍ଜି ହିଲଅତେରି ? ପାସାମାଣା ଲକୁଡି ପାସାଗଟା ରୁଟି ଡିକ୍‌ହାନା ହାହା ମାଚେର୍ବ, ଇଞ୍ଜା ମୀରୁ ଏଚର ତାଲି ହାରିତାଣି କୁଡି କିତେରି,

୧୦ *ଇଞ୍ଜା ଏ ସାରି ମାଣା ଲକୁଡି ସାତା ଗଟା ରୁଟି, ଇଞ୍ଜା ଏଚର ତାଲି ହାରିତାଣି କୁଡି କିତେରି, ଏ ବାରେ ମିଙ୍ଗେ ଅଣ୍ଡପୁ ହିଲେଏ ?

୧୧ ନାନୁ ମିଙ୍ଗେ ରୁଟି କାତା ଝେସାମାଞ୍ଜାଆତେର୍ବ, ଇଦାଆଁ ଏନିକ୍ ପୁଞ୍ଜି ହିଲଅତେରି ? ସାମା ପାରୁସିୟାଁ ଅଡେ ସାଦୁକିୟାଁ ପୁଲା ଏୟୁଟି ଜାଗ୍ରାତା ଆହାନା ମାଞ୍ଜୁ □”

୧୨ ଏଞ୍ଜାସି ରୁଟି ତାକି ଲଡାମାନି ପୁଲା ଏୟୁତାକି ଜାଗ୍ରାତା ଆହାନା ମାଞ୍ଜାଲି ଝେହ୍‌ସାନା, ପାରୁସିୟାଁ ଅଡେ ସାଦୁକିୟାଁ ଜାପ୍‌ନି ତାଣାଟି ଜାଗ୍ରାତା ଆହାଁ ମାଞ୍ଜାଲି ଏଞ୍ଜାରାକ୍ ଝେସାମାଚେସି, ଏଦାଆଁ ଏଞ୍ଜାରି ଏଚିରେଲା ପୁରେରି □

ଜୀସୁକ୍ ପିତର ସାତା ଇଞ୍ଜିଁ ଝେହ୍‌ନାୟି

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ତାୟୁ ଜୀସୁ କାୟିସରିୟା ପିଲିପି ରାଜିତା ଝାହାନା ତାନି ସୀସୁୟାଁକ୍ ଝେଚେସି, “ମାଣ୍‌ସି ମୀରୁଏସି ଆମ୍ବାଆସି ଇଞ୍ଜିଁ ଲକୁ ଝେସିମାନେରି ?”

୧୪ *ଏଚେଟିଏ ଏଞ୍ଜାରି ଏଲେଇରେସି, “ଆମ୍ବା ଆମ୍ବାଆରି ବାପ୍‌ସ୍ତ୍ରି* ହାନି ଜହନ, ଆମ୍ବା ଆମ୍ବାଆରି ଏଲିୟ, ଅଡେ ଆମ୍ବା ଆମ୍ବାଆରି ଜିରିମିୟ ଆଆଡିଁ ମାହାପୁରୁ ଅଣ୍ଡପୁଡି ବଲୁ ଝେହ୍‌ନାରି ତାଣାଟି ରଅସି □”

୧୫ ଜୀସୁ ଏଞ୍ଜାରାକ୍ ଝେଚେସି, “ସାମା ନାନୁ ଆମ୍ବାଆତେର୍ବ ଇଞ୍ଜିଁ ମୀରୁ ଝେସିମାଞ୍ଜେରି ?”

୧୬ *ସିମନ ପିତର ଏଲେଇରେସି, “ନୀନୁ କ୍ରୀସୁ, ଜୀଞ୍ଜୁଗାଟି ମାହାପୁରୁ ମୀରୁଏଶାଟି □”

୧୭ ଏଚେଟିଏ ଜୀସୁ ଏଞ୍ଜାଣାକ୍ ଏଲେଇରେସି, “ଏ ଜୁନସ ମୀରୁଏଶାଟି ସିମନ, ନୀନୁ ନେହେଁ, ଇଚିହଁ ମାଣ୍‌ସି ନୀ ତାଣାଟି ଇଦାଆଁ ଝେକ୍‌ହାମାଞ୍ଜଅସି, ସାମା ନା ଲାକପୁରୁଡି ଆବା ଝେକ୍‌ହାମାଞ୍ଜାନେସି □

୧୮ ଅଡେ ନାନୁ ଜିକେଏ ନିଙ୍ଗେ ଝେସିମାଞ୍ଜାକ୍, ନୀନୁ ପିତରଡିଠା, ଇଞ୍ଜା ଇ ଝାଲି ଲାକ ନାନୁ ନା କୁଲମିତି କେପିକ୍, ଅଡେ ହାକିତି ବାଡ଼ୟୁ ଏଦାଆଁ ମ୍ବେକ୍‌ହାଲି ଆଡେଏ □

୧୯ *ନାନୁ ନିଙ୍ଗ ଲାକପୁରୁଡି କୁଟିକାଡି ହିୟାକ୍, ଅଡେ ନୀନୁ ଦାରଡିତା ଏନାଆଁ ସୁଣ୍ଡିଦି, ଏଡି ଲାକପୁରୁ ରାଜି ଜିକେଏ ସୁଣ୍ଡି ଆନେ, ଅଡେ ଦାରଡିତା ଏନାଆଁ ଦେଏଦି ଏଡି ଲାକପୁରୁ ଜିକେଏ ଦେପି ଆନେ □”

୨୦ ଏଚିରେଲା ଏଞ୍ଜାସିଏ କ୍ରୀସୁ ଇଞ୍ଜିଁ ଆମ୍ବାଆରାକ୍ ଝେହ୍‌ଆଦୁ ଇଞ୍ଜିଁ ଏଞ୍ଜାସି ତାନି ସୀସୁୟାଁଣି ଜାଣେ କିହଁ ହୁକୁମି ହୀତେସି □

ଜୀସୁ ତାନି ଦୁକୁ ବେଟାଆହାନା ଅଡେ ହାନାଣି ଝେହ୍‌ନାୟି

(ମାର୍କ ୮:୩୧; ୯:୧; ଲୁକ ୯:୨୨-୨୬)

୨୧ ଏଚିରେଲାଟିଏ ଜୀସୁ ତାନି ସୀସୁୟାଁଣି ଝେସାଲି ମାଟ୍‌ହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜା ପ୍ରାତିନାଙ୍ଗା, କାଜା ପୁଜେରାଙ୍ଗା ଅଡେ ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଞ୍ଜା ତାନି ଦିନାଟିଏ ଝେଣ୍ଡେ ନିଙ୍ଗିନାୟି ମାନେ □

୨୨ ଏଚେଟିଏ ପିତର ଏଞ୍ଜାଣାକ୍ ଅରଞ୍ଜାକି ଅହାନା ଲାଗାନା ଏଲେଇରେସି, “ଏ ପ୍ରବୁ, ମାହାପୁରୁ ନିଙ୍ଗ କାର୍ମା ଆୟାପେସି, ଇଲେତାୟି ନିଙ୍ଗେ ଏଚେଲାଞ୍ଜା ଆୟାଆପେ □”

୨୩ ସାମା ଜୀସୁ ତାୟୁଞ୍ଜାକି ସିନକିହାନା ପିତରକ୍ ଏଲେଇରେସି, “ଏ ସୟତାନ ନା ତାଣାଟି ହେକ ଆମ୍ବୁ, ନୀନୁ ନା ସାଡୁ ଲେହେଁ, ଇଚିହଁ ନୀନୁ ମାହାପୁରୁ କାତା ଅଣ୍ଡପାଆନା ମାଣ୍‌ସିତି କାତା ଅଣ୍ଡପିମାଞ୍ଜି □”

୨୪ *ଏଚିରେଲା ଜୀସୁ ତାନି ସୀସୁୟାଁଣି ଏଲେଇରେସି, “ଆମ୍ବାଆସି ନା ଜେଚ ତାକାଲି ମନ କିତିହଁ, ଏଞ୍ଜାସି ତାନୁଏ ତାଙ୍ଗେ ଅପାକତାଆନା ତାନି କୁସ ଡେକାନାହାଁ ନା ଜେଚ ତାକାପେସି □

୨୫ *ଇଚିହଁ ଆମ୍ବାଆସି ତାନି ଜୀଞ୍ଜୁ ନୀଟ୍‌ହା କତାଲି ମନ କିନେସି, ଏଞ୍ଜାସି ହାଞ୍ଜି କିନେସି; ସାମା

* ୧୭:୨ ୧୭:୨ ଲୁକ ୧୭:୧ * ୧୭:୯ ୧୭:୯ ମାତି ୧୪:୧୭-୨୧ * ୧୭:୧୦ ୧୭:୧୦ ମାତି ୧୫:୩୪-୩୮ * ୧୭:୧୪ ୧୭:୧୪ ମାତି ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮ * ୧୭:୧୪ ୧୭:୧୪ ମୁଞ୍ଜିନାୟି * ୧୭:୧୭ ୧୭:୧୭ ଜହ ୬:୬୮,୭୯ † ୧୭:୧୮ ୧୭:୧୮ ପିତର ଇଚିହଁ ଝାଲି * ୧୭:୧୯ ୧୭:୧୯ ମାତି ୧୮:୧୮; ଜହ ୨୦:୨୩ * ୧୭:୨୪ ୧୭:୨୪ ମାତି ୧୦:୩୮; ଲୁକ ୧୪:୨୭ * ୧୭:୨୫ ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫

ଆମ୍ବାଆସି ନା. ତାକି ତାନି ଜୀଞ୍ଜୁ ହୀନେସି ଏଞ୍ଜାସି ନୀଟହା କତିନେସି □

୨୭ ଅଡେ ମାଣ୍ଡସି ଇ ଦାଋତିତା ମାନାଣି ବାରେ ମେଡ଼ି କିହାନା ତାନି ଜୀଞ୍ଜୁତି ହାଞ୍ଜି କିନେସି, ଆତିହ୍ମ ଏଞ୍ଜାଣାକି ଏନ୍ନି ଲାବା, ଇଞ୍ଜା ମାଣ୍ଡସି ତାନି ଜୀଞ୍ଜୁତି ବାଦୁଲି ଏନାଆଁ ହୀନେସି ?

୨୭ *ଇଞ୍ଜା ମାଣ୍ଡସି ମୀରୁଏସି ତାନି ଆବାତି ଗାଞ୍ଜୁରମିଟି ତାନି ଦୁଡୁୟା ତଲେ ଖାନ୍ନେସି, ଏତିବେଲା ଏଞ୍ଜାସି ବାରେ ଲକ୍ଷୁକି ତାନି କାମାତି ଲେକା ତଲେ ପାଡେୟି ହୀନେସି □

୨୮ ନାନୁ ମିଙ୍ଗେ ସାତା ଖେସିମାଞ୍ଜାକ୍, ମାଣ୍ଡସି ମୀରୁଏସି ତାନି ରାଜିତା ରାଜାଆହାଁ ଖାନ୍ନାଣି ମେହ୍ଆ ପାତେକା ଇମ୍ବାଆଁ ମାନି ଲକ୍ଷୁ ବିଦ୍ରାଟି ଏଚରଜାଣା ହାଅରି □”

୧୭

ଜୀସୁ ଅର ଖାଣା ଆନାୟି

(ମାର୍କ ୯:୨-୧୩; ଲୁକ ୯:୨୮-୩୬)

୧ ଜୀସୁ ସ ଦିନା ତାୟୁ ପିତର, ଜାକୁବ, ଅଡେ ତାନି ତାୟି ଜହନକ୍ ଏଟକା କିହାନା ଏଞ୍ଜାରାକ୍ ର ପାତାଆଡ଼ି ହରୁ ଲାକ ଅଡେସି □

୨ ଅଡେ ଏଞ୍ଜାସି ଏଞ୍ଜାରି ନକିତା ତାନି ଖାଣା ବାଦଲଞ୍ଜି ଆହାନା ତାନି ମୁମ୍ବୁ ଖେଡାଲେହେଁ ଉଜେଡ଼ି ଇଞ୍ଜା ତାନି ହିମ୍ବୁରି ଉଜେଡ଼ି ଲେହେଁ ଦବ୍‌ଲା ଆଡେ □

୩ ଇଞ୍ଜା ମେହ୍‌ଦୁ ମସା ଅଡେ ଏଲିୟ ଜୀସୁତଲେ କାତା ଆହିମାଚାଣି ମେସ୍ତେରି □

୪ ଏମ୍ବାଟିଏ ପିତର ଜୀସୁକ୍ ଏଲେଇଚେସି, “ଏ ପ୍ରବୁ ମାର ଇ ଟାୟୁତା ମାନାୟି ନେହେଁ; ନୀ ମନ ଆତିହ୍ମ ନାନୁ ଇମ୍ବାଆଁ ତାନିଗଟା ଗୁଡାୟା କେପିକ୍, ନିଙ୍ଗେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜା ଏଲିୟକି ରଣ୍ଡାଆଁ □”

୫ *ଇ କାତା ଖେସ୍‌ପନିଏ ମେହ୍‌ଦୁ ଇଚାୟି ହାଗୁ ଖାହାନା ଏଞ୍ଜାରାକ୍ ପିକହେ, ଇଞ୍ଜା ଏ ହାଗୁଟି ଇ ହାଡା ଖେଜିଡେ, “ଇଞ୍ଜାସି ନା ଜୀଞ୍ଜୁତି ମୀରୁଏସି ଇଞ୍ଜାଣି ଡାଣେଏ ନା ରାହାଁ ମାନେ, ଇଞ୍ଜାଣି ବଲ୍ଲୁ ଖେଞ୍ଜୁ □”

୬ ଇ ହାଡା ଖେଞ୍ଜାହାଁ ସୀସୁୟା ମୁନୁ କୁତିହ୍ମ ରିଡେରି ଇଞ୍ଜା ହାଡେକା ଆଜିଡେରି □

୭ ଏମ୍ବାଟିଏ ଜୀସୁ ଖାହାନା ଏଞ୍ଜାରାକ୍ ଡାଗାନା ଏଲେଇଚେସି, “ନିଙ୍ଗାଦୁ ମୀରୁ ଆଜାଆଦୁ □”

୮ ଇଞ୍ଜା ଏଞ୍ଜାରି ଲାକ ସିନିକିହାଲିଏ ଜୀସୁ ପିସ୍‌ପେ ଆମ୍ବାଆରାକ୍ ମେହ୍‌ଆଡେରି □

୯ ଏଞ୍ଜାରି ହରୁ ଲାକଟି ରେଟା ଖାହିମାଚାଟି ଜୀସୁ ଏଞ୍ଜାରାକ୍ ହୁକୁମି ହୀହାନା ଏଲେଇଚେସି, “ମାଣ୍ଡସି

ମୀରୁଏସି ହାଡାରି ତାଣାଟି ନିଙ୍ଗାଆ ପାତେକା ଇ ମେସାମାନି କାତା ଆମ୍ବାଆରାକ୍ ଖେହ୍‌ଅଡେରି □”

୧୦ ଏଦାଆଁତାକି ସୀସୁୟା ଏଞ୍ଜାଣାକ୍ ଖେଚେରି, “ଆତିହ୍ମ ନକେଏ ଏଲିୟ ଖାନ୍ନାୟି ମାନେ ଇଞ୍ଜା ମେରାପୁନାରି ଏନାଆଁତାକି ଖେସିମାନେରି ?”

୧୧ ଏଞ୍ଜାସି ଏଲେଇଚେସି, “ଏଲିୟ ଖାହାନା ବାରେ ଅଡେ ଖେଣ୍ଡେ ଇଚିନାୟି ସାତା”

୧୨ *ସାମା ନାନୁ ମିଙ୍ଗେ ଖେସିମାଞ୍ଜାକ୍, “ଏଲିୟ ଖାହା ରାଡେସିଏ, ସାମା ଲକ୍ଷୁ ଏଞ୍ଜାଣାକ୍ ପୁନାଆନା ଏନିକିହାଲି ମନ ଏଲେକିଡେରି □ ଏଲେକିହ୍ମ ଏ ମାଣ୍ଡସି ମୀରୁଏସି ଜିକେଏ ଏଞ୍ଜାରି କେୟୁତା ଦୁକୁ ବେଟାଆହାଲି ହାଜିମାନେସି □”

୧୩ ଏତିବେଲା ଏଞ୍ଜାରାକ୍ ବାପ୍ତିସ୍ମ* ହାନି ଜହନତି କାତା ଖେସିମାନେସି, ଏତିବେଲା ସୀସୁୟା ପୁଚେରି □

ଜୀସୁ ବୁଡୁ ଆଲ୍‌ଗାମାଟି କକାଣାକ୍ ନେହ୍‌କିନାୟି

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ଲକ୍ଷୁତାଣା ଖାହାଲିଏ, ରଅସି ଜୀସୁ ତାଣା ଖାହାଁ ମେଣ୍ଡାକୁତାନା ଏଲେଇଚେସି,

୧୫ “ପ୍ରବୁ ନା କକାଣାକ୍ କାର୍ମା ମେହ୍‌ମୁ, ଇଚିହ୍ମ ଏଞ୍ଜାସି କାଟିଖେନି ନଡେରି ତାକି ହାଡେକା କସ୍ତୁ ଆହିମାନେସି, ଏଞ୍ଜାସି ଏଚର ପାଲି ହିରୁତା ଅଡେ ଏୟୁଣାଁ ତରଗା ହାଜିମାନେସି □

୧୬ ନାନୁ ମୀ ସୀସୁୟା ତାଣା ଏଞ୍ଜାଣାକ୍ ତାଚାମାଚେସ୍, ସାମା ଏଞ୍ଜାରି ଏଞ୍ଜାଣାକ୍ ନେହ୍‌କିହାଲି ଆଡାଆଡେରି □”

୧୭ ଜୀସୁ ଏଲେଇଚେସି, “ଆଡେ ନାମାଆଗାଟି ଲାଗେଏ ପଲେଏ କାମା କିନି କୁଡାତାଡେରି, ଏଚର କାଲା ପାତେକା ନାନୁ ମୀ ତଲେ ଡୁୟିକ୍ ? ଏଚର କାଲା ମୀ ଲେମ୍ବାନାଣି ଅରୁହିକ୍ ? କକାଣାକ୍ ଇମ୍ବାଆଁ ନା ତାଣା ତାଦୁ □”

୧୮ ଅଡେ ଜୀସୁ ବୁଡୁକ୍ ଦାକା ହାହାଲିଏ, ବୁଡୁ ଏଞ୍ଜାଣାକ୍ ପିସା ହାଡୁସ୍ତେ, ଏ ଦେବୁଣିଏ କକାସି ନେହ୍‌ଆଡେସି □

୧୯ ଏଚେଟିଏ ସୀସୁୟା ମେଣେଏ ଜୀସୁ ତାଣା ଖାହାନା ଏଲେଇଚେରି, “ମାମ୍ବୁ ଏନାଆଁତାକି ଏ ବୁଡୁ ପିସ୍‌ପି କିହାଲି ଆଡାଆଡମି ?”

୨୦ *ଏଞ୍ଜାସି ଏଞ୍ଜାରାକ୍ ଏଲେଇଚେସି, “ମୀ ଉଣା ନାମୁ ତାକି, ଇଚିହ୍ମ ନାନୁ ମିଙ୍ଗେ ସାତା ଖେସିମାଞ୍ଜାକ୍, ର ହାସ୍ତୁ ପାଡେୟି ସମାନା ମୀ ନାମୁ ମାଟିହ୍ମ, ଇ ହରୁତି ଇମ୍ବାଟି ଏମ୍ବାଆଁ ଗୁଚାଆମୁ ଇଚିହ୍ମ, ଏଡ଼ି ଗୁଚାଆନେ, ଅଡେ ଏନାୟି ଜିକେଏ ଆଆଗାଚାୟି ହିଲେଏ □

* ୧୭:୨୭ ୧୭:୨୭ ମାତି ୨୫:୩୧; ରମି ୨:୬ * ୧୭:୫ ୧୭:୫ ମାତି ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨ * ୧୭:୫ ୧୭:୫ ୨ପିତ ୧:୧୭,୧୮ * ୧୭:୧୭ ୧୭:୧୭ ମାତି ୧୧:୧୪ * ୧୭:୧୩ ୧୭:୧୩ ମୁଞ୍ଜିନାୟି * ୧୭:୨୦ ୧୭:୨୦ ମାତି ୨୧:୨୧; ମାର୍କ ୧୧:୨୩; ୧କର ୧୩:୨

୨୧ ସାମା ପ୍ରାତାନା ଅଡ଼େ ଉପାସା ପିସପେ ଅଡ଼େ ଏନି ଉପେୟିଟି ଇଲେତି ବୁଡୁ ହଡ଼ା ହାଲେଏ □

ଜୀସୁ ତାନି ହାନି କାତାତି ଅଡ଼େ ଖେଣ୍ଡେ ହେନ୍ଦନାୟି

(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅଡ଼େ ଏଞ୍ଜାରି ଗାଲିଲିତା ରୁଣ୍ଡା ଆଡ଼ି ବେଲତା ଜୀସୁ ଏଞ୍ଜାରାଇଁ ଖେସ୍ତେସି, “ମାଣ୍ଡସି ମୀରଏସି ମାଣ୍ଡସିୟାଁ କେନ୍ଦୁତା ହେରପି ଆହାଲି ହାଜିମାନେସି,

୨୩ ଇଞ୍ଜା ଏଞ୍ଜାରି ଏଞ୍ଜାଣାଇଁ ପାୟିନେରି; ଅଡ଼େ ତାନି ଦିନାଟିଏ ଏଞ୍ଜାସି ଖେଣ୍ଡେ ନିଜିନେସି □

ଏଚେଟିଏ ଏଞ୍ଜାରି ହାଡ଼େକା ଦୁକୁ ଆଡ଼େରି □

ମାହାପୁରୁ ଇଲୁତାକି ସିସୁ ହୁାନାୟି

୨୪ ଏମ୍ବାଟିଏ ଏଞ୍ଜାରି କପରନାହୁମତା ଖାହାଲିଏ ମାହାପୁରୁ ଇଲୁତି ସିସୁ ରାହନାରି ପିତରଇଁ ଖାହାନା ଖେଚେରି, “ମୀ ଗୁରୁ ମାହାପୁରୁ ଇଲୁତାକି ସିସୁ ହୁଅସିକି ?”

୨୫ ପିତର ଏଲେଇଚେସି, “ହାଅ ହାନେସି □”

ଅଡ଼େ ଏଞ୍ଜାସି ଇଜ ଖାହାଲିଏ ଜୀସୁ ନକେଏ ଏଞ୍ଜାଣାଇଁ ଏଲେଇଚେସି, “ସିମନ ନୀ ଅଣ୍ଡୁ ଏନାୟି, ଦାରତିତି ରାଜାୟାଁ ଆମ୍ବାଆରି ତାଣାଟି ସିସୁ ରାହନେରି, ଏଞ୍ଜାରି ମୀରକା ତାଣାଟି କି ଏଟକା ଦେସାତି ଲକୁ ତାଣାଟି ?”

୨୬ ଏଞ୍ଜାସି ଏଟକା ଦେସାତି ଲକୁ ତାଣାଟି ଏଲେଇଞ୍ଜାଲିଏ, ଜୀସୁ ଏଞ୍ଜାଣାଇଁ ଏଲେଇଚେସି, “ଆତିହୁଁ ମୀରକା ହିୟାଲି ଲଡ଼ାଆଏ □”

୨୭ ସାମା ମାର ଏନିକିଁ ଏଞ୍ଜାରାକି ବାଡ଼ା ହାନାତାୟି ଆଆୟି, ଏଦାଆଁତାକି ସାମ୍ବୁରିତା ହାଜାନା କାଟା ମେଡ଼ମୁ, ଇଞ୍ଜା ତଲିଏ ଆମିନି ମୀନୁ ଆହୁଦି, ଏଦାଣି ଆସାନା ତାନି ଗୁଡ଼ି ଏକ୍‌ହସାରେ ର ଖେଣ୍ଡି ଟାକା ବେଟାଆଡ଼ି; ଏଦାଆଁ ଅହାନା ନାଜେ ଅଡ଼େ ନିଜେତାକି ଏଞ୍ଜାରାକି ହୀମୁ □

୧୮

ଲାକପୁରୁ ରାଜିତା ଆମ୍ବାଆସି କାଜାସି

(ମାର୍କ ୯:୩୩-୩୭; ଲୁକ ୯:୪୬-୪୮)

୧ *ଏଚିବେଲା ସୀସୁୟାଁ ଜୀସୁ ତାଣା ଖାହାନା ଖେଚେରି, “ଆତିହୁଁ ଲାକପୁରୁ ରାଜି ଆମ୍ବାଆସି କାଜାସି ?”

୨ ଏଞ୍ଜାସି ର ଉଣା କକାଣାଇଁ ତାଗେ ହାଟାହାଁ ନିପ୍‌ହାନା ଏଲେଇଚେସି,

୩ * “ନାନୁ ମିଜେ ସାତା ଖେସିମାଞ୍ଜାଇଁ, ମୀରୁ ଖେଣ୍ଡେ ର ଉଣା କକାଣି ଲେହେଁ ଆଆତିହୁଁ, ଏନିଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅଡ଼େରି □

୪ ଇଦାଆଁତାକି ଆମ୍ବାଆସି ଇ ଉଣା କକାଣି ଲେହେଁ ତାଜେତାକି ଉଣା କିହାକଡ଼ିନେସି, ଏଞ୍ଜାସି ଲାକପୁରୁ ରାଜିତା କାଜାସି □

୫ ଅଡ଼େ ଆମ୍ବାଆସି ଜିକେଏ ନା ଦରୁଟି ଇ ଉଣା କକାଣାଇଁ ଆବିନେସି, ଏଞ୍ଜାସି ନାଜେ ଆବାନେସି □”

ପାପୁ କିହାଲି ତାୟିପାରି କିନାୟି

(ମାର୍କ ୯:୪୨-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣା ନାମାମାନି ଇ ଉଣାୟାଁ ବିତ୍ରାଟି ରଅଣାଇଁ ତାୟିପାରି କିହାଲି ପାପୁ କିଞ୍ଜି କିନେସି, ଏଞ୍ଜାଣି ହେରକିତା ର କାଜା ଜେତାଞ୍ଜାଲି ଦସାନା ସାମ୍ବୁରିତି କୁଡ଼ି ଏୟୁଣାଁ ମେଡ଼ହୁଁ ଏଞ୍ଜାଣାକି ନେହେଁ ଆଡ଼େମା □

୭ ଆୟଡ଼ା, ଦାରତିତି ଲାଗେଏ କିନାକି ତଣ୍ଡ ବେଟା ଆନାତେରି; ଲାଗେଏ ଆନାୟି ସାତେଏ ଆନେ, ଆୟଡ଼ା ଆମିନି ଲକୁ ତାଣାଟି ଲାଗେଏ ଆନେ ଏଞ୍ଜାସି ତଣ୍ଡ ବେଟା ଆନେସି □”

୮ * “ମୀ କେନ୍ଦୁ କି କତା ମିଜେ ପାପୁ କିଞ୍ଜିକିୟାନେ, ଇଚିହୁଁ ଏଦାଆଁ ରାଡ଼ହାନା କୁତାଦୁ, ରୀ କେସ୍ତା ଅଡ଼େ ରୀ କତାୟାଁ ଆସାନା କାଲାକାଲା ଡ଼ାଞ୍ଜିମାନି ହିରୁତା ହଡ଼ିନି କିହାଁ କଲା ଅଡ଼େ ସଟା ଆହାନା କାଲେଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଜେତାକି ନେହେଁ □

୯ * ଅଡ଼େ ମୀ କାନୁ ମିଜେ ଲାଗେଏ କିଞ୍ଜିକିୟାତିହୁଁ, ଏଦାଆଁ ଡ଼େଞ୍ଜା କୁତାଦୁ; ରୀ କାଣ୍ଡକା ଆସାନା କାଲେଏ ଡ଼ାଞ୍ଜିମାନି ହିରୁ ଗାଡ଼ୁତା ମେଦିନି କିହାଁ ର କାନୁ ତଲେ କାଲେଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଜେତାକି ନେହେଁ □”

ଜାଜିତି ମେଣ୍ଡାତି ପୁଣ୍ଡିକିନାୟି

(ଲୁକ ୧୫:୩-୭)

୧୦ * “ହେଣ୍ଡୁ ଇ ଉଣା କକାରି ବିତ୍ରାଟି ରଅଣାଇଁ ଜିକେଏ ହୀଣି ମେହୁଆଦୁ, ଇଚିହୁଁ ନାନୁ ମିଜେ ସାତା ଖେସିମାଞ୍ଜାଇଁ, ଲାକପୁରୁ ମାନି ଏଞ୍ଜାରି ଦୂଡ଼ୁୟାଁ ବାରେଦିନା ଲାକପୁରୁତି ମା ଆବାତି ମୂମ୍ ମେସେ ମାନୁ □

୧୧ ଇଚିହୁଁ ଏନାୟି ଜାଜାମାନେ ଏଦାଆଁ ପାରାନା ଗେଲ୍‌ପାଲି ମାଣ୍ଡସି ମୀରଏସି ଖାହାନାୟି □”

୧୨ “ମୀରୁ ଏନାଆଁ ଅଣ୍ଡିପିମାଞ୍ଜେରି ? ରଅଣାକି ପାସାକଡ଼ି ମେଣ୍ଡାୟାଁ ମାତିହୁଁ, ଏଞ୍ଜାସିକା ବିତ୍ରାଟି ରଣ୍ଡି ଜାଜାହାନେ, ଇଞ୍ଜା ରଣ୍ଡି ଉଣା ପାସାକଡ଼ି ମେଣ୍ଡାୟାଁ ହରୁତା ପିସାନା ଏଞ୍ଜାସି ହାଜାନା ଏ ଜାଜାମାନି ମେଣ୍ଡାତି ପାରଅସି ?

* ୧୮:୧ ୧୮:୧ ଲୁକ ୨୨:୨୪ * ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭ * ୧୮:୮ ୧୮:୮ ମାତି ୫:୩୦ * ୧୮:୯ ୧୮:୯ ମାତି ୫:୨୯ * ୧୮:୧୦ ୧୮:୧୦ ଲୁକ ୧୯:୧୦

୧୩ ଅଡ଼େ ଏଝାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଜାଙ୍ଗା ହିଲାଆଗାଟି ରଣ୍ଡି ଉଣା ପାସାକଡ଼ି ମେଣ୍ଟାୟାଁ କିହାଁ ଜାଙ୍ଗାମାଟି ର ମେଣ୍ଟା ତାକି ହାରେକା ରାହାଁ କିନେସି □

୧୪ ଏଲେକିହୁଁଏ ଇ ଉଣାୟାଁ ବିତ୍ରାଟି ରଣ୍ଡି ଜିକେଏ ନସ୍ତୁ ଆଆପେ ଇଞ୍ଜୁଁ ମୀ ଲାକପୁରୁତି ଆବାତି ମନ □”

ପାପୁ କିତି ର ତାୟି

୧୫ * “ନୀ ତାୟି ପାପୁ କିତିହୁଁ, ନୀନୁ ଏଝାଣାଇଁ ମେଣେଏ ଏଲେକିଆନି ଇଞ୍ଜୁଁ ଝେସାନା ତାନି ପାପୁ ତହୁମ୍; ଏଝାସି ନୀ କାତା ଆସିହୁଁ ନୀନୁ ଏଝାଣାଇଁ ନୀ ତାୟିଲେହେଁ ଝେଣ୍ଟେ ବେଟାଆଡ଼ି □

୧୬ ସାମା ଏଝାସି ନୀ କାତା ଝେନାଆଡ଼ିହୁଁ, ନୀ ତଲେ ରଅଣାଇଁ କି ରିଆରାଇଁ ଅହିହୁଁ ହାଲାମ୍, ଏନିକିହୁଁ ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତାନି ଆନେ □

୧୭ ଏଝାସି ଏଝାରି କାତା ଜିକେଏ ଆହୁଆଡ଼ିହୁଁ କୁଲମିତି ଝେହୁମ୍, ଅଡ଼େ ଜିକେଏ କୁଲମି କାତା ଝେନଅସି, ଆଡ଼ିହୁଁ ଏଝାସି ମୀ କାନୁତା ଜୀହୁଦିଆଆତାରି କି ସିସୁ ରାହନାରି ଲେହେଁ ଆଡ଼େସି □”

ଅଦିକାରା ହାନାୟି

୧୮ * “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ଦାରୁତିତା ଏନାଆଁ ସୁଣ୍ଡିଦେରି, ଲାକପୁରୁ ଜିକେଏ ସୁଣ୍ଡିକିଆନେ, ଅଡ଼େ ଦାରୁତିତା ଏନାଆଁ ହେଲ ହୀଦେରି, ଲାକପୁରୁ ଜିକେଏ ହେଲ ହୀପକି ଆନେ □”

୧୯ “ଅଡ଼େ ମିଙ୍ଗେ ସାତା ଝେସିମାଞ୍ଜାଇଁ, ଦାରୁତିତା ମୀ ବିତ୍ରାଟି ରିଆରି ରଣ୍ଡିଏ ମନ ଆହାନା ଏନାଆଁ ଜିକେଏ ରାସିହୁଁ ଏଡ଼ି ଲାକପୁରୁତି ଆବା ତାଣାଟି ଏଝାରାକି ହୀପକିଆନେ □

୨୦ ଇତିହୁଁ ଏମ୍ପିୟା ରିଆରି କି ତାନି ଜାଣା ନା ଦରୁତଲେ ରୁଣ୍ଡା ଆନେରି ଏମ୍ପାଆଁ ନାନୁ ଏଝାରିତଲେ ମାଇଁ □”

କାର୍ମା ମେହୁଆ ହଲେଏଣି କାତା ପୁଣ୍ଡିକିନାୟି

୨୧ * ଏଚିବେଲା ପିତର ଜୀସୁ ତାଗେ ଝାହାନା ଝେଚେସି, “ଏ ପ୍ରବୁ ନା ତାୟି ଏଚର ପାଲି ନା କପାଟି ପାପୁ କିତିସାରେ ନାନୁ ଏଝାଣି ପାପୁ ମ୍ପେକ୍‌ଇଁ ?”

୨୨ ସାଡ଼ା ଦେବା ପାତେକା କି ? ଜୀସୁ ଏଝାଣାଇଁ ଏଲେଇଚେସି, ଝାରୁଇ ସାଡ଼ା ଦେବା ପାତେକା ଆଏ, ସାତା ଗୁଣୁ ତାନିକଡ଼ି ଦସ ଦେବା ପାତେକା ମ୍ପେକ୍‌ନାୟି ମାନେ □

୨୩ ଇତିହୁଁ ଲାକପୁରୁ ରାଜି ତାନି ହଲିୟାଙ୍ଗା ତଲେ ରୀଣା ଲେକା କିନି ର ରାଜା ଲେହେଁତାୟି □

୨୪ ଏଝାସି ଲେକା କିହାଲି ମାଟୁହାଲିଏ, ତାନି ଗାରୁହା ଦସ ମାଣା ଟାକାୟାଁ ରୀଣା ଆହାମାନି ର ହଲେଏଣାଇଁ ଏଝାଣି ତାଣା ତାତେରି □

୨୫ ସାମା ଏ ବାରେ ଡିକ୍‌ହାଲି ଏଝାଣି ତାଣା ଏନାୟି ହିଲାଆତାକି ଏ ସାଝୁକାରି ଏଝାଣାଇଁ ଅଡ଼େ ତାନି ତକ୍‌ନି ଇଞ୍ଜା ତାନି କକାରି ପଦାଁଣି ଇଞ୍ଜା ତାନି ଇଲୁତି ଆସି ପାରତାନା ରୀଣା ଡିକ୍‌ହାଲି ହୁକୁମି ହୀତେସି □

୨୬ ଏଚେଟିଏ ଏ ହଲେଏସି ମେଣ୍ଟାକୁତାନା ଜହରା କିହାନା ଏଲେଇଚେସି, ନୀନୁ କାର୍ମାମେସାନା କାଡ଼ାମ୍, ନୀନୁ ନିଙ୍ଗେ ବାରେ ଡିକ୍‌ହା ତୁସ୍ତାଇଁ □

୨୭ ଏଚେଟିଏ ସାଝୁକାରି ଏ ହଲେଏଣାଇଁ କାର୍ମାମେସାନା ତାନି ରୀଣା ପିସ୍‌ପି କିଝିଆଡ଼େ ଇଞ୍ଜା ତାନି ରୀଣା ମେଣ୍ଟାହାତେ □

୨୮ ସାମା ଏ ହଲେଏସି ଏମ୍ପାଟି ପାଙ୍ଗାତା ହାଜାନା ତାନିତାଣାଟି ରୀ କଡ଼ି ଦସଟାକା ରୀଣା ଅହାମାନି ତାନି ତଲେତି ର ହଲେଏଣାଇଁ ମେସାନା ଏଝାଣି ହେରକିତା ଆସାନା ଏଲେଇଚେସି, ନୀନୁ ଅହାମାନି ରୀଣା ଡିକ୍‌ହା ତୁସ୍ତାମ୍ □

୨୯ ଏଚେଟିଏ ତାନି ତଲେତି ହଲେଏସି ମେଣ୍ଟାକୁତାନା ଜହରା କିହୁଁ ଏଲେଇଚେସି, ନୀନୁ ନାଙ୍ଗେ କାର୍ମାମେସାନା କାଡ଼ାମ୍ ନାନୁ ନିଙ୍ଗେ ବାରେ ଡିକ୍‌ହାଇଁ

୩୦ ସାମା ଏଝାସି ରାଜି ଆଆତେସି, ଇଞ୍ଜା ରୀଣା ଡିକ୍‌ଆ ପାତେକା ଏଝାଣାଇଁ କାୟିଦି ଇଲୁତା ସୁଣ୍ଡିତେସି □

୩୧ ଇଞ୍ଜା ତାନି ତଲେତି ହଲିୟାଙ୍ଗା ଏଦାଆଁ ମେସାନା ହାରେକା ଦୁକୁ କିତେରି ଅଡ଼େ ହାଜାନା ସାଝୁକାରିଇଁ ବାରେ କାତା ଝେସ୍‌ପେରି □

୩୨ ଏମ୍ପାଟିଏ ସାଝୁକାରି ଏଝାଣାଇଁ ତାଗେ ହାଟାନା ଏଲେଇଚେସି, ଆଡ଼େ କାମାତା ଝାଆଗାଟି ହଲେଏଣାଟି ନୀନୁ ନାଙ୍ଗେ ବାଡ଼ିମାଲାଲିଏ ନାନୁ ନୀ ବାରେ ରୀଣା ପିସ୍ତାତେସି;

୩୩ ନାନୁ ଏନିକ୍‌ ନିଙ୍ଗେ କାର୍ମା ଆୟାତେସି, ଏଲେକିହୁଁଏ ନୀନୁ ଜିକେଏ ନୀ ତଲେତି ହଲେଏଣାଇଁ କାର୍ମାମେହନାୟି ମାତେ □

୩୪ ଅଡ଼େ ତାନି ପ୍ରବୁ ହାରେକା କପା ଆହାନା ବାରେ ରୀଣା ଡିକ୍‌ଆ ପାତେକା ଏ ହଲେଏଣାଇଁ କସ୍ତ ହୀନି ଲକୁ କେୟୁତା ହେରପିତେସି □

୩୫ ମୀରୁ ବାରେତେରି ମୀ ବାରେ ହିୟାଟି ମୀ ତାୟିଇଁ ତାନି ପାପୁ ମ୍ପେକ୍‌ଆଡ଼ିହୁଁ ଲାକପୁରୁତି ମୀ ଆବା ଜିକେଏ ମିଙ୍ଗେ ଏଲେ କିୟାନେସି □

☆ ୧୮:୧୫ ୧୮:୧୫ ଲୁକ ୧୭:୩ ☆ ୧୮:୧୮ ୧୮:୧୮ ମାତି ୧୭:୧୯; ଜହ ୨୦:୨୩ ☆ ୧୮:୨୧ ୧୮:୨୧ ଲୁକ ୧୭:୩,୪

୧୯

ଜୀସୁ ଡକ୍ରିନି ପିହ୍ନାଣି ଜାପ୍ନାୟି

(ମାର୍କ ୧୦:୧-୧୨)

୧ ଜୀସୁ ଇ ବାରେ କାତା ଖେସାଲି ରାପ୍‌ହି ତାୟୁ ଗାଲିଲି ରାଜି ପିସାନା ଜର୍ଦନ କାତା ଆତାଲାତି ଜୀହୁଦା ରାଜିତି ହାନ୍ଦିତା ଏତେସି □

୨ ଇଞ୍ଜା ହାରେକା ଲକୁ ତାନି ଜେଚ ହାରେରି, ଅଡେ ଏଝାସି ଏମ୍‌ଆଁ ଏଝାରି ରଗଟି ନେହିଁ କିତେସି □

୩ ଏମ୍‌ଗାଟିଏ ପାରୁସିୟାଁ ଏଝାଣି ତାଣା ଖାହାନା ଏଝାଣାଇଁ ତାୟିପାରିକିହିଁ ଖେରେରି, “ରଅସି ଜାହାରା ଡକ୍ରିନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇରେସି, “ମୀରୁ ପଡ଼ୁଝି ଆହାହିଲଅଡେରି ? ଗାଡ଼ି କିନାସି ନକେଏଟିଏ ଏଝାରାଇଁ ଆୟା ଅଡେ ଆବା କିହିଁ ଗାଡ଼ିକିତେସି,

୫ ଅଡେ ଏଦାଆଁତାକି ଡକ୍ତା ତାଲି ତାଞ୍ଜିଇଁ ପିସାନା ତାନି ଡକ୍ତି ତଲେ ଆଣ୍ଡିନେସି, ଅଡେ ଏଝାରି ରଣ୍ଡିଏ ଆଜ୍ଞା ଆନେରି,

୬ ଏଦାଆଁତାକି ଏଝାରି ରିଆରି ଆଏ, ସାମା ରଣ୍ଡିଏ ଆଜ୍ଞା ଆନେରି □ ଇଞ୍ଜା ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣ୍ଡସି ଏଦାଆଁ ଏଚକା କିଆପେସି □”

୭ *ପାରୁସିୟାଁ ଏଝାଣାଇଁ ଖେରେରି, “ଆଡିହିଁ ମସା ଏନାଆଁତାକି ପିହ୍ନି ଆକୁ ରାଚାନା ଡକ୍ରିନି ପିସାଲି ହେଲ ହାହାମାନେସି ?”

୮ ଜୀସୁ ଏଝାରାଇଁ ଏଲେଇରେସି, “ଇଡିହିଁ ମୀ ଆଚ୍‌ଝା ହିୟାତି ମେସାନା ମସା ମିଙ୍ଗେ ମୀ ଡକ୍ତିସିକାଣି ପିସାଲି ହେଲ ହିୟାତେସି, ସାମା ଗାଡ଼ିକିତି ଦିନାଟିଏ ଏଲେକିହିଁ ହିଲ୍‌ଆଡେ □

୯ *ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍‌ଆସି ତାନି ଡକ୍ରିନି ଦାରି ଦହ ହିଲ୍‌ଆନା ଏନି କାତାତାକି ପିସାନା ଅର ଡକ୍ରିନି ତାଡିହିଁ, ଏଝାସି ଦାରିକାମା କିନେସି □”

୧୦ ସୀସୁୟାଁ ଏଝାଣାଇଁ ଏଲେଇରେରି, “ଡକ୍ରିନି ତଲେ ମାଣ୍ଡସିକି ଇଲେତାୟି ମାଡିହିଁ, ଏଝାସି ବାହା ଆଆଡିହିଁ ନେହେଁ ଆଡେମା □”

୧୧ ଜୀସୁ ଏଝାରାଇଁ ଏଲେଇରେସି, “ବାରେଜାଣା ଇ କାତାତି ଆସାଲି ଆଡଅରି, ଇଡିହିଁ ଆମ୍‌ଆରାକି ମାହାପୁରୁ ବାଡ଼ୁରୁ ହାହାମାନେସି, ଖାରଇ ଏଝାରିଦେହେଁ ଆସାଲି ଆଡିନେରି □

୧୨ ଇଡିହିଁ ଆମ୍‌ଆ ଆମ୍‌ଆରି ଇୟାନି ବାଣ୍ଡିଟିଏ ବାହା ଆହାଲି ଆଡାଆରେରୁ ଜାର୍ନା ଆହାମାନେରି; ଇଞ୍ଜା ଆମ୍‌ଆ ଆମ୍‌ଆରି ଲକୁ ତାଣାଟି ଏଲେକିଝି ଆହାମାନେରି, ଅଡେ ଆମ୍‌ଆ ଆମ୍‌ଆରି ଲାକପୁରୁ ରାଜିତାକି ତାମ୍‌ନୁ ତାମ୍‌ସୁ ଏଲେ ଆହାମାନେରି,

ଆମ୍‌ଆସି ଏ କାତାତି ଆସାଲି ଆଡିନାସି ଆସ୍‌ପାସି □”

ଜୀସୁ କକାରି ପଦାଁକି ବଚ୍ ହୀନାୟି
(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏଚିବେଲା ଜୀସୁ କକାରି ପଦାୟାଁ ମୁହେଁ କେୟୁ ଇଚାନା ପ୍ରାତାନା କିନେସି, ଏଦାଆଁତାକି ଲକୁ ଏଝାରାଇଁ ତାନି ତାଣା ତାଡେରି, ସାମା ସୀସୁୟାଁ ତାଟିମାଟି ଲକୁଣି ଦାକା ହାତେରି □

୧୪ ସାମା ଜୀସୁ ଏଲେଇରେସି, “କକାରି ପଦାଁଣି ନା ତାଣା ଖାହାଲି ହୀଦୁ, ଏଝାରାଇଁ ଆଂଗାଆଦୁ, ଏନାଆଁତାକି ଇଡିହିଁ ଲାକପୁରୁ ରାଜି ଏଲେତାରାଝାୟି □”

୧୫ ଅଡେ ଏଝାସି ଏଝାରି ଲାକ କେୟୁ ଇଚାନା ଏମ୍‌ଗାଟି ହାରେସି □

ର ଦନଗାଟି ଦାଂଗ୍‌ଶେଏସି
(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅଡେ ମେହ୍‌ଦୁ ରଅସି ଜୀସୁ ତାଣା ଖାହାନା ଖେରେସି, “ଏ ଗୁରୁ କାଲାକାଲାତି ଜୀଝୁ ବେଟାଆହାଲି ନାନୁ ଆମିନି ନେହିଁ କାମା କିଇ ?”

୧୭ ଜୀସୁ ଏଝାଣାଇଁ ଏଲେଇରେସି, “ନେହାୟି ଇନି କାତାତି ନାଙ୍ଗେ ଏନାଆଁତାକି ଖେଞ୍ଜିମାଞ୍ଜାଦି ? ଖାରଇ ରଅସିଏ ନେହାସି; ସାମା ନାନୁ ଜୀଝୁ ବେଟାଆହାଲି ମନ କିଡିହିଁ, ବାରେ ହୁକୁମି ମାନଝି ଆମ୍‌ନୁ □”

୧୮ ଏଝାସି ଜୀସୁଇଁ ଏଲେଇରେସି, “ଏନିଲେହେଁତି ହୁକୁମି ?”

ଜୀସୁ ଏଲେଇରେସି, “ଲକୁଣି ପାୟାଆନି, ଦାରିକାମା କିଆନି, ସରୁ କିଆନି, ମିତି ସାକି ହୀଆନି,

୧୯ ତାଲି ତାଞ୍ଜି କାତା ଆହ୍‌ମୁ, ନୀ ପାଡ଼ିତି ଲକୁଣି ନୀ ଜୀଝୁ ଲେହେଁ ଜୀଝୁ ନମ୍‌ନୁ □”

୨୦ ଏ ଦାଂଗ୍‌ଶେଏସି ଜୀସୁଇଁ ଏଲେଇରେସି, “ନାନୁ ଇ ବାରେ ମାନଝି ଆହାମାଇଁ, ନାଙ୍ଗେ ଅଡେ ଏନଝା ଡ଼ଶା ମାନେ ?”

୨୧ ଜୀସୁ ଏଝାଣାଇଁ ଏଲେଇରେସି, “ନାନୁ ନେହାତି ଆହାଲି ମନ କିଡିହିଁ, ହାଜାନାହାଁ ନୀ ବାରେ ଦନ ପାରଚାନାହାଁ ହିଲ୍‌ଆ ଗାଟାରାକି ଦାନା ହୀମ୍‌ନୁ, ଇଞ୍ଜା ନା ଜେଚ ଖାମ୍‌ନୁ, ଏଚେଟିଏ ଲାକପୁରୁ ନାନୁ ଦନ ବେଟାଆଡ଼ି □”

୨୨ ଇ କାତା ଖେଞ୍ଜାନା ଦାଂଗ୍‌ଶେଏସି ଦୁକୁ ଆହାନା ହାରେସି, ଇଡିହିଁ ଏଝାଣାକି ହାରେକା ଦନ ମାଚେ □

୨୩ ଏଚେଟିଏ ଜୀସୁ ତାନି ସୀସୁୟାଁଇଁ ଏଲେଇରେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ,

☆ ୧୯:୭ ୧୯:୭ ମାତି ୫:୩୧ ☆ ୧୯:୯ ୧୯:୯ ମାତି ୫:୩୨; ୧କର ୭:୧୦,୧୧

ଦନ ଗାଗାରି ଲାକପୁରୁ ରାଜିତା ହଡ଼ାଲି ହାରେକା କସ୍ତୁ ଆନେ □

୨୪ ଅଡ଼େ ଖେଣ୍ଡେ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁତି ରାଜିତା ଦନଗାଗାରି ହାନି କିହ୍ନା ଉଟୁ ସୁଜା କାଣିଟି ହଡ଼ା ହାନାୟି ଉସାସା ଆନେ □”

୨୫ ସୀସୁୟାଁ ଇ କାତା ଖେଞ୍ଜାନା କାବାଆହାନା ଏଲେଇଚେରି, “ଆଡ଼ିହ୍ମ ଆମ୍ବାଆସି ଗେଲ୍ପି ଆହାଲି ଆଡ଼ିନେସି ?”

୨୬ ଜୀସୁ ଏଝାରାଇଁ ସିନିକିହାନା ଏଲେଇଚେସି, “ଇଦି ମାଣସିତାକି ଆଆଗାଗାୟି, ସାମା ମାହାପୁରୁ ତାକି ବାରେ ଆନେ □”

୨୭ ଏଚେଟିଏ ପିତର ଏଲେଇଚେସି, “ମେହ୍ମୁ ମାମ୍ବୁ ବାରେ ପିସାନା ନୀ ଜେଚ ଖାହାମାନାମି; ଆଡ଼ିହ୍ମ ମାମ୍ବୁ ଏନାଆଁ ବେଟାଆନମି ?”

୨୮ *ଜୀସୁ ଏଝାରାଇଁ ଏଲେଇଚେସି, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ପୁଃନି ଜୁଗୁ ଆନାଟି ଏଚେତା ମାଣସି ମୀରଏସି ତାନି ଗାଝୁରମିତି କାଜାପାଣା ତଲେ ସିଂଗାସାଣିତା କୁଗିନି ଦିନା ନା ଜେଚ ଖାହାମାନାତେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସାୟେଲତି ବାର କୃତାତି ସାଲ୍ଝି କିଦେରି □

୨୯ ଇଞ୍ଜା ଆମ୍ବାଆସି ନା ଦରୁ ତାକି ଇଲୁ କାଣ୍ଡା, କି ତାୟି ତାଲ୍ପିସ୍ତା, ତାଲି ତାଞ୍ଜି, କକାରି ପଦାୟାଁ, ଇଞ୍ଜା ବୁନି ବାଡ଼ା ପିସାମାନେସି, ଏଝାସି ଏ ବାରେକିହ୍ନା ହାରେକା ଗାଡ଼ି ବେଟା ଆନେସି, ଇଞ୍ଜା କାଲ୍ଲକାଲ୍ଲାତି ଜୀଝୁତି ବେଟା ଆନେସି □

୩୦ *ସାମା ନକିତା ମାନି ହାରେକା ଲକୁ ଡାୟୁ ଆନେରି, ଇଞ୍ଜା ଡାୟୁତା ମାନି ହାରେକା ଲକୁ ନକିତା ଆନେରି □

୨୦

ଅଜ୍ଞୁରି ବାଡ଼ାତା କାମାକିନାରି

୧ ଇଡ଼ିହ୍ମ ଲାକପୁରୁ ରାଜି ଇଲେତି ର ସାଝୁକାରି ଲେହେଁତାୟି, ଲାଇ ଖେୟାଲିଏ ତାନି ଅଜ୍ଞୁରି ବାଡ଼ାତା କୁଲି କାମା କିଝିକିହାଲି ହାଚେସି □

୨ ଅଡ଼େ ଏଝାସି କୁଲି ଗାଗାରାଇଁ ଦିନାତାକି ର ଖେଣ୍ଡି ଟାକା ହିୟାଇଁ ଇଞ୍ଜିଏଝାରାଇଁ ତାନି ଅଜ୍ଞୁରି ବାଡ଼ାତା ପାଣ୍ଡିତେସି □

୩ ଅଡ଼େ ନ ଗଟା ବେଲ୍ଲାତା ଏଝାସି ପାଞ୍ଜାତା ହାଜାନା ଏଚକାତାରି କାମା ପୁଃଆନା ନିଚାମାଗାଣି ମେସାନା ଏଝାରାଇଁ ଜିକେଏ ଏଲେଇଚେସି,

୪ ମୀରୁ ଜିକେଏ ଅଜ୍ଞୁରି ବାଡ଼ାତା ହାଜାନା କାମା କିଦୁ, ଇଞ୍ଜା ଏନିକିଁ ତୀରି ଆହାମାନେ, ଏଲେକିହ୍ମ ମିଙ୍ଗେ ହିୟାଇଁ; ଇଞ୍ଜା ଏଝାରି ହାଚେରି □

*ଅଡ଼େ ମାଦେନା ବାର ଗଟା ଇଞ୍ଜା ତାନି ଗଟା ବେଲ୍ଲାତା ପାଞ୍ଜାତା ହାଜାନା ଏଲେକିତେସି □

୬ ଇଞ୍ଜା ମିଡ଼ଅଲ୍ଲା ପାସା ଗଟା ବେଲ୍ଲାତା ପାଞ୍ଜାତା ହାଜାନା ଏଚରଜାଣା ନିଚାମାଗାଣି ମେସାନା ଖେଚେସି, ମୀରୁ ଏନାଆଁତାକି ମାଦେନା ଖେଡ଼ାଡ଼ୁମ୍ବେ କାମା କିଆନା ଉଜେଏ ନିଚାମାଞ୍ଜେରି ?

୭ ଏଝାରି ଏଝାଣାଇଁ ଏଲେଇଚେରି, ଆମ୍ବାଆରି ମାଙ୍ଗେ କାମା ହେରପା ମାଞ୍ଜଅରି □ ଏଝାସି ଏଝାରାଇଁ ଏଲେଇଚେସି ମୀରୁ ଜିକେଏ ଅଜ୍ଞୁରି ବାଡ଼ାତା ହାକୁ □

୮ ଡାୟୁ ମିଡ଼ଅଲ୍ଲା ଆହାଲିଏ, ଅଜ୍ଞୁରି ବାଡ଼ାତି ସାଝୁକାରି ତାନି ଗୁମୁସ୍ତାଇଁ ଏଲେଇଚେସି, କୁଲି ଗାଗାରାଇଁ ହାଟାନା ଡାୟୁ ଖାଡ଼ି ଲକୁ ତାଣାଟିଏ ମାଟ୍‌ହାନା ନକିତା ଖାଡ଼ି ଲକୁ ପାତେକା କୁଲି ହାମ୍ବୁ □

୯ ଏଚେଟିଏ ଆମିନି ଗାଗାରି ପାସା ଗଟା ବେଲ୍ଲାତା କାମାତା ପାଣ୍ଡି ଆହାମାଚେରି, ଏଝାରି ଖାହାନା ର ଖେଣ୍ଡି ଟାକା ଲାକା ବେଟାଆଡ଼େରି □

୧୦ ଇଞ୍ଜା ନକେଏ କାମାତା ପାଣ୍ଡି ଆହାମାନାରି ଖାହାନା ଗାଡ଼ି ବେଟାଆନେରି ଇଞ୍ଜିଅଣ୍ଡିପିତେରି; ସାମା ଏଝାରି ଜିକେଏ ଏ ର ଖେଣ୍ଡି ଟାକା ଲାକା ବେଟାଆଡ଼େରି □

୧୧ ସାମା ଏଲେକିଁ ବେଟାଆହାନା ଏଝାରି ସାଝୁକାରିକିଁ କପା ଆହାନା ଲାଗିତେରି □

୧୨ ଇ ଡାୟୁତି ଲକୁ ଖାଟ୍‌ଇ ର ଗଟା କାମା କିତେରି, ଇଞ୍ଜା ମାମ୍ବୁ ଖେଡ଼ା ଡୁମ୍ବେ ଖାହୁ ଆହ୍ କାରା ଖେହ୍ କାମା କିଡ଼ିହ୍ମ ଜିକେଏ ନୀନୁ ଏଝାରାକି ମା ସମାନା କିତି □

୧୩ ଏଝାରି ବିତ୍ରାଟି ରଅଣାଇଁ ସାଝୁକାରି ଏଲେଇଚେସି ଏ ତଡ଼େ, ଖେନାମ୍ବୁ, ନାନୁ ମିଙ୍ଗେ ନାଡ଼ି କିହିମାଞ୍ଜଅଁ; ନୀନୁ ନା ତଲେ ର ଖେଣ୍ଡି ଟାକା ତାକି ରାଜି ଆହାହିଲ୍ଲାଆଡ଼ି କି ?

୧୪ ନୀନୁ ଏଚେକା ପାଣ୍ଡିନାୟି ମାନେ ଏଚେକା ଆସାନା ହାଜାଡୁହ୍ମ୍ବୁ, ସାମା ଇ ଡାୟୁତି ଲକୁକି ଜିକେଏ ନୀ ଲେହେଁକି ହିୟାଲି ନା ମନ୍ □

୧୫ ନା ଦନତି ନା ମନ୍ ଲେହେଁ ଲେୟାଲି ନା ଅଦିକାରା ହିଲେଏ କି ? ନାନୁ କାର୍ମାମେସାନା ହିୟାଲିଏ ନୀନୁ ଏନାଆଁତାକି ତାହାରା ଆହିମାଞ୍ଜାଦି □

୧୬ *ଏଲେକିହ୍ମ ଏ ଡାୟୁ ମାନି ଲକୁ ନକିତା ଆନେରି, ଇଞ୍ଜା ନକିତା ମାନି ଲକୁ ଡାୟୁ ଆନେରି □

ତାନି ହାକିତି କାତା ଜୀସୁ ତାନି ପାଲି ଖେହ୍‌ନାୟି

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

* ୧୯:୨୮ ୧୯:୨୮ ମାତି ୨୫:୩୧; ଲୁକ ୨୨:୩୦ * ୧୯:୩୦ ୧୯:୩୦ ମାତି ୨୦:୧୭; ଲୁକ ୧୩:୩୦ * ୨୦:୧୭ ୨୦:୧୭ ମାତି ୧୯:୩୦; ମାର୍କ ୧୦:୩୧; ଲୁକ ୧୩:୩୦

୧୭ ଜୀସୁ ଜିରୁସାଲମତା ହାଜିମାତାଟି
ବାରଜାଣାଟି ସୀସୁୟାଁଇଁ ଏଟକା କିହାନା, ଜିରୁତା
ଏଞ୍ଜାରାଇଁ ଏଲେଇଚେସି,

୧୮ ମେହ୍‌ଦୁ ମାର ଜିରୁସାଲମତା ହାଜିମାନାୟି,
ମାଣ୍‌ସି ମୀରଏସି କାଜା ପୁଜେରାଙ୍ଗା ଅଡ଼େ
ମେରାପୁନାରି କେୟୁତା ହେରପିଆନେସି,

୧୯ ଅଡ଼େ ଏଞ୍ଜାରି ଏଞ୍ଜାଣାଇଁ ହାନି ତଣ୍ଡ ହାହାନା
ଏଟକା କୁଡ଼ାତାରି କେୟୁତା ହେରପିନେରି,
ଏଚେଟିଏ ଏଞ୍ଜାରି ଏଞ୍ଜାଣାଇଁ କିଜ଼ି କିନେରି,
ସାଟ୍‌ଣି ତ:ରିତଲେ ଖେନେରି, ଅଡ଼େ ପାସି ମୁଣ୍ଡାତା
ଏକ୍‌ହାନା ପାୟିନେରି, ଇଞ୍ଜା ତାନି ଦିନାଟିଏ
ହାକିଟି ଖେଣ୍ଡେ ନିଜ୍‌ନେସି □

ର ଇୟାନି ବାତିମାଲିନାୟି
(ମାର୍କ ୧୦:୩୫-୪୫)

୨୦ ଏଚିବେଲା ଜେବଦି ତକ୍ତି ତାନି ରୀ ମୀରକା
ତଲେ ଜୀସୁ ତାଣା ଖାହାନା ଜହରା କିହାନା ଏଞ୍ଜାଣି
ତାଣା ବାତିମାଲିହଁ ଏଲେଇଚେ □

୨୧ ଏଚେଟିଏ ଜୀସୁ ଏଦାନି ଖେଚେସି, “ନୀନୁ
ଏନାଆଁ ମନ୍ କିହିମାଞ୍ଜି ?”

ଏଦି ଏଲେଇଚେ, “ନୀ ରାଜିତା ନା ରୀ ମୀରକା
ବିତ୍ରାଟି ରଅସି ନୀ ଚିଃନିଞ୍ଜାକି ଅଡ଼େ ରଅସି ନୀ
ଚେବୁଞ୍ଜାକି କୁଗିନେରି ଇଞ୍ଜା ହୁକୁମି ହୀମୁ □”

୨୨ ସାମା ଜୀସୁ ଏଲେଇଚେସି, “ମୀରୁ ଏନାଆଁ
ରାସିମାଞ୍ଜେରି ଏଦାଆଁ ପୁଞ୍ଜିହିଲଅଡେରି □ ନାନୁ
ଆମିନି ସଲାତା ଗସାଲି ହାଜିମାଇଁ, ଏଦାଆଁ ମୀରୁ
ଗସାଲି ଆଡ଼ିଦେରି ?”

ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଆଡ଼ିନମି
□”

୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ନା
ସଲାତା ଗହଦେରି ସାତା, ସାମା ନା ଚିଃନି କି
ଚେବୁଞ୍ଜାକି କୁଗାଲି ହାନି ନା ଅଦିକାରାତି କାତା
ଆଏ, ଇଚିହଁ ଆମିନି ଗାଗାରାକି ନା ଆବା
ତାଣାଟି ଚାୟୁ କିଞ୍ଚିଆହାମାନେ ଏଞ୍ଜାରି କୁଗିନେରି
□”

୨୪ ଏଟକାତି ଦସ ଜାଣା ଇ କାତା ଖେଞ୍ଜାନା ଏ
ତାୟି ରିଆରାଇଁ କପା ଆଡେରି □

୨୫ *ସାମା ଜୀସୁ ଏଞ୍ଜାରାଇଁ ତାଗେ ହାଟାନା
ଏଲେଇଚେସି, “ଏଟକା କୁଡ଼ାତାରି ସାଲଞ୍ଜି କିନାରି
କାଜା ବାଡ଼ୟୁ ତଲେ ତାମି କାଜାପାଣା ତହ୍‌ନେରି,
ଇଦାଆଁ ମୀରୁ ପୁଞ୍ଜାମାଞ୍ଜେରି □

୨୬ *ମୀ ବିତ୍ରା ଏଲେକିହଁ ଆଏ, ସାମା ମୀ
ବିତ୍ରା ଆମ୍ବାଆସି କାଜାସି ଆହାଲି ଅଣ୍‌ପିନେସି,
ଏଞ୍ଜାସି ମୀ ସେବା କିନାସି ଆପେସି;

୨୭ ଅଡ଼େ ଆମ୍ବାଆସି କାଜାପାଣା ବେଟାଆହାଲି
ମନ୍ କିନାସି ଏଞ୍ଜାସି ମୀ ହଲେଏସି ଆପେସି,

୨୮ ଏନିକଁ ମାଣ୍‌ସି ମୀରଏସି ଜିକେଏ ସେବା
ବେଟାଆହାଲି ଖାହାହିଲଅସି, ସାମା ସେବା କିହାଲି
ଅଡ଼େ ହାରେକା ଲକୁଣି ଗେଲ୍‌ପାଲି ଜୀସୁ ହୀହାଲି
ଖାହାମାନେସି □”

ରୀ କାଣାୟାଣି ମେସାଲି ହୀନାୟି
(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଜୀସୁ ଅଡ଼େ ତାନି ସୀସୁୟାଁ ଜିରିହଟି
ହାଜିମାତାଟି ହାରେକା ମାନ୍ଦା ଲକୁ ତାନି ଜେଟ
ହାଚେରି □

୩୦ ଅଡ଼େ ଜିରୁ ଦାରିତା ରିଆରି କାଣାୟାଁ ଜୀସୁ
ଏ ଜିରୁଟି ହାଜିମାନେସି ଇଞ୍ଜା ଖେଞ୍ଜାନା, କାଜା
ଗିୟାତଲେ ଏଲେଇଚେରି, “ଏ ପ୍ରବୁ ଦାସୁଦ
ମୀରଏଶାତି! ମାଙ୍ଗେ କାର୍ମା ମେସ୍ତାମୁ □”

୩୧ ସାମା ଲକୁ ଏଞ୍ଜାରାଇଁ ପାଲେଏ ଆହାଲି
ଦାକା ହୀଚେରି, ସାମା ଏଞ୍ଜାରି ଅଡ଼େ କାଜା
ଗିୟାତଲେ ଏଲେଇଚେରି, “ଏ ପ୍ରବୁ ଦାସୁଦ
ମୀରଏଶାତି! ମାଙ୍ଗେ କାର୍ମା ମେସ୍ତାମୁ □”

୩୨ ଏମ୍ବାଟିଏ ଜୀସୁ ନିଚାନା ଏଞ୍ଜାରାଇଁ ହାଟାନା
ଖେଚେସି, “ନାନୁ ମିଙ୍ଗେତାକି ଏନାଆଁ କିଇଁ ଇଞ୍ଜା
ମୀରୁ ଅଣ୍‌ପିମାଞ୍ଜେରି ?”

୩୩ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଏ ପ୍ରବୁ
ଏନିକଁ ମା କାଣ୍‌କା ଦେପି ଆନୁ □”

୩୪ ଅଡ଼େ ଜୀସୁ କାର୍ମା ଆହାନା ଏଞ୍ଜାରି କାଣ୍‌କା
ତାଗିଚେସି, ଇଞ୍ଜା ଏ ଦେବୁଣିଏ ଏଞ୍ଜାରି ମେସ୍ତେରି
ଇଞ୍ଜା ଏଞ୍ଜାଣି ଜେଟ ହାଚେରି □

୨୧

ଜିରୁସାଲମତା ଜୀସୁ ରାହୁଟି ହଡ଼ନାୟି
(ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏଚିବେଲା ଜୀସୁ ଅଡ଼େ ତାନି ସୀସୁୟାଁ
ଜିରୁସାଲମ ତାଗେ ଆହାନା ଜୀତ ଇନି ହରୁ
ଦାରିତି ବେଡ଼ପାଗି ଏଜାଲିଏ ଏଚିବେଲା ଜୀସୁ
ତାନି ରୀ ସୀସୁୟାଁଣି ଏଲେଇଞ୍ଜା ପାଣ୍ଡିଚେସି □

୨ “ମୀରୁ ନକିତା ମାନି ନାୟୁତା ହାନ୍ତୁ, ଇଞ୍ଜା
ହାଲ୍‌ଞ୍ଜିନିଏ ଦସାମାନି ର ଗାଡ଼ଦେ ଇଞ୍ଜା ତାଲୁ
ମେହ୍‌ଦେରି; ଏଞ୍ଜାଆଁ ହୁକ୍‌ହାନା ନା ତାଣା ତାଦୁ □

୩ ଅଡ଼େ ଆମ୍ବାଆରି ଏନାଆଁ ଇଞ୍ଜାତିହଁ,
ଖେହ୍‌ଦୁ, ଇଞ୍ଜାସିକା ତାଣା ମା ପ୍ରବୁକି ଲଡ଼ାମାନେ,
ଏ ଦେବୁଣିଏ ଏଞ୍ଜାସିକାଣି ପାଣ୍ଡାନେସି □”

୪ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି କାତା
ଏନିକଁ ସାତା ଆନେ, ଏଦାଆଁତାକି ଇ ବାରେ
ଆଡେ;

* “ସିୟନତି ଗାଡ଼ାଇଁ ଖେହ୍‌ଦୁ
ମେହ୍‌ମୁ ନୀ ରାଜା ନୀ ତାଣା ଖାହିମାନେସି,

☆ ୨୦:୨୫ ୨୦:୨୫ ଲୁକ ୨୨:୨୫,୨୬ ☆ ୨୦:୨୬ ୨୦:୨୬ ମାତୃ ୨୩:୧୧; ମାର୍କ ୯:୩୫; ଲୁକ ୨୨:୨୬

ଏଝାସି ସୁଦୁଗାଗାସି ଇଞ୍ଜା ଗାଡ଼ଦେ ଲାକ କୁଗାମାନେସି
ଇଚିହଁ ଗାଡ଼ଦେ ତାଲୁ ଲାକ କୁଗାମାନେସି
□”

୭ ଏମ୍ବାଟିଏ ସୀସୁୟାଁ ହାଜାନା ଜୀସୁ ଖେସ୍ତ୍ରିଲେହେଁ କାମା କିତେରି,

୭ ଅଡ଼େ ଗାଡ଼ଦେ ଇଞ୍ଜା ତାଲୁତି ତାଗାନା ଏଝାସିକା ଲାକ ହିମ୍ବରକା ପାସ୍ତେରି, ଇଞ୍ଜା ଜୀସୁଇଁ କୁଗିକିତେରି □

୮ ଅଡ଼େ ହାରେକା ଲକୁ ତାମି ହିମ୍ବରକା ଜିରୁତା ପାସ୍ତେରି, ଅଡ଼େ ଏରେକା ଲକୁ ମାର୍କାତି ଗରାୟାଁ ତାଗାନା ଜିରୁତା ପାସ୍ତେରି □

୯ ଅଡ଼େ ଜୀସୁତି ତାୟୁତା ନକିତା ହାଜିମାଟି ଲକୁ ବାରେ କାଜା ଗିୟାଁତଲେ ଏଲେଇଚେରି, “ହସାନା ଦାସ୍ତୁଦ ମୀର୍ଏସି! ମାହାପୁରୁ ଦରୁଟି ଖାହିମାନେସି ନେହାଁସି! ମାହାପୁରୁ ଏଝାଣାଇଁ ବର ହୀପାସି, ଲାକପୁରୁ ହସାନା □”

୧୦ ଅଡ଼େ ଏଝାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା “ଇଝାସି ଆମ୍ବାଆସି ?” ଇଞ୍ଜାଁ କାବାଆହାନା ଏଲେଇଚେରି □

୧୧ ଏଚେଟିଏ ବାରେ ଲକୁ ଏଲେଇଚେରି, “ଇଝାସି ଗାଲିଲି ଦେସାତା ମାନି ନାଜରିତତି ମାହାପୁରୁ ଅଣ୍ଟପୁତି ବଲୁ ଖେହ୍ନି ଜୀସୁ □”

ମାହାପୁରୁ ଇଲୁତା ଜୀସୁ ହାନାୟି

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

୧୨ ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଏ ଟାୟୁତା ଏମ୍ବାଆଁ ଆସି ମାସ୍କି ମାଟାରାଇଁ ବାରେତି ପାଙ୍ଗାତା ପେରହା ପାଣ୍ଡିତେସି, ଇଞ୍ଜା ଟାକାୟାଁ ବେବାରା ଗାଟାରି କୁଚଁୟାଁ ଅଡ଼େ ପାର୍ଝା ପଟାୟାଁ ବେବାରା ଗାଟାରି ଜମ୍ବାୟାଁ ତିରିମ୍ବୁପହେସି,

୧୩ ଅଡ଼େ ଏଝାସି ଏଝାରାଇଁ ଏଲେଇଚେସି, ମାହାପୁରୁ ଦାମ୍ବୁପତିତା ରାସ୍କି ଆହାମାନେ, “ନା ଇଲୁ ପ୍ରାତାନା ଇଲୁ ଇଞ୍ଜାଁ ଖେଜିନେ, ସାମା ମୀରୁ ଏଦାଆଁ ତଂଗାୟାଁ ପାସ୍ତୁ ମ୍ବୁପହା ମାଞ୍ଜେରି □”

୧୪ ଇଞ୍ଜା ମାହାପୁରୁ ଇଲୁତା କାଣାୟାଁ, ସଟାୟାଁ ତାନି ତାଣା ଖାଡ଼େରି ଇଞ୍ଜା ଏଝାରାଇଁ ନେହଁ କିତେସି □

୧୫ ସାମା କାଜା ପୂଜେରାଙ୍ଗା ଅଡ଼େ ମେରାପୁନାରି ତାନୁ କିହିମାନି କାବାଆନି କାମା ମେସାନା ଅଡ଼େ “ମାହାପୁରୁ ଇଲୁତା ହସାନା ଦାସ୍ତୁଦ ମୀର୍ଏସି” ଇଞ୍ଜାଁ କାଜା ଗିୟାଁତଲେ କକାରି ଜଲିମାନାଣି ଖେଞ୍ଜାନା କପା ଆଡ଼େରି □

୧୬ ଏଝାରି ଜୀସୁଇଁ ଖେଚେରି, “ଇଝାରି ଏନାଆଁ ଇଞ୍ଜାଁ ମାନେରି, ନୀନୁ ଏଦାଆଁ ଖେଞ୍ଜିମାଞ୍ଜି ?”

ଜୀସୁ ଏଝାରାଇଁ ଏଲେଇଚେସି, “ହାଅ, ଖେଞ୍ଜିମାଇଁ, ମୀରୁ କକାରି ଇଞ୍ଜାଁ ପାଲୁ ଗହ୍ନରାଇଁ ନିଙ୍ଗ ଜହରା ପାଚୁ ପାଟାଲି ଜାପହାମାଞ୍ଜି, ଦାମ୍ବୁ ପତିତି ଇ କାତାତି ମୀରୁ ଏଚେଲା ପଡ଼ୁଞ୍ଜି ଆହାହିଲଅତେରି ?”

୧୭ ଅଡ଼େ ଏଝାସି ଏଝାରାଇଁ ପିସାନା ଗାଡ଼ାଟି ହରାନା ବେତନିୟାଁତା ହାଜାନା ଏମ୍ବାଆଁ ଲାଆଁୟାଁ ଡ଼ୟିତେସି □

ଜୀସୁ ତୟା ମାର୍ନୁଇଁ ବାକା ଇଟିନାୟି

(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡ଼ାତା ଖେଣ୍ଡା ହାଜିମାଟାଟି ହାକି ଆଡ଼େସି,

୧୯ ଅଡ଼େ ଜିରୁ ଦାରିତା ର ତୟା ମାର୍ନୁ ମେସାନା ଦାରିତା ହାଚେସି, ଇଞ୍ଜା ଖାରଇ ଆକା ପିସ୍ତେ ଏମ୍ବାଆଁ ଏନାଆଁ ମେହ୍‌ଆତେସି ଇଞ୍ଜାଁ ଏଦାନି ବାକା ଇଟାନା ଏଲେଇଚେସି, “ନୀ ତାଣା ଏଚେଲା ପାଡ଼େୟି ଆୟାଆପେ” ଇଞ୍ଜାଁ ଏ ଦେବୁଣିଏ ଏ ତୟା ମାର୍ନୁ ଖାୟାହାଚେ □

୨୦ ସୀସୁୟାଁ ଏଦାଆଁ ମେସାନା କାବାଆହାନା ଏଲେଇଚେରି, “ତୟା ମାର୍ନୁ ଏନିକଁ ଏ ଦେବୁଣିଏ ଖାୟା ହାଚେ □”

୨୧ *ଜୀସୁ ଏଝାରାଇଁ ଏଲେଇଚେସି, “ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ନାମୁ ମାଟିହଁ, ଅଡ଼େ ମୀରୁ ଆନାମାନା ଆଆନା, ଇ ତୟା ମାର୍ନୁତି ଏନି କିଞ୍ଜିଆହାମାନେ, ଏଲେକିହଁ ଏ କିଦେରି ଏଦି ଆଏ, ‘ସାମା ଇ ହରୁତି ଜିକେଏ ନୀନୁ ନିଙ୍ଗାନା ସାମ୍ବୁରିତା ତରଗାମ୍’ ଇଞ୍ଜେରି, ଆଡିହଁ ଏଦି ଆନେ □

୨୨ ଇଞ୍ଜା ନାମୁତଲେ ପ୍ରାତାନାତା ଏନାଆଁ ରାହ୍‌ଦେରି ଏ ବାରେ ମିଙ୍ଗେ ମେଡ଼ାଆୟାନେ □”

ଜୀସୁତି ଅଦିକାରା

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଜାପୁହି ମାଟାଟି, କାଜା ପୂଜେରାଙ୍ଗା ଅଡ଼େ ଲକୁତି କାଜାରି ଏଝାଣି ତାଣା ଖାହାନା ଖେଚେରି, “ନୀନୁ ଆମିନି ଅଦିକାରା ତଲେ ଇ ବାରେ କାମା କିହିମାଞ୍ଜି ? ନିଙ୍ଗେ ଏ ଅଦିକାରା ଆମ୍ବାଆସି ହିୟାତେସି ?”

୨୪ ଜୀସୁ ଏଝାରାଇଁ ଏଲେଇଚେସି, “ନୀନୁ ଜିକେଏ ମିଙ୍ଗେ ର କାତା ଖେଞ୍ଜାଇଁ, ମୀରୁ ଏଦାଆଁ ଖେଣ୍ଡେ ଖେସ୍ତାଡିହଁ, ନୀନୁ ଆମିନି ଅଦିକାରା ତଲେ ଇ ବାରେ କାମା କିହିମାଇଁ, ନୀନୁ ଜିକେଏ ମିଙ୍ଗେ ଖେସ୍ତାଇଁ □

୨୫ ଜହନ ବାପ୍ତିସ୍ତା* ହୀହାଲି ଆମ୍ବାଆରି ତାଣାଟି ବେଟା ଆହାମାଚେସି, ଲାକପୁରୁଟି କି ଲକୁ ତାଣାଟି ?”

* ୨୧:୨୧ ୨୧:୨୧ ମାତି ୧୭:୨୦; ୧କର ୧୩:୨ * ୨୧:୨୫ ୨୧:୨୫ ମୁଞ୍ଜିନାୟି

ଏତେଟିଏ ଏଝାରି ତାମ୍ବୁ ତୁମ୍ବୁ ଜଳକି ଆଡେରି, “ମାହାପୁରୁ ତାଣାଟି ଇଞ୍ଜିଁ ଝେସିହୁଁ, ଏଝାସି ମାଜେ ଏଲେଇଞ୍ଜାନେସି, ‘ମୀରୁ ଏନାଆଁତାକି ଏଝାଣାଇଁ ନାମାଆଡେରି?’

୨୭ ସାମା ମାଣ୍ଡସିୟାଁ ତାଣାଟି ଇନାୟି, ଲକୁତାକି ଆଜି, ଇଚିହୁଁ ବାରେ ଲକୁ ଜହନଇଁ ମାହାପୁରୁ ଅଣ୍ପୁତି ବଲୁ ଝେହନାସି ଇଞ୍ଜିହୁଁ ମାନୁଞ୍ଜି ଆହିମାନେରି □”

୨୮ ଏନାଆଁତାକି ଏଝାରି ଜୀସୁଇଁ ଏଲେଇଚେରି, “ମାମ୍ବୁ ପୁଞ୍ଜାହିଲଅମି □”

ଏଝାସି ଜିକେଏ ଏଝାରାଇଁ ଏଲେଇଚେସି, “ଆଡିହୁଁ ନାନୁ ଜିକେଏ ଆମିନି ଅଦିକାରା ତଲେ ଇ ବାରେ କିହିମାଇଁ, ଏନାଆଁ ନାନୁ ଜିକେଏ ମିଜେ ଝେସୁଅଁ □”

ରୀ ମୀରକାତି ପୁଣ୍ଡିକିନି କାତା

୨୮ ମୀରୁ ଏନାଆଁ ଅଣ୍ପିମାଞ୍ଜେରି ? ରଅଣାକି ରୀ ମୀରକା ମାଚେରି, ଏଝାସି କାଜା ମୀରଏଣି ତାଣା ଝାହାନା ଏଲେଇଚେସି, “ମୀରଏଣା ନୀଞ୍ଜୁ ଅଞ୍ଜୁରି ବାଡ଼ାତା ହାଜାନା କାମା କିମୁ □”

୨୯ ଏଝାସି ଏଲେଇଚେସି, “ନାଜେ କାମା କିହାଲି ମନ ହିଲେଏ” ସାମା ତାୟୁ ଏଝାସି ଅଣ୍ପିପାନା କାମା କିହାଲି ହାଚେସି □

୩୦ ଇଞ୍ଜିଁ ଉଣା ମୀରଏଣା ତାଣା ଝାହାନା ଏଲେଇଞ୍ଜି ଝେସେସି, ଏଝାସି ଏଲେଇଚେସି, “ହାଅ ଆବା ନାନୁ ହାଜିମାଇଁ, ସାମା ଏଝାସି ହାଲଆଡେସି □

୩୧ ଇ ରିଆରି ବିତ୍ରାଟି ଆମ୍ବାଆସି ଆବା ମନ ଲେହେଁ କିଡେସି ?”

ଏଝାରି ଏଲେଇଚେରି “କାଜାସି □”

ଜୀସୁ ଏଝାରାଇଁ ଏଲେଇଚେସି, ନାନୁ ମିଜେ ସାତା ଝେସିମାଞ୍ଜାଇଁ, ସିସୁ ରାହନାରି ଇଞ୍ଜିଁ ଦାରେଣିସିକା ମୀ ନକେଏ ମାହାପୁରୁ ରାଜିତା ହଡ଼ନୁ □

୩୨ ✨ବାପ୍ତିସ୍ମାଁ ହାନି ଜହନ ଝାହାନା ମୀ ତାଣା ଦାମ୍ବୁତି ଜିରୁ ତସ୍ତାଡେସି, ଅଡେ ମୀରୁ ଏଝାଣାଇଁ ନାମାଆଡେରି, ସାମା ସିସୁ ରାହନାରି ଇଞ୍ଜିଁ ଦାରେଣିସିକା ଏଝାଣାଇଁ ନାମିତୁ, ସାମା ମୀରୁ ଏନିକିଁ ନାମିଦେରି, ଏନାଆଁତାକି ଏନାଆଁ ମେସାନା ଜିକେଏ ହିୟାଁ ବାଦଲି କିଆଡେରି □

ଅଞ୍ଜୁରି ବାଡ଼ାତା କାମାକିନାରି ପୁଣ୍ଡିକିନି କାତା

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଅଡେ ର ପୁଣ୍ଡିକିନି କାତା ଝେଞ୍ଜୁ, ର ବୁମି ଗାଟାସି ମାଚେସି, ଏଝାସି ର ଅଞ୍ଜୁରି ବାଡ଼ା କିହାନା ସାରିଝାକି ବେୟଁଁ ଗୁରଡେସି, ଇଞ୍ଜିଁ ଅଞ୍ଜୁରି ପାଡେୟି ପୀତାଲି ର ଗାଡ଼ୟୁ କାରହାନା

ର ଗାଣା ହଲୁଲେହେଁ କିଡେସି, ଇଞ୍ଜିଁ କାଃଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଗା ହାହାନା ହେକ ଦେସାତା ହାଚେସି □

୩୪ ତାୟୁ ପାଡେୟି କାମ୍ବିନି ବେଲା ଆୟାଲିଏ, ଏଝାସି ତାନି ପାଡେୟି ବାଗା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହଲିୟାଙ୍ଗାଣି ପାଣ୍ଡିଡେସି □

୩୫ ସାମା କାମାକିନାରି ତାନି ହଲିୟାଙ୍ଗାଣି ଆସାନା ରଅଣାଇଁ ଝେଡେରି ଇଞ୍ଜିଁ ଅର ରଅଣାଇଁ ପାୟିଡେରି, ଅଡେ ରଅଣାଇଁ ଝାଲକା ଝେଟାନା ପାୟାଁ କୁତାତୁସ୍ତେରି □

୩୬ ଅଡେ ଏଝାସି ତଲିତି କିହାଁ ହାରେକା ଜାଣା ହଲିୟାଙ୍ଗାଣି ପାଣ୍ଡିଡେସି, ଅଡେ ଏଝାରି ଏଝାରାଇଁ ଜିକେଏ ଏଲେକିଡେରି □

୩୭ ସାମା ନା ମୀରଏଣାଇଁ ଏଝାରି ମାନି କିନେରି ଇଞ୍ଜିଁ ଅଣ୍ପିପାନା, ଏଝାସି ତାୟୁ ତାନି ମୀରଏଣାଇଁ ଏଝାରିତାଣା ପାଣ୍ଡିଡେସି □

୩୮ ସାମା ଏ କାମାକିନାରି ମୀରଏଣାଇଁ ମେସାନା ତାମ୍ବୁ ତୁମ୍ବୁ ଝେସ୍ପି ଆଡେରି, ଇଝାସିତ ବାଡ଼ାତି ଅଦିକାରା ଗାଟାସି; ଝାଦୁ ଇଝାଣାଇଁ ପାୟାନା ଅଞ୍ଜୁରି ବାଡ଼ାତି ଅଦିକାରା କିହାକଡିନ □

୩୯ ଇଞ୍ଜିଁ ଏଝାରି ଏଝାଣାଇଁ ଅଞ୍ଜୁରି ବାଡ଼ା ଆତାଲା ମେଡ଼ହାନା ପାୟିଡେରି □

୪୦ ଜୀସୁ ଏଝାରାଇଁ ଝେଚେସି, “ଇଚିହୁଁ ଏଚିବେଲା ଏ ଅଞ୍ଜୁରି ବାଡ଼ାତି ସାଝୁକାରି ଝାନ୍ନେସି, ଏଚିବେଲା ଏ କାମା କିନାରାଇଁ ଏନାଆଁ କିନେସି □”

୪୧ ଏଝାରି ଏଝାଣାଇଁ ଏଲେଇଚେରି, “ଏ ଲାଗେଏ ପଡେଲଏତି କାମା କିନାରାଇଁ କସ୍ତ ହାହୁଁ ପାୟିନେସି, ଇଞ୍ଜିଁ ଏଝାଣାକି କାମ୍ବିନିସାରି ବାଗା ହାନି ଏଡକାତି କାମା କିନାରାକି ଅଞ୍ଜୁରି ବାଡ଼ାତି ହେରପିନେସି □”

୪୨ ଜୀସୁ ଏଝାରାଇଁ ଏଲେଇଚେସି, “ମୀରୁ ଦାମ୍ବୁ ପଡତି ଇ କାତା ଏଚେଲାଝା ପଡ଼ଞ୍ଜି ଆହାହିଲଅଡେରି କି ?”

ଇଲୁ ଦହନାରି ଆମିନି ଝାଲିତି ମିଶ୍ଏ ଇଞ୍ଜିଁ କୁଡେରି,

ଏଦିଏ ଇଲୁ କନତି ମୂଲୁ ଝାଲି ଆଡେ;

ମାହାପୁରୁ ତାଣାଟି ଇଦି ଆଡେ,

ଇଞ୍ଜିଁ ଏଦି ମା କାନୁତାକି କାବା ଆନାୟି □

୪୩ “ଏନାଆଁତାକି ନାନୁ ମିଜେ ଝେସିମାଞ୍ଜାଇଁ, ମାହାପୁରୁତି ରାଜି ମୀ ତାଣାଟି ମୀଞ୍ଜା ଅଞ୍ଜିଆନେ, ଇଞ୍ଜିଁ ଆମିନି ଜାଡିତି ଲକୁ ନେହୁଁ ପାଡେୟି କାମ୍ବି କିନେରି ଏଝାରାକି ହାନେସି □

୪୪ ଅଡେ ଆମ୍ବାଆସି ଇ ଝାଲି ଲାକ ରିନେସି ଏଝାସି କାଣ୍ଡାମୁକା ଆନେସି, ଇଞ୍ଜିଁ ଇ ଝାଲି ଆମ୍ବାଆରି ଲାକ ରିନେ ଏଦି ଏଝାଣାଇଁ ନାସାକିନେ □”

✨ ୨୧:୩୨ ୨୧:୩୨ ଲୁକ ୩:୧୨; ୭:୨୯,୩୦ † ୨୧:୩୨ ୨୧:୩୨ ମୁଞ୍ଜିନାୟି

୪୫ କାଜା ପୂଜେରାଜା ଅଡ଼େ ପାରୁସିୟାଁ ଇଝାଣି
ଇ ବାରେ ପୁଣ୍ଡିକିନି କାତା ଝେଞ୍ଜାନା, ଏଝାସି
ଏଝାରି କାତା ଝେସିମାନେସି ଇଞ୍ଜି ପୁରେରି,

୪୬ ଇଞ୍ଜା ଏଝାରି ଏଝାଣାଇ ଆସାଲି
ଅଣ୍ଡିମାଚେରି, ସାମା ଲକୁଇଁ ଆଜିତେରି,
ଏନାଆଁତାକି ଇଚିହିଁ ଏଝାଣାଇ ର ମାହାପୁରୁ
ଅଣ୍ଡପୁତି ବଲୁ ଝେହନସି ଇଞ୍ଜି ମାନି
କିହିମାଚେରି □

୨୨

ବୀହା ବଜିତି ପୁଣ୍ଡିକିନି କାତା (ଲୁକ ୧୪:୧୫-୨୪)

୧ ଅଡ଼େ ଝେଶ୍ଵେ ଜୀସୁ ପୁଣ୍ଡିକିନି କାତାତଲେ
ଏଲେଇଚେସି,

୨ ଲାକପୁରୁତି ରାଜି ଇଲେତାୟି, ର ରାଜା
ଲେହେଁ, ଏଝାସି ତାନି ମାର୍ଏଣା ବୀହା ବଜି
କିତେସି,

୩ ଇଞ୍ଜା ଏ ବୀହା ବଜିତା ହାଟାମାନି ଲକୁଣି
ବଜିତା ଝାପେରିଝା ଇଞ୍ଜି ତାନି ହଲିୟାଙ୍ଗାଣି
ପାଣ୍ଡିତେସି, ସାମା ଏଝାରି ଝାହାଲି ମନ କିଆତେରି
□

୪ ଅଡ଼େ ଝେଶ୍ଵେ ଏଚକାତି ହଲିୟାଙ୍ଗାଣି ପାଣ୍ଡା
ଏଲେଇଚେସି, ହାଟି କିହାମାନି ଲକୁଣି ଝେହଦୁ,
ମେହଦୁ ନାନୁ ନା ବଜି ଝାଜା ମାଇଁ, ଆଙ୍ଗା
ଆଡ଼ି କଡ଼ିୟାଁ ପାୟୁଝି ଆହାମାନୁ, ବାରେ ରାନ୍ଧା
ଆଡେୟିଏ, ମୀରୁ ବୀହା ବଜିତା ଝାଦୁ □

୫ ସାମା ଏଝାରି ଏଦାଆଁ ଅଣ୍ଡପାଆନା ଆମ୍ବାଆରି
ତାନି ତାସା କାମାତା ହାଚେରି, ଇଞ୍ଜା ଆମ୍ବା
ଆମ୍ବାଆରି ତାନି ବେବାରା କିୟାଲି ହାଚେରି,

୬ ଅଡ଼େ ଏଚରଜାଣା ଲକୁ ତାନି ହଲିୟାଙ୍ଗାଣି
ଆସାନା ପାୟିତେରି □

୭ ସାମା ରାଜା କପା ଆହାନା ତାନି କସକାଣି
ପାଣ୍ଡା ଏ ପାୟିତାରାଇଁ ପାୟି କିତେସି ଇଞ୍ଜା
ଏଝାରି ନାସକା ମ୍ଲେକହା ତୁସ୍ତେରି □

୮ ଏମ୍ବାଟିଏ ଏଝାସି ତାନି ହଲିୟାଙ୍ଗାଣି
ଏଲେଇଚେସି, ବୀହା ବଜି ଆହାମାନେ, ସାମା
ହାଟକି ଆହାମାନି ଲକୁ ପାଡ଼ା ଆଆତାରି,

୯ ଏଦାଆଁତାକି ନୀର୍ବ ମୀରୁ ଗାଡ଼ାତି କାଜା
ତାଣ୍ଡେଣାଁ ହାଜାନା, ଏଚରଜାଣାତି ମେହଦେରି,
ଏଝାରାଇଁ ବୀହା ବଜିତା ହାଟା ତାଦୁ □

୧୦ ଏମ୍ବାଟିଏ ଏ ହଲିୟାଙ୍ଗା କାଜା ତାଣ୍ଡେଣାଁ
ହାଜାନା ଲାଗେଏ ପଲେଏତାରାଇଁ ଇଞ୍ଜା ଏଚେକା
ନେହାଁରାଇଁ ମେସ୍ତେରି, ଏ ବାରେତି ରୁଣ୍ଡି କିହାନା
ବୀହା ଇଲୁତା ତାଚେରି, ଇଞ୍ଜା ଝାହାମାନି ଲକୁ
ବୀହା ଇଲୁତା ନେଞ୍ଜିତେରି □

୧୧ ସାମା ରାଜା ବୀହା ବଜିତା ଝାହାମାନି ଲକୁଣି
ସିନିକିହାଲି ବିତ୍ରା ଝାହାନା ଏମ୍ବାଆଁ ବୀହା ହିମ୍ବୁରି

ହୁଟାଆନା କୁଗାମାନି ରଅଣାଇଁ ମେସାନା ଏଝାଣାଇଁ
ଏଲେଇଚେସି,

୧୨ ଏ ତଡ଼େ, ନୀନୁ ବୀହା ହିମ୍ବୁରି ହୁଟାଆନା
ଏନିକିଁ ଇମ୍ବାଆଁ ଝାଡ଼ି ? ସାମା ଏଝାସି ଏନି ହାଡ଼ା
ଆଆନା ଡ଼ୟିତେସି □

୧୩ ଏମ୍ବାଟିଏ ରାଜା ଏମ୍ବାଆଁ ହଲିୟାଙ୍ଗାଁ
ଏଲେଇଚେସି, ଇଝାଣି କେସ୍ତା କଡ଼ାୟାଁ ଦସାନା
ପାଙ୍ଗାତି ଆନ୍ଦେରିତା ମେହଦହା ତୁହଦୁ, ଏମ୍ବାଆଁ
ଡ଼ାହିଁ ପାଲୁକା ଟୀଟି କିନେସି □

୧୪ ଇଚିହିଁ ହାଟକି ଆଡ଼ି ଲକୁ ହାଚେରକା ଜାଣା
ସାମା ଆଡ଼ିତି ଲକୁ ହାଚେରକା ଡ଼ଣା ଜାଣା □

ସିସୁ ହୀନାଣି ଝେନାୟି

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏଚିବେଲା ପାରୁସିୟାଁ ହାଜାନା ଜୀସୁଇଁ ତାନି
ଝେସ୍ତ୍ର କାତାଟି ଦହ ଦସାଲି ପାରୁ ପାରିତେରି □

୧୬ ଇଞ୍ଜା ଏଝାରି ହେରଦ ଗତି ବିତ୍ରାଟି ଏଚେକା
ଲକୁତଲେ ତାନି ସୀସୁୟାଁଇଁ ଜୀସୁ ତାଣା ଝେସା
ପାଣ୍ଡିତେରି, “ଏ ଗୁରୁ ମାମ୍ବୁ ପୁଞ୍ଜାମାନି ନୀନୁ ସାତା
ଝେହନାତି ଇଞ୍ଜା ସାତା କିହିଁ ମାହାପୁରୁତି ଜିରୁ
ଜାପନାତି, ଇଞ୍ଜା ଆମ୍ବାଆରାଇଁ ଆଜଅତି ଅଡ଼େ
ଆମ୍ବାଆରି ପାରୁଡ଼ା ବାଟିକିହିଁ ଜଲିନାତି ଆଏ □

୧୭ ଇଦାଆଁତାକି ନୀନୁ ମାଙ୍ଗେ ଝେସ୍ତ୍ରାମ୍ବୁ, ନୀ
ଅଣ୍ଡପୁତା ଏନାୟି ମାନେ ? କାୟିସରକି ସିସୁ
ହୀନାୟି ମେରା କି ଆଏ ?”

୧୮ ସାମା ଜୀସୁ ଏଝାରି କାରବି ପୁଞ୍ଜାନା
ଏଲେଇଚେସି, “ଆଡ଼େ କୁଟୁ ଗାଟାତେରି ନାଙ୍ଗେ
ଏନାଆଁତାକି ତାୟିପାରି କିହିମାଞ୍ଜାଦେରି ?

୧୯ ଏ ସିସୁ ହୀନି ଟାକା ନାଙ୍ଗେ ହିୟାଦୁ □”
ଏମ୍ବାଟିଏ ଏଝାଣି ତାଣା ର ଟାକା ଆଦଲି ହୀତେରି
□

୨୦ ଜୀସୁ ଏଝାରାଇଁ ଝେଚେସି, “ଇ ଆଦଲି ଲାକ
ଆମ୍ବାଆରି ଦରୁ ଅଡ଼େ ତାୟିଁ କୁମା ମାନେ ?”

୨୧ ଏଝାରି ଏଲେଇଚେରି, “କାୟିସରଝାୟି □”
ଜୀସୁ ଏଝାରାଇଁ ଏଲେଇଚେସି, “ଆଡ଼ିହିଁ
ଆମିନାୟି କାୟିସରଝାୟି ଏଦାଆଁ କାୟିସରକି
ହୀଦୁ, ଅଡ଼େ ଆମିନାୟି ମାହାପୁରୁଝାୟି ଏଦାଆଁ
ମାହାପୁରୁକି ହୀଦୁ □”

୨୨ ଏଝାରି ଏଦାଆଁ ଝେଞ୍ଜାନା କାବାଆହାନା
ଏଝାଣାଇଁ ପିସାଁ ହାଜାତୁସ୍ତେରି □

ହାକିଟି ଝେଶ୍ଵେ ନିଜିନି କାତା

(ମାର୍କ ୧୨:୧୮-୨୬; ଲୁକ ୨୦:୨୭-୪୦)

୨୩ ଏହାକିଟି ଝେଶ୍ଵେ ନିଜିନାୟି ହିଲେଏ
ଇଞ୍ଜିମାନି ଏଚରଜାଣା ସାଦୁକିୟାଁ ଏ ଦିନା ଜୀସୁ
ତାଣା ଝାହାନା ଝେଚେରି □

☆ ୨୨:୧୩ ୨୨:୧୩ ମାତି ୮:୧୨; ୨୫:୩୦; ଲୁକ ୧୩:୨୮ ☆ ୨୨:୨୩ ୨୨:୨୩ କାମା ୨୩:୮

୨୪ “ଏ ଗୁରୁ ମସା ୱେସାମାଞ୍ଜାନେସି, ରଅସି ପଦି ପଦା ଆଆନା ହାଡ଼ିହିଁ ତାନି ତାୟି ତାନି ତକ୍ତିନି ଇଟାନା ଏ ହାଡ଼ାଣି କୁଡ଼ା ଏପାକିନେସି □

୨୫ ମେହ୍ମୁ ମା ତାଣା ସାତା ଜାଣା ତାୟିୟା ମାଚେରି; ତଲି ମୁଲୁ ତାସି ବାହା ଆହାନା ହାହାହାଚେସି, ଇଞ୍ଜା କକାରି ପଦାୟା ହିଲାଆତାକି ଏଞ୍ଜାସି ତାନି ତକ୍ତିନି ତାନି ତାୟିକି ପିସାହାଚେସି;

୨୬ ଏଞ୍ଜାଣି ଜେତତାସି ଅଡ଼େ ଏଞ୍ଜାଣି ଜେତତାସି ଏଲେକିହିଁ ସାତା ଜାଣା ଜିକେଏ ହାଡ଼େରି □

୨୭ ବାରେଡି ତାୟୁ ଏ ଇୟାଟି ଜିକେଏ ହାଡ଼େ □

୨୮ ଆଡ଼ିହିଁ ୱେଣ୍ଡେ ନିଜିନାଟି ଏ ସାତା ଜାଣା ବିତ୍ରା ଆମ୍ବାଆରି ତକ୍ତି ଆନେ ? ଇଡ଼ିହିଁ ବାରେଜାଣା ଏଦାନି ବାହା ଆହାମାଚେରି □”

୨୯ ଜୀସୁ ଏଞ୍ଜାରାକ୍ ଏଲେଇଚେସି, “ମୀରୁ ଦାମ୍ବୁ ସାସ୍ତେରି ଅଡ଼େ ମାହାପୁରୁତି ବାଡ଼ୟୁ ପୁନାଆନା ନାଡ଼ି ଆହିମାଞ୍ଜେରି □

୩୦ ଇଡ଼ିହିଁ ହାହାନା ୱେଣ୍ଡେ ନିଜିସାରେ ଲକୁ ବାହା ଆଅରି, କି ବାହା ହାଅରି, ସାମା ଲାକପୁରୁତି ଦୂତୁୟାଲେହେଁ ଆନେରି □

୩୧ ସାମା ହାଡ଼ାରି ୱେଣ୍ଡେ ନିଜିନି କାତା ମାହାପୁରୁ ମିଜେ ଏନାଆଁ ୱେସାମାଞ୍ଜାନେସି ଏଦାଆଁ ମୀରୁ ପଡ଼଼ି ଅହାହିଲଅଚେରି ?

୩୨ ନାନୁ ଅବାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁଚେଏଁ, ଏଞ୍ଜାସି ହାଡ଼ି ଲକୁତି ମାହାପୁରୁ ଆଏ ସାମା ଜୀସୁଗାଟାରି ମାହାପୁରୁ □”

୩୩ ଲକୁ ବାରେ ଏଞ୍ଜାଣି ଜାପୁନାଣି ୱେଞ୍ଜାନା କାବା ଆହାହାଚେରି □

କାଜା ହୁକୁମି

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଜୀସୁକ୍ ସାଦୁକିୟାଁ ୱେଣ୍ଡେ ୱେସାଲି ଆଡ଼ି ହିଲଅରି ଇଞ୍ଜାଁ ପୁଞ୍ଜାନା ପାରୁସିୟାଁ ବିତ୍ରାଟି ରୁଣ୍ଡା ଆଚେରି,

୩୫ ଅଡ଼େ ଏଞ୍ଜାରି ବିତ୍ରାଟି ମେରା ପୁନାସି ରଅସି ଜୀସୁକ୍ ତାୟିପାରିକିହିଁ ୱେଚେସି,

୩୬ “ଗୁରୁ ବାରେ ହୁକୁମିକା ବିତ୍ରାଟି ଆମିନି ହୁକୁମି କାଜାୟି ?”

୩୭ ଜୀସୁ ଏଞ୍ଜାଣାକ୍ ଏଲେଇଚେସି, ନୀନୁ ନୀ ବାରେ ହିୟା, ନୀ ବାରେ ଜୀସୁ ବାରେ ଅଣ୍ପୁ ତଲେ ପ୍ରବୁ ନୀ ମାହାପୁରୁକ୍ ଜୀସୁ ନମ୍ବୁ □

୩୮ ଇଦିଏ ବାରେ ହୁକୁମିକା କିହାଁ କାଜାୟି ଇଞ୍ଜା ତଲିତି ହୁକୁମି □

୩୯ ଏଦାଣି ଜେତତି ହୁକୁମି ଜିକେଏ ଏଲେକିହିଁଏ, ନୀନୁ ନୀ ପାଡ଼ିତି ଲକୁଣି ନୀ ଜୀସୁତି ଜୀସୁ ନହାଁ କଡ଼ିନି ଲେହେଁ ଜୀସୁ ନମ୍ବୁ □

୪୦ *ଇ ରୀ ହୁକୁମିତା ମସାତି ବାରେ ମେରା, ଅଡ଼େ ମାହାପୁରୁ ଅଣ୍ପୁତି ବଲୁ ୱେହ୍ନାରି କାତା ମାଞ୍ଜାମାନେ □

କ୍ରୀସୁ ଆମ୍ବାଆସି

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ପାରୁସିୟାଁ ରୁଣ୍ଡା ଆହାମାଚାଟି ଜୀସୁ ଏଞ୍ଜାରାକ୍ ୱେଚେସି,

୪୨ “କ୍ରୀସୁକ୍ ମୀରୁ ଆମ୍ବାଆସି ଇଞ୍ଜାଁ ମୀରୁ ଅଣ୍ପିମାଞ୍ଜେରି ? ଏଞ୍ଜାସି ଆମ୍ବାଆରି ମୀରୁଏସି ?” ଏଞ୍ଜାରି ଏଞ୍ଜାଣାକ୍ ଏଲେଇଚେରି “ଦାସୁଦ ମୀରୁଏସି □”

୪୩ ଜୀସୁ ଏଞ୍ଜାରାକ୍ ଏଲେଇଚେସି, “ଆଡ଼ିହିଁ ଦାସୁଦ ଏନିକ୍ ସୁଦୁଜୀସୁ ତଲେ ଏଞ୍ଜାଣାକ୍ ପ୍ରବୁ ଇଞ୍ଜାଁ ମାଚେସି ?” ଦାସୁଦ ଏଲେଇଚେସି,

୪୪ “ପ୍ରବୁ ନା ପ୍ରବୁକ୍ ୱେସେସି, ନାନୁ ନୀ ସାତୁୟାଣି ନୀ କଡ଼ାୟାଁ ତୁଇ ଇଟାଆ ପାଡ଼େକା

ନା ଟିଃନି ଟଟତା କୁଗାମାନାମ୍ବୁ □

୪୫ ଇଡ଼ିହିଁ ଦାସୁଦ ତାନୁଏ ଏଞ୍ଜାଣାକ୍ ପ୍ରବୁ ଇଡ଼ିହିଁ, କ୍ରୀସୁ ଏନିକ୍ ଦାସୁଦ ମୀରୁଏସି ଆନେସି ?”

୪୬ ଏମ୍ବାଟି ଆମ୍ବାଆସି ଜିକେଏ ଏଞ୍ଜାଣାକ୍ ୱେଣ୍ଡେ ୱେସାଲି ଆଡ଼ାଆଚେସି, ଅଡ଼େ ଏ ନେଚୁଟିଏ ଆମ୍ବାଆସି ଜିକେଏ ଜୀସୁକ୍ ଏନି କାତା ୱେଞ୍ଜାଲି ସାସା କିଆଚେରି □

୨୩

ମେରାପୁନାରି ଇଞ୍ଜାଁ ପାରୁସିୟାଁ ତାଣାଟି ଜାଗ୍ରାତା ଆନାୟି

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଏଟିବେଲାତା ଜୀସୁ ବାରେ ଲକୁକ୍ ଇଞ୍ଜାଁ ତାନି ସୀସୁୟାକ୍ ଏଲେଇଚେସି,

୨ ମେରାପୁନାରି ଅଡ଼େ ପାରୁସିୟାଁ ମସାତି ମେରା ଜାପୁହାଲି ପାଣା ବେଟାଆହାମାନେରି □

୩ ଏଦାଆଁତାକି ଏଞ୍ଜାରି ମିଜେ ଏନାଆଁ ୱେସ୍ତାଡ଼ିହିଁ ଏଦାଆଁ ମାନ଼ି ଆଦୁ, ଅଡ଼େ ଏଞ୍ଜାରି ୱେସ୍ତିଲେହେଁ କିଦୁ, ସାମା ଏଞ୍ଜାରି କାମା କିନିଲେହେଁ କାମା କିଆଦୁ, ଇଡ଼ିହିଁ ଏଞ୍ଜାରି ଏନାଆଁ କିନାୟିମାନେ ଇଞ୍ଜାଁ ୱେହ୍ନେରି ସାମା ଏଞ୍ଜାରି କିଅରି □

୪ ଏଞ୍ଜାରି ବଦୁଗାଟି କାସକା ଦସାନା ଲକୁ ବମିତା ଏକ୍ନେରି ସାମା ତାମ୍ବୁତାମି ର. ୱାଞ୍ଜୁ ତଲେ ଜିକେଏ ପେରହାଲି ମନ କିଅରି □

୫ *ଏଞ୍ଜାରି ଲକୁଣି ତସାଲି ତାମି କିନି କାମା ବାରେ କିନେରି, ଇଡ଼ିହିଁ ଏଞ୍ଜାରି ପାଟାୟାଣା ଦାମ୍ବୁ

ପତିତି କାତା ରାଚାନା ମପା ଅଡ଼େ ମୁଞ୍ଚୁତା ଦସା କଡ଼ିନେରି, ଇଞ୍ଜା ତାମି ହିମ୍ବରିକାତି ପୁରଡ଼େୟା କାଜା କାଜାଆଁ କିନେରି,

୨ ଅଡ଼େ ବଜିତା ନେହୁଁ ଟାୟୁ ଇଞ୍ଜା ଜୀହୁଦି ଲକ୍ଷୁତି କୁଟମି ଇଲୁତା* ନେହୁଁ କାଜା ଟାୟୁ ପାରିନେରି,

୩ ଇଞ୍ଜା ହାଟା ବାଜାରାତା ଜହରା ବେଟାଆହାଲି ଅଡ଼େ ଲକ୍ଷୁ ତାଣାଟି ଗୁରୁ ଇଞ୍ଜୁଁ ମାନି ବେଟାଆହାଲି ନେହାୟି ଇଞ୍ଜୁଁ ଅଣ୍ଡପିନେରି □

୪ ସାମା ମୀରୁ ଗୁରୁ ଇଞ୍ଜୁଁ ମାନି ବେଟାଆହାଲି ଅଣ୍ଡପାଆଦୁ, ଇତିହୁଁ ମୀ ଗୁରୁ ରଅସି ମାନେସି, ଇଞ୍ଜା ମୀରୁ ବାରେତାୟି ତାୟିୟାତେରି □

୫ ଅଡ଼େ ଦାର୍ତତା ଆମ୍ବାଆରାକ୍ ଜିକେଏ ଆବା ଇଞ୍ଜୁଁ ମାନି କିଆଦୁ, ଇତିହୁଁ ମୀ ଆବା ରଅସିଏ ଲାକପୁରୁ ମାନେସି □

୬ ଅଡ଼େ ମୀରୁ ସାଲୁଞ୍ଜି କିନାତମି ଇଞ୍ଜୁଁ ମାନି ପୁଃଆଦୁ, ଇତିହୁଁ ମିଙ୍ଗେ ସାଲୁଞ୍ଜି କିୟାନାସି ରଅସିଏ ଏଞ୍ଜାସି କ୍ରାସୁ □

୭ *ସାମା ମୀ ବିତ୍ରା ଆମ୍ବାଆସି କାଜାସି ଏଞ୍ଜାସି ମୀ ସେବା କିନାସି ଆନେସି □

୮ *ଅଡ଼େ ଆମ୍ବାଆସି ତାଙ୍ଗେ କାଜାତେଏଁ ଇଞ୍ଜୁଁ ଇଞ୍ଜା କଡ଼ିନେସି, ଏଞ୍ଜାଣାକ୍ ଉଣା କିଞ୍ଜିଆନେ, ଇଞ୍ଜା ଆମ୍ବାଆସି ତାଙ୍ଗେ ଉଣା କିହାକଡ଼ିନେସି, ଏଞ୍ଜାଣାକ୍ କାଜାସି କିଞ୍ଜିଆନେ □

ପାରୁସିୟା ଅଡ଼େ ମେରା ପୁନାରାକ୍ ଦହ ଦହନାୟି

(ମାର୍କ ୧୨:୪୦; ଲୁକ ୧୧:୩୯-୪୨,୪୪,୫୨; ୨୦:୪୭)

୨୩ ଆୟତା ତଣ୍ଡ ପାଣ୍ଡି କୁଟୁଗାଟି ପାରୁସିୟା ଅଡ଼େ ମେରା ପୁନାତେରି, ଇତିହୁଁ ମୀରୁ ଲକ୍ଷୁତାକି ଲାକପୁରୁ ରାଜିତି ଦାଠା ସୁଣ୍ଡିଦେରି; ମୀରୁ ମୀରୁଏ ଏମ୍ବାଆଁ ହଡ଼ି ହିଲଅତେରି, ଇଞ୍ଜା ହଡ଼ାଲି ମନ ଗାଟି ଲକ୍ଷୁଣି ଜିକେଏ ହଡ଼ାଲି ହାହି ହିଲଅତେରି □

୨୪ ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି ଅଡ଼େ ପାରୁସିୟାତେରି, ଇତିହୁଁ ମୀରୁ ଉଜେ ଉଜେଏ ଲାମ୍ବା ପ୍ରାତାନା କିହାନା ରାଣ୍ଡେଣିସିକା ଇଲକା ସେନ୍ଦିନାତେରି; ଏଦାଆଁତାକି ମୀରୁ ହାରେକା ତଣ୍ଡ ବେଟାଆଦେରି □

୨୫ ଆୟତା ତଣ୍ଡ ପାଣ୍ଡି କୁଟୁଗାଟି ପାରୁସିୟା ଅଡ଼େ ମେରା ପୁନାତେରି, ଇତିହୁଁ ମୀରୁ ରଅଣାକ୍ ଜୀହୁଦି ଦାମ୍ବୁତା ଆଟହାଲି ସାମ୍ବୁର ଆତାଲା ଗାଣ୍ଡାନା ଦେସା ରେଜେରି, ଇଞ୍ଜା ଏଟିବେଲ୍ଲା ଏଞ୍ଜାସି ଆଣ୍ଡାନେସି, ଏଟିବେଲ୍ଲାତା ମୀରୁ ଏଞ୍ଜାଣାକ୍

ମୀ କିହାଁ ହାରେକା ଆଗାଡ଼ା ନର୍କତା ମେଡ଼ପି ଆନାସି କିହାନା ଲାଗେଏ କିଦେରି □

୨୬ ଆୟତା ତଣ୍ଡ ବେଟା ଆନାତେରି କାଣାୟାକ୍ ଜିରୁ ତହନାତେରି, ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁତି ପାରମାଣା କିତିହୁଁ ଏନାୟି ହିଲେଏ, ସାମା ଆମ୍ବାଆସି ଇଲୁତି ବାଂଗାରାତି ପାରମାଣା କିତିହୁଁ ଏଞ୍ଜାସି ପାରମାଣା କିତିଲେହେଁ ତାପାଆନା କାମା କିନାୟିମାନେ □

୨୭ ଆଡ଼େ କାଣାୟା ଅଡ଼େ ବୁଦି ହିଲଆଗାଟାତେରି ବାଂଗାରା କି ଏ ବାଂଗାରାତି ସୁଦୁ କିହାମାନି ଦେଞ୍ଜୁଡ଼ି, ଇ ରୀ ବିତ୍ରାଟି ଆମିନାୟି କାଜାୟି ?

୨୮ ଅଡ଼େ ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁ ପିଣ୍ଡାତି ପାରମାଣା କିତିହୁଁ ଏନାୟି ଆଏ, ସାମା ଆମ୍ବାଆସି ପୂଜାପିଣ୍ଡା ଲାକ ମାନି ଦାନାତି ପାରମାଣା କିତିହୁଁ, ପାରମାଣା କିତିଲେହେଁ ତାପାଆନା କାମା କିନାୟିମାନେ □

୨୯ ଆଡ଼େ କାଣାୟାତେରି, ଦାନା କି ଏ ଦାନାତି ସୁଦୁ କିହିମାନି ମାହାପୁରୁ ଇଲୁତି ପୂଜାପିଣ୍ଡା, ଇ ରୀ ବିତ୍ରାଟି ଆମିନାୟି କାଜାୟି ?

୩୦ ଏଦାଆଁତାକି ଆମ୍ବାଆସି ଦାନାହାନି ପିଣ୍ଡାତି ପାରମାଣା କିନେସି, ଏଞ୍ଜାସି ଏ ପିଣ୍ଡା ଅଡ଼େ ପିଣ୍ଡାତା ମାନି ଦାନାତି ପାରମାଣା କିହିମାନେସି;

୩୧ ଅଡ଼େ ଆମ୍ବାଆସି ମାହାପୁରୁ ଇଲୁତି ପାରମାଣା କିନେସି, ଏଞ୍ଜାସି ମାହାପୁରୁ ଇଲୁ ଇଞ୍ଜା ଏମ୍ବାଆଁ ବାସାଆହାମାନି ମାହାପୁରୁକ୍ ପାରମାଣା କିନେସି;

୩୨ *ଅଡ଼େ ଆମ୍ବାଆସି ଲାକପୁରୁତି ପାରମାଣା କିନେସି, ଏଞ୍ଜାସି ମାହାପୁରୁତି ସିଂଗାସାଣି ଇଞ୍ଜା ଏମ୍ବାଆଁ କୁଗାମାନି ମାହାପୁରୁକ୍ ପାରମାଣା କିନେସି □

୩୩ ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି ଇଞ୍ଜା ପାରୁସିୟା, ଇତିହୁଁ ମୀରୁ କୁମ୍ବୁରୁ କୁଟା, ରାୟି, ଜିରା ଇନି ଉଣା ତାସା ବିତ୍ରାଟି ଜିକେଏ ଦସ ବାଗାଟି ର ବାଗା ହାହିମାଞ୍ଜେରି, ଅଡ଼େ ମସା ମେରାତି କାଜା କାତାୟା ଇତିହୁଁ ସାତା ନୀହାୟି କିନାୟି, କାର୍ମା ତହନାୟି, ଇଞ୍ଜା ନାମ୍ବୁ, ଇ ବାରେ ପିସାମାଞ୍ଜେରି; ସାମା ଇ ବାରେ ମାନୁଞ୍ଜି ଆହାନା ଅଡ଼େ ଏ ବାରେ ପିହୁଆୟି ମାନେ □

୩୪ ଆଡ଼େ କାଣାୟା ଜିରୁ ତହନାତେରି, ମୀରୁ ଝୀହାଁତି ହାଣି କିଦେରି ସାମା ଉଟୁକ୍ ଗୁହୁଦେରି □

୩୫ “ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି ଇଞ୍ଜା ପାରୁସିୟାତେରି, ଇତିହୁଁ ମୀରୁ ଗିନା ଅଡ଼େ ସାଡ଼ଞ୍ଜାତି ପାଙ୍ଗାତା ନରୁହି ମାଞ୍ଜେରି, ସାମା ଏ ବିତ୍ରା ଜୁପକା ଆହାଁ ସରୁ କିତି ଆସି ବାରେ ନେଞ୍ଜି କିହାମାଞ୍ଜେରି □

* ୨୩:୭ ୨୩:୭ ସିନଗରୁ ☆ ୨୩:୧୧ ୨୩:୧୧ ମାତି ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭ ☆ ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪ ☆ ୨୩:୨୨ ୨୩:୨୨ ମାତି ୫:୩୪

୨୬ ଆଡ଼େ କାଣକା ମେହୁଆଗାଟି ପାରୁସିୟା, ନକେଏ ଗିନାତି ବିଦ୍ରାତାଣି ନରଦୁ, ଏନିକି ପାଙ୍ଗାତା ଜିକେଏ ନରୁଝି ଆନେ ।”

୨୭ ✠ଆୟତା ତଣ୍ଡ ପାଣ୍ଡି କୁଚୁଗାଟି ମେରା ପୁନାତେରି ଇଞ୍ଜା ପାରୁସିୟା, ଏନାଆଁତାକି ଇଚିହୁଁ ମୀରୁ ହୁନୁ ଉସପିତି ମାଡ଼ହା ମୁହନି ଟାୟୁଲେହେଁ ତାତେରି । ଏଦି ପାଙ୍ଗାତା ଅଜିକି ତଞ୍ଜାଆନେ, ସାମା ବିଦ୍ରା ହାଡ଼ାରି ପେଣ୍ଡାକା ଇଞ୍ଜା ସୀରତାୟି ନେଞ୍ଜାମାନେ;

୨୮ ଏଲେକିହୁଁ ଏ ମୀରୁ ଜିକେଏ ପାଙ୍ଗାତି ଲକୁ ନକିତା ଦାମ୍ବୁଗାଟାତେରି ଲେହେଁ ତଞ୍ଜା ଆଦେରି, ସାମା ମୀ ହିୟା ବିଦ୍ରା କୁଚୁ ଅଡ଼େ ପାପୁ ନେଞ୍ଜାମାନେ ।

ଜୀସୁ ଏଝାରାଇଁ ତଣ୍ଡ ପାଣ୍ଡି କାତା ଝେହନାୟି (ଲୁକ ୧୧:୪୭-୫୧)

୨୯ ଆୟତା ତଣ୍ଡ ପାଣ୍ଡି କୁଚୁଗାଟି ମେରା ପୁନାତେରି ଇଞ୍ଜା ପାରୁସିୟା, ଇଚିହୁଁ ମୀରୁ ମାହାପୁରୁ ଅଣ୍ଟପୁତି ବଲୁ ଝେହନାରି ମାଡ଼ହା ମୁହନି ଟାୟୁ କେପାନା, ଦାମ୍ବୁଗାଟାରି ମାଡ଼ହା ମୁହନି ଟାୟୁତି ମୁଣ୍ଡା ଅଜିକି କିହାନା ଏଲେଇଞ୍ଜିମାଞ୍ଜେରି;

୩୦ ମାମ୍ବୁ ମା. ଆକୁ ଆବାୟା ବେଲତା ମାଟିହୁଁ ମା, ମାହାପୁରୁ ଅଣ୍ଟପୁତି ବଲୁ ଝେହନାରାଇଁ ପାୟାଲି ଆଣ୍ଡାଆତମିମା ।

୩୧ ଏଦାଆଁତାକି ମୀରୁଏ ମାହାପୁରୁ ଅଣ୍ଟପୁତି ବଲୁ ଝେହନାରାଇଁ ପାୟାମାନି ଲକୁତି ମୀରକାତେରି, ଏ କାତାତାକି ମୀରୁଏ ମିଙ୍ଗେ ସାକି ହାହା କଡ଼ିମାଞ୍ଜେରି ।

୩୨ ମୀରୁ ହାଜାନା ମୀ ଆକୁ ଆବାୟା କିତି କାମା ରାପ୍ତୁ ।

୩୩ ✠ଆଡ଼େ ରାସକାତେରି, ଇଞ୍ଜା ବୀସା ଗାଟି ରାସକା କୁଡ଼ାତି ମୀରକାତେରି, ମୀରୁ ବିତାରା ଦିନାତା ଏନିକି ହିରୁ ଗୁଦଝାତି ତଣ୍ଡି ପିସପି ଆଦେରି ?

୩୪ ଏଦାଆଁତାକି ମେହୁମ୍ବୁ ନାନୁ ମୀ ତାଣା ମାହାପୁରୁ ଅଣ୍ଟପୁତି ବଲୁ ଝେହନାରାଇଁ, ବୁଦି ଗାଟାରାଇଁ, ଇଞ୍ଜା ଜାପୁନି ଗୁରକାଇଁ ପାଣ୍ଡିମାଞ୍ଜାଇଁ; ଏଝାରି ବିଦ୍ରାଟି ଆମ୍ବା ଆମ୍ବାଆରାଇଁ ପାୟିଦେରି, ପାସି ମୁଣ୍ଡାତା ଏକହାନା ପାୟିଦେରି, ଅଡ଼େ ଆମ୍ବା ଆମ୍ବାଆରାଇଁ ଜୀହୁଦି ଲକୁତି କୁଟମି ଇଲୁତା† ସାଟ୍‌ଣି ତ:ରିତଲେ ଝେଦେରି, ଇଞ୍ଜା ଗାଡ଼ାତାକି ଗାଡ଼ା ଗଡ଼ହା ନିନ୍ଦା କିଦେରି ।

୩୫ ଏନିକି ଦାମ୍ବୁଗାଟି ହେବଲଇଁ ପାୟିତି ଦିନାଟିଏ, ମାହାପୁରୁ ଇଲୁ ପିଣ୍ଡା ଦାରିତା ବେରିକିୟ ମୀରୁଏସି ଜିକରିୟଇଁ ପାୟିତି ପାତେକା,

ଦାଡ଼ିତା ଏତେକା ନେହାଁରାଇଁ ପାୟାମାଞ୍ଜେରି, ଏ ବାରେ କାମାତି ତଣ୍ଡ ମୀ ମୁହେଁ ଝାନେ ।

୩୬ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇ କାଲ୍‌ମାଟି ଲକୁ ମୁହେଁ ଇ ବାରେ ତଣ୍ଡ ରିନେ ।

ଜିରୁସାଲମତି ଜୀସୁ ଜୀଝୁନନାୟି (ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ! ମାହାପୁରୁ ଅଣ୍ଟପୁତି ବଲୁ ଝେହନାରାଇଁ ପାୟିନାତି ନୀ ତାଣା ପାଣ୍ଡି ଆଡ଼ାରାଇଁ ଝାଲକାତଲେ ଝେନାତି, କୟୁ ଏନିକି ତାନି ହୀପାୟାଣି କୁଡ଼ି କିହାନା ମାରାୟା ତଇ ପୁକହାନା ଜଳିନେ, ନାନୁ ନୀ ଲକୁଇଁ ଏତର ପାଲି ଏଲେକି କୁଡ଼ିକିହାଲି ମନ କିତେଏଁ, ସାମା ଏଝାରି ମନ ହୀଆତେରି ।

୩୮ ଅଡ଼େ ମେହୁମ୍ବୁ ମୀ ମାହାପୁରୁ ଇଲୁ ମୀ କେୟୁତା ହୀପୁକି ଆହାମାଞ୍ଜାନେ ।

୩୯ ଇଚିହୁଁ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ ଦରୁଟି ଆମ୍ବାଆସି ଝାହିମାନେସି, ଏଝାସି ନେହାସି, ମୀରୁ ଏ କାତା ଜଲ୍‌ଆ ପାତେକା ନୀଞ୍ଜୁଟିଏ ନାଙ୍ଗେ ଅଡ଼େ ମେସୁଅତେରି ।

୨୪

ମାହାପୁରୁ ଇଲୁ ନସୁ ଆନି କାତା (ମାର୍କ ୧୩:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହଡ଼ା ହାଜିମାଟାଟି ତାନି ସୀସୁୟା ମାହାପୁରୁ ଇଲୁଟି ବାରେ ଇଲକାଣି ତସାଲି ତାନି ତାଣା ଝାଡ଼େରି,

୨ ସାମା ଜୀସୁ ଏଝାରାଇଁ ଏଲେଇତେସି, “ମୀରୁ ଇ ବାରେ ମେସି ହିଲଅତେରି ? ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇମ୍ବାଆଁ ମାନି ର ଝାଲି ଅର ଝାଲି ଲାକ ତୟେଏ, ଇ ବାରେଏ ମେଣ୍ଡାମାହାନୁ ।”

କସୁ ଅଡ଼େ ନିନ୍ଦା ଝାନି କାତା (ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟୁ ଜୀସୁ ଜୀତ ହରୁ ଲାକ କୁଗାଲିଏ, ତାନି ସୀସୁୟା ମେଣେଏ ଝାହାନା ଝେତେରି, “ଇ ବାରେ ଏତେଲା ଆନେ, ଅଡ଼େ ନାନୁ ଝାନାୟି ଇଞ୍ଜା ଜୁଗୁ ରାନି ଦିନାତି ସିନା ଏନାୟି ଏଦାଆଁ ମାଙ୍ଗେ ଝେସ୍ତାମ୍ବୁ ।”

୪ ଏମ୍ବାଟିଏ ଜୀସୁ ଏଝାରାଇଁ ଏଲେଇତେସି, “ଜାଗ୍ରାତା ଏନିକି ଆମ୍ବାଆରି ମିଙ୍ଗେ ନାଡ଼ି କିୟଅରି ।

୫ ଇଚିହୁଁ ହାଡ଼େକା ନା ଦରୁଟି ଝାହାନା ନାନୁ କ୍ରୀସୁତେଏଁ ଇଞ୍ଜା ଝେସାନା ହାଡ଼େକା ଲକୁଇଁ ନାଡ଼ି କିନେରି ।

୬ ଅଡ଼େ ମୀରୁ ଜୁଜୁତି କାତା ଇଞ୍ଜା ଜୁଜୁତା କାଲ୍‌ଝି ଆହିମାନି ଲକୁତି ହାଡ଼ା ଝେଞ୍ଜେରି;

✠ ୨୩:୨୭ ୨୩:୨୭ କାମା ୨୩:୩ ✠ ୨୩:୩୩ ୨୩:୩୩ ମାତି ୩:୭; ୧୨:୩୪; ଲୁକ ୩:୭ † ୨୩:୩୪ ୨୩:୩୪ ସିନଗର

ଜାଗ୍ରତା କିଲିବିଲି ଆଆଦୁ □ ଏଦାଆଁତାକି
ଇଚିହଁ ଇ ବାରେ ଆନାୟି ମାନେ, ସାମା ଏ କାଲ୍ଲ
ଜୁଗୁ ରାନାୟି ଆଏ □

୭ ଇଚିହଁ ଦେସା କପାଟି ଦେସା, ଅଡେ ରାଜି
କପାଟି ରାଜି ଗଡ଼ହା ନିଜିନେ, ଇଞ୍ଜା ଆମ୍ବି ଆମ୍ବିୟା
କାରୁଧୁ ଆନେ, ଅଡେ ବୁମି ଖାଡିନେ □

୮ ସାମା ଇ ବାରେ କକାରି ପଦାୟା
ବେଟାଆନାଟି ତଲିଏ ଲୁଞ୍ଜିନି ବୀସାଲେହେଁତାୟି
□”

୯ * “ଏଚିବେଲାତା ଲକୁ ମିଙ୍ଗେ କସ୍ତ ହିୟାଲି
ହେରପାନେରି, ଇଞ୍ଜା ମିଙ୍ଗେ ପାୟାନେରି, ଇଞ୍ଜା
ନା ଦରୁ ତାକି ମୀରୁ ବାରେ କୁଡ଼ାତି ଲକୁ ତାଣା
ଅପାଆ ଗାଟାତେରି ଆଦେରି □

୧୦ ଏଚିବେଲା ହାରେକା ଲକୁ ତାମି ନାମୁତି
ପିହନେରି, ଅଡେ ରଅସି ରଅଣାଲ୍ ଆସ୍ପି କିଞ୍ଜି
କିନେରି, ଅଡେ ରଅସି ରଅଣାଲ୍ ଅପ୍ପି ଆଅରି,

୧୧ ଅଡେ ହାରେକା ମାହାପୁରୁତି ମିତି ବଲୁ
ଝେହନାରି ନିଜାମା ହାରେକା ଲକୁଇଁ ନାଡ଼ି
କିନେରି,

୧୨ ଅଡେ ଲାଗେଏ ପଲେଏ କାମା ଗାତି
ଆଡ଼ିସାରେ, ହାରେକା ଲକୁତି ତାମି ଜୀଝୁନନାୟି
ଓଣା ଆନେ □

୧୩ *ସାମା ଆମ୍ବାଆସି ରାଜି ପାତେକା ସାସା
ଆସାନା ତୁୟିନେସି ଏଞ୍ଜାସି ଗେଲ୍ପି ଆନେସି □

୧୪ ଅଡେ ବାରେ ଲକୁ ନକିତା ସାକି
ଆହାଲିତାକି, ମାହାପୁରୁ ରାଜିତି ଇ ନେହଁ କାବୁ
ବାରେ ଦାରତିତା ଝେପ୍ପକିଆନେ, ତାୟୁ ଜୁଗୁ ରାନେ
□”

**ନାସାକିନି ଅପାଆଗାଟି କାତା
(ମାର୍କ ୧୩:୧୪-୨୩; ଲୁକ ୨୧:୨୦-୨୪)**

୧୫ “ଏଦାଆଁତାକି ମୀରୁ ଏଚିବେଲା ମାହାପୁରୁ
ଅଣପୁତି ବଲୁ ଝେହନି ଦାନିୟେଲ ଝେସ୍ତି
କାତାଲେହେଁ ନାସାକିନି ଅପାଆଗାଟି ଆସ୍ତିତି ସୁଦୁ
ଟାୟୁତା ଇଟାମାନାଣି ମେହ୍ଦେରି” ପଡ଼ି ଆନାସି
ଜାଗ୍ରତା ଆହାନା ପୁଣ୍ଡେସି

୧୬ ଏଚିବେଲା ଆମ୍ବାଆରି ଜୀହୁଦା ରାଜିତା
ମାନେରି, ଏଞ୍ଜାରି ହରକା ଲାକ ହାପାରି;

୧୭ *ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି
ତାନି ଇଲୁ ବିତ୍ରା ଆସ୍ତି ତାକାହାଜାଲି ରେଟା
ଝାଆପେସି;

୧୮ ଅଡେ ଆମ୍ବାଆସି ଗୁଡ଼ିୟାତା ମାନେସି, ଏଞ୍ଜାସି
ତାନି ହିମ୍ବୁରି ଅହାଲି ଝେଣ୍ଡେ ହାଲାଆପେସି □

୧୯ ଏଚିବେଲାତା ପୁରାମାସା ଆହାମାନାଇ ଇଞ୍ଜା
ପାଲୁ ଉଟ୍ଟହମାନାଇ ଆୟତା ଏଞ୍ଜି ଉଣେଏ କସ୍ତ
ପାଣ୍ଡୁ,

୨୦ ସାମା ମୀ ହଣନାୟି ପେନି ବେଲାତା କି
ଜମିନି ଦିନାତା ଆଆପେ, ଏଦାଆଁତାକି ପ୍ରାତାନା
କିଦୁ □

୨୧ *ଇଚିହଁ ଏଚିବେଲାତା ଇଲେତି କସ୍ତ
ଆନେ, ମାହାପୁରୁ ଦାରତିତି ଗାଡ଼ିକିତି ଦିନାଟିଏ
ନୀଞ୍ଜୁପାତେକା ଏଲେକଁ ଆହା ହିଲେଏ, ଇଞ୍ଜା
ଏଲେକଁ ଏଚେଲାଞ୍ଜା ଆଏ □

୨୨ ଅଡେ ମାହାପୁରୁ ଏ ବେଲାତି ଓଣା କିହା
ହିଲାଆତିହଁମା; ଦାରତିତା ଆମ୍ବାଆସି ଜିକେଏ
ଗେଲ୍ପି ଆଆତେସିମା, ସାମା ତାନି ଆଡ଼ିତି
ଲକୁତାକି ଏ କସ୍ତ ଓଣା କିନେସି □

୨୩ “ଏଚିବେଲା, ‘ମେହ୍ଦୁ କ୍ରୀସ୍ତ ଇମ୍ବାଆଁ
ମାନେସି ଆଆତଁ ଏମ୍ବାଆଁ ମାନେସି’ ଇଞ୍ଜା
ଆମ୍ବାଆସି ମିଙ୍ଗେ ଏଲେକିହଁ ଝେସ୍ତାନେସି
ଇଚିହଁ ଏଦାଆଁ ନାମାଆଦୁ □

୨୪ ଇଚିହଁ ନାଡ଼ିକିନି କ୍ରୀସ୍ତୟାଁ ଅଡେ ମାହାପୁରୁ
ବଲୁ ମିତି ଝେହନାରି ନିଜାମା ହାରେକା କାଜା ସିନା
ଅଡେ କାବାଆନି କାମାୟାଁ ତହ୍ନେରି, ଆଡ଼ିତିହଁ
ଆଡ଼ିଆଡ଼ି ଲକୁଣି ଜିକେଏ ନାଡ଼ି କିନେରି □

୨୫ ମେହ୍ଦୁ ନାନୁ ମିଙ୍ଗେ ତଲିଏ ଝେସାମାଞ୍ଜାଲ୍
□”

୨୬ * “ଇଦାଆଁତାକି ‘ମେହ୍ଦୁ ଏଞ୍ଜାସି ବାଟାତା
ମାନେସି’ ଇଞ୍ଜା ଲକୁ ଝେସ୍ତାଡ଼ିହଁ ହାଲାଆଦୁ;
‘ମେହ୍ଦୁ ବିତ୍ରା ବାକ୍ରାତା ମାନେସି’ ଇଞ୍ଜା
ଝେସ୍ତାଡ଼ିହଁ ଏଦାଆଁ ନାମାଆଦୁ □

୨୭ ଇଚିହଁ ହାଗୁ ମିହ୍ନି ବେଲାତି ଉଜେଡ଼ି
ଏନିକଁ ଝେଡ଼ା ହପୁ ଝାକିଟି ହଟାନା ଝେଡ଼ା କୁଡ଼ିନି
ପାତେକା ତଞ୍ଜାଆନେ, ଏଲେଆହଁଏ ମାଣ୍ଡସି
ମୀରୁଏସି ଝାନେସି □”

୨୮ *ଏମ୍ବିୟା ମାଡ଼ହା ରିହାମାନେ ଏମ୍ବାଆଁ
ରାମ୍ପାୟାଁ ରୁଣ୍ଡା ଆଦୁ □

**ମାଣ୍ଡସି ମୀରୁଏସି ଝାନାୟି
(ମାର୍କ ୧୩:୨୪-୨୭; ଲୁକ ୨୧:୨୫-୨୮)**

୨୯ * “ସାମା ଏଚିବେଲାତି କସ୍ତ ତାୟୁ ଦେବୁଣିଏ
ଝେଡ଼ା ଆନେରି ଆନେ, ଅଡେ ଲେଞ୍ଜୁ ଉଜେଡ଼ି
ହୀଏ, ଅଡେ ହାଗୁଟି ହୁକାୟାଁ ତର୍ଗିନୁ, ଇଞ୍ଜା ହାଗୁ
ଲାକତି ବାଡ଼ୟୁ ବାରେ ଝୀଡିନେ □

୩୦ *ଏଚିବେଲା ହାଗୁ ଲାକତି ମାଣ୍ଡସି ମୀରୁଏଣି
ସିନା ତଞ୍ଜାଆନେ, ଇଞ୍ଜା ମାଣ୍ଡସି ମୀରୁଏଣାଲ୍
କାଜା ବାଡ଼ୟୁ ଅଡେ ଗାଝୁରମିଗାଟି ଉଜେଡ଼ି ତଲେ
ହାଗୁତି ଦୁହାଟି ଝାନାଣି ମେସାନା ଦାରତିତି ବାରେ
କୁଡ଼ାତି ଲକୁ ହାରେକା ଦୁକୁତଲେ ତାନେରି □

୩୧ ଅଡେ ଏଞ୍ଜାସି ତାଡ଼ି ମହ୍ନି ହାଡ଼ାତଲେ
ତାନି ଦୁଡ଼ୟାଣି ପାଣ୍ଡିନେସି ଇଞ୍ଜା ଏଞ୍ଜାରି ଦାରତି

* ୨୪:୯ ୨୪:୯ ମାତି ୧୦:୨୨ * ୨୪:୧୩ ୨୪:୧୩ ମାତି ୧୦:୨୨ * ୨୪:୧୭ ୨୪:୧୭ ଲୁକ ୧୭:୩୧ * ୨୪:୨୧ ୨୪:୨୧ ଝେ
ବଲୁ ୭:୧୪ * ୨୪:୨୭ ୨୪:୨୭ ଲୁକ ୧୭:୨୩,୨୪ * ୨୪:୨୮ ୨୪:୨୮ ଲୁକ ୧୭:୩୭ * ୨୪:୨୯ ୨୪:୨୯ ଝେ ବଲୁ ୭:୧୨; ଝେ
ବଲୁ ୭:୧୩ * ୨୪:୩୦ ୨୪:୩୦ ଝେ ବଲୁ ୧:୭

ମୁତ୍ତପେତି ହାନ୍ତିଟିଏ ହାଗୁଲକତି ମୁତ୍ତପେ ହାନ୍ତି ପାତେକା ସାରିଖାକିଟି ତାନି ଆଚାମାନି ଲକୁଣି ରୁଣ୍ଡା କିନେରି □”

ତୟା ମାରନ୍ତୁତି କାତା
(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମାରନ୍ତୁ ପୁଣ୍ଡି କିନି କାତାଟି ଜାପାଦୁ; ଏତିବେଲା କମାତା ଆକା ଗାଲନାଣି ମେସ୍ତୁହ କାରାୟା ଝେଡ଼ା ଖାଡେ ଇଞ୍ଜ ପୁଞ୍ଜେରି □

୩୩ ଏଲେକିହିଁଏ ମୀରୁ ଜିକେଏ ଇ ବାରେ ମେସ୍ତୁସାରେ ଏଞ୍ଜାସି ଦୁଞ୍ଜେରି ତାଗେ ମାନେସି ଇଞ୍ଜ ପୁଞ୍ଜେରି □

୩୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇ ବାରେ ଗଟଞ୍ଜି ଆଆପାତେକା ଇ କାଲ୍ଲାତି ଲକୁ ଏନିଜିକେଏ ମେଶ୍ଜାଅରି □

୩୫ ହାଗୁପାକା ଦାରତି ବାରେ ମେଶ୍ଜାଜିନେ, ସାମା ନା ବଲୁ ଏତେଲାଖା ମେଶ୍ଜାଜିଏ □”

ଖାନ୍ତି ଦିନା ଅଡ଼େ ତଣ୍ଡୁତି ଆମ୍ବାଆସି ପୁନଅସି
(ମାର୍କ ୧୩:୩୨-୩୬; ଲୁକ ୧୭:୨୭-୩୦,୩୪-୩୬)

୩୬ ସାମା ଏ ଦିନା ତଣ୍ଡୁତି କାତା ଆମ୍ବାଆସି ପୁନଅସି, ଲାକପୁରୁତି ଦୁତୁୟା କି ମୀରୁଏସି ଜିକେଏ ପୁନଅସି, ଖାଉଇ ଆବାଦେ ପୁନେସି □

୩୭ ଅଡ଼େ ନହ ବେଲାତା ଏନିକ ଆହାମାଟେ, ମାଣ୍ଡସି ମୀରୁଏସି ଖାନ୍ତି ବେଲାତା ଏଲେକ ଆନେ □

୩୮ ଇତିହିଁ ଖାରୁ କୁପ୍ପନି ନକେଏ, ନହ ତଂଗତା ହଡ଼ନି ଦିନା ପାତେକା ଲକୁ ଏନିକ ତିଞ୍ଜି ଉଣ୍ଡିହିଁ, ବାହା କିୟାଲି ବାହା ହିୟାଲି ହେରାମାଟେରି,

୩୯ ଇଞ୍ଜା କାଜା ପିୟୁତଲେ ଖାରୁ ଖାହାନା କୁପ୍ପହା ଅନି ପାତେକା ଏନିକ ଏଞ୍ଜାରି ପୁଞ୍ଜାହିଲାଆତେରି, ମାଣ୍ଡସି ମୀରୁଏଶା ଖାନାୟି ଜିକେଏ ଏଲେଆହିଁଏ ଆନେ □

୪୦ ଏତିବେଲାତା ରିଆରି ଗୁଡ଼ିୟାତା ମାନେରି, ରଅସି ଅଞ୍ଜିଆନେସି ରଅସି ଏମ୍ବାଆଁ ତୁୟିନେସି □

୪୧ ରୀ ଇୟାସିକା ଜେତାତା ନୁୟିମାନୁ ରଣ୍ଡି ଅଞ୍ଜିଆନେ ଅଡ଼େ ରଣ୍ଡି ଏମ୍ବାଆଁ ତୁୟିନେ □

୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏଦାଆଁତାକି ଇତିହିଁ ମୀ ପ୍ରୁ ଆମିନି ଦିନା ଖାନ୍ତେସି, ଏଦାଆଁ ମୀରୁ ପୁଞ୍ଜାହିଲଅତେରି □

୪୩ ✧ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ନେକେରିତା ସରୁ ଖାନ୍ତେସି, ଏଦାଆଁ ସାଞ୍ଜୁକାରି ପୁଞ୍ଜାମାତିହିଁମା, ଜାଗ୍ରାତା ଆହାନା ତାନି ଇଲୁତି କାତି ତୁଡ଼ହାଲି ହାଆତେସିମା □

୪୪ ଏଦାଆଁତାକି ମୀରୁ ଜିକେଏ କାଚାନା ମାଞ୍ଜୁ, ଇତିହିଁ ଆମିନି ବେଲାତା ମୀରୁ ଅଣ୍ଡା ହିଲଅତେରି, ଏ ବେଲାତା ମାଣ୍ଡସି ମୀରୁଏସି ଖାନ୍ତେସି □

ଚିକାଣା ଗାଟାସି ଅଡ଼େ ଚିକାଣା ହିଲାଆଗାଟି ହଲେଏସି
(ଲୁକ ୧୨:୪୧-୪୮)

୪୫ ସାଞ୍ଜୁକାରି, ତାନି ଇଲୁତି ଲକୁତାକି, ରାନ୍ଦା କାଚୁତା ରାନ୍ଦା ହାହାଲି, ତାନି ଗୁମୁସ୍ତା ପାଣା ଆମ୍ବାଆରାକି ହାହାମାନେସି, ଇଲେତି ନାମୁ ଅଡ଼େ ବୁଦିଗାଟି ଗୁମୁସ୍ତା ଆମ୍ବାଆସି,

୪୬ ପ୍ରୁ ଖାହାନା ତାନି ଆମିନି ହଲେଏଶାଇଁ ଏଲେକିହିଁ ମାନାଶାଇଁ ମେହ୍ନେସି, ଏଞ୍ଜାସି ନେହାସି □

୪୭ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଞ୍ଜାସି ଏଞ୍ଜାଶାଇଁ ତାନି ବାରେ ଦନ୍ତତି ମୁହେଁ ଗୁମୁସ୍ତା କିନେସି □

୪୮ ସାମା ଏ ହଲେଏସି ଲାଗେଏ ପଲେଏତାସି ଆହାନା, ନା ସାଞ୍ଜୁକାରି ଖାନାୟି ମାନେୟିଏ ଇଞ୍ଜ ତାନି ମନ୍ତତା ଅଣ୍ଡାମା,

୪୯ ଏଞ୍ଜାସି ତାନି ତଲେତି ହଲିୟାକାଣି ଝେତିହିଁ, କାତୁ ଗହନାରି ତଲେ ତିଞ୍ଜିହିଁ ଗସିହିଁ ମାନେସି,

୫୦ ଆତିହିଁ ଆମିନି ନେରୁ ହଲେଏସି କାଚାହିଲଅସି ଅଡ଼େ ଏମିନି ବେଲା ପୁଞ୍ଜାହିଲଅସି ଏ ଦିନା ଏ ବେଲାତା ତାନି ପ୍ରୁ ଖାନ୍ତେସି □

୫୧ ଇଞ୍ଜା ଏଞ୍ଜାଶାଇଁ ରୀ ବାଗା କିହିଁ ଦାଚାନା କୁଟୁ ଗାଟାରି ତଲେ ତାନି ବାଗା କିନେସି; ଏମ୍ବାଆଁ ତାନାୟି ଅଡ଼େ ପାଲକା ଟାଟି କିନାୟିମାନେ □

୨୫

ଦସ ଜାଣା ତାଆ ପଦାୟାତି ପୁଣ୍ଡିକିନି କାତା

୧ ✧ଏତିବେଲା ଲାକପୁରୁତି ରାଜି ଦସ ଜାଣା ତାଆ ପଦାୟା ଲେହେଁ ଆନେ; ଏଞ୍ଜି ତାନି ଦୀଞ୍ଜୟା ଆସାନା ବାହା ହନେଏଶାଇଁ ବେଟାଆହାଲି ହାରୁ □

୨ ଏଞ୍ଜାସିକା ବିତ୍ରା ପାସା ଜାଣା ବୁଦି ହିଲାଆଗାଟାଇଁ ଇଞ୍ଜା ପାସା ଜାଣା ବୁଦି ଗାଟାଇଁ ମାରୁ □

୩ ବୁଦି ହିଲାଆଗାଟାଇଁ ତାନି ଦୀଞ୍ଜୟା ଅତୁ ସାମା ଏଟକା ନିୟୁଁ ଅଆତୁ,

୪ ସାମା ବୁଦି ଗାଟାଇଁ ତାନି ଦୀଞ୍ଜୟା ତଲେ ଗାକୁତା ନିୟୁଁ ଅହିଁ ହାରୁ □

୫ ବାହା ହନେଏସି ଖାନାୟି ଝେଡ଼ା ଆୟାଲିଏ, ବାରେଜାଣା କଟଣି ହଟିହିଁ ତୁରାତୁସ୍ତୁ □

୭ ସାମା ମାଦି ଲାଆଁୟାଁ ମେହଦୁ ବାହା ଦାଂଗୁଣେସି ଖାହିମାନେସି, ବେଟାଆହାଲି ଖାଦୁ ଇଞ୍ଜି ରକାଜା ହାଡ଼ା ଆଡ଼େ □

୭ ଏମ୍ବାଟିଏ ଡାଆସିକା ନିଜ୍ଞାନା ତାମି ଦୀଞ୍ଜିୟା ପ୍ରଦୁହୁ □

୮ ସାମା ବୁଦି ହିଲାଆଗାଟାଇ ବୁଦିଗାଟି ଡାଆସିକାଣି ଏଲେଇରୁ, ମୀ ନିୟୁଁ ଇଚାଣି ଲାକା ମାଜେ ହିୟାଦୁ, ଇଚିହୁଁ ମା ଦୀଞ୍ଜିୟା ତୁମ୍ବାହାଜିମାନୁ □

୯ ସାମା ବୁଦିଗାଟାଇ ଏଲେଇରୁ, ଆଏ ମିଜେ ଅଡ଼େ ମାଜେତାକି ନିୟୁଁ ଏଦେଏ, ବାଜାରାତା ହାଜାନା ମିଜେତାକି ନିୟୁଁ କଡ଼ା ତାଦୁ □

୧୦ ସାମା ଏଞ୍ଜି ନିୟୁଁ କଡ଼ାଲି ହାଜିମାଟାଟି ହନେଏସି ଖାଡ଼େସି; ଇଞ୍ଜା ଆମିନି ଗାଟାଇ ତିୟାରା ଆହାନା କାଚାମାଚୁ, ଏଞ୍ଜି ହନେଏଶା ତଲେ ବାହା ବଜି ଇଲୁତା ହୁ, ଅଡ଼େ ଦାରା ସୁଣ୍ଡିତେରି □

୧୧ ଏରେଟିଏ ତାୟୁ ଅର ଡାଆ ପଦାୟା ଜିକେଏ ଖାହାନା ଏଲେଇରୁ, ଏ ପ୍ରବୁ ଏ ପ୍ରବୁ ମାଜେତାକି ଦାରା ଦେତାମୁ ଇଞ୍ଜି ହାଟିତୁ □

୧୨ ଏରେଟିଏ ବାହା ହନେଏସି ଏଲେଇରେସି, “ନାନୁ ମିଜେ ସାତା ଖେସିମାଞ୍ଜାଇ, ନାନୁ ମିଜ ପୁଞ୍ଜାମାଞ୍ଜଅଁ □”

୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ତଣ୍ଡ ଆମ୍ବାଆରି ପୁନଅରି □

ତାନି ଜାଣା ହଲିୟାଜାତି ପୁଣ୍ଡିକିନି କାତା (ଲୁକ ୧୯:୧୧-୨୭)

୧୪ ଏଲକପୁରୁ ରାଜି ଇଲେତାୟି, ଇଚିହୁଁ ହେକ ରାଜି ହାଜିମାନି ର ମାଣ୍ଡସି, ଏଞ୍ଜାସି ତାନି ହଲିୟାଜାଣି ହାଟାନା ତାନି ଦନତି ହେରପିତେସି □

୧୫ ଏଞ୍ଜାସି ରଅଣାକି ପାସାମାଣା, ଅଡ଼େ ରଅଣାକି ରୀ ମାଣା, ଇଞ୍ଜା ଅଡ଼େ ରଅଣାକି ର ମାଣା ଇଲେକିହୁଁ ବାରେତାକି ତାନି ଆଡ଼ିନି ବାଡ଼ୁୟୁ ତଲେ ହାହାନା ହେକ ରାଜିତା ହାଚେସି □

୧୬ ଆମିନିଗାଟାସି ପାସାମାଣା ବେଟା ଆହାମାରେସି, ଏଞ୍ଜାସି ଏଞ୍ଜାଆଁ ଅହାନା ବେବାରା କିହାନା ଅଡ଼େ ପାସାମାଣା ଲାବା କିଡ଼େସି □

୧୭ ଏଲେକିହୁଁଏ ଆମିନିଗାଟାସି ରୀ ମାଣା ବେଟା ଆହାମାଟାସି ଏଞ୍ଜାସି ଜିକେଏ, ଅଡ଼େ ରୀ ମାଣା ଲାବା କିଡ଼େସି □

୧୮ ସାମା ଆମିନିଗାଟାସି ର ମାଣା ବେଟା ଆହାମାରେସି, ଏଞ୍ଜାସି ହାଜାନା ବୁନି କାରହାନା ତାନି ସାଞ୍ଜୁକାରି ଟାକାୟାଣି ମୁସାନା ତୁକୁହା ଇଚିଡେସି □

୧୯ ହାରେକା ଦିନା ହାଟି ତାୟୁ ଏ ହଲିୟାଜାତି ସାଞ୍ଜୁକାରି ଖାହାନା, ଏଞ୍ଜାରିତଲେ ଲେକା କିଡ଼େସି □

୨୦ ଅଡ଼େ ଆମିନିଗାଟାସି ପାସାମାଣା ବେଟା ଆହାମାରେସି, ଏଞ୍ଜାସି ଅଡ଼େ ପାସାମାଣା ତାଚାନା ଏଲେଇରେସି, ପ୍ରବୁ ନୀନୁ ନାଜେ ପାସାମାଣା ହାହାମାଞ୍ଜାତି; ମେହମୁ ନାନୁ ଅଡ଼େ ପାସାମାଣା ଲାବା କିହାମାଇଁ □

୨୧ ତାନି ସାଞ୍ଜୁକାରି ତାଜେ ଏଲେଇରେସି, ଆୟାଲେତା ନେହୁଁ ଟିକାଣାଗାଟି ହଲେଏଶାତି, ନୀନୁ ଉଣା କାମାତା ନାମୁ ଗାଟାଟି ଆହାମାଞ୍ଜି, ନାନୁ ନିଜ ହାରେକା କାଜା କାମାତା ହେରପାଇଁ, ନୀନୁ ନା ତଲେ ରାହାଁ କିହାଲି ଖାମୁ □

୨୨ ଅଡ଼େ ଆମିନିଗାଟାସି ରୀ ମାଣା ବେଟା ଆହାମାରେସି, ଏଞ୍ଜାସି ଜିକେଏ ଖାହାନା ଏଲେଇରେସି, ଏ ପ୍ରବୁ ନୀନୁ ନାଜେ ରୀ ମାଣା ହାହାମାଞ୍ଜାତି; ମେହମୁ ନାନୁ ଅଡ଼େ ରୀ ମାଣା ଲାବା କିହାମାଇଁ □

୨୩ ତାନି ସାଞ୍ଜୁକାରି ଏଞ୍ଜାଣାଇଁ ଜିକେଏ ଏଲେଇରେସି, ଆୟାଲେତା ନେହୁଁ ଇଞ୍ଜା ଟିକାଣାଗାଟି ହଲେଏଶାତି, ନୀନୁ ଉଣା କାମାତା ନାମୁ ଗାଟାଟି ଆହାମାଞ୍ଜି, ନାନୁ ନିଜ ହାରେକା କାଜା କାମାତା ହେରପାଇଁ, ନୀନୁ ନା ତଲେ ରାହାଁ କିହାଲି ଖାମୁ □

୨୪ ତାୟୁ ର ମାଣା ଟାକାୟାଁ ଅହାମାଟି ହଲେଏସି ଏଲେଇରେସି, ସାଞ୍ଜୁକାରି, ନାନୁ ପୁଞ୍ଜାମାଇଁ, ନୀନୁ ର ଆଡ଼ଞ୍ଜା ହିୟାଁ ଗାଟାଟି □ ମାଟାଆତି ବୁନିତା ନୀନୁ ଦାଃଆନାତି □ ବିଚା ମାଟାଆନା ଆନା କୁଡ଼ି କିନାତି □

୨୫ ଏଦାଆଁତାକି ଆଜାହାଁ ନାନୁ ନୀ ଟାକାୟାଁଣି ବୁନିତା ମୁସାନା ତୁକୁହା ଇଚିଡେଏଁ; ମେହମୁ ନୀ ଦନ ନୀନୁ ବେଟାଆଡ଼ି □

୨୬ ସାମା ତାନି ସାଞ୍ଜୁକାରି ଏଞ୍ଜାଣାଇଁ ଏଲେଇରେସି, ଆଡ଼େ ଲାଗେଏ ଅଡ଼େ ନିସୁଗାଟି ହଲେଏଶାତି, ନାନୁ ଆମ୍ବିୟା ମାଟା ହିଲଅଁ ଏମ୍ବାଆଁ ଦାଃଆନାଡେଏଁ, ଇଞ୍ଜା ଆମ୍ବିୟା ଆନା ଉପହା ହିଲଅଁ ଏମ୍ବାଆଁ କୁଡ଼ି କିନାଡେଏଁ, ଇଦାଆଁ ନୀନୁ ପୁଞ୍ଜାମାଟି ?

୨୭ ଆଡ଼ିହୁଁ ବେବାରା କିନାରି ତାଣା ନା ଟାକାୟାଁ ନୀନୁ ଇଚିନାୟି ମାଟେ; ଆଡ଼ିହୁଁ ନାନୁ ଖାହାନା ଅଡ଼ିତଲେ ନା ଦନ ନାନୁ ବେଟାଆଡ଼େଏଁମା □

୨୮ ଇଦାଆଁତାକି ଇଞ୍ଜାଣି ତାଣାଟି ଇ ଟାକାୟାଁ ଅହାନା ଆମିନି ଗାଟାଣାକି ଦସ ମାଣା ମାନୁ ଏଞ୍ଜାଣାକି ହୀନୁ □

୨୯ ଇଚିହୁଁ ଆମ୍ବାଆରାକି ମାନୁ, ଏଞ୍ଜାଣାକି

ହାପକିଆନେ, ଇଞ୍ଜା ଏଞ୍ଜାଣିଞ୍ଜାୟି ହାରେକା
ଗାଡ଼ିଆନେ; ସାମା ଆମ୍ବାଆରି ତାଣା ହିଲେଏ,
ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ
ଏଞ୍ଜାଣି ତାଣାଟି ଅଞ୍ଜିଆନେ □

୩୦ ☆ଅଡ଼େ ମୀରୁ ଇ କାମା କିଆଗାଟି
ହଲେଏଣାଇଁ ପାଙ୍ଗାଟି ଆନ୍ଦେରିତା ମେଡ଼ହା
ତୁହ୍‌ତୁ, ଏମ୍ବାଆଁ ତାହ୍‌ତୁ ପାଲ୍‌କା ଚୀଟି କିନେସି
□

ରାନ୍ତି ବେଲାତି ନାହାୟି

୩୧ ☆ମାଣସି ମୀରୁଏସି ଏତିବେଲା ବାରେ
ଦୁଡୁୟାଁ ତଲେ ତାନି କାଜାପାଣାଟି ଖାନ୍ଦେସି,
ଏତିବେଲା ଏଞ୍ଜାସି ତାନି ଗାଞ୍ଜୁରମିଗାଟି
ସିଂଗାସାଣିତା କୁଗିନେସି,

୩୨ ଇଞ୍ଜା ତାନି ନକିତା ବାରେ କୁଡ଼ାତି ଲକୁଣି
କୁଡ଼ି କିଞ୍ଜିଆନେ, ଇଞ୍ଜା ମେଣ୍ଡାୟାଁ ଗଡ଼ୁଏନିକ୍‌
ଗରିୟାଁ ତାଣାଟି ମେଣ୍ଡାୟାଁଣି ଏଟ୍‌କା କିନେସି,
ଏଲେକିହ୍‌ ଏଞ୍ଜାସି ଏଞ୍ଜାରାଇଁ ଏଟ୍‌କା କିହାନା,

୩୩ ମେଣ୍ଡାୟାଁଣି ତାନି ଚିଞ୍ଜି ଚଟତା ଇଞ୍ଜା
ଗରିୟାଁଣି ତାନି ଚେବୁ ଚଟତା ଇଚିନେସି □

୩୪ ଏତିବେଲା ରାଜା ତାନି ଚିଞ୍ଜି ଚଟତି ଲକୁଣି
ଏଲେଇନେସି, ଖାଦୁ ନା ଆବାତି ବର ବେଟା
ଆନାତେରି, ମିଙ୍ଗେତାକି ଦାରୁତି ଗାଡ଼ି ଆଡ଼ି
ଦିନାଟିଏ ଆମିନି ରାଜି ଗାଡ଼ି କିଞ୍ଜିଆହାମାନେ
ଏମ୍ବାତି ଅଦିକାରା ଆଦୁ □

୩୫ ଇଚିହ୍‌ ନାନୁ ହାକିଟି ମାଚେଏଁ, ମୀରୁ
ନାଙ୍ଗେ ତିଞ୍ଜାଲି ହିୟାତେରି; ଏସ୍‌କିଟି ମାଚେଏଁ,
ନାଙ୍ଗେ ଗସାଲି ଏୟୁ ହିୟାତେରି; ଏଟ୍‌କା ମାଚେଏଁ
ନାଙ୍ଗେ ଆଟ୍‌ହାତେରି;

୩୬ ନାଗୁଡ଼ାଟି ମାଚେଏଁ ନାଙ୍ଗେ ହିମ୍ବୁରି
ହୁଟି କିୟାତେରି; ନଚେରି ମାଚେଏଁ ନାଙ୍ଗେ
କେରୁହାତେରି; କାୟିଦିତା ମାଚେଏଁ ନାଙ୍ଗେ ବେଟି
ଞ୍ଜାଡ଼େରି □

୩୭ ଏମ୍ବାଟିଏ ଦାମ୍‌ଗାଗାରି ଏଞ୍ଜାଣାଇଁ
ଏଲେଇନେରି, ଏ ପ୍ରବୁ ଏଚେଲା ହାକିଟି ମାନାଣି
ମେସାନା ନିଙ୍ଗେ ତିଞ୍ଜାଲି ହିୟାତମି ? ଏଚେଲା
ଏସ୍‌କି ଆଡ଼ାଣି ମେସାନା ଏୟୁ ହିୟାତମି ?

୩୮ ଅଡ଼େ ଏଚେଲା ଏଟ୍‌କା ମାଚାଣି ମେସାନା
ଆଟ୍‌ହାତମି ? ଏଚେଲା ନାଗୁଡ଼ା ମେସାନା ହିମ୍ବୁରି
ହୁଟି କିୟାତମି ?

୩୯ ଅଡ଼େ ଏଚେଲା ନଚେରିତା ଇଞ୍ଜା କାୟିଦି
ମାନାଣି ମେସାନା ନୀ ତାଣା ଞ୍ଜାଡ଼ମି ?

୪୦ ଇଞ୍ଜା ରାଜା ଏଞ୍ଜାରାଇଁ ଏଲେଇନେସି, ନାନୁ
ମିଙ୍ଗେ ସାତା ଞ୍ଜେସିମାଞ୍ଜାଇଁ, ମୀରୁ ନା ଇ ଉଣା
ତାୟିୟାଁଇଁ ରଅଣାଇଁ ଏନାଆଁ କିହାମାଞ୍ଜେରି ଏ
ବାରେ ନାଙ୍ଗେତାକି କିହାମାଞ୍ଜାଦେରି □

୪୧ ଏମ୍ବାଟିଏ ତାନି ଚେବୁ ଦାରିତି ଲକୁଣି
ଜିକେଏ ଏଲେଇନେସି, ଆଡ଼େ ମାହାପୁରୁ ତାଣାଟି
ବାକା ବେଟା ଆନାତେରି, ନା ନକିଟି ହେକ
ଆହାନା ସୟତାନ ଇଞ୍ଜା ତାନି ଦୁଡୁୟାଁକି କିହାମାନି
କାଲ୍‌କାଲ୍‌ ତୀଞ୍ଜିମାନି ହିରୁ ଗାଡ଼ୁୟୁତା ହାଜୁ □

୪୨ ଇଚିହ୍‌ ନାନୁ ହାକିଟି ମାଚେଏଁ ନାଙ୍ଗେ
ତିଞ୍ଜାଲି ହିୟାଆତେରି; ଏସ୍‌କିଟି ମାଚେଏଁ ନାଙ୍ଗେ
ଗସାଲି ଏୟୁ ହିୟାଆତେରି;

୪୩ ଏଟ୍‌କା ମାଚାଟି ନାଙ୍ଗେ ଆଟ୍‌ହାଆତେରି;
ନାଗୁଡ଼ା ମାଚାଟି ନାଙ୍ଗେ ହିମ୍ବୁରି ହୁଟି କିୟାଆତେରି;
ନଚେରି ଇଞ୍ଜା କାୟିଦିତା ମାଚାଟି ନାଙ୍ଗେ
କେରୁହାଆତେରି □

୪୪ ଏମ୍ବାଟିଏ ଏଞ୍ଜାରି ଜିକେଏ ଏଲେଇନେରି,
ଏ ପ୍ରବୁ ଏଚେଲା ମାମ୍‌ନିଙ୍ଗେ ହାକି କି ଏସ୍‌କି,
ଏଟ୍‌କା କି ନାଗୁଡ଼ା, ନଚେରି କି କାୟିଦିତା ମାନାଣି
ମେସାନା ନିଙ୍ଗେ ସେବା କିୟାଆତମି ?

୪୫ ଏଚେଟିଏ ରାଜା ଏଞ୍ଜାରାଇଁ ଏଲେଇନେସି,
“ନାନୁ ମିଙ୍ଗେ ସାତା ଞ୍ଜେସିମାଞ୍ଜାଇଁ, ନା ଇ ଉଣା
ଲକୁ ବିତ୍ରାଟି ରଅଣାଇଁ କିହାହିଲାଆକି ନାଙ୍ଗେ
କିହାମାଞ୍ଜାଆତେରି □

୪୬ ଅଡ଼େ ଇଞ୍ଜାରି କାଲ୍‌କାଲ୍‌ତି ସାସ୍ତି
ବେଟାଆନେରି, ସାମା ତାରିଗାଗାରି କାଲ୍‌କାଲ୍‌ତି
ଜୀଞ୍ଜୁ ବେଟାଆନେରି □”

୨୭

ଜୀସୁ କପାଟି ପାରୁ ପାରିନାୟି

(ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-
୫୩)

୧ ଜୀସୁ ଇ ବାରେ କାତା ରାପ୍‌ହାନା ତାନି
ସୀସୁୟାଁଇଁ ଏଲେଇଚେସି,

୨ “ରାଇନି ଜେଟ ପିସ୍‌ପିଆନି ପାର୍‌ବୁ ଆନେ,
ଇଦାଆଁ ମୀରୁ ପୁଞ୍ଜାମାଞ୍ଜେରି, ଇଞ୍ଜା ମାଣସି
ମୀରୁଏସି ପାସି ମୁଣ୍ଡାତା ହାୟାଲି ହେରୁପିଆନେସି
□”

୩ ଏତିବେଲାତା କାଜା ପୂଜେରାଙ୍ଗା ଅଡ଼େ
ଲକୁଡ଼ି କାଜାରି କୟାପା ଦରୁଗାଟି କାଜା ପୂଜେରା
ଆଂଗେଣିତା ରୁଣ୍ଡା ଆଡ଼େରି,

୪ ଅଡ଼େ ଜୀସୁଇଁ ଆସାନା ପାୟାଲି ପାରୁ
ପାରିତେରି;

୫ ସାମା ଏଞ୍ଜାରି ଏଲେଇଚେରି, “ପାର୍‌ବୁ ବେଲାତା
ଆଏ ଇଚିହ୍‌ ଏଚେଟା ଲକୁ ଗଡ଼ୁହା କିନେରି □”

ବେତନିୟାତା ଜୀସୁ ତାୟି ତୁ ନିୟୁଁ ଖାକ୍‌ନାୟି
(ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଗାଗାଟି ସିମନ
ଇଜ ତିଞ୍ଜାଲି କୁଗାମାଚାଟି,

☆ ୨୫:୩୦ ୨୫:୩୦ ମାତି ୮:୧୨; ୨୨:୧୩; ଲୁକ ୧୩:୨୮ ☆ ୨୫:୩୧ ୨୫:୩୧ ମାତି ୧୭:୨୭; ମାତି ୧୯:୨୮ ☆ ୨୭:୭ ୨୭:୭ ଲୁକ ୭:୩୭, ୩୮

୭ ଧର ଇୟା ର ଗାଜୁତା ହାରେକା ଦାରାଗାଟି ଗାନ୍ଧା ନିୟୁଁ ତାଗାନା ଜୀସୁ ତାୟୁଁ ତୁ ଖାକ୍‌ହେ ।

୮ ସାମା ଏଦାଆଁ ମେସାନା ସୀସୁୟାଁ କପା ଆହାନା ଏଲେଇଚେସି, “ଇଚେକା ଉଜେଏ ଏନାଆଁତାକି କାରୁଁ ?

୯ ଇଦାଆଁ ହାରେକା ଟାକାୟାଁତାକି ପାରପି ଆହାନା କାକୁଲି ଗାଟାରାକି ହିୟାଲି ଆଡେମା ।”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାକ୍ ଏଲେଇଚେସି, “ଇ ଇୟାନି ଏନାଆଁତାକି କସୁ ହାହିମାଞ୍ଜେରି ? ଏଦି ନାଞ୍ଜେତାକି ହାରେକା ନେହଁ କାମା କିହାମାନେ ।

୧୧ କାକୁଲି ଗାଟାରି କାଲେଏ ମୀ ତାଣା ମାନେରି, ସାମା ନାନୁ କାଲେଏ ମୀ ତାଣା ମାନଅଁ ।

୧୨ ଇଞ୍ଜାଁ ଏଦି ନା ଆଜ୍ଞାତା ନକେଏ ନିୟୁଁ ଖାକ୍‌ହାନା ମୁସାଲି ତାକି ନକେଏ ତିୟାରା କିହିମାନେ ।

୧୩ ନାନୁ ମିଙ୍ଗେ ସାତା ଝେସିମାଞ୍ଜାକ୍, ବାରେ ଦାରୁତିତା ଆମିନି ଟାୟୁତା ଇ ନେହଁ କାବୁ ଝେପକି ଆନେ, ଏମାଆଁ ଏ ଇୟାନି ଅଣ୍ଡପାଲି ଏଦାନି ଇ କାମା ଜିକେଏ ଝେସି ଆନେ ।”

ଜୀହୁଦା ଜୀସୁକ୍ ଆସପି କିହାଲି ରାଜି ଆନାୟି (ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏଚିବେଲା ବାରଜାଣା ବିତ୍ରାଟି ଇସ୍ତାରିୟତ ଜୀହୁଦା ଦରୁଗାଟାସି କାଜା ପୂଜେରାଜ୍ଞା ତାଣା ହାଜାନା ଏଲେଇଚେସି,

୧୫ “ନାଞ୍ଜେ ଏନାଆଁ ହିୟାଦେରି ଝେସ୍ତାଦୁ ? ନାନୁ ଜୀସୁକ୍ ଆସପି କିୟାକ୍ ।” ଏମାଟିଏ ଏଞ୍ଜାରି ଏଞ୍ଜାଣାକି କଡେଦସ ଗଟା ଝେଣ୍ଡି ଟାକାୟାଁ ଏଜିକିହାନା ହାତେରି ।

୧୬ ଅଡେ ଏ ଦିନାଟିଏ ଏଞ୍ଜାସି ଜୀସୁକ୍ ଏଞ୍ଜାରିତାଣା ହେରପାଲି ତାକି ପାରୁ ପାରାଲି ମାଟ୍‌ହେସି ।

ଜୀସୁ ଅଡେ ସୀସୁୟାଁ ପିସପିଆନ୍ତି ପାରୁଁ କିନାୟି

୧୭ ତାୟୁ ପୁଲାଏୟୁ ଆଣ୍ଡାଆତି ରୁଟି ତିନି ପାରୁଁତି ତଲିତି ଦିନାତା ସୀସୁୟାଁ ଜୀସୁ ତାଣା ଖାହାନା ଝେଚେରି, “ମାମ୍‌ଆମିନି ଟାୟୁତା ନିଙ୍ଗେତାକି ପିସପିଆନ୍ତି ପାରୁଁତି ବଜି କିନମି ଇଞ୍ଜଁ ନାନୁ ଅଣ୍ଡପିମାଞ୍ଜି ?”

୧୮ ଜୀସୁ ଏଲେଇଚେସି, “ମୀରୁ ଗାଡାତା ପାଲାଣା ଗାଟାଣି ତାଣା ହାଜାନା ଏଲେଇଞ୍ଜୁ, ମା ଗୁରୁ ଏଲେଇଞ୍ଜି ଝେସା ପାଣ୍ଡାତେସି, ନା କାଟୁ ଏଦାତେୟିଏ, ନାନୁ ନା ସୀସୁୟାଁ ତଲେ ମୀ ଇଜ ପିସପିଆନ୍ତି ପାରୁଁତି ବଜି କିନମି ।”

୧୯ ଏମାଟିଏ ସୀସୁୟାଁ ଜୀସୁତି ହୁକୁମି ତଲେ କାମା କିହାନା ପିସପିଆନ୍ତି ପାରୁଁତି ବଜି କିତେରି ।

୨୦ ତାୟୁ ମିଡ଼ଅଲା ଆୟାଲିଏ ଜୀସୁ ବାରଜାଣା ସୀସୁୟାଁ ତଲେ ବଜିତା କୁଗିତେସି ।

୨୧ ଏଞ୍ଜାରି ତିଞ୍ଜିମାଟି ବେଲାତା ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାକ୍, ମୀ ବିତ୍ରାଟି ରଅସି ନାଞ୍ଜେ ସାତୁୟାଁ କେୟୁତା ହେରପାନେସି ।”

୨୨ ଏମାଟିଏ ଏଞ୍ଜାରି ହାରେକା ଦୁକୁ ଆହାନା ରଅ ରଅସି ଜୀସୁକ୍ ଝେଚେରି, “ଏ ପ୍ରବୁ ଏଞ୍ଜାତେଏଁ ନାନୁ କି ?”

୨୩ ଜୀସୁ ଏଲେଇଚେସି, “ନା ତଲେ ଆମ୍‌ଆସି ସାଡ଼ଞ୍ଜାତା କେୟୁ ପାରକି ମାନେସି, ଏଞ୍ଜାସି ନାଞ୍ଜେ ସାତୁୟାଁ କେୟୁତା ହେରପାନେସି ।

୨୪ ମାଣ୍ଡସି ମୀରଏଣି କାତା ଏନ୍ଦିକ୍ ରାସକି ଆହାମାନେ ଏଲେକ୍ କିହିମାନେସି ସାତା; ସାମା ଆମିନି ଲକୁ ତାଣାଟି ସାତୁ କେୟୁତା ହେରପି ଆହିମାନେସି, ଆୟତା ଏଚେକା ତଣ୍ଡ ବେଟା ଆନେସି; ଏଞ୍ଜାସି ଜାର୍ନା ଆହାହିଲାଆତିହଁ ଏଞ୍ଜାଣାକି ନେହେଁ ଆଡେମା ।”

୨୫ ଏଚେଟିଏ ଆମିନି ଜୀହୁଦା, ସାତୁୟାଁ କେୟୁତା ହେରପିତେସି, ଏଞ୍ଜାସି ଏଲେଇଞ୍ଜି ଇଚେସି, “ଏ ଗୁରୁ ଏଞ୍ଜାତେଏଁ ନାନୁ କି ?”

ଜୀସୁ ଏଞ୍ଜାଣାକ୍ ଏଲେଇଚେସି, “ନୀନୁତ ଏଲେ ଇଞ୍ଜିମାଞ୍ଜି ।”

ପ୍ରବୁତି ବଜି

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-୨୫)

୨୬ ଅଡେ ଏଞ୍ଜାରି ତିଞ୍ଜିମାଟି ବେଲାତା, ଜୀସୁ ରୁଟି ଅହାନା ମାହାପୁରୁକ୍ ଜହରା କିତେସି, ଇଞ୍ଜାଁ ରୁଟି ଡିକ୍‌ହାନା ସୀସୁୟାଁକି ହାହାନା ଏଲେଇଚେସି, “ଇଦାଆଁ ଅଦୁ ଇଞ୍ଜାଁ ତିଞ୍ଜୁ ଇଦି ନା ଆଜ୍ଞା ।”

୨୭ ଅଡେ ଏଞ୍ଜାସି ଗହ୍‌ନି ସଲା ଆସାନା ମାହାପୁରୁକ୍ ଜହରା କିତେସି ଇଞ୍ଜାଁ ସୀସୁୟାଁକି ହାହାନା ଏଲେଇଚେସି; “ଇଦାଆଁ ବାରେତେରି ଗହ୍‌ଦୁ”

୨୮ “ଇଚିହଁ ଆମିନି ନେତେରିତି ରାଜିମାନା ହାରେକା ଲକୁତାକି ପାପୁତି ମେକ୍‌ହାଲି ଖାକ୍‌ହାମାନି ଇଦି ଏ ନା ନେତେରି ।

୨୯ ସାମା ନାନୁ ମିଙ୍ଗେ ଝେସିମାଞ୍ଜାକ୍, ଆମିନି ଦିନା ନା ଆବାତି ରାଜିତା ମୀ ତଲେ ପୁଠିନି ଅଙ୍ଗୁରି ରାସା ଗହ୍‌ଆ ପାତେକା ନୀଞ୍ଜୁଟିଏ ଏଚେଲାଞ୍ଜା ଅଙ୍ଗୁରି ରାସା ଗହ୍‌ଅଁ ।”

୩୦ ଅଡେ ଏଞ୍ଜାରି ଜହରା ପାରୁ ପାରିତି ତାୟୁ ଜୀତ ହରୁତା ହଟା ହାତେରି ।

ପିତର ଜୀବୁଇଁ ପୁଞ୍ଜାହିଲଅଁ ଇନି କାତା ତଲିଏ
ଝେହ୍ନାୟି

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ
୧୩:୩୭-୩୮)

୩୧ ଏଚିବେଲ୍ଲା ଜୀସୁ ଏଞ୍ଜାରାଇଁ ଏଲେଇରେସି,
“ନୀଞ୍ଜୁ ଲାଆଁୟାଁ ମୀରୁ ବାରେତେରି ନାଞ୍ଜେ ପିସାନା
ହାଜାଦେରି, ଇଚିହ୍ଁ ରାସ୍କି ଆହାମାନେ, ନାନୁ
ମେଣ୍ଡାୟାଁ ଗଡ଼ୁଁ ଝେଇଁ ଅଡ଼େ ମାନ୍ଦାତି ମେଣ୍ଡାୟାଁ
ଆଲାରା ଆହାହାନୁ □

୩୨ ✽ସାମା ନାନୁ ହାହାନା ନିଜିତି ତାୟୁ ମୀ
ନକିତା ଗାଲିଲିତା ହାଇଁ □”

୩୩ ସାମା ପିତର ଜୀସୁଇଁ ଏଲେଇରେସି,
“ବାରେଜାଣା ନିଜେ ପିସ୍ତାତିହ୍ଁ ଜିକେଏ, ନାନୁ
କଡ଼େ ନିଜେ ଏରେଲାଞ୍ଜା ପିସ୍ତାଅଁ □”

୩୪ ଜୀସୁ ପିତରଇଁ ଏଲେଇରେସି, “ନାନୁ ନିଜେ
ସାତା ଝେସିମାଞ୍ଜାଇଁ, ନୀଞ୍ଜୁ ଲାଆଁୟାଁ କୟୁ କେଶଆ
ନକେଏ ନାନୁ ନାଞ୍ଜେ ତାନିପାଲି ନାନୁ ପୁଞ୍ଜାହିଲଅଁ
ଇଞ୍ଜିଁ ଝେହ୍ନାୟି □”

୩୫ ପିତର ଏଞ୍ଜାଣାଇଁ ଏଲେଇରେସି, “ନାନୁ
ନୀ ତଲେ ହାହାଲି ଆଡ଼ି ଜିକେଏ ନାନୁ ନିଜେ
ଏରେଲା ପୁଞ୍ଜାହିଲଅଁ ଇଞ୍ଜିଁ ଇନଅଁ!” ଇଞ୍ଜା
ବାରେ ସୀସୁୟାଁ ଜିକେଏ ଏଲେଇରେରି □

ଗେଡ଼ସିମନିତା ଜୀସୁତି ପ୍ରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏରେଚିଏ ଜୀସୁ ତାନି ସୀସୁୟାଁ ତଲେ
ଗେଡ଼ସିମନି ଇନି ର ଟାୟୁତା ହାଜାନା ଏଞ୍ଜାରାଇଁ
ଏଲେଇରେସି, “ନାନୁ ଏମ୍ପାଆଁ ହାଜାନା ପ୍ରାତାନା
କିନି ପାତେକା ମୀରୁ ଇମ୍ପାଆଁ କୁଗା ମାଞ୍ଜୁ □”

୩୭ ଅଡ଼େ ଏଞ୍ଜାସି ପିତର ଇଞ୍ଜା ଜେବଦିତି ରୀ
ମୀରକାଣି ଅହାନା ହିୟାତା କିଲିବିଲି ଆଡ଼େସି,

୩୮ ଇଞ୍ଜା ଏଚିବେଲ୍ଲା ଏଞ୍ଜାରାଇଁ ଏଲେଇରେସି,
“ନା ଜୀସୁ ହାନିଲେହେଁ ହାଡ଼େକା କିଲିବିଲି ହଡ଼ି
ମାଞ୍ଜାନେ, ମୀରୁ ଇମ୍ପାଆଁ ଡ଼ୟାନା ନା ତଲେ
କାଡ଼ିହ୍ଁ ମାଞ୍ଜୁ □”

୩୯ ଇଞ୍ଜା ଏଞ୍ଜାସି ହିରେ ହେକ ହାଜାନା ମୁନୁ
କୁତାନା ପ୍ରାତାନା କିହିହ୍ଁ ଏଲେଇରେସି, “ଏ ନା
ଆବା ଆତିହ୍ଁ ଇ ନା ଦୁକୁ କସ୍ତଗାଟି ସଲ୍ଲାତି ହେକ
କିମ୍ପୁ; ସାମା ନା ମନ କଡ଼େ ଆଏ ନୀ କାତେଏ
ଆଡ଼େ □”

୪୦ ଅଡ଼େ ଏଞ୍ଜାସି ସୀସୁୟାଁତାଣା ଖାହାନା
ଏଞ୍ଜାରାଇଁ ଇଦା କିତାଣି ମେସ୍ତେସି ଇଞ୍ଜା ପିତରଇଁ
ଏଲେଇରେସି, “ମୀରୁ ନା ତଲେ ଗାଡ଼େକା
ଜିକେଏ କାଚାଲି ଆଡ଼ାଆତେରି ?

୪୧ ପାନ୍ଦାତା ଏନିକ୍ ହେରୁଅତେରି,
ଏଦାଆଁତାକି କାଚାହାଁ ପ୍ରାତାନା କିହିଁ ମାଞ୍ଜୁ;

ଇଚିହ୍ଁ ମନ ମାନେ ସାମା ଆଜ୍ଞାତା ବାଡ଼ୁୟୁ
ହିଲେଏ □”

୪୨ ଅଡ଼େ ର ପାଲି ହାଜାନା ପ୍ରାତାନା କିହିହ୍ଁ
ଏଲେଇରେସି, “ଏ ନା ଆବା ଇ ନା ଦୁକୁ କସ୍ତଗାଟି
ସଲ୍ଲା ନା ତାଣାଟି ହେକ ଆହାଲି ଆଡ଼ାଆତି, ନାନୁ
ଏଦାଆଁ ଗହ୍ଲ ନା ମନ କଡ଼େ ଆଏ ନୀ କାତେଏ
ଆଡ଼େ □”

୪୩ ଅଡ଼େ ଏଞ୍ଜାସି ଖାହାନା ଏଞ୍ଜାରାଇଁ ଇଦା
କିହାମାନାଣି ମେସ୍ତେସି; ଇଚିହ୍ଁ ଏଞ୍ଜାରି କଚଣି
ହଡ଼ି ମାରେରି □

୪୪ ଏମ୍ପାଟିଏ ଏଞ୍ଜାସି ଏଞ୍ଜାରାଇଁ ପିସାନା ଅଡ଼େ
ଝେଣ୍ଡେ ହାଜାନା ଅଡ଼େ ଏ ପ୍ରାତାନା ତାନିପାଲି ତାକି
କିଡ଼େସି □

୪୫ ତାୟୁ ସୀସୁୟାଁ ତାଣା ଖାହାନା ଏଲେଇରେସି,
“ଗାଡ଼େକା ତୁରାନା ଜମାଦୁ, ଇଚିହ୍ଁ ମାଣସି
ମୀରଏସି ପାପୁ ଗାଚାରି ତାଣା ହେରପି ଆନିବେଲା
ଏଦାତେୟିଏ □

୪୬ ନିଜାଦୁ ମାର ହାନ, ଇଞ୍ଜା ମେହ୍ନୁ ଆମ୍ପାଆସି
ନାଞ୍ଜେ ସାତୁୟାଁ କେୟୁତା ହେରପାନେସି, ଏଞ୍ଜାସି
ତାଗେ ଖାଡ଼େସିଏ □”

ଜୀସୁଇଁ ସାତୁୟାଁ କେୟୁତା ହେରପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ
୧୮:୩-୧୨)

୪୭ ଜୀସୁ ଇ କାତା ଝେସିମାଟି ବେଲାତା,
ମେହ୍ନୁ, ବାରଜାଣା ସୀସୁୟାଁ ବିତ୍ରାଟି ଜୀହୁଦା
ଦରୁଗାଚାସି ରଅସି ଇଞ୍ଜା ଏଞ୍ଜାଣିତଲେ କାଜା
ପୂଜେରାକ୍ମା ଅଡ଼େ ଲକୁତି କାଜାରି ତାଣାଟି
ପାଣ୍ଡୁଆହାମାନି ହାରେକା ଲକୁ କାଣ୍ଡାୟାଁ ଅଡ଼େ
ବାଡ଼ଗାୟାଁ ଆସାନା ଖାଡ଼େରି □

୪୮ ଜୀସୁଇଁ ସାତୁୟାଁ କେୟୁତା ହେରପିନାସି
ଏଞ୍ଜାରାଇଁ ଇ ସିନା ଝେସାମାରେସି, “ନାନୁ
ଆମ୍ପାଆରାଇଁ ନଣ୍ଡିଇଁ ଏଞ୍ଜାସିଏ ଏଞ୍ଜାସି, ଏଞ୍ଜାଣାଇଁ
ଆହ୍ନେରି □”

୪୯ ଇଞ୍ଜା ଏଞ୍ଜାସି ଏ ଦେବୁଣିଏ ଜୀସୁ ତାଣା
ଖାହାନା, “ଏ ଗୁରୁ ଜହରା ଇଚେସି” ଅଡ଼େ
ଏଞ୍ଜାଣାଇଁ ହାଡ଼େକା ନଣ୍ଡିଚେସି □

୫୦ ସାମା ଜୀସୁ ଏଞ୍ଜାଣାଇଁ ଏଲେଇରେସି, “ଏ
ତଣେ ଏଦାଆଁ କିହାଲି ଖାହାମାଞ୍ଜି ଏଦାଆଁ କିମ୍ପୁ □”

ଏମ୍ପାଟିଏ ଏଞ୍ଜାରି ତାଗେ ଖାହାନା ଜୀସୁଇଁ
ଆସ୍ତେରି □

୫୧ ଅଡ଼େ ମେହ୍ନୁ, ଜୀସୁତଲେ ମାଚାରି ବିତ୍ରାଟି
ରଅସି କାଣ୍ଡା ହପ୍ତହେସି ଇଞ୍ଜା କାଜା ପୂଜେରା
ହଲେଏଣାଇଁ କିୟଁ ରୁଡ଼ହେସି □

୫୨ ଏମ୍ପାଟିଏ ଜୀସୁ ଏଞ୍ଜାଣାଇଁ ଏଲେଇରେସି,
“ନୀ କାଣ୍ଡା ଝେଣ୍ଡେ ନୀ ପାଡ଼କାତା ଇଚାମ୍ପୁ,

ଇତିହାସ ଆମ୍ଭାଧାର କାଣ୍ଡା ଆହନେରି ଏଞ୍ଜାରି କାଣ୍ଡା ତଲେଏ ହାନେରି □

୫୩ ନାନୁ ଏନାଆଁ ଅଣ୍ଡିପିମାଞ୍ଜି, ନାନୁ ନା ଆବାଇଁ ବାତିମାଲିତିହାଁ ଇ ଦେବୁଣିଏ ବାର ଗତି ରିଜାରି କସ୍କା କିହାଁ ହାରେକା ଦୂତୁୟାଁଇଁ ପାଣ୍ଡାଅସି ?”

୫୪ ଇତିହାଁ ଇଲେକାଁ ସାତେଏ ଆନେ ଇଞ୍ଜାମାନି ଦାମ୍ବୁ ପତିତି କାତା ଏନିକାଁ ସାତା ଆନେ ?

୫୫ *ଏଚେଟିଏ ଜୀସୁ ମାନ୍ଦା ଲକୁଣି ଏଲେଇଚେସି, ତଂଗା ଗାଟାରାଇଁ ଆହନିଲେହେଁ କାଣ୍ଡାୟାଁ ଅଡେ ଚେଙ୍ଗାୟାଁ ଆସାନା ମୀରୁ ନାଜେ ଆସାଲି ଖାହାମାଞ୍ଜେରି ? ନାନୁ ବାରେଦିନା ମାହାପୁରୁ ଇଲୁତା କୁଗାନା ଜାପୁହି ମାଚେଏଁ, ସାମା ମୀରୁ ନାଜେ ଆସୁଆତେରି □

୫୬ ସାମା ମାହାପୁରୁ ଅଣ୍ଡପୁତି ବଲୁ ଖେହନାରି ରାଚିତି ସାସ୍ତେରି କାତା ଏନିକାଁ ସାତା ଆନେ, ଏଦାଆଁତାକି ଇ ବାରେ ଆହିମାନେ □ ଏଚିବେଲା ବାରେଜାଣା ସୀସୁୟାଁ ଏଞ୍ଜାଣାଇଁ ପିସାନା ହଟାତୁସ୍ତେରି □

ବେରଣିମାଣ୍ଡାତା ଜୀସୁତି ନୀହାଁୟି

(ମାର୍କ ୧୪:୫୩-୬୫; ଲୁକ ୨୨:୫୪,୫୫,୬୩-୭୧; ଜହ ୧୮:୧୩-୧୪,୧୯-୨୪)

୫୭ ତାୟୁ ଏମିନିଗାଟାରି ଜୀସୁଇଁ ଆସାମାଚେରି, ଏଞ୍ଜାରି ଜୀସୁଇଁ କୟାପା ଇନି କାଜା ପୂଜେରା ନକିତା ଅଡେରି; ଏ ଚାୟୁତା ମେରାପୁନାରି ଅଡେ ଲକୁତି କାଜାରି ରୁଣ୍ଡା ଆହାମାଚେରି □

୫୮ ସାମା ପିତର ହେକ ଡୟାନା କାଜା ପୂଜେରା ଆଂଗେଣି ପାତେକା ଏଞ୍ଜାରି ଜେଟ ହାଚେସି, ଇଞ୍ଜା ତାୟୁ ଏନି ଆନେ, ଏଦାଆଁ ସିନିକିହାଲି ଏଞ୍ଜାସି ବିତ୍ରା ହାଜାନା ଜାମାନାଙ୍ଗା ତଲେ କୁଗାମାଚେସି □

୫୯ ଏମ୍ବାଟିଏ କାଜା ପୂଜେରାଙ୍ଗା ଅଡେ ବାରେ ବେରଣି ମାଣ୍ଡାତାରି ଜୀସୁଇଁ ପାୟାଲି ଏଞ୍ଜାଣି କପାଟି ମିତି ସାକିୟାଁ ପାରିତେରି,

୬୦ ଇଞ୍ଜା ହାରେକା ସାକିୟାଁ ଖେସ୍ତି ଜିକେଏ, ଏଞ୍ଜାଣି ଏନି ଦହ ପୁଃଆତେରି □ ଇଞ୍ଜା ତାୟୁ ରିଆରି ନିଚାନା ଖେସ୍ତେରି,

୬୧ *ଇଞ୍ଜାସି ଏଲେଇଞ୍ଜାମାଚେସି, “ନାନୁ ମାହାପୁରୁତି ଇଲୁ ଡିକହାନା ତାନି ଦିନାଟିଏ କେପାଲି ଆଡିଇଁ □”

୬୨ ଏମ୍ବାଟିଏ କାଜା ପୂଜେରା ନିଙ୍ଗାନା ଏଲେଇଚେସି, “ନୀ କପାଟି ଜଲିମାନାରାକି ଖେଶ୍ତେ ଖେସାଲି ନୀ ଏନି କାତା ହିଲେଏ କି ?”

୬୩ ସାମା ଜୀସୁ ପାଲେଏ ଆହାନା ଡୟିତେସି □ ଏମ୍ବାଟିଏ କାଜା ପୂଜେରା ଜୀସୁଇଁ ଏଲେଇଚେସି, “ନାନୁ ଜୀସୁତି ମାହାପୁରୁ ଦରୁତଲେ ପାର୍ମାଣା କିଞ୍ଜି କିହାନା ଖେଞ୍ଜିମାଞ୍ଜାଇଁ, ନାଜେ ଖେସ୍ତାମ୍ବୁ,

ନାନୁ ସାତେଏ ମାହାପୁରୁ ମୀରୁଏଣାତି କ୍ରୀସ୍ତୁତିକି ?”

୬୪ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁତ ଖେସିମାଞ୍ଜି; ଅଡେ ନାନୁ ନିଜେ ଖେସିମାଞ୍ଜାଇଁ, ନୀଞ୍ଜୁଟିଏ ମୀରୁ ମାଣ୍ଡିସି ମୀରୁଏଣାଇଁ ବାଡୁୟୁଗାଟି ମାହାପୁରୁ ଚିଃନିଞ୍ଜାକି ନିଚାମାନାଣି ଅଡେ ହାଗୁ ଦୁୟାଟି ଖାନାଣି ମେହ୍ଦେରି □”

୬୫ ଏମ୍ବାଟିଏ କାଜା ପୂଜେରା ତାନି ହିମ୍ବୁରି ଗେସାନା ଏଲେଇଚେସି, “ଇଞ୍ଜାସି ମାହାପୁରୁ ନିନ୍ଦା କିହିମାନେସି, ଇଞ୍ଜା ମାଜେ ଅଡେ ଏନି ସାକିୟାଁ ଲଡାମାନେ ? ମେହ୍ଦୁ ନୀଏଁ ଜିକେଏ ମାହାପୁରୁ ନିନ୍ଦା କିତାଣି ଖେଚେରି,

୬୬ ମୀ ଅଣ୍ଡପୁତା ଏନାୟି ମାନେ ?” ଏମ୍ବାଟିଏ ଏଞ୍ଜାରି ଏଲେଇଚେରି ଏଞ୍ଜାସି ହାନ୍ତି ଡଣ୍ଡ ପାଣ୍ଡନାୟି ମାନେ □

୬୭ ଏଚିବେଲା ଏଞ୍ଜାରି ଏଞ୍ଜାଣି ମୁମ୍ବୁତୁ ହୁପିତେରି, ବିଦା ଖେଚେରି; ଇଞ୍ଜା ଆମ୍ବା ଆମ୍ବାଆରି ସାପୁଡା ଖେଚାନା ଏଲେଇଚେରି,

୬୮ “ଏ କ୍ରୀସ୍ତୁ ନାନୁୟାଁ ମାହାପୁରୁ ଅଣ୍ଡପୁତି ବଲୁ ଖେହନାତି, ମାଜେ ଖେସ୍ତାମ୍ବୁ ନିଜ ଆମ୍ବାଆସି ଖେତାତେସି □”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଇନାୟି

(ମାର୍କ ୧୪:୨୬-୨୭; ଲୁକ ୨୨:୫୬-୨୭; ଜହ ୧୮:୧୫-୧୮,୨୫-୨୭)

୬୯ ଏମ୍ବାଟିଏ ପିତର ପାଙ୍ଗାତି ଆଂଗେଣିତା କୁଗାମାଚେସି, ଇଞ୍ଜା ର ହଚ୍ଚେଲଣି ପିତର ତାଗେ ଖାହାନା ଏଲେଇଚେ, “ନାନୁ ଜିକେଏ ଗାଲିଲିତି ଜୀସୁତଲେ ମାଟି □”

୭୦ ସାମା ଏଞ୍ଜାସି ବାରେଡି ନକିତା “ନାନୁ ଏଞ୍ଜାଣାଇଁ ପୁଞ୍ଜାହିଲଅଁ ନାନୁ ଏନାଆଁ ଖେସିମାଞ୍ଜି ନାନୁ ପୁଞ୍ଜାହିଲଅଁ □”

୭୧ ଅଡେ ପିତର ଆଂଗେଣି ଦୁଞ୍ଜେରିତା ହାଜାଲିଏ ଅଡେ ର ହଚ୍ଚେଲଣି ଏଞ୍ଜାଣାଇଁ ମେସାନା ଏ ଚାୟୁତି ଲକୁଣି ଏଲେଇଚେ, “ଇଞ୍ଜାସି ନାଡିରିତ ଜୀସୁତଲେ ମାଚେସି □”

୭୨ ପିତର ପାର୍ମାଣା କିହାନା ଅଡେ ଏଲେଇଚେସି, “ନାନୁ ଏଞ୍ଜାଣାଇଁ ପୁଞ୍ଜାହିଲଅଁ □”

୭୩ ଅଡେ ର ଗାଡେକା ହାଜାଲିଏ ଦାରିତା ନିଚାମାଚାରି ପିତର ତାଗେ ଖାହାନା ଏଞ୍ଜାଣାଇଁ ଏଲେଇଚେରି, “ନାନୁ ଜିକେଏ ସାତେଏ ଏଞ୍ଜାରି ବିତ୍ରାଟି ରଅତି, ଇତିହାଁ ନୀ ହାଡାଟି ପୁଣ୍ଡି ଆହିମାନେ □”

୭୪ ଏମ୍ବାଟିଏ ପିତର ପାର୍ମାଣା ଅଡେ ବାକା ଇତିହାଁ ଏଲେଇଚେସି, “ନାନୁ ଏଞ୍ଜାଣାଇଁ ପୁଞ୍ଜାହିଲଅଁ □”

ଏ ଦେବୁଣିଏ କୟୁ କେଶ୍ତେ □

୨୫ ଏବେଟିଏ “କନ୍ୟା କେଣିଆ ନକେଏ ନାକୋ ତାନି ପାଲି ପୁଞ୍ଜାହିଲଅଁ ଇଞ୍ଜାଦି” ଇଞ୍ଜାଁ ଜୀସୁ ଖେସ୍ତି ଇ କାତା ପିତର ଅଣ୍ଟପୁତା ଖାଡେ, ଇଞ୍ଜାଁ ଏଞ୍ଜାସି ପାଞ୍ଜାତା ହାଜାନା ହାରେକା କିଲିବିଲି ଦୁକୁଆହଁ ଡୀତେସି □

୨୭

ପିଲାତ ନକିତା ଜୀସୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଈ ଖେୟାଲିଏ ବାରେ କାଜା ପୂଜେରାଞ୍ଜା, ଇଞ୍ଜାଁ ଲକୁଡି କାଜାରି ଜୀସୁଇଁ ପାୟାଲି ଏଞ୍ଜାଣି କପାଟି କାତା ଆଡେରି,

୨ ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ଦସା ଅହାନା ପିଲାତ ଇନି ସାଲୁଞ୍ଜି କିନାଣି ତାଣା ହେର୍ପିତେରି □

ଇସ୍ତାରିୟତ ଜୀସୁଦା ହାନାୟି (କାମା ୧:୧୮-୧୯)

୩ ✽ଏଚିବେଲା ଜୀସୁଇଁ ସାତୁ କେନ୍ୟତା ହେର୍ପିତି ଜୀସୁଦା, ଜୀସୁ ହାନି ତଣ୍ଡ ବେଟା ଆହାମାନେସି ଇଞ୍ଜାଁ ପୁଞ୍ଜାନା, ଜୀସୁତା ଅଣ୍ଟପାନା କାଜା ପୂଜେରାଞ୍ଜା ଅଡେ ଲକୁଡି କାଜାରି ତାଣା ଏ କଡେଦସ ଟାକା ଖେଣ୍ଡେ ତାତାନା ଏଲେଇଚେସି,

୪ “ନାନୁ ଦହ ହିଲାଆଗାଟାଣି ନେତେରି ହେର୍ପାନା ପାପୁ କିହାମାଇଁ □”

ସାମା ଏଞ୍ଜାରି ଏଲେଇଚେରି, “ମାଦି ଏମ୍ବାଆଁ ଏନାୟି ମାନେ ? ଏଦାଆଁ ନାନୁ ଅଣ୍ଟପାମୁ □”

୫ ଏମ୍ବାଟିଏ ଏଞ୍ଜାସି ଟାକାୟାଣି ମାହାପୁରୁ ଇଲୁ ବିତା କୁତାତୁସାନା ହାଚେସି, ଇଞ୍ଜାଁ ହାଜାନା ହେର୍କି ଲେଜା ହାଡେସି □

୬ ସାମା କାଜା ପୂଜେରାଞ୍ଜା ଏ ଟାକାୟାଁ ଅହାନା ଏଲେଇଚେରି, “ଇଞ୍ଜାଆଁ ମାହାପୁରୁ ଇଲୁଡି ଦନ ତଲେ ଇଚିନାୟି ମେରା ହିଲେଏ, ଇଚିହଁ ଇଞ୍ଜି ନେତେରିତି ଟାକାୟାଁ □”

୭ ଇଞ୍ଜାଁ ଏଞ୍ଜାରି କାତା ଆହାନା ଏଟକା ଦେସାତି ଲକୁଡି ମାଡହା ମୁହନି ଟାକା ତାକି ଏ ଟାକାୟାଁ ହାହାନା ର କୁମ୍ବେ_ଏଣା ବୁମି କଡିତେରି □

୮ ଏଦାଆଁତାକି ନୀଞ୍ଜୁପାତେକା ଏଦାନି “ନେତେରି ବୁମି” ଇଞ୍ଜାଁ ଇନେରି □

୯ ଏମ୍ବାଟିଏ ମାହାପୁରୁ ଅଣ୍ଟପୁଡି ବଲୁ ଖେହ୍ନି ଜିରିମିୟ ତାଣାଟି ରାଡିତି ଇ କାତା ସାତା ଆଡେ, ଇସ୍ରାୟେଲ ମୀର୍କା ଆମ୍ବାଆରି ତାକି ଏତେକା ଲେକା ହାନାୟି ମାନେ, ଏଞ୍ଜାଣି ଲେକାତଲେ ଏ କଡେଦସ ଟାକା ଅହାନା,

୧୦ ନା ତାକି ମାହାପୁରୁଡି ହୁକୁମି ଲେହେଁ କୁମ୍ବେ_ଏଣା ବୁମି ତାକି ହାଡେରି □

ପିଲାତ ଜୀସୁଇଁ ଖେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୧୧ ଏମ୍ବାଟିଏ ସାଲୁଞ୍ଜି କିନାଣି ନକିତା ଜୀସୁଇଁ ନିପୁହେରି, ଇଞ୍ଜାଁ ସାଲୁଞ୍ଜି କିନାସି ଏଞ୍ଜାଣାଇଁ ଖେଚେସି, “ନାନୁ ଜୀସୁଦି ଲକୁଡି ରାଜାତି ?”

ଜୀସୁ ଏଲେଇଚେସି, “ନାନୁତ ଏଲେ ଇଞ୍ଜିମାଞ୍ଜି □”

୧୨ ସାମା କାଜା ପୂଜେରାଞ୍ଜା ଇଞ୍ଜାଁ ଲକୁଡି କାଜାରି ଏଞ୍ଜାଣି କପାଟି ଖେସାଲିଏ, ଜୀସୁ ଏନାଆଁ ଇନାଆଡେସି □

୧୩ ଏବେଟିଏ ପିଲାତ ଏଞ୍ଜାଣାଇଁ ଏଲେଇଚେସି, “ଇଞ୍ଜାରି ନୀ କପାଟି ହାରେକା କାତା ଖେସିମାନେରି, ଏଦାଆଁ ଖେଞ୍ଜି ହିଲଅତି କି ?”

୧୪ ସାମା ଏଞ୍ଜାସି ର କାତା ଜିକେଏ ଏଞ୍ଜାଣାଇଁ ଜଲ୍ଲାଆଡେସି, ଏମ୍ବାଟିଏ ସାଲୁଞ୍ଜି କିନାସି ହାରେକା କାବା ଆଡେସି □

ଜୀସୁଡି ହାନି ତଣ୍ଡ

(ମାର୍କ ୧୫:୨-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୭)

୧୫ ପିସ୍ପିଆନି ପାରୁ ବେଲାତା ଲକୁ, ଆମିନି କାୟିଦିତା ଇଟାମାନାରାଇଁ ରାସିମାଚେରି ଏଞ୍ଜାଣାଇଁ ପିସାଲି ସାଲୁଞ୍ଜି କିନାଣି ମେରା ମାଚେ □

୧୬ ଏଚିବେଲା ଏଞ୍ଜାରି ବାରବା ଦରୁଗାଟି ର କାଜା ଖେଞ୍ଜିତ କାୟିଦି ଗାଟାସି ମାଚେସି □

୧୭ ଏଦାଆଁତାକି ଏଞ୍ଜାରି ରୁଣ୍ଡା ଆହାମାନି ବେଲାତା ପିଲାତ ଏଞ୍ଜାଣାଇଁ ଖେଚେସି, ନାନୁ ମିଜେତାକି ଆମ୍ବାଆରାଇଁ ପିସାହିୟାଇଁ ଇଞ୍ଜାଁ ମୀରୁ ମନ କିହିମାଞ୍ଜେରି ? ବାରବାଇଁ କି ଆମ୍ବାଆରାଇଁ କ୍ରୀସ୍ତ ଇଞ୍ଜାଁ ମାଞ୍ଜେରି ଏ ଜୀସୁଇଁ ?

୧୮ ଇଚିହଁ ଏଞ୍ଜାରି ଏଞ୍ଜାଣାଇଁ କପାଟି ହେର୍ପା ମାନେରି ଇଞ୍ଜାଁ ପିଲାତ ପୁଞ୍ଜାମାଚେସି □

୧୯ ଇଞ୍ଜାଁ ପିଲାତ ନୀହାୟି କିନି ଟାକାତା କୁଗାମାଚାଟି ତାନି ତକ୍ତି ତାନି ତାଣା ଖେସା ପାଣ୍ଡିତେ, “ଏ ଦାମ୍ବୁଗାଟି ମାଣସିଇଁ ଏନାଆଁ କିଆନି, ଇଚିହଁ ଏଞ୍ଜାଣି ତାକି ନୀଞ୍ଜୁ ଲାଆଁୟାଁ ହାପାନାତା ହାରେକା କସ୍ତ ଆହାମାଇଁ □”

୨୦ ସାମା କାଜା ପୂଜେରାଞ୍ଜା ଅଡେ ଲକୁଡି କାଜାରି, ବାରବାଇଁ ରାସାଲି ଇଞ୍ଜାଁ ଜୀସୁଇଁ ନାସା କିହାଲି ଲକୁଣି ଜାପୁହେରି □

୨୧ ସାମା ପିଲାତ ଏଞ୍ଜାଣାଇଁ ଏଲେଇଚେସି, “ନାନୁ ଇ ରିଆରି ବିତାଟି ଆମ୍ବାଆରାଇଁ ପିସାହିୟାଇଁ ଇଞ୍ଜାଁ ମୀରୁ ମନ କିହିମାଞ୍ଜେରି ?”

ଏଞ୍ଜାରି ଏଲେଇଚେରି, “ବାରବାଇଁ □”

✽ ୨୭:୩ ୨୭:୩ କାମା ୧:୧୮,୧୯

୨୨ ପିଲାତ ଏଝାରାଇଁ ଝେରେସି, ଆତିହୁଁ ଆମ୍ବାଆରାଇଁ କ୍ରୀସ୍ତ ଇନେରି ଏ ଜୀସୁଇଁ ନାନୁ ଏନାଆଁ କିଇଁ ?

ଏଝାରି ବାରେଜାଣା ଏଲେଇଚେରି, “ଏଝାଣାଇଁ ପାସି ମୁଣ୍ଡାତା ଏକଦୁ □”

୨୩ ସାମା ପିଲାତ ଝେରେସି, “ଏନାଆଁତାକି, ଏଝାସି ଏନି ଦହ କିହାମାନେସି ?”

ସାମା ଏଝାରି ହାଡ଼େକା କାଲଝି ଆହୁଁ ଏଲେଇଚେରି, “ଏଝାଣାଇଁ ପାସି ମୁଣ୍ଡାତା ଏକଦୁ □”

୨୪ ଏଚିବେଲା ପିଲାତ ଏନାଆଁ କିହାଲି ଆଡ଼ିହିଲଅସି, ଇଞ୍ଜା ହାରେକା ଗଡ଼ହା ଆହିମାନାଣି ମେସାନା, ଏଚିବେଲା ଲକୁ ନକିତା ଏୟୁ ଅହାନା କେସ୍ତା ନରହାଁ ଏଲେଇଚେସି, “ଇଝାଣି ପାୟିନି ତାଣା ନା ଦହ ହିଲେଏ, ମୀରୁ ଏଦାଆଁ ପୁଞ୍ଜୁ □”

୨୫ ଏମ୍ବାଟିଏ ବାରେ ଲକୁ ଏଲେଇଚେରି, “ଏଝାଣି ନେତେରିତି ତଣ୍ଡ ମା ଲାକ ଇଞ୍ଜା ମା ମୀରକା ମୁହେଁ ଝାପେ □”

୨୬ ଏମ୍ବାଟିଏ ପିଲାତ ଏଝାରାକି ବାରବାଇଁ ପିସା ହୀତେସି, ଇଞ୍ଜା ଜୀସୁଇଁ ସାଟୁଣି ଝେଚାନା ପାସି ମୁଣ୍ଡାତା ଏକହାଲି ହେର୍ପିତେସି □

କସ୍କା ଜୀସୁଇଁ ନିନ୍ଦାକିହୁଁ କାକନାୟି
(ମାର୍କ ୧୫:୧୭-୨୦; ଜହ ୧୯:୨-୩)

୨୭ ଏମ୍ବାଟିଏ ସାଲଝି କିନାଣି କସ୍କା ଜୀସୁଇଁ ମେଡ଼ା ଇଲୁ ବିତ୍ରା ଅହାନା ବାରେ କସ୍କା ଏଝାଣି ନକିତା କୃତା ଆଡ଼େରି □

୨୮ ଇଞ୍ଜା ଏଝାରି ଏଝାଣି ହିମ୍ବୁରି ହୁକହାନା ଏଝାଣାଇଁ ହେୟାଁ ଝାଣାଗାଟି ହିମ୍ବୁରି ହୁଚିକିତେରି,

୨୯ ଇଞ୍ଜା ହାପୁକା ଟପେରି ଆଲାମା ଏଝାଣି ତାୟୁଁ ତୁ ଇଚିତେରି ଅଡ଼େ ଏଝାଣି ଚିଃନି କେୟୁତା ର ବାଡ଼ଗା ଆସ୍ପି କିତେରି, ଇଞ୍ଜା ଏଝାଣି ନକିତା ମେଣ୍ଡା କୁତିହୁଁ “ଏ ଜୀହୁଦି ଲକୁତି ରାଜା ଜହରା” ଇଞ୍ଜା ଲାଜାକିହୁଁ କାକହେରି □

୩୦ ଅଡ଼େ ଏଝାଣିଲାକ ହୁପିତେରି, ଅଡ଼େ ଏ ବାଡ଼ଗା ଆସାନା ଏଝାଣି ତାୟୁଁ ତୁ ଝେତେରି □

୩୧ ଅଡ଼େ ଏଝାରି ଏଝାଣାଇଁ ଲାଜାକିହୁଁ କାକହୁଁ ତାୟୁ, ଏ ହିମ୍ବୁରି ହୁକହା ଅହାନା ତାନି ହିମ୍ବୁରି ହୁଚିକିତେରି, ଇଞ୍ଜା ଏଝାଣାଇଁ ପାସି ମୁଣ୍ଡାତା ଏକହାଲି ଅଡ଼େରି □

ଜୀସୁ ପାସି ମୁଣ୍ଡାତା

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଜହ ୧୯:୧୭-୨୭)

୩୨ ଏଝାରି ହାଜିମାଟାଟି ସିମନ ଦରୁଗାଟି ର କୁରିଣି ଦେସାତି ଲକୁଇଁ ମେସାନା ଜୀସୁତି

ପାସିମୁଣ୍ଡା ଡେକାଲି ଏଝାଣାଇଁ ବାଲାମାତମି କିତେରି □

୩୩ ଇଞ୍ଜା ଏଝାରି ଗଲଗତା ଇନି ଟାୟୁତା ଇଚିହୁଁ ଏମିନାଣି ତାୟୁଁ ରୁପା ଇନେରି ଏମ୍ବାଆଁ ଅଡ଼େରି □

୩୪ ଏମ୍ବାଆଁ ଏଝାରି ଏଝାଣାକି କାମ୍ବେଲି ଏୟୁ ଆଟୁହି ଅଞ୍ଜୁରି ରାସା ଗସାଲି ହୀତେରି, ସାମା ଏଝାସି ଏଝାଆଁ ଝାଣ୍ଡାନା ଗସାଲି ମନ୍ କିଆତେସି □

୩୫ ତାୟୁ ଏଝାରି ଏଝାଣାଇଁ ପାସି ମୁଣ୍ଡାତା ଏକହାନା ତାନି ହିମ୍ବୁରିକା ପାଦି କିହାନା ତାନି ବିତ୍ରା ବାଟି କିହା ଅଡ଼େରି,

୩୬ ଇଞ୍ଜା ଏମ୍ବାଆଁ କୁଗାନା ଏଝାଣାଇଁ କାଟିମାଚେରି □

୩୭ ଇଞ୍ଜା ଏଝାରି ଏଝାଣି ତାୟୁଁ ଲାକଟି ଇଲେଇଞ୍ଜା ରାଚାନା ଲେତେରି, “ଇଝାସି ଜୀହୁଦି ଲକୁତି ରାଜା ଜୀସୁ □”

୩୮ ଏଚିବେଲା ତାନି ଚିଃନିଝାକି ରଅସି ଇଞ୍ଜା ତାନି ଚେବୁଝାକି ରଅସି ଇଲେକିହୁଁ ରୀ ସର୍କାଣି ତାନିତଲେ ପାସି ମୁଣ୍ଡାତା ଏକହେରି □

୩୯ ଇଞ୍ଜା ଏ ଜିରୁଟି ହାଜିମାନି ଲକୁ ତାନି ତାକା ଗୁଚକିକିହୁଁ ଏଝାଣାଇଁ ନିନ୍ଦାକିହୁଁ ଏଲେଇଚେରି,

୪୦ ✨ “ଆଡ଼େ ମାହାପୁରୁ ଇଲୁ ଡିକନାତି ଇଞ୍ଜା ତାନି ଦିନାଟିଏ ଏଦାଆଁ ଝେଣ୍ଡେ କେପିନାତି, ନୀନୁ ମାହାପୁରୁ ମୀରୁଏଣାତି ଇଚିହୁଁ, ନୀନୁ ନିଲେ ଗେଲପା କତାନା ପାସି ମୁଣ୍ଡାଟି ରେଚା ଝାମୁ □”

୪୧ କାଜା ପୁଜେରାଜା ଜିକେଏ ଏଲେକିହୁଁ ଏ ମେରାପୁନାରି ଇଞ୍ଜା ଲକୁତି କାଜାରି ତଲେ କିଜଝିକିହୁଁ କାକହୁଁ ଏଲେଇଚେରି,

୪୨ “ଏଝାସି ଏଚକା ଲକୁଣି ପିସ୍ପି କିତେସି ତାଲେ ଗେଲପାଲି ଆଡ଼ିହିଲଅସି □ ଏଝାସିତ ଇସ୍ରାୟେଲତି ରାଜା, ଏଝାସି ଦେବୁଣିଏ ପାସି ମୁଣ୍ଡାଟି ରେଚା ଝାପେସି, ଆତିହୁଁ ମୀରୁ ଏଝାଣି ତାଣା ନାମିନ □

୪୩ ଏଝାସି ମାହାପୁରୁ ତାଣା ନାମା ମାନେସି; ମାହାପୁରୁ ଏଝାଣାଇଁ ଜୀସୁ ନହାଁ ମାନେସି, ଆତିହୁଁ ଏ ଦେବୁଣିଏ ଏଝାଣାଇଁ ଗେଲପାପେସି, ଏଝାସି ଝେସାମାଚେସି ନାନୁ ମାହାପୁରୁ ମୀରୁଏଣାତେସି □”

୪୪ ଇଞ୍ଜା ଆମିନି ସର୍କା ତାନିତଲେ ପାସି ମୁଣ୍ଡାତା ଏକହା ମାଚେରି, ଏଝାରି ଜିକେଏ ଏଲେକି ନିନ୍ଦା କିହାଲି ମାଟୁହେରି □

ଜୀସୁତି ହାନାୟି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହ ୧୯:୨୮-୩୦)

✨ ୨୭:୪୦ ୨୭:୪୦ ମାତୃ ୨୭:୨୧; ଜହ ୨:୧୯

୪୫ ତାମ୍ଭୁ ବାର ଗଂଗାଟିଏ ତାନି ଗଂଗା ପାତେକା ଦେସା ବାରେ ଆନ୍ଦେରି ଆହାହାଚେ □

୪୬ ମିଡ଼ଅଲ୍ଲା ତାନି ଗଂଗା ବେଲ୍ଲାତା ଜୀସୁ କାଜା ଗିୟାତଲେ ହାଟାନା ଏଲେଇଚେସି, “ଏଲି, ଏଲି, ଲାମା ସାବକ୍ତାନି ?” ଇଚିହିଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଜେ ଏନାଆଁତାକି ପିସ୍ତାତି ?”

୪୭ ଈ ହାଡ଼ା ଖେଜାନା ଦାରିତା ନିଚାମାଟି ଲକୁ ଏଲେଇଚେରି, “ଇଖାସି ଏଲିୟଇଁ ହାଟି ମାନେସି □”

୪୮ ଅଡ଼େ ଏ ଦେବୁଣିଏ ରଅସି ଏଞ୍ଜାରି ବିତ୍ରାଟି ହଟିହିଁ ହାଜାନା ର ଡ୍ରାଃଆଲି ପୁଲା ଅଜୁରି ରାସାତା ମୁସାନା ଏଦାଆଁ ର ବାଡ଼ଗାତା ଦସାନା ଜୀସୁକି ଗସାଲି ହାତେସି □

୪୯ ସାମା ଏଚେକା ଲକୁ ଏଲେଇଚେରି, “ହେଣ୍ଡୁ, ଏଲିୟ ଇଞ୍ଜାଣାଇଁ ଗେଲ୍ପାଲି ଖାହିମାନେସି କି ଆଏ ସିନିକିନ □”

୫୦ ସାମା ଜୀସୁ ଅଡ଼େ ଖେଣ୍ଡେ କାଜା ଗିୟାତଲେ ହାଟାନା ହାଡ଼େସି □

୫୧ ଇଞ୍ଜା ମେହଦୁ ମାହାପୁରୁ ଇଲୁତା ଲେଚାମାନି ହିମ୍ପରି ଲାକଟିଏ ଡ଼ଇ ପାତେକା ଗେଜାନା ରୀ ବାଗା ଆଡ଼େ, ଇଞ୍ଜା ବୁମି ବାରେ ଖାଡ଼ିତେ ଅଡ଼େ ଖାଲ୍‌କା ଅୟାହାରୁ,

୫୨ ଇଞ୍ଜା ମାଡ଼ହା ମୁହନି ଚାସ୍ଲା ବାରେ ଦେପିଆଡୁ, ଅଡ଼େ ହାହାମାଟି ହାରେକା ସୁଦୁ ଲକୁଡି ଆଜା ମାଡ଼ହା ମୁହନି ଚାୟୁଟି ନିଜାମା ଖାଡ଼େରି,

୫୩ ଇଞ୍ଜା ଜୀସୁ ଖେଣ୍ଡେ ନିଜିତି ତାମ୍ଭୁ ଏଞ୍ଜାରି ମାଡ଼ହା ମୁହନି ଚାୟୁଟି ହଚାନା ସୁଦୁ ଗାଡ଼ାତା ହାଜାନା ହାରେକା ଜାଣାତି ତଞ୍ଜାଆଡ଼େସି □

୫୪ ପାସାକଡ଼ି କସକା ମୁହେଁ କାଜାସି ଇଞ୍ଜା ତାନିତଲେ ଜୀସୁଇଁ କାଟାମାଚାରି, ଏଞ୍ଜାରି ବୁମି ଖାଡ଼ିତାଣି ଅଡ଼େ ଏମ୍ପାଆଁ ଗଟଞ୍ଜି ଆଡ଼ାଣି ମେସାନା ହାରେକା ଆଜାନା ଏଲେଇଚେରି, “ସାତେଏ ଇଞ୍ଜାସି ମାହାପୁରୁ ମୀରଏସି ମାଚେସି □”

୫୫ ଅଡ଼େ ହାରେକା ଇୟାସିକା ଜିକେଏ ଏମ୍ପାଆଁ ମାଞ୍ଜାନା ହେକଟି ସିନିକିହିମାରୁ; ଏଞ୍ଜି ଜୀସୁତି ସେବା କିହିଁ ଗାଲିଲିଟି ଏଞ୍ଜାଣିତଲେ ଖାହାମାରୁ;

୫୬ ଏଞ୍ଜାସିକା ବିତ୍ରାଟି ମଗଦଲିନି ମରିୟମ, ଜାକୁବ ଅଡ଼େ ଜସେପ ତାନି ଇୟା ମରିୟମ, ଅଡ଼େ ଜେବଦି ତାନି ଇୟା ମାରୁ □

ଜୀସୁଇଁ ମୁହନାୟି

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଚାଟି ହାରାମାତିୟା ଜସେପ ଦରୁଗାଟି ହାରାମାତିୟାତି ର ଦନ ଗାଗାସି

ଖାଡ଼େସି, ଏଞ୍ଜାସି ଜିକେଏ ଜୀସୁତି ର ସୀସୁ ଆହାମାଚେସି □

୫୮ ଏଞ୍ଜାସି ପିଲାତ ତାଣା ହାଜାନା ଜୀସୁତି ଆଜା ରୀସ୍ତେସି, ପିଲାତ ଜୀସୁତି ମାଡ଼ହା ଏଞ୍ଜାଣାକି ହେରପାଲି ହୁକୁମି ହାତେସି □

୫୯ ଜସେପ ମାଡ଼ହା ଆଜାତି ଅହାନା ନେହିଁ ପୁଃନି ପାଡ଼ାଡ଼ା ଦବ୍‌ଲା ହିମ୍ପରି ରୁପିତେସି,

୬୦ ଇଞ୍ଜା ତାନୁ ତାଜେତାକି ହରୁତା କାରୁଞ୍ଜି କିହାମାନି ମାଡ଼ହା ମୁହନି ପୁଃନି ଚାୟୁତା ମାଡ଼ହାତି ଇଚିତେସି, ଇଞ୍ଜା ମାଡ଼ହାତି ମୁହନି ଚାୟୁତି ଦୁଞ୍ଜେରିତା ର କାଜା ଖାଲି ପ୍ଟିକ୍‌ହାନା ହାଜାଡୁସ୍ତେସି □

୬୧ ମଗଦଲିନି ମରିୟମ ଅଡ଼େ ଏଟକାତି ମରିୟମ ଏ ମାଡ଼ହା ମୁହନି ଚାୟୁତା କୁଗା ଡ଼ୟିଡୁ □

ମାହଣି ମାଣ୍ଡାତା କସକା

୬୨ ତାନି ଅର ଦିନା, ଇଚିହିଁ ତିୟାରା ଆନି ଦିନାତି ତାୟୁତି ଦିନା କାଜା ପୂଜେରାଜା ଅଡ଼େ ପାରୁସିୟାଁ ପିଲାତ ତାଣା ରୁଣ୍ଡା ଆହାନା ଏଲେଇଚେରି,

୬୩ ☆“ବାରୁ, ଏ ନାଡ଼ି କିନାସି ଜୀସୁତା ମାଚାଟି, ‘ନାନୁ ତାନି ଦିନାଟିଏ ଖେଣ୍ଡେ ନିଜଇଁ’ ଇଞ୍ଜିଁ ଖେସାମାଚାଣି ନୀଏଁ ମାମ୍ପୁ ଅଣ୍ପିମାନମି □

୬୪ ଏଦାଆଁତାକି ତାନିଦିନା ପାତେକା ଏ ମାଡ଼ହା ମୁହନି ଚାୟୁତା କାଟାଲି ତାକି ହୁକୁମି ହୀମ୍ପୁ, ଆଆତ ତାନି ସୀସୁୟାଁ ଖାହାନା ମାଡ଼ହାତି ତଂଗା ଆହାଁ ଏଞ୍ଜାସି ହାକିଟି ନିଜାମାନେସି ଇଞ୍ଜିଁ ଲକୁଣି ଖେହ୍‌ନେରି; ଆଡ଼ିହିଁ ତଲି ନାଡ଼ି କିତାଣି କିହାଁ ତାୟୁତି ନାଡ଼ିକିନାୟି ହାରେକା ଆଗାଡ଼ା ଆନେ □”

୬୫ ପିଲାତ ଏଞ୍ଜାରାଇଁ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ମୀ ଆଡ଼ିନି ପାତେକା କାଃଆଦୁ □”

୬୬ ଏଦାଆଁତାକି ଏଞ୍ଜାରି ହାଜାନା କାଃଆନାରି ତଲେ ଏ ଖାଲି ଗୁତା ଆଆପେଞ୍ଜା ଇଞ୍ଜିଁ ଖାଲିତି ଜାଣି କିହିଁ ସୀଲି ଖେଚାନା ମାଡ଼ହା ମୁହନି ଚାୟୁତା କାଃନାରାଇଁ କାପି କିତେରି □

୨୮

ଜୀସୁ ଖେଣ୍ଡେ ନିଜିନାୟି

(ମାର୍କ ୧୬:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାଡ଼ି ତାମ୍ଭୁ ଖାଚାତି ତଲିତି ଦିନାତା ଲାଜ୍ ଲାଜସିଏ ମଗଦଲିନି ମରିୟମ ଅଡ଼େ ଏଟକାତି ମରିୟମ ମାଡ଼ହା ମୁହନି ଚାୟୁତି ସିନିକିହାଲି ହାରୁ □

☆ ୨୭:୨୩ ୨୭:୨୩ ମାତି ୧୬:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩, ୩୪; ଲୁକ ୯:୨୨; ୧୮:୩୧-୩୩

୨ ଅଡ଼େ ମେହଦୁ ଏ ଦେବୁଣିଏ ବୁମି ଖୀଡ଼ିତେ, ଇଚିହୁଁ ମାହାପୁରୁତି ର ଦୁତୁ ଲାକପୁରୁତି ରେଚାଝାହାନା ଏ ଖାଲିତି ଗୁତି କିହାନା ଏଦାଣି ଲାକ କୁଗିତେସି □

୩ ତାନି ଖାଣା ମିଶ୍‌ସିମାନି ହାଗୁଲେହେଁ ମାଚେ ଅଡ଼େ ତାନି ହିମ୍‌ଗି ପେଣ୍ଡିଲେହେଁ ଦବଲା ମାଚେ □

୪ ଇଞ୍ଜା କାଝିଆନାରି ଆଜିତାକି ତୀରୁଗିହୁଁ ହାଡ଼ିଲେହେଁ ଆଡ଼େରି □

୫ ସାମା ଦୁତୁ ଇୟାସିକାଣି ଏଲେଇଚେସି, “ମୀରୁ ଆଜାଆଦୁ, ଇଚିହୁଁ ମୀରୁ ପାସି ମୁଣ୍ଡାତା ହାଡ଼ି ଜୀସୁଇଁ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାଇଁ □”

୬ ଏଝାସି ଇମ୍‌ଆଁ ହିଲଅସି; ଇଚିହୁଁ ଏଝାସି ଏନିକିଁ ଖେସାମାଚେସି, ଏଲେକିହୁଁ ଏ ନିଙ୍ଗାମାନେସି, ଖାଦୁ ଏଝାସି ଆମିନି ଟାୟୁତା ତୁରାମାଚେସି ଏ ଟାୟୁତି ସିନକିଦୁ □

୭ ଅଡ଼େ ମୀରୁ ତବେ ହାଜାନା ତାନି ସୀସୁୟାଁଣି ଖେହଦୁ, ଏଝାସି ହାଡ଼ାରି ତାଣାଟି ନିଙ୍ଗାମାନେସି, ଅଡ଼େ ମେହଦୁ ଏଝାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍‌ଆଁ ମୀରୁ ଏଝାଣାଇଁ ମେହଦେରି; ନାନୁ ଖେସ୍‌ତାଣି ଅଣ୍‌ପାଦୁ □

୮ ଏମ୍‌ଗାଟିଏ ଆଜି ଅଡ଼େ ରାହୁଁଟି ମାହୁଣି ମାଣ୍ଡାଟି ତବେ ହାଜାନା ତାନି ସୀସୁୟାଁଣି ଖେସାଲି ଦାବଡ଼ି ହୁତୁ □

୯ ଅଡ଼େ ମେହଦୁ ଜୀସୁ ଏଝାସିକାଣି ବେଟାଆହାନା ଏଲେଇଚେସି, “ମିଙ୍ଗେ ହିଡ଼ୁଡ଼ି ଆୟାପେ” ଏମ୍‌ଗାଟିଏ ଏଝି ତାଗେ ଖାହାନା ଏଝାଣି କତାୟାଁ ଆସାନା ଏଝାଣାଇଁ ଜହରା କିଡ଼ୁ □

୧୦ ଏଚେଟିଏ ଜୀସୁ ଏଝାସିକାଣି ଏଲେଇଚେସି, “ଆଜାଆଦୁ, ମୀରୁ ହାଜାନା ନା ତାୟିୟାଁଇଁ ଖେହଦୁ, ଏଝାରି ଗାଲିଲିତା ହାଲାପେରି; ଏମ୍‌ଆଁ ଏଝାରି ନାଙ୍ଗେ ମେସ୍‌ମାନେରି □”

ମାହୁଣି ମାଣ୍ଡା କାଝିଆନାରି

୧୧ ଆୟାସିକା ହାଜିମାଚାଟି, କାପୁ କାଟାମାଟି କସକା ବିଡ଼ାଟି ଏଚରଜାଣା ଗାଡ଼ାତା ହାଜାନା ଏ ବାରେ ଗଟଝି ଆଡ଼ାଣି କାଜା ପୂଜେରାଙ୍ଗାଣି ଖେସ୍‌ସେରି □

୧୨ ଏଝାରି ଲକୁଡ଼ି କାଜାରି ତଲେ ରୁଣ୍ଡା ଆହାନା ଅଣ୍‌ପିହୁଁ କାତା ତୀରିକିତି ତାୟୁ, ଏ କସକାକି ହାଡ଼େକା ଟାକାୟାଁ ହୀହାନା ଏଲେଇଚେରି,

୧୩ “ମୀରୁ ଏଲେଇଞ୍ଜୁ, ମାମ୍‌ ତୁରାମାଟି ବେଲାତା ତାନି ସୀସୁୟାଁ ଲାଆଁୟାଁ ଖାହାନା ଏଝାଣାଇଁ ସରୁ ଆହାନା ଅଡ଼େରି □

୧୪ ଅଡ଼େ ଇ କାତା ସାଲୁଝି କିନାଣି କିୟୁଁ ତୁ ହାଚିହୁଁ, ମାମ୍‌ ଏଝାଣାଇଁ ନେହୁଁ କିଁ ଖେସାନା ମୀ ଅଣ୍‌ପୁଟି ପିସପି କିୟାନମି □”

୧୫ ଏଝାରି ଟାକାୟାଁ ଅହାନା ଏନିକିଁ ହୁକୁମି ବେଟାଆହା ମାଚେରି, ଏଲେକିହୁଁ କିଚେରି □ ଏଦାଆଁତାକି ଇ କାତା ଜୀହୁଦି ଲକୁଡ଼ାଣା ଖେଙ୍ଗା ହାଜାନା ନୀଏଁ ପାଚେକା ମାନେ □

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି (ମାର୍କ ୧୪:୩-୯; ଜହ ୧୨:୧-୮)

୧୬ *ସାମା ଏଗାର ଜାଣା ସୀସୁୟାଁ ଗାଲିଲିତା ହାଜାନା, ଜୀସୁ ଆମିନି ହରୁ କାତା ଏଝାରାଇଁ ଖେସାମାଚେସି, ଏ ହରୁତା ହାଚେରି □

୧୭ ଅଡ଼େ ଏଝାରି ଏଝାଣାଇଁ ମେସାନା ଜହରା କିଚେରି, ସାମା ଆମ୍‌ଆ ଆମ୍‌ଆରି ନାମାଆଚେରି □

୧୮ ଇଞ୍ଜା ଜୀସୁ ଏଝାରି ତାଗେ ଖାହାନା ଏଲେଇଚେସି, “ଲାକପୁରୁ ଅଡ଼େ ଦାବଡ଼ିତି ଅଦିକାରା ନାଙ୍ଗେ ମୋଡ଼ା ଆହାମାଞ୍ଜାନେ □

୧୯ *ଏଦାଆଁତାକି ମୀରୁ ହାଜାନା ବାରେ କୃଡ଼ାତି ଲକୁଣି ଆବା, ମୀରୁଏସି ଅଡ଼େ ସୁଦୁଜୀଝୁ ଦରୁଟି ବାପ୍‌ସୁ* ହୀହାନା,

୨୦ ନାନୁ ମିଙ୍ଗେ ହୀହାମାଞ୍ଜାନି ହୁକୁମି ବାରେ ମାନଝି ଆହାଲି ଜାପୁହାନା ଏଝାରାଇଁ ନା ସୀସୁୟାଁ କିଦୁ; ମେହଦୁ ଜୁଗୁ ରାନ୍ତି ପାଚେକା ନାନୁ ବାରେବେଲା ମୀ ତଲେ ମାଞ୍ଜେ ମାଞ୍ଜାଇଁ □”

☆ ୨୮:୧୭ ୨୮:୧୭ ମାତି ୨୭:୩୨; ମାର୍କ ୧୪:୨୮ ☆ ୨୮:୧୯ ୨୮:୧୯ କାମା ୧:୮ * ୨୮:୧୯ ୨୮:୧୯ ମୁଞ୍ଜିନାୟି

ମାର୍କ ଲିଖିତ ସୁସମାଚାର ମାର୍କ ରାଚାମାନି ନେହଁ କାରୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀସୁ ଅଡ଼େ ଇ ଦାରତିତା ମାତି ତାନି କାତା ମାର୍କ ରାଚାମାନି ନେହଁ କାରୁ; ପୁଃନି ମେରାତି ସାରିଗଟା ନେହଁ କାରୁ ପତିୟା ବିଦ୍ରାଟି ଇଦି ଆହିମାନେ ର ପତି □ ଏ ବାରେ ନେହଁ କାରୁ ଇନେରି □ ଏ ପତିୟା ଜୀସୁ କ୍ରୀସ୍ତ ହାଡ଼ି ତାମୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାରେରି □ ମାର୍କ ରାଚାମାନି ନେହଁ କାରୁ ସାରିଗଟା ନେହଁ କାରୁ ବିଦ୍ରାଟି ବାରେତି କିହା ସଚୁ କାରୁ □ ଇ ନେହଁ କାରୁ ବାରେ କିହା ନକେଏ ଇତିହଁ ଜୀସୁ ଜାର୍ନାଆଡ଼ି ତାମୁ ୨୫-୭୦ ବାର୍ଷା ବିଦ୍ରା ରାସକି ଆହାମାନେ ଇଞ୍ଜି ବାଇବଲ ପୁତି ବୁଦିଗାଟାରି ଏଲେଇଞ୍ଜିମାନେରି □ ରମ୍ ଗାଡ଼ାତା ମାତି କ୍ରୀସ୍ତାନା ଲକୁଣି ରାହାଁ କିହାଲିତାକି ଇ ପତି ରମ୍ ଗାଡ଼ାତା ରାଚାମାରେସି □

ମାର୍କ ଅର ଦରୁ ଜହନ ମାର୍କ, ଏଞ୍ଜାସି ପାସୁଲ ଅଡ଼େ ବର୍ନବା ତଣେ ମାରେସି □ ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାସି ମନ ଉଣା ଆହାମାରେ କାମା ୧୩:୧୩ □ ମାର୍କ ଅଡ଼େ ଷ୍ଟେସେ ବର୍ନବା ତଲେ ସେବା କାମାତା ହାରେସି କାମା ୧୫:୩୭-୩୯ □ ମାର୍କ ପିତରତି ନେହଁ ଜାରୁ ମାରେସି ୧ପିତ ୫:୧୩ □ ମାର୍କ ଜୀସୁ କ୍ରୀସ୍ତତି ଜୀସୁତି କାତା କି ସେବା କାମାତି ମେସା ହିଲାଆତେସି, ବୁଦିଗାଟାରି ନାମିମାନେରି ମାର୍କ ରାଚାମାନି ନେହଁ କାରୁତା ପିତରତି କାତା ହାରେକା ରାଚାମାନେସି □ ମାର୍କ ସୀସୁୟାତି କାମା ଇଞ୍ଜା ଜୀସୁ ରାନି ଦିନାତି କାତା ଜାପ୍ନାଣି ରାଚାମାନେସି □

ପତିତା ମାନାୟି

- ୧ ମାର୍କ ପତିତି ମୂଲୁ ହାଡ଼ା □ ୧:୧-୧୩
- ୨ ଗାଲିଲିତା ଜୀସୁ କ୍ରୀସ୍ତତି ସେବା କାମା □ ୧:୧୪-୮:୨୧
- ୩ ଜୀସୁ କ୍ରୀସ୍ତ ଜିରୁସାଲମତା ହାନାୟି □ ୮:୨୨-୧୦:୫୨
- ୪ ଜିରୁସାଲମତି କାତା, ଜୀସୁ କ୍ରୀସ୍ତ ହାଡ଼ି କାତା ଅଡ଼େ ଷ୍ଟେସେ ନିଜ୍ଜିନି କାତା ରାଚାନା ରାପ୍ନାୟି □ ୧୧:୧-୧୭:୨୦

ବାପ୍ତିସ୍ମା* ହାନି ଜହନ ଷ୍ଟେକ୍ନାୟି
(ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

୧ ମାହାପୁରୁ ମାର୍ଏସି ଜୀସୁ କ୍ରୀସ୍ତତି ନେହଁ କାରୁ ଇଲେକି ଆଡ଼େ,
୨ ମାହାପୁରୁ ଅଣ୍ଟପୁତି ବଲୁ ଷ୍ଟେହ୍ନି ଜିସାୟ ସାସ୍ତେରିତା ଏନିକି ରାସକି ଆହାମାନେ;
“ମାହାପୁରୁ ଏଲେଇଞ୍ଜି ମାନେସି, ମେହ୍ମୁ ନାନୁ ନା କାରୁ ଷ୍ଟେହ୍ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ,

ଏଞ୍ଜାସି ନିଜେତାକି ଜିରୁ ତିୟାରା କିନେସି;
୩ ଲକୁ ହିଲାଆ ଚାମୁତା ରଅଣି ହାଡ଼ା ଷ୍ଟେଜିମାନେ, ପ୍ରବୁତି ଜିରୁ ତିୟାରା କିଦୁ,
ଏଞ୍ଜାସି ତାକାଲି ତାକି ଜିରୁ ତିୟି କିଦୁ □”

୪ ଏମ୍ବାଟିଏ ବାପ୍ତିସ୍ମା* ହାନି ଜହନ ଲକୁ ହିଲାଆ ଚାମୁତା ଖାହାନା ବଲୁ ଷ୍ଟେକ୍ନେସି, ଅଡ଼େ ବାପ୍ତିସ୍ମା* ହାହାନା ଏଲେଇଚେସି, “ଜାହାରା ପାପୁତି ପିସପି ଆୟାଲିତାକି ମନ ଷ୍ଟେଟ୍‌ହାନା ବାପ୍ତିସ୍ମା* ଅଦୁ, ଆତିହଁ ମାହାପୁରୁ ମୀ ପାପୁ ମେକ୍‌ହାନେସି □”

୫ ଏମ୍ବାଟିଏ ଜୀହୁଦା ଦେସା ଇଞ୍ଜା ଜିରୁସାଲମ ଗାଡ଼ାତି ବାରେ ଲକୁ ତାନି ତାଣା ଖାହାଲି ମାଟ୍‌ହେରି, ଇଞ୍ଜା ତାମ୍‌ତୁମି କିତି ପାପୁତି ଷ୍ଟେସାନା ଏଞ୍ଜାସି ତାଣାଟି ଜର୍ଦନ କାତାତା ବାପ୍ତିସ୍ମା* ଅଡ଼େରି □

୬ ଜହନ ଉରୁ ବାଣାୟା ତଲେ କେପିତି ହିମ୍‌ରିକା ତୁରହିମାରେସି, ଅଡ଼େ ଟେଡେଲିତା ର ତଲୁତି ବୁଡ଼ପା ମାଡ଼ା କିହା ଦସା କଡ଼଼ିତେସି, ଗପ୍‌ଏରିକା ଅଡ଼େ ଜାଡ଼ାତି କ୍ରିୟା ଏଞ୍ଜାସି କାଦି ମାରେ □

୭ ଜହନ ଏଲେଇଞ୍ଜି ଷ୍ଟେକ୍‌ହାଲି ମାଟ୍‌ହେସି, “ଆମ୍‌ଆସି ନା କିହା ହାରେକା ବାଡ଼ୁୟୁ ଗାଟାସି ଏଞ୍ଜାସି ନା ତାମୁ ଖାହିମାନେସି; ନାନୁ ମେଶ୍ଟାକୁତାନା ଏଞ୍ଜାସି ସେପୁୟାତି ତ:ରକା ଜିକେଏ ହୁକ୍‌ହାଲି ପାଡ଼ାଆଅଁ □

୮ ନାନୁ ମିଜେ ଏୟୁତଲେ ବାପ୍ତିସ୍ମା* ହାହିମାଞ୍ଜାଇଁ, ସାମା ଏଞ୍ଜାସି ମିଜେ ସୁଦୁଜୀସୁ ତଲେ ବାପ୍ତିସ୍ମା* ହିୟାନେସି □”

ଜୀସୁ ବାପ୍ତିସ୍ମା* ଅନାୟି ଇଞ୍ଜା ତାୟିପାରି କିଞ୍ଜି ଆନାୟି

(ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏତିବେଲାତା ଜୀସୁ ଗାଲିଲିତି ନାଜ୍‌ରିତତି ଖାହାନା ଜର୍ଦନ କାତାତା ଜହନ ତାଣାଟି ବାପ୍ତିସ୍ମା* ଅଡ଼େସି □

୧୦ ଜୀସୁ ଏୟୁତି ନିଜା ଖାହିମାଟାଟି ଦେବୁଣିଏ ଲାକପୁରୁ ଦେପି ଆଡ଼େ ଇଞ୍ଜା ସୁଦୁଜୀସୁ ପାର୍‌ଖା

* ୧: ୧:୧ ମୁଞ୍ଜିନାୟି † ୧:୪ ୧:୪ ମୁଞ୍ଜିନାୟି ‡ ୧:୪ ୧:୪ ମୁଞ୍ଜିନାୟି § ୧:୪ ୧:୪ ମୁଞ୍ଜିନାୟି * ୧:୫ ୧:୫ ମୁଞ୍ଜିନାୟି
† ୧:୮ ୧:୮ ମୁଞ୍ଜିନାୟି ‡ ୧:୮ ୧:୮ ମୁଞ୍ଜିନାୟି § ୧:୮ ୧:୯ ମୁଞ୍ଜିନାୟି * ୧:୯ ୧:୯ ମୁଞ୍ଜିନାୟି

ପଟାଲେହେଁ ତାମି ଲାକ ରେଟା ଖାହିମାଟାଣି ମେସ୍ତେସି □

୧୧ *ଅଡେ ଲାକପୁରୁଟି ଇ ହାଡା ଆଡେ, “ନୀନୁ ନା ଜୀଝୁତି ମୀରୁଏଣାତି, ନୀ ତାଟେଣଏ ନା ହାଟେକା ରାହାଁ ମାନେ □”

୧୨ ଏ ଦେବୁଣିଏ ସୁଦୁଜୀଝୁ ଏଝାଣାଇଁ ଲକୁ ହିଲାଆ ଚାୟୁତା ଅଡେ,

୧୩ ଜୀସୁ ଲକୁ ହିଲାଆ ଚାୟୁତା ରୀ କଡ଼ି ଦିନା ପାତେକା ତୁୟାନା ସୟତାନ ତାଣାଟି ତାୟିପାରି କିଝିଆଡେସି; ଏଝାସି ଜାଡାତି ଜନ୍ତୁ ତଲେ ତୁୟିଡେସି, ଇଞ୍ଜାଁ ଲାକପୁରୁଟି ଦୁତୁୟାଁ ଖାହାନା ଏଝାଣି ସେବା କିହିମାଟୁ □

ଜୀସୁ ସାରି ଜାଣା ମୀଣକା ଆହନାରାଇଁ ହାଟିନାୟି

(ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନଇଁ କାୟିଦି ଇଲୁତା ଇଟାଲିଏ ଜୀସୁ ଗାଲିଲିତା ଖାଡେସି ଇଞ୍ଜାଁ ମାହାପୁରୁଟି ନେହଁ କାରୁ ଝେକହେସି □

୧୫ *କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଝାହିମାନେ, ପାପୁତି ପିସାନା ମନ ଝେଟୁ ଇଞ୍ଜାଁ ମାହାପୁରୁଟି ନେହଁ କାରୁଟି ନାମାଦୁ □”

୧୬ ଜୀସୁ ଗାଲିଲି ସାମ୍ବୁରି ଗାଟୁଟି ହାଜିମାଟାଟି ସିମନ ଅଡେ ତାମି ତାୟି ଆୟିୟଇଁ ସାମ୍ବୁରିତା ମୀଣକା ଜାଲା ମେଡହି ମାଟାଣି ମେସ୍ତେସି, ଇଚିହଁ ଏଝାରି ମୀଣକା ଆହନାରି ମାଟେରି □

୧୭ ଜୀସୁ ଏଝାରାଇଁ ହାଟାନା ଏଲେଇରେସି, “ନା ଜେଟ ଖାଦୁ ନାନୁ ମିଜେ ଲକୁଣି ଆହନାଣି ଜାପୁହାଇଁ □”

୧୮ ଏଝାରି ଦେବୁଣିଏ ଜାଲାୟାଁ ପିସାନା ଜୀସୁଟି ଜେଟ ହାଟେରି □

୧୯ ଏଟେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀରକା ଜାକୁବ ଇଞ୍ଜାଁ ତାମି ତାୟି ଜହନଇଁ ତଂଗତା ଜାଲା ମୁଦା କିହିମାଟାଣି ମେସ୍ତେସି □

୨୦ ମେସ୍ପନିଏ ଜୀସୁ ଏଝାରାଇଁ ହାଟିଡେସି, ଇଞ୍ଜାଁ ଏଝାରି ତାମି ଆବା ଜେବଦିଇଁ ହଲିୟାଙ୍ଗା ତଲେ ତଂଗତା ପିସାନା ଜୀସୁ ଜେଟ ହାଟେରି □

ବୁତୁ ଆଲଗା ମାଟାସି (ଲୁକ ୪:୩୧-୩୭)

୨୧ ଜୀସୁ ଅଡେ ତାମି ସୀସୁୟାଁ କପରନାହୁମ ଗାଡାତା ଖାଟେରି, ଇଞ୍ଜାଁ ଅର ନେରୁ ଜମିନି ଦିନା ମାଟାକି ଜୀସୁ ଜୀହୁଦି ଲକୁଡି କୁଟମି ଇଲୁତାଁ ହାଜାନା ଜାପୁହାଲି ମାଟହେସି □

୨୨ *ଲକୁ ତାମି ଜାପୁନାଣି ଝେଞ୍ଜାନା କାବା ଆହାହାଟେରି; ଇଚିହଁ ଏଝାସି ସାସ୍ତେରି ଝେହନାରି ଲେହେଁ ଜାପୁଆନା ଅଦିକାରା ବେଟାଆହାମାନି ଲେହେଁ ଜାପୁହି ମାଟେସି □

୨୩ ଜୀସୁ ଜାପୁହି ମାଟିବେଲାତା ଜୀହୁଦି ଲକୁଡି କୁଟମି ଇଲୁଟିଃ ର ବୁତୁ ଆଲଗା ମାଟାସି କାଲଝି ଆହଁ ଏଲେଇରେସି,

୨୪ “ଏ ନାଜରିତଡି ଜୀସୁ ନୀ ତଲେ ମାଜେ ଏନି କାମା ମାନେ, ନୀନୁ କି ମାଜେ ନାସା କିହାଲି ଇମ୍ବାଆଁ ଖାହାମାଞ୍ଜି ? ନୀନୁ ଆମ୍ବାଆତି ନାନୁ ପୁଞ୍ଜାମାଇଁ; ନୀନୁ ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି □”

୨୫ ଜୀସୁ ଏଦାନି ଦାକା ହୀହାନା ଏଲେଇରେସି, “ପାଲେଏ ଆମୁ ଇଞ୍ଜାଁ ଇଝାଣି ତାଣାଟି ହଟାହାଲାମୁ □”

୨୬ ଏଟେଟିଏ ଏ ପଲୁଆ ବୁତୁ ଏଝାଣାଇଁ ମୁଡମୁଡା କିହାନା, କାଜା ଗିୟାତଲେ କିରଡିହଁ ଏଝାଣି ତାଣାଟି ହଟାହାଟେ □

୨୭ ଏମ୍ବାଟିଏ ବାରେଜାଣା ହାରେକା କାବା ଆଡେରି, ଇଞ୍ଜାଁ ଇଲେକଁ ଜଲୁକି ଆଡେରି, “ଇଦି ଏନିଲେହେତାୟି ? ଇଦି ଅଦିକାରା ବେଟାଆହାମାନି ଲେହେଁତି ପୁଃନି ଜାପୁନାୟି, ଏଝାସି ପଲୁଆ ବୁତୁୟାଁଇଁ ଜିକେଏ ହୁକୁମି ହାହିମାନେସି, ଅଡେ ଏଝି ଏଝାଣି କାତା ଆସିମାନୁ □”

୨୮ ଏମ୍ବାଟିଏ ଏଝାସି କିତି କାମାତି କାରୁ ଏ ରେଟୁଏ ଗାଲିଲି ରାଜିତି ସାରିଝାକିତି ନାସକାଣାଁ ଝେଙ୍ଗାହାଟେ □

ଜୀସୁ ହାଟେକା ଲକୁଣି ନେହଁକିନାୟି (ମାତି ୮:୧୪-୧୭; ଲୁକ ୪:୩୮-୪୧)

୨୯ ଏମ୍ବାଟିଏ ଏଝାରି ଜୀହୁଦି ଲକୁଡି କୁଟମି ଇଲୁଟିଃ ହଟାନା ଜାକୁବ ଅଡେ ଜହନ ତଲେ ଏ ଦେବୁଣିଏ ସିମନ ଇଞ୍ଜାଁ ଆୟିୟ ଇଜ ହାଟେରି □

୩୦ ସିମନ ପୟା ନମେରି ତାକି ତୁରାମାଟେ, ଅଡେ ଏଝାରି ଏଦାଣି କାତା ରେଟୁଏ ଜୀସୁଇଁ ଝେସ୍ତେରି □

୩୧ ଏମ୍ବାଟିଏ ଏଝାସି ତାଗେ ହାଜାନା ତାମି କେୟୁ ଆସାନା ଏଦାନି ନିକହେସି, ଅଡେ ଏଦାନି ନମେରି ପିସ୍ତେ, ଇଞ୍ଜାଁ ଏଦି ଏଝାରି ସେବା କିଡେ □

୩୨ ମିଡଅଲା ବେଲା ଝେଡା କୁଡହାଲିଏ ଲକୁ ରଗ ଗାଟାରାଇଁ ଇଞ୍ଜାଁ ବୁତୁୟାଁ ଆଲଗା ମାଟାରାଇଁ ଜୀସୁ ତାଣା ତାଡେରି,

୩୩ ଇଞ୍ଜାଁ ଗାଡାତାରି ବାରେ ଜୀସୁ ମାଟି ଇଲୁ ଦୁଝେରିତା ରୁଣ୍ଡା ଆଡେରି □

☆ ୧:୧୧ ୧:୧୧ ମାତି ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨ ☆ ୧:୧୫ ୧:୧୫ ମାତି ୩:୨ † ୧:୨୧ ୧:୨୧ ସିନଗର ☆ ୧:୨୨ ୧:୨୨ ମାତି ୭:୨୮,୨୯ ‡ ୧:୨୩ ୧:୨୩ ସିନଗର § ୧:୨୯ ୧:୨୯ ସିନଗର

୩୪ ଏମ୍ବାଟିଏ ଜୀସୁ ବାରେଲେହେଁତି ରଗ ଗାଟାଗାଲ୍ ନେହଁ କିତେସି, ଇଞ୍ଜା ହାରେକା ବୁଡୁଣି ପିସ୍ପି କିତେସି, ଇଞ୍ଜା ଏଞ୍ଜାସି ବୁଡୁୟାଣି ଜଲଲି ହୀଆତେସି, ଇଚିହଁ ଏଞ୍ଜି ଏଞ୍ଜାଶାଲ୍ ପୁଞ୍ଜିମାରୁ □

ଜୀସୁ ଗାଲିଲିତା ମାହାପୁରୁ କାତା ଝେକ୍ନାୟି (ଲୁକ ୪:୪୨-୪୪)

୩୫ ଝେୟାଆ ମାଟାଟିଏ ଆନ୍ଦେରି ମାଞ୍ଜା ମାଞ୍ଜାନା ଏଞ୍ଜାସି ନିଙ୍ଗା ହଡ଼ା ହାଜାନା ର ଲକୁ ହିଲିଆ ଟାମୁତା ହାଜାନା ପ୍ରାତାନା କିହିମାରେସି □

୩୬ ସିମନ ଇଞ୍ଜା ତାନି ଆଟ୍‌ହିତାରି ଏଞ୍ଜାଶାଲ୍ ପାରାଲି ମାଟ୍‌ହେରି,

୩୭ ଏଞ୍ଜାଶାଲ୍ ବେଟାଆହାନା ଏଲେଇରେରି, “ବାରେଜାଣା ନିଙ୍ଗେ ପାରିମାଞ୍ଜାନେରି □”

୩୮ ଏମ୍ବାଟିଏ ଜୀସୁ ଏଞ୍ଜାରାଲ୍ ଏଲେଇରେସି, “ଞ୍ଜାଦୁ ମାର ଏଟ୍‌କା ଗାଡ଼ାତା, ଇଚିହଁ ଦାରିମାରି ନାସ୍‌କାଣା ହାନ; ଏମ୍ବାଆଁ ଜିକେଏ ନାନୁ ମାହାପୁରୁତି ବଲୁ ଝେକ୍‌ଲ୍, ଇଚିହଁ ଏଦାଆଁତାକି ନାନୁ ଝାହାମାଲ୍ □”

୩୯ ✱ଇଞ୍ଜା ଜୀସୁ ବାରେ ଗାଲିଲି ନାସ୍‌କାଣା ରେଜି ରେଜିହଁ ଏଞ୍ଜାରି ବାରେ ଜୀହୁଦି ଲକୁତି କୁଟମି ଇଲ୍‌କାଣା* ମାହାପୁରୁ ବଲୁ ଝେକ୍‌ହେସି ଇଞ୍ଜା ବୁଡୁୟାଣି ପିସ୍ପି କିତେସି □

କାଜା ରଗ ଗାଟାଶାଲ୍ ଜୀସୁ ନେହଁ କିନାୟି (ମାତି ୮:୧-୪; ଲୁକ ୫:୧୨-୧୬)

୪୦ ଏମ୍ବାଟିଏ ର କାଜା ରଗ ଗାଟାସି ଜୀସୁ ତାଣା ଝାହାନା ମେଣ୍ଡାକୁତାନା ବାତିମାଲିହଁ ଜୀସୁଲ୍ ଏଲେଇରେସି, “ନାନୁ ମନ କିତହଁ ନାଙ୍ଗେ ନେହଁ କିହାଲି ଆଡ଼ାଦି □”

୪୧ ଏମ୍ବାଟିଏ ଜୀସୁ ଏଞ୍ଜାଶାଲ୍ କାର୍ମା ମେସ୍‌ସିସି, ଇଞ୍ଜା କେନ୍ଦୁ ଦାସାନା ଏଞ୍ଜାଶାଲ୍ ତାଗାନା ଏଲେଇରେସି, “ନାନୁ ମନ କିହିମାଲ୍ ନାନୁ ନେହଁ ଆମ୍ବୁ □”

୪୨ ଏ ଦେବୁଣିଏ ଏଞ୍ଜାଣି ତାଣାଟି କାଜା ରଗ ଗୁଟାଆଡ଼େ, ଇଞ୍ଜା ଏଞ୍ଜାସି ନେହଁ ଆଡ଼େସି □

୪୩ ଇଞ୍ଜା ଏଞ୍ଜାସି ଏଞ୍ଜାଶାଲ୍ ଜାଣ୍ଡେ ହୁକୁମି ହୀହାନା ଝେସା ପାଣ୍ଡିତେସି,

୪୪ “ଜାଗ୍ରାତା ଆମ୍ବାଆରାଲ୍ ଏନାଆଁ ଝେହ୍‌ଆନି, ସାମା ହାଲାମ୍ବୁ ଇଞ୍ଜା ପୁଜେରା ତାଣା ହାଜାନା ନିଙ୍ଗ ତସାକତାମ୍ବୁ, ଇଞ୍ଜା ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ନେହଁ ଆଡ଼ାକି ସାକି ହାନିଲେହେଁ ହେର୍‌ପାମ୍ବୁ □”

୪୫ ସାମା ଏଞ୍ଜାସି ପାଙ୍ଗାତା ହାଜାନା ତାନୁ ନେହଁ ଆଡ଼ି କାତାତି ସାରିଞ୍ଜାକି ଝେକ୍‌ହାଲି ମାଟ୍‌ହେସି, ଇଞ୍ଜା ଜୀସୁ ଆମିନି ଗାଡ଼ାତା ପୁଣ୍ଡମେ

ହଡ଼ାଲି ଆଡ଼ାଆତେସି, ସାମା ପାଙ୍ଗାତା ଲକୁ ହିଲାଆ ଟାମ୍ବାଣା ଡ଼ୟିତେସି; ଅଡ଼େ ସାରି ଝାକିଟି ଲକୁ ଜୀସୁ ତାଣା ଝାହାଲି ମାଟ୍‌ହେରି □

୨

ଜୀସୁ ଟଟ ଝାୟିତାଶାଲ୍ ନେହଁ କିନାୟି (ମାତି ୯:୧-୮; ଲୁକ ୫:୧୭-୨୬)

୧ ଏଚରଦିନା ଆୟାଲିଏ ଜୀସୁ କପରନାହୁମତା ଝେଣ୍ଡେ ହାରେସି, ଇଞ୍ଜା ଏଞ୍ଜାସି ଇଜ ମାନେସି ଇଞ୍ଜା ସାରିଞ୍ଜାକି ଝେଙ୍ଗାହାରେ □

୨ ଏମ୍ବାଆଁ ଇଚେକା ଲକୁ ରୁଣ୍ଡା ଆଡ଼େରି ଇଞ୍ଜା ଦୁଝେରିତା ଜିକେଏ ଟାମୁ ହିଲାଆତେ, ଇଞ୍ଜା ଏଞ୍ଜାସି ଏଞ୍ଜାରାଲ୍ ମାହାପୁରୁ କାତା ଝେକ୍‌ହେସି □

୩ ଏମ୍ବାଟିଏ ସାରି ଜାଣା ର ଟଟ ଝାୟିତାଶାଲ୍ କାଚେଲିତା ଜୀସୁ ତାଣା ଡ଼େକା ତାଡ଼େରି □

୪ ସାମା ହାରେକା ଲକୁ ମାଟାକି ଏଞ୍ଜାଣି ତାଣା ତାଗାଲି ଆଡ଼ାଆତେରି, ଇଞ୍ଜା ଆମିନି ଟାମୁତା ଜୀସୁ ମାରେସି, ଏମ୍ବାଆଁ ଇଲୁଡି ଡ଼େପରି ରିକ୍‌ହେରି, ଇଞ୍ଜା ଏ ଟଟ ଝାୟିତାଶାଲ୍ କାଚେଲି ଝେଣ୍ଡେଏ ଇଲୁ ବିତ୍ରା ରେପ୍‌ହେରି □

୫ ଜୀସୁ ଏଞ୍ଜାରି ନାମ୍ବୁ ମେସାନା, ଏ ଟଟ ଝାୟିତାଶାଲ୍ ଏଲେଇରେସି, “ଏ ମୀର୍‌ଏଶା ନୀ ପାପୁ ବାରେ ମେଣ୍ଡାଙ୍ଗାହାରେ □”

୬ ସାମା ଏମ୍ବାଆଁ ମାତି ଏଚେକା ମେରା ଜାପ୍‌ନାରି କୁଗାନା ତାନି ମନତା ଅଣ୍‌ପିହଁ କାତାବାର୍ତା ଆହିମାରେରି,

୭ “ଇଞ୍ଜାସି ଏନାଆଁତାକି ଏଲେଇଞ୍ଜି ମାନେସି ? ଇଞ୍ଜାସି ମାହାପୁରୁଲ୍ ନିନ୍ଦା କିହିମାନେସି; ମାହାପୁରୁ ପିସ୍‌ପେ ଆମ୍ବାଆସି ପାପୁ ମ୍ବେକ୍‌ହାଲି ଆଡ଼ିନେସି ?”

୮ ଏଞ୍ଜାରି ମନତା ଇଲେକ୍ ଅଣ୍‌ପିମାନାଣି ଜୀସୁ ଦେବୁଣିଏ ଜୀଞ୍ଜୁତା ପୁଞ୍ଜାନା ଏଞ୍ଜାରାଲ୍ ଏଲେଇରେସି, “ମୀରୁ ମୀ ମନ ବିତ୍ରା ଏନାଆଁତାକି ଇଲେକ୍ ଅଣ୍‌ପିମାଞ୍ଜେରି ?

୯ ଏନାଆଁ ଇନାୟି ଡ଼ସାସା ? ଏ କାଜା ରଗ ଗାଟାଶାଲ୍ ‘ନୀ ପାପୁ ମେଣ୍ଡାଙ୍ଗାତେ ଇନାୟି କି ନିଙ୍ଗାମ୍ବୁ ନୀ କାଚେଲି ଡ଼େକାନା ତାକାମ୍ବୁ ଇନାୟି ଡ଼ସାସା ?’

୧୦ ସାମା ଦାର୍‌ତିତା ପାପୁ ମ୍ବେକ୍‌ହାଲି ମାଣ୍‌ସି ମୀର୍‌ଏଶା ଅଦିକାରା ମାନେ, ଏଦାଆଁ ନୀର୍‌ଏ ମୀରୁ ପୁଞ୍ଜାଲି ଆଡ଼ିଦେରି □” ଏଦାଆଁତାକି ଏ ଟଟ ଝାୟିତାଶାଲ୍ ଏଲେଇରେସି,

୧୧ “ନାନୁ ନିଙ୍ଗେ ଝେସିମାଞ୍ଜାଲ୍ ନିଙ୍ଗାନା ନୀ କାଚେଲି ଡ଼େକାନା ନୀ ଇଜ ହାଲାମ୍ବୁ □”

୧୨ ଏଚେଟିଏ ଏଞ୍ଜାସି ଦେବୁଣିଏ ନିଙ୍ଗାନା କାଚେଲି ଡ଼େକାନା ବାରେଜାଣା ନକିଟି ହଡ଼ାହାରେସି; ଏଚେଟିଏ ବାରେଜାଣା କାବାଆହାନା ମାହାପୁରୁତି ଜହରା କିହଁ

✱ ୧:୩୯ ୧:୩୯ ମାତି ୪:୨୩; ୯:୩୫ * ୧:୩୯ ୧:୩୯ ସିନଗର

ଏଲେଇରେରି, “ମାମୁ ଇଲେତି କାବାଆନି କାମା ଏଚେଲା ଜିକେଏ ମେସାହିଲାଆତମି □”

ଜୀସୁ ଲେବିଙ୍କ (ମାତିୟୁ) ହାଡ଼ିନାୟି
(ମାତି ୯:୯-୧୩; ଲୁକ ୫:୨୭-୩୨)

୧୩ ଜୀସୁ ଅଡ଼େ ଖେଣ୍ଡେ ସାମଦୁରି ଗାରୁତା ହାରେସି, ଇଞ୍ଜା ଲକୁ ଏଞ୍ଜାଣି ତାଣା ଖାହାଲିଏ, ଏଞ୍ଜାରାଇଁ ଜାପୁହାଲି ମାଟ୍‌ହେସି □

୧୪ ଅଡ଼େ ଜିରୁଟି ହାଜି ହାଜିହୁଁ ଜୀସୁ ଆଲେପି ମାରଏସି ଲେବିଙ୍କ* ସିସୁ ରାହନି ତାଣା କୁଗାମାନାଣି ମେସେସି, ଇଞ୍ଜା ଏଞ୍ଜାଣାଇଁ ଏଲେଇରେସି, “ନା ଜେଚେ ଖାମୁ” ଏଚେଟିଏ ଲେବି ନିଜ୍ଞାନା ଏଞ୍ଜାଣି ଜେଚେ ହାରେସି □

୧୫ ଅଡ଼େ ଜୀସୁ ଲେବି ଇଜ ରାନ୍ଦା ତିଞ୍ଜାଲି କୁଗାମାଚାଟି ହାରେକା ସିସୁ ରାହନାରି ଇଞ୍ଜା ପାପୁ ଗାଟାରି ତାମି ସୀସୁୟାଁ ତଲେ କୁଗିତେରି; ଇତିହୁଁ ଏଞ୍ଜାରି ହାରେକା ମାଚେରି ଇଞ୍ଜା ଏଞ୍ଜାଣି ଜେଚେ ହାଜିମାଚେରି □

୧୬ ଜୀସୁ ପାପୁ ଗାଟାରି ଇଞ୍ଜା ସିସୁ ରାହନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗଚିତି ମେରାପୁନାରି ତାନି ସୀସୁୟାଁଣି ଏଲେଇରେରି, “ଏଞ୍ଜାସି ଏନାଆଁତାକି ପାପୁ ଗାଟାରି ଅଡ଼େ ସିସୁ ରାହନାରି ତଲେ ରାନ୍ଦା ତିଞ୍ଜି ମାନେସି ?”

୧୭ ଜୀସୁ ଇ କାତା ଖେଞ୍ଜାନା ଏଞ୍ଜାରାଇଁ ଏଲେଇରେସି, “ନେହୁଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଗା ଗାଟାରାକି ଲଡ଼ାମାନେ; ନାନୁ ଦାମ୍‌ ଲକୁତାକି ଖାହାହିଲଅଁ ସାମା ପାପୁ ଗାଟାରାକି ଖାହାମାଇଁ □”

ଉପାସା କିନାଣି ଖେହ୍‌ନାୟି
(ମାତି ୯:୧୪-୧୭; ଲୁକ ୫:୩୩-୩୯)

୧୮ ଜହନତି ସୀସୁୟାଁ ଇଞ୍ଜା ପାରୁସିୟାଁ ଉପାସା କିହିମାଚାଟି, ଏଚେକା ଲକୁ ଜୀସୁ ତାଣା ଖାହାନା ଏଲେଇରେରି, “ଜହନତି ସୀସୁୟାଁ ଇଞ୍ଜା ପାରୁସିୟାଁତି ସୀସୁୟାଁ ଉପାସା କିନେରି, ସାମା ନୀ ସୀସୁୟାଁ ଏନାଆଁତାକି ଉପାସା କିଅରି ?”

୧୯ ଜୀସୁ ଏଞ୍ଜାରାଇଁ ଏଲେଇରେସି, “ବାହା ଲକୁତଲେ ବାହା ହନେଏସି ମାନି ପାତେକା ବାହା ଲକୁ ହାକିଟି ମାଞ୍ଜାଲି ଆଡ଼ିନେରିକି ? ବାହା ହନେଏସି ଏଞ୍ଜାରିତଲେ ମାନି ପାତେକା ଏଞ୍ଜାରି ଉପାସା କିଅରି □

୨୦ ସାମା ଦିନା ଖାନେ ଏଚିବେଲା ଏଞ୍ଜାରି ତାଣାଟି ବାହା ହନେଏଶାଇଁ ହପୁହା ଅଡ଼ିସାରେ ଏଚିବେଲା ଏଞ୍ଜାରି ଉପାସା କିନେରି □”

୨୧ “ଆମ୍ବାଆସି ପୁଞ୍ଜ ଛିମ୍ବରିତା ପୁଞ୍ଜି ପାସକି ତାଡ଼ଅସି; ତାଡ଼ିସାରେ ପୁଞ୍ଜ ଛିମ୍ବରିତି ପୁଞ୍ଜି ପାସକି ମୁଦା ଆହାଁ ଗାଡ଼ି ଗେଞ୍ଜିକିନେ □

୨୨ ଆମ୍ବାଆସି ପୁଞ୍ଜି ଅଜୁରି ରାସା ପୁଞ୍ଜ ଡଃକାତା† ଇଟଅସି; ଇଟିସାରେ ଡଃକା ଡାୟାହାନେ, ଇଞ୍ଜା ଅଜୁରି ରାସା ଅଡ଼େ ଡଃକା ରିଶ୍ଟିଞ୍ଜା ନସ୍ତ ଆନୁ, ଏଦାଆଁତାକି ପୁଞ୍ଜି ଅଜୁରି ରାସା ପୁଞ୍ଜି ଡଃକାତା ଇଟିନାୟି ମାନେ □”

ଜମିନି ଦିନାତି କାତା ଖେହ୍‌ନାୟି
(ମାତି ୧୨:୧-୮; ଲୁକ ୬:୧-୫)

୨୩ ର ପାଲି ଜୀସୁ ଜମିନି ଦିନା ତାନି ସୀସୁୟାଁ ତଲେ ଗହୁଁ ଗୁଡ଼ିୟାଟି ହାଜିମାଚେସି, ତାମି ସୀସୁୟାଁ ହାଜି ହାଜିହୁଁ ଗହୁଁୟାଁ ଜେକା ତାପୁହାଲି ମାଟ୍‌ହେରି □

୨୪ ଏମ୍ବାଟିଏ ପାରୁସିୟାଁ ଜୀସୁଙ୍କ ଏଲେଇରେରି, “ମେହ୍‌ମୁ ଜମିନି ଦିନାତା ଏନାଆଁ କିନାୟି ମେରା ହିଲେଏ, ନୀ ସୀସୁୟାଁ ଏନାଆଁତାକି କିହିମାନେରି ?”

୨୫ ଜୀସୁ ଏଞ୍ଜାରାଇଁ ଏଲେଇରେସି, “ଦାଞ୍ଜୁଦ ଅଡ଼େ ତାନି ତଣେସିଜା ହାକି ଆହାମାଚାଟି ଏଞ୍ଜାରି ଏନାଆଁ କିହାମାଚେରି, ଏଦାଆଁ ମୀରୁ ଏଚେଲା ପଡ଼ୁଞ୍ଜି ଆହାହିଲଅଡ଼େରି,

୨୬ ଅବିୟତର କାଜା ପୂଜେରା ମାଚିବେଲାତା ଏଞ୍ଜାସି ଏନିକିଁ ମାହାପୁରୁ ଇଲୁତା ହଡ଼ାନା ଆମିନି ମାହାପୁରୁକି ହେରପିତି ରୁଟି କାଜା ପୂଜେରାଜା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଏଦାଆଁ ଦାଞ୍ଜୁଦ ତିଞ୍ଜା ମାଚେସି ଇଞ୍ଜା ତାନି ଆବୁହି ତାରାକି ଜିକେଏ ତିଞ୍ଜାଲି ହାହାମାଚେସି □”

୨୭ ତାୟୁ ଜୀସୁ ଏଞ୍ଜାରାଇଁ ଏଲେଇରେସି, “ଜମିନି ଦିନା ମାଣ୍‌ସିତାକି ଆହାମାନେ; ସାମା ମାଣ୍‌ସି ଜମିନି ଦିନାତାକି ଆହାହିଲଅସି □”

୨୮ ଏଦାଆଁତାକି ମାଣ୍‌ସି ମାରଏସି ଜମିନି ଦିନାତି ପୁରୁ ଆନେସି □

୩

ଖାୟିତି କେୟୁଗାଟାସି ନେହୁଁ ଆନାୟି
(ମାତି ୧୨:୯-୧୪; ଲୁକ ୬:୬-୧୧)

୧ ଜୀସୁ ଅଡ଼େ ଖେଣ୍ଡେ ଜୀହୁଦି ଲକୁଡି କୁଚମି ଇଲୁତା* ହାଚେସି, ଏମ୍ବାଆଁ ରଅସି ମାଚେସି, ଏଞ୍ଜାଣି ର କେୟୁ ଖାୟାହାଜାମାଚେ □

୨ ଜୀସୁ ଏଞ୍ଜାଣାଇଁ ଜମିନି ଦିନାତା ନେହୁଁ କିନେସିକି ଆଏ, ଏଞ୍ଜାଣି କପାଟି ଦହ ଦସାଲିତାକି ଗୁରି କିହାନା ସିନିକିହିମାଚେରି □

୩ ଏମ୍ବାଟିଏ ଜୀସୁ ଆମିନି ଲକୁଡି କେୟୁ ଖାୟାହାଜାମାଚେ, ଏଞ୍ଜାଣାଇଁ ଜୀସୁ ଏଲେଇରେସି, “ଖାମୁ ମାଦି ନିମୁ □”

* ୨:୧୪ ୨:୧୪ ମାତିୟୁ † ୨:୨୨ ୨:୨୨ ତଲୁ ତଲେ କେପିତି ଅଜୁରି ରାସା ଇଟିନି ବାସ୍ତା ଚୁପୁ * ୩:୧ ୩:୧ ସିନଗର

୪ ଇଞ୍ଜା ଜୀସୁ ଏଞ୍ଜାରାଙ୍କ ଏଲେଇଚେସି, “ଜମିନ ଦିନାତା ଏନାଆଁ କିନାୟି ମେରା ମାନେ ? ନେହୁଁ କିନାୟି କି ଲାଗେଏ କିନାୟି ? ଜୀସୁଟି ଗେଲ୍ପିନାୟି କି ନାସା କିନାୟି ?” ସାମା ଏଞ୍ଜାରି ଖେଣ୍ଡେ ହାଡ଼ା ଆୟାଲି ଆଡ଼ାଆଡେରି □

୫ ଏମ୍ବାଟିଏ ଜୀସୁ ଏଞ୍ଜାରି ଆଟ୍ଠା ହିୟାଁତି ମେସାନା ଦୁକୁ ଆଡେସି, ଇଞ୍ଜା କପାଟି ସାରିଞ୍ଜାକି ଏଞ୍ଜାରାଙ୍କ ସିନକିହାନା ଏଲେଇଚେସି, “କେୟୁ ଲାକ ଦାହୁମୁ” ଏଞ୍ଜାସି ତାନି କେୟୁ ଦାସ୍ପନିଏ ଏଦି ନେହୁଁ ଆହାହାଚେ □

୬ ଏଚେଟିଏ ପାରୁସିୟାଁ ହଡ଼ା ହାଜାନା ଜୀସୁଙ୍କ ପାୟାଲି ତାକି ହେରଦ ଗଟିତି ଲକୁତଲେ କାଲ୍‌ହାନା କାତା ଆଡେରି □

ସାମ୍ବୁରି ଗାଟୁତା ମାନ୍ଦା ଲକୁ
(ମାତି ୪:୨୫; ମାର୍କ ୪:୧; ଲୁକ ୫:୧-୩)

୭ ଜୀସୁ ଅଡେ ତାନି ସୀସୁୟାଁ ଗାଲିଲି ସାମ୍ବୁରି ଗାଟୁତା ହାଚେରି, ଇଞ୍ଜା ହାରେକା ଲକୁ ଏଞ୍ଜାଣି କେଟ ହାଚେରି; ଏଞ୍ଜାରି ଜୀହୁଦା,

୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରଞ୍ଜାକି, ସର ଅଡେ ସିଦନ ଗାଡ଼ା ଖାକିତି ଲକୁ ତାନି ବାରେ କିତି କାମାତି କାତା ଖେଞ୍ଜାନା ତାନି ତାଣା ଖାଡେରି □

୯ ଏମ୍ବାଆଁ ଇଚେକା ମାନ୍ଦା ଲକୁ ଆଡେରି ଏ ମାନ୍ଦା ଏନିକ୍ ଏଞ୍ଜାଣିଲାକ ଖିହୁଅରି, ଏଦାଆଁତାକି ଏଞ୍ଜାସି ତାନି ସୀସୁୟାଁଣି ତାଲେତାକି ର ଡ଼ଣା ତଂଗ ପାରା ଇଚାଲି ଖେସ୍ତେସି;

୧୦ ଏଞ୍ଜାସି ହାରେକା ଲକୁଣି ନେହୁଁ କିହାମାଚାକି ରଟ ଗାଟାରି ବାରେ ଏଞ୍ଜାଣାଙ୍କ ତୀଗାଲି ଏଞ୍ଜାଣି ମୁହେଁ ମୁହେଁ ଆହିମାଚେରି □

୧୧ ଇଞ୍ଜା ପଲ୍‌ଆ ବୁଡୁୟାଁ ଆସାମାନାରି ଏଞ୍ଜାଣାଙ୍କ ମେସ୍ପନିଏ, ଏଞ୍ଜାଣି ନକିତା ରିହାନା କାଲ୍‌ଖି ଆହୁଁ ଏଲେଇଞ୍ଜି ମାଚେରି, “ନାନୁଏ ମାହାପୁରୁ ମୀରଏଶାତି □”

୧୨ ଏଞ୍ଜାସି ଆମ୍ବାଆସି ଇ କାତା ଆମ୍ବାଆରାଙ୍କ ଖେହୁଆଦୁ ଇଞ୍ଜିଁ ଜୀସୁ ପଲ୍‌ଆ ବୁଡୁୟାଁଙ୍କ ଦାକା ହାହାନା ହୁକୁମି ହୀଡେସି □

ଜୀସୁ ବାରଜାଣା ସୀସୁୟାଁଣି ଆଡିନାୟି
(ମାତି ୧୦:୧-୪; ଲୁକ ୬:୧୨-୧୬)

୧୩ ଜୀସୁ ହରୁ ଲାକ ହାଜାନା ଆମିନି ଗାଟାରାଙ୍କ ମନ କିଡେସି ଏଞ୍ଜାରାଙ୍କ ତାଗେ ହାଡିଡେସି, ଇଞ୍ଜା ଏଞ୍ଜାରି ତାଗେ ଖାଡେରି □

୧୪ ଇଞ୍ଜା ଏଞ୍ଜାସି ବାରଜାଣାତି ଆଟାନା ପାଣ୍ଡୁଞ୍ଜି ଆଡାରି ଇଞ୍ଜାନା, ଏଞ୍ଜାରାଙ୍କ ଏଲେଇଚେସି, “ନା ତଲେ ଡୟାଲି ନାନୁ ମିଙ୍ଗେ ଆଟାମାଞ୍ଜାଙ୍କ, ଇଞ୍ଜା ଖେକ୍‌ହାଲି ପାଣ୍ଡୁଙ୍କ □

୧୫ ଇଞ୍ଜା ମୀରୁ ବୁଡୁୟାଁ ପେର୍‌ହାଲି ଜିକେଏ ଅଦିକାରା ବେଟାଆଡେରି □”

୧୬ ଜୀସୁ ଇ ବାରଜାଣାତି ଆଡିଡେସି, ଏଞ୍ଜାରି ଆଡେରି ସିମନ ଆମ୍ବାଆରାଙ୍କ ଜୀସୁ ପିତର ଇଞ୍ଜିଁ ଇଡିଡେସି;

୧୭ ଜେବଦି ରୀ ମୀରକା ଜାକୁବ ଅଡେ ତାନି ତାୟି ଜହନ ଆମ୍ବାଆରାଙ୍କ ବିନେରିଗସ୍ ଇଡିହୁଁ ଗୁଣ୍ଡହମାନି ହାଗୁଡି ମୀରକା ଇଞ୍ଜିହୁଁ ଦରୁ ଇଡିଡେସି;

୧୮ ଆହିୟ, ପିଲିପ, ବାର୍ତଲମି, ମାତିୟୁ, ତମା, ଆଲେପି ମୀରଏସି ଜାକୁବ, ତଦିୟ, ଦେସାତି ଜୀସୁ ନନ୍ଦି ସିମନ,

୧୯ ଅଡେ ଇସ୍ପାରିୟତ ଜୀହୁଦା, ଆମ୍ବାଆସି ଜୀସୁଙ୍କ ସାଡୁୟାଁ କେୟୁତା ହେର୍‌ପିଡେସି □

ଜୀସୁ ଅଡେ ବାଲ୍‌ଜିବୁଲ୍
(ମାତି ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ତାୟୁ ଜୀସୁ ଇଜ ଖାଡେସି; ଅଡେ ଖେଣ୍ଡେ ଇଚେକା ଲକୁ ରୁଣ୍ଡା ଆଡେରି ଜୀସୁ ଇଞ୍ଜା ତାନି ସୀସୁୟାଁକି ତିଞ୍ଜାଲି ଜିକେଏ ଆଆଡେ □

୨୧ “ଜୀସୁ ବାୟା ଆଡେସି” ଇଞ୍ଜିଁ ଲକୁ ଏଲେଇନାଣି ଖେଞ୍ଜାନା ତାନି କୁଟମି ଜୀସୁଙ୍କ ଅହାଲି ଖାଡେରି □

୨୨ ଅଡେ ଜିରୁସାଲମଟି ଖାହାମାନି ମେରାପୁନାରି ଏଲେଇଚେରି, “ଇଞ୍ଜାଣାଙ୍କ ବାଲ୍‌ଜିବୁଲ୍ ବୁଡୁ ଆଲ୍‌ଗାମାନେ, ଲାକା ଇଞ୍ଜାସି ବୁଡୁୟାଁଣି ପିସ୍‌ପି କିହିମାନେସି □”

୨୩ ଏମ୍ବାଟିଏ ଜୀସୁ ଏଞ୍ଜାରାଙ୍କ ତାଗେ ହାଟାନା ପୁଣ୍ଡିକିନି କାତାତଲେ ଖେସ୍ତେସି, “ସୟତାନ ଏନିକ୍ ସୟତାନଙ୍କ ପେର୍‌ହାଲି ଆଡିନେ ?

୨୪ ର ରାଜି ବାଗା ଆହାନା ତାନି କପାଟି ନିଙ୍ଗିନେ, ଇଡିହୁଁ ଏ ରାଜି ଅଡେ ତୀରିତଲେ ଡୟାଲି ଆଡେଏ □

୨୫ ଇଞ୍ଜା ର ଇଲ୍ଲୁ କୁଟମିତାରି ବାଗା ଆହାନା ତାମ୍ବୁ ତାନି କପାଟି ନିଙ୍ଗିନେରି ଇଡିହୁଁ ଏ ଇଲ୍ଲୁତାରି ତୀରିତଲେ ଡୟାଲି ଆଡ଼ଅରି □

୨୬ ଏଲେକିହୁଁଏ ସୟତାନ ବାଗା ଆହାନା ତାନି କପାଟି ନିଙ୍ଗିମାନେ, ଆଡିହୁଁ ଏଦି ଅଡେ ତୀରିତଲେ ଡୟାଲି ଆଡେଏ, ସାମା ଏଦାନି ବାରେ ନାସା ଆହିମାନେ □”

୨୭ “ସାମା ଆମ୍ବାଆସି ନକେଏ ବାଡ଼ୟୁ ଗାଟାଣାଙ୍କ ଦହୁଆଡିହୁଁ ତାନି ଇଜ ହଡାନା ତାନି ଇଜଡି ଆସି ସରୁ କିହାଲି ଆଡ଼ଅସି; ଏଞ୍ଜାଣାଙ୍କ ତଲିଏ ଦସ୍ତୁହୁଁ ଦେ ଏଞ୍ଜାସି ଏଞ୍ଜାଣି ଇଜତାଣି ସରୁ କିନେସି □”

✦ ୩:୯ ୩:୯ ମାର୍କ ୪:୧; ଲୁକ ୫:୧-୩

୨୮ “ନାନୁ ମିଙ୍ଗ ସାତା ଝେସିମାଞ୍ଜାଇଁ, ଲକୁତି ବାରେ ପାପୁ ଇଞ୍ଜା ଏଝାରି ଏଚେକା ନିନ୍ଦା କାତାତଲେ ମାହାପୁରୁ ନିନ୍ଦା କିନେରି ଏ ବାରେ ପାପୁ ମେଣ୍ଟିନେ ।”

୨୯ *ସାମା ଆମ୍ବାଆସି ସୁଦୁଜାଝୁ କପାଟି ନିନ୍ଦା କାତା ଜଲିନେସି, ଏଝାଣି ଆମିନି କାଲ୍ଲାତା ଜିକେଏ ଦହ ମେଣ୍ଟିନେଏ, ସାମା ଏଝାସି କାଲ୍ଲାକାଲ୍ଲାତି ପାପୁତି ଦହଗାଟାସି ଆନେସି ।”

୩୦ ଜୀସୁଇଁ ବୁଡୁ ଆଲ୍ଲାଗାମାନେ ଇଞ୍ଜିଏଚେକା ଲକୁ ଏଲେଇଞ୍ଜାଲିଏ ଜୀସୁ ଇ କାତା ଝେସେସି ।”

ଜୀସୁତି ଇୟା ଅଡେ ତାୟିୟା
(ମାତି ୧୨:୪୭-୫୦; ଲୁକ ୮:୧୯-୨୧)

୩୧ ଏଚିବେଲା ଜୀସୁତି ଇୟା ଅଡେ ତାୟିୟା ଝାହାନା ଇଲୁ ପାଙ୍ଗାତା ନିଗାନା ଜୀସୁଇଁ ହାଟି କିତେରି ।”

୩୨ ଏମ୍ବାଟିଏ ସାରିଝାକି କୁଗାମାଟି ଲକୁ ଏଲେଇଚେରି, “ମେହ୍ମୁ ମୀ ଇୟା, ତାୟିୟା ଅଡେ ତାଙ୍ଗିସ୍ତା ପାଙ୍ଗାତା ନିଗାନା ନିଙ୍ଗେ ପାରିମାଞ୍ଜାନେରି ।”

୩୩ ଜୀସୁ ଏଝାରାଇଁ ଏଲେଇଚେସି, “ନା ଇୟା ଇଞ୍ଜା ନା ତାୟି ତାଙ୍ଗିସ୍ତା ଆମ୍ବାଆୟି ?”

୩୪ ଇଞ୍ଜା ଏଝାସି ତାନି ସାରିଝାକି କୁଗାମାନି ଲକୁଣି ସିନିକିହାନା ଏଲେଇଚେସି, “ମେହ୍ମୁ ନା ଇୟା ଅଡେ ନା ତାୟି ତାଙ୍ଗିସ୍ତା ।”

୩୫ ଆମ୍ବାଆସି ମାହାପୁରୁତି କାତା ଆହ୍ନେସି ଏଝାସିଦେଁ ନା ତାୟି, ତାଙ୍ଗି ଅଡେ ନା ଇୟା ।”

୪

ବିଚା ମାଟିନାଣି ପୁଣ୍ଡିକିନି କାତା
(ମାତି ୧୩:୧-୯; ଲୁକ ୮:୪-୮)

୧ *ଜୀସୁ ଗାଲିଲି ସାମ୍ବୁରି ଗାଟୁତା ଅଡେ ଝେଣ୍ଡେ ଜାପୁହାଲି ମାଟୁହେସି, ଅଡେ ହାରେକା ଲକୁ ଏଝାଣି ତାଣା ରୁଣ୍ଡା ଆଡେରି ଇଞ୍ଜା ଜୀସୁ ସାମ୍ବୁରିତା ମାନି ର ତଂଗତା ହାଜାନା କୁଗିତେସି ଇଞ୍ଜା ଲକୁ ସାମ୍ବୁରି ଗାଟୁତା ନିଗାମାଚେରି ।”

୨ ଏମ୍ବାଟିଏ ଜୀସୁ ଏଝାରାଇଁ ହାରେକା ପୁଣ୍ଡିକିନି କାତା ଜାପୁହିହିଁ ଏଲେଇଚେସି ।”

୩ “ଝେଞ୍ଜୁ, ମେହ୍ମୁ ର ବିଚା ମାଟିନାସି ବିଚା ମାଟାଲି ହଡେସି ।”

୪ ଇଞ୍ଜା ଏଝାସି ମାଟିମାଟାଟି କଚେକା ବିଚା ଜିରୁତା ରୀତେ, ଇଞ୍ଜା ପଚାୟା ଝାହାନା ଏ ପାଡେୟି ପେର୍ହା ତିରୁ ।”

୫ ଅଡେ କଚେକା ବିଚା ଇଚାୟି ଇର୍ଆ ମାନି ଝାଲ୍ଲାକା ଲାକ ରୀତେ, ଇଞ୍ଜା ଉଣା ଇର୍ଆ ମାଟାକି ଗାଡ଼େକେଏ ନେୟିତେ,

୬ ସାମା ଝେଡ଼ା ଆଡାଲିଏ ନେୟା ମାଚାୟି ଝେହା ହାଚେ ଇଞ୍ଜା ହୀରୁ ଜୀଆତାକି ଝାୟାନା ହାହାହାଚେ ।”

୭ ଅଡେ କଚେକା ବିଚା ହାପୁକା ବୁଟାତା ରୀତେ, ଇଞ୍ଜା ହାପୁକା ବୁଟା ପାତାଆହାନା ଆନା ତାକିତି ପୁକ୍ହାତୁସ୍ତେ ଇଞ୍ଜା ପାଡେୟି ଆୟାଆତେ ।”

୮ ଅଡେ କଚେକା ବିଚା ନେହିଁ ବୁମିତା ରୀତେ, ଏଡି ନେୟାହାଁ ପାତାଆହାନା, କଡେଦସ, ତାନିକଡି, ପାସାକଡି ପାଡେୟି କାମିତେ ।”

୯ ଅଡେ ଏଝାସି ଏଲେଇଚେସି, “ଝେଞ୍ଜାଲି ଆମ୍ବାଆରାକି କୀକା ମାନୁ ଏଝାସି ଝେଣ୍ଡାସି ।”

ପୁଣ୍ଡିକିନି କାତାତି ଝେହ୍ନାୟି
(ମାତି ୧୩:୧୦-୧୭; ଲୁକ ୮:୯-୧୦)

୧୦ ଜୀସୁ ରଅସିଏ ମାଟାଟି ତାନି ତଲେତି ଏଚରଜାଣା ଇଞ୍ଜା ବାରଜାଣା ସୀସୁୟା ତଲେ ଏ ପୁଣ୍ଡିକିନି କାତା ଏନାୟି ଇଞ୍ଜିଏଚେଚେରି ।”

୧୧ ଏମ୍ବାଟିଏ ଏଝାସି ଏଝାରାଇଁ ଏଲେଇଚେସି, ମାହାପୁରୁ ରାଜିତି ଡଗୁମାନାଣି ପୁଞ୍ଜାଲି ମିଙ୍ଗେ ବାଡ଼ୟୁ ହାପୁକି ଆହାମାନେ, ସାମା ପାଙ୍ଗାତି ବାରେ ଲକୁତାକି ଇ ପୁଣ୍ଡିକିନି କାତାତଲେ ଝେସପି ଆହିମାନେ,

୧୨ ଏନିକିହିଁ,
“ଏଝାରି ମେସି ମେସିହିଁ,
ମେହ୍ମୁଅରି;
ଈଞ୍ଜା ଝେଞ୍ଜିଝେଞ୍ଜିହିଁ,
ତେଲ୍ଲହ୍ମୁଅରି,
ଏଝାରି ମାହାପୁରୁ ତାଣା ଝେଣ୍ଡା ଝାଡ଼ିହିଁମା,
ପାପୁଟି ପିସପି ଆଡେରିମା ।”

ବିଚା ମାଟିନି କାତା ପୁଣ୍ଡିକିନାୟି
(ମାତି ୧୩:୧୮-୨୩; ଲୁକ ୮:୧୧-୧୫)

୧୩ ଜୀସୁ ଅଡେ ଝେଣ୍ଡେ ଏଝାରାଇଁ ଏଲେଇଚେସି, “ମୀରୁ ଇ ପୁଣ୍ଡି କିନାଣି ପୁଞ୍ଜି ହିଲଅଡେରି ? ଆତିହିଁ ନା ପୁଣ୍ଡିକିନି କାତା ଏନିକିହିଁ ପୁଞ୍ଜେରି ?”

୧୪ ଆମ୍ବାଆସି ମାହାପୁରୁ ବଲୁ ଝେହ୍ନାସି ଏଝାସି ବିଚା ମାଟିନାସି ।”

୧୫ ଆମିନି ଗାଟାରି ଝେନେରି, ଇଞ୍ଜା ଝେଚି ଦେବୁଣିଏ ସୟତାନ ଝାହାନା ଏଝାରିତାଣା ଝେଣ୍ଡି ଆହାମାନି ବଲୁ ମୀଞ୍ଜାଅନେ, ଏଝାରି ଜିରୁ ଦାରିତା ରିତି ବିଚାଲେହେଡାରି ।”

୧୬ ଏଲେକିହିଁଏ ଝାଲି ଲାକ ରିହାମାନି ବିଚାଲେହେଡାରି, ଏ ବଲୁ ଝେଣ୍ଡାସିଏ ରାହାଟି ନାମିନେରି,

୧୭ ସାମା ଏଝାରିତାଣା ହୀରୁ ଜୀଆତାକି ଗାଡ଼େକା ତାକି ତୀରି ମାନେରି, ତାୟୁ ମାହାପୁରୁ ବଲୁ ତାକି କସ୍ତ ବାଦା ଝାଡ଼ିସାରେ ଦେବୁଣିଏ

☆ ୩:୨୯ ୩:୨୯ ଲୁକ ୧୨:୧୦ ☆ ୪:୧ ୪:୧ ଲୁକ ୫:୧-୩

ପିନ୍ଧିବେ, ଏଞ୍ଜରୀ ଉଣା ଇରଥା ମାନି ଖାଲକା
ଲୀକତି ବିଚାଲେହେତାରି □

୧୮ ହାପକା ବୃତୀତା ମାଟିତି ବିଚା ଏଞ୍ଜରୀ,
ଆମ୍ବାଆରି ବଲୁତି ଖେନେରି,

୧୯ ଦାରତିତି ଅଣ୍ଠୁ ଦନତି ବାରେ ଜୁପକା
ହଡାନା ଏଞ୍ଜରୀଲି ପୁକ୍‌ହାତୁହନେ, ଇଞ୍ଜା ଏଡି
ପାଡେୟି ଆୟାଲି ଆଡେଏ □

୨୦ ଅଡେ ଆମିନି ଗାଟାରି କାତା ଖେନେରି, ଇଞ୍ଜା
ନାମିନେରି, ଅଡେ କଡେଦସ, ତାନିକଡି, ଇଞ୍ଜା
ପାସାକଡି ପାଡେୟି କାମ୍ବିନେରି, ଏଞ୍ଜରୀ ନେହ
ବୃମିତା ମାଟିତି ବିଚାଲେହେତାରି □”

ମାଣା ପୁକ୍‌ହି ଦୀଞ୍
(ଲୁକ ୮:୧୭-୧୮)

୨୧ *ଜୀସୁ ଅଡେ ଖେଣ୍ଡେ ଏଞ୍ଜରୀଲି
ଏଲେଇଚେସି, “ଆମ୍ବାଆସି ଦୀଞ୍ ତୀସାନା ମାଣା
ପୁକ୍‌ହାନା କି କାଟେଲି ତୁଇ ଇଚିନେସି ? ଏଦାଆ
ଏନାଆଁ ଦୀଞ୍ ସତ୍ତାତା ଇଟଅସି ?

୨୨ *ଇଚିହ୍ ଆମ୍ବାଆଗାଗାୟି ଏନାୟି
ଜିକେଏ ତରୁନା ତୟେଏ; ଏନାୟି ତରୁନା
ଆହାମାନେ, ଏଡି ତଞ୍ଜାଆହାଲି ତରୁନାମାନେ □

୨୩ ଇଚିହ୍ ଆମ୍ବାଆରାକି ଖେଞ୍ଜାଲି କାର୍ଜା ମାନୁ
ଏଞ୍ଜାସି ଖେଣ୍ଡାସି □”

୨୪ *ଜୀସୁ ଅଡେ ଏଲେଇଚେସି, “ଏନାଆଁ ଖେଞ୍ଜି
ମାଞ୍ଜେରି ଏ କାତାତା ଜାଗ୍ରାତା, ଆମିନି ମାଣା
ତଲେ ଲାଟିଦେରି, ଏ ମାଣା ତଲେ ମିଞ୍ଜେ ଲାଟା
ହିୟାନେରି, ଅଡେ ମାରୁ ହାରେକା ବେଟାଆଡେରି
□

୨୫ *ଇଚିହ୍ ଆମ୍ବାଆରାକି ମାନେ ଏଞ୍ଜାଣାକି
ହାପକି ଆନେ; ଅଡେ ଆମ୍ବାଆରାକି ହିଲେଏ,
ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ
ଏଞ୍ଜାଣି ତାଣାଟି ଅଞ୍ଜିଆନେ □”

ପାତାଆନି ବିଚାତି ପୁଣ୍ଡିକିନାୟି

୨୬ ଜୀସୁ ଅଡେ ଏଲେଇଚେସି, “ମାହାପୁରୁ ରାଜି
ଇଲେତାୟି, ଏନିକ୍ ର ମାଣ୍ଡିସି ବୃମିତା ବିଚା
ମାଟିନେସି;

୨୭ ଇଞ୍ଜା ଲାଆଁୟା ଇଦା କିନେସି ଅଡେ
ମାଦେନା ତେଞ୍‌ଏଲିନେସି, ଅଡେ ବିଚା ଏନିଆହ୍
ଗଜା ଆହାଁ ପାତାଆନେ ଏଦାଆଁ ଏଞ୍ଜାସି ପୁନଅସି □

୨୮ ଗହ୍ ବୃମିତି ତାନୁଏ ନେୟିନେ, ତଲିଏ
ଆକୁ ଆନେ ତାୟୁ ଜେଞ୍ଜୁ ଅଡେ ତାୟୁ ଜେଞ୍ଜୁତି
ପାଡେୟି ଆନେ □

୨୯ ସାମା ଆନାଁ କାମ୍ବିସାରେ ମାଟିତାସି ଏ ଆନାଁତି
କଡାତଖେଲି ତଲେ ଦାଞ୍‌ଆନେସି □”

ରାୟି ପାଡେୟି କାତା
(ମାତି ୧୩:୩୧-୩୨; ଲୁକ ୧୩:୧୮-୧୯)

୩୦ ଅଡେ ଜୀସୁ ଏଲେଇଚେସି, “ମାରୁ ମାହାପୁରୁ
ରାଜି ଏନାଆଁତଲେ ତୁକ୍‌ନାୟି ? ଇଞ୍ଜା
ଏନିଲେହେତି ପୁଣ୍ଡିକିନି କାତାତଲେ ଖେହ୍‌ନାୟି
?”

୩୧ ଏଡି ର ହାୟି ପାଡେୟି ଲେହେ; ବୃମିତା
ମାଟିନି ବେଲାତା ଏଡି ଦାରତିତି ବାରେ ପାଡେୟି
କିହାଁ ଉଣା,

୩୨ ସାମା ମାଟିତି ଜେଟ ପାତାଆହାନା ବାରେ
କୁଟା କିହାଁ କାଜାୟି ଆନେ, ଇଞ୍ଜା ଏଦାନି କମାୟା
ଇଲେକ୍ କାଜାଇ ଆନୁ, ଇଞ୍ଜା ହାଗୁ ଲାକ
ଉମ୍ବିନି ପଟାୟା ଖାହାନା ଏଦାନି କମାଣାଁ ବଣ ଦସା
ବାସାଆନୁ □”

୩୩ ଜୀସୁ ଇଲେକିହ୍ ହାରେକା ପୁଣ୍ଡିକିନି
କାତା ଖେସିହ୍ ଏଞ୍ଜରୀ ପୁନିଲେହେକ୍
ମାହାପୁରୁ କାତା ଖେସିମାଚେସି,

୩୪ ଅଡେ ପୁଣ୍ଡିକିନି କାତା ଆଟ୍‌ଆନା ଜୀସୁ
ଏନାଆଁଞ୍ ଖେସି ହିଲାଆଚେସି, ସାମା ଲକୁ
ହିଲାଆ ବେଲାତା ତାନି ସାସୁୟାଣି ବାରେ ପୁଣ୍ଡି
କିହିମାଚେସି □

ଜୀସୁ କାଜା ଗାଲିତି ସାପି କିନାୟି
(ମାତି ୮:୨୩-୨୭; ଲୁକ ୮:୨୨-୨୫)

୩୫ ଏ ଦିନା ମିଡ଼ଅଲା ବେଲା ଜୀସୁ ତାନି
ସାସୁୟାଁ ଏଲେଇଚେସି, “ଖାଦୁ ମାର ସାମ୍‌ଦୁରି
ଆତାଲା ହାନ □”

୩୬ ଏମ୍ବାଟିଏ ଏଞ୍ଜରୀ ଲକୁଣି ପିସାନା ଏଞ୍ଜାସି
ଏନିକ୍ ତଂଗତା ମାଚେସି ଏଲେକିହ୍ ଏ
ଅଡେରି, ଇଞ୍ଜା ଏମ୍ବାଆଁ ଏଚରଗଟା ତଂଗାୟା
ଜିକେଏ ମାରୁ □

୩୭ ଇଞ୍ଜା ଦେବୁଣିଏ ହାରେକା କାଜା ଗାଲି
ଆଡେ, ଇଞ୍ଜା ତଂଗ ସାମ୍‌ଦୁରିତି ଗାଲିତାକି ମୁଞ୍ଜାଲି
ମାଟ୍‌ହେ □

୩୮ ଏଚିବେଲା ଜୀସୁ ତଂଗତି ତାୟୁଞ୍ଜାକି ର
ମୁଲାତା ତାରପୁ ଆଂଗାନା ଇଦା କିହାମାଚେସି;
ଇଞ୍ଜା ସାସୁୟାଁ ଏଞ୍ଜାଣାକି ନିକ୍‌ହାନା ଏଲେଇଚେରି,
“ଏ ଗୁରୁ ମାର ହାନାୟିଦେଁ ନିଞ୍ଜେ ଅଣ୍ଠୁ ହିଲେଏ
କି ?”

୩୯ ଏମ୍ବାଟିଏ ଜୀସୁ ନିଞ୍ଜାନା ଗାଲିତି ଦାକା
ହୀହାନା ଏଲେଇଚେସି, “ତୁଞ୍ଜାମୁ” ଇଞ୍ଜା
ସାମ୍‌ଦୁରିତି ଏଲେଇଚେସି, “ସାପି ଆମୁ” ଏମ୍ବାଟିଏ
ଗାଲି ପାଲେଏ ଆଡେ ଇଞ୍ଜା ବାରେ ସୁସ୍ତି ଆଡେ □

୪୦ ଇଞ୍ଜା ଜୀସୁ ଏଞ୍ଜରୀଲି ଏଲେଇଚେସି, “ମାରୁ
ଏନାଆଁତାକି ଇଚେକା ଆଜିମାଞ୍ଜେରି ? ମୀ ନାମୁ
ହିଲେଏ କି ?”

୪୧ ଏମ୍ବାଟିଏ ଏଞ୍ଜରୀ ହାରେକା ଆଜାନା ତାୟୁ
ତାୟୁ କାତା ଆଡେରି, “ଇଞ୍ଜାସି ଆମ୍ବାଆସି ?

☆ ୪:୨୧ ୪:୨୧ ମାତି ୫:୧୫; ଲୁକ ୧୧:୩୩ ☆ ୪:୨୨ ୪:୨୨ ମାତି ୧୦:୨୨; ଲୁକ ୧୨:୨ ☆ ୪:୨୪ ୪:୨୪ ମାତି ୭:୨; ଲୁକ ୭:୩୮
☆ ୪:୨୫ ୪:୨୫ ମାତି ୧୩:୧୨; ୨୫:୨୯; ଲୁକ ୧୯:୨୭

ଗାଲି ଅଡ଼େ ସାମ୍ବୁରି ଜିକେଏ ଇଝାଣି ହାଡ଼ା ମାନୁଝି ଆହମାନୁ □”

୫

ଜୀସୁ ବୃତୁୟା ଆଲଗିତାଣାଇଁ ନେହୁଁ କିନାୟି (ମାତି ୮:୨୮-୩୪; ଲୁକ ୮:୨୭-୩୯)

୧ ତାୟୁ ଜୀସୁ ଅଡ଼େ ସାୟୁୟା ଗାଲିଲି ଆତାଲାତି ଗରାସିୟା* ରାଜିତା ଏଗାହାଚେରି □

୨ ଜୀସୁ ତଂଗଟି ରେପନିଏ ର ବୃତୁ ଆଲଗା ମାଚାସି ମାଡ଼ହା ମୁହନି ଚାୟୁଟି ହଡ଼ାଝାହାନା ଜୀସୁଇଁ ବେଗାଆଡ଼େସି □

୩ ଏଝାସି ମାଡ଼ହା ମୁହନି ଚାୟୁତା ବାସା କିହିମାଚେସି, ଇଝା ଆମ୍ବାଆସି ଜିକେଏ ଏଝାଣାଇଁ ହିକଣିୟା ତଲେ ଦସାଲି ଆଡ଼ିହିଲାଆଡେରି;

୪ ଇତିହୁଁ ଏଝାଣାଇଁ ହାରେକା ଦେବା ହିକଣିୟା ତଲେ ଦସାମାଚେରି, ସାମା ଏ ହିକଣିୟା ତାପହାନା କୁଟୁକୁଟା କିତେସି, ଇଝା ଏଝାଣାଇଁ ଦସା ଇଚାଲି ଆମ୍ବାଆରାକି ଜିକେଏ ବାଡ଼ୟୁ ହିଲାଆଡେ □

୫ ଏଝାସି ଲାଆଁୟା ମାଦେନା ବାରେବେଲା ମାଡ଼ହା ମୁହନି ଚାୟୁତା ଅଡ଼େ ହରୁତା ଡ଼ୟାନା କିରଡ଼ି ମାଚେସି, ଇଝା ଝାଲକାତଲେ କଡ଼ହା କଡ଼ିହୁଁ ରାଣାରାକା କିହା କଡ଼ିମାଚେସି □

୬ ଏଝାସି ହେକଟିଏ ଜୀସୁଇଁ ମେସାନା ହଟି ହଟିହୁଁ ଝାହାନା ଏଝାଣି କଡ଼ାଣା ରିହାଁ ଜହରା କିତେସି,

୭ ଅଡ଼େ କାଜା ଗିୟାତଲେ କିରଡ଼ିହୁଁ ଏଲେଇଚେସି, “ଏ ବାଡ଼ୟୁଗାଟି ମାହାପୁରୁ ମୀରଏଣାଟି ଜୀସୁ, ନୀ ତଲେ ନାଜେ ଏନାୟି ମାଚେ ? ନିଜେ ମାହାପୁରୁ ଦରୁତଲେ ପାରମାଣା କିହିମାଞ୍ଜାଇଁ, ନାଜେ କସୁ ହିୟାଆନି □”

୮ ଏନାଆଁତାକି ଇତିହୁଁ ଜୀସୁ ଏଝାଣାଇଁ ଏନାଆଁ ଇଞ୍ଜାଲି ହାଜିମାଚେସି, “ଏ ପଲଆ ବୃତୁତି ଇଝାଣି ତାଣାଟି ହଡ଼ାହାଲମୁ □”

୯ ଜୀସୁ ଏଝାଣାଇଁ ଝେଚେସି, “ନୀ ଦରୁ ଏନାୟି ?” ଏଝାସି ଏଲେଇଚେସି, “ନା ଦରୁ ‘ମାନ୍ଦା’ ଇତିହୁଁ ମାୟୁ ହାରେକା ଜାଣାତମି □”

୧୦ ଇଞ୍ଜା ଜୀସୁ ଏନିକିଁ ଏ ପଲଆ ବୃତୁୟାଣି ଏ ରାଜିଟି ଅର ରାଜିତା ପାଣୁଅସି, ଏଦାଆଁତାକି ଏଝି ଜୀସୁଇଁ ହାରେକା ବାଡ଼ିମାଲିତୁ □

୧୧ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟା ମେୟିଁ ମାଚୁ □

୧୨ ଅଡ଼େ ଏ ବୃତୁୟା ବାଡ଼ିମାଲିହୁଁ ଏଲେଇଚୁ, “ମାଜେ ଏ ପାଜିୟା ମାନ୍ଦାତା ହଡ଼ାଲି ପାଣୁମୁ □”

୧୩ ଏଝାସି ଏଝାଣାଇଁ ହୁକୁମି ହାହାଲିଏ, ଏ ପଲଆ ବୃତୁୟା ଏଝାଣି ତାଣାଟି ହଡ଼ାନା ପାଜିୟା

ମାନ୍ଦା ବିତା ହରୁ; ଏମ୍ବାଟିଏ ମାନ୍ଦା ପାଜିୟା ତବେ ହଚାନା ତାଗେ ମାତି ସାମ୍ବୁରିତା ମେଦାନା ହାହାହାରୁ, ବାରେ ରୀ ମାଣା ପାଜିୟା ମାଚୁ □

୧୪ ଏ ପାଜିୟା ମେତିମାତି ଗଡ଼କା ଗାଡ଼ାତା ଅଡ଼େ ନାୟକାଣାଁ ଏ କାତା ଝେସକା ହାଚେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜୁଁ ସିନିକିହାଲି ଝାଡ଼େରି □

୧୫ ଅଡ଼େ ଏଝାରି ଜୀସୁ ତାଗେ ଝାହାନା, ଏ ବୃତୁ ଆଲଗା ମାଚାଣାଇଁ ଇତିହୁଁ ଆମ୍ବାଆରାକି ନକେଏ ମାନ୍ଦା ବୃତୁୟା ଆସାମାଚୁ, ଏଝାଣାଇଁ ହିମ୍ବୁରି ହୁଚାନା ନେହୁଁ ମନତଲେ କୁଗାମାଚାଣି ମେସାନା ଆଜିତେରି □

୧୬ ଆମ୍ବାଆରି ମେସାମାଚେରି, ବୃତୁ ଆଲଗା ମାଚାସି ଏନିକିଁ ନେହୁଁ ଆଡ଼େସି, ଅଡ଼େ ପାଜିୟା ଏନିକିଁ ନାସା ଆତୁ ଏ ବାରେ ଝେସ୍ତେରି □

୧୭ ଏମ୍ବାଟିଏ ଏଝାରି ଜୀସୁଇଁ ତାମି ହାନ୍ଦିଟି ହାଜାଲି ବାଡ଼ିମାଲିତେରି □

୧୮ ତାୟୁ ଜୀସୁ ତଂଗତା ହଡ଼ିମାଚାଟି ଆମିନି ଗାଚାଣାକି ବୃତୁ ଆଲଗାମାଚେ, ଏଝାସି ତାମିତଲେ ଡ଼ୟାଲି ତାକି ବାଡ଼ିମାଲିତେସି □

୧୯ ସାମା ଜୀସୁ ହେଲ ହାଆନା ଏଝାଣାଇଁ ଏଲେଇଚେସି, “ନୀ ଇଜ ନୀ ଲକୁତାଣା ହାଲାମୁ, ଇଞ୍ଜା ପ୍ରୁ ନିଜେତାକି ଏନି କାମା ଅଡ଼େ ନିଜେତାକି ଏମିନି କାର୍ମା କିହାମାଞ୍ଜାନେସି, ଏ ବାରେ ଏଝାଣାଇଁ ଝେହୁମୁ □”

୨୦ ଏମ୍ବାଟିଏ ଏଝାସି ହାଜାନା, ଜୀସୁ ଏଝାଣାକି ଏନି କାମା କିହାମାଚେସି, ଏଝାସି ଦେକାପଲିତା† ଝେକହାଲି ମାଚୁହେସି; ଏମ୍ବାଟିଏ ବାରେଜାଣା କାବା ଆଡ଼େରି □

ଜାୟିରସ ମାଜ୍ଜାନି ଜୀସୁ ଇଞ୍ଜା ନେତେରି ଝାଜିମାତି ଇୟା ନେହୁଁ ଆନାୟି

(ମାତି ୯:୧୮-୨୭; ଲୁକ ୮:୪୦-୫୬)

୨୧ ଜୀସୁ ତଂଗଟି ଗାଣ୍ଟାନା ଅରଝାକି ଝେଣ୍ଡେ ଝାଡ଼େସି, ମାନ୍ଦା ଲକୁ ଏଝାଣି ତାଣା ରୁଣ୍ଡା ଆଡ଼େରି; ଇଞ୍ଜା ଏଝାସି ସାମ୍ବୁରି ଗାଚୁତା ଡ଼ୟିତେସି □

୨୨ ଏତିବେଲା ଜୀହୁଦି ଲକୁତି କୁଟମି ଇଲୁଡ଼ିଃ କାଜାରି ବିତ୍ରାଟି ଜାୟିରସ ଦରୁଗାଗାସି ରଅସି ଜୀସୁଇଁ ମେସାନା ଏଝାଣି କଡ଼ାଣା ରାତେସି,

୨୩ ଇଞ୍ଜା ହାରେକା ବାଡ଼ିମାଲିହୁଁ ଏଲେଇଚେସି, “ନା ମାଜ୍ଜା ହାନ୍ଦିହଗେ ଆହାମାନେ; ଏନି ଏନିକିଁ ନେହୁଁ ଆହାନା ନୀଡ଼ିନେ, ଏଦାଆଁତାକି ନୀନୁ ଝାହାନା ଏଦାନି ଲାକ କେୟୁ ଇଚାମୁ □”

* ୫:୧ ୫:୧ କଚେକା ସାସ୍ତେରିତା ଗଦରିୟ ରାସ୍ତିକି ଆହାମାନେ

† ୫:୨୦ ୫:୨୦ ଦସଗଗା ନାୟକା

‡ ୫:୨୨ ୫:୨୨ ସିନଗଗ

୨୪ ଏମ୍ବାଟିଏ ଜୀସୁ ଏଝାଣିତଲେ ହାରେସି, ଇଞ୍ଜା ହାରେକା ଲକୁ ଏଝାଣିତଲେ ହାଜାଲି ମାଟ୍‌ହେରି, ଇଞ୍ଜା ଏଝାଣି ମୁହେଁ ମୁହେଁ ଝିସ୍‌ପି ଆହିମାରେରି □

୨୫ ଏଚିବେଲାତା ର ଇୟା ବାର ବାର୍ସା ପାତେକା ନେତେରି ଝାଙ୍ଗନି ରଗତା ନେତେରି ତୁଙ୍ଗାଆନା ନେହଁ ଆହି ହିଲାଆତେ,

୨୬ ଇଞ୍ଜା ଅସଗରୁ ତାଣା ହାଜାନା ଜିକେଏ ହାରେକା ଟାକାୟା କାରୁଁ କିହାମାରେ, ଅଡେ ଜିକେଏ ନେହଁ ଆହିଲିଆତେ, ସାମା ହାରେକା କସ୍ତ ବେଟାଆହି ମାରେ □

୨୭ ଏଦି ଜୀସୁତି କାତା ଝେଞ୍ଜାନା ଲକୁ ମାନ୍ଦାତା ଝାହାନା ତାୟୁ ଝାକିଟି ଏଝାଣି ହିମ୍ବୁରି ତାଗିତେ;

୨୮ ଇଚିହଁ ଏଦି ଏଲେ ଇଞ୍ଜିମାରେ, “ଏଝାଣି ହିମ୍ବୁରି ତାଗିତିହଁ ନେହଁ ଆଇ □”

୨୯ ଏ ଦେବୁଣିଏ ଏଦାଣି ନେତେରି ବନ୍ଦାୟି ତୁଙ୍ଗିତେ, ଇଞ୍ଜା ଏଦି ରଗଟି ନେହଁ ଆହିମାନେ ଏଦାଆଁ ତାନି ଆଙ୍ଗାତା ପୁଞ୍ଜା କଡିତେ □

୩୦ ଦେବୁଣିଏ ଜୀସୁ ତାନି ଆଙ୍ଗାଟି ବାଡ଼ୁୟୁ ହାଚାଣି ହିୟାତା ପୁଞ୍ଜାନା, ଲକୁ ମାନ୍ଦାତା ଝେଣ୍ଡେ ସିନିକିହାନା ଏଲେଇରେସି, “ଏମ୍ବାଆୟି ନା ହିମ୍ବୁରି ତାଗାତେ?”

୩୧ ଏମ୍ବାଟିଏ ତାନି ସୀସୁୟାଁ ଏଲେଇରେରି, “ନୀନୁତ ମେସିମାଞ୍ଜି ଲକୁ ଏନିକଁ ନୀ ମୁହେଁ ଆହିମାନେରି, ଅଡେ ଏଲେ ଇଞ୍ଜିମାଞ୍ଜି ଆମ୍ବାଆୟି ନାଙ୍ଗେ ତାଗାତେ?”

୩୨ ସାମା ଏମ୍ବାଆୟି ତାଙ୍ଗେ ତାଗିତେ ଏଦାଆଁ ମେସାଲି ଜୀସୁ ସାରିସୁତୁ ସିନିକିତେସି □

୩୩ ଏମ୍ବାଟିଏ ଏ ଇୟା ଝାହାନା ତାଙ୍ଗେତାକି ଏଦାୟି ଆହିମାନେ ଏଦାଆଁ ପୁଞ୍ଜା ଆଜିତାକି ତାର୍‌ଗିହଁ ଝାହାଁ ତାନି କତାଣା ରିହାନା ବାରେ ସାତା କାତା ଏଝାଣାଇଁ ଝେସ୍ତେ □

୩୪ ଏମ୍ବାଟିଏ ଜୀସୁ ଏ ଇୟାନି ଏଲେଇରେସି, “ଆଲ ମାଙ୍ଗା ନୀ ନାମୁ ନିଙ୍ଗେ ନେହଁ କିହାମାଞ୍ଜାନେ; ହିଡ଼ଡି ତଲେ ହାଲାମୁ ଇଞ୍ଜା ନୀ ରଗଟି ନେହଁ ଆମୁ □”

୩୫ ଜୀସୁ ଇ କାତା ଝେସିମାଗାଟି, ଜୀହୁଦି ଲକୁଡି କୁଟମି ଇଲୁଡି କାଜାଣା ଇଜଟି ରଅସି ଝାହାନା ଏଲେଇରେସି, “ନୀ ମାଙ୍ଗା ହାଡେୟିଏ ଗୁରୁଇଁ ଅଡେ ଏନାଆଁତାକି କସ୍ତ ହାହିମାଞ୍ଜି ?”

୩୬ ସାମା ଜୀସୁ ଏ କାତା ଝେଞ୍ଜାନା ଝେନାଆଡିଲେହେଁ ଆହିନା ଜାୟିରସଇଁ ଏଲେଇରେସି, “ଆଜାଆନି ସାମା ନାମାମୁ □”

୩୭ ଅଡେ ଏଝାସି ପିତର, ଜାକୁବ, ଅଡେ ତାନି ତାୟି ଜହନ ପିସ୍‌ପେ ଆମ୍ବାଆରାଇଁ ତାନିତଲେ ଅଆତେସି □

୩୮ ଏଝାରି ଜାୟିରସ ଇଜ ଏଜାଲିଏ, ଏମ୍ବାଆଁ ହାରେକା କାଲୁଝି ଆହିଁ ଡାହିମାନାଣି ମେସ୍ତେସି,

୩୯ ଇଞ୍ଜା ବିତ୍ତା ହାଜାନା ଏଝାସିକାଣି ଏଲେଇରେସି, “ଏନାଆଁତାକି କାଲୁଝି ଆହିଁ ଡାହି ମାଞ୍ଜେରି, ଇ ପଦା ହାହିଲିଲେଏ ସାମା ଇଦା କିହାମାନେ” ଏମ୍ବାଟିଏ ଏଝାରି ଏଝାଣାଇଁ କାକହେରି □

୪୦ ଏଝାରି ଏଝାଣାଇଁ ଲାଜା କିହାନା କାକହେରି, ସାମା ଏଝାସି ବାରେଡି ପାଙ୍ଗାତା ପାଣ୍ଡାନା ପଦାନି ଇୟା ଆବା ଅଡେ ତାନି ତାନି ଜାଣା ସୀସୁୟାଁ ତଲେ ଏ ପଦା ମାଟି ତାଣା ହାଚେରି,

୪୧ ଇଞ୍ଜା ଏ ପଦାନି କେୟୁ ଆସାନା ଏଦାନି ଏଲେଇରେସି, “ଟଲିତା କୁମ୍” ଇଚିହଁ “ଆଲ ମାଙ୍ଗା ନାମୁ ନିଙ୍ଗେ ଝେସିମାଞ୍ଜାଇଁ ନିଙ୍ଗାମୁ □”

୪୨ ଏ ଦେବୁଣିଏ ପଦା ନିଙ୍ଗାନା ତାକିତେ (ଇଚିହଁ ଏଦି ବାର ବାର୍ସା ଆହିମାରେ) ଏମ୍ବାଟିଏ ଏଝାରି ହାରେକା କାବା ଆତେରି □

୪୩ ଇଞ୍ଜା ଇ କାତା ଏନିକଁ ଆମ୍ବାଆରି ପୁନଅରି, ଏଦାଆଁତାକି ଏଝାସି ଏଝାରାଇଁ ଜାଣ୍ଡେ ହୁକୁମି ହୀତେସି, ଇଞ୍ଜା “ପଦାନାକି ଏନାଆଁ ତିଞ୍ଜାଲି ହୀଦୁ” ଇଚେସି □



ଜୀସୁଇଁ ନାଜରିତତା ଅପାଆଗାଗାୟି (ମାଟି ୧୩:୫୩-୫୮; ଲୁକ ୪:୧୭-୩୦)

୧ ଜୀସୁ ଏ ଟାୟୁ ପିସାନା ତାନୁ ପାତାଆଡି ନାୟୁତା ହାଚେସି ଇଞ୍ଜା ତାନି ସୀସୁୟାଁ ତାନି ଢେଟ ହାଚେରି □

୨ ଜମିନି ଦିନା ଝାହାଲିଏ, ଏଝାସି ଜୀହୁଦି ଲକୁଡି କୁଟମି ଇଲୁଡା* ଜାପୁହାଲି ମାଟ୍‌ହେସି; ଇଞ୍ଜା ହାରେକା ତାନି କାତା ଝେଞ୍ଜାନା କାବା ଆହାଁ ଏଲେଇରେରି, “ଇଝାଣାକି ଇ ବାରେ ଏମ୍ବିଟି ଆଡେ ? ଇଝାସି ଇଲେଡି ବୁଦି ଏନିକଁ ପୁଚେସି ? ଇଞ୍ଜା ଇଲେଡି କାବାଆନି କାମା ଏନି ବାଡ଼ୁୟୁ ତଲେ କିହିମାନେସି ?”

୩ ଇଝାସି ଏ ବାଡ଼ିୟାଡି ମୀରୁଏସି ଆଏକି ? ଇଝାସି ମରିୟମିନି ମୀରୁଏସି ଇଞ୍ଜା ଜାକୁବ, ଜସି, ଜୀହୁଦା ଇଞ୍ଜା ସିମନତି ତାୟି ଆଏକି ? ଇଞ୍ଜା ତାନି ତାଙ୍ଗିମ୍ବା ଇମ୍ବାଆଁ ମା ତଲେ ହିଲାଡ କି ? ଅଡେ ଏଝାରି ଏଝାଣାଇଁ ଅପାଆତେରି □

୪ *ଏମ୍ବାଟିଏ ଜୀସୁ ଏଝାରାଇଁ ଏଲେଇରେସି, “ମାହାପୁରୁ ଅଣ୍‌ପୁଡି ବଲୁ ଝେହ୍‌ନାରି ଏଟକା ଲକୁ ତାଣାଟି ମାନି ବେଟାଆନେରି ସାମା ତାନି ନାୟୁଡି ଲକୁ ଇଞ୍ଜା ତାନି ଇଲୁ କୁଟମିଡି ଲକୁ ଏଝାଣାଇଁ ମାନି କିଅରି □”

୫ ଇଞ୍ଜା ଏଚରଜାଣା ରଗ ଗାଟାରାଇଁ କେୟୁ ଇଟାନା ନେହଁ କିନାଣି ପିସ୍‌ପେ ଏ ଟାୟୁତା ଏନି ବାଡ଼ୁୟୁଡି କାମା କିହାଲି ଆଡାଆତେସି □

* ୨:୨ ୨:୨ ସିନଗରୁ ☆ ୨:୪ ୨:୪ ଜହ ୪:୪୪

୭ ଇଞ୍ଜା ଏଝାରି ନାମାଆତାକି ଜୀସୁ ହାରେକା କାବା ଆଡେସି ଏମ୍ବାଟି ବାରେ ନାସ୍କାଣା ହାଜାନା ଜାପ୍‌ହେସି □

ଜୀସୁ ବାରଜାଣା ସୀସୁୟାଣି ପାଣ୍ଡିନାୟି
(ମାତି ୧୦:୫-୧୫; ଲୁକ ୯:୧-୭)

୭ ତାୟୁ ଏଝାସି ନାସ୍କା ନାସ୍କାଣା ରେଜି ରେଜିହ୍ ଜାପ୍‌ହାଲି ମାଟ୍‌ହେସି, ଏମ୍ବାଟିଏ ବାରଜାଣାତି ତାଗେ ହାଟାନା ଏଝାରାକ୍ ରିଆରି ଲାକା କିହାନା ପାଣ୍ଡାଲି ମାଟ୍‌ହେସି ଇଞ୍ଜା ଲାଗେଏ ପଲେଏତି ଜୀସୁୟା ଲାକ ଏଝାରାକି ଅଦିକାରା ହୀଡେସି,

୮ ଅଡେ ହାଜାଲିତାକି ବାଡ଼ଗା ପିସପେ, ଲହଡ଼ି କି ମଣା କି ଅଟଡିତା ଟାକାୟା ଅଥାଦୁ ଇଞ୍ଜୁ ହୁକୁମି ହୀଡେସି;

୯ ସାମା ଏଝାରାକ୍ କତାତା ସେପୁୟା ତୁରହାଲି ଏଲେଇଚେସି, ଇଞ୍ଜା ରୀ ସକାୟା ତୁରହାଲି କାହି କିଡେସି □

୧୦ ଇଞ୍ଜା ଜୀସୁ ଏଝାରାକ୍ ଏଲେଇଚେସି, “ମିଜା ଆମିନି ଇଲୁତା ହାଟାନେରି, ଏମ୍ବାଟି ଝେଣ୍ଡା ଝାଆ ପାତେକା ଏମ୍ବାଆଁ ଡୟାଦୁ □

୧୧ ✨ସାମା ଆମିନି ଟାୟୁତି ଲକୁ ମିଜା ଆବଅରି, କି ମୀ କାତା ଝେନଅରି, ଏମ୍ବାଟି ଝେଣ୍ଡା ଝାନାଟି ଏଝାରି ନକିତା ସାକି ହୀହାଲି ତାକି ମୀ କତାତି ଦୂଡ଼ି ହାଣ୍ଡୁ □”

୧୨ ଏମ୍ବାଟିଏ ଏଝାରି ରେଜି ରେଜିହ୍ ପାପୁ ପିସାନା ମନ୍ ଝେଟ୍‌ନି କାତା ଝେକ୍‌ହେରି,

୧୩ ✨ଇଞ୍ଜା ହାରେକା ବୁଡୁଣି ପିସପି କିଡେରି, ଇଞ୍ଜା ହାରେକା ରଗ ଗାଟାରାକ୍ ନିୟୁ ରୁବାନା ନେହ୍ କିଡେରି □

ବାପ୍ତିସ୍ମାଁ ହାନି ଜହନତି ହାନାୟି
(ମାତି ୧୪:୧-୧୨; ଲୁକ ୯:୭-୯)

୧୪ ✨ଏମ୍ବାଟିଏ ଜୀସୁ ଦରୁ ସାରି ଝାକି ଝେଙ୍ଗା ହାଜାଲିଏ ହେରଦ ରାଜା ଏଝାଣି କାତା ଝେଚେସି, ଇଞ୍ଜା ଲକୁ ଏଲେଇଞ୍ଜିମାଚେରି, “ବାପ୍ତିସ୍ମାଁ ହାନି ଜହନ ହାଡ଼ାରି ତାଣାଟି ନିଙ୍ଗାମାନେସି, ଏଦାଆଁତାକି ଇ ବାରେ କାବାଆନି ବାଡ଼ୟୁତି କାମା ଏଝାଣି ତାଣା ଆହିମାନେ □”

୧୫ ସାମା ଏଟ୍‌କାତାରି ଏଲେଇଞ୍ଜିମାଚେରି, “ଇଝାସି ଏଲିୟ □”

ଇଞ୍ଜା ଅଡେ ଏଚରଜାଣା ଏଲେଇଞ୍ଜିମାଚେରି, “ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ଲେହେଁ ଇଝାସି ଜିକେଏ ମାହାପୁରୁ ଅଣ୍‌ପୁତି ବଲୁ ଝେହ୍‌ନାସି □”

୧୬ ସାମା ହେରଦ ଇଦାଆଁ ଝେଞ୍ଜାନା ଏଲେଇଚେସି, “ଆମିନି ଜହନତି ତାୟୁଁ ନାନୁ ଦାପି କିହାମାକ୍, ଏଝାସି ନିଙ୍ଗାମାନେସି □”

୧୭ ✨ଇଚିହ୍ ହେରଦ ତାନି ତାୟି ପିଲିପ ତକ୍ତି ହେରଦିୟାନି ବୀହା ଆହାମାଚାକି, ଏଦାନି ତାକି ତାନୁ ଲକୁଣି ପାଣ୍ଡାନା ଜହନକ୍ ଦସପା ତାଚାନା କାୟିଦିତା ଇଟାମାଚେସି □

୧୮ ଇଚିହ୍ ଜହନ ହେରଦକ୍ ଏଲେଇଞ୍ଜାମାଚେସି, “ନୀ ତାୟି ତକ୍ତିନି ଇଚିନାୟି ନୀ ମେରା ହିଲାଆଡେ □”

୧୯ ଏମ୍ବାଟିଏ ହେରଦିୟା କାରବି ଆହାନା ଜହନକ୍ ପାୟାଲି ମନ୍ କିହିମାଚେ ସାମା ଏଡି ଏନାଆଁ କିହାଲି ଆଡ଼ିହିଲାଆଡେ □

୨୦ ଇଚିହ୍ ହେରଦ ଜହନକ୍ ର ଦାମ୍‌ଗାଟାସି ଅଡେ ସୁଦୁଗାଟାସି ଇଞ୍ଜୁ ଆଜିମାଚେସି, ଇଞ୍ଜା ଏଝାଣାକ୍ ଗେଲ୍‌ପାଲି ଅଣ୍‌ପିମାଚେସି, ଏଝାଣି କାତା ଝେଞ୍ଜାନା ଆଜିତିହ୍ ଜିକେଏ ଏଝାଣି କାତା ଝେଞ୍ଜାଲି ମନ୍ କିହିମାଚେସି □

୨୧ ତାୟୁ ହେରଦିୟାକି ର ପାରୁ ମେଡାଆଡେ, ହେରଦ ତାନି ଜାନା ଦିନାତା କାଜା କାଜା ମନ୍‌ହୁୟାଣି ଇଞ୍ଜା ଗାଲିଲିତି କାଜା କାଜାରାକ୍ ଲାଆଁ ବେଲାତା ର ବଜିତା ହାଟିଡେସି;

୨୨ ଇଞ୍ଜା ହେରଦିୟାନି ମାଙ୍ଗା ବିଡ଼ା ହାଜାନା ଏନ୍‌ହାଁ ହେରଦ ଇଞ୍ଜା ତାନିତଲେ ବଜିତା କୁଗାମାଟି ଲକୁଣି ରାହାଁ କିଝିକିଡେ, ଏମ୍ବାଟିଏ ରାଜା ଏ ପଦାନି ଏଲେଇଚେସି, “ଏନାଆଁ ମନ୍ କିହିମାଞ୍ଜି ରୀସ୍ତାମୁ ନାନୁ ଏଦାଆଁ ନିଙ୍ଗେ ହିୟାକ୍ □”

୨୩ ଇଞ୍ଜା ଏଝାସି ପଦା ନକିତା ପାରମାଣା କିଡେସି, “ନୀନୁ ନାଙ୍ଗେ ଏନାଆଁ ରୀସ୍ତାଦି, ରାଜିତି ଆଦା ଜିକେଏ ନାନୁ ନିଙ୍ଗେ ହିୟାକ୍ □”

୨୪ ଏମ୍ବାଟିଏ ଏ ପଦା ହାଜାନା ତାନି ଇୟାନି ଝେଚେ, “ନାନୁ ଏନାଆଁ ରୀହ୍‌କ୍ ?”

ଏମ୍ବାଟିଏ ଏଡି ଏଲେଇଚେ, “ବାପ୍ତିସ୍ମାଁ ହାନି ଜହନତି ତାୟୁଁ □”

୨୫ ଏ ଦେବୁଣିଏ ରାଜା ତାଣା ତବେ ଝାହାନା ଏଲେଇଞ୍ଜି ରୀସ୍ତେ, “ନାଙ୍ଗେ ନୀନୁ ବାପ୍ତିସ୍ମାଁ ହାନି ଜହନତି ତାୟୁଁ ର ସାଡ଼ଝାତା ନୀଏଁ ନାଙ୍ଗେ ହିୟାମୁ □”

୨୬ ଏମ୍ବାଟିଏ ରାଜା ହାରେକା ଦୁକୁ ଆଡ଼ିହ୍ ଜିକେଏ, ତାନୁ କିତି ପାରମାଣା ଅଡେ ବଜିତା କୁଗାମାଚାରି ତାକି ଆଏ ଇଞ୍ଜାଲି ଆଡାଆଡେସି □

୨୭ ଏଦାଆଁତାକି ରାଜା ଦେବୁଣିଏ ର କହ୍‌ଏଣାକ୍ ପାଣ୍ଡାନା ତାନି ତାୟୁଁ ତାଚାଲି ହୁକୁମି ହୀଡେସି, ଏମ୍ବାଟିଏ ଏଝାସି ହାଜାନା କାୟିଦି ଇଲୁତା ତାନି ତାୟୁଁ ଦାଡେସି;

✨ ୭:୧୧ ୭:୧୧ କାମା ୧୩:୫୧ ✨ ୭:୧୧ ୭:୧୧ ଲୁକ ୧୦:୪-୧୧ ✨ ୭:୧୩ ୭:୧୩ ଜାକୁବ ୫:୧୪ † ୭:୧୩ ୭:୧୪ ମୁଞ୍ଜିନାୟି
✨ ୭:୧୪ ୭:୧୪ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ ‡ ୭:୧୪ ୭:୧୪ ମୁଞ୍ଜିନାୟି ✨ ୭:୧୭ ୭:୧୭ ଲୁକ ୩:୧୯,୨୦ § ୭:୨୪
୭:୨୪ ମୁଞ୍ଜିନାୟି * ୭:୨୫ ୭:୨୫ ମୁଞ୍ଜିନାୟି

୨୮ ଅତ୍ତେ ଏଦାଆଁ ର ସାତ୍ତ୍ଵାତା ତାଚାନା ପଦାନାକି ହୀତେସି, ଇଞ୍ଜା ପଦା ଏଦାଆଁ ଅହାନା ତାନି ଇୟାନାକି ହୀତେ □

୨୯ ଇଞ୍ଜା ଜହନତି ସୀସୁୟାଁ ଏ କାତା ଖେଞ୍ଜାନା ଖାତେରି, ଇଞ୍ଜା ତାନି ମାତ୍ତହାତି ଅହାନା ମାତ୍ତହା ଇଚିନି ଟାୟୁତା ଇଚିତେରି □

ଜୀସୁ ପାସାମାଣା ଲକୁତାକି ତାହନାୟି
(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୬:୧-୧୪)

୩୦ ତାୟୁ ପାଶୁଞ୍ଜି ଆହାମାଚାରି ଜୀସୁ ତାଣା ଖାତେରି, ଇଞ୍ଜା ଏଞ୍ଜାରି ଏନା ଏନାଆଁ କିହାମାଚେରି, ଇଞ୍ଜା ଏନା ଏନାଆଁ ଜାପ୍ତହା ମାଚେରି, ଏ ବାରେ ଏଞ୍ଜାଣାକ୍ ଖେସ୍ତେରି □

୩୧ ଏମ୍ବାଟିଏ ଜୀସୁ ଏଞ୍ଜାଣାକ୍ ଏଲେଇଚେସି, “ମାର ଇମ୍ବାଟି ଲକୁ ହିଲାଆ ଟାୟୁତା ହାନ, ଏମ୍ବାଆଁ ମୀରୁ ଗାତ୍ତେକା ଜମାଦୁ □” ଇଚିହଁ ହାଚେକା ଲକୁ ହାଜି ଖାହି ଆହିମାଚାକି ଏଞ୍ଜାଣାକି ତିଞ୍ଜାଲି ଜିକେଏ ମିଆତେ □

୩୨ ଏମ୍ବାଟିଏ ଏଞ୍ଜାରି ଏଚ୍ଚକା ଆହାନା ର ତଂଗତା ହଚାନା ଲକୁ ହିଲାଆ ଟାୟୁତା ହାଚେରି □

୩୩ ସାମା ହାଚେକା ଲକୁ ଏଞ୍ଜାରି ହଚା ହାଚାଣି ମେସ୍ତେରି ଅତ୍ତେ ପୁଚେରି, ଇଞ୍ଜା ଲକୁ ବାରେ ଗାତ୍ତାୟିତି ତାକିହଁ ହାଜାନା ଏଞ୍ଜାରି ନକିତା ଏଗାହାଚେରି □

୩୪ ✠ଏଞ୍ଜାସି ତଂଗତି ରେଚାନା ହାଚେକା ଲକୁଣି ମେସାନା ଏଞ୍ଜାଣାକ୍ କାର୍ମା ଆତେସି, ଇଚିହଁ ଏଞ୍ଜାରି ଗତ୍ତ ହିଲାଆ ମେଶ୍ତାୟାଁ ଲେହେଁ ମାଚେରି; ଇଞ୍ଜା ଏଞ୍ଜାସି ଏଞ୍ଜାଣାକ୍ ହାଚେକା କାତା ଜାପ୍ତହେସି □

୩୫ ଗାତି ଖେଡାଆୟାଲିଏ ତାନି ସୀସୁୟାଁ ତାନି ତାଣା ଖାହାନା ଏଲେଇଚେରି, “ଇ ଟାୟୁ ଲକୁ ହିଲାଆ ଟାୟୁ ଇଞ୍ଜା ଆନ୍ଦେରି ଜିକେଏ ଆହିମାନେ;

୩୬ ଲକୁ ଏନିକିଁ ସାରିଞ୍ଜାକି ମାନି ଖାଲ୍‌ହାଞ୍ଜାତି ଅତ୍ତେ ଗାତାତା ହାଜାନା ତାମ୍‌ଜେ ତାକି ତିଞ୍ଜାଲି ରାନ୍ଦା କତାପେରିଞ୍ଜା, ଏଦାଆଁତାକି ଏଞ୍ଜାଣାକ୍ ହେଲ ହୀହାନା ପାଶ୍ତାମୁ □”

୩୭ ସାମା ଜୀସୁ ତାନି ସୀସୁୟାଁକ୍ ଏଲେଇଚେସି, “ମୀରୁ ଏଞ୍ଜାଣାକି ତିଞ୍ଜାଲି ହୀଦୁ □”

ଏଞ୍ଜାରି ଏଲେଇଚେରି, “ମାର ରୀ ଖାଞ୍ଜା ଖେଣ୍ଡି ଟାକାୟାତି† ରୁଚି ତାଚାନା ଇଞ୍ଜାଣାକି ତିଞ୍ଜାଲି ହୀନାୟି କି ?”

୩୮ ଜୀସୁ ଏଞ୍ଜାଣାକ୍ ଏଲେଇଚେସି, “ମୀ ତାଣା ଏଚରଗଟା ରୁଚି ମାଦୁ ? ହାଜାନା ସିନିକିଦୁ □”

ଏଞ୍ଜାରି ଖେଞ୍ଜା ଖାହାନା ଜୀସୁକ୍ ଏଲେଇଚେରି, “ପାସାଗଟା ରୁଚି ଇଞ୍ଜା ରୀ ମୀଣ୍‌କା ମାଦୁ □”

୩୯ ଇଞ୍ଜା ଜୀସୁ ତାନି ସୀସୁୟାଁକ୍ ଏଲେଇଚେସି, ବାରେ ଲକୁକ୍ ଗଚି ଗଚି କିହଁ କୁଚି ଜାଡା ଲାକ କୁଚିକିହାଲି ଖେସ୍ତେସି □

୪୦ ଏଚେଟିଏ ଏଞ୍ଜାରି ପାସାକଡ଼ି ଜାଣା ରୀ କଡ଼ି ଦସ ଜାଣା ଲାକା ମାନ୍ଦା ମାନ୍ଦା ଆହଁ କୁଚିତେରି □

୪୧ ତାୟୁ ଜୀସୁ ଏ ପାସାଗଟା ରୁଚି ଇଞ୍ଜା ରୀ ମୀଣ୍‌କା ଅହାନା ଲାକପୁରୁ ଖାକି ସିନିକିହାଁ ମାହାପୁରୁକ୍ ଜହରା କିତେସି, ଅତ୍ତେ ରୁଚି ଡିକ୍‌ହାନା ଲକୁତାକି ବାଟି କିହା ହୀହାଲି ତାନି ସୀସୁୟାଁକି ହୀତେସି, ଇଞ୍ଜା ରୀ ମୀଣ୍‌କା ଜିକେଏ ଏଲେକିହଁଏ ବାଗା କିହାନା ହୀତେସି □

୪୨ ଏମ୍ବାଆଁ ବାରେଜାଣା ତିଞ୍ଜାନା ପାଞ୍ଜିତେରି,

୪୩ ଇଞ୍ଜା ଏଞ୍ଜାରି ହାଚାମାତି ରୁଚି ଅତ୍ତେ ମୀଣ୍‌କା କୁଡ଼ି କିହାନା ବାଚଗଟା ତାଲିତା ନେଞ୍ଜିକିତେରି □

୪୪ ରୁଚି ତିଚି ଲକୁ ପାସାମାଣା ଖାଚ୍‌ଇ ଆବାୟାଁ ମାଚେରି □

ଜୀସୁ ଏୟୁ ଲାକ ତାକିନାୟି

(ମାତି ୧୪:୨୨-୩୩; ଜହ ୬:୧୫-୨୧)

୪୫ ଏ ଦେବୁଣିଏ ଏଞ୍ଜାସି ତାନି ସୀସୁୟାଁଣି ତଂଗତା ହଚାନା ଆତାଲାଞ୍ଜାକି ମାନି ବେତ୍‌ସାୟିଦା ଗାତାତା ହାଜାଲି ତାନି ନକେଏ ପାଣ୍ଡିତେସି, ଏମ୍ବାଟିଏ ବାରେ ଲକୁଣି ହାଜାଲିତାକି ହେଲ ହୀହାନା ପାଣ୍ଡିତେସି □

୪୬ ଏଞ୍ଜାରି ତାଣାଟି ହେଲ ଅତି ତାୟୁ ଏଞ୍ଜାସି ପ୍ରାତାନା କିହାଲି ହରୁତା ହାଚେସି □

୪୭ ମିଡ଼ଅଲା ଆହାଲିଏ ତଂଗ ସାମ୍‌ଦୁରି ମାଦିଏ ମାଚେ, ଇଞ୍ଜା ଜୀସୁ ସାମ୍‌ଦୁରି ଗାଚୁତା ରଅସିଏ ମାଚେସି □

୪୮ ଏମ୍ବାଟିଏ ହାଚେକା ଗାଲି ଏଞ୍ଜାରି ଖାକି ଖେଚିମାଚାକି ତଂଗ ତାକି କିହାଲି କସ୍ତୁ ଆହିମାଚାଣି ମେସାନା ଏଞ୍ଜାସି ଖେୟା ନେକେରି ସାମ୍‌ଦୁରି ଏୟୁ ଲାକ ତାକିହଁ ଏଞ୍ଜାରି ତାଗେ ଖାତେସି, ଇଞ୍ଜା ଏଞ୍ଜାରି ତାଗେଟି ଆଗାଡ଼ା ହାଜାଲି ଅଣ୍‌ପାମାଚେସି,

୪୯ ସାମା ଏଞ୍ଜାରି ଏଞ୍ଜାଣାକ୍ ସାମ୍‌ଦୁରି ଲାକ ତାକି ମାନାଣି ମେସାନା ବୃତ୍ତ ଇଞ୍ଜାଁ ଅଣ୍‌ପାନା କାଲ୍‌ଞ୍ଜି ଆତେରି □

୫୦ ଇଚିହଁ ବାରେଜାଣା ଏଞ୍ଜାଣାକ୍ ମେସାନା ଆଜାହାଜା ମାଚେରି □

ସାମା ଜୀସୁ ଦେବୁଣିଏ ଏଞ୍ଜାରିତଲେ କାତା ଆହାନା ଏଞ୍ଜାଣାକ୍ ଏଲେଇଚେସି, “ସାସା ଆହ୍‌ଦୁ ନାନ୍ଦୁଏ ଏଞ୍ଜାତେସି, ଆଜାଆଦୁ □”

୫୧ ଇଞ୍ଜା ଏଞ୍ଜାସି ଏଞ୍ଜାରିତାଣା ହାଜାନା ତଂଗତା କୁଚିତେସି, ଇଞ୍ଜା ଗାଲି ତୁଚିତେ, ଏମ୍ବାଟିଏ ଏଞ୍ଜାରି ମନ ମନତା ହାଚେକା କାବା ଆତେରି □

✠ ୨:୩୪ ୨:୩୪ ମାତି ୯:୩୭ † ୨:୩୭ ୨:୩୭ ର ଦିନାତି ବୁଚି ର ଖେଣ୍ଡି ଟାକା

୫୨ ଇଚିହ୍ ଏଞ୍ଜାରି ରୁଚିୟା କାତା ପୁଣ୍ୟସୁ ପୁଞ୍ଜାହିଲାଆତେରି, ଏନାଆଁତାକି ଇଚିହ୍ ଏଞ୍ଜାରି ହିୟା ଆବୁଞ୍ଜା ଆହାମାନେ □

ଗେନେସର ରଗ ଗାଟାରାଇଁ ନେହ୍ କିନାୟି (ମାତି ୧୪:୩୪-୩୬)

୫୩ ଏଞ୍ଜାରି ସାମଦୁରି ଗାଣ୍ଡାଚାନା ଗେନେସର ରାଜିତା ଏଜାନା କାତା ଗାଟୁତା ଡଂଗତି ଦସ୍ତେରି □

୫୪ ଅଡେ ଏଞ୍ଜାରି ଡଂଗଟି ରେଚାଲିଏ, ଦେବୁଣିଏ ଲକୁ ଏଞ୍ଜାଣାଇଁ ପୁଞ୍ଜାନା,

୫୫ ଏ ରାଜିତି ସାରିଞ୍ଜାକି ହାରେରି, ଏଞ୍ଜାରି ଆମିନି ଟାମୁତା ମାନେରି ଇଞ୍ଜିଁ ଝେରେରି, ଅଡେ ଜାସୁ ମାନି ଟାମୁତା ରଗ ଗାଟାରାଇଁ କାଟେଲିତା ଡେକା ତାଚାଲି ମାଟୁହେରି □

୫୬ ଇଞ୍ଜାଁ ଏଞ୍ଜାସି ଆମିନି ନାସ୍କା, ଅଡେ ଗାଡାତା ହାରେସି, ଲକୁ ଏ ବାରେ ଟାମୁତି ହାଟା ବାଜାରାଟି ରଗ ଗାଟାରାଇଁ ଏଞ୍ଜାଣି ନକିତା ଏଞ୍ଜାରାଇଁ ଇଚିତେରି, ଏଞ୍ଜାରି ଏନିକ୍ ଏଞ୍ଜାଣି ହିମ୍ବରି କୁକୁ ମି ଡାଗିନେରି, ଏନାଆଁତାକି ଏଞ୍ଜାଣାଇଁ ବାତିମାଲିତେରି; ଇଞ୍ଜାଁ ଏଚେକା ଲକୁ ଏଞ୍ଜାଣାଇଁ ଡାଗିତେରି ଏଞ୍ଜାରି ବାରେ ନେହ୍ ଆଡେରି □



ଆକୁ ଆବାୟାତି ପାଣାପାବୁ (ମାତି ୧୫:୧-୯)

୧ ତାୟୁ ପାରୁସିୟାଁ ଅଡେ ଜିରୁସାଲମଟି ଖାହାମାନି ଏଚରଜାଣା ମେରାପୁନାରି ଜାସୁ ତାଣା ରୁଣ୍ଡା ଆଡେରି □

୨ ଏଞ୍ଜାରି ସାସୁୟାଁ ବିତ୍ରାଟି ଏଚରଜାଣାଟି କେସ୍ତା ନରୁଆନା ତିଞ୍ଜି ମାଚାଣି ମେସ୍ତେରି □

୩ ପାରୁସିୟାଁ ଅଡେ ବାରେ ଜାହୁଦି ଲକୁ ଆକୁ ଆବାୟାଁ ଇଟାମାନି ମେରାତି ମାନୁଞ୍ଜି ଆହାନା ନେହ୍ କିଁ କେୟୁ ନରୁଆସାରେ ତିଞ୍ଜି ହିଲାଆତେରି,

୪ ଇଞ୍ଜାଁ ହାଟା ବାଜାରାଟି ଖାହାନା ତାନି ଲାକ ଏୟୁ ଡାଞ୍ଜା କତାଆନା ତିଞ୍ଜି ହିଲାଆତେରି; ଅଡେ ଗିନା ମୁତା ଇଞ୍ଜାଁ ପିତାଡା ତ:କାୟାଁ, ପାସ୍ପନି ନରୁନାୟି, ଇଲେତି ହାରେକା ମେରା ମାନୁଞ୍ଜି ଆହାଲି ହୁକୁମି ବେଟା ଆହାମାନେରି □

୫ ଏନାଆଁତାକି ପାରୁସିୟାଁ ଅଡେ ମେରାପୁନାରି ଜାସୁଇଁ ଝେରେରି, “ନୀ ସାସୁୟାଁ ତଲିତି ଆକୁ ଆବାୟାଁ ମେରା ତଲେ ତାକାଆନା ଏନାଆଁତାକି କେସ୍ତା ନରୁଆନା ତିନେରି ?”

୬ ଜାସୁ ଏଞ୍ଜାରାଇଁ ଏଲେଇଚେସି, “ଆଡେ କୁଟୁ ଗାଟାତେରି, ମାହାପୁରୁ ଅଣ୍ଟପୁତି ବଲୁ ଝେହ୍ନି ଜିସାୟ ନେହ୍ କିଁ ଇ କାତା ଝେସାମାନେସି, ଏନିକ୍ ରାସ୍କି ଆହାମାନେ;

ଇ କୁଡାତାରି ଖାବୁଇ ଗୁତି ତଲେ ନାଞେ ସେବା କିୟାନେରି,

ସାମା ଏଞ୍ଜାରି ହିୟାଁ ନା ତାଣାଟିଏ ହାରେକା ହେକ ଡୁୟିନେ □

୭ ଏଞ୍ଜାରି ମାଣ୍ଟସିୟାଁ କେପିତି ମେରାତି ଦାମୁତି ନେହ୍ କାତା ଇଞ୍ଜିଁ ଜାପୁହାନା, ଉଜେଏ ନା ସେବା କିୟାନେରି □

୮ ମୀରୁ ମାହାପୁରୁତି ହୁକୁମି ପିସାନା ମାଣ୍ଟସିୟାଁ ମେରାତି ଆସାମାଞ୍ଜେରି □”

୯ ଅଡେ ଜାସୁ ଏଞ୍ଜାରାଇଁ ଏଲେଇଚେସି, “ମାହାପୁରୁତି ହୁକୁମି ପିସାନା ମୀ ଜାପୁହାମାଞ୍ଜନାଣି ଆସାଲି ତାକି ମୀରୁ ହୁକୁମି ମାନି କିହିହିଲଅତେରି □

୧୦ ଇଚିହ୍ ମସା ଏଲେଇଞ୍ଜା ମାନେସି, ‘ତାଲି ତାଞ୍ଜିଇଁ ଜାସୁନଦୁ, ଇଞ୍ଜାଁ ଆମ୍ବାଆସି ତାଲି କି ତାଞ୍ଜିଇଁ ବାକା ଇଚିନେସି, ଏଞ୍ଜାସି ହାନ୍ତି ଡଣ୍ଡ ବେଟା ଆନେସି □’

୧୧ ମୀରୁ ଜାପୁହି ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଇଁ ଏଲେଇନେସି, ନା ତାଣାଟି ଏନାଆଁ ହିୟାତିହ୍ ନିଞେ ନେହେଁ ଆଡେମା, ଏଡି କର୍ବାନ ଇଚିହ୍ ମାହାପୁରୁ ତାକି ହେରପି ଆହାମାନାୟି □

୧୨ ଇଞ୍ଜାଁ ମୀରୁ ଏଲେକିହ୍ ତାନି ଇୟା କି ଆବାଇଁ ଏନି ସାୟେମି କିହାଲି ହାହି ହିଲଅତେରି;

୧୩ ଏଲେକିହ୍ ଏ ମୀରୁ ମୀ ତାଣା ମାନି ମେରା ତଲେ ମାହାପୁରୁତି ବଲୁ ଉଜେଏ କିହିମାଞ୍ଜେରି, ଇଞ୍ଜାଁ ଏଲେକିହ୍ ହାରେକା କାମା କିହିମାଞ୍ଜେରି □”

ମାଣ୍ଟସିଇଁ ଲାଗେଏ କିନାୟି (ମାତି ୧୫:୧୦-୨୦)

୧୪ ଜାସୁ ଅଡେ ଝେଣ୍ଡେ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ମୀରୁ ବାରେ ନା କାତା ଝେଞ୍ଜୁ ଅଡେ ତେଲହାପୁ □

୧୫ ମାଣ୍ଟସିତି ପାଞ୍ଜାତା ଇଲେତି ଏନାୟି ହିଲେଏ, ଏଡି ମାଣ୍ଟସି ବିତ୍ରା ହଡାନା ଏଞ୍ଜାଣାଇଁ ଲାଗେଏ କିହାଲି ଆଡିନେ, ସାମା ଏନା ଏନାୟି ମାଣ୍ଟସି ତାଣାଟି ହଡିମାନେ, ଏ ବାରେ ଏଞ୍ଜାଣାଇଁ ଲାଗେଏ କିହିମାନେ □”*

୧୬ ଝେଞ୍ଜାଲି କୀକୀ ମାନାସି ଝେଣ୍ଡାସି □

୧୭ ଅଡେ ଏଞ୍ଜାସି ଲକୁ ତାଣାଟି ଇଲୁ ବିତ୍ରା ଖାହାଲିଏ ତାନି ସାସୁୟାଁ ଏଞ୍ଜାଣାଇଁ ପୁଣ୍ଡିକିନି କାତାତି ଅର୍ଡ ଝେରେରି □

୧୮ ଏମ୍ବାଟିଏ ଜାସୁ ଏଞ୍ଜାରାଇଁ ଏଲେଇଚେସି, “ମୀରୁ ଜିକେଏ ଏଲେକିହ୍ ଏ ପୁନାଆ ଗାଟାତେରି ? ଏନାୟି ପାଞ୍ଜାଟି ମାଣ୍ଟସି ବିତ୍ରା ହଡିହ୍ ଏଡି ଏଞ୍ଜାଣାଇଁ ଲାଗେଏ କିହାଲି ଆଡେଏ,

* ୭:୧୫ ୭:୧୫ ଏଚେକା ସାସ୍ତେରିତା ୧୫ ପଦ କେତ ଡକକା ମାନି ବଲୁତି ୧୭ ପଦୁତା ରାସ୍କି ଆହାମାନେ;

୧୯ ଇଚିହ୍ନ ଏହି ଏଞ୍ଜାଣି ହିୟାଁତା ହତୁଆନା ବାଣ୍ଡିତା ହତୁନେ ଇଞ୍ଜା ବାଣ୍ଡିହାନିଲେହେଁ ହତାହାନେ ଇଲେଆହ୍ନ ବାରେ ରାନ୍ଦା ଅର୍ହୁ ଆହିମାନେ, ଇଦାଆଁ ପୁଞ୍ଜି ହିଲଅତେରି ?”

୨୦ ଅଡ଼େ ଏଞ୍ଜାସି ଏଲେଇରେସି, “ଏନାୟି ମାଣସି ତାଣାଟି ହଡ଼ିମାନେ ଏହି ଏଞ୍ଜାଣାଲ୍ ଲାଗେଏ କିହିମାନେ □

୨୧ ଇଚିହ୍ନ ମାଣସି ହିୟାଁ ବିତ୍ରାଟି ଲାଗେଏତି ଅଣପୁ ହନେ, ଦାରି କିୟାଲି, ସରୁ କିୟାଲି, ଲକୁଣି ପାୟିନାୟି,

୨୨ ଜୁପକା, ଲାଗେଏ ପଲେଏ କାମା, ନାଡ଼ିକିନାୟି, ଡାହାରା, ନିନ୍ଦା କିନାୟି, ଡାହାରା ଆନାୟି, କାରବି ଆନାୟି;

୨୩ ଏଲେତି ଲାଗେଏତାୟି ବିତ୍ରାଟି ହଡ଼ାଞ୍ଜାହାନା ମାଣସିଲ୍ ଲାଗେଏ କିହିମାନେ □”

**ର ଇୟାନି ନାମୁ
(ମାତି ୧୫:୨୧-୨୮)**

୨୪ ଏମ୍ବାଟିଏ ଜୀସୁ ଏ ଟାୟୁ ପିସାନା ସରତି ହାଦି ଖାକି ହାରେସି, ଇଞ୍ଜା ର ଇଲୁତା ହଡ଼ାନା ଏନିକ୍ ଆମ୍ବାଆରି ପୁନଅରି ଇଞ୍ଜି ଅଣପିମାରେସି, ସାମା ଏଞ୍ଜାସି ଡ଼ଗୁନା ଡ଼ୟାଲି ଆଡ଼ାଆତେସି □

୨୫ ଏ ଦେବୁଣିଏ ର ଇୟା, ଆମ୍ବାଆରି ମାଙ୍ଗାନି ବୁଡୁ ଆଲଗାମାରେ, ଏହି ଜୀସୁ କାତା ଖେଞ୍ଜାନା ଖାହାଁ ଏଞ୍ଜାଣି କଡ଼ାଣା ରୀତେ □

୨୬ ଏ ଇୟା ସୁରପୟିନିକି ଜାଡ଼ିତି ର ଗ୍ରିକ ଇୟା ମାରେ, ତାନି ମାଙ୍ଗାନି ତାଣାଟି ବୁଡୁ ପିସପି କିହାଲି ଏହି ଜୀସୁଲ୍ ବାଡ଼ିମାଲିତେ □

୨୭ ଏମ୍ବାଟିଏ ଜୀସୁ ଏଦାନି ଏଲେଇରେସି, “ତଲିଏ କକାରି ପଦାଣି ପାଞ୍ଜି କିଦୁ, ଇଚିହ୍ନ କକାରି ପଦାୟାଁ ରାନ୍ଦା ଅହାନା ନେସକା ନକିତା ମେଡ଼ନାୟି ନେହେଁ ଆଏ □”

୨୮ ସାମା ଏହି ଏଞ୍ଜାଣାଲ୍ ଏଲେଇରେ, “ହାଅ ପ୍ରବୁ ନେସକା ଜିକେଏ କକାରି ପଦାୟାଁ ତ୍ରକହାମାନି ଲିତାତି ପେରହା ତିନୁ □”

୨୯ ଏମ୍ବାଟିଏ ଜୀସୁ ଏଲେଇରେସି, “ଇ କାତାତାକି ନୀ ମାଙ୍ଗାନି ତାଣାଟି ବୁଡୁ ହଡ଼ା ହାରେୟିଏ, ହାଲାମୁ □”

୩୦ ଇଞ୍ଜା ଏହି ଇଜ ହାଜାନା ତାନି ମାଙ୍ଗା ପାସ୍ପନିତା ହୁଞ୍ଜାମାନାଣି ଇଞ୍ଜା ବୁଡୁ ହଡ଼ା ହାଜା ମାନାଣି ମେସ୍ତେ □

ର ବେରା ଅଡ଼େ ଗୁଲାଲ୍ ଜୀସୁ ନେହ୍ନିକିନାୟି

୩୧ ଅଡ଼େ ଖେଣ୍ଡେ ଏଞ୍ଜାସି ସର ହାନ୍ଦିଟି ହାଜାନା ସିଦନ ଅଡ଼େ ଦସଗଟା ନାସକାଁ ହାନ୍ଦି ହାହାନା ଗାଲିଲି ସାମ୍ପୁରି ତାଗେ ଖାଡ଼େସି □

୩୨ ଇଞ୍ଜା ଲକୁ ର ବେରା ଅଡ଼େ ଗୁଲାଲ୍ ଏଞ୍ଜାଣି ନକିତା ତାତାନା ଏଞ୍ଜାଣିଲକ କେୟୁ ଇଟାଲି ବାଡ଼ିମାଲିତେରି □

୩୩ ଜୀସୁ ଲକୁ ତାଣାଟି ରଅଣାଲ୍ଏ ଏଟକା କିହା ଅହାନା ଏଞ୍ଜାଣି ରୀ କୀକାଣା ତାନି ଖାସକା ଇଚିତେସି ଅଡ଼େ ହୁପାନା ଏଞ୍ଜାଣି ଖେନ୍ଦରି ତାଗିତେସି,

୩୪ ଅଡ଼େ ଲକପୁରୁ ଖାକି ସିନିକିହାନା ଗାଡ଼ିକିହ୍ନ ନେଞ୍ଜାନା ଏଞ୍ଜାଣାଲ୍ ଏଲେଇରେସି, “ଇପପତ” ଇଚିହ୍ନ “ଦେପି ଆମୁ □”

୩୫ ଏମ୍ବାଟିଏ ଏଞ୍ଜାଣି କୀକା ଦେପିଆଡୁ, ଇଞ୍ଜା ଖେନ୍ଦରିତି ଜାଲା ଏ ଦେବୁଣିଏ ଗୁରାଆଡ଼େ, ଇଞ୍ଜା ଏଞ୍ଜାସି ନେହ୍ନିକି ଜଲ୍ଲାଲି ଆଡ଼ିତେସି □

୩୬ ଇଞ୍ଜା ଏ କାତା ଆମ୍ବାଆରାଲ୍ ଖେହ୍ନିଆଡୁ ଇଞ୍ଜି ଏଞ୍ଜାରାଲ୍ ଗାଡ଼ିକିହ୍ନ ହୁକୁମି ହୀତେସି; ସାମା ଏଞ୍ଜାସି ଏଞ୍ଜାରାଲ୍ ଏରେକା କାହି କିତେସି, ଏଞ୍ଜାରି ଏରେକା ଗାଡ଼ି ଖେକହେରି □

୩୭ ଅଡ଼େ ଲକୁ କାବାଆହାନା ଏଲେଇରେରି, “ଏଞ୍ଜାସି ବାରେ କାମା ନେହ୍ନିକି କିହିମାନେସି; ଏଞ୍ଜାସି ବେରାୟାଁଲ୍ ଖେଞ୍ଜାଲି ଗୁଲାୟାଁଲ୍ ଜଲିନି ବାଡ଼ୁୟୁ ଜିକେଏ ହୀହିମାନେସି □”



**ଜୀସୁ ସାରି ମାଣା ଲକୁକି ତିଞ୍ଜାଲି ହୀନାୟି
(ମାତି ୧୫:୩୨-୩୯)**

୧ ଏଚିବେଲା ହାରେକା ମାନ୍ଦା ଲକୁ ରୁଣ୍ଡା ଆଡ଼େରି, ଅଡ଼େ ଏଞ୍ଜାରିତାଣା ତିନାୟି ଉନାୟି ଏନାୟି ହିଲାଆତାକି ଜୀସୁ ସୀସୁୟାଁଣି ତାଗେ ହାଡ଼ାନା ଏଞ୍ଜାରାଲ୍ ଏଲେଇରେସି,

୨ “ଲକୁତାକି ନାଙ୍ଗେ କାର୍ମା ହଡ଼ିମାଞ୍ଜାନେ, ଇଚିହ୍ନ ଇଞ୍ଜାରି ତାନିଦିନା ଆତେରିଏ ନା ତଲେ ମାଞ୍ଜାମାନେରି, ଅଡ଼େ ଇଞ୍ଜାରି ତାଣା ଏନାୟି ତିନାୟି ହିଲେଏ □

୩ ଏଞ୍ଜାରାଲ୍ ତୀହ୍ନାନ୍ନା ପାଣ୍ଡିସାରେ, ଖେଣ୍ଡାହାନାଟି ଏଞ୍ଜାରି ହାହା ଜିକେଏ ହାନ୍ଦେରି □ ଏଞ୍ଜାରି ବିତ୍ରାଟି ଏଚରଜାଣା ହେକଟି ଖାହାମାନେରି □”

୪ ସୀସୁୟାଁ ଏଞ୍ଜାଣାଲ୍ ଏଲେଇରେରି, “ଇମ୍ବାଆଁ ଇ ଲକୁ ହିଲାଆ ଟାୟୁତା ଆମ୍ବାଆସି ଆମ୍ବିଟି ରୁଟି ତାତାନା ଇଞ୍ଜାରାଲ୍ ପାଞ୍ଜି କିନେସି ?”

୫ ଜୀସୁ ଏଞ୍ଜାରାଲ୍ ଖେରେସି, “ମୀ ତାଣା ଏଚରଗଟା ରୁଟି ମାନ୍ତୁ ?”

ଏଞ୍ଜାରି ଏଲେଇରେରି, “ସାଡ଼ାଗଟା □”

୬ ଏମ୍ବାଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହୀତେସି; ଅଡ଼େ ଏଞ୍ଜାସି ସାଡ଼ାଗାଟା ରୁଟି ଅହାନା ଜହରା କିହାନା ଏ ବାରେ ତ୍ରକହାନା ବାଡ଼ି କିହାଲି

† ୭:୩୧ ୭:୩୧ ଦେକାପଲି

ତାନି ସୀସୁୟାଁକି ହୀତେସି, ଅଡ଼େ ଏଞ୍ଜାରି ଲକୁତାକି ବାଟି କିହା ହୀତେରି □

୭ ଇଞ୍ଜା ଏଞ୍ଜାରିତାଣା ଏଚରଗଟା ଉଣା ମୀଶକା ମାରୁ; ଏ ବାରେତି ଜିକେଏ ଜୀସୁ ମାହାପୁରୁ ତାଣା ଜହରା କିହାନା ବାଟି କିହା ହୀହାଲି ସୀସୁୟାଁକି ଏଲେଇଚେସି □

୮ ଏମ୍ବାଟିଏ ଏଞ୍ଜାରି ତିଞ୍ଜାନା ପାଞ୍ଜିତେରି ଇଞ୍ଜା ହାରିତାଣି ସାଡା ତାଲି କୁଡ଼ି କିତେରି □

୯ ଏଞ୍ଜାରି ବାରେ ସାରି ମାଣା ଲକୁ ମାଚେରି □ ଏଚେଟିଏ ତାୟୁ ଏଞ୍ଜାରାଇଁ ହେଲ ହୀତେସି,

୧୦ ଇଞ୍ଜା ଦେବୁଣିଏ ତାନି ସୀସୁୟାଁ ତଲେ ତଂଗତା ହଡାନା ଦଲ୍‌ମନୁ ଗାଡାତା ହାଚେରି □

ପାରୁସିୟାଁ ସିନା ରାହନାୟି
(ମାତି ୧୭:୧-୪)

୧୧ *ତାୟୁ ପାରୁସିୟାଁ ଖାହାନା ଜୀସୁତଲେ ବାଦିବାଦା କିହାଲି ମାଟ୍‌ହେରି ଇଞ୍ଜା ଏଞ୍ଜାଣାଇଁ ତାୟିପାରି କିହାଲିତାକି ହାଗୁ ଲାକଟି ର ସିନା ରାସ୍ତେରି □

୧୨ *ଜୀସୁ ଜୀସୁତା କିଲିବିଲି ଆହାନା ଗାଡି ନେଞ୍ଜାନା ଖେସ୍ତେସି, “ଇ ଜୁଗୁତି ଲକୁ ଏନାଆଁତାକି ସିନା ପାରିମାନେରି ? ନାନୁ ମିଙ୍ଗେ ସାତା ଖେସିମାଞ୍ଜାଇଁ, ନୀଏତି ମାଣ୍‌ସିକି ଏନି ସିନା ହୀପକି ଆଏ □”

୧୩ ଅଡ଼େ ଏଞ୍ଜାସି ଏଞ୍ଜାରାଇଁ ପିସାନା ଅଡ଼େ ଖେଣ୍ଡେ ତଂଗତା ହଡାନା ଆତାଲାଞ୍ଜାକି ହାଚେସି □

ହେରଦ ଅଡ଼େ ପାରୁସିୟାଁ ପୁଲାଗୁଣ୍ଡା
(ମାତି ୧୭:୫-୧୨)

୧୪ ଏଚିବେଲାତା ସୀସୁୟାଁ ରୁଟି ଅହାଲି ବାଣାଆଚେରି; ତଂଗତା ଏଞ୍ଜାରିତାଣା ରଣ୍ଡିଏ ରୁଟି ମାଚେ □

୧୫ *ତାୟୁ ଜୀସୁ ଏଞ୍ଜାରାଇଁ ଜାଣ୍ଡେ ହୁକୁମି ହୀତେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ହେରଦତି ପୁଲାଗୁଣ୍ଡାଟି ଜାଗ୍ରାତା ଆହାନା ମାଞ୍ଜୁ □”

୧୬ ଏଚେଟିଏ ଏଞ୍ଜାରି ତାୟୁ ତାୟୁ ଖେସ୍‌ପିଆହୁଁ ଏଲେଇଞ୍ଜାଲି ମାଟ୍‌ହେରି, “ମା ତାଣା ରୁଟି ହିଲେଏ ଇଞ୍ଜୁଁ ଏଞ୍ଜାସି ମାଙ୍ଗେ ଏଲେଇଞ୍ଜିମାଞ୍ଜାନେସି □”

୧୭ ଜୀସୁ ଏନାଆଁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ମୀ ତାଣା ରୁଟି ହିଲେଏ ଇଞ୍ଜୁଁ ଏନାଆଁତାକି ମୀରୁ ମୀରୁ ଖେସ୍‌ପି ଆହିମାଞ୍ଜେରି ? ମୀରୁ ନୀଏଁ ପାତେକା ପୁଞ୍ଜି ହିଲଅତେରି କି ତେଲ୍‌ହି ହିଲଅତେରି ?

୧୮ *କାଣ୍‌କା ମାଞ୍ଜାନା ମେସି ହିଲଅତେରି ? ଅଡ଼େ, କୀର୍କା ମାଞ୍ଜାନା ଖେଞ୍ଜି ହିଲଅତେରି ? ମୀରୁ ଇଦାଣି ଅଣ୍‌ପି ହିଲଅତେରି ?

୧୯ ଏ ପାସାମାଣା ଲକୁ ବିତ୍ରା ନାନୁ ଏଚିବେଲା ପାସାଗଟା ରୁଟି ଡିକ୍‌ହା ମାଚେଏଁ, ଏଚିବେଲା ମୀରୁ ଏଚର ତାଲି ହାରିତାଣି କୁଡ଼ି କିତେରି, ଏନି ମୀ ଅଣ୍‌ପୁତା ହିଲେଏ କି ?” ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ବାର ତାଲି □”

୨୦ “ଅଡ଼େ ଏ ସାରି ମାଣା ଲକୁ ବିତ୍ରା ନାନୁ ଏଚିବେଲା ସାଡାଗଟା ରୁଟି ଡିକ୍‌ହା ମାଚେଏଁ, ଏଚିବେଲା ମୀରୁ ଏଚର ତାଲି କୁଡ଼ି କିହାମାଚେରି ?” ଏଞ୍ଜାରି ଏଲେଇଚେରି, “ସାଡା ତାଲି □”

୨୧ ଏଚିବେଲା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ନୀଏଁ ପାତେକା ତେଲ୍‌ହାଲି ଆଡ଼ିହିଲଅତେରି ?”

ବେଡ଼ସାୟିଦାତା ର କାଣାଇଁ ମେସ୍‌ପିକିନାୟି

୨୨ ତାୟୁ ଏଞ୍ଜାରି ବେଡ଼ସାୟିଦାତା ଖାଡ଼େରି, ଅଡ଼େ, ଲକୁ ର କାଣାଇଁ ଏଞ୍ଜାଣି ତାଣା ତାଚାନା ଏଞ୍ଜାଣାଇଁ ତୀଗାଲି ତାକି ଜୀସୁକି ବାତିମାଲିତେରି □

୨୩ ଏନାଆଁତାକି ଜୀସୁ କାଣାତି କେୟୁ ଆସାନା ଏଞ୍ଜାଣାଇଁ ନାୟୁଁ ପାଙ୍ଗାତା ଅଡ଼େସି, ଇଞ୍ଜା ଏଞ୍ଜାଣି କାଣକାଣାଁ ହୁପକା ରୁବାନା ଅଡ଼େ ଏଞ୍ଜାଣିଲକ କେୟୁ ଇଟାନା ଏଞ୍ଜାଣାଇଁ ଖେଚେସି, “ନୀନୁ ଏନାଆଁ ମେସାଲି ଆଡ଼ିମାଞ୍ଜି କି ?”

୨୪ ଏଞ୍ଜାସି ସିନିକିହାନା ଏଲେଇଚେସି, “ନାନୁ ମାଣ୍‌ସିୟାଁକି ମେସିମାଇଁ, ଇଚିହୁଁ ନାନୁ ମାରକା ଲେହେଁ ଏନାଇଁ ତାକି ମାନାଣି ମେସିମାଇଁ □”

୨୫ ତାୟୁ ଜୀସୁ ଅଡ଼େ ଖେଣ୍ଡେ ଏଞ୍ଜାଣି କାଣକାଣାଁ କେୟୁ ଇଚିତେସି; ଏମ୍ବାଟିଏ ଏଞ୍ଜାସି ନେହୁଁକିଁ ମେସାଲି ଆଡ଼ିତେସି, ନେହୁଁ ଆହାନା ବାରେ ତୀରିତଲେ ସିନିକିହାଲି ମାଟ୍‌ହେସି □

୨୬ ତାୟୁ ଜୀସୁ ଏଞ୍ଜାଣାଇଁ ତାନି ଇଜ ପାଣ୍ଡାନା ଏଲେଇଚେସି, “ଏ ନାୟୁଁ ବିତ୍ରା ଜିକେଏ ଖେଣ୍ଡେ ହାଲାଆନି □”

ପିତର ଜୀସୁକି କ୍ରୀସ୍ତ ଇଞ୍ଜୁଁ ଖେକ୍‌ନାୟି
(ମାତି ୧୭:୧୩-୨୦; ଲୁକ ୯:୧୮-୨୧)

୨୭ ଏଚେଟିଏ ଜୀସୁ ଅଡ଼େ ତାନି ସୀସୁୟାଁ କାୟିସରିୟା ପିଲିପି ରାଜିତି ନାୟକାଞ୍ଜାକି ହାଚେରି, ଅଡ଼େ ଜିରୁତା ଏଞ୍ଜାସି ତାନି ସୀସୁୟାଁକି ଖେଚେସି, “ନାନୁ ଆମ୍ବାଆତେଏଁ ଇଞ୍ଜୁଁ ଲକୁ ଏଲେଇଞ୍ଜି ମାଞ୍ଜାନେରି ?”

୨୮ *ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ବାପ୍ତିସ୍ତ* ହାନି ଜହନ, ଅଡ଼େ ଆମ୍ବା ଆମ୍ବାଆରି

* ୮:୧୧ ୮:୧୧ ମାତି ୧୨:୩୮; ଲୁକ ୧୧:୧୭ * ୮:୧୨ ୮:୧୨ ମାତି ୧୨:୩୯; ଲୁକ ୧୧:୨୯ * ୮:୧୫ ୮:୧୫ ଲୁକ ୧୨:୧ * ୮:୧୮ ୮:୧୮ ମାର୍କ ୪:୧୨ * ୮:୨୮ ୮:୨୮ ମାର୍କ ୭:୧୪,୧୫; ଲୁକ ୯:୭,୮ * ୮:୨୮ ୮:୨୮ ମୁଞ୍ଜିନାୟି

ଏଲିୟ, ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍ଟପୁଡି ବଲୁ ଖେହନାରି ବିତ୍ରାଟି ରଅସି □”

୨୯ ✨ଏଞ୍ଜିଏ ଏଞ୍ଜିରାଇଁ ଖେରେସି, “ସାମା ନାନୁ ଆମ୍ବାଆତେର୍ଷି ଇଞ୍ଜି ମୀରୁ ଏଲେଇଞ୍ଜି ମାଞ୍ଜାଦେରି ?” ପିତର ଏଞ୍ଜିଣାଇଁ ଏଲେଇରେସି, “ନୀନୁ କ୍ରୀସ୍ତୁଟି □”

୩୦ ଏମ୍ବାଟିଏ ଜୀସୁ ଏଞ୍ଜିରାଇଁ ତାନି କାତାଟି ଆମ୍ବାଆରାଇଁ ଏନାଆଁ ଖେହ୍‌ଆଦୁ ଇଞ୍ଜି ଜାଣ୍ଡେ କିହ୍ ହୁକୁମି ହୀତେସି □

ଜୀସୁ ତାନି ଦୁକୁ ଇଞ୍ଜା ତଣ୍ଡ ପାଣ୍ଡିନି କାତା ଖେହ୍‌ନାୟି

(ମାତି ୧୭:୨୧-୨୮; ଲୁକ ୯:୨୨-୨୭)

୩୧ ଅଡେ, ଜୀସୁ ଏଞ୍ଜିରାଇଁ ଜାପହାଲି ମାଟ୍‌ହେସି, “ଇତିହ୍ ମାଣ୍ଡିସି ମୀରୁଏସି ହାରେକା ଦୁକୁ କସ୍ତ ବେଟାଆନାୟି ମାନେ ଇଞ୍ଜା ପ୍ରାଟିନାଙ୍ଗା, କାଜା ପୂଜେରାଙ୍ଗା, ଇଞ୍ଜା ମେରାପୁନାରି ତାଣ୍ଡାଟି ଅପାଆଗାଟାସି ଆହାନା ପାୟୁଞ୍ଜି ଆନାୟି ମାନେ, ଅଡେ ତାନିଦିନା ଜେଟ ଖେଣ୍ଡେ ନିଜିନାୟି ମାନେ □”

୩୨ ଇ କାତା ଏଞ୍ଜିଏ ତୀରପୁତଲେ ଖେସ୍ତେସି □ ଏମ୍ବାଟିଏ ପିତର ଏଞ୍ଜିଣାଇଁ ଅରଞ୍ଜାକି ଅହାନା ଦାକା ହୀହାନା ଲାଗାଲି ମାଟ୍‌ହେସି □

୩୩ ସାମା ଏଞ୍ଜିଏ ତାୟୁଞ୍ଜାକି ତିରଞ୍ଜାହ୍ ତାନି ସୀସୁୟାଣି ସିନିକିହାନା ପିତରଇଁ ଦାକା ହୀହାନା ଏଲେଇରେସି, “ସୟତାନ, ନା ନକିଟି ହେକ ହାଲାମ୍, ଇତିହ୍ ନୀନୁ ମାହାପୁରୁ କାତା ଅଣ୍ଟପାଆନା ମାଣ୍ଡିସିୟା କାତା ଅଣ୍ଟପିମାଞ୍ଜି □”

୩୪ ✨ଏମ୍ବାଟିଏ ଜୀସୁ ତାନି ସୀସୁୟାଁ ତଲେ ଲକୁଣି ହାଟାନା ଏଲେଇରେସି, “ଆମ୍ବାଆସି ନା ଜେଟ ଖାହାଲି ମନ କିନେସି, ଆତିହ୍ ଏଞ୍ଜିଏ ଜାହାରାଇଁ ପିସ୍‌ପେସି, ଇଞ୍ଜା ଏଞ୍ଜିଏ ତାନି କୁସ ଡେକାନା ନା ଜେଟ ଖାପେସି □

୩୫ ✨ଇତିହ୍ ଆମ୍ବାଆସି ତାନି ଜୀସୁ ଗେଲପାଲି ମନ କିନେସି, ଏଞ୍ଜିଏ ଏଦାଆଁ ହାଞ୍ଜି କିନେସି; ସାମା ଆମ୍ବାଆସି ନା ତାକି ଇଞ୍ଜା ନେହ୍ କାରୁତାକି ତାନି ଜୀସୁ ହୀନେସି, ଏଞ୍ଜିଏ ଏଦାଆଁ ନୀଟ୍‌ନେସି □

୩୬ ଅଡେ, ମାଣ୍ଡି ଇ ଦାରୁତିତା ମାନାଣି ବାରେ ମେଡି କିହାନା ତାନି ଜୀସୁଟି ହାଞ୍ଜି କିନେସି, ଆତିହ୍ ଏଞ୍ଜିଣାକି ଏନି ଲାବା ?

୩୭ ଅଡେ, ମାଣ୍ଡି ତାନି ଜୀସୁଟି ବାଦୁଲି ଏନାଆଁ ହୀହାଲି ଆଡିନେସି ?

୩୮ ଏଦାଆଁତାକି ଆମ୍ବାଆସି ଇ କାଲାତି ଦାରି କିନାରି ଅଡେ ପାପୁଗାଟି ଲକୁ ବିତ୍ରା ନାଙ୍ଗେ ଅଡେ ନା ବଲୁ ତାକି ଲାଜା ଆନେସି, ମାଣ୍ଡି ମୀରୁଏସି

ଏତିବେଲା ସୁଦୁ ଦୃତୁୟାଁ ତଲେ ତାନି ଆବାତି ଗାଞ୍ଜୁରମି ତଲେ ଖାନେସି, ଏତିବେଲା ଏଞ୍ଜିଏ ଜିକେଏ ଏଞ୍ଜିଣା କାତାତାକି ଲାଜା ଆନେସି □”

୯

୧ ଅଡେ ଜୀସୁ ତାନି ସୀସୁଣି ଏଲେଇରେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇମ୍ବାଆଁ ଏତରଜାଣା ମାନେରି ମାହାପୁରୁଟି ରାଜି ବାଡୁୟୁ ତଲେ ଖାନାଣି ମେହ୍‌ଆ ପାତେକା ହାଅରି □”

ଜୀସୁ ଅର ଖାଣା ଆନାୟି (ମାତି ୧୭:୧-୧୩; ଲୁକ ୯:୨୮-୩୬)

୨ ✨ସ ଦିନା ତାୟୁ ଜୀସୁ ଖାରୁଇ ପିତର, ଜାକୁବ ଅଡେ ଜହନଇଁ ତାନିତଲେ ଏଟ୍‌କା କିହାନା ଏଞ୍ଜିରାଇଁ ର ପାତାଆଡି ହରୁତା ଅଡେସି □ □

୩ ଅଡେ ଏଞ୍ଜିଏ ଏଞ୍ଜିରି ନକିତା ଅର ଖାଣା ଆଡେସି, ଏଞ୍ଜିଣା ହିମ୍ବୁରି ଇଲେକ୍ ଉଜେଡି ଆହାନା ହାରେକା ଦବ୍‌ଲା ଆଡେ, ଇ ଦାରୁତିତା ଆମ୍ବାଆସି ଏଲେତି ଦବ୍‌ଲା କିହାଲି ଆଡଅସି □

୪ ମସା ଅଡେ ଏଲିୟ ଜୀସୁତଲେ ହାଡାକାତା ଆହିମାଟାଣି ତାନି ଜାଣା ସୀସୁୟାଁ ମେସ୍ତେରି □

୫ ଏମ୍ବାଟିଏ ପିତର ଜୀସୁଇଁ ଏଲେଇରେସି, “ଏ ଗୁରୁ ମାର ଇ ଟାୟୁତା ମାନାୟି ହାରେକା ନେହାୟି; ମାର ତାନିଗଟା ଗୁଡାୟାଁ କେପିନ, ନିଙ୍ଗେତାକି ରଣ୍ଡାଆଁ, ମସାକି ରଣ୍ଡାଆଁ ଅଡେ ଏଲିୟକି ରଣ୍ଡାଆଁ □”

୬ ପିତର ଏନାଆଁ ଜଲାଲି ଆନେ ଇଞ୍ଜି ପୁଞ୍ଜା ହିଲାଆତେସି, ଏନାଆଁତାକି ଇତିହ୍ ଏଞ୍ଜିରି ହାରେକା ଆଜାମାରେରି □

୭ ✨ଇଞ୍ଜା, ଇଚାୟି ଦୁହା ଖାହାନା ଏଞ୍ଜିରାଇଁ ପୁକ୍‌ହେ, ଅଡେ ଏ ଦୁହାଟି ଇ ହାଡା ଖାଡେ, “ଇଞ୍ଜାସି ନା ଜୀସୁଟି ମୀରୁଏସି, ଇଞ୍ଜାଣି ବଲୁ ଖେଞ୍ଜୁ □”

୮ ଦେବୁଣିଏ ଏଞ୍ଜିରି ସାରିଞ୍ଜାକି ସିନିକିତେରି, ତାନିତଲେ ଜୀସୁଇଁ ପିସ୍‌ପେ ଆମ୍ବାଆରାଇଁ ମେହ୍‌ଆତେରି □

୯ ଏଞ୍ଜିରି ହରୁଟି ରେଟା ଖାହି ମାଟାଟି ଜୀସୁ ଏଞ୍ଜିରାଇଁ ଜାଣ୍ଡେ ହୁକୁମି ହୀହାନା ଏଲେଇରେସି, “ମୀରୁ ଏନାଆଁ ମେସାମାଞ୍ଜେରି, ଏ ବାରେ ହାଡାରି ବିତ୍ରାଟି ମାଣ୍ଡିସି ମୀରୁଏସି ଖେଣ୍ଡେ ନିଙ୍ଗାଆ ପାତେକା ଆମ୍ବାଆରାଇଁ ଖେହ୍‌ଆଦୁ □”

୧୦ ଏମ୍ବାଟିଏ ଏଞ୍ଜିରି ଏ କାତା ଆସାନା “ହାଡାରି ବିତ୍ରାଟି ଖେଣ୍ଡେ ନିଜିନାୟି ଏନାୟି ?” ଏ କାତାଟି ତାନି ବିତ୍ରା ଖେସ୍‌ପି ଆଡେରି □

✨ ୮:୨୯ ୮:୨୯ ଇହ ୭:୨୮,୨୯ ✨ ୮:୩୪ ୮:୩୪ ମାତି ୧୦:୩୮; ଲୁକ ୧୪:୨୭ ✨ ୮:୩୫ ୮:୩୫ ମାତି ୧୦:୩୯; ଲୁକ ୧୭:୩୩; ଇହ ୧୨:୨୫ ✨ ୯:୨ ୯:୨ ୨ପିତ ୧:୧୭,୧୮ ✨ ୯:୭ ୯:୭ ମାତି ୩:୧୭; ମାର୍କ ୧:୧୧; ଲୁକ ୩:୨୨ ✨ ୯:୧୧ ୯:୧୧ ମାତି ୧୧:୧୪

୧୧ ✠ ଅଡ଼େ ଏଞ୍ଜାରି ଜୀସୁଇଁ ଖେଚେରି, “ନକେଏ ଏଲିୟ ଖାନାୟି ଆନେ, ମେରାପୁନାରି ଏନିକିଁ ଇ କାତା ଖେହ୍ନେରି ?”

୧୨ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏଲିୟ ନକେଏ ଖାହାନା ବାରେ ମେରା ଅଡ଼େ ଖେଣ୍ଡେ ଇଟିନାୟି ସାତା, ସାମା ମାଣ୍ଡି ମୀରଏସି ହାରେକା ଦୁକୁ ବେଟାଆହାନା ଅପାଆଗାଟାସି ଆନେସି, ଇଦି ଏନିକିଁ ଏଞ୍ଜାଣି କାତା ରାସ୍କି ଆହାମାନେ ?

୧୩ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଏଲିୟ ଖାଡ଼େସିଏ, ଅଡ଼େ ଏଞ୍ଜାଣି କାତା ଏନିକିଁ ରାସ୍କି ଆହାମାନେ, ଏଲେକିହିଁ ଏଞ୍ଜାରି ଏଞ୍ଜାଣାଇଁ ଜିକେଏ ଏନାଆଁ ମନ ଏଦାଆଁ କିହାମାନେରି □”

ବୃତ୍ତ ଆଲଗାମାଟି କକାଣାଇଁ ନେହିଁ କିନାୟି (ମାତି ୧୭:୧୪-୨୧; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ସୀସୁୟାଁ ତାଣା ଖାହାନା ମେସ୍ତେରି, ଏଞ୍ଜାରି ସାରିଖାକି ହାରେକା ମାନ୍ଦା ଲକୁ ଅଡ଼େ ମେରାପୁନାରି ଏଞ୍ଜାରିତଲେ ବାଦିବାଦା ଆହିମାନେରି □

୧୫ ଲକୁ ବାରେ ଏଞ୍ଜାଣାଇଁ ମେସ୍ପନିଏ ହାରେକା କାବାଆହାନା ଅଡ଼େ ଦାବ୍ଡି ଖାହାନା ଜହରା କିତେରି □

୧୬ ଏମ୍ବାଟିଏ ଜୀସୁ ଏଞ୍ଜାରାଇଁ ଖେଚେସି, “ମୀରୁ ଏଞ୍ଜାରିତଲେ ଏନାଆଁତାକି ବାଦିବାଦା ଆହିମାଞ୍ଜେରି ?”

୧୭ ଲକୁ ବିତ୍ରାଟି ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ, ନାନୁ ନା ମୀରଏଶାଇଁ ନୀ ତାଣା ତାଚାମାଚେସି; ଏଞ୍ଜାଣାଇଁ ର ଗୁଲ୍ଲା ବୃତ୍ତ ଆଲଗାମାନେ □

୧୮ ଏମିନି ଟାୟୁତା ଏଦି ଏଞ୍ଜାଣାଇଁ ଆହ୍ନେ, ଏଞ୍ଜାଣାଇଁ ତୁଇ ତୁକ୍ନେ, ଇଞ୍ଜାଁ ଏଞ୍ଜାଣି ଗୁଡିଟି ପମ୍ବୁଲି ହନେ, ଅଡ଼େ ଏଦି ପାଲକା ଟୀଟି କିନେ, ଇଞ୍ଜାଁ ଏଞ୍ଜାସି ଖାୟାହାଜି ମାନେସି; ଏଞ୍ଜାଣାଇଁ ପିସପି କିହାଲି ନାନୁ ନୀ ସୀସୁୟାଁଇଁ ଏଲେଇଚେସି, ସାମା ଏଞ୍ଜାରି ଆଡାଆଡେରି □”

୧୯ ଜୀସୁ ଏଞ୍ଜାରାଇଁ ଏଲେଇଚେସି, “ଆଡେ ନାମାଆଗାଟି କୁଡାତାଡେରି, ଏଚରଦିନା ନାନୁ ମୀ ତଲେ ତୁୟିଇଁ ? ଏଚରଦିନା ମୀ ଲେମ୍ବାନାଣି ଅରହିଇଁ ? କକାଣାଇଁ ନା ତାଣା ତାଦୁ □”

୨୦ ଏମ୍ବାଟିଏ ଏଞ୍ଜାଣାଇଁ ଜୀସୁ ତାଣା ତାଡେରି □ ଅଡ଼େ, ଜୀସୁଇଁ ମେସ୍ପନିଏ ଏ ବୃତ୍ତ ଏଞ୍ଜାଣାଇଁ ହାରେକା ତିରୁଞ୍ଜି କିତେ ଇଞ୍ଜାଁ ବୁମିତା ତରଗାନା ଗୁଡିଟି ପମ୍ବୁଲି ହପ୍ପହାନା ଉସାଲି ମାଟ୍ଟହେସି □

୨୧ ଏଚିବେଲା ଜୀସୁ ତାନି ଆବାଇଁ ଖେଚେସି, “ଏଚରଦିନା ଆଡେ ଇଞ୍ଜାଣାଇଁ ଇଲେ କିହିମାନେ ?” ଏଞ୍ଜାସି ଏଲେଇଚେସି, “ଊଣା ଖେଡାଟିଏ

୨୨ ଏଦି ଏଞ୍ଜାଣାଇଁ ହାଞ୍ଜି କିହାଲି ଏଚେ ଏଚେତା ହିରୁତା ଅଡ଼େ ଏୟୁଣାଁ ମେଡହାମାନେ; ସାମା ନାନୁ ଏନାଆଁ କିହାଲି ଆଡିତ୍, ମାଙ୍ଗେ କାର୍ମା ଆହାନା ମା ସାୟେମି ଆୟାମୁ □”

୨୩ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଏନାଆଁ ଇଚି ? କିହାଲି ଆଡିତ୍, ଆମ୍ବାଆସି ନାମିନେସି ଏଞ୍ଜାଣାକି ବାରେଏ ଆନେ □”

୨୪ ଏ ଦେବୁଣିଏ କକାଣି ତାନି ଆବା କାଜା ଗିୟାତଲେ ଏଲେଇଚେସି, “ନାନୁ ନାମିମାଇଁ ନା ନାମାଆଗାଟାଣି ଗୁଡି କିହାଲି ସାୟେମି କିୟାମୁ □”

୨୫ ତାୟୁ ମାନ୍ଦା ଲକୁ ରହେଁଏ ହଚିହିଁ ଖାହି ମାତାଣି ମେସାନା, ଜୀସୁ ଏ ପଲ୍ଲଆ ବୃତ୍ତୁଡି ଦାକା ହୀହାନା ଏଲେଇଚେସି, “ଆଡେ ଗୁଲ୍ଲା ଅଡ଼େ ବେରା ବୃତ୍ତୁଡି, ନାନୁ ନିଙ୍ଗେ ହୁକୁମି ହୀହିମାଞ୍ଜାଇଁ, ଇଞ୍ଜାଣି ତାଣାଟି ହଚାହାଲ୍ଲାମୁ, ଇଞ୍ଜାଁ ଏଚେଲା ଜିକେଏ ଇଞ୍ଜାଣି ତାଣା ହଡ଼ଆନି □”

୨୬ ଏମ୍ବାଟିଏ ଏଦି ହାରେକା କିରୁଡିହିଁ କକାଣାଇଁ ତିରୁଞ୍ଜି କିହାନା ବୁମିତା ତୁକ୍ନହାନା ହଚାହାଚେ, ଅଡ଼େ କକାସି ହାଡିଲେହେଁ ଆଡେସି, ଇଲେକିହିଁ ହାରେକା ଲକୁ ଏଲେଇଞ୍ଜିମାଚେରି, “କକାସି ହାଡେସି □”

୨୭ ସାମା ଜୀସୁ ଏଞ୍ଜାଣି କେୟୁ ଆସାନା ନିକ୍ହେସି, ଇଞ୍ଜାଁ ଏଞ୍ଜାସି ନିତେସି □

୨୮ ଇଞ୍ଜାଁ ଜୀସୁ ଇଜ ଖାହାଲିଏ ତାନି ସୀସୁୟାଁ ମେଣେଏ ଖେଚେରି, “ମାମ୍ବୁ ଏନାଆଁତାକି ଏଞ୍ଜାଣାଇଁ ପିସପି କିହାଲି ଆଡାଆଡମି ?”

୨୯ ଜୀସୁ ଏଞ୍ଜାରାଇଁ ଏଲେଇଚେସି, “ପ୍ରାତାନା* କିଆନା ଅଡ଼େ ଏନିକିଁ ଜିକେଏ ଇଲେତି ବୃତ୍ତ ପେରହାଲି ଆଡାଆୟି □”

ତାନି ହାକିତି କାରୁ ଅଡ଼େ ଖେଣ୍ଡେ ଖେହ୍ନାୟି (ମାତି ୧୭:୨୨-୨୩; ଲୁକ ୯:୪୩-୪୫)

୩୦ ଏଞ୍ଜାରି ଏ ଟାୟୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜାଁ ଆମ୍ବାଆସି ପୁନାଆପେସି ଇଞ୍ଜାଁ ଏଞ୍ଜାଣି ମନ ହିଲାଆଡେ;

୩୧ ଇଚିହିଁ ଜୀସୁ ତାନି ସୀସୁୟାଁଣି ଇ କାତା ଖେସିହିଁ ଜାପ୍ପୁହି ମାଚେସି, “ମାଣ୍ଡି ମୀରଏସି ମାଣ୍ଡିୟାଁ କେୟୁତା ହେରପିଆନେସି, ଅଡ଼େ ଏଞ୍ଜାରି ଏଞ୍ଜାଣାଇଁ ପାୟିନେରି, ଇଞ୍ଜାଁ ଏଞ୍ଜାସି ହାଡି ତାୟୁ ତାନିଦିନା ଜେଟ ଖେଣ୍ଡେ ନିଙ୍ଗିନେସି □”

୩୨ ସାମା ଏଞ୍ଜାରି ଏ କାତାଟି ତେଲହାଆଡେରି, ସାମା ଏଞ୍ଜାଣାଇଁ ଖେଞ୍ଜାଲି ଆଜିମାଚେରି □

ଆମ୍ବାଆସି କାଜାସି (ମାତି ୧୮:୧-୫; ଲୁକ ୯:୪୬-୪୮)

* ୯:୨୯ ୯:୨୯ ଏଚେକା ସାସ୍ତ୍ରବିତା ପ୍ରାତାନା ଇଞ୍ଜାଁ ଉପାସା ରାସ୍କି ଆହାମାନେ □

୩୩ ତାହୁଁ ଏଞ୍ଜାରି କପରନାହୁମତା ଖାତେରି □ ଜୀସୁ ଇଜି ଏଜାନା ସୀସୁୟାଣି ଖେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି ?”

୩୪ ☆ସାମା ଏଞ୍ଜାରି ହାଡ଼ା ଆଆନା ପାଲେଏ ଡୟିତେରି, ଇଚିହିଁ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି □

୩୫ ☆ଏମ୍ବାଟିଏ ଜୀସୁ କୁଗାନା ବାର ଜାଣାଇଁ ହାଟିତେସି ଇଞ୍ଜା ଏଞ୍ଜାରାଇଁ ଏଲେଇଚେସି, “ଇଚିହିଁ ଆମ୍ବାଆସି କାଜାସି ଆହାଲି ମନ କିନେସି, ଆତିହିଁ ଏଞ୍ଜାସି ବାରେତି କିହାଁ ଉଣା ଅଡ଼େ ବାରେତି ସେବା କିନାସି ଆପେସି □”

୩୬ ଅଡ଼େ ଏଞ୍ଜାସି ର ଉଣା କକାଣାଇଁ ଅହାନା ଏଞ୍ଜାରି ମାଦି ନିପୁହେସି ଇଞ୍ଜା ଏଞ୍ଜାଣାଇଁ ପମାନା ଏଞ୍ଜାରାଇଁ ଏଲେଇଚେସି,

୩୭ ☆“ଆମ୍ବାଆସି ନା ଦରୁ ତାକି ଇଲେତି ଉଣା କକାରି ବିତ୍ରାଟି ରଅଣାଇଁ ଆବିନେସି, ଏଞ୍ଜାସି ନାଜେ ଆବାନେସି; ଅଡ଼େ ଆମ୍ବାଆସି ନାଜେ ଆବାନେସି, ଏଞ୍ଜାସି ଖାରୁଇ ନାଜେ ଆବଅସି, ସାମା ନାଜେ ପାଣ୍ଡାତାଣାଇଁ ଜିକେଏ ଆବିନେସି □”

ମା କପାଟି ନିଜାଆ ଗାଟାସି ମା ତଲେତାସି (ଲୁକ ୯:୪୯-୫୦)

୩୮ ଜହନ ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମା ଗତିତା ହିଲିଆଗାଟାସି ରଅସି ନୀ ଦରୁତଲେ ବୁଡୁଣି ପେର୍ହି ମାଟାଣି ମେସୁମି, ଇଞ୍ଜା ଏଞ୍ଜାସି ମା ଗତିତା ହିଲିଆତାକି ଏଞ୍ଜାଣାଇଁ କାହିକିତମି □”

୩୯ ସାମା ଜୀସୁ ଏଲେଇଚେସି, “ଏଞ୍ଜାଣାଇଁ କାହିକିଆଦୁ; ଇଚିହିଁ ନା ଦରୁତଲେ କାବାଆନି କାମା କିହାନା ଖେଣ୍ଡେ ନାଜେ ନିନ୍ଦା କିୟାନେସି, ଇଲେତି ଲକୁ ଆମ୍ବାଆସି ହିଲଅସି;

୪୦ ☆ଇଚିହିଁ ଆମ୍ବାଆସି ମା କପାଟି ନିଜାଆ ଗାଟାସି ଏଞ୍ଜାସି ମା ତଲେତାସି □

୪୧ ☆ନାନୁ ମିଜେ ସାତା ଖେସିମାଞ୍ଜାଇଁ, ମୀରୁ କ୍ରୀସ୍ତତି ଲକୁ ଇଞ୍ଜା ଆମ୍ବାଆସି ଜିକେଏ ମିଜେ ଜାଟେକା ଏୟୁ ଗସାଲି ହିୟାନେସି, ଏଞ୍ଜାସି ଏନିଜିକେଏ ତାନି ଦାନାତି ଜାକ୍ଅସି □”

ନାମୁତା ପାପୁ କିଞ୍ଜି କିନାଣି ତଣ୍ଡ (ମାତି ୧୮:୬-୯; ଲୁକ ୧୭:୧-୨)

୪୨ ଅଡ଼େ ଆମ୍ବାଆସି ନାମାମାନି ଇ ଉଣାୟାଁ ବିତ୍ରାଟି ରଅଣାଇଁ ପାପୁ କିଞ୍ଜି କିନେସି, ଏଞ୍ଜାଣି ହେର୍କିତା କାଜା ଜେତାଖାଲି ଦସାନା ଏଞ୍ଜାଣାଇଁ ସାମ୍ବୁରିତା ମେଡ଼ହିହିଁ ନେହେଁ ଆଡେମା □

୪୩ ☆ମୀ କେୟୁ ମିଜେ ପାପୁ କିଞ୍ଜିକିୟାନେ, ଇଚିହିଁ ଏଦାଆଁ ଜାଟାନା କୁତାଦୁ; ରୀ କେସ୍ତା

ମାଞ୍ଜାନା ନର୍କ ଇଚିହିଁ ତୁମ୍ବାଆଗାଟି ହିରୁ ଗାଡ଼ୟୁତା ମେଡ଼ପି ଆନି ବାଟା କଲ୍ଲା ଆହାନା ଜୀଞ୍ଜୁତା ହଡ଼ନାୟି ମିଜେ ତାକି ନେହେଁ □

୪୪ ଇଚିହିଁ ନର୍କତା ଏମ୍ବାଟି ପିଡ଼କା ଏଚେଲ୍ଲା ହାଡ଼, ଅଡ଼େ ହିରୁ ଏଚେଲ୍ଲା ତୁମ୍ବେଏ □†

୪୫ ଅଡ଼େ ମୀ କତା ମିଜେ ପାପୁ କିଞ୍ଜିକିୟାନେ, ଏଦାଣି ରାଡ଼ହା କୁତାଦୁ, ରୀ କତାୟାଁ ନେହେଁ ମାଞ୍ଜାନା ନର୍କତା ମେଡ଼ପି ଆନି ବାଟା ସଗା ଆହାନା ଜୀଞ୍ଜୁତା ହଡ଼ନାୟି ମିଜେ ତାକି ନେହେଁ □

୪୬ ଇଚିହିଁ ନର୍କତା ଏମ୍ବାଟି ପିଡ଼କା ଏଚେଲ୍ଲା ହାଡ଼, ଅଡ଼େ ହିରୁ ଏଚେଲ୍ଲା ତୁମ୍ବେଏ □‡

୪୭ ☆ଇଞ୍ଜା ମୀ କାନୁ ମିଜେ ପାପୁ କିଞ୍ଜିକିୟାନେ ଇଚିହିଁ ଏଦାନି ଡେଖା କୁତାଦୁ, ରୀ କାଣ୍‌କା ନେହେଁ ମାଞ୍ଜାନା ନର୍କତା ମେଡ଼ପି ଆନି କିହାଁ ର କାନୁ ତଲେ ମାହାପୁରୁ ରାଜିତା ହଡ଼ନାୟି ମିଜେ ତାକି ନେହେଁ □

୪୮ ଇଚିହିଁ ନର୍କତା ଏମ୍ବାଟି ପିଡ଼କା ଏଚେଲ୍ଲା ହାଡ଼, ଅଡ଼େ ହିରୁ ଏଚେଲ୍ଲା ତୁମ୍ବେଏ □

୪୯ “ହାରୁ ତଲେ ଏନିକିଁ ପୂଜା ହାନାୟି ସୁଦୁ ଆନେ, ଏଲେକିହିଁଏ ହିରୁତଲେ ବାରେ ସୁଦୁ କିଞ୍ଜିଆନେ □”

୫୦ ☆“ହାରୁ ନେହାୟି, ସାମା ହାରୁ ମୁଆସାରେ ଆତିହିଁ ଏନିକିଁ ମୁପି କିନାୟି ଆନେ ? ମୀରୁ ମୀ ତାଣା ହାରୁ ଲେହେଁ ଆଦୁ, ଅଡ଼େ ରଅତେରି ରଅଣାକି ହିଡ଼ତି ଜୀଞ୍ଜୁତଲେ ନେହିଁ ଆହିଁ ଡୟାଦୁ □”

୧୦

ତକ୍ତି ତକ୍ତା ପିସ୍‌ପିଆନି କାତା ଜୀସୁ ଜାପ୍‌ନାୟି (ମାତି ୧୯:୧-୧୨; ଲୁକ ୧୭:୧୮)

୧ ଏ ଗାୟୁଟି ଜୀସୁ ହାଜାନା ଜୀହୁଦା ରାଜିତି ହାୟି ଅଡ଼େ ଜର୍ଦନ କାତା ଆତାଲାଖାକି ଖାଡ଼େସି; ଇଞ୍ଜା ଲକୁ ଅଡ଼େ ଖେଣ୍ଡେ ଏଞ୍ଜାଣି ତାଣା ରୁଣ୍ଡା ଆହାଲିଏ, ଏଞ୍ଜାସି ତାନି ମେରା ଲେହେଁ ଏଞ୍ଜାରାଇଁ ଅଡ଼େ ଜାପ୍‌ହାଲି ମାଟ୍‌ହେସି □

୨ ଏମ୍ବାଟିଏ ପାରୁସିୟାଁ ଏଞ୍ଜାଣି ତାଣା ଖାହାନା ଏଞ୍ଜାଣାଇଁ ତାୟିପାରିକିହିଁ ଖେଚେରି, “ଜାହାରା ତକ୍ତିନି ପିସାଲି ଆବାୟାକି ମେରା କି ?”

୩ ଜୀସୁ ଏଞ୍ଜାରାଇଁ ଏଲେଇଚେସି, “ମସା ମିଜେ ଏନି ହୁକୁମି ହାହାମାଞ୍ଜାନେସି ?”

୪ ☆ଏଞ୍ଜାରି ଏଲେଇଚେରି, “ପିହ୍‌ନି ଆକୁ ରାଟାନା ତକ୍ତିନି ପିସାଲି ମସା ହେଲ ହାହାମାଞ୍ଜାନେସି □”

☆ ୯:୩୪ ୯:୩୪ ଲୁକ ୨୨:୨୪ ☆ ୯:୩୫ ୯:୩୫ ମାତି ୨୦:୨୬,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୬ ☆ ୯:୩୬ ୯:୩୬ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦ ☆ ୯:୪୦ ୯:୪୦ ମାତି ୧୨:୩୦; ଲୁକ ୧୧:୨୩ ☆ ୯:୪୧ ୯:୪୧ ମାତି ୧୦:୪୨ ☆ ୯:୪୩ ୯:୪୩ ମାତି ୫:୩୦ † ୯:୪୪ ୯:୪୪ କଚେକା ସାସ୍ତ୍ରିତା ଇ କାତା ରାସ୍‌କି ଆହାହିଲେଏ □ ‡ ୯:୪୬ ୯:୪୬ କଚେକା ସାସ୍ତ୍ରିତା ଇ କାତା ରାସ୍‌କି ଆହାହିଲେଏ □ ☆ ୯:୪୭ ୯:୪୭ ମାତି ୫:୨୯ ☆ ୯:୫୦ ୯:୫୦ ମାତି ୫:୧୩; ଲୁକ ୧୪:୩୪,୩୫ ☆ ୧୦:୪ ୧୦:୪ ମାତି ୫:୩୧

୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ମୀ ଆଟ୍‌ଝା ହିୟାଁତି ମେସାନା ଏଝାସି ମିଙ୍ଗେତାକି ଇ ହୁକୁମି ରାଟାମାନେସି □

୬ ସାମା ମାଣସି ଗାଡ଼ି ଆଡ଼ି ବେଲାଟିଏ ଏଝାସି ଏଝାରାଇଁ ଆୟା ଅଡ଼େ ଆବା କିହିଁ ମାହାପୁରୁ ଗାଡ଼ିକତେସି □

୭ ଏଦାଆଁତାକି ଆବା ତାଲି ତାଞ୍ଜିଇଁ ପିହ୍‌ନେସି, ଇଞ୍ଜା ତାନି ତକ୍ତି ତଲେ ଆଣ୍ଡିନେସି,

୮ ଇଞ୍ଜା ଏଝାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି □

୯ ଇଞ୍ଜା ମାହାପୁରୁ ଏଦାଆଁ ଆଣ୍ଡି କିହାମାନେସି, ମାଣସି ଏଦାଆଁ ଏଟକା କିଆପେସି □”

୧୦ ତାୟୁ ସାୟୁୟାଁ ଇଜ ଇ କାତାତି ଜୀସୁଇଁ ଅଡ଼େ ଝେଣ୍ଡେ ଝେଚେରି □

୧୧ *ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଆମ୍ବାଆସି ତାନି ତକ୍ତିନି ପିସାନା ଏଟକାତାଣି ବାହା ଆନେସି, ଏଝାସି ତଲିତି ତକ୍ତିନି କପାଟି ଦାରିକାମା କିନେସି □

୧୨ ଅଡ଼େ ତକ୍ତି ତାନି ତକ୍ତାଇଁ ପିସାନା ଏଟକାତାଣାଇଁ ବାହା ଆନେ, ଆତିହିଁ ଏଡ଼ି ଦାରିକାମା କିନେ □”

କକାରି ପଦାଁଣି ଜୀସୁ ବର ହାନାୟି
(ମାତି ୧୯:୧୩-୧୫; ଲୁକ ୧୮:୧୫-୧୭)

୧୩ ଏଝାସି ଏନିକିଁ କକାରି ପଦାଁଣି ତାଗିନେସି, ଏଦାଆଁତାକି ଲକୁ ଏଝାରାଇଁ ଜୀସୁ ତାଣା ତାଚାଲି ମାଟ୍‌ହେରି; ସାମା ସାୟୁୟାଁ ଏଝାରାଇଁ ଦାକା ହାତେରି □

୧୪ ଜୀସୁ ଏଦାଆଁ ମେସାଁ କାରବି ଆହାନା ଏଝାରାଇଁ ଏଲେଇଚେସି, “କକାରି ପଦାଁଣି ନା ତାଣା ଝାହାଲି ହାଦୁ, ଏଝାରାଇଁ ଆଂଗାଆଦୁ; ଇତିହିଁ ମାହାପୁରୁତି ରାଜି ଇଲେତି ଲକୁତାୟି □

୧୫ *ନାନୁ ମିଙ୍ଗ ସାତା ଝେସିମାଞ୍ଜାଇଁ, ଆମ୍ବାଆସି କକାରି ପଦାୟାଁ ଲେହେଁ ମାହାପୁରୁତି ରାଜି ଆବଅସି, ଏଝାସି ଏନିଜିକେଏ ଏମ୍ବାଆଁ ହଡାଲି ଆଡ଼ଅସି □”

୧୬ ଇଞ୍ଜା ଏଝାସି ଏଝାରାଇଁ କତାଣା ଜକ୍ମାନା ଏଝାରି ଲାକ କେୟୁ ଇଟାନା ବର ହାତେସି □

ର ଦନ ଗାଟି ଦାଂଗ୍‌ଣେଏସି
(ମାତି ୧୯:୧୭-୩୦; ଲୁକ ୧୮:୧୮-୩୦)

୧୭ ଜୀସୁ ଅଡ଼େ ଝେଣ୍ଡେ ହାଜିମାଚାଟି ରଅସି ଦାବ୍‌ଡ଼ି ଝାହାନା ଏଝାଣି ନକିତା ମେଣ୍ଡାକୁତାନା ଏଝାଣାଇଁ ଝେଚେସି, “ଏ ନେହିଁ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏଦାଆଁ କିଇଁ ?”

୧୮ ଏମ୍ବାଟିଏ ଜୀସୁ ଏଝାଣାଇଁ ଏଲେଇଚେସି, “ନାଙ୍ଗେ ନେହାଁତି ଇଞ୍ଜିଁ ଏଦାଆଁତାକି ଏଲେଇଞ୍ଜିଁ

ମାଞ୍ଜାଦି ? ରଅଣି ପିସପେ ଇତିହିଁ ମାହାପୁରୁ ପିସପେ ଅଡ଼େ ଆମ୍ବାଆସି ନେହାଁସି ହିଲଅସି □

୧୯ ନାନୁ ସାଢ଼େସୁରିତି ବାରେ ହୁକୁମିକା ପୁଞ୍ଜାମାଞ୍ଜି, ଲକୁଣି ପାୟାଆଦୁ, ଦାରିକାମା କିଆଦୁ, ସରୁ କିଆଦୁ, ମିତି ସାକି ଜଲାଆଦୁ, ଲକୁଣି ନାଡ଼ି କିଆଦୁ, ଇଞ୍ଜା ତାଲି ତାଞ୍ଜିଇଁ ଜୀସୁନଦୁ □”

୨୦ ଏଝାସି ଏଝାଣାଇଁ ଏଲେଇଚେସି, “ଏ ଗୁରୁ ଇ ବାରେ ନାନୁ ଉଣା ଝେଡାଟିଏ ମାନଡ଼ି ଆହିମାଇଁ □”

୨୧ ଜୀସୁ ଏଝାଣାଇଁ ତୀରେ ସିନିକିହାଁ ଜୀସୁ ନଡ଼େସି ଇଞ୍ଜା ଏଲେଇଚେସି, “ନାନୁ ର କାମାତା ଉଣା ମାଞ୍ଜି, ନାନୁ ହାଜାନା ନୀ ଦନ ବାରେ ପାର୍‌ଚାନାହାଁ ହିଲଆ ଗାଟାରାକି ଦାନା ହୀମୁ, ଅଡ଼େ ନା ଜେଚ ଝାମୁ, ଇଞ୍ଜା ନାନୁ ଲାକପୁରୁ ଦନ ବେଟାଆହିଁ □”

୨୨ ସାମା ଇ କାତାତା ଏଝାଣି ମୁମ୍ବୁ ହାପଲି ଆହାହାଚେ, ଇଞ୍ଜା ଏଝାସି ଦୁକୁ ଆହାନା ହାଚେସି, ଇତିହିଁ ଏଝାଣାକି ହାଚେକା ଦନ ମାଚେ □

୨୩ ଏମ୍ବାଟିଏ ଜୀସୁ ସାରିଝାକି ସିନିକିହାନା ତାନି ସାୟୁୟାଁଣି ଏଲେଇଚେସି, “ଦନ ଗାଟାରି ହାଚେକା କସ୍ତଲେ ମାହାପୁରୁ ରାଜିତା ହଡ଼ନେରି □”

୨୪ ଏଝାଣି କାତା ଝେଞ୍ଜାନା ସାୟୁୟାଁ କାବା ଆଡ଼େରି, ସାମା ଜୀସୁ ଅଡ଼େ ଝେଣ୍ଡେ ଏଝାରାଇଁ ଏଲେଇଚେସି, “ଆଡ଼େ କକାଚେରି ମାହାପୁରୁ ରାଜିତା ହଡ଼ନାୟି ହାଚେକା କସ୍ତ □

୨୫ ମାହାପୁରୁତି ରାଜିତା ଦନ ଗାଟାରି ହଡ଼ନି କିହାଁ ସୁଜା କାଣିଟି ଉଚୁ ହଡ଼ନାୟି ଉସାସା □”

୨୬ ଏମ୍ବାଟିଏ ଏଝାରି ହାଚେକା କାବାଆହାନା ତାମ୍ବୁ ତାମ୍ବୁ କାତା ଆଡ଼େରି, “ଆତିହିଁ ଆମ୍ବାଆସି ଗେଲ୍‌ପି ଆହାଲି ଆଡ଼ିନେସି ?”

୨୭ ଜୀସୁ ଏଝାରାଇଁ ତୀରିତଲେ ସିନିକିହାନା ଏଲେଇଚେସି, “ଇଦି ମାଣସିକି ଆଡ଼ାଆଗାଟାୟି, ସାମା ମାହାପୁରୁକି ଆଏ; ଇତିହିଁ ମାହାପୁରୁ ବାରେ କିହାଲି ଆଡ଼ିନେସି □”

୨୮ ପିତର ଏଝାଣାଇଁ ଏଲେଇଚେସି, “ମେହ୍‌ମୁ ମାମ୍ବୁ ବାରେ ପିସାନା ନୀ ଜେଚ ଝାହାମାନମି □”

୨୯ ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମିନି ଲକୁ ନା ନେହିଁ କାବୁତାକି ଇଲୁ କି ତାୟିକି ତାଙ୍ଗି କି ତାଲି, ତାଞ୍ଜି, କକାରି ପଦାଁଣି କି ବୁମି ବାଡ଼ା ପିସାମାନେରି,

୩୦ ଅଡ଼େ ଇ କାଲାତା କସ୍ତ ବେଟାଆହିଁ, ଝାଞ୍ଜା ଗୁଣ୍ଡୁତି ଇଲ୍‌କା, ତାୟି, ତାଙ୍ଗି, ତାଲି ତାଞ୍ଜି, କକାରି ପଦାୟାଁ ଅଡ଼େ ବୁମି ବାଡ଼ା, ଇଞ୍ଜା ଝାନି ଜୁଗୁତା କାଲାକାଲାତି ଜୀସୁ ବେଟାଆସି, ଇଲେତି ଲକୁ ଆମ୍ବାଆସି ହିଲଅସି □

☆ ୧୦:୧୧ ୧୦:୧୧ ମାତି ୫:୩୨; ୧କର ୭:୧୦,୧୧ ☆ ୧୦:୧୫ ୧୦:୧୫ ମାତି ୧୮:୩

୩୧ ✽ସାମା ନକିତା ମାନି ହାରେକା ଲକୁ ଡାୟୁ ଆନେରି, ଇଞ୍ଜା ଡାୟୁ ମାନି ହାରେକା ଲକୁ ନକିନେରି □”

ଜୀସୁ ତାନି ପାଲି ତାନି ହାନି କାତା ୱେହ୍ନାୟି (ମାତି ୨୦:୧୭-୧୯; ଲୁକ ୧୮:୩୧-୩୪)

୩୨ ଏଝାରି ଜିରୁସାଲମତା ହାଜିମାଚାଟି ଜିରୁତା ମାରେରି ଇଞ୍ଜା ଜୀସୁ ଏଝାରି ନକି ନକିତା ହାଜିମାଚେସି, ଅଡେ ଏଝାରି କାବାଆହାନା ଡାୟୁ ୱାହିମାନି ଲକୁ ଆଜାମାରେରି, ଇଞ୍ଜା ଏଝାସି ୱେଣ୍ଡେ ବାରଜାଣାତି ଏଟ୍‌କା କିହାନା ତାଙ୍ଗେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଝାରାଇଁ ୱେସାଲି ମାଟ୍‌ହେସି □

୩୩ ଜୀସୁ ଏଲେଇଚେସି, “ମେହ୍‌ଦୁ ମାର ଜିରୁସାଲମତା ହାଜିମାନାୟି; ମାଣ୍‌ସି ମୀର୍‌ଏସି କାଜା ପୁଜେରାକ୍‌ମା ଅଡେ ମେରାପୁନାରି କେୟୁତା ହେର୍‌ପିଆନେସି, ଅଡେ ଏଝାରି ଏଝାଣାଇଁ ହାନି ତଣ୍ଡୁ ହାହାନା ଏଟ୍‌କା କୁଡାତାରି କେୟୁତା ହେର୍‌ପିନେରି,

୩୪ ଇଞ୍ଜା ଏଝାରି ଏଝାଣାଇଁ କିଜଝି କିନେରି, ଏଝାଣିଲାକ ହୁପିନେରି, ଏଝାଣାଇଁ ସାଟ୍‌ଣି ତଲେ ୱେନେରି, ଇଞ୍ଜା ପାୟିନେରି, ଅଡେ ତାନି ଦିନାଟିଏ ୱେଣ୍ଡେ ନିଙ୍ଗିନେସି □”

ଜାକୁବ ଅଡେ ଜହନ ବାତିମାଲିନାୟି (ମାତି ୨୦:୨୦-୨୮)

୩୫ ଡାୟୁ ଜେବଦି ମୀର୍‌କା ଜାକୁବ ଅଡେ ଜହନ ଜୀସୁ ତାଣ୍ଡା ୱାହାନା ଏଲେଇଚେରି, “ଏ ଗୁରୁ ମା ଅଣ୍‌ପୁ ମାୟୁ ନୀ ତାଣ୍ଡାଟି ଏନାଆଁ ରୀହ୍‌ନମି ଏଦାଆଁ ମା ତାକି ନୀନୁ କିମୁ □”

୩୬ ଇଞ୍ଜା ଜୀସୁ ଏଝାରାଇଁ ୱେଚେସି, “ନାନୁ ମୀ ତାକି ଏନାଆଁ କିଇଁ ଇଞ୍ଜା ମୀରୁ ଅଣ୍‌ପିମାଞ୍ଜେରି ?”

୩୭ ଏଝାରି ଏଝାଣାଇଁ ଏଲେଇଚେରି, “ନୀନୁ ଗାଝୁରମିଗାଟି ରାଜିତା କୁଗିସାରେ ଏନିକିଁ ମା ବିଡାଟି ରଅତମି ନୀ ଟିଝନି ଟଟ ଅଡେ ରଅତମି ନୀ ଟେବୁ ଟଟ କୁଗିନମି ଇ ବର ମାଙ୍ଗେ ହିୟାମୁ □”

୩୮ ✽ସାମା ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜାହିଲଅତେରି □ ନାନୁ ଆମିନି ସଲ୍‌କାତା ଗସିମାଇଁ, ଏମ୍‌ଆଁ ମୀରୁ ଗସାଲି ଆଡ଼ିଦେରି ? ଇଞ୍ଜା ନାନୁ ଆମିନି ବାପ୍ତିସ୍ମାଟା* ବାପ୍ତିସ୍ମା† ଅହିମାଇଁ ଏମ୍‌ଆଁ ମୀରୁ ବାପ୍ତିସ୍ମା‡ ଆହାଲି ଆଡ଼ିଦେରି ?”

୩୯ ଏଝାରି ଏଲେଇଚେରି, “ଆଡ଼ିନମି □”
ଜୀସୁ ଏଝାରାଇଁ ଏଲେଇଚେସି, “ନାନୁ ଆମିନି ସଲ୍‌କାତା ଗସିମାଇଁ ଏମ୍‌ଆଁ ଗସାଲି ଆଡ଼ିଦେରି,

ଇଞ୍ଜା ନାନୁ ଆମିନି ବାପ୍ତିସ୍ମାଟା§ ବାପ୍ତିସ୍ମା* ଆହିମାଇଁ ମୀରୁ ଏମ୍‌ଆଁ ବାପ୍ତିସ୍ମା† ଆଦେରି;

୪୦ ସାମା ନା ଟିଝନି ଅଡେ ଟେବୁଝାକି କୁଗାଲି ହୀହାଲି ନା ଅଦିକାରାତି କାତା ଆଏ, ଆମ୍‌ଆରାକି ମାହାପୁରୁ ଟାୟୁ କେପାମାନେସି ଏଝାରି କୁଗିନେରି □”

୪୧ ଏଟ୍‌କାତି ଦସ ଜାଣା ଇଦାଆଁ ୱେଞ୍ଜାନା ଜାକୁବ ଅଡେ ଜହନଇଁ କାରବି ଆହାଲି ମାଟ୍‌ହେରି □

୪୨ ✽ଏମ୍‌ଆଟିଏ ଜୀସୁ ଏଝାରାଇଁ ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଟ୍‌କା କୁଡାତି ସାଲ୍‌ଝି କିନାରି ଲେହେଁ ଆହାମାନେରି, ଏଝାରି ଲାକ ସାଲ୍‌ଝି କିନେରି, ଅଡେ ଏଝାରି କାଜାପାଣା ଗାଟାରି ଏଝାରି ମୁହେଁ ସାଲ୍‌ଝି କିନେରି, ଇଦାଆଁ ମୀରୁ ପୁଞ୍ଜୁ □

୪୩ ✽ସାମା ମୀ ବିଡା ଏଲେକିହିଁ ଆଏ; ସାମା ମୀ ବିଡା ଆମ୍‌ଆସି କାଜାସି ଆହାଲି ମନ କିନେସି, ଏଝାସି ମୀ ସେବା କିପେସି,

୪୪ ଅଡେ ମୀ ବିଡା ଆମ୍‌ଆସି କାଜାସି ଆହାଲି ମନ କିନେସି, ଏଝାସି ବାରେତି ହଲେଏସି ଆପେସି □

୪୫ ଇତିହିଁ ମାଣ୍‌ସି ମୀର୍‌ଏସି ଜିକେଏ ସେବା ବେଟାଆହାଲି ୱାହାହିଲଅସି, ସାମା ସେବା କିହାଲି ଇଞ୍ଜା ହାରେକା ଲକୁଣି ପାପୁଟି ପିସପି କିହାଲିତାକି ତାନି ଜୀସୁ ହାହାଲି ୱାହାମାନେସି □”

ଜୀସୁ ବାଟିଁ ମୟ କାଣାଇଁ ନେହିଁ କିନାୟି (ମାତି ୨୦:୨୯-୩୪; ଲୁକ ୧୮:୩୫-୪୩)

୪୬ ଡାୟୁ ଏଝାରି ଜିରିହତା ଏଗାତେରି, ଅଡେ ଏଝାସି ତାନି ସୀସୁୟାଁ ଇଞ୍ଜା ମାନ୍‌କା ଲକୁତଲେ ଜିରିହଟି ହାଜିମାନି ବେଲ୍‌କାତା ଟିମାୟ ମୀର୍‌ଏସି ବାଟିଁ ମୟ ଦରୁଗାଟି ର କାଣା, ରୀସପାଲି ଜିରୁ ଦାରିତା କୁଗାମାଚେସି □

୪୭ ଏଝାସି ନାଜୁରିତତି ଜୀସୁ, ଇମ୍‌ଆଟି ହାଜିମାନେସି ଇଞ୍ଜା ୱେଞ୍ଜାନା ଏଝାସି କାଜା ଗିୟାତଲେ ଏଲେଇଚେସି, “ଏ ଦାଝୁଦ ମୀର୍‌ଏଶାତି ଜୀସୁ ନାଙ୍ଗେ କାର୍‌ମା ମେସ୍ତାମୁ □”

୪୮ ଏମ୍‌ଆଟିଏ ହାରେକା ଲକୁ ଏଝାଣାଇଁ ପାଲେଏ ଆହାଲି ଦାକା ହୀତେରି, ସାମା ଏଝାସି ଅଡେ କାଜା ହାଡାତଲେ ଏଲେଇଚେସି, “ଏ ଦାଝୁଦ ମୀର୍‌ଏଶାତି ଜୀସୁ ନାଙ୍ଗେ କାର୍‌ମା ମେସ୍ତାମୁ □”

୪୯ ଏମ୍‌ଆଟିଏ ଜୀସୁ ନିଚାନା ଏଲେଇଚେସି, “ଏଝାଣାଇଁ ହାଟାବୁ □” ଏଝାରି ଏ କାଣାଇଁ ହାଟାନା ଏଲେଇଚେରି, “ସାସା ଆହାନା ନିଙ୍ଗାମୁ, ଏଝାସି ନିଙ୍ଗେ ହାଟିମାଞ୍ଜାନେସି □”

✽ ୧୦:୩୧ ୧୦:୩୧ ମାତି ୨୦:୧୭; ଲୁକ ୧୩:୩୦ ✽ ୧୦:୩୮ ୧୦:୩୮ ଲୁକ ୧୨:୫୦ * ୧୦:୩୮ ୧୦:୩୮ ମୁଞ୍ଜିନାୟି † ୧୦:୩୮ ୧୦:୩୮ ମୁଞ୍ଜିନାୟି ‡ ୧୦:୩୮ ୧୦:୩୮ ମୁଞ୍ଜିନାୟି § ୧୦:୩୯ ୧୦:୩୯ ମୁଞ୍ଜିନାୟି * ୧୦:୩୯ ୧୦:୩୯ ମୁଞ୍ଜିନାୟି † ୧୦:୩୯ ୧୦:୩୯ ମୁଞ୍ଜିନାୟି ✽ ୧୦:୪୨ ୧୦:୪୨ ଲୁକ ୨୨:୨୫,୨୬ ✽ ୧୦:୪୩ ୧୦:୪୩ ମାତି ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୭

୫୦ ଏମ୍ବାଟିଏ ଏଞ୍ଜାସି ନିଜ୍ଞାନା ତାନି ହିମ୍ବୁରି କୁତାନା ଜୀସୁ ତାଣା ଖାତେସି □

୫୧ ଜୀସୁ ଏଞ୍ଜାଣାକ୍ ଏଲେଇଚେସି, “ନାନୁ ନିଜ୍ଞେତାକି ଏନାଆଁ କିକ୍ ଇଞ୍ଜି ନାନୁ ଅଣ୍ଡିମାଞ୍ଜି ?” ଏ କାଣା ଏଞ୍ଜାଣାକ୍ ଏଲେଇଚେସି, “ଏ ଗୁରୁ ନାନୁ ଏନିକ୍ ମେସାଲି ଆଡ଼ିକ୍ □”

୫୨ ଜୀସୁ ଏଞ୍ଜାଣାକ୍ ଏଲେଇଚେସି, “ହାଲାନୁ ନୀ ନାନୁ ନିଜ୍ଞେ ନେହ୍ କିୟାତେ □” ଏ ଦେବୁଣିଏ ଏଞ୍ଜାସି ମେସାଲି ଆଡ଼ିଚେସି, ଇଞ୍ଜା ଏଞ୍ଜାରି ଜେତ ଜେତ ହାଚେସି □

୧୧

ଜୀସୁ ଜିରୁସାଲମତା ହଡ଼ନାୟି

(ମାତି ୨୧:୧-୧୧; ଲୁକ ୧୯:୨୮-୪୦; ଜହ ୧୨:୧୨-୧୯)

୧ ଏଚିବେଲା ଏଞ୍ଜାରି ଜିରୁସାଲମ ତାଗେ ଆହାନା ଜୀତ ହରୁ ତାଗେ ବେତ୍‌ପାଗି ଇଞ୍ଜା ବେତନିୟାଁ ତାଗେ ଖାତେରି, ଏଚିବେଲା ଏଞ୍ଜାସି ତାନି ସୀସୁୟାଁ ବିତ୍ରାଟି ରିଆରାକ୍ ଇ କାତା ଖେସା ପାଣ୍ଡିଚେସି,

୨ “ମୀ ନକିତା ମାନି ଏ ନାୟୁଁତା ହାଜୁ; ଏ ନାୟୁଁତା ହଡ଼ଞ୍ଜିଏ ଆମିନି ଲାକ ଆମ୍ବାଆରି ଏଚେଲା ହଡ଼ା ହିଲଅରି ଇଲେତି ର ଗାଡ଼ଦେ ତାଲୁତି ଦସାମାନାଣି ମେହ୍‌ଦେରି; ଏଦାନି ହୁକ୍‌ହାନା ତାଦୁ □

୩ ଅଡ଼େ ଆମ୍ବାଆସି ଏନାଆଁ କିହିମାଞ୍ଜେରି ଇଞ୍ଜି ମିଜ୍ଞେ ଖେଞ୍ଜାନେସି, ଆଡ଼ିହ୍ ଏଲେଇଞ୍ଜୁ, ଇଦାଣି ତାଣା ମା ପ୍ରବୁକି ଲଡ଼ାମାନେ, ଅଡ଼େ ଖେଞ୍ଜେ ଇଦାଣି ଖେଡ଼ାକିଆନା ପାଣ୍ଡାନେସି □”

୪ ଏଞ୍ଜାରି ହାଜାନା ଦୁଞ୍ଜେରିଦାରି ଆଂଗେଣିତା ର ଗାଡ଼ଦେ ତାଲୁତି ଦସାମାନାଣି ମେସାନା ଏଦାଣି ହୁକ୍‌ହେରି,

୫ ଏମ୍ବାଟିଏ ଏମ୍ବାଆଁ ନିଚାମାଟି ଲକୁ ବିତ୍ରାଟି ଏଚରଜାଣା ଖେଚେରି, “ଗାଡ଼ଦେ ତାଲୁତି ପିସାନା ଏନାଆଁ କିହିମାଞ୍ଜେରି ?”

୬ ଜୀସୁ ଏନିକ୍ ଖେସାମାଚେସି, ଏଞ୍ଜାରି ଏଲେକ୍ ଏଞ୍ଜାରାକ୍ ଏଲେଇଚେରି; ଏମ୍ବାଟିଏ ଏଞ୍ଜାରି ଏଞ୍ଜାରାକ୍ ହେଲ ହୀଚେରି □

୭ ଜୀସୁ ନକିତା ଗାଡ଼ଦେ ତାଲୁତି ତାଚାନା ଏଞ୍ଜାରି ଏଦାଣି ଲାକ ତାମି ହିମ୍ବୁରିକା ପାଢ଼େସି, ଅଡ଼େ ଜୀସୁ ଏଦାନିଲେକ କୁଗିଚେସି □

୮ ଅଡ଼େ ହାରେକା ଜିରୁତା ତାମି ହିମ୍ବୁରିକା ପାଢ଼େସି ଅଡ଼େ ଏଚକାତାରି ଜାଡ଼ାତି ଗରାୟାଁ ଚୁଣ୍‌ହା ତାଚାନା ପାଢ଼େସି □

୯ ଇଞ୍ଜା ନକିତା ତାୟୁଞ୍ଜାକି ହାଜିମାନି ଲକୁ କାଜା ହାଡ଼ାତଲେ ଏଲେଇଚେରି, “ହସାନା ମାହାପୁରୁ ଦରୁଟି ଆମ୍ବାଆସି ଖାହିମାନେସି, ଏଞ୍ଜାସି ନେହ୍‌ସି □

୧୦ ମା ଆକୁ ଦାଞ୍ଜୁଦତି ଆମିନି ରାଜି ଖାହିମାନେ, ଏଡ଼ି ଜହରା, ଲାକପୁରୁତି ହସାନା □”

୧୧ ତାୟୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଚେସି, ଇଞ୍ଜା ସାରିଞ୍ଜାକି ମାନାଣି ବାରେ ସିନିକିହାନା ମିଡ଼ଅଲା ଆହାଲିଏ ବାରଜାଣା ସୀସୁୟାଁ ତଲେ ବେତନିୟାଁତା ହାଚେସି □

ଜୀସୁ ତୟା ମାରୁନୁତି ବାକା ଇଚିନାୟି (ମାତି ୨୧:୧୮-୧୯)

୧୨ ତାନି ଅର ଦିନା ବେତନିୟାଁଟି ଖାହିମାଚାଟି ଜୀସୁ ହାକି ଆଚେସି;

୧୩ ଇଞ୍ଜା ହେକଟି ଆକା ମାନି ର ତୟା ମାରୁନୁତି ଆକା ମେସାନା ଏମ୍ବାଆଁ ପାଡ଼େୟି ବେଟାଆନି ଆସା ତଲେ ତାଗେ ହାଚେସି □ ସାମା ତାଗେ ଖାହାନା ଏଞ୍ଜାସି ଆକା ପିସପେ ଅଡ଼େ ଏନାଆଁ ପୁଃଆଚେସି, ଇଚିହ୍ ଏଡ଼ି ତୟା ଆୟିନି ଖେଡ଼ା ହିଲାଆଚେ □

୧୪ ଏମ୍ବାଟିଏ ଜୀସୁ ଏଦାଣି ଏଲେଇଚେସି, “ନୀ ପାଡ଼େୟି ଲକୁ ଏଚେଲା ତିନାଆପେରି □” ଏଞ୍ଜାଣି କାତା ତାମି ସୀସୁୟାଁ ଖେଞ୍ଜାମାଚେରି □

ଜୀସୁ ମାହାପୁରୁ ଇଲୁତା ହାନାୟି

(ମାତି ୨୧:୧୨-୧୭; ଲୁକ ୧୯:୪୫-୪୮; ଜହ ୨:୧୩-୨୨)

୧୫ ତାୟୁ ଏଞ୍ଜାରି ଜିରୁସାଲମତା ଖାତେରି, ଅଡ଼େ ଜୀସୁ ମାହାପୁରୁ ଇଲୁତା ହଡ଼ାନା ଏ ଟାୟୁତା ବେବାରା କିହିମାଟି ଲକୁଣି ପାଜ୍ଞାତା ପେରହାଲି ମାଟ୍‌ହେସି, ଇଞ୍ଜା ଟାକାୟାଁ ବେବାରା ଗାଟାରି କୁଚିୟାଁ ଅଡ଼େ ପଟାୟାଁ ବେବାରା କୁଚିୟାଁ ତିରିମ୍ବୁପ୍‌ହେସି □

୧୬ ଇଞ୍ଜା ପ୍ରାତାନା ଇଲୁ ବିତ୍ରାଟି ଆମ୍ବାଆରାକି ଏନାଆଁ ଅହାଲି ତାଚାଲି ହେଲ ହୀଆଚେସି,

୧୭ ତାୟୁ ଜୀସୁ ଏଞ୍ଜାରାକ୍ ଜାପ୍‌ହିହ୍ ଏଲେଇଚେସି, “ଦାମ୍‌ ପତିତା ରାସ୍‌କି ଆହାମାନେ, ନା ଇଲୁ ବାରେ କୃଡ଼ାତି ଲକୁତାକି ପ୍ରାତାନା ଇଲୁ ଇଞ୍ଜି ଖେଜିନେ ? ସାମା ମୀରୁ ଏଦାଆଁ ଡଂଗାୟାଁ ପାଞ୍ଜୁ କିହାମାଞ୍ଜେରି □”

୧୮ ଇ କାତା ଖେଞ୍ଜାନା କାଜା ପୁଜେରାଜା ଅଡ଼େ ମେରାପୁନାରି ଏଞ୍ଜାଣାକ୍ ଏନିକ୍ ନାସା କିହାଲି ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେରି; ଇଚିହ୍ ଲକୁ ଏଞ୍ଜାଣି ଜାପ୍‌ନି ତାଣା କାବା ଆହିମାଚାକି ଏଞ୍ଜାରି ଏଞ୍ଜାଣାକ୍ ଆଜିମାଚେରି □

୧୯ ଏ ଦିନା ମିଡ଼ଅଲା ବେଲା ଜୀସୁ ଅଡ଼େ ସୀସୁୟାଁ ଗାଡ଼ାଟି ହାଚେରି □

ଖାୟିତି ତୟା ମାରୁନୁତି ଜାପିନାୟି (ମାତି ୨୧:୨୦-୨୨)

୨୦ ଅର ଦିନା ଲାଭ ଏ ଜିରୁଟି ହାଜିମାଚାଟି ଏଞ୍ଜାରି ତୟା ମାର୍ତ୍ତୁ ତାକିଟିଏ ଖାୟିତାଣି ମେସ୍ତେରି □

୨୧ ଏମ୍ବାଟିଏ ପିତର ତଲିତି କାତା ଅଶ୍‌ପାନା ଏଲେଇରେସି, “ଏ ଗୁରୁ ମେହ୍‌ମୁ ନୀନୁ ଆମିନି ତୟା ମାର୍ତ୍ତୁଟି ବାକା ହୀହାମାଟି ଏଡି ଖାୟାହାରେୟିଏ □”

୨୨ ଜୀସୁ ଏଞ୍ଜାରାଇଁ ଏଲେଇରେସି, “ମାହାପୁରୁ ତାଣା ନାମାଦୁ □

୨୩ ✱ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ଇ ହରୁତି ନୀନୁ ନିଙ୍ଗାନା ସାମ୍ବୁରିତା ତରଗାମୁ ଇନେସି, ଇଞ୍ଜା ତାନି ହିୟାତା ଆନାମାନା ଆଆନା, ଏନାଆଁ ଜଲିମାଇଁ ଏଡି ଆନେ ଇଞ୍ଜାଁ ନାମିନେସି, ଏଞ୍ଜାଣାକି ଏଡି ଆନେ □

୨୪ ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇଁ, ମୀରୁ ଏନାଆଁ ପ୍ରାତାନା କିଦେରି ଅଡେ ରାହ୍‌ଦେରି, ଏ ବାରେ ମିଙ୍ଗେ ମେଡା ଆୟାତେ ଇଞ୍ଜାଁ ନାମାଦୁ, ଏରେଟିଏ ଏ ବାରେ ସାତେଏ ବେଟାଆଦେରି □

୨୫ ✱ଇଞ୍ଜାଁ ମୀରୁ ଆମିନି ବେଲମାତା ପ୍ରାତାନା କିହାଲି ନିଦେରି, ଇଞ୍ଜାଁ ଆମ୍ବାଆରି କପାଟି ଏନି କାତା ମାଟିହ୍, ଏଞ୍ଜାଣି ପାପୁ ମ୍ବେକ୍‌ଦୁ, ଏନିକ୍ ମୀ ଲାକପୁରୁଟି ଆବା ଜିକେଏ ମୀ ପାପୁଟି ମ୍ବେକ୍‌ହାନେସି □

୨୬ ସାମା ମୀରୁ ଏଞ୍ଜାଣି ପାପୁ ମ୍ବେକ୍‌ଅତେରି, ଆତିହ୍ ମୀ ଲାକପୁରୁଟି ଆବା ଜିକେଏ ମୀ ବାରେ ପାପୁଟି ମ୍ବେକ୍‌ହଅସି □”*

ଜୀସୁଟି ଅଦିକାରା
(ମାଟି ୨୧:୨୩-୨୭; ଲୁକ ୨୦:୧-୮)

୨୭ ତାୟୁ ଏଞ୍ଜାରି ଅଡେ ଖେଶ୍ଟେ ଜିରୁସାଲମତା ଖାଡେରି; ଇଞ୍ଜାଁ ଏଞ୍ଜାସି ପ୍ରାତାନା ଇଲୁତା ହଡିମାଟି ବେଲମାତା କାଜା ପୂଜେରାଙ୍ଗା ମେରାପୁନାରି ଇଞ୍ଜାଁ ପ୍ରାତିନାଙ୍ଗା ଏଞ୍ଜାଣି ତାଣା ଖାହାନା ଖେଡେରି,

୨୮ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି ? ଇଞ୍ଜାଁ ଇ ବାରେ କିହାଲି ଆମ୍ବାଆସି ଇ ଅଦିକାରା ହିୟାତେସି ?”

୨୯ ସାମା ଜୀସୁ ଏଞ୍ଜାରାଇଁ ଏଲେଇରେସି, “ନାନୁ ମିଙ୍ଗେ ର କାତା ଖେଞ୍ଜାଇଁ, ନାଙ୍ଗେ ଖେସ୍ତାଦୁ, ଆତିହ୍ ନାନୁ ଆମିନି ଅଦିକାରା ତଲେ କିହିମାଇଁ, ଏଦାଆଁ ମିଙ୍ଗେ ଖେସ୍ତାଇଁ □

୩୦ ଜହନତି ବାପ୍ତିସ୍ତାଁ ଲାକପୁରୁଟି କି ମାଣ୍ଡିୟାଁ ତାଣାଟି ଆହାମାତେ ? ଏଦାଆଁ ନାଙ୍ଗେ ଖେସ୍ତାଦୁ □”

୩୧ ଏରେଟିଏ ଏଞ୍ଜାରି ତାୟୁ ତାୟୁ କାତା ଆହାଲି ମାଟ୍‌ହେରି, “ଲାକପୁରୁଟି ଇନାୟି, ଆତିହ୍

ଏଞ୍ଜାସି ଏଲେଇଞ୍ଜାନେସି ମୀରୁ ଏନାଆଁତାକି ଏଞ୍ଜାଣାଇଁ ନାମାଆତେରି ?

୩୨ ଅଡେ ମାଣ୍ଡିସି ତାଣାଟି ଇନାୟି, ଏଞ୍ଜାରି ଲକୁଣି ଆଜିମାଚେରି; ଇତିହ୍ ବାରେଜାଣା ଜହନ ସାତା ମାହାପୁରୁ ଅଶ୍‌ପୁଟି ବଲୁ ଖେହ୍‌ନାସି ଇଞ୍ଜାଁ ମାନୁଞ୍ଜି ଆହିମାଚେରି □”

୩୩ ଏଦାଆଁତାକି ଜୀସୁଇଁ ଏଞ୍ଜାରି ଏଲେଇରେସି, “ମାୟୁ ପୁଞ୍ଜାହିଲଅମି □” ଜୀସୁ ଏଞ୍ଜାରାଇଁ ଏଲେଇରେସି, “ନାନୁ ଆମିନି ଅଦିକାରା ତଲେ କିହିମାଇଁ ଏଦାଆଁ ନାନୁ ଜିକେଏ ମିଙ୍ଗେ ଖେସ୍ତାଁ □”

୧୨

ଅଜ୍ଜୁରି ବାଡାତା ଲାଗେଏଡି ବାଗା କାମାକିନାରି
(ମାଟି ୨୧:୩୩-୪୬; ଲୁକ ୨୦:୯-୧୯)

୧ ଏମ୍ବାଟିଏ ଏଞ୍ଜାସି ଏଞ୍ଜାରାଇଁ ପୁଣ୍ଡିକିନି କାତାତଲେ ଖେସାଲି ମାଟ୍‌ହେସି, “ରଅସି ର ଅଜ୍ଜୁରି ବାଡା କିହାନା ବାଡା ସାରିଞ୍ଜାକି ବେୟ୍ ଗୁରୁତେସି, ଇଞ୍ଜାଁ ଅଜ୍ଜୁରି ପାଡେୟି ପୀଗାଲି ର ଗାଡ଼ୟୁ କାରହାନା ଏମ୍ବାଆଁ କାଃଆନାରାକି କାଃଆନି ଇଲୁ କେପିତେସି, ଇଞ୍ଜାଁ କାମା କିନାରାକି ଏ ବାଡା ବାଗା ହୀହାନା ହେକ ରାଜି ହାରେସି □

୨ ତାୟୁ କାମାକିନାରି ତାଣାଟି ଅଜ୍ଜୁରି ବାଡାଟି ପାଡେୟି ବାଗା ବେଟାଆହାଲି ଏଞ୍ଜାସି ର ହଲେଏଣାଇଁ ପାଡେୟି କାମ୍ବିନିଖେଡା ଏଞ୍ଜାରିତାଣା ପାଣ୍ଡିତେସି □

୩ ସାମା ଏଞ୍ଜାରି ଏଞ୍ଜାଣାଇଁ ଆସାନା ଖେଡେରି ଇଞ୍ଜାଁ ଖାବ୍‌ଇ କେୟୁଟି ପାଣ୍ଡିତେରି □

୪ ଏଞ୍ଜାସି ଅଡେ ଏଞ୍ଜାରିତାଣା ଅଡେ ର ହଲେଏଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ତାୟୁ ୁଡାୟେ ଖେଚାନା ହୀଣି କିତେରି □

୫ ଏଞ୍ଜାସି ଅଡେ ରଅଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ପାୟିତେରି, ଏମ୍ବାଟିଏ ଏଞ୍ଜାସି ଅଡେ ହାରେକା ଜାଣାଟି ପାଣ୍ଡିତେସି; ଏଞ୍ଜାରି ବିଡାଟି ଏଚରଜାଣାଟି ଖେଡେରି ଇଞ୍ଜାଁ ଏଚରଜାଣାଟି ପାୟିତେରି □

୬ ତାନି ତାଣା ରଅସିଏ ଡୟିତେସି, ଏଞ୍ଜାସି ତାନି ଜୀସୁଟି ମୀରୁଏସି, ତାୟୁ ଅଶ୍‌ପିତେସି ‘ଏଞ୍ଜାରି ନା ମୀରୁଏଣାଇଁ ମାନି କିନେରି’ ଇଞ୍ଜାଁ ଏଞ୍ଜାସି ଏଞ୍ଜାଣାଇଁ ପାଣ୍ଡିତେସି □

୭ ସାମା ଏ କାମାକିନାରି ତାୟୁ ତାୟୁ କାତା ଆଡେରି, ‘ଇଞ୍ଜାସିତ ଅଦିକାରା ଗାଟାସି, ଖାଦୁ ଇଞ୍ଜାଣାଇଁ ପାୟିନ; ଆତିହ୍ ବାଡାଟି ଅଦିକାରା ମାଡି ଆନେ ମା’

✱ ୧୧:୨୩ ୧୧:୨୩ ମାଟି ୧୭:୨୦; ୧କର ୧୩:୨ ✱ ୧୧:୨୫ ୧୧:୨୫ ମାଟି ୭:୧୪, ୧୫ * ୧୧:୨୭ ୧୧:୨୭ କଚେକା ସାସ୍ତେରିତା ଇ କାତା ରାସ୍‌କି ଆହ୍‌ହିଲେଏ □ † ୧୧:୩୦ ୧୧:୩୦ ମୁଞ୍ଜିନାୟି

୮ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଆସାନା ପାୟିତେରି ଇଞ୍ଜା ଅଞ୍ଜୁରି ବାଡ଼ାତି ପାଙ୍ଗାତା ମେଡ଼ହାତୁସ୍ତେରି □”

୯ ଜୀସୁ ଏଞ୍ଜାରାଇଁ ଖେରେସି, “ଖେସ୍ତାଦୁ, ଇଦାଆଁ ତାୟୁ ଏ ଅଞ୍ଜୁରି ବାଡ଼ାତି ସାଞ୍ଜୁକାରି ଏନାଆଁ କିନେସି ? ଏଞ୍ଜାସି ଖାହାନା କାମା କିନାରାଇଁ ନାସା କିନେସି ଇଞ୍ଜା ଏଡ଼କାତି କାମା କିନାରାକି ଏ ଅଞ୍ଜୁରି ବାଡ଼ା ହୀନେସି □

୧୦ ମୀରୁ ଦାମ୍ବୁ ପତିତା ଇ କାତା ପଡ଼଼ି ଆହାହିଲଅତେରି ?

ଇଲୁ କେପିନାରି ଆମିନି ଖାଲିତି ମିଶ୍ ଏ ଇଞ୍ଜୁ ଅପାଆତେରି, ଏଦିଏ ଇଲୁତି ମୂଲୁ ଖାଲି ଆଡେ □

୧୧ ମାହାପୁରୁ ତାଣାଟି ଇଦି ଆଡେ, ଇଞ୍ଜା ଏଦି ମା କାନୁତାକି ର କାବା ଆନାୟି □”

୧୨ ଏରେଟିଏ ଜୀହୁଦି ଲକୁତି କାଜାରି ଏଞ୍ଜାଣାଇଁ ଆସାଲି ଅଣ୍ପିମାରେରି, ସାମା ଏଞ୍ଜାରି ଲକୁଣି ଆଜିତେରି; ଇଚିହିଁ ଏ ପୁଣ୍ଡିକିନି କାତା ଏଞ୍ଜାରାଇଁ ସିନିକିହାନା ଖେସିମାରେସି ଇଞ୍ଜୁ ପୁରେରି, ଇଞ୍ଜା ଏଞ୍ଜାରି ଏଞ୍ଜାଣାଇଁ ପିସାନା ହାଜାତୁସ୍ତେରି □

ସିସୁ ହୀନାଣି ଖେନାୟି
(ମାତି ୨୨:୧୫-୨୨; ଲୁକ ୨୦:୨୦-୨୬)

୧୩ ତାୟୁ ଜୀସୁ କାତାତି ଦହ ଆସାଲି ତାକି ଏଞ୍ଜାରି ପାରୁସି ଅଡେ ହେରଦ ଗତିତି ଏରେକା ଲକୁଣି ଏଞ୍ଜାଣି ତାଣା ପାଣ୍ଡିତେରି □

୧୪ ଏଞ୍ଜାରି ଖାହାନା ଏଞ୍ଜାଣାଇଁ ଏଲେଇରେରି, “ଏ ଗୁରୁ ମାମ୍ବୁ ପୁଞ୍ଜାମାନମି, ନୀନୁ ସାତା କାତା ଖେହନାତି ଅଡେ ଆମ୍ବାଆରାଇଁ ଆଜାଆ ଗାଟାତି; ଇଚିହିଁ ନୀନୁ ମାଣ୍ଡିତି ମୁମ୍ବୁ ମେସାନା ଜଲାଆ ଗାଟାତି ଇଞ୍ଜା ସାତା ତଲେ ମାହାପୁରୁତି ଜିରୁ ଜାପ୍ନାତି, କାୟିସରକି ସିସୁ ହୀନାୟି ମେରା କି ଆଏ, ମାମ୍ବୁ ହୀନମି କି ଆଏ ?”

୧୫ ସାମା ଏଞ୍ଜାସି ଏଞ୍ଜାରି କାର୍ବିତି ପୁଞ୍ଜାନା ଏଞ୍ଜାରାଇଁ ଏଲେଇରେସି, “ଏନାଆଁତାକି ନାଜେ ତାୟିପାରି କିହିମାଞ୍ଜାଦେରି ? ର ଖେଣ୍ଡି ଟାକା ନା ତାଣା ତାଦୁ ନାନୁ ଏଦାଆଁ ସିନିକିଇଁ □”

୧୬ ଏରେଟିଏ ଏଞ୍ଜାରି ଏଦାଆଁ ତାତେରି, ଏଞ୍ଜାସି ଏଞ୍ଜାରାଇଁ ଖେରେସି, “ଇ ବମା ଅଡେ ଦରୁ ଆମ୍ବାଆରାଖାୟି ?” ଏଞ୍ଜାରି ଏଞ୍ଜାଣାଇଁ ଏଲେଇରେରି, “କାୟିସରଖାୟି □”

୧୭ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇରେସି, “କାୟିସରଖାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଖାୟି ଏନାୟି ଏଦାଆଁ

ମାହାପୁରୁକି ହୀଦୁ □” ଏରେଟିଏ ଏଞ୍ଜାରି ଏଞ୍ଜାଣି କାତାତାକି କାବା ଆଡେରି □

ସାଦୁକିୟାଁ ହାକିଟି ଖେଣ୍ଡେ ନିଜିନି କାତା ଖେନାୟି

(ମାତି ୨୨:୨୩-୩୩; ଲୁକ ୨୦:୨୭-୪୦)

୧୮ ଏମ୍ବାଟିଏ ହାକିଟି ଖେଣ୍ଡେ ନିଜିନାୟି ହିଲେଏ ଇଞ୍ଜିମାନି ସାଦୁକି ଲକୁ ଜୀସୁ ତାଣା ଖାହାନା ଖେରେରି,

୧୯ “ଏ ଗୁରୁ ମସା ମାଜେତାକି ରାତାମାନେସି, ଇଚିହିଁ ଆମ୍ବାଆରି ତାୟି ହାନେସି ଇଞ୍ଜା ତାନି ତକ୍ତି ନୀତାମାନେ ଇଞ୍ଜା ଏଦାନି ଏନି କକାରି ପଦାୟି ହିଲାର ଆତିହିଁ ତାନି ତାୟି ତାନି ତକ୍ତିନି ଇଟାନା ତାନି ତାୟିକି କୂଡ଼ା ଏପାକିନେସି □

୨୦ ମେହ୍ମୁ ସାତା ଜାଣା ତାୟିୟାଁ ମାରେରି; କାଜାସି ର ଆୟାନି ବାହା ଆଡେସି, ଇଞ୍ଜା କକାରି ପଦାଁ ଆଆନା ହାଡେସି;

୨୧ ଏଞ୍ଜାଣି ଜେଟତାସି ଏ ଇୟାନି ଇଚିତେସି ଇଞ୍ଜା କକାରି ପଦାଁ ଆଆନା ହାଡେସି; ଅଡେ ଜେଟତାସି ଏଲେକିତେସି,

୨୨ ଇଞ୍ଜା ସାତା ଜାଣା ଜିକେଏ କକାରି ପଦାଁ ଆଆନା ହାଡେରି; ବାରେତି ତାୟୁ ଏ ଇୟା ଜିକେଏ ହାଡେ □

୨୩ ଖେଣ୍ଡେ ନିଜିନି ବେଲାତା ଏଚିବେଲା ଏଞ୍ଜାରି ନିଜିନେରି, ଏଚିବେଲା ଏଞ୍ଜାରି ବିତ୍ରାଟି ଆମ୍ବାଆରି ତକ୍ତି ଆନେ ? ସାତା ଜାଣା ଜିକେଏ ଇଟାମାତେରି □”

୨୪ ଜୀସୁ ଏଞ୍ଜାରାଇଁ ଏଲେଇରେସି, “ମିଜେ ହାରେକା ନାଡ଼ିକିନି ଅଣ୍ପୁ ମାନେ □ ଦାମ୍ବୁ ସାସ୍ତେରି, ଇଞ୍ଜା ମାହାପୁରୁତି ବାଡ଼ୟୁତି କାତା ପୁଞ୍ଜାହିଲଅତେରି □

୨୫ ଏନାଆଁତାକି ଇଚିହିଁ ହାଡ଼ାରି ନିଜିତି ତାୟୁ ଲକୁ ବାହା ଆଅରି କି ବାହା ହୀଅରି, ସାମା ଲାକପୁରୁତି ଦୂୟାଲେହେଁ ତୟିନେରି □

୨୬ ଇଞ୍ଜା ହାଡ଼ାରି ନିଜିନେରି ଏ କାତାତି ମୀରୁ ମସା ରାଟିତି ପତିତା ଖେହିମାନି ବୃଟାତି କାବୁ ପଡ଼଼ି ଆହାହିଲଅତେରି କି ? ମାହାପୁରୁ ଏନିକିଁ ଏଲେଇଞ୍ଜା ମାନେସି, ‘ନାନୁ ଅବ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡେ ଜାକୁବତି ମାହାପୁରୁତେଏଁ □’

୨୭ ଏଞ୍ଜାସି ହାଡ଼ାରି ମାହାପୁରୁ ଆଏ, ସାମା ଜୀଞ୍ଜୁଗାଟାରି ମାହାପୁରୁ ମୀରୁ ହାରେକା ନାଡ଼ିକିଞ୍ଜି ଆହାମାଞ୍ଜରି □”

କାଜା ହୁକୁମି
(ମାତି ୨୨:୩୪-୪୦; ଲୁକ ୧୦:୨୫-୨୮)

୨୮ ଏଚିବେଲା ର ମେରା ଜାପ୍ନାସି ତାଗେ ଖାହାନା ଏଞ୍ଜାରି ବାଦିବାଦା ଆହିମାଟାଣି ଖେଞ୍ଜାନା ଅଡେ ଜୀସୁ ସାଦୁକି ଲକୁଇଁ ସମାନା କାତା

ଝେଣ୍ଠେ ଝେସିମାରାଣି ଝେଞ୍ଜାନା ଜୀସୁଇଁ ଝେଚେସି,
“ଆମିନି ହୁକୁମି ଦାମ୍ଭୁପତିତା ବାରେକିହାଁ କାଜାୟି
?”

୨୯ ଜୀସୁ ଏଲେଇଚେସି, “କାଜା ହୁକୁମି ଇଦି ‘ଏ
ଇସ୍ରାୟେଲ ଝେଞ୍ଜୁ; ପ୍ରବୁ ମା ମାହାପୁରୁ ରଣ୍ଠିଏ ପ୍ରବୁ
ମାନେସି;

୩୦ ଅଡେ ନୀନୁ ନୀ ବାରେ ହିୟାଁ ବାରେ ଜୀସୁ
ମନ ହୀହାନା ଅଡେ ବାରେ ବାଡୁୟୁ ତଲେ ପ୍ରବୁ
ନୀ ମାହାପୁରୁଇଁ ଜୀସୁ ନମୁ []”

୩୧ ଅଡେ ରଣ୍ଠି ଇଦି ନୀନୁ ନୀ ପାଡିତାଣାଇଁ ନୀ
ଜାହାରାଲେହେଁ ଜୀସୁ ନମୁ [] ଇ ହୁକୁମିକା ପିସ୍‌ପେ
ଅଡେ ଆମିନି କାଜା ହୁକୁମି ହିଲେଏ []

୩୨ ଏମ୍ବାଟିଏ ଏ ମେରା ପୁନାସି ଜୀସୁଇଁ
ଏଲେଇଚେସି, “ଏ ଗୁରୁ ଏଦି ସାତା ମାହାପୁରୁ
ରଅସିଏ ଇଞ୍ଜା ଏଝାଣି ପିସ୍‌ପେ ଅଡେ ଆମ୍ବାଆସି
ହିଲଅସି, ଏଦାଆଁ ନୀନୁ ନେହଁକଁ ଝେସ୍ତାତି;

୩୩ ଇଞ୍ଜା ବାରେ ହିୟାଁ, ବାରେ ବୁଦି, ବାରେ
ବାଡୁୟୁ ହୀହାନା ଏଝାଣାଇଁ ଜୀସୁନନାୟି ଇଞ୍ଜା
ପାଡିତାଣାଇଁ ମା ଜାହାରାଲେହେଁ ଜୀସୁନନାୟି
ବାରେ ଜଡଡି ପୂଜା ହାନି* କିହାଁ କାଜାୟି []”

୩୪ ☆ଏଝାସି ବୁଦିତଲେ ଜଲ୍ଲାମାଞ୍ଜାନେସି
ଇଞ୍ଜାଁ ମେସାନା ଜୀସୁ ଏଝାଣାଇଁ ଏଲେଇଚେସି,
“ମାହାପୁରୁତି ରାଜିତି ନୀନୁ ହେକ ହିଲଅତି []
ଏଚେଟିଏ ଆମ୍ବାଆସି ଜୀସୁଇଁ ଏନାଆଁ ଝେଞ୍ଜାଲି
ସାସା କିଆଡେସି []”

କ୍ରୀସ୍ତ ଆମ୍ବାଆସି ମୀରଏସି
(ମାତି ୨୨:୪୧-୪୬; ଲୁକ ୨୦:୪୧-୪୪)

୩୫ ସାମା ଜୀସୁ ପ୍ରାତାନା ଇଲୁତା ଜାପ୍‌ହି
ମାଟିବେଲାତା ଏଲେଇଚେସି, “କ୍ରୀସ୍ତ ଦାସୁଦ
ମୀରଏସି, ଇଦାଆଁ ମେରାପୁନାରି ଏନିକଁ
ଏଲେଇଚେସି ?

୩୬ ଦାସୁଦ ତାନୁଏ ମାହାପୁରୁତି ସୁଦୁଜୀସୁ
ବେଟାଆହାନା ଝେସାମାଚେସି,
‘ପ୍ରବୁ ନା ପ୍ରବୁଇଁ ଏଲେଇଚେସି,
ନୀନୁ ଏଚେ ପାଡେକା ନୀ ସାତୁୟାଁଇଁ ନୀ କଡାଁ
ଡଇ କିହାହିଲଅଁ,
ଏଚେ ପାଡେକା ନା ଟିଝନିଝାକି କୁଗାମାନାମୁ
[]’

୩୭ ଦାସୁଦ ତାନୁଏ ଏଝାଣାଇଁ ପ୍ରବୁ ଇଞ୍ଜିମାନେସି;
ଆଡିହଁ ଏଝାସି ଏନିକଁ ଦାସୁଦ ମୀରଏସି []
[]

ମେରାପୁନାରି ତାଣାଟି ଜାଗ୍ରାତା କିନାୟି
(ମାତି ୨୩:୧-୩୬; ଲୁକ ୨୦:୪୫-୪୭)

୩୮ ମାନ୍ଦା ଲକୁ ରାହାଁଟି ତାନି କାତା
ଝେଞ୍ଜିମାଚେରି, ଅଡେ ଝେଣ୍ଠେ ଏଝାସି ତାନି ଜାପ୍‌ହି
ମାଟି କାତାତା ଏଲେଇଚେସି, “ମେରାପୁନାରି
ତାଣାଟି ଜାଗ୍ରାତା, ଏଝାରି ଲାମ୍ବା ହିମ୍ବୁରିକା
ହୁରାନା ରେଜାଲି ଇଞ୍ଜା ହାଟା ବାଜାରାତା ଜହରା
ବେଟାଆହାଲି ରାହାଁ ଆନେରି,

୩୯ ଜୀହୁଦି ଲକୁତି କୁଟମି ଇଲୁତାଁ କାଜା
କୁଟ, ବଜିତା ନେହଁ ଟାୟୁତା କୁଗାଲି
ପାରିନେରି;

୪୦ ଏଝାରି ରାଣ୍ଠେଣିସିକା ଇଲୁକା ସେଦିନେରି,
ଲକୁଣି ତସାଲି ଲାମ୍ବା ପ୍ରାତାନା କିନେରି; ଏଝାରି
ହାଡେକା ଡଣ୍ଡ ବେଟାଆନେରି []”

ରାଣ୍ଠେଣି ଇୟାନି ଦାନା
(ଲୁକ ୨୧:୧-୪)

୪୧ ତାୟୁ ଜୀସୁ ମାହାପୁରୁ ଇଲୁତି ଦାନା
ପେଡା ତାଗେ କୁଗାନା ଲକୁ ଏମ୍ବାଆଁ ଏନିକଁ
ଦାନା ହୀହିମାନେରି, ଏଦାଆଁ ସିନିକିହିମାଚେସି
[] ଏଚିବେଲାତା ହାଡେକା ଦନ ଗାଟାରି ଗାଡି
ମେଡହେରି;

୪୨ ଅଡେ ର ହାକି କାକୁଲିଗାଟି ରାଣ୍ଠେଣି ଇୟା
ଝାହାନା ରୀ ଡଣା ତାମ୍ବାତି ଆଦଲିଃ ଏ ପେଡାତା
ମେଡହେ []

୪୩ ଏଚେଟିଏ ଜୀସୁ ତାନି ସୀସୁଣି ତାଗେ ହାଟାନା
ଏଲେଇଚେସି, “ନୀନୁ ମିଙ୍ଗେ ସାତା ଝେସିମାଞ୍ଜାଇଁ,
ଦାନା ପେଡାତା ଟାକାୟାଁ ମେଡହିମାନି ବାରେ ଲକୁ
କିହାଁ ଇ ହାକି କାକୁଲିଗାଟି ରାଣ୍ଠେଣି ଇୟା ଗାଡି
ମେଡହାମାନେ;

୪୪ ଇଚିହଁ ବାରେଜାଣା ତାନି ହାଡେକା ଦନଟି
ଇଚାଣି ମେଡହା ମାନେରି, ସାମା ଇଦି ତାନି
ହିଲାଆବେଲାତା ତାଙ୍ଗେ ନୀତାଲି ତାଙ୍ଗେ ଏନାୟି
ମାଚେ, ଏ ବାରେ ମେଡହାମାନେ []”

୧୩

ପ୍ରାତାନା ଇଲୁ ନସ୍ତ ଆନାଣି ଜୀସୁ ଝେହ୍‌ନାୟି
(ମାତି ୨୪:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହାଜିମାଚାଟି ତାନି
ସୀସୁୟାଁ ବିତ୍ରାଟି ରଅସି ଏଝାଣାଇଁ ଏଲେଇଚେସି,
“ଏ ଗୁରୁ ମେହ୍‌ମୁ ଏନିଲେହେଁତି ଅଜିତି ଝାଲକା
ଅଡେ ଏନିଲେହେଁତି ଅଜିତି ମେଡା ଇଲୁକା []”

୨ ଏଚେଟିଏ ଜୀସୁ ଏଝାଣାଇଁ ଏଲେଇଚେସି,
“ନୀନୁ ଏନାଆଁ ଇ କାଜା ମେଡା ମେସିମାଞ୍ଜି ?
ର ଝାଲି ଅର ଝାଲି ଲାକ ଡୟେଏ, ବାରେ
ମେଣ୍ଠାହାନୁ []”

କସ୍ତ ଅଡେ ସାସ୍ତି କାତା ଝେହ୍‌ନାୟି
(ମାତି ୨୪:୩-୧୪; ଲୁକ ୨୧:୭-୧୯)

* ୧୨:୩୩ ୧୨:୩୩ ହେବ୍‌ପିନାୟି ☆ ୧୨:୩୪ ୧୨:୩୪ ଲୁକ ୧୦:୨୫-୨୮ † ୧୨:୩୯ ୧୨:୩୯ ସିନଗର ‡ ୧୨:୪୨ ୧୨:୪୨ ରୀ
ଢଣା ତାମ୍ବାତି ଆଦଲି, ରୀ ଆଟାଅଣା ର ଗାକାତି କାଜା ଆଦଲି ସମାନା, ଏଦି ଗ୍ରିକ୍ ତଲେ ଢଣା ଆଦଲିତି “ଲେପଟସ୍” କାଜା ଆଦଲିତି
“କଡ୍ରାନ୍‌ଟସ୍” ଇନେରି []

୩ ତାହୁଁ ପ୍ରାଚୀନା ଇଲୁ ନକିତା ମାନି ଜୀତ ହୁରୁ ଲାକ କୁଗାଲିଏ ପିତର, ଜାକୁବ, ଜହନ, ଅଡ଼େ ଆହିୟ ତାନି ତାଣା ମେଣେଏ ଖାହାନା ଖେଚେରି, “ଇ ବାରେ ଏଚେଲା ଆନେ,

୪ ଅଡ଼େ ଆମିନି ବେଲାତା ଇ ବାରେ ଗଟ଼ି ଆନେ ଏ ବେଲାତି ସିନା ଏନାୟି, ଏଦାଆଁ ମାଙ୍ଗେ ଖେସ୍ତାମୁ □”

୫ ଏମ୍ବାଟିଏ ଜୀସୁ ଏଞ୍ଜରାଲ୍ ଏଲେଇଚେସି, “ଜାଗ୍ରାତା, ଆମ୍ବାଆସି ଏନିକ୍ ମିଙ୍ଗେ ନାଡ଼ି କିୟସି □

୬ ହାରେକା ନା ଦରୁତଲେ ଖାହାନା, ‘ନାନୁ ଏଞ୍ଜାତେଏ’ ଇଞ୍ଜ ହାରେକା ଲକୁଣି ନାଡ଼ି କିନେରି □

୭ ସାମା ମୀରୁ ଏଚିବେଲା ଜୁଜୁତି କାତା ଅଡ଼େ ଗଡ଼ହାତି ହାଡ଼ା ଖେଞ୍ଜେରି, ଏଚିବେଲା କିଲିବିଲି ଆଆଦୁ; ଏ ବାରେ ଆନାୟି ମାନେ, ସାମା ଏ କାଲା ଜିକେଏ ଜୁଗୁ ରାନାୟି ଆଏ □

୮ ଇଚିହ୍ ଦେସା କପାଟି ଦେସା, ରାଜି କପାଟି ରାଜି ନିଜିନେ, ବାରେଖାକି ବୁମି ଖାଡ଼ିନେ ଅଡ଼େ କାଡ଼ାରା ଆନେ; ଇ ବାରେ କକାରି ପଦାୟି ଆନାଟି ଲୁଞ୍ଜିନି ବୀସା ଲେହେ □”

୯ *ସାମା ମୀରୁ ମିଙ୍ଗେ ତାକି ଜାଗ୍ରାତା ଆହାମାଞ୍ଜୁ; ଲକୁ ମିଙ୍ଗେ ନୀହାୟି କିନି ତାଣା ଦସାନା ଅୟାନେରି, ଅଡ଼େ ମିଙ୍ଗେ ଜୀହୁଦି ଲକୁତି କୁଟମି ଇଲକାଣା* ଖେତାନେରି, ଇଞ୍ଜା ନା ତାକି ସାଲ଼ି କିନାରି ତାଣା ରାଜାୟି ନକିତା ନିଦେରି, ଏଞ୍ଜାରି ନକିତା ସାକି ଆଦେରି □

୧୦ ଇଞ୍ଜା ବାରେ କୁଡ଼ା ନକିତା ନେହ୍ କାବୁ ନକେଏ ଖେସ୍ପି ଆନେ □

୧୧ ଇଞ୍ଜା ଏଚିବେଲା ଲକୁ ମିଙ୍ଗେ ଅହାନା ହେର୍ପାନେରି, ଏଚିବେଲା ମୀରୁ ଏନାଆଁ ଜଲିଦେରି, ଏ କାତା ନକେଏ ଅଣ୍ପାଆଦୁ, ସାମା ଏ ବେଲାତା ମିଙ୍ଗେ ଏନାଆଁ ଜଲାଲି ହୀପକିଆନେ ଏଦାଆଁ ଖେହ୍ଦୁ; ଇଚିହ୍ ମୀରୁ ଜଲିନାତେରି ଆଏ ସାମା ସୁଦୁଜୀ଼ୁ ଜଲିନାୟି □

୧୨ ତାୟି ତାୟିଲ୍ ଅଡ଼େ ତାଞ୍ଜି ମୀରୁଏଣାଲ୍ ହାହାଲି ତାକି ହେର୍ପିନେରି; ଇଞ୍ଜା ମୀରୁକା ତାଲି ତାଞ୍ଜି କପାଟି ନିଜାନା ଏଞ୍ଜରାଲ୍ ପାୟିନେରି;

୧୩ *ଅଡ଼େ ନାଙ୍ଗେତାକି ବାରେ ଲକୁ ମିଙ୍ଗେ ଅପଅରି; ସାମା ଆମ୍ବାଆସି ରାଜି ପାତେକା ସାସା ଆସାନା ଡ଼ୟିନେସି ଏଞ୍ଜାସି ଗେଲ୍ପି ଆନେସି □

ନାସା ଆନି କାଲମି

(ମାଡ଼ି ୨୪:୧୫-୨୮; ଲୁକ ୨୧:୨୦-୨୪)

୧୪ ମୀରୁ ଏଚିବେଲା ଏ ନାସାକିନି ଅପାଆଗାଟି ଆସ୍ତି ଆମିନି ତାଣା ଡ଼ୟିନି କାତା ହିଲେଏ,

ଏମ୍ବାଆଁ ଡ଼ୟାମାନାଣି ମେହ୍ଦେରି (ପଡ଼଼ି ଆନାରି ତେଲ୍ହାପେରି) ଏଚିବେଲା ଆମ୍ବାଆରି ଜୀହୁଦା ଦେସାତା ମାନେରି, ଏଞ୍ଜାରି ହରକାଣା ହଣ୍ପେରି;

୧୫ *ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ଇଲୁ ବିଡ଼ା ଖାହାନା ଏନି ଦିଶ୍ସୁ ଅହାଲି ରେଚା ଖାଆପେସି କି ବିଡ଼ା ହାଲାଆପେସି;

୧୬ ଇଞ୍ଜା ଆମ୍ବାଆସି ବାଡ଼ାତା ମାନେସି, ଏଞ୍ଜାସି ତାନି ହିମ୍ପୁରି ଅହାଲି ଖେଣ୍ଡେ ଖାଆପେସି □

୧୭ ଏ ବେଲାତା ଆମିନି ଗାଟାଲ ପୁରାମାସା ଆହାମାନୁ ଇଞ୍ଜା ପାଲୁ ଡ଼ର୍ହିମାନୁ, ଏ ଦିନା ଆୟତା ଏଞ୍ଜି ଏଚେକା କସ୍ତୁ ବେଟାଆନୁ □

୧୮ ସାମା ଏନି ଏନିକ୍ ପେନି ବେଲାତା ଆଏ ଏଦାଆଁତାକି ପ୍ରାଚୀନା କିଦୁ □

୧୯ *ଇଚିହ୍ ଏ କାଲାତା ଇଲେତି କସ୍ତୁ ଖାଡ଼େ, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକ୍ ଆହା ହିଲେଏ, ଇଞ୍ଜା ଏଲେକ୍ ଏଚେଲାଞ୍ଜା ଆଏ □

୨୦ ସାମା ପ୍ରୁ ଏ ଲାଗେଏତି କାଲାଲ୍ ଡ଼ଣା କିହାମାନେସି □ ଏଲେ କିହାହିଲାଆତ୍ ମା, ଏନି ଏମ୍ବାଟି ଆମ୍ବାଆରି ଗେଲ୍ପି ଆଆତେରିମା □ ତାନି ଆଡ଼ିଆଡ଼ି ଲକୁତାକି ଏ କାଲା ଡ଼ଣା କିହାମାନେସି □

୨୧ “ଏଚିବେଲା ‘ମେହ୍ଦୁ କ୍ରୀସ୍ତ ଇମ୍ବାଆଁ’ ଅଡ଼େ ‘ଏମ୍ବାଆଁ’ ଇଞ୍ଜ ଲକୁ ମିଙ୍ଗେ ଖେସ୍ତାନେରି, ଆତିହ୍ ମୀରୁ ଏଦାଆଁ ନାମାଆଦୁ □

୨୨ ନାଡ଼ିକିନି କ୍ରୀସ୍ତ ଅଡ଼େ ମାହାପୁରୁ ବଲୁ ମିତି ଖେହ୍ନାରି ନିଜାନା ଇଲେତି ସିନା ଅଡ଼େ କାବାଆନି କାମାୟି ତହ୍ନେରି, ଆଡ଼ିତିହ୍, ଆଡ଼ିଆଡ଼ି ଲକୁଣି ଜିକେଏ ନାଡ଼ି କିନେରି □

୨୩ ସାମା ମୀରୁ ଜାଗ୍ରାତା ଆହାମାଞ୍ଜୁ; ନାନୁ ମିଙ୍ଗେ ତଲିଏ ବାରେ ଖେସିମାଞ୍ଜାଲ୍ □

ମାଣସି ମୀରୁଏସି ଖେଣ୍ଡେ ଖାନାୟି

(ମାଡ଼ି ୨୪:୨୯-୩୧; ଲୁକ ୨୧:୨୫-୨୮)

୨୪ *ସାମା ଏ ବେଲାତି ଏ କସ୍ତୁ ତାହୁଁ ଖେଡ଼ା ଆନ୍ଦେରି ଆନେ ଅଡ଼େ ଲେଞ୍ଜୁ ଉଜେଡ଼ି ହୀଏ,

୨୫ *ହୁକାୟି ହାଗୁଟି ତରଗାଲି ମାଟ୍ନୁ ଅଡ଼େ ହାଗୁ ଲାକତି ବାଡ଼ୁ ବାରେ କିଲିବିଲି ଆନେ □

୨୬ *ଏଚିବେଲା ଲକୁ ମାଣସି ମୀରୁଏଣାଲ୍ କାଜା ବାଡ଼ୁଟି କାଜାପାଣା ତଲେ ହାଗୁ ଲାକତି ଖାନାଣି ମେହ୍ନେରି □

୨୭ ଏଚିବେଲା ଏଞ୍ଜାସି ଦୁଡ଼ୁୟାଣି ପାଣ୍ଡାନା ଦାର୍ଡି ମୁଟ୍ପେତି ସାରିଖାକିତି ତାନି ଆଡ଼ାମାନି ଲକୁଣି ରୁଣ୍ଡା କିନେସି □

* ୧୩:୯ ୧୩:୯ ମାଡ଼ି ୧୦:୧୭-୨୦; ଲୁକ ୧୨:୧୧,୧୨ * ୧୩:୯ ୧୩:୯ ସିନଗର୍ * ୧୩:୧୩ ୧୩:୧୩ ମାଡ଼ି ୧୦:୨୨ * ୧୩:୧୫ ୧୩:୧୫ ଲୁକ ୧୭:୩୧ * ୧୩:୧୯ ୧୩:୧୯ ଖେ ବଲୁ ୭:୧୪ * ୧୩:୨୪ ୧୩:୨୪ ଖେ ବଲୁ ୭:୧୨ * ୧୩:୨୫ ୧୩:୨୫ ଖେ ବଲୁ ୭:୧୩ * ୧୩:୨୭ ୧୩:୨୭ ଖେ ବଲୁ ୧:୭

ତୟା ମାରନ୍ତୁଟି ଜାପିନାୟି
(ମାତି ୨୪:୩୨-୩୫; ଲୁକ ୨୧:୨୯-୩୩)

୨୮ ତୟା ମାରନ୍ତୁ ପୁଣି କିନି କାତାଟି ଜାପାଦୁ □
ଏତିବେଳାତା ଏ ମାରନ୍ତୁତା କଡ଼ଗି କମାୟା ଅଡ଼େ
ଗଞ୍ଜେଡ଼ି ଗାଲୁନୁ, କାରା କାଲମି ଖାଡ଼େ ଇଞ୍ଜୁ
ପୁଞ୍ଜେରି □

୨୯ ଏଲେକିହି ଏ ମାରୁ ଜିକେଏ ଇ ବାରେ
ମେସ୍ତ୍ରସାରେ ଏଞ୍ଜାସି ଦୁଞ୍ଜେରି ତାଗେ ମାନେସି
ଇଞ୍ଜୁ ପୁଞ୍ଜେରି □

୩୦ ନାନୁ ମିଙ୍ଗେ ସାତା ଖେସିମାଞ୍ଜାଇଁ ଇ ବାରେ
ଆଆପାତେକା ଇ କାଲାତି ଲକୁ ଏନିଜିକେଏ
ମେଶ୍ଜଅରି □

୩୧ ହାଗୁପାକା ଦାରୁତି ବାରେ ମେଶ୍ଜିନେ,
ସାମା ନା ବଲୁ ଏବେଲାଖା ମେଶ୍ଜେଏ □”

ଆମ୍ବାଆସି ଇ ଦିନା ଅଡ଼େ ବେଲାତି ପୁନଅସି
(ମାତି ୨୪:୩୬-୪୪)

୩୨ ✽ସାମା ଏ ଦିନା କି କାଲାତି କାତା ଆମ୍ବାଆରି
ପୁନଅରି, ଲାକପୁରୁତି ଦୂତୁୟାଁ କି ମୀରଏସି
ଜିକେଏ ପୁନଅସି, ଖାରଇ ଆବାଦେଁ ପୁନେସି □

୩୩ ମାରୁ ଜାଗ୍ରାତା ଆହାନା ମାଞ୍ଜୁ, କାତାନା ମାଞ୍ଜୁ;
ଇଚିହି ଏ ବେଲା ଏବେଲା ଆନେ ଏଦାଆଁ ମାରୁ
ପୁନଅଡେରି □

୩୪ ✽ଏଦି ଇଲେକିହି, ର ମାଶ୍ସି ତାନି ଇଲୁ
ପିସାନା ହେକ ରାଜିତା ହାନେସି, ଅଡ଼େ ତାନି
ହଲିୟାଙ୍ଗାଣି ବାରେ କାମାତି ଅଦିକାରା ହୀଡେସି
ଇଞ୍ଜା ଦୁଞ୍ଜେରିତା କାଚାଲି ଜିକେଏ ହୁକୁମି ହୀଡେସି
□

୩୫ ଏଦାଆଁତାକି କାଚାନା ତୟାମୁ; ଇଚିହି
ନାନୁ ପୁଞ୍ଜାହିଲଅତି ଇଲୁତି ସାଞ୍ଜୁକାରି ଏବେଲା
ଖାନେସି, ମିଡ଼ଅଲ୍ଲା କି ମାଦି ଲାଆଁୟାଁ, ଖେୟାଆ
ନକେଏ କି ଖେଡ଼ା ହନି ବେଲାତା ଏଞ୍ଜାସି ଖାନେସି
□

୩୬ ଏଞ୍ଜାସି ଦେରୁଣିଏ ଖାଡ଼ିସାରେ ମାରୁ
ହୁଞ୍ଜାମାନାଣି ମେସ୍ତ୍ରାଆପେସି □

୩୭ ନାନୁ ମିଙ୍ଗେ ଏଦାଆଁ ଖେସିମାଞ୍ଜାଇଁ, ଏଦାଆଁ
ବାରେଡି ଖେସିମାଇଁ, ଜାଗ୍ରାତା ମାଞ୍ଜୁ □

୧୪

ଜୀସୁଇଁ ଆସାଲି ପାରୁ ପାରିନାୟି
(ମାତି ୨୬:୨-୫; ଲୁକ ୨୨:୧-୨; ଜହ ୧୧:୪୫-
୫୩)

୧ ପିସ୍ପିଆନି ପାରୁ ଇଞ୍ଜା ପୁଲ୍ଲାଏୟୁ ଆଶ୍ବାଆତି
ରୁଟି ତିନି ପାରୁ ଆହାଲି ରୀ ଦିନା ମାରେ □
ଏତିବେଳାତା କାଜା ପୂଜେରାଙ୍ଗା ଇଞ୍ଜା ମେରା
ପୁନାରି ଏନିକିହି ଏଞ୍ଜାଶାଇଁ ନାଡ଼ିକିହିଁ ଆସାନା
ପାୟିନେରି ଏଦାଆଁତାକି ପାରୁ ପାରିମାରେତି □

✽ ୧୩:୩୨ ୧୩:୩୨ ମାତି ୨୪:୩୬ ✽ ୧୩:୩୪ ୧୩:୩୪ ଲୁକ ୧୨:୩୬-୩୮

୨ ଇଚିହି ଏଞ୍ଜାରି ଏଲେଇବେରି, “ପାରୁ
ବେଲାତା ଆଏ ଏବେତା ଲକୁ ଗଡ଼ହା କିନେରି □”

ବେତନିୟାତା ଜୀସୁ ତାୟୁ ତୁ ନିୟୁଁ ଖାକ୍ନାୟି
(ମାତି ୨୬:୬-୧୩; ଜହ ୧୨:୧-୮)

୩ ଜୀସୁ ବେତନିୟାତା କାଜା ରଗାଗାଟି ସିମନ
ଇଜ ତିଞ୍ଜାଲି କୁଗାମାଗାଟି ର ଇୟା ର ଗାଜୁତା
ହାରେକା ଦାରାତି ଗାନ୍ଦା ନିୟୁଁ ତାଚାନା ଗାଜୁତି
ଦେଚାନା ଜୀସୁ ତାୟୁ ତୁ ଖାକ୍ନାଲି ମାଟ୍‌ହେ □

୪ ସାମା ଏବେକା ଲକୁ କାରୁବି ଆହାନା, ତାମୁ
ତାମୁସୁ ଖେସ୍ପି ଆଡେରି, “ନିୟୁଁ ଏନାଆଁତାକି ନସୁ
ଆଡେ ?

୫ ଇ ନିୟୁଁ ସାତାକଡ଼ି ଦସଟାକା କିହିଁ ଆଗାଡ଼ା
ପାରୁପି ଆହାନା ହାକି ଗାଗାରାକି ହୀପକି ଆହାଲି
ଆଡ଼ିଡେମା” ଏଦାଆଁତାକି ଏଞ୍ଜାରି ଏ ଇୟାନି
ଲଗାଲି ମାଟ୍‌ହେରି □

୬ ସାମା ଜୀସୁ ଏଲେଇବେସି, “ଏଦାନି ପିହୁଦୁ;
ଏନାଆଁତାକି କସୁ ହୀହିମାଞ୍ଜେରି ? ଏଦି
ନାଙ୍ଗେତାକି ନେହିଁ କିହାମାନେ □

୭ ଇଚିହିଁ ହାକି ଗାଗାରି କାଲେଏ ମୀ ତାଶା
ମାନେରି, ଅଡ଼େ ମିଙ୍ଗେ ଏବେତା ମନ ଏବେତା
ଏଞ୍ଜାରି ସାୟେମି କିହାଲି ଆଡ଼ିଦେରି; ସାମା ନାନୁ
କାଲେଏ ମୀ ତାଶା ତୟଅଁ □

୮ ଏଦି ଏନାଆଁ ଆଡ଼ିନାୟି ମାନେ ଏଦାଆଁ
କିହାମାନେ; ଏଦି ନା ଆଙ୍ଗାତି ମୁସାଲି ତାକି ତଲିଏ
ନିୟୁଁ ଖାକ୍ନାହାନା ତିୟାରା କିହାମାନେ □

୯ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ବାରେ
ଦାରୁତିତା ଆମ୍ବିୟା ଜିକେଏ ନେହିଁ କାରୁ
ଖେକନେରି, ଏ ଟାୟୁତା ଇ ଇୟାନି ଅଣ୍ଡାପାଲିତାକି
ଏଦାନି ଇ କାମାତି କାତା ଜିକେଏ ଖେସ୍ପି ଆନେ
□”

ଜୀହୁଦା ଜୀସୁ ଆସ୍ପି କିହାଲି ରାଜି ଆନାୟି
(ମାତି ୨୬:୧୪-୧୬; ଲୁକ ୨୨:୩-୬)

୧୦ ଏମ୍ବାଟିଏ ବାରଜାଶା ବିତ୍ରାଟି ଇୟୁରିୟତ
ଜୀହୁଦା ଦରୁଗାଟାସି ରଅସି ଜୀସୁଇଁ କାଜା
ପୂଜେରାଙ୍ଗା କେୟୁତା ହେରପାଲି ଏଞ୍ଜାରିତାଶା
ହାରେସି □

୧୧ ଏଞ୍ଜାରି ଏଦାଆଁ ଖେଞ୍ଜାନା ରାହାଁ ଆଡେରି,
ଇଞ୍ଜା ଏଞ୍ଜାଶାକି ଟାକାୟାଁ ହୀହାଲି ଆଞ୍ଜିଡେରି,
ଏମ୍ବାଟିଏ ଏଞ୍ଜାସି ଏଞ୍ଜାଶାଇଁ ଆସ୍ପି କିହାଲି ନେହିଁ
ପାରୁ ପାରିଡେସି □

ତାନି ସୀସୁୟାଁ ତଲେ ପିସ୍ପିଆନି ପାରୁଡ଼ି ବଜି
(ମାତି ୨୬:୧୭-୨୫; ଲୁକ ୨୨:୬-୧୪,୨୧-୨୩;
ଜହ ୧୩:୨୧-୩୦)

୧୨ ତାୟୁ ପୁଲ୍ଲାଗୁଣ୍ଡା ଆଶ୍ବାଆତି ରୁଟି ତିନି ପାରୁଡ଼ି
ମୁଲୁ ଦିନାତା ଆମିନି ନେରୁ ପିସ୍ପିଆନି ପାରୁଡ଼ି

ମେଣ୍ଡା ତାଲୁତି ହେଉଥିବାରୁ, ଏ ଦିନା ତାନି ସୀସୁୟାଁ ଏଝାଣାଇଁ ଖେଚେରି, “ମାମୁ ହାଜାନା ଆମିନି ଚାନ୍ଦୁତା ନିକ୍ଷେତାକି ପିସ୍ପିଆନ୍ତି ପାରୁତି ବଢ଼ି କିନମି ଇଞ୍ଜି ନାନୁ ଅଣ୍ଡିମାଞ୍ଜି ?”

୧୩ ଏମ୍ବାଟିଏ ଏଝାସି ତାନି ସୀସୁୟାଁ ବିତ୍ରାଟି ରିଆରାଇଁ ଏଲେଇଞ୍ଜା ପାଣ୍ଡିତେସି, “ମୀରୁ ଗାଡ଼ାତା ହାଜୁ ଇଞ୍ଜା ଏମୁ ତ:କା ଅହିମାନି ରଅସି ମିଙ୍ଗେ ବେଟାଆୟାନେସି; ଏଝାଣି କେତ କେତ ହାଜୁ;

୧୪ ଏଝାସି ଆମିନି ଇଜ ହତନେସି, ଏ ଇଲୁ ଗାଟାଣାଇଁ ଖେଞ୍ଜୁ, ‘ଗୁରୁ ଖେଞ୍ଜିମାଞ୍ଜାନେସି, ନାନୁ ନା ସୀସୁୟାଁ ତଲେ ଆମିନି ଚାନ୍ଦୁତା ପିସ୍ପିଆନ୍ତି ପାରୁତି ବଢ଼ି କିହାଲି ଆନେ ଏ ବାକ୍ରା ଆମିନାୟି ?’

୧୫ ଏଚେଟିଏ ଏଝାସି ମିଙ୍ଗେ ନେହୁଁକଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ରା ତସ୍ତାନେସି; ଏମ୍ବାଆଁ ମାଙ୍ଗେତାକି ରାନ୍ଦା ଖାଜାଦୁ □”

୧୬ ଏମ୍ବାଟିଏ ସୀସୁୟାଁ ହାଜାନା ଗାଡ଼ାତା ହଚେରି, ଇଞ୍ଜା ଏଝାସି ଏଝାରାଇଁ ଏନିକଁ ଖେସାମାରେସି, ଏଲେକଁ ମେସାନା ପିସ୍ପିଆନ୍ତି ପାରୁତି ବଢ଼ି ଖାଜିତେରି □

୧୭ ମିଡ଼ଅଲ୍ଲା ଆହାଲିଏ ଜୀସୁ ବାରେଜାଣା ସୀସୁୟାଁ ତଲେ ଖାଡ଼େସି □

୧୮ ଏଝାରି କୁଗାନା ରାନ୍ଦା ତିଞ୍ଜି ମାଟାଟି ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ବିତ୍ରାଟି ରଅତେରି ନାଙ୍ଗେ ସାତୁ କେୟୁତା ହେଉପାଦେରି □”

୧୯ ଏମ୍ବାଟିଏ ଏଝାରି ଦୁକୁ ଆହାନା ରଅ ରଅରି ଏଝାଣାଇଁ ଖେଞ୍ଜାଲି ମାଟୁହେରି, “ନାନୁ ଏଝାଡ଼େସି କି ?”

୨୦ ଜୀସୁ ଏଝାରାଇଁ ଏଲେଇଚେସି, “ବାରେଜାଣା ବିତ୍ରାଟି ରଅସି, ଆମ୍ବାଆସି ନା ତଲେ ସାଡ଼ଝାତା କେୟୁ ମେଡ଼ହି ମାନେସି □

୨୧ ମାଣ୍ଡସି ମୀରୁଏଣା କାତା ଏନିକଁ ରାସ୍ତକି ଆହାମାନେ, ଏଲେକିହଁଏ ହାନେସି ସାତା, ସାମା ଆମିନି ଲକୁ ତାଣାଟି ମାଣ୍ଡସି ମୀରୁଏସି ସାତୁ କେୟୁତା ହେଉପିଆନେସି, ଆୟତା ଏଝାଣି ତଣ୍ଡି! ଏ ଲକୁତି ଜାର୍ନା ଆହାହିଲାଆତିହଁ ଏଝାଣାକି ନେହେଁ ଆଡ଼େମା □”

ପୁସ୍ତୁତି ବଢ଼ି
(ମାତି ୨୭:୨୭-୩୦; ଲୁକ ୨୨:୧୪-୨୦; ୧କର ୧୧:୨୩-୨୫)

୨୨ ଏଝାରି ତିଞ୍ଜି ମାଟାଟି ଜୀସୁ ରୁଟି ଅହାନା ମାହାପୁରୁଇଁ ଜହରା କିହାନା ଏଦାଆଁ ତିକହା ହାହାନା ଏଲେଇଚେସି, “ଅଦୁ ତିଞ୍ଜୁ, ଇଦି ନା ଆକ୍ଷା □”

୨୩ ଇଞ୍ଜା ଏଝାସି ଗହୁନି ସଲ୍ଲା ଆସାନା ମାହାପୁରୁଇଁ ଜହରା କିହାଁ ଏଝାରାକି ହୀତେସି, ଇଞ୍ଜା ବାରେଜାଣା ଏଦାଆଁ ଗସ୍ତେରି □

୨୪ ଇଞ୍ଜା ଜୀସୁ ଏଝାରାଇଁ ଏଲେଇଚେସି, “ଆମିନି ରାଜିମାନା ନେତେରି ହାରେକା ଲକୁତାକି ଖାକ୍ଷାମାନେ, ଇଦି ଏ ନା ନେତେରି □

୨୫ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମିନି ଦିନା ମାହାପୁରୁତି ରାଜିତା ପୁଞ୍ଜି କିହଁ ଅକ୍ଷୁରି ପାଡ଼େୟିତି ରାସା ଗହୁଇଁଏ ଦିନା ପାଡ଼େକା ଇଦାଆଁ ଅଡ଼େ ନାନୁ ଏଚେଲା ଗହୁଅଁ □”

୨୬ ଇଞ୍ଜା ଏଝାରି ଜହରା ପାତୁ ପାଡ଼ିତି ତାୟୁ ଜୀତ ହରୁତା ହଚା ହାଚେରି □

ପିତର ଜୀସୁଇଁ ପୁଞ୍ଜାହିଲଅଁ ଇନି କାତା
(ମାତି ୨୭:୩୧-୩୫; ଲୁକ ୨୨:୩୧-୩୫; ଜହ ୧୩:୩୬-୩୮)

୨୭ ଏଚିବେଲା ଜୀସୁ ଏଝାରାଇଁ ଏଲେଇଚେସି, “ମୀରୁ ବାରେ ପିସା ହାଜାଦେରି, ଇଚିହଁ ରାସ୍ତକି ଆହାମାନେ, ନାନୁ ମେଣ୍ଡା ଗଡ଼ୁ ପାୟିଇଁ ଇଞ୍ଜା ମେଣ୍ଡାୟାଁ ଆଲାରା ଆହାହାଦୁ □

୨୮ ସାମା ନାନୁ ହାହାନା ଖେଣ୍ଡେ ନିକ୍ଷିତି ତାୟୁ ମୀ ନକିତା ଗାଲିଲିତା ହାଇଁ □”

୨୯ ଏମ୍ବାଟିଏ ପିତର ଏଲେଇଚେସି, “ବାରେଜାଣା ପିସା ହାଜାନେରି ନାନୁ କଡ଼େ ନିଙ୍ଗେ ଏଚେଲା ପିସ୍ତଅଁ □”

୩୦ ଜୀସୁ ପିତରଇଁ ଏଲେଇଚେସି, “ନାନୁ ନିଙ୍ଗେ ସାତା ଖେସିମାଞ୍ଜାଇଁ, ନୀଞ୍ଜୁ ଇ ଲାଆଁୟାଁ କୟୁ ରୀ ଦେବା କେଣ୍ଡା ମାନାଟିଏ, ନାନୁ ଏଝାଣାଇଁ ପୁଞ୍ଜାହିଲଅଁ ଇଞ୍ଜି ତାନିପାଲି ଏଲେଇଞ୍ଜି □”

୩୧ ସାମା ପିତର ଆଡ଼ଝା ତଲେ ଏଲେଇଚେସି, “ନାଙ୍ଗେ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଙ୍ଗେ ଏଚେଲା ପୁଞ୍ଜାହିଲଅଁ ଇଞ୍ଜଅଁ □” ଇଞ୍ଜା ବାରେଜାଣା ଜିକେଏ ଏଲେଇଚେରି □

ଜୀସୁ ଗେଡ଼ସିମନିତା ପ୍ରାତାନା କିନାୟି
(ମାତି ୨୭:୩୬-୪୨; ଲୁକ ୨୨:୩୯-୪୬)

୩୨ ତାୟୁ ଏଝାରି ଗେଡ଼ସିମନି ଇନି ର ଚାନ୍ଦୁତା ଖାଡ଼େରି, ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇଚେସି, “ନାନୁ ପ୍ରାତାନା କିହିମାନି ପାଡ଼େକା ଇମ୍ବାଆଁ କୁଗାନା ମାଞ୍ଜୁ □”

୩୩ ଇଞ୍ଜା ଏଝାସି ପିତର, ଜାକୁବ ଅଡ଼େ ଜହନଇଁ ତାନିତଲେ ଅଡ଼େସି □ ଏଝାସି ହାରେକା ଦୁକୁତି କସ୍ତ ତାକି କିଲିବିଲି ଆଡ଼େସି □

୩୪ ଏଚେଟିଏ ଜୀସୁ ଏଝାରାଇଁ ଏଲେଇଚେସି, “ନା ଜୀସୁ ହାନିଲେହେଁ ହାରେକା କିଲିବିଲି ହରିମାଞ୍ଜାନେ; ମୀରୁ ଇମ୍ବାଆଁ ତେଝଏଲାନା କାଡ଼ାମାଞ୍ଜୁ □”

✦ ୧୪:୨୮ ୧୪:୨୮ ମାତି ୨୮:୧୭

୩୫ ଜୀସୁ ନକିତା ହାଜାନା ବୁମିତା ମୁନୁ କୁତିତେସି, ଅଡେ ଆହାଲି ଆଡିତିହିଁ, ଏ ଦୁକୁ ଏଝାଣି ତାଣାଟି ଏନିକିଁ ହେକ ଆନେ, ଏଦାଆଁତାକି ପ୍ରାତାନା କିତେସି □

୩୬ ଇଞ୍ଜା ଜୀସୁ ଏଲେଇଚେସି, “ଆବା, ନୀନୁ ବାରେଏ କିହାଲି ଆଡିଦି; ଇ କସ୍ତ ବାଦା ନା ତାଣାଟି ହେକ କିମ୍ପୁ; ଆଡିଜିକେଏ ନା କାତା ଆଏ ନୀ କାତେଏ ଆପେ □”

୩୭ ଇଞ୍ଜା ଏଝାସି ଖାହାନା ସୀସୁୟାଁ ଇଦା କିତାଣି ମେସ୍ତେସି, ଇଞ୍ଜା ପିତରଇଁ ଏଲେଇଚେସି, “ସିମନ ନୀନୁ ତୁରିତିକି ? ଗାଡେକା ଜିକେଏ କାଚାଲି ଆଡାଆତେରି ?

୩୮ ଏଦାଆଁତାକି କାଚାନା ପ୍ରାତାନା କିଦୁ; ଏନିକିଁ ମୀରୁ ପାନ୍ଦାତା ହେରଅତେରି, ମନ ମାନେ ସାତା, ଆଙ୍ଗାତା ବାଡ଼ୁୟୁ ହିଲେଏ □”

୩୯ ଏଝାସି ଅଡେ ଝେଣ୍ଡେ ହାଜାନା ତଲିତିଲେହେଁ ପ୍ରାତାନା କିତେସି □

୪୦ ଅଡେ ଝେଣ୍ଡେ ଖାହାନା ଏଝାସି ଏଝାରାଇଁ ଇଦା କିହାମାନାଣି ମେସ୍ତେସି, ଇତିହିଁ ଏଝାରି କାଣ୍ଟକା ପଜ୍ଞି ଆହିମାରୁ, ଇଞ୍ଜା ଏଝାରି ଏଝାଣାଇଁ ଏନାଆଁ ଜଲିନେରି ପୁଞ୍ଜାଲି ଆଡାଆତେରି □

୪୧ ଜୀସୁ ତାନି ଦେବା ଖାହାନା ସୀସୁୟାଁଇଁ ଏଲେଇଚେସି, “ମୀରୁ ଗାଡେକା ତୁରାନା ଜମାଦୁ; ହାରେକା ବେଲା ଆଡେୟିଏ, ଏ ବେଲା ଏଗାଝାହିମାନେ; ମେହଦୁ ମାଣସି ମୀରଏସି ସାତୁୟାଁ କେୟୁତା ହେରପି ଆହିମାନେସି □

୪୨ ନିଙ୍ଗାଦୁ, ମାର ହାନ, ମେହଦୁ ଆମ୍ବାଆସି ନାଙ୍ଗେ ସାତୁୟାଁ କେୟୁତା ହେରପାନେସି ଏଝାସି ଏଗାଝାଡେସିଏ □”

ଜୀସୁ ସାତୁ କେୟୁତା ହେରପି ଆନାୟି

(ମାତି ୨୭:୪୭-୫୨; ଲୁକ ୨୨:୪୭-୫୩; ଜହ ୧୮:୩-୧୨)

୪୩ ଏ ଦେବୁଣିଏ ଜୀସୁ ଝେସିମାଟି ବେଲାତା, ବାରଜାଣା ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ତାନିତଲେ କାଜା ପୂଜେରାଙ୍ଗା, ମେରା ପୁନାରି ଇଞ୍ଜା ଲକୁଡି କାଜାରି ତାଣାଟି କାଣ୍ଟା ଟେଙ୍ଗା ଆସାନା ଖାଡେରି □

୪୪ ଜୀସୁଇଁ ସାତୁୟାଁ କେୟୁତା ହେରପିନାସି ଏଝାରାଇଁ ଇ ସିନା ଝେସାମାଚେସି, “ନୀନୁ ଆମ୍ବାଆରାଇଁ ନଶ୍ଟିଇଁ ଏଝାସିଏ ଏଝାସି □ ଏଝାଣାଇଁ ଦସାନା ଜାଗ୍ରାତା ତଲେ ଅଦୁ □”

୪୫ ଇଞ୍ଜା ଏଝାସି ଏ ଦେବୁଣିଏ ଏଝାଣି ତାଗେ ହାଜାନା, “ଏ ଗୁରୁ” ଇଞ୍ଜାନା ଏଝାଣାଇଁ ନଶ୍ଟିତେସି □

୪୬ ଏମ୍ବାଟିଏ ଏଝାରି ଏଝାଣାଇଁ ଆସାନା ଦସା ଅଡେରି □

୪୭ ସାମା ତାଗେ ନିଚାମାଟି ଲକୁ ବିତ୍ରାଟି ରଅସି କାଣ୍ଟା ହପ୍ତହେସି ଇଞ୍ଜା କାଜା ପୂଜେରା ହଲେଏଣା କିୟୁଁ ଦାଡେସି □

୪୮ ଜୀସୁ ଏଝାରାଇଁ ଏଲେଇଚେସି, “ସରୁଇଁ ଆସାଲି ହାନିଲେହେଁ କାଣ୍ଟା ଅଡେ ଟେଙ୍ଗା ଆସାନା ମୀରୁ ନାଙ୍ଗେ ଆସାଲି ଖାଡେରି ?

୪୯ ନୀନୁ ବାରେଦିନା ମୀ ତଲେ ପ୍ରାତାନା ଇଲୁତା ମାଞ୍ଜାନା ଜାପୁହି ମାଞ୍ଜାତେଏଁ, ସାମା ମୀରୁ ନାଙ୍ଗେ ଆସାଆତେରି; ସାମା ଦାର୍ମୁ ପତିତି ରାସ୍ତି ଆଡି ବଲୁ ଏନିକିଁ ସାତା ଆନେ, ଏଦାଆଁତାକି ଇ ବାରେ ଆହିମାନେ □”

୫୦ ଏତିବେଲା ବାରେଜାଣା ସୀସୁୟାଁ ଏଝାଣାଇଁ ପିସାନା ହାଚେରି □

୫୧ ର ଦାଂଗଣା କକାସି ର ହିମ୍ବୁରି ପିଡ଼ଗାହାଁ ଜୀସୁ ଜେଟ ଜେଟ ହାଜିମାଚେସି; ଏଝାରି ଏଝାଣାଇଁ ଆସାଲି ହାଜାଲିଏ,

୫୨ ଏଝାସି ଏ ପାତାଡା ହିମ୍ବୁରି ପିସାନା ଖାରଇ ଆଙ୍ଗାଟି ହଟାତୁସେସି □

ଜୀସୁଇଁ ବେରଣିମାଣ୍ଡାତା ନାହାଁୟି କିନାୟି

(ମାତି ୨୭:୫୭-୬୮; ଲୁକ ୨୨:୫୪-୫୫,୬୩-୬୧; ଜହ ୧୮:୧୩-୧୪,୧୯-୨୪)

୫୩ ତାୟୁ ଏଝାରି ଜୀସୁଇଁ କାଜା ପୂଜେରା ନକିତା ଅଡେରି, ଇଞ୍ଜା କାଜା ପୂଜେରା, ଲକୁଡି କାଜାରି ଅଡେ ମେରା ପୁନାରି ବାରେ ଖାହାନା ରୁଣ୍ଡା ଆଡେରି □

୫୪ ପିତର ହେକ ମାଞ୍ଜାନା ଏଝାଣି ଜେଟ ଜେଟ କାଜା ପୂଜେରା ଆଂଗେଣି ବିତ୍ରା ହାଚେସି ଇଞ୍ଜା ଜାମାନାଙ୍ଗା ତଲେ କୁଗାନା ହିରୁ କେରଞ୍ଜି ମାଚେସି □

୫୫ ଏମ୍ବାଟିଏ କାଜା ପୂଜେରାଙ୍ଗା ଇଞ୍ଜା ବେରଣି ମାଣ୍ଡାତି ବାରେଜାଣା ଜୀସୁଇଁ ପାୟାଲି ଏଝାଣି କପାଟି ସାକିୟାଁ ପାରିତେରି, ସାମା ଏନି ଦହ ବେଟାଆଆତେରି;

୫୬ ଇତିହିଁ ହାରେକା ଏଝାଣି କପାଟି ମିତି ସାକିୟାଁ ହୀତି ଜିକେଏ ଏଝାରି ହୀତି ସାକି ଆଣ୍ଡାଆତେ □

୫୭ ତାୟୁ ଏଚରଜାଣା ହଟାନା ଏଝାଣି କପାଟି ମିତି ସାକି ହାହାନା ଏଲେଇଚେରି,

୫୮ “ମାୟୁ ଇଝାଣାଇଁ ଇ କାତା ଝେସିମାଚାଣି ଝେଞ୍ଜାମାନମି, ନୀନୁ ଇ କେୟୁଟି କେପିତି ପ୍ରାତାନା ଇଲୁଡି ଡିକହାନା ତାନିଦିନା ବିତ୍ରା ଅଡେ ମାଣସି କେପାଆତି ପ୍ରାତାନା ଇଲୁ କେପିଇଁ □

୫୯ ସାମା ଏମ୍ବାଆଁ ଜିକେଏ ସାକି ଆଣ୍ଡାଆତେ □”

୬୦ ଏଚେଟିଏ କାଜା ପୂଜେରା ମାଦିଏ ନିଚାନା ଜୀସୁଇଁ ଝେଚେସି, “ନୀ କପାଟି ଇଝାରି ଆମିନି

☆ ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭

ସାକ୍ତି ହାହିମାନେରି, ଖେଣ୍ଡେ ଜଳାଲି ଏନ୍ତି କାତା ହିଲେଏ କି ?”

୭୧ ସାମା ଏଝାସି ପାଲେଏ ଆହାନା ଏନ୍ତି କାତା ଜଳାଆତେସି, କାଜା ପୂଜେରା ଅଡ଼େ ଖେଣ୍ଡେ ଏଝାଣାଇଁ ଖେରେସି, “ନାନୁ କି ମାନିଗାଟି ମାହାପୁରୁ ମୀର୍ଏଣାଟି କ୍ରୀସ୍ତ ?”

୭୨ ଜୀସୁ ଏଲେଇରେସି, “ନାନୁ ଏଝାତେଏଁ, ମୀରୁ ମାଣସି ମୀର୍ଏଣାଇଁ ବାଡ଼ୁଗାଟି ଚିଃନିଝାକି କୁଗାମାନାଣି ମେହ୍ଦେରି ଇଞ୍ଜା ହାଗୁ ଦୁହାଟି ଖେଣ୍ଡେ ଖାନାଣି ମେହ୍ଦେରି □”

୭୩ ଏରେଟିଏ କାଜା ପୂଜେରା ତାନି ହିମ୍ବୁରି ଗେସାନା ଏଲେଇରେସି, “ମାଙ୍ଗେ ଅଡ଼େ ଏନ୍ତି ସାକ୍ତିୟାଁ ଲଡ଼ା ହିଲେଏ □

୭୪ ମୀରୁ ମାହାପୁରୁ ନିନ୍ଦା ଖେରେରି; ମୀ ଅଣ୍ପୁ ଏନାୟି ?”

ଏମ୍ବାଟିଏ ବାରେଜାଣା ଏଝାସି ହାନି ତଣ୍ଡ ବେଗାଆପେସି ଇଞ୍ଜା ଏଲେଇରେରି □

୭୫ ଇଞ୍ଜା ଆମ୍ବା ଆମ୍ବାଆରି ଏଝାଣିଲକ ହୁପିତେରି ଇଞ୍ଜା ଏଝାଣି କାଣ୍ଡା ପଜାନା ଏଝାଣାଇଁ ଖେରାନା ଖେରେରି, “ମାହାପୁରୁ ଅଣ୍ପୁଟି ବଲୁ ଖେହ୍ନାଟି ଆମ୍ବାଆସି ନିଙ୍ଗେ ଖେତାତେସି, ଖେସ୍ତାମ୍ବୁ!” ଜାମାନାଙ୍ଗା ଜିକେଏ ଆସାନା ସାପ୍ତା ଖେଚିହ୍ ଅଡ଼େରି □

ପିତର ଜୀସୁଙ୍କ ପୁଞ୍ଜାହିଲଅଁ ଇନାୟି

(ମାତି ୨୭:୨୯-୨୫; ଲୁକ ୨୨:୫୭-୨୨; ଜହ ୧୮:୧୫-୧୮, ୨୫-୨୭)

୭୬ ଏମ୍ବାଟିଏ ପିତର ଆଂଗେଣିତା ମାରିବେଲାତା କାଜା ପୂଜେରା ହଲେଣି ଖାହାନା ପିତର ହିତୁ କେରଞ୍ଜି ମାଗାଣି ମେସ୍ତେ,

୭୭ ଇଞ୍ଜା ପିତରଇଁ ସିନିକିହାନା ଏଲେଇରେ, “ନାନୁ ଜିକେଏ ନାଜରିତ ଜୀସୁତଲେ ମାତି □”

୭୮ ସାମା ଏଝାସି, ନାନୁ ଏଝାଣାଇଁ ପୁଞ୍ଜାହିଲଅଁ, ନାନୁ ଏନାଆଁ ଖେସିମାଞ୍ଜି ନାନୁ ପୁଞ୍ଜାହିଲଅଁ, ତାୟୁ ଏଝାସି ଆଂଗେଣି ଦୁଝେରିତା ହାରେସି, ରେଟୁଏ କୟୁ କେଣ୍ଡେତେ □

୭୯ ଇଞ୍ଜା ଏ ହଲେଣି ଏଝାଣାଇଁ ମେସାନା ଦାରିତା ନିଗାମାନି ଲକୁଣି ଅଡ଼େ ଖେଣ୍ଡେ ଖେସାଲି ମାଟ୍‌ହେ, “ଇଝାସି ଏଝାରି ବିତ୍ରାଟି ରଅସି □”

୮୦ ସାମା ଏଝାସି ଅଡ଼େ ଖେଣ୍ଡେ ପୁଞ୍ଜାହିଲଅଁ ଇରେସି, ଅଡ଼େ ଗାଡ଼କା ଆହାଲିଏ ଦାରିତା ମାତି ଲକୁ ପିତରଇଁ ଏଲେଇରେରି, “ନାନୁ ସାତେଏ ଏଝାରି ବିତ୍ରାଟି ରଅତି, ଇଚିହ୍ ନାନୁ ର ଗାଲିଲି ଲକୁଟି □”

୮୧ ସାମା ଏଝାସି ପାରମାଣା ଇଞ୍ଜା ବାକା ଇଗାନା ଏଲେଇରେସି, ମୀରୁ ଆମିନି ଲକୁଟି କାତା ଖେସିମାଞ୍ଜେରି, ନାନୁ ଏଝାଣାଇଁ ପୁଞ୍ଜାହିଲଅଁ □

୮୨ ଏ ଦେବୁଣିଏ କୟୁ ରୀ ଦେବା କେଣ୍ଡେତେ □ ଏମ୍ବାଟିଏ କୟୁ ରୀ ଦେବା କେଣ୍ଡେତା ନକେଏ ନୀନୁ

ନାଙ୍ଗେ ତାନି ଦେବା ନାନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜୀସୁ ପିତରଇଁ ଏଲେଇଞ୍ଜାମାରେସି, ଏନ୍ତି ଏଝାଣି ମନତା ଖାଡ଼େ, ଇଞ୍ଜା ଏଝାସି ଏ କାତା ଅଣ୍ପିହ୍ ହାରେକା ଡ଼ାହାଲି ମାଟ୍‌ହେସି □

୧୫

ପିଲାତ ନକିତା ଜୀସୁ

(ମାତି ୨୭:୧-୨, ୧୧-୧୫; ଲୁକ ୨୩:୧-୫; ଜହ ୧୮:୨୮-୩୮)

୧ ଲୁଇ ଖେୟାଲିଏ ବେରଣି ମାଣ୍ଡାତାରି, ଇଚିହ୍ ଲକୁଟି କାଜାରି ଇଞ୍ଜା ମେରା ପୁନାରି ତଲେ କାଜା ପୂଜେରାଙ୍ଗା ବେରଣି କିହାନା କାତା ଆଡ଼େରି □ ଜୀସୁଇଁ ଦସ୍‌ପା ଅହାନା ପିଲାତ କେୟୁତା ହେରପିତେରି □

୨ ପିଲାତ ଏଝାଣାଇଁ ଖେରେସି, “ନାନୁ କି ଜୀହୁଦି ଲକୁଟି ରାଜା ?”

ଜୀସୁ ଏଝାଣାଇଁ ଏଲେଇରେସି, “ନାନୁଏ ଏଲେ ଇଞ୍ଜିମାଞ୍ଜି □”

୩ ଇଞ୍ଜା କାଜା ପୂଜେରାଙ୍ଗା ଜୀସୁ କପାଟି ହାଡ଼େକା କାତାୟାଁ ଖେସ୍ତେରି □

୪ ଏମ୍ବାଟିଏ ପିଲାତ ଅଡ଼େ ଖେଣ୍ଡେ ଏଝାଣାଇଁ ଖେରେସି, “ନାନୁ ଏନାଆଁତାକି ଖେସିମାଞ୍ଜିଅତି ? ମେହ୍‌ମୁ ଇଝାରି ନୀ କପାଟି ହାଡ଼େକା କାତା ଜଲିମାନେରି □”

୫ ସାମା ଜୀସୁ ଏନ୍ତି ହାଡ଼ା ଜଳାଆତେସି, ଏରେଟିଏ ପିଲାତ କାବା ଆଡ଼େସି □

ଜୀସୁ ହାନି ତଣ୍ଡ

(ମାତି ୨୭:୧୫-୨୬; ଲୁକ ୨୩:୧୩-୨୫; ଜହ ୧୮:୩୯; ୧୯:୧୬)

୬ ସାମା ପାରୁ ବେଲାତା ଲକୁ ଆମିନି କାୟିଦି ଗାଟାଣାଇଁ ରାସିମାରେରି, ଏଝାଣାଇଁ ପିଲାତ ଏଝାରି ତାକି ପିସିମାରେସି □

୭ ଆମିନି ଗଡ଼ହା ଗାଟାରି ଗଡ଼ହା ବେଲାତା ଲକୁଣି ପାୟାମାରେରି, ଏଝାରିତଲେ ବାରବା ଦରୁଗାଟାସି କାୟିଦିତା ମାରେସି □

୮ ଏଦାଆଁତାକି ତାନି ମେରା ଲେହେଁ କିହାଲି ପିଲାତଇଁ ବାତିମାଲିତେରି □

୯ ଏମ୍ବାଟିଏ ପିଲାତ ଏଝାରାଇଁ ଏଲେଇରେସି, “ମୀରୁ ଏନାଆଁ ଅଣ୍ପିମାଞ୍ଜେରି ? ନାନୁ ମିଙ୍ଗେତାକି ଜୀହୁଦି ଲକୁଟି ରାଜାଇଁ ପିସାହିୟାଇଁ ?”

୧୦ ଇଚିହ୍ କାଜା ପୂଜେରାଙ୍ଗା ଏଝାଣାଇଁ ଡ଼ାହାରା ତଲେ ହେରପାମାରେରି, ଏଦାଆଁ ଏଝାସି ପୁରେସି □

୧୧ ସାମା ଏଝାସି ଏନ୍ତିକ୍ ଏଝାରି ତାକି ବାରବାଇଁ ପିହ୍‌ନେସି, ଏଦାଆଁତାକି କାଜା ପୂଜେରାଙ୍ଗା ଲକୁଣି ଖେସ୍ତେରି □

୧୨ ସାମା ପିଲାତ ଖେଣ୍ଡେ ଏଝାରାଇଁ ଏଲେଇଚେସି, “ଆଡ଼ିହିଁ ଆମ୍ବାଆରାଇଁ ଜୀହୁଦି ଲକ୍ଷୁତି ରାଜା ଇଞ୍ଜିଁ ମାଞ୍ଜେରି, ଜୀସୁଇଁ ନାନୁ ଏନାଆଁ କିଇଁ ?”

୧୩ ଲକ୍ଷୁ ବାରେ କାଲ୍ଲୁଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ □”

୧୪ ଏମ୍ବାଟିଏ ପିଲାତ ଏଝାରାଇଁ ଖେଚେସି, “ଏନାଆଁତାକି ଏଝାସି ଏନି ଦହ କିହାମାନେସି ?”

ସାମା ଏଝାରି ଗାଡ଼ି କାଲ୍ଲୁଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ □”

୧୫ ଏଚେଟିଏ ପିଲାତ ଲକ୍ଷୁଣି ରାହାଁ କିହାଲି ମନ କିହାନା ଏଝାରି ତାକି ବାରବାଇଁ ପିସ୍ତେସି, ଇଞ୍ଜାଁ ଜୀସୁଇଁ ସାଟ୍ଟଣି ତଲେ ଖେପି କିହାନା ପାସି ମୁଣ୍ଡାତା ଏକହାଲି ହେର୍ପିତେସି □

କସକା ଜୀସୁଇଁ ନିନ୍ଦାକିହିଁ କାକ୍ନାୟି (ମାତି ୨୭:୨୭-୩୧; ଜହ ୧୯:୨-୩)

୧୬ ଏମ୍ବାଟିଏ କସକା ଜୀସୁଇଁ ଆଂଗେଣିଟି ମେଡ଼ା ଇଲୁ ବିତ୍ତା ଅହାନା ବାରେ କସକାଣି ହାଟାନା ରୁଣ୍ଡା କିତେରି □

୧୭ ଏଝାରି ଏଝାଣାଇଁ ହେୟାଁ ଝାଣା ହିମ୍ବୁରି ହୁଟିକିତେରି ଇଞ୍ଜାଁ ହାପ୍ପକା ଟପେରି ଆଲାନା ଏଝାଣି ତାୟଁ ତୁା ତୁର୍ଝି କିତେରି;

୧୮ ଅଡ଼େ “ଏ ଜୀହୁଦି ଲକ୍ଷୁତି ରାଜା ଜହରା” ଇଞ୍ଜିଁ ଏଝାଣାଇଁ ନିନ୍ଦାକିତେରି □

୧୯ ଇଞ୍ଜାଁ ଏଝାରି ର ବାଡ଼ଗା ଆସାନା ଏଝାଣି ତାୟଁ ତୁା ଖେତେରି ଇଞ୍ଜାଁ ମେଣ୍ଡାକୁତାନା ଜହରା କିତେରି □

୨୦ ଏଝାରି ଏଝାଣାଇଁ ଲାଜାକିହିଁ କାକ୍ନି ତାୟଁ, ଏ ହେୟାଁ ଝାଣାଗାଟି ହିମ୍ବୁରି ହୁକ୍ତା ଅହାନା ତାନି ହିମ୍ବୁରି ହୁଟିକିତେରି □ ଇଞ୍ଜାଁ ଏଝାରି ଏଝାଣାଇଁ ପାସି ମୁଣ୍ଡାତା ଏକହାଲି ପାଙ୍ଗାତା ଅଡ଼େରି □

ଜୀସୁଇଁ ପାସି ଏକ୍ନାୟି (ମାତି ୨୭:୩୨-୪୪; ଲୁକ ୨୩:୨୭-୪୩; ଜହ ୧୯:୧୭-୨୭)

୨୧ ☆ଏଚିବେଲା ଆଲେକ୍ନାଣ୍ଡାର ଇଞ୍ଜାଁ ରୁପତାନି ଆବା ସିମନ ଦରୁଗାଟି ର କୁରିଣିୟ ଲକ୍ଷୁ ନାୟଁଟି ଝାହାନା ଏ ଜିରୁଟି ହାଜିମାଚେସି; ଏଝାରି ଏଝାଣାଇଁ ଜୀସୁତି ପାସିମୁଣ୍ଡା ଡେକାଲି ବାଲାମାତମି କିତେରି □

୨୨ ଇଞ୍ଜାଁ ଏଝାରି ଏଝାଣାଇଁ ଗଲ୍ଗତା ଇଟିହିଁ “ତାୟଁ ଚୁପା” ଇନି ଗାୟତା ତାତେରି □

୨୩ ଇଞ୍ଜାଁ ଏଝାରି ଏଝାଣାକି ପୁଲା ଆଣ୍ଡିତି ଅଜୁରି ରାସା ଗସାଲି ହାତେରି, ସାମା ଏଝାସି ଏଝାଆଁ ଗହୁଆତେସି □

୨୪ ଏଚେଟିଏ ଏଝାରି ଏଝାଣାଇଁ ପାସି ମୁଣ୍ଡାତା ଏକ୍ନେରି, ଇଞ୍ଜାଁ ଆମ୍ବାଆସି ଏନାଆଁ ବେଟା ଆନେସି, ଏଦାଆଁ ପାଦି କିହାନା ତାନି ହିମ୍ବୁରିକା ତାମ୍ବୁତାମ୍ବୁ ବାଟି କିହାନା ଅଡ଼େରି □

୨୫ ଦିନା ନ ଗଂଟା ବେଲାତା ଏଝାରି ଏଝାଣାଇଁ ପାସି ମୁଣ୍ଡାତା ଏକ୍ନେରି □

୨୬ ଇଞ୍ଜାଁ ଏଝାଣିଲାକ ଇଲେଇଞ୍ଜିଁ ରାସ୍ତକି ଆହାମାଚେ, “ଇଝାସି ଜୀହୁଦି ଲକ୍ଷୁତି ରାଜା □”

୨୭ ଇଞ୍ଜାଁ ଏଝାଣି ଚିଝନିଝାକି ରଅଣାଇଁ ଅଡ଼େ ଚେବୁଝାକି ରଅଣାଇଁ, ଇଲେକିହିଁ ରୀ ସରକାଣି ଏଝାରି ଏଝାଣିତଲେ ପାସି ମୁଣ୍ଡାତା ଏକ୍ନେରି □

୨୮ ଏଚେଟିଏ ଦାମ୍ବୁ ପତିତି କାତା ସାତା ଆଡ଼େ, ଏଝାସି ପାପୁ ଗାଟାରି ତଲେ ଲେକା କିଝିଆଡ଼େସି □*

୨୯ ☆ଏ ଜିରୁଟି ହାଜିମାନି ଲକ୍ଷୁ ତାନି ତାକାଁ ଗୁଟ୍ଟକିକିହିଁ ଏଝାଣାଇଁ ନିନ୍ଦାକିହିଁ ଏଲେଇଚେରି, “ଆବା, ମାହାପୁରୁ ଇଲୁତି ଡିକ୍ନାତି ଇଞ୍ଜାଁ ତାନି ଦିନାଟିଏ ଏଦାଆଁ କେପିନାତି, ୩୦ ପାସି ମୁଣ୍ଡାଟି ରେଟାଝାହାନା ନିଙ୍ଗେ ଗେଲ୍ପା କତାମୁ □”

୩୧ କାଜା ପୂଜେରାଙ୍ଗା ଜିକେଏ ଏଲେକ୍ନି ମେରାପୁନାରି ତଲେ ତାମ୍ବୁ ତାମ୍ବୁ ଏଝାଣାଇଁ ନିନ୍ଦାକିହିଁ ଏଲେଇଚେରି, “ଏଝାସି ଅର ଲକ୍ଷୁଇଁ ଗେଲ୍ପିତେସି, ସାମା ତାଙ୍ଗେ ଗେଲ୍ପାଲି ଆଡ଼ିହିଲଅସି □

୩୨ ଇସ୍ରାୟେଲତି ରାଜା କ୍ରୀସ୍ତୁତି ଇଟିହିଁ ଦେବୁଣିଏ ପାସି ମୁଣ୍ଡାଟି ରେଟା ଝାମ୍ବୁ, ଏନିକ୍ନି ମାମ୍ବୁ ଏଦାଆଁ ମେସାନା ନାମାନମି □”

ଇଞ୍ଜାଁ ଆମିନି ଗାଟାରାଇଁ ଜୀସୁତଲେ ପାସି ମୁଣ୍ଡାତା ଏକ୍ନହା ମାଚେରି, ଏଝାରି ଜିକେଏ ଏଝାଣାଇଁ ନିନ୍ଦାକିତେରି □

ଜୀସୁ ହାନାୟି

(ମାତି ୨୭:୪୫-୫୬; ଲୁକ ୨୩:୪୪-୪୯; ଜହ ୧୯:୨୮-୩୦)

୩୩ ବାର ଗଂଟା ବେଲା ଏ ଦେସା ଆନ୍ଦେରି ଆହାନା ତାନି ଗଂଟା ପାତେକା ଡ଼ୟିତେ □

୩୪ ତାନି ଗଂଟା ବେଲାତା ଜୀସୁ କାଜା ହାଡ଼ାତଲେ ହାଟାନା ଏଲେଇଚେସି, “ଏଲହି ଏଲହି ଲାମା ସାବକ୍ତାନି ?” ଇଟିହିଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଙ୍ଗେ ଏନାଆଁତାକି ପିସ୍ତାତି ?”

୩୫ ଇ ହାଡ଼ା ଖେଞ୍ଜାନା ଦାରିତା ନିଚାମାନି ଲକ୍ଷୁ ଆମ୍ବା ଆମ୍ବାଆରି ଏଲେଇଚେରି, “ମେହଦୁ ଏଝାସି ଏଲିୟଇଁ ହାଟି ମାନେସି □”

୩୬ ଇଞ୍ଜାଁ ରଅସି ହଟିହିଁ ହାଜାନା ର ଡ଼ାଝାଆଲି ପୁଲା ଅଜୁରି ରାସାତା ମେଡ଼ହାନା

☆ ୧୫:୨୧ ୧୫:୨୧ ରମି ୧୭:୧୩ * ୧୫:୨୮ ୧୫:୨୮ ଜିସାୟ ୫୩:୧୨ କଚେକା ସାସ୍ତେରିତା ଇ କାତା ରାସ୍ତକି ଆହାହିଲେଏ □
☆ ୧୫:୨୯ ୧୫:୨୯ ମାର୍ଚ୍ଚ ୧୪:୫୮; ଜହ ୨:୧୯

ଏଦାଆଁ ର ବାଡ଼ଗାତା ରୂପାନା ଏଝାଣାକି ଗସାଲି ହାହାନା ଏଲେଇଚେସି, “ହେଣୁ ଏଲିୟ ଇଝାଣାକି ଗେଲ୍ପାଲି ଝାହିମାନେସି କି ଆଏ ସିନିକିନ □”

୩୭ ସାମା ଜାସୁ କାଜା ଗିୟାତଲେ ଜଲ୍ଲାନା ହାଡେସି □

୩୮ ଇଞ୍ଜା ମାହାପୁରୁ ଇଲୁତା ଲେଚାମାନି ହିମ୍ବୁରି ଲାକଟିଏ ଡ଼ଇ ପାତେକା ଗେଞ୍ଜାନା ରା ବାଗା ଆଡେ □

୩୯ ଏଝାଣି ନକିତା ନିଚାମାନି ପାସାକଡ଼ି କସକା ମୁହେଁ କାଜାସି ଏଝାଣି ଇଲେଡି ହାଡାଣି ମେସାନା ଏଲେଇଚେସି, “ସାତେଏ, ଇଝାସି ମାହାପୁରୁଡି ମାର୍ବସି ମାଚେସି □”

୪୦ ✱ଏଚେକା ଇୟାସିକା ଜିକେଏ ହେକଟି ସିନିକିହିମାରୁ; ଏଝାସିକା ବିତ୍ତାଟି ମଗ୍ଦଲିନି ମରିୟମ, ଉଣା ଜାକୁବ ଇଞ୍ଜା ଜସିତି ଇୟା ମରିୟମ, ଅଡେ ସାଲମି ମାରୁ;

୪୧ ଏଝାସି ଗାଲିଲିତା ମାଚାଟି ଏଝି ଏଝାଣି କେଚ ହାଜାନା ଏଝାଣି ସେବା କିହିମାରୁ; ଏଝାସିକା ତଲେ ଜିରୁସାଲମତା ଝାହାମାନି ହାରେକା ଇୟାସିକା ସିନିକିହିମାରୁ □

ଜାସୁଇଁ ମାହଣି ମାଣ୍ଡାତା ମୁହନାୟି

(ମାଡି ୨୭:୫୭-୬୧; ଲୁକ ୨୩:୫୦-୫୬; ଜହ ୧୯:୩୮-୪୨)

୪୨ ଝେଡ଼ା ହାଜିମାଚାଟି, ଏ ଦିନା ତିୟାରା ଆନି ଦିନା ଇଚିହିଁ ଜମିନି ଦିନାତି ନକିତି ଦିନା ମାଚାକି,

୪୩ ହାରାମାତିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନ୍ନିଗାଟାସି ମାଚେସି, ଇଞ୍ଜା ଆମିନିଗାଟାସି ତାନୁଏ ମାହାପୁରୁଡି ରାଜି କାଟିମାଚେସି, ଏଝାସି ସାସାତଲେ ପିଲାତ ତାଣା ହାଜାନା ଜାସୁତି ଆଙ୍ଗା ରାସ୍ତେସି □

୪୪ ସାମା ଏଝାସି ହାଡେସିଏ ଇ କାତା ପିଲାତ ଝେଞ୍ଜାନା କାବା ଆଡେସି, ଇଞ୍ଜା ପାସାକଡ଼ି କସକା ମୁହେଁ କାଜାଣାକି ତାଗେ ହାଚାନା ଝେଚେସି, “ଏଝାସି ହାହାନା ହାରେକା ବେଲା ଆଡେୟିଏ ?”

୪୫ ପାସାକଡ଼ି କସକା ମୁହେଁ କାଜାଣି ତାଣାଟି ଏ କାତା ପୁଞ୍ଜାନା ଆଙ୍ଗାଟି ଅହାଲି ଜସେପଇଁ ହେଲ ହାଡେସି □

୪୬ ଏଝାସି ର ପାଡ଼ାଡ଼ା ହିମ୍ବୁରି କତାନା ଏଝାଣାକି ରେପହା ତାଚାନା ଏ ହିମ୍ବୁରି ରୂପିଚେସି ଇଞ୍ଜା ହରୁତା କାରହାମାନି ମାଡ଼ହା ମୁହନି ଚାୟୁତା ଏଝାଣାକି ଇଚାନା ଦୁଝେରିତା ର କାଜା ଝାଲି ଉସି କିଚେରି □

୪୭ ଏଝାଣାକି ଆମିନି ଚାୟୁତା ଇଚକି ଆହାମାନେ, ଏଦାଆଁ ମଗ୍ଦଲିନି ମରିୟମ ଇଞ୍ଜା ଜସି ତାମି ଇୟା ମରିୟମ ମେସାମାରୁ □



ଜାସୁ ଝେଣ୍ଡେ ନିଙ୍ଗନାୟି

(ମାଡି ୨୮:୧-୮; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାୟାଲିଏ ମଗ୍ଦଲିନି ମରିୟମ, ଜାକୁବ ତାମି ଇୟା ମରିୟମ, ଇଞ୍ଜା ସାଲମି ଗାନ୍ଦାଗାଟି ନିୟୁଁ କଡ଼ିତୁ, ଏନିକିଁ ଏଝି ହାଜାନା ଜାସୁ ଆଙ୍ଗାତା ରୁବାଲି ଆଡ଼ିନୁ □

୨ ଏଝି ଝାଚାଟି ମୂଲୁ ଦିନା ଲାଇ ଝେଡ଼ା ହନି ବେଲାତା ମାହଣି ମାଣ୍ଡାତା ହାରୁ □

୩ ଏଝି ତାମ୍ବୁ ତାମ୍ବୁ ଝେସପି ଆହିମାରୁ, “ଆମ୍ବାଆସି ମାଙ୍ଗେତାକି ମାହଣି ମାଣ୍ଡା ଦୁଝେରିତି ଝାଲି ଉସିକିହା ହିୟାନେସି ?” ଏନାଆଁତାକି ଇଚିହିଁ ଏ ଝାଲି ହାରେକା କାଜାୟି ମାଚେ □

୪ ସାମା ଏଝି ଏମ୍ବାଆଁ ସିନିକିନି ବେଲାତା, ଝାଲି ଉସିକିଝି ଆହାମାଚେ □

୫ ଏଝି ମାହଣି ମାଣ୍ଡାତା ହତାନା ଦବ୍ଲା ହିମ୍ବୁରି ହୁଚାମାନି ର ଦାଂଗଣେଏଣାକି ଚିଃନିଝାକି କୁଗାମାନାଣି ମେସାନା ହାରେକା କାବାଆଡୁ □

୬ ଏମ୍ବାଟିଏ ଏଝାସି ଏଝାସିକାଣି ଏଲେଇଚେସି, “ଆଜାଆଡୁ; ମାରୁ ପାସି ମୁଣ୍ଡାତା ହାହାମାନି ନାଜରିତ ଜାସୁଇଁ ପାରିମାଞ୍ଜେରି; ଏଝାସି ନିଙ୍ଗମାନେସି, ଏଝାସି ଇମ୍ବାଆଁ ହିଲଅସି, ମେହ୍ଦୁ ଇମ୍ବାଆଁ ଏଝାଣାକି ଇଚାମାଚେରି □

୭ ✱ସାମା ମାରୁ ହାଜାନା ତାମି ସୀସୁୟାଁ ଇଞ୍ଜା ପିତରଇଁ ଝେହ୍ଦୁ, ଏଝାସି ମୀ ନକି ନକିତା ଗାଲିଲିତା ହାଜିମାନେସି; ଏଝାସି ମିଙ୍ଗେ ଏନିକିଁ ଝେସାମାଞ୍ଜାଚେସି, ଏଲେକିହିଁ ଏ ମାରୁ ଏଝାଣାକି ଏମ୍ବାଆଁ ମେହ୍ଦେରି □”

୮ ଏମ୍ବାଟିଏ ଏଝି ମାହଣି ମାଣ୍ଡାଟି ହରୁ, ଇଚିହିଁ ଏଝି କାବା ଆହାନା ଆଜିତାକି ତୀରଗିମାରୁ, ଇଞ୍ଜା ଆମ୍ବାଆରାଇଁ ଏନାଆଁ ଝେହ୍ଥାଡୁ* □

ଜାସୁ ମଗ୍ଦଲିନି ମରିୟମଇଁ ତଞ୍ଜା ଆନାୟି

(ମାଡି ୨୮:୯-୧୦; ଜହ ୨୦:୧୧-୧୮)

୯ ଝାଚାଟି ମୂଲୁତି ଦିନା ଲାଇସିଏ ଏଝାସି ଝେଣ୍ଡେ ନିଙ୍ଗନା, ଆମିନିଗାଟାଣି ସାତାଗଟା ବୁଡୁୟାଁ ପିସପି କିହାମାଚେସି, ଏ ମଗ୍ଦଲିନି ମରିୟମନି ତଲିଏ ତଞ୍ଜାଆଡେସି □

✱ ୧୫:୪୦ ୧୫:୪୦ ଲୁକ ୮:୨,୩ ✱ ୧୭:୭ ୧୭:୭ ମାଡି ୨୭:୩୨; ମାର୍ଚ୍ଚ ୧୪:୨୮ * ୧୭:୮ ୧୭:୮ ଏଝି ପିତର ତଲେ ମାଡି ବାରେ ଲକୁତାଣା ଏ କାତା ଝେସ୍ତୁ □ ୧୭:୨୦ ଇଦାଆଁ ତାୟୁ, ଜାସୁ ତାନୁଏ ଜିକେଏ ଏଝାସିକା ତଲେ ସୁତୁ ଅଡେ କାଲାକାଲାତି ଗେଲ୍ପି ଆନାଣି ଝେକହାଲି ତାକି ଝେଡ଼ା ହପୁ ଝାକିଟି ଝେଡ଼ା ହାନି ଝାକି ପାଣ୍ଡିଚେସି □

୧୦ ଏହି ହାଜନା ଆମିନି ଗାଟାରି ତାମିତଲେ ମାଚେରି, ଏଝାରାଇଁ ଝେସ୍ତେ; ଇଚିହିଁ ଏଝାରି ଦୁକୁଟି ଡାହି ମାଚେରି □

କିହାନା ତାନି ବାରେ ସିନାୟାଁ ତଲେ ଏଝାରି ଝେକ୍‌ହାମାନାଣି ସାତା ଇଞ୍ଜିଁ ତସ୍ତେସି □

୧୧ ଜୀସୁ ନୀତାମାନେସି, ଇଞ୍ଜାଁ ଏଦାନି ତଞ୍ଜା ଆହାମାନେସି, ଇଦାଆଁ ଝେଞ୍ଜାନା ଏଝାରି ନାମାଆତେରି □

ଜୀସୁ ରୀ ସୀସୁୟାଁଣି ତଞ୍ଜା ଆନାୟି
(ଲୁକ ୨୪:୧୩-୩୫)

୧୨ ଏଚେଟିଏ ଇ ବାରେ ଆଡ଼ି ତାୟୁ ଏଝାରି ବିତ୍ରାଟି ରୀ ସୀସୁୟାଁ ର ନାୟୁଁତା ହାଜିମାଚାଟି ଏଝାସି ଅରୁ ଝାଣା ତଲେ ଏଝାରାଇଁ ତଞ୍ଜାଆଡେସି, ୧୩ ଇଞ୍ଜାଁ ଏଝାରି ହାଜନା ଏଚକା ତାରାଇଁ ଝେସ୍ତେରି; ସାମା ଏଝାରି କାତା ଜିକେଏ ଏଝାରି ନାମାଆତେରି □

ଜୀସୁ ଏଗାର ଜାଣା ସୀସୁୟାଁ ତଞ୍ଜା ଆନାୟି
(ମାତି ୨୮:୧୭-୨୦; ଲୁକ ୨୪:୩୬-୪୯; ଜହ ୨୦:୧୯-୨୩; କାମା ୧:୭-୮)

୧୪ ଏମ୍ବାଟିଏ ଏଗାର ଜାଣା ସୀସୁୟାଁ ତିଞ୍ଜାଲି କୁଗାମାଚାଟି ଜୀସୁ ଏଝାରାଇଁ ତଞ୍ଜାଆଡେସି ଇଞ୍ଜାଁ ଏଝାରି ନାମିହିଲିଆତାକି ଇଞ୍ଜାଁ ହିୟାଁତି ଆଟ୍‌ଝାତାକି ଏଝାରାଇଁ ଦାକା ହୀତେସି, ଇଚିହିଁ ଆମିନି ଗାଟାରି ଏଝାଣି ଝେଶ୍ତେ ନିଜିତାଣି ମେସାମାଚେରି, ଏଝାରି କାତା ଏଝାରି ନାମା ହିଲିଆତେରି □

୧୫ ଇଞ୍ଜାଁ ଜୀସୁ ଏଝାରାଇଁ ଏଲେଇଚେସି, “ମୀରୁ ବାରେ ଦାର୍‌ତିତା ହାଜନା ବାରେ କୃତାତି ଲକୁତାଣା ନେହିଁ କାରୁ ଝେହ୍‌ଦୁ □

୧୬ ଆମ୍ବାଆସି ନାମାନା ବାପ୍ତିସ୍ମାଁ ଅନେସି ଏଝାସି ଗେଲ୍‌ପି ଆନେସି; ସାମା ଆମ୍ବାଆସି ନାମଅସି ଏଝାସି ତଣ୍ଡ ବେଟାଆନେସି □

୧୭ ଇଞ୍ଜାଁ ନାମିନାରାକି ଇ ସିନାୟାଁ ଆନୁ, ଏଝାରି ନା ଦରୁତଲେ ବୃତୁୟାଁ ପିସ୍‌ପି କିନେରି, ପୁଃନି ପୁଃନି ହାଡାତଲେ ଜଲିନେରି,

୧୮ କେସ୍ମାତଲେ ରାସ୍‌କା ଆହ୍‌ନେରି, ଇଞ୍ଜାଁ ହାନ୍ତି ଅସ ଗସ୍ତିହିଁ ଜିକେଏ ଏଝାରି ଏନାଆଁ ଆଅରି; ଏଝାରି ନଫେରି ଦୁକା ଗାଟାରି ଲାକ କେୟୁ ଇଚିତିହିଁ ଏଝାରି ନେହିଁ ଆନେରି □”

ଜୀସୁ ଲାକପୁରୁ ଅଢ଼ିଆନାୟି
(ଲୁକ ୨୪:୫୦-୫୩; କାମା ୧:୯-୧୧)

୧୯ ✱ ଇଲେକିହିଁ ଏଝାରାଇଁ ବାରେ କାତା ଝେସ୍ତି ତାୟୁ ଜୀସୁ ଲାକପୁରୁ ଅଢ଼ିଆହାନା ମାହାପୁରୁତି ଚିଃନିଝାକି କୁଗିତେସି □

୨୦ ସାମା ଏଝାରି ହାଜନା ବାରେଝାକି କାରୁ ଝେସ୍ତେରି, ଇଞ୍ଜାଁ ପ୍ରବୁ ଜୀସୁ ଏଝାରିତଲେ କାମା

† ୧୭:୧୭ ୧୭:୧୭ ମୁଞ୍ଜିନାୟି ✱ ୧୭:୧୯ ୧୭:୧୯ କାମା ୧:୯-୧୧

ଲୁକ ଲିଖିତ ସୁସମାଚାର ଲୁକ ରାଚାମାନି ନେହ କାବୁ ମୂଲୁ ହାଡ଼ା

ଲୁକ ରାଚାମାନି ନେହ କାବୁତା ଜୀସୁ କ୍ରୀସ୍ତ ଜୀସୁତ କାତା ରାସ୍ତକି ଆହାମାନେ □ ପୁଃନି ମୋରାତି ସାରିଗଟା ନେହ କାବୁ ପତିୟା ବିତ୍ରାଟି ଇଦି ରଣ୍ଡି “ନେହ କାବୁ” ଇନେରି □ ଇ ବାରେ ପ୍ରବୁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାନେରି □ ଲୁକ ଜୀସୁ ମାହାପୁରୁଖାଣି ଏନାଆଁ ଗଟ଼ି ଆହାମାନେ ଅଡ଼େ ଜୀସୁ ହାହାନା ଖେଣ୍ଡେ ନିଜିତି ତାୟୁ ଲାକପୁରୁ ହାଚାଣି ଇଞ୍ଜା ତାମି ସୀସୁୟା ଏନିକ କାମା କିତେରି ଏ ବାରେ ରାଚାମାନେସି □ ଏ ପତିୟା “ପାଣ୍ଡି ଆହାମାନାରି କାମା” ଇଞ୍ଜା ଇନେରି □ ଇ ପତି ଏଡ଼େତା ରାସ୍ତକି ଆହାମାନେ, ଅଡ଼େ ଆମିନି ଚାୟୁତା ରାସ୍ତକି ଆହାମାନେ, ଏ କାତା ଆମ୍ବାଆସି ନେହ କାବୁ ପୁଞ୍ଜାହିଲଅସି, ଇ ପତି ଜୀସୁ କ୍ରୀସ୍ତ ଜାର୍ନା ଆଡ଼ି ୭୨ ବାର୍ସା ତାୟୁ ରାସ୍ତକି ଆହାମାନେ □

ଇ ପତିତା ଜୀସୁ ଇସ୍ରାୟେଲତି ଗେଲ୍ପିନାସି ଅଡ଼େ ବାରେ କୃତାତି ଲକୁଣି ଗେଲ୍ପିନାସି ଇଞ୍ଜା ଲୁକ ତାନି ନେହ କାବୁତା ରାଚାନା ତସାମାନେସି □ ହିଲାଆ ଗାଟାରି ତାଣା ନେହ କାବୁ ଖେକହାଲି, ମାହାପୁରୁତି ସୁଦୁଜୀସୁ ଜୀସୁଇଁ ଆଚାମାଚେ, ଇଞ୍ଜା ଜୀସୁ ଏନିକ ହାରେକା ଦେବା ଦୁକୁ କସ୍ତ ଗାଟାଚାକ୍ ଅଡ଼େ ହିଲାଆଗାଟାଚାକ୍ ସାୟେମି କିହାମାଚେସି ଲୁକ ରାଚାମାନେସି □

ଜୀସୁ ଜାର୍ନାଆଡ଼ି ବେଲାତା ଦୂତୁୟା ପାବୁ ପାଡ଼ିନାୟି ଅଡ଼େ ମେଣ୍ଡା ଗଡ଼କା ଜୀସୁଇଁ ବେତି ହାନାୟି, ଜୀସୁ ବାର ବାର୍ସା ଆହାମାଚାଟି ମାହାପୁରୁ ଇଲୁତା ହାନାୟି, ଇଞ୍ଜା ନେହ ସମିରଣି ଅଡ଼େ ଜାଜିତି ମାର୍ଏଣି ପୁଣ୍ଡିକିନି କାତା ଇ ବାରେ ସାରିଗଟା ନେହ କାବୁ ରାଚାମାନାରି ବିତ୍ରା ଲୁକ ନେହ କାବୁ ରାଚାନା ତସାମାନେସି □ ଅଡ଼େ ମାହାପୁରୁ ତାଣା ପ୍ରାତାନା କିନାଣି ଜିକେଏ ଲୁକ ହାରେକା ରାଚାନା ତସାମାନେସି ୩:୨୧; ୬:୧୬; ୬:୧୨; ୧୧:୧-୧୨ □ ସୁଦୁଜୀସୁ ବେଟାଆନି କାତା, ଜୀସୁଇଁ ସେବାକିନି ଇୟାସିକା କାତା ଇଞ୍ଜା ମାହାପୁରୁ ଲକୁଇଁ ତାମି ପାପୁ ମେକ୍ସୁନି କାତା ଇ ବାରେ କାତା ଲୁକ ହାରେଏ ନେହ କାବୁ ରାଚାନା ଖେସାମାନେସି ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ □

ପତିତା ମାନାୟି

- ୧ ଲୁକ ଖେକନାୟି ଅଡ଼େ ଏନାଆଁତାକି ରାଚାମାନାଣି ଖେକନାୟି □ ୧:୧-୪
- ୨ ଜୀସୁ କ୍ରୀସ୍ତ ଜାର୍ନା ଅଡ଼େ ସେବା କାମା ମାଚୁନାୟି □ ୧:୫-୪:୧୩
- ୩ ଜୀସୁ କ୍ରୀସ୍ତ କାବାଆନି କାମାୟାଁ ଅଡ଼େ ଜାପୁନାୟି □ ୪:୧୪-୨୧:୩୮
- ୪ ଜୀସୁ କ୍ରୀସ୍ତ ହାନାୟି, ମାହାଣିଣା ମୁହନାୟି ଅଡ଼େ ଖେଣ୍ଡେ ନିଜିନାୟି □ ୨୨:୧-୨୪

ମାଚୁନି କାତା

୧ ମୂଲୁଟିଏ ଆମ୍ବାଆରି ତୀରେ ମେସ୍ତାରି ଇଞ୍ଜା ବଲୁ ଖେକନାରି, ଏଞ୍ଜାରି ମାଚେ ହେରପା ମାଞ୍ଜାନି ଲେହେଁ,

୨ ମା ବିତ୍ରା ଆହାମାନି କାମା ବାରେ ହାରେକା ନେହ କାବୁ ରାଚାଲି ଜାଗ୍ରାତା ଆହାମାନେରି □

୩ ଜୀସୁତି ତିୟପିଲ, ମୂଲୁଟିଏ ବାରେ କାତା ନେହ କାବୁ ସିନିକହାନା ଏମ୍ବାଆଁ ଏନାୟି ମାନେ ଏନାଆଁ ନିଜେତାକି ରାଚାଲି ନାନୁ ଜିକେଏ ନେହେଁ ଇଞ୍ଜା ଅଣପିତେଏଁ □

୪ ଏନିକ ନାନୁ ଏ ବାରେ କାତା ଜାପାମାଞ୍ଜି, ଏଡ଼ି ସାତା ଇଞ୍ଜା ପୁଞ୍ଜାଲି ଆଡ଼ିଦି □

ବାପ୍ତିସ୍ତା* ହାନି ଜହନତି ଜାର୍ନାତି କାବୁ

୫ ଜୀହୁଦା ଦେସାତି ରାଜା ହେରଦ ବେଲାତା ଅବିୟ କୃତାତି ଜିକରିୟ ଦରୁଗାଟି ର ପୂଜେରା ମାଚେସି; ତାନି ତକ୍ତି ହାରଣ କୃତାତି ମାକ୍ସା, ଏଦାନି ଦରୁ ଏଲିସାବେତ □

୬ ଜିକରିୟ ଅଡ଼େ ଏଲିସାବେତ ମାହାପୁରୁତି ହୁକୁମି ଇଞ୍ଜା ମୋରା ତଲେ ଦହ ହିଲାଆଗାଟାକ୍ ଆହାନା ମାହାପୁରୁ ନକିତା ଦାମ୍ବୁ ଗାଟାକ୍ ମାରୁ □

୭ ସାମା ଏଞ୍ଜାକି କକାରି ପଦାୟାଁ ହିଲାଆତୁ, ଇଡ଼ିହ ଏଲିସାବେତ ବାଞ୍ଜେଣି ମାଚେ, ଅଡ଼େ ତକ୍ତି ତକ୍ତା ରିଆରି ଜିକେଏ ଗାଡ଼ି ବୁଡ଼ୁହି ବୁଡ଼ୁହା ଆହାମାଚେରି □

୮ ର ଦିନା ଜିକରିୟ ତାମି ଗତିତି ପାଲି ଏଜାଲିଏ ମାହାପୁରୁ ନକିତା ପୂଜେରା କାମା କିନି ବେଲାତା,

୯ ପୂଜେରା କାମାତି ମୋରା ତଲେ ଆଡ଼ି ଆହାନା ଏଞ୍ଜାକି ମାହାପୁରୁ ଇଲୁତା ହଡାନା ଦୁପ୍ପଣି ହାହାଲି ଆଡେ,

୧୦ ଇଞ୍ଜା ଦୁପ୍ପଣି ହାନି ବେଲାତା ବାରେ ଲକୁ ପାକ୍ସାତା ପ୍ରାତାନା କିହିମାଚେରି □

୧୧ ଏତିବେଲା ମାହାପୁରୁତି ର ଦୂତୁ ଦୁପ୍ପଣି ପିଣ୍ଡା ଚିଃନିଖାକି ନିଚାନା ଏଞ୍ଜାକାକ୍ ତଞ୍ଜାଆଡେ □

୧୨ ଜିକରିୟ ଏଦାଣି ମେସାନା କାବାଆହାନା ଆଜିତେସି □

* ୧:୪ ୧:୫ ମୁଞ୍ଜନାୟି

୧୩ ସାମା ଦୂତୁ ଏଝାଣାଇଁ ଏଲେଇଚେ,
“ଜିକରିୟ, ଆଜାଆନି, ଇଚିହିଁ ମୀ ଗହାରା
ଝେଣ୍ଟି ଆହାମାନେ, ଇଞ୍ଜା ନୀ ତକ୍ତି ଏଲିସାବେତ
ନିଙ୍ଗେତାକି ର କକାଣାଇଁ ଜାନି କିନେ, ଇଞ୍ଜା
ଏଝାଣି ଦରୁ ଜହନ ଇଞ୍ଜିଁ ହୀଦେରି □

୧୪ ଇଚିହିଁ ଏଝାସି ମୀ ରାହାଁତି ରାହାଁ ଆନେସି,
ଇଞ୍ଜା ହାରେକା ଏଝାଣି ଜାନୀତା ରାହାଁ କିନେରି □

୧୫ ଇଞ୍ଜା ଏଝାସି ମାହାପୁରୁ ନକିତା କାଜାସି
ଆନେସି; ଏଝାସି ଅଙ୍ଗୁରି ରାସା କି କାଡ଼ୁ ଏଚେଲାଝା
ଗହଅସି, ଇଞ୍ଜା ତାଲିନି ବାଣ୍ଟିଟିଏ ସୁଦୁଜୀଝୁତା
ବେଟାଆନେସି,

୧୬ ଏଝାସି ଇସ୍ରାୟେଲ ମୀରକା ବିତ୍ରାଟି ହାରେକା
ଲକୁଇଁ ମାହାପୁରୁ ଝାକି ଝେଟ୍‌ହା ତାନେସି □

୧୭ ତାଞ୍ଜିୟାଁ ହିୟାଁ ମୀରକା ଝାକି ଇଞ୍ଜା କାତା
ମାନୁଝି ଆଆଗାଟାରାଇଁ ତୀରିଗାଟି ବୁଦିତା ତାକାଲି
ଝେଟ୍‌ହା ତାଚାଲି ଇଞ୍ଜା ମାହାପୁରୁ ତାକି ତିୟାରା
ଆହାମାନି ର ଲକୁତି କୁଲମି ଜାଗ୍ରାତା କିହାଲି
ବାପ୍ତିସ୍ତାଁ ହାନି ଜହନ ଏଲିୟତି ଜୀଝୁ ଅଡେ ବାଡ଼ୁ
ତଲେ ପ୍ରବୁତି ନକିତା ତାକିନେସି □”

୧୮ ଏଚେଟିଏ ଜିକରିୟ ଦୂତୁଇଁ ଏଲେଇଚେସି,
“ନାନୁ ଆମିନି ସିନା ତଲେ ପୁଇଁ ? ଇଚିହିଁ
ନାନୁ ବୁଡ଼ହାଚେଏଁ, ଇଞ୍ଜା ନା ତକ୍ତିନି ବାସାଁ ଗାତି
ଆଡେୟଏ □”

୧୯ ଦୂତୁ ଏଝାଣାଇଁ ଏଲେଇଚେ, “ନାନୁ
ଗାବ୍ରିୟେଲ, ନାନୁ ମାହାପୁରୁ ନକିତା ନିଚା
ଡ଼ୟିନାଚେଏଁ, ଇଞ୍ଜା ନିଙ୍ଗେ ଝେସାଲି ଅଡେ
ଇ ନେହିଁ କାରୁ ପୁଣ୍ଟି କିହାଲି ନାନୁ ପାଣ୍ଡୁଝି
ଆହାମାଇଁ □

୨୦ ମେହ୍‌ମୁ ଇ ବାରେ ଆଆପାଚେକା ନୀନୁ
ବେବ୍‌ଡା ଆହାନା ଡ଼ୟିଦି, ଇଚିହିଁ ନା ଆମିନି
କାତା ସାତା ଆନେ ଏ ବାରେ ନୀନୁ ନାମାଆତି □”

୨୧ ଏମ୍ବାଟିଏ ଲକୁ ଜିକରିୟଇଁ କାଟିମାଚେରି,
ଇଞ୍ଜା ମାହାପୁରୁ ଇଲୁତା ଇଚେକା ଝେଡ଼ା ଆଡାକି
କାବା ଆହିମାଚେରି □

୨୨ ସାମା ଏଝାସି ପାଙ୍ଗାତା ଝାହାନା ଏଝାରାଇଁ
କାତା ଆହାଲି ଆଡାଆଚେସି; ଏମ୍ବାଟିଏ ଏଝାସି
ମାହାପୁରୁ ଇଲୁତା ଏନାଆଁ ମେସାମାନେସି ଇଞ୍ଜିଁ
ଏଝାରି ପୁଚେରି, ଇଞ୍ଜା ଏଝାସି ଏଝାରାଇଁ କେୟୁ
ହୁଟିହିଁ ତସାଲି ମାଟ୍‌ହେସି ଇଞ୍ଜା ବେବ୍‌ଡା
ଆହାନା ଡ଼ୟିଚେସି □

୨୩ ତାୟୁ ମାହାପୁରୁ ଇଲୁତି ସେବା କାମା
ରାୟାଲିଏ, ଏଝାସି ତାମି ଇଜ ହାଚେସି □

୨୪ ଏଚରଦିନା ହାଟି ତାୟୁ ତାନି ତକ୍ତି
ଏଲିସାବେତ ପୁରାମାସା ଆଡେ ଅଡେ ଏଦି ପାସା
ଲେଞ୍ଜୁ ପାଚେକା ଲକୁଣି ତଞ୍ଜା ଆଆଚେ □

୨୫ ଏଦି ଏଲେଇଚେ, “ନୀଏଁ ନାଙ୍ଗେ ପ୍ରବୁ
କାର୍ମାମେସାନା ଲକୁ ନାଙ୍ଗେ ଲାଜା କିହିମାଞ୍ଜାତାଣି
ପିସ୍‌ପି କିହାଲି ନାଙ୍ଗେ ଇଲେକିଁ କିହାମାଞ୍ଜାନେସି
□”

ଜୀସୁ ଜାନୀତି କାରୁ

୨୬ ଏଲିସାବେତ ପୁରାମାସା ଆହାନା ସ ଲେଞ୍ଜୁ
ଆହାଲିଏ ଗାବ୍ରିୟେଲ ଦୂତୁ ମାହାପୁରୁ ତାଣାଟି
ଗାଲିଲିତି ନାଜରିତ ଗାଡ଼ାଟି ର ଡ଼ାଆ ପଦାନି ତାଣା
ପାଣ୍ଡୁଝିଆଡେ;

୨୭ ଏ ଡ଼ାଆ ପଦାନି ଦାଝୁଦ କୃଡ଼ାତି ଜସେପ
ଇନାଣାକି ରୀସା ମାଚେରି; ଏ ଡ଼ାଆ ପଦା ଦରୁ
ମରିୟମ □

୨୮ ଦୂତୁ ପଦା ତାଣା ଝାହାନା ଏଲେଇଚେ,
“ଆଲ ମାହାପୁରୁତି କାର୍ମା ମେହ୍‌ନାତି ନିଙ୍ଗେ ହିଡ଼ି
ଆୟାପେ □”

୨୯ ମରିୟମ ଏ ହାଡ଼ା ଝେଞ୍ଜାନା ଇଦି
ଏନିଲେହେତି କାତା ଇଞ୍ଜିଁ ଆଜାନା ମନତା
ଅଣ୍‌ପିଚେ □

୩୦ ଏମ୍ବାଟିଏ ଦୂତୁ ଏଲେଇଚେ, “ଆଲ
ମରିୟମ ଆଜାଆନି; ନିଙ୍ଗେ ମାହାପୁରୁ କାର୍ମା
ମେସାମାଞ୍ଜାନେସି □

୩୧ ନାନୁ ପୁରାମାସା ଆହାନା ର ମୀରଏଣାଇଁ
ବେଟାଆଡ଼ି ଏଝାଣି ଦରୁ ଜୀସୁ ଇଞ୍ଜିଁ ଇଚିଦେରି
□

୩୨ ଏଝାସି କାଜାସି ଆନେସି ଇଞ୍ଜା ମାହାପୁରୁ
ମୀରଏସି ଇଞ୍ଜିଁ ଝେଙ୍ଗିନେସି; ପ୍ରବୁ ମାହାପୁରୁ
ଏଝାଣାକି ତାନି ଆକୁ ଦାଝୁଦତି ସିଂଗାସାଣି
ହୀନେସି,

୩୩ ଏଝାସି ଜାକୁବ କୃଡ଼ାତା ଜୁଗୁ ଜୁଗୁତାକି ରାଜି
କିନେସି, ଇଞ୍ଜା ଏଝାଣି ରାଜି ଏଚେଲାଝା ରାଏ □”

୩୪ ସାମା ମରିୟମ ଦୂତୁଇଁ ଏଲେଇଚେ, “ଇଦି
ଏନିକିଁ ଆନେ ? ନାନୁ ତକ୍ତାଇଁ ଜିକେଏ
ପୁଞ୍ଜାହିଲଅଁ □”

୩୫ ଦୂତୁ ଏଲେଇଚେ, “ସୁଦୁଜୀଝୁ ନୀ ଲାକ
ରେଟାଝାନ୍ତେ ଅଡେ ମାହାପୁରୁତି ବାଡ଼ୁୟୁ ଝାନ୍ତେ,
ଏଦାଆଁତାକି ନୀ ତାଣାଟି ଜାନୀ ଆନେସି, ଏଝାସି
ମାହାପୁରୁତି ମୀରଏସି ଇଞ୍ଜିଁ ଝେଙ୍ଗିନେସି □

୩୬ ଅଡେ ମେହ୍‌ମୁ ନୀ କୃଡ଼ାତି ଏଲିସାବେତ
ଜିକେଏ ବୁଡ଼ହି ବେଲାତା ପୁରାମାସା ଆହାମାନେ
□ ଆମିନି ଇୟା ବାଞ୍ଜେଣି ଇଞ୍ଜିଁ ଝେଙ୍ଗାମାନେ,
ଏଦି ନୀଏଁ ସ ଲେଞ୍ଜୁ ଆହାମାନେ;

୩୭ ଇଚିହିଁ ମାହାପୁରୁତି ବଲୁ ବାଡ଼ୁୟୁ
ହିଲାଆଗାଟାୟି ଆଏ □”

୩୮ ଏମ୍ବାଟିଏ ମରିୟମ ଏଲେଇଚେ, “ନାନୁତ
ପ୍ରବୁତି ହଲେଣିଚେଏଁ; ନୀ କାଚେଏ ନାଙ୍ଗେତାକି

† ୧:୧୭ ୧:୧୭ ମୁଞ୍ଜନାୟି ☆ ୧:୨୭ ୧:୨୭ ମାତି ୧:୧୮ ☆ ୧:୩୧ ୧:୩୧ ମାତି ୧:୨୧

ଆୟାପେ □” ଏମ୍ବାଟିଏ ଦୁତୁ ଏଦାନି ତାଣାଟିଏ ହାଚେ □

ମରିୟମ ଏଲିସାବେତ ଇଜ ହାନାୟି
୩୯ ଏମ୍ବାଟିଏ ମରିୟମ ନିଜ୍ଞାନା ଜୀହୁଦା ଦେସାତି ହରକା ରାଜିତି ର ଗାଡ଼ାତା ତବେ ହାଚେ,

୪୦ ଅଡେ ଜିକରିୟ ଇଜ ହାଜାନା ଏଲିସାବେତନି ଜହରା କିତେ □

୪୧ ଅଡେ ଏଲିସାବେତ ମରିୟମନି ଜହରା ଝେଶ୍ଟନିଏ ତାନି ବାଣ୍ଡିତି ମୀଲା ଖାଡିତେ, ଇଞ୍ଜା ଏଲିସାବେତ ସୁଦୁଜୀଝୁଟି,

୪୨ କାଜା ଗିୟାତଲେ ଏଲେଇଚେ, “ଇୟାସିକା ବିତ୍ରାଟି ନୀନୁ ହାରେକା ନେହାଡି, ଇଞ୍ଜା ନୀ ବାଣ୍ଡିତି ମୀଲା ଜିକେଏ ନେହାୟି □

୪୩ ଅଡେ ନା ପ୍ରବୁତି ଇୟା ନା ତାଣା ଖାଚେ ଇ କାର୍ମା ନାଜେ ଏମ୍ବିଟି ଖାଚେ ?

୪୪ ଇଚିହ୍ ନୀ ଜହରା ହାଡ଼ା ନା କିୟ୍ ଝେଶ୍ଟନିଏ ନା ବାଣ୍ଡିତି ମୀଲା ରାହାଟି ଖାଡିତେ

୪୫ ଆମିନି ଗାଟାୟି ନାମିତେ ଏଦାନାକି ନେହେ, ଇଚିହ୍ ପ୍ରବୁ ତାଣାଟି ଏଦାନାକି ଏନାଆଁ ଝେସ୍ପି ଆହାମାନେ ଏ ବାରେ ପୁରା ଆଚେ □”

ମରିୟମତି ଜହରା ପାରୁ

୪୬ ଏଚେଟିଏ ମରିୟମ ଏଲେଇଚେ, “ନା ଜୀଝୁ ପ୍ରବୁତି ଜହରା କିହିମାନେ;

୪୭ ଅଡେ ନା ଜୀଝୁ ନାଜେ ଗେଲ୍ପାନି ମାହାପୁରୁ ତାଣା ରାହା ଆହିମାନେ,

୪୮ ଇଚିହ୍ ଏଝାସି ତାନି ହଚେଲିନି କାର୍ମା କାକୁଲି ମେସାମାନେସି □

ଏନିଇଚିହ୍ ନୀଞ୍ଜୁଟିଏ ବାରେ ଲକୁ ନାଜେ ନେହାୟି ଇଞ୍ଜା ଜଲାନେରି,

୪୯ ଇଚିହ୍ ଆମ୍ବାଆସି ବାରେକିହାଁ ବାଡ଼ୁଗାଟି ମାହାପୁରୁ ଏଝାସି ନା ତାକି କାଜା କାମା କିହାମାନେସି,

ଏଝାଣି ଦରୁ ସୁଦୁ;

୫୦ ଇଞ୍ଜା ତାଜେ ଆଜିନାରାକି ପାରୁ ପାରୁ ତାକି ତାନି କାର୍ମାମେହ୍ନାୟି ଡୟିନେ □

୫୧ ଏଝାସି ତାନି ବାଡ଼ୁଗାଟି କେୟୁଟି କାଜା କାମା କିହାମାନେସି,

ତାହାରା ଗାଟାରାକି ଏଝାରି ହିୟାଡି ଅଶ୍ପୁତା ମାନାଣି ଗୁଟି କିହାମାନେସି;

୫୨ ଏଝାସି ସାଲ୍ଝି କିନାରାକି ତାନି ରାଜା ଗାଦି ପିସ୍ପି କିହାମାନେସି,

କାକୁଲି ଗାଟାରାକି ନିକ୍ହାମାନେସି,

୫୩ ଏଝାସି ହାକି ଗାଟାରାକି ନେହ୍ ଆସ୍ତି ହାହାନା ପାଞ୍ଜି କିହାମାନେସି,

ଇଞ୍ଜା ଦନ ଗାଟାରାକି ଖାଚେ କେୟୁଟି ପାଣ୍ଡାମାନେସି □

୫୪ କାଲ୍ଲକାଲ୍ଲା ତାକି ଅଶ୍ପାଲି ତାନି ହଚେଲିଏସି ଇସ୍ତାୟେଲତି କାର୍ମା ଆହାମାନେସି □

୫୫ କାଲ୍ଲକାଲ୍ଲା ତାକି ଅହାହାମ ଅଡେ ତାନି ବାରେ କୁଡ଼ାତାରାକି କାର୍ମାମେହ୍ନାଣି ବାଣା ଆହାହିଲଅସି □”

୫୬ ଅଡେ ମରିୟମ ତାନି ଲେଞ୍ଜୁ ଏଲିସାବେତ ତଲେ ଡୟାନା ତାନି ଇଜ ଖାଚେ □

ବାପ୍ତିସ୍ମା ହାନି ଜହନତି ଜାର୍ନା

୫୭ ତାୟୁ ଏଲିସାବେତ ପୁରାମାସା ଏଜାଲିଏ ର କକାସି ଜାର୍ନା ଆଚେସି,

୫୮ ଅଡେ ମାହାପୁରୁ ଏଦାନି ହାରେକା କାର୍ମା ମେସାମାନାଣି ଝେଞ୍ଜାନା ତାନି କୁଡ଼ାତାରି ଇଞ୍ଜା ଅଡେ ଆଚ୍ଚିତାରି ଏଦାନିତଲେ ହାରେକା ରାହା କିଚେରି □

୫୯ କକାସି ଖାଚେକା ଆହାଲିଏ, ଏଝାରି ତଲୁ ଦାତାଲି ଖାହାନା ତାନି ଆଚ୍ଚା ଦରୁଲେହେଁ ତାନି ଦରୁ ଜିକରିୟ ଇଟାଲି ମନ କିଚେରି □

୬୦ ସାମା ତାନି ଇୟା ଏଲେଇଚେ, “ଆଏ! ଏଝାଣି ଦରୁ ଜହନ ଆଚେ □”

୬୧ ଏଝାରି ଏଲେଇଚେରି, “ମୀ କୁଡ଼ାତା ଆମ୍ବାଆରାକି ଏଲେତି ଦରୁ ହିଲେଏ!”

୬୨ ଏମ୍ବାଟିଏ ଏଝାରି ତାଞ୍ଜିଗାଟାଣାକି କେୟୁ ହୁଟାନା କକାଣାକି ଏନି ଦରୁ ଇଚିନାୟି ଇଞ୍ଜା ଝେଚେରି □

୬୩ ଜିକରିୟ ର ରାଚିନି ପାଟା ରୀସାନା ଏଝାଣି ଦରୁ ଜହନ ଇଞ୍ଜା ରାଚିଚେସି, ଏଦାଆଁ ମେସାନା ବାରେକାଣା କାବା ଆଚେରି □

୬୪ ଅଡେ ଏ ଦେବୁଣିଏ ଏଝାଣି ଗୁଟି ଅଡେ ଝେନ୍ଦରି ପିସ୍ପି ଆଚେ ଅଡେ ଏଝାସି ଜଲିହ୍ ମାହାପୁରୁତି ଜହରା କିଚେସି □

୬୫ ଏମ୍ବାଟିଏ ତାନି ଲକୁ ବାରେ ଆଜାହାଚେରି, ଅଡେ ଇ କାତା ଜୀହୁଦା ଦେସାତି ହରକା ରାଜିତା ବାରେଖାକି ଝେଜିଚେ,

୬୬ ଇଞ୍ଜା ଝେନି ବାରେ ଲକୁ ଏ କାତା ତାନି ମନତା ଇଟାନା ଏଲେଇଚେରି, “ଆତିହ୍ ଇ କକାସି ଏନିଲେହେଁତାସି ଆଚେସି ?” ଏନିଇଚିହ୍ ପ୍ରବୁ ଇଝାଣି ତଲେ ମାନେସି ଇଞ୍ଜା ପୁଚେରି □

ଜିକରିୟତି ତାୟୁ ଆନି କାତା ଝେକ୍ନାୟି

୬୭ ଅଡେ ଜିକରିୟ ସୁଦୁଜୀଝୁ ତଲେ ଇ ତାୟୁ ଆନି କାତା ଏଲେଇଚେସି,

୬୮ ଇସ୍ତାୟେଲତି ମାହାପୁରୁ ଜହରା □ ଏନିଇଚିହ୍ ଏଝାସି ତାନି ଲକୁଣି କାର୍ମାମେସାନା ଗେଲ୍ପି କିହାମାନେସି;

‡ ୧:୫୭ ୧:୫୭ ମୁଞ୍ଜନାୟି

୨୯ ଏଞ୍ଜାସି ତାନି ହଲେଏସି ଦାଝୁଦ କୁଡ଼ାଟି ମା ତାକି
 ର ଗେଲ୍‌ପିନାଣାଲ୍ ହୀହାମାଞ୍ଜାନେସି □
 ୩୦ ତଲି କାଲ୍‌ଗିଏ ତାନି ନେହ୍ ମାହାପୁରୁ
 ଅଣ୍‌ପୁତି ବଲ୍ଲୁ ଝେହ୍‌ନାରି ଗୁତି ତଲେ
 ଏନିକ୍ ଜଲ୍ଲା ମାଚେରି,
 ୩୧ ଏଲେକିହ୍‌ଏ ମାଙ୍ଗେ ମା ସାଡୁୟ୍
 ତାଣାଟି ଅଡେ ମାଙ୍ଗେ ଅପାଆଗାଟାରି
 ତାଣାଟି ଗେଲ୍‌ପି କିହାମାଞ୍ଜାନେସି,
 ୩୨ ଏଞ୍ଜାସି ଏଲେ ଇଞ୍ଜାମାନେସି, ଏଞ୍ଜାସି ମା
 ଆକୁୟ୍‌ଣି କାର୍ମା ମେସାମାଲ୍ ଅଡେ ତାନି
 ସୁଦୁଗାଟି ରାଜିମାନାତି ଅଣ୍‌ପିନେସି □
 ୩୩ ମା ଆବା ଅଦାହାମ ତାଣା ଏନିମି ପାରମାଣା
 କିହା ଆଞ୍ଜାମାନାଣି ଅଣ୍‌ପାନା ପୁରା କିହାମାନେସି,
 ୩୪ ଅଡେ ମା ସାଡୁୟ୍ ତାଣାଟି ଗେଲ୍‌ପି ଆହାନା,
 ଆଜାଆନା କାଲେଏ ତାଙ୍ଗେ ସେବା କିହାଲି
 ଆଡିନାୟି,
 ୩୫ ତାନି ନକିତା ମାର ନୀତାମାନି ପାତେକା ସୁଦୁ
 ଅଡେ ଦାର୍ମୁ ଗାଟାତାୟି ଆହାନା ଡୟିନାୟି
 □
 ୩୬ ଏ ନା ମାରଏଣାତି ନାନୁ ବାରେତି କିହା
 ବାଡୁୟ୍‌ଗାଟି ମାହାପୁରୁ ଅଣ୍‌ପୁତି ବଲ୍ଲୁ
 ଝେହ୍‌ନାତି ଇଞ୍ଜ୍ ଝେଙ୍ଗିଦି;
 ୩୭ ପାପୁ ମ୍ନେପକି ଆହାନା ଏଞ୍ଜାରି ଗେଲ୍‌ପି ଆନାଣି
 ବେଟାଆନେରି, ଏ କାତା ପୁଣ୍‌ମି କିହାଲି
 ତାକି ତାନି ଲକୁତାଣା ହାଜି □
 ୩୮ ଇଞ୍ଜା ମାଙ୍ଗେ ହିଡଡି ଜିରୁତା ତାଗାଲି ମା
 ମାହାପୁରୁତି ଜୀଝୁନି କାର୍ମାତଲେ ଲାକପୁରୁତି
 ମାଙ୍ଗେତାକି ଝେଡ଼ା ହଡିମାନି ଲେହେଁ ଆନେ,
 ୩୯ ଆମ୍ବାଆରି ହାନିଲେହେଁତି ତାଣା ବାସା
 କିନେରି, ହିଡଡି ଜିରୁତା ଅହାଲି ତାକି
 ଏଞ୍ଜାସି ବାରେତି ଲାକ ଲାକପୁରୁତି
 ଉଜେଡି ହାନେସି □
 ୪୦ ଇଞ୍ଜା ଏ କକାସି ଆଙ୍ଗାତା ଜୀଝୁତା
 ପାତାଆହାନା ଇସ୍ତାୟେଲ ଲକୁତାଣା ଝେଙ୍ଗାଆ
 ପାତେକା ଲକୁ ହିଲ୍ଲାଆ ଟାୟୁତା ଡୟିତେସି □

୨

ଜୀସୁତି ଜାର୍ନା
(ମାତି ୧:୧୮-୨୫)

୧ ଏଚିବେଲାତା ରମ୍ ଦେସାତି ବାରେ ଲକୁ ଦରୁ
 ରାଡି କିହାଲି କାୟିସର ଅଗସ୍ତସ୍ ତାଣାଟି ହୁକୁମି
 ଆଡେ □
 ୨ ସିରିୟାତି ସାଲ୍‌ଝି କିନାସି କୁରିଣିୟ ବେଲାତା
 ତଲି ମୁଲୁ ଦରୁ ରାସ୍‌କି ଆହାମାଚେ □
 ୩ ଏଦାଆଁତାକି ବାରେଜାଣା ଦରୁ ରାଡି କିହାଲି
 ନାୟ୍‌ଟିଏ ଜାହାରା ଗାଡ଼ାତା ହାଚେରି □
 ୪ ଜସେପ ଜିକେଏ ଦରୁ ରାଡି କିହାଲି
 ମରିୟମି ତଲେ ଗାଲିଲିତି ନାଜରିତ ଗାଡ଼ାଟି

ଜୀହୁଦା ରାଜିତି ବେତଲିହିମ ଇନି ଦାଝୁଦ ଗାଡ଼ାତା
 ହାଚେସି, ଇଚିହ୍ ଏଞ୍ଜାସି ଦାଝୁଦ କୁଡ଼ା ଇଞ୍ଜାହାଁ
 ଏ ଗତିତାସି ମାଚେସି;
 ୫ ଏଞ୍ଜାସି ଦରୁ ରାଡି କିୟାଲି ମରିୟମି ତଲେ
 ହାଚେସି, ଏଦି ଏଞ୍ଜାଣାକି ବୀହା ଆହାଲି ରାସ୍‌ପି
 ଆହାମାଚେ ଅଡେ ଏଦି ପୁରାମାସା ଆହାମାଚେ □
 ୬ ଅଡେ ଏ ଲକୁ ବେତଲିହିମତା ମାନିବେଲା,
 ଏଦାନାକି ଜାନି କିନି କାରୁ ଏଗାଞ୍ଜାଡେ,
 ୭ ଇଞ୍ଜା ଏଦି ତାନି ପାଣ୍‌ଞ୍ଜା ମାରଏଣାଲ୍
 ଜାନିକିତେ ଇଞ୍ଜା ହିମ୍‌ପୁରି ପୁକ୍‌ହାନା କଡିୟା
 ଗହ୍‌ନି ତଂଗତା ତ୍ରିପହେ, ଇଚିହ୍ ଏ ଲକୁତାକି
 ବାସାଟାୟୁ ହିଲ୍ଲାଆଡେ □

ମେଣ୍ଡା ଗଡ଼କା ଅଡେ ଦୁଡୁୟା

୮ ଏ ଦାରିମାରି ନାସ୍‌କାଣାଁ ମେଣ୍ଡା ଗଡ଼କା
 ଲାଆଁୟାଁ ପାଙ୍ଗାତା ଡୟାନା ମେଣ୍ଡାୟାଁ
 କାଡିମାଚେରି □
 ୯ ପ୍ରବୁତି ର ଦୁଡୁ ଏଞ୍ଜାରିତାଣା ଝାଡେ ଇଞ୍ଜା
 ପ୍ରବୁତି ଗାଝୁରମିତି ଉଜେଡି ଏଞ୍ଜାରି ସାରିଞ୍ଜାକି
 ତଞ୍ଜାଆଡେ, ଅଡେ ଏଞ୍ଜାରି ହାରେକା ଆଜିତେରି □
 ୧୦ ଏମ୍ବାଟିଏ ଦୁଡୁ ଏଞ୍ଜାରାଲ୍ ଏଲେଇଚେ,
 “ମୀରୁ ଆଜାଆଦୁ! ନାନୁ ମୀ ବାରେ ଲକୁତାକି
 ହାରେକା ରାହାଁତି କାରୁ ମିଙ୍ଗେ ଝେସିମାଞ୍ଜାଇ,
 ୧୧ ଇଚିହ୍ ନୀଞ୍ଜୁ ଦାଝୁଦ ଗାଡ଼ାତା ମିଙ୍ଗେ
 ଗେଲ୍‌ପାନାସି ଜାର୍ନା ଆହାମାନେସି, ଏଞ୍ଜାସି କ୍ରୀସ୍ତ
 ପ୍ରବୁ □
 ୧୨ ଅଡେ ଇଦି ମିଙ୍ଗେତାକି ସିନାଲେହେଁ ଆନେ,
 ମୀରୁ ର କକାଣାଲ୍ ହିମ୍‌ପୁରି ପୁକ୍‌ହାନା କଡିୟା
 ଗହ୍‌ନି ତଂଗତା ତୁରାମାନାଣି ମେହ୍‌ଦେରି □”
 ୧୩ ଦେବୁଣିଏ ଏ ଦୁଡୁ ତଲେ ଲାକପୁରୁତି
 ହାରେକା ଦୁଡୁୟା ଝାହାନା ମାହାପୁରୁଲ୍ ଜହରା
 ପାରୁ ପାଡିଡୁ,
 ୧୪ “ଲାକପୁରୁ ମାହାପୁରୁତି ଗାଝୁରମି, ଅଡେ
 ଦାର୍‌ତିତା ଏଞ୍ଜାଣି ରାହାଁ ଇଞ୍ଜା ମାଣ୍‌ସିୟାଁ ବିତ୍ତା
 ହିଡଡି □”
 ୧୫ ଦୁଡୁୟାଁ ଏମ୍ବାଟି ଲାକପୁରୁ ହାଜାଲିଏ ମେଣ୍ଡା
 ଗଡ଼କା ତାମ୍‌ନୁ ତାମ୍‌ନୁ କାତା ଆଡେରି, “ମୀରୁ
 ବେତଲିହିମ ପାତେକା ହାଜାନା ପ୍ରବୁ ମାଙ୍ଗେ
 ଆମିନି କାତା ଝେସାମାଞ୍ଜାନେସି ଏଦାଆଁ ସିନି
 କିକାନ □”
 ୧୬ ଏମ୍ବାଟିଏ ତବେ ହାଜାନା ପାରାନା ମରିୟମି
 ଅଡେ ଜସେପ ଇଞ୍ଜା କଡିୟା ଗହ୍‌ନି ତଂଗତା ପୁଠିନି
 ଜାର୍ନାଆଡି କକାଣାଲ୍ ତୁରାମାନାଣି ମେସ୍ତେରି □
 ୧୭ ଏଞ୍ଜାରି ଇ ବାରେ ମେସାନା ଏ କକାଣି କାତା
 ଏନାଆଁ ଇଣ୍‌ମି ଆହାମାଚେ ଏଦାଆଁ ଝେକ୍‌ହେରି □
 ୧୮ ଅଡେ ଏଚେକା ଲକୁ ମେଣ୍ଡା ଗଡ଼କା ତାଣାଟି
 ଏ ବାରେ କାତା ଝେଚେରି, ଏଞ୍ଜାରି ବାରେ ଏ
 କାତାତାକି କାବା ଆଡେରି □

୧୯ ସାମା ମରିୟମ ଇ ବାରେ କାତା ହିୟାତା ଇଗାନା ହାରେକା ଅଣପାଲି ମାଟ୍‌ହେ □

୨୦ ଅଡେ ମେଣ୍ଡା ଗଡ଼କାକି ଏନିକ୍‌ ହେସ୍‌ପି ଆହାମାରେ, ଏଲେକିହି ଏ ଏଞ୍ଜାରି ଏନା ଏନାଆଁ ହେରେରି ଇଞ୍ଜା ମେସ୍‌ପେରି ଏ ବାରେତାକି ମାହାପୁରୁତି ଗାଞ୍ଜୁରମି ଅଡେ ଜହରା କିହି ହେଣ୍ଡା ହାରେରି □

ଜୀସୁଇଁ ଦରୁ ଇଟିନାୟି

୨୧ ☆ଏଞ୍ଜାଣାକି ଆଟାଦିନା ଆଡେ ଅଡେ ତଲୁ ଦାଃନି ଦିନା ଖାଡେ ଇଞ୍ଜା ଏଞ୍ଜାଣି ଦରୁ ଜୀସୁ ଇଞ୍ଜ ଇଟିତେରି; ଇ ଦରୁ ତାନି ପୁରାମାସା ଆନି ନକେଏ ଦୁଡୁ ତାଣାଟି ହେସ୍‌ପି ଆହାମାରେ □

ମାହାପୁରୁ ଇଲୁତା ଜୀସୁ

୨୨ ଅଡେ ଏରେତା ମସାତି ମେରା ତଲେ ଏଞ୍ଜାରି ଅଟ୍‌ହା କଡିନି ଦିନା ଏଗାଞ୍ଜାଡେ, ଏରେଟିଏ ଜସେପ ଅଡେ ମରିୟମ ଜୀସୁଇଁ ମାହାପୁରୁ ନକିତା ଜିରୁସାଲମତା ଅହିଁ ହାରେରି □

୨୩ ଏନିକ୍‌ ମାହାପୁରୁତି ସାସ୍‌ପେରିତା ରାସ୍‌କି ଆହାମାନେ, “ବାରେ ପାଣ୍ଡା ମୀରକା ପ୍ରୁ ତାକି ସୁଦୁଗାଟାରି ଇଞ୍ଜା ହେଙ୍ଗିନେରି □”

୨୪ ଅଡେ ମେରାତା ରାସ୍‌କି ଆହାମାନି ଇ ମେରା ତଲେ ରୀ କୁଗୁରି ପଗାୟା ଆଆତ୍‌ ରୀ ପାର୍‌ଞ୍ଜା ପଗାୟା ମାହାପୁରୁ ନକିତା ପୂଜା କିହାଲି ଏଞ୍ଜାଣାଇଁ ଜିରୁସାଲମତା ଅଡେରି □

୨୫ ଏଟିବେଲା ଜିରୁସାଲମତା ସିମିୟନ ଦରୁଗାଟି ର ମାଣ୍‌ସି ମାରେସି; ଏଞ୍ଜାସି ର ଦାମ୍‌ଗାଗାସି ଅଡେ ମାହାପୁରୁଇଁ ଆଜିନାସି ମାରେସି, ଅଡେ ଇସ୍ରାୟେଲ ଲକୁ ବାସ୍‌ ବେଗାଆନାଣି କାଟିମାରେସି, ଇଞ୍ଜା ସୁଦୁଜୀଞ୍ଜୁ ଏଞ୍ଜାଣି ତାଣା ମାରେ □

୨୬ ମାହାପୁରୁ ପାଣ୍ଡାନି କ୍ରୀସୁଇଁ ମେହ୍‌ଆ ପାତେକା ଏଞ୍ଜାସି ହାଅସି ଇଞ୍ଜା ସୁଦୁଜୀଞ୍ଜୁ ତଲିଏ ହେସାମାରେ □

୨୭ ସିମିୟନ ସୁଦୁଜୀଞ୍ଜୁଟି ମାହାପୁରୁ ଇଲୁତା ଖାଡେସି; ଅଡେ ତାଲି ତାଞ୍ଜି ମସାତି ମେରାଲେହେଁ କିହାଲି ଜୀସୁଇଁ ବିଡ୍ରା ତାଡୁ,

୨୮ ଏଟିବେଲା ସିମିୟନ କକାଣାଇଁ ପମାନା ମାହାପୁରୁଇଁ ଜହରା କିଡେସି;

୨୯ “ଏ ପ୍ରୁ ନୀଏଁ ନୀନୁ ହେସ୍‌ପିଲେହେଁ ନୀ ହଲେଏଣା ଜୀଞ୍ଜୁ ହିଡ଼ିତଲେ ଅମ୍‌;

୩୦ ନା କାନୁ ନୀ ଗେଲ୍‌ପିନାଣାଇଁ ମେସାମାନେ □

୩୧ ଏନିକ୍‌ ବାରେ ଲକୁତାକି କେପାମାନି

୩୨ ଜୀହୁଦିଆଆତାରାକି ସାତା ତହୁନି ର ଉଜେଡି ଆନେସି, ଅଡେ ନୀ ଇସ୍ରାୟେଲ ଲକୁତି ଗାଞ୍ଜୁରମି ଲେହେଁ କିହାମାଞ୍ଜି □”

୩୩ ଇଞ୍ଜା ତାନି ଇୟା ଅଡେ ଆବା ଏଞ୍ଜାଣି ତାକି ହେସ୍‌ପି ଆହିମାନି ବାରେ କାତାତାକି କାବା ଆହିମାରେରି □

୩୪ ଏରେଟିଏ ସିମିୟନ କକାଣାଇଁ ବର ହୀହାନା ତାନି ଇୟା ମରିୟମି ଏଲେଇରେସି, “ମେହ୍‌ମୁ ଇଞ୍ଜାସି ଇସ୍ରାୟେଲତି ହାରେକା ଲକୁଣି ନାସା କିହାଲି ଅଡେ ଗେଲ୍‌ପାଲି ଆଡ଼ି ଆହାମାନେସି, ଆମ୍‌ଆରି କପାଟି ହାରେକା ଜଲିନେରି □ ଏଞ୍ଜାସି ମାହାପୁରୁ ତାଣାଟି ର ସିନାଲେହେଁ ଆନେସି □

୩୫ ଆଆତ୍‌ ନୀ ଜୀଞ୍ଜୁତା ଜିକେଏ କାଣ୍ଡାତଲେ ଗୁକ୍‌ସିସାରେ ହଟାହାନି ଲେହେଁ, ଏ କସ୍‌ ନୀ ହିୟାତା ଆୟାନେ □”

୩୬ ଅଡେ ହାନା ଦରୁଗାଟି ର ମାହାପୁରୁ ଅଣ୍‌ପୁଡି ବଲୁ ହେହ୍‌ନାୟି ମାରେ; ଏଡି ଆସେର୍ କୁଡାତି ପନୁଏଲ ମାଙ୍ଗା □ ଏଦାନାକି ହାରେକା ବାର୍‌ସା ଆହାମାରେ; ଏଡି ତାଆ ଆଡି ଜେତ ସାତା ବାର୍‌ସା ତକ୍ରାତଲେ ବାସା କିହାମାରେ, ଅଡେ ସାରିକଡି ସାରି ବାର୍‌ସା ରାଣ୍ଡେଣି ଆହାନା ନୀତାମାରେ □

୩୭ ଏଡି ମାହାପୁରୁ ଇଲୁ ପିହିଆନା ବାଡିମାଲିହିଁ ଲାଆଁ ମାଦେନା ରାନ୍‌ ତିନାଆନା ପ୍ରାତାନା କିହିମାରେ □

୩୮ ଏ ଦେବୁଣିଏ ଏଡି ଖାହାନା ମାହାପୁରୁତି ଜହରା କିହିଁ ଜିରୁସାଲମତି ଗେଲ୍‌ପିନାଣାଇଁ କାଟି ମାନାରାଇଁ ଏଞ୍ଜାଣି କାତା ହେସାଲି ମାଟ୍‌ହେ □

ନାଜରିତତା ହେଣ୍ଡା ଖାନାୟି

୩୯ ☆ତାୟୁ ଜସେପ ଅଡେ ମରିୟମ ମାହାପୁରୁତି ମେରା ତଲେ ବାରେ କାମା ରାପ୍‌ହାନା ଗାଲିଲିତି ତାନି ଗାଡା ନାଜରିତତା ହେଣ୍ଡା ଖାଡେରି

୪୦ ଅଡେ ଜୀସୁ ଆଙ୍ଗାତା ବୁଦିତା ଅଡେ ବାଡ଼ୟୁତା ପାତା ଆଡେସି, ଅଡେ ମାହାପୁରୁତି କାମା ଏଞ୍ଜାଣିଲାକ ମାରେ □

ଜୀସୁ ମାହାପୁରୁ ଇଲୁତା

୪୧ ତାନି ଇୟା ଆବା ବାରେ ବାର୍‌ସା ପିସ୍‌ପିଆନି ପାର୍‌ବୁତାକି ଜିରୁସାଲମତା ହାଜିମାରେରି □

୪୨ ଜୀସୁ ବାର ବାର୍‌ସା ଆହାଲିଏ ଏଞ୍ଜାରି ପାର୍‌ବୁତି ମେରାଲେହେଁ ଜିରୁସାଲମତା ହାରେରି □

୪୩ ଅଡେ ପାର୍‌ବୁତି ଦିନା ରାପ୍‌ହାନା ଏରେତା ଏଞ୍ଜାରି ହେଣ୍ଡା ଖାହିମାରେରି, ଏଟିବେଲାତା ଉଣା କକାସି ଜୀସୁ ଜିରୁସାଲମତା ଡୟାହାରେସି, ସାମା ତାନି ଇୟା ଆବା ପୁଞ୍ଜାହିଲାଆଡେରି;

୪୪ ସାମା ଏଞ୍ଜାରି ତାନିତଲେ ଖାହାମାଟି ଲକୁତଲେ ମାନେସି ଇଞ୍ଜା ଅଣପାନା ର ଦିନାଟି ଜିରୁ ହାରେରି, ଅଡେ ତାନି ଲକୁ ଇଞ୍ଜା ପୁଟି ଲକୁତାଣା ପାରାଲି ମାଟ୍‌ହେରି,

☆ ୨:୨୧ ୨:୨୧ ଲୁକ ୧:୩୧ ☆ ୨:୩୯ ୨:୩୯ ମାତି ୨:୨୩

୪୫ ଇଞ୍ଜା ଏଝାଣାଇଁ ମେଡ଼ା ଆଆନା ପାରି ପାରି ଜିରୁସାଲମତା ଖେଣ୍ଟା ହାଚେରି □

୪୬ ତାନିଦିନା ତାୟୁ ଏଝାରି ଏଝାଣାଇଁ ମାହାପୁରୁ ଇଲୁତା ବେଟାଆଡ଼େରି; ଏଝାସି ମେରାପୁନାରି କାତା ଖେଞ୍ଜିହୁଁ ଏଝାରାଇଁ ଖେଣ୍ଟେ କାତା ଖେଞ୍ଜିମାଚେସି,

୪୭ ଅଡ଼େ ଏଚେକା ଲକୁ ଏଝାଣି କାତା ଖେଞ୍ଜିମାଚେରି, ବାରେଜାଣା ଏଝାଣି ବୁଦିତା ଅଡ଼େ ଖେହ୍ନି କାତାତା କାବା ଆହିମାଚେରି □

୪୮ ଏଚିବେଲା ତାନି ଇୟା ଆବା କକାଣାଇଁ ମେସାନା କାବାଆଡୁ ଇଞ୍ଜା ତାନି ଇୟା ଏଝାଣାଇଁ ଏଲେଇଚେ, “ମୀରୁଏଣା ମାଙ୍ଗେ ଏନାଆଁତାକି ଇଚେକା ଦୁକୁ ହିୟାତି ? ମେହ୍ମୁ ନାନୁ ଅଡ଼େ ମୀ ଆବା ଏଚେକା ଦୁକୁଆହୁଁ ନିଙ୍ଗେ ପାରିମାଞ୍ଜାନମି □”

୪୯ ଏମ୍ବାଟିଏ ଜୀସୁ ଏଲେଇଚେସି, “ମୀରୁ ନାଙ୍ଗେ ଏନାଆଁତାକି ପାରିମାଞ୍ଜାଦେରି ? ନା ଆବା ଇଜ ନାନୁ ମାନାଣି ମୀରୁ ପୁଞ୍ଜାହିଲଅଚେରି ?”

୫୦ ସାମା ଏଝାସି ଆମିନି କାତା ଜଲିଚେସି, ତାନି ଇୟା ଆବା ପୁଞ୍ଜାଲି ଆଡ଼ାଆଚେରି □

୫୧ ତାୟୁ ଜୀସୁ ତାନି ଇୟା ଆବା ତଲେ ଖେଣ୍ଟେ ନାଜରିତତା ଖାଚେସି, ଇଞ୍ଜା ଏଝାରି କାତା ମାନୁଝି ଆହାନା ତୁୟିଚେସି, ଅଡ଼େ ତାନି ଇୟା ଇ ବାରେ କାତା ଜାଗ୍ରାତା ତଲେ ମିନତା ଇଚାମାଚେ □

୫୨ ଅଡ଼େ ଜୀସୁ ଆଙ୍ଗାତା, ବୁଦିତା ଇଞ୍ଜା ମାହାପୁରୁ ଅଡ଼େ ମାଣ୍ଠିୟାଁ କାର୍ମାଟି ପାତା ଆଚେସି □

୩

ବାପ୍ତିସ୍ମ* ହାନି ଜହନ ଖେକ୍ନାୟି

(ମାତି ୩:୧-୧୨; ମାର୍କ ୧:୧-୮; ଜହ ୧:୧୯-୨୮)

୧ ଚିବିରିୟା କାୟିସରତି ସାଲୁଝି କିନି ପନ୍ଦର ବାର୍ସା ଆୟାଲିଏ, ଏଚିବେଲା ପନ୍ତୁୟ ପିଲାତ ଜୀହୁଦା ରାଜିତି ସାଲୁଝି କିନାସି ଅଡ଼େ ହେରଦ ଗାଲିଲି ରାଜିତି ରାଜା ମାଚେସି, ଅଡ଼େ ତାନି ତାୟି ପିଲପ ଇଚୁରିୟା ଅଡ଼େ ବ୍ରାକନିତି ରାଜି ଅଡ଼େ ଲୁସାନିୟା ଅବିଲିନିତି ରାଜା ମାଚେସି □

୨ ହାନାନ ଅଡ଼େ କୟାପା କାଜା ପୂଜେରା ମାଚେରି, ଏଚିବେଲାତା ମାହାପୁରୁତି ବଲୁ ଲକୁ ହିଲାଆ ଟାୟୁତା ଜିକରିୟ ମୀରୁଏସି ଜହନ ତାଣା ଖାଚେ □

୩ ଏମ୍ବାଟିଏ ବାପ୍ତିସ୍ମ† ହାନି ଜହନ ଜର୍ଦନ ଦାରିତି ବାରେ ନାସକାଝାକି ହାଜାନା ପାପୁ ମ୍ବେପ୍କି ଆହାଲି ମନ ଖେଟ୍‌ହାନା ବାପ୍ତିସ୍ମ‡ ଅନି କାତା ଖେକ୍‌ହାଲି ମାଟ୍‌ହେସି,

୪ ଏନିଇଚିହୁଁ ମାହାପୁରୁ ଅଣ୍‌ପୁତି ବଲୁ ଖେହ୍ନି ଜିସାୟ ପତିତା ରାସ୍‌କି ଆହାମାନେ,

“ଲକୁ ହିଲାଆ ଟାୟୁତା ରଅଣି ହାଡ଼ା ଖେଙ୍ଗିମାନେ; ପ୍ରବୁତି ଜିରୁ ନେହୁଁ କେପାଦୁ; ଅଡ଼େ ଏଝାଣି କାଜା ଆଂଗେଣି ତିୟି କିଦୁ □

୫ ବାରେ ଗାଡ଼ଙ୍ଗା ନେଞ୍ଜି କିଝିଆନୁ, ବାରେ ହରକା ମେଟାୟାଁ ଉଣା କିଝିଆନୁ, ତଂଗିତି ଜିରୁ ତିୟି କିଝିଆନେ, କାଡ଼୍‌ଦି ତେପା ବୁମିତି ବାରେ ସମାନା କିଝିଆନେ □

୬ ବାରେ ଦାରତିତି ଲକୁ ମାହାପୁରୁତି ଗେଲ୍‌ପିନାଣି ମେହ୍‌ନେରି □”

୭ *ଏଲେକିହୁଁ, ଜହନ ତାଣାଟି ବାପ୍ତିସ୍ମ‡ ଅହାଲି ଖାହିମାନି ଲକୁଣି ମେସାନା ଏଝାରାଇଁ ଏଲେଇଚେସି, “ଆଡ଼େ ରାସ୍‌କା କୃତାତାଚେରି ମାହାପୁରୁ ପାଣ୍ଡାମାଞ୍ଜାନି କପାଟି ପିସ୍‌ପି ଆହାଲି ମାଙ୍ଗେ ଆମ୍ବାଆସି ସେଡନା ହିୟାଚେସି ?

୮ *ଏଦାଆଁତାକି ମନ ଖେଟ୍‌ହାକତିତି ନେହୁଁ କାମା ତହୁଦୁ; ଅଡ଼େ ଅବ୍ରାହାମ ମା ଆବା ଇଞ୍ଜିହୁଁ ଅଣ୍‌ପାଆଦୁ, ନାନୁ ମିଙ୍ଗ ଖେସିମାଞ୍ଜାଇଁ, ମାହାପୁରୁ ଇ ଖାଲ୍‌କାଟି ଜିକେଏ ଅବ୍ରାହାମତି ମୀରୁକାଣି ଗାଡ଼ି କିହାଲି ଆଡ଼ିମାନେସି □

୯ *ଅଡ଼େ ନୀଏଁ ଜିକେଏ ମାରୁନୁ ତାକିତା କାଝଆଲି ଆଚାମାନେ; ଆମିନି ମାରୁନୁ ନେହୁଁ ପାଡ଼େୟି ଆୟେଏ ଏଦାନି ଚୁଣ୍‌ହାନା ହିଚୁତା ମେଡ଼ପି ଆନେ □”

୧୦ ଏମ୍ବାଟିଏ ଲକୁ ଏଝାଣାଇଁ ଖେଚେରି, “ଆତିହୁଁ ମାମ୍ବୁ ଏନାଆଁ କିନମି ?”

୧୧ ଏଝାସି ଏଲେଇଚେସି, “ଆମ୍ବାଆରାକି ଜଡ଼େକା ସକାୟାଁ ମାନୁ, ଏଝାସି ଆମ୍ବାଆରାକି ହିଲାଉ ଏଝାଣାକି ରଣ୍ଡାଆଁ ହାପେସି; ଇଞ୍ଜା ଆମ୍ବାଆରାକି କାଡ଼ି ମାନେ ଏଝାସି ଜିକେଏ ଏଲେକିପାସି □”

୧୨ *ସିସୁ ରାହ୍‌ନାରି ଜିକେଏ ବାପ୍ତିସ୍ମ* ଅହାଲି ଖାହାନା ଏଲେଇଚେରି, “ଏ ଗୁରୁ ମାମ୍ବୁ ଏନାଆଁ କିନମି ?”

୧୩ ଏଝାସି ଏଝାରାଇଁ ଏଲେଇଚେସି, “ମିଙ୍ଗେତାକି ଏଚେକା ମେରା ମାନେ ଏଚେକାଟିଏ ଆଗାଡ଼ା ରାହ୍‌ଆଦୁ □”

୧୪ ଏଚରଜାଣା ରିଜାରି କସକା ଖାହାନା ଏଲେଇଚେରି, “ମାମ୍ବୁ ଏନାଆଁ କିନମି ?”

ଏଝାସି ଏଝାରାଇଁ ଏଲେଇଚେସି, “ବାଡ଼୍‌ମୁଟି କି ନାଡ଼ିକିହାନା ଆମ୍ବାଆରି ଦନ ମୀଞ୍ଜା ଅଆଦୁ, ଅଡ଼େ ମୀରୁ ଏଚେକା ବେଟାଆଡ଼େରି ଏଚେକା ତଲେଏ ନୀତାଦୁ □”

* ୩: ୩:୧ ମୁଞ୍ଜିନାୟି † ୩:୩ ୩:୩ ମୁଞ୍ଜିନାୟି ‡ ୩:୩ ୩:୩ ମୁଞ୍ଜିନାୟି ☆ ୩:୭ ୩:୭ ମାତି ୧୨:୩୪; ୨୩:୩୩ § ୩:୭ ୩:୭ ମୁଞ୍ଜିନାୟି ☆ ୩:୮ ୩:୮ ଜହ ୮:୩୩ ☆ ୩:୯ ୩:୯ ମାତି ୭:୧୯ ☆ ୩:୧୨ ୩:୧୨ ଲୁକ ୭:୨୯ * ୩:୧୨ ୩:୧୨ ମୁଞ୍ଜିନାୟି

୧୫ ଲକ୍ଷ୍ମୀ ମସିହାଙ୍କ କାଟିମାରେରି, ଇଞ୍ଜା ଜହନଏ କ୍ରୀସ୍ତ ହାବୁଲା ଇଞ୍ଜା ଅଣ୍ଟାପାନା ବାରେଜାଣା ତାନି ମନତା କାତା ଆହିମାଚାକି,

୧୬ ଜହନ ଏଞ୍ଜାରେଇ ଏଲେଇରେସି, “ନାନୁସାଁ ଏୟୁତଲେ ବାପ୍ତିସ୍ତା ହାହିମାଞ୍ଜାଇ, ସାମା ନା କିହାଁ ଆମ୍ବାଆସି ବାଡ଼ୁୟୁ ଗାଗାସି ଏଞ୍ଜାସି ଖାହିମାନେସି, ଏଞ୍ଜାଣି ସେପୁୟାତି ତ:ରକା ଜିକେଏ ହୁକହାଲି ନାନୁ ପାଡ଼ାଆଅଁ; ଏଞ୍ଜାସି ମିଙ୍ଗେ ସୁଦୁଜୀଞ୍ଜୁ ଅଡ଼େ ହିରୁତଲେ ବାପ୍ତିସ୍ତା ହିୟାନେସି □

୧୭ ତାନି କ୍ଳାନୁତି ତାସାଲି ଅଡ଼େ ତାନି ଆନାତି କ୍ଳସାହାଁ କୃତି କିହାନା ଗାଦେୟିତା ଇଟାଲି ଏଞ୍ଜାଣି କେୟୁତା ହେଟି ମାନେ, ଇଞ୍ଜା ଟାଟା ପଡ଼ୁତି ଏଚେଲା ତୁମ୍ବାଆଗାଟି ହିରୁତା ହୁଡ଼ା ତୁହନେସି □”

୧୮ ଏଞ୍ଜାସି ଇଲେତି ହାରେକା କାତା ଖେସିହାଁ ଅଡ଼େ ରାହାଁତି କାତା ଜଲିହାଁ ଲକ୍ଷ୍ମୀତାଣା ନେହାଁ କାରୁ ଖେକହି ମାରେସି;

୧୯ ଯାମା ରାଜା ହେରଦ ତାନି ତାୟି ତକ୍ତି ହେରଦିୟାନି କାତା ଅଡ଼େ ତାନୁ କିହାମାନି ବାରେ ଲାଗେଏତି କାମାତାକି ଜହନ ତାଣାଟି ଲାଗି ବେଟା ଆହାମାଚାକି,

୨୦ ହେରଦ ଜହନଙ୍କ ଦସ୍ପାନା କାୟିଦିତା ଇଟାନା ହାରେକା ଲାଗେଏତି କାମା କିତେସି □

ଜୀସୁତି ବାପ୍ତିସ୍ତା

(ମାତି ୩:୧୩-୧୭; ମାର୍କ ୧:୯-୧୧)

୨୧ ବାରେ ଲକ୍ଷ୍ମୀ ବାପ୍ତିସ୍ତା* ଅତି ତାୟୁ ଜୀସୁ ଜିକେଏ ବାପ୍ତିସ୍ତା ଅହାନା ପ୍ରାତାନା କିହିମାଚାଟି ହାଗୁ ଦେପିଆଡ଼େ,

୨୨ ଯଅଡ଼େ ସୁଦୁଜୀଞ୍ଜୁ ପାରୁଞ୍ଜା ପଟାଲେହେଁ ଏଞ୍ଜାଣିଲାକି ରେଟାଞ୍ଜାଡ଼େ; ଇଞ୍ଜା ହାଗୁଟି ଇ ହାଡ଼ା ଆଡ଼େ, “ନାନୁ ନା ଜୀଞ୍ଜୁତି ମୀରୁଏଣାତି ନୀ ତାଣା ନା ରାହାଁ ମାନେ □”

ଜୀସୁତି ଆକୁ ଆବାୟା

(ମାତି ୧:୧-୧୭)

୨୩ ଜୀସୁ ସେବା କାମା ମାଟୁହି ବେଲାତା ଏଞ୍ଜାଣାକି କଡ଼େଦସ ବାର୍ଯା ଆହାମାଚେ; ଲକ୍ଷ୍ମୀ କାତାତଲେ ଏଞ୍ଜାସି ଜସେପ ମୀରୁଏସି; ଜସେପ ଏଲି ମୀରୁଏସି,

୨୪ ଏଲି ମତାତ ମୀରୁଏସି, ମତାତ ଲେବି ମୀରୁଏସି, ଲେବି ମଲ୍କି ମୀରୁଏସି, ମଲ୍କି ଜନୟ ମୀରୁଏସି, ଜନୟ ଜସେପ ମୀରୁଏସି,

୨୫ ଜସେପ ମତିତିୟା ମୀରୁଏସି, ମତିତିୟା ଆମସ ମୀରୁଏସି, ଆମସ ନାହୁମ ମୀରୁଏସି, ନାହୁମ ହେସ୍ଲି ମୀରୁଏସି, ହେସ୍ଲି ନଗୟ ମୀରୁଏସି,

୨୬ ନଗୟ ମହତ ମୀରୁଏସି, ମହତ ମତିତିୟସ୍ତ ମୀରୁଏସି, ମତିତିୟସ୍ତ ସିମିୟି ମୀରୁଏସି, ସିମିୟି ଜସେକ ମୀରୁଏସି, ଜସେକ ଜଦା ମୀରୁଏସି,

୨୭ ଜଦା ଜହନ ମୀରୁଏସି, ଜହନ ରେସା ମୀରୁଏସି, ରେସା ଜିରୁବାବେଲ ମୀରୁଏସି, ଜିରୁବାବିଲ ସଲ୍ଟିୟେଲ୍ ମୀରୁଏସି, ସଲ୍ଟିୟେଲ୍ ନେରି ମୀରୁଏସି,

୨୮ ନେରି ମଲ୍କି ମୀରୁଏସି, ମଲ୍କି ଅଦଦି ମୀରୁଏସି, ଅଦଦି କସାମ ମୀରୁଏସି, କସାମ ଏଲାଦାନ ମୀରୁଏସି, ଏଲାଦାନ ଏର ମୀରୁଏସି,

୨୯ ଏର ଜିହସୁୟ ମୀରୁଏସି, ଜିହସୁୟ ଏଲିୟାଜର ମୀରୁଏସି, ଏଲିୟାଜର ଜରିମ ମୀରୁଏସି, ଜରିମ ମତାତ ମୀରୁଏସି, ମତାତ ଲେବି ମୀରୁଏସି,

୩୦ ଲେବି ସିମିୟନ ମୀରୁଏସି, ସିମିୟନ ଜୀହୁଦା ମୀରୁଏସି, ଜୀହୁଦା ଜସେପ ମୀରୁଏସି, ଜସେପ ଜନାମ ମୀରୁଏସି, ଜନାମ ଏଲିୟାକିମ ମୀରୁଏସି,

୩୧ ଏଲିୟାକିମ ମଲାହ ମୀରୁଏସି, ମଲାହ ମନ୍ନା ମୀରୁଏସି, ମନ୍ନା ମତତା ମୀରୁଏସି, ମତତା ନାତନ ମୀରୁଏସି, ନାତନ ଦାଞ୍ଜୁଦ ମୀରୁଏସି,

୩୨ ଦାଞ୍ଜୁଦ ଜିସି ମୀରୁଏସି, ଜିସି ଅବେଦ ମୀରୁଏସି, ଅବେଦ ବୟାଜ ମୀରୁଏସି, ବୟାଜ ସେଲହ ମୀରୁଏସି, ସେଲହ ନହସନ ମୀରୁଏସି,

୩୩ ନହସନ ଅମିନାଦାବ ମୀରୁଏସି, ଅମିନାଦାବ ଅଦମିନି ମୀରୁଏସି, ଅଦମିନି ଅରନି ମୀରୁଏସି, ଅରନି ହେସ୍ତା ମୀରୁଏସି, ହେସ୍ତା ପେରସ ମୀରୁଏସି, ପେରସ ଜୀହୁଦା ମୀରୁଏସି,

୩୪ ଜୀହୁଦା ଜାକୁବ ମୀରୁଏସି, ଜାକୁବ ଇସାହାକ ମୀରୁଏସି, ଇସାହାକ ଅବ୍ରାହାମ ମୀରୁଏସି, ଅବ୍ରାହାମ ତେରହ ମୀରୁଏସି, ତେରହ ନାହର ମୀରୁଏସି,

୩୫ ନାହର ସରୁଗ ମୀରୁଏସି, ସରୁଗ ରଗୁ ମୀରୁଏସି, ରଗୁ ପେଲଗ ମୀରୁଏସି, ପେଲଗ ଏବର ମୀରୁଏସି, ଏବର ସେଲହ ମୀରୁଏସି,

୩୬ ସେଲହ କେନାନ ମୀରୁଏସି, କେନାନ ଅର୍ପକ୍ୟଦ ମୀରୁଏସି, ଅର୍ପକ୍ୟଦ ସେମ ମୀରୁଏସି, ସେମ ନହ ମୀରୁଏସି, ନହ ଲେମକ ମୀରୁଏସି,

୩୭ ଲେମକ ମତୁସେଲହ ମୀରୁଏସି, ମତୁସେଲହ ହନକ ମୀରୁଏସି, ହନକ ଜେରଦ ମୀରୁଏସି, ଜେରଦ ମହଲଲେଲ ମୀରୁଏସି, ମହଲଲେଲ କେନାନ ମୀରୁଏସି,

୩୮ କେନାନ ଏନସ ମୀରୁଏସି, ଏନସ ସେତ ମୀରୁଏସି, ସେତ ଆଦମ ମୀରୁଏସି, ଆଦମ ମାହାପୁରୁ ମୀରୁଏସି □

† ୩:୧୭ ୩:୧୭ ମୁଞ୍ଜିନାୟି ‡ ୩:୧୭ ୩:୧୭ ମୁଞ୍ଜିନାୟି ✧ ୩:୧୯ ୩:୧୯ ମାତି ୧୪:୩,୪; ମାର୍କ ୬:୧୭,୧୮ § ୩:୨୦ ୩:୨୧ ମୁଞ୍ଜିନାୟି * ୩:୨୧ ୩:୨୧ ମୁଞ୍ଜିନାୟି † ୩:୨୧ ୩:୨୧ ମୁଞ୍ଜିନାୟି ✧ ୩:୨୨ ୩:୨୨ ମାତି ୩:୧୭; ମାର୍କ ୧:୧୧; ଲୁକ ୯:୩୫

୪

ଜୀସୁଙ୍କ ତାୟିପାରି କିନାୟି

(ମାତି ୪:୧-୧୧; ମାର୍କ ୧:୧୨-୧୩)

୧ ଜୀସୁ ସୁଦୁଜୀଝୁ ବେଟାଆହାନା ଜର୍ଦନ କାତାଟି ଝେଣ୍ଡାଝାଡେସି ଇଞ୍ଜା ରୀ କଡ଼ି ଦିନା ପାତେକା ସୁଦୁଜୀଝୁ ତଲେ ଲକୁ ହିଲାଆ ଟାୟୁତା ହାଚେସି □

୨ ଏମ୍ବାଆଁ ଏଝାସି ସୟତାନ ତାଣାଟି ତାୟିପାରି କିଝିଆଡେସି □ ଇ ରୀ କଡ଼ି ଦିନା ଏଝାସି ଏନାଆଁ ତିନାଆଡେସି, ଅଡେ ଏ ରୀ କଡ଼ି ଦିନା ରାହାଲିଏ ଏଝାସି ହାକି ଆଡେସି □

୩ ଏମ୍ବାଟିଏ ସୟତାନ ଏଝାଣାଙ୍କ ଏଲେଇଚେ, “ନାନୁ ମାହାପୁରୁ ମାରଏଣାତି ଇଚିହିଁ ଇ ଝାଲକାଣି ରୁଟି ଆହାଲି ହୁକୁମି ହୀମୁ □”

୪ ସାମା ଜୀସୁ ଏଲେଇଚେସି, “ଦାମ୍ବୁ ସାସ୍ତେରିତା ରାସ୍କି ଆହାମାନେ, ମାଣ୍ସି ଝାରଇ ରୁଟି ତିଞ୍ଜାନା ନୀତଅସି □”

୫ ଅଡେ ସୟତାନ କାଜା ହରୁ ଲାକ ଅହାନା ଗାଡେକା ତାକି ଦାରତିତି ବାରେ ରାଜି ଏଝାଣାଙ୍କ ତସ୍ତେ □

୬ ଇଞ୍ଜା ସୟତାନ ଏଝାଣାଙ୍କ ଏଲେଇଚେ, “ନାନୁ ନିଙ୍ଗେ ଇ ବାରେ ଦନତି ଅଦିକାରା କିୟାଙ୍କ, ଏନାଆଁତାକି ଇଚିହିଁ ବାରେ ନାଙ୍ଗେ ହେରପି ଆହାମାଞ୍ଜାନେ, ଅଡେ ନାନୁ ଆମ୍ବାଆରାକି ମନ ଏଝାଣାକି ହୀଙ୍କ □

୭ ଇଦାଆଁତାକି ନାନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇଚିହିଁ ଇ ବାରେ ନୀଦି ଆଡେନ □”

୮ ଜୀସୁ ଏଲେଇଚେସି, “ରାସ୍କି ଆହାମାନେ, ‘ନାନୁ ନୀ ମାହାପୁରୁଙ୍କ ଜହରା କିଦି, ଅଡେ ଝାରଇ ଏଝାଣି ସେବା କିଦି □’ ”

୯ ଅଡେ ସୟତାନ ଏଝାଣାଙ୍କ ଜିରୁସାଲମତା ଅହାନା ମାହାପୁରୁ ଇଲୁ ତୁଡିୟା ଲାକ ନିପହାନା ଏଲେଇଚେ, “ନାନୁ ମାହାପୁରୁତି ମାରଏଣାତି ଇଚିହିଁ ଇମ୍ବାଟି ତୁଇକା ଗେମ୍ବାମୁ;

୧୦ ଇଚିହିଁ ରାସ୍କି ଆହାମାନେ, ‘ନିଙ୍ଗେ ଗେଲପାଲିତାକି ମାହାପୁରୁ ତାନି ଦୁତୁୟାଙ୍କ ହୁକୁମି ହୀନେସି □’

୧୧ ଅଡେ ରାସ୍କି ଆହାମାନେ, ‘ନୀ କତାୟାଁ ଏନିକିଁ ଝାଲକାଣା ଆଡାଉ ଏଦାଆଁତାକି ଏଝି ନିଙ୍ଗେ କେସ୍ତାତଲେ ପେରହା ଆସ୍ତାନୁ □’ ”

୧୨ ସାମା ଜୀସୁ ଏଦାନି ଏଲେଇଚେସି, “ଦାମ୍ବୁ ସାସ୍ତେରିତା ରାସ୍କି ଆହାମାନେ, ନାନୁ ପ୍ରବୁ ନୀ ମାହାପୁରୁଙ୍କ ତାୟିପାରି କିଆନି □”

୧୩ ସୟତାନ ଜୀସୁଙ୍କ ବାରେ ତାୟିପାରି କିନାଣି ରାପହାନା ଗାଡେକା ତାକି ଏଝାଣାଙ୍କ ପିସାନା ହାଚେ □

ଜୀସୁ ଗାଲିଲିତା ସେବା କାମା ମାଟ୍ଟନାୟି

(ମାତି ୪:୧୨-୧୭; ମାର୍କ ୧:୧୪-୧୫)

୧୪ ଏ ଡାୟୁ ଜୀସୁ ସୁଦୁଜୀଝୁତି ବାଡୁୟୁ ତଲେ ଗାଲିଲିତା ଝାଡେସି, ଅଡେ ସାରିଝାକି ଏଝାଣି କାତା ଝେଙ୍ଗିତେ □

୧୫ ଅଡେ ଏଝାସି ଏଝାରି ଜୀହୁଦି ଲକୁଡି କୁଟମି ଇଲକାଣା* ଜାପୁହିହିଁ ବାରେ ଲକୁ ତାଣାଟି ଗାଝୁରମି ବେଟାଆଡେସି □

ଜୀସୁଙ୍କ ନାଜରିତତା ଅପାଆଡେରି

(ମାତି ୧୩:୫୩-୫୮; ମାର୍କ ୬:୧-୬)

୧୬ ଅଡେ ଏଝାସି ଆମିନି ନାଜରିତତା ପହିପାତି ଆହାମାଚେସି, ଏଚେତା ଏ ଟାୟୁତା ହାଚେସି ଅଡେ ତାନି ମେରାଲେହେଁ ଜମିନି ଦିନାତା ଜୀହୁଦି ଲକୁଡି କୁଟମି ଇଲୁତା† ହାଚେସି ଇଞ୍ଜା ପଡ଼ଝି ଆହାଲି ନିଚେସି,

୧୭ ଏମ୍ବାଟିଏ ମାହାପୁରୁ ଅଣ୍ଟପୁଡି ବଲୁ ଝେହ୍ନି ଜିସାୟତି ପତି ହୀଚେରି, ଜୀସୁ ଏଦାଆଁ ଏକହାନା ଏମିନିତାଣା ଇ କାତା ରାସ୍କି ଆହାମାନେ ଏ କାତା ବେଟାଆଡେସି;

୧୮ “ପ୍ରବୁଡି ଜୀଝୁ ନା ତାଣା ମାନେ, ଏନିଇଚିହିଁ ହିଲାଆ ଗାଟାରି ତାଣା ନେହିଁ କାରୁ ଝେକହାଲି ଏଝାସି ନାଙ୍ଗେ ଆଡାମାଞ୍ଜାନେସି;

କାୟିଦିତା ମାନାରାଙ୍କ ପିସ୍ପି ଆନାଣି ଝେକହାଲି, କାଣକା ମେହଆଗାଟାରାଙ୍କ ମେସ୍ପି କିହାଲି, ଦୁକୁ ବେଟାଆହି ମାନାରାଙ୍କ ଗେଲପାଲି,

୧୯ ଇଞ୍ଜା ମାହାପୁରୁ କାର୍ମା ମେସ୍ତାନି ବେଲାତି ବାର୍ସା ଝେକହାଲି ପ୍ରବୁ ନାଙ୍ଗେ ପାଣ୍ଡାମାଞ୍ଜାନେସି □”

୨୦ ଏମ୍ବାଟିଏ ଜୀସୁ ପତିତି ମୁଦା କିହାନା ସେବା କିନାଣି କେୟୁତା ହୀହାନା କୁରିଚେସି □ ଅଡେ ଜୀହୁଦି ଲକୁଡି କୁଟମି ଇଲୁତା‡ କୁଗାମାନି ବାରେ ଲକୁ ଜୀସୁ ଝାକି ସିନିକିଚେରି □

୨୧ ଇଞ୍ଜା ଜୀସୁ ଏଝାରାଙ୍କ ଏଲେଇଚେସି, “ନୀଞ୍ଜୁଟିଏ ଦାମ୍ବୁ ପତିତି ଇ କାତା ମୀରୁ ଝେଣ୍ଡାମ୍ବୁନିଏ ପୁରା ଆଡେ □”

୨୨ ଅଡେ ବାରେଜାଣା ତାନି କାତାତାକି ସାକି ହୀଚେରି, ଅଡେ ତାନି ଗୁଡିଟି ହଡିମାନି କାର୍ମାତି ବଲୁତା କାବା ଆଡେରି ଇଞ୍ଜା ଏଲେଇଚେରି, “ଇଝାସି ଏନାଆଁ ଜସେପ ମୀରଏସି ଆଏକି ?”

୨୩ ଏମ୍ବାଟିଏ ଏଝାସି ଏଝାରାଙ୍କ ଏଲେଇଚେସି, “ମୀରୁ ସାଚେଏ ନାଙ୍ଗେ ଏଲେ ଇଞ୍ଜାଦେରି, ଏ

* ୪:୧୫ ୪:୧୫ ସିନଗର † ୪:୧୬ ୪:୧୬ ସିନଗର ‡ ୪:୨୦ ୪:୨୦ ସିନଗର

ଅସଗରୁ ନାନୁଏ ନିଜେ ନେହୁଁ କିହାକତାମ୍; କପରନାହୁମତା ଏନା ଏନାଆଁ କିହାମାଞ୍ଜି ଇଞ୍ଜୁଁ ମାମ୍ ଖେଞ୍ଜାମାନମି ଏଲେକ୍ ମୀ ଆକୁ ଆବାୟାଁ ନାୟୁଁତା ଜିକେଏ କିମ୍ ।”

୨୪ *ଅଡ଼େ ଏଝାସି ଏଲେକ୍ରେସି, “ନାନୁ ମିଜେ ସାତା ଖେସିମାଞ୍ଜାଇଁ, ମାହାପୁରୁ ଅଣପୁତି ବଲୁ ଖେହ୍ନାରାଇଁ ତାନୁ ପାତାଆଡ଼ି ନାୟୁଁତି ଲକୁ ଅପଅରି ।”

୨୫ ସାମା ନାନୁ ମିଜେ ସାତା ଖେସିମାଞ୍ଜାଇଁ, ଏଲିୟ ବେଲ୍ଲାତା ଏନିକ୍ ତାନି ବାର୍ଯା ସ୍ ଲେଞ୍ଜୁ ପାତେକା ହାଗୁଟି ପିୟୁ ରିଆତାକି ବାରେ ଦେସା କାର୍ଝୁ ଆହାମାତେ, ଏତିବେଲ୍ଲା ଇସ୍ରାୟେଲତା ହାରେକା ରାଣ୍ଡେଣିସିକା ମାଟିହୁଁ ଜିକେଏ;

୨୬ ଏଲିୟ ଏଝାସିକା ତାଣା ପାଣ୍ଡୁଝି ଆଆନା ସିଦନ ଦେସାତି ସାରିପତ ନାୟୁଁତି ର ରାଣ୍ଡେଣିନି ତାଣା ପାଣ୍ଡୁଝି ଆଡେସି ।

୨୭ ଅଡ଼େ ମାହାପୁରୁ ଅଣପୁତି ବଲୁ ଖେହ୍ନି ଏଲିସାୟ ମାଟାଟି ଇସ୍ରାୟେଲ ବିତ୍ରା ହାରେକା କାଜା ରଗ ଗାଟାରି ମାଟେରି; ଆଡ଼ିଜିକେଏ ଏଝାରି ବିତ୍ରାଟି ରଅସି ଜିକେଏ ନେହୁଁ ଆଆଡେସି, ସାମା ସିରିୟା ଦେସାତି ନାମାନ ନେହୁଁ କିଝିଆଡେସି ।”

୨୮ ଜୀହୁଦି ଲକୁତି କୁଟମି ଇଲୁତାଠି ଇ ବାରେ କାତା ଖେଞ୍ଜାନା ବାରେଜାଣା କାର୍ବି ଆଡେରି,

୨୯ ଅଡ଼େ ଏଝାରି ନିଜ୍ଞାନା ଏଝାଣାଇଁ ଗାଡାଟି ପାଞ୍ଜାତା ପେରହେରି ଇଞ୍ଜାଁ ଏଝାରି ଏମିନି ଗାଡା ହରୁଲେକ ଦସାମାଟେରି ଏ ହରୁ ଲାକଟି ତୁଇକା ମେଡହାଲି ଏଝାଣାଇଁ ଅଡେରି;

୩୦ ସାମା ଏଝାସି ଏଝାରି ମାଦିଟି ହଚାହାଚେସି ।

ଜୀସୁ ବୁଡୁ ଆଲ୍‌ଗା ମାଟାଣାଇଁ ନେହୁଁକିନାୟି (ମାର୍କ ୧:୨୧-୨୮)

୩୧ ଜୀସୁ କପରନାହୁମ ଦରୁଗାଟି ଗାଲିଲିତି ର ଗାଡାତା ଖାଡେସି, ଇଞ୍ଜାଁ ଜମିନି ଦିନା ଲକୁଣି ଜାପୁହି ମାଟେସି,

୩୨ *ଅଡ଼େ ଏଝାରି ଏଝାଣି ଜାପୁନି ତାଣା କାବା ଆଡେରି, ଏନାଆଁତାକି ଇଟିହୁଁ ଏଝାଣି ଜଲିନାୟି ଅଦିକାରା ଗାଟାୟି ଲେହେଁ ମାଟେ ।

୩୩ ର ଦିନା ଜୀହୁଦି ଲକୁତି କୁଟମି ଇଲୁତା* ର ପଲ୍‌ଆ ବୁଡୁ ଆଲ୍‌ଗାମାଟି ଲକୁ ମାଟେସି; ଏଝାସି କିରଡିହୁଁ ଏଲେକ୍ରେସି,

୩୪ “ଏ ନାକ୍‌ରତତ ଜୀସୁ ନୀ ତଲେ ମାଜେ ଏନାୟି ମାନେ ? ନାନୁ ମାଜେ ନାସା କିହାଲି ଖାହାମାଞ୍ଜି କି ? ନାନୁ ଆମ୍ବାଆତି ନାନୁ ପୁଞ୍ଜାମାଇଁ; ନାନୁ ମାହାପୁରୁତି ସୁଦୁ ମାଣସିତି ।”

୩୫ ଜୀସୁ ଏଦାନି ଦାକା ହାହାନା ଏଲେକ୍ରେସି, “ପାଲେଏ ଆମ୍ବୁ ଇଞ୍ଜାଁ ଇଝାଣି ତାଣାଟି ହଚାହାଲାମ୍ ।

” ଏମ୍ବାଟିଏ ଏ ବୁଡୁ ଏଝାଣାଇଁ ମାଦିଏ ତୁକ୍‌ହାନା ଏଝାଣାଇଁ ଏନାଆଁ କିଆନା ହଚାହାଚେ ।

୩୬ ଏମ୍ବାଟିଏ ବାରେଜାଣା କାବାଆହାନା ଏଲେକ୍ରେସି ଆଡେରି, “ଇଦି ଏନିଲେହେଁତି କାତା ? ଏଝାସି ବୁଡୁୟାଁ ଅଦିକାରା ଅଡ଼େ ବାଡ଼ୁୟୁଟି ହୁକୁମି ହାହିମାନେସି ଇଞ୍ଜାଁ ଏଝି ହଚା ହାଜିମାନୁ ।”

୩୭ ଏମ୍ବାଟିଏ ଏଝାଣି ହାଡାଟି କାରୁ ଦେସାତି ସାରିଝାକି ଖେଞ୍ଜାହାଚେ ।

ଜୀସୁ ହାରେକା ଲକୁଇଁ ନେହୁଁକିନାୟି (ମାଟି ୮:୧୪-୧୭; ମାର୍କ ୧:୧୯-୩୪)

୩୮ ଏମ୍ବାଟିଏ ଜୀସୁ ଜୀହୁଦି ଲକୁତି କୁଟମି ଇଲୁଟି+ ହଚାନା ସିମନ ଇଜ ହାଚେସି । ସିମନ ପୟା ଗାଡି ନମେରି ଆହାମାତେ, ଅଡ଼େ ଏଝାରି ଇ କାତା ଜୀସୁଇଁ ଏଲେକ୍ରେସି ।

୩୯ ଏମ୍ବାଟିଏ ଏଝାସି ଏଦାନି ତାଗେ ନିଚାନା ନମେରିତି ଦାକା ହାଚେସି, ଇଞ୍ଜାଁ ଏଦାନାକି ନମେରି ପିସ୍ତେ, ଏଦି ଏ ଦେବୁଣିଏ ନିଜ୍ଞାନା ଏଝାରି ସେବା କିତେ ।

୪୦ ଖେଡା କୁଡ଼ହି ମାଟାଟି ଆମ୍ବାଆରି ତାଣା ଏନିଲେହେଁତି ରଗ ମାଟେ, ଏଲେତି ରଗ ଲକୁଣି ଜୀସୁ ତାଣା ତାଟେରି, ଇଞ୍ଜାଁ ତାମି ତାକାଣା କେୟୁ ଇଗାନା ବାରେତି ନେହୁଁ କିତେସି ।

୪୧ ଅଡ଼େ ବୁଡୁୟାଁ ଜିକେଏ କିରଡିହୁଁ ହାରେକା ଲକୁ ତାଣାଟି ଏଲେକ୍ରେସି ହଚାହାଚୁ, “ନାନୁ ମାହାପୁରୁ ମାର୍‌ଏଣାଟି ।”

ଅଡ଼େ ଜୀସୁ ଏ ବାରେତି କାତା ଆହାଲି ହାଆନା ଦାକା ହାଚେସି, ଇଟିହୁଁ ଏଝାସି କ୍ରୀସ୍ତ ଇଦାଆଁ ଏଝି ପୁଞ୍ଜାମାଚୁ ।

ଜୀସୁ ଜୀହୁଦି ଲକୁତି କୁଟମି ଇଲୁତା ଖେକ୍‌ନାୟି (ମାର୍କ ୧:୩୫-୩୯)

୪୨ ଲାକ୍ ଖେୟାଲିଏ ଏଝାସି ହଚାନା ଲକୁ ହିଲାଆ ଚାୟୁତା ହାଚେସି; ଅଡ଼େ ଲକୁ ଏଝାଣାଇଁ ପାରି ପାରିହୁଁ ଏଝାଣି ତାଣା ଖାଡେରି, ଅଡ଼େ ଏଝାସି ଏନିକ୍ ଏଝାରି ତାଣାଟି ହାଲଅସି, ଏଦାଆଁତାକି ଏଝାଣାଇଁ ମାଞ୍ଜାଲି ବାତିମାଲିତେରି ।

୪୩ ସାମା ଏଝାସି ଏଝାରାଇଁ ଏଲେକ୍ରେସି, “ଏଟ୍‌କା ଗାଡାତା ଜିକେଏ ନାନୁ ମାହାପୁରୁ ରାକ୍ତିତି ନେହୁଁ କାରୁ ଖେକ୍‌ନାୟି ମାନେ, ଇଟିହୁଁ ଏଦାଆଁତାକି ନାନୁ ପାଣ୍ଡୁଝି ଆହାମାଇଁ ।”

୪୪ ଇଞ୍ଜାଁ ଏଝାସି ଜୀହୁଦା ଦେସାତି ଜୀହୁଦି ଲକୁତି କୁଟମି ଇଲ୍‌କାଣା‡ ହାଜାନା ନେହୁଁ କାରୁ ଖେକ୍‌ହେସି ।

* ୪:୨୪ ୪:୨୪ ଇହ ୪:୪୪ † ୪:୨୮ ୪:୨୮ ସିନଗର୍ ୫ ୪:୩୨ ୪:୩୨ ମାଡି ୭:୨୮,୨୯ * ୪:୩୩ ୪:୩୩ ସିନଗର୍ † ୪:୩୮ ୪:୩୮ ସିନଗର୍ ‡ ୪:୪୪ ୪:୪୪ ସିନଗର୍

୫

ଜୀସୁ ମୀଶକା ଆହ୍ନାରାଇଁ ହାଟିନାୟି
(ମାତି ୪:୧୮-୨୨; ମାର୍କ ୧:୧୭-୨୦)

୧ *ର ଦିନା ଜୀସୁ ଗେନେସର ବାନ୍ଦା ଗାରୁତା ନିତାମାଟାଟି ହାଟେକା ଲକୁ ମାହାପୁରୁତି କାତା ଖେଞ୍ଜାଲି ଏଝାଣି ସାରିସୁଟୁ ରୁଣ୍ଡା ଆଡେରି □

୨ ଇଞ୍ଜା ଏଝାସି ବାନ୍ଦା ଗାରୁତା ରୀ ତଂଗାୟାଁ ମାନାଣି ମେସେସି; ଏମ୍ବାଟି ମୀଶକା ଆହ୍ନାରି ଏମ୍ବାଟି ରେତାନା ତାମି ଜାଲ୍ଲାୟାଁ ନରୁହି ମାଚେରି □

୩ ଏ ତଂଗ ବିତାଟି ଏମିନାୟି ସିମନଝାୟି ମାଚେ, ଏ ତଂଗତା କୁଗାନା ଗାରୁଟିଏ ହିରେ ହେକ ହାଜାଲି ବାଟିମାଲିତେସି; ଇଞ୍ଜା ଏଝାସି କୁଗାନା ଲକୁଣି ଜାପୁହେସି □

୪ ଏଝାସି ତାନି କାତା ରାପୁହାଲିଏ ସିମନଇଁ ଏଲେଇଚେସି, “ମୀଶକା ଆସାଲି କୃତନି ଏୟୁଝାକି ହାଜାନା ମୀ ଜାଲ୍ଲାୟାଁ ମେଡ଼ୁ □”

୫ ଏମ୍ବାଟିଏ ସିମନ ଏଲେଇଚେସି, “ଏ ଗୁରୁ ମାମୁ ଲୁଆଁ ଖେୟେ କସ୍ତ କିତିଝା ର ମୀନୁ ଜିକେଏ ବେଟାଆଆତମି; ସାମା ନୀ କାତା ଆସାନା ଜାଲ୍ଲା ମେଡ଼ଇଁ □”

୬ ଇଞ୍ଜା ଏଝାରି ଜାଲ୍ଲା ମେଡ଼ହାଲିଏ ଏମ୍ବାଆଁ ଜାଲ୍ଲା ନେଞ୍ଜେ ମୀଶକା ହଟୁ, ଇଞ୍ଜା ଏଝାରି ଜାଲ୍ଲା ତାମ୍ବାଲି ମାଟୁହେ □

୭ ଏମ୍ବାଟିଏ ଏଝାରି ଆମିନି ତଡ଼ଗୁାଟାରି ଅର ତଂଗତା ମାଚେରି, ଏଝାରି ଏନିକ୍ ଏଝାହାନା ସାୟେମି କିନେରି, ଏଦାଆଁତାକି ଏଝାରି ଏଝାରାଇଁ କେୟୁ ଜୀଞ୍ଜିତେରି, ଏମ୍ବାଟିଏ ଏଝାରି ଝାହାନା ରୀ ତଂଗଣା ମୀଶକା ନେଞ୍ଜି କିୟାଲିଏ ଏ ତଂଗାୟାଁ ମୁଞ୍ଜିମାରୁ □

୮ ସାମା ସିମନ ପିତର ଏଦାଆଁ ମେସାନା ଜୀସୁ କତାଣା ରିହାନା ଏଲେଇଚେସି, “ଏ ପୁରୁ ନା ତାଣାଟି ହାଜାତୁହମ୍ବୁ ଏନାଆଁତାକି ଇଚିହିଁ ନାନୁ ପାପୁଗାଟି ମାଣ୍ଡିତେଏଁ □”

୯ ଇଚିହିଁ ଏଝାରି ହାଟେକା ମୀଶକା ଆସାମାଟାକି ତାନୁ ଅଡ଼େ ତାନିତଲେ ମାଟାରି କାବା ଆହାହାଚେରି;

୧୦ ଜେବଦିତି ରୀ ମୀରକା ଜାକୁବ ଅଡ଼େ ଜହନ, ଆମ୍ବାଆରି ସିମନ ଆଟୁହିତାରି ମାଚେରି, ଏଝାରି ଜିକେଏ କାବା ଆହାହାଚେରି □ ଅଡ଼େ ଜୀସୁ ସିମନଇଁ ଏଲେଇଚେସି, “ଆଜାଆନି ନୀଞ୍ଜୁଟିଏ ନୀନୁ ଲକୁଣି ଆହ୍ଦି □”

୧୧ ଏଚେଟିଏ ଏଝାରି ତଂଗାୟାଁ ଗାରୁତା ତାଟାନା ଏମ୍ବାଆଁ ବାରେ ପିସାନା ଜୀସୁ ଜେଟ ହାଚେରି □

କାଜା ରଗ ଗାଟାଣାଇଁ ନେହିଁକିନାୟି
(ମାତି ୮:୧-୪; ମାର୍କ ୧:୪୦-୪୫)

୧୨ ଜୀସୁ ର ଗାଡ଼ାତା ମାଟାଟି ମେହଦୁ ଏମ୍ବାଆଁ ଗୁଡ଼ା ଆଜା କାଜା ରଗ ଗାଟାସି ମାଚେସି; ଏଝାସି ଜୀସୁଇଁ ମେସାନା ମୁନୁ କୁତାନା ଏଝାଣାଇଁ ଏଲେଇଚେସି, “ଏ ପୁରୁ ନୀନୁ ମନ କିତିହିଁ ନାଲେ ନେହିଁ କିହାଲି ଆଡ଼ାଦି □”

୧୩ ଏଚେଟିଏ ଏଝାସି କେୟୁ ଦାସାହାଁ ତୀଗାନା ଏଲେଇଚେସି, “ନାନୁ ମନ କିହିମାଇଁ ନୀନୁ ନେହିଁଆମୁ □” ଏ ଦେବୁଣିଏ କାଜା ରଗଟି ଏଝାସି ନେହିଁଆଡ଼େସି □

୧୪ ଜୀସୁ ଏଝାଣାଇଁ ହୁକୁମି ହାହାନା ଏଲେଇଚେସି, “ଆମ୍ବାଆରାଇଁ ଖେହ୍ଆନି, ସାମା ହାଜାନା ପୁଜେରାଜାଣି ତହ୍ମୁ, ଅଡ଼େ ମସାଟି ମେରାଲେହେଁ ନୀନୁ ନେହିଁ ଆଡ଼ାଣି ସାକି ହାହାଲି ପୂଜା ହୀମୁ □”

୧୫ ସାମା ଏଝାଣି କାତା ହାଟେକା ଖେଜାହାଚେ, ଅଡ଼େ ହାଟେକା ଲକୁ ଖେଜାଲିତାକି ଅଡ଼େ ରଗଟି ନେହିଁ ଆହାଲିତାକି ରୁଣ୍ଡା ଆଡେରି □

୧୬ ସାମା ଜୀସୁ ଲକୁ ହିଲାଆ ଟାୟୁତା ହାଜାନା ପ୍ରାଡ଼ାନା କିହିମାଚେସି □

ଜୀସୁ ର ଟଟ ଝାୟିତାଣାଇଁ ନେହିଁକିନାୟି
(ମାତି ୯:୧-୮; ମାର୍କ ୨:୧-୧୨)

୧୭ ର ଦିନା ଜାପୁହି ମାଟାଟି, ଗାଲିଲି ଦେସାଟି ବାରେ ନାସ୍କାଟି, ଜୀହୁଦା ଦେସା ଇଞ୍ଜା ଜିରୁସାଲମଟି ଝାହାମାନି ପାରୁସିୟାଁ ଅଡ଼େ ମେରାପୁନାରି ଜୀସୁ ତାଣା କୁଗାମାଚେରି, ଇଞ୍ଜା ଏଝାସି ଏନିକ୍ ନେହିଁ କିନେସି ଇଦାଆଁତାକି ପୁରୁତି ନେହିଁକିନି ବାଡ଼ୁୟୁ ଜୀସୁ ତାଣା ମାଚେ □

୧୮ ଏଚରଜାଣା ଲକୁ ର ଟଟ ଝାୟିତାଣାଇଁ କାଚେଲିତା ଡେକା ତାଟାନା ଜୀସୁ ନକିତା ବିତ୍ରା ଅହାଲି ଅଣ୍ଡିତେରି □

୧୯ ସାମା ଏମ୍ବାଆଁ ହାଟେକା ଲକୁ ମାଟାକି ଜିରୁ ବେଟାଆଆତେରି, ଇଞ୍ଜା ଏଝାରି ଇଲୁ ଡେପରିତା ଡେକା ଅହାନା ତୁଡ଼ିୟାତି ଟାୟିଲି ହୁକ୍‌ହାନା କାଚେଲି ତଲେ ଜୀସୁ ନକିତା ରେପୁହେରି □

୨୦ ଜୀସୁ ଏଝାରି ନାମୁ ମେସାନା ଟଟ ଝାୟିତାଣାଇଁ ଏଲେଇଚେସି, “ତଡ଼େ ନୀ ପାପୁ ବାରେ ମେଣ୍ଡାମାନେ □”

୨୧ ଏଚେଟିଏ ମେରା ଜାପୁନାରି ଅଡ଼େ ପାରୁସିୟାଁ କାତା ଆହିଁ ଏଲେଇଶମ୍ବି ଆଡେରି, “ଇଝାସି ମାହାପୁରୁ ନିନ୍ଦା କିହିମାନେସି, ଇଝାସି ଆମ୍ବାଆସି! ମାହାପୁରୁ ପିସପେ ଅଡ଼େ ଆମ୍ବାଆସି ପାପୁ ମ୍ଲେକ୍‌ହାଲି ଆଡ଼ିମାନେସି □”

✧ ୫:୧ ୫:୧ ମାତି ୧୩:୧,୨; ମାର୍କ ୩:୯,୧୦; ୪:୧ ✧ ୫:୫ ୫:୫ ଜହ ୨୧:୩ ✧ ୫:୭ ୫:୭ ଜହ ୨୧:୭

୨୨ ସାମା ଜୀସୁ ଏଞ୍ଜାରି କାତାବାର୍ତ୍ତା ଆହିମାନାଣି ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ମୀରୁ ମୀ ମନତା ଏନାଆଁତାକି ଏଲେକ୍ ଅଣ୍ପିମାଞ୍ଜେରି ?

୨୩ ଏନାଆଁ ଇନାୟି ଉସାସା ‘ନୀ ପାପୁ ବାରେ ମେଣ୍ଟାଜିତେ ଇନାୟି କି ନିଙ୍ଗାନା ତାକାମୁ ଇନାୟି ?’

୨୪ ଦାର୍ତ୍ତିତା ପାପୁ ମ୍ଲେକ୍‌ହାଲି ମାଣ୍‌ସି ମୀରୁଏଣାକି ଅଦିକାରା ମାନେ, ଇଦାଆଁ ମୀରୁ ଏନିକ୍ ପୁଞ୍ଜାଲି ଆଡ଼ିଦେରି” ଇଦାଆଁତାକି ଟଟ ଖାୟିତାଣାଇଁ ଏଲେଇଚେସି, “ନାନୁ ନିଙ୍ଗେ ଖେସିମାଞ୍ଜାଇଁ, ନିଙ୍ଗାନା ନୀ କାଟେଲି ତେକାନା ନୀ ଇଜ ହାଲାମୁ □”

୨୫ ଏଚେଟିଏ ଏଞ୍ଜାସି ଏ ଦେବୁଣିଏ ଏଞ୍ଜାରି ନକିତା ନିଙ୍ଗାନା ଆମିନି କାଟେଲିତା ତୁରାମାଚେସି, ଏଦାଆଁ ତେକାନା ମାହାପୁରୁଇଁ ଜହରା କିହିଁ ତାମି ଇଜ ହାଚେସି □

୨୬ ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିଚେରି, ଅଡ଼େ ଆଜିତଲେ ଏଲେଇଚେରି, “ନୀଞ୍ଜୁ ମାମୁ କାବାଆନି କାମା ମେସୁମି □”

ଜୀସୁ ଲେବିଇଁ ହାଡ଼ିନାୟି
(ମାତି ୯:୯-୧୩; ମାର୍କ ୨:୧୩-୧୭)

୨୭ ଏମ୍ବାଟିଏ ଜୀସୁ ପାଙ୍ଗାତା ହାଜାନା ଲେବି* ଦରୁଗାଟି ର ସିସୁ ରୁହନାସି ସିସୁ ରୁହନି ଟାମୁତା କୁଗାମାନାଣି ମେସାନା ଏଞ୍ଜାଣାଇଁ ଏଲେଇଚେସି, “ନା ଜେଟ ଖାମୁ □”

୨୮ ଏମ୍ବାଟିଏ ଏଞ୍ଜାସି ବାରେ ପିସାନା ନିଙ୍ଗାନା ଏଞ୍ଜାଣି ଜେଟ ହାଚେସି □

୨୯ ଅଡ଼େ ଲେବି ତାମି ଇଜ ର କାଜା ବକ୍ତି କିଚେସି, ଇଞ୍ଜା ହାଚେକା ସିସୁ ରୁହନାରି ଅଡ଼େ ଏଟକାଟି ଲକୁ ବାରେ ଏଞ୍ଜାରିତଲେ ତିଞ୍ଜାଲି କୁରିଚେରି □

୩୦ ✨ଏଚେଟିଏ ପାରୁସିୟାଁ ଅଡ଼େ ଏଞ୍ଜାରି ଗଟିତି ମେରାପୁନାରି ତାମି ସୀସୁୟାଁଇଁ ଏଲେଇଚେରି, “ମୀରୁ ଏନାଆଁତାକି ସିସୁ ରୁହନାରି ଅଡ଼େ ପାପୁ ଗାଟାରି ତଲେ ତିଞ୍ଜି ଉଣ୍ଡି ମାଞ୍ଜେରି ?”

୩୧ ଜୀସୁ ଏଞ୍ଜାରାଇଁ ଏଲେଇଚେସି, “ନେହିଁ ମାନାରାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ □

୩୨ ନାନୁ ତୀରିଗାଟାରାଇଁ ହାଟାଲି ଖାହାହିଲଅଁ, ସାମା ମନ ଖେଟପି କିହାଲି ପାପୁ ଗାଟାରାଇଁ ହାଟାଲି ଖାହାମାଇଁ □”

ଉପାସା କିନି କାତା ଖେନାୟି
(ମାତି ୯:୧୪-୧୭; ମାର୍କ ୨:୧୮-୨୨)

୩୩ ଏଚେକା ଲକୁ ଜୀସୁଇଁ ଖେଚେରି, “ଜହନତି ସୀସୁୟାଁ ଅଡ଼େ ପାରୁସିୟାଁତି ସୀସୁୟାଁ ଅଲେ ଅଲେ ଉପାସା ଅଡ଼େ ପ୍ରାତାନା କିହିମାନେରି, ସାମା ନୀ ସୀସୁୟାଁ ତିଞ୍ଜି ଉଣ୍ଡି ମାନେରି □”

୩୪ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ଲକୁତଲେ ହନେଏସି ମାନି ପାଚେକା ବୀହା ଲକୁ ଉପାସା ମାଞ୍ଜାଲି ଆଡ଼ିନେରି ?

୩୫ ସାମା ର ଦିନା ଖାନ୍ଦେ; ଏଞ୍ଜାରି ତାଣାଟି ହନେଏସି ହାନେସି, ଏଚେଟିଏ ଏଞ୍ଜାରି ଉପାସା କିନେରି □”

୩୬ ଇଞ୍ଜା ଏଞ୍ଜାସି ର ପୁଣ୍ଡିକିନି କାତା ଜିକେଏ ଖେସୁସି, “ଆମ୍ବାଆସି ପୁଞ୍ଜଇ ହିମ୍ବୁରିତା ପୁଞ୍ଜି ପାସକି ତାଟଅସି; ତାଟିଡ଼ିଖା ଏ ପୁଞ୍ଜି ପାସକି ଗେହନେ ଇଞ୍ଜା ପୁଞ୍ଜି ପାସକି ପୁଞ୍ଜଇ ପାସକି ତଲେ ଆଣ୍ଡେଏ □

୩୭ ଅଡ଼େ ଆମ୍ବାଆସି ପୁଞ୍ଜି ଅଞ୍ଜୁରି ରାସା ପୁଞ୍ଜଇ ତ:କାତା† ଇଟଅସି; ଇଟିତିହିଁ ଅଞ୍ଜୁରି ରାସା ତ:କାତି ଅସି କିହାନା ବହାହାନେ ଅଡ଼େ ତ:କା ଜିକେଏ ନସୁ ଆନେ,

୩୮ ସାମା ପୁଞ୍ଜି ଅଞ୍ଜୁରି ରାସା ପୁଞ୍ଜି ତ:କାତା ଇଟିନାୟି ମାନେ □

୩୯ ଆମ୍ବାଆସି ପୁଞ୍ଜଇ ଅଞ୍ଜୁରି ରାସା ଗସି ତାମୁ ପୁଞ୍ଜି ଅଞ୍ଜୁରି ରାସା ଗହଅଚେରି □ ପୁଞ୍ଜଆୟି ନେହେଁ ଇଞ୍ଜେରି □”



ଜମିନି ଦିନାତି ପ୍ରବୁ
(ମାତି ୧୨:୧-୮; ମାର୍କ ୨:୨୩-୨୮)

୧ ର ଜମିନି ଦିନା ଜୀସୁ ତାନି ସୀସୁୟାଁ ତଲେ ଗହଁ ଗୁଡ଼ିୟାଟି ହାଜିମାଟାଟି ସୀସୁୟାଁ ଗହଁ ଜେକା ତାପହାନା କେୟୁତଲେ ରାକ୍‌ହା ତିଞ୍ଜିମାଚେରି □

୨ ସାମା ପାରୁସିୟାଁ ବିତ୍ରାଟି ଏଚରଜାଣା ଏଲେଇଚେରି, “ଜମିନି ଦିନାତା ଏନାଆଁ କିନାୟି ମେରା ହିଲେଏ ମୀରୁ ଏନାଆଁତାକି କିହିମାଞ୍ଜେରି □”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଦାହୁଦ ଅଡ଼େ ତାନି ତଢେସିଙ୍ଗା ହାକିଟି ମାଟାଟି ଏନାଆଁ କିହାମାଚେରି, ଏଦାଆଁ ମୀରୁ ଏଚେଲା ପଡ଼ୁଞ୍ଜି ଆହାହିଲଅଚେରି ?

୪ ଏଞ୍ଜାସି ମାହାପୁରୁ ଇଲୁତା ହଡ଼ାନା ଆମିନି ହେରପିଆହାମାନି ରୁଟି ପୂଜେରାଙ୍ଗା ପିସ୍‌ପେ ଆମ୍ବାଆସି ତିନି ମେରା ହିଲାଆତେ ଏଦାଆଁ ତିଚେସି ଇଞ୍ଜା ତାନି ତଢେସିଙ୍ଗାକି ଜିକେଏ ହୀଚେସି □”

୫ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମାଣ୍‌ସି ମୀରୁଏସି ଜମିନି ଦିନାତି ପ୍ରବୁ ଆନେସି □”

* ୫:୨୨ ୫:୨୭ ମାତିୟୁ ✨ ୫:୩୦ ୫:୩୦ ଲୁକ ୧୫:୧,୨ † ୫:୩୭ ୫:୩୭ ତଲୁ ତଲେ କେପିତି ଅଞ୍ଜୁରି ରାସା ଇଟିନି ବାସା ଚୁପୁ

ଖାନ୍ତି କେନ୍ଦୁ ଗାଟାଣାଇଁ ନେହଁକିନାୟି
(ମାତି ୧୨:୯-୧୪; ମାର୍କ ୩:୧-୬)

୭ ଏଝାସି ର ଜମିନି ଦିନାତା ଜୀହୁଦି ଲକୁଡି କୁଟମି ଇଲୁଡା* ହାଜାନା ଜାପୁହି ମାଚେସି; ଏମ୍ପାଆଁ ରଅସି ମାଚେସି ଏଝାଣି ଚିଃନି କେନ୍ଦୁ ଖାନ୍ତାହାଜାମାଚେ □

୭ ଅଡେ ଏଝାସି ଜମିନି ଦିନାତା ନେହଁକିନେସିକି ଆଏ ଏଡାଆଁ ସିନିକିହାଲି ମେରାପୁନାରି ଅଡେ ପାରୁସିୟାଁ କୁଗାନା ସିନିକିହିମାଚେରି, ଏନିକି ଏଝାଣାଇଁ ଦହ ଆସାଲି ପାରୁ ବେଟାଆନେରି □

୮ ସାମା ଏଝାସି ଏଝାରି ହିୟାତି ଅଣ୍ପୁ ପୁଞ୍ଜାନା ଆମିନି ଲକୁଡି କେନ୍ଦୁ ଖାନ୍ତାହାଜାମାଚେ ଏଝାଣାଇଁ ଏଲେଇଚେସି, “ନିଙ୍ଗାମୁ ମାଦି ନିମୁ □” ଏଚେଟିଏ ଏଝାସି ନିଚେସି □

୯ ଏମ୍ପାଟିଏ ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ଖେଞ୍ଜିମାଞ୍ଜାଇଁ ଜମିନି ଦିନାତା ଏନାଆଁ କିନାୟି ମେରା ମାନେ ? ନେହଁକିନାୟି କି ଲାଗେଏ କିନାୟି ? ଜୀହୁଡି ଗେଲପିନାୟି କି ନାସା କିନାୟି ?”

୧୦ ଅଡେ ଏଝାସି ସାରିଝାକି ଲକୁଣି ସିନିକିହାନା ଏଝାଣାଇଁ ଏଲେଇଚେସି, “ନୀ କେନ୍ଦୁ ଦାହୁମୁ □” ଏମ୍ପାଟିଏ ଦାସ୍ତେସି, ଇଞ୍ଜା ଏଝାଣି କେନ୍ଦୁ ନେହଁ ଆହାହାଚେ □

୧୧ ଏଡାଆଁ ମେସାନା ଏଝାରି କାରୁବି ଆହାହାଚେରି ଅଡେ ଜୀସୁଇଁ ଏନିକିହାଲି ଆନେ ଇଞ୍ଜା ତାମ୍ପୁ ତାମ୍ପୁସୁ କାତା ଆଡେରି □

ଜୀସୁ ବାରେଜାଣା ସୀସୁୟାଁଇଁ ଆଡିନାୟି
(ମାତି ୧୦:୧-୪; ମାର୍କ ୩:୧୩-୧୯)

୧୨ ଏଚିବେଲ୍ଲାତା ଏ ଦିନା ପ୍ରାତାନା କିହାଲି ହରୁ ଲାକ ହାଚେସି ଇଞ୍ଜା ଲାଆଁ ଖେୟେ ମାହାପୁରୁ ତାଣା ପ୍ରାତାନା କିଚେସି □

୧୩ ଲାଲ ଖେୟାଲିଏ ଏଝାସି ତାନି ସୀସୁୟାଁ ତାଗେ ହାଟାନା ଏଝାରି ବିତ୍ତାଟି ବାରେଜାଣାତି ଆଡିଚେସି; ଇଞ୍ଜା ଏଝାରାଇଁ ପାଣ୍ଡୁଝି ଆଡାରି ଇଞ୍ଜା ଦରୁ ଇଚିଚେସି,

୧୪ ଏଝାରି ଆଡେରି ସିମନ ଆମ୍ପାଆରାଇଁ ଏଝାସି ପିତର ଦରୁ ହାଚେସି, ଅଡେ ତାନି ତାୟି ଆହିୟ, ଜାକୁବ ଅଡେ ଜହନ, ପିଲିପ, ବାର୍ତଲମି,

୧୫ ମାତିୟୁ ଅଡେ ତମା, ଆଲେପି ମୀରଏସି ଜାକୁବ ଅଡେ ସିମନ, ଆମିନି ଗାଟାଣାଇଁ ତାନି ଦେସାତି ଜୀହୁ ନନାସି ଇନେରି,

୧୬ ଜାକୁବ ମୀରଏସି ଜୀହୁଦା ଅଡେ ଇସ୍ପାରିୟତ ଜୀହୁଦା, ଆମ୍ପାଆସି ଜୀସୁଇଁ ସାତୁ କେନ୍ଦୁତା ହେରପିଚେସି □

ଜୀସୁତି ଜାପୁନାୟି ଅଡେ ରଗଟି
ନେହଁକିନାୟି
(ମାତି ୪:୨୩-୨୫)

୧୭ ଅଡେ ଏଝାସି ଏଝାରିତଲେ ରେଟାଝାହାନା ନିମା ଗାଟି ଚାୟୁତା ନିଚେସି, ଇଞ୍ଜା ତାନି ହାରେକା ସୀସୁୟାଁ ଅଡେ ବାରେ ଜୀହୁଦା ଦେସା ଜିରୁସାଲମ ଇଞ୍ଜା ସର ଅଡେ ସିଦନ ଦାରିଟି ହାରେକା ଖାଡେରି □

୧୮ ଏଝାରି ଜୀସୁତି କାତା ଖେଞ୍ଜାଲି ଅଡେ ତାମି ରଗଟି ନେହଁ ଆହାଲି ଖାହାମାଚେରି, ଅଡେ ଆମିନି ଗାଟାରି ବୃତୁୟାଁ ତାଣାଟି କସ୍ତୁ ବେଟାଆହି ମାଚେରି, ଏଝାରି ଜିକେଏ ନେହଁ ଆଡେରି;

୧୯ ବାରେଜାଣା ଏଝାଣାଇଁ ତାଗାଲି ମନ କିହିମାଚେରି, ଇଚିହଁ ଏଝାଣି ତାଣାଟି ବାଡୁୟୁ ହଟାନା ବାରେଜାଣାତି ନେହଁ କିହିମାଚେ □

ଆମ୍ପାଆରି ନେହେଁ
(ମାତି ୫:୧-୧୨)

୨୦ ଏଚିବେଲ୍ଲାତା ଜୀସୁ ତାନି ସୀସୁୟାଣି ସିନିକିହାନା ଏଲେଇଚେସି,

“ହିଲାଆଗାଟାଚେରି ମୀରୁ; ମିଙ୍ଗେ ନେହେଁ, ଇଚିହଁ ମାହାପୁରୁ ରାଜି ମାଦିଏ □

୨୧ ନୀଏଁ ହାକି ଗାଟାଚେରି ମୀରୁ; ମିଙ୍ଗେ ନେହେଁ, ଇଚିହଁ ମୀରୁ ତାୟୁ ପାଞ୍ଜିଦେରି □

ନୀଏଁ ତାହିମାନାଚେରି ମୀରୁ; ମିଙ୍ଗେ ନେହେଁ, ଇଚିହଁ ମୀରୁ ତାୟୁ କାକ୍ଦେରି □”

୨୨ * “ଏଚେତା ଲକୁ ମିଙ୍ଗେ ଅପଅରି ଅଡେ ମାଣ୍ଡସି ମୀରଏଣା ତାକି ଏଟକା କିୟାନେରି, ଅଡେ ନିୟା କିୟାନେରି ଇଞ୍ଜା ମୀ ଦରୁଡି ଲାଗେଏତାୟି ଇଞ୍ଜା ଅପଅରି, ଆତିହଁ ମୀରୁ ନେହେଁ □

୨୩ * ଏ ବେଲ୍ଲାତା ରାହାତଲେ ଏନ୍ଦାଦୁ, ଏନିଇଚିହଁ ଲାକପୁରୁ ମିଙ୍ଗେତାକି ହାରେକା ଦାନା ମାନେ; ଅଡେ ଏଲେକିହଁ ଏ ଏଝାରି ଆକୁ ଆବାୟାଁ ମାହାପୁରୁ ଅଣ୍ପୁଡି ବଲୁ ଖେହ୍ନାରାଇଁ କିହିମାଚେରି □”

୨୪ “ସାମା ଆୟତା ଡଣ୍ଡ ବେଟାଆନି ଦନ ଗାଟାଚେରି ମୀରୁ; ମୀରୁ ମୀ ଅଣ୍ପିମାଟି ସୁକୁ ବେଟା ଆହାମାଞ୍ଜେରି □

୨୫ ଆୟତା ଡଣ୍ଡ ବେଟାଆନାଚେରି ନୀଏଁ ପାଞ୍ଜାମାନାଚେରି ମୀରୁ; ଇଚିହଁ ତାୟୁ ମୀରୁ ହାକି ଆଡେରି □

ଆୟତା ନୀଏଁ କାକ୍ଦି ମାନାଚେରି ମୀରୁ; ଇଚିହଁ ତାୟୁ ମୀରୁ ଦୁକୁ ଆହାନା ଡୀଦେରି □”

୨୬ “ଏଚିବେଲ୍ଲା ବାରେ ଲକୁ ମିଙ୍ଗେ ନେହାଁଚେରି ଇଞ୍ଜାନେରି, ଏଚିବେଲ୍ଲା ଆୟତା ଡଣ୍ଡ ବେଟା

* ୨:୨ ୨:୨ ସିନଗରୁ * ୨:୨୨ ୨:୨୨ ଚପିତ ୪:୧୪ * ୨:୨୩ ୨:୨୩ କାମା ୭:୫୨

ଆନାତେରି; ଏଲେକିହି ଏ ଏଞ୍ଜାରି ଆକୁ ଆବାୟା ମିତି ବଲୁ ଖେହନାରାଇଁ କିହିମାତେରି □

ସାତୁୟାଁଇଁ ଜୀଝୁନନାୟି
(ମାତି ୫:୩୮-୪୮; ୭:୧୨)

୨୭ ସାମା ମୀରୁ ଖେଞ୍ଜିମାଞ୍ଜେରି, ନାନୁ ମିଙ୍ଗେ ଖେସିମାଞ୍ଜାଇଁ, ମୀ ସାତୁୟାଁଇଁ ଜୀଝୁନଦୁ; ଆମ୍ବାଆରି ମିଙ୍ଗ ଅପଅରି ଏଞ୍ଜାରି ନେହିଁ କିଦୁ;

୨୮ ଆମ୍ବାଆରି ମିଙ୍ଗ ବାକା ଇଟାନେରି, ଏଞ୍ଜାରାଇଁ ବର ହୀଦୁ; ଆମ୍ବାଆରି ମିଙ୍ଗେ ଲାଗେଏ କିହିଁ ଲେମ୍ବାନେରି ଏଞ୍ଜାରି କସମି ପ୍ରାତାନା କିଦୁ □

୨୯ ଆମ୍ବାଆସି ମିଙ୍ଗେ ର ଗେଏଲାତା ସାପୁଡ଼ା ଖେତାନେସି, ଏଞ୍ଜାଶାକି ଅର ଗେଏଲା ଜିକେଏ ଅଗାହୀଦୁ; ଇଞ୍ଜା ଆମ୍ବାଆସି ମୀ ହିମ୍ବରି ଅନେସି ଏଞ୍ଜାଶାଇଁ ମୀ ସକା ଜିକେଏ ଅହାଲି କାହିକିଆଦୁ □

୩୦ ଆମ୍ବାଆସି ମିଙ୍ଗେ ରୀସ୍ତାନେସି, ଏଞ୍ଜାଶାକି ହୀଦୁ; ଇଞ୍ଜା ଆମ୍ବାଆସି ଦନ ଅନେସି, ଏଞ୍ଜାଶାଇଁ ଖେଶ୍ଟେ ରୀହୀଆଦୁ □

୩୧ ✱ଲକୁ ମିଙ୍ଗେ ଏନିକିଁ ଲେମ୍ବାପେରି ଇଞ୍ଜା ଅଣ୍ଡପିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହିଁ ଲେମ୍ବାଦୁ □

୩୨ ଇଞ୍ଜା ଆମ୍ବାଆରି ମିଙ୍ଗେ ଜୀଝୁ ନୟାନେରି, ଏଞ୍ଜାରାଇଁ ଜୀଝୁ ନଡ଼ିହିଁ ଏନି ବର ବେଟାଆଦେରି ? ଇତିହିଁ ପାପୁ ଗାଟାରି ଜିକେଏ ତାମ୍ବେ ଜୀଝୁ ନନାରାଇଁ ଜୀଝୁ ନନେରି □

୩୩ ଅଡ଼େ ଆମ୍ବାଆରି ମିଙ୍ଗେତାକି ନେହିଁ କିୟାନେରି, ମୀରୁ ଏଞ୍ଜାରି ନେହିଁ କିଦେରି, ଆତିହିଁ ମୀରୁ ଏନି ବର ବେଟାଆଦେରି ? ଇତିହିଁ ପାପୁ ଗାଟାରି ଜିକେଏ ଏଲେକିନେରି □

୩୪ ଇଞ୍ଜା ଆମ୍ବାଆରି ତାଣାଟି ବେଟାଆହାଲି ଆସା ମାନେ, ଏଞ୍ଜାରାକି ରୀଶା ହୀତିସାରେ ମୀରୁ ଏନି ବର ବେଟାଆଦେରି ? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରୀଶା ହୀନେରି □

୩୫ ସାମା ମୀ ସାତୁୟାଁଣି ଜୀଝୁନଦୁ ଇଞ୍ଜା ଏଞ୍ଜାରି ନେହିଁ କିଦୁ, ଖେଶ୍ଟେ ବେଟାଆହାଲି ଆସା କିଆନା ଉଦାରା ହୀଦୁ; ଆତିହିଁ ମିଙ୍ଗେତାକି କାଜା ଦାନା ମାନେ, ଇଞ୍ଜା ମୀରୁ କାଜା ମାହାପୁରୁତି ମୀରକା ଆଦେରି, ଇତିହିଁ ଏଞ୍ଜାସି ଜୀଝୁ ନଆଗାଟାରାଇଁ ଅଡ଼େ ପାପୁ ଗାଟାରାଇଁ ଜିକେଏ ଜୀଝୁ ନନାସି □

୩୬ ମୀ ଲାକପୁରୁତି ଆବା ଏନିକିଁ କାର୍ମା ମେହନାସି ମୀରୁ ଜିକେଏ ଏଲେକିହିଁ ଏ କାର୍ମା ମେହନାତେରି ଆଦୁ □

ଏଟକା ତାରାଇଁ ନାହାୟି କିଆଦୁ
(ମାତି ୭:୧-୫)

୩୭ “ଅଡ଼େ ନାହାୟି କିଆଦୁ, ଆତିହିଁ ମୀରୁ ମାହାପୁରୁ ତାଣା ନାହାୟି କିଞ୍ଜି ଆଅତେରି; ଦହ ଦହଆଦୁ, ଆତିହିଁ ମୀରୁ ମାହାପୁରୁ ତାଣା ଦହ ଗାଟାତେରି ଆଅତେରି; ଦହ ମ୍ବେକଦୁ, ଆତିହିଁ ମାହାପୁରୁ ମୀ ଦହ ଜିକେଏ ମ୍ବେକହାନେସି;

୩୮ ହୀଦୁ ଆତିହିଁ ମିଙ୍ଗେ ଜିକେଏ ହୀପକିଆନେ; ଲକୁ ମାଣାତି ନେଞ୍ଜିକିହାନା ଏଦାନି ନାବ୍‌ଗାନା ଦାକ୍‌ହାନା ତେଲି କିହାନା ମୀ ଅଟଡ଼ିତା ହିୟାନେରି; ଇତିହିଁ ଆମିନି ମାଣାତଲେ ଲାଡ଼ିଦେରି, ମିଙ୍ଗେ ଜିକେଏ ଏ ମାଣା ତଲେଏ ଲାଟା ହିୟାନେରି □”

୩୯ ✱ଏଞ୍ଜାସି ଏଞ୍ଜାରାଇଁ ର ପୁଣ୍ଡିକିନି କାତା ଜିକେଏ ଏଲେଇଚେସି, “ର କାଣା ଅର କାଣାଇଁ ଜିରୁ ତସାଲି ଆଡ଼ିନେସିକି ? ଏଞ୍ଜାରି ରିଆରି ଜିକେଏ ରହେଏ ଗାଡ଼ୁତା ତରଗଅରି କି ?

୪୦ ✱ସୀସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀସୁୟାଁ ନେହିଁ କିଁ ଜାପାଲି ଆଡ଼ିସାରେ ତାନି ଗୁରୁ ସମାନା ଆନେରି □”

୪୧ ଅଡ଼େ ଏନାଆତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆତାକି ଅଣ୍ଡପି ହିଲଅତି ?

୪୨ ନୀନୁ ନୀ କାନୁତା ମାନି କାଜା ଲାଟାଟି ଅଣ୍ଡପାଆନା, ଏନିକିଁ ନୀ ତାୟିଇଁ ଏଲେଇଞ୍ଜାଲି ଆଡ଼ିଦି, ତାୟି ଝାମୁ ନୀ କାନୁତା ମାନି ଲାଟା ଡେଞ୍ଜାଇଁ, ଆଡ଼େ କୁରୁ ଗାଟାଟି ତଲିଏ ନୀ କାନୁତି କାଜା ଲାଟା ଡେଞ୍ଜା କତାମୁ, ତାୟି ମୀ ତାୟି କାନୁତି ଲାଟା ନେହିଁ କିଁ ମେସାଲି ଆଡ଼ିଦି □

ମାରୁନୁ ଅଡ଼େ ତାନି ପାଡ଼େୟି
(ମାତି ୭:୧୨-୨୦; ୧୨:୩୩-୩୫)

୪୩ “ଇତିହିଁ ଇଲେତି ଏନି ର ନେହିଁ ମାରୁନୁ ହିଲେଏ, ଏମିନାୟି ଲାଗେଏତି ପାଡ଼େୟି ଆୟିନେ, ଅରଞ୍ଜାକି ଇଲେତି ଏନି ମାରୁନୁ ହିଲେଏ ଏମିନାୟି ନେହିଁ ପାଡ଼େୟି ଆୟିନେ □

୪୪ ✱ଇତିହିଁ ବାରେ ମାରକାଣି ତାନି ପାଡ଼େୟି ତଲେ ପୁନାୟି; ହାପକା ମାରୁନୁଟି ଲକୁ ତୟା ପାଡ଼େୟି ଏହଅରି, ଇଞ୍ଜା ହାପକା ବୁଟାଟି ଅଞ୍ଜୁରି ପାଡ଼େୟି ଏହଅରି □

୪୫ ✱ନେହିଁ ଲକୁ ନେହିଁ ମନ ବିତ୍ରାଟି ନେହିଁ କାତା ହପ୍‌ନେସି, ଇଞ୍ଜା ପଲୁଆ ଗାଟାସି ପଲୁଆ ମନ ବିତ୍ରାଟି ପଲୁଆ କାତା ହପ୍‌ନେସି; ଇତିହିଁ ହିୟା ବିତ୍ରା ମାନାଣି ଗୁଡ଼ିଟି ଜଲିନେସି □

ରୀ ଇଲକା କେପିନାରି
(ମାତି ୭:୨୪-୨୭)

✱ ୨:୩୧ ୨:୩୧ ମାତି ୭:୧୨ ✱ ୨:୩୯ ୨:୩୯ ମାତି ୧୫:୧୪ ✱ ୨:୪୦ ୨:୪୦ ମାତି ୧୦:୨୪,୨୫; କହ ୧୩:୧୭; ୧୫:୨୦ ✱ ୨:୪୪ ୨:୪୪ ମାତି ୧୨:୩୩ ✱ ୨:୪୫ ୨:୪୫ ମାତି ୧୨:୩୪

୪୭ ଅଡ଼େ ମୀରୁ ଏନାଆଁତାକି ନାଙ୍ଗେ ପ୍ରବୁ ପ୍ରବୁ ଇଞ୍ଜି ମାଞ୍ଜାଦେରି, ସାମା ନା କାତା ମାନୁଞ୍ଜି ଆହି ହିଲଅତେରି ?

୪୭ ଆମ୍ବାଆସି ନା ତାଣା ଖାହାନା ନା କାତା ଖେଞ୍ଜାନା ବାରେ ମାନୁଞ୍ଜି ଆନେସି, ଏଞ୍ଜାସି ଏନିଲେହେଁତାସି, ନାନୁ ମିଙ୍ଗେ ଖେସ୍ତାଇଁ ।

୪୮ ଏଞ୍ଜାସି ଇଲେତି ର ଇଲୁ ଦହନିଲେହେତି ଲକୁ, ଏମିନିଗାଟାସି ଗାଡ଼ି ଗାଡ଼ିୟୁ କାରହାନା ପୁନାଦି ଖାଲକାତଲେ କାତି ନିପନେସି; କାଜା କାତା ଖାହାନା ଏ ଇଲୁତି ଗୁପିତେ, ଖାଲକାତଲେ ଇଲୁ ଦସାମାଚାକି କାତା ଇଲୁତି ଦାକ୍‌ହାଲି ଆଡ଼ାଆତେ ।

୪୯ ସାମା ଆମ୍ବାଆସି ଖେଞ୍ଜାନା ମାନୁଞ୍ଜି ଆଅସି ଏଞ୍ଜାସି ଗାଡ଼ିୟୁଟିଏ ପୁନାଦି କିଆନା ଇରଥା ଲାକ ଇଲୁ କିହାମାନି ଲକୁ ଲେହେଁତାସି; କାଜା କାତା ଖାହାନା ଇଲୁତି ଗୁପାଲିଏ ଦେବୁଣିଏ ଇଲୁ ରିହା ହାଚେ ଇଞ୍ଜା କୁଡ଼ପୁନାସା ଆହାହାଚେ ।”



ଜୀସୁ ର ରମିୟ ହଲେଏଣାଇଁ ନେହଁକିନାୟି (ମାତି ୮:୫-୧୩)

୧ ଜୀସୁ ଲକୁ ନକିତା ବାରେ କାତା ଖେସାଲି ରାପୁହାଲିଏ କପରନାହୁମ ଗାଡ଼ାତା ହାଚେସି ।

୨ ଏଚିବେଲାତା ରଅସି ପାସାକଡ଼ି କସକା ମୁହେଁ କାଜାଣା ହଲେଏସି ହାନିଲେହେଁ ନମେରି ଆହାମାଚେସି; ଏ ହଲେଏଣାଇଁ ଏଞ୍ଜାସି ହାଚେକା ଜୀସୁ ନହଁମାଚେସି ।

୩ ଏଞ୍ଜାସି ଜୀସୁ କାତା ଖେଞ୍ଜାନା, ଏଞ୍ଜାସି ଏନିକିଁ ଖାହାନା ତାନି ହଲେଏଣାଇଁ ନେହଁକିନେସି, ଇଦାଆଁତାକି ଜୀହୁଦି ଲକୁତି କାଜାରି ବିତ୍ରାଟି ଏଚରଜାଣାତି ଏଞ୍ଜାଣି ତାଣା ପାଣ୍ଡାନା ବାତିମାଲିତେସି ।

୪ ଏଞ୍ଜାରି ଜୀସୁ ତାଣା ଖାହାନା ହାଚେକା ବାତିମାଲିହଁ ଖେସ୍ତେରି, “ଏଞ୍ଜାସି ନୀ ତାଣାଟି ହାଚେକା ସାୟେମି ବେଟାଆହାଲି ପାଡ଼ା ଆନାସି;

୫ ଇଚିହଁ ଏଞ୍ଜାସି ମା ଜୀହୁଦି ଲକୁଣି ଜୀସୁ ନନେସି ଅଡ଼େ ତାନୁଏ ମାଙ୍ଗେତାକି ଜୀହୁଦି ଲକୁତି କୁଟମି ଇଲୁ* କିହାମାନେସି ।”

୬ ଏମ୍ବାଟିଏ ଜୀସୁ ଏଞ୍ଜାରିତଲେ ହାଚେସି, ଏଞ୍ଜାସି କାଜାଣି ଇଲୁଟିଏ ହିରେ ହେକ ମାଚାଟିଏ, କସକା ମୁହେଁ କାଜାସି ତାନି ତଣେସିଙ୍ଗାଣି ଖେସା ପାଣ୍ଡିତେସି, “ଏ ପ୍ରବୁ ନାନୁ ଅଡ଼େ କସ୍ତ ପ୍ଲାଃଆନିଦେ; ଇଚିହଁ ନାନୁ ନା ଇଜ ପାଞ୍ଜୁଲି ଇଚିଦି ଇଲେକିଁ ପାଡ଼ାଆଆତାତେସି;

୭ ଇଦାଆଁତାକି ନାନୁ ନୀ ତାଣା ଖାହାଲି ପାଡ଼ାଆଆଁ ଇଞ୍ଜି ଅଣ୍ଡପିତେସି; ସାମା ନାନୁ ର

ପବୁ ଖେସା ପାଣ୍ଡାମୁ ନା ହଲେଏସି ନେହଁ ଆନେସି ।

୮ ଇଚିହଁ ନାନୁ ରଅଣି ତାଣା କାମା କିନି ମାଣସି ଆଡ଼ିହଁ ଜିକେଏ ନା ଅଦିକାରାତା ଅଡ଼େ କସକା ମାନେରି; ଅଡ଼େ ନାନୁ ରଅଣାଇଁ ହାଲାମୁ ଇଚିହଁ ହାନେସି; ରଅଣାଇଁ ଖାମୁ ଇଚିହଁ ଖାନେସି; ଇଞ୍ଜା ନା ହଲେଏଣାଇଁ ଇଦାଆଁ କିମୁ ଇଚିହଁ ଏଞ୍ଜାସି କିନେସି ।”

୯ ଜୀସୁ ଇ ବାରେ କାତା ଖେଞ୍ଜାନା କାବା ଆଡ଼େସି, ଅଡ଼େ ଜେଟ ଖାହିମାନି ଲକୁଖାକି ସିନିକିହାନା ଏଲେଇଚେସି, “ନାନୁ ମିଙ୍ଗେ ଖେସିମାଞ୍ଜାଇଁ ଇସ୍ତାୟେଲ ଲକୁ ବିତ୍ରା ଜିକେଏ ନାନୁ ଇଲେତି ନାମୁ ମେସାହିଲଅଁ ।”

୧୦ ଅଡ଼େ ପାଣ୍ଡୁଞ୍ଜି ଆହାମାଟି ଲକୁ ଇଜ ଖାହାନା ହଲେଏସି ନେହଁ ଆହାମାନାଣି ମେସ୍ତେରି ।

ରାଣ୍ଡେଣି ଇୟାନି ମାର୍‌ଏଣାଇଁ ଜୀସୁ ହାନାୟି

୧୧ ଏମ୍ବାଟିଏ ନାଇନ ଦରୁଗାଟି ଗାଡ଼ାତା ହାଚେସି, ତାନି ସୀସୁୟାଁ ଇଞ୍ଜା ହାଚେକା ଲକୁ ଏଞ୍ଜାଣିତଲେ ହାଜିମାଚେରି ।

୧୨ ଏଞ୍ଜାସି ଗାଡ଼ାଟି ଗଲିମୁଟାତା ଏକାଲିଏ ଲକୁ ର ମାଡ଼ହାତି ପାଙ୍ଗାତା ଡେକା ତାଟି ମାଚେରି, ଏଞ୍ଜାସି ତାନି ଇୟାନି ରଣ୍ଡିଏ ମାର୍‌ଏସି ମାଚେସି, ଇଞ୍ଜା ଏ ଇୟା ରାଣ୍ଡେଣି ମାଚେ; ଅଡ଼େ ଗାଡ଼ାଟି ହାଚେକା ଲକୁ ଏଦାନିତଲେ ମାଚେରି ।

୧୩ ଏଦାନି ମେସାନା ଜୀସୁ ହାଚେକା କାର୍ମା ଅଣ୍ଡପାନା ଏଦାନି ଏଲେଇଚେସି, “ଡ଼ାଆନି ।”

୧୪ ଅଡ଼େ ଏଞ୍ଜାସି ତାଗେ ହାଜାନା ଡେକାମାଟି ଚେଚେଣିତି ଡାଗିତେସି, ଇଞ୍ଜା ଡେକା ଅହିମାଟି ଲକୁ ନିଚାଲିଏ ଜୀସୁ ଏଲେଇଚେସି, “ଆଡ଼େ ଦାଂଗ୍‌ଣେଣାଁତି! ନାନୁ ଏଲେଇଞ୍ଜିମାଞ୍ଜାଇଁ ନିଙ୍ଗାମୁ ।”

୧୫ ଏଚେଟିଏ ହାହାମାଟି ଦାଂଗ୍‌ଣେଏସି ନିଙ୍ଗାନା କୁରିତେସି ଇଞ୍ଜା ଜଲିତେସି, ଇଞ୍ଜା ଏଞ୍ଜାସି ତାନି ଇୟାନି କେୟୁତା ହେର୍ପିତେସି ।

୧୬ ଏଚେଟିଏ ବାରେଜାଣା ଆଜିତାକି ମାହାପୁରୁଇଁ ଜହରା କିହଁ ଏଲେଇଚେରି; “ମା ବିତ୍ରା ର ମାହାପୁରୁ ଅଣ୍ଡପୁଡ଼ି ବଲୁ ଖେହନାସି ହଚାମାନେସି, ଇଚିହଁ ମାହାପୁରୁ ତାନି ଲକୁଣି କାର୍ମା ମେସାମାନେସି ।”

୧୭ ଇଞ୍ଜା ଜୀସୁ କିତି ଇ କାତା ବାରେ ଜୀହୁଦା ଦେସାତା ଅଡ଼େ ସାରିସୁଟୁ ମାନି ରାଜିତା ଖେଙ୍ଗାହାଚେ ।

ବାପ୍ତିସ୍ମା ହାନି ଜହନତି କାରୁ ଖେହନାରି (ମାତି ୧୧:୨-୧୯)

* ୭:୫ ୭:୫ ସିନଗର † ୭:୧୭ ୭:୧୮ ମୁଞ୍ଜିନାୟି ‡ ୭:୧୮ ୭:୧୮ ମୁଞ୍ଜିନାୟି

୧୮ ତାହୁଁ ବାପ୍ତିସ୍ମା ହୀନି ଜହନତି ସୀସୁୟାଁ ଇ ବାରେ କାତା ଏଝାଣାଇଁ ଝେସ୍ତେରି □

୧୯ ଏଚେଟିଏ ଜହନ ତାନି ରୀ ସୀସୁୟାଁଇଁ ତାଗେ ହାଟାନା ପ୍ରବୁ ତାଣା ଏଲେଇଞ୍ଜା ପାଣ୍ଡିତେସି, “ଆମ୍ବାଆସି ଝାନାୟି ମାଚେ, ନୀନୁଏ ଏଝାତିକି, ଆଆତ୍ ମାମ୍ବୁ ଅର ରଅଣାଇଁ କାଃଆନମି ?”

୨୦ ଏଝାରି ଜୀସୁ ତାଣା ଝାହାନା ଏଲେଇଚେରି, “ବାପ୍ତିସ୍ମା ହୀନି ଜହନ ମାଚେ ଏଲେଇଞ୍ଜା ପାଣ୍ଡିତେସି, ଆମ୍ବାଆସି ଝାନାୟି ମାଚେ ଏଝାତି ନୀନୁଏ କି ଆଆତ୍ ମାମ୍ବୁ ଅର ରଅଣାଇଁ କାଃଆନମି ?”

୨୧ ଏଚିବେଲା ଏଝାସି ହାରେକା ରଗ, କସୁ ଅଡେ ପଲ୍ଲଆ ବୁଡୁୟାଁ ତାଣାଟି ହାରେକା ଲକୁଣି ନେହଁ କିତେସି, ଇଞ୍ଜା ହାରେକା କାଣକା ମେହ୍‌ଆଗାଟାରାଇଁ ମେହ୍‌ନି ବାଡ଼ୁୟାଁ ହୀତେସି □

୨୨ ଏଝାସି ଏଝାରାଇଁ ଏଲେଇଚେସି, “ମୀରୁ ହାଜାନା ଏନା ଏନାଆଁ ମେସାମାଞ୍ଜେରି ଅଡେ ଝେଞ୍ଜାମାଞ୍ଜେରି, ଏ ବାରେ ଜହନଇଁ ଝେହ୍‌ଦୁ; କାଣକା ମେହ୍‌ଆଗାଟାରି ମେସାଲି ଆଡ଼ିମାନେରି, ସଟାୟାଁ ତାକାଲି ଆଡ଼ିମାନେରି, କାଜା ରଗ ଗାଟାରି ନେହଁ ଆହ୍‌ମାନେରି, ବେରାୟାଁ ଝେଞ୍ଜାମାନେରି, ହାଡ଼ାରି ନୀଡ଼ିମାନେରି, ଅଡେ ହିଲାଆ ଗାଟାରି ନେହଁ କାବୁ ଝେଞ୍ଜାମାନେରି;

୨୩ ନା ତାଣା ଆମ୍ବାଆରି ଆନାମାନା ଆଆନା ନାମାନେରି, ତାମ୍‌ଲେଏ ନେହେଁ □”

୨୪ ଜହନ ସୀସୁୟାଁ ହାଜାଲିଏ, ଜୀସୁ ଲକୁଣି ଜହନତି କାତା ଏଲେଇଚେସି, “ଏଚିବେଲା ବାଃଲି ବାଟାତା ମୀରୁ ହାଜାମାଚେରି, ଏନାଆଁ ଏନାଆଁ ମେସାଲି କାଟାମାଚେରି ? ଏନାଆଁ ଗାଲି ତଲେ ଝାଲିମାନି ତାଣ୍ଡିତି ?

୨୫ ଏଦାଆଁ ଆଆତିହଁ ଏନାଆଁ ମେସାଲି ହାଜାମାଚେରି ? ନେହଁ ଅଜିତି ପାଡ଼ାଡ଼ା ହିମ୍ବୁରି ହୁଟାମାନି ର ମାଣ୍ଡିଇଁ ? ମେହ୍‌ଦୁ ଆମ୍ବାଆରି ନେହଁ ନେହଁ ହିମ୍ବୁରିକା ହୁଟାନା ସୁକୁ ତଲେ ଡ଼ୟିନାରି ଏଝାରି ରାଜା ଗାଡ଼ାତା ଡ଼ୟିନେରି □

୨୬ ଏଦାଆଁ ଆଆତ୍ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍‌ପୁତି ବଲୁ ଝେହ୍‌ନାଣାଇଁ ? ନାନୁ ମିଚେ ସାତା ଝେସିମାଞ୍ଜାଇଁ, ମାହାପୁରୁ ବଲୁ ଝେହ୍‌ନାରି କିହାଁ କାଜାଣାଇଁ □

୨୭ ଆମ୍ବାଆରି କାତା ରାସ୍‌କି ଆହ୍‌ମାନେ, ‘ହେଶୁ ନାନୁ ନା କାବୁ ଝେହ୍‌ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଝାସି ନୀ ନକିତା ଜିରୁ ତିୟାରା କିନେସି, ଏଝାସି ଏ ମାଣ୍ଡିସି □’

୨୮ ନାନୁ ମିଚେ ସାତା ଝେସିମାଞ୍ଜାଇଁ ଇୟାନି ବାଣ୍ଡିତି ଜାନା ଆହ୍‌ମାନାରି ବିତ୍ରା ଜହନ ବାରେକିହାଁ କାଜାସି; ଆଡ଼ିଜକେଏ ମାହାପୁରୁ ରାଜିତା ଆମ୍ବାଆସି ଉଣା ଏଝାସି ଏଝାଣି କିହାଁ କାଜାସି □”

୨୯ *ବାରେଜାଣା ଇ କାତା ଝେଞ୍ଜାନା, ସିସୁ ରୀହ୍‌ନାରି ଜିକେଏ ଜହନ ତାଣାଟି ବାପ୍ତିସ୍ମା* ଅହ୍‌ମାଟାକି ମାହାପୁରୁଇଁ ସାତା ଇଞ୍ଜା ଇଚେରି;

୩୦ ସାମା ପାରୁସିୟାଁ ଅଡେ ମେରାପୁନାରି ଏଝାଣି ତାଣାଟି ବାପ୍ତିସ୍ମା† ପୁଃଆନାହାଁ ତାମ୍‌ଲେ ତାକି ମାହାପୁରୁ ଅଣ୍‌ପିମାଟାଣି କୂତେରି □

୩୧ “ଇ କାଲାତି ଲକୁଣି ଆମ୍ବାଆରି ତଲେ ତୁକଇଁ, ଇଞ୍ଜା ଏଝାରି ଆମ୍ବାଆରି ଲେହେଁ ?

୩୨ ଏମିନି କକାରି ହାଟା ବାଜାରାତା କୁଗାନା ତାମ୍ବୁ ଏଲେଇଣ୍‌ମି ଆନେରି, ‘ମାମ୍ବୁ ମିଜାତାକି ପୀରୁଡ଼ି ଉକିତମି, ମୀରୁ ଏନ୍‌ଆତେରି; ମାମ୍ବୁ ଦୁକୁତଲେ ଡ଼ାତମି ମୀରୁ ଡ଼ାଆତେରି □’ ଏଝାରି ଇଲେତାରି ଇଞ୍ଜା ଜୀସୁ ଝେସ୍ତେସି □

୩୩ ଇଚିହଁ ବାପ୍ତିସ୍ମା ହୀନି ଜହନ ଝାହାନା ରାନ୍‌ ତିନାଆତେସି କି ଅଞ୍ଜୁରି ରାସା ଗହ୍‌ଆତେସି, ଅଡେ ମୀରୁ ଏଲେଇଚେରି, ‘ଏଝାଣାଇଁ ବୁଡୁ ଆଲଗାମାଚେ □’

୩୪ ମାଣ୍ଡିସି ମୀରୁଏସି ଝାହାନା ରାନ୍‌ ତିଚେସି ଉଚେସି, ଅଡେ ମୀରୁ ଏଲେ ଇଞ୍ଜାମାଞ୍ଜେରି, ‘ମେହ୍‌ଦୁ ଇଝାସି ଚିଣ୍ଡିକାଝୁ, କାଡ଼ବୁଡୁ, ସିସୁ ରୀହ୍‌ନାରି ଅଡେ ପାପୁ ଗାଟାରି ତଟେଏସି □’

୩୫ ମାହାପୁରୁତି ବୁଦି ତାନି ବାରେ ମୀରୁକା ତାଣାଟି ସାତା ଇଞ୍ଜା ତଞ୍ଜାଆନେ □”

ପାରୁସି ସିମନ ଇଜ ଜୀସୁ ହାନାୟି

୩୬ ଅଡେ ପାରୁସିୟାଁ ବିତ୍ରାଟି ରଅସି ଜୀସୁଇଁ ତାନି ଇଜ ତିଞ୍ଜାଲି ଏଲେଇଚେସି, ଏମ୍ବାଟିଏ ଜୀସୁ ଏ ପାରୁସି ଇଜ ହଡ଼ାନା ରାନ୍‌ ତିଞ୍ଜାଲି କୁରିତେସି □

୩୭ *ମେହ୍‌ଦୁ ଏ ଗାଡ଼ାତା ପାପୁଗାଟି ର ଇୟା ମାଚେ; ଜୀସୁ ପାରୁସିୟାଁ ଇଜ ତିଞ୍ଜାଲି କୁଗାମାନେସି ଇଞ୍ଜା ପୁଞ୍ଜାନା ଏଦି ର ଗାଜୁତା ଗାନ୍‌ଗାଟି ନିୟୁଁ ତାତାନା,

୩୮ ତାହୁଁଝାକି ଜୀସୁ କଡ଼ାୟାଁଦାରି ନିଚାନା ଡ଼ାହି ଡ଼ାହି କାଣ୍ଡୁ ବକ୍‌ହାନା ଏଝାଣି ପାଃଆନାୟାଁ ଉଦି କିହାନା ତାନି ତାହୁଁ ବାଣାୟାଁ ତଲେ ଜୀସୁ ପାଃଆନାୟାଁ ଜେଜିହଁ ଏଝାଣି ପାଃଆନାୟାଁ ନଣ୍ଡିତେ ଅଡେ ଗାନ୍‌ ନିୟୁଁ ରୁବିତେ □

୩୯ ଏଦାଆଁ ମେସାନା ଆମିନି ପାରୁସି ହାଟାମାଚେସି, ଏଝାସି ମନ ମନତା ଅଣ୍‌ପିତେସି, “ଇଝାସି ମାହାପୁରୁ ଅଣ୍‌ପୁତି ବଲୁ ଝେହ୍‌ନାସି ଆହ୍‌ମାଟିହଁ ମା, ତାଚେ ଡ଼ାଗିମାନି ଇୟାଟି

§ ୭:୨୦ ୭:୨୦ ମୁଞ୍ଜିନାୟି ☆ ୭:୨୯ ୭:୨୯ ମାତି ୨୧:୩୨; ଲୁକ ୩:୧୨ * ୭:୨୯ ୭:୨୯ ମୁଞ୍ଜିନାୟି † ୭:୩୦ ୭:୩୦ ମୁଞ୍ଜିନାୟି ‡ ୭:୩୩ ୭:୩୩ ମୁଞ୍ଜିନାୟି ☆ ୭:୩୭ ୭:୩୭ ମାତି ୨୭:୭; ମାର୍କ ୧୪:୩; ଜହ ୧୨:୩

ଏନିଲେହେଁତାୟି ପୁରେସିମା, ଇଚିହ୍ ଏଡ଼ି ପାପୁ ଗାଟାୟି □”

୪୦ ଜୀସୁ ଏଝାଣାଇଁ ଏଲେଇଚେସି, “ଆଡେ ସିମନ ନାନୁ ନିଜେ ର କାତା ଖେସ୍ତାନାୟିମାନେ □”

ଏଝାସି ଏଲେଇଚେସି, “ହାଅ ପ୍ରବୁ ଖେସ୍ତାମୁ □”

୪୧ “ର ସାଝୁକାରି ତାଣା ରିଆରି ରୀଣାଗାଟାରି ମାରେରି; ରଅସି ପାସାଝାଞ୍ଜା ଅଡେ ରଅସି ରୀ କଡ଼ି ଦସଟାକା ରୀଣା ଗାଟାସି □

୪୨ ଏଝାରି ରୀଣା ତିକହାଲି ଆଡାଆଲିଏ, ଏଝାରି ସାଝୁକାରି ରିଆରି ରୀଣାତି ଜିକେଏ ପିସାଡୁସ୍ତେସି □ ଇଞ୍ଜା ଏଝାରି ବିତ୍ରାଟି ଆମ୍ବାଆସି ଏଝାଣାଇଁ ହାରେକା ଜୀସୁ ନଚେସି ?”

୪୩ ସିମନ ଏଲେଇଚେସି, “ନା ଅଣ୍ଟପୁତା ଆମ୍ବାଆରାକି ଗାତି ରୀଣା ପିସପିଆଡେ ଏଝାସି □”

ଜୀସୁ ଏଲେଇଚେସି, “ନୀନୁ ନେହ୍ ଅଣ୍ଟପାମାଞ୍ଜି □”

୪୪ ଅଡେ ଏଝାସି ଏ ଇୟାନିଝାକି ସିନିକିହାନା ସିମନଇଁ ଏଲେଇଚେସି, “ଇ ଇୟାନି ମେସିମାଞ୍ଜି ? ନାନୁ ମୀ ଇଜ ଝାଡେଏଁ, ନା କଡାୟାଁ ତାକି ଏମୁ ହିୟାଆତି, ସାମା କାଣ୍ଡୁତୁଲେ ନା ପାଠଆନାୟାଁ ଉଦି କିହାନା ତାନି ତାୟାଁ ବାଣାୟାଁ ତଲେ ଜେଜାଡେ □

୪୫ ନୀନୁ ନାଜେ ନଣ୍ଡାଆତି ? ସାମା ନାନୁ ବିତ୍ରା ଝାଝୁନିଏ ନା ପାଠଆନାୟାଁ ନଣ୍ଡାଲି ପିସିମାଞ୍ଜେଏ □

୪୬ ନୀନୁ ନା ତାୟାଁ ତୁ ନିୟାଁ ରୁବାଆତି ? ସାମା ଇଦି ନା ପାଠଆନାଣାଁ ଗାନ୍ଦା ନିୟାଁ ରୁବାଡେ □

୪୭ ଇଦାଆଁତାକି ନାନୁ ନିଜା ଖେସିମାଞ୍ଜାଇଁ, ଇଦାନି ହାରେକା ପାପୁ ମେଣ୍ଟାମାନେ ଏଦାଣିତାକି ଏଡ଼ି ହାରେକା ଜୀସୁନହ୍ ମାଞ୍ଜାନେ; ସାମା ଆମ୍ବାଆରାକି ଉଣା ପାପୁ ମେଣ୍ଟାମାନେ ଏଝାସି ଉଣା ଜୀସୁ ନଚେସି □”

୪୮ ଅଡେ ଜୀସୁ ଏ ଇୟାନି ଏଲେଇଚେସି, “ନୀ ପାପୁ ବାରେ ମେଣ୍ଟାମାନେ □”

୪୯ ଏମ୍ବାଟିଏ ଏଝାଣିତଲେ ତିଞ୍ଜାଲି କୁଗାମାଟାରି ମନ ମନତା ଏଲେଇଚେରି, “ପାପୁ ଜିକେଏ ମେଣ୍ଟା କିହିମାନେସି ଇଝାସି ଆମ୍ବାଆସି ?”

୫୦ ସାମା ଜୀସୁ ଏ ଇୟାନି ଏଲେଇଚେସି, “ନୀ ନାନୁ ନିଜେ ଗେଲ୍ପାମାଞ୍ଜାନେ; ହିଡ଼ି ତଲେ ହାଲାମୁ □”

┌

ଜୀସୁତଲେ ଡ଼ୟିନି ଇୟାସିକା

୧ ଏଚରଦିନା ତାୟାଁ ଜୀସୁ ଗାଡାତାକି ଗାଡା ନାୟାଁ ତାକି ନାୟାଁ ରେଜିହ୍ ମାହାପୁରୁ ରାଜିତି ନେହ୍ କାରୁ ଝେକହେସି, ଅଡେ ବାରଜାଣା ସୀସୁୟାଁ ଏଝାଣିତଲେ ମାଚେରି,

୨ ଅଡେ ଏମିନିଗାଟି ଇୟାସିକା ପଲ୍ଲଆ ବୁଡୁୟାଁ ତାଣାଟି ରଗଟି ନେହ୍ କିଝି ଆହାମାଟୁ,

ଇଚିହ୍ ମଗ୍ଦଲିନି ମରିୟମ, ଆମ୍ବାଆରି ତାଣାଟି ସାଡାଗାଟା ବୁଡୁୟାଁ ହଡାହାଜାମାଟୁ,

୩ ହେରଦ ଇଜତି ଗୁମୁସ୍ତା କୁଜା ଅଡେ ତାନି ତକ୍ତି ଜହାନା, ସସାନା ଅଡେ ହାରେକା ଇୟାସିକା ଏଝାଣିତଲେ ମାଞ୍ଜାନା ତାମି ଦନ ହାହାନା ଏଝାରି ସେବା କିହିମାଟୁ □

ବିଚା ମାଟିନି ପୁଣ୍ଡିକିନି କାତା

(ମାତି ୧୩:୧-୧୯; ମାର୍କ ୪:୧-୯)

୪ ଲକୁ ବାରେ ଗାଡାୟାଁଟି ଝାହିମାଟାକି ହାରେକା ଲକୁ ଏଝାଣି ତାଣା ରୁଣ୍ଡା ଆଡେରି ଇଞ୍ଜା ଏଝାସି ଏଝାରାଇଁ ପୁଣ୍ଡିକିନି କାତାତଲେ ଖେସ୍ତେସି □

୫ “ରଅସି ବିଚା ମାଟିନାସି ବିଚା ମାଟାଲି ହଡେସି □ ଏଝାସି ମାଟି ମାଟିହ୍ କଚେକା ବିଚା ଜିରୁତା ରୀଡେ ଏଦାଆଁ ଲକୁ ଝିସାଡୁସ୍ତେରି, ଅଡେ ହାଗୁ ଲାକ ଉଦିନି ପଟା କାଟି ପେରହା ତିରୁ □

୬ ଅଡେ କଚେକା ଝାଲ୍ଲକା ଲାକ ରୀଡେ, ଇଞ୍ଜା ନେୟାଁନା ବୁମି ଅଲୁ ହିଲାଆତାକି ଝାୟାହାଚେ □

୭ ଅଡେ କଚେକା ହାପ୍ତକା ବୁଟାତା ରୀଡେ, ଇଞ୍ଜା ହାପ୍ତକା ବୁଟା ପାତାଆହାନା ଆନାଁ ତାକିତି ପୁକହାଡୁସ୍ତେ □

୮ ଅଡେ କଚେକା ବିଚା ନେହ୍ ବୁମିତା ରୀଡେ, ଇଞ୍ଜା ପାତାଆହାନା ପାସାକଡ଼ି ପାଡେୟି ଆୟିଡେ □” ଏଚେଟିଏ ଜୀସୁ କାଜା ଗିୟାତଲେ ଏଲେଇଚେସି, “ଆମ୍ବାଆରାକି ଝେଞ୍ଜାଲି କୀର୍କା ମାନୁ ଏଝାରି ଝେଣ୍ଡାରି □”

ପୁଣ୍ଡିକିନି କାତାତି ଅଣ୍ଟପୁ

(ମାତି ୧୩:୧୦-୧୭; ମାର୍କ ୪:୧୦-୧୭)

୯ ତାମି ସୀସୁୟାଁ ଇ ପୁଣ୍ଡିକିନି କାତାତି ଅର୍ଡ ଏନାୟି ଇଞ୍ଜାଁ ଝେଚେରି,

୧୦ ଏଝାସି ଏଲେଇଚେସି, “ମାହାପୁରୁ ରାଜିତି କାତା ପୁଞ୍ଜାଲି ମିଜେ ବାଡୁୟାଁ ହାପ୍ତକି ଆହାମାନେ, ସାମା ଏଟକା ତାରାଇଁ ପୁଣ୍ଡିକିନି କାତାତଲେ ଝେସ୍ତପିଆଡେନ, ଇଚିହ୍ ଏଝାରି ମେସି ମେସିହ୍ ମେହ୍ଅରି ଅଡେ ଝେଞ୍ଜିଝେଞ୍ଜି ତେଲ୍ହଅରି □”

ଜୀସୁ ବିଚା ମାଟିନି କାତାତି ପୁଣ୍ଡିକିନାୟି

(ମାତି ୧୩:୧୮-୨୩; ମାର୍କ ୪:୧୩-୨୦)

୧୧ ପୁଣ୍ଡିକିନି କାତା ଅର୍ଡ ଇଦି, ବିଚା ମାହାପୁରୁ ବଲୁ,

୧୨ ଜିରୁ ଦାରିତି ପାଡେୟି ଇଲେତାରି, ଏଝାରି ମାହାପୁରୁ କାତା ଝେନେରି; ତାୟାଁ ସୟତାନ ଝାହାନା ଏଝାରି ଏନିକ୍ ନାମାଆପେରିଝା ଅଡେ ଗେଲ୍ପି ଆଆପେରିଝା ଇଞ୍ଜାଁ ଏଝାରି ହିୟାତା ଝେଞ୍ଜାମାନାଣି ମାଞ୍ଜାଅଡେ □

୧୩ ଝାଲ୍ଲକା ବୁମିତା ରିତି ଲକୁ ଇଲେତାରି, ଏଝାରି କାତା ଝେଞ୍ଜାନା ରାହାଟି ଆହ୍ନେରି; ଏଝାରିତାଣା ହୀରୁ ଜୀଆତାକି ଗାଡେକା ତାକି

ନାମିନେରି, ଅଡ଼େ ତାୟିପାରି କିନାୟି ଖାଡ଼ିସାରେ ମାହାପୁରୁଇଁ ପିସା ତୁହନେରି □

୧୪ ଅଡ଼େ ହାପୁକା ବୃଗାତା ରିତି ଲକୁ ଇଲେତାରି ଆମିନି ଗାଗାରି ମାହାପୁରୁ କାତା ଖେଞ୍ଜାନା ଦାରତିତି ଦୁକୁ କାକୁଲି, ଦନତି ଜୁପକା ଅଡ଼େ ଦାରତିତି ରାହାଁ ଏଞ୍ଜାରାଇଁ ପୁକ୍‌ହାତୁସାମାନାକି ନେହୁଁକିଁ କାମ୍ବାଲି ଆଡ଼ଅରି □

୧୫ ନେହୁଁ ବୃମିତା ରିତି ପାଡ଼େୟି ଇଲେତାରି, ଏମିନିଗାଗାରି ନେହୁଁ ସୁଦୁଜୀଞ୍ଜୁ ହିୟାଟି କାତା ଖେଞ୍ଜାନା ଆହନେରି, ଅଡ଼େ ବାରେ ଅରହାନା କାମା କିହାନା ପାଡ଼େୟି ଆୟିନେରି □

ମାଣା ପୁକ୍‌ହୁ ଦୀଞ୍ଜି
(ମାର୍କ ୪:୨୧-୨୫)

୧୬ *ଦୀଞ୍ଜି ଦୀସାନା ଆମ୍ବାଆରି ମାଣା ପୁକ୍‌ହାନା କି କାଟେଲି ଡ଼ଇକା ଇଟଅରି, ସାମା ଦୀଞ୍ଜି ସଡ଼ାତା ଇଟିନେରି, ଏନିକିଁ ଇଜଞ୍ଜାନି ଲକୁ ଉଜେଡ଼ି ମେହନେରି □

୧୭ *ଡ଼ଗୁମାନାୟି ଏନାୟିଞ୍ଜା ହିଲେଏ, ଏନାୟି ତଞ୍ଜା ଆଏ ଇଲେକିଁ ଏନାୟି ଜିକେଏ ହିଲେଏ, ଖେସପି ଆହାନା ତଞ୍ଜା ଆଏ ଇଲେତି ଡ଼ଗୁମାନାୟି ଏନାୟି ହିଲେଏ □

୧୮ ଏନିକିଁ ଖେଞ୍ଜାମାଞ୍ଜେରି ଏଦାଆଁତାକି ଜାଗ୍ରାତା; ଇଟିହୁଁ ଆମ୍ବାଆରାଞ୍ଜାୟି ମାନେ ଏଞ୍ଜାଣାକି ହାପକିଆନେ, ଅଡ଼େ ଆମ୍ବାଆରାଞ୍ଜାୟି ହିଲେଏ ଏଞ୍ଜାସି ନାଦି ମାନେ ଇଞ୍ଜୁଁ ଅଣ୍ଡପିମାନେସି, ଏଦାଆଁ ଜିକେଏ ଅଞ୍ଜିଆନେ □

ଜୀସୁତି ଇୟା ଅଡ଼େ ତାୟିୟାଁ
(ମାତି ୧୨:୪୭-୫୦; ମାର୍କ ୩:୩୧-୩୫)

୧୯ ଜୀସୁତି ଇୟା ଅଡ଼େ ତାନି ତାୟିୟାଁ ଏଞ୍ଜାଣି ତାଣା ଖାଡ଼େରି, ସାମା ଲକୁ ମାନ୍ଦା ମାଟାକି ଏଞ୍ଜାଣି ତାଣା ହାଜାଲି ଆଡ଼ାଆଡ଼େରି □

୨୦ ଏମ୍ବାଟିଏ ଜୀସୁଇଁ ଖେସ୍ତେରି, “ମୀ ଇୟା ଅଡ଼େ ମୀ ତାୟିୟାଁ ନିଜେ ମେସାଲି ପାଙ୍ଗାତା ନିଟାମାନେରି □”

୨୧ ସାମା ଏଞ୍ଜାସି ବାରେତି ଏଲେଇଚେସି, “ମାୟା ଅଡ଼େ ମା ତାୟିୟାଁ ଏଞ୍ଜାରି, ଆମ୍ବାଆରି ମାହାପୁରୁତି କାତା ଖେନେରି ଅଡ଼େ ମାନଞ୍ଜି ଆନେରି □”

ଜୀସୁ କାଜା ଗାଲିତି ସାପି କିନାୟି
(ମାତି ୮:୨୩-୨୭; ମାର୍କ ୪:୩୫-୪୧)

୨୨ ର ଦିନା ଜୀସୁ ଅଡ଼େ ତାନି ସୀସୁୟାଁ ତଂଗତା କୁରିଚେରି, ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ଞ୍ଜାଦୁ ମାର ସାମ୍‌ଦୁରି ଆତାଲା ହାନ □” ଏମ୍ବାଟିଏ ଏଞ୍ଜାରି ତଂଗଟି ହାଚେରି □

୨୩ ସାମା ଏଞ୍ଜାରି ତଂଗତା ହାଜିମାନି ବେଲାତା ଜୀସୁ ତୁରିଚେସି □ ଏରିବେଲା ସାମ୍‌ଦୁରିତା କାଜା ଗାଲି ଆଡ଼େ, ଅଡ଼େ ଏୟୁ ତଂଗତା ହଡ଼ିମାଟାକି ଏଞ୍ଜାରି ହାରେକା କସ୍ତୁ ଆଡ଼େରି ଇଞ୍ଜା ଆଜିଚେରି □

୨୪ ଏଚେଟିଏ ସୀସୁୟାଁ ତାଗେ ଞ୍ଜାହାନା ନିକହାଁ ଏଲେଇଚେରି, “ଏ ଗୁରୁ ଏ ଗୁରୁ ମାର ହାହିମାନାୟି □” ଏମ୍ବାଟିଏ ଏଞ୍ଜାସି ନିଜାନା କାଜା ଗାଲିତି ଦାକା ହୀଚେସି, ଇଞ୍ଜା ଏ ବାରେ ସାପି ଆହାନା ସୂସ୍ତି ଆଡ଼େ □

୨୫ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ନାମୁ ଆମ୍ବିୟା ?” ସାମା ଏଞ୍ଜାରି ଆଜି ଅଡ଼େ କାବାଆହାନା ତାମ୍ବୁ ଏଲେଇଶମ୍ବି ଆଡ଼େରି, “ଇଞ୍ଜାସି ଏନିଲେହେଁତାସି ଇଟିହୁଁ ଗାଲି ଅଡ଼େ ଖାଡ଼ିମାନି ଏୟୁଣି ଜିକେଏ ହୁକୁମି ହାହିମାନେସି □”

ବୃତୁୟାଁ ଆଲ୍‌ଗା ମାଟାଣାଇଁ ଜୀସୁ ନେହୁଁକିନାୟି
(ମାତି ୮:୨୮-୩୪; ମାର୍କ ୫:୧-୨୦)

୨୬ ତାୟୁ ଏଞ୍ଜାରି ଗାଲିଲି ନକିତି ଆତାଲାଞ୍ଜାକି ଗରାସିୟ ଡେସାତା ଏଚେରି □

୨୭ ଜୀସୁ ତଂଗଟି ରେଟାନା ଗାଟୁତା ଞ୍ଜାହାଲିଏ, ଏ ଗାଡ଼ାତି ର ବୃତୁ ଆଲ୍‌ଗା ମାଟାସି ଞ୍ଜାହାନା ଏଞ୍ଜାଣାଇଁ ବେଟାଆଡ଼େସି; ଏଞ୍ଜାସି ଗାଡୁ ଦିନାଟିଏ ହିମ୍ବୁରିକା ହୁଟାଆନା ଅଡ଼େ ଇଜ ମାନାଆନା ମାଡ଼ହା ମୁହନି ଟାୟୁତା ଡ଼ୟିମାଚେସି □

୨୮ ଏଞ୍ଜାସି କିରଡ଼ିହୁଁ ଜୀସୁ କତାଣା ରିହାନା କାଜା ଗିୟାତଲେ ଏଲେଇଚେସି, “ଏ ବାଡ଼ୟୁଗାଟି ମାହାପୁରୁ ମୀରଏଣାତି ଜୀସୁ ନୀ ତଲେ ନାଙ୍ଗେ ଏନାୟି ମାନେ ? ନାନୁ ବାଡ଼ିମାଲିମାଞ୍ଜାଇଁ ନାଙ୍ଗେ ଅଡ଼େ କସ୍ତୁ ହିୟାଆନି □”

୨୯ ଇଟିହୁଁ ଜୀସୁ ଏ ପଲ୍‌ଆ ବୃତୁତି ଏ ମାଣସି ତାଣାଟି ହଡ଼ା ହାଜାଲି ହୁକୁମି ହାହାଲି ହାଜିମାଚେସି □ ଏ ପଲ୍‌ଆ ବୃତୁ ହାରେକା ପାଲି ଏଞ୍ଜାଣାଇଁ ଆଲ୍‌ଗାମାଚେ, ଇଞ୍ଜା ଲକୁ ଏଞ୍ଜାଣାଇଁ କେସ୍ତା କତାଣା ହିକ୍‌ଣିୟାଁ ତଲେ ଦସ୍‌ପା ଇଟିମାଚେରି, ସାମା ଏ ଦସ୍‌ପା ମାଟାଣି ତାପ୍‌ହାନା ବୃତୁ ତଲେ ବାୟା ଆହାନା ଲକୁ ହିଲାଆ ଟାୟୁତା ହଟିମାଚେସି □

୩୦ ଜୀସୁ ଏଞ୍ଜାଣାଇଁ ଏଲେଇଚେସି, “ନୀ ଦରୁ ଏନାୟି ?”

“ନା ଦରୁ ମାନ୍ଦା” ଇଞ୍ଜୁଁ ଇଚେସି, ଏନାଆଁତାକି ଇଟିହୁଁ ହାରେକା ବୃତୁୟାଁ ଆଲ୍‌ଗାମାରୁ □

୩୧ ଇଞ୍ଜା ଜୀସୁ ଏଞ୍ଜାସିକାଣି ତାଡ଼େପୁରୁ ପାଣ୍ଡାଲି ହୁକୁମି ହାଅସି, ଇଦାଆଁତାକି ଏଞ୍ଜାଣାଇଁ ବାଡ଼ିମାଲିତୁ □

☆ ୮:୧୭ ୮:୧୭ ମାତି ୫:୧୫; ଲୁକ ୧୧:୩୩ ☆ ୮:୧୭ ୮:୧୭ ମାତି ୧୦:୨୨; ଲୁକ ୧୨:୨

୩୨ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟା ମେୟା ମାରୁ, ଇଞ୍ଜା ଜୀସୁଇଁ ଏ ବୁତୁୟା ପାଜିୟା ମାନ୍ଦା ବିତ୍ରା ହାଜାଲି ହେଲ ରୀସୁ ।

୩୩ ଏଝାସି ହେଲ ହାହାଲିଏ, ବୁତୁୟା ଏ ମାଣସି ତାଣାଟି ହଚା ହାଜାନା ପାଜିୟା ବିତ୍ରା ହରୁ; ଏଚେଟିଏ ଏ ପାଜିୟା ଏ ହରୁଟି ଦାବ୍ଡି ହାଜାନା ଦାରିତା ମାଟି ସାମ୍ବୁରିତା ମେଦା ହାହାହାଚୁ ।

୩୪ ଏ ପାଜିୟା ମାନ୍ଦା ମେଟିମାଟି ଗଡ଼କା ଏଦାଆଁ ମେସାନା ହଚେରି ଇଞ୍ଜା ଗାଡ଼ା ଅଡ଼େ ନାସ୍କାଣାଁ ଏ କାତା ଝେସ୍ପେରି ।

୩୫ ଏନାୟି ଆହାମାନେ ଏଦାଆଁ ମେସାଲି ଲକୁ ହଚାଝାଡ଼େରି; ଇଞ୍ଜା ଏଝାରି ଜୀସୁ ତାଗେ ଝାହାନା, ଆମିନି ମାଣସି ତାଣାଟି ବୁତୁୟା ହଚା ହାଜାମାରୁ, ଏଝାଣାଇଁ ନେହଁ ହିମ୍ବୁରିକା ହୁତାନା ନେହଁ ମନତଲେ ଜୀସୁ କଡ଼ାଁ ଡ଼ଇ କୁଗାମାଟାଣି ମେସାନା ଆଜିତେରି ।

୩୬ ଅଡ଼େ ଆମିନି ଗାଟାରି ମେସାମାଟେରି ଏଝାରି ଏ ବୁତୁ ଆଲୁଗା ମାଟାସି ଏନିକଁ ନେହଁ ଆଡ଼େସି, ଏଦାଆଁ ଏଝାରାଇଁ ଝେସ୍ପେରି ।

୩୭ ଏମ୍ବାଟିଏ ଗରାସିୟ ବାରେ ନାସ୍କାଟି ସାରିଝାକି ବାରେ ଲକୁ ଜୀସୁଇଁ ତାମି ଦେସାଟି ହାଜାଲି ବାଟିମାଲିତେରି, ଇଚିହଁ ଏଝାରି ହାରେକା ଆଜିମାଟେରି । ଇଞ୍ଜା ଏଝାସି ର ଡ଼ଗତା ହଚାନା ଝେଣ୍ଡାହାଚେସି ।

୩୮ ସାମା ଏମିନିଗାଟାଣି ତାଣାଟି ବୁତୁୟା ହଚା ହାଜାମାରୁ, “ନାଙ୍ଗେ ନୀ ତଲେ ହାଜଲି ହେଲ ହିୟାମୁ” ଇଞ୍ଜା ବାଟିମାଲିତେସି;

୩୯ ସାମା ଜୀସୁ ଏଝାଣାଇଁ ହେଲ ହାହାନା, “ମୀ ଇଜ ଝେଣ୍ଡା ହାଲାମୁ, ଇଞ୍ଜା ମାହାପୁରୁ ନିଙ୍ଗେତାକି ଆମିନି କାମା କିହାମାଞ୍ଜାନେସି ଏ କାତା ଝେକ୍ମୁ ।” ଏଚେଟିଏ ଏଝାସି ହାଜାନା ଜୀସୁ ତାଙ୍ଗେତାକି ଆମିନି କାମା କିହାମାଚେସି, ଏ ବାରେ ଗାଡ଼ାତା ଝେକ୍ହେସି ।

ଜାୟିରସତି ମାଙ୍ଗା ଅଡ଼େ ଜୀସୁଟି ହିମ୍ବୁରି କୁକୁ ଡ଼ାଗିତି ଇୟା

(ମାଟି ୯:୧୮-୨୬; ମାର୍କ ୫:୨୧-୪୩)

୪୦ ଜୀସୁ ଝେଣ୍ଡା ଝାହାଲିଏ ମାନ୍ଦା ଲକୁ ଏଝାଣାଇଁ ରାହାତଲେ ବେଟାଆଡ଼େରି, ଇଚିହଁ ଏଝାରି ବାରେଜାଣା ଏଝାଣାଇଁ କାଟିମାଟେରି ।

୪୧ ଏମ୍ବାଟିଏ ଜାୟିରସ ଦରୁଗାଟାସି ଝାଡ଼େସି; ଏଝାସି ଜୀହୁଦି ଲକୁଟି କୁଟମି ଇଲୁଡି* କାଜାସି ମାଚେସି । ଏଝାସି ଜୀସୁ କଡ଼ାଣା ରିହାନା ତାମି ଇଜ ହାଜାଲି ବାଟିମାଲିତେସି,

୪୨ ଇଚିହଁ ଏଝାଣାକି ବାର ବାର୍ଯାତି ରଣ୍ଡିଏ ମାଙ୍ଗା ମାଚେ, ଏଡ଼ି ହାନ୍ଦିଲେହେଁ ନମେରି ଆହାମାଚେ ।

ସାମା ଏଝାସି ହାଜିମାଟାଟି ଲକୁ ଏଝାଣି ମୁହେଁ ମୁହେଁ ଆହିମାଚେରି ।

୪୩ ଏଚିବେଲାତା ବାର ବାର୍ଯା ପାତେକା ନେତେରି ଝାଜିନି ରଗଟାଟି ର ଇୟା, ଏମିନି ଗାଟାୟି ଆମ୍ବାଆରି ତାଣାଟି ଜିକେଏ ନେହଁ ଆହାଲି ଆଡ଼ିହଲାଆଡେ,

୪୪ ଏଡ଼ି ତାୟୁ ଝାକିଟି ଝାହାନା ଜୀସୁଟି ହିମ୍ବୁରି କୁକୁ ଡ଼ାଗିତେ, ଏ ଦେବୁଣିଏ ଏଦାନି ନେତେରି ବନାୟି ପିସ୍ତେ ।

୪୫ ଏମ୍ବାଟିଏ “ନାଙ୍ଗେ ଆମ୍ବାଆୟି ଡ଼ାଗାତେ” ଇଞ୍ଜା ଜୀସୁ ଝେଚେସି ?

ସାମା ବାରେଜାଣା ଆଏ ଇଞ୍ଜାଲିଏ, ପିତର ଏଲେଇଚେସି, “ଏ ଗୁରୁ ଲକୁ ବାରେ ମୁହେଁ ମୁହେଁ ଆହିମାନେରି ।”

୪୬ ସାମା ଜୀସୁ ଏଲେଇଚେସି, “ନାଙ୍ଗେ ଆମ୍ବାଆୟିମା ଡ଼ାଗାତେ, ଇଚିହଁ ନା ତାଣାଟି ର ବାଡ଼ୁୟୁ ହଚାକି ନାନୁ ପୁଚେଏଁ ।”

୪୭ ଏମ୍ବାଟିଏ ଏ ଇୟା ଝାହାନା ଅଣ୍ଡପିତେ ନାନୁ ଅଡ଼େ ଡ଼ଗୁାନା ମାଞ୍ଜାଲି ଆଡ଼ଅଁ ଇଞ୍ଜା ଅଣ୍ଡପାନା ଆଜିତାକି ତାରା ତାରା ଆହଁ ଜୀସୁ କଡ଼ାଣା ରିହାନା, ଏନାଆଁତାକି ଡ଼ାଗିତେ ଇଞ୍ଜା ଦେବୁଣିଏ ଏନିକଁ ନେହଁ ଆଡ଼େ, ବାରେ ଲକୁ ନକିତା ଝେସ୍ତେ ।

୪୮ ଏମ୍ବାଟିଏ ଜୀସୁ ଏଦାନି ଏଲେଇଚେସି, “ମାଙ୍ଗା ନୀ ନାମୁ ନିଙ୍ଗେ ନେହଁ କିହାମାଞ୍ଜାନେ, ହିଡ଼ଡ଼ିଟି ହାଲାମୁ ।”

୪୯ ଜୀସୁ ଇ କାତା ଝେସିମାଟି ବେଲାତା ଜୀହୁଦି ଲକୁଟି କୁଟମି ଇଲୁଡି† କାଜାଣା ଇଜଟି ରଅସି ଝାହାନା ଜାୟିରସଇ ଏଲେଇଚେସି, “ନୀ ମାଙ୍ଗା ହାହାହାଚେୟିଏ ଗୁରୁଇଁ ଅଡ଼େ କସ୍ତ ହାଆନିଦେହେଁ ।”

୫୦ ସାମା ଜୀସୁ ଏ କାତା ଝେଞ୍ଜାନା ଏଝାଣାଇଁ ଏଲେଇଚେସି, “ଆଜାଆନି ନାମାମୁ ଏଡ଼ି ନୀଡିନେ ।”

୫୧ ଅଡ଼େ ଜୀସୁ ଇଜ ଝାହାନା ପିତର, ଜହନ ଅଡ଼େ ଜାକୁବ ଇଞ୍ଜା ପଦାନି ତାମି ଆବା ଇୟାନି ପିସ୍ପେ ଆମ୍ବାଆରାଇଁ ବିତ୍ରା ହାଜାଲି ହାଆଡେସି ।

୫୨ ସାମା ବାରେଜାଣା ଡ଼ାହି ଡ଼ାହିଁ ବକତା ଝେଟା କଡ଼ିମାରୁ । ଏମ୍ବାଟିଏ ଜୀସୁ ଏଲେଇଚେସି, “ଡ଼ାଆଦୁ; ଏଡ଼ି ହାହାହିଲେଏ, ସାମା ତୁରାମାନେ ।”

୫୩ ସାମା ପଦା ହାହାମାନାଣି ପୁଞ୍ଜାନା ଏଝି ଏଝାଣାଇଁ କାକ୍ହୁ ।

୫୪ ସାମା ଜୀସୁ ପଦାନି କେୟୁ ଆସାନା ହାଟାହାଁ ଏଲେଇଚେସି, “ଆକେ ପଦା, ନିଙ୍ଗାମୁ ।”

* ୮:୪୧ ୮:୪୧ ସିନଗର † ୮:୪୯ ୮:୪୯ ସିନଗର

୫୫ ଏମ୍ବାଟିଏ ପଦାନି ଜୀବୁ ଖେଣ୍ଡା ଖାତେ ଅଡ଼େ ଏ ଦେବୁଣିଏ ନିଜିତେ, ଇଞ୍ଜା ଇଚାଣି ତିଞ୍ଜାଲି ହୀଦୁ ଇଚେସି □

୫୬ ଏମ୍ବାଟିଏ ତାନି ତାଲି ତାଞ୍ଜି କାବାଆତୁ; ସାମା ଇ ପଦା ନେହ ଆଡାଣି ଆମ୍ବାଆରାଇଁ ଖେହ୍‌ଆଦୁ ଇଞ୍ଜି ଏଞ୍ଜାସିକାଣି ହୁକୁମି ହୀତେସି □



ଜୀସୁ ବାରଜାଣା ସୀସୁୟାଁଇଁ ପାଣ୍ଡିନାୟି

(ମାତି ୧୦:୫-୧୫; ମାର୍କ ୬:୭-୧୩)

୧ ଏଚେଟିଏ ଜୀସୁ ବାରଜାଣାତି ହାଟାନା ରୁଣ୍ଡା କିହାନା ଏଞ୍ଜାରାଇଁ ବାରେ ବୁଡୁୟାଁ ଲାକ ଅଡ଼େ ରଚଟି ନେହ କିହାଲି ବାଡ଼ୁୟାଁ ଅଡ଼େ ଅଦିକାରା ହୀତେସି □

୨ ଅଡ଼େ ଏଞ୍ଜାସି ଏଞ୍ଜାରାଇଁ ମାହାପୁରୁତି ରାଜିତି କାତା ଖେକହାଲି ଅଡ଼େ ରଚା ଗାଟାରାଇଁ ନେହ କିହାଲି ପାଣ୍ଡିତେସି

୩ ଇଞ୍ଜା ଏଞ୍ଜାରାଇଁ ଏଲେଇଚେସି, “ମୀରୁ ହାଜାଲିତାକି କୁତା ବାଡ଼ୁଗା କି ମଣା କି ରୁଟି କି ଏନି ଟାକାୟାଁ ଜିକେଏ ଅଆଦୁ, ଅଡ଼େ ଜଡ଼େକା ସକାୟାଁ ଜିକେଏ ଅଆଦୁ □

୪ ଅଡ଼େ ମୀରୁ ଆମିନି ଇଜ ହାଜେରି, ଏମ୍ବାଟି ଖେଣ୍ଡାହାନି ପାତେକା ଏମ୍ବାଆଁ ତୁୟାଦୁ;

୫ ଅଡ଼େ ଏଚେକା ଲକୁ ମିଜେ ଆବଅରି ଏଞ୍ଜାରି କପାଟି ସାକି ହାହାଲି ଏ ଗାଡ଼ାଟି ହଚା ଖାନାଟି ମୀ କତାତି ଦୁଡ଼ି ହାଣ୍ଡାଁନା ଖାଦୁ □”

୬ ଏମ୍ବାଟିଏ ଏଞ୍ଜାରି ହାଜାନା ସାରିଞ୍ଜାକି ନେହ କାରୁ ଖେକହ୍‌ହ୍‌ ରଚା ଗାଟାରାଇଁ ନେହ କିହ୍‌ହ୍‌ ନାୟାଁ ନାୟାଁତା ରେଚେରି □

ହେରଦ ରାଜା ବିଲକି ଆନାୟି

(ମାତି ୧୪:୧-୧୨; ମାର୍କ ୬:୧୪-୨୯)

୭ ଏମ୍ବାଟିଏ ଏ ଦେସାତି ରାଜା ହେରଦ ଇ ବାରେ କାତା ଖେଞ୍ଜାନା କାବା ଆଡ଼େସି, ଇଚିହ୍‌ ବାପ୍ତିସ୍ତା* ହାନି ଜହନ ହାଡ଼ାରି ତାଣାଟି ନିଜାମାନେସି ଇଞ୍ଜି ଆମ୍ବା ଆମ୍ବାଆରି ଏଲେଇଞ୍ଜିମାଚେରି;

୮ ଅଡ଼େ ଆମ୍ବା ଆମ୍ବାଆରି ଏଲିୟ ତଞ୍ଜା ଆହାମାନେସି ଇଞ୍ଜା ଏଚକାତାରି ତଲିକାଲାତି ମାହାପୁରୁ ଅଣ୍ଡପୁତି ବଲୁ ଖେହ୍‌ନାରି ବିଡ଼ାଟି ରଅସି ନିଜାମାନେସି ଇଞ୍ଜି ଖେସିମାନେରି □

୯ ସାମା ହେରଦ ଏଲେଇଚେସି, “ଜହନତି ତାୟାଁ ମୁରତ ଦାଟା ମାନାୟି, ସାମା ଆମ୍ବାଆରି କାତା ମାର ଖେଞ୍ଜିମାନାୟି ଏଞ୍ଜାସି ଆମ୍ବାଆସି ?” ଅଡ଼େ ଏଞ୍ଜାସି ଏଞ୍ଜାଣାଇଁ ମେସାଲି ମନ କିହମାଚେସି □

ଜୀସୁ ପାସାମାଣା ଲକୁଣି ତୀହ୍‌ନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଜହ ୬:୧-୧୪)

୧୦ ତାୟାଁ ପାଣ୍ଡୁଞ୍ଜି ଆହାମାଚାରି ଖାହାନା ଏନା ଏନାଆଁ କିହାମାଚେରି, ଏ ବାରେ ଏଞ୍ଜାଣାଇଁ ଖେସ୍‌ସେରି □ ଅଡ଼େ ଏଞ୍ଜାସି ଏଞ୍ଜାରିତଲେ ଏଚକା ଆହାନା ବେଡ଼ସାୟିଦା ଦରୁଗାଟି ଗାଡ଼ାତା ହାଚେରି □

୧୧ ସାମା ଲକୁ ଏଦାଆଁ ପୁଞ୍ଜାନା ଏଞ୍ଜାଣି ଜେଚ ଜେଚ ହାଚେରି; ଇଞ୍ଜା ଏଞ୍ଜାସି ଏଞ୍ଜାରାଇଁ କାର୍ମା ଆହାଁ ଆବାନା ମାହାପୁରୁ ରାଜିତି କାତା ଖେସ୍‌ସେସି, ଅଡ଼େ ଏମିନିଗାଟାରି ରଚଟି ନେହ ଆନାୟି ମାଚେ, ଏଞ୍ଜାରାଇଁ ନେହ କିତେସି □

୧୨ ଏଚେତା ମିଡ଼ଅଲା ଆହାଲି ମାଟ୍‌ହେ; ଏଚେଟିଏ ବାରଜାଣା ସୀସୁୟାଁ ତାନି ତାଣା ଖାହାନା ଏଲେଇଚେରି, “ଲକୁ ଏନିକି ନାୟାକା ଅଡ଼େ ଗାଡ଼ାତା ହାଜାନା ବାସାଟାୟାଁ ଅଡ଼େ ତିଞ୍ଜାଲି କାଡ଼ି ପାରିନେରି, ଏଦାଆଁତାକି ଏଞ୍ଜାରାଇଁ ହେଲ ହୀମୁ ଇଚିହ୍‌ ମାର ଲକୁ ହିଲାଆ ଟାୟାତା ମାନାୟି □”

୧୩ ସାମା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ଏଞ୍ଜାରାକି ତିଞ୍ଜାଲି ହୀଦୁ □”

ଏଞ୍ଜାରି ଏଲେଇଚେରି, “ମା ତାଣା ପାସାଗଟା ରୁଟି ଇଞ୍ଜା ରୀ ମୀଣ୍ଡକା ପିସ୍‌ପେ ଆଗାଡ଼ା ହିଲାତ; ଏନାଆଁ ମାର ହାଜାନା ଇ ବାରେତାକି କାଡ଼ି କଡ଼ିନାୟି ?”

୧୪ ଇଚିହ୍‌ ଏଞ୍ଜାରି ପାସାମାଣା ଆବାୟାଁ ମାଚେରି □

ଇଞ୍ଜା ଏଞ୍ଜାସି ତାନି ସୀସୁଣି ଏଲେଇଚେସି, “କଡ଼େଦସ ଜାଣା ଲାକା କୁଗିକିଦୁ □”

୧୫ ଏଚେଟିଏ ଏଞ୍ଜାରି ଏଲେକିହ୍‌ ଏ ବାରେତି କୁଗିକିଚେରି □

୧୬ ଅଡ଼େ ଏଞ୍ଜାସି ପାସାଗଟା ରୁଟି ଅଡ଼େ ରୀ ମୀଣ୍ଡକାଣି ଆସାନା ଲାକପୁରୁ ଖାକି ସିନିକହାନା ବର ହୀତେସି, ଇଞ୍ଜା ରୁଟି ଡ଼ିକହାନା ଲକୁକି ହାସ୍‌ପାଲି ସୀସୁୟାଁକି ହୀତେସି □

୧୭ ଏଚେଟିଏ ବାରେଜାଣା ତିଞ୍ଜା ପାଞ୍ଜିଚେରି, ଅଡ଼େ ହାରିତାଣି ବାର ତାଲି ରୁଟି କୁଡ଼ି କିତେରି □

ଜୀସୁଇଁ ପିତର କ୍ରୀସ୍ତ ଇଞ୍ଜି ଖେକନାୟି

(ମାତି ୧୬:୧୩-୧୯; ମାର୍କ ୮:୨୭-୨୯)

୧୮ ର ଦିନା ଜୀସୁ ରଅସିଏ ପ୍ରାଡ଼ାନା କିନି ବେଲାତା ସୀସୁୟାଁ ଏଞ୍ଜାରିତଲେ ମାଚେରି, ଅଡ଼େ ଏଞ୍ଜାସି ଏଞ୍ଜାରାଇଁ ଖେଚେସି, “ନାନୁ ଆମ୍ବାଆତେସି ଇଞ୍ଜି ଲକୁ ଏଲେଇଞ୍ଜିମାନେରି ?”

୧୯ ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବାଆରି ବାପ୍ତିସ୍ତା* ହାନି ଜହନ, ଆମ୍ବାଆରି

* ୯:୫ ୯:୫ କାମା ୧୩:୫୧ * ୯:୫ ୯:୫ ଲୁକ ୧୦:୪-୧୧ * ୯:୭ ୯:୭ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ * ୯:୭ ୯:୭ ମୁଞ୍ଜିନାୟି * ୯:୧୯ ୯:୧୯ ମାତି ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮ † ୯:୧୯ ୯:୧୯ ମୁଞ୍ଜିନାୟି

ଏଲିୟ, ଅଡ଼େ ଆମ୍ବାଆରି ତଲିକାଲାତି ମାହାପୁରୁ ଅଣ୍ଟପୁତି ବଲୁ ୱେହ୍ନାରି ବିତ୍ରାଟି ରଅସି ନିଙ୍ଗାମାନେସି □”

୨୦ ☆ଏଝାସି ଏଝାରାଇଁ ଏଲେଇଚେସି, “ନାନୁ ଆମ୍ବାଆତେଏଁ ମାରୁ ଏନାଆଁ ଇଞ୍ଜିଁ ମାଞ୍ଜେରି ?”

ପିତର ଏଲେଇଚେସି, “ନାନୁ ମାହାପୁରୁତି କ୍ରୀସ୍ତ □”

ଜୀସୁ ତାନି ଦୁକୁ ଅଡ଼େ ହାକିତି କାତା ୱେହ୍ନାୟି

(ମାତି ୧୭:୨୦-୨୮; ମାର୍କ ୮:୩୦-୯:୧)

୨୧ ଏଚେଟିଏ ଏଝାସି ଏଝାରାଇଁ ଆମ୍ବାଆରାଇଁ ୱେହ୍ନାୟି ଇଞ୍ଜିଁ ଜାଣ୍ଡେ କିହ୍ଁ ହୁକୁମି ହାତେସି,

୨୨ “ମାଣ୍ଡସି ମାରୁଏସି ହାରେକା ଦୁକୁ ପାଣ୍ଡନାୟି ମାନେ ଇଞ୍ଜିଁ ଲକୁତି କାଜାରି, କାଜା ପୂଜେରାଙ୍ଗା ଇଞ୍ଜିଁ ମୋରାପୁନାରି ତାଣ୍ଡାଟି ଅପାଆନା ଏଝାଣାଇଁ ପାୟିନେରି, ଇଞ୍ଜିଁ ତାନି ଦିନାଟିଏ ନିଙ୍ଗିନେସି □”

୨୩ ☆ଏଚେଟିଏ ଏଝାସି ବାରେଡି ଏଲେଇଚେସି, “ଆମ୍ବାଆସି ନା ଜେଚ ତାକାଲି ମନ କିନେସି, ଏଝାସି ତାଙ୍ଗେ ଅପାଆନା ବାରେଦିନା ତାନି କୁସ ଡେକାନାହାଁ ନା ଜେଚ ତାକାପେସି □

୨୪ ☆ଇଚିହ୍ଁ ଆମ୍ବାଆସି ଜାହାରା ଜୀସୁ ଗେଲ୍ପାଲି ମନ କିନେସି ଏଝାସି ନାସା କିନେସି; ସାମା ଆମ୍ବାଆସି ନା ତାକି ଜାହାରା ଜୀସୁ ନାସା କିନେସି ଏଝାସି ଗେଲ୍ପି କିହାକଡିନେସି □

୨୫ ଅଡ଼େ ମାଣ୍ଡସି ଇ ଦାରୁଡିତା ମାନାଣି ବାରେ ମେଡି କିହାନା ତାନି ଜୀସୁଡି ନାସା କିନେସି, ଇଚିହ୍ଁ ଏଝାଣାକି ଏନି ଲାବା ?

୨୬ ଇଚିହ୍ଁ ଆମ୍ବାଆସି ନାଙ୍ଗେତାକି ଅଡ଼େ ନା କାତାତାକି ଲାଜା ଆନେସି, ମାଣ୍ଡସି ମାରୁଏସି ତାନି କାଜାପାଣା ତଲେ ଇଞ୍ଜାହାଁ ମାହାପୁରୁ ଆବା ଅଡ଼େ ତାନି ସୁଦୁଗାଟି ଦୁଡୁୟାଁ ତଲେ କାଜାପାଣାଟି ୱାନ୍ନେସି ଏଚିବେଲା ଏଝାସି ଜିକେଏ ଏଝାଣି ତାକି ଲାଜା ଆନେସି □

୨୭ ସାମା ନାନୁ ମିଙ୍ଗେ ସାତା ୱେସିମାଞ୍ଜାଇଁ, ମାହାପୁରୁତି ରାଜି ମେହ୍ନା ପାତେକା ଇମ୍ବାଆଁ ନିତାମାନାରି ଏଚରଜାଣା ହାଅରି □”

ଜୀସୁ ଅର ୱାଣା ଆନାୟି

(ମାତି ୧୭:୧-୮; ମାର୍କ ୯:୨-୮)

୨୮ ଇ କାତା ୱେସାନା ଆଟ୍ଟାଦିନା ହାଜାଲିଏ ପିତର, ଜହନ ଅଡ଼େ ଜାକୁବଇଁ ଅହ୍ଁ ହାଜାନା ପ୍ରାତାନା କିହାଲି ହରୁତା ହାଚେସି □

୨୯ ଅଡ଼େ ଏଝାସି ପ୍ରାତାନା କିହିମାଟାଟି ତାନି ମୁମ୍ବୁଡୁ ୱାଣା ତିରିମୁହେ ଇଞ୍ଜିଁ ତାନି ହିମ୍ବୁରି ଦବଲା ଆହାନା ହାରେକା ଉଜେଡି ଆଡେ □

୩୦ ମସା ଅଡ଼େ ଏଲିୟ ଏଝାଣିତଲେ କାତା ଆହିମାଚେରି;

୩୧ ଏଝାରି ଗାଝୁରମିଟି ତଞ୍ଜାଆହାନା ଜୀସୁ ଜିରୁସାଲମତା ହାନିକାତା ଜଲ୍ଲକି ଆହିମାଚେରି □

୩୨ ଏଚିବେଲା ପିତର ଅଡ଼େ ତାନି ତଣ୍ଡେସିଙ୍ଗାକି ଗାଡି ଇଦାକାଣ୍ଡକା ହଡିମାଡୁ; ସାମା ଏଝାରି ଇଦାଟି ନିଙ୍ଗାଲିଏ ତାନି ଗାଝୁରମି ଇଞ୍ଜିଁ ଏଝାଣିତଲେ ରିଆରି ନିତାମାନାଣି ମେସ୍ତେରି □

୩୩ ଇଞ୍ଜିଁ ଏଝାରି ତାଣ୍ଡାଟି ହାଜିମାଟାଟି ପିତର ଜୀସୁଇଁ ଏଲେଇଚେସି, “ଗୁରୁ ମାମ୍ବୁ ଇମ୍ବାଆଁ ମାନାୟି ନେହେଁ; ମାମ୍ବୁ ଇମ୍ବାଆଁ ତାନିଗଟା ଗୁଡାୟାଁ କେପିନମି, ନିଙ୍ଗେତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ □” ସାମା ତାନୁ ଏନାଆଁ ଇଞ୍ଜିମାଚେସି ତାନୁଏ ପୁଞ୍ଜି ହିଲାଆତେସି □

୩୪ ଏଝାସି ଏଲେଇଞ୍ଜି ମାଟାଟି ଇଚାୟି ହାଗୁ ଦୁହା ୱାହାନା ଏଝାରାଇଁ ପୁକ୍ହେ, ଇଞ୍ଜିଁ ଏଝାରି ଦୁହାତା ହଡି ମାଟାଟି ଆଜିତେରି □

୩୫ ☆ଈଞ୍ଜିଁ ଏ ଦୁହାଟି ଇ ହାଡା ୱାଡେ, “ଇଝାସି ନା ମାରୁଏସି, ନାନୁ ଆଡିତାସି, ଇଝାଣି ବଲୁ ୱେଞ୍ଜୁ □”

୩୬ ଏଲେଇଞ୍ଜି ୱେସ୍ତି ତାୟୁ ଜୀସୁ ରଅସିଏ ତଞ୍ଜାଆଡେସି □ ଏଝାରି ଇ କାତାତାକି ପାଲେଏ ମାଞ୍ଜାନା, ଏନା ଏନାଆଁ ମେସାମାଚେରି ଏ ବେଲାତା ଆମ୍ବାଆରାଇଁ ଜିକେଏ ୱେହ୍ନାଆଡେରି □

ଜୀସୁ ବୁଡୁ ଆଲ୍ଗାମାଟି କକାଣାଇଁ ନେହ୍ଁ କିନାୟି

(ମାତି ୧୭:୧୪-୧୮; ମାର୍କ ୯:୧୪-୨୭)

୩୭ ଅଡ଼େ ର ନେରୁ ହରୁଟି ରେଟା ୱାହାଲିଏ ହାରେକା ଲକୁ ଏଝାଣାଇଁ ବେଟା ଆୟାଲି ୱାଡେଚିରି □

୩୮ ଅଡ଼େ ଏ ମାନ୍ଦା ଲକୁ ବିତ୍ରାଟି କାଜା ଗିୟାଁତଲେ ହାଟାନା ଏଲେଇଚେସି, “ଏ ଗୁରୁ ନାନୁ ବାଡିମାଲିମାଞ୍ଜାଇଁ ନା ମାରୁଏଣାଇଁ କାର୍ମା ଆମ୍ବୁ, ଇଚିହ୍ଁ ଏଝାସି ନା ରଣ୍ଡିଏ ମାରୁଏସି;

୩୯ ଏଝାଣାଇଁ ର ବୁଡୁ ଆଲ୍ଗାମାନେ, ଇଞ୍ଜିଁ ଏଝାସି ପେଦରାହାଁ ଦେବୁଣିଏ କିରୁଡି ମାନେସି, ଇଞ୍ଜିଁ ଏଝାଣାଇଁ ଇଲେକିଁ ବୁମିତା ତୁକ୍ହାନା ଗୁଡିଟି ପମ୍ବୁଲି ହପ୍ପି ମାନେ, ଇଞ୍ଜିଁ ଏଝାଣାଇଁ ଗାଡି ବାଦା କିହାନା ଏଝାଣି ତାଣ୍ଡାଟି କାକୁଲିଟି ହଚାହାନେ □

୪୦ ନାନୁ ବୁଡୁଟି ପିସ୍ପି କିହାଲି ନୀ ସୀସୁୟାଁଣି ବାଡିମାଲିତେଏଁ, ସାମା ଏଝାରି ପିସ୍ପି କିହାଲି ଆଡାଆଡେରି □”

୪୧ ଜୀସୁ ଏଲେଇଚେସି, “ଆଡେ ନାମାଆଗାଟି ଏବକା ଜିରୁ ଆହନି କୁଡା, ନାନୁ ଅଡ଼େ ଏଚେକା

☆ ୯:୨୦ ୯:୨୦ ଇହ ୭:୨୮, ୨୯ ☆ ୯:୨୩ ୯:୨୩ ମାତି ୧୦:୩୮; ଲୁକ ୧୪:୨୭ ☆ ୯:୨୪ ୯:୨୪ ମାତି ୧୦:୩୯; ଲୁକ ୧୭:୩୩; ଇହ ୧୭:୨୫ ☆ ୯:୩୫ ୯:୩୫ ମାତି ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨ ☆ ୯:୩୫ ୯:୩୫ ୨ପିତ ୧:୧୭, ୧୮

ମୀ ତଲେ ମାଞ୍ଜାନା ମୀ କାତା ଅରହାଇଁ ? ନୀ ମୀରଏଣାଇଁ ଇମ୍ପାଆଁ ତାମ୍ବୁ □

୪୨ ବୁଡୁ ଆଲଗାମାଟି କକାସି ଖାହିମାଟାଟି ବୁଡୁ ଏ କକାଣାଇଁ ବୁମିତା ତାଡ଼ି କିହାନା ତ୍ରେପହାଡୁସ୍ତେ, ସାମା ଜୀସୁ ଏ ପଲୁଆ ବୁଡୁତି ଦାକା ହୀତେସି ଇଞ୍ଜା କକାଣାଇଁ ନେହଁ କିହାନା ତାମି ଆବା କେୟୁତା ହେରପିତେସି □

୪୩ ଏଚେଟିଏ ବାରେ ଲକୁ ମାହାପୁରୁତି ବାଡୁୟୁ ମେସାନା ଜାଗଲା ଆଡେରି □ ସାମା ଏଝାସି କିହାମାନି ବାରେ କାମାତାକି ଜାଗଲା ଆହିମାଟାକି ଜୀସୁ ତାନି ସାସୁୟାଁଇଁ ଏଲେଇଚେସି □

ଜୀସୁ ତାନି ହାକିତି କାତା ଅଡେ ଖେଣ୍ଡେ ଖେନ୍ଦାୟି

(ମାତି ୧୭:୨୨,୨୩; ମାର୍କ ୯:୩୦-୩୨)

୪୪ “ଇ ବାରେ କାତା ମୀ କୀର୍କା ଅତାନା ଖେଞ୍ଜୁ; ଇଚିହଁ ମାଣସି ମୀରଏସି ସାଡୁୟାଁ କେୟୁତା ହେରପିଆନେସି □”

୪୫ ସାମା ଏଝାରି ଏ କାତା ତେଲହାଆଡେରି, ଏଝାରି ତେଲହାଲି ଆଡାଆରେଚୁ ଏଝାରି ତାଣାଟି ତ୍ତୁମାମାଚେ, ଇଞ୍ଜା ଏଝାରି ଏ କାତା ଜିକେଏ ଜୀସୁଇଁ ଖେଞ୍ଜାଲି ଆଜିମାଚେରି □

ବାରେକିହାଁ କାଜାସି ଆମ୍ବାଆସି

(ମାତି ୧୮:୧-୫; ମାର୍କ ୯:୩୩-୩୭)

୪୬ *ଏଝାରି ବିତ୍ତାଟି ଆମ୍ବାଆସି କାଜାସି, ଇ କାତାତାକି ଏଝାରି ବିତ୍ତା ବାଦିବାଦା ଆଡେରି □

୪୭ ସାମା ଜୀସୁ ଏଝାରି ବିତ୍ତା ବାଦିବାଦା ଆହିମାନାଣି ପୁଞ୍ଜାନା, ର ଉଣା କକାଣାଇଁ ତାନି ନକିତା ନିପହାନା ଏଝାରାଇଁ ଏଲେଇଚେସି,

୪୮ *“ଆମ୍ବାଆସି ନା ଦରୁଟି ଇ ଉଣା କକାଣାଇଁ ଆବିନେସି, ଏଝାସି ନାଞ୍ଜେ ଆବାନେସି, ଅଡେ ଏଝାସି ନାଞ୍ଜେ ପାଣ୍ଡାତାଣାଇଁ ଆବିନେସି; ଇଚିହଁ ମୀ ବିତ୍ତାଟି ଆମ୍ବାଆସି ବାରେକିହାଁ ଉଣା ଏଝାସି କାଜାସି □”

ମୀ କପାଟି ନିଜାଆ ଗାଟାସି ମୀ ତଲେତାସି (ମାର୍କ ୯:୩୮-୪୦)

୪୯ ଏଚେଟିଏ ଜହନ ଏଲେଇଚେସି, “ଗୁରୁ, ମାମ୍ବୁ ନୁୀ ଦରୁଟି ବୁଡୁୟାଁ ପେରହି ମାଟାଣି ମେସ୍ତମି ଇଞ୍ଜା ଏଝାସି ମା ତଲେ ନୀ ଜେଚ ଖାଆଲିଏ କାହିକିତମି □”

୫୦ ସାମା ଜୀସୁ ଏଝାରାଇଁ ଏଲେଇଚେସି, “କାହିକିଆଦୁ, ଇଚିହଁ ଆମ୍ବାଆସି ମୀ କପାଟି ନିଜା ହିଲଅସି ଏଝାସି ମୀ ତଲେତାସି □”

ସମିରଣି ନାସ୍କାଣାଁ ଜୀସୁଇଁ ଆବାଆତାୟି

୫୧ ଏଚିବେଲା ଜୀସୁ ଲାକପୁରୁ ହାନି ବେଲା ଏଗାଝାହିମାଟାକି ଏଚିବେଲା ଜୀସୁ ଜିରୁସାଲମତା ହାଜାଲି ମନତି ତୀରି କିତେସି □

୫୨ ଅଡେ ତାନି ନକେଏ କସ୍କାଣି ପାଣ୍ଡିତେସି, ଏଝାରି ହାଜାନା ର ସମିରଣି ନାୟୁତା ଜୀସୁ ଖାନେସି ଇଞ୍ଜା ଜାଗାତା କିହାନା କାଡେରି;

୫୩ ସାମା ଏଝାସି ଜିରୁସାଲମତା ହାଜାଲି ମନ କିହାମାନେସି ଇଞ୍ଜା ପୁଞ୍ଜାନା ଏଝାଣାଇଁ ଆବାଆଡେରି □

୫୪ ଇଦାଆଁ ମେସାନା ଜାକୁବ ଅଡେ ଜହନ ଇ ରୀ ସାସୁୟାଁ ଏଲେଇଚେରି, “ଏ ପ୍ରବୁ ଏଲିୟ ଏନିକଁ ଏଲେଇଞ୍ଜାମାଚେସି, ଏଲେକିହଁ ଏ ହାଗୁଲାକଟି ହିରୁ ରିହାନା ଏଝାରାଇଁ ନାସା କିପେ, ଏଲେଇଞ୍ଜାଲି ନୀ ମନ ମାନେକି ?”

୫୫ ସାମା ଏଝାସି ଖେଣ୍ଡେ ସିନିକିହାନା ଏଝାରାଇଁ ଲାଗାନା ଏଲେଇଚେସି, “ମୀରୁ ଏନିଲେହେଟି ଜୀସୁ ଗାଟାଚେରି, ମୀରୁ ପୁଞ୍ଜାହିଲଅଡେରି ମାଣସି ମୀରଏସି ମାଣସିୟାଁତି ଜୀସୁ ନାସା କିହାଲି ଖାଆନା ଗେଲପାଲି ଖାହାମାନେସି □

୫୬ ଏଚେଟିଏ ଏଝାରି ଅର ନାୟୁତା ହାଚେରି □”

ଜୀସୁତି ସାସୁ ଆହାଲି ପାଡା ଆନାୟି

(ମାତି ୭:୧୯-୨୨)

୫୭ ଏଝାରି ଜିରୁତା ହାଜିମାଟାଟି ରଅସି ଖାହାନା ଜୀସୁଇଁ ଏଲେଇଚେସି, “ନୀନୁ ଆମ୍ବିୟା ହାଜି, ନୀନୁ ଜିକେଏ ନୀ ତଲେ ଖାଇଁ □”

୫୮ ଜୀସୁ ଏଝାଣାଇଁ ଏଲେଇଚେସି, “ନାକାୟାଁକି ତ୍ତୟିନି ପାସୁୟାଁ ମାନୁ, ହାଗୁ ଲାକ ଉମ୍ବିନି ପଟାୟାଁକି ବାସାଟାୟୁ ମାନେ, ସାମା ମାଣସି ମୀରଏଣାକି ତାୟୁଁ କୁନଟହାଲି ଟାୟୁ ହିଲେଏ □”

୫୯ ଇଞ୍ଜା ଏଝାସି ଅଡେ ରଅଣାଇଁ ଏଲେଇଚେସି, “ନା ଜେଚ ଖାମ୍ବୁ □” ସାମା ଏଝାସି ଏଲେଇଚେସି, “ପ୍ରବୁ ନକେଏ ହାଜାନା ନା ଆବାଇଁ ମାହଣିଣା ମୁସାଲି ହେଲ ହିୟାମ୍ବୁ □”

୬୦ ଜୀସୁ ଏଲେଇଚେସି, “ହାଡାରାଇଁ ତାନି ହାଡି ଲକୁଣି ମୁସାଲି ପିହ୍ବୁ, ସାମା ମୀରୁ ହାଜାନା ମାହାପୁରୁ ରାଜିତି କାତା ଖେହ୍ବୁ □”

୬୧ ଅଡେ ରଅସି ଖାହାନା ଏଲେଇଚେସି, “ପ୍ରବୁ ନୀନୁ ଜେଚ ଖାଇଁ ସାମା ନକେଏ ଇଜତି ଲକୁ ତାଣାଟି ହେଲ ଅହାଲି ହିୟାମ୍ବୁ □”

୬୨ ସାମା ଜୀସୁ ଏଝାଣାଇଁ ଏଲେଇଚେସି, “ଆମ୍ବାଆସି ନାଞ୍ଜେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡା ଆଅସି □”

* ୯:୪୨ ୯:୪୭ ଲୁକ ୨୨:୨୪ * ୯:୪୮ ୯:୪୮ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦

୧୦

ଜୀସୁ ତାନିକଡ଼ି ବାରଜାଣାତି ପାଣ୍ଟିନାୟି

୧ ଏମ୍ବାଟିଏ ପ୍ରବୁ ଅଡେଡେ ତାନିକଡ଼ି ବାରଜାଣାତି ଆତାନା ତାନୁ ଆମିନି ଗାଡା ଅଡେଡେ ନାସକାଣା ହାଜାଲି ମନ କିହାମାଚେସି, ଏ ନାସକା ଅଡେଡେ ଗାଡାୟାଣା ରିଆରି ଲାକା କିହା ପାଣ୍ଟିଚେସି ।

୨ ଈଜୁଆ ଏଝାସି ଏଝାରାଇଁ ଏଲେଇଚେସି, “ପାଟି ହାଡେକା ସାମା ଦାଃଆନାରି ଉଣା ଜାଣା; ଇଦାଆଁତାକି ଗୁଡିୟାତା କାମା କିନାରାଇଁ ପାଣ୍ଟାଲିତାକି ଗୁଡିୟାତି ସାଝୁକାରିଇଁ ବାତିମାଲାନୁ ।

୩ ମୀରୁ ହାଲୁ; ନାନୁ ମିଜା କୁଃନିୟା ବିତ୍ରା ମେଣ୍ଟା ତାଲୁକା ଲେହେଁ ମିଜେ ପାଣ୍ଟିମାଞ୍ଜାଇଁ ।

୪ ତାରୁୟା, ମଣା କି ସେପୁୟା ଜିକେଏ ଅଥାଦୁ, ଅଡେଡେ ଜିରୁତା ଆମ୍ବାଆରାଇଁ ଜହରା କିଆଦୁ ।

୫ ଅଡେଡେ ମୀରୁ ଆମିନି ଇଲୁତା ହଡ଼ଦେରି ନକେଏ ଇ ଇଲୁତାକି ହିଡ଼ଡି ଆପେ ଇଞ୍ଜୁ ।

୬ ଅଡେଡେ ଏ ଇଜା ହିଡ଼ଡିତି ମାଣ୍ଟିସି ରଅସି ମାଟିହଁ ମୀ ହିଡ଼ଡି ଏଝାଣାକି ଆପେ; ଅଡେଡେ ହିଲୀଆତିହଁ ମୀ ହିଡ଼ଡି ମିଜେ ଝେଣ୍ଟେ ଝାଡେନ ।

୭ ଈଜୁଆ ଏଝାରିତାଣା ଏନାୟି ମାନେ ଏଦାଆଁ ତିଞ୍ଜା ଉଣ୍ଟାନା ଏ ଇଜା ମାଞ୍ଜୁ, ଇଟିହଁ କାମାକିନାସି ତାନି କାମାତି ବୁତି ମେଡା ଆନାୟି ମାନେ । ଏ ଇଜା ପିସାନା ଅର ଇଜା ହାଲୀଆଦୁ ।

୮ ଅଡେଡେ ଆମିନି ଗାଡାତା ହାଜେରି ଅଡେଡେ ଲକୁ ମିଜେ ଅପାନେରି ଅଡେଡେ ଏମ୍ବାଆଁ ଏନାଆଁ ତିଞ୍ଜାଲି ହିୟାନେରି ଏଦାଆଁ ତିଞ୍ଜୁ ।

୯ ଏମ୍ବାଆଁ ମାନି ରଗ ଗାଟାରାଇଁ ନେହଁ କିଦୁ, ଅଡେଡେ ଏଝାରାଇଁ ଏଲେଇଞ୍ଜୁ ‘ମାହାପୁରୁତି ରାଜି ମୀ ତାଣା ଏଦାଚେୟିଏ ।’

୧୦ ଈସାମା ମୀରୁ ଆମିନି ଗାଡାତା ହାଜେରି ଈଜୁଆ ଲକୁ ମିଜେ ଅପଅରି, ଏମ୍ବାତି ଆଂଗେଣିକାଟି ପାଜାତା ହାଜାନା ଏଲେଇଞ୍ଜୁ,

୧୧ ‘ମୀ ଗାଡାତି ଆମିନି ଦୁଡି ମା କତାୟାଣା ଆଟାମାଚେ, ଏଦାଆଁ ଜିକେଏ ମିଜେ ତାକି ହାଣ୍ଡି ମାନମି; ସାମା ମାହାପୁରୁତି ରାଜି ଏଗାଝାହିମାନେ ଇଦାଆଁ ପୁଞ୍ଜୁ ।’

୧୨ ଈନାନୁ ମିଜେ ଝେସିମାଞ୍ଜାଇଁ, ନୀହାୟି ଦିନାତା ଏ ଗାଡାତି ଡଣ୍ଟ କିହା ସଦମ ଗାଡାତି ଡଣ୍ଟ ଉଣା କିଝିଆନେ ।

ନାମାଆଗାଟି ନାସକା (ମାତି ୧୧:୨୦-୨୪)

୧୩ ଆୟତା ଡଣ୍ଟ ପାଣ୍ଟିନି କରାଜିନି ଅଡେଡେ ବେଡ଼ସାୟିଦା ଇଟିହଁ ମୀ ତାଣା ଆମି ଆମିନି କାବାଆନି କାମାୟା କିଝିଆହାମାନୁ, ଏ ବାରେ ସର ଅଡେଡେ ସିଦନତା କିଝି ଆହାମାଟିହଁ ମା, ଏଝାରି ହାଡେକା ଦିନା ନକେଏ ବାସ୍ତାୟା ପରହାଁ ଦାରମ୍ବୁକୁ କୁଗାନା ମନ ଝେଟ଼ହେରିମା ।

୧୪ ଆଡିଜିକେଏ ନୀହାୟି ଦିନାତା ସର ଅଡେଡେ ସିଦନତି ଡଣ୍ଟ ଉଣା କିଝିଆନେ ।

୧୫ ଏ କପରନାହୁମ ନୀନୁ ଲାକପୁରୁ ପାତେକା ପାଡାଆଡି ? ହାଡାରି ମାନି ରାଜିତା ମେଡ଼ପି ଆଡି ।

୧୬ ଈଜୁଆ ଏଲେଇଚେସି “ଆମ୍ବାଆସି ମୀ କାତା ଝେନେସି, ଏଝାସି ନା କାତା ଝେନେସି, ଈଜୁଆ ଆମ୍ବାଆସି ମିଜେ ଅପଅସି ଏଝାସି ନାଜେ ଅପଅସି, ଅଡେଡେ ଆମ୍ବାଆସି ନାଜେ ଅପଅସି ଏଝାସି ନାଜେ ପାଣ୍ଟାତାଣାଇଁ ଅପଅସି ।”

ତାନିକଡ଼ି ବାରଜାଣା ଝେଣ୍ଟା ଝାଡାୟି

୧୭ ଏମ୍ବାଟିଏ ତାନିକଡ଼ି ବାରଜାଣା ଝେଣ୍ଟା ଝାହାନା ରାହାଟି ଏଲେଇଚେରି, “ପ୍ରବୁ ବୁଡୁୟା ଜିକେଏ ନୀ ଦରୁତି ମା ଡ଼ଇକା ହେରପି ଆହିମାନୁ ।”

୧୮ ସାମା ଜୀସୁ ଏଝାରାଇଁ ଏଲେଇଚେସି, “ହାଗୁ ମିହୁନିଲେହେଁ ଲାକଟି ସୟତାନ ରିହିମାନାଣି ମେସେସ୍ ।

୧୯ ମେହୁଦୁ ନାନୁ ମିଜେ ରାସକା, କାଟାକୁପିୟା ମୁହେଁ ତାକାଲି ଅଡେଡେ ସାଡୁଡି ବାରେ ବାଡ଼ୟୁ ମୁହେଁ ଜିକେଏ ଅଦିକାରା ହାହିମାଞ୍ଜାଇଁ, ଅଡେଡେ ଏନାୟି ଜିକେଏ ମିଜେ ନସ୍ତ କିହାଲି ଆଡେଏ ।

୨୦ ସାମା ପଲୁଆ ବୁଡୁୟା ବାଡ଼ୟୁ ମୀ ଡ଼ଇକା ମାନେ ଇଞ୍ଜୁ ରାହାଁ ଆଥାଦୁ, ସାମା ମୀ ଦରୁ ଲାକପୁରୁ ରାସକି ଆହାମାନେ ଏଦାଆଁତାକି ରାହାଁ କିଦୁ ।”

ଜୀସୁତି ରାହାଁ

(ମାତି ୧୧:୨୫-୨୭; ୧୩:୧୭,୧୭)

୨୧ ଏଟିବେଲା ଜୀସୁ ସୁଦୁଜୀଝୁ ତଲେ ରାହାଁ ଆହାନା ଏଲେଇଚେସି, “ଆଡା ଲାକପୁରୁ ଅଡେଡେ ଦାରଡିତି ପ୍ରବୁ, ନୀନୁ ବୁଦିଗାଟି ଲକୁତାଣା ଇ ବାରେ କାତା ଡ଼କୁହାନା ଉଣା କକାରି ତାଣା ତସାମାଞ୍ଜି, ଇଦାଆଁତାକି ନିଜେ ଜହରା କିହିମାଞ୍ଜାଇଁ; ଏ ଆଡା ଇଦିଏ ନୀ ନକିତା ନେହାୟି ଆଡେ ।”

୨୨ ‘ନା ଆବାତି ବାରେ ଅଦିକାରା ନାଜେ ହେରପି ଆହାମାନେ; ଅଡେଡେ ମୀରଏସି ଆମ୍ବାଆସି, ଇଦାଆଁ ଆଡା ପିସପେ ଆମ୍ବାଆସି ପୁନଅସି, ଅଡେଡେ

☆ ୧୦:୨ ୧୦:୨ ମାତି ୯:୩୭,୩୮ ☆ ୧୦:୩ ୧୦:୩ ମାତି ୧୦:୧୭ ☆ ୧୦:୭ ୧୦:୭ ୧କର ୯:୧୪; ୧ଟିମ ୫:୧୮ ☆ ୧୦:୧୦ ୧୦:୧୦ କାମା ୧୩:୫୧ ☆ ୧୦:୧୧ ୧୦:୧୧ ମାତି ୧୦:୭-୧୪; ମାର୍କ ୬:୮-୧୧; ଲୁକ ୯:୩-୫ ☆ ୧୦:୧୨ ୧୦:୧୨ ମାତି ୧୧:୨୪ମାତି ୧୦:୧୫ ☆ ୧୦:୧୭ ୧୦:୧୭ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ଜହ ୧୩:୨୦ ☆ ୧୦:୨୨ ୧୦:୨୨ ଜହ ୩:୩୫; ଜହ ୧୦:୧୫

ଆବା ଆମ୍ବାଆସି ଇଦାଆଁ ମୀରଏଣା ପିସ୍‌ପେ ଆମ୍ବାଆସି ପୁନଅସି, ଇଞ୍ଜା ମୀରଏସି ଆମ୍ବାଆରି ତାଣା ଏଞ୍ଜାଣାକ୍ ତସାଲି ମନ କିନେସି, ଏଞ୍ଜାସିଦେଁ ପୁନେସି □”

୨୩ ଅଡ଼େ ଜୀସୁ ତାୟୁ ସିନିକିହାନା ତାନି ସୀସୁୟାକ୍ ଏଡ଼କେଏ ଏଲେଇରେସି, “ହାରେକା ନେହେଁ ଏ କାଣ୍‌କା ଏମିନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି □

୨୪ ଇଚିହଁ ନାନୁ ମିଙ୍ଗେ ଖେସିମାଞ୍ଜାକ୍, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାରେକା ମାହାପୁରୁ ଅଣ୍‌ପୁତି ବଲୁ ଖେହନାରି ଅଡ଼େ ରାଜାୟା ମେସାଲି ମନ କିହାମାଚେରି, ସାମା ମେସାଲି ଆଡ଼ାଆଚେରି; ଅଡ଼େ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଖେଞ୍ଜାଲି ମନ କିଚେରି ସାମା ଖେଞ୍ଜାଲି ଆଡ଼ାଆଚେରି □”

ନେହଁ ସମିରଣତି ପୁଣ୍‌ମିକିନି କାତା

୨୫ *ମେହ୍‌ଦୁ ର ମସାତି ମେରା ଜାପୁନାସି ଖାହାନା ଜୀସୁକ୍ ତାୟିପାରିକିହଁ ଖେଚେସି, “ଏ ଗୁରୁ କାଲ୍‌କାଲ୍‌ତି ଜୀଞ୍ଜୁ ବେଟାଆହାଲି ନାନୁ ଏନାଆଁ କିକ୍ ?”

୨୬ ଏଚେଟିଏ ଜୀସୁ ଏଲେଇରେସି, “ମସାତି ମେରାତା ଏନାଆଁ ରାସ୍‌କି ଆହାମାନେ, ନୀନୁ ଏନିକ୍ ପଡ଼ଞ୍ଜି ଆହିମାଞ୍ଜି ?”

୨୭ ଏଞ୍ଜାସି ଏଲେଇରେସି, “ନୀନୁ ନୀ ବାରେ ହିୟାଁ, ବାରେ ଜୀଞ୍ଜୁ, ବାରେ ବାଡ଼ୟୁ ଅଡ଼େ ବାରେ ମନ ହାହାନା ପ୍ରୁ ନୀ ମାହାପୁରୁକ୍ ଜୀଞ୍ଜୁନମ୍; ଅଡ଼େ ପାଡ଼ିତି ଲକୁଣି ନୀ ଜୀଞ୍ଜୁ ଲେହେଁ ଜୀଞ୍ଜୁ ନମ୍ □”

୨୮ ଏଚେଟିଏ ଜୀସୁ ଏଞ୍ଜାଣାକ୍ ଏଲେଇରେସି, “ନୀନୁ ନେହଁକ୍ ଖେସାମାଞ୍ଜି; ଏଲେଏ କିମ୍ ଆଡ଼ିହଁ ଏ ଜୀଞ୍ଜୁ ମେଡ଼ିକିଦି □”

୨୯ ସାମା ଏଞ୍ଜାସି ତାଙ୍ଗେ ତାରିତାସି କିହାକତାଲି ମନ କିହାନା ଜୀସୁକ୍ ଖେଚେସି, “ଆଡ଼ିହଁ ନା ପାଡ଼ିତାସି ଆମ୍ବାଆସି ?”

୩୦ ଜୀସୁ ଏ କାତା ଆସାନା ଏଲେଇରେସି, “ର ଲକୁ ଜିରୁସାଲମଟିଏ ଜିରିହତା ହାଜିମାଟାଟି ସରକା ତାଣା ହେରହେସି □ ଏଞ୍ଜାରି ଏଞ୍ଜାଣି ହିମ୍‌ରିଦୁକି ମୀଞ୍ଜାନା ହାନିଲେହେଁ ମାଡ଼ା ଖେଚାନା ପିସା ହାଚେରି □

୩୧ ଏଚିବେଲତା ର ପୂଜେରା ଏ ଜିରୁଟି ହାଜିମାଚେସି, ଇଞ୍ଜା ଏଞ୍ଜାସି ଏଞ୍ଜାଣାକ୍ ମେସାନା ଜିରୁ ପିସାନା ଅର ଜିରୁଟି ହାଚେସି □

୩୨ ଏଲେକିହଁ ଏ ର ଲେବି କୁଡ଼ାତାସି ଜିକେଏ ଏ ଜିରୁଟି ଖାହାନା ଏଞ୍ଜାଣାକ୍ ମେସାନା ଅର ଜିରୁ ହାହାନା ହାଚେସି □

୩୩ ସାମା ର ସମିରଣ ଲକୁ ଏ ଜିରୁଟି ହାଜିମାଚେସି, ଇଞ୍ଜା ଏଞ୍ଜାଣାକ୍ ମେସାନା ହାରେକା କାର୍ମା ଆଡ଼େସି,

୩୪ ଅଡ଼େ ତାଗେ ହାଜାନା ଏଞ୍ଜାଣି ଗାହାଁୟାଁ ବାରେ ନିୟୁଁ ଅଡ଼େ ଅଜୁରି ରାସା ରୁବାନା ଗାହାଁୟାଁଣା ଦସ୍‌ପାନା ଏଞ୍ଜାଣାକ୍ ର ଗାଡ଼ଦେ ଲାକ କୁଟିକିହାନା ର ସେବାକିନି ଇଲୁତା ଅହାନା ଏଞ୍ଜାଣି ସେବା କିଚେସି □

୩୫ ଅର ଦିନା ସେବାକିନି ଇଲୁ ଗାଟାଣାକି ରୀ କାନି ହାହାନା ଏଲେଇରେସି, ‘ଇଞ୍ଜାଣି ସେବା କିମ୍, ଅଡ଼େ ଏଚେକା ଗାତି କାର୍ତ୍ତୁ ଆନୁ, ଖେଣ୍ଡା ଖାନାଟି ବାରେ ହିୟାକ୍ □’ ”

୩୬ ଜୀସୁ ଏଲେଇରେସି, “ଇ ତାନି ଜାଣାତି ବିତ୍ରା ଆମ୍ବାଆସି ସରକାତାଣା ହେରହା ମାଟାଣି ପାଡ଼ିତାସି ଇଞ୍ଜା ଅଣ୍‌ପିମାଞ୍ଜେରି ?”

୩୭ ଏ ମେରା ଜାପୁନାସି ଏଲେଇରେସି, “ଆମ୍ବାଆସି ଏଞ୍ଜାଣାକ୍ କାର୍ମା ଆଡ଼େସି ଏଞ୍ଜାସି □”

ଜୀସୁ ଏଲେଇରେସି, “ହାଲାନୁ ନୀନୁ ଜିକେଏ ଏଲେଏ କିମ୍ □”

ଜୀସୁ ମାର୍ତ୍ତା ଅଡ଼େ ମରିୟମନି ଇଜ

୩୮ *ଏଞ୍ଜାରି ହାଜିମାନି ବେଲତା ର ନାୟୁତା ହାଚେରି, ଇଞ୍ଜା ମାର୍ତ୍ତା ଦରୁଗାଟି ର ଇୟା ଜୀସୁକ୍ ତାନି ଇଜ ହାଟିଚେ □

୩୯ ଏଦାନାକି ର ତାଙ୍ଗି ମାଚେ ଏଦାନି ଦରୁ ମରିୟମ, ଏଦି ପ୍ରବୁତି କର୍ତ୍ତା ଡ଼ଇ କୁଗାନା ଏଞ୍ଜାଣି କାତା ଖେଞ୍ଜିମାଚେ □

୪୦ ସାମା ମାର୍ତ୍ତା ରାହା ଖାଜାଲି ହାରେକା କିଲିବିଲି ଆହିମାଚେ; ଇଦାଆଁତାକି ଜୀସୁ ତାଣା ଖାହାନା ଏଲେଇଚେ, “ଏ ପ୍ରୁ ନା ତାଙ୍ଗି ଖାଜିନି କାମା ବାରେ ନା ଲାକ ହେରପା ମାଞ୍ଜାନେ ଇଦାଆଁ ଅଣ୍‌ପି ହିଲଅତି କି ? ଇଦାଆଁତାକି ନାଙ୍ଗେ ସାୟେମି କିହାଲି ଏଲେଇନାମ୍ □”

୪୧ ସାମା ପ୍ରୁ ଏଲେଇରେସି, “ମାର୍ତ୍ତା, ମାର୍ତ୍ତା ନୀନୁ ହାରେକା କାମାତା ଅଣ୍‌ପିହଁ କିଲିବିଲି ଆହିମାଞ୍ଜି,

୪୨ ସାମା ଖାର୍‌ଇ ର କାତା ଲଡ଼ାମାନେ □ ମରିୟମ ଏ ନେହଁ କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଡ଼ି ଆଏ □”

୧୧

ଜୀସୁ ଜାପୁହାମାନି ପ୍ରାତାନା

(ମାତି ୭:୯-୧୩; ମାତି ୭:୭-୧୧)

୧ ର ଦିନା ଜୀସୁ ର ଚାୟୁତା ପ୍ରାତାନା କିହିମାଚେସି; ଏଞ୍ଜାସି ପ୍ରାତାନା କିହାଲି ରାପୁହାଲିଏ, ତାନି ସୀସୁୟା ବିତ୍ରାଟି ରଅସି ଏଲେଇରେସି, “ଏ ପ୍ରୁ, ଜହନ ଏନିକ୍ ତାନି

ସାମୁୟାଙ୍କ ପ୍ରାତୀନା କିହାଲି ଜାପୁହି ମାରେସି, ନୀନୁ ଜିକେଏ ମାଙ୍ଗେ ଏଲେକିହି ଏ ପ୍ରାତୀନା କିହାଲି ଜାପୁହାମୁ ।”

୨ ଏଚେଟିଏ ଜୀସୁ ଏଝାରାଙ୍କ ଏଲେଇଚେସି, “ଏଚିବେଲା ମୀରୁ ଏଲେଇଞ୍ଜି ପ୍ରାତୀନା କିଦୁ; ଏ ଆବା

ନୀ ଦରୁ ନେହାୟି ଇଞ୍ଜି ମାନଝି ଆପେ; ନୀ ରାଜି ଝାପେ ।

୩ ବାରେଦିନା ମାଙ୍ଗେ ଲଡ଼ା ଆନି ରାନ୍ଦା ହିୟାମୁ ।

୪ ମା ଦହ ବାରେ ମ୍ଲେକ୍‌ହାମୁ, ଇଚିହି ମାମୁ ଜିକେଏ ମା ଦହ କିତାରାଙ୍କ ମ୍ଲେକ୍‌ନମି ।

ମାଙ୍ଗେ ପାନ୍ଦାତା ମେଡ଼ହାଆନି ।”

୫ ଅଡ଼େ ଏଝାସି ଏଝାରାଙ୍କ ଏଲେଇଚେସି, “ମୀ ତାଣା ଆମ୍ବାଆସି ଇଲେତି ତଣେଏସି ମାନେସି, ଆମ୍ବାଆରି ତାଣା ମାଦି ଲାଆୟି ହାଜାନା ଏଲେଇଚେସି, ‘ଏ ତଣେ ନାଙ୍ଗେ ତାନିଗଟା ରୁଟି ହିୟାମୁ,

୬ ଇଚିହି ନା ଗତାଗାଟି ତଣେଏସି ନା ତାଣା ଝାହାମାନେସି, ଏଝାଣାକି ତିଞ୍ଜାଲି ହାହାଲି ନା ତାଣା ଏନାୟିଝା ହିଲେଏ ।”

୭ ଅଡ଼େ ବିତ୍ରାଟି ଏଲେଇଚେସି, ‘ନାଙ୍ଗେ କସୁ ହିୟାଆନି; ଦାରା ସୁଣୁକି ଆଡ଼େୟିଏ, ଇଞ୍ଜା ନା ମୀରକା ନା ତଲେ ତୁରା ମାନେରି; ନାନୁ ନିଙ୍ଗାନା ହାହାଲି ଆଡ଼ଅଁ ।”

୮ ନାନୁ ମିଙ୍ଗେ ଝେସିମାଞ୍ଜାଙ୍କ, ଏଝାସି ତାନି ତଣେଏସି ଆହାମାନାକି ଲାଜା ପିସାନା ଅଲେ ଅଲେ ରାସ୍ତାକି ଏଝାସି ନିଙ୍ଗାନା ଏଝାଣି ଲଡ଼ାମାନି ପାତେକା ଏଝାସି ଏଝାଣାକି ହାନେସି ।”

୯ ନାନୁ ଜିକେଏ ମିଙ୍ଗେ ଝେସିମାଞ୍ଜାଙ୍କ, ରାହୁଦୁ ଆତିହି ମିଙ୍ଗେ ହୀପକିଆନ୍; ପାରାଦୁ ଆତିହି ମେଡ଼ି କିଦେରି; ଦୁଝେରିତା ଝେଦୁ ଆତିହି ମିଙ୍ଗେତାକି ଦାରା ଦେପି ଆନ୍ ।

୧୦ ଇଚିହି ଆମ୍ବାଆସି ରାହୁଚେସି ଏଝାସି ବେଟାଆନେସି; ଆମ୍ବାଆସି ପାରିନେସି ଏଝାସି ମେଡ଼ି କିନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଝାଣି ତାକି ଦାରା ଦେପିଆନ୍ ।

୧୧ “ଅଡ଼େ ମୀ ତାଣା ଇଲେତି ଆମିନି ଆବା ମାନେସି, ତାନି ମୀରଏସି ମୀନୁ ରାସ୍ତାସାରେ ଏଝାସି ମୀନୁତି ବାଦୁଲି ରାହୁ ହାନେସି ?

୧୨ ଅଡ଼େ ଗୁଡୁ ରାସ୍ତାସାରେ ଏଝାଣାକି କାଚାକୁପି ହାନେସି ?

୧୩ ଇଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସ୍‌କାକି ନେହାଣି ହାହିମାଞ୍ଜେରି, ଆତିହି ଆମିନି ଆବା ଲାକପୁରୁଟି

ହାହିମାଞ୍ଜାନେସି, ଏଝାସି ତାନି ତାଣା ରାହୁଚି ଲକୁକି ଏଚେ ହାଡ଼େକା ସୁଦୁଜୀଝୁ ହାଅସି ।”

ଜୀସୁ ଅଡ଼େ ପଲୁଆ ବୁଡୁ

(ମାତି ୧୨:୨୨-୩୦; ମାର୍କ ୩:୨୦-୨୭)

୧୪ ଜୀସୁ ର ପାଲି ବୁଡୁ ପେଡ଼ହି ମାରେସି ଏ ବୁଡୁ ଗୁଲା । ବୁଡୁ ଏଝାଣି ତାଣାଟି ହଡ଼ା ହାଜାଲିଏ ଏ ଗୁଲା ଜଲିତେସି; ଏମ୍ବାଟିଏ ଲକୁ ବାରେ କାବା ଆଡ଼େରି ।

୧୫ ଯାମା ଏଝାରି ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଏଝାସି ପଲୁଆ ବୁଡୁୟା କାଜା ପେନୁ ବାଲ୍‌ଜିବୁଲ୍ ବୁଡୁ ତଲେ ବୁଡୁୟା ପିସ୍‌ପି କିହିମାନେସି ।”

୧୬ ଇଞ୍ଜା ଏଚକାତାରି ଏଝାଣାଙ୍କ ତାୟିପାରି କିହାଲିତାକି ଏଝାଣି ତାଣାଟି ହାଗୁଟି ର ସିନା ରାସ୍ତେରି ।

୧୭ ଯାମା ଏଝାସି ଏଝାରି ମନତି ଅଣ୍ଡୁ ପୁଞ୍ଜାନା ଏଝାରାଙ୍କ ଏଲେଇଚେସି, ଆମିନି ରାଜି ବାଗା ଆହାନା ତାନି କପାଟି ନିଙ୍ଗିନେ ଏଦି ନାସା ଆହାହାନେ ଇଞ୍ଜା ଇଲୁ ଲାକ ବାରେ ରିହାହାନେ ।

୧୮ ଇଞ୍ଜା ସୟତାନ ବାଗା ଆହାନା ଜାହାରା କପାଟି ନିଙ୍ଗିନେ, ଇଚିହି ତାନି ରାଜି ଏନିକ ତାରିଆହାନା ତୟିନେ ? ନାନୁ ପଲୁଆ ବୁଡୁୟା ବାଲ୍‌ଜିବୁଲ୍ ତଲେ ବୁଡୁୟା ପିସ୍‌ପି କିହିମାଙ୍କ ଇଞ୍ଜିମାଞ୍ଜେରି ।

୧୯ ଯାମା ନାନୁ ପଲୁଆ ବୁଡୁୟା ବାଲ୍‌ଜିବୁଲ୍ ତଲେ ବୁଡୁୟା ପିସ୍‌ପି କିହିମାଙ୍କ, ଆତିହି ମୀ ମୀରକା ଆମ୍ବାଆରି ବାଡ଼ୟୁ ତଲେ ପିସ୍‌ପି କିନେରି ? ଇଞ୍ଜା ଏଝିଏ ମିଙ୍ଗେ ନୀହାୟି କିୟାନୁ ।

୨୦ ଯାମା ନାନୁ ମାହାପୁରୁ ବାଡ଼ୟୁ ତଲେ ବୁଡୁୟା ପିସ୍‌ପି କିହିମାଙ୍କ ଇଚିହି ମାହାପୁରୁତି ରାଜି ମୀ ତାଣା ଏଗାଝାଡ଼େୟିଏ ।

୨୧ ବାଡ଼ୟୁଗାଟି ଲକୁ ଏଚେପାତେକା ଆସ୍ତି ଆସାନା ତାନି ଗାଡ଼ାତି ଗେଲ୍‌ପିନେସି, ଏଚିବେଲା ପାତେକା ତାନି ଦନ ଗେଲ୍‌ପିଆହାନା ତୟିନେ;

୨୨ ଯାମା ଏଚିବେଲା ଏଝାଣି କିହା ହାଡ଼େକା ବାଡ଼ୟୁଗାଟି ଲକୁ ଏଝାଣିତଲେ ଲୁକୁ କିହାନା ଜୀଣା ଆନେସି, ଏଚିବେଲା ଏଝାସି ଆମିନି ଆସ୍ତିତି ବାର୍ଣ୍ଣ କିହାମାରେସି, ଏ ବାରେ ଏଝାସି ମୀଞ୍ଜା ଅନେସି, ଇଞ୍ଜା ମୀଞ୍ଜା ଅହାମାନି ଦନ ବାଟିକିହା ଅନେରି ।

୨୩ ଯାମା ଆମ୍ବାଆସି ନା ଝାକିଟି ଆଆଗାଗାସି ଏଝାସି ନା ସାଡୁ; ଇଞ୍ଜା ଆମ୍ବାଆସି ନା ତଲେ କୁଡ଼ି କିଅସି ଏଝାସି ଆଲାଚା କିନାସି ।

ପଲୁଆ ବୁଡୁ ଝେଣ୍ଡା ଝାନାୟି

(ମାତି ୧୨:୪୩-୪୫)

୨୪ “ର ପଲ୍ଲଆ ବୁଡୁ ର ମାଣ୍ଡି ତାଣ୍ଡାଟି ହଟା ହାଜାନା ଏୟୁ ହିଲ୍ଲାଆ ଖାୟିତି ଟାୟୁତା ଜମାଲି ପାରିନେ, ଇଞ୍ଜା ମେଡ଼ି କିଆନା ଏଲେଇନେ, ‘ନାନୁ ଆମିନି ଇଲୁଟି ହଟା ଖାହାମାଚେଏ, ଏ ଇଲୁତା ଖେଣ୍ଡା ହାଇଁ ।’

୨୫ ଇଞ୍ଜା ଏଡ଼ି ଖେଣ୍ଡା ଖାହାନା ଏଦାଆଁ ଅଜିହ୍ନି ନେହ୍ନି ଆହାମାନାଣି ମେହ୍ନେ ।

୨୬ ଏଚିବେଲା ଏଡ଼ି ହାଜାନା ତାନିକିହ୍ନା ହାରେକା ପଲ୍ଲଆଗାଟି ସାତାଗାଟା ବୁଡୁୟା ଆସାନା ଖାନ୍, ଅଡେ ବାରେଜାଣା ଏମ୍ବାଆଁ ହଡାନା ବାସା କିନ୍, ଇଞ୍ଜା ଏ ମାଣ୍ଡିତି ତଲିତି କସ୍ତୁ କିହ୍ନା ତାୟୁତି କସ୍ତୁ ହାରେକା ଆନ୍ ।”

ଆସୁଲି ରାହାଁ

୨୭ ଜୀସୁ ଇ ବାରେ କାତା ଖେସିମାଟାଟି ଲକୁ ମାନ୍ଦା ବିତ୍ରାଟି ର ଇୟା କାଜା ଗିୟାତଲେ ଏଲେଇଚେ, “ଆମିନିଗାଟି ଇୟା ନିଜେ ଜାନି କିହାନା ପାଲୁ ଉଟ୍‌ହାଚେ ଏ ଇୟା ହାରେକା ନେହେଁ ।”

୨୮ ସାମା ଜୀସୁ ଏଲେଇଚେସି, “ଆମ୍ବାଆରି ମାହାପୁରୁତି ବଲୁ ଖେନେରି ଅଡେ ମାନୁଞ୍ଜି ଆନ୍ନେରି ଏଞ୍ଜାରାକିଦେହେଁ ନେହେଁ ।”

ସିନା ପାରିନାୟି

(ମାତି ୧୨:୩୮-୪୨)

୨୯ *ଲକୁ ମାନ୍ଦା ମାନ୍ଦା ଆହାନା ଏଞ୍ଜାଣି ତାଣ୍ଡା ରୁଣ୍ଡା ଆହାଲିଏ ଜୀସୁ ଏଞ୍ଜାରାଇଁ ଖେସେସି, “ଇ କାଲ୍ଲାତି ଲକୁ ହାରେକା ଲାଗେଏତାରି; ଇଞ୍ଜାରି ବାରେ ସିନାୟାଁ ପାରିନେରି, ସାମା ଏଞ୍ଜାରାକି ଜୁନସତି ସିନା ପିସ୍‌ପେ ଏଡ଼ି ସିନା ହୀପ୍‌କିଆଏ ।

୩୦ ଇଚିହ୍ନି ଜୁନସ ଏନିକ୍‌ ନିନିବି ଲକୁତାକି ର ସିନାଲେହେଁ, ମାଣ୍ଡି ମୀର୍‌ଏସି ଜିକେଏ ଏଲେକିହ୍ନିଏ ଇ ଜୁଗୁତି ଲକୁତାକି ଆନ୍ନେସି ।

୩୧ ନୀହାୟି ଦିନାତା ସିବା ଦେସାତି ରାଣି ଇ କାଲ୍ଲାତି ଲକୁ ନକିତା ନିତାନା ଏଞ୍ଜାରି କପାଟି ସାକିହୀନେ, ଇଚିହ୍ନି ଏଡ଼ି ସଲମନତି ବୁଦିତିକାତା ଖେଞ୍ଜାଲି ଦାର୍‌ତିତି ହେକ ଦେସାଟି ଖାହାମାଚେ; ମେହ୍‌ଦୁ ସଲମନକିହ୍ନା କାଜାସି ଇମ୍ବାଆଁ ମାନ୍ନେସି ।

୩୨ ନୀହାୟି ଦିନାତା ନିନିବି ଗାଡାତି ଲକୁ ନିତାନା ଏଞ୍ଜାରି କପାଟି ସାକି ହୀନେରି, ଇଚିହ୍ନି ଏଞ୍ଜାରି ଜୁନସ ଖେସ୍ତି କାତା ଖେଞ୍ଜାନା ଅଣ୍‌ପା କତାନା ମନ୍ ଖେଟ୍‌ହେରି; ମେହ୍‌ଦୁ ଜୁନସକିହ୍ନା ହାରେକା କାଜାସି ଇମ୍ବାଆଁ ମାନ୍ନେସି ।”

ଆଜ୍ଞାତି ଉଜେଡ଼ି

(ମାତି ୫:୧୫; ୬:୨୨,୨୩)

୩୩ * “ଆମ୍ବାଆରି ଦୀଞ୍ଜି ତୀସାନା ତୁଲୁନି ଟାୟୁତା କି ମାଣା ପୁକ୍‌ହାନା ଇଚଅରି, ସାମା ଦୀଞ୍ଜି ସଡାତା ଇଚିନେରି, ଏନିକ୍‌ ଇଲୁ ବିତ୍ରା ଖାନ୍ ଲକୁ ଉଜେଡ଼ି ମେହ୍‌ନେରି ।

୩୪ ମୀ କାଣ୍ଡା ଆଜ୍ଞାତି ଦୀଞ୍ଜି ଏଚେତା ମୀ କାଣ୍ଡା ନେହ୍ନି ମାନୁ ଏଚିବେଲା ପାତେକା ମୀ ଆଜ୍ଞା ବାରେ ଉଜେଡ଼ି ଆନ୍; ସାମା ଏଚେତା ମୀ କାଣ୍ଡା ନେହ୍ନି ହିଲ୍ଲାତ ଇଚିହ୍ନି ଏଚେତା ମୀ ଗୁଡା ଆଜ୍ଞା ଜିକେଏ ଆନ୍ନେରି ଆନ୍ ।

୩୫ ଇଦାଆଁତାକି ଜାଗ୍ରାତା ଏନିକ୍‌ ମୀ ହିୟାତା ମାନି ଉଜେଡ଼ି ଆନ୍ନେରି ଆଏ ।

୩୬ ଏନାଆଁତାକି ଇଚିହ୍ନି ମୀ ଗୁଡା ଆଜ୍ଞା ବାରେ ଉଜେଡ଼ି ଆନ୍ ଇଞ୍ଜା ଏମ୍ବାଆଁ ଏଡ଼ି ଆନ୍ନେରି ତୁୟେଏ, ଆଡିହ୍ନି ଦୀଞ୍ଜି ଏନିକ୍‌ ମିଜେ ତାହାଣା ଉଜେଡ଼ିତା ଉଜେଡ଼ି କିୟାନ୍, ଏଲେକିହ୍ନିଏ ମୀ ଗୁଡା ଆଜ୍ଞା ଉଜେଡ଼ି ଆନ୍ ।”

ଜୀସୁ ପାରୁସି ଅଡେ ମେରା ଜାପ୍‌ନାରାଇଁ ଦହ୍‌ ଦହ୍‌ନାୟି

(ମାତି ୧୩:୧-୩୬; ମାର୍କ ୧୨:୩୮-୪୦)

୩୭ ଜୀସୁ ଇ କାତା ଖେସ୍ତି ତାୟୁ ର ପାରୁସି ଏଞ୍ଜାଣାଇଁ ତାନି ଇଜ ତିଞ୍ଜାଲି ଏଲେଇଚେସି; ଇଞ୍ଜା ଏଞ୍ଜାସି ଇଜ ହାଜାନା ତିଞ୍ଜାଲି କୁଗିତେସି ।

୩୮ ସାମା ତିଞ୍ଜାଲି କୁଗିନି ନକେଏ ଏଞ୍ଜାସି କେସ୍ତା କତାୟାଁ ନରହା ହିଲ୍ଲାଆଚେସି, ଇଦାଆଁ ମେସାନା ଏ ପାରୁସି କାବା ଆଡେସି ।

୩୯ ଏଚେଟିଏ ପ୍ରୁ ଏଞ୍ଜାଣାଇଁ ଏଲେଇଚେସି, “ମୀ ପାରୁସିୟାତେରି ଗିନାୟାଁ ଅଡେ ସାଡ଼ଞ୍ଜାୟାଁ ପାଜ୍ଞାତା ନରହି ମାଞ୍ଜେରି, ସାମା ମୀ ବିତ୍ରା ଜୁପ୍‌କା ଅଡେ ଲାଗେଏତାୟି ନେଞ୍ଜାମାନ୍ ।

୪୦ ଆଡେ ବୁଦି ହିଲ୍ଲାଆଗାଟାଚେରି, ଆମ୍ବାଆସି ପାଜ୍ଞାତାଣି ଗାଡ଼ିକିତେସି, ଏଞ୍ଜାସି ବିତ୍ରାତାଣି ଜିକେଏ ଗାଡ଼ି କିହାହିଲଅସି କି ?

୪୧ ସାମା ମୀ ସାଡ଼ଞ୍ଜାୟାଁ ଅଡେ ଗିନାୟାଁଣା ମାନାଣି ହିଲ୍ଲାଆ ଗାଟାରାକି ହୀତିହ୍ନି ମିଜେତାକି ବାରେଏ ଅଟ୍‌ହାୟି ଆନ୍ ।”

୪୨ ସାମା ଆୟତା ତଣ୍ଡ ପାଣ୍ଡି ପାରୁସିୟାତେରି, ଇଚିହ୍ନି ମୀରୁ ହାୟୁଁ, ରାୟି ଇଞ୍ଜା ବାରେ କୁଟାତି ଦସ ବାଟାଟି ର ବାଟା ହୀହିମାଞ୍ଜେରି, ସାମା ନୀହାୟିତା ଅଡେ ମାହାପୁରୁତି ଜୀଞ୍ଜୁ ନି ତାଣା ଅଣ୍‌ପି ହିଲଅଚେରି; ସାମା ଇ ବାରେ ମାନୁଞ୍ଜି ଆହାନା ଏଟକାତାଣି ହେଲା ଆନାୟି ହିଲେଏ ।

୪୩ “ଆୟତା ତଣ୍ଡ ପାଣ୍ଡି ପାରୁସିୟାତେରି, ଇଚିହ୍ନି ମୀରୁ ମାହାପୁରୁ ଇଲୁତା କାଜା ଟାୟୁ ଇଞ୍ଜା ହାଟା ବାଜାରାତା ଜହରା ବେଟାଆହାଲି ନେହେଁ ଅଣ୍‌ପିଦେରି ।

* ୧୧:୨୯ ୧୧:୨୯ ମାତି ୧୭:୪; ମାର୍କ ୮:୧୨ * ୧୧:୩୩ ୧୧:୩୩ ମାତି ୫:୧୫; ମାର୍କ ୪:୨୧; ଲୁକ ୮:୧୭

୪୪ ଆୟତ୍ତା ମୀରୁ ତଣ୍ଡ ବେଟା ଆନାତେରି, ଇଚିହିଁ ମୀରୁ ତଞ୍ଜା ଆଆଗାଟି ମାଡ଼ହା ମୁହନି ଟାୟଲେହେଁ ତାତେରି; ଇଚିହିଁ ପୁନାଆନା ଲକୁ ଲାକ ତାକି ମାନେରି □

୪୫ ଏଚେଟିଏ ମସାତି ମେରାପୁନାରି ବିତ୍ରାଟି ରଅସି ଏଲେଇଚେସି, “ଏ ଗୁରୁ ନୀନୁ ଏଲେଇଞ୍ଜି ମାଙ୍ଗେ ଲାଜା କିହିମାଞ୍ଜାଦି □”

୪୬ ଜୀସୁ ଏଲେଇଚେସି, ଆୟତ୍ତା ମସାତି ମେରା ପୁନାତେରି ମୀରୁ, ମୀରୁ ଜିକେଏ ତଣ୍ଡ ବେଟାଆଦେରି, ଇଚିହିଁ ମୀରୁ ମାଣ୍ଡସିୟାଁ ଲାକ ବଜୁଗାଟି କାସକା ଏକହି ମାଞ୍ଜେରି ଅଡ଼େ ଏ ବଜୁତି ମୀରୁ ର ଝାଞ୍ଜୁ ତଲେ ଜିକେଏ ତୀଗଅତେରି □

୪୭ ଆୟତ୍ତା ତଣ୍ଡ ବେଟା ଆନାତେରି ମୀରୁ ମାହାପୁରୁ ଅଣ୍ଟପୁତି ବଲୁ ଝେହନାରାକ୍ ପାୟାନା ଏଞ୍ଜାରି ମାଡ଼ହା ମୁହନି ଟାୟ ତିୟାରା କିହିମାଞ୍ଜେରି □

୪୮ ଇଚିହିଁ ମୀରୁ ମୀ ଆକୁ ଆବାୟାଁ କାମାତା ସାକି ତସି ମାଞ୍ଜେରି ଇଞ୍ଜା ଏଞ୍ଜାରିଲେହେଁ ଆହିମାଞ୍ଜେରି; ଇଚିହିଁ ଏଞ୍ଜାରିସାଁ ଏଞ୍ଜାରାକ୍ ପାୟାନାଚେରି, ସାମା ମୀରୁ ଏଞ୍ଜାରି ମୁହନି ଟାୟତି କାତିୟାଁ ନିପହି ମାଞ୍ଜେରି □

୪୯ ଇଦାଆଁତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଞ୍ଜା ମାନେସି, ନାନୁ ଏଞ୍ଜାରି ନକିତା ମାହାପୁରୁ ଅଣ୍ଟପୁତି ବଲୁ ଝେହନାରାକ୍ ଅଡ଼େ ପାଣ୍ଡୁଞ୍ଜି ଆହାମାନାରାକ୍ ପାଣ୍ଡୁକ୍; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାକ୍ ପାୟିନେରି ଇଞ୍ଜା ନିନା କିନେରି,

୫୦ ଇ ଜୁଗୁତି ଲକୁ ଦାର୍ତତି ଗାଡ଼ି ଆଡ଼ି ନକେଏଟିଏ ବାରେ ମାହାପୁରୁ ଅଣ୍ଟପୁତି ବଲୁ ଝେହନାରାକ୍ ପାୟିତାକି ତଣ୍ଡ ବେଟାଆନେରି,

୫୧ ଏନିକିଁ ହେବଲକ୍ ପାୟିତି ଦିନାଟିଏ ଜିକରିୟ ପାତେକା ଆମ୍ବାଆରାକ୍ ମାହାପୁରୁ ଇଲୁତି ତାକିନି ପିଣ୍ଡା ଅଡ଼େ ସୁଦୁ ବାକ୍ତା ମାଦିଏ ପାୟୁଞ୍ଜି ଆହାମାଚେ □ ହାଅ, ନାନୁ ମିଙ୍ଗେ ସାତା ଝେସିମାଞ୍ଜାକ୍, ଏଦାନି ବାଦୁଲି ଇ ଜୁଗୁତି ଲକୁ ଏ ବାରେତାକି ତଣ୍ଡ ବେଟାଆନେରି □

୫୨ ଆୟତ୍ତା ତଣ୍ଡ ପାଣ୍ଡନି ମେରା ପୁନାତେରି ମୀରୁ, ଇଚିହିଁ ବୁଦି ଦେନି କୁଚିତି ଅହାମାଞ୍ଜେରି; ମୀରୁତ ହଡ଼ି ହିଲଅତେରି ସାମା ହଡ଼ାଲି ଅଣ୍ଟପି ମାନାରାକ୍ ଆଂଗିମାଞ୍ଜେରି □

୫୩ ଜୀସୁ ଏ ଇଜଟି ହାଜାଲିଏ ପାରୁସିୟାଁ ଅଡ଼େ ମେରାପୁନାରି ହାରେକା ତାହାରା ଆହାନା □

୫୪ ଏଞ୍ଜାଣି ଜଲିନି ହାଡ଼ାତା ଦହ ଆସାଲି ଏଞ୍ଜାଣାକ୍ ହାରେକା କାତା ଝେଚେରି □

୧୨

କୁରୁ ଗାଟାରି ତାଣାଟି ଜାଗ୍ରାତା (ମାତି ୧୦:୨୬,୨୭)

୧ ✽ଏଚିବେଲାତା ମାଣା ମାଣା ଲକୁ ରୁଣ୍ଡା ଆହାନା ଝିସପି ଆହିମାଚେରି; ଏଚିବେଲା ଏଞ୍ଜାସି ନକେଏ ତାନି ସୀସୁୟାଁକ୍ ଏଲେଇଚେସି, ପାରୁସିୟାଁ ଲାଗେଏତି କୁରୁଗାଟି ତାଣାଟି ଜାଗ୍ରାତା ଆହାନା ମାଞ୍ଜୁ □

୨ ✽ସାମା ଏନାୟି ତଞ୍ଜା ଆଏ, ଇଲେକିଁ ପୁଠକି ଆହା ହିଲେଏ, ଅଡ଼େ ଏନାୟି ପୁନାଆରେଟୁ ଇଲେକିଁ ତୁଗୁମାନାୟି ଏନାୟି ହିଲେଏ □

୩ ଇଚିହିଁ ମୀରୁ ଏନା ଏନାଆଁ ଆନ୍ଦେରିତା ଝେସାମାଞ୍ଜେରି, ଏ ବାରେ ଉଜେଡ଼ିତା ଝେଣ୍ଡିଆନେ, ଏନା ଏନାଆଁ ପୁନାଆ ରେଟୁ ଇଲୁ ବିତ୍ରା ତୁଗୁନା ଝେସାମାଞ୍ଜେରି, ଏଦାଆଁ ଇଲୁ ତୁଡ଼ିୟାତା ଝେପକି ଆନେ □

ଆମ୍ବାଆରାକ୍ ଆଜିନାୟି (ମାତି ୧୦:୨୮-୩୧)

୪ ଇଚିହିଁ ନା ତଣ୍ଡେସିଙ୍ଗାତେରି ମୀରୁ, ନାନୁ ମିଙ୍ଗେ ଝେସିମାଞ୍ଜାକ୍, “ଆମ୍ବାଆରି ଆଙ୍ଗାତି ପାୟିନେରି ସାମା ତାୟୁ ଏନାଆଁ କିହାଲି ଆଡ଼ଅରି, ଏଞ୍ଜାରାକ୍ ଆଜାଆଦୁ □

୫ ସାମା ଆମ୍ବାଆରାକ୍ ଆଜିଦେରି ଏଦାଆଁ ମିଙ୍ଗେ ଝେସାକ୍; ପାୟିତି ଜେତ ହିରୁ ଗାଡ଼ୟିତା ମେଡ଼ହାଲି ଆମ୍ବାଆରି ଅଦିକାରା ମାନେ, ଏଞ୍ଜାଣାକ୍ ଆଜାଦୁ; ହାଅ ନାନୁ ମିଙ୍ଗେ ସାତା ଝେସିମାଞ୍ଜାକ୍, ଏଞ୍ଜାଣାକ୍ ଆଜାଦୁ □”

୬ ପାସାଗଟା ଜେତା ପଟାୟାଁ ରୀ କାନି ତାକି ପାରପି ଆଡ଼ କି ? ଆଡ଼ିଜିକେଏ ଏଞ୍ଜାସିକା ବିତ୍ରାଟି ରଣ୍ଡାଣି ଜିକେଏ ମାହାପୁରୁ ବାଣା ଆଅସି □

୭ ସାମା ମୀ ତାୟୁଁ ତୁ ବାରେ ବାଣାୟାଁ ଜିକେଏ ଏଜିକିଞ୍ଜି ଆହାମାନୁ □ ଆଜା ଆଦୁ; ଏନାଆଁତାକି ଇଚିହିଁ ମୀରୁ ଜେତା ପଟାୟାଁ କିହାଁ ହାରେକା ଦାରା ଗାଟାତେରି □

ଲକୁ ନକିତା ଜୀସୁକ୍ ଝେକନାୟି (ମାତି ୧୦:୩୨,୩୩; ୧୨:୩୨; ୧୦:୧୯-୨୦)

୮ “ଅଡ଼େ, ନାନୁ ମିଙ୍ଗେ ଝେସିମାଞ୍ଜାକ୍, ଆମ୍ବାଆସି ଲକୁ ନକିତା ନାଙ୍ଗେ ଝେକହାନେସି, ମାଣ୍ଡସି ମୀରୁଏସି ଜିକେଏ ମାହାପୁରୁତି ଦୂତୁୟାଁ ନକିତା ଝେକନେସି □

୯ ସାମା ଆମ୍ବାଆସି ଲକୁ ନକିତା ନାଙ୍ଗେ ଝେକହଅସି, ଏଞ୍ଜାଣାକ୍ ଜିକେଏ ମାହାପୁରୁ ଦୂତୁୟାଁ ନକିତା ଝେକଅସି □

୧୦ ✽ଇଞ୍ଜା ଆମ୍ବାଆସି ମାଣ୍ଡସି ମୀରୁଏଣା କପାଟି ଜଲିନେସି, ଏଞ୍ଜାଣି ପାପୁ ମେଣ୍ଡିନେ;

✽ ୧୨:୧ ୧୨:୧ ମାତି ୧୨:୬; ମାର୍କ ୮:୧୫ ✽ ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭ ✽ ୧୨:୧୦ ୧୨:୧୦ ମାତି ୧୨:୩୨; ମାର୍କ ୩:୨୯

ସାମା ଆମ୍ବାଆସି ସୁଦୁଜୀଝୁ କପାଟି ନିନ୍ଦା କାତା ଜଲିନେସି, ଏଝାଣି ପାପୁ ମେଣ୍ଟେଏ ।

୧୧ ✨ଏଚିବେଲା ଏଝାରି ମିଙ୍ଗେ ଜୀହୁଦି ଲକ୍ଷୁଡି କୁଟମି ଇଲକାଣା*, ସାଲଝି କିନାରି ତାଣା ଇଞ୍ଜା ଅଦିକାରା ବେଟା ଆହାମାନାରି ତାଣା ଅହାନା ନିପହାନେରି ଏଚିବେଲା ନା ଝାକିଟି ଆହାନା ଏନା ଏନାଆଁ ଜଲିନମି ଇଞ୍ଜୁ ଅଣ୍ପାଆଦୁ;

୧୨ ଇଚିହୁଁ ଏନାଆଁ ଜଲିନାୟି ମାନେ, ଏଦାଣି ଏଚିବେଲାତେଏ ସୁଦୁଜୀଝୁ ମିଙ୍ଗେ ଜାପହାନେ ।”

ବୁଦି ହିଲାଆ ଦନ ଗାଟାସି

୧୩ ଲକୁ ମାନ୍ଦା ବିତ୍ରାଟି ରଅସି ଜୀସୁଇଁ ଏଲେଇଚେସି, ଏ ଗୁରୁ ନା ତାୟିଇଁ ମା ଆବାତି ଦନ ବାଟି କିହାଲି ଏଲେଇଞ୍ଜା ହିୟାମୁ ।

୧୪ ସାମା ଜୀସୁ ଏଲେଇଚେସି, ଏ ତାୟି ଆମ୍ବାଆସି ନାଙ୍ଗେ ମୀ ମୁହେଁ ନୀହାଁୟି କିହାଲି ମାଦି କିହାନା ଆଚାମାଞ୍ଜାନେସି ?

୧୫ ଇଞ୍ଜା ଏଝାସି ଏଝାରାଇଁ ଏଲେଇଚେସି, ଜାଗ୍ରାତା, ବାରେଝାକିତି ଜୁପକାଟି ମିଙ୍ଗେ ଗେଲପିକିହା କଡାଦୁ, ଇଚିହୁଁ ର ମାଣ୍ଡସିତି ଜୀଝୁ ତାନି ଦନତି ବାସୁଁ କିନେ ।

୧୬ ଜୀସୁ ଏଝାରାଇଁ ଇ ପୁଣ୍ଡିକିନି କାତା ଝେସେସି, “ର ସାଝୁକାରିକି ବୁମିତା ଗାତି ତାସା କାମ୍ପିତେ ।

୧୭ ଏମ୍ବାଟିଏ ଏଝାସି ମନ ମନତା ଅଣ୍ପାମାନା ଏଲେଇଚେସି, ‘ନାନୁ ନୀଏଁ ଏନାଆଁ କିଇଁ ?’ ନା ଆନାଁ କୁଡି କିହାନା ଇଟାଲି ଟାୟୁ ହିଲେଏ ।’

୧୮ ଅଡେ ଏଲେଇଚେସି; ‘ନୀଏଁ ଇଲେ କିଇଁ ମାନି ଗାଡେୟିକା ରିକହାନା କାଜାଆଁ କିହାନା ଏମ୍ବାଆଁ ଗହଁୟାଁ ଇଞ୍ଜା ଏନି ଏନି ଆନାଁ କୁଡି କିହାନା ଇଚିଇଁ,

୧୯ ଅଡେ ନା ଜୀଝୁତି ଏଲେଇଇଁ, ଏ ଜୀଝୁ, ହାରେକା ବାସାଁ ତାକି ନିଙ୍ଗେ ତାକି ଗାତି ଆନାଁ କୁଡି କିଝିଆହାମାନେ, ନୀଏଚି ଜମାନା ମନକିତି ଲେହେଁ ତିଞ୍ଜା ଉଣ୍ଡାନା ରାହାଁ କିମୁ ।’

୨୦ ସାମା ମାହାପୁରୁ ଏଝାଣାଇଁ ଏଲେଇଚେସି, ଆଡେ ବୁଦି ହିଲାଆଗାଟାଟି, ନୀଞ୍ଜୁ ଲାଆଁୟାଁ ନୀ ଜୀଝୁ ନୀ ତାଣାଟି ଅଝିଆନେ; ଏଚେଟିଏ ନୀନୁ କୁଡିକିହା ଇଟାମାନି ବାରେ ଦନ ଆମ୍ବାଆରାଝାୟି ଆନେ ।”

୨୧ ଜୀସୁ ଏଲେଇଚେସି, “ଆମ୍ବାଆସି ତାଙ୍ଗେତାକି ଦନ କୁଡି କିନେସି, ସାମା ମାହାପୁରୁ ତାଣା ଦନଗାଟାସି ଆଅସି, ଏଝାସି ଇଝାଣି ଲେହେଁତାସି ।”

ଅଣ୍ପାଆଦୁ (ମାତି ୬:୨୫-୩୪)

୨୨ ଜୀସୁ ତାନି ସୀସୁୟାଣି ଏଲେଇଚେସି, ଇଦାଆଁତାକି ମିଙ୍ଗେ ଝେସିମାଞ୍ଜାଇଁ, ଏନାଆଁ ତିନାୟି, ଇଲେକ୍ ମୀ ଜୀଝୁତାକି, ଏନାଆଁ ତୁରନାୟି ଇଲେକ୍ ମୀ ଆଙ୍ଗା ତାକି ଜିକେଏ ମୀରୁ ଅଣ୍ପାଆଦୁ ।

୨୩ ଇଚିହୁଁ ରାନ୍ଦା କିହାଁ ଜୀଝୁ କାଜାୟି ଅଡେ ହିମ୍ପୁରିକା କିହାଁ ଆଙ୍ଗା କାଜାୟି ।

୨୪ ପଟାୟାଁସି ସିନିକିଦୁ, ଏଝି ମାଟାଉ କି ଦାଡ, ଇଞ୍ଜା ଏଝାସିକା ଗାଡେୟିକା ହିଲାଉ, ଅଡେ ମାହାପୁରୁ ଏଝାସିକାକି ତିନି କାଦି ହୀନେସି; ମୀରୁ ପଟାୟାଁ କିହାଁ ଏଚେକା କାଜାତେରି ।

୨୫ ଅଡେ ମୀ ବିତ୍ରାଟି ଆମ୍ବାଆତେରି ଅଣ୍ପା ଅଣ୍ପାପହୁଁ ମୀ ଜୀଝୁତି ଆଗାଡା ପାଡିକିହାଲି ଆଡିଦେରି ?

୨୬ ମୀରୁ ର ଉଣା କାମାତି କିହାଲି ଆଡିହିଲଅତେରି, ଆତିହୁଁ ଏଟକାତି କାତା ଏନାଆଁତାକି ଗାତି ଅଣ୍ପାମାଞ୍ଜେରି ?

୨୭ ଜାଡାତି ପୂଙ୍ଗାଣି ସିନିକିହାଁ ଅଣ୍ପାଦୁ, ଏଝି ଏନି କାମା କିଉ; ଆଡିଜିକେଏ ନାନୁ ମିଙ୍ଗେ ଝେସିମାଞ୍ଜାଇଁ, ସଲମନକି ବାରେ ଅଡିତାୟି ମାତିହୁଁ ଜିକେଏ ଏଝାଣାକି ଇ ପୂଙ୍ଗା ଏଚେକା ଅଡିତି ହିମ୍ପୁରିକା ହିଲାଆଡୁ ।

୨୮ ଆମିନି ଜାଡା ନୀଞ୍ଜୁ ମାନେ, ଝିଏ ଝାୟା ହାନେ ଅଡେ ହଲୁତା ହୁଡକିଆନେ, ମାହାପୁରୁ ଏ ଜାଡାତି ଇଲେତି ଝାଣା ହୀନେସି, ଏନାଆଁ ଏଝାସି ମିଙ୍ଗେ ହିମ୍ପୁରିକା ପରଝି କିୟଅସି ? ମୀ ନାମୁ ଏଚେକା ଉଣା ।

୨୯ ଏଦାଆଁତାକି ଏନାଆଁ ତିନାୟି ଏନାଆଁ ଗହଁନାୟି, ଏଦାଆଁ ମୀରୁ ପାରିହୁଁ ରେଆଦୁ କି ଅଣ୍ପାଆଦୁ,

୩୦ ଇଚିହୁଁ ଦାରଡିତି ଜୀହୁଦିଆଆତାରି ଏ ବାରେ ପାରିହୁଁ ରେନେରି; ସାମା ଇ ବାରେ ମୀ ଲଡାମାନେ ଏଦାଆଁ ମୀ ଲାକପୁରୁତି ଆବା ପୁଞ୍ଜାମାନେସି ।

୩୧ ମୀରୁ ମାହାପୁରୁତି ରାଜି ପାରାଦୁ, ଆତିହୁଁ ଇ ବାରେ ମିଙ୍ଗେ ହୀପକିଆନେ ।

ଲାକପୁରୁତି ଦନ (ମାତି ୬:୧୯-୨୧)

୩୨ ଏ ଉଣା ମେଣ୍ଡାୟାଁ ମାନ୍ଦାତେରି ଆଜାଆଦୁ, ଇଚିହୁଁ ମିଙ୍ଗେ ଏ ରାଜିତି ହୀହାଲି ମୀ ଲାକପୁରୁତି ଆବାକି ଏଚେକା ରାହାଁ ।

୩୩ ମୀରୁ ମୀ ଦନତି ପାରତାନା ହିଲାଆ ଗାଟାରାକି ହୀଦୁ; ମୀରୁ ମିଙ୍ଗେତାକି ଇଲେତି ବଟଝା କେପାଦୁ; ଇଚିହୁଁ ଏମ୍ପିୟା ସରୁ ଝାଅସି ଅଡେ ଲୀମ୍ପୁ ତିନେଏ ଇଲେତି ଲାକପୁରୁ ଦନ କୁଡି କିଦୁ,

✨ ୧୨:୧୧ ୧୨:୧୧ ମାତି ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫ * ୧୨:୧୧ ୧୨:୧୧ ସିନଗର

୩୪ ଇଚିହ୍ ଆମ୍ଭିୟା ଦନ ଏମ୍ବେଏ ଜିକେଏ ମୀ ମନ ମାଞ୍ଜେମାନେ □

ଜାଗ୍ରତା ହଲେଏସି

୩୫ ☆ “ମୀ ଟେଡେଲି ଦସା କଡାନା ମାଞ୍ଜୁ ଅଡ଼େ ମୀ ଦୀଞ୍ଚିୟାଁ ଡ଼ାଞ୍ଜିହ୍ ମାଣ୍ଡମ୍;”

୩୬ ☆ ଅଡ଼େ ପ୍ରବୁ ବୀହା ଇଜ ହାଜାନା ଖେଣ୍ଡା ଖାନାଟି ଏଞ୍ଜାଣାଇ ଦାରା ଦେନମିଞ୍ଜା ଇଞ୍ଜି କାଟାମାନାରି, ମୀରୁ ଜିକେଏ ଏଞ୍ଜାରିଲେହେଁ କାଟାହାଁ ମାଞ୍ଜୁ □

୩୭ ପ୍ରବୁ ଖାହାନା ଆମିନି ହଲିୟାକାଣି ଜାଗ୍ରତା ମାନାଣି ମେହ୍ନେସି, ଏଞ୍ଜାରି ନେହେଁ; ନାନୁ ମିଜେ ସାତା ଖେସିମାଞ୍ଜାଇ, ଏଞ୍ଜାସି ତାନି ଟେଡେଲି ରୂପାନା ଏଞ୍ଜାରିଲେଁ ତିଞ୍ଜାଲି କୁଗି କିହାଁ ତାଗେ ହାଜାନା ସେବା କିନେସି □

୩୮ ଅଡ଼େ ଏଞ୍ଜାସି ମାଦି ଲାଆଁୟାଁ କି ଖେୟା ନେକେରିତା ଜିକେଏ ଖାହାନା ଏଞ୍ଜାରିଲେଁ ଏଲେକିଁ କାଟାମାନାଣି ମେହ୍ନେସି ଏ ହଲିୟାକା ନେହେଁ □

୩୯ ☆ ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲତା ସରୁ ଖାନେସି, ଇଦାଆଁ ଇଲୁଗାଟାସି ପୁଚିହ୍ ଏଞ୍ଜାସି ତାନି କୁଡୁ ତୁଡ଼ହାଲି ହାଆଡେସିମା □

୪୦ ମୀରୁ ଜିକେଏ ଜାଗ୍ରତା ଆହାନା ମାଞ୍ଜୁ, ଇଚିହ୍ ମୀରୁ ଆମିନି ବେଲତା ଅଣପା ହିଲଅଡେରି, ଏଟିବେଲତା ମାଣ୍ଡସି ମୀରଏସି ଖାନେସି □”

ଟିକାଣା ହିଲଆଗାଟି ହଲେଏସି (ମାତି ୨୪:୪୫-୫୧)

୪୧ ଏରେଟିଏ ପିତର ଏଲେଇରେସି, “ଏ ପ୍ରବୁ ନାନୁ ପୁଣ୍ଡିକିନି କାତା ମାଜେ କି ବାରେତାକି ଖେସିମାଞ୍ଜି ?”

୪୨ ପ୍ରବୁ ଏଲେଇରେସି, “ସାଞ୍ଜୁକାରି ତାନି ଇଲୁତି ଲକୁତାକି ତାନି ରାନ୍ଦା କାଟୁତା ରାନ୍ଦା ହାହାଲି ତାନି ଗୁମୁସ୍ତା ପାଣା ହେରପିନେସି, ଇଲେତି ଟିକାଣାଗାଟି ଅଡ଼େ ବୁଦିଗାଟି ହଲେଏସି ଆମ୍ବାଆସି ?”

୪୩ ପ୍ରବୁ ଖାହାନା ତାନି ଆମିନି ହଲେଏଶାଇଁ ଏଲେ କିହ୍ମାନାଣି ମେହ୍ନେସି ଏଞ୍ଜାସି ନେହେଁ □

୪୪ ନାନୁ ମିଜେ ସାତା ଖେସିମାଞ୍ଜାଇ, ଏଞ୍ଜାସି ଏଞ୍ଜାଣାଇ ତାନି ବାରେ ଦନତି ମୁହେଁ ଗୁମୁସ୍ତା କିହା ଇଚିନେସି □

୪୫ ସାମା ଏ ହଲେଏସି ନା ସାଞ୍ଜୁକାରି ଖାନାୟି ମାନେୟିଏ ଇଞ୍ଜିଁ ମନତା ଅଣପାନା ହଲିୟାକା ହଲେଣିସିକାଣି ଖେଚାଲି ଇଞ୍ଜା ତିଞ୍ଜି ଉଣ୍ଡିହ୍ କାଡୁ ହଡାଲି ମାଟୁନେସି,

୪୬ ଆତିହ୍ ଏମିନି ଦିନା ହଲେଏସି କାଟାହିଲଅସି ଇଞ୍ଜାଁ ଏମିନି ବେଲା ଏଞ୍ଜାସି

ପୁଞ୍ଜାହିଲଅସି, ଏ ଦିନା ଏ ବେଲତା ତାନି ପ୍ରବୁ ଖାନେସି, ଇଞ୍ଜାଁ ଏଞ୍ଜାସି ଏଞ୍ଜାଣାଇଁ ରୀ ବାଗା କିହାନା ନାନୁ ହିଲଆଗାଟାରି ତଲେ ଏଞ୍ଜାଣାଇଁ କାଲନେସି □

୪୭ ଅଡ଼େ ଆମିନି ହଲେଏସି ତାନି ସାଞ୍ଜୁକାରିତି ମନ ଅଣପାନା ଜାଗ୍ରତା ଆଅସି କି ଏଞ୍ଜାଣି ମନତଲେ କାମା କିଅସି, ଏଞ୍ଜାସି ଗାତି ମାଡ଼ା ବେଟା ଆନେସି;

୪୮ ସାମା ଆମ୍ବାଆସି ପୁନାଆନା ମାଡ଼ା ପାଣ୍ଡିନି କାମା କିନେସି, ଏଞ୍ଜାସି ଉଣା ମାଡ଼ା ବେଟା ଆନେସି □ ଆମ୍ବାଆରାକି ଗାତି ହାପକି ଆହାମାନେ, ଏଞ୍ଜାଣି ତାଣାଟି ହାରେକା ରୀହ୍ନାୟି ମାନେ; ଇଞ୍ଜାଁ ଲକୁ ଆମ୍ବାଆରାକି ଗାତି ହାହାମାନେରି ଏଞ୍ଜାଣି ତାଣାଟି ହାରେକା ଆଗାଡ଼ା ରୀହ୍ନେରି □

ଜୀସୁ ଲକୁଣି ବାଗା କିଞ୍ଜିକନାୟି (ମାତି ୧୦:୩୪-୩୬)

୪୯ “ନାନୁ ଇ ଦାରତିତା ହିତୁ ପ୍ରଡ଼ହାଲି ଖାହାମାଇଁ, ଇଦି ନୀଏଁ ଗୁଡୁ ଗୁଡୁ ଆହିମାନେ ଆତିହ୍ ନାଜେ ଏନି ଅଣପୁ ?

୫୦ ☆ ସାମା ନାନୁ ର ବାପ୍ତିସ୍ମାଁ ପାଣ୍ଡନାୟି ମାନେ, ଅଡ଼େ ଏଦି ରାଆ ପାଡେକା ନାଜେ ଏଡେକା କସ୍ତ ହଡ଼ି ମାଞ୍ଜାନେ □

୫୧ ନାନୁ ଦାରତିତା ହିଡ଼ି ହାହାଲି ଖାହାମାଇଁ ଇଞ୍ଜିଁ ମୀରୁ ଅଣପିମାଞ୍ଜେରି ? ନାନୁ ମିଜେ ଖେସିମାଞ୍ଜାଇ, ଆଏ, ବାଗା କିହାଲି ଖାହାମାଇଁ □

୫୨ ଇଚିହ୍ ର ଇଜ ପାସାଜାଣା ମାନେରି, ରିଆରି କପାଟି ତାନିଜାଣା ଅଡ଼େ ତାନିଜାଣା କପାଟି ରିଆରି ଏଟକା ଆନେରି □

୫୩ ମୀରଏଶା କପାଟି ତାଞ୍ଜି, ତାଞ୍ଜି କପାଟି ମୀରଏସି, ମାଜା କପାଟି ତାଲି, ତାଲି କପାଟି ମାଜା, କୁଡ଼ିୟାନି କପାଟି ପୟା, ଅଡ଼େ ପୟା କପାଟି କୁଡ଼ିୟା ଏଟକା ଆନୁ □”

କାଲାତି ପୁନାୟି (ମାତି ୧୨:୨,୩)

୫୪ ଇଞ୍ଜାଁ ଏଞ୍ଜାସି ଲକୁଣି ଜିକେଏ ଏଲେଇରେସି, “ଖେଡ଼ା କୁଡ଼ିଞ୍ଜାକି ହାଗୁ ନିଜାଁ ମାନାଣି ମେସ୍ତ୍ରସାରେ ଦେବୁଣିଏ ଏଲେଇଞ୍ଜେରି ପିୟୁ ଖାନେ, ଅଡ଼େ ଏଲେକିହ୍ ଏ ଆନେ;

୫୫ ଅଡ଼େ ଟିଞ୍ଜି ଖାକିଟି ଗାଲି ଖେନାଣି ମେସ୍ତ୍ରସାରେ ମୀରୁ ଏଲେଇଞ୍ଜେରି, ଗାତି କାରା ଆନେ, ଅଡ଼େ ଏଲେଏ ଆନେ □

୫୬ ଆଡେ କୁଟୁ ଗାଟାଡେରି, ମୀରୁ ଦାରତି ଅଡ଼େ ହାଗୁତି ସିନାୟା ପୁଞ୍ଜିମାଞ୍ଜେରି, ସାମା ଇ କାଲାତି ସିନାୟା ଏନିଲେହେଁତାଇ ପୁଞ୍ଜି ହିଲଅଡେରି ?”

☆ ୧୨:୩୫ ୧୨:୩୫ ମାତି ୨୫:୧-୧୩ ☆ ୧୨:୩୬ ୧୨:୩୬ ମାର୍କ ୧୩:୩୪-୩୬ ☆ ୧୨:୩୯ ୧୨:୩୯ ମାତି ୨୪:୪୩,୪୪ ☆ ୧୨:୫୦ ୧୨:୫୦ ମାର୍କ ୧୦:୩୮ † ୧୨:୫୦ ୧୨:୫୦ ପୁଞ୍ଜିନାୟି

ଗଡ଼ହା ଆଡ଼ାଣି ତଳେ ଆଣ୍ଠିନାୟି
(ମାତି ୫:୨୫,୨୬)

୫୭ ଏନାଆଁ କିନାୟିମାନେ ଇଞ୍ଜିଁ ମୀରୁ ଏନାଆଁତାକି ମୀ ବିତ୍ରା ନୀହାୟି କିହିହିଲଅତେରି ?

୫୮ ଇଚିହିଁ ମୀ ଗଡ଼ହା ଆଡ଼ାଣି ତଳେ ନୀହାୟି କିନାଣି ତାଣା ହାନିବେଲାତା ଜିରୁତେଏ କାଲ୍‌ଝିଆନ୍ତି ଉପେୟି ଅର୍ଥପାମ୍, ଏଲାଆଆତିହିଁ ଏଝାସି ନିଙ୍ଗେ ଅଡ଼େ ଝେଣ୍ଡେ ନୀହାୟି କିନାଣି ତାଣା ରେଜା ଅୟାନେସି, ଅଡ଼େ ନୀହାୟି କିନାସି କସକା କେୟୁତା ହେରପାନେସି, ଅଡ଼େ କସକା ନିଙ୍ଗେ କାୟିଦି ଇଲୁତା ଇଟାନେରି □

୫୯ ନାନୁ ମିଙ୍ଗେ ଝେସିମାଞ୍ଜାଇଁ, “ମୀରୁ ର କାନି ଜିକେଏ ପିହୁଆନାହା ହାତିହିଁଦେଁ ଏମ୍ପାଟି ହଡ଼ା ଝାହାଲି ଆଡ଼ିଦେରି □”

୧୩

ମନ ଝେଟ୍‌ଆତିହିଁ ନାସା ଆନାୟି

୧ ଏଚିବେଲାତା ଏଚେକା ଲକୁ ଝାହାନା, ପିଲାତ ଏମିନି ଗାଲିଲି ଲକୁତି ନେତେରି ଏଝାରି ପୂଜା ତଳେ ଆଟ୍‌ହାମାଚେସି, ଏ କାତା ଜୀସୁଇଁ ଝେସ୍ତେରି □

୨ ଏମ୍ପାଟିଏ ଜୀସୁ ଏଝାରାଇଁ ଏଲେଇଚେସି, “ଏ ଗାଲିଲିତାରି ତଣ୍ଡୁ ବେଟାଆହାଲିଏ ଏଝାରି ଅରୁ ଗାଲିଲିତାରି କିହାଁ ହାରେକା ପାପୁ ଗାଟାରି ଇଞ୍ଜିଁ ମୀରୁ ଅର୍ଥପିମାଞ୍ଜେରି ?

୩ ନାନୁ ମିଙ୍ଗେ ଝେସିମାଞ୍ଜାଇଁ, ଏଲେକିଁ ଆଏ, ସାମା ମୀରୁ ମନ ଝେଟ୍‌ଆତିହିଁ ବାରେ ଜାଣାତେରି ଏଝାରିଲେହେଁ ହାଦେରି □

୪ ସିଲହତା ଆମିନି ଅଟ୍‌ର ଜାଣାତି ଲାକ ପାତାଆଡ଼ି କଟା ଇଲୁ ରିହାନା ହାଡେରି, ଏଝାରି ବାରେଜାଣା ଜିରୁସାଲମତି ଲକୁ କିହାଁ ହାରେକା ପାପୁ ଗାଟାରି ଇଞ୍ଜିଁ ମୀରୁ ଅର୍ଥପିମାଞ୍ଜେରି ?

୫ ନାନୁ ମିଙ୍ଗେ ଝେସିମାଞ୍ଜାଇଁ, ଏଲେକିଁ ଆଏ, ମୀରୁ ମନ ଝେଟ୍‌ଆତିହିଁ ବାରେଜାଣା ତେରି ଏଲେକିହିଁଏ ନାସା ଆଡ଼େରି □”

ପାଡ଼େୟି ଆୟାଆଗାଟି ତୟା ମାର୍‌ନୁ

୬ ଜୀସୁ ଇ ପୁଣ୍ଡିକିନି କାତା ଝେସ୍ତେସି, ରଅଣି ଅଜୁରି ବାଡ଼ାତା ର ତୟା ମାର୍‌ନୁ ଉହି ଆହାମାଚେ □ ଏଝାସି ଝାହାନା ପାଡ଼େୟି ପାରିତେସି ସାମା ମେଡ଼ିକିଆତେସି □

୭ ଇଞ୍ଜା ଏଝାସି କାମା କିନାଣାଇଁ ଏଲେଇଚେସି, “ମେହ୍‌ମୁ ନାନୁ ତାନି ବାର୍ଯା ଆଡ଼େୟିଏ ଇ ତୟା ମାର୍‌ନୁତା ଝାହାନା ପାଡ଼େୟି ପାରିମାଇଁ, ସାମା ମେଡ଼ିକିହିଁ ହିଲଅଁ; ଏଦାଣି ଟୁଣ୍ଡହା ତୁହ୍‌ମୁ, ଇଦି ଏନାଆଁତାକି ବୁମିତି ପାଡ଼ିୟା କିନେ ?”

୮ ସାମା କାମାକିନାସି ଏଲେଇଚେସି, “ପ୍ରବୁ ଇଦି ଇୟନା ତାକି ମାଣ୍‌ମ୍ପେ, ନାନୁ ଇଦାଣି ସାରିସୁଟୁ କାର୍‌ହାନା ଗାତା ହୀଇଁ,

୯ ଅଡ଼େ ତାୟୁ ପାଡ଼େୟି ଆୟିତିହିଁ ନେହେଁ ଆୟାଆତିହିଁ ଏଦାଣି ଟୁଣ୍ଡହା ତୁହ୍‌ମୁ □”

ଜୀସୁ ଜମିନି ଦିନା ର ଟୁଡୁଝା ଇୟାନି ନେହିଁକିନାୟି

୧୦ ର ଦିନା ଜୀସୁ ଜମିନି ଦିନା ର ଜୀହୁଦି ଲକୁତି କୁଟମି ଇଲୁତା* ଜାପୁହିଁ ମାଚେସି □

୧୧ ଏମ୍ପାଆଁ ର ଇୟା ମାଚେ, ଏଦି ଅଟର ବାର୍ଯା ପାତେକା ପଲ୍‌ଆ ବୁଡୁ ତଳେ କସ୍ତୁ ଆହିମାଚେ, ଏଦି ଟୁଡୁଝା ଆହାନା ସଲ୍‌କେ ଆହିଁ ତାକାଲି ଆଡ଼ିହିଲାଆତେ □

୧୨ ଜୀସୁ ଏଦାନି ମେସାନା ତାଗେ ହାଟାନା ଏଲେଇଚେସି, “ଏ ଇୟା ନାନୁ ନୀ ଆଡ଼ାଆ କସ୍ତୁଟି ନେହିଁ ଆଡ଼ି □”

୧୩ ଅଡ଼େ ଏଝାସି ଏଦାନିଲେକ କେୟୁ ଇଚିତେସି, ଏମ୍ପାଟିଏ ଏଦି ଏ ଦେବୁଣିଏ ସଲ୍‌କେ ଆହାନା ମାହାପୁରୁତି ଜହରା କିତେ □

୧୪ ସାମା ଜୀସୁ ଜମିନି ଦିନାତା ନେହିଁ କିହିମାଚାକି ଜୀହୁଦି ଲକୁତି କୁଟମି ଇଲୁତି† କାଜାସି କାର୍‌ବି ଆହାନା ଲକୁଣି ଏଲେଇଚେସି, “କାମା କିହାଲି ସ ଦିନା ମିଙ୍ଗେ ମାନେ; ଏଦାଣିତାକି ସ ଦିନା ନେହିଁ ଆହାଲି ଝାଦୁ, ଜମିନି ଦିନାତା ଝାଆଦୁ □”

୧୫ ସାମା ପ୍ରବୁ ଏଝାଣାଇଁ ଏଲେଇଚେସି, “ଆଡ଼େ କୁଟୁ ଗାଟାତେରି, ମୀରୁ ବାରେଜାଣା ତେରି ଜମିନି ଦିନାତା ମୀ କଡ଼ି କି ଗାଡ଼ଦେଡି ହାଃଅଲାଟି ଅହାନା ଏୟୁ ଉଟ୍‌ହିଁ ହିଲଅତେରି କି ?

୧୬ ଅଟର ବାର୍ଯା ପାତେକା ସୟତାନ ତାଣାଟି ଦସ୍‌ପି ଆହାମାନି ଅତ୍ରାହାମ କୃତାତି ଇ ଇୟାନି ଜମିନି ଦିନାତା ନେହିଁକିନାୟି ହିଲାଆତେ କି ?”

୧୭ ଏଝାସି ଇ ବାରେ କାତା ଝେସାଲିଏ, ତାନି ସାତୁୟାଁ ବାରେ ଲାଜା ବେଟାଆଡ଼େରି, ସାମା ଜୀସୁ କିହାମାନି କାମା ମେସାନା ଲକୁ ରାହାଁ ଆଡ଼େରି □

ହାର୍‌ସୁ ପାଡ଼େୟି

(ମାତି ୧୩:୩୧,୩୨; ମାର୍କ ୪:୩୦-୩୨)

୧୮ ଜୀସୁ ଏଲେଇଚେସି, “ମାହାପୁରୁ ରାଜି ଏନିଲେହେତାୟି ? ଆମ୍ପାରିତଳେ ଏଦାନି ତୁକ୍‌ଇଁ ?

୧୯ ଏଦି ଇଲେତି ର ହାର୍‌ସୁ ପାଡ଼େୟି ଲେହେଁ, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି, ଅଡ଼େ ଏଦି ପାତାଆହାନା ର ମାର୍‌ନୁ ଆଡ଼େ, ଅଡ଼େ ହାଗୁ ଲାକ ଉମ୍‌ନି ପଟାୟାଁ ଝାହାନା ଏ କମାତା ବାସା କିତୁ □”

* ୧୩:୧୦ ୧୩:୧୦ ସିନଗର † ୧୩:୧୪ ୧୩:୧୪ ସିନଗର

ପୁଲାଏମୁ
(ମାତି ୧୩:୩୩)

୨୦ ଜୀସୁ ଅଡ଼େ ଏଲେଇଚେସି, “ନାନୁ ଆମ୍ବାରିତଲେ ମାହାପୁରୁତି ରାଜି ତୁକ୍‌ଇ ?

୨୧ ଏଦି ପୁଲା ଏମୁଲେହେଁତାୟି, ର. ଇୟା ତାନିମାଣା ଗୁଣ୍ଡାତା କାଲୁହା ଇଚିତେ, ତାମୁ ବାରେ ଗୁଣ୍ଡା ପୁଲା ଆଡ଼େ □”

ଜାକ୍‌ଣି ଦୁଖେରି
(ମାତି ୭:୧୩, ୧୪, ୨୧-୨୩)

୨୨ ତାମୁ ଜୀସୁ ଗାଡ଼ାତାକି ଗାଡ଼ା ନାମୁଁ ତାକି ନାମୁଁ ରେଜିହେଁ ଜାପୁହିହେଁ ଜିରୁସାଲମ ଖାକି ହାଜିମାଚେସି □

୨୩ ରଅସି ଏଝାଣାକ୍‌ ଖେଚେସି, “ପ୍ରବୁ ଗେଲୁପି ଆନାରି ଖାରଇ ଇଚରା ଜାଣାକି ?”

ଜୀସୁ ଏଝାରାକ୍‌ ଏଲେଇଚେସି,

୨୪ “ଜୀସୁ ତୁସାନା ଜାକ୍‌ଣି ଦୁଖେରିଟି ହାଜୁ; ଇଚିହେଁ ନାନୁ ମିଙ୍ଗେ ଖେସିମାଞ୍ଜାକ୍‌, ହାରେକା ହଡ଼ାଲି ଅଣ୍‌ପିନେରି, ସାମା ହଡ଼ାଲି ଆଡ଼ଅରି □

୨୫ ଇଲୁଗାଟାସି ନିଙ୍ଗାନା ଦାରା ସୁଣ୍ଡିତି ତାମୁ ଏଚେତା ମୀରୁ ପାଙ୍ଗାତା ନିଚାନା ଦାରା ତୀ ତୀ ଖେଚିହେଁ ‘ଏ ପ୍ରବୁ ମାଙ୍ଗେତାକି ଦାରା ଦେତାମୁ’ ଇଞ୍ଜିଁ ହାଚିଦେରି, ଏଚେତା ଏଝାସି ମିଙ୍ଗେ ଏଲେଇଞ୍ଜାନେସି, ‘ମୀରୁ ଏସିତାତେରି ନାନୁ ପୁଞ୍ଜାମାଞ୍ଜଅଁ □’

୨୬ ଏଚିବେଲା ମୀରୁ ଏଲେଇଞ୍ଜେରି, ‘ଏ ପ୍ରବୁ ମାମୁଁନୀ ତଲେ ତିତା ଉଚାତମି, ଅଡ଼େ ନାନୁ ମା ଆଁଗେଣିକାଣା ଜାପୁହିମାଞ୍ଜାତି □’

୨୭ ଅଡ଼େ ଏଝାସି ମିଙ୍ଗେ ଏଲେଇଞ୍ଜାନେସି, ‘ମୀରୁ ଆମିନି ଟାମୁତି ଲକୁତେରି ନାନୁ ପୁଞ୍ଜାମାଞ୍ଜଅଁ; ଏ ଲାଗେଏ ପଲେଏ ତାତେରି ନା ତାଣାଚି ହେକ ଆଦୁ □’

୨୮ ☆ଏଚିବେଲା ମୀରୁ ଅବ୍ରାହାମ, ଇସାହାକ, ଜାକୁବ ଇଞ୍ଜା ବାରେ ମାହାପୁରୁ ଅଣ୍‌ପୁତି ବଲୁ ଖେହନାରାକ୍‌ ମାହାପୁରୁ ରାଜିତା ମାନାଣି ଅଡ଼େ ମିଙ୍ଗେ ପାଙ୍ଗାତା କୁତା ମାଞ୍ଜାନାଣି ଅଣ୍‌ପାନା ପାଲୁକା ଟୀଟି କିହେଁ ଡ଼ାଦେରି □

୨୯ ଅଡ଼େ ହାରେକା ଲକୁ ଖେଡ଼ା ହପୁ ଖାକିଟି ଅଡ଼େ ଖେଡ଼ା କୁଡ଼ନି ଖାକିଟି, ଚିଃନି ଖାକିଟି ଟେବୁ ଖାକିଟି ଖାହାନା ମାହାପୁରୁତି ରାଜିତି ବଜିତା କୁଗିନେରି □

୩୦ ☆ଅଡ଼େ ମେହ୍‌ଦୁ ତାମୁ ମାନି କଚେକା ନକିତା ଆନେରି ଅଡ଼େ ନକିତା ମାନି କଚେକା ତାମୁ ଆନେରି □”

ଜୀସୁ ଜିରୁସାଲମତି ଜୀସୁନନାୟି
(ମାତି ୨୩:୩୭-୩୯)

୩୧ ଏଚିବେଲାତେଏ ଏଚରଜାଣା ପାରୁସିୟାଁ ଖାହାନା ଜୀସୁକ୍‌ ଖେସ୍‌ସେରି, “ନାନୁ ଇ ଟାମୁ ପିସାନା ହାଜାତୁହ୍‌ମୁ ଏନାଆଁତାକି ଇଚିହେଁ ହେରଦ ନିଙ୍ଗେ ପାୟାଲି ଅଣ୍‌ପିମାନେସି □”

୩୨ ଜୀସୁ ଏଝାରାକ୍‌ ଏଲେଇଚେସି, “ମୀରୁ ହାଜାନା ଏ ନାକାକ୍‌ ଖେହ୍‌ଦୁ, ‘ମେହ୍‌ମୁ ନାନୁ ନୀଞ୍ଜୁ ଅଡ଼େ ଖିଏ ବୃତୁୟାଁ ପିସପି କିହିମାକ୍‌ ଅଡ଼େ ନେହେଁ କିହିମାକ୍‌ ଇଞ୍ଜା ତାନି ଦିନାଟିଏ ନା କାମା ରାପୁକ୍‌ □’

୩୩ ଏନିଜିକେଏ ନୀଞ୍ଜୁ ଖିଏ ଅଡ଼େ ମାଏଁ ନାଙ୍ଗେ ତାକିହେଁ ହାଜାଲି ଆନେ, ଇଚିହେଁ ମାହାପୁରୁ ଅଣ୍‌ପୁତି ବଲୁ ଖେହନାସି ଜିରୁସାଲମ ପିସପେ ପାଙ୍ଗାତା ହାନାୟି ନେହେଁ ଆଏ □”

୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଣ୍‌ପୁତି ବଲୁ ଖେହନାରାକ୍‌ ପାୟିନାତି ଅଡ଼େ ନୀ ତାଣା ପାଣୁଝି ଆହାମାନାରାକ୍‌ ଖାଲକାତଲେ ଖେନାତି, ତାଲି କମୁ ଏନିକେଁ ତାନି ହୀପାୟାଣି ତାନି ମାରାୟା ଡ଼ଇ ଜକ୍‌ନେ, ଏଲେକେଁ ଏଚର ଦେବା ନୀ ପଦି ପଦାତି ପୁକହାନା ଇଚିକ୍‌ ଇଞ୍ଜିଁ ଅଣ୍‌ପିମାଚେଏଁ ସାମା ମୀରୁ ଏଲେକିହାଲି ହିୟାଆତେରି □

୩୫ ମେହ୍‌ଦୁ ମୀ ଇଲୁ ମୀ କେମୁତା ହୀପକି ଆହିମାଞ୍ଜାନେ; ଅଡ଼େ ନାନୁ ମିଙ୍ଗେ ଏଲେଇଞ୍ଜିମାଞ୍ଜାକ୍‌ ମାହାପୁରୁ ଦରୁଚି ଆମ୍ବାଆସି ଖାହିମାନେସି ଏଝାସି ନେହାସି ଇଞ୍ଜିଁ ଏମିନି ନେରୁ ଇ କାତା ଏଲେଇଞ୍ଜେରି ଏ ଦିନା ଖାଆ ପାତେକା ମୀରୁ ଅଡ଼େ ନାଙ୍ଗେ ମେସୁଅତେରି □”

୧୪

ଜୀସୁ ରଗ ଗାଟାଣାକ୍‌ ନେହେଁ କିନାୟି

୧ ଜୀସୁ ର. ଜମିନି ଦିନା ରାନ୍ଦା ତିଞ୍ଜାଲି ପାରୁସିୟାଁ ବିତ୍ରାଟି ର. କାଜାଣି ଇଜ ହଡ଼ାଲିଏ ଏଝାରି ଏଝାଣାକ୍‌ ଦହ ଦସାଲି ପରୁହି ମାଚେରି □

୨ ଅଡ଼େ ମେହ୍‌ଦୁ ଏଝାଣି ନକିତା କେସ୍‌ କଡ଼ାୟାଁ ପଂଗିତାସି ରଅସି ମାଚେସି □

୩ ଏମ୍ବାଟିଏ ଜୀସୁ ମସାତି ମେରାପୁନାରି ଅଡ଼େ ପାରୁସିୟାଁକ୍‌ ଏଲେଇଚେସି, “ଜମିନି ଦିନାତା ରଅଣାକ୍‌ ନେହେଁ କିନି ମେରା ମାନେକି ଆଏ ?”

୪ ଏମ୍ବାଟିଏ ବାରେଜାଣା ପାଲେଏ ଆଡ଼େରି □ ଇଞ୍ଜା ଜୀସୁ ଏଝାଣାକ୍‌ ଡ଼ାଗାହାଁ ନେହେଁ କିହାନା ମୀ ଇଜ ହାଲାମୁ ଇଞ୍ଜିଁ ହେଲ ହୀତେସି □

୫ ଇଞ୍ଜା ଏଝାସି ଏଝାରାକ୍‌ ଏଲେଇଚେସି, “ମୀ ବିତ୍ରାଟି ଆମ୍ବାଆସି ମୀରୁଏସି କି କଡ଼ି ଜମିନି ଦିନାତା କୁହିତା ରିତିହେଁ ଏ ଦେବୁଣିଏ ଡ଼େଝା କଡ଼ଅସି କି ?”

☆ ୧୩:୨୮ ୧୩:୨୮ ମାତି ୨୨:୧୩; ୨୫:୩୦ ☆ ୧୩:୨୮ ୧୩:୨୮ ମାତି ୮:୧୧, ୧୨ ☆ ୧୩:୩୦ ୧୩:୩୦ ମାତି ୧୯:୩୦; ୨୦:୧୭; ମାର୍କ ୧୦:୩୧ ☆ ୧୪:୫ ୧୪:୫ ମାତି ୧୨:୧୧

୭ ଅଡ଼େ ଏଞ୍ଜାରି ଇ ବାରେ କାତା ୱେଞ୍ଜାନା ଏନାଆଁ ଜଲାଇ ଆଡାଆତେରି □

ସେବା କିନାୟି ଅଡ଼େ ତାମ୍‌ଲେ ଉଣା କିହା କଡିନାୟି

୭ ବଜିତା ହାଟୁକି ଆହାମାଚାରି ନେହୁଁ ନେହୁଁ ଟାମୁତା କୁଗାଲି ବାଟି କିହିମାଚାଣି ମେସାନା, ଏଞ୍ଜାରାଇଁ ର ପୁଣ୍ଡିକିନି କାତା ୱେସ୍‌ସେସି,

୮ “ଏଚିବେଲା ରଅସି ମିଲେ ବାହା ବଜିତା ହାଟାନେସି, ଏମ୍‌ଆଁ ନେହୁଁ ଟାମୁତା କୁଗାଆଦୁ, ଇଚିହୁଁ ଏମ୍‌ଆଁ ମୀ କିହାଁ କାଜାସି ଜିକେଏ ହାଟୁକି ଆହାଡ଼ୟିନେସି,

୯ ଏଚେତା ନିଲେ ଅଡ଼େ ଏଞ୍ଜାଣାଇଁ ହାଟା ମାନାସି, ଏଞ୍ଜାସି ୱାହାନା ଇଞ୍ଜାଣାକି ଇ ଟାମୁ ପିସାହାମୁ ଇଞ୍ଜାନେସି, ଏଚେତା ନୀନୁ ଲାଜାତଲେ ଉଣା ଟାମୁତା କୁଗିଦି □

୧୦ ସାମା ଏଚିବେଲା ନୀନୁ ହାଟୁକି ଆହାମାନି ତାଣା ହାଜାନା ତୁଇତି ଟାମୁତା କୁଗାମୁ, ଏଚେଟିଏ ନିଲେ ହାଟି କିହାମାଞ୍ଜାନାସି, ଏ ତରେ ନୀନୁ ଇ ନେହୁଁ ଟାମୁତା କୁଗାମୁ ଇଞ୍ଜାଁ ହାଟାସାରେ ଏଚିବେଲା କୃତା ଆହାମାନି ଲକୁ ନକିତା ଗାଡି ମାନି ବେଟାଆଦି □

୧୧ ✨ଇଚିହୁଁ ଆମ୍‌ଆସି ନୀନୁ କାଜାତେଏଁ ଇଞ୍ଜାଁ ଇଞ୍ଜା କଡିନାଣାଇଁ ଉଣା କିଞ୍ଚିଆନେ, ଅଡ଼େ ଆମ୍‌ଆସି ତାଲେ ଉଣା କିହାକଡିନେସି ଏଞ୍ଜାଣାଇଁ କାଜାସି କିଞ୍ଚିଆନେ □”

୧୨ ଇଞ୍ଜାଁ ଜୀସୁ ତାଲେ ହାଟି କିହା ମାଚାଣାଇଁ ଜିକେଏ ଏଲେଇଚେସି, “ନୀନୁ ବଜି ହୀନାଟି ନୀ ତରେସିଲୀଣି, ତାୟିୟାଁ, ସାମ୍‌ୟିୟାଁ କି ନୀ ନାୟୁତା ମାନି ଦନ ଗାଟାରାଇଁ ହାଟାଆନି, ଇଚିହୁଁ ଏଞ୍ଜାରି ଜିକେଏ ନିଲେ ହାଟାଲି ଆଡାନେରି ଅଡ଼େ ନୀନୁ ୱେଶ୍‌ସେ ବେଟାଆଦି □

୧୩ ସାମା ବଜି କିତିସାରେ ହିଲାଆ ଗାଟାରି, କଲାୟାଁ, ସଟାୟାଁ, କାଣାୟାଁଣି ହାଟାମୁ; ଆତିହୁଁ ନୀନୁ ନେହାତି ଆଦି,

୧୪ ଆତିହୁଁ ନିଲେତାକି ନେହେଁ, ଇଚିହୁଁ ନିଲେ ୱେଶ୍‌ସେ ହାହାଲି ଏଞ୍ଜାରିତାଣା ଏନାୟି ହିଲେଏ; ଇଞ୍ଜାଁ ତୀରିଗାଟାରି ୱେଶ୍‌ସେ ନିଜିନାଟି ମାହାପୁରୁ ନିଲେ ୱେଶ୍‌ସେ ହିୟାନେସି □”

କାଜା ବଜିତି ପୁଣ୍ଡିକିନାୟି
(ମାତି ୨୨:୧-୧୦)

୧୫ ଇ କାତା ୱେଞ୍ଜାନା ଏଞ୍ଜାଣିତଲେ ତିଞ୍ଜାଲି କୁଗାମାଚାରି ବିତ୍ରାଟି ରଅସି ଜୀସୁଇଁ ଏଲେଇଚେସି, “ଆମିନିଗାଟାସି ମାହାପୁରୁ ରାଜିତା ବଜି ତିନାସି ଏଞ୍ଜାସି ନେହାସି □”

୧୬ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ରଅସି ର କାଜା ବଜି ଲକୁକି ହୀଇଁ ଇଞ୍ଜାଁ ଅଣ୍‌ପାନା ହାଟେକା ଲକୁଇଁ ହାଟିଚେସି;

୧୭ ଅଡ଼େ ତିନି କାଟୁ ଆୟାଲିଏ, ଏଞ୍ଜାସି ହାଟାମାନି ଲକୁତାଣା ତାନି ହଲେଏଣାଇଁ ପାଣ୍ଡାନା ଏଲେଇଚେସି, ‘ବାରେ ଆଡେତୟିଏ ନୀଏଟି ମୀରୁ ତିଞ୍ଜାଲି ୱାଦୁ □’

୧୮ ସାମା ବାରେଜାଣା ଏଞ୍ଜାଣାଇଁ ରଣ୍ଡିଏ କାତା ଏଲେଇଚେରି, ରଅସି ୱେସ୍‌ସେସି, ‘ନୀନୁ ଇଚାଣି ବୃମି କତାମାଇଁ ଏଦାଆଁ ସିନିକିହାଲି ହାନାୟିମାନେ; ଏଦାଆଁତାକି ନାଲେ କାର୍ମା ଅଣ୍‌ପାମୁ ନୀନୁ ୱାହାଲି ଆଡ଼ଅଁ □’

୧୯ ଅଡ଼େ ରଅସି ଏଲେଇଚେସି, ‘ନୀନୁ ପାସା ହେରୁ କଡିୟାଁ କତାମାଇଁ, ନୀନୁ ଏଞ୍ଜାସିକାଣି ମାଡନାୟି ମାନେ ଏଦାଣିତାକି ନାଲେ କାର୍ମା ଅଣ୍‌ପାମୁ ନୀନୁ ୱାହାଲି ଆଡ଼ଅଁ □’

୨୦ ଅଡ଼େ ରଅସି ଏଲେଇଚେସି, ‘ନୀନୁ ନୀଞ୍ଜୁ ବାହା ଆହାମାଇଁ ଏଦାଆଁତାକି ନୀନୁ ୱାହାଲି ଆଡ଼ଅଁ □’

୨୧ ଇଞ୍ଜାଁ ଏ ହଲେଏସି ୱାହାନା ବାରେ ତାନି ସାଞ୍ଜୁକାରିଇଁ ୱେସ୍‌ସେସି □ ଏଚେଟିଏ ଏ କାତା ୱେଞ୍ଜାନା ଏଞ୍ଜାସି କାର୍‌ବି ଆହାନା ତାନି ହଲେଏଣାଇଁ ଏଲେଇଚେସି, ନୀନୁ ତବେ ଗାଡାତି ସାହଡାୟାଁ ଅଡ଼େ ତାଣ୍ଡେଣାଁ ହାଜାନା ହିଲାଆଗାଟାରାଇଁ, କଲାୟାଁ, ସଟାୟାଁଇଁ ଇଞ୍ଜାଁ କାଣାୟାଁଇଁ ଇମ୍‌ଆଁ ହାଟାତାମୁ □

୨୨ ତାମୁ ଏ ହଲେଏସି ଏଲେଇଚେସି, ‘ଏ ପ୍ରବୁ ନୀ କାତାତଲେ ବାରେ କିତିମି ସାମା ଇଲୁ ନେଞ୍ଜା ହିଲେଏ □’

୨୩ ଏମ୍‌ଆଟିଏ ସାଞ୍ଜୁକାରି ହଲେଏଣାଇଁ ଚାଣ୍ଡିଚେସି, ‘କାଜା ଆଂଗେଣି ଅଡ଼େ ମାରୁନୁ ତୁଇ ହାଜାନା ନା ଇଲୁ ଏନିକଁ ନେଞ୍ଜନେ ଏଦାଆଁତାକି ଲକୁଣି ୱାହାଲି ଏଲେଇନାମୁ □

୨୪ ନୀନୁ ୱେସିମାଞ୍ଜାଇଁ ତଲି ହାଟାମାଚାରି ବିତ୍ରାଟି ରଅସି ଜିକେଏ ନା ବଜି ୱାଣ୍ଡାଲି ବେଟାଆଅସି □”

ଏନିଲେହେଁତାସି ଜୀସୁତି ସାସୁ ଆନେସି
(ମାତି ୧୦:୩୭,୩୮)

୨୫ ମାନ୍ଦା ଲକୁ ଜୀସୁତଲେ ହାଜିମାଚେରି, ଏଞ୍ଜାସି ତାମୁଞ୍ଜାକି ସିନିକିହାନା ଏଞ୍ଜାରାଇଁ ଏଲେଇଚେସି,

୨୬ ✨“ଆମ୍‌ଆସି ନା ତାଣା ୱାହାନା ତାନି ତାଲି, ତାଞ୍ଜି, ତକ୍ତି, ମୀରକା, ମାସ୍‌କା, ତାୟି ତାଜିସ୍‌ସାଣି ଅଡ଼େ ତାନି ଜୀସୁତି ଜିକେଏ ଅପିନେସି ଏଞ୍ଜାସି ନା ସାସୁ ଆୟାଲି ଆଡ଼ଅସି □

☆ ୧୪:୧୧ ୧୪:୧୧ ମାତି ୨୩:୧୨; ଲୁକ ୧୮:୧୪ ☆ ୧୪:୨୭ ୧୪:୨୭ ମାତି ୧୦:୩୭ ☆ ୧୪:୨୭ ୧୪:୨୭ ମାତି ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩

୨୭ ✨ଆମ୍ବାଆସି ତାନି କୁସ ଡେକାନା ନା ଡେଚ ଡେଚ ଖାଅସି, ଏଝାସି ନା ସୀସୁ ଆୟାଲି ଆଡ଼ଅସି □

୨୮ ମୀ ବିତ୍ରାଟି ଆମ୍ବାଆସି ପାଡ଼ିକିହିଁ କଟା ଇଲୁ ଦସାଲି ଅଣ୍ଠପିନେସି, ଦହନି କାମା ରାପ୍ତହାଲି ଟାକାୟାଁ ଏନୁ କି ଏଡ଼ ଇଞ୍ଜିହିଁ ଏମ୍ବାତି ଲେକା କିଅସିକି ?

୨୯ ଏଚେତା ଏଝାସି ପୁନାଦି ନିପହାନା ରାପ୍ତହାଲି ଆଡ଼ାଆସାରେ, ଏଚେକା ଲକୁ ଏଦାଆଁ ମେହ୍ନେରି, ବାରେଜାଣା ଏଝାଣାଇଁ କାକ୍ନେରି,

୩୦ ଲକୁ ଏଝାଣାଇଁ ଲାଜାକିହିଁ ଏଲେଇନେରି, ଇଝାସି ଇଲୁ ଦସାଲି ମାଟ୍‌ହେସି ରାପ୍ତହାଲି ଆଡ଼ାଆତେସି □

୩୧ ର ରାଜା ଅର ରାଜା କପାଟି ଜୁଜୁ କିହାଲି ହାଜିମାନାଟି ଦସ ମାଣା କସକା ଏଝାଣି କଡେ ମାଣା କସକା କପାଟି ଜୁଜୁ କିହାଲି ଆଡ଼ିନେରିକି ଆଏ ଇଞ୍ଜିଁ ଅଣ୍ଠଅସିକି ?

୩୨ ଆଡ଼ାଆଲେହେଁ ଇଚିହିଁ ଏ ରାଜା ହେକ ମାନାଟିଏ ଏଝାସି ରାଜିମାନା ଆୟାଲି କସକାଣି ହିଡ଼ିଡ଼ି ତାକି ଏଲେଇଞ୍ଜା ପାଣ୍ଡିନେସି □

୩୩ ଏଲେକିହିଁଏ ମୀ ବିତ୍ରାଟି ଜିକେଏ ଆମ୍ବାଆସି ତାନି ବାରେ ପିହ୍‌ଆତିହିଁ ଏଝାସି ନା ସୀସୁ ଆୟାଲି ଆଡ଼ଅସି □”

ମୂଆ ହାରୁ

(ମାତି ୫:୧୩; ମାର୍କ ୯:୫୦)

୩୪ “ହାରୁତ ନେହାୟି; ସାମା ହାରୁ ମୂଆସାରେ ଏଦାଆଁ ଏନିକିଁ ଅଡେ ଏନାଆଁତଲେ ହାରୁ ଲେହେଁ ମୂପି କିନାୟି ?

୩୫ ଏଦି ବୃମିତା କି ଗାତା କରୁତା କୁଡୁସାଲି ଜିକେଏ ଜଗେ ଆଏ □ ଲକୁ ଏଦାନି ପାଜାତା କୁତା ତୁହ୍‌ନେରି □ ଆମ୍ବାଆରି ଖେଞ୍ଜାଲି କୀକା ମାଚିହିଁ, ଖେଞ୍ଜୁ □”

୧୫

ଜାକ୍ତିତ ମେଣ୍ଡା

(ମାତି ୧୮:୧୨-୧୪)

୧ ✨ର ଦିନା ସିସୁ ରୁୀହ୍‌ନାରି ଅଡେ ପାପୁ ଗାଟାରି ବାରେଜାଣା ତାନି କାତା ଖେଞ୍ଜାଲି ଖାହିମାଚେରି □

୨ ଏଚେଟିଏ ପାରୁସିୟାଁ ଅଡେ ମେରାପୁନାରି ଜୀସୁଇଁ ଗୁରୁମୁରୁ ଆହିଁ ଏଲେଇଚେରି, “ଇଝାସି ପାପୁ ଗାଟାରାଇଁ ଆବିମାନେସି, ଇଞ୍ଜାଁ ଏଝାରିତଲେ ତିଞ୍ଜି ଉଣ୍ଡି ମାନେସି □”

୩ ଏମ୍ବାଟିଏ ଜୀସୁ ଏଝାରାଇଁ ଇ ପୁଣ୍ଡିକିନି କାତା ଖେସ୍‌ସେସି □

୪ “ମୀ ବିତ୍ରାଟି ଆମ୍ବାଆତେରି ଇଲେତି ଲକୁ ମାଞ୍ଜେରି, ଏଝାଣାକି ପାସାକଡ଼ି ମେଣ୍ଡାୟାଁ ମାଚିହିଁ, ଏଝାସିକା ବିତ୍ରାଟି ରଣ୍ଡି ଜାକ୍ତିତିହିଁ □

✨ ୧୫:୧ ୧୫:୧ ଲୁକ ୫:୨୯,୩୦

ଏଝାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଟାତା ପିସାନା ଜାକ୍ତିମାନି ମେଣ୍ଡା ବେଟାଆନ୍ତି ପାତେକା ପାରଅସି କି ?

୫ ଇଞ୍ଜାଁ ବେଟାଆଡ଼ିସାରେ ରାହାଁତଲେ ଡେକାନା ଇଜ ତାନେସି,

୬ ଇଞ୍ଜାଁ ତାନି ତଣେସିଙ୍ଗାଣି ଅଡେ ନାୟୁଁତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହାଁ କିଦୁ, ଏନାଆଁତାକି ଇଚିହିଁ ଜାକ୍ତିମାଚି ନା ମେଣ୍ଡା ବେଟାଆଡେଏଁ □

୭ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହିଁଏ ମନ ଖେଟ୍‌ହାଲି ଲଡ଼ା ଆଆଗାଟି ରଅସି ଉଣା ପାସାକଡ଼ି ତାରିଗାଟାରି କିହାଁ ପାପୁ ଗାଟାସି ରଅସି ତାନି ମନ ଖେଟ୍‌ହା କଡ଼ିତିହିଁ, ଏଝାଣି କସମି ଲାକପୁରୁ ହାରେକା ରାହାଁ ଆନେ □”

ଜାକ୍ତିତି ଟାକା

୮ “ଅଡେ ଇଲେତି ଆମିନି ଇୟା ମାନେ, ଏ ଇୟାନାକି ଦସଗଟା ଖେଣ୍ଡି ଟାକା ମାଚିହିଁ ରଣ୍ଡାଆଁ ଜାକ୍ତିହିଁଏଦି ଏନାଆଁ କିନେ, ଦୀଞ୍ଜି ତସାନା ଇଲୁ ହେପାନା ଏ ଜାକ୍ତି ଟାକା ବେଟାଆନ୍ତି ପାତେକା ଜାଡ଼ୁ ତଲେ ପାରେଏକି ?

୯ ଇଞ୍ଜାହାଁଏ ଟାକା ବେଟାଆଡ଼ିସାରେ ଏଦି ତାନି ତଡ଼ ଲୁକୁଣି ଇଞ୍ଜାଁ ନାସକାତି ଲକୁଣି ରୁଣ୍ଡି କିହାନା ଏଲେଇନେ ନା ତଲେ ରାହାଁ କିଦୁ, ଏନାଆଁତାକି ଇଚିହିଁ ଜାକ୍ତିମାଚି ଟାକା ବେଟାଆଡେଏଁ □

୧୦ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହିଁଏ ଆମ୍ବାଆସି ମନ ଖେଟ୍‌ନେସି, ଇଲେତି ପାପୁ ଗାଟାରାକି ମାହାପୁରୁତି ଦୂତୁୟାଁ ନକିତା ରାହାଁ ଆନେ □”

ଜାକ୍ତିତି ମୀରୁଏସି

୧୧ ଜୀସୁ ଅଡେ ଏଲେଇଚେସି, ରଅଣାକି ରିଆରି ମୀରୁକା ମାଚେରି □

୧୨ ଏଝାରି ବିତ୍ରାଟି ଉଣା ମୀରୁଏସି ଆବାଇଁ ଏଲେଇଚେସି, ଆବା ଇଲୁତି ଦନ ବାଟି କିହାନା ନାଙ୍ଗେ ଆୟାନି ବାଗା ହିୟାମ୍ବୁ □ ଏଚେଟିଏ ତାମି ଆବା ତାନି ଦନ ବାଟି କିହାନା ରୀ ମୀରୁକାକି ହୀତେସି □

୧୩ ଏମ୍ବାଟିଏ ଏଚରଦିନା ହାଜାଲିଏ ଇଚି ମୀରୁଏସି ଇଲୁ ବାଗା ହୀହାମାଚାଣି ପାରୁଚାହାଁ ଟାକାୟାଁ ଆସାହାଁ ହେକରାକି ହାଜାତୁସ୍‌ସେସି, ଇଞ୍ଜାଁ ଲେନିପନିଏ ତାୟୁ ଏସକି ଅଣ୍ଠପାଆନା ଲାଗେଏତି କାମାତା ତାନି ଦନ ରାପ୍ତହେସି □

୧୪ ସାମା ବାରେ ଦନ ରାପ୍ତହିଁ ଡେଚ ଏ ଦେସାତା କାର୍‌ଖୁ କାଡ଼ାରା ଆହାଲିଏ ଏଝାସି କାକୁଲି ଆଡେସି □

୧୫ ଏଚେଟିଏ ଏଝାସି ହାଜାନା ଏ ଦେସାତି ର ସାଝୁକାରି ତାଣା ଗତି ତୁୟିତେସି, ଏଝାସି ଏଝାଣାକି ପାଜିୟା ମେଟାଲି ଗୁଡିୟାତା ପାଣ୍ଡିତେସି;

୧୬ ଇଞ୍ଜା ପାଜିୟା ଆମିନି କାଢା ସାଲିୟା ତିଞ୍ଜି ମାରୁ, ଏଝାଆଁ ତିଞ୍ଜାଲି ମନ କିତେସି, ସାମା ଆମ୍ବାଆରି ଏଝାଣାକି ତିଞ୍ଜାଲି ହାହି ହିଲାଆତେରି □

୧୭ ର ଦିନା ତୀରପୁ ଆହାନା ଅଣପିତେସି, ମା ଆବା ତାଣାତି ଗତି ବୁଡି ତିନି ରାନ୍ଦେଏ ହାରା ହାଜିମାନେ, ସାମା ନାନୁ ଇମ୍ବାଆଁ ହାକି ତାକି ହାହିମାଇଁ □

୧୮ ନାନୁ ନିଞ୍ଜାନା ମା ଆବା ତାଣା ହାଇଁ ଇଞ୍ଜା ଏଝାଣାଇଁ ଝେହଇଁ, “ଲାକପୁରୁତି ଆବା କପାଟି ଅଡେ ନୀ ନକିତା ନାନୁ ପାପୁ କିତେସି;

୧୯ ନୀ ମୀରଏଣାତେସି ଇଞ୍ଜା ନାନୁ ଅଡେ ପାଡା ଆଅଁ; ନାଞେ ର ହଚେଲଏଣା ଲେହେଁ ଇଟାମୁ □” ଏମ୍ବାଟିଏ ଏଝାସି ନିଞ୍ଜାନା ତାମି ଆବା ଝାକି ହାଚେସି □

୨୦ ସାମା ଆବା ତାନି ମୀରଏଣା ଝାହିମାନାଣି ହେକଟିଏ ମେସାନା କାର୍ମା ଆହାନା ହଟି ହଟିହିଁ ହାଜାନା ପମାହାଁ ନଣ୍ଡିତେସି □

୨୧ ଏମ୍ବାଟିଏ ମୀରଏ ଗାଟାସି ଏଲେଇଚେସି, “ଲାକପୁରୁ ଆବା କପାଟି ଅଡେ ନୀ ନକିତା ନାନୁ ପାପୁ କିତେସି, ନୀ ମୀରଏଣାତେସି ଆୟାଲି ପାଡା ଆଅଁ □”

୨୨ ସାମା ଆବା ତାନି ହଲିୟାଞାଣି ଏଲେଇଚେସି, “ଅକ୍ତି ହିମ୍ବୁରି ତବେ ତାଟାନା ଇଝାଣାକି ହୁଟି କିଦୁ, ଇଝାଣି କେନ୍ଦୁତା ମୁଦି ଅଡେ କତାୟାଣା ସେପୁୟା ତୁରଝି କିଦୁ,

୨୩ ଇଞ୍ଜାହାଁ ଆଞା ଆଡି କଡି ତାଲୁ ତାକା ହାଜାନା ପାୟାଦୁ; ମାର ତିଞ୍ଜା ଉଣ୍ଡାନା ରାହାଁ କିନ,

୨୪ ଇଚିହିଁ ନା ମୀରଏସି ହାହା ହାଜାମାଚେସି, ଝେଣ୍ଡେ ନୀତାମାନେସି; ଜାଞା ହାଜାମାଚେସି ଅଡେ ମେଡା ଆୟାତେସି □” ଏମ୍ବାଟିଏ ଏଝାରି ରାହାଁ କିହିମାଚେରି □

୨୫ ଏଚିବେଲାତା କାଜା ମୀରଏସି ଗୁଡିୟାତା ମାଚେସି, ଏଝାସି କାମା କିହାଁ ଇଲୁ ତାଗେ ଝାୟାଲିଏ, ତାମି ଇଜ ବାଜାଗାଜା ଅଡେ ରାହାଁ କିହିମାନି ହାଲି ଝେଞ୍ଜାନା,

୨୬ ର ହଚେଲଏଣାଇଁ ହାଟାନା ଝେଚେସି, “ମାଜ ଏନାଆଁ କିହିମାନେରି □”

୨୭ ଏଝାସି ଏଝାଣାଇଁ ଏଲେଇଚେସି, “ନୀ ଉଣା ତାୟି ଝେଣ୍ଡା ଝାହାମାନେସି, ଅଡେ ଏଝାସି ନେହିଁ ଆଞା ତଲେ ଝେଣ୍ଡା ଝାଡାଣି ମେସାନା ମୀ ଆବା ଆଞା ଆଡି କଡି ପାୟାମାନେସି □”

୨୮ ଏମ୍ବାଟିଏ କାଜା ତାୟି କାରବି ଆହାନା ଇଜ ହାଲାଆତେସି; ସାମା ତାମି ଆବା ପାଞାତା ଝାହାନା

ଏଝାଣାଇଁ କାହିବା କପା ଆଆନି ଇଜ ଝାମୁ ଇଞ୍ଜା ବାଡିମାଲିତେସି □

୨୯ ଇଞ୍ଜା ଏଝାସି ତାମି ଆବାଇଁ ଏଲେଇଚେସି, “ମେହ୍ମୁ ନାନୁ ଇଚର ବାସା ଆଡେ ନୀ ହଚେଲଏଣା ଲେହେଁ କାମା କିହିମାଇଁ, ଏଚେଲା ଜିକେଏ ନୀ ହୁକୁମି ଉରାହିଲଅଁ, ଆଡିଜିକେଏ ନା ତଣେସିଞା ତଲେ ବଡି କିହାଲି ନୀନୁ ନାଞେ ର ଗରି ତାଲୁ ଜିକେଏ ହାହାମାଞ୍ଜଅତି;

୩୦ ସାମା ଇ ନୀ ମୀରଏସି ଇଲୁଡି ବାରେ ଦନ ଅହାନା ସାନେଣିସ୍ତାତଲେ ମାଞ୍ଜାନା ବାରେ ରାପୁହେସି, ଏଚେତା ଇଝାସି ଝେଣ୍ଡାଝାଚେସି, ଏଚେତା ଏଝାଣାକି ଆଞା ଆଡି କଡି ପାୟାମାଞ୍ଜି □”

୩୧ ଏଚେଟିଏ ତାଞ୍ଜି ଗାଟାସି ଏଲେଇଚେସି, “ମୀରଏଣା ନୀନୁତ କାଲେଏ ନା ତଲେ ମାଞ୍ଜାମାଞ୍ଜି, ଅଡେ ଏନା ଏନାୟି ନାଡି ଏ ବାରେତ ନୀଦି;

୩୨ ସାମା ଇ ନୀ ତାୟି ହାହା ହାଜାମାଚେସି, ଝେଣ୍ଡେ ନୀତାମାନେସି, ଜାଞା ହାଜାମାଚେସି, ମେଡା ଆୟାତେସି, ଏଡାଆଁତାକି ରାହାଁ କିନାୟି ମାଚେ □”

୧୭

ଲାଗେଏଡି ଗୁମୁସ୍ତା

୧ ଜୀସୁ ତାନି ସୀସୁୟାଲ୍ ଏଲେଇଚେସି, “ର ଦନଗାଟାସି ମାଚେସି; ଏଝାଣାକି ର ଗୁମୁସ୍ତା ମାଚେସି, ଏଝାସି ତାନି ଦନତି ଆଲାଚା କିହାମାନାଣି ପୁଞ୍ଜାନା,

୨ ଏଝାସି ଏଝାଣାଇଁ ହାଟାନା ଏଲେଇଚେସି, ‘ନାନୁ ନୀ କାତା ଝେଚେସି ନୀନୁ ନୀ ଗୁମୁସ୍ତା କାମା ଏନି କିହିମାଞ୍ଜି ଲେକା ତସ୍ତାମୁ, ଇଚିହିଁ ନୀନୁ ଅଡେ ଗୁମୁସ୍ତା ଆହା ମାଞ୍ଜାଲି ଆଡଅତି □’

୩ ଏମ୍ବାଟିଏ ଏ ଗୁମୁସ୍ତା ଅଣପା କଡିତେସି, ‘ନା ସାଝୁକାରି ନା ଗୁମୁସ୍ତା କାମା ପିସପି କିହିମାଞ୍ଜାନେସି, ନାନୁ ଏନାଆଁ କିଇଁ ? ଇରଥା କାରହାଲି ନାଞେ ବପୁ ହିଲେଏ, ଅଡେ ରାସପା ତିଞ୍ଜାଲି ଲାଜା ହଡି ମାଞ୍ଜାନେ □

୪ ନୀସି ପୁଚେସି, ନାଞେ ଗୁମୁସ୍ତା ପାଣାଟି ପିସପି କିୟାତି ତାୟୁ ଲକୁ ନାଞେ ତାମି ଇଲକାଣା ଆବାନିଲେହେଁ କିଇଁ □’

୫ ଇଞ୍ଜା ଏଝାସି ତାମି ସାଝୁକାରି ତାଣାଟି ରୀଣା ଅହାମାଚାରାଇଁ ହାଟାନାହାଁ ତଲିତାଣାଇଁ ଝେଚେସି, ‘ନା ସାଝୁକାରି ତାଣା ନୀ ରୀଣା ଏଚେକା ମାନେ ?’

୬ ଏଝାସି ଏଲେଇଚେସି, ‘ପାସାକଡି ତାବା ନିୟୁଁ’ ଗୁମୁସ୍ତା ଏଝାଣାଇଁ ଏଲେଇଚେସି, ‘ନୀନୁ ତବେ ଇମ୍ବାଆଁ କୁଗାନା ରୀ କଡି ଦସ ଇଞ୍ଜା ରାଟାମୁ □’

୭ ତାୟୁ ଅଡେ ରଅଣାଇଁ ଝେଚେସି, ‘ନୀନୁ ଏଚେକା ରୀଣା ଅହାମାଞ୍ଜି ?’ ଏଝାସି ଏଲେଇଚେସି, ‘ର ମାଣା ବାସ୍ତା ଗହୁୟାଁ’ ଗୁମୁସ୍ତା

ଏଞ୍ଜେଲ୍ ଏଲେଇରେସି, ‘ନୀନୁ ତବେ ଇମ୍ବୀଆଁ କୁଗାନା ଆଟା ଖାଞ୍ଜା ଇଞ୍ଜି ରାଟାମୁ ।’

୮ ଏ ଲାଗେଏତି ଗୁମୁସ୍ତା ବୁଦିତଲେ କାମା କିହାମାନାକି ସାଞ୍ଜୁକାରି ଏଞ୍ଜେଲ୍ ନୀନୁ ନେହଁ କାମା କିହାମାଞ୍ଜି ଇରେସି; ଏନାଆଁତାକି ଇଚିହଁ ଉଜେଡ଼ିତି ମୀରୁକା କିହଁ ଇ ଦାର୍ତତାରି ତାମି କାମାତା ହାରେକା ବୁଦିଗାଟାରି ।”

୯ ନୀନୁ ଜିକେଏ ମିଙ୍ଗେ ଖେସିମାଞ୍ଜାଇଁ, “ମୀରୁ ଦାର୍ତତି ଲାଗେଏତି ଦନ ତଲେ ତରେ ଦହୁଦୁ, ଏଡି ରାଡିସାରେ ମିଙ୍ଗେ କାଲ୍ଲକାଲ୍ଲାତି ବାସା ଟାମୁତା ମିଙ୍ଗେ ଆବାନେରି ।

୧୦ ଆମ୍ବାଆସି ଉଣା କାମାତା ନାମୁଗାଟାସି ଆନେସି ଏଞ୍ଜାସି କାଜା କାମାତା ଜିକେଏ ନାମୁଗାଟାସି ଆନେସି, ଇଞ୍ଜା ଆମ୍ବାଆସି ଉଣା କାମାତା ନାମୁଗାଟାସି ଆଆସାରେ ଏଞ୍ଜାସି କାଜା କାମାତା ଜିକେଏ ନାମୁଗାଟାସି ଆଅସି ।

୧୧ ଲାଗେଏତି ଦନତା ନାମୁ ଗାଟାତେରି ଆହାହିଲଅତେରି, ଆତିହଁ ଆମ୍ବାଆସି ମିଙ୍ଗେ ନାମାହଁ ସାତା ଦନ ମୀ କେମୁତା ହେରପାନେସି ?

୧୨ ମୀରୁ ଏଟକାତାଣା ଦନତି ନାମୁତଲେ ଲେମ୍ବା ହିଲଆସାରେ ମିଙ୍ଗେ ମୀ ଲଡ଼ାମାନାଣି ଆମ୍ବାଆସି ହିୟାନେସି ?”

୧୩ ☆“ର ହଲେଏସି ରୀ ସାଞ୍ଜୁକାରି ତାଣା ହଲେଏସି ଆହାଲି ଆଡ଼ଅସି; ଇଚିହଁ ରଅଣାଇଁ ଜୀଞ୍ଜୁ ନନେସି ରଅଣାଇଁ ଜୀଞ୍ଜୁ ନନେସି, ଆଆତଁ ରଅଣାଇଁ ମାନଞ୍ଜି ଆନେସି ରଅଣାଇଁ ଅପଅସି । ମୀରୁ ମାହାପୁରୁ ଅଡ଼େ ଦନତି ହଲିୟାଙ୍ଗା ଆହାଲି ଆଡ଼ଅତେରି ।”

ଜୀସୁ ଖେସି କାତାୟାଁ

(ମାତି ୧୧:୧୨,୧୩; ୫:୩୧,୩୨; ମାର୍କ ୧୦:୧୧,୧୨)

୧୪ ଇ ବାରେ କାତା ଖେଞ୍ଜାନା ଦନ ଜୁପକା ପାରୁସିୟାଁ ଜୀସୁଇଁ କାକହେରି ।

୧୫ ଏଚେଟିଏ ଜୀସୁ ଏଞ୍ଜାରାଇଁ ଏଲେଇରେସି, “ଆମ୍ବାଆରି ମାଣସି ନକିତା ତୀରିଗାଟାରି ଇଞ୍ଜି ତସା କଡିମାନେରି, ମୀରୁ ଏଲେତି ଲକୁ, ସାମା ମାହାପୁରୁ ମୀ ହିୟାତି ପୁନାସି ଇଚିହଁ ଏନାୟି ମାଣସି ଅଣପୁତା କାଜାୟି ଲେହେଁ ତଞ୍ଜା ଆନେ, ଏଡି ମାହାପୁରୁ ନକିତା ଅପାଆଗାଟାୟି ।”

୧୬ ☆“ମସାତି ମେରା ଅଡ଼େ ମାହାପୁରୁ ଅଣପୁତି ବଲୁ ଖେହନାରି ରାଡିତି ପତି ଜହନ ପାତେକା ସାଲଞ୍ଜି ଆହିମାଟୁ; ଏତିବେଲାଟିଏ ମାହାପୁରୁ ରାଜିତି ନେହଁ କାରୁ ଖେକ୍‌ହି ମାନେରି ଇଞ୍ଜା ବାରେଜାଣା ତାମି ବାଡ଼ୁୟି ତଲେ ମାହାପୁରୁ ରାଜିତା ହଡ଼ିମାନେରି ।

୧୭ ☆ହାଗୁପାକା ଅଡ଼େ ଦାର୍ତତି ବାରେ ମେଣ୍ଟିନେ ସାମା ମେରାତି ଇଚାୟି ସିନା ଜିକେଏ ମେଣ୍ଟିନେଏ ।”

୧୮ ☆“ଆମ୍ବାଆସି ତାନି ତକ୍‌ଜିନି ପିସାନା ଏଟକାତାଣି ବୀହା ଆନେସି, ଏଞ୍ଜାସି ଦାରି କିନେସି; ଇଞ୍ଜା ଆମ୍ବାଆସି ପିସି ତକ୍‌ଜିନି ବୀହା ଆନେସି, ଏଞ୍ଜାସି ଦାରେଲା ଆନେସି ।”

ଦନ ଗାଟାସି ଅଡ଼େ ଲାଜର

୧୯ “ର ଦନ ଗାଟାସି ମାରେସି, ଏଞ୍ଜାସି ହାରେକା ଅକିତି ହିମ୍ବୁରିଡ଼ୁକି ହୁଟାନା ନେହଁ ରାନ୍ଦା ତିଞ୍ଜିହଁ ହାରେକା ରାହାତଲେ ଡ଼ୟିମାରେସି ।

୨୦ ସାମା ଏଞ୍ଜାଣି ଦୁଞ୍ଜେରି ଦାରିତା ଲାଜର ଦରୁଗାଟି ରୀସପା ତିନାସି ଡ଼ୟାମାରେସି,

୨୧ ଗୁଡ଼ା ଆଙ୍ଗା ଗାହାୟାଁ ଆହାମାରେସି; ଏ ଦନ ଗାଟାଣି ଜୁଟା ଲିତା ତିଞ୍ଜାନା ତାନି ବାଣ୍ଡି ପାଞ୍ଜିକିହାଲି ଆସା କିହିମାରେସି; ଇଞ୍ଜା ନେସକା ଖାହି ତାନି ଗାହାୟାଁ ନାକିମାଟୁ ।

୨୨ ର ଦିନା କାର୍ମାଗାଟି ଲାଜର ହାହାହାରେସି ଇଞ୍ଜା ଲାକପୁରୁତି ଦୁଡ଼ୁୟାଁ ତଲେ ଅବ୍ରାହାମ ମାଟିତାଣା ଅଞ୍ଜିଆଡେସି; ତାମୁ ଏ ଦନ ଗାଟାସି ଜିକେଏ ହାହାହାରେସି ଇଞ୍ଜା ମାହାଣି ମାଣ୍ଡାତା ମୁସପି ଆଡେସି,

୨୩ ଅଡ଼େ ଏଞ୍ଜାସି ହାଟାରି ମାନି ରାଜିତି କସ୍ତତଲେ କିଲିବିଲି ଆହଁ ଲାକ ସିନିକିହାଲିଏ ହେକଟି ଅବ୍ରାହାମ ଅଡ଼େ ତାନିତଲେ ଲାଜରଇଁ ମେସେସି ।

୨୪ ଏଚେଟିଏ ଏଞ୍ଜାସି ହାଟିତେସି, ‘ଏ ଆବା ଅବ୍ରାହାମ, ନାଙ୍ଗେ କାର୍ମା ଅଣପାନା ଲାଜରଇଁ ନା ତାଣା ପାଣ୍ଡାମୁ, ଏଞ୍ଜାସି ତାନି ଖାଞ୍ଜୁତା ଏୟୁ ବନ୍ଦା ତାଟାନା ନା ଖେନ୍ଦରିତି ହିଡ଼ି କିୟାପେସି, ଇଚିହଁ ନୀନୁ ଇ ହିରୁତା କିଲିବିଲି ଆହିମାଇଁ ।’

୨୫ ସାମା ଅବ୍ରାହାମ ଏଲେଇରେସି, ‘ମୀରୁଏଣା ନୀନୁ ନୀତାମାଟି ବେଲାତା ନୀ ନେହାଁଣି ବେଟାଆଡ଼ି, ଇଞ୍ଜା ଲାଜର ଏଲେକିହଁ ଏ ପଲ୍‌ଆ ଗାଟାଣି ବେଟାଆଡ଼େସି, ଇଦାଆଁ ଅଣପାମୁ; ସାମା ନୀଏଁ ଏଞ୍ଜାସି ଇମ୍ବୀଆଁ ସୁକୁ ବେଟାଆହି ମାନେସି, ଅଡ଼େ ନୀନୁ କିଲିବିଲି ଆହିମାଞ୍ଜି ।

୨୬ ଅଡ଼େ ର କାତା ମୀ ମାଦି ମା ମାଦି ର କାଜା ଗାଡ଼ୁୟି ମାନେ, ଆମ୍ବାଆରି ଇ ଟାୟୁଟି ମୀ ତାଣା ହାଜାଲି ମନ କିନେରି, ଏଞ୍ଜାରି ହାଜାଲି ଆଡ଼ଅରି ଆଆତଁ ଏ ଟାୟୁଟି ଇ ଟାୟୁତା ଗାଣ୍ଡାଟାନା ଖାୟାଲି ଆଡ଼ଅରି ।’

୨୭ ଏମ୍ବାଟିଏ ଦନ ଗାଟାସି ଏଲେଇରେସି, ‘ଏ ଆବା, ଆତିହଁ ନୀନୁ ମିଙ୍ଗେ ବାଡ଼ିମାଲିମାଞ୍ଜାଇଁ, ଲାଜରଇଁ ମା ଆବା ଇଜ ପାଣ୍ଡାମୁ,

☆ ୧୭:୧୩ ୧୭:୧୩ ମାତି ୭:୨୪ ☆ ୧୭:୧୭ ୧୭:୧୭ ମାତି ୧୧:୧୨,୧୩ ☆ ୧୭:୧୭ ୧୭:୧୭ ମାତି ୫:୧୮ ☆ ୧୭:୧୮ ୧୭:୧୮ ମାତି ୫:୩୨; ୧କର ୭:୧୦,୧୧

୨୮ ଇତିହାସ ନା ପାସାଜାଣା ତାୟିୟା ମାନେରି; ଏଞ୍ଜାରି ଜିକେଏ ଏନିକ ଇ କସ୍ତଗାଟି ଟାୟୁତା ଖାଅରି, ଏଦାଆଁତାକି ଏଞ୍ଜାସି ଏଞ୍ଜାରିତାଣା ସାକି ହାନେସି ।

୨୯ ସାମା ଅବ୍ରାହାମ ଏଲେଇରେସି, 'ଏଞ୍ଜାରିତାଣା ମସା ଅଡେ ମାହାପୁରୁ ଅଣ୍ପୁତି ବଲୁ ଖେହନାରି ପତିୟା ମାନୁ, ଏଞ୍ଜାରି ଏ କାତାତି ଖେଣ୍ଡାରି ।'

୩୦ ଏମାଟିଏ ଦନ ଗାଟାସି ଏଲେଇରେସି, 'ଏ ଆଡା ଅବ୍ରାହାମ, ଏରେକେଏ ସାରି ଆଏ, ସାମା ହାଡାରି ବିତ୍ରାଟି ରଅସି ଏଞ୍ଜାରିତାଣା ହାନେସି ଆତିହାସ ଏଞ୍ଜାରି ମନ ଖେଟ୍ଟନେରି ।'

୩୧ ସାମା ଅବ୍ରାହାମ ଏଲେଇରେସି, ଏଞ୍ଜାରି ମସା ଅଡେ ମାହାପୁରୁ ଅଣ୍ପୁତି ବଲୁ ଖେହନାରି କାତା ଖେନଅରି, ଆତିହାସ ହାଡାରି ବିତ୍ରାଟି ଖେଣ୍ଡେ ନିଜିତ ଜିକେଏ ଏଞ୍ଜାଣି କାତା ନାମଅରି ।'

୧୭

ପାପୁ

(ମାତି ୧୮:୭,୭,୨୧,୨୨; ମାର୍କ ୯:୪୨)

୧ ଜୀସୁ ତାନି ସାୟୁୟାକ୍ ଏଲେଇରେସି, "ଏନିନି ତାୟିପାରି କିନି ତାଣାଟି ଲକୁ ପାପୁତା ହେରନେରି, ଏ ବାରେ ପିଟ୍ଟି ଆଏ, ସାମା ତାୟିପାରି କିଞ୍ଜି କିନାସି ଆୟତା ଏଞ୍ଜାସି ଗାଡି ତଣ୍ଡ ବେଟାଆନେସି;

୨ ଉଣା କକାରି ବିତ୍ରାଟି ରଅଣାକ୍ ତାୟିପାରି କିନିବାଟା ତାନି ହେରକିତା କାଜା ଜେତାଞ୍ଜାଲି ଦସାନା ସାମ୍ବୁରିତା ମେଡ୍‌ହିହାସ ଏଞ୍ଜାଣାକି ନେହେ ଆଡେମା ।

୩ *ମୀରୁ ମୀ ତାକି ଜାଗ୍ରାତା ଆହାମାଞ୍ଜୁ । "ନୀ ତାୟି ପାପୁ କିନେସି, ଆତିହାସ ଏଞ୍ଜାଣାକ୍ ଲାଗାମ୍; ଏଞ୍ଜାସି ନାନୁ ପାପୁ କିତେଏଁ ଇଞ୍ଜା ମନ ଖେଟ୍ଟହିହାସ, ଏଞ୍ଜାଣି ପାପୁ ମ୍ଲେକ୍‌ହା ତୁହମ୍ ।

୪ ଅଡେ ଏଞ୍ଜାସି ସାତା ପାଲି ନୀ କପାଟି ପାପୁ କିନେସି ଅଡେ ସାତା ପାଲି ନୀ ତାଣା ଖେଣ୍ଡା ଖାହାନା ନାନୁ ମନ ଖେଟ୍ଟହିମାକ୍ ଇଞ୍ଜା ଇଞ୍ଜାନେସି ଆତିହାସ ଏଞ୍ଜାଣି ପାପୁ ମ୍ଲେକ୍‌ହା ତୁହମ୍ ।

ନାମୁ

୫ ଏରେଟିଏ ପାଣ୍ଡୁ ଆହାମାନାରି ପ୍ରବୁକ୍ ଏଲେଇରେସି, "ମା ନାମୁତି ପାଡି କିୟାମ୍ ।"

୬ ପ୍ରବୁ ଏଲେଇରେସି, "ର ହାସ୍ତ ପାଡେୟି ଏରେକା ମୀ ନାମୁ ମାତିହାମା, ଇ ତୁତୁକଲି ମାର୍‌ନୁତି ହୀରୁତଲେ ମେଗାହାଜାନା ସାମ୍ବୁରିତା ଉହି ଆମ୍ ଇତିହାସ ଏଡି ମୀ କାତା ମାନୁଞ୍ଜି ଆନେ ।"

ର ହଲେଏସି କିନି କାମା

* ୧୭:୩ ୧୭:୩ ମାତି ୧୮:୧୫

୭ "ସାମା ମୀ ବିତ୍ରାଟି ଇଲେତାସି ଆମ୍‌ଆସି ମାନେସି, ତାନି ହଲେଏସି ହେରୁ ତହାନା କି କଡିୟା ମେଟାନା ଖାଡିସାରେ ଏଞ୍ଜାସି ଏଞ୍ଜାଣାକ୍ ଜୁରୁୟା ଗହମୁଦେଁ ଇନେସି ?

୮ ନାଲେ ତିଞ୍ଜାଲି ହିୟାମ୍, ନାନୁ ତିଞ୍ଜାଲି ଆଡାଆ ପାତେକା ଟେତେଲି ହିମ୍‌ରି ରୁପାନା ନା ସେବା କିୟାମ୍, ଇଞ୍ଜା ତାୟୁ ନାନୁ ତିନାମ୍ ଇଞ୍ଜା ଏଞ୍ଜାଣାକ୍ ଏଲେଇନଅସି ?

୯ ର ହଲେଏସି ସାଞ୍ଜୁକାରି କାତା ମାନୁଞ୍ଜି ଆହାନା କାମା କିନାକି ଏଞ୍ଜାଣାକ୍ ଜହରା କିନେସିକି ?

୧୦ ଏଲେକିହାସ ଏ ମୀରୁ ଜିକେଏ ହୁକୁମି ତଲେ କାମା କିତି ତାୟୁ 'ମାମ୍‌ ପାଡା ଆଆ ହଲିୟାକ୍‌ପାତମି; ଏନାୟି ମାମ୍‌ କିନାୟି ମାଟେ ଏଦାଆଁ କିହାମାନମି' ଇଞ୍ଜେରି ।"

ଜୀସୁ ଦସଜାଣା କାଜା ରଗ ଗାଟାରିକ୍ ନେହାକିନାୟି

୧୧ ଜୀସୁ ଜିରୁସାଲମତା ହାଜିମାଟାଟି ଗାଲିଲି ଅଡେ ସମିରଣି ଦେସା ମାଡିଟି ହାଜିମାଟେସି ।

୧୨ ଏମାଟିଏ ଏଞ୍ଜାସି ର ନାୟୁତା ଏଗାହାଜାଲିଏ ଦସଜାଣା କାଜା ରଗ ଗାଟାରି ଏଞ୍ଜାଣାକ୍ ବେଟାଆଡେତେରି;

୧୩ ଏଞ୍ଜାରି ହେକ ନିଟାନା କାଜା ଗିୟାତଲେ ଏଲେଇରେସି, "ଏ ଜୀସୁ ଗୁରୁ ମାଲେ କାର୍‌ମା ମେସ୍‌ମାମ୍ ।"

୧୪ ଜୀସୁ ଏଞ୍ଜାଣାକ୍ ମେସାନା ଏଲେଇରେସି, "ମୀରୁ ହାଜାନା ପୂଜେରାକ୍‌ପା ତାଣା ତଞ୍ଜା ଆକାଦୁ ।" ଅଡେ ଏଞ୍ଜାରି ହାଜି ହାଜିହାସ ନେହା ଆଡେତେରି ।

୧୫ ସାମା ଏଞ୍ଜାରି ବିତ୍ରାଟି ରଅସି ତାନୁ ନେହା ଆଡାଣି ମେସାନା କାଜା ଗିୟାତଲେ ମାହାପୁରୁତି ଜହରା କିହାସ କିହାସ ଖେଣ୍ଡା ଖାହାନା,

୧୬ ଜୀସୁତି କଡାୟା ତୁକ ମୁନୁ କୁତାନା ଜହରା କିତେସି; ଏଞ୍ଜାସି ସମିରଣି ଲକୁ ମାଟେସି ।

୧୭ ଏରେଟିଏ ଜୀସୁ ଏଲେଇରେସି, "ଦସଜାଣା ନେହା ଆଆଡେରିକି ? ଅଡେ ନ ଜାଣା ଏମ୍‌ୟା ମାନେରି ?

୧୮ ମାହାପୁରୁକ୍ ଜହରା କିହାଲି ଇ ଜୀହୁଦିଆଆତି ଲକୁ ପିସ୍‌ପେ ଆମ୍‌ଆସି ଖେଣ୍ଡା ଖାଆଡେସି ?"

୧୯ ଇଞ୍ଜା ଜୀସୁ ଏଞ୍ଜାଣାକ୍ ଏଲେଇରେସି, "ନିଜାମା ହାଲାମ୍ ନୀ ନାମ୍ ନିଜେ ନେହା କିହାମାଞ୍ଜାନେ ।"

ମାହାପୁରୁ ରାଜି ଖାନାୟି (ମାତି ୨୪:୨୩-୨୮, ୩୭-୪୧)

୨୦ ମାହାପୁରୁତି ରାଜି ଏରେଲା ଖାହିମାନେ, ଇ କାତା ପାରୁସିୟା ଖେଞ୍ଜାଲିଏ ଏଞ୍ଜାସି ଏଞ୍ଜାଣାକ୍

ଏଲେଇରେସି, “ମାହାପୁରୁତି ରାଜି ତଞ୍ଜା ଆହୁଁ
ଝାଏ;

୨୧ ଇମ୍ବାଆଁ ମାନେକି ଏମ୍ବାଆଁ ମାନେ ଇଞ୍ଜୁଁ
ଲକୁ ଝେସୁଅରି; ଇତିହୁଁ ମାହାପୁରୁତି ରାଜି ମୀ
ବିତ୍ତେଏ ମାନେ □”

୨୨ ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇରେସି,
“ଇଲେତି ବେଲା ଝାନ୍ନେ, ଏତିବେଲା ମାଣ୍ଡସି
ମୀରୁଏଣାତି ର ଦିନା ମେସାଲି ମନ କିତିହୁଁ
ଜିକେଏ ମେହୁଅତେରି □

୨୩ ଏତିବେଲା ଲକୁ ମିଙ୍ଗେ ଝେସୁାନେରି, ଏଝାସି
ଇମ୍ବାଆଁ ମାନେସି ଏମ୍ବାଆଁ ମାନେସି; ସାମା ଏଝାରି
କାତା ଆହୁଆଦୁ କି ଏଝାରିତଲେ ତାକାଆଦୁ □

୨୪ ଏନିଇତିହୁଁ ହାଗୁ ମିହୁନାଟି ର କନଟି ଅର
କନଝାକି ଉଜେଡ଼ି ଆନେ, ଏଲେକିହୁଁଏ ମାଣ୍ଡସି
ମୀରୁଏଣା ଦିନାତା ଆନେ □

୨୫ ସାମା ଏଝାସି ଗାତି କସୁ ପାଣ୍ଡନାୟି ମାନେ,
ଇଞ୍ଜା ଇ କାଲାତି ଲକୁ ଏଝାଣାଇଁ ଅପଅରି □

୨୬ ଅଡ଼େ ନହୁ ବେଲାତା ଏନିକି ଆହାମାତେ,
ମାଣ୍ଡସି ମୀରୁଏସି ଝାନ୍ନି ଦିନାତା ଜିକେଏ
ଏଲେକିହୁଁଏ ଆନେ;

୨୭ ନହୁ ଜାଜାତା ହଡ଼ନି ଦିନା ପାତେକା ଲକୁ
ତିଞ୍ଜି ଉଣ୍ଡିହୁଁ ବାହା କିୟାଲି ବାହା ହିୟାଲି
ହେରାମାତେରି, ଏତିବେଲା କାଜା ପିୟୁ ଝାଡ଼େ
ଇଞ୍ଜା ବାରେତି କୁପହାଡ଼ୁସ୍ତେ □

୨୮ ଲଟ ବେଲାତା ଜିକେଏ ଏଲେଏ ଆଡ଼େ,
ଲକୁ ତିଞ୍ଜି ଉଣ୍ଡି ମାତେରି, କତି ମାତେରି, ପାରୁତି
ମାତେରି, ମାରୁକା ଉହି ମାତେରି ଅଡ଼େ ଇଲୁକା
କିହାଲି ହେରାମାତେରି,

୨୯ ସାମା ଲଟ ସଦମ ଗାଡ଼ାଟି ହଡ଼ା ହାଲୁଝନିଏ,
ଲାକପୁରୁତି ହିରୁ ଅଡ଼େ ଗାନ୍ଦାଗୁଣ୍ଡା ଝାହାନା
ବାରେତି ନାସା କିତେ □

୩୦ ମାଣ୍ଡସି ମୀରୁଏସି ଝାନ୍ନି ଦିନାତା ଜିକେଏ
ଏଲେଆହୁଁଏ ଆନେ □”

୩୧ ☆“ଏ ଦିନା ଆମ୍ବାଆସି ଇଲୁ ଲାକ ମାନେସି,
ଏଝାସି ଇଲୁ ବିତ୍ରାମାନି ତାନି ଆସ୍ତି ଅହାଲି
ରେଚା ଝାଆପେସି; ଏଲେକିହୁଁଏ ଆମ୍ବାଆସି
ନେଝଏଲାତା ମାନାସି ଇଜ ଝେଣ୍ଡା ଝାଆପେସି □

୩୨ ଲଟ ତକ୍ତିନି କାତା ଅଣ୍ପାଦୁ □

୩୩ ☆ଆମ୍ବାଆସି ତାନି ଜୀଝୁତି ନୀଟହାଲି ମନ
କିନାସି, ଏଝାସି ନାସା ଆନେସି, ଅଡ଼େ ଆମ୍ବାଆସି
ତାନି ଜୀଝୁତି ଆସା କିଆଗାଟାସି ଏଝାସି ନୀତିନେସି
□

୩୪ ନାନୁ ମିଙ୍ଗେ ଝେସିମାଞ୍ଜାଇଁ, ଏ ଲାଆଁୟାଁ
ରିଆରି କାଟେଲିତା ତୁରା ତୁୟିନେରି, ରଅସି
ଅଞ୍ଜିଆନେସି ଅଡ଼େ ରଅସି ଏମ୍ବାଆଁ ତୁୟିନେସି □

୩୫ ରୀ ଇୟାସିକା ରଣ୍ଡିଏ ତାଣା ନୁୟିମାନୁ,
ରଣ୍ଡି ଅଞ୍ଜିଆନେ ରଣ୍ଡି ଏମ୍ବାଆଁ ତୁୟିନେ □

୩୬ ରିଆରି ନେଝଏଲାତା ମାନେରି, ରଅସି
ଅଞ୍ଜିଆନେସି, ରଅସି ଏମ୍ବାଆଁ ତୁୟିନେସି □”

୩୭ ଏଚେଟିଏ ସୀସୁୟାଁ ଏଲେଇରେସି, “ଏ ପ୍ରବୁ
ଏମ୍ବିୟା ?” ଜୀସୁ ଏଲେଇରେସି, “ମାଡ଼ହା
ଏମ୍ବିୟାମାନେ ଏମ୍ବାଆଁ ରାମ୍‌ଣାୟାଁ ରୁଣ୍ଡା ଆନୁ □”

୧୮

ରାଣ୍ଡେଣି ଇୟାନ୍ତି ନୀହାଁୟି

୧ ଝାହାଆନା ଅଲେ ଅଲେ ପ୍ରାତାନା
କିନାୟିମାନେ, ଇ କାତାତି ଜୀସୁ ସୀସୁୟାଁଇଁ
ପୁଣ୍ଡିକିନି କାତାତଲେ ଝେସୁସି

୨ “ର ଗାଡ଼ାତା ର ନୀହାଁୟି କିନାସି ମାତେସି,
ଏଝାସି ମାହାପୁରୁଇଁ ଆଜି ହିଲାଆତେସି କି
ମାଣ୍ଡସିୟାଁଇଁ ଜିକେଏ ଅଣ୍ପି ହିଲାଆତେସି □

୩ ଏ ଗାଡ଼ାତା ର ରାଣ୍ଡେଣି ମାତେ, ଏଦି
ନୀହାଁୟି କିନାଣି ତାଣା ଅଲେ ଅଲେ ହାଜିହୁଁ
ନୀନୁ ନେହୁଁ ନୀହାଁୟି କିହୁଁ ନା କପାଟି
ନିଙ୍ଗିମାଞ୍ଜାନାଣା ତାଣାଟି ଗେଲପାମୁ ଇଞ୍ଜୁଁ
ବାତିମାଲିମାତେ □

୪ ଅଡ଼େ ଏଝାସି ଏଦାନି କାତା ଝେଞ୍ଜି
ହିଲାଆତେସି; ତାୟୁ ଏଝାସି ମନ ମନତା
ଅଣ୍ପିତେସି, ନାନୁ ମାହାପୁରୁଇଁ ଆଜିହିଲଅଁ କି
ମାଣ୍ଡସିଇଁ ଅଣ୍ପି ହିଲଅଁ,

୫ ଆଡ଼ିଜିକେଏ ଇ ରାଣ୍ଡେଣି ନାଙ୍ଗେ କସୁ
ହାହିମାଞ୍ଜାନାକି ନାନୁ ତାନି କପାଟି ନିଙ୍ଗାମାନି
ନୀହାଁୟି ତିକହାଡ଼ୁହୁଇଁ, ଆଆତ ଏଦି ନାଙ୍ଗେ
ବାରେବେଲା ଗିଜିଗିଜା କିହେମାଞ୍ଜାନେ □”

୬ ଏମ୍ବାଟିଏ ପ୍ରବୁ ଏଲେଇରେସି, “ଇ ଲାଗେଏତି
ନୀହାଁୟି କିନାଣି କାତା ଅଣ୍ପାଦୁ □

୭ ଆଡ଼ିହୁଁ ମାହାପୁରୁ ଆଡ଼ିତି ଲକୁ ଲାଆଁ
ମାଦେନା ଏଝାଣାଇଁ ହାଡ଼ିହୁଁ ତୁୟିନେରି, ଏଝାସି
କି ଏଝାରି ନୀହାଁୟି କିଅସି ? ଆଡ଼ିଜିକେଏ ଏଝାସି
ଏଝାରି ସାତୁୟାଁକି ହାଡ଼େକା ଅଡ଼ିନାସି ଆନେସି
କି ?

୮ ନାନୁ ମିଙ୍ଗେ ଝେସିମାଞ୍ଜାଇଁ, ଏଝାସି ତବେ
ଏଝାରି ତାକି କିଞ୍ଜି ଆହାମାନି ପଲୁଆ କାମାତି
ନୀହାଁୟି କିନେସି, ଆଡ଼ିଜିକେଏ ମାଣ୍ଡସି ମୀରୁଏସି
ଦାର୍ଡିତା ଝାହାନା ନାମୁତି ମେହୁନେସି ?”

ପାରୁସି ଅଡ଼େ ସିସୁ ରୀହୁନାଣି ପୁଣ୍ଡିକିନି କାତା

୯ ତାମ୍‌ଙ୍ଗେ ତୀରିଗାଟାତମି ଇଞ୍ଜୁଁ ଅଣ୍ପାଦାନା
ଏଟକା ତାରାଇଁ ହୀଣି କିନି ଲକୁଣି ଜୀସୁ ଇ
ପୁଣ୍ଡିକିନି କାତା ଝେସୁସି,

୧୦ ରିଆରି ପ୍ରାତାନା କିହାଲି ର ପ୍ରାତାନା ଇଲୁତା
ହାତେରି, ରଅସି ପାରୁସି ଅଡ଼େ ରଅସି ସିସୁ
ରୀହୁନାସି □

☆ ୧୭:୩୧ ୧୭:୩୧ ମାତି ୨୪:୧୭,୧୮; ମାର୍କ ୧୩:୧୫,୧୬ ☆ ୧୭:୩୩ ୧୭:୩୩ ମାତି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଜହ ୧୨:୨୫

୧୧ ପାରୁସି ନିଚାନା ଇଲେକିହିଁ ପ୍ରାଚାନା କିତେସି, “ଏ ମାହାପୁରୁ ନାନୁ ନିଙ୍ଗେ ଜହରା କିହିମାଞ୍ଜାଇଁ, ନାନୁ ଏଟକା ଲକୁ ଲେହେଁ ଦାମ୍ବୁ ହିଲାଆ ଗାଟାତେସି ଆଏ, ସରୁ, ଦାରି ଗାଟାତେସି ଆଏ କି ଇ ସିସୁ ରୁାହନାଣି ଲେହେଁ ଜିକେଏ ଆଏ;

୧୨ ନାନୁ ଖାରା ତାକି ରୀ ଦେବା ଉପାସା କିହିମାଇଁ, ଅଡେ ନାନୁ ବେଟାଆହି ମାନାଣି ବାରେ ଦସ ବାଗାଟି ର ବାଗା ହାହିମାଇଁ ।”

୧୩ ସାମା ସିସୁ ରୁାହନାସି ହେକ ନିଚାନା ତାନି କାନୁ ଲାକପୁରୁ ଖାକି ଜିକେଏ ପେରହାଁ ସିନକିହାଲି ସାସା କିଆତେସି, ସାମା ତାନି ବକତା ଖେଟା କତାନା ଏଲେଇଚେସି, “ଏ ମାହାପୁରୁ ନାନୁ ପାପୁ ଗାଟାତେସି ନାଙ୍ଗେ କାର୍ମା ମେସ୍ତାମୁ ।”

୧୪ ☆ “ନାନୁ ମିଙ୍ଗେ ଖେସିମାଞ୍ଜାଇଁ, ଏଝାସି ଆଏ ସାମା ସିସୁ ରୁାହନାସି ତାରିଗାଟାସି ଆହାନା ତାନି ଇଜ ହାଚେସି; ଏନିଇଚିହିଁ ଆମ୍ବାଆସି ନାନୁ କାଜାତେସି ଇଞ୍ଜା କଡିନେସି, ଏଝାଣାଇଁ ଉଣା କିଝିଆନେ, ସାମା ଆମ୍ବାଆସି ନାନୁ ଉଣାତେସି ଇନେସି, ଏଝାଣାଇଁ କାଜାସି କିଝିଆନେ ।”

ଜୀସୁ ଉଣା ପଡ଼ି ପଦାୟାଣି ବର ହାନାୟି
(ମାତି ୧୯:୧୩-୧୫; ମାର୍କ ୧୦:୧୩-୧୬)

୧୫ ଏଝାସି ଏନିକିଁ କକାରି ପଦାଣି ତାଗିନେସି, ଏଦାଆଁତାକି ଲକୁ ଏଝାରାଇଁ ଜୀସୁ ତାଣା ତାଗାଲି ମାଟ୍‌ହେରି; ସାମା ସାସୁୟାଁ ଏଦାଆଁ ମେସାନା ଏଝାରାଇଁ ଦାକା ହାଚେରି ।

୧୬ ସାମା ଜୀସୁ କକାରି ପଦାଣି ତାଗେ ହାଟାନା ଏଲେଇଚେସି, “କକାରି ପଦାଣି ନା ତାଗେ ଖାହାଲି ହାଦୁ, ଏଝାରାଇଁ କାହିକିଆଦୁ; ଏନିଇଚିହିଁ ମାହାପୁରୁତି ରାଜି ଇଲେତାରାଝାୟି ।”

୧୭ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଜି ଆହଅସି ଏଝାସି ଏନିକିଁ ଜିକେଏ ଏମ୍ବାଆଁ ହଡାଲି ଆଡଅସି ।”

ର ଦନ ଗାଟାସି
(ମାତି ୧୯:୧୬-୩୦; ମାର୍କ ୧୦:୧୭-୩୧)

୧୮ ଜୀହୁଦି ଲକୁ ବିତ୍ରାଟି କାଜାସି ଜୀସୁଇଁ ଖେଚେସି, “ଏ ନେହିଁ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ ?”

୧୯ ଜୀସୁ ଏଝାଣାଇଁ ଏଲେଇଚେସି, “ନାଙ୍ଗେ ନେହାଁତି ଇଞ୍ଜିଁ ଏନାଆଁତାକି ଏଲେଇଞ୍ଜିମାଞ୍ଜି ? ଇଚିହିଁ ମାହାପୁରୁ ରଅସିଏ ନେହାଁସି ମାନେସି ଏଝାଣି ପିସପେ ଆମ୍ବାଆସି ନେହାଁସି ହିଲଅସି ।”

୨୦ ହୁକୁମିକା ପୁଞ୍ଜାମାଞ୍ଜି, ‘ଦାରି କିଆନି, ଲକୁଣି ପାୟାଆନି, ସରୁ କିଆନି, ମିତିସାକି ହାଆନି, ତାଲି ତାଞ୍ଜି କାତା ମାନି କିମୁ ।”

୨୧ ଦନଗାଟାସି ଏଲେଇଚେସି, “ନାନୁ ଇ ବାରେ ଉଣାଖେଡାଟିଏ କିହିମାଇଁ ।”

୨୨ ଜୀସୁ ଇ କାତା ଖେଞ୍ଜାନା ଏଝାଣାଇଁ ଏଲେଇଚେସି, “ନାନୁ ର କାମା କିନାୟିମାନେ; ନାନୁ ନୀ ତାଣା ମାନି ବାରେ ଦନବିତି ପାରଚାନାହାଁ ହିଲାଆ ଗାଟାରାକି ଦାନା ହାମ୍ବୁ, ଇଞ୍ଜା ତାୟୁ ନାନୁ ଲାକପୁରୁତା ଦନ ବେଟାଆଦି; ଏଚେଟିଏ ନା ଜେଟ ଜେଟ ଖାମ୍ବୁ ।”

୨୩ ସାମା ଏଝାସି ଇ ବାରେ କାତା ଖେଞ୍ଜାନା ହାରେକା ଦୁକୁ ଆଡେସି, ଇଚିହିଁ ଏଝାସି ବାଡକୁ ଗାଟାସି ମାଚେସି ।

୨୪ ଏଚେଟିଏ ଜୀସୁ ଏଝାଣାଇଁ ମେସାନା ଏଲେଇଚେସି, “ଆମ୍ବାଆରି ଦନ ମାନେ, ଏଝାରି ହାରେକା କସ୍ତଲେ ମାହାପୁରୁତି ରାଜିତା ହଡନେରି ।”

୨୫ ଇଚିହିଁ ମାହାପୁରୁତି ରାଜିତା ଦନଗାଟାସି ହଡନି କିହାଁ ଉଟୁ ସୂଜା କାଣିଟି ହଡାହାନାୟି ଉସାସା ।”

୨୬ ଏ କାତା ଖେଞ୍ଜିମାଟାରି ଏଲେଇଚେରି, “ଆଡିହିଁ ଆମ୍ବାଆସି ଗେଲପି ଆହାଲି ଆଡିନେସି ?”

୨୭ ଜୀସୁ ଏଲେଇଚେସି, “ଏନାଆଁ ଲକୁ କିୟାଲି ଆଡାଆଗାଟାଣି ମାହାପୁରୁ କିହାଲି ଆଡିନେସି ।”

୨୮ ଏଚେତା ପିତର ଜୀସୁଇଁ ଖେଚେସି, “ମେହ୍‌ମୁ ମାମ୍ବୁ ବାରେ ପିସାନା ନୀ ଜେଟ ଖାହିମାନମି ।”

୨୯ ଜୀସୁ ଏଝାରାଇଁ ଖେସ୍ତେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ତକ୍‌କିନି, ତାୟି, ତାଲି ତାଞ୍ଜି, ଅଡେ ମୀରକା ମାସ୍କାଣି ପିସାମାନେରି,

୩୦ ଏଝାରି ଇ ଜୁଗୁତା ହାରେକା ଆଗାଡା ବେଟାଆହାନା, ଖାନି ଜୁଗୁତା କାଲାକାଲାତି ଜୀସୁ ବେଟା ଆନେରି ।”

ଜୀସୁ ତାନି ଦେବା ତାନି ହାକିତି ଖେହନାୟି
(ମାତି ୨୦:୧୭-୧୯; ମାର୍କ ୧୦:୩୨-୩୪)

୩୧ ଜୀସୁ ତାନି ବାରଜାଣା ସାସୁୟାଁଇଁ ହାଟାନା ଖେସ୍ତେସି, “ମେହ୍‌ଦୁ ମାର ଜିରୁସାଲମତା ହାଜିମାନାୟି, ଏମ୍ବାଆଁ ମାଣ୍‌ସି ମୀରଏଣି ତାକି ମାହାପୁରୁ ଅଣ୍‌ପୁତି ବଲୁ ଖେହନାରି ଏନା ଏନାଆଁ ରାଡାମାନେରି, ଏ ବାରେ ମାଣ୍‌ସି ମୀରଏଣା ତାଣା ସାତା ଆନେ;”

୩୨ ଇଚିହିଁ ଏଝାଣାଇଁ ଏଟକା କୃତାତାରି କେୟୁତା ହେରପିନେସି, ଇଞ୍ଜା ଏଝାରି ଏଝାଣାଇଁ କାକନେରି, ଏଝାଣାଇଁ ହାଣି କିହାନା ହୁପିନେରି,

☆ ୧୮:୧୪ ୧୮:୧୫ ମାତି ୨୩:୧୨; ଲୁକ ୧୪:୧୧

୩୩ ଏଞ୍ଜାଣାଇଁ ସାଟୁଣି ତ:ରିତଲେ ୱେରାନା ପାୟିନେରି, ଇଞ୍ଜା ତାନି ଦିନାଟିଏ ନିଈନେସି □”

୩୪ ସାମା ସାସୁୟାଁ ଇ ବାରେ କାତା ପୁଞ୍ଜାଲି ଆଡାଆତେରି; ଇ କାତା ଏଞ୍ଜାରିତାଣା ତୁଗୁନା ମାରେ, ଏନାଆଁ ୱେସ୍ପି ଆହିମାରେ ଏ ବାରେ ପୁଞ୍ଜିହିଲାଆତେରି □

ରାସ୍ପାତିନି କାଣାଇଁ ଜୀସୁ ନେହିଁକିନାୟି
(ମାତି ୨୦:୨୪-୩୪; ମାର୍କ ୧୦:୪୭-୫୨)

୩୫ ଜୀସୁ ଜିରିହ ଗାଡାତା ଏଜିମାଟାଟି ର କାଣା ଜିରୁତା କୁଗାନା ରାସ୍ପିମାରେସି □

୩୬ ଏଞ୍ଜାସି ଲକୁଡି ହାଜିମାନି ହାଡା ୱେଞ୍ଜାନା, “ଇଦି ଏନାୟି ଆହିମାନେ ଇଞ୍ଜିଁ ୱେରେସି □”

୩୭ “ନାଜୁରିତତି ଜୀସୁ ଇମ୍ପାଟି ହାଜିମାନେସି” ଇଞ୍ଜିଁ ୱେସ୍ପେରି □

୩୮ ଏରେଟିଏ କାଣା କାଜା ଗିୟାତଲେ ଏଲେଇଞ୍ଜି ଇରେସି, “ଏ ଜୀସୁ ଦାସ୍ତୁଦ ମାର୍‌ଏଣାତି ନାଈ କାର୍ମା ମେସ୍ତାମୁ □”

୩୯ ସାମା ନକିତା ହାଜିମାଟାରି ଏଞ୍ଜାଣାଇଁ ପାଲେଏ ମାଞ୍ଜାଲି ଦାକା ହାତେରି, ସାମା ଏଞ୍ଜାସି ଅଡେ କାଜା ଗିୟାତଲେ ଏଲେଇରେସି, “ଏ ଜୀସୁ ଦାସ୍ତୁଦ ମାର୍‌ଏଣାତି ନାଈ କାର୍ମା ମେସ୍ତାମୁ □”

୪୦ ଏରେଟିଏ ଜୀସୁ ଏମ୍ପାଆଁ ନିଚାନା କାଣାଇଁ ତାନି ଦାରିତା ତାଟାଲି ଟାଣ୍ଡିତେସି; ଏରେତା କାଣା ତାଗେ ୱାଡେସି ଇଞ୍ଜା ଜୀସୁ ଏଞ୍ଜାଣାଇଁ ୱେରେସି,

୪୧ “ନାନୁ ନିଈଟାକି ଏନାଆଁ କିଇଁ ଇଞ୍ଜିଁ ମନ କିହିମାଞ୍ଜି ?”

କାଣା ଏଲେଇରେସି, “ଏ ପ୍ରବୁ ନାନୁ ଏନିକିଁ ମେସାଲି ଆଡ଼ିଇଁ □”

୪୨ ଜୀସୁ ୱେସ୍ପେସି, “ନାନୁ ମେହ୍‌ମୁ, ନୀ ନାନୁ ନିଈଟେ ନେହିଁ କିୟାତେ □”

୪୩ ଏ ଦେବୁଣିଏ ଏଞ୍ଜାସି ମେସାଲି ଆଡ଼ିତେସି ଇଞ୍ଜା ମାହାପୁରୁତି ଜହରା କିହିଁ କିହିଁ ଜୀସୁ ଜେଟ ହାରେସି, ଅଡେ ଲକୁ ଏଦାଆଁ ମେସାନା ମାହାପୁରୁଇଁ ଜହରା କିତେରି □

୧୯

ଜୀସୁ ଅଡେ ଜକିୟ

୧ ଜୀସୁ ଜିରିହତା ହଡାନା ଗାଡା ମାଦିଟି ହାଜିମାରେସି □

୨ ଏମ୍ପାଆଁ ଜକିୟ ଦରୁଗାଟାସି ରଅସି ମାରେସି, ଏଞ୍ଜାସି ସିସୁ ରାହ୍‌ନାରି ବିଡ୍ରାଟି କାଜାସି ଅଡେ ଏଞ୍ଜାଣାକି ହାରେକା ଦନୁ ମାରେ □

୩ ଜୀସୁ ଏନିଲେହେତାସି ଇଞ୍ଜିଁ ଏଞ୍ଜାଣାଇଁ ମେସାଲି ହାରେକା ମନ ମାରେ, ସାମା ହାରେକା ଲକୁ ମାଟାକି ମେସାଲି ଆଡ଼ିହିଲାଆତେସି, ଏନାଆଁତାକି ଇଚିହିଁ ଏଞ୍ଜାସି କୁଜା ମାରେସି □

୪ ଏମ୍ପାଟିଏ ଏଞ୍ଜାସି ନକିତା ହଚି ହଚି ହାଜାନା ଜୀସୁ ହାନି ଜିରୁତା ଏଞ୍ଜାଣାଇଁ ମେସାଲି ର ତୟା ମାର୍‌ନୁତା ହଡେସି, ଇଚିହିଁ ଜୀସୁ ଏ ଜିରୁଟି ହାନାୟି ମାରେ □

୫ ଜୀସୁ ଏମ୍ପାଆଁ ଏଜାନା ଲାକ ସିନିକିହାନା ହାଡ଼ିତେସି, “ଆଡେ ଜକିୟ ତବେ ରେଚାଞ୍ଜାମୁ ଇଚିହିଁ ନୀଞ୍ଜୁ ନାନୁ ମୀ ଇଜ ଗତା ୱାନାୟି ମାନେ □”

୬ ଏଞ୍ଜାସି ତବେ ରେଚାଞ୍ଜାହାନା ଏଞ୍ଜାଣାଇଁ ରାହ୍‌ଟି ତାମି ଇଜ ହାଡ଼ିତେସି □

୭ ଇଦାଆଁ ମେସାନା ବାରେ ଲକୁ ମୁରୁ ମୁରୁ ଆହିଁ କାତା ଆଡେରି, “ଇଞ୍ଜାସି ର ପାପୁ ଗାଟାରି ଇଜ ଗତା ହାଜିମାନେସି □”

୮ ସାମା ଜକିୟ ନିଚାନା ପ୍ରବୁଇଁ ଏଲେଇରେସି, “ଏ ପ୍ରବୁ ନାନୁ ନା ଦନତି ର ବାଗା ହିଲାଆ ଗାଟାରାକି ହାଇଁ, ଅଡେ ନାନୁ ଆମ୍ପାଆରି ତାଣାଟି ଏନାଆଁ ତାଟାମାଟିହିଁ ସାରି ବାଗା ଆଗାଡା ୱେଟ୍‌ଇଁ □”

୯ ଏମ୍ପାଟିଏ ଜୀସୁ ଏଲେଇରେସି, “ନୀଞ୍ଜୁ ଇ ଇଜତି ଲକୁତାକି ଗେଲ୍‌ପିନାୟି ୱାହାମାନେ, ଇଚିହିଁ ଇଞ୍ଜାସି ଜିକେଏ ଅଗ୍ରାହାମତି କୁଡାତାସି □

୧୦ *ଇଚିହିଁ ଏନାୟି ଜାଜ୍ଞା ହାଜାମାନେ ଏଦାଆଁ ପାରାନା ଗେଲ୍‌ପାଲି ମାଣ୍‌ସି ମାର୍‌ଏସି ୱାହାମାନେସି □”

ବାଂଗାରା ଟାକା
(ମାତି ୨୫:୧୪-୩୦)

୧୧ ଲକୁ ଇ କାତା ୱେଞ୍ଜି ମାଟାଟି ଏଞ୍ଜାସି ଅଡେ ର ପୁଣ୍ଡିକିନି କାତା ୱେସ୍ପେସି, ଇଚିହିଁ ଏଞ୍ଜାସି ଜିରୁସାଲମ ତାଗେ ଆହାମାରେସି, ଇଚିହିଁ ମାହାପୁରୁ ରାଜି ତବେ ତଞ୍ଜାଆନେ ଇଞ୍ଜିଁ ଅଣ୍ପିମାରେରି □

୧୨ ଏଞ୍ଜାସି ଏଲେଇରେସି, “ର କାଜା କୁଡାତାସି ରାଜା ପାଣା ବେଟାଆହ୍‌ାଁ ୱେଣ୍ଡା ୱାଇଁଞ୍ଜା ଇଞ୍ଜିଁ ର ହେକ ରାଜି ହାରେସି □

୧୩ ଏଞ୍ଜାସି ତାନି ଦସଜାଣା ହଲିୟାଜାଣି ହାଟାନା ଏଞ୍ଜାରାକି ଦସଗଟା ୱେଣ୍ଡି ଟାକା ଲାକା ହାହାନା ଏଲେଇରେସି, ‘ନାନୁ ୱେଣ୍ଡା ୱାନ୍ତି ପାଡେକା ମୀରୁ ଇ ଟାକା ତଲେ ବେବାରା କିଦୁ □’

୧୪ ସାମା ତାନି ଦେସାଟାରି ଏଞ୍ଜାଣାଇଁ ଅପିହିଲାଆତେରି, ‘ଇଞ୍ଜାସି ମାଈଟାକି ରାଜା ଆୟାଆପେସି’ ଇଞ୍ଜିଁ ତାନି ଜେଟଏ କସ୍‌କାଣି କାବୁ ୱେସା ପାଣ୍ଡିତେରି □”

୧୫ ତାୟୁ ଏଞ୍ଜାସି ରାଜା ପାଣା ବେଟାଆହାନା ତାନି ରାଜିତା ୱେଣ୍ଡାଞ୍ଜାଡେସି, ଇଞ୍ଜା ତାନୁ ଟାକାୟାଁ ହାହାମାଟି ହଲିୟାଜା ବେବାରା କିହାଁ ଏରେକା

☆ ୧୯:୧୦ ୧୯:୧୦ ମାତି ୧୮:୧୧

ଲାଭା କିହାମାନେରି ଏଦାଆଁ ପୁଞ୍ଜାଲି ଏଞ୍ଜାରାଇଁ ହାଟିକିତେସି, ଇଞ୍ଜା ଖେଚେସି □

୧୭ ତଲିତାସି ଖାହାନା ଏଲେଇଚେସି, “ବାବୁ ନୀନୁ ହୀହାମାଞ୍ଜାତି ର ଟାକା ତଲେ ବେବାରା କିହାନା ଦସଟାକା ଲାଭା କିହାମାଇଁ □”

୧୭ ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ନେହୁଁ ଟିକାଣାଗାଟି ନାମୁତି ହଲେଏଣାତି, ନୀନୁ ଡଣା କାମାତାକି ନେହୁଁ କାମା କିହାମାନାକି ନୀନୁ ଦସଟାଗା ଗାଡ଼ାୟାଁ ସାଲୁଝି କିନି ଅଦିକାରା କିମୁ □”

୧୮ ଅଡେ ରଅସି ଖାହାନା ଏଲେଇଚେସି, “ବାବୁ ନୀନୁ ହୀହାମାଞ୍ଜାତି ଟାକା ତଲେ ପାସାଗଟା ଲାଭା କିହାମାଇଁ □”

୧୯ ଏଞ୍ଜାସି ଏଞ୍ଜାଣାଇଁ ଜିକେଏ ଏଲେଇଚେସି, “ନୀନୁ ଜିକେଏ ପାସାଗଟା ଗାଡ଼ାୟାଁ ମୁହେଁ ଅଦିକାରା ଆମୁ □”

୨୦ ଅଡେ ରଅସି ଖାହାନା ଏଲେଇଚେସି, “ପ୍ରବୁ ମେହମୁ ଇଦି ନୀନୁ ହୀହାମାଞ୍ଜାତି ଟାକା; ଇଦାଆଁ ନୀନୁ ଡ୍ରାଃଆଲିତା ରୁପାନା ଇଟାମାଚେଏଁ □

୨୧ ଇଚିହୁଁ ନୀନୁ ନିଙ୍ଗେ ଆଜାତେଏଁ, ନୀନୁ ର ଗିରିଗିରା ଗାଟାତି, ଇଟା ହିଲାଆଗାଟାଣି ପାରିନାତି, ମାଟା ହିଲାଆତାଣା ଦାଃଆନାତି □”

୨୨ ଏଞ୍ଜାସି ଏଞ୍ଜାଣାଇଁ ଏଲେଇଚେସି, ଆଡେ ପଲ୍ଲଆଗାଟି ହଲେଏଣାତି, ନୀ ଗୁତିତି ହାଡାତଲେ ନୀ ନୀହାୟି କିୟାଇଁ, ନୀନୁ ଗିରିଗିରା ଗାଟାତେଏଁ, ଇଟାହିଲାଆ ତାଣା ପାରିନାତେଏଁ ମାଟାଆତି ତାଣା ଦାଃଆନାତେଏଁ ଇଦାଆଁ ପୁଞ୍ଜାମାଟି ?

୨୩ ଆତିହୁଁ ଏନାଆଁତାକି ନା ଟାକାତି ରୀଣା ଅନାରାକି ହୀଆତି, ନୀନୁ ଖାହାନା ଅତିତଲେ ବେଟାଆଡେଏଁମା □

୨୪ ଇଞ୍ଜା ଦାରିତା ନିଟାମାଚାରାଇଁ ଖେସ୍ତେସି, “ଇଞ୍ଜାଣି ତାଣାଟି ଏ ଟାକା ମୀଞ୍ଜା ଅହାନା ଆମ୍ବାଆରିକି ଦସଟାକା ମାନୁ ଏଞ୍ଜାଣାକି ହୀଦୁ □”

୨୫ ଏଚେଟିଏ ଏଞ୍ଜାରି ଖେସ୍ତେରି, “ପ୍ରବୁ ଏଞ୍ଜାଣାକି ଦସଟାକା ମାନୁ □”

୨୬ *ନୀନୁ ମିଙ୍ଗେ ଖେସିମାଞ୍ଜାଇଁ, “ଆମିନିଗାଟାଣାକି ମାନେ, ଏଞ୍ଜାଣାକି ଗାତି ହୀପକିଆନେ □ ସାମା ଆମ୍ବାଆରାଞ୍ଜାୟି ହିଲେଏ ଏଞ୍ଜାଣି ତାଣା ଏନାୟି ମାନେ ଏଦାଆଁ ଜିକେଏ ଏଞ୍ଜାଣି ତାଣାଟି ଅଝିଆନେ □

୨୭ *ସାମା ନାଙ୍ଗେ ତାମି ରାଜା ଆହାଲି କୁହାମାଞ୍ଜାନି ସାଡୁୟାଁଇଁ ଇମ୍ବାଆଁ ତାକା ହାଜାନା ଏଞ୍ଜାରାଇଁ ନା ନକିତା ଚୁଣ୍ଡାହାଡୁହୁଡୁ □”

ଜୀସୁ ଜିରୁସାଲମତା ରାହାଁଟି ହାନାୟି
(ମାତି ୨୧:୧-୧୧; ମାର୍କ ୧୧:୧-୧୧; ଜହ ୧୨:୧୨-୧୯)

୨୮ ଇ ବାରେ କାତା ଖେସ୍ତି ତାୟୁ ଜୀସୁ ଜିରୁସାଲମ ଖାକି ହାଚେସି □

୨୯ ଏଞ୍ଜାସି ଜୀତ ହରୁ ଦାରିତା ମାନି ବେତନିୟାଁ ଅଡେ ବେଡ଼ପାଗି ନାୟକାଣାଁ ଏଜାନା ତାନି ସୀସୁୟାଁ ବିତ୍ତାଟି ରିଆରାଇଁ ଇ କାତା ଖେସା ପାଣ୍ଡିତେସି □

୩୦ “ମୀରୁ ହାଜାନା ମୀ ନକିତି ନାୟୁତା ହଡୁବୁ ଇଞ୍ଜା ଲକୁ ଏଚେଲା ହଟା ହିଲଅରି; ଇଲେତି ର ଗାଡ଼ଦେ ତାଲୁତି ଦସାମାନାଣି ମେହଦେରି; ଏଦାଆଁ ଦାଢ଼ା ହୁକ୍‌ହାଁ ନା ତାଣା ତାଚିହୁଁ ଖାଦୁ □

୩୧ ଆମ୍ବାଆସି ଏନାଆଁତାକି ହୁକ୍‌ହିମାଞ୍ଜେରି ଇଞ୍ଜୁଁ ଖେଞ୍ଜାତିହୁଁ, ଇଦାନି ମା ପ୍ରବୁକି ଲଡ଼ାମାନେ ଇଞ୍ଜୁଁ ଖେହୁଡୁ □”

୩୨ ଏମ୍ବାଟି ଜୀସୁ ପାଣ୍ଡାମାଚାରି ଏଞ୍ଜାସି ଏନିକଁ ଖେସାମାଚେସି, ଏଲେହେଁ ମେସ୍ତେରି □

୩୩ ଇଞ୍ଜା ଏଞ୍ଜାରି ଗାଡ଼ଦେ ତାଲୁତି ଦାଢ଼ା ହୁକ୍‌ହିମାଚାଟି ଗାଡ଼ଦେ ସାଞ୍ଜୁକାରିୟାଁ “ଏନାଆଁତାକି ହୁକ୍‌ହିମାଞ୍ଜେରି ଇଞ୍ଜୁଁ ଖେଚେରି ?”

୩୪ ଏଞ୍ଜାରି ଏଲେଇଚେରି, “ଇଦାନି ମା ପ୍ରବୁକି ଲଡ଼ାମାନେ □”

୩୫ ଏମ୍ବାଟିଏ ଗାଡ଼ଦେ ଜୀସୁ ତାଣା ତାଚାନା ଏଦାନିଲେକ ହିମ୍ବରିକା ପାସାନା ଜୀସୁଇଁ ଲାକ କୁଗିକିତେରି □

୩୬ ଅଡେ ଏଞ୍ଜାସି ନକିତା ହାଜିମାଚାଟି ଲକୁ ଜିରୁତା ତାମି ହିମ୍ବରିକା ପାସ୍ତେରି □

୩୭ ଇଞ୍ଜା ଏଞ୍ଜାସି ଜିରୁସାଲମ ତାଗେ ମାନି ଜୀତ ହରୁଟି ଖାନି ବେଲାତା ଏଞ୍ଜାସି ଇଞ୍ଜା ତାମି ସୀସୁୟାଁ ଜୀସୁ କିତି ବାଡ଼ୟୁତି କାମାତାକି ମାହାପୁରୁଇଁ ଜହରା କିହିହୁଁ ରାହାଁଟି ପାରୁ ପାଡ଼ିତେରି □

୩୮ “ପ୍ରବୁତି ଦରୁଟି ଆମିନି ରାଜା ଖାହିମାନେସି ଏଞ୍ଜାଣାକି ନେହେଁ □ ଲାକପୁରୁ ହିଡ଼ଡ଼ି ଅଡେ ଲାକପୁରୁତି ମାହାପୁରୁଇଁ ଗାଞ୍ଜୁରିମି ଆପେ □”

୩୯ ଏଚେଟିଏ ଲକୁ ମାନ୍ଦାଟି ଏଚରଜାଣା ପାରୁସିୟାଁ ଜୀସୁଇଁ ଏଲେଇଚେରି, “ଏ ଗୁରୁ ନୀ ସୀସୁୟାଁଇଁ ଲାଗାମୁ □”

୪୦ ନୀନୁ ମିଙ୍ଗେ ଖେସିମାଞ୍ଜାଇଁ, “ଇଞ୍ଜାରି ପାଲେଏ ଆଡ଼ିସାରେ, ଖାଲକା ହାଲେହେଁ କାଜା ଗିୟାତଲେ ଜଲିଡୁମା □”

ଜୀସୁ ଜିରୁସାଲମ ତାକି ଡାନାୟି

୪୧ ଅଡେ ଏଚେତା ଗାଡ଼ା ତାଗେ ଖାଡେସି, ଏଚିବେଲା ଗାଡ଼ାତି ମେସାନା ଡାହିହୁଁ ଏଲେଇଚେସି,

୪୨ “ନୀନୁ, ହାଅ, ନୀନୁ ନୀଞ୍ଜୁ ହିଡ଼ଡ଼ି ଜିରୁ ପୁଚିହୁଁ ଅକିତେମା! ସାମା ଏଦି ନୀ ତାଣାଟି ଡଗୁମାନେ □

୪୩ ଏତିବେଲା ମାହାପୁରୁ ନିଜେ ଗେଲପାଲି ଅଣ୍ଟାମାଞ୍ଜାତେସି ଏଦାଆଁ ପୁନାଆତାକି ଏତିବେଲାତା ନୀ ସାତୁୟାଁ ନୀ ସାରିସୁରୁ କାଜା କଟା ଦସାନା ମୁଚାନେରି,

୪୪ ଇଞ୍ଜା ନିଜେ ଅଡ଼େ ନୀ ତାଣା ମାନି ନୀ ମୀରକାଣି କୁଡ଼ପୁନାସା କିୟାନେରି, ଅଡ଼େ ର ଖାଲିତି ଅର ଖାଲି ଲାକ ତାରି ଆହାଲି ହିୟଅରି, ଇଲେତି ଦିନା ଖାହିମାନେ □”

ମାହାପୁରୁ ଇଲୁତା ଜୀସୁ ହଡ଼ନାୟି

(ମାତି ୨୧:୧୨-୧୭; ମାର୍କ ୧୧:୧୫-୧୯; ଜହ ୨:୧୩-୨୨)

୪୫ ଏମ୍ବାଟିଏ ଜୀସୁ ମାହାପୁରୁ ଇଲୁତା ହଡ଼ନାୟାଁ ବେବାରା କିନାରାଇଁ ଏମ୍ବାଟି ହାସା ପେରହାତୁସ୍ତେସି,

୪୬ ଦାମ୍ଭୁପତିତା ରାସ୍ତକି ଆହାମାନେ, “ନା ଇଲୁ ପ୍ରାତାନା ଇଲୁ ଆନେ, ସାମା ମୀରୁ ଏଦାଆଁ ତଂଗାୟାଁ ପାସୁ ମ୍ନିପହାତୁସ୍ତେରି □”

୪୭ ଅଡ଼େ ଜୀସୁ ଦିନାତାକି ଦିନା ପ୍ରାତାନା ଇଲୁତା ଜାପୁହି ମାଚେସି, ସାମା କାଜା ପୂଜେରାଜ୍ଞା ଅଡ଼େ ମେରାପୁନାରି ଲକୁତି କାଜାରି ତଲେ ଜୀସୁଇଁ ପାୟାଲି ଅଣ୍ଟିମାଚେରି,

୪୮ ସାମା ଲକୁ ରାହାଟି ଏଞ୍ଜାଣି ଜାପୁନାଣି ଝେଞ୍ଜିମାଚାକି ଏଞ୍ଜାରି ଏନିକିହାଲି ଆନେ ପାରୁ ବେଟାଆହି ହିଲାଆଚେରି □

୨୦

ଜୀସୁତି ଅଦିକାରା

୧ ର ଦିନା ଜୀସୁ ମାହାପୁରୁ ଇଲୁତା ଲକୁଣି ଜାପୁହି ମାଚେସି, ଅଡ଼େ ନେହଁ କାରୁ ଝେକ୍‌ହି ମାଚେସି, ଏତିବେଲା କାଜା ପୂଜେରାଜ୍ଞା ଅଡ଼େ ମେରାପୁନାରି ପ୍ରାଟିନାଜ୍ଞା ତଲେ ଖାହାନା ଝେଚେରି,

୨ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି, ଏଲେକିହାଲି ଆମ୍ବାଆସି ଅଦିକାରା ହାହାମାଞ୍ଜାନେସି, ମାଜେ ଝେସ୍ତାମୁ □”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନୀନୁ ଜିକେଏ ର କାତା ଝେଞ୍ଜାଇଁ, ନାଜେ ଝେସ୍ତାଦୁ

୪ ଜହନଇଁ ବାପ୍ତିସ୍ତା* ହୀମୁ ଇଞ୍ଜି ଆମ୍ବାଆସି ଚାଣ୍ଡିତେସି, ଲାକପୁରୁଟି କି ମାଣ୍ଡସି ତାଣାଟି ?”

୫ ଏଚେଟିଏ ଏଞ୍ଜାରି ତାମ୍ନୁ ତାମ୍ନୁ ଜଲୁକି ଆଡ଼େରି, “ଲାକପୁରୁଟି ଇନାୟି, ଆତିହଁ ଏଞ୍ଜାସି ଏଲେଇଞ୍ଜାନେସି ଏନାଆଁତାକି ଏଞ୍ଜାଣାଇଁ ନାମାଆଚେରି ?

୬ ସାମା ମାଣ୍ଡସି ତାଣାଟି ଇନାୟି, ଇଞ୍ଜା ଲକୁ ମାଜେ ଖାଲକାତଲେ ପାୟାନେରି, ଇଚିହଁ

ଜହନଇଁ ମାହାପୁରୁ ଅଣ୍ଟପୁତି ବଲୁ ଝେହ୍‌ନାରି ତାଣାଟି ରଅସି ଇଞ୍ଜି ହାରେକା ନାମାମାନେରି □”

୭ ଏଞ୍ଜାରି ଏଲେଇଚେରି, “ମାମ୍ନୁ ପୁଞ୍ଜାହିଲଅମି ଏଡ଼ି ଏମ୍ବିଟି ଆହାମାନେ □”

୮ ଜୀସୁ ଏଞ୍ଜାରାଇଁ ଏଲେଇଚେସି, “ଆତିହଁ ନୀନୁ ଆମିନି ଅଦିକାରା ତଲେ କିହିମାଇଁ ନୀନୁ ଜିକେଏ ଝେସ୍ତାଁ □”

ଅଜ୍ଞୁରି ବାଡ଼ାତା ବାଗା କାମାକିନାରି ପୁଣ୍ଡିକିନି କାତା

(ମାତି ୨୧:୩୩-୪୬; ମାର୍କ ୧୨:୧-୧୨)

୯ ଏମ୍ବାଟିଏ ଜୀସୁ ଇ ପୁଣ୍ଡିକିନି କାତା ଝେସ୍ତେସି, “ରଅସି ର ଅଜ୍ଞୁରି ବାଡ଼ା କିହାନା କାମା କିନାରାକି ବାଗା ହାହାନା ହାରେକା ଦିନାତାକି ଅର ଦେସାତା ହାଚେସି □

୧୦ ଅଜ୍ଞୁରି ପାଡ଼େୟି କାମ୍ବିନି ବେଲା ଏଞ୍ଜାସି ତାନି ବାଗା ବେଟାଆହାଲି ର ହଲେଏଣାଇଁ ପାଣ୍ଡିତେସି, ସାମା ଅଜ୍ଞୁରି ବାଡ଼ାତା କାମାକିନାରି ଏଞ୍ଜାଣାଇଁ ମାଡ଼ା ଝେଚାନା ଖାରଇ କେୟୁଟି ପେରହାତୁସ୍ତେରି □

୧୧ ଏଞ୍ଜାସି ଅଡ଼େ ର ହଲେଏଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ଝେଚାନା ନିନ୍ଦା କିହାଁ ଖାରଇ କେୟୁଟି ପେରହା ପାଣ୍ଡିତେରି;

୧୨ ତାମ୍ନୁ ଅଡ଼େ ରଅଣାଇଁ ପାଣ୍ଡିତେସି, ସାମା ଏଞ୍ଜାଣାଇଁ ଜିକେଏ ରାଣାରାକା କିହାନା ବାଡ଼ାତି ପାଙ୍ଗାତା ମେଡ଼ହାତୁସ୍ତେରି □

୧୩ ଏମ୍ବାଟିଏ ଅଜ୍ଞୁରି ବାଡ଼ାତି ସାସୁକାରି ନୀଏଟି ଏନାଆଁ କିଇଁ ଇଞ୍ଜି ଅଣ୍ଟାମା, ନା ଜୀସୁତି ମୀରଏଣାଇଁ ପାଣ୍ଡିଆତିହଁ ଏଞ୍ଜାଣାଇଁ ମାନି କିନେରି □

୧୪ ସାମା କାମାକିନାରି ଏଞ୍ଜାଣାଇଁ ମେସାନା ତାମ୍ନୁ ତାମ୍ନୁ ଏଲେଇଣ୍ଡି ଆଡ଼େରି ‘ଇଞ୍ଜାସି ଅଦିକାରା ଗାଟାସି, ଇଞ୍ଜାଣାଇଁ ପାୟାତୁହନ, ଆତିହଁ ଇ ଅଜ୍ଞୁରି ବାଡ଼ା ମାଜେ ଆୟାନେ □’

୧୫ ଅଡ଼େ ଏଞ୍ଜାଣାଇଁ ଅଜ୍ଞୁରି ବାଡ଼ା ପାଙ୍ଗାତା ମେଡ଼ହାନା ପାୟିତେରି □”

“ଆତିହଁ ଅଜ୍ଞୁରି ବାଡ଼ାତି ସାସୁକାରି ଏଞ୍ଜାରାଇଁ ଏନାଆଁ କିନେସି ?

୧୬ ଏଞ୍ଜାସି ଖାହାନା ଇ କାମା କିନାରାଇଁ ପାୟାତୁହନେସି, ଅଡ଼େ ଏଟକାତାରାକି ଏ ଅଜ୍ଞୁରି ବାଡ଼ା ହୀନେସି □”

ଲକୁ ଇ କାତା ଝେଞ୍ଜାନା ଏଲେଇଚେରି, “ଏଲେକିହଁ ଆସୁଏ ଆଆପେ □”

୧୭ ସାମା ଜୀସୁ ଏଞ୍ଜାରାଇଁ ଝେସ୍ତେସି, “ଆତିହଁ ରାଟାମାନି ଇ ବଲୁ ଏନାୟି ?

ଇଲୁ କେପିନାରି ଆମିନି ଖାଲିତି କୂଚେରି, ଏଡ଼ି ଇଲୁ କନତି ମୁଲୁ ଖାଲି ଆଡ଼େ □

* ୧୯:୪୭ ୧୯:୪୭ ଲୁକ ୨୧:୩୭ * ୨୦:୪ ୨୦:୪ ମୁଞ୍ଜନାୟି

୧୮ ଆମ୍ବାଆସି ଏ ଖାଲି ଲାକ ଡର୍ବିନେସି, ଏଞ୍ଜାସି କାଣ୍ଡାମୁକା ଆନେସି; ଇଞ୍ଜା ଏ ଖାଲି ଆମ୍ବାଆରି ମୁହେଁ ଡର୍ବିନେ ଏଞ୍ଜାଣାଇଁ ଗୁଣ୍ଡୁଗୁଣ୍ଡା କିନେ □

ସିସୁ ହୁାନି କାତା

(ମାତି ୨୨:୧୫-୨୨; ମାର୍କ ୧୨:୧୩-୧୭)

୧୯ ଏରେଟିଏ ମେରାପୁନାରି ଅଡ଼େ କାଜା ପୂଜେରାଜା ଦେବୁଣିଏ ଜୀସୁଇଁ ଆସାଲି ଅଣ୍ଡପିତେରି, ସାମା ଲକୁ ମାନ୍ଦାତି ଆଜିତେରି, ଇତିହୁଁ ଏଞ୍ଜାସି ଏ ପୁଣ୍ଡିକିନି କାତା ଏଞ୍ଜାରାଇଁ ସିନିକିହାନା ଖେସାମାରେସି ଇଞ୍ଜୁଁ ଏଞ୍ଜାରି ପୁରେରି □

୨୦ ଏମ୍ବାଟିଏ ଏଞ୍ଜାରି ଜୀସୁଇଁ ପାଣା ଅଡ଼େ ବାଡ଼ୁଗାଟି ସାଲୁଖି କିନାରି କେୟୁତା ଏଞ୍ଜାଣାଇଁ ହେର୍ପାଲି ପାରୁ ପାରିତେରି, ଇଞ୍ଜା ଏଚରଜାଣା ତାମ୍ବୁତାମ୍ବୁଜେ ଦାମ୍ବୁଗାଟାରି ଇଞ୍ଜୁଁ ତସା କଡିନି ନାଡ଼ିକିନାରି ଜୀସୁଇଁ ତାନି ଖେହୁନି କାତାତା ଦହ ଦସାଲି ଏଞ୍ଜାଣି ତାଣା ପାଣ୍ଡିତେରି □

୨୧ ଏଞ୍ଜାରି ଜୀସୁଇଁ ଖେରେରି, “ଗୁରୁ, ମାମ୍ବୁ ପୁଞ୍ଜାମାନମି, ନୀନୁ ଏନାଆଁ ଖେସାମାଞ୍ଜି ଅଡ଼େ ଜାପୁହାମାଞ୍ଜି ଏଡି ସାତା, ଅଡ଼େ ଆମ୍ବାଆରାଇଁ ପାରଡ଼ା ବାଟି କିଅଡି, ସାମା ସାତା ମାହାପୁରୁତି ଜିରୁତି କାତା ଜାପୁଡି □

୨୨ ଆତିହୁଁ କାୟିସରକି ସିସୁ ହୁାନାୟି ମେରା ମାନେକି ଆଏ □

୨୩ ସାମା ଜୀସୁ ଏଞ୍ଜାରି ନାଡ଼ିକିନି ଅଣ୍ଡପୁତି ପୁଞ୍ଜାନା ଏଞ୍ଜାରାଇଁ ଖେସେସି, “ନାଜେ ର ଖେଣ୍ଡି ଟାକା ହିୟାଦୁ □

୨୪ ଏ ଖେଣ୍ଡି ଟାକାତା ଆମ୍ବାଆରି ବମା ଅଡ଼େ ଦରୁ ମାନେ, ଏଞ୍ଜାରି ଖେସେରି, “କାୟିସରଖାୟି □

୨୫ ଏରେଟିଏ ଜୀସୁ ଏଞ୍ଜାରାଇଁ ଖେସେସି, “ଆତିହୁଁ କାୟିସରଖାୟି ଏନାୟି ଏନାଆଁ କାୟିସରକି ହୀଦୁ; ଇଞ୍ଜା ମାହାପୁରୁଖାୟି ଏନାୟି ଏନାଆଁ ମାହାପୁରୁକି ହୀଦୁ □

୨୬ ଏରେଟିଏ ଏଞ୍ଜାରି ଲକୁ ନକିତା ଏଞ୍ଜାଣାଇଁ ଏଡି ଦହ ଦସାଲି ଆଡ଼ାଆତେରି, ଇଞ୍ଜା ଏଞ୍ଜାରି ଜୀସୁ ଖେସି କାତାତାକି ଆତାଜାକା ଆହାନା ପାଲେଏ ମାରେରି □

ହାଡ଼ାରି ଖେଣ୍ଡେ ନିଜିନି କାତା

(ମାତି ୨୨:୨୩-୩୩; ମାର୍କ ୧୨:୧୮-୨୭)

୨୭ *ଏମ୍ବାଟିଏ ହାଡ଼ାରି ଖେଣ୍ଡେ ନିଜିନାଣି ନାମିହିଲାଆଗାଟି ଏଚରଜାଣା ସାଦୁକିୟା ଜୀସୁତାଣା ଖାହାନା ଖେରେରି,

୨୮ “ଏ ଗୁରୁ ମସା ମାଜେତାକି ରାଡ଼ାମାନେସି, ରଅସି ବାହା ଆହାଁ କକାରି ପଦାଁ ଆଆନା

ହାଡ଼ିହୁଁ, ଏଞ୍ଜାଣି ତାୟି ତାନି ଡକ୍ରିନି ଇଟାନା ଏଞ୍ଜାଣି କୁଡ଼ା ଏପିକିୟାଲି ଆନେ □

୨୯ ସାତା ଜାଣା ତାୟିୟା ମାରେରି; କାଜାସି ବାହା ଆହାନା କକାରି ପଦାଁ ଆଆନା ହାଡ଼େସି;

୩୦ ତାୟୁ ଏଞ୍ଜାଣି ଜେଚତାସି ଇଚିତେସି, ଅଡ଼େ ଏଞ୍ଜାଣି ଜେଚତାସି ଇଚିତେସି;

୩୧ ଏଲେକିହୁଁଏ ସାତା ଜାଣା ଜିକେଏ କକାରି ପଦାଁ ଆଆନା ହାଡ଼େରି □

୩୨ ତାୟୁ ଏ ଇୟା ଜିକେଏ ହାଡ଼େ □

୩୩ ଆତିହୁଁ ଖେଣ୍ଡେ ନିଜିନି ଦିନା ଏଞ୍ଜାରି ବିତ୍ତାଟି ଏ ଇୟା ଆମ୍ବାଆରି ତକ୍ତି ଆନେ ? ଇଚିହୁଁ ସାତା ଜାଣା ଜିକେଏ ଏଦାନି ଇଟାମାରେରି □”

୩୪ ଜୀସୁ ଏଞ୍ଜାରାଇଁ ଏଲେଇରେସି, “ଇ ଦାରଡିତି ଲକୁ ବାହା କିନେରି ଅଡ଼େ ଆନେରି,

୩୫ ସାମା ଖାନ୍ତି ଜୁଗୁତାକି ଇଞ୍ଜା ହାକିଟି ନିଜାଲିତାକି ପାଡ଼ା ଆନାରି ବାହା ଆଅରି କି ବାହା ହାଅରି;

୩୬ ଇଚିହୁଁ ଏଞ୍ଜାରି ଦୁଡୁୟାଲେହେଁ ଆହାନା ଏରେଲାଖା ହାଅରି, ଇଞ୍ଜା ହାକିଟି ନିଜାମାନାକି ଏଞ୍ଜାରି ମାହାପୁରୁତି ମୀରକା ଆନେରି □

୩୭ ସାମା ହାଡ଼ାରି ସାତେଏ ନିଜିନେରି ଇଞ୍ଜୁଁ ମସାଇଁ ଜିକେଏ ଖେହିମାନି ବୁଗାଟି କାରୁତଲେ ନେହୁଁକିଁ ତସାମାରେସି, ଇଚିହୁଁ ଏଞ୍ଜାସି ପ୍ରବୁଇଁ ଅବ୍ରାହାମତି ମାହାପୁରୁ, ଇସାହାକତି ମାହାପୁରୁ ଅଡ଼େ ଜାକୁବତି ମାହାପୁରୁ ଇଞ୍ଜାମାରେସି □

୩୮ ଏଞ୍ଜାସି ହାଡ଼ାରି ମାହାପୁରୁ ଆଏ ସାମା ଜୀଞ୍ଜୁଗାଟାରି ମାହାପୁରୁ; ଇଚିହୁଁ ମାହାପୁରୁ ନକିତା ବାରେଜାଣା ନୀତାମାନେରି □”

୩୯ ଏମ୍ବାଟିଏ ମେରାପୁନାରି ବିତ୍ତାଟି ଏଚରଜାଣା ଏଲେଇରେରି, “ହାଅ, ଗୁରୁ ନୀନୁ ଅଜେ ଖେସ୍ତାତି □”

୪୦ ଇଚିହୁଁ ଏଞ୍ଜାଣାଇଁ ଅଡ଼େ ଏନାଆଁ ଖେଞ୍ଜାଲି ଏଞ୍ଜାରାକି ସାସା ହିଲାଆତେ □

କ୍ରୀସୁ ଆମ୍ବାଆସି

(ମାତି ୨୨:୪୧-୪୬; ମାର୍କ ୧୨:୩୫-୩୭)

୪୧ ଏମ୍ବାଟିଏ ଜୀସୁ ଏଞ୍ଜାରାଇଁ ଖେରେସି, କ୍ରୀସୁ ଦାଞ୍ଜୁଦ ମୀରଏସି, ଲକୁ ଏନିକିଁ ଏଲେଇନେରି ?

୪୨ ଇଚିହୁଁ ଦାଞ୍ଜୁଦ ତାନୁଏ ପାରୁ ପତିତା ଏଲେଇଞ୍ଜି ମାନେସି,

ପ୍ରବୁ ନା ପ୍ରବୁଇଁ ଖେସେସି,

୪୩ ନୀନୁ ନୀ ସାଡୁୟାଣି ନୀ କଡାୟାଁ ଡ଼ଇ ଇଟାଆ ପାଡେକା,

ନୀନୁ ନା ଟିଃନିଖାକି କୁଗାମାନାମୁ □

୪୪ ଦାଞ୍ଜୁଦ ତାନୁଏ ଏଞ୍ଜାଣାଇଁ ପ୍ରବୁ ଇଞ୍ଜୁଁ ମାନେସି; ଆତିହୁଁ କ୍ରୀସୁ ଏନିକିଁ ଏଞ୍ଜାଣି ମୀରଏସି ?

* ୨୦:୨୭ ୨୦:୨୭ କାମା ୨୩:୮

ମେରାପୁନାରି ତାଣାଟି ଜାଗ୍ରାତା
(ମାତି ୨୩:୧-୩୭; ମାର୍କ ୧୨:୩୮-୪୦)

୪୫ ତାମ୍ଭୁ ବାରେ ଲକ୍ଷ୍ମ ନକିତା ସୀସୁୟାଁଇଁ
ଝେସ୍ତେସି,

୪୬ “ମେରା ଜାପୁନାରି ତାଣାଟି ଜାଗ୍ରାତା!
ଇଚିହଁ, ଏଞ୍ଜାରି ଲାମ୍ବା ଲାମ୍ବା ହିମ୍ବୁରିକା ହୁଚାନା
ତିରୁଞ୍ଜିହଁ ରେଜାଲି, ଅଡେ ହାଟା ବାଜାରାତା
ଜହରା ବେଟାଆହାଲି, ପ୍ରାତାନା ଇଲ୍‌କାଣା
ନେହଁ ନେହଁ କୁଚଁୟାଁ ଅଡେ ବକିତା ନେହଁ
ଟାମ୍ଭୁ ବେଟାଆହାଲି ଅଣ୍ପିନେରି;

୪୭ ଏଞ୍ଜାରି ରାଣ୍ଡେଣିସିକା ଇଲ୍ଲୁ ସେନ୍ଦିନେରି
ଅଡେ ଉଜେ ଉଜେଏ ଲାମ୍ବା ଲାମ୍ବା ପ୍ରାତାନା
କିନେରି; ଏଞ୍ଜାରି ହାରେକା ଡଣ୍ଡ ବେଟାଆନେରି ।”

୨୧

ରାଣ୍ଡେଣିନି ଦାନା
(ମାତି ୧୨:୪୧-୪୪)

୧ ଏଚିବେଲା ଦନଗାଟାରି ଦାନା ପେଡାତା ତାନି
ଦାନା ମେଡ଼ିହି ମାଟାଣି ଜୀସୁ ସିନିକିହିମାଚେସି,

୨ ଅଡେ ର କାର୍ମାଗାଟି ରାଣ୍ଡେଣି ଝାହାନା ଏମ୍ବାଆଁ
ରୀ ଉଣା ତାମ୍ବାଟି ଆଦଲି ମେଡ଼ିହାଣି ମେସାନା
ଏଲେଇଚେସି,

୩ “ନାନୁ ମିଙ୍ଗ ସାତା ଝେସିମାଞ୍ଜାଇଁ ଇ କାର୍ମାଗାଟି
ରାଣ୍ଡେଣି ଗାଡି ଦାନା ହାହାମାନେ,

୪ ଇଚିହଁ ଦନ ଗାଟାରି ତାନି ଗାଡି ଦନଟି
ଇଚାଣି ତାଚାନା ବେଟୁ ହାହାମାନେରି, ସାମା
କାର୍ମାଗାଟି ରାଣ୍ଡେଣି ତାନି ହିଲାଆବେଲାତା ତାଙ୍ଗେ
ନୀଡାଲିତାକି ଏନାୟି ମାଚେ ଏ ବାରେ ହାହାମାନେ
।”

ମାହାପୁରୁ ଇଲ୍ଲୁ ନସ୍ତୁ ଆନି କାତା
(ମାତି ୧୪:୩-୧୪; ମାର୍କ ୧୩:୩-୧୩)

୫ ଅଡେ ଆମ୍ବା ଆମ୍ବାଆରି ମାହାପୁରୁ ଇଲ୍ଲୁ ଅକ୍ତି
ଅକ୍ତି ଝାଲକା ଅଡେ ଦାନା ହୀନାଣି ତଲେ
ଅକ୍ତିକଁ ଅଜାମାନେ ଇଞ୍ଜା ଇଞ୍ଜାଲିଏ ଜୀସୁ
ଏଲେଇଚେସି,

୬ “ମୀରୁ ନୀଏଁ ଏନା ଏନାଆଁ ମେସିମାଞ୍ଜେରି,
ଦିନା ଝାନ୍ନେ, ଏଚିବେଲା ର ଝାଲି ଅର ଝାଲି ଲାକ
ଡ଼ୟେଏ, ଇ ବାରେ ମେଣ୍ଡାହାନେ ।”

କସ୍ତୁ ଅଡେ ନିନ୍ଦା ଝାନ୍ନି କାତା
(ମାତି ୨୪:୩-୧୪; ମାର୍କ ୧୩:୩-୧୩)

୭ ଏଚିବେଲା ଏଞ୍ଜାରି ଏଞ୍ଜାଣାଇଁ ଝେଚେରି, “ଏ
ଗୁରୁ ଆତିହଁ ଇ ବାରେ ଏଚେଲା ଆନେ ? ଇଞ୍ଜା
ଇ ବାରେ ଆନିନି ବେଲାତା ଆନେ, ଏ ବେଲାତି
ସିନା ଏନାୟି ?”

୮ ଜୀସୁ ଏଲେଇଚେସି, “ଜାଗ୍ରାତା ମୀରୁ
ଏନିକଁ ଆନ୍ଦା ଆଅଡେରି; ଇଚିହଁ ହାରେକା ନା
ଦରୁଟି ଝାହାନା ନାନୁ ଏଞ୍ଜାତେଏଁ ଅଡେ ଏ ଦିନା

ଏଦାତେୟିଏ ଇଞ୍ଜା ଇଞ୍ଜାନେରି; ଏଞ୍ଜାରି ଜେଚ
ହାଲାଆଦୁ ।

୯ ଇଞ୍ଜା ମୀରୁ ଏଚେତା ଜୁଜୁ ଇଞ୍ଜା ମେଲି
ଆହିମାନାଣି ଝେଚିସାରେ ଆଜାଆଦୁ; ଏନିଇଚିହଁ
ଇ ବାରେ ନକେଏ ଆୟାଲି ଆନେ, ଆଡିଜିକେଏ
ଏଚିବେଲା ଜୁଗୁ ରାଏ ।”

୧୦ ତାମ୍ଭୁ ଏଞ୍ଜାରାଇଁ ଏଲେଇଚେସି, “ଦେସା
କପାଟି ଦେସା, ରାଜି କପାଟି ରାଜି ମେଲି ନିଙ୍ଗନେ,

୧୧ ଇଞ୍ଜା ଇମ୍ବାଆଁ ଏମ୍ବାଆଁ ବୁନି ଝାଡିନେ,
ହାରେକା ଟାମ୍ଭୁତା ମରଡି ଇଞ୍ଜା କାର୍‌ଝୁ ଝାନ୍ନେ,
ଅଡେ ହାଗୁ ପାକାତା ଆଜିହପେତି ସିନାୟାଁ ତଞ୍ଜା
ଆଦୁ ।

୧୨ ସାମା ଇ ବାରେ ଆଆ ନକେଏ ଲକ୍ଷ୍ମ ମିଙ୍ଗେ
ଆସାନା ନା ଦରୁ ତାକି ନିନ୍ଦା କିହାନା ଜୀହୁଦି
ଲକ୍ଷ୍ମି କୁଟମି ଇଲ୍‌କାଣା*, କାୟିଦି ଇଲ୍‌କାଣା,
ରାଜା ଇଞ୍ଜା ନୀହାୟି କିନାରି ତାଣା ହେରପାନେରି;

୧୩ ଇଦି ମିଙ୍ଗେତାକି ସାକି ଆନେ ।

୧୪ ଇଞ୍ଜା ଏନାଆଁ ଜଲିଇଁ ଏନାଆଁ ଝେହ୍‌ଇଁ
ଇଞ୍ଜା ତଲିଏ ମନତା ଅଣ୍ପାଆଦୁ;

୧୫ ଏନାଆଁତାକି ଇଚିହଁ ମୀ ସାତୁୟାଁ ମିଙ୍ଗେ
ଝେଣ୍ଡେ ଜଲାଲି କି ଝେସାଲି ଆଡାଆପେରିଝା
ଇଞ୍ଜା ନାନୁ ମିଙ୍ଗେ ଏଚିବେଲାତା ନେହଁ ବୁଦି
ଅଡେ ସୁଝା ହିୟାଇଁ ।

୧୬ ସାମା ମୀ ତାଲି ତାଞ୍ଜି ତାୟିୟାଁ
ସାମ୍‌ଦିୟାଁ ଇଞ୍ଜା ମୀ ତଣେସିଙ୍ଗା ଜିକେଏ
ମିଙ୍ଗେ ହେରୁପାନେରି, ଅଡେ ମୀ ବିତ୍ରାଟି ଆମ୍ବା
ଆମ୍ବାଆରାଇଁ ଇରହାନା ପାୟିନେରି,

୧୭ ଇଞ୍ଜା ନା ଦରୁ ତାକି ବାରେ ଲକ୍ଷ୍ମତାଣା ଲାଜା
ବେଟାଆଦେରି ଅଡେ ଅପଅରି ।

୧୮ ସାମା ମୀ ତାୟିଁ ତୁ ର ବାଣା ଜିକେଏ ନସ୍ତୁ
ଆଏ;

୧୯ ଅରହିନି ତାଣାଟି ମୀରୁ ମୀ ଜୀଝୁତି
ଗେଲ୍‌ପିକିହା କଡିଦେରି ।”

ଜିରୁସାଲମ ନାସା ଆନି କାତା

(ମାତି ୨୪:୧୫-୨୧; ମାର୍କ ୧୩:୧୪-୧୯)

୨୦ “ସାମା ମୀରୁ ଏଚିବେଲା ସାତୁୟାଁ
ଜିରୁସାଲମ ଗାଡାତା ମୁଚାମାନାଣି ମେହ୍‌ଦେରି,
ଏଚିବେଲା ଏଡି ନାସା ଆନି କାଲା ଏଦାତେ ଇଞ୍ଜା
ପୁଞ୍ଜୁ ।

୨୧ ଏଚିବେଲା ଏନିନିଗାଟାରି ଜୀହୁଦା ଦେସାତା
ମାନେରି, ଏଞ୍ଜାରି ହରକାଣା ହଣପାରି; ଇଞ୍ଜା
ଏନିନିଗାଟାରି ଗାଡା ବିତ୍ରା ମାନେରି, ଏଞ୍ଜାରି ହଡା
ହାଲ୍‌ବେରି; ଏନିନିଗାଟାରି ନାସ୍‌କାଣାଁ ମାନେରି,
ଏଞ୍ଜାରି ଗାଡାତା ହଡୁଆପେରି;

* ୨୧:୧୨ ୨୧:୧୨ ସିନଗଗ ☆ ୨୧:୧୪ ୨୧:୧୪ ଲୁକ ୧୨:୧୧,୧୨

୨୨ ଏନିଇଚିହିଁ ମାହାପୁରୁ ପତିତା ରାସ୍ତକି ଆହାମାନି ବାରେ କାତାଲେହେ ଆୟାଲିତାକି ଏଦି ତଣ୍ଡୁ ହାନି କାଲା ।

୨୩ ଆୟତା ଏଚିବେଲା ପୁରାମାସା ଆହାମାନୁ କି ପାଲୁ ଉଚ୍ଚିମାନୁ ଏଝି ଉଣେଏ କସ୍ତ ପାଣ୍ଡୁକି! ଏନିଇଚିହିଁ ଏଚିବେଲା ଇ ଦାର୍ତତା କାଜା ତଣ୍ଡୁ ଅଡେ ଇ ଲକ୍ଷ୍ମତାକି ମାହାପୁରୁତି କପା ଆନେ,

୨୪ ଏଚରଜାଣା କାଣ୍ଡାତଲେ ଚୁଣ୍ଡି ଆନେରି, ଇଞ୍ଜା ଏଚର ଜାଣାଲ୍ ଦସ୍ପି କିହା ଏଚକା କୃତାତି ଲକ୍ଷ୍ମତାଣା ଅନେରି, ଇଞ୍ଜା ଏଚକା ଜାଡିତି ଲକ୍ଷ୍ମତି କାଲା ଏଆ ପାତେକା ଏଝାରି କତାୟା ତୁଇ ଜିରୁସାଲମ ଗାଡ଼ା ଝିସ୍ପିଆହିଁ ତୁୟିନେ ।”

ମାଣ୍ଡି ମୀରୁଏସି ଝେଣ୍ଡା ଝାନାୟି
(ମାତି ୨୪:୨୯-୩୧; ମାର୍କ ୧୩:୨୪-୨୭)

୨୫ * “ଏମ୍ପାଟିଏ ଝେଡ଼ା ଲେଞ୍ଜୁ ଅଡେ ହୁକାୟା ବିତ୍ରାଟି ଏନି ଏନି ସିନାୟା ତଞ୍ଜାଆନେ, ସାମ୍ପଦୁରି ଗାଜିନାଣି ଇଞ୍ଜା ଏୟୁ ନିଜିନାଣି ମେସାନା ଦାର୍ତତି ବାରେ ଦେସାତି ଲକ୍ଷ୍ମ ଆତାଜାକା ଆନେରି,

୨୬ ଇଞ୍ଜା ଦାର୍ତତା ଏନା ଏନାୟି ଗଟଝି ଆହିମାନେ ଇଞ୍ଜି କାଚାନା ଲକ୍ଷ୍ମ ଆଜିତାକି ଜୀଝୁ ପିସ୍ତିଲେହେ ଆନେରି, ଏନିଇଚିହିଁ ହାଗୁ ପାକାତି ବାଡ଼ୁ ବାରେ ଝୀତିନେ ।

୨୭ * ଏଚିବେଲା ମାଣ୍ଡି ମୀରୁଏସି କାଜା ବାଡ଼ୁୟୁ ଅଡେ ଗାଝୁରମି ତଲେ ହାଗୁ ଲାକତି ଦୁହାଟି ଝାନାଣି ମେହ୍ଦେରି ।

୨୮ ସାମା ଇ ବାରେ ଗଟଝି ଆୟାଲି ମାଟ୍ଟିସାରେ ମୀରୁ ଲାକ ସିନିକିଦୁ ଏନିଇଚିହିଁ ମିଙ୍ଗେ ଗେଲ୍ପିନି କାତା ଏଜିମାଞ୍ଜାନେ ।”

ତୟା ମାର୍ଡୁଚି ଜାପିନାୟି
(ମାତି ୨୪:୩୨-୩୫; ମାର୍କ ୧୩:୨୮-୩୧)

୨୯ ଅଡେ ଜୀସୁ ଏଝାରାଲ୍ ର ପୁଣ୍ଡିକିନି କାତା ଝେସ୍ପେସି, “ତୟା ମାର୍ଡୁ ଅଡେ ବାରେ ମାର୍ଡକାଣି ସିନିକିଦୁ;

୩୦ ଏଚିବେଲା ଏଝି ଗଝେଡ଼ି ଗାଲ୍ଲୁ, ଏ ଗଝେଡ଼ି ଗାଲ୍ଲନାଣି ମେସାନା କାରା ଝେଡ଼ା ଝାଡେ ଇଞ୍ଜି ମୀରୁ ପୁଞ୍ଜେରି;

୩୧ ଏଲେକିହିଁ ଏ ମୀରୁ ଇ ବାରେ ମେସାନା ମାହାପୁରୁତି ରାଜି ଏଜିମାଞ୍ଜାନେ ଇଞ୍ଜି ପୁଞ୍ଜେରି ।”

୩୨ “ନାନୁ ମିଙ୍ଗ ସାତା ଝେସିମାଞ୍ଜାଲ୍, ଇ ବାରେ ଆଆପାତେକା ଇ କାଲାତି ଲକ୍ଷ୍ମ ଏନିଜିକେଏ ମେଣ୍ଡାଅରି ।

୩୩ ହାଗୁପାକା ଦାର୍ତତି ବାରେ ମେଣ୍ଡାଜିନେ, ସାମା ନା ବିଲୁ ଏଚେଲାଝା ମେଣ୍ଡାଜେଏ ।”

କାଚିହିଁ ମାନାୟି
(ମାତି ୨୪:୩୬-୪୪; ମାର୍କ ୧୩:୩୨-୩୭)

୩୪ “ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ, ଆଆତିହିଁ ତିନାଣି ଉନାଣି ଅଡେ ବାଡ଼କିନି ଅଣ୍ଡପୁ ମୀ ହିୟାତା ନେଞ୍ଜିନେ ଅଡେ ଏ ଦିନା ଦେବୁଣିଏ ପାଦାଲେହେ ମୀ ମୁହେଁ ଝାନେ;

୩୫ ଏନିଇଚିହିଁ ଏଦି ପାଦା ଲେହେଁ ଦାର୍ତତି ବାରେ ଜାଡିତି ଲକ୍ଷ୍ମ ମୁହେଁ ଝାନେ ।

୩୬ ସାମା ମୀରୁ ଏନିକି ଇ ବାରେ ଝାହିମାନି ତଣ୍ଡୁଟି ଗେଲ୍ପି ଆହାଲି ଅଡେ ମାଣ୍ଡି ମୀରୁଏଣି ନକିତା ନିଚାଲି ଆଡିଦେରି, ଏଦାଆଁତାକି ବାରେବେଲା କାଚାନା ପ୍ରାତାନା କିହେମାଞ୍ଜୁ ।”

୩୭ * ଜୀସୁ ଏଚିବେଲା ପ୍ରାତାନା ଇଲୁତା ଜାପୁହି ମାଚେସି, ଇଞ୍ଜା ଲାଆୟା ଗାଡ଼ାଟି ହଚା ହାଜାନା ଜୀତ ଇନି ହରୁତା ମାଣ୍ଡିତେସି ।

୩୮ ଅଡେ ବାରେ ଲକ୍ଷ୍ମ ପ୍ରାତାନା ଇଲୁତା ଜୀସୁ କାତା ଝେଞ୍ଜାଲି ଲାକ ଲାକସିଏ ରୁଣ୍ଡା ଆହିମାଚେରି ।

୨୨

ଜୀସୁଲ୍ ପାୟାଲି ପାରୁ ପାରିନାୟି
(ମାତି ୨୪:୧-୫; ମାର୍କ ୧୪:୧,୨; ଜହ ୧୧:୪୫-୫୩)

୧ ପିସ୍ପିଆନି ପାରୁ ଦରୁଗାଟି ପୁଲ୍ୟାୟୁ ଆଣ୍ଡାଆତି ରୁଟି ତିନି ପାରୁ ତାଗେ ଆହିମାଚେ ।

୨ ଇଞ୍ଜା କାଜା ପୁଜେରା ଅଡେ ମେରାପୁନାରି, ଜୀସୁଲ୍ ଏନିକି ପାୟାଲି ଆଡିନେରି, ଏଦାଆଁତାକି ପାରୁ ପାରିମାଚେରି, ସାମା ଏଝାରି ଲକ୍ଷ୍ମଣି ଆଜିମାଚେରି ।

ଜୀହୁଦା ଜୀସୁଲ୍ ଆସ୍ପି କିହାଲି ରାଜି ଆନାୟି
(ମାତି ୨୨:୧୨-୨୬; ମାର୍କ ୧୪:୧୦,୧୧)

୩ ଏଚିବେଲା ବାରଜାଣା ସୀସୁୟା ବିତ୍ରାମାନି ଇସ୍ପାରିୟତ ଦରୁଗାଟି ଜୀହୁଦା ହିୟାତା ସୟତାନ ହଟେ;

୪ ଅଡେ ଜୀହୁଦା ହାଜାନା ଏନିକି କାଜା ପୁଜେରାକା ଅଡେ ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସ୍ପି କିନେସି, ଏଦାଆଁତାକି ଏଝାରିତଲେ କାତାବାର୍ତା ଆଡେସି ।

୫ ଏମ୍ପାଟିଏ ଏଝାରି ରାହାଁ ଆହାନା ଏଝାଣାକି ଟାକାୟା ହାହାଲି ଆଞ୍ଜିତେରି ।

୬ ଅଡେ ଜୀହୁଦା ରାଜି ଆହାନା ଲକ୍ଷ୍ମ ହିଲାଆବେଲାତା ଜୀସୁଲ୍ ଏଝାରି କେୟୁତା ହେରପାଲି ପାରୁ ପାରିତେସି ।

☆ ୨୧:୨୫ ୨୧:୨୫ ଝେ ବଲୁ ୬:୧୨,୧୩ ☆ ୨୧:୨୭ ୨୧:୨୭ ଝେ ବଲୁ ୧:୭ ☆ ୨୧:୩୨ ୨୧:୩୨ ଲୁକ ୧୯:୪୭

ପିସ୍‌ପିଆନ୍ତି ପାର୍ବୁତି ବଢ଼ି ତିୟାରା କିନାୟି
(ମାତି ୨୭:୧୭-୨୫; ମାର୍କ ୧୪:୧୨-୨୧; ଜହ
୧୩:୨୧-୩୦)

୭ ତାୟୁ ଆମିନି ଦିନା ପୁଲ୍‌ଏୟୁ ଆଣ୍ଡାଆତି ରୁଟି
ତିନି ପିସ୍‌ପିଆନ୍ତି ପାର୍ବୁତାକି ମେଣ୍ଡା ତାଲକାଣି ପୂଜା
କିନି ଦିନା ଏତେ;

୮ ଏଚେଟିଏ ଜୀସୁ ପିତର ଅଡ଼େ ଜହନଇଁ
ଇ କାତା ଝେସା ପାଣ୍ଡିତେସି, “ମୀରୁ ହାଜାନା
ମାଙ୍ଗେତାକି ପିସ୍‌ପିଆନ୍ତି ପାର୍ବୁତାକି ରାନ୍ଦା ଖାଜାଦୁ
ମାରୁ ତିନିଖା □”

୯ ଏମ୍ବାଟିଏ ଏଝାରି ଜୀସୁଇଁ ଝେଚେରି, “ମାୟୁ
ଆମ୍ବିୟା ହାଜାନା ରାନ୍ଦା ଖାଜିହାଲାପାରି ଇଞ୍ଜି
ନୀନୁ ଅଣପିମାଞ୍ଜି ?”

୧୦ ଏଝାସି ଏଝାରାଇଁ ଏଲେଇଚେସି, “ମୀରୁ
ଗାଡ଼ା ହଟିସାରେ ତ:କାତା ଏୟୁ ଅହିମାନାଣାଇଁ
ମେହଦେରି; ଏଝାଣି ଜେଚ ଜେଚ ହାଜାନା ଏଝାସି
ଆମିନି ଇଜ ହଡ଼ନେସି ଏ ଇଲୁ ଗାଟାଣାଇଁ
ଝେହଦୁ,

୧୧ ଗୁରୁ ନିଙ୍ଗ ଇଲେଇଞ୍ଜି ଝେସା
ପାଣ୍ଡାମାଞ୍ଜାନେସି, ନାନୁ ନା ସୀସୁୟାଁ ତଲେ
ପିସ୍‌ପିଆନ୍ତି ପାର୍ବୁତି ବଢ଼ି ଏମିନି ଇଲୁତା ତଇଁ ଏ
ବାକ୍ସା ଆମିନାୟି ତସ୍ତାମୁ ?

୧୨ ଏମ୍ବାଟିଏ ଏଝାସି ନେହୁଁ ତିୟାରା ଆହାମାନି
ଲୀକନି ପାରୁତି ର କାଜା ବାକ୍ସା ତସ୍ତାନେସି; ଏମ୍ବାଆଁ
ମାଙ୍ଗେତାକି ରାନ୍ଦା ଖାଜାଦୁ □”

୧୩ ଏଝାରି ହାଜାନା ଜୀସୁ ଏଝାରାଇଁ ଏନିକ
ଝେସାମାଚେସି, ଏଲେକିଁ ମେସାନା ପିସ୍‌ପିଆନ୍ତି
ପାର୍ବୁତି ରାନ୍ଦା ଖାଜିତେରି □

ପ୍ରବୁତି ବଢ଼ି

(ମାତି ୨୭:୨୭-୩୦; ମାର୍କ ୧୪:୨୨-୨୬; ୧କର
୧୧:୨୩-୨୫)

୧୪ ପିସ୍‌ପିଆନ୍ତି ପାର୍ବୁତି ବେଲା ଆୟାଲିଏ, ଜୀସୁ
ଅଡ଼େ ତାନି ପାଣ୍ଡି ଆଡ଼ି ସୀସୁୟାଁ ତଲେ ତିଞ୍ଜାଲି
କୁଗିତେରି □

୧୫ ଅଡ଼େ ଏଝାସି ଏଝାରାଇଁ ଏଲେଇଚେସି,
“ନାନୁ ଦୁକୁ କସ୍ତ୍ର ପୁଃଆଁ ନକେଏ ମୀ ତଲେ
ଇ ପିସ୍‌ପିଆନ୍ତି ପାର୍ବୁତି ବଢ଼ି ତିଞ୍ଜାଲି ହାରେକା
ଅଣପାମାଚେସି □

୧୬ ଏନିଇଚିହୁଁ ନାନୁ ମିଙ୍ଗେ ଝେସିମାଞ୍ଜାଇଁ,
ମାହାପୁରୁ ରାଜିତା ଇ କାତା ବାରେ ପୁରା
ଆଆପାତେକା ନାନୁ ଅଡ଼େ ଏଚେଲାଝା ଏଦାଆଁ
ତିନଅଁ □”

୧୭ ଇଞ୍ଜା ଏଝାସି ର ସଲା ଆସାନା ମାହାପୁରୁଇଁ
ଜହରା କିହାନା ଏଲେଇଚେସି, “ମୀରୁ ଇଦାଆଁ
ଅହାନା ମୀ ବିତ୍ରା ବାଟିକିଦୁ □

୧୮ ଇଚିହୁଁ ନାନୁ ମିଙ୍ଗେ ଝେସିମାଞ୍ଜାଇଁ,
ମାହାପୁରୁ ରାଜି ଝାଆ ପାତେକା ନାନୁ ନୀଞ୍ଜୁଟିଏ
ଅଙ୍ଗୁରି ରାସା ଏଚେଲାଝା ଗହଅଁ □”

୧୯ ଅଡ଼େ ଏଝାସି ରୁଟି ଅହାନା ମାହାପୁରୁଇଁ
ଜହରା କିହାଁ ଡ଼ିକହାନା ହାହାଁ ଏଲେଇଚେସି,
“ମିଙ୍ଗେତାକି ହୀପକି ଆହାମାନି ନା ଆଙ୍ଗା ଇଦି;
ନାଙ୍ଗେ ଅଣପାଲି ଇଦାଆଁ କିଦୁ □”

୨୦ ଏଲେକିହୁଁଏ ତିଚି ତାୟୁ ଏଝାସି ଗହନି
ସଲା ଆସାନା ଏଲେଇଚେସି, “ଇ ସଲାତା
ମିଙ୍ଗେତାକି ଝାକ୍‌ହିମାନି ନା ନେତେରିତି ପୁଃନି
ରାଜିମାନା □”

୨୧ “ସାମା ମେହଦୁ ଆମ୍ବାଆସି ନାଙ୍ଗେ ସାତୁ
କେୟୁତା ହେରପିମାଞ୍ଜାନେସି, ଏଝାସି ନା ତଲେ
ବଢ଼ିତା କୁଗାମାନେସି □

୨୨ ଏନିଇଚିହୁଁ ମାହାପୁରୁ ତାରି କିହାମାତି
ଲେହେଁ ମାଣ୍ଡସି ମୀରଏସି ହାନ୍ନେସି, ସାମା
ଏଝାଣାଇଁ ସାତୁ ତାଣା ହେରପିନାସି ଆୟତା ଏଝାସି
ଢ଼ଣେଏ ତଣ୍ଡ ବେଟା ଆନ୍ନେସି □”

୨୩ ଏମ୍ବାଟିଏ ଏଝାରି ମା ବିତ୍ରାଟି ଆମ୍ବାଆସି
ଇଲେତି କାମା କିନେସି ଇଞ୍ଜି ତାୟୁ ତାୟୁ
ଜଲୁକି ଆଡ଼େରି □

ଆମ୍ବାଆସି କାଜାସି ଇଞ୍ଜି ବାଦିବାଦା

୨୪ ଇଞ୍ଜା ଏଝାରି ବିତ୍ରାଟି ଆମ୍ବାଆସି କାଜାସି
ଆନ୍ନେସି ଇଞ୍ଜି ସୀସୁୟାଁ ବିତ୍ରା ଆସପି ଆଡ଼େରି □

୨୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି,
“ଏଟକା କୁଡ଼ାତି ରାଜାୟାଁ ଏଝାରି ମୁହେଁ ସାଲୁଝି
କିନେରି, ଅଡ଼େ ଆମିନି ଗାଟାରି ଏଝାରାଇଁ ସାଲୁଝି
କିନେରି, ଏଝାରି ଲକୁତାଣା ନେହାଁରି ଇଞ୍ଜି
ଝେଙ୍ଗାଲି ଅଣପିନେରି □

୨୬ ସାମା ମୀ ବିତ୍ରା ଏଲେଆଆଦୁ ଇଚିହୁଁ
ମୀ ବିତ୍ରା ଆମ୍ବାଆସି କାଜାସି ଏଝାସି ଢ଼ଣା ଆଡ଼େସି,
ଇଞ୍ଜା ଆମ୍ବାଆସି ସାଲୁଝି କିନାସି ଏଝାସି ସେବା
କିନାସି ଆଡ଼େସି □

୨୭ ଆମ୍ବାଆସି କାଜାସି ? ତିଞ୍ଜାଲି କୁଗିନାସି
କାଜାସି କି ସେବା କିନାସି କାଜାସି ? ତିଞ୍ଜାଲି
କୁଗିନାସି କାଜାସି ଆସକି ? ସାମା ନାନୁ ମୀ ବିତ୍ରା
ସେବା କିନାତେଏଲେହେଁ ଆହାମାଇଁ □”

୨୮ “ସାମା ମୀରୁ ନା ବାରେ କସ୍ତ୍ରତା ନା ତଲେ
ମାଞ୍ଜାମାଞ୍ଜେରି;

୨୯ ଇଞ୍ଜା ନା ଆବା ଏନିକ ନାଙ୍ଗେ ସାଲୁଝି
କିହାଲି ପାଣା ହାହାମାଞ୍ଜାନେସି, ନାନୁ ଜିକେଏ
ଏଲେକିହୁଁଏ ମିଙ୍ଗେ ହିୟାଇଁ,

୩୦ ଏନିକ ମୀରୁ ନା ରାଜିତା ନା ତଲେ
କୁଗାନା ତିଞ୍ଜେରି, ଇଞ୍ଜା ସିଂଗାସାଣିତା କୁଗାନା
ଇସ୍ତାୟେଲତି ବାଡ଼ କୁଡ଼ାତି ସାଲୁଝି କିଦେରି □”

☆ ୨୨:୨୪ ୨୨:୨୪ ମାତି ୧୮:୧; ମାର୍କ ୯:୩୪; ଲୁକ ୯:୪୭ ☆ ୨୨:୨୬ ୨୨:୨୬ ମାତି ୨୩:୧୧; ମାର୍କ ୯:୩୫ ☆ ୨୨:୨୭ ୨୨:୨୭
ମାତି ୨୦:୨୫-୨୭; ମାର୍କ ୧୦:୪୨-୪୪ ☆ ୨୨:୨୭ ୨୨:୨୭ ଜହ ୧୩:୧୨-୧୫ ☆ ୨୨:୩୦ ୨୨:୩୦ ମାତି ୧୯:୨୮

ପିତର ଜୀସୁଙ୍କ ପୁଞ୍ଜାହିଲଅଁ ଇଞ୍ଜିଁ ୱେହ୍ନି କାତା

(ମାତି ୨୭:୩୧-୩୫; ମାର୍କ ୧୪:୨୭-୩୧; ଜହ ୧୩:୩୭-୩୮)

୩୧ “ସିମନ, ସିମନ ମେହ୍ନୁ ସୟତାନ ଗହ୍ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ ବେଟାଆହାମାନେ;

୩୨ ସାମା ନୀ ନାମୁ ଏନିକିଁ ମେଣ୍ଡାକୋଏ, ଇଦାଆଁତାକି ନାନୁ ନୀ ତାକି ପ୍ରାତାନା କିତେଏଁ; ଇଞ୍ଜା ନୀନୁ ନେହ୍ ଆହାନା ୱେଣ୍ଡାସାରେ ନୀ ତାୟିୟାଣି ତୀରପୁକିମୁ □”

୩୩ ସାମା ପିତର ଏଲେଇଚେସି, “ଏ ପ୍ରବୁ ନାନୁ ନୀ ତଲେ କାୟିଦିତା ହାଜାଲି ଅଡ଼େ ହାହାଲି ଜିକେଏ ଆଣ୍ଡାଲି □”

୩୪ ସାମା ଜୀସୁ ଏଲେଇଚେସି, “ଏ ପିତର ନାନୁ ଏଲେଇଞ୍ଜିମାଞ୍ଜାଲି, ନୀଞ୍ଜୁ କୟୁ କେଶଆ ନକେଏ ନୀନୁ ନାକୋ ତାନିପାଲି ପୁଞ୍ଜାହିଲଅଁ ଇଞ୍ଜିଁ ୱେହ୍ନି □”

ଟାକାୟାଁ ମଣା ଅଡ଼େ କାଣ୍ଡା

୩୫ *ଜୀସୁ ଏଞ୍ଜାରାଲି ଏଲେଇଚେସି, “ଏଚିବେଲା ନାନୁ ମିକୋ ତାରୁୟାଁ ମଣା ଇଞ୍ଜା ସେପୁୟାଁ ଅଆନା ହାନ୍ତୁ ଇଞ୍ଜିଁ ପାଣ୍ଡା ମାଞ୍ଜାତେଏଁ ଏ ବେଲା ମିକୋ ଏନାୟି ଉଣା ଆୟାତେକି ?” ଏଞ୍ଜାରି ଏଲେଇଚେରି, “ଏନାୟି ଆଏ □”

୩୬ ଏମ୍ବାଟିଏ ଜୀସୁ ଏଲେଇଚେସି, “ସାମା ନୀଏଁ ଆମ୍ବାଆରାକି ତାରୁୟାଁ ମାନୁ ଏଞ୍ଜାସି ଏଞ୍ଜାଆଁ ଅପେସି, ଏଲେକିହ୍ ଏ ମଣା ଜିକେଏ ଅପେସି, ଅଡ଼େ ଆମ୍ବାଆରାକି କାଣ୍ଡା ହିଲେଏ ଏଞ୍ଜାସି ତାନି ହିମ୍ବରି ପାରଗାନା କଡାପେସି □

୩୭ ଇଚିହ୍ ନାନୁ ମିକା ୱେସିମାଞ୍ଜାଲି, ମାହାପୁରୁ ପତିତା ରାସ୍ତିକି ଆହାମାନାୟି ସାତେଏ ନାକୋତାକି ଆନାୟି ମାନେ, ଏଞ୍ଜାସି ପାପୁ ଗାଟାରି ତଲେ ଲେକା ଆନେସି, ଏଲେଆହ୍ ଏ ଏ ବାରେ ନାକୋ ଏଜାତାଟିମାନେ □”

୩୮ ଏମ୍ବାଟିଏ ଏଞ୍ଜାରି ଏଲେଇଚେରି, “ଏ ପ୍ରବୁ ଇମ୍ବାଆଁ ରୀ କାଣ୍ଡା ମାନୁ □” ଇଞ୍ଜା ଏଞ୍ଜାସି ଏଲେଇଚେସି, “ହାଅ, ଏଞ୍ଜିଏ ସାରି ଆନୁ ଇଚେସି □”

ଜୀସୁ ଜୀତ ହରୁତା ପ୍ରାତାନା କିନାୟି

(ମାତି ୨୭:୩୭-୪୨; ମାର୍କ ୧୪:୩୨-୪୨)

୩୯ ଏଞ୍ଜାସି ଗାଡ଼ାଟି ହଚା ହାଜାନା ତାନୁ ହାଲ୍ଡିତିଲେହେଁ ଜୀତ ହରୁତା ହାଚେସି, ଅଡ଼େ ସୀସୁୟାଁ ଜିକେଏ ଏଞ୍ଜାଣି ଜେତ ହାଚେରି □

୪୦ ଏମ୍ବାଆଁ ଏଜାନା ଏଞ୍ଜାସି ତାନି ସୀସୁୟାଁଲି ୱେସେସି, “ମୀରୁ ଏନିକିଁ ପାନ୍ଦାତା ହେରଞ୍ଜି ଆଅଡେରି, ଇଦାଆଁତାକି ପ୍ରାତାନା କିଦୁ □”

୪୧ ଅଡ଼େ ଏଞ୍ଜାସି ଏଞ୍ଜାରି ତାଣାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାତାନା କିହ୍ ୱେସେସି,

୪୨ “ଏ ଆବା ନୀନୁ ମନ କିତିହ୍ ଇ ଦୁକୁ କସ୍ତୁ ନା ତାଣାଟି ଗୁଟି କିମୁ; ସାମା ନା ମନ କଡ଼େ ଆଏ ନୀ କାତେଏ ଆପେ □”

୪୩ ଅଡ଼େ ଲାକପୁରୁତି ର ଦୁଡୁ ତଞ୍ଜାଆହାନା ଏଞ୍ଜାଣାକି ବାଡ଼ୁୟୁ ହୀତେ □

୪୪ ଏଚେଟିଏ ଏଞ୍ଜାସି ହାରେକା ଦୁକୁତଲେ ଅଡ଼େ ଗାଡ଼ିକିହ୍ ପ୍ରାତାନା କିତେସି, ଇଞ୍ଜା ଏଞ୍ଜାଣି ଗାମା ନେତେରିଲେହେଁ ବୁମିତା ତରୁଗିମାଚେ □

୪୫ ଅଡ଼େ ଏଞ୍ଜାସି ପ୍ରାତାନାଟି ନିକ୍ଷା ୱାହାନା ତାନି ସୀସୁୟାଁଣି ଦୁକୁତଲେ ଇଦା କିତାଣି ମେସେସି;

୪୬ ଇଞ୍ଜା ଏଞ୍ଜାସି ଏଞ୍ଜାରାଲି ଏଲେଇଚେସି, “ଏନାଆଁତାକି ତୁରାମାଞ୍ଜେରି ? ପାନ୍ଦାତା ଏନିକିଁ ହେରଞ୍ଜିଅତେରି ଏଦାଆଁତାକି ନିକ୍ଷାନା ପ୍ରାତାନା କିଦୁ □”

ଜୀସୁଙ୍କ ଦହ୍ନି କାତା

(ମାତି ୨୭:୪୭-୫୨; ମାର୍କ ୧୪:୪୩-୫୦; ଜହ ୧୮:୩-୧୧)

୪୭ ଏଞ୍ଜାସି ଜଲିମାଟାଟି ର ମାନ୍ଦା ଲକୁ ଏମ୍ବାଆଁ ଏଗା ୱାଡ଼େରି, ଅଡ଼େ ବାରଜାଣା ସୀସୁୟାଁ ବିତ୍ରାଟି ଜୀହୁଦା ଦରୁଗାଟାସି ଏଞ୍ଜାରି ନକିତା ୱାହାନା ଜୀସୁଙ୍କ ନଣ୍ଡାଲି ତାନି ତାଣା ହାଚେସି □

୪୮ ସାମା ଜୀସୁ ଏଞ୍ଜାଣାଲି ଏଲେଇଚେସି, “ଏ ଜୀହୁଦା ନଣ୍ଡାନା ମାଣ୍ଡିସି ମୀରଏଣାଲି ସାଡୁୟାଁ କେୟୁତା ହେରପିମାଞ୍ଜି ?”

୪୯ ଏମ୍ବାଟିଏ ଜୀସୁତଲେ ମାଟାରି ଇଦି ଏନାୟି ଇଞ୍ଜିଁ ପୁଞ୍ଜାନା ଜୀସୁଙ୍କ ଏଲେଇଚେରି, “ଏ ପ୍ରବୁ ମାମ୍ବୁ ଇଞ୍ଜାରାଲି କାଣ୍ଡାତଲେ ପାୟିନମି କି ?”

୫୦ ଅଡ଼େ ଏଞ୍ଜାରି ରଅସି କାଜା ପୂଜେରା ହଲେଏଣାଲି ଇରହାନା ତାନି ଚିଃନି କିୟୁ ଦାତାଡୁସେସି □

୫୧ ସାମା ଜୀସୁ ଏଲେଇଚେସି, “ଇଚେକେଏ ଆଡ଼େ” ଇଞ୍ଜାନା ଏଞ୍ଜାଣି କିୟୁ ତୁଗାନା ନେହ୍ କିତେସି □

୫୨ ଅଡ଼େ ଜୀସୁ ତାକୋ ଆସାଲି ୱାହାମାଟି କାଜା ପୂଜେରା, ମାହାପୁରୁ ଇଲୁତି କାପୁଗାଟାରି ଅଡ଼େ ଲକୁତି କାଜାରାଲି ଏଲେଇଚେସି, “ମୀରୁ ସରୁଲି ଆହ୍ନିଲେହେଁ ଇଚା କାଣ୍ଡା ଅଡ଼େ ଚେକାୟାଁ ଆସାନା ୱାହାମାଞ୍ଜେରି ?

୫୩ *ନାନୁ କାଲେଏ ମୀ ତଲେ ମାହାପୁରୁ ଇଲୁତା ମାଚେଏଁ, ଏଚିବେଲା ମୀରୁ ନାକୋ ଆସ୍ତାଆତେରି; ସାମା ଇ ଦିନା ମୀଦିଏ ଅଡ଼େ ଆନ୍ଦେରିତି ବାଡ଼ୁୟୁ ରାଜିକିନି ଦିନା □”

☆ ୨୨:୩୫ ୨୨:୩୫ ମାତି ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪ ☆ ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭

ପିତର ଜୀସୁଙ୍କ ପୁଞ୍ଜାହିଲଅଁ ଇଞ୍ଜିଁ ଇନାୟି
(ମାତି ୨୨:୫୭,୫୮,୬୯-୭୫; ମାର୍କ ୧୪:୫୩,୫୪,୬୭-୭୨; ଜହ ୧୮:୧୨-୧୮,୨୫-୨୭)

୫୪ ତାୟୁ ଏଞ୍ଜାରି ଏଞ୍ଜାଣାଇଁ ଅହାନା କାଜା ପୂଜେରା ଇଜ ତାତେରି; ସାମା ପିତର ହେକ ମାଞ୍ଜାନା ଜେଚ ଜେଚ ହାଚେସି □

୫୫ ଅଡେ ଏଞ୍ଜାରି ଆଂଗେଣିତା ହିରୁ ତାସାନା ହିରୁ ସାରିସୁରୁ କୁଗିତେରି, ଇଞ୍ଜା ପିତର ଜିକେଏ ଏଞ୍ଜାରିତଲେ କୁଗିତେସି □

୫୬ ଏମ୍ବାଟିଏ ର ହଲେଣି ପିତର ହିରୁ ମାଣ୍ଡାତା କୁଗାମାନାଣି ମେସାନା, ଏଞ୍ଜାଣାଇଁ ସିନିକିହାନା ଏଲେଇଚେ, “ଇଞ୍ଜାସି ଜିକେଏ ଏଞ୍ଜାଣିତଲେ ମାଚାସି □”

୫୭ ସାମା ପିତର ଏଲେଇଚେସି, “ଆଏକା ନାନୁ କଡେ ଏଞ୍ଜାଣାଇଁ ପୁଣ୍ଡାୟୁ ପୁଞ୍ଜାହିଲଅଁ □”

୫୮ ଅଡେ ଗାଡେକା ହାଜାଲିଏ ଅଡେ ରଅସି ଏଲେଇଚେସି, “ନାନୁ ଜିକେଏ ଏଞ୍ଜାରି ବିତ୍ରାଟି ରଅତି □” ସାମା ପିତର ଏଲେଇଚେସି, “ଆଏ ତାୟି ନାନୁ କଡେ ଆଏ □”

୫୯ ଅଡେ ର ଗଂଟା ହାଜାଲିଏ ଅର ରଅସି ଏଲେଇଚେସି, “ସାତେଏ ଇଞ୍ଜାସି ଏଞ୍ଜାରିତଲେ ମାଚାସି, ଏନିଇଚିହଁ ଇଞ୍ଜାସି ଗାଲିଲି ଦେସାତାସି □”

୬୦ ସାମା ପିତର ଏଲେଇଚେସି, “ନାନୁ ଏନାଆଁ ଇଞ୍ଜିମାଞ୍ଜି ତାୟି ନାନୁ ଏନାଆଁ ପୁଞ୍ଜାହିଲଅଁ □”

ଏ ଦେବୁଣିଏ କୟୁ କେଶ୍ତେ;

୬୧ ଏମ୍ବାଟିଏ ପ୍ରୁ ମୁମ୍ବୁପେରହାନା ପିତରଇଁ ସିନିକିତେସି; ଏମ୍ବାଟିଏ ନୀଞ୍ଜୁ କୟୁ କେଶ୍ତା ନକେଏ ନାନୁ ପୁଞ୍ଜାହିଲଅଁ ଇଞ୍ଜାଦି, ପ୍ରୁ ଖେସ୍ତି ଇ କାତା ତାନି ମନତା ଖାଡେ,

୬୨ ଇଞ୍ଜା ଏଞ୍ଜାସି ପାଙ୍ଗାତା ହାଜାନା ଗାତି ଦୁକୁ ଆହାନା ତ୍ରୀତେସି □

ଜୀସୁଙ୍କ ନିନ୍ଦାକିହଁ କାକ୍ନାୟି ଅଡେ ଖେନାୟି

(ମାତି ୨୨:୬୭,୬୮; ମାର୍କ ୧୪:୬୫)

୬୩ ଅଡେ ଆମିନିଗାଗାରି ଜୀସୁଙ୍କ ଆସା ଇଚାମାଚେରି, ଏଞ୍ଜାରି ଏଞ୍ଜାଣାଇଁ ଖେଚି ଖେଚିହଁ କାକ୍ହେରି,

୬୪ ଅଡେ ଏଞ୍ଜାଣି ମୁମ୍ବୁ ହିମ୍ବୁରି ପୁକ୍ହାନା ଖେଚେରି, “ନାନୁସାଁ ମାହାପୁରୁ ଅଣ୍ପୁତି ବକୁ ଖେହ୍ନାତି! ଖେସ୍ତାମୁ ନିଙ୍ଗେ ଆମ୍ବାଆସି ଖେତାତେସି ?”

୬୫ ଅଡେ ଏଞ୍ଜାରି ହାଚେକା କାତା ଏଞ୍ଜାଣି କପାଟି ଜଲାନା ଏଞ୍ଜାଣି ନିନ୍ଦାକିତେରି □

ବେରଣିମାଣ୍ଡା ନକିତା ଜୀସୁ
(ମାତି ୨୨:୫୯-୬୬; ମାର୍କ ୧୪:୫୫-୬୪; ଜହ ୧୮:୧୯-୨୪)

୬୬ ଲାଜୁ ଖେୟାଲିଏ ଲକୁତି କାଜାରି, କାଜା ପୂଜେରାଙ୍ଗା ଅଡେ ମେରାପୁନାରି ରୁଣ୍ଡା ଆହାନା ତାନି ବେରଣିମାଣ୍ଡାତା ଜୀସୁଙ୍କ ଅହାନା ଖେଚେରି,

୬୭ “ନାନୁ କ୍ରୀସ୍ତତିକି ମାଙ୍ଗେ ଖେସ୍ତାମୁ □” ସାମା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ମିଙ୍ଗେ ଖେସ୍ତାସାରେ ମୀରୁ ନାମଅତେରି;

୬୮ ଅଡେ ନାନୁ ଖେଞ୍ଜାତିହଁ ମୀରୁ ଖେସାଲି ଆଡଅତେରି □

୬୯ ସାମା ନୀର୍ବଟିଏ ମାଣସି ମୀରୁଏସି ବାଡ଼ୁଗାଟି ମାହାପୁରୁ ଚିଝନି ଚଟତା କୁଗିନେସି □”

୭୦ ଏମ୍ବାଟିଏ ବାରେଜାଣା ଖେଚେରି, “ଆତିହଁ ନାନୁ ମାହାପୁରୁ ମୀରୁଏଶାତିକି ?”

ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁତ ଖେସିମାଞ୍ଜାଦେରି, ନାନୁ ଏଞ୍ଜାତେଏଁ □”

୭୧ ଏଚେଟିଏ ଏଞ୍ଜାରି ଏଲେଇଚେରି, “ମାଙ୍ଗେ ଅଡେ ଏନି ସାକି ଲଡ଼ା, ମୀରୁତ ଇ କାତା ତାନି ଗୁଡିଟିଏ ଖେଚାୟି □”

୨୩

ପିଲାତ ନକିତା ଜୀସୁ

(ମାତି ୨୭:୧,୨; ୨୭:୧୧-୧୪; ମାର୍କ ୧୫:୧-୫; ଜହ ୧୮:୨୮-୩୮)

୧ ଏଚେଟିଏ ତାୟୁ ବାରେଜାଣା ନିଙ୍ଗାନା ଜୀସୁଙ୍କ ପିଲାତ ନକିତା ଅଡେରି □

୨ ଇଞ୍ଜା ଏଞ୍ଜାରି ଜୀସୁ କପାଟି ଦହ ଦସାନା ଏଲେଇଚେରି, “ମାମ୍ବୁ ପୁଚମି ଇଞ୍ଜାସି ମା କୁଡ଼ାତି ଲକୁଣି ପଲ୍ଲଆ ଜାପୁହିମାନେସି, ଇଚିହଁ ଇଞ୍ଜାସି କାୟିସରକି ସିସୁହୀଆଦୁ ଇଞ୍ଜିଁ, ତାନୁ ନାନୁଏ କ୍ରୀସ୍ତ ଅଡେ ରାଜାତେଏଁ ଇଞ୍ଜିଁ ଖେସା କଡିମାନେସି □”

୩ ଏଚେଟିଏ ପିଲାତ ଜୀସୁଙ୍କ ଖେଚେସି, “ନାନୁ କି ଜୀହୁଦି ଲକୁତି ରାଜାତି ?”

ଜୀସୁ ଖେସ୍ତେସି, “ନାନୁତ ଖେସିମାଞ୍ଜି □”

୪ ଏଚେଟିଏ ପିଲାତ କାଜା ପୂଜେରା ଅଡେ ବାରେ ଲକୁଣି ଏଲେଇଚେସି, “ନାନୁ ଇଞ୍ଜାଣି ତାଣା ଏନି ଦହ ପୁଞ୍ଜାଆତେଏଁ □”

୫ ସାମା ଏଞ୍ଜାରି ଗାଡିକିହଁ ଜଲିତେରି, “ଇଞ୍ଜାସି ଗାଲିଲିଟିଏ ମାଚୁହାନା ଇମ୍ବା ପାତେକା ବାରେ ଜୀହୁଦା ଦେସାତି ଲକୁଣି ଜାପୁହାନା ଲାଗେଏ କିହିମାନେସି □”

ହେରଦ ନକିତା ଜୀସୁ

୬ ସାମା ପିଲାତ ଇ କାତା ଖେଞ୍ଜାନା ଖେଚେସି, “ଇଞ୍ଜାସି ଗାଲିଲିତାସିକି ?”

୭ ଇଞ୍ଜା ଏଞ୍ଜାସି ହେରଦ ରାଜା ରାଜି ତାସି ଇଞ୍ଜିଁ ପୁଞ୍ଜାନା ଏଞ୍ଜାଣାଇଁ ହେରଦ ତାଣା ପାଣ୍ଡିତେସି, ଏନିଇଚିହଁ ଏଚିବେଲା ହେରଦ ଜିରୁସାଲମତା ମାଚେସି □

୮ ହେରଦ ଜୀସୁଙ୍କ ମେସାନା ହାରେକା ରାହାଁ ଆଡେସି, ଏନିଇଚିହିଁ ଏଞ୍ଜାସି ଏଞ୍ଜାଣି କାତା ଖେଞ୍ଜା ମାଚାକି ଏଞ୍ଜାଣାଙ୍କ ହାରେକା ଦିନାଟିଏ ମେସାଲି ମନ କିହିମାରେସି, ଇଞ୍ଜା ଏଞ୍ଜାଣି ତାଣାଟି ଏନି କାବାଆନି କାମାକିନାଣି ମେହୁଇଁ ଇଞ୍ଜା ଆସା କିହିମାରେସି □

୯ ହେରଦ ଜୀସୁଙ୍କ ଏନି ଏନି କାତାୟାଁ ଖେରେସି, ସାମା ଜୀସୁ ଏଞ୍ଜାଣାଙ୍କ ଏନି କାତାଞ୍ଜା ଖେଶ୍ରେ ଖେହୁଆଡେସି □

୧୦ ସାମା କାଜା ପୁଜେରାଞ୍ଜା ଅଡେ ମେରାପୁନାରି ନିଚାନା ଏଞ୍ଜାଣି କପାଟି ଆଜିହପେତି କାତାୟାଁ ଜଲିମାରେରି □

୧୧ ଏରେଟିଏ ହେରଦ ତାନି କସକା ତଲେ ଏଞ୍ଜାଣାଙ୍କ କାକ୍‌ହି କାକ୍‌ହିହିଁ ନିନ୍ଦାକିତେରି ଏରେଟିଏ ର ପାଟୁ ହିମ୍ବୁରି ଏଞ୍ଜାଣାଙ୍କ ହୁଚି କିହାନା ପିଲାତ ତାଣା ଖେଶ୍ରେ ପାଣ୍ଡିତେରି □

୧୨ ଏ ଦିନାଟିଏ ପିଲାତ ଅଡେ ହେରଦ ତଡେଣ ଆଡେରି; ଏଞ୍ଜାରି ନଡେଏ ସାତୁୟାଲେହେଁ ମେସ୍‌ପି ଆଞ୍ଜିତେରି □

ଜୀସୁକି ହାନି ଡଣ୍ଡ

(ମାତି ୨୭:୧୫-୨୬; ମାର୍କ ୧୫:୬-୧୫; ଜହ ୧୮:୩୯; ୧୯:୧୬)

୧୩ ଏମ୍ବାଟିଏ ପିଲାତ କାଜା ପୁଜେରା ଜୀହୁଦି ଲକୁଡି କାଜାରି ଅଡେ ବାରେ ଲକୁଇଁ ହାଟି କିହାନା ଏଞ୍ଜାରାଙ୍କ ଏଲେଇରେସି,

୧୪ “ଇଞ୍ଜାସି ଲକୁଣି ପଲୁଆ ଜାପୁହିମାନେସି ଇଞ୍ଜା ମୀରୁ ନା ତାଣା ତାଡେରି; ସାମା ନାନୁ ଏଞ୍ଜାଣାଙ୍କ ମୀ ନକିତା ତାୟିପାରି କିତେଏଁ ଇଞ୍ଜା ମୀରୁ ଖେସାମାଞ୍ଜାତି ଏନି ଦହ ଏଞ୍ଜାଣି ତାଣା ପୁଃଆଡେଏଁ, ଇଞ୍ଜା ହେରଦ ଜିକେଏ ପୁଃଆଡେସି,

୧୫ ଏନିଇଚିହିଁ ହେରଦ ଅଡେ ଖେଶ୍ରେ ନା ତାଣା ପାଣ୍ଡାଡେସି; ଇଞ୍ଜା ମେହୁଦୁ ଇଞ୍ଜାସି ହାନି ଡଣ୍ଡ ପାଣ୍ଡନି ଏନି ଦହଞ୍ଜା କିହାହିଲଅସି;

୧୬ ଏଦାଆଁତାକି ନାନୁ ଇଞ୍ଜାଣାଙ୍କ ସାଟୁଣି ତଲେ ଖେଚାନା ପିହୁଇଁ □”

୧୭ ପିସ୍‌ପିଆନି ପାରୁଁ ବେଲା କାୟିଦି ମାନାରି ବିତ୍ରାଟି ରଅଣାଙ୍କ ଏଞ୍ଜାରାକି ପିସାଲି ମେରା ମାଚେ □

୧୮ ସାମା ଏଞ୍ଜାରି ରହେଏ ଗାଡିକିହିଁ ଏଲେଇରେରି, “ଇଞ୍ଜାଣାଙ୍କ ପାୟାଦୁ ବାରବାଇଁ ମାଞ୍ଜେ ପିସାହିୟାମୁ □”

୧୯ ଇ ବାରବାଇଁ ଗାଡାଡି ଗଡହା ତାକି ଇଞ୍ଜା ରଅଣାଙ୍କ ପାୟାମାଚାକି କାୟିଦି ଇଚାମାଚେରି □

୨୦ ସାମା ପିଲାତ ଜୀସୁଙ୍କ ପିସାଲି ଅଣ୍‌ପାନା ଲକୁ ମାନ୍ଦାତି ଅଡେ ପୁଣ୍ଡି କିହାଲି ଖେସ୍‌ସେସି □

୨୧ ସାମା ଏଞ୍ଜାରି କାଜା ହାଡାତଲେ ଏଲେଇରେରି, “ଏଞ୍ଜାଣାଙ୍କ ପାସି ମୁଣ୍ଡାତା ଏକଦୁ ପାସି ମୁଣ୍ଡାତା ଏକଦୁ ଇଞ୍ଜା ଇଚେରି □”

୨୨ ଇଞ୍ଜା ଏଞ୍ଜାସି ଅଡେ ତାନି ପାଲି ଖେସ୍‌ସେସି, “ଏଦାଆଁତାକି, ଏଞ୍ଜାସି ଏନି ଦହ କିହାମାନେସି ? ନାନୁ ଏଞ୍ଜାଣି ତାଣା ଏନି ହାନିହଗେତି ଦହ ପୁଃଆଡେଏଁ; ଏଦାଆଁତାକି ନାନୁ ଏଞ୍ଜାଣାଙ୍କ ସାସି ହାହାନା ପିହୁଇଁ □”

୨୩ ସାମା ଏଞ୍ଜାରି କାଜା ଗିୟାତଲେ ଏଞ୍ଜାଣାଙ୍କ ପାସି ମୁଣ୍ଡାତା ଏକହାଲି ଖେସ୍‌ସେରି, ତାୟୁ ଏଞ୍ଜାରି ଖେସ୍‌ସାୟିଏ ଆଡେ □

୨୪ ଇଞ୍ଜା ଏଞ୍ଜାରି ଖେସ୍‌ସିଲେହେଁଏ କିୟାଲି ପିଲାତ ହୁକୁମି ହୀଡେସି;

୨୫ ସାମା ଆମିନିଗାଟାସି ଗଡହା ଅଡେ ଲକୁଣି ପାୟାଲିଏ କାୟିଦିତା ଇଚାମାଚାଣାଙ୍କ ରାସା ମାଚେରି ପିସ୍‌ସେସି, ଅଡେ ଜୀସୁଙ୍କ ଏଞ୍ଜାସି ଏଞ୍ଜାରି ଅଣ୍‌ପିତି ଲେହେଁ କିୟାଲି ଏଞ୍ଜାରିତାଣା ହେରପିଡେସି □

ଜୀସୁଙ୍କ ପାସି ଏକନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଜହ ୧୯:୧୭-୨୭)

୨୬ ଏଞ୍ଜାରି ଜୀସୁଙ୍କ ଅହିମାଚାଟି ସିମନ ଦରୁଗାଟି କୁରିଣି ଡେସାତି ର ନାୟୁଟି ଖାହିମାଚେସି, ଏଞ୍ଜାରି ଏଞ୍ଜାଣାଙ୍କ ପାସିମୁଣ୍ଡା ଡେକି କିହାନା ଜୀସୁ ଜେଚ ଜେଚ ଅଡେରି □

୨୭ ମାନ୍ଦା ଲକୁ ଜୀସୁ ଜେଚ ହାଜିମାଚେରି ଅଡେ ତାନି ତାକି ବକତା ଖେଚା କଡିହିଁ ଡାହି ଡାହି ଏଚରଜାଣା ଇୟାସିକା ଜିକେଏ ଏଞ୍ଜାଣି ଜେଚ ହାଜିମାଚୁ □

୨୮ ସାମା ଜୀସୁ ଏଞ୍ଜାସିକା ଖାକି ସିନିକିହାନା ଏଲେଇରେସି, “ଆଲ, ଜିରୁସାଲମତି ମାସ୍‌କାତେରି ନା ତାକି ଡାଆଦୁ ସାମା ମୀ ତାକି ଅଡେ ମୀ କକାରି ପଦାଁ ତାକି ଡାଦୁ;

୨୯ ହେଶୁ ଇଲେତି ଦିନା ଖାହିମାନେ, ଆମ୍ବାଆୟି ବାଞ୍ଜେଣିସିକା, ଆମ୍ବାଆୟି ଏରେଲା ପୁରାମାସା ଆହାହିଲାଡ ଅଡେ ପାଲୁ ଡଃହା ହିଲାଡ ଲକୁ ଏଞ୍ଜାସିକାଣି ମିଞ୍ଜେଏ ନେହେଁ ଇଞ୍ଜାନେରି □

୩୦ ✠ଏତିବେଲା ଲକୁ ହରକାଣି ଏଲେଇନେରି ମା ଲାକ ତରଗାଦୁ ଅଡେ ଡଶା ହରକାଣି ଏଲେଇନେରି ମାଞ୍ଜେ ପୁକ୍‌ହାନା ତୁକୁହାଦୁ □

୩୧ ଏନିଇଚିହିଁ ଲକୁ ହିଇଲି ମାରୁନୁଡି ଏଲେକିଡିହିଁ, ଏନି ଖାୟିସାରେ ଏଦାଆଁ କିହାଁ ଆଗାଡା କିଅରିକି ?”

୩୨ ଦହଗାଟାରି ରିଆରି ଜିକେଏ ପାସି ଏକହାଲି ଜୀସୁତଲେ ଅଞ୍ଜିଆଡେରି □

✠ ୨୩:୩୦ ୨୩:୩୦ ଖେ ବଲୁ ୬:୧୬

୩୩ ଏମ୍ବାଟିଏ ଏଞ୍ଜାରି ତାୟୁଁ ବୁଝାଁ ଇନି ଚାୟୁତା ଏଜାନା ଏମ୍ବାଆଁ ଜୀୟୁଇଁ ପାସି ମୁଣ୍ଡାତା ଏକ୍‌ହାନା ଏ ରୀ ଦହଗାଟାରି ବିତ୍ରାଟି ରଅଣାଇଁ ଏଞ୍ଜାଣି ଟିଝନିଞ୍ଜାକି ଅଡ଼େ ରଅଣାଇଁ ଏଞ୍ଜାଣି ଟେବୁଞ୍ଜାକି ପାସି ଏକ୍‌ହେରି □

୩୪ ଏତିବେଲା ଜୀୟୁ ଏଲେଇରେସି, “ଏ ଆବା ଏଞ୍ଜାରି ଦହ ଆହ୍‌ଆନି, ଇତିହ୍‌ ଏଞ୍ଜାରି ଏନାଆଁ କିହିମାନେରି ଏଦାଆଁ ପୁଞ୍ଜାହିଲଅରି □”

ଅଡ଼େ ଏଞ୍ଜାରି ଏଞ୍ଜାଣି ହିମ୍ବରି ବାଟିକିହାଲି ପାଦି କିତେରି □

୩୫ ଇଞ୍ଜା ଲକୁ ବାରେ ନିଚାନା ସିନିକିହିମାରେରି, ଏଞ୍ଜାରି ବିତ୍ରାଟି କାଜାରି ଜିକେଏ ନିନ୍ଦାକିହ୍‌ ଏଲେଇରେରି, “ଏଞ୍ଜାସି ଏଟକା ଲକୁଣି ଗେଲ୍‌ପିତେସି; ଏଞ୍ଜାସି ମାହାପୁରୁ ଆଡ଼ିତି କ୍ରୀସୁ ଇତିହ୍‌ ତାନୁଏ ତାଙ୍ଗେ ଗେଲ୍‌ପିକିହା କତାପେସି □”

୩୬ କସ୍‌କା ଜିକେଏ ଏଞ୍ଜାଣି ତାଗେ ହାଜାନା ପୁଲାଏୟୁ ଗସାଲି ହୀହାଁ ଏଞ୍ଜାଣାଇଁ କାକ୍‌ହିହ୍‌ ଏଲେଇରେରି,

୩୭ “ନୀନୁ ଜୀହୁଦି ଲକୁଡି ରାଜାତି ଇତିହ୍‌ ନୀନୁଏ ନିଙ୍ଗେ ପିସ୍‌ପି କିହାକତାମୁ □”

୩୮ ଇଞ୍ଜା ଏଞ୍ଜାଣି ପାସିମୁଣ୍ଡା ଲାକ ଇଲେଇଞ୍ଜୁଁ ରାସ୍‌କି ଆହାମାରେ, “ଇଞ୍ଜାସି ଜୀହୁଦି ଲକୁଡି ରାଜା □”

୩୯ ଅଡ଼େ ପାସି ମୁଣ୍ଡାତା ପାସି ଏକ୍‌ହାମାଟି ଦହଗାଟାରି ବିତ୍ରାଟି ଜିକେଏ ରଅସି ଏଞ୍ଜାଣାଇଁ ନିନ୍ଦାକିହ୍‌ ଏଲେଇରେସି, “ନୀନୁ କ୍ରୀସୁତି ଆଏକି ? ନିଙ୍ଗେ ଅଡ଼େ ମାଙ୍ଗେ ପିସ୍‌ପି କିୟାମୁ □”

୪୦ ସାମା ଅଡ଼େ ରଅସି ଏଞ୍ଜାଣାଇଁ ଦକା ହାହାନା ଏଲେଇରେସି, “ନୀନୁ ଏଞ୍ଜାଣିଲେହେଁ ତଣ୍ଡ ବେଟାଆହ୍‌ ଜିକେଏ ନିଙ୍ଗେ ମାହାପୁରୁଇଁ ଆଜି ହିଲେଏ ?

୪୧ ଅଡ଼େ ମାରସା ନୀହାଁୟି ତଲେ ତଣ୍ଡ ବେଟାଆହି ମାନାୟି, ଇତିହ୍‌ ମା କିତି କାମାତି ପାଡ଼େୟି ବେଟାଆହି ମାନାୟି; ସାମା ଇଞ୍ଜାସି ଏନି ଦହ କିହାହିଲଅସି □”

୪୨ ଇଞ୍ଜା ଏଞ୍ଜାସି ଜୀୟୁଇଁ ଏଲେଇରେସି, “ଏ ଜୀୟୁ ନୀନୁ ନୀ ରାଜିତା ହାଟିସାରେ ନାଙ୍ଗେ ଅଣ୍‌ପାମୁ □”

୪୩ ଏମ୍ବାଟିଏ ଜୀୟୁ ଏଞ୍ଜାଣାଇଁ ଏଲେଇରେସି, “ନୀନୁ ନିଙ୍ଗ ସାତା ଝେସିମାଞ୍ଜାଇଁ, ନୀଞ୍ଜୁ ନୀନୁ ପାରଦେସାତା* ନା ତଲେ ମାଞ୍ଜି □”

ଜୀୟୁତି ହାକି

(ମାତି ୨୭:୪୫-୪୭; ମାର୍କ ୧୫:୩୩-୪୧; ଜହ ୧୯:୨୮-୩୦)

* ୨୩:୪୩ 23:43 ପାରଦେସା/ହାଡାରି ତୁୟିନି ଗାୟୁ

୪୪ ଏତିବେଲା ସମାନା ବାରଗଂଟା ଆହାମାରେ, ଅଡ଼େ ଝେଡା ଉଜେଡି ହୀଆତାକି ତାନି ଗଂଟା ପାଡେକା ଦେସା ବାରେ ଆନ୍ଦେରି ଆହାମାରେ,

୪୫ ଇଞ୍ଜା ମାହାପୁରୁ ଇଲୁତା ଲେଚାମାନି ହିମ୍ବରି ରୀ ବାଗା ଆହ୍‌ ଗେଞ୍ଜା ହାଚେ □

୪୬ ଅଡ଼େ ଜୀୟୁ କାଜା ଗିୟାତଲେ ହାଟିହ୍‌ ଏଲେଇରେସି, “ଏ ଆବା ନୀ କେୟୁତା ନା ଜୀୟୁତି ହେରପିମାଞ୍ଜାଇଁ □” ଏଲେଇଞ୍ଜି ଜଲାନା ତାନି ଜୀୟୁ ହାଚେ □

୪୭ ଏଦାଆଁ ମେସାନା ପାସାକଡ଼ି କସ୍‌କା ମୁହେଁ କାଜାସି ମାହାପୁରୁଇଁ ଜହରା କିହ୍‌ ଏଲେଇରେସି, “ଇଞ୍ଜାସି ସାତେଏ ତାରିଗାଟାସି ମାଚେସି □”

୪୮ ଇଞ୍ଜା ଏଞ୍ଜାଣାଇଁ ମେସାଲି ରୁଣ୍ଡା ଆହାମାଟି ବାରେ ଲକୁ ଇ ବାରେ ମେସାନା ବକତା ଝେଟା କଡ଼ିହ୍‌ ଝେଣ୍ଡା ହାଚେରି □

୪୯ ସାମା ଜୀୟୁଇଁ ପୁଞ୍ଜାମାଟି ବାରେ ଲକୁ ଇଞ୍ଜା ଗାଲିଲିଟି ରହେଏ ଆଣ୍ଡାନା ତାନି ଜ୍ଢେଟ ଜ୍ଢେଟ ଝାହାମାଟି ଇୟାସିକା ହେକ ନିଚାନା ଏ ବାରେ ସିନିକିହିମାତୁ □

ଜୀୟୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୭; ଜହ ୧୯:୩୮-୪୨)

୫୦ ଇଞ୍ଜା ଜୀହୁଦି ଦେସାତି ହାରାମାତିୟା ଇନି ଗାଡାତି ଜସେପ ଇନାସି ଜୀହୁଦି ଲକୁଡି କାଜା କୁଲମିତି ରଅସି ମାଚେସି; ଏଞ୍ଜାସି ନେହାଁସି ଇଞ୍ଜା ତାରିଗାଟାସି ମାଚେସି □

୫୧ ଜୀହୁଦାତି ହାରାମାତିୟା ଇନି ନାୟୁଁତି ଜସେପ ଇନାସି ର ମାଣ୍‌ସି ମାଚେସି □ ଏଞ୍ଜାସି ଦାମ୍‌ଗାଟାସି ଇଞ୍ଜା ମାନ୍‌ଗାଟାସି ମାଚେସି ଅଡ଼େ ମାହାପୁରୁତି ରାଜି ଝାନ୍‌ଣା କାଟିମାଚେସି □ କାଜା ବେରଣିତି ମାଣ୍‌ସି ମାଚିହ୍‌ ଜିକେଏ, ଏଞ୍ଜାସି ଏଞ୍ଜାରି କାତା ଅଡ଼େ କାମାତା ଆଣ୍ଡିହିଲାଆଚେସି □

୫୨ ଏଞ୍ଜାସି ପିଲାତ ତାଣା ହାଜାନା ଜୀୟୁ ମାଡ଼ହାତି ରାସ୍‌ସେସି,

୫୩ ଇଞ୍ଜା ମାଡ଼ହାତି ରେପହାନା ନେହ୍‌ ପାଡାଡା ହିମ୍ବରି ରୁପାନା ଏମ୍ବାଆଁ ହରୁତା କାର୍‌ହାମାଟି ଏଚେଲା ଆମ୍ବାଆରି ମୁସାହିଲାଆ ମାଡ଼ହା ମୁହନି ଚାୟୁତା ଏଞ୍ଜାଣାଇଁ ମୁସ୍‌ସେରି □

୫୪ ଏ ଦିନା ତିୟାରା ଆନି ଦିନା ମାଚେ ଅଡ଼େ ଜମିନି ଦିନା ଏଗା ଝାହିମାଚେ □

୫୫ ଅଡ଼େ ଗାଲିଲିଟି ଝାହାମାନି ଇୟାସିକା ଜ୍ଢେଟ ଜ୍ଢେଟ ହାଜାନା ମାହ୍‌ଣି ମାଣ୍ଡା ଅଡ଼େ ତାନି ମାଡ଼ହା ଏନିକ୍‌ ମୁସାମାଟାଣି ମେସୁ,

୫୬ ଇଞ୍ଜା ଏଞ୍ଜି ଝେଣ୍ଡା ହାଜାନା ଗାନ୍ଦା ନିୟୁଁ ଇଞ୍ଜା ଗାନ୍ଦାଗାଟି ଆସି ତିୟାରା କିତୁ □ ଇଞ୍ଜା ଜମିନି ଦିନାତା ତାନି ମେରାଲେହେଁ ଜମିତୁ □

୨୪

ଜୀସୁ ହାହାନା ଖେଣ୍ଡେ ନିଜିନାୟି

(ମାତି ୨୮:୧-୧୦; ମାର୍କ ୧୬:୧-୮; ଜହ ୨୦:୧-୧୦)

୧ ଅଡେ ଜମିନି ଦିନାତି ମେରା ତଲେ ଜମିରୁ, ସାମା ଖାରାତି ତଲିତି ଦିନାତା ଦୁଲୁପୁଲୁ ଖେୟାଲିଏ ଏଢି ତାମ୍ବୁ କିହାମାତି ଗାନ୍ଦାନିୟୁ ଆସାନା ମାହଣି ମାଣ୍ଡାତା ହାରୁ □

୨ ଇଞ୍ଜା ମାହଣି ମାଣ୍ଡାତା ପୁକ୍‌ହାମାତି ଖାଲି ଗୁରା ଆହାମାନାଣି ମେସୁ □

୩ ସାମା ଏଢି ବିତ୍ରା ହାଜାନା ପ୍ରବୁ ଜୀସୁତି ମାଡ଼ହା ଏମ୍ବାଆଁ ମେହୁଆଡୁ □

୪ ଏଢି ଏଦାଆଁତାକି ବିଲୁକି ଆହିମାତି ଦେବୁଣିଏ ମୁହ୍‌ନି ହିମ୍ବୁରି ହୁଚାମାତି ରିଆରି ଏଢାସିକା ନକିତା ନିଚାମାନେରି □

୫ ଏମ୍ବାଟିଏ ଏଢି ଆତାଜାକା ଆହାନା ବୁମିତା ତାର୍କା ଲେସୁ ଇଞ୍ଜା ଏଢାରି ଏଢାସିକାଣି ଏଲେଇଚେରି, “ମୀରୁ ଏନାଆଁତାକି ହାଡାରି ବିତ୍ରାଟି ନୀତାମାନାରାଇ ପାରିମାଞ୍ଜେରି ?

୬ *ଏଢାସି ଇମ୍ବାଆଁ ହିଲଅସି, ଏଢାସି ନିଜାମାନେସି, ଏଢାସି ଗାଲିଲିତା ମାଚାଟି ଖେସାମାଞ୍ଜାତାଣି ଅଣପାଦୁ □

୭ ମାଣସି ମୀରଏସି ପାସି ମୁଣ୍ଡାତା ହାୟାଲି ପାପୁ ଗାଟାରି ତାଣା ହେରପି ଆନାୟି ମାନେ ଇଞ୍ଜା ତାନି ଦିନାଟିଏ ହାକିଟି ଖେଣ୍ଡେ ନିଜିନେସି □”

୮ ଏମ୍ବାଟିଏ ଏଢି ଏଢାଣି ଖେସି କାତା ଅଣପିଡୁ,

୯ ଇଞ୍ଜା ଏଢି ମାହଣି ମାଣ୍ଡାଟି ଖେଣ୍ଡା ହାଜାନା ଏଗାର ଜାଣା ସୀସୁୟାଁ ଅଡେ ଏଟକା ତାରାଇଁ ଇ ବାରେ କାତା ଖେସୁ □

୧୦ ଏଢି ମଗ୍‌ଦଲିନି ମରିୟମ, ଜହାନା, ଜାକୁବ ତାମି ଇୟା ମରିୟମ ଅଡେ ଏଢାସିକାତଲେ ମାତି ଏଟକାଟି ଇୟାସିକା; ଇଢି ପାଣ୍ଡୁଢି ଆହାମାନାରାଇଁ ଇ ବାରେ କାତା ଖେସୁ □

୧୧ ସାମା ଇ ବାରେ କାତା ଏଢାରି ନକିତା ମନତା ଗାଡ଼ିକିତି ର ପୁସପନି ଲେହେଁ ଆଡେ, ଅଡେ ଏଢାରି ଏଢାସିକାଣି ନାମାଆଡେରି □

୧୨ ସାମା ପିତର ନିଜାମା ମାଡ଼ହା ମୁହ୍‌ନି ଟାୟୁତା ହଟି ହଟିହୁଁ ହାଚେସି, ଇଞ୍ଜା କାପାନା ସିନିକିତେସି ଏମ୍ବାଆଁ ପାଡାଡା ହିମ୍ବୁରିକା ମେସେସି, ଇଞ୍ଜା ଇଦି ଏନି ଆଡେ ଇଞ୍ଜାଁ କାବାଆହାନା ତାମି ଇଜ ହାଚେସି □

ଇମାୟୁତା ହାନାୟି

(ମାତି ୧୬:୧୨, ୧୩)

୧୩ ଏ ନେରୁ ଏଢାରି ବିତ୍ରାଟି ରିଆରି ଜିରୁସାଲମଟିଏ ଏଗାର କିଲମିଟରଲେହେଁ ହେକ ମାତି ଇମାୟୁ ଇନି ନାୟୁତା ହାଜିମାଚେରି □

୧୪ ଅଡେ ହାଜି ହାଜିହୁଁ ଇ ବାରେ କାତା ଜଲୁକି ଆହିମାଚେରି □

୧୫ ଏଲେକଁ ଖେସପି ଆହୁଁ ତାମ୍ବୁ ତାମ୍ବୁସୁ ଜଲୁକି ଆହିମାଚାଟି ଜୀସୁ ତାନ୍‌ଏ ଏଢାରିତାଣା ଖାହାନା ଏଢାରିତଲେ ହାଚେସି;

୧୬ ସାମା ଏଢାରି ଏଢାଣାଇଁ ମେସି ଜିକେଏ ପୁଞ୍ଜାଲି ଆଡାଆଡେରି □

୧୭ ଜୀସୁ ଏଢାରାଇଁ ଖେଚେସି, “ମୀରୁ ହାଜି ହାଜିହୁଁ ଏନା ଏନାଆଁ ଜଲୁକି ଆହିମାଞ୍ଜେରି ?” ଏମ୍ବାଟିଏ ଏଢାରି ମୁମ୍ବାଡ଼ି କିହାନା ନିତେରି □

୧୮ ଅଡେ ଏଢାରି ବିତ୍ରାଟି କ୍ଲେୟାପା ଇନାସି ରଅସି ଏଢାଣାଇଁ ଖେସେସି, “ଇ ଖାରା ବିତ୍ରା ଜିରୁସାଲମତା ଏନା ଏନାୟି ଆଡେ ଏମ୍ବାଆଁ ମାନାରି ବିତ୍ରାଟି ନାନୁ ରଅତିଏ ପୁଞ୍ଜାହିଲଅତିକି ?”

୧୯ ଏଢାସି ଏଢାରାଇଁ ଖେଚେସି, “ଏନା ଏନାୟି ଆଡେ ?”

ଏଢାରି ଏଢାଣାଇଁ ଖେସେରି, “ନାଜରିତ ଜୀସୁତି କାତା; ମାହାପୁରୁ ନକିତା ଅଡେ ବାରେ ଲକୁ ନକିତା ଏ ଜୀସୁ କାମାତା ଅଡେ କାତାତା ର ବାଡ଼ୁଗାଟି ମାହାପୁରୁ ଅଣପୁତି ବଲୁ ଖେହ୍‌ନାସି ମାଚେସି,

୨୦ ଅଡେ ମା କାଜା ପୂଜେରାଜା ଅଡେ ସାଲୁଢି କିନାରି ଏଢାଣାଇଁ ହାକି ତଣ୍ଡ ହାହାଲି ହେରପାନା ଏଢାଣାଇଁ ପାସି ମୁଣ୍ଡାତା ଏକହାନା ପାୟିତି କାତା □

୨୧ ସାମା ଏଢାସି ଇସାୟେଲ ଲକୁଣି ପିସପି କିନାସି ଇଞ୍ଜାଁ ମାମ୍ବୁ ଆସା କିହାମାଚମି; ସାମା ଇ ବାରେ ଆହାନା ନୀଞ୍ଜୁଟିଏ ତାନିଦିନା ଆହିମାନେ □

୨୨ ଅଡେ ଜିକେଏ ମା ବିତ୍ରାଟି ଏଚରଜାଣା ଇୟାସିକା ମାଜେ ଆତାଜାକା କିହାମାଞ୍ଜାନ୍; ଏଢି ଲାଈସିଏ ମାଡ଼ହା ମୁହ୍‌ନି ଟାୟୁତା ହାଜାମାଡୁ,

୨୩ ଏମ୍ବାଆଁ ଏଢି ଏଢାଣି ମାଡ଼ହା ମେହୁଆନା ଖାହାନା ଖେସୁଡୁ, ଇଞ୍ଜା ଦୁଡୁୟାଁ ତଞ୍ଜାଆହାନା ଖେସୁଡେରି, ଏଢାସି ନୀତାମାନେସି □

୨୪ ଅଡେ ମା ବିତ୍ରାଟି ଏଚରଜାଣା ମାଡ଼ହା ମୁହ୍‌ନି ଟାୟୁତା ହାଜାନା ଇୟାସିକା ଖେସିଲେହେଁଏ ମେସେରି ସାମା ଏଢାଣାଇଁ ମେହୁଆଡେରି □”

୨୫ ଏମ୍ବାଟିଏ ଜୀସୁ ଏଢାରାଇଁ ଏଲେଇଚେସି, “ଆଡେ ବୁଦି ହିଲାଆଗାଟାଡେରି, ଅଡେ ମାହାପୁରୁ ଅଣପୁତି ବଲୁ ଖେହ୍‌ନାରି ବାରେ କାତାତି ନାମାଲି ଆଡାଆଲେହେଁତି ହିୟାଁ ଗାଟାଡେରି,

୨୬ କ୍ରୀସୁ ଇ ବାରେ କସୁ ବେଟାଆହାନା ତାନି ଗାଢୁରମିତା ହଡ଼ନାୟି ହିଲାଆଡେ କି ?”

୨୭ ମସା ଇଞ୍ଜା ବାରେଜାଣା ମାହାପୁରୁ ଅଣପୁତି ବଲୁ ଖେହ୍‌ନାରି ତାଣାଟି ମାଡ଼ହାନା ଦାମ୍ବୁ ସାସେରିତା ତାନି ତାକି ରାସକି ଆହାମାନି ବାରେ କାତା ଏଢାସି ଏଢାରାଇଁ ପୁଣ୍ଡି କିଚେସି □

* ୨୪:୨ ୨୪:୨ ମାତି ୧୬:୧୧; ୧୬:୨୨, ୨୩; ୨୦:୧୮, ୧୯; ମାର୍କ ୮:୩୧; ୯:୩୧; ୧୦:୩୩, ୩୪; ଲୁକ ୯:୨୨; ୧୮:୩୧-୩୩

୨୮ ଏଞ୍ଜରୀ ହାଜିମାତି ନାୟୁଁ ତାଗେ ଏଜାଲିଏ ଜୀସୁ ଅଡେ ନକିତା ହାନି ଅଶ୍ପୁ ତସ୍ତସି □

୨୯ ସାମା ଏଞ୍ଜରୀ ଏଞ୍ଜାଣାଇଁ ଆଂଗିହୁଁ ଏଲେଇରେରି, “ମା ତଲେ ଡୟାହାଲାନାମ୍ ଏନିଇଟିହୁଁ ଆନ୍ଦେରି ଆହିମାନେ, ଝେଡାହାଚେୟିଏ □” ଏମ୍ବାଟିଏ ଏଞ୍ଜାସି ଏଞ୍ଜାରିତଲେ ଡୟାଲି ଇଲୁ ବିଡା ହାଚେସି □

୩୦ ଅଡେ ଏଞ୍ଜାରିତଲେ ରାନ୍ଦା ତିଞ୍ଜାଲି କୁଗିତି ତାୟୁ ଏଞ୍ଜାସି ରୁଟି ଆସାଁ ମାହାପୁରୁଇଁ ଜହରା କିତେସି, ଇଞ୍ଜା ଡିକହାନା ଏଞ୍ଜାରାକି ହୀତେସି □

୩୧ ଏମ୍ବାଟିଏ ଏଞ୍ଜାରି କାଶ୍‌କା ଦେପିଆତୁ ଇଞ୍ଜା ଏଞ୍ଜାରି ଏଞ୍ଜାଣାଇଁ ପୁରେରି; ଅଡେ ଏ ଦେବୁଣିଏ ଏଞ୍ଜାସି ଏଞ୍ଜାରି କାଶ୍‌କାତା ତଞ୍ଜା ଆଆତେସି □

୩୨ ଏଚେଟିଏ ଏଞ୍ଜାରି ତାମ୍ବୁ ତାମ୍ବୁ ଏଲେଇରେରି, “ଏଚିବେଲା ଏଞ୍ଜାସି ମାଜେ ଜିରୁତା କାତାବାର୍ତା ଆହିମାଚେସି ଅଡେ ମାଜେ ଦାମ୍ବୁ ସାସ୍ତେରି ତେଲହି କିହିମାଞ୍ଜାତେସି, ଏଚିବେଲା ମା ହିୟାଁ କାଡ଼ି ମାଞ୍ଜାଆତେ କି ?”

୩୩ ଅଡେ ଏଞ୍ଜାରି ଦେବୁଣିଏ ନିଙ୍ଗାନା ଜିରୁସାଲମତା ଝେଣ୍ଡା ହାଜାନା କୃଡା ଆହାମାତି ଏଗାର ଜାଣା ସୀସୁୟାଁ ଅଡେ ଏଞ୍ଜାରି ଆଟ୍‌ହିତାରାଇଁ ମେସ୍ତେରି;

୩୪ ଏଞ୍ଜାରି ଏଲେଇଞ୍ଜିମାଚେରି, “ପୁରୁ ସାତେଏ ନିଙ୍ଗାମାନେସି ଅଡେ ସିମନଇଁ ତଞ୍ଜାଆତେସି □”

୩୫ ଅଡେ ଏଞ୍ଜାରି ଜିକେଏ ଜିରୁତି ବାରେ କାତା ଅଡେ ରୁଟି ଡିକହାଟିଏ ଏଞ୍ଜାରି ପୁଞ୍ଜାଲି ଆଡ଼ିତମି ଇଞ୍ଜୁଁ ଏଞ୍ଜାରି ଝେସ୍ତେରି □

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି

(ମାତି ୨୮:୧୭-୨୦; ମାର୍କ ୧୬:୧୪-୧୮; ଜହ ୨୦:୧୯-୨୩; କାମା ୧:୬-୮)

୩୬ ସାମା ଏଞ୍ଜାରି ଇ ବାରେ କାତା ଜଲ୍‌କି ଆହିମାଚାଟି ଜୀସୁ ଏଞ୍ଜାରି ମାଦି ନିଚାନା ଏଲେଇରେସି, “ମିଜେ ହିଡ଼ଡ଼ି ଆୟାପେ □”

୩୭ ଏମ୍ବାଟିଏ ଏଞ୍ଜାରି ବୁଡୁ ମେସ୍ତମି ଇଞ୍ଜୁଁ ଅଶ୍ପାଦନା ଆତାଜାକା ଆଚେରି □

୩୮ ଏଚେଟିଏ ଏଞ୍ଜାସି ଏଞ୍ଜାରାଇଁ ଏଲେଇରେସି, “ମୀ ହିୟାଁତା ଏନାଆଁତାକି ଆଜିମାଞ୍ଜେରି, ଇଞ୍ଜା ମୀ ହିୟାଁ ଏନାଆଁତାକି ଆନାମାନା ଆହିମାନେ ?

୩୯ ନାନୁଏ ଏଞ୍ଜାତେସି ନା କେସ୍ତା କଡାୟାଁ ମେହ୍‌ଦୁ, ନାଜେ ତୀଗାତୁ ମୀରୁ ନାଜେ ଉଙ୍ଗା ପେଶ୍‌କା ମାନାଣି ମେସ୍ତିଲେହେଁ ବୁଡୁକି ହିଲାଡ □”

୪୦ ଅଡେ ଏଞ୍ଜାସି ଏଲେଇଞ୍ଜାନା ଏଞ୍ଜାରାଇଁ ତାନି କେସ୍ତା କଡାୟାଁ ତସ୍ତସି □

୪୧ ଏଲେଜିକେଏ ଏଞ୍ଜାରି ରାହାଁତାକି ନାମାଲି ଆଡାଆନା ଆନାମାନା ଆହାଁ କାବା ଆହିମାଚାକି

ଜୀସୁ ଏଲେଇରେସି, “ମିଜେ ଇମ୍ବାଆଁ ଏନି ରାନ୍ଦା ମାନେକି ?”

୪୨ ଏମ୍ବାଟିଏ ଏଞ୍ଜାରି ଏଞ୍ଜାଣାକି ର ଝାସ୍ତ୍ର ମୀନୁ ହୀତେରି,

୪୩ ଅଡେ ଏଞ୍ଜାସି ଏଦାଆଁ ଆସାନା ଏଞ୍ଜାରି ନକିତା ତିଚେସି □

୪୪ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇରେସି, “ମସାତି ମେରା ପତିତା ଇଞ୍ଜା ମାହାପୁରୁ ଅଶ୍ପୁତି ବଲୁ ଝେହ୍‌ନାରି ପତିତା ଅଡେ ପାରୁ ପତିତା ନାଜେତାକି ଏନାୟି ରାସ୍‌କି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମୀ ତଲେ ମାଚାଟି ଇ ବାରେ ଝେସାମାଞ୍ଜାତେସି □”

୪୫ ଏଚେଟିଏ ଏଞ୍ଜାରି ଏନିକିଁ ଦାମ୍ବୁ ସାସ୍ତେରି ତେଲହାଲି ଆଡ଼ିନେରି, ଏଦାଆଁତାକି ଏଞ୍ଜାରି ହିୟାଁତି ଦାରା ଦେତେସି;

୪୬ ଅଡେ ଏଞ୍ଜାସି ଏଞ୍ଜାରାଇଁ ଏଲେଇରେସି, “ଏଲେଆହୁଁ ରାସ୍‌କି ଆହାମାନେ, କ୍ରୀସ୍ତ ଦୁକୁ କସ୍ତ ବେଚା ଆନେସି ଅଡେ ତାନି ଦିନାଟିଏ ହାଡାରି ତାଣାଟି ଝେଣ୍ଡେ ନିଙ୍ଗିନେସି,

୪୭ ଇଞ୍ଜା ଜିରୁସାଲମଟିଏ ମାଟ୍‌ହାନା ବାରେ କୃଡା ତାଣା ଏଞ୍ଜାଣି ଦରୁଟି ପାପୁ ମ୍ବୁପ୍‌କି ଆୟାଲି ମନ ଝେଟ୍‌ନି କାତା ଝେକନାୟି ମାନେ □

୪୮ ମୀରୁ ଇ ବାରେତାକି ସାକି ଆଦେରି □

୪୯ ଅଡେ ହେଣ୍ଡୁ ଆବା ଏନାଆଁ ଆଞ୍ଜାମାନେସି ଏଦାଆଁ ନାନୁ ମୀ ତାଣା ପାଣ୍ଡିମାଞ୍ଜାଇଁ, ସାମା ଲାକପୁରୁଟି ବାଡୁୟୁ ପୁଞ୍ଜା ପାତେକା ମୀରୁ ଇ ଗାଡାତେଏ ମାଞ୍ଜୁ □”

ଜୀସୁ ଲାକପୁରୁ ଅଞ୍ଜିଆନାୟି

(ମାର୍କ ୧୬:୧୯,୨୦; କାମା ୧:୯-୧୧)

୫୦ ଏମ୍ବାଟିଏ ଜୀସୁ ଏଞ୍ଜାରାଇଁ ବେତନିୟାଁ ପାତେକା ଅଡେସି ଇଞ୍ଜା ତାନି କେସ୍ତା ପେର୍‌ହାନା ଏଞ୍ଜାରାଇଁ ବର ହୀତେସି □

୫୧ ଇଞ୍ଜା ଏଞ୍ଜାରାଇଁ ବର ହୀହି ହୀହିଁ ଏଞ୍ଜାସି ଏଞ୍ଜାରି ତାଣାଟି ଏଟ୍‌କା ଆହାନା ଲାକପୁରୁ ଅଞ୍ଜିଆଡେସି □

୫୨ ଏଚେଟିଏ ଏଞ୍ଜାରି ଏଞ୍ଜାରାଇଁ ଜହରା କିହାନା ହାରେକା ରାହାଁତଲେ ଜିରୁସାଲମତା ଝେଣ୍ଡା ହାଚେରି,

୫୩ ଇଞ୍ଜା ଏ ଦିନାଟିଏ କାଲେଏ ମାହାପୁରୁ ଇଲୁତା ମାଞ୍ଜାନା ମାହାପୁରୁଇଁ ଜହରା କିହେମାଚେରି □

ଯୋହନ ଲିଖିତ ସୁସମାଚାର ଜହନ ରାଚାମାନି ନେହଁ କାବୁ ମୂଲୁ ହାଡ଼ା

ଜାସୁ କ୍ରୀସ୍ତ ଜୀଝୁ ଅଡ଼େ ଇ ଦାର୍ତତା ମାଚି କାତା ଜହନ ରାଚାମାନି ନେହଁ କାବୁ; ପୁଝନି ମେରାତି ସାରିଗଟା ନେହଁ କାବୁ ପତିୟା ବିତାଟି ଇଦି ଆହିମାନେ ର ପତି □ ଏ ବାରେ ପତିୟାକ୍ ନେହଁ କାବୁ ଇନେରି □ ଏ ପତିୟା ଜାସୁ କ୍ରୀସ୍ତ ହାଡ଼ି ତାମୁ ମାତିମୁ, ମାର୍କ, ଲୁକ ଅଡ଼େ ଜହନ ରାଚାମାଚେରି □ ପାଣ୍ଡୁଆଡ଼ି ଜହନ ଜାସୁ କ୍ରୀସ୍ତ ଜାର୍ନାଆଡ଼ି ୯୦ ବାର୍ଯା ତାମୁ ଜହନ ରାଚାମାନି ନେହଁ କାବୁ ରାଚାମାଚେସି □ ଇ ପତିତା ଜହନ ରାଚିତି କାତା ଝେସା ହିଲାଆତି ଜିକେଏ; ୧ଜହ୨ଜହ ଇଞ୍ଜା ଶଜହ ଆକୁ ସମାନା ମାନୁ □ ଜହନ ଏପିସିୟ ଗାଡ଼ାତା ମାଚାକି ଇ ପତି ଏପିସତା ରାସ୍କି ଆହାମାନେ ଇଞ୍ଜିହଁ ଇନେରି □

ଜାସୁକ୍ କ୍ରୀସ୍ତ ଜୀଝୁତି ମାହାପୁରୁ ମୀର୍ଦ୍ଦାସି ଇଞ୍ଜିହଁ ଲକୁ ଏନିକ ନାମିନେରି, ଏଡାଆଁତାକି ଜହନ ଇ ପତି ରାଚାମାଚେସି ୨୦:୩୧ □ ଇଦାଆଁ ନାମାହାଁ ଏଝାଣି ଦରୁତଲେ ମାର ଜୀଝୁ ବେଟାଆନାୟି □ ଇ ପତି ଜୀହୁଦି ଅଡ଼େ ଜୀହୁଦିଆଆତି ଲକୁତାକି ରାସ୍କି ଆହାମାଚେ □ ଜହନ ରାଚାମାନି ନେହଁ କାବୁ ଏ ତାନିଗଟା ନେହଁ କାବୁ କିହାଁ ରଲେ ମାନେ □ ଜହନ ଜାସୁ କିତି କାବାଆନି କାମାୟା ହାରେକା ରାଚାମାନେସି ସାମା ପୁଣ୍ଡିକିନି ପୁସ୍ପନିକା ହାରେକା ରାଚାହିଲଅସି □ ଏଟକା ପତିୟାଣା ଜାସୁ ବାପ୍ତିସ୍ତ ଅନାଣି ଅଡ଼େ ଲକୁ ହିଲାଆ ଟାମୁତା ତାୟିପାରି ଆଡାଣି ରାସ୍କି ଆହାମାନେ ଏଡାଆଁ ଇ ପତିତା ରାସ୍କି ଆହା ହିଲେଏ □

ପତିତା ମାନାୟି;

- ୧ ତଲିତି ହାଡ଼ା □ ୧:୧-୧୮
- ୨ ବାପ୍ତିସ୍ତ ହାନି ଜହନ ଅଡ଼େ ଜୀସୁତି ମୂଲୁ ସୀସୁୟା □ ୧:୧୯-୫୧
- ୩ ଜାସୁ ସେବା କାମା ମାର୍ଦ୍ଦନାୟି □ ୨:୧-୧୨:୫୦
- ୪ ଜିରୁସାଲମ ଅଡ଼େ ଦାରିମାରି ଜୀସୁତି କାମା □ ୧୩:୧-୧୯:୪୨
- ୫ ଜାସୁ ହାକିଟି ଝେଣ୍ଡେ ନିଜିନାୟି ଅଡ଼େ ସୀସୁୟାକ୍ ତଞ୍ଜା ଆନାୟି □ ୨୦:୧-୩୧
- ୬ ଗାଲିଲିତା ଝେଣ୍ଡେ ତଞ୍ଜା ଆନାୟି □ ୨୧:୧-୨୫

☆ ୧:୨ ୧:୨ ମାଚି ୩:୧; ମାର୍କ ୧:୪; ଲୁକ ୩:୧,୨

- ଜୀଝୁତି ବଲୁ
- ୧ ମୂଲୁଏ ବଲୁ ମାଚେ, ବଲୁ ମାହାପୁରୁ ତଲେ ମାଚେ, ଏ ବଲୁଏ ମାହାପୁରୁ ମାଚେସି □
- ୨ ମୂଲୁଏ ଏ ବଲୁ ମାହାପୁରୁ ତଲେ ମାଚେ □
- ୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିତେସି; ଅଡ଼େ ଏନାୟି ବାରେ ଗାଡ଼ି ଆହାମାନେ, ଏ ବିତାଟି ରଣ୍ଡି ଜିକେଏ ଏ ବଲୁ ପିସ୍ପେ ରାଚି ଆହା ହିଲେଏ □
- ୪ ଏ ବଲୁତା ଜୀଝୁ ମାଚେ ଅଡ଼େ ଏ ଜୀଝୁ ମାଣ୍ଡିୟାତି ଉଜେଡ଼ି □
- ୫ ଏ ଉଜେଡ଼ି ଆନ୍ଦେରିତା ଡ଼ାଞ୍ଜିହଁ ଝାହିମାନେ, ଇଞ୍ଜା ଆନ୍ଦେରି ଏଡାଆଁ ଏଚେଲା ଜିକେଏ ଅପାହିଲେଏ □
- ୬ *ମାହାପୁରୁ ତାଣାଟି ତାନି କାବୁ ଝେହ୍ନାଣାକ୍ ପାଣ୍ଡାତେସି; ଏଝାଣି ଦରୁ ଜହନ □
- ୭ ଏଝାସି ଉଜେଡ଼ିତି କାତା ଲକୁକ୍ ଝେସାଲି ଝାଡ଼େସି, ଅଡ଼େ ଏନିକିହଁ ବାରେଜାଣା ଏଝାଣି ତାଣାଟି ନାମିନେରି, ଏଡାଆଁତାକି ଏଝାସି ସାକି ହୀହାଲି ଝାଡ଼େସି □
- ୮ ଏଝାସିଏ ତାନୁଏ ଉଜେଡ଼ି ହିଲାଆତେସି; ସାମା ଏଝାସି ଏ ଉଜେଡ଼ିତି କାତା ଝେସାଲି ଝାଡ଼େସି □
- ୯ ଏମିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହୀନେ, ଏଝାସି ଦାର୍ତତା ଝାଡ଼େସି □
- ୧୦ ଏଝାସି ଦାର୍ତତା ମାଚେସି ଅଡ଼େ ଏଝାଣି ତାଣାଟି ଦାର୍ତ ବାରେ ରାଚି ଆଡ଼େ, ଆଡ଼ିଜିକେଏ ଇ ଦାର୍ତ ଏଝାଣାକ୍ ପୁଞ୍ଜାଲି ଆଡ଼ାଆଡ଼େ □
- ୧୧ ଏଝାସି ତାନି ରାଜିତା ଝାଡ଼େସି, ଆଡ଼ିଜିକେଏ ତାନି ଜାହାରା ଲକୁ ଏଝାଣାକ୍ ଆବାଆଡ଼େରି □
- ୧୨ ଆମ୍ବାଆରି ଏଝାଣାକ୍ ଆବିତେରି ଇଞ୍ଜା ଏଝାଣି ତାଣା ନାମିତେରି; ଏଝାସି ଏଝାଣାକ୍ ମାହାପୁରୁତି ମୀର୍ଦ୍ଦକା ମାସ୍କା ଆହାଲି ଅଦିକାରା ହୀତେସି □
- ୧୩ ମାଣ୍ଡିତି ତାଞ୍ଜିୟା ତାଣାଟି ଜାର୍ନା ଆଡ଼ାକି ଏଝାରି ମାହାପୁରୁତି ମୀର୍ଦ୍ଦକା ଆହାହିଲଅରି, ମାହାପୁରୁ ତାନୁଏ ଏଝାରି ତାଞ୍ଜି ଆଡ଼େସି □
- ୧୪ ଅଡ଼େ, ଏ ବଲୁ ମାଣ୍ଡି ଝାଣା ଆଡ଼େ, ମାହାପୁରୁତି କାର୍ନା ଇଞ୍ଜା ସାତା ତଲେ ମା ତାଣା ବାସା କିତେସି, ଅଡ଼େ ଆଡ଼ା ତାଣାଟି ଝାହାମାନି ରଣ୍ଡିଏ ମୀର୍ଦ୍ଦାଣାତି ଗାଝୁରମି ଲେହେଁ ମାର ଏଝାଣି ଗାଝୁରମି ମେସାୟି □
- ୧୫ ଜହନ ଏଝାଣି କାତାଟି ସାକି ହୀହାନା କାଜା ଗିୟାତଲେ ଏଲେଇତେସି, “ଆମ୍ବାଆସି ନା ତାମୁ ଝାହିମାନେସି, ଏଝାସି ନା କିହାଁ କାଜାସି, ଏନାଆଁତାକି ଇଚିହଁ ଏଝାସି ନାନୁ ଜାର୍ନାଆଡ଼ି ନକେଏ ମାଚେସି, ଇଞ୍ଜା ଏଝାଣି କାତା ନାନୁ

ତଳିଏ ଏଲେଇଞ୍ଜି ଝେସାମାଞ୍ଜାତେଏଁ, ଏଝାସିଏ ଇଝାସି □

୧୭ ଏଦାଆଁତାକି ତାନୁ ପୁରା କିନି ତାଣାଟି ମାର ବାରେ ଜାଣାତାୟି ବାରେ ବେଟାଆହାନା, କାର୍ମା ମୁହେଁ କାର୍ମାମେହନାଣି ବେଟାଆହାମାନାୟି □

୧୭ ମାହାପୁରୁ ମସା ତାଣାଟି ମେରା ହିୟାତେସି, ସାମା ଜାସୁ କ୍ରାସୁ ତାଣାଟି କାର୍ମାମେହନାୟି ଅଡ଼େ ସାତା ଝାଡ଼େ □

୧୮ ଆମ୍ବାଆସି ଏରେଲା ମାହାପୁରୁଇଁ ମେସାହିଲଅସି, ତାନିତଲେ ମାନି ରଣିଏ ମାରଏସି ଏଝାସି ମାହାପୁରୁ ଆବାଇଁ ପୁଣ୍ଡି କିହାମାଞ୍ଜାନେସି □

ବାପ୍ତିସ୍ମା* ହାନି ଜହନତି କାରୁ

(ମାତି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ନାନୁ ଆମ୍ବାଆତି ଇଞ୍ଜି ଜହନଇଁ ଝେଞ୍ଜାଲି ଜାହୁଦିୟାଁ ଏରିବେଲା ଜିରୁସାଲମତି କାଜା ପୂଜେରାଜା ଇଞ୍ଜା ଲେବିୟଜାଣି ଜହନ ତାଣା ପାଣ୍ଡିତେରି, ଏଝାସି ଇ କାତା ଝେସ୍ତେସି □

୨୦ ଜହନ ସାତା କାତା ଝେସ୍ତେସି, ଆଏ ଇଞ୍ଜି ଇନାଆତେସି, ତାରପୁତଲେ ଝେସ୍ତେସି, “ନାନୁ ମସିହା ଆଏ □”

୨୧ ଏଝାରି ଏଝାଣାଇଁ ଝେରେରି, ଆତିହଁ “ନାନୁ ଆମ୍ବାଆତି ? ନାନୁ ଏନାଆଁ ଏଲିୟତି କି ?”

ଜହନ ଏଲେଇଚେସି, “ନାନୁ ଏଲିୟତେଏଁ ଆଏ □”

ଏଝାରି ଝେରେରି, “ନାନୁ ଏନାଆଁ ମାହାପୁରୁ ଅଣପୁତି ବଲୁ ଝେହନାତି କି ?” ଏଝାସି ଏଲେଇଚେସି, “ନାନୁ ଆଏ □”

୨୨ ଏମ୍ବାଟିଏ ଏଝାରି ଏଝାଣାଇଁ ଏଲେଇଚେରି, “ମାଜେ ଝେସ୍ତାମ୍ବୁ ମାମ୍ବୁ ମାଜେ ପାଣ୍ଡା ମାଞ୍ଜାନାରାଇଁ ଏନି କାତା ଝେହନମି □ ନାନୁ ଆମ୍ବାଆତେଏଁ ଇଞ୍ଜି ଝେସାକତିମାଞ୍ଜି ?”

୨୩ ଜହନ ଏଲେଇଚେସି, “ମାହାପୁରୁ ଅଣପୁତି ବଲୁ ଝେହନି ଜିସାୟ ଏନିକଁ ଜଲମାମାଚେସି, ‘ନାନୁ ଲକୁ ହିଲାଆ ଚାୟୁତା କାଜା ଗିୟାତଲେ କାଲଝି ଆହିମାନି ରଅଣି ହାଡାଲେହେଁ ତାତେଏଁ, ପ୍ରବୁତି ଜିରୁ ସଲକେ କିଦୁ □’ ”

୨୪ ଅଡ଼େ, ପାରୁସିୟାଁ ବିତ୍ରାଟି ଏଚରଜାଣା ପାଣ୍ଡି ଆହାମାଚେରି,

୨୫ ଏଝାରି ଜହନଇଁ ଝେରେରି, “ନାନୁ କ୍ରାସୁ କି ଏଲିୟ କି ମାହାପୁରୁ ଅଣପୁତି ବଲୁ ଝେହନାତି ଆଏ, ଆତିହଁ ନାନୁ ଏନାଆଁତାକି ବାପ୍ତିସ୍ମାଁ ହାହିମାଞ୍ଜି ?”

୨୬ ଜହନ ଏଝାରାଇଁ ଏଲେଇଚେସି, “ନାନୁ ଏୟୁତା ବାପ୍ତିସ୍ମାଁ ହାହିମାଇଁ; ଆମ୍ବାଆରାଇଁ ମାରୁ ପୁଞ୍ଜାହିଲଅତେରି, ଏଝାସି ମୀ ବିତ୍ରା ମାନେସି □

୨୭ ଏଝାସି ନା ତାୟୁ ଝାହିମାନେସି, ନାନୁ ଏଝାଣି ସେପୁୟାଁତି ତ:ରକା ଜିକେଏ ହୁକହାଲି ଜଡ଼େ ଆଏ □”

୨୮ ଏମିନି ଜର୍ଦନ କାତାତି ଝେଡ଼ା ହପୁଞ୍ଜାକିତି ବେତନିୟାତା ଜହନ ବାପ୍ତିସ୍ମାଁ ହାହିମାଚେସି, ଏ ଚାୟୁତା ଇ ବାରେ ଆହାମାଚେ □

ମାହାପୁରୁତି ମେଣ୍ଡା ତାଲୁ

୨୯ ଏ ଅର ନେରୁ ଜହନ ଜାସୁଇଁ ତାନି ଝାକି ଝାହିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ, ଆମିନିଗାଟାସି ଇ ଦାରତିତି ପାପୁ ବାରେ ଡେକା ଅନେସି □

୩୦ ଇଝାସିଏ ଏଝାସି, ଆମ୍ବାଆରି କାତା ନାନୁ ଝେସାମାଞ୍ଜାତେଏଁ, ‘ର ମାଣସି ନା ତାୟୁ ଝାହିମାନେସି, ସାମା ଏଝାସି ନା କିହାଁ କାଜାସି, ଇଞ୍ଜା ଏଝାସି ନାନୁ ଜାର୍ନାଆଡ଼ି ନଚେଏ ମାଚେସି □’

୩୧ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେଏଁ, ସାମା ଏଝାସି ଏନିକିହଁ ଇସାୟେଲ ଲକୁ ନକିତା ତଞ୍ଜାଆନେସି, ଇଦାଆଁତାକି ନାନୁ ଏୟୁତା ବାପ୍ତିସ୍ମାଁ ହାହିଲି ଝାହାମାଇଁ □”

୩୨ ଅଡ଼େ ଜହନ ସାକି ହାହାନା ଝେସ୍ତେସି, “ନାନୁ ସୁଦୁଜାସୁ ପାରଝା ପଟାଲେହେଁ ଲାକପୁରୁତି ରେଟା ଝାହିମାନାଣି ମେସ୍ତେଏଁ, ଇଞ୍ଜା ଏଡ଼ି ଏଝାଣିଲାକ କୁଗିତେ □

୩୩ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେଏଁ, ସାମା ଆମ୍ବାଆସି ନାଜେ ଏୟୁତା ବାପ୍ତିସ୍ମାଁ ହାହିଲି ପାଣ୍ଡାମାଞ୍ଜାନେସି, ଏଝାସି ନାଜେ ଝେସ୍ତାତେସି, ‘ଆମିନିଗାଟାଣି ଲାକ ସୁଦୁଜାସୁ ରେଟା ଝାହାଣି ଅଡ଼େ କୁଗିନାଣି ମେହଦି, ଆମ୍ବାଆସି ସୁଦୁଜାସୁ ତଲେ ବାପ୍ତିସ୍ମାଁ ହାନେସି, ଏଝାସି ଏ ମାଣସି □’ ”

୩୪ ଜହନ ଏଲେଇଚେସି, “ନାନୁ ଏଦାଆଁ ମେସାମାଇଁ, ଏଦାଆଁତାକି ନାନୁ ମିଙ୍ଗ ଝେସିମାଞ୍ଜାଇଁ, ଏଝାସି ମାହାପୁରୁ ମାରଏସି □”

ଜାସୁତି ମୂଲୁ ସାସୁ

୩୫ ତାନି ଅର ନେରୁ ଜହନ ତାନି ରୀ ସାସୁୟାଁ ତଲେ ନିଚାମାଚେସି;

୩୬ ଏଝାସି ଜାସୁଇଁ ଏ ଜିରୁତି ହାଜିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ □”

୩୭ ଏ ରୀ ସାସୁୟାଁ ଏଝାଣି ହାଡ଼ା ଝେଞ୍ଜାନା ଜାସୁ ଜେଚ ଜେଚ ହାଚେରି □

* ୧:୧୮ ୧:୧୯ ମୁଞ୍ଜନାୟି † ୧:୨୫ ୧:୨୫ ମୁଞ୍ଜନାୟି ‡ ୧:୨୭ ୧:୨୭ ମୁଞ୍ଜନାୟି § ୧:୨୮ ୧:୨୮ ମୁଞ୍ଜନାୟି * ୧:୩୧ ୧:୩୧ ମୁଞ୍ଜନାୟି † ୧:୩୩ ୧:୩୩ ମୁଞ୍ଜନାୟି ‡ ୧:୩୩ ୧:୩୩ ମୁଞ୍ଜନାୟି § ୧:୩୮ ୧:୩୮ ଗୁରୁ

୩୮ ଜୀସୁ ଖେଣ୍ଡେ ତିରୁଞ୍ଜାନା ଏଞ୍ଜରାଲ୍ ତାନି କେଚ କେଚ ହାଜିମାନାଣି ମେସାନା ଖେରେସି, “ମାରୁ ଏନାଆଁ ପାରିମାଞ୍ଜେରି ?” ଏଞ୍ଜରି ଖେରେରି, “ରାବିର୍ଷ ନୀନୁ ଆମ୍ବିୟା ଡୟିମାଞ୍ଜି ?”

୩୯ ଜୀସୁ ଏଞ୍ଜରାଲ୍ ଏଲେଇରେସି, ଖାଦୁ, ମେହ୍‌ଦେରି □ ଏମ୍ବାଟିଏ ଏଞ୍ଜରି ହାଜାନା ତାନି ଡୟିନି ଚାୟୁ ମେସ୍ତେରି, ଇଞ୍ଜା, ଏ ଦିନା ଏଞ୍ଜାଣିତଲେ ଡୟିତେରି; ଏନାଆଁତାକି ଇଚିହ୍ ଏଚିରେଲା ଲାଈତି ଦସ ଗଂଟା ଆହାମାରେ □

୪୦ ଜହନତି କାତା ଖେଞ୍ଜାନା ଆମିନି ରିଆରି ଜୀସୁ କେଚ କେଚ ହାଜାମାରେରି, ଏଞ୍ଜରି ବିତ୍ତା ରଅସି ସିମନ ପିତରତି ତାୟି ଆହିୟ ମାରେସି □

୪୧ ଏଞ୍ଜସି ତଲିଏ ତାନି ତାୟି ସିମନଲ୍ ମେସାନା ଏଲେଇରେସି, “ମାୟୁ ମସିହାଲ୍” ମେସ୍ତମି □

୪୨ ଆହିୟ ସିମନଲ୍ ଜୀସୁ ତାଣା ତାତେସି □ ଜୀସୁ ଏଞ୍ଜାଣାଲ୍ ଆଚେ ସିନିକିହାନା ଏଲେଇରେସି, “ନୀନୁ ଜହନ ମାର୍‌ଏଣା ସିମନତି □ ନୀନୁ କେପା† ଦରୁଟି ଖେଜିଦି □”

ଜୀସୁ ପିଲିପ ଅଡେ ନିତନିୟେଲ୍ ହାଟିନାୟି

୪୩ ଅର ନେରୁ ଜୀସୁ ଗାଲିଲିତା ହାଜାଲି ଅଣ୍‌ପିତେସି, ଏଞ୍ଜସି ପିଲିପଲ୍ ମେସାନା ଏଲେଇରେସି, “ନା କେଚ ଖାମ୍ବୁ!”

୪୪ ପିଲିପ ବେଡ୍‌ସାୟିଦା ଗାଡାତାସି ମାରେସି, ଏଦି ଆହିୟ ଇଞ୍ଜା ପିତରତି ଗାଡା ମାରେ □

୪୫ ପିଲିପ ନିତନିୟେଲ୍ ମେସାନା ଏଞ୍ଜାଣାଲ୍ ଏଲେଇରେସି, “ଆମ୍ବାଆରି କାତା ମସାତି ମେରାତା ରାଚାମାନେରି, ଅଡେ, ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ଜିକେଏ ରାଚାମାନେରି, ମାୟୁ ଏଞ୍ଜାଣାଲ୍ ବେଚାଆହାମାନମି □ ଏଞ୍ଜସି ଜସେପ ମାର୍‌ଏସି ନାଜରିତତି ଜୀସୁ □”

୪୬ ନିତନିୟେଲ୍ ଏଞ୍ଜାଣାଲ୍ ଖେରେସି, “ନାଜରିତତା କି ଏନି ନେହ୍ କାମା ଆହିମାନେ ?”

ପିଲିପ ଏଲେଇରେସି, “ଞ୍ଜାହାନା ସିନିକିମ୍ବୁ □”

୪୭ ଜୀସୁ ନିତନିୟେଲ୍ ତାନି ତାଣା ଖାହିମାନାଣି ମେସାନା ଜୀସୁ ଏଞ୍ଜାଣି କାତା ଖେସ୍ତେସି, “ମେହ୍‌ଦୁ ଇଞ୍ଜସି ସାତା ତଲେ ଇସ୍ତାୟେଲତି ଲକ୍ବୁ; ଇଞ୍ଜାଣି ତାଣା ଏନାୟି ନାଡିକିନି ବୁଦି ହିଲେଏ □”

୪୮ ନିତନିୟେଲ୍ ଜୀସୁଲ୍ ଖେରେସି, “ନୀନୁ ନାଜେ ଏନିକିହ୍ ପୁଞ୍ଜାତି ?”

ଜୀସୁ ଏଲେଇରେସି, “ପିଲିପ ନିଜେ ହାଟାତି ନକେଏ ନୀନୁ ତୟା ମାରୁନ୍ ଡୁଇ ମାତି, ଏଡେତା ନୀନୁ ନିଜ ମେସାମାଞ୍ଜାତେଏ □”

୪୯ ନିତନିୟେଲ୍ ଏଲେଇରେସି, “ଏ ଗୁରୁ ନୀନୁ ମାହାପୁରୁ ମାର୍‌ଏଣାତି! ନୀନୁଏ ଇସ୍ତାୟେଲ ରାଜାତି □”

୫୦ ଜୀସୁ ଏଲେଇରେସି, “ନୀନୁ ନିଜେ ତୟା ମାରୁନ୍ ଡୁଇ ମେସ୍ତାତେଏ ଇଞ୍ଜ୍ ଖେସାଲିଏ ନୀନୁ ନାମିମାଞ୍ଜି ?” ନୀନୁ ଇଦାଆଁ କିହ୍ ହାରେକା କାଜା କାମାୟା ମେହ୍‌ଦି □

୫୧ ଜୀସୁ ନିତନିୟେଲ୍ ଏଲେଇରେସି, “ନୀନୁ ନିଜେ ସାତା ଖେସିମାଞ୍ଜାଲ୍ ନୀନୁ ଲାକପୁରୁ ଦେପିଆହାମାନାଣି ଇଞ୍ଜା ମାଣ୍‌ସି ମାର୍‌ଏଣା ତାଣା ମାହାପୁରୁତି ବୁଡୁୟା ଲାକ ହାଜିମାନାଣି ଅଡେ ଡୁଇ ଖାହିମାନାଣି ମେହ୍‌ଦି □”

୨

କାନା ଗାଡାତି ବାହା ବଜିତା ଜୀସୁ

୧ ତାନି ଦିନା କେଚ ଗାଲିଲିତି କାନା ଗାଡାତା ର ବାହା ମାରେ, ଜୀସୁ ତାନି ଇୟା ମରିୟମ ଜିକେଏ ଏମ୍ବାଆଁ ମାରେ;

୨ ଜୀସୁ ଜିକେଏ ତାନି ସୀସୁୟା ତଲେ ବାହାତା ହାଜାଲି ହାଟ୍‌କି ଆହାମାରେସି □

୩ ଏଚିରେଲା ଅଜ୍ବୁରି ରାସା ରାହାହାଚୁ, ଜୀସୁଲ୍ ତାନି ଇୟା ଏଲେଇରେ, “ଏଞ୍ଜରି ଅଜ୍ବୁରି ରାସା ରାହାହାଚେ □”

୪ ଏମ୍ବାଟିଏ ଜୀସୁ ତାନି ଇୟାନି ଏଲେଇରେସି, “ଇୟା, ନୀନୁ ନାଜେ ଏନାଆଁ କିନାୟିମାନେ ଏନାଆଁକି ଖେସିମାଞ୍ଜାଦି ? ନା କାଲା ନୀଏ ପାତେକା ଖାହାହିଲେଏ □”

୫ ଜୀସୁ ତାନି ଇୟା କାମା କିନାରାଲ୍ ଏଲେଇରେ, “ଏଞ୍ଜସି ମିଜେ ଏନାଆଁ ଖେସ୍ତାନେସି ଏଲେକିହ୍ ଏ କିଦୁ □”

୬ ଅଡେ, ଏମ୍ବାଆଁ ଜୀହୁଦିୟା ସୁଦୁ କିହାଲି ନରୁନି ମେରାତାକି ସ ଗଟା କାଜା ଖାଲକାତି ଏୟୁ ଗୁନାୟା ମାରୁ □

୭ ଜୀସୁ ହଲିୟାଙ୍ଗାଣି ଏଲେଇରେସି, “ଇ ଗୁନାୟାଣା ଏୟୁ ନେଞ୍ଜିକିଦୁ □” ଏଞ୍ଜରି ଏମ୍ବାଆଁ ନେଞ୍ଜିକିତେରି □

୮ ଜୀସୁ ଏଞ୍ଜରାଲ୍ ଏଲେଇରେସି, “ଇମ୍ବାଟି ଇଚରା ଅହାନା ବଜିତି ଗୁମୁସ୍ତାକି ହୀଦୁ □” ଏମ୍ବାଟିଏ ଏଞ୍ଜରି ଅଡେରି □

୯ ବଜିତି ଗୁମୁସ୍ତା ଅଜ୍ବୁରି ରାସା ଆହାମାନି ଏ ଏୟୁତି ଖାଣ୍ଡାହା ଏଞ୍ଜି ଏମ୍ବିଟି ତାପିଆଡୁ, ପୁଞ୍ଜା ହିଲାଆତେସି □ ସାମା ଏ ହଲିୟାଙ୍ଗା ଏୟୁ ଖାକ୍‌ହା ମାଚାରି ପୁଞ୍ଜାମାରେରି ଏଦାଆଁତାକି ହନେଏଣାଲ୍ ହାଟାହାଁ ଏଲେଇରେସି □

୧୦ ବାରେଜାଣା ତଲିଏ ନେହ୍ ଅଜ୍ବୁରି ରାସା ହୀନେରି ଅଡେ ଏମ୍ବାଆଁ ଖାହାଡୟିନି

* ୧:୪୧ ୧:୪୧ ମସିହାତି ଇଚିହ୍ କ୍ରୀସ୍ତ † ୧:୪୨ ୧:୪୨ କେପା ଇଚିହ୍ ପିତର

ଲକୁ ହଠିସାରେ ଡାହାଣ ଲାଗେଏତି ଅଙ୍କୁରି ରାସା ହାନେରି; ସାମା ମାରୁ ବାରେ ନେହ ଅଙ୍କୁରି ରାସା ନୀର୍ବ ପାତେକା ଇଟାମାଞ୍ଜେରି □

୧୧ ଜୀସୁ ଇଲେକ ଗାଲିଲିତି କାନା ଗାଡ଼ାତା କାବାଆନି କାମା ମାଟ୍‌ହାନା ତାନି ଗାଞ୍ଜୁରମି ତସ୍ତେସି, ଅଡ଼େ ସୀସୁୟା ଏଞ୍ଜାଣି ତାଣା ନାମିତେରି □

୧୨ ଏଦାଆଁ ଡାହାଣ ଜୀସୁ ତାନି ଇୟା, ତାୟିୟା ଅଡ଼େ ସୀସୁୟା ତଲେ କପରନାହୁମତା ହାରେରି; ଇଞ୍ଜା ଏମ୍ବାଆଁ ହାରେକା ଦିନା ଡ଼ୟାଆତେରି □

ଜୀସୁ ଜିରୁସାଲମତା ହାନାୟି

(ମାତି ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ଏରିବେଲାତା ଜୀହୁଦିକା ପିସପିଆନି ପାରୁ ତାଗେ ଆହାମାଚେ, ଅଡ଼େ ଜୀସୁ ଜିରୁସାଲମତା ହାରେସି □

୧୪ ଏମ୍ବାଆଁ ଜୀସୁ ମେସ୍ତେସି, ମାହାପୁରୁ ଇଲୁ ବିତ୍ରା ଲକୁ କଡ଼ିୟା ମେଶ୍ତାୟା ଅଡ଼େ ପଟାୟା ବେବାରା କିନାରି ଅଡ଼େ ତାରୁୟା ବେବାରା କିନାରି କୁଗାମାଚେରି;

୧୫ ଏମ୍ବାଟିଏ ଜୀସୁ ତ:ରିତି ସାଟ୍‌ଣି କେପାନା କଡ଼ିୟା, ମେଶ୍ତାୟା ମାହାପୁରୁ ଇଲୁଟି ପାକ୍ମାତା ପେରୁହା ପାଶ୍ତାନା ଟାକାୟା ବେବାରା ଗାଟାରି କୁଚିୟା ତିରିମ୍ବୁପହାନା ଟାକାୟା ବାରେ ଡ଼ାଞ୍ଜିତେସି □

୧୬ ପଟାୟା ବେବାରା ଗାଟାରାଇଁ ଏଲେଇଚେସି, “ଇ ବାରେଡି ଇମ୍ବାଟି ଅହାଡ଼ହୁଦୁ, ନା ଆବା ଇଲୁଡି ବେବାରା ଇଲୁ କିଆଦୁ □”

୧୭ ଇଦାଆଁ ମେସାନା ସାସ୍ତେରିତା ରାସ୍‌କି ଆହାମାନି ର କାତା ସୀସୁୟା ମନତା ଖାତେ, “ନୀ ଇଲୁଡାକି ନା ରାହାଁ ନାଞ୍ଜେ ହାରେକା ନାସା କିୟାନେ □”

୧୮ ଜୀହୁଦିୟା ଜୀସୁଇଁ ଖେଚେରି, “ନୀନୁ ଇ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ବାତି ସିନା ମାଞ୍ଜେ ଏନାଆଁ ତସିମାଞ୍ଜାଦି ?”

୧୯ ଜୀସୁ ଏଲେଇଚେସି, “ଇ ଦେଞ୍ଜୁଡ଼ିତି ନାସା କିଦୁ, ଅଡ଼େ ତାନି ଦିନାଟିଏ ନାନୁ ଏଦାଆଁ ଖେଶ୍ତେ କେପିଇଁ □”

୨୦ ଏଚେଟିଏ ଜୀହୁଦି ଲକୁ ଏଲେଇଚେରି, “ଏନାଆଁ ତାନିଦିନା ବିତ୍ରା ନୀନୁ ଇଦାଆଁ କେପାଲି ଆଡ଼ିଦି ? ଇ ଦେଞ୍ଜୁଡ଼ି କିହାଲିତାକି ରୀ କଡ଼ି ସ ବାର୍ସା ଆହାମାନେ □”

୨୧ ସାମା ଜୀସୁ ଜାହାରା ଆକ୍ମା ଲେହେଁତି ଦେଞ୍ଜୁଡ଼ିତି ତସାନା ଇଦାଆଁ ଖେସାମାଚେସି □

୨୨ ଇଦାଆଁତାକି ଜୀସୁ ହାହାନା ନିକ୍ମାଲିଏ ତାନି ସୀସୁୟା ଜୀସୁ ଇ କାତା ଖେସାମାଚେସି ଇଞ୍ଜ ଅଣ୍ଡିପତେରି; ଅଡ଼େ ଦାର୍ମ୍ବ ସାସ୍ତେରି ଅଡ଼େ ଜୀସୁ ଖେସାମାଚି କାତାତି ନାମିତେରି □

ଜୀସୁ ଲକୁଡି ଗୁଶୁ ପୁନାସି

୨୩ ପିସପିଆନି ପାରୁ ଆହିମାଚି ବେଲାତା ଜିରୁସାଲମତା ଜୀସୁ ମାଚାଟି ହାରେକା ତାନି କାବାଆନି କାମା ମେସାନା ତାନି ଦରୁତା ହାରେକା ଜାଣା ନାମିତେରି □

୨୪ ସାମା ଜୀସୁ ଏ ଲକୁଣି ନାମାଆନା ଏଞ୍ଜାରି ତାଣାଟି ଏଟକା ଡ଼ୟିତେସି, ଏନାଆଁତାକି ଇଚିହ୍ ଏଞ୍ଜାରାଇଁ ନେହ୍ କ ପୁଞ୍ଜାମାଚେସି □

୨୫ ଅଡ଼େ ଆମ୍ବାଆସି ମାଣ୍‌ସି କାତା ସାକି ହାନେସି, ଇଦି ଏଞ୍ଜାଣାକି ଲଡ଼ା ହିଲାଆତେ, ଇଚିହ୍ ମାଣ୍‌ସି ବିତ୍ରା ଏନାୟି ମାନେ ଏଞ୍ଜାସି ତାନୁଏ ପୁଞ୍ଜାଲି ଆଡ଼ିମାଚେସି □

୩

ଜୀସୁ ଅଡ଼େ ନିକଦିମ

୧ ପାରୁସିୟା ଗଟିଟି ନିକଦିମ ଇଞ୍ଜ ର ମାଣ୍‌ସି ମାଚେସି, ଏଞ୍ଜାସି ଜୀହୁଦି ଲକୁଣି ସାଲଞ୍ଜି କିନାସି ମାଚେସି □

୨ ଏଞ୍ଜାସି ଲାଆଁ ବେଲାତା ଜୀସୁ ତାଣା ଖାହାନା ଏଲେଇଚେସି, “ଏ ରାବି,* ମାମ୍ବୁ ପୁଞ୍ଜାମାନମି ନୀନୁ ମାହାପୁରୁ ପାଶ୍ତାମାଞ୍ଜାନି ଗୁରୁ □ ନୀନୁ ଆମିନି ବାରେ କାବାଆନି କାମା କିହିମାଞ୍ଜି, ମାହାପୁରୁ ସାୟେମି ହିଲାଆସାରେ ଏଦାଆଁ ଆମ୍ବାଆରି କିହାଲି ଆଡ଼ଅରି □”

୩ ଜୀସୁ ଏଞ୍ଜାଣାଇଁ ଏଲେଇଚେସି, ସାତା ସାତା ନାନୁ ନିକ୍ମା ଖେସିମାଞ୍ଜାଇଁ, ଅଡ଼େ ଖେଶ୍ତେ ଜାର୍ନା ଆଆସାରେ ଆମ୍ବାଆସି ମାହାପୁରୁ ରାକି ମେସାଲି ଆଡ଼ଅସି □

୪ ନିକଦିମ ଏଞ୍ଜାଣାଇଁ ଖେଚେସି, “ବୁଡ଼ହା ଆଡ଼ିସାରେ ମାଣ୍‌ସି ଅଡ଼େ ଖେଶ୍ତେ ଏନିକ୍ ଜାର୍ନା ଆହାଲି ଆଡ଼ିନେସି ? ତାଲିନି ବାଣ୍ଡିତା ହଡ଼ାନା ଏଞ୍ଜାସି ଖେଶ୍ତେ ଜାର୍ନା ଆହାଲି ଆଡ଼ିନେସି ?”

୫ ଜୀସୁ ଏଲେଇଚେସି; “ସାତା ସାତା ନାନୁ ନିକ୍ମା ଖେସିମାଞ୍ଜାଇଁ” ଏୟୁ ଅଡ଼େ ସୁଦୁଜୀଞ୍ଜୁଟି ଜାର୍ନା ଆଆସାରେ ଆମ୍ବାଆସି ମାହାପୁରୁ ରାକିତା ହଡ଼ାଲି ଆଡ଼ଅସି □

୬ ଆକ୍ମାଟି ଏନାୟି ଜାର୍ନା, ଏଦି ଆକ୍ମା; ଅଡ଼େ ସୁଦୁଜୀଞ୍ଜୁଟି ଏନାୟି ଜାର୍ନା ଆନେ, ଏଦି ସୁଦୁଜୀଞ୍ଜୁ □

☆ ୨:୧୨ ୨:୧୨ ମାତି ୪:୧୩ ☆ ୨:୧୯ ୨:୧୯ ମାତି ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯ * ୩:୨ ୩:୨ ଗୁରୁ

୭ ନିଙ୍ଗେ ଖେଣ୍ଡେ ଜାନ୍ନା ଆନାୟି ଲତାମାନେ ଇଞ୍ଜି ନାନୁ ନିଙ୍ଗ ଖେସ୍ତାତେଏ, ଏଦାଆଁତାକି କାବା ଆଆନି □

୮ ଗାଲି ଆମ୍ବିୟାଝାକି ମନ କିନେ, ଏତାଲା ଝାକି ହାନେ, ଅଡେ ନାନୁ ଝାଉଇ ଏଦାନି ହାଡା ଖେଞ୍ଜାଲି ଆଡ଼ିଦି, ସାମା ଏଡ଼ି ଏମିନି ତାଣାଟି ଝାନେ ଅଡେ, ଏମ୍ବିୟା ହାନେ, ଏଦାଆଁ ପୁନଅତି; ସୁଦୁଜୀଝୁଟି ଜାନ୍ନା ଆହାମାନି ବାରେଜାଣା ଏଲେକିହିଏ □

୯ ନିକଦିମ ଏଝାଣାକ୍ ଏଲେଇରେସି, “ଏଡ଼ି ଏନିକ୍ ଆହାଲି ଆଡ଼ିନେ ?”

୧୦ ଜୀସୁ ଏଝାଣାକ୍ ଏଲେଇରେସି; “ନାନୁ ଇସାୟେଲତି ଗୁରୁ ଆହାନା ଜିକେଏ, ଇ ବାରେ ତେଲହି ହିଲଅତି କି ?

୧୧ ନାନୁ ନିଙ୍ଗ ସାତା ଖେସିମାଞ୍ଜାକ୍, ନାନୁ ଏନାଆଁ ପୁଞ୍ଜାମାକ୍, ଏଦାନି କାତା ଖେସିମାଞ୍ଜାକ୍, ଏନାଆଁ ମେସାମାକ୍, ଅଡେ ନାନୁ ନା କାତା ନାମିହିଲଅତି □

୧୨ ନାନୁ ଦାର୍ତି କାତାତି ଖେସ୍ତାସାରେ ନାନୁ ନାମଅତି, ଆଡ଼ିହି ଲାକପୁରୁତି ହାଡା ଖେସ୍ତାସାରେ ଏନିକ୍ ନାମିଦି ?

୧୩ ଆମିନି ମାଣ୍ଡିସି ମୀରଏସି ଲାକପୁରୁତି ରେତା ଝାଡେସି, ଏଝାଣି ପିସପେ ଅଡେ ଆମ୍ବାଆସି ଲାକପୁରୁ ହାଜାହିଲଅସି □”

୧୪ ଅଡେ, ମସା ଏନିକ୍ ଲକୁ ହିଲାଆ ଟାମୁତା ପିତାଡା ରାବୁତି ଲାକ ପେରହା ମାରେସି, ମାଣ୍ଡିସି ମୀରଏସି ଜିକେଏ ଏଲେକିହିଏ ଲାକ ପେରଝି ଆନେସି □

୧୫ ଏନିକ୍ ଆମ୍ବାଆସି ତାନି ତାଣା ନାମିନେସି, ଏଝାସି କାଲାକାଲାତି ଜୀଝୁ ବେଟା ଆନେସି □

୧୬ ଇତିହି ମାହାପୁରୁ ଦାର୍ତିତି ଏଚେକା ଜୀଝୁ ନଡେସି, ଏଝାସି ତାନି ରଣ୍ଡିଏ ମୀରଏଶାକ୍ ଦାନା ହାଡେସି, ଏନିକ୍ ଏଝାଣି ତାଣା ନାମିନାସି ନାସା ଆଆନା କାଲାକାଲାତି ଜୀଝୁ ବେଟା ଆନେସି □

୧୭ ଇତିହି ଦାର୍ତିତା ନାହାୟି କିହାଲିତାକି ମାହାପୁରୁ ତାନି ମୀରଏଶାକ୍ ଦାର୍ତିତା ପାଣ୍ଡାଆନା, ଦାର୍ତି ଏନିକ୍ ତାନିତାଣାଟି ଗେଲ୍ପିଆନେ, ଏଦାଆଁତାକି ତାନି ମୀରଏଶାକ୍ ପାଣ୍ଡାତେସି □

୧୮ ଆମ୍ବାଆସି ତାନି ତାଣା ନାମିନେସି, ଏଝାସି ନାହାୟି କିଝି ଆଅସି ଆମ୍ବାଆସି ନାମଅସି, ଏଝାସି ନାହାୟି କିଝି ଆଡେସିଏ, ଏନାଆଁତାକି ଇତିହି ମାହାପୁରୁତି ରଣ୍ଡିଏ ମୀରଏଶା ଦରୁତି ନାମାହିଲଅସି □

୧୯ ଅଡେ ଏ ନାହାୟି ଇଦି, ଇ ଦାର୍ତିତା ଉଜେଡ଼ି ତଞ୍ଜା ଆହାମାନେ, ଅଡେ ଲକୁ ଉଜେଡ଼ି

ପିସାନା ଆନେରିତି ଜୀଝୁ ନଡେରି, ଏଦାଆଁତାକି ଏଝାରି ବାରେ କାମା ଲାଗେଏତାୟି □

୨୦ ଇତିହି ଆମ୍ବାଆରି ଲାଗେଏତି କାମାକିନାରି, ଉଜେଡ଼ିତି ଅପଅରି, ଅଡେ ଏଡେତା ତାନି ପାପୁ କାମା ତଞ୍ଜାଆନେ, ଏଦାଆଁତାକି ଉଜେଡ଼ିତା ଝାଆରି □

୨୧ ସାମା ଆମ୍ବାଆରି ସାତା କାମା କିନେରି, ଏଝାରି ଉଜେଡ଼ିତା ଝାନେରି, ଏନିକ୍ ତାନି କାମା ବାରେ ମାହାପୁରୁ ତାଣାଟି ତାନି ଆଡାୟି ଇଞ୍ଜି ତଞ୍ଜାଆନେ □

ଜୀସୁ ଅଡେ ଜହନ

୨୨ ଇଦାଆଁ ତାମୁ ଜୀସୁ ଅଡେ ତାନି ସାସୁୟାଁ ଜୀହୁଦା ରାଜିତା ହାଚେରି, ଅଡେ ଏଝାସି ଏ ଟାମୁତା ଡୟାନା ବାପ୍ତିସ୍ମା ହାହାଲି ମାଟ୍‌ହେସି □

୨୩ ଜହନ ଜିକେଏ ସାଲମତି ତାଗେ ଏନନ୍‌ତା ବାପ୍ତିସ୍ମା ହାହିମାରେସି, ଇତିହି ଏମ୍ବାଆଁ ଗାଡ଼ି ଏମୁ ମାରୁ, ଅଡେ ଲକୁ ଝାହାନା ବାପ୍ତିସ୍ମ ଅହିମାରେରି □

୨୪ ଏଚିବେଲା ପାତେକା ଜହନ କାୟିଦିତା ହାଜାହିଲାଆତେସି □

୨୫ ଏମ୍ବାଟିଏ ଜହନତି ଏଚରଜାଣା ସାସୁୟାଁ ର ଜୀହୁଦି ତଲେ ମେରାତାକି ନରନ୍ତି କାତାତାକି ବାଦିବାଡା ଆଡେରି □

୨୬ ଏଝାରି ଜହନକ୍ ଏଲେଇରେରି, “ଗୁରୁ ଆମ୍ବାଆସି ଜର୍ଦନ କାତାତି ଅରଝାକି ନୀ ତଲେ ମାରେସି, ଆମ୍ବାଆରି କାତା ନାନୁ ସାକି ହାହାମାଞ୍ଜାତି, ମେହ୍‌ମୁ ଏଝାସି ବାପ୍ତିସ୍ମା ହାହିମାନେସି ଅଡେ ବାରେଜାଣା ଏଝାଣି ତାଣା ହାଜିମାନେରି □”

୨୭ ଜହନ ଏଲେଇରେସି, “ଲାକପୁରୁତି ମାହାପୁରୁ ହାଆସାରେ ମାଣ୍ଡିସି ଏନାଆଁ ମେଡାଆହାଲି ଆଡ଼ଅସି □

୨୮ ନାନୁ କ୍ରୀସ୍ତତେଏ ଆଏ, ସାମା ଏଝାଣି ନକିତା ପାଣ୍ଡୁଝି ଆହାମାକ୍, ଇ କାତା ନାନୁ ମିଙ୍ଗେ ଖେସାମାଞ୍ଜାତେଏ ଇଞ୍ଜି ମୀରୁ ନା ସାକି □

୨୯ ମାଙ୍ଗାନି ଅନାସି, ଏଝାସି ହନେଏସି, ସାମା ହନେଏଶି ଏମିନି ତଡୁ ନିତାନା ତାନି ହାଡା ଖେନେସି, ଏଝାସି ହନେଏଶି ହାଡା ଖେଞ୍ଜାନା ହାରେକା ରାହାଁ ଆନେସି □ ଏଲେକିହିଏ ନା ରାହାଁ ଜିକେଏ ପୁରା ଆଡେ □

୩୦ ସାତେଏ ଏଝାସି କାଜାସି ଆନାୟି ମାନେ, ଅଡେ ନାଙ୍ଗେ ଉଶା ଆନାୟି ମାନେ □”

ଲାକପୁରୁତି ଝାନାସି

୩୧ ଆମ୍ବାଆସି ଲାକପୁରୁତି ଝାନେସି, ଏଝାସି ବାରେକିହାଁ କାଜାସି, ଆମ୍ବାଆସି ଦାର୍ତିତି ଜାନ୍ନା ଆନେସି, ଏଝାସି ଦାର୍ତିତି କାତା

ଝେହ୍ନେସି; ଆମ୍ବାଆସି ଲାକପୁରୁଟି ଝାନେସି ଏଝାସି ବାରେଜାଣା କିହ୍ନାଁ କାଜାସି □

୩୨ ଏଝାସି ଏନାଆଁ ମେସାମାନେସି ଅଡ଼େ ଏନାଆଁ ଝେଞ୍ଜାମାନେସି, ଏଦାଆଁ ଏଝାସି ସାକି ହାହିମାନେସି, ସାମା ଆମ୍ବାଆସି ତାନି ହାଡ଼ାତି ଅପଅସି □

୩୩ ଇଞ୍ଜା ଆମ୍ବାଆସି ତାନି କାତାତି ଅପିନେସି, ଏଝାସି ମାହାପୁରୁ ସାତା ଇଞ୍ଜାଁ ଏ କାତାତି ଆବା ମାନେସି □

୩୪ ସାମା ମାହାପୁରୁ ଆମ୍ବାଆରାକ୍ ପାଣ୍ଡାମାଞ୍ଜାନେସି, ଏଝାସି ମାହାପୁରୁ ବଲୁ ଝେହ୍ନେସି, ଏଝାଶାକି ମାହାପୁରୁ ସୁଦୁଜୀଝୁ ହାନେସି □

୩୫ ଆବା ମୀରଏଶାକ୍ ଜୀଝୁ ନନେସି, ଅଡ଼େ ବାରେ ତାନି କେୟୁତା ହେରପା ମାନେସି □

୩୬ ଆମ୍ବାଆସି ମୀରଏଶାକ୍ ନାନିନେସି, ଏଝାସି କାଲାକାଲାତି ଜୀଝୁ ବେଟାଆହାମାନେସି, ସାମା ଆମ୍ବାଆସି ମୀରଏଶାକ୍ ଅପଅସି, ଏଝାସି ଜୀଝୁ ଜିକେଏ ମେହଅସି, ସାମା ଏଝାସି ମାହାପୁରୁତି ତଣ୍ଡତା ଡ଼ୟିନେସି □

୪

ଜୀସୁ ଅଡ଼େ ସମିରଣ ଇୟା

୧ ପାରୁସିୟାଁ ଝେଚେରି, ଜୀସୁ ଜହନ କିହ୍ନାଁ ଗାତି ସୀସୁୟାଁ କିହିମାନେସି ଅଡ଼େ ବାପ୍ତିସ୍ମ* ହାହିମାନେସି □

୨ ଜୀସୁ ତାନୁ ବାପ୍ତିସ୍ମ† ହାହିହିଲାଆଡେସି, ସାମା ତାନି ସୀସୁୟାଁ ବାପ୍ତିସ୍ମ‡ ହାହିମାଚେରି, ଇ କାତା ପାରୁସିୟାଁ ଝେଞ୍ଜାମାନେରି ଇଞ୍ଜାଁ ପ୍ରୁ ଏଚେତା ପୁଚେସି,

୩ ଏଚେତା ଜୀହୁଦା ଦେସା ପିସାନା ଅଡ଼େ ଝେଶ୍ଟେ ଗାଲିଲିତା ହାଚେରି □

୪ ସାମା ତାଙ୍ଗେ ସମିରଣ ଜିରୁଟି ହାଜାଲି ଲାଗିତେ □

୫ ଅଡ଼େ ଏଝାସି ହାଜାନା ଜାକୁବ ତାନି ମୀରଏସି ଜସେପକି ଏମିନି ବୁମି ହାହାମାଚେସି ଏ ତାଗେ ସମିରଣତି ସୁକାର ଦରୁଗାଟି ର ନାୟୁତା ଏଗାହାଚେସି □

୬ ଏ ଗାୟୁତା ଜାକୁବତି କୁହି ମାଚେ, ଇଞ୍ଜାଁ ଜୀସୁ ଝାହାହାଜାମାଚାକି ଏ କୁହି ତାଗେ କୁଗିତେସି □ ଏଚେତା ମାଦେନା ଆହାମାଚେ □

୭ ଅଡ଼େ ର ସମିରଣ ଇୟା ଏୟୁ ଅହାଲି ଝାଡ଼େ □ ଜୀସୁ ଏଦାନି ଏଲେଇଚେସି “ନାଙ୍ଗେ ଏୟୁ ଗସାଲି ହିୟାମୁ □”

୮ ତାନି ସୀସୁୟାଁ କାଡ଼ି କତାଲି ଗାଡ଼ାତା ହାଜାମାଚେରି □

୯ ଏମ୍ବାଟିଏ ସମିରଣ ଇୟା ଜୀସୁକ୍ ଏଲେଇଚେ, “ନୀନୁ ର ଜୀହୁଦି ଲକୁ ଆହାଁ, ନୀନୁ ସମିରଣ ଆୟାଡେସି, ଏନିକ୍ ନା କେୟୁଟି ଏୟୁ ଗସାଲି ରାସି ମାଞ୍ଜାଦି ?” ଏନିଇଟିହ୍ ଜୀହୁଦିୟାଁ ତଲେ ସମିରଣ ଲକୁତି ଲେମ୍ବିନାୟି ହିଲେଏ □

୧୦ ଜୀସୁ ଏଦାନି ଏଲେଇଚେସି, “ମାହାପୁରୁତି ଦାନା ଅଡ଼େ ନାଙ୍ଗେ ଗସାଲି ହିୟାମୁ ଇଞ୍ଜାଁ ଆମ୍ବାଆସି ନିଙ୍ଗେ ଏଲେଇଞ୍ଜାମାଞ୍ଜାନେସି, ଏଝାସି ଆମ୍ବାଆସି, ଇଦାଆଁ ନୀନୁ ପୁଟିହ୍ ମା, ନୀନୁ ଏଝାଶାକ୍ ରାସିମା, ଅଡ଼େ ଏଝାସି ନିଙ୍ଗେ ଜୀଝୁତି ଏୟୁ ହିୟାଡେସିମା □”

୧୧ ଏ ଆୟାଟି ଏଲେଇଚେ, “ଗୁରୁ ନୀ ତାଶା ଏୟୁ କତାଲି ତାକି ନକି ହିଲେଏ, ଅଡ଼େ ଇ କୁହି କୁଡ଼ହାମାନେ; ଆତିହ୍ ନୀନୁ ଏମ୍ବିଟି ଏ ଜୀଝୁଗାଟି ଏୟୁ ବେଟାଆହାମାଞ୍ଜି ?

୧୨ ମା ଆକୁୟାଁତି ଆବା ଜାକୁବ ଇ କୁହି ମାଙ୍ଗେ ହାହାମାଞ୍ଜାଡେସି, ଅଡ଼େ, ତାନି ମୀରକା ଅଡ଼େ ତାନି କଡ଼ି ଗରି ଇମ୍ବାତି ଏୟୁ ଗସିମାଚୁ, ଏଝାଶି କିହ୍ନାଁ ନୀନୁ କି କାଜାତି ?”

୧୩ ଜୀସୁ ଏଲେଇଚେସି, “ଆମ୍ବାଆସି ଇ ଏୟୁ ଗହ୍ନେସି, ଅଡ଼େ ଝେଶ୍ଟେ ଏସ୍କି ଆନେସି;

୧୪ ସାମା ନୀନୁ ଏମିନି ଏୟୁ ହିୟାକ୍, ଏଝାଆଁ ଆମ୍ବାଆସି ଗହ୍ନେସି, ଏଝାସି ଏଚେଲାଝା ଏସ୍କି ଆଅସି, ଇତିହ୍ ନୀନୁ ଏମିନି ଏୟୁ ହୀକ୍, ଏଡ଼ି କାଲାକାଲାତି ଜୀଝୁତି ଉସା ଲେହେଁ ଏଝାଶି ତାଶାଟି ଡେଲାବୟା ହାନୁ □”

୧୫ ଆୟାଟି ଏଲେଇଚେ, “ଗୁରୁ, ନାଙ୍ଗେ ଏନିକ୍ ଏସ୍କି ଆୟେଏ, ଅଡ଼େ ଏୟୁତାକି ଇଚେକା ହେକ ଇ କୁହିତା ଝାୟାଲି ଆଏ, ଏଦାଆଁତାକି ଏ ଏୟୁ ନାଙ୍ଗେ ହିୟାମୁ □”

୧୬ ଜୀସୁ ଏଦାନି ଏଲେଇଚେସି, “ହାଲାମୁ, ନୀ ତକ୍ରାକ୍ ହାଟାତାମୁ □”

୧୭ ଏ ଆୟାଟି ଏଲେଇଚେ, “ନା ତକ୍ରା ହିଲଅସି □” ଜୀସୁ ଏଦାନି ଏଲେଇଚେସି “ନୀ ତକ୍ରା ହିଲଅସି ଇଞ୍ଜାଁ ସାତା ଝେସାମାଞ୍ଜି □

୧୮ ନିଙ୍ଗେ ପାସାଜାଶା ତକ୍ରାୟାଁ ମାଚେରି, ଅଡ଼େ ନୀଏଁ ନୀ ତଲେ ଆମ୍ବାଆସି ମାନେସି ଏଝାସି ନୀ ତକ୍ରା ଆଏ ଇଦାଆଁ ସାତା ଝେସାମାଞ୍ଜି □”

୧୯ ଆୟାଟି ଏଲେଇଚେ, “ଗୁରୁ, ନୀନୁ ପୁଞ୍ଜିମାକ୍ ନୀନୁ ର ମାହାପୁରୁ ଅଶ୍ପୁତି ବଲୁ ଝେହ୍ନାତି, ଇଦାଆଁ ନୀନୁ ପୁଞ୍ଜିମାକ୍ □

୨୦ ମା ଆକୁ ଆବାୟାଁ ଇ ହରୁ ଲାକ ପ୍ରାଡାନା କିହିମାଚେରି; ଅଡ଼େ ମୀ ଜୀହୁଦି ଲକୁ ଏଲେଇନେରି, ପ୍ରାଡାନା କିନି ଗାୟୁ ଆହିମାନେ ଜିରୁସାଲମ □”

* ୪:୧ ୪:୧ ମୁଞ୍ଜିନାୟି † ୪:୨ ୪:୨ ମୁଞ୍ଜିନାୟି ‡ ୪:୨ ୪:୨ ମୁଞ୍ଜିନାୟି

୨୧ ଜୀସୁ ଏଦାନି ଏଲେଇଚେସି, “ଇୟା ନା ହାଡ଼ାତି ନାମାମୁ, ଏମିନି ବେଲ୍ଲାତା ମୀରୁ ଇ ହରୁଡ଼ା କି ଜିରୁସାଲମତା ଆବା ତାଣା ପ୍ରାତାନା କିଅତେରି ଇଲେତି କାଲମି ଖାନେ □

୨୨ ଆମ୍ବାଆରାଇଁ ମୀରୁ ପୁଞ୍ଜାହିଲଅତେରି, ଏଞ୍ଜାଣାଇଁ ପ୍ରାତାନା କିହିମାଞ୍ଜେରି; ଆମ୍ବାଆରାଇଁ ମୀରୁ ପୁଞ୍ଜାମାନାୟି, ଏଞ୍ଜାଣାଇଁ ପ୍ରାତାନା କିହିମାନାୟି, ଇଚିହିଁ ଗେଲ୍ପିନାୟି ଜୀହୁଦି ଲକୁ ତାଣାଟି ଖାନେ □

୨୩ ସାମା ଏମିନି କାଲମିତା ସାତା ତଲେ ପ୍ରାତାନା କିନି ଲକୁ ଜୀହୁତଲେ ଅଡ଼େ ସାତା ତଲେ ଆବାଇଁ ପ୍ରାତାନା କିନେରି, ଇଲେତି କାଲମି ଖାହିମାନେ; ଅଡ଼େ, ନୀର୍ବି ଜିକେଏ ମାନେ; ଇଚିହିଁ ଆବା ଇଲେତି ପ୍ରାତାନା କିନାରାଇଁ ପାରିମାନେସି □

୨୪ ମାହାପୁରୁ ସୁଦୁଜୀଞ୍ଜୁ ଗାଟାସି, ଅଡ଼େ ଆମ୍ବାଆରି ତାନି ପ୍ରାତାନା କିନେରି, ଏଞ୍ଜାରି ଜୀହୁ ଇଞ୍ଜାଁ ସାତା ତଲେ ତାନି ପ୍ରାତାନା କିନାୟିମାନେ □”

୨୫ ଏ ଆୟାଟି ଜୀସୁଇଁ ଏଲେଇଚେ, “ନାନୁ ପୁଞ୍ଜାମାଇଁ, ମସିହା, ଆମ୍ବାଆରାଇଁ କ୍ରୀସୁ ଇନେରି, ଏଞ୍ଜାସି ଖାନେସି; ଏଚେତା ଏଞ୍ଜାସି ଖାନେସି ମାଙ୍ଗେ ବାରେ କାତା ପୁଣ୍ଡି କିୟାନେସି □”

୨୬ ଜୀସୁ ଏଦାନି ଏଲେଇଚେସି, “ନୀର୍ବି ନୀ ତଲେ ହାଡ଼ା ଆହିମାନାତେର୍ବି ନାନୁ, ନାନୁ ଏଞ୍ଜାତେର୍ବି □”

୨୭ ଏଚିବେଲ୍ଲାତା ତାନି ସୀସୁୟାଁ ଖାହାନା ତାନୁ ର ଆୟାଟି ତଲେ ହାଡ଼ା ଆହିମାନାଣି ମେସାନା କାବା ଆଡ଼େରି, ଆଡ଼ିଜିକେଏ ନୀନୁ ଏନାଆଁ ମନ କିହିମାଞ୍ଜି, ଆଆତ୍ ଏନାଆଁତାକି ଏଦାନିତଲେ ହାଡ଼ା ଆହିମାଞ୍ଜି ଇଞ୍ଜି? ଆମ୍ବାଆରି ଖେନାଆଡ଼େରି □

୨୮ ଏମ୍ବାଟିଏ ଆୟାଟି ଏମ୍ବାଆଁ ତାନି ଏୟୁ ତ:କା ପିସାନା ଗାଡ଼ାତା ହାଜାନା ଲକୁଣି ଖେସ୍ତେ, “ଞ୍ଜାଦୁ, ରଅଣାଇଁ ମେହ୍ଦେରି,

୨୯ ନାନୁ ଏନା ଏନାଆଁ ନା ଜୀହୁତା କିହାମାଇଁ, ଏଞ୍ଜାସି ନାଙ୍ଗେ ବାରେ ଖେସ୍ତାତେସି; ଏଞ୍ଜାସି ମସିହା ଆହାଡ଼ିନେସି?”

୩୦ ଏମ୍ବାଟିଏ ଏମ୍ବାଟି ଲକୁ ଗାଡ଼ାଟି ହଚାନା ଜୀସୁ ତାଣା ହାଚେରି □

୩୧ ଏଚିବେଲ୍ଲାତା ସୀସୁୟାଁ ବାଡ଼ିମାଲିହିଁ ଏଲେଇଚେରି, “ଏ ଗୁରୁ, ତିନାମୁ □”

୩୨ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ତିଞ୍ଜାଲି ତାକି ଏମିନି କାଡ଼ି ନା ତାଣା ମାନେ, ମୀରୁ ଏ କାଡ଼ିତି କାତା ପୁଞ୍ଜାହିଲଅତେରି □”

୩୩ ସୀସୁୟାଁ ତାମ୍ବୁତାମ୍ବୁହାଡ଼ାକାତା ଆଡ଼େରି, “ଆମ୍ବାଆୟି ତାଙ୍ଗେତାକି କାଡ଼ି ତାଚା ହାହାମାନେ ହାବୁଲ୍ଲା?”

୩୪ ଜୀସୁ ଏଞ୍ଜାରାଇଁ ଏଲେଇଚେସି, “ନାଙ୍ଗେ ପାଣ୍ଡାମାଞ୍ଜାନାଣା ଅଣ୍ପୁ ଅଡ଼େ ତାନି କାମା ରାପ୍ତନାୟି ଏଡ଼ିଏ ନା କାଡ଼ି □

୩୫ ଆର୍ନୀ ଦାଚାଲି ଅଡ଼େ ସାରି ଲେଞ୍ଜୁ ମାନେ, ଇ କାତା ମୀରୁ ଖେସିହିଲଅତେରି ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଗୁଡ଼ିୟାକା ବାରେ ସିନିକିଦୁ ଏ ବାରେ ଦାଚାଲି ତାକି କାମ୍ବାହାଚେୟିଏ □

୩୬ ନୀର୍ବି ଜିକେଏ ଦାଃଆନାରାକି କୁଲି ହୀପକି ଆହିମାନେ ଅଡ଼େ କାଲ୍ଲାକାଲ୍ଲାତି ଜୀହୁତାକି ପାଡ଼େୟି କୃଡ଼ି କିହିମାନେରି, ଏନିକିହିଁ ଦାଃଆନାସି ଅଡ଼େ କୃଡ଼ିକିନାସି ରହେଁଏ ରାହ୍ଣା କିନେରି □

୩୭ ଏନାଆଁତାକି ଇଚିହିଁ ରଅସି ମାଟିନେସି ଅଡ଼େ ଅର ରଅସି ଦାଃଆନେସି ଇ କାତା ସାତା □

୩୮ ମୀରୁ ଏନାଆଁତାକି କାମା କିହାହିଲଅତେରି, ଏଦାଆଁ ଦାଚାଲି ତାକି ନାନୁ ପାଣ୍ଡାତେର୍ବି; ଏଚକାତାରି କାମା କିହାମାନେରି, ଅଡ଼େ ମୀରୁ ଏଞ୍ଜାରି କାମାତି ଲାବା ବେଟାଆହିମାଞ୍ଜେରି □”

୩୯ “ନାନୁ ଏନା ଏନାଆଁ କିହାମାଇଁ, ଏ କାତା ଏଞ୍ଜାସି ନାଙ୍ଗେ ବାରେ ଖେସ୍ତାତେସି” ଇଞ୍ଜି ଏମିନି ଆୟାଟି ସାକି ହାହାମାଚେ, ଏଦାନି କାତାତାକି ଏ ଗାଡ଼ାତି ସମିରଣ ଲକୁ ବିତ୍ରାଟି ହାଚେକା ଜୀସୁଇଁ ନାମିତେରି □

୪୦ ଅଡ଼େ ସମିରଣ ଲକୁ ଜୀସୁ ତାଣା ଖାହାନା ତାନିତଲେ ତୁୟାଲି ତାକି ତାଙ୍ଗେ ବାଡ଼ିମାଲିତେରି ଜୀସୁ ଏଞ୍ଜାରିତଲେ ଅଡ଼େ ରୀ ଦିନା ତୁୟିତେସି □

୪୧ ଜୀସୁତି ବଲୁ ଖେଞ୍ଜାନା ହାଚେକା ଲକୁ ନାମିତେରି □

୪୨ ଏଞ୍ଜାରି ଏ ଆୟାଟିଇଁ ଏଲେଇଚେରି, “ଞ୍ଜାରଇ ନୀନୁ ଏଲେଇଞ୍ଜାତାକି ମାମ୍ବୁ ନାମାହିଲଅମି, ସାମା ମାମ୍ବୁ ଖେଞ୍ଜାମାନମି, ଅଡ଼େ, ଇଞ୍ଜାସି ସାତେଏ ଦାଚ୍ଚିତି ଗେଲ୍ପିନାସି, ଇଦାଆଁ ମାମ୍ବୁ ପୁଞ୍ଜାମାନମି □”

ଜୀସୁ ସାଲ୍ଲଖି କିନାଣି ମାର୍ବଣାଇଁ ନେହିଁକିନାୟି

୪୩ ରୀ ଦିନା ତାୟୁ ଜୀସୁ ଏମ୍ବାଟି ହଚାନା ଗାଲିଲିତା ହାଚେସି □

୪୪ ✨ଇଚିହିଁ ଜୀସୁ ତାଙ୍ଗେତାକି ସାକି ହାହିଁ ଏଲେଇଚେସି, “ମାହାପୁରୁ ଅଣ୍ପୁତି ବଲୁ ଖେହ୍ନାରି ଜାହାରା ଦେସାତା ମାନ୍ତି ବେଟାଆଅରି □”

୪୫ ✨ଅଡ଼େ ଏଞ୍ଜାସି ଗାଲିଲିତା ଏଜାଲିଏ ଏ ଗାଲିଲିତାରି ଏଞ୍ଜାଣାଇଁ ଆବିତେରି, ଇଚିହିଁ ପିସ୍ପିଆନ୍ତି ପାର୍ବୁ ବେଲ୍ଲାତା ଜୀସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଞ୍ଜାରି ଜିକେଏ ପାର୍ବୁତା ହାଜାମାଚେରି □

☆ ୪:୪୪ ୪:୪୪ ମାତି ୧୩:୫୭; ମାର୍କ ୭:୪; ଲୁକ ୪:୨୪ ☆ ୪:୪୫ ୪:୪୫ କହ ୨:୨୩

୪୭ *ଏମ୍ବାଟିଏ ଜୀସୁ ଗାଲିଲିତି କାନା ଗାଡ଼ାତା
ଝେଣ୍ଡେ ହାଚେସି, ଏମ୍ବିୟା ଜୀସୁ ଏୟୁଣି ଅଲ୍ଫୁରି
ରାସା କିହାମାଚେସି, ଏମ୍ବାଆଁ ପାସାକଡ଼ି କସ୍ତକା
ମୁହେଁ କାଜାସି ରଅସି ମାଚେସି, ତାନି ମୀରଏସି
କପରନାହୁମତା ଆଡ଼ିହିଲିଆଚେସି □

୪୭ ଜୀସୁ ଜୀହୁଦା ଗାଡ଼ାଟି ଗାଲିଲିତା
ଝାହାମାନେସି ଇଞ୍ଜିଁ ଝେଞ୍ଜାନା, ତାନି ତାଣା
ହାଜାନା ଏଝାସି ଝାହାନା ଏନିକିଁ ତାନି
ମୀରଏଣାଲ୍ ନେହଁ କିନେସି ଏଦାଆଁତାକି
ବାଡ଼ିମାଲିଚେସି, ଇଚିହଁ ଏଝାସି ହାନିହରେଗ
ଆହାମାଚେସି

୪୮ ଜୀସୁ ଏଝାଣାଲ୍ ଏଲେଇଚେସି, “ସିନା
ଅଡ଼େ କାବାଆନି କାମାୟାଁ ମେହ୍‌ଆଡ଼ିହଁ ମୀରୁ
ଏନିକିକେଏ ନାମଅଚେରି □”

୪୯ ଏ ସାଲଝି କିନାସି ଏଲେଇଚେସି, “ଏ ପ୍ରବୁ,
ନା ମୀରଏସି ହାନି ନକେଏ ନା ତଲେ ଝାମୁ □”

୫୦ ଜୀସୁ ଏଝାଣାଲ୍ ଏଲେଇଚେସି, “ହାଲୀମୁ,
ନୀ ମୀରଏସି ନୀତିନେସି □” ଏ ମାଣ୍ଡିଲ୍ ଜୀସୁ
ଏମିନି ହାଡ଼ା ଝେସ୍ତେସି, ଏଝାସି ଏଦାଆଁ ନାମାନା
ହାଚେସି □

୫୧ ଅଡ଼େ, ଏଝାସି ହାଲଝିନିଏ ତାନି ହଲିୟାଙ୍ଗା
ଜିରୁଚେଏ ନୀ ମୀରଏସି ନୀତିଚେସି ଇଞ୍ଜିଁ
ଝେସ୍ତେରି □

୫୨ ଏଚିବେଲତା କକାସି ନେହଁ ଆଡ଼େସି,
ଏଦାଆଁ ଏଝାସି ଝେଚେସି □ ଏମ୍ବାଟିଏ ଏଝାରି
ଏଲେଇଚେରି, “ରେଝଏନି ସାଡ଼ା ଗଂଟା ବେଲତା
ନମେରି ପିସ୍ତେ □”

୫୩ ଏମ୍ବାଟି ତାନି ଆବା ପୁଚେସି ଜୀସୁ ଆମିନି
ବେଲତା “ନୀ ମୀରଏସି ନୀତିଚେସି” ଇଞ୍ଜିଁ
ଝେସାମାଚେସି, ଏଚିବେଲତେଏ ଏଦି ଗଟଝି
ଆଡ଼େ □ ଏମ୍ବାଟିଏ, ଏଝାସି ଅଡ଼େ ତାନି ଇଜତି
ବାରେ ଇଲୁ କୁଟନି ଜୀସୁ ତାଣା ନାମିଚେରି □

୫୪ ଜୀହୁଦାଟିଏ ଗାଲିଲିତା ଝେଣ୍ଡା ଝାହାଁ, ଜୀସୁ
ରୀ ପାଲି ତାକି ଇ କାବାଆନି କାମା କିଚେସି □

୫

ଜୀସୁ କଡ଼େ ଅଚର ବାର୍ସା ତାଣାଲ୍
ନେହଁ କିନାୟି

୧ ଇଦାଣି ତାୟୁ ଜୀହୁଦି ଲକ୍ଷୁତି ର ପାର୍ବୁ ଆଡ଼େ,
ଅଡ଼େ ଜୀସୁ ଜିରୁସାଲମତା ହାଚେସି □

୨ ଜିରୁସାଲମତି ମେଣ୍ଡାୟାଁ ଦୁଝେରି ତାଗେ ର
ବାନ୍ଦା ମାନେ; ଏବୁ ହାଡ଼ାତଲେ ବେଡ଼ସାୟିଦା
ଇନେରି, ଏ ବାନ୍ଦାତା ପାସାଗଟା ପିଣ୍ଡାୟାଁ ମାନୁ □

୩ ଏମ୍ବାଆଁ କାଣାୟାଁ, ସଗାୟାଁ ଅଡ଼େ ଆଙ୍ଗା
ଝାୟିତି ରଗ ଗାଗାରି ହାଚେକା ଜାଣା ନେହଁ
ଆୟାଲି କାଡ଼ାହାଁ ମାଣ୍ଡିଚେରି;

୪ ଇଚିହଁ ଏଚିବେଲତା ପ୍ରବୁତି ର ଦୁଡ଼ୁ
ବାନ୍ଦାତା ରେଚାନା ଏୟୁ ଝାଟିହାଚେ, ଅଡ଼େ
ଏୟୁ ଝାଡ଼ିତି ତାୟୁ ଆମ୍ବାଆସି ତଲିଏ ହଡ଼ନେସି,
ଏଝାଣାକି ଏନି ରଗ ଆହାମାଟି ଜିକେଏ ନେହଁ
ଆହିମାଚେସି* □

୫ କଡ଼େ ଅଚର ବାର୍ସା ପାଚେକା ରଗ ଗାଗାସି
ରଅସି ଏମ୍ବାଆଁ ମାଚେସି □

୬ ଜୀସୁ ଏଝାଣାଲ୍ ତୟାମାନାଣି ମେସାନା ଗାଡ଼ୁ
ଦିନାତି ରଗ ଗାଗାସି ଇଞ୍ଜିଁ ପୁଞ୍ଜାହାଁ ଏଝାଣାଲ୍
ଝେଚେସି, “ନୀନୁ ଏଦାଆଁ ନେହଁ ଆହାଲି ମନ
କିହିମାଞ୍ଜି ?”

୭ ରଗ ଗାଗାସି ଏଝାଣାଲ୍ ଏଲେଇଚେସି,
“ବାବୁ, ଏୟୁ ଝାଡ଼ିନାଟି ନାଙ୍ଗେ ବାନ୍ଦାତା
ଅହାଲି ତାକି ଆମ୍ବାଆସି ହିଲଅସି; ଅଡ଼େ,
ନୀନୁ ହାନିବେଲତା ଅଡ଼େ ରଅସି ନା ନକେଏ
ହଡ଼ାହାନେସି □”

୮ ଜୀସୁ ଏଝାଣାଲ୍ ଏଲେଇଚେସି, “ନିଙ୍ଗାମୁ, ନୀ
ପାସ୍‌ପନି ଡ଼େକାହାଁ ତାକାମୁ □”

୯ ଏ ଦେବୁଣିଏ ଏଝାସି ନେହଁ ଆଡ଼େସି ଅଡ଼େ
ତାନି ପାସ୍‌ପନି ଡ଼େକାନା ତାକାଲି ମାଟ୍‌ହେସି □

ଏ ଦିନା ଜମିନି ଦିନା ମାଚେ □

୧୦ ଇଦାଆଁତାକି, ଜୀହୁଦିୟାଁ ନେହଁ ଆହାମାନି
ମାଣ୍ଡିଲ୍ ଏଲେଇଚେରି, “ନୀଞ୍ଜୁ ଜମିନି ଦିନା,
ପାସ୍‌ପନି ଡ଼େକା ଅହାଲି ନିଙ୍ଗେତାକି ମେରା ଆଏ
□”

୧୧ ସାମା, ଏଝାସି ଏଝାରାଲ୍ ଏଲେଇଚେସି,
“ଆମ୍ବାଆସି ନାଙ୍ଗେ ନେହଁ କିୟାଚେସି, ଏଝାସି
ନାଙ୍ଗେ ଏଲେଇଞ୍ଜାଚେସି, ନୀ ପାସ୍‌ପନି ଡ଼େକାନା
ତାକାମୁ □”

୧୨ ଏଝାରି ଏଝାଣାଲ୍ ଝେଚେରି, “ନୀ ପାସ୍‌ପନି
ଡ଼େକାନା ତାକାମୁ ଇଞ୍ଜିଁ ଏଲେଇଞ୍ଜାତାସି, ଏଝାସି
ଆମ୍ବାଆସି ?”

୧୩ ସାମା ଏଝାସି ଆମ୍ବାଆସି, ଏ ନେହଁ ଆଡ଼ାସି
ପୁଞ୍ଜା ହିଲାଆଚେସି, ଇଚିହଁ ଏମ୍ବାଆଁ ଲକୁ ମାନ୍ଦା
ମାଟାକି ଜୀସୁ ମେହ୍‌ଆରେଟୁ ହାଜାମାଚେସି □

୧୪ ଇଦାଆଁ ତାୟୁ ଜୀସୁ ମାହାପୁରୁ ଇଲୁତା
ଏଝାଣାଲ୍ ମେସାନା ଏଲେଇଚେସି, “ମେହ୍‌ମୁ,
ନୀନୁ ନେହଁ ଆହାମାଞ୍ଜି, ଅଡ଼େ ପାପୁ କିଆନି,
ଏନିକିଁ ନିଙ୍ଗେତାକି ଗାଡ଼ି କସ୍ତ ଝାଏ □”

୧୫ ଏ ମାଣ୍ଡି ଝେଣ୍ଡା ହାଜାନା, ଆମ୍ବାଆସି ତାଙ୍ଗେ
ନେହଁ କିହାମାଚେସି, ଏଝାସି ଜୀସୁ ଇଞ୍ଜିଁ
ଜୀହୁଦିକାଣି ଝେସ୍ତେସି □

୧୬ ଇଦାଆଁତାକି ଜୀସୁ ଜମିନି ଦିନାତା ଇଦାଆଁ
କିହିମାଟାକି ଜୀହୁଦିକା ଏଝାଣାଲ୍ ନିନ୍ଦା କିହାଲି
ମାଟ୍‌ହେରି □

* ୪:୪୭ ୪:୪୭ କହ ୨:୧-୧୧ * ୫:୪ ୫:୪ ଇ କାତା ପୁଞ୍ଜ ପଡ଼ିତା ହିଲେଏ □

୧୭ ସାମା ଜୀସୁ ଏଝାରାଇଁ ଏଲେଇଚେସି, “ନା ଆବା ନୀର୍ବ ପାତେକା କାମା କିହିମାନେସି, ଅଡ଼େ ନାନୁ ଜିକେଏ କାମା କିହିମାଇଁ □”

୧୮ ଇ ହାଡ଼ା ତାକି ଜୀହୁଦିଙ୍ଗା ଜୀସୁଇଁ ପାୟାଲି ତାକି ଅଡ଼େ ଗାଡ଼ି ଅଣ୍ପିତେରି, ଏଝାସି ଜମିନି ଦିନାତି ମୋରାତି ଉରିତେସି ଝାରଇ ଏଦି ଆଏ, ସାମା ମାହାପୁରୁଇଁ ନା ଆବା ଇଞ୍ଜିଁ ଝେସାନା ତାଙ୍ଗେ ମାହାପୁରୁ ତଲେ ସମାନା କିହିମାଚେସି □

ମୀରୁଏଣି ଅଦିକାରା

୧୯ ଜୀସୁ ଏଝାରାଇଁ ଏଲେଇଚେସି, “ସାତା ସାତା ନାନୁ ମିଙ୍ଗେ ଝେସିମାଞ୍ଜାଇଁ, ମୀରୁଏସି ଆବାଇଁ ଏନାଆଁ କିହିମାନାଣି ମେହୁନେସି, ଏନାଆଁ ପିସ୍ପେ ଏଝାସି ତାନୁଏ ଏନାଆଁ କିହାଲି ଆଡ଼ଅସି □ ଇଚିହଁ ଆବା ଏନା ଏନାଆଁ କିନେସି, ମୀରୁଏସି ଜିକେଏ ଏନାଆଁ ବାରେ ଏଲେକିହଁଏ କିନେସି □

୨୦ ଇଚିହଁ ଆବା ମୀରୁଏଣାଇଁ ଜୀସୁ ନନେସି, ଅଡ଼େ ଏଝାସି ତାନୁ ଏନା ଏନାଆଁ କିନେସି, ଏନାଆଁ ବାରେ ମୀରୁଏଣାଇଁ ତହୁନେସି, ଅଡ଼େ ମୀରୁ ଏନିକଁ କାବା ଆଦେରି, ଏନାଆଁତାକି ଏଝାସି ଏଝାଣି ତାଣାଟି ଇଦାନି କିହାଁ ଆଡ଼େ କାଜା କାଜା କାମା ତହୁନେସି □

୨୧ ଆବା ଏନିକଁ ହାଡ଼ି ଲକୁଣି ନିକହାନା ଜୀସୁ ହାନେସି, ଏଲେକିହଁଏ ମୀରୁଏସି ଜିକେଏ ଆମ୍ବା ଆମ୍ବାଆରାଇଁ ମନ କିନେସି ଏଝାରାଇଁ ଜୀସୁ ହାନେସି □

୨୨ ଆବା ତାନୁଏ ଆମ୍ବାଆରାଇଁ ନୀହାଁୟି କିଅସି, ସାମା ବାରେଜାଣା ଏନିକଁ ଆବାଇଁ ମାନି କିହିମାନେରି, ଏଲେକିହଁଏ ମୀରୁଏଣାଇଁ ଜିକେଏ ମାନି କିନେରି, ଏନାଆଁତାକି ମୀରୁଏଣାକି ବାରେ ନୀହାଁୟି କିହାଲି ଅଦିକାରା ହାହାମାନେସି □

୨୩ ଆମ୍ବାଆସି ମୀରୁଏଣାଇଁ ମାନି କିଅସି, ଏଝାସି ତାଙ୍ଗେ ପାଣ୍ଡାତି ଆବାଇଁ ଜିକେଏ ମାନି କିଅସି □”

୨୪ “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁ ଝେଞ୍ଜାନା ନାଙ୍ଗେ ପାଣ୍ଡାତାଣାଇଁ ନାମିନାସି, ଏଝାସି କାଲ୍ଲକାଲ୍ଲାତି ଜୀସୁ ବେଟା ଆହାମାନେସି, ଅଡ଼େ, ଏଝାସି ନୀହାଁୟି କିଝିଆଆନା ହାକିତି ଜୀଣାଆହାନା ରାଆଗାଟି ଜୀସୁତା ହଡ଼ାମାନେସି □

୨୫ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ର ଦିନା ଝାନେ ନୀର୍ବ ଜିକେଏ ଏଦାତେୟିଏ, ଏମିନି ଦିନାତା ହାଡ଼ାରି ମାହାପୁରୁ ମୀରୁଏଣି ହାଡ଼ାତି ଝେନେରି ଅଡ଼େ ଆମ୍ବାଆରି ଝେନାରି ଏଝାରି ନୀଡ଼ିନେରି □

୨୬ ଇଚିହଁ ଆବା ଏନିକଁ ତାନୁଏ ଜୀସୁ ଗାଟାସି, ଏଲେକିହଁଏ ଏଝାସି ମୀରୁଏଣାଇଁ ଜିକେଏ ଜୀସୁ ଗାଟାସି ଆହାଲି ହାହାମାନେସି □

୨୭ ଅଡ଼େ, ଏଝାସି ମାଣ୍ଡସି ମୀରୁଏସି ଆହାମାନାକି ଏଝାସି ଏଝାଣାକି ନୀହାଁୟି କିନି ଅଦିକାରା ହାତେସି □

୨୮ ଇଦାଆଁତାକି କାବା ଆଆଦୁ, ଇଚିହଁ ଏଚିବେଲା ହାଡ଼ି ଲକୁ ମାହଣି ମାଣ୍ଡାଟି ତାନି ଗିୟାଁ ଝେନେରି ଅଡ଼େ ଆମ୍ବାଆରି ସାତା କାମା କିହାମାନେରି,

୨୯ ଏଝାରି ଜୀସୁତା ଝେଣ୍ଡେ ନୀତାଲିତାକି ଅଡ଼େ ଆମ୍ବାଆରି ଲାଗେଏତି କାମା କିହାମାନେରି, ଏଝାରି ନୀହାଁୟିତ ତଣ୍ଡ ତାକି ଝେଣ୍ଡେ ନିଙ୍ଗା ଝାନେରି, ଇଲେତି ଦିନା ଝାହିମାନେ □”

ଜୀସୁ ଝାକିଚି ସାକି

୩୦ “ନାନୁ ନା ତାଣାଟି ଏନାଆଁ କିହାଲି ଆଡ଼ଅଁ; ନାନୁ ଏନିକଁ ଝେଇଁ, ଏଲେକିହଁଏ ନୀହାଁୟି କିଇ, ଅଡ଼େ ନା ନୀହାଁୟି ଚିକାଣାତାୟି, ଇଚିହଁ ନାନୁ ନା ମନତଲେ କିହାଲି ଅଣ୍ପାଆନା, ନାଙ୍ଗେ ପାଣ୍ଡାତାଣା ମନ ଲେହେଁ କିହାଲି ଅଣ୍ପିମାଇଁ □”

୩୧ “ନାନୁ ନାଙ୍ଗେତାକି ସାକି ହାଇଁ, ଆଡ଼ିଜିକେଏ ନା ସାକି ସାତା ଆଏ □

୩୨ ନା କାତାତି ଆମ୍ବାଆସି ସାକି ହାନେସି, ଏଝାସି ଅର ରଅସି; ଅଡ଼େ, ନା କାତାତାକି ଏଝାଣି ସାକି ସାତା, ଏନାଆଁ ନାନୁ ପୁଞ୍ଜାମାଇଁ □

୩୩ *ମୀରୁ ଜହନ ତାଣା ଲକୁଣି ପାଣ୍ଡାମାଞ୍ଜେରି ଅଡ଼େ ଏଝାସି ସାତା ତାକି ସାକି ହାହାମାନେସି □

୩୪ ସାମା ନାଙ୍ଗେ ମାଣ୍ଡସି ତାଣାଟି ସାକି ଲଡ଼ା ଆଏ, ସାମା ମୀରୁ ଏନିକଁ ଗେଲ୍ପି ଆଦେରି, ଏନାଆଁତାକି ଇ ବାରେ ଝେସିମାଞ୍ଜାଇଁ □

୩୫ ଜହନ ଡ଼ାଞ୍ଜିତି ମିଣ୍ଡସିମାନି ଦୀଝି ମାଚେସି, ଇଞ୍ଜା ମୀରୁ ଏଝାଣି ଉଜେଡ଼ିତା ଗାଡ଼େକା ତାକିଏ ରାହାଁ ଆହାଁ ମାଞ୍ଜାଲି ମନ କିହାମାଚେରି □

୩୬ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏନାଆଁତାକି ଇଚିହଁ ଆବା ନାଙ୍ଗେ ଏନି ଏନି କାମା ରାପୁହାଲି ହାହାମାଞ୍ଜାନେସି, ନାନୁ ଏମିନି କାମା କିହିମାଇଁ, ଆବା ନାଙ୍ଗେ ପାଣ୍ଡାମାଞ୍ଜାନେସି ଇଞ୍ଜିଁଏ ବାରେ ନା ଝାକିଚି ସାକି ହାହିମାନେସି □

୩୭ ଅଡ଼େ ଏମିନି ଆବା ନାଙ୍ଗେ ପାଣ୍ଡାତେସି, ଏଝାସି ନା ତାକି ସାକି ହାହାମାନେସି □ ମୀରୁ ଏତେଲା ଏଝାଣି ହାଡ଼ା ଝେଞ୍ଜା ହିଲଅତେରି କି ତାନି ମୁମ୍ପୁ ମେସା ହିଲଅତେରି □

୩୮ ଅଡ଼େ ଏଝାଣି ବଲୁ ମୀ ହିୟାତା ଇଟାହିଲଅତେରି, ଇଚିହଁ ଏଝାସି ଆମ୍ବାଆରାଇଁ ପାଣ୍ଡାତେସି ମୀରୁ ଏଝାଣାଇଁ ନାମିହିଲଅତେରି □

୩୯ ମୀରୁ ଦାମ୍ପୁ ପତିତି କାତା ପାରିମାଞ୍ଜେରି, ଇଚିହଁ ଏମ୍ବାଆଁ କାଲ୍ଲକାଲ୍ଲାତି ଜୀସୁ

☆ ୫:୩୩ ୫:୩୩ ଜହ ୧:୧୯-୨୭; ୩:୨୭-୩୦

ବେଗାଆହାମାନମି ଇଞ୍ଜି ଅଣ୍ଡିମାଞ୍ଜେରି ଅଡ଼େ ଏ ଦାମ୍ନୁ ପତି ନା ଖାକିଟି ସାକି ହାହିମାନେ □

୪୦ ସାମା ମୀରୁ ଜୀଝୁ ବେଗାଆହାଲି ତାକି ନା ତାଣା ଖାହାଲି ମନ କିହିହିଲଅତେରି □

୪୧ “ନାନୁ ମାଣ୍ଡିୟାଁ ତାଣାଟି ଗାଝୁରମି ପାରିହିଲଅଁ □

୪୨ ସାମା ନାନୁ ମିଙ୍ଗେ ପୁଞ୍ଜାମାଞ୍ଜାଇଁ, ମୀ ହିୟାଁତା ମାହାପୁରୁତି ଜୀଝୁନନାୟି ହିଲେଏ □

୪୩ ନାନୁ ନା ଆବା ଦରୁଟି ଖାହାମାଇଁ, ଅଡ଼େ ମୀରୁ ନାଙ୍ଗେ ଅପିମାଞ୍ଜଅତେରି; ଅର ରଅସି ତାନି ଦରୁଟି ଖାଡ଼ିହିଁ, ମୀରୁ ଏଞ୍ଜାଣାଇଁ ଅପିଦେରି □

୪୪ ମୀରୁ ଏନିକିଁ ନାମିମାଞ୍ଜେରି ? ମୀରୁ ମୀ ତାଣାଟି ଗାଝୁରମି ବେଗାଆହି ମାଞ୍ଜେରି, ଅଡ଼େ ଏମିନି ରଣ୍ଡିଏ ମାହାପୁରୁ ତାଣାଟି ଗାଝୁରମି ଏଦାଆଁ ବେଗାଆହାଲି ମନ କିହିହିଲଅତେରି

୪୫ ନାନୁ ଆବା ନକିତା ମୀ କପାଟି ଦହ ଦସାଇଁ, ଏଲେଇଞ୍ଜି ଅଣ୍ଡିଆଦୁ; ଆମିନି ମସା ତାଣା ମୀରୁ ବାସୁଁ ଇଟାମାଞ୍ଜେରି, ଏଞ୍ଜାସିଏ ମୀ କପାଟି ଦହ ଦସି ମାଞ୍ଜାନେସି □

୪୬ ଇତିହିଁ ମୀରୁ ମସାଇଁ ନାମା ମାତିହିଁ, ନାଙ୍ଗେ ଜିକେଏ ନାମାତେରିମା, ଇତିହିଁ ଏଞ୍ଜାସି ନା କାତେଏ ରାଟାମାନେସି □

୪୭ ସାମା ମୀରୁ ଏଞ୍ଜାଣି ରାଟାମାନି କାତା ନାମା ହିଲଅତେରି, ଆତିହିଁ ନା କାତା ଏନିକିଁ ନାମିଦେରି ?”



ଜୀସୁ ପାସାମାଣା ଲକୁଣି ତାହ୍ନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଇଦାଆଁ ତାୟୁ ଜୀସୁ ଗାଲିଲି ସାମ୍ବୁରି, ଇତିହିଁ ତିବିରିୟା ସାମ୍ବୁରି ଆତାଲାଞ୍ଜାକି ହାଚେସି □

୨ ଅଡ଼େ ଏଞ୍ଜାସି ରଗ ଗାଟାରାଇଁ ଏନି ଏନି କାବାଆନି କାମା କିହାମାଚେସି, ଏ ବାରେ ମେସାନା ହାଚେକା ଲକୁ ଏଞ୍ଜାଣି ଜେଚ ଜେଚ ହାଚେରି □

୩ ଏମ୍ବାଟିଏ ଜୀସୁ ସୀସୁୟାଁ ତଲେ ର ହରୁ ଲାକ ହାଜାନା କୁଗିତେସି □

୪ ଏଚିବେଲା ଜୀହୁଦି ଲକୁତି ପିସ୍ପିଆନି ପାରୁ ତାଗେ ଆହାମାଚେ □

୫ ହାଚେକା ଲକୁ ତାନି ତାଣା ଖାହିମାନାଣି ମେସାନା, ଜୀସୁ, ପିଲିପଇଁ ଏଲେଇଚେସି, “ଇଞ୍ଜାରାକି ତିଞ୍ଜାଲି ମାର ଆମ୍ବିଟି ରାଦା କତିନାୟି ?”

୬ ସାମା ଏଞ୍ଜାସି ପିଲିପଇଁ ତାୟିପାରି କିୟାଲି ଏଲେଇଚେସି, ଇତିହିଁ ଏଞ୍ଜାସି ଏନାଆଁ କିନାୟିମାନେ, ଏଦାଆଁ ତାନୁଏ ପୁଞ୍ଜାମାଚେସି □

୭ ପିଲିପ ଏଞ୍ଜାଣାଇଁ ଏଲେଇଚେସି, “ବାରେ ଲକୁତାକି ଇଚା ଇଚାଣି ତିଞ୍ଜାଲି ରୀ ଖାଞ୍ଜାଟିଏ ଆଗାଡ଼ା ଖେଣ୍ଡି ଟାକାୟାଁଟି* ରୁଟି ଜିକେଏ ହାଲାତ □”

୮ ତାନି ସୀସୁୟାଁ ବିତ୍ରାଟି, ସିମନ ପିତର ତାୟି ଆହିୟୁ ଦରୁଗାଟାସି ଜୀସୁଇଁ ଏଲେଇଚେସି,

୯ “ଇମ୍ବାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜା ଖାଜିତି ମୀଣ୍ଡକା ରିଣ୍ଡି ମାନୁ, ସାମା ଇଚେକା ଲକୁତାକି ଏଞ୍ଜି ହାଲିନୁ କି ?”

୧୦ ଜୀସୁ ଏଲେଇଚେସି, “ଲକୁଣି କୁପକି କିଦୁ □” ଏ ଟାୟୁତା ହାଚେକା ଗାକି ଜାଡ଼ା ମାଚେ □ ଏମ୍ବାଆଁ ପାସାମାଣା ଆବାୟାଁ କୁଗିତେରି □

୧୧ ଏମ୍ବାଟିଏ ଜୀସୁ ରୁଟି ଆସାନା ମାହାପୁରୁଇଁ ଜହରା ହାହାନା ଏମ୍ବାଆଁ କୁଗାମାନାରାକି ଏଦାଆଁ ବାଟିକିହାଁ ହାଚେରି, ମୀଣ୍ଡକା ଜିକେଏ ଏଲେକିହିଁଏ ବାଟିକିତେରି, ଏଚେକା ମନ କିତେରି ଏଞ୍ଜାରାକି ଏଚେକା ହାଚେରି □

୧୨ ଅଡ଼େ ଏଞ୍ଜାରି ବାରେ ପାଞ୍ଜିତି ତାୟୁ, ଜୀସୁ ତାନି ସୀସୁୟାଁଇଁ ଏଲେଇଚେସି, “ଏଚେକା ହାଚାମାନେ, ଏଦାଆଁ ବାରେ କୁଡ଼ି କିଦୁ ଏନିକିଁ ଇଚାୟି ଜିକେଏ ନସ୍ତ ଆଏ □”

୧୩ ଏଚେଟିଏ ଲକୁ ତିଟି ତାୟୁ ପାସାଗଟା ରୁଟି ବିତ୍ରାଟି ହାଚାମାଟି ମୁକାୟାଁ ବାଚ୍ ତାଲି କୁଡ଼ି କିତେରି □

୧୪ ଜୀସୁତି ଇ କାବାଆନି କାମା ମେସାନା ଲକୁ ଏଲେଇଚେରି, “ଆମିନି ମାହାପୁରୁ ଅଣ୍ଡିପୁତି ବଲୁ ଖେକନାସି ଦାରତିତା ଖାନାୟି ମାଚେ, ଏଞ୍ଜାସି ସାତେଏ ଇଞ୍ଜାସି □”

୧୫ ଏଦାଆଁତାକି ଏଞ୍ଜାରି ଖାହାନା ରାଜା କିୟାଲି ବାଲ୍ମିନିଟି ଆସା ଅୟାନେରି ଇଞ୍ଜି ପୁଞ୍ଜାନା ଜୀସୁ ଏଚକା ଆହାନା ରଅସିଏ ଦାରିତା ମାଟି ହରୁ ଲାକ ହଚାହାଚେସି □

ଜୀସୁ ଏୟୁ ଲାକ ତାକିନାୟି

(ମାତି ୧୪:୨୨-୩୩; ମାର୍କ ୬:୪୫-୫୨)

୧୬ ମିଡ଼ଅଲା ଆହାଲିଏ ତାନି ସୀସୁୟାଁ ସାମ୍ବୁରି ଗାଚୁତା ହାଚେରି □

୧୭ ଅଡ଼େ ସାମ୍ବୁରି ଆତାଲା ମାନି କପରନାହୁମ ଖାକି ହାଜାଲି ତଂଗତା ହଚେରି □ ଆନ୍ଦେରି ଆହାହାଚେ, ଅଡ଼େ, ଜୀସୁ ଏଚିବେଲା ପାଚେକା ଏଞ୍ଜାରିତାଣା ଖାହା ହିଲାଆତେସି □

୧୮ ଇଞ୍ଜା କାଜା ଗାଲି ଖେଟିମାଚାକି ସାମ୍ବୁରିତା ଆଜିହପେତି ଏୟୁ ଉଣ୍ଡାୟାଁ ନିଜିମାଚୁ □

୧୯ ଏଚିବେଲା ଏଞ୍ଜାରି ସ କିଲମିଟର ହେକ ହାଜାଲିଏ ଜୀସୁ ସାମ୍ବୁରିତା ତାକିହିଁ ତଂଗ ଖାକି ଖାହିମାନାଣି ମେସାନା ଆଜିତେରି □

* ୬:୨ ଖେଣ୍ଡି ଟାକା ର ରୁପାଟାକା ର ଦିନାତି କୁଲି ମାତି ୨୦:୨

୨୦ ସାମା ଜୀସୁ ଏଝାରାଇଁ ଏଲେଇଚେସି, “ଆଜାଆଦୁ ଇଝାତେଏଁ ନାନୁ □”

୨୧ ଏମ୍ବାଟିଏ ଏଝାରି ଏଝାଣାଇଁ ତଂଗତା ଅହାଲି ମନ କିତେରି, ଅଡ଼େ, ଏମିନି ସାମ୍ବୁରି ଗାଟୁତା ହାଜିମାଚେରି, ଦେବୁଣିଏ ଏ ଟାମୁତା ତଂଗ ଏତେ □

ଜୀସୁଇଁ ଲକୁ ପାରିନାୟି

୨୨ ଏ ଟାମୁତା ର ତଂଗ ପିସ୍ତପେ ଏଟକାତି ତଂଗୟାଁ ହିଲାଆଡୁ, ଅଡ଼େ ଏମ୍ବାଆଁ ଜୀସୁ ତାନି ସୀସୁୟାଁ ତଲେ ହାଜାହିଲାଆତେସି, ସାମା ଝାରଇ ସୀସୁୟାଁ ହାଜାମାଚେରି, ଇଦାଆଁ ଆମିନି ଲକୁ ତାନି ଅର ନେରୁ ସାମ୍ବୁରି ଆତାଲା ନିଚାମାଚେରି ଏଝାରି ମେସାମାଚେରି □

୨୩ ଆମିନି ତାଣା ଜୀସୁ ଜହରା କିହାନା ଲକୁଣି ରୁଟି ତିଞ୍ଜାଲି ହାହାମାଚେସି, ତିବିରିୟାଟି ଅଡ଼େ ଏଚରଗଟା ତଂଗାୟାଁ ଏ ଟାମୁତା ଝାଡୁ □

୨୪ ଇଞ୍ଜା ଜୀସୁ ତାନି ସୀସୁୟାଁ ଏମ୍ବାଆଁ ହିଲାଆତେରି, ଇଦାଆଁ ମେସାନା ବାରେ ଲକୁ ଇ ତଂଗତା ହତାନା ଜୀସୁଇଁ ପାରି ପାରିହଁ କପରନାହୁମତା ଝାଡ଼େରି □

ଜୀସୁ ଜୀସୁତି ରାନ୍ଦା

୨୫ ଏଝାରି ସାମ୍ବୁରି ଆତାଲା ଜୀସୁଇଁ ବେଟାଆହାନା ଝେଚେରି, ଏ. “ଗୁରୁ, ନୀନୁ ଏଚିବେଲା ଇମ୍ବାଆଁ ଝାଡ଼ି ?”

୨୬ ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନା କାବାଆନି କାମା ମେସ୍ତାକି ନାଙ୍ଗେ ପାରିମାଞ୍ଜାଦେରି ଏଡ଼ି ଆଏ, ସାମା ରୁଟି ତିଞ୍ଜା ପାଞ୍ଜିତାକି ମୀରୁ ନାଙ୍ଗେ ପାରିମାଞ୍ଜାଦେରି □

୨୭ ସୀରୁନି ରାନ୍ଦା ତାକି କାମା କିଆନା, କାଲାକାଲାତି ଜୀସୁତାକି ତୁୟିନି ରାନ୍ଦା ତାକି କାମା କିଦୁ, ଏ ରାନ୍ଦା ମାଣସି ମୀରୁଏସି ମିଙ୍ଗେ ହିୟାନେସି, ଇଚିହଁ ତାନି ଆବା ମାହାପୁରୁ ଏଝାଣାକି ଅଦିକାରା ହାହାମାନେସି □”

୨୮ ଏମ୍ବାଟିଏ ଏଝାରି ଏଝାଣାଇଁ ଝେଚେରି, “ମାହାପୁରୁତି ବାରେ କାମା କିହାଲିତାକି ମାଙ୍ଗେ ଏନାଆଁ କିହାଲି ଆନେ ?”

୨୯ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି, ଏଝାଣି ତାଣା ନାମିନାୟି ମାହାପୁରୁତି କାମା □”

୩୦ ଏଚେଟିଏ ଏଝାରି ଏଝାଣାଇଁ ଝେଚେରି, “ଆତିହଁ ନାନୁ ସିନାଲେହେଁ ଏନାଆଁ କିହିମାଞ୍ଜ, ଏଦାଆଁ ମେସାନା ମାମ୍ବୁ ନିଙ୍ଗେ ନାମାନମି ?

୩୧ ମା ଆକୁ ଆବାୟାଁ ଲକୁ ତୁୟାଆ ଟାମୁତା ‘ମାନା’† ତିଞ୍ଜା ମାଚେରି, ଦାମ୍ବୁପତିତା ରାସ୍ତକି

ଆହାମାନେ, ତିଞ୍ଜାଲି ଏଝାସି ଏଝାରାକି ଲାକପୁରୁଟି ରାନ୍ଦା ହାତେସି □”

୩୨ ଏଚେଟିଏ ଜୀସୁ ଏଝାରାଇଁ ଏଲେଇଚେସି, “ସାତା ସାତା ନାନୁ ମିଙ୍ଗେ ଝେସିମାଞ୍ଜାଇଁ, ମସା ମିଙ୍ଗେ ଲାକପୁରୁଟି ରାନ୍ଦା ହାହାମାଞ୍ଜଅସି, ସାମା ନା ଆବା ମିଙ୍ଗେ ଲାକପୁରୁଟି ସାତା ରାନ୍ଦା ହିୟାନେସି;

୩୩ ଇଚିହଁ ଆମିନି ରାନ୍ଦା ଲାକପୁରୁଟି ଝାହାନା ଦାରତିତି ଲକୁଣି ଜୀସୁ ହୀନେ, ଏଡ଼ି ମାହାପୁରୁ ହିୟାତି ରାନ୍ଦା □”

୩୪ ଏଝାରି ଜୀସୁଇଁ ଏଲେଇଚେରି, “ପୁରୁ, ମାଙ୍ଗେ ବାରେଦିନା ଏ ରାନ୍ଦା ହିୟାମୁ □”

୩୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ନାନୁଏ ଜୀସୁତି ରାନ୍ଦାତେଏଁ; ଆମ୍ବାଆସି ନା ତାଣା ଝାନେସି, ଏଝାସି ଏଚେଲା ହାକି ଆଅସି, ଅଡ଼େ ନା ତାଣା ନାମିନାସି, ଏଚେଲା ଏସ୍ତକି ଆଅସି □

୩୬ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ମୀରୁ ନାଙ୍ଗେ ମେସ୍ତାତି ଜିକେଏ ନାମିମାଞ୍ଜଅତେରି □

୩୭ ଆବା ନାଙ୍ଗେ ଆମ୍ବାଆରାଇଁ ହିୟାନେସି, ଏଝାରି ବାରେଜାଣା ନା ତାଣା ଝାନେରି; ଅଡ଼େ ନା ତାଣା ଝାନାଣାଇଁ, ନାନୁ ଏଚେଲାଝା ପାଙ୍ଗାତା ପିହଁଅଁ □

୩୮ ଇଚିହଁ ନାନୁ ଅଣପିନି ଲେହେଁ କିହାଲି ଝାହାହିଲଅଁ, ସାମା ନାଙ୍ଗେ ପାଣ୍ଡାତାଣା ଅଣ୍ପୁ ତଲେ କିହାଲି ଲାକପୁରୁଟି ଝାହାମାଇଁ □

୩୯ ଅଡ଼େ ନାଙ୍ଗେ ପାଣ୍ଡାମାଞ୍ଜାନାସି ଆମିନି ଗାଟାରାଇଁ ନାଙ୍ଗେ ହିୟାନେସି, ଏଝାରି ବିତ୍ରାଟି ଆମ୍ବାଆରାଇଁ ଜିକେଏ ଏନିକଁ ନାନୁ ଜାକ୍ଅଁ, ସାମା ରାନ୍ଦି ଦିନାତା ଏଝାରାଇଁ ହାଡ଼ାରି ତାଣାଟି ନିକ୍ଇଁ, ଇଦି ଏଝାଣି ଅଣ୍ପୁ □

୪୦ ଇଚିହଁ ଆମ୍ବାଆସି ମୀରୁଏଣାଇଁ ମେସାନା ଏଝାଣି ତାଣା ନାମିନେସି, ଏଝାସି ଏନିକଁ କାଲାକାଲାତି ଜୀସୁ ବେଟା ଆନେସି, ଇଦି ନା ଆବାତି ଅଣ୍ପୁ, ଅଡ଼େ ନାନୁ ଏଝାଣାଇଁ ରାନ୍ଦି ଦିନାତା ହାଡ଼ାରି ତାଣାଟି ନିକ୍ଇଁ □”

୪୧ ନାନୁ ଲାକପୁରୁଟି ରେଟା ଝାହାମାନି ରାନ୍ଦାତେଏଁ ଇଞ୍ଜିଏଝାସି ଏଲେଇଞ୍ଜାଲିଏ ଜୀହୁଦିୟାଁ ଏଝାଣି କପାଟି ଏଲେଇଞ୍ଜି ଜଲ୍ଲକି ଆଡ଼େରି □

୪୨ “ଇଝାସି ଜସେପ ମୀରୁଏସି ଜୀସୁ ଆଏକି, ଅଡ଼େ ମାର ଇଝାଣି ଇୟା ଆବାତି ପୁଞ୍ଜାହିଲାଆୟି କି ? ଆତିହଁ ନାନୁ ଲାକପୁରୁଟି ରେଟା ଝାହାମାଇଁ ଇଞ୍ଜିଏଝାସି ନୀଏଁ ଏନିକଁ ଝେସିମାନେସି ?”

୪୩ ଜୀସୁ ଏଝାରାଇଁ ଏଲେଇଚେସି, “ମୀରୁ ମୀରୁ ମୁରୁମୁର ଜଲ୍ଲକି ଆଆଦୁ □”

† ୨:୩୧ ୨:୩୧ ମାନା ଇଚିସାରେ ଇସ୍ରାୟେଲ ଲକୁକି ମାହାପୁରୁ ହାହାମାଟି କାଦିତି ବରୁ

୪୪ ନାଙ୍ଗେ ପାଣ୍ଡାମାଞ୍ଜାନି ଆବା ଆମ୍ବାଆରାଇଁ ରେଜା କଡ଼ିନେସି, ଏଞ୍ଜାସିଦେଁ ନା ତାଣା ଖାହାଲି ଆଡ଼ିନେସି, ଅଡ଼େ ନାନୁ ରାନି ଦିନାତା ଏଞ୍ଜାଣାଇଁ ହାଡ଼ାରି ତାଣାଟି ନିକ୍‌ଇଁ ।

୪୫ ମାହାପୁରୁ ଅଣ୍‌ପୁଡ଼ି ବଲୁ ଖେହନାରି ଦାମ୍‌ପତିତା ରାସ୍‌କି ଆହାମାନେ, “ବାରେଜାଣା ମାହାପୁରୁ ତାଣାଟି ଜାପିନେରି । ଆମ୍ବାଆସି ଆବାତି କାତା ଖେଞ୍ଜାନା ଜାପାମାନେସି, ଏଞ୍ଜାସି ନା ତାଣା ଖାହେସି ।

୪୬ ଆମ୍ବାଆସି ଆବାଇଁ ମେସାହିଲଅସି, ଆମ୍ବାଆସି ମାହାପୁରୁ ତାଣାଟି ଖାହାମାନାସି, ଖାଋଇଁ ଏଞ୍ଜାସି ମେସାମାନେସି ।

୪୭ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ନାମିନେସି, ଏଞ୍ଜାସି କାଲାକାଲାତି ଜୀଞ୍ଜୁ ବେଟା ଆହାମାନେସି ।

୪୮ ନାନୁ ଜୀଞ୍ଜୁତି ରାନ୍ଦାତେସିଁ ।

୪୯ ମୀ ଆକୁ ଆବାୟାଁ ଲକୁ ଡ଼ୟାଆ ଗାୟାତା ମାନା ତିଞ୍ଜାନା, ହାଡ଼େରି ।

୫୦ ଆମ୍ବାଆରି ଏନିକ୍‌ ରାନ୍ଦା ତିଞ୍ଜାନା ହାଅରି, ଏଦାଆଁତାକି ଲାକପୁରୁଟି ଖାନ୍ତି ରାନ୍ଦା ଇଦି ।

୫୧ ନାନୁ ଲାକପୁରୁଟି ଖାହାମାନି ଏ ଜୀଞ୍ଜୁଗାଟି ରାନ୍ଦାତେସିଁ; ଆମ୍ବାଆସି ଏ ରାନ୍ଦା ତିନେସି, କାଲାକାଲା ତାକି ନୀତିନେସି; ହାଅ, ନାନୁ ଏମିନି ରାନ୍ଦା ହାଇଁ, ଏଞ୍ଜି ନା ଡ଼ଙ୍ଗା, ନାନୁ ଏଞ୍ଜାଆଁ ଦାରୁତିତି ଜୀଞ୍ଜୁତାକି ହାଇଁ ।

୫୨ ଇ ହାଡ଼ା ଖେଞ୍ଜାନା ଜୀଞ୍ଜୁଦିୟାଁ କାରୁବି ଆହାନା ଏଲେଇଶ୍‌ମି ଆଡ଼େରି, “ଇଞ୍ଜାସି ଏନିକ୍‌ ମାଙ୍ଗେ ତାନି ଡ଼ଙ୍ଗା ତିଞ୍ଜାଲି ହିୟାଲି ଆଡ଼ାନେସି ?”

୫୩ ଜୀଞ୍ଜୁ ଏଞ୍ଜାରାଇଁ ଏଲେଇଚେସି, “ନାନୁ ସାତା ଖେସିମାଞ୍ଜାଇଁ, ମାଣ୍‌ସି ମୀରୁଏଣା ଡ଼ଙ୍ଗା ତିନାଆସାରେ ଅଡ଼େ ତାନି ନେତେରି ଗହ୍‌ଆସାରେ, ମୀ ତାଣା ଜୀଞ୍ଜୁ ହିଲେଏ ।

୫୪ ଆମ୍ବାଆସି ନା ଡ଼ଙ୍ଗା ତିନେସି ଅଡ଼େ ନା ନେତେରି ଗହ୍‌ନେସି, କାଲାକାଲାତି ଜୀଞ୍ଜୁ ବେଟା ଆନେସି, ଅଡ଼େ ନାନୁ ଏଞ୍ଜାଣାଇଁ ରାନି ଦିନାତା ହାଡ଼ାରି ତାଣାଟି ନିକ୍‌ଇଁ ।

୫୫ ଇତିହ୍‌ ନା ଡ଼ଙ୍ଗା ସାତା ରାନ୍ଦା ଅଡ଼େ ନା ନେତେରି ସାତା ଗହ୍‌ନାୟି ।

୫୬ ଆମ୍ବାଆସି ନା ଡ଼ଙ୍ଗା ତିନେସି ଅଡ଼େ ନା ନେତେରି ଗହ୍‌ନେସି, ଏଞ୍ଜାସି ନା ତାଣା ଡ଼ୟିନେସି ଅଡ଼େ ନାନୁ ଏଞ୍ଜାଣି ତାଣା ଡ଼ୟିଇଁ ।

୫୭ ଜୀଞ୍ଜୁତି ଆବା ନାଙ୍ଗେ ଏନିକ୍‌ ପାଣ୍ଡାମାଞ୍ଜାନେସି ଅଡ଼େ ନାନୁ ତାନିତାଣାଟି ନୀତାମାଇଁ, ଏଲେକିହ୍‌ଏ ଆମ୍ବାଆସି ନାଙ୍ଗେ ତିଞ୍ଜାନେସି, ଏଞ୍ଜାସି ଜିକେଏ ନା ତାଣାଟି ନୀତିନେସି ।

୫୮ ଆମିନି ରାନ୍ଦା ଲାକପୁରୁଟି ଖାହାମାନେ, ଏଦି ଇଦି; ମୀ ଆକୁ ଆବାୟାଁ ଏନିକ୍‌ ତିଞ୍ଜାନା ହାଡ଼େରି, ଇଦି ଏଲେତାୟି ଆଏ, ଆମ୍ବାଆସି ଇ ରାନ୍ଦା ତିନାସି ଏଞ୍ଜାସି କାଲାକାଲା ତାକି ଜୀଞ୍ଜୁତଲେ ଡ଼ୟିନେସି ।

୫୯ ଜୀଞ୍ଜୁ କପରୁନାହୁମତି ର ଜୀଞ୍ଜୁଦି ଲକୁତି କୁଟମି ଇଲୁତାଃ ମାହାପୁରୁ ବଲୁ ଖେସିମାଚାଟି ଇ ବାରେ କାତା ଖେସ୍ତେସି ।

କାଲାକାଲା ଜୀଞ୍ଜୁତି ବଲୁ

୬୦ ଜୀଞ୍ଜୁତି ସୀସୁୟାଁ ବିତ୍ରାଟି ହାରେକା ଇ ବାରେ କାତା ଖେଞ୍ଜାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଖେଞ୍ଜାଲି ଆଡ଼ିନେସି ?”

୬୧ ଏଞ୍ଜାରି ଇ କାତାତାକି ଖେସ୍ତେସି ଆହିମାନେରି ଇଞ୍ଜୁଁ ଜୀଞ୍ଜୁ ପୁଞ୍ଜାନା ସୀସୁୟାଁଇଁ ଏଲେଇଚେସି, “ଇ କାତା ମିଙ୍ଗେ ଅପାଆଗାଚାୟି ଆହିମାନେ କି ?

୬୨ ଆତିହ୍‌ ମାଣ୍‌ସି ମୀରୁଏସି ତଲିଏ ମାଟି ଗାୟାତା, ଖେଶ୍ତେ ହାନାଣି ମେସିହ୍‌, ଏନାଆଁ ଇଞ୍ଜେରି ?

୬୩ ମାହାପୁରୁଟି ଜୀଞ୍ଜୁ ନୀତାଲି ହାନାୟି; ମାଣ୍‌ସିତି ଆଙ୍ଗା ଏନାଆଁ କିୟାଲି ଆଡ଼େଏ; ନାନୁ ମିଙ୍ଗେ ଖେସ୍ତାତି ବଲୁ ବାରେ, ସୁଦୁଜୀଞ୍ଜୁ ଅଡ଼େ ନୀତିନି ବଲୁ ।

୬୪ ସାମା ମୀ ବିତ୍ରାଟି ଏଚେରଜାଣା ନାମିହିଲଅରି” ଇତିହ୍‌ ଆମ୍ବାଆରି ନାମି ହିଲାଆଡ଼େରି ଅଡ଼େ ଆମ୍ବାଆସି ଏଞ୍ଜାଣାଇଁ ସାତୁ କେୟାତା ହେରୁପିନେସି ଏଦାଆଁ ଜୀଞ୍ଜୁ ତଲିଏ ପୁଞ୍ଜାମାଚେସି ।

୬୫ ଅଡ଼େ ଏଞ୍ଜାସି ଏଲେଇଚେସି, “ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇଁ, ଆବା ହେଲ ହାଆତିହ୍‌ ଆମ୍ବାଆସି ନା ତାଣା ଖାୟାଲି ଆଡ଼ଅସି ।

୬୬ ଏ ଦିନାଟିଏ ତାନି ସୀସୁୟାଁ ବିତ୍ରାଟି ହାରେକା ଜାଣା ଅପାଆନାହାଁ ହାଜାତୁସ୍ତେରି, ଇଞ୍ଜା, ଏଞ୍ଜାଣିତଲେ ଅଡ଼େ ହାଲାଆଡ଼େରି ।

୬୭ ଏମ୍ବାଟିଏ ଜୀଞ୍ଜୁ ବାରଜାଣା ସୀସୁୟାଁଣି ଖେଚେସି, “ମୀରୁ ଜିକେଏ ହାଜାଲି ମନ କିହିମାଞ୍ଜେରି କି ?”

୬୮ ସିମନ ପିତର ଏଞ୍ଜାଣାଇଁ ଏଲେଇଚେସି, “ପ୍ରବୁ ଆମ୍ବାଆରି ତାଣା ହାନମି ? କାଲାକାଲାତି ଜୀଞ୍ଜୁତି ବଲୁ ନୀ ତାଣା ମାନେ ।

୬୯ ନାନୁ, ମାହାପୁରୁ ତାଣାଟି ଖାହାମାନି ଏ ସୁଦୁ ମାଣ୍‌ସିତି ଇଦାଆଁ ମାୟୁନାମା ମାନମି ଅଡ଼େ ପୁଞ୍ଜାମାନମି ।

୭୦ ଜୀଞ୍ଜୁ ଏଞ୍ଜାରାଇଁ ଏଲେଇଚେସି, “ନାନୁ ଏନାଆଁ ମୀ ବାରଜାଣାଡ଼େରି ମିଙ୍ଗେ ଆଚାମାଞ୍ଜାଆଁ କି ? ଅଡ଼େ ମୀ ବିତ୍ରାଟି ରଅସି ସୟତାନ ।

‡ ୨:୫୯ ୨:୫୯ ସିନଗର ✱ ୨:୬୮ ୨:୬୮ ମାତି ୧୭:୧୭; ମାର୍କ ୮:୨୯; ଲୁକ ୯:୨୦

୭୧ ଏଞ୍ଜେଲ୍ ଇସ୍ତାରିୟତ ସିମନ ମୀରୁଏସି ଜୀହୁଦାଙ୍କ ସିନିକିହାନା ଏଲେଇରେସି, ଇଚିହ୍ ଏଞ୍ଜେଲ୍ ବାରଜାଣା ସୀସୁୟା ବିତ୍ରାଟି ରଅସି, ଅଡେ ଏଞ୍ଜେଲ୍ ଜୀସୁଙ୍କ ସାତୁ କେୟୁତା ହେରପାଲି ହାଜିମାରେସି □

୭

ଜୀସୁ ଅଡେ ତାନି ତାୟିୟା

୧ ଇଦାଆଁ ତାୟୁ ଜୀସୁ ଗାଲିଲିତା ରେଜିମାରେସି, ଇଚିହ୍ ଜୀହୁଦିୟାଁ ଏଞ୍ଜେଲ୍ ପାୟାଲି ଅଣ୍ପି ମାଚାକି ଏଞ୍ଜେଲ୍ ଜୀହୁଦା ରାଜିତା ରେଜାଲି ମନ୍ କିହି ହିଲାଆଡେସି □

୨ ସାମା ଜୀହୁଦି ଲକୁଡି “ଗରାୟା ଗୁଡାତା ବାସାଆନ୍ତି” ପାରୁ ତାଗେ ଝାହିମାଚାକି □

୩ ଜୀସୁତି ତାୟିୟାଁ ଏଞ୍ଜେଲ୍ ଏଲେଇରେସି, “ନାନୁ କିହିମାନି କାମାୟାଁ, ନୀ ସୀସୁୟାଁ ଜିକେଏ ମେହ୍ନେରି ଇଦାଆଁତାକି ନାନୁ ଇମ୍ବାଟି ହରା ହାଜାନା ଜୀହୁଦା ରାଜିତା ହାଲାମୁ □

୪ ଇଚିହ୍ ଲକୁତାଣା ଝେଙ୍ଗାଲି ମନ୍ କିନାସି ତାନି କାମା ତୁଗୁହାଁ କିଅସି □ ନାନୁ ଇ ବାରେ କାମା କିହିମାଞ୍ଜି, ଆତିହ୍ ନାନୁ ଦାରତି ନକିତା ତସାକତାମୁ □”

୫ ଇଚିହ୍ ତାନି ତାୟିୟାଁ ଜିକେଏ ତାଙ୍ଗେ ନାମି ହିଲାଆଡେସି □

୬ ଏମ୍ବାଟିଏ ଜୀସୁ ଏଞ୍ଜେଲ୍ ଏଲେଇରେସି, “ନୀଏଁ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଲେଏ ମାନେ □”

୭ ଦାରତିତାରି ମିଙ୍ଗେ ଅପାନେରି ସାମା ନାଙ୍ଗେ ଅପଅରି ଏନାଆଁତାକି ଇଚିହ୍ ତାନି କାମା ବାରେ ଲାଗେଏତାୟି ଇଞ୍ଜ ନାନୁ ସାକି ହାହାନା ତସିମାଙ୍କ □

୮ ମୀରୁ ଇ ପାରୁତା ହାଜୁ, ନାନୁ ନୀଏଁ ଇ ପାରୁତା ହାଜିହିଲଅଁ, ଇଚିହ୍ ନା ଦିନା ଝାହାହିଲେଏ □

୯ ଏଞ୍ଜେଲ୍ ଏଞ୍ଜେଲ୍ ଇ ବାରେ କାତା ଝେସାନା ଗାଲିଲିତା ତୟିତେସି □

ଗରାୟା ଗୁଡାତା ବାସାଆନ୍ତି ପାରୁତା ଜୀସୁ

୧୦ ଜୀସୁତି ତାୟିୟାଁ ଏ ପାରୁତା ହାତି ତାୟୁ, ଜୀସୁ ଜିକେଏ ହାରେସି ସାମା ଲକୁ ମେହ୍ଆରେତୁ ମେଣେଏ ହାରେସି □

୧୧ ପାରୁ ବେଲମାତା ଜୀହୁଦି ଲକୁ ଏଞ୍ଜେଲ୍ ପାରି ପାରିହ୍, “ଏଞ୍ଜେଲ୍ ଏମ୍ବିୟା ମାନେସି ଇଞ୍ଜେ ଝେରେସି ?”

୧୨ ବାରେ ଲକୁ ଏଞ୍ଜେଲ୍ ତାକି କିଲିବିଲି ଆହିମାରେସି, ଏଚରଜାଣା “ଏଞ୍ଜେଲ୍ ନେହ୍ ମାଣ୍ସି” ଇଚେରି; ଅଡେ ଏଚରଜାଣା “ଆଏ,

ଏଞ୍ଜେଲ୍ ଲକୁଣି ନାଡି କିହିମାନେସି” ଇଞ୍ଜେ ଇଚେରି □

୧୩ ସାମା ଜୀହୁଦିୟାଁ ଆଜିତାକି ଆମ୍ବାଆରି ତାନି କାତା ପାଙ୍ଗାଝେଙ୍ଗେ ଝେସି ହିଲାଆଡେସି □

୧୪ ସାମା ପାରୁତି ମାଦି ପାତେକା ରାହାଲିଏ, ଜୀସୁ ମାହାପୁରୁ ଇଲୁତା ହାଜାନା ଜାପୁହାଲି ମାଟୁହେସି □

୧୫ ଏମ୍ବାଟିଏ ଜୀହୁଦିୟାଁ କାବାଆହାନା ଏଲେଇରେସି, “ଇଞ୍ଜେଲ୍ ପାଟା ଜାପାଆନାହାଁ ଏନିକ୍ ଇଚେକା ବୁଦି ପୁରେସି ?”

୧୬ ଜୀସୁ ଏଞ୍ଜେଲ୍ ଏଲେଇରେସି, “ନାନୁ ଜାପୁହିମାନାୟି ନା ତାଣାଟି ଆଏ, ସାମା ନାଙ୍ଗେ ପାଣ୍ଡାତାଣାଞ୍ଜାୟି □

୧୭ ଆମ୍ବାଆସି ତାନି ଅଣ୍ପୁ ତଲେ କିହାଲି ଅଣ୍ପିନେସି, ଆଡିସାରେ ଇ ଜାପୁନାୟି ମାହାପୁରୁ ତାଣାଟି ଝାହାମାନେ, କି, ନା ତାଣାଟି ଝେସିମାଙ୍କ, ଏଦାଣି ଏଞ୍ଜେଲ୍ ପୁନେସି □

୧୮ ଆମ୍ବାଆସି ନାଦିଏ ଇନେସି, ଏଞ୍ଜେଲ୍ ତାନି ଗାଝୁରମି ପାରିନେସି, ସାମା ଆମ୍ବାଆସି ତାଙ୍ଗେ ପାଣ୍ଡାମାଞ୍ଜାନାଣା ଗାଝୁରମି ପାରିନେସି, ଏଞ୍ଜେଲ୍ ସାତା, ଅଡେ ଏଞ୍ଜେଲ୍ ତାଣା ଏନାୟି ଲାଗେଏ କିନାୟି ହିଲେଏ □

୧୯ ମସା ମିଙ୍ଗେ ମେରା ହାହାମାଞ୍ଜଅସି କି ? ଆଡିଜିକେଏ ମୀ ବିତ୍ରାଟି ଆମ୍ବାଆଡେରି ମେରାଡି ମାନଝି ଆହି ହିଲଅଡେରି, ମୀରୁ ଏନାଆଁତାକି ନାଙ୍ଗେ ପାୟାଲି ଅଣ୍ପିମାଞ୍ଜାଡେରି ?”

୨୦ ଲକୁ ବାରେ ଏଲେଇରେସି, “ନିଙ୍ଗେ ବୁଡୁ ଆଲ୍ଗାମାଞ୍ଜାନେ, ନିଙ୍ଗେ ଆମ୍ବାଆସି ପାୟାଲି ଅଣ୍ପି ମାଞ୍ଜାନେସି ?”

୨୧ ଜୀସୁ ଏଞ୍ଜେଲ୍ ଏଲେଇରେସି, “ନାନୁ ର କାବାଆନ୍ତି କାମା କିତେଏଁ, ଅଡେ ମୀରୁ ବାରେ କାବା ଆଡେରି □

୨୨ ଇଦାଆଁତାକି ମସା ମିଙ୍ଗେ ତଲୁ ଦାପି କିନି ମେରା ହାହାମାଞ୍ଜାନେସି, ଇ ମେରା ମସା ତାଣାଟି ଆହାମାନେ, ଏଡି ଆଏ, ସାମା ଆକୁ ଆବାୟାଁ ତାଣାଟି, ଇଞ୍ଜା ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜେରି ?

୨୩ *ଜମିନି ଦିନାତା ର କକାଣି ତଲୁ ଦାପି କିନାଣିତାକି ମସାଡି ମେରା ଉରିହିଲଅଡେରି, ଆତିହ୍ ନାନୁ ଜମିନି ଦିନାତା ର ମାଣ୍ସିତି ଗୁଡା ଆଙ୍ଗା ନେହ୍ କିୟାଲିଏ ମୀରୁ ନାଙ୍ଗେ ଏନାଆଁତାକି କପା ଆହିମାଞ୍ଜାଡେରି ?

୨୪ ଝାଝୁଇ ଲାକ ଲାକ କାତା ମେସାନା ନୀହାୟି କିଆପୁ ସାତା ତଲେ ନୀହାୟି କିପୁ □”

ଇଞ୍ଜେଲ୍ ଏନାଆଁ ମସିହା ?

☆ ୨:୨୩ ୨:୨୩ ଜହ ୫:୯

୨୫ ଏବେଟିଏ ଜିରୁସାଲମତା ମାନାରି ବିତ୍ରାଟି ଏତରଜାଣା ଖେସ୍‌ପି ଆଡେରି, “ଆମ୍ବାଆରାଲ୍ ଇଝାରି ପାୟାଲି ଅଣ୍ଡିମାନେରି ଇଝାସି ଏଝାସି ଆଏକି ?

୨୬ ଅଡେ ମେହ୍‌ଦୁ, ଏଝାସି ଲକୁ ପୁଣ୍ଡେ କାତା ଖେସିମାନେସି, ଇଞ୍ଜା ଏଝାଣାଲ୍ ସାଲ୍‌ଝି କିନାରି ଏନାଆଁ କିହିଲିଅରି □ ଏଝାସି କ୍ରୀସ୍ତ ଇଞ୍ଜି ଏଝାରି ଏନାଆଁ ସାତା ତଲେ ପୁରେରି କି ?

୨୭ ଆଡହ୍ ଏଝାସି, ଆମ୍ବିଟି ଖାହାମାନେସି, ଇଦାଆଁ ମାର ପୁଞ୍ଜାମାନାୟି, ସାମା କ୍ରୀସ୍ତ ଏଟିରେଲା ଖାନ୍ଦେସି, ଏଟିରେଲାତା ଆମ୍ବାଆସି ପୁନଅସି, ଇଡହ୍ ଏଝାସି ଆମ୍ବିଟି ଖାହାମାନେସି □”

୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ଖେସି ଖେସିହ୍ କାଜା ଗିୟାତଲେ ଏଲେଇରେସି, “ମୀରୁ ସାତେଏ ନାଙ୍ଗେ ପୁଞ୍ଜାମାଞ୍ଜାଦେରି ଅଡେ ନାନୁ ଏମ୍ବିଟି ଖାହାମାଲ୍ ଏନାଆଁ ସାତେଏ ପୁଞ୍ଜାମାଞ୍ଜେରି; ନାନୁ ନା ଅଣ୍ଡପୁ ତଲେ ଖାହାହିଲଅଁ, ସାମା ନାଙ୍ଗେ ପାଣ୍ଡାତାସି ଏଝାସି ସାତା, ମୀରୁ ଏଝାଣାଲ୍ ପୁଞ୍ଜାହିଲଅଡେରି □

୨୯ ନାନୁ ଏଝାଣାଲ୍ ପୁଞ୍ଜାମାଲ୍, ଇଡହ୍ ନାନୁ ଏଝାଣି ତାଣାଟି ଖାହାମାଲ୍, ଅଡେ ଏଝାସି ନାଙ୍ଗେ ପାଣ୍ଡାତେସି □”

୩୦ ଏମ୍ବାଟିଏ ଜୀସୁଲ୍ ଆସାଲି ତାକି ଅଣ୍ଡପିଡେରି; ସାମା ଆମ୍ବାଆରି କେୟୁ ଏଝାଣି ମୁହେଁ ଏଆଡେ, ଇଡହ୍ ଏଝାଣାଲ୍ ଆହ୍‌ନି କାରୁ ଏଡେତା ଏଜାହିଲାଆଡେ □

୩୧ ସାମା ଲକୁ ବିତ୍ରାଟି ହାରେକା ଏଝାଣି ତାଣା ନାମାନା ଏଲେଇରେରି, “ଇଝାସି ଏନି ଏନି କାବାଆନି କାମା ବାରେ କିହିମାନେସି, କ୍ରୀସ୍ତ ଖାହାନା ଇଝାଣି କିହାଁ ଏନାଆଁ ଆଗାଡା କିନେସି ?”

ଜୀସୁଲ୍ ଦସାଲି କସ୍‌କାଣି ପାଣ୍ଡିନାୟି

୩୨ ଲକୁ ଜୀସୁ କାତା ତାନି ବିତ୍ରା ଖେସ୍‌ପି ଆହିମାଗାଣି ପାରୁସିୟାଁ ଖେରେରି ଅଡେ ପାରୁସିୟାଁ ଅଡେ କାଜା ପୂଜେରାଙ୍ଗା ଜୀସୁଲ୍ ଦସାଲି ଜାମାନାଙ୍ଗାଣି ପାଣ୍ଡିତେରି □

୩୩ ଏମ୍ବାଟିଏ ଜୀସୁ ଏଲେଇରେସି, “ନାନୁ ମୀ ତଲେ ଗାଡେକା ତାକି ଡୟାହାଁ ନାଙ୍ଗେ ପାଣ୍ଡାତାଣା ତାଣା ହାଲ୍ □

୩୪ ମୀରୁ ନାଙ୍ଗେ ପାରାଦେରି, ସାମା ବେଟାଆୟଅଡେରି; ଅଡେ, ନାନୁ ଏମ୍ବିୟା ମାଲ୍, ମୀରୁ ଏମ୍ବାଆଁ ଖାହାଲି ଆଡଅଡେରି □”

୩୫ ଜୀହୁଦିୟାଁ ତାମ୍ବୁତାମ୍ବୁସୁ ଖେସ୍‌ପି ଆଡେରି, “ଇଝାସି ଆମ୍ବିୟା ହାଜିମାନେସି, ମୀରୁ ଏଝାଣାଲ୍ ବେଟାଆହାଲି ଆଡାଆୟି ଏନାଆଁ ଇଝାସି ଇତାଲା

ଆତାଲା ଜାଙ୍ଗାହାଜାମାନି ଗ୍ରିକ୍ ଲକୁଲ୍ ଜାପୁହାଲି ହାଜିମାନେସି କି ?”

୩୬ “ମୀରୁ ନାଙ୍ଗେ ପାରାଦେରି, ସାମା ବେଟାଆୟଅଡେରି, ଅଡେ ନାନୁ ଏମ୍ବିୟା ମାଲ୍, ମୀରୁ ଏମ୍ବାଆଁ ଖାହାଲି ଆଡଅଡେରି, ଇଞ୍ଜି ଏଝାସି ଖେସ୍‌ପି ଇ କାତା ଏନାୟି ଇଞ୍ଜି ଖେସ୍‌ପି ଆଡେରି ?”

ଜୀସୁହାନି ଜାରଣା ଏୟୁ

୩୭ ରାନ୍ ଦିନା, ଇଡିସାରେ ପାର୍ବୁଟି କାଜା ଦିନା, ଜୀସୁ ନିତାନା କାଜା ଗିୟାତଲେ ଏଲେଇରେସି, ଆମ୍ବାଆସି ଏସ୍‌କି ଆଡିହ୍, ଏଝାସି ନା ତାଗେ ଖାହାନା ଗସ୍‌ପେସି □

୩୮ ଅଡେ ଆମ୍ବାଆସି ନା ତାଣା ନାମିନେସି, “ଦାମ୍ବୁ ପତିତା ରାସ୍‌କି ଆହାମାନି ଲେହେଁ, ଏଝାଣି ହିୟାଟି ଜୀସୁଟି ଜାରଣା ଏୟୁ ହନ୍ତୁ* □”

୩୯ ଜୀସୁ ସୁଦୁଜୀସୁଟି କାତା ଖେସିମାରେସି, ଆମିନି ଗାଟାରି ଜୀସୁ ତାଣା ନାମି ମାରେରି, ଏଝାରି ସୁଦୁଜୀସୁ ବେଟାଆନାୟି ମାରେ, ଜୀସୁ ଗାଝୁରମି ବେଟାଆହା ହିଲାଆତାକି ଏଝାରାକି ଏଡେତା ସୁଦୁଜୀସୁ ହାପ୍‌କି ଆହାହିଲାଆଡେ □

ଲକୁ ବିତ୍ରା ବାଗା ଆନାୟି

୪୦ ଏଡେତା, ଲକୁ ଏ କାତା ଖେରେରି, ଏଝାରି ବିତ୍ରାଟି ଏତରଜାଣା ଏଲେଇରେରି, “ଇଝାସି ସାତେଏ ମାହାପୁରୁ ଅଣ୍ଡପୁଟି ବକୁ ଖେହ୍‌ନାସି □”

୪୧ ଏଡକାତାରି ଏଲେଇରେରି, “ଏଝାସି ମସିହା!† ସାମା ଆମ୍ବା ଆମ୍ବାଆରି ଏଲେଇରେରି, “ମସିହା!‡ ଏନାଆଁ ଗାଲିଲିଟି ଖାନ୍ଦେସି କି ?

୪୨ ଦାମ୍ବୁ ସାସ୍ତେରିତା ରାସ୍‌କି ଆହାମାନେ, କ୍ରୀସ୍ତ ଦାଝୁଦ ରାଜା କୃଡାଟି ଇଞ୍ଜା ଦାଝୁଦ ଏମିନି ଟାୟୁତା ବାସା ଆହାମାରେସି, ଏ ବେତଲିହିମ ନାୟୁଟି ଖାନ୍ଦେସି □”

୪୩ ଇଦାଆଁତାକି ଲକୁ ତାନି ବିତ୍ରାଟି ଏଝାଣି ତାକି ବାଗା ଆଡେରି;

୪୪ ଅଡେ, ତାନି ବିତ୍ରାଟି ଆମ୍ବା ଆମ୍ବାଆରି ଏଝାଣାଲ୍ ଆସାଲି ଅଣ୍ଡପି ମାରେରି, ସାମା ଆମ୍ବା ଆମ୍ବାଆରି ତାନି ଲାକ କେୟୁ ଇଟାଲି ଆଡାଆଡେରି □

ସାଲ୍‌ଝି କିନି ଜୀହୁଦିୟାଁ ନାମାଆ ଗାଟାୟି

୪୫ ଏବେଟିଏ ଜାମାନାଙ୍ଗା କାଜା ପୂଜେରା ଅଡେ ପାରୁସିୟାଁ ତାଣା ଖେଣ୍ଡା ହାରେରି, ଅଡେ ଏଝାରି ଏଝାରାଲ୍ ଖେରେରି, “ଏଝାଣାଲ୍ ଏନାଆଁତାକି ଆସା ତାଆଡେରି ?”

୪୬ ଜାମାନାଙ୍ଗା ଏଝାରାଲ୍ ଏଲେଇରେରି, “ଇ ମାଣସି ଏନିକ୍ ହାଡା ଖେହ୍‌ନାସି, ଏଲେକିହ୍ ଏମିନି ମାଣସି ଏତେଲା ଖେସାହିଲଅସି □”

* ୭:୩୮ ୭:୩୮ ଇ କାତା ପୁଞ୍ଜା ପତିତା ହିଲେଏ † ୭:୪୧ ୭:୪୧ କ୍ରୀସ୍ତ ‡ ୭:୪୧ ୭:୪୧ କ୍ରୀସ୍ତ

୪୭ ପାରୁସିୟା ଏଝାରାଙ୍କ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଝି ଆଡେରି ?

୪୮ ପାରୁସିୟା ବିତ୍ରାଟି କି ସାଲୁଝି କିନାରି ବିତ୍ରାଟି ଆମ୍ବାଆରି ଏଝାଣି ତାଣା ନାମାମାନେରି କି ?

୪୯ ସାମା ଇ ଏମିନି ଲକୁ ମସାତି ମେରା ପୁଞ୍ଜାହିଲଅରି, ଏଦାଆଁତାକି ଇଝାରି ବାକା ଗାଟି ଲକୁ □”

୫୦ *ଏମିନି ନିକଦିମ ଇଦାଆଁ ନକେଏ ଜୀସୁଙ୍କ ମେସାଲି ତାକି ଝାହାମାରେସି ଇଞ୍ଜା ଏଝାସି ଏଝାରି ବିତ୍ରାଟି ପାରୁସି ମାଚେସି, ଏଝାସି ଏଝାରାଙ୍କ ଝେଚେସି,

୫୧ “ରଅଣି ତାଣାଟି ନକେଏ ଝେନାଆନା ଇଞ୍ଜା ତାନି ମାଣ୍ଡକି ପୁନାଆନା ମା ମସାତି ମେରା ଏନାଆଁ ଏଝାଣାଙ୍କ ଦହ କିନେ ?”

୫୨ ଏଝାରି ଏଝାଣାଙ୍କ ଏଲେଇଚେରି, “ନୀନୁ ଜିକେଏ ଏନାଆଁ ଗାଲିଲିତି ଲକୁ କି ? ଗାଲିଲିତି ଏନି ମାହାପୁରୁ ଅଣ୍ଡପୁଡି ବଲୁ ଝେହନାରି ଏଚେଲା ଝାହାଲି ଆଡ଼ଅରି, ଇଦାଆଁ ସାସ୍ତେରିତା ସିନିକିମୁ □”

୫୩ ଅଡ଼େ ଏଝାରି ବାରେଜାଣା ଜାହାରା ଇଜ ହାଚେରି □

୮

ଦାଢ଼େଣି ଆୟାଟି

୧ ସାମା ଜୀସୁ ଜୀତ ହରୁତା ହାଚେସି □

୨ ଅର ଦିନା ଲାଈ ଏଝାସି ମାହାପୁରୁ ଇଲୁତା ଝେଣ୍ଡା ଝାଡ଼େସି, ଅଡ଼େ, ବାରେ ଲକୁ ଏଝାଣି ତାଣା ଝାହାଲିଏ, ଏଝାସି କୁଗାନା ଜାପ୍ହାଲି ମାଟ୍‌ହେସି □

୩ ମେରା ଜାପ୍‌ନାରି ଅଡ଼େ ପାରୁସିୟା ଦାରି କାମାତା ଆସ୍‌ପି ଆହାମାନି ର ଇୟାନି ତାଚେରି, ବାରେଜାଣା ନକିତା ନିପ୍‌ହାନା ଜୀସୁଙ୍କ ଏଲେଇଚେରି □

୪ “ଗୁରୁ, ଇ ଇୟା ଦାରିକାମା କିହିମାଚାଟି ଆସ୍‌ପି ଆଡ଼େ □

୫ ଇଲେତି ଇୟାସିକାଣି ଝାଲକା କୁତାନା ଝେଚାଲିତାକି ମସା ମା ମେରାତା ହୁକୁମି ହାହାମାଞ୍ଜାନେସି; ଆତିହଁ ନୀନୁ ଏନାଆଁ ଝେସିମାଞ୍ଜାଦି ?”

୬ ଏଝାରି ଜୀସୁଙ୍କ ଏନିକଁ ପାନ୍ଦାତା ମେଡ଼ହାଲି ଆଡ଼ିନେରି, ଇଦାଆଁତାକି ଏଝାରି ଏଝାଣାଙ୍କ ତାୟିପାରି କିହାଲି ଝେଚେରି, ସାମା ଜୀସୁ ମୁନୁକାପାନା ଝାଞ୍ଜୁ ତଲେ ବୁମିତା ରାଡ଼ାଲି ମାଟ୍‌ହେସି □

୭ ଏଝାରି ଏମ୍ବାଆଁ ନିଚାନା ଝେଣ୍ଡେ ଝେଞ୍ଜାଲିଏ, ଜୀସୁ ତାୟିଁ ପେରହାନା ଏଝାରାଙ୍କ

ଏଲେଇଚେସି, “ମୀ ବିତ୍ରାଟି ଆମ୍ବାଆସି ଏଚେଲା ଏନି ପାପୁ କିହାହିଲଅସି, ଏଝାସି ମୂଲୁଏ ଝାଲି କୁତାପେସି □”

୮ ଅଡ଼େ ଝେଣ୍ଡେ ଜୀସୁ ମୁନୁକାପାନା ବୁମିତା ରାଡ଼ାଲି ମାଟ୍‌ହେସି □

୯ ଜୀସୁତି ହାଡ଼ା ଝେଞ୍ଜାନା ଏଝାରି କାଜାରିଟିଏ ମାଟ୍‌ହାଁ ରଅଣି କେଚ ରଅସି ହାଜାଲି ମାଟ୍‌ହେରି, ଏମ୍ବାଆଁ ଝାରୁଇ ଜୀସୁ ଅଡ଼େ ମାଦି ମାନି ଏ ଇୟା ଡ଼ୟିତେ □

୧୦ ଜୀସୁ ତାୟିଁଁ ପେରହାନା ଏଦାନି ଏଲେଇଚେସି, “ଏ ଇୟା ଏଝାରି ଏମ୍ବିୟା ? ଆମ୍ବାଆରି ନିଙ୍ଗେ ଡ଼ଣ୍ଡ ହାହାଲି ହିଲଅରି କି ?”

୧୧ ଏଡ଼ି ଏଲେଇଚେ, “ଆଏ, ପ୍ରବୁ, ଆମ୍ବାଆରି ହିଲଅରି □”

ଏମ୍ବାଟିଏ ଜୀସୁ ଏଦାନି ଏଲେଇଚେସି; “ନୀନୁ ଜିକେଏ ନିଙ୍ଗେ ଡ଼ଣ୍ଡ ହିୟଅଁ; ହାଲାମୁ, ସାମା ଅଡ଼େ ପାପୁ କିଆନି* □”

ଜୀସୁ ଦାର୍‌ତିତି ଉଜେଡ଼ି

୧୨ *ଜୀସୁ ଝେଣ୍ଡେ ପାରୁସିୟାଙ୍କ ଏଲେଇଚେସି, “ନୀନୁ ଦାର୍‌ତିତି ଉଜେଡ଼ି, ଆମ୍ବାଆସି ନା କେଚ ଝାନ୍‌ନେସି, ଏଝାସି ଜୀସୁତି ଉଜେଡ଼ି ବେଟା ଆନ୍‌ନେସି ଅଡ଼େ ଏଚେଲା ଜିକେଏ ଆନ୍‌ନେରିତା ତାକଅସି □”

୧୩ *ପାରୁସିୟା ଏଝାଣାଙ୍କ ଏଲେଇଚେରି, “ନୀଏଁ ନୀନୁ ନିଙ୍ଗେତାକି ସାକି ହାହିମାଞ୍ଜି, ନୀନୁ ଏନାଆଁ ଏଲେ ଇଞ୍ଜିମାଞ୍ଜି ଏଡ଼ି ସାତା ପାର୍‌ମାଣା ହିଲାଆଗାଟାୟି □”

୧୪ ଜୀସୁ ଏଝାରାଙ୍କ ଏଲେଇଚେସି, “ଆଏ ନୀନୁ ନା ତାକି ସାକି ହାତି ଜିକେଏ, ନୀନୁ ଏନାଆଁ ଝେସିମାଞ୍ଜାଙ୍କ ଏଡ଼ି ସାତା, ଇଚିହଁ ନୀନୁ ଆମ୍ବିଟି ଝାହାମାଙ୍କ ଅଡ଼େ ଏମ୍ବିୟା ହାଜିମାଙ୍କ ଏଦାଆଁ ପୁଞ୍ଜାମାଙ୍କ, ମୀରୁ ପୁଞ୍ଜାହିଲଅଚେରି ଏମ୍ବାଟି ଝାଙ୍କ ଅଡ଼େ ଏମ୍ବିୟା ହାଲି □

୧୫ ମୀରୁ ଝାରୁଇ ମାଣ୍ଡସିୟା ଲେହେଁ ବିଚାରା କିହିମାଞ୍ଜେରି, ନୀନୁ ଆମ୍ବାଆରି ବିଚାରା କିଅଁ □

୧୬ ସାମା ନୀନୁ ବିଚାରା କିଲ୍, ଆଡ଼ିଜିକେଏ ନା ବିଚାରା ସାତା; ଇଚିହଁ ନୀନୁ ରଅଡେଏଁ ଆଏ ସାମା ଏମିନି ଆବା ନାଙ୍ଗେ ପାଣ୍ଡାମାଞ୍ଜାନାସି ନା ତଲେ ମାନେସି □

୧୭ ମୀ ମସାତି ମେରାତା ରାସ୍‌କି ଆହାମାନେ, ରିଆରି ସାକି ହାଡ଼ା ରଲେଏ ଆଡ଼ିସାରେ, ଏଝାରି ଏନାଆଁ ଇନେରି ଏଡ଼ି ସାତା □

୧୮ ନୀନୁ ନାଙ୍ଗେତାକି ସାକି ହାହିମାଙ୍କ, ଅଡ଼େ, ନାଙ୍ଗେ ପାଣ୍ଡାମାଞ୍ଜାନି ଆବା ଜିକେଏ ନା ଝାକିଟି ସାକି ହାହିମାନେସି □”

☆ ୭:୫୦ ୭:୫୦ କହ ୩:୧,୨ * ୮:୧୧ ୮:୧୧ ଇ ବାରେ କାତା ବାରେ ପଡ଼ିଣାଁ ହିଲେଏ ☆ ୮:୧୨ ୮:୧୨ ମାତି ୫:୧୪; କହ ୯:୫ ☆ ୮:୧୩ ୮:୧୩ କହ ୫:୩୧

୧୯ ଏଞ୍ଜେଲ୍ ଏଞ୍ଜେଲ୍ ଶ୍ରେଣୀରେ, “ନୀ ଆବା ଏମ୍ବିୟା ?” ଜୀସୁ ଏଲେଇରେସି, “ନାଜେ କି ନା ଆବାଇଁ ମୀରୁ ପୁଞ୍ଜାହିଲଅତେରି; ନାଜେ ପୁଞ୍ଜାତିହିଁ ମା, ନା ଆବାଇଁ ଜିକେଏ ପୁରେରିମା ।”

୨୦ ମାହାପୁରୁ ଇଲୁତି ଦାନା ଇଟିନି ବାକ୍ରାତା ଜୀସୁ ଏ ବାରେ କାତା ଜାପୁହିମାରେସି, ସାମା ଆମ୍ବାଆରି ଜିକେଏ ଏଞ୍ଜେଲ୍ ଆହୁଆତେରି ଏନାଆଁତାକି ଇତିହିଁ ତାନି ବେଲା ଖାହା ହିଲାଆତେ ।

ନାନୁ ହାନି ତାଣା ମୀରୁ ହାଜାଲି ଆଡ଼ଅତେରି

୨୧ ଜୀସୁ ଅଡ଼େ ଶ୍ରେଣ୍ଣେ ଏଞ୍ଜେରାଇଁ ଏଲେଇରେସି, “ନାନୁ ହାଜିମାଇଁ, ମୀରୁ ନାଜେ ପାରାଦେରି, ଅଡ଼େ ମୀରୁ ମୀ ପାପୁତା ହାଦେରି । ନାନୁ ଏମ୍ବିୟା ହାଜିମାଇଁ, ଏମ୍ବାଆଁ ମୀରୁ ହାଜାଲି ଆଡ଼ଅତେରି ।”

୨୨ ଇଞ୍ଜା ଜୀହୁଦିୟାଁ ଏଲେଇରେସି, “ଇଞ୍ଜାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଇଁ ମୀରୁ ଏମ୍ବାଆଁ ହାଜାଲି ଆଡ଼ଅତେରି ?”

୨୩ ଜୀସୁ ଏଞ୍ଜେରାଇଁ ଏଲେଇରେସି, “ମୀରୁ ଇ ଡ଼ଇପୁରୁଟି ଜାନା ଆହାମାଞ୍ଜେରି, ସାମା ନାନୁ ଲାକଟି ଖାହାମାଇଁ । ମୀରୁ ଇ ଦାର୍ତ୍ତିଟି, ନାନୁ ଇ ଦାର୍ତ୍ତିଟି ଆଏ ।

୨୪ ଏଦାଆଁତାକି ନାନୁ ଶ୍ରେସିମାଞ୍ଜାଇଁ, ମୀରୁ ମୀ ପାପୁ ତଲେ ହାଦେରି । ନାନୁ ଏଞ୍ଜେତେଏଁ ଇଞ୍ଜିଁ ଶ୍ରେସ୍ତାସାରେ ମୀରୁ ନାମାଆସାରେ, ମୀ ପାପୁତା ହାଦେରି ।”

୨୫ ଏମ୍ବାଟିଏ ଏଞ୍ଜେରି ଏଞ୍ଜେଲ୍ ଶ୍ରେଣୀରେ, “ନାନୁ ଆମ୍ବାଆତି ?”

ଜୀସୁ ଏଞ୍ଜେରାଇଁ ଏଲେଇରେସି, “ଇ ହାଡ଼ା ନାନୁ ମୁଲୁଟିଏ ଶ୍ରେସାମାଞ୍ଜାଇଁ ।

୨୬ ମିଙ୍ଗେତାକି କାତା ଜଲାଇଁ ଅଡ଼େ ବିଚାରା କିହାଲି ନା ତାଣା ହାରେକା କାତା ମାନେ; ସାମା ନାଜେ ପାଣ୍ଡାମାଞ୍ଜାନାସି, ଏଞ୍ଜାସି ସାତା, ଅଡ଼େ ନାନୁ ଏନାଆଁ ଶ୍ରେଞ୍ଜାମାଇଁ; ଏ ବାରେ ଦାର୍ତ୍ତିଟି ଶ୍ରେସିମାଇଁ ।”

୨୭ ଏଞ୍ଜାସି ମାହାପୁରୁ ଆବା କାତା ଶ୍ରେସିମାରେସି, ଏଞ୍ଜାରି ତେଲହାଲି ଆଡ଼ାଆତେରି ।

୨୮ ଏଦାଆଁତାକି ଜୀସୁ ଏଲେଇରେସି; “ଏଡ଼େତା ମୀରୁ ମାଣ୍ଡିସି ମୀରୁଏଣାଇଁ ଗାଞ୍ଜୁରମି ହାଦେରି, ଏଡ଼େତା ନାନୁ ଏ ମାଣ୍ଡିସିତେଏଁ ଅଡ଼େ ନାନୁ ଜାହାରାଞ୍ଜାଣି ଏନାଆଁ କିଆନା, ଆବା ନାଜେ ଏନିକିଁ ଜାପୁହା ମାଞ୍ଜାନେସି, ଏଲେକିଁ ଇ ବାରେ କାତା ଶ୍ରେସିମାଞ୍ଜାଇଁ ଇଦାଆଁ ମୀରୁ ପୁଞ୍ଜାଲି ଆଡ଼ିଦେରି ।

୨୯ ଆମ୍ବାଆସି ନାଜେ ପାଣ୍ଡାମାଞ୍ଜାନାସି ଏଞ୍ଜାସି ନା ତଲେ ମାନେସି, ଏଞ୍ଜାସି ନାଜେ ରଅତେଏଁ କିହିଁ ପିସାମାଞ୍ଜଅସି, ଇତିହିଁ ନାନୁ ତାନି ରାହାଁ ଆନି କାମା କିଇଁ ।”

୩୦ ଜୀସୁ ଇ ବାରେ ହାଡ଼ା ଶ୍ରେଞ୍ଜାନା ହାରେକା ଜାଣା ତାନି ତାଣା ନାମିତେରି ।

ପିସ୍ପିଆଡ଼ି ଲକୁ ଅଡ଼େ କଡ଼ିତି ହଲିୟାଙ୍ଗା

୩୧ ଏମ୍ବାଟିଏ ଜୀସୁ ତାନି ତାଣା ନାମିତି ଜୀହୁଦିଙ୍ଗାଣି ଏଲେଇରେସି, “ନା ବଲୁତା ତାରିଆହାଁ ଡ଼ୟିଦେରି, ଆଡ଼ିହିଁ ମୀରୁ ସାତେଏ ନା ସୀସୁୟାଁତେରି ।

୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଙ୍ଗେ ଗେଲୁପାନେ ।”

୩୩ ଏଞ୍ଜାରି ଏଞ୍ଜେଲ୍ ଶ୍ରେଣୀରେ, “ମାମ୍ବୁ ଅବ୍ରାହାମତି କୁଡ଼ାତମି, ଅଡ଼େ ଏଚେଲା ଆମ୍ବାଆରି ହଲିୟା ଆହାହିଲଅମି, ଆଡ଼ିହିଁ ମୀରୁ ମୁକଲଞ୍ଜି ଆଦେରି ଇଞ୍ଜିଁ ଏନିକିଁ ଶ୍ରେସିମାଞ୍ଜାତି ?”

୩୪ ଜୀସୁ ଏଞ୍ଜେରାଇଁ ଏଲେଇରେସି, “ନାନୁ ମିଙ୍ଗେ ସାତା ଶ୍ରେସିମାଞ୍ଜାଇଁ, ଆମିନିଗାଟାସି ପାପୁ କିନେସି, ଏଞ୍ଜାସି ପାପୁତି ହଲେଏସି ।

୩୫ ହଲେଏସି କାଲେଏ ତାକି ଇଲୁ କୁଟମିତା ଡ଼ୟିଅସି, ମୀରୁଏସି ଇଲୁ କୁଟମିତା କାଲେଏ ତାକି ଡ଼ୟିନେସି ।

୩୬ ମୀରୁଏସି ମିଙ୍ଗେ ମୁକଲଞ୍ଜି କିୟାନେସି, ମୀରୁ ସାତେଏ ମୁକଲଞ୍ଜି ଆଦେରି ।

୩୭ ମୀରୁ ଅବ୍ରାହାମତି କୁଡ଼ାତାତେରି ନାନୁ ପୁଞ୍ଜାମାଇଁ; ସାମା ନା ବଲୁ ମୀ ହିୟାଁତି ଟାୟୁତା ହିଲାଆକି ମୀରୁ ନାଜେ ପାୟାଲି ଅଣ୍ଡିପିମାଞ୍ଜେରି ।

୩୮ ନା ଆବା ତାଣା ନାନୁ ଏନାଆଁ ମେସାମାଇଁ, ଏ ବାରେ ନାନୁ ଶ୍ରେସିମାଞ୍ଜାଇଁ । ଏଦାଆଁତାକି ମୀରୁ ଜିକେଏ ମୀ ଆବା ତାଣାଟି ଏନାଆଁ ଶ୍ରେଞ୍ଜାମାଞ୍ଜେରି ଏ ବାରେ କିଦୁ ।”

୩୯ ଏଞ୍ଜାରି ଏଞ୍ଜେଲ୍ ଶ୍ରେଣୀରେ, “ଅବ୍ରାହାମ ମା ଆବା ।” ଜୀସୁ ଏଞ୍ଜେରାଇଁ ଏଲେଇରେସି, “ମୀରୁ ଅବ୍ରାହାମତି ମୀରୁକା ମାସ୍କାତେରି, ଆଡ଼ିହିଁ ଅବ୍ରାହାମ କିହାମାତି କାମା କିଦୁ;”

୪୦ ମାହାପୁରୁ ତାଣାଟି ଶ୍ରେଞ୍ଜାମାନି ସାତାତି ମିଙ୍ଗେ ଶ୍ରେସିମାଞ୍ଜାଇଁ, ନାନୁ ଇଲେତି ଲକୁ, ମୀରୁ ନାଜେ ପାୟାଲି ତାକି ଅଣ୍ଡିପିମାଞ୍ଜାଦେରି; ଅବ୍ରାହାମ ଇଲେତି କାମା କିଆତେସି ।

୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି ।”

ଏଞ୍ଜାରି ଜୀସୁଇଁ ଏଲେଇରେସି; “ମାମ୍ବୁ ଦାରିକାମାଟି ଜାନା ଆହାହିଲଅମି; ମା ରଣ୍ଡିଏ ଆବା, ଏଞ୍ଜାସି ମାହାପୁରୁ ।”

☆ ୮:୩୩ ୮:୩୩ ମାତି ୩:୯; ଲୁକ ୩:୮

୪୨ ଜୀସୁ ଏଝାରାଇଁ ଏଲେଇରେସି, “ମାହାପୁରୁ ସାତେଏ ମୀ ଆବା ଆଡ଼ିହୁଁମା, ମୀରୁ ନାଜେ ଜୀସୁ ନୟାତେରିମା, ଇତିହୁଁ ନାନୁ ମାହାପୁରୁ ତାଣାଟି ଖାହାମାଇଁ; ନାନୁ ନା ତାଣାଟି ଖାହାହିଲଅଁ, ସାମା ଏଝାସି ନାଜେ ପାଣ୍ଡାତେସି □

୪୩ ନାନୁ ଏନାଆଁ ଝେସିମାଞ୍ଜାଇଁ, ମୀରୁ ଏନାଆଁତାକି ନା ହାଡ଼ାତି ତେଲହାଲି ଆଡ଼ିହୁଲଅତେରି ? ଇଦାନି କାତା ଆହିମାନେ ମୀରୁ ନା ବଲୁତି ଝେଞ୍ଜାଲି ଆଡ଼ିହୁଲଅତେରି □

୪୪ ମୀରୁ ମୀ ଆବା ସୟତାନତି ମୀରକା ମାୟକାତେରି, ଅଡ଼େ ମୀରୁ ମୀ ଆବାତି କାମା କିହାଲି ମୀ ଅଣ୍ପୁ □ ଏଝାସି ମୂଲୁଟିଏ ଲକୁଣି ପାୟିନାସି, ଅଡ଼େ ଏଝାସି ସାତାତା ତୟଅସି, ଇତିହୁଁ ଏଝାଣି ତାଣା ସାତା ହିଲେଏ □ ଏତିବେଲା ଏଝାସି ମିତି ଜଲିନେସି, ଏତେତା ତାନିତାଣାଟି ଜଲିନେସି; ଇତିହୁଁ ଏଝାସି ମିତି ଗାଟାସି ଇଞ୍ଜା ମିତିତି ତାଞ୍ଜି □

୪୫ ସାମା ନାନୁ ସାତା ଜଲିମାନାକି, ମୀରୁ ନାଜେ ନାମିମାଞ୍ଜଅତେରି □

୪୬ ନାନୁ ପାପୁ ଗାଟାତେଏଁ ଇଞ୍ଜୁଁ ମୀ ବିତ୍ରାତି ଆମ୍ବାଆତେରି ପାର୍ମାଣା କିହାଲି ଆଡ଼ିଦେରି ? ନାନୁ ସାତା ଝେସ୍ତାସାରେ, ନାଜେ ମୀରୁ ଏନାଆଁତାକି ନାମିମାଞ୍ଜଅତେରି ?

୪୭ ଆମ୍ବାଆସି ମାହାପୁରୁ ତାଣାଟି ଖାହାମାନେସି, ଏଝାସି ମାହାପୁରୁତି ବଲୁ ଝେନେସି; ମୀରୁ ମାହାପୁରୁ ତାଣାଟି ଖାହାହିଲଅତେରି, ଏନାଆଁତାକି ଇ ବଲୁ ଝେଞ୍ଜିହିଲଅତେରି □”

ଜୀସୁ ଅଡ଼େ ଅବ୍ରାହାମ

୪୮ ଜୀହୁଦିୟାଁ ଜୀସୁଇଁ ଏଲେଇରେରି, “ନୀନୁ ସମିରଣତି ଇଞ୍ଜା ନିଜେ ବୃତୁ ଆଲଗାମାଞ୍ଜାନେ, ଏନାଆଁ ମାମ୍ବୁ ସାତା ଝେସି ହିଲଅମି କି ?”

୪୯ ଜୀସୁ ଏଝାରାଇଁ ଏଲେଇରେସି; “ନାଜେ ବୃତୁ ଆଲଗା ମାଞ୍ଜେଏ, ନାନୁ ନା ଆବାଇଁ ମାନି କିହିମାଇଁ, ସାମା ମୀରୁ ନାଜେ ଲାଜା କିହିମାଞ୍ଜାଦେରି □

୫୦ ନାନୁ ନା ଗାଝୁରମି କିହାଲି ଅଣ୍ପି ହିଲଅଁ; ରଅସି ଅଣ୍ପିମାନେସି ଏଝାସି ନା ଝାକିଟି ବିଚାରା କିନେସି □

୫୧ ନାନୁ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁତି ମାନଝି ଆନେସି, ଏଝାସି ଏରେଲା ହାଅସି □”

୫୨ ଜୀହୁଦିୟାଁ ଏଝାଣାଇଁ ଏଲେଇରେରି, “ନୀଏଁ ମାମ୍ବୁ ପୁଟମି, ନିଜେ ବୃତୁ ଆଲଗାମାଞ୍ଜାନେ, ଅବ୍ରାହାମ ଅଡ଼େ ମାହାପୁରୁ ଅଣ୍ପୁତି ବଲୁ ଝେହୁନାରି ବାରେଜାଣା ହାଡ଼େରି, ଅଡ଼େ ନୀନୁ

ଝେସିମାଞ୍ଜି, ଆମ୍ବାଆସି ନା ବଲୁ ମାନଝି ଆନେସି, ଏଝାସି ଏରେଲା ଜିକେଏ ହାଅସି □

୫୩ ମା ଆକୁ ଅବ୍ରାହାମ ହାଡ଼େସି, ନୀନୁ ଏନାଆଁ ଅବ୍ରାହାମ କିହାଁ କାଜାତି ଇଞ୍ଜୁଁ ଅଣ୍ପିମାଞ୍ଜି ? ମାହାପୁରୁ ଅଣ୍ପୁତି ବଲୁ ଝେହୁନାରି ଜିକେଏ ହାଡ଼େରି; ନୀନୁ ଆମ୍ବାଆତି ଇଞ୍ଜୁଁ ଝେସିମାଞ୍ଜି ?”

୫୪ ଜୀସୁ ଏଲେଇରେସି, “ନାନୁ ନା ଗାଝୁରମି କିହିମାଇଁ, ଆଡ଼ିହୁଁ ନା ଗାଝୁରମି ଏନାୟି ଆଏ; ଆମ୍ବାଆସି ନାଜେ ଗାଝୁରମି କିୟାନେସି ଏଝାସି ନା ଆବା ଆମ୍ବାଆରାଇଁ ମୀରୁ ମୀ ମାହାପୁରୁ ଇଞ୍ଜୁଁ ଏଲେ ଇଞ୍ଜିମାଞ୍ଜେରି;

୫୫ ମୀରୁ ଏଝାଣାଇଁ ଏରେଲା ପୁଞ୍ଜାହିଲଅତେରି, ସାମା ନାନୁ ଏଝାଣାଇଁ ପୁଞ୍ଜାମାଇଁ □ ଏଝାଣାଇଁ ପୁଞ୍ଜାହିଲଅଁ ଇଞ୍ଜୁଁ ନାନୁ ଝେସ୍ତୁହୁଁ, ମୀ ଲେହେଁ ନାନୁ ଜିକେଏ ମିତି ଗାଟାତେଏଁ ଆଇଁ, ସାମା ନାନୁ ଏଝାଣାଇଁ ପୁଞ୍ଜାମାଇଁ ଅଡ଼େ ତାନି ବଲୁତି ମାନଝି ଆଇଁ □

୫୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା କିହାନା ରାହାଁ କିଡେସି, ଅଡ଼େ ଏନାଆଁ ମେସାନା ଏଝାସି ରାହାଁ ଆଡେସି □”

୫୭ ଜୀହୁଦିୟାଁ ଏଝାଣାଇଁ ଏଲେଇରେରି, “ନିଜେ ରୀ କଡ଼ି ଦସ ବାସା ଆହାମାଞ୍ଜେଏ, ନୀନୁ ଏନାଆଁ ଅବ୍ରାହାମଇଁ ମେସାମାଞ୍ଜି ?”

୫୮ ଜୀସୁ ଏଝାରାଇଁ ଏଲେଇରେସି, “ନାନୁ ମିଜେ ସାତା ଝେସିମାଞ୍ଜାଇଁ, ଅବ୍ରାହାମତି ଜାନା ନକେଏ ନାନୁ ମାଇଁ □”

୫୯ ଏଝାରି ଏଝାଣାଇଁ ଝେଚାଲିତାକି ଝାଲକା ପେରହା କଡ଼ିତେରି, ସାମା ଜୀସୁ ମାହାପୁରୁ ଇଲୁଟି ମେହୁଆରେଟୁ ହଡ଼ାହାଚେସି □



ଜୀସୁ ଜାର୍ନାଟିଏ କାଣାଇଁ ନେହୁଁକିନାୟି

୧ ଜୀସୁ ହାଜିମାଟାଟି ର ଜାର୍ନାଟିଏ କାଣାଇଁ ବେଟାଆଡେସି □

୨ ତାନି ସୀସୁୟାଁ ଝେଚେରି, “ଗୁରୁ, ଆମ୍ବାଆସି ପାପୁ କିହାଲିଏ ଇଝାସି କାଣା ଆହାନା ଜାର୍ନା ଆଡେସି, ତାନୁ କି ତାନି ଇୟା ଆବା ପାପୁ କିତାକି ?”

୩ ଜୀସୁ ଏଲେଇରେସି, “ଇଝାସି କି ତାନି ଇୟା ଆବା ପାପୁ କିତାକି ଆଏ, ସାମା ମାହାପୁରୁତି କାମା ଏନିକିଁ ଇଝାଣି ତାଣାଟି ତସ୍ପିଆନେ, ଏନାଆଁତାକି ଇଦି ଆହାମାନେ □

୪ ଦିନା ମାଞ୍ଜା ମାଞ୍ଜାନା, ନାଜେ ପାଣ୍ଡାମାଞ୍ଜାନାଣା କାମା କିନାୟିମାନେ; ଏମିନି ବେଲାତା ଆମ୍ବାଆସି କାମା କିହାଲି ଆଡ଼ଅସି, ଇଲେତି ଲାଆଁ ଝାହିମାନେ □

୫ ନାନୁ ଏଚେପାତେକା ଦାରତିତା ମାଇଁ, ଏଚେପାତେକା ନାନୁ ଦାରତିତି ଉଜେଡିତେଏଁ □

୬ ଈ କାତା ଏଲେଇଞ୍ଜାନା, ଜୀସୁ ଇରଥାତା ହୁପାନା ହୁପକା ତଲେ କାଦ୍ କିତେସି; ଅଡେ ତାନି ରୀ କାଣ୍‌କାଣ୍ ରୁବିତେସି ଅଡେ ଏଞ୍ଜାଣାଇଁ ଏଲେଇଚେସି,

୭ ହାଲାମୁ “ସିଲହ* ବାନ୍ଦାତା ମୁମ୍ ନୁରହା ଝାମୁ □” ଏମ୍ବାଟିଏ ଏଞ୍ଜାସି ହାଜାନା ନରହା କତାନା ଝେଣ୍ଡା ଝାହିମାଟାଟି ମେସାଲି ଆଡିତେସି □

୮ ତାନି ପାଡିତାରି, ଅଡେ ଏମିନିଗାଟାରି ଏଞ୍ଜାଣାଇଁ ନକେଏ ରୀସ୍‌ପି ମାଟାଣି ମେସାମାଚେରି, ଏଞ୍ଜାରି ଝେଚେରି, “ଇଞ୍ଜାସି ଏନାଆଁ କୁଗାନା ରୀସ୍‌ପି ମାଚେସି ଏଞ୍ଜାସି ଆଏକି ?”

୯ ଏଚରଜାଣା ଏଲେଇଚେରି, “ଇଞ୍ଜାସିଏ ଏଞ୍ଜାସି;” ଅଡେ ଏଚରଜାଣା ଏଲେଇଚେରି, “ଆଏ, ଏଞ୍ଜାଣିଲେହେଁ ତାସି □” ଏଞ୍ଜାସି ଏଲେଇଚେସି, “ନାନୁଏ ଏଞ୍ଜାତେଏଁ □”

୧୦ ଲକୁ ଏଞ୍ଜାଣାଇଁ ଝେଚେରି, “ଆଡିହୁଁ, ନୀନୁ ନୀଏଁ ଏନିକିଁ ମେସାଲି ଆଡିମାଞ୍ଜି ?”

୧୧ ଏଞ୍ଜାସି ଏଲେଇଚେସି, “ଆମ୍ବାଆରାଇଁ ଜୀସୁ ଇନେରି, ଏଞ୍ଜାସି ଇରଥାତି କାଦ୍ କିହାନା ନା କାଣ୍‌କାଣ୍ ରୁବାତେସି ଅଡେ ସିଲହତା ହାଜାହାଁ ମୁମ୍ ନୁରହା କତାମୁ ଏଲେଇଞ୍ଜାତେସି; ଏଚେଟିଏ ନାନୁ ହାଜାନା ମୁମ୍ ନୁରହାଲିଏ ମେସାଲି ଆଡିତେଏଁ □”

୧୨ “ଏଞ୍ଜାସି ଆମ୍ବିୟା ?” ଇଞ୍ଜିଁ ଏଞ୍ଜାଣାଇଁ ଝେଚେରି, ଏଞ୍ଜାସି ଏଲେଇଚେସି, “ନାନୁ, ପୁଞ୍ଜାହିଲଅଁ □”

ପାରୁସିୟାଁ ଈ କାମାଡି ତାୟିପାରି କିନାୟି

୧୩ ଆମ୍ବାଆସି ନକେଏ କାଣା ମାଚେସି, ଏଞ୍ଜାଣାଇଁ ପାରୁସିୟାଁ ତାଣା ତାଚେରି □

୧୪ ଜୀସୁ ଏମିନି ଦିନା କାଦ୍ କିହାନା ତାନି କାଣ୍‌କା ନେହୁଁ କିହାମାଚେସି, ଏ ଦିନା ଜମିନି ଦିନା ମାଚେ □

୧୫ ପାରୁସିୟାଁ ଏଞ୍ଜାଣାଇଁ ଝେଚେରି, ଏନିକିଁ ଏଞ୍ଜାସି ମେସାଲି ଆଡିତେସି ? ଏଞ୍ଜାସି ଏଲେଇଚେସି, “ନା କାଣ୍‌କାଣ୍ ଏଞ୍ଜାସି ଇଟାଣି କାଦ୍ ରୁବାତେସି, ନାନୁ ହାଜାନା ମୁମ୍ ନୁରହାନା ଝାତେଏଁ ଅଡେ ମେସାଲି ଆଡିମାଇଁ □”

୧୬ ପାରୁସିୟାଁ ତାନି ବିତ୍ରାଟି ଏଚରଜାଣା ଏଲେଇଚେରି, “ଏଞ୍ଜାସି ମାହାପୁରୁ ତାଣାଟି ଝାହାହିଲଅସି, ଇଚିହୁଁ ଏଞ୍ଜାସି ଜମିନି ଦିନାଟି ମାନୁଞ୍ଜି ଆହିହିଲଅସି □” ଅଡେ ଏଚରଜାଣା ଏଲେଇଚେରି, “ପାପୁ ଲକୁ ଆହାନା ଇଲେତି କାବାଆନି କାମା ଏନିକିଁ କିହାଲି ଆଡିନେସି ?” ଇଲେଆହୁଁ ଏଞ୍ଜାରି ତାନି ବିତ୍ରା ବାଗା ଆଡେ ?

୧୭ ପାରୁସିୟାଁ ଅଡେ ଝେଣ୍ଡେ ଏ କାଣାଇଁ ଝେଚେରି, “ଏଞ୍ଜାସି ନୀ କାଣ୍‌କା ନେହୁଁ କିୟାତେସି, ଏଞ୍ଜାଣି କାତା ନୀନୁ ଏନାଆଁ ଇଞ୍ଜିମାଞ୍ଜି ?” ଏଞ୍ଜାସି ଏଲେଇଚେସି “ଏଞ୍ଜାସି ର ମାହାପୁରୁ ଅଣ୍‌ପୁତି ବଲୁ ଝେହ୍‌ନାସି □”

୧୮ ଏଞ୍ଜାସି ଜାର୍ନାଟିଏ କାଣା ମାଚେସି ଅଡେ ନୀଏଁ, ଈ ହାଡା ତାନି ଇୟା ଆବାତି ଝେନାଆ ପାତେକା, ଜୀହୁଦିୟାଁ ନାମାଆଚେରି □

୧୯ ଏଞ୍ଜାରି ତାନି ଇୟା ଆବାତି ଝେଚେରି, “ମୀ ଆମିନି ମୀରଏସି କାଣା ଆହାନା ଜାର୍ନା ଆହାମାଚେସି ଇଞ୍ଜିଁ ଏଲେଇଶମ୍ବିତେରି ଇଞ୍ଜାସି ଏନାଆଁ ଏ ମୀ ମୀରଏସି ? ଆଡିହୁଁ ଏଞ୍ଜାସି ନୀଏଁ ଏନିକିଁ ମେସାଲି ଆଡିମାନେସି ?”

୨୦ ଏମ୍ବାଟିଏ ତାନି ଇୟା ଆବା ଏଲେଇଚୁ, “ହାଅ, ଏଞ୍ଜାସି ମା ମୀରଏସି, ଏଞ୍ଜାସି କାଣା ଆହାନା ଜାର୍ନା ଆହାମାଚେସି ଏଦାଆଁ ମାମ୍ ପୁଞ୍ଜାମାନମି;

୨୧ ସାମା ଏଞ୍ଜାସି ନୀଏଁ ଏନିକିଁ ମେସାଲି ଆଡିମାନେସି, ଏଦାଆଁ ମାମ୍ ପୁଞ୍ଜାହିଲଅମି, ଅଡେ ଆମ୍ବାଆସି ଏଞ୍ଜାଣାଇଁ ମେସ୍‌ପି କିହାମାନେସି, ମାମ୍ ଏଦାଆଁ ଜିକେଏ ପୁଞ୍ଜାହିଲଅମି; ଏଞ୍ଜାଣାଇଁ ଝେଞ୍ଜୁ, ଏଞ୍ଜାସି କାଜାସି ଆଡେସିଏ, ଏଞ୍ଜାସି ତାନି କାତା ତାନୁଏ ଝେସାଲି ଆଡିନେସି □”

୨୨ ଏଞ୍ଜାଣି ତାନି ଇୟା ଆବା ଜୀହୁଦି ଲକୁତି କାଜାରାଇଁ ଆଜିମାଟାକି ଈ ବାରେ କାତା ଝେସୁଁ ଏନାଆଁତାକି ଇଚିହୁଁ ଆମ୍ବାଆସି ଜୀସୁଇଁ କ୍ରୀସ୍ ଇଞ୍ଜିଁ ଇନେସି, ଏଞ୍ଜାଣାଇଁ ଜୀହୁଦି ଲକୁତି କୁଚମି ଇଲୁଟିଠିଠିଠି ଘେରଞ୍ଜି ଆନେ ଇଞ୍ଜିଁ ଜୀହୁଦି ଲକୁ ଏ ନକେଏ କାତା ଆହାମାଚେରି □

୨୩ ଏଦାଆଁତାକି ତାନି ଇୟା ଆବା ଏଲେଇଚୁ, “ଏଞ୍ଜାସି କାଜାସି ଆଡେସିଏ, ଏଞ୍ଜାଣାଇଁ ଝେଞ୍ଜୁ □”

୨୪ ପାରୁସିୟାଁ ଏ ଜାର୍ନାଟିଏ କାଣାଇଁ ଅଡେ ଝେଣ୍ଡେ ହାଟାନା ଏଲେଇଚେରି, “ମାହାପୁରୁଇଁ ଗାଞ୍ଜୁରମି କିହାନା ଏଲେଇନାମୁ, ଆମ୍ବାଆସି ନିକେ ନେହୁଁ କିହାମାଞ୍ଜାନେସି, ଏଞ୍ଜାସି ର ପାପୁ ଗାଟାସି ଈ କାତା ମାମ୍ ପୁଞ୍ଜାମାନମି □”

୨୫ ଏଞ୍ଜାସି ଏଲେଇଚେସି, “ଏଞ୍ଜାସି ପାପୁ ଗାଟାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଇଁ; ନାନୁ କାଣା ମାଚେଏଁ, ନୀଏଁ ମେସାଲି ଆଡିମାଇଁ □”

୨୬ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଏଞ୍ଜାସି ନିକେ ଏନାଆଁ କିୟାତେସି ? ଏନିକିଁ ଏଞ୍ଜାସି ନୀ କାଣ୍‌କା ଦେପି କିୟାତେସି ?”

୨୭ ଏଞ୍ଜାସି ଏଲେଇଚେସି, “ନକେଏ ଝେସା ରାହାମାଞ୍ଜାଇଁ, ଅଡେ ମୀରୁ ଝେନାଆଚେରି; ଅଡେ ଝେଣ୍ଡେ ଏନାଆଁତାକି ଝେଞ୍ଜାଲି ଅଣ୍‌ପିମାଞ୍ଜେରି

* ୯:୭ ୯:୭ ସିଲହ ଇଚିସାରେ ପାଣ୍ଡି ଆହାମାନାୟି † ୯:୨୭ ୯:୨୭ ସିନଗଗ

? ମୀରୁ ଜିକେଏ ଏନାଆଁ ତାନି ସୀସୁ ଆହାଲି ଅଣ୍ଠିମାଞ୍ଜେରି □

୨୮ ଏଞ୍ଜାରି ଏଞ୍ଜାଣାଲ୍ ଲାଗାନା ଏଲେଇରେସି, “ନୀନୁ ତାନି ସୀସୁତି, ସୀମା ମୀମ୍ନୁ ମସୀତି ସୀସୁୟାଁତମି □

୨୯ ମୀମ୍ନୁ ପୁଞ୍ଜାମାନମି, ମାହାପୁରୁ ମସାଲ୍ କାତା ଆହାମାତେସି, ସୀମା ଇ ମାଣ୍ଠି ଆମ୍ବିତି ଖାହାମାନେସି, ଏଦାଆଁ ମୀମ୍ନୁ ପୁଞ୍ଜାହିଲଅମି □

୩୦ ଏଞ୍ଜାସି ଏଞ୍ଜାରାଲ୍ ଏଲେଇରେସି, “ଇଦି ରଣ୍ଠି କାବାଆନି କାତା ଏଞ୍ଜାସି ଏମ୍ବିତି ଖାହାମାନେସି, ମୀରୁ ପୁଞ୍ଜାହିଲଅତେରି, ସୀମା ଏଞ୍ଜାସି ନାଙ୍ଗେ କାଣ୍ଠିକା ଦେପି କିୟାତେସି □

୩୧ ମୀମ୍ନୁ ପୁଞ୍ଜାମାନମି, ମାହାପୁରୁ ପାପୁଗାଟି ଲକୁତି ହାଡ଼ା ଖେନଅସି, ଆମିନି ଗାଗାରି ମାହାପୁରୁଲ୍ ମାନି କିନେରି ଅଡ଼େ ତାନି ଅଣ୍ଠିପୁ ତଲେ କାମା କିନେରି, ଏଞ୍ଜାରି ହାଡ଼ାତି ଏଞ୍ଜାସି ଖେନେସି □

୩୨ ତଲି କାଲ୍ଲାଟିଏ ଆମ୍ବାଆସି ଜାର୍ନା କାଣାଲ୍ ମେସ୍ପିକିତି କାତା ଏତେଲା ଖେଣ୍ଠି ଆହାହିଲାଆତେ □

୩୩ ଇଞ୍ଜାସି ମାହାପୁରୁ ତାଣାଟି ଖାହା ହିଲାଆତ, ଏନାଆଁ କିହାଲି ଆଡ଼ାଆତେସିମା □

୩୪ ଏଞ୍ଜାରି ଏଞ୍ଜାଣାଲ୍ ଏଲେଇରେସି, “ପାପୁ ତଲେ ନୀନୁ ଜାର୍ନା ଆହାନା ପାପୁ ତଲେ ପାତାଆଡ଼ି, ନୀନୁ ମାଙ୍ଗେ ଜାପୁହି ମାଞ୍ଜାଦି ?” ଏଦାଆଁତାକି ଏଞ୍ଜାରି ଏଞ୍ଜାଣାଲ୍ ଜୀହୁଦି ଲକୁତି କୁଟମି ଇଲୁଟିଃ ପେର୍ହାଡୁସ୍ତେରି □

ସୁଦୁଗାଟି ମାଣ୍ଠିକି ମେହ୍‌ଆ ଗାଟାୟି

୩୫ ଏଞ୍ଜାରି ଏଞ୍ଜାଣାଲ୍ ପେର୍ହା ମାନେରି, ଇଞ୍ଜା ଜୀସୁ ଇ କାତା ଖେଞ୍ଜାନା, ଏଞ୍ଜାଣାଲ୍ ମେସାନା ଏଲେଇରେସି, “ନୀନୁ ଏନାଆଁ ମାଣ୍ଠିକି ମୀର୍‌ଏଣି ତାଣା ନାନିମାଞ୍ଜି ?”

୩୬ ଏଞ୍ଜାସି ଏଞ୍ଜାଣାଲ୍ ଏଲେଇରେସି, “ପ୍ରୁ, ଖେସ୍ତାମୁ ଏଞ୍ଜାସି ଆମ୍ବାଆସି, ଆତିହିଁ ନୀନୁ ଏଞ୍ଜାଣାଲ୍ ନାନିଲ୍ □

୩୭ ଜୀସୁ ଏଞ୍ଜାଣାଲ୍ ଏଲେଇରେସି, “ନୀନୁ ଏଞ୍ଜାଣାଲ୍ ମେସାମାଞ୍ଜି, ନୀ ତଲେ ଆମ୍ବାଆସି ନୀଏଁ କାତା ଆହିମାନେସି, ଏଞ୍ଜାସିଏ □

୩୮ ଏମ୍ବାଟିଏ ଏଞ୍ଜାସି ଏଲେଇରେସି, “ନୀନୁ ନାନିମାଲ୍, ପ୍ରୁ!” ଇଞ୍ଜା ଜୀସୁ ନକିତା ମେଣ୍ଠାକୁତାନା ଜହରା କିତେସି □

୩୯ ଜୀସୁ ଏଲେଇରେସି, “ମେହ୍‌ଆଗାଟି ଲକୁ ଏନିକ୍ ମେହ୍‌ନେରି ଇଞ୍ଜା ମେହ୍‌ନି ଲକୁ ଏନିକ୍ କାଣା ଆନେରି, ଇ ବିଚାରା କିହାଲି ନୀନୁ ଦୀର୍ତ୍ତତା ଖାହାମାଲ୍ □”

୪୦ ଏମ୍ବାଆଁ ମାଟି ଏଚରଜାଣା ପାରୁସିୟାଁ ଇ କାତା ଖେଞ୍ଜାନା, ଏଞ୍ଜାଣାଲ୍ ଏଲେଇରେସି, “ମୀମ୍ନୁ ଜିକେଏ ଏନାଆଁ କାଣାୟାଁତମି ?”

୪୧ ଜୀସୁ ଏଞ୍ଜାରାଲ୍ ଏଲେଇରେସି, “କାଣାୟାଁ ଆହାମାଟିହିଁ ମୀରୁ ଦହ୍ ହିଲାଆଗାଟାତେରି ଆଡ଼େରିମା, ସୀମା ମେସାଲି ଆଡ଼ିମାନମି ଇଞ୍ଜିମାନାକି ମୀରୁ ହାରେକା ପାପୁତା ମାଞ୍ଜେରି □”

୧୦

ମେଣ୍ଠାୟାଁ ଅଡ଼େ ଗଡୁ

୧ ଜୀସୁ ଏଲେଇରେସି, “ନୀନୁ ମିଙ୍ଗେ ସାତା ଖେସିମାଞ୍ଜାଲ୍, ଆମ୍ବାଆସି ଦାରା ଖାକିଟି ମେଣ୍ଠାୟାଁ ମାନ୍ଦାତା ହଡ଼ଅସି, ସୀମା ଅର ଖାକିଟି ଡେଞ୍ଜାନା ହଡ଼ନେସି, ଏଞ୍ଜାସି ସରୁ ଇଞ୍ଜା ତଂଗେଏସି;

୨ ସୀମା ଆମ୍ବାଆସି ଦାରା ଖାକିଟି ହଡ଼ନେସି, ଏଞ୍ଜାସି ମେଣ୍ଠା ଗଡୁ □

୩ ଦାରାତା କାଃଆନାସି ଏଞ୍ଜାଣାକି ଦାରା ଦେଚା ହୀନେସି, ଅଡ଼େ, ଏଞ୍ଜାସି ତାନି ମେଣ୍ଠାୟାଁଆଁ ଦରୁ ଆସାନା ହାଟିନେସି, ଏଞ୍ଜା ତାନି ହାଟିନାଣି ଖେନୁ ଅଡ଼େ ଏଞ୍ଜାସି ଏ ମାନ୍ଦାତି ପାଙ୍ଗାତା ଜିରୁ ନକି କିହାନା ଅନେସି □

୪ ମେଣ୍ଠାୟାଁଣି ପାଙ୍ଗାତା ଅନାଟି ମେଣ୍ଠାୟାଁ ଗଡୁ ନକି ନକିତା ତାକିନେସି, ଅଡ଼େ ମେଣ୍ଠାୟାଁ ତାନି ଜେଟ ଜେଟ ତାକିନୁ, ଇତିହିଁ ଏଞ୍ଜି ଏଞ୍ଜାଣି ଗିୟାଁ ତେଲ୍‌ହାଡ଼ □

୫ ସୀମା ଏଞ୍ଜି ପୁନାଆତି ଲକୁ ଜେଟ ଏତେଲା ଜିକେଏ ତାକାଡ଼, ସୀମା ଏଞ୍ଜାଣି ଦାରି ଦାରିଟି ହଟାଡୁହନୁ, ଇତିହିଁ ଏଞ୍ଜି ପୁନାଆତାରି ଗିୟାଁ ତେଲ୍‌ହିନୁ □”

୬ ଜୀସୁ ଏଞ୍ଜାରାଲ୍ ଇ ପୁଣ୍ଠିକିନି କାତା ଖେସାନା ଏଲେଇରେସି, ସୀମା ଏଞ୍ଜାସି ଏନା ଏନାଆଁ ଖେସିମାଚେସି, ଏ ବାରେ ଏନାୟି ଇଞ୍ଜି ଏଞ୍ଜାରି ପୁନାଆତେରି □

ଜୀସୁ ନେହିଁ ମେଣ୍ଠାୟାଁ ଗଡୁ

୭ ଜୀସୁ ଅଡ଼େ ଖେଣ୍ଠେ ଏଲେଇରେସି, “ସାତା ସାତା ନୀନୁ ମିଙ୍ଗେ ଖେସିମାଞ୍ଜାଲ୍, ନୀନୁ ମେଣ୍ଠାୟାଁ ଦୁଞ୍ଜେରିତେଏଁ □

୮ ଏଚରଜାଣା ନା ନକେଏ ଖାହାମାନେରି, ଏଞ୍ଜାରି ବାରେ ସରକା ଅଡ଼େ ତଂଗାୟାଁ, ସୀମା ମେଣ୍ଠାୟାଁ ଏଞ୍ଜାରି କାତା ଖେନାଆଡୁ □

୯ ନୀନୁ ଆହିମାଲ୍ ଦାରା □ ଆମ୍ବାଆସି ନା ତାଣାଟି ହଡ଼ନେସି, ଏଞ୍ଜାସି ଗେଲ୍‌ପି ଆନେସି ଇଞ୍ଜା ବିତ୍ରା ଖାହାନା ଅଡ଼େ ପାଙ୍ଗାତା ହାଜାନା ହାରା ବେଟାଆନେସି □

୧୦ ସରୁ ଖାର୍‌ଇ ସରୁ କିହାଲି, ପାୟାଲି ଅଡ଼େ ନାସା କିହାଲି ଖାନେସି; ଏଞ୍ଜାରି ଏନିକ୍ ଜୀଞ୍ଜୁ

‡ ୯:୩୪ ୯:୩୪ ସିନଗର

ବେଗାଆନେରି ଅଡ଼େ ହାଡ଼େକା ବେଗାଆନେରି ଏଦାଆଁତାକି ନାନୁ ଖାହାମାଲ୍ ।”

୧୧ “ନାନୁ ନେହ୍ ଫେଣ୍ଡାୟାଁ ଗଡ଼ୁତୁଏ; ନେହ୍ ଫେଣ୍ଡାୟାଁ ଗଡ଼ୁ ଚୁଫାଣ୍ଡାୟାଁ ତାକି ତାନି ଜୀଝୁ ହୀନେସି ।”

୧୨ ଆମ୍ବାଆସି ଫେଣ୍ଡାୟାଁ ଗଡ଼ୁ ଆଏ, ଗତି ଦାଂଗ୍‌ଶେଏସି, ଜାହାରା ଫେଣ୍ଡାୟାଁ ହିଲାଇ ଏଝାସି କ୍ଲୁଝନି ଖାନାଣି ମେସାନା ଫେଣ୍ଡାୟାଁ ପିସା ହଣନେସି ଅଡ଼େ କ୍ଲୁଝନି ଖାହାନା ଏ ବାରେତି ସିନାସାତ୍ରା କିନେ,

୧୩ ଇତିହ୍ ଏଝାସି ଗତି ଦାଂଗ୍‌ଶେଏସି, ଇଞ୍ଜା ଫେଣ୍ଡାୟାଁକି ଅଣ୍ପୁ ହିଲେଏ,

୧୪ *ନାନୁ ନେହ୍ ଫେଣ୍ଡାୟାଁ ଗଡ଼ୁ ଆବା ଏନିକ୍ ନାଲେ ପୁଞ୍ଜାମାଞ୍ଜାନେସି ଅଡ଼େ ନାନୁ ଆବାଲ୍ ପୁଞ୍ଜାମାଲ୍,

୧୫ ଏନିକ୍ ଆବା ନାଲେ ପୁଞ୍ଜାମାଞ୍ଜାନେସି, ଅଡ଼େ ନାନୁ ଆବାଲ୍ ପୁଞ୍ଜାମାଲ୍, ଏଲେକିହ୍ ଏ ନାନୁ ନା ଫେଣ୍ଡାୟାଁଲ୍ ପୁଲ୍, ଅଡ଼େ ନା ଫେଣ୍ଡାୟାଁ ଜିକେଏ ନାଲେ ପୁଞ୍ଜାନୁ, ଅଡ଼େ ଫେଣ୍ଡାୟାଁ ତାକି ନାନୁ ନା ଜୀଝୁ ହୀଲ୍ ।”

୧୬ ଏମିନି ଫେଣ୍ଡାୟାଁ ଇ ମାନ୍ଦାତାଇ ଆଏ, ନା ଇଲେତି ଫେଣ୍ଡାୟାଁ ମାନୁ, ଏଝାଆଁ ଜିକେଏ ନାଲେ ତାନାୟି ଆନେ, ଅଡ଼େ ଏଝି ନା ହାଡ଼ା ତେଲ୍‌ହିନୁ; ଏମ୍ବାଟିଏ ରଣ୍ଡିଏ ମାନ୍ଦା ଅଡ଼େ ରଣ୍ଡିଏ ଗଡ଼ୁ ଆନେସି ।”

୧୭ “ନାନୁ ନା ଜୀଝୁ ହୀନାକି ଆବା ନାଲେ ଜୀଝୁ ନୟାନେସି, ଅଡ଼େ ନାନୁ ନା ଜୀଝୁ ଝେଣ୍ଡେ ଅହାକତାଲି ନାନୁ ଏଦାଆଁ ହୀଲ୍ ।”

୧୮ ନା ଜୀଝୁ ଏଟ୍‌କାତାରି ଆମ୍ବାଆରି ଅହାଲି ଆଡ଼ଅରି, ଏଦାଆଁ ନାନୁ ନା ଅଣ୍ପୁ ତଲେ ହୀଲ୍, ନା ଜୀଝୁ ହାହାଲିତାକି ଅଡ଼େ ଏଦାଆଁ ଝେଣ୍ଡେ ଅହାକତାଲି ତାକି ନା ଅଦିକାରା ମାନେ । ଇଦାଆଁ କିହାଲି ଆବା ମାହାପୁରୁ ନାଲେ ହୁକୁମି ହୀହାମାଞ୍ଜାନେସି ।”

୧୯ ଜୀଝୁତି ଇ ବାରେ କାତାତାକି ଜୀଝୁଦି ଲକୁଡାଣା ଗଡ଼ୁହା ହଡ଼େ ।”

୨୦ ଏଝାରି ବିତ୍ରାଟି ଏତରଜାଣା ଏଲେଇଚେରି, “ଏଝାଣାଲ୍ ବୁଡୁ ଆଲ୍‌ଗାମାନେ, ଏଝାସି ବାୟା ଆହାମାନେସି, ଏନାଆଁତାକି ଏଝାଣି କାତା ଝେଞ୍ଜିମାଞ୍ଜେରି ?”

୨୧ ଏଟ୍‌କାତାରି ଏଲେଇଚେରି, “ଇ ବାରେ କାତା ବୁଡୁ ଆଲ୍‌ଗାମାନାରି କାତା ଆଏ; ବୁଡୁ ଏନାଆଁ କାଣାତି କାଣକା ମେସ୍‌ପି କିହାଲି ଆଡ଼ିନେ ।”

ଜୀଝୁଲ୍ ଅପାଆଗାଚାୟି

୨୨ ଏଡିବେଲା ଜିରୁସାଲମତା ମାହାପୁରୁ ଇଲୁତି ମାହାପୁରୁ ଦରୁଟି ହେର୍‌ପିନି ପାର୍ବୁ ଆଡେ; ଏଡି ପେନିବେଲା ମାଚେ,

୨୩ ଜୀଝୁ ମାହାପୁରୁ ଇଲୁତି ସଲମନ ପିଣ୍ଡାତା ରେଜିମାଚେସି ।”

୨୪ ଏମ୍ବାଟିଏ ଜୀଝୁଦି ଲକୁ ସାରିଝାକି ମୁଚାନା ଝେଞ୍ଜାଲି ମାଟ୍‌ହେରି, “ଏତରଦିନା ପାତେକା ମା ମନତା ଆନାମାନା କିୟାଦି ? ନାନୁ କ୍ରୀସ୍ତତି ଇତିହ୍ ମାଲେ ନେହ୍ କ୍ ଝେସ୍ତାମୁ ।”

୨୫ ଜୀଝୁ ଏଝାଣାଲ୍ ଏଲେଇଚେସି, “ନାନୁ ମିଲେ ଝେସାମାଞ୍ଜାଲ୍, ସାମା ମୀରୁ ନାମିହିଲଅତେରି; ନା ଆବା ଦରୁଟି ନାନୁ ଏମିନି ବାରେ କାମା କିହିମାଲ୍, ଏ ବାରେ ନା ଝାକଟି ସାକି ହୀହିମାନେ;

୨୬ ଆଡିଜିକେଏ ମୀରୁ ନାମିହିଲଅତେରି, ଇତିହ୍ ମୀରୁ ନା ଫେଣ୍ଡାୟାଁତେରି ଆଏ ।”

୨୭ ନା ଫେଣ୍ଡାୟାଁ ନା ହାଡ଼ା ଝେନୁ ଅଡ଼େ ନାନୁ ଏଝାଆଁ ପୁଲ୍, ଅଡ଼େ ଏଝି ନା ଜେତ ଜେତ ତାକିନୁ,

୨୮ ଅଡ଼େ ନାନୁ ଏଝାସିକାକି କାଲ୍‌କାଲ୍‌ତି ଜୀଝୁ ହୀଲ୍, ଅଡ଼େ ଏଝି ଏତେଲା ଜିକେଏ ନାସା ଆଡ଼, ଆମ୍ବାଆସି ନା କେମୁଟି ଏଝାଆଁ ମୀଞ୍ଜା ଅୟଅସି ।”

୨୯ ନା ଆବା ନାଲେ ଏନାଆଁ ହୀହାମାଞ୍ଜାନେସି, ଏଡି ବାରେକିହାଁ ଦାରାଗାଟାୟି,* ଇଞ୍ଜା ଆବା ତାଣାଟି ଆମ୍ବାଆସି ମୀଞ୍ଜାଲି ଆଡ଼ଅସି ।”

୩୦ ଆବା ଅଡ଼େ ନାନୁ ରଅତମିଏ ।”

୩୧ ଜୀଝୁଦି ଲକୁ ଏଝାଣାଲ୍ ଝେଟାଲି ଅଡ଼େ ଝେଣ୍ଡେ ଝାଲ୍‌କା ତାତିହ୍ ଝାଡେରି ।”

୩୨ ଜୀଝୁ ଏଝାଣାଲ୍ ଏଲେଇଚେସି, “ନାନୁ ଆବା ତାଣାଟି ହାଡ଼େକା ନେହ୍ କାମାୟାଁ ମିଲେ ତସାମାଞ୍ଜାଲ୍; ଏ ବାରେ କାମାୟାଁ ବିତ୍ରାଟି ଏମିନି କାମାତାକି ନାଲେ ଝାଲ୍‌କା ଝେଟି ମାଞ୍ଜାଦେରି ?”

୩୩ ଜୀଝୁଦିୟାଁ ଏଝାଣାଲ୍ ଏଲେଇଚେରି, “ନେହ୍ କାମାତାକି ନିଲେ ଝାଲ୍‌କା ଝେଟିମାଞ୍ଜଅମି, ସାମା ମାହାପୁରୁ ନିନ୍ଦା କିହିମାନାକି, ନାନୁ ମାଣ୍‌ସି ଆହାନା ମାହାପୁରୁତେଏଁ ଇଞ୍ଜିମାନାକି ।”

୩୪ ଜୀଝୁ ଏଝାଣାଲ୍ ଏଲେଇଚେସି, “ମୀ ମସା ମେରାତା ରାସ୍‌କି ଆହାହିଲେଏ, ନାନୁ ଏଲେଇଞ୍ଜାତେଏଁ ‘ମୀରୁ ମାହାପୁରୁୟାଁତେରି ।’

୩୫ ଆମ୍ବାଆରି ତାଣା ମାହାପୁରୁତି ବଲୁ ତଞ୍ଜାଆଡେ, ଏଝାରି ମାହାପୁରୁୟାଁ ଇତିହ୍ ଦାମ୍‌ ସାସ୍ତେରି ଉଜେଏ କିହାଲି ଆଡ଼ଅସି,

୩୬ ଆବା ମାହାପୁରୁ ନାଲେ ସୁଦୁ କିହାନା ଦାର୍‌ତିତା ପାଣ୍ଡାମାଞ୍ଜାନେସି । ଇଞ୍ଜା ନାନୁ ନାଲେ ମାହାପୁରୁ ମୀରଏଣାତେଏଁ ଇଞ୍ଜିମାନାକି ମାହାପୁରୁ

* ୧୦:୧୪ ୧୦:୧୪ ମାତି ୧୧:୨୭; ଲୁକ ୧୦:୨୨ * ୧୦:୨୯ ୧୦:୨୯ ଆବା ନାଲେ ଏନାଆଁ ହୀହାମାଞ୍ଜାନେସି, ଏଡି ବାରେକିହାଁ ଦାରାଗାଟାୟି, ଇଦାଣି ଅର୍ତ୍ତ ଆମିନି ଆବା ନାଲେ ଇ ଲକୁଲ୍ ହୀହାମାଞ୍ଜାନେସି, ଏଝାସି ଏଝାରି କିହାଁ କାକାସି ।”

ନିନ୍ଦା କିହିମାଞ୍ଜି ଇଞ୍ଜି ଏନିକି ଏଲେଇଞ୍ଜି ମାଞ୍ଜାଦେରି ?

୩୭ ନାନୁ ନା ଆବାତି ବାରେ କାମା କିହା ହିଲାଆତିହି ନାଞ୍ଜେ ନାମାଆଦୁ;

୩୮ ସାମା ନାନୁ କିହିମାଇଁ, ଆତିହି ମୀରୁ ନାଞ୍ଜେ ନାମି ମାଞ୍ଜଅତେରି, ଆତିଜିକେଏ ଆବା ନା ତାଣା ମାନେସି ଅଡ଼େ ନାନୁ ଆବା ତାଣା ମାଇଁ, ଇଦାଆଁ ମୀରୁ ଏନିକି ପୁଞ୍ଜେରି ଅଡ଼େ ତେଲହିଦେରି, ଇଦାଆଁତାକି ବାରେ କାମାତି ନାମାଦୁ ।”

୩୯ ଏମ୍ବାଟିଏ ଏଞ୍ଜାରି ଜୀସୁଇଁ ଆସାଲି ଅଣ୍ଡପିତେରି, ସାମା ଏଞ୍ଜାସି ଏଞ୍ଜାରି କେୟୁତା ହେରପି ଆଆନା ଏମ୍ବାଟି ହଡ଼ାହାରେସି ।

୪୦ ☆ଏମ୍ବାଟି ଏଞ୍ଜାସି ଅଡ଼େ ଖେଶ୍ଟେ ଜର୍ଦନ ଆତାଲା ହାଜାନା, ତଲି ଜହନ ଏମିନି ଟାୟୁତା ବାପ୍ତିସ୍ତା ହାହିମାରେସି, ଏ ଟାୟୁତା ଖାହାନା ଡ଼ୟିତେସି ।

୪୧ ଅଡ଼େ ହାରେକା ଲକୁ ଏଞ୍ଜାଣି ତାଣା ଖାହାନା ଏଲେଇରେସି, “ଜହନ ଏନି କାବାଆନି କାମା କିଆତେସି, ସାମା ଇ ମାଣ୍ଡସି କାତା ଜହନ ଏନା ଏନାଆଁ ଖେସାମାରେସି, ଏ ବାରେ ସାତା ।”

୪୨ ଏମ୍ବାଆଁ ହାରେକା ଲକୁ ଏଞ୍ଜାଣି ତାଣା ନାମିତେରି ।

୧୧

ଲାଜର ହାନାୟି

୧ ☆ବେତନିୟାତି ଲାଜର ଦରୁଗାଟାସି ରଅସି ନଫେରି ଆହାମାରେସି; ତାମି ତାଜିସ୍ତା ମରିୟମ ଅଡ଼େ ମାର୍ତ୍ତା ଏ ନାୟୁତା ଡ଼ୟିମାତୁ ।

୨ ☆ଏମିନି ଇୟା ପ୍ରବୁଇଁ ନିୟୁଁ ଖାକ୍‌ହାନା ତାନି ତାୟୁଁ ବାଣାୟାଁ ତଲେ ଏଞ୍ଜାଣି ପାଃଆନାୟାଁ କେଜା ମାରେ, ଇଦି ଏ ମରିୟମ; ତାମି ତାୟି ଲାଜର ନଫେରି ଆହାମାରେସି ।

୩ ଏଦାଆଁତାକି ଏ ତାଜିସ୍ତା ଜୀସୁ ତାଣା କାରୁ ପାଣ୍ଡିତୁ, “ପ୍ରବୁ, ନାନୁ ଆମ୍ବାଆରାଇଁ ଜୀସୁ ନହିଁ ମାଞ୍ଜି ଏଞ୍ଜାସି ନଫେରି ଆହାମାନେସି ।”

୪ ସାମା ଜୀସୁ ଇ କାତା ଖେଞ୍ଜାନା ଏଲେଇରେସି, “ଇ ନଫେରି ହାହାଲି ତାକି ଆଏ, ସାମା ମାହାପୁରୁତି ଗାଞ୍ଜୁରମି ତାକି, ଏନିକି ଏମ୍ବାଟି ମାହାପୁରୁତି ମୀରୁଏସି ଗାଞ୍ଜୁରମି ବେଟା ଆନେସି ।”

୫ ଜୀସୁ ମାର୍ତ୍ତା, ତାନି ତାଜି ମରିୟମଇଁ ଅଡ଼େ ଲାଜରଇଁ ଜୀସୁ ନହିଁ ମାରେସି ।

୬ ଏଡ଼େତା ଏଞ୍ଜାସି ନଫେରି ଆହାମାନେସି ଇଞ୍ଜି ଖେରେସି, ଏଡ଼େତା ଏଞ୍ଜାସି ଏମିନିତାଣା ମାରେସି, ଏ ଟାୟୁତା ରୀ ଦିନା ଡ଼ୟିତେସି ।

୭ ଏରେଟିଏ ଏଞ୍ଜାସି ସୀସୁୟାଁଇଁ ଏଲେଇରେସି, “ଜାଦୁ ମାରୁ ଖେଶ୍ଟେ ଜୀହୁଦା ରାଜିତା ହାନ ।”

୮ ସୀସୁୟାଁ ଏଞ୍ଜାଣାଇଁ ଏଲେଇରେସି, “ଏ ଗୁରୁ ଜୀହୁଦିୟାଁ ନୀଏଁ ନିଞ୍ଜେ ଖାଲକାତଲେ ଖେଟାଲି ଅଣ୍ଡପି ମାଞ୍ଜାତେରି, ଅଡ଼େ ଖେଶ୍ଟେ ନାନୁ ଏମ୍ବାଆଁ ହାଜିମାଞ୍ଜି ?”

୯ ଜୀସୁ ଏଲେଇରେସି, “ଦିନାତାକି ବାରୁ ଗଂଟା ହିଲେଏ ? ଆମ୍ବାଆସି ମାଦେନା ତାକିସାରେ ପୁଟିକିଅସି, ଇତିହି ଏଞ୍ଜାସି ଦାରୁତିତି ଉଜେଡ଼ି;

୧୦ ସାମା ଲାଆଁୟାଁ ତାକିସାରେ ଏଞ୍ଜାସି ପୁଟିକିନେସି, ଇତିହି ଏଞ୍ଜାଣି ହିୟାତା ଉଜେଡ଼ି ହିଲେଏ ।”

୧୧ ଇ ବାରେ କାତା ଖେସ୍ତି ତାୟୁ ଏଞ୍ଜାରାଇଁ ଅଡ଼େ ଏଲେଇରେସି, “ମା ତଡ଼େ ଲାଜର ଇଦା କିହାମାନେସି, ସାମା ଏଞ୍ଜାଣାଇଁ ଇଦାଟି ନିକ୍‌ହାଲି ନାନୁ ହାଜିମାଇଁ ।”

୧୨ ଏମ୍ବାଟିଏ ସୀସୁୟାଁ ଏଞ୍ଜାଣାଇଁ ଏଲେଇରେସି, “ପ୍ରବୁ ଏଞ୍ଜାସି ତୁରାନା ଇଦା କିହାମାଟିହିଁ ନେହିଁ ଆନେସି ।”

୧୩ ଜୀସୁ ଲାଜର ହାହାମାନାକି ଏ କାତା ଏଲେଇରେସି, ସାମା ଏଞ୍ଜାଣି ଇଦା କିହାମାନି କାତା ଖେସ୍ତାତେସି ଇଞ୍ଜି ଅଣ୍ଡପିମାରେସି ।

୧୪ ଏଟିବେଲା ଜୀସୁ ତୀରେତଲେ ଏଲେଇରେସି, “ଲାଜର ହାହାମାନେସି;

୧୫ ଅଡ଼େ ନାନୁ ଏମ୍ବାଆଁ ହିଲାଆତେଏଁ, ଏଦାଆଁତାକି ମୀ ତାକି ରାହାଁ କିହିମାଇଁ, ଏନିକି ମୀରୁ ନାମିଦେରି; ସାମା ଜାଦୁ ମାରୁ ଏଞ୍ଜାଣି ତାଣା ହାନ ।”

୧୬ ଏମ୍ବାଟିଏ ତମା, ଆମ୍ବାଆରାଇଁ ଦିଦୁମ ଇଞ୍ଜି ଇନେରି, ଏଞ୍ଜାସି ତାମି ତଡ଼େ ସୀସୁୟାଁଇଁ ଏଲେଇରେସି, “ଜାଦୁ, ମାରୁ ଜିକେଏ ହାଜାନା ଏଞ୍ଜାଣିତଲେ ହାନ ।”

ଜୀସୁଏ ଖେଶ୍ଟେ ନିଜିନାସି ଅଡ଼େ ଜୀସୁ

୧୭ ଜୀସୁ ବେତନିୟାତା ଏଜାନା ଖେରେସି, ଏଞ୍ଜାସି ସାରି ଦିନା ଆଡ଼େସି ମାହାଣି ମାଣ୍ଡାତା ଇଟାମାନେରି ।

୧୮ ବେତନିୟା ଜିରୁସାଲମଟି ରୀ କିଲମିଟର ହେକ ମାରେ,

୧୯ ଅଡ଼େ ଜୀହୁଦିୟାଁ ବିତ୍ରାଟି ହାରେକା ମାର୍ତ୍ତା ଇଞ୍ଜା ମରିୟମଇଁ ତାମି ତାୟିତି ଦୁକୁ ତୁକ୍‌ହାଲି ଏମ୍ବାଆଁ ଖାହାମାରେସି ।

୨୦ ଜୀସୁ ଖାହିମାନେସି ଇଞ୍ଜି ଏଡ଼େତା ମାର୍ତ୍ତା ଖେରେ, ଏଡ଼େତା ମାର୍ତ୍ତା ଏଞ୍ଜାଣାଇଁ ବେଟାଆୟାଲି ହାରେ, ସାମା ମରିୟମ ଇଜ କୁଗାନା ଡ଼ୟିତେ ।

୨୧ ମାର୍ତ୍ତା ଜୀସୁଇଁ ଏଲେଇରେ, “ପ୍ରବୁ ନାନୁ ଇମ୍ବାଆଁ ମାଟିହିଁ ମା, ନା ତାୟି ହାଆତେସିମା,

☆ ୧୦:୪୦ ୧୦:୪୦ ଜହ ୧:୨୮ † ୧୦:୪୦ ୧୦:୪୦ ମୁଞ୍ଜିନାୟି ☆ ୧୧:୧ ୧୧:୧ ଲୁକ ୧୦:୩୮,୩୯ ☆ ୧୧:୨ ୧୧:୨ ଜହ ୧୨:୩

୨୨ ସାମା ନୀନୁ ମାହାପୁରୁଙ୍କ ଏନାଆଁ ରୀହୁଦି, ମାହାପୁରୁ ନିଙ୍ଗେ ଏଦାଆଁ ହିୟାନେସି, ଏଦାଆଁ ନୀଏଁ ଜିକେଏ ପୁଞ୍ଜାମାଙ୍କୁ □

୨୩ ଜୀସୁ ଏଦାନି ଏଲେଇରେସି, “ନୀ ତାୟି ଅଡ଼େ ଖେଣ୍ଡେ ନିଙ୍ଗନେସି □”

୨୪ “ମାର୍ତୀ ଜୀସୁଙ୍କୁ ଏଲେଇରେ, ଏଞ୍ଜାସି ତାୟି ଖେଣ୍ଡେ ନିଙ୍ଗନି ଦିନାତା ନିଙ୍ଗନେସି, ଇଦାଆଁ ନୀନୁ ପୁଞ୍ଜାମାଙ୍କୁ □”

୨୫ ଜୀସୁ ଏଦାନି ଏଲେଇରେସି, “ନୀନୁ ଖେଣ୍ଡେ ନିଙ୍ଗନାତେଏଁ ଅଡ଼େ ଜୀସୁତେଏଁ; ଆମ୍ବାଆସି ନାଙ୍ଗେ ନାମାନେସି, ଏଞ୍ଜାସି ହାଡ଼ି ଜିକେଏ ନୀଡ଼ିନେସି,

୨୬ ଆମ୍ବାଆସି ନୀଡ଼ିନେସି ଅଡ଼େ ନାମିନେସି, ଏଞ୍ଜାସି ଏରେଲା ଜିକେଏ ହାଅସି; ଇ କାତା ନାମିମାଞ୍ଜି ?”

୨୭ ମାର୍ତୀ ଏଲେଇରେ, “ଏ ପ୍ରବୁ ଆମ୍ବାଆସି ଦାରତିତା ଖାନାୟି ମାରେ, ନୀନୁ ଏ କ୍ରୀସୁ ମାହାପୁରୁ ମୀରଏଣାତି, ଇ କାତା ନାମିମାଙ୍କୁ □”

ଜୀସୁ ଡ଼ାତେସି

୨୮ ଇ କାତା ଖେସାନା ମାର୍ତୀ ହାଜାନା ତାନି ତାଙ୍ଗି ମରିୟମଙ୍କୁ ଏଡ଼କା ହାଡ଼ାନା ଏଲେଇରେ, “ଗୁରୁ ଖାଡ଼େସିଏ ନିଙ୍ଗେ ପାରିମାଞ୍ଜାନେସି □”

୨୯ ମରିୟମ ଇ କାତା ଖେଞ୍ଜାନା ଦାପେ ନିଙ୍ଗାନା ଏଞ୍ଜାଣି ତାଣା ହାରେ □

୩୦ ଏଚିରେଲା ଜୀସୁ ନାୟୁଁ ବିତ୍ତା ଖାହାହିଲାଆଡ଼େସି, ସାମା ମାର୍ତୀ ଏଞ୍ଜାଣାଙ୍କୁ ଏମିନି ଚାୟୁତା ବେଟାଆହାମାରେ, ଏଚେପାଡେକା ଏ ଚାୟୁତେଏ ମାରେସି □

୩୧ ଏମିନି ଜୀହୁଦିୟାଁ ଏଦାନିତଲେ ଏ ଇଲୁତା ଦୁକୁ ଡ଼କହିମାରେରି, ଏଞ୍ଜାରି ମରିୟମ ଦାପେ ନିଙ୍ଗାନା ପାଙ୍ଗାତା ହାଚାଣି ମେସାନା, ଏଡ଼ି ମାହୁଣି ମାଣ୍ଡାତା ଡ଼ାହାଲି ହାଜିମାନେ, ଇ କାତା ଅଣ୍ପାନା ଏଦାନି ଜେଚ ଜେଚ ହାରେରି □

୩୨ ଏମ୍ବାଟିଏ ଜୀସୁ ଏମିନି ଚାୟୁତା ମାରେସି, ମରିୟମ ଏ ଚାୟୁତା ହାଜାନା ଏଞ୍ଜାଣାଙ୍କୁ ମେସାନା ଏଞ୍ଜାଣି କତାୟାଁ ଡ଼ଇ ରିହାନା ଏଲେଇରେ, “ପ୍ରବୁ ନୀନୁ ଇମ୍ବାଆଁ ମାଚିହିଁ ମା ନା ତାୟି ହାଆଡେସିମା □”

୩୩ ଜୀସୁ ମରିୟମ ଅଡ଼େ ତାନିତଲେ ଖାହାମାନି ଜୀହୁଦି ଲକୁ ଡ଼ାହିମାନାଣି ମେସାନା ଜୀସୁତା ହାରେକା ଦୁକୁ ଆହାନା ଖେରେସି,

୩୪ “ଏଞ୍ଜାଣାଙ୍କୁ ଆମ୍ବିୟା ଇଟାମାଞ୍ଜେରି ?” ଏଞ୍ଜାରି ଏଲେଇରେରି, “ପ୍ରବୁ, ଖାହାନା ସିନିକିମୁ ?”

୩୫ ଜୀସୁ ଡ଼ାତେସି □

୩୬ ଏଚେଟିଏ ଜୀହୁଦି ଲକୁ ଏଲେଇଣ୍ଡି ଆଡେରି, “ଏଞ୍ଜାସି ଏଞ୍ଜାଣାଙ୍କୁ ଏଚେକା ଜୀସୁ ନହିଁ ମାରେସି □”

୩୭ ସାମା ଏଞ୍ଜାରି ବିତ୍ତାଟି ଏଚରଜାଣା ଏଲେଇରେରି, “ଇ ମାଣ୍ଡିଏ ଏ କାଣାଙ୍କୁ ମେସପି କିହାମାରେସି, ଏଞ୍ଜାସି ଇଞ୍ଜାଣାଙ୍କୁ ହାକିଟି ଗେଲ୍ପାଲି ଆଡ଼ିଡେସିମା ?”

ହାଡ଼ି ଲାଜରଙ୍କୁ ଜୀସୁ ହାନାୟି

୩୮ ଏମ୍ବାଟିଏ ଜୀସୁ ଦୁକୁ ଆହାନା ମାହୁଣି ମାଣ୍ଡା ତାଗେ ଖାଡ଼େସି; ଏଡ଼ି ର ପାଖୁ ମାରେ, ଇଞ୍ଜା ପାଖୁ ଦୁଞ୍ଜେରିତା ର କାଜା ଖାଲି ମାରେ □

୩୯ ଜୀସୁ ଏଲେଇରେସି, “ଇ ଖାଲି ଗୁଟି କିଦୁ □” ହାଡ଼ାଣି ତାଙ୍ଗି ମାର୍ତୀ ଏଲେଇରେ, “ପ୍ରବୁ, ଏଞ୍ଜାସି ଗାନ୍ଦା ଆହାହାରେସିଏ, ଇଚିହିଁ ହାହାନା ସାରି ଦିନା ଆଡ଼େସିଏ □”

୪୦ ଜୀସୁ ଏଦାନି ଏଲେଇରେସି, “ନୀନୁ ନାମିଦି, ଆଡ଼ିହିଁ ମାହାପୁରୁଟି ଗାଧୁରମି ମେହୁଦି, ଇ କାତା ନୀନୁ ନିଙ୍ଗେ ଖେସାମାଞ୍ଜାଆଡେଏଁ ?”

୪୧ ଅଡ଼େ ଏଞ୍ଜାରି ଖାଲି ଗୁଟି କିଡେରି □ ଅଡ଼େ ଜୀସୁ ଲାକଖାକି ସିନିକିହାନା ଏଲେଇରେସି, “ଆବା ନା ପ୍ରାତାନା ଖେଟି ଇଞ୍ଜାଁ ନୀନୁ ନିଙ୍ଗେ ଜହରା କିହିମାଞ୍ଜାଙ୍କୁ □

୪୨ ନୀନୁ କାଲେଏ ନା ପ୍ରାତାନା ଖେଞ୍ଜିମାଞ୍ଜି, ଇ କାତା ନୀନୁ ପୁଞ୍ଜାମାଙ୍କୁ; ସାମା ଏମିନି ଲକୁ ସାରିସୁଟୁ ନିଚାମାନେରି, ନୀନୁ ନାଙ୍ଗେ ପାଣ୍ଡାମାଞ୍ଜାଦି ଇଞ୍ଜାଁ ଏଞ୍ଜାରି ଏନିକିଁ ନାମିନେରି, ଏଦାଆଁତାକି ଏଞ୍ଜାରି ତାକି ନୀନୁ ଏଲେଇରେଏଁ □”

୪୩ ଏଞ୍ଜାସି ଏଲେଇଞ୍ଜାନା କାଜା ଗିୟାତଲେ ଏଲେଇରେସି, “ଲାଜର ପାଙ୍ଗାତା ହଡ଼ା ଖାମୁ □”

୪୪ ଦେବୁଣିଏ ଲାଜର ପାଙ୍ଗାତା ହଡ଼ାଖାଡ଼େସି; ତାନି କେସ୍ତା କଡ଼ାଣା ମାହୁଣି ମାଣ୍ଡାତି ହିମ୍ବୁରିକା ତଲେ ରୁପି ଆହାମାଚୁ, ଇଞ୍ଜାଁ ତାନି ମୁମ୍ବୁତୁ ଇଚାୟି ପାସକି ପିଡ଼ିଗିଞ୍ଜି ଆହାମାରେ □ ଜୀସୁ ଏଞ୍ଜାରିଙ୍କୁ ଏଲେଇରେସି, “ହିମ୍ବୁରିକା ହୁକ୍‌ଦୁ ଏଞ୍ଜାସି ତାକାପେସି □”

ଜୀସୁଙ୍କୁ ପାୟାଲି ପାରୁ ପାରିନାୟି

(ମାତି ୨୭:୧-୫; ମାର୍କ ୧୪:୧,୨; ଲୁକ ୨୨:୧,୨)

୪୫ ହାଡ଼େକା ଜୀହୁଦି ଲକୁ, ଇଚିହିଁ ଆମ୍ବାଆରି ମରିୟମ ତାଣା ଖାହାମାରେରି ଅଡ଼େ ଜୀସୁଟି କାମା ମେସାମାରେରି, ଏଞ୍ଜାରି ଏଞ୍ଜାଣାଙ୍କୁ ନାମିତେରି □

୪୬ ଅଡ଼େ ଏଞ୍ଜାରି ବିତ୍ତାଟି ଆମ୍ବା ଆମ୍ବାଆରି ପାରୁସିୟାଁ ତାଣା ହାଜାନା ଜୀସୁ ଏନା ଏନାଆଁ କିହାମାରେସି ଏ ବାରେ ଏଞ୍ଜାରିଙ୍କୁ ଖେସ୍ପେରି □

୪୭ ଇ କାତା ଖେଞ୍ଜାନା ପାରୁସିୟାଁ ଅଡ଼େ କାଜା ପୂଜେରାଙ୍ଗା କାଜା ବେରଣିମାଣ୍ଡାତା ଏଲେଇରେରି, “ମାର ଏନି କିନାୟି ଇ ମାଣ୍ଡିଏ ହାରେକା କାବାଆନି କାମାୟାଁ କିହିମାନେସି □

୪୮ ମାର ଏଞ୍ଜାଣାଙ୍କୁ ଏଲେକିହିଁ ପିସିହିଁ ବାରେ ଲକୁ ଏଞ୍ଜାଣି ତାଣା ନାମିନେରି, ଅଡ଼େ

ରମିୟ ଲକ୍ଷ୍ମୀ ଖାହାନା ଇ ଟାୟୁ କୁଡ଼ା ବାରେଡ଼ି ନାସା କିନେରି □”

୪୯ ସାମା ଏଞ୍ଜାରି ବିତ୍ରାଟି ର କାଜା ପୂଜେରା, ଇଚିହଁ କୟାପା ଏ ବାର୍ଯାତି କାଜା ପୂଜେରା ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ପୁଞ୍ଜାହିଲଅତେରି ?

୫୦ ବାରେ କୁଡ଼ାତାରି ନାସା ଆନି କିହଁ ବାରେ ଲକ୍ଷ୍ମୀ ତାକି ରଅସି ହାନାୟି ମିଙ୍ଗେ ତାକି ନେହେଁ, ଇଦାଆଁ ମୀରୁ ଅଣ୍ପି ହିଲଅତେରି □”

୫୧ ଏଞ୍ଜାସି ତାନିତାଣାଟି ଏଲେଇଞ୍ଜା ହିଲଆତେସି, ସାମା ଏଞ୍ଜାସି ଏ ବାର୍ଯାତି କାଜା ପୂଜେରା ମାଟାକି ଇ ଟାୟୁ ଆନି କାତା ତାନି ଗୁଡ଼ିଟି ହଟାମାଟେ, ଜୀସୁ ଏ କୁଡ଼ାତି ଲକ୍ଷ୍ମୀ ତାକି,

୫୨ ଅଡ଼େ ଖାରଇ ଏ କୁଡ଼ା ତାକି ଆଏ, ସାମା ମାହାପୁରୁତି ଇତାଲା ଆତାଲା ଆହାମାନି ମୀରକାଣି ଜିକେଏ କୁଡ଼ି କିହାନା ରଣ୍ଡିଏ କିହାଲିତାକି ହାହାଲି ହାଜିମାନେସି, ଇଦାଆଁତାକି ଇ କାତା ଖେକହେସି □

୫୩ ଇଞ୍ଜା ଏ ଦିନାଟିଏ ଏଞ୍ଜାଣାଇଁ ପାୟାଲି ତାକି ପାରୁ ପାରିତେରି □

୫୪ ଏଦାଆଁତାକି ଜୀସୁ ଜୀହୁଦି ଲକ୍ଷ୍ମୀ ବିତ୍ରା ପାଞ୍ଜାଖେଙ୍ଗେ ରେଆତେସି, ସାମା ଏଞ୍ଜାସି ଏ ଟାୟୁଟି ହଟା ହାଜାନା ଲକ୍ଷ୍ମୀ ହିଲଆ ଟାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡ଼ାତା ହାଚେସି, ଅଡ଼େ ସୀସୁୟାଁ ତଲେ ଏମ୍ବାଆଁ ଡ଼ୟିତେସି □

୫୫ ଏଚିବେଲା ଜୀହୁଦି ଲକ୍ଷ୍ମୀ ପିସ୍ପିଆନି ପାରୁ ଡାଗେ ମାଟେ, ଅଡ଼େ ନାସ୍‌କାଟି ହାରେକା ଲକ୍ଷ୍ମୀ ଜାହାରାଇଁ ଅଟହା କତାଲି ପିସ୍ପିଆନି ପାରୁ ନକେଏ ଜିରୁସାଲମତା ହାଚେରି □

୫୬ ଏମ୍ବାଟିଏ ଏଞ୍ଜାରି ଜୀସୁଇଁ ପାରି ପାରିହଁ ମାହାପୁରୁ ଇଲୁତା ନିଟାମାଟାଟି ତାମ୍ବୁ ତାମ୍ବୁ ଏଲେଇଣ୍ଡି ଆଡ଼େରି, “ମୀରୁ ଏନାଆଁ ଅଣ୍ପିମାଞ୍ଜେରି ? ଏଞ୍ଜାସି କି ପାରୁତା ଖାଅସି ?”

୫୭ କାଜା ପୂଜେରାଞ୍ଜା ଅଡ଼େ ପାରୁସିୟାଁ ଏଞ୍ଜାଣାଇଁ ଆସାଲି ତାକି, ଏଞ୍ଜାସି ଏମ୍ବିୟା ମାନେସି, ଇ କାତା ଆମ୍ବାଆସି ପୁଞ୍ଜାମାନେସି, ଏ କାତା ଖେସାଲି ତାକି ହୁକୁମି ହୀହାମାଟେରି □

୧୨

**ଜୀସୁଇଁ ନିୟୁଁ ରୁବିନାୟି
(ମାତି ୨୬:୬-୧୩; ମାର୍କ ୧୪:୩-୯)**

୧ ଏମ୍ବାଟିଏ ଜୀସୁ ପିସ୍ପିଆନି ପାରୁତି ସ ଦିନା ନକେଏ ବେତନିୟାତା ଖାଡ଼େସି; ଏମିନି ଲାଜରଇଁ ହାଡ଼ାରି ତାଣାଟି ନିକହା ମାଟେସି, ଏଞ୍ଜାସି ଏ ଟାୟୁତା ମାଟେସି □

☆ ୧୨:୩ ୧୨:୩ ଲୁକ ୭:୩୭,୩୮

୨ ଏଦାଆଁତାକି ଏଞ୍ଜାରି ଏଞ୍ଜାଣାକି ଏ ଟାୟୁତା ଲାଆଁୟାଁ ର ବଜି କିତେରି; ମାର୍ତ୍ତା ବାଟି କିହିମାଟେ, ଅଡ଼େ ଆମିନି ଗାଟାରି ଏଞ୍ଜାଣିତଲେ ତିଞ୍ଜାଲି କୁଗାମାଟେରି, ଲାଜର ଏଞ୍ଜାରି ବିତ୍ରାଟି ରଅସି ମାଟେସି □

୩ ☆ଏଚିବେଲା ମରିୟମ ଆଦା ଗାଜୁ ଗାନ୍ଦା ନିୟୁଁ ତାତାନା ଜୀସୁ କତାଣା ରୁବାନା ତାନି ତାୟୁଁ ବାଣାୟାଁ ତଲେ ତାନି କଡ଼ାଣି ଜେଡେ, ଅଡ଼େ ବାରେ ଇଲୁତା ନିୟୁଁ ଗାନ୍ଦା ଆଡେ □

୪ ସାମା ତାନି ସୀସୁୟାଁ ବିତ୍ରାଟି ଇସ୍ପାରିୟତ ଜୀହୁଦା ଆମିନି ସୀସୁ ଜୀସୁଇଁ ସାତୁୟାଁ କେନ୍ଦୁତା ହେରପାଲି ହାଜିମାଟେସି, ଏଞ୍ଜାସି ଏଲେଇଚେସି,

୫ “ଇ ନିୟୁଁ ତାନି ଖାଞ୍ଜା ଟାକାୟାଁ ତାକି ପାରୁପି ଆହାନା ଏନାଆଁତାକି କାକୁଲି ଗାଟାରାକି ହୀପକି ଆଆଡେ ?”

୬ ଏଞ୍ଜାସି କାକୁଲି ଗାଟାରାଇଁ ଅଣ୍ପିମାଟେସି ଇଞ୍ଜା ଏଲେଇଚେସି, ଏଦି ଆଏ, ସାମା ଏଞ୍ଜାସି ର ସରୁ ଅଡ଼େ ଏଞ୍ଜାଣି ତାଣା ଟାକାୟାଁ ମଣା ମାଟାକି, ଏମ୍ବାଆଁ ଏନା ଏନାଆଁ ଇଚ୍ଚି ଆହିମାଟେ, ଏଦାଆଁ ସରୁ କିହିମାଟେସି □

୭ ସାମା ଜୀସୁ ଏଲେଇଚେସି, “ଇଦାଆଁ ପିହୁଦୁ, ଏନିକଁ ନା ମାଡ଼ହା ମୁହନି ଦିନାତାକି ଏଦି ଏଦାଆଁ ଇଟାଲି ଆଡ଼ିନେ □

୮ କାକୁଲି ଗାଟାରି ବାରେଦିନା ମୀ ତାଣା ମାନେରି, ସାମା ନାନୁ ବାରେବେଲା ମୀ ତଲେ ମାନଅଁ □”

ଲାଜର କପାଟି ପାରୁ ପାରିନାୟି

୯ ଏଚେଟିଏ ହାରେକା ଜୀହୁଦି ଲକ୍ଷ୍ମୀ ଏଞ୍ଜାସି ଏମ୍ବାଆଁ ମାନେସି ଇଞ୍ଜା ପୁଞ୍ଜାନା ଖାରଇ ଜୀସୁ ତାକି ଆଏ, ସାମା ଏମିନି ଲାଜରଇଁ ଏଞ୍ଜାସି ହାକିଟି ନିକହା ମାଟେସି, ଏଞ୍ଜାଣାଇଁ ମେସାଲି ଖାଡ଼େରି □

୧୦ ସାମା ଲାଜରଇଁ ଜିକେଏ ପାୟାଲି କାଜା ପୂଜେରାଞ୍ଜା ପାରୁ ପାରିତେରି,

୧୧ ଇଚିହଁ ଏଞ୍ଜାଣି ତାକି ଜୀହୁଦିୟାଁ ବିତ୍ରାଟି ହାରେକା ହାଜାନା ଜୀସୁ ତାଣା ନାମି ମାଟେରି □

ଜୀସୁ ଜିରୁସାଲମତା ରାହାଁଟି ହଡ଼ନାୟି

(ମାତି ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତାନି ଅର ଦିନା ପାରୁତା ଖାହାମାନି ହାରେକା ଲକ୍ଷ୍ମୀ ଜୀସୁ ଜିରୁସାଲମତା ଖାହାମାନେସି ଇଞ୍ଜା ଖେଚେରି

୧୩ ଇଞ୍ଜା କାଜୁରି ମାଟାୟାଁ ଆସାନା ଜୀସୁଇଁ ବେଟାଆହାଲି ଖାଡ଼େରି ଅଡ଼େ କାଜା ଗିୟାତଲେ ଏଲେଇଚେରି, “ହସାନା □ ପ୍ରବୁତି ଦରୁତଲେ ଆମ୍ବାଆସି ଖାହିମାନେସି, ଏଞ୍ଜାସି ନେହେଁ;

ଇସ୍ରାୟେଲି ରାଜାଙ୍କ ମାହାପୁରୁ ବର ହାପାସି
□”

୧୪ ଜୀସୁ ର ଗାଡ଼ୁଦେ ତାଲୁ ଲାକ କୁଗାନା
ଝାହିମାଚେସି, ଏନିକି ରାସ୍ତାକି ଆହାମାନେ,

୧୫ “ଆକେ ସିୟନତି ମାସ୍କା, ଆଜାଆଦୁ
ମେହ୍ତୁ ମୀ ରାଜା ଝାହିମାନେସି,

ଏଝାସି ଗାଡ଼ୁଦେ ତାଲୁ ଲାକ କୁଗାନା
ଝାହିମାନେସି □”

୧୬ ଏଚିବେଲା ସୀସୁୟାଁ ଏଦାନି କାତା ପୁଞ୍ଜାଲି
ଆଡାଆତେରି, ସାମା ଜୀସୁ ଗାଝୁରମିତି ଖେଣ୍ଡେ
ନିଙ୍ଗାଲିଏ ଏଝାରି ଅଣ୍ଟପୁତା ଝାଡେ, ଇ ବାରେ
କାତା ସାଫୁରିତା ରାସ୍ତାକି ଆହାମାନେ, ଇତିହ
ଏଲେକିହ ଏ ଏଝାରି କାମା କିହାମାଚେରି □

୧୭ ଜୀସୁ ହାଡ଼ି ଲାଜରଇଁ ମାହ୍ଣି ମାଣ୍ଡାଟି
ହାଟାନା ନିକହାମାଟି ବେଲାତା ଏମିନିଗାଟାରି
ଏଝାଣିତଲେ ମାଚେରି, ଏଝାରି ଇ ବାରେ କାତା
ସାରିଝାକି ଝେକହା ମାଚେରି □

୧୮ ଇଦାଆଁତାକି ଲକୁ ବାରେ ଏଝାଣାଇଁ
ବେଟାଆହାଲି ହାଜାମାଚେରି, ଅଡେ ଏଝାସି
ଇ କାବାଆନି କାମା କିହାମାଚେସି ଇଞ୍ଜ
ଝେଞ୍ଜାମାଚେରି □

୧୯ ଇଦାଆଁ ମେସାନା ପାରୁସିୟାଁ ତାମି ବିତ୍ରା
କାତା ଆଡେରି, “ମେସିମାଞ୍ଜେରି ମାର ଏନାଆଁ
କିହାଲି ଆଡ଼ିହିଲାଆୟି; ଦାର୍ତତି ବାରେ ଲକୁ
ଏଝାଣି କେଚ ହାଜିମାନେରି □”

ଏଚେକା ଗ୍ରକ ଲକୁ ଜୀସୁଇଁ ପାରିନାୟି

୨୦ ପାରୁଁ ବେଲାତା ପ୍ରାତାନା କିହାଲି
ଜିରୁସାଲମତା ଝାହାମାନି ଲକୁ ବିତ୍ରା ଏଚେକା ଗ୍ରକ
ଲକୁ ମାଚେରି □

୨୧ ଏଝାରି ଗାଲିଲିତି ବେଡ଼ସାୟିଦାତି ପିଲିପ
ତାଣା ଝାହାନା ବାଡ଼ିମାଲିହ ଏଲେଇଚେରି,
“ବାଗୁ, ମାମ୍ ଜୀସୁଇଁ ମେସାଲି ଅଣ୍ଟପାନମି □”

୨୨ ପିଲିପ ହାଜାନା ଆନ୍ଦିୟଇଁ କାରୁ ହାତେସି
ଅଡେ ରିଆରି ହାଜାନା ଜୀସୁଇଁ ଝେସ୍ତେରି □

୨୩ ଜୀସୁ ଏଝାରାଇଁ ଏଲେଇଚେସି, “ମାଣ୍ଡସି
ମୀରଏସି ଗାଝୁରମି ଆନି ବେଲା ଝାହାମାନେ □

୨୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ ଗହଁ
ପାଡ଼େୟି ବୁମିତା ରିହାନା ହାନ୍ତି ପାଡେକା ଏଡ଼ି
ରଣ୍ଡିଏ ପାଡ଼େୟି ଆହାନା ଡ଼ୟିନେ, ସାମା ଏଡ଼ି
ହାଡ଼ିସାରେ ଏମାଟି ହାରେକା ପାଡ଼େୟିକା ଆନୁ □

୨୫ *ଆମ୍ବାଆସି ଜାହାରା ଜୀଝୁତି ଜୀଝୁ ନଚେସି,
ଏଝାସି ଏଦାଆଁ ହାରୁଝି କିନେସି, ଆମ୍ବାଆସି
ଜାହାରା ଜୀଝୁତି ଇ ଦାର୍ତତିତା ଅପଅସି, ଏଝାସି
ଏଦାଆଁ କାଲାକାଲା ତାକି ଗେଲପିନେସି □

୨୬ ଆମ୍ବାଆସି ନା ସେବା କାମାକିନାସି ଆନେସି,
ଆତିହ ଏଝାସି ନା କେଚ ଝାପେସି; ଅଡେ ନାନୁ

ଆମ୍ବିୟା ଡ଼ୟିଇଁ, ନା ସେବା କାମାକିନାସି ଜିକେଏ
ଏମ୍ବାଆଁ ଡ଼ୟିନେସି; ଆମ୍ବାଆସି ନା ସେବା କିନେସି,
ଆତିହ ଏଦା ଏଝାଣାଇଁ ମାନି କିନେସି □

ଜୀସୁ ତାନି ହାକିତି କାତା ଏଲେଇନାୟି

୨୭ ନୀର୍ବ ନା ଜୀଝୁ କିଲିବିଲି ଆହିମାନେ, ଇଞ୍ଜା
ନାନୁ ଏନାଆଁ ଇଞ୍ଜାଇଁ? ଆବା ଇ ଲାଗେଏ ତାଣାଟି
ଗେଲପାମ୍, ସାମା ଏଦାଆଁତାକି ନାନୁ ଇ ଟାୟୁତା
ଝାହାମାଇଁ □

୨୮ ଆବା ନୀ ଦରୁ ଗାଝୁରମି ଆପେ □”

ଏଚିବେଲାତା ହାଗୁ ଲାକଟି ଇ ହାଡ଼ା ଆଡେ
ନାନୁ ଏଝାଣାଇଁ ଗାଝୁରମି କିହାମାଇଁ ଅଡେ
ଗାଝୁରମି କିଇଁ □

୨୯ ଇଞ୍ଜା ଏମ୍ବାଆଁ ଦାରି ନିଗାମାଟି ଲକୁ
ବାରେ ଇ ହାଡ଼ା ଝେଞ୍ଜାନା ଏଲେଇଚେରି,
“ଇଦି ହାଗୁ ଗୁଣ୍ଡିହିମାନେ □” ଅଡେ ଏଚକାତାରି
ଏଲେଇଚେରି, “ଲାକପୁରୁତି ଦୂତୁ ଏଝାଣିତଲେ
କାତା ଆହିମାନେ □”

୩୦ ଜୀସୁ ଏଲେଇଚେସି, “ଇ ହାଡ଼ା ନାଙ୍ଗେତାକି
ଆହା ହିଲେଏ, ସାମା ଇ ହାଡ଼ା ମିଙ୍ଗେତାକି
ଆହାମାନେ □

୩୧ ନୀର୍ବ ଇ ଦାର୍ତତି ବିଚାରା କିନି ଦିନା; ନୀର୍ବ
ଇ ଦାର୍ତତି ସାଲୁଝି କିନାଇ ଡ଼ଇ ମେଡ଼ପିଆନୁ □

୩୨ ନାନୁ ଏଚିବେଲା ଦାର୍ତତି ଲାକପୁରୁ
ଅଝିଆଇଁ, ଏଚିବେଲା ବାରେତି ନା ତାଣା ରେଜା
ଅଇଁ □”

୩୩ ଏଝାସି ଏନିକି ହାହାଲି ହାଜିମାନେସି,
ଏଝାସି ଇ କାତାତା ଏଲେଇଚେସି □

୩୪ ଲକୁ ଏଝାଣାଇଁ ଏଲେଇଚେରି, “ମସିହା
କାଲେଏ ଡ଼ୟିନେସି ଇଞ୍ଜା ମାମ୍ ମୁସାତି ମେରାତା
ଝେଞ୍ଜାମାନମି, ଆତିହ ମାଣ୍ଡସି ମୀରଏସି ଲାକ
ପେଡ଼ି ଆନେସି ଇଞ୍ଜା ନାନୁ ଏନିକି ଏଲେ
ଇଞ୍ଜିମାଞ୍ଜି ? ଏ ମାଣ୍ଡସି ମୀରଏସି ଆମ୍ବାଆସି ?”

୩୫ ଜୀସୁ ଏଝାରାଇଁ ଏଲେଇଚେସି, “ଅଡେ
ଗାଡ଼େକା ତାକି ଉଜେଡ଼ି ମୀ ତାଣା ମାନେ □
ଆନ୍ଦେରି ମିଙ୍ଗେ ଏନିକି ଗୁସ୍ତେଏ, ଏଦାଆଁତାକି
ମୀ ତାଣା ଉଜେଡ଼ି ମାଞ୍ଜା ମାଞ୍ଜାନା ତାକାଦୁ;
ଆମ୍ବାଆସି ଆନ୍ଦେରିତା ତାକିନେସି, ଏଝାସି ଆମ୍ବିୟା
ହାଜିମାନେସି ପୁଞ୍ଜାଲି ଆଡ଼ଅସି □

୩୬ ମୀରୁ ଏନିକି ଉଜେଡ଼ିତି ମୀରକା ମାସ୍କା
ଆଦେରି, ଏଦାଆଁତାକି ଉଜେଡ଼ି ମୀ ତାଣା ମାଞ୍ଜା
ମାଞ୍ଜାନା ଉଜେଡ଼ିତା ନାମାଦୁ □” ଜୀସୁ ଇ ବାରେ
କାତା ଝେସାନା ହାଚେସି ଇଞ୍ଜା ଏଝାରି ତାଣାଟି
ଡ଼ଗୁାନା ଡ଼ୟିଚେସି □

ଲକୁ ନାମାଆ ଗାଟାୟି

* ୧୨:୨୫ ୧୨:୨୫ ମାତି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩

୩୭ ଏଞ୍ଜାରି ନକିତା ଏଚେକା କାବାଆନ୍ତି କାମାୟାଁ କିହାମାଚେସି, ଆଡିଜିକେଏ ଏଞ୍ଜାରି ଏଞ୍ଜାଣି ତାଣା ନାମା ହିଲାଆଚେରି,

୩୮ ଏନିକିଁ ମାହାପୁରୁ ଅଣ୍ଟପୁତି ବଲୁ ଝେହ୍ନି ଜିସାୟ ତାଣାଟି ରାତାମାନି କାତା ପୁରା ଆନେ, “ପ୍ରବୁ ମା ହାଡା ଝେଞ୍ଜାନା ଆମ୍ବାଆସି ନାମା ମାନେସି ?

ଆମ୍ବାଆରି ତାଣା ପ୍ରବୁ ତାନି ବାଡ଼ୁୟୁ ତସାମାନେସି ?”

୩୯ ଇଦାଆଁତାକି ଏଞ୍ଜାରି ନାମାଲି ଆଡିହିଲାଆଚେରି, ଇଞ୍ଜା ଜିସାୟ ଏଲେଇଞ୍ଜାମାଚେସି,

୪୦ ସାତେଏ ମାହାପୁରୁ ଏଞ୍ଜାରି କାଣ୍ଟକା କାଣା କିହାମାନେସି □

ଏଦାଆଁତାକି ଏଞ୍ଜାରି ହିୟାଁତା ଏନାଆଁ ମେସାଲି ଆଡ଼ଅରି, ଇଞ୍ଜା ହିୟାଁତା ଏନାଆଁ ତେଲହାଲି ଆଡ଼ଅରି

ମାହାପୁରୁ ଏଲେଇଞ୍ଜା ମାନେସି, “ନେହ୍ନି ଆହାଲିତାକି ଏଞ୍ଜାରି ନା ତାଣା ଝେଶ୍ଟା ଝାହିହିଲଅରି □”

୪୧ ଜିସାୟ ଜୀସୁ କ୍ରୀସ୍ତତି ଗାଞ୍ଜୁରମି ମେସ୍ତେସି ଏଦାଆଁତାକି ଏଞ୍ଜାସି ଏଞ୍ଜାଣି କାତା ଝେସ୍ତେସି □

୪୨ ଆଡିଜିକେଏ ଜୀହୁଦି ଲକୁଡି କାଜାରି ହାରେକା ଏଞ୍ଜାଣି ତାଣା ନାମିଚେରି, ସାମା ଏଚେତା ଜୀହୁଦି କୁଲମିଟି ପେର୍ହାନେରି ଇଞ୍ଜାଁ ପାରୁସିୟାଁ ଆଜିତାକି ବାରେଜାଣା ଏ କାତାବାର୍ତା ଆହି ହିଲାଆଚେରି,

୪୩ ଇଚିହ୍ନି ଏଞ୍ଜାରି ମାହାପୁରୁ ତାଣାଟି ଗାଞ୍ଜୁରମି କିହାଁ ମାଣ୍ଟସିୟାଁ ତାଣାଟି ଗାଞ୍ଜୁରମି ଜୀସୁ ନହ୍ନିମାନେସି □

ମାଣ୍ଟସିୟାଁ ତାଣାଟି ଜୀସୁତି କାତା ବିଚାରା କିନାୟି

୪୪ ଜୀସୁ କାଜା ଗିୟାଁତଲେ ଏଲେଇଚେସି, “ଆମ୍ବାଆସି ନା ତାଣା ନାମିନେସି, ଏଞ୍ଜାସି ନା ତାଣା ନାମଅସି, ସାମା ନାଚେ ପାଣ୍ଡାତାଣାଲ୍ ନାମିନେସି;

୪୫ ଆମ୍ବାଆସି ନାଚେ ମେସ୍ତାନେସି, ଏଞ୍ଜାସି ନାଚେ ପାଣ୍ଡାତାଣାଲ୍ ମେହ୍ନେସି □

୪୬ ଆମ୍ବାଆସି ନା ତାଣା ନାମିନେସି, ଏଞ୍ଜାସି ଏନିକିଁ ଆନ୍ଦେରିତା ବାସା କିଅସି, ଏଦାଆଁତାକି ନାନୁ ଦାର୍ଡିତା ଉଜେଡି ଆହାନା ଝାହାମାଲ୍ □

୪୭ ଆମ୍ବାଆସି ନା ବଲୁ ଝେଞ୍ଜାନା ମାନୁଞ୍ଜି ଆଅସି, ଆଡିହ୍ନି ନାନୁ ଏଞ୍ଜାଣି ବିଚାରା କିଅଁ; ଇଚିହ୍ନି ନାନୁ ଦାର୍ଡିତା ବିଚାରା କିହାଲି ଝାଆନା ଦାର୍ଡିତି ଗେଲ୍ପାଲି ଝାହାମାଲ୍ □

୪୮ ଆମ୍ବାଆସି ନାଚେ ଅପଅସି ଅଡେ ନା ବଲୁଡି ଆବଅସି, ନାନୁ ଏମିନି ବଲୁ ଜଲ୍ମାମାଲ୍, ନା ଗୁଡିଡି ବଲୁ ଡାୟୁଡି ଦିନାତା ଏଞ୍ଜାଣି ବିଚାରା କିନେ;

୪୯ ଇଚିହ୍ନି ନାନୁ ନା ତାଣାଟି ଜଲ୍ମା ହିଲଅଁ, ସାମା ନାନୁ ଏନାଆଁ ଜଲ୍ଲିଲ୍ ଅଡେ ଏନାଆଁ

ଝେକଲ୍, ଏଦାଆଁ ନାଚେ ପାଣ୍ଡାମାଞ୍ଜାନି ଆବା ହୁକୁମି ହୀହାମାଞ୍ଜାନେସି

୫୦ ଇଞ୍ଜାଁ ନାନୁ ପୁଞ୍ଜାମାଲ୍ ତାନି ହୁକୁମି କାଲ୍ମାକାଲ୍ମାଡି ଜୀସୁ ହୀନେ □ ନା ଆବା ନାଚେ ଏନାଆଁ ଜଲ୍ମାଲି ହୁକୁମି ହୀହାମାଞ୍ଜାନେସି, ଝାଉଲ୍ ଏଲେକିହ୍ନି ଏ ଝେହ୍ନିଲ୍ □”

୧୩

ଜୀସୁ ସୀସୁୟାଁ କତାୟାଁ ନର୍ନାୟି

୧ ପିସପିଆନ୍ତି ପାରୁଁ ନକେଏ ଜୀସୁ ଇ ଦାର୍ଡିତି ଆବା ତାଣା ହାନି କାଟୁ ଆହାଲିଏ, ଦାର୍ଡିତା ମାନି ତାନି ଲକୁଣି ଏଞ୍ଜାସି ଜୀସୁ ନହ୍ନିମାନେସି, ଏଞ୍ଜାଉଲ୍ ହାରେକା ଜୀସୁ ନନାଣି ତସାମାନେସି □

୨ ଜୀସୁ ତାନି ସୀସୁୟାଁ ତଲେ ଲାଆଁୟାଁ ତିନି ବେଲାତା ସୟତାନ ସିମନ ମୀର୍ଏସି ଇସ୍ତାରିୟତ ଜୀହୁଦା ହିୟାଁତା ଜୀସୁଲ୍ ସାଡୁ କେୟୁତା ହେର୍ପାଲି ଅଣ୍ଟପି କିହାମାଚେ □

୩ ଏଚିବେଲା ଆବା ତାନି କେୟୁତା ବାରେ ହେର୍ପା ମାନେସି ଅଡେ ଏଞ୍ଜାସି ମାହାପୁରୁ ତାଣାଟି ଝାହାମାନେସି, ଅଡେ ମାହାପୁରୁ ତାଣା ହାଜିମାନେସି,

୪ ଇଦାଆଁ ପୁଞ୍ଜାନା ରାନ୍ଦା ତିନି ତାଣାଟି ନିଙ୍ଗାନା, ତାନି ହିମ୍ପରି ଇଚିଚେସି ଇଞ୍ଜାଁ ର ତୁଞ୍ଜାଲା ତାନି ଚେତେଲିତା ରୁପା କଡିଚେସି □

୫ ତାୟୁ ଏଞ୍ଜାସି ମୁତାତା ଏୟୁ କଡିଚେସି, ଅଡେ ସୀସୁୟାଁତି କତାୟାଁ ନର୍ହାନା ତାନି ଚେତେଲିତା ମାନି ତୁଞ୍ଜାଲା ତଲେ ଜେଜାଲି ମାଟୁହେସି □

୬ ଏଚିବେଲା ଜୀସୁ ସିମନ ପିତର ଦାରିତା ଝାଡେସି; ଏଞ୍ଜାସି ଏଞ୍ଜାଣାଲ୍ ଏଲେଇଚେସି, “ପ୍ରବୁ ନାନୁ ନା କତାୟାଁ ନର୍ହି ମାଞ୍ଜାଦି ?”

୭ ଜୀସୁ ଏଞ୍ଜାଣାଲ୍ ଏଲେଇଚେସି, “ନାନୁ ଏନାଆଁ କିହିମାଲ୍ ନାନୁ ନୀଏଁ ଏଦାଆଁ ପୁଞ୍ଜାଲି ଆଡ଼ଅଡି, ତାୟୁ ପୁଞ୍ଜି □”

୮ ପିତର ଏଲେଇଚେସି, “ଆଏ, ନା କତାୟାଁ ଏଚେଲାଞ୍ଜା ନର୍ହଅଡି □” ସାମା ଜୀସୁ ଏଲେଇଚେସି, “ନାନୁ ନୀ କତାୟାଁ ନର୍ହାଆଡିହ୍ନି ନାନୁ ଅଡେ ନା ସୀସୁ ଆୟାଲି ଆଡ଼ଅଡି □”

୯ ସିମନ ପିତର ଏଲେଇଚେସି, “ପ୍ରବୁ, ଆଡିହ୍ନି କତାୟାଁ ଏନାଆଁକି, ନା କେୟା ଅଡେ ତାୟୁଁ ଜିକେଏ ନର୍ହାମୁ □”

୧୦ ଜୀସୁ ଏଞ୍ଜାଣାଲ୍ ଏଲେଇଚେସି, “ଆମ୍ବାଆସି ଏୟୁ ମାହାମାନେସି, ଏଞ୍ଜାଣି କତାୟାଁ ନର୍ନି କିହାଁ ଏନାୟି ଲଡା ହିଲେଏ, ମୀରୁ ଅର୍ଡି ଆହାମାଞ୍ଜେରି; ସାମା ବାରେଜାଣା ଆଏ □”

୧୧ ଇଚିହ୍ନି ଆମ୍ବାଆସି ଏଞ୍ଜାଣାଲ୍ ସାଡୁୟାଁ କେୟୁତା ହେର୍ପିନେସି ଜୀସୁ ତଲିଏ ଏଞ୍ଜାଣାଲ୍

ପୁଞ୍ଜାମାରେସି; ଏଦାଆଁତାକି ଏଝାସି ଏଲେଇରେସି,
“ମୀରୁ ବାରେଜାଣା ଅଢ଼ି ଆହାହିଲଅତେରି □”

୧୨ ☆ତାମୁ ଜୀସୁ ଏଝାରି କତାୟାଁ ନରହାନା ତାନି
ହିମ୍ବୁରି ପରହାନା ଝେଣ୍ଡେ ତିଞ୍ଜାଲି କୁଗିତେସି ଇଞ୍ଜା
ଝେରେସି, “ନାନୁ ମିଙ୍ଗେ ତାକି ଏନାଆଁ କିହାମାଲ୍
ମୀରୁ ପୁଞ୍ଜାଲି ଆଡ଼ିତେରି କି ?

୧୩ ମୀରୁ ନାଙ୍ଗେ ଗୁରୁ ଇଞ୍ଜାଁ ହାଡ଼ିମାଞ୍ଜାଦେରି,
ଏଦି ସାତା; ଇଚିହଁ ନାନୁ ଏଝାତେସି □

୧୪ ମୀ ଗୁରୁ ଅଡ଼େ ପ୍ରବୁତେସିଁ ନାନୁ, ନାନୁ ମୀ
କତାୟାଁ ନରହାମାଞ୍ଜାଲ୍ ଆଡ଼ିହଁ ମୀରୁ ଜିକେଏ
ରଅତେରି ରଅଣି କତାୟାଁ ନରନାୟି ମାନେ □

୧୫ ଇଚିହଁ ନାନୁ ମିଙ୍ଗେତାକି ଏନିକଁ
କିହାମାଲ୍ ମୀରୁ ଜିକେଏ ଏଲେକିହଁ କିଦୁ,
ଇଦାଆଁତାକି ଇଦାଆଁ ତସାମାଞ୍ଜାଲ୍ □

୧୬ ☆ସାତା ସାତା ନାନୁ ମିଙ୍ଗେ ଝେସିମାଞ୍ଜାଲ୍,
ହଲେଏସି ତାନି ସାଝୁକାରି କିହାଁ କାଜାସି ଆଏ,
ଅଡ଼େ ପାଣ୍ଡୁଝି ଆଡ଼ାସି ତାନି ପାଣ୍ଡୁତାଣା କିହାଁ
କାଜାସି ଆଏ □

୧୭ ମୀରୁ ଇ ବାରେ ପୁଞ୍ଜାନା ଏଲେକଁ କିଦେରି
ଇଚିହଁ ମୀରୁ ନେହାଁତେରି □”

୧୮ “ନାନୁ ମୀ କାତା ଝେସିହିଲଅଁ; ଏନିଲେହେଟି
ଲକୁଣି ନାନୁ ଆଡ଼ାମାଲ୍, ଏ କାତା ନାନୁ ପୁଞ୍ଜାମାଲ୍;
ସାମା ଦାମ୍ବୁ ପତିତି ଇ ବଲୁ ଏନିକଁ ପୁରା ଆନେ,
ଇଦାଆଁତାକି ଇ ବାରେ ଆହିମାନେ, ‘ଆମ୍ବାଆସି ନା
କାଡ଼ି ତିନେସି ଏଝାସି ନା କପାଟି ନିଙ୍ଗିତେସି □’

୧୯ ଏଦି ଗଟଝି ଆନାଟି ନାନୁ ଏଝାତେସିଁ ଇଞ୍ଜାଁ
ମୀରୁ ନାନିଦେରି, ଏଦାଆଁତାକି ଗଟଝି ଆନି
ନକେଏ ନାନୁ ମିଙ୍ଗେ ଝେସିମାଞ୍ଜାଲ୍ □

୨୦ ☆ସାତା ସାତା ନାନୁ ମିଙ୍ଗେ ଝେସିମାଞ୍ଜାଲ୍,
ଆମ୍ବାଆସି ନା ତାଣାଟି ପାଣ୍ଡୁଝି ଆଡ଼ାଣାଲ୍
ଆବିନେସି, ଏଝାସି ନାଙ୍ଗେ ଆବାନେସି, ଅଡ଼େ
ଆମ୍ବାଆସି ନାଙ୍ଗେ ଆବାନେସି ଏଝାସି ନାଙ୍ଗେ
ପାଣ୍ଡୁତାଣାଲ୍ ଆବିନେସି □”

ସାତୁୟାଁ କେୟୁତା ହେରପିନି କାତା ଝେହନାୟି
(ମାଡ଼ି ୨୨:୨୦-୨୫; ମାର୍କ ୧୪:୧୭-୨୧; ଲୁକ
୨୨:୨୧-୨୩)

୨୧ ଜୀସୁ ଇ ବାରେ କାତା ଝେସ୍ତି ତାମୁ
ଜୀଝୁତା ହାରେକା ଦୁକୁ ଆହାନା ବାରେତି ନକିତା
ଝେକହେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍
ମୀ ବିତ୍ତାଟି ରଅସି ନାଙ୍ଗେ ସାତୁୟାଁ କେୟୁତା
ହେରପାନେସି □”

୨୨ ଏଝାସି ଆମ୍ବାଆରି କାତା ଏଲେଇରେସି,
ପୁନାଆନା କାବାଆହାନା ସୀସୁୟାଁ ତାମ୍ବୁ ତାମ୍ବୁ
ସିନିକିଝି ଆଡ଼େରି □

୨୩ ଏଝାରି ବିତ୍ତାଟି ଏମିନି ସୀସୁୟାଁ ଜୀସୁ ହାରେକା
ଜୀଝୁ ନହଁ ମାରେସି, ଏଝାସି ଜୀସୁତି ଚିଃନିଝାକି
କୁଗାନା ତିଞ୍ଜିମାରେସି □

୨୪ ସିମନ ପିତର ଏଝାଣାଲ୍ କେୟୁ ତସାନା
ଏଲେଇରେସି, “ଏଝାସି ଆମ୍ବାଆରି କାତା
ଏଲେଇଞ୍ଜି ମାନେସି, ଏଦାଆଁ ଝେଞ୍ଜୁ □”

୨୫ ଏ ସୀସୁ ଅଡ଼େ ତାଗେ ଆହାନା ଜୀସୁୟାଁ
ଝେରେସି, “ଏଝାସି ଆମ୍ବାଆସି ପ୍ରବୁ □”

୨୬ ଜୀସୁ ଏଲେଇରେସି, “ଇ ରୁଚି ଗିନାତା କୁଡ଼ି
କିହାନା ହାଲ୍ ଏଝାସି □” ଏଲେଇଞ୍ଜାନା ଜୀସୁ ରୁଚି
ଗିନାତା କୁଡ଼ି କିହାନା ସିମନ ମୀରଏସି ଇସ୍ତାରିୟତ
ଜୀହୁଦାକି ହାତେସି □

୨୭ ରୁଚି ରାସାଲିଏ ସୟତାନା ଏଝାଣି ହିୟାତା
ହଟେ □ ଏତେଟିଏ ଜୀସୁ ଏଲେଇରେସି, “ଏନାଆଁ
କିନାୟିମାନେ ତବେ କିମ୍ବୁ □”

୨୮ ଜୀସୁ ଏଝାଣାଲ୍ ଇ କାତା ଏନାଆଁତାକି
ଏଲେଇରେସି ଏଡ଼କାତାରି ଆମ୍ବାଆରି ପୁଞ୍ଜାଲି
ଆଡ଼ାଆତେରି □

୨୯ ଜୀହୁଦା କେୟୁତା ଟାକାୟାଁ ମଣା ମାତାକି,
ପାର୍ବୁତାକି ଏନା ଏନାଆଁ ଲଡ଼ାମାନେ, ଏଦାଆଁ
କତାଲି ଆଆତଁ କାକୁଲି ଗାଟାଟାକି ହୀହାଲିତାକି
ଜୀସୁ ଏଝାଣାଲ୍ ଏଲେଇରେସି ଇଞ୍ଜାଁ ଆମ୍ବା
ଆମ୍ବାଆରି ଅଣ୍ପିତେରି □

୩୦ ରୁଚି ତିଞ୍ଜାନା ଜୀହୁଦା ଏ ଦେବୁଣିଏ ପାଞ୍ଜାତା
ହାରେସି, ଏଡ଼େତା ଲାଆଁୟାଁ ଆହାମାଟେ □

ପୁଃନି ମେରା

୩୧ ଜୀହୁଦା ପାଞ୍ଜାତା ହାଜାଲିଏ ଜୀସୁ
ଏଲେଇରେସି, “ନୀଏଁ ମାଣ୍ଡି ମୀରଏସି ଗାଝୁରମି
ଆନି ବେଲା ଝାହାମାନେ; ଅଡ଼େ ତାନିତାଣାଟି
ମାହାପୁରୁ ଗାଝୁରମି ଆନେସି □

୩୨ ମାହାପୁରୁ ମାଣ୍ଡି ମୀରଏଣା ତାଣାଟି
ଗାଝୁରମି ଆଡ଼ିହଁ, ମାହାପୁରୁ ତାନୁଏ ଗାଝୁରମିଟି
ମାଣ୍ଡି ମୀରଏଣାଲ୍ ଗାଝୁରମି କିନେସି □ ତବେ
ଏଝାଣାଲ୍ ଗାଝୁରମି କିହାଲି ହାଜିମାନେସି □

୩୩ ☆କକାତେରି ନାନୁ ଅଡ଼େ ଗାଡ଼ି ଦିନା
ଡ଼ୟଅଁ, ମୀରୁ ନାଙ୍ଗେ ପାରାଦେରି, ସାମା
ନାନୁ ଆମ୍ବିୟା ହାଜିମାଲ୍ ମୀରୁ ଏମ୍ବାଆଁ ହାଜାଲି
ଆଡ଼ଅତେରି, ଇ କାତା ଜୀହୁଦି ଲକୁଡ଼ି କାଜାରାଲ୍
ଏଲେଇଞ୍ଜା ମାରେସିଁ ଏଲେକିହଁ ମିଙ୍ଗେ ଜିକେଏ
ଝେସିମାଞ୍ଜାଲ୍ □

୩୪ ☆ମୀରୁ ରଅତେରି ରଅଣାଲ୍ ଜୀଝୁନଦୁ,
ଇ ପୁଃନି ମେରା ମିଙ୍ଗେ ହୀହିମାଞ୍ଜାଲ୍; ନାନୁ
ଏନିକଁ ମିଙ୍ଗେ ଜୀଝୁନହାଁମାଞ୍ଜାଲ୍, ମୀରୁ ଜିକେଏ
ଏଲେକିହଁ ଏ ରଅତେରି ରଅଣାଲ୍ ଜୀଝୁନଦୁ □

☆ ୧୩:୧୨ ୧୩:୧୨ ଲୁକ ୨୨:୨୭ ☆ ୧୩:୧୭ ୧୩:୧୭ ମାଡ଼ି ୧୦:୨୪; ଲୁକ ୭:୪୦; ଜହ ୧୫:୨୦ ☆ ୧୩:୨୦ ୧୩:୨୦ ମାଡ଼ି ୧୦:୪୦;
ମାର୍କ ୯:୩୭; ଲୁକ ୯:୪୮; ୧୦:୧୨ ☆ ୧୩:୩୩ ୧୩:୩୩ ଜହ ୭:୩୪ ☆ ୧୩:୩୪ ୧୩:୩୪ ଜହ ୧୫:୧୨,୧୭; ୧ଜହ ୩:୨୩; ୨ଜହ
୧:୫

୩୫ ମୀ ତାଣା ରଅସି ରଅଣାଇଁ ଜୀଝୁନନାୟି ମାନେ, ଆତିହିଁ ମୀରୁ ନା ସୀସୁୟାଁତେରି, ଇ କାତା ବାରେଜାଣା ପୁଞ୍ଜେରି □”

ପିତର ପୁଞ୍ଜାହିଲଅଁ ଇନି କାତା ତଲିଏ ଖେହ୍ନାୟି

(ମାତି ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ ପିତର ଏଝାଣାଇଁ ଖେରେସି, “ପ୍ରବୁ ନୀନୁ ଆମ୍ବିୟା ହାଜିମାଞ୍ଜି ?”

ଜୀସୁ ଏଲେଇରେସି, “ନୀନୁ ଆମ୍ବିୟା ହାଜିମାଇଁ, ନୀନୁ ନୀର୍ବ ନା ଜେତ ଜେତ ହାଜାଲି ଆଡ଼ଅତି, ସାମା ତାୟୁ ହାଜି □”

୩୭ ପିତର ଏଝାଣାଇଁ ଏଲେଇରେସି, “ପ୍ରବୁ ନୀର୍ବ ନୀନୁ ଏନାଆଁକି ହାଜାଲି ଆଡ଼ଅଁ ? ନୀନୁ ନୀ ତାକି ନା ଜୀଝୁ ଜିକେଏ ହାଇଁ □”

୩୮ ଜୀସୁ ଏଲେଇରେସି, “ଏନାଆଁ ନୀନୁ ନା ତାକି ନୀ ଜୀଝୁ ହାଦି ? ନୀନୁ ନିଜେ ସାତା ଖେସିମାଞ୍ଜାଇଁ, କୟୁ କେଶା ନଚ୍ଚେଏ ନୀନୁ ନାଜେ ତାନିପାଲି ପୁଞ୍ଜାହିଲଅଁ ଇଞ୍ଜି ଇଞ୍ଜାଦି □”

୧୪

ଜୀସୁ ଜିରୁ, ସାତା ଅଡ଼େ ଜୀଝୁ

୧ “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡ଼େ ନା ତାଣା ଜିକେଏ ନାମାଦୁ □

୨ ନା ଆବାତି ଇଜ ହାରେକା ବାସାଟାୟୁ ମାନେ; ବାସାଟାୟୁ ହିଲାଆତିହିଁ ମା ନୀନୁ ମିଜେ ଖେସୁଆତେର୍ବମା, ନୀନୁ ମିଜେତାକି ଟାୟୁ ତିୟାରା କିହାଲି ହାଜିମାଇଁ;

୩ ଅଡ଼େ ନୀନୁ ହାଜାନା ମିଜେତାକି ଟାୟୁ କେପିତି ତାୟୁ, ଖେଣ୍ଡେ ଝାକ୍, ଅଡ଼େ ନୀନୁ ଆମ୍ବିୟା ମାଇ, ମୀରୁ ଜିକେଏ ଏନିକ୍ ଏ ଟାୟୁତା ଡ଼ୟିଦେରି, ଏଦାଆଁତାକି ମିଜେ ଏ ଟାୟୁତା ଅହିଁ ହାଜାଇଁ □

୪ ନୀନୁ ଆମ୍ବିୟା ହାଜିମାଇଁ ଏ ଜିରୁ ପୁଞ୍ଜାମାଞ୍ଜେରି □”

୫ ତମା ଏଲେଇରେସି, “ପ୍ରବୁ, ନୀନୁ ଆମ୍ବିୟା ହାଜିମାଞ୍ଜି, ମାୟୁ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁତି ଏନିକ୍ ପୁନମି ?”

୬ ଜୀସୁ ଏଲେଇରେସି, “ନୀନୁ ଜିରୁ, ସାତା ଅଡ଼େ ଜୀଝୁତେର୍ବ; ନା ତାଣାଟି ତାକାଆସାରେ ଆମ୍ବାଆସି ଆବା ତାଣା ହାଜାଲି ଆଡ଼ଅସି □

୭ ମୀରୁ ନାଜେ ପୁଞ୍ଜାତିହିଁ ମା, ନା ଆବାଇଁ ଜିକେଏ ପୁରେରିମା; ନୀର୍ବ ଜିକେଏ ଏଝାଣାଇଁ ପୁଞ୍ଜିମାଞ୍ଜେରି ଅଡ଼େ ଏଝାଣାଇଁ ମେସାମାଞ୍ଜେରି □”

୮ ପିଲିପ ଏଝାଣାଇଁ ଏଲେଇରେସି, “ପ୍ରବୁ, ମାଜେ ଆବାଇଁ ତସ୍ତାୟୁ, ଏତେକେଏ ମାଜେତାକି ସାରି □”

୯ ଜୀସୁ ଏଲେଇରେସି, “ପିଲିପ ଇଚର ଦିନା ନୀନୁ ମୀ ତଲେ ଡ଼ୟାମାଇଁ, ମୀରୁ ଏନାଆଁ ନାଜେ ପୁଞ୍ଜାଆତେରି ? ଆମ୍ବାଆସି ନାଜେ ମେସାମାଞ୍ଜାନେସି ଏଝାସି ଆବାଇଁ ମେସାମାନେସି; ମାଜେ ଆବାଇଁ ତସ୍ତାୟୁ ଇଞ୍ଜି ଏନିକ୍ ଏଲେ ଇଞ୍ଜିମାଞ୍ଜି ?

୧୦ ନୀନୁ ଆବା ତାଣା ଅଡ଼େ ଆବା ନା ତାଣା ମାନେସି, ଇ କାତା ଏନାଆଁ ମୀରୁ ନାମିହିଲଅତେରି ? ନୀନୁ ମିଜେ ଏମିନି କାତା ଖେସିମାଞ୍ଜାଇଁ, ଏ ବାରେ ନା ତାଣାଟି ଖେସିମାଞ୍ଜଅଁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି □

୧୧ ନୀନୁ ଆବା ତାଣା ମାଇଁ ଅଡ଼େ ଆବା ନା ତାଣା ମାନେସି ଇ କାତା ନାମାଦୁ, ଆଆତ କାମାତି ମେସାନା ନାମାଦୁ □

୧୨ ନୀନୁ ମିଜେ ସାତା ଖେସିମାଞ୍ଜାଇଁ, ଆମ୍ବାଆସି ନା ତାଣା ନାମିନେସି, ନୀନୁ ଏନି ଏନି କାମା କିହିମାଇଁ, ଏଝାସି ଜିକେଏ ଏ ବାରେ କିନେସି, ଅଡ଼େ ଏ ବାରେକିହାଁ ହାରେକା କାଜା କାମା କିନେସି, ଇତିହିଁ ନୀନୁ ଆବା ତାଣା ହାଜିମାଇଁ □

୧୩ ଆବା ଏନିକ୍ ମୀରୁଏଣା ତାଣା ଗାଝୁରମି ଆନେସି, ଏଦାଆଁତାକି ମୀରୁ ନା ଦରୁତି ଏନାଆଁ ରୀହ୍ଦେରି, ଏ ବାରେ ନୀନୁ ହିୟାଇଁ □

୧୪ ମୀରୁ ନା ଦରୁତି ଏନାଆଁ ନାଜେ ରୀସ୍ତାଦେରି, ନୀନୁ ମିଜେ ଏ ବାରେ ହିୟାଇଁ □”

ସୁଦୁଜୀଝୁତି ହାହାଲି ଆଞ୍ଜିନାୟି

୧୫ “ମୀରୁ ନାଜେ ଜୀଝୁନହିଁ ମାଞ୍ଜାଦେରି, ଆତିହିଁ ନା ହୁକୁମି ମାନଝି ଆଦୁ □

୧୬ ଅଡ଼େ ନୀନୁ ନା ଆବାଇଁ ବାତିମାଲିଇଁ, ଅଡ଼େ ମୀ ତଲେ କାଟ୍ଲେଏ ଡ଼ୟାଲି ତାକି ଏଝାସି ମିଜେ ଅଡ଼େ ର ସାୟେମି କିନାଣାଇଁ,

୧୭ ଇତିହିଁ ଏ ସାତା ଜୀଝୁତି ହିୟାନେସି □ ଦାର୍ଡି ଏଦାଣି ଆବାଲି ଆଡ଼େଏ, ଇତିହିଁ ଦାର୍ଡି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇତିହିଁ ଏଦି ମୀ ତଲେ ମାନେ, ଅଡ଼େ ଏଦି ମୀ ହିୟାଁତା ଡ଼ୟିନେ □”

୧୮ “ନୀନୁ ମିଜେ କାର୍ମା କିହା ହାଜଅଁ, ନୀନୁ ମୀ ତାଣା ଖେଣ୍ଡା ଝାକ୍ □

୧୯ ଗାଡ଼େକା ଜେତ ଦାର୍ଡି ଅଡ଼େ ନାଜେ ମେସାଲି ଆଡ଼େଏ; ସାମା ମୀରୁ ନାଜେ ମେସାଦେରି, ଇତିହିଁ ନୀନୁ ନୀତାମାଇଁ, ଅଡ଼େ ମୀରୁ ଜିକେଏ ନୀତାନା ଡ଼ୟିଦେରି □

୨୦ ନୀନୁ ନା ଆବା ତାଣା ଅଡ଼େ ମୀରୁ ନା ତାଣା ଅଡ଼େ ନୀନୁ ମୀ ତାଣା ଡ଼ୟିଇଁ, ଇଦାଆଁ ଏ ଦିନା ମୀରୁ ପୁଞ୍ଜେରି □”

୧୫

୨୧ “ଆତ୍ମାଆସି ନା ହୁକୁମି ଆବାହାଁ ମାନଓ
ଆନେସି, ଏଞ୍ଜାସି ନାଜେ ଜୀଓ ନୟାନେସି, ଅଡ଼େ
ଆତ୍ମାଆସି ନାଜେ ଜୀଓ ନୟାନେସି, ନା ଆବା
ଏଞ୍ଜାଣାଇଁ ଜୀଓ ନନେସି, ଅଡ଼େ ନାନୁ ଏଞ୍ଜାଣାଇଁ
ଜୀଓ ନଇଁ ଅଡ଼େ ଏଞ୍ଜାଣି ତାଣା ତସାକତିଇଁ □”

୨୨ ଜୀହୁଦା* ଏଞ୍ଜାଣାଇଁ ଏଲେଇରେସି, “ଏ
ପ୍ରବୁ, ଏନାଆଁ ଆଡେ, ନାନୁ ଦାରତିତା ନିଜେ ତସା
କତାଆନା ମା ତାଣା ତସିମାଞ୍ଜାଦି ?”

୨୩ ଜୀସୁ ଏଞ୍ଜାଣାଇଁ ଏଲେଇରେସି, “ଆତ୍ମାଆସି
ନାଜେ ଜୀଓ ନୟାନେସି ଆତିହୁଁ ଏଞ୍ଜାସି ନା
ବଲୁତି ମାନଓ ଆନେସି, ଅଡ଼େ ନା ଆବା ଏଞ୍ଜାଣାଇଁ
ଜୀଓ ନନେସି, ଅଡ଼େ ନାନୁ ଏଞ୍ଜାଣି ତାଣା ଖାହାନା
ଏଞ୍ଜାଣିତଲେ ବାସା କିଇଁ □

୨୪ ଆତ୍ମାଆସି ନାଜେ ଜୀଓ ନୟାଅସି, ଏଞ୍ଜାସି ନା
ବଲୁତି ମାନଓ ଆଅସି, ଅଡ଼େ ମାରୁ ଏମିନି ବଲୁ
ଝେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଜେ
ପାଣ୍ଡାମାଞ୍ଜାନି ଆବା ମାହାପୁରୁଖାୟି □”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଜେ ଇ
କାତା ଝେସ୍ତାଡେଏଁ □

୨୬ ସାମା ଏ ସାୟେମି କିନାୟି, ଇତିହୁଁ ଏମିନି
ସୁଦୁଜୀଓ ଆବା ନା ଦରୁତି ହିୟାନେସି, ଏଦି ମିଜେ
ବାରେ ଜାପୁହାନେ, ଅଡ଼େ ନାନୁ ମିଜେ ଏନା
ଏନାଆଁ ଝେସାମାଞ୍ଜାଇଁ, ଏ ବାରେ ମିଜେ ଅଣ୍ଡି
କିୟାନେ □”

୨୭ “ନାନୁ ମିଜେ ହିଡ଼ି ହୀହାନା ହାଜିମାଇଁ,
ନା ହିଡ଼ି ମିଜେ ଦାନା କିହିମାଞ୍ଜାଇଁ; ଦାରୁତି
ଏନିକଁ ଦାନା କିନେ ନାନୁ ମିଜେ ଏଲେକଁ
ଦାନା କିହିଲିଆଁ, ମୀ ହିୟାଁ କିଲିବିଲି ଅଡ଼େ ଆଜି
ଗାଟାୟି ଆଆପେ □

୨୮ ନାନୁ ହାଜିମାଇଁ ଅଡ଼େ ମୀ ତାଣା ଝେଣ୍ଡା
ଞ୍ଜାଇଁ, ଇ ନା କାତା ଝେଞ୍ଜାମାଞ୍ଜେରି □ ମୀରୁ
ନାଜେ ଜୀଓ ନୟାତିହୁଁମା, ନାନୁ ନା ଆବା ତାଣା
ହାଜିମାଇଁ ଇଞ୍ଜାଁ ରାହାଁ କିତେରିମା, ଇତିହୁଁ
ଆବା ନା କିହାଁ କାଜାସି □

୨୯ ଏନାୟି ବାରେ ଗଟଓ ଆନାୟି ମାନେ, ଏ
ନକେଏ ନାନୁ ମିଜେ ଝେସ୍ତାଡେଏଁ □ ଏ ବାରେ
ଗଟଓ ଆଡ଼ିସାରେ ମୀରୁ ନାଜେ ନାମାଦେରି □

୩୦ ନାନୁ ମୀ ତଲେ ହାରେକା କାତା ଆୟଅଁ,
ଇତିହୁଁ ଦାରୁତି ସାଲଓ କିନାୟି ଝାହିମାନେ;
ଅଡ଼େ ନା ତାଣା ତାନିଞ୍ଜାୟି ଏନାୟି ହିଲେଏ;

୩୧ ସାମା ଆବା ନାଜେ ଏନିକଁ ହୁକୁମି
ହୀହାମାଞ୍ଜାନେସି, ଏଲେକିହୁଁ ନାନୁ କାମା କିଇଁ □
ଆତିହୁଁ ନାନୁ ଆବାଇଁ ଜୀଓ ନହୁଁମାଇଁ ଇଞ୍ଜାଁ
ଦାରୁତି ପୁନେ □”

“ଞ୍ଜାଦୁ ମାରୁ, ଇମ୍ପାଟି ହାନ □”

ଜୀସୁ ସାତା ଅଞ୍ଜୁରିମାଡ଼ା

୧ “ନାନୁ ସାତା ଅଞ୍ଜୁରିମାଡ଼ା, ଅଡ଼େ ନା ଆବା
କାମାକିନାସି □

୨ ନା ତାଣା ମାନି ଏମିନି କମା ପାଡ଼େୟି
ଆୟେଏ, ଏଦାନି ଏଞ୍ଜାସି ଚୁଣ୍ଡାତୁହନେସି; ଅଡ଼େ
ଏମିନି କମା ପାଡ଼େୟି ଆୟିନେ, ଗାତି ପାଡ଼େୟି
ଆୟାଲି ତାକି ଜାଡ଼ୁ କିନେସି □

୩ ନାନୁ ମିଜେ ଏମିନି ବଲୁ ଝେସାମାଞ୍ଜାଇଁ,
ଏଦାଆଁତାକି ଜାଡ଼ୁ ଆହାମାଞ୍ଜେରି □

୪ ନା ତାଣା ତୟାଦୁ ଆତିହୁଁ ନାନୁ ମୀ
ତାଣା ତୟିଇଁ □ କମା ଏନିକଁ ଅଞ୍ଜୁରିମାଡ଼ାତା
ତୟାଆସାରେ ତାନିତାଣାଟି ପାଡ଼େୟି ଆୟାଲି
ଆଡେଏ, ଏଲେକିହୁଁ ଏ ମୀରୁ ଜିକେଏ ନା ତାଣା
ତୟାଆସାରେ ପାଡ଼େୟି ଆୟାଲି ଆଡ଼ଅଡେରି □”

୫ “ନାନୁ ଅଞ୍ଜୁରିମାଡ଼ା ମୀରୁ କମାୟାଁ, ଆତ୍ମାଆସି
ନା ତାଣା ତୟିନେସି ଅଡ଼େ ନାନୁ ଆତ୍ମାଆରି ତାଣା
ତୟିଇଁ, ଏଞ୍ଜାସି ହାରେକା ପାଡ଼େୟି ଆୟିନେସି;
ଇତିହୁଁ ନା ପିସପେ ମୀରୁ ଏନାଆଁ କିହାଲି
ଆଡ଼ଅଡେରି □

୬ ଆତ୍ମାଆସି ନା ତାଣା ତୟଅସି, ଆତିହୁଁ
ଏଞ୍ଜାସି କମା ଲେହେଁ ପାଞ୍ଜାତା ମେଡ଼ପି ଆନେସି
ଅଡ଼େ ଝାୟା ହାନେସି, ଇଞ୍ଜାଁ ଲକୁ ଏଞ୍ଜାଆଁ କୃତି
କିହାନା ହିରୁତା ମେଡ଼ନେରି ଅଡ଼େ ଏଞ୍ଜି ବାରେ
ଝେହାହାନୁ □

୭ ମୀରୁ ନା ତାଣା ତୟିଦେରି, ଅଡ଼େ ନା ବଲୁ
ମୀ ତାଣା ତୟିନେ, ଆତିହୁଁ ମୀରୁ ଏନାଆଁ
ମନ କିଦେରି, ଏଦାଆଁ ରାହୁଦୁ, ଆତିହୁଁ ଏଦି
ମିଜେତାକି କିଓିଆନେ □

୮ ମୀରୁ ହାରେକା ପାଡ଼େୟି ଆୟିସାରେ ନା ଆବା
ଗାଓୁରମି ଆନେସି, ଅଡ଼େ ମୀରୁ ନା ସାତା ସୀସୁ
ଆଦେରି □

୯ ଏନିକଁ ଆବା ନାଜେ ଜୀଓ ନହୁଁମାଞ୍ଜାନେସି,
ନାନୁ ଜିକେଏ ଏଲେକିହୁଁଏ ମିଜେ
ଜୀଓନହୁଁମାଞ୍ଜାଇଁ; ନା ଜୀଓ ନହୁତା ତାରିଆହାନା
ତୟାଦୁ □

୧୦ ନାନୁ ଏନିକଁ ନା ଆବାତି ହୁକୁମି ମାନଓ
ଆହାନା ତାନି ଜୀଓ ନହୁତା ତାରିଆହାନା
ତୟିମାଇଁ, ଏଲେକିହୁଁଏ ମୀରୁ ଜିକେଏ ନା କାତା
ମାନଓ ଆଦେରି, ଆତିହୁଁ ନା ଜୀଓ ନହୁତା
ତାରିଆହାନା ତୟିଦେରି □”

୧୧ “ଏନିକଁ ନା ରାହାଁ ମୀ ତାଣା ତୟିନେ,
ଅଡ଼େ ମୀ ରାହାଁ ଏନିକଁ ପୁରାଆନେ,
ଏଦାଆଁତାକି ଇ ବାରେ ମିଜେ ଝେସ୍ତାଡେଏଁ □

* ୧୪:୨୨ ୧୪:୨୨ ଇସ୍ପାରିୟତ ଜୀହୁଦା ଆଏ ☆ ୧୫:୧୨ ୧୫:୧୨ ଜହ ୧୩:୩୪; ୧୫:୧୭; ୧ଜହ ୩:୨୩; ୨ଜହ ୧:୫

୧୨ *ନାନୁ ଏନିକିମି ନିଜେ ଜୀବୁନହାମାଜାଇ, ମାରୁ ଜିକେଏ ଏଲେକିହି ଏ ରଥତେରି ରଥଣାଇ ଜୀବୁନଦୁ, ଇଦି ନା ହୁକୁମି □

୧୩ ଜାହାରା ତରେସିଜା ତାକି ଜୀବୁହାନି କିହା ଅଡେ କାଜା ଜୀବୁନନାୟି ହିଲେଏ □

୧୪ ନାନୁ ନିଜେ ଆମିନି ହୁକୁମି ହୀହାମାଜାଇ, ଏଦାଆ ମାରୁ ମାନଡି ଆଦେରି ଆତିହି ମାରୁ ନା ତରେସିଜା □

୧୫ ନାନୁ ନିଜେ ଅଡେ ହଲେଏସି ଇଜିମାଜିଅ, ଇଚିହି ସାସୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ସାମା ନାନୁ ନିଜେ ତରେ ଇଜିମାଜାଇ, ଇଚିହି ନାନୁ ନା ଆବା ତାଣାଟି ଏନା ଏନାଆଁ ଖେଜାମାଇ, ଏ ବାରେ ନିଜେ ଖେସାମାଜାଇ □

୧୬ ମାରୁ ନାଜେ ଆବା ମାଜିଅତେରି, ସାମା ନାନୁ ନିଜେ ଆଚାମାଜାଇ, ଅଡେ ମାରୁ ଏନିକିମି ପାଡେୟି ଆୟାଲି ଆଡିଦେରି ଅଡେ ମା ପାଡେୟି ତାରିଆହାନା ତୟିନେ, ଏଦାଆଁତାକି ନିଜେ ଆଚାମାଜାଇ □ ଏଚେଟିଏ ମାରୁ ନା ଦରୁତଲେ ଆବାଇଁ ଏନାଆଁ ରାହଦେରି ଏଝାସି ନିଜେ ହିୟାନେସି □

୧୭ ମାରୁ ଏନିକିମି ରଥତେରି ରଥଣାଇଁ ଜୀବୁ ନଦେରି, ଏଦାଆଁତାକି ନାନୁ ଇ ବାରେ ହୁକୁମି ହୀହିମାଜାଇ □

ଦାରୁତି ଅପାଆଗାଟାୟି

୧୮ “ଦାରୁତି ନିଜେ ଅପେଏ, ଆତିହି ନିଜେ ଅପାଆ ନକେଏ ନାଜେ ଅପାମାଜେଏ, ଇଦାଆଁ ପୁଞ୍ଜାମାଜୁ □

୧୯ ମାରୁ ଦାରୁତିତାତେରି ଆହାମାଚିହିମା, ଦାରୁତି ନିଜେ ନା ଲକୁ ଇଜିମି ପୁଞ୍ଜାନା ଜୀବୁ ନୟାତେମା; ମାରୁ ଦାରୁତିଟି ଖାହା ହିଲଅତେରି, ସାମା ନାନୁ ନିଜେ ଦାରୁତିଟି ଆଚାମାଜାଇ, ଏଦାଆଁତାକି ଦାରୁତି ନିଜେ ଅପେଏ □

୨୦ *ହଲେଏସି ସାସୁକାରି କିହାଁ କାଜାସି ଆଏ, ନାନୁ ନିଜେ ଏମିନି ବଲୁ ଖେସାମାଜାଇ, ଏଦାଆଁ ଅଣପାଦୁ □ ଏଝାରି ନାଜେ ସାସି ହୀହାମାଜାନେରି, ଆତିହି ନିଜେ ଜିକେଏ ସାସି ହିୟାନେରି; ଅଡେ ଏଝାରି ନା ବଲୁଟି ମାନଡି ଆହାମାନେରି, ଆତିହି ମା ବଲୁ ଜିକେଏ ମାନଡି ଆନେରି □

୨୧ ସାମା ଏଝାରି ନାଜେ ପାଣ୍ଡାତାଣାଇଁ ପୁଞ୍ଜାହିଲାଆକି, ନା ଦରୁ ତାକି ନିଜେ ଇ ବାରେ ଆନେ □

୨୨ ନାନୁ ଖାହାନା ଏଝାରାଇଁ ଖେହଆତିହି, ଏଝାରି ପାପୁ ଗାଟାରି ଆଆତେରିମା; ସାମା ନୀଏଁ ଇ ପାପୁ ତାକି ଏନି ମିଟି କାତା ଖେସାଲି ଆଡଅରି

୨୩ ଆମ୍ବାଆସି ନାଜେ ଅପଅସି, ଏଝାସି ନା ଆବାଇଁ ଜିକେଏ ଅପଅସି □

୨୪ ନାନୁ ଏଝାରିତାଣା ଏନି କାବାଆନି କାମା କିହାହିଲାଆତ, ଏଝାରି ପାପୁ ଗାଟାରି ଇଜି ଏଜିକିଡି ଆଆତେରିମା □ ସାମା ନା ବାରେ କାମା ମେସାନା ଜିକେଏ ଏଝାରି ନାଜେ ଅଡେ ନା ଆବାଇଁ ଅପାହିଲଅରି □

୨୫ ସାମା ଏଝାରି ନାଜେ ଉଜେଏ ଅପାମାଜିଅରି, ମସା ମେରାତା ରାୟୁକି ଆହାମାନାୟି ଏନିକିମି ପୁରା ଆନେ ଇଦାଆଁତାକି ଇ ବାରେ ଆହିମାନେ □

୨୬ “ଆବା ତାଣାଟି ନାନୁ ମା ତାଣା ଏମିନି ସାୟେମି କିନାଣି ପାଣ୍ଡାଇଁ, ଆବା ତାଣାଟି ଖାନ୍ତି ଏ ସାତା ଜୀବୁ ଖାଡିହି ନା କାତା ସାକି ହିୟାନେ; □

୨୭ ମାରୁ ଜିକେଏ ନା କାତାତାକି ସାକି ହୀଦେରି, ଇଚିହି ମୁଲୁଟିଏ ମାରୁ ବାରେ ନା ତଲେ ମାତେରି □

୧୭

୧ “ମା ନାମୁତି ଏନିକିମି ପିହଅତେରି, ଇଦାଆଁତାକି ଇ ବାରେ କାତା ଖେସାମାଜାଇ □

୨ ଏଝାରି ନିଜେ କୁଲମଟି ହପହାନେରି, ଇଲେଟି ଦିନା ଖାହିମାନେ, ଏଚେତା ଆମ୍ବାଆସି ନିଜେ ପାୟାନେସି, ଏଝାସି ମାହାପୁରୁ ତାକି ଜହରାଟି ପୂଜା କିହିମାଇଁ ଇଜି ଅଣପିନେସି □

୩ ଲକୁ ଇ ବାରେ କିୟାନେରି, ଇଚିହି ଏଝାରି ଆବା ଆଆତ ନାଜେ ପୁଞ୍ଜାମାଜିଅରି □

୪ ଇ ବାରେ ଗଟି ଆଡିସାରେ, ନାନୁ ନିଜେ ଖେସାମାଜାତେଏଁ ଇ କାତା ମାରୁ ଏନିକିମି ଅଣପିଦେରି, ଇଦାଆଁତାକି ଇ ବାରେ କାତା ନିଜେ ଖେସାମାଜାଇ □ ନାନୁ ମା ତଲେ ମାତାକି ମୁଲୁଟିଏ ଇ ବାରେ କାତା ନିଜେ ଖେସାମାଜିଅ □

ସୁଦୁଜୀବୁତି କାମା

୫ “ସାମା ନାନୁ ନୀଏଁ ନା ପାଣ୍ଡାତାଣା ତାଣା ହାଜିମାଇଁ, ଅଡେ ମାରୁ ଆମ୍ବିୟା ହାଜିମାଜି ଇଜିମି ମା ବିତ୍ରାଟି ଆମ୍ବାଆତେରି ନାଜେ ଖେଜି ମାଜିଅତେରି □

୬ ସାମା ନାନୁ ଇ ବାରେ କାତା ଖେସାମାଜାନାକି ମା ହିୟାଁ ହାଚେରକା ଦୁକୁ ଆହିମାନେ □

୭ ସାମା ନାନୁ ନିଜେ ସାତା ଖେସିମାଜାଇଁ, ନାନୁ ହାନାୟି ନିଜେତାକି ନେହେଁ, ଇଚିହି ନାନୁ ହାଲାଆସାରେ ଏ ସାୟେମି କିନାୟି ମା ତାଣା ଖାଏ, ସାମା ନାନୁ ହାତିସାରେ ଏଦାଣି ମା ତାଣା ପାଣ୍ଡାଇଁ □

୮ ଏଡି ଖାହାନା ପାପୁ, ଦାମ୍ବୁ ଅଡେ ମାହାପୁରୁଟି ବିଚାରାଟି କାତା ଇ ଦାରୁତି ଲକୁଣି ଖେହନେ;

* ୧୫:୨୦ ୧୫:୨୦ ମାତି ୧୦:୨୪; ଲୁକ ୬:୪୦; ଜହ ୧୩:୧୭

୯ ପାପୁତି କାତା, ଇଚିହ୍ନ ଏଞ୍ଜାରି ନା ତାଣା ନାମା ହିଲଅରି;

୧୦ ଦାମ୍ପତି କାତା, ଇଚିହ୍ନ ନାନୁ ଆବା ତାଣା ହାଜିମାଲ୍ ମୀରୁ ଅଡେ ନାଙ୍ଗେ ମେସୁଅଡେରି;

୧୧ ବିଚାରାତି କାତା, ଇଚିହ୍ନ ଇ ଦାରତି ସାଲ୍‌ଝି କିନାରି ବିଚାରା କିଝି ଆହାମାନେରି □

୧୨ “ମିଙ୍ଗେ ନାନୁ ଅଡେ ହାରେକା କାତା ଝେସ୍ତାନାୟିମାନେ, ସାମା ନୀର୍ବ ମୀରୁ ଏ ବାରେ ଅରହାଲି ଆଡଅଡେରି

୧୩ ସାମା ସାତାତି ଜୀଝୁ ଝାଡିସାରେ, ଏଡି ବାରେ ସାତାତି ତେଲହାଲି ବାଡୁରୁ ହିୟାନେ, ଏଡି ମିଙ୍ଗେ ଜିରୁ ତସାନା ତାନିତାଣାଟି ଏନାଆଁ ଝେହ୍‌ଏ, ମାହାପୁରୁ ତାଣାଟି ଏନା ଏନାଆଁ ଝେଞ୍ଜାମାନେ ଝାରଇ ଏରେକେଏ ଝେହ୍‌ନେ, ଅଡେ ଏନାୟି ଆହାଲି ହାଜିମାନେ ଏନାଆଁ ଏଡି ଝେସ୍ତାନେ □

୧୪ ଏଞ୍ଜାସି ନାଙ୍ଗେ ଗାଝୁରମି କିୟାନେସି, ଇଚିହ୍ନ ନା ତାଣାଟି ବାରେ କାତା ପୁଞ୍ଜାନା ଏଡି ଏନାଆଁ ମୀ ତାଣା ଝେସ୍ତାନେ □

୧୫ ଏନା ଏନାୟି ଆବାଝାୟି, ଏ ବାରେ ନାଦି; ଇଦାଆଁତାକି ନାନୁ ଏଲେଇଞ୍ଜାଡେସି, ଏଞ୍ଜାସି ନା କାତା ଅହାନା ମିଙ୍ଗେ ଝେସ୍ତାନେସି □

ଦୁକୁ ଅଡେ ରାହ୍ନାଁ

୧୬ “ଗାଡେକା ଜେଚ ମୀରୁ ଅଡେ ନାଙ୍ଗେ ମେସୁଅଡେରି, ସାମା ଏଚରଦିନା ଜେଚ ମେସ୍ତାଦେରି □”

୧୭ ଏଚେଚିଏ ତାନି ସୀସୁୟାଁ ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଗାଡେକା ଜେଚ ନାଙ୍ଗେ ମେସୁଅଡେରି, ଅଡେ ଏଚରଦିନା ହାତି ତାୟୁ ନାଙ୍ଗେ ମେସ୍ତାଦେରି, ନାନୁ ଆବା ତାଣା ହାଜିମାଲ୍, ଏଞ୍ଜାସି ଏମିନି କାତା ମାଙ୍ଗେ ଝେସ୍ତାଡେସି, ଇଦି ଏନାୟି ?”

୧୮ ଏଞ୍ଜାରି ଏଲେଇଚେରି, “ଗାଡେକା ଇଞ୍ଜି ଏନାଆଁ ଏଲେଇଞ୍ଜି ମାନେସି ? ଏଞ୍ଜାସି ଏନାଆଁ ଏଲେଇଞ୍ଜି ମାନେସି ମାମ୍ବୁ ତେଲହାଲି ଆଡିହିଲଅମି □”

୧୯ ସୀସୁୟାଁ ତାଙ୍ଗ ଝେଞ୍ଜାଲି ଅଣ୍‌ପିମାନେରି ଇଞ୍ଜି ପୁଞ୍ଜାନା ଜୀସୁ ଏଞ୍ଜାରାଇଁ ଏଲେଇଚେସି, “ଗାଡେକା ଜେଚ ନାଙ୍ଗେ ମେସୁଅଡେରି, ଅଡେ ଏଚରଦିନା ହାତି ତାୟୁ ନାଙ୍ଗେ ମେସ୍ତାଦେରି, ନାନୁ ଇ ଏମିନି କାତା ମିଙ୍ଗେ ଝେସ୍ତାଡେସି, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି ?

୨୦ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ଦୁକୁଆହ୍ ଡୀଦେରି, ସାମା ଦାରତି ରାହ୍ନାଁ କିନେ; ମୀରୁ ଦୁକୁ ଆଡେରି, ସାମା ମୀ ଦୁକୁ ରାହ୍ନାଁତା ଡିରି ମୀଣ୍‌ନେ □

୨୧ ଜାନି କିନି ବେଲା ଝାଡିସାରେ ଇୟା ଦୁକୁ ବେଗାଆନେ; ସାମା ଏଡି କକାଣାଇଁ ଜାନି କିତି

ତାୟୁ ଦାରତିତା ର ମାଣ୍‌ସି ଜାନି ଆହାମାନେସି, ଇ ରାହ୍ନାଁତାକି କସ୍ତୁତି ଅଣ୍‌ପେଏଦେଁ □

୨୨ ଏଲେକିହ୍‌ଏ ମୀରୁ ନୀର୍ବ ଦୁକୁ ବେଗାଆହିମାଞ୍ଜେରି, ସାମା ନାନୁ ଅଡେ ଝେଶ୍ଟେ ମିଙ୍ଗେ ତଞ୍ଜା ଆୟାଇଁ, ଅଡେ ମୀ ହିୟାଁ ରାହ୍ନାଁ ଆନେ ଅଡେ ଆମ୍ବାଆସି ମୀ ତାଣାଟି ମୀ ରାହ୍ନାଁ ମୀଞ୍ଜା ଅୟଅସି □”

୨୩ “ଏ ଦିନା ମୀରୁ ନାଙ୍ଗେ ଏନାଆଁ ଝେଞ୍ଜଅଡେରି □ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ଆବାଇଁ ଏନାଆଁ ରୀହ୍‌ଦେରି, ଏଞ୍ଜାସି ନା ଦରୁତଲେ ମିଙ୍ଗେ ହିୟାନେସି □

୨୪ ନୀର୍ବ ପାଡେକା ନା ଦରୁତଲେ ଏନାଆଁ ରୀସା ହିଲଅଡେରି; ରୀହ୍‌ଦୁ, ଏନିକ୍ ମୀ ରାହ୍ନାଁ ଗାଡି ଆନେ, ଏଦାଆଁତାକି ମୀରୁ ଏଦାଆଁ ବେଗାଆଡେରି □”

ଦାରତିତା ଜୀଣା ଆନାୟି

୨୫ “ନାନୁ ମିଙ୍ଗେ ପୁଣ୍‌ମିକିନି କାତାତଲେ ଇ ବାରେ ଝେସାମାଞ୍ଜାଇଁ; ଦିନା ଝାହିମାନେ, ଏଚିବେଲା ନାନୁ ଅଡେ ପୁଣ୍‌ମିକିନି କାତାତଲେ ମିଙ୍ଗେ ଝେସ୍ତା, ଆବାତି କାତା ତୀରେତଲେ ଝେସ୍ତାଇଁ □

୨୬ ଏ ଦିନା ମୀରୁ ନା ଦରୁତଲେ ରୀହ୍‌ଦେରି; ଅଡେ ନାନୁ ମୀ ଝାକିଟି ଆବାଇଁ ବାଡିମାଲିଇଁ, ଇ କାତା ନାନୁ ମିଙ୍ଗେ ଝେସିମାଞ୍ଜାଅଁ;

୨୭ ଇଚିହ୍ନ ଆବା ତାନୁଏ ମିଙ୍ଗେ ଜୀଝୁ ନହ୍‌ମାଞ୍ଜାନେସି, ମୀରୁ ନାଙ୍ଗେ ଜୀଝୁନହ୍ ମାଞ୍ଜାଦେରି ଅଡେ ନାନୁ ମାହାପୁରୁ ତାଣାଟି ଝାହାମାଲ୍, ଏନାଆଁ ମୀରୁ ନାମାମାଞ୍ଜେରି □

୨୮ ନାନୁ ଆବା ତାଣାଟି ଦାରତିତା ଝାହାମାଲ୍; ଦାରତି ପିସାନା ଝେଶ୍ଟେ ଆବା ତାଣା ହାଜିମାଲ୍ □”

୨୯ ଇ ହାଡା ଝେଞ୍ଜାନା ସୀସୁୟାଁ ଏଞ୍ଜାଣାଇଁ ଏଲେଇଚେରି, “ନୀର୍ବ ନାନୁ ପୁଣ୍‌ମିକିନି କାତା ଲେମ୍ବାଆନା ତୀରେତଲେ ଝେସିମାଞ୍ଜି □

୩୦ ନାନୁ ବାରେ କାତା ପୁଞ୍ଜାମାଞ୍ଜି, ଆମ୍ବାଆସି ମିଙ୍ଗେ ଝେଞ୍ଜାନାୟି ଲଡା ହିଲେଏ, ଏନାଆଁ ନୀର୍ବ ମାମ୍ବୁ ପୁଚମି; ମାହାପୁରୁ ତାଣାଟି ଝାହାମାଞ୍ଜି ଇଞ୍ଜି ମାମ୍ବୁ ଇ କାତା ନାମି ମାନମି □”

୩୧ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ନୀର୍ବ ନାମିମାଞ୍ଜେରି ?

୩୨ ମେହ୍‌ଦୁ ଦିନା ଝାହିମାନେ, ଏ ବେଲା ଝାଡେୟିଏ, ଏଚିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡେ ନାଙ୍ଗେ ରଅଡେସି କିୟାଦେରି; ଆଡିଜିକେଏ ନାନୁ ରଅଡେସି ଆଏ, ଇଚିହ୍ନ ଆବା ନା ତଲେ ମାନେସି □

୩୩ ମୀରୁ ଏନିକ୍ ନା ତାଣାଟି ହିଡ୍‌ଡି ବେଗାଆଡେରି, ଏଦାଆଁତାକି ନାନୁ ମିଙ୍ଗେ ଇ

ବାରେ କାତା ଖେସାମାଞ୍ଜାଇଁ □ ଦାର୍ତ୍ତିତା ମିଳେତାକି ହାରେକା ସାସ୍ତି ମାନେ, ସାମା ସାସ୍ତି ଆହୁ; ଇତିହାଁ ନାନୁ ଦାର୍ତ୍ତିତି ଜୀଣା ଆହାମାଇଁ □”

୧୭

ଜୀସୁ ତାନି ସୀସୁୟାକି ପ୍ରାତାନା କିନାୟି

୧ ଜୀସୁ ଇ ବାରେ କାତା ଏଲେଇଞ୍ଜା ଲାକପୁରୁ ଖାକି ସିନିକିହାନା ଏଲେଇଚେସି, “ଆବା, ବେଲା ଆଡେୟିଏ; ନୀ ମୀରଏଣାଇଁ ଗାଝୁରମି କିମ୍, ଏନିକିଁ ମୀରଏସି ନିଜେ ଗାଝୁରମି କିୟାନେସି □

୨ ନାନୁ ଏଞ୍ଜାଣାଇଁ ବାରେ ମାଣ୍ଠି କୁଡାତି ମୁହେଁ ଅଦିକାରା ହୀହାମାଞ୍ଜି □ ଅଡେ ଆମ୍ବାଆରାଇଁ ଏଞ୍ଜାଣି କେୟୁତା କାଲାକାଲାତି ଜୀସୁ ହୀହାଲିତାକି ହେରପାମାଞ୍ଜି ଏଞ୍ଜାଣାକି ବାଡୁୟୁ ହୀହାମାଞ୍ଜି □

୩ ଅଡେ ରଣ୍ଠିଏ ସାତା ମାହାପୁରୁତି ନାନୁ, ନିଜେ ଅଡେ ନୀ ତାଣାଟି ପାଣ୍ଡୁଆହାମାନି ଜୀସୁ କ୍ରୀସୁଇଁ ପୁନାୟି ଆହୁମାନେ କାଲାକାଲାତି ଜୀସୁ □

୪ ନାନୁ ନାଜେ ଏମିନି କାମା କିହାଲି ହୀହାମାଞ୍ଜାଦି, ଏଦାଆଁ ନାନୁ ରାପୁହାନା ଦାର୍ତ୍ତିତା ନିଜେ ଗାଝୁରମି କିହାମାଞ୍ଜାଇଁ □

୫ ଏ ଆବା ଦାର୍ତ୍ତି ଗାଡ଼ି ଆଆ ନକେଏ ନୀ ତଲେ ନା ଏମିନି ଗାଝୁରମି ମାଚେ, ଏମ୍ବାଟି ନାନୁ ନାଜେ ନୀ ତଲେ ଗାଝୁରମି କିୟାମ୍ □”

୬ “ନାନୁ ନାଜେ ଦାର୍ତ୍ତି ବିତ୍ରାଟି ଏମିନି ଲକୁଣି ନାଜେ ହୀହାମାଞ୍ଜାଦି, ନାନୁ ନୀ ଦରୁ ଏଞ୍ଜାରି ନକିତା ତସାମାଇଁ; ଏଞ୍ଜାରି ନୀ ଲକୁ ମାଚେରି ଅଡେ ନାନୁ ଏଞ୍ଜାରାଇଁ ନାଜେ ହୀହାମାଞ୍ଜାତି, ଏଞ୍ଜାରି ନୀ ବଲୁତି ମାନୁଞ୍ଜି ଆହାମାନେରି □

୭ ନାନୁ ନାଜେ ଏନା ଏନାଆଁ ହୀହାମାଞ୍ଜାଦି, ଏ ବାରେ ନୀ ତାଣାଟି ଖାହାମାନେ, ଇଦାଆଁ ନୀଏଁ ଏଞ୍ଜାରି ପୁଞ୍ଜାମାନେରି □

୮ ଇତିହାଁ ନାନୁ ନାଜେ ହୀହାମାଞ୍ଜାନି ବଲୁ ନାନୁ ଏଞ୍ଜାରାକି ହୀହାମାଇଁ, ଅଡେ ଏଞ୍ଜାରି ଆବା ମାନେରି ଇଞ୍ଜା ନାନୁ ନୀ ତାଣାଟି ଖାହାମାଇଁ, ଏଦାଆଁ ସାତା ତଲେ ପୁଞ୍ଜାମାନେରି, ଅଡେ ନାନୁ ନାଜେ ପାଣ୍ଡାମାଞ୍ଜାଦି ଇଞ୍ଜା ଏଞ୍ଜାରି ନାମାମାନେରି □”

୯ “ନାନୁ ଏଞ୍ଜାରି ତାକି ପ୍ରାତାନା କିହିମାଇଁ; ଦାର୍ତ୍ତି ତାକି ପ୍ରାତାନା କିହିହିଲଅଁ, ସାମା ନାନୁ ନାଜେ ଏମିନି ଗାଟାରାଇଁ ହୀହାମାଞ୍ଜାଦି, ଏଞ୍ଜାରି ତାକି ପ୍ରାତାନା କିହିମାଇଁ, ଇତିହାଁ ଏଞ୍ଜାରି ନୀ ଲକୁ; □

୧୦ ଏନା ଏନାୟି ନାଦି ମାନେ ଏ ବାରେ ନୀଦି, ଅଡେ ଏନା ଏନାୟି ନୀଦି ମାନେ, ଏ ବାରେ ନୀଦି ଅଡେ ଏଞ୍ଜାରି ତାଣାଟି ନାନୁ ଗାଝୁରମି ଆହୁମାଇଁ □

୧୧ ନାନୁ ଅଡେ ଇ ଦାର୍ତ୍ତିତା ଡୁୟିହିଲଅଁ, ସାମା ଇଞ୍ଜାରି ଦାର୍ତ୍ତିତା ଡୁୟିମାନେରି, ଇଞ୍ଜା ନାନୁ ନୀ ତାଣା ଖାହିମାଇଁ; ସୁଦୁଗାଟି ଆବା ଆମିନି ଗାଟାରାଇଁ ନୀ ଦରୁତି ବାଡୁୟୁ ତଲେ ନାଜେ ହେରପା ମାଞ୍ଜାଦି ଏଞ୍ଜାରାଇଁ ଗେଲପାମ୍,* ନାନୁ ଅଡେ ନାନୁ ଏନିକିଁ ରଣ୍ଠିଏ ଆହାମାନାୟି ଏଲେକିହାଁ ଏ ଏଞ୍ଜାରାଇଁ ଜିକେଏ ରଣ୍ଠିଏ କିହାଲି ସାୟେମି କିମ୍ □

୧୨ ଏଞ୍ଜାରିତଲେ ମାଟିବେଲାତା ନାନୁ ଏଞ୍ଜାରାଇଁ ନୀ ଦରୁତଲେ ଗେଲପାମାଇଁ, ଆମିନି ଦରୁ ନାନୁ ନାଜେ ହୀହାମାଞ୍ଜାଦି, ଅଡେ ନାନୁ ଏଞ୍ଜାରାଇଁ ଜାଗ୍ରାତା ତଲେ ଗେଲପାମାଇଁ,† ଦାମ୍ ପତି ଏନିକିଁ ପୁରା ଆନେ, ଏଦାଆଁତାକି ଏଞ୍ଜାରି ନାସା ଆନାୟି ମାଟି ଜିକେଏ, ରଅସି ଜିକେଏ ନାସା ଆହାହିଲଅସି □

୧୩ ସାମା ନୀଏଁ ନାନୁ ନୀ ତାଣା ଖାହିମାଇଁ, ଅଡେ ଦାର୍ତ୍ତିତା ମାଞ୍ଜା ମାଞ୍ଜାନା ନା ରାହାଁତା ଏଞ୍ଜାରି ହିୟାଁ ଏନିକିଁ ରାହାଁ ଆନେ, ଏଦାଆଁତାକି ନାନୁ ଇ ବାରେ କାତା ଖେସିମାଞ୍ଜାଇଁ □

୧୪ ନାନୁ ଏଞ୍ଜାରାକି ନୀ ବଲୁ ହୀହାମାଇଁ, ଏଦାଆଁତାକି ଦାର୍ତ୍ତି ଏଞ୍ଜାରାଇଁ ଅପିହିଲେଏ, ନାନୁ ଏନିକିଁ ଦାର୍ତ୍ତିତି ଖାହାହିଲଅଁ ଏଞ୍ଜାରି ଜିକେଏ ଇ ଦାର୍ତ୍ତିତାରି ଆଏ □

୧୫ ନାନୁ ଏଞ୍ଜାରାଇଁ ଇ ଦାର୍ତ୍ତିତି ଅହାଁ ହାଲାମ୍ ଇଞ୍ଜା ବାଡିମାଲି ମାଞ୍ଜଅଁ, ସାମା ଏଞ୍ଜାରାଇଁ ଲାଗେଏତି ପାନ୍ଦାଟି ଗେଲପାମ୍ ଇଞ୍ଜା ବାଡିମାଲିମାଞ୍ଜାଇଁ □

୧୬ ନାନୁ ଏନିକିଁ ଦାର୍ତ୍ତିତି ଖାହାହିଲଅଁ, ଏଞ୍ଜାରି ଏଲେକିଁ ଦାର୍ତ୍ତିତି ଖାହାହିଲଅରି □

୧୭ ସାତା ତଲେ ଏଞ୍ଜାରାଇଁ ସୁଦୁ କିମ୍, ଇତିହାଁ ନୀ ବଲୁଏ ସାତା □

୧୮ ନାନୁ ଏନିକିଁ ନାଜେ ଦାର୍ତ୍ତିତା ପାଣ୍ଡାମାଞ୍ଜାଦି, ନାନୁ ଜିକେଏ ଏଞ୍ଜାରାଇଁ ଦାର୍ତ୍ତିତା ପାଣ୍ଡାମାଇଁ □

୧୯ ଅଡେ ଏଞ୍ଜାରି ଜିକେଏ ଏନିକିଁ ସାତା ତଲେ ସୁଦୁ ଆନେରି, ଏଦାଆଁତାକି ନାନୁ ଏଞ୍ଜାରି ତାକି ନାଜେ ସୁଦୁ କିହିମାଇଁ □”

୨୦ “ନାନୁ ଖାରଇ ଏଞ୍ଜାରି ତାକି ପ୍ରାତାନା କିହିହିଲଅଁ, ଏଞ୍ଜାରି ବଲୁ ଖେଞ୍ଜାନା ଆମ୍ବାଆସି ନା ତାଣା ନାମିନେସି, ଏଞ୍ଜାରି ତାକି ଜିକେଏ ପ୍ରାତାନା କିହିମାଇଁ □

୨୧ ଏନିକିଁ ଏଞ୍ଜାରି ବାରେ ରଣ୍ଠିଏ ଆନେରି; ଏ, ଆବା ନାନୁ ଏନିକିଁ ନା ତାଣା ମାଞ୍ଜି ଅଡେ ନାନୁ ନୀ ତାଣା ମାଇଁ, ଏଞ୍ଜାରି ଜିକେଏ ଏଲେକିହାଁ ଏ ମା ତାଣା ଡୁୟାପେରି, ଏନିକିଁ ନାନୁ ନାଜେ

* ୧୭:୧୧ ୧୭:୧୧ ଇ କାତା ପୁଞ୍ଜଇ ପତିତା ହିଲେଏ □ ☆ ୧୭:୧୨ ୧୭:୧୨ ଜହ ୧୩:୧୮ † ୧୭:୧୨ ୧୭:୧୨ ଇ କାତା ପୁଞ୍ଜଇ ପତିତା ହିଲେଏ □

ପାଶ୍ଚାତ ଇଞ୍ଜିଁ ଦାରତି ନାମିନେ □

୨୨ ଅଡ଼େ ନାନୁ ନାଙ୍ଗେ ଏମିନି ଗାଞ୍ଜୁରମି ହାହାମାଞ୍ଜାଦି, ନାନୁ ଏଦାଆଁ ଏଞ୍ଜାରାକି ହାହାମାଙ୍ଗ, ମାର ଏନିକିଁ ରଣ୍ଡିଏ ଏଞ୍ଜାରି ଏଲେକିଁ ରଣ୍ଡିଏ ଆନେରି;

୨୩ ନାନୁ ଏନିକିଁ ନା ତାଣା ନାନୁ ଏଲେକିହିଁ ଏଞ୍ଜାରିତାଣା ତୁୟିକିଁ □ ଏନିକିଁ ଏଞ୍ଜାରି ମାନି ତଲେ ରଣ୍ଡିଏ ଆନେରି, ଇଞ୍ଜା ଦାରତି ପୁନେ କି ନାନୁ ନାଙ୍ଗେ ପାଶ୍ଚାମାଞ୍ଜାଦି, ନାଙ୍ଗେ ଏନିକିଁ ଜୀଞ୍ଜୁ ନହଁ ମାଞ୍ଜାଦି ଏଞ୍ଜାରାକି ଜିକେଏ ଏଲେକିହିଁ ଏ ଜୀଞ୍ଜୁ ନହଁ ମାଞ୍ଜି □

୨୪ “ଏ ଆବା! ନାନୁ ଏଞ୍ଜାରାକି ନା କେୟୁତା ହାହାମାଞ୍ଜାଦି □ ନାନୁ ଆମ୍ବିୟା ତୁୟିକିଁ, ଏଞ୍ଜାରି ଜିକେଏ ଏନିକିଁ ଏମ୍ବାଆଁ ତୁୟିନେରି ଅଡ଼େ ଦାରତି ଗାଡ଼ି ଆଆ ନକେଏ ନାନୁ ନାଙ୍ଗେ ଜୀଞ୍ଜୁ ନହଁ ମାଞ୍ଜାନାକି ନାଙ୍ଗେ ଏମିନି ଗାଞ୍ଜୁରମି ହାହାମାଞ୍ଜାଦି, ନା ଏ ଗାଞ୍ଜୁରମି ଏନିକିଁ ଏଞ୍ଜାରି ମେସାଲି ଆଡ଼ିନେରି ଇଦି ନା ଅଣ୍ଡୁ □

୨୫ ଏ ଦାମ୍ବୁଗାଟି ଆବା, ଦାରତି ନିଙ୍ଗେ ପୁଞ୍ଜାମାଞ୍ଜେଏ, ସାମା ନାନୁ ନିଙ୍ଗେ ପୁଞ୍ଜାମାଞ୍ଜାକି; ଅଡ଼େ ନାନୁ ନାଙ୍ଗେ ପାଶ୍ଚାମାଞ୍ଜାଦି, ଏଦାଆଁ ଇଞ୍ଜାରି ପୁଞ୍ଜାମାଞ୍ଜାନେରି;

୨୬ ନାନୁ ନାଙ୍ଗେ ଏମିନି ଜୀଞ୍ଜୁ ନହଁ ଜୀଞ୍ଜୁ ନହଁ ମାଞ୍ଜାଦି, ଏଦି ଏନିକିଁ ଏଞ୍ଜାରିତାଣା ତୁୟିନେ ଅଡ଼େ ନାନୁ ଏଞ୍ଜାରିତାଣା ତୁୟିକିଁ, ଏଦାଆଁତାକି ନାନୁ ଏଞ୍ଜାରାକି ଖେସାମାକି ଅଡ଼େ ଖେହକିଁ □”

୧୮

ଜୀସୁ ସାତୁୟାଁ କେୟୁତା ହେରପି ଆନାୟି

(ମାତି ୨୬:୪୭-୫୬; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜୀସୁ ଇ ପ୍ରାତାନା ରାପୁହି ତାୟୁ ତାନି ସୀସୁୟାଁ ତଲେ କିଦୁଣ କାତା ଆତାଲା ହାଚେରି, ଏମ୍ବାଆଁ ର ବାଡ଼ା ମାଚେ, ଇଞ୍ଜା ଏଞ୍ଜାସି ତାନି ସୀସୁୟାଁ ତଲେ ଏମ୍ବାଆଁ ହଚେରି □

୨ ଏମିନି ଜୀହୁଦା ଏଞ୍ଜାଣାକି ସାତୁୟାଁ କେୟୁତା ହେରପିତେସି, ଏଞ୍ଜାସି ଜିକେଏ ଏ ଚାୟୁତି ପୁଞ୍ଜାମାଚେସି, ଇଚିହଁ ଜୀସୁ ହାଚେକା ପାଲି ସୀସୁୟାଁ ତଲେ ଏ ଚାୟୁତା ହାଜାମାଚେସି □

୩ ଏଦାଆଁତାକି ଜୀହୁଦା ଜାମାନାଙ୍ଗା ଇଞ୍ଜା କାଜା ପୂଜେରା ଅଡ଼େ ପାରୁସିୟାଁ ତାଣାଟି ମାହାପୁରୁ ଇଲୁତି ଜାମାନାଙ୍ଗା ଲକୁ ଦୀଞ୍ଜି, ହିରୁ ବନ୍ଦାୟାଁ ଅଡ଼େ ଟେଙ୍ଗା ବାଲାୟାଁ ଆସାନା ଏମ୍ବାଆଁ ଖାଡ଼େରି □

୪ ଏମ୍ବାଟିଏ ଜୀସୁ ତାଙ୍ଗେତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା

ହାଜାନା ଏଞ୍ଜାରାକି ଖେଚେସି, “ମୀରୁ ଆମ୍ବାଆରାକି ପାରିମାଞ୍ଜେରି ?”

୫ ଏଞ୍ଜାରି ଏଲେକଚେରି, “ନାଜରିତତି ଜୀସୁ □”

ଜୀସୁ ଏଞ୍ଜାରାକି ଏଲେକଚେସି, “ନାନୁ ଏଞ୍ଜାଚେଏଁ ?”

ଏମିନି ଜୀହୁଦା ଏଞ୍ଜାଣାକି ସାତୁୟାଁ କେୟୁତା ହେରପିତେସି, ଏଞ୍ଜାସି ଜିକେଏ ଏଞ୍ଜାରିତଲେ ଏମ୍ବାଆଁ ନିଚାମାଚେସି □

୬ ଜୀସୁ ଏଚିବେଲା ଏଞ୍ଜାରାକି ଏଲେକଚେସି, “ନାନୁ ଏଞ୍ଜାଚେଏଁ” ଏଚିବେଲା ଏଞ୍ଜାରି ତାୟୁଖାକି ଗୁରା ଆହାନା ବୁମିତା ତରଗା ହାଚେରି □

୭ ଜୀସୁ ଖେଣ୍ଡେ ଖେଚେସି, “ମୀରୁ ଆମ୍ବାଆରାକି ପାରିମାଞ୍ଜେରି ?” ଏଞ୍ଜାରି ଏଲେକଚେରି, “ନାଜରିତତି ଜୀସୁକିଁ □”

୮ ଜୀସୁ ଏଲେକଚେସି, “ନାନୁ ଖେସାମାଞ୍ଜାକି, ନାନୁ ଏଞ୍ଜାଚେଏଁ □ ମୀରୁ ନାଙ୍ଗେ ପାରିମାଞ୍ଜାଦେରି ଇଚିହଁ ଇଞ୍ଜାରାକି ପିହୁଦୁ □

୯ ଆମ୍ବାଆରାକି ନାଙ୍ଗେ ହାହାମାଞ୍ଜାଦି, ଏଞ୍ଜାରି ବିତ୍ରାଟି ରଅଣାକି ଜିକେଏ ଜାକହା ହିଲଅଁ □” ଏନିକିଁ ଦାମ୍ବୁ ପତିତି କାତା ସାତା ଆନେ ଏଦାଆଁତାକି ଏଲେ ଇଚେସି □

୧୦ ସିମନ ପିତର ତାନି ତାଣା କାଣ୍ଡା ମାଚାକି ଏଞ୍ଜାସି କାଜା ପୂଜେରା ହଲେଏଣା ଟିଞ୍ଜି କିୟଁ ଦାଚେସି, ଏଞ୍ଜାଣି ଦରୁ ମାଲକସ୍ □

୧୧ ଏଚେଟିଏ ଜୀସୁ ପିତରକି ଏଲେକଚେସି, “କାଣ୍ଡା, କାଣ୍ଡା ଇଚିନି ଚାୟୁତା ଇଚାମ୍ବୁ; ନାନୁ ଏନାଆଁ ଅଣ୍ଡିମାଞ୍ଜି, ଆବା ମାହାପୁରୁ ନାଙ୍ଗେ ହାହାମାଞ୍ଜାନି ଦୁକୁତି ସଲାତା ଗସାଲି ଆଡ଼ଅଁ କି ?”

ହାନାନ ନକିତା ଜୀସୁ

୧୨ ଏମ୍ବାଟିଏ ରମିୟ କସକା, ଇଞ୍ଜା ରିଜାରି କସକା ମୁହେଁ କାଜାସି, ଅଡ଼େ ଜୀହୁଦି ଲକୁତି କସକା ଜୀସୁକିଁ ଆସାନା ଦସପିତେରି □

୧୩ ଏଞ୍ଜାଣାକି ଦସପାନା ମୂଲୁଏ ହାନାନ ତାଣା ଅଡ଼େରି, ଇଚିହଁ ଏଞ୍ଜାସି ଏ ବାସାତି କାଜା ପୂଜେରା କୟାପାତି ପଡ଼ଲେଏସି ମାଚେସି □

୧୪ ଏ କୟାପା ବାରେ ଲକୁ ତାକି ରଅସି ହାନାୟି ମିଙ୍ଗେ ତାକି ନେହେଁ ଇଞ୍ଜିଁ ଜୀହୁଦି ଲକୁଣି ଖେସାମାଚେସି □

ପିତର ଜୀସୁକିଁ ପୁଞ୍ଜାହିଲଅଁ ଇନାୟି

(ମାତି ୨୬:୬୯-୭୦; ମାର୍କ ୧୪:୬୭-୬୮; ଲୁକ ୨୨:୫୫-୫୯)

୧୫ ସିମନ ପିତର ଅଡ଼େ ର ସୀସୁ ଜୀସୁତି ଜେଚ ଜେଚ ହାଜିମାଚେରି □ ଏ ସୀସୁ କାଜା ପୂଜେରା

✧ ୧୮:୧୧ ୧୮:୧୧ ମାତି ୨୬:୩୯; ମାର୍କ ୧୪:୩୭; ଲୁକ ୨୨:୪୭ ✧ ୧୮:୧୪ ୧୮:୧୪ ଜହ ୧୧:୪୯,୫୦

ତଳେ ପୁଣି ଆହାମାରେରି ଅଡ଼େ ଜୀସୁତଳେ କାଜା ପୂଜେରା ଆଂଗେଣିତା ହାରେସି;

୧୭ ସାମା ପିତର ପାଙ୍ଗାତି ଦୁଝେରି ଦାରିତା ନିଚାନା ଡ଼ୟିତେସି □ ସାମା ଏମିନି ସୀସୁ କାଜା ପୂଜେରା ତଳେ ପୁଣି ଆହାମାରେରି, ଏଝାସି ପାଙ୍ଗାତା ହାଜାନା ଦୁଝେରିତା କାଃଆନାଣାଇଁ ଏଲେଇଞ୍ଜାନା ପିତରଇଁ ବିତ୍ରା ଅଡ଼େସି □

୧୭ ଏମ୍ବାଟିଏ ଦୁଝେରିତା କାଃଆନାଣି ହଲେଣି ପିତରଇଁ ଏଲେଇଚେସି, “ନାନୁ ଜିକେଏ ଏନାଆଁ ଲଲକୁତି ସୀସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଏଝାତେଏଁ ଆଏ □”

୧୮ ଏତିବେଲାତା ପେନି ଆହିମାତାକି ହଲିୟାଙ୍ଗା ଅଡ଼େ କାଃଆନାରି ହିରୁ ତାସାନା ସାରିଝାକି ନିଚାନା କେରଞ୍ଜି ମାରେରି; ପିତର ଜିକେଏ ଏଝାରିତଳେ ନିଚାନା ହିରୁ କେରଞ୍ଜି ମାରେସି □

କାଜା ପୂଜେରା ଜୀସୁଇଁ ଝେନାୟି

(ମାତି ୨୭:୪୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ କାଜା ପୂଜେରା ଜୀସୁଇଁ ତାନି ଜାପ୍ନାଣି ଇଞ୍ଜା ସୀସୁୟାଁତି କାତା ଝେରେସି □

୨୦ ଜୀସୁ ଏଲେଇଚେସି, “ନାନୁ ବାରେ ଦାର୍ତିତି ନକିତା ତସାନା ଜାପ୍ନାଣାଇଁ, ଆମ୍ବିୟା ବାରେ ଜୀହୁଦି ଲକୁ କୃଡ଼ା ଆନେରି, ମାହାପୁରୁ ଇଲୁତା ଅଡ଼େ ଜୀହୁଦି ଲକୁତି କୁଟମି ଇଲକାଣା*, ଲକୁ କୃଡ଼ା ଆହାମାନି ବେଲାତା ନାନୁ ଜାପ୍ନାଣାଇଁ, ତକୁହାନା ଏନାଆଁ କିହାହିଲଅଁ □

୨୧ ନାଜେ ଏନାଆଁତାକି ଝେଞ୍ଜିମାଞ୍ଜାଦି ? ନାନୁ ଏଝାରାଇଁ ଏନାଆଁ ଏଲେଇଞ୍ଜାମାଇଁ, ଆମ୍ବାଆରି ଝେଞ୍ଜାମାନେରି ଏଝାରାଇଁ ଝେନାମୁ; ନାନୁ ଏନା ଏନାଆଁ ଏଲେଇଞ୍ଜାମାଇଁ, ଏଝାରି ବାରେ ପୁଞ୍ଜାମାନେରି □”

୨୨ ଜୀସୁ ଏଲେ ଇଞ୍ଜିମାନାଣି ଝେଞ୍ଜାନା ଦାରିତା ନିଚାମାତି ମାହାପୁରୁ ଇଲୁ ଜାମାନାଙ୍ଗା ବିତ୍ରାଟି ରଅସି ଏଝାଣାଇଁ ସାପ୍ଡା ଝେଚାନା ଏଲେଇଚେସି, “ନିଜେ ଇଚେକା ସାସା କାଜା ପୂଜେରାଇଁ ଏଲେ ଇଞ୍ଜିମାଞ୍ଜି ?”

୨୩ ଜୀସୁ ଏଝାଣାଇଁ ଏଲେଇଚେସି, “ନାନୁ ଲାଗେଏ ଜଲ୍ଲାମାଟିହିଁ, ଏ ଲାଗେଏତି ପାର୍ମାଣା ହିୟାଦୁ; ନେହିଁ ଜଲ୍ଲାମାଇଁ ଇଚିହିଁ ଏନାଆଁତାକି ନାଜେ ଝେଚିମାଞ୍ଜାଦି ?”

୨୪ ଏମ୍ବାଟିଏ ହାନାନ ଜୀସୁଇଁ ଏଲେକିହିଁଏ ଦସ୍ପି ଆହାମାନାଣାଇଁ କାଜା ପୂଜେରା କୟାପା ତାଣା ପାଣ୍ଡିତେସି □

ପିତର ଜୀସୁଇଁ ଅଡ଼େ ଝେଣ୍ଡେ ପୁଞ୍ଜାହିଲଅଁ ଇନାୟି

(ମାତି ୨୭:୭୧-୭୫; ମାର୍କ ୧୪:୬୯-୭୧; ଲୁକ ୨୨:୫୮-୬୨)

୨୫ ସିମନ ପିତର ହିରୁ ତାଗେ ନିଚାନା ହିରୁ କେରଞ୍ଜି ମାରେସି, ଏମ୍ବାଟିଏ ଏଝାରି ଏଝାଣାଇଁ ଝେଚେରି, “ନାନୁ ଜିକେଏ ଏଝାଣି ସୀସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଆଏ □”

୨୬ ପିତର, ଏମିନି କାଜା ପୂଜେରା ହଲିୟାଙ୍ଗା ବିତ୍ରାଟି ରଅଣି କିୟଁ ଦାଡ଼ା ମାରେସି, ଏଝାଣି କୁଟମିତାସି ଏଲେଇଚେସି, “ନାନୁ ନିଜେ ବାଡ଼ାତା ଏଝାଣିତଳେ ମାତାଣି ମେସାମାଞ୍ଜାଆତେଏଁ କି ?”

୨୭ ପିତର ଅଡ଼େ ଝେଣ୍ଡେ ଏଲେଇଚେସି, “ଆଏ ପୁଞ୍ଜାହିଲଅଁ □” ଏତିବେଲାତା କୟୁ କେଶ୍ଚେ □

ପିଲାତ ତାଣା ଜୀସୁ

(ମାତି ୨୭:୧,୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ତାନି ଅର ନେରୁ ଲାଇ ଏଝାରି ଜୀସୁଇଁ କୟାପା ଇଲୁଚି ଅହାନା ରମିୟ ରାଜି ସାଲଝି କିନାଣି ମେଡ଼ା ଇଲୁତା ଏତେରି, ଜୀହୁଦି ଲକୁ ମେଡ଼ା ଇଲୁ ବିତ୍ରା ହାଲାଆତେରି, ଇଚିହିଁ ଏନାଆଁ ତଳେ ପିସ୍ପିଆଡ଼ି ପାର୍ବୁତି ବଜି ତାକି ତାମଜେ ଲାଗେଏ କିହାକତାଲି ଅଶ୍ପି ହିଲାଆତେରି □

୨୯ ଏନାଆଁତାକି ସାଲଝି କିନି ପିଲାତ ଏଝାରିତାଣା ପାଙ୍ଗାତା ଝାହାନା ଝେଚେସି, “ଇ ମାଣ୍ଡସି କପାଟି ମୀ ଏନିଲେହେତି ଦାଝା ମାନେ ?”

୩୦ ଏଝାରି ଏଝାଣାଇଁ ଏଲେଇଚେରି, “ଇ ମାଣ୍ଡସି ଲାଗେଏତି କାମା କିହା ହିଲାଆତିହିଁ ମା, ମାମ୍ବୁ ଏଝାଣାଇଁ ନୀ ତାଣା ତାଆତମିମା □”

୩୧ ପିଲାତ ଏଝାରାଇଁ ଏଲେଇଚେସି, “ଆତିହିଁ ଇଝାଣାଇଁ ଅହାନା ମୀ ମେରା ତଳେ ନୀହାୟି କିଦୁ □” ଜୀହୁଦିୟାଁ ଏଝାଣାଇଁ ଏଲେଇଚେରି, “ଆମ୍ବାଆରାଇଁ ହାନ୍ତି ତଣ୍ଡ ହୀହାଲି ମା ଅଦିକାରା ହିଲେଏ □”

୩୨ ଜୀସୁ ଏନିକିଁ ହାହାଲି ହାଜିମାନେସି, ଏ କାତା ଜୀସୁ ଏନାଆଁ ଏଲେଇଞ୍ଜାମାରେସି, ଏଦି ଏନିକିଁ ପୁରା ଆନେ, ଏନାଆଁତାକି ଏଝାରି ଏଲେଇଚେରି □

୩୩ ପିଲାତ ଝେଣ୍ଡେ ମେଡ଼ା ଇଲୁ ବିତ୍ରା ହାଜାନା ଜୀସୁଇଁ ଝେଚେସି, “ଏନାଆଁ ନାନୁ ଜୀହୁଦି ଲକୁତି ରାଜାତି ?”

୩୪ ଜୀସୁ ଏଲେଇଚେସି, “ଇ କାତା ନୀ ମନଟି ଝେଞ୍ଜିମାଞ୍ଜାଦି କି ଏଚ୍ଚକାତାରି ନା କାତାତି ନିଜେ ଏନାଆଁ ଏଲେଇଞ୍ଜା ମାଞ୍ଜାନେରି ?”

* ୧୮:୨୦ ୧୮:୨୦ ସିନଗର ☆ ୧୮:୩୨ ୧୮:୩୨ ଜହ ୩:୧୪; ୧୨:୩୨

୩୫ ପିଲାତ ଏଲେଇଚେସି, “ନୀନୁ ଏନାଆଁ ଅଣ୍ଠାମାଞ୍ଜି, ନାନୁ ର ଜୀହୁଦିତେସି? ନୀ କୁଡାତି ଲକୁ ଇଞ୍ଜା କାଜା ପୂଜେରାଜା ନିଜେ ତାଚାନା ନା କେୟୁତା ହେର୍ପା ମାଞ୍ଜାନେରି □ ଖେସ୍ତାମୁ ନୀନୁ ଏନାଆଁ କିହାମାଞ୍ଜି ?”

୩୬ ଜୀସୁ ଏଲେଇଚେସି, ନା ରାଜି ଇ ଦାରତିତାୟି ଆସ; ନା ରାଜି ଦାରତିତାୟି ଆତିହୁମା, ନାନୁ ଜୀହୁଦି ଲକୁତାଣା ହେର୍ପି ଆଆରେଟୁ ନାଜେ ସେବା କିୟାନାରି ନା ତାକି ଜୁଜୁ କିତେରିମା, ସାମା ନା ରାଜି ସାତେଏ ଇ ଦାରତିତାୟି ଆସ □

୩୭ ପିଲାତ ଏଝାଣାଇଁ ଖେଚେସି, “ଆତିହୁମା ନୀନୁ ଜୀହୁଦି ଲକୁତି ରାଜାତି ?”

ଜୀସୁ ଏଲେଇଚେସି, “ନୀନୁ ଏଲେ ଇଞ୍ଜିମାଞ୍ଜି ନାନୁ ର ରାଜାତେସି □ ନାନୁ ସାତା ଝାକିଟି ସାକି ହାହାଲି ଜାନା ଆହାମାଇଁ ଅଡେ ଦାରତିତା ଝାହାମାଇଁ □ ଆମ୍ବାଆସି ସାତାତି ମୀର୍ଏସି ଏଝାସି ନା କାତା ଖେନେସି □”

ଜୀସୁଇଁ ହାନ୍ତି ତଣ୍ଡୁ ହାନାୟି

(ମାତି ୨୭:୧୫-୩୧; ମାର୍କ ୧୫:୬-୨୦; ଲୁକ ୨୩:୧୩-୨୫)

୩୮ ପିଲାତ ଖେଚେସି, “ସାତା ଏନାୟି ?”

ପିଲାତ ପାଜାତା ହାଜାନା ଜୀହୁଦି ଲକୁଣି ଏଲେଇଚେସି, “ନାନୁ ଇଝାଣି ତାଣା ଏନ୍ତି ଦହ ବେଟାଆହି ହିଲଅଁ □

୩୯ ସାମା ନାନୁ ପିସ୍ପିଆନ୍ତି ପାରୁଁ ବେଲାତା ମିଜେତାକି କାୟିଦିତା ମାନାରାଇଁ ରଅଣାଇଁ ପିସାଲି ତାକି ମୀ ମୋରା ମାନେ, ଏଦାଆଁତାକି ଜୀହୁଦି ଲକୁତି ରାଜାଇଁ ମାଜେତାକି ପିସା ହିୟାପେସି ଇଞ୍ଜିମା ମନ ମାନେକି ?”

୪୦ ଏମ୍ବାଟିଏ ଏଝାରି କାଲୁଝି ଆହୁ ଏଲେଇଚେରି, “ଇଝାଣାଇଁ ଆସ, ସାମା ବାରବାଇଁ ପିସାହିୟାମୁ □”

୧୯

୧ ତାୟୁ ପିଲାତ ଜୀସୁଇଁ ଅହାନା ସାଟ୍ଟି ମାଡା କିଝି କିତେସି □

୨ ଅଡେ ରିଜାରି କସକା ହାପୁକା ଟପେରି ଆଲାନା ଜୀସୁ ତାୟୁ ତୁ ଇଟିଚେରି, ଅଡେ ଏଝାଣାଇଁ ହେୟା ଝାଣା ହିମ୍ବୁରି ହୁଟିକିଚେରି;

୩ ଏଝାରି ଏଝାଣି ତାଣା ଝାହାନା ଏଲେଇଚେରି, “ଏ ଜୀହୁଦିୟା ରାଜା ଜହରା;” ଇଞ୍ଜା ଏଝାରି ଏଝାଣାଇଁ ସାପୁଡା ଖେଚେରି □

୪ ପିଲାତ ଖେଣ୍ଡେ ପାଜାତା ହାଜାନା ଏଲେଇଚେସି, “ନାନୁ ଏଝାଣି ତାଣା ଏନ୍ତି ଦହ ବେଟାଆହି ହିଲଅଁ, ଇଦାଆଁ ଏନ୍ତିକିମା ମୀରୁ

ପୁଞ୍ଜେରି, ଇଦାଆଁତାକି ନାନୁ ଏଝାଣାଇଁ ମୀ ତାଣା ତାଟିମାଇଁ □”

୫ ଏମ୍ବାଟିଏ ଜୀସୁ ଏ ହାପୁକା ଟପେରି ଅଡେ ହେୟା ଝାଣା ହିମ୍ବୁରି ପର୍ହାନା ପାଜାତା ଝାଚେସି, ପିଲାତ ଏଝାଣାଇଁ ଏଲେଇଚେସି, “ମେହ୍ଦୁ ଇଝାସି ଏ ମାଣ୍ଡିସି □”

୬ ଏମ୍ବାଟିଏ କାଜା ପୂଜେରାଜା ଅଡେ ମାହାପୁରୁ ଇଲୁ କାଃଆନ୍ତି ଜାମାନାଜା ଏଝାଣାଇଁ ମେସାନା କାଲୁଝି ଆହୁ ଏଲେଇଚେରି, “ଏଝାଣାଇଁ ପାସି ଏକ୍ଦୁ ପାସି ଏକ୍ଦୁ □” ପିଲାତ ଏଝାଣାଇଁ ଏଲେଇଚେସି, “ମୀରୁ ଏଝାଣାଇଁ ଅହାନା ପାସି ଏକ୍ଦୁ, ଇଟିହୁମା ନାନୁ ଏଝାଣି ତାଣା ଏନ୍ତି ଦହ ବେଟାଆହି ହିଲଅଁ □”

୭ ଜୀହୁଦି ଲକୁ ଏଝାଣାଇଁ ଏଲେଇଚେରି, “ଇଟିହୁମା ମାଜେ ରଣ୍ଡିଏ ମୋରା ମାନେ, ଏ ମୋରାଲେହେଏ ଏଝାସି ହାନ୍ତି ତଣ୍ଡୁ ବେଟାଆନାୟି ମାନେ, ଇଟିହୁମା ଏଝାସି ତାଜେ ମାହାପୁରୁତି ମୀର୍ଏସି ଇଞ୍ଜିମା ଖେସାମାନେସି □”

୮ ଏମ୍ବାଟିଏ ପିଲାତ ଇ କାତା ଖେଞ୍ଜାନା ଗାତି ଆଜିଚେସି □

୯ ଖେଣ୍ଡେ ମୋଡା ଇଲୁତା ହାଜାନା, ଜୀସୁଇଁ ଖେଚେସି, “ନୀନୁ ଆମ୍ବିଟି ଝାହାମାଞ୍ଜି ?” ସାମା ଜୀସୁ ସାପି ଆହାନା ଡିୟିଚେସି □

୧୦ ପିଲାତ ଏଲେଇଚେସି, “ନାଜେ ଜଲିମାଞ୍ଜିଅତି ? ନିଜା ଗେଲପାଲି ନା ଅଦିକାରା ମାନେ ଅଡେ ପାସିତା ଏକହାଲି ନା ଅଦିକାରା ମାନେ ଇ କାତା ନୀନୁ ପୁଞ୍ଜାହିଲଅତି ?”

୧୧ ଜୀସୁ ଏଲେଇଚେସି, “ମାହାପୁରୁ ତାଣାଟି ନିଜେ ଅଦିକାରା ହୀଆତିହୁମା, ନା ଲାକ ନୀ ଏନ୍ତି ଅଦିକାରା ହିଲାଆତେମା; ଇଞ୍ଜା ଆମ୍ବାଆସି ନାଜେ ନୀ କେୟୁତା ହେର୍ପା ମାଞ୍ଜାନେସି ଏଝାଣି ପାପୁ ହାଟ୍ଟେକା □”

୧୨ ଇ କାତା ଖେଞ୍ଜାନା ପିଲାତ ଜୀସୁଇଁ ପିସାଲି ତାକି ଅଣ୍ଡିଚେସି, ସାମା ଜୀହୁଦି ଲକୁ କାଲୁଝି ଆହୁ ଏଲେଇଚେରି, “ନୀନୁ ଇଝାଣାଇଁ ପିହୁଦି ଆତିହୁମା ନୀନୁ କାୟିସରତି ତଟେଟି ଆସ; ଆମ୍ବାଆସି ଜାହାରାଇଁ ରାଜା ଇନେସି ଏଝାସି କାୟିସର କପାଟି କାତା ଜଲିମାନେସି □”

୧୩ ପିଲାତ ଇ କାତା ଖେଞ୍ଜାନା ଜୀସୁଇଁ ପାଜାତା ଝାଲକାତି ବେରଣିମାଣ୍ଡାତା ତାଚେରି □ ଏମିନାଣି ଏନ୍ତି ହାଡାତଲେ “ଗବ୍‌ବତା” ଇଞ୍ଜିମା ଇନେରି, ଏ ଗାୟୁଟି ବିଚାରା କିନି ଗାୟୁତା କୁଟିଚେସି □

୧୪ ଏ ଦିନା ପିସ୍ପିଆନ୍ତି ପାରୁଁତି ତଲିତି ଦିନା ମାଚେ, ଏତିବେଲା ଲାଲ ସ ଗଂଟା ଆହାମାଚେ □ ଇଞ୍ଜା ଏଝାସି ଜୀହୁଦି ଲକୁଣି ଏଲେଇଚେସି, “ଇଝାସି ମେହ୍ଦୁ ମୀ ରାଜା □”

† ୧୮:୪୦ ୧୮:୪୦ ଇ ବାରବା ର ଡଂଗେଏସି ମାଚେସି

୧୫ ଏମ୍ବାଟିଏ ଏଞ୍ଜାରି ଏଲେଇଚେରି, “ଏଞ୍ଜାଣାଲ୍ ପାୟାଦୁ, ପାୟାଦୁ, ପାସି ଏକ୍ସଦୁ □” ପିଲାତ ଏଞ୍ଜାରାଲ୍ ଏଲେଇଚେସି, “ନାନୁ ମୀ ରାଜାଲ୍ ପାସିତା ଏକ୍ସଲ୍ ?” କାଜା ପୂଜେରାଜା ଏଲେଇଚେରି, “କାୟିସର ପିସ୍ପେ ମା ରାଜା ଆମ୍ବାଆସି ହିଲଅସି □”

୧୬ ତାୟୁ ପିଲାତ ଜୀସୁଇଁ ପାସି ମୁଣ୍ଡାତା ଏକ୍ସହାଲି ତାକି ଏଞ୍ଜାରି କେୟୁତା ହେରପିତେସି, ଇଞ୍ଜା ତାୟୁ ଏଞ୍ଜାରି ଜୀସୁଇଁ ଅହିଁ ହାଚେରି □

ଜୀସୁତି ପାସି ଆନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଏଚେଟିଏ ଏଞ୍ଜାରି ଜୀସୁଇଁ ଅଡେରି; ଅଡେ ଜୀସୁ ଜାହାରା ପାସିମୁଣ୍ଡା ଡେକାନା “ତାୟୁ ରୁପା” ଇନି ଟାୟୁତା, ଇଚିହିଁ ଏମିନାଣି ଏବୁ ହାଡାତଲେ “ଗଲଗତା” ଇଞ୍ଜା ଇନେରି ଏମ୍ବାଆଁ ହାଚେସି □

୧୮ ଏମ୍ବାଆଁ ଏଞ୍ଜାରି ଜୀସୁଇଁ ପାସି ମୁଣ୍ଡାତା ଏକ୍ସହେରି, ଏଞ୍ଜାଣିତଲେ ଅଡେ ରିଆରାଲ୍ ପାସି ମୁଣ୍ଡାତା ଏକ୍ସହେରି, ରିକଞ୍ଜାକି ରିଆରି ଅଡେ ମାଦିଏ ଜୀସୁ □

୧୯ ଅଡେ ପିଲାତ ର ଆକୁତା ରାଚାନା ପାସିମୁଣ୍ଡା ଲାକ ଆଟକିତେସି, ଏମ୍ବାଆଁ ରାସ୍କି ଆହାମାଚେ, “ନାଜରିତଡି ଜୀସୁ ଜୀହୁଦିୟାଁ ରାଜା □”

୨୦ ଜୀହୁଦିୟାଁ ବିତ୍ରାଟି ହାଚେକା ଏ ଆକୁତି ପଡ଼଼ି ଆଡେରି, ଇଚିହିଁ ଜୀସୁଇଁ ଏମିନିତାଣା ପାସି ଏପ୍କି ଆହାମାଚେ, ଏଦି ଗାଡା ତାଗେ ମାଚେ; ଇଞ୍ଜା ଏ ଆକୁ ଏବୁ, ଲାଟିନ୍ ଅଡେ ଗ୍ରିକ୍ ହାଡାତଲେ ରାସ୍କି ଆହାମାଚେ □

୨୧ ଜୀହୁଦି ଲକୁତି କାଜା ପୂଜେରାଜା ପିଲାତଲ୍ ଏଲେଇଚେରି, “ଜୀହୁଦିୟାଁ ରାଜା ଇଞ୍ଜା ରାଚାଆନା, ନାନୁ ଜୀହୁଦି ଲକୁତି ରାଜା ଇଞ୍ଜାମାଚେସି ଇଞ୍ଜା ରାଚାମୁ □”

୨୨ ସାମା ପିଲାତ ଏଲେଇଚେସି, “ନାନୁ ଏନାଆଁ ରାଚାମାଲ୍ ଏଲେକିହିଁଏ ଡୟିନେ □”

୨୩ ରିଜାରି କସ୍କା ଜୀସୁଇଁ ପାସିତା ଏକ୍ସହି ଜେଚ ଏଞ୍ଜାଣି ହିମ୍ପରିକା ଅହାନା ସାରି ବାଗା କିତେରି, ର ର କହ୍ସିଣାକି ରଣ୍ଡାଲାକା, ଅଡେ ଏଞ୍ଜାଣି ଲାମ୍ବା ସକା ଜିକେଏ ଅଡେରି □ ଏ ଲାମ୍ବା ସକା ତାଚାନା ହେରକି ଟିଏ ପାଃଆନା କଡାୟାଁ ପାଡେକା କିଞ୍ଜି ଆହାମାଚେ □

୨୪ ଏଦାଆଁତାକି ଏଞ୍ଜାରି ଏଲେଇଚେରି, “ଇଦାଆଁ ଗେହ୍ଆପ, ସାମା ଇଦି ଆମ୍ବାଆରାଞ୍ଜାୟି ଆନେ, ଏଦାଆଁତାକି ପାଦି କିନ □” ଏନିକ୍ ଦାମ୍ବୁ ପଡିତି କାତା ପୂରା ଆନେ,

“ଏଞ୍ଜାରି ତାମି ବିତ୍ରା ନା ହିମ୍ପରିକା ବାଗା କିତେରି,

ଅଡେ ନା ଲାମ୍ବା ସକାତାକି ପାଦି କିତେରି □”
ରିଜାରି କସ୍କା ସମାନା ଏଲେକିହିଁଏ କିତେରି □

୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଲି, କୁପାତି ତକ୍ତି ମରିୟମ ଅଡେ ମଗ୍ଦଲିନି ମରିୟମ ନିଚାମାରୁ □

୨୬ ଜୀସୁ ତାମି ଇୟା ଅଡେ ଏମିନି ସୀସୁଇଁ ଜୀଞ୍ଜୁ ନହିଁ ମାଚେସି, ଏଞ୍ଜାସି ତାଗେ ନିଚାମାନାଣି ମେସାନା ଏଲେଇଚେସି, “ଏ ଇୟା ମେହ୍ମୁ ନୀ ମୀରଏସି □”

୨୭ ତାୟୁ ଜୀସୁ ଏ ସୀସୁଇଁ ଏଲେଇଚେସି, “ଇଦି ମୀ ଇୟା □” ଏ ଦିନାଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅଡେସି □

ଜୀସୁ ହାକି

(ମାତି ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ତାୟୁ ଜୀସୁ ଦାମ୍ବୁ ପଡିତି ବଲୁ ଏନିକ୍ ପୂରା ଆନେ, ଏଦାଆଁତାକି ବାରେ ରାହାମାନେ ଇଞ୍ଜା ପୁଞ୍ଜାନା ଏଲେଇଚେସି, “ନାଜେ ଏସ୍କି ହରିମାଞ୍ଜାନେ □”

୨୯ ଏମ୍ବାଆଁ ପୁଲାଏୟୁ ନେଞ୍ଜାମାନି ର ତ:କା ମାଚେ; ଏଞ୍ଜାରି ଏମ୍ବାଆଁ ର ଡ୍ରାଃଆଲି ମୁସାନା ବାଲାତି ମୁନୁତା ରୂପାନା ଜୀସୁତି ଗୁତିତା ହାଚେରି □

୩୦ ଏଚେଟିଏ ଜୀସୁ ଏ ପୁଲାଏୟୁ ଗସାନା ଏଲେଇଚେସି, “ରାହାହାଚେ” ଏଲେଇଞ୍ଜାନା ତାୟୁ ଚୁଲସାନା ହାଚେସି □

ଜୀସୁ ପାଡ଼କା ଟଟତା ବାଲା ତଲେ ଉହ୍ନାୟି

୩୧ ପାସି ଏପ୍କି ଆହାମାନାରି କଡାୟାଁ ଡିକ୍‌ହାନା ଏଞ୍ଜାରି ହାଡି ମାଡ଼ହାଡି ପାସି ମୁଣ୍ଡାଟି ରେପ୍‌ହା ତାଚାଲି ଜୀହୁଦି ଲକୁଇଁ କାଜାରି ପିଲାତଲ୍ ବାଡିମାଲିତେରି, ଇଚିହିଁ ଏ ଦିନା ସୁକ୍ତି ତାନି ଅର ଦିନା ସୁଦୁ ଜମିନି ଦିନାତା ହାଡି ମାଡ଼ହା ପାସିମୁଣ୍ଡା ଲାକ ପିସାଲି ଏଞ୍ଜାରି ମନ କିହିହିଲାଆଡେରି □

୩୨ ଇଞ୍ଜା ରିଜାରି କସ୍କା ଖାହାନା ଜୀସୁତଲେ ପାସି ମୁଣ୍ଡାତା ଏକ୍ସହାମାଟି ରିଆରି କଡାୟାଁ ଡିକ୍‌ହେରି □

୩୩ ସାମା ଏଞ୍ଜାରି ଜୀସୁ ତାଣା ଖାହାନା ଏଞ୍ଜାସି ହାହାମାନାଣି ମେସ୍ପେରି, ଏଦାଆଁତାକି ଏଞ୍ଜାରି ଏଞ୍ଜାଣି କଡାୟାଁ ଡିକ୍‌ଆଡେରି □

୩୪ ଆଡିଜିକେଏ କସ୍କା ବିତ୍ରାଟି ରଅସି ଜୀସୁତି ପାଡ଼କା ଟଟତା ବାଲା ତଲେ ଗୁକ୍‌ହେସି ଇଞ୍ଜା ଦେବୁଣିଏ ଏମ୍ବାଟି ଏୟୁ ଅଡେ ନେଡେରି ହଡେ □

୩୫ ଆମ୍ବାଆସି ମେସାମାନେସି, ଏଞ୍ଜାସି ସାକି ହାହାମାନେସି, ଏନିକ୍ ମୀରୁ ଜିକେଏ ନାମିଦେରି; ଇଞ୍ଜା ଏଞ୍ଜାଣି ସାକି ସାତା,

ଏଞ୍ଜେଲ୍ ସାତା ଖେସାମାନେସି ଇ କାତା ଏଞ୍ଜେଲ୍ ପୁଞ୍ଜାମାନେସି □

୩୭ ଇଚିହ୍ ଦାମ୍ନୁ ପତିତି କାତା ପୁରା ଆହାଲିତାକି ଇ ବାରେ ଆଡେ, “ଏଞ୍ଜେଲି ର ତୁମ୍ ଜିକେଏ ଡିକ୍‌ଅରି □”

୩୭ ☆ଦାମ୍ନୁ ପତିତି ଅର କାତା ଇଦି, “ଏଞ୍ଜେଲି ଆମ୍ବାଆରାଇ ବାଲା ତଲେ ଗୁକ୍‌ହା ମାଚାରି ଜିକେଏ ଏଞ୍ଜେଲାଇ ସିନିକିନେରି □”

ଜୀସୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬)

୩୮ ଇଦାଆଁ ତାୟୁ ହାରାମାତିୟାତି ଜସେପ ଇନାସି ପିଲାତ ତାଣା ହାଜାନା ଜୀସୁତି ଆଜ୍ଞା ଅହାଲି ବାତିମାଲିତେସି □ ଇ ଜସେପ ଜୀସୁତି ର ସୀସୁ ମାଚେସି, ସାମା ଜୀହୁଦି ଲକ୍ଷୁତି କାଜାରି ଆଜିତାକି ତୁଗ୍‌ନା ମାଚେସି, ପିଲାତ ଏଞ୍ଜେଲାଇ ହେଲ ହାହାଲିଏ ଏଞ୍ଜେଲି ଜୀସୁତି ଆଜ୍ଞା ମୁସାଲି ଅଡେସି □

୩୯ ☆ଏଞ୍ଜେଲିତଲେ ନିକଦିମ ମାଚେସି □ ଇ ନିକଦିମ ର ଦିନା ଲାଆଁୟାଁ ଜୀସୁତଲେ କାତା ଆହାଲି ଖାହାମାଚେସି, ଏ ନିକଦିମ କଡେଦସ କେଜି ଗାନ୍ଦା ନିୟୁଁ ତାଚିହ୍ ଖାହାମାଚେସି □

୪୦ ଏଞ୍ଜେଲି ଜୀସୁତି ଆଜ୍ଞା ଅହାନା ଜୀହୁଦି ଲକ୍ଷୁତି ମୁହନି ମେରା ତଲେ ଏଦାଆଁ ଗାନ୍ଦା ନିୟୁଁତଲେ ପାଡାଡା ହିମ୍ବୁରି ରୁପିତେରି □

୪୧ ଜୀସୁ ଏମିନି ଟାୟୁତା ପାସି ମୁଣ୍ଡାତା ଏପକି ଆହାମାଚେସି ଏ ଦାରିତା ର ବାଡା ମାଚେ, ଏ ବିତ୍ରା ର ପୁଞ୍ଜି ମାହଣି ମାଣ୍ଡା ମାଚେ, ଏମ୍ବାଆଁ ନକେଏ ଆମ୍ବାଆରାଇଁ ଇଡ଼ି ଆହାହିଲିଆତେ □

୪୨ ଏ ଦିନା ଜୀହୁଦି ଲକ୍ଷୁତି ଜମିନି ଦାନାତି ନକିତି ଦିନା ମାଚାକି, ଗାତି ହେକ ହାଲାଆନା ଏଞ୍ଜେଲି ଜୀସୁତି ଆଜ୍ଞା ଅହାନା ମାହଣି ମାଣ୍ଡାତା ଇଚିତେରି □

୨୦

ଝାରଇ ମାହଣି ମାଣ୍ଡା

(ମାତି ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ଝାରାତି ମୁଲୁ ଦିନା ଲାଲ ଲାଲ ଆନ୍ଦେରି ମାଞ୍ଜା ମାଞ୍ଜାନା ମଗ୍‌ଦଲିନି ମରିୟମ ମାହଣି ମାଣ୍ଡା ଦାରିତା ଖାହାନା ଏମ୍ବାତି ଝାଲି ଗୁଚା ଆହାମାନାଣି ମେସ୍ତେ □

୨ ଇଞ୍ଜା ଏଦି ହଟି ହଟି ହାଜାନା ସିମନ ପିତର ଆମ୍ବାଆରାଇଁ ଜୀସୁ ଜୀସୁ ନହ୍ ମାଚେସି, ଏ ସୀସୁୟାଁଇଁ ଏଲେଇଚେ, “ଆମ୍ବାଆରି ପ୍ରବୁଇଁ

ମାହଣି ମାଣ୍ଡାଟି ଅହାମାନେରି, ଇଞ୍ଜା ଆମ୍ବିୟା ଇଟାମାନେରି ଏଦାଆଁ ମାମ୍ବୁ ପୁଞ୍ଜାହିଲଅମି □”

୩ ଇ କାତା ଖେଜାନା ପିତର ଅଡେ ଅର ସୀସୁ ମାହଣି ମାଣ୍ଡା ଝାକି ହଚେରି □

୪ ଏଞ୍ଜେଲି ରିଆରି ରହେଏ ହଚେରି, ଅର ସୀସୁ ପିତରଇଁ ତାୟୁ ପିସାନା ତଲିଏ ମାହଣି ମାଣ୍ଡା ଏତେସି □

୫ ଏଞ୍ଜେଲି ବଜାହାଁ ଏମିନି ପାଡାଡା ହିମ୍ବୁରି ଆଜ୍ଞାତା ରୁପା ମାଚେରି ଏମ୍ବାଆଁ ରିହାମାଚାଣି ମେସ୍ତେସି, ସାମା ବିତ୍ରା ହାଲାଆତେସି □

୬ ତାୟୁ ସିମନ ପିତର ଜିକେଏ ଝାଡେସି ଇଞ୍ଜା ମାହଣି ମାଣ୍ଡା ବିତ୍ରା ହଡାନା ସିନିକିତେସି ଏମ୍ବାଆଁ ପାଡାଡା ହିମ୍ବୁରିକା ମାନ୍ତୁ,

୭ ଇଞ୍ଜା ତାନି ତାୟୁଁ ତୁ ଦସାମାତି ଏ ପାଡାଡା ହିମ୍ବୁରିକା ତଲେ ହିଲାଆତେ ଏଦି ଏଟକା ମାଚେ □

୮ ଏଚିଡେଲା ଏମିନି ସୀସୁ ତଲିଏ ମାହଣି ମାଣ୍ଡା ତାଗେ ଖାହାମାଚେସି, ଏଞ୍ଜେଲି ଜିକେଏ ବିତ୍ରା ହଡାନା ମେସ୍ତେସି ଅଡେ ନାମିତେସି;

୯ ଇଚିହ୍ ହାଡାରି ବିତ୍ରାଟି ଏଞ୍ଜେଲିକି ନିଜାଲି ଆନ୍ଦେ, ଦାମ୍ନୁ ପତିତି ଇ ବଲୁ ଏତେ ପାତେକା ତେଲ୍‌ହା ହିଲାଆତେରି □

୧୦ ତାୟୁ ସୀସୁୟାଁ ଝେଣ୍ଡେ ଇଜ ହାଚେରି □

ଜୀସୁ ମଗ୍‌ଦଲିନି ମରିୟମଇଁ ତଞ୍ଜା ଆନାୟି

(ମାତି ୨୮:୯,୧୦; ମାର୍କ ୧୬:୯-୧୧)

୧୧ ସାମା ମରିୟମ ତ୍ଠାହି ତ୍ଠାହି ପାଜ୍ଞାତା ନିଚା ତ୍ଠାହିତେ; ଇଞ୍ଜା ତ୍ଠାହି ତ୍ଠାହି ବଜାହାଁ ମାହଣି ମାଣ୍ଡା ବିତ୍ରା ସିନିକିତେ,

୧୨ ଜୀସୁତି ଆଜ୍ଞା ଏମିନି ଟାୟୁତା ଇଟକି ଆହାମାଚେ, ଏମ୍ବାଆଁ ତାୟୁଁ ଝାକି ରଅସି ଅଡେ କତାୟାଁ ଝାକି ରଅସି ଦବଲା ହିମ୍ବୁରିକା ପରହାନା ରିଆରି ଦୂତୁୟାଁ କୁଗାମାନାଣି ମେସ୍ତେ □

୧୩ ଏଞ୍ଜେଲି ଏଦାନି ଏଲେଇଚେରି, “ଏ ଇୟା ଏନାଆଁତାକି ତ୍ଠାହିମାଞ୍ଜି ?” ଏଦି ଏଞ୍ଜେରାଇଁ ଏଲେଇଚେ, “ଆମ୍ବାଆରି ନା ପ୍ରବୁଇଁ ଅହାମାନେରି, ଅଡେ ଏଞ୍ଜେଲାଇଁ ଆମ୍ବିୟା ଇଟାମାନେରି ପୁଞ୍ଜାହିଲଅଁ □”

୧୪ ଏଦି ଏଲେଇଜାନା ତାୟୁଝାକି ସିନିକିହାନା ଜୀସୁଇଁ ମେସ୍ତେ, ସାମା ଏଞ୍ଜେଲି ଜୀସୁ ପୁଞ୍ଜାଲି ଆଡାଆତେ □

୧୫ ଜୀସୁ ଏଦାନି ଏଲେଇଚେସି, “ଏ ଇୟା ଏନାଆଁତାକି ତ୍ଠାହିମାଞ୍ଜି ? ଆମ୍ବାଆରାଇଁ ପାରିମାଞ୍ଜି ?”

ଏଦି ଏଞ୍ଜେଲାଇଁ ବାଡା ଗାଚାସି ଇଞ୍ଜାଁ ଅଣ୍‌ପାନା ଏଲେଇଚେ, “ବାବୁ ନୀନୁ ଏଞ୍ଜେଲାଇଁ ଅହାମାଞ୍ଜି ଇଚିହ୍ ଆମ୍ବିୟା ଇଟାମାଞ୍ଜି, ନାଜେ ଝେସ୍ତାମ୍ବୁ ନୀନୁ ଅଇଁ □”

☆ ୧୯:୩୭ ୧୯:୩୭ ଝେ ବଲୁ ୧:୭ ☆ ୧୯:୩୯ ୧୯:୩୯ ଜହ ୩:୧,୨

୧୭ ଜୀସୁ ଏଦାନି ଏଲେଇରେସି, “ମରିୟମ!” ମରିୟମ ଏଝାଣି ଖାକି ସିନିକିହାନା ଏବୁ ହାତାତଲେ ଏଲେଇରେ, “ରାବୁବୁନି” ଇଚିହି ଏ ଗୁରୁ □

୧୭ ଜୀସୁ ଏଦାନି ଏଲେଇରେସି, “ନାଙ୍ଗେ ଆସା ଇଟାଲି ଅଣ୍ଟାଆନି, ଇଚିହି ନାନୁ ନୀଏଁ ପାତେକା ଆବା ତାଣା ହାଜାହିଲଅଁ; ସାମା ନା ତାୟିୟାଁ ତାଣା ହାଜାନା କାବୁ ହୀମୁ, ନାନୁ ନା ଆବା ମୀ ଆବା ନା ମାହାପୁରୁ ମୀ ମାହାପୁରୁ ତାଣା ହାଜିମାଲ୍ □”

୧୮ ମଗ୍ଦଲିନି ମରିୟମ ହାଜାନା ସୀସୁୟାଁଲ୍ କାବୁ ହୀତେ, ନାନୁ ପ୍ରବୁଇଁ ମେସାମାଲ୍ ଏଝାସି ନାଙ୍ଗେ ଇ ବାରେ କାତା ଝେସାମାଞ୍ଜାନେସି □

ଜୀସୁ ସୀସୁୟାଁଲ୍ ତଞ୍ଜା ଆନାୟି

(ମାତି ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ଏ ଦିନା ଇଚିହି ଖାରାତି ତଲିତି ଦିନା ମିଡ଼ଅଲ୍ଲା ବେଲା ଏଚେତା ସୀସୁୟାଁ ଏମିନି ଇଲୁତା ଜୀହୁଦି ଲକୁତି ଆଜିତାକି ଦାରାୟାଁ ସୁଣ୍ଠାମାଚେରି, ଏଚିବେଲା ଜୀସୁ ଖାହାନା ମାଦିଏ ନିଚାନା ଏଲେଇରେସି, “ମିଙ୍ଗେ ହିଡ଼ଡ଼ି ଆୟାପେ □”

୨୦ ଏଝାସି ଏଲେଇଞ୍ଜାନା ତାନି କେସ୍ତା, ପାଡ଼କା ଡ଼ଇକା ତସ୍ତେସି, ଏମ୍ବାଟିଏ ସୀସୁୟାଁ ପ୍ରବୁଇଁ ମେସାନା ରାହାଁ ଆଡ଼େରି □

୨୧ ଜୀସୁ ଝେଣ୍ଡେ ଏଲେଇରେସି, “ମିଙ୍ଗେ ହିଡ଼ଡ଼ି ଆୟାପେ ଆବା ଏନିକ୍ ନାଙ୍ଗେ ପାଣ୍ଠାମାଞ୍ଜାନେସି, ନାନୁ ଜିକେଏ ମିଙ୍ଗେ ଏଲେକିହି ଏ ପାଣ୍ଠିମାଞ୍ଜାଇଁ □”

୨୨ ଏଲେଇଞ୍ଜାନା ଏଝାରି ଲାକ ନେଞ୍ଜାନା ଏଲେଇରେସି, “ସୁଦୁଜୀଝୁଇଁ ଆବାକତାଦୁ,

୨୩ *ମୀରୁ ମାଣ୍ଠିସିୟାଁ ପାପୁ ମ୍ବେକ୍‌ହସାରେ, ମାହାପୁରୁ ଜିକେଏ ଏଝାରି ପାପୁ ମ୍ବେକ୍‌ନେସି; ଇଞ୍ଜା ଆମ୍ବାଆରି ପାପୁ ମ୍ବେକ୍‌ଅତେରି, ଇଚିହି ଏଝାଣି ପାପୁ ମେଣ୍ଡେଏଁ □”

ଜୀସୁ ଅଡ଼େ ତମା

୨୪ ସାମା ଜୀସୁ ଏଚିବେଲା ଖାହାମାଚେସି, ଏଚିବେଲାତା ବାରଜାଣା ବିତ୍ରା ତମା ଆମ୍ବାଆରାଇଁ ଦିଦୁମ ଇନେରି, ଏଝାସି ଏଝାରିତଲେ ହିଲାଆତେସି □

୨୫ ଏଚକାତି ସୀସୁୟାଁ ଏଲେଇରେସି, “ମାମ୍ବୁ ଜୀସୁଇଁ ମେସ୍ତମି □” ଇଞ୍ଜା ଏଝାସି ଏଝାରାଇଁ ଏଲେଇରେସି, “ଏଝାଣି କେୟୁତି କୁଟିୟାଁ ସିନା ମେହୁଆତିହିଁ ଅଡ଼େ ଏ ବାରେ ତାଣା ନା ଖାଞ୍ଜୁ ଉହୁଆନା ଇଞ୍ଜା ଏଝାଣି ପାଡ଼କା ଡ଼ଇକା ତୀଗାଆନା ନାନୁ ଏଚେଲା ଜିକେଏ ନାମଅଁ □”

୨୬ ଆଚାଦିନା ଢେଚ ତାନି ସୀସୁୟାଁ ଏ ଇଲୁତେଏ ମାଚେରି, ଅଡ଼େ ତମା ଜିକେଏ ଏଝାରିତଲେ ମାଚେସି, ଦାରାୟାଁ ସୁଣ୍ଠକି ଆହାମାରୁ, ସାମା ଜୀସୁ ଖାହାନା ଏଝାରି ମାଦି ନିଚାନା ଏଲେଇରେସି, “ମିଙ୍ଗେ ହିଡ଼ଡ଼ି ଆୟାପେ □”

୨୭ ତାୟୁ ଏଝାସି ତମାଇଁ ଏଲେଇରେସି, “ଇମ୍ବାଆଁ ନୀ ଖାଞ୍ଜୁ ଉସାନା ସିନିକିମ୍ବୁ, କେୟୁ ଦାସାନା ନା ପାଡ଼କା ଡ଼ଇକା ତୀଗାମ୍ବୁ; ଆନାମାନା ଆଆନା ନାମାମ୍ବୁ □”

୨୮ ତମା ଜୀସୁଇଁ ଏଲେଇରେସି, “ନା ପ୍ରବୁ ନା ମାହାପୁରୁ □”

୨୯ ଜୀସୁ ଏଝାଣାଇଁ ଏଲେଇରେସି, “ନାନୁ ନାଙ୍ଗେ ମେସାନା ନାମିମାଞ୍ଜାଦି, ଆମ୍ବାଆରି ମେହୁଆନା ନାମିନେରି ଏଝାରି ନେହେଁ □”

ଇ ପତି ଏନାଆଁତାକି ରାସ୍‌କି ଆହାମାନେ

୩୦ ଜୀସୁ ସୀସୁୟାଁ ନକିତା ହାରେକା କାବାଆନି କାମାୟାଁ କିହାମାଚେସି, ଏଝି ବାରେ ଇ ପତିତା ରାସ୍‌କି ଆହାହିଲାତ;

୩୧ ସାମା ମୀରୁ ଏନିକ୍ ନାମିଦେରି, ଜୀସୁ ମାହାପୁରୁ ମୀରୁଏସି ମସିହା,* ଇ କାତା ନାମାହାଁ ଏନିକ୍ ମୀରୁ ଏଝାଣି ଦରୁଟି ଜୀଝୁ ବେଟାଆଡ଼େରି, ଏଦାଆଁତାକି ଇ ବାରେ ରାସ୍‌କି ଆହାମାନେ □

୨୧

ସାତା ଜାଣା ସୀସୁୟାଁଲ୍ ଜୀସୁ ତଞ୍ଜା ଆନାୟି

୧ ଇଦାଆଁ ତାୟୁ ଜୀସୁ ତିବିରିୟା ସାମ୍‌ଦୁରି ଗାଟୁତା ସୀସୁୟାଁଲ୍ ଝେଣ୍ଡେ ତଞ୍ଜାଆଡ଼େସି;

୨ ଏମ୍ବାଆଁ ସିମନ ପିତର ତମା ଆମ୍ବାଆରାଇଁ ଦିଦୁମ ଇନେରି, ଗାଲିଲିତି କାନା ଗାଡ଼ାତି ନିତନିୟେଲ, ଜେବଦିତି ମୀରକା ଅଡ଼େ ତାନି ସୀସୁୟାଁ ବିତ୍ରାଟି ରିଆରି କୁଡ଼ା ଆହାମାଚେରି □

୩ *ସିମନ ପିତର ଏଝାରାଇଁ ଏଲେଇରେସି, “ନାନୁ ମୀଣ୍ଠକା ଆସାଲି ହାଜିମାଲ୍ □” ଏଝାରି ଏଝାଣାଇଁ ଏଲେଇରେସି, “ମାମ୍ବୁ ଜିକେଏ ନୀ ତଲେ ଖାନମି □” ଏଝାରି ହାଜାନା ତଂଗତା ହଡ଼େରି, ଏ ଲାଆଁୟାଁ ଏଝାରି ଏନାଆଁ ଜିକେଏ ବେଟାଆଆଡ଼େରି □

୪ ସାମା କୁଲୁପୁଲୁ ଆହାଲିଏ ଜୀସୁ ଗାଟୁତା ନିତେସି; ଆଡ଼ିଜିକେଏ ଏଝାସି ଜୀସୁ ଇଞ୍ଜାଁ ସୀସୁୟାଁ ପୁନାଆଡ଼େରି □

୫ ଜୀସୁ ଏଝାରାଇଁ ଏଲେଇରେସି, “ଏ କକାତେରି ମୀ ତାଣା ଏନାଆଁ ମୀଣ୍ଠକା ମାମ୍ବୁ କି ?” ଏଝାରି “ଆଏ” ଇଚେରି □

୬ *ଏଝାସି ଏଝାରାଇଁ ଏଲେଇରେସି, “ତଂଗତି ଚିଃନିଝାକି ଜାଲା ମେଡ଼ଦୁ, ଆତିହିଁ ମୀରୁ

☆ ୨୦:୨୩ ୨୦:୨୩ ମାତି ୧୭:୧୯; ୧୮:୧୮ * ୨୦:୩୧ ୨୦:୩୧ ଜୀସୁ ☆ ୨୧:୩ ୨୧:୩ ଲୁକ ୫:୫ ☆ ୨୧:୭ ୨୧:୭ ଲୁକ ୫:୭

ବେଗାଆଦେରି □” ଏମ୍ବାଟିଏ ଏଝାରି ଜାଲା ମେଡ଼ହେରି, ଏମ୍ବାଆଁ ଇଚେକା ମୀଶକା ଝାଡୁ ଏଝାରି ଏଦାଆଁ ରେଜାଲି ଆଡ଼ାଆତେରି □

୭ ଏମ୍ବାଟିଏ ଜୀସୁ ଏମିନି ସୀସୁଇଁ ଜୀସୁ ନହୁଁମାଚେସି, ଏ ପିତରଇଁ ଏଲେଇଚେରି, “ଇଝାସିତ ପ୍ରବୁ □” ସିମନ ପିତର ଇ କାତା ଝେଞ୍ଜାନା ତୁମ୍ବଣା ମାଚାକି ତାନି ସକା ତୁରହାନା ସାମ୍ବୁରିତା ଡେଝିତେସି;

୮ ସାମା ଏଟକାତି ସୀସୁୟାଁ ନେଞ୍ଜାମାନି ମୀଶକା ଜାଲାତି ରେଜି ରେଜି ଡ଼ଗତି ଗାଟୁତା ତାତେରି, ଇଚିହୁଁ ଏଝାରି ଗାଟୁଟିଏ ହାରେକା ହେକ ହାଜା ହିଲାଆତେରି □

୯ ଏଝାରି ସାମ୍ବୁରି ଗାଟୁତା ରେଚାନା, ଏମ୍ବାଆଁ ରୀଙ୍ଗାୟାଁତି ହିରୁ ଇଞ୍ଜାଁ ହିରୁ ଲାକ ମୀଶକା ଅଡେ ରୁଟି ଇଟାମାନାଣି ମେସ୍ତେରି □

୧୦ ଜୀସୁ ଏଝାରାଇଁ ଏଲେଇଚେସି, “ମୀରୁ ନୀଏଁ ଏମିନି ମୀଶକା ଆସାମାଞ୍ଜେରି ଏମ୍ବାଟି ଇଚରା ତାଚିହୁଁ ଝାଡୁ □”

୧୧ ସିମନ ପିତର ହାଜାନା ସାତାକଡ଼ି ଡେରଗଟା ମୀଶକା ମାଚି ଜାଲାତି ଗାଟୁତା ରେଜା ତାତେସି; ଇଚେକା ମୀଶକା ତାକି ଜିକେଏ ଜାଲା ତାମ୍ବାଆତେ □

୧୨ ଜୀସୁ ଏଝାରାଇଁ ଏଲେଇଚେସି, “ଝାଡୁ ତିଞ୍ଜୁ □” ସୀସୁୟାଁ ବିତ୍ରାଟି ଆମ୍ବାଆରି ଏଝାଣାଇଁ ନୀନୁ ଆମ୍ବାଆତି ଇଞ୍ଜୁଁ ଝେଞ୍ଜାଲି ସାସା କିଆତେରି, ଇଚିହୁଁ ଏଝାସି ପ୍ରବୁ ଇ କାତା ଏଝାରି ପୁଞ୍ଜାମାଚେରି □

୧୩ ଜୀସୁ ଝାହାନା ରୁଟି ଅହାନା ହାତେସି, ଇଞ୍ଜାଁ ମୀଶକା ଜିକେଏ ଏଲେକିହୁଁଏ ହାତେସି □

୧୪ ଜୀସୁ ହାକିଟି ନିଜିତି ତାୟୁ ଇଦି ତାନି ପାଲି ତାକି ସୀସୁୟାଁଇଁ ତଞ୍ଜାଆଡେସି □

ଜୀସୁ ଅଡେ ପିତର

୧୫ ଏଝାରି ତିଞ୍ଜାଲି ଆଡ଼ିତି ଜେଚ ଜୀସୁ ସିମନ ପିତରଇଁ ଝେଚେସି, “ଏ ଜହନତି ମୀରୁଏଣା ସିମନ ଏନାଆଁ ନୀନୁ ନାଙ୍ଗେ ଇଝାରି କିହା ହାରେକା ଜୀସୁ ନହୁଁମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନୀନୁ ନିଙ୍ଗେ ଜୀସୁନହୁଁ ମାଞ୍ଜାଇଁ ନୀନୁ ଏଦାଆଁ ପୁଞ୍ଜାମାଞ୍ଜି □” ଜୀସୁ ଏଝାଣାଇଁ ଏଲେଇଚେସି, “ନା ମେଣ୍ଡା ତାଲୁକାଣି ତାହମ୍ବୁ □”

୧୬ ଜୀସୁ ଝେଣ୍ଡେ ରୀ ପାଲି ତାକି ଝେଚେସି, “ଏ ଜହନତି ମୀରୁଏଣା ସିମନ ଏନାଆଁ ନୀନୁ ନାଙ୍ଗେ ଜୀସୁ ନହୁଁମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନୀନୁ ନିଙ୍ଗେ ଜୀସୁନହୁଁ ମାଞ୍ଜାଇଁ ନୀନୁ ଏଦାଆଁ ପୁଞ୍ଜାମାଞ୍ଜି □” ଏଝାସି ଏଝାଣାଇଁ ଏଲେଇଚେସି, “ନା ମେଣ୍ଡାୟାଁଣି ପହିକିମ୍ବୁ □”

୧୭ ଜୀସୁ ଅଡେ ତାନି ପାଲି ତାକି ଝେଚେସି, “ଏ ଜହନତି ମୀରୁଏଣା ସିମନ ଏନାଆଁ ନୀନୁ ନାଙ୍ଗେ ଜୀସୁ ନହୁଁମାଞ୍ଜାଦି ?” ଏଲେଇଞ୍ଜି ତାନି ପାଲି ଝେଞ୍ଜାଲିଏ ଏଝାସି ଦୁକୁ ଆହାନା ଏଲେଇଚେସି, “ଏ ପ୍ରବୁ ନୀନୁ ବାରେ ପୁଞ୍ଜାମାଞ୍ଜି; ନୀନୁ ନିଙ୍ଗେ ଜୀସୁନହୁଁ ମାଞ୍ଜାଇଁ, ଏଦାଆଁ ନୀନୁ ପୁଞ୍ଜାମାଞ୍ଜି □” ଜୀସୁ ଏଝାଣାଇଁ ଏଲେଇଚେସି, “ନା ମେଣ୍ଡାୟାଁଣି ଜାଡ଼ନୁ ଅମ୍ବୁ □”

୧୮ ନୀନୁ ନିଙ୍ଗେ ସାତା ଝେସିମାଞ୍ଜାଇଁ, ନୀନୁ ଦାଂଗଣା ମାନି ବେଲାତା ନୀ ଟେଡେଲି ରୁପା କଡାନା ଆମ୍ବିୟାଝାକି ନୀ ମନ୍ ଏନିକା ରେଜିମାଚି, ସାମା ବୁଡ଼ହା ଆଡ଼ିହୁଁ ନୀନୁ ନୀ କେସ୍ତା ଦାହୁଦି ଇଞ୍ଜାଁ ଅର ରଅସି ନୀ ଟେଡେଲିତା ଦସାନା ଆମ୍ବିୟା ନୀ ମନ୍ ହିଲେଏ ଏନିକା ରେଜା ଅୟାନେସି □

୧୯ ପିତର ଏନିଲେହେଡି ହାକି ତଲେ ମାହାପୁରୁଇଁ ଗାଝୁରମି କିନେସି, ଏଦାଆଁ ପୁଣ୍ଡି କିହାଲି ଏଲେଇଞ୍ଜାମାଚେସି □ ଏଲେଇଚି ତାୟୁ ଏଝାସି ଏଝାଣାଇଁ ଏଲେଇଚେସି, “ନା ଜେଚ ଝାମ୍ବୁ □”

ଜୀସୁ ତାନି ଜୀସୁତି ସୀସୁ

୨୦ *ଜୀସୁ ଏମିନି ସୀସୁଇଁ ଜୀସୁ ନହୁଁମାଚେସି, ଅଡେ ଲାଆଁୟାଁ ବକି ବେଲାତା ତାନି ବକତା ଲାବାନା ପ୍ରବୁ ନିଙ୍ଗେ ଆମ୍ବାଆସି ସାତୁୟାଁ କେୟୁତା ହେରପାନେସି ଇଞ୍ଜୁଁ ଝେଞ୍ଜାମାଚେସି, ଏ ସୀସୁ ଜେଚ ଝାହିମାନାଣି ପିତର ଝେଣ୍ଡେ ତିରଞ୍ଜାନା ମେସ୍ତେସି □

୨୧ ପିତର ଏଝାଣାଇଁ ମେସାନା ଜୀସୁଇଁ ଝେଚେସି, “ପ୍ରବୁ ଇଝାଣି କାତା ଏନାଆଁ ଇଞ୍ଜିମାଞ୍ଜି ?”

୨୨ ଜୀସୁ ଏଝାଣାଇଁ ଏଲେଇଚେସି, “ନା ଝାନ୍ତି ଦିନା ପାତେକା ତୁୟାପେସି ଇଞ୍ଜୁଁ ନୀନୁ ମନ୍ କିଇଁ, ଆଡ଼ିହୁଁ ଏମ୍ବାଆଁ ନୀଦି ଏନାୟି ମାନେ ? ନୀନୁ ନା ଜେଚ ଝାମ୍ବୁ □”

୨୩ ଏମ୍ବାଟିଏ ଏ ସୀସୁ ହାଅସି, ଇ କାତା ତାୟିୟାଁ ବିତ୍ରା ଝେଙ୍ଗାହାଚେ, ସାମା ଏଝାସି ହାଅସି ଇଞ୍ଜୁଁ ଜୀସୁ ଏଝାଣାଇଁ ଏଲେଇଞ୍ଜା ହିଲାଆତେସି, ସାମା ନା ଝାନ୍ତି ଦିନା ପାତେକା ଏଝାସି ତୁୟାପେସି ଇଞ୍ଜୁଁ ନୀନୁ ମନ୍ କିଇଁ, ଆଡ଼ିହୁଁ ଏମ୍ବାଆଁ ମୀ ଏନାୟି ମାନେ ଇଞ୍ଜୁଁ ଝେସାମାଚେସି □

୨୪ ଆମ୍ବାଆସି ଇ ବାରେ ସାକି ହାହିମାନେସି, ଅଡେ ଇ ବାରେ ରାଡ଼ାମାନେସି, ଏଝାସି ଏ ସୀସୁ; ଅଡେ ଏଝାଣି ସାକି ସାତା ଇଦାଆଁ ମାମ୍ବୁ ପୁଞ୍ଜାମାନମି □

ରାନ୍ତି ହାଡ଼ା

୨୫ ଜୀସୁ ହାରେ ହାରେକା କାମାୟାଁ କିହାମାଚେସି; ଏ ବାରେ ରଣ୍ଡା ରଣ୍ଡାଆଁ କିହୁଁ

☆ ୨୧:୨୦ ୨୧:୨୦ ଜହ ୧୩:୨୫

ରାଡ଼ିତିହିଁମା, ଇଚେକା ପତିୟା ରାସ୍ତି ଆଡୁମା,
ଇଚିହିଁ ନା ଅଣ୍ଠପୁତା ବାରେ ଦାରିତା ଜିକେଏ
ଏ ବାରେ ଇଗାଲି ଟାୟୁ ଆଆଡେମା □

ପ୍ରେରତ ମାନଙ୍କ କାର୍ଯ୍ୟ ପାଣ୍ଡୁ ଆହ୍ୱାନାନାରି କାମା ମୂଲୁ ହାଡ଼ା

ପାଣ୍ଡୁ ଆହ୍ୱାନାନାରି କାମାତି ପତି କୁଲମିକା ମାଟ୍‌ହି କାତା ଅଡ଼େ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଖେସାମାତି ଲେହେଁ, ଏନିକି ଜିରୁସାଲମଟିଏ ଜୀହୁଦା, ସମିରଣା, ଅଡ଼େ ସାରିଖାକି ଏତେ, ଏ କାତାତି ପୁସ୍‌ପନି ୧:୮ ଇ ପତି ଲୁକ ରାଚାମାରେସି, ଆମ୍ବାଆସି ଲୁକ ରାଚାମାନି ନେହୁଁ କାରୁ ରାଚାମାରେସି □ ଏଝାସି ତାଙ୍କାଦର ମାରେସି ଇଞ୍ଜା ବାରେ କାତା ଜାତୁନୁ ତଲେ ରାଚାମାରେସି □ ଏଝାସି ତାନି ଲୁକ ନେହୁଁ କାରୁ ପାଣ୍ଡୁ ଆହ୍ୱାନାନାରି କାମା ଇ ରୀ ପତିତା ଜିକେଏ ତିୟପିଲ ଇଞ୍ଜା ଖେସାମାନେସି, ଏଝାସି ଗ୍ରିକ ଲକୁ ମାରେସି, ସାମା ଗ୍ରିକ ଅଡ଼େ ଜୀହୁଦି ଲକୁଣି ଆଟ୍‌ହି କ୍ରୀସ୍ତାନା ଲକୁକି ଜିକେଏ ଇ ପତି ରାସ୍‌କି ଆହ୍ୱାନାରେ ୧:୧ □

କ୍ରୀସ୍ତ ଜାର୍ନାଆଡ଼ି ତାୟ ୭୦-୭୪ ବାର୍ସା ବିତ୍ତା ପାଣ୍ଡୁଆଡ଼ି ପତି ରାସ୍‌କି ଆହ୍ୱାନାଣ୍ଡିନେ, ଏନାଆଁତାକି ଇତିହୁଁ ପାଞ୍ଜୁଲ କାୟିଦିଟି ପିସ୍‌ପିଆଡ଼ି ନକେଏ ପତି ରାଚାଲି ରାହାମାରେ □ ଲୁକ ଜିକେଏ ପାଣ୍ଡୁଆଡ଼ି ପାଞ୍ଜୁଲ ତଲେ ରେଜିମାରେସି ଅଡ଼େ ଆଡ଼ିୟକତି ଗାଡ଼ାତା ଇ ପାଣ୍ଡୁ ଆହ୍ୱାନାନାରି କାମା ପତି ରାଚାମାରେସି □ ପାଣ୍ଡୁ ଆହ୍ୱାନାନାରି କାମା ପତି “ଲୁକ ରାଚାମାନି ନେହୁଁ କାରୁ” ରାଚିତି ଜେଚ ଜେଚ ଜୀସୁ ଲାକପୁରୁ ହାଜାଲିଏ ରାଚାଲି ମାଟ୍‌ହା ମାରେସି □ ଲୁକ ତାନି ନେହୁଁ କାରୁ ଏନାଆଁତାକି ରାଚାମାରେସି, ଏଲେକିହୁଁଏ ଇ ପାଣ୍ଡୁ ଆହ୍ୱାନାନାରି କାମା ପତି ରାଚାମାରେସି □ ଏଝାସି ତିୟପିଲ ଅଡ଼େ ଗାତି ଜାନା ଆହିମାନି କ୍ରୀସ୍ତାନା ଲକୁଇଁ ଏନାଆଁ ଜାପୁଞ୍ଜି ଆହ୍ୱାନାରେ, ଏମ୍ବାଆଁ ତାରି ଆହ୍ୱାଲି ଅଣ୍ଡିମାରେସି, ଏନାଆଁତାକି ଜୀସୁତି ବାରେ କାତା ଅଡ଼େ କ୍ରୀସ୍ତାନା ଲକୁ ବାରେଖାକି ଆହିମାନି କାତା ରାଚାମାନେସି □

ପାଣ୍ଡୁ ଆହ୍ୱାନାନାରି କାମା ପତି ମୂଲୁଏ ଆଡ଼ି କୁଲମିକାତି କାତା ଅଡ଼େ ଜୀସୁ ତାଣା ନାମୁତଲେ ନୀତିନାୟି ଏନିଆହୁଁ ତଞ୍ଜା ଆନାୟି ଏନାଆଁ ମାଞ୍ଜେ ଖେସ୍ତାନେ □ ସୁଦୁଜୀଞ୍ଜୁତି ବାଡ଼ୁ ତଲେ ଏନିକିହୁଁ ଏଟ୍‌କା ଲକୁତାଣା ନେହୁଁ କାରୁ ଏପ୍‌ନାୟି ପାଣ୍ଡୁ ଆହ୍ୱାନାନାରି କାତା ଖେସ୍ତାନେ □

ପତିତା ମାନାୟି

☆ ୧:୧ ୧:୧ ଲୁକ ୧:୧-୪ ☆ ୧:୪ ୧:୪ ଲୁକ ୨୪:୪୯ ☆ ୧:୫ ୧:୫ ମାତି ୩:୧୧; ମାର୍କ ୧:୮; ଲୁକ ୩:୧୭; ଜହ ୧:୩୩ * ୧:୫ ୧:୫ ମୁଞ୍ଜିନାୟି † ୧:୫ ୧:୫ ମୁଞ୍ଜିନାୟି

- ୧ ମୂଲୁଏ ସୀସୁୟାଁ ଲାକ ସୁଦୁଜୀଞ୍ଜୁ ଖାନାୟି ଅଡ଼େ କୁଲମି ପାତାଆନାୟି □ ୧:୧-୮:୧
- ୨ କୁଲମି ସାସ୍ତି ବେଗାଆନାୟି ଅଡ଼େ ଜିରୁସାଲମ ସାରିଖାକି ଏନାୟି □ ୮:୨-୧୨:୨୩
- ୩ ପାଞ୍ଜୁଲ ମୂଲୁଏ ତାନି ସେବା କାମାତାକି ହାନାୟି □ ୧୨:୨୪-୧୪:୨୮
- ୪ ଜିରୁସାଲମତା କୁଟମି କୁଗିନାୟି □ ୧୪:୧-୩୫
- ୫ ପାଞ୍ଜୁଲ ରୀ ପାଲି ତାନି ସେବା କାମାତା ହାନାୟି □ ୧୫:୩୭-୧୮:୨୨
- ୬ ପାଞ୍ଜୁଲ ତାନି ପାଲି ତାନି ସେବା କାମାତା ହାନାୟି □ ୧୮:୨୩-୨୦:୩୮
- ୭ ପାଞ୍ଜୁଲ ଜିରୁସାଲମତା ଦସ୍‌ପି ଆନାୟି □ ୨୧-୨୬
- ୮ ରମ୍‌ତା ପାଞ୍ଜୁଲଇଁ ପାଣ୍ଡୁନାୟି □ ୨୭-୨୮

ସୁଦୁଜୀଞ୍ଜୁ ତାକି ଆଞ୍ଜିନାୟି

୧ ☆ଏ ଜୀଞ୍ଜୁତି ତିୟପିଲ, ନା ମୂଲୁତି ପତିତା ଇ ବାରେ କାତା ରାଚାମାଲ୍, ଜୀସୁ ଏମିନି କାମା ମାଟ୍‌ହେସି ଅଡ଼େ ଜାପୁହେସି,

୨ ଏ ଦିନା ପାତେକା ଏଝାସି ପାଣ୍ଡୁ ଆହ୍ୱାନାୟି ଆଚାମାରେସି, ସୁଦୁଜୀଞ୍ଜୁ ତଲେ ହୁକୁମି ହୀହାନା ଲାକପୁରୁ ଅଞ୍ଜି ଆହ୍ୱାନାରେସି □

୩ ଏଚେଟିଏ ଜୀସୁ ତାନି ଦୁକୁ ବେଗାଆଡ଼ି ତାୟ ହାରେକା ଦିନା ଏଝାସି ଜୀଞ୍ଜୁତଲେ ମାରେସି ଇଦାଆଁ ପାଣ୍ଡୁ ଆହ୍ୱାନାନାରି ତାଣା ପାରମାଣା କିତେସି, ଇଞ୍ଜା ରୀ କଡ଼ି ଦିନା ପାତେକା ହାରେକା ଦେବା ତଞ୍ଜାଆହ୍ୱାନା ମାହାପୁରୁ ରାଜିତି କାତା ଜାପୁହେସି □

୪ *ର ଦିନା ଏଝାରି ରଣ୍ଡିଏ ତାଣା ତିଞ୍ଜାଲି କୁଡ଼ା ଆହ୍ୱାନାତି ବେଲାତା ଜୀସୁ ଏଝାରାକି ଇ ହୁକୁମି ହୀତେସି; “ମୀରୁ ଜିରୁସାଲମ ପିସାଁ ଆମ୍ବିୟା ହାଲାଆଦୁ, ସାମା ମୀରୁ ମାହାପୁରୁ ଆବାତି ଆଞ୍ଜାମାନାଣି ନା ତାଣାଟି ଖେଞ୍ଜା ମାଞ୍ଜେରି, ଏଦାଆଁ ପାଣ୍ଡୁନି ପାତେକା କାଚାନା ଡ଼ୟାଦୁ;

* ଇତିହୁଁ ଜହନ ଏୟୁତା ବାପ୍ତିସ୍ତ* ହୀତେସି ସାତା, ସାମା ମୀରୁ ଏଚରଦିନା ଜେଚ ସୁଦୁଜୀଞ୍ଜୁ ତଲେ ବାପ୍ତିସ୍ତ† ବେଗାଆଡ଼େରି □”

ଜୀସୁ ଲାକପୁରୁ ହାନାୟି

(ମାର୍କ ୧୭:୧୯-୨୦; ଲୁକ ୨୪:୫୦-୫୩)
୨ ର ଦିନା ପାଣ୍ଡୁ ଆହ୍ୱାନାନାରି ରୁଣ୍ଡା ଆହ୍ୱାନାତି ବେଲା ଜୀସୁଇଁ ଖେଚେରି, “ପ୍ରବୁ, ନୀନୁ ଏନାଆଁ ନୀଏଁ ଇସ୍ତାୟେଲ କେୟୁତା ଅଡ଼େ ଖେଣ୍ଡେ ଇ ରାଜିତି ହେର୍‌ପିଦି ?”

୩ ଜୀସୁ ଏଝାରାଇଁ ଏଲେଇଚେସି, “ଆମିନି ଦିନା ଅଡ଼େ କାଲା ନା ଆବା ତାନି ଅଦିକାରାତା

ଇଚ୍ଚାମାନେସି, ଏ ବାରେ ମିଳେ ପୁଞ୍ଜାଲି ଲଡ଼ା ଆଏ
□

୮ ☆ସାମା ସୁଦୁଜୀଝୁ ମୀ ତାଣା ଖାଡ଼ିସାରେ, ମୀରୁ
ବାଡ଼ୁରୁ ବେଟାଆଦେରି, ଇଞ୍ଜା ଜିରୁସାଲମ ବାରେ
ଜୀହୁଦା ଦେସା ଇଞ୍ଜା ସମିରଣତା ଅଡ଼େ ବୁମି
ମୁଟ୍‌ପେ ତାକି ନା ସାକି ଆଦେରି □”

୯ ☆ଏଝାସି ଇ ବାରେ କାତା ଖେସ୍ତି ତାୟୁ ଏଝାରି
ମେସପନିଏ ଜୀସୁ ଲାକପୁରୁ ହାଚେସି, ଅଡ଼େ
ଇଚାୟି ଦୁୟା ଏଝାଣାଇଁ ଏଝାରି ତାଣାଟି ଅହୁଁ
ହାଚେ, ଏଝାରି ଅଡ଼େ ଏଝାଣାଇଁ ମେହୁଆଡେରି □

୧୦ ଏଝାସି ଲାକପୁରୁ ହାଜାଲିଏ ଜିକେଏ ଏଝାରି
ହାଗୁଝାକି ମୁମ୍ମୁ କିହାନା ସିନିକିହି ମାନେରି;
ଏଚିବେଲା ଦବ୍‌ଲା ହିମ୍ବୁରିକା ହୁଚାମାନି ରିଆରି
ଦେବୁଣିଏ ଏଝାରି ନକିତା ନିତେରି,

୧୧ ଇଞ୍ଜା ଏଝାରି ଏଲେଇଚେରି “ଏ ଗାଲିଲିତି
ଲକୁତେରି, ଏନାଆଁତାକି ହାଗୁଝାକି ମୁମ୍ମୁକିହାନା
ନିଚାମାଞ୍ଜେରି ? ଇ ଆମିନି ଜୀସୁ ମୀ ତାଣାଟି
ଲାକପୁରୁ ଅଝିଆଡେସି, ଏଝାଣାଇଁ ଏନିକ
ଲାକପୁରୁ ହାଚାଣି ମୀରୁ ମେସ୍ତେରି, ଅଡ଼େ
ଏଲେକିହିଁ ଏ ଖେଶ୍ଟେ ଖାନ୍ଦାଣି ମେହୁଦେରି □”

ଜୀହୁଦା ଚାୟୁତା ମାତିୟୁଇଁ ଆଡ଼ିନାୟି

୧୨ ଏମ୍ବାଟିଏ ତାୟୁ ଏଝାରି ଜୀତ ଇନି ହରୁ
ଲାକଟି ଜିରୁସାଲମତା ଖେଶ୍ଟାଝାଡେରି, ଏ ଜୀତ
ହରୁଟିଏ ଜିରୁସାଲମ ର କିଲମିଟର ହେକ ମାଚେ
□

୧୩ ☆ଇଞ୍ଜା ଏଝାରି ପିତର, ଜହନ, ଜାକୁବ,
ଆହିୟ, ପିଲିପ, ତମା, ବାର୍ତ୍ତଲମି, ମାତିୟୁ,
ଆଲେପି ମୀରୁଏସି ଜାକୁବ, ଦେସାତି ଜୀଝୁ
ନନି ସିମନ ଅଡ଼େ ଜାକୁବ ମୀରୁଏସି ଜୀହୁଦା,
ଗାଡ଼ାତା ଏଜାନା, ଏମିନି ଲାକନି ଇଲୁତା ବାସା
ଆହାମାଚେରି, ଏମ୍ବାଆଁ ହାଚେରି □

୧୪ ଏଝାରି ବାରେଜାଣା ଇୟାସିକା ତଲେ ଇଞ୍ଜା
ଜୀସୁତି ଇୟା ମରିୟମ ଅଡ଼େ ତାମି ତାୟିୟା
ତଲେ ରଣ୍ଡିଏ ଅଣ୍ଡୁ ତଲେ ପ୍ରାଡାନା କିହିଁ ରୁଣ୍ଡା
ଆହାମାଚେରି □

୧୫ ଏଚରଦିନା ତାୟୁ ନାମିତାରି କୃତା
ଆହାମାଚେରି, ଏମ୍ବାଆଁ ସ କଡ଼ି ଜାଣା ଲକୁ କୃତା
ଆହାମାଚେରି, ପିତର ତାୟିୟା ବିତ୍ରାଟି ନିଚାନା
ଏଲେଇଚେସି,

୧୬ “ଜୀଝୁତି ତାୟିୟା ଅଡ଼େ ତାଜିସ୍ତା, ଆମିନି
ଇସ୍ତାରିୟତ ଜୀହୁଦା ଜୀସୁଇଁ ସାତୁୟା କେୟୁତା
ଆସ୍ପି କିହାଲିତାକି ଜିରୁ ତସାମାଚେସି, ଏଝାଣି
ତାକି ସୁଦୁଜୀଝୁ ନକେଏ ଦାଝୁଦ ଗୁଡ଼ିଟି ଏନାଆଁ

ଖେସାମାଚେସି, ଏ ଦାମ୍ବୁ ସାସ୍ତେରି ପୁରା ଆନାୟି
ମାଚେ;

୧୭ ଇଚିହିଁ ଏଝାସି ମା ବିତ୍ରାଟି ରଅସି ଇଞ୍ଜା
ଏଜିକିଝି ଆହିମାଚେସି, ଅଡ଼େ ଇ ସେବା କାମାତା
ପାଣା ବେଟାଆହା ମାଚେସି □”

୧୮ ☆ଇ ଇସ୍ତାରିୟତ ଜୀହୁଦା ଲାଗେଏ କାମା
କିତି ତାବୁୟା ତଲେ ରଚାଣି ବୁମି କଡ଼ି
ଆହାମାଚେ, ଅଡ଼େ ଏଝାସି ହାଡ଼ି ତାଣା ତାୟୁ
ଡ଼ଇ କିହିଁ ତରଗାଲିଏ ତାନି ବାଣ୍ଡି ତାୟାହାଚେ
ଇଞ୍ଜା ଖାହିୟା ହଡ଼ାହାରୁ □

୧୯ ଅଡ଼େ, ଇଦାଆଁ ଜିରୁସାଲମ ଗାଡ଼ାତା ବାସା
କିହିମାନି ଲକୁ ବାରେ ପୁଞ୍ଜାଲିଏ ଏ ବୁମିତି ଏଝାରି
ହାଡ଼ାତଲେ “ହକଲଦାମା” ଇଚିହିଁ “ନେତେରି
ବୁମି” ଇଞ୍ଜା ଖେଜିତେ □

୨୦ ଅଡ଼େ ପାରୁ ପତିତା ରାସ୍‌କି ଆହାମାନେ,
“ଏଝାଣି ବାସାଗାୟୁ ଝାଡ଼ାୟି ଆପେ;
ଏମ୍ବାଆଁ ଆମ୍ବାଆରି ବାସା କିଆପେରି □”
ଅଡ଼େ ଜିକେଏ ରାସ୍‌କି ଆହାମାନେ;
“ଏଝାଣି କାମାତି ପାଣା ଅର ରଅସି ବେଟା ଆପେସି
□”

୨୧ ☆“ଏଦାଆଁତାକି, ପ୍ରବୁ ଜୀସୁ ଖେଶ୍ଟେ ନିଜିତି
କାତା ସାକି ଆହାଲି ଅର ରଅସି ମା ତଲେ
ଆଣ୍ଡାନାୟି ମାନେ □

୨୨ ଜୀସୁ ଜହନ ତାଣାଟି ବାପ୍ତିସ୍ମା ଅଡ଼ି
ବେଲାଟିଏ ଲାକପୁରୁ ହାନି ପାଚେକା ପ୍ରବୁ ଜୀସୁ
ମା ତଲେ ନୀଡାମାଟି ବେଲାତା, ଆମିନି ଲକୁ ମା
ଗତିତା ମାଚେରି, ଏଝାରି ତାଣାଟି ରଅସି ଖେଶ୍ଟେ
ନିଜିନି ସାକି ଆନାୟି ମାନେ □”

୨୩ ଏଚେଟିଏ ଏଝାରି ରିଆରାଇଁ ଇଚିହିଁ
ଜସେପଇଁ, ଆମ୍ବାଆରାଇଁ ବର୍ସବା ଇନେରି ଅଡ଼େ
ଆମ୍ବାଆରି ହାଟା ଦରୁ ଜୁସ୍ତ ଏଝାଣାଇଁ ଇଞ୍ଜା
ମତିୟୁଇଁ ବାଟି କିହାନା,

୨୪ ଇ ପ୍ରାଡାନା କିଚେରି, “ପ୍ରବୁ ନୀନୁ ବାରେତି
ହିୟାତି ଅଣ୍ଡୁ ପୁନାତି, ଜୀହୁଦା ଏମିନି ଚାୟୁତା
ଡ଼ୟିନାୟି ମାନେ ଏଝାସି ହାଜାଲିଏ, ଏଝାଣି
ଚାୟୁତା ଇ ରିଆରି ବିତ୍ରାଟି ନୀ ତାଣାଟି ଆଡ଼ିତାସି
ଆମ୍ବାଆସି,

୨୫ ଏ ପାଣ୍ଡୁଝି ଆହାମାନାରି ସେବା କାମା କିହାଲି
ଆମ୍ବାଆରାଇଁ ଜୀହୁଦା ପାଣାତା ବାଟି କିହାମାଞ୍ଜି
ତସ୍ତାମୁ □”

୨୬ ଅଡ଼େ ଏଝାରି ଏ ରିଆରି ତାକି ପାଦି କିହାଲିଏ
ମତିୟୁ ଦରୁତଲେ ଆଡେ; ଅଡ଼େ ଏଝାସି ଏଗାର
ଜାଣା ପାଣ୍ଡୁଝି ଆହାମାନାରି ଗତିତା ଆଣ୍ଡିତେସି □

☆ ୧:୮ ୧:୮ ମାତି ୨୮:୧୯; ମାର୍କ ୧୬:୧୫; ଲୁକ ୨୪:୪୭,୪୮ ☆ ୧:୯ ୧:୯ ମାର୍କ ୧୬:୧୯; ଲୁକ ୨୪:୫୦,୫୧ ☆ ୧:୧୩ ୧:୧୩
ମାତି ୧୦:୨-୪; ମାର୍କ ୩:୧୬-୧୯; ଲୁକ ୬:୧୪-୧୬ ☆ ୧:୧୮ ୧:୧୮ ମାତି ୨୭:୩-୮ ☆ ୧:୨୧ ୧:୨୧ ମାତି ୩:୧୬; ମାର୍କ ୧:୯; ଲୁକ
୩:୨୧; ମାର୍କ ୧୬:୧୯; ଲୁକ ୨୪:୫୧ † ୧:୨୨ ୧:୨୨ ମୁଞ୍ଜିନାୟି * ୨:୧ ୨:୧ ପିସ୍‌ପିଆନି ପାର୍ବୁତି ରୀ କଡ଼ି ଦସ ଦିନା

୨

ସୁଦୁଜୀଝୁ ରେଚା ଖାନାୟି

୧ ପେଡ଼ିକସ୍ତ* ଦିନାତା କ୍ରୀସ୍ତଇଁ ନାମିତି
ବାରେଜାଣା ର ଚାୟୁତା ରୁଣ୍ଡା ଆହାମାଚେରି □

୨ ଏ ଦେବୁଣିଏ କାଜା ଗାଲି ଖାହିମାନି ଲେହେଁ
ର ହାତା ଲାକପୁରୁଟି ଖାହାଁ, ଆମିନି ଇଲୁତା ଏଝାରି
କୁଗାମାଚେରି, ଏ ଇଲୁତି ବାରେଖାକି ଝେଙ୍ଗିତେ □

୩ ଇଞ୍ଜା ହିରୁ ଗୁଦଝା ଲେହେଁ ତଞ୍ଜାଆହାନା
ଏଝାରି ନକିତା ରଣ୍ଡି ରଣ୍ଡି ଆହଁ ଏ ବାରେଜାଣାତି
ଲାକ ରେଚାଖାଚେରି □

୪ ଏମ୍ବାଟିଏ ଏଝାରି ବାରେଜାଣା ସୁଦୁଜୀଝୁ
ବେଗାଆହାନା ଏ ଜୀଝୁ ଏନିକଁ ଜଲ୍ଲାଲି ବାଡ଼ୟୁ
ହାତେ, ଏଲେକଁ ଏଝାରି ଏଟକା ଏଟକା
ହାଡ଼ାତଲେ ଜଲ୍ଲାଲି ମାଟହେରି □

୫ ଏଟିବେଲ୍ଲାତା ପେଡ଼ିକସ୍ତ ପାର୍ବୁତାକି ହାଗୁ
ଡ଼ଇତି ଏଟକା ଏଟକା ଦେସାଟି ଖାହାମାଟି ଜୀହୁଦି
ଲକୁ ଜିରୁସାଲମତା ଡ଼ୟା ମାଚେରି;

୬ ଅଡେ, ଏ ହାତା ଝେଙ୍ଗାଲିଏ, ହାରେକା
ଲକୁ କୃଡ଼ା ଆହାନା ବାରେଜାଣା ଜାହା ଜାହାରା
ହାଡ଼ାତଲେ ଏଝାରି ଜଲ୍ଲିମାନାଣି ଝେଙ୍ଗାନା କାବା
ଆହାହାଚେରି □

୭ ଇଞ୍ଜା ଏଝାରି ଆତାଜାକା ଅଡେ କାବାଆହାନା
ଏଲେଇଚେରି, “ମେହଦୁ ଇ ଆମିନି ଲକୁ ହାଡ଼ା
ଜଲ୍ଲିମାନେରି, ଏଝାରି ବାରେ ଗାଲିଲିତାରି ଆଏକି
?”

୮ ଆତିହଁ, ମାର ଏନିକଁ ବାରେଜାଣା ଜାହା
ଜାହାରା ଜାନା ଚାୟୁତି ହାଡ଼ାତଲେ ଜଲ୍ଲିମାନାଣି
ଝେଙ୍ଗିମାନାୟି ?

୯ ପାତୟ, ମାଦିୟ, ଏଲାମିୟ, ଅଡେ
ମେସପଗାମିୟାଁ, ଜୀହୁଦା ଦେସା, କାପାଦକିୟା;
ପତ୍ର ଅଡେ ଆସିୟା,

୧୦ ପୁଗୟା, ପଂପୁଲିୟା, ମିସର ଇଞ୍ଜା କୁରିଣି
ଦାରିତା ଡ଼ଇନି ଲିବିୟା ନାସକାଣାଁ ବାସା କିନାରି,
ଇଞ୍ଜା ରମ୍ପଟି ଖାହାମାନି ଜୀହୁଦି,

୧୧ ଅଡେ ଏଟକା କୃଡ଼ାତି ଲକୁ ଜୀହୁଦି ଦାମ୍ପୁତି
ନାମାହାଁ ଡ଼ୟାମାନାରି; ଅଡେ କ୍ରିତି ଇଞ୍ଜା ଆରବିୟ
ଦେସାଟି ଲକୁତାୟି ମାର, ମାର ଜାହା ଜାହାରା
ହାଡ଼ାତଲେ ମାହାପୁରୁତି କାଜା କାଜା କାମାତି
କାତା ଜଲ୍ଲିମାନାଣି ଝେଙ୍ଗିମାନାୟି □”

୧୨ ଅଡେ ବାରେଜାଣା ଆତାଜାକା ଅଡେ
କାବାଆହାନା ତାମ୍ପୁ ତାମ୍ପୁ ହାଡ଼ାକାତା ଆଚେରି,
“ଇଦାଣି ଅର୍ତ୍ତ ଏନାୟି ?”

୧୩ ସାମା ଏଟକାତାରି ଲାଜାକିହଁ
ଏଲେଇଚେରି, “ଇଝାରି ପୁଝନି ଡ଼ାକହି ଅଲୁରି
ରାସା ଗସାନା ହଡ଼ା ହାଜାମାନେରି □”

ପିତର କାରୁ ଝେକନାୟି

୧୪ ସାମା ପିତର ଏଗାର ଜାଣା ସୀସୁୟାଁ
ତଲେ ନିଚାନା କାଜା ଗିୟାତଲେ ଏଲେଇଚେସି,
“ଜୀହୁଦି ତାୟିୟାଁ ଅଡେ ଜିରୁସାଲମତା ବାସା
କିହିମାନାଚେରି, ମୀରୁ ନା କାତାତି ଝେଙ୍ଗାଦୁ ଅଡେ
ଇଦାଆଁ ପୁଞ୍ଜୁ □

୧୫ ଇଚିହଁ ମୀରୁ ଏନିକଁ ଅଣ୍ଡିମାଞ୍ଜେରି,
ଇଝାରି ଏଲେକିହଁ ଅଲୁରି ରାସା ଗସାହାଁ
ହଡ଼ା ହିଲଅରି; ଇଦି ଆଡେ ଲାକଡି ନ ଗଂଗା
ଆହାମାନେ □

୧୬ ସାମା ମାହାପୁରୁ ଅଣ୍ଡିପୁତି ବଲୁ ଝେହନି
ଆମିନି ଜୟେଲ ତାଣାଟି ରାସକି ଆହାମାନେ ଇଦି
ଆହିମାନେ ଏଦି;

୧୭ ‘ମାହାପୁରୁ ଝେସିମାନେସି ରାନ୍ଦି ଦିନାତା ଇ
ବାରେ ଗଟଞ୍ଜି ଆନେ,

ନାନୁ ବାରେ ଲକୁତାକି ନା ଜୀଝୁ ପାଣ୍ଡାଇଁ,
ଏଚେଟିଏ ମୀ ମୀଟକା ମାସକା ମାହାପୁରୁ ଅଣ୍ଡିପୁତି
ବଲୁ ଝେହନେରି,

ମୀ ଦାଂଗଣାୟାଁ କାବା ଆନାଣି ମେହନେରି,
ଅଡେ ମୀ ବୁଡ଼ହାୟାଁ ହାପାନା ହେଣନେରି □

୧୮ ହାଅ, ଏ କାଲ୍ଲାତା ନା ହଲିୟାଙ୍ଗା ଇଞ୍ଜା
ହଲେଣିସିକା ଲାକ,

ନାନୁ ନା ଜୀଝୁତି ଏଝାରି ଲାକ ଖାକ୍ଲଇଁ,
ଏଚେଟିଏ ଏଝାରି ମାହାପୁରୁ ଅଣ୍ଡିପୁତି ବଲୁ
ଝେହନେରି □

୧୯ ନାନୁ ହାଗୁ ଲାକ କାବାଆନ୍ଦି କାମା;
ଅଡେ ଡ଼ଇ ଦାର୍ଡିତା କାବାଆନ୍ଦି ସିନାୟାଁ,
ଏମ୍ବାଆଁ ନେତେରି, ହିରୁ ଇଞ୍ଜା ହାରେକା ବୟଁ
ତହ୍ଲଇଁ;

୨୦ ପ୍ରବୁତି କାଜା ଗାଝୁରମି ଦିନା ଖାନ୍ଦି
ନକେଏ,
ଝେଡ଼ା ଆନ୍ଦେରି ଆନେ,
ଅଡେ ଲେଞ୍ଜୁ ନେତେରିଲେହେଁ ଆନେ □

୨୧ ଅଡେ ଇଲେକିହଁ ଆନେ, ଆମ୍ବାଆସି ପ୍ରବୁ
ଦରୁ ଆସାନା ପ୍ରାଡ଼ାନା କିନେସି, ଏଝାସି
ଗେଲ୍ପି ଆନେସି □”

୨୨ “ଇସ୍ରାୟେଲ ଲକୁତେରି, ଇ ବାରେ କାତା
ଝେଞ୍ଜୁ! ନାଜରିତ ଜୀସୁ ହାରେକା ବାଡ଼ୟୁତି କାମା,
କାବାଆନ୍ଦି କାମା ଇଞ୍ଜା ସିନାୟାଁ ତଲେ ମୀ ନକିତା
ମାହାପୁରୁତି ପାଣ୍ଡୁଞ୍ଜି ଆଡ଼ାସି ଇଞ୍ଜୁ ପାରମାଣା
ଆହାମାନେସି, ଏଝାଣି ତାଣାଟି ମାହାପୁରୁ ମୀ ତାଣା
ଇ ବାରେ କାମା କିହାମାନେସି, ଇଦାଆଁ ମୀରୁ
ପୁଞ୍ଜାମାଞ୍ଜେରି □

୨୩ *ଏ ଜୀସୁ ମାହାପୁରୁ କିହାମାନି ଅଣ୍ଡିପୁ ଅଡେ
ତଲିତି କାତାତଲେ ହେର୍ପି ଆହାଲିଏ, ମୀରୁ
ଏଝାଣାଇଁ ପାପୁ ଗାଟାରି କେୟୁଟି ପାସି ମୁଣ୍ଡାତା
ଏକ୍ହାନା ପାୟାମାଚେରି □

* ୨:୨୩ ୨:୨୩ ମାତି ୨୭:୩୫; ମାର୍କି ୧୫:୨୪; ଲୁକ ୨୩:୩୩; ଜହ ୧୯:୧୮ * ୨:୨୪ ୨:୨୪ ମାତି ୨୮:୫,୬; ମାର୍କି ୧୭:୬; ଲୁକ ୨୪:୫

୨୪ *ସାମା ମାହାପୁରୁ ଏଞ୍ଜାଣାଇଁ ହାକିତି ବାଡ଼ୁଛି ଗେଲ୍‌ପାନା ନୀଟ୍‌ହା ମାତେସି, ଇଚିହିଁ ଏଞ୍ଜାସି ହାକିତା ଦସ୍‌ପି ଆହା ଡ଼ୟିନେସି ଏଡ଼ି ଆହାଲି ଆଡେଏ □

୨୫ ଦାଢୁଦ ଏ କାତାତି ଝେସାମାନେସି, “ନାନୁ ବାରେବେଲା ନା ନକିତା ପ୍ରବୁଇଁ ମେସିମାରେଏ; ଇଚିହିଁ ନାନୁ ଏନିକିଁ କିଲିବିଲି ଆଅଁ, ଏଦାଆଁତାକି ଏଞ୍ଜାସି ନା ଚିଃନି ଚେତା ମାନେସି □

୨୬ ଏଦାଆଁତାକି ନା ହିୟାଁ ରାହାଁ ଅଡେ ନା ଝେନ୍‌ରି ରାହାଁ ଆଡେ, ଅଡେ ନା ଆଜା ଜିକେଏ ବାସୁଁ ତଲେ ବାସା କିନେ,

୨୭ ଇଚିହିଁ ନାନୁ ନା ଜୀଢୁତି ହାକିପୁରୁତା ପିହୁଅତି; ଅଡେ ନୀ ନାମୁ ଅଡେ ସୁଦୁ ଗାଟାଣାଇଁ ମାହୁଣି ମାଣ୍ଡାତା ସୀରହାଲି ହୀଅତି □

୨୮ ନାନୁ ନାଜେ ଜୀଢୁତି ଜିରୁ ତସାମାଜାଦି, ଅଡେ ନାନୁ ନାଜେ ନୀ ନକିତା ରାହାଁତା ନେଞ୍ଜିକିୟାଦି □

୨୯ “ଇସାୟେଲତି ତାୟିୟାଁ ଅଡେ ତାଜିସ୍ତାତେରି, ମା ଆକୁ ଦାଢୁଦତି କାତା ନାନୁ ମିଜେ କାଜା ହାଡାତଲେ ଝେସାଲି ଆଡାଇଁ, ଇଚିହିଁ ଏଞ୍ଜାସି ହାଡେସି ଇଞ୍ଜା ମୁସ୍‌ପି ଆଡେସି, ଇଞ୍ଜା ଏଞ୍ଜାଣି ମାହୁଣି ମାଣ୍ଡା ନୀଏଁ ପାଡେକା ଇମ୍‌ଆଁ ମା ବିତ୍ରା ମାନେ □

୩୦ ରାଜା ଦାଢୁଦ ର ମାହାପୁରୁ ଅଣପୁତି ବଲୁ ଝେହ୍‌ନାସି ଲେହେଁ, ତାନି ନେତେରି ତଲେ ଜାନି ଆଡାଣାଇଁ ମାହାପୁରୁ ତାନି ସିଂଗାସାଣିତା କୁରିକିହାଲି ତାନି ତାଣା ଆଞ୍ଜାମାଚେସି ଇଞ୍ଜା ପୁଞ୍ଜାମାଚେସି □

୩୧ ଦାଢୁଦ ଇଦାଆଁ ପୁଞ୍ଜାମାଚାକି, କ୍ରୀସ୍‌ତି ଝେଶ୍ରେ ନିଜିନି କାତା ଝେସାମାଚେସି □ “ଇଚିହିଁ ଏଞ୍ଜାସି ହାଡାରି ତାଣା ଡ଼ୟାଆଡେସି; ଇଞ୍ଜା ଏଞ୍ଜାଣି ଆଜା ମାହୁଣି ମାଣ୍ଡାତା ସୀରଆଡେ □”

୩୨ ମାହାପୁରୁ ଇ ଜୀସୁଇଁ ଅଡେ ଝେଶ୍ରେ ହାକିତି ନିକହାମାନେସି ଇଦାଣି ତାକି ମାମୁ ବୁରେ ସାକି □

୩୩ ଏଦାଆଁତାକି ଆବା ମାହାପୁରୁ ଜୀସୁଇଁ କାଜାସି କିହାନା ତାନି ଚିଃନିଝାକି କୁରିକିହାନା ତାନିତଲେ ସାଲଝି କିହାଲି ହୀଡେସି, ଇଞ୍ଜା ଏଞ୍ଜାସି ମାଜେ ଆଞ୍ଜାମାଚି ସୁଦୁଜୀଢୁ ହିୟାଡେସି, ଇଦି ମୀରୁ ବାରେ ଆମିନିଗାଟାଣି ମେସିମାଞ୍ଜେରି ଇଞ୍ଜା ଝେଞ୍ଜିମାଞ୍ଜେରି □

୩୪ ଇଚିହିଁ ଦାଢୁଦ ଲାକପୁରୁ ହାଜାହିଲାଆଡେସି; ଏଞ୍ଜାସି ତାନୁଏ ଝେସାମାଚେସି,

“ପ୍ରବୁ ନା ପ୍ରବୁଇଁ ଏଲେଇଚେସି; ୩୫ ନାନୁ ନୀ ସାଡୁୟାଁଣି ନୀ କଡାୟାଁ ଡ଼ଇ ଇଟାଆ ପାଡେକା, ନୀନୁ ନା ଚିଃନିଝାକି କୁଗାମାନାମୁ □”

୩୬ “ଇଦାଆଁତାକି ବାରେ ଇସାୟେଲତି ଲକୁ ସାଡେଏ ପୁନାପେରି, ଇଚିହିଁ ଆମିନି ଜୀସୁଇଁ କୁସତା ପାୟିଡେରି, ସାଡେଏ ଏଞ୍ଜାଣାଇଁ ମାହାପୁରୁ, ପ୍ରବୁ ଅଡେ ମସିହା ପାଣା ହୀଡେସି □”

୩୭ ଇ କାତା ଝେଞ୍ଜାନା ଲକୁତି ହିୟାଁ ତାହାହାଚେ, ଇଞ୍ଜା ଏଞ୍ଜାରି ପିତର ଅଡେ ଏମ୍‌ଆଁ ମାଚି ପାଣ୍ଡୁଝି ଆଡାରିଇଁ ଏଲେଇଚେରି, “ତାୟିୟାଁ ମାମୁ ଏନାଆଁ କିନି ?”

୩୮ ପିତର ଏଞ୍ଜାରିଇଁ ଏଲେଇଚେସି, “ମୀରୁ ମୀ ହିୟାଁ ଝେଟ୍‌ହା କଡାଦୁ, ଅଡେ ଜାହାରା ପାପୁତି ମେକହାଲି ବାରେଜାଣା ଜୀସୁ କ୍ରୀସ୍‌ତ ଦରୁତଲେ ବାପ୍ତିସ୍ମାଁ ଅଦୁ; ଆତିହିଁ ଦେଁ ମୀରୁ ସୁଦୁଜୀଢୁତି ଦାନା ବେଗାଆଡେରି □

୩୯ ଇଚିହିଁ ମାହାପୁରୁ ଆଞ୍ଜାମାନାୟି ମିଜେତାକି, ଇଞ୍ଜା ମୀ ମୀରକା ମାସ୍‌କା ତାକି, ଅଡେ ହେକତି ଏଚେକା ଲକୁ ମା ପ୍ରବୁ ମାହାପୁରୁ ତାନି ତାଣା ହାଡିନେସି, ଏ ବାରେ ଲକୁତାକି ଆନେ □”

୪୦ ଅଡେ ପିତର ଏଞ୍ଜାରିଇଁ ହାରେକା କାତାତଲେ ବାଡିମାଲିହିଁ ଅଡେ ଏଞ୍ଜାରିଇଁ ଜାପୁନି ହାଡା ଝେସିହିଁ ସାକି ହୀଡେସି, “ଇ କୁଟୁଗାଟି କୁଡାତି ଲକୁଟିଏ ମୀରୁ ଗେଲ୍‌ପି ଆଦୁ □”

୪୧ ହାରେକା ଲକୁ ଏଞ୍ଜାଣି ହାଡା ନାମିତେରି ଇଞ୍ଜା ବାପ୍ତିସ୍ମାଁ ଅଡେରି, ଅଡେ ଏ ଦିନା ବାରେ ତାନି ମାଣା ଲକୁ କୁଲମି ତଲେ ଆଣ୍ଡିତେରି □

୪୨ ଏ ଦିନାଟିଏ ଏଞ୍ଜାରି ପାଣ୍ଡୁଝି ଆଡାରି ଜାପୁନି ତାଣା, ଏଞ୍ଜାରିତଲେ ଆଣ୍ଡାନା ରୁଟି ଡିକହାଲି, ପ୍ରାଡାନା କିହାଲି ଆଣ୍ଡୁଝି ଆହାଁ ଡ଼ୟିଡେରି □

ନାମୁଗାଟାରି ମାଣ୍ଡକି

୪୩ ପାଣ୍ଡୁଝି ଆଡାରି ତାଣାଟି ହାରେ ହାରେକା କାବାଆନି କାମା ଇଞ୍ଜା ସିନାୟାଁ ତଞ୍ଜାଆହାଲି ମାଟ୍‌ହେ; ଅଡେ, ଲକୁ ବାରେ ଆଜାଲି ମାଟ୍‌ହେରି □

୪୪ *ସାମା ବାରେ ନାମିତାରି, ଏଞ୍ଜାରି ବାରେଜାଣା ରଣ୍ଡିଏ ତାଣା ଡ଼ୟାନା ବାରେ ଦନଡି ବାରେତାୟି ଇଞ୍ଜା ଅଣ୍ଡପିଡେରି,

୪୫ ଅଡେ ଏଞ୍ଜାରି ଜାହାରା ଦନଡି ଆସ୍ତି ମାଚାଣି ପାରଚାନା, ଆମ୍‌ଆରାକି ଏନାୟି ଲଡାମାନେ, ଏଲେକିହିଁ ବାରେତାକି ବାଡିକିହାଁ ହୀହାଲି ମାଟ୍‌ହେରି □

୪୬ ଅଡେ, ଏଞ୍ଜାରି ରଣ୍ଡିଏ ହିୟାଁ ଆହାଁ ବାରେଦିନା ପ୍ରାଡାନା ଇଲୁତା ରୁଣ୍ଡା ଆହାନା ଡ଼ୟିମାଚେରି,

† ୨:୩୮ ୨:୩୮ ମୁଞ୍ଜନାୟି ‡ ୨:୪୧ ୨:୪୧ ମୁଞ୍ଜନାୟି * ୨:୪୪ ୨:୪୪ କାମା ୪:୩୨-୩୫

ଇଞ୍ଜା ଇଲୁତାକି ଇଲୁ ରୁଟି ତିକ୍‌ହୁଁ ରାହାଁ ଅଡ଼େ ହିଡ଼ତି ହିୟାଁ ତଲେ ତିଞ୍ଜି ଉଣ୍ଡିହୁଁ,

୪୭ ମାହାପୁରୁତି ଜହରା କିହିମାରେରି ଇଞ୍ଜା ବାରେ ଲକୁତି ଜାଝୁ ନନାରି ଆହିମାରେରି □ ଅଡ଼େ ପ୍ରବୁ ତାଣା ଗେଲୁପି ଆହିମାନି ଲକୁଣି ବାରେଦିନା କୁଲମି ତଲେ କାଲହାଲି ମାଟ୍‌ହେରି □

୩

ପିତର ସଗାଳ୍ ନେହୁଁ କିନାୟି

୧ ପିତର ଅଡ଼େ ଜହନ ର ଦିନା ପ୍ରାତାନା କିନି କାରୁତା ଇତିହୁଁ ତାନି ଗଂଟା ବେଲାତା ପ୍ରାତାନା ଇଲୁତା ହାଜିମାରେରି □

୨ ଏତିବେଲାତା ଜାନୀଟିଏ ସଗା ରଅସି ତେକି କିଞ୍ଜି ଆହାଁ “ଅଜିତି” ଦରୁଗାଟି ଦୁଝେରିତା ଇଟ୍‌ଞ୍ଜି ଆହିମାରେସି; ଇଞ୍ଜା ଏଞ୍ଜାସି ପ୍ରାତାନା ଇଲୁତା ଖାନି ଲକୁଣି ରାସିମାରେସି □

୩ ଅଡ଼େ ଏଞ୍ଜାସି ପିତର ଇଞ୍ଜା ଜହନଲ୍ ପ୍ରାତାନା ଇଲୁ ବତ୍ରା ହାଜିମାନାଣି ମେସାନା ଏଞ୍ଜାରାଲ୍ ରାସାଲି ମାଟ୍‌ହେସି □

୪ ପିତର ଅଡ଼େ ଜହନ ଏଞ୍ଜାଣାଲ୍ ଆଟେ ସିନିକିତେରି, ଇଞ୍ଜା ପିତର ଏଲେଇରେସି “ମା ଖାକି ସିନିକିୟାମୁ □”

୫ ଏମ୍‌ଗାଟିଏ ଏଞ୍ଜାସି ଏଞ୍ଜାରି ତାଣାଟି ଇଚାଣି ବେଟାଆହାଲି ଏଞ୍ଜାରି ଖାକି ସିନିକିତେସି □

୬ ସାମା ପିତର ଏଲେଇରେସି, “ନା ତାଣା ବାଂଗାରା କି ଝେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାଲ୍; ନାକ୍‌ରିତ ଜାସୁ କ୍ରାସୁ ଦରୁତଲେ ହୁକୁମି ହାହିମାଞ୍ଜାଲ୍ ନିଜାନା ତାକାମୁ!”

୭ ଅଡ଼େ, ଏଞ୍ଜାସି ଏଞ୍ଜାଣି ଚିଝନି କେୟୁ ଆସାନା ଏଞ୍ଜାଣାଲ୍ ନିକ୍‌ହେସି, ଏଚେଟିଏ ଏ ଦେବୁଣିଏ ଏଞ୍ଜାଣି କତାୟିତି ହାୟୁଲିକା ବାଡ଼ୁୟୁ ଆଡୁ;

୮ ଏଞ୍ଜାସି ଡେଞ୍ଜିଁ ଡେଞ୍ଜିଁ ତାନି କତାତଲେ ନିତେସି, ଅଡ଼େ ତାକାଲି ମାଟ୍‌ହେସି □ ଏଚେଟିଏ ଏଞ୍ଜାସି ଏଞ୍ଜାରିତଲେ ପ୍ରାତାନା ଇଲୁତା ତାକହୁଁ ଅଡ଼େ ଡେଞ୍ଜିହୁଁ ଇଞ୍ଜା ମାହାପୁରୁଲ୍ ଗାଝୁରମି କିହୁଁ ହାରେସି □

୯ ଏଦାଆଁ ମାନି ଲକୁ ବାରେ ଏଞ୍ଜାଣି ତାକିନାଣି ଅଡ଼େ ମାହାପୁରୁତି ଗାଝୁରମି କିହିମାନାଣି ମେସ୍‌ପେରି;

୧୦ ଅଡ଼େ ଆମିନିଗାଟାସି ପ୍ରାତାନା ଇଲୁତି ଅଜିତି ଦୁଝେରିତା କୁଗାନା ରାସିମାରେସି, ଏଞ୍ଜାସିଏ ଇଞ୍ଜାସି ଇଞ୍ଜୁଁ ପୁରେରି, ଏଞ୍ଜାଣାକି ଏନାଆଁ କିଞ୍ଜି ଆହାମାଟେ ଏଦାଆଁ ମେସାନା ଆତାଜାକା ଆହାନା କାବା ଆଡ଼ତେରି □

ପ୍ରାତାନା ଇଲୁତା ପିତର ଝେକ୍‌ନାୟି

୧୧ ଏଞ୍ଜାସି ପିତର ଇଞ୍ଜା ଜହନ ତଲେ ସଲମନତି ପିଣ୍ଡାତା ମାନାଣି ମେସାନା, ବାରେ ଲକୁ ଆତାଜାକା ଆହାନା ଏଞ୍ଜାରି ତାଗେ ହଟାତେରି □

୧୨ ପିତର ଏଞ୍ଜାରାଲ୍ ମେସାନା ଏଲେଇରେସି, “ଇସ୍ରାୟେଲ ଲକୁତେରି, ମୀରୁ ଏନାଆଁତାକି ଆତାଜାକା ଆହିମାଞ୍ଜେରି ? ମାମ୍‌ମୁମା ବାଡ଼ୁୟୁ କି ମାହାପୁରୁ ଆଜିତଲେ ଇଞ୍ଜାଣାକି ତାକାଲି ବାଡ଼ୁୟୁ ହାହାମାନମି, ଏଦାଆଁ ଅଣ୍‌ପାନା ମାଜେ ରଣ୍ଡିଏ ଅଣ୍‌ପୁ ତଲେ ଏନାଆଁତାକି ସିନିକିହିମାଞ୍ଜାଦେରି ?

୧୩ ଅବ୍ରାହାମ, ଇସାହାକ ଅଡ଼େ ଜାକୁବତି ମାହାପୁରୁ, ମା ଆକୁ ଆବାୟିତି ମାହାପୁରୁ, ତାନି ହଲେଏସି ଜାସୁଲ୍ ମାହାପୁରୁତି ଗାଝୁରମି ହାହାମାନେସି □ ସାମା ଜାସୁଲ୍ ମୀରୁଏ ସାଲ୍‌ଞ୍ଜି କିନାରି କେୟୁତା ହେରପିତେରି, ଏତିବେଲା ପିଲାତ ଜାସୁଲ୍ ପିସାଲି ଅଣ୍‌ପା ମାଟିହୁଁ ଜିକେଏ, ଏଞ୍ଜାଣାଲ୍ ମୀରୁ ପିଲାତ ନକିତା ଅପାଆତେରି □

୧୪ *ଏଞ୍ଜାସି ସୁଦୁ ଅଡ଼େ ଦାମ୍‌ଗାଟାସି ମାରେସି, ସାମା ମୀରୁ ଏଞ୍ଜାଣାଲ୍ ଅପାଆତେରି, ଅଡ଼େ ଏଞ୍ଜାଣି ଚାୟୁତା ର ଲକୁଣି ପାୟିନାଣାଲ୍ ପିସାଲି ପିଲାତଲ୍ ବାଡ଼ିମାଲିତେରି,

୧୫ ଅମ୍‌ଗାଆସି ଜାଝୁତି ଜିରୁ ତହ୍‌ନାସି ଏଞ୍ଜାଣାଲ୍ ମୀରୁ ପାୟିତେରି; ଏଞ୍ଜାଣାଲ୍ ମାହାପୁରୁ ହାଡ଼ାରି ତାଣାଟି ନିକ୍‌ହାମାନେସି, ମାମ୍‌ଲୁଦାଣି ସାକି □

୧୬ ଏଞ୍ଜାଣି ଦରୁତି ବାଡ଼ୁୟୁ ଇ ସଗାଳ୍ ନେହୁଁ କିହାମାନେ, ମୀରୁ ଏନାଆଁ ମେସାନା ସାତା ଇଞ୍ଜୁଁ ପୁଞ୍ଜାମାଞ୍ଜେରି, ଏଞ୍ଜାଣି ଦରୁତଲେ ନାମିତାକି ଆହାମାନେ □ ଜାସୁଲ୍ ନାମିତାକି ଏଞ୍ଜାସି ନେହୁଁ ଆହାମାନେସି ଇଦାଆଁ ମୀରୁ ମେସାମାଞ୍ଜେରି □”

୧୭ “ଅଡ଼େ ନୀଏଁ ଇସ୍ରାୟେଲତି ତାୟିୟାଁ ଅଡ଼େ ତାଲିସ୍‌ମାତେରି, ମୀ କାଜାରି ଏନିକ୍‌, ମୀରୁ ଜିକେଏ ଏଲେକ୍‌ ବୁଦି ହିଲାଆକି ଇଦାଆଁ କିହାମାନେରି ଇଞ୍ଜୁଁ ନାନ୍ତୁ ପୁଞ୍ଜିମାଲ୍ □

୧୮ ତଲି କାଲାଟିଏ ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ତାଣାଟି ମାହାପୁରୁ ଝେସାମାରେସି ମସିହାତି ଦୁକୁ ପାଣ୍‌ନାୟି ମାନେ; ଏ ବାରେ ଏଞ୍ଜାସି ଇଲେକ୍‌ ପୁରା କିହାମାନେସି □

୧୯ ଇତିହୁଁ, ଏନିକ୍‌ ମୀ ପାପୁ ମେଣ୍‌ଜିନେ, ଏଦାଆଁତାକି ମନ ଝେଟ୍‌ହାନା ମାହାପୁରୁ ତାଣା ଝେଣ୍ଡା ଖାଦୁ,

୨୦ ପ୍ରବୁ ତାଣାଟି ମୀରୁ ଜାଝୁତି ବାଡ଼ୁୟୁ ବେଟାଆଡ଼େରି, ମାହାପୁରୁ ମିଜେତାକି ତଲିଏ ଆଚାମାନି ମସିହା ଜାସୁଲ୍ ପାଣ୍ଡାନେସି □

୨୧ ବାରେ କାତାତି ଝେଣ୍ଡେ କିନାଣି ଆମିନି ବେଲାତି କାତା ତଲି କାଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ତାଣାଟି

* ୩:୧୪ ୩:୧୪ ମାତି ୨୭:୧୫-୨୩; ମାର୍କ ୧୫:୬-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

ଝେକହା ମାରେସି, ଏ କାଲା ଖାଆ ପାତେକା ଏଝାଣାକି ସାତେଏ ଲାକପୁରୁ ହାଜାଲି ଆନେ □

୨୨ ମସା ଝେସାମାରେସି, 'ପୁରୁ ମାହାପୁରୁ ମୀ ତାୟିୟା ବିତ୍ରାଟି ମିଙ୍ଗେତାକି ନା ଲେହେକି ର ମାହାପୁରୁ ଅଣ୍ପୁତି ବଲୁ ଝେହନାଣାଇ ନିକ୍ନେସି; ଏନା ଏନାଆଁ ମିଙ୍ଗେ ଝେସ୍ତାନେସି, ଏ ବାରେ ମୀରୁ ଏଝାଣି କାତା ଝେଞ୍ଜେରି □

୨୩ ଆମିନିଗାଟାସି ମାହାପୁରୁ ଅଣ୍ପୁତି ବଲୁ ଝେହନାରି କାତା ନାମଅରି ଏଝାରି ମାହାପୁରୁତି ଲକୁ ତାଣାଟି ଏଟକା କିଝିଆନେରି ଅଡେ ନାସା କିଝିଆନେରି □'

୨୪ ସାମୁୟେଲ ଇଞ୍ଜା ତାନି ତାୟୁତି ଏତରଜାଣା ମାହାପୁରୁ ଅଣ୍ପୁତି ବଲୁ ଝେହନାରି ଝେସାମାନେରି, ଏଝାରି ବାରେ ଇ କାଲାତା ଆହିମାନି କାତା ଝେସାମାନେରି □

୨୫ ମାହାପୁରୁତି ଆଞ୍ଜାମାନି ମାହାପୁରୁ ଅଣ୍ପୁତି ବଲୁ ଝେହନାରି ତାଣାଟି ମିଙ୍ଗେତାକି ନେହେ, ମାହାପୁରୁ ମୀ ଆକୁ ଆବାୟା ତଲେ କିତି ରାଜିମାନା ମୀରୁ କିହିମାଞ୍ଜେରି □ ଏନିକ୍ ଏଝାସି ଅହାହାମଇ ଏଲେଇଚେସି, 'ନାନୁ ମୀ କୃତାଟି ବାରେ ଦାର୍ତତି ଲକୁକି ବର ହାଇ □'

୨୬ ମାହାପୁରୁ ତଲିଏ ତାନି ହଲେଏଣାଇ ମିଙ୍ଗେତାକି ବାଟି କିହାନା ପାଣ୍ଡାତେସି, ଏନିକ୍ ଏଝାସି ମୀ ବାରେଜାଣା ତେରି ମିଙ୍ଗେ ଲାଗେଏ ଜିରୁଟି ଝେଟହାନା ବର ହିୟାନେସି □"

୪

ପିତର ଅଡେ ଜହନ ବେରଣିମାଣ୍ଡାତା

୧ ପିତର ଅଡେ ଜହନ ଲକୁ ନକିତା ଝେସିମାଟି ବେଲାତା ପୂଜେରାଜା, ମାହାପୁରୁ ଇଲୁତି କାଜାରି ଇଞ୍ଜା ସାଦୁକିୟା ଏଝାରି ନକିତା ଝାଡେରି □

୨ ଏଝାରି କପା ଆହିମାରେରି, ଇତିହ୍ ପାଣ୍ଡୁଝି ଆହାମାନାରି ଲକୁଣି ଜାପୁହି ମାରେରି, ଇଞ୍ଜା ଜୀସୁତି କାତା ଆସାନା ହାଡାରି ବିତ୍ରାଟି ଝେଞ୍ଜେ ନିଙ୍ଗିତ କାତା ଝେକହି ମାରେରି □

୩ ଏରିବେଲା ମିଡ଼ଅଲା ଆହିମାରେ, ଏଦାଆଁତାକି ଏଝାରି ସୀସୁୟାଣି ଦସପାନା ଅର ନେରୁ ପାତେକା କାୟିଦି ଇଲୁତା ଇଟିତେରି □

୪ ସାମା ଏଚେକା ଲକୁ ବଲୁ ଝେଚାରି ନାମିତେରି, ଇଞ୍ଜା ଝାରଇ ଆବାୟା ପାସାମାଣା ଆଡେରି □

୫ ତାନି ଅର ଦିନା ଜୀହୁଦିଙ୍ଗାଟି କାଜାରି, ଇଞ୍ଜା ପ୍ରାତିନାଙ୍ଗା, ଜାପୁନାରି ଅଡେ ମେରାପୁନାରି ଜିରୁସାଲମତା କୃତା ଆଡେରି □

୬ ଏମ୍ବାଆଁ କାଜା ପୂଜେରା ହାନାନ, କୟାପା, ଜହନ, ଆଲେକଜାଣ୍ଡାରତି କାଜା ପୂଜେରାଜା କୃତାଟି ବାରେ ଲକୁ କୃତା ଆଡେରି □

୭ ଏଝାରି ପାଣ୍ଡୁଝି ଆଡାରାଇଁ ମାଦିଏ ନିପୁହାନା ଝେଚେରି, "ଏନିକିହ୍ କିତେରି ? ଏନି ବାଡ଼ୁୟୁ ଇଞ୍ଜା ଆମ୍ବାଆରି ଦରୁତଲେ ମୀରୁ ଇ ବାରେ କାମା କିହିମାଞ୍ଜେରି ?"

୮ ଏମ୍ବାଟିଏ ପିତର ସୁଦୁଜୀସୁତା ନେଞ୍ଜାନା ଏଝାରାଇଁ ଏଲେଇଚେସି, "ଲକୁତି କାଜାତେରି ଇଞ୍ଜା ପ୍ରାତିନାଙ୍ଗାତେରି,

୯ ନୀଞ୍ଜୁ ମାମ୍ବୁ ସଟାକି କିହାମାନି ନେହ୍ କାମାତାକି ମୀରୁ ଝେଞ୍ଜି ମାଞ୍ଜାଦେରି, ଏଝାସି ଏନିକିହ୍ ନେହ୍ ଆଡେସି ଇଞ୍ଜା ପୁଞ୍ଜାଲି ଅଣ୍ପିମାଞ୍ଜେରି,

୧୦ ଆତିହ୍ ମୀରୁ ବାରେଜାଣା ତେରି ପୁନିକାତା, ଇସାୟେଲତି ବାରେ ଲକୁ ପୁନାୟିମାନେ, ଆମିନି ନାଜରିତ ଜୀସୁ କ୍ରୀସୁଇଁ ମୀରୁ କୁସତା ପାୟିତେରି, ଆମ୍ବାଆରାଇଁ ମାହାପୁରୁ ହାକିଟି ନିକ୍ହାମାନେସି ଏ ଜୀସୁ ଦରୁଟି ଇ ମାଣ୍ଡିସି ନେହ୍ ଆହାନା ମୀ ନକିତା ନିଚାମାନେସି □"

୧୧ ଜୀସୁ ରଅସିଏ, ଦାମ୍ବୁ ସାସ୍ତେରି ଝେସିମାଞ୍ଜାନେ,

"ଇଲୁ କେପିନାତେରି ମୀରୁ, ମୀ ତାଣାଟି ଆମିନି ଝାଲି ଲାଗେଏତାୟି ଆହାମାଚେ, ସାମା ଆମିନାୟି କନତି କାଜା ଝାଲି ଆଡେ, ଏଝାସି ଏ ଝାଲି □"

୧୨ ଏଝାଣି ପିସପେ ଅଡେ ଆମ୍ବାଆରି ତାଣା ଗେଲ୍ପିନାୟି ହିଲେଏ; ଇତିହ୍ ଆମ୍ବାଆରି ତାଣାଟି ମାର ଗେଲ୍ପି ଆନାୟି ଆନେ, ହାଗୁ ତଇ ମାଣ୍ଡିସିୟା ବିତ୍ରା ଏନି ଦରୁ ହୀପକି ଆହା ହିଲେଏ □

୧୩ ଏଝାରି ପିତର ଅଡେ ଜହନତି ସାସା ମେସାନା ଇଞ୍ଜା ଏଝାରି ଏନାଆଁ ପୁନାଆତାରି ଅଡେ ବୁଦି ହିଲାଆ ଲକୁ, ଇଦାଆଁ ପୁଞ୍ଜାନା ଆତାଜାକା ଆହାହାଚେରି, ଇଞ୍ଜା ଏଝାରି ଜୀସୁତଲେ ମାଚେରି ଇଞ୍ଜା ପୁଚେରି,

୧୪ ସାମା ଏ ନେହ୍ ଆହାମାଚାସି ଜହନ ଇଞ୍ଜା ପିତର ତଲେ ନିଚାମାଚାଣି ମେସାନା ଏଝାରି କପାଟି ଏନାଆଁ ଜଲାଇଁ ଆଡାଆତେରି □

୧୫ ତାୟୁ ଏଝାରାଇଁ ବେରଣି ମାଣ୍ଡାଟି ହଡା ହାଜାଲି ହୁକୁମି ହୀହାନା ଏଝାରି ତାୟୁତାୟୁ ଝେସ୍ପି ଆଡେରି

୧୬ "ଇ ଲକୁଣି ଏନାଆଁ କିନାୟି ?" ଏଝାରି ଏଲେଇଚେରି, "ଇତିହ୍ ଇଝାରି ତାଣାଟି କାବାଆନି କାମା କିଝିଆହାମାନେ, ଇଦି ଜିରୁସାଲମତି ବାରେଜାଣା ନକିତା ତଞ୍ଜା ଆହାମାନେ, ଇଞ୍ଜା ମାର ଏଦାଆଁ ଆଏ ଇଞ୍ଜାଲି ଆଡାଆୟି;

୧୭ ସାମା ଇ କାତା ଲକୁତାଣା ଏନିକ୍ ଗାତି ଝେଜେଏ, ଏଦାଆଁତାକି ଏଝାରାଇଁ ଜୀସୁ ଦରୁ

ଏଚେଲା ଆମ୍ବାଆରି ନକିତା ଆସାଲି ଏଞ୍ଜରାଲ୍ କାହିକିନାୟି ମାନେ □”

୧୮ ତାୟୁ ଏଞ୍ଜରି ଜହନ ଅଡ଼େ ପିତରଇଁ ହାଗାନା ଜୀସୁତି ଦରୁ ଖେହ୍‌ଆଦୁ କି ଜାପ୍‌ଆଦୁ ଇଞ୍ଜି ହୁକୁମି ହୀତେରି □

୧୯ ସାମା ପିତର ଅଡ଼େ ଜହନ ଏଞ୍ଜରାଲ୍ ଏଲେଇଚେରି, “ମାହାପୁରୁ କାତା ଖେନକିହ୍‌ଆଁ ମୀ କାତା ଖେନାୟି ମାହାପୁରୁ ନକିତା ନେହେଁ କି ଆଏ, ଏଦାଆଁ ମୀରୁ ଅଣ୍‌ପା କତାଦୁ □

୨୦ ଇଚିହ୍‌ ମାୟୁ ଏଦାଆଁ ମେସାମାନମି ଇଞ୍ଜା ଖେଞ୍ଜାମାନମି, ଏ ବାରେ ଖେହ୍‌ଆନା ଡୟାଲି ଆଡ଼ଅମି □”

୨୧ ସାମା ଏ ବେରଣି ମାଣ୍ଡାତାରି ଏଞ୍ଜରାଲ୍ ଅଡ଼େ ହାରେକା ଆଜି କିହାନା ପିସ୍ତେରି, ଏଞ୍ଜରାଲ୍ ତଣ୍ଡ ହୀହାଲି ଆଏ ଇଞ୍ଜି ଏଞ୍ଜରି ପୁଚେରି, ଏଦାଆଁତାକି ଇଚିହ୍‌ ଏ କାମାତାକି ଲକୁ ବାରେ ମାହାପୁରୁଇଁ ଜହରା କିତେରି □

୨୨ ଇଚିହ୍‌ ଆମିନିଗାଟାଣି ତାଣା କାବାଆନି ନେହ୍‌ କାମା କିଞ୍ଜି ଆହାମାଚେ, ଏଞ୍ଜାସି ରୀ କଡ଼ି ବାସୀଟିଏ ଲାକ ମାଚେସି □

ପାଣ୍ଡୁଞ୍ଜି ଆହାମାନାରି ବାଡ଼ୟୁ ତାକି ପ୍ରାତାନା

୨୩ ପିତର ଅଡ଼େ ଜହନ ପିସ୍‌ପିଆଡ଼ି ଦେବୁଣିଏ ତାମି ତଣ୍ଡେସିକ୍‌ମା ତାଣା ହାଚେରି ଇଞ୍ଜା କାଜା ପୂଜେରାକ୍‌ମା ଅଡ଼େ ପ୍ରାତିନାକ୍‌ମା ଏଦାଆଁ ଖେସାମାଚେରି, ଏ ବାରେ ଏଞ୍ଜରାଲ୍ ଖେସ୍ତେରି □

୨୪ ଏଞ୍ଜରି ଏଦାଆଁ ଖେଞ୍ଜାନା ରଣ୍ଡିଏ ହିୟାଁ ତଲେ ମାହାପୁରୁ ନକିତା କାଜା ହାଡ଼ାତଲେ ପ୍ରାତାନା କିହ୍‌ ଏଲେଇଚେରି, “ପ୍ରୁ ନୀନୁ ହାଗ୍‌, ଦାରୁତି, ସାମ୍‌ଦୁରି ଇଞ୍ଜା ଏ ବାରେ ତାଣା ମାନାଣି ବାରେ ଗାଡ଼ି କିହାମାଞ୍ଜି □

୨୫ ସୁଦୁଜୀଞ୍ଜୁ ତଲେ ନୀନୁ ମା ଆକୁ ଦାଞ୍ଜୁଦ ନୀ ହଲେଏଣା ଗୁଡ଼ିଟି, ଇ କାତା ଖେସାମାଚି;

‘ଜୀହୁଦିଆଆତାରି ଏଦାଆଁତାକି କାରବି ଆଡ଼େରି; ଇଞ୍ଜା ଲକୁ ଏଦାଆଁତାକି ଉଜେଏତାଣି ଅଣ୍‌ପିତେରି ?

୨୬ ପ୍ରୁ ଅଡ଼େ ତାନି ବର ବେଟାଆହାମାନି ମସିହା କପାଟି, ଦାରୁତିତି ରାଜାୟାଁ ନିଜିତେରି, ଇଞ୍ଜା ସାଲ୍‌ଞ୍ଜି କିନାରି କୁଡ଼ା ଆଡ଼େରି □’ ”

୨୭ ଇଚିହ୍‌ ନୀ ସୁଦୁଗାଟି ହଲେଏସି ଜୀସୁଇଁ ବର ହୀତି, ସାତେଏ ଏଞ୍ଜାଣି କପାଟି ହେରଦ ଅଡ଼େ ପନ୍ତ୍ରୟ ପିଲାତ ଇ ରିଆରି ଜୀହୁଦିଆଆତାରି ଅଡ଼େ ଇସ୍ରାୟେଲ ଲକୁତଲେ ଇ ଗାଡ଼ାତା ପାରୁ ପାରିତେରି,

୨୮ ମୀ ଅଣ୍‌ପୁ ତଲେ ଏନାୟି ବାରେ ଗଟଞ୍ଜି ଆନେ ଇଞ୍ଜି ତଲିଟିଏ କିଞ୍ଜି ଆହାମାଚେ, ଏଦାଆଁ କିହାଲି କୁଡ଼ା ଆଡ଼େରି □

୨୯ ଅଡ଼େ ନୀଏଁ, ଏ ପ୍ରୁ, ଏଞ୍ଜରି ମାକ୍‌ମେ ଆଜି କିହିମାଞ୍ଜାନାଣି ସିନିକିୟାମ୍‌; ଅଡ଼େ ନୀ ହଲିୟାକାଣି ହାରେକା ସାସାତଲେ ନୀ ବଲୁ ଖେସାଲି ବାଡ଼ୟୁ ହୀମ୍‌,

୩୦ ଇଞ୍ଜା ଏଦାଆଁ ତଲେ ନୀ ସୁଦୁ ହଲେଏସି ଜୀସୁତି ଦରୁତଲେ ନେହ୍‌ କିହାଲି ଅଡ଼େ ସିନାୟାଁ ଇଞ୍ଜା କାବାଆନି କାମାୟାଁ କିହାଲିତାକି ନୀ କେୟୁ ଦାସା ଡୟାମ୍‌ □

୩୧ ଏଞ୍ଜରି ପ୍ରାତାନା ରାପ୍‌ହି ତାୟୁ, ଆମିନି ଟାୟୁତା ରୁଣ୍ଡା ଆହାମାଚେରି, ଏଡ଼ି ଖାଡ଼ିତେ □ ଇଞ୍ଜା ବାରେଜାଣା ସୁଦୁଜୀଞ୍ଜୁ ତଲେ ନେଞ୍ଜାନା ବାଡ଼ୟୁ ତଲେ ମାହାପୁରୁତି ବଲୁ ଖେକ୍‌ହାଲି ମାଟ୍‌ହେରି □

ନାମୁଗାଟାରି ଦନ୍‌ଡି ସମାନା ବାଟା ବେଟାଆଡ଼େରି

୩୨ ✽ନାମୁଗାଟି ଲକୁ ରଣ୍ଡିଏ ହିୟାଁ ରଣ୍ଡିଏ ମନତଲେ ମାଚେରି; ଏଞ୍ଜରି ବିଡ଼ାଟି ଆମ୍ବାଆରି ଜିକେଏ ତାମି ଦନ୍‌ଡି ମାଡ଼ି ଇଞ୍ଜି ଅଣ୍‌ପି ହିଲାଆତେରି, ସାମା ଏଞ୍ଜାରିଖାୟି ବାରେ ସମାନା ଇଞ୍ଜି ଅଣ୍‌ପିମାଚେରି □

୩୩ ପାଣ୍ଡୁଞ୍ଜି ଆହାମାନାରି ଗାଡ଼ି ବାଡ଼ୟୁ ତଲେ ପ୍ରୁ ଜୀସୁତି ଖେଣ୍ଡେ ନିଜିତି କାତା ଖେସାଲି ମାଟ୍‌ହେରି, ଇଞ୍ଜା ବାରେତି ଲାକ ମାହାପୁରୁତି ହାରେକା କାର୍ମା ମାଚେ □

୩୪ ଇଚିହ୍‌ ଏଞ୍ଜରି ବିଡ଼ା ଆମ୍ବାଆରାକି ଏନାୟି ଉଣା ଆହି ହିଲାଆତେ, ଇଚିହ୍‌ ଏଚେକା ଲକୁତି ବୁମି ଇଞ୍ଜା ଇଲକା ମାରୁ ପାରୁଟି ମାଚେରି

୩୫ ଅଡ଼େ ପାଣ୍ଡୁଞ୍ଜି ଆଡ଼ାରି କଡ଼ାଁ ଡ଼କକା ଏ ତାବୁୟାଁ ହାହିମାଚେରି, ଅଡ଼େ ବାରେ ଲକୁତାକି ତାମି ଲଡ଼ାମାନି ଲେହେଁ ଏ ତାବୁୟାଁ ବାଟିକିଞ୍ଜି ଆହିମାଚେ □

୩୬ କୁପ୍‌ ଇନି ଟାୟୁତା ଜାର୍‌ନା ଆହାମାଚି ଲେବି କୁଡ଼ାତି ଜସେପ, ଆମିନାଣାଲ୍ ପାଣ୍ଡୁଞ୍ଜି ଆଡ଼ାରି ବର୍‌ନବା ଇଞ୍ଜି ମାଚେରି, ଇ ଦରୁ ଅର୍‌ “ବାର୍‌ସୁ ହୀନାସି,”

୩୭ ଏଞ୍ଜାଣିଖାୟି ଇଚାୟି ବୁମି ମାଚେ, ଏଞ୍ଜାସି ଏଦାଆଁ ପାରୁଚାନା ଏମ୍ବାଡ଼ି ଟାକାୟାଁ ତାଚାନା ପାଣ୍ଡୁଞ୍ଜି ଆଡ଼ାରି କଡ଼ାୟାଁ ଡ଼କ ଇଚିତେସି □



ହନନିୟ ଅଡ଼େ ସପିରା

✽ ୪:୩୭ ୪:୩୭ କାମା ୨:୪୪,୪୫

୧ ହନନିୟ ଦରୁଗାଗାସି ରଥସି ମାରେସି, ଏଞ୍ଜାସି ତାନି ତକ୍ତି ସପିରା ତଲେ ଇଚାଣି ବୁମି ପାର୍ତେସି □

୨ ହନନିୟ ତାନି ତକ୍ତି ତଲେ ଏ ଟାକାୟାଁ ବିତ୍ରାଟି କରେକା ତକ୍ତୁହା ଇଚାନା କରେକା ତାଚାନା ପାଣ୍ଡୁଞ୍ଜି ଆଡ଼ାରାକି ହୀତେସି □

୩ ପିତର ଏଞ୍ଜାଣାଇଁ ଏଲେଇରେସି, “ହନନିୟ, ସୁଦୁଜାଞ୍ଜୁ ନକିତା ମିଟି ଜଲ୍ଲାଇଁ ଇଞ୍ଜା ବୁମି ପାର୍ତଚାନା କରେକା ତକ୍ତୁହା ଇଚାଲି ସୟତାନ ଏନାଆଁତାକି ମୀ ହିୟାଁତି ଲକ୍ତହାମାନେ ?

୪ ପାରନି ନକେଏ ଏଦି ନୀ ଅଦିକାରାତା ହିଲାଆତେ କି ? ପାର୍ତତି ତାୟୁ ଜିକେଏ ଏମ୍ପାତି ଟାକାୟାଁ ଜିକେଏ ନୀଞ୍ଜି ଆହାହିଲାଆତୁ କି ? ଆତିହୁଁ ନୀନୁ ଏନିକ୍ତୁଁ ନୀ ହିୟାଁତା ଇ ଅଣ୍ଡୁ ଅଣ୍ଡପିତି ? ଏଦାଆଁ ନୀନୁ ମାଣସି ନକିତା ମିଟି ଜଲ୍ଲିମାଞ୍ଜି ଏଦି ଆଏ, ସାମା ମାହାପୁରୁ ନକିତା ମିଟି ଜଲ୍ଲମାଞ୍ଜି □”

୫ ହନନିୟ ଇ ହାଡ଼ା ଖେଣ୍ଡମ୍ପନିଏ ତୁଇ ତରଗାନା ହାହାହାରେସି; ଏମ୍ପାଆଁ ଏରେକା ଲକୁ ଇ କାତା ଖେରେରି, ଏଞ୍ଜାରି ବାରେ ହାରେକା ଆଜିତେରି □

୬ ଅଡ଼େ, ଦାଂଗଣାୟାଁ ବିତ୍ରା ଖାହାନା ହିମ୍ପୁରି ପୁକ୍ତହେରି ଇଞ୍ଜା ପାଞ୍ଜାତା ଅହାନା ମାହାଣି ମାଣ୍ଡାତା ମୁସ୍ତେରି □

୭ ତାନି ଗଂଟା ତାୟୁ ତାନି ତକ୍ତି ଖାଡ଼େ, ସାମା ଏନାଆଁ ଆହାମାନେ, ଏଦାଆଁ ଏଦି ପୁଞ୍ଜା ହିଲାଆତେ □

୮ ପିତର ଏଦାନି ଖେରେସି, “ନୀନୁ ଅଡ଼େ ନୀ ତକ୍ତା ଇରେକା ଟାକାୟାଁତାକି କି ମୀ ବୁମି ପାର୍ତତେରି ?” ଏଦି ଏଲେଇରେ, “ହାଅ ଏରେକା ତାକିଏ □”

୯ ପିତର ଏଦାନି ଏଲେଇରେସି, “ପ୍ରବୁତି ଜୀଞ୍ଜୁତି ତାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ କାତା ଆଡ଼େରି ? ମେହ୍ମୁ ଆମିନି ଗାଟାରି ନୀ ତକ୍ତାଇଁ ମୁସାନା ଖାହିମାନେରି, ଏଞ୍ଜାରି ଦୁଖେରିତା ଖାଡ଼େରିଏ, ଇଞ୍ଜା ଏଞ୍ଜାରି ନିଞ୍ଜେ ପାଞ୍ଜାତା ଡେକା ଅୟାନେରି □”

୧୦ ଏ କାତା ଖେଣ୍ଡମ୍ପନିଏ ଏଦି ପିତର କଡ଼ାଁ ତୁଇ ତରଗାନା ହାହାହାରେ, ଇଞ୍ଜା ଦାଂଗଣାୟାଁ ବିତ୍ରା ଖାହାନା ହାହାମାନାଣି ମେସ୍ତେରି ଇଞ୍ଜା ପାଞ୍ଜାତା ଡେକା ଅହାନା ତାନି ତକ୍ତା ଟଟତା ମୁସ୍ତେରି □

୧୧ ଏମ୍ପାଟିଏ ବାରେ କୁଲମି ଇଞ୍ଜା ଏରେକା ଲକୁ ଇ ବାରେ କାତା ଖେରେରି, ଏଞ୍ଜାରି ବାରେ ହାରେକା ଆଜିତେରି □

କାବାଆନି ସିନାୟାଁ

୧୨ ପାଣ୍ଡୁଞ୍ଜି ଆଡ଼ାରି ତାଣାଟି ହାରେକା କାବାଆନି କାମାୟାଁ ଅଡ଼େ ସିନାୟାଁ ଆହାଲି ମାଟ୍‌ହେ, ଇଞ୍ଜା

ବାରେ ନାମିତାରି ରଣ୍ଡିଏ ଅଣ୍ଡୁ ତଲେ ସଲମନତି ପିଣ୍ଡାତା କୃଡ଼ା ଆହିମାତେରି,

୧୩ ସାମା ଏଡ଼କାତି ଲକୁ ଆମ୍ପାଆରି ଏଞ୍ଜାରିତଲେ କୃଡ଼ାଲି ସାସା କିହିହିଲାଆତେରି; ଆଡ଼ିଜିକେଏ ଲକୁ ଏଞ୍ଜାରି ଗାଞ୍ଜୁରମି କିହିମାତେରି,

୧୪ ଇଞ୍ଜା, ହାଡ଼େ ହାରେକା ଇୟାସିକା ଅଡ଼େ ଆବାୟାଁ ନାମାହାଁ ପ୍ରବୁ ତାଣା କୃଡ଼ାଲି ଆଣ୍ଡିତେରି,

୧୫ ପାଣ୍ଡୁଞ୍ଜି ଆଡ଼ାରି କାମା ଦିନାତାକି ଦିନା ପାତାଆଡ଼େ, ଇଲାଆହୁଁ, କି ପିତର ଖାନ୍ତି ବେଲାତା ଏନିକ୍ତୁଁ ତାନି ସାୟୁଁ ରଗ ଗାଟାରି ଲାକ ଆଡ଼ିନେ, ଏଦାଆଁତାକି ରଗ ଗାଟାରାଇଁ ଆଂଗେଣିତା ଡେକା ତାଚାନା କାଟେଲି ଇଞ୍ଜା ପାସ୍‌ପନିତା ଇଟିମାତେରି □

୧୬ ଜିରୁସାଲମତି ସାରିସୁଟୁ ଗାଡ଼ାୟାଁତି ହାରେକା ଲକୁ ରଗ ଗାଟାରାଇଁ ଅଡ଼େ ବୁଡୁୟାଁ ଆଲ୍‌ଗିତାରାଇଁ ତାଟିହୁଁ ଖାଡ଼େରି, ଅଡ଼େ ଏଞ୍ଜାରି ବାରେଜାଣା ନେହୁଁ ଆଡ଼େରି □

ପାଣ୍ଡୁଞ୍ଜି ଆଡ଼ାରାଇଁ ସାସି

୧୭ ଏରେଟିଏ କାଜା ପୂଜେରାଞ୍ଜା ଅଡ଼େ ଏଞ୍ଜାଣି ବାରେ ତଡ଼ୁଲକୁ, ନାୟୁତି ସାଦୁକିୟାଁ ଗଟିତାରି ପାଣ୍ଡୁଞ୍ଜି ଆଡ଼ାରାଇଁ ତାହାରା ଆହାନା ଏଞ୍ଜାରି କପାଟି ନିଞ୍ଜିତେରି □

୧୮ ଏଞ୍ଜାରି ପାଣ୍ଡୁଞ୍ଜି ଆହାମାନାରାଇଁ ଆସାନା କାୟିଦି ଇଲୁତା ଇଟିତେରି □

୧୯ ସାମା ଲାଆଁୟାଁ ବେଲାତା ପ୍ରବୁତି ର ଦୁଡୁ କାୟିଦି ଇଲୁତି ଦାରାୟାଁ ବାରେ ଦେଚାଡୁସ୍ତେ, ଇଞ୍ଜା ଏଞ୍ଜାରାଇଁ ପାଞ୍ଜାତା ତାଚାନା ଏଲେଇରେ,

୨୦ “ହାଜୁ, ଇଞ୍ଜା ମାହାପୁରୁ ଇଲୁତା ନିଚାନା ଲକୁଣି ଇ ଜୀଞ୍ଜୁତି ବାରେ କାତା ଖେହ୍‌ଦୁ □”

୨୧ ଇ କାତା ଖେଞ୍ଜାନା ଏଞ୍ଜାରି ଲାକ୍‌ଅଲି ମାହାପୁରୁ ଇଲୁତା ହତାନା ଜାପ୍‌ହାଲି ମାଟ୍‌ହେରି □

ଏମ୍ପାଟିଏ କାଜା ପୂଜେରାଞ୍ଜା ଅଡ଼େ ତାନି ତଣେସିଞ୍ଜା ଖାହାନା କୁଟମିତି କାଜାରାଇଁ ଅଡ଼େ ଇସ୍ରାୟେଲ ଲକୁତି ପ୍ରାଟିନାଞ୍ଜାଣି ହାଟାନା କୃଡ଼ି କିତେରି; ଇଞ୍ଜା ପାଣ୍ଡୁଞ୍ଜି ଆଡ଼ାରାଇଁ ତାଚାଲି କାୟିଦି ଇଲୁତା ଲକୁଣି ପାଣ୍ଡିତେରି □

୨୨ ସାମା କାମାକିନାରି ହାଜାନା କାୟିଦି ଇଲୁତା ପାଣ୍ଡୁଞ୍ଜି ଆଡ଼ାରାଇଁ ବେଟାଆଆନା ଖେଣ୍ଡା ଖାହାନା ବେରଣି ମାଣ୍ଡାତାରାଇଁ ଖେସ୍ତେରି,

୨୩ “ମାମ୍ପୁ କାୟିଦି ଇଜ ହାଜାନା ସିନିକିତମି, କାୟିଦି ଇଲୁ ଦାରା ଆଡ଼ଞ୍ଜା ତଲେ ସୁଣ୍ଡୁଆହାମାତେ; ଇଞ୍ଜା ଦୁଖେରିକାଣା କାଟାମାଟି କସ୍‌କା ନିଚାମାତେରି, ସାମା ଦାରା ଦେଚାଲିଏ ବିତ୍ରା ଆମ୍ପାଆରାଇଁ ଜିକେଏ ବେଟାଆଆତମି □”

୨୪ ଇ ହାଡ଼ା ଖେଞ୍ଜାନା କାଜା ପୂଜେରାଞ୍ଜା ଅଡ଼େ ମାହାପୁରୁ ଇଲୁତି କସ୍‌କା ମୁହେଁ କାଜାସି

ପାଶୁଓି ଆଡ଼ାରାକି ଏନାଆଁ ଆଡେ ଅଶ୍ଵପାନା ଏଞ୍ଜାରି କାତାତା ଆତାଜାକା ଆହାହାଚେରି □

୨୫ ଏଚିବେଲା ରଅସି ଖାହାନା ଏଞ୍ଜାରାକ୍ ଏଲେଇଚେସି, “ମେହ୍‌ଦୁ ମୀରୁ ଆମିନି ଗାଗରାକ୍ କାହିଁଦି ଇଲୁତା ଇଟାମାଚେରି, ଏଞ୍ଜାରି ମାହାପୁରୁ ଇଲୁତା ଜାପୁହିମାନେରି □”

୨୬ ଏଚେଟିଏ କସକା ମୁହେଁ କାଜାସି, କାମାକିନାରି ତଲେ ହାଜାନା ପାଶୁଓି ଆଡ଼ାରାକ୍ ଖେଣ୍ଡେ ହାଟା ତାଚେରି, ସାମା ବାଡ଼ୁତୁ ତଲେ ଆଏ, ଇଚିହ୍ ଲକୁ ଖାଲକାତଲେ ଖେତାନେରି ଜିକେଏ ଇଞ୍ଜି ଆଜିମାଚେରି □

୨୭ ଏଞ୍ଜାରି ଏଞ୍ଜାରାକ୍ ତାଚାନା କୁଲମି ପାଙ୍ଗାତା ନିପୁହେରି, ଏମ୍ପାଟିଏ କାଜା ପୂଜେରା ଏଞ୍ଜାରାକ୍ ଖେଚେସି □

୨୮ ☆ “ଇ ମାଣସି ଦରୁତଲେ ଆମ୍ବାଆରାକ୍ ଜିକେଏ ଖେହ୍‌ଆଦୁ ଇଞ୍ଜି ମାମ୍ବୁ ଜାଣ୍ଡେ ହୁକୁମି ହୀହାମାଞ୍ଜାତମି, ସାମା ସିନିକଦୁ, ମୀରୁ ଏନାଆଁ କିହାମାଞ୍ଜେରି! ଜିରୁସାଲମତି ସାରିଞ୍ଜାକି ମୀରୁ ଏ କାତା ଜାପୁହି ମାଞ୍ଜେରି ଇଞ୍ଜା ଏଞ୍ଜାଣାକ୍ ନେଚେରିତି ଦହ୍ ମା ମୁହେଁ ଏକହାଲି ଅଶ୍ଵପିମାଞ୍ଜେରି □”

୨୯ ସାମା ପିତର ଇଞ୍ଜା ଏଚକାତି ପାଶୁଓି ଆହାମାନାରି ଏଲେଇଚେରି, “ମାଣସିୟାତି ହୁକୁମି ମାନି କିନି କିହାଁ ମାହାପୁରୁତି ହୁକୁମି ମାନି କିନାୟିମାନେ □

୩୦ ଆମିନି ଜୀସୁକ୍ ମୀରୁ ପାସି ମୁଣ୍ଡାତା ଏକହାନା ପାୟାମାଚେରି, ମା ଆକୁ ଆବାୟାତି ମାହାପୁରୁ ଏଞ୍ଜାଣାକ୍ ଖେଣ୍ଡେ ନିକହାମାନେସି □

୩୧ ଇଞ୍ଜା ଏଞ୍ଜାସି ଏନିକ୍ ଇସ୍ତାୟେଲତି ମନ ଖେଚପି କିହାଁ ପାପୁ ମେଣ୍ଡି କିନେସି, ଏଦାଆଁତାକି ମାହାପୁରୁ ତାନି ଚିଃନି କେୟୁତଲେ ଏଞ୍ଜାଣାକ୍ କାଜାପାଣା ଇଞ୍ଜା ଗେଲ୍‌ପିନାଣା ଲେହେଁ କାଜାସି କିହାମାନେସି □

୩୨ ଅଡେ, ମାମ୍ବୁ ଇ ବାରେତି ସାକି, ଇଞ୍ଜା ଆମିନି ସୁଦୁଜୀଞ୍ଜୁକ୍ ମାହାପୁରୁ ତାନି ହୁକୁମି ମାନୁଓି ଆନାରାକି ହୀହାମାଞ୍ଜାନେସି, ଏଦି ଜିକେଏ ସାକି □”

୩୩ ଇ କାତା ଖେଞ୍ଜାନା କୁଟମିତି କାଜାରି ହାଚେରକା କାର୍‌ବି ଆହାହାଚେରି, ଇଞ୍ଜା ଏଞ୍ଜାରାକ୍ ପାୟାଲି ତାକି କାତା ଆଚେରି □

୩୪ ସାମା ଗମଲିୟେଲ ଦରୁଗାଟି ର ମାନିଗାଟି ପାରୁସି, ଆମିନିଗାଟାସି ମସାତି ମେରା ଜାପୁନାସି ମାଚେସି, ଏଞ୍ଜାସି ବେରଣିମାଣ୍ଡାତା ନିଚାନା ପାଶୁଓି ଆହାମାନାରାକ୍ ଗାଡ଼େକା ତାକି ପାଙ୍ଗାତା ପାଶ୍ଵାଲି ହୁକୁମି ହୀଚେସି □

୩୫ ଇଞ୍ଜା ଏଞ୍ଜାସି ଏଞ୍ଜାରାକ୍ ଏଲେଇଚେସି “ଏ ଇସ୍ତାୟେଲ ଲକୁଚେରି, ଇଞ୍ଜାରି ତାକି ମୀରୁ

ଏନାଆଁ କିହାଲି ଅଶ୍ଵପିମାଞ୍ଜେରି, ଏ କାତାତା ଜାଗାତା ଆହାମାଞ୍ଜୁ □

୩୬ ଇଚିହ୍ ଇଦାଆଁ ନକେଏ ଡିଞ୍ଜୁଦା ଇନାସି ହଚାନା ତାନୁ ର କାଜା ମାଣସି କିହା କଡିଚେସି, ଇଞ୍ଜା ସାରି ଖାଞ୍ଜା ଲକୁ ଏଞ୍ଜାଣିତଲେ ଆଣ୍ଡିଚେରି; ଏଞ୍ଜାସି ପାୟୁଓି ଆଚେସି, ଇଞ୍ଜା ଏଚେକା ଲକୁ ଏଞ୍ଜାଣି ତାଣା ବାସୁ କିହାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାଁ ଏନି କାମାତା ହୀଆଚେରି □

୩୭ ଏ ଲକୁତି ଜେଚ ଲକୁଣି ଏଜିକିନି ବେଲାତା ଗାଲିଲିତି ଜୀହୁଦା ଇନାସି ହଚାନା ଲକୁଣି ତାନି ଖାକି ରେଜା ଅହାନା ତାନି ସୀସୁୟାଁ କିଚେସି; ଏଞ୍ଜାସି ଜିକେଏ ପାୟୁଓି ଆଚେସି, ଇଞ୍ଜା ଏଚେକା ଲକୁ ଏଞ୍ଜାଣି ଜେଚ ଆଣ୍ଡାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାହାଚେରି □

୩୮ ଇଞ୍ଜା ନୀର୍ବ ନାନୁ ମିଙ୍ଗେ ଖେସିମାଞ୍ଜାକ୍, ମୀରୁ ଇ ଲକୁଣି ଏନାଆଁ କିଆନା ଏଞ୍ଜାରାକ୍ ପିସାତୁହ୍‌ଦୁ, ଇଚିହ୍ ଇ କାତା କି କାମା ମାଣସି ତାଣାଟି ଆହାମାନେ, ଇଚିହ୍ ଏଦି ଉଜେଏ ଆନେ;

୩୯ ସାମା ଏଦି ମାହାପୁରୁ ତାଣାଟି ଆହାମାନେ, ଇଚିହ୍ ମୀରୁ ଏଞ୍ଜାରାକ୍ ଜୀଣା ଆନି ସାସା ହିଲେଏ, ଇଚିହ୍ ମୀରୁ ମାହାପୁରୁ କପାଟି ଜୁଜୁ କିହିମାଞ୍ଜେରି ଇଞ୍ଜି ତଞ୍ଜା ଆଦେରି □” ଏ ବାରେ କୁଟମି ଗମଲିୟେଲ କାତାତି ଖେଚେରି □

୪୦ ଇଞ୍ଜା ପାଶୁଓି ଆଡ଼ାରାକ୍ ବିତ୍ରା ହାଟାନା ସାଚ୍‌ଣି ମାଡ଼ା ଖେଚାନା ଜୀସୁ ଦରୁତି କାତା ଖେହ୍‌ଆଦୁ ଇଞ୍ଜି ହୁକୁମି ହୀହାନା ପିସ୍ତେରି □

୪୧ ମାହାପୁରୁ ନକିତା ଏଞ୍ଜାରି ଜୀସୁ ଦରୁ ତାକି ଲାଜା ବେଟାଆହାଲି ଜଚେ ଇଞ୍ଜି ଅଶ୍ଵପାମାଚେରି, ଏଦାଆଁତାକି ଏଞ୍ଜାରି ରାହାଁ କିହ୍ କୁଟମି ବିତ୍ରାଟି ହଚାଞ୍ଜାଚେରି;

୪୨ ଅଡେ, ଏଞ୍ଜାରି ଦିନାତାକି ଦିନା ମାହାପୁରୁ ଇଲୁତା ଇଞ୍ଜା ଇଲୁତାକି ଇଲୁ ଜାପୁହାଲି ଇଞ୍ଜା ଜୀସୁଏ ମସିହା, ଇ ନେହ୍ କାରୁ ଖେକହାଲି ଉଣା ଆଆଚେରି □



ସାତା ଜାଣାତି କାମା ହେଚପିନାୟି

୧ ଏମ୍ପାଟିଏ ସୀସୁୟାଁ ହାଚେ ହାଚେରକା ଜାଣା ଆହାଲି ମାଚ୍‌ହେରି, ଗ୍ରିକ୍ ଜଲିନି ଜୀହୁଦି ଲକୁ ଏଦି ଜଲିନି ନାମିତି ଲକୁଣି ଲାଜା କିହାଲି ମାଚ୍‌ହେରି, ଏନାଆଁତାକି ଇଚିହ୍ ଦିନାତାକି ଦିନା କାଦିକଣ୍ଡା ବାଟିକିନି ବେଲାତା ରାଣ୍ଡେଣିସିକାକି ହୀହି ହିଲାଆଚେରି □

୨ ଏମ୍ପାଟିଏ ବାରଜାଣା ସୀସୁୟାଁ ବାରେ ନାମିତି ଲକୁକ୍ ର ତାଣା କୃତି କିହାନା ଏଲେଇଚେରି,

☆ ୫:୨୮ ୫:୨୮ ମାତି ୨୭:୨୫

“ମାହାପୁରୁତି ବଲୁ ଝେକହାଲି ପିସାହାଁ ବାଟି କିହାଲି ହିକିତିହଁ ନେହେଁ ଆଏ ।

୩ ଈଦାଆଁତାକି ଏ ତାୟିୟାଁ ଅଡ଼େ ତାଜିସ୍ତା, ମୀ ବିତାଟି ନେହାଁରି ଇଞ୍ଜା ଝେଜିତି ସୁଦୁଜୀଝୁ ତଲେ ନେଞ୍ଜାମାନି ବୁଦିଗାଟି ସାତା ଜାଣାଇଁ ଆଡ଼ାଦୁ, ଏଝାରାକି ଈ ବାଟିକିନି କାମା ହେରୁପାଦୁ ।

୪ ଆତିହଁ ମାମ୍ନ ପ୍ରାତାନାତା ଇଞ୍ଜା ବଲୁ ଝେହୁନି ସେବା କାମାତା ରଣ୍ଡିଏ ଅଣପୁ ତଲେ ତୟିନମି ।”

୫ ଈ କାତା ବାରେ ଲକୁତି କାନୁତା ନେହଁ ତଞ୍ଜାଆଡ଼େ, ଇଞ୍ଜା ଏଝାରି ନାମ୍ନ ଅଡ଼େ ସୁଦୁଜୀଝୁତା ନେଞ୍ଜାମାନି ସ୍ତ୍ରୀପାନ ଦରୁ ଗାଗାଣାଇଁ ଇଞ୍ଜା ପିଲିପ, ପ୍ରକର, ନିକାନର, ତିମନ, ପାର୍ମନା, ଅଡ଼େ ଆନ୍ତ୍ରିୟକିୟାତି ତଲି ଜୀହୁଦି ଦାମ୍ନୁତା ଆଣ୍ଡାମାଟି ନିକଲାୟଇଁ ଆଡ଼ିତେରି,

୬ ଏଝାରି ଏଝାରାଇଁ ପାଣ୍ଡୁଝି ଆଡ଼ାରି ତାଣା ତାତେରି, ଇଞ୍ଜା ଏଝାରି ଲାକ କେସ୍ତା ଇଗାନା ପ୍ରାତାନା କିତେରି ।

୭ ଏଚେଟିଏ ମାହାପୁରୁତି ବଲୁ ହାରେକା ଝେଜିତେ, ଇଞ୍ଜା ଜିରୁସାଲମତା ସୀସୁୟାଁ ହାରେକା ପାତାଆହାଲି ମାଟ୍‌ହେରି; ଅଡ଼େ ପୂଜେରାଜା ବିତାଟି ହାରେକା ଜାଣା କ୍ରୀସ୍ତାଇଁ ନାମାଲି ମାଟ୍‌ହେରି ।

ବେରଣିମାଣ୍ଡାତା ସ୍ତ୍ରୀପାନ

୮ ସ୍ତ୍ରୀପାନ ମାହାପୁରୁତି କାମା ଇଞ୍ଜା ବାଡ଼ୟୁ ବେଗାଆହାନା ଲକୁ ବିତା କାଜା କାଜା କାବାଆନି କାମା ଅଡ଼େ ସିନାୟାଁ କିହାଲି ମାଟ୍‌ହେସି ।

୯ ସାମା ଲିବର୍ତନ, କୁରିଣି ଅଡ଼େ ଆଲେକଜାଣ୍ଡିୟା ଗାଡ଼ାୟାଁଣା ବାସା କିହାମାନି ଦରୁତା ଝେଜାମାନି ଜୀହୁଦି ଲକୁତି ପ୍ରାତାନା ଇଲୁତି ଏଚେକା ଲକୁ ଅଡ଼େ କିଲକିୟା ଇଞ୍ଜା ଆସିୟା ଦେସାତି ଏଟକା ଜୀହୁଦିଜା ନିଜାନା ସ୍ତ୍ରୀପାନ ତଲେ ବାଦିବାଦା ଆଡ଼େରି ।

୧୦ ସାମା ଏଝାସି ଆମିନି ସୁଦୁଜୀଝୁ ଅଡ଼େ ବୁଦିତଲେ ଜଲିମାରେସି, ଏଝାରି ଏ କାତାତି ଝେଣ୍ଡେ ଜଲାଇ ସାସା କିହିହିଲାଆଡେରି ।

୧୧ ଏଚେଟିଏ ଏଝାରି ଏଚରଜାଣାତି ମାତଝି କିହାନା ଏଲେଇଞ୍ଜି ଝେସାଲି ଜାପ୍‌ହେରି, “ମାମ୍ନ ଇଝାଣି ତାଣାଟି ମସା ଅଡ଼େ ମାହାପୁରୁ ନିନ୍ଦା କାତା ଜଲିମାଟାଣି ଝେଞ୍ଜାମାନମି ।”

୧୨ ଅଡ଼େ, ଏଝାରି ବାରେ ଲକୁଣି, ଇଞ୍ଜା ପ୍ରାତିନାଜାଣି ଅଡ଼େ ମେରା ପୁନାରାଇଁ କାରବି କିହାନା ଏଝାଣାଇଁ ବାଡ଼ୟୁ ତଲେ ଆସାନା ବେରଣିମାଣ୍ଡାତା ତାତେରି,

୧୩ ଇଞ୍ଜା ମିତି ସାକି ହାନାରାଇଁ ନିପ୍‌ହାନା; ଏଝାରାଇଁ ଏଲେଇଚେରି, “ଇଝାସି ଈ ସୁଦୁ ପ୍ରାତାନା ଇଲୁ ଇଞ୍ଜା ମସା ମେରାତି କପାଟି ଜଲାଇ ଉଣା ଆହିହିଲଅସି,

୧୪ ଇଚିହଁ ନାଜରିତ ଜୀସୁ ମାହାପୁରୁ ଇଲୁତି ମ୍ଲେକ୍‌ନେସି, ଇଞ୍ଜା ମସା ମାଜେ ଆମିନି ମେରା ହୀହାମାଞ୍ଜାନେସି, ଏ ବାରେ ତିରିମ୍ବୁପନେସି ଇଞ୍ଜି ଝେସିମାଟାଣି ମାମ୍ନ ଝେଞ୍ଜାମାନମି ।”

୧୫ ଏଚିବେଲା ବେରଣିମାଣ୍ଡାତା କୁଗାମାଟି ବାରେ ଲକୁ ସ୍ତ୍ରୀପାନଇଁ ଆଚେ ସିନିକିତେରି, ଏଝାଣି ମୁମ୍ନୁ ଦୁଡୁତି ମୁମ୍ନୁ ଝେଲେହେଁ ଉଜେଡ଼ି ତଞ୍ଜାଆଡ଼େ ।



ସ୍ତ୍ରୀପାନ ଝେହୁନାୟି

୧ ଏଚେଟିଏ କାଜା ପୂଜେରା ସ୍ତ୍ରୀପାନଇଁ ଝେଚେସି, “ଇ ବାରେ କାତା ସାତା କି ?”

୨ ସ୍ତ୍ରୀପାନ ଏଲେଇଚେସି, “ତାୟିୟାଁ ଅଡ଼େ ଆବାୟାଁତେରି ଝେଞ୍ଜୁ! ମା ଆବା ଅରାହାମ ହାରଣତା ବାସାଆନି ନକେଏ ଏଚିବେଲା ଏଝାସି ମେସପଟାମିୟାଁ ଦେସାତା ମାଚେସି, ଏଚିବେଲା ଗାଝୁରମିଗାଟି ମାହାପୁରୁ ଏଝାଣାଇଁ ତଞ୍ଜାଆଡ଼େସି,

୩ ଅଡ଼େ ଏଲେଇଚେସି ‘ନୀନୁ ମୀ ଇଲୁ କୁଟମି ଇଞ୍ଜା ମୀ ଦେସାଟି ହଟା ଝାମ୍ନୁ, ଇଞ୍ଜା ନୀନୁ ଏମିନି ଦେସା ତସ୍ତାଇଁ ଏ ଦେସାତା ହାଲାମୁ ।’

୪ ଏଚେଟିଏ ତାନି କଲ୍‌ଦିୟାଁ ଦେସାଟି ହଟାଝାହାନା ହାରଣତା ବାସା କିତେସି, ଇଞ୍ଜା ଅରାହାମତି ଆବା ହାଡ଼ି ତାୟୁ ଏମ୍ନାଟିଏ ମୀରୁ ନୀଏଁ ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଝାଣାଇଁ ତାଚିହଁ ଝାଡ଼େସି,

୫ ଅଡ଼େ, ମାହାପୁରୁ ଅରାହାମକି ଏମ୍ନାଆଁ ଏନି ଅଦିକାରା ହୀଆଡେସି, ଅଡ଼େ ର ପାଝୁଲି ଝିହୁନି ବୁମିଗାରି ଜିକେଏ ହୀଆଡେସି, ଇଞ୍ଜା ଏଚିବେଲା ଏଝାଣାକି ପଡ଼ି ପଡ଼ା ହିଲାଆତି ଜିକେଏ ଏଝାସି ଏଝାଣାଇଁ ଇଞ୍ଜା ତାନି ଝାହିମାନି କୃତାତାରିକି ଏଦାଆଁ ଅଦିକାରା କିହାଲିତାକି ହୀଇଁ ଇଞ୍ଜି ଆଞ୍ଜିତେସି ।

୬ ଇଞ୍ଜା ମାହାପୁରୁ ଇଲେଇଞ୍ଜି ଝେସ୍ତେସି, ‘ତାନି କୃତାତାରି ଏଟକା ଦେସାତା ବାସା କିନେରି ଇଞ୍ଜା ଏ ଟାୟୁତି ଲକୁ ଏଝାରାଇଁ ସାରୁ ଝାଞ୍ଜା ବାର୍ସା ପାଡେକା ହଲିୟାଜା କିହାଁ ଏଝାରାଇଁ ଝେଟି କାମା କିଝି କିହାନା ସାସି ହୀନେରି ।’

୭ ଅଡ଼େ ମାହାପୁରୁ ଏଲେଇଚେସି, ନୀନୁ ଏଝାରାଇଁ ହଲିୟା କାମା କିଝିକିନାରାଇଁ ବିଚାରା କିଇଁ; ଅଡ଼େ ତାୟୁ ମୀ କୃତାତାରି ଏ ଦେସାଟି ହଟା ଝାଡ଼େରି ଅଡ଼େ ଈ ଟାୟୁତା ନାଜେ ପ୍ରାତାନା କିୟାନେରି ।

୮ ଅଡ଼େ ମାହାପୁରୁ ଅରାହାମକି ତଲୁ ଦାଝୁନି ରାଜିମାନା ସିନାତି ହୀଡେସି, ଇଞ୍ଜା ଏଲେକିହଁ ଏ ଅରାହାମ ଇସାହାକଇଁ ଜାନ କିହାନା ଆଟାଦିନା ଆହାଲିଏ ଏଝାଣି ତଲୁ ଦାଡ଼େସି; ଇସାହାକ

ଜାକୁବଇଁ, ଅଡ଼େ ଜାକୁବ ବାରଜାଣା ଝେଙ୍ଗିତି ଆକୁ ଆବାୟାଣି ଜାନ କିହାନା ତଲୁ ଦାପିକିତେସି □

୯ “ଜାକୁବ ମୀରୁଏସି ଜସେପଇଁ ତାନି ତାୟିୟାଁ ତାହାରା ଆହାନା ମିସର ଦେସାତା ଅଝିଆୟାଲି ଏଝାଣାଇ ପାରତେରି; ସାମା ମାହାପୁରୁ ଏଝାଣିତଲେ ମାଚେସି,

୧୦ ଅଡ଼େ ବାରେ କସ୍ତୁଟି ଜସେପଇଁ ଗେଲ୍‌ପାହାଁ ମିସରତି ପାର ରାଜା ନକିତା ମାହାପୁରୁ କାର୍ମା ତସାହାଁ ବୁଦି ହୀତେସି; ଏମ୍ବାଟିଏ ପାର ଜସେପଇଁ ମିସର ଦେସା ଇଞ୍ଜାଁ ତାନି ଇଲୁତି ସାଲୁଝି କିହାଲି ଅଦିକାରା ହୀତେସି □

୧୧ ତାୟୁ ମିସର ଇଞ୍ଜାଁ କିଶାନ ଦେସାତା କାରୁଝୁ କାତାରା ଆଡେ, ଲକୁ ହାରେକା କସ୍ତୁ ଆଡେରି, ମା ଆକୁ ଆବାୟାଁ ତିଞ୍ଜାଲି କାଡିକଣ୍ଡା ବେଟାଆଆଡେରି,

୧୨ ସାମା ମିସର ଦେସାତା ଆର୍ନା ମାନେ ଇଞ୍ଜାଁ ଝେଞ୍ଜାନା, ଜାକୁବ ତାନି ମୀରୁକା ଇତିହୁଁ ମା ଆକୁ ଆବାୟାଁଣି ତଲିଏ ପାଣ୍ଡିତେସି □

୧୩ ଏଝାରି ଅର ଦେବା ହାଜାଲିଏ ଜସେପ ତାନି ତାୟିୟାଁ ତାଣା ପୁଣ୍ଡି କିହା କଡିତେସି, ଇଞ୍ଜାଁ ମିସରତି ରାଜା ପାର ଜସେପ କୃତାତାରି ଇଞ୍ଜାଁ ପୁଚେସି □

୧୪ ଏମ୍ବାଟିଏ ଜସେପ ତାନି ଆବା ଜାକୁବ ଇଞ୍ଜାଁ ତାନିକଡି ପନ୍ଦର ଜାଣା ତାନି କୁଟମିତି ହାଟାଲି ପାଣ୍ଡିତେସି,

୧୫ ଏମ୍ବାଟିଏ ଜାକୁବ ମିସର ଦେସାତା ହାଚେସି; ଇଞ୍ଜାଁ ଏଝାସି ଅଡ଼େ ତାନି ମୀରୁକା ଏମ୍ବାଆଁ ହାଡେରି □

୧୬ ଇଞ୍ଜାଁ ଏଝାରି ମାଡୁହା ସିକିମତା ଅଝିଆଡେ, ଇଞ୍ଜାଁ ଅବ୍ରାହାମ ଏମ୍ବାଆଁ ହମର ମୀରୁକା ତାଣାଟି ଆମିନି ମାହୁଣି ମାଣ୍ଡା ଟାକାୟାଁ ହୀହାଁ କତାମାଚେସି, ଏମ୍ବାଆଁ ମୁସପି ଆଡେରି □”

୧୭ “ସାମା, ମାହାପୁରୁ ଅବ୍ରାହାମ ନକିତା ଆଞ୍ଜାମାଟି ଲେହେଁ, ଏ ଆଞ୍ଜାମାନାୟି ପୁରା ଆନି କାଲ୍ଲା ଝାହାଲିଏ ମା ଲକୁ ମିସର ଦେସାତା ହାରେକା ଗାଡି ପାତା ଆଡେରି □

୧୮ ତାୟୁ ମିସର ଦେସାତା ଅଡ଼େ ର ରାଜା ଆଡେସି, ଏଝାସି ଜସେପଇଁ ପୁଞ୍ଜା ହିଲାଆଡେସି □

୧୯ ଏଝାସି ମା ଆକୁ ଆବାଣି ଝେପିକିତେସି ଅଡ଼େ ସାସ୍ତି ହୀତେସି, ତାନି କକାରି ହାପାରିଝା ଇଞ୍ଜାଁ ଇଲୁଟି ପାଙ୍ଗାତା କୁତୁସାଲି ହୁକୁମି ହୀତେସି □

୨୦ ଏଚିବେଲାତା ମସା ଜାର୍ନା ଆଡେସି, ଏଝାସି ମାହାପୁରୁ ନକିତା ହାରେକା ଅଜିତାସି ଇଞ୍ଜାଁ ତାନି ଲେଞ୍ଜୁ ପାତେକା ତାନି ଆବା ଇଜ ପହିକିଝି ଆଡେସି □

୨୧ ତାୟୁ ଏଚିବେଲା ଏଝାସି ପାଙ୍ଗାତା ମେଡୁପି ଆଡେସି, ଏଚିବେଲା ପାର ରାଜା ମାଙ୍ଗା ଏଝାଣାଇଁ

ଅହାନା ତାନି ମୀରୁଏଣା ଲେହେଁ ପହିକିତେ □

୨୨ ଅଡ଼େ ମସା ମିସର ଲକୁତି ବାରେ ବୁଦି ଜାପାନା କାତାତା ଅଡ଼େ କାମାତା ଝେଙ୍ଗିତେସି □”

୨୩ “ମସାକି ରୀ କଡି ବାର୍ସା ଆୟାଲିଏ ତାନି ତାୟିୟାଁ ଇତିହୁଁ ଇସ୍ରାୟେଲ ଲକୁତି ମାସ୍କା ମୀରୁକାଣି ଏନିକିହୁଁ ଲେମ୍ବୁଝି ଆହିମାନେ ଇଞ୍ଜାଁ ପୁଞ୍ଜାଲି ଅଣ୍ଡିପିତେସି □

୨୪ ଏଝାସି ରଅଣାଇଁ ମିସରତାସି ଗଡୁହା କିହିମାଚାଣି ମେସ୍ତେସି, ଏଝାଣାଇଁ ସାୟେମି କିହାଲି ହାଚେସି ଅଡ଼େ ବାଦୁଲି ଅହାନା ଏଝାଣାଇଁ ପାୟିତେସି □

୨୫ ଏଝାଣି କେମ୍ବୁଟି ମାହାପୁରୁ ତାନି ତାୟିୟାଁଣି ଗେଲ୍‌ପି ମାନେସି, ଇଦାଆଁ ଏଝାରି ପୁଞ୍ଜାଲି ଆଡିନେରି ଇଞ୍ଜାଁ ଅଣ୍ଡିପିମାଚେସି, ସାମା ଏଝାରି ପୁଞ୍ଜାଲି ଆଡାଆଡେରି □

୨୬ ତାନି ଅର ଦିନା ଇସ୍ରାୟେଲ ଲକୁ ରିଆରି ମାଡା ଆହିମାଚାଣି ମେସ୍ତେସି, ଇଞ୍ଜାଁ ଏଝାଣାଇଁ ଆଣ୍ଡୁଝି କିହାଲି ମାଦି ଆହାଁ ଏଲେଇଚେସି, ‘ଆଡେ, ମୀରୁତ ଇସ୍ରାୟେଲ ତାୟିୟାଁତେରି; ଏନାଆଁତାକି ଇଲେଆହୁଁ ଗଡୁହା ଆହିମାଞ୍ଜେରି ?’

୨୭ ସାମା ଆମିନିଗାଟାସି ପାଡିତାଣାଇଁ ଲାଗେଏ କିହିମାଚେସି, ଏଝାସି ମସାଇଁ ମେତାନା ଏଲେଇଚେସି, ‘ଆମ୍ବାଆସି ନିଙ୍ଗେ ମା ଲାକ ସାଲୁଝି କିହାଲି ଅଡ଼େ ନୀହାୟି କିହାଲି ହିୟାତେସି ?’

୨୮ ‘ରେଝଏନି ଏନିକିହୁଁ ମିସର ତାଣାଇଁ ପାୟାମାଟି, ଏଲେକିହୁଁ କି ନୀନୁ ନାଙ୍ଗେ ପାୟାଲି ଅଣ୍ଡିପିମାଞ୍ଜାଦି ?’

୨୯ ଇ କାତା ଝେଞ୍ଜାନା ମସା ମିଦିୟନ ଦେସାତା ହାଜାନା ବାସା କିତେସି; ଇଞ୍ଜାଁ ଏମ୍ବାଆଁ ରୀ ମୀରୁକା ଜାର୍ନା ଆଡେରି □”

୩୦ ତାୟୁ ରୀ କଡି ବାର୍ସା ଆୟାଲିଏ, ସିନୟ ହରୁ ତାଗେତି ଜାଡାତା ର ଦୁତୁ ର ବୁଟାତା ହିତୁ ଡୀଞ୍ଜାନା ତଞ୍ଜାଆଡେସି □

୩୧ ମସା ଏଦାଆଁ ମେସାନା ଆତାଜାକା ଆଡେସି, ଇଞ୍ଜାଁ ନେହୁଁକୁଁ ସିନିକିହାଲି ତାଗେ ହାଜିମାଟି ବେଲାତା ପ୍ରବୁତି ଇ ହାଡା ଝେଚେସି,

୩୨ “ନାନୁ ମୀ ଆକୁ ଆବାୟାଁ ମାହାପୁରୁ, ଅବ୍ରାହାମତି, ଇସାହାକ ଅଡ଼େ ଜାକୁବତି ମାହାପୁରୁ” ଏଚେଟିଏ ମସା ଆଜିତାକି ନେହୁଁକୁଁ ସିନିକିହାଲି ସାସା କିଆଡେସି □

୩୩ ପ୍ରୁ ଏଝାଣାଇଁ ଏଲେଇଚେସି, “ନୀ କତାତି ସେପୁୟାଁ ହୁକୁମି, ଇଚିହୁଁ ନୀନୁ ଆମିନି ଟାୟୁତା ନିତାମାଞ୍ଜି ଏଡି ସୁଦୁଗାଟି ଟାୟୁ □

୩୪ ମିସରତା ନା ଆମିନି ଲକୁ ମାନେରି, ନାନୁ ଏଝାରି କସ୍ତୁ ମେସାମାଇଁ, ଅଡ଼େ ଏଝାରି ଡୀହିମାନାଣି ଝେଞ୍ଜାମାଇଁ, ଇଞ୍ଜାଁ ଏଝାଣାଇଁ ଗେଲ୍‌ପାଲି ରେଟା ଝାହାମାଇଁ; ଇଞ୍ଜାଁ ନୀଏଁ ଝାମୁ ନାନୁ ନିଙ୍ଗେ ମିସର ଦେସାତା ପାଣ୍ଡାଇଁ □”

୩୫ “ମସାଇଁ ଇସ୍ରାୟେଲତି ଲକୁ ଅପାଆତେରି
□ ଏଞ୍ଜାରି ଏଞ୍ଜାଣାଇଁ ଏଲେଇତେରି, ‘ମାଜେ
ସାଲୁକି କିହାଲି ଅଡେ ନାହାଁୟି କିହାଲି ଆମ୍ବିଟି
ଅଦିକାରା ବେଟାଆଡି ? ଏଞ୍ଜାଣାଇଁ ମାହାପୁରୁ
ଲକୁଣି ସାଲୁକି କିହାଲି ଅଡେ ମୁକଲୁକି କିହାଲି
ଦୁଡୁତି ସାୟେମି ତଲେ ହିରୁ ଡଞ୍ଜିମାନି ବୁଟାତା
ଡଞ୍ଜାଆହାନା ପାଶ୍ଚାତେସି □

୩୬ ଏଞ୍ଜାସି ଲକୁଣି ମିସର ଦେସାଟି, ସୁପ
ସାମ୍ବୁରି, ଇଞ୍ଜା ରୀ କଡ଼ି ବାର୍ସା ପାତେକା ବାଟାତା
ହାରେକା କାବାଆନି କାମା ଅଡେ ସିନାୟାଁ ତସାହାଁ
ଏଞ୍ଜାରାଇଁ ହପୁହା ତାତେସି □

୩୭ ଏ ମସା ତାନୁଏ ଇସ୍ରାୟେଲ ମୀରକାଣି
ଏଲେଇତେସି, ମାହାପୁରୁ ମୀ ତାୟିୟାଁ ବିତ୍ରାଟି
ମିଜେତାକି ନା ଲେହେକି ର ମାହାପୁରୁ ଅଶ୍ପୁତି
ବଲୁ ଖେହନାଣାଇଁ ହିୟାନେସି □’

୩୮ ଏ ମସା ବାଃଲି ବାଟାତା କୁଡ଼ା ଆହାମାନି
ଇସ୍ରାୟେଲ ଲକୁତଲେ ମାତେସି □ ସିନୟ ହରୁତା
ତାନିତଲେ କାତା ଆହିମାଟି ଦୁଡୁ ଇଞ୍ଜା ମା ଆକୁ
ଆବାୟାଁ ବିତ୍ରା ମାଦିତାସି ମାତେସି; ଏଞ୍ଜାସି ମିଜେ
ହାହାଲିତାକି ମାହାପୁରୁ ତାଣାଟି ଜୀଞ୍ଜୁତି ବଲୁ
ବେଟାଆଡେସି □’

୩୯ “ସାମା ମା ଆକୁ ଆବାୟାଁ ଏଞ୍ଜାଣି କାତା
ଆହୁଆନା ଏଞ୍ଜାଣାଇଁ ଅପାଆତେରି, ଅଡେ ମିସର
ଦେସାତା ଖେଶ୍ଚା ହାଜାଲି ମନ କିତେରି,

୪୦ ଏଦାଆଁତାକି ଏଞ୍ଜାରି ହାରଣାଇଁ ଏଲେଇତେରି
□ ‘ମା ନକି ନକିତା ହାଜାଲି ମାଜେତାକି
ପେଶକାଣି କେପାମୁ, ଇତିହୁଁ ମାଜେ ମିସର
ଦେସାଟି ହପୁହା ତାତାଟି ମସାକି ଏଦାଆଁ ଆଡେ
ମାମୁ ପୁଞ୍ଜାହିଲଅମି □’

୪୧ ଅଡେ, ଏତିବେଲାତା ଏଞ୍ଜାରି ର କଡ଼ି ତାଲୁଡି
ବମା କେପାନା ଏ ବମା ତାକି ପୂଜା ହାହାନା ତାନି
କେୟୁଟି କେପିତି ଆସ୍ତି ତାକି ରାହାଁ କିତେରି □

୪୨ ସାମା ମାହାପୁରୁ ଏଞ୍ଜାରି ତାଣାଟି ଏଟକା
ଆହାନା ଏଞ୍ଜାରାଇଁ ହାଗୁଲକଡି ହୁକାୟାଁଣି ସେବା
କିୟାଲି ପିସ୍ତେସି, ଏନିକୁଁ ମାହାପୁରୁ ଅଶ୍ପୁତି
ବଲୁ ଖେହନାରି ପତିତା ରାସ୍ତକି ଆହାମାନେ;

‘ଏ ଇସ୍ରାୟେଲ କୁଡ଼ାତେରି,
ବାଟାତା ରୀ କଡ଼ି ବାର୍ସା ପାତେକା
ମୀରୁ ନାଜେତାକି କଡ଼ି ଗରି ପୂଜା
କିହାହିଲାଆତେରି □

୪୩ ମୀରୁ ପୂଜା କିହାଲି ଆମିନି ବମାୟାଁ
କେପାମାତେରି,

ଏ ମଲକ ପେନୁଡି ତୁମୁ ଅଡେ ରମ୍ପାନ୍
ପେନୁଡି ହୁକାଟି ମୀରୁ ଆସାନା ସେବା
କିତେରି,
ଏଦାଆଁତାକି ନାନୁ ମିଜେ ବାବିଲନ ଆତାଲା
ବାସା ଆୟାଲି ପାଶ୍ଚାଇଁ □’ ”

୪୪ “ନୀନୁ ଏନିକୁଁ ମେସାମାଞ୍ଜି, ଏଲେକିହୁଁ ଏ
ସାକି ହାନି ତୁମୁ ଇଲୁ କେପାମୁ ଇଞ୍ଜୁଁ ମସାକି
ଆମାଆସି ଖେସାମାତେସି, ଏଞ୍ଜାଣି ହୁକୁମି ତଲେ
ମା ଆକୁୟାଁ ବାଟାତା ସାକି ହାନି ତୁମୁ ଇଲେ
କେପାମାତେରି □

୪୫ ତାମୁ ମା ଆକୁ ଆବାୟାଁ ଏଦାଆଁ ତାନି
ଆବାୟାଁ ତାଣାଟି ବେଟାଆଡେରି ଇଞ୍ଜା ଜିହସୁୟ
ତଲେ ତାକିମାଟିବେଲା ଏଞ୍ଜାରି ଏଦାଆଁ ଡେକା
ଅଡେରି, ଏମାଟିଏ ମାହାପୁରୁ ଏଞ୍ଜାରି ନକିତା
ମାଟି ବାରେ କୁଡ଼ାଟି ଲକୁଣି ପେରହା ତୁସାଲିଏ,
ଇସ୍ରାୟେଲ ଲକୁ ଇଞ୍ଜାରି ଦେସା ଜୀଣାଆହାନା ଇ
କୁଡ଼ାଆନି ତୁମୁ ଇଲୁ ଏମାଆଁ ତାଚାନା ଇତିତେରି,
ଇଞ୍ଜା ଏଡି ଦାଞ୍ଜୁଦ ରାଜା ପାତେକା ଏମାଆଁ ଡୟିତେ
□

୪୬ ଦାଞ୍ଜୁଦ ମାହାପୁରୁ ନକିତା କାର୍ମା
ବେଟାଆହାନା, ଜାକୁବତି ମାହାପୁରୁକି ର
ବାସାଗାୟୁ କିହାଲି ପ୍ରାତାନା କିତେସି □

୪୭ ସାମା ସଲମନ ମାହାପୁରୁକି ଏ ଇଲୁ
କେପିତେସି □’

୪୮ “ସାମା ବାଡୁୟୁ ଗାଟି ମାହାପୁରୁ ମାଣସି
କେୟୁତଲେ କେପିତି ଇଲୁତା ବାସା କିଅସି;
ଏନିକୁଁ ମାହାପୁରୁ ଅଶ୍ପୁତି ବଲୁ ଖେହନାରି
ଖେସାମାନେରି □’

୪୯ ପ୍ରୁ ଏଲେଇଞ୍ଜା ମାନେସି, “ଲକପୁରୁ ନା
ସିଂଗାସାଣି,
ଦାର୍ଡି ନା କଡ଼ା ଇଟିନି ଟାୟୁ,
ମୀରୁ ନା ତାକି ଏନିଲେହେଡି ଇଲୁ କେପିଦେରି ?
ଇଞ୍ଜା ନା ଜମିନି ଟାୟୁ ଏମ୍ବିୟାମାନେ ?

୫୦ ନା କେୟୁ ଇ ବାରେ ଗାଡ଼ି କିହାହିଲେଏ କି ?”

୫୧ ସ୍ତ୍ରୀପାନ ଏଲେଇତେସି, “ମୀରୁ ଏତେକା
ମୁଣ୍ଡି ଗାଟାତେରି, ଇଞ୍ଜା ଅଟହା କଡ଼ାଆଡି ହିୟାଁ
ଗାଟାତେରି ଅଡେ ମାହାପୁରୁଟି ବଲୁ ତାକି କୀକା
ଖେନାଆ ଗାଟାତେରି, ମୀରୁ କାଲେଏ ସୁଦୁଜୀଞ୍ଜୁତି
କସ୍ତ ହାହିମାଞ୍ଜେରି; ମୀ ଆକୁ ଆବାୟାଁ ଏନିକୁଁ
ମୀରୁ ଜିକେଏ ଏଲେତାତେରି □

୫୨ ମାହାପୁରୁ ଅଶ୍ପୁତି ବଲୁ ଖେହନାରାଇଁ
ଆମାଆରାଇଁ ଜିକେଏ ମୀ ଆକୁ ଆବାୟାଁ ନିନ୍ଦା
କିହାହିଲାଆତେରି ? ଆମିନି ଗାଟାରି ଏ
ଦାମୁଗାଟାସି ଖାନ୍ତି କାତା ନକେଏ ଖେସାମାତେରି,
ଏଞ୍ଜାରାଇଁ ଏଞ୍ଜାରି ପାୟିତେରି; ନୀଏଁ ମୀରୁ
ଏଞ୍ଜାଣାଇଁ ସାତୁୟାଁ କେୟୁତା ହେରପାନା
ପାୟିତେରି □

୫୩ ମୀରୁ ମାହାପୁରୁଟି ମେରା ବେଟାଆହା
ମାତେରି, ଏ ମେରା ଦୁଡୁୟାଁ ତାଣାଟି ହାପକି
ଆହାମାତେ, ଆଡିଜିକେଏ ମୀରୁ ଏଦାଆଁ
ନାମାଆତେରି □’

ଖାଲକାତଲେ ସ୍ତ୍ରୀପାନଇଁ ପାୟିନାୟି

୫୪ ସ୍ତ୍ରୀପାନ ବେରଣିମାଣ୍ଡାତା କୁଗାମାତି ଲକ୍ଷ୍ମୀ ଲ ବାରେ କାତା ଝେସ୍ତେସି, ଏମ୍ବାଆଁ ମାତି ପାରୁସି ଇଞ୍ଜା ବାରେ କୃତା ଆହାମାଚାରି କାର୍ବି ଆହାଁ ପାଲକା ଚୀଟି କିହାଲି ମାଟ୍‌ହେରି □

୫୫ ସାମା ସ୍ତ୍ରୀପାନ ସୁଦୁଜୀଝୁ ତଲେ ନେଞ୍ଜାନା ଲାକପୁରୁ ଝାକି ସିନକିତେସି, ଇଞ୍ଜା ମାହାପୁରୁତି ଗାଝୁରମି ଅଡେ ଜୀସୁଇଁ ମାହାପୁରୁତି ଚିଝନିଝାକି ନିଚାମାନାଣି ମେସାନା ଏଲେଇଚେସି □

୫୬ “ମେହ୍‌ଦୁ ନାନୁ ଲାକପୁରୁ ଦେପିଆହାମାନାଣି ଅଡେ ମାଣ୍‌ସି ମାଟ୍‌ଏସି ମାହାପୁରୁତି ଚିଝନିଝାକି ନିଚାମାନାଣି ମେସିମାଇଁ □”

୫୭ ଏ କାତା ଝେନାଆପ ଇଞ୍ଜା କାଲଝି ଆହଁ ବେରଣି ମାଣ୍ଡାତାରି କୀର୍କା ମୁଚାକତିତେରି □ ତାମୁ ବାରେଜାଣା ରୁଣ୍ଡା ଆହାନା ଏଝାଣାଇଁ ମୁଚିତେରି □

୫୮ ଅଡେ ଏଝାରି ଏଝାଣାଇଁ ଗାଡ଼ାଟିଏ ପାଙ୍ଗାତା ରେଜା ଅହାନା ଏଝାଣାଇଁ ଝାଲକାତଲେ ଝେଚାଲି ମାଟ୍‌ହେରି; ଅଡେ ସାକିୟା ବିତ୍ରାତି ସାଝୁଲ କତାୟା ଡ଼ଇ ହିମ୍ବୁରିକା କାଟିମାଚେସି □

୫୯ ଏଚିବେଲା ଏଝାରି ସ୍ତ୍ରୀପାନଇଁ ଝାଲକା ଝେଚି ମାଚେରି, ଏଚିବେଲା ଏଝାସି ମାହାପୁରୁ ତାଣା ପ୍ରାଡ଼ାନା କିହାନା ଏଲେଇଚେସି, “ପ୍ରୁ ଜୀସୁ, ନା ଜୀଝୁତି ଅହାକତାମୁ □”

୬୦ ଇଞ୍ଜା ଏଝାସି ମେଣ୍ଡାକୁତାନା କାଜା ଗିୟାତଲେ ଏଲେଇଚେସି, “ପ୍ରୁ! ଇ ପାପୁ ଇଝାରି ତାଣା ଲେକା କିଆନି” ଏଲେଇଞ୍ଜାହାଁ ହାଡେସି □

୮

ସାଝୁଲ କ୍ରୀସ୍ତାନା କୁଲମିତି ସାସି ହାନାୟି

୧ ସ୍ତ୍ରୀପାନଇଁ ପାୟିତାୟି ନେହେଁ ଆଡେ ଇଞ୍ଜା ସାଝୁଲ ଅଣ୍‌ପିମାଚେସି □ ଏ ଦିନାଟିଏ ଜିରୁସାଲମତା ମାନି କୁଲମିକାକି ହାରେକା ନିନ୍ଦା ସାସି ଝାଡେ; ଏମ୍ବାଟିଏ ପାଣ୍ଡୁଝି ଆହାମାନାରି ପିସ୍‌ପେ ବାରେ ନାମିତାରି, ଜୀହୁଦା ଦେସା ଇଞ୍ଜା ସମିରଣ ନାସ୍‌କା ସାରିସୁଟ୍ ଇତାଲା ଆତାଲା ଆଡେରି □

୨ ଆଡିଜିକେଏ ଏଚେକା ନାମୁଗାଟି ଲକ୍ଷୁ ସ୍ତ୍ରୀପାନଇଁ ମୁସ୍ତେରି ଇଞ୍ଜା ହାରେକା ଦୁକୁତଲେ ଡୀତେରି □

୩ ✱ ସାମା ସାଝୁଲ କୁଲମିତା ହାଜିହଁ ଇଲୁତାକି ଇଲୁ ହଡିହଁ ନାମିତି ଆୟାସିକା, ଆବାଣି ରେଜା ତାଚାନା କାୟିଦି ଇଲୁତା ହେର୍‌ପିହଁ କୁଲମିତି ନାସା କିହାଲି ମାଟ୍‌ହେସି □

ସମିରଣତା ନେହଁ କାରୁ ଝେକ୍‌ନାୟି

୪ ଏମ୍ବାଟିଏ ଆମିନି ଗାଟାରି ଇତାଲା ଆତାଲା ଆହାମାଚେରି, ଏଝାରି ସାରିସୁଟ୍ ରେଜି ରେଜି ନେହଁ କାରୁ ଝେକ୍‌ହେରି □

୫ ଇଞ୍ଜା ପିଲିପ ସମିରଣତି କାଜା ଗାଡ଼ାତା ହାଜାନା ଲକ୍ଷୁ ନକିତା ମସିହାତି କାତା ଝେକ୍‌ହେସି □

୬ ଅଡେ, ଲକ୍ଷୁ ବାରେ ପିଲିପ ହାଡ଼ା ଝେଚେରି ଇଞ୍ଜା ଏଝାସି କିହାମାନି କାବାଆନି କାମା ମେସାନା ଚଣ୍ଡିଏ ହିୟା ତଲେ ଏଝାଣି କାତାତି ଝେଞ୍ଜିମାଚେରି □

୭ ଇଚିହଁ ଆଲଗାମାତି ପଲୁଆ ବୁଡୁ ହାରେକା ଲକ୍ଷୁ ତାଣାଟି କାଜା ଗିୟାତଲେ କିର୍ଡିହଁ ହଡ଼ାହାଡୁ, ଇଞ୍ଜା ଚଟ ଝାୟିତାରି ଅଡେ ସଗାୟା ହାରେକା ଜାଣା ନେହଁ ଆଡେରି □

୮ ଏଦାଆଁତାକି ଏ ଗାଡ଼ାତା ହାରେକା କାଜା ରାହାଁ ଆଡେ □

୯ ସାମା ସିମନ ଦରୁଗାଟାସି ରଅସି ଇ ନକେଏ ଏ ଗାଡ଼ାତା ଗାର୍ଡି କିହଁ ନାନୁ କାଜାତେଏଁ ଇଞ୍ଜା ଝେସା କଡିହଁ ସମିରଣତି ଲକ୍ଷୁଣି କାବା କିହିମାଚେସି □

୧୦ ମାହାପୁରୁତି ଆମିନି ବାଡ଼ମୁଡି କାଜାୟି ଇଞ୍ଜା ଇଣ୍‌ମି ଆନେ, ଉଣାଟିଏ କାଜାରି ପାତେକା ବାରେଜାଣା ଇଝାସିଏ ଏଝାସି ଇଞ୍ଜା ଏଝାଣାଇଁ ମାନି କିହିମାଚେରି □

୧୧ ଏଝାରି ଏଝାଣାଇଁ ମାନି କିହିମାନାୟି ଆଡେ, ହାରେକା ଦିନାଟିଏ ତାନି ଗାର୍ଡି କାମା ତଲେ ଏଝାଣାଇଁ କାବା କିହିମାଚେସି □

୧୨ ସାମା ପିଲିପ ମାହାପୁରୁତି ରାଜି ଇଞ୍ଜା ଜୀସୁ କ୍ରୀସ୍ତ ଦରୁତି ନେହଁ କାରୁ ଝେକ୍‌ହାଲିଏ ଏଝାରି ଏଚିବେଲା ଏଝାଣି କାତାତା ନାମିତେରି, ଇଞ୍ଜା ଆୟାସିକା ଅଡେ ଆବାୟାଁ ବାପ୍ତିସ୍ମ* ଅହାଲି ମାଟ୍‌ହେରି □

୧୩ ଅଡେ ସିମନ ତାନୁଏ ନାମିତେସି ଇଞ୍ଜା ବାପ୍ତିସ୍ମ† ଅଡେସି, ଇଞ୍ଜା ପିଲିପ ତଲେ ଡୟିତେସି, ଅଡେ ହାରେକା ସିନାୟାଁ ଇଞ୍ଜା ହାରେକା ବାଡ଼ମୁଡି କାବାଆନି କାମାୟାଁ ମେସାନା କାବା ଆହାହାଚେସି □

୧୪ ସମିରଣତି ଲକ୍ଷୁ ଜିକେଏ ମାହାପୁରୁ ବଲୁଡି ନାମିମାନେରି, ଇଞ୍ଜା ଜିରୁସାଲମତା ମାନି ପାଣ୍ଡୁଝି ଆଡ଼ାରି ଝେଚେରି, ଏମ୍ବାଟିଏ ଏଝାରି ପିତର ଅଡେ ଜହନଇଁ ଏଝାରିତାଣା ପାଣ୍ଡିତେରି □

୧୫ ଏଝାରି ଏଗାହାଜାନା, ଏଝାରି ଏନିକଁ ସୁଦୁଜୀଝୁ ବେଟାଆନେରି, ଏଦାଆଁତାକି ଏଝାରି ତାକି ପ୍ରାଡ଼ାନା କିତେରି □

୧୬ ଇଚିହଁ ନୀର୍ବ ପାତେକା ଏଝାରିତାଣା ଆମ୍ବାଆରି ଲାକ ସୁଦୁଜୀଝୁ ରେଟା ହିଲାଆଡେ,

✱ ୮:୩ ୮:୩ କାମା ୨୨:୪,୫; ୨୨:୯-୧୧ * ୮:୧୭ ୮:୧୭ ମୁଞ୍ଜିନାୟି † ୮:୧୩ ୮:୧୩ ମୁଞ୍ଜିନାୟି ‡ ୮:୧୭ ୮:୧୭ ମୁଞ୍ଜିନାୟି

ଇଚିହ୍ନଂ ଏଞ୍ଜାରି ଖାରଇ ପ୍ରବୁ ଜୀସୁ ଦରୁତଲେ ବାପ୍ତିସ୍ମାଃ ଅହାମାଚେରି □

୧୭ ପିତର ଅଡ଼େ ଜହନ ଏଞ୍ଜାରି ଲାକ କେୟୁ ଇଚିତେରି ଇଞ୍ଜା ଏଞ୍ଜାରି ସୁଦୁଜୀଝୁ ବେଟାଆଡ଼େରି □

୧୮ ପାଣ୍ଡୁଞ୍ଜି ଆଡ଼ାରି କେୟୁ ଇଚିସାରେ ସୁଦୁଜୀଝୁ ଖାହିମାନାଣି ମେସାନା, ସିମନ ଏଞ୍ଜାରାକି ଟାକାୟା ହାହାନା ଏଲେଇଚେସି,

୧୯ “ନାଙ୍ଗେ ଜିକେଏ ଇ ବାଡ଼ୟୁ ହିୟାଦୁ, ଏନିକଂ ନାନୁ ଆମିନି ଗାଟାଣା ଲାକ କେୟୁ ଇଚିଇଁ ଏଞ୍ଜାସି ସୁଦୁଜୀଝୁ ବେଟାଆନେସି □”

୨୦ ସାମା ପିତର ଏଞ୍ଜାଣାଇଁ ଏଲେଇଚେସି “ନୀ ଟାକାୟା ନୀ ତଲେ ନସ୍ତ ଆପୁ, ଇଚିହ୍ନଂ ନୀନୁ ଟାକାୟା ହାହାନା ମାହାପୁରୁତି ଦାନା କଡ଼ାଲି ଅଣ୍ଡପିତି □

୨୧ ଇ କାମାତା ନୀଦି ଏନି ବାଗା କି ଅଦିକାରା ହିଲେଏ, ଇଚିହ୍ନଂ ମାହାପୁରୁ ତାଣା ନୀ ହିୟା ଟିକାଣା ହିଲେଏ □

୨୨ ଇଦାଆଁତାକି ନୀ ଲାଗେଏତି ଅଣ୍ଡପୁତି ମନୁ ଝେଟ୍ଟହାଁ ପ୍ରବୁ ତାଣା ପ୍ରାଡ଼ାନା କିମ୍ପୁ, ଏନିଆଡ଼ିହ୍ନଂ ନୀ ହିୟାତା ମାନି ଲାଗେଏତି ଅଣ୍ଡପୁ ମ୍ପେକ୍ନେସି;

୨୩ ଇଚିହ୍ନଂ ନାନୁ ମେସିମାଞ୍ଜାଇଁ ନୀ ହିୟା ବିତ୍ରା ତାହାରା ଆନାୟି ମାନେ, ନୀନୁ ଲାଗେଏତି ପାନ୍ନାତା ଦସ୍ପି ଆହାମାଞ୍ଜି □”

୨୪ ଏଚେଟିଏ ସିମନ, ପିତର ଅଡ଼େ ଜହନଇଁ ଏଲେଇଚେସି, “ମୀରୁ କାର୍ମା ଅଣ୍ଡପାନା ନା ତାକି ପ୍ରବୁ ତାଣା ପ୍ରାଡ଼ାନା କିମ୍ପୁ, ମୀରୁ ଏନାଆଁ ଜଲିତେରି ଏ ବାରେ ଏନିକଂ ନାଙ୍ଗେତାକି ଏଲେଆହ୍ନଂ ଆଏ □”

୨୫ ଇଲେକିହ୍ନଂ ପିତର ଅଡ଼େ ଜହନ ସାକି ହାହ୍ନଂ ପ୍ରବୁତି ବଲୁ ଝେସିହ୍ନଂ, ହାରେକା ସମିରଣା ନାସ୍‌କାଣା ନେହ୍ନଂ କାବୁ ଝେସି ଝେସିହ୍ନଂ ଜିରୁସାଲମତା ଝେଣ୍ଡା ହାଚେରି □

ପିଲିପ ଅଡ଼େ ଇତିୟପିୟାତି କାମାକିନାସି

୨୬ ତାୟୁ ପ୍ରବୁତି ର. ଦୁଡୁ ପିଲିପଇଁ ଏଲେଇଚେସି, “ନିଙ୍ଗାମୁ ଇଞ୍ଜା ଟିଃନି ଖାକିତି ଆମିନି ଜିରୁ ଜିରୁସାଲମଟିଏ ଗଜା ଖାକି ମାନେ ଏ ଜିରୁତା ହାଲାମୁ □” ଏ ଜିରୁଟି ଅଡ଼େ ଲକ୍ଷୁ ତାକିହଲଅରିଃ □

୨୭ ଏମ୍ବାଟିଏ ଏଞ୍ଜାସି ନିଙ୍ଗାନା ହାଚେସି, ଇତିୟପିୟା ଦେସାତି କାଣ୍ଡାକି ଦରୁଗାଟି ରାଣିନି ଡ଼ଇ ର. କାଜାପାଣା ବେଟାଆହାମାନି ପେଜୁ ଆମିନିଗାଟାସି ଇତିୟପିୟା ରାଣିନି ବାରେ ଦନଡ଼ି ଗୁମ୍ପୁସ୍ତା ମାଚେସି, ଏଞ୍ଜାସି ମାହାପୁରୁ ତାଣା ପ୍ରାଡ଼ାନା କିହାଲି ଜିରୁସାଲମତା ଖାହାମାଚେସି;

୨୮ ଏଞ୍ଜାସି ମାହାପୁରୁ ଅଣ୍ଡପୁତି ବଲୁ ଝେହ୍ନି ଜିସାୟତି ପତି କାଜା ଗିୟାତଲେ ପଡ଼ଞ୍ଜି ଆହ୍ନଂ ରାତାତା କୁଗାନା ଝେଣ୍ଡା ହାଜିମାଚେସି □

୨୯ ଏଚିବେଲା ସୁଦୁଜୀଝୁ ପିଲିପଇଁ ଏଲେଇଚେ, “ନକିତା ହାଜାନା ରାତାତା ହାଜିମାନାଣି ତାଣା ହାଲାମୁ;”

୩୦ ଏଚେଟିଏ ପିଲିପ ହଟି ହଟି ହାଜାନା ଜିସାୟତି ପତି କାଜା ଗିୟାତଲେ ମାହାପୁରୁ ଅଣ୍ଡପୁତି ବଲୁ ପଡ଼ଞ୍ଜି ଆହିମାନାଣି ଝେଞ୍ଜାନା ଝେଚେସି, “ନୀନୁ ଆମିନିଗାଟାଣି ପଡ଼ଞ୍ଜି ଆହିମାଞ୍ଜି ଏଦାଆଁ ପୁଞ୍ଜାଲି ଆଡ଼ିମାଞ୍ଜି କି ?”

୩୧ ପେଜୁ ଏଲେଇଚେସି, “ଆମ୍ବାଆସି ନାଙ୍ଗେ ଝେସ୍ତାଆସାରେ ନାନୁ ଏନିକଂ ପୁଇଁ ?” ଇଞ୍ଜା ଏଞ୍ଜାସି ପିଲିପଇଁ ରାତାତା ହଟାନା ତାନିତଲେ କୁଗାଲି ଏଲେଇଚେସି □

୩୨ ଏଞ୍ଜାସି ଦାମ୍ବୁ ପତିତା ପଡ଼ଞ୍ଜି ଆହିମାଟି କାତା ଇଦି;

“ଏଞ୍ଜାସି ପାୟିଞ୍ଜିଆନି ମେଣ୍ଡା ତାଲୁ ଲେହେଁ ଅଞ୍ଜିଆଚେସି, ଇଞ୍ଜା ମେଣ୍ଡା ତାଲୁ ବାଣାୟା ଦାଃନି ବେଲାତା ମେଣ୍ଡା ତାଲୁ ଏନିକଂ ଡ଼ାଆନା ପାଲେଏ ଡ଼ୟିନେ, ଏଲେକିହ୍ନଂ ଏ ଏଞ୍ଜାସି ତାନି ଗୁତି ଏକ୍‌ଆଚେସି □

୩୩ ଏଞ୍ଜାଣାଇଁ ଡ଼ଣା କିହାଁ ନୀହାଁୟି କିଆଚେରି, ଏଞ୍ଜାଣି କୃଡ଼ାତି କାତା ଆମ୍ବାଆସି ଝେସାଲି ଆଡ଼ଅସି, ଇଚିହ୍ନଂ ତାନି ଜୀଝୁ ଦାର୍‌ତିତା ରାଡ଼େ □”

୩୪ ଏ ପେଜୁ ପିଲିପଇଁ ଏଲେଇଚେସି, “ନାଙ୍ଗେ ଝେସ୍ତାମୁ, ମାହାପୁରୁ ଅଣ୍ଡପୁତି ବଲୁ ଝେହ୍ନାସି ଆମ୍ବାଆରି କାତା ଝେସିମାନେସି ? ତାନି କାତା କି ଅର ରଅଣି କାତା ?”

୩୫ ଏମ୍ବାଟିଏ ପିଲିପ ଗୁତି ଦେଚାନା ଦାମ୍ବୁ ସାସ୍ତେରିଟିଏ ମାଟ୍‌ହାନା ଏଞ୍ଜାଣି ତାଣା ଜୀସୁତି ନେହ୍ନଂ କାବୁ ଝେସ୍ତେସି □

୩୬ ଏଞ୍ଜାରି ଜିରୁତା ହାଜିମାଟାଟି ଏୟୁ ମାନି ର. ଟାୟୁତା ଏଗାହାଚେରି; ଏଚେଟିଏ ପେଜୁ ଏଲେଇଚେସି,

୩୭ “ଇମ୍ବାଆଁ ଏୟୁ ମାନୁ, ଏନାଆଁ ନାନୁ ବାପ୍ତିସ୍ମା* ଅହାଲି ଆଡ଼ିଇଁ ?”

୩୮ ଇଞ୍ଜା ଏଞ୍ଜାସି ରାତା ନିପହାଲି ହୁକୁମି ହୀଚେସି, ଇଞ୍ଜା ପିଲିପ ଅଡ଼େ ପେଜୁ ଏୟୁଣାଁ ରେଚେରି, ଇଞ୍ଜା ପିଲିପ ଏଞ୍ଜାଣାଇଁ ବାପ୍ତିସ୍ମାଃ ହୀଚେସି □

§ ୮:୨୨ ୮:୨୨ ଲକ୍ଷୁ ହିଲାଆ ଟାୟୁ * ୮:୩୭ ୮:୩୭ ମୁଞ୍ଜିନାୟି † ୮:୩୭ ୮:୩୭ ପିଲିପ ଏଲେଇଚେସି, “ନୀନୁ ବାରେ ହିୟାଁ ତଲେ ନାମିସାରେ ଅହାଲି ଆଡ଼ିଦି” ଏମ୍ବାଟିଏ ଏଞ୍ଜାସି ଏଲେଇଚେସି, “ଜୀସୁ କ୍ରୀସ୍ତ ମାହାପୁରୁତି ମୀରୁଏସି ଇଦାଆଁ ନାନୁ ନାମିମାଇଁ □” ‡ ୮:୩୮ ୮:୩୮ ମୁଞ୍ଜିନାୟି

୩୯ ଏଞ୍ଜାରି ଏମୁଟି ହଡ଼ା ଖାଡ଼ି ତାୟୁ, ପ୍ରବୁତି ସୁଦୁଜାଞ୍ଜୁ ପିଲିପଇଁ ଅହୁଁ ହାଚେ, ଇଞ୍ଜା ପେଦୁ ଅଡ଼େ ଏଞ୍ଜାଣାଇଁ ମେହୁଆତେସି; ଆଡ଼ିଜିକେଏ ରାହାଁ କିହୁଁ ତାନି ଜିରୁତା ହାଚେସି □

୪୦ ସାମା ପିଲିପ ଅସଦଦ୍ ଗାଡ଼ାତା ତଞ୍ଜାଆଡ଼େସି; ଇଞ୍ଜା ଏଞ୍ଜାସି ଗାଡ଼ାତାକି ଗାଡ଼ାତା ହାଜାହାଁ ନେହୁଁ କାବୁ ଖେସ୍ତେସି ଇଞ୍ଜା କାୟିସରିୟାତା ଏଗାହାଚେସି □



ସାଞ୍ଜୁଲ ମନ ଖେଟ୍ଟନାୟି
(କାମା ୨୨:୭-୧୬; ୨୬:୧୨-୧୮)

୧ ସାମା ସାଞ୍ଜୁଲ ନୀଏଁ ପାତେକା ପ୍ରବୁତି ସୀୟୁୟାଁ କପାଟି ଆଜି ତସାନା ଅଡ଼େ ଜୀଞ୍ଜୁ ନାସାକିନି କାତାୟାଁ ଜକିହୁଁ କାଜା ପୂଜେରାଜା ତାଣା ହାଚେସି □

୨ ଅଡ଼େ ପ୍ରବୁ ଜିରୁଟି ତାକିମାନି ଆମିନି ଇୟାସିକା ଆବାୟାଁଣି ମେସିହୁଁ, ବାରେଜାଣାତି ଦସପାନା ଜିରୁସାଲମତା ତାଚାଲି ଆଡ଼ିମାନେସି, ଏଦାଆଁତାକି ଏଞ୍ଜାସି କାଜା ପୂଜେରାଜା ତାଣା ହାଜାନା ଦମେସକତା ମାନି ଜୀହୁଦି ଲକୁଡି କୁଟନି ଇଲ୍‌କାଣା* ହିୟାଲି ଏଞ୍ଜାରି ତାଣାଟି ଆକୁ ରାସ୍ତେସି □

୩ ସାଞ୍ଜୁଲ ଦମେସକ ତାଗେ ଖାହିମାଚାଟି ଦେବୁଣିଏ ର ଉଜେଡ଼ି ହାଗୁଲ୍ୟକଟି ତାନି ସାରିଞ୍ଜାକି ମ୍ବିସ୍ତେ □

୪ ଏମ୍ବାଟିଏ ଏଞ୍ଜାସି ବୁନିତା ତରଗା ହାଚେସି ଇଞ୍ଜା ତାଙ୍ଗେତାକି ଇ ହାଡ଼ା ଖେଚେସି, “ଏ ସାଞ୍ଜୁଲ, ଏ ସାଞ୍ଜୁଲ! ନାନୁ ଏନାଆଁତାକି ନାଙ୍ଗେ ନିନ୍ଦା କିହିମାଞ୍ଜାଦି ?”

୫ ଏଞ୍ଜାସି ଏଲେଇଚେସି, “ପ୍ରବୁ, ନାନୁ ଆମ୍ବାଆଡ଼ି ?” ଏଞ୍ଜାସି ଏଲେଇଚେସି, “ନାନୁ ଆମ୍ବାଆରାଇଁ ନିନ୍ଦା କିହିମାଞ୍ଜି ଏ ଜୀସୁତେଏଁ ନାନୁ □

୬ ସାମା ନିଙ୍ଗାମୁ ଇଞ୍ଜା ଗାଡ଼ାତା ହାଲାମୁ, ଏନାଆଁ କିହାଲି ଆନେ, ଏମ୍ବାଆଁ ନିଙ୍ଗେ ଖେସ୍ତେ ଆୟାନେ □”

୭ ଏଞ୍ଜାଣିତଲେ ଆମିନି ଲକୁ ହାଜିମାଚେରି, ଏଞ୍ଜାରି ଏ ହାଡ଼ା ଖେଞ୍ଜାନା ଆମ୍ବାଆରାଇଁ ମେହୁଆତେରି, ଇଞ୍ଜା ଆତାଜାକା ଆହାହାଚେରି □

୮ ଅଡ଼େ ସାଞ୍ଜୁଲ ବୁନିଟି ନିଙ୍ଗାନା ତାନି କାଣିକା ଦେତେସି, ସାମା ଏଞ୍ଜାସି ଏନାଆଁ ମେସାଲି ଆଡ଼ାଆତେସି □ ଇଞ୍ଜା ଏଞ୍ଜାରି ତାନି କେୟୁ ଆସାନା ଦମେସକତା ଅଡ଼େରି □

୯ ଅଡ଼େ ତାନିଦିନା ପାତେକା ଏଞ୍ଜାସି ଏନାଆଁ ମେସାଲି ଆଡ଼ାଆତେସି, ଅଡ଼େ ଏନାଆଁ ତିନାଆତେସି ଏନାଆଁ ଗହୁଆତେସି □

୧୦ ଦମେସକତା ହନନିୟ ଦରୁଗାଟାସି ର ସୀୟୁ ମାଚେସି; ପ୍ରବୁ ଏଞ୍ଜାଣାଇଁ ତଞ୍ଜାଆହାଁ ଏଲେଇଚେସି, “ଏ ହନନିୟ!” ଏଞ୍ଜାସି ଏଲେଇଚେସି, “ଏ ପ୍ରବୁ ନାଙ୍ଗେ ଖେସ୍ତାମୁ □”

୧୧ ଏଚେଟିଏ ପ୍ରବୁ ଏଞ୍ଜାଣାଇଁ ଏଲେଇଚେସି, “ତିୟାରା ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀହୁଦା ଇଲୁତା ତାର୍ଯ୍ୟ ଗାଡ଼ାତି ସାଞ୍ଜୁଲ ଇନାଣାଇଁ ପାରାମୁ; ଇତିହୁଁ ଏଞ୍ଜାସି ପ୍ରାଡ଼ାନା କିହିମାନେସି;

୧୨ ଅଡ଼େ, ଏଞ୍ଜାସି ସେୟାଁଣା ହାପାନା ମେସାମାନେସି, ହନନିୟ ଇନାସି ର ମାଣ୍ଡସି ଖାହାନା ତାନି ଲାକ କେୟୁ ଇତିମାନେସି, ଏନିକ୍ ଏଞ୍ଜାସି ମେସାଲି ଆଡ଼ିମାନେସି □”

୧୩ ହନନିୟ ଏଲେଇଚେସି, “ପ୍ରବୁ, ଜିରୁସାଲମତା ମାହାପୁରୁ ଲକୁଇଁ ଇଞ୍ଜାସି ଏଚେକା ନିନ୍ଦା କିହିମାନେସି ଇଞ୍ଜା ନାନୁ ହାରେକା ଲକୁ ତାଣାଟି ଇ ଲକୁଡି କାତା ଖେଞ୍ଜାମାଇଁ □

୧୪ ଅଡ଼େ ଇ ଚାୟୁତା ନୀ ଦରୁଟି ପ୍ରାଡ଼ାନା କିହିମାନାରାଇଁ ବାରେଜାଣାତି ଦସା ଅୟାଲି ଏଞ୍ଜାସି କାଜା ପୂଜେରାଜା ତାଣାଟି ଅଦିକାରା ଆକୁ ବେଟାଆହାମାନେସି □”

୧୫ ସାମା ପ୍ରବୁ ଏଞ୍ଜାଣାଇଁ ଏଲେଇଚେସି, “ହାଲାମୁ; ଇତିହୁଁ ଏଞ୍ଜାସି ଏଚକା କୃତାତି ରାଜାୟାଁ ଅଡ଼େ ଇସ୍ରାୟେଲ ଲକୁଡି ମାୟ୍‌କା ମୀରକା ନକିତା ନା ଦରୁ ଖେକହାଲି ନାନୁ ଏଞ୍ଜାଣାଇଁ ନା ସେବା କିନାସି କିହାନା ଆଚାମାଇଁ;

୧୬ ଅଡ଼େ ନା ଦରୁ ତାକି ଏଞ୍ଜାସି ଏଚେକା ଦୁକୁ ବେଟାଆଡ଼େସି, ଏଦାଆଁ ନାନୁ ଏଞ୍ଜାଣାଇଁ ଖେହୁଇଁ □”

୧୭ ଏଚେଟିଏ ହନନିୟ ହାଜାନା, ଏ ଇଲୁତା ହଚେସି, ଇଞ୍ଜା ତାନି ଲାକ କେୟୁ ଇଚାନା ଏଲେଇଚେସି, “ତାୟି ସାଞ୍ଜୁଲ, ଇମ୍ବାଆଁ ଖାନି ଜିରୁତା ଆମିନି ପ୍ରବୁ ଜୀୟୁ ନିଙ୍ଗେ ତଞ୍ଜା ଆୟାତେସି, ଏଞ୍ଜାସି ନାଙ୍ଗେ ପାଣ୍ଡାମାଞ୍ଜାନେସି, ନାନୁ ଏନିକ୍ ଖେଶ୍ତେ ମେହୁମୁ ଇଞ୍ଜା ସୁଦୁଜାଞ୍ଜୁ ବେଟାଆମୁ □”

୧୮ ଏ ଦେବୁଣିଏ ଏଞ୍ଜାଣି କାଣିକାଟି ମାନୁ ହିପି ଲେହେଁତାୟି ତୁଲିତେ, ଇଞ୍ଜା ଏଞ୍ଜାସି ଖେଶ୍ତେ ମେସାଲି ଆଡ଼ିତେସି, ଅଡ଼େ ନିଙ୍ଗାନା ବାପ୍ତିସ୍ତା ଅଡ଼େସି,

୧୯ ଅଡ଼େ ଏଞ୍ଜାସି ତିଞ୍ଜା ଉଣ୍ଡାନା ବାଡ଼ୁୟୁ ବେଟାଆଡ଼େସି, ଏଚେଟିଏ ସାଞ୍ଜୁଲ ଏଚରଦିନା ସୀୟୁୟାଁ ତଲେ ଦମେସକତା ଡ଼ୟିତେସି □

ଦମେସକତା ସାଞ୍ଜୁଲ ଖେକ୍‌ନାୟି □

୨୦ ଅଡ଼େ, ଜୀୟୁ ମାହାପୁରୁତି ମୀରଏସି ଇଞ୍ଜା ଆଚ୍‌ଖା ତଲେ ଜୀହୁଦି ଲକୁଡି କୁଟନି ଇଲ୍‌କାଣା‡ ଖେସାଲି ମାଟ୍‌ହେସି □

* ୯:୨ ୯:୨ ସିନଗଗ † ୯:୧୮ ୯:୧୮ ମୁଞ୍ଜିନାୟି ‡ ୯:୨୦ ୯:୨୦ ସିନଗଗ

୨୧ ଅଡ଼େ, ଆମିନି ଗାଗାରି ତାନି ହାଡ଼ା
ଝେରେରି, ଏଝାରି କାବାଆହାନା ଏଲେଇରେରି,
“ଜୀସୁ ଦରୁ ଆସାନା ପ୍ରାତାନା କିନି ଲକୁଣି
ଆମ୍ବାଆସି ଜିରୁସାଲମତା ପାୟି କିହିମାରେସି,
ଅଡ଼େ ଏଝାରାଇଁ ଦସ୍‌ପାହାଁ କାଜା ପୂଜେରାଜା
ତାଣା ଅହାଲି ତାକି ଇମ୍ବାଆଁ ଝାହାମାରେସି, ଏଝାସି
କି ଇଝାସି ଆଏ ?”

୨୨ ସାମା, ସାଝୁଲତି ଝେକନାୟି ହାରେକା
ବାଡ଼ୁଲୁ ଗାଗାୟି ମାରେ, ଅଡ଼େ ଏଝାସି ପାରମାଣା
କିହାଁ ଝେସ୍ତେସି ଜୀସୁ ଏ ମସିହା, ଇଦାଣି
ଦମେସକତା ବାସା କିହାମାନି ଜୀହୁଦି ଲକୁଣି
ଝେଣ୍ଡେ ଝେସାଲି ଆଡ଼ାଆଡେରି □

୨୩ ☆ଏଚରଦିନା ହାଟି ତାୟୁ ଜୀହୁଦିୟାଁ ରୁଣ୍ଡା
ଆହାନା ଏଝାଣାଇଁ ପାୟାଲି କାତା ଆଡେରି;

୨୪ ସାମା ଏଝାରି କାତା ଆହିମାଚାଣି ସାଝୁଲ
କିୟତ୍ତୁ ହାଚେ, ଅଡ଼େ ଏଝାରି ଏନିକ
ସାଝୁଲଇଁ ପାୟାଲି ଆଡ଼ିନେରି, ଏଦାଆଁତାକି
ଲାଆଁ ମାଦେନା ଗାଡ଼ାତି ଦୁଝେରିକାଣା କାଚିହ
ଡ଼ୟିଡେରି □

୨୫ ସାମା ସାଝୁଲତି ସୀସୁୟାଁ ଲାଆଁୟାଁ ବେଲାତା
ଏଝାଣାଇଁ ର ତାଲିତା ରସାହାଁ କଟା କାତିଟି ଡ଼ଇ
ରେପ୍‌ହେରି □

ଜିରୁସାଲମତା ସାଝୁଲ

୨୬ ତାୟୁ ଏଝାସି ଜିରୁସାଲମତା ହାଜାନା
ସୀସୁୟାଁ ତଲେ ଆଣ୍ଡାଲି ଅଣ୍ଡପିମାରେସି; ସାମା
ଏଝାସି ର ସୀସୁ ଇଞ୍ଜି ଏଝାରି ଇଚାଣି ନାମାଆନା,
ବାରେଜାଣା ଏଝାଣାଇଁ ଆଜିମାରେରି □

୨୭ ସାମା ବର୍ନବା ଏଝାଣାଇଁ ଆସାନା ପାଣ୍ଡୁଝି
ଆଡ଼ାରି ତାଣା ତାଡେସି, ଇଞ୍ଜା ଜିରୁତା ଏଝାସି
ଏନିକ ପ୍ରବୁଇଁ ମେସ୍ତେସି ଇଞ୍ଜା ପ୍ରବୁ ଏନାଆଁ
ତାଙ୍ଗେ ହାଡ଼ା ଆଡେସି, ଦମେସକତା ଜୀସୁ ଦରୁଡି
ସାସାତଲେ ସାଝୁଲ ଏନିକ ଝେସାମାରେସି, ଇ
ବାରେ କାତା ଏଝାରି ନକିତା ଝେସ୍ତେସି □

୨୮ ଅଡ଼େ ସାଝୁଲ ଏଝାରିତଲେ ଡ଼ୟିଡେସି ଅଡ଼େ
ଜିରୁସାଲମତି ବାରେଝାକି ହାଜାନା ସାସାତଲେ
ପ୍ରବୁଡି ଦରୁ ଝେକହେସି □

୨୯ ଇଞ୍ଜା ଏଝାସି ଗ୍ରିକ୍ ଜଲିନି ଜୀହୁଦି ଲକୁତଲେ
ବାଡିବାଦା କିହିମାରେସି, ସାମା ଏଝାରି ଏଝାଣାଇଁ
ପାୟାଲି ପାରୁ ପାରିମାରେରି □

୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ,
ସାଝୁଲଇଁ କାୟିସରିୟାତା ଅହାନା ଏମାଟି
ଏଝାଣାଇଁ ତାର୍ଯତା ପାଣ୍ଡିଡେରି □

୩୧ ଇଲେଆହ
ଏ ବାରେ ଜୀହୁଦା ରାଜି,
ଗାଲିଲି ଅଡ଼େ ସମିରଣତି କୁଲମି ବାସୁଁ ଆହାନା
ପ୍ରବୁଇଁ ଆଜାନା ହିଡ଼ି ଜୀଝୁତଲେ ମାରେରି,

ଇଞ୍ଜା ସୁଦୁଜୀଝୁଡି ସାୟେମି ତଲେ ପାଡାଆହାଲି
ମାଟ୍‌ହେରି □

ଲୁଦ ଅଡ଼େ ଜାପତା ପିତର

୩୨ ଏଚେଟିଏ ପିତର ବାରେ ରାଜିତା ରେଜି
ରେଜିହ
ଲୁଦତା ଡ଼ୟିନି ମାହାପୁରୁ ଲକୁଣି
ଆଣ୍ଡାଲି ହାଚେସି □

୩୩ ଏମ୍ବାଆଁ ଏଝାସି ଏନିୟ ଦରୁଗାଟି ରଅଣାଇଁ
ବେଟାଆଡେସି, ଏଝାସି ଆଟା ବାର୍ଯା ପାଡେକା
ଚଟ ଝାୟିତି ରଗ ଆହାନା କାଚେଲିଟି ନିଜାଲି
ଆଡ଼ିହିଲାଆଡେସି □

୩୪ ପିତର ଏଝାଣାଇଁ ଏଲେଇରେସି, “ଏନିୟ,
ଜୀସୁ କ୍ରୀସ୍ତ ନିଜେ ନେହ
କିହାମାଞ୍ଜାନେସି;
ନିଜାମୁ ନୀ ପାସ୍‌ପନି ମୁଦା କିମୁ” ଏଚେଟିଏ ଏଝାସି
ଏ ଦେବୁଣିଏ ନିଜାଡେସି □

୩୫ ଏଚେଟିଏ ଲୁଦ ଇଞ୍ଜା ସାରଣତା ବାସା
କିହାମାନି ଲକୁ ଏଝାଣାଇଁ ମେସାନା, ପ୍ରବୁ ତାଣା
ହିୟାଁ ଝେଟ୍‌ହେରି □

ଦର୍କା ଝେଣ୍ଡେ ନୀଡିନାୟି

୩୬ ଜାପତା ଚାବିତା ଦରୁଗାଟି ମାହାପୁରୁଇଁ
ନାମିତି ର ଇୟା ମାରେ, ଗ୍ରିକ୍ ତଲେ ଦର୍କା
ଇଚିସାରେ ତାନି ଦରୁ “ର କୁର୍ତ୍ତୁ □” ଏଡି
ବାରେବେଲା ନେହ
କାମା କିହ
ହିଲାଆ
ଗାଗାରାକି ସାୟେମି କିହିମାରେ □

୩୭ ଏଚିବେଲାତା ଏଡି ନମେରି ଆହାନା
ହାହାହାଚେ, ଲକୁ ଏଦାନି ଏୟୁ ମୀଡ଼ହାନା ଲାକନି
ପାରୁଡି ର ବାକ୍ରାତା ତ୍ରିପ୍‌ହୁ □

୩୮ ଇଞ୍ଜା ଲୁଦ ଜାପ ତାଗେ ମାଚାକି ସୀସୁୟାଁ
ପିତର ଜାପତା ମାନେସି ଇଞ୍ଜି ଝେଞ୍ଜାନା,
ରୀ ଲକୁଣି ଏଝାଣି ତାଣା ପାଣ୍ଡାନା ଇ କାତା
ବାଡିମାଲିଡେରି, “ମା ତାଣା ଝାହାଲି ଝେଡ଼ା
କିଆନି □”

୩୯ ପିତର ନିଜାମା ଏଝାରିତଲେ ହାଚେସି,
ଏମ୍ବାଆଁ ଏଝାସି ଝାହାଲିଏ ଏଝାଣାଇଁ ଲାକନି
ପାରୁଡି ବାକ୍ରାତା ଅଡେରି, ଅଡ଼େ ରାଣ୍ଡେଣିସିକା
ସାରିସୁରୁ ମୁଚାନା ଡ଼ାହି ଡ଼ାହ
ଦର୍କା ନୀଡାମାଟି
ବେଲାତା କେପାମାଟି ହିମ୍ବରିକା ବାରେ ଏଝାଣାଇଁ
ଡ଼ସ୍ତୁ □

୪୦ ସାମା ପିତର ବାରେଜାଣାତି ପାଜାତା
ପାଣ୍ଡାନା ମେଣ୍ଡାକୁତାନା ପ୍ରାତାନା କିଡେସି; ଇଞ୍ଜା
ମାଡ଼ହା ଝାକି ତରୁଝାନା ଏଲେଇରେସି, “ଚାବିତା,
ନିଜାମୁ” ଏଚେଟିଏ ଏଡି କାଣ୍ଡକା ଦେଚାନା
ପିତରଇଁ ମେସ୍ତେ ଇଞ୍ଜା ନିଜାମା କୁରିଡେ □

୪୧ ଇଞ୍ଜା ପିତର କେୟୁ ଦାସାନା ଦର୍କାଇଁ
ନିକ୍‌ହେସି, ଇଞ୍ଜା ମାହାପୁରୁ ଲକୁ ଅଡ଼େ
ରାଣ୍ଡେଣିସିକାଣି ହାଟାନା ଏଦାନି ନୀଡାମାନାଣି
ଡ଼ସ୍ତେସି □

☆ ୯:୨୩ ୯:୨୩ ୨କର ୧୧:୩୨,୩୩

୪୬ ଇ କାତା ଜାପତି ସାରିସୁରୁ ଝେଙ୍ଗାହାଚେ ଅଡ଼େ ହାରେକା ଲକୁ ପ୍ରବୁଇଁ ନାମିତେରି □

୪୭ ଅଡ଼େ, ପିତର ହାରେକା ଦିନା ପାତେକା ଜାପତି ସିମନ ଦରୁଗାଟି ତଲ୍ଲକା କାମାକିନାଣି ଇଜ ଡ଼ୟିତେସି □

୧୦

ପିତର ଅଡ଼େ କର୍ନଲିୟ

୧ କାୟିସରିୟା ଗାଡ଼ାତା କର୍ନଲିୟ ଦରୁଗାଟାସି ର ଲକୁ ମାଚେସି, ଏଝାସି ଇତାଲିକ ଦରୁଗାଟି ରମିୟ ରିଜାରି କସକାଡ଼ି ପାସାକଡ଼ି କସକା ମୁହେଁ କାଜାସି ମାଚେସି □

୨ ଏଝାସି ର ଦାମ୍ବୁ ଲକୁ ମାଚେସି; ତାମି ଇଲୁ କୁଟମି ତଲେ ମାହାପୁରୁଇଁ ଆଜିମାଚେସି, ଏଝାସି କାକୁଲି ଲକୁତାକି ଦାନା ହାହିମାଚେସି, ଅଡ଼େ ମାହାପୁରୁ ତାଣା କାଲେଏ ପ୍ରାଡ଼ାନା କିହିମାଚେସି □

୩ ର ଦିନା ମିଡ଼ଅଲ୍ଲା ତାନି ଗଂଟା ବେଲାତା ଏଝାସି ସେୟାଣା ହାପାନାତା ତୀରପୁତଲେ ମେସେସି, ର ମାହାପୁରୁତି ଦୂତୁ ଝାହାନା ଏଝାଣାଇଁ ଏଲେଇଚେସି, “କର୍ନଲିୟ □”

୪ ଏଝାସି ଆଜିତଲେ ଦୂତୁ ଝାକି ସିନକିତେସି ଅଡ଼େ ଝେଚେସି, “ଇଦି ଏନାୟି ପ୍ରବୁ ?” ଦୂତୁ ଏଝାଣାଇଁ ଏଲେଇଚେସି, “ନୀ ପ୍ରାଡ଼ାନା ଅଡ଼େ ଦାନା ହାନାୟି ଲାକ ମାହାପୁରୁ ନକିତା ଏଜାମାନେ □

୫ ନୀଏଁ ନାନୁ ଜାପତା ଲକୁଣି ପାଣ୍ଡାନା ସିମନ ପିତର ଦରୁଗାଟି ଲକୁଇଁ ହାଟାତାମୁ, ଏଝାଣି ହାଟା ଦରୁ ପିତର ଇନେରି;

୬ ଏଝାସି ସିମନ ଦରୁଗାଟି ର ତଲ୍ଲକା କାମାକିନାଣି ଇଜ ଗତାଗାଟାସି ଆହାମାନେସି, ଏଝାଣି ଇଲୁ ସାମ୍ବୁରି ଗାଟୁତା □”

୭ ତାନିତଲେ କାତା ଆହିମାଟି ଦୂତୁ ହାଜାଲିଏ, ଏଝାସି ତାନି ଇଜ କାମା କିନି ରୀ ହଲିୟାଙ୍ଗାଣି ଇଞ୍ଜା ତାଙ୍ଗେ ସେବାକିନି ରିଜାରି କସକା ବିତ୍ରାଟି ର ଦାମ୍ବୁତି କହୁଏଣାଇଁ ହାଟିତେସି,

୮ ଅଡ଼େ ଏଝାସି ଏଝାରାଇଁ ଏମ୍ବାଆଁ ଆହାମାଟି ବାରେ କାତା ଝେସାନା ଜାପତା ପାଣ୍ଡିତେସି □

ପିତର ସେୟାଣା ହାପାନା ହେଣ୍ଡନାୟି

୯ ଅର ଦିନା ଏଝାରି ହାଜି ହାଜିହୁଁ ଏ ଗାଡ଼ାତି ତାଗେ ଆଡେରି, ଏଟିବେଲା ପିତର ମାଦେନା ବାର ଗଂଟା ବେଲାତା ପ୍ରାଡ଼ାନା କିହାଲି ଇଲୁ ଲାକ ହାଚେସି,

୧୦ ଏଝାସି ହାକି ଆଡେସି ଅଡ଼େ ଏନାଆଁ ତିଞ୍ଜାଲି ମନ କିତେସି; ସାମା ଏଝାରି ରାନ୍ଦା ଝାଜିମାଟି ବେଲାତା, ଏଝାସି ସେୟାଣା ହାପାନା ମେସେସି,

୧୧ ଲାକପୁରୁ ଦେପିଆହାମାନେ, ଇଞ୍ଜା ଏନିକଁ ର ହିମ୍ବୁରିତି ସାରି କନତା ଆସ୍ପି ଆହାନା ଦାର୍ଡି ଲାକ ରେଟା ଝାହିମାନେ;

୧୨ ଏମ୍ବାଆଁ ଦାର୍ଡିତି ବାରେ କୁଡ଼ାତି ସାରିଗଟା କତା ଗାଟି ଜଡ଼ ଜାଝେଡ଼ିକା, ରାସ୍‌କା ତ୍ରୁଗିୟାଁ ଅଡ଼େ ହାଗୁତି ପଟାୟାଁ ମାନୁ □

୧୩ ଇଞ୍ଜା ଏଝାଣାକି ଇ ହାଡ଼ା ଆଡେ, “ପିତର; ନିଙ୍ଗାମୁ, ପାୟାନା ତିନାମୁ □”

୧୪ ସାମା ପିତର ଏଲେଇଚେସି, “ଆଏ ପ୍ରବୁ, ନାନୁ ଏଚେଲାଝା ଏନି ଲାଗେଏ ପଲେଏତି ଦିଶ୍‌ସୁ ତିଞ୍ଜାହିଲଅଁ □”

୧୫ ଅଡ଼େ ର ପାଲି ଇ ହାଡ଼ା ଆଡେ, “ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନାନୁ ଲାଗେଏତାୟି ଇନାଆନି □”

୧୬ ଇଲେକିହୁଁ ତାନି ପାଲି ଆଡେ, ତାୟୁ ଏ ହିମ୍ବୁରି ଲାକପୁରୁ ଅଝିଆଡେ □

୧୭ ପିତର ଏନାଆଁ ସେୟାଣା ହାପାନା ହେଣ୍ଡାମାଚେସି, ଏଦି ଏନାୟି, ଇଞ୍ଜା ଅଣ୍ଡପିହୁଁ ଆତାଜାକା ଆହାମାନି ବେଲାତା, କର୍ନଲିୟ ତାଣାଟି ପାଣ୍ଡି ଆହାମାନାରି ସିମନ ଇଲୁ ପାରିହୁଁ ଦୁଝେରିତା ନିକା ଝାଡେରି,

୧୮ ଇଞ୍ଜା ଏଝାରି ଝେଚେରି, “ସିମନ ଇନି ପିତର ଦରୁଗାଟାସି ରଅସି ଇମ୍ବାଆଁ ଗଡେଏସି ମାନେସି କି ?”

୧୯ ପିତର ଏ ସେୟାଣା ହାପାନା ହେଟାଣି ଅଣ୍ଡପିମାଟି ବେଲାତା ଜୀଝୁ ଏଝାଣାଇଁ ଏଲେଇଚେ, “ମେହ୍‌ମୁ! ତାନି ଜାଣା ଲକୁ ନିଙ୍ଗେ ପାରିମାଞ୍ଜାନେରି □

୨୦ ଏଦାଆଁତାକି ତିୟାରା ଆମୁ ଅଡ଼େ ଡ଼ଇ ହାଲାମୁ, ଅଡ଼େ ଆନାମାନା ଆଆନା ଏଝାରିତଲେ ହାଲାମୁ, ଏନାଆଁତାକି ଇଟିହୁଁ ନାନୁ ଏଝାରାଇଁ ପାଣ୍ଡାମାଞ୍ଜାଇଁ □”

୨୧ ଏଚେଟିଏ ପିତର ଏ ଲକୁତାଣା ରେଟାଝାହାନା ଏଲେଇଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି, ନାନୁ ଏଝାଡେଏଁ □ ମୀରୁ ଏନାଆଁତାକି ଝାହାମାଞ୍ଜେରି ?”

୨୨ ଏଝାରି ଏଲେଇଚେରି, “କର୍ନଲିୟ ଦରୁଗାଟି ପାସାକଡ଼ି କସକା ମୁହେଁ କାଜାସି ମାଙ୍ଗେ ପାଣ୍ଡାମାଞ୍ଜାନେସି, ଏଝାସି ର ସୁଦୁ, ଦାମ୍ବୁଗାଟାସି ଇଞ୍ଜା ମାହାପୁରୁଇଁ ଆଜିନାସି, ଅଡ଼େ ବାରେ ଜୀହୁଦି କୁଡ଼ାତା ଝେଙ୍ଗତାସି, ଏଝାସି ନିଙ୍ଗେ ତାନି ଇଜ ହାଟାନା ନୀ ଜାପନାଣି ଝେଞ୍ଜାଲିତାକି ମାହାପୁରୁତି ଦୂତୁ ତାଣାଟି ହୁକୁମି ବେଟା ଆହାମାନେସି □”

୨୩ ପିତର ବିତ୍ରା ହାଟା ଅହାନା ଏଝାରାଇଁ ସେବା କିତେସି □ ଅର ନେରୁ ନିଙ୍ଗାନା ତିୟାରା ଆହାନା ଏଝାରିତଲେ ହାଚେସି; ଜାପତି ଏଚରଜାଣା ନାମିତି ତାୟିୟାଁ ଏଝାରିତଲେ ହାଚେରି □

୨୪ ଅର ନେରୁ ଏଝାରି କାୟିସରିୟାତା ଏତେରି, ଏମ୍ପାଆଁ କର୍ନଲିୟ ତାନି କୁଟମି ଇଞ୍ଜା ଅଡ଼େ ଜାଟୁତି ତଣେସିଙ୍ଗାଣି ହାଟାହାଁ କୃତି କିହାନା ଏଝାରାଇଁ କାଟିମାଚେରି □

୨୫ ପିତର ବିତ୍ରା ହାଜାଲିଏ କର୍ନଲିୟ ଏଝାଣି କର୍ତ୍ତା ତଲ ମୁନୁ କୁତାନା ଜହରା କିତେସି □

୨୬ ସାମା ପିତର ତାଙ୍ଗେ ନିକ୍ହାନା ଏଲେଇଚେସି, “ନିଙ୍ଗାମୁ, ନାନୁ ଜିକେଏ ର ମାଣ୍ଡସିତେସି □”

୨୭ ଏଚେଟିଏ ପିତର କର୍ନଲିୟ ତଲେ କାତା ଆହୁଁ ଆହୁଁ ଇଲୁ ବିତ୍ରା ହାଜାନା ଏମ୍ପାଆଁ ହାରେକା ଲକୁ ରୁଣ୍ଡା ଆହାମାନାଣି ମେସ୍ତେସି □

୨୮ ଅଡ଼େ ଏଝାସି ଏଝାରାଇଁ ଏଲେଇଚେସି, “ଏଟକା କୃତାତି ଏନି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜୀହୁଦି ଲକୁତାକି ଏନିକିହୁଁ ମେରା ହିଲେଏ, ଏଦାଆଁ ମୀରୁ ନେହୁଁକିଁ ପୁଞ୍ଜାମାଞ୍ଜେରି ଆଡ଼ିଜିକେଏ ଆମିନି ଲକୁଇଁ ସୁଦୁ ହିଲାଆ ଗାଟାରି କି ଲାଗେଏତାରି ଇଞ୍ଜିହୁଁ ଇନାଆନି ଇଞ୍ଜିଁ ମାହାପୁରୁ ନାଙ୍ଗେ ତସାମାଞ୍ଜାନେସି □

୨୯ ଏଦାଆଁତାକି ହାଟନିଏ ନାନୁ ଏନାଆଁ ଅଣପାଆନା ଝାଟେସି □ ଇଦାଆଁତାକି ନାନୁ ଝେଞ୍ଜିମାଞ୍ଜାଇଁ, ଏନାଆଁ କିହାଲି ମୀରୁ ନାଙ୍ଗେ ହାଟାଚେରି ?”

୩୦ କର୍ନଲିୟ ଏଲେଇଚେସି, “ତାନିଦିନା ନକେଏ ଇ ବେଲାତା ମିଡ଼ଅଲ୍ଲା ତାନି ଗଟା ବେଲା ନାନୁ ନା ଇଜ ପ୍ରାତାନା କିହିମାଚେସି; ମେହ୍ମୁ ଏମ୍ପାଆଁ ଉଜେଡ଼ିଗାଟି ଦବ୍ଲା ହିମ୍ବରିକା ତୁରହାମାନି ର ଲକୁ ନା ନକିତା ନିତେସି,

୩୧ ଅଡ଼େ ଏଝାସି ଏଲେଇଞ୍ଜାଚେସି, ‘କର୍ନଲିୟ! ମାହାପୁରୁ ନୀ ପ୍ରାତାନା ଝେଞ୍ଜାମାନେସି; ଇଞ୍ଜା ହିଲାଆ ଗାଟାରିକି ନୀ ଦାନା ହାନାୟି ବାରେ ମାହାପୁରୁ ନକିତା ନେହୁଁ ତଞ୍ଜା ଆହାମାନେ □

୩୨ ଇଦାଆଁତାକି ସିମନ ଦରୁଗାଟି ପିତରଇଁ ହାଟା ତାଚାଲି ଜାପତା ଲକୁଇଁ ପାଣ୍ଡାମୁ, ଏଝାସି ସାମ୍ବୁରି ଗାଟୁତା ତୟିନି ତଲ୍ଲକା କାମା କିନି ସିମନ ଇଜ ଗତାଗାଟାସି ଆହାମାନେସି □’

୩୩ ଏଦାଆଁତାକି ଝେଡ଼ାକିଆନା ନାନୁ ନୀ ତାଣା ଲକୁ ପାଣ୍ଡାଚେସି, ଅଡ଼େ ନୀନୁ ଝାହାମାଞ୍ଜି ନେହୁଁ କିହାମାଞ୍ଜି, ଇଚିହୁଁ ପ୍ରୁ ନିଙ୍ଗେ ଏନାଆଁ ହୁକୁମି ହାହାମାଞ୍ଜାନେସି, ଏଦାଆଁ ଝେଞ୍ଜାଲିତାକି ମାମୁ ବାରେ ମାହାପୁରୁ ନକିତା କୃତା ଆହାମାନମି □”

ପିତର ଜାପ୍ନାୟି

୩୪ ଏଚେଟିଏ ପିତର ଗୁତି ଏକ୍ହାନା ଏଲେଇଚେସି, “ମାହାପୁରୁ ସାତେଏ ବାରେ ଲକୁଣି ପାରଡ଼ା ବାଟି କିଅସି,

୩୫ ଆମିନି ଲକୁ ଏଝାଣାଇଁ ଆଜିନେରି ଅଡ଼େ ଏଝାସି ଅପିନି ଲେହେଁ ନେହୁଁ କାମା କିନେରି ଏଝାରି ଆମିନି କୃତାତାରି ଇଚିହୁଁ ଜିକେଏ, ଏଝାସି ଆବିନେସି □

୩୬ ଏଝାସି ଜୀସୁ କ୍ରୀସ୍ତ ତାଣାଟି ହିଡ଼ଡ଼ିତି ନେହୁଁ କାରୁ ଝେସାନା ଇସ୍ରାୟେଲ ମୀରକା ନକିତା ଇ ବଲୁ ପାଣ୍ଡିଚେସି; ଏ ଜୀସୁ କ୍ରୀସ୍ତ ବାରେତି ପ୍ରୁ □

୩୭ ମୀରୁ ପୁଞ୍ଜାମାଞ୍ଜେରି ଜହନ ବାପ୍ତିସ୍ମା* କାତା ଝେକ୍‌ହି ତାଣାଟିଏ ଏ ନେହୁଁ କାରୁ ଗାଲିଲିଟିଏ ମାଟ୍‌ହାନା ବାରେ ଜୀହୁଦା ରାଜିତି ଲକୁତାଣା ଝେଙ୍ଗାମାନେ,

୩୮ ଇଚିହୁଁ ନାଜୁରିତ ଜୀସୁତି କାତା ପୁଞ୍ଜାମାଞ୍ଜେରି, ଏନିକିଁ ମାହାପୁରୁ ଏଝାଣାକି ସୁଦୁଜୀଝୁ ଇଞ୍ଜା ବାଡ଼ୁୟ ହାହାନା ବର ହାତେସି, ଇଞ୍ଜା ନେହୁଁ କାମା କିହୁଁ ସୟତାନ ପାନ୍ଦାତା ଦସ୍‌ପି ଆହାମାନି ଲକୁଣି ନେହୁଁ କିହୁଁ ବାରେଝାକି ରେଚେସି, ଇଚିହୁଁ ମାହାପୁରୁ ଏଝାଣିତଲେ ମାଚେସି □

୩୯ ଏଝାସି ଜୀହୁଦି ଲକୁତି ଦେସାତା ଅଡ଼େ ଜିରୁସାଲମତା ଏନା ଏନାଆଁ କିତେସି, ମାମୁଏ ବାରେତି ସାକି; ଏଝାରି ଏଝାଣାଇଁ ପାସି ମୁଣ୍ଡାତା ଏକ୍ହାନା ପାୟିଚେରି □

୪୦ ସାମା ମାହାପୁରୁ ଏଝାଣାଇଁ ତାନି ଦିନାତା ନିକ୍‌ହେସି ଅଡ଼େ ତଞ୍ଜାଆଝି କିତେସି;

୪୧ ବାରେଜାଣା ତାକି ଆଏ, ଝାରଇ ମାହାପୁରୁ ଆଡ଼ିତି ସାକି, ଇଚିହୁଁ ମା ନକିତା ତଞ୍ଜାଆଡ଼େସି □ ମାହାପୁରୁ ଏଝାଣାଇଁ ହାକିଟି ନିକ୍‌ହି ଜେତ ମାମୁ ଏଝାଣିତଲେ ତିଚମି ଉଟମି □

୪୨ ଅଡ଼େ ଲକୁ ନକିତା ଇ ନେହୁଁ କାରୁ ଝେକ୍‌ହାଲି, ଇଞ୍ଜା ହାତାରି ଅଡ଼େ ଜୀଝୁତା ନୀତାମାନାରି ନୀହାୟି କିନାସି ଆହାଲି ମାହାପୁରୁ ଏଝାଣାଇଁ ଆତାମାନେସି ଇଞ୍ଜିଁ ସାକି ହାହାଲି ଏଝାସି ମାଙ୍ଗେ ହୁକୁମି ହିୟାଚେସି □

୪୩ ଆମ୍ବାଆସି ଏଝାଣି ତାଣା ନାମିନେସି, ଏଝାସି ଏଝାଣି ଦରୁତଲେ ପାପୁ ମ୍ପେପ୍‌କି ଆନେସି, ଇଦାଆଁ ବାରେ ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ଏଝାଣି କାତାତି ସାକି ହାହାମାନେରି □”

ଜୀହୁଦିଆଆତି ଲକୁ ସୁଦୁଜୀଝୁ ବେଟାଆନାୟି

୪୪ ପିତର ଇ ବାରେ କାତା ଝେସିମାଟି ବେଲାତା ଆମିନି ଗାଟାରି ତାନି ବଲୁ ଝେଞ୍ଜିମାଚେରି, ଏ ବାରେଜାଣାତି ମୁହେଁ ସୁଦୁଜୀଝୁ ରେଟାଝାଟେ □

୪୫ ଜୀହୁଦିଆଆତି ଲକୁତାଣା ଜିକେଏ ସୁଦୁଜୀଝୁ ରେଟା ଝାତାଣି ମେସାନା ପିତର ତଲେ ଜାପତି ଝାହାମାଟି ତଲୁ ଦାପି ଆଡ଼ି ନାମିତି ଜୀହୁଦିୟା, ଏଝାରି ବାରେଜାଣା କାବା ଆଚେରି □

* ୧୦:୩୭ ୧୦:୩୭ ମୁଞ୍ଜିନାୟି

୪୭ ଇଚିହ୍ନଂ ଏଞ୍ଜାରି ଏଚ୍ଚକା ଏଚ୍ଚକା ହାଡ଼ାତଲେ କାତା ଆହିମାଗାଣି ଇଞ୍ଜା ମାହାପୁରୁତି ଜହରା କିହିମାନାଣି ଖେଚେରି □ ଏଚିବେଲା ପିତର ଏଲେଇଚେସି □

୪୭ “ଇଞ୍ଜାରି ଆମିନି ଲକୁ ମା. ଲେହେଁ ସୁଦୁଜୀଞ୍ଜୁ ବେଗାଆହାମାନେରି, ଇଞ୍ଜାରି ଏୟୁତଲେ ବାପ୍ତିସ୍ତାଂ ବେଗାଆହାଲି ଆମ୍ବାଆସି କାହି କିୟାଲି ଆଡ଼ିମାନେସି ?”

୪୮ ଇଞ୍ଜା, ଏଞ୍ଜାସି ଏଞ୍ଜାରାଇଁ ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ତାଂ ହୀହାଲି ହୁକୁମି ହୀତେସି, ତାୟୁ ଏଞ୍ଜାରି ଏଚରଦିନା ତୟାଲି ଏଞ୍ଜାଣାଇଁ ବାତିମାଲିତେରି □

୧୧

ପିତର କାମାତି କାତା ଜିରୁସାଲମ କୁଲମିତା ଖେହନାୟି

୧ ଜୀହୁଦିଆଆତାରି ଜିକେଏ ମାହାପୁରୁତି ବକୁ ନାମିତେରି, ଇ କାତା ପାଣ୍ଡୁଞ୍ଜି ଆଡ଼ାରି ଇଞ୍ଜା ଜୀହୁଦା ରାଜିତା ମାନି ତାୟିୟା ଖେଚେରି □

୨ ପିତର ଏଚିବେଲା ଜିରୁସାଲମତା ଖାଡ଼େସି, ଏଚିବେଲା ତକୁ ଦାପି ଆଡ଼ି ସୀସୁୟା ପିତର ତଲେ ବାଦିବାଦା ଆଡ଼େରି,

୩ “ନୀନୁ ଜୀହୁଦିଆଆତି ଲକୁ ଇଲକାଣା ହାଜାନା ଏଞ୍ଜାରିତଲେ ତିଞ୍ଜାମାଞ୍ଜି □”

୪ ସାମା ପିତର ଇ ବାରେ କାତାତି ମୂଲୁଚିଏ ଖେସାଲି ମାଟ୍‌ହାନା ଏଲେଇଚେସି □

୫ “ନୀନୁ ଜାପ ଗାଡ଼ାତା ପ୍ରାଡ଼ାନା କିହିମାଚେସ୍, ଇଞ୍ଜା ସେୟାଣା ହାପାନାତା ମେସ୍ତେସ୍, ଏନିକ୍ ର କାଜା ହିମ୍ବରିତି ସାରି କନତା ଆସାହାଁ ଲାକପୁରୁତି ତୁଇ ରେଚା ଖାହିମାଚେ, ଅଡ଼େ ଏଡ଼ି ନା ପାତେକା ଖାଡ଼େ;

୬ ନୀନୁ ଏମ୍ବାଆଁ ସିନିକିହାନା ଅଣ୍ଡାଲି ମାଟ୍‌ହେସ୍, ଏମ୍ବାଆଁ ଦାର୍‌ତିତି ସାରିଗଟା କତାୟା ତଲେ ତାକିନି ନାସ୍‌କାତି ଜନ୍ତୁ ଇଞ୍ଜା ଜାଡ଼ାତି ଜନ୍ତୁ ତ୍ତରିୟା ରାସ୍‌କା ଅଡ଼େ ହାଗୁତି ପଟାୟା ମେସ୍ତେସ୍,

୭ ଅଡ଼େ ନାଲେ ଖେସାମାଞ୍ଜାନି ଇ ହାଡ଼ା ଜିକେଏ ଖେଚେସ୍, ‘ପିତର; ନିଙ୍ଗାମ୍, ପାୟାନା ତିନାମ୍!’

୮ ସାମା ନୀନୁ ଏଲେଇଚେସ୍, ‘ଆଏ ପ୍ରୁ! ତୀଗାଆଗାଟି ଲାଗେଏ ପଲେଏତି କାଦି ନୀନୁ ଏଚେଲାଖା ନା ଗୁତିତା ଅହାହିଲଅଁ □’

୯ ସାମା ଅର ଦେବା ଲାକପୁରୁତି ଇ ହାଡ଼ା ଖେସ୍ତାତେ, ‘ମାହାପୁରୁ ଏନାଆଁ ସୁଦୁ କିହାମାନେସି, ଏନାଆଁ ନୀନୁ ଲାଗେଏତାୟି ଇନାଆନି □’

୧୦ ଇଲାଆହ୍ ତାନି ପାଲି ଆଡ଼େ, ଅଡ଼େ ତାୟୁ ଏ ବାରେ ଖେଶ୍ତେ ଲାକପୁରୁ ଅଞ୍ଜିଆଡ଼େ □

୧୧ ଅଡ଼େ ମେହ୍‌ଦୁ, ଦେବୁଣିଏ ତାନି ଜାଣା ଲକୁ ମାମ୍‌ଆମିନି ଇଲୁତା ମାତମି ଏମ୍ବାଆଁ ଖାହାନା ନିତେରି, ଏଞ୍ଜାରି କାୟିସରିୟାଟିଏ ନା ତାଣା ପାଣ୍ଡୁଞ୍ଜି ଆହାମାଚେରି □

୧୨ ଇଞ୍ଜା ଆନାମାନା ଆଆନା ଏଞ୍ଜାରିତଲେ ହାଜାଲି ଜୀଞ୍ଜୁ ନାଲେ ଖେସ୍ତାତେ, ଅଡ଼େ ଇ ସ. ଜାଣା ତାୟିୟା ଜିକେଏ ନା. ତଲେ ଜାପଟି କାୟିସରିୟାତା ଖାଡ଼େରି, ଇଞ୍ଜା ମାମ୍‌ଏ କର୍ନଲିୟ ଇଜ ହାଚମି □

୧୩ ଏଞ୍ଜାସି ଏନିକ୍ ର. ଦୂତୁଇଁ ସେୟାଣା ହାପାନାତା ମେସାମାଚେସି, ଏନାଆଁ ମାଲେ ଖେସ୍ତାତେସି, ଏ. ଦୂତୁ ଏନିକ୍ ଏଞ୍ଜାଣି ଇଜ ନିଚାନା ଖେସ୍ତେ, ଜାପତା ଲକୁଣି ପାଣ୍ଡାନା ପିତର ଇନି ସିମନଇଁ ହାଟାତାମ୍;

୧୪ ଏଞ୍ଜାସି ମିଲେ ଖେସ୍ତାନି କାତାତଲେ ‘ମୀରୁ ଅଡ଼େ ମୀ ବାରେ କୁଚମି ଗେଲପି ଆଡ଼େରି □’

୧୫ ତାୟୁ ନୀନୁ ଜଲ୍‌ଲି ମାଟ୍‌ହାଲିଏ ସୁଦୁଜୀଞ୍ଜୁ ମା. ଲାକ ଏନିକ୍ ରେଚାଖାଡ଼େ, ଏଲେକ୍ ଏଞ୍ଜାରି ଲାକ ଜିକେଏ ରେଚାଖାଡ଼େ □

୧୬ *ଏଚିବେଲା ପ୍ରୁ ଖେସ୍ତେ ଇ ହାଡ଼ା ନା ଅଣ୍ଡପୁତା ଖାଡ଼େ; ‘ଜହନ ଏୟୁତଲେ ବାପ୍ତିସ୍ତାଂ* ହୀତେସି ସାତା, ସାମା ମୀରୁ ସୁଦୁଜୀଞ୍ଜୁ ତଲେ ବାପ୍ତିସ୍ତାଂ ଆଡ଼େରି □’

୧୭ ଇଚିହ୍ନଂ ମାର ପ୍ରୁ ଜୀସୁ କ୍ରୀସ୍ତ ତାଣା ନାମିତି ବେଲାତା ମାହାପୁରୁ ଏନିକ୍ ମାଲେ ଆମିନି ଦାନା ହୀହାମାଞ୍ଜାତେସି, ଏଲେକିହ୍ ଏ ଏଞ୍ଜାରାକି ଜିକେଏ ସମାନା ଦାନା ହୀତେସି; ନୀନୁ ଆମ୍ବାଆତେସ୍ ମାହାପୁରୁଇଁ କାହି କିହାଲି ଆଡ଼ିଇଁ □”

୧୮ ଏଞ୍ଜାରି ଇ ବାରେ କାତା ଖେଞ୍ଜାଲିଏ ଏଞ୍ଜାରି ପାଲେଏ ଆଡ଼େରି, ଇଞ୍ଜା ମାହାପୁରୁଇଁ ଜହରା କିହ୍ ଏଲେଇଚେରି, “ଆତିହ୍ ମାହାପୁରୁ ଜୀହୁଦିଆଆତି ଲକୁକି ଜିକେଏ ହିୟା ଖେଚ୍‌ହାଲି ଅଡ଼େ ନୀତାଲି ପାରୁ ହୀହାମାନେସି □”

ଆନ୍ତିୟକିୟା କୁଲମି

୧୯ *ଏଚେଟିଏ ସ୍ତ୍ରୀପାନ ହାଡ଼ି ତାୟୁ, ଏଚେକା ନାମୁଗାଟାରି କସ୍ତ ନିନ୍ଦା ଆଡ଼ାକି ଆଲାଚା ଆହାମାଚାରି ବିତ୍ରାଟି, ପୟିନିକିୟା, କୁପ୍ର ଅଡ଼େ ଆନ୍ତିୟକିୟା ପାତେକା ରେଜାନା ଖାରଇ ଜୀହୁଦି ଲକୁ ପିସ୍‌ପେ ଅଡ଼େ ଆମ୍ବାଆରି ତାଣା ନେହ୍ କାରୁ ଖେସିହିଲାଆଡ଼େରି □

୨୦ ସାମା ଏଞ୍ଜାରି ବିତ୍ରାଟି ଏଚରଜାଣା କୁପ୍ର ଅଡ଼େ କୁରିଣିୟ ଲକୁ ଆନ୍ତିୟକିୟା ଖାହାନା ଗ୍ରିକ୍ ଲକୁତାଣା ଜିକେଏ କାତା ଖେସିହ୍ ପ୍ରୁ ଜୀସୁତି ନେହ୍ କାରୁ ଖେକ୍‌ହେରି □

† ୧୦:୪୭ ୧୦:୪୭ ମୁଞ୍ଜିନାୟି

‡ ୧୦:୪୮ ୧୦:୪୮ ମୁଞ୍ଜିନାୟି

† ୧୧:୧୭ ୧୧:୧୭ ମୁଞ୍ଜିନାୟି

☆ ୧୧:୧୯ ୧୧:୧୯ କାମା ୮:୧-୪

☆ ୧୧:୧୭ ୧୧:୧୭ କାମା ୧:୫

* ୧୧:୧୭ ୧୧:୧୭ ମୁଞ୍ଜିନାୟି

୨୧ ଅଡ଼େ, ଏଝାରିତଲେ ପ୍ରବୁତି ବାଡ଼ୁୟୁ ମାଚେ, ଅଡ଼େ ହାରେ ହାରେକା ଲକୁ ନାମାହାଁ ପ୍ରବୁ ଝାକି ଝେଣ୍ଡାଝାଡ଼େରି □

୨୨ ଏଝାରି ହାଡ଼ା ଜିରୁସାଲମତି କୁଲମିତା ଏଗାହାଚେ, ଏମ୍ବାଟିଏ ଏଝାରି ଆନ୍ତିୟକିୟା ପାତେକା ବର୍ନବାଇଁ ପାଣ୍ଡାତେରି □

୨୩ ଏଝାସି ଏମ୍ବାଆଁ ଏଜାନା ମାହାପୁରୁତି କାର୍ମାମେସାନା ରାହାଁ ଆଡ଼େସି, ଇଞ୍ଜା ଏଝାରି ଏନିକ୍ ହିୟାତା ରଣ୍ଡିଏ ରାହାତଲେ ପ୍ରବୁ ତାଣା ମାନାପେରି ଇଞ୍ଜା ଏଝାରାକି ବାସୁଁ ହାଡ଼େସି □

୨୪ ବର୍ନବା ର.ନେହଁ ଲକୁ, ନାମୁତା ଇଞ୍ଜା ସୁଦୁଜାସୁ ବେଟାଆହାମାନାସି ମାଚେସି, ଇଞ୍ଜା ଇଲେତି ବଲୁ ଝେକ୍ନି ତାଣା ହାରେକା ଲକୁ ପ୍ରବୁ ତାଣା ଆଣ୍ଡିତେରି □

୨୫ ତାୟୁ ବର୍ନବା ସାଝୁଲଇଁ ପାରାଲି ତାର୍ସ ଗାଡ଼ାତା ହାଚେସି,

୨୬ ଇଞ୍ଜା, ଏଝାସି ଏଝାଣାଇଁ ବେଟାଆହାନା ଆନ୍ତିୟକିୟାତା ତାଚିହଁ ଝାଡ଼େସି, ଏଝାରି ର. ବାର୍ସା ପାତେକା କୁଲମି ତଲେ ମାଞ୍ଜାନା ହାରେକା ଲକୁଣି ଜାପୁହେରି, ଅଡ଼େ ଆନ୍ତିୟକିୟାତି ସାମୁୟାଁ ତଲିଏ କ୍ରୀସ୍ତାନା ଇଞ୍ଜା ଝେକ୍ନିତେରି □

୨୭ ଏଚିବେଲୀତା ଏଚରଜାଣା ମାହାପୁରୁ ଅଣପୁତି ବଲୁ ଝେହ୍ନାରି ଜିରୁସାଲମତି ଆନ୍ତିୟକିୟାତା ଝାଡ଼େରି □

୨୮ ✱ଏଝାରି ବିତ୍ରାଟି ଆଗାବ ଦରୁଗାଟି ର.ଲକୁ ନିଙ୍ଗାନା ବାରେ ଦାରୁଡ଼ିତା କାଜା କାଡ଼ାରା ଆନେ ଇଞ୍ଜା ଜାଝୁତି ବାଡ଼ୁୟୁ ତଲେ ଝେସ୍ତେସି; ଏଦି କ୍ଲାଝୁଦିୟା ସାଲୁଝି କିନାଣି ବେଲୀତା ଆଡ଼େ □

୨୯ ଏମ୍ବାଟିଏ ସାମୁୟାଁ ତାମୁ ତୁମି ଆଡ଼ିନି ଲେହେଁ ଜାହୁଦା ରାଜିତା ମାନି ନାନିତି ତାୟିୟାକି ସାୟେନି କିୟାଲି ତାରି କିତେରି,

୩୦ ଅଡ଼େ, ଏଝାରି ଜିକେଏ ଟାକାୟାଁ କୁଡ଼ି କିହାନା ଏ କୁଲମିତି ପ୍ରାଟିନାଙ୍ଗା କେୟୁତା ହାହାଲି ବର୍ନବା ଅଡ଼େ, ସାଝୁଲ କେୟୁତା ଟାକାୟାଁ ପାଣ୍ଡିତେରି □

୧୨

ହାରେକା ସାସ୍ତି ପାଣ୍ଡନାୟି

୧ ଏଚିବେଲୀତା ରାଜା ହେରଦ କୁଲମିତି ଏଚର ଜାଣାଇଁ ସାସ୍ତି ହାହାଲି ମାଟୁହେସି □

୨ ଏଝାସି ଜହନତି ତାୟି ଜାକୁବଇଁ କାଣ୍ଡାତଲେ ପାୟି କିତେସି □

୩ ଅଡ଼େ, ଜାହୁଦି ଲକୁ ଏଝାଣି ତାକି ରାହାଁ ଆହାମାନାଣି ମେସାନା ଏଝାସି ପିତରଇଁ ଜିକେଏ ଆସ୍ତେସି, ଏଚିବେଲୀତା ପୁଲ୍ଲା ଆଣ୍ଡାଆତି ରୁଟି ତିନି ପାର୍ବୁ ମାଚେ □

୪ ଏଚେଟିଏ ଏଝାସି ପିତରଇଁ ଦସପାନା କାୟିଦି ଇଲୁତା ଇଚିତେସି, ଇଞ୍ଜା ପିସ୍ପିଆନି ପାର୍ବୁ ରାଡ଼ି ତାୟୁ ଏଝାଣାଇଁ ବାରେ ଲକୁ ନକିତା ତାଚାଲି ଅଣ୍ଡପାନା ଏଝାଣାଇଁ କାଚାଲି ସାରି ଜାଣା ଲାକା ସାରି ଗତି କସକା କେୟୁତା ହେରପିତେସି □

୫ ପିତରଇଁ କାୟିଦିତା ସୁଣ୍ଡିତେରି, ସାମା ଏଝାଣି ତାକି କୁଲମି ରଣ୍ଡିଏ ହିୟାଁ ତଲେ ମାହାପୁରୁ ତାଣା ପ୍ରାଡ଼ାନା କିହିମାଚେରି □

ପିତର କାୟିଦି ଇଲୁଚି ଗେଲପି ଆନାୟି

୬ ତାୟୁ ହେରଦ ଆମିନି ଦିନା ପିତରଇଁ ହପୁହାଲି ଅଣ୍ଡପାମାଚେସି, ଏ ନେରୁ ଲାଆଁୟାଁ ପିତର ରୀ ହିକ୍ଣିୟାଁ ତଲେ ଦସ୍ପି ଆହାନା ରୀ କସକା ମାଦି ତୁରାମାଚେସି, ଅଡ଼େ କାଝିଆନାରି କାୟିଦି ଇଲୁ ଦୁଝେରିତା କାଚାମାଚେରି □

୭ ଅଡ଼େ ମେହ୍ଦୁ, ଦେବୁଣିଏ ପ୍ରବୁତି ର.ଦୁଡୁ ଏମ୍ବାଆଁ ତଞ୍ଜାଆଡ଼େ, ଇଞ୍ଜା ଇଲୁ ବିତ୍ରା ଉଜେଡ଼ି ଆହାହାଚେ, ଅଡ଼େ ପିତରଇଁ ବମିତା ତୀଗାହାଁ ନିକ୍ହାନା ଏଲେଇଚେ, “ତବେ ନିଙ୍ଗାମୁ,” ଏମ୍ବାଟିଏ ଏଝାଣି କେସ୍ତାତି ହିକ୍ଣିୟାଁ ହୁଙ୍ଗାହାଚୁ □

୮ ଏଚେଟିଏ ଦୁଡୁ ଏଝାଣାଇଁ ଏଲେଇଚେ, “ଚେଡେଲି ରୁପା କତାମୁ ଇଞ୍ଜା ସେପୁୟାଁ ତୁରମୁ” ଇଞ୍ଜା ପିତର ଏଲେକିତେସି, ଅଡ଼େ ଦୁଡୁ ଏଲେଇଚେ, “ନୀ ହିମ୍ବରି ପରହାନା ନା ଜେଚ ଜେଚ ଝାମୁ □”

୯ ପିତର ହଚାନା ଏଝାଣି ଜେଚ ଜେଚ ହାଚେସି; ସାମା ଦୁଡୁ ତାଣାଟି ଏନାଆଁ କିଝିଆଡ଼େ, ଏଦି ସାତେଏ ଏଦାଆଁ ପୁନାଆନା ଏଝାସି ହାପାନା ହେଣ୍ଡିମାଇଁ ଇଞ୍ଜା ଅଣ୍ଡପିମାଚେସି □

୧୦ ଏଚିବେଲୀତା ଏଝାରି ନକିତି ଅଡ଼େ ଏଦାଣି ତାୟୁ କାଚାମାଚାରାଇଁ ଗାଣ୍ଡଚାନା ଆମିନି ଲହୁ ଦୁଝେରି ହାହାନା ଗାଡ଼ାତା ହଡ଼ାଲି ଆନେ, ଏଦାଆଁ ତାଗେ ଝାହାଲିଏ, ଏଚେତା ଏ ଦୁଝେରି ତାନୁ ତାନୁଏ ଏଝାରାକି ଦେପି ଆହାହାଚେ, ଅଡ଼େ ଏଝାରି ହଚା ହାଜାନା ର.ଆଂଗେଣି ମୁଟ୍‌ହାମାନି ପାତେକା ହାଚେରି, ଇଞ୍ଜା ଦେବୁଣିଏ ଏ ଦୁଡୁ ଏଝାଣାଇଁ ପିସା ହାଚେ □

୧୧ ଏଚେଟିଏ ପିତର ସେଡନା ଆହାନା ଏଲେଇଚେସି, “ପ୍ରବୁ ତାନି ଦୁଡୁଇଁ ପାଣ୍ଡାନା ହେରଦ କେୟୁଚି ଅଡ଼େ ବାରେ ଜାହୁଦି ଲକୁ ଅଣ୍ଡପିମାଟି ତାଣାଟି ପିସ୍ପି କିହାଁ ମାଞ୍ଜାନେସି, ଇଦାଆଁ ନୀଏଁ ନାନୁ ସାତେଏ ପୁଚେଏଁ □”

୧୨ ଏଝାସି ଇ କାତା ଅଣ୍ଡପିହଁ ମାର୍କ ଦରୁଗାଟି ଜହନ ତାନି ଇୟା ମରିୟମନି ଇଜ ହାଚେସି; ଏମ୍ବାଆଁ ହାରେକା ଲକୁ ରୁଣ୍ଡା ଆହାନା ପ୍ରାଡ଼ାନା କିହିମାଚେରି □

✱ ୧୧:୨୮ ୧୧:୨୮ କାମା ୨୧:୧୦

୧୩ ପିତର ପାଞ୍ଚାତି ଦୁଃଖେରିତା ଝେରାଲିଏ, ରଦା ଦରୁଗାଟି ର ହଲେଣି ଆମ୍ବାଆତେରି ଇଞ୍ଜିଁ ଝେଞ୍ଜାଲି ହାଚେ ।

୧୪ ଏଦି ପିତରତି ହାଡ଼ା ଝେଞ୍ଜାନା ରାହାଁତାକି ଦାରା ଦେଃଆନା ବିତ୍ରା ଦାବଡ଼ି ହାଜାନା ଦାରା ତାକିତା ପିତର ନିରାମାନେସି ଇଞ୍ଜିଁ ଝେସ୍ତେ ।

୧୫ ଏଝାରି ଏଦାନି ଏଲେଇଚେରି, “ନାନୁ ବାୟା ଆଡ଼ିକି ଇଞ୍ଜିଁ ଇଚେରି,” ସାମା ଏଦି ଏଦାଆଁ ସାତା ଇଞ୍ଜିଁ ଗାଡ଼ିକିହଁ ଝେସ୍ତେ, ଇଞ୍ଜାଁ ଏଝାରି ଏଲେଇଚେରି, “ଏଦି ଏଝାଣି ଦୂଡୁ ।”

୧୬ ସାମା ପିତର ଦାରାତା ଅଲେ ଅଲେ ଝେଟିମାତାକି, ଏଝାରି ଦାରା ଦେଚାନା ଏଝାଣାଇଁ ମେସାନା କାବା ଆଡ଼େରି ।

୧୭ ସାମା ଏଝାସି ଏଝାରାଇଁ ପାଲେଏ ମାଞ୍ଜାଲି କେୟୁ ଜାଞ୍ଜିତେସି, ଇଞ୍ଜାଁ ପ୍ରବୁ ଏଝାଣାଇଁ ଏନିକଁ କାୟିଦି ଇଲୁଟି ହପୁହା ତାତେସି ଏଝାରାଇଁ ଝେସ୍ତେସି, ଅଡ଼େ ଏଝାସି ଏଲେଇଚେସି “ଇ ବାରେ କାତା ଜାକୁବ ଅଡ଼େ ବାରେ ନାମିତି ତାୟିୟାଁଇଁ ଝେହୁଦୁ,” ଇଞ୍ଜାଁ ଏଝାସି ତାକିହଁ ଅର ଟାୟୁତା ହାଜାତୁସ୍ତେସି ।

୧୮ ଲାଇଁ ଝେୟାଲିଏ ପିତର ଆମ୍ବିୟା ହାଚେସି ଇଞ୍ଜିଁ କାପୁ କାଃଆନି କସକା କାବାଆହାନା ହାରେକା ବିଲକି ଆଡ଼େରି ?

୧୯ ଅଡ଼େ, ହେରଦ ଏଝାଣାଇଁ ପାରି କିହାନା ପୁଃଆଲିଏ, କାପୁ କାଃନାରାଇଁ ଝେଟି ତାୟୁ, ଏଝାରାଇଁ ପାୟାଲି ହୁକୁମି ହାତେସି । ଏଦାଆଁ ତାୟୁ ହେରଦ ଜାହୁଦା ରାଜିଟି କାୟିସରିୟାତା ହାଜାନା ଏମ୍ବାଆଁ ଡ଼ୟିତେସି ।

ହେରଦ ହାନାୟି

୨୦ ଏଚିବେଲା ହେରଦ ସର ଅଡ଼େ ସିଦନତି ଲକୁତାକି ଆଜିହପେତି କପା ଆହାମାଚେସି, ଅଡ଼େ ଏଝାରି ରଣ୍ଡିଏ କାତା ଆହାନା ଏଝାଣି ତାଣା ଝାଡ଼େରି, ଇଞ୍ଜାଁ ରାଜା ଇଲୁଟି ଲାସ୍ତସ୍ତ ଇନି ସାଲୁଝି କିନାଣାଇଁ ତାମି ଝାକି କିହାନା, ରାଜାଇଁ ହିଡ଼ଡ଼ି ତାକି ବାତିମାଲିତେରି, ଇଚିହଁ ହେରଦ ରାଜା ଦେସାଟି ସର ଅଡ଼େ ସିଦନ ଦେସାତା ଆନା ହାଜିମାଚେ ।

୨୧ ଏଚେଟିଏ ହେରଦ ତାରିକିତି ଦିନାତା ରାଜା ହୁଟିନି ହିମ୍ବିରକା ହୁଚାନା ସିଂଗାସାଣିତା କୁଗାନା ଲକୁ ନକିତା ର କାତା ଝେସ୍ତେସି;

୨୨ ଏଚେଟିଏ ଲକୁ କାଲୁଝି ଆହଁ ଏଲେଇଚେରି, “ଇଦି ମାହାପୁରୁତି ଗିୟାଁ, ମାଣ୍ଡସିତି ଗିୟାଁ ଆଏ ।”

୨୩ ଏ ଦେବୁଣିଏ ପ୍ରବୁତି ର ଦୂଡୁ ହେରଦଇଁ ତାଗିତେ, ଇଚିହଁ ଏଝାସି ମାହାପୁରୁଇଁ ଜହରା କିଆତେସି, ଇଞ୍ଜାଁ ଏଝାଣାଇଁ ପିଡ଼ୟୁଲି ତିଞ୍ଜାଲିଏ ଏଝାସି ହାତେସି ।

୨୪ ସାମା ମାହାପୁରୁତି ବଲୁ ପାତାଆହାନା ହାରେକା ଝେଞ୍ଜିତେ ।

୨୫ ତାୟୁ ବର୍ନବା ଅଡ଼େ ସାଝୁଲ ତାମି ସେବା କାମା ରାପୁହାନା ଜହନ ଇନି ମାର୍କଇଁ ତଡ଼ କ୍ରିହାନା ଜିରୁସାଲମଟି ଝେଣ୍ଡା ହାଚେରି ।

୧୩

ବର୍ନବା ଅଡ଼େ ସାଝୁଲଇଁ ଆଚାନା ପାଣ୍ଡିନାୟି

୧ ଏଚିବେଲା ଆନ୍ତିୟକିୟାତି କୁଲମିତା ବର୍ନବା, ସିମିୟନ କାଡ଼ିୟା ଇନାସି, କୁରିଣି ଦେସାତି ଲୁକିୟ, ହେରଦ ରାଜା ତାୟିଲେହେଁ ପାତାଆଡ଼ି ମନହେମ ଅଡ଼େ ସାଝୁଲ, ଆନ୍ତିୟକିୟାତା ମାଟି କୁଲମିତା ମାହାପୁରୁ ଅଣ୍ଡପୁତି ବଲୁ ଝେହୁନାରି ଅଡ଼େ ଜାପୁନାରି ମାଚେରି ।

୨ ଏଝାରି ପ୍ରବୁତି ସେବା ଅଡ଼େ ଉପାସା କିହିମାଚାଟି, ସୁଦୁଜୀଝୁ ଏଝାରାଇଁ ଏଲେଇଚେ, “ନାନୁ ଆମିନି କାମାତାକି ବର୍ନବା ଅଡ଼େ ସାଝୁଲଇଁ ହାଟାମାଇଁ, ଏ କାମାତାକି ଏଝାରାଇଁ ଏଟକା କିଦୁ ।”

୩ ଏଚେଟିଏ ଏଝାରି ଉପାସା ଅଡ଼େ ପ୍ରାତାନା କିତି ତାୟୁ ଏଝାରି ତାକାଣା କେସ୍ତା ଇଚାନା ଏଝାରାଇଁ ହେରପାନା ପାଣ୍ଡିତେରି ।

କୁପ୍ରତା କାମା

୪ ଇଲେଆହଁ ବର୍ନବା ଅଡ଼େ ସାଝୁଲ ସୁଦୁଜୀଝୁ ତଲେ ପାଣ୍ଡି ଆହାନା ସେଲୁକିୟାତା ହାଚେରି; ଇଞ୍ଜାଁ ର ସାମ୍ବୁରି ଜାଜାତା ହଚାନା କୁପ୍ରତା ହାଚେରି ।

୫ ଏଝାରି ସାଲମି ଗାଡ଼ାତା ଏଗାହାଜାଲିଏ ଜାହୁଦି ଲକୁତି ବାରେ ଜାହୁଦି ଲକୁତି କୁଟମି ଇଲୁକାଣା* ମାହାପୁରୁତି ବଲୁ ଝେକହାଲି ମାଟୁହେରି; ଅଡ଼େ, ଜହନ ମାର୍କ ଜିକେଏ ସାୟେମି କିୟାଲି ଏଝାରିତଲେ ମାଚେସି ।

୬ ଇଞ୍ଜାଁ ଏଝାରି ଏ ଦେସା ମାଦିଟି ରେଜିହଁ ପାପସ୍ ଗାଡ଼ାତା ହାଚେରି; ଏମ୍ବାଆଁ ଏଝାରି ବାର୍-ଜୀସ୍, ଦରୁଗାଟି ର ଜାହୁଦି ଗାରଡ଼ି ଗାଟାଣାଇଁ ବେଟାଆଡ଼େରି, ଏଝାସି ମିତି ମାହାପୁରୁ ବଲୁ ଝେହୁନାସି ।

୭ ଏ ଦେସା ସାଲୁଝି କିନି ସେଗିୟ ପାଝୁଲ ତଲେ ମାଚେସି, ଏ ସାଲୁଝି କିନାସି ର ବୁଦିଗାଚାସି, ଏଝାସି ସାଝୁଲ ଅଡ଼େ ବର୍ନବାଇଁ ହାଟି କିହାନା ମାହାପୁରୁତି କାତା ଝେଞ୍ଜାଲି ଅଣ୍ଡପିମାଚେସି ।

୮ ସାମା ଏ ଗାରଡ଼ିଗାଟି “ଏଲିମା” ଇଦି ଗ୍ରିକ୍ ଦରୁ ଏ ସାଲୁଝି କିନାଣାଇଁ ନାମୁଟି ପିସ୍ପିକିନି ଅଣ୍ଡପୁ ତଲେ ଏଝାରାଇଁ ବାଦା ହାତେସି ।

* ୧୩:୫ ୧୩:୫ ସିନଗର

୯ ସାମା ସାଧୁଲ ଆମ୍ବାଆରାଇଁ ପାଞ୍ଜୁଲ ଜିକେଏ ଇନେରି, ସୁଦୁଜୀଞ୍ଜୁଟି ନେଞ୍ଜାନା; ଏଲିମାଇଁ ସିନିକିତେସି,

୧୦ ଅଡେ ଏଲେଇଚେସି, “ଆଡେ ସୟତାନ ମୀରଏଣାତି, ବାରେଲେହେତି ନାଡିକିନି ଲାଗେଏତି ଅଣ୍ପୁତା ନେଞ୍ଜାମାନାତି, ଅଡେ ବାରେ ନେହୁଁ କାମାତି ସାଡୁ, ନୀନୁ ପ୍ରବୁତି ସଲକେ ଜିରୁତି ଲାଗେଏ କିହାଲି ପିହୁଅତି କି ?

୧୧ ଅଡେ ନୀଏଁ ମେହମୁ ପ୍ରବୁତି କେୟୁ ନୀ ଲାକ ମାନେ; ଇଞ୍ଜା ନୀନୁ କାଣା ଆହାନା ଗାଡେକା ତାକି ଝେଡାତି ଉଜେଡି ମେହୁଅତି □” ଏ ଦେବୁଣିଏ ଏଲିମା କାଣକାତା ଦୁୟା ପଜିତି ଲେହେଁ ଆଡେ ଇଞ୍ଜା ତାନି କେୟୁ ଆସାଁ ଜିରୁ ତସାଲି ରଅଣାଇଁ ପାରିତେସି □

୧୨ ଇଦାଆଁ ମେସାନା ସାଲୁଝି କିନାସି ପ୍ରବୁତି ଜାପୁନାଣି ଝେଞ୍ଜାନା କାବାଆହାନା ନାମିତେସି □

ପିସିଦିୟାତି ଆନ୍ତ୍ରିୟକିୟାତା କାମା

୧୩ ତାୟୁ ପାଞ୍ଜୁଲ ଅଡେ ତାନି ତଣେସିଙ୍ଗା ପାପସଟିଏ ସାମ୍ପଦୁରି ଜିରୁତି ହାଜାନା ପଂପୁଲିୟା ଗାଡାତି ପଗିତା ଝାଡେରି; ସାମା ଜହନ ମାର୍କ ଏଞ୍ଜାରାଇଁ ପିସାନା ଜିରୁସାଲମତା ଝେଣ୍ଡାହାଚେସି □

୧୪ ଏଞ୍ଜାରି ପଗିଟି ହାଜାନା ପିସିଦିୟାତି ଆନ୍ତ୍ରିୟକିୟାତା ଏଗାହାଚେରି, ଅଡେ ଜମିନି ଦିନା ଜୀହୁଦି ଲକୁଡି କୁଟମି ଇଲୁଡାଁ ହାଜାନା କୁଗିତେରି □

୧୫ ଅଡେ, ମସା ରାଡିତି ମେରା ଇଞ୍ଜା ମାହାପୁରୁ ଅଣ୍ପୁତି ବଲୁ ଝେହନାରି ପତି ପଡ଼ି ଆଡି ତାୟୁ, ପ୍ରାତାନା ଇଲୁଡି କାଜାରି ଏଞ୍ଜାରିତାଣା ଏଲେଇଞ୍ଜି ଝେସା ପାଣ୍ଡିତେରି; “ତାୟିୟାଁ, ଲକୁଡାକି ବାସୁଁ ହାନି କାତା ମାଡିହୁଁ ଝେହୁଦୁ □”

୧୬ ଏଚେଟିଏ ପାଞ୍ଜୁଲ ନିଗନା ଲକୁଣି କେୟୁ ତସିହୁଁ ଏଲେଇଚେସି; “ଇସ୍ରାୟେଲ ଲକୁଡେରି ଇଞ୍ଜା ଜୀହୁଦିଆଆତି ଲକୁଡେରି ଅଡେ ମାହାପୁରୁଇଁ ଆଜିନାତେରି ନା କାତା ଝେଞ୍ଜୁ □”

୧୭ ଇ ଇସ୍ରାୟେଲ କୁଡାତି ମାହାପୁରୁ ମା ଆକୁ ଆବାୟାଣି ଆଡିତେସି, ଅଡେ ଏଞ୍ଜାରି ମିସର ଦେସାତା ବାସା କିହାମାନି ବେଲତା, ଏଞ୍ଜାରାଇଁ ପାଡି କିତେସି, ଇଞ୍ଜା ବାଡ଼ୟୁ ଗାଟି କେୟୁତଲେ ଏଞ୍ଜାରାଇଁ ହପୁହା ତାତେସି,

୧୮ ତାୟୁ ରୀ କଡି ବାସା ପାତେକା ବାଠଲି ବାଗାତା ଏଞ୍ଜାସି ଏଞ୍ଜାରି ଲେମ୍ବିନାଣି ଅରୁହତେସି □

୧୯ ଏଞ୍ଜାସି କିଶାନ ଦେସାତି ସାଡାଗଟା କୁଡାତି ଲକୁଣି ନାସା କିହାନା ତାନି ଆଡାମାନି ଲକୁକି ଏ ଦେସାତି ଅଦିକାରା ହାତେସି □

୨୦ ସାରି ଝାଞ୍ଜା ରୀ କଡି ଦସ ବାସା ବିତ୍ରା ଇ ବାରେ ଆଡେ □ ଏଚେଟିଏ ମାହାପୁରୁ ଅଣ୍ପୁତି ବଲୁ ଝେହନି ସାମୁୟେଲ ପାତେକା ବିଚାରା କିନାରାଇଁ ଆଡିତେସି □

୨୧ ଏମ୍ବାଟିଏ ଏଞ୍ଜାରି ର ରାଜାଇଁ ହିୟାମୁ ଇଞ୍ଜାଁ ରୀସାଲିଏ ମାହାପୁରୁ ରୀ କଡି ବାସା ପାତେକା ବିନ୍ୟାମିନ୍ କୁଡାତି କିସ୍ ମୀରଏସି ସାଞ୍ଜୁଲଇଁ ରାଜା ଆହାଲି ହାତେସି □

୨୨ ତାୟୁ ମାହାପୁରୁ ଏଞ୍ଜାଣାଇଁ ରାଜା ପାଣା ପିସପି କିହାନା, ଏଞ୍ଜାରି ରାଜା ଆହାଲିତାକି ଦାଞ୍ଜୁଦଇଁ ଆଡିତେସି, ମାହାପୁରୁ ଜିକେଏ ଏଞ୍ଜାଣି କାତା ସାକି ହୀହାନା ଏଲେଇଚେସି; “ନୀନୁ ଜିସି ମୀରଏସି ଦାଞ୍ଜୁଦଇଁ ବେଟାଆହାମାଇଁ, ଏଞ୍ଜାସି ନା ହିୟାତି ଅଣ୍ପୁ ଲେହେଁତାସି, ଏଞ୍ଜାସି ବାରେ କାତାତା ନା କାତା ମାଡ଼ି ଆନେସି □”

୨୩ ଏଞ୍ଜାଣି କୁଡାଟି ମାହାପୁରୁ ଆଞ୍ଜାମାତି ଲେହେଁ ଇସ୍ରାୟେଲ ଲକୁଡାକି ର ଗେଲପିନାଣାଇଁ ଇଚିହୁଁ ଜୀସୁଇଁ ଜାନି କିହାମାନେସି □

୨୪ ✨ଜୀସୁ ତାନି କାମା ମାଡ଼ିନି ନକେଏ, ଜହନ ଇସ୍ରାୟେଲତି ବାରେ ଲକୁ ନକିତା ପାପୁଟି ଝେଣ୍ଡିନି କାତା ଅଡେ ବାପ୍ରିସ୍ତାଁ ଅନି କାତା ଝେକହା ମାଚେସି □

୨୫ ✨ଅଡେ ଜହନ ତାନି କାମା ରାପୁହିମାତି ବେଲତା ଲକୁଣି ଏଲେଇଚେସି, “ନାଜେ ମୀରୁ ଆମ୍ବାଆସି ଇଞ୍ଜାଁ ଅଣ୍ପିମାଞ୍ଜାଦେରି ନୀନୁ ଏଞ୍ଜାତେଏଁ ଆଏ, ସାମା ମେହୁଦୁ ନା ତାୟୁ ରଅସି ଝାହିମାନେସି, ଏଞ୍ଜାଣି କଡାତି ସେପୁୟାଁ ହୁକହାଲି ନୀନୁ ଜଗେ ଆଅଁ □”

୨୬ ଏ ତାୟି ତାଜିସ୍ତା, ଅରାହାମ କୁଡାତି ମୀରକା ମାସ୍କାତେରି, ଅଡେ ମୀ ତାଣାଟି ମାହାପୁରୁଇଁ ଆଜିମାନି ଜୀହୁଦିଆଆତି ଲକୁଡେରି; ମା ତାଣା ଇ ଗେଲପିଆନି ବଲୁ ପାଣ୍ଡି ଆହାମାଞ୍ଜାନେ □

୨୭ ସାମା ଏଞ୍ଜାସି ଗେଲପିନାସି, ଜିରୁସାଲମତା ମାନାରି ଅଡେ ତାମି ବାରେ କାଜାରି ଏଦାଆଁ ପୁଞ୍ଜାହିଲାଆତେରି, ଅଡେ ବାରେ ଜମିନି ଦିନା ପଡ଼ି ଆହିମାନି ମାହାପୁରୁ ଅଣ୍ପୁତି ବଲୁ ଝେହନାରି କାତା ପୁଞ୍ଜାହିଲାଆତେରି, ଆଡିଜିକେଏ ଜୀସୁଇଁ ଦହ କିହାନା ମାହାପୁରୁ ବଲୁ ଝେହନାରି କାତା ପୁରା କିତେରି □

୨୮ ✨ଅଡେ ଏଞ୍ଜାଣାକି ହାନି ତଣ୍ଡି ଏନି ଦହ ପୁଞ୍ଜାଆତି ଜିକେଏ ଏଞ୍ଜାଣାଇଁ ପାୟାଲି ପିଲାତଇଁ ବାଡିମାଲିତେରି □

୨୯ ✨ଏଞ୍ଜାଣି ତାକି ଦାମୁଁ ସାସ୍ତେରିତା ବାରେ କାତା ରାସ୍କି ଆହାମାନେ, ଏଲେଆହୁଁ ବାରେ

† ୧୩:୧୪ ୧୩:୧୪ ସିନଗରୁ ✨ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩ ‡ ୧୩:୨୪ ୧୩:୨୪ ମୁଞ୍ଜିନାୟି ✨ ୧୩:୨୫ ୧୩:୨୫ ଜହ ୧:୨୦; ମାଡି ୩:୧୧; ମାର୍କ ୧:୭; ଲୁକ ୩:୧୭; ଜହ ୧:୨୭ ✨ ୧୩:୨୮ ୧୩:୨୮ ମାଡି ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଜହ ୧୯:୧୫ ✨ ୧୩:୨୯ ୧୩:୨୯ ମାଡି ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୭; ଜହ ୧୯:୩୮-୪୨

ଗଚଞ୍ଚି ଆଡ଼ି ଢେଚ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାଟି ରେପହା ତାଚାନା, ମାଡ଼ହା ଇଚିନି ଚାୟୁତା ଇଚିତେରି □

୩୦ ସାମା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣାଟି ନିକହେସି,

୩୧ ଅଡ଼େ ଆମିନି ଗାଟାରି ଗାଲିଲିଟି ଜିରୁସାଲମତା ତାନିତଲେ ଖାହାମାଚେରି, ଏଞ୍ଜାରି ହାରେକା ଦିନା ପାତେକା ଏଞ୍ଜାଣାଇଁ ମେସ୍ତେରି; ଏଞ୍ଜାରି ଇସ୍ରାୟେଲ ଲକୁତାଣା ନୀର୍ଏ ଏଞ୍ଜାରି ସାକି □

୩୨ ଅଡ଼େ ଆକୁ ଆବାୟାଁ ନକିତା ମାହାପୁରୁ ଆଞ୍ଜାମାନାଣି ମାମ୍ବୁ ମିଙ୍ଗେ ଇ ନେହଁ କାବୁ ଖେସିମାଞ୍ଜାନମି;

୩୩ ଜୀସୁଇଁ ମାହାପୁରୁ ନିକହାନା ଏଞ୍ଜାରି ମୀରକାତାୟି ମାର, ମାଙ୍ଗେତାକି ଏ ଆଞ୍ଜାମାନାଣି ପୁରା କିହାମାନେସି, ଏନିକଁ ରୀ ଲମ୍ବର ପାତୁ ପତିତା ରାସ୍ତକି ଆହାମାନ,

“ନାନୁ ନା ମୀରଏଣାତି;
ନୀଞ୍ଜୁଟିଏ ନାନୁ ନୀ ଆବାତେଏଁ □”

୩୪ ଏଞ୍ଜାସି ହାଡ଼ାରି ତାଣାଟି ଖେଣ୍ଡେ ନିକହାମାନେସି, ଏଞ୍ଜାସି ସୀରନି ତାଣା ହାଲଅସି ଇଞ୍ଜିଁ ମାହାପୁରୁ ଖେସାମାନେସି;

“ନାନୁ ଦାଞ୍ଜୁଦ ନକିତା ଆଞ୍ଜାମାନି ସୁଦୁ,
ଇଞ୍ଜାଁ ତୀରି ଆନି ବର ମିଙ୍ଗେ ସାତେଏ
ହିୟାଇଁ □”

୩୫ ଇଞ୍ଜାଁ ଏଞ୍ଜାସି ଅଡ଼େ ର ପତିତା ଏଲେଇଞ୍ଜା ମାନେସି,

“ନାନୁ ନୀ ତୀରି ଗାଟାଣାଇଁ ସୀରହାଲି ହୀଅତି □”

୩୬ ଦାଞ୍ଜୁଦ ତାନୁ ରାଜି କିହିମାଟି ବେଲତା ଲକୁ ବିତ୍ତା ମାହାପୁରୁ ଅଣ୍ଡପୁ ତଲେ ସେବା କାମା କିତି ତାୟୁ ହାଡେସି, ଇଞ୍ଜାଁ ତାନି ଆକୁ ଆବାୟାଁ ଟଟତା ମୁସ୍ପି ଆହାନା ସୀରହେସି □

୩୭ ସାମା ମାହାପୁରୁ ଆମ୍ବାଆରାଇଁ ହାକିଟି ନିକହାମାନେସି ଏଞ୍ଜାସି ସୀରହା ହିଲଅସି □

୩୮ ଇଦାଆଁତାକି ଏ ତାୟିୟାଁ ଇଦାଆଁ ପୁଞ୍ଜୁ, ଇ ଜୀସୁ ତାଣାଟି ମୀ ନକିତା ପାପୁତି ମ୍ଲେକ୍ନି କାତା ଖେସ୍ପି ଆହାମାନେ;

୩୯ ଅଡ଼େ ମସାତି ଆମିନି ମେରାତି ବାରେ ତାଣାଟି ମୀରୁ ପିସ୍ପି ଆହାଁ ଦାମ୍ବୁଗାଟାଚେରି ଆହାଲି ଆଡ଼ାଆତେରି, ଇଞ୍ଜାଁ ନାମିମାନି ବାରେ ଲକୁ ଏଞ୍ଜାଣି ତାଣାଟି ଏ ବାରେ ତାଣାଟି ପିସ୍ପି ଆହାନା ଦାମ୍ବୁଗାଟାରି ଆନେରି □

୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣ୍ଡପୁତି ବଲୁ ଖେହନାରି ସାସ୍ତେରିତା ଏନାୟି ଖେସ୍ପି ଆହାମାନେ, ଏଡ଼ି ଏନିକଁ ମିଙ୍ଗେତାକି ଆୟେଏ;

୪୧ “ମାହାପୁରୁଇଁ ଅପାଆ ଗାଟାଚେରି ମୀରୁ ମେସାନା, କାବା ଆହାଁ, ନାସା ଆଦୁ;

ଇଚିହଁ ମୀ ବେଲତା ମାମ୍ବୁରୁ କାମା କିହିମାନମି, ଅଡ଼େ ଏ କାମାଟି ଆମ୍ବାଆସି ମୀ ନକିତା ଖେସ୍ତାନେସି, ଏଦାଆଁ ମୀରୁ ଏନିଜିକେଏ ନାମଅତେରି □”

୪୨ ପାଞ୍ଜୁଲ ଅଡ଼େ ବର୍ନବା ଜୀହୁଦି ଲକୁତି କୁଟମି ଇଲୁଟିଃ ହଡ଼ାହାନି ବେଲତା ଖାଜି ଜମିନି ଦିନାତା ମାଙ୍ଗେ ଇ ବାରେ କାତା ଅଡ଼େ ଖେସ୍ତାଦୁ ଇଞ୍ଜିଁ ଲକୁ ଏଞ୍ଜାରାଇଁ ବାଡ଼ିମାଲିତେରି □

୪୩ ବେରଣି ରାଡ଼ି ତାୟୁ ଏଚେକା ଜୀହୁଦି ଅଡ଼େ, ଜୀହୁଦି ଦାମ୍ବୁ ନାମିତି ଏଚକା କୁଡ଼ାତି ଲକୁ ବିତ୍ତାଟି ହାରେକା ପାଞ୍ଜୁଲ ଅଡ଼େ ବର୍ନବା ଢେଚ ହାଚେରି; ପାଣ୍ଡୁଞ୍ଚି ଆଡ଼ାରି ଏଞ୍ଜାରିତଲେ କାତାବାର୍ତ୍ତା ଆହଁ ମାହାପୁରୁ କାର୍ମାତା ତୀରପୁ ଆହଁ ମାଞ୍ଜାଲି ଏଞ୍ଜାରାଇଁ ଖେସ୍ତେରି □

୪୪ ଇଞ୍ଜାଁ ଅର ଜମିନି ଦିନାତା ଗାଡ଼ାତି ବାରେ ଲକୁ ମାହାପୁରୁ ବଲୁ ଖେଞ୍ଜାଲି ରୁଣ୍ଡା ଆଡେରି □

୪୫ ସାମା ଜୀହୁଦିୟାଁ ଲକୁ ମାନ୍ଦାତି ମେସାନା ତାହାରା ଆଡେରି, ଇଞ୍ଜାଁ ପାଞ୍ଜୁଲ କାତା କପାଟି ନିନ୍ଦାକିହଁ ବାଡ଼ିବାଦା ଆଡେରି □

୪୬ ଏଚେଟିଏ ପାଞ୍ଜୁଲ ଅଡ଼େ ବର୍ନବା ସାସା ଆସାନା ଖେସ୍ତେରି, “ତଲିଏ ମୀ ତାଣା ମାହାପୁରୁତି ବଲୁ ଖେସ୍ତାନାୟି ମାଚେ, ମୀରୁ ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜୀଞ୍ଜୁ ବେଟାଆହାଲି ପାଡ଼ା ଆଅମି ଇଞ୍ଜିଁ ଅଣ୍ଡପି ମାନାକି ମେହ୍ତୁ ମାମ୍ବୁ ମିଙ୍ଗେ ପିସାନା ଜୀହୁଦିଆଆତି ଲକୁତାଣା ହାଜିମାନମି □

୪୭ ଇଚିହଁ ପ୍ରବୁ ମାଙ୍ଗେ ଇ ହୁକୁମି ହୀହାମାଞ୍ଜାନେସି;

‘ନାନୁ ମିଙ୍ଗେ ଜୀହୁଦିଆଆତି ଲକୁତାକି ଉଜେଡ଼ି ଲେହେଁ କିହାମାଞ୍ଜାଇଁ, ଏନିକଁ ନାନୁ ଦାରତିତି ହାନ୍ଦି ମୁଟ୍ପେ ଗେଲ୍ପିନାଣି ତାଦି □’ ”

୪୮ ଜୀହୁଦିଆଆତାରି ଇ ହାଡ଼ା ଖେଞ୍ଜାନା ରାହାଁ ଆଡେରି; ଅଡ଼େ ମାହାପୁରୁତି ବଲୁତି ଗାଞ୍ଜୁରମି କିହାଲି ମାଟ୍ତହେରି, ଅଡ଼େ ଏଚେକା ଲକୁ କାଲାକାଲାତି ଜୀଞ୍ଜୁତାକି ଆଡ଼ଞ୍ଚି ଆହାମାଚେରି, ଏଞ୍ଜାରି ନାମିତେରି □

୪୯ ଇଞ୍ଜାଁ ପ୍ରବୁତି ବଲୁ ଏ ରାଜିତା ବାରେଖାକି ଏଜାହାଚେ □

୫୦ ସାମା ଜୀହୁଦି ଲକୁ ଗାଡ଼ାତି ଆବାୟାଁଣି ଅଡ଼େ ମାହାପୁରୁଇଁ ମାନି କିହିମାନି ପାଙ୍ଗାଞ୍ଜେଜିତି ଆୟାସିକାଣି ରୁଣ୍ଡି କିହାନା ପାଞ୍ଜୁଲ ଅଡ଼େ ବର୍ନବାଇଁ ସାସି ହୀହାନା ତାନି ରାଜିଟି ପେରହାଡ଼ୁସ୍ତେରି □

୯ ୧୩:୪୨ ୧୩:୪୨ ସିନଗଗ ☆ ୧୩:୫୧ ୧୩:୫୧ ମାତି ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧

୫୧ ଏବେଟିଏ ପାଣ୍ଡୁ ଆଡ଼ାରି ଜାହାରା କଡ଼ାୟାତି ଦୁଡ଼ି ଏଞ୍ଜାରି କପାଟି ହାଣ୍ଡାନ୍ନା ଇକନିୟତା ହାଚେରି □

୫୨ ଅଡ଼େ ଆନ୍ତିୟକିୟାତି ସୀସୁୟା ସୁଦୁଜୀଝୁ ବେଟାଆହାନା ରାହାତଲେ ଡ଼ୟିତେରି □

୧୪

ଇକନିୟତା ସେବା କାମା

୧ ଇକନିୟତା ଜିକେଏ ଏଲେଆହୁଏ ଆଡ଼େ; ପାଝୁଲ ଅଡ଼େ ବର୍ନବା ଜୀହୁଦି ଲକୁଡି ଜୀହୁଦି ଲକୁଡି କୁଟମି ଇଲୁଡା* ହାଜାନା ଇଲେକ୍ସି ଝେସ୍ତେରି, ଇଞ୍ଜା ଜୀହୁଦି ଅଡ଼େ ଜୀହୁଦିଆଆତି ଲକୁ ବିତ୍ରାଟି ହାରେକା ନାମିତେରି □

୨ ସାମା ଆମିନି ଜୀହୁଦିକ୍ଷା ନାମାଆଡେରି, ଜୀହୁଦିଆଆତି ଲକୁଡି ମନୁଡି କିଲିବିଲି କିହାନା, ଏଞ୍ଜାରାକ୍ଷି ନାମିତି ତାୟିୟା କପାଟି ଲାଗେଏତି ଅଣପୁ ଅଣପି କିତେରି □

୩ ପାଝୁଲ ଅଡ଼େ ବର୍ନବା ହାରେକା ଦିନା ପାଡେକା ଏ ଟାୟୁତା ଡ଼ୟାନା ପ୍ରୁ ତାଣା ବାସୁ ଇଟାନା ସାସାତଲେ ପ୍ରୁଡି କାତା ଝେସ୍ତେରି; ଇଞ୍ଜା ଏଞ୍ଜାରି ତାଣାଟି ହାରେକା ସିନାୟା ଅଡ଼େ କାବାଆନି କାମାୟା କିହାନା ତାନି କାମାଟି ବଲୁ ସାତା ଇଞ୍ଜି ସାକି ହାଚେରି □

୪ ସାମା ଗାଡ଼ାତି ଲକୁ ରୀ ବାଗା ଆଡ଼େରି ର ବାଗା ଜୀହୁଦି ଲକୁ ଝାକି ଅଡ଼େ ର ବାଗା ପାଣ୍ଡୁ ଆହାମାନାରି ଝାକି ଆଡ଼େରି □

୫ ଏଚିବେଲା ଜୀହୁଦିଆଆତି ଲକୁ ଅଡ଼େ ଜୀହୁଦି ଲକୁ ତାମି କାଜାରି ତଲେ ଆଣ୍ଡାନା, ପାଣ୍ଡୁ ଆହାମାନାରାକ୍ଷି ଲାଗେଏ କିୟାଲି ଅଡ଼େ ଝାଲକାତଲେ ଇରହାଲି ଅଣପିତେରି,

୬ ଏଚିବେଲା ପାଝୁଲ ଅଡ଼େ ବର୍ନବା ଏଦାଆଁ ପୁଞ୍ଜାନା ଲୁକାୟନିୟା ଦେସାତି ଲୁସ୍ତା ଅଡ଼େ ଦବ୍ ଗାଡ଼ା ଅଡ଼େ ସାରିଝାକିତି ନାସ୍‌କାଣା ହଟେରି,

୭ ଅଡ଼େ ଏଞ୍ଜାରି ଏମ୍ପାଆଁ ନେହୁଁ କାବୁ ଝେକ୍‌ହାଲି ମାଟ୍‌ହେରି □

ଲୁସ୍ତା ଅଡ଼େ ଦବ୍‌ତା ସେବା କାମା

୮ ଲୁସ୍ତାତା ର ଲକୁ ମାଚେସି, ଏଞ୍ଜାସି ସଗା ମାଚେସି, ଏଞ୍ଜାସି ଜାନ୍‌ଟିଏ ସଗା, ଏଞ୍ଜାସି ଏଚେଲାଝା ତାକା ହିଲାଆଡେସି □

୯ ଏଞ୍ଜାସି ପାଝୁଲ ଝେହ୍‌ନି କାତା ଝେଞ୍ଜିମାଚେସି, ଏଞ୍ଜାସି ହିୟାତା ନାମା ମାନେସି ଇଞ୍ଜା ଏଞ୍ଜାସି ନେହୁଁ ଆହାଲି ଆଡ଼ିମାନେସି ଇଞ୍ଜି ପୁଞ୍ଜାନା ଆଟେ ସିନିକିତେସି,

୧୦ ଏଞ୍ଜାଣାକ୍ଷି କାଜା ଗିୟାତଲେ ଏଲେଇଚେସି, “ନୀ କତାତି ବାଡ଼ୁୟୁ ହାହାନା ସଲକେ ନିମୁଁ” ଏଚେଟିଏ ଏଞ୍ଜାସି ଡେଝିହୁଁ ତାକାଲି ମାଟ୍‌ହେସି □

୧୧ ପାଝୁଲ ଏନାଆଁ କିହାମାନେସି, ଲକୁ ବାରେ ଏଦାଆଁ ମେସାନା ଲୁକାୟନିୟା କାଜା ହାଡ଼ାତଲେ ଏଲେଇଞ୍ଜାଲି ମାଟ୍‌ହେରି, “ମାହାପୁରୁୟା ମା ତାଣା ରେଟା ଝାହାମାନୁ □”

୧୨ ଏଞ୍ଜାରି ବର୍ନବାକ୍ଷି ବୁହସ୍‌ପତି ଇଞ୍ଜି ଇଚେରି, ଅଡ଼େ ପାଝୁଲ ଗାଡ଼ି କାତା ଝେହ୍‌ନାସି ମାଚାକି ଏଞ୍ଜାଣାକ୍ଷି ବୁଦ ଇଞ୍ଜି ଇଚେରି □

୧୩ ଗାଡ଼ା ତାଗେ ମାନି ବୁହସ୍‌ପତି ଦେଝୁଡ଼ିତି ପୂଜେରାକ୍ଷା ଏଚେକା ଡ଼କୁ କଡ଼ିୟା ଇଞ୍ଜା ପୂଜା ପେତାୟା ଗାଡ଼ା ଦୁଝେରିତା ତାଚାହାଁ ଏଞ୍ଜାସି ବାରେ ଲକୁତଲେ ଆଣ୍ଡାନା ପାଣ୍ଡୁ ଆଡ଼ାରି ନକିତା ପୂଜା ହାହାଲି ଅଣପିମାଚେସି □

୧୪ “ସାମା ପାଣ୍ଡୁଆହାମାନି ବର୍ନବା ଅଡ଼େ ପାଝୁଲ, ଇଦାଆଁ ଝେଞ୍ଜାନା ତାମି ହିମ୍ପୁରିକା ଗେସାନା ଲକୁ ମାଦିଟି ହଟି ହଟି ହାଜାନା କାଜା ଗିୟାତଲେ ଏଲେଇଚେରି,

୧୫ ଏ ମାନିଗାଟି ଲକୁତେରି, ଏନାଆଁତାକି ଇ ବାରେ କିହିମାଞ୍ଜେରି, ମାମୁ ଜିକେଏ ମୀ ଲେହେଁତି ମାଣ୍‌ସିୟାତମି, ମୀ ତାଣା ଇ ନେହୁଁ କାବୁ ଝେସିମାଞ୍ଜାନମି, ଏନିକ୍ଷି ମୀରୁ ଇ ବାରେ ଉଜେଏତି ପେଣକା ବମାୟାଟି ହେକ ଆହାନା ଜୀଝୁଗାଟି ମାହାପୁରୁ ତାଣା ଝେଣ୍ଡା ଝାଦେରି, ଏଞ୍ଜାସି ହାଗୁପାକା ଦାରୁଡି, ସାମ୍‌ଦୁରି ଅଡ଼େ ଏମ୍ପାଆଁ ମାନି ବାରେତି ରାଡ଼ି କିହାମାନେସି;

୧୬ ମାହାପୁରୁ ତଲିଏ ବାରେ ଲକୁଣି ତାମି ମନତଲେ ଡ଼ୟାଲି ପିସାମାଚେସି □

୧୭ ସାମା ଏଞ୍ଜାସି ବାରେ ନେହୁଁ କାମାଟି ଏଞ୍ଜାସି କାଲେଏ ତାନି ଗୁଣୁଡି ତସାମାନେସି; ଏଞ୍ଜାସି ହାଗୁଟି ପିୟୁ ଅଡ଼େ ସମାନା ବେଲାତା ଆନା ହିୟାନାସି, କାଦି ଅଡ଼େ ମୀ ହିୟାତା ରାହାଁ ହିୟାନାସି □”

୧୮ ଇ ବାରେ କାତା ଝେସାନା ପାଣ୍ଡୁ ଆହାମାନାରି ଲକୁ ମାନ୍ଦାତି ହାରେକା କସ୍ତଲେ ତାମଙ୍ଗେ ତାକି ପୂଜା କିହାଲି କାହି କିହାଲି ଆଡ଼ିତେରି □

୧୯ ସାମା ପିସିଦିୟାତି ଆନ୍ତିୟକିୟା ଅଡ଼େ ଇକନିୟତି ଏଚେକା ଜୀହୁଦି ଏମ୍ପାଆଁ ଝାଡ଼େରି, ଏଞ୍ଜାରି ଲକୁ ମାନ୍ଦାତି ତାମି ଝାକି କିହାନା ପାଝୁଲକ୍ଷି ଝାଲକାତଲେ ଇରହାନା ଏଞ୍ଜାସି ହାହାହାଚେସି ଇଞ୍ଜି ଅଣପାନା ଗାଡ଼ାତି ପାଞ୍ଜାତା ରେଜା ଅଡ଼େରି □

୨୦ ସାମା ନାମିତି ସୀସୁୟା ସାରି ଝାକିତି ନିଗାମାଚାକି ଏଞ୍ଜାସି ନିଜାନା ଗାଡ଼ା ବିତ୍ରା ହାଚେସି, ଅର ନେହୁଁ ବର୍ନବା ତଲେ ଦବ୍‌ତା ହାଚେସି □

ସିରିୟାତି ଆନ୍ତିୟକିୟାତା ଝେଣ୍ଡାଞ୍ଜାନାୟି

* ୧୪:୧ ୧୪:୧ ସିନଗର୍

୨୧ ପାଞ୍ଚୁଲ ଅଡ଼େ ବର୍ନବା ଦର୍ତ୍ତା ନେହଁ କାରୁ ଖେସାହାଁ ହାରେକା ସୀସୁୟାଁ କିତି ତାୟୁ ଏଞ୍ଜାରି ଲୁଣ୍ଡା, ଇକନିୟ ଅଡ଼େ ପିସିଦିୟାତି ଆନ୍ତିୟକିୟାତା ଖେଣ୍ଡାହାରେରି □

୨୨ ଅଡ଼େ, ଏ ଗାୟୁତି ନାମିତି ସୀସୁୟାଁ ମନତି ସୁସ୍ତି କିହାନା ନାମୁତା ଗାତିକିହଁ ଆଡ଼ଞ୍ଜା ତଲେ ଡ଼ୟାଲି ବାର୍ସୁ ହୀହାନା ଏଲେଇଚେରି, “ମାହାପୁରୁ ରାଜିତା ହଡ଼ାଲି ତାକି ହାରେକା କସ୍ତ ପାଣ୍ଡନାୟି ମାନେ □”

୨୩ ଅଡ଼େ, ବାରେ କୁଲମିତା ଏଞ୍ଜାରି ପ୍ରାଚିନାଙ୍ଗାଣି ଆଚାନା ଉପାସା ତଲେ ପ୍ରାଚାନା କିଚେରି, ଅଡ଼େ ଆମିନି ପ୍ରବୁ ତାଣା ନାମା ମାଚେରି, ଏଞ୍ଜାଣି କେୟୁତା ଏଞ୍ଜାରାଇଁ ହେରପିଚେରି □

୨୪ ତାୟୁ ଏଞ୍ଜାରି ପିସିଦିୟା ନାସ୍କାଟି ପଂପୁଲିୟାତା ଖାଚେରି,

୨୫ ଅଡ଼େ ପଗର୍ତା ନେହଁ କାରୁ ଖେସାନା ଆତାଲିୟାତା ହାଚେରି □

୨୬ ଏମ୍ବାଟି ଏଞ୍ଜାରି ଜାଜାତା ହଚାନା ଆନ୍ତିୟକିୟାତା ହାଚେରି; ଏଞ୍ଜାରି ଆମିନି କାମା କିହାମାଚେରି, ଏଡ଼ାଆଁ କିହାଲି ମାହାପୁରୁତି କାର୍ମାତା ହେରପି ଆହାନା ଏମ୍ବାଟି ହାଚେରି □

୨୭ ଏଚିବେଲା ଏଞ୍ଜାରି ଆନ୍ତିୟକିୟାତା ଏଗାହାଜାନା କୁଲମିତି ଲକୁଣି କୃଡ଼ି କିଚେରି; ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା କିହାମାଟି କାମାତାକି, ଅଡ଼େ ଜୀହୁଦିଆଆତି ଲକୁ ନାମାଲି ଦୁଖେରି ଦେଚାମାଚାଣି ବାରେ ଏଞ୍ଜାରାଇଁ ଖେସ୍ତେରି □

୨୮ ଅଡ଼େ ଏଞ୍ଜାରି ନାମିତି ସୀସୁୟାଁ ତଲେ ହାରେକା ଦିନା ଡ଼ୟିଚେରି □

୧୫

ଜିରୁସାଲମତା ନାମିତାରି ବେରଣି କିନାୟି

୧ ଏମ୍ବାଟିଏ ଏଚରଜାଣା ଲକୁ ଜୀହୁଦା ରାଜିତି ଆନ୍ତିୟକିୟାତା ଖାହାନା ନାମିତି ତାୟିୟାଣି ଇ କାତା ଖେସିହଁ ଜାପୁହେରି, “ମସାତି ମେରା ଲେହେଁ ମୀ ତଲୁ ଦାପି ଆଆତିହଁ ମୀରୁ ଗେଲ୍ପିଆୟାଲି ଆଡ଼ଅଚେରି □”

୨ ଏମ୍ବାଟିଏ ପାଞ୍ଚୁଲ ବର୍ନବା ତଲେ ହାରେକା ଆସ୍ପି ଆହାନା ବାଦିବାଡ଼ା ଆୟାଲିଏ ପାଞ୍ଚୁଲ, ବର୍ନବା ଅଡ଼େ ଆନ୍ତିୟକିୟାତି ଏଚରଜାଣା ତାୟିୟାଁ ଇ କାତା ଆସାନା ଜିରୁସାଲମତା ମାନି ପାଣ୍ଡୁଞ୍ଜି ଆଡ଼ାରି ଇଞ୍ଜା କୁଲମିତି ପ୍ରାଚିନାଙ୍ଗା ତାଣା ହାଲ୍ବେରି ଇଞ୍ଜାଁ ତାୟିୟାଁ ଡ଼ାରି କିଚେରି □

୩ ଏଚେଟିଏ କୁଲମି ଏଞ୍ଜାରାଇଁ ପାଣ୍ଡାଲି ଜିରୁ ତସ୍ତି ଜେଚ, ଏଞ୍ଜାରି ପୟିନିକିୟା ଅଡ଼େ ସମିରଣି ଖାକି ହାଜି ହାଜିହଁ ଜୀହୁଦିଆଆତି ଲକୁ ହିୟାଁ

ଖେଟ୍‌ହାମାଟି କାତା ଖେସିହଁ ବାରେ ତାୟିୟାଁଁଁ ହାରେକା ରାହାଁ କିଚେରି □

୪ ତାୟୁ ଏଞ୍ଜାରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜା, ପାଣ୍ଡୁଞ୍ଜି ଆଡ଼ାରି ଅଡ଼େ ପ୍ରାଚିନାଙ୍ଗା ଏଞ୍ଜାରାଇଁ ଆବିଚେରି, ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା ଆମିନି କାମା କିହାମାଚେରି, ଏ ବାରେ କାତା ଏଞ୍ଜାରାଇଁ ଖେସ୍ତେରି □

୫ ସାମା ପାରୁସିୟାଁ ଗଚିଟି ଏଚେକା ନାମୁଗାଚାରି ନିଚାନା ଏଲେଇଚେରି, “ନାମାମାନି ଜୀହୁଦିଆଆତାରି ତଲୁ ଦାପି କିନାୟିମାନେ, ଅଡ଼େ ମସାତି ମେରା ମାନଞ୍ଜି ଆୟାଲି ଏଞ୍ଜାରାଇଁ ହୁକୁମି ହୀନାୟି ମାନେ □”

୬ ତାୟୁ ଇ କାତା, କାତା ଆହାଲିତାକି ପାଣ୍ଡୁଞ୍ଜି ଆଡ଼ାରି ଅଡ଼େ ପ୍ରାଚିନାଙ୍ଗା ରୁଣ୍ଡା ଆଚେରି □

୭ ✨ହାରେକା ଜଲ୍‌କି ଆଡ଼ି ତାୟୁ ପିଚର ନିଙ୍ଗାନା ଏଞ୍ଜାରାଇଁ ଏଲେଇଚେସି, “ତାୟିୟାଁ ଅଡ଼େ ତାଜିସ୍ତା ମୀରୁ ପୁଞ୍ଜାମାଞ୍ଜେରି, ନା ଗୁଚିଟି ଜୀହୁଦିଆଆତାରି ନେହଁ କାରୁ ଖେଞ୍ଜାନା ନାମାପେରିଖା ଇଞ୍ଜାଁ ହାରେକା ଦିନା ନକେଏ ମାହାପୁରୁ ନାଙ୍ଗେ ଆଚାମାଞ୍ଜାଚେସି □

୮ ✨ବାରେ ଲକୁତି ହିୟାଁ ପୁନି ମାହାପୁରୁ ମାଙ୍ଗେ ଏନିକଁ ସୁଦୁଜୀଞ୍ଜୁ ହୀହାମାଞ୍ଜାନେସି, ଜୀହୁଦିଆଆତି ଲକୁକି ଜିକେଏ ଏଲେକିହଁ ହୀହାନା ଏଞ୍ଜାରି ତାକି ସାକି ହୀହାମାନେସି □

୯ ଅଡ଼େ ଏଞ୍ଜାସି, ମା ବିତ୍ରା ଅଡ଼େ ଏଞ୍ଜାରି ବିତ୍ରା ଏନି ପାରଡ଼ା ବାଟି କିହାମାଞ୍ଜଅସି; ଇଞ୍ଜା ନାମୁତଲେ ଏଞ୍ଜାସି ଏଞ୍ଜାରି ହିୟାଁ ସୁଦୁ କିହାମାନେସି □

୧୦ ଇଦାଆଁତାକି ଆମିନି ଜୁଖେଡ଼ି ମା ଆକୁ ଆବାୟାଁ ଅଡ଼େ ମାର ଡେକାଲି ଆଡ଼ାଆତାୟି, ଏ ଜୁଖେଡ଼ି ସୀସୁୟାଁ ବମିତା ଏକ୍‌ହାନା ମୀରୁ ଏନାଆଁତାକି ମାହାପୁରୁଇଁ ତାୟିପାରି କିହିମାଞ୍ଜେରି ?

୧୧ ଇଦି ନେହେଁ ଆଏ, ସାମା ଏଞ୍ଜାରି ଏନିକିହଁ ନାମାହାଁ ଗେଲ୍ପି ଆହାମାନେରି ମାରୁ ଜିକେଏ ଏଲେକିହଁଏ ନାମାହାଁ ପ୍ରବୁ ଜୀସୁତି କାର୍ମାମେହନାଣି ତଲେ ଗେଲ୍ପି ଆହାମାନାୟି □”

୧୨ ଏଚେଟିଏ ଏମ୍ବାଆଁ ରୁଣ୍ଡା ଆହାମାଚାରି ବାରେ ଲକୁ ପାଲେଏ ଆଚେରି, ଇଞ୍ଜା ପାଞ୍ଚୁଲ ଅଡ଼େ ବର୍ନବା ତାଣାଟି ଜୀହୁଦିଆଆତି ଲକୁତାଣା ମାହାପୁରୁ ତାଣାଟି ଆହିମାନି ସିନାୟାଁ ଅଡ଼େ କାବାଆନି କାମାୟାଁ କିହାଁ ମାଚେସି ଏଞ୍ଜାଆଁ ଏଞ୍ଜାରି ତାଣାଟି ଖେଞ୍ଜାଲି ମାଟ୍‌ହେରି □

୧୩ ଏଞ୍ଜାରି କାତା ରାଡ଼ି ତାୟୁ ଜାକୁବ ନିଙ୍ଗାନା ଏଲେଇଚେସି; “ତାୟିୟାଁ ଅଡ଼େ ତାଜିସ୍ତା, ନା କାତା ଖେଞ୍ଜୁ,

✨ ୧୫:୨ ୧୫:୭ କାମା ୧୦:୧-୪୩ ✨ ୧୫:୮ ୧୫:୮ କାମା ୧୦:୪୪; ୨:୪

୧୪ ମାହାପୁରୁ ତଲିଏ ତାନି ଦରୁ ତାକି ଜୀହୁଦିଆଆତି ଲକୁ ବିତ୍ରାତି ତାନି ଲକୁ କିୟାଲି ଏଝାରାଇଁ କାର୍ମାମେସାନା ଆଚାମାନେସି ଇଞ୍ଜିଁ ସିମନ ଝେସାମାଞ୍ଜାନେସି □

୧୫ ଅଡ଼େ, ମାହାପୁରୁ ଅଶ୍ପୁତି ବଲୁ ଝେହନାରି କାତାତଲେ ଆଣ୍ଡିମାନେ, ଏନ୍ଦିକିଁ ଦାମ୍ବୁ ସାସ୍ତେରିତା ରାସ୍ତି ଆହାମାନେ □”

୧୬ ପ୍ରବୁ ଏଲେଇଞ୍ଜି ମାନେସି,
“ତାୟ ନାନୁ ଝେଣ୍ଡା ଝାହାନା, ଦାଝୁଦ ବାସାଚାୟ ଝେଣ୍ଡେ ଗେଲ୍ପିଇଁ,
ଇଞ୍ଜା ଏମ୍ବାତି ବିଡ଼ହାମାନି କାତିୟାଁ ବାରେ ଝେଣ୍ଡେ କେପାନା ଆଟ୍ଝା କିଇଁ,

୧୭ ଏନ୍ଦିକିଁ ଡୟାମାଟି କୃଡ଼ାତି ଲକୁ ଅଡ଼େ ଏଚେକା ଜୀହୁଦିଆଆତି ନା ଦରୁଟି ଝେଙ୍ଗାମାନେରି,
ଏଝାରି ବାରେ ପ୍ରବୁଇଁ ପାରିନେରି, ବାରେ ଗାଡ଼ିକିତି ପ୍ରବୁ ଏଲେ ଇଞ୍ଜିମାନେସି □

୧୮ ପ୍ରବୁ ଇ କାତା ଏଲେଇଞ୍ଜା ମାନେସି, ଆମ୍ବାଆସି ତଲି କାଲାଟିଏ ଇ କାତା ତସାମାନେସି □”

୧୯ ଜାକୁବ ଅଡ଼େ ଜିକେଏ ଏଲେଇଚେସି,
“ନା ଅଶ୍ପୁ ଇଦି, ଜୀହୁଦିଆଆତି ଲକୁ ବିତ୍ରାତି ଆମ୍ବାଆରି ମାହାପୁରୁ ଝାକି ଝେଣ୍ଡା ଝାନେରି, ଏଝାରାକି ମାର ବଲୁ ହାଆପ;

୨୦ ସାମା ଏଝାରାକି ଇଲେକିଁ ଆକୁ ରାଚାନା ଝେହନ, ପେଣକା ବମାୟାଁ ତାକି ପୂଜା କିହାମାନି ଲାଗେଏତାଣି ତିନାଆଦୁ; ଦାରିକାମାଟି ଏଚ୍ଚକା ଆଦୁ; ହେରକି ଦାଆନା ପାୟିତି ଜଡ଼ତି ଉଙ୍ଗା ଅଡ଼େ ନେତେରି ତିନାଆଦୁ □

୨୧ ଏନାଆଁତାକି ଇଚିହଁ ତଲି କାଲାଟିଏ ବାରେ ଗାଡ଼ାଣା ମସା ମେରାତି କାତା ଝେକନାରି ମାନେରି, ଇଞ୍ଜା ବାରେ ଜମିନି ଦିନାତା ଜୀହୁଦି ଲକୁଡି କୁଟମି ଇଲକାଣା* ଏଝାଣି ମେରାତି କାତା ପଡ଼ଝି ଆହିମାନେ □”

ଜୀହୁଦିଆଆତି ନାମିତି ଲକୁତାକି ଆକୁ

୨୨ ଏଚିବେଲ୍ଲା ପାଣ୍ଡୁଝି ଆହାମାନାରି ଅଡ଼େ ପ୍ରାତିନାଙ୍ଗା ବାରେ କୁଲମି ତଲେ ତାନି ବିତ୍ରାତି ଲକୁଇଁ, ଇଚିହଁ ତାୟିୟାଁ ବିତ୍ରାତି ମାନିଗାଟି ବର୍ସବା, ଦରୁଗାଟି ଜୀହୁଦା ଇଞ୍ଜା ସିଲାଇଁ ଆଚାନା ପାଝୁଲ ଅଡ଼େ ବର୍ନବା ତଲେ, ଆନ୍ତ୍ରିୟକିୟାତା ପାଣ୍ଡୁଲି ତୀରି କିତେରି □

୨୩ ନାମିତାରି ତାଣାଟି ରାସ୍ତି ଆହାମାନି ଆକୁ ଏ ରିଆରି କେୟୁତା ପାଣ୍ଡୁତେରି □

“ମାୟୁ ପାଣ୍ଡୁଝି ଆଡ଼ାତମି ଅଡ଼େ ପ୍ରାତିନାଙ୍ଗା, ମୀ ତାୟିୟାଁତମି ମା ବାରେ ଜୀହୁଦିଆଆତି ତାୟିୟାଁ ଆମିନି ଗାଗାରି ଆନ୍ତ୍ରିୟକିୟା, ସିରିୟା ଅଡ଼େ କିଲିକିୟାତା ମାନେରି ଏଝାରାକି ଜହରା □

୨୪ ମାୟୁ ଝେଞ୍ଜାମାନମି, ମାୟୁ ଆମିନି ଲକୁଇଁ ଏନ୍ଦି ହୁକୁମି ହୀହାହିଲଅମି, ମା ତାଣାଟି ଏଲେତି ଏଚେକା ଲକୁ ମୀ ତାଣା ଝାହାନା ତାନି କାତାତଲେ ମୀ ମନତି ଏଚ୍ଚକା କିହାନା କିଲିବିଲି କିହାମାଞ୍ଜାନେରି;

୨୫ ଅଡ଼େ ମାୟୁ ରୁରେଜାଣା ରୁଣ୍ଡା ଆହାନା ରଣ୍ଡିଏ ହିୟାଁ ତଲେ ଏଚରଜାଣାଟି ଆଚାନା ମୀ ତାଣା ପାଣ୍ଡୁଲି ତୀରି କିହାମାନମି, ଏଝାରି ମା ଜୀହୁଡି ତଣେ ବର୍ନବା ଅଡ଼େ ପାଝୁଲ ତଲେ ହାନେରି □

୨୬ ଏଝାରି ଇଲେତି ମାଣ୍ଡିସିୟାଁ ମା ପ୍ରବୁ ଜୀସୁ କ୍ରୀସ୍ତ ଦରୁ ତାକି ଜୀହୁ ତୁସାନା କାମା କିହାମାନେରି □

୨୭ ଏଦାଆଁତାକି ମାୟୁ ଜୀହୁଦା ଅଡ଼େ ସିଲାଇଁ ମୀ ତାଣା ପାଣ୍ଡିମାଞ୍ଜାନମି □ ମାୟୁ ଏନାଆଁ ରାଚାମାନମି, ଏଝାରି ମିଙ୍ଗେ ଝେସ୍ତାନେରି □

୨୮ ଏଚରଗଟା ଲଡ଼ାମାନି ମେରା ପିସ୍ପେ ମୀ ଲାକ ଅଡ଼େ ଏନ୍ଦି ବଲୁ ହେରପାଲି ମାୟୁ ସୁଦୁଜୀହୁଡି ହୁକୁମି ବେଟାଆହାମାନମି □

୨୯ ଏ ମେରାୟାଁ ଆହିମାୟୁ, ପେଣକା ବମାୟାଁକି ହେରପିଆହାମାନି ରାହା ତିନାଆଦୁ, ନେତେରି ତିନାଆଦୁ, ହେରକି ଦାଆନା ପାୟିଝି ଆହାମାନି ଜଡ଼ତି ଉଙ୍ଗା ତିନାଆଦୁ, ଦାରି କିଆଦୁ, ଇ ବାରେ କାମାଟି ହେକ ଆହାଲି ଜାଗ୍ରାତା ମାଚିହଁ ମିଙ୍ଗେ ନେହେଁ ଆନେ □ ନେହଁ କିଁ ମାଞ୍ଜୁ □”

୩୦ ଏଚେଟିଏ କାରୁ ଅନାରାଇଁ ପାଣ୍ଡୁଲିଏ ଆନ୍ତ୍ରିୟକିୟାତା ହାଚେରି, ଇଞ୍ଜା ବାରେ ନାମିତାରାଇଁ ରୁଣ୍ଡି କିହାନା ଏ ଆକୁ ହୀତେରି □

୩୧ ଏ ଲକୁ ବାରେ ଏଦାଆଁ ପଡ଼ଝି ଆହାନା ବାସ୍ତୁ ବେଟାଆହାନା ରାହାଁ ଆଡ଼େରି □

୩୨ ଜୀହୁଦା ଅଡ଼େ ସିଲା ତାୟୁ ଜିକେଏ ମାହାପୁରୁ ଅଶ୍ପୁତି ବଲୁ ଝେହନାରି ମାଚାକି ହାରେକା କାତାତଲେ ତାୟିୟାଁଇଁ ବାସ୍ତୁ ହୀହାନା ସୂସ୍ତି କିତେରି □

୩୩ ଅଡ଼େ, ଏଝାରି ଏମ୍ବାଆଁ ଏଚରଦିନା ମାଟି ତାୟୁ ଏଝାରାଇଁ ପାଣ୍ଡୁମାଟି ଲକୁତାଣା ଝେଣ୍ଡାହାଜାଲି ତାୟିୟାଁ ତାଣାଟି ହେଲ ବେଟାଆହାନା ହିଡ଼ି ଜୀହୁଡିଲେ ଝେଣ୍ଡା ହାଚେରି □

୩୪ ସାମା ସିଲା ଏମ୍ବାଆଁ ଡୟାଲି ତୀରି କିହାମାଚେସି† □

୩୫ ପାଝୁଲ ଅଡ଼େ ବର୍ନବା ଆନ୍ତ୍ରିୟକିୟାତା ମାଞ୍ଜାନା ଏଚ୍ଚକାଟି ଏଚେକା ଲକୁତାଣା ଜିକେଏ ପ୍ରବୁଡି ନେହଁ ବଲୁ ଜାପୁହାନା ଝେକ୍‌ହାଲି ମାଟ୍‌ହେରି □

ପାଝୁଲ ଅଡ଼େ ବର୍ନବା ଏଚ୍ଚକା ଆନାୟି

* ୧୫:୨୧ ୧୫:୨୧ ସିନଗଗ † ୧୫:୩୪ ୧୫:୩୪ ଇ କାତା ପ୍ଲାଝଇ ପତିତା ହିଲେଏ □

୩୬ ଏଚରଦିନା ହାଜାଲିଏ ପାଞ୍ଚୁଲ ବର୍ନବାଇଁ ଏଲେଇଚେସି, “ଖାମ୍ବୁ, ମାର ପ୍ରବୁତି ବଲୁ ଖେକ୍‌ହାମାନି ବାରେ ଗାଡ଼ାୟାଣା ଖେଣ୍ଡା ହାଜାନା, ତାୟିୟା ନୀଏ ଏନିଆହୁଁ ମାନେରି ଇଞ୍ଜି ବେଚିହାନ □”

୩୭ ଏଚେଟିଏ ଜହନ ଇନି ମାର୍କଇଁ ଜିକେଏ ତାନିତଲେ ଅୟାଲି ବର୍ନବା ଅଣ୍ପିମାଚେସି □

୩୮ ଯାମା ଏଞ୍ଜାସି ଏଞ୍ଜାରାଇଁ ପିସାନା ପଂପୁଲିୟାଟି ଖେଣ୍ଡାହାଚାସି ଅଡ଼େ କାମା ରାନି ପାତେକା ଏଞ୍ଜାରିତଲେ ମାନାଆତାକି ତାନିତଲେ ଅୟାଲି ପାଞ୍ଚୁଲ କୂତେସି □

୩୯ ଏମ୍ବାଟିଏ ଏଞ୍ଜାରି ହାଚେରକା ବାଦିବାଡ଼ା ଆୟାଲିଏ ତାମ୍ବୁଏଚକା ଆଚେରି, ଇଞ୍ଜା ବର୍ନବା ଜହନ ମାର୍କଇଁ ତାନିତଲେ ଅହୁଁ ଜାଜାତା ହଚାନା କୁପ୍ରତା ହାଚେରି,

୪୦ ସାମା ପାଞ୍ଚୁଲ ସିଲାଇଁ ଆଚାନା ତାୟିୟା ତାଣାଟି ପ୍ରବୁତି କାର୍ମାତଲେ ହେରପି ଆହାନା ହାଚେରି,

୪୧ ଅଡ଼େ ଏଞ୍ଜାସି ସିରିୟା ଅଡ଼େ କିଲିକିୟାଟି ହାଜାହାଁ ବାରେ କୁଲମିକାଣି ନାମୁତା ଆଚ୍‌ଞ୍ଜା କିତେସି □

୧୭

ପାଞ୍ଚୁଲ ଅଡ଼େ ସିଲା ତଲେ ତିମତି ହାନାୟି

୧ ତାୟିୟା ପାଞ୍ଚୁଲ ଦବ୍ ଅଡ଼େ ଲୁସ୍ତାତା ହାଚେସି, ଏମ୍ବାଆଁ ତିମତି ଦରୁଗାଚାସି ର ସାସୁ ମାଚେସି, ଏଞ୍ଜାସି ର ନାନିତି ଜାହୁଦି କ୍ରୀସ୍ତାନା ଇୟାନି ମାର୍‌ଏସି ମାଚେସି, ସାମା ତାନି ଆବା ର ଗ୍ରିକ୍ ଲକୁ □

୨ ଲୁସ୍ତା ଅଡ଼େ ଇକନିୟତା ମାନି ବାରେ ନାନିତି ତାୟିୟା ଏଞ୍ଜାଣାଇଁ ନେହାଁସି ଇଞ୍ଜି ଏଲେଇଚେରି □

୩ ପାଞ୍ଚୁଲ ତାନିତଲେ ତିମତିଇଁ ଅହାଲି ଅଣ୍ପିତେସି, ଅଡ଼େ ଏ ନାସ୍କାଣାଁ ମାନି ଜାହୁଦି ଲକୁତାକି ଏଞ୍ଜାଣି ତଲୁ ଦାପିକିତେସି; ଇଚିହୁଁ ତାନି ଆବା ଗ୍ରିକ୍ ଲକୁ ଇଞ୍ଜି ବାରେ ପୁଞ୍ଜାମାଚେରି □

୪ ଇଞ୍ଜା ଏଞ୍ଜାରି ଗାଡ଼ାୟାଟି ହାଜି ହାଜିହୁଁ ଜିରୁସାଲମତି ପାଣ୍ଡୁଞ୍ଜି ଆଚାରି ଅଡ଼େ ପ୍ରାଚିନାଙ୍ଗା ତାଣାଟି କିଞ୍ଜି ଆହାମାନି ମେରା ମାନିଞ୍ଜି ଆହାଲି ଏଞ୍ଜାରିତାଣା ହେରପି ମାଚେସି □

୫ ଏଲେକିହୁଁ କୁଲମିକା ବାରେ ନାମୁତା ଆଚ୍‌ଞ୍ଜା ଆହାନା ଦିନାତାକି ଦିନା ପାତା ଆତୁ □

ତୁୟାତା ପାଞ୍ଚୁଲ ହାପାନା ହେଣ୍ଡନାୟି

୬ ଏଞ୍ଜାରି ଆସିୟାତା ମାହାପୁରୁ କାତା ଖେସାଲି ସୁଦୁଜୀଞ୍ଜୁ କାହି କିୟାଲିଏ, ଏଞ୍ଜାରି ପୁଗିୟା ଅଡ଼େ ଗାଲାତିୟ ରାଜି ମାଦିଟି ରେଜିହୁଁ ହାଚେରି □

୭ ଅଡ଼େ, ଏଞ୍ଜାରି ମୁସିଆ ରାଜି ତାଗେ ଏଗାହାଜାନା ବେତନିୟାତା ହାଜାଲିତାକି ଅଣ୍ପିତେରି, ସାମା ଜାସୁତ ଜୀଞ୍ଜୁ ଏଞ୍ଜାରାଇଁ ହାଜାଲି ହେଲ ହାଆତେ □

୮ ଏଞ୍ଜାରି ମୁସିଆ ମାଦିଟି ହାଜାନା ତୁୟାତା ଖାଚେରି □

୯ ଅଡ଼େ ଲାଆଁ ବେଲାତା ପାଞ୍ଚୁଲ ର ସେୟାଣା ହାପାନା ହେଚେସି, ମାକିଦନିୟାତି ର ଲକୁ ନିଚାନା ଏଞ୍ଜାଣାଇଁ ବାତିମାଲିହୁଁ ଏଲେଇଚେସି, “ମାଙ୍ଗେ ସାୟେମି କିୟାଲି ମାକିଦନିୟାତା ଗାଣ୍ଡା ଖାମ୍ବୁ □”

୧୦ ଏଞ୍ଜାସି ସେୟାଣା ହାପାନାତା ମେସାଲିଏ ମାମ୍ବୁ ଦେବୁଣିଏ ମାକିଦନିୟାତା ହାଜାଲି ତିୟାରା ଆଡ଼ମି, ଇଚିହୁଁ ଏଞ୍ଜାରିତାଣା ନେହୁଁ କାରୁ ଖେସାଲି ତାକି ମାହାପୁରୁ ମାଙ୍ଗେ ହାଚାମାଞ୍ଜାନେସି ଇଞ୍ଜି ମାମ୍ବୁପୁଚମି □

ଲୁଦିୟା ମନ ଖେଚ୍‌ନାୟି

୧୧ ଏଚେଟିଏ ମାମ୍ବୁତୁୟାଟି ଜାଜାତା ହଚାନା ତିୟିତି ଜିରୁଟି ହାଜାନା ସାମତ୍ରାକିତା ଅଡ଼େ ଅର ନେରୁ ନୟାପଲିତା ଏଗାହାଚମି □

୧୨ ଏମ୍ବାଟିଏ ପିଲିପିତା ହାଚମି, ଇଦି ମାକିଦନିୟା ଜିଲାତି ର କାଜା ଗାଡ଼ା, ଇଞ୍ଜା ରମ୍ ଦେସାତାରି ତୁୟିନି ଟାୟୁ ମାଚେ; ଏ ଗାଡ଼ାତା ମାମ୍ବୁ ଏଚରଦିନା ମାଚମି □

୧୩ ଜମିନି ଦିନାତା ମାମ୍ବୁ ଗାଡ଼ାଟି ହଚାନା କାତା ତାଗେ ହାଚମି, ଏମ୍ବାଆଁ ପ୍ରାତାନା କିନି ଟାୟୁ ମାନେ ଇଞ୍ଜି ଅଣ୍ପାମାଚମି, ଅଡ଼େ ମାମ୍ବୁ କୁଗାନା ରୁଣ୍ଡା ଆହାମାଟି ଇୟାସିକା ତଲେ କାତା ଆଚମି □

୧୪ ଅଡ଼େ, ତୁୟାତିରା ଗାଡ଼ାଟି ହେୟାଁ ଖାଣା ହିମ୍ବୁରିକା ପାର୍‌ନି ଲୁଦିୟା ଦରୁଗାଟି ର ଇୟା ମା କାତା ଖେଞ୍ଜିମାଚେ, ଏଦି ମାହାପୁରୁ ସେବା କିନାୟି, ଏଦି ଏନିକ୍ ପାଞ୍ଚୁଲତି କାତାଟି ମନ ହାନେ ଏଦାଆଁତାକି ପ୍ରବୁ ଏଦାନି ହିୟାଁ ଦେଚାମାଚେସି □

୧୫ ଅଡ଼େ ଏଦି ଇଞ୍ଜା ତାନି କୁଚମି ବାପ୍ରିସ୍ତ* ଅଡ଼ି ତାୟୁ ମାଙ୍ଗେ ବାତିମାଲିହୁଁ ଏଲେଇଞ୍ଜାତେ, “ମୀରୁ ନାଙ୍ଗେ ପ୍ରବୁ ତାଣା ନାମୁଗାଚାୟି ଇଞ୍ଜି ଅଣ୍ପିମାଚିହୁଁ, ନା ଇଜ ଖାହାନା ବାସା ଆଦୁ,” ଇଞ୍ଜି ବାଲାମାଚମି କିହାଁ ହାଚା ଅୟାତେ □

ପିଲିପିତି କାୟିଦି ଇଲୁତା ପାଞ୍ଚୁଲ ଅଡ଼େ ସିଲା

୧୬ ର ଦିନା ମାମ୍ବୁ ପ୍ରାତାନା ଟାୟୁତା ହାନିବେଲାତା ର ହଲେଣି ପଦାଇଁ ବେଚାଆଡ଼ମି ଏଦି ପଲ୍‌ଆ ପେନୁ ଆଲ୍‌ଗାନା ତାୟୁ ଆନି କାତାୟାଁ ଖେସାଲି ଆଡ଼ିମାଚେ □ ତାୟୁ ଆନି କାତାୟାଁ

☆ ୧୫:୩୮ ୧୫:୩୮ କାମା ୧୩:୧୩ * ୧୭:୧୫ ୧୭:୧୫ ମୁଞ୍ଜନାୟି

ଝେସାନା ତାନି ସାଞ୍ଜୁକାରିକି ହାରେକା ତାବୁୟାଁ କୁଡ଼ି କିହିମାତେ □

୧୭ ଏଡ଼ି ପାଞ୍ଜୁଲ ଅଡ଼େ ମା ଜେଚ ଜେଚ ଖାହାନା କିରଡ଼ିହିଁ ଏଲେଇଞ୍ଜାଲି ମାଟ୍‌ହେ, “ଇ ଲକୁ ବାରେକିହାଁ କାଜା ମାହାପୁରୁତି ହଲିୟାଙ୍ଗା, ଏଞ୍ଜାରି ମିଙ୍ଗେ ଗେଲ୍‌ପିଆନ୍ତି ଜିରୁଡ଼ି ଝେକ୍‌ହି ମାଞ୍ଜାନେରି □”

୧୮ ଏଡ଼ି ହାରେକା ଦିନା ପାତେକା ଏଲେକିୟାତେ, ସାମା ପାଞ୍ଜୁଲ କପା ଆହାନା ଝେଣ୍ଡେ ସିନିକିହାନା ଏ ବୁଡୁଇଁ ଏଲେଇଚେସି, “ଏଦାନି ତାଣାଟି ହଚା ହାଜାଲି ନାନୁ ନିଙ୍ଗେ ଜୀସୁ ଜୀସୁ ଦରୁତଲେ ହୁକୁମି ହାହିମାଞ୍ଜାଇଁ,” ଏ ଦେବୁଣିଏ ଏଡ଼ି ହଚାହାତେ □

୧୯ ସାମା ଏଦାନି ସାଞ୍ଜୁକାରିୟାଁ ତାନି ଲାବା ପାଣ୍ଡନି ଆସା ହାଚେ, ଇଞ୍ଜିଁ ପୁଞ୍ଜାନା ପାଞ୍ଜୁଲ ଅଡ଼େ ସିଲାଇଁ ଦସାନା ବେରଣିମାଣ୍ଡାତା ସାଲଞ୍ଜି କିନାରି ତାଣା ରେଜା ଅଡ଼େରି □

୨୦ ଅଡ଼େ, ଏଞ୍ଜାରି ରମିୟ ସାଲଞ୍ଜି କିନାରି ତାଣା ତାଚାନା ଏଲେଇଚେରି, “ଇଞ୍ଜାରି ଜୀହୁଦି ଲକୁ ମା ଗାଡ଼ାତା ଗଡ଼ହା କିହିମାନେରି □

୨୧ ମାର ରମିୟ ଲକୁଡ଼ି ମେରା ପାଣାପାଟୁ ଆବାଲି କି ମାନଞ୍ଜି ଆହାଲି ମେରା ହିଲେଏ, ଏଦାଆଁ ଇଞ୍ଜାରି ଝେସିମାନେରି □”

୨୨ ଏମ୍ବାଟିଏ ବାରେ ଲକୁ ପାଞ୍ଜୁଲ ଅଡ଼େ ସିଲା କପାଟି ନିଙ୍ଗିତେରି □ ଅଡ଼େ ନୀହାଁୟି କିନାରି ପାଞ୍ଜୁଲ ଅଡ଼େ ସିଲା ହିମ୍ବରକା ହୁକ୍‌ହାନା ଏଞ୍ଜାରିଇଁ ବାଡ଼ଗା ତଲେ ଝେଚାଲି ହୁକୁମି ହୀତେରି □

୨୩ ଏଞ୍ଜାରି ଏଞ୍ଜାରିଇଁ ହାରେକା ଝେଡ଼ି ତାୟୁ କାୟିଦି ଇଲୁତା ଇଚିତେରି, ଇଞ୍ଜାଁ ଏଞ୍ଜାରିଇଁ ଜାଗାତା କିହିଁ କାପୁ କାଚାଲି କାୟିଦି ଇଲୁଡ଼ି କାଞ୍ଜିଆନାଣାଇଁ ହୁକୁମି ହୀତେରି □

୨୪ କାୟିଦି କାଞ୍ଜିଆନାସି ଇଲେଡ଼ି ହୁକୁମି ବେଟାଆହାନା ଏଞ୍ଜାରିଇଁ କାୟିଦି ଇଲୁଡ଼ି ବାରେକିହାଁ ବିଡ଼ାଡ଼ି ବାକ୍ରାତା ମେଡ଼ହାନା ଏଞ୍ଜାରି କତାଣା ବଜୁଗାଟି ମାରନୁ କୁଡୁଲିକା ଦସା ପିସ୍ତେସି □

୨୫ ସାମା ମାଦି ଲାଆଁୟାଁ ପାଞ୍ଜୁଲ ଅଡ଼େ ସିଲା ମାହାପୁରୁ ତାଣା ପ୍ରାତାନା ଅଡ଼େ ଜହରା ପାରୁ ପାଟିମାଚେରି, ଇଞ୍ଜାଁ ଏଞ୍ଜାରିତଲେ କାୟିଦି ଇଲୁତା ମାଚାରି ବାରେ ଝେଞ୍ଜିମାଚେରି □

୨୬ ଏଚିବେଲାତା ଦେବୁଣିଏ ବୁମି ଖାଡ଼ିତେ, ଇଞ୍ଜାଁ କାୟିଦି ଇଲୁଡ଼ି ପୁନାଦି ଜିକେଏ ଖାଡ଼ାଲିଏ ବାରେ ଦୁଝେରିକା ଦେପି ଆହାହାରୁ, ଇଞ୍ଜାଁ ବାରେଜାଣାଟି ଦସାମାଟି ହିକ୍‌ଣିୟାଁ ହୁଙ୍ଗାହାରୁ □

୨୭ ଏଚେଟିଏ କାୟିଦି ଇଲୁ କାଞ୍ଜିଆନାସି ଇଦାଟି ନିଙ୍ଗାନା, ଦାରାୟାଁ ଦେପିଆହାମାନାଣି ମେସାନା,

କାୟିଦିତାରି ହଣ୍ଡି ଆଡ଼େରି ଇଞ୍ଜିଁ ଅଣ୍‌ପାନା, କାଣ୍ଡା ହପ୍‌ହାନା ଗୁକ୍‌ହା କଡ଼ିମାଚେସି □

୨୮ ସାମା ପାଞ୍ଜୁଲ କାଜା ଗିୟାତଲେ ହାଟାନା ଏଲେଇଚେସି, “ନୀନୁ ନିଙ୍ଗେ ନାସା କିହା କତାଆନି, ଏନାଆଁତାକି ଇଚିହିଁ ମାମ୍ବୁ ବାରେତମି ଇମ୍ବାଆଁ ମାନମି □”

୨୯ କାୟିଦି ଇଲୁ କାଞ୍ଜିଆନାସି ଦୀଞ୍ଜିଁ ତାଚାଲି ଏଲେଇଚେସି, ତବେ ବିଡ଼ା ହାଚେସି ଇଞ୍ଜାଁ ତୀରୁଗି ତୀରୁଗିହିଁ ପାଞ୍ଜୁଲ ଅଡ଼େ ସିଲା କତାୟାଁ ଡ଼ଇ ରୀତେସି □

୩୦ ଅଡ଼େ ଏଞ୍ଜାରିଇଁ ପାଙ୍ଗାତା ତାଚାନା ଏଲେଇଚେସି, “ବାବୁୟାଁ ଗେଲ୍‌ପିଆୟାଲି ନାନୁ ଏନାଆଁ କିଇଁ ?”

୩୧ ଏଞ୍ଜାରି ଏଲେଇଚେରି, “ପ୍ରବୁ ଜୀସୁ ତାଣା ନାମାଦୁ, ଆଡ଼ିହିଁ ନୀନୁ ଅଡ଼େ ନୀ ଇଲୁ କୁଟମି ବାରେ ଗେଲ୍‌ପି ଆଦେରି □”

୩୨ ତାୟୁ ଏଞ୍ଜାରି ଏଞ୍ଜାରିଇଁ ଅଡ଼େ ଏଞ୍ଜାରି ଇଜ ମାଟି ବାରେ ଲକୁଣି ମାହାପୁରୁଡ଼ି ବଲୁ ଝେସ୍ତେରି □

୩୩ ଅଡ଼େ, ଏ କାୟିଦି ଇଲୁ କାଞ୍ଜିଆନାସି ଏଞ୍ଜାରିଇଁ ଏ ଲାଆଁୟାଁ ବେଲାତା ଅହାନା ଏଞ୍ଜାରି ଗାହାଁୟାଁ ନରହେସି, ଇଞ୍ଜାଁ ଏଞ୍ଜାସି ଅଡ଼େ ଏଞ୍ଜାରି ଇଲୁ କୁଟମି ବାରେ ଏ ଦେବୁଣିଏ ବାପ୍ତିସ୍ତା ଅଡ଼େରି □

୩୪ ଏଚେଟିଏ ଏଞ୍ଜାସି ଏଞ୍ଜାରିଇଁ ତାନି ଇଜ ଅହାନା ତିଞ୍ଜାଲି ରାନ୍ଦା ବାଟିକିହାଁ ହୀତେସି, ଅଡ଼େ ବାରେ କୁଟମି ମାହାପୁରୁ ତାଣା ନାମାନା ହାରେକା ରାହାଁ ଆଡ଼େରି □

୩୫ ଲାଇଁ ଝେୟାଲିଏ ରମିୟ ଲକୁଡ଼ି କାଜାରି ରିଜାରି କସକାଣି ଇଲେଇଞ୍ଜିଁ ଝେସା ପାଣ୍ଡିତେରି, “ଏ ଲକୁଣି ପିସାଡୁହ୍‌ଦୁ □”

୩୬ ଏଚେଟିଏ କାୟିଦି ଇଲୁ କାଞ୍ଜିଆନାସି ପାଞ୍ଜୁଲଇଁ ଇ କାତା ଝେସ୍ତେସି, “ନୀହାଁୟି କିନାରି ନିଙ୍ଗେ ଅଡ଼େ ସିଲାଇଁ ପିସାଲି କାରୁ ପାଣ୍ଡା ମାଞ୍ଜାନେରି, ଇଞ୍ଜାଁ ନୀଏଁ ହଚାଖାହାନା ହିଡ଼ଡ଼ି ତଲେ ହାଡୁ □”

୩୭ ସାମା ପାଞ୍ଜୁଲ କସକାଣି ଏଲେଇଚେସି, “ମାମ୍ବୁ ରମିୟ ଦେସାଡ଼ି ଲକୁଡ଼ମି, ମାଙ୍ଗେ ନୀହାଁୟି କିଆନା ଝେଡ଼ାଡ଼ି ତାୟୁ କାୟିଦି ଇଲୁତା ସୁଣ୍ଡାତେରି, ଅଡ଼େ ନୀଏଁ ଡ଼କୁହାନା ପିସିମାଞ୍ଜାନେରି, ଏଡ଼ି ମିଣ୍‌ଏ, ସାମା ଏଞ୍ଜାରି ତାମ୍ବୁ ଖାହାନା ମାଙ୍ଗେ ପାଙ୍ଗାତା ଅୟାପେରି □”

୩୮ ଏଚେଟିଏ କସକା ହାଜାନା ନୀହାଁୟି କିନାରାଇଁ ବାରେ କାତା ଝେସ୍ତେରି, ଇଞ୍ଜାଁ ଇଞ୍ଜାରି ରମିୟ ଲକୁ ଇଞ୍ଜିଁ ପୁଞ୍ଜାନା ଆଜିତେରି,

୩୯ ଏମ୍ବାଟିଏ ଏଞ୍ଜାରି ଖାହାନା ମାମ୍ବୁ ପୁନାଆନା ଏଲେକିଡ଼ମି ଇଞ୍ଜିଁ ବାଡ଼ିମାଲିହିଁ ଏଞ୍ଜାରିଇଁ

† ୧୭:୩୩ ୧୭:୩୩ମୁଞ୍ଜିନାହି

ପାଞ୍ଚାତା ହପ୍ତହା ତାଚାନା, ଗାଡ଼ା ପସାନା ହାଜାଲି ବାତିମାଲିତେରି □

୪୦ ଏଚେଟିଏ ପାଞ୍ଚୁଲ ଅଡ଼େ ସିଲା କାୟିଦି ଇଲୁଟି ହଚାନା ଲୁଦିୟା ଇଜ ହାଚେରି, ଅଡ଼େ ତାୟିୟା ତଲେ ଆଣ୍ଡାନା ଏଞ୍ଜାରାଇଁ ବାସୁ ହାହାନା ହାଜାତୁସ୍ତେରି □

୧୭

ତେସଲନିକିତା କାମା

୧ ତାୟୁ ଏଞ୍ଜାରି ଆପିପଲି ଅଡ଼େ ଆପଲନିୟା ହାହାନା ତେସଲନିକିତା ଖାଡ଼େରି; ଏମ୍ବାଆଁ ଜୀହୁଦି ଲକୁଡି ର ଜୀହୁଦି ଲକୁଡି କୁଟମି ଇଲୁ* ମାଚେ □

୨ ଅଡ଼େ, ପାଞ୍ଚୁଲ ତାନି ମେରା ଲେହେଁ ଜୀହୁଦି ଲକୁଡି କୁଟମି ଇଲୁତା† ହାଚେସି, ଇଞ୍ଜା ତାନିଗଟା ଜମିନି ଦିନା ପାତେକା ଦାମ୍ବୁ ପଡିତି କାତା ଆସାନା ଲକୁଡଲେ ଜଲ୍ଲକି ଆଡେସି,

୩ ଦାମ୍ବୁ ସାଡ଼େସ୍ତେରି ତେଲ୍ଲହି କିହାନା ଏ କାତା ଇଦି ଇଞ୍ଜା ଇଚେସି, ମସିହା ସାସ୍ତି ପାଣ୍ଡନାୟି ଅଡ଼େ ହାକିଟି ନିଞ୍ଜିନାୟି ଲଡ଼ାମାନେ □ ପାଞ୍ଚୁଲ ଏଲେଇଚେସି, “ଆମିନି ଜୀସୁତି କାତା ଖେସିମାଞ୍ଜାଇଁ, ଏଞ୍ଜାସି ଏ ମସିହା □”

୪ ଏମ୍ବାଟିଏ ଏଞ୍ଜାରି ବିତ୍ରାଟି ଏଚରଜାଣା ନାମାହାଁ ପାଞ୍ଚୁଲ ଅଡ଼େ ସିଲା କାତାତା ଆଣ୍ଡିତେରି; ଅଡ଼େ, ଜୀହୁଦି ଦାମ୍ବୁ ନାମାମାନି ଗ୍ରିକ୍ ଲକୁ ବିତ୍ରାଟି ହାଚେକା ଲକୁ ଅଡ଼େ ମାନିଗାଟି ହାଚେକା ଇୟାସିକା ବିତ୍ରାଟି ଏଞ୍ଜାରିତଲେ ମାହାପୁରୁ ସେବାତା ଆଣ୍ଡିତୁ □

୫ ସାମା ଜୀହୁଦିୟାଁ ତାହାରା ଆହାନା ଏଚେକା ଲାଗେଏତାରାଇଁ ପାହେରିତା କୁଡି କିତେରି, ଇଞ୍ଜା ଲକୁଣି ମାନ୍ଦା କିହାନା ଗାଡ଼ାତା ଗଡ଼ହା ହପ୍ତହେରି, ଇଞ୍ଜା ପାଞ୍ଚୁଲ ଅଡ଼େ ସିଲାଙ୍କ ସାଲ୍ଲୁଞ୍ଜି କିନାରି ନକିତା ହପ୍ତହାତାଚାଲି ଏଞ୍ଜାରି ହାଜାନା ଜାସନ ଇଲୁଡି ମୁଗାନା ପାରିତେରି □

୬ ସାମା ଏଞ୍ଜାରାଇଁ ବେଟାଆଆଲିଏ ଏଞ୍ଜାରି ଜାସନ ଅଡ଼େ ଏଚେକା ତାୟିୟାଙ୍କ ଗାଡ଼ାତି ସାଲ୍ଲୁଞ୍ଜି କିନାରି ନକିତା ରେଜା ତାଚାନା କାଜା ଗିୟାତଲେ କାଲ୍ଲୁଞ୍ଜି ଆହୁଁ ଏଲେଇଚେରି, “ଆମିନି ଲକୁ ଦାରୁଡିତି ଇତାଲା ଆତାଲା କିହିମାନେରି, ଏଞ୍ଜାରି ଇମ୍ବାଆଁ ଜିକେଏ ଖାହାମାନେରି;

୭ ଜାସନ ଏଞ୍ଜାରାଇଁ ଆବାମାନେସି, ଜୀସୁ ଦରୁଗାଟି ଅଡ଼େ ର ରାଜା ମାନେସି ଇଞ୍ଜା ଖେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନୁଞ୍ଜି କିହିଲିଲଅରି □”

୮ ଇ କାତା ଆସାନା ଲକୁ ଅଡ଼େ ସାଲ୍ଲୁଞ୍ଜି କିନାରି ବିତ୍ରା ହାଚେକା କାର୍ବି ଆଡେତରି ଅଡ଼େ ଗଡ଼ହା ଆଡେ □

୯ ତାୟୁ ସାଲ୍ଲୁଞ୍ଜି କିନାରି ଜାସନ ଅଡ଼େ ଏଚକା ଲକୁଣି ତାୟୁୟାଁ ରୀସାନା ଜାମ୍ଲି ତଲେ ଏଞ୍ଜାରାଇଁ ପସ୍ତେରି □

ବେରିୟାତା କାମା

୧୦ ଅଡ଼େ, ତାୟିୟାଁ ଖେଡ଼ାକିଆନା ପାଞ୍ଚୁଲ ଅଡ଼େ ସିଲାଙ୍କ ଲାଆଁ ବେଲାତା ବେରିୟାତା ପାଣ୍ଡିତେରି; ଏଞ୍ଜାରି ଏମ୍ବାଆଁ ଏଜାନା ଜୀହୁଦି ଲକୁଡି ଜୀହୁଦି ଲକୁଡି କୁଟମି ଇଲୁତା‡ ହାଚେରି □

୧୧ ତେସଲନିକିତା ମାନି ଜୀହୁଦି ଲକୁ କିହାଁ ଇଞ୍ଜାରି ସାତାପାଣା ଗାଟାରି ମାଚେରି, ଇଞ୍ଜାରି ହାଚେକା ରାହାତଲେ ମାହାପୁରୁ କାତା ଖେଚେରି, ଅଡ଼େ ପାଞ୍ଚୁଲ ଖେସ୍ତି କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ବୁ ପଡି ପଡ଼ୁଞ୍ଜି ଆହିମାଚେରି □

୧୨ ଇଦାଆଁତାକି ଏଞ୍ଜାରି ବିତ୍ରାଟି ହାଚେକା ଲକୁ ନାମିତେରି ଅଡ଼େ ଗ୍ରିକ୍ ଲକୁଡି କାଜାରି ବିତ୍ରାଟି ହାଚେକା ଇୟାସିକା ଅଡ଼େ ଆବାୟାଁ ଜିକେଏ ନାମିତେରି □

୧୩ ସାମା ଏଚିବେଲା ତେସଲନିକିତି ଜୀହୁଦିଜା ପୁଚେରି, କି ବେରିୟାତା ଜିକେଏ ପାଞ୍ଚୁଲ ତାଣ୍ଡାଟି ମାହାପୁରୁତି ବଲୁ ଖେସ୍ତି ଆହିମାନେ, ଏଚିବେଲା ଏଞ୍ଜାରି ଏମ୍ବାଆଁ ଜିକେଏ ଖାହାନା ଲକୁ ମାନ୍ଦାଟି ନିକ୍‌ହାନା ଗଡ଼ହା କିଞ୍ଜିକିତେରି □

୧୪ ଏଚେଟିଏ ତାୟିୟାଁ ଖେଡ଼ାକିଆନା ପାଞ୍ଚୁଲଙ୍କ ସାମଦୁରି ଖାକି ହାଜାଲି ପାଣ୍ଡିତେରି; ଇଞ୍ଜା ସିଲା ଅଡ଼େ ତିମତି ବେରିୟାତା ଡ଼ୟିତେରି □

୧୫ ସାମା ଆମ୍ବାଆରି ପାଞ୍ଚୁଲଙ୍କ ଇଚିହାଚାରି ଏଞ୍ଜାରି ଆତିନି ପାତେକା ହାଚେରି, ଇଞ୍ଜା ସିଲା ଅଡ଼େ ତିମତି ତବେ ନା ତାଣ୍ଡା ଖାପେରି ଇଞ୍ଜା ପାଞ୍ଚୁଲ ତାଣ୍ଡାଟି ହୁକୁମି ବେଟାଆହାନା ଏଞ୍ଜାରି ବେରିୟାତା ଖେଣ୍ଡେ ଖାଡ଼େରି □

ଆତିନିତା ପାଞ୍ଚୁଲତି ସେବା କାମା

୧୬ ଆତିନିତା ପାଞ୍ଚୁଲ, ସିଲା ଅଡ଼େ ତିମତିଙ୍କ କାଡ଼ିମାଚେସି, ଏଞ୍ଜାସି ଏ ଗାଡ଼ାତା ହାଚେକା ପେଣ୍ଡକା ବମାୟାଁ ମାନାଣି ମେସାନା ତାନି ଜୀସୁ ହାଚେକା ଖୀଡ଼ିତେ □

୧୭ ଏଦାଆଁତାକି ଏଞ୍ଜାସି ଜୀହୁଦି ଲକୁଡି କୁଟମି ଇଲୁତା‡ ଜୀହୁଦି ଲକୁଡଲେ ମାହାପୁରୁଙ୍କ ନାମାମାନି ଜୀହୁଦିଆଆତି ଲକୁଡଲେ ଇ କାତା ବାରେଦିନା ଖେକ୍‌ହେସି □ ଗାଡ଼ାତି ଜିରୁ ଗାଟାତା ହାଜି ଖାହିମାନି ଲକୁଡଲେ ଏ କାତାତି ଖେସ୍ତେସି □

୧୮ ଏଚରଜାଣା ଏପିକୁରିୟା ଇଞ୍ଜା ସ୍ତୟିକ୍ ଜାପୁନି ଗୁରକା ତଲେ ଏଞ୍ଜାରି ରୁଜୁବାଡ଼ି ଆଡେ □ ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଇ ବୁଦି ହିଲାଆ ହାଡ଼ାକାଣ୍ଡୁ ଏନାଆଁ ଖେସାଲି

* ୧୭:୧ ୧୭:୧ ସିନଗର୍ † ୧୭:୨ ୧୭:୨ ସିନଗର୍ ‡ ୧୭:୧୦ ୧୭:୧୦ ସିନଗର୍ § ୧୭:୧୭ ୧୭:୧୭ ସିନଗର୍

ଅଣ୍ଡପିମାନେସି ?” ଅଡ଼େ ଏଚରଜାଣା ଏଲେଇଚେରି, “ଏଝାସି ପୁନାଆତି ପେଣକାତି କାତା ଝେହ୍ନିଲେହେଁ ଝେସିମାନେସି;” ଇଚିହ୍ନି ଏଝାସି ଜୀମୁ ଅଡ଼େ ତାନି ଝେଣ୍ଡେ ନିଜିତି କାତାତି ନେହ୍ନି କାବୁ ଝେକ୍‌ହି ମାଚେସି □

୧୯ ଏଦାଆଁତାକି ଏଝାରି ପାଝୁଲଇଁ ଆରିୟପାଗ ଗାଡ଼ାତି ବେରଣି ନକିତା ତାଚେରି, “ନାନୁ ଆମିନି ପୁଝନି କାତା ଜାପୁହିମାଞ୍ଜି ଏଡ଼ି ଏନାୟି ଇଞ୍ଜିଁ ମାମୁ ପୁଞ୍ଜାଲି ଆଡ଼ିନମି କି ?

୨୦ ଇଚିହ୍ନିଁ ନାନୁ ଏଚେକା କାବାଆନି କାତା ମାଙ୍ଗେ ଝେଣ୍ଡି କିହିମାଞ୍ଜାଦି; ଇ ବାରେ କାତା ଏନାୟି ଏଦାଆଁ ମାମୁ ପୁଞ୍ଜାଲି ଅଣ୍ଡପିମାନମି □”

୨୧ ଆତିନି ଗାଡ଼ାତି ଲକୁ ଅଡ଼େ ଏମାଆଁ ବାସାଆହାମାନି ଏଚକା ଦେସାତି ଲକୁ ପୁଝନି କାତା ଝେସାଲି ଇଞ୍ଜାଁ ଝେଞ୍ଜାଲି ରାହାଁ ଆହିମାଚେରି □ ଏମାଆଁ ଏଝାରି ଦିନା ରାପୁହି ମାଚେରି □

୨୨ ଏଚେଟିଏ ପାଝୁଲ ଆରିୟପାଗତି ବେରଣି ମାଦିଏ ନିଚାନା ଏଲେଇଚେସି, “ଏ ଆତିନିତି ଲକୁ, ମୀରୁ ବାରେ ଗାତି ଦାମୁଗାଟାଚେରି, ଇଞ୍ଜାଁ ହାରେକା ପେଣକାଣି ସେବା କିନାଚେରି, ଏଦାଆଁ ନାନୁ ମେସିମାଇଁ □

୨୩ ଇଚିହ୍ନିଁ ନାନୁ ମୀ ଗାଡ଼ାତି ହାଜିମାଚେସି, ଅଡ଼େ ମୀରୁ ପୂଜା କିନି ଟାୟୁତା ସିନିକିଚେସି, ନାନୁ ପୂଜା ପିଣ୍ଡାତା ମେସ୍ତେସି ଏମାଆଁ ରାସକି ଆହାମାନେ, ‘ପୁନାଆତି ମାହାପୁରୁ □’ ଆମିନିଗାଟାଣି ମୀରୁ ପୂଜା କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲାଆତିହ୍ନିଁ ଜିକେଏ, ଏଦେଏ ନାନୁ ମିଙ୍ଗେ ଝେସିମାଞ୍ଜାଇଁ □

୨୪ ✱ଆମିନି ମାହାପୁରୁ ଦାର୍ତ୍ତି ଅଡ଼େ ଏମାଆଁ ମାନି ବାରେ ରାତି କିହାମାନେସି, ଏଝାସି ଲାକପୁରୁ ଅଡ଼େ ଦାର୍ତ୍ତିତି ପ୍ରୁ ଆହାମାନାକି ମାଣ୍ଡସି କେୟୁଟି କେପିତି ଦେଝୁଡ଼ିତା ବାସା କିଅସି □

୨୫ ଇଚିହ୍ନିଁ ଏଝାଣାକି ଏନାୟି ଲଡ଼ା ମାନାୟି ହିଲାଆକି ମାଣ୍ଡସି କେୟୁଟି ସେବା ଆଅସି, ଇଚିହ୍ନିଁ ଏଝାସି ତାନୁଏ ବାରେତାକି ଜୀଝୁ, ନେଞ୍ଜାଲି ଇଞ୍ଜାଁ ବାରେ ଲଡ଼ାମାନାଣି ଇନେସି □

୨୬ ର ମାଣ୍ଡସି ତାଣାଟି ଏଝାସି ବାରେ ଲକୁ ବାକାଇଁ ରାତି କିହାମାନେସି; ଇଞ୍ଜାଁ ଏଝାଣି ହୁକୁମି ତଲେ ଏଝାରି ଦାର୍ତ୍ତିତି ବାରେଝାକି ବାସା କିହାମାନେରି □ ଆମିନି ବେଲାତା, ଆମାଆସି ଆମିନି ତାଣା ବାସା କିନେସି, ମାହାପୁରୁ ମୁଲୁଟିଏ ଏଦାଆଁ ତୀରି କିହାମାନେସି □

୨୭ ମାହାପୁରୁତି ଅଣ୍ଡପୁ ମାଚେ, ବାରେଜାଣା ଏନିକିହ୍ନିଁ ଏଝାଣାଇଁ ପାରାନା ବେଟାଆନେରି □ ସାମା ମାହାପୁରୁ ଆମାଆରି ତାଣାଟି ହେକ ହିଲଅସି □”

୨୮ ଏନିଇଚିହ୍ନିଁ ରଅସି ଝେସାମାନେସି, “ଏଝାଣି ତାଣା ମାର ନୀତିନାୟି, ତାକିନାୟି ଅଡ଼େ ଡ଼ୟିନାୟି □

ଇଞ୍ଜାଁ ମୀ ବିତ୍ରାଟି ଜିକେଏ ଏଚରଜାଣା ଝେସାମାନେରି, ମାର ଜିକେଏ ଏଝାଣି ମୀରକା ମାସକା □”

୨୯ “ଇଚିହ୍ନିଁ ମାର ମାହାପୁରୁତି ମୀରକା ମାସକା ଆତାକି ଇ ମାହାପୁରୁ ଲେହେଁ ମାଣ୍ଡସି ବୁଦି ଅଡ଼େ ଅଣ୍ଡପୁ ତଲେ କେପିତି ବାଂଗାରା, ଝେଣ୍ଡି କି ଝାଲକାତି ବମା ଲେହେଁ ଅଣ୍ଡପିନାୟି ଆଏ □

୩୦ ଲକୁ ମାହାପୁରୁଇଁ ପୁଞ୍ଜା ହିଲାଆ ବେଲାତା ଏଝାସି ଦହ ଆସା ହିଲାଆଚେସି, ସାମା ନୀଏ ଏଝାସି ବାରେଜାଣାଟି ବାରେଝାକି ତାନି ପାପୁ ଜିରୁଟି ଝେଣ୍ଡା ଝାହାଲି ଝେସିମାନେସି □

୩୧ ଇଚିହ୍ନିଁ ଆମିନି ଦିନା ତାନୁ ଆଡ଼ିତି ମାଣ୍ଡସି ତାଣାଟି ଦାମୁତଲେ ଦାର୍ତ୍ତିତି ନୀହାୟି କିନେସି, ଇଲେତି ର ଦିନା ତୀରି କିହାମାନେସି, ଇଞ୍ଜାଁ ଇ ବାରେ ସାତା ଇଞ୍ଜିଁ ତସାଲି ଏଝାସି ଏଝାଣାଇଁ ହାଡ଼ାରି ତାଣାଟି ନିକହାମାନେସି □”

୩୨ ପାଝୁଲ ତାଣାଟି ହାଡ଼ାରି ଝେଣ୍ଡେ ନିଜିନି କାତା ଝେଞ୍ଜାନା ଏଚରଜାଣା ଲାଜା କିଚେରି, ଅଡ଼େ ଏଚରଜାଣା ଏଲେଇଚେରି, “ମାଙ୍ଗେ ଅଡ଼େ ଝେଣ୍ଡେ ଝେସ୍ତାମୁ, ନୀ ତାଣାଟି ଇ କାତା ଝେନମି □”

୩୩ ଏଚେଟିଏ ପାଝୁଲ ବେରଣିଟି ହଡ଼ାହାଚେସି □

୩୪ ଆରିୟପାଗି ଦିୟୁଦିୟ ଗତିତି ଦାମାରି ଇନି ର ଇୟା ଇଞ୍ଜାଁ ଅଡ଼େ ଏଚେକା ଲକୁ ନାମିଚେରି ଇଞ୍ଜାଁ ଏଝାଣିତଲେ ଆଣ୍ଡିଚେରି □

୧୮

କରନ୍ତିତା ପାଝୁଲତି କାମା

୧ ଏମାଟିଏ ପାଝୁଲ ଆତିନି ଗାଡ଼ା ପିସାନା କରନ୍ତିତା ହାଚେସି □

୨ ଇଞ୍ଜାଁ ଏଝାସି ଆକଞ୍ଜିଲା ଦରୁଗାଟି ର ଜୀହୁଦି ଲକୁଇଁ ବେଟାଆଚେସି, ପନ୍ତ ଏଝାଣି ଜାନା ଟାୟୁ; ଏଚରଦିନା ନକେଏ ଏଝାସି ତାନି ତକ୍ତି ପିସିଲା ତଲେ ଇଟାଲିଟି ଝାହାମାଚେସି, ଇଚିହ୍ନିଁ ଲାଝୁଦିୟା ବାରେ ଜୀହୁଦି ଲକୁଇଁ ରମ୍ ପିସା ହାଜାଲି ହୁକୁମି ହାହାମାଚେସି, ପାଝୁଲ ଏଝାସିକାଣି ବେଟି ହାଚେସି,

୩ ଅଡ଼େ ଏଝାରି ଏଝାଣିଲେହେଁ ତୁମୁ ବେବାରା କିନାରି ମାଚାକି ଏଝାରିତଲେ ଡ଼ୟିଚେସି, ଅଡ଼େ ଏଝାରି କାମା କିହାଲି ମାଟ୍‌ହେରି, ଏନାଆଁତାକି ଇଚିହ୍ନିଁ ବେବାରାତା ଏଝାରି ତୁମୁ କିନାରି ମାଚେରି □

୪ ଅଡ଼େ ବାରେ ଜମିନି ଦିନାତା ଏଝାସି ଜୀହୁଦି ଲକୁତି କୁଟମି ଇଲୁତା* ଜଲ୍‌କି ଆହ୍ନିଁ

✱ ୧୭:୨୪ ୧୭:୨୪ କାମା ୭:୪୮ * ୧୮:୪ ୧୮:୪ ସିନଗର

ଜାପୁହେସି, ଜୀହୁଦି ଅଡ଼େ ଗ୍ରିକ୍ ଲକୁଣି ନାମି କିଞ୍ଜିକିହାଲି ଅଣ୍ଡିପାଚେସି □

୫ ଏଚିବେଲା ସିଲା ଅଡ଼େ ତିମତି ମାକିଦନିୟାତି ଖାଡ଼େରି, ଏଚିବେଲା ପାଞ୍ଜୁଲ ନେହୁ ବଲୁ ଖେକ୍‌ନି କାମା ଜମାଆନା କିହିମାଚେସି, ଅଡ଼େ ଜୀହୁଇଁ ମସିହା ଇଞ୍ଜୁ ଜୀହୁଦି ଲକୁଡାଣା ସାକି ହାହିମାଚେସି □

୬ ସାମା ଏଞ୍ଜାରି ଅପାଆନା ନିନ୍ଦା କିହାଲିଏ ଏଞ୍ଜାସି ତାନି ହିମ୍ବୁରି ହାଣ୍ଡାହାଁନା ଏଲେଇଚେସି, “ମୀରୁ ନାସା ଆତିହୁଁ ଏଦାଆଁତାକି ମୀରୁ ଦାୟି ଆଦେରି □ ଏଦାଆଁତାକି ନାନୁ ଦାୟି ଆଏ, ନୀଏଁ ନାନୁ ଜୀହୁଦିଆଆତି ଲକୁଡାଣା ହାଜିମାଲ୍ □”

୭ ଏମ୍ବାଟିଏ ଏଞ୍ଜାସି ଏ ଚାୟୁଟି ହଡ଼ା ହାଜାନା ତିତସ ଜୁସ୍ତ ଇନି ଜୀହୁଦିଆଆତି ମାହାପୁରୁ ସେବା କିନାସି ଏଞ୍ଜାଣି ଇଜ ହାଚେସି, ଏଞ୍ଜାଣି ଇଲୁ ଜୀହୁଦି ଲକୁଡି କୁଟମି ଇଲୁଁ ତାଗେ ମାଚେ □

୮ ସାମା ଜୀହୁଦି ଲକୁଡି କୁଟମି ଇଲୁଡିଃ କାଜାସି କ୍ରିସ୍‌ପ ବାରେ ଇଲୁ କୁଟମି ତଲେ ପ୍ରବୁ ତାଣା ନାମିଚେରି, ଅଡ଼େ କରନ୍ତି ଗାଡ଼ାତି ଲକୁ ବିଦ୍ରାଟି ହାରେକା ପାଞ୍ଜୁଲତି କାତା ଖେଞ୍ଜାନା ନାମିଚେରି ଅଡ଼େ ବାପ୍ରିସ୍‌ଟି ଅଡ଼େରି □

୯ ଅଡ଼େ ପ୍ରବୁ ଲାଆଁୟାଁ ବେଲାତା ସେୟାଁଣା ହାପାନାତା ପାଞ୍ଜୁଲଇଁ ଏଲେଇଚେସି, “ଆଜାଆନି, ସାପି ତୟାଆନା ଜଲ୍‌ମା,

୧୦ ଇଚିହୁଁ ନାନୁ ନୀ ତଲେ ମାଲ୍, ଆମିନି ଲକୁ ଜିକେଏ ନୀ କପାଟି ନିଜ୍ଞାନା ନିଜ୍ଞେ ନାସା କିହାଲି ଆଡ଼ଅସି, ଇଚିହୁଁ ଇ ଗାଡ଼ାତା ହାରେକା ନା ଲକୁ ମାନେରି □”

୧୧ ଇଞ୍ଜା ପାଞ୍ଜୁଲ ଏଞ୍ଜାରିତାଣା ମାହାପୁରୁତି କାତା ଜାପୁହିହୁଁ ର ବାସୀ ସ ଲେଞ୍ଜୁ ତୟିଚେସି □

୧୨ ସାମା ଗାଲିୟ ଆକାୟାତି ରମିୟ ସାଲଞ୍ଜି କିନାସି ମାଚିବେଲାତା, ଜୀହୁଦି ଲକୁ ପାଞ୍ଜୁଲ କପାଟି ନିଜ୍ଞାନା ଏଞ୍ଜାଣାଇଁ ନୀହାଁୟି କିନାରି ତାଣା ଦସା ଅହାନା ଏଲେଇଚେରି,

୧୩ “ଇଞ୍ଜାସି ମସାତି ମେରା କପାଟି ଅର ରଲେକ୍ ମାହାପୁରୁତି ସେବା କିହାଲି ଲକୁଣି ଜାପୁହିମାଚେସି □”

୧୪ ସାମା ପାଞ୍ଜୁଲ ଗୁତି ଏକ୍‌ହାନା ଜଲ୍‌ଲି ମାଟୁହି ମାଚାଟି, ଗାଲିୟନ ଜୀହୁଦି ଲକୁଣି ଏଲେଇଚେସି, “ଆଡ଼େ ଜୀହୁଦି ଲକୁଡେରି ଏନିଲେହେଁତି ଦହ କି ଲାଗେଏତି କାମା ଆଡ଼ିହୁଁମା ସୁସ୍ତି ତଲେ ମୀ କାତା ଖେନାୟି ନାଜ୍ଞେତାକି ନେହେଁ ଆଡ଼େମା,

୧୫ ସାମା ଇଦି ଖାଉଇ ବଲୁ ଅଡ଼େ ଦରୁ ଅଡ଼େ ମୀ ମେରାତି କାତା ମୀରୁଏ ଇଦାଆଁ ସୁସ୍ତି କିଦୁ □ ଇଲେତି କାତାତି ନାନୁ ନୀହାଁୟି କିଅଁ □”

୧୬ ଏଲେଇଞ୍ଜାନା ଏଞ୍ଜାସି ଏଞ୍ଜାରାଇଁ ନୀହାଁୟି କିନି ତାଣାଟି ପେରହା ତୁସ୍ତେସି □

୧୭ ଏଚେଟିଏ ବାରେଜାଣା ସସ୍ତାନ ଇନି ଜୀହୁଦି ଲକୁଡି କୁଟମି ଇଲୁଡି* କାଜାଣାଇଁ ଆସାନା ନୀହାଁୟି ପାଞ୍ଜାତା ଖେଡେରି; ସାମା ଗାଲିୟନ ଏ ବାରେ କାତାତା ମନ ହୀଆଡେସି □

ପାଞ୍ଜୁଲ ଆନ୍ତ୍ରିୟକିୟାତା ଖେଣ୍ଡାଞ୍ଜାନାୟି

୧୮ ପାଞ୍ଜୁଲ କରନ୍ତିତା ନାମିତି ତାୟି ତାଲ୍‌ସ୍ତା ତଲେ ହାରେକା ଦିନା ତୟାନା ତାୟିୟାଁ ତାଣାଟି ହେଲ ବେଟାଆହାନା ଏୟୁ ଜାଜାଟି ସିରିୟାତା ହାଚେସି, ପ୍ରିସ୍‌ଲି ଅଡ଼େ ଆକ୍‌ଞ୍ଜିଲା ତାନିତଲେ ହାଚେରି, ତାନି ଆଞ୍ଜିତାୟି ମାଚାକି ଏଞ୍ଜାସି କେକ୍‌କ୍‌ୟାତା ତାନି ତାୟିଁ ହିଶହେସି □

୧୯ ତାୟୁ ଏଞ୍ଜାରି ଏପିସିୟତା ଖାଡ଼େରି, ଅଡ଼େ ଏଞ୍ଜାସି ଏ ଚାୟୁତା ଆକ୍‌ଞ୍ଜିଲା ଅଡ଼େ ପ୍ରିସ୍‌ଲାଇଁ ହେଲ ହୀହାନା ପାଞ୍ଜୁଲ ରଅସିଏ ଜୀହୁଦି ଲକୁଡି କୁଟମି ଇଲୁଡାଁ ହଡ଼ାନା ଜୀହୁଦିୟାଁ ତଲେ ହାଡାକାତା ଆଡ଼େରି □

୨୦ ଇଞ୍ଜା ଏଞ୍ଜାରି ଏଞ୍ଜାଣାଇଁ ହାରେକା ଦିନା ତୟାଲି ବାତିମାଲିତିହୁଁଞ୍ଜା ଏଞ୍ଜାସି ତୟାଲି କୁଡେସି □

୨୧ ସାମା ଏଞ୍ଜାରି ତାଣାଟି ହେଲ ଅହାନା ଏଲେଇଚେସି, “ମାହାପୁରୁତି ମନ ଆତିହୁଁ ଅଡ଼େ ର ଦେବା ମୀ ତାଣା ଖେଣ୍ଡା ଖାଲ୍,” ଇଞ୍ଜା ଏଞ୍ଜାସି ଏପିସିୟଟି ହାଚେସି □

୨୨ କାୟିସରିୟାତା ଏଗାହାଜାନା ଏମ୍ବାଟି ଜିରୁସାଲମତା ହାଚେସି, ଅଡ଼େ କୁଲମିତି ଜହରା କିହାନା ଏମ୍ବାଟିଏ ଆନ୍ତ୍ରିୟକିୟାତା ହାଚେସି □

୨୩ ଏମ୍ବାଆଁ ଏଚରଦିନା ତୟିତି ତାୟୁ, ଏଞ୍ଜାସି ଅଡ଼େ ଖେଣ୍ଡେ ହାଜାନା ଗାଲାତିୟ ଇଞ୍ଜା ପୁଗିୟା ନାୟକା ହୀହାନା ହାଚେସି, ଅଡ଼େ ଜିରୁତା ସୀସୁୟାଁଣି ତାନି ନାମୁତା ଆଟ୍‌ଞ୍ଜା ତଲେ ତୟାଲି ରାହାଁ ହୀଚେସି □

ଏପିସିୟ ଅଡ଼େ କରନ୍ତିତା ଆପଲ

୨୪ ଏମ୍ବାଟିଏ ଆପଲ ଦରୁଗାଟି ର ଜୀହୁଦି ଏପିସିୟତା ଖାଡ଼େସି, ଏଞ୍ଜାସି ଆଲେକ୍‌କାଣ୍ଡିୟାତା ଜାର୍ନା ଆହାମାଚେସି, ଏଞ୍ଜାସି ନେହୁଁକ୍ ଖେସାଲି ଆଡ଼ିନାସି ଅଡ଼େ ଦାମ୍‌ ପତିତି କାତା ଗାତି ପୁନାସି ମାଚେସି □

୨୫ ଇଞ୍ଜାସି ପ୍ରବୁ ଜିରୁତି କାତା ନେହୁଁକ୍ ଜାପାମାଚେସି, ଇଞ୍ଜା ଜୀହୁତଲେ ବାଡ଼ୟୁ ବେଟାଆହାନା ଜୀହୁତି କାତା ନେହୁଁକ୍ ଜାପୁହି ମାଚେସି, ଏଞ୍ଜାସି ଖାଉଇ ଜହନତି ବାପ୍ରିସ୍‌ କାତା ପୁଞ୍ଜାମାଚେସି □

† ୧୮:୭ ୧୮:୭ ସିନଗଗ ‡ ୧୮:୮ ୧୮:୮ ସିନଗଗ § ୧୮:୮ ୧୮:୮ମୁଞ୍ଜନାୟି * ୧୮:୧୭ ୧୮:୧୭ ସିନଗଗ † ୧୮:୧୯ ୧୮:୧୯ ସିନଗଗ ‡ ୧୮:୨୫ ୧୮:୨୫ମୁଞ୍ଜନାୟି § ୧୮:୨୬ ୧୮:୨୬ ସିନଗଗ

୨୭ ଏଞ୍ଜେଲ ସାସାତଲେ ଜୀହୁଦି ଲକ୍ଷ୍ମି କୁଟମି ଇଲୁତାଃ ଜଲ୍ଲାଲି ମାଟ୍‌ହେସି, ସାମା ଆକ୍‌ଝିଲ୍ଲା ଅଡେ ପ୍ରିସ୍‌ଲିଲ୍ଲା ଏଞ୍ଜେଲି କାତା ଖେଞ୍ଜାନା ଏଞ୍ଜେଲ୍‌ ତାମି ଇଜ ଅହାନା ଏମ୍‌ଆଁ ହାରେକା ନେହେ ମାହାପୁରୁ ଜିରୁତି କାତା ପୁଣ୍ଡିକିତୁ ।

୨୮ ତାମ୍ଭୁ ଆପଲ ଆକାୟା ଦେସାତା ହାଜାଲି ମନ କିହାଲିଏ ଏପିସିୟତି ନାମିତି ତାୟିୟାଁ ଏଞ୍ଜେଲ୍‌ ସାୟେମି କିତେରି, ଇଞ୍ଜାଁ ଏଞ୍ଜେଲ୍‌ ରାହାତଲେ ଆବାଲି ଆକାୟାତା ମାନି ସାୟୁୟାଁକି ର ଆକୁ ରାଡିତେରି, ଏଞ୍ଜେଲି ଏମ୍‌ଆଁ ଏଗାହାଜାନା ମାହାପୁରୁ କାମାଟି ନାମା ମାନାରାକି ହାରେକା ସାୟେମି କିତେସି ।

୨୯ ଇତିହ୍ କିସୁଏ ମସିହା ଇଞ୍ଜାଁ ଦାମ୍‌ ପତିଟି ନେହ୍ କି ତସାହାଁ ଏଞ୍ଜେଲି ବାରେଜାଣା ନକିତା ତାନିତଲେ ଆସ୍‌ପି ଆହିମାନି ଜୀହୁଦି ଲକ୍ଷ୍ମି ହାଉଝି କିତେସି ।

୧୯

ଏପିସିୟତା ପାଞ୍ଚୁଲ

୧ ଆପଲ କରନ୍ତିତା ମାଟିବେଲ୍‌ତା ପାଞ୍ଚୁଲ ଖେଡା ହପୁଞ୍ଜକିତି ରାଜି ରେଜାନା ଏପିସିୟ ଗାଡାତା ଏଗାଞ୍ଜାଡେସି । ଏମ୍‌ଆଁ ଏଚରଜାଣା ସାୟୁୟାଁଣି ବେଟାଆଡେସି,

୨ ଏଞ୍ଜେଲି ଏଞ୍ଜେରାଲ୍ ଖେଚେସି, “ମୀରୁ ନାମିତି ରେଚୁଏ ସୁଦୁଜୀଞ୍ଜୁ ବେଟାଆହା ମାଚେରି କି ?” ଏଞ୍ଜେରି ଏଲେଇଚେରି, “ଆଏ ସୁଦୁଜୀଞ୍ଜୁ ମାନେ ଇଞ୍ଜାଁ ମାମ୍‌ ଡୁଞ୍ଜା ଜିକେଏ ହିଲଅମି ।”

୩ ପାଞ୍ଚୁଲ ଏଞ୍ଜେରାଲ୍ ଖେଚେସି, “ଆତିହ୍ ମୀରୁ ଏନିଲେହେଟି ବାପ୍ରିସ୍‌* ବେଟାଆହା ମାଚେରି ।” ଏଞ୍ଜେରି ଏଲେଇଚେରି, “ମାମ୍‌ ଜହନତି ବାପ୍ରିସ୍‌† ଅହାମାଚମି ।”

୪ ଏମ୍‌ଆଁ ପାଞ୍ଚୁଲ ଏଲେଇଚେସି, “ଜହନତି ବାପ୍ରିସ୍‌‡ ହିୟାଁ ଖେଚପି କିଞ୍ଜିକିନି ବାପ୍ରିସ୍‌§ ଜହନ ଇସାୟେଲ ଲକ୍ଷ୍ମି ବାପ୍ରିସ୍‌* ହାହାନା ଏଲେଇଚେସି, ନା ଜେଚ ଆମ୍‌ଆସି ଖାହିମାନେସି, ଏଞ୍ଜେଲ୍‌ ଇତିହ୍ କିସୁୟାଁ ନାମାତୁ ଇଞ୍ଜାଁ ଖେସିମାଚେସି ।”

୫ ଇଦାଆଁ ଖେଞ୍ଜାନା ଏଞ୍ଜେରି ପ୍ରୁ ଜୀସୁ ଦରୁତଲେ ବାପ୍ରିସ୍‌† ଅଡେରି ।

୬ ଅଡେ ପାଞ୍ଚୁଲ ଏଞ୍ଜେରି ଲାକ କେସ୍‌ ଇଚାଲିଏ ସୁଦୁଜୀଞ୍ଜୁ ଏଞ୍ଜେରି ଲାକ ରେଚାଞ୍ଜାଡେ, ଇଞ୍ଜାଁ ଏଞ୍ଜେରି ଏଚ୍‌କା ଏଚ୍‌କା ହାଡାତଲେ କାତା ଜଲ୍ଲାନା ମାହାପୁରୁତି ତାମ୍ଭୁ ଆନି କାତା ଜିକେଏ ଖେକ୍‌ହେରି ।

୭ ଏଞ୍ଜେରି ବାରେ ବାରେଜାଣା ଆବାୟାଁ ମାଚେରି ।

୮ ତାମ୍ଭୁ ପାଞ୍ଚୁଲ ଜୀହୁଦି ଲକ୍ଷ୍ମି କୁଟମି ଲକ୍ଷ୍ମି କୁଟମି ଇଲୁତାଃ ହାଜାନା ତାନି ଲେଞ୍ଜୁ ପାଚେକା ସାସାତଲେ ମାହାପୁରୁ ରାଜିତି କାତା ଖେକ୍‌ହିହ୍ ଲକ୍ଷ୍ମି ମନତି ନାମି କିହାଲି ଅଣ୍‌ପିତେସି ।

୯ ସାମା ଏଚିବେଲ୍‌ ଏଚେକା ଲକ୍ଷ୍ମି ଆଚ୍‌ଞ୍ଜା ହିୟାଁ ଅଡେ ମୁଣ୍ଡି ଆହାନା ଲକ୍ଷ୍ମି ନକିତା ପ୍ରୁ ଜିରୁ କପାଟି ନିଞ୍ଜାନା ନିନ୍ଦା କାତା ଖେସ୍‌ପେରି, ଏଚିବେଲ୍‌ ପାଞ୍ଚୁଲ ଏଞ୍ଜେରାଲ୍ ପିସାନା ସାୟୁୟାଁଲ୍ ଏଚ୍‌କା କିତେସି, ଇଞ୍ଜାଁ ତୁରାନନ୍ ଇନି ଜାପ୍‌ନି ଇଲୁତା ବାରେଦିନା ଜାପ୍‌ହି ମାଚେସି ।

୧୦ ଇଲେଆହ୍ ରୀ ବାସାଁ ପାଚେକା ଆଡେ; ଏଚେଟିଏ ଆସିୟା ଦେସାତା ବାସାଆହାମାନି ହାରେକା ଜୀହୁଦି ଅଡେ ଜୀହୁଦିଆଆତି ଲକ୍ଷ୍ମି ବାରେଜାଣା ପ୍ରୁତି କାତା ଖେଚେରି ।

ସ୍ନେବା ମାରକା

୧୧ ଅଡେ, ମାହାପୁରୁ ପାଞ୍ଚୁଲ ତାଣାଟି ହାରେକା ବାଡ଼୍‌ମୁତି କାମାୟାଁ କିହିମାଚେସି ।

୧୨ ଇଲ୍‌ଆହ୍ ପାଞ୍ଚୁଲ ଲେମ୍‌ମାନି ପାଞ୍ଚାତା ତୁରନି ସକା କି ତୁଞ୍ଜାଲ୍‌ ରଚା ଗାଟାରି ତାଣା ତାଡିସାରେ ଏଞ୍ଜେରି ତାଣାଟି ରଚା ପିସିମାଚେ ଅଡେ ବୁଡୁୟାଁ ହଚା ହାଜିମାରୁ ।

୧୩ ସାମା ରେଜି ରେଜିହ୍ ବୁଡୁୟାଁ ପେରନି ଜୀହୁଦିୟାଁ ବିତାଟି ଏଚରଜାଣା ପଲ୍‌ଆ ବୁଡୁୟାଁ ଆସାମାନାରି ଲାକ ପ୍ରୁ ଜୀସୁ ଦରୁ ଆସାନା ପେରହାଲି ଅଣ୍‌ପାନା ଏଲେଇଚେରି, “ପାଞ୍ଚୁଲ ଆମିନି ଜୀସୁଲ୍ ଖେକ୍‌ହି ମାନେସି ନାନୁ ଏଞ୍ଜେଲି ଦରୁଟି ନିଜେ ହୁକୁମି ହାହିମାଞ୍ଜାଲ୍ ।”

୧୪ ସ୍ନେବା ଦରୁଗାଟି ର ଜୀହୁଦି କାଜା ପୂଜେରାଟି ସାଡା ଜାଣା ମାରକା ଏଲେ କିହିମାଚେରି ।

୧୫ ସାମା ପଲ୍‌ଆ ବୁଡୁୟାଁ ଏଞ୍ଜେରାଲ୍ ଏଲେଇଚୁ, “ନାନୁ ଜୀସୁଲ୍ ପୁଞ୍ଜାମାଲ୍ ଅଡେ ପାଞ୍ଚୁଲ୍ ପୁଞ୍ଜାମାଲ୍; ସାମା ମୀରୁ ଆମ୍‌ଆଡେରି ?”

୧୬ ଏଚେଟିଏ ଏ ପଲ୍‌ଆ ବୁଡୁ ଆଲ୍‌ଗା ମାଚାସି ଏଞ୍ଜେରି ଲାକ ଡେଞ୍ଜାନା ଏଞ୍ଜେରାଲ୍ ଇଚହାଲିଏ ଏଞ୍ଜେରି ନାଗ୍‌ଡା ଉଗ୍‌ଡା ରାଣାରାକା ଆହାନା ଏ ଇଲୁଟି ହଚେରି ।

୧୭ ଇ କାତା ଏପିସିୟତା ମାନି ଜୀହୁଦି ଅଡେ ଜୀହୁଦିଆଆତି ଲକ୍ଷ୍ମି ବାରେଜାଣା ପୁଚେରି, ଇଞ୍ଜାଁ ବାରେଜାଣା ଆଜିତେରି, ଅଡେ ଏମ୍‌ଆଁ ପ୍ରୁ ଜୀସୁତି ଦରୁ ହାରେକା ଗାଞ୍ଜେରି କିତେରି ।

୧୮ ଅଡେ ନାମ୍‌ଗାଟାରି ବିତାଟି ହାରେକା ଖାହାନା ତାମ୍ଭୁ କିହାମାନି ପଲ୍‌ଆ କାମାଟି ଖେସ୍‌ପେରି ।

୧୯ ଅଡେ ଗାର୍‌ଡି କାମା କିହିମାଟି ହାରେକା ଜାଣା ତାମ୍ଭୁ ତାନି ପତିୟାଁ ତାତିହ୍ ରୁଣ୍ଡା କିହାନା

* ୧୯:୩ ୧୯:୩ମୁଞ୍ଜିନାୟି † ୧୯:୩ ୧୯:୩ମୁଞ୍ଜିନାୟି * ୧୯:୪ ୧୯:୪ ମାଟି ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଜହ ୧:୨୭,୨୭ ‡ ୧୯:୪ ୧୯:୪ମୁଞ୍ଜିନାୟି § ୧୯:୪ ୧୯:୪ମୁଞ୍ଜିନାୟି * ୧୯:୪ ୧୯:୪ମୁଞ୍ଜିନାୟି † ୧୯:୫ ୧୯:୫ମୁଞ୍ଜିନାୟି ‡ ୧୯:୮ ୧୯:୮ ସିନଗର

ବାରେଜାଣା ନକିତା ହୃଦିତେରି; ଏଞ୍ଜାରି ଏ ବାରେତି ଲେକା କିହାଲିଏ ରୀ କଡ଼ି ଦସ ମାଣା ଖେଣ୍ଡି ଟାକାୟାତି ପତିୟା ମାତୁ □

୨୦ ଇଲେଆହୁଁ ପ୍ରବୁତି ବଲୁ ବାଡ଼ୁଲୁ ତଲେ ପାତାଆଡେ ସାରିସୁତୁ ଖେଜିତେ □

ଏପିସିୟ ଗାଡ଼ାତା ଗଡ଼ହା

୨୧ ଇ ବାରେ କାତା ରାତି ତାୟୁ ପାଞ୍ଜୁଲ ମାକିଦନିୟା ଅଡେ ଆକାୟା ମାଦିଟି ଜିରୁସାଲମତା ହାଜାଲି ମନତା ତାରି କିତେସି □ ଏଞ୍ଜାସି ଏଲେଇଚେସି, “ଏମ୍ବାଆଁ ହାତି ତାୟୁ ନାନୁ ରମତା ଜିକେଏ ହାନାୟିମାନେ □”

୨୨ ଅଡେ ଆମ୍ବାଆରି ଏଞ୍ଜାଣି ସେବା କିହିମାଚେରି, ଏଞ୍ଜାରି ବିତ୍ରାଟି ତିମତି ଅଡେ ଏରାସୁ ଇ ରିଆରାଈ ମାକିଦନିୟାତା ପାଣ୍ଡାନା ଏଞ୍ଜାସି ଏଚରଦିନା ପାତେକା ଆସିୟାତା ତୁୟିତେସି □

୨୩ ଏଚିବେଲାତା ପ୍ରବୁ ତସାମାନି ଜିରୁତି କାତା ଅହାନା ଏପିସିୟତା ହାରେକା ଗଡ଼ହା ଆଡେ □

୨୪ ଦିମିତ୍ରିୟ ଦରୁଗାଟି ର ଖେଣ୍ଡି କାମାକିନାସି ଆର୍ଡେମି ପେନୁତି ର ଖେଣ୍ଡିତ ଦେଞ୍ଜୁଡ଼ି କିହିମାଚେସି, ଇଞ୍ଜା ଏଞ୍ଜାଣି ଇ ବେବାରା କାମା କିନାରାକି ହାରେକା ଲାବା ଆହିମାଚେ □

୨୫ ଏମ୍ବାଟିଏ ଏଞ୍ଜାସି ଇଞ୍ଜା ଏଞ୍ଜାରିଲେହେଁ କାମା କିନାରାଈ ହାଟାନା ଏଲେଇଚେସି, “ବାବୁୟା ଇ କାମାଟି ମାର ଦନ ବେଟାଆହି ମାନାୟି ଇଞ୍ଜା ମାରୁ ବାରେ ପୁଞ୍ଜାମାଞ୍ଜେରି;”

୨୬ ଅଡେ, କେସ୍ତାତଲେ କେପିତି ପେଣ୍ଡକା ମାହାପୁରୁ ଆଏ ଇଞ୍ଜା ଖେସାନା ପାଞ୍ଜୁଲ ଖାରଇ ଏପିସିୟତା ଆଏ, ସାମା ବାରେ ଆସିୟାତା ଜିକେଏ ହାରେକା ଲକୁଣି ଜାପହାନା ଏମ୍ବାଟି ମାଡ଼଼ି କିହିମାନେସି, ଇଦାଆଁ ମାରୁ ମେସାମାଞ୍ଜେରି ଅଡେ ଖେଞ୍ଜାମାଞ୍ଜେରି □

୨୭ ଇମ୍ବାଆଁ ଖାରଇ ମା ବେବାରା କାମା ଲାଗେଏ ଆନେ, ଏଡ଼ି ଆଏ, ସାମା ଆମିନି କାଜା ପେନୁ ଆର୍ଡେମିଈ ବାରେ ଆସିୟା ଅଡେ ଦାରତିତି ଲକୁ ପୂଜା କିହିମାନେରି, ଏଦାନି ଦେଞ୍ଜୁଡ଼ିତି ଜିକେଏ ଲକୁ ମାନି କିଅରି, ଇଞ୍ଜା ଆର୍ଡେମି ପେନୁତି ଦରୁ କାଜା ଦରୁ ଇଞ୍ଜା ଖେଜେଏ □”

୨୮ ଇ କାତା ଖେଞ୍ଜାନା ବାରେଜାଣା କାର୍ବି ଆହାନା କାଜା ଗିୟାତଲେ ଏଲେଇଚେରି, “ଏପିସିୟ ଲକୁତି ଆର୍ଡେମିଏ କାଜା ପେନୁ □”

୨୯ ଏଚେଟିଏ ଗାଡ଼ା ବାରେ ଗଡ଼ହା ଆଡେ, ଇଞ୍ଜା ଲକୁ ବାରେ କାଲ଼ି ଆହାନା ପାଞ୍ଜୁଲ ତଲେ ହାଜିମାଟି ମାକିଦନିୟାତି ଗାୟ ଅଡେ ଆରିସ୍ତାକିଈ ଦସାନା କାହିନି ବାଟାତା ହଚେରି □

୩୦ ଏମ୍ବାଟିଏ ପାଞ୍ଜୁଲ ଲକୁ ମାୟା ବିତ୍ରା ହାଜାଲି ଅଣପିତେସି, ସାମା ସାସୁୟା ଏଞ୍ଜାଣାଈ ହାଜାଲି ହାଆତେରି □

୩୧ ଅଡେ ଆସିୟାତି ସାଲ଼ି କିନାରି ବିତ୍ରାଟି ଜିକେଏ ଏଞ୍ଜାରି ତଡ଼ ଗୁାଟାରି ମାଚାକି କାହିନି ବାଟା ମାଦି ହାଲାଆପେସି ଇଞ୍ଜା ଲକୁଣି ଖେସା ପାଣ୍ଡାନା ଏଞ୍ଜାଣାଈ ବାତିମାଲିତେରି □

୩୨ ଏଚିବେଲା ହାରେକା ଗଡ଼ହା ଆହିମାଚେ, ଇଞ୍ଜା ଲକୁ ମାୟା ମାୟା ଆହୁଁ ଏଚରଜାଣା ଇ କାତା ଅଡେ ଏଚରଜାଣା ଏ କାତା ଇଞ୍ଜା କାଲ଼ି ଆହିମାଚେରି, ଅଡେ ଏଞ୍ଜାରି ଏନାଆଁତାକି ରୁଣ୍ଡା ଆହାମାନେରି ହାରେକା ଲକୁ ପୁଞ୍ଜାହିଲାଆତେରି □

୩୩ ଲକୁ ବିତ୍ରାଟି ଏଚରଜାଣା ଏଲେଇଚେରି, ଆଲେକଜାଣ୍ଡାର ଇଦାଆଁତାକି ଦାୟି, ଇଚିହୁଁ ଜୀହୁଦି ଲକୁ ଏଞ୍ଜାଣାଈ ନକିତା ନିପହା ମାଚେରି, ଆଲେକଜାଣ୍ଡାର କେୟୁ ପେରହାନା ଲକୁଣି ପାଲେଏ ଆହାଲି କେୟୁ ଜୀଞ୍ଜିତେସି, ଅଡେ ନାମୁଗାଟାରି ଖାକିଟି ଖେସାଲି ଅଣପିତେସି □

୩୪ ସାମା ଏଞ୍ଜାସି ର ଜୀହୁଦି ଇଞ୍ଜା ଏଚିବେଲା ଏଞ୍ଜାରି ପୁଚେରି; ଏଚିବେଲା ବାରେଜାଣା କାଜା ଗିୟାତଲେ ରୀ ଗଂଟା ପାତେକା କାଲ଼ି ଆହାନା ଏଲେଇଚେରି, “ଆର୍ଡେମିଏ ଏପିସିୟ ଲକୁତି କାଜା ପେନୁ □”

୩୫ ତାୟୁ ଗାଡ଼ାତି କାଜାସି ଲକୁଣି ସୂସ୍ତି କିହାଲି ଖେସେସି, “ଏ ଏପିସିୟତା ମାନି ତାୟିୟାତେରି ବାରେଜାଣା ପୁଞ୍ଜାମାନେରି ଏପିସିୟ ଗାଡ଼ାତି କାଜା ପେନୁ ଆର୍ଡେମିତି ଦେଞ୍ଜୁଡ଼ି ଇଞ୍ଜା ହାଗୁଲାକଟି ରେଟା ଖାହାମାନି ସୁଦୁତି ବମା ଗେଲ୍ପିକି଼ି ଆହାମାନେ □

୩୬ ଆମ୍ବାଆସି ଇଦାଆଁ ଆଏ ଇଞ୍ଜାଲି ଆଡ଼ଅସି, ଏଦାଆଁତାକି ମାରୁ ବାରେ ସୂସ୍ତି ଆଦୁ, ଏନି ବୁଦି ହିଲାଆ କାମା କିଆଦୁ □

୩୭ ଇଚିହୁଁ ଇ ଆମିନି ଲକୁଈଁ ମାରୁ ଦସା ତାଟାମାଞ୍ଜେରି, ଇଞ୍ଜାରି ଦେଞ୍ଜୁଡ଼ିତି ସରୁ କିହାହିଲଅରି, ଇଞ୍ଜା ମା ପେଣ୍ଡକା କପାଟି ଏନି ନିୟା କାତା ଜଲା ହିଲଅରି □

୩୮ ଏଦାଆଁତାକି ଦିମିତ୍ରିୟ ଅଡେ ଏଞ୍ଜାଣିତଲେ କାମାକିନାରି ଆମ୍ବାଆରି କପାଟି ଏନି କାତା ମାଚିହୁଁ, ନାହାୟି କିହାଲି ନାହାୟି ଇଲୁ ଦେପିଆହାମାନେ, ଇଞ୍ଜା ନାହାୟି କିନାରି ମାନେରି, ଏଞ୍ଜାରି ନକିତା ତାମ୍ବୁତାମି ଦାଞ୍ଜା କିପେରି □

୩୯ ଇଦାଣିକିହାଁ ଆଗାଡ଼ା ଅଣପିମାଚିହୁଁ, ଲକୁ ତାଣାଟି ମେରା କି଼ି ଆହାମାନି ନାହାୟି କିନି ତାଣା ଏଦାଆଁ ଡିକନାୟି ଆନେ □

୪୦ ଇଚିହୁଁ ସାତେଏ ନୀଞ୍ଜୁତି ଗଡ଼ହା ତାକି ମା କପାଟି ଦାଞ୍ଜା ଆନାୟି ମାନେ; ଏନିଈଚିହୁଁ ଏ ଗଡ଼ହା ଏନାଆଁତାକି ହଡେ ଏଦାଆଁ ମାର ଏନି କାତାତଲେ ତସାଲି ଆଡ଼ାଆୟି □”

୪୧ ଇ ବାରେ କାତା ଖେସାନା ଲକୁଣି ସୂସ୍ତି କିହାନା ନାହାୟି ତୁକ୍‌ହେସି □

୨୦

ମାକିଦନିୟା ଅଡ଼େ ଆକାୟାତା ହାନାୟି

୧ ଏ ଗଡ଼ହା ତୁଜିତି ତାୟୁ ପାଖୁଲ ସୀସୁୟାଣି କୃତି କିହାନା ଏଞ୍ଜାରାକ୍ ବାସୁତି କାତା ଝେସେସି, ଏଞ୍ଜାରି ତାଣାଟି ହେଲ ଅହାନା ମାକିଦନିୟାତା ହାରେସି □

୨ ଏଞ୍ଜାସି ବାରେ ନାସ୍‌କାଟି ହାଜିହୁ, ହାରେକା ସୀସୁୟାଣି ବାସୁ ହୀହାନା ଗ୍ରିସ୍ ଦେସାତା ହାରେସି □

୩ ଏମ୍ବାଟିଏ ଏଞ୍ଜାସି ଏମ୍ବାଆଁ ତାନି ଲେଞ୍ଜୁ ଡୟିତେସି, ଏଞ୍ଜାସି ସିରିୟାତା ହାଜାଲି ତିୟାରା ଆହିମାଟି ବେଲାତା, ଜୀହୁଦି ଲକୁ ଏଞ୍ଜାଣାକ୍ ପାୟାଲି ତୀରି କିହାମାନେରି ଇଞ୍ଜୁ କାତୁ ପୁଞ୍ଜାନା ମାକିଦନିୟା ଝାକିଟି ଝେଣ୍ଡେ ହାଜାଲି ତୀରି କିତେସି □

୪ ଅଡ଼େ ବେରିୟା ତାସି ପୁରୁତି ମୀରଏସି ସପାତର, ଅଡ଼େ ତେସଲନିକି ଗାଡ଼ାତି ଆରିସ୍‌କ୍, ସେକ୍ସୁନ୍, ଦବ୍‌ତି ଗାୟ, ତିମତି ଅଡ଼େ ଆସିୟାତି ଲକୁ ବିଡ଼ାଟି ତୁକିକ ଅଡ଼େ ତ୍ରପିମ ଏଞ୍ଜାଣିତଲେ ହାରେରି □

୫ ଏଞ୍ଜାରି ବାରେଜାଣା ନକେଏ ହାଜାନା ତ୍ରୟାତା ମାଙ୍ଗେ କାଟିମାଞ୍ଜାତେରି □

୬ ଅଡ଼େ ପୁଲା ଗୁଣ୍ଡା ଆଣ୍ଡାଆତି ରୁଟି ତିନି ପାର୍ଶୁ ତାୟୁ ମାନ୍ସୁ ପିଲିପିଟି ଏୟୁ ଜାଜାଟି ହାଚମି, ଇଞ୍ଜା ପାସା ଦିନା ତାୟୁ ତ୍ରୟାତା ଏଞ୍ଜାରାକ୍ ବେଟାଆହାନା; ଏମ୍ବାଆଁ ର ଝାଞ୍ଜା ଡୟିତମି □

ତ୍ରୟାତା ପାଖୁଲ ତାୟୁ ପାଲି ହାନାୟି

୭ ଝାଞ୍ଜାଟି ମୁଲୁ ଦିନାତି ମିଡ଼ଅଲା ରାନ୍ଦା ତିଞ୍ଜାଲି ରୁଣ୍ଡା ଆହାମାଚମି, ପାଖୁଲ ଅର ନେରୁ ହାନାୟି ମାଚାକି ଏଞ୍ଜାସି ଲକୁଣି ମାଦି ନେକେରି ପାତେକା ନେହୁ କାତା ଝେସିମାଚେସି □

୮ ମାନ୍ସୁ ଜୁଡ଼ା ଆହାମାନି ଲାକନି ପାରୁତି ଇଲୁତା ଏମ୍ବାଆଁ ହାରେକା ଦୀଞ୍ଜୁୟା ଡ଼ାଞ୍ଜିମାରୁ □

୯ ଅଡ଼େ ଇଞ୍ଜୁତୁକ ଇନି ର ଦୀଞ୍ଜୁଣେଏସି କିଡ଼କି ଲାକ କୁଗାମାଚେସି, ଏଞ୍ଜାଣାକି ହାରେକା ଇଦା ଝାହିମାଚେ; ଇଞ୍ଜା ପାଖୁଲ କାତା ହାରେକା ଲାମ୍ବା କିହୁ ଝେସିମାଚାକି ଇଞ୍ଜୁତୁକ ତାନି ପାରୁ ଗାଟି ଇଲୁ ଲାକଟି ଡ଼ଇ ରୀତେସି, ଏଟିବେଲା ଏଞ୍ଜାରି ଇଞ୍ଜୁତୁକକ୍ ନିକ୍‌ହେରି, ଏଞ୍ଜାସି ହାହାମାଚେସି □

୧୦ ସାମା ପାଖୁଲ ଡ଼ଇ ରେଟାଞ୍ଜାହାନା ଏଞ୍ଜାଣି ମୁହେଁ ମାରହାନା ଏଞ୍ଜାଣାକ୍ ପମାନା ଏଲେଇଚେସି, “ଆଜାଆତୁ ଇତିହୁ ଇଞ୍ଜାଣି ତାଣା ଜୀଞ୍ଜୁ ମାନେ □”

୧୧ ତାୟୁ ଲାକ ହାଜାନା ରୁଟି ବାଟିକିହାଁ ତିଚେରି, ଇଞ୍ଜା ଲାକ ଝେୟିନି ପାତେକା ହାଡ଼ାକାତା ଆହାନା ପାଖୁଲ ହାଚେସି □

୧୨ ଅଡ଼େ ଲକୁ ଏ ଦୀଞ୍ଜୁଣା କକାଣାକ୍ ଜୀଞ୍ଜୁତଲେ ଇଜ ଅହୁ ହାଚେରି ଇଞ୍ଜା ଏଞ୍ଜାରି ହାରେକା ବାସୁ ବେଟାଆଚେରି □

ତ୍ରୟାଟିଏ ମିଲିତତା ହାନାୟି

୧୩ ସାମା ମାନ୍ସୁ ନକେଏ ଜାଜାତା ହଚାନା ଆସସତା ହାଚମି, ଏମ୍ବାଟିଏ ମାନ୍ସୁ ପାଖୁଲକ୍ ଅହାଲି ଅଣ୍ଡାମାଚମି, ଇତିହୁ ଏଞ୍ଜାସି ତାନ୍ସୁଏ ତାକିହୁ ହାଜାଲି ତୀରି କିହାମାଚେସି □

୧୪ ଏଟିବେଲା ଏଞ୍ଜାସି ଆସସତା ମାଙ୍ଗେ ବେଟା ଆୟାଲିଏ, ମାନ୍ସୁ ଜାଜାତା ଏଞ୍ଜାଣାକ୍ ମିତିଲିନିତା ତାଚିହୁ ଝାଡ଼ମି,

୧୫ ଅଡ଼େ ଏମ୍ବାଟି ହାଜାନା ଏ ଅର ନେରୁ କିଅସତା ଏଗାହାଚମି, ଅଡ଼େ ର ଦିନାତି ଜେତ ସାମସତା ଏଜାହାଁ, ତାନି ଅର ନେରୁ ମିଲିତତା ଏଗାହାଚମି □

୧୬ ଇତିହୁ ପାଖୁଲ ଆସିୟା ରାଜିତା ହାରେକା ଦିନା ତ୍ରୟାଆନା, ଇଦାଆଁତାକି ଏଞ୍ଜାସି ଏପିସିୟ ପିସାନା ହାଜାଲି ତୀରି କିହାମାଚେସି, ଆଡ଼ିସାରେ ପେଡ଼ିକସ୍ତ ଦିନା ଜିରୁସାଲମତା ଏଗାହାଜାଲି ଦାଗା ଆହିମାଚେସି □

ଏପିସିୟ କୁଲମିତି କାଜାରାକ୍ ପାଖୁଲ ଝେହନାୟି

୧୭ ମିଲିତଟିଏ ପାଖୁଲ ଏପିସିୟ କୁଲମିତି କାଜା ଲକୁଣି କାତୁ ପାଣ୍ଡାନା ହାଟିକିତେସି □

୧୮ ଏଞ୍ଜାରି ତାନି ତାଣା ଝାୟାଲିଏ, ଏଞ୍ଜାସି ଏଞ୍ଜାରାକ୍ ଏଲେଇଚେସି, “ଆସିୟାତା ନାନୁ ଏଦାତି ଦିନାଟିଏ ମୀ ତଲେ ଏନିକିହୁ ମାଚେଏ ମୀରୁ ପୁଞ୍ଜାମାଞ୍ଜେରି,

୧୯ ପ୍ରବୁତି ହଚେଏଣା ଆହାନା ଜାହାରାକ୍ ଡ଼ଣା କିହାଁ ଅଡ଼େ କାଣ୍ଡୁ ବକ୍‌ହାଁ ନାଙ୍ଗେ ସାସ୍ତି ଝାଡ଼ାଟି ନାନୁ ପ୍ରବୁତି ସେବା କିତେଏ, ଏନାଆଁତାକି ଇତିହୁ ଏଚରଜାଣା ଜୀହୁଦି ଲକୁଡ଼ି ପାରୁ ପାରିମାଚାକି □

୨୦ ମୀରୁ ପୁଞ୍ଜାମାଞ୍ଜେରି, ନାନୁ ପାଙ୍ଗାଞ୍ଜେଙ୍ଗେ ଲକୁତାଣା ଝେହନାଟି ଅଡ଼େ ମିଙ୍ଗେତାକି ଇଲୁତା ଝେସ୍ତାନି ବେଲାତା ମୀ ନେହେଁ ଆନିଲେହେତି ଏନାଆଁ ଜିକେଏ ଡ଼କୁହା ହିଲାଆଚେଏ,

୨୧ ଜୀହୁଦି ଅଡ଼େ ଜୀହୁଦିଆଆତି ଲକୁ ନକିତା ଜାଗ୍ରାତା କିହୁ ସାକି ହୀହାନା ଝେସାମାଚେଏ, ଏଞ୍ଜାରି ପାପୁଟି ଏଚକା ଆହାନା ମାହାପୁରୁ ଝାକି ମନ୍ ଝେଚ୍‌ହା କତାନା ମା ପ୍ରବୁ ଜୀସୁକ୍ ନାମିନେରି □

୨୨ ନୀଏଁ ମେହ୍‌ଦୁ, ନାନୁ ସୁଦୁଜୀଞ୍ଜୁକ୍ ମାନଞ୍ଜି ଆହାନା ଜିରୁସାଲମତା ହାଜିମାକ୍, ଏମ୍ବାଆଁ ନାଙ୍ଗେତାକି ଏନାଆଁ ଆନେ ନାନୁ ପୁଞ୍ଜାହିଲଅଁ;

୨୩ ସୁଦୁଜୀଞ୍ଜୁ ନାଙ୍ଗେ ଜାଗ୍ରାତା କିହାଁ ସାକି ହାହିମାଞ୍ଜାନେ, ଗାଡ଼ାତାକି ଗାଡ଼ା କାୟିଦି ଆହାନା କସ୍ତ ବେଟାଆକ୍ □

୨୪ ସାମା ନାନୁ ଏନିକ୍ ନା, ତୀରିଆହାମାନି ଚାନ୍ନୁ ପାତେକା ହଟାଲି ଆଡ଼ିଇଁ, ଅଡ଼େ ମାହାପୁରୁତି କାର୍ମାଟି ନେହଁ କାରୁତା ସାକି ହୀହାଲିତାକି ଜୀମୁ ତାଣାଟିଏ ଏମିନି ସେବା କାମା ବେଟାଆହାମାଇଁ, ଏଦାଆଁ ଏନିକ୍ ରାପୁହାଲି ଆଡ଼ିଇଁ, ଏଦାଆଁତାକି ନା ଜୀମୁତି କାଜାୟି ଇଞ୍ଜି ଅଣ୍ପି ହିଲଅଁ ।”

୨୫ “ଅଡ଼େ ନୀଏଁ ନାନୁ ପୁଞ୍ଜିମାଇଁ ମୀରୁ ଅଡ଼େ ନାଙ୍ଗେ ଖେଣ୍ଡେ ମେସୁଅଡ଼େରି । ନାନୁ ମୀ ବାରେ ତାଣା ମାହାପୁରୁ ରାଜିତି କାତା ରେଜିହଁ ଖେସାମାଞ୍ଜାଇଁ ।

୨୬ ଏଦାଆଁତାକି ନାନୁ ନୀଞ୍ଜୁତି ଇ ପାରୁତାକି ଆଟ୍ଠା ତଲେ ଖେସିମାଇଁ, ମୀ ବିତ୍ରାଟି ଆମ୍ବାଆସି ନାସା ଆଡ଼ିହଁ ଏମ୍ବାତି ଦାୟି ନାନୁ ଆଏ

୨୭ ଇତିହଁ ମାହାପୁରୁ ଅଣ୍ପିମାନାଣି ବାରେ ମିଙ୍ଗେ ଖେସାଲି ନାନୁ ପିସା ହିଲଅଁ ।

୨୮ ମୀରୁ ମିଙ୍ଗେ ଜାହାରା କାତା ଅଡ଼େ ଆମିନି କୁଲମିତି ମାହାପୁରୁ ତାନି ନେତେରି ତଲେ କତାମାନେସି, ତାନି ଏ କୁଲମିତି ପହି ପାଡ଼ିକିହାଲିତାକି ସୁଦୁଜୀଞ୍ଜୁ ବାରେ ମାନ୍ଦା ବିତ୍ରାଟି ଗୁମ୍ବୁସା କିହାଁ ମିଙ୍ଗେ ଆଟାମାଞ୍ଜାନେସି, ଏଞ୍ଜାରାଇଁ ଜାଗ୍ରାତା କିଦୁ ।

୨୯ ନାନୁ ହାଟି ତାନ୍ନୁ ଆଜିହପେତି ଗଦ କ୍ଷାନ୍ନୁ ଖାନୁ, ଅଡ଼େ ମେଣ୍ଡାୟା ମାନ୍ଦାତି ରାଣାରାକା କିଆନା ପିହଡ଼,

୩୦ ଦିନା ଖାନ୍ନେ, ଏରିବେଲା ମୀ ଗତିତି ଏତେକା ସୀସୁୟା ନିଙ୍ଗାନା ନାମୁ ଗାଟାରାଇଁ ମିତି କାତା ଖେସାନା ଏଟକା ଜିରୁତା ଅନେରି,

୩୧ ଏରିବେଲା ଜାଗ୍ରାତା ଡୟାଦୁ, ନାନୁ ଲାଆଁ ମାଦେନା କାଣ୍ଡୁ ଖାକ୍‌ହିହଁ ତାନି ବାସା ପାତେକା ବାରେତେରି ମିଙ୍ଗେ ଜାପୁହା ମାଞ୍ଜାଇଁ, ଇ କାତା ଅଣ୍ପୁତା ଇଟାଦୁ ।”

୩୨ ନୀଏଁ ନାନୁ ମିଙ୍ଗେ ମାହାପୁରୁ ଇଞ୍ଜା ତାନି କାର୍ମାମେହନି ବଲୁ ନକିତା ହେରପିମାଞ୍ଜାଇଁ, ଇ କାର୍ମାଟି କାତା ମିଙ୍ଗେ ବାଡ଼ୁୟୁ ତଲେ ପାଡ଼ିକିହାଲିତାକି ଅଡ଼େ ସୁଦୁ ଆହାମାନି ବାରେ ଲକୁ ବିତ୍ରା ଅଦିକାରା ହୀହାଲି ଆଡାନେସି ।

୩୩ ନାନୁ ଆମ୍ବାଆରି ବାଂଗାରା, ଖେଣ୍ଡି କି ହିମ୍ବିରକା ଜୁପକା ଆହାହିଲିଆଡେଏଁ ।

୩୪ ମୀରୁ ପୁଞ୍ଜାମାଞ୍ଜେରି ଇ ନା ରୀ କେସ୍ତାତଲେ କାମା କିହାନା ନାଙ୍ଗେ ଅଡ଼େ ନା ତଡ଼ ଲୁକୁତି ବାରେ ଲଡ଼ାମାନାଣି ବେଟାଆହାମାଇଁ ।

୩୫ ଇଲେକିହଁ କସ୍ତ କିହାନା ଆଡାଆ ଗାଟାରି ସାୟେମି କିନାୟି, “ଇତିହଁ ରାହନି କିହାଁ ହୀନାୟି ହାରେକା ନେହାୟି” ପ୍ରବୁ ଜୀସୁ ତାନୁଏ ଇ କାତା ଖେସାମାଞ୍ଜାନେସି, ଇ କାତା ମୀରୁ

ଅଣ୍ପିନାୟି ମାନେ, ଇ ବାରେ କାତାତଲେ ମିଙ୍ଗେ ପୁଣ୍ଡି କିହିମାଞ୍ଜାଇଁ ।

୩୬ ଇ ବାରେ କାତା ଖେସାଲି ରାପୁହି ତାନ୍ନୁ ପାଞ୍ଜୁଲ ମେଣ୍ଡାକୁତାନା ବାରେଜାଣା ତଲେ ପ୍ରାଡାନା କିଡେସି ।

୩୭ ଅଡ଼େ, ଏଞ୍ଜାରି ବାରେଜାଣା ଡାହି ଡାହିଁ ପାଞ୍ଜୁଲଇଁ ପମାହାଁ ନଣ୍ଡିତେରି ।

୩୮ ଏଞ୍ଜାରି ଅଡ଼େ ତାନି ମୁମ୍ବୁ ଖେଣ୍ଡେ ମେସାଲି ଆଡ଼ଅରି, ଏଞ୍ଜାସି ଖେସାମାଟି କାତାତାକି ହାରେକା ଦୁକୁ କିଡେରି, ତାନ୍ନୁ ଏଞ୍ଜାରି ଏଞ୍ଜାଣାଇଁ ଏୟୁ ଜାଜା ପାତେକା ଇଟି ହାତେରି ।

୨୧

ପାଞ୍ଜୁଲ ଜିରୁସାଲମତା ହାନାୟି

୧ ଏଞ୍ଜାରି ତାଣାଟି ହେଲ ବେଟାଆହାନା ମାମ୍ବୁ ଏୟୁ ଜାଜାତା ହଟାହାଁ ସଲକେ ଜିରୁତି କସ୍ତା ଖାଡ଼ମି, ତାନି ଅର ନେରୁ ରଦାତା, ଇଞ୍ଜା ଏମ୍ବାଟିଏ ପାତାରାତା ଖାଡ଼ମି ।

୨ ଏମ୍ବାଟିଏ ପୟିନିକିୟା ହାନି ଏୟୁ ଜାଜା ବେଟାଆହାନା ଏମ୍ବାଆଁ ହଟାହାଁ ହାଟମି ।

୩ ତାନ୍ନୁ କୁପ୍ର ତଞ୍ଜା ଆହାଲିଏ ତାନି ଚେବୁଞ୍ଜାକି ପିସାନା ମାମ୍ବୁ ସ୍ଥିରିୟାତା ହାଜାନା ସରତା ଏଗାତମି, ମାମ୍ବୁ ଚାୟରତା ଜାଜାଟି ରେତମି, ଇତିହଁ ଏମ୍ବାଆଁ ଜାଜାଟି ଆସ୍ତି ରେପନାୟି ମାଟେ ।

୪ ଏମ୍ବାଆଁ ନାମିତି ସୀସୁୟାଣି ପାରାନା ଏଞ୍ଜାରାଇଁ ବେଟାଆହାନା ଏମ୍ବାଆଁ ସାଡା ଦିନା ଡୟିତମି; ଇଞ୍ଜା ପାଞ୍ଜୁଲ ଏନିକ୍ ଜିରୁସାଲମତା ହାଲଅସି ଏଦାଆଁତାକି ଏଞ୍ଜାରି ସୁଦୁଜୀଞ୍ଜୁ ତଲେ ବାଡିମାଲିତେରି ।

୫ ମାମ୍ବୁ ସାଡା ଦିନା ଡୟିତି ତାନ୍ନୁ, ଏଞ୍ଜାରାଇଁ ପିସାନା ଜାହାରା ଜିରୁତା ହାଟମି, ଅଡ଼େ ମାଙ୍ଗେ ହେଲ ହିୟାଲି ଏଞ୍ଜାରି ବାରେଜାଣା ଇୟାସିକା କକାରି ପଦାୟା ତଲେ ଗାଡାତି ପାଙ୍ଗାତା ମାନି ସାମ୍ବୁରି ଗାଟୁ ପାତେକା ଇଟି ଖାଡେରି, ଏମ୍ବାଆଁ ମେଣ୍ଡାକୁତାନା ମାମ୍ବୁ ବାରେତମି ପ୍ରାଡାନା କିଡମି,

୬ ତାନ୍ନୁ ମାମ୍ବୁ ବାରେଜାଣାଟି ହେଲ ହୀହାନା; ଜାଜାତା ହଟମି, ଇଞ୍ଜା ଏଞ୍ଜାରି ତାନି ଇଜ ଖେଣ୍ଡା ହାତେରି ।

୭ ମାମ୍ବୁ ସର ଗାଡାଟି ପତଲମାୟିତା ଏଗାହାଟମି, ଇଞ୍ଜା ଏମ୍ବାଆଁ ତାୟିୟାଣି ଜହରା କିହାନା ଏମ୍ବାଆଁ ର ଦିନା ଏଞ୍ଜାରିତଲେ ଡୟିତମି ।

୮ *ଅଡ଼େ ଅର ନେରୁ ହାଜାନା କାୟିସରିୟାତା ଏଗାହାଟମି, ଏମ୍ବାଆଁ ମାମ୍ବୁ ନେହଁ ବଲୁ ଖେକ୍‌ନି ପିଲିପ ଇଜ ହାଜାନା ଡୟିତମି, ଜିରୁସାଲମତା ସେବା କାମା କିହାଲି ଆଟାମାନି ସାଡା ଜାଣା ବିତ୍ରାଟି ଏଞ୍ଜାସି ରଅସି ମାଟେସି ।

☆ ୨୧:୮ ୨୧:୮ କାମା ୨:୫; ୮:୫

୯ ଏଞ୍ଜାଣାକି ସାରି ଜାଣା ତାଆ ମାସକା ମାରୁ, ଏଞ୍ଜି ବାରେ ମାହାପୁରୁ ଅଣ୍ଠପୁତି ବଲୁ ଖେହନାଲ ମାରୁ □

୧୦ ✨ଏମ୍ବାଆଁ ହାରେକା ଦିନା ତୁୟିତି ତାମୁ ଆଗାବ ଦରୁଗାଟି ର ମାହାପୁରୁ ଅଣ୍ଠପୁତି ବଲୁ ଖେହନାସି ଜୀହୁଦା ଦେସାଟି ଖାଡେସି □

୧୧ ଏଞ୍ଜାସି ମା ତାଣା ଖାହାନା ପାଞ୍ଜୁଲତି ଜାଟି ତ:ରି ଅହାନା ତାନି କେସ୍ତା କତାଣା ଦସା କତାନା ଏଲେଇଚେସି, “ସୁଦୁଜୀସୁ ଏଲେଇଞ୍ଜି ଖେସିମାଞ୍ଜାନେ, ଇଦାଆଁ ଦସା କତିନି ଜାଟି ତ:ରି ଗାଟାଣାଲ୍ ଜିରୁସାଲମତି ଜୀହୁଦି ଲକୁ ଇଲେକ୍ ଦସାନା ଜୀହୁଦିଆଆତି ଲକୁତି କେୟୁତା ହେଉପିନେରି □”

୧୨ ଇ ବାରେ କାତା ଖେଞ୍ଜାନା ଜିରୁସାଲମତା ହାଲଆନି ଇଞ୍ଜି ମାମୁ ଅଡେ ଏମ୍ବାତି ଲକୁ ବାତିମାଲିତମି □

୧୩ ସାମା ପାଞ୍ଜୁଲ ଏଲେଇଚେସି, “ମୀରୁ ତୁହି ତୁହି ଏନାଆଁତାକି ନା ହିୟାତି କାଡି କିହିମାଞ୍ଜେରି, ଏନିଇତିହି ନାନୁ ପ୍ରବୁ ଜୀସୁ ତାକି ଜିରୁସାଲମତା ଦସପି ଆହାଲି ଆଏ ସାମା ହାହାଲି ଜିକେଏ ଅଣ୍ଠପିମାଲ୍, ଇଞ୍ଜି ଇଚେସି □”

୧୪ ଏଞ୍ଜାସି ମା କାତା ମାନୁଞ୍ଜି ଆଆତାକି ମାମୁ ବାରେ ପାଲେଏ ଆଡମି, ଇଞ୍ଜି “ପ୍ରବୁତି କାତେଏ ଆଡେ” ଇଞ୍ଜି ଇଚମି □

୧୫ ଏମ୍ବାଆଁ ଏଚରଦିନା ମାଟି ତାମୁ ମାମୁ ମା ଆସି ଆସାନା ଜିରୁସାଲମତା ହାଚମି □

୧୬ ଅଡେ କୁପ୍ରତି ମନାସନ ଦରୁଗାଟି ର ନାମୁଗାଟାସି ଅଡେ କାୟିସରିୟାଟି ଏଚରଜାଣା ସୀସୁୟାଁ ମା ତଲେ ହାଚେରି; ମନାସନ ଇଜ ମାମୁ ତୁୟିନାୟି ମାଚେ □

ଜାକୁବ ତଲେ ପାଞ୍ଜୁଲ ବେଟାଆନାୟି

୧୭ ମାମୁ ଜିରୁସାଲମତା ଏଗାହାଜାଲିଏ ନାମିତି ତାୟିୟାଁ ମାଜେ ରାହାଟି ହାଟା ଅୟାଚେରି □

୧୮ ଏ ଅର ନେରୁ ପାଞ୍ଜୁଲ ମା ତଲେ ଜାକୁବ ଇଜ ହାଚେସି; ଅଡେ ବାରେ ପ୍ରାଟିନାଜା ଏମ୍ବାଆଁ କୃତା ଆଡେରି □

୧୯ ପାଞ୍ଜୁଲ ଏଞ୍ଜାରାଲ୍ ଜହରା କିତି ତାମୁ, ମାହାପୁରୁ ତାନି ସେବା କାମାତା ଜୀହୁଦିଆଆତି ଲକୁତାଣା ଏନି ଏନି କାମା କିହାମାନେସି ଏ ବାରେ ଖେସ୍ତେସି □

୨୦ ଏଞ୍ଜାରି ଏଦାଆଁ ଖେଞ୍ଜାନା ମାହାପୁରୁତି ଜହରା କିଚେରି, ଅଡେ ଏଞ୍ଜାଣାଲ୍ ଏଲେଇଚେରି, “ଏ ତାୟି, ପାଞ୍ଜୁଲ ନୀଏଁ ମେସିମାଞ୍ଜି ଜୀହୁଦିୟାଁ ବିତ୍ରାଟି ମାଣା ମାଣା ଲକୁ ନାମିମାନେରି, ଏଞ୍ଜାରି ବାରେଜାଣା ମେରାତି ମାନୁଞ୍ଜି ଆହୁମାନେରି □

୨୧ ଏଞ୍ଜାରି କାରୁ ବେଟାଆହା ମାନେରି, ନୀନୁ ଏଟକା କୃତାତାରି ତାଣା ବାସା ଆହାମାନି ବାରେ ଜୀହୁଦି ଲକୁଣି ମସାତି ମେରା ପିସାଲି, ଏଞ୍ଜାରି କକାରି ତଲୁ ଦାଦୁ, ଅଡେ ଜୀହୁଦି ଲକୁତି ପାଣାପାରୁ ମାନୁଞ୍ଜି ଆଆଦୁ ଇଞ୍ଜି ଜାପୁହିମାଞ୍ଜି □

୨୨ ନୀନୁ ଇମ୍ବାଆଁ ଖାହାମାନି କାରୁ ସାତେଏ ଏଞ୍ଜାରି ଖେନେରି, ଆତିହି ଏନି କିନାୟି ?

୨୩ ଏଦାଆଁତାକି ମାମୁ ନିଜେ ଏନାଆଁ ଖେସିମାଞ୍ଜାନମି ଏଦାଆଁ କିମୁ ମା ତାଣା ସାରି ଜାଣା ମାନେରି, ଏଞ୍ଜାରି ପାରମାଣା କିହାମାନେରି;

୨୪ ଏଞ୍ଜାରିତଲେ ହାଲମୁ ଇଞ୍ଜି ଏଞ୍ଜାରିତଲେ ଆଣ୍ଡାନା ନିଜେ ଅଟହା କତାମୁ, ଇଞ୍ଜି ଏଞ୍ଜାରି ତାର୍କା ହିନ୍ଦି କାରୁ ହାମୁ, ଆତିହି ବାରେ ଲକୁ ମେସାନା ଏଞ୍ଜାରି ନୀ କପାଟି ଖେସାମାନି କାତା ଏନି ସାତା ହିଲେଏ, ସାମା ନୀନୁ ଜିକେଏ ମସା ମେରା ମାନୁଞ୍ଜି ଆହୁମାଞ୍ଜି ଇଞ୍ଜି ପୁଞ୍ଜାମାନେରି □

୨୫ ✨ସାମା ଆମିନି ଏଟକା କୃତାତାରି ନାମାମାନେରି, ଏଞ୍ଜାରି ପେଣକା ବମାୟାକି ପୂଜା ହାହାମାନି ବଗୁ, ନେତେରି ଇଞ୍ଜି ହେରକି ତିଣ୍ଡାତାନା ପାୟିତି ଜଡୁତି ଡଙ୍ଗା ତିନାଆଦୁ, ଇଞ୍ଜି ଦାରିକାମାଟି ଏଟକା ଆଦୁ, ଇଞ୍ଜି ମାମୁ ତୁାରିକିହାଁ ଏଞ୍ଜାରାକି ର ଆକୁ ରାଟାମାନମି □”

୨୬ ଏମ୍ବାଟିଏ ପାଞ୍ଜୁଲ ଅର ଦିନା ଏଞ୍ଜାରିତଲେ ହାଜାନା ଅଟହା କତିନି ମେରା ମାନୁଞ୍ଜି ଆଡେସି, ଇଞ୍ଜି ମାହାପୁରୁ ଇଲୁତା ହାଜାନା ତାନି ଅଟହା କତିନି ଦିନାୟାଁ ଏଚେଲା ରାନେ ଅଡେ ବାରେଜାଣା ତାକି ଏନି ଏନି ପୂଜା କିନାୟିମାନେ ଏ ବାରେ ଖେସ୍ତେସି □

ମାହାପୁରୁ ଇଲୁତା ପାଞ୍ଜୁଲ ଦସପି ଆନାୟି

୨୭ ଏ ସାତା ଦିନା ପୂରା ଆହୁମାଟାଟି ଆସିୟା ଦେସାଟି ଏଚେକା ଜୀହୁଦି ଲକୁ ମାହାପୁରୁ ଇଲୁତା ପାଞ୍ଜୁଲଲ୍ ମେସାନା ଏଞ୍ଜାରି ଏମ୍ବାଆଁ କୃତା ଆହାମାନି ମାନ୍ଦା ଲକୁଣି ମାଡ଼ୁଞ୍ଜି କିଚେରି, ଅଡେ ଏଞ୍ଜାଣାଲ୍ ଆସାନା କାଲୁଞ୍ଜି ଆହି ଏଲେଇଚେରି □

୨୮ “ଏ ଇସ୍ରାୟେଲତି ଲକୁ ସାୟେମି କିୟାଦୁ; ଇଞ୍ଜାସି ସାରିଞ୍ଜାକି ହାଜାନା ଇସ୍ରାୟେଲ ଲକୁତି କପାଟି ଅଡେ ମସା ହୀତି ମେରା ଇଞ୍ଜି ଇ ମାହାପୁରୁ ଇଲୁ କପାଟି ଜାପୁହିମାନେସି □ ଇଞ୍ଜି ନୀଏଁ ଏଚରଜାଣା ଜୀହୁଦିଆଆତି ଲକୁଣି ମାହାପୁରୁ ଇଲୁତା ତାତାନା ସୁଦୁ ଟାୟୁତି ପଲୁଆ କିହିମାନେସି □”

୨୯ ✨ଇତିହି ଏଞ୍ଜାରି ଗାଡାତା ଏପିସୟତି ତ୍ରପିମଲ୍ ପାଞ୍ଜୁଲ ତଲେ ମେସାମାଚେରି, ଅଡେ

ଏଞ୍ଜାଣାଇଁ ମାହାପୁରୁ ଇଲୁତା ତାରାମାନେସି ଇଞ୍ଜିଁ ଅଣ୍ଠିମାରେରି □

୩୦ ଏମ୍ବାଟିଏ ବାରେ ଗାଡ଼ା କିଲିବିଲି ଆଡେ, ଇଞ୍ଜାଁ ଲକୁ ମାନ୍ଦା ମାନ୍ଦା ଆହ୍ଁ ହଟାନା ପାଞ୍ଜୁଲଇଁ ଆସାନା ମାହାପୁରୁ ଇଲୁଟି ରେଜା ତାଡେରି; ଇଞ୍ଜାଁ ଏ ଦେବୁଣିଏ ମାହାପୁରୁ ଇଲୁଟି ଦାରାୟାଁ ସୁଣ୍ଠିତେରି □

୩୧ ଅଡେ ଏଞ୍ଜାରି ପାଞ୍ଜୁଲଇଁ ପାୟାଲି ଅଣ୍ଠିପିତେରି, ଇଞ୍ଜାଁ ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜିଁ ରିଜାରି କସକାତି କାଜାଣି ତାଣା କାରୁ ହୀତେରି □

୩୨ ଏମ୍ବାଟିଏ ଏଞ୍ଜାସି ଦେବୁଣିଏ ରିଜାରି କସକା ଇଞ୍ଜାଁ ପାସାକଡ଼ି କସକା ମୁହେଁ କାଜାରାଇଁ ଆସାନା ଏଞ୍ଜାରିତାଣା ଦାବଡ଼ି ହାରେସି, ଲକୁ ରିଜାରି କସକା ଅଡେ କସକା ମୁହେଁ କାଜାରାଇଁ ମେସାନା ଏଞ୍ଜାରି ପାଞ୍ଜୁଲଇଁ ଝେଟାଲି ପିସ୍ତେରି □

୩୩ ଏମ୍ବାଟିଏ କସକା ମୁହେଁ କାଜାସି ପାଞ୍ଜୁଲ ତାଗେ ହାଜାନା ଏଞ୍ଜାଣାଇଁ ଆସାନା ରୀ ହିକଣିୟାଁ ତଲେ ଦସାଲି ହୁକୁମି ହୀତେସି, ଅଡେ “ଇଞ୍ଜାସି ଆମ୍ବାଆସି ? ଏନାଆଁ କିହାମାନେସି ଇଞ୍ଜିଁ ଝେରେସି ?”

୩୪ ଏରେଟିଏ ଲକୁ ବାରେ ଆମ୍ବାଆରି ଇ କାତା ଆମ୍ବାଆରି ଏ କାତା ଇଞ୍ଜିଁ କାଲୁଝି ଆଡେରି, ଇଞ୍ଜାଁ ଏନାଆଁ ଆହାମାନେ ଇଞ୍ଜିଁ ତୀରପୁତି କାତା ପୁନାଆନା ପାଞ୍ଜୁଲଇଁ କଟା ଇଲୁତା ଅହାଲି କସକାଣି ହୁକୁମି ହୀତେସି □

୩୫ ଏରିବେଲା ଏଞ୍ଜାସି ପାଞ୍ଜୁଲ ପିଣ୍ଡାଣା ଏଗାହାଜାଲିଏ, ଲକୁଟି ମାନ୍ଦା କାରବିଟି କାଲୁଝି ଆୟାଲିଏ କସକା ପାଞ୍ଜୁଲଇଁ ଇଲୁ ବିତ୍ରା ଡେକା ଅଡେରି □

୩୬ ଇରିହ୍ଁ ମାନ୍ଦା ମାନ୍ଦା ଲକୁ ଜେଟ ଝାହିହ୍ଁ “ଏଞ୍ଜାଣାଇଁ ପାୟାଦୁ” ଇଞ୍ଜିଁ କାଲୁଝି ଆହିମାରେରି □

ପାଞ୍ଜୁଲ ତାନୁଏ ତାଜେତାକି ଝେହ୍ନାୟି

୩୭ ଏଞ୍ଜାରି ପାଞ୍ଜୁଲଇଁ କଟା ଇଲୁ ବିତ୍ରା ଅହିମାଚାଟି ଏଞ୍ଜାସି କସକା ମୁହେଁ କାଜାଣାଇଁ ଏଲେଇରେସି, “ନାନୁ ନିଜେ ର କାତା ଝେସାଲି ଆଡାଇଁ କି ?” ଏମ୍ବାଟିଏ କାଜାସି ଏଲେଇରେସି “ନାନୁ ଗ୍ରିକ୍ ହାଡା ପୁଞ୍ଜି କି ?

୩୮ ଆଡିହ୍ଁ ଇଦାଆଁ ନକେଏ ଏମିନି ମିସରତି ଲକୁ ଗଡ଼ହା ହପହାନା ସାରି ମାଣା କାଗଂରାଣି ଲକୁ ହିଲିଆ ଚାୟୁତା ଅହାମାଚାଟି ନାନୁ ଏଞ୍ଜାଟି ଆଏ କି ?”

୩୯ ଏମ୍ବାଟିଏ ପାଞ୍ଜୁଲ ଏଲେଇରେସି “ନାନୁତ ର ଜୀହୁଦି କିଲିକିୟା ଦେସାଟି ତାର୍ସ ଇଞ୍ଜିହ୍ଁ

ଝେଜିତି ଗାଡ଼ାତା ଜାର୍ନା ଆଡାଡେଏଁ; ଇ ଲକୁଣି କାତା ଝେସାଲି ନାଜେ ହେଲ ହିୟାମୁ □”

୪୦ ଏ କାଜାସି ହେଲ ହିୟାଲିଏ, ପାଞ୍ଜୁଲ ପାଞ୍ଜୁଜିକାଣା ନିଚାନା ଲକୁଣି କେୟୁତଲେ ସାପି କିଡେସି; ଇଞ୍ଜାଁ ବାରେଜାଣା ସାପି ଆହାଲିଏ ଏଞ୍ଜାସି ଏବ୍ରି ହାଡାତଲେ ଏଞ୍ଜାରାଇଁ ଏଲେଇରେସି □

୨୨

୧ “ଏ ତାୟିୟାଁ ଅଡେ ତାଞ୍ଜିୟାଁତେରି, ନାନୁ ନୀଏଁ ମୀ ନକିତା ନା ଝାକିଟି କାତା ଝେସିମାଞ୍ଜାଇଁ, ଝେଞ୍ଜାଦୁ!”

୨ ପାଞ୍ଜୁଲ ଏଞ୍ଜାରି ନକିତା ଏବ୍ରି ହାଡାତଲେ ଜଲିମାନାଣି ଝେଞ୍ଜାନା; ଏଞ୍ଜାରି ହାଡା ଆଆନା ପାଲେଏ ଆଡେରି, ଅଡେ ପାଞ୍ଜୁଲ ଜଲିଲି ମାଟ୍‌ହେସି □

୩ ଏମ୍ବାଟିଏ ଏଞ୍ଜାସି ଏଲେଇରେସି, “ନାନୁ ର ଜୀହୁଦି ଲକୁଡେଏଁ, କିଲିକିୟାଟି ତାର୍ସତା ନା ଜାର୍ନା, ସାମା ନାନୁ ଇ ଜିରୁସାଲମ ଗାଡ଼ାତା ପହିପାଡି ଆହାମାଇଁ, ଗମଲିୟେଲ ତାଣା କୁଗାନା ଜାପାମାଇଁ, ମା ଆକୁ ଆବାୟାଟି ମେରାଡି ନେହ୍ଁକ୍ଁ ଜାପାମାଇଁ; ମୀରୁ ଏନିକ୍ଁ ମାହାପୁରୁତି ସେବା କିହିମାଞ୍ଜେରି ନାନୁ ଜିକେଏ ଏଲେକିହ୍ଁ ମାନୁଝି ଆନାଡେଏଁ ମାଚେଏଁ;

୪ ଏନାନୁ ଇ ଜିରୁତା ତାକିମାନି ଇୟାସିକା ଆବାୟାଣି ହାନି ପାଡେକା ସାସ୍ତି କିହିମାଚେଏଁ, ଅଡେ ଦସପାନା କାୟିଦି ଇଲ୍‌କାଣା ହେର୍ପିମାଚେଏଁ □

୫ ନା ଇ କାତା ସାତା, କାଜା ପୂଜେରାଜା ଅଡେ କାଜା ବେରଣି ମାଣ୍ଡାତାରି ନା ସାକି; ନାନୁ ଏଞ୍ଜାରି ତାଣାଟି ତାୟିୟାକି ଆକୁ ରୀସାନା ଲକୁଣି ହିକଣିୟାଁ ତଲେ ଦସପାନା ଜିରୁସାଲମତା ତାଚାଲି ତାକି ନାନୁ ଦମେସକତା ମାନି ଜୀହୁଦି ଲକୁତାଣା ହାଜାମାଚେଏଁ □”

ପାଞ୍ଜୁଲ ତାନି ମନ୍ ଝେଟ୍‌ହାଣି ଝେହ୍ନାୟି (କାମା ୯:୧-୧୯; ୨୭:୧୨-୧୮)

୬ “ନାନୁ ଦମେସକ ତାଗେ ଏଜିମାଚାଟି ମାଦେନା ବେଲାତା ଦେବୁଣିଏ ନା ସାରିଝାକି ହାଗୁଲ୍ୟାକଟି ର ତାର୍ହାଣା ଉଜେଡ଼ି ଡ଼ାଞ୍ଜିତେ □

୭ ଏମ୍ବାଟିଏ ନାନୁ ବୃମିତା ତରଗିଡେଏଁ, ଇଞ୍ଜାଁ ନାଜେ ତାକି ଝେସିମାଟି ଇ ହାଡା ଝେଚେଏଁ, ‘ପାଞ୍ଜୁଲ, ସାଞ୍ଜୁଲ ଏନାଆଁତାକି ନାଜେ ସାସ୍ତି ହାହିମାଞ୍ଜାଦି ?’

୮ ନାନୁ ଏଲେଇରେଏଁ, ‘ପ୍ରବୁ ନାନୁ ଆମ୍ବାଆଡି ?’ ଏମ୍ବାଟିଏ ଏଞ୍ଜାସି ନାଜେ ଏଲେଇଞ୍ଜାଡେସି, ‘ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାଜରିତତି ଜୀସୁଡେଏଁ ନାନୁ □’

୯ ନା ତଳେ ମାତି ଲକୁ ଏ ଉଜେଡ଼ି ମେସ୍ତେରି ସାତା, ସାମା ନାଜେ ଖେସ୍ତାତି ହାଡ଼ା ଖେନାଆତେରି □

୧୦ ଏଚେଟିଏ ନାନୁ ଏଲେଇଚେଏ, 'ପ୍ରବୁ ନାନୁ ଏନାଆଁ କିଇଁ ?' ଏଚେଟିଏ ପ୍ରବୁ ନାଜେ ଖେସ୍ତାତେସି, 'ନିଜ୍ଜାନା ଦମେସକତା ହାଲମ୍ବୁ, ଅଡ଼େ ନିଜେ ଏନାଆଁ କିହାଲି ଆଡ଼େ ଏଦାଆଁ ଏମ୍ବାଆଁ ଖେସ୍ତାଇଁ □'

୧୧ ଏ ଉଜେଡ଼ି ମିଶ୍ଟି ମାଚାକି ନାନୁ କାଣା ଆହାହାଚେଏ, ଇଞ୍ଜା ନା ତଳେ ଖାହିମାଚାରି ନାଜେ କେୟୁ ଆସାନା ଦମେସକତା ଅୟାତେରି □"

୧୨ "ଏ ଗାଡ଼ାତା ହନନିୟ ଇଞ୍ଜିହିଁ ର ଦାମ୍ବୁଗାଟାସି ମାଚେସି, ଏଞ୍ଜାସି ମା ମେରାତି ମାନୁ ଆନାସି, ଇଞ୍ଜା ଦମେସକତି ଜାହୁଦି ଲକୁତାଣା ମାନିଗାଟାସି ଅଡ଼େ ଖେଜିତାସି ମାଚେସି □

୧୩ ଏଞ୍ଜାସି ନା ତାଣା ଖାହାନା ଦାରିତା ନିଗାନା ନାଜେ ଏଲେଇଞ୍ଜାତେସି, 'ଏ ସାଞ୍ଜୁଲ ତାୟି ମେହ୍ମୁ' ଏ ଦେବୁଣିଏ ନା କାଣ୍ଡା ଦେପିଆଡୁ ଇଞ୍ଜା ନାନୁ ଏଞ୍ଜାଣାଇଁ ମେସାଲି ଆଡ଼ିତେଏଁ □

୧୪ ଏଞ୍ଜାସି ଏଲେଇଞ୍ଜାତେସି, 'ମା ଆକୁ ଆବାୟାତି ମାହାପୁରୁ ତାନି କାତା ପୁଞ୍ଜାଲି ଅଡ଼େ ଏ ତାରି ଗାଟାଣାଇଁ ମେସାଲି, ଅଡ଼େ ତାନି ଗୁଡ଼ିଟି ହଡ଼ିମାନି ହାଡ଼ା ଖେଞ୍ଜାଲି ଆଚାମାଞ୍ଜାତେସି □

୧୫ ଇତିହିଁ ନାନୁ ଏନାଆଁ ମେସାମାଞ୍ଜି ଇଞ୍ଜା ଖେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଖେସାଲି ନାନୁ ସାକି ଆଡ଼ି □

୧୬ ଅଡ଼େ ନାଏଁ ଏନାଆଁତାକି ଖେଡ଼ା କିହିମାଞ୍ଜି, ନିଜ୍ଜାମ୍ବୁ ବାପ୍ତିସ୍ତ* ଆହାନା ତାନି ତାଣା ପ୍ରାତାନା କିହାନା ନୀ ପାପୁ ବାରେ ନରୁଞ୍ଜି କିହାକତାମ୍ବୁ □ "

ପାଞ୍ଜୁଲ ଜାହୁଦିଆଆତି ଲକୁତାଣା ପାଣ୍ଡୁଞ୍ଜି ଆନାୟି

୧୭ "ଏମ୍ବାଟିଏ ନାନୁ ଜିରୁସାଲମତା ଖେଣ୍ଡା ଖାହାନା ମାହାପୁରୁ ଇଲୁତା ପ୍ରାତାନା କିହିମାଚାଟି, ସେୟାଣା ହାପାନାତା ମେସ୍ତେଏଁ,

୧୮ ନାନୁ ସେୟାଣା ହାପାନାତା ପ୍ରବୁଇଁ ମେସ୍ତେଏଁ, ଏଞ୍ଜାସି ନାଜେ ଏଲେଇଞ୍ଜାତେସି, 'ତବେ ଜିରୁସାଲମ ପିହ୍ମୁ, ଇତିହିଁ ଇମ୍ବାତି ଲକୁ ନା ସାକି ହାନାଟି ନୀ କାତା ଆହ୍‌ଅରି □'

୧୯ ଏମ୍ବାଟିଏ ନାନୁ ଏଲେଇଚେଏ 'ପ୍ରବୁ ନାନୁ ଜାହୁଦି ଲକୁତି କୁଟମି ଇଲ୍‌କାଣା† ହାଜାନା ନିଜେ ନାମାନାରାଇଁ ଖେଚାନା କାୟିଦି ଇଲୁତା ସୁଣ୍ଡିମାଚାଣି ଏଞ୍ଜାରି ନେହିଁକିଁ ପୁଞ୍ଜାମାନେରି;

୨୦ *ଅଡ଼େ ଏଚିବେଲା ନୀ ସାକି ସ୍ତ୍ରୀପାନଇଁ ପାୟିତେରି, ନାନୁଏ ଏମ୍ବାଆଁ ମାଚେଏଁ; ଇଞ୍ଜା

ବେଲେଏ ହାପେସି ଇଞ୍ଜିଁ ଅଣପିମାଚେଏଁ, ଅଡ଼େ ପାୟିମାଚାରି ହିମ୍ବୁରିକା କାଟିମାଚେଏଁ □'

୨୧ ସାମା ପ୍ରବୁ ନାଜେ ଏଲେଇଞ୍ଜାତେସି, 'ହାଲମ୍ବୁ ଇତିହିଁ ନାନୁ ନିଜେ ହେକ ଦେସାତି ଜାହୁଦିଆଆତି ଲକୁତାଣା ପାଣ୍ଡୁଇଁ □' "

୨୨ ପାଞ୍ଜୁଲ ଏଲେଇଞ୍ଜି ଖେହ୍ନି ପାତେକା ଲକୁ ଖେଞ୍ଜିମାଚେରି, ସାମା ଏ ଦେବୁଣିଏ ଏଞ୍ଜାରି କାଜା ଗିୟାତଲେ କାଲୁଞ୍ଜି ଆହାନା ଏଲେଇଚେରି, "ଏଞ୍ଜାଣାଇଁ ପାଞ୍ଜାତା ତାଚାହାଁ ପାୟାନା ଦାରତିଟି ମେକହା ତୁହ୍‌ତୁ, ଏଞ୍ଜାସି ନୀତାଲି ପାଡ଼ାଆଅସି □"

୨୩ ଅଡ଼େ ଏଚିବେଲା ଏଞ୍ଜାରି କିଲଡ଼ି କିହିଁ ତାନି ହିମ୍ବୁରିକା କୁତିହିଁ ଲାକଖାକି ଦୂଡ଼ି ଡ଼ାଞ୍ଜିତେରି,

୨୪ ଏଚିବେଲା ପାସାକଡ଼ି କସ୍‌କା ମୁହେଁ କାଜାସି ପାଞ୍ଜୁଲଇଁ କଟା ଇଲୁ ବିଡ଼ା ଅହାଲି ହୁକୁମି ହୀତେସି, ଅଡ଼େ ଜାହୁଦି ଲକୁ ଏନାଆଁତାକି ଏଞ୍ଜାଣି କପାଟି ଗଡ଼ହା କିହିମାନେରି, ଏଦାଆଁ ପୁଞ୍ଜାଲି ପାଞ୍ଜୁଲଇଁ ସାଟୁଣି ତଲେ ଖେଚାନା ଖେଞ୍ଜୁ ଇଞ୍ଜିଁ ହୁକୁମି ହୀତେସି □

୨୫ ସାମା ଏଞ୍ଜାରି ଏଞ୍ଜାଣାଇଁ ସାଟୁଣି ତଲେ ଖେଚାଲି ତ:ରିତଲେ ଦସାଲିଏ, ପାଞ୍ଜୁଲ ଦାରିତା ମାତି ପାସାକଡ଼ି କସ୍‌କା ମୁହେଁ କାଜାଣାଇଁ ଏଲେଇଚେସି, "ଏମିନି ଦହତା ନୀହାୟି କିଞ୍ଜି ଆହାହିଲାଆ ର ରମ୍ ଦେସା ତାଣାଇଁ ସାଟୁଣି ତଲେ ଖେଚାଲି ଏନି ମେରା ମାନେ କି ?"

୨୬ ଇଦାଆଁ ଖେଞ୍ଜାନା କହ୍‌ଏସି ପାସାକଡ଼ି କସ୍‌କା ମୁହେଁ କାଜାଣା ତାଣା ହାଜାନା ଏଲେଇଚେସି, "ନାନୁ ଏନାଆଁ କିହାଲି ହାଜିମାଞ୍ଜି, ଇତିହିଁ ଇଞ୍ଜାସି ରମିୟ ଲକୁ □"

୨୭ ଏମ୍ବାଟିଏ ପାସାକଡ଼ି କସ୍‌କା ମୁହେଁ କାଜାସି ଖାହାନା ପାଞ୍ଜୁଲଇଁ ଖେଚେସି, "ନାନୁ ନାଜେ ଖେସ୍ତାମ୍ବୁ ନାନୁ ରମ୍ ଦେସାତାତି କି ?" ପାଞ୍ଜୁଲ ଏଲେଇଚେସି "ହାଅ □"

୨୮ ଏମ୍ବାଟିଏ ପାସାକଡ଼ି କସ୍‌କା ମୁହେଁ କାଜାସି ଏଲେଇଚେସି, "ନାନୁ ହାଡ଼େକା ଟାକାୟାଁ ହୀହାନା ରମ୍ ଦେସାତାତେଏଁ ଆହାମାଇଁ □" ସାମା ପାଞ୍ଜୁଲ ଏଲେଇଚେସି, "ନାନୁତ ଜାନାଟିଏ □"

୨୯ ଏମ୍ବାଟିଏ ଆମ୍ବାଆରି ପାଞ୍ଜୁଲଇଁ ଖେଞ୍ଜାଲି ତିୟାରା ଆହାମାଚେରି, ଦେବୁଣିଏ ଗୁଚା ଆହାହାଚେରି, ଇତିହିଁ ପାଞ୍ଜୁଲ ରମ୍ ଦେସାତାସି ଇଞ୍ଜିଁ ପୁଞ୍ଜାନା ର ମାଣା କସ୍‌କା ମୁହେଁ କାଜାସି ଏଞ୍ଜାଣାଇଁ ହିକ୍‌ଣିୟାଁ ତଲେ ଦସ୍‌ପି କିହାମାଚାକି ତାନୁଏ ଆଜିତେସି □

କାଜା ବେରଣିମାଣ୍ଡା ନକିତା ପାଞ୍ଜୁଲ

* ୨୨:୧୭ ୨୨:୧୭ ମୁଞ୍ଜିନାୟି † ୨୨:୧୯ ୨୨:୧୯ ସିନଗର୍ ☆ ୨୨:୨୦ ୨୨:୨୦ କାମା ୭:୫୮

୩୦ ଜୀହୁଦି ଲକୁ ପାଞ୍ଚଲ କପାଟି ଏନି ଦାଞ୍ଜା କିହାମାନେରି, ଏଦାଆଁ ସାତା ତଲେ ପୁଞ୍ଜାଲିତାକି ର. ମାଣା କସକା ମୁହେଁ କାଜାସି ତାନି ଅର ନେରୁ ପାଞ୍ଚଲତି ହିକ୍‌ଶିୟାଁ ହୁକ୍‌ହାନା କାଜା ବେରଣିମାଣ୍ଡାତି ବାରେଜାଣାତି କୁଡ଼ିକିହାଲି ପୁଜେରାଜାଣି ହୁକୁମି ହୀତେସି □ ତାୟୁ ପାଞ୍ଚଲଇଁ ଏଞ୍ଜାରି ନକିତା ନିପ୍‌ହେସି □

୨୩

୧ ପାଞ୍ଚଲ ଜୀହୁଦି ଲକୁତି କାଜା ବେରଣିମାଣ୍ଡାତା କୁଗାମାନି ଲକୁଣି ଆଟେ ସିନିକିହାନା ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ନୀଞ୍ଜୁପାତେକା ମାହାପୁରୁ ନକିତା ନେହଁ ଅଣ୍‌ପୁ ତଲେ ନୀତାମାଇଁ, ଏଦାଆଁତାକି ନା. ହିୟାଁ ହାରେକା ଅତିତାୟି □”

୨ ଇ କାତା ଖେଞ୍ଜାନା କାଜା ପୁଜେରା ହାନାନ ପାଞ୍ଚଲ ଦାରିତା ନିଚାମାନି ଲକୁଇଁ ତାନି ଗୁତିତା ଖେଦୁ ଇଞ୍ଜି ହୁକୁମି ହୀତେସି □

୩ ✱ପାଞ୍ଚଲ ଏଞ୍ଜାଣାଇଁ ଏଲେଇଚେସି, “ଏ ହୁନୁ ଉସ୍‌ପିତି ଦବ୍‌ଲା କାତି ମାହାପୁରୁ ନିଜେ ଖେତାନେସି, ନୀନୁ ମସାତି ମେରା ଲେହେଁ ନାଜେ ନାହାଁୟି କିହାଲି କୁଗାମାଟି ଜିକେଏ, ନୀନୁ ନାଜେ ଖେଚାଲି ହୁକୁମି ହୀହାନା ନୀନୁଏ ମସାତି ମେରା ଉରିମାଞ୍ଜି □”

୪ ଏଚେଟିଏ ଦାରିତା ନିଚାମାଟି ଲକୁ ପାଞ୍ଚଲଇଁ ଏଲେଇଚେରି, “ନୀନୁ ମାହାପୁରୁତି କାଜା ପୁଜେରାଇଁ ଲାଜା କିହିମାଞ୍ଜି □”

୫ ପାଞ୍ଚଲ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ଏଞ୍ଜାଣାଇଁ ନାନୁ କାଜା ପୁଜେରା ଇଞ୍ଜି ପୁଞ୍ଜା ହିଲାଆତେଏ; ଇଚିହଁ ଦାମ୍‌ପତିତା ରାସ୍‌କି ଆହାମାନେ, ‘ମୀରୁ ମୀ ସାଲ୍‌ଖି କିନାରାଇଁ ବାକା ଇଟାଆଦୁ □’ ”

୬ ✱ସାମା ପାଞ୍ଚଲ ର. ବାଗା ସାଦୁକିୟାଁ ଅଡେ ର. ବାଗା ପାରୁସିୟାଁ ମାନେରି ଇଞ୍ଜି ପୁଞ୍ଜାନା, କାଜା ବେରଣିମାଣ୍ଡାତା କାଜା ଗିୟାଁତଲେ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ର. ପାରୁସିତେଏଁ ଇଞ୍ଜା ପାରୁସି ମୀରୁଏଣାତେଏ; ଇଞ୍ଜା ହାଡାରି ଖେଶ୍‌ଶେ ନିଜ୍‌ନେରି ଇଞ୍ଜି ଆସା କିହିମାନାକି ମୀରୁ ନାଜେ ନାହାଁୟି କିହିମାଞ୍ଜାଦେରି □”

୭ ଏଞ୍ଜାସି ଇ କାତା ଏଲେଇଶ୍‌ମ୍‌ନିଏ ପାରୁସି ଅଡେ ସାଦୁକି ଲକୁ ବିତ୍ରା ଗଡ଼ହା ହଡେ, ଇଞ୍ଜା କାଜା ବେରଣି ମାଣ୍ଡାତାରି ଗଟି ଗଟି ଆହାଁ ରୀ ବାଗା ଆଡେରି □

୮ ✱ଇଚିହଁ ସାଦୁକିୟାଁ ଖେଶ୍‌ଶେ ନିଜ୍‌ନାୟି ହିଲେଏ, ଦୂତୁୟାଁ ଅଡେ ଜୀହୁୟାଁ ହିଲାଉ ଇନେରି, ସାମା ପାରୁସିୟାଁ ଏ. ବାରେତି ନାମିନେରି □

୯ ଏମ୍‌ଗାଟିଏ କାଜା ଗଡ଼ହା ଆଡେ, ଅଡେ ପାରୁସିୟାଁ ବିତ୍ରାଟି ଏଚରଜାଣା ମେରାପୁନାରି ନିଜ୍‌ମାନା ଏଲେଇଚେରି; “ମାମ୍‌କୁଞ୍ଜାଣି ତାଣାଟି ଏନି ଦହ ବେଟାଆଆଡ଼ମି, ସାତେଏ ଏଞ୍ଜାଣି ତାଣାଟି ର. ଜୀହୁ ଆଆତ୍‌ ଲାକପୁରୁତି ଦୂତୁ କାତା ଖେସାମାନେ □”

୧୦ ଇଲେଆହଁ କାଜା ଗଡ଼ହା ଆହାଲିଏ, ପାଞ୍ଚଲଇଁ ଏଞ୍ଜାରି କାଣ୍ଡାମୁକା କିନେରି ଇଞ୍ଜି ଆଜିତାକି ର. ମାଣା କସକା ମୁହେଁ କାଜାସି ପାଞ୍ଚଲଇଁ ଏଞ୍ଜାରି ତାଣାଟି ଗେଲ୍‌ପାନା ବାଲ୍‌ମିଟି କଟା ଇଲୁ ବିତ୍ରା ଅହାଲି କସକାଣି ହୁକୁମି ହୀତେସି □

୧୧ ଏ. ନେରୁ ଲାଆଁୟାଁ ପ୍ରୁ ପାଞ୍ଚଲଇଁ ଏଲେଇଚେସି, “ଆଜାଆନି, ସାସା ଆହ୍‌ମୁ ଇଚିହଁ ନୀନୁ ଜିରୁସାଲମତା ଏନିକ୍‌ ନା ସାକି ହୀତି, ରମ୍‌ ଗାଡ଼ାତା ଜିକେଏ ଏଲେକିହଁ ନା. ସାକି ହୀନାୟି ମାନେ □”

ପାଞ୍ଚଲଇଁ ପାୟାଲି ଅଣ୍‌ପିନାୟି

୧୨ ଅର ଦିନା ଲାଇ, ଜୀହୁଦିୟାଁ ଜାରୁ ଆହାନା ପାଞ୍ଚଲଇଁ ପାୟାଆ ପାତେକା ଏନି ରାନ୍ଦା କି ଏୟୁ ତୀଗାଆପ ଇଞ୍ଜି ତାମ୍‌ତାମ୍‌ସୁ ପାର୍‌ମାଣା କିହାମାଚେରି □

୧୩ ଏଲେଇଞ୍ଜି ଅଣ୍‌ପି ମାଚାରି ରୀ କଡ଼ି ଜାଣାଟିଏ ଆଗାଡ଼ା ମାଚେରି □

୧୪ ଏଞ୍ଜାରି କାଜା ପୁଜେରାଜା ଅଡେ ପ୍ରାଟିନାଜା ତାଣା ଖାହାଁ ଏଲେଇଚେରି, “ମାମ୍‌ପାଞ୍ଚଲଇଁ ପାୟାଲି ଆଡ଼ାଆ ପାତେକା ଏନାଆଁ ତିନଅମି କି ତୀଗଅମି ଇଞ୍ଜି ମାମ୍‌ମାଜେତାକି ପାର୍‌ମାଣା କିହାମାନମି □

୧୫ ଏଦାଆଁତାକି କାଜା ବେରଣିମାଣ୍ଡାତି କାଜାରି ହାଜାନା, ର. ମାଣା କସକା ମୁହେଁ କାଜାଣାଇଁ ନାଡ଼ି କିହଁ ଏଲେଇଞ୍ଜୁ, ମାମ୍‌ପାଞ୍ଚଲ ଏନାଆଁ କିହାମାନାଣି ନେହଁକ୍‌ ଖେନମି ଇଞ୍ଜିହଁ ମୀ ତାଣା ହାଡ଼ିକିଦୁ, ଏଚେଟିଏ ଏଞ୍ଜାସି ମୀ ତାଣା ଏଗାଞ୍ଜାଆ ନଚେଏ ପାୟାଲି ଜାଗ୍ରାତା ଆହା ଡ଼ୟିନମି □”

୧୬ ସାମା ପାଞ୍ଚଲ ତାନି ବାଣ୍ଡା କସକା ଜଲ୍‌କି ଆହିମାଟି କାତା ଡ଼ଗୁାନା ଖେଚେସି; ଇଞ୍ଜା କଟା ଇଲୁ ବିତ୍ରା ଖାହାନା ପାଞ୍ଚଲଇଁ ଇ ବାରେ କାତା ଖେସ୍‌ସେସି □

୧୭ ଏଚେଟିଏ ପାଞ୍ଚଲ ର. ରମିୟ କହ୍‌ଏଁଣାଇଁ ହାଟାନା ଏଲେଇଚେସି, “ଇ ଦାଂଗ୍‌ଶେଣାଇଁ ର.

✱ ୨୩:୩ ୨୩:୩ ମାତି ୨୩:୨୭,୨୮ ✱ ୨୩:୬ ୨୩:୬ କାମା ୨୬:୫; ପିଲିପି ୩:୫ ✱ ୨୩:୮ ୨୩:୮ ମାତି ୨୨:୨୩; ମାର୍କ ୧୨:୧୮; ଲୁକ ୨୦:୨୭

ମାଣା କସକା ମୁହେଁ କାଜାଣି ତାଣା ଅମ୍ବୁ, ଇଚିହଁ
ଇଞ୍ଜାସି ର କାତା ଏଞ୍ଜାଣାକ୍ ଖେହ୍ନାୟି ମାନେ □

୧୮ ଏଚେଟିଏ ଏଞ୍ଜାସି ର ମାଣା କସକା ମୁହେଁ
କାଜାଣି ତାଣା ଅହାନା ଏଲେଇଚେସି, “କାୟିଦିତା
ମାନି ପାଞ୍ଜୁଲ ନାଙ୍ଗେ ହାଟାନା ନୀ ତାଣା ଇ
ଦାଂଗଣେଣାକ୍ ତାଚାଲି ବାତିମାଲ୍ଲାତେସି, ନିଙ୍ଗେ
ଝେସାଲି ଇଞ୍ଜାଣାକି ର କାତା ମାନେ □”

୧୯ ର ମାଣା କସକା ମୁହେଁ କାଜାସି
ଏଞ୍ଜାଣି କେୟୁ ଆସାନା ଲକୁ ହିଲାଆ ତାଣା
ଅହାନା ଝେଚେସି, “ନାଙ୍ଗେ ନୀନୁ ଏନାଆଁ
ଝେସ୍ତାନାୟିମାନେ ଝେସ୍ତାମୁ □”

୨୦ ଏଞ୍ଜାସି ଏଲେଇଚେସି, “ପାଞ୍ଜୁଲ ଏନାଆଁ
କିହାମାନେସି ଏଦାଆଁ ନେହଁକଁ ପୁଞ୍ଜାଲି
ଏଞ୍ଜାଣାକ୍ ଝିଏ କାଜା ବେରଣିମାଣ୍ଡାତା ମା ତାଣା
ତାମୁ ଇଞ୍ଜଁ ଜୀହୁଦି ଲକୁଡି କାଜାରି ନାଡ଼ିକିହାନା
ନିଙ୍ଗେ ବାତିମାଲ୍ଲାନେରି,

୨୧ ସାମା ନୀନୁ ଏଞ୍ଜାରି କାତା ମାନଝି ଆଆନି,
ଇଚିହଁ ଏଞ୍ଜାଣାକ୍ ପାୟାଲି ଆଡାଆ ପାତେକା
ରାନ୍ଦା ତିଚିହଁ କି ତୀଗିତିହଁ ମାଙ୍ଗେ ବାକା
ଆଟାପେ ଇଞ୍ଜଁ ମାନି କିହାନା ରୀ କଡ଼ିଟିଏ
ଆଗାଡା ଲକୁ ଡ଼ଗୁଆଁ କାଟାମାନେରି, ନୀଏଁ ଏଞ୍ଜାରି
ନୀ ତାଣାଟି ହେଲ ବେଟାଆହାଲି କାଟିମାନେରି □”

୨୨ ଏଚେଟିଏ ର ମାଣା କସକା ମୁହେଁ କାଜାସି
ଏଲେଇଚେସି, “ନୀନୁ ନାଙ୍ଗେ ଝେସ୍ତାତି କାତା
ଆମ୍ବାଆରାକ୍ ଝେହ୍ନାଆନି” ଇଞ୍ଜଁ ଝେସାନା ଏ
ଦାଂଗଣେଣାକ୍ ପାଣ୍ଡିତେସି □

ପେଲିକସ୍ ତାଣା ପାଞ୍ଜୁଲକ୍ ପାଣ୍ଡିନାୟି

୨୩ ର ମାଣା କସକା ମୁହେଁ କାଜାସି ତାନି ଡ଼ଇ
କାମା କିନି ପାସାକଡ଼ି କସକା ମୁହେଁ କାଜାରାକ୍
ରିଆରାକ୍ ହାଟାନା ଏଲେଇଚେସି, “ନୀଞ୍ଜୁ
ଲଆଁୟାଁ ନ ଗଂଟା ବେଲାତା କାୟିସରିୟାତା
ହାଜାଲିତାକି ତାନିକଡ଼ି ଦସ ଜାଣା ଗଡ଼ାତା ହାନାରି
ଅଡ଼େ ରୀ ଝାଞ୍ଜା ବାଲ୍ଲୀ ଗାଟାରି ତଲେ ରୀ ଝାଞ୍ଜା
କସକାଣି ତିୟାରା କିଦୁ □

୨୪ ଅଡ଼େ ଏଞ୍ଜାରି ଏନିକଁ ପାଞ୍ଜୁଲକ୍ ଗଡ଼ା ଲାକ
କୁରିକିହାନା ସାଲଝି କିନି ପେଲିକସ୍ ତାଣା ଜାଗ୍ରାତା
ତଲେ ଅନେରି, ଏଦାଆଁତାକି ବାରେ କିହାଲି ହୁକୁମି
ହୀତେସି □”

୨୫ ର ମାଣା କସକା ମୁହେଁ କାଜାସି ଇଲେଇଞ୍ଜଁ
ର ଆକୁ ରାଚିତେସି;

୨୬ “ଏ ମାନିଗାଟି ଦେସା ସାଲଝି କିନି
ପେଲିକସ୍ କ୍ଲାଞ୍ଜୁଦିୟା ଲୁସିୟାତ ଜହରା □

୨୭ ଜୀହୁଦିୟାଁ ଇ ଲକୁକ୍ ଆସାନା ପାୟାଲି
ଅଣ୍ଡିପାଟି ବେଲାତା, ଏଞ୍ଜାସି ର ରମିୟ ଲକୁ
ଇଞ୍ଜଁ ପୁଞ୍ଜାନା, ନୀନୁ କସକା ତଲେ ହାଜାନା
ଏଞ୍ଜାଣାକ୍ ପିସ୍ପି କିତେଏଁ □

୨୮ ଏଞ୍ଜାସି ଏଞ୍ଜାରି କପାଟି ଏନି ଦହ
କିହାମାନେସି ପୁଞ୍ଜାଲି ନୀନୁ ଏଞ୍ଜାଣାକ୍ ତାନି କାଜା
ବେରଣିମାଣ୍ଡାତା ଅହାମାଚେଏଁ □

୨୯ ସାମା ଏଞ୍ଜାସି ହାନ୍ତି ଡ଼ଶ୍ କି କାୟିଦି
ଡ଼ଶ୍ ବେଟାଆନି ଲେହେଁତି ଏନି ଦହ କିହାହିଲଅସି
ଇଞ୍ଜଁ ନୀନୁ ପୁଚେଏଁ, ତାନି କପାଟି ଝାରଇ ତାନି
ମେରାତି କାତାତାକି ଏଞ୍ଜାଣାକ୍ ଦହ ଦସାମାନେରି
□

୩୦ ଏଞ୍ଜାରି ନାଡ଼ିକିହାଁ ଏଞ୍ଜାଣାକ୍ ପାୟାଲି
ଅଣ୍ଡିପାଟିନେରି ଇଞ୍ଜଁ ନାଙ୍ଗେ କାବୁ ହିୟାଲିଏ
ନୀନୁ ଇଞ୍ଜାଣାକ୍ ଝେଡ଼ାକିଆନା ନୀ ତାଣା
ପାଣ୍ଡାତେଏଁ; ଏଞ୍ଜାଣାକ୍ ଦହ ଦସାମାନାରାକ୍
ଜିକେଏ ନୀ ନକିତା ଏଞ୍ଜାଣି କପାଟି ସାକି ହୀହାଲି
ଝେସା ପାଣ୍ଡାତେଏଁ □”

୩୧ ଏମ୍ବାଟିଏ କସକା ହୁକୁମି ବେଟାଆହାନା
ପାଞ୍ଜୁଲକ୍ ଅହାନା ଲାଆଁୟାଁ ବେଲାତା ଏଞ୍ଜାଣାକ୍
ଆଡ଼ିପାଡ଼ିତା ତାତେରି □

୩୨ ଅର ଦିନା ଗଡ଼ାୟାଁ ଗାଟାରାକ୍ ଏଞ୍ଜାଣିତଲେ
ହାଜାଲି ପିସାନା, କସକା କଟା ଇଲୁତା ଝେଣ୍ଡା
ଝାଡ଼େରି □

୩୩ ଗଡ଼ାୟାଁ ଗାଟାରି କାୟିସରିୟାତା ଝାହାନା,
ସାଲଝି କିନି ପେଲିକସ୍ ଆକୁ ହୀହାନା ପାଞ୍ଜୁଲକ୍
ଏଞ୍ଜାଣି ତାଣା ହେରପିତେରି □

୩୪ ଏଞ୍ଜାସି ଏ ଆକୁ ପଡ଼ଝି ଆଡ଼ି ତାୟୁ ନୀନୁ
ଏନିନି ରାଜିତାତି ଇଞ୍ଜଁ ଝେଚେସି; ଅଡ଼େ ଏଞ୍ଜାସି
କିଲିକିୟାତି ଲକୁ ଇଞ୍ଜଁ ପୁଚେସି,

୩୫ ଇଞ୍ଜାଁ ଏଞ୍ଜାସି ଏଲେଇଚେସି, “ନିଙ୍ଗେ ଦହ
ଦସାମାଞ୍ଜାନାରି ଇମ୍ବାଆଁ ଝାଡ଼ିସାରେ ନୀନୁ ନୀ କାତା
ଝେଞ୍ଜାକ୍” ଅଡ଼େ ଏଞ୍ଜାସି ପାଞ୍ଜୁଲକ୍ ହେରଦତି ଇଜ
ଇଟାଲି ହୁକୁମି ହୀତେସି □

୨୪

ଜୀହୁଦି ଲକୁ ପାଞ୍ଜୁଲ କପାଟି ଦାଞ୍ଜା କିନାୟି

୧ ପାସା ଦିନା ତାୟୁ କାଜା ପୂଜେରା ହାନାନ,
ଏଚେକା ପ୍ରାଟିନାଙ୍ଗା ଅଡ଼େ ତରତୁଲ ଦରୁଗାଟି
ଅକିଲା ତଲେ କାୟିସରିୟାତା ଝାଡ଼େରି, ଅଡ଼େ
ଏଞ୍ଜାରି ପାଞ୍ଜୁଲ କପାଟି ସାଲଝି କିନି ପେଲିକସ୍
ତାଣା ଦାଞ୍ଜା କିତେରି □

୨ ପାଞ୍ଜୁଲକ୍ ଏମ୍ବାଆଁ ତାଚାଲିଏ, ତରତୁଲ ଏଞ୍ଜାଣି
କପାଟି ଏଲେଇଚେସି, “ଏ ମାନିଗାଟି ପେଲିକସ୍
ନୀ ତାଣାଟି ମାମ୍ବୁ ହାରେକା ଦିନାଟିଏ ହିଡ଼ଡ଼ି
ବେଟାଆହି ମାନମି, ଇଞ୍ଜାଁ ନୀନୁ ମା ଦେସାତାକି
କିହାମାନି କାମା ବାରେ ଇ କୃଡ଼ା ତାରାକି ହାରେକା
ନେହେଁ ଆହାମାନେ □

୩ ଇଦାଆଁ ମାମ୍ବୁ ବାରେଜାଣା ତଲେ ବାରେ
ତାଣା ହାରେକା ମାନିତଲେ ପେଲିକସ୍ ମାନଝି
ଆହିମାନମି □

୪ ସାମା ନାନୁ ନିଙ୍ଗେ ଏନିକ୍ ହାରେକା ବିଚିବିତା କିୟଅଁ, ଇଦାଆଁତାକି ନାନୁ ନାଙ୍ଗେ କାର୍ମାମେସାନା ମା ଏଚରଗଟା କାତା ଖେଞ୍ଜାଲିତାକି ନିଙ୍ଗେ ବାଡ଼ିମାଲିମାଞ୍ଜାଇଁ □

୫ ଇଚିହିଁ ଇ ମାଣ୍ଠି ଆଜିହପେତି ଗଡ଼ହା ଗାଟାସି, ଏଞ୍ଜାସି ଦାରୁତି ବାରେଞ୍ଜାକି ମାନି ଜୀହୁଦିୟାଁ ତାଣା ଗଡ଼ହା ହପ୍ନାସି, ଅଡ଼େ ନାଜରତ ଗତିତି ର କାଜାସି ଇଞ୍ଜିଁ ମାମ୍ନୁ ପୁଞ୍ଜାମାନମି;

୬ ଅଡ଼େ ଜିକେଏ ମାହାପୁରୁ ଇଲୁତି ଲାଗେଏ କିହାଲି ଅଣ୍ଠାମାଚେସି, ଏଚିବେଲା ମାମ୍ନୁ ଇଞ୍ଜାଣାଇଁ ଆସୁମି, ଅଡ଼େ ମା ମେରାତି ଲେହେଁ ଇଞ୍ଜାଣାଇଁ ନୀହାଁୟି କିୟାଲି ଅଣ୍ଠାମାଚମି □

୭ ସାମା ର ମାଣା କସକା ମୁହେଁ କାଜାସି ଲୁସିୟା ଖାହାନା ଏଞ୍ଜାଣାଇଁ ମା ତାଣାଟି ବାଡ଼ୟୁ ତଲେ ମାଞ୍ଜା ଅୟାଚେସି,

୮ ଅଡ଼େ ଇଞ୍ଜାଣାଇଁ ଦହ ଦସିମାନାରାଇଁ ନୀ ତାଣା ଖାହାଲି ହୁକୁମି ହୀଚେସି, ଇ ବାରେ କାତାତାକି ନାନୁ ଇଞ୍ଜାଣାଇଁ ଖେଚିହିଁ ମାମ୍ନୁ ଏଞ୍ଜାଣି କପାଟି ଦାଞ୍ଜା କିହାମାନାଣି ପୁଞ୍ଜାଲି ଆଡ଼ିଦି □

୯ କୃତା ଆହାମାଟି ଜୀହୁଦିୟାଁ ଜିକେଏ ଦାଞ୍ଜା କିହାମାନାଟି ତଲେ ଆଣ୍ଠାନା ଇ ବାରେ କାତା ସାତା ଇଞ୍ଜିଁ ଇଚେରି □

ତାନି ଖାକିଟି ପାଞ୍ଜୁଲ ପେଲିକସ୍ ନକିତା ଖେହନାୟି

୧୦ ଏଚେଟିଏ ସାଲଞ୍ଜି କିନାସି ଖାଞ୍ଜୁ ହୁଟାନା ପାଞ୍ଜୁଲଇଁ ଜଲାଇଁ ହେଲ ହୀଚେସି, ଇଞ୍ଜା ପାଞ୍ଜୁଲ ଏଲେଇଚେସି, “ନାନୁ ହାରେକା ବାର୍ସା ଆଡେ ଇ କୃତାତାରାଇଁ ନୀହାଁୟି କିନାତି ଆହାମାଞ୍ଜି ଇଞ୍ଜିଁ ପୁଞ୍ଜାନା, ନାନୁ ସାସାତଲେ ନା ଖାକିଟି ଖେସିମାଞ୍ଜାଇଁ □

୧୧ ବାରୁ ଦିନାଟିଏ ଆଗାଡ଼ା ଆଏ, ନାନୁ ମାହାପୁରୁତି ସେବା କିହାଲି ଜିରୁସାଲମତା ହାଜାମାଚେସି, ଇଦାଆଁ ନାନୁ ଖେଞ୍ଜାନା ପୁଞ୍ଜାଲି ଆଡ଼ିଦି □

୧୨ ଅଡ଼େ ଇଞ୍ଜାରି ମାହାପୁରୁ ଇଲୁତାକି ଜୀହୁଦି ଲକୁତି କୁଟମି ଇଲୁତା* କି ଗାଡ଼ାତି ଆମିନି ଟାମୁତା ଆମ୍ବାଆରି ତଲେ ବାଦିବାଦା କିତାଣି କି ଗଡ଼ହା ହପ୍ନାହାଣି ଇଞ୍ଜା ଜୀହୁଦିୟାଁଣି ମାଡ଼ଞ୍ଜି କିହିମାତାଣି ଇଞ୍ଜାରି ମେସାମାଞ୍ଜାଅରି,

୧୩ ଇଞ୍ଜା ନୀଏଁ ନା କପାଟି ତାତାମାନି ଦହ ତାକି, ଏଞ୍ଜାରି ନୀ ନକିତା ଏନି ପାରମାଣା ତସାଲି ଆଡ଼ଅରି □

୧୪ ସାମା ନାନୁ ନିଙ୍ଗେ ଇଦାଆଁ ଖେସିମାଞ୍ଜାଇଁ; ଇଞ୍ଜାରି ଏମିନି ଜିରୁତି ମିଟି ଇଞ୍ଜିମାନେରି, ଏ ଜିରୁ ତାକାନା ନାନୁ ମା ଆକୁ ଆବାୟାତି ମାହାପୁରୁଇଁ

ଜହରା କିହିମାଇଁ, ସାମା ନାନୁ ଜିକେଏ ମସାତି ମେରା ଅଡ଼େ ମାହାପୁରୁ ଅଣ୍ଠପୁତି ବଲୁ ଖେହନାରି ପତିତା ଏନାୟି ରାସ୍ତକି ଆହାମାନେ ଏ ବାରେ ନାମିମାଇଁ;

୧୫ ଇଞ୍ଜାରି ଲେହେଁ ମାହାପୁରୁ ତାଣା ନା ଏ ରଣିଏ ଆସା ମାନେ ଦାମ୍ବୁଗାଟାରି ଅଡ଼େ ଦାମ୍ବୁ ହିଲାଆ ଗାଟାରି ବାରେ ଲକୁ ହାଡ଼ାରି ତାଣାଟି ଖେଣ୍ଡେ ନିଙ୍ଗିନେରି ଇଞ୍ଜିଁ ନୀ ନକିତା ଖେସିମାଞ୍ଜାଇଁ □

୧୬ ଏଦାଆଁତାକି ନାନୁ ଜିକେଏ ମାହାପୁରୁ ଅଡ଼େ ଲକୁ ନକିତା ବାରେଦିନା ନେହିଁ ଅଣ୍ଠପୁ ତଲେ ଡ଼ୟାଲି ଅଣ୍ଠପିମାଇଁ □”

୧୭ “ହାରେକା ବାର୍ସା ଢେଟ ନାନୁ ମା ଲକୁତାଣା ଦାନା ତାତାଲି ଅଡ଼େ ମାହାପୁରୁ ତାଣା ପୂଜା କିୟାଲି ଜିରୁସାଲମତା ଖାହାମାଚେସି □

୧୮ ଏଚିବେଲାତା ନାନୁ ମାହାପୁରୁ ଇଲୁତା ଅଡ଼ହା କଡ଼ିନି ମେରା ରାପୁହିମାଟି ବେଲାତା ଇଞ୍ଜାରି ନାଙ୍ଗେ ମାହାପୁରୁ ଇଲୁତା ମେସାଚେରି; ଏଚିବେଲା ନା ତଲେ ମାୟା ଲକୁ ହିଲାଆଚେରି କି ଏମ୍ବାଆଁ ଏନି ଗଡ଼ହା ହିଲାଆଚେ,

୧୯ ସାମା ଆସିୟାତି ଏଚରଜାଣା ଜୀହୁଦିୟାଁ ଏମ୍ବାଆଁ ମାଚେରି; ନା କପାଟି ଏଞ୍ଜାରି ଏନି କାତା ମାଟିହିଁ ଏଞ୍ଜାରି ନୀ ନକିତା ଖାହାନା ଦାଞ୍ଜା କିତିହିଁ ନେହେଁ ଆଡ଼େମା □

୨୦ ନାନୁ କାଜା ବେରଣିମାଣ୍ଡା ନକିତା ନିଚାମାଟି ବେଲାତା ଏନି ଦହ ମେସାମାଟିହିଁ ଇମ୍ବାଆଁ ମାନି ଇ ଲକୁ ନାଙ୍ଗେ ଖେସାପେରି,

୨୧ *ନାନୁ ରଣିଏ କାତା ଖେସାମାଚେସି ଏଞ୍ଜାରି ନକିତା ନିଚାମାଟି ବେଲାତା ନାନୁ ଆଟଞ୍ଜାତଲେ ଏଲେଇଞ୍ଜା ମାଚେସି, ‘ହାଡ଼ାରି ଖେଣ୍ଡେ ନିଙ୍ଗିନେରି ଇଞ୍ଜିଁ ନାନୁ ନାମାମାନାକି ନୀଞ୍ଜୁ ମୀ ତାଣାଟି ନୀହାଁୟି କିଞ୍ଜି ଆହିମାଇଁ □’ ”

୨୨ ସାମା ପେଲିକସ୍ ଏ ଜିରୁତି କାତା ପୁଞ୍ଜାମାଚାକି ନୀହାଁୟି କିହାଲି ବାୟିଦା କିହାନା ଏଲେଇଚେସି, “ର ମାଣା କସକା ମୁହେଁ କାଜାସି ଲୁସିୟା ଖାଡ଼ିଦେହେଁ ନାନୁ ମୀ ନୀହାଁୟି ଡିକହାଇଁ,” ଇଞ୍ଜିଁ ଖେସା ପାଣ୍ଡିଚେସି □

୨୩ ଏଞ୍ଜାସି ପାସାକଡ଼ି କସକା ମୁହେଁ କାଜାଣାଇଁ ଏଲେଇଚେସି, ତାନି ଲକୁ ଅଡ଼େ ତଣେସିଙ୍ଗା ତାନି ସେବା କିହାଲି କାହିଁ କିଆନି, ଅଡ଼େ ତାନି କାୟିଦିତା ମାନାସି ଇଞ୍ଜିଁ ଗେଲ୍ପାନା ଏଞ୍ଜାଣାଇଁ ହିଡ଼ଡ଼ି ତଲେ ଲେମ୍ବାଲି ଏଲେଇଚେସି □

ପେଲିକସ୍ ଅଡ଼େ ଦୁସିଲା ନକିତା ପାଞ୍ଜୁଲ

୨୪ ଏଚରଦିନା ତାୟୁ ପେଲିକସ୍ ଦୁସିଲା ଦରୁଗାଟି ଜୀହୁଦି ତାନି ଡ଼କ୍ତି ତଲେ ଖାଡ଼େସି,

* ୨୪:୧୨ ୨୪:୧୨ ସିନଗରୁ ☆ ୨୪:୨୧ ୨୪:୨୧ କାମା ୨୩:୭

ଏଞ୍ଜି ପାଞ୍ଚଲଇଁ ହାଟି କିହାନା କ୍ରୀସ୍ତ ଜୀସୁ ତାଣା ନାମିନି କାତା ଏଞ୍ଜି ତାଣାଟି ଖେଚେସି □

୨୫ ସାମା ପାଞ୍ଚଲ ଦାମ୍ଭୁତି କାତା, ତୀରପୁ ହିୟାଁ ଅଡେ ଖାହିମାନି ନାହାଁୟି ଦିନାତି କାତା ଖେସିମାତାକି, ପେଲିକସ୍ ଆଜାନା ଏଲେଇଚେସି, “ନାଏଁ ନାନୁ ହାଲାନୁ ବେଲା ସିନିକିହାନା ଅଡେ ର ଦିନା ହାଟି କିୟାଇଁ □”

୨୬ ପାଞ୍ଚଲ ନାଜେ ଟାକାୟାଁ ହିୟାନେସି ଇଞ୍ଜି ଏଞ୍ଜି ଆସା କିହାନାଚେସି, ଏଦାଆଁତାକି ଏଞ୍ଜି ଅଲେ ଅଲେ ଏଞ୍ଜି ଖାଣାଇଁ ହାଟି କିହାନା ଏଞ୍ଜି ଖାଣିତଲେ କାତା ଆଞ୍ଜିଚେସି □

୨୭ ଏଲେକିହିଁ ରୀ ବାସା ଆଡି ତାୟୁ ପକ୍‌ୟ ପେସ୍ତସ୍, ପେଲିକସ୍ ଟାୟୁତା ସାଲୁଞ୍ଜି କିନାସି ଆଡେସି, ଅଡେ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜି ଇଞ୍ଜିପେରିଞ୍ଜା ଇଞ୍ଜି ଅଣ୍ପାଦନା ପାଞ୍ଚଲଇଁ କାୟିଦିତା ଇଟାନା ହାଚେସି □

୨୫

ସାଲୁଞ୍ଜି କିନାସି ତାଣା ପାଞ୍ଚଲ ଗହାରା କିନାସି

୧ ଏମ୍ବାଟିଏ ପେସ୍ତସ୍ ଇ ରାକ୍ତିତା ଖାହାନା ତାନିଦିନା ଆୟାଲିଏ କାୟିସରିୟାଟି ଜିରୁସାଲମତା ହାଚେସି,

୨ ଅଡେ ଏମ୍ବାଆଁ କାଜା ପୂଜେରାଜା ଇଞ୍ଜା ଜୀହୁଦି ଲକ୍ଷୁତି କାଜାରି ପାଞ୍ଚଲ କପାଟି ପେସ୍ତସ୍ ତାଣା ଖେଶ୍ଟେ ଦାଞ୍ଜା କିଚେରି,

୩ ଅଡେ ଏଞ୍ଜିସି ଏନିକ୍‌ ପାଞ୍ଚଲଇଁ ଜିରୁସାଲମତା ହାଟା ପାଣ୍ଡାନେସି, ଏଦାଆଁତାକି ଗହାରା କିହାନା ଏଞ୍ଜି କପାଟି କାର୍ମାଆନି ଲେହେଁ ପେସ୍ତସ୍‌ଇଁ ବାଡିମାଲିଚେରି; ଇଞ୍ଜା ଏଞ୍ଜିରି ଜିରୁତା ତଗୁହାଁ ପାୟାଲି ଅଣ୍ପିମାଚେରି □

୪ ପେସ୍ତସ୍ ଏଲେଇଚେସି, “ପାଞ୍ଚଲ କାୟିସରିୟାତା କାୟିଦିତା ମାନେସି, ଇଞ୍ଜା ନାନୁ ଜିକେଏ ତବେ ଏମ୍ବାଆଁ ଖେଶ୍ଟା ହାଜିମାଇଁ,

୫ ଏଞ୍ଜିସି ଏନି ଦହ୍ କିହାନାଚେସି, ଆଡିହିଁ ମୀ କାଜାରି ନା ତଲେ କାୟିସରତା ହାଲାପେରି ଅଡେ ଏଞ୍ଜି କପାଟି ତାମି ଦାଞ୍ଜା କିପାରି □”

୬ ପେସ୍ତସ୍ ଏମ୍ବାଆଁ ଆଟା କି ଦସ ଦିନା ଏଞ୍ଜିରିତଲେ ତୟାହାଁ କାୟିସରିୟାତା ଖେଶ୍ଟେ ହାଚେସି, ଏ ଅର ନେରୁ ନାହାଁୟି କିନି ଟାୟୁତା କୁଗାନା ପାଞ୍ଚଲଇଁ ତାଚାଲି ହୁକୁମି ହୀଚେସି □

୭ ପାଞ୍ଚଲ ଖାହାଲିଏ ଜିରୁସାଲମଟି ଖାହାମାନି ଜୀହୁଦିୟାଁ ତାନି ସାରିସୁରୁ ନିଗାନା ଏଞ୍ଜି କପାଟି ହାରେକା ଦହ୍ ଦସାଲି ମାଟ୍‌ହେରି, ସାମା ଏଞ୍ଜିରି ଏ ବାରେଡି ପାରମାଣା କିହାଲି ଆଡାଆଚେରି □

୮ ଏଚେଟିଏ ପାଞ୍ଚଲ ତାନି ଖାକିଟି ଖେସାକତାନା ଏଲେଇଚେସି, “ଜୀହୁଦିୟାଁ ମେରା କପାଟି

ଆଆଡ଼ିଁ ମାହାପୁରୁ ଇଲୁ କପାଟି କି କାୟିସର କପାଟି ଜିକେଏ ନାନୁ ଏନି ଦହ୍ କିହାହିଲଅଁ □”

୯ ସାମା ପେସ୍ତସ୍, ଜୀହୁଦି ଲକ୍ଷୁ ନକ୍ତିତା ନେହାଁସି ଆୟାଲି ପାଞ୍ଚଲଇଁ ଖେଚେସି, “ନାନୁ ଜିରୁସାଲମତା ହାଜାନା ଏମ୍ବାଆଁ ନା ନକ୍ତିତା ଇ ବାରେଡାକି ନାହାଁୟି ଆୟାଲି ମନ କିହିମାଞ୍ଜି କି ?”

୧୦ ସାମା ପାଞ୍ଚଲ ଏଲେଇଚେସି, “ନାନୁ କାୟିସର ନକ୍ତିତା ନାହାଁୟି କିନି ଟାୟୁତା ନିଗାମାଇଁ, ଏମ୍ବାଆଁ ନା ନାହାଁୟି ଆନାୟି ମାନେ, ନାନୁ ଜୀହୁଦିୟାଁ କପାଟି ଏନି ଲାଗେଏ କାମା କିହାହିଲଅଁ, ଏଦାଆଁ ନାନୁ ଜିକେଏ ନେହ୍‌କ୍‌ ପୁଞ୍ଜାମାଞ୍ଜି □

୧୧ ମେରା ମାନି କିଆନା ଲାଗେଏଡି କାମା କିହାମାଟିହିଁ, ନାନୁ ହାହାଲି ଆଜିହିଲଅଁ; ସାମା ଇଞ୍ଜାରି ନା କପାଟି ଆମିନି ବାରେ ଦାଞ୍ଜା କିହିମାନେରି, ଏ ବାରେ ବିତ୍ରାଟି ଆମିନି ର ପଦୁ ଜିକେଏ ସାତା ଆଆଡିହିଁ, ଆମ୍ବାଆସି ଏଞ୍ଜାରି କେୟୁତା ନାଜେ ହେରପାଲି ଆଡଅସି, ନାନୁ କାୟିସର ନକ୍ତିତା ନାହାଁୟି କିଞ୍ଜିଆୟାଲି ଗହାରା କିହିମାଇଁ □”

୧୨ ଏମ୍ବାଟିଏ ପେସ୍ତସ୍ ତାନି ନାହାଁୟିତି କାଜାରି ତଲେ ଜଲୁକି ଆହାନା ଏଲେଇଚେସି, “ନାନୁ କାୟିସର ନକ୍ତିତା ନାହାଁୟି କିଞ୍ଜିଆୟାଲି ରାସିମାଞ୍ଜି, ଆଡିହିଁ ନାନୁ କାୟିସର ତାଣେଏ ହାଜି □”

ଆଗ୍ରିପା ଅଡେ ବନିକି ନକ୍ତିତା ପାଞ୍ଚଲ

୧୩ ଏଚରଦିନା ତାୟୁ ରାଜା ଆଗ୍ରିପା ଅଡେ ବନିକି କାୟିସରିୟାତା ଖାହାନା ପେସ୍ତସ୍‌ଇଁ ଆଣ୍ଡାଲି ହାଚେରି □

୧୪ ଏଞ୍ଜାରି ଏମ୍ବାଆଁ ଏଚରଦିନା ତୟୁତି ତାୟୁ, ପେସ୍ତସ୍ ରାଜା ନକ୍ତିତା ପାଞ୍ଚଲ କାତା ଖେସ୍ତେସି, “ପେଲିକସ୍ କାୟିଦିତା ଇଟାମାନାସି ରଅସି ଇମ୍ବାଆଁ ମାନେସି;

୧୫ ନାନୁ ଏଚିବେଲା ଜିରୁସାଲମତା ହାଜାମାଚେଏଁ ଏଚିବେଲାତା ଜୀହୁଦି ଲକ୍ଷୁତି କାଜା ପୂଜେରାଜା ଅଡେ ପ୍ରାଟିନାଜା ଏଞ୍ଜା କପାଟି ଖେସାନା ଏଞ୍ଜାଣାଇଁ ତଣ୍ଡ ହାହାଲି ନାଜେ ବାଡିମାଲି ମାଞ୍ଜାଚେରି □

୧୬ ସାମା ନାନୁ ଏଞ୍ଜାଣାଇଁ ଏଲେଇଚେଏଁ, ଦହ୍‌ଗାଟାସି ତାନି ଦହ୍ ଦସାମାନାରା ନକ୍ତିତା ନିଆ ପାଚେକା ଇଞ୍ଜା ତାଜେ ତାନି ଖାକିଟି ଜଲୁଲି ହୀଆ ପାଚେକା ଏଞ୍ଜାଣାଇଁ ତଣ୍ଡ ହାହାଲି ମା ରମ୍ ଲକ୍ଷୁତି ମେରା ହିଲେଏ □

୧୭ ଏଞ୍ଜାରି ନା ତଲେ ଇମ୍ବାଆଁ ଖାୟାଲିଏ, ନାନୁ ଖେଡାକିଆନା ତାନି ଅର ନେରୁ ନାହାଁୟି କିନି ତାଣା କୁଗାନା, ଏଞ୍ଜାଣାଇଁ ତାଚାଲି ହୁକୁମି ହୀଚେଏଁ □

୧୮ ଏଞ୍ଜାଣାଇଁ ଦହ୍ ଦସାମାନାରି ଖାହାନା ନିଚେରି, ସାମା ଏଞ୍ଜାରି ଏନିଲେହେଁଡି ଦାଞ୍ଜା

କିନେରି ଇଞ୍ଜି ନାନୁ ଅଣ୍ଠିମାଚେଏ, ଏଞ୍ଜାରି ଏନ୍ ଦହ ଏଞ୍ଜାଣି କପାଟି ଖେସ୍ତାଆତେରି □

୧୯ ଏଞ୍ଜାରି ଖାରଇ ତାମି ଦାମ୍ଭୁତି କାତା ଇଞ୍ଜା ଜୀସୁ ଦରୁଗାଟି ଏମିନି ହାତାଣାଇଁ ପାଞ୍ଜୁଲ ନୀତାମାନେସି ଇଞ୍ଜି ଖେସିମାନେସି, ତାନି କାତାତାକି ଆସ୍ପି ଆତେରି □

୨୦ ଈ ବାରେ କାତା ନେହ୍ କି ପୁଞ୍ଜାଲିତାକି ଏନାଆଁ କିହାଲି ଆନେ, ଏନାଆଁ ତାରି କିହାଲି ଆଡାଆନା ଈ ଦାଞ୍ଜା ତାକି ନୀହାୟି ଆହାଲିତାକି ପାଞ୍ଜୁଲ ଜିରୁସାଲମତା ହାନେସି କି ଆଏ ଏଦାଆଁ ନାନୁ ଖେଚେଏଁ □

୨୧ ସାମା ପାଞ୍ଜୁଲ ସାଲୁଞ୍ଜି କିନି କାୟିସର ନକିତା ନୀହାୟି କିଞ୍ଜିଆୟାଲି ନାନୁ ହାଇଁ ଇଞ୍ଜି ଖେସିମାଚାକି, ନାନୁ ଏଞ୍ଜାଣାଇଁ କାୟିସର ତାଣା ପାଣ୍ଡିନି ପାତେକା କାୟିଦିତା ଇଟାଲି ହୁକୁମି ହୀତେଏଁ □

୨୨ ଆଗ୍ରିପା ପେସ୍ତସ୍ ଏଲେଇଚେସି, “ନାନୁ ଜିକେଏ ଇଞ୍ଜାଣି କାତା ଖେଞ୍ଜାଲି ମନ୍ କିହିମାଇଁ □ ହାଅ ଓଏ ନାନୁ ଏଞ୍ଜାଣି କାତା ଖେଞ୍ଜି” ଇଞ୍ଜି ପେସ୍ତସ୍ ଏଲେଇଚେସି □

୨୩ ତାନି ଅର ଦିନା ଆଗ୍ରିପା ଇଞ୍ଜା ବନି କି କାଜାପାଣା ଅଡ଼େ ଗାଞ୍ଜୁରମିଗାଟି କସକା ଇଞ୍ଜା ଗାଡ଼ାଡ଼ି କାଜାରି ତଲେ ହାଜାନା ନୀହାୟି କିନି ଟାୟୁତା ଖାଡ଼େସି, ଏମ୍ବାଟିଏ ପେସ୍ତସ୍ ହୁକୁମି ତଲେ ପାଞ୍ଜୁଲ ଏମ୍ବାଆଁ ତାପିଆଡ଼େସି □

୨୪ ଏମ୍ବାଟିଏ ପେସ୍ତସ୍ ଏଲେଇଚେସି, “ଏ ରାଜା ଆଗ୍ରିପା ଅଡ଼େ ଇମ୍ବାଆଁ ମାନି ମାନିଗାଟି କାଜାତେରି, ମୀରୁ ବାରେ ଇଞ୍ଜାଣାଇଁ ମେସିମାଞ୍ଜେରି; ଇଞ୍ଜାଣି କପାଟି ଜିରୁସାଲମ ଇଞ୍ଜା ଇମ୍ବାଆଁ ମାନି ଜୀହୁଦି ଲକୁ ନା ତାଣା ଦାଞ୍ଜା କିହାମାନେରି, ଇଞ୍ଜାସି ନୀତାମାନାୟି ଲଡ଼ା ହିଲେଏ ଇଞ୍ଜି ବାରେଜାଣା କାଲୁଞ୍ଜି ଆଡ଼େରି □

୨୫ ସାମା ଇଞ୍ଜାସି ହାନିଲେହେତି ଏନ୍ ଦହ କିହାମାନାଣି ନାନୁ ମେସାହିଲଆଁ ଇଞ୍ଜା ଏଞ୍ଜାସି ତାନୁଏ କାୟିସର ତାଣା ନୀହାୟି କିଞ୍ଜିଆୟାଲି ବାଡ଼ିମାଲ୍ଲତାକି ନାନୁ ଏଞ୍ଜାଣାଇଁ ଏମ୍ବାଆଁ ପାଣ୍ଡାଲି ତାକି ତାରି କିତେଏଁ □

୨୬ ସାମା ରାଜା କାୟିସର ତାଣା ଏଞ୍ଜାଣି ତାକି ରାଟାଲି ନାଞ୍ଜେ ଏନ୍ କାତା ହିଲେଏ, ଏଦାଆଁତାକି ନାନୁ ଏଞ୍ଜାଣାଇଁ, ବାରେକିହାଁ ରାଜା ଆଗ୍ରିପା ନୀ ତାଣା ଏଞ୍ଜାଣାଇଁ ତାଚାମାଇଁ, ଏନ୍ କି ଏଞ୍ଜାଣି କାତା ଖେଞ୍ଜାନା, ପୁଟିତାୟୁ ନାନୁ ଏଞ୍ଜାଣାକି ଇଟାଣି ରାଟାଲି ଆଡ଼ିଇଁ □

୨୭ ଇଡ଼ିହ୍ ର କାୟିଦି ଗାଟାଣାଇଁ ପାଣ୍ଡିନି ବେଲ୍ଲତା ତାନି କପାଟି କିହାମାନି ଦାଞ୍ଜା

ନେହ୍ କି ତହୁଆନା ପାଣ୍ଡାଲି ନେହେଁ ଆଏ ଇଞ୍ଜି ନାନୁ ଅଣ୍ଠିମାଇଁ □”

୨୭

ରାଜା ଆଗ୍ରିପା ନକିତା ପାଞ୍ଜୁଲ ତାଞ୍ଜେତାକି ଖେହ୍ନାୟି

୧ ଆଗ୍ରିପା ପାଞ୍ଜୁଲାଇଁ ଏଲେଇଚେସି, “ନିଞ୍ଜେ ନୀ ଖାକିଟି କାତା ଜଲ୍ଲାଲି ହେଲ ହୀପ୍ତକିଆଡ଼େ” ଏମ୍ବାଟିଏ ପାଞ୍ଜୁଲ କେୟୁ ଦାସାନା ତାନି ଖାକିଟି ଏଲେଇଚେସି □

୨ “ରାଜା ଆଗ୍ରିପା, ଜୀହୁଦିୟାଁ ନା କପାଟି ଏନ୍ ଦହ ଦସାମାଞ୍ଜାନେରି, ଏଦାଆଁ ନୀଞ୍ଜୁ ନୀ ନକିତା ଖେସାଲି ନାନୁ ହେଲ ବେଟାଆହାମାନାକି ନାନୁ ନାଞ୍ଜେ କପଲ ଗାଟାତେଏଁ ଇଞ୍ଜି ଅଣ୍ଠିପା କଡ଼ିମାଇଁ,

୩ ଏନାଆଁତାକି ଇଡ଼ିହ୍, ନାନୁ ଜୀହୁଦିୟାଁ ପାଣାପାରୁ ଅଡ଼େ କାତା ନେହ୍ କି ପୁଞ୍ଜାମାଞ୍ଜି; ଏଦାଆଁତାକି ନା କାତା ସାସାତଲେ ଖେଞ୍ଜାଲି ନିଞ୍ଜେ ବାଡ଼ିମାଲିମାଞ୍ଜାଇଁ □”

୪ “ନା ଦାଂଗ୍ଣା ଖେଡ଼ାଟିଏ ନୀଏଁ ପାତେକା ନାନୁ ତଲି ମା କୁଡ଼ାତାରି ତଲେ ଅଡ଼େ ଜିରୁସାଲମତା ଏନ୍ ଆହ୍ ନୀତା ମାଚେଏଁ ଏଦାଆଁ ଜୀହୁଦିୟାଁ ବାରେ ନେହ୍ କି ପୁଞ୍ଜାମାନେରି;

୫ ନାନୁ ମା ମାହାପୁରୁତି ମେରା ହାରେକା ନେହ୍ କି ମାନୁଞ୍ଜି ଆହିମାନି ପାରୁସିୟାଁ ଗିତା ମାଚେଏଁ, ଏଞ୍ଜାରି ନାଞ୍ଜେ ତଲିଟିଏ ପୁଞ୍ଜାମାଞ୍ଜାନେରି, ଏଞ୍ଜାରି ମନ୍ କିଡ଼ିହ୍ ସାକି ହୀହାଲି ଆଡ଼ିନେରି □

୬ ମାହାପୁରୁ ମା ଆକୁ ଆବାୟାଣି ଏମିନି କାତା ଆଞ୍ଜାମାଚେସି, ଏ କାତା ହୀହାମାନାଣି ବାସୁଁ କିହାମାନାକି ନୀଞ୍ଜୁ ନାନୁ ଇମ୍ବାଆଁ ନୀହାୟି କିଞ୍ଜିଆୟାଲି ନିଚାମାଇଁ

୭ ମା ଲକୁଡ଼ି ବାର କୁଡ଼ାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ ରଣିଏ କାତା ବେଟାଆହାଲି ତାକି ଆସା କିନେରି, ଏ ରାଜା, ନା ଏ ବାସୁଁ ତାକି ଜୀହୁଦିୟାଁ ନାଞ୍ଜେ ଦହ କିହିମାଞ୍ଜାନେରି □

୮ ମାହାପୁରୁ ହାଡ଼ାରାଇଁ ନିକ୍ନେସି, ଇଦାଆଁ ନାମାଲି ଆଡ଼ାଆ ଗାଟାୟି ଇଞ୍ଜି ମୀରୁ ଏନାଆଁତାକି ଅଣ୍ଠିମାଞ୍ଜେରି ?”

୯ “ନାଜ୍ଜିତ ଜୀସୁ ଦରୁ କପାଟି ନାଞ୍ଜେ ହାରେକା କାମା କିନାୟିମାନେ ଇଞ୍ଜି ନାନୁ ଅଣ୍ଠିମାଚେଏଁ □

୧୦ ଜିରୁସାଲମତା ନାନୁ ଏଲେଜିକେଏ କିତେଏଁ □ କାଜା ପୂଜେରାଞ୍ଜା ତାଣାଟି ଅଦିକାରା ଆକୁ ବେଟାଆହାନା, ମାହାପୁରୁ ଲକୁ ତାଣାଟି ହାରେକା

☆ ୨୭:୫ ୨୭:୫ କାମା ୨୩:୭; ପିଲିପି ୩:୫ ☆ ୨୭:୯ ୨୭:୯ କାମା ୮:୩; ୨୨:୪,୫

ଜାଣାଇଁ କାନ୍ଦିଦିତା ସୁଶ୍ରୀକିହାମାଚେଏଁ ଇଞ୍ଜା ଏଞ୍ଜାରାଇଁ ପାନ୍ଦିନାଟି ନାନୁ ଜିକେଏ ଆଶ୍ରିମାଚେଏଁ
□

୧୧ ହାରେକା ଦେବା ଜୀହୁଦି ଲକୁଡି କୁଟମି ଇଲକାଣା* ନାନୁ ଏଞ୍ଜାରାଇଁ ଲାଜାକିହଁ ଡଣ୍ଡ ହାହିମାଚେଏଁ ଇଞ୍ଜା ଏଞ୍ଜାରି ନାମୁଡି ଏଟକା କିହାଲି ଅଣପାମାଚେଏଁ, ନାନୁ ଏଞ୍ଜାରି କପାଟି ହାରେକା କାରବି ଆହାମାଚେଏଁ, ଏଞ୍ଜାରାଇଁ ସାସ୍ତି ହାହାଲି ଏଟକା ଦେସାତା ଜିକେଏ ହାଜାମାଚେଏଁ □”

ପାଞ୍ଜୁଲ ତାନି ମନୁ ଝେଟ୍‌ହି କାତା ଝେହ୍‌ନାୟି
(କାମା ୯:୧-୧୯; ୨୨:୭-୧୭)

୧୨ ଇଦାଆଁତାକି କାଜା ପୂଜେରାଜା ତାଣାଟି ଅଦିକାରା ଆକୁ ଅଡେ ହୁକୁମି ବେଟାଆହାନା ନାନୁ ଦମେସକ ହାଜାମାଚେଏଁ □

୧୩ ଏ ରାଜା ଆଗ୍ରିପା, ର ଦିନା ମାଦେନା ବେଲା ଜିରୁତା ହାଗୁଲକଟି ଝେଡାକିହାଁ ହାରେକା ଉଜେଡି ମେସ୍ତେଏଁ, ଏ ଉଜେଡି ନାଜେ ଅଡେ ନା ତଲେ ହାଜିମାଚାରି ସାରିଝାକି ତଞ୍ଜାଆଡେ □

୧୪ ମାମୁ ବାରେଜାଣା ବୁମିତା ତରଗାଲିଏ, ଏଡି ହାଡାତଲେ ନାଜେତାକି ଇ ହାଡା ଝେଚେଏଁ, “ଆଡେ ସାଞ୍ଜୁଲ ଆଡେ ସାଞ୍ଜୁଲ ଏନାଆଁତାକି ନାଜେ ସାସ୍ତି ହାହିମାଞ୍ଜାଦି ? ଏନିକଁ ଡକୁ କଡି ହେରୁ ଡନୁଣି ହୁଡୁ ବାଡଗାତା ଦୟିନେ ଏଲେକିହଁ ନାନୁ ତାମୁଝାକି ଦୟାହାଁ ଜାହାରା କଡାତା ଗାଣ୍ଡି ମାଞ୍ଜି □”

୧୫ ଏମ୍ପାଟିଏ ନାନୁ ଝେଚେଏଁ, “ପ୍ରବୁ ନାନୁ ଆମ୍ପାଆତି ?” ଏଚେଟିଏ ପ୍ରବୁ ଏଲେଇଞ୍ଜାଚେସି “ନାନୁ ଆମ୍ପାଆରାଇଁ ସାସ୍ତି ହାହିମାଞ୍ଜି ନାନୁ ଏ ଜାସୁଚେଏଁ □

୧୬ ସାମା ନିଜାମୁ କଡାତା ବାଡ଼ୁୟ ହାହାନା ନିମୁ, ଇଚିହଁ ନାନୁ ନିଜେ ନା ସେବା କାମା କିହାଲିତାକି ତଞ୍ଜା ଆହାମାଞ୍ଜାଇଁ, ନୀଞ୍ଜୁ ନାନୁ ଏନାଆଁ ମେସାମାଞ୍ଜି ତାମୁ ନାନୁ ନିଜେ ଏନାଆଁ ତପ୍ରାଇଁ ଏ କାତା ଏଟକା ତାରାଇଁ ସାକି ହାଦି □

୧୭ ଜୀହୁଦି ଅଡେ ଜୀହୁଦିଆଆତି ଲକୁଡାଣା ନାନୁ ନିଜେ ପାଣ୍ଡାଇଁ, ଏଞ୍ଜାରି ତାଣାଟି ନାନୁ ନିଜେ ଗେଲପାଇଁ □

୧୮ ନିଜେ ଏଞ୍ଜାରି କାଣ୍ଡକା ଦେଚାଲି ଆନେ, ଅଡେ ଏଞ୍ଜାରାଇଁ ଆନ୍ଦେରିଟି ଉଜେଡିତା ଅଡେ ସୟତାନ ପାନ୍ଦାଟି ମାହାପୁରୁ ତାଣା ଝେଟ୍‌ହା ତାନାୟି ଆନେ, ଏନିକଁ ନା ତାଣା ନାମିନି ତାଣାଟି ସୁଦୁ କିଞ୍ଚି ଆହାନା ଏଞ୍ଜାରି ପାପୁ ମେଣ୍ଡିନେ ଅଡେ ମାହାପୁରୁ ଆଡିତି ଲକୁ ବିତ୍ରା ଏଞ୍ଜାରି ଚାମୁ ବେଟାଆନେରି □”

ପାଞ୍ଜୁଲ ତାନି କାମାଟି ଝେହ୍‌ନାୟି

୧୯ “ରାଜା ଆଗ୍ରିପା, ଏ ଲାକପୁରୁଟି ମେସ୍ତାଣି ନାନୁ ଉରାଆଚେଏଁ,

୨୦ ତଲିଏ ଦମେସକତା ଇଞ୍ଜା ଜିରୁସାଲମତି ଲକୁଡାଣା ତାମୁ ଜୀହୁଦା ରାଜିଟି ବାରେ ନାମ୍‌କାଣାଁ, ଅଡେ ଜୀହୁଦିଆଆତି ଲକୁଡାଣା ଜିକେଏ ଝେକ୍‌ହେଏଁ, ଏନିକଁ ଏଞ୍ଜାରି ମନୁ ଝେଟ୍‌ହାନା ମାହାପୁରୁ ତାଣା ଝାନ୍ଦେରି, ଇଞ୍ଜା ଏଞ୍ଜାରି ମନୁ ଝେଟ୍‌ହା କଡାମାନେରି, ଏଦାଆଁ କାମାତା ତହୁନେରି □

୨୧ ଏଦାଆଁତାକି ନାନୁ ମାହାପୁରୁ ଇଲୁତା ମାଚାଟି ଜୀହୁଦିୟାଁ ନାଜେ ଆସାନା ପାୟାଲି ଅଣ୍ପି ମାଞ୍ଜାଚେରି □

୨୨ ସାମା ନୀଞ୍ଜୁପାଚେକା ମାହାପୁରୁ ନାଜେ ସାୟେମି କିହାମାଞ୍ଜାନେସି, ଏଦାଆଁତାକି ନୀଞ୍ଜୁ ନାନୁ ଉଣା କାଜାରି ବାରେଡି ନକିତା ସାକି ହାହାଲି ନିଚାମାଇଁ □ ମାହାପୁରୁ ଅଣ୍ପୁଡି ବଲୁ ଝେହ୍‌ନାରି ଅଡେ ମସା ଏନାଆଁ ଆନେ ଇଞ୍ଜାଁ ଝେସାମାନେସି ନାନୁ ଏ କାତା ଝେସିମାଇଁ,

୨୩ *ଇଚିହଁ ମସିହା ସାତେଏ ଦୁକୁ ବେଟାଆହାନା ହାଡାରି ବିତ୍ରାଟି ତଲିଏ ନିଜାମା ଜୀହୁଦି ଲକୁ ଇଞ୍ଜା ଜୀହୁଦିଆଆତି ଲକୁ ନକିତା ଗେଲପିନି ଉଜେଡି ତହୁନେସି □”

୨୪ ପାଞ୍ଜୁଲ ଇଲେକିହଁ ତାନି ଝାକିଟି ଜଲିମାଚାଟି ପେସ୍ତସ୍ କାଜା ଗିୟାତଲେ ଏଲେଇଚେସି, “ପାଞ୍ଜୁଲ ନାନୁ ବାୟା ଆଡି; ଗାଡି ଜାପିତାକି ନାନୁ ବାୟା ଆହାମାଞ୍ଜି □”

୨୫ ସାମା ପାଞ୍ଜୁଲ ଏଲେଇଚେସି, “ଏ ମାନ୍ଦିଗାଟି ପେସ୍ତସ୍ ନାନୁ ବାୟା ଆହାହିଲଅଁ; ସାମା ନାନୁ ଏନାଆଁ ଜଲିମାଇଁ ଏଡି ସାତା, ତୀରି ବୁଦିତଲେ ଝେସିମାଇଁ □

୨୬ ରାଜା ଆଗ୍ରିପା ନାନୁ ଇ ବାରେ ପୁଞ୍ଜାମାନାକି, ନାନୁ ନୀ ନକିତା ସାସାତଲେ କାତା ଜଲିମାଇଁ, ନାନୁ ସାତେଏ ନାମିମାଇଁ, ଇ ବାରେ ନାନୁ ପୁନାଆରେରୁ ଆହା ହିଲେଏ; ଅଡେ ଇ ବାରେ କାତା ଡଗୁନା ମେଣେଏ ଆହାହିଲେଏ □

୨୭ ଏ ରାଜା ଆଗ୍ରିପା, ନାନୁ ମାହାପୁରୁ ଅଣ୍ପୁଡି ବଲୁ ଝେହ୍‌ନାରି କାତା ନାମିମାଞ୍ଜି କି ? ହାଅ ନାନୁ ନାମିମାଞ୍ଜି ଇଞ୍ଜାଁ ନାନୁ ପୁଞ୍ଜାମାଇଁ □”

୨୮ ଆଗ୍ରିପା ପାଞ୍ଜୁଲାଇଁ ଏଲେଇଚେସି, “ନାନୁ ନାଜେ ଗାଡେକେଏ କ୍ରୀସ୍ତାନା କିଇଁ ଇଞ୍ଜାଁ ଅଣ୍ପିମାଞ୍ଜାଦି ?”

୨୯ ପାଞ୍ଜୁଲ ଏଲେଇଚେସି, “ଗାଡେକା ତାକି ଆପେ କି ଗାଡିତାକି ଆପେ ମାହାପୁରୁ ତାଣା ଇଚେକେଏ ନା ପ୍ରାଡାନା, ନାନୁ, ଅଡେ ଏଚରଜାଣା ନୀଞ୍ଜୁ ନା କାତା ଝେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା ନାଲେହେଁ ହିକ୍‌ଣିୟାଁ

* ୨୭:୧୧ ୨୭:୧୧ ସିନଗର ✨ ୨୭:୨୩ ୨୭:୨୩ ଏକର ୧୫:୨୦

ତଳେ ଦସ୍ତ ଆପେରି ଇଞ୍ଜି ନାନୁ ଝେସିମାଞ୍ଜିଅଁ
□”

୩୦ ଏଚେଟିଏ ରାଜା, ସାଲୁଝି କିନାସି ଅଡ଼େ
ବନ କି ଇଞ୍ଜା ଏଚକାତାରି ବାରେ ହାଜାଲି
ନିଜିତେରି,

୩୧ ଏଞ୍ଜାରି ହାନିବେଲାତା ତାମ୍ବୁତାମ୍ବୁ ଜଲ୍ଲକି
ଆଡ଼େରି, “ଇ ମାଣସି ଇଲେତି ଏନି କାମା
କିହାହିଲଅସି ଏନାଆଁତାକି ଏଞ୍ଜାସି ଦସ୍ତ ଆନେସି
କି ପାୟୁଝି ଆନେସି □”

୩୨ ଅଡ଼େ ଆଗିପା ପେସ୍ତସ୍ତ ଇଲେଇଚେସି,
“ଇ ମାଣସି କାୟିସର ତାଣା ନୀହାୟି କିଝିଆୟାଲି
ବାତିମାଲୀଆତିହିଁମା ମାମ୍ବୁ ଏଞ୍ଜାଣାଇଁ ପିସାଲି
ଆଡ଼ିତମିମା □”

୨୭

ପାଞ୍ଜୁଲ ସାମ୍ବୁରିତି ରମ୍ପତା ହାନାୟି

୧ ମାମ୍ବୁ ଇଚାଲି ଦେସାତା ଏୟୁ ଜାଜା ତଳେ
ହାଜାଲି ତାରି କିଝିଆଡ଼ି ତାୟୁ ପାଞ୍ଜୁଲ ଅଡ଼େ
ଏଚରଜାଣା କାୟିଦିତା ମାଚାରାଇଁ, ରାଜାତି
କସ୍ତକା ଜୁଲିୟସ୍ ଦରୁଗାଟି ପାସାକଡ଼ି କସ୍ତକା
ମୁହେଁ କାଜାଣି କେୟୁତା ହେରପିତେରି □

୨ ଏମ୍ବାଟିଏ ମାମ୍ବୁ ଆସିୟା ଦେସାତି ଏଚକା
ଏଚକା ଚାୟୁତା ହାନି ଏୟୁ ଜାଜା ନିନି ଚାୟୁଟି
ଆଦ୍ବାମୁତିୟ ଜାଜାତା ହଡ଼ମି; ଇଞ୍ଜା ମାକିଦନିୟା
ଦେସାତି ତେସଲନିକି ଗାଡ଼ାତି ଆରିସ୍ତାର୍କ ମା ତଳେ
ମାଚେସି □

୩ ତାନି ଅର ନେରୁ ମାମ୍ବୁ ସିଦନତା ଏଗାତମି,
ଅଡ଼େ ଜୁଲିୟସ୍ ପାଞ୍ଜୁଲଇଁ କାର୍ମା ଆହାନା ତାନି
ତଣେସିଜା ତାଣା ହାଜାନା ଲଡ଼ାମାନାଣି ସେବା
ବେଟାଆହାଲି ହେଲ ହୀତେସି □

୪ ଏମ୍ବାଟି ଜାଜାତା ହଚାମାଚାଟି ମା ଝାକି ଗାଲି
ଝେଚାଲିଏ ମାମ୍ବୁ କୁପ୍ର ଦାରି ଦାରିଟି ହାଚମି,

୫ କିଲିକିୟା ଅଡ଼େ ପଂପୁଲିୟା ନକିତା ମାନି
ସାମ୍ବୁରି ଗାଣ୍ଟାନା ଲୁକିୟାତି ମୂରାତା ଝାଡ଼ମି □

୬ ଏମ୍ବାଆଁ ପାସାକଡ଼ି କସ୍ତକା ମୁହେଁ କାଜାସି,
ଇଚାଲିତା ହାଜିମାନି ର ଆଲେକଜାଣ୍ଡିୟା ଏୟୁ
ଜାଜା ବେଟାଆହାନା ମାଜେ କୁଗି କିୟାତେସି □

୭ ତାୟୁ ହାରେକା ଦିନାତାକି ଦୀରେ ଦୀରେ
ହାଜାନା କସ୍ତତଳେ କ୍ରିଦ ଗାଡ଼ା ତାଗେ ହାଚମି □
ନକିତ ଗାଲି ମାଜେ ନକିତା ହାଜାଲି ହିୟାଆଲିଏ
ସାଲ୍ମନିତି ଅରଝାକି କ୍ରିତି ଦାରି ଦାରିଟି ହାଚମି □

୮ ଅଡ଼େ କସ୍ତତଳେ ଗାଟୁ ଗାଟୁଟି ହାଜାନା
“ଅକ୍ରିତି ବାନ୍ଦା” ଇନି ଚାୟୁତା ହାଚମି, ଏଡ଼ି
ଲାସାୟା ଗାଡ଼ାତି ତାଗେ ମାଚେ □

୯ ଇଲାଆହିଁ ହାରେକା ଦିନା ଆହାହାଚେ,
ଇଞ୍ଜା ସାମ୍ବୁରିଟି ହାନାୟି କସ୍ତ ଆହାହାଚେ,
ଇଚିହିଁ ଏଚିବେଲା ଉପାସା ପାର୍ବୁ ରାହାମାଚେ,

ଏଦାଆଁତାକି ପାଞ୍ଜୁଲ ଜାଗ୍ରାତା କିହାନା
ଏଲେଇଚେସି □

୧୦ “ବାବୁୟାତେରି ଇ ସାମ୍ବୁରିଟି ହାନାଟି
ଜାଜାତି ଆସି ଅଡ଼େ ଏୟୁ ଜାଜା ନସ୍ତ ଆନେ ଏଡ଼ି
ଆଏ, ସାମା ଜାଜାତା ହାଜିମାନାରି ଜୀଝୁ ଜିକେଏ
ନସ୍ତ ଆନେ ନାନୁ ପୁଞ୍ଜିମାଇଁ □”

୧୧ ସାମା ପାସାକଡ଼ି କସ୍ତକା ମୁହେଁ କାଜାସି,
ପାଞ୍ଜୁଲତି କାତା କିହାଁ ଜାଜାତି ସାଲୁଝି କିନାଣାଇଁ
ଇଞ୍ଜା ସାଞ୍ଜୁକାରି କାତାତି ହାରେକା ନାମିତେସି □

୧୨ ଇ ବାନ୍ଦାତା ପେନିଝେଡ଼ା ଡ଼ୟାଲି ନେହେଁ
ହିଲାଆତେ, ଇଦାଆଁତାକି ଜାଜାତା ହାଜିମାଚାରି
ହାରେକା ସାମ୍ବୁରିଟି ହାଜାନା ପିନିକସ୍ତା
ପେନିବେଲା ରାପ୍ତହାଲି ଅଣ୍ଡପିମାଚେରି, ଏ
ପିନିକସ୍ କ୍ରିତିତି ର ଜାଜାୟା ନିନି କାଜା ଚାୟୁ
ମାଚେ, ଏଡ଼ି ଝେଡ଼ା କୁଡ଼ନି ଚିଃନିଝାକି ଅଡ଼େ,
ଝେଡ଼ା କୁଡ଼ନି ଚେବୁଝାକି ମୁମ୍ବୁ କିହାମାଚେ □

ସାମ୍ବୁରିତା ଗାଲି ପିୟୁ

୧୩ ଏଚିବେଲା ଚିଃନି ଝାକିତି ଗାଲି ଦୀରେ
ଦୀରେ ଝାଡ଼େ, ହାଜିମାଚାରି ନୀଏଟି ମା
ଅଣ୍ଡପିମାଚି ଲେହେଁ ଆଡ଼େ ଇଞ୍ଜି ଅଣ୍ଡପିତେରି,
ଜାଜା ନିପହାମାଚି କାଜା ଲହୁତି ରେଜାନା କ୍ରିତିତି
ଗାଟୁ ଗାଟୁଟି ହାଜାଲି ମାଚ୍ତହେରି,

୧୪ ସାମା ଗାଡ଼େକା ହାଜାଲିଏ ଇୟୁରକଝିଲ୍
ଇନି ଆଜିହପେତି କାଜା ଗାଲି ଝେଡ଼ା ହନି ଚେବୁ
ଝାକିଟି ହଚାନା ଜାଜା ମାଚିଝାକି ଝାଡ଼େ □

୧୫ ଗାଲି ଜାଜାତି ଝେଚାଲିଏ, ଜାଜାତି
ଗାଲିଝାକି ଅୟାଲି ଆଡ଼ାଆନା ଜାଜାତି ଗାଲି ତଳେ
ଅଝିଆୟାଲି ପିସ୍ତମି □

୧୬ ମାମ୍ବୁ କ୍ଲାଝୁଦାତି ସାମ୍ବୁରି ମାଦି ମାନି ଉଣା
ବୁନିତି ଜମିନି ଚାୟୁ ବେଟାଆଡ଼ମି □ ଏମ୍ବାଟି
ହାରେକା କସ୍ତଟି ଏୟୁ ଜାଜାତି ଉଣା ତଂଗ ତଳେ
ଗେଲ୍ପି ଆଡ଼ମି □

୧୭ ଜାଜା ସାଲୁଝି କିନାରି ଏଦାଆଁ ଜାଜା ଲାକ
ଅଡ଼ି ତାୟୁ ତଂରକା ତଳେ ଜାଜା ସାରିସ୍ତୁ
ଦସ୍ତେରି, ଇଞ୍ଜା ଜାଜା ଲିବିୟାତି ସୁରତି ଇନି ବାଃଲି
ଡ଼ିବାତା ଗୁପିନେ ଇଞ୍ଜି ଆଜିତାକି ଜାଜା ସାଲୁଝି
କିନାରି ଜାଜାତା ଗଞ୍ଜାମାଚି ହିମ୍ବୁରିକା ହୁକ୍‌ହାନା
ଜାଜାତି ଗାଲି ତଳେ ସାମ୍ବୁରି ବିତ୍ରା ଡ଼ୟାଲି
ପିସ୍ତେରି □

୧୮ କାଜା ଗାଲି ପିୟୁ ତାକି ହାରେକା କସ୍ତ
ଆହାଲିଏ ତାନି ଅର ନେରୁ ଜାଜାତି ସାଲୁଝି କିନାରି
ଜାଜାତା ମାଚି ଆସ୍ତିତି ସାମ୍ବୁରିତା ମେଡ଼ହାଲି
ମାଚ୍ତହେରି,

୧୯ ଅଡ଼େ ତାନିଦିନା ନେରୁ ଏଞ୍ଜାରି ତାନି ଜାଜାତି
କଚେକା କାଣ୍ଡା ମୁଣ୍ଡା ଏୟୁଣାଁ ମେଡ଼ହେରି □

୨୦ ହାରେକା ଦିନା ପାତେକା ଝେଡ଼ା କି ହୁକାୟାଁ
ମେସାଲି ଆଡ଼ାଆତମି, ଅଡ଼େ ହାରେକା ଗାଲି

ପିୟ ପିତୃଆଳିଏ ମାମ୍ନୁ ଲମ୍ବାଟି ଗେଲ୍‌ପିଆନ୍ତି ଆସା ପିସାତୁସ୍ତମି □

୨୧ ବାରେଜାଣା ହାରେକା ଦିନା ପାତେକା ରାନ୍ଧା ତିନାଆନା ଡୟିତି ତାୟୁ, ପାଞ୍ଜୁଲ ଏଞ୍ଜାରି ବିତ୍ତା ନିଚାନା ଏଲେଇରେସି, “ବାବୁୟା ନା କାତା ଆସାନା କ୍ରିତିଟି ସାମ୍ବଦୁରି ଜାଜା ହୁକ୍‌ହା ହିଲାଆତିହ୍ମ ମାଦି ଏନାୟିଞ୍ଜା ନସ୍ତୁ ଆଆତେମା □

୨୨ ସାମା ନୀର୍ବ ନାନୁ ମିଙ୍ଗେ ଖେସିମାଞ୍ଜାଇଁ, ସାସା ଆହ୍‌ଦୁ, ଇତିହ୍ମ ମୀ ବିତ୍ତା ଆମ୍ବାଆରି ଜୀଞ୍ଜୁ ଜିକେଏ ନାସା ଆଏ; ଖାର୍‌ଇ ଜାଜାଦେ ନସ୍ତୁ ଆନେନ □

୨୩ ଇତିହ୍ମ ନାନୁ ଏମିନି ମାହାପୁରୁତି ସେବା କିହିମାଇଁ, ନୀଞ୍ଜୁ ଲାଆଁୟାଁ ଏଞ୍ଜାଣି ର ଲାକପୁରୁତି ଦୁତୁ ନା ତାଗେ ଖାହାନା ଏଲେଇଞ୍ଜାତେ,

୨୪ ଏ ପାଞ୍ଜୁଲ ‘ଆଜାଆନି; ନୀନୁ ସାଲ୍‌ଞ୍ଜି କିନି କାୟିସର ନକିତା ନିନାୟି ମାନେ, ମାହାପୁରୁ ନିଙ୍ଗେ କାର୍ମା ଆହାମାଞ୍ଜାନାକି ନୀ ତଲେ ଖାହିମାନି ବାରେତି ଜୀଞ୍ଜୁ ଏଞ୍ଜାସି ଗେଲ୍‌ପିନେସି □’

୨୫ ଏଦାଆଁତାକି ଏ ବାବୁୟାତେରି ସାସା ଆହ୍‌ଦୁ ଇତିହ୍ମ ନାନୁ ମାହାପୁରୁ ତାଣା ନା ନାମୁ ମାନେ, ନାଙ୍ଗେ ଏନିକ୍‌ହ୍ମ ଖେସ୍‌ପି ଆହାମାନେ, ଏଲେଆହ୍‌ଏ ଆନେନ □

୨୬ ସାମା ମାଙ୍ଗେ ର ସାମ୍ବଦୁରି ମାଦିଏ ମାନି ଦେସାତା ଏଗାହାନାୟି ମାନେ □”

୨୭ ଇଲେକିହ୍ମ ମାମ୍ନୁ ଆଦିଆ ସାମ୍ବଦୁରି ଇତାଲା ଆତାଲା ଆହ୍‌ ରୀ ଖାରା ଆୟାଲିଏ, ମାଦି ଲାଆଁୟାଁ ଜାଜା ସାଲ୍‌ଞ୍ଜି କିନାରି ର ବୁମି ଦାରିତା ଏଜିମାନାୟି ଇଞ୍ଜି ଅଣ୍‌ପିମାତେରି □

୨୮ ଏମ୍ବାଟିଏ ଏଞ୍ଜାରି ଏୟୁଣି ଲାଟାଲିଏ ପନ୍ଦର ହାତା ଏୟୁ କୁଡ୍‌ହା ମାରୁ, ଇଞ୍ଜା ଅଡେ ନକିତା ହାଜାନା ଖେଣ୍ଡେ ଲାଟାଲିଏ ଏଗାର ହାତା ଏୟୁ କୁଡ୍‌ହା ମାରୁ □

୨୯ ମାରୁ ହାଜାନା ଜାଜା ଖାଲ୍‌କା ବୁମିତା ଗୁପିକିନାୟି ଇଞ୍ଜି ଅଣ୍‌ପାନା ଆଜିତାକି ଏଞ୍ଜାରି ଜାଜାତି ତାୟୁଞ୍ଜାକି ସାରିଗଟା ବଜୁ ଗାଟି ଲହ୍ ମୁଣ୍ଡାୟାଁ ରେପ୍‌ହାନା ଏଚେଲା ଖେୟିନେ ଇଞ୍ଜି ପ୍ରାତାନା କିହିମାତେରି □

୩୦ ଇଞ୍ଜା ଜାଜାତି ସାଲ୍‌ଞ୍ଜି କିନାରି ଜାଜାତି ରେଚାନା ହଟାତୁସାଲି ଅଣ୍‌ପାନା ନାଡିକିହ୍ମ ଜାଜାତି ନକିଞ୍ଜାକି ଲହ୍ ମୁଣ୍ଡାୟାଁ ରେପ୍‌ନି ଲେହେଁ ଉଣା ତଂଗତି ସାମ୍ବଦୁରିତା ରେପ୍‌ହେରି □

୩୧ ସାମା ପାଞ୍ଜୁଲ ପାସାକଡି କସ୍‌କା ମୁହେଁ କାଜାଣାଇଁ ଇଞ୍ଜା କସ୍‌କାଣି ଏଲେଇରେସି, “ଜାଜା ସାଲ୍‌ଞ୍ଜି କିନାରି ଜାଜାତା ମାନାଆତିହ୍ମ ମୀରୁ ଗେଲ୍‌ପିଆନ୍ତି ଆସା ହିଲେଏ □”

୩୨ ଏମ୍ବାଟିଏ ଜାମାନାଙ୍ଗା ଉଣା ତଂଗତି ତ:ରକା ଦାଚାନା ସାମ୍ବଦୁରିତା ପିସ୍ତେରି □

୩୩ ଲାକ ଦୁଲୁପୁଲୁ ଖେୟି ମାଚାଟି ପାଞ୍ଜୁଲ ଏଞ୍ଜାରାଇଁ ଏନି ରାନ୍ଧା ମାଚିହ୍ମ ତିଞ୍ଜାଲି ବାର୍ଣ୍ଣ ହୀହାନା ଏଲେଇରେସି, “ନୀଞ୍ଜୁଟିଏ ରୀ ଖାରା ଆଡେ ମୀରୁ ଏନାଆଁ ତିନାଆନାହାଁ ହାକିଟିଏ ମାଞ୍ଜାମାଞ୍ଜେରି □

୩୪ ବାଡିମାଲିମାଞ୍ଜାଇଁ, ନୀର୍ବ ଇଚାଣି ତିଞ୍ଜୁ, ମୀ ଜୀଞ୍ଜୁ ଗେଲ୍‌ପାଲିତାକି ତିନାୟିମାନେ, ଆଜାଆଦୁ, ମୀ ତାର୍‌କାତି ର ବାଣା ଜିକେଏ ନାସା ଆଏ □”

୩୫ ପାଞ୍ଜୁଲ ଇ ବାରେ କାତା ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି ଡିକ୍‌ହାନା ତିଞ୍ଜାଲି ମାଟ୍‌ହେସି □

୩୬ ଏମ୍ବାଟିଏ ଏଞ୍ଜାରି ବାରେଜାଣା ବାର୍ଣ୍ଣ ବେଟାଆହାନା ବାରେଜାଣା କାଦି ତିଚେରି □

୩୭ ମାମ୍ନୁ ଜାଜାତା ରୀ ଖାଞ୍ଜା ତାନିକଡି ସଡ଼ ଜାଣାତମି ମାଚମି □

୩୮ ଏଞ୍ଜାରି ପାଞ୍ଜେ ତିଟି ତାୟୁ ଜାଜାତି ବଜୁ ଉଣା ଆପେଞ୍ଜା ଇଞ୍ଜି ଜାଜାତି ବାରେ ଗହ୍‌ୟାଁ ସାମ୍ବଦୁରିତା ମେଡ୍‌ହେରି □

ଜାଜା ତାନାୟି

୩୯ ଅର ନେରୁ ଲାକ ଖେୟାଲିଏ ଏଞ୍ଜାରି ଏମିନି ଦେସାତି ଟାୟୁତା ଖାଡେରି ପୁଞ୍ଜାଲି ଆଡାଆତେରି, ସାମା ଏଞ୍ଜାରି ଗାରୁ ଦାରି ର ବାଠଲି ଟାୟୁ ମେସାନା ଏନିକ୍‌ହ୍ମ ଜିକେଏ ଏମ୍ବାଆଁ ଜାଜାତି ନିପ୍‌ହାଲି ଅଣ୍‌ପିତେରି □

୪୦ ଏଦାଆଁତାକି ଏଞ୍ଜାରି ଲହ୍ ମୁଣ୍ଡାୟାଁତି ତ:ରକା ଦାଚାନା ସାମ୍ବଦୁରିତା ମୁଞ୍ଜାଲି ପିସ୍ତେରି, ଇଞ୍ଜା ଦେବୁଣିଏ ଏୟୁ ଜାଜାତି ହାଟ୍‌ଞ୍ଜା ବାଡ୍‌ଗାୟାଁତି ତ:ରକା ବାରେ ହୁକ୍‌ହାନା ଜାଜା ନକିତା ଗାଲିଞ୍ଜାକି ହିମ୍ବୁରିକା ଗଞ୍ଜାନା ଗାରୁଞ୍ଜାକି ହାଜାଲି ଅଣ୍‌ପିତେରି □

୪୧ ସାମା ଏଞ୍ଜାରି ରୀ ସାମ୍ବଦୁରିକା କାଲ୍‌ଞ୍ଜି ଆହିମାନି ଟାୟୁତା ଏଜାଲିଏ ଜାଜା ସାମ୍ବଦୁରି ଗାରୁତି ର ବାଠଲି ତିବାତା ଗୁପିତେ, ଜାଜାତି ନକି ଖାକିତାୟି ଜାଣ୍ଡାନା ଡୟାହାତେ, ସାମା ତାୟୁତାୟି ସାମ୍ବଦୁରିତି ଏୟୁ ଉଣ୍ଡାୟାଁ ଗୁପାଲିଏ ତାହାଲି ମାଟ୍‌ହେ □

୪୨ କାୟିଦି ଗାଟାରି ସାମ୍ବଦୁରି ଗାରୁଟି ପର୍‌ହ୍ମ ପର୍‌ହ୍ମ ହ୍ମଣ୍‌ନେରି ଇଞ୍ଜି ଅଣ୍‌ପାନା କସ୍‌କା ଏଞ୍ଜାରାଇଁ ପାୟାଲି ଅଣ୍‌ପିତେରି □

୪୩ ସାମା ପାସାକଡି କସ୍‌କା ମୁହେଁ କାଜାସି ପାଞ୍ଜୁଲାଇଁ ଗେଲ୍‌ପାଲି ମନ୍ କିହାନା, ଏଞ୍ଜାରି ଅଣ୍‌ପୁଡି କାହି କିହାନା ଏଲେଇଞ୍ଜି ହୁକୁମି ହୀତେସି, ଆମ୍ବାଆସି ପର୍‌ହାଲି ପୁନାସି ଏଞ୍ଜାସି ସାମ୍ବଦୁରିତା ଡେଞ୍ଜାନା ତଲିଏ ଗାରୁତା ହାଲାପେସି;

୪୪ ଡୟାମାନାରି ଜାଜାତି ମାର୍‌କା ପାଟାୟାଁ ଇଞ୍ଜା ଏନି ଏନି ତାତି ମୁକାୟାଁ ଆସାନା ହାଲାପେରି

ଇଞ୍ଜାଲିଏ, ଇଲେକିହ୍ ବାରେଜାଣା ନେହ୍ ଆହ୍ ଗାଟୁତା ଏତେରି □

୨୮

ମେଲିତି ଦେସାତା ପାଞ୍ଚୁଲ

୧ ମାମ୍ନୁ ଏମ୍ବାଟି ଗେଲ୍ପିଆଡି ତାୟୁ ସାମ୍ବୁରି ମାଦି ମାନି ଟାୟୁ ମେଲିତି ଇଞ୍ଜିହ୍ ପୁଟମି □

୨ ଏମ୍ବାଆଁ ବାସାଆହାମାନି ପାଙ୍ଗାତି ଲକୁ ମାଙ୍ଗେ ତଢେସିଙ୍ଗା ଲେହେଁ କାର୍ମା ଆୟାତେରି, ଇଚିହ୍ ପିୟୁ ଇଞ୍ଜା ପେନି ଆହିମାଚାକି ଏଞ୍ଜାରି ମାଙ୍ଗେ ହିତୁ ତାସାନା କେରଞ୍ଜାଲି ହିୟାତେରି □

୩ ସାମା ପାଞ୍ଚୁଲ ର ପେଣ୍ଡା ଝେସକା ହିତୁତା କୁମ୍ବାଲିଏ, ଉସମି ତାକି ର ରାତୁ ହଚାନା ପାଞ୍ଚୁଲ କେୟୁତା କାଚାହାଁ ଆଟା ତୟିତେ □

୪ ଏମ୍ବାଆଁ ବାସା ଆହାମାଚି ପାଙ୍ଗାତି ଲକୁ ପାଞ୍ଚୁଲ କେୟୁତା ଏ ରାତୁ ଲେଜା ମାନାଣି ମେସାନା ତାମ୍ନୁ ତାମ୍ନୁ ଝେସପି ଆଡେରି, “ଇ ମାଣ୍ଡସି ସାତେଏ ଲକୁଣି ପାୟିନାସି, ସାମ୍ବୁରିଟି ଗେଲ୍ହାଲିଏ ଜିକେଏ ଦାମ୍ନୁ ନୀତାଲି ହାହି ହିଲେଏ □”

୫ ସାମା ପାଞ୍ଚୁଲ ଏ ରାତୁତି ହିତୁତା ହାଣ୍ଡାଁନା ମେତହା ତୁସେସି, ଇଞ୍ଜା ଏଞ୍ଜାଣାକି ଏନି ନସ୍ତ ଆଆତେ □

୬ ଏଞ୍ଜାଣି ଆଙ୍ଗା ପଙ୍ଗା ହାନେ ଆଆତ୍ ଦେବୁଣିଏ ହାନେସି ଇଞ୍ଜା କାଚିମାତେରି; ସାମା ହାରେକା ବେଲା ଆଡି ତାୟୁ ଏଞ୍ଜାଣାକି ଏନି ନସ୍ତ ଆଆତାଣି ମେସାନା ଏଞ୍ଜାରି ତାମି ହିୟାଁ ଝେଟହାନା ଏଲେଇଚେରି, “ଇଞ୍ଜାସି ର ମାହାପୁର □”

୭ ଏ ଟାୟୁ ତାଗେ ପୁଲ୍ଲିୟ ଦରୁଗାଟି ଏ ଟାୟୁତି କାଜାଣି ଇଲୁ ଅଡେ ବୁମି ମାତେ; ଏଞ୍ଜାସି ମାଙ୍ଗେ ହାଟା ଅହାନା ତାନିଦିନା ପାତେକା କାର୍ମା ଆହାନା ରାହାଁଟି ସେବା କିୟାତେସି □

୮ ଏଚିବେଲାତା ପୁଲ୍ଲିୟ ତାମି ଆବା ନମେରି ଇଞ୍ଜା ନେତେରି ବାଣ୍ଡି ତାକି ପାସ୍ପନିତା ତୁରାମାଚେସି, ଇଞ୍ଜା ପାଞ୍ଚୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେୟୁ ଇଚାନା ନେହ୍ କିତେସି □

୯ ଇଦି ଆଡି ତାୟୁ ଏମ୍ବାଆଁ ମାନି ରଗ ଗାଟାରି ବାରେ ପାଞ୍ଚୁଲ ତାଣା ଝାହାନା ନେହ୍ ଆଡେରି;

୧୦ ଏଞ୍ଜାରି ମାଙ୍ଗେ ଜିକେଏ ହାରେକା ମାନି ତଲେ ଜାଞ୍ଜୁ ନୟାତେରି, ଅଡେ ମାମ୍ନୁ ହାଜିମାଚାଟି ମା ଲଡାମାନାଣି ହାହାନା ପାଣ୍ଡାତେରି □

ମେଲିତିଟିଏ ରମ୍ପତା ପାଞ୍ଚୁଲ ହାନାୟି

୧୧ ତାନି ଲେଞ୍ଜୁ ଜେଟ ମାମ୍ନୁ ର ଆଲେକ୍ଜାଣ୍ଡିୟାତି ଏୟୁ ଜାଜାତା ହଚାନା ହାଚମି, ଏୟୁ ଜାଜା ପେନିବେଲା ହାଲ୍ଝେ ଏ

ଟାୟୁତା ତୟାମାଚେ, ଏଦାନି ଦରୁ “ଜାଣ୍ଡା ପେଣ୍ଡକା,” ଇଞ୍ଜିମାତେରି □

୧୨ ସୁରାକୁସା ଗାଡାତା ଏଜାନା ଏମ୍ବାଆଁ ମାମ୍ନୁ ତାନିଦିନା ମାଚମି □

୧୩ ଅଡେ ଏମ୍ବାଟି ଏୟୁ ଜାଜା ତଲେ ହାଜାନା ରେଗିୟା ଗାଡାତା ଏତମି, ତାନି ଅର ଦିନା ଚିଃନି ଝାକିଟି ଗାଲି ଝେଚାଲିଏ ଅଡେ ରୀ ଦିନା ତାୟୁ ପୁତେଅଲି ଗାଡାତା ଏତମି;

୧୪ ଏମ୍ବାଆଁ ମାମ୍ନୁ ଏଚେକା କ୍ରୀସ୍ତାନା ତାୟିୟାଁ ଅଡେ ତାଙ୍ଗିସ୍ତାଣି ବେଟାଆଡମି, ଏଞ୍ଜାରିତଲେ ର ଝାଚା ତୟାଲି ମାଙ୍ଗେ ବାତିମାଲ୍ଲାତେରି; ଇଲାଆହ୍ ମାମ୍ନୁ ରମ୍ପତା ଏଗାତମି □

୧୫ ରମ୍ପତା ମାନି ତାୟିୟାଁ ଅଡେ ତାଙ୍ଗିସ୍ତା ମା କାବୁ ପୁଞ୍ଜାନା ଏମ୍ବାଟିଏ ଅପିୟତି ହାଟା ଇଞ୍ଜା ତାନିଗଟା ବାଡା ଇଲ୍ଲକା ପାତେକା ମାଙ୍ଗେ ମେସାଲି ଝାଡେରି, ଇଞ୍ଜା ପାଞ୍ଚୁଲ ଏଞ୍ଜାଚାଲ୍ ମେସାନା ମାହାପୁରୁଇଁ ଜହରା କିହାନା ବାସ୍ତୁ ବେଟାଆଡେସି □

ରମ୍ପ ଗାଡାତା ପାଞ୍ଚୁଲ

୧୬ ମାମ୍ନୁ ରମ୍ପ ଏଜାଲିଏ, ପାଞ୍ଚୁଲଇଁ କାଃଆନି କସକା ତଲେ ତାନି ମନତଲେ ବାସା ଆୟାଲି ହେଲ ହାପକିଆଡେ □

୧୭ ତାନିଦିନା ତାୟୁ ପାଞ୍ଚୁଲ ଜୀହୁଦିୟାତି କାଜାରାଇଁ ହାଟାନା କୃଡି କିତେସି, ଅଡେ ଏଞ୍ଜାରି ରୁଣ୍ଡା ଆୟାଲିଏ, ପାଞ୍ଚୁଲ ଏଞ୍ଜାଚାଲ୍ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ମା ଲକୁ କପାଟି କି ମା ଆକୁ ଆବାୟାତି ପାଣାପାଟୁ କପାଟି ଏମ୍ବାଆଁ କିହା ହିଲାଆତି ଜିକେଏ ଜିରୁସାଲମତା ଦସ୍ପି ଆହାନା ରମ୍ପ ଦେସାତି ଲକୁତାଣା ହେର୍ପି ଆହାମାଇଁ □

୧୮ ଏଞ୍ଜାରି ନାଙ୍ଗେ ନୀହାୟି କିହାନା ନା ତାଣାଟି ହାନି ତଣ୍ଡ ପାଣ୍ଡନି ଏନି ଦହ ବେଟାଆଆଲିଏ ନାଙ୍ଗେ ପିସାଲି ଅଣ୍ଡପାମାତେରି;

୧୯ ଝାମା ଜୀହୁଦିଙ୍ଗା ଏଦାଣି କପାଟି ଝେସାଲିଏ ନାନୁ କାୟିସର ନକିତା ନୀହାୟି କିୟାଦୁ ଇଞ୍ଜା ବାତିମାଲିତେସି; ଏଲେଆଡି ଜିକେଏ ନାଙ୍ଗେ ମା ଲକୁ କପାଟି ଏନି କାତା ଝେସାଲି ହିଲାଆତେ, ଏଡି ଆସି □

୨୦ ଏଦାଆଁତାକି ନାନୁ ମିଙ୍ଗେ ନା ତଲେ ବେଟାଆହାନା ଜଲ୍ଲକି ଆହାଲି ବାତିମାଲ୍ଲାତେସି, ଏମ୍ବାଆଁତାକି ଇଚିହ୍ ଆମ୍ବାଆରି ଲାକ ଇସ୍ରାୟେଲ ଲକୁ ବାସ୍ତୁ କିହାମାନେରି, ଏଞ୍ଜାରି ତାକି ନାନୁ ନୀଞ୍ଜୁ ଇ ହିକ୍ଣିୟାଁ ତଲେ ଦସ୍ପି ଆହାମାଇଁ □”

୨୧ ଏଞ୍ଜାରି ଏଲେଇଚେରି, “ମାମ୍ନୁ ଜୀହୁଦା ଦେସାଟି ନୀ କପାଟି ଏନି ଆକୁ ବେଟାଆହା ହିଲଅମି, ଅଡେ ନୀ କାବୁ ଆସାନା କି ନୀ

କପାଟି ଦହ ଦସାନା ଖେସାଲି ମା ତାୟିୟା ବିଦ୍ରାପି
ଆମ୍ବାଆରି ଇମ୍ବାଆଁ ଖାହାହିଲଅରି □

୨୨ ସାମା ନୀ ଅଣ୍ଡୁ ଏନାୟି ଏଦାଆଁ ମାମ୍ବୁ
ନୀ ତାଣାଟି ଖେଞ୍ଜାଲି ମନ କିହିମାନମି, ଇଚିହ
ବାରେଖାକିତି ଲକୁ ଇ ଗତି କପାଟି କାତା
ଖେସିମାନେରି ଇଞ୍ଜି ମାମ୍ବୁ ପୁଞ୍ଜିମାନମି □”

୨୩ ଏଚେଟିଏ ଏଞ୍ଜାରି ର ଦିନା ତାରି କିହାନା
ହାରେକା ଲକୁ ପାଞ୍ଜୁଲ ମାଟି ଇଲୁତା ଖାଚେରି,
ଅଡେ ଏଞ୍ଜାସି ଲାଈଟିଏ ଲାଆଁ ପାଚେକା ଏଞ୍ଜାରି
ନକିତା ମାହାପୁରୁତି ରାଜିତି କାତାତାକି ସାକି
ହାଚେସି, ଅଡେ ମସାତି ମେରା ଇଞ୍ଜା ମାହାପୁରୁ
ଅଣ୍ଡୁତି ବଲୁ ଖେହନାରି କାତା ଆସାନା ଏଞ୍ଜାସି
ଜାମୁଇଁ ନାମି କିଞ୍ଜି କିୟାଲି ଅଣ୍ଡପିଚେସି □

୨୪ ଏମ୍ବାଟିଏ ଆମ୍ବା ଆମ୍ବାଆରି ତାନି ଖେସି
କାତାଟି ନାମିଚେରି ଇଞ୍ଜା ଆମ୍ବା ଆମ୍ବାଆରି
ନାମାଆଚେରି □

୨୫ ଏ କାତାତାକି ଏଞ୍ଜାରି ତାନି ବିଦ୍ରା ରଣ୍ଡିଏ
କାତା ଆଆଲିଏ ହେଲ ଅଡେରି; ଏଞ୍ଜାରି ହାନି
ନଚେଏ ପାଞ୍ଜୁଲ ର କାତା ଖେସେସି, “ସୁଦୁଜୀଞ୍ଜୁ
ମୀ ଆକୁ ଆବାୟାଣି ମାହାପୁରୁ ଅଣ୍ଡୁତି ବଲୁ
ଖେହନି ଜିସାୟ ତାଣାଟି ଖେସାମାଚେସି □”

୨୬ ଏଞ୍ଜାସି ଏଲେଇଞ୍ଜି ମାନେସି, “ଇ ଲକୁତାଣା
ହାଜାନା ଖେହମ୍ବୁ,

ମୀରୁ ଖେଞ୍ଜିଖେଞ୍ଜି ଖେଞ୍ଜେରି, ସାମା ଏନାଆଁ
ଚେଲହଅ ଚେରି,

ଇଞ୍ଜା ମୀରୁ ମେସି ମେସି ମେହଦେରି, ସାମା
ଏନାଆଁ ପୁଞ୍ଜାଲି ଆଡଅଚେରି,

୨୭ ଇଚିହ ଇ ଲକୁ ହିୟାତା ଉଣା ବୁଦିଗାଟାରି,
ଏଞ୍ଜାରି ଜାହା ଜାହାରା କୀର୍କା କାଣ୍ଡକା ମୁଚା
କତାମାନେରି,
ଏଲେଆହାଁ ହିଲଆଡିହ ମା,

ଏଞ୍ଜାରି କାଣ୍ଡକା ଦେଚାନା ମେସାଲି ଆଡିଚେରିମା,
ଅଡେ କୀର୍କା ତଲେ ଖେଞ୍ଜାଲି ଆଡିଚେରିମା
□

ଏଞ୍ଜାରି ହିୟାତା ଚେଲହାଲି ଆଡିନି ବାଡ଼ମ୍ବୁ
ଡୟିଚେମା;

ଏଞ୍ଜାରି ମାହାପୁରୁ ଖାକି ଖେଣ୍ଡା ଖାଚେରିମା,
ଅଡେ ନାମ୍ବୁ ଏଞ୍ଜାରାଇଁ ନେହ କିଚେଏଁମା
□”

୨୮ ତାମ୍ବୁ ପାଞ୍ଜୁଲ ଏଲେଇଚେସି, “ଏଦାଆଁତାକି
ମାହାପୁରୁତି ଇ ଗେଲପିନାଣି ଏଚକା କୃତାତି
ଲକୁତାଣା ପାଣ୍ଡୁଞ୍ଜି ଆହାମାନେ, ଇଦାଆଁ ମୀରୁ
ପୁଞ୍ଜୁ; ଏଞ୍ଜାରି ଜିକେଏ ଖେନେରି □”

୨୯ ପାଞ୍ଜୁଲ ଇ ବାରେ କାତା ଖେସାଲିଏ,
ଜୀହୁଦିୟା ତାମ୍ବୁତାମି ବିଦ୍ରା ବାଦିବାଡା ଆହ
ହାଚେରି* □

୩୦ ପାଞ୍ଜୁଲ ରୀ ବାର୍ଯା ପାଚେକା ତାନି ବାଡ଼ା
ଇଲୁତା ଡୟିଚେସି, ଅଡେ ଏଚେକା ଲକୁ ଏଞ୍ଜାଣି
ତାଣା ଖାହିମାଚେରି, ବାରେତି ଇଜ ହାଟା
ଅହିମାଚେସି □

୩୧ ଇଞ୍ଜା ସାସାତଲେ ନୀରାସା ଆଆନା
ମାହାପୁରୁ ରାଜିତି କାତା ଖେସିମାଚେସି, ଇଞ୍ଜା ପ୍ରବୁ
ଜୀସୁ କ୍ରୀସ୍ତତି କାତା ଜାପୁହି ମାଚେସି □

* ୨୮:୨୯ ୨୮:୨୯ ଇ କାତା ପୁଞ୍ଜି ପଡିତା ହିଲେଏ □

ରମିୟ ମଣ୍ଡଳୀ ନିମନ୍ତେ ପାଠକଙ୍କ ଲିଖିତ ପତ୍ର ରମିୟ କୁଲମିକି ପାଞ୍ଚୁଲ ରାଚାମାନି ଆକୁ ମୂଲୁ ହାଡ଼ା

ଜୀସୁ କ୍ରୀସ୍ତ ଜାର୍ନାଆଡ଼ି ତାୟୁ ରମିୟ ପତି ୫୪ ଟିଏ ୫୮ ବାର୍ଯା ବିତ୍ରା ପାଣ୍ଡୁଆଡ଼ି ପାଞ୍ଚୁଲ ରାଚାମାଚେସି ଇଞ୍ଜିଁ ଇନେରି । ପାଞ୍ଚୁଲ ରମିତା ହାନି ନକେଏ ଜୀହୁଦି ଅଡ଼େ ଜୀହୁଦିଆଆଡ଼ି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଚାମାଚେସି । ବାରେ କୃତାତି ଲକୁ ଏନିକ୍ ଜୀସୁ କ୍ରୀସ୍ତୁଇ ନାମିନେରି ଇଞ୍ଜା ମାନି କିନେରି ୧୭:୨୭ ଏଦାଆଁତାକି ପାଞ୍ଚୁଲ କରନ୍ତି ଗାଡ଼ାତା ମାଚାଟି ରମିତା ମାନି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଚାମାଚେସି ।

ବାରେ ଟାୟୁତି ବାରେ ବେଲାତି କ୍ରୀସ୍ତାନା ଲକୁତାକି ରମିୟ ର ଲଡ଼ାମାନି ପତି, ଏଦାଆଁତାକି ଇତିହ୍ ମାର ଏନିକ୍ ଜୀସୁ କ୍ରୀସ୍ତ ତାଣାଟି ଗେଲ୍ପି ଆହାଲି ଆଡ଼ିନାୟି, ପାଞ୍ଚୁଲ ଅନିକିହ୍ ରଚାଣି ପିହୁଆନାହାଁ ତେଲ୍ପି କିହାମାନେସି । ପାଞ୍ଚୁଲ ପୁଃଈ ଫେରାତି ଜୀସୁ କ୍ରୀସ୍ତତି ନେହ୍ ବଲୁ ତଲେ ଆଡ଼ହାମାନେସି । ଇ ପତିତି ୧-୧୭ ପଦୁତି ହାରେକା ବୁଦିଗାଚାରି ନେହ୍ ଅଣ୍ପାଦନା ଝେସାମାନେରି, ଇ ବଲୁ ମାଦିତାୟି । ଇମ୍ପାଆଁ ଝେସ୍ପି ଆହାମାନେ, “ନାନୁ ନେହ୍ ବଲୁ ଝେକ୍ହାଲି ଲାଜା ଆଅଁ ଏଦାଆଁତାକି ଇତିହ୍ ଆମିନି ଗାଚାରି ନାମିନେରି ବାରେଜାଣା ତାକି ଇଦି ମାହାପୁରୁତି ବାଡ଼ୟୁ । ନକେଏ ଜୀହୁଦି ଲକୁକି ତାୟୁ ଜୀହୁଦିଆଆଡ଼ି ଲକୁତାକି ଜିକେଏ ।”

ମୂଲୁ ବାଚା ୧-୧୭ ହାରେକା ମାହାପୁରୁତି କାତା ଅଡ଼େ ଅର ବାଚା ୧୩-୧୫ କ୍ରୀସ୍ତାନା ଜୀହୁତା ଲଡ଼ାମାନି କାତା ଜାପିନାୟି ମାନେ ।

ପତିତା ମାନାୟି

- ୧ ପାଞ୍ଚୁଲ ତାନି କାତା ପୁଣ୍ଡି କିହାନା, ଆମ୍ପାଆରାକି ଆକୁ ରାଚିମାଚେସି ଏଦାଆଁ ଝେସାନା ଆକୁ ରାଚିନାୟି । ୧:୧-୧୫
- ୨ ମାଣ୍ଡି କୃତାତି ରାକି ଅଡ଼େ ଜୀସୁ କ୍ରୀସ୍ତ ତାଣାଟି ଗେଲ୍ପି ଆନାୟି । ୧:୧୭-୧୧:୩୭
- ୩ କ୍ରୀସ୍ତାନା ଲକୁ ଏନିକ୍ ନୀଡିନାୟି ଏ କାତା ହାରେକା ଜାପୁହାମାନେସି । ୧୨:୧-୧୫:୧୩
- ୪ ରମିତା ମାନି କୁଲମିକାଣି ଜହରା କିହାନା ରାପୁନାୟି । ୧୭

ପାଞ୍ଚୁଲତି ଜହରା ଝେହ୍ନି କାତା

୧ କ୍ରୀସ୍ତ ଜୀସୁତି ହରେଏସି ଅଡ଼େ ମାହାପୁରୁ ହୀହାମାନି ନେହ୍ ବଲୁ ଝେକ୍ହାଲି ପାଣ୍ଡୁ ଆହାଁ ଆଚାନା ହାଚ୍ଚି ଆହାମାନି ସୀସୁ ପାଞ୍ଚୁଲତି ଆକୁ ।

୨ ଦାମ୍ପୁ ସାସ୍ପେରିତା ରାସ୍କି ଆହାମାନି ଲେହେଁ ଇ ନେହ୍ କାରୁତି କାତା ତଲି କାଲ୍ପାଟିଏ ମାହାପୁରୁ ଅଣ୍ପୁତି ବଲୁ ଝେହ୍ନାରି ତାଣାଟି ଆଞ୍ଜାମାଚେସି ।

୩ ଇଦି ମାହାପୁରୁ ମୀରୁଏଣାତି କାତା, ମା ପ୍ରବୁ ଜୀସୁ କ୍ରୀସ୍ତ ମାଣ୍ଡି ଆହାଁ ଏଞ୍ଜାସି ଦାଞ୍ଜୁଦ କୃତାତା ଜାର୍ନା ଆଡ଼େସି ।

୪ ସାମା ତାନି ଲାକପୁରୁତି ସୁଦୁଜୀଞ୍ଜୁ ତାକି, କାଜା ହାକିଟି ନିଙ୍ଗାନା ଏଞ୍ଜାସି ବାଡ଼ୟୁ ତଲେ ଜୀସୁ ମାହାପୁରୁତି ମୀରୁଏସି ମସିହାଁ ଇଞ୍ଜିଁ ଝେଜିତେସି,

୫ କ୍ରୀସ୍ତ ତାକି, ମାହାପୁରୁ ନାଜେ ପାଣ୍ଡୁଆହାମାନି ସୀସୁ ଲେହେଁ ହାଚାନା, ବାରେ କୃତାତି ଲକୁତାଣା ନେହ୍ ବଲୁ ଝେକ୍ହାଲି ପାରୁ ହୀହାମାଞ୍ଜାନେସି, ଏନିକିହ୍ ଏଞ୍ଜାରି କ୍ରୀସ୍ତ ଜୀସୁ ତାଣା ନାମାନା ତାଜେ ମାନୁଞ୍ଜି ଆହାନା ଡ଼ୟିନେରି ।

୬ ରମ୍ ଗାଡ଼ାତା ବାସାଆହାମାନି ଲକୁତେରି, ମୀରୁ ଜିକେଏ ଜୀସୁ କ୍ରୀସ୍ତତି ଲକୁ ଆହାଲି ହାଚ୍ଚି ଆହାମାଞ୍ଜେରି ।

୭ ରମ୍ତି ଆମିନି ଲକୁଣି ମାହାପୁରୁ ଜୀହୁ ନହାମାନେସି ଇଞ୍ଜା ତାନି ଲକୁ ଆହାଲିତାକି ହାଚାନାମାନେସି, ଏ ବାରେ ଲକୁତାକି ନାନୁ ଇ ଆକୁ ରାଚିମାଲ୍, ମା ଆଚା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି ମିଜେ କାର୍ମାମେହ୍ନାୟି ଅଡ଼େ ହିଡ଼ି ଆୟାପେ ।

ଜହରା କିନି ପ୍ରାତାନା

୮ ମୂଲୁଏ, ମୀ ନାମୁତି ନେହ୍ ହାଡ଼ା ବାରେ ଦାଚ୍ଚିତା ଝେଜିମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜୀସୁ କ୍ରୀସ୍ତ ତାଣାଟି ନା ମାହାପୁରୁଇଁ ଜହରା କିହିମାଲ୍ ।

୯ ନା ବାରେ ହିୟାଁ ଜୀହୁତଲେ ନାନୁ ଆମିନି ମାହାପୁରୁତି ସେବା କିହିମାଲ୍ ଇଞ୍ଜା ଆମିନି ମାହାପୁରୁତି ମୀରୁଏଣାତି ନେହ୍ କାରୁ ଝେକ୍ହିମାଲ୍, ଏ ମାହାପୁରୁ ନା ସାକି ।

୧୦ ପ୍ରାତାନା କିନାଟି ନାନୁ କାରେଏ ମିଜେ ଅଣ୍ପାଲ୍ ଇଞ୍ଜା ମୀ ତାଣା ଝାହାଲି ନାଜେ ପାରୁ ହିୟାନି ମାହାପୁରୁ ତାଣା ବାଚିମାଲିମାଲ୍ ।

୧୧ ଇତିହ୍ ନାନୁ ମିଜେ ଆଣ୍ଡାଲି ହାରେକା ମନ କିହିମାଲ୍, ଇଞ୍ଜା ମିଜେ ର ଜୀହୁତି ବର ହିୟାଲ୍, ଏନିକ୍ ମୀରୁ ତୀରିଆହାନା ମାଞ୍ଜେରି ।

* ୧:୪ ୧:୪ କ୍ରୀସ୍ତ

୧୭ ଇଦାଆଁ ତଲେ ମାର ରଅତଓ ରଅଣା ନାମୁତି ଆଟ୍‌ଝା କିହାଲି ଆଡ଼ିନାୟି □

୧୩ ଏ ଡାୟିୟାଁ ଅଡ଼େ ତାଜିସ୍ତାତେରି, ମୀ ତାଣା ଖାହାଲି ତାକି ନାନୁ ହାରେକା ଦେବା ଅଣ୍‌ପାମାଲ୍, ସାମା ହାରେକା ବାଦା ବେଟାଆଡାକି, ନୀଏଁ ପାତେକା ଖାହାଲି ଆଡ଼ାଆତେଏଁ □ ଏଟ୍‌କା କୁଡ଼ାତି ଲକୁଡାଣା ଜିକେଏ ବଲୁ ଝେକ୍‌ହାନା ଏନିକିହଁ ପାଡ଼େୟି ବେଟାଆହାମାଲ୍, ମୀ ତାଣା ଜିକେଏ ଏଲେକିହାଲି ନା ଅଣ୍‌ପୁ □*

୧୪ ଏନାଆଁତାକି ଇତିହଁ ବୁଦିଗାଟାରି† ଅଡ଼େ ପାଙ୍ଗାତାରି‡ ଜାପିତାରି ଅଡ଼େ ଜାପାଆତି ଲକୁ ବାରେ ଗତିତି ଲକୁତାକି ନା ଦାୟିପତି ମାନେ □

୧୫ ଏଦାଆଁତାକି ରମ୍‌ ଗାଡ଼ା ତାତେରି ମାରୁ, ମୀ ତାଣା ଜିକେଏ ନେହଁ ବଲୁ ଝେକ୍‌ହାଲି ନା ଅଣ୍‌ପୁ □

ନେହଁ କାରୁତି ବାଡ଼ୟୁ

୧୬ ଇତିହଁ ନାନୁ ନେହଁ କାରୁ ଝେକ୍‌ହାଲି ଲାଜା ଆଅଁ, ଏଡ଼ି ନାମିମାନି ବାରେ ଲକୁତାକି ଗେଲ୍‌ପି ଆହାଲିତାକି ମାହାପୁରୁତି ବାଡ଼ୟୁ, ମୂଲୁଏ ଜାହୁଦି ଅଡ଼େ ତାୟୁ ଜାହୁଦିଆଆତି ନାମିତି ଲକୁତାକି □*

୧୭ ମାଣ୍‌ସି ଏନିକିହଁ ମାହାପୁରୁ ନକିତା ଦାମ୍‌ଗାଟାସି ଇଞ୍ଜଁ ତଞ୍ଜାଆନେସି, ଏ ଉପେୟି ଏମାଆଁ ତସ୍‌ପି ଆହାମାନେ □ ମୂଲୁଟିଏ ରାନ୍ତି ପାତେକା ଗେଲ୍‌ପିଆନାଣି ବେଟାଆନ୍ତି ଉପେୟି ନାମୁ □ ଦାମ୍‌ ସାସ୍ତେରିତା ରାସ୍‌କି ଆହାମାନେ, “ଦାମ୍‌ଗାଟାସି ନାମୁତଲେ ନୀତିନେସି □”*

ପାପୁ ତାକି ମାହାପୁରୁତି କାରବି

୧୮ ଆମିନି ଲକୁ ବାରେ ଲାଗେଏ କାମାଟି ସାତାଲ୍‌ଆଜିମାନେରି, ଏଝାରି କପାଟି ଲାକପୁରୁତି ମାହାପୁରୁତି କାରବି ତଞ୍ଜା ଆହାମାନେ □

୧୯ ଏନାଆଁତାକି ଇତିହଁ ମାହାପୁରୁତି କାତା ଏନାଆଁ ପୁନାୟି ମାତେ, ଏଦାଆଁ ଏଝାରି ପୁଞ୍ଜାମାନେରି, ମାହାପୁରୁ ଏଝାରି ନକିତା ଏଦାଆଁ ଝେସାମାନେସି □

୨୦ ମାହାପୁରୁ ଦାରୁତି ଗାଡ଼ିକିତି ତାଣାଟିଏ, ତାନି ତଞ୍ଜା ଆଆଗାଟି ଗୁଣ୍‌ୟାଁ, ତାନି ରାଆଗାଟି ବାଡ଼ୟୁ ଅଡ଼େ ଲାକପୁରୁତି ଗୁଣ୍‌, ନେହଁ କଁ ତଞ୍ଜା ଆହ୍‌ମାନୁ; ତାନି ଗାଡ଼ିକିତାଆଁ ବାରେ ଏଝାଆଁ ମେସାଲି ଆଡ଼ିନାୟି □ ଏଦାଆଁତାକି ଏଝାରି ପୁଞ୍ଜାହିଲଅମି ଇଞ୍ଜଁ ଇଞ୍ଜାଲି ଆଡ଼ଅରି □

୨୧ *ଏଝାରି ମାହାପୁରୁଲ୍‌ ପୁଞ୍ଜା ଜିକେଏ ଏଝାଣାଲ୍‌ ଗାଝୁରମି କିଆତେରି କି ଏଝାଣାଲ୍‌

ଜହରା କିଆତେରି □ ସାମା ଏଝାରି ଅଣ୍‌ପୁ ବାରେ ଉଜେଏତି ଅଣ୍‌ପୁ ଅଡ଼େ ଏଝାରି ତେଲ୍‌ହାଆଗାଟି ମନ ଆନ୍ଦେରି ଆହାମାନେ □*

୨୨ ଏଝାରି ଜାହାରାଲ୍‌ ବୁଦିଗାଟାଟମି ଇଞ୍ଜଁ ଇନେରି, ସାମା ସାତା ତଲେ ଏଝାରି ବୁଦି ହିଲାଆ ଗାଟାରି;

୨୩ ଅଡ଼େ ନାସା ଆଆଗାଟି ମାହାପୁରୁତି ଗାଝୁରମିତି ନାସା ଆନ୍ତି ମାଣ୍‌ସି, ସାରିଗଟା କଡାୟାଁ ଗାଟି ଜନ୍ତ, ପଟାୟାଁ ଅଡ଼େ ରାସ୍‌କା କୁଡ଼ାତି ବମାୟାଁ କିହାନା ଏଝାଆଁତି ପୂଜା କିହିମାନେରି □*

୨୪ ଏଦାଆଁତାକି ମାହାପୁରୁ ଏଝାରି ହିୟାଁତି ଲାଗେଏତି ଜୁପକାତାକି ଏଝାରାଲ୍‌ ଲାଗେଏତି ତାଣା ହେରପିତେସି, ଏନିକିହଁ ଏଝାରି ଆଙ୍ଗା ରଅସି ରଅଣି ତଲେ ଲାଜାଗାଟି କାମା କିହିମାନେରି □

୨୫ ଏଝାରି ମାହାପୁରୁ କାତାତି ସାତା ପିସାନା ମିତିତି ବାସୁଁ କିହିମାନେରି □ ଗାଡ଼ିକିତି ମାହାପୁରୁଲ୍‌ ପୂଜା କିଆନା, ଗାଡ଼ିଆଡ଼ି ଦିଶ୍‌ସୁ ପୂଜା କିହିମାନେରି; ଏ ଗାଡ଼ି କିତାଣାଲ୍‌ କାଲ୍‌କାଲ୍‌ତାକି ଜହରା □ ଆଟ୍‌ମେନ୍ □

୨୬ ଏଝାରି ଏଲେକିତାକି ମାହାପୁରୁ ଏଝାରାଲ୍‌ ଲାଜାଗାଟି ପାପୁ କାମାତା ହେରପିତେସି, ଇତିହଁ ଏଝାରି ତକ୍‌ସିକା ତକ୍‌ୟାଁ ତଲେ କୂଡ଼ାଲି ପିସାନା ଏଝି ତାମ୍‌ ତାମ୍‌ସୁ କିଆଗାଟି ଲାଜା କାମାୟାଁ କିତୁ

୨୭ ଏଲେକିହଁ ଏ ଆବାୟାଁ ଜିକେଏ ଜାହାରା ତକ୍‌ ତଲେ କୂଡ଼ାଆନା ଜାହା ଜାହାରା ବିତ୍ରା ଲାଗେଏତି କାମା କିତେରି □ ଆବା ଆବାୟାଁ ତଲେ ଲାଜା ଆନ୍ତି କାମା କିତେରି, ଏଦାଆଁତାକି ଏଝାରି ଲାଗେଏ କାମାତି ତଣ୍ଡ ବେଟା ଆହିମାନେରି □

୨୮ ଅଡ଼େ ଏନିକଁ ଏଝାରି ମାହାପୁରୁତି ବୁଦିତି କୂହାଲିଏ, ଏଲେକିହଁ ଏ ମାହାପୁରୁ କିଆଗାଟି କାମା କିହାଲି ଏଝାରାଲ୍‌ ଲାଗେଏତି ଅଣ୍‌ପୁତା ହେରପିତେସି □

୨୯ ଏଝାରି ଦାମ୍‌ ହିଲାଆଗାଟାୟି, ଲାଗେଏ ପଲେଏ, ଜୁପକା ଅଡ଼େ ଇରସା, ଲକୁଲ୍‌ ପାୟିନାୟି, ଗଡ଼ହା କିନାୟି, ନାଡ଼ିକିନାୟି ଅଡ଼େ ଲାଗେଏତି କାମା ନେଞ୍ଜାମାନେ;

୩୦ ଏଝାରି ଉଡୁପାତି, ନିନ୍ଦା କିନାରି, ମାହାପୁରୁଲ୍‌ ଅପାଆଗାଟାୟି, ଲାଗେଏତି କାମା କିନାୟି, ଏଝାରି ଲାଗେଏ କାମା କିହାଲି ପାରୁ ପାରିନେରି; ଏଝାରି ତାଲି ତାଞ୍ଜିଲ୍‌ ମାନ୍ତି କିଆଗାଟାରି,

୩୧ ଏଝାରି ବୁଦି ହିଲାଆ ଗାଟାରି, ଜାହାରା ହୀତିକାତା ଆହ୍‌ଅରି □ ଇଞ୍ଜା ଏଟ୍‌କାତାରାକି ଇଟାଣି କାର୍ମା ହିଲେଏ □

* ୧:୧୩ ୧:୧୩ କାମା ୧୯:୨୧ † ୧:୧୪ ୧:୧୪ ଗ୍ରିକ୍ ‡ ୧:୧୪ ୧:୧୪ ବୁଦି ହିଲାଆ ଗାଟାରି, * ୧:୧୭ ୧:୧୭ ମାର୍କ ୮:୩୮ * ୧:୧୭ ୧:୧୭ ଏବ୍ରି ୨:୪ * ୧:୨୧ ୧:୨୧ ଏପିସି ୪:୧୭,୧୮ * ୧:୨୧ ୧:୨୧ ଏପିସି ୪:୧୭,୧୮ * ୧:୨୩ ୧:୨୩ ଝେ ମେରା ୪:୧୭-୧୮

୩୨ ଏଞ୍ଜର ପୁଞ୍ଜାମାନେରି, ମାହାପୁରୁତି ମେରା ଲେହେଁ ଇଲେତି ଲକୁ ହାନ୍ତି ତଣ୍ଡ ପାଣ୍ଡନାୟି ମାନେ, ଇଦାଆଁ ପୁଞ୍ଜାହାଁ ଜିକେଏ ଏଞ୍ଜରି ଏଲେକିହଁଏ ଲାଗେଏତି କାମା କିହେମାନେରି, ଅଡ଼େ ଏଲେତି କାମା କିହିମାନି ଲକୁତଲେ ରାହାତଲେ ଆଣ୍ଡିନେରି □

୨

ମାହାପୁରୁତି ନାହାଁୟି

୧ *ଏ ତାୟି ଅଡ଼େ ତାଜି, ମୀମ୍ବୁ ଏନାଆଁ ଏଟକା ଲକୁଣି ନାହାଁୟି କିହିମାଞ୍ଜେରି ? ମୀରୁ ଆମ୍ବାଆତେରି ଆଡ଼ିଜିକେଏ, ଇଲେ କିନାୟି ମିଙ୍ଗେ ତାକି ନେହେଁ ଆଏ, ଏଟକା ଲକୁଣି ଦହ ଦସାନା ମୀମ୍ବୁ ଏଲେତି କାମା କିହାନା ଏମ୍ବାତି ମୀରୁଏ ଦହ କିହିମାଞ୍ଜେରି □*

୨ ଆମିନି ଗାଟାରି ଇଲେତି କାମା କିନେରି, ମାହାପୁରୁ ଏଲେତି ଲକୁଣି ସାତା ତଲେ ନାହାଁୟି କିନେସି, ଇଦାଆଁ ମାମ୍ବୁ ପୁଞ୍ଜାମାନମି □

୩ ଏ ତାୟି ଅଡ଼େ ତାଜି, ଆମିନି ଗାଟାରି ଲାଗେଏତି କାମା କିନେରି, ଏଞ୍ଜରାଈଁ ନାହାଁୟି କିହାନା, ମୀମ୍ବୁ ଏଲେତି କାମା କିହିମାଞ୍ଜେରି, ମୀରୁ ମାହାପୁରୁତି ନାହାଁୟିଟି ଜୀଣା ଆନାୟି ଇଞ୍ଜି ଅଣ୍ଡିମାଞ୍ଜେରି କି ?

୪ ଆଥାତ୍, ମାହାପୁରୁତି ହାରେକା କାର୍ମାମେହନାୟି ମୀ ହିୟାଁ ବାଦଲି କିନି ୱାକି ଅହାଲି ଅଣ୍ଡିନେ, ଇଦାଆଁ ପୁନାଆନା ମୀରୁ କି ତାନି କାର୍ମାମେହନାୟି, ସାସା, ଅରହାନା ଡ଼ୟିନି ଲେହେଁତି ଦନଈଁ ଅପିହିଲଅତେରି କି ?

୫ ସାମା ମୀରୁ ମୀ ଆଟ୍ଝା ଅଡ଼େ ବାଦଲଞ୍ଜି ଆଆଗାଟି ହିୟାଁ ଲେହେଁ, ଆମିନି ଦିନା ମାହାପୁରୁତି ନାହାଁୟି ତଞ୍ଜାଆନେ, ଏ କାର୍ବିତି ଦିନାତାକି ଜାହାରାତାକି କାର୍ବି କୃଡ଼ି କିହିମାଞ୍ଜେରି;

୬ ଏଞ୍ଜସି ବାରେ ଲକୁତାକି ତାମି କିହାମାନି କାମାତି ପାଡ଼େୟି ହାନେସି;*

୭ ଆମିନି ଗାଟାରି ସାସାତଲେ ନେହଁ କାମା କିହାନା ଗାଞ୍ଜୁରମି, ମାନି ଇଞ୍ଜା ହାଆଗାଟାଣି ପାରିନେରି, ଏଞ୍ଜରାକି କାଲକାଲାତି ଜୀଞ୍ଜୁ ହାନେସି,

୮ ଆମ୍ବାଆରି ୱାରୁଇ ତାମ୍ବେ ଅଣ୍ଡିନେରି, ଇଞ୍ଜା ସାତାତି ମାନଞ୍ଜି ଆଅରି, ସାମା ଲାଗେଏତାଣି ମାନଞ୍ଜି ଆନେରି; ଏଞ୍ଜରାକି କାର୍ବି ଅଡ଼େ କପା ୱାନେ,

୯ ଆମ୍ବାଆରି ଲାଗେଏତି କାମା କିହିମାନେରି ଏଞ୍ଜରାକି କାକୁଲି ଅଡ଼େ କସ୍ତୁତି ଦିନା ୱାହିମାନେ, ମୂଲୁଏ ଜୀହୁଦି ଲକୁତାକି ଇଞ୍ଜା ତାୟି ଜୀହୁଦିଆଥାତି ଲକୁତାକି ଆନେ □

୧୦ ସାମା ମୂଲୁଏ ଜୀହୁଦି ଲକୁକି ଅଡ଼େ ଜିକେଏ ଜୀହୁଦିଆଥାତି ଲକୁତାକି, ନେହଁ କାମା କିହାମାନି ବାରେଜାଣା ତାକି ଗାଞ୍ଜୁରମି, ମାନି ଇଞ୍ଜା ହିଡ଼ି ହିୟାନେସି □

୧୧ ଇତିହଁ ମାହାପୁରୁ ତାଣା ପାର୍ଡା ବାଟି କିନାୟି ହିଲେଏ □*

୧୨ ଜୀହୁଦିଆଥାତି ଲକୁକି ମସାତି ମେରା ହିଲାଆନା ପାପୁ କିହାମାନେରି; ଏଞ୍ଜର ଜିକେଏ ମସାତି ମେରା ହିଲାଆନା ନାସା ଆନେରି, ଅଡ଼େ ଏତେକା ଜୀହୁଦି ଲକୁକି ମସାତି ମେରା ପୁଞ୍ଜାମାନାକି; ଏଞ୍ଜରି ପାପୁ କିହାମାନେରି ଅଡ଼େ ଏ ମେରା ତଲେ ନାହାଁୟି କିଞ୍ଜିଆନେରି □

୧୩ ଇତିହଁ ମେରାତି ୱେଞ୍ଜାନା ଲକୁ ମାହାପୁରୁ ନକିତା ଦାମ୍ବୁଗାଟାରି ଆଅରି, ସାମା ମେରାତି ମାନଞ୍ଜି ଆଡ଼ିସାରେ ଦାମ୍ବୁଗାଟାରି ଆନେରି □

୧୪ ଜୀହୁଦିଆଥାତି ଲକୁକି ମେରା ହିଲାଆତିହଁ ଜିକେଏ ଏତିବେଲା ଏଞ୍ଜରି ମେରାତା ମାନି ଲେହେଁ କାମା କିନେରି, ଏତିବେଲା ଏଞ୍ଜରି ମେରା ବେଟା ଆଆତିହଁ ଜିକେଏ ତାମ୍ବେ ମେରା ଲେହେଁ ଆନେ;

୧୫ ଏଞ୍ଜରି କିହିମାନି କାମାତି ଇଦି ନେହଁ ତଲେ ତଞ୍ଜା ଆହିମାନେ, ମେରାତି ମାନି ଏଞ୍ଜରି ହିୟାଁତା ରାସ୍ତକି ଆହାମାନେ □ ଇ କାତାତି ସାତା ଏଞ୍ଜରି ଅଣ୍ଡପୁତା ଜିକେଏ ପାରମାଣା ସାତା ତଲେ ଅଣ୍ଡିନାଟି ଅଣ୍ଡିନି ଅଣ୍ଡପୁ ଏଞ୍ଜରି କାତାତା ରାକି ଆହିମାନେ, ସାତା ଅଣ୍ଡପୁ ଅଣ୍ଡିନାଟି ଅଣ୍ଡପୁ ଏଞ୍ଜରାଈଁ ନେହାଁରି କିନେ, ଲାଗେଏତି ଅଣ୍ଡପୁ ଅଣ୍ଡିନାଟି ଦହ କିହିମାନେ □

୧୬ ଏମିନି ଦିନା ମାହାପୁରୁ କ୍ରୀସ୍ତ ଜୀସୁ ତାଣାଟି ମାଣ୍ଡସିତି ଡ଼ଗୁମାନି କାତା ବାରେ ନାହାଁୟି କିନେସି, ଏ ଦିନା ନାନୁ ୱେକ୍‌ହିମାନି ନେହଁ କାରୁ ଲେହେଁ ଇ ବାରେ ଆନେ □

ଜୀହୁଦି ଲକୁ ଅଡ଼େ ମେରା

୧୭ ମୀରୁ ଜାହାରାଈଁ ଜୀହୁଦିତମି ଇଞ୍ଜା କଡ଼ିମାଞ୍ଜେରି; ମେରାତି ବାମ୍ବୁ ଇଟାମାଞ୍ଜେରି ଅଡ଼େ ମାହାପୁରୁ ତାଣା ବଡ଼ପଣ କିହିମାଞ୍ଜେରି;

୧୮ ଅଡ଼େ ମସାତି ମେରାଟି ଜାପାନା ଏଞ୍ଜାଣି ଅଣ୍ଡପୁ ପୁଞ୍ଜିମାଞ୍ଜେରି, ଇଞ୍ଜା ନେହାଁଣି ଲାଗେଏତାଣି ବାଟି କିହିମାଞ୍ଜେରି,

୧୯ ସାତେଏ ମୀରୁ ନେହଁ କିହଁ ପୁଞ୍ଜାମାଞ୍ଜେରି, ମୀରୁ କାଣାୟାଣି ଜିରୁ ତହନାତେରି, ଆନ୍ଦେରିତା ମାନି ଲକୁତାକି ଉଜେଡ଼ି ଲେହେଁ,

୨୦ ରୁଦି ହିଲାଆ ଲକୁଣି ୱେହନାତେରି, ପୁନାଆତି ଲକୁଣି ଜାପନାତେରି □ ମୀ ନାମ୍ବୁ,

* ୨:୧ ୨:୧ ମାତି ୭:୧; ଲୁକ ୭:୩୭ * ୨:୧ ୨:୧ ମାତି ୭:୧; ଲୁକ ୭:୩୭ * ୨:୨ ୨:୨ ପାଟୁ ୨୨:୧୨ * ୨:୧୧ ୨:୧୧ ୱେ ମେରା ୧୦:୧୭

ମୋରାତି ମୀରୁ ସାତା ଅଡ଼େ ବୁଦି ମୋଡ଼ା ଆହାମାଞ୍ଜେରି □

୨୧ ମୀରୁ ଏଡ଼କାତି ଲକୁଣି ଜାପୁହି ମାଞ୍ଜେରି, ସାମା ଜାହାରାଇ ଏନାଆଁତାକି ଜାପୁହି ହିଲଅତେରି ? ସରୁ କିଆଦୁ ଇଞ୍ଜି ଜାପୁହାନା ମୀରୁଏ ଏନାଆଁତାକି ସରୁ କିହିମାଞ୍ଜେରି ?

୨୨ ଦାରି କିଆଦୁ ଇଞ୍ଜି ଇଞ୍ଜାନା ମୀରୁଏ ଦାରି କିହିମାଞ୍ଜେରି ? ମୀରୁ ପେଣ୍ଟକା ବମାୟା ପୂଜା ଅପାଆନା ଦେଝୁଡ଼ିକାତି ଦିଶ୍ଵୁ ମାଣ୍ଡତି ହିଲଅତେରି କି ?

୨୩ ମୀରୁ ମାହାପୁରୁତି ମୋରା ବେଟା ଆହାମାନମି ଇଞ୍ଜି ବଡ଼ପଣ ଆହିମାଞ୍ଜେରି, ସାମା ଏଦାଆଁ ମାନି କିଆନା ମାହାପୁରୁଇଁ ଲାଜା ପାଣ୍ଡପି କିହିମାଞ୍ଜେରି କି ?

୨୪ ସାସ୍ତେରିତା ରାସ୍ଵକି ଆହାମାନେ, “ମିଙ୍ଗେ ତାକି ଜାହୁଦିଆଆତି ଲକୁଡ଼ାଣା ମାହାପୁରୁ ଦରୁ ନିନ୍ଦା ବେଟା ଆହିମାନେ □”☆

୨୫ ମୀରୁ ମୋରାତି ମାନି କିହିମାତିସାରେ, ମୀ ତଲୁ ଦାପିଆନାୟି ଲାବା ମାନେ □ ସାମା ମୋରାତି ମାନି କିଆସାରେ, ମୀ ତଲୁ ଦାପି ଆଡ଼ାୟି ତଲୁ ଦାପିଆଆତି ଲକୁତଲେ ସମାନା □

୨୬ ର ଜାହୁଦିଆଆତି ଲକୁ ମୋରାତି ହୁକୁମିକା ମାନି କିତିସାରେ ମାହାପୁରୁ ଏଞ୍ଜାଣାଇଁ ତଲୁ ଦାପି ଆଡ଼ାସି ଲେହେଁ ଇନଅସି କି ?

୨୭ ଏଦାଆଁତାକି ଆଜ୍ଞା ତଲେ ତଲୁ ଦାପିଆଆତି, ଆମିନି ଜାହୁଦିଆଆତାରି ମସାତି ମୋରା ମାନି କିନେରି, ଆତିହୁଁ ମସା ରାଡ଼ିତି ମୋରା ଅଡ଼େ ତଲୁ ଦାପି ଆଡ଼ିଜିକେଏ ମୋରା ମାନି କିହିହିଲଅତେରି, ଏଞ୍ଜାରି ମିଙ୍ଗେ ବିଚାରା କିୟାନେରି □

୨୮ ୱାରୁଇ ଆଜ୍ଞା ତଲେ ତଲୁ ଦାପି ଆହାନା ପାଜ୍ଞାତା ଜାହୁଦି ଇଞ୍ଜିହୁଁ ତସାକତିମାନି ଲକୁ ଜାହୁଦି ଆଏ □

୨୯ ଆମ୍ବାଆସି ହିୟା ବିତ୍ତା ଜାହୁଦି, ଏଞ୍ଜାସି ସାତା ତଲେ ଜାହୁଦି, ଅଜ୍ଞରି ତଲେ ଆଏ, ଜାହୁ ଅଡ଼େ ହିୟା ତଲେ ଆମ୍ବାଆସି ତଲୁ ଦାପି ଆଡ଼ାସି, ଏଡ଼ି ସାତା ତଲୁ ଦାପି ଆନାୟି □ ଏଲେତି ଲକୁ ମାଣ୍ଡସି ତାଣାଟି ମାନି ବେଟାଆଅସି, ସାମା ମାହାପୁରୁ ତାଣାଟି ମାନି ବେଟା ଆନେସି □

୩

୧ ଆତିହୁଁ ଜାହୁଦିଆଆତି ଲକୁ କିହାଁ ଜାହୁଦି ଲକୁକି ଏନାୟି ଗାତି ଲାବା ମାନେ ? ତଲୁ ଦାଃନାୟି ଏନି ଲଡ଼ାମାନେ ?

୨ ହାଡ଼େକାତି, ମୂଲୁଏ ମାହାପୁରୁ ତାନି ନେହୁଁ କାରୁ ଝେକହାଲି ଦାୟିପତି ଜାହୁଦି ଲକୁକି ହେର୍ପିତେସି □

୩ ଆତିହୁଁ ଏନାୟି ? ଜାହୁଦିକ୍ଷା ତାଣାଟି ଏଚରଜାଣା ନାମାଆସାରେ, ଏଞ୍ଜାରି ମାନି କିଆଗାଟାୟି ଏନାଆଁ ମାହାପୁରୁ ନାମୁତି ଉଜେଏ କିନେ ?

୪ ଏଲେଆହୁଁ ଆଆପେ, ଲକୁ ବାରେଜାଣା ମିତିତାରି ଆତିହୁଁ ଜିକେଏ ମାହାପୁରୁ ସାତା □ ସାସ୍ତେରିତା ରାସ୍ଵକି ଆହାମାନେ;

“ନୀ ବଲୁ ତଲେ ନୀନୁ ଦାମ୍ବୁ ଗାଟାତି ଇଞ୍ଜି ଝେଜିଦି, ନୀହାଁୟି ଆନି ବେଲ୍ୟାତା ନୀନୁ ଜୀଣା ଆଡ଼ି □” ☆

୫ ମା ଲାଗେଏତି କାମା ମାହାପୁରୁତି ନେହୁଁ କାମାତି ପାରମାଣା କିନେ, ଆତିହୁଁ ମାରୁ ଏନାଆଁ ଇନାୟି ? ଆମିନି ମାହାପୁରୁ ଲାଗେଏତି କାମାତାକି ତଣ୍ଡ ହାନେସି, ଏଞ୍ଜାସି କି ଦାମ୍ବୁ ହିଲଆଗାଟାସି ? ନାନୁ ମାଣ୍ଡସିଲେହେଁ ଝେସିମାଇଁ □

୬ ଏଲେଆହୁଁ ଆଏ □ ମାହାପୁରୁ ଦାମ୍ବୁଗାଟାସି ଆଆତିହୁଁ, ଏଞ୍ଜାସି ଏନିକିହୁଁ ଦାରୁତିତି ନୀହାଁୟି କିନେସି ?

୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି ଗାଝୁରମି ତାକି ହାଡ଼େକା ଗାତି ଆଡ଼େ, ଆତିହୁଁ ନାନୁ ପାପୁ ଗାଟାତେଏଁ ଇଞ୍ଜି ଏନାଆଁତାକି ନୀହାଁୟି କିଝି ଆଇଁ ?

୮ ମାରୁ ଏନାଆଁତାକି ଏଲେଇନାଆୟି, “ଞ୍ଜାଦୁ ମାରୁ ଲାଗେଏତି କାମା କିନ, ଆତିହୁଁ ମାଙ୍ଗେତାକି ନେହେଁ ଆନେ ?” ନାନୁ ଇଲେତି କାତା ଝେସିମାନାକି ଦାଞ୍ଜା କିହାନା ଏତେକା ଲକୁ ନାଙ୍ଗେ ନିନ୍ଦା କିହିମାଞ୍ଜାନେରି, ଏଞ୍ଜାରି ଇଦାଆଁତାକି ଆମିନି ତଣ୍ଡ ପାଣ୍ଡନାୟି ମାନେ, ସାତାତଲେ ବେଟାଆନେରି □

ଦାମ୍ବୁଗାଟାସି ଆମ୍ବାଆସି ହିଲଅସି

୯ ଆତିହୁଁ ଜାହୁଦି ଲକୁ ଜାହୁଦିଆଆତି ଲକୁ କିହାଁ ହାଡ଼େକା ନେହାଁରି ମାନେରି ? ଏତେଲାଞ୍ଜା ଆଏ, ନାନୁ ନକେଏ ଝେସାମାଞ୍ଜାଇଁ ଜାହୁଦି ଅଡ଼େ ଜାହୁଦିଆଆତି ଲକୁ ପାପୁତି ବାଡ଼ମୁତା ମାନେରି,

୧୦ ଦାମ୍ବୁ ସାସ୍ତେରିତା ରାସ୍ଵକି ଆହାମାନେ; “ଦାମ୍ବୁଗାଟାସି ଆମ୍ବାଆସି ହିଲଅସି, ରଅସି ଜିକେଏ ହିଲଅସି, ☆

୧୧ ରଅସି ଜିକେଏ ବୁଦିଗାଟାସି ହିଲଅସି; କି ମାହାପୁରୁଇଁ ପାରିନାସି ହିଲଅସି □

୧୨ ଏଞ୍ଜାରି ବାରେଜାଣା ମାହାପୁରୁ ତାଣାଟିଏ ହେକ ହାଜାମାନେରି; ଏଞ୍ଜାରି ବାରେଜାଣା ଲାଗେଏ ଜିରୁତା ହାଜାମାନେରି; ଆମ୍ବାଆସି ଜିକେଏ ରଅସି ସାତାପାଣାଟି କାମାକିନାସି ହିଲଅସି □

- ୧୩ ଏଞ୍ଜରୀ ହାତୀ ଦେପିଆତି ମାତୁହା ମୁହନି ଚାୟୁ, ଏଞ୍ଜରୀ ଗୁଡିତି ମିତି କାତା ହଡ଼ିମାନେ, ଲୁଡ଼ା ଡ଼ଇ ଅରୁ କାଚାମାନି ରାବୁଡି ବାସାମାନେ □*
 - ୧୪ ଏଞ୍ଜରୀ ଗୁଡିତି କାତା କାମ୍ବେଲି ଗାଟାୟି ଇଞ୍ଜା ବାକା ତଲେ ନେଞ୍ଜାମାନେ □ *
- ୧୫ ଏଞ୍ଜରୀ ଇରହାଲି ଅଡେ ପାୟାଲି ଦେବୁଣିଏ ହନେରି □*
 - ୧୬ ଏଞ୍ଜରୀ ଆମ୍ବିୟାଞ୍ଜାକି ହାନେରି, ଏମ୍ବାଆଁ ନାସା ଇଞ୍ଜା ସାସ୍ତି ବେଟାଆନେରି □
- ୧୬ ଏଞ୍ଜରୀ ହିଡ଼ିତି ଜିରୁ ପୁଞ୍ଜାହିଲଅରି,
 - ୧୮ ମାହାପୁରୁଇଁ ଆଜିନାୟି ଏଞ୍ଜରୀ ନକିତା ହିଲେଏ □**
 - ୧୯ ମାର ପୁଞ୍ଜାମାନାୟି, ମେରା ମାନି କିହିମାନେରି, ଏମ୍ବାତି ବାରେ ହୁକୁମିଇଁ ଏଞ୍ଜରୀ ମାନି କିନାୟିମାନେ □ ମାହାପୁରୁ ଏତିବେଲା ବାରେ ଦାରଡିତି ବିଚାରା କିନେସି, ମେରାତି ମାନି କିଆଗାଟି ଲକୁ ଜାହାରାଇଁ ଦହ ହିଲାଆ ଗାଟାତମି ଇଞ୍ଜା ଇଞ୍ଜାଲି ଆଡ଼ଅରି □
 - ୨୦ *ସାମା ମେରା ତଲେ କିନି କାମା ମାନି କିହାଁ ଆମ୍ବାଆସି ଜିକେଏ ମାହାପୁରୁ ନକିତା ଦାମ୍ବୁଗାଟାସି ଆହାଲି ଆଡ଼ଅସି □ ଇତିହୁଁ ମେରାତି ମାଣସି ଝାରଇ ପାପୁତି ପୁଞ୍ଜାଲି ଆଡ଼ିମାନେସି □*

ନାମୁତଲେ ଦାମ୍ବୁଗାଟି ଲକୁ ଆନାୟି

- ୨୧ ମାହାପୁରୁ ମାଣସିଇଁ ତାନିତଲେ ନେହୁଁକିଁ ଆଣ୍ଡାଲି ତାକି ମେରା ପିସପେ ଏନାଆଁ କିହାମାନେସି, ଏଡି ନୀର୍ବି ତଞ୍ଜା ଆହିମାନେ □ ଏ କାତା ମସାତି ମେରା ଇଞ୍ଜା ମାହାପୁରୁ ଅଣପୁତି ବଲୁ ଝେହନାରି ଜିକେଏ ସାକି ହାହାମାନେରି □
 - ୨୨ *ଝାରଇ ଜୀସୁ କ୍ରୀସୁ ତାଣା ନାମିତାକି ଲକୁ ମାହାପୁରୁ ନକିତା ଦାମ୍ବୁଗାଟାରି ଆନେରି □ ମାହାପୁରୁ ଆମ୍ବାଆରାଇଁ ପାରଡ଼ା ବାତି କିଆନା କ୍ରୀସୁଇଁ ନାମିତି ବାରେ ଜାଣାକି ର ପାରୁ ହାନେସି □*
 - ୨୩ ବାରେଜାଣା ପାପୁ କିହାମାନେରି ଅଡେ ମାହାପୁରୁତି ଗାଝୁରମିତି ହେକ ଆହାମାନେରି □
 - ୨୪ ସାମା, ଏଞ୍ଜରୀ ଉଜେଏ ମାହାପୁରୁତି କାର୍ମାମେହନି ଦାନା ତଲେ କ୍ରୀସୁ ଜୀସୁ ତାଣା ଆମିନି ଗେଲପି ଆନାୟି ମାନେ, ଏଦାଆଁ ତଲେ ଦାମ୍ବୁଗାଟାରି ଆନେରି □
 - ୨୫ ମାହାପୁରୁ ଜୀସୁଇଁ ଦାନା ହାତେସି, ଏନିକିଁ ଏଞ୍ଜାଣି ହାକି, ଏଞ୍ଜାଣି ତାଣା ନାମାମାନି ଲକୁତାକି ପାପୁ ମେଣ୍ଡିନି ଉପେୟି ଆନେ □ ମାହାପୁରୁ

- ଅରହାନା ଲକୁ କିହାମାନି ତଲିତି ପାପୁତି ତସାହିଲଅସି □
 - ୨୬ ସାମା ନୀର୍ବି ଏଞ୍ଜାସି ଜାହାରା ଦାମ୍ବୁ ଗାଟାଣି ତସାଲି ତାକି ପାପୁ ମ୍ବେକ୍ନି ମେରା କିହାମାନେସି □ ଇଦାଆଁ ତଲେ ମାହାପୁରୁ ତସାମାନେସି, ଏଞ୍ଜାସି ତାନୁଏ ଦାମ୍ବୁଗାଟାସି ଇଞ୍ଜା ଆମ୍ବାଆସି ଜୀସୁ ତାଣା ନାମିନେସି, ଏଞ୍ଜାସି ବାରେଜାଣାତି ଦାମ୍ବୁ ଗାଟାରିଲେହେଁ ଆବିନେସି □
 - ୨୭ ଆତିହୁଁ ଆମିନି କାତାତା ମାର ବଡପଣ ଆନାୟି ଆଏ, ଏଲେତି କାତା ଏନାୟି ହିଲେଏ □ ବଡପଣ ଆହାଲିତାକି ମା ତାଣା ଏନାୟି ମାନେ ? ମାର ବାରେ ହୁକୁମି ମାନଝି ଆହିମାନାୟି ଇଞ୍ଜିହୁଁ କି ? ଆଏ, ଝାରଇ ନାମୁଏ ମା ବଡପଣ ଆନେ □
 - ୨୮ ମାର ନେହୁଁକିଁ ତେଲହାଲି ଆଡ଼ିନାୟି ରଅସି ଝାରଇ ତାନି ନାମୁତଲେ ମାହାପୁରୁ ନକିତା ଦାମ୍ବୁଗାଟାସି ଇଞ୍ଜା ଝେଜିନେସି, ମେରାତି ମାନି କିତିସାରେ ଆଏ □
 - ୨୯ ମାହାପୁରୁ ଝାରଇ ଜୀହୁଦି ଲକୁତି ମାହାପୁରୁକି ? ଏଞ୍ଜାସି ଜୀହୁଦିଆଆତି ଲକୁତି ମାହାପୁରୁ ଆଏକି ? ସାତେଏ ଏଞ୍ଜାସି ବାରେ ଲକୁତି ମାହାପୁରୁ □
 - ୩୦ ଏନାଆଁତାକି ଇତିହୁଁ, ମାହାପୁରୁ ରଅସିଏ, ଅଡେ ଏଞ୍ଜାସି ଜୀହୁଦି ଇଞ୍ଜା ଜୀହୁଦିଆଆତି ଲକୁତି ନାମୁ ତାକି ଏଞ୍ଜାସି ଏଞ୍ଜାରାଇଁ ଦାମ୍ବୁ ଗାଟାରିଲେହେଁ ଆବିନେସି □*
 - ୩୧ ଆତିହୁଁ, ମାର କି ନାମୁତଲେ ମସାତି ମେରା ମ୍ବେକ୍ନି ମାନାୟି ? ଏଡି ଏତେଲା ଜିକେଏ ଆଆପେ, ସାମା ମାର ନାମୁତଲେ ମସାତି ମେରାଇଁ ଜାଣେ ତାରି କିହିମାନାୟି □

୪

ଅବ୍ରାହାମତି ମାଣ୍ଡକି

- ୧ ଆତିହୁଁ ଆଜ୍ଞା ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜିହୁଁ ମାର ଏଲେଇନାୟି ?
 - ୨ ଅବ୍ରାହାମ ତାନି ଜାହାରା କାମାଟି ମାହାପୁରୁ ତାଣା ଦାମ୍ବୁଗାଟାସି ଆହା ମାତିହୁଁମା, ଏଞ୍ଜାଣାକି ବଡପଣ କିନି କାତା ମାଟେ □ ସାମା ମାହାପୁରୁ ଝାକିଟି ଏଡି ଆହାହିଲାଆତେ □
 - ୩ *ଦାମ୍ବୁ ସାସ୍ତେରି ଲେହେଁ, “ଅବ୍ରାହାମ ମାହାପୁରୁଇଁ ନାମିତେସି, ଅଡେ ଏ ନାମୁତାକି ମାହାପୁରୁ ଏଞ୍ଜାଣାଇଁ ଦାମ୍ବୁ ଗାଟାଣି ଲେହେଁ ଅପିତେସି □”

* ୩:୧୩ ୩:୧୩ ପାରୁ ୫:୯; ୧୪୦:୩ * ୩:୧୪ ୩:୧୪ ପାରୁ ୧୦:୭ * ୩:୧୫ ୩:୧୫ ଜିସା ୫୯:୭,୮ * ୩:୧୮ ୩:୧୮ ପାରୁ ୩୭:୧ * ୩:୨୦ ୩:୨୦ ଗାଲା ୨:୧୭ * ୩:୨୦ ୩:୨୦ ପାରୁ ୧୪୩:୨; ଗାଲା ୨:୧୭ * ୩:୨୨ ୩:୨୨ ଗାଲା ୨:୧୭ * ୩:୨୨ ୩:୨୨ ଗାଲା ୨:୧୭ * ୩:୩୦ ୩:୩୦ ଝେ ମେରା ୭:୪; ଗାଲା ୩:୨୦ * ୪:୩ ୪:୩ ମୂଲୁ ୧୫:୨; ଗାଲା ୩:୭

୪ ଆମ୍ଭାଆସି କାମା କିନେସି, ଏଞ୍ଜାଣାକି ତାନି କୁଲି ମୋଡ଼ାଆନେ, ଏଡ଼ି ଦାନା ହାନାୟି ଆହାଲି ଆଡ଼େଏ, ଏଡ଼ି କାମାତି ପାଡ଼େୟି ଇଞ୍ଜିଁ ଇଣ୍ଡି ଆନେ □

୫ ସାମା ଆମ୍ଭାଆସି ତାନି କାମାତା ଆସା କିଆନା, ଦାମ୍ଭୁ ହିଲାଆଗାଟାଣାଲ୍ ଏମିନି ମାହାପୁରୁ ଦାମ୍ଭୁଗାଟାସି ଇଞ୍ଜିଁ ଆବିନେସି, ଏଞ୍ଜାଣି ତାଣା ନାମିନେସି, ଏଞ୍ଜାଣି ନକିତା ଏଞ୍ଜାଣି ନାମୁ ଦାମ୍ଭୁଗାଟାୟି ଇଞ୍ଜିଁ ଖେଜିନେ □

୬ ଆମିନି ଲକୁଲ୍ କାମା ଲଡ଼ାତି ସିନି କିଆନା ମାହାପୁରୁ ଏଞ୍ଜାଣାଲ୍ ଦାମ୍ଭୁଗାଟାସି ଇଞ୍ଜିଁ ଆବିନେସି, ଏଞ୍ଜାଣାଲ୍ ନେହାସି ଇଞ୍ଜିଁ ଦାଞ୍ଜୁଦ ଏଲେଇଞ୍ଜା ମାନେସି;

୭ *ଆମ୍ଭାଆରି ଦହ ମେଣ୍ଡାକି କିଞ୍ଜିଆହାମାନେ, ଆମ୍ଭାଆରି ପାପୁ ମେଣ୍ଡାକି କିଞ୍ଜିଆହାମାନେ, ଏଞ୍ଜାରାକି ନେହେଁ □

୮ ପ୍ରବୁ ଆମ୍ଭାଆରି ପାପୁ ଆହୁଅସି, ଏଞ୍ଜାଣାକି ନେହେଁ □

୯ ଇମ୍ଭାଆଁ ଦାଞ୍ଜୁଦ ଆମ୍ଭାଆରାଲ୍ ନେହେଁ ଇଞ୍ଜିଁ ଖେସାମାନେସି, ଏଞ୍ଜାରି କି ଖାରୁଇ ତଲୁ ଦାପି ଆଡ଼ି ଲକୁ ମାଚେରି ? କି, ତଲୁ ଦାପିଆଆଡ଼ି ଲକୁ ଜିକେଏ ନେହାରି ଆହାଲି ଆଡ଼ିନେରି □ ମାର ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାମ୍ଭୁଗାଟାସି ଇଞ୍ଜିଁ ଖେଜିତେସି □”

୧୦ ଆଡ଼ିହୁଁ ଏଡ଼ି ଏଚେଲା ଆହାମାଚେ ? ଅବ୍ରାହାମ ତଲୁ ଦାପି ଆଡ଼ି ତାୟୁ କି, ତାନି ନକେଏ ? ତଲୁ ଦାପି ଆଆନକେଏ, ତାୟୁ ଆଏ □

୧୧ ତଲୁ ଦାପି ଆଡ଼ି ନକେଏ ଅବ୍ରାହାମ ନାମୁ ତାକି ମାହାପୁରୁ ଏଞ୍ଜାଣାଲ୍ ଦାମ୍ଭୁ ଗାଟାଣା ଲେହେଁ ଆବା ମାଚେସି □ ଇଦାଆଁ ପୁଣ୍ଡି କିହାଲିତାକି ର ସିନାଲେହେଁ ଅବ୍ରାହାମ ଇ ତଲୁ ଦାପିଆନି ମୋରା ବେଟାଆହା ମାଚେସି, ଇଡ଼ିହୁଁ, ଆମିନି ଗାଟାରି ତଲୁ ଦାପି ଆଆନା ଜିକେଏ ମାହାପୁରୁ ତାଣାଟି ଦାମ୍ଭୁଗାଟାସି ଇଞ୍ଜିହୁଁ ଆବିତାସି, ସୁଦୁ ମାଣକିଟି ଅବ୍ରାହାମ ଏଞ୍ଜାରି ତାଞ୍ଜି □*

୧୨ ଆବା ଅବ୍ରାହାମ ତଲୁ ଦାପି ଆଡ଼ି ନକେଏଟିଏ ଆମିନି ନାମୁତି କାତା ତସାମାଚେସି, ତଲୁ ଦାପିଆଆଡ଼ି ଲକୁ ଜାହାରା ଜାଞ୍ଜୁତା ଏଲେତି ନାମୁ ତସାଲି ଆଡ଼ିସାରେ, ଅବ୍ରାହାମ ଏଞ୍ଜାରାକି ଜିକେଏ ତାଞ୍ଜି ଆନେସି □

ମାହାପୁରୁଟି ଆଞ୍ଜାମାନାଣି ନାମୁତଲେ ବେଟାଆନାୟି

୧୩ *ଅବ୍ରାହାମ ମୋରାତି ମାନି କିହାମାନାକି ଆଏ □ ଖାରୁଇ ତାନି ନାମୁ ତାକି ମାହାପୁରୁ

ତାଣାଟି ଦାମ୍ଭୁଗାଟାସି ଇଞ୍ଜିଁ ଖେଜାମାଚେସି ଇଞ୍ଜିଁ ଏଦାଆଁତାକି ତାନି ମୀରକା ମାସ୍କା ଦାରୁତି ଅଦିକାରା ବେଟାଆନେରି ଇଞ୍ଜିଁ ମାହାପୁରୁ ଆଞ୍ଜାମାଚେସି □*

୧୪ *ଆମ୍ଭାଆରି ମୋରାତି ମାନି କିନାରି, ଖାରୁଇ ଏଞ୍ଜାରି ମାହାପୁରୁତି ଦାନା ବେଟାଆନେରି ଇଡ଼ିସାରେ, ମାଣସିତି ନାମୁ ଉଜେଏ, ମାହାପୁରୁ ଆଞ୍ଜାମାନାୟି ଜିକେଏ ଉଜେଏତାୟି ଆନେ □*

୧୫ ଇଡ଼ିହୁଁ ମସାତି ମୋରା ଉରିନି ତାଣାଟି ମାହାପୁରୁତି କାରୁବି ଗାଟାସି ଆନେସି, ସାମା ଆମ୍ଭିୟା ମୋରା ହିଲେଏ, ଏମ୍ଭାଆଁ ମୋରା ଉରିନି କାତା ହିଲେଏ □

୧୬ *ଏଦାଆଁତାକି ମାହାପୁରୁଟି ଆଞ୍ଜାମାନାୟି ନାମୁ ଅଡ଼େ କାମାତି ଲାକ ଇଚକି ଆହାମାନେ □ ଆମିନି ଗାଟାରି ମୋରାତି ମାନି କିନେରି, ଖାରୁଇ ଏଞ୍ଜାରାକିଦେହେଁ ମାହାପୁରୁଟି ଆଞ୍ଜାମାନାୟି ଆଏ □ ଅବ୍ରାହାମ ଲେହେଁ ନାମିମାନି ବାରେ ଲକୁତାକି ଜିକେଏ ଆନେ, ଏଦାଆଁତାକି ଇଡ଼ିହୁଁ ଅବ୍ରାହାମ ଏଞ୍ଜାରି ସୁଦୁ ମାଣକିଟି ତାଞ୍ଜି;*

୧୭ ଆମିନି ମାହାପୁରୁଟି ଅବ୍ରାହାମ ନାମିମାଚେସି, ଆମ୍ଭାଆସି ହାତାରାଲ୍ ଖେଣ୍ଡେ ଜାଞ୍ଜୁ କିନେସି, ଅଡ଼େ ହିଲାଆଗାଟି ଦିଶ୍‌ସୁତି ମାନି ଲେହେଁ ହାଡ଼ିନେସି, ଏ ମାହାପୁରୁ ନକିତା ଏଞ୍ଜାସି ମା ତାଞ୍ଜି ଆହାମାନେସି, ଇ କାତା ଦାମ୍ଭୁ ସାସ୍ତେରିତା ରାସ୍କି ଆହାମାନେ, “ନିଜେ ହାଚେରକା କୁଡ଼ାତି ଲକୁତି ତାଞ୍ଜି କିହାମାଞ୍ଜାନମି □”*

୧୮ ଆସା କିନାୟି ଏନାୟି ହିଲାଆତି ଜିକେଏ ଅବ୍ରାହାମ ନାମିତେସି ଇଞ୍ଜିଁ ଆସା ଇଡ଼ିତେସି, ଏଦାଆଁତାକି “ହାଚେରକା କୁଡ଼ାତି ତାଞ୍ଜି” ଆଡ଼େସି □ ଦାମ୍ଭୁ ସାସ୍ତେରିତା ରାସ୍କି ଆହାମାନେ, “ନୀ କୁଡ଼ା ହୁକାୟା ଲେହେଁ ଏପାଆନେରି □”*

୧୯ ଏଞ୍ଜାଣାକି ଏଚିବେଲା ପାସାକଡ଼ି ବାର୍ସା ଆହାମାଟାକି ଏଞ୍ଜାସି ତାନି ଆଙ୍ଗାତି ହାତାୟି ଇଞ୍ଜିଁ ସାରା ଅଡ଼େ କକାରି ପଦାଁ ଆନି ଗାରା ଜିକେଏ ହାତାୟି ଇଞ୍ଜିଁ ଅଣ୍ଡିତି ଜିକେଏ ନାମୁତା ଉଣା ଆଆଡ଼େସି □ *

୨୦ ଏଞ୍ଜାସି ତାନି ନାମୁ ପିହୁଆଡ଼େସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆଡ଼େସି □ ଏଞ୍ଜାସି ନାମୁତା ବାଡ଼ୁୟୁ ଆଡ଼େସି ଇଞ୍ଜିଁ ମାହାପୁରୁଟି ଜହରା କିତେସି □

୨୧ ମାହାପୁରୁ ଏନାଆଁ ଆଞ୍ଜାମାଚେସି, ଏଞ୍ଜାସି ଏଦାଆଁ ମାନି କିନେସି ଇଞ୍ଜିଁ ଏଞ୍ଜାଣାକି ଜାଣ୍ଡେ ନାମୁ ମାଚେ □

୨୨ ଏଦାଆଁତାକି ତାନି ନାମୁତଲେ ଅବ୍ରାହାମ,

* ୪:୭ ୪:୭ ପାଚୁ ୩୨:୧,୨ * ୪:୧୧ ୪:୧୧ ମୂଲୁ ୧୭:୧୦ * ୪:୧୩ ୪:୧୩ ଗାଲା ୩:୨୯ * ୪:୧୩ ୪:୧୩ ମୂଲୁ ୧୭:୪-୬; ୨୨:୧୭,୧୮; ଗାଲା ୩:୨୯ * ୪:୧୪ ୪:୧୪ ଗାଲା ୩:୧୮ * ୪:୧୪ ୪:୧୪ ଗାଲା ୩:୧୮ * ୪:୧୭ ୪:୧୭ ଗାଲା ୩:୭ * ୪:୧୭ ୪:୧୭ ଗାଲା ୩:୭ * ୪:୧୭ ୪:୧୭ ମୂଲୁ ୧୭:୫ * ୪:୧୮ ୪:୧୮ ମୂଲୁ ୧୫:୫ * ୪:୧୯ ୪:୧୯ ମୂଲୁ ୧୭:୧୭ * ୪:୨୨ ୪:୨୨ ମୂଲୁ ୧୫:୭

“ମାହାପୁରୁ ତାଣ୍ଡାଟି ଦାମ୍ଭୁଗାଟାସି ଆହାମାରେସି
□”☆

୨୩ “ଅବ୍ରାହାମ ଦାମ୍ଭୁଗାଟାସି ଇଞ୍ଜି
ଝେଙ୍ଗାମାଟି” କାତା ଖାରଇ ଏଝାଣି ତାକିଏଦେଁ
ରାସ୍ତକି ଆହାହିଲେଏ □

୨୪ ସାମା ଇ କାତା ମାଙ୍ଗେତାକି ଜିକେଏ ରାସ୍ତକି
ଆହାମାନେ; ଇଚିହିଁ ଆମ୍ବାଆସି ମା ପ୍ରବୁ ଜୀସୁଇଁ
ହାଡାରି ତାଣ୍ଡାଟି ନିକ୍‌ହାମାନେସି, ଏଝାଣି ତାଣ୍ଡା
ମାର ନାମିମାନାୟି, ମାଙ୍ଗେତାକି ଜିକେଏ ଏଡି
ଆନେ □

୨୫ ଏ ପ୍ରବୁ ଜୀସୁ ମା ପାପୁତି ବାଦୁଲି
ହାହାଲି ହେରପିଆହା ମାଚେସି ଇଞ୍ଜା ମାହାପୁରୁ
ନକିତା ମାଙ୍ଗେ ଦାମ୍ଭୁ ଗାଟାତାୟି କିହାଲି ଖେଣ୍ଡେ
ନିଜିତେସି □☆

୫

ମାହାପୁରୁ ନକିତା ନେହିଁ ତଞ୍ଜା ଆନାୟି

୧ ନାଏଁ ନାମୁତଲେ ମାର ମାହାପୁରୁ ନକିତା
ଦାମ୍ଭୁ ଗାଟାତାୟି ଆହାମାନାୟି ଇଞ୍ଜା ପ୍ରବୁ ଜୀସୁ
କ୍ରୀସ୍ତ ତାଣ୍ଡାଟି ମାହାପୁରୁ ତଲେ ମାର ହିଡ଼ଡ଼ି ତଲେ
ମାନାୟି;

୨ ଏମିନି କାର୍ମାତା ମାର ମାଞ୍ଜାମାନାୟି, ଏମ୍ବାଟି
ଏଝାଣି ତାଣ୍ଡାଟି ନାମୁତା ଜିକେଏ ମାନାୟି; ଇଞ୍ଜା
ମାର ମାହାପୁରୁଟି ଗାଝୁରମିତି ବାର୍ସୁତା ବତପଣ
କିହିମାନାୟି □

୩ ଖାରଇ ଏଡି ଆଏ, ବାରେ ଦୁକୁ କସ୍ତତା
ଜିକେଏ ମାର ରାହାଁ କିହିମାନାୟି, ଇଚିହିଁ କସ୍ତଟି
ସାସା ଖାନେ,

୪ ସାସାଟି ବାଡ଼ୁୟୁ ମାଣ୍ଡକି ଖାନେ ଇଞ୍ଜା ବାଡ଼ୁୟୁ
ମାଣ୍ଡକିଟି ବାର୍ସୁ ଖାନେ □

୫ ବାର୍ସୁ ମାଙ୍ଗେ ହାଣି ଆହାଲି ହିୟେଏ,
ଏନାଆଁତାକି ଇଚିହିଁ ମାହାପୁରୁ ମାଙ୍ଗେ ସୁଦୁଜୀଝୁ
ହାହାନା ମା ହିୟାଁତା ତାନି ଜୀଝୁ ନନାଣି
ହାହାମାଞ୍ଜାନେସି □

୬ ଏଚିବେଲାତା ମାର ଏନି ଉପେୟି
ହିଲାଆଗାଟାତାୟି ମାଚାୟି, ଏଚିବେଲା ମାହାପୁରୁ
ତାରି କିହାମାଟି ବେଲାତା କ୍ରୀସ୍ତ ପାପୁ ଲକୁତାକି
ହାଡ଼େସି □

୭ ଦାମ୍ଭୁତି ଲକୁତାକି ଆମ୍ବାଆସି ଜିକେଏ ହାଅସି,
ନେହିଁ ଲକୁତାକି ଆମ୍ବାଆସି ଜୀଝୁ ହାହାଲି
ଅଣପିନେସି □

୮ ସାମା ମାର ପାପୁଗାଟି ଲକୁ ମାଟାଟି ଜିକେଏ
କ୍ରୀସ୍ତ ମା ତାକି ତାନି ଜୀଝୁ ହାଡ଼େସି, ଇଦାଆଁ
ତଲେ ମାହାପୁରୁ ମାଙ୍ଗେ ଏଚେକା ଜୀଝୁନହିଁ
ମାଞ୍ଜାନେସି, ଏଦାଆଁ ତସାମାଞ୍ଜାନେସି □

୯ ଏଦାଆଁତାକି ଇ କାତା ସାତା, ମାର
ନାଏଁ ଏଝାଣି ନେତେରି ତଲେ ଦାମ୍ଭୁ ଗାଟାତଝି
ଆହାମାନାକି ଏଝାଣି ତାଣ୍ଡାଟି ମାହାପୁରୁ କପାଟି
ଗେଲ୍‌ପି ଆହାଲି ଆଡିନାୟି □

୧୦ ମାର ମାହାପୁରୁଟି ସାତୁୟାଁ ମାଚାୟି,
ସାମା ମାର ତାନି ମୀର୍‌ଏଣା ହାକିଟି ତାନିତଲେ
ଆଣ୍ଡିତାୟି, ନାଏଁ ମାର ମାହାପୁରୁ ତଲେ ଆଣ୍ଡାନା
କ୍ରୀସ୍ତ ଜୀଝୁତଲେ ଗେଲ୍‌ପି ଆନାୟି □

୧୧ ଖାରଇ ଏଚେକା ଆଏ, ସାମା ପ୍ରବୁ ଜୀସୁ
କ୍ରୀସ୍ତ ତାକି ମାର ନାଏଁ ମାହାପୁରୁ ତଲେ
ଆଣ୍ଡାମାନାୟି; ଏଝାଣି ତାଣ୍ଡାଟି ମାର ମାହାପୁରୁ
ତାଣ୍ଡା ବତପଣ ଜିକେଏ ଆହିମାନାୟି □

ଆଦମ ଅଡ଼େ କ୍ରୀସ୍ତ

୧୨ ରଅଣି ତାଣ୍ଡାଟି ପାପୁ ଦାରତିତା ଖାଡ଼େ ଅଡ଼େ
ପାପୁ ତଲେ ହାକି ଖାଡ଼େ, ବାରେଜାଣା ପାପୁ
କିତାକି ହାକି ବାରେ ମାଣ୍ଡିତାକି ଖାଡ଼େ, ଇଞ୍ଜା
ବାରେଜାଣା ପାପୁ କିତେରି □☆

୧୩ ମେରା ହାପକି ଆଡି ନକେଏ ଦାରତିତା ପାପୁ
ମାଚେ; ସାମା ମେରା ହିଲାଆଟି ପାପୁତି ଏକିକିଝି
ଆହି ହିଲାଆତେ □

୧୪ ଆଦମ ତାଣ୍ଡାଟିଏ ମସା ପାତେକା ଆମ୍ବାଆସି
ଜିକେଏ ଆଦମ ଲେହେଁ ହୁକୁମି ମାନି କିଆନା ପାପୁ
କିହାହିଲାଆତେ ଜିକେଏ ବାରେଜାଣା ହାକିତି
ଡ଼ଇ ମାଚେରି; ଆମିନିଗାଟାସି ଖାନାୟି ମାଚେ,
ଆଦମ ଏଝାଣି ର ଖାଣା □

୧୫ ସାମା ଦହ ଏନିକିଁ, ମାହାପୁରୁଟି କାର୍ମା
ଜିକେଏ ଏଲେକିଁ, ଏଡି ଆଏ, ଇଚିହିଁ ରଅଣି
ଦହ ତାକି ହାଡ଼େକା ଲକୁତି ହାକି ଆଡ଼େ, ଆଡିହିଁ
ମାହାପୁରୁଟି କାର୍ମା ଅଡ଼େ ର ମାଣ୍ଡି ଇଚିହିଁ ଜୀସୁ
କ୍ରୀସ୍ତ ହାଟି କାର୍ମାଟି ଦାନା ହାଡ଼େକା ଲକୁତାକି
ହାଡ଼େକା ଗାଡି ଆଡ଼େ □

୧୬ ର ମାଣ୍ଡି ପାପୁ କିତାକି ଏନିକିଁ ପାଡ଼େୟି
ଆଡ଼େ, ଇ ଦାନାଟି ପାଡ଼େୟି ଏଲେକିଁ ଆଏ,
ଇଚିହିଁ ରଅଣି ତାକି ଏମିନି ନାହାଁୟି, ଏମ୍ବାଟି
ପାଡ଼େୟି ଡ଼ଣ୍ଡ ଆଡ଼େ, ସାମା ହାଡ଼େକା ଲକୁତି ଦହ
ତାକି ଏମିନି କାର୍ମାଟି ଦାନା, ଏମ୍ବାଟି ପାଡ଼େୟି ଦହ
ହିଲାଆଗାଟାୟି ଆଡ଼େ □

୧୭ ର ମାଣ୍ଡିଟି ପାପୁ ତାକି, ହାକି ସାଲ୍‌ଝି
କିତେ; ସାମା ଅର ରଅସି ଇଚିହିଁ ଜୀସୁ
କ୍ରୀସ୍ତ ଏନାଆଁ କିହାମାନେସି, ଏଡି ଏଚେକା
କାଜାୟି □ ଆମିନି ବାରେଜାଣା ମାହାପୁରୁଟି
ହାଡ଼େକା କାର୍ମାମେହନାୟି ଉଜେଏ ମେଡ଼ା ଆନାଣି
ତଲେ ମାହାପୁରୁଟି ନକିତା ଦାମ୍ଭୁଗାଟାରି ଇଞ୍ଜା
ଝେଙ୍ଗିନେରି, ଏଝାରି କ୍ରୀସ୍ତ ତଲେ ଜୀଣାଆହାନା
ନାଡିନେରି □

☆ ୪:୨୫ ୪:୨୫ ଜିସା ୫୩:୪,୫ ☆ ୫:୧୭ ୫:୧୭ ମୂଲ୍ ୩:୭

୧୮ ରଥଣି ପାପୁ ଏନିକିହିଁ ବାରେ ମାଣ୍ଡସି କୁଡାଇଁ ତଣ୍ଡ ବେଟା ଆଢ଼ିକିତେ, ଏଲେକିହିଁଏ ରଥଣି ଦାମ୍ବୁତି କାମା ବାରେ ମାଣ୍ଡସି କୁଡା ତାକି ଗେଲ୍ପି ଆନାଣି ଇଞ୍ଜା ରାଆଗାଟି ଜୀଝୁ ତାଟାହୀତେ ।

୧୯ ରଥସି ମାନି କିଆତାକି ଏନିକିହିଁ ହାରେକା ଲକୁ ପାପୁ ଗାଟାରି ଆଡେରି, ଏଲେକିହିଁଏ ରଥଣି ମାନି କିନାଣି ତଲେ ବାରେଜାଣା ମାହାପୁରୁ ନକିତା ଦାମ୍ବୁଗାଟାରି ଆନେରି ।

୨୦ ଇଦାଆଁ ପିସପେ ମେରା ଜିକେଏ ଖାଡେ, ଏନିକିହିଁ ଦହ ହାରେକା ଗାଡିଆନେ; ସାମା ଆମ୍ବିୟା ପାପୁ ପାତାଆଡେ, ଏମ୍ବାଆଁ ମାହାପୁରୁତି କାର୍ମାମେହନାୟି ଜିକେଏ ହାରେକା ପାତାଆଡେ ।

୨୧ ଏନିକିହିଁ ପାପୁ ହାକି ତଲେ ସାଲୁଢି କିତେ, ଏଲେକିହିଁଏ ମାହାପୁରୁତି କାର୍ମାମେହନାୟି ଜୀଝୁ ଜୀଝୁ ତାଣାଟି ମାଙ୍ଗେ ଦାମ୍ବୁ ଗାଟାତାୟି କିହାଁ ରାଆଗାଟି ଜୀଝୁ ହିୟାତେ ।



ପାପୁତି ହାକି ଜୀଝୁ ତାଣାଟି ଜୀଝୁ

୧ ଆତିହିଁ ମାର ଏନାଆଁ ଇନାୟି ? ମାହାପୁରୁତି କାର୍ମାମେହନାୟି ଏନିକିହିଁ ହାରେକା ଆନେ, ଏଦାଆଁତାକି କି ପାପୁତେଏ ମାଞ୍ଜେମାନାୟି ?

୨ ଏଡି ଏଚେଲା ଜିକେଏ ଆଆପେ । ପାପୁ ତାକି ମାର ହାହାମାନାୟି, ଏନିକିହିଁ ଏମ୍ବାଆଁ ଅଡେ ମାର ନାଡିନାୟି ?

୩ ମାର ଏଚେକା ଲକୁତାୟି ଜୀଝୁ ଜୀଝୁ ତାଣା ବାପ୍ତିସ୍ତା* ଅହାମାନାୟି, ବାରେ ଜାଣାତାୟି ତାନି ହାକିତା ବାପ୍ତିସ୍ତା† ଅହାମାନାୟି, ଇଦାଆଁ କି ମୀରୁ ପୁଞ୍ଜାହିଲଅତେରି ?

୪ ଏଦାଆଁତାକି ମାର ବାପ୍ତିସ୍ତା‡ ଅହାନା ହାକିତା ତାନିତଲେ ମୁସପି ଅହାମାନାୟି, ଜୀଝୁ ଏନିକିହିଁ ଆଡାତି ଗାଝୁରମି ତଲେ ହାଡାରି ତାଣାଟି ଖେଣ୍ଡେ ନିଜ୍ଜିତେସି, ମାର ଜିକେଏ ଏଲେକିହିଁଏ ପୁଞ୍ଜି ଜୀଝୁତି ମାଣକି ତଲେ ନାଡିନ ।

୫ ଏନାଆଁତାକି ଇତିହିଁ ମାର ଏଞ୍ଜାଣି ହାକିତା ଆଣ୍ଡାନା ଏଞ୍ଜାଣିତଲେ ରଣ୍ଡିଏ ଆହାମାନାୟି, ଆତିହିଁ ସାତେଏ ଏଞ୍ଜାସି ଖେଣ୍ଡେ ନିଜ୍ଜିତି ଲେହେଁ ମାର ଜିକେଏ ନିଜ୍ଜାନା ଏଞ୍ଜାଣିତଲେ ରଣ୍ଡିଏ ଆନାୟି ।

୬ ମାର ପୁଞ୍ଜାମାନାୟି, ପାପୁତି ହଲିୟାଙ୍ଗା ଆଆପ, ଇଦାଆଁତାକି ପାପୁତି ଆଙ୍ଗା ନାସା କିହାଲିତାକି ମା ପୁଞ୍ଜା ମାଣକି ତାନିତଲେ ପାସି ମୁଣ୍ଡାତା ହାହାମାନେ ।

୭ ଏନାଆଁତାକି ଇତିହିଁ ମାଣ୍ଡସି ହାଡିସାରେ, ପାପୁତି ବାଡ଼ୁୟି ଗେଲ୍ପି ଆନେସି ।

୮ ସାମା ମାର ଜୀଝୁ ତଲେ ହାଡାକି, ତାନିତଲେ ମାର ଜିକେଏ ନୀଡିନାୟି ଇଞ୍ଜା ନାମାମାନାୟି ।

୯ ମାର ପୁଞ୍ଜାମାନାୟି, ଜୀଝୁ ହାକିଟି ନିଜ୍ଜାମାନାକି, ଏଞ୍ଜାସି ଅଡେ ଖେଣ୍ଡେ ହାଅସିଦେଁ, ଏଞ୍ଜାଣାଲ୍ ଅଡେ ହାକି ସାଲୁଢି କିହାଲି ଆଡେଏ ।

୧୦ ଏଞ୍ଜାସି ଆମିନି ହାକିତା ହାଡେସି, ଏଦାଆଁ ତଲେ ପାପୁତି ବାଡ଼ୁୟି ରଣ୍ଡିଏ ଦେବେଏ ଜୀଣା ଆଡେସି । ଅଡେ ନୀଏଁ ଆମିନି ଜୀଝୁତଲେ ନୀତାମାନେସି, ଏଡି ମାହାପୁରୁ ତଲେ ଆଣ୍ଡିତି ଜୀଝୁ ।

୧୧ ଏଲେକିହିଁଏ ମୀରୁ ଜିକେଏ ପାପୁତା ହାହାମାଞ୍ଜେରି ଇଞ୍ଜା ଅଣ୍ଡାଦୁ । ସାମା ଜୀଝୁ ଜୀଝୁ ତାଣାଟି ଆଣ୍ଡାନା ମାହାପୁରୁ ତାକି ଜୀଝୁ ଗାଟାତମି ଇଞ୍ଜୁ ।

୧୨ ମୀ ହାନି ଆଙ୍ଗାତା ପାପୁ ସାଲୁଢି କିୟାଆପେ; ମୀରୁ ଅଡେ ଆଙ୍ଗାତି ଲାଗେଏତି ଅଣ୍ଡୁ ତଲେ ତାକାଆଦୁ ।

୧୩ ମୀ ଆଙ୍ଗା ଉଡେଲିତି ଲାଗେଏ କାମାତି ଜୁତି ଲେହେଁ ପାପୁ କାମାତା ହେରପାଆଦୁ, ସାମା ହାଡାରି ତାଣାଟି ନୀତାମାନି ଲେହେଁ ଜାହା ଜାହାରାଲ୍ ମାହାପୁରୁ ନକିତା ହେରପା କଡାଦୁ, ଇଞ୍ଜା ଜାହା ଜାହାରା ଆଙ୍ଗା ଉଡେଲିତି ଦାମ୍ବୁତି ଜୁତି ଲେହେଁ ମାହାପୁରୁ ନକିତା ହେରପାଦୁ ।

୧୪ ପାପୁ ମିଙ୍ଗେ ସାଲୁଢି କିୟାଆପେ, ମୀରୁ ଅଡେ ମସାତି ମେରା ଡ଼ଇ ହିଲଅତେରି, ସାମା ମାହାପୁରୁତି କାର୍ମାତି ଡ଼ଇ ମାଞ୍ଜେରି ।

ଦାମ୍ବୁତି ହଲିୟାଙ୍ଗା

୧୫ ଆତିହିଁ ଏନାଆଁ ? ମାର ମସାତି ମେରା ଡ଼ଇ ହିଲାଆୟି, ସାମା ମାହାପୁରୁତି କାର୍ମାମେହନି ଡ଼ଇ ମାନାୟି, ଇଦାଆଁତାକି କି ପାପୁ କିନାୟି ? ଏଲେଆହିଁ ଏଚେଲା ଜିକେଏ ଆଆପେ ।

୧୬ ମୀରୁ ସାତେଏ ପୁଞ୍ଜାମାଞ୍ଜେରି, ମୀରୁ ରଥଣି ହଲିୟାଙ୍ଗା ଆହାନା ଏଞ୍ଜାଣି କାତା ମାନୁଢି ଆଡିସାରେ, ଆତିହିଁ ମୀରୁ ଏଞ୍ଜାଣି ହଲିୟାଙ୍ଗାତେରି, ପାପୁତି ହଲିୟାଙ୍ଗା ଆଡିସାରେ, ପାପୁ ମାଣକିଟି ହାକି ଖାନେ; ଦାମ୍ବୁତି ଢେଟ ହାଡିସାରେ, ଜୀଝୁ ବେଟାଆଡେରି ।

୧୭ ସାମା ମାହାପୁରୁଲ୍ ଜହରା କିହିମାଲ୍, ମୀରୁ ର ଦିନା ପାପୁତି ହଲିୟାଙ୍ଗାତେରି ମାଚେରି, ମୀରୁ ନୀଏଁ ନେହିଁ ବଲୁଡି ଜାପ୍ତିନି ତାଣା ହେରପାଆହା ମାଞ୍ଜେରି, ଅଡେ ହିୟାଁ ତଲେ ଏମ୍ବାତି ମାନି କିହିମାଞ୍ଜେରି ।

* ୬:୩ ୬:୩ପୁଞ୍ଜିନାୟି † ୬:୩ ୬:୩ପୁଞ୍ଜିନାୟି ‡ ୬:୪ ୬:୪ କଲସି ୨:୧୨ † ୬:୪ ୬:୪ପୁଞ୍ଜିନାୟି * ୬:୪ ୬:୪ କଲସି ୨:୧୨

୧୮ ପାପୁଟି ପିସ୍‌ପି ଆହାନା ଦାମ୍‌ଟି ହଲିୟାଙ୍ଗା ଆହାମାଞ୍ଜେରି □

୧୯ ମୀ ଆଙ୍ଗାତି ବାଡ଼୍‌ୟୁ ହିଲାଆକି ମାଣ୍‌ସିତି ହାଡ଼ାତଲେ ଖେସିମାଞ୍ଜାଇ; ମୀରୁ ଏନିକିହିଁ ଲାଗେଏତି କାମାତାକି ଜାହାରା ଆଙ୍ଗା ଉଡ଼େଲିତି ପଲେଏତି ଇଞ୍ଜା ଦାମ୍‌ ହିଲାଆତାଣା ହଲିୟାଙ୍ଗା ଲେହେଁ ହେରପାମାଚେରି, ଏଲେକିହିଁଏ ନୀଏଁ ଜାହାରା ଆଙ୍ଗା ଉଡ଼େଲିତି ସୁଦୁଜୀଝୁ ତାକି ଦାମ୍‌ଟି ନକିତା ହଲିୟାଙ୍ଗା ଲେହେଁ ହେରପାଦୁ □

୨୦ ମୀରୁ ପାପୁଟି ହଲିୟାଙ୍ଗା ମାଚାଟି, ଦାମ୍‌ଟାକି ମେଲା ପିସ୍‌ପି ଆହାମାଚେରି □

୨୧ ଆତିହିଁ ନୀଏଁ ମିଙ୍ଗେ ଆମିନି କାମା କିହାଲିତାକି ଲାଜା ହତିମାଞ୍ଜାନେ, ଏତିବେଲା ବାରେ କିହିମାଚେରି, ଏଡ଼ି ଏମ୍‌ଗାଟି ଏନାଆଁ ଲାବା ବେଟାଆଡ଼େରି ? ଏ ବାରେ କାମାତି ପାଡ଼େୟି ହାକି □

୨୨ ସାମା ନୀଏଁ ମୀରୁ ପାପୁଟି ପିସ୍‌ପି ଆହାନା ମାହାପୁରୁତି ହଲିୟାଙ୍ଗା ଆହାମାଞ୍ଜେରି □ ଇଦାଆତି ଲାବା ଆହିମାନେ, ମାହାପୁରୁ ତାଣା ସୁଦୁଜୀଝୁ ତଲେ ହେରପି ଆନାୟି ଇଞ୍ଜା ରାଆଗାଟି ଜୀଝୁ ବେଟାଆନାୟି □

୨୩ ଏନାଆଁତାକି ଇତିହିଁ ପାପୁଟି କୂଲି ହାକି, ସାମା ମାହାପୁରୁତି କାମାମେହନି ଦାନା ମା ପ୍ରୁ ଜୀସୁ କ୍ରୀସ୍‌ ତଲେ ଆଣ୍ଡିନି ତାଣା ରାଆଗାଟି ଜୀଝୁ ମାନେ □

୭

ବୀହା ଆନି କାତା

୧ ତାୟି ତାଙ୍ଗିସ୍‌ମାତେରି, ନୀଏଁ ଏନାଆଁ ଖେସାଲି ଅଣ୍ଡିମାଇ, ଏଦାଆଁ ମୀରୁ ତେଲ୍‌ହିଦେରି, ଏନାଆଁତାକି ଇତିହିଁ ମୀରୁ ପୁଞ୍ଜାମାଞ୍ଜେରି, “ମେରା” ଏନାୟି □ ମାଣ୍‌ସି ଖାରୁଇ ତାନି ନୀତାମାନି ପାତେକା ମେରାତି ତୁଇ ଡ଼ୟିନେସି □

୨ ତକ୍ରା ନୀତାମାନି ପାତେକା ତାନି ତକ୍ତି ଏଞ୍ଜାଣିତଲେ ବୀହା ମେରା ତଲେ ଦସ୍‌ପି ଆହାନା ଡ଼ୟିନେ □ ସାମା ତକ୍ରା ହାଡ଼ିସାରେ, ଏଞ୍ଜାଣି ତକ୍ତି ଇ ମେରାଟି ପିସ୍‌ପି ଆନେ □

୩ ତକ୍ରା ନୀତା ମାନାଟିଏ, ତକ୍ତି ଅର ରଅଣାକି ବୀହା ଆଡ଼ିସାରେ, ଏଦାନି ଦାରେଣି ଇଞ୍ଜା ଇନେରି; ସାମା ତକ୍ରା ହାଡ଼ି ତାୟି ମେରାଟି ପିସ୍‌ପି ଆନେ, ଅଡ଼େ ଏଡ଼ି ଅର ରଅଣାକି ବୀହା ଆଡ଼ିସାରେ, ଏଡ଼ି ଦାରେଣି ଆଏ □

୪ ଇଦାଆଁତାକି ତାୟି ତାଙ୍ଗିସ୍‌ମାତେରି, କ୍ରୀସ୍‌ତି ଆଙ୍ଗା ତଲେ ମୀରୁ ଜିକେଏ ମେରାତାକି ହାହାମାଞ୍ଜେରି, ଏନିକିହିଁ ମୀରୁ ଏଟକାତାରି ତଲେ ଆଣ୍ଡିଦେରି, ଇତିହିଁ ମା ମାହାପୁରୁ ତାକି

ପାଡ଼େୟି ଆୟାଲି ଆମ୍‌ଆସି ହାଡ଼ାରି ତାଣାଟି ନୀତାମାନେସି, ଏଞ୍ଜାଣିତଲେ ଆଣ୍ଡାଦୁ □

୫ ଏଚରଦିନା ପାତେକା ମାର ଆଙ୍ଗାତି ମାଣ୍‌କି ତଲେ ମାଚାୟି, ଏଚରଦିନା ପାତେକା ମସା ମେରାଟି ପାପୁଟି ଜୁପକା ମା ଆଙ୍ଗା ବିତ୍ରା ଜୀଝୁଟି ହାଡ଼ି କିହାଲି କାମା କିହିମାଚେ □

୬ ସାମା ଏନାଆଁତଲେ ଦସ୍‌ପି ଆହାମାଚାୟି, ଏମ୍‌ଗାଟି ହାହାନା ନୀଏଁ ମାର ମେରାଟି ଅଦିକାରାଟି ମୁକ୍‌ଲଞ୍ଜି ଆହାମାନାୟି; ମାର ଅଡ଼େ ତଲିତିଲେହେଁ ରାସ୍‌କି ଆହାମାନି ମେରାଟି ସେବା କିହି ହିଲାଆୟି, ସୁଦୁଜୀଝୁ ତସାମାଞ୍ଜାନି ପୁଃନି ଜିରୁତା ନୀଏଁ ତାକି ମାନାୟି □

ମେରା ଅଡ଼େ ପାପୁ

୭ ଆତିହିଁ ଏନାଆଁ ଇନାୟି, ମେରା ପାପୁ ଗାଟାୟି ? ଏଡ଼ି ଏଚେଲାଞ୍ଜା ଆଏ □ ସାମା ପାପୁ ଏନାୟି, ଏଦାଆଁ ମେରା ନାଙ୍ଗେ ଖେସା ମାଞ୍ଜାନେ, “ଏଟକା ଲକୁତି ଦିଶ୍‌ସୁ ଜୁପକା ଆଆଦୁ,” ଇ ହୁକୁମି ମେରା ଖେସା ମାଞ୍ଜାଆତିହିଁମା, ଜୁପକା ଏନାୟି, ନାନୁ ପୁନାଆତେଏଁମା □*

୮ ସାମା ପାପୁ ପାରୁ ବେଟାଆହାନା ହୁକୁମି ତଲେ ନା ତାଣା ବାରେଲେହେଁତି ଜୁପକା କିନାଣି ହିୟାତେ, ମେରା ପିସ୍‌ପେ ପାପୁ ହାଡ଼ାୟି □

୯ ର ଦିନା ନାନୁ ମେରା ପୁନାଆନା ନୀତିମାଚେଏଁ, ସାମା ହୁକୁମି ଖାହାଲିଏ ପାପୁ ନୀତିତେ, ଇଞ୍ଜା ନାନୁ ହାଡ଼େଏଁ;

୧୦ ଆମିନି ମେରା ଜୀଝୁ ହୀହାଲିତାକି ଟିକାଣା ତାୟି ମାଚେ, ଏଡ଼ି ନା ଜୀଝୁତା ହାକି ଖାଡ଼େ □

୧୧ ଇତିହିଁ ପାପୁ ପାରୁ ବେଟାଆହାନା ହୁକୁମିଟି ନାଙ୍ଗେ ନାଡ଼ି କିୟାତେ ଇଞ୍ଜା ଏମ୍‌ଗାଟି ନାଙ୍ଗେ ପାୟାତେ □*

୧୨ ମେରା ସୁଦୁଗାଟାୟି, ଏଦାଣି ହୁକୁମିକା ବାରେ ସୁଦୁ ଗାଟାଇ, ଦାମ୍‌ଗାଟାୟି ଇଞ୍ଜା ନେହାୟି □

୧୩ ଆତିହିଁ, ଏନାୟି ନେହାୟି, ଏଡ଼ି କି ନାଙ୍ଗେ ହାଡ଼ି କିୟାନେ ? ଏଡ଼ି ଏଚେଲାଞ୍ଜା ଆଆପେ, ପାପୁଏ ଏଦାଆଁ କିତେ, ନେହିଁ ମେରାଟି ଲେମ୍‌ମାନା ପାପୁ ନାଙ୍ଗେ ହାଡ଼ି କିୟାତେ, ଏଦାଆଁ ତଲେ ପାପୁଟି ସାତା ଖାଣା ତଞ୍ଜାଆଡ଼େ, ଏଦାଆଁତାକି ମେରା ତଲେ ପାପୁ ହାଡ଼େକା ଆଜିହ୍‌ପେତାୟି ପୁଣ୍ଡିଆଡ଼େ □

ମାଣ୍‌ସି ଆଙ୍ଗାତା ମାନି ଗଡ଼ହା

୧୪ ମସାତି ମେରା ସୁଦୁଜୀଝୁ ଗାଟାୟି, ଇଦାଆଁ ମାର ପୁଞ୍ଜାମାନାୟି; ସାମା ନାନୁ ପାପୁଟି ଆଙ୍ଗାତା କଡ଼ଞ୍ଜିଆଡ଼ି ହଲେଏଣାତେଏଁ □

☆ ୭:୭ ୭:୭ ହାନାୟି ୨୦:୧୭; ଖେ ମେରା ୫:୨୧ ☆ ୭:୧୧ ୭:୧୧ ମୂଲୁ ୩:୧୩ ☆ ୭:୧୫ ୭:୧୫ ଗାଲା ୫:୧୭ ☆ ୭:୧୫ ୭:୧୫ ମୂଲୁ ୫:୧୭

୧୫ *ନାନୁ ଏନାଆଁ କିହିମାଇଁ, ଏଦାଆଁ ନାନୁ ପୁଞ୍ଜିହିଲଅଁ; ଏନାଆଁ କିହାଲି ନା ଅଣ୍ପୁ, ଏଦାଆଁ ନାନୁ କିଅଁ; ସାମା ଏନାଆଁ ଅପଅଁ, ଏଦାଆଁ କିଇଁ □*

୧୬ ସାମା ଏନାଆଁ ନାନୁ ଅଣ୍ପଅଁ, ଏଦାଆଁ କିତିସାରେ, ଆତିହିଁ ମସାତି ମେରା ନେହାୟି ଏଦାଆଁ ନାନୁ ଜଲିମାଇଁ □

୧୭ ଏଦାଆଁତାକି ଏ କାମା ସାତେଏ ନାନୁ କିଆନା ନା ବିତ୍ରାମାନି ପାପୁଏ ଏଦାଆଁ କିହିମାନେ □

୧୮ ନାନୁ ପୁଞ୍ଜାମାଇଁ, ନା ବିତ୍ରା ଇତିହିଁ ମାଣ୍ପି ମାଣ୍ପିତା ନେହାୟି ଏନାୟି ଜିକେଏ ହିଲେଏ, ଇତିହିଁ ନେହିଁ କାମା କିହାଲି ନାଙ୍ଗେ ଅଣ୍ପୁ ମାତିହିଁ ଜିକେଏ ଏଦାଆଁ କିହାଲି ଆଡ଼ଅଁ □

୧୯ ଇତିହିଁ ଏମିନି ନେହିଁ କାମା କିହାଲି ନାନୁ ମନ କିଇଁ, ଏଦାଆଁ କିଅଁ, ସାମା ଏମିନି ଲାଗେଏତି କାମା କିହାଲି ନାନୁ ମନ କିଅଁ, ଏଦାଆଁ କିଇଁ □

୨୦ ନାନୁ ଏନାଆଁ ଅଣ୍ପି ହିଲଅଁ, ଏଦାଆଁ କିହିମାଇଁ, ଆତିହିଁ ଏଦାଆଁ ନାନୁ ଅଡ଼େ କିଅଁ, ସାମା ନା ତାଣା ବାସା କିହାମାନି ପାପୁ ଏଦାଆଁ କିନେ □

୨୧ ଏଦାଆଁତାକି ନାନୁ ନେହିଁ କାମା କିହାଲି ମନ କିହିମାଇଁ, ଏତିବେଲା ନା ତାଣା ଖାବଇ ଲାଗେଏତାୟି ତଞ୍ଜା ଆହିମାନେ, ଇଦାଆଁ ମେରାତା ମେସିମାଇଁ □

୨୨ ଇତିହିଁ ହିୟାତା ଅଣ୍ପିନି ମାଣ୍ପିଲେହେଁ, ମାହାପୁରୁତି ମେରା ମାନି କିହାଲି ନାଙ୍ଗେ ରାହାଁ,

୨୩ ସାମା ନାନୁ ନା ଆଙ୍ଗାତା ଅର ରଲେତି ମେରା ତଞ୍ଜା ଆହିମାନେ, ଏଡ଼ି ନା ମନତି ମେରା କପାତି ଜୁଜୁ କିହିମାନେ, ଅଡ଼େ ନା ଆଙ୍ଗାତା ଏମିନି ପାପୁତି ମେରା ମାନେ, ନାଙ୍ଗେ ଏମାଆଁ ଦସ୍‌ପାନା □

୨୪ ଆୟତା, କାର୍ମା କପଲ ହିଲାଆଗାଟି ମାଣ୍ପିତେଏଁ ନାନୁ, ଇ ହାଞ୍ଜିକିନି ଆଙ୍ଗାଟି ନାଙ୍ଗେ ଆମ୍ବାଆସି ଗେଲ୍‌ପାନେସି ?

୨୫ ମା ପ୍ରୁ ଜୀସୁ କ୍ରୀସ୍ତ ତାଣାଟି ଗେଲ୍‌ପି ଆହାମାନାକି ମାହାପୁରୁଇଁ ଜହରା ଆପେ □ ଏନାଆଁତାକି ଇତିହିଁ ନାନୁଏ ନା ମନତଲେ ମାହାପୁରୁତି ମେରାତି ହଲେଏଣାତେଏଁ, ସାମା ଆଙ୍ଗା ତଲେ ପାପୁ ମେରାତି ହଲିୟା ଆହାମାନେ □

୮

ସୁଦୁଗାଟି ଜୀସୁ

୧ ଆମିନି ଗାଟାରି କ୍ରୀସ୍ତ ଜୀସୁତଲେ ଆଣ୍ଡାନା ନୀତିମାନେରି, ଏଞ୍ଜାରାକି ନୀଏଁ ଏଡ଼ି ତଣ୍ଡ ହିଲେଏ □

୨ ଇତିହିଁ ଜୀସୁ ହିୟାନି ଜୀସୁତି ମେରା କ୍ରୀସ୍ତ ଜୀସୁ ତାଣା ଆଣ୍ଡାନା ମିଙ୍ଗେ ପାପୁ ଅଡ଼େ ହାଞ୍ଜିକିନି ମେରାଟି ମୁକ୍ଲଞ୍ଜି କିହାମାଞ୍ଜାନେ □

୩ ମାଣ୍ପିତି ଆଙ୍ଗାତା ବାଡ଼ୟୁ ହିଲାଆକି ମସା ହୀହାମାନି ମେରା ଏନାଆଁ କିହାଲି ଆଡ଼ାଆତେ, ମାହାପୁରୁ ଏଦାଆଁ ତାନି ମୀରଏଣାଇଁ ପାପୁଗାଟି ମାଣ୍ପିଲେହେଁ ପାପୁଇଁ ନାସା କିହାଲି ପାଣ୍ଡାନା ଆଙ୍ଗାତି ପାପୁତି ତଣ୍ଡ ହୀହାଲି କିତେସି □

୪ ଏଦାଆଁତାକି ମାର ମାଣ୍ପିତି ମାଣ୍ପିତା ମାନାଆନା ସୁଦୁଜୀସୁତି ମାଣ୍ପିତା ମାଞ୍ଜାନା ଇଞ୍ଜା ଇଦାଆଁ ତଲେ ମାର ମେରାତି ପାଣାପାରୁ ମାନି କିହିମାନାୟି □

୫ ଆମିନି ଗାଟାରି ଆଙ୍ଗାତି ମାଣ୍ପି ତଲେ ନୀତିନାରି ଏଞ୍ଜାରି ଆଙ୍ଗାତି ମାଣ୍ପିତି କାତାତା ମନ ହୀନେରି, ସାମା ଆମିନି ଗାଟାରି ସୁଦୁଜୀସୁତି ମାଣ୍ପି ତଲେ ନୀତିନେରି, ଏଞ୍ଜାରି ହିୟାଁ ସୁଦୁଜୀସୁତି କାତାତା ମନ ହୀନେରି □

୬ ଇତିହିଁ ଆଙ୍ଗାତି ମାଣ୍ପିତି ମନ ହାଞ୍ଜିକିନେ; ସାମା ସୁଦୁଜୀସୁତି ମାଣ୍ପିତି ମନ ଜୀସୁ ଇଞ୍ଜା ହିଡ଼ତି ହିୟାନେ □

୭ ଇତିହିଁ ଆଙ୍ଗାତି ମନତଲେ ନୀତିନାସି ମାହାପୁରୁ କପାଟି ସାତୁ ଆନେସି; ଇତିହିଁ ଏଞ୍ଜାସି ମାହାପୁରୁ ମେରାତି ମାନି କିଅସି; ଇଞ୍ଜା ଏଞ୍ଜାସି ମାନଞ୍ଜି ଆହାଲି ଆଡ଼ଅସି □

୮ ଆମିନି ଗାଟାରି ଆଙ୍ଗାତି ମାଣ୍ପି ତଲେ କାମା କିନେରି, ଏଞ୍ଜାରି ମାହାପୁରୁଇଁ ରାହାଁ କିହାଲି ଆଡ଼ଅରି □

୯ ମାହାପୁରୁତି ସୁଦୁଜୀସୁ ସାତା ତଲେ ମୀ ତାଣା ମାଟିସାରେ, ମୀରୁ ଅଡ଼େ ଆଙ୍ଗାତି ମାଣ୍ପି ଲେହେଁ ନୀତଅତେରି, ସାମା ସୁଦୁଜୀସୁତି ହୁକୁମି ମାନି କିହିମାଞ୍ଜେରି □ କ୍ରୀସ୍ତ ଜୀସୁ ଆମ୍ବାଆରି ତାଣା ହିଲେଏ, ଏଞ୍ଜାସି ଏଚେଲା ଜିକେଏ ଏଞ୍ଜାଣି ଲକୁ ଆହାଲି ଆଡ଼ଅସି □

୧୦ ସାମା କ୍ରୀସ୍ତ ମୀ ତାଣା ମାଟିସାରେ, ମୀ ଆଙ୍ଗା ପାପୁ ତାକି ନାସା ଆହାଲି ହାଜିମାଟିହିଁ ଜିକେଏ, ସୁଦୁଜୀସୁ ମିଙ୍ଗେ ଜୀସୁ ହୀୟାନେ, ଏନାଆଁତାକି ଇତିହିଁ ମାହାପୁରୁ ନକିତା ମୀରୁ ଦାମ୍‌ଗାଟାତେରି ଆହାମାଞ୍ଜେରି □

୧୧ *ଆମ୍ବାଆସି ହାଡ଼ାରି ତାଣାଟି ଜୀସୁଇଁ ନିକ୍‌ହେସି, ଏଞ୍ଜାଣି ଜୀସୁ ମୀ ତାଣା ମାଟିସାରେ, ଆତିହିଁ ଆମ୍ବାଆସି ହାଡ଼ାରି ତାଣାଟି କ୍ରୀସ୍ତ ଜୀସୁଇଁ ନିକ୍‌ହେସି, ଏଞ୍ଜାସି ମୀ ତାଣା ମାନି ତାନି ଜୀସୁତଲେ ମୀ ହାଡ଼ି ଆଙ୍ଗାତି ଜିକେଏ ନୀଟ୍‌ନେସି □

୧୨ ଏଦାଆଁତାକି, ତାୟି ତାଙ୍ଗିସ୍ତାତେରି, ମାର ରୀଣାଗାଟାୟି, ସାମା ଆଙ୍ଗାତି ମାଣ୍ପି ତଲେ ନୀତାଲି ଆଏ □

* ୮:୧୧ ୮:୧୧ ୧କର ୩:୧୭

୧୩ ଇତିହାସ ଆଜ୍ଞାତ ମାଣକି ତଲେ ମୀରୁ ନୀଡ଼ିଦେରି, ଆତିହାସ ସାତେଏ ହାଦେରି, ସାମା ସୁଦୁଜୀଝୁତି ସାୟେମି ତଲେ ଆଜ୍ଞାତି କାମା ବାରେ ନାସା କିଦେରି, ଆତିହାସ ନୀଡ଼ିଦେରି □

୧୪ ଆମିନି ଗାଟାରି ମାହାପୁରୁତି ସୁଦୁଜୀଝୁ ତଲେ ତାକିନେରି, ଏଝାରି ମାହାପୁରୁତି ମୀରୁକା □

୧୫ ✨ଇତିହାସ ମୀରୁ ଝେଣ୍ଡେ ଆଜାଲି ହଲିୟାଜାତି ଜୀଝୁ ବେଟାଆହା ହିଲଅତେରି, ସାମା ମୀରୁଏଣାତି ଜୀଝୁ ବେଟାଆହାମାଞ୍ଜେରି; ଏମ୍ବାଟି ମାର “ଆବା ତାଞ୍ଜି” ଇଞ୍ଜି ହାଟିମାନାୟି □

୧୬ ମାର ମାହାପୁରୁତି ମୀରୁକା ମାସ୍କା ଇଞ୍ଜି ଏ ଜୀଝୁଏ ମା ଜୀଝୁତଲେ ଆଣ୍ଡାନା ସାକି ହାହିମାନେ □

୧୭ ଏନାଆଁତାକି ଇତିହାସ ମାର ମାହାପୁରୁତି ମୀରୁକା ମାସ୍କାତାୟି, ତାନି ଲକୁତାକି ଲଡ଼ାମାନି ବରତି ବାଗା ପାଣ୍ଡନାୟି, ଇଞ୍ଜା କ୍ରୀସ୍ତ ତଲେ ଗାଝୁରମି ବେଟାଆହାଲି ମାର ଜିକେଏ ଏଝାଣିତଲେ ଦୁକୁ କସ୍ତ ପାଣ୍ଡନାୟି ମାନେ, ଆତିହାସ ମାହାପୁରୁତି ବରତି ବାଗା ଅଡ଼େ କ୍ରୀସ୍ତ ତଲେ ବାଗାତା ଆଣ୍ଡାଲି ଆଡ଼ିନାୟି □

ଝାହିମାନି ଗାଝୁରମି

୧୮ ଅଣ୍ଡପାଦୁ, ଆମିନି ଗାଝୁରମିତା ଝାହିମାନି ଦିନାତା ମାର ଏଗାହାନାୟି, ଏଦାଆଁ କିହାଁ ନୀର୍ସତି ଦୁକୁ କାକୁଲି ଇଚାୟି ଜିକେଏ ଆଏ, ଏଡିବେଲାତା ମାହାପୁରୁ ତାନି ମୀରୁକା ମାସ୍କାଣି ତହୁନେସି □

୧୯ ମାହାପୁରୁ ତାନି ମୀରୁକା ମାସ୍କାଣି ତଞ୍ଜାଆନାଣି ମେସାଲି ବାରେ ଗାଡ଼ି ଆଡ଼ାୟି କାପୁ କାଟାମାନେ □

୨୦ ଏନାଆଁତାକି ଇତିହାସ ଗାଡ଼ିଆଡ଼ାୟି ମାହାପୁରୁ ତାଣ୍ଡାଟି ବାକା ବେଟାଆହାନା ତାନି ଏଗାହାନି ଟାୟୁ ବାଣା ଆହାମାନେ □ ଆଡ଼ିଜିକେଏ ତାନି ଆସା ମାନେ,

୨୧ ଅଡ଼େ ଏଡି ବାସୁଁ ବେଟାଆଡ଼େ, ଇଞ୍ଜା ଗାଡ଼ି ଆଡ଼ାୟି ତାନୁଏ ଜିକେଏ ମାହାପୁରୁତି ମୀରୁକା ଗାଝୁରମି ତାକି ପିସ୍ପି ଆହାଲିତାକି ନାସା ଆନି ହଲିୟାଟି ପିସ୍ପି ଆନେ

୨୨ ସାମା ନୀର୍ସ ପାତେକା ବାରେ ଦାରତି ଜାନ କିନି ବୀସା ତଲେ କସ୍ତ ପାଣ୍ଡନି ଲେହେଁ କସ୍ତ ତାକି ଡ଼ାହିମାନେ □

୨୩ ✨ସାମା ମାର ମୂଲୁତି ପାଡ଼େୟି ଲେହେଁ ସୁଦୁଜୀଝୁତି ବେଟାଆହାମାନାୟି, ଆତିହାସ ଜିକେଏ ମାର ମାହାପୁରୁତି ମୀରୁକା ଇତିହାସ ଜାହା ଜାହାରା ଆଜ୍ଞାଟି ବାରେଜାଣା ଗେଲ୍ପି ଆୟାଲିତାକି କାପୁ କାଟାନା ମା ହିୟାତା ଡ଼ାହି ମାନାୟି □

୨୪ ଏନାଆଁତାକି ଇତିହାସ ବାସୁଁଟି ମାର ଗେଲ୍ପି ଆହାମାନାୟି; ସାମା ଏନାୟି ତଞ୍ଜା ଆନାୟି, ଏଦାଆଁତାକି ବାସୁଁ ଇଚିନାୟି ଏଡି ସାତାତି ବାସୁଁ ଆଏ, ଇତିହାସ ଏନାଆଁ ମେସିମାନାୟି ଏଦାଆଁତାକି ଏନାଆଁତାକି ବାସୁଁ ଇଚିନାୟି ?

୨୫ ସାମା ମାର ଏନାଆଁ ମେସି ହିଲାଆୟି ଏଦାଆଁତାକି ବାସୁଁ ଇଚିନାୟି, ଆତିହାସ ମାଜେ ସାସାତଲେ କାପୁ କାଃଆନାୟି ମାନେ □

୨୬ ମାର ବାଡ଼ୁୟୁ ହିଲାଆଗାଟାତାୟି, ସାମା ସୁଦୁଜୀଝୁ ମାଜ ସାୟେମି କିୟାନେ; ଏଡିକିହାସ ପ୍ରାଡ଼ାନା କିନାୟି, ଏଦାଆଁ ମାର ପୁଞ୍ଜାହିଲାଆୟି, ଏଦାଆଁତାକି ସୁଦୁଜୀଝୁ ଜଲିନି ହାଡ଼ାତଲେ ମା ତାକି ମାହାପୁରୁଇ ଗହାରା କିନେ;

୨୭ ଆମ୍ବାଆସି ମା ହିୟା ବିଡ଼ା ମାନାଣି ପୁନେସି, ଏଝାସି ସୁଦୁଜୀଝୁତି ଅଣ୍ଡପୁ ଏନାୟି ଏଦାଆଁ ପୁନେସି, ଇତିହାସ ଏଝାସି ମାହାପୁରୁତି ଅଣ୍ଡପୁ ତଲେ ମାହାପୁରୁ ଲକୁତାକି ଗହାରା କିନେସି □

୨୮ ମାର ପୁଞ୍ଜାମାନାୟି, ଆମିନି ଗାଟାରି ମାହାପୁରୁଇ ଜୀଝୁ ନନେରି ଇଞ୍ଜା ମାହାପୁରୁତି ଲଡ଼ା ତାକି ବାଟି କିଝି ଆହାମାନେରି, ଏଝାରାକି ବାରେ ନେହାୟି ଆନେ □

୨୯ ଆମ୍ବାଆରାଇଁ ମାହାପୁରୁ ହାଟାମାନେସି, ଏଝାରାକି ତାନି ମୀରୁଏଣା ଝାଣା ଲେହେଁ ଆହାଲି ତଲିଟିଏ ତାରି କିହାମାନେସି, ଆତିହାସ ମାହାପୁରୁତି ମୀରୁଏସି, ଏଡିକିହାସ ଏଝାସି ହାଡ଼େକା ତାୟି ତାଜିସ୍ତା କିହାଁ ମୂଲୁ ଜାର୍ନା ଆଡ଼ାସି ଆନେସି □

୩୦ ଆମ୍ବାଆରାଇଁ ନକେଏ ଆଟାମାଚେସି, ଏଝାରାଇଁ ଏଝାସି ହାଟିଚେସି, ଏଝାରି ମାହାପୁରୁ ନକିତା ଦାମ୍ବୁଗାଟାରି ଇଞ୍ଜି ତଞ୍ଜି କିଚେସି, ଅଡ଼େ ଆମିନି ଗାଟାରାଇଁ ଦାମ୍ବୁଗାଟାରି ଇଞ୍ଜି ତଞ୍ଜି କିଚେସି ଏଝାରାଇଁ ଜିକେଏ ଏଝାସି ଗାଝୁରମି କିଚେସି □

ମାହାପୁରୁତି ଜୀଝୁନନାୟି

୩୧ ଆତିହାସ ଇ ବାରେତି ମେସାନା ମାର ଏନାଆଁ ଇନାୟି ? ମାହାପୁରୁ ମା ଝାକି ମାଟିସାରେ, ଆମ୍ବାଆସି ମା କପାତଲେ ନିଜିନେସି ?

୩୨ ଆମ୍ବାଆସି ତାନି ମୀରୁଏଣାଇଁ ଜିକେଏ ଗେଲ୍ପାଆତେସି, ସାମା ମା ବାରେତାକି ଏଝାଣାଇଁ ହେରପିଚେସି, ଏଝାସି ଏଡିକିହାସ ଏଝାଣିତଲେ ମାଜେ ଜିକେଏ ବାରେ କାମାତି ଦାନା ହିୟଅସିକି ?

୩୩ ମାହାପୁରୁ ହାଟାମାନି ଲକୁ କପାତଲେ ଆମ୍ବାଆସି ଦହ ଦସାଲି ଆଡ଼ିନେସି ? ଏଝାରି ଦହ

ହିଲୀଆ ଗାଗାରି ଇଞ୍ଜି ମାହାପୁରୁ ତାନ୍ତୁ ଏ ଝେକ୍‌ହା ମାନେସି □

୩୪ ଆମ୍ବାଆସି ତଣ୍ଡ ହାନେସି ? କ୍ରୀସ୍ତ ଜୀସ୍ତ ହାତାରି ତାଣ୍ଡାଟି ଝେଣ୍ଡେ ନିଙ୍ଗାନା ମାହାପୁରୁତି ଚିଃନି ଚଟତା ମାଞ୍ଜାନା ମାଙ୍ଗେତାକି ଗହାରା କିହିମାନେସି □

୩୫ ଆତିହ୍ ଆମ୍ବାଆସି ମାଙ୍ଗେ କ୍ରୀସ୍ତତି ଜୀସ୍ତ ନନ୍ତି ତାଣ୍ଡାଟି ଏଟକା କିୟାନେସି ? ଦୁକୁ, କସ୍ତ, କାକୁଲି କି କାତାରା, ହାକି, ଏସ୍‌କି, ସନି କି କାଣ୍ଡା, ଏନାୟି ଜିକେଏ ଏଦାଆଁ କିହାଲି ଆଡେଏ □

୩୬ ସାସ୍ତେରିତା ରାସ୍‌କି ଆହାମାନେ;
“ମିଙ୍ଗେ ତାକି ମାମ୍ବୁ ରୁରେଦିନା ହାକିତି ନକିତା,
ହାହାଲି ହାଜିମାନି ମେଣ୍ଡା ଲେହେଁ ମାମ୍ବୁ ତୁଞ୍ଜା
ଆହୁମାନମି □”

୩୭ ଆତିଜିକେଏ ଆମ୍ବାଆସି ମାଙ୍ଗେ ଜୀସ୍ତ ନୟାତେସି, ଏଞ୍ଜାଣି ସାୟେମି ତଲେ ମାର ଇ ବାରେତି ଲାକ ଜୀଣା ଆହାମାନାୟି □

୩୮ ନାନୁ ସାତେଏ ନେହ୍ କି ପୁଞ୍ଜାମାଈଁ ତାନି ଜୀସ୍ତ ନନ୍ତି ତାଣ୍ଡାଟି ମାର ଏଚେଲା ଜିକେଏ ଏଟକା ଆଆୟି, ହାକି କି ଜୀସ୍ତ, ଲାକପୁରୁତି ଦୁତୁୟାଁ କି ସାଲ୍‌ଝି କିହିମାନାଇ କି ବାଡ଼ୁୟୁ ଗାଟାଇ, ନୀଏଁ କି ଝାନ୍ତି ଦିନା କି ଏନ୍ତି ବାଡ଼ୁୟୁ,

୩୯ ଲାକପୁରୁତି କାତା କି ତୁଲପୁରୁତି କାତା ଏନାୟି ଜିକେଏ; ବାରେ ଗାଡ଼ିଆତି ଦିଶ୍‌ସୁ ପ୍ରୁ କ୍ରୀସ୍ତ ଜୀସ୍ତ ତାଣ୍ଡାଟି ତଞ୍ଜାଆହାମାନି ମାହାପୁରୁତି ଜୀସ୍ତ ନନ୍ତି ତାଣ୍ଡାଟି ମାଙ୍ଗେ ଏଟକା କିୟାନେ □



ମାହାପୁରୁ ଅଡେ ତାନି ଲକୁ

୧ ନାନୁ କ୍ରୀସ୍ତତି ଲକୁ ଆହାମାନାକି ସାତା ଝେସିମାଇ, ମିତି ଝେସିହିଲଅଁ □ ସୁଦୁଜୀସ୍ତତି ସେଡନା ହାନାଣି ତଲେ ନା ଅଣ୍‌ପୁ ଇଦାଣିତି ସାକି □

୨ ନାନୁ ଏଚେକା ଦୁକୁ ଅଡେ କସ୍ତତଲେ ନା ହିୟାତା ଏଚେକା ବଜୁ ଆହାମାନେ, ଇଦାଆଁ ନାଡ଼ିକିହାଁ ଝେସିହିଲଅଁ □

୩ ନା ଜାହାରା କୃତାତି ତାୟିୟାକି ନାନୁ କ୍ରୀସ୍ତ ତାଣ୍ଡାଟି ଏଟକା ଆହାନା ମାହାପୁରୁ ତାଣ୍ଡାଟି ବାକା ବେଟାଆହାଲି ନା ଅଣ୍‌ପୁ, ଇତିହ୍ ଏଞ୍ଜାରି ମାହାପୁରୁତି ଲକୁ □

୪ ଏନାଆଁତାକି ଇତିହ୍ ଏଞ୍ଜାରି ଇସାୟେଲ ଲକୁ; ତାନି ମୀରକା ଲେହେଁ ଆବାନା ଏଞ୍ଜାରି ନକିତା ତାନି ଗାଝୁରମି ତସାମାଚେସି; ଏଞ୍ଜାରିତଲେ ରାଜିମାନା ଆହାନା ଏଞ୍ଜାରାକି ମେରା ହାହାମାଚେସି, ଏଞ୍ଜାରି ସାତା ତଲେ ସେବା କିନାରି; ଏଞ୍ଜାରି ମାହାପୁରୁ ତାଣ୍ଡାଟି ଆଞ୍ଜାମାନାଣି ବେଟାଆହାମାନେରି;

୫ ଏଞ୍ଜାରି ବାରେଜାଣା ଝେଙ୍ଗାମାନି ଆକୁ ଆବାୟାଁତି ମୀରକା ଇଞ୍ଜା ମାଣ୍‌ସି ଝାଣାଟି କ୍ରୀସ୍ତ ଏଞ୍ଜାରି ତାଣ୍ଡାଟି ଜାର୍ନା ଆହାମାଚେସି; ବାରେ ଅଦିକାରାଗାଟି ମାହାପୁରୁକି କାଲାକାଲାତାକି ଜହରା ଆପେ □ ଆମେନ୍ □

୬ ମାହାପୁରୁତି ବଜୁ ଉଜେଏ ଆହାମାନେ ଇଞ୍ଜି ନାନୁ ଝେସିହିଲଅଁ, ଇତିହ୍ ଇସାୟେଲ କୃତାତି ବାରେ ଲକୁ ମାହାପୁରୁତି ଲକୁ ଆଏ,

୭ ଅବ୍ରାହାମ କୃତାତି ବାରେ ଲକୁ ମାହାପୁରୁ ମୀରକା ମାସ୍‌କା ଏଡି ଆଏ; ମାହାପୁରୁ ଅବ୍ରାହାମଇଁ ଝେସାମାଚେସି, “ଇସାହାକ ତାଣ୍ଡାଟି ନୀ କୃତା ଝେଙ୍ଗିନେରି □”

୮ ଇଦାଣି କାତା ଇଦି, ମାଣ୍‌ସି ମୀରକା ମାସ୍‌କା ମାହାପୁରୁ ମୀରକା ମାସ୍‌କା ଆହାଲି ଆଡଅରି, ମାହାପୁରୁତି ଆଞ୍ଜାମାନି ଲେହେଁ ଜାର୍ନା ଆହାମାନି ମୀରକା ମାସ୍‌କା ମାହାପୁରୁ ନକିତା ସାତା ମୀରକା ମାସ୍‌କା ଲେହେଁ ଆନେରି □

୯ ମାହାପୁରୁ ଇଦାଆଁ ଆଞ୍ଜାମାଚେସି, “ଇ କାଲମିତା ମାମ୍ବୁ ଝେଣ୍ଡେ ଝାନ୍ତି, ଏଚିବେଲାତା ସାରା ର ମୀରଏଣାଇଁ ଜାର୍ନା କିହାମାଣ୍‌ସିନେ □”

୧୦ ଅଡେ ଝାରଇ ଏଚେକା ଆଏ, ରିବିକାନି ତାଣ୍ଡା ଜିକେଏ ଜାଣ୍‌ଝା ମୀରକା ର ତାଞ୍ଜି ଇସାହାକ ତାଣ୍ଡାଟି ଜାର୍ନା ଆହାମାଚେରି,

୧୧ ଏଞ୍ଜାରି ଜାର୍ନା ଆନ୍ତି ନକେଏ, ଅଡେ ଏଞ୍ଜାରି ନେହାଁଣି ଲାଗେଏତାଣି କିନି ନକେଏ, ଇଞ୍ଜାରି ବିତାଟି ରଅସି ମାହାପୁରୁ ଲଡା ତାକି ବାଟି କିଞ୍ଜିଆଡେସି,

୧୨ ରିବିକାଇଁ ମାହାପୁରୁ ଏଲେଇଞ୍ଜାମାଚେସି, “କାଜା ତାୟି ଉଣା ତାୟିତି ସେବା କିନେସି □” ମାହାପୁରୁ ଏଦାଆଁ ଝେସାମାଚେସି ଏଞ୍ଜାରି କାମା କିତି ତାଣ୍ଡାଟି ଆଏ, ଝାରଇ ମାହାପୁରୁ ଆଡିତାକି ଏଞ୍ଜାରି ହାଟକି ଆଡେରି □

୧୩ ସାସ୍ତେରିତା ରାସ୍‌କି ଆହାମାନେ, “ନାନୁ ଜାକୁବଇଁ ଜୀସ୍ତ ନଡେଏ, ସାମା ଏସାଝୁଇଁ ଅପାଆଡେଏ □”

୧୪ ଆତିହ୍ ଏନାଆଁ ଇନାୟି, ମାହାପୁରୁ ଲାଗେଏତି କାମାକିନାସି କି ? ଏଡି ଏଚେଲା ଜିକେଏ ଆଆପେ □

୧୫ ଏଦାଆଁତାକି ମସାଇଁ ଏଲେଇଚେସି, “ଆମ୍ବାଆରାଇଁ ନା କାର୍ନା ଆନାୟି ମାନେ ଏଞ୍ଜାଣାଇଁ କାର୍ନା ଆଇଁ, ଆମ୍ବାଆରାଇଁ ସାୟେମି କିନାୟିମାନେ ଏଞ୍ଜାଣାଇଁ ନାନୁ ସାୟେମି କିଇଁ □”

୧୬ ଏଦାଆଁତାକି ଆମ୍ବାଆସି ମନ୍ କିନେସି, ଆଆଡି ଆମ୍ବାଆସି ପାରିନାସି କି କିନାସି, ଏଞ୍ଜାଣି ତାଣ୍ଡାଟି ଏନାୟି ଆହାଲି ଆଡେଏ, ସାମା କାର୍ନାମେହ୍‌ନି ମାହାପୁରୁ ତାଣ୍ଡାଟି ଆନେ □

୧୭ ଦାମ୍ଭୁ ସାସ୍ତ୍ରୋତ୍ତରା ରାସ୍ତାକି ଆହାମାନି ଲେହେଁ, ମାହାପୁରୁ ମିସରତି ରାଜା ପାଠକ୍ ଏଲେଇଚେସି, “ନୀ ତାଣାଟି ନା ବାଡ଼ୁୟୁ ତସାଲି ଇଞ୍ଜା ବାରେ ଦାରତିତା ନା ଗାଞ୍ଜୁରମି ତସାଲି ତାକି ନାନୁ ନିଙ୍ଗେ ରାଜା କିହାମାଞ୍ଜାଇଁ ।”

୧୮ ଏଦାଆଁତାକି ମାହାପୁରୁତି ଅଣ୍ଟୁ ଲେହେଁ ଆମ୍ବାଆରାଇଁ କାର୍ମା ମେହ୍ନେସି ଇଞ୍ଜା ଆମ୍ବାଆରାଇଁ ଆର୍ଘ୍ନା ହିୟାଁ କିନେସି ।

ମାହାପୁରୁତି କାର୍ବି ଇଞ୍ଜା କାର୍ମାମେହ୍ନାୟି

୧୯ ଏମ୍ବାଟିଏ ନାନୁ ନାଙ୍ଗେ ଏଲେଇଞ୍ଜାଦି, “ମାହାପୁରୁ ଏନାଆଁତାକି ଦହ୍ ଆହ୍ନେସି ? ଆମ୍ବାଆସି ମାହାପୁରୁତି କପାତଲେ ଏନାଆଁ କିହାଲି ଆଡ଼ିମାନେସି ?”

୨୦ ସାମା ଏ ସୟି, ନାନୁ ଆମ୍ବାଆତି, ମାହାପୁରୁଇଁ ଝେଣ୍ଡେ ଝେସାଲି ନିଙ୍ଗେ ସାସା ମାନେକି, ଗାଡ଼ି ଆଡ଼ି ଆସ୍ତି ଗାଡ଼ି କିତାଣାଇଁ “ନାଙ୍ଗେ ଏନାଆଁତାକି ଇଲେକ୍ ଗାଡ଼ି କିୟାତି ଇଞ୍ଜା ଏଲେଇଞ୍ଜାଲି ଆଡ଼ିନେ କି ?”

୨୧ ର ଇରଆ ତେପଲାଟି ଜାହାରା ଇଚା ତଲେ ତ:କା କେପାଲି କୁମ୍ପେ_ଏଣାକି ବାରେ ଅଦିକାରା ମାନେ, ରଣ୍ଡାଆଁ ବାରେ କାମାତି ଦିନାତା ଲେମ୍ବାଲି ଅଡ଼େ ରଣ୍ଡାଆଁ ଉଜେଏ ଦିନାତା ଲେମ୍ବାଲି ତାକି ।

୨୨ ମାହାପୁରୁ ଜିକେଏ ଏଲେକ୍ କିହାମାନେସି, ତାନି କାର୍ବି ତସାଲି ଇଞ୍ଜା ବାଡ଼ୁୟୁତି ପୁଣ୍ଡି କିହାଲି ଅଣ୍ଟିମାଚେସି, ସାମା ଆମିନି ଗାଟାରି ଏଞ୍ଜାଣି କପାତଲେ ନାସା ଆନାୟି ମାଚେ, ଏଞ୍ଜାରି ତାକି ମାହାପୁରୁ ହାରେକା କାର୍ମା ଆହାମା ଅର୍ହା ମାନେସି ।

୨୩ ଅଡ଼େ ଗାଞ୍ଜୁରମି ତାକି ତାନିତାଣାଟି ନକେଏ ଆହାମାନି ସାୟେମିତି ଲକୁ ମାର ଇତିହ୍, ମା ତାଣା ତାନି ଗାଞ୍ଜୁରମିତି ଦନ୍ ତସାଲି କିହାମାନେସି, ଆଡ଼ିହ୍ ନାନୁ ଏନାଆଁ ଇଞ୍ଜା ?

୨୪ ଏଦାଆଁତାକି ଏଞ୍ଜାସି ଝାଞ୍ଜ କାହୁଦି ଲକୁ ତାଣାଟି ମାଙ୍ଗେ ହାଟା ମାଞ୍ଜଅସି, ସାମା ଜାହୁଦିଆଆତି ଲକୁ ତାଣାଟି ଜିକେଏ ମାଙ୍ଗେ ହାଟାମାଞ୍ଜାନେସି,

୨୫ ଇ କାତାତି ହସେୟ ପତିତା ମାହାପୁରୁ ଝେସାମାନେସି;

“ଆମ୍ବାଆରି ମା ଲକୁ ହିଲାଆତେରି, ଏଞ୍ଜାରାଇଁ ‘ମା ଲକୁ’ ଲେହେଁ ହାଟା କଡ଼ିତମି;

ଆମିନି କୃତାତାରାଇଁ ଜୀଞ୍ଜୁ ନହ୍ଁ ହିଲାଆତମି ଏଞ୍ଜାରାଇଁ ମା ‘ଜୀଞ୍ଜୁତି ଲକୁ’ ଇଚମି,

୨୬ ଆମିନି ଗାୟୁତା ଏଞ୍ଜାରାଇଁ ଝେସାମାଚମି, ‘ମୀରୁ ମା ଲକୁ ଆଏ’

ଏମ୍ବାଆଁ ଏଞ୍ଜାରି ଜୀଞ୍ଜୁଗାଟି ମାହାପୁରୁତି ମୀରକା ଇଞ୍ଜାଁ ଝେଙ୍ଗିନେରି ।”

୨୭ ଇଞ୍ଜା ଇସାୟେଲ ଲକୁତି କାତା ଜିସାୟ କାଜା ଗିୟାଁତଲେ ଝେସାମାନେସି, “ଇସାୟେଲତି ଲକୁ ସାମ୍ବୁରିତି ଏଜିକିହାଲି ଆଡ଼ାଆଗାଟି ବାଞ୍ଜି ଲେହେଁ ଆଡ଼ିହ୍ ଜିକେଏ, ଏଞ୍ଜାରି ବିତ୍ରାଟି ଏଚର ଜାଣାଦେଁ ଗେଲ୍ପି ଆନେରି;

୨୮ ଏନାଆଁତାକି ଇତିହ୍ ପ୍ରବୁ ତବେ ଦାରତିତା ବାରେ ନୀହ୍ଁୟି ବିଚାରା କିନେସି ।”

୨୯ ଏଜିକିହ୍ ଜିସାୟ ତଲିଏ ଅଡ଼େ ଝେସାମାଚେସି, “ବାରେ ବାଡ଼ୁୟୁ ଗାଟି ପ୍ରବୁ ଏଚେକା ମା କୃତାତି ଲକୁଣି ଗେଲ୍ପାଆତିମାଁ, ସଦମ ଅଡ଼େ ଗମରାତି ଲକୁଲେହେଁ ମାଙ୍ଗେ ଜିକେଏ ଆୟାତେମା ।”

ପାଞ୍ଜୁଲ ଇସାୟେଲ ତାକି ପ୍ରାତାନା

୩୦ ଏଦାଆଁତାକି ଜାହୁଦିଆଆତି ଲକୁତି କାତାତା ଇଲେ ଇଞ୍ଜାଲି ଆଡ଼ିନାୟି, ଏଞ୍ଜାରି ଦାମ୍ଭୁଗାଟାରି ଆହାଲି ଅଣ୍ଟି ହିଲାଆତେରି, ସାମା ଏଞ୍ଜାରି ନାମ୍ବୁ ତାକି ଦାମ୍ଭୁଗାଟାରି ଆଡ଼େରି ।

୩୧ ସାମା ଇସାୟେଲ ଲକୁ ଦାମ୍ଭୁଗାଟାରି ଆହାଲି ଅଣ୍ଟିପାନା ମେରା ତଲେ ଦାମ୍ଭୁଗାଟାରି ଆହାଲି ଆଡ଼ାଆତେରି ।

୩୨ ଏନାଆଁତାକି ଇତିହ୍ ଏଞ୍ଜାରି ନାମ୍ବୁତଲେ ଏଦାଆଁ ପାରାଆନା, କାମା ତଲେ ପାରିମାଚେରି । ଏଦାଆଁତାକି ଏଞ୍ଜାରି ଆଞ୍ଜିମାନି ଝାଲିତା ପୁଟି କିହାମା ତରୁଗିତେରି ।

୩୩ ସାସ୍ତ୍ରୋତ୍ତରା ରାସ୍ତାକି ଆହାମାନେ; “ସିନିକିଦୁ, ମାମ୍ବୁ ସୁୟନତା ର ପୁଟିକିନି କଟା ଝାଲି ଇଞ୍ଜା ଆଞ୍ଜିନି ପାକା ଝାଲି କେପାମାନମି, ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା ବେଟାଆଅସି ।”

୧୦

୧ ଏ ତାୟି ତାଞ୍ଜିସ୍ତାତେରି, ମା ଲକୁ ଏଜିକିହ୍ ଗେଲ୍ପି ଆନେରି, ଏଦି ନା ହିୟାଁତି ଅଣ୍ଟୁ, ଇଞ୍ଜା ଏଞ୍ଜାରି ତାକି ମାହାପୁରୁ ତାଣା ରଣ୍ଡିଏ ଅଣ୍ଟୁ ତଲେ ନା ପ୍ରାତାନା ।

୨ ଇତିହ୍ ମାହାପୁରୁ ସେବା କିହାଲି ଏଞ୍ଜାରାକି ହାରେକା ମନ୍ ଅଡ଼େ ରାହ୍ଁ ମାନେ, ଇଦାଆଁ ନାନୁ ଏଞ୍ଜାରି ଝାକିଟି ଝେସିମାଇଁ, ସାମା ଏ ମନ୍ ଅଡ଼େ ରାହ୍ଁ ବୁଦିଗାଟାୟି ଆଏ ।

୩ ମାହାପୁରୁ ହାତି ଦାମ୍ଭୁତି ଜିରୁ ପୁନାଆନା ଜାହାରା ତୀରି କିହାମାନି ଦାମ୍ଭୁତି ଜିରୁଟି ତାକାନା ମାହାପୁରୁ ହାତି ଦାମ୍ଭୁତି ଜିରୁ ଆସିହିଲଅରି ।

୪ କ୍ରୀସ୍ତ ମେରାତି ରାପୁନାସି, ଝାଞ୍ଜ ଏଞ୍ଜାଣି ତାଣା ନାମିସାରେ ମାଣ୍ଡି ମାହାପୁରୁ ନକିତା ଦାମ୍ଭୁଗାଟାସି ଆନେସି ।

ବାରେ ଜାଣାକି ଗେଲ୍ପି ଆନାୟି

୫ ମସା ରାଚାମାନେସି, “ଆମିନି ମାଣ୍ଡସି ମେରା ମାନି କିହାନା ଦାମ୍ନୁଗାଟାସି ଆନେସି, ଏଞ୍ଜାସି ଏମ୍ବାଟି ନୀଡିନେସି □”

୬ ସାମା ନାମୁତଲେ ଦାମ୍ନୁ ଗାଟାତାୟି ଆନାୟି ଇଞ୍ଜି ସାସ୍ତେରିତା ରାସ୍କି ଆହାମାନେ, “କ୍ରୀସ୍ତୁଇଁ ରେପହା ତାଚାଲି ତାକି ଆମ୍ବାଆସି ଲାକପୁରୁ ହାଜାଲି ଆଡିନେସି ?” ମୀରୁ ଇ କାତା ଏଲେଇନାଆଦୁ □

୭ ଇଞ୍ଜା “କ୍ରୀସ୍ତୁଇଁ ହାଡାରି ତାଣାଟି ନିକହା ତାଚାଲି, ଆମ୍ବାଆସି ତାଡେପୁରୁ ହାନେସି ? ଇ କାତା ଜିକେଏ ମୀରୁ ଏଲେଇନାଆଦୁ □”

୮ ଏନାଆଁତାକି ଇତିହିଁ ସାସ୍ତେରିତା ରାସ୍କି ଆହାମାନି ଲେହେଁ, “ମାହାପୁରୁତି ବଲୁ ମୀ ତାଣା ମାନେ, ଅଡେ ମୀ ଗୁତି ଇଞ୍ଜା ହିୟାତା ମାନେ, ଆମିନି ନାମୁତି ବଲୁ ମାମ୍ବୁ ହୁଞ୍ଜକ୍‌ହି ମାନମି, ଏ ବଲୁ □”

୯ ମୀରୁ ଜୀସ୍ତୁଇଁ ଗୁତି ତଲେ ପ୍ରବୁ ଇଞ୍ଜିଁ ଜଲିଦେରି, ଇଞ୍ଜା ମାହାପୁରୁ ଏଞ୍ଜାଣାଇଁ ହାଡାରି ତାଣାଟି ନିକହାମାନେସି ଇଞ୍ଜିଁ ହିୟାଁ ତଲେ ନାମିସାରେ, ଆଡିହିଁ ମୀରୁ ଗେଲ୍‌ପି ଆଦେରି;

୧୦ ଇତିହିଁ ଦାମ୍ନୁଗାଟି ଲକୁ ଆହାଲି ମାଣ୍ଡସି ହିୟାଁ ତଲେ ନାମିନେସି, ଇଞ୍ଜା ଗେଲ୍‌ପି ଆହାଲି ଗୁତି ତଲେ ଜଲିନେସି □

୧୧ ଦାମ୍ନୁ ସାସ୍ତେରିତା ରାସ୍କି ଆହାମାନେ, “ଆମ୍ବାଆସି ଜିକେଏ ତାନି ତାଣା ନାମିନେସି, ଏଞ୍ଜାସି ଲାଜା ବେଟାଆଅସି □”

୧୨ ଜୀହୁଦି ଇଞ୍ଜା ଜୀହୁଦିଆଆତାରି ବିତ୍ରା ପାରୁଡା ବାଟି କିନାୟି ହିଲେଏ; ବାରେଜାଣା ତାକି ରଣ୍ଡିଏ ପ୍ରବୁ, ଏଚେକା ଲକୁ ଏଞ୍ଜାଣି ତାଣା ପ୍ରାତାନା କିନେରି, ବାରେ ଜାଣାକି ଏ କାର୍ମାମେହନାୟି ଆନେ □

୧୩ “ଆମ୍ବାଆସି ପ୍ରବୁତି ଦରୁ ଆସାନା ପ୍ରାତାନା କିନେସି, ଏଞ୍ଜାସି ଗେଲ୍‌ପି ଆନେସି □”

୧୪ ସାମା ଆମ୍ବାଆରାଇଁ ନାମା ହିଲଅରି ଏନିକିହିଁ ଏଞ୍ଜାରି ଏଞ୍ଜାଣି ତାଣା ପ୍ରାତାନା କିନେରି ? ଇଞ୍ଜା ଏଞ୍ଜାଣି ନେହିଁ ବଲୁ ଝେନାଆନା ଏଞ୍ଜାରି ଏନିକିହିଁ ନାମିନେରି ? ଝେକ୍‌ନାରି ଝେକ୍‌ଆସାରେ ଏ ବଲୁ ଏଞ୍ଜାରି ଏନିକିହିଁ ଝେନେରି ?

୧୫ ଅଡେ ବଲୁ ଝେକ୍‌ହାଲି ତାକି ପାଣ୍ଡୁଞ୍ଜି ଆଆସାରେ ରଅସି ଏନିକିହିଁ ବଲୁ ଝେକ୍‌ନେସି ? ଇ କାତା ସାସ୍ତେରିତା ରାସ୍କି ଆହାମାନେ, “ଆମିନି ଗାଟାରି ନେହିଁ ବଲୁତି କାରୁ ତାନେରି ଏଞ୍ଜାରି କତାୟାଁ ଏଚେକା ଅଜିତାଇଁ □”

୧୬ ସାମା ବାରେଜାଣା ଏ ନେହିଁ ବଲୁ ଆବା ହିଲଅରି, ଏଦାଆଁତାକି ଜିସାୟ ଏଲେଇଞ୍ଜି

ମାନେସି, “ପ୍ରବୁ ମା ହାଡା ଝେଞ୍ଜାନା ଆମ୍ବାଆସି ନାମା ମାନେସି ?”

୧୭ ଏନିକିହିଁ ନାମୁ ଝେନି ତାଣାଟି ଝାଡେନ, ଅଡେ ଝେନାୟି କ୍ରୀସ୍ତୁତି ନେହିଁ ବଲୁତି □

୧୮ ସାମା ନାମୁ ଏଲେଇଇଁ, ଏଞ୍ଜାରି ଏନାଆଁ ଏ ବଲୁ ଝେଞ୍ଜାହିଲଅରି କି ? ଝେଞ୍ଜାମାନେରି, ଏନାଆଁତାକି ଇତିହିଁ ସାସ୍ତେରିତା ରାସ୍କି ଆହାମାନେ;

“ଏଞ୍ଜାରି ହାଡା ବାରେ ଦାର୍ତତିତା ଝେଞ୍ଜାମାନେ, ଏଞ୍ଜାରି କାତା ବାରେ ଦାର୍ତତି ମୁଟ୍‌ପୁଲି ପାତେକା ଝେଞ୍ଜାମାନେ □”

୧୯ ଅଡେ ର ଦେବା ନାମୁ ଝେଞ୍ଜାଲି ଅଣ୍ଡିପିମାଇଁ, ଇସ୍ତାୟେଲ ଲକୁ ଏଦାଆଁ ତେଲ୍‌ହାଲି ଆଡାଆତେରି କି ? ହାରେକା ବାର୍ସା ନକେଏ ମସା ଇ କାତା ଝେସାମାନେସି,

“ମା ଲକୁଣି କାରୁବି କିହାଲିତାକି ର ଡଣା କୁଡାତି ଲେମ୍‌ନିମି, ଏଲେକିହିଁ ଏ ରୁଦି ହିଲାଆଗାଟି କୁଡା ତଲେ ଏଞ୍ଜାରାଇଁ କାରୁବି କିଞ୍ଜି କିନମି □”

୨୦ ଅଡେ ଜିସାୟ ସାସାତଲେ ଝେସାମାନେସି, “ଆମିନି ଗାଟାରି ମାଜେ ପାରିମାଞ୍ଜାଆତେରି, ଏ ଲକୁ ମାଜେ ବେଟାଆୟାତେରି;

ଆମିନି ଗାଟାରି ମା କାତା ଝେଞ୍ଜିମାଞ୍ଜାଆତେରି, ଏଞ୍ଜାରି ନକିତା ମାମ୍ବୁ ତୁଞ୍ଜାଆଡମି □”

୨୧ ସାମା ଏଞ୍ଜାସି ଇସ୍ତାୟେଲ ଲକୁତି କାତା ଝେସାମାନେସି, “ର ମାନି କିଆନା ନା କପାଟି ନିଞ୍ଜିନି କୁଡାତି ନାମୁ ଝେଡା ତୁମ୍ବେ କେୟୁ ଦାସା ମାଇଁ □”

୧୧

ଇସ୍ତାୟେଲ ଲକୁଣି ମାହାପୁରୁତି କାର୍ମା

୧ ☆ଅଡେ ନାମୁ ଝେଞ୍ଜାଲି ଆଡିଇଁ, ଆଡିହିଁ ମାହାପୁରୁ ତାନି ଲକୁଣି ପିସାମାନେସି କି ? ଏଲେଆହିଁ ଏଚେଲା ଜିକେଏ ଆଆପେ, ଏନାଆଁତାକି ଇତିହିଁ ନାମୁ ଜିକେଏ ଅରାହାମତି କୁଡାତା ଜାର୍ନାଆଡି ବିନ୍ୟାମିନ୍ ଗତିତି ଇସ୍ତାୟେଲ ଲକୁତେଏଁ □

୨ ମାହାପୁରୁ ତଲିଟିଏ ବାଟି କିହାଁ ହାଟାମାନି ତାନି ଲକୁଣି ଏଚେଲା ଜିକେଏ ପିସାହିଲଅସି, ମୀରୁ ଦାମ୍ନୁ ସାସ୍ତେରିତା ପଡ଼ୁଞ୍ଜି ଆହାହିଲଅତେରି ? ଏନିକିହିଁ ଏଲିୟ ମାହାପୁରୁ ନକିତା ଇସ୍ତାୟେଲ ଲକୁ କପାତଲେ କାତା ଜଲ୍‌ମାତେସି,

୩ “ପ୍ରବୁ ଏଞ୍ଜାରି ମାହାପୁରୁ ଅଣ୍ଡପୁତି ବଲୁ ଝେହ୍‌ନାରାଇଁ ଏନିକିହିଁ ପାୟାମାନେରି ଇଞ୍ଜା ପୂଜା ପିଣ୍ଡାଣି ଡିକହାନା ନାସଞ୍ଜି କିହାମାନେରି, ଝାରଇ ନାମୁ ରଅତେଏଁ ଗେଲ୍‌ପି

☆ ୧୧:୧ ୧୧:୧ ପିଲିପି ୩:୫

ଆହାମାଇଁ; ଏଞ୍ଜରୀ ନା ଜୀଝୁ ଜିକେଏ ଅହାଲି ଅଣ୍ଠିମାଞ୍ଜାନେରି □

୪ ଏଲିୟଇଁ ମାହାପୁରୁ ଖେଣ୍ଡେ ଏନାଆଁ ଏଲେଇରେସି, “ନାଡ଼ିକିନି ବାଲ୍ ପେନୁ, ପୂତଲ୍ଲ ନକିତା ମେଣ୍ଡା କୁତା ହିଲଅରି ଇଲେତି ସାତା ମାଣା ଲକୁଣି ମାଜେତାକି ଇଟାମାନମି □”

୫ ଏଲେକିହିଁ ଏ ନୀଏଁ ଜିକେଏ କାର୍ମାମେସାନା ଆଟାମାଚେସି, ଏଞ୍ଜରୀ ବିତ୍ରାଟି ଏଚର ଜାଣାଦେ ମାନେରି □

୬ ସାମା ତାନି କାର୍ମାମେହନି ତାଣାଟି ଆତିହିଁ, ଏଦି କାମାଲଡ଼ା ତାକି ଆହାଲି ଆଡେଏ; ଇଞ୍ଜା ତାନି କାର୍ମାମେହନାୟି ସାତା ତଲେ କାର୍ମାମେହନାୟି ଆଏ □

୭ ଆତିହିଁ ଏନାଆଁ ଆଡେ ? ଇସ୍ତାୟେଲତି ଲକୁ ଏନାଆଁ ପାରିମାଚେରି, ଏଦାଆଁ ବେଟାଆଆଡେରି; ଖାରଇ ମାହାପୁରୁ ଆଟାମାନି ଏଚରଜାଣା ଲକୁ ଏଦାଆଁ ବେଟାଆଡେରି, ଏଚକାତାରି ଆମ୍ବାଆରି ଜିକେଏ ମାହାପୁରୁ ହାଟାମାନାଣି ମନ ହାଆଡେରି □

୮ ସାସ୍ତେରିତା ରାୟ୍‌କି ଆହାମାନେ, “ମାହାପୁରୁ ନୀଞ୍ଜୁପାଡେକା ଏଞ୍ଜରାକି ଆଟ୍‌ଞ୍ଜା ଜୀଝୁ ହାହାମାନେସି, ଅଡେ ଇଲେତି କାଣକା ହାହାମାନେସି, ଏନିକିହିଁ ଏଞ୍ଜରୀ ମେସାଲି ଆଡ଼ି ହିଲଅରି, ଅଡେ ଇଲେତି କାର୍କା ହାହାମାନେସି ଏଞ୍ଜରୀ ଖେଞ୍ଜାଲି ଆଡ଼ିହିଲଅରି □”

୯ ଏଞ୍ଜରୀ କାତା ଦାଝୁଦ ରାଟାମାନେସି, “ଏଞ୍ଜରୀ ପାରୁତି ରାନ୍ଦା ତିନା ଉନାଟି ପାନ୍ଦାତା ରିପାରି,

ଏଞ୍ଜରୀ ତରଗାନା ତଣ୍ଡ ବେଟାଆଡେରି □

୧୦ ଏଞ୍ଜରୀ ଏନିକିହିଁ ମେସାଲି ଆଡ଼ଅରି, ଏଦାଆଁତାକି ଏଞ୍ଜରୀ କାଣାୟାଁ ଆଡେରି, କାଲେଏ ଦୁକୁ କସ୍ତ ବେଟାଆହାନା ଏଞ୍ଜରୀ ଟେଡେଲି ରୁଡ଼ୁଞ୍ଜା ଆଡେ □”

୧୧ ନାନୁ ଏଲେ ଇଞ୍ଜମାଇଁ, ଏଞ୍ଜରୀ ନାସଞ୍ଜି ଆହାଲି ପୁଟି କିହା ମାନେରି କି ? ଆଏ ଏଚେଲ୍ଲ ଜିକେଏ ଆଆପେ, ସାମା ଏଞ୍ଜରୀ ପାପୁ କିତାକି, ଏଞ୍ଜରାଇଁ କାର୍‌ବି କିହାଲିତାକି ଜୀହୁଦିଆଆଡାରି ନକିତା ଗେଲ୍‌ପିଆନି ଅଦିକାରା ମେଡାଆଡେ □

୧୨ ଜୀହୁଦି ଲକୁଡି ପାପୁ ଦାରୁଡିତି ବାରେ ଲକୁଡାକି ହାରେକା ବାଡକୁ ଲେହେଁ ଆହାମାନେ, ଜୀହୁଦି ଲକୁ ରିତାକି ଜୀହୁଦିଆଆଡି ଲକୁଡାକି ବର ହାରେଏ ଗାଡି ଲାବା କିହାମାନେରି, ଇଞ୍ଜା ବାରେ ଜୀହୁଦି କୁଡା ଗେଲ୍‌ପି ଆଡିହିଁ ମା ଏମ୍ବାଟି ଏଚେକା ଗାଡି ବର ବେଟାଆଅରି □

ଜୀହୁଦିଆଆଡାରି ଗେଲ୍‌ପି ଆନାୟି

୧୩ ଜୀହୁଦିଆଆଡି ଲକୁଣି ନାନୁ ଏଲେ ଇଞ୍ଜମାଇଁ, ନାନୁ ଜୀହୁଦିଆଆଡି ଲକୁଡାକି ପାଣୁଞ୍ଜି

ଆହାମାନାକି ନା ସେବା କାମାତି ପାଣା ତାକି ନାନୁ ବଡପଣ ଆହିମାଇଁ □

୧୪ ଏନିକିହିଁ ଆପେ ଜାହାରା କୁଡାଡି ଲକୁଣି ରାହାଁ କିଞ୍ଜିକିହାନା ଏଞ୍ଜରୀ ତାଣାଟି ଏଚର ଜାଣାଇଁ ଗେଲ୍‌ପାଲି ଆଡିଇଁ □

୧୫ ଏନାଆଁତାକି ଇତିହିଁ ଏଞ୍ଜରୀ ପିସ୍‌ପିଆଡାକି ଦାରୁଡି ତଡେ ଆଡେ □ ଆତିହିଁ, ମାହାପୁରୁ ବାରେ ଜୀହୁଦି କୁଡାଡି ଆବିସାରେ, ଏଦାଆଁତି ପାଡେୟି ଏନାଆଁ ଆନେ ? ଏଦି ହାଡି ମାଣ୍‌ସି ଜୀଝୁ ବେଟାଆଡି ଲେହେଁ □

୧୬ ରଗାଣି ରୁଟି ମାହାପୁରୁ ଦରୁତଲେ ହେରପି ଆହାମାଡିହିଁ, ବାରେ ରୁଟି ଜିକେଏ ହେରପି ଆହାମାନେ ଇଞ୍ଜା ଇନାୟି; ର ମାରୁନୁଡି ହାରୁ ହେରପି ଆହାମାଡିହିଁ, ଏଦାଣି କମା କାନ୍ଦି ଜିକେଏ ହେରପି ଆହାମାନୁ ଇଞ୍ଜା ଅଣ୍ଠିନାୟି □

୧୭ ସାମା ଏଚେକା କମାୟାଁ ରାଡପି ଆଡୁ ଅଡେ ମୀରୁ ଜାଡାଡି ଜୀତ ମାରୁନୁଡି କମାୟାଁ ଆଡିଜିକେଏ ଏ ବିତ୍ରା ଦୁସ୍‌ପିଆଡେରି, ଅଡେ ଏଞ୍ଜରୀତଲେ ଜୀତ ମାରୁନୁଡି ତାକିତି ରାସାତା ଆଣ୍ଡିଚେରି □

୧୮ ଆତିହିଁ ଏ କମାୟାଁ କପାତଲେ ବଡପଣ ଆଆଦୁ; ସାମା ମୀରୁ ବଡପଣ କିଦେରି, ମୀରୁ ମାରୁନୁଡି ତାକିତି ଆସା ହିଲଅଡେରି, ସାମା ତାକି ମିଜେ ଆସାମାଞ୍ଜାନେ, ଇଦାଆଁ ମୀରୁ ପୁଞ୍ଜା ଡୟାଦୁ □

୧୯ ଆତିହିଁ ମୀରୁ ଏଲେଇଞ୍ଜାଲି ଆଡିଦେରି, “ନାଜେ ଟାୟୁ ହାହାନା ଦୁରସାଲି ତାକି ଏ କମାଣି ରାଡପି ଆହାମାରୁ □”

୨୦ ଏଦି ସାତା, ଏଞ୍ଜରୀ ନାମାଆଲିଏ ରାଡପି ଆଡେରି, ମୀରୁ ଖାରଇ ନାମାଲିଏ ଏ ଟାୟୁ ଅଦିକାରା କିହାମାଞ୍ଜେରି, ସାମା ବଡପଣ ଆଆନା ଆଜାଦୁ;

୨୧ ମାରୁନୁଡା ଗାଲ୍‌ହାମାନି କମାୟାଁ ଲେହେଁ ଜୀହୁଦି ଲକୁଣି ମାହାପୁରୁ ତଣ୍ଡ ହାଆନା ପିସାହିଲଅସି ଇତିସାରେ, ଏଞ୍ଜାସି ମିଜେ ଜିକେଏ ପିସ୍‌ଅସି □

୨୨ ଇମ୍ବାଆଁ ସିନିକିନି କାତା, ମାହାପୁରୁ ଏନିକିହିଁ କାର୍ମା ମେହନାସି ଇଞ୍ଜା କାର୍‌ବି ଆନାସି; ଆମ୍ବାଆରି ପାପୁତା ତରଗା ମାନେରି, ଏଞ୍ଜରାଇଁ ଏଞ୍ଜାସି କାର୍‌ବି ଆନେସି; ସାମା ଏଚରଦିନା ପାଡେକା ତାନି କାର୍ମାମେହନି ତାଣା ଡୟିଦେରି, ଏଚରଦିନା ମିଜେତାକି କାର୍ମା ମେସ୍ତାନେସି, ତାନି କାର୍ମାମେହନାଣି ଜାକ୍‌ହସାରେ; ମୀରୁ ଜିକେଏ ରାଡପି ଆଡେରି □

୨୩ ଜୀହୁଦି ଲକୁ ଏଞ୍ଜରୀ ନାମୁଡି ପିହଅରି, ଆତିହିଁ ଏଞ୍ଜରୀ ତଲିମାଟି ଟାୟୁତା ଖେଣ୍ଡେ

ତୀରି ଆନେରି □ ମାହାପୁରୁ ଇଦାଆଁ କିହାଲି ଆଡ଼ିମାନେସି □

୨୪ ଜୀହୁଦିଆଆତି ଲକୁ ଜାଡ଼ାତି ଜୀତ ମାର୍ନୁତି ଗମାୟାଁ ଲେହେଁ □ ଏଞ୍ଜି ରାଡ଼ପି ଆହାନା ଏମ୍ବାତାଲ ଆଆତି ଜିକେଏ ବାଡ଼ାତା ପାଡ଼ିକିହାମାନି ଜୀତ ମାର୍ନୁ ତଲେ ଦୁସପି ଆହାମାନୁ □ ଜୀହୁଦି କୁଡ଼ାତି ଲକୁ ବାଡ଼ାତା ପାଡ଼ିକିହାମାନି ଜୀତ ମାର୍ନୁ ଲେହେଁ □ ଇ ମାର୍ନୁତି ରାଡ଼ପି ଆହାମାନି ଗମାଣି ଖେଣ୍ଡେ ମାର୍ନୁ ତଲେ ଦୁର୍ସାଲି ମାହାପୁରୁ ଆଡ଼ିନେସି □

ବାରେ ଜାଣାକି ମାହାପୁରୁତି କାର୍ମାମେହନାୟି

୨୫ ଏ ତାୟି ତାଜିସ୍ତାତେରି, ମୀରୁ ଏନିକ୍ ମିଙ୍ଗେତାକି ମୀରୁଏ ବୁଦିଗାଟାତମି ଇଞ୍ଜି ଅଣପଅତେରି, ଇଦାଆଁତାକି ମୀରୁ ଇ ଡ଼ଗାମାନି କାତାତି ପୁନାଆନା ମାଣ୍ଡେରି ଇଞ୍ଜି ନା ମନ ହିଲେଏ, ଇତିହ୍ ଜୀହୁଦିଆଆତି ଲକୁ ବାରେ ହଡ଼ଆ ପାତେକା ଇସ୍ତାୟେଲତି ଏତେକା ଲକୁ ନାମାଆନା ଡ଼ୟିନେରି;

୨୬ ଇଲେଆହ୍ ବାରେ ଇସ୍ତାୟେଲ ଲକୁ ଗେଲ୍ପି ଆନେରି, ଏନିକ୍ ରାସ୍କି ଆହାମାନେ, “ଗେଲ୍ପି କିନାସି ସିୟନଟି ଖାନ୍ନେସି,

ଜାକୁବ କୁଡ଼ାତା ମାନି ବାରେ ଲାଗେଏତାଣି ହେକ କିନେସି □

୨୭ ଏତିବେଲା ନାନୁ ଏଞ୍ଜାରି ପାପୁ ବାରେ ହେକ କିଲ୍,

ଏତିବେଲା ଏଞ୍ଜାରିତଲେ ଇ ରାଡ଼ିମାନା କିନମି □”

୨୮ ନେହ୍ କାରୁତି ଆହୁଆ ଜୀହୁଦି ଲକୁ ମିଙ୍ଗେତାକି ମାହାପୁରୁକି ସାଡ଼ୁୟାଁ ଆହାମାନେରି, ସାମା ମାହାପୁରୁ ଆଚାମାନି ଆକୁ ଆବାୟାଁ ତାକି ଏଞ୍ଜାରି ମାହାପୁରୁକି ଜୀଞ୍ଜୁ ନନାରି ଆହାମାନେରି □

୨୯ ଇତିହ୍ ମାହାପୁରୁ ଆଚାମାନାୟି ଅଡ଼େ ତାନି କାର୍ମାତି ଦାନା ଏତେଲାଖା ଉଜେଏ ଆଏ □

୩୦ ଜୀହୁଦିଆଆତି ଲକୁତେରି ତଲି ମୀରୁ ମାହାପୁରୁଇଁ ମାନି କିହାହିଲାଆତେରି; ସାମା ନୀଏଁ ଜୀହୁଦି ଲକୁ ମାନି କିଆତାକି ମାହାପୁରୁତି କାର୍ମାମେହନାଣି ବେଗାଆଡ଼େରି,

୩୧ ଏଲେଆହ୍ ଏ ଏଞ୍ଜାରି ଜିକେଏ ନୀଏଁ ମାନି କିହାହିଲଅରି, ଏନିକ୍ ମିଙ୍ଗେତାକି ତଞ୍ଜାଆହାମାନି କାର୍ମାମେହନାଣି ତଲେ ଏଞ୍ଜାରି ଜିକେଏ ନୀଏଁ କାର୍ମାମେହନାଣି ବେଗାଆଡ଼େରି □

୩୨ ଏନିକ୍ ଇତିହ୍ ମାହାପୁରୁ ବାରେ ଜାଣାଇଁ କାର୍ମା ମେସାଲି ତାକି ମାହାପୁରୁ ବାରେଜାଣାତି ମାନି କିଆରେଟୁ ହେର୍ପା ମାନେସି □

ମାହାପୁରୁକି ଗାଞ୍ଜୁରମି

୩୩ ଅହତା! ମାହାପୁରୁତି ବୁଦି ଇଞ୍ଜା ପୁନି ବାଡ଼ୁଲୁ ଏତେକା କାଜାୟି! ତାନି ଅଣପୁତି ଆମ୍ବାଆସି ତେଲ୍ ହି କିୟାନେସି ? ଇଞ୍ଜା ତାନି ଜିରୁତି ଆମ୍ବାଆସି ପୁଞ୍ଜାଲି ଆଡ଼ିମାନେସି ?

୩୪ ସାସ୍ତେରିତା ରାସ୍କି ଆହାମାନେ;

“ଆମ୍ବାଆସି ମାହାପୁରୁତି ଅଣପୁତା ମାନାଣି ତେଲ୍ ହିନେସି ?

ଆମ୍ବାଆସି ଏଞ୍ଜାଣାଇଁ ଖେସାଲି ଆଡ଼ିନେସି ?

୩୫ ମାହାପୁରୁକି ଆମ୍ବାଆସି ଏତେଲା ଏନାଆଁ ହୀହାମାନେସି,

ଏଦାଆଁତାକି ଏଞ୍ଜାଣାକି ଏଞ୍ଜାସି ଖେଣ୍ଡେ ହୀନାୟି ମାନେ ?”

୩୬ *ବାରେ ଗାଡ଼ି ଆଡ଼ାୟି ତାନିତାଣାତି, ତାନି କେୟୁତଲେ, ଅଡ଼େ ତାଙ୍ଗେତାକି ଆହାମାନେ; କାଲାକାଲା ତାକି ଏଞ୍ଜାଣାକି ଗାଞ୍ଜୁରମି ଆପେ, ଆମେନ୍ □

୧୨

କ୍ରୀସ୍ତ ତାଣା ପୁଞ୍ଜନି ଜୀଞ୍ଜୁ

୧ ଇଦାଆଁତାକି ତାୟି ତାଜିସ୍ତାତେରି, ମାଙ୍ଗେତାକି ମାହାପୁରୁତି ହାଡ଼େକା କାର୍ମାମେହନାଣି ତାକି ମିଙ୍ଗେ ନାନୁ ବାତିମାଲିମାଞ୍ଜାଇଁ, ମୀରୁ ମୀ ଆଙ୍ଗାତି ଜୀଞ୍ଜୁ, ସୁଦୁ ତଲେ ଇଞ୍ଜା ମାହାପୁରୁ ଅପିନି ଲେହେଁତି ପୂଜା ହୀଦୁ, ଇଦିଏ ମାହାପୁରୁତି ସାତା ସେବା □

୨ ମୀରୁ ଇ ଜୁଗୁତି ମାଣ୍ଡକିତା ମାନାଆଦୁ, ସାମା ଏନିକ୍ ହି ମାହାପୁରୁତି ଅଣପୁ ଏନାୟି, ଇତିହ୍ ନେହାୟି, ଅପିନାୟି ଇଞ୍ଜା ଟିକ୍ ଶାତାୟି ଏନାୟି, ଇଦାଆଁ ତାୟିପାରି କିହାନା ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ହିୟାତି ପୁଞ୍ଜନି କିହାନା ବାଦଲି କିଦୁ □

୩ ମାହାପୁରୁ ନାଙ୍ଗେ କାର୍ମାମେହନାଣି ହୀହାମାଞ୍ଜାନାକି ବାରେଜାଣା ତେରି ମିଙ୍ଗେ ନାନୁ ଖେସିମାଞ୍ଜାଇଁ, ଆମ୍ବାଆତେରି ଜିକେଏ ମୀ ତାକି ମୀରୁ ଏନିକ୍ ଅଣପିନାୟି ମାନେ ଏଦାଆଁ କିହାଁ କାଜାତମି ଇଞ୍ଜି ଅଣପାଆଦୁ; ସାମା ମାହାପୁରୁ ଆମ୍ବାଆରାକି ଏତେକା ନାମୁ ହୀହାମାନେସି, ଏଲେକିହ୍ ଏ ବାରେଜାଣା ପୁଞ୍ଜାକଡ଼ିନି ଲେହେଁ ମୀ ତାକି ମୀରୁ ଅଣପା କତାଦୁ □

୪ *ଇତିହ୍ ଏନିକ୍ ମା ଆଙ୍ଗାତା ହାଡ଼େକା ଆଙ୍ଗା ଉଡ଼େଲିକା ମାନୁ, ସାମା ବାରେ ଆଙ୍ଗା ଉଡ଼େଲିକାତି କାମା ରଲେଏତାୟି ଆଏ □

୫ ଏଲେଆହ୍ ଏ, ମାର୍ ହାଡ଼େକା ଜାଣାତାୟି, ସାମା ବାରେଜାଣା କ୍ରୀସ୍ତ ତଲେ ଆଣ୍ଡାମାନାକି, ମାର୍ ରଣ୍ଡିଏ ଆଙ୍ଗା ଇଞ୍ଜା ଆଙ୍ଗାତି ଆଙ୍ଗା

ଉଡ଼େଲିକା ଲେହେଁ ମାର ରଅସି ରଅଣା ତଲେ ଆଣ୍ଡାମାନାୟି □

୭ ✨ଏଦାଆଁତାକି ମାଜେ ମାହାପୁରୁ ହୀହାମାଞ୍ଜାନି କାର୍ମାତଲେ ହାରେକା ଦାନା ବେଟା ଆହାମାନାୟି, ମାର ମାହାପୁରୁତି ବଲୁ ଝେକ୍‌ହାଲି ତାକି ବାଡ଼ୁଲୁ ବେଟା ଆହାମାନାୟି, ମାର ଆଟ୍‌ଝା ନାମୁତଲେ ଏ କାମା କିନାୟିମାନେ;

୭ ଏଦାଆଁ ସେବା କାମା କିହାଲି ବାଡ଼ୁଲୁ ବେଟାଆହାମାନାୟି, ଆତିହୁଁ ମାର ସେବା କାମା କିନାୟିମାନେ; ଜାପୁହାଲି ବାଡ଼ୁଲୁ ବେଟାଆହାମାନାୟି, ଆତିହୁଁ ଜାପୁନାୟି ମାନେ;

୮ ବାସୁତି କାତା ଝେସାଲି ବାଡ଼ୁଲୁ ବେଟାଆହାମାତିହୁଁ, ବାସୁତି କାତା ଝେସପାସି; ଦାନା କିହାଲି ବାଡ଼ୁଲୁ ବେଟାଆହାମାନି ମାଣ୍‌ସି ରାହାଁତଲେ ଦାନା ହୀପେସି □ ଏଟକା ଲକୁତି କାମାତି ସିନିକିହାଲି ଅଦିକାରା ବେଟାଆହାମାତିହୁଁ ଝାହୁତଲେ କାମା କିନାୟିମାନେ; ଆମ୍ବାଆସି କାର୍ମା ମେହ୍‌ନାସି, ରାହାଁ ମନତଲେ ସାୟେମି କିପାସି □

୯ ଜୀଝୁନନାୟି କୁଟୁ ହିଲାଆଗାଟାୟି ଆପେ; ଏନାୟି ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି ଏଦାଆଁ ଆହୁଦୁ;

୧୦ କ୍ରୀସ୍ତ ନାମୁତି ତାୟି ତାଜି ଲେହେଁ ରଅତେରି ରଅଣାଲ୍ ଜୀଝୁ ନଦୁ; ଇଞ୍ଜା ରଅତେରି ରଅଣାଲ୍ ମାନି କିହାଲି ରାହାଁ ଆଦୁ;

୧୧ ରାହାଁତା ଉଣା ଆଆଦୁ; ସୁଦୁଜୀଝୁତା ପାରସାଡ଼ା ଆହାଁ ଡ଼ୟାଦୁ; ହିୟାଁ ଜୀଝୁ ହୀହାନା ପ୍ରବୁଲ୍ ସେବା କିଦୁ □

୧୨ ବାସୁଁ ଇଗାନା ରାହାଁ କିଦୁ; ଦୁକୁ କସ୍ତ ବେଲାତା ସାସା ଆହୁଦୁ; ଜମାଆନା ପ୍ରାଡାନା କିଦୁ;

୧୩ ମାହାପୁରୁ ଲକୁକି ଲଡ଼ାମାନାଣି ସାୟେମି କିଦୁ; ଇଜ ଝାନି ଗତାୟାଣି ସେବା କିଦୁ □

୧୪ ✨ଆମ୍ବାଆରି ମିଜେ ସାସି ହିୟାନେରି, ଏଝାରି ନେହେଁତାକି ମାହାପୁରୁ ତାଣା ପ୍ରାଡାନା କିଦୁ; ଏଝାରାକି ବର ହୀଦୁ; ବାକା ଇଟାଆଦୁ □

୧୫ ଆମିନି ଗାଟାରି ରାହାଁ କିନେରି ଏଝାରିତଲେ ରାହାଁ କିଦୁ; ଆମ୍ବାଆରି ଡୀନେରି ଏଝାରିତଲେ ଡୀଦୁ □

୧୬ ବାରେଜାଣା ରଣ୍ଡିଏ ଅଣ୍‌ପୁ ଅଣ୍‌ପାଦୁ, ଝାରୁଇ କାଜାରି ତଲେ ତଣେ ଦହ୍‌ଆନା ଇଟାରି ତଲେ ଜିକେଏ ଆଣ୍ଡୁ ଆହାନା ମାଞ୍ଜୁ □ ମୀରୁ ମୀ ବୁଦିତଲେ ବୁଦିଗାଟାମି ଇଞ୍ଜା କତାଆଦୁ □

୧୭ ଆମ୍ବାଆସି ମିଜେ ଲାଗେଏ କିୟାତିହୁଁ, ଏଝାଣାଲ୍ ଲାଗେଏ କିଆଦୁ; ବାରେ ଲକୁ ନକିତା ଏନାୟି ନେହାୟି, ଏଦାଆଁ କିଦୁ □

୧୮ ଆତିତିହୁଁ ବାରେଜାଣା ତଲେ ହିଡ଼ତି ତଲେ ନୀତାବାଡ଼କାଲି ତାକି ଏନି କିନାୟିମାନେ ଏଲେକିଦୁ □

୧୯ ଏ ଜୀଝୁତି ତଣେସିଜା, ମୀରୁ ଆମ୍ବାଆରି କପାତି ବାଦୁଲି ଅଆଦୁ □ ମାହାପୁରୁତି କପାତି ଲକୁ ଆହାଲି ପିସାଡୁହୁଦୁ □ ଏନାଆଁତାକି ଇତିହୁଁ ସାସ୍ତେରିତା ରାସ୍‌କି ଆହାମାନେ, ପ୍ରବୁ ଏଲେଇଞ୍ଜି ମାନେସି, “ବାଦୁଲି ଅନାୟି ନା ଅଦିକାରା, ନାନୁ ତାମି କାମାତି ପାଡ଼େୟି ହୀଇଁ □”

୨୦ ଅଡ଼େ ଜିକେଏ, “ମୀ ସାଡୁ ହାକି ଆହାମାତିସାରେ, ଏଝାଣାକି ତିଞ୍ଜାଲି ହୀଦୁ; ଏଝାସି ଏସ୍‌କି ଆହାମାତିସାରେ ଗସାଲି ହୀଦୁ; ଇଲେ କିତିସାରେ ଏଝାଣିଲାକ ଡୀଞ୍ଜିମାନି ହିଡୁତି ରୀଜାୟାଁ ଏକ୍‌ହି ମାଞ୍ଜେରି □”

୨୧ ଲାଗେଏତି କାମା ତଲେ ଜୀଣା ଆଆନା, ନେହୁଁ କାମା ତଲେ ଲାଗେଏତି କାମାତି ଜୀଣା ଆଦୁ □

୧୩

ସାଲୁଝି କିନାରାଲ୍ ମାନି କିନାୟି

୧ ବାରେଜାଣା ସାଲୁଝି କିନାରାଲ୍ ମାନି କିନାୟିମାନେ, ଏନାଆଁତାକି ଇତିହୁଁ ମାହାପୁରୁତି ହେଲ ଆଆତିହୁଁ ଆମ୍ବାଆସି ଜିକେଏ ସାଲୁଝି କିନି ପାଣା ବେଟାଆଅସି, ପାଣାତା ମାନି, ସାଲୁଝି କିନାରି ମାନେରି; ଏଝାରି ମାହାପୁରୁ ତାଣାଟି ଆଡ଼ଝି ଆହାମାନେରି □

୨ ଏଦାଆଁତାକି ଆମ୍ବାଆସି ପାଣାତା ମାନି ସାଲୁଝି କିନାରି କପାତଲେ ନିଜିନେସି, ଏଝାସି ମାହାପୁରୁ ମେରାତି କପାତଲେ ନିଜିନେସି; ଆମ୍ବାଆରି ଏଲେକିନେରି ଏଝାରି ତାମ୍ବୁ ତାମ୍ବେ ଡଣ୍ଡ ବେଟାଆହାଲି ତାକି କିନେରି □

୩ ଇତିହୁଁ ସାଲୁଝି କିନାରି ନେହୁଁ କାମାତାକି ଆଜିଗାଟାରି ଆଏ, ସାମା ଲାଗେଏତି କାମାତାକି ଆଜିଗାଟାରି ଆନେରି □ ସାଲୁଝି କିନାରାଲ୍ ଆଜାଆନା ଡ଼ୟାଲି ମନ ମାନେକି ? ଆତିହୁଁ ନେହୁଁ କାମା କିଦୁ, ଆତିହୁଁ ଏଝାରି ତାଣାଟି ନେହୁଁ ବେଟାଆଦେରି,

୪ ମୀ ନେହୁଁ ତାକି ଏଝାସି ମାହାପୁରୁତି ସେବା କାମା କିନାସି ଆହାମାନେସି □ ସାମା ମୀରୁ ଲାଗେଏତି କାମା କିଦେରି, ଆତିହୁଁ ସାଲୁଝି କିନାଣାଲ୍ ଆଜାଦୁ, ଏନାଆଁତାକି ଇତିହୁଁ ଏଝାସି ଉଜେଏ କାଣ୍ଡା ଆହୁଅସି, ଏନିଇତିହୁଁ ଏଝାସି ମାହାପୁରୁତି ସେବା କିନାସି, ଇତିହୁଁ ଏଝାସି ତାନି କପାତଲେ ଲାଗେଏତି କାମା କିନାରାକି ଡଣ୍ଡ ହୀନାସି □

✨ ୧୭:୧୪ ୧୭:୧୪ ମାତି ୫:୪୪; ଲୁକ ୭:୨୮

୫ ଏନିଇଚିହିଁ, ଝାଞ୍ଜ କାର୍ବିତି ଆଜିତାକି
ଆଏ, ସାମା ମା ହିୟାତା ମାନି ଅଣ୍ଠୁ ପୁଞ୍ଜାହାଁ
ସାଲୁଝି କିନାରି କାତା ମାନି କିନାୟିମାନେ □

୬ *ଇଦାଆଁତାକି ମୀରୁ ସିସୁ ଜିକେଏ
ହାହିମାଞ୍ଜେରି, ଏନାଆଁତାକି ଇଚିହିଁ ମାହାପୁରୁତି
ସେବା କିନାରି ଲେହେଁ ଆହାନା ସାଲୁଝି କିନି କାମା
ଜିକେଏ କିନେରି □

୭ ଏଦାଆଁତାକି ଏଞ୍ଜାରି ଏନାଆଁ ବେଟାଆନାୟି
ମାନେ, ଏଦାଆଁ ହୀଦୁ; ଆମ୍ବାଆରାକି ସିସୁ ହୀନାୟି
ମାନେ ଏଞ୍ଜାଣାକି ସିସୁ ହୀଦୁ; ଆମ୍ବାଆରାକି
ଆସୁଲି ହୀନାୟି ମାନେ ଏଞ୍ଜାଣାକି ଆସୁଲି ହୀଦୁ;
ଆମ୍ବାଆରାକି ଆଜିନାୟି ମାନେ ଏଞ୍ଜାଣାକି ଆଜାଦୁ;
ଆମ୍ବାଆରାକି ମାନି କିନାୟିମାନେ ଏଞ୍ଜାଣାକି ମାନି
କିଦୁ □

ରଥସି ରଥଣାକି ଜୀଞ୍ଜୁନନାୟି

୮ ରଥତେରି ରଥଣାକି ଜୀଞ୍ଜୁ ନଞ୍ଜିଆନି ପିସପେ
ଅଡେ ଏନଞ୍ଜା ଆମ୍ବାଆରି ତାଣା ଜିକେଏ ରୀଣା
ଆଆଦୁ; ଏନାଆଁତାକି ଇଚିହିଁ ଆମ୍ବାଆସି
ଏଟକାତାଣାକି ଜୀଞ୍ଜୁ ନଞ୍ଜେସି, ଏଞ୍ଜାସି ମସାତି
ମେରା ମାନୁଝି ଆହିମାନେସି □

୯ “ଦାରି କିଆଦୁ, ଲକୁଣି ପାୟାଆଦୁ, ସରୁ
କିଆଦୁ, ଏଟକା ଲକୁତି ଦିଶୁତି କୁପକା ଆଆଦୁ,”
ଇ ବାରେ ହୁକୁମି ର ହୁକୁମିତା ମାନେ, “ପାଡିତି
ଲକୁଇଁ ମୀ ଜୀଞ୍ଜୁତି ଜୀଞ୍ଜୁ ନହାଁ କଡିନି ଲେହେଁ
ଜୀଞ୍ଜୁନଦୁ □”

୧୦ ଜୀଞ୍ଜୁନନାୟି ପାଡିତି ଲକୁଣି ଲାଗେଏ କିଏ;
ଏନିଇଚିହିଁ ଜୀଞ୍ଜୁନନାୟି ମସାତି ମେରା ପୁରା
କିନେ □

୧୧ ଇଚିହିଁ ଇଦାଟି ତେଞ୍ଜଏଲିନି ବେଲା
ଏଦାତେୟିଏ, ଇଦାଆଁ ପୁଞ୍ଜା ନୀର୍ଏ ମୀରୁ ଇ ବାରେ
କିଦୁ; ଇଚିହିଁ ମାରୁ ନାମିତି ଦିନାଟିଏ ଗେଲୁପି
ଆନାୟି ତଲିତି କିହାଁ ହାରେକା ତାଗେ ଝାଡେୟିଏ
□

୧୨ ଆନ୍ଦେରି ହାଜିମାନେ, ଲାଲୁ ଝେୟିମାନେ □
ଏଦାଆଁତାକି ଝାଦୁ ମାରୁ ଆନ୍ଦେରିତି କାମା ବାରେ
ପିସାନା ଉଜେଡିତା ଜୁଜୁ କିହାଲି ଟିକାଣାତି ସାଜୁ
ତୁରନ □

୧୩ କାଡୁ ଗୁସାହାଁ ମନକିତି ରାହାଁ, କାଡୁ ଗୁସାହାଁ
ହଡିନାୟି, ମାନି ହିଲାଆଗାଟାୟି, ଲାଗେଏତି
ମାଣକି, ତାହାରା, ଗଡହା କିନିତାଣା କାମାତା
ଆଣ୍ଡାଆନା ଝାଦୁ, ଉଜେଡିତି କାମାତା ମାନି ଲକୁ
ଲେହେଁ ନେହଁ ମାଣକି ତଲେ ମାନ □

୧୪ ପ୍ରୁ ଜୀସୁ କ୍ରୀସୁଇଁ ମୀରୁ ହିମ୍ବିରିଲେହେଁ
ପର୍ଦୁ, ପାପୁ ଇଞ୍ଜା ଆଙ୍ଗାତି ଲାଗେଏତି ଅଣ୍ଠୁ
ତଲେ ରାହାଁ କିହାଲିତାକି ହିୟାତା ଅଣ୍ଠୁଆଦୁ □

୧୪

ଏଟକା ଲକୁଣି ଦହ ଦହଆଦୁ

୧ *ନୀମୁତା ଆଟ୍ଝା ହିଲାଆଗାଟାୟି ଆବାଦୁ,
ସାମା ତାନି କାତାତି ଅଣ୍ଠୁ ତାକି ତାନିତଲେ
ବାଦହାରା କିଆଦୁ □

୨ ବାରେ ତିଞ୍ଜାଲି ତାକି ରଥଣାକି ନୀମୁ ମାନେ,
ସାମା ଆମ୍ବାଆସି ନୀମୁତା ଉଣା ମାନେସି ଏଞ୍ଜାସି
ଝାଞ୍ଜ ଜାୟୁ କୁଟା ତିନାପେସି □

୩ ଆମ୍ବାଆସି ବାରେ ତିନେସି, ଏଞ୍ଜାସି
ତିନାଆଗାଟାଣାକି ହୀଣି କିଆପେସି; ଇଞ୍ଜା
ତିନାଆଗାଟାସି ତିନାଣାକି ନୀହାୟି କିଆପେସି,
ଏନିଇଚିହିଁ ମାହାପୁରୁ ଏଞ୍ଜାଣାକି ଆବା ମାନେସି
□

୪ ନୀନୁ ଆମ୍ବାଆତି ଅର ରଥଣି ହଲେଏଣାକି
ନୀହାୟି କିହିମାଞ୍ଜି ? ଏଞ୍ଜାସି ତାନି ସାଞ୍ଜୁକାରି
ତାଣା ତାରି ଆନେସି କି ତାରି ଆଅସି; ଏଞ୍ଜାଣାକି
ତାରିକିହାଁ ଇଗାଲି ପ୍ରୁ କେୟୁତା ବାଡୁୟୁ ମାନେ □

୫ ରଥସି ର ଦିନାତି କିହାଁ ଅର ଦିନାତି ହାରେକା
ମାନି କିନେସି, ଅଡେ ରଥସି ବାରେ ଦିନାତି
ରଲେଏତାଇ ଇଞ୍ଜା ଅଣ୍ଠପିନେସି, ବାରେଜାଣା
ତାନି ମନତା ତାରି କିହାନା ମାନୁଝି ଆପେରି □

୬ ଆମ୍ବାଆସି ର ଦିନାତି ହାରେକା ନେହାୟି
ଇଞ୍ଜା ଅଣ୍ଠପିମାନେସି, ମାହାପୁରୁତି ଗାଞ୍ଜୁରମି
ତାକି ଏଲେଇଞ୍ଜି ଅଣ୍ଠପାପେସି □ ଆମ୍ବାଆସି ବାରେ
ତିନେସି, ମାହାପୁରୁ ଦରୁତଲେ ତିନେସି ଇଞ୍ଜା
ମାହାପୁରୁଇଁ ଜହରା କିନେସି; ଆମ୍ବାଆସି ତିଞ୍ଜାଲି
କୂନେସି, ଏଞ୍ଜାସି ମାହାପୁରୁ ଦରୁତଲେ କୂନେସି
ଇଞ୍ଜା ମାହାପୁରୁଇଁ ଜହରା କିନେସି □

୭ ଆମ୍ବାଆସି ତାଙ୍ଗେତାକି ନୀତଅସି, କି
ଆମ୍ବାଆସି ତାଙ୍ଗେତାକି ହାଅସି □

୮ ମାରୁ ନୀତାମାନାୟି ଇଚିସାରେ, ପ୍ରୁ ତାକି
ନୀତାମାନାୟି ଇଞ୍ଜା ହାଡିସାରେ ପ୍ରୁ ତାକି ହାନାୟି
□ ଏଦାଆଁତାକି ନୀତିନାୟି କି ହାନାୟି ମାରୁ ପ୍ରୁତି
ଲକୁ □

୯ ଏନାଆଁତାକି ଇଚିହିଁ କ୍ରୀସୁ ହାହାନା ଝେଣ୍ଡେ
ନିଙ୍ଗାମାନି ତାଣାଟି ନୀତାମାନାରି ଇଞ୍ଜା ହାଡାରି
ବାରେଜାଣାତି ପ୍ରୁ ଆହାମାନେସି □

୧୦ *ନୀନୁ ଏନାଆଁତାକି ମୀ ତାୟିଇଁ ବେରଣି
କିହିମାଞ୍ଜି ? ଏନାଆଁତାକି ମୀ ତାୟିଇଁ ହୀଣି
କିହିମାଞ୍ଜି ? ମାରୁ ବାରେଜାଣା ବେରଣି ଆହାଲି
ମାହାପୁରୁ ନକିତା ନିନାୟି □

୧୧ ଏନାଆଁତାକି ଇଚିହିଁ ସାସ୍ତେରିତା ରାସ୍‌କି
ଆହାମାନେ;

“ପ୍ରୁ ଏଲେଇଞ୍ଜି ମାନେସି, ଇଚିହିଁ ନୀନୁ
ଜୀଞ୍ଜୁଗାଟି ମାହାପୁରୁ,
ବାରେଜାଣା ନା ନକିତା ମେଣ୍ଡା କୁତିନେରି,

☆ ୧୩:୬ ୧୩:୭ ମାତି ୨୨:୨୧; ମାର୍କ ୧୨:୧୭; ଲୁକ ୨୦:୨୫ ☆ ୧୪:୧ ୧୪:୧ କଲସି ୨:୧୭ ☆ ୧୪:୧୦ ୧୪:୧୦ ୨କର ୫:୧୦

ବାରେଜାଣା ନାଜେ ମାହାପୁରୁ ଇଞ୍ଜି
 ଜଲିନେରି □”
 ୧୨ ମାର ବାରେଜାଣା ମାହାପୁରୁ ନକିତା ମାର କିତି
 କାମାତି ଲେକା ହୀନାୟି □

ତାୟିଇଁ ପାପୁ କିଞ୍ଚି କିଆଦୁ

୧୩ ଏଦାଆଁତାକି ରଅତେରି ରଅଣାଇଁ ବେରଣି
 କିଆଦୁ; ଇଲେକିହିଁ ଏନାଆଁ ଜିକେଏ କିଆଦୁ,
 ଏନିକିଁ ମୀ ତାୟି ପୁଟି କିହାନା ପାପୁତି ପାନ୍ଦାତା
 ରିଅସି □

୧୪ ପ୍ରବୁ ଜୀସୁ ତାଣାଟି ପୁଞ୍ଜାନା ସାତା ତଲେ
 ଝେସିମାଞ୍ଜାଇଁ, ଏନି କାଡ଼ି ତାନୁଏ ଲାଗେଏତାୟି
 ଆଏ □ ସାମା ଆମ୍ବାଆସି ଏନି କାଡ଼ିତି ଲାଗେଏତାୟି
 ଇଞ୍ଜି ଅଣ୍ପିନେସି, ଏଞ୍ଜାଣାକି ଏଡ଼ି ଲାଗେଏତାୟି
 ଆନେ □

୧୫ ମୀରୁ ଏନି କାଡ଼ି ତିନି ତାଣାଟି ର ତାୟି
 ଅଣ୍ପିପୁତା କସୁ ହୀହିମାଞ୍ଜେରି, ଆତିହିଁ ଏଞ୍ଜାଣାଇଁ
 ମୀରୁ ଜୀଞ୍ଜୁନଞ୍ଜୁତା ତାକି ହିଲଅତେରି, ଆମିନି
 ତାୟି ତାକି କ୍ରୀସୁ ହାଡେସି, ଏ କାଡ଼ି ତାକି
 ଏଞ୍ଜାଣାଇଁ ଲାଗେଏ କିଆଦୁ □

୧୬ ମୀରୁ ଏନାଆଁ ନେହାୟି ଇଞ୍ଜି
 ଅଣ୍ପିମାଞ୍ଜେରି, ଏଦାଆଁତାକି ମୀରୁ ଲାଗେଏତାତେରି
 ଆଆଦୁ;

୧୭ ମାହାପୁରୁତି ରାକ୍ତି ତିନାୟି ଉନାୟି ଆଏ □
 ସାମା ଏଡ଼ି ଦାମ୍, ହିଡ଼ଡ଼ି ଇଞ୍ଜା ସୁଦୁଜୀଞ୍ଜୁ ହୀତି
 ରାହାଁଗାଟାୟି □

୧୮ ଆମ୍ବାଆସି ଇଲେକିହିଁ କ୍ରୀସୁତି ସେବା
 କିନେସି; ଏଞ୍ଜାସି ମାହାପୁରୁ ନକିତା ନେହାସି ଇଞ୍ଜା
 ମାଣ୍ପିୟାଁ ନକିତି ତାୟିପାରିତା ଜୀଣା ଆଡାସି
 ତଞ୍ଜାଆନେସି □

୧୯ ଏଦାଆଁତାକି ଖାଦୁ, ଏନା ଏନାୟି ହିଡ଼ଡ଼ି
 ଗାଟାୟି, ଅଡ଼େ ଏନା ଏନାଆଁତଲେ ରଅସି
 ରଅଣାକି ବାସୁଁ ହୀନେସି, ଏ ବାରେତି ମାର
 ଅଣ୍ପିନ

୨୦ ଏ ଉଜେଏତି କାଡ଼ି ତାକି ମାହାପୁରୁତି
 କାମାଇଁ ନାସଞ୍ଜି କିଆଦୁ, ବାରେଏ ସୁଦୁ
 କିଞ୍ଚିଆହାମାନେ, ସାମା ଏନି କାଡ଼ି ତିନି ତାଣାଟି
 ମୀରୁ ଏଡ଼କା ଲକୁଣି କସୁ ହୀହିମାଞ୍ଜେରି, ଆତିହିଁ
 ଏ କାଡ଼ି ତିନାଆଦୁ □

୨୧ ମୀରୁ ଉଜ୍ଜା ତିନାୟି, ଅଜ୍ଜୁରି ରାସା ଗହନି
 ତାଣାଟି ମୀ ତାୟିକି କସୁ ଆହିମାଟିସାରେ ତିନି ଉନି
 ତାଣାଟି ହେକ ଆନାୟି ନେହେଁ □

୨୨ ମୀ ଏମିନି ନାମୁ ମାନେ, ଏଦାଆଁ ମୀରୁ ମୀ
 ହିୟାଁତା ମାହାପୁରୁଇଁ ନକିତା ଇଟାଦୁ, ଆମ୍ବାଆସି
 ଏନାଆଁ ନେହାୟି ଇଞ୍ଜି ଅଣ୍ପିନେସି, ଏଞ୍ଜାସି
 ଏମ୍ବାଆଁ ତାଜେ ଦହଗାଟାସି କିଅସି, ଆତିହିଁ
 ଏଞ୍ଜାସି ନେହାସି □

୨୩ ସାମା ଆମ୍ବାଆସି ଆନାମାନା ଆହାନା ରାନ୍ଦା
 ତିନେସି, ଏଞ୍ଜାସି ମାହାପୁରୁ ନକିତା ଦହଗାଟାସି
 ଆନେସି, ଇତିହିଁ ଏଞ୍ଜାସି ନାମୁତଲେ ତିଞ୍ଜା
 ହିଲଅସି; ଅଡ଼େ ଏନାୟି ନାମୁତଲେ ଆଏ, ଏଡ଼ି
 ପାପୁ □

୧୫

ଏଡ଼କା ଲକୁଣି ରାହାଁ କିଦୁ

୧ ମାର ନାମୁତା ଆଡ଼ଞ୍ଜା ଗାଟାତାୟି, ବାଡ଼ୁୟୁ
 ହିଲଆଗାଟି ଲକୁଣି ମାର ସାସା ହୀନାୟି ମାନେ,
 ଆମ୍ବାଆସି ଜିକେଏ ଜାହାରାଇଁ ରାହାଁ କିହାଲି
 ଅଣ୍ପିପାଆପେସି □

୨ ସାମା ଏଡ଼କା ଲକୁଣି ନେହେଁତାକି ଇଞ୍ଜା
 ଏଞ୍ଜାରି ନାମୁତି ଆଡ଼ଞ୍ଜା କିହାଲିତାକି ଏଞ୍ଜାରାଇଁ
 ରାହାଁତଲେ ଇଟିନାୟି ମା କାମା □

୩ କ୍ରୀସୁ ଜିକେଏ ତାନି ସୁକୁ ତାକି ଏନାଆଁ
 କିହି ହିଲଆତେସି; ସାମା ସାଢ଼େସିରିତା ରାସ୍‌କି
 ଆହାମାନି ଲେହେଁ, “ମିଜେ ନିନ୍ଦା କିୟାତାରା ନିନ୍ଦା
 ନା ମୁହେଁ ଖାଡେ □”

୪ ସାଢ଼େସିରିତି ଜାପୁନାଇ ବାରେ ମା ନେହେଁତାକି
 ଲଡ଼ା ଆଦୁ □ ବାସୁଁ ତଲେ ତାରିଆହାଁ ଡ଼ୟାଲି ତାକି
 ସାଢ଼େସିରି ମାଜେ ସାସା ଇଞ୍ଜା ରାହାଁ ହୀହିମାଞ୍ଜାନେ
 □

୫ ଆଡ଼ଞ୍ଜା ଅଡ଼େ ଦୁକୁ ତୁକହାନି ମାହାପୁରୁ ମିଜେ
 କ୍ରୀସୁ ଜୀସୁତି ମାଣ୍ଡକି ତଲେ ବାରେତେରି ମିଜେ
 ରଣ୍ଡିଏ ମନ ଆହାଲି ହିୟାପେସି,

୬ ବାରେଜାଣା ଆଣ୍ଡ଼ି ଆହାନା ରଣ୍ଡିଏ ହିୟାଁ
 ରଣ୍ଡିଏ ଗୁତି ତଲେ ପ୍ରବୁ ଜୀସୁ କ୍ରୀସୁ ଆବା
 ମାହାପୁରୁତି ଜହରା କିତେରି □

**ଜୀହୁଦି ଇଞ୍ଜା ଜୀହୁଦିଆଆତି ଲକୁତାକି
 ନେହୁଁ କାରୁ**

୭ ମାହାପୁରୁତି ଗାଞ୍ଜୁରମି ତାକି କ୍ରୀସୁ ଏନିକିହିଁ
 ମିଜେ ଆବା ମାଞ୍ଜାନେସି, ମୀରୁ ଜିକେଏ
 ଏଲେକିହିଁ ରଅତେରି ରଅଣାଇଁ ଆବାଦୁ □

୮ ଇତିହିଁ ନାନୁ ଏଲେ ଇଞ୍ଜିମାଇଁ, କ୍ରୀସୁ
 ମାହାପୁରୁତି ସାତା ତାକି ତଲୁ ଦାପି ଆଡ଼ି ଲକୁଣି
 ସେବା କିନାସି କିଞ୍ଚିଆହା ମାତେସି, ଏନିକିହିଁ
 ଏଞ୍ଜାସି ଆକୁ ଆବାୟାକି ଆଞ୍ଜାନା ହୀହାମାନାଣି
 ତାରି କିନେସି,

୯ ଅଡ଼େ ମାହାପୁରୁତି କାର୍ମାନେହନାଣି ତାକି
 ଜୀହୁଦିଆଆତି ଲକୁ ଜିକେଏ ଏଞ୍ଜାଣି ଗାଞ୍ଜୁରମି
 କିନେରି; ଇ କାତା ସାଢ଼େସିରିତା ରାସ୍‌କି
 ଆହାମାନେ;

“ଇଦାଆଁତାକି ଜୀହୁଦିଆଆତି ଲକୁତାଣା ନୀ
 ଜହରା କିଇଁ,

ବାରେଦିନା ନୀ ପାଚୁ ପାଡ଼ିଇଁ □”

୧୦ ଅଡ଼େ ଜିକେଏ ଏଲେଇଞ୍ଜି ମାନେସି,

“ଜୀହ୍ୱାଦିଆଆତି ଲକୁ ମାହାପୁରୁତି ଲକୁତଲେ
ରାହାଁ କିଦୁ □”

୧୧ ଅଡ଼େ ଜିକେଏ,
“ଜୀହ୍ୱାଦିଆଆତି ଲକୁ ବାରେ ପ୍ରବୁଇଁ ଜହରା କିଦୁ,
ଅଡ଼େ ବାରେ ଲକୁ ଏଝାଣି ପାରୁ ପାଟାପେରି
□”

୧୨ ଅଡ଼େ ଖେଣ୍ଡେ ଜିସାୟ ଖେସାମାନେସି,
“ଜିସି କୁଡ଼ାଟି ରଅସି ତଞ୍ଜାଆନେସି,
ଏଝାସି ଜୀହ୍ୱାଦିଆଆତି ଲକୁଣି ସାଲଝି
କିନେସି,
ଇଞ୍ଜା ଜୀହ୍ୱାଦିଆଆତାରି ଏଝାଣି ତାଣା ବାର୍ସୁ
ଇଟିନେରି □”

୧୩ ବାରେ ବାର୍ସୁଗାଟି, ମାହାପୁରୁ ମୀ ନାମୁ ତାକି
ମିଙ୍ଗେ ରାହାଁ ଇଞ୍ଜା ହିଡ଼ଡ଼ି ହିୟାପେସି □ ଏନିକ
ସୁଦୁଜୀଝୁତି ବାଡ଼ୟୁ ତଲେ ମୀ ବାର୍ସୁ ପାତାଆନେ □

ଜୀହ୍ୱାଦିଆଆତି ଲକୁତାଣା ପାଝୁଲତି ସେବା

୧୪ ତାୟି ତାଜିସ୍ଥାତେରି, ମୀରୁ ବାରେ ନେହ
ଗୁଣୁ, ଏନିକିହ
ବାରେ ବୁଦିତଲେ ଇଞ୍ଜା
ରଅତେରି ରଅଣାଇଁ ଜାପୁହାଲି ତାକି ଆଡ଼ିଦେରି
ନା ନାମୁ ମାନେ □

୧୫ ଆଡ଼ିଜିକେଏ ମାହାପୁରୁ ହୀହାମାଞ୍ଜାନି
କାର୍ମାତି ବାଡ଼ୟୁଟି ନାନୁ ମିଙ୍ଗେ ଅଣ୍ପି କିହାଲି
ହାରେକା ସାସାତଲେ ମୀ ତାଣା ଇ ଆକୁ
ରାଡ଼ିମାଞ୍ଜାଇଁ □

୧୬ ଏନାଆଁତାକି ଇଟିହ
କ୍ରୀସୁ ଜୀସୁତି
ହଲେଏଣା ଲେହେଁ ଜୀହ୍ୱାଦିଆଆତି ଲକୁତାକି
କାମା କିହାଲି ମାହାପୁରୁ ନାଙ୍ଗେ ପାରୁ
ହୀହାମାଞ୍ଜାନେସି □ ମାହାପୁରୁତି ନେହ
କାବୁ ଖେକହାଲି ତାକି ନାନୁ ର ପୂଜେରାତି କାମା
କିହିମାଇଁ □ ଜୀହ୍ୱାଦିଆଆତି ଲକୁ ସୁଦୁଜୀଝୁ ତଲେ
ହେରପିଆଡ଼ି ଲେହେଁ ମାହାପୁରୁ ତାଣା ଆବିନାରି
ଆପେରି, ଇଦି ନା ଅଣ୍ପୁ □

୧୭ କ୍ରୀସୁ ଜୀସୁତଲେ ଆଣ୍ଡାନା ମାହାପୁରୁ ତାକି ଇ
ସେବା କାମା କିହାମାନାକି ନାନୁ ବଡ଼ପଣ ଆହିମାଇଁ
□

୧୮ ଇଟିହ
ଜୀହ୍ୱାଦିଆଆତାରାଇଁ ମାହାପୁରୁ
ତାଣା ତାଗାଲି କ୍ରୀସୁ ନା ତାଣାଟି ବଲୁତା ଅଡ଼େ
କାମାତା ଇଟିହ
ହାରେକା ସିନାୟା କାବାଆନି
କାମାୟା ତଲେ, ସୁଦୁଜୀଝୁତି ବାଡ଼ୟୁଟି ଏନା
ଏନାଆଁ କିହାହିଲଅସି, ଇଲେତି ଏନି କାମା କିହାଲି
ସାସା କିହିହିଲଅଁ □

୧୯ ସିନା ଅଡ଼େ କାବାଆନି କାମାତି ବାଡ଼ୟୁଟି
ଅଡ଼େ ମାହାପୁରୁ ସୁଦୁଜୀଝୁତି ବାଡ଼ୟୁଟି ନା ତାଣାଟି
କିହାମାନେସି □ ଏନିକ
ନାନୁ ଜିରୁସାଲମ ଟଟ
ସାରିଝାକି ଇଞ୍ଜା ଇଲୁରିକମ ପାତେକା କ୍ରୀସୁତି
ନେହ
କାବୁ ଖେକହାମାଇଁ □

୨୦ ଆମ୍ବିୟା ଲକୁ କ୍ରୀସୁତି କାତା ଖେଞ୍ଜାହିଲଅରି,
ଏମ୍ବାଆଁ ଏଝାଣି ବଲୁ ଖେକହାଲି ନା ଅଣ୍ପୁ,
ଏନାଆଁତାକି ଇଟିହ
ଏଡ଼କାତି ଲକୁ କିହାମାନି
ପୁନାଦି ଲାକ ଇଲୁ କିହାଲି ନାନୁ ଅଣ୍ପି ହିଲଅଁ □

୨୧ ସାଡ଼ସ୍ପେରିତା ଏନିକିହ
ରାସ୍ତକି ଆହାମାନେ;
“ଆମିନି ଗାଟାରି ଏଝାଣି ବଲୁ ବେଟାଆହା
ହିଲଅରି,
ଏଝାରି ମେହନେରି; ଆମ୍ବାଆରି
ଖେଞ୍ଜାହିଲଅରି, ଏଝାରି ତେଲ୍‌ହିନେରି
□”

ରମ୍ପତା ହାଜାଲି ପାଝୁଲତି ଅଣ୍ପୁ

୨୨ ହାରେକା ଦେବା ମୀ ତାଣା ଝାହାଲି ତାକି
ନା ଅଣ୍ପୁ ଉଜେଏତାୟି ଆଡେ □

୨୩ ସାମା ଇ ରାଜିତା ନା ସେବା କାମା
ରାହାମାନେ ଅଡ଼େ ନା ଆସା, ମିଙ୍ଗେ ମେସାଲି ତାକି
ନା ହାରେକା ବାର୍ସାତି ଅଣ୍ପୁ ନୀଏଁ ପୂରା ଆନେ □

୨୪ ନାନୁ ସ୍ତେନ୍ ଦେସା ହାନିବେଲତା ମୀ ତାଣା
ଝାଈ; ଇଟିହ
ଜିରୁତା ମୀ ତଲେ ତଲିଏ ଆଣ୍ଡାନା
କାତା ଆହାଁ ଏତରଦିନା ଡ଼ୟିତି ତାୟୁ ଏ ଟାୟୁତା
ହାଜାଲି ଜିରୁତା ଇଟିଝାୟାଦେରି ଇଞ୍ଜା
ଆସା
କିହିମାଇଁ □

୨୫ ନୀଏଁ ମାହାପୁରୁ ଲକୁତି ସେବା କିହାଲି ନାନୁ
ଜିରୁସାଲମତା ହାଜିମାଇଁ □

୨୬ ଜିରୁସାଲମତା ମାହାପୁରୁ ଲକୁ, ଆମ୍ବାଆରି
ହିଲାଆ ଗାଟାରି ମାନେରି, ଏଝାରି ତାକି
ମାକିଦନିୟା ଅଡ଼େ ଆକାୟାତି କୁଲମିକା ଆଣ୍ଡାଲି
ତାବୁୟା କୁଡ଼ିକିହାଲି ତୀରି କିହାମାନେରି □

୨୭ ହାଅ ଏଝାରି ଏଡ଼ାଆଁ ନେହେଁ ଅଣ୍ପା
ମାନେରି ସାତା, ଆତିହ
ଏଝାରି ଏଝାରିତାଣା
ରୀଣା ଜିକେଏ ଆହାମାନେରି; ଜୀହ୍ୱାଦିଆଆତାରି
ଏଝାରି ଦାର୍ମୁତି ଜୀଝୁତା ଆଣ୍ଡାମାନେରି ଇଟିହ
ଏଝାରି ଦାର୍ତତି କାମାତା ଜିକେଏ ସେବା କିହାଲି
ରୀଣା ଆହାମାନେରି □

୨୮ ଜିରୁସାଲମତା ଏ ତାବୁୟା ଲକୁକି ହୀହାନା
ନା କାମା ରାପୁହି ତାୟୁ, ନାନୁ ସ୍ତେନ୍ ଦେସାତା
ହାନାଟି ଏ ଜିରୁଟିଏ ମିଙ୍ଗେ ବେଟି ଝାଈ □

୨୯ ନାନୁ ପୁଞ୍ଜାମାଇଁ, କ୍ରୀସୁ ତାଣାଟି ହାରେପୁରେ
ବର ବେଟାଆହାନା ନାନୁ ମୀ ତାଣା ଝାଈ □

୩୦ ଜୀଝୁତି ତାୟି ତାଜି, ନାନୁ ମା ପ୍ରବୁ ଜୀସୁ
କ୍ରୀସୁ ଦରୁତଲେ ଇଞ୍ଜା ସୁଦୁଜୀଝୁ ହୀହାମାଞ୍ଜାନି
ଜୀଝୁ ନନାଣି ତାକି ମିଙ୍ଗେ ବାଡ଼ିମାଲିମାଞ୍ଜାଇଁ,
ନାଙ୍ଗେ ତାକି ମାହାପୁରୁ ତାଣା ରଣିଏ ଅଣ୍ପୁ ତଲେ
ପ୍ରାତାନା କିଦୁ □

୩୧ ନାନୁ ଜୀହ୍ୱାଦା ଦେସାତି ନାମାଆତି ଲକୁ
ତାଣାଟି ଏନିକିହ
ଗେଲ୍‌ପି ଆଇଁ ଇଞ୍ଜା

ଜିରୁସାଲମତା ନା ଏମିନି ସେବା କାମା, ଏଦିଏମ୍ବାଆଁ
ମାହାପୁରୁ ଲକୁ ଅପିନେରି, ଏଦାଆଁତାକି ପ୍ରାତାନା
କିହେମାଞ୍ଜୁ □

୩୨ ମାହାପୁରୁ ଅଣପୁ ତଲେ, ନାନୁ ମୀ ତାଣା
ହାରେକା ରାହାତଲେ ଖାଈଁ ଇଞ୍ଜା ମୀ ତଲେ
ଏତରଦିନା ପାତେକା ତୟାନା ନା ହିୟାତା ରାହାଁ
ବେଗାଆଇଁ □

୩୩ ବାରେ ହିତ୍ତ ହିୟାନି ମାହାପୁରୁ ମୀ ତଲେ
ମାଣମେସି □ ଆମେନ୍ □

୧୭

ପାଞ୍ଜୁଲତି ଜହରା

୧ କେକେୟା କୁଲମିତା ସେବା କାମା କିହିମାନି
ମା ତାଈଁ ପୟିବିଇଁ ମୀ ତାଣା ପାଣ୍ଡିମାଞ୍ଜାଇଁ,

୨ ପ୍ରବୁତି ଦରୁତଲେ ଏଦାନି ଆବାଦୁ, ମାହାପୁରୁ
ଲକୁ ଲେହେଁ ଲେମ୍ବାଦୁ □ ତାନି ଲଡ଼ାମାନି ଲେହେଁ
ସାୟେମି କିଦୁ □ ଏଦି ନାଈତାକି ଅଡ଼େ ହାରେକା
ଲକୁତି ସାୟେମିତି ତଡ଼ୁ □

୩ *କ୍ରୀସ୍ତ ଜୀସୁତି ସେବା କାମାତା ନା ତଲେ
କାମା କିହିମାନି ପ୍ରିୟିଲାଇଁ ଇଞ୍ଜା ଆକ୍ଠିଲାଇଁ ନା
ଜହରା ଖେହ୍ଦୁ □

୪ ଏ ଲକୁ ନା ତାକି ତାନି ଜୀସୁତା କସ୍ତ
ଆହାମାନେ □ ଖାରଇ ନାନୁ ଆଏ, ବାରେ
ଜୀହୁଦିଆଆତି କୁଲମି ତାନି ତାଣା ଜହରା □

୫ ଏ ଲକୁତି ଇଜ ରୁଣ୍ଡା ଆହିମାନି କୁଲମିତି
ଲକୁଣି ଜିକେଏ ନା ଜହରା ଖେସିମାଇଁ □ ନା
ଜୀସୁତି ତଡ଼ୁ ଏପାୟିନେତଇଁ ନା ଜହରା ଖେହ୍ଦୁ
□ ଆସିୟା ଦେସାତି ଏଞ୍ଜାସି ରଅସି ମୂଲୁଏ କ୍ରୀସ୍ତଇଁ
ନାନିତାସି □

୬ ମୀ ନେହେଁତାକି ଜମାଆନା କାମା କିହିମାନି
ମରିୟମାଇଁ ନା ଜହରା □

୭ ଆହୁନିକ ଇଞ୍ଜା ଜୁନିୟାଇଁ ନା ଜହରା □ ଇ
ରିଆରି ଜୀହୁଦିୟାଁ ନା ତଲେ କାୟିଦି ଇଲୁତା
ମାତେରି □ ନା ନକେଏ କ୍ରୀସ୍ତଇଁ ନାମା ମାତେରି
ଇଞ୍ଜା ପାଣ୍ଡିଆଡ଼ି ସୀସୁ ତାଣାଟି ଏଞ୍ଜାରି ପୁଣ୍ଡି
ଆଡ଼ାରି □

୮ ପ୍ରବୁ ତାଣା ନା ଜୀସୁତି ତଡ଼ୁ ଆମ୍ବିୟାତଇଁ
ଜହରା □

୯ କ୍ରୀସ୍ତ ସେବା କାମାତା ନାଈତା ସାୟେମି
କିହିମାଞ୍ଜାନି ଉର୍ବାନ ଇଞ୍ଜା ଜୀସୁତି ତଡ଼ୁ ସ୍ତାକିୟଇଁ
ଜିକେଏ ନା ଜହରା □

୧୦ କ୍ରୀସ୍ତ ମାନି ତଲେ କାମା କିନି ଆପେଲାଇଁ
ଇଞ୍ଜା ଆରିସ୍ତବୁଲ କୁଟମିତି ବାରେ ଜାଣାଇଁ ନା
ଜହରା ଖେହ୍ଦୁ □

୧୧ ନା କୁଡ଼ାତି ହେରଦିୟନ ଇଞ୍ଜା ନାକିଏ
କୁଟମିତି କ୍ରୀସ୍ତ ତାୟିୟାଣି ଜିକେଏ ନା ଜହରା
□

୧୨ ପ୍ରବୁତି ସେବା କାମାତା ମାନି ତ୍ରିପେନା
ଇଞ୍ଜା ତ୍ରିପସାଇଁ ଇଞ୍ଜା ପ୍ରବୁ ତାକି ହାରେକା କାମା
କିହିମାନି ଜୀସୁତି ପସିଏଇଁ ନା ଜହରା □

୧୩ *ପ୍ରବୁ ଆଡ଼ାମାନି ରୁପସ ଇଞ୍ଜା ନା ତାଲି
ଲେହେଁତ ତାନି ଇୟାନି ଜିକେଏ ନା ଜହରା □

୧୪ ଅସୁକ୍ତିତ, ପ୍ଲେଗନ, ହର୍ମିଏ, ପାତ୍ରବା,
ହର୍ମିଏ ଇଞ୍ଜା ଏଞ୍ଜାରିତଲେ ମାନି ବାରେ କ୍ରୀସ୍ତଇଁ
ନାନିମାନି ତାୟି ତାଈଁଇଁ ଜହରା ଖେହ୍ଦୁ □

୧୫ ପିଲଲଗ ଇଞ୍ଜା ଜୁଲିୟା, ନିରୁସ୍ ଇଞ୍ଜା ତାନି
ତାଈଁ ଅଡ଼େ ଅଲୁମା ଅଡ଼େ ଏଞ୍ଜାରିତଲେ ମାନି
ବାରେ ମାହାପୁରୁ ଲକୁଣି ନା ଜହରା ଖେହ୍ଦୁ □

୧୬ ସୁଦୁ ହିୟାଁ ତଲେ ନଶ୍ଠି ଆହାନା ଜହରା
ଖେହ୍ଦୁ □ କ୍ରୀସ୍ତ ବାରେ କୁଲମିକା ମିଈଁ ଜହରା
କିହିମାଞ୍ଜାନୁ □

ପାଞ୍ଜୁଲତି ରାନ୍ଦି ବେଲାତି ବଲୁ

୧୭ ତାୟି ତାଈଁସ୍ତାତେରି, ମୀରୁ ଆମିନି କାତା
ଜାପାମାଞ୍ଜେରି, ଏ କାତାତି ପିସାନା ଗତି ଗତି
କିନାସି ଅଡ଼େ ଲାଗେଏ କିୟାନେସି ଏଞ୍ଜାରାଇଁ ପୁଞ୍ଜା
ତୟାଦୁ, ଏଞ୍ଜାରି ତାଣାଟି ଏବକା ଆୟାଲି ନାନୁ
ବାତିମାଲିମାଞ୍ଜାଇଁ □

୧୮ ଇତିହଁ ଇଲେତି ଲକୁ ମା ପ୍ରବୁ କ୍ରୀସ୍ତ
ହଲିୟାକା ଆଏ, ସାମା ତାନି ବାଣ୍ଡିତି ହଲିୟାକା
ଆହାମାନେରି, ଅଡ଼େ ସୁଞ୍ଜାଲାଇଁ ହାଡ଼ାତଲେ ଲକୁ
ମନତି ନାଡ଼ି କିନେରି □

୧୯ ନେହଁ ବଲୁ ତାକି ମୀ ତୀରପୁ କାମା ବାରେ
ଲକୁ ଖେଞ୍ଜାମାନେରି, ଇଦାଆଁତାକି ନାନୁ ହାରେକା
ରାହାଁ □ ନାନୁ ଅଣ୍ଡିମାଇଁ, ମୀରୁ ସାତା କାତାତା
ବୁଦି ଗାଟାତେରି ଆଦୁ ଇଞ୍ଜା ଉଜେଏତି କାତାତା
ଆଣ୍ଡାଆଦୁ □

୨୦ ଆତିହଁ ହିତ୍ତ ହିୟାନି ମାହାପୁରୁ ତବେ
ସୟତାନଇଁ ମୀ କଡ଼ା ତଇ କିନେସି □ ମା ପ୍ରବୁ
ଜୀସୁତି କାର୍ମାମେହ୍ନାୟି ମୀ ତଲେ ମାଣମେସି □

୨୧ *ନା ତଲେ କାମା କିହିମାନି ତିମତି ଇଞ୍ଜା ମା
ଜୀହୁଦି ତାୟିୟାଁ ଲୁକିୟ, ଜାସନ ଇଞ୍ଜା ସସିପାତ୍ର
ମିଈଁ ଜହରା କିହିମାଞ୍ଜାନେରି □

୨୨ ଇ ଆକୁ ରାଡ଼ାମାନି ତଡ଼ିୟ, ପ୍ରବୁତି
ଦରୁତଲେ ମିଈଁ ଜହରା କିହିମାଞ୍ଜାଇଁ □

୨୩ *ନାଈତା ଅଡ଼େ କୁଲମିତି ସେବା କିନି ଗାୟସ
ମିଈଁ ଜହରା କିହିମାଞ୍ଜାନେସି, ଅଡ଼େ ଇ ଗାଡ଼ାତି
ଗୁମ୍ବୁସ୍ତା ଏରାସ୍ତ ଇଞ୍ଜା ତାୟି କ୍ଵାଡ଼ି ଜିକେଏ ମିଈଁ
ଜହରା କିହିମାଞ୍ଜାନେରି □

☆ ୧୭:୩ ୧୭:୩ କାମା ୧୮:୨ ☆ ୧୭:୧୩ ୧୭:୧୩ ମାର୍କ ୧୫:୨୧ ☆ ୧୭:୨୧ ୧୭:୨୧ କାମା ୧୭:୧ ☆ ୧୭:୨୩ ୧୭:୨୩ କାମା ୧୯:୨୯; ୧କର ୧:୧୪; ୨ତିମ ୪:୨୦

୨୪ ପ୍ରଭୁ ଜୀସୁତି କାର୍ମାମେହନାୟି ମୀ ବାରେ
ଜାଣାକି ଆପେ □

ପ୍ରାତାନା ଇଞ୍ଜା ଜହରା ତଲେ ଆକୁ ରାପ୍ନାୟି

୨୫ ଖାଦୁ, ମାର ମାହାପୁରୁତି ଗାଝୁରମି କିନ □
ନାନୁ ଝେକ୍‌ହାମାନି ଜୀସୁ କ୍ରୀସ୍ତତି ନେହ୍ ବଲୁ
ଇଞ୍ଜା ତଲି କାଲ୍‌ଗିଏ ଡଗୁମାନି ସାତା ଲେହେଁ ମୀ
ନାମୁ ତାରିକିହାଁ ଇଟାଲି ମାହାପୁରୁ ଆଡ଼ିନେସି □

୨୬ ଏ ଡଗୁମାନି ସାତା ମାହାପୁରୁ ଅଶ୍‌ପୁତି ବଲୁ
ଝେହ୍‌ନାରି ସାସ୍ତେରିତା ରାସ୍‌କି ଆହାମାନେ ଅଡେ
ଏଡି ନୀଏଁ କାଲ୍‌କାଲ୍‌ଗି ପ୍ରଭୁ ମାହାପୁରୁ ତାଣାଟି
ବାରେ କୁଡ଼ା ବିଡ଼ା ଝେପକି ଆହିମାନେ □ ଇଦାଆଁ
ତଲେ ବାରେଜାଣା ନାମାନା ମାହାପୁରୁଇଁ ମାନି
କିହାଲି ଆଡ଼ିନେର □

୨୭ ବାରେ କାତା ପୁନି ମାହାପୁରୁ ପ୍ରଭୁ ଜୀସୁ
ତାଣା କାଲ୍‌କାଲ୍‌ଗା ତାକି ଗାଝୁରମି ବେଟାଆପେସି
□ ଆମେନ୍ □

କରକ୍ତି ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପ୍ରଥମ ପତ୍ର କରକ୍ତି କୁଲମିତାକି ପାଞ୍ଚୁଲ ରାଚାମାନି ର ଲମ୍ବର ଆକୁ ମୂଳୁ ହାଡ଼ା

କରକ୍ତି କୁଲମିତି ର ଲମ୍ବର ଆକୁ ପାଣ୍ଡୁଆହାମାନି ପାଞ୍ଚୁଲ ତାଣ୍ଡାଟି ଜୀସୁ କ୍ରୀସ୍ତୁଟି ଜାର୍ନାତି ୫୫ ବାର୍ଷା ଢେର ରାସ୍ତି ଆହାମାତେ ୧:୧ □ ପାଞ୍ଚୁଲ ତାଣ୍ଡାଟି ରାସ୍ତି ଆହାମାନି ଜଡ଼େକା ଆକା ବିତ୍ରାଟି ଇଦି ଆହିମାନେ ର ଲମ୍ବର ଆକୁ □ ଏଞ୍ଜାସି ଏପିସିୟତା ମାଟିବେଲ୍ୟାତା ଇ ଆକୁ ରାଚା ମାଣ୍ଡିତେସି ୧୭:୫-୯ □ ମାକିଦନିୟାଟି କରକ୍ତିତା ହାଜାଲି ମନ କିନି ନକେଏ ଇ ଆକୁ ରାଚାମାତେସି □

ପାଞ୍ଚୁଲ ଇ ଆକୁତା କୁଲମି ଗଟି ଗଟି ଆନାୟି ଲାଗେଏତି କାମାଟି ଜୁପକା ତଲେ ହାରେକା ପାପୁ କାମା ଆହିମାନାଣି କୁଲମିତି ଲକୁ ତାଣ୍ଡାଟି ଝେଞ୍ଜାନା ଝେଣ୍ଡେ ଝେସାଲି ମନ ହାହିମାନେସି □ କରକ୍ତି ଗାଡ଼ା ଲାଗେଏ ପଲେଏ ପାପୁ କାମାୟା କିହିମାନାୟି ଝେଙ୍ଗାମାତେ □ ଇଞ୍ଜା ଗାଡ଼ାତା ମାଟି କୁଲମି ହାରେକା କାଙ୍ଗାଲା ଆହିମାତେରି □ ଏଦାଆଁ ଅଣପାନା ଏଞ୍ଜାରାକି ତିନା ଉନାଣି, ବାହା ଆନାଣି ଅଡ଼େ କିନାଣି, ହାକି ଅଡ଼େ ଝେଣ୍ଡେ ନିଙ୍ଗିନାଣି, ସାତା ଜୀଞ୍ଜୁନନାୟି ଏନାୟି ଇ ବାରେ କାତା ଆକୁତା ରାଚାନା ତସାମାନେସି ୧୩ □

ପତିତା ମାନାୟି

- ୧ ଜହରା କିହାନା ପୁଣ୍ଡିକିନାୟି □ ୧:୧-୯
- ୨ କୁଲମିକା ଗଟି ଆନି କାତା ଜାପୁନାୟି □ ୧:୧୦-୪:୨୧
- ୩ ଲାଗେଏତି ପାପୁ କାମା ଅଡ଼େ ଦାଞ୍ଜାକିନି କାତା □ ୫:୧-୭:୨୦
- ୪ ବାହା, ପେଣକା ବମାୟାତି ବଗୁ, ଜାଟୁ ଆହାନା ପ୍ରାଡାନା, ସୁଦୁଜୀଞ୍ଜୁତି ଦାନା, ଇଞ୍ଜା ଝେଣ୍ଡେ ନିଙ୍ଗିନି କାତା □ ୭:୧-୧୫:୫୮
- ୫ ଲେମ୍ବିନି କାତା, ଜାହାରା ଅଣ୍ଡୁ ଇଞ୍ଜା ରାପୁନାୟି □ ୧୭

୧ ନାନୁ ପାଞ୍ଚୁଲ, ମାହାପୁରୁତି ମନତଲେ କ୍ରୀସ୍ତୁ ଜୀସୁ ତାଣ୍ଡାଟି ଆଚାନା ପାଣ୍ଡୁଞ୍ଜି ଆହାମାନାତେଏ, ଅଡ଼େ ମା ତାୟି ସସିନା ତଲେ,

୨ *କରକ୍ତି ଗାଡ଼ାତା ମାନି ମାହାପୁରୁ କୁଲମିତାକି ଇ ଆକୁ ରାଚିମାନେରି; ଆମିନି ବାରେଜାଣା ଏଞ୍ଜାରିତାଣା, ପ୍ରବୁ ଜୀସୁ କ୍ରୀସ୍ତୁ ଦରୁତଲେ ପ୍ରାଡାନା

କିହିମାନେରି, ଏଞ୍ଜାରିତଲେ କ୍ରୀସ୍ତୁ ଜୀସୁ ତାଣ୍ଡା ପ୍ରବୁ ଆହାନା ହାଟ୍‌କି ଆହାମାନି ମାହାପୁରୁ ଲକୁତେରି ମୀରୁ □

୩ ମିଙ୍ଗେତାକି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତୁ ତାଣ୍ଡାଟି କାର୍ମାମେହନାୟି ଅଡ଼େ ହିଡ଼ି ଆପେ □

କ୍ରୀସ୍ତୁ ତାଣ୍ଡାଟି ବର

୪ କ୍ରୀସ୍ତୁ ଜୀସୁ ତାଣ୍ଡାଟି ମିଙ୍ଗେ ହାହାମାଞ୍ଜାନି ମାହାପୁରୁତି ଆମିନି କାର୍ମାମେହନାୟି, ଏଦାଆଁତାକି ନାନୁ କାଲେଏ ମିଙ୍ଗେତାକି ମାହାପୁରୁଈ ଜହରା କିହିମାଈ,

୫ ଏଦାଆଁତାକି ଇତିହୁଁ ଏଞ୍ଜାଣି ତାଣ୍ଡା ବାରେ କାତାତା, ହାରେକା କିହିଁ ବାରେଲେହେଁତି ଜାପୁନି ତାଣ୍ଡା ଅଡ଼େ ବାରେଲେହେଁତି ବୁଦିତା ମୀରୁ ଗାଡ଼ି ବାଡ଼କା ମାଞ୍ଜେରି;

୬ ଇଲେଆହୁଁ କ୍ରୀସ୍ତୁଟି ସାକି ମୀ ତାଣ୍ଡା ତୀରି ଆହାମାନେ □

୭ ଇଦାଆଁତାକି ମୀରୁ ମା ପ୍ରବୁ ଜୀସୁ କ୍ରୀସ୍ତୁଟି ତଞ୍ଜା ଆହାଲିତାକି କାପୁ କାଚାନା ଏନି କାର୍ମାଟି ଦାନାତା ଉଣା ଆହାହିଲଅତେରି;

୮ ମା ପ୍ରବୁ ଜୀସୁ କ୍ରୀସ୍ତୁଟି ଦିନାତା ଏନିକଁ ମୀରୁ ଦହୁ ହିଲାଆଗାଟାତେରି ଆଦେରି, ଇଦାଆଁତାକି ଏଞ୍ଜାସି ମିଙ୍ଗେ ରାନ୍ତି ଦିନା ପାତେକା ତୀରିକିହା ଇଟାନେସି □

୯ ମାହାପୁରୁ ନାମୁଗାଗାସି, ଆମ୍ବାଆରି ତାଣ୍ଡାଟି ମୀରୁ ତାନି ମୀରୁଏସି ଜୀସୁ କ୍ରୀସ୍ତୁ, ମା ପ୍ରବୁ ତାଣ୍ଡା ଆଣ୍ଡିନାଣାକି ହାଟ୍‌କି ଆହାମାଞ୍ଜେରି □

ନାମିତି କୁଲମି ବିତ୍ରା ଗଟି ଆନାୟି

୧୦ ଏ ତାୟିୟାଁ ଅଡ଼େ ତାଙ୍ଗିସ୍ତାତେରି, ମା ପ୍ରବୁ ଜୀସୁ କ୍ରୀସ୍ତୁ ଦରୁତଲେ ନାନୁ ମିଙ୍ଗେ ବାତିମାଲିମାଞ୍ଜାଈ, ଏନିକଁ ମୀରୁ ବାରେଜାଣା ତେରି ରଣ୍ଡିଏ କାତା ଜଲିଦେରି, ଅଡ଼େ ମୀ ବିତ୍ରା ଗଟି ଆଅତେରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣ୍ଡୁ ତଲେ କାଲୁଞ୍ଜି ଆଦୁ □

୧୧ ଇତିହୁଁ, ଏ ନା ତାୟିୟାଁ ଅଡ଼େ ତାଙ୍ଗିସ୍ତାତେରି, କୁଲିତି କୁଟମିଟି ମୀ କାତା ନା ତାଣ୍ଡା ଇଦି ତଞ୍ଜା ଆହାମାନେ, ମୀ ବିତ୍ରା ଗଡ଼ହା ମାନେ □

୧୨ *ନାନୁ ଝେସ୍ତାନି କାତା ଇଦି, ମୀ ବିତ୍ରାଟି ଆମ୍ବା ଆମ୍ବାଆରି ଏଲେଇନେରି, ନାନୁ ପାଞ୍ଚୁଲ ଝାକି ତାତେଏଁ, ଇଞ୍ଜା ଆମ୍ବାଆରି ନାନୁ ଆପଲ ଝାକି ତାତେଏଁ, ନାନୁ କେପା ଝାକି ତାତେଏଁ ଅଡ଼େ ଏତରଜାଣା ନାନୁ କ୍ରୀସ୍ତୁ ଝାକି ତାତେଏଁ ଇଞ୍ଜାଁ ମାନେରି □

୧୩ କ୍ରୀସ୍ତୁ ବାଗା ଆହାମାନେସି କି ? ମିଙ୍ଗେତାକି ପାଞ୍ଚୁଲ କି ପାସି ମୁଣ୍ଡାତା ହାହାମାନେସି ?

* ୧:୨ ୧:୨ କାମା ୧୮:୧ * ୧:୧୨ ୧:୧୨ କାମା ୧୮:୨୪ * ୧:୧୩ ୧:୧୩ମୁଞ୍ଜନାୟି

ଆଥାତ୍ ମୀରୁ କି ପାଖୁଲ ଦରୁତଲେ ବାପ୍ତିସ୍ମ* ଅହାମାଞ୍ଜେରି ?

୧୪ *ଇଦାଆଁତାକି କ୍ରିସପ ଅଡ଼େ ଗାୟ ପିସପେ ମୀ ବିତ୍ରା ଆମ୍ବାଆରାଇଁ ଜିକେଏ ବାପ୍ତିସ୍ମ† ହାହାହିଲଅଁ ଇଞ୍ଜିଁ ନାନୁ ମାହାପୁରୁଇଁ ଜହରା କିହିମାଇଁ,

୧୫ ଏଡ଼େତା ମୀରୁ ନୀ ଦରୁତଲେ ବାପ୍ତିସ୍ମ‡ ଅହାମାଇଁ ଇଞ୍ଜିଁ ଆମ୍ବାଆରି ଏଲେଇଞ୍ଜଅରି □

୧୬ *ଅଡ଼େ ସ୍ତ୍ରୀପାନତି କୁଟମିଇଁ ଜିକେଏ ବାପ୍ତିସ୍ମ§ ହାହାମାଇଁ; ଇଞ୍ଜାରି ପିସପେ ନାନୁ ଅଡ଼େ ଆମ୍ବାଆରାଇଁ ବାପ୍ତିସ୍ମ* ହାହାମାଇଁ ଇଞ୍ଜିଁ ନା ଅଶ୍ପୁତା ହିଲେଏ □

୧୭ ଇଚିହଁ କ୍ରୀସ୍ତ ନାଞ୍ଜେ ବାପ୍ତିସ୍ମ† ହାହାଲିତାକି ପାଣ୍ଡାମାଞ୍ଜଅସି, ସାମା ନେହଁ କାରୁ ଝେସାଲି ପାଣ୍ଡାମାଞ୍ଜାନେସି; ଏଦି ଜିକେଏ ବଲୁଡ଼ ରାହଁ କିନି ତାଣା ଆଏ, ଏଡ଼େତା ପାଟେ କ୍ରୀସ୍ତତି ପାସିମୁଣ୍ଡା ଉଜେଏ ଆନେ □

କ୍ରୀସ୍ତ ମାହାପୁରୁତି ବାଡ଼ୟୁ ଅଡ଼େ ବୁଦି

୧୮ ଇଚିହଁ ନାସା ଆହିମାନି ଲକ୍ଷ୍ମତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲ୍ପି ଆହିମାନି ମା ବାରେଜାଣା ତାକି ଏଦି ମାହାପୁରୁତି ବାଡ଼ୟୁ □

୧୯ ଇଦାଆଁତାକି ରାସ୍କି ଆହାମାନେ, “ନାନୁ ବୁଦିଗାଟାରି ବୁଦି ନାସଞ୍ଜି କିଇଁ, ଅଡ଼େ ବୁଦିଗାଟାରି ବୁଦି ଅପଅଁ □”

୨୦ ବୁଦିଗାଟାରି ଆମ୍ବିୟା ? ମେରା ଜାପ୍ନାରି ଆମ୍ବିୟା ? ଇ ଜୁଗୁତି କାତା କାଟଞ୍ଜିକିହଁ ଝେହନାରି ଆମ୍ବିୟା ? ମାହାପୁରୁ କି ଦାର୍ତତି ବୁଦିଇଁ ଉଜେଏତାୟି ଇଞ୍ଜିଁ ଝେସାହିଲଅସି ?

୨୧ ଇଚିହଁ ମାହାପୁରୁତି ବୁଦି ତଞ୍ଜାଆହାମାତି ଜିକେଏ ଦାର୍ତତି ଜାହାରା ବୁଦିତଲେ ମାହାପୁରୁଇଁ ପୁନାଆତାକି ମାମ୍ବୁ ଝେକ୍‌ହାମାନି କାତା ଉଜେଏତାୟି, ଆଡ଼ିଜିକେଏ ନାମୁ ଗାଟାରାଇଁ ଗେଲ୍ପାଲିତାକି ମାହାପୁରୁ ଅଶ୍ପିତେସି □

୨୨ ଇଚିହଁ ଜୀହୁଦିଙ୍ଗା ସିନା ପାରିନେରି, ସାମା ଗ୍ରିକ୍ ଲକ୍ଷ୍ମ ବୁଦିତି ପାରିନେରି □

୨୩ ସାମା ମାମ୍ବୁ ପାସି ମୁଣ୍ଡାତା ହାଡ଼ି କ୍ରୀସ୍ତତି କାତା ଝେକ୍‌ହି ମାନମି, ଏଞ୍ଜାସି ଜୀହୁଦି ଲକ୍ଷ୍ମତାକି ସାଡ଼ୁ ଲେହେଁତାସି ଅଡ଼େ ଜୀହୁଦିଆଆତି ଲକ୍ଷ୍ମତାକି ବୁଦି ହିଲାଆଲେହେଁ □

୨୪ ସାମା ଜୀହୁଦି ଆପାରି କି ଜୀହୁଦିଆଆତାରି ଆପାରି, ଆମ୍ବାଆରି ହାଟ୍‌କି ଆଡାରି, ଏଞ୍ଜାରାକି କ୍ରୀସ୍ତ ମାହାପୁରୁତି ବାଡ଼ୟୁ ଅଡ଼େ ମାହାପୁରୁତି ବୁଦି ଲେହେଁ □

୨୫ ଇଚିହଁ ମାହାପୁରୁତି ବୁଦି ହିଲାଆଗାଟାୟି ମାଣ୍ଡସିୟାତି ବୁଦି କିହାଁ ହାରେକା ବୁଦି, ଅଡ଼େ ମାହାପୁରୁତି ଆଡାଆ ଗାଟାୟି ମାଣ୍ଡସିୟାତି ବାଡ଼ୟୁ କିହାଁ ହାରେକା ବାଡ଼ୟୁ ଗାଟାୟି □

୨୬ ଏ ତାୟିୟାଁ ଅଡ଼େ ତାଜିସ୍ତା ମିଙ୍ଗେ ହାଟାମାନି କାତା ଅଶ୍ପାଦୁ, ଦାର୍ତତି ଲକ୍ଷ୍ମତି ଅଶ୍ପା ଲେହେଁ ହାରେକା ବୁଦିଗାଟାରି, ହାରେକା ବାଡ଼ୟୁ ଗାଟାରି, କି କାଜା କୃଡ଼ା ଗାଟାରି ହାଟ୍‌କି ଆହାହିଲଅରି;

୨୭ ଏଦାଆଁତାକି ମାହାପୁରୁ ବୁଦି ଗାଟାରାଇଁ ଲାଜା କିହାଲିତାକି ଦାର୍ତତି ବୁଦି ହିଲାଆଗାଟାଣି ଆଡ଼ିତେସି, ଅଡ଼େ ବାଡ଼ୟୁ ଗାଟାଣି ଲାଜା କିହାଲିତାକି ମାହାପୁରୁ ଦାର୍ତତି ବାଡ଼ୟୁ ହିଲାଆଗାଟାରାଇଁ ଆଡ଼ିତେସି □

୨୮ ଅଡ଼େ ଏନାୟି ଦାର୍ତତି ନକିତା ମାନି ଗାଟାୟି, ଏ ବାରେ ଉଜେଏ କିହାଲି, ମାହାପୁରୁ ଦାର୍ତତି ହାଣି, ଇଞ୍ଜା ଅପାଆଗାଟାଣି, ହାଅ, ମାନି ହିଲାଆଗାଟାଣି ଆଡ଼ିତେସି □

୨୯ ଅଡ଼େ ଏନାୟି ଦାର୍ତତି ନକିତା ମାନି ଗାଟାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାର୍ତତି ଉଣା ଅଡ଼େ ଅପାଆଗାଟାଣି ହାଅ ଉଜେଏତାଣି ଆଡ଼ିତେସି □

୩୦ ସାମା ଏଞ୍ଜାଣି ତାକି ମୀରୁ କ୍ରୀସ୍ତ ଜୀସୁ ତାଣା ମାଞ୍ଜେରି, ଏଞ୍ଜାସି ମାହାପୁରୁ ତାଣାଟି ମାଞ୍ଜେତାକି ବୁଦି, ଇଚିହଁ ଦାର୍ମୁଗାଟାସି, ସୁଦୁଗାଟାସି ଅଡ଼େ ଗେଲ୍ପିନି ଲେହେଁ ଆହାମାନେସି □

୩୧ ଇଦାଆଁତାକି, ଦାର୍ମୁପତିତା ରାସ୍କି ଆହାମାନେ, “ଆମ୍ବାଆସି ବଡ଼ପଣ ଆନେସି, ଏଞ୍ଜାସି ମାହାପୁରୁ ତାଣା ବଡ଼ପଣ ଆପାସି □”

୨

ପାସି ମୁଣ୍ଡାତା କ୍ରୀସ୍ତ ହାଡ଼ି କାରୁ

୧ ଏଦାଆଁତାକି ଏ ତାୟିୟାଁ ଅଡ଼େ ତାଜିସ୍ତାତେରି, ଏଡ଼େତା ନାନୁ ମୀ ତାଣା ହାଜାମାଟେଏଁ, ଏତିବେଲା ମାହାପୁରୁତି ଡଗ୍‌ମାନି ସାତା କାତାତି ଗାଡ଼ି ବୁଦି ଗାଟାରିଲେହେଁ ମୀ ତାଣା ଝେକ୍‌ହାମାଟେଏଁ ଏଲେକ୍‌ ଆଏ □

୨ ଇଚିହଁ ଜୀସୁ କ୍ରୀସ୍ତ, ଇଚିହଁ ପାସି ମୁଣ୍ଡାତା ହାଡ଼ି ଜୀସୁ କ୍ରୀସ୍ତ ପିସପେ ମୀ ତାଣା ଅଡ଼େ ଏନାଆଁ ଜିକେଏ ପୁଞ୍ଜାଲି ଅଶ୍ପାଆତେଏଁ □

୩ *ଅଡ଼େ, ନାନୁ ବାଡ଼ୟୁ ହିଲାଆନା, ଆଜି ଅଡ଼େ ତୀରଗି ତୀରଗିହଁ ମୀ ତାଣା ମାଟେଏଁ;

୪ ଇଦାଆଁତାକି ନା ଜାପ୍ନାୟି ଅଡ଼େ ଝେକ୍‌ନାୟି ମାଣ୍ଡସି ବୁଦିତି ନେହଁ ହାଡାଲେହେଁ ଆଆନା ମାହାପୁରୁତି ସୁଦୁଜୀଞ୍ଜୁତି ବାଡ଼ୟୁ ତସ୍ପି ଆହାମାନେ □

* ୧:୧୪ ୧:୧୪ କାମା ୧୮:୮; କାମା ୧୯:୨୯; ରନି ୧୭:୨୩ † ୧:୧୪ ୧:୧୪ମୁଞ୍ଜନାୟି ‡ ୧:୧୫ ୧:୧୫ମୁଞ୍ଜନାୟି ☆ ୧:୧୭ ୧:୧୭ ଏକର ୧୭:୧୫ § ୧:୧୭ ୧:୧୭ମୁଞ୍ଜନାୟି * ୧:୧୭ ୧:୧୭ମୁଞ୍ଜନାୟି † ୧:୧୭ ୧:୧୭ମୁଞ୍ଜନାୟି ☆ ୨:୩ ୨:୩ କାମା ୧୮:୯

* ମୀ ନାମ୍ନୁ ଏନିକ୍ ମାଣସିୟାତି ବୁଦିତା ତୀରି ଆଆନା ମାହାପୁରୁତି ବାଡ଼ୟୁତା ତୀରି ଆନେ □

ମାହାପୁରୁତି ବୁଦି

୨ ଆଡ଼ିଜିକେଏ ମାମ୍ନୁ ସୁଦୁଜୀଝୁତା ପାତାଆନି ବୁଦିଗାଟି ଲକୁତାଣା ବୁଦିତିକାତା ଝେହ୍ନମି, ସାମା ଏଦି ଇ ଜୁଗୁତି ବୁଦି ଆଏ, ଅଡ଼େ ଇ ଜୁଗୁତି ଗାଡ଼େକା ତାକି ନାସା ଆନି ସାଲୁଝି କିନାରି ବାଡ଼ୟୁତି ହାରୁଝି କିନାରି ବୁଦି ଆଏ □

୩ ସାମା ନାମ୍ନୁ ଡ଼ଗୁମାନି ଲେହେତି ମାହାପୁରୁତି ବୁଦିତିକାତା ଝେସିମାଲ୍; ଏ ଡ଼ଗୁମାନି ମାହାପୁରୁ ବୁଦି ମା ଗାଝୁରମି ତାକି ଦାରୁତି ଗାଡ଼ି ଆଆ ନକେଏ ଆଚାନା ଇଟକି ଆହାମାନେ □

୮ ଇ ଜୁଗୁତି ସାଲୁଝି କିନାରି ଜିକେଏ ଆମ୍ନାଆରି ଏଦାଆଁ ପୁଞ୍ଜାହିଲଅରି, ଏନାଆଁତାକି ଇଚିହ୍ ଶୁଝାରି ଏଦାଆଁ ପୁଞ୍ଜାମାଟିହ୍ ମା ଗାଝୁରମିଗାଟି ପ୍ରବୁଲ୍ କୁସତା ପାୟାଆତେରିମା □

୯ ସାମା ଏନିକିହ୍ ଦାମ୍ନୁପତିତା ରାସ୍ କି ଆହାମାନେ,

“କାମ୍ନୁ ଏମିନାଣି ମେସା ହିଲେଏ, କିୟ୍ ଧୁମିନାଣି ଝେଞ୍ଜା ହିଲେଏ,

ଅଡ଼େ ମାଣସିୟା ହିୟାତା ଏମିନାଣି ଅଶ୍ ପା ହିଲଅରି,

ଏ ବାରେତି ମାହାପୁରୁ ତାଜେ ଜୀଝୁ ନନାରାକି କିହାମାନେସି □”

୧୦ ସାମା ମାହାପୁରୁ ମାଜେତାକି ସୁଦୁଜୀଝୁ ତଲେ ବାରେ ତସାମାଜାନେସି; ଏନିକ୍ ଏ ସୁଦୁଜୀଝୁ ବାରେ କାତା, ହାଅ, ମାହାପୁରୁତି ଡ଼ଗୁମାନି କାତା ଜିକେଏ ପାରିନେସି □

୧୧ ମାଣସିତି କାତା ବାରେ ମାଣସି ତାଣା ମାନି ଜୀଝୁ ପିସ୍ ପେ ଅଡ଼େ ଆମ୍ନାଆସି ପୁନେସି ? ଏଲେକିହ୍ ଏ ମାହାପୁରୁ କାତା ବାରେ ମାହାପୁରୁ ଜୀଝୁ ପିସ୍ ପେ ଆମ୍ନାଆସି ପୁନଅସି □

୧୨ ଏନିକ୍ ମାହାପୁରୁ ତାଣାଟି ମାଜେ କାର୍ମାନେହ୍ନି ତାଣାଟି ହୀପକି ଆହାମାନି କାତା ବାରେ ମାର ପୁଞ୍ଜାଲି ଆଡ଼ିନାୟି, ଏଦାଆଁତାକି ମାର ଦାରୁତିତି ଜୀଝୁ ପୁଞ୍ଜାଆନା ମାହାପୁରୁତି ଜୀଝୁ ବେଟା ଆହାମାନାୟି □

୧୩ ଏ ବାରେ କାତା ଜିକେଏ ମାର ମାଣସିତି ବୁଦିତି ଜାପାମାନି ବଲୁ ତଲେ ଝେସିହିଲଆୟି, ସାମା ସୁଦୁଜୀଝୁତି କାତା ବାରେ ସୁଦୁଜୀଝୁତି କାତାତଲେ ତେଲ୍ ହି କିହାନା ସୁଦୁଜୀଝୁ ତଲେ ଜାପାମାନି ବଲୁ ତଲେ ଝେସିମାନାୟି □

୧୪ ସାମା ଦାରୁତିତି ମାଣସି ମାହାପୁରୁତି ସୁଦୁଜୀଝୁତି କାତା ବାରେ ଅପଅସି, ଏନାଆଁତାକି ଇଚିହ୍ ଏ ବାରେ ତାନି ନକିତା ଉଜେଏତାୟି, ଅଡ଼େ ଏଞ୍ଜାସି ଏ ବାରେତି ତେଲ୍ ହାଲି ଆଡ଼ଅସି,

ଇଚିହ୍ ଏ ବାରେ ସୁଦୁଜୀଝୁ ତଲେ ନୀହାୟି କିଝିଆନେ □

୧୫ ସାମା ଆମ୍ନାଆରାକି ସୁଦୁଜୀଝୁ ମାନେ, ଏଞ୍ଜାସି ବାରେ କାତା ନେହ୍ କ ଅଶ୍ ପିନେସି, ଆଡ଼ିଜିକେଏ ଆମ୍ନାଆସି ଏଞ୍ଜାଣାଲ୍ ଅଶ୍ ପଅସି □

୧୬ ଏନାଆଁତାକି ଇଚିହ୍ , “ଆମ୍ନାଆସି ମାହାପୁରୁତି ଅଶ୍ ପୁ ପୁଞ୍ଜାମାନେସି, ଇଞ୍ଜା ଏଞ୍ଜାସି ଏଞ୍ଜାଣାଲ୍ ଜାପୁହାଲି ଆଡ଼ିନେସି ?”

ସାମା ମାମ୍ନୁ ଜ୍ଞାସ୍ତିତି ମନ ବେଟା ଆହାମାନମି □

୩

କୁଲମିତା ଗଡ଼ହା

୧ ଏ ନା ତାୟିୟା ଅଡ଼େ ତାଜିସ୍ମାତେରି ନାମ୍ନୁ ସୁଦୁଜୀଝୁ ବେଟାଆହାମାନି ଲକୁଣି ଝେହ୍ନିଲେହେ ମିଜେ ଝେସାଲି ଆଡ଼ାଆତେଏ, ସାମା ଆଜ୍ଞା ତଲେ ମାନି ଲକୁ ଅଡ଼େ ଜୀସ୍ ତାଣା ନାମୁତି କକାରି ପଦାଣି ଝେହ୍ନିଲେହେ ମିଜେ ଝେସ୍ତାତେଏ □

୨ *ନାମ୍ନୁ ମିଜେ ପାଲୁ ଉଟହାନା ଆଟୁଝା ରାନ୍ଦା ହିୟାଆତେଏ, ଏନାଆଁତାକି ଇଚିହ୍ ଏଲେତି ରାନ୍ଦା ତିଞ୍ଜାଲି ଆଡ଼ିହିଲଆତେରି, ଅଡ଼େ ନୀଏ ଜିକେଏ ଆଡ଼ଅତେରି,

୩ ନୀଏ ପାତେକା ମୀରୁ ଦାରୁତିତି ନାମାଆତି ଲକୁ ମାଣକି ତଲେ ମାଞ୍ଜେରି, ଏନାଆଁତାକି ଇଚିହ୍ ମୀ ବିତ୍ରା ତାହାରା ଅଡ଼େ ଗଡ଼ହା କିନାୟିମାନେ, ଏଦାଆଁତାକି ମୀରୁ ଦାରୁତିତି ନାମାଆତି ଲକୁତେରି ଆଏକି ଇଞ୍ଜା ମାଣସି ନୀତିନି ଲେହେ ନୀତି ହିଲଅତେରି ?

୪ *ଏଡ଼େତା ରଅସି ଏଲେଜନେସି, “ନାମ୍ନୁ ପାଝୁଲ ତାଣା ତାତେଏ” ଅଡ଼େ ରଅସି ଏଲେଜନେସି “ନାମ୍ନୁ ଆପଲ ତାଣା ତାତେଏ” ଏରେଟିଏ ମୀରୁ ଦାରୁତିତି ନାମାଆତି ଲକୁତେରି ଆଏକି ?

* ଆପଲ ଆମ୍ନାଆସି ? ପାଝୁଲ ଆମ୍ନାଆସି ? ଏଞ୍ଜାରି ଝାରୁଇ ସେବା କିନାରି, ଆମ୍ନାଆରି ତାଣାଟି ବାରେତାକି ପ୍ରୁ ଏନିକ୍ ହୀହାମାନେସି ଏଲେକ୍ ମୀରୁ ନାମାମାଞ୍ଜେରି □

୬ *ନାମ୍ନୁ ଉହାମାଲ୍, ଆପଲ ଏୟୁ ହୀହାମାନେସି, ସାମା ମାହାପୁରୁ ପାତି କିହାମାନେସି □

୭ ଇଚିହ୍ ଆମ୍ନାଆସି ଉହିନେସି ଇଞ୍ଜା ଆମ୍ନାଆସି ଏୟୁ ହୀନେସି ଏଞ୍ଜାସି ଏନାସି ଆଏ, ସାମା ଆମ୍ନାଆସି ପାତି କିନି ମାହାପୁରୁ ଏଞ୍ଜାସି କାଜସି □

୮ ଆମ୍ନାଆସି ଉହିନେସି ଅଡ଼େ ଆମ୍ନାଆସି ଏୟୁ ହୀନେସି ଏଞ୍ଜାରି ରିଆରି ରଲେଏତାରି, ସାମା

* ୩:୨ ୩:୨ ଏକ୍ତି ୫:୧୨, ୧୩ * ୩:୪ ୩:୪ ୧କର ୧:୧୨ * ୩:୬ ୩:୬ କାମା ୧୮:୪-୧୧; କାମା ୧୮:୨୪-୨୮

ବାରେଜାଣା ତାମି କସ୍ତୁତି ଲେକାତଲେ କୁଲି
ବେଟାଆନେରି □

୯ ଇତିହିଁ ମାମ୍ମୁମାହାପୁରୁ ତଲେ ଆଣ୍ଡାନା
କାମା କିନାତମି, ମୀରୁ ମାହାପୁରୁତି ତାସା ବୁମି
ଅଡ଼େ ମାହାପୁରୁତି ଇଲୁ □

୧୦ ନାଙ୍ଗେ ହାପକି ଆହାମାଞ୍ଜାନି ମାହାପୁରୁତି
କାର୍ମାତଲେ ନାନୁ ର ବୁଦିଗାଟି ଇଲୁ ଦହନି ଲକୁ
ଲେହେଁ ପୁନାଦି କିହାମାଲ୍, ଅର ରଅସି ଏଦାଣି
ଲାକ ଇଲୁ ଦସି ମାନେସି, ସାମା ବାରେଜାଣା ତାନି
ଲାକ ଏନିକିଁ ଦସି ମାନେରି ଏଦାଆଁତାକି ଜାଗ୍ରାତା
ଆପେରି □

୧୧ ଇତିହିଁ ଆମିନି ପୁନାଦି କିଞ୍ଚିଆହାମାନେ,
ଏଦାଣି ପିସ୍ପେ ଏଟକାତି ପୁନାଦି ଆମ୍ବାଆସି
କିହାଲି ଆଡ଼ଅସି, ଏ ପୁନାଦି ଜୀସୁ କ୍ରୀସୁ □

୧୨ ସାମା ଆମ୍ବାଆସି ଏ ପୁନାଦି ଲାକ ବାଂଗାରା,
ଝେଣ୍ଡି, ଗାତି ଦାରାଗାଟି ଝାଲକା, ମାରକା, ଜାଡ଼ା,
ଅଡ଼େ ଝିକା ତଲେ କିନେସି,

୧୩ ଆତିହିଁ ଆମ୍ବାଆରି କାମା ଏନିଲେହେଁତାୟି
ଏଦି ତଞ୍ଜାଆନେ, ଇତିହିଁ ଏ ନେରୁ ଏଦି
ତହନେ, ଏ ନେରୁ ହିରୁତଲେ ତଞ୍ଜାଆନେ, ଇଞ୍ଜା
ବାରେଜାଣାତି କାମା ଏନିଲେହେଁତାୟି ଏ ହିରୁ
ତାୟିପାରି କିନେ □

୧୪ ଆମ୍ବାଆସି ଏନିକିଁ ଇଲୁ ଦସା ମାନେସି
ଏଞ୍ଜାଣି କାମା ଏଲେକିଁ ତୟିତିହିଁ ଏଞ୍ଜାସି ଏ
ଦାନା ବେଟା ଆନେସି □

୧୫ ଇଞ୍ଜା ଆମ୍ବାଆରି କାମା ଝେହାହାନେ,
ଏଞ୍ଜାଣିଞ୍ଜାୟି ନାସଞ୍ଜି ଆନେ, ଆଡ଼ିଜିକେଏ ଏଞ୍ଜାସି
ଗେଲ୍ପି ଆନେସି, ସାମା ଏଦି ହିରୁ ବିତ୍ରାଟି ହରା
ହାଟି ସମାନା ଆନେ □

୧୬ ମୀରୁ ପୁଞ୍ଜାହିଲଅତେରି କି ମୀରୁ
ମାହାପୁରୁତି ଇଲୁତେରି, ଅଡ଼େ ମାହାପୁରୁତି
ସୁଦୁଜୀସୁ ମୀ ହିୟାତା ବାସା କିନେ □

୧୭ ଆମ୍ବାଆସି ମାହାପୁରୁ ଲକୁଲ୍ ନାସା କିନେସି,
ମାହାପୁରୁ ଏଞ୍ଜାଣାଲ୍ ନାସା କିନେସି, ଇତିହିଁ
ମାହାପୁରୁତି ଇଲୁ ଅଟହାୟି ଇଞ୍ଜା ମୀରୁଏ ଏଞ୍ଜାଣି
ଇଲୁ □

୧୮ ଆମ୍ବାଆସି ତାନୁଏ ତାଙ୍ଗେ ନାଡ଼ିକିହା
କତାଆପେସି, ଆମିନି ଲକୁ ଇ ଦାରତିତା ବୁଦି
ଗାଟାତେଏଁ ଇଞ୍ଜିଁ ଅଣ୍ପିନେସି, ଆତିହିଁ ଏଞ୍ଜାସି
ଏନିକିଁ ବୁଦିଗାଟାସି ଆନେସି ଏଦାଆଁତାକି
ଦାରତିତି ଲକୁତାଣା ବୁଦି ହିଲାଆଗାଟି ଲକୁ
ଲେହେଁ ଆପେସି □

୧୯ ଇତିହିଁ ଇ ଦାରତିତି ବୁଦି ମାହାପୁରୁ
ନକିତା ବୁଦି ହିଲାଆଗାଟାୟି, ଏଦାଆଁତାକି ରାସ୍ତକି
ଆହାମାନେ, “ମାହାପୁରୁ ବୁଦି ଗାଟାରାଲ୍ ତାମି
ସୁତ୍ରମି ତଲେ ପାନ୍ଦାତା ଆହନେସି;”

୨୦ ଅଡ଼େ ରାସ୍ତକି ଆହାମାନେ “ବୁଦିଗାଟାରି
ଅଣ୍ପୁ ବାରେ ଉଜେଏତାୟି ଇଞ୍ଜିଁ ପ୍ରବୁ
ପୁଞ୍ଜାମାନେସି □”

୨୧ ମାଣ୍ଡସି ତାଣା ଆମ୍ବାଆସି ବତପଣ
ଆଆପେସି, ଇତିହିଁ ବାରେ ମୀଦିଏ □

୨୨ ପାସ୍ତୁଲ, ଇଞ୍ଜୁ କି ଆପଲ, ଇଞ୍ଜୁ କେପା*,
ଇଞ୍ଜୁ ଅଡ଼େ ଦାରତି ଇଞ୍ଜୁ କି ଜୀସୁ ଇଞ୍ଜୁ, କି ହାନାୟି
ଆପେ, ନୀଏଁ ତାୟି ଆପେ, କି ତାୟିତାୟି ଆପେ,
ଏ ବାରେଏ ମୀଦି □

୨୩ ସାମା ମୀରୁ କ୍ରୀସୁତି ଲକୁତେରି ଅଡ଼େ କ୍ରୀସୁ
ମାହାପୁରୁ ତାଣାତାସି □

୪

ଜୀସୁ ତାଣାଟି ପାଣ୍ଡୁଞ୍ଚି ଆହାମାନାରି

୧ ଲକୁ ମାଙ୍ଗେ କ୍ରୀସୁତି ସେବା କିନାରି, ଅଡ଼େ
ମାହାପୁରୁତି ତରୁମାନି ଇଲୁତି ଗୁମ୍ବୁସା ଇଞ୍ଜିଁ
ଅଣ୍ପାପେରି □

୨ ଇଲେଆହିଁ ଗୁମ୍ବୁସା ବେଟାଆହାମାନି ମାଣ୍ଡସି
ଜାହାରା ପ୍ରବୁ ତାଣା ମାନିଗାଟାସି ତଞ୍ଜା ଆପାସି □

୩ ସାମା ମୀ ତାଣାଟି ଆପେ କି ଆମିନି ନୀହାୟି
କିନି ତାଣା ନୀହାୟି କିଞ୍ଚି ଆନାୟି ନା ତାକି ଏଦି
କାଜା କାତା ଆଏ, ଇଲେକିଁ ନାନୁ ଜାହାରାଲ୍
ନୀହାୟି କିହା କତଅଁ □

୪ ଇତିହିଁ ନାନୁ ନା କପାଟି ଏଦାଆଁ
ପୁଞ୍ଜାହିଲଅଁ, ଆଡ଼ିଜିକେଏ ନାନୁ ଇମ୍ବାଆଁ ଦହ
ହିଲାଆ ଗାଟାତେଏଁ ଇଞ୍ଜିଁ ତଞ୍ଜା ଆହାହିଲଅଁ,
ସାମା ଆମ୍ବାଆସି ନା ନୀହାୟି କିୟାନେସି, ଏଞ୍ଜାସି
ପ୍ରବୁ □

୫ ଏଦାଆଁତାକି, ତୀରିକିତି ଦିନା ଝାଆ ନକେଏ
ଇତିହିଁ ପ୍ରବୁ ଝାଆ ନକେଏ ମୀରୁ ଆମ୍ବାଆରାଲ୍
ନୀହାୟି କିଆଦୁ, ଏଞ୍ଜାସି ଆନ୍ଦେରିତା ତରୁମାନି
ବାରେ ଉଜେଡ଼ିତା ତହନେସି, ଅଡ଼େ ହିୟାତି
ଅଣ୍ପୁ ବାରେ ଏଞ୍ଜାସି ଝେହନେସି, ଏତିବେଲା
ବାରେଜାଣା ମାହାପୁରୁ ତାଣାଟି ଗାସ୍ତୁରମି
ବେଟାଆଦେରି □

୬ ଏ ତାୟିୟାଁ ଅଡ଼େ ତାଙ୍ଗିସ୍ତାତେରି, ନାନୁ ମୀରୁ
ଜାପାଲି ତାକି ଇ ବାରେ କାତା ନାନୁ ନାଙ୍ଗେ ଅଡ଼େ
ଆପଲଲ୍ ତସାଁ ଝେସିମାଞ୍ଜାଲ୍, “ଇତିହିଁ ଏନାୟି
ରାସ୍ତକି ଆହାମାନେ ଏ କାତାଟି ଗାଣ୍ଡାଆଦୁ,”
ଇଦାଆଁ ମୀରୁ ମା ତାଣାଟି ଜାପାଦୁ, ଅଡ଼େ ଏନିକିଁ
ମୀ ବିତ୍ରାଟି ଆମ୍ବାଆସି ରଅଣି ଝାକିଟି ଅଡ଼େ
ରଅଣାଲ୍ ଅପାଆନା ବତପଣ ଆଆଦୁ □

୭ ମିଙ୍ଗେ ଆମ୍ବାଆସି କାଜାସି କିହା ମାଞ୍ଜାନେସି
? ଅଡ଼େ ମୀରୁ ଏନାଆଁ ଦାନା ଲେହେଁ ବେଟାଆହା
ହିଲଅତେରି, ଇଲେକିଁ ମୀଦି ଏନାୟି ମାନେ
? ସାମା ମୀରୁ ଏଦାଆଁ ଦାନା ଲେହେଁ

* ୩:୧୭ ୩:୧୭ ୧କର ୭:୧୯; ୨କର ୭:୧୭ * ୩:୨୨ ୩:୨୨ ପିତର

ବେଗାଆହାମାଜେରି, ଆତିହଁ ମୀରୁ ଦାନା ଆଏ
ଇନି ଲେହେଁ ଏନାଆଁତାକି ବତପଣ ଆହିମାଜେରି ?

୮ ମୀ ବାରେ ଲଡ଼ାମାନାଣି ବେଗାଆତେରିଏ କି ?
ଇଚେକାଟିଏ ମୀରୁ ବାଡ଼କା ହାଚେରିଏ କି ? ମା ପିସ୍‌ପେ ମୀରୁ ରାଜା ଆହାମାଜେରି ? ହାଅ,
ମୀରୁ ରାଜା ଆହାମାତିହଁ ନେହଁ ଆଡେମା, ଏନିକଁ ମାମ୍ବୁ ଜିକେଏ ମୀ ତଲେ ସାଲୁଝି କିହାଲି
ଆଡ଼ିତମିମା ।

୯ ଏନାଆଁତାକି ଇଚିହଁ ନା ଅଣ୍‌ପୁତା ମାରୁ
ପାଣୁଝି ଆହାମାନାତାୟି, ମାରୁ ମାହାପୁରୁତି
ତଣ୍ଡୁତା ହେରପି ଆହାମାନି ତାୟୁତି ଲକୁ ସମାନା
ତସାମାଞ୍ଜାନେସି, ଇଚିହଁ ମାମ୍ବୁ ଦାରୁତିତା,
ମାହାପୁରୁତି ଦୁତୁୟାଁ ଇଞ୍ଜା ମାଣ୍‌ସିୟାଁ ନକିତା
ଲାଜାକିଝି ଆନାତମି ଲେହେଁ ଆହାମାନମି ।

୧୦ ମାମ୍ବୁ କ୍ରୀସ୍ତ ତାକି ବୁଦି ହିଲାଆ ଗାଟାତମି,
ସାମା ମୀରୁ କ୍ରୀସ୍ତ ତାକି ବୁଦି ଗାଟାତେରି; ମାମ୍ବୁ
ବାଡ଼ୁୟୁ ହିଲାଆ ଗାଟାତମି, ସାମା ମୀରୁ ବାଡ଼ୁୟୁ
ଗାଟାତେରି; ମୀରୁ ଗାଝୁରମି ବେଗା ଆନାତେରି,
ସାମା ମାମ୍ବୁ ବେଗା ଆଆଗାଟାତମି ।

୧୧ ନୀର୍ସ ପାତେକା ମାମ୍ବୁ ହାକି, ଅଡେ ଏସ୍‌କି
ଗାଟାତମି, ଗେଞ୍ଜିତି ହିମ୍ବୁରି ହୁଟାମାନମି, ଅଡେ
ମାଡ଼ା ବେଗାଆହି ମାନମି, ଇଞ୍ଜା ବାସାଟାୟୁ
ହିଲାଆନା ରେଜିମାନମି ।

୧୨ *ମା କେୟୁଟି ଝାହୁତି କାମା କିହିମାନମି,
ଆମ୍ବାଆସି ବାକା ଇଟାସାରେ, ମାମ୍ବୁ ଏଝାରାଈ
ବର ହାହିମାନମି, ସାସ୍ତି ହିୟାତିହଁ ଜିକେଏ
ଅରୁହିମାନମି ।

୧୩ ମାଜେ ଲାଜା କିୟାତିହଁ ଜିକେଏ ମାମ୍ବୁ
ଆଣ୍ଡିଆନି କାତା ଝେସିମାନମି; ନୀର୍ସ ପାତେକା
ମାମ୍ବୁ ଦାରୁତିତି ତୁକଁ ଜାଣୁ ଅଡେ କିଟସି ରୁଡିତି
ଲେହେଁ ଆହାମାନମି ।

୧୪ ନାନୁ ମିଜେ ଲାଜା ହାହାଲି ଇ ବାରେ କାତା
ରାଡ଼ିମାଞ୍ଜାଅଁ, ସାମା ନା ଜୀଝୁତି ମୀରୁକା ଇଞ୍ଜା
ଅଣ୍‌ପାନା ମିଜେ ସେଡନା ହାହାଲିତାକି ଇ ବାରେ
କାତା ରାଡ଼ିମାଞ୍ଜାଈ ।

୧୫ ଇଚିହଁ କ୍ରୀସ୍ତ କାତା ମିଜେ ଜାପୁନାରି
ଦସ ମାଣା ଲକୁ ଡୟିନେରି, ଆଡ଼ିଜିକେଏ
ହାରେକା ତାଞ୍ଜିୟାଁ ହିଲଅରି; ଇଚିହଁ କ୍ରୀସ୍ତ ଜୀସୁ
ତାଣା ନାନୁ ମିଜେ ନେହଁ କାରୁତଲେ ମୀ ତାଞ୍ଜି
ଲେହେଁ ଆହାମାଈ ।

୧୬ *ଏନାଆଁତାକି ନାନୁ ମିଜେ ବାତିମାଲିମାଞ୍ଜାଈ
ନାନୁ କିହିମାନି ଲେହେଁ କିଦୁ ।

୧୭ ଏନାଆଁତାକି ନାନୁ ତିମତିଈ ମୀ ତାଣା
ପାଣ୍ଡିମାଞ୍ଜାଈ, ଏଝାସି ମାହାପୁରୁ ତାଣା ନା ଜୀଝୁତି
ନାମୁତି ମୀରୁଏସି; ଏନିକଁ ନାନୁ ବାରେଝାକି

ବାରେ କୁଲମିକାଣା ଜାପୁହି ମାଈ, ଏଲେକଁ
ଏଝାସି ମିଜେ ନା କ୍ରୀସ୍ତ ଲେମ୍ବିନାଣି ଅଣ୍‌ପି
କିୟାନେସି ।

୧୮ ନାନୁ ମୀ ତାଣା ଝାହି ହିଲଅଁ ଇଞ୍ଜା
ଅଣ୍‌ପାନା ଏଚରଜାଣା ବତପଣ ଆହିମାଜେରି ।

୧୯ ସାମା ମାହାପୁରୁ ମନ କିତିହଁ, ନାନୁ ମୀ
ତାଣା ତବେ ଝାଈ; ଅଡେ ଆମ୍ବାଆରି ବତପଣ
ଆହିମାନେରି, ଏଝାରି କାତାତଲେ ଆଏ, ସାମା
ବାଡ଼ୁୟୁତି ସିନିକିଈ ।

୨୦ ଇଚିହଁ ମାହାପୁରୁତି ରାଜି ଝାରୁଇ ଜଲିନି
କାତାତଲେ ଆଏ, ସାମା ବାଡ଼ୁୟୁ ତଲେ ତଞ୍ଜାଆନେ
।

୨୧ ମୀ ଅଣ୍‌ପୁ ଏନାୟି ? ନାନୁ ବାଡ଼ଗା ଆସାଁ ମୀ
ତାଣା ଝାଈ କି ଜୀଝୁ ନନାଣି ଆସାନା ଇଞ୍ଜା ସୁଦୁ
ସୁଝାଲା ଗାଟି ଜୀଝୁ ଆସାଁ ଝାଈ ?

୫

କୁଲମି ବିତ୍ରାମାନି ଲାଗେଏତାୟି

୧ ସାତେଏ ଝେଙ୍ଗାମାନେ କି ମୀ ବିତ୍ରା ଦାରିକାମା
ମାନେ, ଅଡେ ମୀ ତାଣା ଇଲେତି ଦାରିକାମା
ମାନେ, ଅଡେ ଇଲେତାୟି ଜୀହୁଦିଆଆତାରି ତାଣା
ଜିକେଏ ଆଏ, ଇଲେକଁ ରଅସି ତାମି ଆବା
ଡକ୍ରିନି ଇଟାମାନେସି ।

୨ ଅଡେ, ଆମ୍ବାଆସି ଇଲେତି କାମା
କିହାମାନେସି, ଏଝାସି ଏନିକଁ ମୀ ତାଣାଟି ହେକ
କିଝିଆନେସି, ଏନାଆଁତାକି ଦୁକୁଆହଁ ଡୀଆନା
ବତପଣ ଆହିମାଜେରି ?

୩ ସାମା ନାନୁ ଆଜା ତଲେ ହିଲାଆତି ଜିକେଏ
ଏମ୍ବାଆଁ ମାନିଲେହେଁ ମାଈ, ଆମ୍ବାଆସି ଇଲେତି
କାମା କିହାମାନେସି, ନାନୁ ମାନି ଲେହେଁ ପ୍ରବୁ ଜୀସୁ
ଦରୁତଲେ ଏଝାଣି ବିଚାରା କିହା ରାହାମାଈ,

୪ ଇଚିହଁ ମୀରୁ ଅଡେ ନା ପ୍ରବୁ ଜୀସୁ ବାଡ଼ୁୟୁ
ତଲେ କୁଡ଼ା ଆନାଟି ନା ଜୀଝୁ ଜିକେଏ ଏମ୍ବାଆଁ
ଡୟିନେ ଇଞ୍ଜା ପୁଞ୍ଜାମାଈ,

୫ ଇଞ୍ଜା ଇଲେତି ଲକୁଈ ଆଜା ତଲେ ନାସା
ଆହାଲି ସୟତାନ କେୟୁତା ହେରପିନାୟି ମାନେ,
ଏନିକଁ ପ୍ରବୁ ଜୀସୁତି ଦିନାତା ଏଝାଣି ଜୀଝୁ
ଗେଲ୍‌ପି ଆହାଲି ଆଡ଼ିନେ ।

୬ *ମୀରୁ ଇଲେଆହଁ ବତପଣ ଆନାୟି
ନେହେଁ ଆଏ । ମୀରୁ ପୁଞ୍ଜାହିଲଅତେରି, “ଇଚରା
ପୁଲାଏୟୁ ବିଡିତା ମାନି ଗୁଣ୍ଡାତି ପୁଲା କିନେ ।”

୭ ମୀରୁ ପୁଲା ତିନାଆ ଲକୁତେରି, ଏନାଆଁତାକି
ଏନିକଁ ମୀରୁ ପୁଝନି ତ:କା ଆହାଲି ଆଡ଼ିଦେରି,
ଏନାଆଁତାକି ପୁଝଇ ପୁଲା ଏୟୁତି ହପୁହା ତୁହୁଦୁ;
ଏନାଆଁତାକି ଇଚିହଁ ମା ପିସ୍‌ପିଆନି ପାରୁତି

* ୪:୧୨ ୪:୧୨ କାମା ୧୮:୩ * ୪:୧୭ ୪:୧୭ ଏକର ୧୧:୧; ପିଲିପି ୩:୧୭ * ୫:୭ ୫:୭ ଗାଲା ୫:୯

ମେଣ୍ଡା ତାକୁ, ଇତିହାସ କ୍ରୀଷ୍ଣ, ଜିକେଏ ପୂଜା କିଞ୍ଚିଆହାମାନେସି □

୮ ଏଦାଆଁତାକି ଖାଦୁ, ମାର ପାପୁ ଅଡ଼େ ଲାଗେଏତି ପୁଃଇ କାମାତି ରୁଟି ପଞ୍ଜିକିନି ଗୁଣ୍ଡା ତଲେ ପାର୍ବୁ କିଆନା ତାରି ଅଡ଼େ ସାତା ତଲେ ପୁଲାଏୟୁ ହିଲାଆ ରୁଟିତି ପାର୍ବୁ କିନ □

୯ ଦାରି କାମାକିନାରି ତଲେ ଆଣ୍ଡାଆଦୁ ଇଞ୍ଜି ନାନୁ ନା ଆକୁତା ରାତାମାତେଏ; □

୧୦ ଇ ଦାର୍ତତି ଦାରିକାମା କି ଦନ ଜୁପକା, ଏଟକାତାରି ଦିଶସୁ ସରୁ ଆନାରି, ପେଶକା ବମାୟା ପୂଜା କିନାରି ତଲେ ଆମ୍ବାଆସି ଏଚେଲା ଆଣ୍ଡାଆସି, ଏଦି ଆଏ, ଏଲେଆଡ଼ିହ ଦାର୍ତତି ହଟା ହାନାୟିମାନେ;

୧୧ ଇତିହାସ ନା ରାଟିନି ଅଣ୍ଡାପୁ ଇଦି ମାଚେ, ଇତିହାସ ଆମିନି ଲକୁତି ତାୟି ଇଞ୍ଜି ଖେଙ୍ଗାନା, ଦାରିକାମା, ଦନ ଜୁପକା, ପେଶକା ବମାୟା ପୂଜା, ନିନ୍ଦା ଗାଟାରି, କାଡୁ ବୁଡୁ, ଏଟକାତାରି ଦିଶସୁତି ସରୁ ଆନେରି, ଆତିହାସ ଏଲେତାରି ତଲେ କୁଡାଆଦୁ, ଅଡ଼େ ଏଞ୍ଜାରିତଲେ ରାନ୍ଦା ଜିକେଏ ତିନାଆଦୁ □

୧୨ ପାଙ୍ଗାତି ଲକୁତି ନାହାୟି କିହାଲି ନାନୁ ଆମ୍ବାଆତେଏ ? ସାମା କୁଲମି ବିତ୍ରା ଆମ୍ବାଆରି ମାନେରି ଏଞ୍ଜାରି ବିଚାରା ମାରୁ କିଅତେରି କ ?

୧୩ ସାମା ଆମ୍ବାଆରି ପାଙ୍ଗାତା ମାନେରି ମାହାପୁରୁ ଏଞ୍ଜାରି ବିଚାରା କିନେସି □ ଦାମ୍ବୁ ସାଚ୍ଚେରିତା ରାସ୍ତକି ଆହାମାନେ, “ମୀ ତାଣାଟି ଲାଗେଏତି ଲକୁଣି ଏଟକା କିଦୁ □”



କ୍ରୀଷ୍ଣାନା ତାୟିୟାଣି ଦାଞ୍ଜକିନି ମେରା

୧ ମୀ ବିତ୍ରାଟି ଆମ୍ବାଆରି କପାଟି କାତା ମାଟିସାରେ ଏଞ୍ଜାସି ନାହାୟି କିହାଲି ମାହାପୁରୁ ଲକୁତାଣା ହାଲାଆନା ଦାମ୍ବୁ ହିଲାଆଗାଟି ନାହାୟି କିନାଣି ତାଣା ଅହାଲି ଏନିକି ସାସା ମାନେ ?

୨ ମାହାପୁରୁ ଲକୁ ଇ ଦାର୍ତତି ନାହାୟି କିନେରି, ଇ କାତା କି ମାରୁ ପୁଞ୍ଜାହିଲଅତେରି ? ଇଞ୍ଜା ଦାର୍ତତି ମୀ ତାଣା ନାହାୟି କିଞ୍ଚିଆନେ, ଆତିହାସ ଇ ଇତି ଇତି କାତାଟି ନାହାୟି କିୟାଲି ଆଡ଼ଅତେରି କ ?

୩ ମାର ଲାକପୁରୁତି ଦୁଡୁୟାୟି ଜିକେଏ ବିଚାରା କିନାୟି ଇ କାତା ମାରୁ ପୁଞ୍ଜାହିଲଅତେରି କ ? ଆତିହାସ ଦାର୍ତତି ଜାମ୍ଲିତି ଜିକେଏ ନାହାୟି କିନାୟି ମାଙ୍ଗେତାକି ଉସାସା ଆୟେଏ କ ?

୪ ମୀ ଜୀଞ୍ଜୁତି କାତା ଏନାୟି, ସାମା ନାହାୟି କିୟାଲି ଏନି ଦାର୍ତତି କାତା ମାଟିହା, ଏଦାଆଁ

ନାହାୟି କିୟାଲି କୁଲମିତି ପୁନାଆ ଗାଟାରାୟି ନାହାୟି କିୟାଲି ହାଟିଦେରି କ ?

୫ ନାନୁ ମିଙ୍ଗେ ଲାଜା ହାହାଲିତାକି ଇଦାଆଁ ଖେସିମାଞ୍ଜାୟି □ କ୍ରୀଷ୍ଣୟି ନାମାମାନି ତାୟିୟାଁ ବିତ୍ରା ଆହିମାନି ଗଡ଼ହାଟି ତୁକହାଲି, ଇଲେତି ର ବୁଦିଗାଟାସି ଜିକେଏ କୁଲମିତା ଆମ୍ବାଆସି ହିଲଅସି କି ?

୬ ସାମା ନାମୁଗାଟି ତାୟି ଅର ତାୟି କପାଟି ନାହାୟି ଇଲୁତା ଦାଞ୍ଜା କିନେସି, ଏଦି ଜିକେଏ ନାମାଆଗାଟାରି ତାଣା □

୭ ସାମା ମୀ ମୀ ବିତ୍ରାଟି କାତାତାକି କର୍ତତା ଦାଞ୍ଜା କିହିମାଞ୍ଜେରି, ଏମ୍ବାଆଁ ସାତେଏ ଦହ ଗାଟାତେରି, ଏନାଆଁତାକି ଲାଗେଏତାଣି ଅରୁହି ହିଲଅତେରି ? ଏନାଆଁତାକି ନାସଞ୍ଜି ଆନାଣି ଅପିହିଲଅତେରି ?

୮ ସାମା ମୀରୁ ମୀରୁଏ ଲାଗେଏ ଅଡ଼େ ନାସା କିହିମାଞ୍ଜେରି, ଅଡ଼େ ଏଦାଆଁ ତାୟିୟାଁଣି କିହିମାଞ୍ଜେରି □

୯ ଅଡ଼େ ଦାମ୍ବୁ ହିଲାଆ ଗାଟାରି ମାହାପୁରୁ ରାଜିତି ଅଦିକାରା ଆଅରି, ଇଦାଆଁ କି ମୀରୁ ପୁଞ୍ଜାହିଲଅତେରି ? ନାଡ଼ିକିଞ୍ଚି ଆଆଦୁ, ଦାରିକାମା, କି ପେଶକା ବମାୟା ପୂଜା କିନାରି, ଲାଗେଏତି କାମାକିନାରି, ଆବା ଆବାୟା ଦହ କିଞ୍ଚିଆନାରି,

୧୦ ସରୁ କିନାରି, ଦନ ଜୁପକା, କାଡୁ ବୁଡୁ, ଲକୁଣି ନିନ୍ଦା କିନାରି, ଏଟକାତାରି ଦିଶସୁ ମୀଞ୍ଜିନାରି, ଇଞ୍ଜାରି ମାହାପୁରୁ ରାଜିତା ଅଦିକାରା କିହାଲି ଆଡ଼ଅରି □

୧୧ ଅଡ଼େ, ମୀ ବିତ୍ରା ଆମ୍ବା ଆମ୍ବାଆରି ଇଲେକି ମାଚେରି; ସାମା ପ୍ରବୁ ଜୀସୁ କ୍ରୀଷ୍ଣ ଦରୁତଲେ ଇଞ୍ଜା ମାହାପୁରୁତି ସୁଦୁଜୀଞ୍ଜୁ ତଲେ ମୀରୁ ନରଞ୍ଜି ଆହାମାଞ୍ଜେରି, ଇଞ୍ଜା ସୁଦୁଗାଟାତେରି ଆହାନା ତାରିଗାଟାତେରି ଇଞ୍ଜି ଖେଙ୍ଗା ମାଞ୍ଜେରି □

ମାହାପୁରୁତି ଗାଞ୍ଜୁରମି ତାକି ଆଙ୍ଗାତି ଲେମ୍ବିନାୟି

୧୨ *ଆମ୍ବାଆସି ଏଲେଇନେସି “ନାଙ୍ଗେ ବାରେ କାମା କିହାଲି ଅଦିକାରା ହାପକି ଆହାମାଞ୍ଜାନେ,” ସାତା କାତା, ସାମା ବାରେ କାମା ନିଙ୍ଗେତାକି ନେହାୟି ଆଏ, ନାଙ୍ଗେ ବାରେ କାମା କିହାଲି ହେଲ ମାନେ ସାମା ନାଙ୍ଗେ ଲକହାଲି ଆମ୍ବାଆରାକି ଏଚେଲା ପାରୁ ହାଅଁ □

୧୩ ଏଚରଜାଣା ଏଲେଇନେରି “ରାନ୍ଦା ବାଣ୍ଡି ତାକି ଇଞ୍ଜା ବାଣ୍ଡି ରାନ୍ଦା ତାକି □” ସାମା ମାହାପୁରୁ ଇ ରିଶ୍ଟାଆଁତି ଜିକେଏ ମ୍ଲେକନେସି □ ଆଙ୍ଗା ଦାରି କାମାତାକି ଆଏ, ସାମା ପ୍ରବୁତି ସେବାତାକି, ଅଡ଼େ ପ୍ରବୁ ଆଙ୍ଗା ତାକି □

୧୪ ମାହାପୁରୁ ପ୍ରଭୁ ଜୀସୁଇଁ ହାକିଟି ନିକହେସି, ଇଞ୍ଜା ତାନି ବାଡ଼ୁୟୁ ତଲେ ମାଙ୍ଗେ ଜିକେଏ ନିକହାନେସି □

୧୫ ମୀ ଆଙ୍ଗା କ୍ରୀସ୍ତତି ଆଙ୍ଗା ଲେହେଁ, ଇଦାଆଁ ପୁଞ୍ଜାହିଲଅତେରି କି ? ଆତିହୁଁ ନାନୁ କ୍ରୀସ୍ତତି ର ଆଙ୍ଗା ଅହାନା ଦାରେଣି ଆଙ୍ଗା କିଇ ? ଏଦି ଏତେଲା ଜିକେଏ ଆଆପେ □

୧୬ ଅଡ଼େ ଆମ୍ବାଆସି ଦାରେଣି ତଲେ ଆଣ୍ଡିନେସି ଏଞ୍ଜାସି ଏଦାନିତଲେ ରଣ୍ଡିଏ ଆଙ୍ଗା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ଏଦାଆଁତାକି ଦାମ୍ବୁପତିତା ରାମ୍ବୁକି ଆହାମାନେ “ଏ ଡକ୍ରି ଡକ୍ରି ରଣ୍ଡିଏ ଆଙ୍ଗା ଆନୁ □”

୧୭ ସାମା ଆମ୍ବାଆସି ପ୍ରଭୁ ତଲେ ଆଣ୍ଡିନେସି, ଏଞ୍ଜାସି ଏଞ୍ଜାଣିତଲେ ରଣ୍ଡିଏ ଜୀଞ୍ଜୁ ଆନେସି □

୧୮ ଦାରିକାମାଟି ହେକ ଆଦୁ, ମାଣ୍ଡସି ଏନି ପାପୁ କିନେସି, ଏଦି ଆଙ୍ଗାତି ଲାଗେଏ କିନେସି, ସାମା ଆମ୍ବାଆସି ଦାରିକାମା କିନେସି, ଏଞ୍ଜାସି ତାନି ଆଙ୍ଗା କପାଟି ପାପୁ କିହିମାନେସି □

୧୯ *ମୀ ଆଙ୍ଗା ମାହାପୁରୁ ତାଣ୍ଡାଟି ବେଟାଆହାମାନି ମୀ ହିୟାଁ ବିତ୍ରା ସୁଦୁଜୀଞ୍ଜୁ ବାସାଆନି ଦେଞ୍ଜୁଡ଼ି, ଇଦାଆଁ ମୀରୁ ପୁଞ୍ଜାହିଲଅତେରି କି ? ଅଡ଼େ ମୀରୁ ମୀରୁଏ ମିଆତେରି ଆଏ; ସାମା ମାହାପୁରୁତି ଲକୁତେରି □

୨୦ ଇତିହୁଁ ମୀରୁ ଗାଡ଼ି ଦାରାତଲେ କଡ଼ଞ୍ଜି ଆହାମାଞ୍ଜେରି; ଏଦାଆଁତାକି ମୀ ଆଙ୍ଗା ତଲେ ମାହାପୁରୁତି ଗାଞ୍ଜୁରମି କିଦୁ □



ବୀହା ଆନି ମେରା

୧ ମୀରୁ ମୀ ଆକୁଡା ଆମିନି କାତା ରାଡା ମାଞ୍ଜେରି, ଏ ବାରେତାକି ନାନୁ ଝେସ୍ତାନାୟି ଇଦି, “ଇୟାନି ତାଗାଆ ଗାଗାୟି ଆବାକି ନେହେଁ;”

୨ ସାମା ଦାରି କାମାତି ଆଜିତାକି ବାରେ ଆବାୟିକି ଜାହାରା ଡକ୍ରି ମାଣ୍ଡମ୍ବେ, ଅଡ଼େ ଇୟାସିକାକି ଜାହାରା ଡକ୍ରି ମାଣ୍ଡମ୍ବେସି □

୩ ଡକ୍ରି, ଡକ୍ରିନାକି ଏନାୟି ଲଡା ଏଦାଆଁ ହାପାସି, ଇଞ୍ଜା ଏଲେକିହୁଁଏ ଡକ୍ରି ଡକ୍ରିକି ତାନି ଲଡାମାନାଣି ହାପେ, ଅଡ଼େ ତାମ୍ବେ ଏନାୟି ଲଡାମାନାଣି ପୁରା କିନାୟିମାନେ □

୪ ଡକ୍ରି ତାନି ଆଙ୍ଗାତି ମୁହେଁ ଅଦିକାରା ହିଲେଏ, ସାମା ଡକ୍ରିକି ମାନେ □ ଏଲେକିହୁଁଏ ଡକ୍ରିକି ତାନି ଆଙ୍ଗାତି ମୁହେଁ ଅଦିକାରା ହିଲେଏ, ସାମା ଡକ୍ରିନାକି ମାନେ □

୫ ତାମ୍ବୁ ତାନି ତାଣ୍ଡାଟି ଏଟକା ଆହାନା ଡୟାଆପୁ; ସାମା ପ୍ରାତାନା କିହାଲି ଏତରଦିନା ପାତେକା ରିଆତେରି ରଣ୍ଡିଏ ମନ ଆହାନା

ଏଟକା ଡୟାଲି ଆଡିଦେରି; ଅଡ଼େ ମୀ ଆଙ୍ଗାତି ଜୁପକାତାକି ଡୟାଲି ଆଡାଆକି ସୟତାନ ଏନିକ୍ ମିଙ୍ଗେ ତାୟିପାରି କିୟେଏ, ଏଦାଆଁତାକି ଝେଣ୍ଡେ ଆଣ୍ଡିଆଦୁ □

୬ ସାମା ନାନୁ ହୁକୁମି ହାନି ଲେହେଁ ଝେହୁଆନାହାଁ ଜାପୁନି ଲେହେଁ ଝେସିମାଲ୍ □

୭ ଆତିହୁଁ ଜିକେଏ ଏନିକ୍ ବାରେ ଲକୁ ନାଲେହେଁକ୍ ଆନେରି, ଇଦି ନା ଅଣ୍ଡପୁ □ ସାମା ଆମ୍ବାଆରି ଇଲେତି ଦାନା, ଅଡ଼େ ଆମ୍ବାଆରି ଏଲେତି ଦାନା ମାହାପୁରୁ ତାଣ୍ଡାଟି ବେଟାଆହାମାନେରି □

୮ ସାମା ନାନୁ ବୀହା ଆଆତି ଲକୁଇଁ ଇଞ୍ଜା ରାଣ୍ଡେଣିସିକାଣି ଝେସିମାଲ୍, ଏଞ୍ଜି ନାଲେହେଁକ୍ ଡୟିତହୁଁ ଏଞ୍ଜାସିକାକି ନେହେଁ □

୯ ସାମା ଏଞ୍ଜି ଆଙ୍ଗାତି ଲକୁହାଲି ଆଡ଼ିହିଲାଡ ଇତିହୁଁ ଏଞ୍ଜି ବୀହା ଆପୁ; ଇତିହୁଁ ଆଙ୍ଗା ଲାଗେଏତି କାମାତା ଝେନିକିହାଁ, ବୀହା ଆନାୟି ନେହେଁ □

୧୦ *ସାମା ବୀହା ଆଡି ଲକୁଇଁ ନାନୁ ହୁକୁମି ହାହିମାଲ୍, ନାନୁ ଆଏ ସାମା ପ୍ରଭୁ ହୁକୁମି ହାହିମାନେସି, ଡକ୍ରି ତାନି ଡକ୍ରି ତାଣ୍ଡାଟି ଏଟକା ଆଆପେ □

୧୧ ସାମା ଏଦି ରଣ୍ଡିଏ ଏଟକା ଆନେ, ଆତିହୁଁ ଏଦି ବୀହା ଆଆପେ, ଇଞ୍ଜା ତାନି ଡକ୍ରିତଲେ ଅଡ଼େ ଆଣ୍ଡାପେ; ଅଡ଼େ ଡକ୍ରି ତାନି ଡକ୍ରିନି ହେଲ ହାଆପେସି □

୧୨ ଏଟକା ତାରାଇଁ ନାନୁ ଝେସିମାଲ୍, ମା ବିତ୍ରା ଆମ୍ବାଆରି ଡକ୍ରି କ୍ରୀସ୍ତଇଁ ନାମାହିଲାଆତି ଜିକେଏ ଡକ୍ରିତଲେ ଡୟାଲି ମନ କିତିସାରେ, ଆତିହୁଁ ଏ ତାୟି ଏ ତାଜିନି ହେଲ ହାଆପେସି □

୧୩ ଏଲେକିହୁଁ ଆମିନି ଡକ୍ରି ମାହାପୁରୁଇଁ ନାମାଆତି ଡକ୍ରିକି ବୀହା ଆହାମାନେ, ଇଞ୍ଜା ଏଦି ଏଞ୍ଜାଣିତଲେ ଡୟାଲି ମନ କିନେ, ଏଦି ତାନି ଡକ୍ରିଇଁ ପିହୁଆପେ □

୧୪ ଇତିହୁଁ ନାମାଆତି ଡକ୍ରି ନାମିତି ଡକ୍ରି ତାକି ମାହାପୁରୁ ତାଣ୍ଡାଟି ସୁଦୁ ଆହାମାନେସି, ଅଡ଼େ ନାମାଆତି ଡକ୍ରି ନାମିତି ଡକ୍ରି ତାକି ମାହାପୁରୁ ତାଣ୍ଡାଟି ସୁଦୁ ଆହାମାନେ; ଆଆତିହୁଁ ମୀ ମୀରକା ମାସ୍କା ଲାଗେଏ ଆଡେରିମା, ସାମା ନାଏ ଏଞ୍ଜାରି ସୁଦୁଗାଟାରି □

୧୫ ସାମା ନାମାଆ ଗାଗାସି କି ନାମାଆ ଗାଗାୟି ଏଟକା ଆହାଲି ମନ କିତିହୁଁ ତାନି ମନଲେହେଁ ଏଟକା ଆପାରି; ଇଲେତି ତାଣ୍ଡା ତାୟି କି ତାଜି ଦସ୍ପି ଆହାହିଲାଡ; ମାହାପୁରୁ ମିଙ୍ଗେ ହିଡ଼ଡ଼ି ତଲେ ମାଞ୍ଜାଲି ଆତାମାଞ୍ଜାନେସି □

୧୬ ନୀନୁ ନାମିତି ଡକ୍ରି ଆହାନା ନୀ ଡକ୍ରିକି ଗେଲ୍ପିନାତି ଆଦି, ଇଦାଆଁ ପୁଞ୍ଜାହିଲଅତିକି ?

* ୭:୧୯ ୭:୧୯ ୧କର ୩:୧୭; ୨କର ୭:୧୭ * ୭:୧୦ ୭:୧୦ ମାତି ୫:୩୨; ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮

ଇଞ୍ଜା ନୀନୁ ନାମିତି ତକ୍ତା ଆହାନା ନୀ ତକ୍ତିନାକି
ଗେଲ୍ପିନାତି ଆଡ଼ି, ଇଦାଆଁ ପୁଞ୍ଜାହିଲଅତିକି ?

ମାହାପୁରୁ ଆଚାମାନି ମାଣ୍ଡକି ଲେହେଁ
ନୀତିନାୟି

୧୭ ଇତିହାଁ ପ୍ରବୁ ଆମ୍ବାଆରାକି ଏନିକାଁ ଦାନା
ହାହାମାନେସି, ମାହାପୁରୁ ଆମ୍ବାଆରାକାଁ ଏନିକାଁ
ହାଚାମାନେସି, ଏଞ୍ଜାସି ଏଲେକାଁ ତାକାପେସି,
ନାନୁ ବାରେ ହୁଲ୍ଲମିତି ଏଲେକିହାଁ ଏ ହୁକୁମି
ହାହିମାକାଁ □

୧୮ ଆମ୍ବାଆସି ତଲୁ ଦାପିଆହାଁ ହାଟ୍‌କି
ଆହାମାନେସି ? ଏଞ୍ଜାସି ତଲୁ ଦାପି ଆଡ଼ି ସିନାତି
ଡକ୍ତୁଆପେସି; ଆମ୍ବାଆସି ତଲୁ ଦାପି ଆଆନା
ହାଟ୍‌କି ଆହାମାନେସି ? ଏଞ୍ଜାସି ତଲୁ ଦାପି
ଆଆପେସି □

୧୯ ତଲୁ ଦାପି ଆନାୟି କି ଆଆଗାଗାୟି କାଜା
କାତା ଆଏ, ସାମା ମାହାପୁରୁ ହୁକୁମି ମାନୁଞ୍ଜି
ଆନାୟି କାଜା କାତା □

୨୦ ବାରେ ଜାଣାକାଁ ଏନିକାଁ ମାହାପୁରୁ
ହାଚାମାନେସି ଏଲେକାଁ ମାଣ୍ଡମେସି □

୨୧ ମୀରୁ ହଲ୍ଲିୟାକା ଆହାମାଗାଟି ହାଟ୍‌କି
ଆହାମାଞ୍ଜେରି ? ଅଣ୍ପାଆଦୁ; ସାମା
ଗେଲ୍ପିଆୟାଲି ଆଡ଼ିଦେରି ଆଡ଼ିହାଁ ଗେଲ୍ପି
ଆୟାଲି ପାରୁ ପାରାଦୁ □

୨୨ ଆମ୍ବାଆସି ହଲେଏସି ଆହାଁ ପ୍ରବୁ ତାଣା
ହାଟ୍‌କି ଆହାମାନେସି, ଏଞ୍ଜାସି ପ୍ରବୁତି ଗେଲ୍ପି
ଆଡ଼ାସି; ଏଲେକିହାଁ ଏ ଆମ୍ବାଆସି ଗେଲ୍ପିଆହାଁ
ହାଟ୍‌କି ଆହାମାନେସି ଏଞ୍ଜାସି କ୍ରୀସ୍ତତି ହଲେଏସି □

୨୩ ମୀରୁ ହାରେକା ଦାରାତଲେ କଡ଼ଞ୍ଜି
ଆହାମାଞ୍ଜେରି; ମାଣ୍ଡସିୟାତି ହଲ୍ଲିୟାକାତେରି
ଆଆଦୁ □

୨୪ ତାୟିୟାଁ ଅଡ଼େ ତାଜିସ୍ତାତେରି, ମାହାପୁରୁ
ମିଙ୍ଗେ ହାଚାତାଟି ମୀରୁ ଏନିକାଁ ମାତେରି
ଏଲେଆହାଁ ଏ ମାହାପୁରୁ ତଲେ ଡ଼ୟିନାୟି ମାନେ
□

ବୀହା ଆଆତି ଲକୁ ଇଞ୍ଜା ରାଣ୍ଡେସିକା କାତା

୨୫ ଡ଼ାଆସିକା କାତା, ନାନୁ ପ୍ରବୁ ତାଣାଟି ଏନି
ହୁକୁମି ବେଟା ଆହାହିଲଅଁ; ସାମା ପ୍ରବୁତି କାମାଟି
ନାମୁଗାଗାସି ଆହାନା ନା ଅଣ୍ପାପୁତା ଝେସିମାଞ୍ଜାକାଁ
□

୨୬ ନାନୁ ଅଣ୍ପିମାକାଁ, ମାଣ୍ଡସି ଏନିକାଁ
ମାନେସି, ନୀଏତି କସ୍ତ ବାଦା ତାକି ଏଲେକିହାଁ ଏ
ମାନାୟି ନେହେଁ □

୨୭ ନୀନୁ ତକ୍ତି ତଲେ ଦସ୍‌ପି ଆହାମାଞ୍ଜି ?
ଆଡ଼ିହାଁ ପିସ୍‌ପି ଆହାଲି ଅଣ୍ପାଆନି, ଇଞ୍ଜା ନୀନୁ
ତକ୍ତି ତାଣାଟି ପିସ୍‌ପି ଆହାମାଞ୍ଜି ? ଆଡ଼ିହାଁ ତକ୍ତିନି
ଇଟାଲି ଅଣ୍ପାଆନି □

୨୮ ସାମା ନୀନୁ ବୀହା ଆହାମାଞ୍ଜି, ଆଡ଼ିଜିକେଏ
ପାପୁ କିହାହିଲଅତି; ଅଡ଼େ ଡ଼ାଆପଦା
ବୀହା ଆହାମାନେ, ଆଡ଼ିଜିକେଏ ଏଡ଼ି ପାପୁ
କିହାହିଲେଏ, ଆଡ଼ିଜିକେଏ ଇଲେତି ଲକୁ
ଆଜାତା ହାରେକା କସ୍ତ ବେଟାଆନୁ, ଅଡ଼େ ମୀରୁ
ଏମ୍ବାଟି ଏନିକାଁ ଗେଲ୍ପି ଆଡ଼େରି ଇଡ଼ି ନା ଅଣ୍ପୁ
□

୨୯ ସାମା ଏ ତାୟିୟାଁ ଅଡ଼େ ତାଜିସ୍ତାତେରି
ନା ଅଣ୍ପୁ ଇଡ଼ି, ଦିନା ତାଗେ ଏଦାତେୟିଏ,
ଏଦାଆଁତାକି ଆମ୍ବାଆରାକି ତକ୍ତି ମାନେ, ଏଞ୍ଜାସି
ତକ୍ତି ହିଲାଆଲେହେଁ ମାଣ୍ଡମେସି □

୩୦ ଅଡ଼େ ଆମ୍ବାଆରି ଡ଼ାହି ମାନେରି, ଏଞ୍ଜାରି
ଡ଼ାହି ହିଲାଆ ଲକୁ ଲେହେଁ ଆପେରି; ଅଡ଼େ
ଆମ୍ବାଆରି ରାହାଁ କିହମାନେରି, ଏଞ୍ଜାରି ରାହାଁ କିହ
ହିଲାଆ ଲକୁ ଲେହେଁ ଆପେରି; ଇଞ୍ଜା ଆମ୍ବାଆରି
କଡ଼ିନେରି ଏଞ୍ଜାରି ଅଦିକାରା ବେଟାଆଆତି ଲେହେଁ
ଆପେରି;

୩୧ ଅଡ଼େ ଆମ୍ବାଆରି ଦାର୍ଡିତି ଦିଶସ୍ତୁ
ଲେମ୍ବିମାନେରି ଏଞ୍ଜାରି ଲେମ୍ବାଆଗାଟି ଲକୁ ଲେହେଁ
ଆପେରି; ଏଦାଆଁତାକି ଇତିହାଁ ଇ ଦାର୍ଡିତି
ଞ୍ଜାଣା ତିରିମ୍ବୁହି ମାନେ □

୩୨ ସାମା ମୀରୁ ଏନିକାଁ ଅଣ୍ପପଅତେରି ଏଡ଼ି
ନା ଅଣ୍ପୁ, ଆମ୍ବାଆସି ବୀହା ଆଆତାସି ଏଞ୍ଜାସି
ଏନିକାଁ ପ୍ରବୁକାଁ ରାହାଁ କିଞ୍ଜିକିହାଲି ଝାରଇ ପ୍ରବୁତି
କାମା ଅଣ୍ପିନେସି;

୩୩ ସାମା ଆମ୍ବାଆସି ବୀହା ଆହାମାନେସି ଏଞ୍ଜାସି
ଏନିକାଁ ତାନି ତକ୍ତିନି ରାହାଁ ଗାଗାସି ଆନେସି,
ଏଦାଆଁତାକି ଦାର୍ଡିତି କାତା ଅଣ୍ପିନେସି ଇଞ୍ଜା
ତାନି ମନ ବାଗା ଆନେ □

୩୪ ବୀହା ଆଆତି ଇୟାସିକା ଅଡ଼େ ଡ଼ାଆସିକା
ଆଜା ଇଞ୍ଜା ଜୀଞ୍ଜୁତା ସୁଦୁ ଆହାଲି ପ୍ରବୁତି
କାତା ଆସାନା ଅଣ୍ପିନୁ; ସାମା ଆମ୍ବାଆୟି ବୀହା
ଆହାମାନେ ଏଡ଼ି ଏନିକାଁ ଜାହାରା ତକ୍ତାକାଁ ରାହାଁ
କିୟାଲି ଆଡ଼ିନେ, ଏଦାଆଁତାକି ଦାର୍ଡିତି କାତା
ଅଣ୍ପିନେ □

୩୫ ଇ କାତା ନାନୁ ମୀ ନେହେଁତାକି
ଝେସିମାଞ୍ଜାକାଁ, ମିଙ୍ଗେ କସ୍ତ ହାନି ମେରା ତଲେ
ଦସ୍‌ପି ଆହାଲି ଝେସିମାଞ୍ଜଅଁ, ସାମା ମୀରୁ
ଏନିକାଁ ମାନି କିହାଁ ରଣ୍ଡିଏ ମନତଲେ ପ୍ରବୁ ତାଣା
ଡ଼ୟିଦେରି, ଏଦାଆଁତାକି ଝେସିମାଞ୍ଜାକାଁ □

୩୬ ସାମା, ଆମ୍ବାଆସି ତାଙ୍ଗେତାକି ରୀସ୍‌ପଆଡ଼ି
ମାଜ୍ଜାନି ଡ଼ାଆବେଲା ରାଡ଼େୟିଏ ଇଞ୍ଜା
ଅଣ୍ପିନେସି, ଅଡ଼େ ଏଞ୍ଜାସି ମୁସ୍‌ନା ମାଞ୍ଜାଲି
ଆଡ଼ାଆସାରେ ଅଡ଼େ ତାଙ୍ଗେ ଲଡ଼ାଆନେ ଆଡ଼ିହାଁ
ତାନି ମନତା ଏନାୟି ମାନେ ଏଲେଆହାଁ
ବୀହା ଆନାୟି ମାନେ, ଏମ୍ବାଆଁ ପାପୁ ହିଲେଏ,
ଏଦାଆଁତାକି ଏଞ୍ଜି ବୀହା ଆପୁ □

୩୭ ସାମା ଆମ୍ବାଆସି ହିୟାତା ତୀରି ମାନେସି, ଅଡେ ବାହା ଆହାଲି ମନ କିଅସି ଇଞ୍ଜା ଆମ୍ବାଆସି ତାନି ମନତି ଲକହାଲି ଆଡିନେସି ଅଡେ ଏଞ୍ଜାସି ତାନି ମନତା ଏନାଆଁ କିହାଲି ଅଣ୍ଡାମାନେସି ଆଡିହୁଁ ଏଞ୍ଜାସି ତାଙ୍ଗେ ରାସାମାନି ତାଆ ପଦାଲ୍ ବାହା ଆଆତୁଁ ନେହେଁ □

୩୮ ଏଦାଆଁତାକି ଆମ୍ବାଆସି ତାଙ୍ଗେ ରାସାମାନି ତାଆ ମାଙ୍ଗାନି ବାହା କିନେସି ଏଞ୍ଜାସି ନେହୁଁ କିନେସି, ଅଡେ ଆମ୍ବାଆସି ବାହା ଆଅସି ଏଞ୍ଜାସି ଏଦାଆଁ କିହାଁ ହାରେକା ନେହୁଁ କିନେସି □

୩୯ ବାହା ଆଡି ତକ୍ତି ତାନି ତକ୍ତା ଜୀଝୁ ମାନି ପାତେକା ଦସପି ଆହା ତୁୟିନେ; ସାମା ତକ୍ତା ହାଡିସାରେ ଏ ତକ୍ତି କ୍ରୀସୁ ତାଣା ନାମାମାନି ଆମ୍ବାଆରାଲ୍ ମନ ଏଞ୍ଜାଣାକି ବାହା ଆୟାଲି ଆଡିନେ □

୪୦ ସାମା ନା ଅଣ୍ଡପୁତା, ଏଡି ଏନିକିଁ ମାନେ ଏଲେକିହୁଁ ଏ ତୁୟିତହୁଁ ହାରେକା ରାହାତଲେ ତୁୟିନେ, ଇଦି ମାହାପୁରୁ ଜୀଝୁତି ହେଲ ଇଞ୍ଜା ନାନୁ ଅଣ୍ଡପିମାଲ୍ □

୮

ପେଣକା ବମାୟାକି ଡାକାମାନି ରାହାତି କାତା

୧ ପେଣକା ବମାୟାକି ଡାକାମାନି ବଗୁତି କାତା ନାନୁ ଝେହନାୟି ଇଦି, “ବାରେତାକି ବୁଦି ମାନେ” ଇଞ୍ଜା ମୀରୁ ଝେସିମାଞ୍ଜେରି, ଏଦାଆଁ ମାମ୍ବୁ ପୁଞ୍ଜାମାନି □ ବୁଦି ତାହାରା କିଞ୍ଜିକିୟାନେ, ସାମା ଜୀଝୁନନାୟି କାଲ୍ଝି କିୟାନେ □

୨ ଆମ୍ବାଆସି ଏନି କାତାତା ଜିକେଏ ନାନୁ ପୁଞ୍ଜାମାଲ୍ ଇଞ୍ଜା ଅଣ୍ଡପିନେସି, ଆଡିହୁଁ ଏଞ୍ଜାଣାକି ଏନିକିଁ ପୁନାୟିମାନେ, ଏଞ୍ଜାସି ନୀଏଁ ପାତେକା ଏଲେକିଁ ପୁଞ୍ଜାହିଲଅସି □

୩ ସାମା ଆମ୍ବାଆସି ମାହାପୁରୁଲ୍ ଜୀଝୁ ନନେସି, ଏଞ୍ଜାଣାଲ୍ ମାହାପୁରୁ ପୁଞ୍ଜାମାନେସି □

୪ ଏଦାଆଁତାକି ପେଣକା ବମାୟାକି ଡାକାମାନି ବଗୁତି ତିନି କାତା ମାର ପୁଞ୍ଜାମାନାୟି, ଦାରତିତା ପେଣକା ଇଞ୍ଜିହୁଁ ଏନାଲ ହିଲାଡ, ଅଡେ ରଣ୍ଡିଏ ମାହାପୁରୁ ପିସ୍ପେ ଅଡେ ରଅସି ହିଲଅସି □

୫ ଇଡିହୁଁ ଲାକପୁରୁ ଆପେ କି ଦାରତିତା ଆପେ, ଆମ୍ବାଆରାଲ୍ ମାହାପୁରୁ ଇନେରି, ପେଣକା ମାଡିହୁଁ ଜିକେଏ ସାତେଏ ହାରେକା “ପେଣକା” ଅଡେ ହାରେକା “ପ୍ରବୁୟା” ମାନୁ,

୬ ଆଡିଜିକେଏ ମାଙ୍ଗେତାକି ରଣ୍ଡିଏ ମାହାପୁରୁ ଇଡିହୁଁ ଏ ଆବା ତାଣାଟି ବାରେ ଗାଡି ଆହାମାନେ, ଇଞ୍ଜା ମାର ଏଞ୍ଜାଣି ତାକି ନୀତାମାନାୟି; ଇଞ୍ଜା ରଣ୍ଡିଏ ପ୍ରବୁ ଇଡିହୁଁ ଜୀଝୁ କ୍ରୀସୁ, ଏଞ୍ଜାଣି ତାଣାଟି ବାରେ ଗାଡି ଆହାମାନେ, ଅଡେ ମାର ଏଞ୍ଜାଣି ତାଣାଟି ନୀତାମାନାୟି □

୭ ଆଡିଜିକେଏ ବାରେତାକି ଇ ବୁଦି ହିଲେଏ; ସାମା ଏତେକା ଲକୁ ନୀଏଁ ପାତେକା ପେଣକା ମାନୁ ଇଞ୍ଜା ଅଣ୍ଡପାନା ପେଣକା ବମାୟାକି ଡାକାମାନି ବଗୁ ତିନେରି, ଇଞ୍ଜା ଏଞ୍ଜାରି ଅଣ୍ଡପୁତି ବାଡୁୟୁ ଉଣା ମାନାକି ଦହଗାଟାରି ଆନେରି □

୮ ସାମା ତାନି ରାହା ମାଙ୍ଗେ ମାହାପୁରୁ ନକ୍ତିତା ନେହୁଁ କି ଲାଗେଏ କିୟେଏ; ତିନାଆଡିହୁଁ ମା ଏନାୟି ନସ୍ତ ଆଏ ଅଡେ ତିତି ସାରେ ମାଙ୍ଗେ ଏନି ଲାବା ଆଏ □

୯ ସାମା ଜାଗ୍ରାତା, ନଲେ ମୀ ତାଣା ମାନି ଅଦିକାରା ନାମୁତା ବାଡୁୟୁ ହିଲାଆ ଗାଟାରାକି କସ୍ତ ବାଦା ହୀନାୟି ଆନେ □

୧୦ ବୁଦି ଗାଟାତେରି ମୀରୁ, ମିଙ୍ଗେ ଆମ୍ବାଆସି ପେନୁତି ଦେଝୁଡି ବଜିତା କୁଗାମାନାଣି ମେସ୍ତାଡିହୁଁ, ଏଞ୍ଜାସି ନାମୁତା ଉଣା ମାଡିହୁଁ, ତାନି ଅଣ୍ଡପୁତି ବାଡୁୟୁ ଉଣା ମାନାକି ପେଣକା ବମାୟାକି ଡାକାମାନି ବଗୁ ତିଞ୍ଜାଲି ସାସା ଆଅସି କି ?

୧୧ ଇଞ୍ଜା ଆମିନି ବାଡୁୟୁ ହିଲାଆ ନାମିତି ତାୟି କି ତାଜି ତାକି କ୍ରୀସୁ ହାଡେସି, ଏଞ୍ଜାସି ନୀ ଏ “ବୁଦି” ତଲେ ନାସା ଆହିମାନେସି □

୧୨ ଇଲେକିହୁଁ ମୀ ତାଣା ମାନି ନାମିତି ତାୟିୟାଁ କପାଟି ପାପୁ କିହାଁ ଇଞ୍ଜା ଏଞ୍ଜାରି ବାଡୁୟୁ ହିଲାଆ ଅଣ୍ଡପୁତି କସ୍ତ ହୀହାନା ମୀ କ୍ରୀସୁତି କପାଟି ପାପୁ କିହିମାଞ୍ଜେରି □

୧୩ ଇଦାଆଁତାକି ତିନି କାଡି ନା ତାୟିକି କସ୍ତ ହନେ, ଆଡିହୁଁ ନା ତାୟି ଏନିକିଁ ନା ତାଣାଟି କସ୍ତ ଆଅସି, ଏଦାଆଁତାକି ନାନୁ ଏତେଲା ଉଞ୍ଜା ତିନଅଁ □

୯

ପାଣ୍ଡୁଝି ଆଡାରି ଅଦିକାରା ଅଡେ ଦାୟିପତି

୧ ନାନୁ ନା ମନତଲେ ମାଞ୍ଜାଲି ଆଡଅଁ ? ନାନୁ ର ପାଣ୍ଡୁଝି ଆଡାତେଏଁ ଆଏ ? ନାନୁ ଏନାଆଁ ମା ପ୍ରବୁ ଜୀସୁଲ୍ ମେସାହିଲଅଁ ? ମୀରୁ କି ମାହାପୁରୁ ତାଣା ନା କିତି କାମାତି ପାଡେୟି ଆଏ ?

୨ ନାନୁ ଏଟକାତାରି ତାଣା ପାଣ୍ଡୁଝି ଆହାହିଲାଆଡି ଜିକେଏ, ମିଙ୍ଗେତାକି ନାନୁ ସାତେଏ ପାଣ୍ଡୁଝି ଆହାମାନାତେଏଁ, ଇଡିହୁଁ ପ୍ରବୁ ତାଣା ମୀରୁ ନା ପାଣ୍ଡୁଝିଆହାମାନି ପାଣାତା ଝେତାମାନି ବୁଟୁ ମୁଦା ଲେହେଁ ଆହାମାଞ୍ଜେରି □

୩ ନାଙ୍ଗେ ନାହାୟି କିୟାନାରିକି ନାନୁ ଝେସ୍ତାନି କାତା ଇଦି □

୪ ନା କାମାତାକି ତିଞ୍ଜା ଉଣ୍ଡାଲି ମାଙ୍ଗେ ଅଦିକାରା ହିଲେଏ ?

୫ ଅର ପାଣ୍ଡୁଝି ଆହାମାନାରି ପ୍ରବୁତି ତାୟିୟାଁ ଅଡେ କେପା* ଲେହେଁ କ୍ରୀସ୍ତାନା ତାଜିନି ବାହା

* ୯:୫ ୯:୫ ପିତର

ଆହାଁ ଏ ଇୟାନି ତଲେ ରେଜାଲି ମାଙ୍ଗେ ଅଦିକାରା ହିଲେଏ କି ?

୭ ଅଡ଼େ ଜୀଝୁତା ନୀତାଲିତାକି କାମାତି ପିସାଲି ନାଙ୍ଗେ ଅଡ଼େ ବର୍ନବାତି ଅଦିକାରା ହିଲେଏ କି ?

୮ ର.ଜୁଜୁ କିନାସି ଜୁଜୁତା ମାନି ଚେଲା ତାନୁଏ ତାଙ୍ଗେତାକି କାରୁଁ କିନେସିକି ? ଇଞ୍ଜା ଆମ୍ବାଆସି ଅଙ୍ଗୁରି ବାଡ଼ା କିହାଁ ଏମ୍ବାତି ପାଡ଼େୟି ତିନଅସି କି ? ଇଞ୍ଜା ର.ଗଡ଼ ତୁନି ମାନ୍ଦାତି ପାଲୁ ଗହଅସି କି ?

୯ ନାନୁ ମାଣସି ଆହାଁ ଇ ବାରେ କାତା ଝେସିମାଞ୍ଜାଇଁ ? ଇଞ୍ଜା ସାସ୍ତେରି ଜିକେଏ ଇ ବାରେ କାତା ଝେସିମାଞ୍ଜେଏ କି ?

୧୦ ଇତିହାଁ ମସାତି ମୋରାତା ଇଲେଇଞ୍ଜା ରାୟକି ଆହାମାନେ, “ନପି ମାନି କଡ଼ିତି ଗୁଡ଼ିତା କତ୍ରା ଦହଆଦୁ,” ମାହାପୁରୁ ଖାରଇ ଏ କଡ଼ିତି ଅଣ୍ପିମାନେସି କି ?

୧୧ ଏଝାସି ଇଦାଆଁ ମାଙ୍ଗେତାକି ଝେସା ମାଞ୍ଜଅସି ? ହାଅ, ମାଙ୍ଗେତାକି ଇଦି ରାୟକି ଆହାମାନେ, ଏଦାଆଁତାକି ଇତିହାଁ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡ଼େ ନପି ନାସି ଗାତି ବାଗା ବେଟାଆହାଲି କତ୍ରା ଦହନେସି ।

୧୨ ମାମ୍ବୁ ମିଙ୍ଗେତାକି ନେହାଁ ଜୀଝୁତି ବିଟା ମାଟା ମାଟାମାନମି, ଅଡ଼େ ମୀ ତାଣାଟି ଇ ଦାରୁଡ଼ିତି ତାସା ଦାଡ଼ିହାଁ ଏଦି ଏନି କାଜା କାତା ଆଏକି ?

୧୩ ଏଟକା ଲକ୍ଷୁ ମୀ ତାଣାଟି ବାଗା ବେଟାଆହାଲି ଅଦିକାରା ମାଟିହାଁ, ଏଦାଆଁ କିହାଁ ଆଗାଡ଼ା ବେଟାଆହାଲି ମା ଅଦିକାରା ହିଲେଏ କି ? ଆଡ଼ିଜିକେଏ ମାମ୍ବୁ ଅଦିକାରା ଲେମ୍ବା ହିଲଅମି । ସାମା ଏନିକାଁ ମାମ୍ବୁ ଜୀଝୁତି ନେହାଁ କାରୁଁ ଝେକି କିନି କାମାତା ଏନି ବାଦା ଖାଆପେ ଇଞ୍ଜା ବାରେ ଅରୁହିମାନମି

୧୪ ଆମ୍ବାଆରି ଦେଝୁଡ଼ିତା ପୂଜା କିନାରି ଏଝାରି ଦେଝୁଡ଼ିତି ରାନ୍ଦା ବେଟାଆନେରି, ଇଞ୍ଜା ଆମ୍ବାଆରି ପୂଜା କିନାରି ପୂଜା କିହାଲି ପୂଜା ପିଣ୍ଡାତା ଇଟିତି ବଗୁଡ଼ି ବାଗା ବେଟାଆନେରି, ଇଞ୍ଜା ମୀରୁ ପୁଞ୍ଜାହିଲଅତେରି କି ?

୧୫ ଏଲେକିହାଁ ଏ ଆମ୍ବାଆରି ନେହାଁ କାରୁଡ଼ି ଝେକ୍‌ହି ମାନେରି, ଏଝାରି ନେହାଁ କାରୁଁ ଝେକ୍‌ନି ତାଣାଟିଏ ନୀତିନେରି, ଇ କାତା ପ୍ରୁ ହୁକୁମି ହାହାମାନେସି ।

୧୬ ସାମା ନାନୁ ଇ ବାରେ ଏଦାଆଁଝା ଲେମ୍ବାହିଲଅଁ, ଅଡ଼େ ନାଙ୍ଗେତାକି ଏଲେ କିଝିଆପେ, ଏଦାଆଁତାକି ରାଡ଼ିମାଞ୍ଜଅଁ; ଇତିହାଁ ଆମ୍ବାଆରି ନା ନେହାଁ ବତପଣତି ଉଜେଏ କିନି କିହାଁ ନାନୁ ହାହାହାନାୟି ନେହେଁ ।

୧୭ ଇତିହାଁ ନାନୁ ନେହାଁ କାରୁଁ ଝେକ୍‌ଇଁ, ଏମ୍ବାଆଁ ନା ବତପଣ ଆନାୟି ହିଲେଏ, ଏଦାଆଁତାକି

ଇତିହାଁ ଏଦାଆଁ କିହାଲି ହୁକୁମି ବେଟାଆହାମାଇଁ, ଇଞ୍ଜା ନାନୁ ନେହାଁ କାରୁଁ ଝେକ୍‌ଆତେଏଁ ଇତିହାଁ ନାନୁ ଏଚେକା ତଣ୍ଡ ବେଟାଆନାତେଏଁ ।

୧୮ ଇତିହାଁ ନାନୁ ଜାହାରା ମନତଲେ ଇ କାମା କିଇଁ, ଆଡ଼ିହାଁ ନାଙ୍ଗେତାକି ଦାନା ମାନେ; ସାମା ନାନୁ ନା ମନତଲେ କାମା କିଆଡ଼ିହାଁ ଜିକେଏ ମାହାପୁରୁ ନାଙ୍ଗେ ସେବାକିନି କାମାତି ବଜୁ ହେରପା ମାଞ୍ଜାନେସି ।

୧୯ ଆଡ଼ିହାଁ ନା ଦାନା ଏନାୟି ? ଏଦି ଇଦି ନାନୁ ନା ନେହାଁ କାରୁତା ମାନି ଅଦିକାରା ଲେମ୍ବାଆନା ନେହାଁ କାରୁଁ ଝେସି ଝେସି ଏ ନେହାଁ କାରୁଡ଼ି ଉଜେଏ ଝେକ୍‌ଇଁ ।

୨୦ ନାନୁ ଆମ୍ବାଆରି ହଲେଏଣା ଆଆଡ଼ି ଜିକେଏ, ଏନିକାଁ ନାନୁ ହାରେକା ଗାଡ଼ି ଲକ୍ଷୁଣି ବେଟାଆହାଲି ଆଡ଼ିଇ, ଏଦାଆଁତାକି ନାନୁ ଜାହାରାଇଁ ବାରେଡ଼ି ହଲେଏସି କିତେଏଁ ।

୨୧ ଏନିକାଁ ନାନୁ ଜୀହୁଦିୟାଣି କ୍ରୀସ୍ତ ତାକି ଜୀଣା ଆହାଲି ଆଡ଼ିଇ, ଏଦାଆଁତାକି ଜୀହୁଦି ଲକ୍ଷୁ ନକିତା ନାନୁ ଜୀହୁଦି ଲେହେଁ ଆହିମାଇଁ; ଏନିକାଁ ମସାତି ମୋରାତା ଦସ୍‌ପି ଆହାମାନାରାଇଁ ଜୀଣା ଆହାଲି ଆଡ଼ିଇ, ଏଦାଆଁତାକି ନାନୁ ମୋରାତା ଦସ୍‌ପି ଆଆଡ଼ି ଜିକେଏ ମୋରାତା ଦସ୍‌ପି ଆଡ଼ି ଲକ୍ଷୁଲେହେଁ ଆଡ଼େଏଁ ।

୨୨ ଏନିକାଁ ନାନୁ ମସାତି ମୋରା ପୁନାଆଡ଼ି ଏଟକା କୁଡ଼ାଡ଼ି ଲକ୍ଷୁଣି ବେଟାଆହାଲି ଆଡ଼ିଇ, ଇଦାଆଁତାକି ନାନୁ ମାହାପୁରୁଡ଼ି ମୋରାତା ହିଲାଆ ଲକ୍ଷୁ ଆଆନା କ୍ରୀସ୍ତତି ମୋରା ମାନଝି ଆଡ଼ିଜିକେଏ ମସାତି ମୋରାତା ହିଲାଆ ଲକ୍ଷୁ ନକିତା ମସାତି ମୋରାତା ହିଲାଆ ଲକ୍ଷୁଲେହେଁ ଆଡ଼େଏଁ ।

୨୩ ଏନିକାଁ ନାନୁ ବାଡ଼ୁୟି ହିଲାଆଗାଟାରାଇଁ ଜୀଣା ଆହାଲି ଆଡ଼ିଇ, ଏଦାଆଁତାକି ବାଡ଼ୁୟି ହିଲାଆ ଗାଟାରି ନକିତା ବାଡ଼ୁୟି ହିଲାଆଲେହେଁ ଆଡ଼େଏଁ; ଏନିଇତିହାଁ ଜିକେଏ ନାନୁ ଏତର ଜାଣାଇଁ ଗେଲପାଲି ଆଡ଼ିଇ, ଇଦାଆଁତାକି ବାରେ ଲକ୍ଷୁ ଏନିଲେହେଁତାରି ନାନୁ ଏଝାରିଲେହେଁ ଆଡ଼େଏଁ ।

୨୪ ନାନୁ ଏନିକାଁ ନେହାଁ କାରୁଡ଼ି ବରତା ଆଣ୍ଡାଲି ଆଡ଼ିଇ, ଏଦାଆଁତାକି ନାନୁ ନେହାଁ କାରୁତାକି ବାରେ କିଇଁ ।

୨୫ ଆମ୍ବାଆରି କାହିନି ତାଣା ହଣନେରି ଏଝାରି ବାରେଜାଣା ହଣନେରି ସାତା, ସାମା ରଅସିଏ ଜୀଣା ଆହାଁ ଦାନା ବେଟା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ମୀରୁ ଏନିକାଁ ଦାନା ବେଟାଆଦେରି ଏଦାଆଁତାକି ଏଲେକାଁ ହଣ୍ଡୁ ।

୨୬ ଆମ୍ବାଆସି ବାଡ଼ହାରା ତଲେ କାହିନି

☆ ୯:୯ ୯:୯ ଚିତ୍ରମ ୫:୧୮ ☆ ୯:୧୪ ୯:୧୪ ମାତି ୧୦:୧୦; ଲୁକ ୧୦:୭

ତାଣା ଆଣ୍ଠିନେସି ଏଞ୍ଜାସି ବାରେ ନେହୁଁକିଁ ଜାପିନେସି; ଏଞ୍ଜାରି ଗାଡ଼େକେଏ ନାସଞ୍ଜି ଆନି ଟପେରି ବେଟାଆହାଲି କାହିମାନେରି; ସାମା ମାର ଏଚେଲାଞ୍ଜା ନାସା ଆଆଗାଟି ଟପେରି ବେଟାଆହାଲି ଏଲେ କିନି □

୨୭ ଏଦାଆଁତାକି ନାନୁ ହଟିମାଇଁ, ସାମା ଗୁରି ହିଲାଆ ତାଣା ଆଏ, ନାନୁ ମୁଟିତଲେ କୁଡ଼କି ଆନି ଜୁଜୁ କିହିମାଇଁ, ସାମା ଖାରୁଇ ଗାଲିତି ଖେନି ଲକୁଲେହେଁ ଆଏ □

୨୮ ଏଟକା ଲକୁତାଣା ନେହୁଁ କାରୁ ଖେସିହୁଁ ନାନୁ ଏନିକିଁ ଅପାଆ ଗାଟାତେଏଁ ଆଆଁ ଏଦାଆଁତାକି ନା ଆଜାତି କସ୍ତ ବାଦା ହାହାନା ଲକ୍‌ହିମାଇଁ □

୧୦

ପେଶକା ବମାୟା ସେବାଟି ଜାଗ୍ରାତା କିନାୟି

୧ ଇତିହୁଁ ଏ ତାୟିୟାଁ ଅଡ଼େ ତାଜିସ୍ତାତେରି ମା ଆକୁ ଆବାୟାଁ ବାରେ ଦୁହା ଡ଼ଇକା ମାତେରି □

୨ ଅଡ଼େ ବାରେଜାଣା ସାମ୍‌ଦୁରି ବିତ୍ରାଟି ହାଚେରି, ଇଞ୍ଜା ବାରେଜାଣା ଦୁହା ଅଡ଼େ ସାମ୍‌ଦୁରିତା ମସା ତାଣାଟି ବାପ୍ତିସ୍ତା* ଅଡ଼େରି □

୩ ଅଡ଼େ ଏଞ୍ଜାରି ବାରେଜାଣା ରଣ୍ଡିଏ ଜାଞ୍ଜୁତି ରାୟା ତିଚେରି □

୪ ଅଡ଼େ ବାରେଜାଣା ରଣ୍ଡିଏ ମାହାପୁରୁ ହୀତି ଜାଞ୍ଜୁତି ଏୟୁ ଗସ୍ତେରି, ଇତିହୁଁ ଏଞ୍ଜାରିତଲେ ହାଜିମାଟି ମାହାପୁରୁ ହୀତି ଜାଞ୍ଜୁତି ପାକା ଖାଲିତି ଏୟୁ ଗସ୍ତେରି ଏ ପାକା ଖାଲି କ୍ରୀସ୍ତ,

୫ ଆଡ଼ିଜିକେଏ ଏଞ୍ଜାରି ବିତ୍ରାଟି ହାରେକା ଲକୁତାଣା ମାହାପୁରୁତି ରାହାଁ ହିଲାଆତେ, ଇଞ୍ଜା ଏଞ୍ଜାରି ଲକୁ ହିଲାଆ ଚାୟୁତା ହାହାହାଚେରି, ଇ ବାରେ କାତା ମାରୁ ପୁନାଆନା ମାଞ୍ଜୁ ଇଞ୍ଜୁଁ ନା ମନ ହିଲେଏ □

୬ ଏଞ୍ଜାରି ଏନିକିଁ ଲାଗେଏ ପଚୁଲଏତାଣି ତାକି ଜୁପକା ଆହାମାଚେରି, ଏଲେକିଁ ମାର ଏଲେତି ଜୁପକା ଆଆୟି, ଏଦାଣିତାକି ଇ ବାରେ କାତା ମାଜେତାକି ପୁଣ୍ଡିକିନାୟି ଆହାମାନେ □

୭ ଏନିକିଁ ଏଞ୍ଜାରି ବିତ୍ରାଟି ଏଚରଜାଣା ପେଶକା ପୂଜା କିନାରି ଆଡ଼େରି, ଏଲେକିଁ ମାରୁ ପେଶକା ପୂଜା କିନାଚେରି ଆଆଦୁ; ଏନିକିଁ ରାସ୍ତକି ଆହାମାନେ, “ଲକୁ ତିଞ୍ଜା ଉଣ୍ଡାଲି କୁରିଚେରି, ଅଡ଼େ ଏନିହୁଁ ରାହାଁ କିହାଲି ନିଜିଚେରି □”

୮ ଏନିକିଁ ଏଞ୍ଜାରିତାଣା ଏଚରଜାଣା ଦାରିକାମା କିହାନା ରଣ୍ଡିଏ ନେରୁ କଡ଼େ ତାନି ମାଣା ଲକୁ ହାଡ଼େରି, ଏଲେକିଁ ମାର ଦାରିକାମା କିଆପ □

୯ ଏନିକିଁ ଏଞ୍ଜାରି ବିତ୍ରାଟି ଏଚରଜାଣା ପ୍ରବୁଇଁ ତାୟିପାରି କିହାଁ ରାଚୁ ତଲେ ହାଡ଼େରି, ଏଲେକିଁ ମାର ପ୍ରବୁଇଁ ତାୟିପାରି କିଆପ □

୧୦ ଏନିକିଁ ଏଞ୍ଜାରି ବିତ୍ରାଟି ଏଚରଜାଣା ବାଟା କିହାଲିଏ ନାସାକିନି ଦୁତୁ କେୟୁଟି ହାଡ଼େରି, ଏଲେକିଁ ମାରୁ ବାଟା କିଆଦୁ □

୧୧ ଇ ବାରେ ପୁଣ୍ଡିକିନିଲେହେଁ ଏଞ୍ଜାରାକି ଆଡ଼େ, ଅଡ଼େ ଆମ୍ବାଆରି ବେଲାତା ଜୁଗୁରାନି ଦିନା ଏଜିମାଞ୍ଜାନେ, ଏଲେକିହୁଁ ମାର ମା ସେଡନା ତାକି ଏ ବାରେ ରାସ୍ତକି ଆହାମାନେ □

୧୨ ଏଦାଆଁତାକି ଆମ୍ବାଆସି ନାନୁ ତାରି ଗାଟାତେଏଁ ଇଞ୍ଜିହୁଁ ଅଣ୍ଡପି ମାନାସି, ଏଞ୍ଜାସି ଏନିକିଁ ଡରଗଅସି, ଏଦାଆଁତାକି ଏଞ୍ଜାସି ଜାଗ୍ରାତା ଆପାସି □

୧୩ ମାଣ୍ଡିତାକି ଏନିଲେହେଁତି ତାୟିପାରି କିନାୟି କସ୍ତଗାଟାୟି ଆଏ, ଏଦାଆଁ ପିସପେ ମିଜେତାକି ଏଟକାଟି ତାୟିପାରି କିନାୟି ଆହା ହିଲେଏ, ସାମା ମାହାପୁରୁ ଟିକାଣାତାସି, ଏଞ୍ଜାସି ମିଜେ ଏନି ଆଡାଆଗାଟି ତାୟିପାରି କିହାଲି ହିୟଅସି, ସାମା ମାରୁ ଏନିକିଁ ଅରହାଲି ଆଡ଼ିଦେରି, ଏଦାଆଁତାକି ତାୟିପାରି କିଞ୍ଜିଏ ଏଞ୍ଜାସି ଗେଲପିନି ଜିରୁ ଜିକେଏ କେପିନେସି □

୧୪ ଏ ନା ଜାଞ୍ଜୁତି ତାୟିୟାଁ ଅଡ଼େ ତାଜିସ୍ତାତେରି ପେଶକା ବମାୟା ପୂଜା କିନି ତାଣାଟି ଏଟକା ଆଦୁ □

୧୫ ନାନୁ ବୁଦିଗାଟି ଲକୁଣି ଖେହ୍‌ନିଲେହେଁ ଖେସିମାଞ୍ଜାଇଁ, ନାନୁ ଏନାଆଁ ଖେସିମାଇଁ ଏଦାଆଁ ମାରୁ ମାରୁଏ ଅଣ୍ଡପାଦୁ □

୧୬ ଆମିନି ପ୍ରବୁତି ବଜି ସଲା ତାକି ଜହରା କିନାୟି, ଏଦି କ୍ରୀସ୍ତି ନେଚେରିତା ଆଣ୍ଡିହିଲେଏ ? ଆମିନି ରୁଟି ମାର ଡକ୍‌ହି ମାନାୟି ଏଦି କି କ୍ରୀସ୍ତି ଆଜାତା ଆଣ୍ଡିହିଲେଏ ?

୧୭ ଇତିହୁଁ ରୁଟି ରଣ୍ଡିଏ ଆଡାକି ମାର ହାରେକା ଆଡ଼ିଜିକେଏ ରଣ୍ଡିଏ ଆଜା ଲେହେଁ, ଏଦାଆଁତାକି ମାର ବାରେଜାଣା ରଣ୍ଡିଏ ରୁଟିତି ବାଟା □

୧୮ ଆଜାତି ଜାର୍ନା ତଲେ ଆମ୍ବାଆରି ଇସ୍ରାୟେଲ ଲକୁ, ଏଞ୍ଜାରାଇଁ ସିନିକଦୁ ଆମ୍ବାଆରି ପୂଜା କିତି ଉଜା ତିନେରି, ଏଞ୍ଜାରି ପୂଜା ପିଣ୍ଡାତି ପୂଜାତା ଆଣ୍ଡିହିଲଅରି ?

୧୯ ଆଡିହୁଁ ପେଶକା ବମାୟା ବଗୁ ଇଞ୍ଜିହୁଁ ଏନାୟି ମାନେ, ଅଡ଼େ ପେଶକା ବମାୟା ଇଞ୍ଜୁଁ ଏନାଇ ମାନୁ, ଏଦାଆଁ କି ନାନୁ ଖେସିମାଞ୍ଜାଇଁ ?

୨୦ ଆଏ, ସାମା ନାନୁ ଖେସିମାଞ୍ଜାଇଁ, ଏନାଆଁ ଜାହୁଦିଆଆତାରି ପୂଜା କିନେରି ଏ ବାରେ ଏଞ୍ଜାରି ମାହାପୁରୁ ତାକି ପୂଜା କିଆନା ବୁଡୁୟାକି କିନେରି,

* ୧୦:୨ ୧୦:୨ମୁଞ୍ଜିନାୟି ✱ ୧୦:୧୭ ୧୦:୧୭ ମାତି ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦

ଅଡ଼େ ମୀରୁ ବୁଡୁୟାଁ ତଲେ ଆଣ୍ଡାଦୁ, ଇଦି ନା ମନ
ଅଣ୍ଡପୁଟି ଆଏ ।

୨୧ ମୀରୁ ପ୍ରବୁ ବଜିତା ରାସା ଗହନିତାଣା
ଅଡ଼େ ବୁଡୁୟାଁ ଗହନିତାଣା ଗସାଲି ଆଡ଼ଅଡ଼େରି;
ମୀରୁ ପ୍ରବୁଟି ବଜି ଅଡ଼େ ବୁଡୁ ବଜିତା ଆଣ୍ଡାଲି
ଆଡ଼ଅଡ଼େରି ।

୨୨ ମୀରୁ ଏନାଆଁ ପ୍ରବୁଇଁ କାରବି କିନାୟି ? ମୀରୁ
କି ଏଝାଣି କିହାଁ ଗାଡ଼ି ବାଡ଼ୁୟାଁ ଗାଟାତାୟି ?

୨୩ ବାରେ କିହାଲି ମୀରୁ ଆଡ଼ିନାୟି, ସାମା ବାରେ
ମା ତାକି ନେହାୟି ଆଏ, ବାରେ କିହାଲି ଆଡ଼ିନାୟି,
ସାମା ବାରେ ମା ତାକି ଲାବାଗାଟାୟି ଆଏ ।

୨୪ ଆମ୍ବାଆସି ଜାହାରାତାକି ଅଣ୍ଡପାଆପେସି,
ସାମା ବାରେଜାଣା ତାକି ନେହାଁଣି ଅଣ୍ଡପାଆପେସି ।

୨୫ ମନଡ଼ି ନେହୁଁକିଁ ଇଟାଲି ହାଟା
ବାଜାରାତା ପାରପି ଆହିମାନି ଉଜ୍ଜା, ଆମ୍ବାଆରାକି
ଝେନାଆନା ଅଡ଼େ ଇଟାଣି ଅଣ୍ଡପାଆନା ତିଞ୍ଜୁ ।

୨୬ ଦାମ୍ବୁପତିତା ରାସକି ଆହାମାନେ; “ଇଡ଼ିହୁଁ
ଦାରଡ଼ି ଅଡ଼େ ଏମ୍ବାଆଁ ମାନାୟି ବାରେ
ମାହାପୁରୁଝାୟି ।”

୨୭ ନାମାଆତାରି ମିଙ୍ଗେ ତିଞ୍ଜାଲି ହାଟାଡ଼ିହୁଁ,
ଇଞ୍ଜାଁ ମୀରୁ ହାଜାଲି ମନ କିଡ଼ିସାରେ, ଅଡ଼େ
ଏମ୍ବାଆଁ ଏନାଆଁ ତିଞ୍ଜାଲି ହାପକିଆନେ, ମୀ ଅଣ୍ଡପୁ
ତାକି ଇଟାଣି ଝେନାଆନା ତିଞ୍ଜୁ ।

୨୮ ସାମା ଆମ୍ବାଆସି ମିଙ୍ଗେ ଏଲେଇଞ୍ଜାନେସି,
ଇଦି ପ୍ରେଣକା ବମାୟାଁକି ତାକି କିଞ୍ଜିଆହାମାନେ,
ଆଡ଼ିହୁଁ ଏଝାଣି ତାକି ଇଞ୍ଜାଁ ମୀ ଅଣ୍ଡପୁ ତାକି
ତିନାଆଦୁ;

୨୯ ମୀ ଅଣ୍ଡପୁ ତାକି ଇଞ୍ଜୁଁ ଝେସିମାଞ୍ଜୁଆଁ, ସାମା
ଏଝାଣି ଅଣ୍ଡପୁ ତାକି । ଏନାଆଁତାକି ନା ମନତଲେ
ମାନାୟି ଏଟକା ଲକୁଡ଼ି ନେହାଁଣି ଲାଗେଏତାଣି
ପୁନାଣି ତଲେ ବିଚାରା ଆନେ ?

୩୦ “ନାନୁ ମାହାପୁରୁଇଁ ଜହରା କିହାନା ଆମିନି
ରାନ୍ଦା ତିଞ୍ଜିମାଲି, ଏ ରାନ୍ଦା ତାକି ନାଙ୍ଗେ
ଏନାଆଁତାକି ରଅସି ଲାଜାକିହୁଁ ଜଲାନେସି ?”

୩୧ ଏନାଆଁତାକି ମୀରୁ ତିଞ୍ଜୁ ଉଣ୍ଡୁକି ଏନାଆଁ
କିଦୁ, ଏନାଆଁ ମାହାପୁରୁଟି ଗାଝୁରମି ତାକି କିଦୁ ।

୩୨ ଜୀହୁଦି ଆପେ, ଜୀହୁଦିଆଆତାରି, ଇଞ୍ଜାଁ
ମାହାପୁରୁଟି କୁଲମିତି ଲକୁ ଆପାରି, ଆମ୍ବାଆରାକି
କସ୍ତ୍ର ହୀନାତେରି ଆଆଦୁ ।

୩୩ ଏନିକିଁ ନାନୁ ଜିକେଏ ଜାହାରାତାକି
ଅଣ୍ଡପାଆନା ହାଟେରକା ଲକୁଡ଼ି ଗେଲପି
ଆୟାଲିତାକି ଏଝାରି ନେହାଁଣି ଅଣ୍ଡପିମାଲି, ଅଡ଼େ
ବାରେ କାତାତା ବାରେ ଜାଣାଇଁ ରାହାଁ କିୟାଲି
ଅଣ୍ଡପିମାଲି ।

୧୧

୧ *ନାନୁ ଏନିକିଁ କ୍ରୀସ୍ତ କିଡ଼ିଲେହେଁ କାମା
କିହିମାଲି, ମୀରୁ ଜିକେଏ ନାନୁ କିହିମାନି ଲେହେଁ
କିଦୁ ।

ପ୍ରାତାନା କିନାଟି ତାୟୁଁ ପୁଞ୍ଜନାୟି

୨ ନାନୁ ମିଙ୍ଗେ ଗାଝୁରମି କିହିମାଞ୍ଜାଇଁ
ଏନାଆଁତାକି ଇଡ଼ିହୁଁ ମୀରୁ ନାଙ୍ଗେ ବାରେବେଲା
ଅଣ୍ଡପିମାଞ୍ଜାଦେରି ଅଡ଼େ ନାନୁ ଆମିନି ମେରା
ହୀହାମାଞ୍ଜାଇଁ, ଏନାଆଁ ବାରେ ମାନଞ୍ଜି
ଆହିମାଞ୍ଜେରି ।

୩ ସାମା କ୍ରୀସ୍ତ ବାରେ ଆବାୟାଁ ତାୟୁଁ ଲେହେଁ
ଅଡ଼େ ଆବା ଇୟାନି ତାୟୁଁ ଲେହେଁ ଇଞ୍ଜାଁ
ମାହାପୁରୁ କ୍ରୀସ୍ତଟି ତାୟୁଁ ଲେହେଁ, ଇଦାଆଁ ମୀରୁ
ପୁଞ୍ଜୁ ଇଞ୍ଜୁଁ ନା ଅଣ୍ଡପୁ ।

୪ ଆମିନି ଆବା ତାନି ତାୟୁଁ ପୁଞ୍ଜହାନା ପ୍ରାତାନା
କିନେସି, ତାୟୁଁ ଆନି କାତା ଝେହ୍ନେସି, ଏଝାସି
ତାନି ତାୟୁଁ ତୁଁ ହୀଣି ପାଣ୍ଡପି କିନେସି ।

୫ ସାମା ଆମିନି ଆୟାଟି ତାନି ତାୟୁଁ ପୁଞ୍ଜାଆନା
ପ୍ରାତାନା କିନେ ଅଡ଼େ ମାହାପୁରୁ ଅଣ୍ଡପୁଟି ବଲୁ
ଝେକ୍ନେ ଏଡ଼ି ତାନି ତାୟୁଁ ତୁଁ ଲାଜା ପାଣ୍ଡପି କିନେ
ଇଡ଼ିହୁଁ ତାନି ତାୟୁଁ ହିଣ୍ଡପି ଆଡ଼ି ଇୟା ସମାନା
।

୬ ଇଡ଼ିହୁଁ ତାୟୁଁ ପୁଞ୍ଜାଆଗାଟି ଆୟାଟି ତାନି
ତାୟୁଁ ବାଣାୟାଁ ରାଡ଼ହା କତାପେ; ଇଡ଼ିହୁଁ
ଇୟାନାକି ତାୟୁଁ ରାଡ଼ନାୟି କି ହିଣ୍ଡନାୟି ଲାଜାଟି
କାତା ଆଡ଼ିହୁଁ ଏଡ଼ି ତାୟୁଁ ପୁଞ୍ଜାପେ ।

୭ ଆବା ମାହାପୁରୁଟି ଝାଣା ଇଞ୍ଜାଁ ଗାଝୁରମି
ଲେହେଁ ଆତାକି ତାନି ତାୟୁଁ ତୁଁ ପୁଞ୍ଜନାୟି ଲଡ଼ା
ହିଲେଏ, ସାମା ଇୟା ଆବାଟି ଗାଝୁରମି ଲେହେଁ ।

୮ ଇଡ଼ିହୁଁ ଆବା ଇୟାନି ତାଣାଟି ଗାଡ଼ି
ଆହାହିଲଅସି ସାମା ଇୟା ଆବା ତାଣାଟି ଗାଡ଼ି
ଆହାମାନେ ।

୯ ଅଡ଼େ ଇୟା କି ଆବା ଗାଡ଼ି ଆହାହିଲଅସି
ସାମା ଆବାକି ଇୟା ଗାଡ଼ି ଆହାମାନେ ।

୧୦ ଏନାଆଁତାକି ଦୁଡୁୟାଁ ତାକି ତକ୍ତି ତାନି
ତକ୍ତାଟି ଅଦିକାରାଟି ସିନାଲେହେଁ ତାୟୁଁ ତୁଁ ପୁଞ୍ଜହା
କତାପେ ।

୧୧ ଆଡ଼ିଜିକେଏ ପ୍ରବୁ ତାଣା ଆବା ତାଣାଟି
ଆୟାଟି କାଜାୟି ଆଏ, ସାମା ଇୟା ତାଣାଟି ଆବା
କାଜାସି ଆଏ,

୧୨ ଇଡ଼ିହୁଁ ଆୟାଟି ଏନିକିଁ ଆବା ତାଣାଟି
ଗାଡ଼ି ଆହାମାନେ । ଏଲେକିହୁଁଏ ଆବା ଜିକେଏ
ଇୟା ତାଣାଟି ଗାଡ଼ି ଆହାମାନେସି, ସାମା ବାରେ
ମାହାପୁରୁ ତାଣାଟି ଗାଡ଼ି ଆହାମାନେ ।

* ୧୧:୧ ୧୧:୧ ୧କର ୪:୧୭; ପିଲିପି ୩:୧୭

୧୩ ମୀରୁ ମୀରୁଏ ବିଚାରା କିହାଁ କତାପୁ, ତାୟ୍ ଘୁଗାଆନା ମାହାପୁରୁ ନକିତା ପ୍ରାତାନା କିନାୟି ଇୟାନାକି ନେହେଁ କି ?

୧୪ ମାଣ୍ଡକି ମାଙ୍ଗେ ଝେସିମାଞ୍ଜାନେ ଆବା ଲାମ୍ବା ତାୟ୍ ବୁଣାଁ ପିହନାୟି ତାଙ୍ଗେତାକି ଲାଜାତି କାତା □

୧୫ ସାମା ଆୟାତି ଲାମ୍ବା ତାୟ୍ ବୁଣାୟାଁ ପିସ୍ତି ସାରେ ତାଙ୍ଗେତାକି ଗାଝୁରମି ସମାନା, ଇତିହ୍ ତାୟ୍ ପୁସ୍ତିକି ଆୟାଲି ଇୟାନାକି ଲାମ୍ବା ତାୟ୍ ବାଣାୟାଁ ହାପକି ଆହାମାନେ □

୧୬ ସାମା ଆମ୍ବାଆସି ଏ କାତାତାକି ବାଦିବାଦା କିହାଲି ଅଣପିତିହ୍ ଏଝାସି ପୁନାପେସି, ମାଙ୍ଗେ ଇଲେତି ମେରା ହିଲେଏ, ଇଞ୍ଜା ମାହାପୁରୁ କୁଲମିତା ଜିକେଏ ହିଲେଏ □

ପ୍ରବୁତି ବଜି

୧୭ ସାମା ମୀ ଆଣ୍ଡି ଆନାୟି ନେହାୟି ଆଆନା ସାମା ଲାଗେଏ ପଲେଏତାୟି ଆହିମାନେ, ଏଦାଆଁତାକି ମିଙ୍ଗେ ନେହାଁତେରି ଇଞ୍ଜାଲି ଆଡାଆନା ଇ ହୁକୁମି ହାହାମାଞ୍ଜାଇଁ □

୧୮ ଏଦାଆଁତାକି ଇତିହ୍ ନାନୁ ତଲିଏ ଝେଞ୍ଜିମାଇଁ, କୁଲମି ଲେହେଁ ରୁଣ୍ଡା ଆନାଟି, ମୀ ବିତ୍ରା ଗତି ଗତି ଆହିମାଞ୍ଜେରି, ଇଞ୍ଜା ଇ କାତା ବିତ୍ରା ଏତେକା ସାତା ଇଞ୍ଜା ନାନୁ ନାମିମାଇଁ □

୧୯ ଏନିକ୍ ମୀ ବିତ୍ରାଟି ଆମ୍ବାଆରି ସାତା ତାୟିପାରିତା ଜୀଣା ଆଡାରି ଏ ତଞ୍ଜାଆନେରି, ଏଦାଣିତାକି ମୀ ବିତ୍ରା ଗତି ଗତି ଆନାୟି ପିଟଞ୍ଜି ଆଏ □

୨୦ ଏତେତା ମୀରୁ କୁଲମିତା ରୁଣ୍ଡା ଆଦେରି, “ଏଦି ପ୍ରବୁତି ବଜି ଆଏ,”

୨୧ ଏଦାଆଁତାକି ଇତିହ୍ ବଜି ତିନାଟି, ରଅସି ଅଡେ ରଅଣାଇଁ କାଆନା ତାନି ରାନ୍ଦା ତିନେରି, ଏଦାଆଁତାକି ରଅସି ହାକିଟି ମାନାଟି ଅଡେ ରଅସି ହରାହାଁ ତୟିମାନେସି □

୨୨ ଏଦାଆଁ ମିଙ୍ଗେ ତିଞ୍ଜା ଉଣ୍ଡାଲି ଇଲକା ହିଲାତ ? ମୀରୁ ଏଦାଆଁ ମାହାପୁରୁ କୁଲମିତି ମାନଞ୍ଜି ଆହି ହିଲଅତେରି, ଅଡେ ଆମ୍ବାଆରାକି ହିଲାତ ଏଝାରାଇଁ ଲାଜା କିହିମାଞ୍ଜେରି, ନାନୁ ମିଙ୍ଗେ ଏଦାଆଁ ଝେସ୍ତାଇଁ ? ମିଙ୍ଗେ ଏନିକ୍ ଗାଝୁରମି କିୟାଇଁ ? ଇଦାଆଁତାକି ମିଙ୍ଗେ ଗାଝୁରମି କିହିମାଞ୍ଜାଁ □

୨୩ ଇତିହ୍ ନାନୁ ପ୍ରବୁ ତାଣାଟି ବେଟାଆହାମାନି ଜାପନାଣି ମିଙ୍ଗେ ଜାପହି ମାଞ୍ଜାଇଁ, ଏଦି ଇଦି ପ୍ରବୁ ଜୀସୁ ସାତୁୟାଁ କେୟୁତା ହେର୍ପିଆଡି ଲାଆଁୟା ରୁଟି ଅହାନା, ମାହାପୁରୁଇଁ ଜହରା କିହାନା, ଏଦାଆଁ ତିକହାନା ଏଲେଇଚେସି,

୨୪ ଇଦି ମିଙ୍ଗେତାକି ନା ଆଙ୍ଗା; ନାଙ୍ଗେ ଅଣ୍ପାଲିତାକି ଇଦାଆଁ କିଦୁ □

୨୫ ଏଲେକିହ୍ ଏ ତିତି ତାୟୁ ଗହନି ସଲା ଅହାନା ଏଲେଇଚେସି, ଇ ସଲା ନା ନେତେରିତା ତାରିକିତି ପୁଞ୍ଜି ରାଜିମାନା; ମୀରୁ ଇ ସଲାଟି ଏଚର ଦେବା ଗହଦେରି ଏଚର ଦେବା ନାଙ୍ଗେ ଅଣ୍ପାଲିତାକି କିଦୁ □

୨୬ ଇତିହ୍ ଏଚର ଦେବା ମୀରୁ ଇ ରୁଟି ତିଞ୍ଜେରି ଅଡେ ଇ ସଲାଟି ଗହଦେରି, ଏଚର ଦେବା ମୀରୁ ପ୍ରବୁତି ଝାନ୍ତି ଦିନା ପାତେକା ତାନି ହାକିତି କାରୁ ଝେକ୍ଦେରି □

୨୭ ଇତିହ୍ ଆମ୍ବାଆସି ଜଗେ ଆଆନା ପ୍ରବୁ ବଜିତି ରୁଟି ତିନେସି ଅଡେ ଇ ସଲାଟି ଗହନେସି, ଏଝାସି ପ୍ରବୁତି ଆଙ୍ଗା ଅଡେ ନେତେରିତି ଦାୟି ଆନେସି □

୨୮ ଏଦାଆଁତାକି ମାଣ୍ଡସି ତଲିଏ ତାନୁଏ ତାଙ୍ଗେ ତାୟିପାରି କିହାଁ କତାହାଁ ଇ ରୁଟି ତିଣ୍ଡେସି ଅଡେ ଇ ଗହନି ସଲାଟି ଗସ୍ପେସି □

୨୯ ଇତିହ୍ ଆମ୍ବାଆସି ପ୍ରବୁତି ଆଙ୍ଗାଟି ଏନାୟି ଇଞ୍ଜା ଅଣ୍ପାଆନା ତିନେସି ଅଡେ ଗହନେସି ଏଝାସି ତାନି ମୁହେଁ ତଣ୍ଡ ବେଟାଆହାଲି ତିନେସି ଅଡେ ଗହନେସି □

୩୦ ଏଦାଆଁତାକି ମୀ ବିତ୍ରାଟି ହାରେକା ଲକୁ ବାଡୁୟୁ ହିଲାଆଗାଟାତେରି ଇଞ୍ଜା ହାରେକା ଲକୁ ନମେରି ଗାଟାରି ଅଡେ ହାରେକା ଜାଣା ହାହା ହାଜାମାନେରି □

୩୧ ସାମା ମୀରୁ ତଲିଏ ଜାହା ଜାହାରାଇଁ ତାୟିପାରି କିତିହ୍ ମା ମାହାପୁରୁ ମାଙ୍ଗେ ବିଚାରା କିୟାଆତେସିମା □

୩୨ ଅଡେ ଦାରୁତି ତଲେ ଏନିକ୍ ମୀରୁ ତଣ୍ଡ ପୁଞ୍ଜାୟି, ଏଦାଆଁତାକି ପ୍ରବୁତି ତାଣା ବିଚାରା କିଞ୍ଜି ଆହାଁ ସାସ୍ତି ବେଟାଆହି ମାନାୟି □

୩୩ ଏଦାଆଁତାକି ନା ତାୟିୟା, ମୀରୁ ପ୍ରବୁତି ବଜି ତିଞ୍ଜାଲି ତାକି ରୁଣ୍ଡା ଆନାଟି ମୀରୁ ରଅତେରି ରଅଣାଇଁ କାଦୁ □

୩୪ ମୀରୁ ରୁଣ୍ଡା ଆନାୟି ଏନିକ୍ ମାହାପୁରୁତି ତଣ୍ଡ ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି ଆହାମାନେସି ଏଝାସି ତାନି ଇଜ ତିନାପେସି, ଅଡେ ଆଗାଡା ଝେସ୍ତାନି କାତା ନାନୁ ଝାଡିସାରେ ତେଲ୍‌ହି କିୟାଇଁ □

୧୨

ସୁଦୁଜୀଝୁତି ଦାନା

୧ ତାୟିୟାଁ ଅଡେ ତାଙ୍ଗିସ୍ତାତେରି ସୁଦୁଜୀଝୁ ଦାନାତି କାତା ମୀରୁ ନେହ୍ କ୍ ପୁଞ୍ଜୁ ଇଞ୍ଜା ନାନୁ ଅଣ୍ପିମାଇଁ □

୨ ମୀରୁ ପୁଞ୍ଜାମାଞ୍ଜେରି, ଏଚିବେଲା ମୀରୁ ଜୀହୁଦିଆଆତାତେରି ମାଚେରି, ଏତେତା ଏନିକ୍ ସାଲ୍‌ଞ୍ଜି ଆହିମାଚେରି, ଏଲେକିହ୍ ଏ ନାଡିକିଞ୍ଜି

ଆହାନା ଜୀଝୁ ହିଲାଆଗାଟି ପେଶକା ବମାୟାଁତି
କେଟ ହାଜିମାଚେରି □

୩ ଏଦାଆଁତାକି ନାନୁ ମିଙ୍ଗ ଖେସିମାଞ୍ଜାଇଁ,
ମାହାପୁରୁତି ସୁଦୁଜୀଝୁ ତଲେ ସାଲଝି ଆହାନା
ଆମ୍ବାଆସି ଜିକେଏ ଜୀସୁଇଁ ବାକା ଇଗାଲି
ଆଡ଼ଅସି, ଅଡ଼େ ଆମ୍ବାଆସି ସୁଦୁଜୀଝୁ ପୁଃଆତାସି
ଜୀସୁଇଁ ପ୍ରବୁ ଇଞ୍ଜିଁ ଖେସାଲି ଆଡ଼ଅସି □

୪ *ସୁଦୁଜୀଝୁ ହାନି ଦାନା ଏଟକା ଏଟକାତାୟି
ସାମା ଏ ରଣ୍ଡିଏ ସୁଦୁଜୀଝୁ □

୫ ସେବା ଏଟକା ଏଟକାତାୟି ସାମା ପ୍ରବୁ
ରଅସିଏ □

୬ କାମା କିନି ବାଡ଼ୁୟୁ ଏଟକା ଏଟକାତାୟି ସାମା
ମାହାପୁରୁ ରଅସିଏ, ଏଞ୍ଜାସି ବାରେ ତାଣା ବାରେ
କାମା କିନେସି □

୭ ସାମା ବାରେ ଜାଣାତାତି ସୁଦୁଜୀଝୁତି
ଗୁଣ୍ଡୁ ତହୁନି ଦାନା ବାରେ ଲକୁତି ନେହେଁତାକି
ହୀପକିଆନେ □

୮ ରଅଣାକି ସୁଦୁଜୀଝୁ ତଲେ ବୁଦିତି କାବୁ
ଖେସାଲି ହାନେ, ଅଡ଼େ ରଅଣାକି ଏ ସୁଦୁଜୀଝୁ
ତଲେ ବୁଦିତିକାତା ଜାପହାଲି ହାନେ,

୯ ଅଡ଼େ ରଅଣାକି ଏ ସୁଦୁଜୀଝୁ ତଲେ ନାମାଲି,
ଅଡ଼େ ରଅଣାକି ଏ ରଣ୍ଡିଏ ଜୀଝୁତି ଦାନା ତଲେ
ରଗାଟି ନେହଁ କିୟାଲି ବାଡ଼ୁୟୁ ହାନେ,

୧୦ ରଅଣାକି କାବାଆନି ବାଡ଼ୁୟୁତି କାମାୟାଁ
କିୟାଲି, ଅଡ଼େ ରଅଣାକି ମାହାପୁରୁ ଅଣ୍ଡୁତି କାତା
ଖେକହାଲି, ଅଡ଼େ ରଅଣାକି ଏଟକା ଏଟକାତି
ଜୀଝୁୟାଁଇଁ ପୁଞ୍ଜାଲି ଆଡ଼ିନି ବାଡ଼ୁୟୁ, ଅଡ଼େ
ରଅଣାକି ପୁନାଆତି ପୁଃନି ହାଡ଼ା ଜଲାଲି, ଅଡ଼େ
ଏଟକାତାରାକି ପୁନାଆତି ହାଡ଼ାତି ଅର୍ତ୍ତ ପୁଣ୍ଡିକିନି
ବାଡ଼ୁୟୁତି ଦାନା ହୀପକିଆନେ □

୧୧ ସାମା ଏ ରଣ୍ଡିଏ ଜୀଝୁ ତାନି ମନ କିତିଲେହେଁ
ବାରେଜାଣାତି ଏଟକା ଏଟକାତି ଦାନା ହୀହାନା ଇ
ବାରେ କାମା କିହିମାନେ □

ରଣ୍ଡିଏ ଆଜ୍ଞାତି ଆଜ୍ଞା ଉଡ଼େଲି

୧୨ *ଇଚିହଁ ଏନିକଁ ଆଜ୍ଞା ରଣ୍ଡିଏ, ଅଡ଼େ
ଆଜ୍ଞାତି ଏଟକା ଏଟକା ବାଗାୟାଁ ମାନୁ, ସାମା
ଆଜ୍ଞାତି ବାଗାୟାଁ ହାରେକା ଆଡ଼ିଜିକେଏ ରଣ୍ଡିଏ
ଆଜ୍ଞା ଆନେ, ଏଲେକିହଁ ଏ କ୍ରୀସ୍ତୁ □

୧୩ ଇଚିହଁ ମାର ଜୀହୁଦି କି ଜୀହୁଦିଆଆତି
ଜିକେଏ, ହଲେଏସି ଆପେସି ହଲେଏସି
ଆଆପେସି, ବାରେତାୟି ରଣ୍ଡିଏ ଜୀଝୁତଲେ ରଣ୍ଡିଏ
ଆଜ୍ଞା ଆହାଲି ବାପ୍ତିସ୍ତ* ଆହାମାନାୟି; ଅଡ଼େ
ବାରେତାୟି ରଣ୍ଡିଏ ଜୀଝୁତଲେ ଗସି ମାନାୟି □

୧୪ ଏଦାଆଁତାକି ଆଜ୍ଞା ରଣ୍ଡିଏ ବାଗା ଆଏ, ସାମା
ଆଜ୍ଞାତି ଏଟକା ଏଟକା ବାଗାୟାଁ ଆଣ୍ଡାନା ର ଆଜ୍ଞା
ଆହାମାନେ □

୧୫ କଡ଼ା ଏଲେଇନେ ନାନୁ କେୟୁତେଏଁ ଆଏ,
ଏଡ଼ି ଆଜ୍ଞାତି ବାଗା ଆଏ, ଏଦାଆଁତାକି ଏଡ଼ି
ଆଜ୍ଞାତି ବାଗା ଆଏ ଏଲେକଁ ଆଏ □

୧୬ ଅଡ଼େ କିୟୁଁ ଏଲେଇନେ ନାନୁ କାନୁ ଆଏ,
ଏଡ଼ି ଆଜ୍ଞାତି ବାଗା ଆଏ, ଏଦାଆଁତାକି ଏଡ଼ି
ଆଜ୍ଞାତି ବାଗା ଆଏ ଏଲେକଁ ଆଏ □

୧୭ ବାରେ ଆଜ୍ଞା କାଶକା ଆନୁ, ଆତିହଁ
ଏନିକଁ ଖେନାୟି ? ବାରେ ଆଜ୍ଞା କୀକା ଆନୁ
ଆତିହଁ ଆନିଟି ମୁଞ୍ଜିନାୟି ?

୧୮ ସାମା ମାହାପୁରୁ ଆଜ୍ଞା ଉଡ଼େଲିଇଁ ରଣ୍ଡିଏ
ରଣ୍ଡିଆଁ କିହଁ ତାନି ମନତଲେ ଆଜ୍ଞାତା
ଆହାମାନେସି □

୧୯ ଅଡ଼େ ଏ ବାରେ ଆଜ୍ଞାତି ରଣ୍ଡିଏ ବାଗା
ଆତିହଁ ମା ଆତିହଁ ଆଜ୍ଞା ଆନିୟା ?

୨୦ ସାମା ସାତେଏ ଆଜ୍ଞାତି ବାଗାୟାଁ ହାରେକା,
ସାମା ଆଜ୍ଞା ରଣ୍ଡିଏ □

୨୧ ନୀ ତାଣା ନାଙ୍ଗେ ଲଡ଼ା ହିଲେଏ ଇଞ୍ଜିଁ
କାନୁ କେୟୁତି ଏଲେଇଞ୍ଜାଲି ଆଡ଼େଏ, ଇଞ୍ଜା ନୀ
ତାଣା ନା ଲଡ଼ା ହିଲେଏ ଇଞ୍ଜିଁ ତାୟୁଁ କଡ଼ାତି
ଏଲେଇଞ୍ଜାଲି ଆଡ଼େଏ □

୨୨ ଅରଞ୍ଜାକି ଆଜ୍ଞାତି ଆନିନି ଆଜ୍ଞା ଉଡ଼େଲି
ବାଡ଼ୁୟୁ ହିଲାଆଗାଗାଇ ଇଞ୍ଜିଁ ପୁଚିହଁ ଜିକେଏ
ଏଞ୍ଜି ବାରେ ଲଡ଼ାତା ମାନୁ;

୨୩ ଅଡ଼େ ଆଜ୍ଞାତି ଆନିନି ଆଜ୍ଞା ଉଡ଼େଲି
ଲଡ଼ାହିଲାଆ ଗାଟାଇ ଇଞ୍ଜିଁ ଅଣପିନାୟି, ଏ
ବାରେ ଆଜ୍ଞାତି ଆଜ୍ଞା ଉଡ଼େଲିକାଇଁ ମାର
ହାରେକା ଜାଡ଼ୁ କିନାୟି; ଅଡ଼େ ମା ଲଡ଼ାହିଲାଆ
ଆଜ୍ଞା ଉଡ଼େଲି ହାରେକା ନେହଁ ତଞ୍ଜିକିୟାନୁ,

୨୪ ସାମା ମା ଅଜିତି ଆଜ୍ଞା ଉଡ଼େଲି
ନେହଁ କଁ ତଞ୍ଜା ଆନାୟି ଲଡ଼ା ଆଏ,

୨୫ ସାମା ଏନିକଁ ଆଜ୍ଞାତି ବିତ୍ରା ଗଡ଼ହା
ଆଏ, ଇଞ୍ଜା ଆଜ୍ଞାତି ବାଗାୟାଁ ସମାନା ତଲେ
ବାରେଜାଣାତି ନେହଁଣି ଅଣପିନୁ □ ଏଦାଆଁତାକି
ଲଡ଼ାହିଲାଆ ଆଜ୍ଞାତି ହାରେକା ଅଜି କିହାନା
ମାହାପୁରୁ ଜାଟୁ କିହାମାନେସି □

୨୬ ଏଦାଆଁତାକି ର ଆଜ୍ଞା କସ୍ତ ବେଟାଆଡ଼ିସାରେ
ବାରେ ଆଜ୍ଞା ତାନିତଲେ ଦୁକୁ କିନୁ, ସାମା ର
ଆଜ୍ଞା ଗାଝୁରମି ବେଟାଆଡ଼ିସାରେ ବାରେ ଆଜ୍ଞା
ତାନିତଲେ ରାହାଁ କିନୁ □

୨୭ ଏଲେକିହଁ ଏ ମୀରୁ କ୍ରୀସ୍ତୁତି ଆଜ୍ଞାତି
ବାଗାୟାଁତେରି, ଅଡ଼େ ର ର ଲକୁ ର ର ଆଜ୍ଞାତି
ବାଗାୟାଁ ଲେହେଁ □

* ୧୨:୪ ୧୨:୪ ରମି ୧୨:୨-୮ * ୧୨:୧୨ ୧୨:୧୨ ରମି ୧୨:୪,୫ * ୧୨:୧୩ ୧୨:୧୩ ମୁଞ୍ଜିନାୟି * ୧୨:୨୮ ୧୨:୨୮ ଏପିସି ୪:୧୧

୨୮ *ଅଡ଼େ ମାହାପୁରୁ କୁଲମିତା ତଲିଏ ପାଣ୍ଡୁ ଆତାରାଇଁ, ଇଞ୍ଜା ତାୟୁ ମାହାପୁରୁ ଅଣ୍ଡପୁତି ବଲୁ ଝେହ୍ନାରାଇଁ, ତାୟୁ ଜାପୁନାରାଇଁ, ଏଲେକିହିଁ ହାରେକା ଲକୁଣି ନିପହାମାନେସି; ଅଡ଼େ କାବାଆନି କାମା କିନାରାଇଁ, ତାୟୁ ରଗଟି ନେହିଁ କିନାରାଇଁ, ଇଞ୍ଜା ଲକୁଇଁ ସାୟେମି କିନାୟି, ସାଲୁକି କିନାରି ବାଡ଼ୟୁ ଅଡ଼େ ଏଟକାତି ପୁନାଆତି ହାଡ଼ା ଜଲିନି ଦାନା ହାହାମାନେସି □

୨୯ ବାରେଜାଣା କି ପାଣ୍ଡୁ ଆହାମାନାରି ? ବାରେଜାଣା କି ମାହାପୁରୁ ଅଣ୍ଡପୁତି ବଲୁ ଝେହ୍ନାରି ? ବାରେଜାଣା କି ଜାପୁନାରି ? ବାରେଜାଣା କି କାବାଆନି କାମାକିନାରି ?

୩୦ ବାରେଜାଣା କି ନେହିଁ କିନି ବାଡ଼ୟୁତି ଦାନା ବେଟା ଆହାମାନାରି ? ବାରେ ଜାଣାକି ଏଟକା ହାଡ଼ାତଲେ ଜଲିନେରି ? ବାରେଜାଣା କି ଏଟକା ହାଡ଼ାତି ଅର୍ତ୍ତ ଝେହ୍ନେରି ?

୩୧ ସାମା ବାରେତେରି ନେହିଁ ଦାନା ବେଟାଆହାଲି ଅଣ୍ଡପାଦୁ, ସାମା ଏ ବାରେକିହିଁ ଅଡ଼େ ହାରେକା ଆଗାଡ଼ା ମାନି ର ନେହିଁ ଜିରୁ ତସିମାଞ୍ଜାଇଁ □

୧୩

ଜୀଝୁନନାୟି

୧ ଇତିହିଁ ନାନୁ ମାଣ୍ଡସିୟାଁ ଅଡ଼େ ଦୁଦୁୟାଁ ହାଡ଼ାତଲେ ଜଲିଇଁ, ସାମା ନା ଜୀଝୁନନାୟି ହିଲେଏ, ଆତିହିଁ ନାନୁ ଚିଣି ଚିଣି ଆନି ଜିଣ୍ଡା ଅଡ଼େ ଗାପୁଡ଼ି ଝେନି ହାଡ଼ାଲେହେଁ ତାତେଏଁ □

୨ *ଇତିହିଁ ନାନୁ ମାହାପୁରୁ ଅଣ୍ଡପୁତି ବଲୁ ଝେହ୍ନି ବାଡ଼ୟୁ ମାନେ, ଅଡ଼େ ବାରେ ତୁଗୁମାନାଣି ଇଞ୍ଜା ବୁଦିତିକାତା ପୁନାତେଏଁ, ଅଡ଼େ ହରୁଇଁ ଏଟକା ଗୁତି କିହାଲି ନାଜେ ହାରେକା ନାମୁ ମାତି ଜିକେଏ, ସାମା ନା ତାଣା ଜୀଝୁନନାୟି ହିଲେଏ, ଆତିହିଁ ନାନୁ ଏନାତେଏଁ ଆଏ □

୩ ଇତିହିଁ ନାନୁ ହିଲାଆଗାଟି ଲକୁତାକି ତିଞ୍ଜାଲି ବାରେ ଦନ ହାଇଁ, ଅଡ଼େ ନାନୁ ନା ଆଙ୍ଗାତି ଝେହାଲି ତାକି ହେରପିଇଁ, ସାମା ନା ତାଣା ଜୀଝୁନନାୟି ହିଲେଏ ଇତିହିଁ ନାଦି ଏନି ଲାବା ଆଏ □

୪ ଜୀଝୁନନାୟି ଅରୁହିନାୟି, ଜୀଝୁନନାୟି ନେହାଁଣି ଅଣ୍ଡପିନାୟି, ତାହାରା କିଆଗାଟାୟି, ବତପଣ ଆଆଗାଟାୟି, ଆକାରା କିଆଗାଟାୟି □

୫ ଲାଗେଏ କିହିଁ ଲେମ୍ବେଏ, ଜାହାରା ତାକି ଅଣପେଏ, ବିରିବିରା ଆଏ, ଲାଗେଏ କିହାଲି ଅଣ୍ଡପୁତା ଇଚେଏ □

୬ ଲାଗେଏତି କାମାତାକି ରାହାଁ ଆଆଗାଟାୟି, ସାମା ସାତାତା ରାହାଁ କିନାୟି;

୭ ଜୀଝୁ ନନିତାଣା ବାରେ ଅରୁହିନାୟି, ବାରେ ତାଣା ନାମିନାୟି, ବାରେ ତାଣା ବାର୍ସୁ ହାନାୟି, ବାରେ କାତାତା ସାସା ଆହ୍ନାୟି □

୮ ଜୀଝୁନନାୟି ଏଚେଲା ରାଏ; ସାମା ମାହାପୁରୁ ଅଣ୍ଡପୁତି ବଲୁ ଝେକହା ମାନାୟି, ଦିନା ଝାଡ଼ିସାରେ ମିତି ଜିକେଏ ଆନେ; ଏଟକା ଏଟକା ଜଲିନି ହାଡ଼ା ମାତି ଜିକେଏ ଏଡ଼ି ର ଦିନା ସାପି ଆନେ; ବୁଦିତିକାତା ମାତି ଜିକେଏ ଏଡ଼ି ମେଣ୍ଡାଙ୍ଗାହାନେ □

୯ ଇତିହିଁ ମାର ରଚାଣିଏ ପୁନାୟି ଅଡ଼େ ମାହାପୁରୁ ଅଣ୍ଡପୁତି ବଲୁ ଇଚେକେଏ ଝେକହାଲି ଆଡ଼ିନାୟି □

୧୦ ସାମା ପୁରା ଆନାୟି ଝାଡ଼ିହିଁ ଉଜେଏତାୟି ମେଣ୍ଡାଙ୍ଗାହାନେ □

୧୧ ନାନୁ ଉଣା ମାତିବେଲା ଉଣା କକାରି ଲେହେଁ ଜଲି ମାତେଏଁ, ଉଣା କକାରି ଲେହେଁ ଅଣ୍ଡପିମାତେଏଁ, ଉଣା କକାରି ଲେହେଁ ପୁଞ୍ଜିମାତେଏଁ; ନାନୁ ପାତାଆଡ଼ି ମାଣ୍ଡସି ଆୟାଲିଏ ନାନୁ ଉଣା କକାରି କାତା ପିସାତୁସେଏଁ □

୧୨ ଇତିହିଁ ନୀଏଁ ମାର ତୁଗୁମାନି କାତା ଲେହେଁତି ଦାପେଣିତା ମେସିମାନାୟି, ସାମା ଏଚିବେଲା ମୁମୁ ମୁମୁତୁ ମେସପି ଆନାୟି; ନୀଏଁ ନାନୁ ଏନିକି ପୁଞ୍ଜାମାଇଁ, ସାମା ଏଚିବେଲା ନାଜେ ଏନିକି ପୁଞ୍ଜାମାଞ୍ଜାନେସି, ନାନୁ ଜିକେଏ ଏଲେକି ତାୟୁ ପୁଇଁ □

୧୩ ଏଦାଆଁତାକି ନାମିନାୟି, ଆସା କିନାୟି, ଜୀଝୁନନାୟି, ଇ ତୀନିଗଟା କାଲେଏତାଇ, ସାମା ଇ ବିତ୍ରାଟି ଜୀଝୁନନାୟି ବାରେକିହିଁ କାଜାୟି □

୧୪

ମାହାପୁରୁ ଜୀଝୁତି କାତା ପୁନାୟି

୧ ଜୀଝୁ ନନାଣି ପାରାଦୁ, ଅଡ଼େ ସୁଦୁଜୀଝୁତି ଦାନା ବେଟାଆହାଲି ବାରେତି କିହାଁ ଏନିକି ମାହାପୁରୁ ଅଣ୍ଡପୁତି ବଲୁ ଝେକହାଲି ଆଡ଼ିଦେରି, ଇଦାଆଁତାକି ହାରେକା ଅଣ୍ଡପାଦୁ □

୨ ଇତିହିଁ ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି, ଏଝାସି ମାଣ୍ଡସିୟାଁଇଁ ଜଲଅସି, ସାମା ମାହାପୁରୁଇଁ ଜଲିନେସି, ଆମ୍ବାଆସି ଏଦାଆଁ ତେଲହଅସି, ସାମା ଏଝାସି ସୁଦୁଜୀଝୁ ବାଡ଼ୟୁଟି ତୁଗୁମାନାଣି ଝେହ୍ନେସି □

୩ ସାମା ଆମ୍ବାଆସି ମାହାପୁରୁ ଅଣ୍ଡପୁତି ବଲୁ ଝେହ୍ନେସି, ଏଝାସି ଲକୁଇଁ ସାୟେମି କିହାନା, ସାସା ଅଡ଼େ ବାର୍ସୁତି କାତା ଝେହ୍ନେସି □

୪ ଆମ୍ବାଆସି ଏଟକାତି ହାଡ଼ାତଲେ ଜଲିନେସି ଏଝାସି ଜାହାରା ନାମୁତା ପାତିକିହାଁ କତିନେସି, ସାମା ଆମ୍ବାଆସି ମାହାପୁରୁ ଅଣ୍ଡପୁତି ବଲୁ

☆ ୧୩:୨ ୧୩:୨ ମାତି ୧୭:୨୦; ୨୧:୨୧; ମାର୍କ ୧୧:୨୩

ଝେକ୍‌ନେସି ଏଝାସି କୁଲମିଇଁ ନାମୁତା ପାଡ଼ିକିନେସି
□

୫ ମୀରୁ ବାରେତେରି ଏଟ୍‌କା ହାଡ଼ାତଲେ ଜଲ୍‌ଲୀଦୁ
ଇଞ୍ଜି ନା ଅଣ୍‌ପୁ, ସାମା ମୀରୁ ମାହାପୁରୁ
ଅଣ୍‌ପୁତି ବଲୁ ଝେକ୍‌ଦୁ ଇଦି ହାରେକା ନା
ଅଣ୍‌ପୁ; ଆମ୍ବାଆସି ଏଟ୍‌କା ଏଟ୍‌କାତି ହାଡ଼ାତଲେ
ଜଲ୍‌ଲିନେସି ଏଝାସି କୁଲମିତି ପାଡ଼ିକିହାଲି ଏ
କାତାତି ଅର୍ତ୍ତ ଝେକ୍‌ଅସି ଇଚିହ୍‌ ଏଦାଣିକିହ୍‌
ଆମ୍ବାଆସି ମାହାପୁରୁ ଅଣ୍‌ପୁତି ବଲୁ ଝେକ୍‌ନେସି
ଏଝାସି କାଜାସି □

୬ ଏଦାଆଁତାକି ତାୟିୟାତେରି ନାନୁ ମୀ ତାଣା
ଝାହାନା ମାହାପୁରୁତି ଝେକ୍‌ହି ବଲୁ, ବୁଦିତିକାତା,
ମାହାପୁରୁ ଅଣ୍‌ପୁତି କାତା ଝେକ୍‌ନାଣି କି ଜାପ୍‌ନି
କାତା ଝେକ୍‌ଆନା, ଏଟ୍‌କା ଏଟ୍‌କାତି ହାଡ଼ାତଲେ
ଜଲ୍‌ଲିଇଁ, ଆତିହ୍‌ ଏମ୍ବାଆଁ ନାନୁ ମୀ ଏନି ଲାବା
କିତେଏଁ □

୭ ପୀରୁଡ଼ି ଅଡ଼େ ସେରଞ୍ଜି ଲେହେଁତି ଜୀଝୁ
ହିଲାଆଗାଟି ବାଜାୟା ଉକିତିହ୍‌ ଜିକେଏ ଏମ୍ବାଆଁ
ତାନି ତିସା ହଏ ଇଚିହ୍‌ ପୀରୁଡ଼ି ଏନିକ୍‌
ଡ଼ାହିମାନେ ସେରଞ୍ଜି ଏନିକ୍‌ ଡ଼ାହିମାନେ ଏଦାନି
ତିସା ଏନିକ୍‌ ପୁନେରି ?

୮ ଇଞ୍ଜା ତୀତି ଉକିନାସି ନେହ୍‌କ୍‌ ଉକଅସି
ଆତିହ୍‌ ଆମ୍ବାଆସି ଜୁଜୁ ତାକି ତିୟାରା ଆନେସି
□

୯ ଏଲେକିହ୍‌ଏ ମୀରୁ ଜିକେଏ ଏଟ୍‌କା
ହାଡ଼ାତଲେ ନେହ୍‌ ତୀରିତଲେ ଜୁଲ୍‌ଅଡେରି,
ମୀରୁ ଏନାଆଁ ଜଲ୍‌ଲିତେରି ଏନିକ୍‌ ପୁନେରି,
ଇଚିହ୍‌ ମୀରୁ ଜଲ୍‌ଲିନାୟି ଗାଲିତି ଜଲ୍‌ଲିନିଲେହେଁ
ଆନେ □

୧୦ ଦାର୍‌ତିତା ହାରେକା ତିସା ମାନେ, ଅଡ଼େ
ଆମିନି ତିସାତି ଅର୍ତ୍ତ ହିଲାଆଗାଟାଇ ଆଏ □

୧୧ ସାମା ନାନୁ ଏ ଜଲ୍‌ଲିନି ହାଡ଼ା ତେଲ୍‌ହଅଁ
ଆତିହ୍‌ ଆମ୍ବାଆସି ଜଲ୍‌ଲିନେସି ନାନୁ ଏଝାଣାକି
ପୁନାଆତାତେଏଁ ଲେହେଁ ଆଇଁ, ଅଡ଼େ ଏଝାସି ନା
ତାଣାଟି ପୁନାଆତାସି ଲେହେଁ ଆନେସି □

୧୨ ଏଲେକିହ୍‌ଏ ମୀରୁ ଜିକେଏ ଜୀଝୁତି
ଦାନା ବେଟାଆହାଲି ଅଣ୍‌ପି ମାନାକି କୁଲମିତି
ପାଡ଼ିକିହାଲି ଗାଡ଼ି ବେଟାଆହାଲି ଅଣ୍‌ପାଦୁ □

୧୩ ଆମ୍ବାଆସି ଏଟ୍‌କାତି ହାଡ଼ାତଲେ ଜଲ୍‌ଲିନେସି,
ଏଝାସି ଏନିକ୍‌ ଏମ୍ବାତି ଅର୍ତ୍ତ ଝେସାଲି ଆଡ଼ିନେସି,
ଏଦାଆଁତାକି ପ୍ରାଡ଼ାନା କିପେସି □

୧୪ ଇଚିହ୍‌ ନାନୁ ଏଟ୍‌କା ହାଡ଼ାତଲେ ପ୍ରାଡ଼ାନା
କିଇଁ, ଇଚିହ୍‌ ନା ଜୀଝୁ ପ୍ରାଡ଼ାନା କିନେ, ସାମା ନା
ଅଣ୍‌ପୁ ଏମ୍ବାଟି ଏନି ଲାବା ହିଲେଏ □

୧୫ ଆତିହ୍‌ ନାନୁ ଏନାଆଁ କିନାୟିମାନେ, ନାନୁ
ସୁଦୁଜୀଝୁ ତଲେ ପ୍ରାଡ଼ାନା କିଇଁ; ଇଞ୍ଜା ବୁଦିତଲେ
ଜିକେଏ ପ୍ରାଡ଼ାନା କିଇଁ; ସୁଦୁଜୀଝୁ ତଲେ ଜହରା

ପାରୁ ପାଡ଼ିଇଁ, ଅଡ଼େ ବୁଦିତଲେ ଜିକେଏ ଜହରା
ପାରୁ ପାଡ଼ିଇଁ □

୧୬ ନାନୁ ଝାରିଇ ସୁଦୁଜୀଝୁ ତଲେ ମାହାପୁରୁଇଁ
ଜହରା କିଦି, ଏମ୍ବାଆଁ କୁଗାମାନାସି ପୁନାଆନା
ଏନିକ୍‌ ନୀ ପ୍ରାଡ଼ାନାତା ତାୟୁ ଆନେନ୍ ଇନେସି
□

୧୭ ଇଚିହ୍‌ ନାନୁ ନେହ୍‌କ୍‌ ମାହାପୁରୁଇଁ
ଜହରା କିହିମାଞ୍ଜି ସାତା, ସାମା ଏଟ୍‌କାତାସି
ପାତାଆଅସି □

୧୮ ନାନୁ ମୀ ବାରେକିହ୍‌ ହାରେକା ଗାଡ଼ି
ଏଟ୍‌କାତି ହାଡ଼ାତଲେ ଜଲ୍‌ଲିଇଁ ଇଞ୍ଜି ନାନୁ
ମାହାପୁରୁଇଁ ଜହରା କିହିମାଞ୍ଜି;

୧୯ ଆଡ଼ିଜିକେଏ ନାନୁ ଏନିକ୍‌ ଏଟ୍‌କାତାରାଇଁ
ଜାପ୍‌ହାଲି ଆଡ଼ିଇଁ, ଏଦାଆଁତାକି କୁଲମିତା ଦସ
ମାଣା ଏଟ୍‌କାତି କାତାୟା ଜଲ୍‌ଲିନି କିହ୍‌ ବୁଦିତଲେ
ପାସାଗଟା କାତା ଝେକ୍‌ନାୟି ନେହେଁ □

୨୦ ଏ ତାୟିୟାତେରି ବୁଦିତା ଉଣା କକାରି
ଲେହେଁ ଆଆଦୁ, ସାମା ଲାଗେଏ ପଲେଏ
କାତାତାକି ଉଣା କକାରି ଲେହେଁ ଆଦୁ, ସାମା
ବୁଦିତା ଅଡ଼େ ଅଣ୍‌ପୁତା ପାତାଆଡ଼ି ଲକୁଲେହେଁ
ଆଦୁ □

୨୧ ମସା ମେରାତା ରାସ୍‌କି ଆହାମାନେ,
“ପ୍ରବୁ ଏଲେ ଇଞ୍ଜିମାନେସି, ଏଟ୍‌କା ଦେସାତି
ଜଲ୍‌ଲିମାନି ହାଡ଼ାତଲେ, ଏଟ୍‌କା ଲକୁଡ଼ି
ଗୁଡ଼ି ତଲେ

ନାନୁ ଇ ଲକୁଣି ଜଲ୍‌ଲିଇଁ,
ଆଡ଼ିଜିକେଏ ଏଝାରି ନା କାତା ଝେନଅରି □”

୨୨ ଏଦାଆଁତାକି ଏଟ୍‌କା ହାଡ଼ାତଲେ ଜଲ୍‌ଲିନାୟି
ନାମୁ ଗାଟାରାକି ର ସିନାଲେହେଁ ଆଏ, ସାମା
ନାମାଆ ଗାଟାରାକି ସିନା ସମାନା; ଅଡ଼େ ଅରଝାକି
ମାହାପୁରୁ ଅଣ୍‌ପୁତି ବଲୁ ଝେକ୍‌ନାୟି ନାମାଆ
ଗାଟାରାକି ସିନାଲେହେଁ ଆଏ, ସାମା ନାମିନାରାକି
ସିନା ସମାନା □

୨୩ ଅଡ଼େ ଜିକେଏ ବାରେ କୁଲମିତି ଲକୁ ରୁଣ୍ଡା
ଆତିହ୍‌, ଇଞ୍ଜା ବାରେଜାଣା ଏଟ୍‌କା ଏଟ୍‌କା
ହାଡ଼ାତଲେ ଜଲ୍‌ଲିନେରି, ଅଡ଼େ ପୁନାଆତାରି କି
ନାମାଆତାରି ଏମ୍ବାଆଁ ଝାରେରି, ଆତିହ୍‌ ମିଙ୍ଗେ
ବାୟା ଆତାରି ଇଞ୍ଜି ଇନଅରି କି ?

୨୪ ସାମା ବାରେଜାଣା ମାହାପୁରୁ ଅଣ୍‌ପୁତି ବଲୁ
ଝେକ୍‌ନେରି, ରଅସି ପୁନାଆତାସି କି ନାମାଆତାସି
ଝାରେସି, ଆତିହ୍‌ ଏଝାସି ନାନୁ ପାପୁ ଗାଟାତେଏଁ
ଇଞ୍ଜି ପୁଞ୍ଜା କଡ଼ିନେସି ଅଡ଼େ ଏଝାସି ବାରେ
ଲକୁତାଣା ଦହଗାଟାସି ଇଞ୍ଜି ବିଚାରା ଆନେସି □

୨୫ ଅଡ଼େ ତାନି ହିୟାତା ଡ଼ଗୁାମାନି ପାପୁଡ଼ି ଅଣ୍‌ପୁ
ବାରେ ତଞ୍ଜାଆନେ; ଇଞ୍ଜା ଏଝାସି ମୁନୁ କୁତାହାଁ
ମାହାପୁରୁଇଁ ଜହରା କିନେସି, ଇଞ୍ଜା “ସାତେଏ
ମାହାପୁରୁ ମୀ ତାଣା ମାନେସି ଇଞ୍ଜି ଇନେସି □”

କୁଲମିତି ମେରା

୨୬ ଏଦାଆଁତାକି ଏ ତାୟିୟାଁ ଅଡ଼େ ତାଜିସ୍ତାତେରି, ଏନାଆଁ କିନାୟିମାନେ ? ମୀରୁ ରୁଣ୍ଡା ଆନାଟି ଆମ୍ବାଆରି ର ପାରୁ, ଆମ୍ବାଆରି ର କାତା ଜାପ୍ନାୟି, ଆମ୍ବାଆରି ମାହାପୁରୁ ତସାମାନି ବଲୁ ଝେକ୍ନାୟି, ଆମ୍ବାଆରି ଏଟକା ଏଟକାତି ହାଡ଼ା ଜଲିନାୟି, ଆମ୍ବାଆରି ହାଡ଼ାତି ଅର୍ତ ପୁଣ୍ଡିକିନାୟି, ଇଲେକ୍ ବାରେତାକି ଏନାୟି ଆଆତ୍ ଏନାୟି ମାନେ, ଇ ବାରେ କୁଲମିତି ପାଡ଼ିକିହାଲି କିଝିଆପେ □

୨୭ ଆମ୍ବାଆରି ଏଟକା ହାଡ଼ାତଲେ ଜଲିନେରି ଇତିହ୍ ରିଆରି ଆଆତ୍ ତାନିଜାଣା ପାଲି କିହ୍ ଜଲ୍ଲାପେରି ଅଡ଼େ ରଅସି ତାନି ଅର୍ତ ଝେସ୍ପାସି □

୨୮ ସାମା ଆମ୍ବାଆସି ଅର୍ତ ତେଲ୍‌ହି କିନାସି ହିଲଅସି ଇତିହ୍ ଏଝାସି କୁଲମିତା ପାଲେଏ ମାଣ୍ଡେସି, ଇଞ୍ଜା ତାନୁ ତାନି ହିୟାତା ମାହାପୁରୁଇଁ ଝେସ୍ପାସି □

୨୯ ଅଡ଼େ ରିଆରି କି ତାନି ଜାଣା ମାହାପୁରୁ ଅଣ୍ଡପୁତି ବଲୁ ଝେସ୍ପେରି, ଅଡ଼େ ଏଟକାତାରି ଝେସିମାନାଣି ନେହ୍ କ୍ ଝେଣ୍ଡାରି □

୩୦ ସାମା ଏମ୍ବାଆଁ କୁଗାମାନାରି ବିତ୍ରା ଆମ୍ବାଆରାକି ମାହାପୁରୁତି ଏନି ବଲୁ ଝାଡ଼ିସାରେ ନକେଏ ଝେସିମାନାସି ପାଲେଏ ମାଣ୍ଡେସି □

୩୧ ଇତିହ୍ ଏନିକ୍ ବାରେଜାଣା ଜାପିନେରି, ଇଞ୍ଜା ବାରେଜାଣା ସେଡନା ଆନେରି, ଏଦାଆଁତାକି ରଅ ରଅତେରି ମାହାପୁରୁ ଅଣ୍ଡପୁତି ବଲୁ ଝେସାଲି ଆଡ଼ିଦେରି □

୩୨ ସାମା ମାହାପୁରୁତି ବଲୁ ଝେହ୍ନି ବାଡ଼ୁୟୁ ଝେହ୍ନାଣି ତାଣାଟି ଲପ୍‌କି ଆନାୟି ମାନେ □

୩୩ ଏଦାଆଁତାକି ଇତିହ୍ ମାହାପୁରୁ ଗଡ଼ହା କିନି ମାହାପୁରୁ ଆଏ, ସାମା ହିଡ଼ଡ଼ିତି ମାହାପୁରୁ □ ଏନିକ୍ ମାହାପୁରୁ ସୁଦୁ ଲକୁତି କୁଲମିତା ଆନେ □

୩୪ ଏଲେକ୍ ଇୟାସିକା କୁଲମିତା ପାଲେଏ ମାଣ୍ଡୁ ଇତିହ୍ କାତା ଜଲ୍ଲାଲି ଏଝି ହେଲ ବେଟା ଆହାହିଲ୍ଲାଉ, ମସା ମେରାତା ରାସ୍‌କି ଆହାମାନି ଲେହେଁ ଏଝି ମାନି ତଲେ ମାନାପୁ □

୩୫ ସାମା ଇୟାସିକା ଏନାଆଁ ପୁଞ୍ଜାଲି ଅଣ୍ଡପିତିହ୍, ତାନି ଇଜ ତାନି ତକ୍‌କାୟାଣି ଝେଣ୍ଡାୟି ଇତିହ୍ କୁଲମିତା କାତା ଜଲିନାୟି ଇୟାନାକି ଲାଜାତି କାତା □

୩୬ ମାହାପୁରୁତି ବଲୁ ମୀ ତାଣାଟି ହଡ଼ାମାନେ କି ? ଇଞ୍ଜା ଝାଉଇ ମିଙ୍ଗେତାକି ଝାହାମାନେ କି ?

୩୭ ଆମ୍ବାଆସି ନାନୁ ମାହାପୁରୁ ଅଣ୍ଡପୁତି ବଲୁ ଝେହ୍ନାତେଏଁ, ଇଞ୍ଜା ନେହ୍ ଜାଝୁତି ଦାନା ବେଟାଆହାମାଇଁ ଇଞ୍ଜା ଅଣ୍ଡପିନେସି, ଆତିହ୍ ନାନୁ ମିଙ୍ଗ ଏନା ଏନାଆଁ ରାଡ଼ିମାଞ୍ଜାଇଁ, ଏଡ଼ି ବାରେ ମାହାପୁରୁତି ହୁକୁମି ଏଦାଆଁ ଏଝାସି ପୁନାପେସି □

୩୮ ସାମା ଆମ୍ବାଆସି ତେଲ୍‌ହଅସି ଆତିହ୍ ଏଝାସି ଏନାଆଁ ତେଲ୍‌ହଆନା ମାନାପେସି □

୩୯ ଏଦାଆଁତାକି ତାୟିୟାଁ, ମାହାପୁରୁ ଅଣ୍ଡପୁତି ବଲୁ ଝେକ୍‌ହାଲି ଅଣ୍ଡପେମାଞ୍ଜୁ; ଇଞ୍ଜା ଏଟକାତି ହାଡ଼ା ଜଲ୍ଲାଲି କାହିକିଆଦୁ □

୪୦ ସାମା ବାରେ କାମା ନେହ୍ ତଲେ ସୂସି ତଲେ କିନାୟିମାନେ □

୧୫

କ୍ରୀସ୍ତ ହାକିଟି ନିଙ୍ଗିନାୟି

୧ ନା ତାୟିୟାଁ ଅଡ଼େ ତାଜିସ୍ତାତେରି, ନାନୁ ମୀ ତାଣା ଆମିନି ନେହ୍ କାରୁ ଝେକ୍‌ହାମାଚେଏଁ, ଆମିନି କାରୁ ମୀରୁ ତୀରିତଲେ ଆସାମାଚେରି ଆମିନି ତାଣା ତୀରିତଲେ ମାଞ୍ଜାମାଞ୍ଜେରି, ନାନୁ ଏନିକ୍ ମୀ ତାଣା ଝେକ୍‌ହାମାଚେଏଁ, ଏଦାଆଁ ମିଙ୍ଗେ ଅଣ୍ଡପି କିହିମାଞ୍ଜାଇଁ □

୨ ମିଙ୍ଗେ ଝେକ୍‌ହା ମାଞ୍ଜାନି ନେହ୍ କାରୁ ମୀରୁ ଜାଣ୍ଡେ ଆସା ମାତିହ୍, ଇ ନେହ୍ ବଲୁ ତାକି ମୀରୁ ଗେଲ୍‌ପି ଆହାମାଞ୍ଜେରି, ଆଆତ୍ ମୀରୁ ଉଜେଏ ନାମୁ ଗାଟାତେରି ଆହାମାଚେରି □

୩ ଇତିହ୍ ନାନୁ ଆମିନି ଜାପ୍‌ନାଣି ବେଟା ଆହାମାଚେଏଁ, ଏ ବିତ୍ରାଟି ଇ କାଜା କାତା ମିଙ୍ଗେ ହାହାମାଞ୍ଜାତେଏଁ, ଇତିହ୍ କ୍ରୀସ୍ତ ଦାମ୍‌ ପତିତା ରାସ୍‌କି ଆହାମାନି ଲେହେଁ ମା ପାପୁ ତାକି ହାଡ଼େସି □

୪ *ମୁସ୍‌ପି ଆଡ଼େସି, ଇଞ୍ଜା ଦାମ୍‌ ପତିତା ରାସ୍‌କି ଆହାମାନି ଲେହେଁ; ତାନିଦିନା ତାୟୁ ହାକିଟି ଝେଣ୍ଡେ ନିଙ୍ଗିତେସି □

୫ *ଏଝାସି କେପା* ଅଡ଼େ ବାଉଜାଣା ସୀସୁୟାଣି ତଞ୍ଜାଆଡ଼େସି □

୬ ତାୟୁ ରଣ୍ଡିଏ ଦେବା ପାସା ଝାଞ୍ଜାଟିଏ ଆଗାଡ଼ା ତାନି ଜେଟ ହାନି ତାୟିୟାଁଇଁ ତଞ୍ଜାଆଡ଼େସି; ଏଝାରି ବିତ୍ରାଟି ହାଡ଼େକା ଲକୁ ନୀଞ୍ଜୁପାତେକା ନୀତାମାନେରି, ସାମା ଏଚେକା ଲକୁ ହାହାମାନେରି □

୭ ଏଚେଟିଏ ଏଝାସି ଜାକୁବଇଁ ଇଞ୍ଜା ତାୟୁ ବାରେ ପାଣ୍ଡୁଝି ଆଡ଼ାରାଇଁ ତଞ୍ଜାଆଡ଼େସି □

୮ *ବାରେଡ଼ି ତାୟୁ ଲେଞ୍ଜୁ ପୁରାଆଆନା ଜାର୍‌ନାଆଡ଼ି ଲେହେଁ ତାତେଏଁ ନାଙ୍ଗେ ଜିକେଏ ତଞ୍ଜା ଆୟାଡ଼େସି □

☆ ୧୫:୪ ୧୫:୪ ମାଡ଼ି ୧୨:୪୦; କାମା ୨:୨୪-୩୨ ☆ ୧୫:୫ ୧୫:୫ ଲୁକ ୨୪:୩୪; ମାଡ଼ି ୨୮:୧୭,୧୭; ମାର୍କ ୧୭:୧୪; ଲୁକ ୨୪:୩୬; ଜହ ୨୦:୧୯ * ୧୫:୫ ୧୫:୫ ପିତର ☆ ୧୫:୮ ୧୫:୮ କାମା ୯:୩-୬ ☆ ୧୫:୯ ୧୫:୯ କାମା ୮:୩

୯ ଇତିହାସ ମାହାପୁରୁଷ କୁଳମିତି ଲକ୍ଷ୍ମଣ ସାସ୍ତି ହାହିମାତାକି ପାଣ୍ଡୁ ଆହାମାନାରି ତାଣା ବାରେକିହା ନାନୁ ଉଣାତେଏ, ଇଞ୍ଜା ପାଣ୍ଡୁଆହାମାନି ଦରୁ ବେଟାଆହାଲି ପାଡ଼ା ଆଆଗାଟାତେଏ ।

୧୦ ସାମା ନାନୁ ଏନ୍ଦି ଆହାମାଲ, ଏନ୍ଦି ମାହାପୁରୁ କାର୍ମାମେହନି ତାଣାଟି ଆହାମାନେ, ଇଞ୍ଜା ନା ତାକି ତାନି କାର୍ମାମେହନାୟି ଉଜେଏ ଆହା ହିଲେଏ, ସାମା ନାନୁ ଏ ବାରେଜାଣା କିହା ହାରେକା କାମା କିହାମାଲ, ଆଡ଼ିଜିକେଏ ନାନୁ ଆଏ, ସାମା ମାହାପୁରୁଷ କାର୍ମାମେହନାୟି ଏଦାଆଁ କିହାମାନେ ।

୧୧ ଏଦାଆଁତାକି ନାନୁ ଆପେ କି ଏଞ୍ଜାରି ଆପେରି ଏଲେକିହା ମାମ୍ମୁ ଝେସିମାନମି ଅଡ଼େ ମୀରୁ ଜିକେଏ ଏଲେକିହା ନାମାମାଞ୍ଜେରି ।

ମାର ହାକିଟି ନିଜ୍ଜନାୟି

୧୨ କ୍ରୀସ୍ତ ହାକିଟି ନିଜ୍ଜମାନେସି ଇଞ୍ଜା ଇ କାବୁ ଝେସପି ଆହିମାନେ, ଆଡ଼ିହା ହାଡ଼ାରି ଝେଣ୍ଡେ ନିଜ୍ଜନାୟି ହିଲେଏ ଇଞ୍ଜା ଏନ୍ଦିକ ମୀ ବିତ୍ରାଟି ଏଚରଜାଣା ଏଲେ ଇଞ୍ଜିମାନେରି ?

୧୩ ହାଡ଼ାରି ଝେଣ୍ଡେ ନିଜ୍ଜନାୟି ହିଲେଏ, ଇତିହାସ କ୍ରୀସ୍ତ ଜିକେଏ ଝେଣ୍ଡେ ନିଜ୍ଜା ହିଲଅସି ।

୧୪ ଇଞ୍ଜା କ୍ରୀସ୍ତ ହାକିଟି ଝେଣ୍ଡେ ନିଜ୍ଜା ହିଲଅସି, ମାମ୍ମୁ ଝେକ୍‌ହିମାନାୟି ବାରେ ଉଜେଏତାୟି, ଅଡ଼େ ମୀ ନାମ୍ମୁ ଜିକେଏ ଉଜେଏତାୟି ।

୧୫ ଅଡ଼େ ମାମ୍ମୁ ମାହାପୁରୁଷ ମିତି ଝେହନିଲେହେଁ ତଞ୍ଜାଆନେ, ଏନାଆଁତାକି ଇତିହାସ ମାମ୍ମୁ ମାହାପୁରୁ କପାଟି ଇ କାତା ସାକି ହାତମିମା କି କ୍ରୀସ୍ତଲ ନିକ୍‌ହାମାନେସି, ସାମା ହାଡ଼ାରି ନିଜ୍ଜଅରି, ଆଡ଼ିହାସ ଏଞ୍ଜାସି କ୍ରୀସ୍ତଲ ଜିକେଏ ନିକ୍‌ହା ହିଲଅସି ।

୧୬ ଏଲେଆହାସ ହାଡ଼ାରି ନିଜ୍ଜାହିଲଅରି, ଆଡ଼ିହାସ କ୍ରୀସ୍ତ ଜିକେଏ ନିଜ୍ଜା ହିଲଅସି ।

୧୭ ଇଞ୍ଜା କ୍ରୀସ୍ତ ନିଜ୍ଜା ହିଲଅସି ଇତିହାସ ମୀ ନାମ୍ମୁ ଜିକେଏ ଉଜେଏତାୟି ଆନେ, ଇଞ୍ଜା ମୀରୁ ନାଏଁ ପାତେକା ମୀ ପାପୁ ତଲେ ମାଞ୍ଜାମାଞ୍ଜେରି ।

୧୮ ଆଡ଼ିହାସ ଆମ୍ମାଆରି କ୍ରୀସ୍ତ ତାଣା ନାମାମାଞ୍ଜାନା ହାହାମାନେରି, ଏଞ୍ଜାରି ଜିକେଏ ନାସା ଆହାମାନେରି ।

୧୯ ମାରୁ ଖାରଇ ଇ ଜୀଞ୍ଜୁତାକି କ୍ରୀସ୍ତଲ ଆସା କିହିମାନାୟି, ଆଡ଼ିହାସ ମାରୁ ବାରେ ମାଣ୍ଡିୟା କିହା କାର୍ମା ହିଲଆଗାଟାତାୟି ।

୨୦ ସାମା ସାତାତଲେ କ୍ରୀସ୍ତ ହାଡ଼ି ଲକ୍ଷ୍ମଣ ମୂଲୁତି ପାଡ଼େୟି ଲେହେଁ ହାଡ଼ାରି ବିତ୍ରାଟି ଝେଣ୍ଡେ ନିଜ୍ଜମାନେସି ।

୨୧ ଇତିହାସ ମାଣ୍ଡିୟା ତାଣାଟି ହାନାୟି ଖାହାମାନାକି ଅଡ଼େ ମାଣ୍ଡିୟା ତାଣାଟିଏ ହାଡ଼ାରି ବିତ୍ରାଟି ଝେଣ୍ଡେ ନିଜ୍ଜନାୟି ଜିକେଏ ଖାହାମାନେ ।

୨୨ ଇତିହାସ ଆଦମ ତାଣାଟି ବାରେ ମାଣ୍ଡିୟାକି ହାକି ଖାଡ଼େ, ଏଲେକିହାସ କ୍ରୀସ୍ତ ତାଣାଟି ବାରେଜାଣା ଜୀଞ୍ଜୁ ବେଟାଆନେରି ।

୨୩ ସାମା ବାରେଜାଣା ତାନି ପାଲି ଏଡ଼ିସାରେ ତଲିତି ପାଡ଼େୟି କ୍ରୀସ୍ତ, ତାମ୍ମୁ କ୍ରୀସ୍ତଟି ଖାନ୍ଦିନାତି କାଟାମାନାରି ଝେଣ୍ଡେ ନିଜ୍ଜନେରି ।

୨୪ ଏଚେଟିଏ ଜୁଗୁ ରାନ୍ଦି ଦିନା ଖାନେ, ଏଚିବେଲୀତା କ୍ରୀସ୍ତ ବାରେ କାଜାପାଣା, ବାରେ ଅଦିକାରା, ବାଡ଼େୟି ମ୍ଲେକ୍‌ହି ତାମ୍ମୁ ଆଦା ମାହାପୁରୁଷି ସାଲ୍‌ଝି କିନି ପାଣା ହେରପିନେସି ।

୨୫ ମାହାପୁରୁ ବାରେ ସାତୁୟାଲ ହାଡ଼ି କିହା କ୍ରୀସ୍ତଟି କଡ଼ାୟା ଡ଼ଇ ଇଟାଆ ପାତେକା ଏଞ୍ଜାସି ସାଲ୍‌ଝି କିନାୟିମାନେ ।

୨୬ ତାମ୍ମୁତି ସାତୁ ସମାନା ହାକିଟି ଜିକେଏ ମ୍ଲେକ୍‌ନାୟି ମାନେ;

୨୭ ଏନାଆଁତାକି ଇତିହାସ ଦାର୍ମପତିତା ରାସ୍‌କି ଆହାମାନେ, “ମାହାପୁରୁ ବାରେତି ତାନି କଡ଼ା ଡ଼ଇ ଲକ୍‌ନେସି,” ଇଞ୍ଜା ଏଚେତା ଏଞ୍ଜାସି ଏଲେଇନେସି, “ବାରେ ଲକ୍‌ହାମାନେସି,” ଏନ୍ଦି ସାତା କ୍ରୀସ୍ତ ବାରେ ତାମ୍ମୁ ଲକ୍‌ହେସି, ଏ ବାରେ ତାଣା ତାମ୍ମୁ ଆଣ୍ଡା ହାଲଅସି ।

୨୮ ଅଡ଼େ ବାରେତି କ୍ରୀସ୍ତ କଡ଼ାୟା ଡ଼ଇ ଲକ୍‌ହି ଜେଟ, ଆମ୍ମାଆସି ବାରେତି ତାନି ତାଣା ଲକ୍‌ହେସି, ମୀରୁଏସି ଜିକେଏ ତାନି ଆଦା ମାହାପୁରୁ ଡ଼ଇ ଡ଼ୟିନେସି; ଅଡ଼େ ମାହାପୁରୁ ବାରେତି ଲାକ ସାଲ୍‌ଝି କିନେସି ।

୨୯ ହାଡ଼ାରି ନିଜ୍ଜାଆସାରେ, ଆମ୍ମାଆରି ହାଡ଼ାରି ତାକି ବାପ୍ତିସ୍ମା ଅନେରି, ଏଞ୍ଜାରି ଏନାଆଁ କିନେରି ? ଆଡ଼ିହାସ ହାଡ଼ାରି ନିଜ୍ଜାଆସାରେ, ଏଞ୍ଜାରି ତାକି ଏନାଆଁତାକି ବାପ୍ତିସ୍ମା ଆନେରି ।

୩୦ ଅଡ଼େ ମାରୁ ଜିକେଏ ଏନାଆଁତାକି ବାରେବେଲୀ ତଣ୍ଡୁ ତଲେ ନାସା ଆନ୍ଦି ତାଣା ହାନାୟି ?

୩୧ ତାୟିୟା ଅଡ଼େ ତାଜିସ୍ମାଚେରି, ମା ପ୍ରୁ କ୍ରୀସ୍ତ ତାଣା ମିଙ୍ଗେତାକି ନାନୁ ଆମିନି ବଡ଼ପଣ ଆହିମାଲ, ଏମ୍ମାତି ମାନି କିହା ଏଲେ ଇଞ୍ଜିମାଲ, ନାନୁ ବାରେଦିନା ହାନିଲେହେଁତି କସ୍ତ ବେଟାଆହିମାଲ ।

୩୨ ଇତିହାସ ମାଣ୍ଡିୟାଲ ଅପିନି ଲେହେଁ ଏପିସିୟ ଗାଡ଼ାତା ନାନୁ ଖାରଇ “ଜାଡ଼ା ଜଡ଼ୟା” ତଲେ ଜୁଜୁ କିହାମାଲ, ଆଡ଼ିହାସ ଏମ୍ମାଆଁ ନାଙ୍ଗେ “ଏନ୍ଦି ଲାବା ?” ସାମା ହାଡ଼ାରି ନିଜ୍ଜଅରି, “ଆଡ଼ିହାସ ଖାଦୁ ମାରୁ ତିନ ଉନ ଇତିହାସ ଝିଏ ମାରୁ ହାନାୟି ।”

† ୧୫:୨୯ ୧୫:୨୯ମୁଞ୍ଜନାୟି

୩୩ ମୀରୁ ନାଡ଼ି ଆଆବୁ, “ଇଚିହିଁ ପଲ୍ଲଆ ଗାଟାରି ତଡ଼ୁ ନେହିଁ ଲକ୍ଷୁତି ଗୁଣୁ ନସ୍ତୁ କିନେ □”

୩୪ ମୀରୁ ନେହିଁ କିଁ ଜାଗାତା ଆବୁ, ପାପୁ କିଆବୁ, ଇଚିହିଁ ଆମ୍ବା ଆମ୍ବାଆରାକି ମାହାପୁରୁଇ ପୁନି ବୁଦି ହିଲେଏ; ନାନୁ ମୀ ଲାଜା ତାକି ଇ କାତା ଝେସିମାଞ୍ଜାଇ □

ହାକିତି ଝେଶ୍ଟେ ନିଜ୍ଜିନି ଆଜା

୩୫ ସାମା ଆମ୍ବାଆରି ଏଲେଇନେରି, “ହାଡ଼ାରି ଏନିକିଁ ନିଜ୍ଜିନେରି? ଏନିଲେହେତି ଆଜା ତଲେ ଏଝାରି ଝାନେରି?”

୩୬ ବୁଦି ହିଲଆ ଗାଟାତେରି, ମୀରୁ ଏନାଆଁ ମାଟିମାଞ୍ଜେରି ଏଡ଼ି ହାଆସାରେ ଝେଶ୍ଟେ ଜୀଝୁଆହାଁ ଗଜା ଆଏ □

୩୭ ଅଡ଼େ ଏମିନି ଆଜା ଆନେ ଏଦାଆଁ ମୀରୁ ମାଟିହିଲଅତେରି, ସାମା ଗହୁଁୟାଁ ଆପୁ କି ଏନି ଆନାଁ ଆପେ, ଏଡ଼ି ପାଡ଼େୟି ଲେହେଁ □

୩୮ ସାମା ମାହାପୁରୁ ତାନି ଅଶ୍ପୁ ଲେହେଁ ଏଝାରାକି ଆଜା ହାନେସି, ଅଡ଼େ ବାରେ ପାଡ଼େୟି ତାକି ତାନି ଆଜା ହାନେସି □

୩୯ ବାରେ ଆଜା ରଣ୍ଡିଏ ରଲେଏତି ଆଜା ଆଏ, ସାମା ମାଣ୍ଡିୟାକି ରଲେତି ଆଜା, ଜନ୍ତୁୟାକି ରଲେତି ଆଜା, ଅଡ଼େ ପଟାୟାକି ଅର ରଲେତି ଆଜା, ଅଡ଼େ ମାଣ୍ଡିକା ତାକି ଅର ରଲେତି ଆଜା □

୪୦ ଲାକପୁରୁକି ଆଜା ମାନେ, ଅଡ଼େ ଦାରତିକି ଆଜା ଜିକେଏ ମାନେ, ଲାକପୁରୁତି ଆଜା ରଲେତି ଅଜୁ, ଅଡ଼େ ଦାରତିତି ଆଜାତି ଅଜୁ ଅର ରଲେତାୟି □

୪୧ ଝେଡ଼ାତି ଉଜେଡ଼ି ରଲେତାୟି, ଅଡ଼େ ଲେଞ୍ଜୁତି ଉଜେଡ଼ି ଅର ରଲେତାୟି, ଅଡ଼େ ହୁକାୟାତି ଉଜେଡ଼ି ରଲେତାୟି, ଇଞ୍ଜା ର ହୁକା ଟିଏ ଅର ହୁକାତି ଉଜେଡ଼ି ଅର ରଲେତାୟି □

୪୨ ହାଡ଼ାରି ନିଜ୍ଜିନାୟି ଜିକେଏ ଏଲେତାୟିଏ, ନାସା ଆନିଲେହେଁ ମାଟ୍ଟକି ଆନେ, ସାମା ନାସା ଆଆଗାଟାୟି ଲେହେଁ ନିଜ୍ଜିନେ;

୪୩ ଲଡ଼ାହିଲଆ ଗାଟାୟି ଲେହେଁ ମାଟ୍ଟକି ଆନେ ଏଡ଼ି ଗାଝୁରମି ତଲେ ନିଜ୍ଜିନେ; ବାଡ଼ୁୟୁ ହିଲଆଗାଟାୟି ଲେହେଁ ମାଟ୍ଟକି ଆନେ, ବାଡ଼ୁୟୁ ଗାଟାୟି ଆହାଁ ନିଜ୍ଜିନେ □

୪୪ ଇରୁଆତି ଆଜା ତଲେ ମୁସ୍ପିଆନେ ଜୀଝୁତି ଆଜା ତଲେ ନିଜ୍ଜିନେ; ସାମା ଇରୁଆତି ଆଜା ମାନେ ଇଚିହିଁ ଜୀଝୁତି ଆଜା ଜିକେଏ ମାନେ □

୪୫ ଦାମ୍ପୁପତିତା ରାସ୍ତକି ଆହାମାନେ, ତଲିତି ମାଣ୍ଡି ଆଦମ ଜୀଝୁତି ମାଣ୍ଡି କିହିଁ ଗାଡ଼ି ଆଡେସି; ସାମା ତାୟୁତି ଆଦମ ପୁଣ୍ଡା ହାନି ଜୀଝୁ ଆଡେସି □

୪୬ ସାମା ଜୀଝୁ ଗାଟାସି ନକେଏ ଆଏ, ଆଜା ତଲେତାସି ନକେଏ, ଅଡ଼େ ତାୟୁ ଜୀଝୁ ଗାଟାସି ଆଡେସି □

୪୭ ନକେଏତି ମାଣ୍ଡି ଆଦମ ଦାରତିତି ମାନି ଇରୁଆ ତଲେ ଗାଡ଼ି ଆହାମାତେସି, ଅଡ଼େ ତାୟୁତି ମାଣ୍ଡି ଲାକପୁରୁତି ଝାହାମାତେସି □

୪୮ ଆମ୍ବାଆରି ଇରୁଆ ତଲେ ଗାଡ଼ି ଆହାମାନେରି, ଏଝାରି ଇରୁଆତି ଗାଡ଼ି ଆଡ଼ି ଏ ମାଣ୍ଡିଲେହେଁ, ଇଞ୍ଜା ଆମ୍ବାଆରି ଲାକପୁରୁତାରି ଏଝାରି ଲାକପୁରୁତି ଝାହାମାନି ଏ ମାଣ୍ଡି ଲେହେଁତାରି □

୪୯ ଅଡ଼େ ମାରୁ ଇରୁଆତି ଗାଡ଼ି ଆହାମାନି ଏ ମାଣ୍ଡିତି ଝାଣା ଆସାମାନାୟି, ଏଲେକିହିଁଏ ଏ ଲାକପୁରୁତି ମାଣ୍ଡିତି ଝାଣା ଜିକେଏ ଆହନାୟି □

୫୦ ତାୟିୟାଁ ଅଡ଼େ ତାଜିସ୍ତାତେରି ନାନୁ ଝେସିମାଞ୍ଜାଇ, ନେତେରି ଅଡ଼େ ଉଜା ମାହାପୁରୁତି ରାଜିତି ଅଦିକାରା କିହାଲି ଆଡେଏ, ସାମା ହାନାୟି ହାଆଗାଟାଟି ଅଦିକାରା କିହାଲି ଆଡେଏ □

୫୧ ☆ମେହପୁ ନାନୁ ମିଙ୍ଗେ ର ତରୁମାନି କାତା ଝେସିମାଞ୍ଜାଇ, ମାରୁ ବାରେ ଜାଣାତାୟି ହାଆୟି, ସାମା ମାରୁ ବାଦ୍ଲଝି ଆନାୟି,

୫୨ ଦେବୁଣିଏ, କାନୁ ମିଟି କିନିଲେହେଁ, ତାୟୁତି ତୀଡ଼ି ମହୁରି କାଜା ହାଡ଼ା ଝେତିସାରେ ମାରୁ ବାରେତାୟି ଅର ଝାଣା ଆନାୟି; ଇଚିହିଁ କମ୍ପୁ ତୀନେ ଅଡ଼େ ହାଡ଼ାରି ନାସା ଆଆନା ନିଜ୍ଜିନେରି, ଅଡ଼େ ମାରୁ ବାଦ୍ଲଝି ଆନାୟି □

୫୩ ଇଚିହିଁ ଇ ମେଣ୍ଡିନି ଆଜାତି ମେଣ୍ଡିଆଗାଟି ହିମ୍ପୁରି ପରନାୟି ମାନେ, ଅଡ଼େ ଇ ହାନି ଆଜାତି ହାଆଗାଟି ହିମ୍ପୁରି ପରନାୟି ମାନେ □

୫୪ ସାମା ଇ ମେଣ୍ଡିନି ଆଜାତି ମେଣ୍ଡିଆଗାଟି ହିମ୍ପୁରି ଅଡ଼େ ହାନି ଆଜାତି ହାଆଗାଟି ହିମ୍ପୁରି ହୁଚିତି ଜେତ, ଇ ରାଟାମାନି ବଲୁ ସାତା ଆନେ; “ହାକି ନାସା ଆହାମାନେ; ଜୀଣା ଆନାୟି ଆହାମାନେ □”

୫୫ “ଏ ହାକି ନୀ ଜୀଣା ଆନାୟି ଆମ୍ପିୟା ? ଏ ହାକି ନୀ ନାସାକିନି ବାଡ଼ୁୟୁ ଆମ୍ପିୟା ?”

୫୬ ହାକିତି ସାତୁ ପାପୁ, ଅଡ଼େ ପାପୁତି ବାଡ଼ୁୟୁ ମସାତି ମେରା;

୫୭ ସାମା ଏମିନି ମାହାପୁରୁ ମା ପ୍ରବୁ ଜୀଝୁ କ୍ରୀସ୍ତତି ତାକି ମାଙ୍ଗେ ଜୀଣି କିୟାନେସି ଏଝାଣାକି ଜହରା ଆପେ □

୫୮ ଏଦାଆଁତାକି ଏ ନା ଜୀଝୁତି ତାୟିୟାଁ ଅଡ଼େ ତାଜିସ୍ତାତେରି, ପ୍ରବୁତି ସେବାତା ମୀ କସ୍ତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପ୍ରବୁତି କାମାତା ତୀରିଆହାଁ ବାଡ଼ୁୟୁ ତଲେ ସେବାତା ହାରେ ହାରେକା ଜାଡ଼ୁ ଆବୁ □

☆ ୧୫:୫୧ ୧୫:୫୧ ୧ତେସ ୪:୧୫-୧୭

୧୭

ମାହାପୁରୁତି ଲକ୍ଷ୍ମୀତାକି ଦାନା

୧ *ମାହାପୁରୁ ଲକ୍ଷ୍ମୀ ତାକି ତାରୁୟା କୃତ୍ତିକିନି କାତା ନାନୁ ଏନିକ୍ ଗାଲାତିୟା କ୍ରାସ୍ତାନା କୁଲମିତା ଖେସାମାରେଏ, ମୀରୁ ଜିକେଏ ଏଲେକ୍ କିଦୁ □

୨ ମୀରୁ ବେଟାଆହିମାନି ଲେହେଁ ବାରେ ଖାରାତି ମୂଲୁ ଦିନା ମୀରୁ ବାରେତେରି ମୀ ଆଡ଼ିନି ଲେହେଁ ମୀ ବିଡ଼ା ଏତେକା ତାରୁୟା କୃତ୍ତିକିହାଁ ଇଟାଦୁ, ଆତିହ୍ ନାନୁ ଖାଡ଼ିସାରେ ମିଙ୍ଗେ ଅଡ଼େ ତାରୁୟା ରୀସାଲି ଲଡ଼ା ଆଏ □

୩ ଅଡ଼େ ନାନୁ ଖାଡ଼ିଜେଟ, ମୀରୁ ଆମ୍ବାଆରାଇଁ ଜଟେ ଇଞ୍ଜି ଆଟାମାଞ୍ଜେରି ନାନୁ ଏଞ୍ଜରାକି ଆକୁ ରାଟାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଇଁ;

୪ ସାମା ନାଙ୍ଗେ ଜିକେଏ ହାଜାଲି ଲଡ଼ାଆଡ଼େ ଇତିହ୍ ଏଞ୍ଜାରି ନା ତଲେ ଖାଡ଼ପରି □

କାମାତାକି ପାଞ୍ଜୁଲତି ଅଣପୁ

୫ *ସାମା ନାନୁ ମାକିଦନିୟା ହାତି ତାୟୁ ମୀ ତାଣା ଖାଲ୍, ଏନାଆଁତାକି ଇତିହ୍ ନାଙ୍ଗେ ମାକିଦନିୟାଟି ହାନାୟି ମାନେ □

୬ ଆଆତ୍ ନାନୁ ଖାଡ଼ିସାରେ ଏଚରଦିନା ମୀ ତାଣା ତୁୟିଇଁ, ଇତିହ୍ ପେନିବେଲା ହାଲ୍ଖେ ମାଞ୍ଜାଲି ଅଣପିମାଇଁ, ଏଚେତା ନାନୁ ଆମିନି ଟାୟୁତା ହାଲ୍, ଏମ୍ବାଆଁ ହାନାଟି ମୀରୁ ନାଙ୍ଗେ ଇତିଖାୟାଦେରି □

୭ ଇତିହ୍ ନୀଏଁ ନାନୁ ହାନାଟି ମୀ ତାଣା ଗାଡ଼େକା ତାକି ତଞ୍ଜାଆହାଲି ଅଣପି ହିଲ୍ଅଁ, ଇତିହ୍ ପ୍ରବୁ ନାଙ୍ଗେ ହେଲ ହିୟାତିହ୍, ନାନୁ ମୀ ତଲେ ଏଚରଦିନା ମାଞ୍ଜାଲି ଆସା କିହିମାଇଁ □

୮ *ସାମା ନାନୁ ପେଡ଼ିକସ୍ତ ଦିନା ପାତେକା ଏପିସିୟ ଗାଡ଼ାତା ତୁୟିଇଁ;

୯ ଇତିହ୍ ପ୍ରବୁତି କାମା କିହାଲି ଅସାରା ଦାରା ଦେପିଆହାମାନେ, ଆଆତ୍ ଜିକେଏ ନାଙ୍ଗେ ଅପାଆଗାଟାରି ହାରେକା ମାନେରି □

୧୦ *ତିମତି ମୀ ତାଣା ଖାଡ଼ିସାରେ ଏଞ୍ଜାସି ଏନିକ୍ ଆଜାଆନା ମୀ ତାଣା ତୁୟିନେସି, ଏଦାଆଁତାକି ମୀରୁ ଅଣପାଦୁ, ଇତିହ୍ ନାନୁ ଏନିକ୍ ଏଞ୍ଜାସି ଜିକେଏ ଏଲେକିହ୍ ଏ ପ୍ରବୁତି କାମାକିନାସି □

୧୧ ଏଦାଆଁତାକି ଆମ୍ବାଆତେରି ଏଞ୍ଜାଣାଇଁ ହୀଣି କିଆଦୁ, ସାମା ଏଞ୍ଜାସି ଏନିକ୍ ନା ତାଣା ଖାହାଲି ଆଡ଼ିମାନେସି, ଏଦାଆଁତାକି ଏଞ୍ଜାଣାଇଁ ହିଡ଼ଡ଼ି ଜୀଞ୍ଜୁତଲେ ଜିରୁ ତସା ପାଣ୍ଡାଦୁ; ଏନାଆଁତାକି ଇତିହ୍ ଏଞ୍ଜାସି ତାୟିୟା ତଲେ ଖାଡ଼େସି ଇଞ୍ଜି ନାନୁ କାଡ଼ିମାଇଁ □

୧୨ ସାମା ତାୟି ଆପଲ ତାକି ଖେସିମାଞ୍ଜାଇଁ, ନାନୁ ଏଟକାତି ତାୟିୟା ତଲେ ମୀ ତାଣା ହାଜାଲି ଏତେକା ବାଡ଼ିମାଲିତେଏଁ, ସାମା ନୀଏଁ ଖାହାଲି ମନ କିଆତେସି, ସାମା ପାରୁ ସିନିକିହାନା ଏଞ୍ଜାସି ଖାଡ଼େସି □

ଆକୁତି ରାନ୍ତି କାତା

୧୩ ମୀରୁ ଜାଗ୍ରାତା ଆହାଁ ନାମୁତା ତୀରିତଲେ ମାଞ୍ଜୁ, ଅଡ଼େ ସାସା ଗାଟାତେରି ଆହାନା ବାଡ଼ୟୁ ଆହ୍ଦୁ □

୧୪ ମୀ ବାରେ କାମା ଜୀଞ୍ଜୁ ନନାଣି ତଲେ ଆଡ଼େ □

୧୫ *ଏ ତାୟିୟା ଅଡ଼େ ତାଜିସ୍ତାତେରି ସ୍ତ୍ରୀପାନ ଇଲୁ କୁଟମି ଆକାୟାତି ମୂଲୁଏ ନାମିତାରି; ଅଡ଼େ ମାହାପୁରୁ ଲକ୍ଷ୍ମଣି ସେବା କିନି କାମାତାକି ହେରପା କଡ଼ାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି □

୧୬ ମୀରୁ ଏଲେତି ଲକ୍ଷ୍ମଣି ଅଡ଼େ ତାମିତଲେ ଆଣ୍ଡାନା ଖାହୁତଲେ କାମା କିହିମାନାରାଇଁ ମାନି କିଦୁ, ଏଦାଆଁତାକି ନାନୁ ମିଙ୍ଗ ବାଡ଼ିମାଲିମାଞ୍ଜାଇଁ □

୧୭ ସ୍ତ୍ରୀପାନ, ପର୍ତୁନାତ, ଅଡ଼େ ଆକାୟିକ ଖାଡ଼ାକି ନାନୁ ହାରେକା ରାହାଁ ଆହିମାଇଁ, ଇତିହ୍ ମୀରୁ ହିଲାଆତାକି ନାଙ୍ଗେ ଏନାୟି ଲଡ଼ା ମାଟେ, ଏଞ୍ଜାରି ଏଦାଆଁ ହାହାମାଞ୍ଜାନେରି □

୧୮ ଇତିହ୍ ଏଞ୍ଜାରି ମୀ ଜୀଞ୍ଜୁତି ଅଡ଼େ ନା ଜୀଞ୍ଜୁତି ରାହାଁ କିହାଁ ମାଞ୍ଜାନେରି; ଏଲେତି ଲକ୍ଷ୍ମଣି ଜଟେ ଇଞ୍ଜି ପୁଞ୍ଜାନା ମାନି କିଦୁ □

୧୯ *ଆସିୟା ଦେସାତା ମାନି କୁଲମିକା ମିଙ୍ଗେ ଜହରା କିହିମାଞ୍ଜାନେରି, ଆକ୍ଢିଲା ଅଡ଼େ ପ୍ରିସ୍ତିଲା ତାମି ଇଜ ରୁଣ୍ଡା ଆନି କୁଲମି ତଲେ ପ୍ରବୁ ତାଣା ମିଙ୍ଗେ ହାରେକା ଜହରା କିହିମାଞ୍ଜାନେରି □

୨୦ ଇମ୍ବାଆଁ ମାନି ବାରେ ତାୟିୟା ଅଡ଼େ ତାଜିସ୍ତା ମିଙ୍ଗେ ଜହରା କିହିମାଞ୍ଜାନେରି □ ମୀରୁ ରଅତେରି ରଅଣାଇଁ ତାୟି ତାୟିୟା ଲେହେଁ କ୍ରୀସ୍ତିତି ଜୀଞ୍ଜୁନହ୍ ସୁଦୁ ତଲେ ନଶୁଢ଼ି ଆହାନା ଜହରା କିଢ଼ିଆଦୁ □

୨୧ ନାନୁ ପାଞ୍ଜୁଲତେଏଁ ନା କେୟୁଟି ରାଟାହାଁ ରାହାଁ ତଲେ ଜହରା କିହିମାଞ୍ଜାଇଁ □

୨୨ ଆମ୍ବାଆସି ମାହାପୁରୁଇଁ ଜୀଞ୍ଜୁ ନଅସି ଏଞ୍ଜାସି ବାକା ବେଟାଆଡ଼େସି, ମାରାନାତା ମା ପ୍ରବୁ ତବେ ଖାମୁ □

୨୩ ପ୍ରବୁ ଜୀଞ୍ଜୁତି କାର୍ମାମେହ୍ନାୟି ମିଙ୍ଗେତାକି ଆୟାପେ;

୨୪ କ୍ରୀସ୍ତ ଜୀସୁ ତାଣାଟି ନା ଜୀଞ୍ଜୁନନାୟି ମୀ ବାରେଜାଣା ତାକି ଆୟାପେ □ ଆଡ଼େନି □

* ୧୭:୧ ୧୭:୧ ରମି ୧୫:୨୫,୨୬ * ୧୭:୫ ୧୭:୫ କାମା ୧୯:୨୧ * ୧୭:୮ ୧୭:୮ କାମା ୧୯:୮-୧୦ * ୧୭:୧୦ ୧୭:୧୦ ଏକର ୪:୧୭ * ୧୭:୧୫ ୧୭:୧୫ ଏକର ୧:୧୭ * ୧୭:୧୯ ୧୭:୧୯ କାମା ୧୮:୨

କରକ୍ତି ମଣ୍ଡଳୀ ନିମନ୍ତେ ପାଠଲଙ୍କ ଲିଖିତ ଦ୍ରୁତିୟ ପତ୍ର କରକ୍ତି କୁଲମିତାକି ପାଞ୍ଚୁଲ ରାଚାମାନି ରୀ ଲମ୍ବର ଆକୁ ମୂଳୁ ହାଡ଼ା

କରକ୍ତି କୁଲମିତି ରୀ ଲମ୍ବର ଆକୁ ପାଣ୍ଡୁଆହାମାନି ପାଞ୍ଚୁଲ ତାଣ୍ଡାଟି ଜୀସୁ କ୍ରୀସୁ ଜୀର୍ନୀତି ୫୫-୫୬ ବାର୍ଯ୍ୟା ତାୟୁ ରାସ୍ତକି ଆହାମାତେ ୧:୧ □ ମା ତାଣ୍ଡା ମାନି କରକ୍ତି କୁଲମିକି ରାଚାମାନି ଆକୁ ବିଦ୍ରାଟି ଇଦି ଆହିମାନେ ପାଞ୍ଚୁଲତି ରୀ ଲମ୍ବର ଆକୁ □ ମେରାପୁନାରି ନାମିମାନେରି ଇଦାଆଁ ନକେଏ ପାଞ୍ଚୁଲ କରକ୍ତି କୁଲମିତି ଦାକା ହୀହାନା ରାଚାମାତେସି ୨:୩-୪ ପଦୁତା ଏଞ୍ଜସି ଝେସିମାନେସି □

ପାଞ୍ଚୁଲ ମାକିଦନିୟାତା ମାନି ବେଲାତା କରକ୍ତିତି ରୀ ଲମ୍ବର ଆକୁ ରାଚାମାନେସି ୨:୧୩ □ କରକ୍ତିତା ମାନି କୁଲମିତି କାତା ତିତସ ତାଣ୍ଡାଟି ନେହଁ କାକୁ ବେଟାଆହାନା ରାହଁ ଆହିମାନେସି □ ଇ ଆକୁତା ପୁଝନି ମେରା ଅଣ୍ଡପୁଟି ଦାନା ହାନି କାତା ଜାପିନାୟି □ ଇ ଆକୁତା ଜିରୁସାଲମତା ମାନି କ୍ରୀସୁଇଁ ନାମାମାନି ଲକୁଇଁ ସାୟେମି କିହାଲି ଟାକାୟାଁ କୁଡ଼ିକିହାଲି ଝେସିମାନେସି ୮-୯ □ ଅଡେ ଜିକେଏ କୁଲମି ପାଞ୍ଚାଟି କଚେକା ମିତି ପାଣ୍ଡୁଝି ଆହାମାନାରି ଜାହାରାଇଁ କାଜାରି କିହାକତାଲି ପାଞ୍ଚୁଲ କପାଟି କୁଲମିତି ଏଚରଜାଣା କାଜାରାଇଁ ନିନ୍ଦା କାତା ଝେସିମାନେରି □ ଏଞ୍ଜାରି ପାଞ୍ଚୁଲତି ଅଦିକାରାତି ଆନାମାନା ଆହିମାନେରି □ ଏମିନିଗାଟାଣି ରୀ ଲମ୍ବର କରକ୍ତି ଆକୁତି ରାନ୍ଧିଞ୍ଜାକି ଏଞ୍ଜସି ରୁ କ୍ରୀସୁତି ଅଦିକାରା ତଲେ ପାଣ୍ଡୁଝି ଆତାସି ଇଞ୍ଜଁ ଜାଣ୍ଡେତଲେ ଝେସିମାନେସି □

ପତିତା ମାନାୟି

- ୧ ପାଞ୍ଚୁଲ ଜହରା କିହାନା ଆକୁ ରାଚିନାୟି □ ୧:୧-୭
- ୨ ପାଞ୍ଚୁଲ ତାନି ହାନି ଜିରୁତି ବାଦଲି କିନାୟି ଇଞ୍ଜା ଏଞ୍ଜାରି ତାଣ୍ଡାଟି ବେଟାଆହାମାନି କାତାତାକି ଝେଣ୍ଡେ ଝେହ୍ନାୟି □ ୧:୮-୭:୧୭
- ୩ ଜିରୁସାଲମତି ନାମୁଗାଟି ତାୟିୟାଁକି ଦାନା କୁଡ଼ିକିହାଲି ଝେହ୍ନାୟି □ ୮:୧-୯:୧୫
- ୪ ପାଞ୍ଚୁଲ ତାନି ପାଣ୍ଡୁଝିଆହାମାନି ପାଣ୍ଡାଟି ଜାଣ୍ଡେ ଝେହ୍ନାୟି □ ୧୦:୧-୧୩:୧୦
- ୫ ଆକୁତି ରାପ୍ନି କାତା □ ୧୩:୧୧-୧୪

୧ ପାଞ୍ଚୁଲ ମାହାପୁରୁତି ଅଣ୍ଡପୁ ତଲେ କ୍ରୀସୁ ଜୀସୁ

ତାଣ୍ଡାଟି ପାଣ୍ଡୁଝି ଆହାମାନାତେଏଁ ଇଞ୍ଜା ମା ତାୟି ତିମତି କରକ୍ତି ଗାଡ଼ାତା ମାନି ମାହାପୁରୁତି କୁଲମି ଅଡେ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ ରାଚିମାନମି □

୨ ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସୁ ତାଣ୍ଡାଟି କାର୍ମାମେହ୍ନାୟି ଇଞ୍ଜା ହିଡ଼ଡ଼ି ମିଙ୍ଗେତାକି ଆୟାପେ □

ପାଞ୍ଚୁଲ ମାହାପୁରୁଇଁ ଜହରା କିନାୟି

୩ ମା ପ୍ରବୁ ଜୀସୁ କ୍ରୀସୁତି ଆବା ମାହାପୁରୁକି ଜହରା, ଏଞ୍ଜସି କାର୍ମାମେହ୍ନି ଆବା ଅଡେ ଦୁକୁ ଡ଼କୁନି ମାହାପୁରୁ □

୪ ମାହାପୁରୁ ତାଣ୍ଡାଟି ଆମିନି ଦୁକୁ ତୁକ୍ନି ତାଣ୍ଡା ମାର ଦୁକୁ ତୁପକି ଆହିମାନାୟି, ଏ ଦୁକୁ ତୁକ୍ନାଣି ତଲେ ଏନିକିହଁ ବାରେ ଲେହେଁତି ଦୁକୁ ବେଟାଆହିମାନି ଲକୁଣି ଦୁକୁ ତୁକ୍ହାଲି ଆଡ଼ିନାୟି, ଇଦାଆଁତାକି ଏଞ୍ଜସି ବାରେ ଦୁକୁତା ମାଙ୍ଗେ ଦୁକୁ ତୁକ୍ନାଣି ହୀହାମାଞ୍ଜାନେସି

୫ ଇଚିହଁ କ୍ରୀସୁତି ତାକି ମାର ଏନିକିହଁ ହାରେକା ଦୁକୁ କସ୍ତ ହାରେକା ବେଟାଆନାୟି, ଏଲେକିହଁ ଏ କ୍ରୀସୁ ତାଣ୍ଡାଟି ମାହାପୁରୁତି ଦୁକୁ ତୁକ୍ନାୟି ହାରେକା □

୬ ସାମା ମାମ୍ବୁ ଦୁକୁ କସ୍ତ ବେଟାଆଡ଼ିସାରେ ଏଦି ମୀ ତାକି ଦୁକୁ ତୁକ୍ନାୟି, ଅଡେ ଗେଲ୍ପି ଆହାଲିତାକି; ଇଞ୍ଜା ମାମ୍ବୁ ଦୁକୁ ତୁପକି ଆତିହଁ, ଏଦି ମୀ ଦୁକୁ ତୁକ୍ହାଲି ତାକି; ମାମ୍ବୁ ଏନିଲେହେଁତି ଦୁକୁ କସ୍ତ ବେଟାଆନମି ମୀରୁ ଏନିକିହଁ ସାସା ଅଡେ କସ୍ତତଲେ ଦୁକୁ ବେଟାଆହି ମାଞ୍ଜେରି ମାମ୍ବୁ ଜିକେଏ ଏଲେକିହଁ ଏ ଦୁକୁ ତୁକ୍ନି କାମା କିହିମାନମି □

୭ ଅଡେ ମୀ ତାଣ୍ଡା ମା ବାର୍ସୁ ହାରେକା ମାନେ □ ମୀରୁ ମା ଦୁକୁ କସ୍ତ ପାଣ୍ଡିନିତାଣ୍ଡା ଏନିକିହଁ ଆଣ୍ଡାମାଞ୍ଜେରି, ଏଲେକିହଁ ଏ ମାମ୍ବୁ ଦୁକୁ ତୁକ୍ନି ତାଣ୍ଡା ଆଣ୍ଡିଦେରି, ଇଞ୍ଜା ମାମ୍ବୁ ପୁଞ୍ଜାମାନମି □

୮ *ଇଚିହଁ ଏ ତାୟିୟାଁ ଅଡେ ତାଙ୍ଗିସ୍ତାତେରି, ଆସିୟା ରାଜିତା ମାଙ୍ଗେତାକି ଆହାମାନି ସାସ୍ତି ମୀରୁ ପୁନାଆନା ମାଞ୍ଜୁ ଇଞ୍ଜିହଁ ମାମ୍ବୁ ଅଣ୍ଡପି ହିଲଅମି; ମାମ୍ବୁ ମା ବାଡ଼ମୁଟି ବେଟାଆହାମାନି ସାସ୍ତି ସହଞ୍ଜି ଆହାଲି ଆଡ଼ାଆରେଟୁ ଆହାମାତମି, ଇଞ୍ଜା ମାମ୍ବୁ ନୀତାମାଞ୍ଜାଲି ଜିକେଏ ଆସା ପିସାମାଚମି;

୯ ହାଅ, ମାଙ୍ଗେ ପାୟାଲି ହୁକୁମି ହୀପକି ଆହାମାନେ ଇଞ୍ଜା ଅଣ୍ଡପିମାଚମି, ଏନିକିହଁ ମାମ୍ବୁ ମା ମୁହେଁ ବାର୍ସୁ କିହାକତାଆନା ଏମିନି ମାହାପୁରୁ ହାକିଟି ନିକ୍ନେସି ଏଞ୍ଜାଣି ତାଣ୍ଡା ବାର୍ସୁ କିନମି;

୧୦ ଏଞ୍ଜସି ଆଜିହପେତି ହାକିଟି ମାଙ୍ଗେ ଗେଲ୍ପାତେସି ଅଡେ ଗେଲ୍ପାନେସି, ଅଡେ ତାୟୁ

☆ ୧:୮ ୧:୮ ୧କର ୧୫:୩୨

ଜିକେଏ ଗେଲ୍‌ପାନେସି ଇଞ୍ଜି ତାନିତାଣା ମା ଆସା ମାନେ;

୧୧ ମୀରୁ ଜିକେଏ ମା ତାକି ପ୍ରାତାନା କିହ୍ନା ମାଜେ ସାୟେମି କିହାମାଞ୍ଜାଦେରି, ଏନିକି ମାଜେ ଏମିନି କାର୍ମାତି ଦାନା ହୀପକି ଆହାମାଞ୍ଜାନେ, ଏଦାଆଁତାକି ହାରେକା ଲକୁତି ଗୁତିଟି ମା ତାକି ହାରେକା ଜହରା କିଞ୍ଚିଆହିମାନେ □

ପାଖୁଲ ତାନି ଅଣ୍ପୁ ବାଦଲି କିନାୟି

୧୨ ବାରେକିହ୍ନା ଦାରତିତା ମୀ ତାକି ମାମ୍ବୁ ମାଣ୍ଡସିତି ବୁଦିତଲେ ତାକାଆନା ମାହାପୁରୁତି କାର୍ମାତି ତାନି ସୁଦୁ ଅଡେ ନାମୁତଲେ ତାକିମାତନି ଇଞ୍ଜି ମା ଅଣ୍ପୁ ସାକି ହୀହିମାଞ୍ଜାନେ, ଇଦି ମା ବତପଣତି କାତା □

୧୩ ୱାରୁଇ ମୀରୁ ଏନାଆଁ ପଡ଼ଞ୍ଚି ଆହାନା ତେଲ୍‌ହିଦେରି, ଏ ବାରେ ପିସ୍‌ପେ ମାମ୍ବୁ ମିଜେ ଅଡେ ଏନାଆଁ ରାତିମାଞ୍ଜଅମି,

୧୪ ଅଡେ ମା ପ୍ରବୁ ଜୀସୁ କ୍ରୀସ୍ତୁତି ଦିନାତା ମାମ୍ବୁ ମୀ ତାକି ବତପଣ ତସାଲି ଆଡ଼ିନମି, ଅଡେ ମୀରୁ ଜିକେଏ ମା ତାକି ବତପଣ ତସାଲି ଆଡ଼ିଦେରି, ମୀରୁ ନୀର୍ବ ଇଚେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମୀରୁ ବାରେ ତାୟୁ ପାତେକା ପୁଞ୍ଜେରି ଇଞ୍ଜି ନା ଆସା □

୧୫ ଇ କାତା ନେହ୍‌କି ପୁଞ୍ଜାମାନାକି ମୂଲୁଏ ମୀ ତାଣା ୱାହାଲି ତାକି ନାଜେ ଅଣ୍ପୁ ମାଚେ, ଆତିହ୍‌ ମୀରୁ ରୀ ଦେବା ରାହ୍‌ ବେଟାଆଡେରିମା

୧୬ *ମୀ ତାଣାଟି ମାକିଦନିୟାତା ହାଜାନା ଅଡେ ୱେଣ୍ଡେ ମାକିଦନିୟାଟି ମୀ ତାଣା ୱାହାନା ମୀ ସାୟେମି ତଲେ ଜୀହୁଦା ଦେସାତା ହାଜାଲି ଆଡ଼ିଇ, ଏଦାଆଁତାକି ଏ ନାମୁତି ତଲିଏ ମୀ ତାଣା ହାଜାଲି ମନ କିହାମାଚେଏଁ □

୧୭ ଆତିହ୍‌ ଇଲେତି ଅଣ୍ପୁ ଅଣ୍ପିନାୟି ନାନୁ ଏନାଆଁ ଆନାମାନା ଆହାନା କିହାମାଚେଏଁ ? ଇଞ୍ଜା ନାନୁ ଏନାଆଁ ତାରିକିହା ଡ଼ୟିଇ, ଏଦି ଏନାଆଁ ଏଦାଆଁ ଦାରତିତି ଅଣ୍ପୁ ତଲେ କିହିମାଇ, ଇଞ୍ଜା ନା କାତା “ହାଅ କି ଆଏ” ଇ ରୀ କାତା ରଣ୍ଡିଏ ଦେବା ହପଇ କି ?

୧୮ ମାହାପୁରୁ ଟିକାଣାତାସି, ଏଦାଆଁତାକି ନା କାତା ମିଜେତାକି “ହାଅ କି ଆଏ” ଇନି ରୀ କାତା ଆଏ □

୧୯ *ଇତିହ୍‌ କ୍ରୀସ୍ତୁ ଜୀସୁ ମାହାପୁରୁ ମୀରୁଏସି, ଆମ୍ବାଆସି ମା ତାଣାଟି ଇତିହ୍‌ ସିଲା, ତିମତି ଅଡେ ନାନୁ ମୀ ତାଣା ୱେକ୍‌ହା ମାଚମି, ଏଞ୍ଚାସି “ହାଅ” ଅଡେ “ଆଏ” ଇନାସି ଆହାହିଲଅସି, ଇତିହ୍‌ ଏଞ୍ଚାଣି ତାଣା ହାଅ ଆହାମାନେ □

୨୦ ଏନାଆଁତାକି ଇତିହ୍‌ ମାହାପୁରୁତି ବାରେ ଆଞ୍ଜାମାନାୟି ଏଞ୍ଚାଣି ତାଣା “ହାଅ” ମାନେ;

ଇଦାଆଁତାକି ଜୀସୁ କ୍ରୀସ୍ତୁ ତାଣାଟି ମାହାପୁରୁଇଁ ଗାଞ୍ଜୁରମି କିହାଲି ମାର “ଆମେନ୍,’ ଏଲେଆହ୍‌ ଆପେ” ଇନାୟି □

୨୧ ତାନୁଏ ମାଜେ ଅଡେ ମିଜେ କ୍ରୀସ୍ତୁ ତାଣା ତୀରି କିହାମାଞ୍ଜାନେସି, ଇଞ୍ଜା ମାଜେ ବର ହୀହାମାଞ୍ଜାନେସି, ଏଞ୍ଚାସି ମାହାପୁରୁ;

୨୨ ଏଞ୍ଚାସି ତାନି ବୁଟୁ ମୁଦ୍ରା ମାଜେ ୱେଟା ମାଞ୍ଜାନେସି, ଇଞ୍ଜା ଏଞ୍ଚାସି ମା ହିୟା ବିତ୍ରା ସୁଦୁଜାଞ୍ଜୁ ସିନାଲେହେଁ ହୀହାମାଞ୍ଜାନେସି □

୨୩ ସାମା ନାନୁ ମାହାପୁରୁଇଁ ସାକି କିହାନା ନା ଜୀଞ୍ଜୁତି ମାନି କିହିମାଇ, ନାନୁ ମିଜେ କାର୍ମା ଆହାନା କରକ୍ତିତା ୱେଣ୍ଡେ ହାଜାହିଲଅଁ □

୨୪ ମୀ ନାମୁତି ମୁହେଁ ମା ଅଦିକାରା ମାନେ, ଏଲେକି ଆଏ, ସାମା ମୀ ରାହ୍‌ତାକି ମୀ ସାୟେମି କିନାତମି ଆହାମାନମି, ଏଦାଆଁତାକି ନାମୁତା ତୀରିଆହାନା ମାଞ୍ଜୁ □

୨

୧ ନାନୁ ମୀ ତାଣା ହାନାୟି ମିଜେତାକି ଅଡେ ୱେଣ୍ଡେ କସ୍ତୁ ଆୟେଏ, ଇଦାଆଁ ମନତା ତୀରି କିଚେଏଁ □

୨ ନାନୁ ମିଜେ ଦୁକୁ ହିୟାଇ, ଆତିହ୍‌ ନାନୁ ଆମ୍ବାଆରାଇଁ ଦୁକୁ ହୀଇ, ଏଞ୍ଚାଣି ପିସ୍‌ପେ ନାଜେ ଆମ୍ବାଆସି ରାହ୍‌ ହିୟାନେସି ?

୩ ଇଞ୍ଜା ନାନୁ ଆମ୍ବାଆରି ତାଣାଟି ରାହ୍‌ ପାଣ୍ଡନାୟି ମାନେ, ଏଞ୍ଚାରିତାଣା ନାନୁ ୱାହାନା ଏନିକି ଦୁକୁ ବେଟାଆଆଁ, ଏଦାଆଁତାକି ନାନୁ ଇ କାତା ରାଚାମାଚେଏଁ, ଏନାଆଁତାକି ଇତିହ୍‌ ନା ରାହ୍‌ତା ମୀ ରାହ୍‌ ଆନେ, ଏଦି ମୀ ବାରେତାକି ନା ଅଣ୍ପୁ □

୪ ଇତିହ୍‌ ହାରେକା କସ୍ତୁ ଅଡେ ହିୟା କାତାତାକି ହାରେକା ଦୁକୁତଲେ କାଣ୍ଡୁ ଡୁକ୍‌ହିହି ମିଜେ ରାଚାମାଞ୍ଜାଚେଏଁ; ଏନିକି ମୀରୁ ଦୁକୁ ଆଦେରି, ଏଲେକି ଆଏ, ସାମା ମିଜେତାକି ନା ଜୀଞ୍ଜୁନନାୟି ହାରେକା ମାନେ, ଇ କାତା ମୀରୁ ଏନିକି ପୁଞ୍ଜେରି □

ମାଣ୍ଡସିତି ଦହ୍ ମେକ୍‌ନାୟି

* ସାମା ଆମ୍ବାଆସି ଦୁକୁ ହୀହାମାନେସି, ଏଞ୍ଚାସି ନାଜେ ଦୁକୁ ହୀହାମାଞ୍ଜଅସି, ସାମା ବାରେତେରି ମିଜେ ଦୁକୁ ହୀହାମାଞ୍ଜାନେସି ନାନୁ ହାରେକା ଗାଡିକିହ୍‌ ୱେହ୍‌ଅଁ □

୨ ମୀ ବିତ୍ରାଟି ହାରେକା ଲକୁ ତାଣାଟି ଏଞ୍ଚାସି ଏନି ତଣ୍ଡ ବେଟା ଆହାମାନେସି ଏଞ୍ଚାଣାକି ଏଚେକେଏ ସାରି □

* ୧:୧୨ ୧:୧୭ କାମା ୧୯:୨୧ * ୧:୧୯ ୧:୧୯ କାମା ୧୮:୫

୭ ଏଦାଣିତାକି ଏଲେତି ଲକୁ ଏଚେତା ହାଚେକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନୀଏଁ ଏଞ୍ଜାଣାକ୍ ପାପୁ ମ୍ବେକହାନା ବାସୁଁ ହୀଦୁ □

୮ ଇଚିହଁ ଏଞ୍ଜାଣାକ୍ ଜୀସୁ ନନାଣି ତହୁଦୁ ଇଞ୍ଜିଁ ବାତିମାଲିମାଞ୍ଜାକ୍ □

୯ ଇଚିହଁ ମୀରୁ ବାରେ କାତାତି ମାନଞ୍ଜି ଆହିମାଞ୍ଜେରି, ଇଞ୍ଜିଁ ମିଙ୍ଗେତାକି ଏମ୍ବାତି ପାରମାଣା ଏନିକଁ ନାନୁ ବେଟାଆକ୍, ଇ ବାରେତାକି ରାଟାମାଚେଏଁ □

୧୦ ଇଞ୍ଜା ମୀରୁ ଆମ୍ବାଆରି ଦହ ପିହ୍ଦେରି, ନାନୁ ଜିକେଏ ଏଞ୍ଜାଣି ଦହ ପିହ୍ଦକ୍; ଇଚିହଁ ନାନୁ ଏନାଆଁ ଦହ ପିସାମାକ୍, ଇଞ୍ଜା ଏମିନି ଦହ ପିସାମାକ୍, ଏଦାଆଁ କ୍ରୀସ୍ତତି ନକିତା ମୀ ତାକି ପିସାମାକ୍ □

୧୧ ଏନିକଁ ସୟତାନ ମାଙ୍ଗେ ଲାଗେଏ କିହାଲି ପାରୁ ବେଟାଆଏ, ଇଚିହଁ ମୀରୁ ବାରେ ତାନି ଅଶ୍ପୁତି ପୁଞ୍ଜାମାନାୟି □

ତ୍ରୟାତା ପାସୁଲ ମନତା କସ୍ତ ପାଶ୍ଚନାୟି

୧୨ *ଅଡେ କ୍ରୀସ୍ତତି ନେହଁ କାରୁ ଝେକହାଲି ତାକି ନାନୁ ତ୍ରୟାତା ଝାଡି ତାୟୁ ପ୍ରୁତି କାମା କିହାଲି ଦାରା ଦେପି ଆହାମାଟି ଜିକେଏ,

୧୩ ନାନୁ ନା ତାୟି ତିତସକ୍ ଏମ୍ବାଆଁ ମେହୁଆଲିଏ ନା ଜୀସୁ ହିଡଡି ଆଆତାକି ଏଞ୍ଜାରି ତାଣାଟି ହେଲ ବେଟାଆହାନା ମାକିଦନିୟାତା ହାଚେଏଁ □

କ୍ରୀସ୍ତ ତାଣାଟି ଜୀଣା ଆନାୟି

୧୪ ସାମା ମାହାପୁରୁକ୍ ଜହରା ଆପେ, ଏଞ୍ଜାସି ବାରେବେଲା ମାଙ୍ଗେ ଅହାନା କ୍ରୀସ୍ତ ତାଣା ଜୀଣାଆଡି ଲେହେଁ ହାଜାମାନେସି, ଇଞ୍ଜା ବାରେ ଟାୟୁତା ତାନି ବୁଦି ଲେହେତି ଗାନ୍ଦା ମା ତାଣାଟି ଝେକହିମାନେସି □

୧୫ ଇଚିହଁ ଗେଲ୍ପି ଆହିମାନି ଲକୁତାଣା ଇଞ୍ଜା ନାସା ଆହିମାନି ଲକୁତାଣା ମୀରୁ ମାହାପୁରୁ ନକିତା କ୍ରୀସ୍ତତି ହାଚେକା ନେହଁ ଗାନ୍ଦା ଲେହେଁ ଆହାମାନାୟି □

୧୬ ରକଞ୍ଜାକି ଲକୁତାକି ହାକି ହାନାୟି ଅଡେ ରକଞ୍ଜାକି ଲକୁତାକି ଜୀସୁହାନି ଲେହେତି ନେହଁ ଗାନ୍ଦା ଲେହେଁ □ ସାମା ଇ ବାରେ କାମା କିହାଲି ଆମ୍ବାଆସି ଆଡିନେସି ?

୧୭ ହାଚେକା ଲକୁ ବାଡକାଲି ତାକି ମାହାପୁରୁତି କାରୁ ଝେକହି ମାନେରି, ମାମ୍ବୁ ଏଞ୍ଜାରିଲେହେଁ କିହିଲଅମି, ସାମା ତୀରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମ୍ବୁ କ୍ରୀସ୍ତ ତାଣା ମାଞ୍ଜାନା କାତା ଜଲିମାନମି □

୩

ପୁଞ୍ଜନି ମେରାତି ହଲିୟା

☆ ୨:୧୨ ୨:୧୨ କାମା ୨୦:୧

୧ ମୀରୁ କି ଜାହାରାକ୍ ବଡପଣ କିହାଲି ମାଟୁହା ମାନାୟି ? ଆମ୍ବା ଆମ୍ବାଆରି ଲେହେଁ ଏନାଆଁ ମୀ ତାଣା ଆଆତି ମୀ ତାଣାଟି ମା ତସ୍ପି ଆନାୟି ଲଡାମାନେ ?

୨ ମୀରୁତ ମା ହିୟାତା ରାସ୍ତକି ଆହାମାନାତେରି ଇଞ୍ଜା ବାରେଜାଣା ପୁଞ୍ଜାମାନାୟି ଅଡେ ପଡ଼ି ଆହାମାନି ମା ଆକୁ ଲେହେଁ;

୩ ଅଡେ, ମୀରୁ ମା ସେବା କାମାତା ରାସ୍ତକି ଆହାମାନି କ୍ରୀସ୍ତତି ଆକୁ ଲେହେଁ, ଇଦି ତଞ୍ଜା ଆହିମାନେ; ଏଦି ସୀରା ତଲେ ରାସ୍ତକି ଆହାହିଲେଏ, ସାମା ଜୀସୁତି ମାହାପୁରୁତି ସୁଦୁଜୀସୁ ତଲେ ରାସ୍ତକି ଆହାମାନେ, ଝାଲି ପାଟାତା ଆଏ, ସାମା ଉୟୁଗାଟି ହିୟା ପାଟାତା □

୪ କ୍ରୀସ୍ତ ତାଣାଟି, ମାହାପୁରୁ ନକିତା ବାସୁଁ ଇଟାନା ମାଦି ଇଲେତି ଆଟ୍ଝା ନାମୁ ମାନେ □

୫ ମୀରୁ ମା ତାଣାଟି ଏନାଆଁ କିହାଲି ଆଡାଆୟି, ଏଲେକଁ ଆଏ, ସାମା ମାହାପୁରୁ ତାଣାଟି ଆଡିନି ବାଡ଼ୟୁ ମାନେ;

୬ ଏଞ୍ଜାସି ମାଙ୍ଗେ ରାସ୍ତକି ଆହାମାନି ମେରାତି ସେବା କିନାରି କିହାମାଞ୍ଜଅସି, ସାମା ନେହଁ ଜୀସୁଟି ଇଚିହଁ ପୁଞ୍ଜନି ମେରାତି ସେବା କାମା କିହାଲି ବାଡ଼ୟୁ ହାହାମାଞ୍ଜାନେସି; ଇଚିହଁ ରାସ୍ତକି ଆହାମାନି ରାଜିମାନା ହାଡ଼ିକିନେ ସାମା ନେହଁ ଜୀସୁ ନୀତିକିନାୟି □

୭ ଅଡେ ତୀସ୍ତି ଝାଲି ପାଟାତା ରାସ୍ତକି ଆହାମାନି ହାଡ଼ି କିନି ମସା ମେରାତି ସେବା କାମା ଇଲେତି ଗାଞ୍ଜୁରମି ତଞ୍ଜାଆହାମାଚେ, ଇଚିହଁ ଇସ୍ତାୟେଲ ଲକୁ ମସା ମୁମ୍ବୁତି ନାସା ଆନି ଉଜେଡି ତାକି ଏଞ୍ଜାଣି ମୁମ୍ବୁ ମେସାଲି ଆଡାଆତେରି,

୮ ଆତିହଁ ନେହଁ ଜୀସୁତି ସେବା କାମା ଏଚେକା ଗାଡି ଗାଞ୍ଜୁରମି ଆଏକି ?

୯ ତଣ୍ଡୁ ଆଡ଼ିକିନି ସେବା କାମା ଗାଞ୍ଜୁରମି ଗାଟାୟି, ଆଡ଼଼ି ଦାମ୍ବୁତି ସେବା କାମା ଏଦାଆଁ କିହାଁ ଆଗାଡା ଗାଞ୍ଜୁରମି ଗାଟାୟି ଆନେ □

୧୦ ଇଚିହଁ ଆମିନି ଗାଟାୟି ଗାଞ୍ଜୁରମି ଗାଟାୟି ମାଚେ, ଏଦି ଏଦାନି କିହାଁ ଆଗାଡା ଗାଞ୍ଜୁରମି ଆନି କିହାଁ ଗାଞ୍ଜୁରମି ହିଲାଆଗାଟାୟି ଆଡେ □

୧୧ ଗାଡ଼େକା ତାକି ନାସା ଆନାୟି ଗାଞ୍ଜୁରମି ବେଟାଆହଁ, କାଲାକାଲା ତାକି ମାନାୟି ଏଚେକା ଆଗାଡା ଗାଞ୍ଜୁରମି ତଞ୍ଜାଆଡେ □

୧୨ ଇଚିହଁ ମାଙ୍ଗେ ଏଲେତି ବାସୁଁ ମାନାକି ହାଚେକା ସାସା ଆହାମାନମି □

୧୩ ଅଡେ ଇସ୍ତାୟେଲ ଲକୁ ଏନିକଁ ଗାଡ଼େକା ତାକି ନାସାଆନି ଗାଞ୍ଜୁରମିତି ସିନିକଅରି, ଏଦାଆଁତାକି ମସା ଏନିକଁ ତାନି ମୁମ୍ବୁତି

ହିମ୍ବରୀ ପୁଣ୍ୟକା କତିମାଚେସି, ମାମ୍ବୁ ଏଲେକ୍ଟ୍ କିହିଲିଲଅମି □

୧୪ ସାମା ଏଞ୍ଜାରି ବୁଦିତି କାଣ୍ଡକା ପଞ୍ଜି ଆହାମାନୁ, ଇଚିହିଁ ନୀଞ୍ଜୁପାତେକା ପୁଞ୍ଜଇ ରାଜିମାନା ପତି ପଡ଼ଞ୍ଜି ଆନାଟି ଏ ହିମ୍ବରୀ ପିଡ଼ଗିନାୟି ନୀର୍ବ ପାତେକା ଡ଼ୟାମାନେ, ଇଞ୍ଜା କ୍ରୀସ୍ତ ତାଣ୍ଡାଟି ଏ ହିମ୍ବରୀ ଗୁଚା ଆହାମାନେ, ଏଦି ତଞ୍ଜା ଆହିଲିଲେଏ □

୧୫ ସାମା ନୀର୍ବ ପାତେକା ମସାତି ମେରା ପଡ଼ଞ୍ଜି ଆନାଟି ଏଞ୍ଜାରି ହିୟାଁ ହିମ୍ବରୀ ପୁପକି ଆହାଁ ଡ଼ୟିନେ □

୧୬ “ସାମା ଆମ୍ବାଆସି ଆପେସି ପ୍ରବୁ ଝାକି ଝେଣ୍ଡାଞ୍ଜାଡ଼ିହିଁ ଏଞ୍ଜାଣି ପୁପକି ଆହାମାନି ହିମ୍ବରୀ ଗୁଚାଆନେ □”

୧୭ “ପ୍ରବୁ” ଏ ଜୀଞ୍ଜୁ, ଇଞ୍ଜା ଏମ୍ବିୟା “ପ୍ରବୁତି ଜୀଞ୍ଜୁ” ମାନେ ଏମ୍ବାଆଁ ବାରେ ମେଲା ଆନାୟି ମାନେ □

୧୮ ସାମା ମାର ବାରେତାୟି ମମ୍ବୁ ପୁକିଆନା ଦାପେଣିତା ମେହ୍ନି ଲେହେଁ ପ୍ରବୁତି ଗାଞ୍ଜୁରମି ମେସି ମେସିହିଁ ଗାଞ୍ଜୁରମିଟି ହାରେକା ଗାଞ୍ଜୁରମି ଆହାମା ତାନି ଏ ଝାଣା ତଲେ ବାଦଲି ଆହିମାନାୟି; ଇଞ୍ଜା ପ୍ରବୁ ଆମ୍ବାଆସିକି ଜୀଞ୍ଜୁ ଏଞ୍ଜାଣି ତାଣ୍ଡାଟି ଇ ବାରେ ଆହିମାନେ □

୪

ଇରଥା ତ:କା ବିତ୍ତା ନେହିଁ ଜୀଞ୍ଜୁତି ଦନ

୧ ମାର ମାହାପୁରୁତି କାର୍ମା ବେଟାଆହାମାନା ଇ ସେବାକିନି ପାଣା ବେଟାଆହାମାନାକି ସାସା ହିଲିଆ ଲକୁଲେହେଁ ଆହାହିଲିଆୟି,

୨ ସାମା ମାମ୍ବୁ ଲାଜା ଗାଟି ତଞ୍ଜା ଆଆଗାଟି ଲାଗେଏତି କାମା ପିସାମାନମି; ଇଞ୍ଜା ମାମ୍ବୁନାଡ଼ି କିଅମି ଅଡ଼େ ମାହାପୁରୁ କାତାତି ମିଟି କାଲହାନା ଝେସିହିଲଅମି, ମାହାପୁରୁ କାନୁତା ନେହିଁ କାରୁତି ସାତା କିହିଁ ଝେକହାନା ବାରେଜାଣାତି ନେହିଁ ଅଣ୍ଡପୁ ତାକି ନେହାଁତମି ତଞ୍ଜା ଆହିମାନମି □

୩ ଏଦାଆଁତାକି ଇଚିହିଁ ମାର ଝେକହାମାନି ନେହିଁ କାରୁ ଡ଼ଗୁା ମାଟିହିଁ, ଏଦି ଝାରଇ ଜାଞ୍ଜା ମାନାରାକି ଡ଼ଗୁାମାନେ □

୪ ମାହାପୁରୁ ଝାଣା ଲେହେଁତି କ୍ରୀସ୍ତ ତାନି ଗାଞ୍ଜୁରମିଗାଟି ନେହିଁ କାରୁତି ଉଜେଡ଼ି ଏନିକ୍ ଇଲେତି ଲକୁକି ତଞ୍ଜା ଆଏ, ଏଦାଆଁତାକି ନାମାଆଗାଟାରି ବୁଦି ଦାରତିତି ପଲ୍ଲଆ ପେନୁ କାଣାୟାଁ କିହାମାନେ □

୫ ମାମ୍ବୁ ମାଲେତାକି ଝେସାକତିହିଲଅମି, ସାମା କ୍ରୀସ୍ତଇଁ ପ୍ରବୁ ଇଞ୍ଜାଁ ଅଡ଼େ ଜୀସ୍ତ କ୍ରୀସ୍ତ ତାକି ଜାହାରାଇଁ ମୀ ହଲିୟାଞ୍ଜାତମି ଇଞ୍ଜାଁ ଝେକହି ମାନମି,

୬ ଏଦାଆଁତାକି ଇଚିହିଁ ଆମିନି ମାହାପୁରୁ ଏଲେଇଞ୍ଜାମାଚେସି, “ଆଦେରିଟି ଉଜେଡ଼ି ତଞ୍ଜା ଆପେ,” ଏଞ୍ଜାସି କ୍ରୀସ୍ତତି ମମ୍ବୁତୁ ତଞ୍ଜା ଆହିମାନି ମାହାପୁରୁତି ଗାଞ୍ଜୁରମିଗାଟି ବୁଦିତି ଉଜେଡ଼ି ତସାଲି ତାକି ମା ହିୟାଁତି ଉଜେଡ଼ି କିହାମାନେସି □

୭ ସାମା ମାର ଝାରଇ ଇରଥା ତ:କାତା ଇ ଲାକପୁରୁତି ଦନ ବେଟାଆହାମାନାୟି □ ଇମ୍ବାଆଁ ପୁଣ୍ଡି ଆହିମାନେ ଇଲେତି ଲାକପୁରୁତି ବାଡ଼ୟୁ ମାଦି ଆଏ ସାମା ମାହାପୁରୁଞ୍ଜାୟି □

୮ ମାମ୍ବୁ ବାରେଲେହେଁତି ଦୁକୁ କସ୍ତ ବେଟାଆହାମାନମି, ସାମା ମାମ୍ବୁ ସୁଣ୍ଡି ଆହି ହିଲଅମି □ ଏତେ ଏତେଲା ଆତାଜାକା ଆଡ଼ି ଜିକେଏ ନୀରାସା ଆହାହିଲଅମି □

୯ ମାମ୍ବୁ ସାସ୍ତି ବେଟା ଆହିମାନମି ସାମା ମାହାପୁରୁ ମାଲେ ଏତେଲା ପିସାମାଞ୍ଜଅସି □ ଏତେ ଏତେକା ମାଡ଼ା ବେଟାଆହି ମାନମି ସାମା ନାସା ଆହାହିଲଅମି □

୧୦ ଜୀସ୍ତତି ଜୀଞ୍ଜୁ ଏନିକ୍ ମା ତାଣା ତଞ୍ଜାଆନେ, ଏଦାଆଁତାକି ମାର ବାରେ ବେଲା ମା ଆଞ୍ଜାତା ଜୀସ୍ତତି ହାକି ଡ଼େକା ମାନାୟି □

୧୧ ଇଚିହିଁ ଜୀସ୍ତତି ଜୀଞ୍ଜୁ ଏନିକ୍ ମା ହାନି ଆଞ୍ଜାତା ତଞ୍ଜାଆନେ, ଏଦାଆଁତାକି ମାର ନୀତାମାଟି ଜିକେଏ ବାରେବେଲା ଜୀସ୍ତତି କସମି ହାକିତା ହେରପି ଆହିମାନାୟି □

୧୨ ଇଲାଆହିଁ ମା ତାଣା ହାକି, ଅଡ଼େ ମୀ ତାଣା ଜୀଞ୍ଜୁ କାମା କିହିମାନେ □

୧୩ ରାସ୍ତକି ଆହାମାନେ, “ନାନୁ ନାମିତାକି ଜଲିତେଏଁ □” ମାର ଏ ନାମୁତି ଜୀଞ୍ଜୁ ବେଟାଆହାମାନାୟି, ଇଞ୍ଜା ମାର ନାମାମାନାୟି ଏଦାଆଁତାକି ଝେକହି ଜିକେଏ ମାନାୟି □

୧୪ ମାମ୍ବୁ ପୁଞ୍ଜାମାନମି, ମାହାପୁରୁ ପ୍ରବୁ ଜୀସ୍ତଇଁ ହାକିଟି ଝେଣ୍ଡେ ନିକହାମାନେସି □ ଏ ମାହାପୁରୁ, ଜୀସ୍ତତଲେ ମାଲେ ଜିକେଏ ନିକହାନେସି ଅଡ଼େ ମୀ ତଲେ ମାଲେ ତାନି ତାଗେ ଅୟାନେସି □

୧୫ ମୀ ନେହେଁତାକି ଇ ବାରେ ଆହିମାନେ □ ମାହାପୁରୁତି କାର୍ମାମେହନାୟି ଅଡ଼େ ହାରେ ଗାତି ପାତାଆହାମାନା ଲକୁଣି ତୀଗିତେ, ଅଡ଼େ ହାରେକା ଲକୁ ରାହାଁ ଅଣ୍ଡପୁ ତଲେ ମାହାପୁରୁଇଁ ଗାଞ୍ଜୁରମି କିନେରି □

ନାମୁତି ଜୀଞ୍ଜୁ

୧୬ ଏଦାଆଁତାକି ମାମ୍ବୁ ଝାହା ହିଲଅମି, ସାମା ମା ଦାରତିତି ଆଞ୍ଜା ମେଣ୍ଡିକିତି ଜିକେଏ ମା ହିୟାଁ ବିତ୍ତାତି ଜୀଞ୍ଜୁ ପୁଞ୍ଜାୟି ଆହିମାନେ □

୧୭ ଇଚିହିଁ ଇ ଗାଡ଼େକାତି କସ୍ତ ହାରେକା ଗାତି ମାଲେ ତାକି କାଲାକାଲା ରାଆଗାଟି ଗାଞ୍ଜୁରମି ତାନେ;

୧୮ ମାର ତଞ୍ଜା ଆହିମାନାଣି ଗୁରି କିଆନା ତଞ୍ଜା ଆଆଗାଟାଣି ଗୁରି କିହିମାନାୟି; ଇଚିହିଁ ତଞ୍ଜା ଆହିମାନାୟି ଗାଡ଼େକା ତାକି, ସାମା ତଞ୍ଜା ଆଆଗାଟାୟି କାଳାକାଳାତାୟି □

୫

୧ ମାର ପୁଞ୍ଜାମାନାୟି, ଆମିନି ଦାର୍ତତି ତୁମ୍ଭୁ ଲେହେତି ଇଲୁତା ନୀର୍ବ ମାର ବାସା କିହାମାନାୟି, ଏଦି ନସ୍ତୁ ଆଡ଼ିସାରେ ମାହାପୁରୁ ମାଙ୍ଗେ ଲାକପୁରୁ ର କାଳାକାଳାତି ଇଲୁ ମେଡ଼ି କିୟାନେସି □ ଏଦି ମାଣ୍ଠି କେୟୁଟି କେପିତାୟି ଆଏ, ମାହାପୁରୁ ତାନୁଏ ଏଦାନି ଗାଡ଼ିକିତାସି □

୨ ଇ ଦାର୍ତତି ଇଲୁତା ମାଞ୍ଜାନା ମାର ଲାକପୁରୁ ଇଲୁତି ହିମ୍ବରି ହୁଚାଲି ମନ କିହାନା ଡାହି ମାନାୟି □

୩ ସାମା ଲାକପୁରୁତି ବାସା ଚାୟୁତା ହଡ଼ିସାରେ ମାର ଆଙ୍ଗା ହିଲାଆଗାଟାତାୟି ଆଆନା ନାର୍ତତା ତଞ୍ଜା ଆଆୟି □

୪ ଇଚିହିଁ ମାର ଇ ଦାର୍ତତି ତୁମ୍ଭୁତା ବାସା ଆହାନା ବଜୁଗାଟି ହିୟା ତଲେ ଡାହି ମାନାୟି; ଇଚିହିଁ ମାର ଦାର୍ତତି ଆଙ୍ଗା ପିସାଲି ଅଣ୍ଠପିମାନାୟି ଏଦି ଆଏ, ସାମା ଜୀଞ୍ଜୁ ଏନିକି ଦାର୍ତତି ନାସାକିନେ, ଇଦାଆଁତାକି ଇ ହାନି ଆଙ୍ଗାତି ମୁହେଁ ଲାକପୁରୁତି ହିମ୍ବରି ହୁଚାଲି ମାର ମନ କିହିମାନାୟି □

୫ ମାହାପୁରୁ ମାଙ୍ଗେ ଇ ବାଦଲଞ୍ଜି ଆନାଣି ତାକି ତିୟରା କିହାଁ ମାଞ୍ଜାନେସି □ ଅଡ଼େ ଇଦାଣି ତୀରପୁକିନାଣି ଲେହେଁ ତାନି ସୁଦୁଜୀଞ୍ଜୁ ଏଞ୍ଜାସି ମାଙ୍ଗେ ହୀହାମାଞ୍ଜାନେସି □

୬ ଏଦାଆଁତାକି ମାମ୍ବୁ ବାରେବେଲା ସାସା ଆସାମାନମି □ ମାମ୍ବୁ ପୁଞ୍ଜାମାନମି, ଏଚରଦିନା ପାତେକା ଇ ଆଙ୍ଗାତା ବାସା କିହାମାନମି, ଏଚରଦିନା ପାତେକା ପ୍ରବୁତି ଇଲୁଟି ହେକ ମାଞ୍ଜାନା ନୀତା ବାଡ଼କିମାନମି,

୭ ଏନାଆଁତାକି ଇଚିହିଁ ମାର ତଞ୍ଜାଆହିମାନି ଦିଶ୍ଵୁ ଲାକ ଆଏ ସାମା ନାମ୍ବୁ ଲାକ ନୀତା ବାଡ଼କି ମାନାୟି □

୮ ଏନାଆଁକି ଇଚିହିଁ ମାମ୍ବୁ ସାସା ଗାଟାତମି, ଇଞ୍ଜା ଇ ଆଙ୍ଗା ପିସାନା ପ୍ରବୁ ତଲେ ବାସା କିହାଲି ମାମ୍ବୁ ହାଡ଼େକା ରାହାଁ □

୯ ଏଦାଆଁତାକି ଇମ୍ବାଆଁ ଜାହାରା ଇଲୁତା ମାତିହିଁ କି ହେକ ରାଜି ମାତିହିଁ ଜିକେଏ, ମାହାପୁରୁଇଁ ରାହାଁ କିନାୟି ଏ ମା ରଣ୍ଠିଏ ଅଣ୍ଠପୁ □

୧୦ ଇଚିହିଁ ନେହେଁ ଆପେ କି ଲାଗେଏ ଆପେ, ବାରେଜାଣା ଜାହାରା ଆଙ୍ଗା ତଲେ କିତି କାମାତି ଲେକାତଲେ ପାଡ଼େୟି ବେଟାଆହାଲି ତାକି କ୍ରୀସ୍ତତି ନୀହାୟି କିନି ଚାୟୁ ନକିତା ବାରେତାୟି ମାଙ୍ଗେ ନିକା ହାଜାଲି ଆନେ □

କ୍ରୀସ୍ତ ତାଣାଟି ମାହାପୁରୁତି ତଡ଼େସିଙ୍ଗା ଆନାୟି

୧୧ ପ୍ରବୁଇଁ ଆଜିନାଣି ପୁଞ୍ଜାମାନାକି ମାମ୍ବୁ ମାଣ୍ଠିୟାଲି ମାଡ଼ଞ୍ଜିକିହିଁ ମାନମି, ସାମା ମାମ୍ବୁ ମାହାପୁରୁ ନକିତା ତଞ୍ଜା ଆହାମାନମି ଇଞ୍ଜା ମୀ ଅଣ୍ଠପୁତା ଜିକେଏ ତଞ୍ଜା ଆହାମାନମି, ଇ କାତା ନାନ୍ତୁ ଆସା କିହିମାଲି □

୧୨ ମାମ୍ବୁ ମୀ ତାଣା ଅଡ଼େ ବତପଣ ତସାଲି କିହିହିଲଅମି, ସାମା ଲକ୍ଷୁତି ନେହିଁ ଅଣ୍ଠପୁ ତାକି ବତପଣ ତହୁଆନା ଝାଉଇ ଏଞ୍ଜାରି ଆଙ୍ଗାତି ରାହାଁତାକି ବତପଣ ତହୁନାରାଲି ମୀରୁ ଝେଣ୍ଡେ ଝେସାଲି ଆଡ଼ିଦେରି, ଏଦାଆଁତାକି ମୀରୁ ମା ତାକି ବତପଣ ତସାଲି ଆଡ଼ିଦେରି ଇଞ୍ଜା ଝେସିମାଞ୍ଜାନମି □

୧୩ ମାମ୍ବୁ କି ରୁଦି ହିଲାଆ ଗାଟାତମି ? ଏଦି ମାହାପୁରୁ ତାକି ଆହାମାନେ ମାମ୍ବୁ କି ରୁଦିଗାଟାତମି ଆହାମାନମି ? ମା ନେହେଁ ମାଟିସାରେ, ମୀ ତାକି ଏଲେଆହିଁ ମାନମି □

୧୪ ଇଚିହିଁ କ୍ରୀସ୍ତତି ଜୀଞ୍ଜୁ ନନ୍ଦି ତାଣାଟି ସାଲଞ୍ଜି ଆହିମାନାୟି, ଏଦାଆଁତାକି ମାର ଇ କାତା ଅଣ୍ଠପିମାନାୟି, ରଅସି ବାରେଜାଣା ତାକି ହାହାମାନାକି ବାରେଜାଣା ଏ ହାକିତା ଆଣ୍ଡାମାନେରି □

୧୫ ଏଞ୍ଜାସି ବାରେଜାଣା ତାକି ହାହାମାନାକି ଆମିନି ଗାଟାରି ନୀତାମାନେରି, ଏଞ୍ଜାରି ଅଡ଼େ ଜାହାରାତାକି ନୀତାଆନା ଏଞ୍ଜାଣି ତାକି ନୀତିନେରି, ଏନାଆଁତାକି ଇଚିହିଁ ଏଞ୍ଜାରି ତାକି ଏଞ୍ଜାସି ହାହାନା ଝେଣ୍ଡେ ନୀତାମାନେସି □

୧୬ ଇଦାଆଁତାକି ମାମ୍ବୁ ଆମ୍ବାଆରାଲି ମାଣ୍ଠି ଅଣ୍ଠପୁ ତଲେ ବିଚାରା କିହିଲଅମି □ ଦିନା ମାତେ ଏଚିବେଲା ମାମ୍ବୁ କ୍ରୀସ୍ତଇଁ ଜିକେଏ ମାଣ୍ଠି ଅଣ୍ଠପୁ ତଲେ ଅଣ୍ଠପିମାତମି, ସାମା ନୀର୍ବ ମାମ୍ବୁ ଅଡ଼େ ଏଲେ କିହିହିଲଅମି □

୧୭ ଇଦାଆଁତାକି ଆମ୍ବାଆସି କ୍ରୀସ୍ତ ତାଣା ମାନେସି ଆତିହିଁ ଏଞ୍ଜାସି ପୁଞ୍ଜି ଗାଡ଼ି ଆହାମାନେସି □ ପୁଞ୍ଜାଆୟି ବାରେ ମେଣ୍ଡଙ୍ଗାମାନେ, ମେହ୍ଦୁ ପୁଞ୍ଜାୟି ବାରେ ଆହାମାନେ □

୧୮ ଇ ବାରେ ମାହାପୁରୁ ତାଣାଟି ଆହାମାନେ, ଏଞ୍ଜାସି କ୍ରୀସ୍ତ ତାଣାଟି ମାଙ୍ଗେ ତାନିତଲେ ଅଡ଼େ ଆଟହା ମାଞ୍ଜାନେସି ଇଞ୍ଜା ତାନିତଲେ ସେବାକିନି ପାଣା ଆଟହାଲି ଏଞ୍ଜାସି ମାଙ୍ଗେ ଦାୟିପତି ହୀହାମାଞ୍ଜାନେସି □

୧୯ ଏ ଆଣ୍ଡିନି ବଲୁ ଇଦି, ମାହାପୁରୁ କ୍ରୀସ୍ତ ତାଣା ଦାର୍ତତି ତାନିତଲେ ଆଟହାମାତେସି; ଏଞ୍ଜାସି ଦାର୍ତତି ଲକ୍ଷୁତି ଦହୁ ଆହୁଆନା ଏ ଆଣ୍ଡିନି ବଲୁତି ମା ତାଣା ହେରପା ମାଞ୍ଜାନେସି □

୨୦ ଏଦାଆଁତାକି ମାହାପୁରୁ ମା ଝାକିଟି ହାଡ଼ିମାଞ୍ଜାନାକି ମାର କ୍ରୀସ୍ତତି ଝାକିଟି ରାଜାତି କାବୁ ଝେହ୍ନାତାୟି ଆହାମାନାୟି; କ୍ରୀସ୍ତ ତଲେ ମାର

ବାତିମାଲି ମାଞ୍ଜାନମି, ମାହାପୁରୁ ତଳେ ଅଡ଼େ ଆଣ୍ଡାଦୁ □

୨୧ ଇତିହାସ କ୍ରୀଷ୍ଣକି ଇଚାୟି ପାପୁ ହିଲାଆତି ଜିକେଏ, ମାହାପୁରୁ ତାଙ୍ଗେ ମା. ତାକି ପାପୁ ଗାଟାଣିଲେହେଁ କିତେସି, ମାର ଏନିକ ତାନିତଲେ ଆଣ୍ଡାନା ମାହାପୁରୁତି ଦାର୍ମତା ଆଣ୍ଡାଲି ଆଡ଼ିନାୟି □



୧ ମାହାପୁରୁ ତଳେ ଆଣ୍ଡା ଆହାନା କାମା କିହିମାନାକି ମାମ୍ମୁମିଙ୍ଗେ ବାତିମାଲି ମାଞ୍ଜାନମି, ମୀ ଜୀଝୁତା ମାହାପୁରୁତି କାର୍ମାମେହନାଣି ଉଜେଏ କିଆଦୁ □

୨ ମାହାପୁରୁ ଏଲେଇଞ୍ଜି ମାନେସି,
“ମିଙ୍ଗେତାକି କାର୍ମା ମେସାନି ଦିନା ଖାହାଲିଏ ନାନୁ ମୀ ଗହାରା ଖେଚେଏ,
ଗେଲପିନି ଦିନା ନାନୁ ମୀ ସାୟେମି ଆୟାତେଏ”
ମେହଦୁ, ଇଦି ଆହିମାନେ ମାହାପୁରୁତି କାର୍ମାମେହନାଣି ବେଟାଆନ୍ତି ବେଲା □ ନୀଞ୍ଜୁ ଆହିମାନେ ଗେଲପିଆନ୍ତି ଦିନା □

୩ ଏନିକ ମା. ସେବା କାମା ନିନ୍ଦା ଆଏ, ଏଦାଆଁତାକି ମାମ୍ମୁ ଆମ୍ବାଆରି କାମାତା ବାଦା ହାଆପ ଇଞ୍ଜି ଅଣ୍ଡପିମାନମି □

୪ ଏଦାଆଁତାକି ମାମ୍ମୁ ବାରେବେଲା ମାହାପୁରୁତି ସେବା କିନାରା ଲେହେଁ ତସାକତିମାନମି, ସାମା ଆଟ୍‌ଝା ତଳେ ବାରେଲେହେଁତି ବାଦାତା, ହିଲାଆ ବେଲାତା କସ୍ତୁ ଅରହିମାନମି,

୫ *ମାମ୍ମୁ ମୁାଡ଼ା ବେଟାଆହାନା, କାୟିଦିତା, ଲକୁ ନକିତା ନିନ୍ଦା ବେଟାଆହାନା, ଇଞ୍ଜା ଖାହୁ କାମାତା, ଇଦା କିଆନା, ରାନ୍ଦା ତିନାଆନା ମାଟମି,

୬ ସୁଦୁଟି, ବୁଦିଟି, ଅରହିନି ତାଣାଟି, କାର୍ମାମେହନି ତାଣାଟି, ସୁଦୁଜୀଝୁତା, କୁଟୁ ହିଲାଆନା ଜୀଝୁନନାୟି,

୭ ଅଡ଼େ ସାତା ନେହଁ ବଲୁତା, ମାହାପୁରୁତି ବାଡ଼ୁରୁ ତଳେ, ଚିଃନି ଚେଟ୍ଟି କେୟୁଟି ଦାର୍ମୁତି ସାଜୁ ତଳେ,

୮ ଗାଝୁରମି ଅଡ଼େ ଅପାଆ ତାଣା, ମାମ୍ମୁ ମାନି ବେଟାଆହି ମାନମି ଇଞ୍ଜା ଲାଜା ବେଟାଆହି ମାନମି; ଇଞ୍ଜା ନାଡ଼ିକିଞ୍ଜି ଆହିମାନମି, ଆଡ଼ିଜିକେଏ ସାତା ଗାଟାତମି □

୯ ପୁଣ୍ଡି ଆଆତି ଲକୁ ଲେହେଁ, ଆଡ଼ି ଜିକେଏ ନେହଁ ପୁଣ୍ଡିଆଡ଼ି ଲକୁ, ହାଡ଼ାରି ଲେହେଁ ଆଡ଼ି ଜିକେଏ ମେହଦୁ ମାମ୍ମୁ ନୀତାମାନମି, ମାମ୍ମୁ ତଣ୍ଡ ବେଟାଆହାମାନମି ସାମା ହାହା ହିଲଅମି,

୧୦ ମାମ୍ମୁ ଦୁକୁତଲେ ମାଟିହଁ ଜିକେଏ ବାରେବେଲା ରାହା ତଳେ ମାନମି, ମାମ୍ମୁ କାକୁଲି ଗାଟାତମି ଲେହେଁ, ସାମା ହାରେକା ଲକୁତାକି

ବାଡ଼କା ମାନମି, ମାଙ୍ଗେ ଏନାୟି ହିଲାଆଲେହେଁ ସାମା ମାମ୍ମୁ ସାତାତଲେ ବାରେତି ଅଦିକାରା ଗାଟାତମି; ଇ ବାରେତାଣା ମାମ୍ମୁ ମାହାପୁରୁତି ସେବା କିନାତମି ଲେହେଁ ଜାହାରାଈ ଜଗେ ଗାଟାତମି ଇଞ୍ଜି ତସାକତି ମାନମି □

୧୧ କରନ୍ତିତା ମାନି ଜୀଝୁତି ତାୟିୟା ଅଡ଼େ ତାଙ୍ଗିସ୍ତାତେରି, କୁଟୁ ହିଲାଆଲେହେଁ ମିଙ୍ଗେ ବାରେ ଖେସା ମାଞ୍ଜାନମି □ ମୀ ତାଣା ମା. ହିୟା ଦେଟାମାନମି □

୧୨ ମିଙ୍ଗେତାକି ମା. ଜୀଝୁନନାୟି ଉଣା ଆହା ହିଲେଏ ସାମା ମା. ତାକି ମୀ ଜୀଝୁନନାୟି ଉଣା ଆହାମାନେ □

୧୩ ମିଙ୍ଗେ ନା ମୀରକା ମାସ୍କା ଇଞ୍ଜି ଅଣ୍ଡପାନା ଇ ବାରେ ଖେସିମାଞ୍ଜାଈ, ମାମ୍ମୁ ଜୀଝୁନହଁ ମାଞ୍ଜାନାକି ମୀ ହିୟା ଦେପି ଆପେ □

ଲାଗେଏ ତାଣାଟି ଜାଗ୍ରାତା କିନାୟି

୧୪ ମୀରୁ ନାମାଆଗାଟାରି ତଳେ ରଲେଏତାତେରି ଆଡ଼ି ଲେହେଁ କାମା କିଆଦୁ, ଦାର୍ମୁ କାମାତା ଲାଗେଏତି କାମା ଏନିକ ଆଣ୍ଡିନେ ? ଅଡ଼େ ଆନ୍ଦେରି ତଳେ ଉଜେଡ଼ି ଏନିକ ଆଣ୍ଡିନେ ?

୧୫ କ୍ରୀଷ୍ଣ ଇଞ୍ଜା ବିଲିୟାର ଏନିକ ଜାଟୁ ଆନେରି ? ନାମିତାରି ଇଞ୍ଜା ନାମାଆତାରି ଆମିନି କାତାତା ରଣ୍ଡିଏ ଆନେରି ?

୧୬ *ମାହାପୁରୁତି ଇଲୁତା, ଏନିକ ପେଶକାତି ପୂଜା ଆନେ ? ସାମା ମାର ନୀତାମାନି ମାହାପୁରୁତି ଇଲୁତାୟି, ଇତିହାସ ମାହାପୁରୁ ତାନୁଏ ଏଲେଇଞ୍ଜା ମାନେସି,

“ନା ଲକୁତଲେ ନାନୁ ବାସା କିଈ,
ଅଡ଼େ ଏଞ୍ଜାରିତଲେ ମାଈ,
ନାନୁ ଏଞ୍ଜାରି ମାହାପୁରୁ ଆଈ,
ଅଡ଼େ ଏଞ୍ଜାରି ନା ଲକୁ ଆନେରି □”

୧୭ ଏଦାଆଁତାକି ପ୍ରବୁ ଏଲେଇଞ୍ଜି ମାନେସି,
“ମୀରୁ ଏଞ୍ଜାରି ତାଣାଟି ହଡ଼ା ଖାଦୁ,
ଏଞ୍ଜାରି ତାଣାଟି ଏଟକା ଆଦୁ,
ଏନି ଲାଗେଏତି ଦିଶ୍‌ସୁ ତୀଗାଆଦୁ,
ଆତିହଁ ନାନୁ ମିଙ୍ଗେ ଆବାଈ,

୧୮ ନାନୁ ମୀ ଆବା ଆଈ,
ଅଡ଼େ ମୀରୁ ନା. ମୀରକା ମାସ୍କାତେରି ଆଦେରି,
ବାରେକିହାଁ ବାଡ଼ୁରୁଗାଟି ପ୍ରବୁ ଇଦାଆଁ ଖେସିମାଞ୍ଜାନେସି □”



୧ ଇତିହାସ, ଏ ତାୟିୟା ଅଡ଼େ ତାଙ୍ଗିସ୍ତାତେରି, ଇ ବାରେ ଆଞ୍ଜାମାଟାଣି ମେଡ଼ା ଆହାମାନାକି ଖାଦୁ, ମାର ମା. ଆଙ୍ଗା ଅଡ଼େ ଜୀଝୁତି ଲାଗେଏ ତାଣାଟି

* ୭:୫ ୭:୫ କାମା ୧୭:୨୩ * ୭:୧୭ ୭:୧୭ ୧କର ୩:୧୭; ୭:୧୯

ଆବହା କଡ଼ିନ, ଇଞ୍ଜା ମାହାପୁରୁଇଁ ଆଜାନା ସୁଦ୍ଧା ମାଣ୍ଡକିତା ନେହଁ ଆନୁ □

ପାଞ୍ଚୁଲତି ରାହଁ

୨ ମୀ ହିୟାତା ମାଙ୍ଗେ ଚାୟୁ ହିୟାଦୁ, ମାୟୁ ଆମ୍ବାଆରାଇଁ ଲାଗେଏ କିହାହିଲଅମି, ଆମ୍ବାଆରାଇଁ ନାସା କିହାହିଲଅମି କି ଆମ୍ବାଆରାଇଁ ବୁଡ଼଼ି କିହାହିଲଅମି □

୩ ନାନୁ ମିଙ୍ଗେ ଦହୁ ଦସାଲି ଇଦାଆଁ ଝେସିମାଞ୍ଜାଅଁ; ଇଚିହଁ ନାନୁ ତଲିଏ ଝେସାମାଞ୍ଜାଇଁ, ମୀରୁ ମା ହିୟାତା ଏଚେକା ଚାୟୁ ବେଟାଆହାମାନାକି ମାର ହାଡ଼ିହଁ ରଣ୍ଡିଏ ତାଣା ହାନ, ନୀଡ଼ିତିହଁ ରଣ୍ଡିଏ ତାଣା ନୀଡ଼ିନ □

୪ ମୀ ତାଣା ନାଙ୍ଗେ ହାରେକା ନାନୁ ମାନେ, ମିଙ୍ଗେତାକି ନାଙ୍ଗେ ହାରେକା ବଡ଼ପଣ ହଡ଼ି ମାଞ୍ଜାନେ; ନାନୁ ଦୁକୁ ତୁକହା ମାଇଁ, ମା ବାରେ କସ୍ତା ନାନୁ ସାସା ଆହାମାଇଁ, ଅଡ଼େ ନା ହିୟାତା ରାହଁ ହଡ଼ିମାଞ୍ଜାନେ □

୫ *ମାକିଦନିୟାତା ଏଜାଲିଏ ଜିକେଏ ପାଙ୍ଗାତା ଗଡ଼ହା ବିଡ଼ା ଆଜି, ଇଲେତି କସ୍ତ ବେଟାଆହାଲିଏ ମା ଆଙ୍ଗା ଜିକେଏ ଜମାଲି ପୁଃଆତେ □

୬ ସାମା ହେଲା ଗାଟାରାଇଁ ସାସା ହାନି ତିତସଇଁ ମାହାପୁରୁ ପାଣ୍ଡାନା ମାଙ୍ଗେ ସାସା ହିୟାତେସି □

୭ ଖାରଇ ତାନି ଖାଡ଼ାକି ରାହଁ ଆଏ, ସାମା ଏଞ୍ଜାସି ମୀ ତାଣା ହାଜାନା ଏମିନି ସାସା ବେଟାଆହାମାନେସି □ ଏମ୍ବାଟି ମାଙ୍ଗେ ସାସା ହିୟାତେସି, ଏଚେକା ନାଙ୍ଗେ ମେସାଲି ମୀରୁ ଅଣ୍ଡିମାଞ୍ଜେରି, ଏଚେକା ମୀରୁ ଦୁକୁ କିହିମାଞ୍ଜେରି, ମୀରୁ ନା ତାଣା ବାସୁ ଇଟାଲି ଏଚେକା ତିୟାରା ଆହାମାଞ୍ଜେରି, ଏଦାଆଁତାକି ନାନୁ ନୀଏଁ ହାରେକା ରାହଁ ଆହିମାଇଁ □

୮ ନାନୁ ନା ତଲିତି ଆକୁତା ମିଙ୍ଗେ ଦୁକୁ ହାହାମାଞ୍ଜାତିହଁ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ ଗାଡ଼େକା ତାକି ମିଙ୍ଗେ ଦୁକୁ ହାହା ମାଞ୍ଜାନାଣି ମେସାନା ନାନୁ ଦୁକୁ ଆଡ଼ିଜିକେଏ

୯ ନୀଏଁ ରାହଁ ଆହିମାଇଁ, ମୀରୁ ନୀଏଁ ଦୁକୁ ଆଡ଼େରି ଏଦାଆଁତାକି ଆଏ, ସାମା ମୀ ଦୁକୁ ମିଙ୍ଗେ ମନ ଝେଟ୍ପି କିତାକି ରାହଁ ଆହାମାଇଁ; ଇଚିହଁ ମା ତାଣାଟି ମୀଦି ଏନାୟିଞ୍ଜା ବୁଡ଼଼ି ଆଆପେ, ଏଦାଆଁତାକି ମୀରୁ ମାହାପୁରୁ ତାଣାଟି ଦୁକୁ ବେଟା ଆହାମାଞ୍ଜେରି □

୧୦ ମାହାପୁରୁ ତାଣାଟି ଖାନି ଦୁକୁ ଗେଲ୍ପାଲିତାକି ମନ ଝେଟ୍ପି କିଞ୍ଜିକନେ, ଏଦାଆଁତାକି ଅଣ୍ଡିନାୟି ଲଡ଼ା ହିଲେଏ; ସାମା ଇ ଦାରତିତି ଦୁକୁ ହାଞ୍ଜିକନେ □

୧୧ ମେହୁଦୁ ମାହାପୁରୁତି ମନତଲେ ଆମିନି ଦୁକୁ ବେଟାଆଡ଼େରି, ଏଦି ମୀ ତାଣା ଏଚେକା

ରାହଁଗାଟାୟି, ହାଅ, ମୀ ଦହୁ ହିଲାଆଗାଟାଣି ତସାମାନେ, ହାଅ ଏଚେକା ଅଣ୍ଡିପୁ, ଏଚେକା ଆଜି, ଏଚେକା ମନ, ଏଚେକା ସେବା, ଲାଗେଏତାଣି ତଣ୍ଡ ହାହାଲି ଏଚେକା ଅଣ୍ଡିପୁ, ଏ ବାରେ ତାଣାଟି ମୀରୁ ଅବହାତେରି ଇଞ୍ଜା ତଞ୍ଜା ଆହିମାଞ୍ଜେରି □

୧୨ ଇଦାଆଁତାକି ନାନୁ ମୀ ତାଣା ଏ ଆକୁ ରାଡ଼ିତେଏଁ, ଆତିହଁ ଜିକେଏ ଆମ୍ବାଆସି ଲାଗେଏ କିହାମାନେସି, କି ଆମ୍ବାଆସି ଲାଗେଏତାଣି ଅବହା ମାନେସି, ଏଞ୍ଜାଣାକି ରାଡ଼ିତେଏଁ, ଏଦି ଆଏ, ସାମା ମାଙ୍ଗେ ତାକି ମୀ ରାହଁ ଏନିକଁ ମାହାପୁରୁ ନକିତା ମୀ ତାଣା ସାତେଏ ଇଞ୍ଜା ତଞ୍ଜାଆନେ, ଏଦାଆଁତାକି ରାଡ଼ିତେଏଁ □ ଇଚିହଁ, ମାୟୁ ସାସା ବେଟାଆହାମାନମି □

୧୩ ଅଡ଼େ ମା ବାସୁତା ମାୟୁ ତିତସ ରାହଁତାକି ହାରେକା ରାହଁ ଆଡ଼ମି, ଇଚିହଁ ଏଞ୍ଜାଣି ଜୀଞ୍ଜୁ ମୀ ବାରେ ଜାଣା ତାଣାଟି ରାହଁ କିହାମାଞ୍ଜେରି □

୧୪ ଆତିହଁ ଏନି କାତା ତିତସ ତାଣା ମୀ ତାକି ନାନୁ ବଡ଼ପଣ କିହାମାଇଁ, ଆତଁ ଲାଜା ଆହାହିଲଅଁ, ସାମା ଏନିକଁ ମାର ବାରେ କାତାତା ମିଙ୍ଗେ ସାତା ଝେସାମାଞ୍ଜାତମି, ଏଲେକିହଁ ତିତସ ନକିତା ମା ବଡ଼ପଣ ଆନାୟି ଜିକେଏ ସାତା ଇଞ୍ଜା ପୁଣ୍ଡିଆହାମାନେ □

୧୫ ଇଞ୍ଜା ମୀରୁ ଏନିକଁ ଆଜି ଅଡ଼େ ତୀରୁଗିହଁ ଏଞ୍ଜାଣାଇଁ ଆବାହାଁ ଏଞ୍ଜାଣି ତାଣା ବାରେଜାଣା ତେରି ମାନଞ୍ଜି ଆଡ଼େରି, ଏ ବାରେ ଅଣ୍ଡିପାନା ମିଙ୍ଗେତାକି ତାନି ହିୟାତା ଜୀଞ୍ଜୁନନାୟି ହାରେକା ପାତା ଆଡ଼େ □

୧୬ ନାନୁ ବାରେ ତାଣାଟି ମିଙ୍ଗେ ହାରେକା ନାମାଲି ଆଡ଼ାଇଁ ଏଦାଆଁତାକି ନାଙ୍ଗେ ହାରେକା ରାହଁ ହଡ଼ିମାଞ୍ଜାନେ □

୮

କ୍ରୀସ୍ତାନା ଲକୁ ଦାନା ହାନାୟି

୧ ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି, ମାକିଦନିୟା କୁଲମିକାଣା ମାହାପୁରୁ ହାହାମାନି କାର୍ମାମେହନାଣି ବେଟାଆହାମାନେ, ଏଦାଆଁ ମାୟୁ ମିଙ୍ଗେ ଝେସିମାଞ୍ଜାନମି;

୨ ଏଞ୍ଜାରି ବେଟାଆହାମାନି ହାରେକା କସ୍ତତଲେ ତାୟିପାରି କିଞ୍ଜି ଆହାମାନେରି; ଏଞ୍ଜାରି ହାରେକା ହାକି କାକୁଲି ଗାଟାରି ଇଚିହଁ ଜିକେଏ; ଜାହାରା ଅଣ୍ଡିପୁ ତଲେ ତାମି ଦାନା ହାନି ତାଣା ଏଞ୍ଜାରି ରାହଁ ହାରେକା ମାତେ □

୩ ଏଦାଆଁତାକି ଇଚିହଁ ନାନୁ ସାକି ହାହିମାଇଁ, ଏଞ୍ଜାରି ଆଡ଼ିନି ପାତେକା, ସାମା ଏଞ୍ଜାରି ଆଡ଼ିନି ବାଡ଼ୁୟୁ କିହାଁ ଜିକେଏ ହାରେକା ଗାଡ଼ି ଦାନା ହାହାମାନେରି □

☆ ୭:୫ ୭:୫ ୨କର ୨:୧୩

୪ ଜୀବୁଦାତା ମାନି ମାହାପୁରୁ ଲକ୍ଷ୍ମି ସେବା କାମାତା ଆଶୁଖିଆନ୍ତି କାର୍ମାମେହନାଣି ମେଡ଼ା ଆହାଲିତାକି ଏଞ୍ଜାରି ଜାହାରା ଅଣ୍ଠୁ ତଳେ ବାଡ଼ିମାଲିହୁଁ ମାଙ୍ଗେ ହେଲ ରୀସ୍ତାତେରି;

୫ ଏଞ୍ଜାରି ଖାରୁଇ ମା ଆସା କିହାମାନିଲେହେଁ କିହାହିଲାଆତେରି, ସାମା ମାହାପୁରୁ ମନତଳେ ସାଲୁଖି ଆହାନା ତଲିଏ ଜାହା ଜାହାରାଇଁ ପ୍ରବୁ ତାଣା ଇଞ୍ଜା ମା ତାଣା ହେରପାତେରି □

୬ ତିତସ ମୀ ତାଣା ଏ କାର୍ମାମେହନି କାମା ଏନିକିହୁଁ ମାଟୁହା ମାଟେସି, ଏଲେକିହୁଁ ଏ ଏଦାଆଁ ରାପୁହାଲି ଏଞ୍ଜାଣାଇଁ ସାସା ହୀତମି □

୭ ମୀରୁ ବାରେ ତାଣାଟି ନକିତା ଆହାମାଞ୍ଜେରି, ଇତିହୁଁ ନାମୁ, କହୁଗାଟାରି, ବୁଦି ଇଞ୍ଜା ବାରେଲେହେଁତି ରାହା, ମିଙ୍ଗେତାକି ମା ଜୀଞ୍ଜନନାୟି, ଏଲେକିହୁଁ ବାରେ କାତା ଏନିକିହୁଁ ମୀ ତାଣା ହାରେକା ତଞ୍ଜା ଆହିମାନେ, ଏଲେକିହୁଁ ଏ ଇ କାର୍ମାମେହନି କାମା ଜିକେଏ ମୀ ତାଣା ହାରେକା ତଞ୍ଜାଆପେ □

୮ ନାନୁ ହୁକୁମି ହୀନି ଲେହେଁ ଝେସିମାଞ୍ଜାଅଁ, ସାମା ଅର ଲକ୍ଷ୍ମି ରାହାଁ ଆହାଲି ତସାନା ମୀ ଜୀଞ୍ଜନନାୟି ସାତା କି ଆଏ ତାୟିପାରି କିହାଲି ଝେସିମାଞ୍ଜାଇଁ □

୯ ଇତିହୁଁ ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ମୀରୁ ପୁଞ୍ଜାମାଞ୍ଜେରି, ମୀରୁ ଏନିକିହୁଁ ଏଞ୍ଜାଣି ହିଲାଆଗାଟି ତାଣାଟି ଦନ ଗାଟାତେରି ଆଦେରି, ଏଦାଆଁତାକି ଏଞ୍ଜାସି ଦନଗାଟାସି ଆଡ଼ିଜିକେଏ ମୀ ତାକି ହିଲାଆଗାଟାସି ଆଡ଼େସି □

୧୦ ଏଦାଆଁତାକି ନା ଅଣ୍ଠୁ ଇଦି, ଏ ବାରେ ମିଙ୍ଗେତାକି ନେହେଁ, ଏନିକିହୁଁ ତାଣ୍ଡୁରିଏ ମୀରୁ ମୂଲୁଏ କାମା ମାଟୁହେରି, ଏଦି ଆଏ, ସାମା ଏ କାମା କିୟାଲି ନକେଏ ଜିକେଏ ଅଣ୍ଠାମାଟେରି □

୧୧ ନୀଏଁ ଏ କାମା ଜିକେଏ ରାପୁଦୁ, ମୀରୁ ଏ କାମା କିହାଲି ଏନିକିହୁଁ ଅଣ୍ଠାମାଟେରି, ଏଲେକିହୁଁ ରାହାଁତି ଅଣ୍ଠୁ ତଳେ ଏ କାମା ରାଢେନ □

୧୨ ଇତିହୁଁ ହୀହାଲିତାକି ରାହାଁ ମାତିହୁଁ ମାଣ୍ଡସି ତାନି ଆଡ଼ିନିଲେହେଁ ଏନାଆଁ ହୀନେସି, ମାହାପୁରୁ ନକିତା ନେହାୟି ଆଢେନ □

୧୩ ଇତିହୁଁ ଏଟକାତାରି ଏନିକିହୁଁ ସୁକୁ ବେଟାଆନେରି, ଇଞ୍ଜା ମୀରୁ କସ୍ତ ବେଟାଆଦୁ, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଅଁ;

୧୪ ସାମା ସମାନା ଆହାଲିତାକି ନୀଏଁ ମୀ ବାଡ଼କୁ ତଳେ ଏଞ୍ଜାରି ଲଡ଼ା ମାନାଣି କିଞ୍ଜି ଆହିମାନେ, ଏନିକିହୁଁ ଏଞ୍ଜାରି ବାଡ଼କୁ ତଳେ ମୀ ହିଲାଆଗାଟାଣି ପୁରା କିଞ୍ଜିଆନେ, ଇଞ୍ଜା ଇଲେଆହୁଁ ସମାନା ତଞ୍ଜାଆନେ,

୧୫ ଦାର୍ମପତିତା ଏନିକିହୁଁ ରାସ୍ତି ଆହାମାନେ, “ଆମ୍ବାଆସି ହାରେକା କୃତି କିତେସି, ଏଞ୍ଜାଣିଞ୍ଜାୟି ହାରେଆତେ, ଇଞ୍ଜା ଆମ୍ବାଆସି ଉଣା କୃତି କିତେସି, ଏଞ୍ଜାଣାକି ଉଣା ଆଆତେ □”

ତିତସ ଅଡ଼େ ତାନି ଆଟୁହିତାରି

୧୬ ମାହାପୁରୁକି ଜହରା ଆପେ, ଏଞ୍ଜାସି ମିଙ୍ଗେତାକି ତିତସ ହିୟାଁତା ରାହାଁ କିହାଲି ସମାନା ଅଣ୍ଠପିନି ମନ ହୀତେସି □

୧୭ ଇତିହୁଁ ଏଞ୍ଜାସି ଖାରୁଇ ମା ବାଡ଼ିମାଲିତାଣି ଅପିତେସି, ଏଦି ଆଏ, ସାମା ଏଞ୍ଜାସି ତାନୁଏ ହାରେକା ରାହାଁ ଆହାଁ ମୀ ତାଣା ଖାହାଲି ଏଞ୍ଜାସି ମନ କିହିମାନେସି □

୧୮ ଏଞ୍ଜାଣିତଳେ ମାମୁ ଅର ତାୟିଇଁ ପାଣ୍ଡିମାଞ୍ଜାନମି; ଏଞ୍ଜାସି ନେହୁଁ କାବୁ ଝେକନି କାମାତାକି ତାନି ଗାଞ୍ଜୁରମି ବାରେ କ୍ରୀସ୍ତାନା କୁଲମିତା ଝେଙ୍ଗାମାନେ,

୧୯ ଖାରୁଇ ଏଦି ଆଏ, ସାମା ଏଞ୍ଜାସି ଜିକେଏ ମା ସେବା ତଳେ ଆହିମାନି ଇ କାର୍ମାମେହନି କାମା ତଳେ ପ୍ରବୁତି ଗାଞ୍ଜୁରମି ଇଞ୍ଜା ରାହାଁ ଅଣ୍ଠୁ ତାକି ମା ତଳେ ତାକିନାସି ଆହାଲିତାକି କୁଲମିକା ତଳେ ଆଡ଼ି ଆହାମାନେସି □

୨୦ ମା ତଳେ କିହିମାନି ଇ ସେବା କାମା ଲେହେଁ ହାରେକା ଦାନାତି କାତାତା ଆମ୍ବାଆସି ଏନିକିହୁଁ ମାଙ୍ଗେ ଦହ ଦସ୍ତାଆପେସି, ଏଦାଆଁତାକି ଜାଗ୍ରାତା ଆହିମାନମି;

୨୧ ଇତିହୁଁ ଖାରୁଇ ପ୍ରବୁ କାନୁତାକି ଆଏ, ସାମା ଲକୁ କାନୁତାକି ଜିକେଏ ଏନାୟି ନେହାୟି, ଏଦାଆଁ ବାରେ କିହାଲି ଅଣ୍ଠପିମାନମି □

୨୨ ଅଡ଼େ, ମାମୁ ମା ଅର ତାୟିଇଁ ଜିକେଏ ଏଞ୍ଜାରିତଳେ ପାଣ୍ଡିମାଞ୍ଜାନମି, ଏଞ୍ଜାଣାଇଁ ମାମୁ ହାରେକା କାତାତା ହାରେକା ଦେବା ତାୟିପାରି କିହାଁ ରାହାଁତଳେ କାମାକିନାସି ଇଞ୍ଜା ନେହୁଁକି ପୁଞ୍ଜାମାନମି, ଇଞ୍ଜା ମୀ ତାଣା ଆଟୁଞ୍ଜା ନାମୁ କିହାଁ ମାନାକି ଏଞ୍ଜାସି ନୀଏଁ ହାରେକା ରାହାଁ ଆହାମାନେସି □

୨୩ ତିତସ କାତା ଆମ୍ବାଆସି ଝେଞ୍ଜାତିହୁଁ, ଏଞ୍ଜାସି ନା ଆଟୁହିତାସି ଇଞ୍ଜା ମୀ ତାକି ନା ତଳେ କାମାକିନାସି; ଇଞ୍ଜା ମା ତାୟିୟାଁ କାତା ଝେଞ୍ଜାତିହୁଁ, ଏଞ୍ଜାରି କୁଲମିକା ତାଣାଟି ପାଣ୍ଡି ଆହାମାନାରି, ଅଡ଼େ କ୍ରୀସ୍ତତି ଗାଞ୍ଜୁରମି ଝେଙ୍ଗି କିହି ମାନାରି □

୨୪ ଇତିହୁଁ ମୀ ଜୀଞ୍ଜନନାୟି ଇଞ୍ଜା ମୀ କାତାତା ମା ବଡ଼ପଣତି ପାରମାଣା କୁଲମିକା ନକିତା ଏଞ୍ଜାରାକି ତହୁଦୁ □



ହାକିଗାଟି କ୍ରୀସ୍ତାନା ଲକୁଣି ସାଢ଼େମି

୧ ଜୀହ୍ୱଦାତା ମାନି ମାହାପୁରୁ ଲକ୍ଷ୍ମୀ ସାୟେମି କିନି କାତା ଅଡ଼େ ମିଙ୍ଗେ ରାଚାଲି ଲଡ଼ା ଆଏ;

୨ ନାନୁ ପୁଞ୍ଜାମାଙ୍କ ମୀରୁ ବାରେବେଲା ସାୟେମି କିହାଲି ତିୟାରା ଆହାମାଞ୍ଜେରି ଇଞ୍ଜା ମାକିଦନିୟାତି ଲକ୍ଷ୍ମୀ ତାଣା ମୀ ତାକି ନାନୁ ବତପଣ ଆହିମାଙ୍କ □ ନାନୁ ଖେସାମାଚେଏ, “ଆକାୟାତି ତାୟିୟା ସାୟେମି କିହାଲି ହାତି ବାର୍ଯ୍ୟାଟିଏ ତିୟାରା ଆହାମାନେରି □” ମୀରୁ ଏଲେକ୍ସ ସାୟେମି କିନାୟି ଏଞ୍ଜାରି ବିତ୍ରାଟି ହାରେକା ଲକ୍ଷ୍ମୀ ଜାଗ୍ରାତା କିହାମାନେ □

୩ ଆଡ଼ିଜିକେଏ ନାନୁ ତାୟିୟାଙ୍କ ପାଣ୍ଡିମାଞ୍ଜାଙ୍କ, ମୀ ତାକି ବତପଣ ତହନାୟି ଏନିକ୍ସ ଉଜେଏ ଆଏ, ସାମା ନା କାତାଲେହେଁ ହାହାଲିତାକି ଜାଗ୍ରାତା ଆଦୁ,

୪ ଏଡ଼େତା ଆପେ ନା ତଲେ ଆମିନି ଲକ୍ଷ୍ମୀ ପାଟେ ମାକିଦନିୟାତି ଖାହାଁ ମୀ ଦାନା କୃତି କିହା ହିଲାଆ ଗାଟାଣି ମେସ୍ତୁହ୍ ମୀରୁ ପାଣ୍ଡି ଲାଜା ପିସାନା ମାମ୍ ଲୁ ଆବ୍ଝା ନାମୁତି କାତାତାକି ଲାଜା ବେଟାଆନିମି

୫ ମୀରୁ ତଲିଏ ଆଞ୍ଜାମାଟି ଦାନା ଏନିକ୍ସ ଗୁରୁମୁରୁ ଆହ୍ ହାନାୟି ଆଆନା ଜାହାରା ଅଣ୍ପୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୃତିକିହାଲି ତିୟାରା କିହାଲି ନକେଏ ମୀ ତାଣା ହାଜାଲିତାକି ନାନୁ ଏ ତାୟିୟାଣି ବାତିମାଲାଲି ଅଣ୍ପାମାଚେଏ □

୬ ସାମା ଇ କାତା ସାତା, ଆମ୍ବାଆସି ରଚାଣି ବିଚା ମାଟିନେସି, ଏଞ୍ଜାସି ଇଚାଣି ତାସା ବେଟା ଆନେସି; ଅଡ଼େ ଆମ୍ବାଆସି ଗାଡ଼ି ବିଚା ମାଟିନେସି, ଏଞ୍ଜାସି ଗାଡ଼ି ତାସା ବେଟାଆନେସି □

୭ ବାରେଜାଣା ଜାହାରା ହିୟାଁ ଏନିକ୍ସ ଅଣ୍ପା ମାନେ, ଏଲେକ୍ସ କିପେରି, ମୁସ୍ତି କି ବାଲାମାତମି ତଲେ ଆଏ; ଏଦାଆଁତାକି ଇଚିହ୍ ମାହାପୁରୁ ଜାହାରା ଅଣ୍ପୁ ତଲେ ଦାନାହାନି ଲକ୍ଷ୍ମୀ ଜୀଝୁ ନନେସି □

୮ ଅଡ଼େ, ବାରେ ଦିଶସୁ ବାରେବେଲା ହାରେପୁରେ ବେଟାଆହାଁ ମୀରୁ ଏନିକ୍ସ ବାରେ ନେହ୍ କାମାତାକି ହାରେକା ଇଞ୍ଜା ହାରେକା ଦାନା କିହାଲି ଆଡ଼ିଦେରି, ଏଦାଆଁତାକି ମାହାପୁରୁ ମିଙ୍ଗେ ବାରେଲେହେଁଟି କାର୍ମା ହାରେପୁରେ ହାହାଲି ଆଡ଼ାନେସି □

୯ ଦାର୍ମପତିତା ରାସ୍ତି ଆହାମାନେ,

“ଏଞ୍ଜାସି କେୟୁ ଦେଚାନା ଦାନା ହାହାମାନେସି, ଏଞ୍ଜାସି ହିଲାଆ ଗାଟାଲିକି ହାରେପୁରେ ହାହାମାନେସି; ଏଞ୍ଜାଣି ଦାର୍ମ ଏଚେଲାଞ୍ଜା ରାଏ □”

୧୦ ମାହାପୁରୁ ମାଟିନାଣାକି ବିଚା ଅଡ଼େ ତିଞ୍ଜାଲି ରାହା ହାନେସି, ଏଞ୍ଜାସି ମାଟାଲିତାକି ମିଙ୍ଗେ ବିଚା

ହିୟାନେସି ଇଞ୍ଜା ଏଦାଆଁ ପାଡ଼ିକିନେସି, ଅଡ଼େ ମୀ ଦାର୍ମୁତି ପାଡ଼େୟି ଗାଡ଼ି କିନେସି □

୧୧ ଏଲେକ୍ସ ମୀରୁ ବାରେ ଦିଶସୁତା ବାଡ଼କାନା ଜାହାରା ଅଣ୍ପୁ ତଲେ ଦାନା କିହାଲି ଆଡ଼ିଦେରି, ଇଞ୍ଜା ଏଦି ମା ତାଣାଟି ମାହାପୁରୁଙ୍କ ଜହରା କିନାୟି ଆନେ □

୧୨ ଇଚିହ୍ ଇ ଦାନା ହାନି ସେବା କାମା ମାହାପୁରୁ ଲକ୍ଷ୍ମୀ ଲଡ଼ାମାନାଣି ପୁରା କିହିମାନେ, ଏଦି ଆଏ, ସାମା ଏଦାଆଁ ତଲେ ଜିକେଏ ମାହାପୁରୁତି କାମାତା ହାରେକା ଲକ୍ଷ୍ମୀ ରାହାଁତଲେ ଜହରା କିହିମାନେରି □

୧୩ ଇଚିହ୍ ଇ ସେବା କାମାତି ପାର୍ମାଣା ତାକି ଲକ୍ଷ୍ମୀ ମିଙ୍ଗେ ଆବିମାଞ୍ଜାନି କ୍ରୀସ୍ତୁତି ନେହ୍ କାବୁତି ନାମ୍, ଇଞ୍ଜା ମାହାପୁରୁତି ଲକ୍ଷ୍ମୀ ଅଡ଼େ ବାରେତାକି ମୀ ଆଣ୍ଡିନାୟି ତୀରପୁ ତାକି ମାହାପୁରୁତି ଗାଝୁରମି କିହିମାନେରି □

୧୪ ମିଙ୍ଗେ ମାହାପୁରୁତି ହାରେପୁରେ କାର୍ମାମେହନାଣି ତାକି ଏଞ୍ଜାରି ଜିକେଏ ହାରେକା ରାହାଁତଲେ ପ୍ରାତାନାତା ମିଙ୍ଗେ ଅଣ୍ପିମାଞ୍ଜାନେରି □

୧୫ ମାହାପୁରୁତି ହାରେପୁରେ ଦାନା ତାକି ତାଙ୍ଗେ ଜହରା ଆପେ □

୧୦

ପାଝୁଲ ତାନି ସେବା କାମାତାକି ଖେଣ୍ଡେଖେହନାୟି

୧ ନାନୁ ପାଝୁଲତେଏଁ ମୀ ନକିତା ସାପି ଆହା ମାନାତେଏଁ ସାମା ହେକ ମାନାଟି ବାଡ଼ୟୁ ତହନାତେଏଁ, ନାନୁଏ କ୍ରୀସ୍ତୁତି ସୁଦୁଗାଟି ଅଣ୍ପୁ ତଲେ ମିଙ୍ଗେ ବାତିମାଲିହ୍ ରୀସିମାଞ୍ଜାଙ୍କ,

୨ ହାଅ ନାନୁ ପ୍ରାତାନା କିହିମାଙ୍କ, ମାର ମାଣ୍ଡିତି ଅଣ୍ପୁ ତଲେ ତାକିମାନାୟି ଇଞ୍ଜା ଅଣ୍ପିମାନାରି କପାଟି ବାଡ଼ୟୁ ତସାଲି ଅଣ୍ପାମାଙ୍କ, ଇଞ୍ଜା ନାନୁ ଖାଡ଼ିସାରେ ଏଲେତି ବାଡ଼ୟୁ ତସାଲି ଆଏ;

୩ ମାର ଇ ଦାର୍ତତିତା ଆଙ୍ଗା ତଲେ ନୀତାମାନାୟି ସାତା, ସାମା ମାର ଦାର୍ତତିତି ଅଣ୍ପୁ ତଲେ ଜୁଜୁ କିହି ହିଲାଆୟି,

୪ ଇଚିହ୍ ମା ଜୁଜୁତି ସାଜୁ ଆଙ୍ଗାତି ଜୁତି ତଲେ ଆଏ, ସାମା କାଜା କଟା ଇଲୁ ମେକ୍‌ହାଲି ମାହାପୁରୁ ନକିତା ଏ ବାରେ ବାଡ଼ୟୁ ଆନେ;

୫ ମାମ୍ ମିତି ଅଣ୍ପୁ କାତା ବାରେ ଅଡ଼େ ମାହାପୁରୁତି ରୁଦି କପାଟି ନିଜିନି ବତପଣ ତହନି କାଜା କାତାତି ବାରେ ମେକ୍‌ନମି; ଅଡ଼େ ବାରେଲେହେଁଟି ଅଣ୍ପିନାଣି ଆସାନା କ୍ରୀସ୍ତୁତି ମାନି ଆୟାଲି ଦସ୍ପି କିହିମାନମି □

୬ ଏଚିବେଲା ମୀରୁ ବାରେ ଖାକିଟି ମାନଞ୍ଜି ଆଦେରି, ଏଚିବେଲା ମାମ୍ ମାନଞ୍ଜି ଆଆଗାଟାଣି ବାରେ ତଣ୍ଡୁ ହାନମି □

୭ ମୀରୁ ସାଡ଼ିସୁରୁ ପାଙ୍ଗାତା ତଞ୍ଜା ଆହିମାନାଣି ମେସିମାଞ୍ଜେରି □ ଆମ୍ବାଆସି ଜାହାରାଙ୍କ କ୍ରୀସ୍ତୁତି

୧୧

ଲକ୍ଷ୍ମଣେଷୁ ଇଞ୍ଜି ନାମିନେସି, ଆତିହୁ ଏଞ୍ଜାସି
ଏନିକି କ୍ରୀସ୍ତତି ଲକ୍ଷ୍ମଣ, ମାମ୍ନୁଜିକେଏ ଏଲେକି
କ୍ରୀସ୍ତତି ଲକ୍ଷ୍ମଣ, ଇଦାଆଁ ତାନୁଏ ଅଣ୍ଡପାପେସି □

୮ ଇତିହୁ ମା ଅଦିକାରା ତାକି ନାନୁ ଅଲ୍ପପ
ଗାତି ବତପଣ ତସ୍ତି ଜିକେଏ ଲାଜା ଆଅଁ; ମିଙ୍ଗେ
ନାସଞ୍ଜି କିହାଲି ପ୍ରବୁ ମାଙ୍ଗେ ଅଦିକାରା ହୀଆନା
ମିଙ୍ଗେ ତିୟାରା କିହାଲି ହୀହାମାଞ୍ଜାନେସି □

୯ ନା ରାଡିତି ଆକୁୟା ତଲେ ନାନୁ ମିଙ୍ଗେ
ଆଜିକିହି ମାଞ୍ଜାନେସି ଇଞ୍ଜି ଅଣ୍ଡପାଆଦୁ □

୧୦ “ଏଚରଜାଣା ଏଲେଇନେରି, ପାଞ୍ଜୁଲ ତାନି
ଆକୁ ରାଡିନାଟି ଅଦିକାରା ଅଡେ କାଜା ବାଡ଼ୁୟୁ
ଗାଟାଇ, ସାମା ମା ତଲେ ଆଙ୍ଗାତା ମାନାଟି ଏଞ୍ଜାସି
ବାଡ଼ୁୟୁ ହିଲାଆଗାଟାସି ଅଡେ ତାନି କାତା ବାରେ
ଉଜେଏତାୟି □”

୧୧ ମାମ୍ନୁ ହେକ ମାଞ୍ଜାନା ଆକୁତା ରାଡିନି କାତା
ଏନିଲେହେତାୟି, ମୀ ତଲେ ମାଞ୍ଜାନା କିନି କାମା
ଜିକେଏ ଏଲେତାୟିଏ ଇଞ୍ଜି ଲକ୍ଷ୍ମଣ ଅଣ୍ଡପାପେରି
□

୧୨ ଇତିହୁ ଆମ୍ବାଆରି ଜାହାରାଇଁ ବତପଣ
ତସା କଡିନେରି, ଏଞ୍ଜାରି ତଲେ ମାଙ୍ଗେ ଲେକା
କିହାଲି ଜିକେଏ ମା ସାସା ହିଲେଏ; ସାମା ଏଞ୍ଜାରି
ତାମ୍ନୁତାମି ତାଣାଟି ଜାହାରାଇଁ ଲେକା କିହାନା ବୁଦି
ହିଲାଆଗାଟାରି ତଞ୍ଜା ଆନେରି □

୧୩ ସାମା ମାମ୍ନୁ ହାୟି ଗାଣ୍ଡା ହାଜାନା ବତପଣ
ତହୁଅମି; ମୀରୁ ଜିକେଏ ମାହାପୁରୁ ମାଙ୍ଗେ
ହେରପା ମାଞ୍ଜାନି କାମାଟି ହାୟି ବିତ୍ରା ତାତେରି, ଏ
ଲେକା ତଲେ ବତପଣ କିଦେରି □

୧୪ ଇତିହୁ ମୀରୁ ମା ହାୟି ବିତ୍ରା ହିଲାଆତି
ଲେହେଁ ମାମ୍ନୁ ହାୟି ଗାଣ୍ଡା ମାନମି, ଏଦି ଆଏ;
ଏନିଇତିହୁ କ୍ରୀସ୍ତତି ନେହୁଁ କାରୁ ଝେକ୍‌ହିହି
ମାମ୍ନୁ ମୀ ତାଣା ଜିକେଏ ତଲିଏ ଝାହାମାଟମି;

୧୫ ମାହାପୁରୁ କିହାମାନି ମା କାମାଟି ପାଙ୍ଗାତା
ଏଟକା ଲକ୍ଷ୍ମଣ କାମାତା ବତପଣ କିହିହିଲଅମି,
ସାମା ମାମ୍ନୁ ଆସା କିହିମାନମି ମୀରୁ ନାମୁତା
ପାତା ଆନାଣିତଲେ ମୀ ତାଣାଟି ମା କାମା ଅଡେ
ହାରେକା ପାତା ଆନେ □

୧୬ ମାମ୍ନୁ ଅର ରଅଣି ହାୟି ବିତ୍ରା ଏଞ୍ଜାସି ତଲିଏ
କିହାମାନି କାମାତାକି ବତପଣ ତହୁଆନା, ମାମ୍ନୁ
ମୀ ତାଣାଟି ଅର ଦେସାତା ହାଜାନା ନେହୁଁ କାରୁ
ଝେକ୍‌ହାଲି ଆଡିନମି ଇଞ୍ଜି ଆସା କିହିମାନମି □

୧୭ ସାମା ଦାମ୍ନୁପତିତା ରାସ୍‌କି ଆହାମାନେ,
“ବତପଣ ତହୁନାସି ପ୍ରବୁ କିତି କାମାତାକି ବତପଣ
ତସ୍‌ପେସି □”

୧୮ ଜାହାରାଇଁ ନେହାଁତେଏଁ ଇଞ୍ଜି ଅଣ୍ଡପିନାସି
ଏଞ୍ଜାସି ତାୟିପାରିତା ଜୀଣା ଆଡାସି ଆଏ, ସାମା
ପ୍ରବୁ ଆମ୍ବାଆରାଇଁ ସାତା ନେହାଁସି ଇଞ୍ଜି ଇନେସି
ଏଞ୍ଜାସି ତାୟିପାରିତା ଜୀଣା ଆଡାସି □

ପାଞ୍ଜୁଲ ଅଡେ ମିତି ଜାପ୍‌ନାରି

୧ ନାନୁ ବୁଦି ହିଲାଆ ଗାଟାତେଏଁ ଲେହେଁ
ଇଚେକା ଝେସାଲି ନାଙ୍ଗେ ହେଲ ହିୟାତିହୁ
ନେହେଁ ଇଞ୍ଜି ଅଣ୍ଡପିମାଇଁ, ମୀରୁ ନାଙ୍ଗେ ହେଲ
ହିୟାଦେରି □

୨ ମାହାପୁରୁ ତାକି ହାରେକା ରାହାଁତା ନାନୁ
ମିଙ୍ଗେତାକି ହାରେକା ରାହାଁ, ଇତିହୁ ନାନୁ ମିଙ୍ଗେ
ସୁଦୁ ତାଆ ମାଙ୍ଗାଲେହେଁ ର ତକ୍ରା ତାଣା ଇତିହୁ
କ୍ରୀସ୍ତଇଁ ବାହା ଆୟାଲି କାତା ହୀହାମାଇଁ □

୩ ସାମା ରାବୁ ତାନି ସୁତ୍ରମି ତଲେ ହବାଇଁ ନାଡି
କିତେ, ଏଲେକିହୁ ଏଡେତା ଆପେ ମୀ ମନ
କ୍ରୀସ୍ତ ତାଣା ମାନି ତୀରପୁତାୟି ଇଞ୍ଜା ସୁଦୁତା
ମାନାୟି ନାସା ଆନେ, ଇଦାଆଁ ନାଙ୍ଗେ ଆଜି
ହଡିମାଞ୍ଜାନେ □

୪ ଇତିହୁ ଆମିନି ଜୀସୁଇଁ ମାମ୍ନୁ ଝେକ୍‌ଆତମି,
ଇଲେକିହୁ ଏଟକା ଜୀସୁଇଁ ଆମ୍ବାଆସି ଆପେ
ଝାହାଁ ଝେକ୍‌ନେସି, କି ଆମିନି ସୁଦୁଜୀଞ୍ଜୁ ମୀରୁ
ବେଟାଆଆଡେରି, ଇଲେକି ଏଟକାଟି ର
ସୁଦୁଜୀଞ୍ଜୁ ବେଟାଆଡେରି, କି ଆମିନି ନେହୁଁ
ବଲୁ ମୀରୁ ଆବାଆଡେରି, ଇଲେକି ଏଟକାଟି
ର ନେହୁଁ ବଲୁ ବେଟାଆଡେରି, ଏଲେଆଡିହୁ
ମୀରୁ ଗାତି ଅରୁହିନାଡେରି □

୫ ଇତିହୁ ଏ କାଜାପାଣା ଗାଟି “ପାଣ୍ଡୁ
ଆଡାରି” ତାଣାଟି ନାନୁ ଏନିକିହୁ ଜିକେଏ ଉଣା
ତାତେଏଁ ଆଏ ଇଞ୍ଜି ଅଣ୍ଡପିମାଇଁ □

୬ ସାମା ନାନୁ କାତା ଜଲାଇଁ ପୁନାଆତି
ଜିକେଏ ବୁଦିତା ଉଣାତେଏଁ ଆଏ; ସାତାତଲେ
ମାମ୍ନୁ ବାରେଲେହେଁତି ବାରେ କାତାତା ମିଙ୍ଗେତାକି
ଇଦାଆଁ ଝେସ୍ତାତମି □

୭ ମୀରୁ ଏନିକି କାଜାତେରି ଆଡେରି,
ଏଦାଆଁତାକି ନାନୁ ଜାହାରାଇଁ ଉଣା କିହାକତାନା
ମୀ ତାଣା ଉଜେଏନେଏ ମାହାପୁରୁତି ନେହୁଁ କାରୁ
ଝେକ୍‌ହାତେଏଁ; ଏଲେକିୟାଲିଏ ନାନୁ ଏନି ପାପୁ
କିତେଏଁ □

୮ ମୀ ତାଣା କାମା କିହୁ ମିଙ୍ଗେ ସେବା
କିୟାଲି ଏଟକା କୁଲମିତି ବର୍ତନ ବେଟାଆହାଁ
ଏଞ୍ଜାରି ତାଣାଟି ମାଞ୍ଜା ଅହିମାଚେଏଁ □

୯ ମୀ ତାଣା ମାଟିବେଲା ନାଙ୍ଗେ ଏନାଆଁ
ହିଲାଆତି ଜିକେଏ ଆମ୍ବାଆରାକି ବାଦା
ହୀହାହିଲଅଁ; ମାକିଦନିୟାଟି ଝାଡି ତାୟିୟା ନାଙ୍ଗେ
ଲଡା ଆନାଣି ବାରେ ହିୟାଡେରି, ମିଙ୍ଗେ ବଲୁ
ହୀଆରେଟୁ ନାନୁ ଜାଗ୍ରାତା ଆହାମାଚେଏଁ, ଅଡେ
ଜାଗ୍ରାତା ଆହାଁ ତୁୟିଇଁ □

୧୦ ନା ତାଣା ମାନି କ୍ରୀସ୍ତତି ସାତାଇଁ ସାକି
ଇଟାନା ଝେସିମାଇଁ, ଆକାୟା ଗାଡାୟାତି ନା

ଇ ବଡ଼ପଣତି ଆମ୍ବାଆସି ଜିକେଏ ସାପି କିହାଲି ଆଡ଼ଅରି ଏନାଆଁକି ?

୧୧ ନାନୁ ମିଙ୍ଗେ ଜୀଝୁନହୁଁ ମାଞ୍ଜାଆକି କି ? ମାହାପୁରୁ ପୁଞ୍ଜାମାନେସି ନାନୁ ମିଙ୍ଗେ ଜୀଝୁ ନହୁଁ ମାଞ୍ଜାଇଁ ।

୧୨ ସାମା ବଡ଼ପଣ ଆନିତାଣା ମା ଲେହେଁ ତଞ୍ଜାଆହାଲି ଆମିନି “ଉଜେଏତି ପାଣ୍ଡୁଝିଆଡ଼ାରି” ପାରୁ ପାରିମାନେରି ନାନୁ ଏନିକିଁ ଏଞ୍ଜାରକି ପାରୁ ହାଅଁ, ଇଦାଆଁତାକି ନାନୁ ଏନାଆଁ କିହିମାଇଁ, ଏଦାଆଁ କିହିମାଇଁ ।

୧୩ ଇଚିହୁଁ ଏଲେତି ଲକୁ ନାଡ଼ିକିନି ପାଣ୍ଡୁଝି ଆଡ଼ାରି, ଇଞ୍ଜା ଖାଣା ବାଦଲଝିକିହାଁ କାମାକିନାରି, ଏଞ୍ଜାରି କ୍ରୀସ୍ତତି ପାଣ୍ଡୁଝି ଆଡ଼ାରି ଖାଣା ଆହନେରି ।

୧୪ ଇଚିହୁଁ ଏଦି କାବାଆନି କାତା ଆଏ, ଇଚିହୁଁ ସୟତାନ ତାନୁଏ ଉଜେଡ଼ିତି ଦୂତୁତି ଖାଣା ଆହନେ ।

୧୫ ଏଚେଟିଏ ତାନି ହଲିୟାଙ୍ଗା ଜିକେଏ ଦାମ୍ବୁଗାଗାରି ଖାଣା ଆହନେରି, ଆତିହୁଁ ଏଦି କାଜା କାତା ଆଏ; ରାନ୍ତି ଦିନାତା ଏଞ୍ଜାରି ତାନି କିତି କାମା ତଲେ ତଣ୍ଡ ବେଟାଆନେରି ।

ପାଣ୍ଡୁଝିଆଡ଼ି ପାଣା ତାକି ପାଝୁଲ କସ୍ତ ବେଟାଆନାୟି

୧୬ ନାନୁ ଅଡ଼େ ଝେସିମାଞ୍ଜାଇଁ, ଆମ୍ବାଆସି ନାଙ୍ଗେ ବୁଦି ହିଲାଆଗାଟାସି ଇଞ୍ଜୁଁ ଅଣ୍ପାଆପେସି; ସାମା ମାରୁ ଏଲେକିଁ ଅଣ୍ପାପିଦେରି, ଆଡ଼ିଜିକେଏ ବୁଦିହିଲାଆଗାଟାସି ଲେହେଁ ନାଙ୍ଗେ ଆବାଦୁ, ଏନିଇଚିହୁଁ ନାନୁ ଜିକେଏ ଅଲପ ବଡ଼ପଣ ତସାଲି ଆଡ଼ିଇଁ ।

୧୭ ନୀଏଁ ନାନୁ ଏନାଆଁ ଝେସିମାଇଁ ପ୍ରବୁତି ଅଣ୍ପୁ ତଲେ ଝେସିମାଞ୍ଜାଅଁ, ସାମା ବୁଦି ହିଲାଆ ଗାଟାତେଏଁ ଲେହେଁ ହାଡ଼େକା ସାସାତଲେ ବଡ଼ପଣ ତସାନା ଝେସିମାଞ୍ଜାଇଁ ।

୧୮ ହାଡ଼େକା ଲକୁ ଦାରତିତି ଲେହେଁ ବଡ଼ପଣ ଆହିମାନାକି ନାନୁ ଜିକେଏ ବଡ଼ପଣ ତହୁଇଁ ।

୧୯ ଇଚିହୁଁ ମୀରୁ ହାଡ଼େକା ବୁଦି ଗାଟାତେରି ଇଞ୍ଜିହୁଁ, ରାହାଁ ତଲେ ବୁଦି ହିଲାଆଗାଟାରାଇଁ ଅରୁହି ମାଞ୍ଜେରି ।

୨୦ ଆମ୍ବାଆସି ମିଙ୍ଗେ ହଲିୟାଙ୍ଗା କିହାନା ଇଟାନେସି, ମୀ ଦନୁ ମୀଞ୍ଜା ଅୟାନେସି; ମିଙ୍ଗେ ପାନ୍ଦାତା ମେଡ଼ହାଁ ଆସ୍ତାନେସି, ତାହାରା ଆୟାନେସି କି ମୀ ଗେଏଲାତା ସାପ୍ତା ଝେତାନେସି ଏ ବାରେ ଅରୁହି ମାଞ୍ଜେରି ।

୨୧ ନାନୁ ଲାଜାତଲେ ଝେସିମାଞ୍ଜାଇଁ, ମାର ବାଡ଼ୟୁ ହିଲାଆ ଗାଟାତାୟି ଆହାମାନାୟି । ଆଡ଼ି ଜିକେଏ ଏନି କାତାତା ଆମ୍ବାଆସି ସାସା ଗାଟାସି,

(ନାନୁ ବୁଦି ହିଲାଆନା ଝେସିମାଇଁ) ନାନୁ ଜିକେଏ ସାସା ଗାଟାତେଏଁ ।

୨୨ ଏଞ୍ଜାରି କି ଏଦି ଲକୁ ? ଇଚିହୁଁ ନାନୁ ଜିକେଏ ଏଦି ଲକୁତେଏଁ । ଏଞ୍ଜାରି ଇସ୍ତାୟେଲ ଲକୁ ? ଇଚିହୁଁ ନାନୁ ଜିକେଏ ଇସ୍ତାୟେଲ ଲକୁତେଏଁ । ଏଞ୍ଜାରି ଅବ୍ରାହାମତି କୃତାତାରି ? ଇଚିହୁଁ ନାନୁ ଜିକେଏ ଅବ୍ରାହାମ କୃତାତାତେଏଁ ।

୨୩ ☆ଏଞ୍ଜାରି କି କ୍ରୀସ୍ତତି ସେବା କିନାରି ? ଇଚିହୁଁ; (ନାନୁ ବାୟା ଆଡ଼ିଲେହେଁ ଏଲେଇଞ୍ଜିମାଇଁ), ନାନୁ ଏଞ୍ଜାରି କିହାଁ ଆଗାଡ଼ା ନେହେଁ ସେବା କିନାତେଏଁ, ନାନୁ ଏଞ୍ଜାରି କିହାଁ ଗାଡ଼ି ଖାହୁ କାମା କିହାମାଇଁ, ହାଡ଼େକା କାୟିଦି ଇଲୁତା ମାତେଏଁ, ହାଡ଼େକା ଇରନି ମାଡ଼ା ବେଟାଆହା ମାତେଏଁ, ଅଲେ ଅଲେ ହାକିତା ହେରୁଞ୍ଜା ମାତେଏଁ ।

୨୪ ନାନୁ ଜୀହୁଦି ଲକୁ ତାଣାଟି ପାସା ଦେବା ତୀରିସି ନ ଗଟା ବେତି ବାଡ଼ଗା ମାଡ଼ା ବେଟାଆହାମାଇଁ;

୨୫ ରମ୍ପତି ଲକୁ ତାଣାଟି ତାନି ପାଲି ସାଟୁଣି ତ:ରିତଲେ ନାଙ୍ଗେ ଇରହାତେରି, ର ପାଲି ନାଙ୍ଗେ ଖାଲକାତଲେ ଇରହାତେରି, ତାନି ପାଲି ଜାଜା ତୀତି ତାଣାଟି ଗେଲହା ମାଇଁ, ର ଲାଆଁ ର ମାଦେନା ସାମ୍ବୁରିତି ଏୟୁତା ମୁଞ୍ଜା ମାତେଏଁ,

୨୬ ☆ନାନୁ ହାଡ଼େକା ଦେବା ଜିରୁ ତାକିନାଟି, କାତା ଆଜିନିତାଣା, ସରକା ତାଣାଟି, ନା କୃତାତି ଜୀହୁଦି ଲକୁ ତାଣାଟି, ଏଟକା କୃତାତି ଲକୁ ତାଣାଟି, କାଜା ନାୟକାତି ଆଜିଟି, ଲକୁ ହିଲାଆ ଜାଡ଼ାଟି, କାଜା ସାମ୍ବୁରି ଆଜିଟି, ଅଡ଼େ ନାଡ଼ିକିନି ତଣ୍ଡେସିଙ୍ଗା ଆଜିଟି ।

୨୭ ନାନୁ ହାଡ଼େକା କାମା କିହାନା କସ୍ତ ବେଟାଆହାମାଇଁ, ଏଚର ପାଲି ଲାଆଁୟାଁ ଇଦା କିଆନା ହାକି ଅଡ଼େ ଏସ୍କିଟି ମାତେଏଁ, ଏଚର ପାଲି ଉପାସା ତଲେ, ପେନି ଇଞ୍ଜା ନାଗ୍ଡାଟି ମାତେଏଁ ।

୨୮ ଏଲେତି ବାରେ ବାଦା ପିସ୍ତପେ ନାଙ୍ଗେ ଅଡ଼େ ର କାଜା ବଜୁମାନେ, ଇଚିହୁଁ ବାରେଦିନା କୁଲମିକା ତାକି ନାନୁ ଅଣ୍ପାମାଇଁ ।

୨୯ ଆମ୍ବାଆସି ବାଡ଼ୟୁ ହିଲାଆଗାଟାସି ଆଡ଼ିସାରେ ନାନୁ ଜିକେଏ ବାଡ଼ୟୁ ହିଲାଆ ଗାଟାତେଏଁ ଆଏକି ? ଆମ୍ବାଆସି ପାପୁ କିତିହୁଁ ନାନୁ ହିୟାତା ଦୁକୁ ଆଅଁ କି ?

୩୦ ନା ବଡ଼ପଣ ତସାଲି ଲଡ଼ା ଆତିହୁଁ, ନାନୁ ନା ଆଡ଼ାଆଗାଟାଣି ତାକି ବଡ଼ପଣ ତହୁଇଁ ।

୩୧ ନାନୁ ମିତି ଜଲି ହିଲଅଁ, ଏଦାଆଁ ପ୍ରବୁ ଜୀସୁ କ୍ରୀସ୍ତତି ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଞ୍ଜାସି କାଲକାଲା ତାକି ଜହରା ।

☆ ୧୧:୨୩ ୧୧:୨୩ କାମା ୧୭:୨୩ ☆ ୧୧:୨୭ ୧୧:୨୭ କାମା ୯:୨୩; କାମା ୧୪:୫ ☆ ୧୧:୩୨ ୧୧:୩୨ କାମା ୯:୨୩-୨୫

୩୨ *ଦମେସକତା ହାରେତା ରାଜାତି ସାଲୁଝି କିନାସି ନାଙ୍ଗେ ଆସାଲି ଏ ଗାଡ଼ାତି ତାନି କାପୁ କାଠିନି କସକାଣି ପାଣ୍ଡାନା କାପି କିହିମାତେସି □

୩୩ ଇଞ୍ଜା ର ତାଲିତା କିଡ଼କିତି କାତି ଲାକଟି ନାଙ୍ଗେ ରେପହାଲିଏ ନାନୁ ଏଝାଣି କେୟୁଟି ଗେଲ୍ପିଆଡେଏଁ □

୧୨

ପାଞ୍ଚୁଲ ତଞ୍ଜାଆନାଣି ମେହନାୟି

୧ ବତପଣ କିନାୟି ନେହାୟି ଆଆତି ଜିକେଏ ନାଙ୍ଗେ ବତପଣ କିନାୟିମାନେ, ନାନୁ ପ୍ରବୁତି ମେହନାଣି ଅଡେ ତଞ୍ଜାଆନାଣି ମିଙ୍ଗେ ଝେସ୍ତାଇ □

୨ ନାନୁ ର କ୍ରୀସ୍ତାନା ଲକୁଇଁ ପୁଞ୍ଜାମାଇଁ, ଏଝାସି ସଦ ବାସୀ ନକେଏ ଲାକପୁରୁତି ତାନି ପୁରୁ ପାତେକା ଅଢ଼ିଆଡେସି ଏଝାସି ଆଙ୍ଗା ତଲେ ମାତେସି କି ଆଙ୍ଗା ହିଲାଆନା ମାତେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି □

୩ ହାଅ ନାନୁ ଏଲେତି ର ଲକୁଇଁ ପୁଞ୍ଜାମାଇଁ, ଏଝାସି ପାରାଦିସତା ଅଢ଼ିଆଡେସି ଏଝାସି ଆଙ୍ଗା ତଲେ ମାନେସି କି ଆଙ୍ଗା ହିଲାଆନା ମାତେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି □

୪ ଏଝାସି ଲାକପୁରୁ ଅଢ଼ିଆଡେସି, ଅଡେ ଇଲେତି ହାଡ଼ା ଝେତେସି, ଏଦାଆଁ ମାଣ୍ଡସି ଜଲ୍ଲାଲି ଆଡ଼ାଆଗାଗାୟି ଅଡେ ଗୁଡିତା ଅହାଲି ଆଡ଼ାଆଗାଗାୟି □

୫ ଇଲେତି ର ଲକୁତାକି ନାନୁ ବତପଣ କିଇଁ, ସାମା ନା ତାକି ନାନୁ ନା ବାଡ଼ୁୟୁ ହିଲାଆଗାଗାଣି ପିସ୍ପେ ଅଡେ ଏନାଆଁତାକିଝା ବତପଣ କିଅଁ □

୬ ବତପଣ ତସାଲି ଅଣ୍ଡପିତିହଁ ଜିକେଏ, ନାନୁ ବୁଦି ହିଲାଆ ଗାଟାତେଏଁ ଆଅଁ, ଇତିହଁ ନାନୁ ସାତା କାତା ଝେହ୍ଲଇଁ, ସାମା ଲକୁ ନାଙ୍ଗେ ଏନିକଁ ମେସ୍ତାନେରି ଇଞ୍ଜା ନା ତାଣାଟି ଏନିକଁ କାତା ଝେନେରି, ନାଙ୍ଗେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକଁ ନା କାତାତା ହାରେକା ଅଣ୍ଡପସି ଇଞ୍ଜା, ଇଦାଆଁତାକି ନାନୁ ସାପି ଆହାମାଇଁ □

୭ ନାନୁ ଏନିକଁ ଗାତି ବତପଣ କିଅଁ, ଇଦାଆଁତାକି ନା ଆଙ୍ଗାତା ର ସାସ୍ତି ହୀପକି ଆୟାତେ, ନାଙ୍ଗେ ସାସ୍ତି ହୀହାଲି ସୟତାନତି ଦୁଡୁଇଁ ପାଣ୍ଡୁଆଡେ, ଏନିକଁ ନାନୁ ଗାତି ବତପଣ ଆଅଁ □

୮ ଏ କସ୍ତ ନା ତାଣାଟି ହେକ ଆୟାଲି ତାନି ପାଲି ପ୍ରବୁଇଁ ବାତିମାଲିହଁ ରାସ୍ତେଏଁ □

୯ ଅଡେ ଏଝାସି ନାଙ୍ଗେ ଏଲେଇଞ୍ଜାନେସି, “ନା କାର୍ମାମେହନାୟି ନିଙ୍ଗେତାକି ହାରେପୁରେ,” ଇତିହଁ ନୀ ବାଡ଼ୁୟୁ ହିଲାଆତାଣା ନା ବାଡ଼ୁୟୁ ହାରେ ଗାଡ଼ିଆହଁ ତଞ୍ଜାଆନେ, ଇତିହଁ

ଏନିକଁ କ୍ରୀସ୍ତତି ବାଡ଼ୁୟୁ ନା ତାଣା ଡୁୟିନେ, ଏଦାଆଁତାକି ନା ବାଡ଼ୁୟୁ ହିଲାଆ ବେଲାତା ହାରେକା ରାହାଁ ତଲେ ବତପଣ ତହ୍ଲଇଁ □

୧୦ ଏଦାଆଁତାକି କ୍ରୀସ୍ତତି ତାକି ବାଡ଼ୁୟୁ ହିଲାଆଟି, ଲାଜା ପାଣ୍ଡନାଟି, ହାକି ବେଲାତା, ସାସ୍ତି ଝାନି ବେଲା, କସ୍ତା ନାନୁ ରାହାଁଆଇଁ, ଇତିହଁ ଏତିବେଲା ବାଡ଼ୁୟୁ ହିଲାଆ ଗାଟାତେଏଁ ଏତିବେଲା ବାଡ଼ୁୟୁ ଗାଟାତେଏଁ □

କରିନ୍ତ ତାରାକି ପାଞ୍ଚୁଲ ଅଣ୍ଡପିନାୟି

୧୧ ନାନୁ ବୁଦି ହିଲାଆ ଗାଟାତେଏଁ ଲେହେଁ ଆହାମାଇଁ, ମୀରୁ ନାଙ୍ଗେ ଏଲେକିଝି କିୟାତେରି, ମୀରୁ ନାଙ୍ଗେ ନେହାଁସି ଇଞ୍ଜାନାୟି ମାତେ; ନାନୁ ଏନାତେଏଁ ଆଏ, ଆଡ଼ି ଜିକେଏ ଏ “କାଜା ପାଣ୍ଡୁଝି ଆହାମାନାରି” କିହାଁ ଡ଼ଣାତେଏଁ ଆଏ □

୧୨ ଆମ୍ବାଆସି ହାରେକା ସିନାୟି, କାବାଆନି କାମା, ଅଡେ ବାଡ଼ୁୟୁତି କାମା ପାଣ୍ଡୁଝି ଆହାମାନାରି ସିନାୟିଲେହେଁ, ଏ ବାରେ ସାତେଏ ମୀ ତାଣା ସାସ୍ତାତଲେ କିଝିଆହାମାନେ □

୧୩ ଇତିହଁ ନାନୁ ମୀ ବଜୁ ଲେହେଁ ଆହାହିଲଅଁ, ଇ ରଣ୍ଡିଏ କାତା ପିସ୍ପେ ଅର କୁଲମିତି ଲକୁ କିହାଁ ମିଙ୍ଗେ ଅଡେ ଏନିକଁ ଡ଼ଣା ମେସାମାଞ୍ଜାଇଁ, ଏ ନା ଦହ ଆସ୍ତାଆଦୁ □

୧୪ ମେହଦୁ ମୀ ତାଣା ଝାହାଲି ନୀଏଁ ତଲେ ତାନି ପାଲି ତିୟାରା ଆହିମାଇଁ, ଅଡେ ନାନୁ ମିଙ୍ଗେ ଏନି ବଜୁ ହିୟଅଁ, ଇତିହଁ ନାନୁ ମୀ ଦନ ପାରାଆନା ମିଙ୍ଗେ ପାରିମାଞ୍ଜାଇଁ, ମୀରକା ମାସ୍ତା ତାନି ଇୟା ଆବାକି କୁଡ଼ିକିଡ ସାମା ଇୟା ଆବା ଦେଁ ତାନି ମୀରକା ମାସ୍ତାକି କୁଡ଼ିକିନାୟି ମାନେ □

୧୫ ନାନୁ ମୀ ଜୀଞ୍ଜୁତାକି ହାରେକା ରାହାଁତଲେ ହୀଇଁ, ହାଅ ନା ଜୀଞ୍ଜୁ ଜିକେଏ ହୀଇଁ, ନାନୁ ମିଙ୍ଗେ ହାରେକା ଜୀଞ୍ଜୁନହଁ ମାଞ୍ଜାତିହଁ ଏନାଆଁ ମୀରୁ ନାଙ୍ଗେ ଡ଼ଣା ଜୀଞ୍ଜୁନହଁ ମାଞ୍ଜାଦେରି ?

୧୬ ସାମା ନାନୁ ଜାହାରାଇଁ ମିଙ୍ଗେ ବଜୁ କିୟାଆତେଏଁ, ସାମା ମୀ ବିତ୍ରାଟି ଆମ୍ବାଆରି ଏଲେଇଞ୍ଜାନେରି ନା ସୁତରି ମାନାକି ମିଙ୍ଗେ ମିତି ତଲେ ଆସ୍ତାତେଏଁ □

୧୭ ନାନୁ ମୀ ତାଣା ଆମ୍ବାଆରାଇଁ ପାଣ୍ଡାମାଞ୍ଜାଇଁ, ଏଝାରି ବିତ୍ରାଟି ରଅଣି ତଲେ ମୀ ତାଣାଟି ଏନି ଲାବା ବେଟାଆଡେଏଁ କି ?

୧୮ ନାନୁ ତିତସଇଁ ହାଜାଲି ବାତିମାଲ୍ଲା ମାତେଏଁ, ଇଞ୍ଜା ଏଝାଣିତଲେ ଅର ତାୟିଇଁ ମୀ ତାଣା ପାଣ୍ଡାତେଏଁ □ ତିତସ ମୀ ତାଣାଟି ଏନାଆଁ ଲାବା କିତେସି ? ମାମ୍ବୁ କି ରଣ୍ଡିଏ ଜୀଞ୍ଜୁତଲେ ତାକିହିଲଅମି ? ମାମ୍ବୁ ଏନାଆଁ ରଣ୍ଡିଏ ପାଞ୍ଚୁଲିତା ତାକିହିଲଅମି ?

୧୯ ନୀଏଁ ପାତେକା ମୀରୁ ଅଣ୍ଡପିମାଞ୍ଜେରି, ମାମ୍ବୁ ମୀ ନକିତା ଜାହାରାଇଁ ନେହଁ କିହିମାନମି ?

ମାହାପୁରୁ ନକିତା କ୍ରୀସ୍ତତି ସେବା କିନାତମି ଲେହେଁ ମାମ୍ବୁ କ୍ରୀସ୍ତା ଜଲିମାନମି, ଇଞ୍ଜା ଏ ଜୀସ୍ତୁତି ତାୟିୟାଁ ବାରେ କାତା ମୀ ନେହେଁତାକି ଖେସିମାନମି □

୨୦ ଇଚିହଁ ଏଚେତା ନାନୁ ମୀ ତାଣା ଖାଡ଼ିସାରେ, ମିଙ୍ଗେ ଏନିକଁ ମେସାଲି ମନ କିହିମାଲ୍ ଏଲେକିହଁ ମିଙ୍ଗେ ମେସ୍ତାଆସାରେ, ଅଡେ ମୀରୁ ନାଙ୍ଗେ ଏନିକଁ ମେସାଲି ମନ କିହାଁ ହିଲଅତେରି ଏଲେକଁ ମେସ୍ତାଦେରି, ଏଦାଆଁତାକି ନାନୁ ଆଜିମାଲ୍; ଇଚିହଁ ମା ବିତ୍ରା ବାଡ଼ିବାଦା, ତାହାରା, କପା ଅଡେ ଗତି ଗତି ଆନାୟି, ରଅସି ରଆଣାଲ୍ ନିନ୍ଦା କିନାୟି, ସାକ୍ତି କାତା ଜଲିନାୟି, ବଡପଣ ତସ୍ପି ଆହାଁ ଗଡ଼ହା ଆନେ;

୨୧ ଇଞ୍ଜା ନାନୁ ଅଡେ ଖେଶ୍ଟେ ଖାଡ଼ିସାରେ ନା ମାହାପୁରୁ ମୀ ତାକି ନାଙ୍ଗେ ଅଡେ ଲାଜା କିଞ୍ଜିକିୟାନେସି, ଇଞ୍ଜା ମୀ ବିତ୍ରା ତଲିଏ ପାପୁ କିହାମାନାରି ତାମି ଲାଗେଏତି କାମା, ଦାରିକାମା ଅଡେ ଦାରି କାମାତାକି ଜୁପକା ଆନାଣି ତାକି ନୀଏଁ ପାତେକା ମନ ଖେଟହା ହିଲଅରି ଏଞ୍ଜାରି ତାକି ନାନୁ ଦୁକୁଆହଁ ତୀହାଲିଆନେ □

୧୩

ଜାଗ୍ରାତା କିହାଁ ଜହରା ତଲେ ଆକୁତି ରାପ୍ନାୟି

୧ ନୀଏଁ ତଲେ ତାନି ପାଲି ନାନୁ ମୀ ତାଣା ଖାହିମାଲ୍, ଦାମ୍ବୁପତିତା ରାସ୍ତକି ଆହାମାନେ, “ଆମିନି ଦହତି କାତା ନାହାଁୟି କିନାୟି ରିଆରି କି ତାନି ଜାଣା ସାକିୟାଁ ତଲେ ତାରି କିଞ୍ଜିଆନେ”

୨ ଆମ୍ବାଆରି ନକେଏ ପାପୁ କିହାମାତେରି ଏଞ୍ଜାରାଲ୍ ଇଞ୍ଜା ବାରେତି ଏନିକଁ ତଲି ରୀ ପାଲି ଖେସାମାଞ୍ଜାତେଏଁ, ନୀଏଁ ହେକ ମାଞ୍ଜାନା ଏଲେକିହଁ ଏ ନକେଏ ଖେସିମାଞ୍ଜାଲ୍, ନାନୁ ଅଡେ ଖାଡ଼ିହଁ ଏଞ୍ଜାରାଲ୍ ତଣ୍ଡ ହାଆନା ପିହ୍ଅଁ □

୩ ଏନିକଁ କ୍ରୀସ୍ତ ନା ତାଣା ଜଲିମାଞ୍ଜାନେସି ମୀରୁ ଏଞ୍ଜାଣି ପାରମାଣା ପାରିମାଞ୍ଜେରି; ଏଞ୍ଜାସି ମିଙ୍ଗେତାକି ବାଡ଼ୁୟି ହିଲଆଗାଗାସି ଆଏ, ସାମା ମୀ ତାଣା ବାଡ଼ୁୟି ଗାଗାସି ଆନେସି,

୪ ଏଞ୍ଜାସି ବାଡ଼ୁୟି ହିଲଆତାକି ପାସି ମୁଣ୍ଡାତା ଏପକି ଆଡେସି, ଆଡ଼ିଜିକେଏ ମାହାପୁରୁ ବାଡ଼ୁୟିତି ଏଞ୍ଜାସି ନୀତାମାନେସି □ ମାମ୍ବୁ ଜିକେଏ ଏଲେକଁ ତାନି ତାଣା ବାଡ଼ୁୟି ହିଲଆ ଗାଗାତମି, ସାମା ମାହାପୁରୁତି ବାଡ଼ୁୟି ତାକି ମାମ୍ବୁ ମୀ ତାଣା ଏଞ୍ଜାଣିତଲେ ନୀତାମାନମି □

୫ ମୀରୁ ନାମୁତଲେ ମାଞ୍ଜେରିକି ଆଏ, ଏ କାତାତା ଜାହା ଜାହାରାଲ୍ ତାୟିପାରି କିହାକତାଦୁ ଇଞ୍ଜା ଅଣପାଦୁ, କି ଜୀସ୍ତୁ କ୍ରୀସ୍ତ ମୀ ତାଣା ମାନେସି, ଇଦାଆଁ କି ମୀରୁ ଜାହା ଜାହାରା କାତାତା

ପୁଞ୍ଜାହିଲଅତେରି ? ଏଲେଆହଁ ଆଡ଼ିହଁ ମୀରୁ ତାୟିପାରି କିନି ତାଣା ଜୀଣା ଆହା ହିଲଅତେରି □

୬ ସାମା ନାନୁ ବାସ୍ତୁ ଇଟାମାଲ୍, ମୀରୁ ତାୟିପାରି କିଞ୍ଜିଆହା ଜୀଣା ଆହାମାନାୟି, ଇଦାଆଁ ମୀରୁ ପୁଞ୍ଜେରି □

୭ ମୀରୁ ଏନିକଁ ଏନି ଲାଗେଏତି କାମା କିଅତେରି, ଇଦାଆଁତାକି ମାହାପୁରୁ ତାଣା ମାମ୍ବୁ ପ୍ରାତାନା କିହିମାନମି; ମାମ୍ବୁ ଏନିକଁ ତାୟିପାରି କିଞ୍ଜି ଆହାଁ ଜୀଣା ଆହାମାନି ଲେହେଁ ତଞ୍ଜାଆନମି, ଇଦାଆଁତାକି ପ୍ରାତାନା କିହିଲଅମି, ସାମା ମାମ୍ବୁ ତାୟିପାରି କିଞ୍ଜି ଆହାଁ ଜୀଣା ଆଆଡ଼ିଲେହେଁ ତଞ୍ଜା ଆଆଡ଼ି ଜିକେଏ ଏନିକଁ ମୀରୁ ନେହଁ କାମା କିଦେରି, ଇଦାଆଁତାକି ପ୍ରାତାନା କିହିମାନମି □

୮ ଇଚିହଁ ମାମ୍ବୁ ସାତା କପାଟି ଏଦାଆଁ କିହାଲି ଆଡ଼ିହିଲଅମି, ସାମା ସାତା ଖାକିଟି ଦେହେଁ ବାରେ କିହାଲି ଆଡ଼ିନମି □

୯ ଏତିବେଲା ମାମ୍ବୁ ବାଡ଼ୁୟି ହିଲଆ ଗାଗାତମି ଆନମି ସାମା ମୀରୁ ବାଡ଼ୁୟି ଗାଗାତେରି ଆଦେରି, ଏଚେତା ମାଙ୍ଗେ ରାହାଁ ହଡ଼ାନେ; ମୀରୁ ଏନିକଁ ବାରେ ଖାକିଟି ନେହାଁତେରି ଆଦେରି ଏଦାଆଁତାକି ଜିକେଏ ପ୍ରାତାନା କିହେମାନମି □

୧୦ ଏଦାଆଁତାକି ମୀ ତାଣାଟି ହେକ ମାଞ୍ଜାନା ନାନୁ ଇ ବାରେ ରାଡ଼ିମାଞ୍ଜାଲ୍, ଏନିକଁ ମୀ ତାଣା ଖାହାନା ପ୍ରବୁ ନାଙ୍ଗେ ମ୍ବେକ୍‌ହାଲି ହାଆନା, ପାଡ଼ିକିହାଲି ହାହାମାଞ୍ଜାନେସି, ଏ ଅଦିକାରା ଲେହେଁ ମୀ କପାଟି ନିଙ୍ଗାନା ବାଡ଼ୁୟି ତସାଲି ମିଙ୍ଗେ ଲଡ଼ା ଆଏ □

୧୧ ତାୟିୟାଁ ଅଡେ ତାଙ୍ଗିସ୍ତାତେରି, ରାହାଁ କିଦୁ, ନେହାଁତେରି ଆଦୁ, ରଅତେରି ରଅଣାଲ୍ ବାସ୍ତୁ ହାଞ୍ଜିଆଦୁ, ରଣ୍ଡିଏ ମନ ଆଦୁ, ହିଡ଼ଡ଼ି ତଲେ ବାସା ଆଦୁ, ଅଡେ ହିଡ଼ଡ଼ି ଇଞ୍ଜା ଜୀସ୍ତୁ ନନି ମାହାପୁରୁ ମୀ ତଲେ ତୟିନେସି □

୧୨ କ୍ରୀସ୍ତାନା ତାୟିୟାଁ ଲେହେଁ ସୁଦୁଜୀସ୍ତୁ ନସ୍ତୁ ତଲେ ଜୀସ୍ତୁ ନଞ୍ଜିଆହାନା ମୀରୁ ମୀରୁଏ ରଅତେରି ରଅଣାଲ୍ ନଣ୍ଡାନା ଜହରା କିଞ୍ଜିଆଦୁ □

୧୩ ଇମ୍ବାଆଁ ମାନି ମାହାପୁରୁ ଲକୁ ମିଙ୍ଗେ ଜହରା ଖେସିମାଞ୍ଜାନେରି □

୧୪ ପ୍ରବୁ ଜୀସ୍ତୁ କ୍ରୀସ୍ତତି କାର୍ମାମେହନାୟି ମାହାପୁରୁତି ଜୀସ୍ତୁନନାୟି ଅଡେ ସୁଦୁଜୀସ୍ତୁ ତଲେ ଆଣ୍ଡିନାୟି ମୀ ବାରେତାକି ଆୟାପେ □

ଗାଳାତିୟ ମଣ୍ଡଳୀ ନିମନ୍ତେ ପାଠକଙ୍କ ଲିଖିତ ପତ୍ର ଗାଳାତିୟ କୁଲମିତାକି ପାଞ୍ଚଲ ରାଜାମାନି ଆକୁ ମୂକୁ ହାଡ଼ା

ଗାଳାତିୟ ଆକୁ ପାଣ୍ଡୁଆହାମାନି ପାଞ୍ଚଲ ତାଣ୍ଡାଟି ରାସ୍ତିକି ଆହାମାନେ ୧:୧ □ ଇ ଆକୁ ଜୀସୁ କ୍ରୀସ୍ତ ଜର୍ନାତି ତାମ୍ଭୁ ୪୮ ଟିଏ ୫୭ ବାସୀ ବିତ୍ତା ଗାଳାତିୟ କୁଲମିତି ନାମିତି ତାୟିୟାକି ରାସ୍ତିକି ଆହାମାନେ □ ଗାଳାତିୟ ଲକୁ ରମିୟ ଦେସାତି ଗାଳାତିୟ ଇନି ଚାୟୁତା ବାସା କିହା ମାଣ୍ଡିନେରି □ ପାଞ୍ଚଲ ଇ ଆକୁ ରାଟିତି ବେଲା ଆୟିୟା ମାଚେସି ଇଦାଆଁ ବୁଦିଗାଟାରି ଜିକେଏ ପୁଞ୍ଜାହିଲଅରି □ ସାମା ଏପିସିୟ ଆଆତ୍ କରନ୍ତି ଇ ରା ଚାୟୁତା ମାଞ୍ଜା ଡୟିନେସି ଇଞ୍ଜ୍ ଇନେରି □

ପାଞ୍ଚଲ ଗାଳାତିୟ କୁଲମିତି ଜୀହୁଦି ଅଡେ ଜୀହୁଦିଆଆତି କ୍ରୀସ୍ତାନା ଲକୁଣି ଚାୟୁ ପୁଣ୍ଡି କିହାନା ଆକୁ ରାଟିମାନେସି □ ଏଞ୍ଜାସି ମିତି ଜାପ୍ନାରି ତାଣ୍ଡାଟି ହେକ ଆହାଲି ରାଟାମାନେସି, କ୍ରୀସ୍ତାନା ଲକୁଣି ପ୍ଲାଞ୍ଜ ଫେରାତି ଜୀହୁଦି ହୁକୁମିତି ମାନ୍ଡି ଆହାଲି ଅଡେ ବାରେକିହାଁ ତଲୁ ଦାପିଆନି ଫେରା ଖେସିମାନେସି, କ୍ରୀସ୍ତାନା ଲକୁ ବିତ୍ତା ଏଚେକା ମାଚେରି ଏମିନିଗାଟାରି ଜୀହୁଦି ଦାମ୍ପୁତି ଆବିତାରି □ ଏଞ୍ଜାରି ଜିକେଏ ପାଞ୍ଚଲତି ପାଣ୍ଡୁଆହାମାନି ଅଦିକାରାତି ଖେଞ୍ଜିମାଚେରି □ ପାଞ୍ଚଲ ଏଚେକା ପୁସ୍ପନିକା ତଲେ ତାନି ପାଣ୍ଡୁଆହାମାନି କାତା ଖେସାନା ଏଞ୍ଜାରାଈ ମୁଦା କିହାମାଚେସି ୧:୧୧; ୨:୧୪ ଅଡେ ଜୀସୁ କ୍ରୀସ୍ତାଇଁ ନାମିସାରେ ଗେଲ୍ପି ଆନାୟି ଇ କାତା ଖେସାନା ନେହ୍ କାବୁତି ଗେଲ୍ପି ମାନେସି ୨:୧୭ □ ମାଣ୍ଡିସି ଏନାଆଁ କିନେସି ଏମ୍ପାଟି ଆଏ ସାମା ମାହାପୁରୁତି କାର୍ମାଟି ଆନେ □

ପତିତା ମାନାୟି

- ୧ ପାଞ୍ଚଲତି ଜହରା □ ୧:୧-୫
- ୨ ପାଞ୍ଚଲତି ତଲିତି ଜୀସୁ ଅଡେ ଜାପ୍ନି ଅଦିକାରା କାମା କିନାୟି □ ୧:୬-୨:୨୧
- ୩ ଫେରାତି କାମା ଅଡେ ମାହାପୁରୁ କାର୍ମାଟି ଗେଲ୍ପି ଆନାୟି □ ୩:୧-୪:୩୧
- ୪ ନେହ୍ କ୍ରୀସ୍ତାନା ଆହାନା ନୀତାଲି ଖେହ୍ନାୟି □ ୫:୧-୬:୧୦
- ୫ ପାଞ୍ଚଲ ଜହରା କିହାନା ଆକୁତି ରାପ୍ନାୟି □ ୬:୧୧-୧୮

ପାଞ୍ଚଲତି ଜହରା

୧ ନାନୁ, ପାଣ୍ଡୁଆତି ସୀସୁ ପାଞ୍ଚଲତେଏଁ, ପାଣ୍ଡୁ ଆହାଲିତାକି ନାନୁ ମାଣ୍ଡିସି ତାଣ୍ଡାଟି ଆଏ, ସାମା ଜୀସୁ କ୍ରୀସ୍ତ ତାଣ୍ଡାଟି ଇଞ୍ଜା ଆମିନି ଆବା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣ୍ଡାଟି ନିକ୍ହାମାନେସି ଏଞ୍ଜାଣି ତାଣ୍ଡାଟି ବେଟାଆହାମାଇଁ,

୨ ନା ତଲେ ମାନି ନାମୁତି ବାରେ ତାୟି ତାଜିସ୍ତା ଗାଳାତିୟା କୁଲମିତି ଜହରା କିହିମାଞ୍ଜାନେରି □

୩ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ କାର୍ମାମେହ୍ନାଣି ଅଡେ ହିଡ଼ି ଜୀସୁ ମିଚେ ହୀୟାପେସି □

୪ ନୀଏତି ଇ ପାପୁତି ଦାର୍ଡିତା ମାଚେ ଗେଲ୍ପାଲିତାକି, ମା ଆବା ମାହାପୁରୁତି ଅଣ୍ଡପୁତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଇଁ ହେରପାକତିତେସି;

୫ କାଲାକାଲାତାକି ମାହାପୁରୁଈ ଗାଞ୍ଜୁରମି ଆପେ □ ଆନେନ୍ □

ରଣ୍ଡିଏ ନେହ୍ କାବୁ

୬ କ୍ରୀସ୍ତିତି କାର୍ମାତଲେ ଆୟାଆସି ମିଚେ ହାଟା ମାଞ୍ଜାତେସି, ଏଞ୍ଜାଣାଇଁ ମୀରୁ ଗାଡେକେଏ ପିସାନା ଏଟକାତି ନେହ୍ କାବୁତି ଆସାମାଞ୍ଜେରି, ଏଦାଣିତାକି ନାନୁ କାବା ଆହିମାଇଁ □

୭ ସାତାତଲେ, “ଏଟକାତି ନେହ୍ କାବୁ” ଆଏ, ସାମା ଏଚେରଜାଣା ମିଚେ ତୀରି ମାଞ୍ଜାଲି ହୀଆନା, କ୍ରୀସ୍ତିତି ନେହ୍ କାବୁତି କିଲିବିଲି କିହାଲି ଅଣ୍ଡପିମାନେରି □

୮ ସାମା ଆମିନି ନେହ୍ କାବୁ ମାମ୍ପୁମୀ ତାଣ୍ଡା ଖେକ୍ହା ମାଚମି, ଇଞ୍ଜା ମାମ୍ପୁ କି ଲାକପୁରୁତି ଦୁଡୁୟାଁ ଜିକେଏ ଏଦାଣି ପିସ୍ପେ ଏଟକାତି ନେହ୍ କାବୁ ଖେକ୍ନେସି, ଆତିହ୍ ଏଞ୍ଜାସି ବାକା ବେଟାଆପେସି □

୯ ଏନିକ୍ ମାମ୍ପୁତଲିଏ ଖେସାମାନମି, ନୀଏଁ ଜିକେଏ ନାନୁ ଏଲେକିହ୍ ଏ ଅଡେ ଖେଣ୍ଡେ ଖେସିମାଞ୍ଜାଇଁ, ଆମିନି ନେହ୍ କାବୁଈ ମୀରୁ ଆସାମାଚେରି, ଏଦାଣି ପିସ୍ପେ ଆମିନି ଲକୁ ଏଟକାତି ନେହ୍ କାବୁ ମୀ ତାଣ୍ଡା ଖେକ୍ହାନେସି ଏଞ୍ଜାସି ବାକା ବେଟାଆପେସି □

୧୦ ନୀଏଁ ନାନୁ ମାଣ୍ଡିସିୟାଁ ନକିତା କି ମାହାପୁରୁ ନକିତା ନେହ୍ ତଞ୍ଜାଆୟାଲି ଅଣ୍ଡପିମାଇଁ, ଏଦି ଏଚେଲା ଜିକେଏ ଆଏ □ ଇତିହ୍ ମାଣ୍ଡିସିୟାଁ ରାହାଁ କିହାଲି ଅଣ୍ଡପିମାଇଁ, ନାନୁ ନୀଏଁ ପାଚେକା ମାଣ୍ଡିସିୟାଁ ରାହାଁ କିଞ୍ଜିକିହାଲି ଅଣ୍ଡପି ମାଚିହ୍ ମା ନାନୁ କ୍ରୀସ୍ତିତି ହଲେଏଣାତେଏଁ ଆଆତେଏଁମା □

ପାଞ୍ଚଲ ଏନିକ୍ ଆଟ୍ଡି ଆନାୟି

୧୧ ତାୟି ତାଜିସ୍ତାଚେରି ଆମିନି ନେହ୍ କାବୁ ନା ତାଣ୍ଡାଟି ଖେସ୍ପି ଆହାମାନେ, ଏଦାଣି ମିଚେ ନାନୁ ଖେସିମାଞ୍ଜାଇଁ ଏଦି ମାଣ୍ଡିସିୟାଁ ତାଣ୍ଡାଟି ଆଏ;

୨

୧୭ ନାନୁ ଏଦାଆଁ ମାଣ୍ଠସି ତାଣାଟି ବେଗାଆହା ହିଲଅଁ କି ଜାପାହିଲଅଁ, ସାମା ଜୀସୁ କ୍ରୀସ୍ତ ତସାମାଞ୍ଜାନି ତାଣାଟି ବେଗାଆହାମାଈଁ ।

୧୮ *ନାନୁ ତଲି ଜୀହୁଦି ଦାମ୍ବୁତା ମାଟିବେଲା ଏନି ମାଣ୍ଠକିତା ମାଚେର୍ଏ ମୀରୁ ଝେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହାହିମାଚେର୍ଏ, ଅଡ଼େ ଏଦାଆଁ ମ୍ଲେକ୍‌ହାଲି ଅଣପିମାଚେର୍ଏ ।

୧୪ *ଅଡ଼େ ମା ଆକୁ ଆବାୟାଁ ପାଣାପାଟୁ ମେରା ତାକି ରାହାଁଟି ମାନି କିହାଁ ନା ତଲେତି ହାରେକା ଲକୁ ବିତ୍ରାଟି ଜୀହୁଦି ଦାମ୍ବୁତି ହାରେକା ମାନି କିହିମାଚେର୍ଏ ।

୧୫ *ସାମା ମାହାପୁରୁ ନାନୁ ଜାନାଁ ଆଆ ନକେଏ ତାନି କାର୍ମାମେହନାଣି ତଲେ ଆଚାନା ତାନି ସେବା କିହାଲି ହାଟାତେସି,

୧୬ ଅଡ଼େ ଜୀହୁଦିଆଆତି ଲକୁତାଣା ନେହଁ କାରୁ ଝେକ୍‌ହାଲି ତାକି ଏଟିବେଲା ନାଞ୍ଜେ ଏଞ୍ଜାସି ତାନି ମୀରୁଏଣାଈଁ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏଟ୍‌କା ମାଣ୍ଠସି ତାଣା ହାଜା ହିଲାଆତେର୍ଏ ।

୧୭ ଇଲେକିହଁ ନା ନକେଏ ଆମିନି ଗାଟାରି ପାଣ୍ଡୁଞ୍ଜିଆଡ଼ି ସୀସୁ ଆହାମାଚେରି, ଏଞ୍ଜାଚାଈଁ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆତେର୍ଏ । ସାମା ନାନୁ ଦେବୁଣିଏ ଆରବ ଦେସାତା ହାଜାମାଚେର୍ଏ; ଅଡ଼େ ତାୟୁ ଦମେସକତା ଝେଣ୍ଡା ଝାତେର୍ଏ ।

୧୮ * ତାନି ବାସୀ ହାଟି ତାୟୁ ନାନୁ ପିତରଇଁ ଆଣ୍ଡାଲି ତାକି ଜିରୁସାଲମତା ହାଚେର୍ଏ, ଇଞ୍ଜା ଏଞ୍ଜାଣିତଲେ ପଦର ଦିନା ଏମ୍ବାଆଁ ମାଚେର୍ଏ ।

୧୯ ସାମା ପ୍ରବୁତି ତାୟି ଜାକୁବ ପିସପେ ପାଣ୍ଡୁଞ୍ଜି ଆହାମାନାରି ବିତ୍ରା ଆମ୍ବାଆରାଈଁ ମେହୁଆତେର୍ଏ ।

୨୦ ନାନୁ ମିଞ୍ଜେ ଏନାଆଁ ରାଟିମାଞ୍ଜାଈଁ, ମାହାପୁରୁ ନକିତା ସାତା ଝେସିମାଞ୍ଜାଈଁ, ମିଟି ଝେସିମାଞ୍ଜଅଁ ।

୨୧ ତାୟୁ ନାନୁ ସିରିୟା ଅଡ଼େ କିଲିକିୟାଟି ହାରେକା ଟାୟାଣା ହାଚେର୍ଏ ।

୨୨ ଜୀହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଞ୍ଜେ ନେହଁକଁ ପୁଞ୍ଜାମାଞ୍ଜାଆତେରି ।

୨୩ ଏଞ୍ଜାରି ଏଟ୍‌କା ଲକୁ ତାଣାଟି ଝେଞ୍ଜାମାଚେରି, “ଆମିନି ମାଣ୍ଠସି ତଲି ମାଞ୍ଜେ ସାସ୍ତି ହାହି ମାଞ୍ଜାତେସି, ଇଞ୍ଜା ମା ନାମୁତି ମ୍ଲେକ୍‌ହାଲି ଅଣପିମାଚେସି, ଏଞ୍ଜାସି ନୀର୍ଏ ନାମୁତି କାତା ଝେକ୍‌ହି ମାନେସି ।”

୨୪ ଇଞ୍ଜା ଏଞ୍ଜାରି ନା ତାକି ମାହାପୁରୁଈଁ ଗାଞ୍ଜୁରମି କିହିମାଚେରି ।

ପାଞ୍ଜୁଲ ଅଡ଼େ ପାଣ୍ଡୁଞ୍ଜି ଆଡ଼ି ସୀସୁୟାଁ

୧ *ସଦ ବାସୀ ତାୟୁ ନାନୁ ବର୍ନବା ତଲେ ଜିରୁସାଲମତା ଅଡ଼େ ଝେଣ୍ଡେ ହାଚେର୍ଏ, ଇଞ୍ଜା ତିତସଇଁ ଜିକେଏ ନା ତଲେ ଅହାମାଚେର୍ଏ ।

୨ ନାନୁ ଏମ୍ବାଆଁ ହାନାୟିମାନେ ଇଞ୍ଜାଁ ମାହାପୁରୁ ତାଣାଟି ହୁକୁମି ବେଗାଆହାନା ହାଚେର୍ଏ; ଅଡ଼େ ନାନୁ ଏଟ୍‌କା କୃତାତି ଲକୁତାଣା ଆମିନି ନେହଁ କାରୁ ଝେକ୍‌ହିମାଈଁ, ଏଦାଆଁ ଏଞ୍ଜାଚାଈଁ ଝେସ୍ତେର୍ଏ, ସାମା ନା ତଲିତି ଅଡ଼େ ନୀର୍ଏତି କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଗାଆହାଲି ଜଟେଗ ନାନୁ ଏଞ୍ଜାଚାଈଁ ଏଟ୍‌କା କିହାନା ଝେସ୍ତେର୍ଏ ।

୩ ସାମା ନା ତଡ଼ୁ ତିତସ ଗ୍ରିକ୍ ଲକୁ ମାଟି ଜିକେଏ ଏଞ୍ଜାଚାଈଁ ତଲୁ ଦାପି କିହାଲି ବାଲାମାତମି କିଞ୍ଜିଆହା ହିଲାଆତେ,

୪ ଆଡିହଁ ଜିକେଏ ଏଚରଜାଣା ଲକୁ ଏଞ୍ଜାଚାଈଁ ତଲୁ ଦାପି କିହାଲି ଅଣପିମାଚେରି । ଏଞ୍ଜାରି ନାମିତି ତାୟିୟାଁ ଇଞ୍ଜାଁ ତସା କତାନା ମେଣେଏ ପାରୁ ପାରିନି ଲେହେଁ ଜାଟୁତା ଆଣ୍ଡାମାଚେରି । କ୍ରୀସ୍ତ ଜୀସୁତାଣା ଆଣ୍ଡିତାକି ମାର ଆମିନି ମେଲା ବେଗାଆହାମାନାୟି, ଏଦାଆଁ ପୁଞ୍ଜାଲିତାକି ଏଞ୍ଜାରି ଅଣ୍ଡପୁ ମାଚେ, ମାଞ୍ଜେ ଏଞ୍ଜାରି ଅଡ଼େ ଝେଣ୍ଡେ ମେରାଟି ହଲିୟାଈଁ କିହାଲି ଅଣପିମାଚେରି ।

୫ ସାମା ନେହଁ କାରୁତି ସାତା ଏନିକଁ ମୀ ତାଣା ତାରିଆହାନା ଡୟିନେ, ଏଦାଆଁତାକି ମାମ୍ବୁ ଗାଡ଼େକା ତାକି ଜିକେଏ ଏଞ୍ଜାଚାଈଁ ପାରୁ ହାହାହିଲାଆତମି ।

୬ ଆମ୍ବାଆରି ମାନିଗାଟାରି ଇଞ୍ଜାଁ ଝେଞ୍ଜା ମାଚେରି, ଏଞ୍ଜାରି ଏନିଲେହେଁତି ଲକୁ ମାଚେରି, ଏମ୍ବାଆଁ ନାଦି ଏନାୟି ହିଲେଏ; ମାହାପୁରୁ ଆମ୍ବାଆରି ପାରତା ବାଟି କିଅସି, ଏ ମାନିଗାଟାରି ନାଞ୍ଜେ ଏନି ପୁଞ୍ଜି ବଲୁ ଝେସାମାଞ୍ଜଅରି ।

୭ ଏଟ୍‌କା ଝାକି ଏଞ୍ଜାରି ପୁଞ୍ଜାଲି ଆଡିତେରି, ପିତରଇଁ ଏନିକଁ ଜୀହୁଦି ଲକୁତାଣା ନେହଁ କାରୁ ଝେକ୍‌ନି କାମା ହେରପିତେସି ଏଲେକିହଁ ଏ ନାଞ୍ଜେ ଜିକେଏ ଜୀହୁଦିଆଆତି ଲକୁତାଣା ନେହଁ କାରୁ ଝେକ୍‌ନି ବଲୁ ହେରପା ମାଞ୍ଜାନେସି ।

୮ ଏନାଆଁତାକି ଇଡିହଁ ଜୀହୁଦି ଲକୁତାଣା ପାଣ୍ଡୁଞ୍ଜି ଆହାମାନାରି କାମା କିହାଲି ଏନିକିହଁ ପିତରକି ମାହାପୁରୁ ବାଡ଼ୟୁ ହାହାମାନେସି, ଏଲେକିହଁ ଏ ଜୀହୁଦିଆଆତି ଲକୁତାଣା ଏ କାମା କିହାଲି ନାଞ୍ଜେ ମାହାପୁରୁ ବାଡ଼ୟୁ ହାହାମାଞ୍ଜାନେସି ।

* ୧:୧୩ ୧:୧୩ କାମା ୮:୩; ୨୨:୪,୫; ୨୬:୯-୧୧ * ୧:୧୪ ୧:୧୪ କାମା ୨୨:୩ * ୧:୧୫ ୧:୧୫ କାମା ୯:୩-୬; ୨୨:୬-୧୦; ୨୬:୧୩-୧୮ * ୧:୧୮ ୧:୧୮ କାମା ୯:୨୬-୩୦ * ୨:୧ ୨:୧ କାମା ୧୧:୩୦; ୧୫:୨

୯ ଅଡ଼େ ଏତିବେଲାତା ଏଝାରି ମାହାପୁରୁ ନାଙ୍ଗେ ହାହାମାଞ୍ଜାନି କାର୍ମାତି କାତା ପୁତେରି, ଏତିବେଲା କୁଲମିତି ମୁଣ୍ଡା ଲେହେତି କାଜାରି ଇଞ୍ଜି ଝେଙ୍ଗାମାନେରି, ଜାକୁବ, ପିତର, ଅଡ଼େ ଜହନ ନାଙ୍ଗେ ଇଞ୍ଜା ବର୍ନବାଇଁ କାମାତା ଆଣ୍ଡାତମି ଇଞ୍ଜି ଚିଃନି କେୟୁ ଆସାନା ଆବାତେରି, ଏନିକିହିଁ ନାନୁ ଅଡ଼େ ବର୍ନବା ଜୀହୁଦିଆଆତି ଲକୁତାଣା କାମା କିନମି ଅଡ଼େ ଏଝାରି ଜୀହୁଦି ଲକୁତାଣା କାମା କିନେରି □

୧୦ ଏଝାରି ଝାରଇ ଇଚେକା ବାତିମାଲ୍ଲା ମାଞ୍ଜାତେରି ମାମ୍ବୁ ଏଝାରି ଜାଗୁତା ମାନି ହିଲାଆଗାଟାରାଇଁ ଅଣ୍ପିନମି; ଏ କାତାତା ନାନୁ ରାହାଁ ଆହାମାଚେଏଁ □

ପାଞ୍ଚୁଲ ପିତରଇଁ ଲାଗିନାୟି

୧୧ ସାମା କେପା*ଏତିବେଲା ଆନ୍ତ୍ରିୟକିୟାତା ଝାହାମାଚେସି, ନାନୁ ଏଝାଣାଇଁ ବାରେ ଲକୁ ନକିତା ଲାଗିଚେଏଁ, ଇଚିହିଁ ଏଝାସି ଦହ କିହିମାଚେସି □

୧୨ ଜାକୁବ ତାଣ୍ଡାଟି ଏଚରଜାଣା ଝାଆ ନଚେଏ ପିତର ଜୀହୁଦିଆଆତି ତାୟି ତାଙ୍ଗିସ୍ତା ତଲେ ତିଞ୍ଜିମାଚେସି, ସାମା ଏଝାରି ଝାହାଲିଏ, ଏଝାସି ଏ ତାୟି ତାଙ୍ଗିସ୍ତାଇଁ ଆଜାନା ଜୀହୁଦିଆଆତି ତାୟି ତାଙ୍ଗିସ୍ତାଇଁ ପିସାନା ଏଚକା ଆଚେସି □

୧୩ ଇଞ୍ଜା ଏଚରଜାଣା ଜୀହୁଦି ତାୟିୟା ଜିକେଏ ପିତର ତଲେ ଆଣ୍ଡାନା ପୁଞ୍ଜି ପୁଞ୍ଜିହିଁ ପୁନାଆତାରି ଲେହେଁ ନାଡ଼ିକିଞ୍ଜି ଆଚେରି, ଏଲେଆହିଁ ବର୍ନବା ଜିକେଏ ଏଝାରି କାତା ଆସ୍ତେସି □

୧୪ ଏତିବେଲା ନାନୁ ମେସ୍ତେଏଁ, ଏଝାରି ନେହିଁ କାରୁତି ସାତା ତଲେ ତାକିହିଲଅରି, ଏତିବେଲାତା ନାନୁ ବାରେ ଲକୁ ନକିତା କେପାଇଁ† ଏଲେଇଚେଏଁ, “ନାନୁ ଜୀହୁଦି ଆହାନା ଜୀହୁଦି ଲକୁ ଲେହେଁ ଲେମ୍ବାଆନାହାଁ ଜୀହୁଦିଆଆତି ଲକୁଲେହେଁ ନାଡ଼ିମାଞ୍ଜି, ଆତିହିଁ ନାନୁ ଏନିକିହିଁ ଜୀହୁଦିଆଆତି ଲକୁଣି ଜୀହୁଦି ଲକୁଲେହେଁ ଲେମ୍ବାଲି ବାଲାମାତମି କିହିମାଞ୍ଜି □”

ନାମୁତଲେ ଗେଲ୍ପି ଆନାୟି

୧୫ ସାତେଏ ମାମ୍ବୁ ଜାର୍ନାଟିଏ ଜୀହୁଦି ଲକୁତମି, “ଜୀହୁଦିଆଆତି ଲକୁ ଲେହେଁ ପାପୁ ଗାଟାତମି ଆଏ □”

୧୬ *ଆଡ଼ିଜିକେଏ ମେରାତି କାମା ତଲେ ମାଣ୍ଡସି ତାରିଗାଟାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତାରିଗାଟାସି ଆନେସି, ଇଦାଆଁ ପୁଞ୍ଜାନା ମାମ୍ବୁ ଜୀସୁ କ୍ରୀସ୍ତ ତାଣା ନାମା ମାନମି, ଏନିକିହିଁ ମେରାତି କାମା ତଲେ ତାରିଗାଟାତମି ଆଆନା କ୍ରୀସ୍ତ ତାଣା ନାମାନା ତାରିଗାଟାତମି ଆନମି; ଇଚିହିଁ ମସାତି

ମେରାତି କାମା ତଲେ ଆମିନି ମାଣ୍ଡସି ତାରିଗାଟାସି ଆଅସି □

୧୭ ସାମା କ୍ରୀସ୍ତ ତାଣ୍ଡାଟି ତାରି ଗାଟାତାୟି ଆୟାଲି ଅଣ୍ଡପାନା ମାମ୍ବୁ ଜିକେଏ ପାପୁ ଗାଟାତମି ଇଞ୍ଜିହିଁ ତଞ୍ଜା ଆଡ଼ମି, କ୍ରୀସ୍ତ ପାପୁତି ସେବା କିନାସି କି ? ଏଡ଼ି ଏଚେଲାଝା ଆଆପେ □

୧୮ ଇଚିହିଁ ନାନୁ ଏନି ମେରାତି ମେକ୍ସୁକହାମାଇଁ ଏ ବାରେତି ଅଡ଼େ ଝେଣ୍ଡେ ଗାଡ଼ି କିଇଁ, ଆତିହିଁ ନାନୁଏ ଜାହାରାଇଁ ଦହ ଗାଟାତେଏଁ ଇଞ୍ଜି ତସାକତିମାଇଁ □

୧୯ ମାହାପୁରୁ ତାକି ନୀତାଲି ନାନୁ ମେରାତି ମେରାତାକି ପାସି ମୁଣ୍ଡାତା ହାହାମାଇଁ,

୨୦ ନାନୁ କ୍ରୀସ୍ତ ତଲେ ପାସି ମୁଣ୍ଡାତା ହାହାମାଇଁ; ନାନୁ ଅଡ଼େ ନୀତା ହିଲଅଁ, ସାମା କ୍ରୀସ୍ତ ନା ତାଣା ନୀତାମାନେସି; ଅଡ଼େ ନାନୁ ନୀଏଁ ଏମିନି ଆଙ୍ଗା ତଲେ ନୀତାମାଇଁ, ଏଡ଼ି ନାମୁତଲେ, ଇଚିହିଁ ମାହାପୁରୁତି ଏମିନି ମୀରଏସି ନାଙ୍ଗେ ଜୀଞ୍ଜୁନହାଁନା ନା ତାକି ତାନି ଜୀଞ୍ଜୁ ହାହାମାନେସି, ଏଝାଣି ତାଣା ନାମାନା ନୀତାମାଇଁ □

୨୧ ନାନୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅଁ; ଇଚିହିଁ ମେରା ତଲେ ମାଣ୍ଡସି ମାହାପୁରୁ ନକିତା ତାରିଗାଟାସି ଆନେସି, ଆତିହିଁ କ୍ରୀସ୍ତ ହାଡାୟି ଉଜେଏତାୟି □

୩

ମେରା ଆଆତଁ ନାମୁ

୧ ଏ ବୁଦି ହିଲାଆଗାଟି ଗାଳାତିୟତି ଲକୁତେରି! ଆମ୍ବାଆସି ମିଙ୍ଗେ ମାଡ଼ିଞ୍ଜି କିହାମାଞ୍ଜାନେସି ? ମୀ କାଣ୍ଡକା ନକିତା ଜୀସୁ କ୍ରୀସ୍ତ ପାସି ମୁଣ୍ଡାତା ହାଡ଼ି କାତା ନେହିଁକିଁ ତଞ୍ଜାଆହିମାଞ୍ଜାତେ □

୨ ନାନୁ ମୀ ତାଣ୍ଡାଟି ଇଚେକା ପୁଞ୍ଜାଲି ଅଣ୍ଡପିମାଇଁ; ମୀରୁ ମସା ମେରା ତଲେ କାମା କିତାକି କି ନେହିଁ କାରୁ ଝେଞ୍ଜାନା ନାମିତାକି ସୁଦୁଜୀଞ୍ଜୁ ବେଟାଆହାମାଚେରି ?

୩ ମୀରୁ ଏନିଲେହେଁତ ବୁଦି ହିଲାଆଗାଟାତେରି ? ମାହାପୁରୁତି ଜୀଞ୍ଜୁତଲେ ମାଟହାନା; ଆଙ୍ଗାତି ବାଡ଼ୟୁ ତଲେ ରାପ୍ତହାଲି ଅଣ୍ଡପିମାଞ୍ଜେରି ?

୪ ମୀରୁ କି ଉଜେଏ ଇଚେକା କସ୍ତ ବେଟାଆହାମାଞ୍ଜେରି ? ଏଡ଼ି ଏନାଆଁ ଉଜେଏତାୟି ?

୫ ଇଚିହିଁ ଆମ୍ବାଆସି ମିଙ୍ଗେ ଜୀଞ୍ଜୁ ହାହାମାଞ୍ଜାନେସି, ଅଡ଼େ ମୀ ତାଣା କାବାଆନି କାମା କିନେସି, ଏଝାସି ମେରାତାକି କିନେସି କି ନାମୁତାକି ଝେଞ୍ଜାହାଁ କିନେସି ?

୬ *ଅବ୍ରାହାମ କାତା ଅଣ୍ଡପାଦୁ, ସାସ୍ତେରିତା ରାସ୍ତକି ଆହାମାନେ, “ଏଝାସି ମାହାପୁରୁ ତାଣା

* ୨:୧୧ ୨:୧୧ ପିତର † ୨:୧୪ ୨:୧୪ ପିତର ☆ ୨:୧୭ ୨:୧୭ ରମି ୩:୨୦; ରମି ୩:୨୨ ☆ ୩:୭ ୩:୭ ରମି ୪:୩

ନାମିତେସି, ଇଞ୍ଜା ନାମାଲିଏ ତାରିଗାଗାସି ଆଡେସି
□

୭ ✨ଇଦାଆଁତାକି ଆମ୍ବାଆରି ନାମିନେରି
ଏଞ୍ଜାରିଦେଁ ଅବ୍ରାହାମତି ମୀରକା ମାସ୍କା, ଇଦାଆଁ
ମୀରୁ ପୁନାୟିମାନେ □

୮ ଅଡେ ମାହାପୁରୁ ଜୀହୁଦିଆଆତାରାଇଁ ନାମୁଟି
ତାରିଗାଗାରି କିନେସି, ଏଦାଆଁ ଦାମ୍ବୁ ପତିତା
ନକେଏ ମେସାନା ଅବ୍ରାହାମ ତାଣା ନେହଁ କାବୁ
ଝେସାନା ଏଲେଇଚେସି; “ନୀ ତାଣାଟି ଦାରତିତି
ବାରେ କୁଲୁଡି ଲକୁ ବର ବେଟାଆନେରି □”

୯ ଅବ୍ରାହାମ ନାମିତେସି ଇଞ୍ଜା ବର
ବେଟାଆଡେସି, ଏଲେକିହଁଏ ଆମ୍ବାଆରି
ନାମିନାରି ବାରେଜାଣା ଏଞ୍ଜାଣିଲେହେଁ ବର
ବେଟାଆନେରି □

୧୦ ଇଚିହଁଏ ଶେକା ଲକୁ ମସାତି ମେରା
ଆସାନା କାମା କିନେରି, ଏଞ୍ଜାରି ବାକା
ବେଟାଆନେରି, ଦାମ୍ବୁପତିତା ରାସ୍କି ଆହାମାନେ,
“ଆମ୍ବାଆସି ମେରା ପତିତା ରାସ୍କି ଆହାମାନି
ବାରେ କାତାତି ମାନଝି ଆଅସି ଏଞ୍ଜାସି ମାହାପୁରୁ
ତାଣାଟି ବାକା ବେଟା ଆନେସି □”

୧୧ ମେରା ମାନଝି ଆହାନା ଆମ୍ବାଆସି ମାହାପୁରୁ
ନକିତା ତାରିଗାଗାସି ଆଅସି, ନେହଁକ
ପୁଞ୍ଜାମାନାୟି, ରାସ୍କି ଆହାମାନେ, “ଇଚିହଁ
ତାରିଗାଗାସି ନାମୁଟି ନୀତିନେସି □”

୧୨ ଅଡେ ନାମୁ ମେରାତି ମୁଲୁ କାତା ଆଏ;
ମେରାତି ମୁଲୁ ଆହାମାନେ “ଆମ୍ବାଆସି ବାରେ
ହୁକୁମି ମାନଝି ଆନେସି, ଏମ୍ବାଟି ଏଞ୍ଜାସି ନୀତିନେସି
□”

୧୩ କ୍ରୀସୁ ମା ତାକି ବାକା ବେଟାଆହାନା ମେରାତି
ମାଙ୍ଗେ ଝାନି ବାକାଟି ପିସ୍ପି କିହାମାଞ୍ଜାନେସି;
ଇଚିହଁ ରାସ୍କି ଆହାମାନେ, “ଆମ୍ବାଆସି ପାସି
ମୁଣ୍ଡାତା ଏପକି ଆନେସି ଏଞ୍ଜାସି ବାକା ଗାଟାସି □”

୧୪ ମାହାପୁରୁ ଅବ୍ରାହାମଇଁ ଆମିନି ବର
ହାହାଲିତାକି ଆଞ୍ଜାମାନେସି, ଜୀହୁଦିଆଆତି
ଲକୁ ଜିକେଏ ଏନିକଁଏ ଏଦାଆଁ ବେଟାଆହାଲି
ଆଡିନେରି, ଏଦାଆଁତାକି କ୍ରୀସୁ ଇ କାମା
କିହାମାନେସି, ଏଦାଆଁତାକି ମୀରୁ ଜିକେଏ
ମାହାପୁରୁ ଝେସାମାନି ଲେହେଁ ନାମୁତଲେ
ସୁଦୁଜୀଝୁ ବେଟାଆହାଲି ଆଡିନାୟି □

ମେରା ଅଡେ ଆଞ୍ଜିନାୟି

୧୫ ଏ ତାୟି ତାଙ୍ଗିସ୍ତା, ନାନୁ ମାଣ୍ଡସିୟାଁ ଲେହେଁ
ଝେସିମାଞ୍ଜାଇଁ; ରାଜିମାନା ମାଣ୍ଡସି ତାଣାଟି କିତି
ଜିକେଏ, ରିଆରି ସନ୍ତକି କିହାନା ଏଦାଆଁ ତାରି
କିନେରି, ଏଡେତା ଏଦାନି ଆମ୍ବାଆସି ଏଟକା
କିହାଲି ଆଡଅସି କି ଏମ୍ବାଆଁ ଏନାଆଁ କାଲହାଲି
ଆଡଅସି □

୧୬ ମାହାପୁରୁ ଆଞ୍ଜାମାନାୟି ଅବ୍ରାହାମ ଇଞ୍ଜା
ତାନି କୁଲୁ ତାକି ହୀପକି ଆହାମାଟେ; ଏଞ୍ଜାସି
ଏଲେଇଞ୍ଜା ହିଲଅସି, “କୁଡା ତାରକି” ଏନିକଁ
ହାରେକା ଲକୁତାକି ସାସ୍ତେରିତା ଝେସିଲେହେଁ
ଆଏ, ଇଚିହଁଏ ଏନିକଁ ରଅଣି କାତା ଝେସ୍ତେସି,
ନୀ “କୁଡା ତାକି” ଏଞ୍ଜାସି କ୍ରୀସୁ ଜୀସୁ □

୧୭ ନା ଅଣ୍ପୁ ଇଦି, ମାହାପୁରୁ ଅବ୍ରାହାମ
ତଲେ ର ରାଜିମାନା କିହାମାଟେସି, ଅଡେ ଏଦାଆଁ
ତାରିକିହାଁ ଇଟାଲି ଆଞ୍ଜାମାଟେସି, ଆମିନି ମେରା
ସାରି ଝାଞ୍ଜା କଡେଦସ ବାସା ତାୟୁ ହୀପକିଆଡେ,
ଏଦି ଏ ରାଜିମାନାତି ମାନି କିଆନା ମାହାପୁରୁତି
ଆଞ୍ଜାମାନାଣି ଆଙ୍ଗାଲି ଆଡେଏ □

୧୮ ✨ମାହାପୁରୁତି ଆଞ୍ଜାମାନି ବର ମେରା
ମାନିକିନି ତାଣା ବାସୁଁ କିନେ, ଆତିହଁଏଦି ଅଡେ
ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା
ଅବ୍ରାହାମକି ଏଦାଆଁ ହାହାମାନେସି □

୧୯ ଆତିହଁଏ ମେରା ଏନାଆଁତାକି ହୀପକିଆଡେ
? ମାଣ୍ଡସିତି ଲାଗେଏତି କାମା ତସାଲି ତାକି
ହୀପକିଆଡେ, ଇଞ୍ଜା ଅବ୍ରାହାମକି ଏମିନି କୁଡାତି
ମେସାନା ମାହାପୁରୁ ଆଞ୍ଜାମାଟେସି, ଏଞ୍ଜାସି ଝାନି
ପାଡେକା ମେରା ଲଡା ମାଟେ, ର ମାଣ୍ଡସିତି ମାଦି
ତଲେ ଲାକପୁରୁତି ଦୂତୁୟାଁ ସାୟେମିଟି ମେରା
ହୀପକି ଆହାମାଟେ □

୨୦ ସାମା ନୀଏଁ ମାଦିତି ମାଣ୍ଡସି ରଅସିଏ; ଅର
ରଅସି ଆଏ, ସାମା ମାହାପୁରୁ ରଅସିଏ □

ମେରାତି କାତା

୨୧ ଇଚିହଁଏ ମେରା ମାହାପୁରୁ ଆଞ୍ଜାମାନାଣି
କପାଟି କାତା ଝେକ୍ତନେ ? ଏଦି ଏଡେଲାଞ୍ଜା
ଆଆପେ; ଇଚିହଁଏ ଲକୁତାକି ଜୀଝୁ ହାହାଲି
ଆଡିନି ଇଲେତି ମେରା ହୀପକି ଆହାମାଟିହଁମା,
ଆତିହଁଏ ମେରା ସାଡେଏ ତାରି ଗାଟାୟି ଆଡେମା
□

୨୨ ସାମା ଦାମ୍ବୁ ସାସ୍ତେରିତା ରାସ୍କି ଆହାମାନେ,
“ବାରେ ମାଣ୍ଡସି କୁଡା ପାପୁତି ବାଡୁୟୁତା ମାନେରି,
ଏଦାଆଁତାକି ଏନିକଁ ଜୀସୁ କ୍ରୀସୁ ତାଣା ନାମିତି
ପାଡେୟି ଲେହେଁ ଆଞ୍ଜାମାନି ବର କ୍ରୀସୁଇଁ ନାମିତି
ଲକୁ ବେଟାଆନେରି □”

୨୩ ସାମା ଏ ନାମୁ ଝାନି ନକେଏ, ତଞ୍ଜାଆହାଲି
ହାଜିମାନି ଏ ନାମୁତି ମେଡା ଆହାଲି, ମୀରୁ ମସା
ମେରାତା ଦସ୍ପି ଆହିମାଟାୟି □

୨୪ ଇଲେତି ନାମୁ ତାକି ମୀରୁ ଦାମ୍ବୁ ଗାଟାତାୟି
ଆହାଲିତାକି କ୍ରୀସୁ ଝାନି ଦିନା ପାଡେକା ମେରା
ମାଙ୍ଗେ ଜାପୁହାନାୟି ଲେହେଁ ମାଟେ □

୨୫ ସାମା ନୀଏଁ ଏ ନାମୁ ଝାହାଲିଏ, ମୀରୁ ଅଡେ
ମେରାତି ବାଡୁୟୁତା ହିଲାଆୟି □

୨୭ ଇତିହାସଂ ମୀରୁ ବାରେଜାଣା ଜୀସୁ କ୍ରୀସ୍ତଙ୍କ ନାମିନି ତାଣାଟି ମାହାପୁରୁତି ମୀରକା ମାସ୍କା ଆହାମାଞ୍ଜେରି □

୨୮ ଇଞ୍ଜା ମୀରୁ ଏଚେକା ଲକୁ କ୍ରୀସୁ ଦରୁଟି ବାପ୍ତିସ୍ମ* ବେଗାଆହାମାଞ୍ଜେରି, ନୀର୍ବ୍ୟ ମୀରୁ ବାରେତେରି କ୍ରୀସ୍ତଙ୍କ ହିମ୍ବରିଲେହେଁ ପର୍ହାମାଞ୍ଜେରି □

୨୮ ଜୀହୁଦି ଆପେସି କି ଜୀହୁଦିଆଆତି ଲକୁ ଆପେସି, ହଲେଏସି ଆପେସି କି ହଲେଏସି ଆଆତାସି ଆପେସି, ଆବା ଆପେସି କି ଇୟା ଆପେ; ମୀ ବିତ୍ରା ଏନି ପାର୍ତ୍ତା ହିଲେଏ, ମୀରୁ ବାରେ କ୍ରୀସୁ ଜୀସୁ ତାଣା ଆଶ୍ୱାନା ରଣ୍ଡିଏ ଆହାମାଞ୍ଜେରି □

୨୯ *ଅଡେ ମୀରୁ କ୍ରୀସୁତି ଲକୁ, ଆତିହାସଂ ମୀରୁ ଅବ୍ରାହାମତି କୃତାତେରି, ଆଞ୍ଜାମାନି ଲେହେଁ ଅଦିକାରା ଗାଟାତେରି ଆହାମାଞ୍ଜେରି □

୪

୧ ନାନୁ ଝେସିମାଞ୍ଜାଇଁ, ମୀରୁଏସି ଆବାତି ବାରେ ଦନତି ଅଦିକାରା ଗାଟାସି, ସାମା ବାରେତି ଅଦିକାରା ଗାଟାସି ଆଡିଜିକେଏ, ପାତାଆନି ପାତେକା ହଲେଏସି ଲେହେଁ ଆନେସି □

୨ ସାମା ଆବାତି ତୀରି କିହାମାନି ଦିନା ପାତେକା ଏଞ୍ଜାସି ତାଲି ତାଞ୍ଜି ଅଡେ ଗୁମୁସ୍ତାତି କାତାତା ତ୍ୱୟିନେସି □

୩ ଏଲେକିହାସଂ ମୀରୁ ଜିକେଏ ଏଚିବେଲ୍ଲା ଦାମ୍ବୁତା ପାତାଆହା ହିଲ୍ଲାଆତାୟି, ଏଚିବେଲ୍ଲା ଦାରତିତି ବାରେ ସାଲ୍ଡି କିନି ବାଡ଼ୟୁତା ହଲିୟା ମାତାୟି □

୪ ସାମା ଦିନା ପୂରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରୁଏଶାଇଁ ପାଶ୍ୱାତେସି; ଏଞ୍ଜାସି ଇୟାନି ବାଣ୍ଡିଟି ଜାନା ଆହାନା ଜୀହୁଦିୟାଁ ମେରା ତଲେ ନୀଡିତେସି,

୫ *ଏନିକିହାସଂ ଏଞ୍ଜାସି ମେରାତା ମାନି ଲକୁଣି ମୂଲ୍ଲୁ ହୀହାନା ପିସପି କିନେସି, ଅଡେ ମୀରୁ ମାହାପୁରୁତି ମୀରକା ମାସ୍କାତି ଅଦିକାରା ବେଗାଆନାୟି □

୬ ଇଞ୍ଜା ମୀରୁ ମୀରକା ମାସ୍କାତେରି, ଅଡେ ମାହାପୁରୁ ମୀ ହିୟାତା ତ୍ୱୟାଲି ତାକି ତାନି ମୀରୁଏଶାତି ସୁଦୁଜୀସୁ ପାଶ୍ୱାତେସି, ଏ ଜୀସୁ ମୀ ତାଣା ମାଞ୍ଜାନା କାଜା ଗିୟାତଲେ “ଆବା ତାଞ୍ଜି ଇଞ୍ଜାସଂ” ହାଟିମାନେ □

୭ ଏଦାଆଁତାକି ମୀରୁ ଅଡେ ହଲିୟାଞ୍ଜା ଆଏ, ସାମା ମୀରକା ମାସ୍କାତେରି, ମୀରୁ ତାନି ମୀରକା ମାସ୍କାତେରି ଆହାମାନାକି ମାହାପୁରୁ ତାନି ମୀରକା ମାସ୍କାକି ଏନାଆଁ ଇଟାମାନେସି ଏ ବାରେ ମିଙ୍ଗେ ହିୟାନେସି □

ଗାଳାତିୟ ଲକୁତାକି ପାଞ୍ଜୁଲ ଅଣ୍ଡିନାୟି

୮ ସାମା ମୀରୁ ନଚେଏ ମାହାପୁରୁଙ୍କ ପୁଞ୍ଜାହିଲ୍ଲାଆତେରି, ଅଡେ ଏମିନି ଗାଟାଇ ସାତା ମାହାପୁରୁ ଆଏ, ଏଞ୍ଜାଆଁତି ହଲିୟାଞ୍ଜା ମାତେରି □

୯ ସାମା ମୀରୁ ନୀର୍ବ୍ୟ ମାହାପୁରୁଙ୍କ ପୁଚେରି; ଇଞ୍ଜା ମାହାପୁରୁ ମିଙ୍ଗେ ପୁଞ୍ଜାତେସି, ଆତିହାସଂ ମୀରୁ ଏନିକିହାସଂ ଏ ବାଡ଼ୟୁ ହିଲ୍ଲାଆଗାଟାଇ ଅଡେ ଏନାଆଁ ହିୟାଲି ଆଡାଆଗାଟି ଦାରତି ଝାକି ଝେଶ୍ୱେ ହାଜାଲି ଅଣ୍ଡିମାଞ୍ଜେରି, ମୀରୁ ଏନାଆଁତାକି ଝେଶ୍ୱେ ଏ ବାରେତି ହଲିୟାଞ୍ଜା ଆୟାଲି ଅଣ୍ଡିମାଞ୍ଜେରି □

୧୦ ଦୁକୁତି କାତା, ମୀରୁ ତୀରି କିହାମାନି ଦିନା, ଲେଞ୍ଜୁ, ପାର୍ବୁ ଅଡେ ବାର୍ସା ମାନୁଞ୍ଜି ଆହିମାଞ୍ଜେରି □

୧୧ ମିଙ୍ଗେତାକି ନାନୁ କିହାମାନି କାମା ଏଚେତା ଉଜେଏ ଆଡେନ, ମୀ ତାକି ନାଙ୍ଗେ ହାଡ଼େକା ଆଜି ହଟିମାଞ୍ଜାନେ □

୧୨ ଏ ତାୟି ତାଞ୍ଜିସ୍ତାତେରି, ନାନୁ ମିଙ୍ଗ ବାଡିମାଲିମାଞ୍ଜାଇଁ, ମୀରୁ ନାଚେହେଁ ଆଦୁ, ଇତିହାସଂ ନାନୁ ଜିକେଏ ମୀ ଲେହେଁ ଆହାମାଇଁ, ମୀରୁ ନାଙ୍ଗେତାକି ଏନାଆଁ ଲାଗେଏ ପଚେଏ କିହାମାଞ୍ଜଅତେରି □

୧୩ ନାନୁ ତଲିଏ ମୀ ତାଣା ନେହାଁ କାରୁ ଝେକହାମାଚେର୍ସ ମୀରୁ ପୁଞ୍ଜାମାଞ୍ଜେରି ଏଚେତା ନା ଆଙ୍ଗାତି ବାଦା ମାଞ୍ଜାନା ଝେକହାମାଚେର୍ସ;

୧୪ ଅଡେ ନା ଆଙ୍ଗାତି ବାଦା ମିଙ୍ଗେତାକି କସ୍ତାଗାଟାୟି ଆହିମାଟିହାଁ ଜିକେଏ ମୀରୁ ନାଙ୍ଗେ ହୀଣି ତଲେ ଅପଅମି ଇଞ୍ଜା ମାଞ୍ଜଅତେରି, ସାମା ମୀରୁ ମାହାପୁରୁତି ର ଦୁଡୁ ଲେହେଁ ଇତିହାସଂ କ୍ରୀସୁ ଜୀସୁଙ୍କ ଆବିନି ଲେହେଁ ନାଙ୍ଗେ ଆବାତେରି □

୧୫ ମୀରୁ ଏଚେକା ରାହାଁ ମାଚେରି, ମୀ ଏ ରାହାଁ ଆମ୍ବିୟା ହାଚେ ? ଇତିହାସଂ ନାନୁ ମୀ କାତା ଆଡ଼ଞ୍ଜା ତଲେ ଝେସାଲି ଆଡିଇଁ, ଏ ବେଲାତା ମୀରୁ ଜାହାରା କାନୁ ପିଡ଼ହାନା ନାଙ୍ଗେ ହିୟାତେରିମା □

୧୬ ସାମା ନୀର୍ବ୍ୟ ନାନୁ ମିଙ୍ଗେ ସାତା ଝେସାଲିଏ, ମୀ ସାତୁ ଆହାମାଇଁ କି ?

୧୭ ଏଞ୍ଜାରି ମୀ ନେହେଁ ତାକି ହାଡ଼େକା ରାହାଁ ଗାଟାରି ଇଞ୍ଜାଁ ତଞ୍ଜାଆହାଲି ଅଣ୍ଡିମାନେରି, ସାମା ତାନି ସାତା ଅଣ୍ଡୁ ତଲେ ଆଏ, ଏଞ୍ଜାରି ରଣ୍ଡିଏ ଅଣ୍ଡୁ, ଏନିକିହାସଂ ମୀରୁ ନା ତାଣାଟି ଏଟକା ଆହାନା ଏଞ୍ଜାରି ଝାକି ରାହାଁ ଆଦେରି □

୧୮ ଇତିହାସଂ ନାନୁ ମୀ ତାଣା ମାନି ବେଲାତା ଆଏ, ସାମା ବାରେ ବେଲାତା ନେହାଁ କାମାତାକି ଅଣ୍ଡିନାୟି ନେହେଁ □

୧୯ ଏ ନା ଜୀସୁତି ମୀରକା ମାସ୍କାତେରି, ଏଚେ ପାତେକା କ୍ରୀସୁ ଲେହେଁ ଆଅତେରି, ଏଚେ

* ୩:୨୭ ୩:୨୭ମୁଞ୍ଜିନାୟି ✱ ୩:୨୯ ୩:୨୯ ରମି ୪:୧୩ ✱ ୪:୫ ୪:୫ ରମି ୮:୧୫-୧୭

ପାତେକା ନାନୁ ମୀ ତାକି ଜାନ କିନାଟି ଲୁଞ୍ଜିନି ବୀସା ଲେହେତି କସ୍ତୁ ବେଟାଆହିମାଙ୍କି □

୨୦ ନାନୁ ଏନିକି ନୀର୍ବି ମୀ ତାଣା ଖାହାନା ଅର ରଲେତି ହାଡ଼ା ଖେସାଲି ଆଡ଼ିତେର୍ବିମା, ଇଦି ନା ଅଣ୍ଡୁ ମାତେ; ଏନାଆଁତାକି ଇଚିହିଁ ନାନୁ ମୀ ତାକି ହାରେଏ ଅଣ୍ଡିମାଙ୍କି □

ହାଗାର୍ ଅଡ଼େ ସାରାନି ପୁଣ୍ଡିକିନାୟି

୨୧ ମସାତି ମେରାତା ମାଞ୍ଜାଲି ମନ କିହିମାଞ୍ଜେରି ମୀରୁ, ନାଙ୍ଗେ ଖେସ୍ତାଦୁ, ମେରାତା ଏନାଆଁ ରାସ୍ତକି ଆହାମାନେ, ଏନାଆଁ ମୀରୁ ଖେଞ୍ଜା ହିଲଅତେରି ?

୨୨ ଇଚିହିଁ ରାସ୍ତକି ଆହାମାନେ, ଅଦ୍ରାହାମତି ରୀ ମୀରକା ମାତେରି ରଅସି ହଲେଣି ତାଣାଟି ଅଡ଼େ ରଅସି ତାନି ତକ୍ତିନି ତାଣାଟି ଜାର୍ନା ଆହାମାତେସି,

୨୩ ହଲେଣି ମୀରଏସି ଆଙ୍ଗାତି ଗୁଣ୍ଡୁତଲେ ଜାର୍ନା ଆଡେସି, ସାମା ଆମିନିଗାଟାସି ତାନି ତକ୍ତିନି ମୀରଏସି ମାହାପୁରୁ ଆଞ୍ଜାମାଟି ବାଡ଼ୁଡ଼ି ଜାର୍ନା ଆଡେସି □

୨୪ ଇଦାଆଁ ର ପୁଣ୍ଡି କିନି କାତାଲେହେଁ ଖେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାକ; ଆମିନି ଗାଟାନି ମୀରକା ହଲିୟାଙ୍ଗା ଆୟାଲି ଜାର୍ନା ଆଡେରି, ଏ ହାଗାର୍ ସିନୟ ହରୁଟି ଖାହାମାନି ରାଜିମାନା ଲେହେଁ □

୨୫ ହାଗାର୍ ଆରବ ଦେସାତା ମାନି ସିନୟ ହରୁ ଲେହେଁ, ଏଦି ନୀର୍ବିତି ଜିରୁସାଲମ ଗାଡ଼ା ଲେହେଁ □ ହାଗାର୍ ଲେହେଁ ଜିରୁସାଲମ ଅଡ଼େ ଏଦାନି ସାଲୁଖି କିନାରି ନୀର୍ବି ହଲିୟାଙ୍ଗା ଆହାମାନେରି □

୨୬ ସାମା ଲାକପୁରୁ ମାନି ଜିରୁସାଲମ ହଲେଣି ଆଆଗାଟାୟି, ଏଦି ମା ତାଲି

୨୭ ଏନାଆଁତାକି ଇଚିହିଁ ସାସ୍ତେରିତା ରାସ୍ତକି ଆହାମାନେ,

“ଆଲ ବାଞ୍ଜେଣି, ଏତେଲା ପଦି ପଦା ଜାର୍ନା କିଆଗାଟି ଇୟା, ରାହାଁ କିମ୍ପୁ,

ଜାର୍ନା କିନି ବେଲାତି ଲୁଞ୍ଜିନି ବୀସା ଏତେଲା ପୁଞ୍ଜା ହିଲାଆତି ଜିକେଏ ନୀରୁ କାଜା ଗିୟାତଲେ ରାହାଁ କିମ୍ପୁ;

ଇଚିହିଁ ତକ୍ତା ତଲେ ବାସା କିହିମାନି ଇୟାନି କିହାଁ ର ପିସ୍ତି ଇୟାନି କକାରି ପଦାୟା ହାରେକା ଜାଣି ଆନେରି ଆନୁ □”

୨୮ “ଏ ନା ତାୟି ତାଙ୍ଗିସ୍ତାତେରି, ମୀରୁ ଇସାହାକ ଲେହେଁ ଆଞ୍ଜାମାନି ମାହାପୁରୁତି ମୀରକା ମାସ୍ତକାତେରି □

୨୯ ସାମା ଆମ୍ବାଆସି ଆଙ୍ଗାତି ଗୁଣ୍ଡୁ ତଲେ ଜାର୍ନା ଆଡେସି, ଏଞ୍ଜାସି ଏନିକି ଏତିବେଲାତା ମାହାପୁରୁତି ସୁଦୁଜୀଞ୍ଜୁଟି ଆଞ୍ଜାମାନି ତାଣାଟି ଆମ୍ବାଆସି ଜାର୍ନା ଆହାମାନେସି, ଏଞ୍ଜାଣାଙ୍କି ସାସ୍ତି

ହୀହାମାତେସି ଏଲେକିହିଁଏ ନୀର୍ବି ଜିକେଏ ଆହିମାନେ □

୩୦ ଦାମ୍ପୁ ପତି ଏନାଆଁ ଖେସିମାନେ ? ହଲେଣି ଇୟା ଅଡ଼େ ଏଦାଣି ମୀରଏଣାଙ୍କି ପିହ୍ମୁ; ଇଚିହିଁ ହଲେଣି ମୀରଏସି ତାନି ବୀହା ତକ୍ତିନି ମୀରଏଣା ତଲେ ଅଦିକାରା ଗାଟାସି ଆୟାଲି ଆଡ଼ଅସି □”

୩୧ ଏଦାଆଁତାକି ଏ ନା ତାୟି ତାଙ୍ଗିସ୍ତାତେରି, ମୀରୁ ହଲେଣି ମୀରକା ମାସ୍ତକା ଆଏ, ସାମା ବୀହା ତକ୍ତିନି ମୀରକା ମାସ୍ତକାତାୟି □



କ୍ରୀସ୍ତ ତାଣା ମେଲା ଆନାୟି

୧ ମୀରୁ ମେଲା ଆହାମାନାୟି, କ୍ରୀସ୍ତ ମାଙ୍ଗେ ମେଲା କିହାମାଞ୍ଜାନେସି □ ଇଦାଆଁତାକି ମୀରୁ ମେଲା ଆଡ଼ିତାଣା ତୀରିଆହାଁ ମାଞ୍ଜୁ □ ଅଡ଼େ ଖେଣ୍ଡେ ହଲିୟାଙ୍ଗା ଦୁଞ୍ଜେଡ଼ିତା ମୀରୁ ଜାହାରାଙ୍କି ହେରପାକତାଆଦୁ □

୨ ନାନୁ ପାଞ୍ଜୁଲ ମିଙ୍ଗେ ଖେସିମାଞ୍ଜାଙ୍କି, ମୀରୁ ମୀ ତଲୁ ଦାପିଆନାଣି ମାନି କିତିସାରେ, କ୍ରୀସ୍ତ ତାଣାଟି ମୀଦି ଏନି ଲାବା ହିଲେଏ □

୩ ନାନୁ ତଲୁ ଦାପି ଆହିମାନି ବାରେ ଜାଣାଙ୍କି ଖେଣ୍ଡେ ଖେସିମାଙ୍କି, ଇଚିହିଁ ଏଞ୍ଜାସି ବାରେ ମସାତି ମେରା ମାନୁଞ୍ଜି ଆନାୟି ମାନେ □

୪ ମୀରୁ ଏତେକା ଲକୁ ମେରାଟି ମାହାପୁରୁ କାନୁତା ତୀରିଗାଟାତେରି ଆୟାଲି ଅଣ୍ଡିମାଞ୍ଜେରି, ମୀରୁ କ୍ରୀସ୍ତ ତାଣାଟି ଏଟକା ଆହାମାଞ୍ଜେରି, ଇଞ୍ଜା ମାହାପୁରୁ କାର୍ମାମେହ୍ନି ତାଣାଟି ଗୁତା ଆହାମାଞ୍ଜେରି □

୫ ଇଚିହିଁ ମୀରୁ ମାହାପୁରୁତି ଜୀଞ୍ଜୁତଲେ ନାନୁ ତାକି ଦାମ୍ପୁଗାଟି ଲକୁ ଆନି ଆସାଙ୍କି କାଟିମାନାୟି □

୬ ଇଦାଆଁତାକି ଜୀସୁ କ୍ରୀସ୍ତ ତାଣା ଆଣ୍ଡାନା ନୀତାମାଟିସାରେ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ନାମୁତା ଅଜିକିହିଁ ମାଞ୍ଜାନା ଜୀଞ୍ଜୁ ନନାଣି ତଲେ କାମା କିନାୟି □

୭ ମୀରୁତ ନେହିଁକି ନକିତା ହାଜିମାତେରି; ଆମ୍ବାଆସି, ମିଙ୍ଗେ ସାତାତି ମାନୁଞ୍ଜି ଆଆଦୁ ଇଞ୍ଜି ଆଙ୍ଗାତେସି ?

୮ ମିଙ୍ଗେ ହାଟାମାଞ୍ଜାନି ମାହାପୁରୁ ତାଣାଟି ଇଦି ଆହା ହିଲେଏ □

୯ କାତାତା ମାନେ, ଇଚାୟି ପୁଲା ତ:କାତି ଗୁଣ୍ଡା ବାରେ ପୁଲା କିନେ □

୧୦ ମୀରୁ ଏଟକାତି ଅଣ୍ଡୁ ଅଣ୍ଡପଅତେରି, ଇଦାଆଁ ନାନୁ ମିଙ୍ଗେ ତାକି ପ୍ରୁ ତାଣା ହାରେକା ନାମିମାଙ୍କି; ସାମା ମିଙ୍ଗେ ଆମ୍ବାଆସି ନାଡ଼ି କିହାମାଞ୍ଜାନାସି ଏଞ୍ଜାସି ଆମ୍ବାଆସି ଆଡେସି ମାହାପୁରୁ ଏଞ୍ଜାଣାକି ତଣ୍ଡ ହୀନେସି □

☆ ୫:୯ ୫:୯ ୧କର ୫:୭

୧୧ ନା. ତାୟି ତାଙ୍ଗିସ୍ତାତେରି, ନାନୁ ନୀର୍ବ ପାତେକା ତଲୁ ଦାଃନି ଫେରା ଝେକ୍‌ହିମାଲ୍, ଆତିହ୍ ଏନାଆଁତାକି ନୀର୍ବ ପାତେକା ସାସ୍ତି ବେଗାଆହିମାଲ୍ ? ନାନୁ ସାତେଏ ଏଲେକ୍ ଝେକ୍‌ହିହ୍, କୁସତା ହାଡ଼ି କ୍ରୀସ୍ତତି କାତା ଝେକ୍‌ନି ତାଣାଟି ନାଙ୍ଗେ ଏନି ବାଦା ଆଆତେମା □

୧୨ ନାନୁ ଅଣ୍‌ପିମାଲ୍, ତଲୁ ଦାନାଣି ଏମିନିଗାଗାରି ମିଙ୍ଗେ ଏଲେକ୍ କିଲିବିଲି କିହିମାଞ୍ଜାନେରି ଏଞ୍ଜାରି ପେଜୁୟା ଲେହେ ଆତିହ୍ ନେହ୍ ଆତେମା □

୧୩ ଏ. ତାୟି ତାଙ୍ଗିସ୍ତା, ମୀରୁ ଫେଲ୍ଲା ଆହାଲିତାକି ହାଟ୍‌କି ଆହାମାଞ୍ଜେରି; ସାମା ଜାଗ୍ରାତା, ଆଙ୍ଗାତି ଜୁପକା କାମା କିହାଲି ମୀ ଆଙ୍ଗାତି ପାରୁ ବେଗାଆତିସାରେ ଏ ଫେଲ୍ଲାତି ଲେମ୍‌ସାଆଦୁ, ସାମା ରଅତେରି ରଅଣାଲ୍ ଜୀଞ୍ଜୁ ନଞ୍ଜିଆହାନା ସେବା କିଦୁ □

୧୪ ଇତିହ୍ ବାରେ ଫେରା ଇ ରଣ୍‌ସିଏ ହୁକୁମିତା ତାରି ଆନେ, “ନାନୁ ନୀ ଆଟ୍‌ହିତାଣାଲ୍ ନୀ ଜୀଞ୍ଜୁତି ଜୀଞ୍ଜୁନି ଲେହେ ଜୀଞ୍ଜୁନଦୁ □”

୧୫ ମୀରୁ ରଅତେରି ରଅଣାଲ୍ ବାଦା ହାହାନା ନସ୍ତ କିଞ୍ଜି ଆହିମାଞ୍ଜେରି, ଆତିହ୍ ଜାଗ୍ରାତା ଆଦୁ, ଏନିକ୍ ମୀରୁ ରଅତେରି ରଅଣି ତାଣାଟି ନାସା ଆଅତେରି □

ସୁଦୁଜୀଞ୍ଜୁ ଅଡ଼େ ମାଣ୍‌ସିତି ଗୁଣ୍ଡୁ

୧୬ ନା. ଅଣ୍‌ପୁ ଇଦି, ମୀରୁ ସୁଦୁଜୀଞ୍ଜୁ ତଲେ ତାକାଦୁ, ଆତିହ୍ ମୀରୁ ଆଙ୍ଗାତି ଜୁପକା ତଲେ କାମା କିଅତେରି □

୧୭ *ମାଣ୍‌ସିତି ମାଣ୍‌କି ସୁଦୁଜୀଞ୍ଜୁ ଅପେଏ □ ଏଲେକିହ୍ ଏ ସୁଦୁଜୀଞ୍ଜୁ ମାଣ୍‌ସିତି ମାଣ୍‌କିତି ଅପେଏ □ ଏଞ୍ଜି ରିଣ୍‌ସି ସାତୁ ଲେହେ □ ଇତିହ୍ ମୀରୁ ଏନାଆଁ କିୟାଲି ଅଣ୍‌ପିଦେରି ଏଦାଆଁ କିୟାଲି ଆଡ଼ଅତେରି □

୧୮ ସୁଦୁଜୀଞ୍ଜୁ ମିଙ୍ଗେ ସାଲ୍‌ଞ୍ଜି କିୟାନେ, ଆତିହ୍ ମୀରୁ ଅଡ଼େ ମସାତି ଫେରା ତୁଇ ହିଲଅତେରି □

୧୯ ଆଙ୍ଗାତି ଅଣ୍‌ପୁ ତଲେ କିନି କାମା ବାରେ ନେହ୍ କ୍ ପୁଞ୍ଜାମାଞ୍ଜେରି, ଏଞ୍ଜି ଦାରିକାମା, ଲାଗେଏ ପଲେଏ କାମା □

୨୦ ଅଡ଼େ ଅପାଆଗାଟି କାମା, ପେଶ୍‌କା ପୂଜା, ଲକୁଣି ପାୟିନାୟି, ଗୁଣି ଗାର୍‌ଡ଼ି, ସାତୁ ଆନାୟି, ଗଡ଼ହା କିନାୟି, ଆଙ୍କାରା ଆନାୟି, କାର୍‌ବି ଆନାୟି, ଜାହାରାତାକି ଅଣ୍‌ପିନାୟି, ଗତି ଆହ୍ ବାଗା ଆନାୟି, ନାଡ଼ିକିହ୍ ବାଗା କିନାୟି, ତାହାରା ଆନାୟି,

୨୧ କାଡ଼ ଗୁହ୍‌ନାରି ତଲେ ଆଣ୍ଡାନା ରାହ୍ କିନାୟି ଇଲେତି ବାରେ କାମା କିନାୟି; ନାନୁ ତଲି ମିଙ୍ଗେ ଏନିକ୍ ଝେସାମାଞ୍ଜାତେଏ, ଏଲେକିହ୍ ନକେଏ

ଜାଗ୍ରାତା କିହ୍ ଝେସିମାଞ୍ଜାଲ୍, ଆମ୍ବାଆରି ଇଲେତି କାମା କିନେରି, ଏଞ୍ଜାରାକି ମାହାପୂରୁ ରାଜିତା ଅଦିକାରା ହିଲେଏ □

୨୨ ସାମା ସୁଦୁଜୀଞ୍ଜୁତି ପାଡ଼େୟି, ଜୀଞ୍ଜୁନନାୟି, ରାହ୍ ଆନାୟି, ହିଡ଼ି ଜୀଞ୍ଜୁତଲେ ମାନାୟି, ଅରୁହିନାୟି, ଲକୁଇଁ ସାୟେମି କିନାୟି, ସାତା ଗୁଣ୍ଡୁ ମାନିଗାଟି ଲକୁ, ନାମୁତଲେ ମାନାୟି,

୨୩ ଅଡ଼େ ଜାହାରାଲ୍ ଲକ୍‌ନାୟି, ଇ ବାରେ ନକିତା ମସାତି ଏନି ଫେରା ହିଲେଏ □

୨୪ ଆମ୍ବାଆରି ଜୀସୁ କ୍ରୀସ୍ତ ତାଣା ମାନେରି, ଏଞ୍ଜାରି ତାମି ଆଙ୍ଗାତି ଅଣ୍‌ପୁ ଅଡ଼େ ଜୁପକା ବାରେ ମାଣ୍‌ସି ମାଣ୍‌କିତି ପାସି ମୁଣ୍ଡାତା ଏକ୍‌ହାନା ହାଞ୍ଜି କିହାମାନେରି □

୨୫ ମୀରୁ ସୁଦୁଜୀଞ୍ଜୁ ତଲେ ଜୀଞ୍ଜୁ ବେଗାଆହାମାନାୟି, ଆତିହ୍ ସୁଦୁଜୀଞ୍ଜୁ ତଲେ ନୀଡ଼ିନ □

୨୬ ମୀରୁ ବଡ଼ପଣ ଆହାନା ରଅତଞ୍ଜି ରଅଣାଲ୍ ବିତିବିତା କିଆପ ଅଡ଼େ ମୀରୁ ରଅତାୟି ରଅଣାଲ୍ ତାହାରା ଆଆପ □



ରଅସି ରଅଣି ବଜୁ ଡେକିନାୟି

୧ ଏ. ତାୟି ତାଙ୍ଗିସ୍ତା, ଆମ୍ବାଆସି ଏନି ଦହ୍ କିହାମାନାଣି ପୁଟିହ୍, ସୁଦୁଜୀଞ୍ଜୁ ବେଗାଆହାମାଞ୍ଜେରି ମୀରୁ, ମୀରୁ ଟିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପଦୁ, ଏଡେତା ମୀରୁ ଜିକେଏ ପାଦାତା ହେରୁଞ୍ଜିଦେରି, ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ □

୨ ରଅତେରି ରଅଣି ବଜୁ ଡେକାଲି ସାୟେମି କିଞ୍ଜିଆଦୁ; ଏଲେକିତିହ୍ ମୀରୁ କ୍ରୀସ୍ତତି ଫେରା ମାନଞ୍ଜି ଆଦେରି □

୩ ଆମ୍ବାଆସି ଲାଗେଏ ଆହାନା ଜାହାରାଲ୍ ନାନୁ କାଜାତେଏ ଇଞ୍ଜ୍ ଅଣ୍‌ପା କଡିନେସି ଏଞ୍ଜାସି ତାନୁଏ ତାଙ୍ଗେ ନାଡ଼ି କିହାକଡିମାନେସି □

୪ ସାମା ବାରେଜାଣା ଜାହାରା କିତି କାମାତି ତାୟିପାରି କିପାସି, ଆତିହ୍ ଏଞ୍ଜାସି ଅର ଲକୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବଡ଼ପଣ କିଆପେସି □

୫ ଏନିଇତିହ୍ ବାରେଜାଣା ଜାହାରା ବଜୁ ଜାହାରାଏ ଡେକିନାୟି ମାନେ □

୬ ସାମା ଆମ୍ବାଆସି ମାହାପୂରୁତି ବଜୁ ଜାପିନେସି, ଏଞ୍ଜାସି ତାଙ୍ଗେ ଜାପନାଣାକି ତାନି ତାଣା ମାନି ବାରେକିହ୍ ନେହ୍ ବାଗା ହାପେସି □

୭ ମୀରୁ ମିଙ୍ଗେ ନାଡ଼ିକିହା କଡାଆଦୁ; ଆମ୍ବାଆସି ମାହାପୂରୁଲ୍ ନାଡ଼ି କିହାଲି ଆଡ଼ଅସି, ଇତିହ୍ ମାଣ୍‌ସି ଏନାଆଁ ମାଟିନେସି ଏଦାଆଁ ଦାଃଆନେସି □

୮ ଆମ୍ବାଆସି ଆଙ୍ଗାତି ଅଣ୍‌ପୁ ତାକି ମାଟିନେସି, ଏଞ୍ଜାସି ଆଙ୍ଗାତି ହାଞ୍ଜିକିନି ପାଡ଼େୟି ଦାଃଆନେସି;

✧ ୫:୧୭ ୫:୧୭ ରମି ୭:୧୫-୨୩

ସାମା ଆମ୍ବାଆସି ଜୀଝୁତାକି ମାଟିନେସି ଜୀଝୁଟି
ଗାଡ଼ିଆଡ଼ି କାଲାକାଲାତି ଜୀଝୁହୀନି ପାଡ଼େୟି
ଦାଃଆନେସି □

^୯ ମାରୁ ନେହୁଁ କାମା କିହାଲି ଖାହାଆପ;
ଇଚିହୁଁ ଖାହୁ ଆଆନା କାମା କିତିହୁଁ ସମାନା
ବେଲାତା ତାସା ଦାଃନାୟି □

^{୧୦} ଏନିଇଚିହୁଁ ମାରୁ ପାରୁ ସିନିକିହାନା
ବାରେତାକି ଇଚିହୁଁ ବାରେକିହାଁ ରଣ୍ଡିଏ କୁଟମିତା
ଆଣ୍ଡାମାନି ନାମୁ ଗାଟାରାଇଁ ନେହୁଁ କିନାୟିମାନେ
□

ଜାଗ୍ରାତା କିହାଁ ଜହରା ତଲେ ଆକୁତି
ରାପୁନାୟି

^{୧୧} ମେହୁଦୁ, ନାନୁ ଏନିକୁଁ କାଜା କାଜା ଅଙ୍କୁରି
ତଲେ ନା କେୟୁତଲେ ମୀ ତାଣା ରାଟାମାଞ୍ଜାଇଁ □

^{୧୨} ଆମ୍ବାଆରି ଆଙ୍ଗାତି କାମା ତଲେ
ଝେଙ୍ଗାଲି ମନୁ କିନେରି, ଏଞ୍ଜାରି ମିଙ୍ଗେ
ତଲୁ ଦାଃଆନାୟିମାନେ ଇଞ୍ଜୁଁ ବାଲାମାତମି
କିୟାନେରି, କ୍ରୀସ୍ତୁତି ପାସିମୁଣ୍ଡା ତାକି ଏନିକୁଁ
ନିନ୍ଦା ବେଟାଆଅରି ଖାରୁଇ ଏଦାଣିତାକି
ଏଲେକିନେରି □

^{୧୩} ଇଚିହୁଁ ଆମ୍ବାଆରି ତଲୁ ଦାଃନି ମେରା
ତଲେ ମାନେରି, ଏଞ୍ଜାରି ତାମୁଜିକେଏ ମସାତି
ମେରା ମାନୁଞ୍ଜି ଆଅରି, ଇଞ୍ଜାଁ ଏଞ୍ଜାରି ଏନିକୁଁ
ମୀ ଆଙ୍ଗା ତାକି ବତପଣ କିହାଲି ଆଡ଼ିନେରି,
ଏଦାଆଁତାକି ଏଞ୍ଜାରି ମିଙ୍ଗେ ତଲୁ ଦାପି କିଞ୍ଜିକିହାଲି
ଅଣପିନେରି □

^{୧୪} ସାମା ନାନୁ ଖାରୁଇ ମା ଜୀସୁ କ୍ରୀସ୍ତୁତି କୁସ
ତାକି ବତପଣ ଆହିମାଇଁ; ଇଚିହୁଁ ଏଞ୍ଜାଣି କୁସ
ତାକି ଦାରୁତି ନାଙ୍ଗେତାକି ହାହାମାନେ ଇଞ୍ଜାଁ ନାନୁ
ଦାରୁତି ତାକି ହାହାମାଇଁ □

^{୧୫} ତଲୁ ଦାପି ଆନାୟି କି ଦାପି ଆଆଗାଟାୟି
ଏନାୟି ହିଲେଏ, ସାମା ପୁଃନି ଗାଡ଼ି ଆନାୟି ଏଡ଼ି
ବାରେ କିହାଁ ମୁଲୁତାୟି □

^{୧୬} ଏଚେକା ଲକୁ ଇ ମେରା ତଲେ ତାକିନେରି,
ଏଞ୍ଜାରି ଲାକ ଅଡ଼େ ମାହାପୁରୁତି ଇସ୍ରାୟେଲ ଲକୁ
ଲାକ ହିଡ଼ଡ଼ି ଅଡ଼େ କାର୍ମା ଆପେ □

^{୧୭} ନୀଞ୍ଜୁଟିଏ ଆମ୍ବାଆସି ନାଙ୍ଗେ କସ୍ତୁ
ହିୟାଆପେସି, ଇଚିହୁଁ କ୍ରୀସ୍ତୁ ତାକି
ବେଟାଆହାମାନି ଗାହାଁ ଗାରିୟାଁ ନା ଆଙ୍ଗାତା ମାନୁ
□

^{୧୮} ଏ ତାୟି ତାଙ୍ଗିସ୍ତା, ମା ପ୍ରୁ ଜୀସୁ କ୍ରୀସ୍ତୁତି
କାର୍ମାମେହୁନାୟି ମୀ ଜୀଝୁତା ଡ଼ୟାପେ □ ଆମେନ୍
□

ଏପିସୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ଏପିସିୟ କୁଲମିତାକି ପାଞ୍ଚୁଲ ରାଚାମାନି ଆକୁ ମୂଲୁ ହାଡ଼ା

ଏପିସିୟ କୁଲମିତି ଆକୁ ପାଞ୍ଚୁଲ ରାଚାମାନେସି, ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ସା ତାୟୁ କଲସିୟ କୁଲମିତାକି ରାଚିତି ବେଲା ରାସ୍ତକି ଆହାମାତେ
 □ ରାଚିନାସି ତାନ୍ଦୁଏ ପାଣ୍ଡୁଆହାମାନି ପାଞ୍ଚୁଲ ଇଞ୍ଜିମାନେସି ୧:୧ □ କଲସିୟ ଆକୁତା ତାନି ଜହରା ହିଲାଆତି ଜିକେଏ ବୁଦିଗାଟାରି ଏପିସିୟ ଆକୁ ପାଞ୍ଚୁଲ ରାଚାମାନେସି ଇଞ୍ଜି ଇନେରି □ ଅଡ଼େ ବାରେ କୁଲମିକା ତାକି ଆକୁ ହାସ୍ତାଲି ରାସ୍ତକି ଆହାଡ଼ୟିନେ □ ପାଞ୍ଚୁଲ ଇଦାଆଁ ଜିକେଏ ଝେସାମାନେସି ଇ ଆକୁ ରାଚିନି ବେଲାତା ଏଞ୍ଜାସି କାୟିଦିତା ମାରେସି ୩:୧-୪:୧ ଅଡ଼େ ୬:୨୦ □ ପାଞ୍ଚୁଲ ତୁକିକଇଁ ଏପିସିୟ କୁଲମିତା ପାଣ୍ଡାମା ଏଞ୍ଜାଣି କେୟୁତା ଇ ଆକୁ ହାହାମାରେସି ୬:୨୧-୨୨ □

ଏପିସିୟ ଏସିୟା ରାଜିତି ର କାଜା ଗାଡ଼ା ମାତେ □ ଏପିସିୟ ଗାଡ଼ାତି ଗ୍ରିକ୍ ପେନୁ ଆର୍ଡେନି ଅଡ଼େ ଏଦାନି ଦେଖୁଡ଼ି ଝେଜିତାୟି ମାତେ, କାମା ୯:୨୩-୩୧ □ ଏପିସିୟ କୁଲମି ନକେଏ ବାଡ଼ୟୁ ଗାଟାୟି ମାତେ ତାୟୁ ରିହାଲି ମାଟ୍‌ହେ ଝେ ବଲୁ ୨:୧-୭ □

ପାଞ୍ଚୁଲ ତାନି ଆଦା ଆକୁତା ମାହାପୁରୁ ଏନିକିଁ ତାନି ଲକୁଣି ଆଚିତେସି, ଅଡ଼େ ଏନିକିଁ ଜୀସୁ ତାଣ୍ଡାଟି ପାପୁଟି ଗେଲ୍‌ପିତେସି ଏଦାଆଁ ଝେସିମାନେସି □ ପାଞ୍ଚୁଲ କୁଲମିତି ଆଜ୍ଞା ତଲେ ତୁକ୍‌ହାନା କ୍ରୀସ୍ତ ଏଦାନି ତାୟୁଁ ଅଡ଼େ କନତି ମୂଲୁ ଝାଲି, କୁଲମି ର ତକ୍ତ୍ରି ଲେହେଁ କ୍ରୀସ୍ତଏ ତକ୍ତା □ ଆକୁତି ତାୟୁ ବାଗାତା ପାଞ୍ଚୁଲ ପଡ଼ୁଞ୍ଜି ଆନାରାଇଁ କ୍ରୀସ୍ତ ତାଣ୍ଡା ରଣ୍ଡିଏ ଆହାଁ ଆଣ୍ଡାମାନି ଲକୁ ଲେହେଁ ନୀତାଲି ବାତିମାଲି ମାନେସି □

ପତିତା ମାନାୟି

- ୧ ପାଞ୍ଚୁଲ ଜହରା କିହାନା ପୁଣ୍ଡି କିହା କତିନାୟି □ ୧:୧-୨
- ୨ କ୍ରୀସ୍ତ ତଲେ କୁଲମିତି ତୁକ୍‌ନାୟି □ ୧:୩-୩:୨୧
- ୩ କ୍ରୀସ୍ତ ତାଣ୍ଡା ଏନିକିଁ ନୀତିନାୟି □ ୪:୧-୬:୨୦
- ୪ ଜହରା କିହାନା ଆକୁତି ରାପ୍‌ନାୟି □ ୬:୨୧-୨୪

୧ ☆ପାଞ୍ଚୁଲ, ମାହାପୁରୁତି ଅଣ୍ଡୁ ତଲେ କ୍ରୀସ୍ତ ଜୀସୁତି ପାଣ୍ଡୁଞ୍ଜି ଆହାମାନାତେସି, ଏପିସିୟତା ମାନି ମାହାପୁରୁ ଲକୁ ଇଞ୍ଜା କ୍ରୀସ୍ତ ଜୀସୁ ତାଣ୍ଡା ନାମୁତା ମାନି ଲକୁତାକି ଇ ଆକୁ ରାଚିମାଇ □

୨ ମା. ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍‌ନାୟି ଅଡ଼େ ହିଡ଼ି ଜୀସୁ ମିଜେତାକି ଆୟାପେ □

ସୁଦୁଜୀସୁତି ବର ପାଣ୍ଡନାୟି

୩ ମା. ପ୍ରବୁ ଜୀସୁ କ୍ରୀସ୍ତ ମାହାପୁରୁ ଅଡ଼େ ଆବାଇଁ ଜହରା ଆପେ □ ଏଞ୍ଜାସି କ୍ରୀସ୍ତ ତାଣ୍ଡା ମାଜେ ବାରେ ଜୀସୁତି ବର ତଲେ ଲାକପୁରୁ ବର ହାହାମାଜ୍ଞାନେସି □

୪ ମାରୁ ଏନିକିଁ ମାହାପୁରୁ ନକିତା ସୁଦୁ ଅଡ଼େ ଦହ ହିଲାଆଗାଟାୟି ଆନାୟି ଏଦାଆଁତାକି ଏଞ୍ଜାସି ଦାର୍‌ତି ଗାଡ଼ି ଆଆ ନକେଏ ତାନି ତାଣ୍ଡା ମାଜେ ଆଚାମାଜ୍ଞାତେସି □

୫ ଅଡ଼େ ଏଞ୍ଜାସି ମାଜେ କ୍ରୀସ୍ତ ଜୀସୁ ତାଣ୍ଡାଟି ତାଜେତାକି ମୀରକା ମାସ୍କା କିୟାଲି ତାନ୍ଦୁଏ ତଲିଏ ତୀରି କିତେସି; ଇଦି ଏଞ୍ଜାଣି ରାହାଁ ଅଡ଼େ ଅଣ୍ଡୁ □

୬ ମାହାପୁରୁତି କାର୍ମାମେହ୍‌ନାଣି ତାକି ଇଞ୍ଜା ତାନି ମୀରଏଣାଇଁ ଉଜେଏ ବେଟାଆନି ଦାନା ଲେହେଁ ବେଟାଆହାମାନାକି, ମାରୁ ମାହାପୁରୁଇଁ ଜହରା କିହିମାନାୟି □

୭ ☆କ୍ରୀସ୍ତ ହାଡ଼ି ତାଣ୍ଡାଟି ମାରୁ ଗେଲ୍‌ପି ଆହାମାନାୟି, ଇଚିହଁ ମା. ବାରେ ପାପୁ ମେଣ୍‌ଜାମାନେ, ମାହାପୁରୁତି କାର୍ମା ଏତେକା କାଜାୟି □

୮ ଏଞ୍ଜାସି ଏ କାର୍ମାମେହ୍‌ନାଣି ବାରେ ବୁଦି ଅଡ଼େ ଅଣ୍ଡୁ ମାଜେ ହାରେକା ହାହାମାଜ୍ଞାନେସି □

୯ ନକେଏ ଅଣ୍ଡପାମାନି ତାନି କାର୍ମାତଲେ ଏଞ୍ଜାସି ମାଜେ ତାନି ଅଣ୍ଡୁ ତଲେ ତରୁମାନି ଅଣ୍ଡୁତି ତସାମାଜ୍ଞାନେସି □

୧୦ ଏନିକିଁ କାଲାତି ତାନି ଅଣ୍ଡୁ ତଲେ ଲାକପୁରୁ କି ଦାର୍‌ତିତା ମାନାଣି ବାରେ ଏଞ୍ଜାସି ତାଜେତାକି କ୍ରୀସ୍ତ ତାଣ୍ଡା ରଣ୍ଡିଏ କିନେସି □

୧୧ ମାରୁ ଜିକେଏ ଏଞ୍ଜାଣି ତାଣ୍ଡା ଅଦିକାରା ଲେହେଁ ଆହାମାନାୟି, ଇଚିହଁ ଏନିନି ମାହାପୁରୁ ତାନି ମନତି ଅଣ୍ଡୁ ତଲେ ବାରେ କାତା ତୀରି କିନେସି, ଇଞ୍ଜା ଏଞ୍ଜାସି ତଲିଟିଏ ମନତା ତୀରି କିହାମାଟିଲେହେଁ ମାରୁ ନକେଏ ଆଡ଼ୁଞ୍ଜି ଆଡାୟି

୧୨ ମାରୁ ଏନିକିଁ କ୍ରୀସ୍ତ ତାଣ୍ଡା ନକେଏ ବାର୍ଣ୍ଣୁ କିହା ମାତାୟି, ମାରୁ ବାରେତାୟି ମାହାପୁରୁ ଗାଞ୍ଜୁରମିତି ଜହରା କିନାତାୟି ଆନୁ □

୧୩ ଏଞ୍ଜାଣି ତାଣ୍ଡାଟି ମୀରୁ ଜିକେଏ ସାତା ବଲୁ ଇଚିହଁ ମିଜେ ଗେଲ୍‌ପାନି ନେହଁ କାବୁ

☆ ୧:୧ ୧:୧ କାମା ୧୮:୧୯-୨୧; ୧୯:୧ ☆ ୧:୭ ୧:୭ କଲସି ୧:୧୪

ଝେଞ୍ଜାନା ନାମାହାଁ ଆଞ୍ଜାମାନି ସୁଦୁଜୀଝୁ ତଲେ ବୁଝୁ ମୁଦ୍ରା ଆହାମାଞ୍ଜେରି;

୧୪ ମାହାପୁରୁ ତାନି ଲକ୍ଷ୍ମତାକି ଏନାଆଁ ହାହାଲି ଆଞ୍ଜାମାନେସି ଏ ବାରେ ମାର ବେଟାଆନାୟି ସୁଦୁଜୀଝୁ ତାନି ବାୟିଦା ଲେହେଁ □ ମାହାପୁରୁ ତାନି ଲକ୍ଷ୍ମତାକି ଗେଲ୍ପି ଆନାଣି ହାନେସି ଇ ବାରେତାକି ମାହାପୁରୁତି ଗାଝୁରମି କିନ □

ପାଝୁଲତି ପ୍ରାତାନା

୧୫ ଇଦାଆଁତାକି, ପ୍ରୁ ଜୀସୁ ତାଣା ମୀ ନାମୁ ଇଞ୍ଜା ବାରେ ମାହାପୁରୁ ଲକ୍ଷ୍ମତାକି ଜୀଝୁନନାୟି ମାନେ,

୧୬ ଏ କାତା ଝେଞ୍ଜାନା ମିଞ୍ଜେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଲ୍ □

୧୭ ମା ପ୍ରୁ ଜୀସୁ କ୍ରୀସ୍ତତି ମାହାପୁରୁ, ଗାଝୁରମିଗାଟି ଆବା, ଏଝାସି ମିଞ୍ଜେ ସୁଦୁଜୀଝୁତି ହିୟାନେସି ଏ ଜୀଝୁ ମିଞ୍ଜେ ବୁଦି ହିୟାନେ, ଅଡେ ମାହାପୁରୁଇଁ ମୀ ତାଣା ତଞ୍ଜି କିୟାନେ, ଆତିହ୍ ମୀରୁ ଏଝାଶାଲ୍ ପୁଞ୍ଜେରି □

୧୮ ଏମ୍ପାଟିଏ ମୀ ହିୟାଁତି କାଶକା ଦେପି ଆଡିସାରେ, ତାନୁ ହାଟାମାଞ୍ଜାନି ବାସୁଁ ଏନାୟି, ମାହାପୁରୁ ଲକ୍ଷ୍ମତାଣା ତାନି ଅଦିକାରାତି ଗାଝୁରମିଗାଟି ଦନ ଏନାୟି,

୧୯ ତାନି ଲକ୍ଷ୍ମତାକି ତାନି ଆଞ୍ଜାମାନାୟି ହାରେକା କାଜା ବର ଅଡେ ନାମିମାନାତାୟି ମାର, ତାନି ବାଡ଼ୁୟୁତି କାମା କିନାତାୟି, ଇଞ୍ଜା ମାଞ୍ଜେତାକି ତାନି ବାଡ଼ୁୟୁ ଏତେକା କାଜାୟି ଇ ବାରେ ପୁଞ୍ଜାଲି ଆଡିଦେରି;

୨୦ ଏ ବାଡ଼ୁୟୁ କ୍ରୀସ୍ତ ତାଣା ତସାନା ଏଝାଶାଲ୍ ହାଡାରି ତାଣାଟି ନିକ୍ହାନା ଲାକପୁରୁ ତାନି ଟିଃନି ଟେଟା କୁଟି କିହାମାନେସି □

୨୧ କ୍ରୀସ୍ତ ଲାକପୁରୁ ବାରେ ସାଲଝି କିନାସି, କାଜାପାଣା, ବାଡ଼ୁୟୁ, ମୁସ୍ତାଦାରିୟା ଲାକ ସାଲଝି କିନାସି, ଇ ଜୁଗୁତା ଅଡେ ଏ ଜୁଗୁତା ଏତେକା ଦରକା ଝେଞ୍ଜା ମାନୁ, ଏ ବାରେତି ମୁହେଁ ଏଝାଣି ପାଣା କାଜାୟି □

୨୨ *ମାହାପୁରୁ ବାରେ କ୍ରୀସ୍ତତି କତାୟା ତୁଇ ଇତିତେସି, ଇଞ୍ଜା ଏଝାଶାଲ୍ ବାରେତି କିହାଁ କାଜାସି କିହାନା କ୍ରୀସ୍ତାନା କୁଲମିକା ହେରପା ମାନେସି □

୨୩ ଏ କୁଲମିକା କ୍ରୀସ୍ତତି ଆଞ୍ଜା ଲେହେଁ, ଇତିହ୍ ଆମ୍ପାଆସି ବାରେ କାମାତି ବାରେ ତାଣା ପୁରା କିନେସି □

୨

ହାକିଟି ଜୀଝୁ ପାଶନାୟି

୧ ମୀ ଦହ ଅଡେ ପାପୁ ତାକି ତଲି ଜୀଝୁତା ହାହାମାଚେରି,

* ୧:୨୨ ୧:୨୨ କଲସି ୧:୧୮

୨ ଇତିହ୍ ଏମିନି ଜୀଝୁ ନୀଏଁ ଜିକେଏ କାତା ମାନଝି ଆଆଗାଟି ମୀରକା ତାଣା ଅଦିକାରା କିହାମାନେ, ଏ ଦାରତିତି ମନତଲେ ମୀରୁ ଜିକେଏ ତଲି କାଲା ଏ ଜିରୁତା ତାକିହ୍ ଦହ କିହାନା ପାପୁତାକି ହାହାମାଚେରି □

୩ ଏ କାତା ମାନଝି ଆଆଗାଟି ମୀରକା ତଲେ ମାର ବାରେ ଏ ବେଲାତା ମା ଆଞ୍ଜାତି ମାଶକି ତଲେ ନୀତାନା ଆଞ୍ଜା ଅଡେ ମନତି କାମା କିହିମାଚାୟି, ଇଞ୍ଜା ଏଟକାତାରି ଲେହେଁ ମାର ଜିକେଏ ମାହାପୁରୁ କପାତି ଲକ୍ଷ୍ମ ମାଚାୟି □

୪ ସାମା ମାହାପୁରୁ ହାରେକା କାର୍ମା ମେହନାସି; ଏଝାସି ମାଞ୍ଜେ ହାରେକା ଜୀଝୁ ନଝୁତା ଜୀଝୁ ନୟାତେସି,

୫ ଏଡେତା ମାର ପାପୁ ତାକି ହାହା ମାଚାୟି, ଇଞ୍ଜା ମାଞ୍ଜେ କ୍ରୀସ୍ତ ଜୀସୁ ତଲେ ନିକ୍ହାତେସି, ଅଡେ ମାହାପୁରୁତି କାର୍ମାଟି ମୀରୁ ଗେଲ୍ପି ଆହାମାଞ୍ଜେରି □

୬ ଇଞ୍ଜା ତାନି ତଲେ ମାଞ୍ଜେ ହାକିଟି ନିକ୍ହାନା କ୍ରୀସ୍ତ ଜୀସୁ ତାଣା ଲାକପୁରୁ କୁଟି କିହାମାଞ୍ଜାନେସି □

୭ କ୍ରୀସ୍ତ ଜୀସୁ ତାଣା ମାଞ୍ଜେତାକି ଜୀଝୁନହାଁନା ଝାହିମାନି ଜୁଗୁତା ତାନି କାର୍ମାତି ହାରେକା ଦନ ତସାଲି ମାହାପୁରୁ ଇଦାଆଁ କିତେସି □

୮ ଏନାଆଁତାକି ଇତିହ୍ ମୀରୁ ନାମିତାକି ମାହାପୁରୁତି କାର୍ମାଟି ଗେଲ୍ପି ଆହାମାଞ୍ଜେରି; ଏଡି ମୀ ତାଣାଟି ଆହା ହିଲେଏ, ଏଡି ମାହାପୁରୁତି ଦାନା,

୯ ଏଡି ମୀରୁ କାମା କିତାକି ଆଏ, ଏଦାଆଁତାକି ଆମ୍ପାଆସି ବଡପଣ କିଆପେସି □

୧୦ ଇତିହ୍ ମାର ତାନି ତାଣାଟି ଗାଡୁ ଆହାମାନାୟି; ଆମିନି ନେହ୍ କାମା କିଇଁ ଇଞ୍ଜା ମାହାପୁରୁ ତଲିଏ କିହାଲି ତାକି ତିୟାରା କିହାମାଚେସି ଏ ବାରେ ମାନଝି ଆହାଲି କ୍ରୀସ୍ତ ଜୀସୁ ତାଣାଟି ଗାଡୁ ଆହାମାନେ □

କ୍ରୀସ୍ତ ତାଣା ରଣିଏ ଆନାୟି

୧୧ ମୀରୁ ଏତିବେଲା ତଲି ଆଞ୍ଜା ତଲେ ଜୀହୁଦିଆଆନା ମାଚେରି ଅଡେ ଆଞ୍ଜାତି ଅଶ୍ପୁତା କେୟୁତଲେ ତଲୁ ଦାପି ଆଡି ଲକ୍ଷ୍ମ ତାଣାଟି ତଲୁ ଦାପି ଆଆତାରି ଇଞ୍ଜା ଝେଞ୍ଜିମାଚେରି □

୧୨ ଏତିବେଲା ମୀରୁ କ୍ରୀସ୍ତ ତାଣାଟି ହେକ ମାଚେରି, ମୀରୁ ଏଟକା ଦେସାତାଚେରି ମାଚେରି, ଅଡେ ମାହାପୁରୁତି ଆଡିତି ଇସାୟେଲ କୃତାତା ଆଶ୍ବାହିଲାଆଚେରି, ମାହାପୁରୁ ତାନି ଲକ୍ଷ୍ମତାକି କିହାମାନି ରାଜିମାନାତା ମୀ ଏଡି ବାଟା ହିଲାଆତେ, ମାହାପୁରୁ ଅଡେ ବାସୁଁ ହିଲାଆ ଲକ୍ଷ୍ମ ଲେହେଁ ଦାରତିତା ବାସା କିହାମାଚେରି □

୧୩ ନକେଏ ମୀରୁ ହେକ ମାଚେରି, ସାମା ନୀର୍ବ ମୀରୁ କ୍ରୀସ୍ତ ଜୀସ୍ତ ତାଣାଟି ତାନି ନେତେରି ତଲେ ତାଗେ ଆହାମାଞ୍ଜେରି □

୧୪ ଏନାଆଁତାକି ଇଚିହ୍ନି ଏଞ୍ଜାସି ମା ହିଡ଼ଡ଼ି, ଏଞ୍ଜାସି ସାତୁ ଲେହେଁ ପାଡ଼ି କାତିନି କାତିତି ଡିକ୍‌ହାନା ବାରେଡି କାଲହା ମାନେସି,

୧୫ *ଜୀହୁଦି ଲକୁଡି ପାଣାପାଟୁ ହୁକୁମିତି ମେରାଡି ତାନି ଆଜ୍ଞାଟି ହେକ କିହାମାନେସି, ଏନିକ୍ ଏଞ୍ଜାସି ହିଡ଼ଡ଼ି ହାହାନା ଜୀହୁଦି ଅଡ଼େ ଜୀହୁଦିଆଆତି କୁଡ଼ାତାରାଇଁ ତାନି ତାଣା ର ପୁଃନି ଲକୁଲେହେଁ ଗାଡ଼ି କିନେସି □

୧୬ *ଅଡ଼େ କୁସତା ହାହାନା ଜୀହୁଦି ଅଡ଼େ ଜୀହୁଦିଆଆତାରି ସାତୁଡି ନାସା କିହାନା ଏଦାଣି ତଲେ ରିଆରାଇଁ ରଣ୍ଡିଏ ଆଜ୍ଞା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡିକିୟାନେସି □

୧୭ ଅଡ଼େ ହେକ ମାଟି ଜୀହୁଦିଆଆତି ଲକୁଣି ଅଡ଼େ ତାନି ତାଗେ ମାନି ଜୀହୁଦି ଲକୁ ଇ ରିଆରି ତାଣା ଏଞ୍ଜାସି ଖାହାନା ହିଡ଼ଡ଼ି ନେହ୍ କାବୁ ଝେକ୍‌ହେସି;

୧୮ ଏନାଆଁତାକି ଇଚିହ୍ନି କ୍ରୀସ୍ତ ତାକି ବାରେ ଜୀହୁଦିୟା ଅଡ଼େ ଜୀହୁଦିଆଆତି ଲକୁ ରଣ୍ଡିଏ ସୁଦୁଜୀଞ୍ଜୁଟି ଲାକପୁରୁ ଆବା ତାଣା ହାଜାଲି ଜିରୁ ବେଟାଆହାମାନାୟି □

୧୯ ଏଦାଆଁତାକି ମୀରୁ ଏଟକା ଦେସାତାତେରି ଇ ଦେସାତାତେରି ଆଏ, ସାମା ମାହାପୁରୁ ଲକୁତଲେ ଆଣ୍ଡାନା ଏଞ୍ଜାରି ଦେସାତି ଲକୁ, ଅଡ଼େ ମାହାପୁରୁ ଇଲୁ କୁଟମିତେରି □

୨୦ ମୀରୁ ପାଣ୍ଡୁଞ୍ଜି ଆହାମାନାରି ଅଡ଼େ ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ଇଟାମାନି ପୁନାଦି ମୁହେଁ ଇଟକି ଆହାମାଞ୍ଜେରି, କ୍ରୀସ୍ତ ଜୀସ୍ତ ତାନୁଏ, ଏ କନତି ମୂଲୁ ଖାଲି □

୨୧ ଏଞ୍ଜାଣି ତାଣା ବାରେ ଇଲୁଡି ବାରେ କାତିୟା ଦୁର୍ସାନା ପ୍ରବୁ ତାଣା ର ସୁବୁ ଆଞ୍ଜାମାନି ମାହାପୁରୁ ଇଲୁ ଲେହେଁ ପାତାଆହିମାନେ □

୨୨ ଏଞ୍ଜାଣି ତାଣା ମୀରୁ ଜିକେଏ ମା ତଲେ ଆଣ୍ଡାନା ସୁଦୁଜୀଞ୍ଜୁଟି ମାହାପୁରୁ ବାସାଆନି ଇଲୁ ଲେହେଁ ଦସ୍‌ପି ଆହାମାଞ୍ଜେରି □

୩

ଏଟକା ଲକୁତାଣା ପାଞ୍ଜୁଲତି କାମା

୧ ଇଦାଆଁତାକି ମୀ ଲେହେଁଡି ଜୀହୁଦିଆଆତି ଲକୁତାକି କ୍ରୀସ୍ତ ଜୀସ୍ତ ତାକି ଦସ୍‌ପି ଆହାମାନି ପାଞ୍ଜୁଲତେର୍ବି □

୨ ମିଙ୍ଗେତାକି ନାଙ୍ଗେ ହାହାମାଞ୍ଜାନି ମାହାପୁରୁଡି କାର୍ମାଟି ସେବାକିନି କାମାଟି କାତା ମୀରୁ ଝେଞ୍ଜାମାଞ୍ଜେରି,

୩ ଅଡ଼େ ଡଗୁମାନି କାତା ମାହାପୁରୁ ତାନୁଏ ତସାନା ପୁଣ୍ଡି କିୟାତେସି, ଏନିକ୍ ନାନୁ ତଲି ଏ ବାରେ କାତା ଇଟାଣି ରାଡ଼ାମାଇଁ;

୪ *ମୀରୁ ଏଦାଆଁ ପଡ଼ଞ୍ଜି ଆହାମା କ୍ରୀସ୍ତ ଡଗୁମାନି କାତା ନାନୁ ଏନାଆଁ ତେଲହାମାଇଁ ଏଦାଆଁ ମୀରୁ ତେଲହାଲି ଆଡ଼ିଦେରି,

୫ ତଲି କାଲ୍‌ତା ମାଣ୍ଡିୟା ତାଣା ତଞ୍ଜା ଆହାହିଲାଆଡେ, ଏ ଡଗୁମାନାୟି ନୀର୍ବ ସୁଦୁଜୀଞ୍ଜୁଟି ତାନି ସୁଦୁଡି ପାଣ୍ଡୁଞ୍ଜି ଆହାମାନାରି ଅଡ଼େ ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ତାଣା ଏନିକ୍ ତଞ୍ଜା ଆହାମାନେ,

୬ ଏ ଡଗୁମାନି କାତା ଇଦି ନେହ୍ କାବୁ ତାଣାଟି ଜୀହୁଦିୟା ମାହାପୁରୁଡି ବର ବେଟାଆନି ଲେହେଁ, ଏଟକା କୁଡ଼ାତାରି ଜିକେଏ ବାରେଜାଣା ଆଣ୍ଡାନା ର ଆଜ୍ଞା ଲେହେଁ ଆହାମା କ୍ରୀସ୍ତ ଜୀସ୍ତ ତାଣାଟି ମାହାପୁରୁ ଆଞ୍ଜାମାନାଣି ବାରେ ବେଟାଆନେରି □

୭ ମାହାପୁରୁଡି କାମା କିନି ବାଡ଼ୁଲୁ ତଲେ ନାଙ୍ଗେ ଏମିନି କାର୍ମାଟି ଦାନା ହାହାମାଞ୍ଜାନେସି ଏଦାଆଁତାକି ଏ ନେହ୍ କାବୁଡି ଝେକ୍‌ନାତେର୍ବି ଆହାମାଇଁ □

୮ ମାହାପୁରୁ ଲକୁ ବିଡ଼ାଟି ନାନୁ ବାରେଡି କିହାଁ ଉଣାତେର୍ବି ମାଟି ଜିକେଏ ଏଟକା କୁଡ଼ାଟି ଲକୁତାଣା ଏଜିକିହାଲି ଆଡ଼ାଆଗାଟି କ୍ରୀସ୍ତ କାର୍ମାଟି ନେହ୍ କାବୁ ଝେକ୍‌ହାଲି ମାହାପୁରୁ ପାରୁ ହାହାମାଞ୍ଜାନେସି,

୯ ଅଡ଼େ ବାରେ ଗାଡ଼ିକିତି ମାହାପୁରୁ ତାଣା ତଲି କାଲ୍‌ଟିଏ ଡଗୁମାନି କାତାତାକି ଏଞ୍ଜାଣି ଅଣ୍ଡପୁ ଏନାୟି ଏଦାଆଁ ଉଜେଡିତା ତସାଲି ତାକି ମାହାପୁରୁଡି କାର୍ମା ମେଡା ଆହାମାଞ୍ଜାନେ,

୧୦ ଏନିକିହ୍ ନୀର୍ବ କ୍ରୀସ୍ତାନା କୁଲମିତି କାମାଟି ଲାକପୁରୁଡି ସାଲ୍‌ଞ୍ଜି କିନାରି ବାଡ଼ୁଲୁ ଗାଟି ମାହାପୁରୁଡି ବୁଦି ନେହ୍ କି ପୁଞ୍ଜାଲି ଆଡ଼ିନେରି,

୧୧ ମାହାପୁରୁ ତାନି କାଲ୍‌କାଲ୍‌ତି ଅଣ୍ଡପୁ ଲେହେଁ ମା ପ୍ରବୁ କ୍ରୀସ୍ତ ଜୀସ୍ତ ତାଣାଟି ବାରେ କିହାମାନେସି □

୧୨ ଏ ପ୍ରବୁ ତାଣା ନାମାମାନାକି ମାର ଏଞ୍ଜାଣି ତାଣା ସାସାଟି ଆଜାଆନା ମାହାପୁରୁ ତାଣା ହାଜାଲି ସାସା ବେଟାଆହାମାନାୟି □

୧୩ ଏଦାଆଁତାକି ନାନୁ ମିଙ୍ଗେ ବାଡ଼ିମାଲିମାଞ୍ଜାଇଁ, ମିଙ୍ଗେତାକି ନାନୁ ବେଟାଆହିମାନି ଦୁକୁ କସ୍ତ ତାକି ସାସା ପିହ୍‌ଆଦୁ, ସାତେଏ ଏଡି ମୀ ଗାଞ୍ଜୁରିନି ତାକି ଆହାମାନେ □

କ୍ରୀସ୍ତ ଜୀହୁନନାୟି

୧୪ ଏଦାଆଁତାକି ଆମିନି ଆବା ତାଣାଟି ଲାକପୁରୁ ଅଡେ ଦାରତିତି ବାରେ କୁଟମି, ତାନି କୃତାତି ଦରୁ ବେଟାଆହାମାନେ,

୧୫ ଏ ମାହାପୁରୁ ଆବା ନକିତା ମେଣ୍ଡାକୁତାନା ପ୍ରାଡାନା କିହିମାଇଁ □

୧୬ ଏନିକିଁ ଏଞ୍ଜାସି ତାନି ଗାଝୁରମିଗାଟି ଦନ ତାନି ସୁଦୁଜୀଝୁ ତଲେ ମିଙ୍ଗେ ମୀ ଅଣ୍ପୁତା ତୀରି ମାଣ୍ଡସି ଆହାଲି ବାଡ଼ୁଲୁ ହିୟାନେସି,

୧୭ ମୀ ନାମୁତଲେ କ୍ରୀସୁ ମୀ ହିୟାତା ବାସା କିନେସି, ଏନିକିଁ ମୀ ଜୀଝୁ ନଝୁତା ପୁନାଦି ଅଡେ ଆଟ୍‌ଝା ତଲେ ତୀରିଆହାନା ଏଜିକିହାଲି ଆଡାଆଗାଟି କ୍ରୀସୁତି ଜୀଝୁ ନଝୁ,

୧୮ ଏଦାଆଁ ପୁଞ୍ଜୁ ଇଞ୍ଜା ବାରେ ମାହାପୁରୁ ଲକୁତଲେ ଏମ୍ପାତି ଅସାରା ଅଡେ ଲାମ୍ପା ପାଡ଼ଣି ଅଡେ ଗାଡ଼ୁଲୁତି ପୁଞ୍ଜାଲି ବାଡ଼ୁଲୁ ବେଟାଆଦି □

୧୯ ହାଅ ମୀରୁ ଏନିକିଁ କ୍ରୀସୁତି ଜୀଝୁ ନନାଣି ପୁଞ୍ଜେରି ଆତିହୁଁ ଜିକେଏ ଏଦାଆଁ ନେହୁଁକିଁ ପୁଞ୍ଜାଲି ଆଏ, ଅଡେ ଏଲେକିହୁଁ ମାହାପୁରୁତି ଗୁଣୁତଲେ ପାତାଆଦୁ □

୨୦ ଆମିନି ମାହାପୁରୁ ମା ହିୟାତା କାମା କିହିମାନି ତାନି ବାଡ଼ୁଲୁ ତଲେ ମାର ରୀହନାଣି ଅଡେ ଅଣ୍ପିନାଣି କିହାଁ ହାରେକା ଆଗାଡା ହିୟାଲି ଆଡାନେସି,

୨୧ କୁଲମିଟି ଅଡେ କ୍ରୀସୁ ଜୀସୁ ତାଣାଟି ଏ ମାହାପୁରୁତି ଗାଝୁରମି କାଲାକାଲାତାକି ମାଣ୍ଡମେଁ □ ଆମେନିଁ □

୪

ରଣ୍ଡିଏ ଆଙ୍ଗା

୧ ପ୍ରବୁତି ସେବାତାକି ନାନୁ କାୟିଦିତା ମାଇଁ, ମିଙ୍ଗେ ବାତିମାଲିମାଞ୍ଜାଇଁ, ଏନିକିଁ ନୀତାବାଡ଼କାଲି ତାକି ମାହାପୁରୁ ମିଙ୍ଗେ ହାଟାମାଞ୍ଜାନେସି, ଏଲେତି ମାଣ୍ଡକି ତଲେ ମାଞ୍ଜୁ □

୨ *ଇତିହୁଁ ବାରେଲେହେଁତି ଉଣା ଗାଟାତେରି, ସୁଦୁ ସୁଞ୍ଜାଲା, ହାରେକା ଅରୁହିନାତେରି ଅଡେ ଜୀଝୁନହୁଁନା ରଅତେରି ରଅଣାଇଁ ଅରୁହିନାତେରି ଆଦୁ;

୩ ମୀରୁ ବାରେଜାଣା ତେରି ହିଡ଼ଡ଼ିତି ତ:ରିତଲେ ଦସପି ଆହାନା ସୁଦୁଜୀଝୁ ବାଡ଼ୁଲୁତି ରଣ୍ଡିଏ ଲେହେଁ ଆହାଲିତାକି ଜାଡ଼ୁନୁ ଆଦୁ □

୪ ଆଙ୍ଗା ରଣ୍ଡିଏ, ସୁଦୁଜୀଝୁ ଜିକେଏ ରଣ୍ଡିଏ, ଏନିକିଁ ମୀରୁ ମୀ ହାଟାମାନି ରଣ୍ଡିଏ ବାସୁଁ ତଲେ ହାଟ୍‌କି ଆହାମାଞ୍ଜେରି;

୫ ପ୍ରବୁ ରଅସିଏ, ନାମୁ ରଣ୍ଡିଏ ଅଡେ ବାପ୍ତିସ୍ତ* ଜିକେଏ ରଣ୍ଡିଏ,

୬ ବାରେ ମାଣ୍ଡସିୟାତି ରଣ୍ଡିଏ ମାହାପୁରୁ ଅଡେ ତାଞ୍ଜି; ଏଞ୍ଜାସି ବାରେତି ମୁହେଁ, ବାରେତି ବିଡ୍ରା ଇଞ୍ଜା ବାରେତି ହିୟାତା ମାନେସି □

୭ ସାମା କ୍ରୀସୁତି ଦାନା ଏଚେକା ବେଟାଆନାୟି ମାନେ ଏଚେକା ମାଙ୍ଗେ ବାରେଜାଣା ତାକି ମାହାପୁରୁତି କାର୍ମାମେହନାୟି ହାପକି ଆହାମାଞ୍ଜାନେ □

୮ ଦାମୁଁ ସାସ୍ତେରିତା ରାସକି ଆହାମାନେ, “ଏଞ୍ଜାସି ଲାକ ହାଜାନା, ହାରେକା ଦସପି ଆହାମାନାରାଇଁ ତାନିତଲେ ଅଡେସି; ଅଡେ ମାଣ୍ଡସିୟାକି ଏଟକା ଏଟକାତି ବର ହୀତେସି □”

୯ “ଏଞ୍ଜାସି ଲାକ ହାଚେସି” ଇତିସାରେ ଏନାୟି ? ଏଲେଇତିସାରେ ମୁଲୁଏ ଏଞ୍ଜାସି ଦାରତିତି ଡଲ ପାତେକା ରେଟା ଖାହାମାଚେସି □

୧୦ ଆମ୍ପାଆସି ଡଲପୁରୁ ଖାହାମାଚେସି, ବାରେ ଦାରତିଇଁ ତାନୁ ମାଞ୍ଜାନା ବାରେ ପୁରା କିହାଲିତାକି ଏଞ୍ଜାସି ଅଡେ ଖେଣ୍ଡେ ଲାକପୁରୁ ହାଚେସି,

୧୧ ଏଞ୍ଜାସି ଲକୁତାକି ହାରେକା ଦାନା ହୀତେସି; ଆମ୍ପାଆରାଇଁ ପାଣ୍ଡୁଞ୍ଜି ଆଡାରି ଆହାଲି, ଆମ୍ପାଆରାଇଁ ମାହାପୁରୁ ଅଣ୍ପୁତି ବଲୁ ଝେକନାରି ଆହାଲି, ଆମ୍ପାଆରାଇଁ ନେହୁଁ କାରୁ ଝେକନାରି ଆହାଲି, ଅଡେ ଏଚର ଜାଣାଇଁ କୁଲମି ଜାଡ଼ୁନୁ କିନାରି ଅଡେ ଜାପ୍‌ନାରି ଆହାଲି ଦାନା ହୀହାମାନେସି,

୧୨ ଏନିକିଁ ମାହାପୁରୁ ଲକୁତି ସେବା କାମାତାକି ତୀରି ଆହାଲି ଆଡିନେ ଇଞ୍ଜା କ୍ରୀସୁତି ଆଙ୍ଗା ପାତାଆହାଲି ଆଡିନେ

୧୩ ଏନିକିଁ ମାର ବାରେଜାଣା ନାମୁତା ଅଡେ ମାହାପୁରୁତି ମୀରୁଏଣା କାତାତି ବୁଦିତା ରଣ୍ଡିଏ ଆହାଲି ଆଡିନାୟି, ଇତିହୁଁ କ୍ରୀସୁ ଲେହେଁ ଆହାନା ପାତାଆଡି ଲକୁ ଲେହେଁ ଆନାୟି,

୧୪ ଗାଲି ଖାନାଟି ଅଡେ ଏମୁ ଉଣ୍ଡାତା ଦାକ୍ତିମାନି କକାରି ପଦାୟାଁ ଲେହେଁ ମାର ଇତାଲା ଆତାଲା ଆଆପ □ ଏଟକା ଲକୁଣି ଜିରୁ ବାଣି କିହିମାନି ନାଡ଼ିକିନି ଅଣ୍ପୁତି ଜାପ୍‌ନି ତାଣା ମାର ତରଗାଆପ □

୧୫ ସାମା ସାତାତି ଆସାନା ତାୟୁଁ ଲେହେଁତି କ୍ରୀସୁ ଏଞ୍ଜାଣି ତାକି ବାରେ ଜୀଝୁ ନଝୁତା ପାତାଆନୁ □

୧୬ *ଏଞ୍ଜାଣି ତାଣାଟି ବାରେ ଆଙ୍ଗା ବାରେ ହାନ୍ତୁଲିକା ସାୟେମି ତଲେ ଅଡେ ବାରେ ଆଙ୍ଗାତି କାମା କିନି ବାଡ଼ୁଲୁ ତଲେ ଦୂରଞ୍ଜି ଆହାନା ଜୀଝୁ ନଝୁତା ତାନି ନେହେଁତାକି ଜାହାରାଇଁ ପାଡି କିହିମାନୁ □

କ୍ରୀସୁ ତାଣା ପୁଞ୍ଜି ଜୀଝୁ

* ୪:୨ ୪:୨ କଲସି ୩:୧୨,୧୩ * ୪:୫ ୪:୫ମୁଞ୍ଜିନାୟି * ୪:୧୭ ୪:୧୭ କଲସି ୨:୧୯

୧୭ ପ୍ରଭୁ ଦରୁତଲେ, ନାନୁ ମିଙ୍ଗେ ଜାଗ୍ରାତା କିହାଁ ଝେସିମାଞ୍ଜାଇଁ, ନାମାଆତାରି ଏନିକିହିଁ ତାନି ମନତା ଉଜେଏତି ଅଣପୁ ତଲେ ନୀତିନେରି ମୀରୁ ଏଲେକିହିଁ ନୀତାଆଦୁ,

୧୮ ଏଞ୍ଜାରି ତାନି ତାଣା ମାନି ମୁକୁଁ ତାକି ଜାହା ଜାହାରା ମନ ଆଟ୍‌ଞ୍ଜା ମାନାକି ଏଞ୍ଜାରି ମାହାପୁରୁ ହାହାମାନି ଜୀଞ୍ଜୁତି ବୁଦି ଆନ୍ଦେରି ଆହାମାନେ, ଅଡେ ମାହାପୁରୁ ତାଣାଟି ଏଟକା ଆହାମାନେରି;

୧୯ ଏଞ୍ଜାରି ଆଟ୍‌ଞ୍ଜା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଇଁ ହେରପା କତାମାନେରି □

୨୦ ସାମା ମୀରୁ କ୍ରୀସ୍ତାଇଁ ଏଲେକିହିଁ ଜାପାହିଲଅତେରି □

୨୧ ମୀରୁ ତାନି କାତା ସାତାତଲେ ଝେଞ୍ଜାମାଞ୍ଜେରି, ଅଡେ ଜୀସୁ ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି,

୨୨ ✨ଇତିହିଁ, ମୀରୁ ମୀ ନକେଏତି ମାଣ୍ଡକିତା ନାଡ଼ିକିନି ରାହାଁତା ହାରେ ହାରେକା ଲାଗେଏ ଆହିମାତେ □

୨୩ ମୀ ମନତା ପୁଞ୍ଜି ଗୁଣୁ ଆହାନା □

୨୪ ✨ଏମିନି ପୁଞ୍ଜି ଗୁଣୁ ମାହାପୁରୁଟି ଝାଣା ତଲେ ଦାମ୍ବୁ ଅଡେ ସାତାତି ସୁଦୁତା ଗାଡ଼ି ଆହାମାଞ୍ଜେରି, ଏଦାଆଁ ପରହାଲି ଜାପାମାଞ୍ଜେରି □

୨୫ ଇଦାଆଁତାକି ମିଚିତି ପିସାନା ମୀରୁ ବାରେଜାଣା ତେରି ନାମିତି ତାୟିୟାଁ ତଲେ ସାତା କାତା ଝେସପି ଆଦୁ, ଇତିହିଁ ମୀରୁ ରଣ୍ଡିଏ ଆଜ୍ଞାତାୟି □

୨୬ କାର୍‌ବି ଆଦୁ, ସାମା ପାପୁ କିଆଦୁ; ଝେଡ଼ା ହାଲାଆ ନକେଏ କାର୍‌ବି ପିହିଦୁ;

୨୭ ଅଡେ ସୟତାନକି ଟାୟୁ ହାଆଦୁ □

୨୮ ସରୁ ଅଡେ ସରୁ କିଆପେସି, ଇତିହିଁ ହିଲାଆ ଗାଟାଟାକି ହାହାଲିତାକି ଏନିକିହିଁ ତାନି ତାଣା ଏନାୟି ଡ଼ୟିନେ, ଇଦାଆଁତାକି ତାନି କେୟୁତଲେ ନେହିଁ କାମା କିହାନା କସ୍ତ କିପେସି □

୨୯ ମୀ ଗୁଡିଟି ଏନି ଲାଗେଏତି କାତା ହଆପେ, ମୀ ଲଡ଼ାମାନି ଲେହେଁ ନେହିଁ କାତା ହଡପ ଏନିକିହିଁ ଏଡ଼ି ଝେନାରାକି ନେହାୟି ଆନେ □

୩୦ ମାହାପୁରୁଟି ସୁଦୁଜୀଞ୍ଜୁ ତଲେ ମିଙ୍ଗେ ଗେଲପିନି ଦିନାତାକି ବୁରୁ ମୁଦ୍ରା କିଞ୍ଜି ଆହାମାଞ୍ଜେରି ଏଦାଣି ଦୁକୁ ହାଆଦୁ □

୩୧ ବାରେଲେହେଁଟି କୁରୁ ଅଣ୍‌ପୁ, କାର୍‌ବି, କପା, ଗଡ଼ହା ଅଡେ ନିନ୍ଦା, ଇଞ୍ଜା ବାରେଲେହେଁଟି ଅପାଆଗାଟାୟି ମୀ ତାଣାଟି ହେକ ଆପେ □

୩୨ ✨ଅଡେ, ରଅତେରି ରଅଣାଇଁ କାମା ଅଣ୍‌ପାଦୁ, ହିଡ଼ଡ଼ି ହିୟାଁ, ଅଡେ ମାହାପୁରୁ କ୍ରୀସ୍ତ

ତାଣା ମିଙ୍ଗେ ଏନିକିହିଁ ଦହ ପିସ୍ତାନେସି, ଏଲେକିହିଁ ରଅତେରି ରଅଣି ଦହ ପିହିଦୁ □



ଉଜେଡ଼ିତା ନୀତିନାୟି

୧ ମୀରୁ ମାହାପୁରୁଟି ଜୀଞ୍ଜୁତି ମୀରୁକା ମାସକାତେରି ଆହାମାନାକି, ମାହାପୁରୁ ଲେହେଁ ଆଦୁ;

୨ କ୍ରୀସ୍ତ ଏନିକିହିଁ ମିଙ୍ଗେ ଜୀଞ୍ଜୁ ନୟାତେସି, ଅଡେ ମା ତାକି ମାହାପୁରୁ ତାକି ଗାନ୍ଦାଗାଟି ନେହିଁ ପୂଜାଲେହେଁ ଜାହାରାଇଁ ହେରପାକତିତେସି, ମୀ ଜୀଞ୍ଜୁତା ଜିକେଏ ଏଲେକିହିଁ ଜୀଞ୍ଜୁ ନଞ୍ଜିଆହାନା ନୀତାଦୁ □

୩ ସାମା ଦାରିକାମା, ବାରେଲେହେଁଟି ଲାଗେଏତି କାମା କି ଜୁପକା, ଇ ବାରେ ମୀ ତାଣା ଟାୟୁ ବେଟା ଆଆପେ; ଏଡ଼ି ମାହାପୁରୁ ଲକୁତାଣା ନେହାୟି ଆଏ;

୪ ଅଡେ ଏନାୟି ଆଆଗାଟାୟି, ଅଜାଆତି କାତା, ଲାଗେଏତି କାତା, ଲକୁଣି ଲାଜା କିହାଁ କାକନାୟି ମୀ ବିଡ଼ା ଡ଼ଞ୍ଜା ଆଆପେ, ସାମା ବାରେ କାତାତାକି ମାହାପୁରୁଟି ଜହରା କିଦୁ □

୫ ଇତିହିଁ ମୀରୁ ସାତେଏ ପୁଞ୍ଜାମାଞ୍ଜେରି, ଏମିନି ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁପକା ଆନାସି ଏଞ୍ଜାସି ପେଣକା ବମାୟାତି ପୂଜା କିନାସି, ଏଲେତି ଲକୁକି କ୍ରୀସ୍ତ ଅଡେ ମାହାପୁରୁଟି ରାଜିତା ଅଦିକାରା ହିଲେଏ □

୬ ଆମ୍ବାଆସି ମିଙ୍ଗେ ଉଜେଏତି କାତା ଝେସାନା ନାଡ଼ି କିୟାଆପେସି, ଏନାଆଁତାକି ଇତିହିଁ ଇ ବାରେ ଲାଗେଏତି କାମାତାକି କାତା ମାନଞ୍ଜି ଆଆଗାଟି ମୀରୁକା ମୁହେଁ ମାହାପୁରୁଟି କାର୍‌ବି ଝାନ୍ନେ □

୭ ଇଦାଆଁତାକି, ମୀରୁ ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ;

୮ ଏନାଆଁତାକି ଇତିହିଁ ମୀରୁ ତଲି ଆନ୍ଦେରି ଲେହେଁ ମାତେରି, ସାମା ନୀଏଁ ପ୍ରବୁତି ଲକୁ ଆଡ଼ାକି ଉଜେଡ଼ି ଲେହେଁ ଆହାମାଞ୍ଜେରି; ଉଜେଡ଼ିତ ମୀରୁକା ଲେହେଁ ତାକାଦୁ,

୯ ଇତିହିଁ ବାରେଲେହେଁଟି ନେହାୟି, ଦାମ୍ବୁଗାଟାୟି ଅଡେ ସାତା ଉଜେଡ଼ିତ ପାଡ଼େୟି ଲେହେଁ,

୧୦ ପ୍ରବୁକି ଏନାୟି ନେହେଁ, ଏଲେତି କାମା କିହାଲି ଜାପାଦୁ;

୧୧ ଲକୁ ଆନ୍ଦେରିତା ଆମିନି ବାରେ ଲାଗେଏତି କାମା କିହିମାନେରି, ଏ ବାରେ କାମାତା ଆଣ୍ଡାଆଦୁ, ଇଞ୍ଜା ଏଞ୍ଜାରି ବାରେ କାମାତି ଦହ ତହୁଦୁ □

୧୨ ଏନାଆଁତାକି ଇଚିହ୍ନି ଏଞ୍ଜାରି ଏନାଆଁ
ଡଗ୍ନାନା କିନେରି, ଏ ବାରେ କାତା ଝେହ୍ନାୟି
ଜିକେଏ ଲାଜାତି କାତା,

୧୩ ସାମା ବାରେ ଲାଗେଏତି କାମା ଉଜେଡ଼ି
ତଲେ ତସ୍ପିଆନେ, ଏନାୟି ବାରେ ତଞ୍ଜାଆନେ
ଏଡ଼ି ବାରେ ଉଜେଡ଼ି □

୧୪ ଏନାଆଁତାକି ରାସ୍ତକି ଆହାମାନେ,
“ଇଦା କିହାମାନାତେରି, ନିଙ୍ଗାଦୁ,
ହାଡ଼ାରି ତାଣାଟି ନିଙ୍ଗାଦୁ,
ଅଡ଼େ କ୍ରୀସ୍ତ ମିଙ୍ଗେ ଉଜେଡ଼ି ହିୟାନେସି □”

୧୫ ଇଚିହ୍ନି ବୁଦି ହିଲାଆ ଗାଗାରିଲେହେ
ଆଆନା ବୁଦି ମାନାରି ଲେହେ ମୀ ନୀତିନାଣି ତାକି
ଜାଗ୍ରାତା ଆଦୁ, ବୁଦି ହିଲାଆଗାଗାତେରି ଲେହେ
ଆଆନା ବୁଦି ଗାଗାତେରି ଲେହେ ଆଦୁ □

୧୬ ☆ ପାଗାତି ନେହ୍ନିକି ଲେମ୍ବାଦୁ,
ଏନାଆଁତାକି ଇଚିହ୍ନି କାଲ୍ଲା ଲାଗେଏତାୟି □

୧୭ ଏନାଆଁତାକି, ବୁଦି ହିଲାଆ ଗାଗାରିଲେହେ
ଆଆନା ପ୍ରବୁତି ଅଶ୍ପୁ ଏନାୟି ଏନାଆଁ ତେଲହାଦୁ
□

୧୮ ଅଡ଼େ କାଡ଼ ଗୁସାନା ହଟାଆଦୁ, ଏନାଆଁତାକି
ଇଚିହ୍ନି ଏଡ଼ି ମିଙ୍ଗେ ନାସା କିୟାନୁ; ସାମା ପାରୁ,
ସୁଦୁଜୀଞ୍ଜୁଟି ଜହରା କିହ୍ନି ରଅତେରି ରଅଣାଇ
ବାସ୍ତୁ ହୀଦୁ,

୧୯ ☆ଅଡ଼େ ମୀ ହିୟାଁ ମାହାପୁରୁ ତାକି ସୁଦୁଜୀଞ୍ଜୁ
ତଲେ ଜହରା ପାରୁ ପାଗାଦୁ □

୨୦ ବାରେବେଲା ବାରେ କାତାତାକି ପ୍ରବୁ ଜୀସ୍ତ
କ୍ରୀସ୍ତତି ଦରୁତଲେ ଆବା ମାହାପୁରୁଇଁ ଜହରା କିଦୁ
□

ତକ୍ତି ଅଡ଼େ ତକ୍ତା

୨୧ ଅଡ଼େ କ୍ରୀସ୍ତଇଁ ଆଜାନା ରଅତେରି ରଅଣାଇଁ
ମାନି କିଦୁ □

୨୨ ☆ଏ ଆୟାସିକା ମୀରୁ ଏନିକି କ୍ରୀସ୍ତଇଁ ମାନି
କିହିମାନି ଲେହେ ମୀରୁ ମୀ ତକ୍ତାୟାଣି ମାନି କିଦୁ,

୨୩ ଇଚିହ୍ନି କ୍ରୀସ୍ତ ଏନିକି କୁଲମିତି ତାୟି
ଲେହେ, ତକ୍ତା ଜିକେଏ ଏଲେକି ତକ୍ତିନି ତାୟି
ଲେହେତାସି, ଇଞ୍ଜା କ୍ରୀସ୍ତ ତାନି ଆଜା ଲେହେତି
କୁଲମିତି ଗେଲ୍ପିନେସି □

୨୪ ହାଅ, କୁଲମି ଏନିକିହ୍ନି କ୍ରୀସ୍ତଇଁ ମାନି
କିନେ, ଏଲେକିହ୍ନି ତକ୍ତିସିକା ଜିକେଏ ବାରେ
କାତାତା ତାନି ତକ୍ତାୟାଣି ମାନି କିଦୁ □

୨୫ ☆ଏ ତକ୍ତାୟାତେରି, କ୍ରୀସ୍ତ ଏନିକି କୁଲମିତି
ଜୀଞ୍ଜୁ ନଡ଼େସି, ମୀରୁ ଜିକେଏ ଏଲେକିହ୍ନି ମୀ
ତକ୍ତିସିକାଣି ଜୀଞ୍ଜୁନଦୁ; ଇଚିହ୍ନି ଏଞ୍ଜାସି ଏନାନାକି
ତାନି ଜୀଞ୍ଜୁ ହାଡ଼େସି,

୨୬ ଏଞ୍ଜାସି କୁଲମିତି ବଲ୍ଲୁ ଅଡ଼େ ଏୟୁତଲେ
ନରହାନା ମାହାପୁରୁ ତାକି ସୁଦୁ କିହାନା
ହେରପିଡେସି,

୨୭ ଏନିକି କୁଲମି ଗାହାଁଗାରି, ଅଡ଼େ ଦହ
ହିଲାଆଗାଗାୟି ଆହାନା ସୁଦୁ ଗାଗାୟି ଆନେ,
ଅଡ଼େ ଏଲେକିହ୍ନି ଗାଞ୍ଜୁରମି ତଲେ ମାହାପୁରୁ
ତାନି ତାଣା ଅନେସି □

୨୮ ଏଲେକିହ୍ନି ତକ୍ତାୟା ଜିକେଏ ତାନି
ତକ୍ତିସିକାଣି ଜାହାରା ଆଜା ଲେହେ ଜୀଞ୍ଜୁନନାୟି
ମାନେ, ଆମ୍ବାଆସି ଜାହାରା ତକ୍ତିନି ଜୀଞ୍ଜୁ ନନେସି,
ଏଞ୍ଜାସି ଜାହାରାଇଁ ଜୀଞ୍ଜୁ ନନେସି;

୨୯ ଆମ୍ବାଆସି ଜିକେଏ ଜାହାରା ଆଜାତି ନାନୁ
ଅପଅଁ ଇଞ୍ଜି ଇନଅସି, ସାମା ତାନି ଆଜା ତାକି
ତିନେସି ଉନେସି ଅଡ଼େ ଜାଡ଼ୁ ଇଚିନେସି, କ୍ରୀସ୍ତ
ଜିକେଏ କୁଲମିତାକି ଏଲେକିହ୍ନି କିନେସି,

୩୦ ଏନାଆଁତାକି ଇଚିହ୍ନି ମାରୁ ତାନି ଆଜାତି
ଆଜା ଉଡ଼େଲି ତାୟି □

୩୧ ଦାମ୍ବୁପତିତା ରାସ୍ତକି ଆହାମାନେ, “ଇଦାଣି
ତାକି ଆବାଟି ତାଲି ତାଞ୍ଜିଇଁ ପିସାନା ଜାହାରା ତକ୍ତି
ତାଣା ଆଣିନେସି, ଅଡ଼େ ଏ ରିଆରି ରଣିଏ ଆଜା
ଆନେରି □”

୩୨ ଇ ଦାମ୍ବୁ ସାସ୍ତେରିତା ରାସ୍ତକି ଆହାମାନି ତାଣା
ହାଡ଼େକା ଡଗ୍ନାମାନି କାତା ମାନେ, ସାମା ନାନୁ
କ୍ରୀସ୍ତ ଅଡ଼େ କୁଲମିତି କାତା ଝେସିମାଞ୍ଜାଇଁ □

୩୩ ଏନାୟି ଆଡ଼େ, ମୀରୁ ବାରେଜାଣା ଜାହାରା
ତକ୍ତିଇଁ ଜାହାରା ଜୀଞ୍ଜୁ ଲେହେ ଜୀଞ୍ଜୁନଦୁ, ଇଞ୍ଜା
ତକ୍ତି ଜିକେଏ ଜାହାରା ତକ୍ତାଇଁ ମାନି କିନାୟିମାନେ
□



ତାଲି ତାଞ୍ଜି ଅଡ଼େ କକାରି ପଦାଁ

୧ ☆କକାରି ପଦାୟାତେରି, ପ୍ରବୁତି ତାକି ମୀ
ତାଲି ତାଞ୍ଜି କାତା ମାନିଞ୍ଜି ଆଦୁ; ଇଚିହ୍ନି ଏଡ଼ି
ମିଙ୍ଗେ ତାକି ନେହାୟି □

୨ “ମୀ ତାଲି ତାଞ୍ଜିଇଁ ମାନି କିଦୁ, ଇଦି ମାହାପୁରୁ
ଆଞ୍ଜାମାନି ର କାଜା ହୁକୁମି,

୩ ଏନିକିହ୍ନି ମିଙ୍ଗେ ନେହ୍ନି ଆନେ, ଇଞ୍ଜା
ମୀରୁ ଦାର୍ପତିତା ହାଡ଼େକା ଦିନା ନୀତିଦେରି □”

୪ ☆ତାଲି ତାଞ୍ଜି ତେରି, ମୀ କକାରି ପଦାଁଣି କପା
କିଆଦୁ, ସାମା ଏଞ୍ଜାରାଇଁ ପ୍ରବୁତି କାତା ଜାପଦୁ
ଅଡ଼େ ସେଡ଼ନା ତଲେ ପହିକିଦୁ □

ହଲିୟା ଅଡ଼େ ସାଞ୍ଜୁକାରି

୫ ☆ଏ ହଲିୟାଜାତେରି, ମୀରୁ ଏନିକି କ୍ରୀସ୍ତଇଁ
ମାନିଞ୍ଜି ଆହିମାଞ୍ଜେରି, ଏଲେକିହ୍ନି ଆଜି ଅଡ଼େ

☆ ୫:୧୨ ୫:୧୨ କଲସି ୪:୫ ☆ ୫:୧୯ ୫:୧୯ କଲସି ୩:୧୭,୧୭ ☆ ୫:୨୨ ୫:୨୨ କଲସି ୩:୧୮; ୧ପିତ ୩:୧ ☆ ୫:୨୫ ୫:୨୫
କଲସି ୩:୧୯; ୧ପିତ ୩:୭ ☆ ୬:୧ ୬:୧ କଲସି ୩:୨୦ ☆ ୬:୪ ୬:୪ କଲସି ୩:୨୧ ☆ ୬:୫ ୬:୫ କଲସି ୩:୨୨-୨୫

ତୀରଗିହଁ ତୀରି ହିୟାଁ ତଲେ ମୀ ଦାର୍ତତି ସାଞ୍ଜୁକାରିୟାଁ କାତା ଆହ୍‌ଦୁ;

୭ ମାଣସିଇଁ ରାହାଁ କିନିଲେହେଁ ତାମି ନକିତା ଏଦାଆଁ କିଆଦୁ, ସାମା କ୍ରୀସ୍ତତି ହଲିୟାଁ ଲେହେଁ ହିୟାଁ ତଲେ ମାହାପୁରୁତି ଅଣ୍‌ପୁ ତୀରିକିଦୁ □

୭ ଖାରଇ ମାଣ୍‌ସିୟାଁତି ସେବା କିହିମାନମି ଇଞ୍ଜିଁ ଅଣ୍‌ପାନା ପ୍ରବୁତି ସେବା କିନିଲେହେଁ ରାହାଁତଲେ ଏଦାଆଁ କିଦୁ,

୮ ଇଦାଆଁ ପୁଞ୍ଜାନା, ଏଞ୍ଜାସି କଡିତି ହଲେଏସି ଆପେସି କି ହଲେଏସି ଆଆପେସି ପ୍ରବୁ ବାରେ ଲକ୍ଷୁକି ଏଞ୍ଜାରି ନେହଁ କାମାତାକି ଏଞ୍ଜାରି ଏଦାଆଁ ବେଟାଆନାୟି ମାନେ ଏଦାଆଁ ହାନେସି □

୯ *ଏ ସାଞ୍ଜୁକାରିୟାଁତେରି, ହଲିୟାଁକାଣି ଲାଗେଏ ତଲେ ଲେମ୍ବାଆଦୁ କି ଏଞ୍ଜାରାଇଁ ଆଜିକିଆଦୁ; ମୀରୁ ଅଡେ ମୀ ହଲିୟାଁକା ବାରେଜାଣା ତେରି ଲାକପୁରୁତି ପ୍ରବୁତି ହଲିୟାଁକାତେରି; ଏଞ୍ଜାସି ବାରେଜାଣାତି ପାର୍ତ୍ତା ବାଟି କିଆନା ବିତାରା କିନେସି □

ମାହାପୁରୁତି ଜୁଜୁକିନି ଜୁତି

୧୦ ତାୟୁତି କାତା ଇଦି, ପ୍ରବୁ ତାଣାତି ବାଡ଼ୁୟୁ ବେଟାଆହାନା ଏଞ୍ଜାଣି ବାଡ଼ୁୟୁଟି ବାଡ଼ୁୟୁ ଗାଟାତେରି ଆଦୁ □

୧୧ ମୀରୁ ଏନିକଁ ସୟତାନତି ବାରେ ପଲ୍‌ଆ କାମାଟି ଜୀଣା ଆୟାଲି ଆଡିଦେରି, ଏଦାଆଁତାକି ମାହାପୁରୁ ହାହାମାଞ୍ଜାନି ଜୁଜୁକିନି ଜୁତି ବାରେ ତୁରଦୁ □

୧୨ ଇଚିହଁ ମା ଜୁଜୁ ଦାର୍ତତିତାରି କପାଟି ଆଏ, ସାମା ଲାକପୁରୁତି କାଜାପାଣା କପାଟି, ସାଲ୍‌ଝି କିନାରି କପାଟି ଇ ଆନ୍ଦେରିତି ପାଣାଗାଟାରି କପାଟି ଅଡେ ହାଗୁ ପାକାତି ପଲ୍‌ଆ ଜୀଞ୍ଜୁୟାଁ କପାଟି ଜୁଜୁ କିହିମାନାୟି □

୧୩ ଏଦାଆଁତାକି ନୀର୍ବି ମାହାପୁରୁ ହାହାମାଞ୍ଜାନି ଜୁଜୁକିନି ଜୁତିତି ତୁରଦୁ, ଆଡିହଁ ଲାଗେଏତି ବେଲାତା ମୀରୁ ସାତୁ ନକିତା ନିତାଲି ଆଡିଦେରି ଇଞ୍ଜାଁ ରାନି ପାତେକା ଜୁଜୁକିହଁ ତୀରିଆହାଁ ଡୟାଲି ଆଡିଦେରି □

୧୪ ଇଚିହଁ, ସାତାତି ଜାଟି ଟେଡେଲିତା ରୁପାକତାହାଁ, ଦାମ୍‌ତି ବକ ପାଟା ଲେହେଁ ତୁରଦୁ,

୧୫ ହିଡ଼ି ହାନି ନେହଁ କାରୁତାକି ଅଜିକିଝି ଆହାମାନି ସେପୁୟାଁ କତାଣା ତୁରହାନା ତାଟା ଆହାମାଞ୍ଜୁ;

୧୬ ବାରେବେଲା ନାମୁତି ଆଡୁ ପାଟା ଆସାମାଞ୍ଜୁ, ଏଦାଣି ତଲେ ମୀରୁ ସୟତାନତି ବାରେ ଡୀଞ୍ଜିମାନି ଆପକାତି ହିରୁ ବାରେ ତୁପହାଲି ଆଡିଦେରି □

୧୭ ଅଡେ, ଗେଲ୍‌ପିନି ଟପେରି ତାୟୁଁ ତୁା ତୁରଦୁ ଅଡେ ସୁଦୁଜୀଞ୍ଜୁତି ହିୟାଁତି ମାହାପୁରୁତି ବଲୁତି କାଣ୍ଡା ଆହ୍‌ଦୁ;

୧୮ ବାରେଲେହେଁତି ପ୍ରାତାନା ଅଡେ ବାଡିମାଲିନି ତାଣା ବାରେବେଲା ସୁଦୁଜୀଞ୍ଜୁ ସାୟେମି ତଲେ ପ୍ରାତାନା କିଦୁ, ଇଞ୍ଜାଁ ବାରେ ମାହାପୁରୁ ଲକ୍ଷୁତାକି କାପୁ କାଟାନା ପ୍ରାତାନା କିହେମାଞ୍ଜୁ □

୧୯ ଅଡେ, ନାଲେତାକି ଜିକେଏ ପ୍ରାତାନା କିଦୁ, ଏନିକଁ ନେହଁ କାରୁତାକି ଦୁତୁ ସମାନା ନାନୁ, ନାଲେ ଏ ଡ୍ରୁଗାମାନାଣି ପୁଣ୍‌ମି କିହାଲି ସାସାତଲେ ବଲୁ ଝେସାଲି ମାହାପୁରୁ ନା ଗୁତିତା ନେହଁ କାରୁ ହିୟାନେସି □

୨୦ ଅଡେ ନାନୁ ଏନିକଁ ଏମ୍ବାତି ସାତା କାତା ସାସାତଲେ ଝେସାଲି ଆଡିଇଁ □

ଜହରା ଝେସାହାଁ ଆକୃତି ରାପ୍‌ନାୟି

୨୧ **ନା କାତା, ଇଚିହଁ ନାନୁ ଏନିକଁ ମାଇଁ, ଇଦାଆଁ ମୀରୁ ଜିକେଏ ଏନିକଁ ପୁଞ୍ଜାଲି ଆଡିଦେରି, ଇଦାଣି ତାକି ନା ଜୀଞ୍ଜୁତି ତାୟି ଅଡେ କ୍ରୀସ୍ତତି କାମାତା ନାମୁତି ହଲେଏସି ତୁକିକ, ନା ବାରେ କାତା ଏଞ୍ଜାସି ଝେସ୍ତାନେସି;

୨୨ ଏ ବାରେ କାତା ଝେସାଲି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେଏଁ, ଏନିକଁ ମୀରୁ ମା ବାରେ କାତା ପୁଞ୍ଜାଲି ଆଡିଦେରି ଅଡେ ମୀ ହିୟାଁ ଏଞ୍ଜାଣି ତାଣାଟି ରାହାଁ ଆନେ □

୨୩ ଆଟା ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତଇଁ ନାମିତି ତାୟି ତାଞ୍ଜିସ୍ତାକି ହିଡ଼ି, ଜୀଞ୍ଜୁନନାୟି ଅଡେ ନାମୁ ହିୟାପେସି □

୨୪ ଏଚେକା ଲକ୍ଷୁ ମା ପ୍ରବୁ ଜୀସୁ କ୍ରୀସ୍ତଇଁ କାଲେଏ ଜୀଞ୍ଜୁ ନନେରି, ମାହାପୁରୁତି କାର୍ମାମେହନାୟି ଏ ବାରେତାକି ଆପେ □

ପିଲିପୀୟ ମଣ୍ଡଳୀ ନିକଟକୁ ପାତ୍ରଲକ୍ଷ ପତ୍ର ପିଲିପି କୁଲମିତାକି ପାଞ୍ଚୁଲ ରାଢ଼ାମାନି ଆକୁ ମୂଳୁ ହାଡ଼ା

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୬୧ ବାର୍ଷୀ ତାୟୁ ପାଞ୍ଚୁଲ ପିଲିପି କୁଲମିତି ନାମିତି ତାୟିୟାଁ ତାଣା ଆକୁ ରାଡ଼ିମାନେସି ଠ ପାଞ୍ଚୁଲ ରମ୍ପତି କାୟିଦିତା ମାତାଟି ଇ ଆକୁ ରାଡ଼ା ଡ଼ୟିନେସି୧:୧୩ ଠ ପିଲିପି ଗାଡ଼ା ବିଡ଼ା ଆହାମାନି କୁଲମିତାକି ଇ ଆକୁ ରାୟକି ଆହାମାତେ ଠ ମାର ପାଣ୍ଡୁଆହାମାନି ପତିତା ଜିକେଏ ପିଲିପି ଆକୁତି କାତା ଇତାଣି ପୁଞ୍ଜାଲି ଆଡ଼ିନାୟି ଠ ପିଲିପି ମାକିଦନିୟାତି ରାଜ୍ଜିତି କାଜା ଗାଡ଼ା ମାତେ ଠ ଇଦି ମାକିଦନିୟାତା ଆଡ଼ି ମୂଳୁ କୁଲମି ମାତେ ଠ ପାଞ୍ଚୁଲ ଅଡ଼େ ସିଲା ଆଣ୍ଡୁଆହାମା ଇ କୁଲମି ମାଟୁହା ମାତେରି ଠ ଅଡ଼େ ଏମ୍ପାଆଁ ମାତାଟି ର ଲାଆଁୟାଁ ତାକି କାୟିଦିତା ଇଚ୍ଚକି ଆହାମାତେରି କାମା ୧୭ ଠ

ପାଞ୍ଚୁଲ ଇ ଆକୁ ରାଚାଲି ହାରେକା କାତା ଡ଼ୟିନେ ଠ ଏଞ୍ଜାସି କାୟିଦିତା ମାନି କାତା ଖେଞ୍ଜାନା ଲକୁ ଦାନା କୁଡ଼ି କିହାନା ପାଣ୍ଡାମାତାକି କୁଲମିତି ଜହରା କିହାଲିତାକି ଆକୁ ରାଡ଼ିମାନେସି ୪:୧୦-୧୯ ଠ ଏଞ୍ଜାସି ତାନି କାୟିଦିତା ମାନି କାତା ଖେସାନା କୁଲମିତା ତିମତି ଅଡ଼େ ଏପାପୁଦିତାଲ୍ ହେରୁପି ମାନେସି, ନାମିତି ତାୟିୟାଁ ଏନିକ୍ ଏଞ୍ଜାରାଲ୍ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ ଠ

ପତିତା ମାନାୟି

- ୧ ପିଲିପି କୁଲମିତି ପାଞ୍ଚୁଲତି ଜହରା ଠ ୧:୧-୨
- ୨ ପାଞ୍ଚୁଲତି ମାଣ୍ଡକି ଅଡ଼େ ଏଞ୍ଜାଣି ଅଣ୍ପୁ ଠ ୧:୩-୨:୩୦
- ୩ ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଖେହ୍ନାୟି ଠ ୩:୧-୪:୯
- ୪ ପାଞ୍ଚୁଲ ଦାନା ତାକି ପିଲିପି କୁଲମିତା ଜହରା ଖେହ୍ନାୟି ଠ ୪:୧୦-୨୩

ପାଞ୍ଚୁଲତି ଜହରା ଅଡ଼େ ପ୍ରାତାନା

୧ *ପାଞ୍ଚୁଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଜା, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ତାଣା ଡ଼ୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜା କୁଲମିତି ସେବା କିନାରାକି ଇ ଆକୁ ରାୟକି ଆହାମାନେ ଠ

୨ ମା. ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍ନାୟି ଇଞ୍ଜା ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ ଠ

ପାଞ୍ଚୁଲତି ପ୍ରାତାନା

୩ ନାନୁ ମିଙ୍ଗେ ଏଚର ଦେବା ଅଣ୍ପି ମାଞ୍ଜାଲ୍, ଏଚର ଦେବା ନା ମାହାପୁରୁଲ୍ ଜହରା କିହିମାଲ୍ ଠ

୪ ନାନୁ ବାରେଦିନା ମିଙ୍ଗେତାକି ପ୍ରାତାନା କିନାଟି ନାନୁ ହାରେକା ରାହାଁତଲେ ପ୍ରାତାନା କିହିମାଲ୍,

*ଏନାଆଁତାକି ଇଚିହ୍ ମୀ ମୂଳୁ ଦିନାଟିଏ ନୀର୍ବ ପାତେକା ନେହ୍ କାକୁ ଖେକ୍ହାଲି ମୀରୁ ନାଙ୍ଗେ ସାୟେମି କିହିମାଞ୍ଜାଦେରି,

୬ ଏଦାଆଁତାକି ନାନୁ ଇ କାତାତି ସାତା ଇଞ୍ଜା ଅଣ୍ପିମାଲ୍, ଆମିନି ପ୍ରବୁ ମୀ ତାଣା ଇ ନେହ୍ କାମା ମାଟୁହାମାନେସି, କ୍ରୀସ୍ତ ଜୀସୁତି ଖେଣ୍ଡାଞ୍ଜାନି ଦିନା ରାନ୍ଦି ପାତେକା ଏଞ୍ଜାସି ଏଦାଆଁ କିନେସି ଠ

୭ ଅଡ଼େ ମୀ ବାରେତାକି ନା ଇଲେତି ଅଣ୍ପିନାୟି ମାନେ, ମୀରୁ ବାରେ ଏନିକ୍ ନା ତଲେ ନେହ୍ କାକୁ ଖେକ୍ନି କାୟିଦିତା ଆଣ୍ଡିମାଞ୍ଜାଦେରି, ଅଡ଼େ ଏମ୍ପାତି ସାତା ପାରମାଣା ତସାଲି ନା ତଲେ ଆଣ୍ଡାମାଞ୍ଜାଦେରି, ଏଦାଆଁତାକି ନାନୁ ନା ହିୟାଁତା ମିଙ୍ଗେ ଆବାମାଞ୍ଜାଲ୍ ଠ

୮ ମୀ ବାରେଜାଣା ତାକି ହାରେକା ଜୀସୁ ନନାଣି କ୍ରୀସ୍ତ ଜୀସୁ ତାଣାଟି ବେଟାଆହାମାଲ୍ ଇଞ୍ଜା ଏଚିବେଲାତା ନାନୁ ଖେହ୍ଲ୍, ଏଡ଼ି ସାତା, ଏଦାଆଁତାକି ମାହାପୁରୁ ନା ସାକି ଠ

୯ ଅଡ଼େ, ନା ପ୍ରାତାନା କିନାୟି ଇଦି, ମୀ ଜୀସୁନନାୟି, ନେହ୍ ବୁଦି ପୁନାୟି, ଅଡ଼େ ବାରେ ନେହ୍ ଅଣ୍ପୁ ହାରେ ହାରେକା ପାତା ଆପେ,

୧୦ ଏନିକିହ୍ ମୀରୁ ଏନାୟି ନେହାୟି ଏଦାଆଁ ଆଚାଲି ଆଡ଼ିଦେରି, ଆତିହ୍ ମୀରୁ କ୍ରୀସ୍ତତି ଖାନି ଦିନାତା ସୁବୁ ଗାଟାତେରି ଆଡ଼େରି, ଅଡ଼େ ନିନ୍ଦା ଗାଟାତେରି ଆଅତେରି,

୧୧ ମାହାପୁରୁତି ଗାଞ୍ଜୁରମି ଇଞ୍ଜା ନେହ୍ ଖେହ୍ନାଣି ତାକି ମୀ ଜୀସୁ ଜୀସୁ କ୍ରୀସ୍ତ ହାହାମାନି ବାରେ ନେହ୍ ଗୁଣୁ ବେଟାଆନ୍ନେ ଠ

କ୍ରୀସ୍ତ ତାଣା ନୀତିନାୟି

୧୨ ତାୟି ତାଙ୍ଗିସ୍ମାତେରି, ନାଙ୍ଗେତାକି ଏନା ଏନାୟି ଆହାମାଞ୍ଜାନେ, ଏ ବାରେ ନେହ୍ କାକୁ ପାତାଆହାଲି ତାକି ଆହାମାନେ, ଇଦାଆଁ ନାନୁ ମିଙ୍ଗେ ପୁଣ୍ଡି କିହାଲି ଅଣ୍ପିମାଲ୍;

୧୩ *ଇଚିହ୍ ନାନୁ କାୟିଦିତା ମାଚାୟି କ୍ରୀସ୍ତ ତାକି, ଏଡ଼ି ରାଜା ଇଲୁତା କାଃଆନି ବାରେ କସ୍କା ଇଞ୍ଜା ଏଚ୍ଚକାତି ବାରେଜାଣା ନକିତା ତଞ୍ଜାଆଡ଼େ;

୧୪ ଅଡ଼େ ଜିକେଏ ହାରେକା ତାୟି ତାଙ୍ଗିସ୍ମା ନାନୁ କାୟିଦିତା ମାନାକି, ମାହାପୁରୁ ତାଣା ବାର୍ସୁ ଇଚାନା

* ୧:୧ ୧:୧ କାମା ୧୭:୧୨ * ୧:୧୩ ୧:୧୩ କାମା ୨୮:୩୦

ଆଜାଆନା ମାହାପୁରୁତି କାରୁ ଝେକ୍‌ହାଲି ହାରେକା ସାସା ଗାଟାରି ଆହାମାନେରି □

୧୫ ଆମ୍ବା ଆମ୍ବାଆରି ତାହାରା ଅଡେ ଗଡ଼ହା ତାକି କ୍ରୀସ୍ତତି କାତା ଝେକ୍‌ହି ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ କିହିମାନେରି;

୧୬ ନାଜେ ନେହଁ କାରୁତି ସାକି ଆହାଲିତାକି ମାହାପୁରୁ ଆଚାମାଜାତେସି, ଏଦାଆଁ ପୁଞ୍ଜାନା ସାତା ଜୀଝୁ ନନାଣି ତାକି ଏଦାଆଁ କିନେରି,

୧୭ ଏଚକାତାରି ମାନି ତଲେ କ୍ରୀସ୍ତତି ବଲୁ ଝେହ୍‌ଆନା ଜାହାରା ଲାବା ତାକି କିହିମାନେରି □ ନାନୁ କାୟିଦିତା ମାନାଟି ନା ହିୟାତା ହାରେକା କସ୍ତ ହାହାଲି ଏଝାରି ଏଦାଆଁ କିହିମାନେରି □

୧୮ ବାଦା ହିଲେଏ ? ତାହାରା ତଲେ ଆପେ କି ନେହେଁ ତଲେ ଆପେ କ୍ରୀସ୍ତ ସାତେଏ ଝେଜ୍‌ମାନେସି, ଏଦାଆଁତାକି ନାନୁ ରାହାଁ କିହିମାଲ୍, ଅଡେ ଜିକେଏ ରାହାଁ କିହେମାଲ୍ □

୧୯ ଇଚିହଁ ନାନୁ ପୁଞ୍ଜାମାଲ୍, ମୀ ପ୍ରାତାନା ଇଞ୍ଜା ଜୀସୁ କ୍ରୀସ୍ତତି ସୁଦୁଜୀଝୁତି ସାରେମି ତଲେ ନା ଗେଲ୍‌ପିନାୟି ଆନେ,

୨୦ ଏଦାଆଁତାକି ନା ରଣ୍ଡିଏ ଆସା ଅଡେ ବାସୁ ମାନେ, ନାନୁ ଏଦି କାତାତା ଜିକେଏ ଲାଜା ଆଆଁ, ସାମା କାରେଏ ଏନିକଁ ଆହିମାଚେଏ, ନୀଏଁ ଜିକେଏ ଏଲେକଁ ହାରେକା ବାଡ଼ୁଲୁ ତଲେ ହାଡ଼ିହଁ କି ଜୀଝୁ ମାଚିହଁ, କ୍ରୀସ୍ତଲି ନା ଆଜା ତଲେ ଗାଝୁରମି କିଲ୍ □

୨୧ ଇଚିହଁ ନା ନୀତାମାନାୟି ଝାଉଲ କ୍ରୀସ୍ତ, ଏଦାଆଁତାକି ନାନୁ ହାନାୟି ନାଜେତାକି ଲାବା □

୨୨ ସାମା ନାନୁ ଆଜା ତଲେ ନୀତା ମାଞ୍ଜାନା ହାରେକା ପାଡେୟି ଆୟାଲି ଆଡ଼ିଲ୍, ଆଡ଼ିହଁ ନୀତାମାନାଣି କି ହାନାଣି ବାଟି କିଲ୍ ନାନୁ ପୁଞ୍ଜାଲି ଆଡ଼ିହିଲଅଁ □

୨୩ ନାନୁ ରୀ ଝାକି ରେସକି ଆହିମାଲ୍; ଇ ଜୀଝୁତି ପିସାନା କ୍ରୀସ୍ତ ତଲେ ମାଞ୍ଜାଲି ଅଣ୍‌ପିମାଲ୍, ଏଦି ହାରେକା ନେହାୟି;

୨୪ ସାମା ନାନୁ ଆଜା ତଲେ ମାନାୟି ମିଜେତାକି ହାରେକା ଲଡ଼ାମାନେ □

୨୫ ନାନୁ ନେହଁ କଁ ପୁଞ୍ଜାମାଲ୍, ନାନୁ ଡ଼ୟିଲ୍, ହାଅ ମୀ ନାମୁ ଅଡେ ରାହାଁତି ପାଡ଼ିକିହାଲି ମୀ ବାରେ ତଲେ ଡ଼ୟିଲ୍,

୨୬ ଏନିକଁ ମୀ ବିତ୍ରା ନା ଝେଣ୍ଡା ଝାଡ଼ାକି ନା ତାଣାଟି କ୍ରୀସ୍ତ ଜୀସୁ ତାଣା ମୀ ବଡପଣ ଗାଡ଼ିଆନେ □

୨୭ ନା ଅଣ୍‌ପୁ ଇଦି, କ୍ରୀସ୍ତତି ନେହଁ କାରୁତି ଜଗେତି ଲକୁ ଲେହେଁ ନୀତାଦୁ, ଏନିକଁ ନାନୁ ମୀ ତାଣା ଝାହାନା କି ହେକ ମାଞ୍ଜାନା ମୀ କାତା ଝେଞ୍ଜାହାଁ ପୁଞ୍ଜାଲି ଆଡ଼ିଲ୍, ମୀରୁ ବାରେତେରି

ରଣ୍ଡିଏ ଜୀଝୁ ରଣ୍ଡିଏ ଅଣ୍‌ପୁ ତଲେ ତୀରିଆହାନା ନେହଁ କାରୁତି ନାମୁ ତାକି ଜୁଜୁ କିହିମାଜେରି,

୨୮ ଇଞ୍ଜା ମିଜେ କସ୍ତ ନିନ୍ଦା ହାହିମାଞ୍ଜାନି ସାଡୁୟାଲ୍ ଏଚେଲାଝା ଆଜାଆଦୁ; ଏଦି ଏଝାରି ନାସା ଆନାୟି, ସାମା ମିଜେତାକି ଗେଲ୍‌ପିନାୟି ମାହାପୁରୁ ହାହାମାନି ର ସିନା;

୨୯ ଇଚିହଁ କ୍ରୀସ୍ତ ତାଣା ଝାଉଲ ନାମାଲି ତାକି ମୀରୁ ପାରୁ ମେଡ଼ା ଆହାମାଜେରି, ଏଦି ଆଏ, ସାମା ଏଝାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମେଡ଼ା ଆହାମାଞ୍ଜାନେ;

୩୦ *ଅଡେ ନାନୁ ଏନିକଁ ଜୁଜୁ କିହିମାଚାଣି ମେସାମାଞ୍ଜାତେରି, ଇଞ୍ଜା ନୀଏଁ ଜିକେଏ କିହିମାନେସି ଇଞ୍ଜା ଝେଞ୍ଜିମାଜେରି, ଏଲେକିହଁ ମୀରୁ ଜିକେଏ ଜୁଜୁ କିଦୁ □

୨

କ୍ରୀସ୍ତତି ମାଣ୍‌କି ଅଡେ କାଜାପାଣା

୧ କ୍ରୀସ୍ତ ତଲେ ମାନାକି ମୀରୁ ଜୀଝୁତା ବାସୁ ବେଟାଆହାମାଜେରି, ଅଡେ ତାନି ଜୀଝୁନନାୟି ମିଜେ ସାସା ହାହିମାଞ୍ଜାନେ □ ମୀରୁ ସୁଦୁଜୀଝୁତା ଆଣ୍ଡିମାଜେରି ପୁଞ୍ଜିମାଜେରି ଅଡେ ରଅତେରି ରଅଣାକି ମୀ ଜୀଝୁନନାୟି ଅଡେ କାର୍ମାମେହ୍‌ନାୟି ମାନେ,

୨ ନାନୁ ମିଜେ ବାଡ଼ିମାଲିମାଞ୍ଜାଲ୍ ମୀରୁ ରଣ୍ଡିଏ ଅଣ୍‌ପୁ ତଲେ, ରଣ୍ଡିଏ ଜୀଝୁ ନନାଣି ତଲେ, ରଣ୍ଡିଏ ହିୟା, ରଣ୍ଡିଏ ଅଣ୍‌ପୁ ଆହାନା ନାଜେ ରାହାଁ କିୟାଦୁ,

୩ ମୀରୁ ମିଜେତାକି ନେହାଁଣି ଜୁପକା ଇଞ୍ଜା ହାରେକା ବଡପଣ ତସାଲି ଏଦାଆଁ କିଆଦୁ, ସାମା ସୁଦୁ ହିୟା ଗାଟାତେରି ଆହାନା ଏଚକା ଲକୁଲ୍ ନା କିହାଁ କାଜାସି ଇଞ୍ଜା ଅଣ୍‌ପାଦୁ;

୪ ମୀରୁ ବାରେତେରି ଝାଉଲ ମିଜେତାକି ନେହଁ ଆନାଣି ଅଣ୍‌ପାଆନା ଏଚକା ଲକୁତି ନେହାଁଣି ଜିକେଏ ଅଣ୍‌ପାଦୁ □

* କ୍ରୀସ୍ତ ଜୀସୁତି ଏନିଲେହେଁତି ଅଣ୍‌ପୁ ମାଚେ ମୀ ଅଣ୍‌ପୁ ଜିକେଏ ଏଲେତାୟିଏ ଆପେ;

୬ ଏଝାସି ମାହାପୁରୁ ଆଡ଼ିହଁ ଜିକେଏ, ମାହାପୁରୁ ତଲେ ସମାନା ଆହଁ ମାଞ୍ଜାଲି ଅଣ୍‌ପାଆନା ତାନି ଏ ଅଦିକାରା ପିସେସି,

୭ ସାମା ଏଝାସି ମାଣ୍‌ସି ଝାଣା ଆହାନା ହଲେଏସି ଲେହେଁ ଆଡେସି □

ମାଣ୍‌ସିଲେହେଁ ଆହାନା ମାଣ୍‌ସି ଝାଣା ତଲେ ତଞ୍ଜାଆଡେସି;

୮ ଏଝାସି ମାଣ୍‌ସିଲେହେଁ ତଞ୍ଜାଆହାନା ହାନି ପାଡେକା, ହାଅ, ପାସି ମୁଣ୍ଡାତା ଲେପିଆହାଁ ହାନି ପାଡେକା

* ୧:୩୦ ୧:୩୦ କାମା ୧୭:୧୯-୪୦

- ହୁକୁମି ମାନୁଷି ଆଡେସି ଇଞ୍ଜା ତାନୁଏ ତାଙ୍ଗେ ଉଣା କିହା କଡିତେସି □
- ୯ ଏଦାଆଁତାକି ମାହାପୁରୁ ଏଞ୍ଜାଣାଇଁ ବାରେକିହାଁ କାଜାସି କିହାମାନେସି, ଇଞ୍ଜା ବାରେ ଦରକା କିହାଁ କାଜା ଦରୁ ଏଞ୍ଜାଣାକି ହାହାମାନେସି,
- ୧୦ ଏନିକିଁ ଲାକପୁରୁ ଅଡେ ଦାରତିତା ଅଡେ ଦାରତିତି ତୁଇ ମାନାଇ; ଏ ବାରେ ଜୀସୁ ଦରୁତା ମେଣ୍ଟାକୁତାନା ଜହରା କିନୁ,
- ୧୧ ଅଡେ ଆବା ମାହାପୁରୁତି ଗାଝୁରମି ତାକି ବାରେଜାଣା ତାମି ଗୁତି ତଲେ ଜୀସୁ କ୍ରୀସ୍ତ ପ୍ରବୁ ଇଞ୍ଜାଁ ଜଲିନେରି □

ଦାରତିତା ଉଜେଡି ଲେହେଁ ଡ଼ାଞ୍ଜାଦୁ

- ୧୨ ନା ଜୀସୁତି ତଣେସିଙ୍ଗା, ମୀରୁ ବାରେବେଲା ନାଙ୍ଗେ ମାନୁଷି ଆହିମାଞ୍ଜାଦେରି, ଇତିହଁ ନା ନକିତା କିନିଲେହେଁ ଆଏ, ସାମା ନାଏଁ ନା ହିଲାଆ ବେଲାତା ହାରେକା ଆଜିତଲେ ତୀରଗିହଁ ମୀରୁ ଗେଲ୍ପି ଆହାଲି ତାଲି କାମା କିଦୁ
- ୧୩ ଇତିହଁ ମିଙ୍ଗେ ତାନି କାମା କିହାଲିତାକି ଇଚା ଅଡେ ବାଡ଼ୁ କିହାଲିତାକି ମାହାପୁରୁ ତାନୁଏ ମୀ ତାଣା କାଲେଏ କାମା କିହିମାନେସି □
- ୧୪ ମୁରୁ ମୁରୁ ଅଡେ ବାଦିବାଦା ଆଆନା ମୀ ବାରେ କାମା କିଦୁ,
- ୧୫ ଏଲେକିତିହଁ ମୀରୁ ଦହ ହିଲାଆଗାଟାତେରି ଅଡେ ସୁଦୁ ଗାଟାତେରି ଆହାନା, ଇ ଲାଗେଏତାଣି ତଲେ ନାଡ଼ିକିନି ଲକୁ ବିତ୍ରା ମାହାପୁରୁତି ଦହ ହିଲାଆଗାଟି ମୀରକା ମାସ୍କାତେରି ଆଦେରି; ଏଞ୍ଜାରିତାଣା ମୀରୁ ଜୀସୁତି ବଲୁ ଆସାନା ଦାରତିତି ଉଜେଡି ଲେହେଁ ମୀରୁ ତଞ୍ଜା ଆହିମାଞ୍ଜେରି;
- ୧୬ ଏମ୍ବାଟି ନାନୁ ଉଜେଏ ହଟି ହିଲଅଁ କି ଉଜେଏ କାମା କିହିହିଲଅଁ, ଏ ବାରେତାକି କ୍ରୀସ୍ତତି ଦିନାତା ବଡପଣ କିହାଲି ଆଡ଼ିଇଁ □
- ୧୭ ନା ନେତେରି ମୀ ନାମୁ ତାକି ସେବାତା ଗସାଲି ପୂଜା ହୀନି ନେତେରିଲେହେଁ ଡ଼ାଞ୍ଜାଲି ଆହିମାନେ, ଆତିହଁ ନାନୁ ରାହାଁ ଆହିମାଇଁ, ଅଡେ ମୀ ତଲେ ଆଣ୍ଟାନା ରାହାଁ କିହିମାଇଁ,
- ୧୮ ଅଡେ ଏଲେକିହଁ ମୀରୁ ରାହାଁ କିଦୁ ଇଞ୍ଜାଁ ନା ତଲେ ରାହାଁ କିଦୁ □

ତିମତି ଅଡେ ଏପାପୁଦିତ

- ୧୯ ସାମା ନାନୁ ତିମତିଇଁ ତବେ ପାଣ୍ଟାଇଁ ଇଞ୍ଜାଁ ପ୍ରବୁ ଜୀସୁ ତାଣା ଆସା କିହିମାଇଁ, ଏନିକିଁ ମୀ କାତା ଝେଞ୍ଜାନା ନାନୁ ଜିକେଏ ରାହାଁ ଆଇଁ □
- ୨୦ ଏଞ୍ଜାସି ରଅସିଏ ନା ଲେହେଁତି ଅଣ୍ଟପୁ ଗାଟାସି ଇଞ୍ଜାଁ ଏଞ୍ଜାସି ସାତେଏ ମିଙ୍ଗେତାକି ଅଣ୍ଟପି ମାଞ୍ଜାନେସି □

- ୨୧ ଇତିହଁ ବାରେଜାଣା ଜୀସୁ କ୍ରୀସ୍ତତି ସେବା କିହାଲି ଅଣ୍ଟପାଆନା, ଝାଉଇ ତାମି ନେହାଁଣି ପାରାଲି ଅଣ୍ଟପିନେରି □
- ୨୨ ତିମତି ତାୟିପାରି କିନିତାଣା ଜୀଣା ଆହାମାନାସି ଏଦାଆଁ ମୀରୁ ପୁଞ୍ଜାମାଞ୍ଜେରି; ମୀରଏସି ଆବାତି ସେବା କିନିଲେହେଁ, ଏଞ୍ଜାସି ନେହଁ କାରୁ ଝେକ୍ନି କାମାତା ନା ତଲେ ସେବା କିହାମାତେସି □
- ୨୩ ଇତିହଁ ନାଙ୍ଗେତାକି ଏନାୟି ଆନେ, ଏଦାଆଁ ପୁଟିସାରେ ଏଞ୍ଜାଣାଇଁ ମୀ ତାଣା ପାଣ୍ଟାଇଁ ଇଞ୍ଜାଁ ଆସା କିହିମାଇଁ;
- ୨୪ ପ୍ରବୁ ତାଣା ବାସୁଁ କିହିମାଇଁ ନାନୁ ଜିକେଏ ମୀ ତାଣା ତବେ ଝାଇଁ □
- ୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଝାକିତି ଦୁଦୁ କିନାସି, ଇଞ୍ଜାଁ ନା ଲଡ଼ାମାନାଣି ସାୟେମି କିହାଲି ମୀ ତାଣାଟି ପାଣ୍ଟୁଆହାମାନି ସେବାକିନି ଏପାପୁଦିତାଇଁ ମୀ ତାଣା ପାଣ୍ଟାଲି ଅଣ୍ଟପିମାଇଁ;
- ୨୬ ଇତିହଁ ଏଞ୍ଜାସି ବାରେତେରି ମିଙ୍ଗେ ମେସାଲି ହାରେକା ଅଣ୍ଟପିମାନେସି, ଅଡେ ଏଞ୍ଜାସି ଆଡ଼ିହିଲଅସି ଇଞ୍ଜାଁ ଝେଚାକି ହାରେକା କିଲିବିଲି ଆହିମାନେସି;
- ୨୭ ହାଅ, ଏଞ୍ଜାସି ହାନ୍ତିଲେହେଁ ଆହାମାତେସି, ସାମା ମାହାପୁରୁ ଏଞ୍ଜାଣାଇଁ କାର୍ମା ମେସ୍ତେସି, ଏଞ୍ଜାଣାଇଁଦେହେଁ ଆଏ ସାମା ଏନିକିଁ ନାଙ୍ଗେ ଦୁକୁ ଲାକ ଦୁକୁ ଝାଏ ଏଦାଆଁତାକି ନାଙ୍ଗେ ଜିକେଏ କାର୍ମା ଆୟାତେସି □
- ୨୮ ଏଦାଆଁତାକି ମୀରୁ ଏଞ୍ଜାଣାଇଁ ଝେଣ୍ଟେ ମେସାନା ରାହାଁ ଆଦେରି ଇଞ୍ଜାଁ ନା ଦୁକୁ ଏନିକିଁ ଉଣା ଆନେ, ଏଦାଆଁତାକି ନାନୁ ଏଞ୍ଜାଣାଇଁ ପାଣ୍ଟାଲି ହାରେକା ଜାଡ଼ୁ ଆଡେଏଁ □
- ୨୯ ଏଦାଆଁତାକି ମୀରୁ ଏଞ୍ଜାଣାଇଁ ପ୍ରବୁତି ଦରୁତଲେ ହାରେକା ରାହାଁତଲେ ଆବାଦୁ, ଇଞ୍ଜାଁ ଇଲେତି ଗୁଣ୍ଟୁଗାଟି ଲକୁଣି ମାନି କିଦୁ;
- ୩୦ ଏନାଆଁତାକି ଇତିହଁ ମୀରୁ ନାଙ୍ଗେ ଏମିନି ସାୟେମି କିହାଲି ଆଡାଆତାଣି, ଏଦାଆଁ କିହାଲି ଏଞ୍ଜାସି କ୍ରୀସ୍ତତି କାମାତା ତାନି ଜୀସୁତି ବାଦା ହାହାନା ହାନ୍ତିଲେହେଁ ଆହାମାତେସି □

୩

ସାତା ତୀରିଗାଟାୟି

- ୧ ନା ତାୟି ଅଡେ ତାଙ୍ଗିସ୍ତାତେରି, ବାରେତି ତାୟି ପ୍ରବୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାଡାଲି ନାଙ୍ଗେତାକି ଝାହୁ ହଡ଼ିମାଞ୍ଜେଏ, ସାମା ଏ ବାରେ ମୀ ନେହେଁତାକି ଲଡ଼ାମାନେ □
- ୨ ଲାଗେଏ ପଲେଏ କାମାକିନାରି ତାଣାଟି, ନେସ୍କାଟି ଜାଗ୍ରାତା, ଏ ତଲୁ ଦାଃଆନାରି ତାଣାଟି ଜାଗ୍ରାତା;

୩ ଏଦାଆଁତାକି ଇଚିହଁ ମାର ସାତେଏ ତଲୁ ଦାପି ଆହାମାନାତାୟି, ଇଚିହଁ ମାର ସୁଦୁଜୀଝୁତି ସାୟେମି ବେଟାଆହାନା ମାହାପୁରୁଇ ସେବା କିହିମାନାୟି, ଇଞ୍ଜା ଆଜ୍ଞାତି ଲଡ଼ା ଆନି ମେରା ବାର୍ସୁ କିଆନା କ୍ରୀସ୍ତ ଜୀସୁ ତାଣା ବତପଣ ଆନି □

୪ ନାନୁ ଆଜ୍ଞାତି ପାଣାପାଟୁତା ଜିକେଏ ବାର୍ସୁ ଇଟାଲି ଆଡ଼ିତେଏମା; ଅଡ଼େ ଆମ୍ବାଆସି ଆଜ୍ଞାତି ମେରାତା ବାର୍ସୁ ଇଟାଲି ଆଡ଼ିତେଏମା ଇଞ୍ଜା ଅଣ୍ଡିନେସି, ଆତିହଁ ନାନୁ ଏଞ୍ଜାଣି ଆଗାଡ଼ା ଆଡ଼ିଇଁ;

୫ ନାନୁ ଜାର୍ନା ଆହାଁ ଆଟାଦିନା ଆହାଲିଏ ତଲୁ ଦାପି ଆଡ଼ାତେଏ, ଇଞ୍ଜା ଇସାୟେଲ ଲକୁତି ବିନ୍ଧାମିନ୍ କୃତାତା ଜାର୍ନା ଆଡ଼ାତେଏ, ମା ଆକୁ ଆବାୟାଁ ର ଏରିୟ ଲକୁ ମାଚେରି, ମେରା ମାନଝି ଆନି ତାଣାଟି ନାନୁ ର ପାରୁସି ଲକୁତେଏ,

୬ ହାରେକା ରାହାଁତଲେ ନାନୁ କ୍ରୀସ୍ତାନା କୁଲମିତି ସାସି ହୀନାତେଏ, ଇଞ୍ଜା ମସାତି ମେରାତି ଦାମ୍ବୁତା ନାନୁ ଦହ ହିଲାଆଗାଟତେଏ ତଞ୍ଜା ଆହିମାଚେଏ □

୭ ସାମା ଏନାୟି ନାଜେତାକି ଲାବା ମାଚେ, ଏ ବାରେତି ନାନୁ କ୍ରୀସ୍ତତି କସମି ଉଜେଏତାୟି ଇଞ୍ଜା ଅଣ୍ଡିପାମାଇଁ □

୮ ନାନୁ ନା ପ୍ରବୁ ଜୀସୁ କ୍ରୀସ୍ତତି ବୁଦି ହାରେକା ଦାରାଗାଟାୟି ଇଞ୍ଜା ପୁଞ୍ଜାନା ଏଟକାତାଣି ଉଜେଏତାୟି ଇଞ୍ଜା ପିସାତୁସ୍ତେଏ; ଏଞ୍ଜାଣି କସମି ବାରେ ହିଲାଆଗାଟାଣି ଅର୍ହତେଏ ଅଡ଼େ ଏ ବାରେ ତୁକ୍ ଗମ୍ବୁଲେହେଁ ଆଡ଼େଏ, ଏନିକଁ ନାନୁ କ୍ରୀସ୍ତଇଁ ମେଡ଼ାଆଇଁ, ଇଞ୍ଜା ତାନି ଲକୁ ଇଞ୍ଜା ତଞ୍ଜା ଆଇଁ □

୯ ଅଡ଼େ ମସାତି ମେରା ମାନଝି ଆହାଁ ତୀରିଗାଟାଣି ମେଡ଼ା ଆଆନା, ଏନିକଁ ନାନୁ କ୍ରୀସ୍ତ ତାଣା ନାମିନି ତାଣାଟି ମାହାପୁରୁ ହୀହାମାଞ୍ଜାନି ନାମୁତି ତୀରିଗାଟାଣି ମେଡ଼ାଆଇଁ,

୧୦ ଏନିକଁ ନାନୁ ଏଞ୍ଜାଣାଇଁ ତାନି ଝେଣ୍ଡେ ନିଜିତି ବାଡ଼ୁଲୁ ଇଞ୍ଜା ଏଞ୍ଜାଣି ହାକିତା ଏଞ୍ଜାଣିଲେହେଁ ଦୁକୁ କସ୍ତତା ଆଣ୍ଡିନାଣି ପୁଞ୍ଜାଲି ଆଡ଼ିଇଁ,

୧୧ ଏଦାଣିତାକି ହାଡ଼ାରି ତାଣାଟି ନାଜେ ନିକହାନେସି ଇଞ୍ଜା ଆସା କିହିମାଇଁ □

ଗୁରି ଇଟାମାନି ଟାୟୁତା ହଣନାୟି

୧୨ ନାନୁ ନୀଏ ଏ ବାରେ ବେଟାଆହାମାଇଁ ଇଞ୍ଜା ନେହାଁତେଏ ଆହାମାଇଁ, ଏଡ଼ି ଆଏ, ସାମା କ୍ରୀସ୍ତ ଜୀସୁ ତାଣାଟି ଆଡ଼ି ଆହାମାନାକି ଏଦାଆଁ ଆସାଲି ହଟିମାଇଁ □

୧୩ ନା ତାୟି ଅଡ଼େ ତାଜିସ୍ତା ନାନୁ ନୀଏ ପାତେକା ଆସାମାଇଁ ଇଞ୍ଜା ଅଣ୍ଡି ହିଲଅଁ, ସାମା ନାନୁ ର କାମା କିହିମାଇଁ, ଇଚିହଁ ତାୟୁ ମାନି ବାରେ କାତା ହେକ କିହାନା ନକିତା ମାନାଣି ମେସାନା ହଟିମାଇଁ,

୧୪ କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଜେ ହାଟାମାଞ୍ଜାନେସି ଏ ଦାନା ବେଟାଆହାଲି ତାକି ଗୁରି କିହାମାନି ଟାୟୁ ଝାକି ଜୀଝୁ ତୁସାନା ହଟିମାଇଁ □

୧୫ ଏଦାଆଁତାକି ଝାଡୁ, ମାର ଏଚେକା ଲକୁ ଟିକାଣା ଗାଟାତାୟି, ଇଲେତି ମନତଲେ ଅଣ୍ଡିପିନ, ସାମା ଏ ବାରେ କାତାତାକି ମୀ ଏଟକାତି ଅଣ୍ଡିପୁ ମାଚିହଁ, ଆତିହଁ ଇଦାଆଁ ଜିକେଏ ମାହାପୁରୁ ମୀ ନକିତା ପୁଣ୍ଡି କିୟାନେସି;

୧୬ ନୀଞ୍ଜୁପାତେକା ମାର ଏମିନି ମେରା ମାନଝି ଆହାନା ଝାହାମାନାୟି, ଏଲେକିହଁ ଏ ନକିତା ହାଜାଅନି □

୧୭ ତାୟି ତାଜିସ୍ତା ମାରୁ ବାରେ ଆଣ୍ଡି ଆହାନା ନା ଲେହେଁକି ତାକାଦୁ, ଇଞ୍ଜା ମା ତାଣା ଏମିନି ତୀରିଗାଟାଣି ମେସିମାଞ୍ଜେରି ଇଞ୍ଜା ଆମିନି ଗାଟାରି ଏଲେକିହଁ ତାକିନେରି ଏଞ୍ଜାରାଇଁ ସିନକିଦୁ □

୧୮ ଇଚିହଁ ହାରେକା ଇଲେକଁ ମାନେରି, ଆମ୍ବାଆରି ମାଣ୍ଡକିତି କାତା ଅଲେ ଅଲେ ମିଜେ ଝେସାମାଞ୍ଜାଇଁ, ଇଞ୍ଜା ନୀଏ ଜିକେଏ ମିଜେ ଡ଼ାହି ଡ଼ାହି ଝେସିମାଞ୍ଜାଇଁ, ଏଞ୍ଜାରି ବାରେ କ୍ରୀସ୍ତତି ପାସି ମୁଣ୍ଡାତି ସାତୁ ଆହାମାନେରି;

୧୯ ଏଞ୍ଜାରି ବାରେ ନକିତା ନାସା ଆନାରି, ଆଜ୍ଞାତି ଅଣ୍ଡିପୁ ଏଞ୍ଜାରି ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି ଏଞ୍ଜାରି ବତପଣ କିନେରି, ଇଞ୍ଜା ଦାରତି ତାଣି ବାରେ ଅଣ୍ଡିପେ ମାନେରି □

୨୦ ମାର ବାରେ ଲାକପୁରୁତି ଲକୁତାୟି, ଇଞ୍ଜା ଏମ୍ବାଟି ଜିକେଏ ମାଜେ ଗେଲପାନି ପ୍ରବୁ ଜୀସୁ କ୍ରୀସ୍ତତି ଝେଣ୍ଡେ ଝାନାଣି କାଟିମାନମି;

୨୧ ଏଞ୍ଜାସି ତାନି ଏମିନି କାମା କିନି ବାଡ଼ୁଲୁତି ବାରେତି ତାନି ତାଣା ଇଟାଲି ଆଡ଼ିମାନେସି, ଏମ୍ବାଟି ମା ବାଡ଼ୁଲୁ ହିଲାଆଗାଟି ଆଜ୍ଞାତି ତୀରି ମୁପହାନା ତାନି ଗାଝୁରିମିଗାଟି ଆଜ୍ଞା ଲେହେଁ କିୟାନେସି □



ହୁକୁମି ହୀନାୟି

୧ ଏଦାଆଁତାକି ଏ ନା ଜୀଝୁତି ତାୟି ତାଜିସ୍ତା □ ମିଜେତାକି ନାଜେ ଏଚେକା ରାହାଁତି ଟପେରି ଲେହେଁ □ ନାନୁ ଜାପହାତି ଲେହେଁ ପ୍ରବୁ ତାଣା ତୀରିଆହାଁ ନୀତାବାଡ଼କାଦୁ □

☆ ୩:୫ ୩:୫ ରମି ୧୧:୧; କାମା ୨୩:୨; ୨୭:୫ ☆ ୩:୬ ୩:୬ କାମା ୮:୩; ୨୨:୪; ୨୭:୯-୧୧ ☆ ୩:୧୭ ୩:୧୭ ୧କର ୪:୧୭; ୧୧:୧

୨ ପ୍ରଭୁ ତାଣା ରଣ୍ଡିଏ ଅଣ୍ଡୁ ତଲେ ମାଞ୍ଜାଲି ଇୟଦିୟା ଅଡ଼େ ସୁତ୍ରୁ ରିଣ୍ଡାସିକାଣି ବାଡ଼ିମାଲିମାଲ୍ ।

୩ ନା କାମାତା ଆଣ୍ଡାନା ମାନି ତଲେ କାମା କିନାତି, ନିଙ୍ଗେ ଜିକେଏ ବାଡ଼ିମାଲିମାଞ୍ଜାଲ୍ ଇ ରା ତାଙ୍ଗିସ୍ତାଣି ସାୟେମି କିମ୍ପୁ, ଏନାଆଁତାକି ଇଚିହ୍ କ୍ଲେମେନ୍ସ ଅଡ଼େ ନା ତଲେ କାମାକିନାରି ତଲେ ନେହ୍ କାରୁ ଝେକ୍‌ହାଲି ନା ତଲେ କାମା କିହାମାନୁ; ଇଞ୍ଜା ନା ତଲେ କାମା କିହାମାନାରି ଦରକା ଜୀଝୁତି ପତିତା ରାସ୍‌କି ଆହାମାନୁ ।

୪ ପ୍ରଭୁ ତାଣା ଆଣ୍ଡାନା କାଲେଏ ରାହ୍ କିଦୁ, ଅଡ଼େ ଝେଣ୍ଡେ ଝେସିମାଞ୍ଜାଲ୍ ରାହ୍ କିଦୁ ।

୫ ବାରେ ଲକୁ ନକିତା ମୀ ସୁଦୁ ସୁଖାଲା ଅଣ୍ଡୁ ତଞ୍ଜା ଆପେ । ପ୍ରଭୁ ଖାନାୟି ତାଗେ ଖାଡ଼େୟିଏ ।

୬ ଏନାଆଁତାକି ଜିକେଏ ଅଣ୍ଡାଆଦୁ, ସାମା ବାରେତାକି ପ୍ରାତାନା ଇଞ୍ଜା ଜହରା ତଲେ ମୀ ଲଡ଼ାମାନାଣି ମାହାପୁରୁ ନକିତା ଝେହ୍‌ଦୁ ।

୭ ଏଚେଟିଏ ତେଲ୍‌ହାଲି ଆଡ଼ାଆଗାଟି ମାହାପୁରୁତି ହିଡ଼ତି ମୀ ହିୟା ଅଡ଼େ ଅଣ୍ଡୁତା କ୍ରୀସ୍ତ ଜୀସୁ ସାୟେମି ତଲେ ଗେଲ୍‌ପାନା ଇଟାନେସି ।

୮ ଏ ତାୟି ତାଙ୍ଗିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡ଼ା ମାନାୟି, ଏନାୟି ଟିକାଣାତାୟି, ଏନା ଏନାୟି ଅତିତାୟି, ଏନାୟି ଜୀଝୁନନାୟି, ଏନାୟି ମନ କିତି ରାନ୍ଦା, ଏନାୟି ଜୀଝୁତା ନେହାୟି, ଏନାୟି ସାତା ଗୁଣ୍ଡୁ ମାନେ ଏ ବାରେ କାତା ଅଣ୍ଡପେମାଞ୍ଜୁ ।

୯ ମୀରୁ ନା ତାଣାଟି ଏନାଆଁ ଜାପାମାଞ୍ଜେରି, ଝେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିଦୁ; ଏନାଆଁ ହିଡ଼ତି ହିୟାନି ମାହାପୁରୁ ମୀ ତଲେ ସାୟେମି ଆୟାନେସି ।

ଦାନା ତାକି ଜହରା

୧୦ ବାରେତି ତାୟୁ ନା ତାକି ମୀ ଅଣ୍ଡୁ ତଞ୍ଜା ଆହାମାନେ, ଏନାଆଁତାକି ପ୍ରଭୁ ତାଣା ରାହ୍ କିହମାଲ୍; ସାତେଏ ନା ତାକି ମୀ ଅଣ୍ଡୁ ମାଚେ, ସାମା ପାରୁ ମେଡ଼ା ଆହି ହିଲାଆତେରି ।

୧୧ ନାଙ୍ଗେ ଏନାୟି ଉଣା ମାନାକି ଝେସିମାଞ୍ଜୁଅଁ, ଏନାଆଁତାକି ଇଚିହ୍ ନାନୁ ଏନିଆହ୍ ମାଚିହ୍ ଜିକେଏ ରାହ୍‌ତଲେ ମାଞ୍ଜାଲି ଜାପାମାଲ୍ ।

୧୨ ନାନୁ ହିଲାଆ ବେଲାତା ବାଡ଼କାଲି ଇଞ୍ଜା ହାରେପୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜାମାଲ୍, ବାରେବେଲା ବାରେଖାକି ରାହ୍‌ତଲେ ମାଞ୍ଜାଲି, ବାଣ୍ଡି ପାଞ୍ଜେ ତିଞ୍ଜାନା ଅଡ଼େ ହାକିଟି ଜିକେଏ ମାଞ୍ଜାଲି, ଇଞ୍ଜା ହାରେକା ବେଟାଆହାମାନାଣି ଲେୟାଲି ଇଞ୍ଜା ହିଲାଆ ବେଲାତା ନୀତାଲି ଜିକେଏ ଜାପାମାଲ୍ ।

୧୩ ନାଙ୍ଗେ ବାଡ଼ୁୟୁ ହିୟାନି କ୍ରୀସ୍ତ ତାଣାଟି ବାରେ କିହାଲି ଆଡ଼ିଲ୍ ।

୧୪ ଆଡ଼ିଜିକେଏ ମୀରୁ ନା କସ୍ତା ଆଣ୍ଡାମାନାକି ନେହ୍ କାମା କିହାମାଞ୍ଜେରି ।

୧୫ ପିଲିପିୟ ଲକୁତେରି, ମୀରୁ ଜିକେଏ ପୁଞ୍ଜାମାଞ୍ଜେରି, ନେହ୍ କାରୁ ଝେକ୍‌ହାଲି ମାଟ୍‌ହି ବେଲାତା ଏଚେତା ନାନୁ ମାକିଦନିୟାଟି ହାଚାଟି ଏଚିବେଲା ମୀ ପିସ୍‌ପେ ଏମିନି କୁଲମି ନା ତଲେ ଆଣ୍ଡାନା ନା ତାଣାଟି ହୀନାଣି ଅନାଣି ଲେକା ଇଟାହିଲାଆତେରି ।

୧୬ ଇଚିହ୍ ନାନୁ ତେସଲନିକିତା ମାଚିବେଲାତା ଜିକେଏ ମୀରୁ ନା ଲଡ଼ା ମାଚାଣି ମେସାନା ହାରେକା ଦେବା ଦାନା ପାଣ୍ଡାତେରି ।

୧୭ ନାନୁ ମୀ ତାଣାଟି ଦାନା ଅହାଲି ଅଣ୍ଡପି ହିଲଅଁ, ସାମା ଏମିନି ପାଡ଼େୟିଟି ମୀ ଲେକା ହାରେ ହାରେକା ପାଡ଼ାଆହିମାନେ, ଏନାଆଁତି ନାନୁ ମେସାଲି ଅଣ୍ଡପିମାଲ୍ ।

୧୮ ନାନୁ ବାରେ ବେଟାଆହାମାଲ୍, ଇଞ୍ଜା ନାଙ୍ଗେ ହାରେପୁରେ ମାନେ; ମୀ ତାଣାଟି ପାଣ୍ଡାମାଞ୍ଜାନାଣି ବାରେ ଏପାପୁଦିତ ତାଣାଟି ବେଟାଆହାମାଲ୍, ଏ ବାରେ ନାଙ୍ଗେତାକି ସାରି; ଏ ବାରେ ମାହାପୁରୁ ନକିତା ହେରପାନା ହୁଡ଼ିମାନି ଗାନ୍ଦାଗାଟି ଦୁପ୍‌ଣି ଲେହେଁତାୟି ।

୧୯ ଅଡ଼େ ନା ମାହାପୁରୁ କ୍ରୀସ୍ତ ଜୀସୁ ତାଣା ତାନି ଗାଝୁରମି ଦନଟି ମୀ ଲଡ଼ାମାନାଣି ହିୟାନେସି ।

୨୦ ମା ଆଡ଼ା ମାହାପୁରୁକି କାଲାକାଲାତାକି ଗାଝୁରମି ଆପେ । ଆମେନ୍ ।

ଜହରା କିହାନା ଆକୁତି ରାପ୍‌ନାୟି

୨୧ କ୍ରୀସ୍ତ ଜୀସୁ ଦରୁତଲେ ବାରେ ମାହାପୁରୁ ଲକୁଲ୍ ଜହରା ଝେହ୍‌ଦୁ, ନା ତଲେ ଇ ଟାୟୁତା ମାନି ତାୟି ତାଙ୍ଗିସ୍ତା ମିଙ୍ଗେ ଜହରା ପାଣ୍ଡିମାଞ୍ଜାନେରି ।

୨୨ ବାରେ ମାହାପୁରୁ ଲକୁ ଇଚିହ୍ ବାରେକିହ୍ କାୟିସର ଇଲୁତା ମାନାରି ଏଞ୍ଜାରି ମିଙ୍ଗେ ଜହରା ପାଣ୍ଡିମାଞ୍ଜାନେରି ।

୨୩ ପ୍ରଭୁ ଜୀସୁ କ୍ରୀସ୍ତଟି କାର୍ମାମେହ୍‌ନାୟି ମୀ ବାରେ ଜୀଝୁତା ମାଣ୍‌ମେ ।

କଲସିୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର କଲସିୟ କୁଲମିତାକି ପାଖୁଲ ରାଚାମାନି ଆକୁ ମୂଲୁ ହାଡ଼ା

କଲସିୟ ଆକୁ ଆହିମାନେ ପାଖୁଲ ତାଣାଟି ରାଚିତି ଆକୁ ୧:୧ □ ପାଖୁଲ ଜୀସୁ କ୍ରୀସ୍ତ ଜାର୍ନାଆତି ୨୦ ବାର୍ଷା ତାୟୁ ଏଝାସି ରମ୍ ଗାଡ଼ାତି କାୟିଦିତା ମାଗାଟି ଈ ଆକୁ ରାଚାମାନେସି □ କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଇନେରି □ ଇଚିହ୍ମ ପାଖୁଲ କାୟିଦିତା ମାଗାଟି ଈ ଆକୁ ରାଚାମାଚେସି □ ଏଝାସି କଲସିୟ ଗାଡ଼ାତା ମାନି କୁଲମିତାକି ଈ ଆକୁ ରାଚାମାଚେସି □ ପାଖୁଲ ଈ କୁଲମିତି ମାଚୁହା ହିଲାଆଚେସି ୨:୧ ସାମା ଝେସିମାନେ, ହାଡ଼େକା ଏମ୍ବାତି ଦାୟିପତି ମାନି କାତା ଏଝାସି ଝେସିମାନେସି □ ଏପାପ୍ରସ୍ ଈ କୁଲମି କିହାମାଚେସି ଇଚିହ୍ମ ଏଝାସି କଲସିୟତାସି ମାଚେସି □

ପାଖୁଲ କଲସିୟ କୁଲମିତି ଏଚେକା ମିତି ଜାପ୍ନାରି କାତାତାକି ଅଣ୍ପିମାଚେସି □ ଏଝାସି ଈ କାତାତାକି ହାଡ଼େକା ଗାଡ଼ିକିହ୍ମ ରାଚାମାନେସି □ ଇମ୍ବାଆଁ ର ଗତି ଜୀହୁଦି କ୍ରୀସ୍ତାନା ଆମିନି ଗାଗାରି ଜୀହୁଦିଆଆତି କ୍ରୀସ୍ତାନା ଲକୁଇଁ ପ୍ଲୁଃଇ ମେରାତି ଜୀହୁଦି ପାଶାପାଟୁ, ଇଚିହ୍ମ ତଲୁ ଦାପିଆନି ମେରା ମାନୁଝି ଆହାଲି ବାଲାମାତମି କିହାଲି ଅଣ୍ପିମାଚେରି □ ପାଖୁଲ ବାରେକିହ୍ମା ଲଡ଼ାହିଲାଆ କ୍ରୀସ୍ତାନା ଲକୁତି କାତା ରାଚିମାନେସି, ରଅସି ଆମ୍ବାଆସି ଜିକେଏ ଆପେସି କ୍ରୀସ୍ତତି ପିସପେ ମାହାପୁରୁ ତାଣା ନେହ୍ମାସି ଆହାଲି ଆଡ଼ଅସି ୧:୧୫-୨୦ ଅଡ଼େ ମାଣସି ବାଦିବାଦା ତଲେ ଜାପ୍ନି କାତା ଉଜେଏତାୟି ୨:୮ □

ପତିତା ମାନାୟି

- ୧ ଜହରା କିହାନା ଆକୁତି ମାଚୁନାୟି □ ୧:୧-୨
- ୨ କ୍ରୀସ୍ତତି କାଜାପାଣା ଅଡ଼େ ମିତି ଜାପ୍ନାରି ଝେଣ୍ଡେ ଜଲିନାୟି □ ୧:୩-୩:୪
- ୩ ନେହ୍ମା କ୍ରୀସ୍ତାନା ଲକୁ ଆହାନା ନୀଡାଲି ଝେହ୍ନାୟି □ ୩:୫-୪:୨
- ୪ ଆକୁତି ଏଚକା କୁଲମିତା ପଡ଼ଝି ଆହାଲି ଇଞ୍ଜା ଜହରା ତଲେ ଆକୁତି ରାପ୍ନାୟି □ ୪:୭-୧୮

୧ ପାଖୁଲ, ମାହାପୁରୁତି ଅଣ୍ପୁ ତଲେ କ୍ରୀସ୍ତ ଜୀସ୍ତତି ପାଣ୍ଡୁଝିଆହାମାନି ସୀସୁ ଅଡ଼େ ମା ତାୟି

☆ ୧:୭ ୧:୭ କଲସି ୪:୧୨; ପିଲିମ ୧:୨୩

ତିମତି □

୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସ୍ତ ତାଣା ନାମାମାନି ତାୟି ତାଜିପ୍ଲାକି ଆକୁ ରାଚିମାନମି; ମା ଆବା ମାହାପୁରୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ି ଜୀସୁ ମିଜେତାକି ଆୟାପେ □

ଜହରା ପ୍ରାତାନା

୩ ମାମ୍ବୁ ମିଜେ ତାକି ପ୍ରାତାନା କିହାନା ମା ପ୍ରବୁ ଜୀସୁ କ୍ରୀସ୍ତତି ଆବା ମାହାପୁରୁଇଁ କାଚେଏ ଜହରା କିହିମାନମି;

୪ ଏନାଆଁତାକି ଇଚିହ୍ମ ମାମ୍ବୁ କ୍ରୀସ୍ତ ଜୀସୁ ତାଣା ମୀ ନାମ୍ବୁ ଅଡ଼େ ମାହାପୁରୁ ଲକୁଣି ଜୀସୁନହ୍ମା ମାନାଣି ଝେଞ୍ଜାମାନମି □

୫ ଏଚିବେଲା ନେହ୍ମା କାରୁତି ସାତା ବଲୁ ମୀ ତାଣା ମୂଲୁଏ ଝାଡ଼େ, ମୀରୁ ଏଦାନି ତାଣାଟି ହୀପକିଆଡ଼ି ବାର୍ସୁତି କାତା ଝେଚେରି □ ମୀରୁ ଏନାଆଁ ବାର୍ସୁ କିଦେରି, ଏନାୟି ମୀ ତାକି ଲାକପୁରୁ ଇଚକି ଆହାମାନେ, ଏମ୍ବାଆଁ ମୀ ନାମ୍ବୁ ଅଡ଼େ ଜୀସୁନହ୍ମାୟି ତୟାମାନେ □

୬ ଏ ନେହ୍ମା କାରୁ ମୀ ତାଣା ଝାହାମାନେ, ଇଞ୍ଜା, ଏଦି ଏନିକ୍ ବାରେ ଦାରୁତିତା ପାଡ଼େୟି କାମ୍ବାନା ଅଡ଼େ ପାତାଆହିମାନେ, ମୀରୁ ଆମିନି ଦିନା ଏଦାଆଁ ଝେଞ୍ଜାନା ସାତା ତଲେ ମାହାପୁରୁତି କାର୍ମା ମେଡ଼ାଆଚେରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ □

୭ *ମା ତଲେ କାମା କିନି ଜୀସୁତି ତାୟି ଏପାପ୍ରା ତାଣାଟି ମାହାପୁରୁତି କାର୍ମାମେହ୍ନି କାତା ଜାପାମାଞ୍ଜେରି; ଏଝାସି ମିଜେ ତାକି କ୍ରୀସ୍ତତି ର ମାନି ତଲେ ସେବା କାମାକିନାସି;

୮ ଏଝାସି ସୁଦୁଜୀସୁ ତଲେ ମିଜେ ହୀହାମାଞ୍ଜାନି ଜୀସୁ ନଝିଆନି କାତା ମାଜେ ଝେସାମାଞ୍ଜାନେସି □

୯ ଇଦାଆଁତାକି ମୀ କାତା ଝେଚି ଦିନାଟିଏ ମାମ୍ବୁ କାଚେଏ ମୀ ତାକି ପ୍ରାତାନା କିହିମାନମି □ ମୀରୁ ବାରେ ସୁଦୁଜୀସୁତି ବୁଦି ଅଡ଼େ ତେଲ୍‌ହିନି ବାଡ଼ୁଲୁ ତଲେ ମାହାପୁରୁତି ବାରେ ଅଣ୍ପୁ ଏନିକିହ୍ମ ମୀରୁ ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ତାକି ପ୍ରାତାନା କିହିମାନମି □

୧୦ ବାରେ ଜୀସୁତି ବୁଦିତା ପ୍ରବୁଇଁ ବାରେ ତାଣା ରାହ୍ମା କିୟାଲି ତାନି ଜଗେତି ମାଣକି ତଲେ ତାକାଦୁ, ଇଚିହ୍ମ ମାହାପୁରୁତି ବୁଦିତା ପାତାଆହାନା ନେହ୍ମା କାମାତି ପାଡ଼େୟି ଆୟାଦୁ □

୧୧ ଇଞ୍ଜା ବାରେ କାମାତା ସାସାତଲେ ଅରହାଲି ତାକି ତାନି ଗାଝୁରମି ଇଞ୍ଜା କାଜାପାଣା ତଲେ ବାରେ ବାଡ଼ୁଲୁଟି ବାଡ଼ୁଲୁ ଗାଗାଚେରି ଆଦୁ,

୧୭ ଇଞ୍ଜା ଆମିନି ଆବା ମାହାପୁରୁ ଲକ୍ଷ୍ମଣି ଉଜେଡ଼ି ରାଜିତା ଆଣ୍ଡାଲି ତାକି ଜଗେ କିହାନା ଅଦିକାରା ହାହାମାଞ୍ଜାନେସି, ଏଦାଆଁତାକି ଏଞ୍ଜାଣାଇଁ ରାହାଁତଲେ ଜହରା କିପୁ □

୧୮ ଏଞ୍ଜାସି ମାଙ୍ଗେ ଆମେରିତି ବାଡ଼ୁୟୁଟି ପିସ୍ପି କିୟାତେସି ଅଡ଼େ ତାନି ଜୀଞ୍ଜୁତି ମୀରୁଏଣାତି ରାଜିତା ମାଙ୍ଗେ ତାତାତେସି □

୧୯ ଏ ମୀରୁଏଣି ତାଣାଟି ମାର ଗେଲ୍ପି ଆହାମାନାୟି ଇତିହୁଁ ମା ପାପୁ ବାରେ ମ୍ଲେପକି ଆହାମାନେ □

କ୍ରୀସ୍ତ ଅଡ଼େ ତାନି କାମା

୧୫ କ୍ରୀସ୍ତ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନ୍ତି ଖାଣା ଗାଟାସି, ଏଞ୍ଜାସି ନକେଏ ଜାନାଆଡ଼ି ମୀରୁଏସି, ଇଞ୍ଜା ବାରେ ଗାଡ଼ି ଆଡ଼ି କିହାଁ କାଜାସି,

୧୬ ତଞ୍ଜା ଆନାୟି ଅଡ଼େ ତଞ୍ଜା ଆଆଗାଟାୟି ଲାକପୁରୁ ଅଡ଼େ ଦାର୍ତତିତା ବାରେ ଏଞ୍ଜାଣି ତାଣାଟି ଗାଡ଼ି ଆହାମାନେ, ସିଂଗାସାଣି କି କାଜାପାଣା କି ଅଦିକାରା କି ସାଲୁଞ୍ଜି କିନାୟି ବାରେ ଏଞ୍ଜାଣି ତାଣାଟି ଇଞ୍ଜା ଏଞ୍ଜାଣି ତାକି ଗାଡ଼ି ଆହାମାନେ;

୧୭ ବାରେ ଗାଡ଼ି ଆଡ଼ି ନକେଏ କ୍ରୀସ୍ତ ମାଚେସି, ଇଞ୍ଜା ଏଞ୍ଜାଣି ତାଣା ଆଣ୍ଡାମାନାକି ବାରେ ଗାଡ଼ିଆଡ଼ାଇ ତାମ୍ବୁ ମାନି ଟାୟୁତା ମାନୁ □

୧୮ ଏକ୍ରୀସ୍ତ କୁଲମି ଲେହେତି ଆଜ୍ଞାତି ତାୟୁଁ ଲେହେତିସି, ଏ ଆଜ୍ଞାତି ଜୀଞ୍ଜୁ ବାଡ଼ୁୟୁଁ ବାରେ ତାଣା ନକିତା ଆହାଲି ତାକି ଏଞ୍ଜାସି ହାଡ଼ାରି ତାଣାଟି ନକେଏ ନିଜ୍ଞାମାନେସି □

୧୯ ଏନାଆଁତାକି ଇତିହୁଁ ମାହାପୁରୁତି ଅଣ୍ପୁ ଲେହେଁ ମୀରୁଏସି ତାନୁଏ ମାହାପୁରୁତି ବାରେ ମାଣ୍ଡକି ଆସା କତାମାନେସି,

୨୦ ଏଅଡ଼େ ତାନି ମୀରୁଏଣା କୁସତି ନେତେରି* ତଲେ ଏଞ୍ଜାସି ହିଡ଼ଡ଼ି ତୀରି କିହାନା ଏଞ୍ଜାଣି ତାଣାଟି ତାନିତଲେ ବାରେ ଲକ୍ଷ୍ମଣି କାଲ୍ଲନେସି, ହାଅ ଏଞ୍ଜାଣି ତାଣାଟି ଦାର୍ତତିତା ଅଡ଼େ ଲାକପୁରୁ ମାନାଣି ବାରେ କାଲ୍ଲୁଞ୍ଜି କିନେସି □

୨୧ ଅଡ଼େ ନକେଏ ର ବେଲ୍ଲାତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି ଏଟକା ଅଡ଼େ ହେକ ମାଚେରି ଇଞ୍ଜା ମନତା ତାନି ସାଡୁ ମାଚେରି,

୨୨ ସାମା ନୀଏଁ ମାହାପୁରୁ ମିଙ୍ଗେ ଜିକେଏ ତାନି ନକିତା ସୁଦୁ ଗାଟାତେରି, ନିନ୍ଦା ଅଡ଼େ ଦହ ହିଲ୍ଲାଆଗାଟାତେରି କିହାଲି ତାନି ମୀରୁଏଣା ଆଜ୍ଞାତି ହାକି ତଲେ ମିଙ୍ଗା ତାନିତଲେ କାଲ୍ଲହା ମାଞ୍ଜାନେସି;

୨୩ ମୀରୁ ର ତୀରୁପୁ ଆଟ୍ଟା ପୁନାଦି ଲାକ ଡ଼ୟାଦୁ ଅଡ଼େ ନେହୁଁ କାରୁ ଖେନି ବେଲ୍ଲାତା ଏମିନି ବାସୁଁ ଇଟାମାଚେରି ଏମ୍ବାଟି ଇତାଲା

ଆତାଲା ଆଆଦୁ, ଆଡ଼ିହୁଁ ସାତେଏ ଏମ୍ବାଟି ପାଡ଼େୟି ବେଟାଆଡ଼େରି; ଏ ନେହୁଁ କାରୁ ମୀରୁତ ଖେଞ୍ଜାମାଞ୍ଜେରି; ଏଡ଼ି ହାଗୁପାକା ଡ଼ଇ ମାନି ବାରେ ଗାଡ଼ି ଆଡ଼ିତାଣା ଏ ନେହୁଁ କାରୁ ଖେଞ୍ଜାମାନେ ଅଡ଼େ ନାନୁ ପାଞ୍ଜୁଲ ଏମ୍ବାଟି ନାମୁତି ହଲେଏଣାତେଏଁ □

କୁଲମିତା ପାଞ୍ଜୁଲତି କାମା

୨୪ ନାନୁ ମିଙ୍ଗେତାକି ଆମିନି ଦୁକୁ କସ୍ତ ବେଟାଆହି ମାଇଁ, ଏମ୍ବାଆଁ ନାନୁ ନୀଏଁ ରାହାଁ କିହିମାଇଁ, ଇଞ୍ଜା କ୍ରୀସ୍ତତି ଦୁକୁ କସ୍ତ ଏନାୟି ଡ଼ୟାମାନେ ଏଦାଆଁ ନାନୁ କୁଲମିତାକି ଆଜ୍ଞା ତଲେ ଦୁକୁ କସ୍ତ ଅରହାନା ରାପୁହାଲି ସାୟେମି କିହିମାଇଁ □

୨୫ ମାହାପୁରୁ ନାଙ୍ଗେ ସେବାକିନି କାମା ହେରପା ମାଞ୍ଜାନେସି, ଏଲେଆହୁଁଏ ଏ କୁଲମିତି ନାନୁ ର ସେବା କିନାତେଏଁ ଆହାମାଇଁ, ଏନିକଁ ନାନୁ ମାହାପୁରୁତି ବଲୁ ତୀରିତଲେ ଖେକ୍ଇଁ,

୨୬ ଏ ନେହୁଁ କାରୁ ର ଡ଼ଗୁମାନି କାତା ତଲି କାଲା ଅଡ଼େ ଆକୁ ଆବାୟାଁ ତାଣାଟି ଡ଼ଗୁମାଚେ, ସାମା ନୀଏଁ ତାନି ଲକ୍ଷ୍ମଣା ତସାମାନେସି □

୨୭ ଜୀହୁଦିଆଆତି ଲକ୍ଷ୍ମଣାଣା ଏ ଡ଼ଗୁମାନି ଗାଞ୍ଜୁରମିଗାଟି ଦନ ଏନାୟି ଏଦାଆଁ ମାହାପୁରୁ ତାନି ଲକ୍ଷ୍ମଣାଣା ତସାଲି ଅଣ୍ପିତେସି; ଏ ଡ଼ଗୁମାନାୟି ଇଦି, ମୀ ତାଣା କ୍ରୀସ୍ତ ଏଞ୍ଜାସି ଗାଞ୍ଜୁରମି ଅଡ଼େ ବାସୁଁ ଲେହେତିସି;

୨୮ ମାମ୍ବୁଏ କ୍ରୀସ୍ତଇଁ ଖେକ୍ହି ମାନମି, ଇଞ୍ଜା ବାରେଜାଣାଟି ସେଡନା ଇଞ୍ଜା ବାରେ ବୁଦିତଲେ ଜାପୁହି ମାନମି, ମାମ୍ବୁଏନିକଁ ମାହାପୁରୁ ନକିତା ତୀରୁପୁତି ଲକ୍ଷ୍ମଣି ଲେହେଁ ତାଚାଲି ଆଡ଼ିନମି;

୨୯ ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତ ହୀହିମାଞ୍ଜାନି କାଜା ବାଡ଼ୁୟୁତି ଲେମ୍ବାନା ନାନୁ ଜୀଞ୍ଜୁ ତୁସାନା କାମା କିହିମାଇଁ □

୨

୧ ମୀ ତାକି ଲାଞ୍ଜୁଦିକିୟାତି ଲକ୍ଷ୍ମଣି ଅଡ଼େ ନାଙ୍ଗେ ସାତେଏ ପୁଞ୍ଜାମାଞ୍ଜାଅରି, ଏ ବାରେଜାଣା ତାକି ନାନୁ ଏଚେକା ଜୀଞ୍ଜୁ ତୁସାନା କାମା କିହିମାଇଁ, ଇ ବାରେ ମୀରୁ ପୁଞ୍ଜୁ ଇଞ୍ଜାଁ ନାନୁ ଅଣ୍ପିମାଇଁ;

୨ ନା ଅଣ୍ପୁ ଇଦି, ଏନିକଁ ଏଞ୍ଜାରି ହିୟାଁ ରାହାଁ ଆନେ, ଇଞ୍ଜା ଏଞ୍ଜାରି ସାତା ବୁଦିତି ବାରେ ଦନ ବେଟାଆହାଲି ତାକି, ଇତିହୁଁ ମାହାପୁରୁତି ଡ଼ଗୁମାନାୟି କ୍ରୀସ୍ତ, ଏଞ୍ଜାଣାଇଁ ପୁଞ୍ଜାଲିତାକି ରଅସି ରଅଣି ତଲେ ଜୀଞ୍ଜୁ ନଞ୍ଜି ଆନେରି □

୩ ଜୀମ୍ବୁ କ୍ରୀସ୍ତ କୁଟିକାଡ଼ି ଏନାୟି ମାହାପୁରୁତି ବୁଦି ଅଡ଼େ ପୁନାଣି ଡ଼ଗୁମାନି ବାରେ ଦନ ଦେନେସି □

☆ ୧:୧୪ ୧:୧୪ ଏପିସି ୧:୭ ☆ ୧:୧୮ ୧:୧୮ ଏପିସି ୧:୨୨,୨୩ ☆ ୧:୨୦ ୧:୨୦ ଏପିସି ୨:୧୭ * ୧:୨୦ ୧:୨୦ ନେତେରି ଇତିହୁଁ ମୀରୁଏଣା ହାକି

୪ ମିଙ୍ଗେ ଆମ୍ବାଆସି ନାଡ଼ିକିନି ଲେହେଁତି ମିତି କାତା ଖେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ଖେସିମାଞ୍ଜାଇଁ ।

୫ ଇତିହୁଁ ନାନୁ ଆଙ୍ଗା ତଲେ ହିଲାଆତି ଜିକେଏ ନା ଜୀଝୁତଲେ ମୀ ତାଣା ମାଞ୍ଜାମାଇଁ, ଇଞ୍ଜା ମୀ ନେହୁଁକିଁ ଜାରୁ ଆନାଣି ଅଡ଼େ କ୍ରୀସ୍ତ ତାଣା ତୀରପୁତଲେ ନାମାମାନାଣି ମେସାନା ରାହାଁ ଆହିମାଇଁ ।

କ୍ରୀସ୍ତ ତାଣା ଜୀଝୁ

୬ ଇତିହୁଁ ମୀରୁ କ୍ରୀସ୍ତ ଜୀସୁଇଁ ପୁରୁ ଇଞ୍ଜୁଁ ଏନିକିଁ ନାମାମାଞ୍ଜେରି, ଏଲେକିହୁଁଏ ଏଞ୍ଜାଣି ତାଣା ମାଞ୍ଜାନା ନୀତାଦୁ;

୭ ଏଞ୍ଜାଣି ତାଣା ଜାଣେ ତୟାଦୁ, ମୀ ଜୀଝୁତି ତୀରିକିଦୁ ଇଞ୍ଜା ମୀରୁ ଜାପାମାନି ନାମୁତା ଏଞ୍ଜାଣି ତାଣା ବାଡ଼ୁରୁ ବେଗାଆଦୁ । ମୀ ହିୟାଁ ଜହରା କିନାୟି ଆପେ ।

୮ ସିନିକିଦୁ, ଏଡ଼େତା ଆମ୍ବାଆସି କ୍ରୀସ୍ତୁତି ଜାପୁନାୟି ଲାଗେଏତି ମାଣ୍ଡସିତି ପାଣାପାଟୁ ଅଡ଼େ ଦାରତିତି ମୂଲୁ ଜାପୁନି ପାଞ୍ଜି ସିନି କିନାୟି ଅଡ଼େ ଉଜେଏତି ନାଡ଼ିକିନି ତାଣାଟି ମିଙ୍ଗେ କାୟିଦି କିହା ଅୟାନେ;

୯ ଇତିହୁଁ କ୍ରୀସ୍ତ ତାଣା ମାହାପୁରୁତି ଗୁଣୁ ମାଣ୍ଡସି ଖାଣା ଆହାନା ବାସା ଆନେ ।

୧୦ ଏଞ୍ଜାସି ବାରେ ସାଲୁଝି କିନାରି ଇଞ୍ଜା ଅଦିକାରା ବେଗାଆଡ଼ାରି ତାୟୁଁ ଲେହେଁ, ଇଞ୍ଜା ଏଞ୍ଜାଣି ତାଣା ମାଞ୍ଜାନା ମୀରୁ ବାଡ଼ୁରୁ ବେଗାଆହା ମାଞ୍ଜେରି ।

୧୧ କ୍ରୀସ୍ତ ତଲେ ଆଣ୍ଡିତି ଜୀଝୁଏ ମୀ ତଲୁ ଦାପି ଆଡ଼ି ଲେହେଁତାୟି । ଏ ତଲୁ ଦାପି ଆଡ଼ାୟି ମାଣ୍ଡସି କିତାୟି ଆଏ, ଏଡ଼ି କ୍ରୀସ୍ତ ତାଣାଟି ଆହାମାନେ । ଏଡ଼ି ମାଣ୍ଡସିଇଁ ପାପୁ ଆଙ୍ଗାଟି ଗେଲୁପି କିନେ ।

୧୨ *ମୀରୁ ଏତିବେଲା ବାପ୍ତିସ୍ତ* ବେଗାଆଡ଼େରି ଏତିବେଲା ମୀରୁ କ୍ରୀସ୍ତ ତଲେ ମୁସ୍ପିଆଡ଼େରି, ଇଞ୍ଜା ଆମିନି ମାହାପୁରୁ କ୍ରୀସ୍ତଇଁ ହାଡ଼ାରି ତାଣାଟି ନିକହେସି, ଏଞ୍ଜାଣି କାମା କିନି ବାଡ଼ୁରୁତି ନାମାଲିଏ ଏ ବେଲାତା ଏଞ୍ଜାସି ମିଙ୍ଗେ କ୍ରୀସ୍ତ ତଲେ ନିକହାଡ଼େସି ।

୧୩ *ମୀରୁ ଆଙ୍ଗାତା ପାପୁ ଗାଟାଡ଼େରି ଜୀହୁଦି ଆଆମାଟାଟି ହାହାମାଡ଼େରି, ମିଙ୍ଗେ ଜିକେଏ ମାହାପୁରୁ ତାନିତଲେ ମିଙ୍ଗେ ଜୀଝୁ କିହାଁ ମାଞ୍ଜାନେସି, ମାହାପୁରୁ ମା ବାରେତି ପାପୁ ମ୍ଲେକହା ମାଞ୍ଜାନେସି;

୧୪ *ଏଞ୍ଜାସି ମେରାତା ମା କପାଟି ଆମିନି ଦହୁ ଦହୁନି ଆକୁ ମାଡ଼େ, ଏଦାଆଁ ଏଞ୍ଜାସି ମ୍ଲେକହାନା ପାସି ମୁଣ୍ଡାତା କୁଟିୟାଁ ଖେଟାନା ମା ତାଣାଟି ହେକ କିହାମାନେସି;

୧୫ ଅଡ଼େ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଁତି ବାଡ଼ୁରୁ ଇଞ୍ଜା ସାଲୁଝି କିନାଆଁ ତାଣାଟି ଜାହାରାଇଁ ପିସ୍ପି କିହାକତାମାନେସି ଇଞ୍ଜା ଏଞ୍ଜାଆଁତି ଦସ୍ପାନା ତାନୁ ଜୀଣାଆହାନା ହାନିବେଲାତା ବାରେ ଲକୁ ନକିତା ଏଞ୍ଜାଆଁତି ଲାଜା ବେଗାଆଝି କିହାମାନେସି ।

୧୬ *ଏଦାଆଁତାକି ମୀ ତିନାୟି, ଉନାୟି, ପାର୍ବୁତାକି କୁଟି ଲେଞ୍ଜୁ ପାର୍ବୁ କି ଜମିନି ଦିନାତି ଆମ୍ବାଆସି ମିଙ୍ଗେ ବିଚାରା କିୟାଆପେସି ।

୧୭ ଏ ବାରେ ଖାହିମାନି ଦିନାତା ଆହାଲି ହାଜିମାନି ସାୟୁଁ ଲେହେଁ; ସାମା ଏମ୍ବାତି ସାତା କାତା କ୍ରୀସ୍ତ ।

୧୮ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୁରୁୟାଁ ସେବାତା ରାହାଁ ଆହାନା ସେୟାଣା ହାପାନା ମେସାମାନାଆଁ ପାରାନା ଅଡ଼େ ଦାରତିତି ଅଣ୍ଡପୁ ତଲେ ଉଜେଏ ବଡ଼ପଣ ଆହାନା ଆମ୍ବାଆସି ତାୟୁଁ ଲେହେଁତି କ୍ରୀସ୍ତ, ଏଞ୍ଜାଣାଇଁ ଆହୁଆନା ମାହାପୁରୁ ବରତି ଏଡ଼କା କିୟାଆପେସି ।

୧୯ *ଏଞ୍ଜାଣି ତାଣାଟି ବାରେ ଆଙ୍ଗା ହାନ୍ତୁଲିକା ଅଡ଼େ ଇଣାୟାଁଟି ନେହୁଁ ଆହାନା ରଣ୍ଡି ରଣ୍ଡାଣି ତଲେ କାଲୁଝି ଆହାନା ମାହାପୁରୁ ହୀତି ପାଡ଼ଣିତା ପାତାଆହିମାଦୁ ।

କ୍ରୀସ୍ତ ତଲେ ହାନାୟି ଅଡ଼େ ନୀତିନାୟି

୨୦ ମୀରୁ କ୍ରୀସ୍ତ ତଲେ ହାହାମାଞ୍ଜେରି ଅଡ଼େ ଇ ଦାରତିତା ସାଲୁଝି କିହିମାନି ବାଡ଼ୁରୁଟି ଗେଲୁପି ଆହାମାଞ୍ଜେରି । ଆତିହୁଁ ମୀରୁ ଏନାଆଁତାକି ଦାରତିତି ଲକୁ ଅଣ୍ଡପୁ ତଲେ ନୀତିମାଞ୍ଜେରି ? ଏନାଆଁତାକି ମୀରୁ ଇଲେତି ମେରା ବାରେ ମାନି କିହିମାଞ୍ଜେରି,

୨୧ ଆତିହୁଁ “ମାଣ୍ଡସି ଜାପୁହିମାନି ମେରା ଆହୁଆଦୁ, ଏଦାଆଁ ତିନାଆଦୁ, ଏଦାଆଁ ତୀଗାଆଦୁ ଦାରତିତି ଲକୁ ଲେହେଁ ଇଲେତି ପାଣାପାଟୁ ଏନାଆଁତାକି ମାନୁଝି ଆହିମାଞ୍ଜେରି ?”

୨୨ ଏ ବାରେ ଆସ୍ତି ଗାଡ଼େକା ତାଇ । ଇଝି ଲେମ୍ବିସାରେ ଉଜେଏତାଇ ଆଦୁ ।

୨୩ ଏଲେତି ଜାପୁନାୟି ଜାହାରା ଅଣ୍ଡପୁଟି ସେବା କିନାୟି, ଜାହାରାଇଁ ଉଣା କିନାୟି ଇଞ୍ଜା ଆଙ୍ଗାଟି ହାଡ଼େକା କସ୍ତ ହୀହାନା ବୁଦିତି ଦରୁ ବେଗାଆହାମାଇଁ ସାମା ଏଡ଼ି ଉଜେଏତାୟି ଏଦାଆଁ ତଲେ ଆଙ୍ଗାଟି ଅଣ୍ଡପୁ ରାହାଁ ଆନେ ।

୩

୧ ମୀରୁ କ୍ରୀସ୍ତ ତଲେ ହାକିଟି ନିଙ୍ଗା ମାଞ୍ଜେରି, ଆତିହୁଁ ମାହାପୁରୁଟି ଚିଠନି ଟଟତା କୁଗାମାନି କ୍ରୀସ୍ତୁତି ଆମିନି ବାସାଟାୟୁ, ଏ ଲାକପୁରୁ ମାନାଣି ପାରାଦୁ ।

* ୨:୧୨ ୨:୧୨ ରମି ୬:୪ * ୨:୧୨ ୨:୧୨ମୁଞ୍ଜନାୟି * ୨:୧୩ ୨:୧୩ ଏପିସି ୨:୧-୫ * ୨:୧୪ ୨:୧୪ ଏପିସି ୨:୧୫ * ୨:୧୬ ୨:୧୬ ରମି ୧୪:୧-୬ * ୨:୧୯ ୨:୧୯ ଏପିସି ୪:୧୬

୨ ଦାର୍ତ୍ତିତା ମାନି ବାରେ କାତାତି ଅଶ୍ଵାଆନା, ଲାକପୁରୁ ମାନାଣି ବାରେ ଅଶ୍ଵାଦୁ □

୩ ଏନାଆଁତାକି ଇଚିହ୍ନି ମୀରୁ ହାହାମାଞ୍ଜେରି, ଅଡ଼େ ମୀ ଜୀଝୁ ମାହାପୁରୁ ତାଣା କ୍ରୀସ୍ତ ତଲେ ଡ଼ଗୁମାନେ □

୪ ମା ଜୀଝୁ ଲେହେଁତାସି କ୍ରୀସ୍ତ, ଏଚିବେଲା ଏଝାସି ତଞ୍ଜାଆନେସି, ଏଚିବେଲା ମୀରୁ ଜିକେଏ ଗାଝୁରମିଚି ଏଝାଣିତଲେ ଆଣ୍ଟାନା ତଞ୍ଜା ଆଦେରି □

ପୁଃଇ ଜୀଝୁ ଅଡ଼େ ପୁଃନି ଜୀଝୁ

୫ ଏନାଆଁତାକି ମୀ ଦାର୍ତ୍ତିତି ଲାଗେଏ ପଲେଏ ତାଣାଚି ଇଚିହ୍ନି ଦାରିକାମା, ସୁଦୁ ଆଆତି କାମା, ଲାଗେଏତି ଜୁପକା, ପେଣକା ପୂଜା କିନାୟି, ଜୁପକା ଆନାୟି, ଇ ବାରେତାକି ହାଝି କିହାଁ କିତାଦୁ;

୬ ଇ ବାରେ କାମାତା ଆଣ୍ଟା ମାଞ୍ଜାନା ଆମ୍ବାଆରି ମାହାପୁରୁଇଁ ମାନି କିଅରି, ଏଝାରାକି ମାହାପୁରୁତି କପା ଝିନେ;

୭ ତଲି ମୀରୁ ଜିକେଏ ଇଲେତି ପାପୁ କାମାତା ମାଞ୍ଜାନା ଏଲେକିହ୍ନି ନୀତିମାଚେରି □

୮ ସାମା ନାଏଁ ମୀରୁ ଜିକେଏ ଇ ବାରେ କାତା ଇଚିହ୍ନି, କପା, କାରବି, ଇରସା ଇଞ୍ଜା ମୀ ଗୁଡିଚି ନିନ୍ଦା କାତା ଅଡ଼େ ଅପାଆଗାଚି ହାଡ଼ା ଜଲ୍ଲାଆଦୁ □

୯ *ମୀ ବିତ୍ରା ମିଚି କାତା ଝେସ୍ପି ଆଆଦୁ; ଏନାଆଁତାକି ଇଚିହ୍ନି ମୀରୁ ବାରେ ପୁଃଇ ଗୁଣୁ ମାଣ୍ଡକି ପିସାମାଞ୍ଜେରି,

୧୦ *ଅଡ଼େ ଏଲେତି ବାରେ କାମା ପିସାନା ପୁଃନି ଗୁଣୁ ପର୍ହାମାଞ୍ଜେରି; ଏ ପୁଃନି ଗୁଣୁ ମାଞ୍ଜେ ଗାଡ଼ିକିତାଣି ଝାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି □

୧୧ ଏଚେଟିଏ ଜୀହୁଦି ଲକୁ ଅଡ଼େ ଜୀହୁଦିଆଆତି ଲକୁ, ତଲୁ ଦାପିଆଡ଼ାରି କି ଦାପି ଆଆତାରି, ଏଟକା ରାଜିତାରି, ସ୍ଵାଡ଼ିୟାତାରି, ହଲେଏସି, ହଲେଏସି ଆଆତାସି, ଇ ବାରେତି ବିତ୍ରା ଏନି ପାରଡ଼ା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜା ଏଝାସି ବାରେ ତାଣା ବାସା କିନେସି □

୧୨ *ମୀରୁ ମାହାପୁରୁତି ଲକୁଚେରି; ଏଝାସି ମିଞ୍ଜେ ଜୀଝୁନହାଁନା ତାଞ୍ଜେତାକି ଆଚାମାଞ୍ଜାନେସି □ ଏନାଆଁତାକି ମୀରୁ ହିଡ଼ଡ଼ି ହିୟାଁ, କାର୍ମାମେହନାଣି, ଡ଼ଣା ଆନାୟି, ସୁଦୁ ସୁଝାଲା ମାଣ୍ଡକି ଅଡ଼େ ଅର୍ହନାଣି ପରଦୁ □

୧୩ *ମୀ ବିତ୍ରା କସ୍ତ ଅର୍ହ ଆଦୁ, ରଅସି ରଅଣି କପାଚି ଏନି କାତା ଜଲିନାୟି ମାଚିସାରେ ମୀରୁ ରଅତେରି ରଅଣି ଦହ ମେକଦୁ; ପ୍ରବୁ ଏନିକ

ମୀ ଦହ ମେକହା ମାଞ୍ଜାନେସି, ମୀରୁ ଜିକେଏ ଏଲେକିହ୍ନିଏ କିଦୁ □

୧୪ ଅଡ଼େ ଇ ବାରେ ଗୁଣୁତଲେ ଜୀଝୁନନାୟି ମୀ ବିତ୍ରା ମାଣ୍ଡେ, ଇଚିହ୍ନି ଜୀଝୁନନାୟି ବାରେ ଗୁଣୁତି ରୁଣ୍ଡି କିନେ □

୧୫ କ୍ରୀସ୍ତ ହିୟାତି ହିଡ଼ଡ଼ି ମୀ ହିୟାତି ସାଲ୍ଲଡ଼ି କିପେ □ ଇଚିହ୍ନି ଇ ହିଡ଼ଡ଼ି ତାକି ମାହାପୁରୁ ମିଞ୍ଜେ ରହେଏ ରଣ୍ଡିଏ ଆଜ୍ଞା ଆହାଲି ହାଟାମାଞ୍ଜାନେସି ଅଡ଼େ ବାରେବେଲା ମୀରୁ ମାହାପୁରୁଇଁ ଜହରା କିଦୁ

୧୬ *କ୍ରୀସ୍ତ ବିଲୁ ହାରେକା ମୀ ହିୟାତା ଡ଼ୟାପେ; ବୁଦିତଲେ ମୀରୁ ରଅତେରି ରଅଣାଇଁ ହାରେପୁରେ ଜାପହାନା ସେଡ଼ନା ହୀପକିଆଦୁ, ଇଞ୍ଜା ମୀ ସୁଦୁଜୀଝୁ ତଲେ ମାହାପୁରୁଇଁ ଜହରା କିହ୍ନି ହିୟାଁ ତଲେ ପାରୁ ପାଟାଦୁ □

୧୭ ଅଡ଼େ ମୀରୁ କାତାତାକି କାମାତା ଏନାଆଁ କିଦେରି, ଇଚିହ୍ନିଏ ବାରେ ପ୍ରବୁ ଜୀସୁ ଦରୁତଲେ କିହାନା ଏଝାଣି ଦରୁତଲେ ଆଚା ମାହାପୁରୁଇଁ ଜହରା କିଦୁ □

ପୁଃନି ଜୀଝୁତା ଆଣ୍ଟିନାୟି

୧୮ *ଏ ତକ୍ରିସିକାତେରି, ମୀରୁ ମୀ ତକ୍ରିୟାଣି ମାନି କିଦୁ, ଏନାଆଁତାକି ଇଚିହ୍ନି ମୀରୁ ପ୍ରବୁ ତାଣା ଆଣ୍ଟାମାନାକି ଏଲେ କିନାୟିମାନେ □

୧୯ *ଏ ତକ୍ରିୟାତେରି, ମୀରୁ ମୀ ତକ୍ରିସିକାଣି ଜୀଝୁନଦୁ, ଏଝାସିକାଣି ହଲେଣିସିକା ଲେହେଁ ଲେମ୍ପାନା ଦୁକୁ ହୀଆଦୁ □

୨୦ *ଆଡ଼େ କକାରି ପଦାୟାତେରି, ବାରେ କାତାତା ତାଲି ତାଞ୍ଜିତି କାତା ମାନଡ଼ି ଆଦୁ, ଏନାଆଁତାକି ଇଚିହ୍ନି ଇଦି ମାହାପୁରୁ ନକିତା ରାହାଚି ଲେମ୍ପିନାୟି □

୨୧ *ଏ ତାଲି ତାଞ୍ଜିତେରି, ମୀ କକାରି ପଦାଣି କାରବି କିଆଦୁ, ଏନିକ ଏଝାରି ନୀରାସା ଆଅରି □

୨୨ *ଏ ହଲିୟାଜ୍ଞାତେରି, ମାଣ୍ଡିଇଁ ରାହାଁ କିନିଲେହେଁ ଦାର୍ତ୍ତିତି ସାଝୁକାରିୟାଁ ନକିତା ଏ କାମା କିଆଦୁ, ସାମା ମାହାପୁରୁଇଁ ଆଜାନା ହିୟାତି ସୁଦୁ ମାଣ୍ଡକି ତଲେ ବାରେ କାମାତା ଏଝାରାଇଁ ମାନଡ଼ି ଆଦୁ □

୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ ହିୟାଁ ତଲେ କିଦୁ, ମାଣ୍ଡିୟାଁ ତାକି କିନିଲେହେଁ କିଆଦୁ;

୨୪ ପ୍ରବୁ ତାନି ଲକୁତାକି ଇଟାମାନି ଦାନା ମିଞ୍ଜେ ହିୟାନେସି ଇଞ୍ଜା ପୁଞ୍ଜାମାଞ୍ଜୁ, ଏନାଆଁତାକି

* ୩:୯ ୩:୯ ଏପିସି ୪:୨୨ * ୩:୧୦ ୩:୧୦ ଏପିସି ୪:୨୪ * ୩:୧୨ ୩:୧୨ ଏପିସି ୪:୨ * ୩:୧୩ ୩:୧୩ ଏପିସି ୪:୩୨ * ୩:୧୬ ୩:୧୬ ଏପିସି ୫:୧୯,୨୦ * ୩:୧୮ ୩:୧୮ ଏପିସି ୫:୨୨; ୧ପିତ ୩:୧ * ୩:୧୯ ୩:୧୯ ଏପିସି ୫:୨୫; ୧ପିତ ୩:୭ * ୩:୨୦ ୩:୨୦ ଏପିସି ୬:୧ * ୩:୨୧ ୩:୨୧ ଏପିସି ୬:୪ * ୩:୨୨ ୩:୨୨ ଏପିସି ୬:୫-୮

ଇଚିହଁ କ୍ରୀସ୍ତ ଏ ମୀ ସାତା ପ୍ରବୁ ଆମ୍ବାଆରି ସେବା କିହିମାଞ୍ଜେରି □

୨୫ ✨ଇଚିହଁ ଆମ୍ବାଆସି ଲାଗେଏ କାମା କିନେସି ଏଞ୍ଜାସି ଲାଗେଏ କାମାତି ପାଡ଼େୟି ବେଟାଆନେସି, ଇଚିହଁ ମାହାପୁରୁ ଲକ୍ଷୁତି ପାରଡ଼ା ବାଟି କିଆନା ନୀହାଁୟି କିନେସି □

୪

୧ ✨ଏ ସାସ୍ତ୍ରକାରିୟାତେରି ଲାକପୁରୁ ମୀ ସାସ୍ତ୍ରକାରି ମାନେସି ଇଞ୍ଜା ପୁଞ୍ଜାନା ମୀ ହଲିୟାକାକ୍ ଜୀଞ୍ଜନହାଁନା ନେହଁକଁ ଲେମ୍ବାଦୁ □

ଜାପ୍ନାୟି

୨ କାଲେଏ ପ୍ରାତାନାତା ରଣ୍ଡିଏ ଅଶପୁ ତଲେ ମାଞ୍ଜୁ, ଅଡ଼େ ମାହାପୁରୁକ୍ ଜହରା କିହଁ ଏମ୍ବାଆଁ ଜାଗ୍ରାତା ମାଞ୍ଜୁ;

୩ ମାଞ୍ଜେତାକି ଜିକେଏ ପ୍ରାତାନା କିଦୁ, ଏନିକଁ ନେହଁ କାବୁତି କାତା ଝେକ୍‌ହାଲି ମାହାପୁରୁ ମାଞ୍ଜେତାକି ଦାରା ଦେତାନେସି □ କ୍ରୀସ୍ତି ଆମିନି ତଗ୍ଗାମାନି କାତାତାକି ନାନୁ ନୀର୍ଏ କାୟିଦି ଇଲୁତା ମାକ୍ □

୪ ନାନୁ ଝେକ୍‌ନାଟି ନେହଁକଁ ପୁଣ୍ଡିକିନିଲେହେଁ ଝେକ୍‌ହାଲି ଆଡ଼ିକ୍ ଇଞ୍ଜା ନାଞ୍ଜେତାକି ପ୍ରାତାନା କିଦୁ □

୫ ✨ପାଗାତି ନେହଁକଁ ଲେମ୍ବାନା ନାମାଆତି ଲକ୍ଷୁ ତାଣା ବୁଦିତି ମାଣ୍ଡକି ତଲେ ଲେମ୍ବାଦୁ □

୬ ମୀ ବଲୁ କାଲେଏ ନେହାୟି, ଅଡ଼େ, ଅଶପିନାୟି, ଅଡ଼େ ହାରୁ ଲେହେଁ ମୀରୁ ଏନିକଁ ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ □

ରାନ୍ତି ଜହରା

୭ ✨ପ୍ରବୁତି କାମାତା ନା ତଲେ ନାମୁଟି ସେବା କାମା କିନି ଜୀଞ୍ଜୁତି ତାୟି ତୁକିକ, ନା ବାରେ କାତା ମିଞ୍ଜେ ଝେସ୍ତାନେସି;

୮ ଏଦାଆଁତାକି ନାନୁ ଏଞ୍ଜାଣାକ୍ ମୀ ତାଣା ପାଣ୍ଡାତେଏଁ, ଏନିକଁ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜା ମୀ ବାରେତି ହିୟାଁ ଏଞ୍ଜାଣି ତାଣାଟି ରାହାଁ ବେଟାଆନେ □

୯ ✨ଏଞ୍ଜାଣିତଲେ ନାନୁ ନାମୁତା ଜୀଞ୍ଜୁତି ତାୟି ଅନିସିମକ୍ ପାଣ୍ଡାତେଏଁ, ଏଞ୍ଜାସି ମୀ ବିତ୍ରାଟି ରଅସି, ଏଞ୍ଜାରି ଇମ୍ବାଆଁ ଆହିମାନି ବାରେ କାତା ମିଞ୍ଜେ ଝେସ୍ତାନେରି □

୧୦ ✨ନା ତଲେ କାୟିଦିତା ମାନି ଆରିସ୍ତାକ୍ ଅଡ଼େ ବର୍ନବା କୁଟମିତି ତାୟି ମାର୍କ ଏଞ୍ଜାରି କାତା

ମୀରୁ ହୁକୁମି ବେଟାଆହାମାଞ୍ଜେରି; ମାର୍କ ମୀ ତାଣା ଝାଡ଼ିସାରେ, ଏଞ୍ଜାଣାକ୍ ଆବାଦୁ, ଏଞ୍ଜାରି ମିଞ୍ଜେ ଜହରା ଝେସି ମାଞ୍ଜାନେରି,

୧୧ ଅଡ଼େ ଜୁସ୍ତ ଦରୁଟି ଝେକ୍‌ଜିତି ଜୀସ୍ତ ମିଞ୍ଜେ ଜହରା ଝେସିମାଞ୍ଜାନେସି, କ୍ରୀସ୍ତ ଦାମୁତି ଆବାମାନି ଇ ତାନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା ତଲେ କାମାକିନାରି, ଏଞ୍ଜାରି ନାଞ୍ଜେ ହାରେକା ସାୟେମି କିହାମାଞ୍ଜାନେରି □

୧୨ ✨ଏପାପ୍ରା ମୀ ବିତ୍ରାଟି ରଅସି, ଏଞ୍ଜାସି ମିଞ୍ଜେ ଜହରା କିହିମାଞ୍ଜାନେସି, ଏଞ୍ଜାସି କ୍ରୀସ୍ତ ଜୀସ୍ତୁତି ର ହଲେଏସି ଇଞ୍ଜା ତାନୁ ପ୍ରାତାନା କିନାଟି ବାରେରେଲା ମିଞ୍ଜେ ତାକି ପ୍ରାତାନା କିହିମାନେସି, ଏନିକଁ ମୀରୁ ନାମୁତା ନେହାଁତେରି ଆହାମା ମାହାପୁରୁତି ବୁଦି ଅଡ଼େ ଅଶପୁତି ତୀରେ ପୁଞ୍ଜାନା ଝୀତାଆନା ମାଞ୍ଜେରି □

୧୩ ଇଚିହଁ ଏଞ୍ଜାସି ମିଞ୍ଜେତାକି ଇଞ୍ଜା, ଲାଞ୍ଜୁଦିକିୟା ଅଡ଼େ ହିଏରାପଲିତା ମାନାରି ତାକି ହାରେକା କସ୍ତ ବେଟାଆହଁ କାମା କିହାମାନେସି, ଏଞ୍ଜାଣି ତାକି ନାନୁ ଇ ସାକି ହାହିମାଞ୍ଜାକ୍ □

୧୪ ✨ମା ଜୀଞ୍ଜୁତି ତାକାଦର ଲୁକ ଅଡ଼େ ଦିମା, ମିଞ୍ଜେ ଜହରା ଝେସିମାଞ୍ଜାନେରି □

୧୫ ଲାଞ୍ଜୁଦିକିୟାତା ମାନି ତାୟି ତାକ୍‌ସ୍ତା, ତାକ୍‌ ନୁମ୍‌ପା ଅଡ଼େ ତାନି ଇଲୁତା ମାନି କୁଲମିତି ମା ଜହରା ଝେହ୍‌ଦୁ □

୧୬ ଅଡ଼େ ମୀ ତାଣା ଇ ଆକୁ ପଡ଼ଞ୍ଜି ଆଡ଼ି ତାୟି ଲାଞ୍ଜୁଦିକିୟା କୁଲମିତା ଜିକେଏ ଏନିକଁ ପଡ଼ଞ୍ଜି ଆନେରି, ଇଞ୍ଜା ଲାଞ୍ଜୁଦିକିୟାଟି ଆମିନି ଆକୁ ଝାନ୍‌ନେ ଏଦାଆଁ ମୀରୁ ଜିକେଏ ପଡ଼ଞ୍ଜି ଆଦେରି ଏଦାଆଁତାକି ଜାଗ୍ରାତା ଆଦୁ □

୧୭ ✨ଆକ୍‌ପପକ୍ ଝେହ୍‌ଦୁ, “ନୀନୁ ଆମିନି ପ୍ରବୁତି ସେବା କିନି ପାଣା ବେଟାଆହାମାଞ୍ଜି ଏଦାଆଁ ରାପୁହାଲି ଜାଗ୍ରାତା ମାନାମୁ □”

୧୮ ନାନୁ ପାଞ୍ଜୁଲ, ନା କେୟୁତଲେ ଇ ଜହରା ରାଡ଼ିମାକ୍, ନା କାୟିଦିତା ମାନାଣି ଅଶପାଦୁ, ମାହାପୁରୁତି କାର୍ମାମେହ୍‌ନାୟି ମୀ ବାରେତାକି ଆୟାପେ □

✨ ୩:୨୫ ୩:୨୫ ଏପିସି ୬:୯ ✨ ୪:୧ ୪:୧ ଏପିସି ୬:୯ ✨ ୪:୫ ୪:୫ ଏପିସି ୫:୧୭ ✨ ୪:୭ ୪:୭ କାମା ୨୦:୪; ୨ତିମ ୪:୧୨ ✨ ୪:୭ ୪:୭ ଏପିସି ୭:୨୧,୨୨ ✨ ୪:୯ ୪:୯ ପିଲିମ ୧:୧୦-୧୨ ✨ ୪:୧୦ ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯ ✨ ୪:୧୨ ୪:୧୨ କଲସି ୧:୭; ପିଲିମ ୧:୨୩ ✨ ୪:୧୪ ୪:୧୪ ୨ତିମ ୪:୧୧; ପିଲିମ ୧:୨୪; ୨ତିମ ୪:୧୦; ପିଲିମ ୧:୨୪ ✨ ୪:୧୭ ୪:୧୭ ପିଲିମ ୧:୨

**ଥେସଲନିକୀ ମଣ୍ଡଳୀ ନିକଟକୁ
ପାଉଲଙ୍କ ପ୍ରଥମ ପତ୍ର
ତେସଲନିକି କୁଲମିତାକି
ପାଞ୍ଚୁଲ ରାଠାମାନି ର ଲମ୍ବର
ଆକୁ
ମୂଳୁ ହାତା**

ତେସଲନିକି ର ଲମ୍ବର ଆକୁ ପାଣ୍ଡୁଆହାମାନି ପାଞ୍ଚୁଲ ତାଣାଟି ରାସ୍ତିକ ଆହାମାନେ ୧:୧ □ ଇଦି ଜୀସୁ କ୍ରୀସ୍ତ ଜାର୍ନାଆଡି ୫୧ ବାର୍ସା ତାୟୁ ରାସ୍ତିକ ଆହାମାନେ □ ତେସଲନିକି ପିଲିପ ଦେସାତି ର କାଜା ଗାଡ଼ା ମାତେ □ ପାଞ୍ଚୁଲ ଏଡେତା ଆକୁ ରାଠିମାନେସି ଏତିବେଲା ଏଞ୍ଜାସି କରନ୍ତି ଗାଡ଼ାତି କୁଲମିତା ମାତେସି □ ଏମିନି କୁଲମିତା ଖେଣ୍ଡେ ରା ଦେବାତାକି ମାହାପୁରୁ କାତା ଖେକହାଲି ହାତେସି ଏତିବେଲା ତେସଲନିକି କୁଲମି ଗାଡ଼ି ଆହାମାତେ କାମା ୧୭:୧-୧୦ □ ଏମାଆଁ ଜୀହୁଦି ଅଡେ ଗ୍ରିକ୍ ଜଲିନି ଲକୁ ତାଣାଟି କୁଲମି ଆହାମାତେ □ ତାୟୁ ଜୀହୁଦି ଲକୁ ତାହାରା ଆହାନା ପାଞ୍ଚୁଲ କପାଟି ନିଜାଲିଏ ତେସଲନିକି ଗାଡ଼ା ପିସାଲି ଆଡେ □

ପାଞ୍ଚୁଲ କରନ୍ତିତା ଏତି ତାୟୁ ତାନି ଆଡ଼ିତାସି ତିମତି ତାଣାଟି ତେସଲନିକି କୁଲମିତି କାତା ବାରେ ଖେତେସି □ ଏଞ୍ଜାରି ଜୀସୁ ନିଞ୍ଜିଆହାମାନାଣି ଖେଜାନା ହାରେକା ରାହାଁ ଆହାନା ତାନି ଇ ରାହାଁ ତସାନା ରାଠାମାନେସି □ କ୍ରୀସ୍ତ ଖେଣ୍ଡା ଖାନି କାତା ଏଞ୍ଜାରି ତାନି ବିତ୍ତା ଅଣପିମାତେରି ଅଡେ କ୍ରୀସ୍ତୁଇଁ ନାମାହାଁ ହାଡ଼ିହଁ କ୍ରୀସ୍ତ ଖେଣ୍ଡା ଖାନାଟି କାଲ୍ୟାକାଲ୍ୟାତି ଜୀସୁ ବେଟା ଆନେସି, ଇ ବାରେ କାତାତି ପୁଣ୍ଡି କିହାଲି ରାଠିମାନେସି ୫:୭-୮ □

ପତିତା ମାନାୟି

- ୧ ଜହରା ତଲେ ପୁଣ୍ଡି କିହାନା ଆକୁତି ମାଟନାୟି □ ୧
- ୨ ତିମତି ତେସଲନିକିତି କାରୁ ଅଡେ କାମାତି କାତା ଖେହନାୟି □ ୨:୧-୩:୧୩
- ୩ କ୍ରୀସ୍ତୁଇଁ ନାମିତି ଲକୁ ଏନିକଁ ଜୀସୁ ଖେଣ୍ଡା ଖାନାଟି ଉଜେଡିତା ତୟିନେସି □ ୪:୧-୫:୧୫
- ୪ ତାୟୁତି କାତା ଖେସାନା ଆକୁତି ରାପ୍ନାୟି □ ୫:୧୭-୨୮

୧ ପାଞ୍ଚୁଲ, ସିଲା ଅଡେ ତିମତି ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତ ତାଣା ମାନି ତେସଲନିକି କୁଲମିତା ମାନି ଲକୁତାକି ଆକୁ; ମାହାପୁରୁତି କାର୍ମାମେହନାୟି ଅଡେ ହିଡ଼ି ମିଜେତାକି ଆପେ □

ତେସଲନିକିତା ମାନାରି ନୀତିନାୟି ଅଡେ ନାମିନାୟି

୨ ମା ପ୍ରାଡାନାତା ମୀ ଦରକା ଆସାନା ବାରେତାକି ବାରେବେଲା ମାହାପୁରୁଇଁ ଜହରା କିହିମାନମି,

୩ ମା ଆବା ମାହାପୁରୁ ନକିତା ମାମ୍ବୁ ମୀ ନାମୁତି କାମା, ଜୀସୁ ନଡି କାମା ଅଡେ ମା ପ୍ରବୁ ଜୀସୁ କ୍ରୀସ୍ତ ତାଣାଟି ମୀ ବାର୍ସୁ ତଲେ ଅରୁହିନାୟି ଏନିକଁ ଆଡ଼ଞ୍ଜା □

୪ ଏ ମା ତାୟିୟାଁ ଅଡେ ତାଙ୍ଗିସ୍ମାତେରି ମାମ୍ବୁ ପୁଞ୍ଜାମାନମି, ମାହାପୁରୁ ମିଜେ ଜୀସୁ ନହାଁ ମାଞ୍ଜାନେସି ଇଞ୍ଜା ତାନି ଲକୁ ଆହାଲି ଆଠାମାଞ୍ଜାନେସି □

୫ ଇତିହଁ ମା ନେହଁ କାରୁ ଖେକନାଣି ତଲେ ଆଏ, ସାମା ବାଡ଼ୁୟୁ, ସୁଦୁଜୀସୁ, ସାତା ତଲେ, ମୀ ତାଣା ଏଜା ମାଞ୍ଜାତେ, ଇଞ୍ଜା ମୀ ତାଣା ମାତାଟି ମୀ ତଲେ ମାମ୍ବୁ ଏନିକଁ ଲେମ୍ବା ମାତମି, ଏଦାଆଁ ମୀରୁ ପୁଞ୍ଜାମାଞ୍ଜେରି □

୬ ଅଡେ, ମୀରୁ ହାରେକା ଦୁକୁତା ମାଞ୍ଜାହାଁ ଜିକେଏ ସୁଦୁଜୀସୁଟି ହାପକି ଆହାମାନି ରାହାଁତଲେ ଏ ବଲୁ ଅପାକତାନା ମା ଜେତ ଅଡେ ପ୍ରବୁ ଜେତ ତାକିନାତେରି ଆହାମାତେରି,

୭ ଏନିକିହଁ ମୀରୁ ମାକିଦନିୟା ଅଡେ ଆକାୟାତା ମାନି ବାରେ ନାମୁଗାଟାରି ତାଣା ନାମୁତା ନେହଁ ଗୁଣୁ ତହନାତେରି ଆହାମାତେରି □

୮ ଇତିହଁ ତେସଲନିକିତି ନାମୁଗାଟାରି ତାଣାଟି ପ୍ରବୁତି ନେହଁ କାରୁତି କାତା ଖାରଇ ମାକିଦନିୟା ଅଡେ ଆକାୟାତା ଖେଜାମାନେ, ଏଦି ଆଏ, ସାମା ମାହାପୁରୁ ତାଣା ମୀ ନାମୁତି କାରୁ ଜିକେଏ ବାରେଖାକି ଖେଜାହାତେ, ଏଦାଣି ତାକି ମାଜେ ଅଡେ ଖେସାଲି ଲଡ଼ା ହିଲେଏ □

୯ ଏନାଆଁତାକି ଇତିହଁ ଲକୁ ତାମ୍ବୁ ମା କାତା ଖେସପି ଆନେରି, ମୀ ତାଣା ମାମ୍ବୁ ଖାଡ଼ମି ଏନାଆଁ ଆହାମାତେ, ଅଡେ ଏନିକଁ ମୀରୁ ପେଣକା ବନାୟାଣି ପିସ୍ତେରି, ଇଞ୍ଜା ଜୀସୁଗାଟି ଅଡେ ସାତା ମାହାପୁରୁଇଁ ସେବା କିହାଲି,

୧୦ ଅଡେ ଏଞ୍ଜାସି ଜାହାରା ଆମିନି ମୀରୁଏଣାଇଁ ହାତାରି ତାଣାଟି ଖାହିମାନି ମାହାପୁରୁତି କାରୁବିଟି ଗେଲପାଲି ନିକହାମାନେସି, ମା ଏ ଗେଲପାନି ଜୀସୁଇଁ ଲାକପୁରୁଟି ଖେଣ୍ଡା ଖାନାଣି କାପୁ କାଚାନା ତୟାଲି □

୨

ତେସଲନିକିତା ପାଞ୍ଚୁଲତି କାମା

୧ ଏ ତାୟିୟାଁ ଅଡେ ତାଙ୍ଗିସ୍ମାତେରି, ମୀରୁ ଜାହାରାଇଁ ପୁଞ୍ଜାମାଞ୍ଜେରି, ମାମ୍ବୁ ମୀ ତାଣା ଖାହାମାନାୟି ଉଜେଏତାୟି ଆହା ହିଲେଏ;

୨ *ସାମା ଏନିକିମ୍ ଫୀରୁ ପୁଞ୍ଜାମାଞ୍ଜେରି, ମାମ୍ ଡୁକୁ କସ୍ତୁ ଅଡ଼େ ନିନ୍ଦା ବେଟାଆଡ଼ି ତାୟୁ ମୀ ତାଣା ଜୀଞ୍ଜୁତି ପିସାହାଁ ମାହାପୁରୁତି ନେହୁଁ କାରୁ ଝେକହାଲି ତାକି ମା ମାହାପୁରୁ ତଲେ ସାସା ବେଟା ଆହାମାଚମି □

୩ ଏନାଆଁତାକି ଇଚିହୁଁ ମା ଝେକନି କାତା, ଲାଗେଏତାୟି କି ନାଡ଼ିକିନି ଲେହେଁତାୟି ଆଏ □

୪ ସାମା ମା କେୟୁତା ନେହୁଁ କାରୁ ଝେକନି ବଜୁ ହେରପି ଆହାଲିତାକି ମାର ଏନିକିମ୍ ମାହାପୁରୁତି ଅଦିକାରା ଜଟେ ଆହାମାନାୟି, ଏଲେକିହୁଁଏ ମାର ଝେକହିମାନାୟି, ମା ହିୟାଁତି ମାହାପୁରୁ ତାୟିପାରି କିନାସି, ମାଣସିକ୍ ରାହାଁ କିହାଲିତାକି ଏଦାଆଁ କିଆନା ସାମା ମାହାପୁରୁକ୍ ରାହାଁ କିହାଲିତାକି ଏଦାଆଁ କିହିମାନାୟି □

୫ ମୀରୁ ନେହୁଁକିମ୍ ପୁଞ୍ଜାମାଞ୍ଜେରି, ମାମ୍ ଏତେଲା ଜିକେଏ ନାଡ଼ିକିନି ହାଡ଼ାୟାଁ ତଲେ ଝେସାମାଞ୍ଜଅମି, କି ଜୁପକା ଆନିଲେହେଁତି କାତା ଝେସାମାଞ୍ଜଅମି, ଏ ବାରେତାକି ମାହାପୁରୁ ସାକି ମାନେସି □

୬ ମାମ୍ ଆମ୍ବାଆରି ତାଣାଟି ଗାଞ୍ଜୁରମି ବେଟାଆହାଲି ଅଣପି ହିଲାଆତମି, ଆଡ଼ିଜିକେଏ ମୀ ତାଣାଟି କି ଏଟକା ଆମ୍ବାଆରି ତାଣାଟି ଆପେ ଆମିନି ମାଣସି ତାଣାଟି ଗାଞ୍ଜୁରମି ବେଟାଆହାଲି ଅଣପାହିଲଅମି □

୭ କ୍ରୀସ୍ତିତି ପାଣ୍ଡୁଆଡ଼ି ସୀସୁୟାଁ ଲେହେଁ ମାମ୍ ମୀ ତାଣାଟି ଗାଞ୍ଜୁରମି ବେଟାଆହାଲି ଅଣପିତମିମା, ସାମା ତାଲି ଏନିକିହୁଁ ଜାହାରା କକାରି ପଦାଁଣି ଜୀଞ୍ଜୁନହାଁନା ଜାଡ଼ନୁ କିନେ ମାମ୍ ଜିକେଏ ମିଙ୍ଗେ ଏଲେକିହୁଁଏ ଜାଡ଼ନୁ କିୟାତମି □

୮ ଏଲେକିହୁଁ ମିଙ୍ଗେତାକି ମା ଜୀଞ୍ଜୁନନାୟି ମାନାକି, ମିଙ୍ଗେ ଖାରଇ ମାହାପୁରୁତି ନେହୁଁ ବଲୁତା ଆଣ୍ଡୁ କିହାମାଞ୍ଜାଆତମି, ସାମା ମିଙ୍ଗେତାକି ଜାହାରାକ୍ ଦାନା କିହାଲି ଜିକେଏ ମାମ୍ ତ୍ରିୟାରା ଆହାମାଚମି □ ମୀରୁ ଏବେକା ଜୀଞ୍ଜୁ ନନାତେରି ମାଚେରି □

୯ ଏ ତାୟିୟାଁ ଅଡ଼େ ତାଜିସ୍ତାତେରି, ମାମ୍ କାମାଲଡ଼ା ଇଞ୍ଜା ଖାହୁ କାମା କିହାମାନାୟି ମୀ ଅଣପୁତା ମାନେ, ଏନିକିମ୍ ମାମ୍ ଆମ୍ବାଆତେରି ମିଙ୍ଗେ ବଜୁଲେହେଁ ଆୟଅମି, ଇଦାଆଁତାକି ଲାଆଁ ମାଦେନା ଖାହୁ କାମା କିହାଁ ମାହାପୁରୁତି ନେହୁଁ ବଲୁ ମୀ ତାଣା ଝେକହା ମାଚମି □

୧୦ ମାହାପୁରୁ ତାଣା ନାମିନାତେରି ମୀରୁ, ମିଙ୍ଗେତାକି ମାମ୍ ଏନିକିମ୍ ସୁଦୁ ତଲେ, ଦାମ୍ପୁତଲେ, ଦହ ହିଲାଆଲେହେଁ ଲେମ୍ବାମାଞ୍ଜାତମି,

ଏଦାଆଁ ମୀରୁ ଅଡ଼େ ମାହାପୁରୁ ସାକି □

୧୧ ଅଡ଼େ ମୀରୁତ ପୁଞ୍ଜାମାଞ୍ଜେରି, ଆବା ଏନିକିମ୍ ଜାହାରା ମୀରୁକା ମାୟକାଣି ଜାପୁନେସି, ଏଲେକିହୁଁଏ ମାମ୍ ମୀ ବାରେଜାଣା ତାକି ବୁଦିଜାପୁହାଁ ଅଡ଼େ ରାହାଁ କିହାଁ ରଣ୍ଡିଏ ଅଣପୁ ତଲେ ବାଡ଼ିମାଲ୍ଲା ମାଞ୍ଜାତମି,

୧୨ ଏନିକିମ୍ ମିଙ୍ଗେ ହାଟାମାଞ୍ଜାନି ମାହାପୁରୁ ରାଜିତି ଜଟେ ମାଣକି ତଲେ ତାକିଦେରି, ଇଞ୍ଜା ତାନି ଗାଞ୍ଜୁରମିତା ଆଣ୍ଡୁଲି ଆଡ଼ିଦେରି ଇଞ୍ଜା ବାଡ଼ିମାଲ୍ଲା ମାଞ୍ଜାନମି □

୧୩ ଅଡ଼େ ଇଦାଆଁତାକି ମାମ୍ ଜିକେଏ ଜମାଆନା ମାହାପୁରୁକ୍ ଜହରା କିହିମାନମି, ଏଚିବେଲା ମୀରୁ ମାମ୍ ଝେକହାମାନି ମାହାପୁରୁତି ବଲୁ ଆବିତେରି, ଏଚିବେଲା ଏ ବଲୁକ୍ ମାଣସିତି ବଲୁ ଲେହେଁ ଆବାଆନା ସାମା ମାହାପୁରୁତି ବଲୁଲେହେଁ ଆବାମାଚେରି, ଅଡ଼େ ସାତା ତଲେ ଏଦି ମାହାପୁରୁତି ବଲୁ, ଇଞ୍ଜା ନାମିତାତେରି ମୀରୁ, ମୀ ହିୟାଁତା ଏଡ଼ି ଜିକେଏ କାମା କିହିମାନେ

୧୪ *ଇଚିହୁଁଏ ତାୟିୟାଁ ଅଡ଼େ ତାଜିସ୍ତାତେରି, ମୀରୁ କ୍ରୀସ୍ତ ଜୀସୁ ତାଣା ମାନି ଜୀହୁଦା ଦେସାଡ଼ି ମାହାପୁରୁ କୁଲମିତା ଏନିଆହୁଁ ମାଚେରି ଏଲେ ଆହାମାଞ୍ଜେରି, ଏଞ୍ଜାରି ଜୀହୁଦିକ୍ଷା ତାଣାଟି ଆମିନି ଦୁକୁ ବେଟା ଆହାମାଚେରି, ମୀରୁ ଜିକେଏ ଜାହାରା କୁଡ଼ାଡ଼ି ଲକୁ ତାଣାଟି ଏ ବାରେ ଦୁକୁ ବେଟାଆହି ମାଞ୍ଜେରି □

୧୫ *ଏ ଜୀହୁଦି ଲକୁ ମା ପ୍ରୁ ଜୀସୁକ୍ ଅଡ଼େ ମାହାପୁରୁ ଅଣପୁତି ବଲୁ ଝେହନାରାକ୍ ପାୟାମାଚେରି, ଅଡ଼େ ମାଙ୍ଗେଖା ସାସ୍ତି କିୟାତେରି, ଏଞ୍ଜାରି ମାହାପୁରୁତି ରାହାଁ ଗାଟାରି ଆଏ! ବାରେ ନର ନାରିତି ସାତୁୟାଁ □

୧୬ ଇଚିହୁଁଏ ଏଟକା କୁଡ଼ାତାରି ଗେଲ୍ପି ଆହାଲିତାକି ଏଞ୍ଜାରିତାଣା ମାଙ୍ଗେ ନେହୁଁ କାରୁ ଝେକହାଲି ହୀହିମାଞ୍ଜାତେରି, ଇଞ୍ଜା ଏଞ୍ଜାରି ପାପୁତା ଜାହାରାକ୍ ନେଞ୍ଜିକିହାମାନେରି; ଏଞ୍ଜାରି ଲାକ ମାହାପୁରୁତି କାରବି ନିଜିତେୟିଏ □

ପାଞ୍ଜୁଲ ଏଞ୍ଜାରିତାଣା ଅଡ଼େ ଝେଣ୍ଡେ ବେଚି ହାଜାଲି ମନ କିନାୟି

୧୭ ଏ ତାୟିୟାଁ ଅଡ଼େ ତାଜିସ୍ତାତେରି, ମାମ୍ ହିୟାଁତା ଆଏ, ସାମା ଆଜ୍ଞାତା ଗାଡ଼େକା ତାକି ମୀ ତାଣାଟି ଏଟକା ଆହାମାନାକି ମୀ ମୁମ୍ ମେସାଲି ଗାଡ଼ି ପଣ୍ଡୁ ତଲେ ହାରେକା ଅଣପାମାଚମି □

୧୮ ଏଦାଆଁତାକି ମାମ୍ ମୀ ତାଣା ଖାହାଲି ଅଣପାମାଚମି, ଏଦାଆଁ କିହାଁ ନାନୁ ପାଞ୍ଜୁଲ ର ଦେବା, ହାଅ, ରୀ ଦେବା ଖାୟାଲି ଅଣପିମାଚେଏଁ, ସାମା ସୟତାନ ମାଙ୍ଗେ ଖାୟାଲି ହୀୟାଆତେ □

* ୨:୨ ୨:୨ କାମା ୧୭:୧୯-୨୪; କାମା ୧୭:୧-୯ * ୨:୧୪ ୨:୧୪ କାମା ୧୭:୫ * ୨:୧୫ ୨:୧୫ କାମା ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨

୧୯ ଇଚିହଁ ମା ପ୍ରବୁ ଜୀସୁ ଖେଣ୍ଡାଞ୍ଜାନ୍ତି ଦିନା ତାନି ନକିତା ମା ବାସ୍ତୁ, ରାହାଁ କି ଚପେରି ଏନାୟି ? ଏଡି କି ମୀରୁ ଆଏ ?

୨୦ ମୀରୁ ମା ରାହାଁ ଅଡେ ମା ଗାଝୁରମି ଲେହେଁ ତାତେରି □

୩

୧ ✧ଏଦାଆଁତାକି ମାମ୍ବୁ ଅରହାଲି ଆଡାଆନା ଆଡିନି ଗାଡାତା ରଅତମି ଡୟାଲି ତୀରି କିତମି* □

୨ ଇଞ୍ଜା ମିଜେ ସୁସ୍ତି କିହାଲି ଅଡେ ମୀ ନାମୁତା ମିଜେ ରାହାଁ ହୀହାଲି କ୍ରାସ୍ତି ନେହଁ କାରୁତି କାମାତା ମାହାପୁରୁ ତଲେ ଆଶ୍ୱାନା କାମା କିନି ମା ତାୟି ତିମତିଇଁ ପାଶ୍ୱାତମି □

୩ ଏନିକଁ ଆମ୍ବାଆରି ଇ ବାରେ କସ୍ତ ତାକି କିଲିବିଲି ଆଅରି, ମାମ୍ବୁ ଏଦାଆଁତାକି ହେରୁପି ଆହାମାତମି ଇଞ୍ଜଁ ମୀରୁଏ ପୁଞ୍ଜାମାତେରି □

୪ ଇଚିହଁ ମାଜେ ନିନ୍ଦା କସ୍ତ ବେଟାଆହାଲି ଆନେ, ଇଦାଆଁ ମାମ୍ବୁ ମୀ ତାଣା ମାତି ବେଲାତେଏ ମିଜେ ନଡେଏ ଏତର ପାଲି ଖେସାମାଞ୍ଜାତମି, ଇଞ୍ଜା ସାତେଏ ଏଲେ ଆହାମାନେ, ଇଞ୍ଜଁ ମୀରୁ ଏଦାଆଁ ପୁଞ୍ଜାମାଜେରି □

୫ ଏଦାଆଁତାକି ଏଡେତା ତାୟିପାରି କିନାସି ମିଜେ ତାୟିପାରି କିୟାନେସି ଅଡେ ମା ଖାହୁତି କାମା ଉଜେଏତାୟି ଆହାଡୟିନେ, ଇଦାଆଁ ଅଣ୍ଡପାନା ନାନୁ ଜିକେଏ ଅରହାଲି ଆଡାଆନା, ମୀ ନାମୁ ଏଚେକା ମାନେ ଇଞ୍ଜଁ ପୁଞ୍ଜାଲି ତିମତିଇଁ ମୀ ତାଣା ପାଶ୍ୱାତେଏଁ □

୬ ✧ସାମା ନୀର୍ଏ ତିମତି ମୀ ତାଣାଟି ମା ତାଣା ଖେଣ୍ଡା ଖାହାନା ମୀ ନାମୁ ଅଡେ ଜୀଝୁ ନନାଣି ରାହାଁତି କାରୁ ମାଜେ ଖେସାମାଞ୍ଜାନେସି, ମୀରୁ ମାଜେ ନେହଁକଁ ଅଣ୍ଡପିମାଞ୍ଜାଦେରି, ଅଡେ ମାମ୍ବୁ ମିଜା ଏଚେକା ମେସାଲି ଅଣ୍ଡପି ମାନମି, ମୀରୁ ଜିକେଏ ମାଜା ମେସାଲି ଏଚେକା ଅଣ୍ଡପି ମାଞ୍ଜାଦେରି, ଏଲେକଁ ମାଜେ ନେହଁ କାରୁ ଖେସାମାଞ୍ଜାନେସି □

୭ ଏଦାଆଁତାକି ଏ ତାୟିୟାଁ, ମୀ ନାମୁଟି ମାମ୍ବୁ ମା ବାରେ ଦୁକୁ ଅଡେ କସ୍ତତା ମୀ ତାକି ସାସା ବେଟା ଆହାମାନମି □

୮ ମାମ୍ବୁ ନୀର୍ଏ ନୀତାମାନମି ଆଡିହଁ ମୀରୁ ପ୍ରବୁ ତାଣା ତୀରିଆହାଁ ମାଞ୍ଜୁ □

୯ ହାଅ, ମାମ୍ବୁ ମାହାପୁରୁ ନକିତା ମୀ ତାକି ବେଟାଆହାମାନି ରାହାଁତାକି ରାହାଁ ଆହାମାନମି, ମାମ୍ବୁ ଏନିକଁ ଖେଣ୍ଡେ ହୀନି ଦାନା ଲେହେଁ, ମୀ ତାକି ମାହାପୁରୁଇଁ ଏନିକଁ ଜହରା କିହାଲି ଆଡିନମି □

୧୦ ମୀ ନାମୁତା ଏନାୟି ଲଡାମାନେ, ଏଦାଆଁ ମିଜେ କିହାଲି ଅଡେ ମୀ ମୁମ୍ବୁ ମେସାଲି ଆଡିନମି ଏଦାଆଁତାକି ଲାଆଁ ମାଦେନା ବାରେ ହିୟାଁ ତଲେ ବାଡିମାଲି ରାସି ମାନମି □

୧୧ ମା ଆବା ମାହାପୁରୁ ତାନୁଏ ଅଡେ ପ୍ରବୁ ଜୀସୁ ମାଜେ ମୀ ତାଣା ଖାୟାଲି ତବେ ଜିରୁ ତସ୍ତାପେସି □

୧୨ ଅଡେ, ମାମ୍ବୁ ମିଜେ ଜୀଝୁନହଁ ମାଞ୍ଜାନି ଲେହେଁ ମୀରୁ ରଅତେରି ରଅଣାଲ୍ ଜୀଝୁ ନଝିଆହଁ ବାରେ ଲକୁଇଁ ଜୀଝୁ ନୟାଁଲି ପ୍ରବୁ ମୀ ଜୀଝୁ ନନାଣି ଦିନାତାକି ଦିନା ପାତି କିୟାପେସି □

୧୩ ଏଞ୍ଜାସି ମୀ ହିୟାଁତି ସୁସ୍ତି କିୟାପେସି ଏଚିବେଲା ମା ପ୍ରବୁ ଜୀସୁ ତାନି ଲକୁତଲେ ଖେଣ୍ଡା ଖାନ୍ନାଟି ମୀରୁ ମା ଆବା ମାହାପୁରୁ ନକିତା ଦହ ହିଲାଆନା ସୁଦୁ ଗାଟାତେରି ତଞ୍ଜା ଆଦେରି □

୪

ମାହାପୁରୁ ରାହାଁ ଆନିଲେହେଁ ନୀତିନାୟି

୧ ଏ ମା ତାୟିୟାଁତେରି, ମାହାପୁରୁଇଁ ରାହାଁ କିଝି କିୟାଲି ଏନିକଁ ନୀତିନାୟି ମାନେ, ଏଦାଆଁ ମୀରୁ ମା ତାଣାଟି ଏନିକଁ ଜାପାମାଞ୍ଜେରି ଅଡେ ଏଲେକିହଁଏ ନୀତାମାଞ୍ଜେରି, ସାମା ଏଦାଣିକିହାଁ ହାରେକା ନେହଁ କିୟାଲି ମାମ୍ବୁ ପ୍ରବୁ ଜୀସୁ ଦରୁତଲେ ମିଜେ ହାରେକା ବାଡିମାଲି ମାଞ୍ଜାନମି □

୨ ଏଦାଆଁତାକି ଇଚିହଁ ମାମ୍ବୁ ପ୍ରବୁ ଜୀସୁ ତାଣାଟି ମିଜେ ଏନି ଏନି ହୁକୁମି ହୀହାମାଞ୍ଜାତମି ଏଦାଆଁ ମୀରୁ ପୁଞ୍ଜାମାଜେରି □

୩ ମୀରୁ ସୁଦୁ ଗାଟାତେରି ଆହାଁ ମାଞ୍ଜୁ, ଇଦିଏ ମାହାପୁରୁଟି ଅଣ୍ଡପୁ ତଲେ ମାଞ୍ଜୁ, ଅଡେ ବାରେ ଲେହେଁତି ଦାରିକାମାଟି ଏଟକା ଆହାନା ମାଞ୍ଜୁ □

୪ ମାହାପୁରୁଇଁ ପୁନାଆତି ଲକୁ ଲେହେଁ ଆଜାତି ଜୁପକାତି ଅଣ୍ଡପୁ ତଲେ ମାନାଆନା ମୀରୁ ରଅ ରଅତେରି ମୀ ମୀ ତକ୍ତି ତଲେ ଲକୁ କାନୁତା ସୁଦୁ ଅଡେ ମାନି ତଲେ ମାଞ୍ଜାଲି ପୁଞ୍ଜୁ □

୫ ଇଞ୍ଜା ମାହାପୁରୁଇଁ ପୁନାଆତି ଏଟକା କୁଡାତି ଲକୁ ଲେହେଁ ଆଜାତି ଅଣ୍ଡପୁ ତଲେ ମାନାଆନା □

୬ ଏମ୍ବାଟିଏ ଇ ବାରେ କାତାତା ଆମ୍ବାଆସି ତାନି କ୍ରାସ୍ତାନା ତାୟିଇଁ ଦହ କିଆପେସି, କି ନାଡି କିଆପେସି, ଏଦାଆଁତାକି ଇଚିହଁ ପ୍ରବୁ ଏଲେ କିନାଣାଲ୍ ତଣ୍ଡ ହୀନେସି ଇଞ୍ଜଁ ମାମ୍ବୁ ତଲିଏ ମିଜେ ଖେସାନା ଜାଗ୍ରାତା କିହାଁ ସାକି ହୀହାମାଞ୍ଜାତମି □

୭ ଇଚିହଁ ମାହାପୁରୁ ମାଜେ ପଲ୍ଲଆଗାଟି କାମାତା ନୀତାଲି ଆଏ, ସାମା ସୁଦୁ ଗାଟାତାୟି ଆୟାଲି ଆଡାମାଞ୍ଜାନେସି □

✧ ୩:୧ ୩:୧ କାମା ୧୭:୧୫ * ୩:୧ ୩:୧ କାମା ୧୭:୧ ✧ ୩:୭ ୩:୭ କାମା ୧୮:୫

୮ ଏନାଆଁତାକି ଇଚିହଁ ଆମ୍ବାଆସି ଇ ଜାପ୍ନାଣି ଅପଅସି, ଏଞ୍ଜାସି ମାଣ୍ଡସିଲ୍ ଆଏ, ସାମା ମିଙ୍ଗେ ମୀ ହିୟାତା ଆମିନି ମାହାପୁରୁ ସୁଦୁଜୀଞ୍ଜୁ ହାହାମାଞ୍ଜାନେସି ଏଞ୍ଜାଣାଲ୍ ଅପଅସି □

୯ ତାୟିୟାଁ ଅଡେ ତାଞ୍ଜିସ୍ତାଣି ଜୀଞ୍ଜୁ ନନାଣି ରାଚାଲି ଲଡା ଆଏ, ଇଚିହଁ ମୀରୁ ମୀରୁଏ ଜୀଞ୍ଜୁ ନଞ୍ଜିଆୟାଲି ମାହାପୁରୁ ତାଣାଟି ଜାପାମାଞ୍ଜେରି □

୧୦ ଅଡେ, ମୀରୁ ଏଲେକିହଁଏ ମାକିଦନିୟାତା ମାନି ବାରେ କ୍ରୀସ୍ତାନା ତାୟିୟାଁ ଅଡେ ତାଞ୍ଜିସ୍ତାଣି ଜିକେଏ ଜୀଞ୍ଜୁ ନହିମାଞ୍ଜେରି □ ସାମା ଆତିହଁ ଜିକେଏ ଏ ତାୟିୟାଁ ଅଡେ ତାଞ୍ଜିସ୍ତାତେରି, ମୀରୁ ଏନିକଁ ଅଡେ ଆଗାଡା କିହାଲି ରାହାଁ କିଦେରି,

୧୧ ଅଡେ ମିଙ୍ଗେ ହୀପକିଆହାମାନି ମା ହୁକୁମି ଲେହେଁ ମୀରୁ ଏନିକଁ ହିଡ଼ି ତଲେ ନୀତା ବାଡ଼କିଦେରି, ଜାହାରା କାମାତା ହିକିଦେରି ଅଡେ ଜାହାରା କେୟୁତଲେ କାମା କିହାଲି ପାଡାଆଡାୟି ଇଞ୍ଜି ଅଣ୍ପାଦୁ, ଇଦାଆଁତାକି ମାମ୍ବୁ ମିଙ୍ଗେ ବାଡ଼ିମାଲି ମାଞ୍ଜାନମି,

୧୨ ଏନିକଁ ପାଞ୍ଜାତି ଲକୁତାକି ମୀରୁ ନେହଁ ମାଣ୍ଡକି ତହ୍ନାତେରି ଆଦେରି ଇଞ୍ଜା ମିଙ୍ଗେ ଏନାୟି ଜିକେଏ କାଡାରା ଆୟେଏ □

ପ୍ରବୁତି ଖେଣ୍ଡା ଖାନାୟି

୧୩ ଏ ମା ତାୟିୟାଁ ଅଡେ ତାଞ୍ଜିସ୍ତାତେରି, ବାସ୍ତୁ ହିଲାଆ ଏଟକାତି ବାରେ ଲକୁ ଲେହେଁ ମୀରୁ ଏନିକଁ ଦୁକୁ ଗାଟାତେରି ଆଅତେରି, ଇଦାଆଁତାକି ହାଡାରି କାତାତି ମୀରୁ ପୁନାଆନା ମାଞ୍ଜୁ ଇଦି ମା ଅଣ୍ପାପୁ ଆଏ □

୧୪ ଏନାଆଁତାକି ଇଚିହଁ ମାର ନାମିନାୟି, ଜୀସୁ ହାହାନା ଖେଣ୍ଡେ ନିଙ୍ଗାମାନେସି, ଆତିହଁ ମାହାପୁରୁ ଜୀସୁ ତାଣାଟି ହାହାମାନି ଲକୁଣି ଏଲେଆହଁ ତାନିତଲେ ତାନେସି, ଇଦାଆଁ ଜିକେଏ ନାମିନାୟିମାନେ □

୧୫ *ମାମ୍ବୁ ପ୍ରବୁତି ବଲୁଲେହେଁ ମିଙ୍ଗେ ଇଦାଆଁ ଖେସିମାଞ୍ଜାନମି, ମାର ଏଚେକା ଲକୁ ପ୍ରବୁତି ଖେଣ୍ଡେ ଖାନି ଦିନା ପାତେକା ନୀତାହାଁ ତୟା ମାନାୟି, ମାମ୍ବୁ ଏନିକଁ ଜିକେଏ ହାହାମାନି ଲକୁତି ନକିତା ହାଲଅମି □

୧୬ ଏଚେଟିଏ ପ୍ରବୁତି କାଜା ଦୁଡୁତି ହୁକୁମି ହାହାମାନି ହାଡା ଅଡେ ମାହାପୁରୁତି ତୀଡ଼ି ମହୁରି ହାଡାତଲେ ଲାକପୁରୁଟି ରେଚା ଖାନେସି, ଇଞ୍ଜାହାଁ କ୍ରୀସ୍ତଲ୍ ନାମାହାଁ ହାହାମାନାରି ଏଞ୍ଜାରି ନଚେଏ ନିଙ୍ଗନେରି;

୧୭ ଅଡେ ତାୟୁ ଏ ଦିନା ନୀତାମାନି ଲକୁତାୟି ବାରେ, ଏଞ୍ଜାରିତଲେ ପ୍ରବୁଲ୍ ବେଟାଆହାଲି ଦୁୟା

ତଲେ ଖାରଇ ହାଗୁତା ଅଞ୍ଜିଆନାୟି ଏଲେକିହଁଏ ମାର ପ୍ରବୁ ତଲେ କାଲାକାଲା ତାକି ତୟିନାୟି □

୧୮ ଏନାଆଁତାକି ଇଚିହଁ ଇ ବାରେ କାତା ଆସାନା ମୀରୁ ମୀରୁଏ ରଅତେରି ରଅଣାଲ୍ ସାସା ହୀଞ୍ଜି ଆଦୁ □



ପ୍ରବୁ ଖାନି ଦିନାତାକି ଜାଗ୍ରାତା ଆନାୟି

୧ ଏ ମା ତାୟିୟାଁ ଅଡେ ତାଞ୍ଜିସ୍ତା କାଲା ଅଡେ ତୀରି କିହାମାନି ବେଲାତି କାତା ମିଙ୍ଗେ ରାଚାଲି ଲଡା ଆଏ,

୨ *ଇଚିହଁ ପ୍ରବୁ ଖାନି ଦିନା ଲାଆଁୟାଁ ତଂଗେଏସି ଖାନି ଲେହେଁ ଖାନେ ଇଞ୍ଜି ମୀରୁ ପୁଞ୍ଜାମାଞ୍ଜେରି □

୩ ନୀଏଁ ବାରେଖାକି ହିଡ଼ି ଇଞ୍ଜା ଆଜି ହିଲେଏ ଇଞ୍ଜି ଲକୁ ଖେହ୍ନି ବେଲାତା ଦେବୁଣିଏ କକାରି ପଦା ଆନି ଇୟାନାକି ଲୁଞ୍ଜିନି ବୀସା ଲେହେଁ ଏଞ୍ଜାରାକି ନାସା ଖାନେ, ଅଡେ ଏଞ୍ଜାରି ଏମ୍ବାଟି ଏନିଜିକେଏ ଗେଲପି ଆଅରି □

୪ ସାମା ଏ ତାୟିୟାଁତେରି ମୀରୁ ଆନ୍ଦେରିତା ହିଲଅତେରି, ଏ ଦିନା ମୀରୁ ପୁନାଆରେଟୁ ତଂଗେଏସି ଖାନିଲେହେଁ ମୀରୁ କାଡାହିଲାଆ ବେଲାତା ଖାନେସି □

୫ ମୀରୁ ବାରେଜାଣା ଉଜେଡ଼ି ଅଡେ ମାଦେନାତି ମୀରକା ଇଞ୍ଜା ମାସ୍କାତେରି, ମୀରୁ ଆନ୍ଦେରି ଅଡେ ଲାଆୟାଁତି ମୀରକା ମାସ୍କାତେରି ଆଏ;

୬ ଏଦାଆଁତାକି ଖାଦୁ ମାର ଏଟକାତାରି ଲେହେଁ ଇଦା କିଆପ, ମାର ଜାଗ୍ରାତା ଆହାଁ ସେଡନା ତଲେ ତୟିନ □

୭ ଇଚିହଁ ଆମ୍ବାଆରି ଇଦା କିନେରି, ଲାଆଁୟାଁ ଇଦା କିନେରି, ଅଡେ ଆମ୍ବାଆରି କାଡ଼ ହୁଡ଼ିନେରି ଲାଆଁୟାଁ ହୁଡ଼ିନେରି,

୮ *ସାମା ମାର ମାଦେନାତି ମୀରକା ମାସ୍କା ଆହାମାନାକି ଜୀଞ୍ଜୁ ନନି ଲେହେଁତି ନାମୁତି ବକ ପାଟା ତୁରହାଁ, ଗେଲପିଆନି ବାସ୍ତୁତି ଟପେରି ତାୟିଁ ତୁରହାଁ ଜାଗ୍ରାତା ତଲେ ତୟିନ □

୯ ମାହାପୁରୁ ମାଙ୍ଗେ ତାନି କାରବି ତାକି ତଣ୍ଡୁ ହିୟାଲି ଆଏ, ସାମା ମା ପ୍ରବୁ ଜୀସୁ କ୍ରୀସ୍ତ ତାଣାଟି ଗେଲପିଆୟାଲି ଆଚାମାଞ୍ଜାନେସି □

୧୦ ଏଞ୍ଜାସି ମା ତାକି ହାଡେସି, ମାରୁ ହାଡିହଁ କି ଜୀଞ୍ଜୁତଲେ ମାଚିହଁ ମାର ଏନିକଁ ଏଞ୍ଜାଣିତଲେ ନୀତନାୟି □

୧୧ ଏଦାଆଁତାକି ନୀଏଁ କିହିମାନି ଲେହେଁ, ମୀରୁ ରଅତେରି ରଅଣାଲ୍ ସାସା ଅଡେ ସାୟେମି କିଞ୍ଜିଆଦୁ □

* ୪:୧୫ ୪:୧୫ ୧କର ୧୫:୫୧,୫୨ * ୫:୨ ୫:୨ ମାତି ୨୪:୪୩; ଲୁକ ୧୨:୩୯; ୨ପିତ ୩:୧୦ * ୫:୮ ୫:୮ ଏପିସି ୬:୧୩-୧୭

ଜାପ୍ତନାୟି ଅଡ଼େ ଜହରା କିହାଁ ଆକୁତି
ରାପ୍ତନାୟି

୧୬ ଏ ତାୟିୟାଁ ଅଡ଼େ ତାଜିସ୍ମାତେରି, ମାମ୍ମୁ
ମିଙ୍ଗେ ବାତିମାଲି ମାଞ୍ଜାନମି, ଆମ୍ବାଆରି ମୀ ତାଣା
ଝାହୁତଲେ କାମା କିନେରି ଇଞ୍ଜା ପ୍ରବୁତି କାମାତା
ମୀ ସାଲୁଝି କିନାରି ଲେହେଁ ମିଙ୍ଗେ ସେଡ଼ନା
ହିୟାନେରି, ଏଝାରାଇଁ ମାନୁଝି ଆଦୁ,

୧୭ ଅଡ଼େ ଏଝାରି ମୀ ତାଣା କିହିମାନି କାମାତାକି
ଏଝାରାଇଁ ହାଡ଼େକା ଜୀଝୁନଦୁ □ ମୀରୁ ମୀରୁଏ
ହିଡ଼ଡ଼ି ତଲେ ମାଞ୍ଜୁ □

୧୪ ଏ ମା ତାୟିୟାଁ ଅଡ଼େ ତାଜିସ୍ମାତେରି,
ମିଙ୍ଗେ ବାତିମାଲି ମାଞ୍ଜାନମି ନିସ୍ତା ଗାଟାରାଇଁ
ଜାଗ୍ରାତା କିଦୁ, ଆଜି ଗାଟାରାଇଁ ସାସା ହୀଦୁ,
ବାଡ଼ୟୁ ହିଲାଆଗାଟାରାଇଁ ସାଡ଼େମି କିଦୁ, ଅଡ଼େ
ବାରେଜାଣା ତାକି ସୁଦୁ ଗାଟାତେରି ଆଦୁ,

୧୫ ଜାଗ୍ରାତା ଆଦୁ ଲାଗେଏ କିୟାତାଣାଇଁ
ଝେଣ୍ଡେ ଲାଗେଏ କିଆଦୁ, ସାମା ବାରେବେଲା
ମୀରୁ ମୀରୁଏ ରଅତେରି ରଅଣାକି ଅଡ଼େ ବାରେ
ଲକୁତାକି ନେହଁ କିୟାଲି ଅଣ୍ଡପେମାଞ୍ଜୁ □

୧୬ ବାରେବେଲା ରାହାଁ ଆଦୁ □

୧୭ କାରେଲଏ ପ୍ରାଡାନା କିହେ ମାଞ୍ଜୁ □

୧୮ ମୀରୁ ଏନିଆହଁ ମାଚିହଁ ଜିକେଏ
ମାହାପୁରୁଇ ଜହରା କିଦୁ, ଇଚିହଁ ମୀରୁ କ୍ରୀସ୍ତ
ଜୀସୁ ତାଣା ଆଣ୍ଡାନା ଏଲେକିହଁ ଏ ନୀତାନା ମାଞ୍ଜୁ
ଇଞ୍ଜିଁ ମାହାପୁରୁତି ଅଣ୍ଡପୁ □

୧୯ ମାହାପୁରୁତି ଜୀଝୁଇ ଆଂଗାଆଦୁ;

୨୦ ମାହାପୁରୁ ବଲୁ ଝେହ୍ନାଣି ଉଜେଏ ଇଞ୍ଜିଁ
ଇନାଆଦୁ □

୨୧ ବାରେ ତାୟିପାରି କିହାନା ଏନାୟି ନେହାୟି
ଏଦାଆଁ ଆହ୍ଡୁ □

୨୨ ବାରେ ପଲୁଆ ତାଣାଟି ଏଟକା ଆଦୁ □

୨୩ ହିଡ଼ଡ଼ି ହାନି ମାହାପୁରୁ ମିଙ୍ଗେ ବାରେ ଝାକିତି
ସୁଦୁ ଗାଟାତେରି କିୟାପେସି, ମୀ ଜୀଝୁ, ପୂଣ୍ଡା,
ଅଡ଼େ ମୀ ଆଙ୍ଗା ବାରେତି ମା ପ୍ରବୁ ଜୀସୁ କ୍ରୀସ୍ତ
ଝାନ୍ତି ପାତେକା ଦହ୍ ହିଲାଆଗାଟାୟି ଆହା ମାଞ୍ଜାଲି
ହିୟାପେସି □

୨୪ ଆମ୍ବାଆସି ମିଙ୍ଗେ ଆଟାମାଞ୍ଜାନେସି ଏଝାସି
ଟିକାଣା ଗାଟାସି ଏଝାସି ଇ ବାରେ କିନେସି □

୨୫ ଏ ତାୟିୟାଁ ମାଙ୍ଗେତାକି ପ୍ରାଡାନା କିଦୁ □

୨୬ ବାରେ ତାୟିୟାଁ ସୁଦୁଜୀଝୁଟି ନଣ୍ଡିନି ଲେହେଁ
ବାରେଜାଣାତି ଜହରା କିଦୁ □

୨୭ ବାରେ ତାୟିୟାଁ ନକିତା ଇ ଆକୁ ପଡ଼ଝି
ଆହାଲିତାକି ନାନୁ ପ୍ରବୁତି ଦରୁତଲେ ମିଙ୍ଗେ
ପାରମାଣା କିହିମାଞ୍ଜାଇଁ □

୨୮ ମା ପ୍ରବୁ ଜୀସୁ କ୍ରୀସ୍ତ କାର୍ମାମେହ୍ନାୟି
ମିଙ୍ଗେ ଆୟାପେ □

କୁଲମିକି ପାଞ୍ଚଲ ରାଫାମାନି ରୀ ଲମ୍ବର ଆକୁ ତେସଲନିକି କୁଲମିତାକି ପାଞ୍ଚଲ ରାଫାମାନି ରୀ ଲମ୍ବର ଆକୁ ମୂଲୁ ହାଡ଼ା

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣ୍ଡାଟି ରାସ୍ତିକି ଆହାମାନେ ୧:୧ □ ତେସଲନିକି ମୂଲୁ ଆକୁ ରାଫିତି ଏତରଦିନା ତାମ୍ଭୁ ଇତିହିଁ କ୍ରୀସ୍ତ ଜାନୀଆଡ଼ି ୫୧ ବାର୍ଷୀ ତାମ୍ଭୁ ଇ ଆକୁ ରାସ୍ତିକି ଆହାମାନେ □ ଏତିବେଲାତା ପାଞ୍ଚଲ କରନ୍ତି କୁଲମିତା ମାଚେସି କାମା ୧୭:୧-୧୦ □

ତେସଲନିକିତା ମାନି କ୍ରୀସ୍ତାନା ଲକୁ କ୍ରୀସ୍ତ ଖେଣ୍ଡେ ଖାନି କାତାତି ନେହିଁକିଁ ପୁନାଆନା ତାନି ଅଣ୍ଡପୁତା କିଲିବିଲି ଆହିମାଚେରି □ ଏଞ୍ଜାରି ତାମ୍ଭୁ କିଞ୍ଚିତ କାମା ପିସାନା ନିସ୍ତା ଆଡ଼େରି ଇଞ୍ଜା ଅର କ୍ରୀସ୍ତାନା ଲକୁ ଏଞ୍ଜାରାଇଁ ସାଝେମି କିହିମାଚେରି □

ଏତରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାଚେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଫିମାନେସି, ଇତିହିଁ କ୍ରୀସ୍ତ ଖାଆ ନକେଏ ହାରେକା ଲାଗେଏ ପଚ୍ଚଲଏ ଆହିମାଚେ, ଇଞ୍ଜା ଏଞ୍ଜାରାଇଁ ବାତିମାଲିହିଁ ରାଫିମାନେସି □ ମୀରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତି ବେଟାଆହାଲି ଅରହାଦୁ, ନା ଆଡ଼ିତାରି ଖାହୁ ତଲେ କାମା କିତିଲେହିଁ ମୀରୁ ଜିକେଏ ନାମୁତି କାମା କିଦୁ ଇଞ୍ଜା ଏଞ୍ଜାରାଇଁ ବାତିମାଲିହିଁ ରାଫିମାନେସି □

ପତିତା ମାନାୟି

- ୧ ପାଞ୍ଚଲ ତାଙ୍ଗେ ଅଡ଼େ ତାନି ଆଡ଼ିତାରାଇଁ ପୁଣ୍ଡିକିନାୟି □ ୧:୧-୨
- ୨ ତେସଲନିକି କୁଲମିତାକି ଜହରା ଅଡ଼େ ପ୍ରାଡାନା □ ୧:୩-୧୨
- ୩ ରାନି ଦିନାତି କାତା □ ୨:୧-୧୭
- ୪ ଏଞ୍ଜାରି ନିସ୍ତା କପାଟି ଅଡ଼େ କାମା କିହାଲି ଖେହନାୟି □ ୩:୧-୧୫
- ୫ କୁଲମିତି ଜହରା କିହାନା ଆକୁତି ରାପ୍ତନାୟି □ ୩:୧୬-୧୮

୧ *ପାଞ୍ଚଲ, ସିଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡା ମାନି ତେସଲନିକିତି କୁଲମିକି ଆକୁ ରାଫିମାନମି □

୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହନାୟି ଅଡ଼େ ହିଡ଼ିତି ଜୀସୁ ମିଙ୍ଗେତାକି ଆୟାପେ □

ଜୀସୁ ଖେଣ୍ଡେ ଖାନାୟି ଅଡ଼େ ନାହାଁୟି କିନାୟି
୩ ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି ମୀ ତାକି ମାମ୍ଭୁ ରୁରେଦିନା ମାହାପୁରୁଇଁ ଜହରା କିନାୟି ଲଡ଼ାମାନେ, ଏଲେଆନାୟି ନେହିଁ, ମୀ ନାମ୍ଭୁ ଅଡ଼େ ରଅତେରି ରଅଣାଇଁ ଜୀସୁନନାୟି ଦିନମି ତାକି ଦିନମି ପାତାଆହିମାନେ □

୪ ଏଚେଟିଏ ମୀରୁ ଆମିନି ବାରେ ସାସ୍ତି ଇଞ୍ଜା କସ୍ତି ବେଟା ଆହାମାଞ୍ଜେରି, ଏମ୍ବାଟି ମୀରୁ ଅରହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମ୍ଭୁ ମାହାପୁରୁ କୁଲମିକାଣା ମିଙ୍ଗେ ତାକି ବଡ଼ପଣ ଆହିମାନମି □

୫ ମାହାପୁରୁତି ଆମିନି ରାଫିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମ୍ବାଆଁ ଜଗେ ଇଞ୍ଜା ତଞ୍ଜାଆହାଲି ଇଦିଏ ମାହାପୁରୁତି ନେହିଁ ନୀହାଁୟିତି ପାରମାଣା □

୬ ଏତିବେଲା ମିଙ୍ଗେ କସ୍ତି ହାହିମାଞ୍ଜାତି ଲକୁକି ବାଦୁଲି ଲେହିଁ କସ୍ତି ହୀନାୟି ଇଞ୍ଜା କସ୍ତି ବେଟାଆହି ମାଞ୍ଜେରି ମୀରୁ, ମିଙ୍ଗେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହିଁ କାତା;

୭ ଇତିହିଁ ପ୍ରବୁ ଜୀସୁ ଏତିବେଲା ଜାହାରା ବାଡ଼ୁୟି ଗାଟି ଦୁଡୁୟାଁ ତଲେ ଡ଼ାଞ୍ଜି ମାନି ହିରୁ ଗୁଦ୍‌ଖା ତଲେ ଲାକପୁରୁତି ତଞ୍ଜାଆନେସି □

୮ ଆମ୍ବାଆରି ମାହାପୁରୁଇଁ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ନେହିଁ କାରୁ ମାନଞ୍ଜି ଆଅରି, ଏଞ୍ଜାରାଇଁ ଏଞ୍ଜାସି ଏତିବେଲା ଡ଼ଣ୍ଡ ହୀନେସି □

୯ ଇତିହିଁ, ଆମିନି ଦିନା ଏଞ୍ଜାସି ଜାହାରା ଦାମ୍ଭୁଗାଟାରି ତଲେ ଗାଞ୍ଜୁରମି ବେଟାଆହାଲି ଇଞ୍ଜା ନାମାମାନି ମାହାପୁରୁ ଲକୁ ତାଣ୍ଡାଟି କାବାଆନି ସିନାଲେହିଁ ଆହାଲି ଖାନ୍ନେସି □ ଇତିହିଁ ମୀରୁ ମାମ୍ଭୁ ହୀହାମାଞ୍ଜାନି ସାକିତି ନାମାମାଞ୍ଜେରି □

୧୦ ଏ ଦିନା ଏଞ୍ଜାରି ଡ଼ଣ୍ଡ ବେଟାଆନେରି, ଇତିହିଁ ପ୍ରବୁତି ତାଗେଟି ଇଞ୍ଜା ତାନି ବାଡ଼ୁୟିଗାଟି ଗାଞ୍ଜୁରମିଟି ହେକ ହାଜାନା କାଲ୍‌କାଲ୍‌ ତାକି ନାସା ଆନେରି □

୧୧ ଏଦାଆଁତାକି ମା ମାହାପୁରୁ ଏନିକିଁ ମିଙ୍ଗେ ହାଟାମାଞ୍ଜାନି ଜଗେ ଇଞ୍ଜାନେସି, ଏଦାଆଁତାକି ମାମ୍ଭୁ ଜିକେଏ ବାରେବେଲା ମିଙ୍ଗେତାକି ପ୍ରାଡାନା କିହିମାନମି; ଏନିକିଁ ନାମୁତି ବାରେ କାମା ନେହିଁକିଁ କିହାଲି ଆଡ଼ିଦେରି □

୧୨ ଏଲେଆଡ଼ିହିଁ ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ଲେହିଁ ପ୍ରବୁ

☆ ୧:୧ ୧:୧ କାମା ୧୭:୧

ଜୀସ୍ତୁତି ଦରୁ ମୀ ତାଣା ଗାଝୁରମି ଆନେ, ଅଡ଼େ ମୀରୁ ତାନିତାଣାଟି ଗାଝୁରମି ବେଟାଆଡ଼େରି □

୨

ଲାଗେଏତି ମାଣସି

୧ ତାୟିୟାଁ ଅଡ଼େ ତାଙ୍ଗିସ୍ମାତେରି, ପ୍ରବୁ ଜୀସ୍ତୁ ଜୀସ୍ତୁ ଝେଣ୍ଡେ ଖାନାଣି ଅଡ଼େ ମାର ତାନିତଲେ କୁଡ଼ା ଆନାଣି ତାକି ମିଙ୍ଗେ ବାତିମାଲି ମାଞ୍ଜାନମି □

୨ ପ୍ରବୁତି ଦିନା ଏଗାଝାଡ଼େୟିଏ ଇଞ୍ଜିହିଁ ମୀ ଏନି ଜୀସ୍ତୁ କି ବଲୁ କି ମା ତାଣାଟି ରାସ୍ତକି ଆହାମାନେ ଇଞ୍ଜି ଅଣ୍ଡପାନା ଆମିନି ଆକୁ ତଲେ ଗାଡ଼େକେଏ ଗୁଟା ଆଆଦୁ କି କିଲିବିଲି ଆଆଦୁ □

୩ ଆମ୍ବାଆସି ଏନିକିହିଁ ଜିକେଏ ମିଙ୍ଗେ ନାଡ଼ି କିୟାଆପେସି, ଏନାଆଁତାକି ଇତିହିଁ ମୂଲୁଏ ଦାମ୍ବୁ ବିଡ଼ା ଗଡ଼ହା ଆନେ, ଅଡ଼େ ନାସାକିନି ଦାମ୍ବୁ ହିଲାଆ ମାଣସି ତଞ୍ଜା ଆନାୟି ମାନେ, ଆଆଡ଼ ପ୍ରବୁତି ଦିନା ଖାଏ □

୪ ଇଝାସି ଏ ଦାମ୍ବୁ ହିଲାଆଗାଟି ମାଣସି ପୂଜା ବେଟାଆହମାନି ପେଣକା କି ମାହାପୁରୁ କପାଟି ନିଙ୍ଗିନେସି ଅଡ଼େ ବାରେଡ଼ି କିହାଁ ଜାହାରାଲ୍ଲ ହାରେକା ଗାଝୁରମି କିହାକଡ଼ିନେସି, ଇଲେକିହିଁ ମାହାପୁରୁତି ଇଲୁତା ଜିକେଏ କୁଗାନା ଏଝାସି ନାନୁ ମାହାପୁରୁତେଏଁ ଇନେସି □

୫ ମୀରୁ ଏଦାଆଁ ଅଣ୍ଡପି ହିଲଅଡ଼େରି କି ? ନାନୁ ମୀ ତଲେ ମାଟିବେଲ୍ଲା ମିଙ୍ଗେ ଇ ବାରେ କାତା ଝେସାମାଞ୍ଜାତେଏଁ □

୬ ତୀରିକିହା ମାନି ଦିନା ଏଝାସି ତଞ୍ଜାଆନେସି, ଆଡ଼ିଜିକେଏ ତାନୁ ଖାନାଣି ଏନାୟି ଆକ୍ତିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି □

୭ ଏ ପାପୁତା ତୁରୁମାନି ବାଡ଼ୁୟୁ ନାଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆଙ୍ଗା ମାନାସି ଗୁଟା ଆଆପାତେକା ଖାଏ □

୮ ଏତିବେଲ୍ଲା ଲାଗେଏତି ଜୀସ୍ତୁଗାଟି ମାଣସି ତଞ୍ଜାଆନେସି, ଏଝାଣାଲ୍ଲ ପ୍ରବୁ ଜୀସ୍ତୁ ଗୁତିଟି ହନି ଉକଅଡ଼ି ତଲେ ପାୟିନେସି ଇଞ୍ଜା ତାନୁ ଝେଣ୍ଡେ ଖାନାଟି ତଞ୍ଜାଆନି ଉଜେଡ଼ି ତଲେ ନାସା କିନେସି □

୯ ସୟତାନତି ବାଡ଼ୁୟୁ ହାପକି ଆହାମାନି ଲେହେଁ ବାରେଲେହେଁତି ମିତିତି ବାଡ଼ୁୟୁ, ସିନା ଇଞ୍ଜା କାବାଆନି କାମା, ଅଡ଼େ ନାସା ଆହିମାନି ଲକୁତାଣା ବାରେଲେହେଁତି ଦାମ୍ବୁ ନାଡ଼ି କିନାଆଁ ତଲେ ଲାଗେଏତି ମାଣସି ଖାନେସି,

୧୦ ଇଞ୍ଜା ନାସା ଆନାରାଲ୍ଲ ବାରେଲେହେଁତି ଲାଗେଏ ଗାଟି ନାଡ଼ିକିନି କାମା କିନେସି, ଏନାଆଁତାକି ଇତିହିଁ ଗେଲ୍ପିଆୟାଲି ସାତାତି ଜୀସ୍ତୁ ନଆନା ଅପାଆଗାଟାରି ନାସା ଆନେରି □

୧୧ ଇଦାଆଁତାକି ଏଝାରି ଏନିକିହିଁ ମିତିତାଣି ନାମିନେରି, ଏଦାଆଁତାକି ମାହାପୁରୁ ଏଝାରିତାଣା ନାଡ଼ିକିନି ବାଡ଼ୁୟୁ ପାଣ୍ଡାମାଞ୍ଜାନେସି □

୧୨ ଏନିକିହିଁ ଆମ୍ବାଆରି ସାତାତି ନାମାଆନା ଦାମ୍ବୁ ହିଲାଆଗାଟି ତାଣା ରାହାଁ ଆହାମାନେରି, ଏଝାରି ବାରେଜାଣା ତଣ୍ଡ ବେଟାଆନେରି □

ଗେଲ୍ପିଆୟାଲି ହାଟୁକି ଆହାମାଞ୍ଜେରି

୧୩ ମା ପ୍ରବୁତି ଜୀସ୍ତୁତି ତାୟିୟାଁ ଅଡ଼େ ତାଙ୍ଗିସ୍ମାତେରି, ମିଙ୍ଗେତାକି ବାରେଦିନା ମାହାପୁରୁଲ୍ଲ ଜହରା କିନାୟି ମା କାମା, ଏନାଆଁତାକି ଇତିହିଁ ମାହାପୁରୁ ଜୀସ୍ତୁତି ସୁତୁ ଇଞ୍ଜା ସାତାତି ନାମୁତଲେ ଗେଲ୍ପି ଆହାଲି ମିଙ୍ଗେ ମୂଲୁତି ପାଡ଼େୟିଲେ ବାତି କିହାମାଞ୍ଜାନେସି □

୧୪ ଏଦାଆଁତାକି ଜିକେଏ ଏଝାସି, ମାମ୍ବୁ ଝେକ୍‌ହାମାନି ନେହିଁ କାବୁତଲେ ମା ପ୍ରବୁ ଜୀସ୍ତୁ ଜୀସ୍ତୁ ଗାଝୁରମି ବେଟାଆହାଲି ମିଙ୍ଗେ ହାଟାମାଞ୍ଜାନେସି □

୧୫ ଏଲେଆହିଁଏ ଏ ମା ତାୟିୟାଁ ଅଡ଼େ ତାଙ୍ଗିସ୍ମାତେରି ତୀରିଆହାଁ ମାଞ୍ଜୁ, ଅଡ଼େ ମାମ୍ବୁ ଝେସାତି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣ୍ଡେ ଆସାଁ ମାଞ୍ଜୁ □

୧୬ ମା ପ୍ରବୁ ଜୀସ୍ତୁ ଜୀସ୍ତୁ ତାନୁଏ ଅଡ଼େ ମା ଆବା ମାହାପୁରୁ ଅଡ଼େ ମାଙ୍ଗେ ଜୀସ୍ତୁନହାଁନା ତାନି କାମାଟି କାଲାକାଲାତି ସାସା ଅଡ଼େ ନେହିଁ ବାସୁଁ ହାହାମାଞ୍ଜାନେସି □

୧୭ ଏଝାସି ତାନୁଏ ମୀ ହିୟାଁ ସୁସ୍ତି ହାହାଁ ମିଙ୍ଗେ ବାରେଲେହେଁତି ନେହିଁ କାମା ଇଞ୍ଜା ବଲୁତା ତୀରିକିୟାପେସି □

୩

ମା ତାକି ପ୍ରାତାନା କିଦୁ

୧ ବାରେଡ଼ି ତାୟୁ, ଏ ମା ତାୟିୟାଁ ଅଡ଼େ ତାଙ୍ଗିସ୍ମାତେରି ମାଙ୍ଗେ ତାକି ପ୍ରାତାନା କିଦୁ, ଏନିକିହିଁ ପ୍ରବୁତି ନେହିଁ ବଲୁ ମୀ ତାଣା ଆଡ଼ି ଲେହେଁ ବାରେଝାକି ଝେଙ୍ଗା ହାଜାନା ଗାଝୁରମି ପାଣନେ,

୨ ଅଡ଼େ ଏନିକିହିଁ ମାମ୍ବୁ ବୁଦି ହିଲାଆ ଗାଟାରି ଅଡ଼େ ଦହଗାଟାରି ତାଣାଟି ଗେଲ୍ପି ଆନମି, ଏନାଆଁତାକି ଇତିହିଁ ବାରେ ତାଣା ନେହିଁ ବଲୁ ନାମା ହିଲଅରି □

୩ ସାମା ପ୍ରବୁ ଟିକାଣାତାସି, ଏଝାସି ମିଙ୍ଗେ ତୀରି କିହାନା ଲାଗେଏ ପଲେଏ ତାଣାଟି ଗେଲ୍ପିଆନେସି □

୪ ମାମ୍ବୁ ମିଙ୍ଗେ ଏନିକିହିଁ ହୁକୁମି ହାହିମାଞ୍ଜାନମି, ଏ ବାରେ ମୀରୁ କିହିମାଞ୍ଜେରି, ଅଡ଼େ କିଦେରି,

☆ ୨:୧ ୨:୧ ୧ତେସ ୪:୧୫-୧୭

ଇଦି ମୀ ତାକି ପ୍ରବୁ ତାଣା ମା ଆବୁଝା ନାମୁ ମାନେ
□

୫ ଅଡେ ପ୍ରବୁ ମୀ ହିୟାତି ମାହାପୁରୁତି ଜୀଝୁ
ନନାଣି ଇଞ୍ଜା କ୍ରୀସ୍ତତି ସାସା ବେଟାଆହାଲି
ସାୟେମି କିୟାପେସି □

ବାରେଜାଣା କାମା କିନାୟିମାନେ

୬ ଏ ମା ତାୟିୟା ଅଡେ ତାଙ୍ଗିସ୍ତାତେରି, ମାମୁ
ପ୍ରବୁ ଜୀସୁ କ୍ରୀସ୍ତତି ଦରୁତଲେ ମାମୁ ମିଙ୍ଗେ
ଇ ହୁକୁମି ହାହିମାଞ୍ଜାନମି, ଆମିନି ତାୟି ମା
ତାଣାଟି ଜାପାମାନିଲେହେଁ ମାଣକିତା ମାନାଆନା
ନିସ୍ତା ତଲେ ନୀତିନେସି, ଏଞ୍ଜାଣି ତାଣାଟି ଜାହା
ଜାହାରାଇଁ ଏଟୁକା କିଦୁ □

୭ ଇତିହୁଁ ମାମୁ ଏନିକୁଁ କିହି ମାଚମି
ଏଲେକୁଁ ମାରୁଝା କିନାୟିମାନେ, ଏଦାଆଁ ମାରୁ
ମାରୁଏ ନେହୁଁ କୁଁ ପୁଞ୍ଜାମାଞ୍ଜେରି, ଏନିକୁଁ
ମାମୁ ମୀ ତାଣା ନିସ୍ତା ତଲେ ନୀତି ହିଲାଆତମି □

୮ ମାମୁ ଉଜେଏ ଆମ୍ବାଆରି ରାନ୍ଦା ତିଞ୍ଜି
ହିଲାଆତମି, ସାମା ମିଙ୍ଗେ ବଜୁ ଆଆପେଝା
ଇଞ୍ଜୁଁ ଲାଆଁ ମାଦେନା ଝାହୁରାଡା ଅଡେ
କସ୍ତତଲେ କାମା କିହି ମାଚମି;

୯ ମୀ ତାଣାଟି ଏନାଆଁ ବେଟାଆହାଲି
ମା ଅଦିକାରା ହିଲେଏ, ଏଦି ଆଏ, ସାମା
ଏନିକୁଁ ମାରୁ, ମାମୁ କିହିମାଟିଲେହେଁ କିଦେରି;
ଇଦାଆଁତାକି ମାମୁ ମୀ ନକିତା ଜାହାରାଇଁ ନେହୁଁ
ମାଣକି ତସାଲି ତାକି ଏଲେକିତମି □

୧୦ ଇତିହୁଁ ମୀ ତଲେ ମାମୁ ମାଚାଟି ମିଙ୍ଗେ ଇ
ହୁକୁମି ହିୟାତମି, “ଆମ୍ବାଆସି କାମା କିହାଲି ମନ
କିଅସି, ଏଞ୍ଜାସି ରାନ୍ଦା ଜିକେଏ ତିନାଆପେସି □”

୧୧ ଇତିହୁଁ ମୀ ତାଣା ଏଚେକା ଲକୁ ନିସ୍ତା
ତଲେ ନୀତିମାଞ୍ଜେରି ଇଞ୍ଜା ଏଞ୍ଜାରି ଏନି କାମା
କିଆନା ଉଜେ ଉଜେଏ ଏଟୁକା ଲକୁତି କାତା
ଅଣପିମାନେରି, ଇଞ୍ଜୁଁ ମାମୁ ଝେଞ୍ଜାମାନମି □

୧୨ ଇଲେତାରାଇଁ ନେହୁଁ ଆହୁଁ ନୀତାଲି
ଅଡେ ତାମି ରାନ୍ଦା ତାମୁ ନେହୁଁ ଅଣପୁ ତଲେ
କାମା କିହାଲି, ମାମୁ ଜୀସୁ କ୍ରୀସ୍ତ ଦରୁତଲେ
ସେଡନା ଅଡେ ହୁକୁମି ହାହିମାଞ୍ଜାନମି □

୧୩ ସାମା ଏ ମା ତାୟିୟା ଅଡେ ତାଙ୍ଗିସ୍ତାତେରି
ମାରୁ ନେହୁଁ କାମା କିୟାଲି ଏଚେଲାଝା
ଝାହାଆଦୁ □

୧୪ ଇ ଆକୁତା ମାମୁ ରାଚାମାନାଣି ଆମ୍ବାଆସି
ମାନଝି ଆଅସି, ଏଞ୍ଜାଣାଇଁ ଗୁରି କିଦୁ, ଅଡେ ଏଞ୍ଜାସି
ଏନିକୁଁ ଲାଜା ବେଟା ଆନେସି, ଏଦାଣିତାକି
ଏଞ୍ଜାଣିତଲେ ଆଣ୍ଡାଆଦୁ;

୧୫ ଆଡିଜିକେଏ ଏଞ୍ଜାଣାଇଁ ସାତୁ ଲେହେଁ
ମେହୁଆଦୁ, ସାମା ଏଞ୍ଜାଣାଇଁ ତାୟିଲେହେଁ
ମେସାନା ସେଡନା ହୀଦୁ □

ଆକୁତି ରାପ୍ତନି କାତା

୧୬ ହିଡଡି ଜୀଝୁହୀନି ପ୍ରବୁ ତାନ୍ତୁଏ, ବାରେବେଲା
ଅଡେ ବାରେ ଝାକିଟି ମିଙ୍ଗେ ହିଡଡି ହିୟାପେସି □
ପ୍ରବୁ ମୀ ବାରେଜାଣା ତଲେ ମାନାପେସି □

୧୭ ନାନୁ ପାଝୁଲତେଏଁ, ନା କେୟୁତଲେ ରାଚାନା
ଜୀଝୁତି ଜହରା କିହିମାଞ୍ଜାଇଁ; ନା ବାରେ ଆକୁତା
ନା ସିନା ହୀନି ଲେହେଁ ରାଚିମାଞ୍ଜାଇଁ, ନା ରାଚିନାୟି
ଏଲେତାୟି □

୧୮ ମା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି
ବାରେତେରି ମିଙ୍ଗେ ଆୟାପେ □

ତୀମଥୁକ ନିକଟକୁ ପାଉଲକ ପ୍ରଥମ ପତ୍ର ତିମତି ତାଣା ପାଞ୍ଚୁଲ ରାଚାମାନି ର ଲମ୍ବର ଆକୁ ମୂଲୁ ହାଡ଼ା

ମୂଲୁ ପତି ତିମତି ର ଲମ୍ବର ଆକୁ, ପାଣ୍ଡୁଞ୍ଚିଆତି ପାଞ୍ଚୁଲ ତାଣାଟି ତାନି ସୀସୁ ତିମତିକି ରାସ୍ତକି ଆହାମାନେ □ ଜୀସୁ କ୍ରୀସ୍ତ ଜୀନିଆତି ୨୧-୨୪ ବାର୍ଷା ତାୟୁ ର ଲମ୍ବର ତିମତି ରାସ୍ତକି ଆହାମାଣ୍ଡିନେ □ ଇଦି ପାଞ୍ଚୁଲତି ଜୀସୁ ରାନ୍ତି ବେଲାତା ରାସ୍ତକି ଆହାମାଣ୍ଡିନେ □ ପାଞ୍ଚୁଲ ତିମତି ତଲେ ହାରେକା ଜାଟୁ ମାଚେସି, ଏଞ୍ଜାସି ହାରେକା ଦେବା ତିମତିକି ମୀରଏସି ଇଞ୍ଜି ଇଞ୍ଜା ମାନେସି ପିଲିପି ୨:୨୨; ୧ତିମ ୧:୨, ୧:୧୮ □

ଇଦି ପାଞ୍ଚୁଲ ରାଚାମାନି ସାରିଗଟା ଆକୁ ବିଦ୍ରାତି କୁଲମିତି ପିସାନା ର ମାଣସିକ୍ ଝେସିମାନେ □ ଅଡେ ତାନିଗଟା ଆକୁ ତିମତି ରୀ ଲମ୍ବର ଆକୁ, ତିତସ, ଅଡେ ପିଲିମନ □ ର ଲମ୍ବର ତିମତିତା କୁଲମିତି ହାରେକା ପ୍ରାତାନା କିନି ମେରାତି କାତା ୨:୧-୧୫, କୁଲମିତି କାଜା ଲକୁତି ଜଗେତି କାତା ୩:୧-୧୩ ଅଡେ ମିତି ଜାପ୍ନାରି କାତାତା ଜାଗ୍ରାତା କିନି କାତା ରାସ୍ତକି ଆହାମାନେ ୧:୩-୧୧; ୪:୧-୫; ୬:୨-୫ □ ପାଞ୍ଚୁଲ ତିମତିକି ଏନିକିହିଁ କୁଲମିତି ନେହିଁ ସାଲୁଞ୍ଚି କିନାସି ଆହାଲି ଜାପ୍ନି ମାଚେସି ଏ କାତା ରାସ୍ତକି ଆହାମାନେ □

ତିମତି ର ଲମ୍ବର ଆକୁତା ହାରେକା ପାଣା ପାଟୁୟା ମାନୁ, ଏଞ୍ଚି କୁଲମିତି ସାଲୁଞ୍ଚି କିନାରାକି ନୀଞ୍ଜୁ ଞ୍ଚିଏତି କୁଲମିକାଣି ନେହିଁକିଁ ଜାଡ଼ନୁ କିହାଲି ସାୟେମି କିନୁ □

ପତିତା ମାନାୟି

- ୧ ପାଞ୍ଚୁଲ ତିମତିକି ଜହରା କିହାଁ ମାଟ୍ନାୟି □ ୧:୧-୨
- ୨ ପାଞ୍ଚୁଲ ତିମତିକି ମିତି ଜାପ୍ନାରି କାତାତା ଜାଗ୍ରାତା କିନାୟି □ ୧:୩-୧୧
- ୩ ପାଞ୍ଚୁଲ କ୍ରୀସ୍ତ ତାକି ଏଚେକା ନେହିଁ ତସାମାନେସି ଏଦାଆଁ ଝେସାନା ଆକୁତି ରାଚିନାୟି □ ୧:୧୨-୧୯
- ୪ ପାଞ୍ଚୁଲ ତିମତିକି ପ୍ରାତାନାତି ପାଣାପାଟୁ ଅଡେ ସାଲୁଞ୍ଚି କିନାରି କାତା ଜାପ୍ନାମାନେସି □ ୨-୩
- ୫ ପାଞ୍ଚୁଲ ତିମତିକି ଏଚେକା ତାୟୁତି କାତା ଝେସାନା ଆକୁ ରାଚିନାଣି ରାପ୍ନାୟି □ ୪-୬

୧ ନାନୁ ପାଞ୍ଚୁଲ, ମା ଗେଲପାନି ମାହାପୁରୁ ଅଡେ ବାର୍ଷୁ ହାନି କ୍ରୀସ୍ତ ଜୀସୁ ହୁକୁମି ତଲେ ପାଣ୍ଡୁଞ୍ଚି ଆହାମାନାଚେଏଁ □

୨ *ନାମୁତା ନା ଦାମ୍ବୁତି ଜାଞ୍ଚୁତି ମୀରଏଶାତି ତିମତି; ଆବା ମାହାପୁରୁ ମା ପ୍ରବୁ ଜୀସୁ କ୍ରୀସ୍ତ ତାଣାଟି ଜାଞ୍ଚୁନନାୟି କାର୍ମାମେହନାୟି ଅଡେ ହିଡ଼ି ନିଜେତାକି ଆୟାପେ □

ମିତି ଜାପ୍ନାରି ତାଣାଟି ଜାଗ୍ରାତା

୩ ନାନୁ ମାକିଦନିୟାତା ହାଜିମାଚାଟି ମିଜେ ଝେସାମାଞ୍ଜାତି ଲେହେଁ, ନାନୁ ଏପିସିୟ ଗାଡ଼ାତା ଡୟାମୁ ଏମାଆଁ ଏଚରଜାଣା ଲାଗେଏତି କାତା ଜାପ୍ନିମାନେରି ଏମାଟି ଏଞ୍ଜାରାକି କାହି କିମୁ,

୪ କହୁୟା ଇଞ୍ଜା ରାଆଗାଟି ଆକୁ ଆବାୟା ଦରକାଣି ଆହାପେରି ଇଞ୍ଜି ଏଞ୍ଜାରାକି ଝେହମୁ, ଏ ବାରେ ନାନୁ ତାକି ମାହାପୁରୁତି କାମାତାକି ଆଆନା ସାମା ବାଡ଼ିବାଦା କିଞ୍ଚିକିନେ □

୫ ସୁବୁ ହିୟା, ନେହିଁ ଅଣ୍ଡୁ ଅଡେ କୁଟୁ ହିଲାଆ ନାମୁଟି ହତିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନୁ ଇ ହୁକୁମି ହାହିମାଞ୍ଜାକି □

୬ ଏଚରଜାଣା ଇ ବାରେ କାତାଟି ବାଣା ଆହାନା ଉଜେଏତି କାତା ଆସାନା ଏଟକା ଜିରୁ ହାଜିମାନେରି;

୭ ଏଞ୍ଜାରି ମେରା ଜାପ୍ନାତମି ଇଞ୍ଜି ଅଣ୍ଡିନେରି, ସାମା ଏଞ୍ଜାରି ଏନାଆଁ ଝେହନେରି, ଅଡେ ଏନାଆଁ ଜାଣ୍ଡେନାଜା ଜାପ୍ନେରି, ଏଦାଆଁ ତାମ୍ବୁ ତେଲହଅରି □

୮ ମାମ୍ବୁ ପୁଞ୍ଜାମାନମି; ମେରାତି ନେହିଁକିଁ ଲେନ୍ସିସାରେ, ଏଦି ନେହେଁ □

୯ ସାମା ମେରା ଦାମ୍ବୁଗାଟି ଲକୁତାକି କିଞ୍ଚିଆଆନା, ଜାହାରା ମନ୍, ଅଡେ ମାନଞ୍ଚି ଆଆଗାଟାରି, ଦାମ୍ବୁ ହିଲାଆ ଗାଟାରି, ଅଡେ ପାପୁ ଗାଟାରି, ଲାଗେଏତାରି, ଦାମ୍ବୁଟି ନାମାଆଗାଟାରି, ତାଲି ତାଞ୍ଜିକି ପାୟିନାରି, ଲକୁଣି ପାୟିନାରି,

୧୦ ଦାରି କିନାରି, ଆବା ଆବାୟା ଦହୁ କିଞ୍ଚିଆନାରି, ଲକୁଣି ପାରନାରି, ମିତି ସାକି ହୀନାରି, ଅଡେ ମିତି କାତାତାକି ପାରମାଣା କିନାରାକି, ଅଡେ ଆମାଆରି ନେହିଁ ଜାପ୍ନାଣି, ତାକି ନିଜିନେରି, ଏଦାଆଁତାକି ମେରା ମାନଞ୍ଚି ଆଆଗାଟାରାକି ହୀପକି ଆହାମାନେ,

୧୧ ଇଦି ନା ତାଣା ହେରପି ଆହାମାନାୟି ହାରେକା ନେହେଁ ମାହାପୁରୁତି ଗାଞ୍ଚୁରମିଗାଟି ନେହିଁ କାରୁତି ଜାପ୍ନି ଲେହେଁ ଆନେ □

ମାହାପୁରୁତି କାର୍ମା ତାକି ଜହରା

୧୨ ନାଜେ କାମାତା ବାଡ଼ୁୟୁ ହାହାମାଞ୍ଜାନି ମା ପ୍ରବୁ କ୍ରୀସ୍ତ ଜୀସୁକି ଜହରା କିହିମାକି, ଏନାଆଁତାକି

* ୧:୨ ୧:୨ କାମା ୧୭:୧

ଇଚିହ୍ନ ନାଲେ ଏଞ୍ଜି ସି ମାନିଗାଗାତି ଇଞ୍ଜି ଅଣପାନା ସେବା କାମା ହେରପା ମାଞ୍ଜାନେସି □

୧୩ ✨ଆଡ଼ିଜିକେଏ ତଲି ନାନୁ ଜୀସୁଇଁ ନିନ୍ଦା କିନାତେଏଁ, ତଣ୍ଡ ହୀନାତେଏଁ, ଅଡ଼େ ଲାଗେଏ କିନାତେଏଁ ମାଚେଏଁ; ସାମା ନାନୁ ନାମା ହିଲାଆତାକି ବୁଦି ହିଲାଆଲେହେଁ ଏଦାଆଁ କିହିମାଚେଏଁ ଇଞ୍ଜି କାର୍ମା ବେଟାଆଡ଼େଏଁ;

୧୪ ଅଡ଼େ ମା ପ୍ରବୁତି କାର୍ମା କ୍ରୀସୁ ଜୀସୁ ତାଣାଟି ନାମୁ ଅଡ଼େ ଜୀଞ୍ଜୁ ନନି ତାଣାଟି ନାଲେତାକି ହାରେକା ଆୟାତେ □

୧୫ ପାପୁ ଗାଟାରାଇଁ ଗେଲପାଲିତାକି କ୍ରୀସୁ ଜୀସୁ ଦାରତିତା ଖାଡ଼େସି, ଇ ବଲୁ ସାତା ଅଡ଼େ ବାରେଖାକି ଆବିନାୟି ଅଡ଼େ ନାମିନାୟି; ଏ ପାପୁ ଗାଟାରି ବିତ୍ରାଟି ନାନୁ ବାରେକିହାଁ କାଜା ପାପୁ ଗାଟାତେଏଁ

୧୬ ଆଡ଼ିଜିକେଏ ଆମିନି ଗାଟାରି ଖାହିମାନି ଦିନାତା କାଲାକାଲାତି ଜୀଞ୍ଜୁ ବେଟାଆହାଲି ଜୀସୁ କ୍ରୀସୁ ତାଣା ନାମିନେରି, ଏଞ୍ଜାରି ନକିତା ତସପି ଆହାଲି ନାନୁ ର କାଜା ପାପୁ ଗାଟାତେଏଁ, ନା ତାଣା ଏଞ୍ଜାସି ଏନିକିଁ ତାନି କାଲେଏତି ଅର୍ହନାଣି ତହୁନେସି ଏଦାଆଁତାକି ନାନୁ କାର୍ମା ବେଟା ଆଡ଼େଏଁ □

୧୭ ଏଚେଲାଞ୍ଜା ନାସା ଆଆଗାଟାୟି ଇଞ୍ଜା ତଞ୍ଜାଆଆଗାଟି ରଣ୍ଡିଏ ମାହାପୁରୁ ଆମାଆସି କାଲାକାଲାତି ରାଜା ଏଞ୍ଜାଣାକି ମାନି ଅଡ଼େ ଗାଞ୍ଜୁରମି କାଲାକାଲା ତାକି ଆପେ □ ଆମେନ

୧୮ ତିମତି, ନା ମାର୍‌ଏଣାତି, ନିଲେତାକି ତଲି ଖେସିମାଞ୍ଜାତି ଲେହେଁ ନାନୁ ନିଲେ ଇ ହୁକୁମି ହାହିମାଞ୍ଜାଇଁ, ଏନିକିଁ ନାନୁ ଇ ବାରେ କାତାତଲେ ନେହଁ ଜୁଜୁ କିହାଲି ଆଡ଼ିଦି □

୧୯ ଦାର୍ମୁ ଅଡ଼େ ନାମୁ ନେହଁ ଅଣ୍ଡୁ ଆହମ୍; ଏଦାଆଁ ପିସା ମାନାକି ଏଚରଜାଣାତି ନାମୁ ଲେହେଁତି ଜାଜା ତୀହା ହାଜାମାନେ,

୨୦ ଏଞ୍ଜାରି ବିତ୍ରାଟି ହୁମନାୟ, ଅଡ଼େ ଆଲେକଜାଣ୍ଡାର ମାନେରି, ଏଦାଆଁତାକି ନାନୁ ଏଞ୍ଜାରାଇଁ ସୟତାନ କେୟୁତା ହେରପିତେଏଁ, ଏନିକିଁ ଇ ରିଆରି ପାଣା ବେଟାଆହାନା ମାହାପୁରୁଇଁ ନିନ୍ଦା କିଅରି □

୨

କୁଲମିତା ପାଣାପାପୁ

୧ ଇଦାଆଁତାକି ନା ବାଡ଼ିମାଲିନାୟି ମାହାପୁରୁଇଁ ଜହରା କିନି ବେଲାତା, ଦେସାତି ପାଣାଗାଟାରି,

୨ ଏଦାଆଁତାକି ବାରେ ଲକୁତାକି ରାଜାୟା ସାଲୁଞ୍ଜି କିନାରି, ବାରେତାକି ପ୍ରାଡାନା, ଗହାରା

ଅଡ଼େ ଜହରା କିଦୁ, ମାର ଏନିକିଁ ମାହାପୁରୁ ଆଜିତଲେ କିଲିବିଲି ଆଆନା ତୁୟିନାୟି ଅଡ଼େ ଏଟକା ଲକୁ ତାଣା ନେହଁ ମାଣକି ମାଞ୍ଜାନା ସୁକୁ ଅଡ଼େ ହିଡ଼ି ତଲେ ନୀତାଲି ଆଡ଼ିନାୟି □

୩ ଇଲେତି ପ୍ରାଡାନା ମା ଗେଲପାମି ମାହାପୁରୁ ନକିତା ଲଡ଼ା ଆନାୟି ଅଡ଼େ ଅପିନାୟି ଆନେ □

୪ ବାରେଜାଣା ଏନିକିଁ ଗେଲପିଆନାଣି ଅଡ଼େ ସାତାତି ବୁଦି ବେଟାଆନେରି ଇଞ୍ଜି ଏଞ୍ଜାସି ଅଣ୍ଡି ମାନେସି □

୫ ଇଚିହ୍ନ ରଣ୍ଡିଏ ମାହାପୁରୁ ମାନେସି, ଅଡ଼େ ମାହାପୁରୁ ଇଞ୍ଜା ମାଣ୍ଡିୟା, ମାଦିତି ମାଣ୍ଡି ରଅସିଏ ମାନେସି, ଏଞ୍ଜାସି ଜୀସୁ କ୍ରୀସୁ, ର ମାଣ୍ଡି □

୬ ଏଞ୍ଜାସି ମାଣ୍ଡିଇଁ ଗେଲପାଲିତାକି ତାନୁଏ ହେରପି ଆଡ଼େସି, ଇଦାଆଁତାକି ସମାନା ବେଲାତା ତଞ୍ଜାଆହାନା, ମାହାପୁରୁ ବାରେ ମାଣ୍ଡିୟାଈଁ ଗେଲପାଲି ଅଣ୍ଡି ମାନେସି ଇଦାଆଁ ସାକି ହାହାମାନେସି □

୭ ✨ଏଦାଆଁତାକି ନାନୁ ର ନେହଁ କାରୁ ଖେକନାତେଏଁ, ପାଣୁଞ୍ଜି ଆହାମାନାତେଏଁ, ଇଞ୍ଜା ନାମୁ ଅଡ଼େ ସାତାତା ଏଟକା କୃତାତି ଲକୁ ତାଣା ଜାପୁନାତେଏଁ ଆୟାଲି ମାହାପୁରୁ ନାଲେ ଆଡ଼ାମାଞ୍ଜାତେସି, ନାନୁ ସାତା ଖେସିମାଞ୍ଜାଇଁ ନାନୁ ମିତି ଖେସିମାଞ୍ଜାଅଁ □

୮ ଏଦାଆଁତାକି ନା ଅଣ୍ଡୁ ବାରେଜାଣା ଆବାୟାଁ କୃତା ଆନାଟି, ସୁଦୁ ଅଣ୍ଡୁ ତଲେ କେସ୍ତା ପେରହାନା, କପା ଇଞ୍ଜା ତାହାରା ଆଆନା, ପ୍ରାଡାନା କିପାରି □

୯ ✨ଏଲେକିହଁଏ ଇୟାସିକା ଜିକେଏ ତାୟୁଁ ଅଜି କିହାନା, ଅଡ଼େ ବାଂଗାରା ସାଜୁ ତୁରଆନା, କି ଦାରାଗାଟି ହିମ୍ବୁରିକା ତଲେ ତାମ୍ବୁତାମ୍ବୁଜେ ଅଜି କିହାକତାଆନା, ମାନି ଅଡ଼େ ନେହଁ ବୁଦିତଲେ ଉଣା ଦାରାତି ହିମ୍ବୁରିକା ହୁତାନା,

୧୦ ଦାର୍ମୁଗାଟି ଇୟାସିକା ରାହାଁ ଅଣ୍ଡୁଟି ନେହଁ କାମାତି ଅଜୁତା ତାମ୍ବୁତାମ୍ବୁଜେ ଅଜି କିହା କତାପୁ □

୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍ଡୁ ତଲେ ଜାପାପୁ □

୧୨ ନାନୁ ଇୟାସିକାଣି ଜାପୁହାଲି କି ଆବାୟାଁ ମୁହେଁ ସାଲୁଞ୍ଜି କିହାଲି ହେଲ ହାହି ହିଲଅଁ, ସାମା ଏଞ୍ଜି ପାଲେଏ ମାନାପୁ □

୧୩ ଏନିଇଚିହ୍ନ ମାହାପୁରୁ ନଟକେଏ ଆଦମଇଁ ଗାଡ଼ିକିତେସି ଅଡ଼େ ତାୟୁ ହବାଇଁ

୧୪ ଅଡ଼େ ଆଦମ ନାଡ଼ିକିଞ୍ଜି ଆହା ହିଲାଆତେସି, ସାମା ଇୟା ନାଡ଼ିକିଞ୍ଜି ଆହାନା ମାହାପୁରୁଟି ମେରାଟି ଦହ ଗାଟାୟି ଆଡ଼େ;

୧୫ ସାମା ଇୟସିକା ତାମଜେ ଉଣା କିହାଁ କତାନା ନାମୁତଲେ ଜୀଝୁ ନଝିଆହାନା, ସୁଦୁଜୀଝୁ ତଲେ ମାଞ୍ଜାନା କକାରି ପଦାଁ ଜାନ କିହାନା ଗେଲ୍ପି ଆନୁ □

୩

କୁଲମିତି କାଜାରି

୧ ଇ କାତା ସାତା, ଆମ୍ବାଆସି କ୍ରୀସ୍ତାନା କୁଲମିତା ଜାତନ୍ କିନି ପାଣା ବେଟାଆହାଲି ଅଣ୍ଡିମାଟିସାରେ, ଏଝାସି ନେହଁ କାମା କିଇଁ ଇଞ୍ଜି ଅଣ୍ଡିନେସି □

୨ ଇଦାଆଁତାକି କୁଲମିତି କାଜାସି ଦହ୍ ହିଲାଆଗାଟାସି ଆନାୟି ମାନେ, ରଣିଏ ତକ୍ତିନି ତକ୍ରା, ଚିକାଣାତାସି, ନେହଁ ଅଣ୍ଡିପୁ ଗାଟାସି, ପୁନାଆତି ଗତାୟିଣି ସେବା କିନାସି, ଅଡ଼େ ନେହଁ କିଇଁ ଜାପ୍ନାସି ଆନାୟି ମାନେ □

୩ ଅଡ଼େ କାଡ଼ୁ ଗହନାସି କି ଗଡ଼ହା କିନାସି ଆଆନା, ସୁଦୁ ସୁଝାଲା, କପା ଇଟାଆଗାଟାସି, ଅଡ଼େ ଦନ ଜୁପକା ଗାଟାସି ଆଆୟି ମାନେ,

୪ ଏଝାସି ତାନି ଇଲୁ କୁଟମିତି ନେହଁ କିଇଁ ସାଲଝି କିନାସି, ଅଡ଼େ କକାରି ପଦାଁଣି ତୀରପୁତଲେ ଜାତନ୍ କିନାୟିମାନେ □

୫ ଆମ୍ବାଆସି ତାନି ଇଲୁ କୁଟମିତି ନେହଁ କିଇଁ ଜାତନ୍ କିହାଲି ଆଡ଼ଅସି, ଏଝାସି ଏନିକିଁ ମାହାପୁରୁ କୁଲମିତି ଜାତନ୍ କିନେସି ?

୬ ଏଝାସି ପୁଝନି ନାମିତାସି ଆଆୟି ମାନେ, ଇତିହଁ ଏଡ଼େତା ପାଟେ ନାନୁ କାଜାତେଏଁ ଇଞ୍ଜି ବଡ଼ପଣ ଆହାନା, ସୟତାନ ତଣ୍ଡ ପାଣିଲେହେଁ ତଣ୍ଡ ବେଟା ଆନେସି □

୭ ଅଡ଼େ ଏଝାସି ନାମାଆଗାଟାରି ତାଣାଟି ଜିକେଏ ମାନ୍ତି ବେଟାଆନାୟି ମାନେ, ଆଆତଲୁ ଲାଜା ବେଟାଆହାନା ସୟତାନ ପାନ୍ଦାତା ହେରନେସି □

କୁଲମିତି ସାୟେମି କିନାରି

୮ ଏଲେକିହଁଏ କୁଲମିତି ସେବା କିନାରି ନେହଁ ଅଣ୍ଡିପୁ ତଲେ ନାମୁତା ତରୁମାନାଣି ଆସାନା ତୀରିତଲେ ମାଞ୍ଜାନା ନାଡ଼ି କିନାସି ଆଆପେସି,

୯ କାଡ଼ୁ ଗସିହଁ ତୟିନାସି, ଉଜେଏତି ଦନତି ଜୁପକା ଆଆୟି ମାନେ

୧୦ ଏଝାରି ସେବା ପାଣା ପୁଝଆ ନକେଏ ଏଝାରି ତାୟିପାରି କିଝିଆପାରି, ଅଡ଼େ ଏଝାରିତାଣା ଏନି ଦହ୍ ତଞ୍ଜା ଆଆତିହଁ, କୁଲମିତି ସାୟେମି କିନାରି ଆଡ଼ପେରି □

୧୧ ଏଲେକିହଁଏ ଏଝାରି ତକ୍ତିସିକା ଜିକେଏ ନେହଁ ଗୁଣୁ ଗାଟାଲ* ଆହାନା ସାକ୍ତି

ହିଲାଆଗାଟାଲ ଆହାନା ତୀରପୁ, ପାଲେଏ ମାଞ୍ଜାନା ବାରେ କାମା ଚିକାଣା ତଲେ କିପୁ □

୧୨ ସେବା କିନାରି ରଣିଏ ତକ୍ତିତା ତକ୍ରା ଆଡ଼ପେରି, ଅଡ଼େ ଏଝାରି ତାନି କକାରି ପଦାୟିଣି ଅଡ଼େ ତାନି ଇଲୁ କୁଟମିତି ନେହଁ କିଇଁ ସାଲଝି କିପେରି □

୧୩ ଇତିହଁ ଆମିନି ଗାଟାରି ନେହଁ କିଇଁ ସେବା କାମା କିହାମାନେରି, ଏଝାରି କୁଲମିତା ମାନ୍ତିଗାଟାରି ଇଞ୍ଜି ଝେଜିନେରି ଅଡ଼େ କ୍ରୀସ୍ତ ଜୀସୁ ତାଣା ନାମୁତା ହାରେକା ସାସା ବେଟାଆନେରି □

ତରୁମାନି କାଜା କାତା

୧୪ ଇ ଆକୁ ରାଡ଼ିନି ବେଲାତା, ନାନୁ ନୀ ତାଣା ତବେ ଝାହାଲି ଆସା କିହିମାଲ୍;

୧୫ ସାମା ନା ଝାନାୟି ଝେଡ଼ା ଆତିହଁ, ମାହାପୁରୁ ଇଲୁ କୁଟମିତା ଇତିହଁ ସାତାତି ମୁଣ୍ଡା ଅଡ଼େ ପୁନାଦି ଲେହେଁ ଜୀଝୁତି ମାହାପୁରୁ କୁଲମିତା, ଏନି ମାଣକିତା ମାନାୟି ମାନେ, ଏଦାଆଁ ନାନୁ ଏନିକିଁ ପୁଞ୍ଜାଲି ଆଡ଼ିଦି, ଇଦାଆଁତାକି ଇ ବାରେ କାତା ନାନୁ ରାଡ଼ିମାଞ୍ଜାଲ୍ □

୧୬ ମାହାପୁରୁ ଦାମ୍ବୁତି ବାରେ କାତା ହାରେକା କାଜାୟି, ଇଦାଆଁ ବାରେ ଲକୁ ଝେକ୍ନେରି □ ଏଡ଼ି ଇଦି,

କ୍ରୀସ୍ତ ମାଣ୍ଡି ଝାଣା ଆହାନା ତଞ୍ଜାଆଡ଼େସି, ସୁଦୁଜୀଝୁତା ଦାମ୍ବୁଗାଟାସି ଇଞ୍ଜି ଝେଜିତେସି,

ଦୁଦୁୟା ତଲେ ତଞ୍ଜାଆଡ଼େସି, ଏଟକା ଲକୁତାଣା ଝେଜିତେସି,

ଦାଡ଼ିତା ନାମୁଗାଟାସି ଆଡ଼େସି, ଇଞ୍ଜି ମାହାପୁରୁ ଗାଝୁରମି ତଲେ ଲାକପୁରୁ ଅଝିଆଡ଼େସି □

୪

ମିତି ଜାପ୍ନାରି

୧ ସୁଦୁଜୀଝୁ ତୀରିତଲେ ଝେସିମାଞ୍ଜାନେ, ଜୁଗୁ ରାନ୍ତି ବେଲାତା ଏଡ଼େକା ଲକୁ ଲାଗେଏତି ନାଡ଼ିକିନି ଜାପ୍ନି ତାଣାଟି କୁଲମିତି ନାମୁଟି ହେକ ଆନେରି,

୨ ଏଝାରି ଏତରଜାଣା ନାଡ଼ିକିନାରି, ଏଝାରି ଅଣ୍ଡିପୁ ହାଡ଼ାୟି,

୩ ଏଝାରି ବୀହା କିନାୟି ଅଡ଼େ ଏନି ଏନି କାଦି ତିନାୟି ଇଞ୍ଜି ନେହେଁ ଆଏ ଇଞ୍ଜିମାନେରି □ ସାମା ଆମିନି କ୍ରୀସ୍ତଲ୍ ନାମିତି ଲକୁ ସାତାତି ପୁଞ୍ଜାମାନେରି, ଏଝାରି ମାହାପୁରୁ ଗାଡ଼ିକିତି ବାରେ କାଦି ତାକି ଏଝାଣାଲ୍ ଜହରା କିହାନା ଏଡ଼ି ନେହାୟି ଇଞ୍ଜି ତିଞ୍ଜାଲି ଆଡ଼ିନେରି □

* ୩:୧୧ ୩:୧୧ ଇୟସିକା ସେବା କିନାଲ † ୩:୧୨ ୩:୧୨ ରଣିଏ ବୀହା ତକ୍ତି

୪ ଇତିହାସ ମାହାପୁରୁ ଗାଡ଼ିକିତି ଆସ୍ତି ବାରେ
ନେହାୟି, ଇଞ୍ଜା ମାହାପୁରୁଇଁ ଜହରା କିତିସାରେ
ଏନାୟି ଜିକେଏ ତିନାଆଗାଟାୟି ଆଏ ।

୫ ଏନାଆଁତାକି ଇତିହାସ ମାହାପୁରୁତି ବଲୁ ଅଡ଼େ
ପ୍ରାତାନା ତଲେ ଏଦାଆଁ ସୁଦୁ କିଝିଆରେ ।

ଜୀସୁ ଜୀସୁତି ନେହାସ ସେବା କିନାସି

୬ ଇ ବାରେ କାତା ମୀରୁ ତାୟି ତାଜିଇଁ
ଜାପୁହିସାରେ ଜୀସୁ ଜୀସୁତି ର ନେହାସ ସେବା
କିନାତେରି ଆଦେରି, ଇଞ୍ଜା ମୀରୁ ଆମିନି ନାମୁ
ଅଡ଼େ ନେହାସ କାତା ଆସାମାଞ୍ଜେରି, ଏଲେତି ବଲୁ
ତଲେ ପାତା ଆଦେରି;

୭ ସାମା ଉଦେଏ ଝେହନି କାତାୟାଁ ଝେନାଆନି,
ମାହାପୁରୁଇଁ ଆଜାନା ନୀତାମାଞ୍ଜାଲି ଜାପାମୁ,

୮ ଇତିହାସ ଆଜାପତି ପାତି କିନାୟି ଗାଡ଼େକା
ତାକି ଲାବା ଆନେ, ସାମା ମାହାପୁରୁଇଁ ଆଜିନାୟି
ଇ କାଲାତା ଅଡ଼େ ଝାହିମାନି କାଲାତି ଜୀସୁତାକି
ମାହାପୁରୁ ଆଞ୍ଜାମାନି ଲାବାଗାଟାୟି ଆନେ ।

୯ ଇ କାତା ନାମିନାୟି ଅଡ଼େ ବାରେ ଲକୁ
ଅପିନାୟି ।

୧୦ ଇଦାଆଁତାକି ମୀରୁ ମନ ହୀହାନା ଝାହୁ ତଲେ
ଜୀସୁ ତୁସାନା କାମା କିହିମାନାୟି, ଏନାଆଁତାକି
ଇତିହାସ ଆମିନି ଜୀସୁଗାଟି ମାହାପୁରୁ ବାରେ
ମାଣ୍ଡସିଇଁ ଇତିହାସ ନାମିନାରାଇଁ ଗେଲପିନାସି,
ତାନି ତାଣା ମା ବାର୍ସୁ ମାନେ ।

୧୧ ନୀନୁ ଇ ବାରେ କାତା ହୁକୁମି ହୀହାନା
ଜାପୁମୁ ।

୧୨ ନୀ ଦାଂଗଣା ବେଲାତି ଆମ୍ବାଆସି ହୀଣି
କିୟାଆପେସି, ସାମା ନୀ କାତାତା, ନୀ ଲେମ୍ବିନି
ତାଣା, ନୀ ଜୀସୁ ନନି ତାଣା, ନୀ ନାମୁତା, ଇଞ୍ଜା
ନୀ ସୁଦୁତା, ନାମିନାରାକି ନୀନୁ ନେହାସ ତହନାତି
ଆମୁ ।

୧୩ ନୀନୁ ନୀ ତାଣା ଝାଆ ପାତେକା ନୀନୁ ଦାମ୍ବୁ
ପତିଇଁ ପଡ଼ି ଆହାନା, ମାହାପୁରୁ କାତା ଝେକମ୍ବୁ,
ଇଞ୍ଜା ଜାପୁନି ତାଣା ମନ ହୀହାନା ମାନାମୁ ।

୧୪ ମାହାପୁରୁ ବଲୁ ଝେକହା ମାଞ୍ଜାନି କୁଲମିତି
କାଜାରି ନୀ ତାୟି ତୁ କେସ୍ତା ଇଗନା ନିଜେ
କାର୍ମାତି ଦାନା ହୀହାମାଞ୍ଜାନେରି, ଏଦାଆଁ ହେଲ
କିଆନି ।

୧୫ ନୀ ପାତା ଆହିମାନାୟି ଏନିକି ବାରେ
ଲକୁ ନକିତା ତଞ୍ଜାଆନେ, ଏଦାଆଁତାକି ଇ ବାରେ
କାତାତା ମନ ହୀହାନା ଏ ବାରେ କିହେମାନାମୁ ।

୧୬ ନିଜା ତାକି ଅଡ଼େ ନୀ ଜାପୁନାଣି ତାକି
ଜାଗ୍ରାତା ଆମୁ, ଇ ବାରେ କାମା କିହି
ମାନାମୁ, ଇତିହାସ ଏଦାଆଁ କିତିସାରେ ନୀନୁ ନୀ
ଗେଲପିନାଣି ଅଡ଼େ ନୀ କାତା ଝେଞ୍ଜି ମାନାରାଇଁ
ଜିକେଏ ଗେଲପିଦି ।



ନାମିନି ଲକୁତି ଦାୟିପତି

୧ ବୁଡ଼ହା ଲକୁଣି ଲାଗାଆନି, ସାମା ଏଞ୍ଜାଣାଇଁ
ଆବା ଇଞ୍ଜା ଅଣ୍ପାନା ଲେମ୍ବାମୁ; ଅଡ଼େ ଦାଂଗଣା
କକାରାଇଁ ତାୟିଲେହେଁ ମେହମୁ,

୨ ବୁଡ଼ହି ଇୟାସିକାଣି ତାଲି ଇଞ୍ଜିହା ଅଡ଼େ
ଡ଼ାଆସିକାଣି ସୁଦୁ ମନତଲେ ତାଜିସ୍ତା ଇଞ୍ଜିହା
ଅଣ୍ପାନା ଏଲେକି ସିନିକିମୁ ।

୩ ଏନାଆଁ ହିଲାଆଗାଟି ରାଣ୍ଡେଣି ଇୟାସିକାଣି
ମାନି କିମୁ ।

୪ ସାମା ଆମିନି ରାଣ୍ଡେଣି ଇୟା କି ମୀରୁକା
ମାସ୍ତାକି ତାଜା ମୀରୁକା ମାସ୍ତା ମାଟିହା, ଏଝି
ନକେଏ ତାମି ଇଲୁ କୁଟମି ତାରାଇଁ ମାନି କିହାଲି
ଲକ୍ନାୟି ମାନେ, ତାଲି ତାଞ୍ଜିଇଁ ନେହାସ କିହାଲି
ଜାପାପୁ; ଏନିଇତିହା ଇଦି ମାହାପୁରୁ ନକିତା
ନେହାୟି ।

୫ ଆମିନି ରାଣ୍ଡେଣି ଇୟା ରଣ୍ଡିଏ ମାନେ ଅଡ଼େ
ଆମ୍ବାଆରି ଜାତନୁ ଅନାରି ହିଲଅରି ଏଝି ମାହାପୁରୁ
ତାଣା ବାର୍ସୁ ଇଗନା ଲାଆଁ ମାଦେନା ବାତିମାଲିହା
କାଲେଏ ପ୍ରାତାନା କିପୁ;

୬ ସାମା ଆମ୍ବାଆୟି ଆଜାପତି ରାହାଁତା ମୁଞ୍ଜାନା
ଡ଼ୟିନି ରାଣ୍ଡେଣିସିକା ଏଝି ଜୀସୁତଲେ ମାଟିହା
ଜିକେଏ ହାଡ଼ି ଲେହେଁତାଇଁ ।

୭ ଏଝି ଏନିକି ଦହ ହିଲାଆଗାଟାଇଁ ଆନୁ,
ଇଦାଆଁତାକି ଇ ବାରେ କାତା ଜିକେଏ ଜାପୁମୁ ।

୮ ସାମା ଆମ୍ବାଆସି ତାନି ପାଡ଼ିତି ଲକୁ ଅଡ଼େ
ତାମି ଇଲୁ କୁଟମିତି ଲକୁଣି କେରଅସି, ଏଞ୍ଜାସି
ନାମୁତି କାତାଇଁ ଆବାହିଲଅସି, ଇଞ୍ଜା ଏଞ୍ଜାସି
ନାମାଆଗାଟାଣି କିହାଁ ହାରେକା ଲାଗେଏ ଆନେସି ।

୯ ଆମିନି ରାଣ୍ଡେଣି ତାନିକଡ଼ି ବାର୍ଯାଟିଏ ଡ଼ଣା
ଆଏ, ଅଡ଼େ ରଣ୍ଡିଏ ତକ୍ରାଇଁ ବାହା ଆହାମାନେ,
ଏଞ୍ଜାସିକା ଦରୁ ରାଟାମୁ,

୧୦ ଅଡ଼େ ନେହାସ କାମାତାକି ଝେଙ୍ଗାମାନେ,
ଅଡ଼େ ଏଦି ମୀରୁକା ମାସ୍ତାକାଣି ପହିପାତି କିହାନା,
ପାଡ଼ିତି ଗତାୟାଣି ସେବା କିହିମାନେ, ମାହାପୁରୁ
ଲକୁତି କତାୟାଁ ନରହା ମାନେ, ଦୁକୁ ଗାଟାରାଇଁ
ଦୁକୁ ତୁକ୍ତହିମାନେ, ଅଡ଼େ ବାରେ ନେହାସ କାମା
କିହାଲି ରାହାଁ ଆହିମାନେ, ଆତିହାସ ଏଦାନି ଦରୁ
ରାଣ୍ଡେଣିସିକା ଆକୁତା ରାସ୍ତା ଆପେ ।

୧୧ ସାମା ଡ଼ାଆ ରାଣ୍ଡେଣିସିକା ଦରୁ ରାଟାଆନି,
ଇତିହାସ ଏଝି ଆଜାପତି ରାହାଁତା ଜୁପକା ଆହାନା
ଜୀସୁ ତାଣାଟି ଏଟକା ଆହାନା ବାହା ଆୟାଲି ମନ
କିନୁ;

୧୨ ଏଝି ତାମି ତଲିତି ଆଞ୍ଜାମାଟାଣି ମାନି
କିହାହିଲାଆକି, ଡ଼ଣୁ ଗାଟାଇଁ ଆନୁ,

୧୩ ଅତେ ଜିକେଏ ଏଢ଼ି ଇଲୁତାକି ଇଲୁ ରେଜିହ୍ ନିସ୍ତା ଆହାଲି ଜାପନ୍, ଅତେ ଖାର୍ଜ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍ପନିକା, ଅତେ ସାକ୍ତି ଜଲ୍ଲାଲି ଜାପାନା ଉଜେ ଉଜେଏତି ଲଡ଼ାହିଲାଆ କାତାୟା ବାସ୍ ଆନୁ □

୧୪ ଇଦାଆଁତାକି ନା ଅଶ୍ପୁ ଡାଆ ରାଶ୍ଟ୍ରେଣିସିକା ବାହା ଆପୁ, କକାରି ପଦା ଆପୁ, ଇଲୁ କୁଟନିତି ଲେମ୍ବାପୁ, ଇଞ୍ଜା ନିନ୍ଦା କିହାଲି ସାତୁୟାକି ଏନି ପାରୁ ହୀଆପୁ;

୧୫ ଇତିହ୍ ନାଏ ଜିକେଏ ଆମ୍ବା ଆମ୍ବାଆୟି କ୍ରାସ୍ତ ତାଣାଟି ହେକ ଆହାନା ସୟତାନତି ଜେଟ ହାଜାମାନୁ □

୧୬ ଅତେ ଆମିନି ନାମାମାନି ଇୟାସିକା ଇଜ ରାଶ୍ଟ୍ରେଣିସିକା ମାତିହ୍, ଆତିହ୍ ଏଢ଼ି ଏଞ୍ଜାସିକା ଜାତନ୍ ଅପୁ, ଅତେ କୁଲ୍ଲମିତାକି ବଜୁ କିଆପୁ, ଏନିକ୍ କୁଲ୍ଲମି ଏନାଆଁ ହିଲାଆଗାଟି ରାଶ୍ଟ୍ରେଣିସିକାଣି ଜାତନ୍ ଅନେ □

୧୭ ଆମିନି ପ୍ରାତିନାଜା କୁଲ୍ଲମିତି ନେହ୍ କ୍ ଜାତନ୍ କିନେରି, ବାରେକିହା ଆମିନି ଗାଟାରି ବଲୁ ଝେକହାଲି, ଅତେ ଜାପହାଲି ଖାହୁ ତଲେ କାମା କିନେରି, ଏଞ୍ଜାରି ରୀ ଗୁଣୁ ମାନ୍ତି ବେଟାଆନ୍ତି ଜଟେ ଶ୍

୧୮ ☆ଦାମ୍ବୁ ପତିତା ରାସ୍ତିକି ଆହାମାନେ, “ନପ୍ ନି କଡ଼ି ମୃତିତା କଡ଼ା ଦହ୍ ଆନି” ଅତେ “କାମାକିନାସି ତାନି କାମାତି ପାଡ଼େୟି ବେଟାଆନାୟି ମାନେ □”

୧୯ ରିଆରି କି ତାନି ଜାଣା ସାକିୟା ହିଲାଆନା ଆମିନି ପ୍ରାତିନା କପାଟି ଏନି କାତା ଝେସ୍ତାତିହ୍ ଆହ୍ ଆନି □

୨୦ ଆମିନି ଗାଟାରି ଦହ୍ କିନେରି, ଏଞ୍ଜାରାଜ୍ ବାରେ ଲକୁ ନକିତା ଲାଗାମୁ, ଏନିକ୍ ଏଦାଆଁ ମେସାନା ଏଟକାତି ଲକୁ ଆଜିନେରି □

୨୧ ନାନୁ ମାହାପୁରୁ, ନକିତା ଅତେ କ୍ରାସ୍ତ ଜାସ୍ତ ନକିତା ଅତେ ମାହାପୁରୁ ଆଡ଼ିତି ଦୁତୁୟା ନକିତା ଜାଣେ ହୁକୁମି ହୀହିମାଞ୍ଜାଲ୍ ନାନୁ ତଲିତିଲେହେଁ ଆଆନା ଇ ବାରେ ମାନଞ୍ଜି ଆମ୍ବୁ, ଅତେ ଆମ୍ବାଆରାଜ୍ ପାର୍ଡ଼ା କିଆନା ଇ ବାରେ କାମା କିମ୍ବୁ □

୨୨ ଦାଗା ଆହାନା କେୟୁ ଇଟାହାଁ ମାହାପୁରୁତି ସେବା କାମାତାକି ଆମ୍ବାଆରାଜ୍ ଜିକେଏ ଆଟ୍ ଆନି □ ଏଟକା ଲକୁତି ପାପୁତା ଜାହାରାଜ୍ ଆଟ୍ ଆନି □ ନାନୁ ଜାହାରାଜ୍ ସୁଦୁ କିହାକତାମୁ □

୨୩ ନୀ ବାଣ୍ଡି ଆଗ୍ ହିଲାଆକି ଅତେ ନୀ ଆଜାତା ଅଲେ ଅଲେ ରଗ୍ ଆହିମାନାକି ଖାର୍ଜ ଏୟୁ ଗହ୍ ଆନି ଅଜ୍ଜୁରି ରାସା ଇଟରା ଲାକା ଗହ୍ ମୁ □

୨୪ ଏଚରଜାଣାତି ପାପୁ ନୀହାଁୟି କିଆ ନକେଏ, ତଞ୍ଜାଆନେ, ଅତେ ଏଚରଜାଣାତି ପାପୁ ତାୟୁ ତଞ୍ଜାଆନେ □

୨୫ ଏଲେକିହ୍ ଏ ସାତା କାମା ତଲିଏ ତଞ୍ଜାଆନେ, ଅତେ ଏନା ଏନାୟି ତଞ୍ଜା ଆଏ, ଏଡ଼ି ଡ଼ଗୁନା ଡ଼ୟାଲି ଆଡ଼େଏ □



୧ ଏମିନି ଲକୁ ହଲିୟାଜା ଜୁଝେଡ଼ିତା ହେରଞ୍ଜାମାନେରି, ଏଞ୍ଜାରି ତାମି ସାଞ୍ଜୁକାରିୟାଲ୍ ନେହ୍ କ୍ ମାନ୍ତି ବେଟାଆନାରି ଇଞ୍ଜ୍ ଅଶ୍ପାପେରି, ଏନିକ୍ ମାହାପୁରୁ ଦରୁ ଅତେ ଜାପନି ତାଣାଟି ନିନ୍ଦା ଆଏ □

୨ ଅତେ ଆମିନି ଗାଟାରି ସାଞ୍ଜୁକାରିୟା କ୍ରାସ୍ତାନା ଆହାମାନେରି, ଏଞ୍ଜାରି ଏଞ୍ଜାରାଜ୍ ମା ତାୟି ଇଞ୍ଜ୍ ଅଶ୍ପାପାନା ହୀଣି କିଆପେରି, ସାମା ହାରେକା ଜାତନ୍ ତଲେ ଏଞ୍ଜାରି ସେବା କିପାରି, ଇତିହ୍ ଆମିନି ଗାଟାରି କାମା ତଲେ ଲାବା ବେଟାଆନେରି, ଏଞ୍ଜାରି ନାମିନାରି ଅତେ ମା ଜୀଞ୍ଜୁ ନନାରି, ଇ ବାରେ କାତା ଜାପହାନା ଝେହ୍ ମୁ □

ମିତି ଜାପନାୟି ଅତେ ସାତା ଦନ

୩ ଆମ୍ବାଆସି ଅର ରଲେତି କାତା ଜାପହାନା ମା ପୁରୁ ଜୀସୁ କ୍ରାସ୍ତତି ନେହ୍ ବଲୁ ଅତେ ମାହାପୁରୁ ଆଜିନି କାତାତି ଜାପନାଣି ଆହ୍ ଆସି,

୪ ଆତିହ୍ ଏଞ୍ଜାସି ଲାଗେଏତି ବଡ଼ପଣ ଗାଟାସି, ବୁଦି ହିଲାଆଗାଟାସି, ବାଦିବାଡ଼ା, ଅତେ ଗଡ଼ହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରା, ଗଡ଼ହା, ରଅଣାଲ୍ ଉଜେଏ ନିନ୍ଦା କିନାୟି, ଲାଗେଏ ଆନାମାନା ଆନାୟି ହନେ,

୫ ଇଞ୍ଜା ବୁଦି ହିଲାଆ ଗାଟାରି ଅତେ ସାତାତି ପିସା ମାନାରି ବିଡ଼ା କାଲେଏ ବାଦିବାଡ଼ା ହନେ, ଇତିହ୍ ମାହାପୁରୁଲ୍ ଆଜିନାୟି ଏଡ଼ି ଲାବା ବେଟାଆନି ଜିରୁ ଇଞ୍ଜ୍ ଏଞ୍ଜାରି ଅଶ୍ପିନେରି □

୬ ମାହାପୁରୁଲ୍ ଆଜାନା, ନୀତିନାୟି ନେହେଁ ଆଡ଼ିସାରେ ସାତେଏ ଏଡ଼ି ଲାବାଗାଟାୟି;

୭ ଏନାଆଁତାକି ଇତିହ୍ ମାର ଦାରତିତା ଏନାଆଁ ତାତା ହିଲାଆୟି, ଅତେ ଇ ଦାରତିତି ଏନାଆଁ ଅହାଲି ଆଡ଼ାଆୟି;

୮ ଇଦାଆଁତାକି ବାଣ୍ଡିତି କାଦି ଆଜା ତାକି ହିମ୍ବୁରିକା ମାତିହ୍ ଇଚେକେଏ ସାରି □

୯ ସାମା ଆମ୍ବାଆରି ଗାଡ଼ି ବାଡ଼କାଲି ଅଶ୍ପିନେରି, ଏଞ୍ଜାରି ତାୟିପାରି କିନି ତାଣା ଅତେ ପାନ୍ଦାତା ହେରଞ୍ଜାନା, ଅତେ ବୁଦି ହିଲାଆଗାଟି ନାସାକିନି ଅଶ୍ପୁତି ପାନ୍ଦାତା ହେରନେରି, ଇ ବାରେ ମାଣସିଲ୍ ବୁଡ଼ଞ୍ଜି ଆନିଞ୍ଜାକି ଅତେ ନାସା ଆନିଞ୍ଜାକି ଅନେ □

☆ ୫:୧୮ ୫:୧୮ ମାତି ୧୦:୧୦; ଲୁକ ୧୦:୭

୧୦ ଏଦାଆଁତାକି ଇଚିହ୍ନ ଦନତି ଜୁପକା ବାରେ ଲାଗେଏତି ମୂଲୁ; ଆମ୍ବା ଆମ୍ବାଆରି ଏମ୍ବାଆଁ ଜୁପକା ଆହାନା ଦାମ୍ବୁତି ନାମୁ ପିସାନା ଜିରୁ ବାଣା ଆହାମାନେରି, ଇଞ୍ଜା ହାରେକା ଦୁକୁତଲେ ତାନି ହିୟାତା ଦୁକୁ କିହାମାନେରି □

ପାଞ୍ଚୁଲତି ରାପ୍ନି କାତା

୧୧ ସାମା ଏ ଡିମତି ନାନୁ ର ମାହାପୁରୁ ଲକୁତି, ନାନୁ ଇ ବାରେ ତାଣାଟି ହେକ ଆହାନା ଦାମ୍ବୁ ଗାଟାତି, ମାହାପୁରୁଇଁ ଆଜିନାୟି, ନାନିନାୟି, ଜାଞ୍ଜନନାୟି, ସାସା, ଅରୁହିନାୟି, ଇ ବାରେ ନେହ୍ନି ଗୁଣୁତା ତାକାମୁ □

୧୨ ନାମୁତି ନେହ୍ନି ଜୁଜୁତା ଜୀଞ୍ଜୁ ଦୁସାନା ଜୁଜୁ କିମୁ, କାଲାକାଲାତି ଜୀଞ୍ଜୁ ଆସାନା ଇଟାମୁ; ଏଦାଆଁତାକି ନାନୁ ହାଟୁକି ଆହାମାଞ୍ଜି ଅଡ଼େ ହାରେକା ସାକିୟା ନକିତା ନେହ୍ନି ସାକି ହାହାମାଞ୍ଜି □

୧୩ *ବାରେତି ଜୀଞ୍ଜୁହୀନି ମାହାପୁରୁ ନକିତା, ଅଡ଼େ ପଚ୍ଚିୟ ପିଲାତ ନକିତା ନେହ୍ନି ସାକି ହୀନି କ୍ରୀସୁ ଜୀସୁ ନକିତା ନାନୁ ନିଞ୍ଜେ ହୁକୁମି ହାହିମାଞ୍ଜାଇଁ,

୧୪ ନାନୁ ମା ପ୍ରୁ ଜୀସୁ କ୍ରୀସୁତି ଖାନି ଦିନା ପାତେକା ଦାମ୍ବୁତି ମୋରା ମାନଞ୍ଜି ଆହାନା ଏନି ପାପୁ ଅଡ଼େ ନିନ୍ଦା ହିଲାଆଗାଟାତି ଆହାଁ ତୁୟାମୁ □

୧୫ ଏଞ୍ଜାସି ହାରେକା ନେହ୍ନିସି, ରଅସିଏ ବାରେକିହାଁ କାଜା ସାଲୁକି କିନାସି, ଏଞ୍ଜାସିଏ ରାଜା କିହାଁ ରାଜା ଅଡ଼େ ପ୍ରୁ କିହାଁ ପ୍ରୁ,

୧୬ ଏଞ୍ଜାସିଏ ରଅସି ହାଆଗାଟାସି ଅଡ଼େ ମେସାଲି ଆଡାଆଗାଟି ଉଜେଡିତା ମାନେସି, ଏତେଲାଞ୍ଜା ଏଞ୍ଜାଣାଇଁ ଆମ୍ବାଆସି ମେସାହିଲଅସି କି ମେସାଲି ଆଡ଼ଅସି, ଏଞ୍ଜାସି ତୀରିକିତି ଦିନାତା ଏଦାଆଁ ତହୁନେସି; କାଲାକାଲାତାକି ତାନି ସାମୁ ମି ଅଡ଼େ କାଜାପାଣା ତଞ୍ଜା ଆପେ □ ଆମେନ □

୧୭ ଆମିନି ଗାଟାରି ଇ ଜୁଗୁତା ବାଡ଼କିତାରି, ଏଞ୍ଜାରି ଏନିକି ଆକାରା ଆଅରି ଅଡ଼େ କାଲେଏ ତୁୟାଆ ଦନ ଲାକ ବାସୁଁ ଇଟଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି ତାକି ମାଞ୍ଜେ ଲଡ଼ାମାନାଣି ହିୟାନେସି, ଏଞ୍ଜାଣି ତାଣା ବାସୁଁ ଇଚିନେରି,

୧୮ ଅଡ଼େ ଏଟକା ଲକୁତି ସାୟେମି କିହାନା ନେହ୍ନି କାମା ତଲେ ବାଡ଼କୁ ଗାଟାରି ଆନେରି ଅଡ଼େ କେୟୁ ଦେଚାନା ଅଡ଼େ ରାହାଁଟି ଦାନା ହାହାଲି ଅଣପିନେରି, ଏଦାଆଁତାକି ଏଞ୍ଜାରାଇଁ ହୁକୁମି ହୀମୁ;

୧୯ ଇଲେ କିତିସାରେ ଏଞ୍ଜାରି ତାନି ଖାହିମାନି ଜୀଞ୍ଜୁତାକି ନେହ୍ନି ପୁନାଦି କିହାମାନେରି, ଏନିକି ଏଞ୍ଜାରି ସାତା ଜୀଞ୍ଜୁ ବେଟାଆନେରି □

୨୦ ଏ ଡିମତି, ନିଞ୍ଜେ ଏନା ଏନାୟି ହାପକି ଆହାମାଞ୍ଜାନେ, ଏଦାଆଁ ଜାଡ଼ୁ କିହାଁ ଇଟାମୁ; ଉଜେଏତି କାତାୟାଁ ଅଡ଼େ ସାତା କାତାତି ବୁଦିତାଣି ବାସୁଁ ଆନାରି ତାଣାଟି ହେକ ଆମୁ;

୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା ମାନଞ୍ଜି ଆଆନା ନାମୁତି ଜିରୁ ବାଣା ଆହାମାନେରି □ କାର୍ମାମେହ୍ନାୟି ନୀ ତଲେ ମାଣ୍ଡମେ □

ତୀମଥୁଙ୍କ ନିକଟକୁ ପାଉଲଙ୍କ ଦ୍ଵୀତୀୟ ପତ୍ର ତିମତି ତାଣା ପାଖୁଲ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

୨ତମ ଆକୁ ପାଖୁଲ ତାଣାଟି ତାନି ସୀସୁ ତିମତି ତାଣା ରାଚାମାନି ଆକୁ □ ତିମତି ରୀ ଲମ୍ବର ଆକୁ ପାଖୁଲତି ବାରେତି କିହାଁ ତାୟୁ ରାଚିତି ଆକୁ □ ଇଦି ପାଖୁଲତି ଜୀଝୁ ରାନ୍ତି ବେଲାତା ରାୟକି ଆହାମାଣମ୍ବିନେ □ ଏତିବେଲାତା ଏଝାସି ରମ୍ ଗାଡ଼ାତି କାୟିଦି ଇଲୁତା ମାରେସି ୧:୧୬ ପାଖୁଲ ତିମତି ତଲେ ହାରେକା ଜାଟୁ ମାଟେ, ଅଡ଼େ ବାରେବେଲା ଏଝାଣାଙ୍କ ମୀରଏଣା ଲେହେଁ ରାଚିମାନେସି ପିଲିପି ୨:୨୨; ୧ତିମ ୧:୨; ୧:୧୮ □

ଇଦି ପାଖୁଲ ରାଚାମାନି ସାରିଗଟା ଆକୁ ବିଦ୍ରାତି କୁଲମିତି ପିସାନା ର ମାଣସିକି ରାଚିମାନେସି □ ଅଡ଼େ ଏଟକାତି ତାନିଗଟା ଆକୁ ତିମତି ମୂଲୁ ଆକୁ, ତିତସ, ଅଡ଼େ ପିଲିମନ □ ତିମତି ରୀ ଲମ୍ବର ଆକୁ ରାଚିତି ବେଲାତା ରମ୍ ଗାଡ଼ାତା ସାଲୁକି କିନାରି ହାରେକା ସାସି ହାହିମାଚେରି □ ଇଲେତି ସାସି ଆହିମାଚାକି ପାଖୁଲ କାୟିଦିତା ତୟାମାରେସି □ ମୂଲୁତି ଆକୁ ଲେହେଁ ପାଖୁଲ ତିମତିଙ୍କ ମିତି ଜାମ୍ବନାରି ତାଣାଟି ଜାଗ୍ରାତା ଆହାଲି ଝେସିମାନେସି □ ୧ତିମ ୧:୧୬-୧୮ ପାଖୁଲ ତିମତିଙ୍କ ଏଲେଇଞ୍ଜି ମାନେସି ତାୟୁ ହାରେକା କସ୍ତତି ଦିନା ମାନେ ୩:୧ □

ପତିତା ମାନାୟି

- ୧ ପାଖୁଲ ତିମତିଙ୍କ ଜହରା କିହାନା ମାଟ୍‌ନାୟି ଅଡ଼େ ଏଝାଣାଙ୍କ ସାସା ହାନାୟି □ ୧:୧-୧୮
- ୨ ପାଖୁଲ ତିମତିଙ୍କ କସ୍ତ ଅର୍ହାଲି ସାସା ହାହିମାନେସି □ ୨:୧-୧୩
- ୩ ତିମତିଙ୍କ ଏଚେକା କାତା ଝେହ୍‌ନାୟି □ ୨:୧୪-୨୬
- ୪ ରାନ୍ତି ଦିନାତା ଗଟଞ୍ଜି ଆନାଆଁ ଅଡ଼େ ସାତା ଜିରୁ ବାଚି କିହାଲି ଜାଗ୍ରାତା କିନାୟି □ ୩:୧-୪:୮
- ୫ ପାଖୁଲ ତିମତିଙ୍କ ଏଚେକା ଅଣ୍‌ପୁତି କାତା ଝେସାନା ଆକୁତି ରାମ୍‌ନାୟି □ ୪:୯-୨୨

୧ ନାନୁ ପାଖୁଲ, କ୍ରୀସୁ ଜୀସୁ ତାଣା ମାନି ଜୀଝୁତି ଆଞ୍ଜାମାନି ଲେହେଁ, ମାହାପୁରୁ ଅଣ୍‌ପୁ ତଲେ କ୍ରୀସୁ ଜୀସୁତି ର ପାଣ୍‌ଡ଼ି ଆହାମାନାତେଏଁ □

୨ *ତିମତି, ନା ଜୀଝୁତି ମୀରଏଣାଟି ଆବା ମାହାପୁରୁ କ୍ରୀସୁ ଜୀସୁ ତାଣାଟି କାର୍ମାମେହ୍‌ନାୟି ଅଡ଼େ ହିଡ଼ି ଜୀଝୁ ନିଜେତାକି ଆୟାପେ □

ମାହାପୁରୁଙ୍କ ଜହରା ଅଡ଼େ ବାର୍ସୁ ହାନାୟି

୩ ମା ତଲିତି ଆକୁ ଆବାୟାଁ ଲେହେଁ ନାନୁ ସୁଦୁ ଅଣ୍‌ପୁ ତଲେ ମାହାପୁରୁଙ୍କ ସେବା କିହିମାଙ୍କ, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାତାନାତା ନୀ ଦରୁ ରାଚାୟାଁ ମାହାପୁରୁଙ୍କ ଜହରା କିହିମାଙ୍କ;

୪ ଏନିକ୍ ନା ରାହାଁ ଗାଡ଼ିଆନେ, ଇଦାଆଁତାକି ନୀ କାଣ୍‌ ଅଣ୍‌ପାନା ନିଜେ ମେସାଲି ତାକି ହାରେକା ମନ କିହିମାଙ୍କ;

୫ *ଇଚିହ୍ ଆମିନି କୁଟୁ ହିଲାଆଗାଟି ନାମ୍, ମୀ ବାୟି ଲୟି ଅଡ଼େ ମୀ ଇୟା ଇଝୁନିକି ତାଣା ମାଟେ, ଅଡ଼େ ନୀ ତାଣା ଜିକେଏ ମାନେ ଇଞ୍ଜିହ୍ ନା ହାରେକା ନାମ୍, ନୀ କୁଟୁ ହିଲାଆ ନାମ୍‌ତି କାତା ନାନୁ କାଟୁ ବେଟାଆହାମାଙ୍କ □

୬ ନାନୁ ନୀ ଲାକ କେୟୁ ଇଟାଟି ବେଲାତା ନାନୁ ମାହାପୁରୁ ତାଣାଟି ଆମିନି ବର ବେଟାଆଡ଼ି ଏଦାଆଁ ଜାଡ଼ୁ କିହାଁ ଇଟାଲି ନାନୁ ନିଜେ ଅଣ୍‌ପି କିହିମାଞ୍ଜାଙ୍କ □

୭ ଇଚିହ୍ ମାହାପୁରୁ ମାଜେ ଆଜିନି ଜୀଝୁ ହାହାମାଞ୍ଜାଅସି, ସାମା ବାଡ଼ୁୟୁ, ଜୀଝୁ ନନାଣି, ଅଡ଼େ ନେହ୍ ଅଣ୍‌ପି କିନି ଜୀଝୁ ହାହାମାଞ୍ଜାନେସି □

୮ ଏଦାଆଁତାକି ମାର ପ୍ରବୁତି କାତାତା ସାକି ହାହାଲି ଅଡ଼େ ନାନୁ ପ୍ରବୁ ତାକି କାୟିଦି ଇଲୁତା ଦସ୍‌ପି ଆହାମାଙ୍କ, ନା ତାକି ଲାଜା ଆଆନି, ସାମା ମାହାପୁରୁ ହାହାମାଞ୍ଜାନି ବାଡ଼ୁୟୁ ତଲେ ନେହ୍ କାଟୁ ଝେକ୍‌ହାଲି ବେଟାଆହାମାନି କସ୍ତତି ଅର୍‌ହାମ୍ □

୯ ଏଝାସି ମାଜେ ଗେଲ୍‌ପା ମାଞ୍ଜାନେସି, ଅଡ଼େ ନା ନେହ୍ ଲକୁତେରି ଇଞ୍ଜିହ୍ ହାଟାମାଞ୍ଜାନେସି; ଅଡ଼େ ମା କିହାମାନି କାମା ଲେହେଁ କିହାଁ ମାଞ୍ଜାଅସି, ସାମା ତାନି ଅଣ୍‌ପୁ ତଲେ ତାନୁ କାର୍ମା ମେସ୍‌ପାନି ଲେହେଁ କିହାଁ ମାଞ୍ଜାନେସି; ଏ କାର୍ମା ତଲି କାଲ୍‌ ନକେଏ କ୍ରୀସୁ ଜୀସୁ ତାଣାଟି ମାଜେ ହାଞ୍ଜି ଆହାମାଟେ,

୧୦ ସାମା ନୀଏଁ ମା ଗେଲ୍‌ପାନି କ୍ରୀସୁ ଜୀସୁ ଦାର୍‌ତିତା ଝାହାମାନାକି ମାଜେ ତସାମାଞ୍ଜାନେସି; ଏଝାସି ହାକିତି ମ୍‌କ୍‌ହା ମାନେସି; ଅଡ଼େ ତାନି ନେହ୍ କାଟୁତଲେ ଜୀଝୁ ଅଡ଼େ ହାଆଗାଟାଣି ଉଜେଡ଼ିତା ତସାମାନେସି □

୧୧ *ଇ ନେହ୍ କାଟୁ ଝେକ୍‌ହାନା ତେଲ୍‌ହିକିହାଲି ମାହାପୁରୁ ନାଜେ ର ପାଣ୍‌ଡ଼ିଆଡ଼ି

* ୧:୨ ୧:୨ କାମା ୧୭:୧ * ୧:୫ ୧:୫ କାମା ୧୭:୧ * ୧:୧୧ ୧:୧୧ ୧ତିମ ୨:୭

ସୀସୁ ଇଞ୍ଜା ଜାପ୍ନାସି ଲେହେଁ ହେରପା ମାଞ୍ଜାନେସି
□

୧୨ ଏଦାଆଁତାକି ନାନୁ ଇ ବାରେ ଦୁକୁ ବେଟା
ଆହିମାଲ୍; ଆଡ଼ିଜିକେଏ ନାନୁ ଆଜା ହିଲଅଁ,
ଇଚିହଁ ନାନୁ ଆମ୍ବାଆରି ତାଣା ନାମାମାଲ୍,
ଏଞ୍ଜାଣାଲ୍ ପୁଞ୍ଜାମାଲ୍, ଅଡ଼େ ନାନୁ ତାନି କେନ୍ଦୁତା
ଏନାଆଁ ହେରପାମାଲ୍, ବିଚାରା ଦିନା ଖାନ୍ତି
ପାତେକା ଏଦାଆଁ ଏଞ୍ଜାସି ଜାଡ଼ନୁ ତଲେ ଇଚାଲି
ଆଡ଼ିମାନେସି, ଇଦାଆଁ ନାନୁ ତୀରପୁତଲେ
ନାମିମାଲ୍ □

୧୩ ନା ତାଣାଟି ଆମିନି ନେହଁ ବଲୁ
ଝେଞ୍ଜାମାଞ୍ଜି, କ୍ରୀସୁ ଜୀସୁ ତାଣାଟି ନାମୁ ଇଞ୍ଜା ଜୀସୁ
ନନାଣି ଏଦାଆଁ ନେହଁ କଁ ଆସା ମାନାମୁ □

୧୪ ଆମିନି ନେହଁ କାତାତି ଦାୟିପତି ନିଜେ
ହୀପକି ଆହାମାଞ୍ଜାନେ, ମା ତାଣା ବାସା କିହିମାନି
ସୁଦୁଜାଞ୍ଜୁତି ବାଡ଼ୟୁ ତଲେ ଏ ବାରେତି ଜାଡ଼ନୁ
କିହା ଇଚାମୁ □

୧୫ ନାନୁ ପୁଞ୍ଜାମାଞ୍ଜି; ପୁଗେଲ ଅଡ଼େ ହର୍ମଗେନା
ତଲେ ଆସିୟାତି ବାରେ ଲକୁ ନାଜେ ପିସା
ମାଞ୍ଜାନେରି □

୧୬ ଅନିସିପର କୁଟମିତି ପ୍ରବୁ କାର୍ମା ମେସପେସି,
ଏନାଆଁତାକି ଇଚିହଁ ଏଞ୍ଜାରି ଅଲେ ଅଲେ
ଝାହାନା ନା ଦୁକୁ ଡୁକହାତେରି, ଇଚିହଁ ନାନୁ
କାୟିଦି ଇଲୁତା ମାତିହଁ ଜିକେଏ ଲାଜା
ଆହାହିଲଅରି,

୧୭ ରମ୍ ଗାଡ଼ାତା ଏଜାଲିଏ ଏଞ୍ଜାସି ନାଜେ
ପାରାନା ନା ତାଣା ଝାଡ଼େସି,

୧୮ ରାନି ଦିନାତା ଏନିକଁ ମାହାପୁରୁ ତାଣାଟି
କାର୍ମା ବେଟାଆନେସି, ଏଲେକଁ ମାହାପୁରୁ
ଏଞ୍ଜାଣାକି କାର୍ମା ଆପେସି, ଅଡ଼େ ଏଞ୍ଜାସି ଏପିସିୟ
ଗାଡ଼ାତା ନାଜେ ଏନିକଁ ସେବା କିହାମାଞ୍ଜାନେସି,
ଏଦାଆଁ ନାନୁ ନେହଁ କଁ ପୁଞ୍ଜାମାଞ୍ଜି □

୨

କ୍ରୀସୁ ଜୀସୁତି ନେହଁ ଜୁଜୁ କିନାସି

୧ ଏଦାଆଁତାକି ଏ ନା ଜୀସୁତି ମୀରଏଶାତି, କ୍ରୀସୁ
ଜୀସୁତଲେ ଆଣ୍ଡିତାକି ତାନି କାର୍ମାମେହନି ତାଣାଟି
ଆମିନି ବାଡ଼ୟୁ ମେଡ଼ା ଆନେ ଏମ୍ବାଆଁ ନାନୁ ବାଡ଼ୟୁ
ଗାଟାତି ଆମୁ,

୨ ଅଡ଼େ ହାରେକା ସାକିୟାଁ ନକିତା ଆମିନି
ବାରେ କାତା ନା ତାଣାଟି ନାନୁ ଝେଞ୍ଜାମାଞ୍ଜି, ଅଡ଼େ
ଏମିନିଗାଟାରି ଏଟକା ଲକୁଣି ଜିକେଏ ଜାପ୍ନାଲି
ଆଡ଼ିନାରି, ଏଲେତି ନାମୁଗାଟି ଲକୁ ନକିତା ଇ
ବାରେ ହେରପାମୁ □

୩ ନାନୁ କ୍ରୀସୁ ଜୀସୁତି ର ନେହଁ ଜୁଜୁ କିନାତି
ଲେହେଁ ଏଞ୍ଜାଣି ତାକି କସ୍ ଅରହାମୁ □

୪ ଆମ୍ବାଆସି ଜୁଜୁକିନି କାମାତା ମାଞ୍ଜାନା,
ଦାର୍ଡିତି ଏଟକା କାମାତା ହେରପି ଆଅସି,
ଏନିକଁ ଏଞ୍ଜାସି ତାନି ମୁହେଁତି କାଜାଣାଲ୍ ରାହାଁ
କିନେସି □

୫ ଅଡ଼େ ଆମ୍ବାଆସି କାହୁ ତାକି ବାଦ୍‌ହାରା
ଆନେସି, ଏଞ୍ଜାସି ମେରା ତଲେ କାହାଆସାରେ
ଜୀଣା ଆଅସି □

୬ ଆମିନି ତାସା କାମାକିନାସି ଝାହୁ ତଲେ
କିନାସି, ଏଞ୍ଜାସି କାମାତି ମୁଲୁତି ବାଗା
ବେଟାଆନାୟି ମାନେ □

୭ ନାନୁ ଏନାଆଁ ଝେସିମାଞ୍ଜାଲ୍, ଏଦାଆଁ
ଅଣ୍ଡପାମୁ; ଇଚିହଁ ପ୍ରବୁ ନିଜେ ବାରେ ପୁଞ୍ଜାଲି
ବୁଦି ହିୟାନେସି □

୮ ନା ତାଣାଟି ଝେସିଆହାମାନି ନେହଁ କାବୁ
ଲେହେଁ ହାଡ଼ାରି ତାଣାଟି ନିଜିତାଣି ଅଡ଼େ ଦାଞ୍ଜୁଦ
କୁଡ଼ାତା ଜାର୍ନା ଆହାମାନି ଜୀସୁ କ୍ରୀସୁଲ୍ ଅଣ୍ଡପାମୁ
□

୯ ଇ ନେହଁ କାବୁତାକି ନାନୁ ଦହଗାଟି ଲକୁ
ଲେହେଁ କାୟିଦି ଇଲୁତା ଦସ୍‌ପିଆନି ପାତେକା କସ୍
ବେଟା ଆହିମାଲ୍; ସାମା ମାହାପୁରୁତି ବଲୁ ଦସ୍‌ପି
ଆହା ହିଲେଏ □

୧୦ ଇଦାଆଁତାକି ମାହାପୁରୁ ଆଟାମାନି ଲକୁ
ଜିକେଏ ଏନିକଁ କାଲାକାଲାତି ଗାଞ୍ଜୁରମି
ତଲେ କ୍ରୀସୁ ଜୀସୁ ହାହାମାନି ଗେଲ୍‌ପି ଆନାଣି
ବେଟାଆନେରି, ଏଦାଆଁତାକି ନାନୁ ଏଞ୍ଜାରି ତାକି
ଇ ବାରେ ସାସାତଲେ କସ୍ ଅରହିମାଲ୍ □

୧୧ ଇ କାତା ସାତା
“ମାର କ୍ରୀସୁ ତଲେ ହାହାମାନାୟି,
ଅଡ଼େ ଏଞ୍ଜାଣିତଲେ ଜିକେଏ ନୀତିନାୟି;

୧୨ ଅଡ଼େ ମାର ସାସାଆସାଁ କସ୍ ଅରହିନାୟି,
ଆତିହଁ ଏଞ୍ଜାଣିତଲେ ଜିକେଏ ସାଲ୍‌ଝି
କିନାୟି;

ମାର ଏଞ୍ଜାଣାଲ୍ ପୁଞ୍ଜାହିଲଅମି ଇନାୟି,
ଆତିହଁ ଏଞ୍ଜାସି ଜିକେଏ ମାଜେ
ପୁଞ୍ଜାହିଲଅଁ ଇଞ୍ଜାନେସି;

୧୩ ଏଡ଼େତା ମାର ନାମାଆ ଗାଟାତାୟି ଆନାୟି,
ଆଡ଼ିଜିକେଏ ଏଞ୍ଜାସି ବାରେବେଲା
ଟିକାଣାତାସି,
ଇଚିହଁ ଏଞ୍ଜାସି ଜାହାରାଲ୍ ଆଏ ଇଞ୍ଜାଲି
ଆଡ଼ଅସି □”

ନାମୁତି କାମାକିନାସି

୧୪ ନାନୁ ବାରେ ନାମୁ ଗାଟାତାଲ୍ ଇ ବାରେ
କାତା ମାହାପୁରୁଲ୍ ଅଣ୍ଡପି କିମୁ, ସାସ୍‌ସେରିତି କାତା
ଉଜେଏ ବାଦିବାଦା ଆନି ତାଣାଟି ଜାଗ୍ରାତା କିମୁ,
ଇଲେତି ବାଦିବାଦା ଆମ୍ବାଆରାଲ୍ ନେହଁ କିଏ,
ସାମା ଆମ୍ବାଆରି ଏମ୍ବାଆଁ ମନ ହୀନେରି ଏଞ୍ଜାରି
ନାସା ଆନେରି □

୧୫ ସାତା ବଲୁ ଚିକାଣା ତଳେ ଲେମ୍ବୁନା, ଆମିନି କାମାକିନାସି କାମାତା ଏନିକି ଲାଜା ଆଅସି, ଏଞ୍ଜାଣିଲେହେଁ ମାହାପୁରୁ ନକିତା ଜାହାରାଜ୍ ତାୟିପାରିତା ଜାଣା ଆହାମାନି ଲେହେଁ ତସାଲି ଜାତୁନୁ କିମ୍ପୁ □

୧୬ ସାମା ଲାଗେଏତି ଉଜେଏତି କାତାୟି ବାସି ଆନି ତାଣାଟି ହେକ ତୟାଦୁ; ଇତିହ ଆମ୍ବାଆରି ଏଲେତି କାମା କିନେରି, ଏଞ୍ଜାରି ଲାଗେଏତି କାମାତା ହାରେକା ପାତା ଆନେରି,

୧୭ ଅଡେ ଏଞ୍ଜାରି କାତା ସାରନି ଗାହାଁ ଲେହେଁତାୟି; ଏଞ୍ଜାରି ବିତ୍ରାଟି ହୁମନାୟ, ଅଡେ ପିଲିତ, ଇ ରିଆରି ମାନେରି □

୧୮ ଏଞ୍ଜାରି ହାହାନା ଖେଣ୍ଡେ ନିଜିତାୟିଏ ଇଞ୍ଜି ସାତାତି ପିସାମାନେରି, ଅଡେ ଏଚରଜାଣାତି ତାମି ନାମୁତି ତାରି ମୁପୁହି ମାନେରି □

୧୯ ଆଡିଜିକେଏ, ମାହାପୁରୁ କେପିତି ପୁନାଦି ଆଟ୍ଠା ଆହାନା ତୟାମାନେ, ଅଡେ ଏ ଖାଲିତା ଇ ବୁଟୁ ମୁଦ୍ରା ଆହାମାନେ, “ପ୍ରବୁ ତାନି ଲକୁଣି ପୁଞ୍ଜାମାନେସି” ଅଡେ, “ଆମ୍ବାଆସି ପ୍ରବୁତି ଦରୁ ଆହନାସି, ଏଞ୍ଜାସି ଲାଗେଏ ତାଣାଟି ହେକ ମାଣ୍ଡମେସି □”

୨୦ ର କାଜା ଇଜ ଖାରଇ ବାଂଗାରା ଖେଣ୍ଡିତି ତ:କା ମାଣ୍ଡି ମାନୁ, ଏଚେକା ଆଏ, ଅଡେ ମାରକା ଇଞ୍ଜା ଇରଆତି ତ:କା ମାଣ୍ଡି ଜିକେଏ ମାନୁ; କଚେକା ତ:କା ମାଣ୍ଡି କାଜା କାଜା କାମାତାକି ମାନୁ, ଅଡେ କଚେକା ଉଜେଏ ଦିନା ଲେମ୍ବୁଲି ତାକି ମାନୁ □

୨୧ ଇଦାଆଁତାକି ଆମ୍ବାଆସି ଏ ବାରେ ତାଣାଟି ଜାହାରାଜ୍ ଅଟହା କତିନେସି, ଏଞ୍ଜାସି ହେରପି ଆହାନା, ସାଞ୍ଜୁକାରି କାମାତା ପାତାଆନେସି, ଏଞ୍ଜାସି ବାରେ ନେହଁ କାମାତାକି ଆଟା ଇଟାମାନି ମାନିଗାଟି ତ:କା ମାଣ୍ଡି ଲେହେଁ ଆନେସି □

୨୨ ସାମା ନୀନୁ ଦାଂଗଣା ବେଲା ଲାଗେଏତି ଜୁପକାଟି ହେକ ଆମ୍ବା, ଆମ୍ବାଆରି ସୁଦୁ ହିୟାଁ ତଳେ ପ୍ରବୁ ତାଣା ପ୍ରାତାନା କିନେରି, ଏଞ୍ଜାରିତଳେ ଦାମ୍ବୁ, ନାମ୍ବୁ, ଜୀଞ୍ଜୁ ନନାଣି, ଅଡେ ହିଡଡି ଜୀଞ୍ଜୁ ଜେଟ ହାଲାମ୍ବୁ □

୨୩ ବୁଦି ହିଲାଆ ମୁକୁଁ ଗାଟାରି ବାଦିବାଦା ଗଡହା କିନେ, ଇଦାଆଁ ପୁଞ୍ଜାନା ଏ ବାରେ ତାଣାଟି ହେକ ଆମ୍ବା □

୨୪ ମାହାପୁରୁତି ହଲେଏସି ଗଡହା କିନାୟି ନେହେଁ ଆଏ, ସାମା ବାରେଜାଣାତି ହିଡଡି ହାଡା ଜାପୁନାସି, ଅଡେ ଅରୁହିନାସି ଇଞ୍ଜା ମା କପାଟି ନିଜିନି ଲକୁଣି ହିଡଡି ହାଡାତଳେ ଜାପୁନାସି ଆନାୟି ମାନେ,

୨୫ ଅଡେ ଗଡହା ଗାଟାରାଜ୍ ସୁଦୁ ସୁଞ୍ଜାଲା ତଳେ ଲେମ୍ବୁନାସି ଆନାୟି ମାନେ, ଆତିହଁ ଏଞ୍ଜାରି ସାତାତି ବୁଦି ପୁଞ୍ଜାଲି, ମାହାପୁରୁ ଏଞ୍ଜାରାଜ୍ ମନ

ଖେଟ୍ଟନି ଅଣ୍ଡୁ ହୀନେସି,

୨୬ ଅଡେ, ଆମିନି ସୟତାନ ଏଞ୍ଜାରାଜ୍ ତାନି ଅଣ୍ଡୁ ତଳେ କିହାଲି ଦସପାମାନେ, ଏମ୍ବାଟି ଏଞ୍ଜାରି ସେଡନା ଆହାନା ଏ ପାନ୍ଦାଟି ଗେଲ୍ପି ଆନେରି □

୩

ରାନ୍ତି ଦିନାତି କାତା

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନ୍ତି ଦିନାତା ନାସା ଆନି ଦିନା ଖାଟନେ;

୨ ଇତିହଁ ଲକୁ ତାମ୍ବୁ ଜାହାରାଜ୍ ଅଣ୍ଡୁ କତିନେରି, ଦନ ଜୁପକା, ଜୀଞ୍ଜୁତା ବଡପଣ, ଆଙ୍କାରା, ନିନ୍ଦା କିନେରି, ତାଲି ତାଞ୍ଜି କାତା ଆହୁଅରି,

୩ ରାହାଁ ଆଆଗାଟାରି, ଦାମ୍ବୁ ହିଲାଆ ଗାଟାରି, ଜୀଞ୍ଜୁ ନଆଗାଟାରି, ଆଣ୍ଡୁ ଆନାୟି ହିଲାଆ ଗାଟାରି, ଲାଗେଏ କାତା ଖେସାନା ଲକୁଣି ନାଡିକିନାରି, ଦେବୁଣିଏ କପା ଆନାରି, ବାଡ଼ୁୟୁ ତସାନା ଆଜି କିନାରି, ନେହଁ କାତାତି ଅପାଆଗାଟାରି ଆନେରି;

୪ ଅଡେ ଏଞ୍ଜାରି ହୀରୁ ଦାଃଆନାରି, ତାୟୁ ଏସକି ଅଣ୍ଡୁଆ ଗାଟାରି, ବଡପଣ ଗାଟାରି ଆନେରି, ଅଡେ ମାହାପୁରୁ ଜୀଞ୍ଜୁ ନନାରି ଆଆନା ଦାରତିତି ରାହାଁତି ଜୀଞ୍ଜୁ ନନାରି ଆନେରି;

୫ ଏଞ୍ଜାରି ମାହାପୁରୁତି ଆଜିନି ମେରା ଆହନେରି ସାମା ଏମ୍ବାଟି ବାଡ଼ୁୟୁତି ଆସାଲି କୁନେରି; ଇଲେତି ଲକୁ ତାଣାଟି ହେକ ମାନାମ୍ବୁ □

୬ ଇତିହଁ ଇଞ୍ଜାରି ତାଣା ଇଲେତି ଲକୁ ମାନେରି, ଏମିନିଗାଟାରି ଇଲକା ତାକି ଇଲକା ହଡିହଁ ପାପୁତି ବଜୁତା ଅଡେ ତାମି ମନତି ଜୁପକା ଗାଟି ଅଣ୍ଡୁ ତଳେ ତାକିନି ବୁଦି ହିଲାଆଗାଟି ଇୟାସିକାଣି ତାମି ତାଣା ଇତିନେରି;

୭ ଇ ଇୟାସିକା କାଲେଏ ଜାପିମାଟି ଜିକେଏ, ଏଚେଲା ସାତାତି ପୁଞ୍ଜାଲି ଆଡାଉ □

୮ ଏନିକିଁ ଜନିସି ଅଡେ ଜାମ୍ବି_ସ ମସା କପାଟି ନିଜାମାଚେରି, ଏଲେକିହଁ ଏଞ୍ଜାରି ଜିକେଏ ସାତାତି ଆଜିନେରି, ଏଞ୍ଜାରି ତାୟୁଁ ଲାଗେଏ ଆହାମାନେ ଅଡେ ଏଞ୍ଜାରି ଦାମ୍ବୁତି ନାମୁ ଉଜେଏ ଆହାମାନେ □

୯ ସାମା ଏଞ୍ଜାରି ଅଡେ ହାରେକା ଆଗାଡା ହାଲଅରି; ଇତିହଁ ଏ ରିଆରି ଏଞ୍ଜାରି ବୁଦି ହିଲାଆଗାଟାରି ଇଞ୍ଜିଁ ର ଦିନା ବାରେଜାଣା ପୁନେରି, ଜନିସି ଅଡେ ଜାମ୍ବି_ସ ଜୀଞ୍ଜୁତା ଏନାୟି ଗଟଞ୍ଜି ଆହାମାଚେ, ଏଞ୍ଜାରି ଜୀଞ୍ଜୁତା ଏଦିଏ ଆନେ □

ରାନ୍ତିବେଲାତି କାତା

୧୦ ସାମା ନୀନୁ ନା ଜାପୁନାଣି, ମାଣ୍ଡକି, ନା ଅଣ୍ଡୁ, ନା ନାମ୍ନୁ, କସ୍ତୁ ଅରୁହିନାଣି, ଜୀଝୁ ନନାଣି, ଅରୁହିନାଣି,

୧୧ *ସାସ୍ତି ବେଟା ଆତାଣି, ଦୁକୁ କସ୍ତୁ ବେଟା ଆତାଣି, ଇ ବାରେ ଆସାମାଞ୍ଜି; ଆନ୍ତିୟକିୟା, ଇକନିୟ, ଅଡ଼େ ଲୁସ୍ତାତା, ନା ତାକ ଏଲେକିହି ଏ ନିନ୍ଦା କସ୍ତୁ ଆହାମାଟେ; ଏଦାଆଁ ନାନୁ ଅରୁହା ମାଟେଏ, ଅଡ଼େ ପ୍ରବୁ ନାଜେ ଏ ବାରେଟି ଗେଲ୍ପା ମାଞ୍ଜାଡେସି

୧୨ ସାତେଏ ଆମିନି ଗାଟାରି କ୍ରୀସ୍ତ ଜୀସ୍ତୁ ତାଣାଟି ଦାମ୍ନୁ ଜୀଝୁ ନୀତାଲି ଅଣ୍ଡପିନେରି, ଏଞ୍ଜାରି ନିନ୍ଦା ବେଟାଆନେରି

୧୩ ସାମା ଲାଗେଏତି କାମାକିନାରି ଅଡ଼େ ନାଡ଼ିକିନାରି ନାଡ଼ି ଆହାନା ହାରେକା ଲାଗେଏତି କାମା କିନେରି

୧୪ ସାମା ନୀନୁ ଏନା ଏନାଆଁ ଜାପାମାଞ୍ଜି, ଅଡ଼େ ଆମିନି କାତା ବାରେ ସାତେଏ ନାମାମାଞ୍ଜି, ଏ ବାରେ ତାଣା ତୀରିତଲେ ମାନାମ୍ନୁ ଇତିହି ନୀନୁ ପୁଞ୍ଜିମାଞ୍ଜି, ଆମିନି ଗାଟାରି ତାଣାଟି ଏ ବାରେ ଜାପାମାଞ୍ଜି;

୧୫ ଅଡ଼େ ଆମିନି ଦାମ୍ନୁ ସାସ୍ତେରି କ୍ରୀସ୍ତ ଜୀସ୍ତୁ ତାଣା ନାମ୍ନୁଟି ନିଜେ ଗେଲ୍ପିକିନି ବୁଦି ହିୟାଲି ଆତାନେ, ଏଦାଆଁ ନୀନୁ ଉଣା ଝେଡାଟିଏ ପୁଞ୍ଜାମାଞ୍ଜି

୧୬ ବାରେ ଦାମ୍ନୁ ସାସ୍ତେରିତା ରାସ୍ତକି ଆହାମାନି ବାରେ ବଲୁ ମାହାପୁରୁ ଜଲିତାୟି, ଅଡ଼େ ଜାପୁନାୟି, ଲାଗିନାୟି, ତୀରିକିନାୟି, ଅଡ଼େ ଦାମ୍ନୁତା ନୀତାଲି ସାୟେମି କିନାୟି,

୧୭ ଏନିକ୍ ମାହାପୁରୁଟି ଲକୁ ତୀରପୁ ଆହାନା ବାରେ ନେହି କାମାତା ଜଗେ ଗାଟାରି ଆନେରି

୪

୧ ନାନୁ ମାହାପୁରୁ ନକିତା, ଅଡ଼େ ଆମିନି କ୍ରୀସ୍ତ ହାତାରାଇଁ ଇଞ୍ଜା ନୀତାମାନାରାଇଁ ନୀହାୟି କିହାଲି ହାଜିମାନେସି, ତାନି ଝେଣ୍ଡେ ଝାନାଣି ଅଡ଼େ ରାଜିତି ମାନି କିହାନା ହୁକୁମି ହାହିମାଞ୍ଜାଇଁ,

୨ ମାହାପୁରୁ ବଲୁ ଝେକ୍ମୁ, ନେହି ବେଲ୍ମାତା କି ଲାଗେଏତି ବେଲ୍ମାତା ବଲୁ ଝେକହାଲି ତିୟାରା ଆହା ମାନାମ୍ନୁ, ନୀନୁ ବାରେ କସ୍ତୁ ଅରୁହାନା ଜାପୁହିହି ଲାଗାମ୍ନୁ, ଅଡ଼େ ଦାକା ହାହାନା ସାସ୍ତା ବାସ୍ତୁ ହୀମ୍ନୁ

୩ ଇତିହି ଦିନା ଝାନେ, ଏତିବେଲା ଲକୁ ନେହି ଜାପୁନାଣି ଝେଞ୍ଜାଲି ଅପଅରି, ସାମା ତାନି

କୀର୍କା ତାକି ସୁଦୁ ସୁଝାଲା ହାତା ଝେଞ୍ଜାଲି ମନ ହୀନେରି ଇଞ୍ଜା କାତା ଜୁପକାତାକି ଲାଗେଏତାଣି ଜାପୁନାରାଇଁ କୁଡ଼ି କିନେରି

୪ ଅଡ଼େ ସାତା କାତାଟି ଝେଞ୍ଜାଲି କୁହାନା ଅଣ୍ଡପାନା ଝେହ୍ନି ପୁସ୍ତପନିକାଣି ମନ ହୀନେରି

୫ ସାମା ନୀନୁ ବାରେ ତାଣା ସେଡନା ଆମ୍ନୁ, କସ୍ତୁଟି ଅରୁହାମ୍ନୁ, ମାହାପୁରୁଟି ନେହି କାବୁ ଝେକ୍ମୁ କାମା ପୁରା କିମ୍ନୁ ଅଡ଼େ ନୀ ସେବା କାମା ରାପୁମ୍ନୁ

୬ ଇତିହି ନୀଏଁ ଜିକେଏ ନା ଜୀଝୁ ଗସାଲି ତାକି ଝାକ୍‌ହିମାନି ଲେହେଁ ହେରପି ଆହିମାନେ, ନା ହାନି ଦିନା ଏଗାଝାଡେୟିଏ

୭ ନାନୁ ନେହି ଜୁଜୁତା ଜୀଝୁ ତୁସାନା ଜୁଜୁ କିହିମାଇଁ, ନାଜେତାକି କେପାମାନି ପାହେରି ରାଝେତାକି ହଗାମାଇଁ, ନାନୁ ନାମ୍ନୁଟି ଜାଣେ ଆସାମାଞ୍ଜି;

୮ ନାଜେତାକି ଦାମ୍ନୁଟି ଟପେରି ଇଟୁକି ଆହାମାନେ, ଏଦାଆଁ ଏ କାଜା ନୀହାୟି ଦିନାତା ନୀହାୟି କିନି ପ୍ରବୁ ନାଜେ ହିୟାନେସି, ଝାରଇ ନାଜେ ଆଏ, ତାନି ଝେଣ୍ଡା ଝାନାଣି ନେହି ମନତଲେ କାଟାମାନି ବାରେଜାଣା ତାକି ଜୀଝୁନହାଁନା ହୀନେସି

ତାନି କାତା ଝେହ୍ନାୟି

୯ ତବେ ନା ତାଣା ଝାହାଲି ଜାଗ୍ରାତା ଆମ୍ନୁ;

୧୦ *ଇତିହି ଦିନା ନାଜେ ପିସାହାଁ ନୀଏଁତି ଦାରୁଡିତି ଜୀଝୁନହାଁନା ତେସଲନିକିତା ହାଜାମାନେସି, କ୍ରେସକେନସ୍ ଗାଲାତିୟାତା ଅଡ଼େ ତିତସ ଦଲମତିୟାତା ହାଜାମାନେରି

୧୧ *ଅଡ଼େ ଲୁକ ରଅସିଏ ନା ତଲେ ମାନେସି ମାର୍କଇଁ ନୀ ତଲେ ତାଟିହି ଝାମ୍ନୁ, ଇତିହି ନା ସେବା କାମାତା ସାୟେମି କିୟାନେସି

୧୨ *ନାନୁ ତୁକିକଇଁ ଏପିସିୟତା ପାଣ୍ଡା ମାଇଁ

୧୩ *ତ୍ରୟାତା କାର୍ପ ତାଣା ଆମିନି ଉସମି ସକା ପିସା ଝାହାମାଇଁ, ନୀନୁ ଝାନାଟି ସକା ଅଡ଼େ ପତିୟାଁ ବାରେକିହାଁ ତଲୁ ପତିୟାଁ ତାଟିହି ଝାମ୍ନୁ

୧୪ *ପିତାତା ବେବାରାଗାଟି ଆଲେକ୍‌ଜାଣ୍ଡାର ନାଜେ ହାରେକା କସ୍ତୁ ହାହାମାଞ୍ଜାନେସି; ପ୍ରବୁ ଏଞ୍ଜାଣାଇଁ ତାନୁ କିତି କାମା ଲେହେଁ ପାଡ଼େୟି ହୀନେସି;

୧୫ ନୀନୁ ଜିକେଏ ଏଞ୍ଜାଣି ତାଣାଟି ଜାଗ୍ରାତା ଆହା ମାନାମ୍ନୁ, ଇତିହି ଏଞ୍ଜାସି ମାର ଝେକ୍‌ନି କାତା କପାଟି ନିଜ୍ଞାନା କାହି କିହିମାଞ୍ଜାଡେସି

୧୬ ତଲି ମ୍ନୁ ନାଜେ ନୀହାୟି କିୟାତାଟି ଆମ୍ନୁଆରି ନା ଝାକିଟି ଆଆଡେରି, ସାମା

* ୩:୧୧ ୩:୧୧ କାମା ୧୫:୧୪-୫୨; କାମା ୧୪:୧-୭; କାମା ୧୪:୮-୨୦ * ୪:୧୦ ୪:୧୦ କଲସି ୪:୧୪; ପିଲିମ ୧:୨୪; ୨କର ୮:୨୩; ଗାଲା ୨:୩; ତିତସ ୧:୪ * ୪:୧୧ ୪:୧୧ କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪ * ୪:୧୨ ୪:୧୨ କାମା ୨୦:୪; ଏପିସି ୭:୨୧,୨୨; କଲସି ୪:୭,୮ * ୪:୧୩ ୪:୧୩ କାମା ୨୦:୭ * ୪:୧୪ ୪:୧୪ ୧୧ମ ୧:୨୦; ରମି ୨:୭

ବାରେଜାଣା ନାଙ୍ଗେ ପିସ୍ତାତେରି, ଏଦାଆଁ ମାହାପୁରୁ
ଏଞ୍ଜାରି କପାଟି ଦହ କିଆପେସି □

^{୧୭} ସାମା ପୁରୁ ନା ତଲେ ମାଞ୍ଜାନା ନାଙ୍ଗେ
ବାଡ଼ୁୟୁ କିୟାତେସି, ଅଡ଼େ ନାନୁ ସିହଁକ୍ଷାଃନି ଗୁଡ଼ିଟି
ଗେଲ୍‌ପିଆଡେସି, ଏନିକି ନା ତାଣାଟି ନେହଁ
କାରୁ ବାରେ ତାଣା ଝେଙ୍ଗିନେ ଅଡ଼େ ଜୀହୁଦିଆଆତି
ଲକୁ ବାରେଜାଣା ଏଦାଆଁ ଝେଞ୍ଜାଲି ଆଡ଼ିନେରି;

^{୧୮} ପୁରୁ ନାଙ୍ଗେ ବାରେ ଲାଗେଏ କାମାଟି
ଗେଲ୍‌ପାନେସି, ଅଡ଼େ ନାଙ୍ଗେ ଗେଲ୍‌ପାନା ତାନି
ଲାକପୁରୁ ରାଜିତା ଅୟାନେସି; ଏଞ୍ଜାଣି ଗାଞ୍ଜୁରମି
କାଲାକାଲା ତାକି ଆଡେ! ଆଡେନି □

ରାଜିବେଲୀତି ଜହରା

^{୧୯} ☆ପୁସ୍ତିଲା ଅଡ଼େ ଆକଞ୍ଜିଲା ଇଞ୍ଜା ଅନିସିପର
ଇଲୁ କୁଟମିକି ନା ଜହରା ଝେହ୍ମୁ □

^{୨୦} ☆ଏରାସ୍ତ କରନ୍ତି ଗାଡ଼ାତା ଡ଼ୟା ମାନେସି,
ସାମା ତ୍ରପିମ ଆଡ଼ିହିଲାଆକି ନାନୁ ଏଞ୍ଜାଣାଇ
ମିଲିତତା ପିସା ଝାଡେସି □

^{୨୧} ନାନୁ ପେନିବେଲା ଝାଆ ନକେଏ ଝାଡ଼ିହଁ
ନେହଁ ଆଡେମା □ ଇୟୁବୁଲ, ପୁଦେନସ୍, ଲିନ,
କ୍ଲାଞ୍ଜୁଦିୟା, ଅଡ଼େ ବାରେ କ୍ରୀସ୍ତାନା ତାୟିୟା ନିଙ୍ଗେ
ଜହରା ଝେସିମାଞ୍ଜାନେରି □

^{୨୨} ପୁରୁ ନୀ ଜୀଞ୍ଜୁତା ମାଣ୍ଡେସି, ମାହାପୁରୁତି
କାର୍ମାମେହ୍ନାୟି ମୀ ବାରେତାକି ଆୟାପେ □

ତୀତସଙ୍କ ନିକଟକୁ ପାଉଲଙ୍କ ପତ୍ର ତିତସ ତାଣ୍ଡା ପାଞ୍ଚୁଲ ରାଫାନାନ୍ ଆକୁ ମୂଲୁ ହାଡ଼ା

ପାଞ୍ଚୁଲତି ସାରିଗଟା ଆକୁ ବିତ୍ରା ତିତସ ଆକୁ କୁଲମି ପିସ୍‌ପେ ର ମାଣ୍‌ସିତି ଖେସିମାନେ, ଏଟକାତି ତାନିଗଟା ଆହିମାନୁ, ତିମତି ମୂଲୁ ଆକୁ, ତିମତି ରା ଲମ୍ବର ଆକୁ ଅଡେ ପିଲିମନ □ ଇ ଆକୁ କ୍ରୀସ୍ତ ଜାର୍ନାଆଡ଼ି ୬୩ ଟିଏ ୬୫ ବିତ୍ରା ରାସ୍‌କି ଆହାମାନେ □

ତିତସ ଏଟକା କୁଡ଼ାତାସି ଆହାନା କ୍ରୀସ୍ତାନା ଆହାମାଟି ର ଦାଂଗ୍‌ଣେଏସି ମାତେସି, ଏଞ୍ଜାସି ମାହାପୁରୁ କାତା ଖେହ୍‌ନି ପାଞ୍ଚୁଲ ତଲେତାସି □ କ୍ରିତିତା ମାନି ମାହାପୁରୁ କୁଲମି ସାଲଞ୍ଜି କିହାଲି ପାଞ୍ଚୁଲ ଏଞ୍ଜାଣାକ୍ ଏମ୍‌ଆଁ ପିସାନା ଇ ଆକୁ ପାଣ୍ଡାନା ତାନିଗଟା ନେହ୍‌କ୍ ଅଶ୍‌ପାଲି ରାଡ଼ିମାନେସି □ ର କାତା ଇଦି କ୍ରିତିତା ମାନାରି ବିତ୍ରାଟି ହାଟ୍‌ରେକା ଲକୁ ଲାଗେଏ ପଲେଏ ଅଶ୍‌ପୁ ଗାଟାରି ମାଟାକି ଏନିଲେହେତି ଅଶ୍‌ପୁ ଗାଟାରାକ୍ କୁଲମିତି କାଜାରି କିହାନା ଇଟିନାୟି ମାନେ □ ଅର୍ କାତା ଇଦି ବୁଡ଼ହାୟାକ୍, ବୁଡ଼ହସିକାଣି, ଡ଼ାଆସିକାଣି, ଦାଂଗ୍‌ଣାୟାଣି, ହଲିୟାକ୍‌ପାଣି ଏନିକ୍ ଗଟି ଗଟି କିହାନା ଜାପ୍‌ହାଲି ଆନେ □ ତାୟୁତି କାତା ଇଦି କ୍ରୀସ୍ତାନା ଆହାମାନାରି ଏନିକ୍ ନୀତିନାୟି ମାନେ □ ଏଞ୍ଜାରି ଜୀଞ୍ଜୁ ନନାରି ଅଡେ ସୁଦୁଗାଟାରି ଆପେରି, ଲାଗେଏତି କାତାୟା ପିସ୍‌ପେରି, ଗଡ଼ହା କିଞ୍ଜି କିହାନା କୁଲମିତି ଗଟି ଗଟି କିଆପେରି □

ପତିତା ମାନାୟି

- ୧ କୁଲମିତା ଦାମ୍‌ଗାଟାରାକ୍ ଆଡ଼ାଲି ଖେହ୍‌ନାୟି □ ୧:୧-୧୬
- ୨ ଦାମ୍‌ ଜୀଞ୍ଜୁତଲେ ନୀତାଲି ଅଡେ ଜାପ୍‌ହାଲି ଖେହ୍‌ନାୟି □ ୨:୧-୩:୧୧
- ୩ ତାୟୁତି କାତା ଅଡେ ଜହରା ତଲେ ଆକୁତି ରାପ୍‌ନାୟି □ ୩:୧୨-୧୫

୧ ପାଞ୍ଚୁଲ, ମାହାପୁରୁତି ହଲେଏଣାତେଏଁ ଇଞ୍ଜା ଜୀସ୍ତ କ୍ରୀସ୍ତ ତାଣ୍ଡାଟି ପାଣ୍ଡୁଞ୍ଜି ଆହାମାନାତେଏଁ □

ମାହାପୁରୁ ଆଡ଼ାମାନି ଲକୁତି ନାମୁ ପାତିକିହାଲି ଅଡେ କାଲାକାଲାତି ଜୀଞ୍ଜୁ ମେଡ଼ାଆନି ଆସାତି ଦାମ୍‌ଗୁତି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣ୍ଡୁଞ୍ଜି ଆହାମାକ୍ □

୨ କାଲାକାଲାତି ଜୀଞ୍ଜୁତି ଆସା ହାହାଲିତାକି, ଏନିନି ମାହାପୁରୁ ଆଞ୍ଜାମାତେସି, ଏଞ୍ଜାସି ଏତେଲା ମିତି ଜଲାଆଗାଟାସି □

୩ ଏ କାଲାକାଲାତି ଜୀଞ୍ଜୁ ସାତା ମାହାପୁରୁ, ହାଟ୍‌ରେକା କାଲା ନକେଏ ଆଞ୍ଜାନା ସମାନା ବେଲାତା ତାନି ବଲୁ ଖେକ୍‌ନି ତାଣ୍ଡାଟି ତସାମାନେସି; ଏ ବଲୁ ଖେକ୍‌ନି ବଲୁ ମା ଗେଲ୍‌ପାନି ମାହାପୁରୁ ହୁକୁମି ତଲେ ନା ତାଣ୍ଡା ହେର୍‌ପି ଆହାମାଞ୍ଜାନେ □

୪ ନା ସମାନା ନାନିତାସି ଅଡେ ନାମୁତା ନା ଜୀଞ୍ଜୁତି ମୀର୍‌ଏସି ତିତସ ତାଣ୍ଡା ଇ ଆକୁ ରାଡ଼ିମାକ୍ □

ଆଡ଼ା ମାହାପୁରୁ ଅଡେ ମାଲେ ଗେଲ୍‌ପାନି କ୍ରୀସ୍ତ ଜୀସ୍ତ ମିଲେ କାମା ଅଡେ ହିଡ଼ଡ଼ି ହିୟାପେସି □

କ୍ରିତିତା ତିତସ କାମା କିନାୟି

୫ ନାମୁ ଖେସ୍ତାତିଲେହେଁ ରାଆତି କାମାତି ରାପ୍‌ହାଲି ତାକି, ଅଡେ ବାରେ ଗାଡ଼ାତା ପ୍ରାତିନାକ୍‌ପାଣି କାମା ହେର୍‌ପାଲି ତାକି ନାମୁ କ୍ରିତିତା ନିଲେ ପିସା ଖାୟାତେଏଁ;

୬ ଆମ୍‌ଆସି ଦହ ହିଲାଆଗାଟାସି, ରଣ୍ଡିଏ ଡକ୍‌ନି* ଡକ୍ରା, ଆମ୍‌ଆରି ମୀର୍‌କା ମାସ୍‌କା ନାନିତାରି, ଅଡେ ଲାଗେଏ ପଲେଏତି କାମା କିଅରିକି ମାନଞ୍ଜି ଆଆଗାଟି କାମା କିଅରି ଏଞ୍ଜାରାକ୍ ଆଡ଼ାହାଁ ପ୍ରାତିନା କିମୁ □

୭ ଇତିହ୍ କାଜାସି, ମାହାପୁରୁତି ଗୁମ୍‌ସ୍ତା ଆହାଁ ଦହ ହିଲାଆଗାଟାସି ଆନାୟି ମାନେ; ଏଞ୍ଜାସି ଜାହାରା ମନତଲେ କିନାସି କି ଦେବୁଣିଏ କାର୍‌ବି ଆନାସି କି କାଡ଼ ଗହ୍‌ନାସି କି ଗଡ଼ହା କିନାସି କି ଦନ ଜୁପ୍‌କା ଗାଟାସି ଆଆନା,

୮ ଏଞ୍ଜାସି ଗଡ଼ାୟାଣି ଆକ୍ରା କିନାସି, ଏନାୟି ନେହାୟି ଏଡ଼ାଆଁ ଜୀଞ୍ଜୁ ନନାସି, ଜାହାରାକ୍ ଲକ୍‌ନାସି, ଦାମ୍‌ଗାଟାସି, ସୁଦୁଗାଟାସି, ଇଞ୍ଜା ମେରା ମାନଞ୍ଜି ଆନାସି ଆପେସି □

୯ ଅଡେ ଏନିକ୍ ଏଞ୍ଜାସି ଲକୁତାକି ନେହାଁଣି ଜାପ୍‌ହାନା ରାହାଁ ହାହାଲି ଇଞ୍ଜା ମାହାପୁରୁ କାତା କପାଟି ଖେହ୍‌ନାରାକ୍ ଲାଗାଲି ଆଡ଼ିନେସି, ଇଦାଆଁତାକି ଜାପାମାନି ନାନିନି ବଲୁ ଜାଣେ ଆସାଁ ମାଞ୍ଜୁ □

୧୦ ଇତିହ୍ ହାଟ୍‌ରେକା ନାମାଆଗାଟି ଲକୁ, ଉଜେଏତି କାତାତଲେ ନାଡ଼ିକିନାରି ମାନେରି, ହାଟ୍‌ରେକା ଜୀହୁଦି କ୍ରୀସ୍ତାନା ଲକୁ ବିତ୍ରାଟି ମାନେରି □

୧୧ ଲାଗେଏତି କାତାଟି ଏଞ୍ଜାରି ଗୁତି ମୁଦା କିନାୟିମାନେ, ଏନାଆଁତାକି ଇତିହ୍ ଏଞ୍ଜାରି ଦନ ଜୁପ୍‌କାତାକି ଲାଗେଏତି କାତା ଜାପ୍‌ହିହ୍ ର ର ଲକୁ କୁଟମିତି ମାହାପୁରୁ ଜିରୁ ବାଣି କିନେରି □

* ୧:୪ ୧:୪ ୨କର ୮:୨୩; ଗାଲା ୨:୩; ୨ତିମ ୪:୧୦ * ୧:୬ ୧:୬ ୧ତିମ ୩:୨-୭ * ୧:୬ ୧:୬ ରଣ୍ଡିଏ ବାହା ଡକ୍‌

୧୭ ଏଞ୍ଜର ବିତ୍ରାଟି ରଥସି ଏଞ୍ଜର ମାହାପୁରୁ ଅଣ୍ଟପୁତି ବଲୁ ଝେହନସି ଏଲେ ଇଞ୍ଜାମାନେସି, କ୍ରିତିତା ବାସା ଆହାମାନାରି ବାରେବେଲା ମିତି ଝେହନାରି, ଜନ୍ତ ସମାନା ଅଡ଼େ ନିସ୍ତା ଇଞ୍ଜା ଟିଶ୍ଟିକାଝୁୟାଁ ।

୧୮ ଈ କାତା ସାତା । ଏଦାଆଁତାକି ଏଞ୍ଜରାଇଁ ଗାଡ଼ି ଦାକା ହାହାଁ ଲାଗାମ୍, ଏନିକ୍ ଏଞ୍ଜର ନାମୁତା ପାତା ଆନେରି ।

୧୯ ସାତାତି ପିସାମାନି ଲକ୍ଷୁତି ମେରା, ଜୀହୁଦି ଲକ୍ଷୁତି କହୁୟାଁ, ମନ ହାଅରି ଏଦାଆଁତାକି ଏଞ୍ଜରାଇଁ ଜାପ୍ମୁ ।

୨୦ ଅଡ଼େ ଆଡ଼ି ଲକ୍ଷୁତାକି ବାରେଏ ଅଡ଼ିନେ, ସାମା ପଲ୍ଲଆ ଗାଟାରାକି, ମାହାପୁରୁଇଁ ନାମାଆ ଗାଟାରାକି ଏନାୟି ଜିକେଏ ଅଡେଏ, ଇତିହ୍ ଇତିହ୍ ଏଞ୍ଜର ମନ ଅଡ଼େ ଅଣ୍ଟପୁ ବାରେ ପଲ୍ଲଆଗାଟାୟି ।

୨୧ ଏଞ୍ଜର ମାହାପୁରୁଇଁ ପୁଞ୍ଜାମାନମି ଇଞ୍ଜା ଜଲିନେରି, ସାମା ଏଞ୍ଜର କାମା ତଲେ ମାହାପୁରୁଇଁ ପୁନାଆତି ଲେହେଁ ଆନେରି, ଏଞ୍ଜର ଅପାଆଗାଟାରି, ଅଡ଼େ କାତା ଆହ୍‌ଆଗାଟାରି ବାରେ ନେହ୍ କାମାତା ପାଡ଼ାଆଅରି ।

୨

ନେହ୍ ଦାମ୍ ଜାପ୍ନାୟି

୧ ମା ଦାମ୍‌ତି କାତାୟାଁ ନେହ୍ କ୍ ଜାପ୍ମୁ ।

୨ ବୁଡ଼ହା ଆବାୟାଁଇଁ ତଟେ ଆୟାଲି, ନେହ୍ ଅଣ୍ଟପୁ ନେହ୍ ବୁଦି, ଅଡ଼େ ନାମ୍, ଜୀଝୁନନାୟି, ଇଞ୍ଜା ଅଡ଼ହନି ତାଣା ବାଡ଼ମୁ ଆୟାଲି;

୩ ଅଡ଼େ ବୁଡ଼ହା ଇୟାସିକାଣି ଜିକେଏ ଏଲେକିହ୍ ଏ ସାକ୍ତି ଗାଟାଇ ଇଞ୍ଜା କାଡ଼ ମୁହ୍‌ନାଇ ଆଆନା ସୁଦୁଜୀଝୁ ତଲେ ନୀତାନା ନେହ୍ କାତା ଜାପ୍‌ହାଲି ବାଡ଼ିମାଲିହ୍ ଝେହ୍‌ମ୍;

୪ ଏଦାଆଁତାକି ତାଆ ଆୟାସିକା ତାନି ତକ୍ରାୟାଁଣି, ମୀରକା ମାସ୍କାଣି ଜୀଝୁ ନହାଁ,

୫ ଜାହାରାଇଁ ସାପି ଆୟାଲି, ଅଡ଼ହା କତାନା, ଇଲୁତି ନେହ୍ କ୍ ଲେମ୍‌ମାଲି, ନେହ୍ ଗୁଣ୍, ଇଞ୍ଜା ଜାହାରା ତକ୍ରାୟାଁ କାତା ମାନଝି ଆୟାଲି, ଜାପ୍‌ମ୍, ଏନିକ୍ ମାହାପୁରୁତି ବଲୁ ନିନ୍‌ଆଏ ।

୬ ଏଲେକିହ୍ ଏ ଦାଂଗଣାୟାଁଣି ବାରେ କାତାତା ନେହ୍ ବୁଦି ଆହାଲି ରାହାଁ କିଝି କିମ୍;

୭ ନୀ ବାରେ ମାଣ୍ଡକିତା ସାତା କାମାତି ନେହ୍ ଗୁଣ୍ ତହ୍‌ମ୍, ଜାପ୍‌ନି ତାଣା ଆଡ଼ଝା ଅଡ଼େ ମାନିଗାଟି ମାଣ୍‌ସି ଆହାନା ନେହ୍ ହାଡ଼ା ତଲେ ଝେହ୍‌ମ୍ ।

୮ ଏନିକ୍ ମିଙ୍ଗେ ଲାଗେଏ କିହାଲି ଅଣ୍ଟପିମାନି ଲକ୍ଷୁ ମିଙ୍ଗେ ଝେଣ୍ଡେ ଝେସାଲି ଆଡ଼ାଆନା ଲାଜା ବେଟାଆନେରି ।

୯ ହଲିୟାଙ୍ଗା ତାନି ସାଝୁକାରି କାତା ମାନଝି ଆହା ତୟାପେରି, ଅଡ଼େ ବାରେ କାମାତା ସାଝୁକାରିଇଁ ରାହାଁ କିନାରି ଆପେରି, ଏଞ୍ଜର ଝେଣ୍ଡେ ଜଲ୍‌ଆପେରି,

୧୦ ଏନାଆଁ ସରୁ କିଆନା ନେହ୍ ନାମୁତଲେ ଟିକାଣା କାମା ତସ୍‌ପାରି, ଆଡ଼ିହ୍ ମାଙ୍ଗେ ଗେଲ୍‌ପାନି ମାହାପୁରୁତି ଦାମ୍ ଜାପ୍‌ନାଣି ନେହାୟି ଇଞ୍ଜା ଝେଙ୍ଗି କିନେରି ।

୧୧ ଇତିହ୍ ବାରେ ମାଣ୍‌ସି କୁଡ଼ାଇଁ ଗେଲ୍‌ପାଲି ମାହାପୁରୁତି କାର୍ମାମେହ୍‌ନାଣି ତସାମାନେସି,

୧୨ ଅଡ଼େ ମାର ଏନିକ୍ ଲାଗେଏତି ଦାମ୍, ଦାର୍‌ତିତି ଜୁପ୍‌କା ପିସାନା ଈ ନୀଏତି ଜୁଗୁତା ନେହ୍ ବୁଦି, ଦାମ୍ ଅଡ଼େ ମାହାପୁରୁତି ଆଜିତଲେ ନୀତିନ,

୧୩ ଅଡ଼େ ଏ ରାହାଁତି ବାସୁ ମା କାଜା ମାହାପୁରୁ ଗେଲ୍‌ପାନି କ୍ରୀସ୍ତ ଜୀସୁତି ଗାଝୁରମି ତଞ୍ଜାଆନାଣି କାଡ଼ିହ୍ ତୟିନ, ଇଦାଆଁତାକି ମାଙ୍ଗେ ଜାପ୍‌ହି ମାଞ୍ଜାନେ ।

୧୪ ଏ କ୍ରୀସ୍ତ ଜୀସୁ ମା ବାରେ ଲାଗେଏ ପଲେଏ ତାଣାଟି ଗେଲ୍‌ପି କିୟାଲି ଅଡ଼େ ତାଙ୍ଗେତାକି ସାତା କାମାତାକି ରାହାଁତି ତାନି ଲକ୍ଷୁ ଲେହେଁ ଅଡ଼ହାଲି ତାନ୍‌ଏ ମା ତାକି ହେରପି ଆଡେସି ।

୧୫ ଈ ବାରେ କାତା ଜଲିହ୍ ବାରେ ଅଦିକାରା ତଲେ ସାସା ହାମ୍, ଅଡ଼େ ଦାକା ହାମ୍ ଏନିକ୍ ଆମ୍‌ଆରି ନିଙ୍ଗେ ହାଣି କିୟାଆପେରି ।

୩

କ୍ରୀସ୍ତାନା ଲକ୍ଷୁତି କାମା ଇଞ୍ଜା ଗୁଣ୍

୧ ଦେସାତି ସାଲଝି କିନାରି ଅଦିକାରା ବେଟାଆହା ମାନାରି ତଇ ମାଞ୍ଜାନା, ଏଞ୍ଜରାଇଁ ମାନି କିହାନା, ଅଡ଼େ ବାରେ ନେହ୍ କାମା କିହାଲି ଜାଗ୍ରାତା ଆଦୁ,

୨ ଆମ୍‌ଆରାଇଁ ନିନ୍‌ କିଆନା, ଆମ୍‌ଆରି କପାଟି କାମା କିଆନା, ବାରେ ଲକ୍ଷୁ ନକିତା ଉଣା ଆହାଲି, ସୁଦୁ ସୁଝାଲା ତସାଲି ବାରେ ଲକ୍ଷୁ ନକିତା ଅଣ୍ଟପି କିମ୍ ।

୩ ଇତିହ୍ ମାର ଜିକେଏ ନକେଏ ବୁଦିହିଲାଆ ଗାଟାତାୟି, କାତା ଆହ୍‌ଆ ଗାଟାତାୟି, ଲାଗେଏତି ଜିରୁଟି ହାଜିମାତାୟି, ଏନି ଏନି ଜୁପ୍‌କା ଅଡ଼େ ସୁକୁ ଦୁକୁତି ହଲିୟା ମାତାୟି, ତାହାରା ଅଡ଼େ ତାହାରା ତଲେ ମାତାୟି ଇଞ୍ଜା ଅପ୍‌ଝି ଆଆଗାଟି ଲକ୍ଷୁ ଆହା ଅପ୍‌ଝି ଆହି ହିଲାଆତାୟି ।

୪ ସାମା ଏତିବେଲା ମାଙ୍ଗେ ଗେଲ୍‌ପାନି ମାହାପୁରୁତି କାର୍ମା ଅଡ଼େ ମାଣ୍‌ସି ଜାଡ଼ି ତାକି ତାନି ଜୀଝୁନନାୟି ତଞ୍ଜାଆଡେ,

☆ ୨:୧୪ ୨:୧୪ ଯଦିତ ୨:୯

୫ ଏଚିବେଲା ଏଞ୍ଜାସି ମା କିତି ଦାମ୍ବୁ କାମାତାକି
ଆଏ, ସାମା ତାନି କାର୍ମାତଲେ ପୁଃନି ଜାନାତି
ଏୟତଲେ ନରହାନା, ତାନି ସୁଦୁଜୀଞ୍ଜୁ ତଲେ ପୁଃନି
ଗାଡ଼ିକିହାଁ ଗେଲୁପାମାଞ୍ଜାନେସି,

୬ ଏ ନେହୁଁ ଜୀଞ୍ଜୁତି ମାଙ୍ଗେ ଗେଲୁପାନି ଜୀସୁ
କ୍ରୀସୁ ତାଣାଟି ହାରେପୁରେ ମା ଲାକ ହାୟାତେସି,

୭ ଏନିକିଁ ମାର ତାନି କାର୍ମାମେହନାଣି
ତଲେ ଦାମ୍ବୁ ଗାଟାତାୟି ଆହାନା ବାସୁଁ ତଲେ
କାଲାକାଲାତି ଜୀଞ୍ଜୁତି ଅଦିକାରା ଆନାୟି □

୮ ଇ କାତା ସାତା ଆନେ □ ଅଡ଼େ ଏନିକିଁ
ମାହାପୁରୁଇଁ ନାମିନାରି ବାରେ ନେହୁଁ କାମାତି
ଅଣପିହୁଁ କିନେରି, ଏଦାଆଁତାକି ଇ ବାରେ
ଜାଣ୍ଡେତଲେ ଜାପୁମୁ ଇଞ୍ଜୁଁ ନା ଅଣପୁ, ଇ ବାରେ
ଲକୁତାକି ନେହାୟି ଇଞ୍ଜା ଅଜିତାୟି □

୯ ସାମା ଲେନିପନିଏ ବାଦିବାଦା କାତା ଜଲିନି
ତାଣାଟି, ଆକୁ ଆବାୟାଁ ଦରକା ତାକି, ଗଡ଼ହା
ଅଡ଼େ ମେରାତାକି ଗଡ଼ହାଟି ହେକ ମାନାମୁ,
ଇଚିହୁଁ ଏ ବାରେ ଲାବା ହିଲାଆ ଉଜେଏତାକ
□

୧୦ ଜିରୁ ବାଣି କିନି ଲକୁଇଁ, ର ଦେବା ରୀ ଦେବା
ଦାକା ହାହାଁ ଜାଗ୍ରାତା କିଦୁ, ଅଡ଼େ ତାୟୁ ଏଞ୍ଜାଣି
ତାଣାଟି ହେକ ଆଦୁ;

୧୧ ଇଲେତି ଲକୁ ତାମି ଜିରୁ ବାଣାଆହା
ମାନେରି, ଇଞ୍ଜା ପାପୁ କିହାଁ ଜାହାରାତି ଦହ
କିନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି □

ରାନି ବେଲାତା ଜାପୁନାୟି

୧୨ *ଏଚିବେଲା ନାନୁ ମୀ ତାଣା ଆତମା କି
ତୁକିକଇଁ ପାଣ୍ଡାଇଁ, ଏଚିବେଲା ନିକପଲିତା ନା
ତାଣା ଖାହାଲି ଜାଡ଼ନୁ ଆମୁ, ଇଚିହୁଁ ପେନିଞ୍ଜେଡ଼ା
ରାଞ୍ଜେ ଏମାଆଁ ମାଞ୍ଜାଲି ଅଣପାମାଇଁ □

୧୩ ଅକିଲା ଜିନା, ଅଡ଼େ ଆପଲକି ଏନାୟି
ଲଡ଼ାମାନେ ଏଦାଆଁ ହାହାନା ଜିରୁ ତହୁମୁ,
ଏନିକିଁ ଏଞ୍ଜାରି ଜିରୁତା ଏଞ୍ଜାରାକି ଏନାୟି ଲଡ଼ା
ଆଆପେ □

୧୪ ମା ଲକୁ ଜିକେଏ ଲଡ଼ାମାନି ତୀରପୁ କାମାତା
ଲେମ୍ବୁଞ୍ଜି ଆହାଲି ଜାପିନାୟି ମାନେ, ଏନିକିଁ
ଏଞ୍ଜାରି ପାଡ଼େୟି ହିଲାଆ ଗାଟାରିଲେହେଁ ଆଅରି
□

୧୫ ନା ତଲେ ମାନି ବାରେଜାଣା ନିଙ୍ଗ ଜହରା
କିହିମାଞ୍ଜାନେରି □ ନାମୁତା ଆମ୍ବାଆରି ମାଙ୍ଗେ ଜୀଞ୍ଜୁ
ନହିମାଞ୍ଜାନେରି ଏଞ୍ଜାରାଇଁ ଜହରା କିଦୁ, ଅଡ଼େ
ମାହାପୁରୁତି କାର୍ମାମେହନାୟି ମୀ ବାରେତାକି
ଆପେ □

* ସଂ:୧୨ ସଂ:୧୨ କାମା ୨୦:୪; ଏପିସି ୭:୨୧,୨୨; କଲସି ୪:୭,୮; ୨ତିମ ୪:୧୨

ପିଲିମନଙ୍କ ନିକଟକୁ ପାଉଲଙ୍କ ପତ୍ର ପିଲିମନ ତାଣା ପାଖୁଲ ରାଚାମାନି ଆକୁ ମୁକୁ ହାଡ଼ା

ପିଲିମନ ଆକୁ ପାଖୁଲ ତାଣାଟି ରାସ୍ତା
ଆହାମାନେ ୧:୧ □ ପାଖୁଲ ରମ୍ ଗାଡ଼ାତି କାୟିଦି
ଇଲୁତା ମାଚାଟି ଇ ଆକୁ ରାଚାମାନେସି □ ଏଞ୍ଜାସି
ରମ୍ ଗାଡ଼ାତା ମାଚେସି କ୍ରୀସ୍ତ ଜାର୍ନାଆଡ଼ି ୨୧ ବାର୍ସା
ଡାୟୁ ଇ ଆକୁ ରାଚା ଡ଼ୟିନେସି □ ଏଚିବେଲାତା
କଲସିୟ କୁଲମିତାକି ରାଚା ଡ଼ୟିନେସି □ ଏଞ୍ଜାସି
ଇ ଆକୁ ପିଲିମନ ଇନି ର ମାଣସିକି ରାଚିମାନେସି
□ ପିଲିମନ କୁଲମିତି କାଜାସି ଅଡ଼େ ହଲିୟାଙ୍ଗାତି
ସାଞ୍ଜୁକାରି ମାଚେସି □ ଏଞ୍ଜାରି ବିତ୍ରାଟି ଅନିସିମ
ଇନି ର ହଲେଏସି ମାଚେସି ଏଞ୍ଜାସି ପିଲିମନ
ତାଣାଟି ହଟାତୁସା ମାଚେସି ଏଞ୍ଜାସି ପାଖୁଲ ତାଣାଟି
କ୍ରୀସ୍ତାନା ଆହାମାଚେସି □ ରମିୟ ଲକ୍ଷୁତି ମେରା
ତଲେ ଅନିସିମଇଁ ହାନ୍ତି ଡ଼ଣ୍ଡ ହାନାୟି ମାଚେ □

ଅନିସିମଇଁ କାର୍ମାମେସାନା ଏଞ୍ଜାଣାଇଁ ହଲେଏସି
ଲେହେଁ ଆଏ ସାମା କ୍ରୀସ୍ତାନା ତାୟିଲେହେଁ ଖେଣ୍ଡେ
ଆବାମୁ ଇଞ୍ଜିଁ ପିଲିମନଇଁ ବାଡ଼ିମାଲିହଁ ଇ ଆକୁ
ରାଚିମାନେସି ୧:୧୩-୧୪ □

ପତିତା ମାନାୟି

- ୧ ପିଲିମନଇଁ ଜହରା ଖେହନାୟି □ ୧:୧-୩
- ୨ ଅନିସିମଇଁ କ୍ରୀସ୍ତାନା ତାୟିଲେହେଁ ଆବାଲି
ଏଲେଇନାୟି □ ୧:୪-୨୧
- ୩ ଆକୁତି ରାପ୍ନି କାତା □ ୧:୨୨-୨୫

୧ ନାନୁ ପାଖୁଲ, ଜୀସୁ କ୍ରୀସ୍ତ ତାକି ଦସ୍ପତି
ଆହାମାନାଚେସି, ତାୟି ତିମତି, ମା ତଲେ କାମା
କିହିମାନି ଜୀସୁତି ପିଲିମନ,

୨ *ଅଡ଼େ ତାଙ୍ଗି ଅପ୍ପିୟା ଇଞ୍ଜା ମା ତଲେ
ଜୁଜୁକିନି ଆକ୍ ପ୍ପ ଇଞ୍ଜା ମୀ ଇଜ ମାନି
କୁଲମିତାକି ଆକୁ ରାଚାମାଇଁ;

୩ ମା ଆବା ମାହାପୁରୁ ଅଡ଼େ ପ୍ରୁ ଜୀସୁ କ୍ରୀସ୍ତ
ତାଣାଟି କାର୍ମାମେହନାୟି ଅଡ଼େ ହିଡ଼ଡ଼ି ମିଙ୍ଗେତାକି
ଆୟାପେ □

ପିଲିମନ ଜୀସୁନନାୟି ଅଡ଼େ ନାମିନାୟି

୪ ନାନୁ ନା ପ୍ରାତାନାତା ମୀ ଦରୁ ଆସାନା
କାଲେଏ ନା ମାହାପୁରୁଇଁ ଜହରା କିହିମାଇଁ,

୫ ପ୍ରୁ ଜୀସୁ କ୍ରୀସ୍ତ ଇଞ୍ଜା ବାରେ ମାହାପୁରୁ
ଲକ୍ଷୁତାକି ମୀ ଜୀସୁନନାୟି ଅଡ଼େ ନାମୁତି କାତା
ଖେଞ୍ଜାନା

୬ ଏଲେକିହଁଏ ମୀ ନାମୁତଲେ ଆଶୁଞ୍ଜି
ଆନାୟି, ମାଙ୍ଗେ ହୀପ୍ପକିଆଡ଼ି ବାରେ ନେହଁ
କାତାତି ପୁନାଣି ତଲେ କ୍ରୀସ୍ତ ତାଣା କାମା ଆନେ
□

୭ ଏଦାଆଁତାକି ଇଚିହଁ, ଏ ନା ତାୟି, ମାହାପୁରୁ
ଲକ୍ଷୁତି ହିୟାଁ ମୀ ତାଣା ସୁସ୍ତି ମେଡ଼ା ଆହାମାନାକି
ନାନୁ ମୀ ଜୀସୁ ନନ୍ତି ତାଣା ରାହଁ ଅଡ଼େ ସାସା ବେଟା
ଆହିମାଇଁ □

ଅନିସିମ ତାକି ବାଡ଼ିମାଲିନାୟି

୮ ଆତିହଁ ଏନାୟି ନେହାୟି, ଏ କାବୁତାକି
ନିଙ୍ଗେ ହୁକୁମି ହୀହାଲି କ୍ରୀସ୍ତତି ହଲେଏଣା ଲେହେଁ
ଆଡ଼ିଜିକେଏ ନାଙ୍ଗେ ହାଡ଼େ ପୁରେ ସାସା ମାନେ,

୯ ଆଡ଼ିଜିକେଏ ନାନୁ ବୁଡ଼ହା ପାଖୁଲ ଜୀସୁ
ନନାଣି ତାକି ମିଙ୍ଗେ ବାଡ଼ିମାଲିମାଞ୍ଜାଇଁ, କ୍ରୀସ୍ତ
ଜୀସୁ ତାକି ନୀସଁ ନାନୁ ଦସ୍ପତି ଆହାମାଇଁ,

୧୦ *ନାନୁ ଇଲେକ୍ ଦସ୍ପତି ଆହାମାନାଟି ନା
ମୀରଏସି ଅନିସିମ ତାକି ନିଙ୍ଗେ ବାଡ଼ିମାଲିମାଞ୍ଜାଇଁ;

୧୧ ଏଞ୍ଜାସି ନକେଏ ନିଙ୍ଗେ ଅଡ଼େ ନାଙ୍ଗେତାକି
ଲଡ଼ା ହୀଆଗାଟାସି ମାଚେସି, ସାମା ନୀସଁ
ନିଙ୍ଗେତାକି ଅଡ଼େ ନାଙ୍ଗେତାକି ଜିକେଏ ଲଡ଼ା
ଗାଟାସି ଆହାମାନେସି □

୧୨ ନାନୁ ଏଞ୍ଜାଣାଇଁ ନୀ ତାଣା ଖେଣ୍ଡେ
ପାଣ୍ଡିମାଞ୍ଜାଇଁ, ଏଞ୍ଜାସି ନା ହିୟାଁ ଲେହେଁ □

୧୩ ନେହଁ କାବୁତାକି ନାନୁ କାୟିଦିତା ମାଞ୍ଜାନା
ଏଞ୍ଜାଣାଇଁ ନୀ କିନି ଜାଡ଼ନୁ ନାଙ୍ଗେ କିହାଲି ତାକି
ତାଗେ ଇଟାଲି ଅଣ୍ପିମାଚେସି,

୧୪ ସାମା ନାନୁ ରାଜି ଆଆପାତେକା ନାନୁ
ଏଦାଆଁ କିହାଲି ଅଣ୍ପାଆତେସି, ଏନିକ୍ ନୀ
ନେହଁ କାମା ନୀ ମନୁତଲେ କିନିଲେହେଁ ଆଆନା
ନେହଁ ଅଣ୍ପୁ ତଲେ ଆନେ □

୧୫ ଆତିହଁ ଇଦି ଆହାଲି ଆଡ଼ିନେ, ଏନିକ୍
ନାନୁ ଏଞ୍ଜାଣାଇଁ ହଲେଏଣା ଲେହେଁ ମେହୁଆନା
ସାମା ହଲେଏଣା କିହଁ କାଜାସି ଲେହେଁ, ଇଚିହଁ
ଜୀସୁତି ତାୟିଲେହେଁ କାଲେଏତାକି ବେଟାଆଡ଼ି,
ଏଦାଆଁତାକି ଏଞ୍ଜାସି ଏଚରଦିନା ତାକି ଏଟକା
ଆହାମାଚେସି;

୧୬ ସାମା ଏଞ୍ଜାସି ଖାରଇ ହଲେଏସି ଆଏ, ନୀସଁ
ଏଞ୍ଜାସି ଜୀସୁତି ତାୟି, ଇଚିହଁ ଆଙ୍ଗା ତଲେ
ଅଡ଼େ ମାହାପୁରୁ ତାଣା ନିଙ୍ଗେତାକି ଏଚେକା ଜୀସୁ
ନନାସି ଆଅସି □

୧୭ ଏଦାଆଁତାକି, ନାନୁ ନାଙ୍ଗେ ନା ତଡ଼ତୁସି
ଇଞ୍ଜିଁ ଅଣ୍ପି ମାଞ୍ଜାସାରେ, ଆତିହଁ ନାଙ୍ଗେ
ଆବାତି ଲେହେଁ ଏଞ୍ଜାଣାଇଁ ଆବାମୁ □

୧୮ ଇଚିହଁ ନିଙ୍ଗେତାକି ଏନି ଲାଗେଏ
କିହାମାଞ୍ଜାତ୍ କି ନୀ ତାଣା ରୀଣା ଆହା
ମାଞ୍ଜାତିହଁ, ଏଦାଆଁ ନା ଦରୁତା ରାଚାମୁ □

* ୧:୨ ୧:୨ କଲସି ୪:୧୭ * ୧:୧୦ ୧:୧୦ କଲସି ୪:୯

୧୯ ନାନୁ ପାଞ୍ଚୁଲତେଏଁ, ନା କେୟୁତଲେ ଇଦାଆଁ
ରାଢ଼ିମାଇ, ନାନୁ ଏଦାଆଁ ଖେଟ୍‌ହାଇଁ □ ନାନୁଏ ନା
ତାଣା ରାଣା ମାଞ୍ଜି, ଇ କାତା ଅଡ଼େ ନାନୁ ଖେସାଲି
ଅଣ୍ଡି ହିଲଅଁ □

୨୦ ହାଅ, ତାୟି, ପ୍ରବୁ ତାଣା ଆଣ୍ଡିତ୍ ନୀ
ତାଣାଟି ନା ଲାବା ଆୟାନେ, କ୍ରୀସ୍ତତି ତାଣା ନା
ଜୀଞ୍ଜୁତା ବାସୁଁ ହିୟାମୁ □

୨୧ ନାନୁ ନା ଖେସ୍ତାତିଲେହେଁ କିଦି ଇଞ୍ଜିଁ ନାନୁ
ମାନାକି ନାନୁ ଇ ଆକୁ ରାଢ଼ିମାଇ; ସାତେଏ ନାନୁ
ପୁଞ୍ଜାମାଇ, ନାନୁ ଏଚେକା ଖେସିମାଞ୍ଜାଇ, ନାନୁ
ଏଦାଣିକିହାଁ ଆଗାଡ଼ା ଜିକେଏ କିଦି □

୨୨ ଇଦାଆଁ ତଲେ ନା ଡ଼ୟିନି ଇଲୁ ଜିକେଏ
କିହାନା ଇଟାମୁ, ଇଚିହଁ ମୀ ପ୍ରାଡ଼ାନା ତଲେ
ମୀରୁ ନାଞ୍ଜେ ଖେଣ୍ଡେ ବେଟା ଆୟାଦେରି, ଇଦାଆଁ
ନାନୁ ଆସା କିହିମାଇଁ □

ରାନ୍‌ବେଲାତି ଜହରା

୨୩ ☆କ୍ରୀସ୍ତ ଜୀସୁ ତାକି ନା ତଲେ କାୟିଦି ଇଲୁତା
ମାନି ଏପାପ୍ରା

୨୪ ☆ଇଞ୍ଜା ନା ତଲେ କାମା କିହିମାନି ମାର୍କ,
ଆରିସ୍ତାର୍କ, ଦିମା ଅଡ଼େ ଲୁକ ନିଞ୍ଜେ ଜହରା
କିହିମାଞ୍ଜାନେରି □

୨୫ ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହ୍‌ନାୟି
ନେହଁ ଜୀଞ୍ଜୁ ମୀ ତଲେ ମାଣ୍ଡମ୍ବେ □

☆ ୧:୨୩ ୧:୨୩ କଲସି ୧:୭; ୪:୧୨ ☆ ୧:୨୪ ୧:୨୪ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; କାମା ୧୯:୨୯;
୨୭:୨; କଲସି ୪:୧୦; କଲସି ୪:୧୪; ୨ତିମ ୪:୧୦; କଲସି ୪:୧୪; ୨ତିମ ୪:୧୧

ହିବ୍ରୁମାନଙ୍କୁ ଲିଖିତ ପତ୍ର ଏବଂ ଲକ୍ଷ୍ମଣଙ୍କ ରାତି ଥିବା ମୂଲ୍ୟ ହାତୀ

ଏହି ପତ୍ର ର ରାହାଁ ହାନି ପତି □ ପୁଣି ଫେରାତି ହାରେକା ମାହାପୁରୁ ଅଣ୍ଟାପୁତି ବଲୁୟା ପୁଣିଆଲ ଆହାମାନି କାତା ଇମ୍ମାଆଁ ମେସାଲି ଆଡ଼ିମାନାୟି □ ଇ ପତି ର ନେହଁ କାତାତି ଖେହ୍ନି ପତି □ ଇମ୍ମାଆଁ ତାନିକଡ଼ିଟିଏ ହାରେକା ପୁଣି ଫେରାତି କାତାୟାଁ ରାସ୍‌କି ଆହାମାନୁ □ ଜୀସୁ କ୍ରୀସ୍ତ ଏନିକଁ ମାହାପୁରୁ ଅଣ୍ଟାପୁତି ବଲୁ ଅଡ଼େ ଜୀହୁଦି ପୂଜେରାଜା କାମା ପୁରା କିତେସି ଇମ୍ମାଆଁ ମାର ମେସାଲି ଆଡ଼ିମାନାୟି □

ଇଦାଆଁତାକି ଇ ପତି ଜୀହୁଦି କ୍ରୀସ୍ତାନା ଲକ୍ଷ୍ମଣି ସାସା ଅଡ଼େ ବାସ୍ତୁ ହାନି ପତି □ ଏହି ପତି ଖେସିମାନେ, ଜୀସୁ ଏନିକଁ ମେରାତି ପୁରା କିତେସି, ଏନିକଁ ପୂଜେରାଜା ଅଡ଼େ ଖେଶ୍ଟେ ପୂଜା ହାହାଲି ଲଡ଼ା ହିଲେଏ □ ଜୀସୁ କ୍ରୀସ୍ତ ବାରେ କାଲେଏତାକି ରଣ୍ଡିଏ ଦେବା ପାପୁତି ପୂଜା ହାତେସି □ ନୀଏତି ଜୁଗୁତି କ୍ରୀସ୍ତାନା ଲକ୍ଷ୍ମଣି ଏହି ପତି ସାସା ଅଡ଼େ ବାସ୍ତୁ ତସିମାନେ □ କ୍ରୀସ୍ତ ମାଜେ ମାହାପୁରୁ ତାଣା ବାସ୍ତୁ କିଞ୍ଜିକିହାଲି ଆଡ଼ାମାଞ୍ଜାନେସି □ ଅଡ଼େ ଏଞ୍ଜାଣି ତାଣା ବାସ୍ତୁ ଇଟାନା ତାକିନ ୧୨:୨ □

ଏହି ପତି ଆମ୍ମାଆସି ରାଡ଼ାମାନେସି ପୁଣି ଆହା ହିଲେଏ, ସାମା ବୁଦିଗାଟାରି ଏଲେ ଇଞ୍ଜିମାନେରି ପାଣ୍ଡୁଆହାମାନି ପାଞ୍ଜୁଲ, ଲୁକ, ଆଆତଁ ବର୍ନବା ଆହାଡ଼ିନେରି □ ଇଦାନି ରାତିତି କାଲମି ଜିକେଏ ପୁନାଆତାୟି, ସାମା ହାରେକା ଲକ୍ଷ୍ମଣ ଏଲେଇନେରି ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟାଁ ରାସ୍‌କି ଆହାମାନେ □ ଇତିହଁ ଜିରୁସାଲମ ଇଲୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟାଁ ନାସା ଆଡ଼େ ସାମା ଇ ଆକୁତି ରାଡ଼ିନାସି ଇଦି ନାସା ଆଆତିଲେହେଁ ରାଡ଼ିମାନେସି □ ଏହି ପତି ରମ୍ ଗାଡ଼ାତା ରାସ୍‌କି ଆହାମାତେ ୧୩:୨୪ ଅଡ଼େ ହାରେକା କୁଲମିକାଣା ବାଡ଼ିକିଞ୍ଜି ଆହାମାତେ □

ପତିଗା ମାନାୟି

- ୧ ଜୀସୁ କ୍ରୀସ୍ତ ମାହାପୁରୁ ଅଣ୍ଟାପୁତି ବଲୁ ଖେହ୍ନାସି ଅଡ଼େ ଦୂତୁୟାଁ କିହାଁ ଜିକେଏ କାଜାସି □ ୧:୧-୪:୧୩
- ୨ ଜିରୁସାଲମତା ସେବା କିହିମାନି ପୂଜେରାଜା କିହାଁ ଜିକେଏ ଜୀସୁ କାଜାସି □ ୪:୧୪-୭:୨୮
- ୩ ମାହାପୁରୁ ମସାକି ମେରା ହାହାନା ତାନି ଲକ୍ଷ୍ମଣଲେ କିହାମାତି ରାଜିମାନା କିହାଁ ଜୀସୁତି ସେବା କାମା କାଜାୟି □ ୮:୧-୧୦:୩୧

- ୪ ଜୀସୁଇଁ ବାରେ ତାଣା କାଜାସି କିହାନା ଖେସାମାନେସି □ ୧୦:୩୨-୧୩:୧୭
- ୫ ସାସା ଅଡ଼େ ବାସ୍ତୁତି କାତା ଖେସାନା ଜହରା ତଲେ ଆକୁତି ରାପ୍‌ନାୟି □ ୧୩:୧୮-୨୫

ମାର୍‌ଏଣା ତାଣାଟି ମାହାପୁରୁତି ବଲୁ

୧ ମାହାପୁରୁ ତଲି କାଳାତା ଏଟକା ଏଟକା ଚାୟୁତା ଅଡ଼େ ଏଟକା ଏଟକାଟି ମାହାପୁରୁ ଅଣ୍ଟାପୁତି ବଲୁ ଖେହ୍ନାରି ତାଣାଟି ମା ଆକୁ ଆବାୟାଁଣି କାତା ଖେସାମାତେସି,

୨ ସାମା ଇ ରାନି ବେଲାତା ମାର୍‌ଏଣା ତାଣାଟି ମାଜେ କାତା ଖେସାମାଞ୍ଜାନେସି □ ଏଞ୍ଜାଣାଇଁ ଏଞ୍ଜାସି ବାରେତି ମୁହେଁ କାଜାସି କିହାଁ ଆଡ଼ାମାନେସି, ଏଞ୍ଜାଣି ତାଣାଟି ହାଗୁପାକା ଦାର୍‌ତି ବାରେ ଗାଡ଼ିକିତେସି;

୩ ଏ ମାର୍‌ଏସି ତାନି ଡ଼ାଞ୍ଜିମାନି ଗାଞ୍ଜୁରମିତି ଉଜେଡ଼ି ଅଡ଼େ ଏଞ୍ଜାଣି ଖାଣା ମାନେ, ଏଞ୍ଜାସି ତାନି ବାଡ଼ୁୟାଁ ଗାଟି ବଲୁ ତଲେ ବାରେ ଦାର୍‌ତିତି ସାଲ୍‌ଞ୍ଜି କିନେସି, ଇଞ୍ଜା ମା ପାପୁ ବାରେ ମେକ୍‌କିହି ତାୟାଁ ଲାକପୁରୁତି ବାଡ଼ୁୟାଁ ଗାଟି ମାହାପୁରୁତି ଚିଟିନି ଚଟତା କୁଗାମାନେସି □

ମାହାପୁରୁ ମାର୍‌ଏସି ବାରେକିହାଁ କାଜାସି

୪ ମାର୍‌ଏସି ଏନିକଁ ଲାକପୁରୁତି ଦୂତୁୟାଁ କିହାଁ ହାରେକା କାଜା ଦରୁତି ଅଦିକାରା ବେଟାଆହା ମାନେସି, ଏଲେକିହଁଏ ଏଞ୍ଜାସି ଏଞ୍ଜାସିକା କିହାଁ ହାରେକା କାଜାସି ଆହାମାନେସି □

୫ ଇତିହଁ ମାହାପୁରୁ ଦୂତୁୟାଁ ବିତ୍ରାଟି ଆମ୍ମାଆରାଇଁ ଏତେଲା ଏଲେଇଞ୍ଜା ହିଲଅସି, “ନୀନୁ ନା ମାର୍‌ଏଣାତି, ନୀଞ୍ଜୁଟିଏ ନାନୁ ନୀ ତାଞ୍ଜିତେଏଁ” ଅଡ଼େ ଜିକେଏ ମାହାପୁରୁ ଏଲେଇତେସି, “ନାନୁ ମୀ ଆବାତେଏଁ ଆହାମାଇଁ, ଅଡ଼େ ନୀନୁ ନା ମାର୍‌ଏଣାତି ଆଡ଼ି □”

୬ ଅଡ଼େ ମାହାପୁରୁ ତାନି ପାଣ୍ଡା ମାର୍‌ଏଣାଲ୍ ଅଡ଼େ ଖେଶ୍ଟେ ଦାର୍‌ତିତା ପାଣ୍ଡାତେସି, ଏ ବେଲାତି ସିନିକିହାନା ଏଲେଇନେସି, “ମାହାପୁରୁତି ବାରେ ଦୂତୁୟାଁ ଏଞ୍ଜାଣାଇଁ ଜହରା କିପେରି □”

୭ ର ଖାକିଟି ମାହାପୁରୁ ଦୂତୁୟାଁ କାତା ଏଲେଇଞ୍ଜି ମାନେସି, “ମାହାପୁରୁ ତାନି ଦୂତୁୟାଁଲ୍ ଗାଲି ଲେହେଁତି ଜୀଞ୍ଜୁ ହାନେସି, ଅଡ଼େ ତାନି ସେବା କିନାରାଇଁ ହିରୁ ଗୁଦ୍‌ଞ୍ଜା ଲେହେଁ କିନେସି □”

୮ ଅରଞ୍ଜାକି ମାହାପୁରୁ ତାନି ମାର୍‌ଏଣା ତାକି ଏଲେଇଞ୍ଜି ମାନେସି, “ଏ ମାହାପୁରୁ ନୀ ସିଂଗାସାଣି କାଲକାଲା ତାକି ଡ଼ିନେ,

ଅଡ଼େ ନୀନୁ ସାଲୁଖି କିନାୟି ନୀହାୟି ତଲେ
ଆନେ □

୯ ନୀନୁ ଦାମ୍ନୁ ଗାଟାଣାଇଁ ଜୀଝୁ ନହୁଁ ମାଞ୍ଜି
ଅଡ଼େ ଦାମ୍ନୁ ହିଲୀଆଗାଟାଗାଇଁ ଅପାହିଲଅତି,
ଏଦାଆଁତାକି ମାହାପୁରୁ ନୀ ମାହାପୁରୁ ନିଜେ
ଆଟାନେସି,
ମୀ ତଣେସିଙ୍ଗା କିହାଁ ନିଜେ ହାରେକା
ରାହାଁତି ନିୟୁଁ ଖାକ୍‌ହାନା ନିଜେ
ଆଟାନେସି □”

୧୦ ଏଞ୍ଜାସି ଅଡ଼େ ଝେସିମାନେସି,
“ଏ ପୁରୁ, ନୀନୁ ମୁଲୁଏ ଦାରତିତି ପୁନାଦି ଗାଡ଼ିକିତି,
ଅଡ଼େ ହାଗୁଁପାକା ବାରେ ନୀ କେୟୁତଲେ
କେପିତି □”

୧୧ “ଏ ବାରେ ର ଦିନା ମେଣ୍ଟାହାନେ, ସାମା ନୀନୁ
କାଲେଏ ଡ଼ୟିଦି;
ଅଡ଼େ ଏ ବାରେ ପୁଃଇ ହିମ୍ବରକା ଲେହେଁ
ଗେଞ୍ଜା ହାନୁ

୧୨ ଅଡ଼େ, ନୀନୁ ହିମ୍ବରି ଲେହେଁ, ହାଅ, ହିମ୍ବରି
ଲେହେଁ ମୁଦାକିଦି
ଅଡ଼େ ଏଞ୍ଜି ବାରେ ହିମ୍ବରକା ଲେହେଁ ବାଦ୍‌ଲି
ଆନୁ;

ସାମା ନୀନୁ ବାରେବେଲା ଏଞ୍ଜାତିଏ,
ଅଡ଼େ ନୀ ଜୀଝୁ ଏଚେଲାଞ୍ଜା ରାଏ □”

୧୩ ମାହାପୁରୁ ତାନି ଦୁତୁୟାଁଇଁ ଏଚେଲାଞ୍ଜା
ଏଲେଇଞ୍ଜା ହିଲଅସି,
“ନୀନୁ ନୀ ସାତୁୟାଁଣି ନୀ କତାୟାଁ ଡ଼ଇ ଇଟାଆ
ପାତେକା
ନୀନୁ ନା ଚିଃନି ଟଟତା କୁଗାମାନାମୁ □”

୧୪ ଆତିହୁଁ ଲାକପୁରୁତି ଦୁତୁୟାଁ ଆମ୍ବାଆରି ?
ଏଞ୍ଜାରି ଆହିମାନେରି ମାହାପୁରୁତି ସେବା କିନାରି
ମାଣ୍ଡସିୟାଁଇଁ ସାଢ଼େମି କିହାନା ଗେଲ୍‌ପାଲିତାକି
ମାହାପୁରୁ ତାଣାଟି ପାଣ୍ଡୁଞ୍ଜିଆଡ଼ି ଜୀଝୁୟାଁ □

୨

ଗେଲ୍‌ପିନାୟି

୧ ଏଦାଆଁତାକି, ମାରୁ ଝେଞ୍ଜାମାନି କାତାତି
ହାରେକା ଝେଞ୍ଜାଲି ମନ୍ ହୀନାୟି ମାନେ,
ଆଆଡ଼ି ମାରୁ ଏଚେତା ଜିରୁ ବାଣ୍ଡି ଆଆୟି
□

୨ ଇତିହୁଁ ନଚେଏ ଲାକପୁରୁତି ଦୁତୁୟାଁ
ତାଣାଟି ଏଲେଇଞ୍ଜା ମାନେସି, ଏଦି ସାତା ଇଞ୍ଜୁ
ତାରିଆହାଁ ମାନେ, ଅଡ଼େ ଆମ୍ବାଆରି କାତା
ଆହୁଆନା ମାନୁଞ୍ଜି ଆହାହିଲଅରି, ଏଞ୍ଜାରି ତାମ୍ବୁ
ବେଟାଆନି ଡ଼ଣ୍ଡୁ ବେଟାଆହାମାନେରି □

୩ ଆତିହୁଁ ଇଲେତି ଗେଲ୍‌ପିନାୟିଇଁ ହେଲା
କିତିହୁଁ ମାରୁ ଏନିକ୍‌ ଗେଲ୍‌ହିନାୟି ? ଏଦି
ନଚେଏ ପୁରୁ ତାଣାଟି ଝେସିପି ଆହାଁ ଝେଞ୍ଜାମାନି
ଲକୁ ତାଣାଟି ମା ତାଣା ଝେସିପିଆହାମାନାୟି ସାତା
ଆହାମାନେ;

୪ ଏଦାଆଁତାକି ମାହାପୁରୁ ଜିକେଏ ତାନି
ମନତଲେ ହାରେକା ସିନାୟାଁ ଅଡ଼େ କାବାଆନି
କାମାୟାଁ ଇଞ୍ଜା, ବାଡ଼ୁଗାଟି କାମାୟାଁ ଅଡ଼େ
ସୁଦୁଜୀଝୁତି ଏଟକା ଏଟକାତି ଦାନା ହୀହାନା ସାକି
ହୀହାମାନେସି □

ଜୀସୁ ମାଣ୍ଡସି ଖାଣା ଆଡ଼େସି

୫ ମାହାପୁରୁ ଆମିନି ପୁଃନି ଦାରତିତି ଗାଡ଼ି
କିନେସି, ଅଡ଼େ ଆମିନି ଦାରତିତି କାତା ମାମ୍ବୁ
ଝେସିମାଞ୍ଜାନମି, ଏଦାନି ଅଦିକାରା କିହାଲି ଏଞ୍ଜାସି
ଲାକପୁରୁତି ଦୁତୁୟାଁ କେୟୁତା ହେରପା ହିଲଅସି □

୬ ସାମା ରଅସି ର ଟାୟୁତା ସାକି ହୀହାମାନେସି;
“ଏ ମାହାପୁରୁ, ମାଣ୍ଡସି ଆମ୍ବାଆସି, ନୀନୁ ଏଞ୍ଜାଣାଇଁ
ଅଣ୍ଡିମାଞ୍ଜି ?

ମାଣ୍ଡସି ମୀରଏସି ଆମ୍ବାଆସି ନୀନୁ ଏଞ୍ଜାଣି
ଜାଡ଼ୁ ଅହିମାଞ୍ଜି ?

୭ ନୀନୁ ଏଞ୍ଜାଣାଇଁ ଲାକପୁରୁତି ଦୁତୁୟାଁ କିହାଁ ରତାଣି
ଢ଼ଣା କିହାମାଞ୍ଜି;

ନୀନୁ ଏଞ୍ଜାଣାଇଁ ଗାଝୁରମି ଅଡ଼େ ମାନିତି
ଟପେରି ତୁରଞ୍ଜି କିହାମାଞ୍ଜି,

୮ ନୀନୁ ବାରେ ଏଞ୍ଜାଣି କତାୟାଁ ଡ଼ଇ
ଇଟାମାଞ୍ଜି □”

ସାତେଏ ମାହାପୁରୁ “ବାରେତି” ଇତିହୁଁ
ଏନାଆଁଞ୍ଜା ପିହୁଆନା ବାରେତି ତାନି କତାଁ ଡ଼ଇ
ଇଟାମାନେସି; ଆତିଜିକେଏ ମାରୁ ନୀଏଁ ପାତେକା
ବାରେ ତାନି ଡ଼ଇ ଆହାମାନାଣି ମେସି ହିଲୀଆୟି
ସାତା □

୯ ମାରୁ ମେସିମାନାୟି ଲାକପୁରୁତି ଦୁତୁୟାଁ କିହାଁ
“ଇଚାନି ଢ଼ଣା” କିଞ୍ଜିଆହା ମାଚେସି, ଏଞ୍ଜାଣାଇଁ
ଇତିହୁଁ ଜୀସୁଇଁ ହାକିତି ଦୁକୁ ବେଟା ଆହାମାନାକି
ଗାଝୁରମି ଅଡ଼େ ମାନିତି ଟପେରି ତୁରହା ମାନାଣି
ମେସିମାନାୟି, ଏନିକ୍‌ ମାହାପୁରୁତି କାର୍ମାଟି
ବାରେ ମାଣ୍ଡସିୟାଁ ତାକି ଏଞ୍ଜାସି ହାକିତି ଖାଣ୍ଡା
ମାନେସି □

୧୦ ଇତିହୁଁ ଆମ୍ବାଆରି ତାକି ଇଞ୍ଜା ଆମିନି ଗାଟାଣା
ତାଣାଟି ବାରେ ଗାଡ଼ି ଆହାମାନେ, ହାରେକା
ମୀରକାଣି ଜୀସୁତି ଗାଝୁରମି ପାଣ୍ଡି କିହାଲି, ଜୀସୁ
ଦୁକୁ କସ୍ତ ବେଟାଆହାନା ଏଞ୍ଜାଣାଇଁ ଗେଲ୍‌ପିନି
ଜିରୁତା ଅନେସି □

୧୧ ଆମ୍ବାଆସି ପାପୁଟି ସୁଦୁ କିନେସି ଅଡ଼େ
ଆମ୍ବାଆସି ସୁଦୁ ଆନେରି, ଏଞ୍ଜାରି ବାରେ ରଣ୍ଡିଏ
ତାଞ୍ଜିତି ମୀରକା; ଏଦାଆଁତାକି ଏଞ୍ଜାଣାଇଁ ଜୀସୁ
ତାୟି ତାଜି ଇଞ୍ଜାଲି ଲାଜା ଆଅସି,

୧୨ ଏଞ୍ଜାସି ମାହାପୁରୁଇଁ ଏଲେଇଞ୍ଜି ମାନେସି,
“ନୀନୁ ନା ତାୟି ତାଜିସ୍ତା ନକିତା ନୀ ବାରେ କାମା
ଝେକ୍‌ଇଁ,
ବାରେ କୁଲମି ନକିତା ନୀ ଜହରା ପାଚୁ
ପାଡ଼ିଇ □”

୧୩ ଅଡ଼େ ଖେଣ୍ଡେ ଏଲେଇଞ୍ଜି ମାନେସି, “ନାନୁ ଏଞ୍ଜାଣି ତାଣା ନା ନାମୁ ତୀରି କିଇଁ □” ଅଡ଼େ ସିନିକିଦୁ “ମାହାପୁରୁ ନାଞ୍ଜେ ହୀହାମାଞ୍ଜାନି ମୀରକା ମାସକା ନା ତଲେ ମାନେରି □”

୧୪ ଏଦାଆଁତାକି ଇଚିହିଁ ମୀରକା ଉଞ୍ଜା ଅଡ଼େ ନେତେରିତି ଆଞ୍ଜାତା ଆଣ୍ଡାମାନାକି କ୍ରୀସ୍ତ ଜିକେଏ ଏଲେକିହିଁଏ ମାଣସି ଖାଣା ଆଡେସି, ଏନିକିଁ ତାନି ହାକିଟି ସୟତାନଇଁ ନାସା କିନେସି; ଇଚିହିଁ ହାକି ସୟତାନତି ଅଦିକାରାତା ମାରେ □

୧୫ ଇଞ୍ଜା ହାକିତି ଆଜିତଲେ ଆମ୍ବାଆରି କାଲେଏତାକି ହଲିୟାଞ୍ଜା ଆହାନା ଦସପି ଆହାମାରେରି, ଏଞ୍ଜାସି ଏଞ୍ଜାରାଇଁ ଗେଲପିନେସି □

୧୬ ଇଚିହିଁ ଏଞ୍ଜାସି ସାତେଏ ଲାକପୁରୁତି ଦୁତୁୟାଣି ସାୟେମି କିଆନା ଅବ୍ରାହାମତି ମୀରକାଣି ସାୟେମି କିହିମାନେସି □

୧୭ ଏଦାଆଁତାକି ଏଞ୍ଜାସି ବାରେ ଖାକିଟି ତାନି ତାୟିୟାଁ ଲେହେଁ ଆନାୟି ମାରେ, ଏନିକିଁ ଏଞ୍ଜାସି ବାରେ ଲକୁତି ପାପୁତି ବାଦୁଲି ପୂଜା ହୀହାଲିତାକି ମାହାପୁରୁତି ସେବା କାମାତା ର କାର୍ମାମେହନ ଅଡ଼େ ନାମୁତି କାଜା ପୂଜେରା ଆନେସି □

୧୮ ଇଚିହିଁ ଏଞ୍ଜାସି ତାନୁ ତାୟିପାରି କିଞ୍ଜି ଆହାଁ ଦୁକୁ ବେଟାଆହା ମାନାକି ତାୟିପାରି କିଞ୍ଜି ଆହିମାନି ଲକୁଣି ସାୟେମି ଆହାଲି ଆଡ଼ିମାନେସି □

୩

ଜୀସୁ ମସା କିହାଁ କାଜାସି

୧ ଏଦାଆଁତାକି ଏ ନା ସୁଦୁଗାଟି ତାୟିୟାଁ ଅଡ଼େ ତାଞ୍ଜିସ୍ତା ମୀରୁ ଆମିନି ମାହାପୁରୁତି ହାଟ୍‌କି ଆହାମାନି ତାଣା ଆଣ୍ଡାମାନାତେରି ମା ନାମୁତଲେ ପାଣ୍ଡୁଞ୍ଜିଆହାମାନି କାଜା ପୂଜେରା ଜୀସୁତି କାତା ଅଣ୍‌ପାଦୁ;

୨ ମସା ଏନିକିଁ ମାହାପୁରୁ ଇଲୁତା ମାନିତଲେ କାମା କିହାମାରେସି, ଜୀସୁ ଜିକେଏ ଏଲେକିହିଁ ତାଞ୍ଜେ ଆଡ଼ାମାନି ମାହାପୁରୁ ନକିତା ମାନିଗାଟାସି ଆଡେସି □

୩ ଇଲୁ କିହାଁ ଇଲୁ କେପିତାସି ଏନିକିଁ ମାନି ବେଟା ଆନେସି, ଏଲେକିହିଁଏ ମସା କିହାଁ ଜୀସୁ ହାରେକା ଗାଞ୍ଜୁରମିତି ଜଗେ ଆହାମାନେସି □

୪ ଇଚିହିଁ ବାରେ ଇଲୁକା ଆମ୍ବାଆରି ଆଆତ୍ ଆମ୍ବାଆରି ତାଣାଟି କେପ୍‌ଞ୍ଜି ଆନୁ, ସାମା ମାହାପୁରୁ ବାରେତି ଗାଡ଼ି କିନାସି □

୫ ମସା ମାହାପୁରୁ ଇଲୁତା ହଲେଏସି ଲେହେଁ ନାମୁତଲେ ସେବା କାମା କିହାମାରେସି, ଇଞ୍ଜା ଏମିନି କାତା ମାହାପୁରୁ ତାୟୁ ଖେସାଲି ମନ କିହାମାରେସି ଏ କାତେଏ ଇଦି □

୬ ସାମା ଜୀସୁ କ୍ରୀସ୍ତ ତାନି ଆବା ଇଲୁତି ମୁହେଁ ମୀରଏଣା ଲେହେଁ ମାନିଗାଟାସି; ଇଞ୍ଜା ମୀର ମା

ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜିଁ ମା ବାସୁତି ତାୟୁ ପାତେକା ଜାଣ୍ଡେ ଆସା ଡ଼ୟିନ, ଆତିହିଁ ମୀର ଜିକେଏ ଏଞ୍ଜାଣି ଇଲୁ ଲେହେଁ ଆନାୟି □

ମାହାପୁରୁ ଲକୁତାକି ଜମିନାୟି

୭ ଏଦାଆଁତାକି ସୁଦୁଜୀଞ୍ଜୁ ଖେସିମାନିଲେହେଁ,

“ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଖେଞ୍ଜେରି,

୮ ଆତିହିଁ ମୀ ଆକୁ ଆବାୟାଁ ଲେହେଁ ମୀ ହିୟାଁତି ଆଟ୍‌ଞ୍ଜା କିଆଦୁ, ଲକୁ ହିଲାଆ ବାଟାତା ଏ ଦିନା ଏଞ୍ଜାରି ମାହାପୁରୁଇଁ ତାୟିପାରି କିହାନା

ଏଞ୍ଜାଣି କପାଟି ନିଞ୍ଜାମାରେରି,

୯ ଏ ବାଟାତା ମୀ ଆକୁ ଆବାୟାଁ ନାଞ୍ଜେ ତାୟିପାରି କିହାଁ ନାଞ୍ଜେ ମେସ୍ତାତେରି,

ଅଡ଼େ ରୀ କଡ଼ି ବାସାଁ ପାତେକା ମା କାମା ସିନିକିତେରି □

୧୦ ଇଦାଆଁତାକି ନାନୁ ଇ କୃଡ଼ାତି ଲକୁଇଁ କାର୍‌ବି ଆହାନା ଏଲେଇତେଏଁ,

‘ଏଞ୍ଜାରି ବାରେବେଲା ହିୟାଁତା ମାନି ହିଲାଆ ଗାଟାରି, ଏଞ୍ଜାରି ନା ଜିରୁ ପୁଞ୍ଜାହିଲଅରି □’

୧୧ ଇଦାଆଁତାକି ନାନୁ ନା କପାଟି ପାର୍‌ମାଣା କିତେଏଁ,

ନାନୁ ଆମିନି ଦେସାତା ଏଞ୍ଜାରାଇଁ ଜମାଲି ହୀତେଏଁମା ଏ ଦେସାତା ଏଞ୍ଜାରି ଏରେଲାଞ୍ଜା ହଡ଼ାଲି ଆଡ଼ଅରି □”

୧୨ ଏ ତାୟି ତାଞ୍ଜିସ୍ତା, ଜାଗ୍ରାତା, ପାପୁ ଅଡ଼େ ନାମାଆଗାଟି ହିୟାଁ ମୀ ଆମ୍ବାଆରି ତାଣା ହିଲେଏ, ଏନିକିଁ ମୀରୁ ଜୀଞ୍ଜୁଗାଟି ମାହାପୁରୁ ତାଣାଟି ହେକ ଆଅଡେରି □

୧୩ ସାମା ଏଡେତା ପାପୁ ତଲେ ନାଡ଼ିକିଞ୍ଜି ଆହାନା ମୀ ବିଡ଼ାଟି ଆମ୍ବାଆରି ହିୟାଁ ଆଟ୍‌ଞ୍ଜା ଆଏ, ଇଦାଆଁତାକି ନୀଞ୍ଜୁ ଦିନା ମାନାଟିଏ ବାରେଦିନା ରଅଡେରି ରଅଣାଇଁ ବାସୁତି କାତା ଜଲାନା ସାୟେମି କିଦୁ;

୧୪ ଇଚିହିଁ ନଡ଼େଏ ମା ଆମିନି ନାମୁ ମାରେ, ଏଦାଆଁ ତାୟୁ ପାତେକା ଜାଣ୍ଡେ ଆସା ଡ଼ୟିନାୟି ଆତିହିଁ କ୍ରୀସ୍ତ ତାଣା ଆଣ୍ଡାମାନା ଡ଼ୟିନାୟି □

୧୫ ଦାର୍ମୁ ସାସ୍ତେରିତା ରାସ୍‌କି ଆହାମାନେ, “ନୀଞ୍ଜୁ ମାହାପୁରୁତି ହାଡ଼ା ଖେଟିସାରେ,

ଏନିକିଁ କାର୍‌ବି କିଞ୍ଜିକିନି ଟାୟୁତା ଆହାମାରେ,

ଏଲେକିହିଁ ମୀ ଆକୁ ଆବାୟାଁ ଲେହେଁ ହିୟାଁତି ଆଟ୍‌ଞ୍ଜା କିଆଦୁ □”

୧୬ ଆତିହିଁ ଆମ୍ବାଆରି ମାହାପୁରୁତି ହାଡ଼ା ଖେଞ୍ଜାନା ଏଞ୍ଜାଣାଇଁ କାକ୍ତି କିହାମାରେରି, ମସା

ତାଣାଟି ଆମିନି ଗାଟାରି ମିସର ଦେସାଟି ହଡ଼ା
ଝାହାମାରେରି, ଏଝାରି ବାରେ ଆଏକି ?

୧୭ ଅଡ଼େ ଆମ୍ବାଆରି ମୁହେଁ ରୀ କଡ଼ି ବାର୍ଯା
ପାତେକା ଏଝାସି କାରବି ଆହାମାରେସି, ଆମ୍ବାଆରି
ପାପୁ କିହାମାରେରି, ଆମ୍ବାଆରି ମଡ଼ା ଲକୁ ଡ଼ୟାଆ
ବାଟାତା ରିହାମାରେ, ଏଝାରି ଆଏକି ?

୧୮ ମାହାପୁରୁ ଏତିବେଲା ପାରମାଣା କିହାନା
ଏଲେଇଞ୍ଜାମାରେସି, ଏଝାରି ଏଚେଲାଝା
ମାହାପୁରୁତି ଜମିନି ତାଣା ହଡ଼ଅରି, ଏତିବେଲା
ଏଝାସି ଆମ୍ବାଆରି କାତା ଏଲେଇଞ୍ଜାମାରେସି ?
ଆମ୍ବାଆରି କାତା ମାନୁଝି ଆହା ହିଲାଆତେରି,
ଏଝାରି ତାକି ଏ କାତା ଏଲେଇଞ୍ଜାମାରେସି □

୧୯ ଇଲେକିହୁଁ ନାନୁ ମେସିମାଇଁ, ଏଝାରି
ନାମାଆତାକି ଏ ଆଞ୍ଜାମାନି କିଶାନ ଦେସାତା
ହଡ଼ାଲି ଆଡ଼ାଆତେରି □

୪

୧ ଏଦାଆଁତାକି ଝାଦୁ ମାର ଜାଗ୍ରାତା ଆନ,
ଏଡ଼େତା ତାନି ଜମିନି ତାଣା ହଡ଼ାଲି ଆଞ୍ଜାମାଟି
ଜିକେଏ ମୀ ତାଣାଟି ଆମ୍ବା ଆମ୍ବାଆରି ଏମ୍ବାଟି
ଏଡ଼କା ଆନିଲେହେଁ ତଞ୍ଜା ଆହିମାନେରି □

୨ ଇଚିହୁଁ ଏଝାରି ନକିତା ଏନିକୁଁ, ମାନକିତା
ଜିକେଏ ଏଲେକିହୁଁ ଏ ନେହୁଁ କାରୁ ଝେପୁକି
ଆହାମାରେ, ସାମା ଝେନାରି ନାମୁଟି ଝେଞ୍ଜାମାନି
କାତା ଆହୁଆଲିଏ, ଏଡ଼ି ଏଝାରି ତାକି ଲାଠା
ଆଆତେ □

୩ ଅଡ଼େ ମା ବିତ୍ରାଟି ଆମ୍ବାଆରି ନାମିନେରି,
ଝାରଇ ଏଝାରି ମାହାପୁରୁ ଆଞ୍ଜାମାନି ଜମିନି
ଦେସାତା ହାଜାଲି ଆଡ଼ିନେରି, ଏନିକୁଁ ଏଝାସି
ଝେସାମାନେସି,
“ଏଦାଆଁତାକି ନାନୁ ନା କପା ତାକି ପାରମାଣା
କିତେଏଁ,
ଏଝାରି ମା ଜମିନି ଝାରାତା ହଡ଼ଅରି □”

ଦାରତି ଗାଡ଼ିକିତି ବେଲାଟିଏ ବାରେ କାମା
ରାହାମାରେ □

୪ ଇଚିହୁଁ ଜମିନି ଦିନାତି କାତା ଏଝାସି ର ଟାୟୁତା
ଇଲେକିହୁଁ ଝେସାମାନେସି; “ମାହାପୁରୁ ସାଡ଼ା
ଦିନାତା ତାନି ବାରେ କାମା ରାପୁହାନା ଜମିତେସି;”

୫ ଅଡ଼େ ଇ ବାରେ କାତା ମାହାପୁରୁ ଝେଶ୍ଵେ
ଏଲେଇଞ୍ଜା ମାନେସି, “ଏଝାରି ମା ଜମିନି ତାଣା
ହଡ଼ାଲି ଆଡ଼ଅରି □”

୬ ଆମିନି ଗାଟାରି ମୁଲୁଏ ନେହୁଁ କାରୁ
ଝେଞ୍ଜାମାରେରି, ଏଝାରି ମାହାପୁରୁ କାତା
ମାନୁଝି ଆଆତାକି ଏ ଜମିନି* ତାଣା ହାଜାଲି
ଆଡ଼ାଆତେରି, ନୀଏଁ ଏ ଜମିନାଣି† ଏଡ଼କାତାରି
ବେଟାଆହାମାନେରି □

୭ ଅଡ଼େ ର ଦିନା, ଇଚିହୁଁ “ନୀଞ୍ଜୁ ଦିନା” ଆଡ଼ାନା,
ଇଚେକା କାଲା ତାୟୁ ଦାଝୁଦତି ସାସ୍ତେରିତା

ଏଲେଇଞ୍ଜା ମାନେସି, ଏନିକୁଁ ନକେଏ ଝେସ୍ପି
ଆହାମାନେ,

“ନୀଞ୍ଜୁ ମାରୁ ଏଝାଣି ହାଡ଼ା ଝେଞ୍ଜେରି,
ଜାହାରା ହିୟାଁ ଆଡ଼ଝା କିଆଦୁ □”

୮ ଇଚିହୁଁ ଜିହୁପୁୟ ଏଝାରାକି ଜମାଲି
ହାଡ଼ିହୁଁମା, ଆତିହୁଁ ମାହାପୁରୁ ଅର ଜମିନି
ଦିନାତି କାତା ଜଲ୍ଲାଆତେସିମା □

୯ ଏଲେକିହୁଁ ଇ କାତା ସାତା ମାହାପୁରୁ ତାନି
ବାରେ କାମାଟି ଜମିତି ଲେହେଁ ତାନି ଲକୁତାକି
ଜମିନି ଦିନା ତାରି କିଝିଆହାମାନେ □

୧୦ ଇଦାଆଁତାକି ମାହାପୁରୁ ତାନି କାମାଟି
ଏନିକୁଁ ଜମିତେସି, ଆମ୍ବାଆସି ମାହାପୁରୁତି ଜମିନି
ଦେସାତା ହଡ଼ା ମାନେସି, ଏଲେକିହୁଁ ଏ ଏଝାସି
ଜିକେଏ ତାନି କାମାଟି ଜମିନାଣି ମେଡ଼ିକିହା
ମାନେସି □

୧୧ ଇଦାଆଁତାକି ମା ବିତ୍ରାଟି ଆମ୍ବାଆସି ଏନିକୁଁ
ନାମାଆତାକି ଏ ଲକୁତି ଲେହେଁ ଏ ଜମିନି ତାଣା
ହଡ଼ାନା ଡ଼ୟଅସି, ଇଦାଆଁତାକି ଆଡ଼ିନି ପାତେକା
ଜାଡ଼ନୁ ଆନ □

୧୨ ଇଚିହୁଁ ମାହାପୁରୁତି ବଲୁ ଜୀଝୁଗାଟାୟି
ଅଡ଼େ କାମା କିନାୟି ଇଞ୍ଜା ରିକଝାକି ଦାରାଗାଟି
ଝାହୁନି କାଣ୍ଡା କିହାଁ ହାରେକା ଝାସ୍ତାୟି, ଅଡ଼େ ହିୟାଁ
ଅଡ଼େ ଜୀଝୁ ଇଞ୍ଜା ହାୟୁଲି ଅଡ଼େ ଡୁମକାତି ନିଜେଡ଼ି
ପାତେକା ହଡ଼ାଲି ଆଡ଼ିନେ □ ଏ ବଲୁ ମାଣ୍ଡସିତି
ଡ଼ଗୁାମାନି ଅଣ୍ଡପୁତି ବାରେ ନୀହାଁୟି କିନାୟି □

୧୩ ମାହାପୁରୁ ନକିତା ଏନାୟିଝା ତଞ୍ଜା
ଆଆଗାଟାୟି ଆଏ, ସାମା ଗାଡ଼ି କିହାମାନି
ମାହାପୁରୁ ନକିତା ମାଞ୍ଜେ ଲେକା ହୀନାୟି ମାନେ,
ଏଝାଣି ନକିତା ବାରେ ଦେପି ଆଡ଼ାୟି ଅଡ଼େ
ପୁକ୍‌ଆତାୟି □

ଜୀସୁ କାଜା ପୂଜେରା

୧୪ ଏଦାଆଁତାକି ଲାକପୁରୁ ହାଜାମାନେସି,
ଆମ୍ବାଆସି ମାହାପୁରୁ ମାରୁଏସି ଜୀସୁ ଏଝାସି ମା
କାଜା ପୂଜେରା ଆହାମାନାକି, ଝାଦୁ ମାର ମା
ନାମୁତି ଜାଣ୍ଡେତଲେ ଆହୁନ □

୧୫ ଆମ୍ବାଆସି ମା ଦହ ପୁଞ୍ଜାଲି ଆଡ଼ିନେସି,
ଏଲେତି କାଜା ପୂଜେରା ଏଝାସି ଆଏ □ ସାମା
ମା କାଜା ପୂଜେରା, ମା ଲେହେଁ ବାରେଝାକି
ତାୟିପାରି ଆହାମାରେସି, ଆତୁଁ ଜିକେଏ ଏଝାସି
ପାପୁ କିହାହିଲାଆତେସି

୧୬ ଏଦାଆଁତାକି ଝାଦୁ, କାର୍ମା ମେଡ଼ା
ଆହାଲିତାକି ଅଡ଼େ, ଏ ବେଲାତେଏ ସାୟେମି
କିନାଣି କାର୍ମାମେହୁନାଣି ବେଟାଆହାଲି ତାକି ମାର
ସାସାତଲେ କାର୍ମାମେହୁନି ସିଂଗାସାଣି ନକିତା ହାନ
□

* ୪:୭ ୪:୭ ଆଞ୍ଜାମାନି ଦେସା କିଶାନ † ୪:୭ ୪:୭ ଆଞ୍ଜାମାନି ଦେସା କିଶାନ

୫

୧ ଇତିହାସ ବାରେ କାଜା ପୂଜେରାଜା ଜାହାରା ଲକ୍ଷ୍ମୀ ତାଣ୍ଡାଟି ଆଡ଼ି ଆନେରି, ଏଝାସି ଏଝାରି ଝାକିଟି ପାପୁ ମେକ୍‌ହାଲି ପୂଜା ଅଡ଼େ ଦାନା ହେର୍‌ପାନା ମାହାପୁରୁତି ସେବା କିନେସି □

୨ ଏଝାସି ବୁଦି ହିଲାଆ ଗାଟାରି ଅଡ଼େ ନାଡ଼ିକିଝି ଆହିମାନି ଲକ୍ଷ୍ମଣି ଅର୍‌ହିନାଣି ତସାଲି ଆଡ଼ିନାସି, ଇତିହାସ ଏଝାସି ତାନୁଏ ଜିକେଏ ବାଡ଼ୁୟୁ ହିଲାଆଗାଟାସି;

୩ ଅଡ଼େ ଝାଋଇ ଏଟକା ଲକ୍ଷ୍ମଣି ପାପୁ ତାକି ଏଝାସି ପୂଜା କିହାଲି ଆନେ ଏଦି ଆଏ ସାମା ତାନି ପାପୁ ତାକି ଜିକେଏ ତାନୁ ପୂଜା କିହାଲି ଆନେ □

୪ ଅଡ଼େ ଆମ୍ବାଆରି ଇ କାଜା ପୂଜେରା ପାଣ୍ଡାତି ତାମ୍ବୁ ଅହାକତାଲି ଆଡ଼ଅରି, ସାମା ହାରଣ ଏନିକ୍‌ ଆଡ଼ି ଆହାମାରେସି, ଏଲେକିହାସ ଏ ମାହାପୁରୁ ତାଣ୍ଡାଟି ଏଝାସି ଆଡ଼ି ଆନାୟି ମାନେ □

୫ ଏଲେକିହାସ ଏ କ୍ରୀସ୍ତ ଜିକେଏ କାଜା ପୂଜେରା ପାଣ୍ଡାତି ଗାଝୁରମି ତାନୁଏ ପାରା ହିଲାଆତେସି, ସାମା ମାହାପୁରୁ ଏଝାଣାକି ଏ ଗାଝୁରମି ପାଣ୍ଡା ହାହାମାରେସି, ଇତିହାସ ଏଝାସି ଏଝାଣାକ୍ ଏଲେଇଞ୍ଜାମାରେସି,

“ନାନୁ ନା ମାର୍‌ଏଶାତି;

ନୀଞ୍ଜୁ ନାନୁ ନୀ ତାଞ୍ଜି ଆହାମାକ୍ □”

୬ ଏଲେକିହାସ ଏ ଅଡ଼େ ର ତାଣ୍ଡା ଜିକେଏ ଏଲେଇଞ୍ଜି ମାନେସି,

“ନାନୁ ମଲ୍‌କିସେଦକ ଲେହେଁ କାଲେଏତି ପୂଜେରା ଆଦି □”

୭ *ଆମ୍ବାଆସି ଏଝାଣାକ୍ ହାକିଟି ନୀଟହାଲି ଆଡ଼ିମାନେସି, ଏଝାସି ତାନି ଆଜା ତଲେ ନୀତା ମାଟାଟି, ମାହାପୁରୁ ନକିତା ହାରେକା ଡାହି ଡାହି ଅଡ଼େ କାଣ୍ଡୁ ତୁଲେ ପ୍ରାତାନା ଅଡ଼େ ବାତିମାଲିହାସ ହେର୍‌ପା ମାରେସି, ଇଞ୍ଜା ତାନୁଏ ଜାହାରାକ୍ ଉଣା କିହାକତିନାସି ଅଡ଼େ ତାରିତାସି ମାଟାକି ମାହାପୁରୁ ଏଝାଣି ରୀସ୍ତାଣି ଝେରେସି,

୮ ଏଝାସି ମାହାପୁରୁ ମାର୍‌ଏସି ଆଡ଼ିଜିକେଏ ଦୁକୁତି ଅର୍‌ହାନା ମାନିଝି ଆହାଲି ଜାପିତେସି □

୯ ଇଲେଆହାସ ତାରିଆହାନା ତାନି ହୁକୁମି ମାନିଝି ଆନାରାକି କାଲେଏ ଗେଲ୍‌ପିନାସି ଆନେସି;

୧୦ ଏଦାଆଁତାକି ଏଝାସି ମାହାପୁରୁ ତାଣ୍ଡାଟି ମଲ୍‌କିସେଦକତି ମେରାଲେହେଁ କାଜା ପୂଜେରା ଇଞ୍ଜା ଅଦିକାରା ବେଟା ଆଡ଼େସି □

ନାନୁ ଉଣାଆନି କାତା

୧୧ ଜୀସୁ କ୍ରୀସ୍ତତି କାତା ମାଜେ ହାରେକା ଝେହ୍‌ନାୟି ମାନେ, ସାମା ମିଜେ ତେଲ୍‌ହି କିୟାଲି

ହାରେକା କସ୍ତ, ଇତିହାସ ମୀ ଜୀସୁତା ଝେନାୟି ହାରେକା ଉଣା ବାଡ଼ୁୟୁ ମାନେ □

୧୨ ଇତିହାସ ଇଚର ଦିନା ବିତ୍ତା ମୀରୁ ଜାପନାତେରି ଆନାୟି ମାଟେ, ଆଡ଼ିଜିକେଏ ମାହାପୁରୁତି ବଲୁ ଏଟକା ଲକ୍ଷ୍ମଣି ଜାପହାଲି ତାକି ମିଜେ ଲଡ଼ା ଆହିମାଞ୍ଜାନେ; ଝାଜିତି ରାନ୍ଦା ଲଡ଼ା କିଆନା ପାଲୁ ମିଜେତାକି ଲଡ଼ା ଆହିମାଞ୍ଜାନେ □

୧୩ ଆମ୍ବାଆସି ପାଲୁ ଗହ୍‌ନାସି ଏଝାସି ନେହାଁଣି ଲାଗେଏତି କାତା ପୁଞ୍ଜାଲି ଆଡ଼ଅସି, ଇତିହାସ ଏଝାସି ଉଣା କକାସି □

୧୪ ସାମା ପାତାଆଡ଼ି ଲକ୍ଷ୍ମଣି, ଇତିହାସ ଆମ୍ବାଆରି ବୁଦିତଲେ ନେହାଁଣି ଲାଗେଏତାଣି ଆଟାଲି ଆଡ଼ିନେରି, ଏଝାରାକି ଝାଜିତି ରାନ୍ଦା ଲଡ଼ାମାନେ □

୬

୧ ଏଦାଆଁତାକି ଝାଦୁ ମାର କ୍ରୀସ୍ତତି ମୂଲୁଏ ଜାପିତି କାତା ପିସାନା, ତୀରିତଲେ ପାତାଆହାନା, ହାହାମାନି କାମାଟି ମନ ଝେଟହାନା, ମାହାପୁରୁ ତାଣ୍ଡା ନାମିନ,

୨ ବାପ୍ତିସ୍ତତି* କାତା ଜାପନାୟି, ତାୟି ତୁ କେୟୁ ଇଟିନାଣି, ହାଡ଼ାରି ଝେଶ୍ଟେ ନିଜିନାୟି, କାଲେଏତି ତଣ୍ଡତି ପୁନାଦି ଝେଶ୍ଟେ କିନାୟିମାନେ □

୩ ନୀଏଁ ମାର ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡ଼ିସାରେ ମାର ଇଦାଆଁ କିନ □

୪ ଆମିନି ଗାଟାରି ନାମୁତି ଉଣା କିହାମାନେରି, ଏଝାରି ଅଣ୍‌ପାନା ଝେଶ୍ଟା ଝାହାଲି ଆଡ଼ିନେରିକି ? ଏଝାରି ମାହାପୁରୁ ଉଜେଡ଼ିତା ବାସା କିହିମାରେରି, ଲାକପୁରୁ ଦାନାତି ଝାଶ୍ଟାନା, ସୁଦୁଜୀସୁତା ଆଶ୍ଟାମାରେରି,

୫ ମାହାପୁରୁତି ନେହାସ ବଲୁ ଇଞ୍ଜା ଝାହିମାନି ଜୁଗୁତି ବାଡ଼ୁୟୁତି ଡାକନାଣି ଏଝାରି ଝାଶ୍ଟା ମାନେରି,

୬ ଏଝାରି ସାତାତି ପିସାନା ଲାଗେଏ ଆନେରି, ଆତିହାସ ମନତି ବାଦଲି କିଝିକିହାଲି ଅଡ଼େ ଝେଶ୍ଟେ ଏଝାରାକ୍ ପୁଞ୍ଜି କିଝିକିହାଲି ଆଡ଼ାଆୟି, ଏଦାଆଁତାକି ଏଝାରି ତାନି ନାସା ଆହାଲିତାକି ମାହାପୁରୁ ମାର୍‌ଏଶାକ୍ ପାସି ମୁଣ୍ଡାତା ଏକ୍‌ହାନା ଲକ୍ଷ୍ମଣି ନକିତା ଏଝାଣାକ୍ ଲାଜା କିହିମାନେରି □

୭ ଇତିହାସ ଆମିନି ବୁମି ପିୟୁ ରିନି ଏୟୁ ଗହ୍‌ନେ ଇଞ୍ଜା ଆମିନି ତାସା କିନାରାକି ଲଡ଼ା ଆନି ଆନା କାମି କିନେ, ଏ ବୁମିତି ମାହାପୁରୁ ବର ହାନେସି □

୮ ସାମା ଏମ୍ବାଆଁ ହାପକା ଅଡ଼େ ଜାଡ଼ା ନେୟିନେ, ଆତିହାସ ଏଦି ଏନି ଲାଡ଼ା ଆଏ, ଏଦି ମାହାପୁରୁତି ବାକା ବେଟାଆନେ, ଅଡ଼େ ତାୟୁ ହିରୁତା ଡ଼ାଞ୍ଜାହାନେ □

* ୫:୨ ୫:୨ ମାତି ୨୭:୩୭-୪୭; ମାର୍କି ୧୪:୩୨-୪୨; ଲୁକ ୨୨:୩୯-୪୭ * ୬:୨ ୬:୨ ମୁଞ୍ଜିନାୟି

୯ ସାମା ଏ ଜୀଝୁତି ତାୟିୟା, ମାମ୍ବୁ ଇଲେକ୍ କାତା ଖେସ୍ତୁ ଜିକେଏ ମୀ ତାଣା ମା ହାରେକା ନାମୁ ମାନେ; ମୀରୁ ଗେଲ୍ପିଆହାଲି ମାହାପୁରୁତି ବର ବେଟାଆହାମାଞ୍ଜେରି □

୧୦ ଇତିହ୍ ମାହାପୁରୁ ମୀ କାମା, ଅଡେ ମାହାପୁରୁ ଲକୁଣି ସେବା କିହିମାନାଣି ଅଡେ ନୀର୍ବ୍ ଜିକେଏ କିହିମାନାଣି ଅଡେ ତାନି ଦରୁ ତାକି ମୀରୁ ଆମିନି ଜୀଝୁନହ୍ ମାଞ୍ଜେରି, ଏଦାଆଁ ମାହାପୁରୁ ବାଣ୍ଡି ଆନେସି ଇଲେତି ଦାମ୍ବୁ ହିଲାଆଗାଟାସି ଏଞ୍ଜାସି ଆଏ □

୧୧ ସାମା ମାଦି ରଣ୍ଡିଏ ଅଣପୁ, ମୀରୁ ତାୟୁ ପାତେକା ମାଞ୍ଜେତାକି ମୀ ଜୀଝୁନନାୟି କାଲେଏ ଡୟାପେ ଆଡିହ୍ ମୀ ବାରେ ଆସା ପୁରା ଆନେ □

୧୨ ଏନିକ୍ ମୀରୁ ନିସ୍ତା ଆଆନା ଆମ୍ବାଆରି ନାମୁ ଅଡେ ସାସାତଲେ ଆଞ୍ଜାମାନାଣି ଅଦିକାରା କିହିମାନେରି ଏଞ୍ଜାରିଲେହେ ଆଦୁ □

ମାହାପୁରୁତି ଆଞ୍ଜନାୟି ସାତା ଆନେ

୧୩ ଇତିହ୍ ମାହାପୁରୁ ଏତିବେଲା ଅବ୍ରାହାମଇଁ ଆଞ୍ଜାମାରେସି, ଏତିବେଲା ଏଞ୍ଜାସି ତାନି ଆଞ୍ଜାମାନାଣି ମାନଝି ଆହାଲି ପାରମାଣା କିହାମାରେସି, ଏଞ୍ଜାଣି କିହାଁ ଆମ୍ବାଆସି କାଜାସି ହିଲାଆକି ଏଞ୍ଜାସି ତାନି ଦରୁତଲେ ପାରମାଣା କିହାଁ ଏଲେଇଞ୍ଜାମାରେସି,

୧୪ ଏଞ୍ଜାସି ଏଲେଇରେସି, “ନାନୁ ନିଞ୍ଜେ ସାତେଏ ବର ହିୟାଲ୍ ଅଡେ ନୀ କୃତାତି ହାରେକା ପାଡିକିଇଁ □”

୧୫ ଅଡେ ଇଲାଆହ୍ ହାରେକା ଅବ୍ରାହାମା ଅବ୍ରାହାମ ଆଞ୍ଜାମାନାଣି କାଟାମାଟାକି ଏଦାଆଁ ମେଡା ଆହାମାରେସି □

୧୬ ମାଣସିୟାଁ ଏଞ୍ଜାରି କିହାଁ କାଜା ଦରୁତଲେ ପାରମାଣା କିନେରି, ଅଡେ କାତା ତୀରି କିହାଲି ଏଞ୍ଜାରି ବାରେ ଗଡ଼ହା ପାରମାଣା ତଲେ ତୀରି ଆନେ □

୧୭ ମାହାପୁରୁ ଆମ୍ବାଆରାଇଁ ଇ ବାରେ ହୀଇଁ ଇଞ୍ଜା ଆଞ୍ଜାମାରେସି, ଏ ଆଞ୍ଜାମାନାଣି ମାନଝି ଆହାଲି ତାନି ଆଞ୍ଜାମାନାଣି ତାକି ପାରମାଣା କିହାମାରେସି □

୧୮ ଏନିକ୍ ଆମିନି ରୀ ବାଦ୍ଲି ଆଆଗାଟି କାତାତି ମାହାପୁରୁ ମିତି ଖେସାଲି ଆଡ଼ଅସି, ଏଦାଣି ତଲେ ନକିତି ବାସ୍ତୁତି ଆସାଲି ତାକି ବାସା ଟାୟୁତା ମାରୁ ହଟି ମାନାୟି, ଇଞ୍ଜା ମାରୁ ବାଡ଼ୟୁତି ରାହାଁ ବେଟାଆନାୟି □

୧୯ ଏୟୁ ଜାଜା ଦହ୍ନି ଲହ୍ ମୁଣ୍ଡାଲେହେ, ଏ ବାସ୍ତୁ ମା ଜୀଝୁତି ଗେଲ୍ପି କିନାୟି ଅଡେ ଆଞ୍ଜନାୟି, ଏଡି ମାହାପୁରୁ ଇଲୁତି ଏଟକା କିନି

ହିମ୍ବୁରି ଲେଟାମାନି ଟାୟୁତା ହଡାନା ଆଟ୍ଝା ଅଡେ ତୀରି ଆହାମାନେ,

୨୦ ଅଡେ, ଜୀସୁ ଏ ଟାୟୁତା ମଲ୍କିସେଦକ ଲେହେଁ କାଲାକାଲାତି କାଜା ପୁଜେରା ଆହାମା ମା ନକିତା ତାକିନି ଲେହେଁ ହଡାମାନେସି □



ମଲ୍କିସେଦକତି ପୁଜେରା ପାଣା

୧ ଇ ମଲ୍କିସେଦକ ସାଲେମ ଦେସାତି ରାଜା ଅଡେ ବାରେକିହାଁ କାଜା ମାହାପୁରୁତି ପୁଜେରା ମାରେସି □ ଅବ୍ରାହାମ ଅଡେ ତାନି ତଡ଼ଦୁରି, ସାରି ଜାଣା ରାଜାୟାଁ ତଲେ ଜୁଜୁତା ଜୀଣା ଆହାଁ ଖେଣ୍ଡେ ଖାହିମାଟି ବେଲାତା ମଲ୍କିସେଦକ ଅବ୍ରାହାମଇଁ ବେଟାଆହାମା ବର ହୀତେସି;

୨ ଅବ୍ରାହାମ ଜିକେଏ ଏଞ୍ଜାଣାକି ଜୁଜୁତା ଜୀଣାଆହାମାଟି ଆସ୍ତିତି ଦସ ବାଗାଟି ର ବାଗା ହୀହାମାରେସି □ ମଲ୍କିସେଦକ, ଇତିହ୍ “ଦାମ୍ବୁତି ରାଜା” ଅଡେ ସାଲେମତି ରାଜା, ଇତିହ୍ “ହିଡ଼ଡ଼ିତି ରାଜା □”

୩ ଏଞ୍ଜାଣି ତାଲି ତାଞ୍ଜି ଆକୁ ଆବାୟାଁ ଦରକା କି ଏଞ୍ଜାଣି ଜାର୍ନା ଦିନା କି ଜୀଝୁତି ରାଡ଼ି ଦିନା ଆମ୍ବିୟାଞ୍ଜା ରାସ୍କି ଆହାହିଲେଏ; ଏଞ୍ଜାସି ମାହାପୁରୁ ମୀରୁଏସି ଲେହେଁ କାଲା କାଲାକି ପୁଜେରା ଆହାମାରେସି □

୪ ଅଣ୍ପାରି କିଦୁ, ମଲ୍କିସେଦକ ଏତେକା କାଜାସି ମାରେସି, ଆକୁ ଅବ୍ରାହାମ ଜୁଜୁତା ଜୀଣାଆହାମା ତାଟାମାଟି ଆସ୍ତିତି ହାରେକା ନେହ୍ ଆସ୍ତିତି ଦସ ବାଗାଟି ର ବାଗା ଏଞ୍ଜାଣାକି ହୀହାମାରେସି □

୫ ଲେବି କୃତାତି ମୀରୁକା ବିତ୍ରାଟି ଆମିନି ଗାଟାରି ପୁଜେରା ପାଣା ବେଟାଆନେରି, ଏଞ୍ଜାରି ମସାଡ଼ି ମେରାଲେହେଁ ଇସାୟେଲ ଲକୁ ତାଣାଟି ଇତିହ୍ ତାନି ତାୟିୟାଁ ତାଣାଟି ଦସ ବାଗାଟି ର ବାଗା ବେଟାଆହାଲି ହେଲ ବେଟା ଆହାମାନେରି, ଏଞ୍ଜାରି ଅବ୍ରାହାମ ଆଞ୍ଜାଟି ଜାର୍ନା ଆଡ଼ିଜିକେଏ ତାନି ଲକୁ ତାଣାଟି ଦସ ବାଗାଟି ର ବାଗା ଅନେରି;

୬ ମଲ୍କିସେଦକ ଲେବି କୃତାତାସି ଆଏ, ଆଆଡ଼ି ଜିକେଏ ଏଞ୍ଜାସି ଅବ୍ରାହାମ ତାଣାଟି ଦସ ବାଗାଟି ର ବାଗା ଅଡେସି, ଇଞ୍ଜା ମାହାପୁରୁ ଆଞ୍ଜାମାନାଣି ବେଟାଆନାକି ବର ହୀତେସି □

୭ ବର ହୀନାସି ବର ବେଟାଆନାଣି କିହାଁ କାଜାସି, ବାରେଜାଣା ଇଦାଆଁ ପୁଞ୍ଜାମାଞ୍ଜେରି □

୮ ଇଲେକିହ୍ ହାନ୍ତି ମାଣସିୟାଁ ଦସ ବାଗାଟି ର ବାଗା ଅହିମାନେରି ଏଞ୍ଜାରି ଜିକେଏ ର ଦିନା ହାନେରି, ସାମା ଏତିବେଲାତା ଆମ୍ବାଆସି ଅବ୍ରାହାମତି ଦସ ବାଗାଟି ର ବାଗା ଅହାମାରେସି ଏଞ୍ଜାଣି କାତା ସାକି ହୀପ୍କି ଆହିମାନେ, ଏଞ୍ଜାସି ହାହା ହିଲଅସି □

୯ ମାର ଏଲେଇଞ୍ଜାଲି ଆଡିନାୟି, ଦସ ବାଗାତି ର ବାଗା ଅହିମାନି ଲେବି ତାନୁ ଜିକେଏ ଅହାହାମ ତାଣାଟି ଦସ ବାଗାତି ର ବାଗା ହାହାମାନେସି □

୧୦ ଏନାଆଁତାକି ଇତିହିଁ ଅହାହାମଇଁ ମଲ୍‌କିସେଦକ ଆଣ୍ଡିତାଟି ଲେବି ଏରିବେଲାତା ଜାର୍ନା ଆହା ହିଲାଆତେସି ସାମା ଲେବି ଏଞ୍ଜାଣି ଆଜ୍ଞା ବିତ୍ତା ମାଚେସି □

୧୧ ଇ ଲେବିୟ ଲକ୍ଷୁତି ପୂଜେରା ପାଣା ତଲେ ଇସାୟେଲ କୁଡାତି ଲକ୍ଷୁ ତାକି ମସାତି ମେରା ହାପ୍‌କି ଆହାମାଚେ □ ଅଡେ ଲେବି ଲକ୍ଷୁତି କାମା ନେହିଁ କିହାଲି ଆଡିତିହିଁମା, ହାରଣତି ଅଦିକାରାଗାଟି ଇ ଲେବି ପୂଜେରାଜ୍ଞା ପିସାନା ମଲ୍‌କିସେଦକ ଅଦିକାରା ଲେହେଁ ଅର କୁଡାତି ପୂଜେରା ଲଡା ହିଲାଆତେ □

୧୨ ଇତିହିଁ ପୂଜେରା ପାଣା ବାଦ୍‌ଲି ଆନେ, ଆତିହିଁ ମସା ମେରା ଜିକେଏ ବାଦ୍‌ଲି ଆନାୟି ମାନେ □

୧୩ ଇତିହିଁ ଆମ୍ବାଆରି ତାକି ଇ ବାରେ ଝେସ୍‌ପି ଆହାମାନେ, ଏଞ୍ଜାସି ଅର କୁଡାତି ଲକ୍ଷୁ ମାଚେସି, ଆମିନି କୁଡାତାରି ଆମ୍ବାଆସି ଏଚେଲାଞ୍ଜା ପୂଜା ପିଣ୍ଡାତି ସେବା କାମା କିହାଲି ଆଣ୍ଡାହିଲଅରି □

୧୪ ଇତିହିଁ ଇଦି ସାତା ମା ପ୍ରୁ ଜୀହୁଦା କୁଡାଟି ଜାର୍ନା ଆହାମାନେସି ଇଞ୍ଜା ମସା ଇ କୁଡାତି ପୂଜେରା ପାଣା ତାକି ଏନାଆଁ ଝେସାହିଲଅସି □

ମଲ୍‌କିସେଦକ ଲେହେଁ ଅଡେ ର ପୂଜେରା

୧୫ ଅଡେ ଇଦି ଇମ୍ବାଟି ଜିକେଏ ନେହିଁକିଁ ପୁନାୟି, ମଲ୍‌କିସେଦକ ଲେହେଁ ଅଡେ ର ପୂଜେରା ହଡାମାନେସି □

୧୬ ଏଞ୍ଜାସି ଆଜ୍ଞା ତଲେତି ମସା ମେରାଟି ପୂଜେରା ଆହାହିଲଅସି ସାମା ରାଆଗାଟି ଜୀଞ୍ଜୁତି ବାଡ଼ୁୟୁଟି ପୂଜେରା ପାଣା ମେଡିକିଞ୍ଜି ଆହାମାନେସି □

୧୭ ଇତିହିଁ ଦାମ୍‌ପତିତା ଏଞ୍ଜାଣି ତାକି ଇଲେକିଁ ଦାମ୍‌ ସାସ୍ତେରିତା ସାକି ହାପ୍‌କି ଆହାମାନେ; “ନୀନୁ ମଲ୍‌କିସେଦକ ଲେହେଁ କାଲ୍‌କାଲ୍‌କାତି ପୂଜେରା ଆଡି □”

୧୮ ଇମ୍ବାଆଁ ତଲିତି ହୁକୁମି ବାଡ଼ୁୟୁ ହିଲାଆଗାଟାୟି, ଉଜେଏତାୟି ଲାକା ଏଡି ମେଣ୍‌ଜା ହାଜାମାନେ □

୧୯ ଏନାଆଁତାକି ଇତିହିଁ ମସାତି ମେରା ଏନାଆଁତା ତାରି କିହାଲି ଆଡାଆତେ □ ଅରଞ୍ଜାକି ବାରେକିହାଁ ହାଡେକା ନେହିଁ ବାସ୍‌ ହଡାମାନେ, ଏ ବାସ୍‌ଟି ମାର ମାହାପୁରୁ ତାଗେ ହାଜାଲି ଆଡିନାୟି □

୨୦ ମା ତାକି ମାହାପୁରୁତି ପାର୍‌ମାଣା ହାରେକା ମାନେ □ ହାରଣ କୁଡାତି ପୂଜେରା ପାଣାତା

ଆଡ଼ି ଆଡାଟି ଇଲେତି ଏଡି ପାର୍‌ମାଣା ହାପ୍‌କି ଆହାହିଲାଆତେ □

୨୧ ସାମା କ୍ରାସ୍ତୁ ପୂଜେରା ଆଡି ବେଲାତା ମାହାପୁରୁ ପାର୍‌ମାଣା କିହାନା ଏଞ୍ଜାଣାଇଁ ଏଲେଇଞ୍ଜାମାଚେସି,

“ପ୍ରୁ ର ପାର୍‌ମାଣା କିହାମାନେସି, ଏଞ୍ଜାସି ତାନି ଅଣ୍‌ପୁତି ବାଦ୍‌ଲି କିଅସି, ନୀନୁ କାଲ୍‌କାଲ୍‌କାତି ପୂଜେରା ଆଡି □”

୨୨ ପ୍ରୁ ଇଲେକିଁ ପାର୍‌ମାଣା କିହାମାନାକି ଜୀସୁ ଅଡେ ର ହାଡେକା ନେହିଁ ରାଡିମାନା କିନାସି ଆହାମାନେସି □

୨୩ ପ୍ଲାଞ୍ଜ ତାଣା ଜିକେଏ ଏଟକା ପୂଜେରାଜ୍ଞା ହାନାରି ଆହାମାନାକି ଏଞ୍ଜାରି ହାଡି ତାୟୁ ଏଟକାତାରି ପୂଜେରା ପାଣା ବେଟାଆନେରି ଏଡାଆଁତାକି ଏଞ୍ଜାରି ହାଡେକା □

୨୪ ସାମା ଜୀସୁ କାଲ୍‌କାଲ୍‌କା ନୀତାମାନାକି, ଏଚେଲାଞ୍ଜା ବାଦ୍‌ଲି ଆଆ ପୂଜେରା ପାଣା ବେଟାଆହାମାନେସି □

୨୫ ଏଡାଆଁତାକି ଏଞ୍ଜାଣି ତାଣାଟି ଆମିନି ଗାଟାରି ମାହାପୁରୁ ତାଗେ ହାନେରି, ଏଞ୍ଜାରାକି ଏଞ୍ଜାସି ହାଡେପୁରେ ନୀଏଁ ଅଡେ କାଡେଏ ଗେଲ୍‌ପାଲି ଆଡିମାନେସି, ଏନାଆଁତାକି ଇତିହିଁ ଏଞ୍ଜାରି ତାକି ମାହାପୁରୁ ତାଣା ଗହାରା କିହାଲି ଏଞ୍ଜାସି କାଡେଏ ନୀତାମାନେସି □

୨୬ ଏନାଆଁତାକି ଇତିହିଁ ଇଲେତି କାଜା ପୂଜେରା ମା ତାକି ନେହାଁସି, ଆମ୍ବାଆସି ସୁଦୁଗାଟାସି, ଦହ ହିଲାଆଗାଟାସି, ଲାଗେଏତି ସିନା ହିଲାଆଗାଟାସି ପାପୁ ଗାଟାରି ତାଣାଟି ଏଟକା ଆହାମାନାସି, ଲାକପୁରୁ ଅଡିଆଡେସି □

୨୭ ଏ କାଜା ପୂଜେରା ଲେହେଁ ବାରେଦିନା ନକେଏ ତାନି ପାପୁ ତାକି ଅଡେ ତାୟୁ ଲକ୍ଷୁତାକି ବାରେଦିନା ପୂଜା ହାହାଲି ଲଡା ହିଲେଏ, ଇତିହିଁ ତାଜେ ପୂଜା ହାତାକି ଏଞ୍ଜାସି ରଣ୍ଡିଏ ପାଲି ଇଦାଆଁ କିହାମାନେସି □

୨୮ ଏନାଆଁତାକି ଇତିହିଁ ମସାତି ମେରା ବାଡ଼ୁୟୁ ହିଲାଆଗାଟି ମାଣସିଇଁ କାଜା ପୂଜେରା ପାଣାତା ଆଡିନେ, ସାମା ଆମିନି ପାର୍‌ମାଣାଟି ବଲୁ ମସାତି ମେରା ଜେଟ ଆହାମାଚେ, ଏଡି କାଲ୍‌କାଲ୍‌କା ତାକି ତାରିଗାଟି ମାର୍‌ଏଣାଇଁ ଆଡିମାନେ □

୮

ଜୀସୁ ମା କାଜା ପୂଜେରା

୧ ମାମ୍‌ ଏନାଆଁ ଝେସିମାଞ୍ଜାନମି ଏମ୍ବାତି କାଜା କାତା ଇଦି, ମାଜେତାକି ଇଲେତି ର କାଜା ପୂଜେରା ମାନେସି, ଏଞ୍ଜାସି ଲାକପୁରୁ କାଜା ଗାଞ୍ଜୁରମିଗାଟି ମାହାପୁରୁ ସିଂଗାସାଣିତି ଚିଞ୍ଚି ଚଟତା କୁଗାମାନେସି □

୨ ଏଞ୍ଜେଲ୍ସ ବାରେଡି କିହ୍ନା ସୁଦ୍ଧ ଟାୟା ଇଞ୍ଜା ଆମିନି ସାତା ତୁମ୍ଭେ ଇଲ୍ଲୁ ମାଣ୍ଡି କେୟୁଟି କେପି ଆଥାନା ପ୍ରଭୁ ତାଣ୍ଡାଟି ତୀରି ଆହାମାନେ ଏମ୍ବାତି ସେବା କାମା କିନେସି □

୩ ଇଚିହିଁ ବାରେ କାଜା ପୂଜେରାଜା ଦାନା ଅଡେ ଜନ୍ତୁତି ତାକାହ୍ନା ପୂଜା କିହାଲି ଆବୁଝି ଆହାମାନେରି, ଇଦାଆଁତାକି ଇ କାଜା ପୂଜେରାକି ଜିକେଏ ପୂଜା ହେରପାଲି ତାକି ଲଡ଼ାମାନେ □

୪ ଜୀସୁ କ୍ରୀସ୍ତ ଦାରତିତା ମାଟିହିଁମା, ପୂଜେରା ଜିକେଏ ଆୟାଲି ଆଡ଼ାଆଡେସିମା, ଏନାଆଁତାକି ଇଚିହିଁ ଜୀହୁଦି ଲକ୍ଷୁତି ମେରା ଲେହେଁ ଦାନା ହେରପିନେରି ଇଲେତି ପୂଜେରାଜା ଏମ୍ବାଆଁ ମାନେରି;

୫ ପୂଜେରାଜା ଆମ୍ବାଆରି ସେବା କିନେରି, ଏଦି ଲାକପୁରୁତି କାତା ପୁଣ୍ଡିକିନିଲେହେଁତି ସାୟ୍ ସମାନା, ମସା ଏତିବେଲା ପୂଜା କିହାଲିତାକି ର.ତୁମ୍ଭେ କେପିନି ବେଲାତା ଏଞ୍ଜାଣାଲ୍ ମାହାପୁରୁ ଏଲେଇଞ୍ଜାମାନେସି, “ଜାଗ୍ରାତା, ହରୁତା ନିଜେ ଆମିନି ହୁକୁମି ତସପି ଆହାମାଞ୍ଜାଡେ, ଏଲେକିହିଁଏ ବାରେ କେପାମୁ □”

୬ ସାମା ନୀର୍ବ୍ ଜୀସୁକି ଆମିନି ପୂଜେରା କାମା ହାପକି ଆହାମାନେ, ଏଦି ଏଟକାଡି ପୂଜେରାଜା କାମା କିହ୍ନା କାଜାୟି □ ଏଲେକିହିଁଏ ମାହାପୁରୁ ଅଡେ ମାଣ୍ଡିୟାଁ ମାଦି ଏଞ୍ଜେସି ଆମିନି ରାଜିମାନା କିହାମାନେସି ଏଦି କାଜାୟି, ଇଚିହିଁ ଇ ମେରାତା ହାରେକା କାଜା କାତା ହାହାଲି ଆଞ୍ଜାମାନାୟି ମାନେ □

୭ ଇଚିହିଁ ତଲିତି ରାଜିମାନା ଏନି ଦହ୍ ହିଲାଆତିହିଁମା, ତାୟୁ ଅଡେ ଅର ରାଜିମାନା ଲଡ଼ା ଆଆଡେମା □

୮ ସାମା ମାହାପୁରୁ ତାନି ଲକ୍ଷୁକ୍ ଦହ୍ ଦସାନା ଏଞ୍ଜାରାଲ୍ ଏଲେଇଞ୍ଜା ମାନେସି,

“ପ୍ରଭୁ ଏଲେଇଞ୍ଜା ମାନେସି, ମେହ୍ଦୁ ର. ଦିନା ଖାହିମାନେ,

ଏତିବେଲା ନାନୁ ଇସ୍ତାୟେଲ କୃତା ଅଡେ ଜୀହୁଦା କୃତା ତଲେ ର.ପୁଃନି ରାଜିମାନା ତୀରି କିଲ୍;

୯ ଆମିନି କାଲାତା ନାନୁ ଏଞ୍ଜାରି ଆକୁୟାଁଣି କେସ୍ତା ଆସାନା ମିସର ଦେସାଟି ହପ୍ତହା ତାଚାମାଚେର୍ସ,

ଏ. ବେଲାତା ଏଞ୍ଜାରିତଲେ ନାନୁ ଆମିନି ରାଜିମାନା କିହାମାଚେର୍ସ, ଇ ରାଜିମାନା ଏଲେକିହିଁ ଆଏ;

ଈଞ୍ଜା ଏଞ୍ଜାରି ନା. ରାଜିମାନାତା ତୀରି ଆହିଁ ମାନାଆଡେରି,

ଈଞ୍ଜା ନାନୁ ଏଞ୍ଜାରାଲ୍ ମନ ହାଆଡେର୍ସ, ପ୍ରଭୁ ଇ କାତା ଏଲେ ଈଞ୍ଜାମାନେସି □

୧୦ ପ୍ରଭୁ ଏଲେଇଞ୍ଜା ମାନେସି,

ତାୟୁ ନାନୁ ଇସ୍ତାୟେଲ କୃତା ତଲେ ଇ ରାଜିମାନା କିଲ୍, ଏଦି ଇଦି,

ନାନୁ ଏଞ୍ଜାରି ମନତା ନା ମେରା ହାଲ୍, ଏଞ୍ଜାରି ହିୟାତା ଏ. ବାରେ ରାଜିଲ୍,

ଅଡେ ଏଞ୍ଜାରି ମାହାପୁରୁ ନାନୁ ଆଲ୍, ଅଡେ ଏଞ୍ଜାରି ନା.ଲକ୍ଷୁ ଆନେରି □

୧୧ ମାହାପୁରୁଲ୍ ପୁଞ୍ଜୁ ଈଞ୍ଜା ଏଞ୍ଜାରି ବିତ୍ରାଟି ରଅସିଞ୍ଜା ତାମି କୃତାଟି ଗାଡ଼ାତାରାଲ୍

ଞ୍ଜେହ୍ଅସି, ଈଞ୍ଜା ତାମି ତାୟିୟାଲ୍ କି ପାଡ଼ିତାରାଲ୍

ଜାପୁଅରି, ଏନାଆଁତାକି ଇଚିହିଁ ଉଣାଟିଏ କାଜାରି

ପାଡେକା ଏଞ୍ଜାରି ବାରେଜାଣା ନାଜେ ପୁଞ୍ଜାମାନେରି □

୧୨ ନାନୁ କାର୍ମାମେସାନା ଏଞ୍ଜାରି ବାରେ ପାପୁ ମ୍ଲେକ୍ଲ୍,

ଅଡେ ଏଞ୍ଜାରି ଲାଗେଏ କିନାଣି ଏଡେଲାଞ୍ଜା ଅଣ୍ଡପର୍ସ □”

୧୩ ମାହାପୁରୁ ର.ପୁଃନି ରାଜିମାନା କିତାକି ତଲିତି ରାଜିମାନାଲ୍ ପୁଃଈ ରାଜିମାନା କିହାମାନେସି;

ଈଞ୍ଜା ଅଡେ ଆମିନି ପୁଃଆୟି ଲଡ଼ା ହାଆଗାଚାୟି ଆହାମାନେ, ଏଦି ଗାଡ଼େକେଏ ମେଣ୍ଡିନେ □

୯

ଦାରତି ଅଡେ ଲାକପୁରୁତି ପ୍ରାତାନ

୧ ସାଡେଏ ଏ. ତଲିତି ରାଜିମାନା ଜିକେଏ ପ୍ରାତାନା କିନି ମେରା ଅଡେ ର.ଦାରତିତି ସୁଦ୍ଧ ଟାୟୁ କଞ୍ଜି ଆହାମାଚେ □

୨ ଏଦି ର.ତୁମ୍ଭେ ତଲେ କେପିତି ଇଲ୍ଲୁ ଆହାମାଚେ, ଏମ୍ବାତି ତଲିତି ବାକ୍ରା ଈଞ୍ଜା ଇନେରି ଏମ୍ବାଆଁ ର.ଦୀଞ୍ ସଡ଼ା, ର.ପିଣ୍ଡା ଅଡେ ମାହାପୁରୁକି ହେରପାମାନି ରୁଟି ମାଚେ, ଏଦାନି ସୁଦ୍ଧ ଟାୟୁ ଇନେରି □

୩ ଏମ୍ବାଆଁ ଲେଚାମାଟି ରୀ ଟାଟିନି ହିମ୍ପରିକା ତାୟୁଞ୍ଜାକି ଆମିନି ତୁମ୍ଭେ ମାଚେ, ଏଦାଆଁ ହାରେକା ସୁଦ୍ଧ ବାକ୍ରା ଈଞ୍ଜା ଇନେରି;

୪ ଏମ୍ବାଆଁ ବାଂଗାରା ତଲେ ଖାରି କିହାମାଟି ଦୁପୁଣି ହୁଡିନି ର.ପିଣ୍ଡା ଅଡେ ବାଂଗାରା ତଲେ ଖାରି କିହାମାଟି ରାଜିମାନା ପେଡ଼ା ମାଚେ □

ଏ. ରାଜିମାନା ପେଡ଼ାତା ମାନା ଇଟକି ଆହାମାଟି ର. ବାଂଗାରା ମୃତା ଅଡେ ହାରଣଞ୍ଜାୟି ଆକୁ ଗାଲ୍ଲହାମାଟି ବାଡ଼ଗା ଈଞ୍ଜା ରାଜିମାନା ରାସ୍କି ଆହାମାଟି ରୀ ଖାଲି ପାଟାୟା ମାରୁ,

୫ ରାଜିମାନା ପେଡ଼ା ଲାକ ମାହାପୁରୁ ନକିତା ନିଚାମାନି ଲେହେଁ ଗାଞ୍ଜୁରମିଗାଟି ଜଡେକା କିରୁବ ଦୃତୁୟାତି ବମା ମାରୁ, ଏଞ୍ଜି ପାପୁ ମେଣ୍ଡି କିନି ଟାୟୁତି ପୁକ୍ହାମାରୁ; ଏଞ୍ଜି ପାପୁ ମ୍ଲେକ୍ନି ଟାୟୁ

ଲୀଳା ମାରାୟା ପୁଣ୍ୟହୀନୀ, ଏ ବାରେଡି କାତା ନୀର୍ବ୍ୟ ନେହୁଁକିଁ ଖେସାଲି ଲତା ହିଲେଏ ।

୭ ଏମ୍ବାଆଁ ଇଲେଡି ମେରା ମାନେ; ପୂଜେରାଜୀ ଦିନାତାକି ଦିନା ତୁମୁଡି ତଲିତି ବାକ୍ରା ବିତ୍ରା ତାମି ସେବା କାମା କିନେରି,

୭ ସାମା ତାମୁଡି ବିତ୍ରା ବାକ୍ରାତା ଖାରୁଇ କାଜା ପୂଜେରା ବାର୍ଯା ତାକି ରଣ୍ଡିଏ ଦେବା ହଡୁନେସି, ତାନି ପାପୁ ଇଞ୍ଜା ଲକୁଡି ପୁନାଆଡି ପାପୁ ତାକି ମାହାପୁରୁକି ପୂଜା ହେରପାଲି ଏଞ୍ଜାସି ନେତେରି ଅହାନା ହାରେକା ସୁଦୁ ଚାମୁଡା ହଡୁନେସି ।

୮ ଇଦାଆଁତାକି ସୁଦୁଜୀଞ୍ଜୁ ମାଙ୍ଗେ ଜାପୁହି ମାଞ୍ଜାନେ, ନକିତି ସୁଦୁ ତୁମୁ ମାନି ପାତେକା ହାରେକା ସୁଦୁ ଚାମୁଡା ହଡାଲି ଜିରୁ ତଞ୍ଜାଆହାଁ ହିଲେଏ ।

୯ ଇ ତଲିତି ବାକ୍ରା ନୀର୍ବ୍ୟ କାଲୀ ତାକି ପୁଣ୍ଡି କିଞ୍ଜିକିନି ସିନା, ଅଡେ ଏଲେକିହୁଁଏ ଦାନା ଅଡେ ପୂଜା ଇ ବାରେ ହାପକିଆନେ, ସାମା ଇ ବାରେ ସେବା କିନାରାଇଁ ନେହୁଁ ଅଣ୍ଡପୁଡି ଦାନା ହାହାଲି ଆଡେଏ;

୧୦ ଇତିହୁଁଏ ଏ ବାରେ ଖାରୁଇ ତିନାଣି ଉନାଣି ଅଡେ ଅଟହାଲି ଆଜା ତାକି କିନି କାମାୟାଁ ସାମା ମାହାପୁରୁଡି ପୁଃନି ମେରା ଆନି ପାତେକା ଇଦି ବାରେ ଲତାଗାଗାୟି ଆହାମାରେ ।

୧୧ ସାମା କ୍ରୀସ୍ତ ନୀର୍ବ୍ୟ ନେହୁଁ କାମାତି କାଜା ପୂଜେରା ସମାନା ଆହାନା ଖାହାମାନେସି, ଇଞ୍ଜା ଏମିନି ତୁମୁ ଇଲୁତା ଏଞ୍ଜାସି ତାନି ସେବା କାମା କିହାମାନେସି, ଇ ଇଲୁ ଦାରତିତା ମାନି ତୁମୁ ଇଲୁ କିହାଁ ହାରେକା କାଜାୟି ଅଡେ ନେହାୟି, ଏଡି ମାଣ୍ଡସି କେମୁଡଲେ କେପାଆଡି ତୁମୁ ଇଲୁ, ଏଡି ତଞ୍ଜାଆହାମାନି ଦାରତି ବିତ୍ରା ହିଲାଆଡେ ।

୧୨ କ୍ରୀସ୍ତ ଗରି କି ବାଟା କଡି ନେତେରି ତଲେ ଆଏ, ସାମା ଜାହାରା ନେତେରି ତଲେ ରଣ୍ଡିଏ ଦେବା ସୁଦୁ ଚାମୁଡା ହଡାନା କାଲୀକାଲୀତାକି ଗେଲପି ଆନାଣି କିହାମାନେସି ।

୧୩ ଆମ୍ବାଆରି ପାଣାପାରୁ ମାନୁଞ୍ଜି ଆଆନା ପାପୁ କିନେରି, ଏଞ୍ଜାରି ପଲୁଆ ଗାଟାରି ଲୀଳା ଗରି ଅଡେ ବାଟା କଡିତି ନେତେରି ତଞ୍ଜାନା ହୁଡିତି ଦାରମୁଡଲେ ଏଞ୍ଜାରି ଆଜାତି ବାରେ ପାପୁ ସୁଦୁ କିହିମାରେରି,

୧୪ ଇଦି ସାତା ଆହାମାନେ, ଇତିହୁଁଏ କ୍ରୀସ୍ତ ନେତେରି ସାତା ଆଏ, କି କାରଲେଏଡି ଜୀଞ୍ଜୁଡି ସାଢେମି ତଲେ ଏଞ୍ଜାସି ଜାହାରାଇଁ ମାହାପୁରୁ ନକିତା ର ଦହ ହିଲାଆ ପୂଜାଲେହେଁ ହେରପିଡେସି, ତାନି ନେତେରି ଏଚେକା ଗାଡି ନୀତାମାନି ମାହାପୁରୁଇଁ ସେବା କିହାଲି, ହାଞ୍ଜି କିନି କାମାତି ମା ଜୀଞ୍ଜୁଡି ଅଣ୍ଡପୁଡି ସୁଦୁ କିନେ ।

୧୫ ଇଦାଆଁତାକି କ୍ରୀସ୍ତଏ ପୁଃନି ରାଜିମାନାତି ମାଦିତାସି ଆହାମାନେସି, ଏନିକିଁ ମୁଲୁ

ରାଜିମାନାତି ପାପୁ ମେକହାଲି ତାକି ହାହାମାନାକି ମାହାପୁରୁ ହାଟାମାନି ଲକୁ କାଲୀକାଲୀତି ଅଦିକାରା ଆହାଲି ଆଞ୍ଜାମାନି ଗେଲପି ଆନାଣି ବେଟାଆନେରି ।

୧୬ ଇତିହୁଁଏ ରାଜିମାନା କିଞ୍ଜି ଆହାମାତି ରାଜିମାନା ଆହାମାନି ମାଣ୍ଡସିତି ହାନ୍ତି ପାରମାଣା ଲତାମାନେ ।

୧୭ ଇଞ୍ଜା ହାଡିସାରେ ରାଜିମାନା କିହାମାନାୟି ବାଡୁମୁ ଆନେ, ଇତିହୁଁଏ ରାଜିମାନା କିହାମାନାସି ନୀତାମାନି ପାତେକା ଏଡି ଏଚେଲା ଜିକେଏ କାମାତା ଖାଏ ।

୧୮ ଏଦାଆଁତାକି ତଲିତି ରାଜିମାନା ଜିକେଏ ନେତେରି ହିଲାଆନା ତୀରି ଆହାହିଲାଆଡେ ।

୧୯ ତଲିଏ ମସା ମେରାଡି ହୁକୁମି ଲକୁତାଣା ଖେକହେସି, ତାମୁ ଏଞ୍ଜାସି କଡି ଅଡେ ଗରିତି ନେତେରି ଏମୁଡଲେ ଆଟହାନା ଏସବ ଜାଡାଡି ଆକା ଅଡେ ନେତେରି ଖାଣାଗାଟି ମେଣ୍ଡା ବାଣାୟାଁ ତଲେ ମେରା ପତି ଅଡେ ବାରେ ଲକୁ ଲୀଳା ତଞ୍ଜାଡେସି ।

୨୦ ଏଞ୍ଜାସି ଏଲେଇଡେସି, “ଏମିନି ରାଜିମାନା ମାନୁଞ୍ଜି ଆହାଲି ମାହାପୁରୁ ମିଙ୍ଗେ ହୁକୁମି ହାହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ ।”

୨୧ ଅଡେ ଜିକେଏ ଏଲେକିହୁଁଏ ଏଞ୍ଜାସି ତୁମୁ ଇଲୁ ଅଡେ ମାହାପୁରୁ ସେବାତାକି ବାରେ ଲତାମାନି ଦିଣ୍ଡସୁ ଲୀଳା ଜିକେଏ ନେତେରି ତଞ୍ଜାଡେସି ।

୨୨ ସାତେଏ ମସାତି ମେରା ତଲେ ବାରେ ନେତେରି ତଲେ ଅଟହୁଁ କିଞ୍ଜିଆନେ, ଅଡେ ନେତେରି ଖାକ୍‌ଆନା ପାପୁ ମେଣ୍ଡାକେଏ ।

କ୍ରୀସ୍ତ ହାକିତି ପାପୁ ମେଣ୍ଡାକିନେ

୨୩ ଏଦାଆଁତାକି ଲୀଳାପୁରୁ କେପିତି ବାରେ ଦିଣ୍ଡସୁ ପୁଣ୍ଡିକିନିଲେହେଁ ପୂଜା ତଲେ ଅଟୁଞ୍ଜି ଆନାୟି ମାରେ; ସାମା ଲୀଳାପୁରୁ କେପିତି ବାରେ ଦିଣ୍ଡସୁ ଇ କାଜା ପୂଜା ତଲେ ଅଟନାୟି ମାନେ ।

୨୪ ଏନାୟି ମାଣ୍ଡସିୟାଁ କେମୁଡି କେପାଆତାୟି ଇଲେଡି ସୁଦୁ ଚାମୁଡା କ୍ରୀସ୍ତ ହାଜାମାନେସି, ଇଦି ସାତା କାତା, ଏଞ୍ଜାସି ଲୀଳାପୁରୁ ହାଜାମାନେସି, ଏମ୍ବାଆଁ ଏଞ୍ଜାସି ମା ଖାକିତି ନୀର୍ବ୍ୟ ମାହାପୁରୁ ନକିତା ମାନେସି ।

୨୫ ଜୀହୁଦିୟାଁ କାଜା ପୂଜେରାଜୀ ଏନିକିଁ ବାର୍ଯା ତାକି ବାର୍ଯା ଏଟକା ଲକୁ ତାକି ପୂଜା ହାନି ନେତେରି ଅହାନା ସୁଦୁ ଚାମୁଡା ହଡୁନେରି, ଏଲେକିହୁଁଏ କ୍ରୀସ୍ତ ଅଲେ ଅଲେ ତାଙ୍ଗେ ପୂଜା କିହାଲି ଏଡି ଏମ୍ବାଆଁ ହାଜାହିଲଅସି ।

୨୬ ଆଡିହୁଁଏ ଦାରତି ଗାଡିଆଡି ବେଲାଟିଏ ଅଲେ ଅଲେ ତାଙ୍ଗେ ହାହାଲି ଆଡେମା; ସାମା ନୀର୍ବ୍ୟ ଏଞ୍ଜାସି ଜୁଗୁ ରାନ୍ତି ବେଲାତା ତାନୁଏ

ପୂଜାଲେହେଁ ହେରପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି □

୨୭ ବାରେ ଲକୁତାକି ଏନିକି ରଣ୍ଡିଏ ଦେବା ହାନାୟି, ଅଡେ ଏଦାନି ତାୟୁ ନୀହାୟି ମାନେ □

୨୮ ଏଲେକିହିଏ କ୍ରୀସ୍ତ ଜିକେଏ ହାରେକା ଲକୁତି ପାପୁ ଡେକା ଅହାଲି ରଣ୍ଡିଏ ଦେବା ପୂଜା ଆହାଲି ହେରପାକତିଡେସି, ଅଡେ ଖେଣ୍ଡେ ପାପୁ ତାକି ଆଏ, ସାମା ଆମିନି ଗାଟାରି ଏଞ୍ଜାଣାକି କାଟାମାନେରି, ଏଞ୍ଜାରାଇଁ ଗେଲ୍ପାଲିତାକି ତଞ୍ଜାଆନେସି □

୧୦

୧ ଇତିହିଁ ମସାତି ମେରା ଖାହିମାନି ଦିନାତି ନେହିଁ ସାୟୁଲେହେଁ ଆହାନା ଏ ବାରେଡି ଖାଣା ଆଆତାକି ପୂଜେରାଜା ବାର୍ସା ତାକି ବାର୍ସା ଏ ରଣ୍ଡିଏ ରଲେଡି ପୂଜା କିହିମାନାକି ପ୍ରାତାନା କିନାରାଇଁ ଏଚେଲାଖା ତୀରି କିହାଲି ଆଡଅରି □

୨ ଏଲେକିହିଁ ମାହାପୁରୁତି ସେବା କିନାରି ସାତେଏ ପାପୁଟି ନରଞ୍ଜି ଆଡିହିଁମା, ଆଡିହିଁ ଏଞ୍ଜାରି ଅଡେ ଜାହାରାଇଁ ପାପୁ ଗାଟାତମି ଇଞ୍ଜି ଅଣ୍ଡପାଆତେରିମା, ଅଡେ ବାରେ ପୂଜା କିନାୟି ତୁଞ୍ଜିତେମା □

୩ ସାମା ଏଲେକିହିଁ ଆଆନା ବାର୍ସା ତାକି ବାର୍ସା ପୂଜା କିହିମାନାକି ମାଣ୍ଡସିଇଁ ତାନି ପାପୁତି ଅଣ୍ଡପି କିଞ୍ଜିଆହିମାନେ □

୪ ଇତିହିଁ ବାଟା କଡିତି ନେତେରି ଆପେ କି ଗରିଡି ନେତେରି ଆପେ ଏଡି ଏଚେଲାଖା ମା ପାପୁ ମ୍ବେକହାଲି ଆଡେଏ □

୫ କ୍ରୀସ୍ତ ଦାର୍ଡିତା ଖାହାନା ଏଲେଇଞ୍ଜାମାଚେସି, “ନାନୁ ପୂଜା ଅଡେ ଦାନା ହାନାଣି ରାହାଁ ଆଆତି, ସାମା ନାନୁ ନାଞେତାକି ର ଆଜା କେପିତି;

୬ ପାପୁତି ମ୍ବେକହାଲି ନାନୁ ହିରୁତା ହୁଡିନି ପୂଜା ଅଡେ ଜନ୍ତୁ ଡାକିନାଣି ରାହାଁ ଆଆତି □

୭ ଏଚିବେଲା ନାନୁ ଏଲେଇଚେଏଁ, ମାହାପୁରୁ, ନାନୁ ଇମ୍ବାଆଁ ମାଇଁ,

ନୀ ଅଣ୍ଡପୁତି କାମା କିହାଲି, ଏନିକିହିଁ ସାସ୍ତେରିତା ନା କାତା ରାସ୍ତକି ଆହାମାନେ □”

୮ ଏଞ୍ଜାସି ତଲିଏ ଖେସ୍ତେସି, “ନାନୁ ମାଣ୍ଡସିତି ପାପୁ ମ୍ବେକହାଲି ପୂଜା କିନାଣି, ଦାନା ଇଞ୍ଜା ଜନ୍ତୁଡି ହିରୁତା ହୁଡିନାଣି ଅପିହିଲଅତି; ଏ ବାରେ ନିଞେ ରାହାଁ କିୟାଲି ଆଡେଏ □” ଇ ବାରେ ପୂଜା ମେରାଲେହେଁ କିଞ୍ଜି ଆହାମାତି ଜିକେଏ,

୯ ଅଡେ ଜିକେଏ ଏଞ୍ଜାସି ଏଲେଇଚେସି, “ମାହାପୁରୁ ମେହ୍ମୁ, ନାନୁ ନୀ ମନଲେହେଁ କାମା କିହାଲି ଖାହାମାଇଁ” ଏଦାଆଁତାକି ମାହାପୁରୁ ଇ ବାରେ ପୂଜା ଅପାଆନା, ଏଦାଣି ପିସାନା କ୍ରୀସ୍ତତି ପୂଜା ଅପିଡେସି □

୧୦ ଜୀସୁ କ୍ରୀସ୍ତ ରଣ୍ଡିଏ ଦେବା କାଲାକାଲାତାକି ତାନି ଆଜାତି ହେରପାନା ମାହାପୁରୁତି ମନତଲେ କାମା କିହାଲିଏ, ତାନି ଏ ପୂଜାଟି, ମାର ବାରେ ଜାଣାତାୟି ପାପୁଟି ଗେଲ୍ପି ଆହାନା ସୁଦୁ ଗାଟାତାୟି ଆହାମାନାୟି □

୧୧ ଅଡେ ଜିକେଏ ବାରେ ଜୀହୁଡି ପୂଜେରାଜା ବାରେଦିନା ସେବା କାମା କିହାଲି ଅଲେ ଅଲେ ରଲେଏଡି ପୂଜା ହାହାଲି ନିନେରି; ଇ ବାରେ ଏଚେଲା ପାପୁ ମ୍ବେକହାଲି ଆଡେଏ □

୧୨ ସାମା କ୍ରୀସ୍ତ ପାପୁ ତାକି ରଣ୍ଡିଏ ଦେବା ତାଞେ ପୂଜା ଅହାଲି ହେରପାକତିଡି ତାୟୁ କାଲେଏତାକି ମାହାପୁରୁ ଚିଃନି ଟଟତା କୁରିଡେସି;

୧୩ ମାହାପୁରୁ ତାନି ସାତୁୟାଁଇଁ ଏଞ୍ଜାଣି କଡାୟାଁ ଡଇ ଇଟାଆ ପାତେକା ଏଞ୍ଜାସି ଏମ୍ବାଆଁ କାଟିମାନେସି □

୧୪ ଇତିହିଁ ଖାରଇ ରଣ୍ଡିଏ ପୂଜା ହୀତି ତାଣାଟି ଏଞ୍ଜାସି ପାପୁଟି ସୁଦୁ ଆହାମାନି ଲକୁଇଁ କାଲେଏ ତାକି ତୀରି କିହାମାନେସି □

୧୫ ସୁଦୁଜୀଞ୍ଜୁ ଜିକେଏ ମାଞେ ସାକି ହୀହାନା ଖେସିମାଞ୍ଜାନେ □

୧୬ ଇତିହିଁ ପ୍ରବୁ ଇ କାତା ଏଲେଇଞ୍ଜି ମାନେସି, “ଏ ଖାନ୍ତି ଦିନା ନାନୁ ଏଞ୍ଜାରିତଲେ ଆମିନି ପୁଃନି ରାଜିମାନା କିଇଁ,

ଏଡି ଇଦି, ନାନୁ ଏଞ୍ଜାରି ହିୟାତା ମସାତି ମେରା ହୀଇଁ,

ଇଞ୍ଜା ଏଞ୍ଜାରି ମନତା ଏ ବାରେ ରାଡିଇଁ □”

୧୭ ଅଡେ ଏଞ୍ଜାସି ଏଲେଇଞ୍ଜି ମାନେସି, “ନାନୁ ଏଞ୍ଜାରି ପାପୁ ଅଡେ ଲାଗେଏଡି କାମାୟାଁ ଏଚେଲାଖା ଖେଣ୍ଡେ ଅଣ୍ଡପି □”

୧୮ ଇଦାଆଁତାକି ବାରେ ପାପୁ ଦହ୍ ମେଣ୍ଡିସାରେ ଅଡେ ଏଚେଲାଖା ପୂଜା ହୀହାଲି ଲଡା ଆଏ □

ମାହାପୁରୁ ତାଗେ ହାନାୟି

୧୯ ଏଦାଆଁତାକି ଏ ତାୟିୟାଁ ଅଡେ ତାଜିସ୍ତା, ଜୀସୁ ହାହାମାନାକି ମାର ସୁଦୁ ଚାୟୁତା ହଡାଲି କାଜା ଅଦିକାରା ବେଟା ଆହାମାନାୟି,

୨୦ ଏଞ୍ଜାସି ଲେଚାମାନି ତାନି ଆଜା ଲେହେଁଡି ଚାଟିନି ହିମ୍ବୁରି ତଲେ ମାଞେତାକି ର ପୁଃନି ଇଞ୍ଜା ନୀଡିନି ଜିରୁ ଦେଚାମାନେସି □

୨୧ ମାହାପୁରୁ ଇଲୁ ନୀଏଁ ମା କାଜା ପୂଜେରା ତାଣା ମାନେ,

୨୨ ଏଦାଆଁତାକି ଖାଦୁ, ମାର ସୁଦୁ ହିୟାଁ ଅଡେ ଆଡ଼ଞ୍ଜା ନାମୁଟି ମାହାପୁରୁ ନକିତା ହାନ; ଇତିହିଁ ମାର ନୀଏଁ ପାପୁ ଅଣ୍ଡପୁଟି ଅଡ଼ଞ୍ଜି ଆହାମାନାୟି ଅଡେ ମା ଆଜା କ୍ରୀସ୍ତତି ନେତେରି ତଲେ ନରଞ୍ଜି ଆହାମାନେ □

୨୩ ମାର ଝେକହାମାନି ଆସା ବାସ୍ତୁତି ବାତୁରୁ ତଲେ ଆହନ, ଏନାଆଁତାକି ଇଚିହଁ ମାହାପୁରୁ ଆଞ୍ଜାମାନେସି, ଏଞ୍ଜାସି ଟିକାଣାତାସି;

୨୪ ଅଡେ ଜୀଝୁ ନଝି ଆହାଲି ଇଞ୍ଜା ନେହଁ କାମା କିଝି କିହାଲିତାକି ରଅତାୟି ରଅଣାଈଁ ସାଝେମି କିହାଲି ମନ ହାନ,

୨୫ ଅଡେ ଆମ୍ବା ଆମ୍ବାଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକଁ କିଆପ; ସାମା ରଅତାୟି ରଅଣାଈଁ ବାସ୍ତୁ ହାଝିଆନ, ଏନାଆଁତାକି ଇଚିହଁ ପ୍ରୁ ଝାନି ଦିନା ତାଗେ ଝାହିମାନେ ଇଞ୍ଜାଁ ମେସିମାନାୟି ।

୨୬ ମା ନକିତା ସାତା ତଞ୍ଜା ଆଡି କ୍ରେତ ମାର ପୁଞ୍ଜି ପୁଞ୍ଜିହଁ ପାପୁ କିହିମାନାୟି, ଆଡିହଁ ଏନି ପୂଜା ପାପୁଟି ଗେଲପାଲି ଆଡେଏ,

୨୭ ଆଡିହଁ ମାର ଝାହିମାନି କାଜା ନାହାଁୟି ନକିତା ମାହାପୁରୁଈଁ ଅପାଆଗାଟି ଲକୁ ତାକି ମାନି ହିରୁତା ନାସା ଆନାଣି ଆଜାନା ଡିୟିନି ପିସପେ ମାଦି ଅଡେ ଏଟକା ଏନି ତଣ୍ଡ ହିଲେଏ ।

୨୮ ଆମ୍ବାଆସି ମସା ମେରାତି ମାନଝି ଆଆସାରେ, ଏଞ୍ଜାସି କାର୍ମା ମେସପି ଆଆନା ରିଆରି କି ତାନି ଜାଣା ସାକି ତଲେ ଦହଗାଟାସି ଇଞ୍ଜାଁ ପୁଞ୍ଜାନା, ଏଞ୍ଜାଣାଈଁ କାର୍ମା ମେହଆନା ହାନି ତଣ୍ଡ ହାଝିଆନେ ।

୨୯ ଇଞ୍ଜାଁ ଅଣ୍ପାଦୁ ଆମ୍ବାଆସି ମାହାପୁରୁ ମାରଏଣାଈଁ କଡ଼ା ତଈଁ ଝିସାମାନେସି, ପୁଞ୍ଜି ରାକିମାନାତି ଆମିନି ନେତେରି ତଲେ ଏଞ୍ଜାସି ସୁଦୁ ଆହାମାରେସି, ଏଞ୍ଜାଣାଈଁ ଉଣା ଇଞ୍ଜାଁ ଅଣ୍ପାମାନେସି ଅଡେ କାର୍ମା ହାନି ଜୀଝୁଟି ଅପାହିଲଅସି, ଏଞ୍ଜାସି ଏରେକା ହାରେଏ ତଣ୍ଡ ବେଟାଆଅସି ।

୩୦ ଇଚିହଁ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାନି କାମାତି ପାଡେୟି ହାଈଁ” ଆମ୍ବାଆସି ଈ କାତା ଏଲେଇଞ୍ଜା ମାନେସି, ଏଞ୍ଜାଣାଈଁ ନାନୁ ପୁଞ୍ଜାମାଈଁ, ଅଡେ ଜିକେଏ “ପ୍ରୁ ତାନି ଲକୁଈଁ ନାହାଁୟି କିନେସି ।”

୩୧ ନୀତାମାନି ମାହାପୁରୁ କେୟୁତା ହେରଝିନାୟି ଏଦି ହାରେକା ଆଜିହପେତାୟି ।

୩୨ ସାମା ଉଜେଡି ମେସି ତାୟୁ ଏରିବେଲାତା ମାରୁ ହାରେକା ଦୁକୁ କସ୍ତ ବେଟାଆହାନା ହାରଝି ଆହାହିଲଅଡେରି, ମାରୁ ଏ ତଲି କାଲାତି ଅଣ୍ପାଦୁ; ସାମା ମାରୁ ଏତେଲାଞ୍ଜା ହାରଝି ଆହା ହାଲଅଡେରି ।

୩୩ ରକଞ୍ଜାକି ଅପାଆ ଗାଟାଡେରି ଅଡେ କସ୍ତତା ଲାଜା କିଝିଆହିମାରେରି, ଅରଞ୍ଜାକି ଏଲେକିହଁ ଏ ମାହାପୁରୁ ଲେମ୍ବିମାନି ଲକୁତଲେ ଆଣ୍ଡିମାରେରି ।

୩୪ ଇଚିହଁ ମାରୁ କାୟିଦି ଗାଟାରି ତଲେ ଆଣ୍ଡାନା ଦୁକୁ ବେଟା ଆହାମାରେରି, ଅଡେ ମିଜେ

ମୀ ହାରେକା ନେହଁ କାଲେଏଡି ବାତୁକୁ ମାନେ, ଇଦାଆଁ ପୁଞ୍ଜାନା ରାହାଁତଲେ ମୀ ଦନ ମାଣ୍ଡା ଅନାଣି ମାରୁ ଅରୁହିମାରେରି ।

୩୫ ଇଦାଆଁତାକି ମାରୁ, ମୀ ସାସା ପିହଆଦୁ ଇଚିହଁ ଏମ୍ବାଟି ହାରେକା ଦାନା ମାନେ ।

୩୬ ମାହାପୁରୁଟି ଅଣ୍ପା ପୁରା କିହାନା ଏଞ୍ଜାସି ଆଞ୍ଜାମାନାଣି ବେଟାଆହାଲି ଆଡିଦେରି, ଏଦାଆଁତାକି ମାରୁ ସାସା ଆସାନା ତୟାଦୁ ।

୩୭ ଇଚିହଁ ଦାମ୍ବୁପତିତା ରାସ୍କି ଆହାମାନେ, “ଇଚିହଁ ହାରେକା ଉଣା ବେଲା ମାନେ, ଆମ୍ବାଆସି ଝାନାୟି ମାନେ, ଏଞ୍ଜାସି ଝାନେସି; ଅଡେ ଏଞ୍ଜାସି ଝେଡା କିଅସି ।

୩୮ ନା ଦାମ୍ବୁଟି ମାଣସି ନାମୁତଲେ ନୀଡିନାସି, ସାମା ଆମ୍ବାଆସି ନା ତାଣାଟି ଗୁଟା ଆନେସି, ଆଡିହଁ ଏଞ୍ଜାଣି ତାଣା ନା ଜୀଝୁ ରାହାଁ ଆଏ ।”

୩୯ ସାମା ଆମ୍ବାଆରି ନାସା ଆହାଲି ଝେଣ୍ଡେ ଗୁଟା ଆନେରି, ମାମ୍ବୁ ଏଞ୍ଜାରି ଗତିତି ଲକୁ ଆଏ, ସାମା ଆମ୍ବାଆରି ଜୀଝୁଟି ଗେଲପି ଆହାଲି ନାମିନେରି, ମାମ୍ବୁ ଏଞ୍ଜାରି ଗତିତି ଲକୁତମି ।

୧୧

ନାମୁ

୧ ନାମୁ ଇଚିହଁ ଆସା କିହିମାନାଣି ବାରେ ସାତେଏ ବେଟାଆନାୟି, ଇଞ୍ଜାଁ ତଞ୍ଜାଆଆଗାଟାୟି ସାତେଏ ମାନେ ଇଞ୍ଜାଁ ପୁନାୟିଏ ନାମୁ ।

୨ ତଲିତି ମା ଆକୁୟାଁ ମାହାପୁରୁଈଁ ନାମାଲିଏ ମାହାପୁରୁ ତାଣା ଝେଜିଡେରି ।

୩ ☆ମାରୁ ନାମୁଟି ପୁନାୟି, ବାରେ ଦାରୁତି ମାହାପୁରୁଟି ବଲୁ ତଲେ ଗାଡ଼ି ଆଡେ, ଅଡେ ଏନାୟିଞ୍ଜା ତଞ୍ଜା ଆଆଗାଟି ତାଣାଟି ତଞ୍ଜା ଆନାୟି ଗାଡ଼ି ଆହା ହିଲେଏ ।

୪ ନାମୁଟି ହେବଲ ମାହାପୁରୁ ନକିତା କୟିନ କିହାଁ ନେହଁ ପୂଜା ହେରପିତେସି ଇଞ୍ଜାଁ ଏଦାଣି ତଲେ ଏଞ୍ଜାସି ଦାମ୍ବୁଗାଟାସି ଆଡେସି; ମାହାପୁରୁ ତାନ୍ଦୁଏ ତାନି ଦାନାତାକି ସାକି ହାତେସି, ଅଡେ ଏଞ୍ଜାସି ହାଡ଼ି ଜିକେଏ ନୀଞ୍ଜୁପାତେକା ନାମୁଟି କାତା ଆହିମାନେସି ।

୫ ନାମୁଟି ହନକ ହାଆନା ମାହାପୁରୁ ତାଣା ଅଝିଆଡେସି ଇଞ୍ଜାଁ ମେଣ୍ଡିଡେସି; ଅଡେ ଏଞ୍ଜାସି ତଞ୍ଜା ଆଆଡେସି, ଇଚିହଁ ମାହାପୁରୁ ଏଞ୍ଜାଣାଈଁ ଅହାନା ମେଣ୍ଡିକିଡେସି, ଏଞ୍ଜାସି ମାହାପୁରୁଟି ରାହାଁ ଗାଟାସି, ମେଣ୍ଡିକିନି ନକେଏ ଏଞ୍ଜାସି ଏ କାତା ଝେଞ୍ଜାମାରେସି;

୬ ଅଡେ ନାମୁ ହିଲାଆନା ଆମ୍ବାଆସି ମାହାପୁରୁଈଁ ରାହାଁ କିହାଲି ଆଡଅସି, ଇଚିହଁ ମାହାପୁରୁ

☆ ୧୧:୩ ୧୧:୩ ଜହ ୧:୩

ସାତେଏ ମାନେସି ଇଞ୍ଜି, ଅଡ଼େ ଏଞ୍ଜାସି ତାଙ୍ଗେ ପାରିନାରାକ୍ ତାମି କିତି କାମାତି ପାଡ଼େୟି ହୀନେସି, ଇଦାଆଁ ଏଞ୍ଜାଣି ତାଣା ଖାନ୍ତି ଲକୁ ନାମିନାୟିମାନେ □

୭ ନାମୁଟି ନହ ଏ ବେଲା ପାତେକା ତଞ୍ଜା ଆଆଗାଟି କାତାତାକି ହୁକୁମି ବେଟାଆହାନା ଆଜିତଲେ ତାନି କୁଟମି ଗେଲପାଲିତାକି ର ଜାଜା କେପିତେସି, ଇଞ୍ଜା ଏ ନାମୁତଲେ ଏଞ୍ଜାସି ଦାରୁଡିତି ଦହ କିହାନା ନାମୁତଲେ ମାହାପୁରୁ ନକିତା ଦାମୁଗାଟାସି ଆଡ଼େସି □

୮ ନାମୁଟି ଅବାହାମ ମାହାପୁରୁ ତାଣାଟି ହାଟୁକି ଆହାଲିଏ, ଆମିନି ଦେସା ଏଞ୍ଜାସି ବେଟାଆହାଲି ହାଜିମାଟେସି, କାତା ମାନୁଞ୍ଜି ଆହାନା ଏମ୍ମାଆଁ ହାଜାଲି ହଡ଼େସି, ଏଞ୍ଜାସି ଏମ୍ମିୟା ହାଜିମାନେସି, ଏଦାଆଁ ଏଞ୍ଜାସି ପୁନାଆନା ଜିକେଏ ହରାହାରେସି □

୯ ନାମୁଟି ଏଞ୍ଜାସି ଏଟୁକା ଦେସାତାରିଲେହେଁ ଆଞ୍ଜାମାନି ଦେସାତା ବାସା କିତେସି, ଏଞ୍ଜାସି ତୁମୁତା ବାସା କିତେସି ଅଡ଼େ ଏଞ୍ଜାଣିଲେହେଁ ମାହାପୁରୁ ଆଞ୍ଜାଲିଏ ଇସାହାକ ଅଡ଼େ ଜାକୁବ ଜିକେଏ ତୁମୁ ଇଲୁତା ବାସା କିତେରି □

୧୦ ଇତିହୁଁ ଆମିନି ଗାଡ଼ା କାଲେଏ ତାକି ପୁନାଦି ଲେହେଁ ଅଡ଼େ ମାହାପୁରୁ ତାନୁଏ କେପାମାନେସି, ଅବାହାମ ଏ ଗାଡ଼ା ବେଟାଆହାଲି କାଟାମାଟେସି □

୧୧ ନାମୁତଲେ ସାରା ବାଞ୍ଜେଣି ଆହାଁ ତାନୁଏ ଜିକେଏ ଆଞ୍ଜାମାନାଣାକ୍ ଦୂତି ବୁଡ଼ହୁ ଆହାମାଟି ଜିକେଏ ପୁରାମାସା ଆହାଲି ବାଡ଼ୁୟୁ ବେଟାଆଡ଼େ;

୧୨ ଅବାହାମ ଦୂତି ବୁଡ଼ହା ଆହାମାଟି ଜିକେଏ ଏଞ୍ଜାଣି ତାଣାଟି ହାଗୁତି ହୁକାୟାଁ ଅଡ଼େ ସାମୁଦୁରିତି ବାଞ୍ଜଲି ଲେହେଁ ଏଜିକିହାଲି ଆଡ଼ାଆଗାଟି ର ହାରେକା କୁଡ଼ା ଜାର୍ନା ଆଡ଼େରି □

୧୩ ଏ ବାରେଜାଣା ମାହାପୁରୁକ୍ ନାମାହାଁ ହାଡ଼େରି; ଏଞ୍ଜାରି ମାହାପୁରୁ ଆଞ୍ଜାମାଟାଣି ପୁଃଆତି ଜିକେଏ ହେକଟି ଏ ବାରେ ମେସାନା ରାହାଁ ଆଡ଼େରି ଇଞ୍ଜା ଦାରୁଡିତା ମାମୁ ବୀଦେସା ଅଡ଼େ ବାସା କିହାମାନମି ଇଞ୍ଜି ଜଲିତେରି □

୧୪ ଇତିହୁଁ ଆମିନି ଗାଗାରି ଇଲେତି କାତା ଜଲିନେରି, ଏଞ୍ଜାରି ତାମି ଅଡ଼େ ର ଦେସା ପାରିମାନେରି ଇଞ୍ଜି ଖେସିମାନେରି □

୧୫ ଏଞ୍ଜାରି ଆମିନି ଦେସା ପିସା ଖାହାମାଟେରି, ଏ ଦେସାତି ଅଡ଼େ ଅଣ୍ପି ହିଲାଆଡେରି □ ଏଞ୍ଜାରି ଅଣ୍ପିତିହୁଁ ମା ଏ ଦେସାତା ଖେଣ୍ଡେ ହାଜାଲି ଆଡ଼ିତେରିମା □

୧୬ ସାମା ଏଞ୍ଜାରି ର ହାରେକା ନେହାଁଣି ଇତିହୁଁ ଲାକପୁରୁ ଦେସାତି ଅଣ୍ପିମାଟେରି; ଏଦାଆଁତାକି ମାହାପୁରୁକ୍ ଏଞ୍ଜାରି ମା ମାହାପୁରୁ ଇଞ୍ଜି ଖେଜି କିହାଲି ଲାଜା ଆହା ହିଲାଆଡେରି, ଇତିହୁଁ

ଏଞ୍ଜାସି ଏଞ୍ଜାରି ତାକି ର ଗାଡ଼ା ତାରି କିହାମାନେସି □

୧୭ ନାମୁତଲେ ଅବାହାମ ତାୟିପାରି କିଞ୍ଜିଆହାଁ ଇସାହାକକ୍ ପୂଜା କିହାଲି ହେରପିତେସି, ଆମିନି ମାଣସି ଆଞ୍ଜାମାଟାଣି ମେଡ଼ା ଆହାମାଟେସି, ଆମ୍ମାଆରାକ୍ ଏଲେଇଞ୍ଜାମାଟେସି,

୧୮ “ଇସାହାକ ତାଣାଟି ନୀ କୁଡ଼ା ଖେଜିନେରି, ଏ ମାଣସି ତାନି ରଣ୍ଡିଏ ମୀରୁଏଣାକ୍ ତାକିନି ପୂଜା ହୀହାଲି ହାଜିମାଟେସି □”

୧୯ ଇସାହାକକ୍ ମାହାପୁରୁ ହାଡ଼ାରି ତାଣାଟି ଜିକେଏ ନିକହାଲି ଆଡ଼ିନେସି ଇଞ୍ଜି ଅଣ୍ପାମାଟେସି, ଇଞ୍ଜା ଅବାହାମ ସାତେଏ ଇସାହାକକ୍ ହାକିଟି ଖେଣ୍ଡେ ବେଟାଆଡ଼େସି □

୨୦ ନାମୁତଲେ ଇସାହାକ ଖାହିନି ଦିନାତା ନେହୁଁ ଆପେ ଇଞ୍ଜି ଅଣ୍ପାମା ଜାକୁବ ଅଡ଼େ ଏସାଞ୍ଜୁକ୍ ବର ହାଡ଼େସି □

୨୧ ନାମୁତଲେ ଜାକୁବ ହାନ୍ତି ବେଲାତା ଜସେପତି ରୀ ମୀରୁକାଣି ବର ହାଡ଼େସି, ଇଞ୍ଜା ତାନି କୁଡ଼ା ବାଡ଼ଗାତା ଗେଣ୍ଡାମା ମାହାପୁରୁକ୍ ଜହରା କିତେସି □

୨୨ ଜସେପ ହାନ୍ତି ବେଲାତା ନାମୁତଲେ ଇସ୍ରାୟେଲ ଲକୁ ମିସର ଦେସାଟି ହରାହାନି କାତା ଖେସ୍ତେସି □ ଇଞ୍ଜା ତାନି ପେଡ଼କା ତୁମକା ତାକି ହୁକୁମି ହୀଡ଼େସି □

୨୩ ନାମୁତଲେ ମସାତି ତାଲି ତାଞ୍ଜି ଏଞ୍ଜାଣି ଜାର୍ନାଆଡ଼ି ଦିନାଟିଏ ଏଞ୍ଜାଣାକ୍ ର ଅକିତି କକାସି ଇଞ୍ଜି ମେସାନା ରାଜା ହୁକୁମି ଆଜାଆନା ତାନି ଲେଞ୍ଜୁ ପାତେକା ଏଞ୍ଜାଣାକ୍ ଡ଼କୁହାନା ଇଟାମାରୁ □

୨୪ ମସା ନାମୁତଲେ ପାତାଆଡ଼ି ତାୟୁ ପାରୁ ରାଜା ମାଜାଟି ମୀରୁଏସି ଇଞ୍ଜି ଖେଜାଲି କୁଡ଼େସି □

୨୫ ଗାଡ଼େକା ତାକି ପାପୁ ତଲେ ରାହାଁ ବେଟାଆନାଣି କିହାଁ ମାହାପୁରୁ ଲକୁତଲେ ଦୁକୁ କସ୍ତୁ ଅରୁହିନାୟି ନେହାୟି ଇଞ୍ଜି ଅପିତେସି □

୨୬ ବାରେ ମିସର ଦେସାତି ଦନ କିହାଁ କ୍ରୀସ୍ତୁତି ନିନ୍ଦା ବେଟାଆନାୟି ବାରେକିହାଁ କାଜା ଦନ ଇଞ୍ଜି ଅଣ୍ପିତେସି, ଇତିହୁଁ ଏଞ୍ଜାସି ଖାନ୍ତି ଦିନାଣା ବେଟାଆନି ଦନତି ସିନିକିତେସି □

୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା ପିସାହାଟେସି, ଇଞ୍ଜା ଆମ୍ମାଆସି ମେହୁଆଗାଟି ମାହାପୁରୁକ୍ ମେସ୍ତିଲେହେଁ ଅରୁହାନା ଡ଼ୟିତେସି □

୨୮ ନାମୁତଲେ ଏଞ୍ଜାସି ପିସ୍ପିଆନି ପାରୁଡ଼ି ଅଡ଼େ ନେତେରି ତାଞ୍ଜିନି ମେରା ମାନୁଞ୍ଜି ଆଡ଼େସି, ଏନିକ୍ ପାଣ୍ଡା ମୀରୁକାଣି ପାୟିନାୟି ଇସ୍ରାୟେଲ ମୀରୁକାଣି ତୀଗେଏ □

୨୯ ଇସ୍ରାୟେଲ ଲକୁ ନାମୁତଲେ ଖାୟିତି ବୁମିତା ତାକିନି ଲେହେଁ ସୁପ ସାମୁଦୁରି ଗାଣ୍ଡେରି, ସାମା

ମିସର ଦେସାତାରି ଏଲେକ୍ଟି ଗାଣ୍ଡାଲି ଅଣ୍ଡାପାନା ସାମ୍ବୁରତା ମୁଞ୍ଜାନା ହାତେରି □

୩୦ ଇସ୍ରାୟେଲ ଲକୁ ନାମୁତଲେ ସାତା ଦିନା ପାତେକା ଜିରିହ ଗାଡ଼ାତି କଟା ସାରିସୁଟୁ ରେଟିତାୟୁ ବିଡ଼ହାହାତେ □

୩୧ ନାମୁତଲେ ରାହାବ୍ ଦାରେଣି ଦେସା ସିନିକିହାଲି ମେଣେଏ ଖାହାମାଚାରାଇଁ ଟାୟୁ ହାତାକି ମାହାପୁରୁଇଁ ମାନଝି ଆଆଗାଟାରି ତଲେ ନାସା ଆଆନା ହିଡ଼ଡ଼ି ବେଟାଆଡେଟ □

୩୨ ଅଡେଟ ଆଗାଡ଼ା ଏନାଆଁ ଖେସ୍ତାଇଁ, ଗିଦିୟନ, ବାରକ୍, ସାମସନ୍, ଜିପ୍ତହ, ଦାବୁଦ, ସାମୁୟେଲ ଅଡେଟ ମାହାପୁରୁ ଅଣ୍ଡପୁତି ବଲୁ ଖେହ୍ନାରି କାତା ମିଙ୍ଗେ ଖେସାଲି ବେଲା ହାଲେଏ □

୩୩ ନାମୁତଲେ ଏଝାରି ହାରେକା ରାଜିୟାଣି ଜୁଜୁ କିହାନା ଜୀଣା ଆଡେଟରି, ଦାମ୍ବୁକାମା କିତେରି, ମାହାପୁରୁ ଆଞ୍ଜାମାନାଣି ବେଟାଆଡେଟରି, ସିଃହ୍ କ୍ଷାଝନିୟା ଗୁତି ମୁଦା କିତେରି □

୩୪ ଏଝାରି ଆଜିହପେତି ଡ଼ାଞ୍ଜିନି ହିରୁ ତୁପହେରି, ଟୁଣି ତାଣାଟି ପିସ୍ପିଆଡେଟରି, ଏଝାରି ବାଡ଼ୟୁ ହିଲାଆ ବେଲାତା ବାଡ଼ୟୁ ବେଟାଆଡେଟରି, ଜୁଜୁତା ଜୀଣା ଆଡେଟରି, ଅଡେଟ ମାହାପୁରୁଇଁ ନାମାଆତାରି ଜୁଜୁକିନି କସ୍ତାଣି ଜୀଣାଆହାନା ପେର୍ହାତୁସ୍ତେରି □

୩୫ ନାମୁଟି ଆୟାସିକା ତାମି ଲକୁ ବିଡ଼ାଟି ହାଡ଼ାରାଇଁ ନିପ୍ତି ଆହାନା ଖେଣ୍ଡେ ବେଟାଆଡୁ; ଏଚରଜାଣା ଖେଣ୍ଡେ ନିଙ୍ଗିନାଣି ମେଡ଼ା ଆହାଲିତାକି ଗେଲ୍ପି ଆହାଲି ମନ୍ କିଆନା ଆଜିହପେତି କସ୍ତ ବେଟାଆଡେଟରି □

୩୬ ଏଚର ଜାଣାଇଁ ନିନ୍ଦା କିହାନା କାକ୍ହେରି, ଏଚର ଜାଣାଇଁ ସାଟ୍ଟି ତ:ରି ତଲେ ଖେଡେଟରି, ଏଚର ଜାଣାଇଁ ହିକ୍ଟିୟା ତଲେ ଦସାନା କାୟିଦି ଇଲୁଟି ତାୟିପାରି କିଝି ଆଡେଟରି □

୩୭ ଆମ୍ବାଆରି ଖାଲକାତଲେ ପାୟୁଝି ଆଡେଟରି, ଆମ୍ବାଆରି କରୁତ ତଲେ ରୀ ଗାଣ୍ଡୁ। କିହ୍ ରାଡ଼ପିଆଡେଟରି, ଇଞ୍ଜା କାଣ୍ଡାତଲେ ପାୟୁଝି ଆଡେଟରି, ଆମ୍ବା ଆମ୍ବାଆରି ମେଣ୍ଡା ଅଡେଟ ଗରି ତଲ୍ଲିକା, ହୁଚାନା ରାନ୍ଦାକୁଚା ବେଟାଆଆନା କସ୍ତ, ଲାଗି ବେଟାଆହ୍ ଇତାଲା ଆତାଲା ରେତେରି □

୩୮ ଏଝାରି ଦେସାଟି ଲକୁ ହିଲାଆ ତାଣା, ହରକାଣା, ପାଝୁୟାଣା ଅଡେଟ ଗାଣ୍ଡାଣା ବାସା କିତେରି; ଦାର୍ଡିତା ଏଝାରାକି ନୀତାଲି ଜଟେ ହିଲାଆଡେ □

୩୯ ଏଝାରି ନାମୁତଲେ ଇ ବାରେ ନେହ୍ ଖେଙ୍ଗାମାଟି ଜିକେଏ ଆଞ୍ଜାମାଚାଣି ବେଟାଆଆଡେଟରି,

୪୦ ଇତିହ୍ ମାହାପୁରୁ ମାଙ୍ଗେତାକି ହାରେକା ନେହାଣି କିହାଁ ଇଟାମାନେସି, ଏନିକ୍ ଏଝାରି ମା

ତଲେ ଏନିକ୍ ତାରି ଆନେରି ଇଞ୍ଜା ମାହାପୁରୁତି ଅଣ୍ଡପୁ ମାତେ □

୧୨

ମାହାପୁରୁ ମା ଆବା

୧ ଇଦାଆଁତାକି ଇଚେକା କାଜା ହାଗୁଲେହେଁ ସାକି ହାହାମାନାରି ମା ସାରିସୁଟୁ ମାନାକି, ଖାବୁ ମାର ବାରେତି ବଜୁ ଅଡେଟ ଆଙ୍ଗାମାଞ୍ଜାନି ପାପୁ ପିସାନା ନାମୁତା ନକିନାସି ଅଡେଟ ତାରିକିନି ଜୀସୁଇଁ ସିନିକିହାନା ସାସାତଲେ ମା ନକିତା ତାରିଆହାମାନି ଟାୟୁତା ହଣ୍ଡିନ □

୨ ମା ନାମୁ ତାକି ନକିନାସି ଅଡେଟ ନାମୁତା ବାସ୍ତୁକିନି ଜୀସୁଇଁ ମାର ସିନିକିନ □ ଏଝାସି ନକିତା ମାନି ରାହାଁ ବେଟାଆହାଲି ପାସି ମୁଣ୍ଡାତା ଲାଜା ବେଟାଆହାନା ହାନ୍ତି ପାତେକା ଅର୍ହତେସି ଇଞ୍ଜା ଏଝାସି ନୀଏଁ ମାହାପୁରୁତି ସିଂଗାସାଣି ଚିଝିନି ଚଟତା କୁଗାମାନେସି □

୩ ମାରୁ ଏନିକ୍ ମୀ ମନତା ଖାହୁ ଖାହୁଅଡେଟରି; ଇଦାଆଁତାକି ପାପୁ ଗାଟାରି ତାଣାଟି ତାନି କପାଟି ଏଚେକା କସ୍ତ ଅର୍ହତେସି, ଏଝାଣି କାତା ମାରୁ ଅଣ୍ଡପାଦୁ □

୪ ମାରୁ ପାପୁ କପାଟି ଜୁଜୁ କିହାନା ନୀଏଁ ପାତେକା ମୀ ନେତେରି ହାନି ପାତେକା ଆଙ୍ଗା ହିଲଅଡେଟରି □

୫ ମାହାପୁରୁ ମିଙ୍ଗେ ମୀରକାତେରି ଲେହେଁ ଖେସାମାଞ୍ଜାନି, ସାସାହାନି କାତା ବାଣାଆଡେଟରି କି ?

“ଏ ନା ମୀରଏଣାଟି, ପ୍ରବୁ ସାଲଝି କିୟାନାଣି ଉଜେଏତାୟି ଇଞ୍ଜା ଇନାଆନି, ଆଆଡ଼ ଏଝାଣି ତାଣାଟି ଦାକା ବେଟାଆଡ଼ିସାରେ ସାସା ପିହୁଆନି;

୬ ଏନାଆଁତାକି ଇତିହ୍ ପ୍ରବୁ ଆମ୍ବାଆରାଇଁ ଜୀଝୁ ନନେସି, ଏଝାଣାଇଁ ଜାଗ୍ରାତା କିହାଁ ଜାପ୍ନେସି ଅଡେଟ ଆମିନି ମୀରଏଣାଇଁ ଆବିନେସି, ଏଝାଣାଇଁ ସାସ୍ତି ହୀନେସି □”

୭ ନେହାଁତେରି ଆହାଲି କସ୍ତ ଅର୍ହୁ ମାଞ୍ଜେରି, ମାହାପୁରୁ ମିଙ୍ଗେ ମୀରକା ଲେହେଁ ଲେସ୍ପିମାଞ୍ଜାନେସି, ଇତିହ୍ ଆବା ଆମ୍ବାଆରାଇଁ ଡଣ୍ଡୁ ହୀଅସି ଇଲେତି ମୀରଏସି ଆମ୍ବାଆସି ମାନେସି ?

୮ ସାମା ଆମିନି ଡଣ୍ଡୁତା ବାରେ ଆଣ୍ଡିନେରି, ଇଞ୍ଜା ମାରୁ ଏନାଆଁ ଆଣ୍ଡାଆତାତେରି, ଆତିହ୍ ମାରୁ ମୀରକା ଆଆନା ଦାରେଣି ମୀରକା ଆଦେରି □

୯ ଅଡେଟ ଜିକେଏ, ମା ଦାର୍ଡିତି ଡ଼ାଞ୍ଜିୟାଁ ମାଙ୍ଗେ ସାସ୍ତି ହୀୟାତି ଜିକେଏ ଏଝାରାଇଁ ମାରୁ ମାନି କିତାୟି, ଆତିହ୍ ମା ଲାକପୁରୁତି ଆବାଇଁ ଏଚେ ହାରେକା ମାନଝି ଆହାନା ଜୀଝୁ ବେଟା ଆଆୟି ?

୧୦ ମା ଦାର୍ତ୍ତିତ ତାଙ୍କିୟାଁ ତାମି ଅଣପୁତା ନେହଁ ଆନିଲେହେଁ ମାଙ୍ଗେ ଗାଡ଼େକା ଦିନାତାକି ସାସ୍ତି ହିୟାତେରି; ସାମା ମାର ଏନିକଁ ମାହାପୁରୁତି ସୁଦୁତା ଆଣ୍ଡାଲି ଆଡ଼ିନାୟି, ଇଦାଆଁତାକି ମାହାପୁରୁ ମା ନେହଁ ତାକି ମାଙ୍ଗେ ଡଣ୍ଡ ହିୟାନେସି □

୧୧ ମାର ସାସ୍ତି ବେଟାଆନାୟି ରାହାଁଗାଗାୟି ଆଆନା ଦୁକୁ ଗାଗାୟି ଆନେ, ଆଡ଼ିକିକେଏ ଆମିନି ଗାଗାରି ଏମ୍ବାଟି ଜାପାମାନେରି, ତାୟୁ ଏଝାରାକି ହିଡ଼ଡ଼ିତି ପାଡ଼େୟି ଲେହେଁ ଦାମ୍ବୁତି ପାଡ଼େୟି ବେଟାଆନେରି □

ଝେହନାୟି ଇଞ୍ଜା ଜାଗ୍ରାତା କିନାୟି

୧୨ ଇଦାଆଁତାକି ମାରୁ ବାଡ଼ୟୁ ହିଲାଆ କେସ୍ତା ପେର୍ଦୁ ଅଡ଼େ ବାଡ଼ୟୁ ହିଲାଆ ମେଣ୍ଡାୟାଁ ବାଡ଼ୟୁ କିଦୁ □

୧୩ ସଲକେ ଜିରୁତା ତାକାଦୁ; ଆତିହଁ, ମା ସଗା ଆଡ଼ି କଡା ଆଡାଆଗାଗାୟି ଆଆନା ନେହଁ ଆନେ □

୧୪ ବାରେଜାଣା ତଲେ ହିଡ଼ଡ଼ି ତଲେ ମାଞ୍ଜାଲି ଅଣପାଦୁ, ଅଡ଼େ ସୁଦୁଗାଗାସି ଆଆନା ଆମ୍ବାଆସି ପ୍ରକୃଇଁ ମେସାଲି ଆଡ଼ଅସି, ଏମ୍ବାଆଁ ତୀରେତଲେ ସିନକିଦୁ □

୧୫ ଏଚେତା ଆମ୍ବାଆସି ମାହାପୁରୁତି କାର୍ମାମେହନି ତାଣାଟି ନସ୍ତୁ ଆନେସି ଇଞ୍ଜା ଏନି କାମ୍ବେଲି ତାକି ନେୟାଁନା ପାତା ଆହାଁ ମିଙ୍ଗେ ନସ୍ତୁ କିୟାନେ ଅଡ଼େ ଏମ୍ବାଟି ହାରେକା ପଲ୍‌ଆ ଗାଗାରି ଆନେରି;

୧୬ ଏସାଝୁ ଲେହେଁ ଆମ୍ବାଆସି ଦାରିଗାଗାସି କି ଦାମ୍ବୁ ହିଲାଆଗାଗାଣି ଲେହେଁ ଆଆପେସି; ଏଝାସି ର ଅଲିତି ରାନ୍ଦା ତାକି ତାନି କାଜା ମାରଏଣି ପାଣା ପାରଗା ମାରେସି □

୧୭ ମାରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଝାସି ଆବା ତାଣାଟି ବର ବେଟାଆହାଲି ଅଣପିତିହଁ ଜିକେଏ ବେଟାଆହାଲି ଆଡାଆତେସି, ଅଡ଼େ ମନ ଝେଟହାଲି ତାକି କାଣ୍ଡୁ ବକ୍‌ହିହଁ ପାରାଲି ଅଣପିତେସି ଆଡ଼ିକିକେଏ ଏଦାଆଁ କିହାଲି ପାରୁ ବେଟାଆଆତେସି □

୧୮ ଇସ୍ତାୟେଲତି ଲକୁ ଲେହେଁ ମାରୁ ସିୟନ ହରୁତା ଡ଼ାଞ୍ଜିମାଟି ହିରୁ, କିଟିକିଟି ଆନ୍ଦେରି, ରୁଝାଗାଲି,

୧୯ ତୀଡ଼ି ଉକିନି ହାଡ଼ା ଇଞ୍ଜା କାତା ଝେହନି ହାଡ଼ା ଡାଗେ ଝାଆତେ, ଝେନାରି ଏ ହାଡ଼ା ଝେଞ୍ଜାନା ଏନିକଁ ଏଝାରାକି ଅଡ଼େ ଏନି କାତା ଝେସ୍‌ପି ଆଏ, ଇଦାଆଁ ବାତିମାଲା ମାରେରି;

୨୦ “ଇତିହଁ ଏନି ଜନ୍ତ ଜିକେଏ ଏ ହରୁତି ତୀଗିନେ, ଆତିହଁ ଏଦାନି ଝାଲକାତଲେ ଇର୍‌ହାନା ପାୟିଝିଆନେ □” ଇ ଆମିନି ହୁକୁମି

ହୀପକି ଆହାମାତେ, ଏଦାଆଁ ଏଝାରି ଅର୍‌ହାଲି ଆଡାଆତେରି;

୨୧ ଏଡ଼ି ଆଜିହପେ ତଞ୍ଜା ଆହିମାତାକି ମସା ଜିକେଏ ଏଲେଇଚେସି, “ନାନୁ ଜିକେଏ ଆଜିତାକି ତୀରଗିମାଇଁ □”

୨୨ ସାମା ମାରୁ ସିୟନ ହରୁ ଅଡ଼େ ନୀଡାମାନି ମାହାପୁରୁତି ଗାଡ଼ା, ଇତିହଁ ଲାକପୁରୁତି ଜିରୁସାଲମତା, ହାରେକା ଦୁଦୁୟାଁ ଝାହାମାତେରି ଏମ୍ବାଆଁ ଝାହାମାଞ୍ଜେରି □

୨୩ ଅଡ଼େ ଏ ପାଣ୍ଡା ମାରକାତି କୁଲମି ଆମ୍ବାଆରି ଦରୁ ଲାକପୁରୁ ରାସ୍‌କି ଆହାମାନେ ଅଡ଼େ ବାରେତି ନୀହାୟି କିନି ମାହାପୁରୁ ନକିତା ତୀରିକିଝି ଆହାମାନି ଦାମ୍ବୁତି ଜାଝୁୟାଁ □

୨୪ ପୁଞ୍ଜି ରାଜିମାନା ମାଦିତି ଜୀସୁ, ଇଞ୍ଜା ଆମିନି ଡ଼ାଞ୍ଜାମାନି ତାନି ନେତେରି, ହେବଲ ନେତେରି କିହାଁ ହାରେକା ନେହଁ, ଏ ନେତେରି ଡାଗେ ଝାହାମାଞ୍ଜେରି □

୨୫ ହେଣ୍ଡୁ ଆମ୍ବାଆସି କାତା ଝେସିମାଞ୍ଜାନେସି ଏଦାଆଁ ଝେନଅମି ଇନାଆଦୁ, ଇତିହଁ ଆମ୍ବାଆସି ଦାର୍ତ୍ତିତା ହୁକୁମି ହୀତେସି, ଏଝାଣାଇଁ ତାକି ଗେଲ୍‌ପି ଆଆତେରି, ଆତିହଁ ଆମ୍ବାଆସି ଲାକପୁରୁତି ହୁକୁମି ହୀହିମାଞ୍ଜାନେସି, ଏଝାଣି ତାଣାଟି ଏଟକା ହାଟିସାରେ ମାର ଗେଲ୍‌ପିଆଆୟି, ଇଦି ଏଚେକା ସାତା ଆଏ ?

୨୬ ଏତିବେଲା ଏଝାଣି ହାଡ଼ା ଦାର୍ତ୍ତିଇଁ ଝୀଟ୍‌ହେ, ସାମା ନୀଏଁ ଏଝାସି ପାରମାଣା କିହାଁ ଝେସାମାଞ୍ଜାନେସି, “ନାନୁ ଅଡ଼େ ଝେଣ୍ଡେ ଝୀରଇ ଦାର୍ତ୍ତିଇଁ ଝୀଟ୍‌ଇଁ, ଏଡ଼ି ଆଏ ସାମା ହାଗୁ ପାକାଇଁ ଜିକେଏ ଝୀଟ୍‌ଇଁ □”

୨୭ ଅଡ଼େ ଝେଣ୍ଡେ ଇଞ୍ଜାଁ ଇନି ତାଣାଟି ଇଦାଆଁ ପୁଞ୍ଜିମାନାୟି, ଆଟ୍‌ଝା ଗାଗାୟି ଡ଼ୟାଲି ତାକି ଝୀଡ଼ିନାୟି, ଇତିହଁ ଗାଡ଼ି ଆହାମାନାୟି ବାରେ ତିରି ମୀଣନେ □

୨୮ ଇଦାଆଁତାକି ଝାଦୁ ଝୀତାଆଗାଟି ରାଜିତି ବେଟାଆହାନା ମାର ଏ କାର୍ମାଟି ପିହ୍‌ଆପ ଇଞ୍ଜାଁ ରାହାଁତଲେ ଆଜି ଅଡ଼େ ମାନିଟି ମାହାପୁରୁ ରାହାଁ ଆନିଲେହେଁ ଜହରା କିନ □

୨୯ ଏଦାଆଁତାକି ଇତିହଁ ମା ମାହାପୁରୁ ନାସାକିନି ହିରୁ ଲେହେଁତାସି □

୧୩

ମାହାପୁରୁଇଁ ରାହାଁ କିନାୟି

୧ କ୍ରୀସ୍ତାନା ତାୟିୟାଁ ଅଡ଼େ ତାଙ୍ଗିସ୍ତା ରଅତେରି ରଅଣାଇଁ ଜୀଝୁ ନଦୁ □

୨ ପୁନାଆତି ଗତାୟାଁଣି ସେବା କିହାଲି ବାଣା ଆଆଦୁ, ଇତିହଁ ଏଲେକିତାକି ଏଚରଜାଣା

ପୁନାଆନା ଲାକପୁରୁତି ଦୂତୁୟାଣି ସେବା କିହାମାନେରି □

୩ କାୟିଦିତା ମାନାରାଇଁ ମୀରୁ ଏଞ୍ଜାରିତଲେ କାୟିଦିତା ମାନି ଲେହେଁ ଅଣ୍ପାଦୁ ଇଞ୍ଜା ଆଙ୍ଗା ତଲେ ମାନାକି ଦୁକୁ କସ୍ତ ବେଟାଆହାଲି ତଲେ ସମାନା ଦୁକୁ କସ୍ତ ବେଟାଆହାଲି ଅଣ୍ପାଦୁ □

୪ ବୀହା ବାରେ ଲକୁ ନକିତା ନେହାୟି ଆପେ, ଇଞ୍ଜା ତକ୍ତି ଅଡ଼େ ତକ୍ତା ମାନି ତଲେ ତୁୟାପୁ, ଏନାଆଁତାକି ଇଚିହଁ ମାହାପୁରୁ ଲାଗେଏତି କାମା ଅଡ଼େ ଦାରିକାମା କିନାରାଇଁ ନୀହାୟି କିନେସି □

୫ ତାକିନି ତାକୁତା ଦନ ଜୁପକା ଆଆଦୁ, ମିଙ୍ଗେ ଏନାୟି ମାନେ, ଏମ୍ପାଆଁ ରାହାଁତଲେ ମାଞ୍ଜୁ, ଇଚିହଁ ମାହାପୁରୁ ଏଲେଇଞ୍ଜା ମାନେସି, “ନାନୁ ନିଙ୍ଗେ ଏତେଲାଞ୍ଜା ପିସ୍ତୁଅଁ, ନାନୁ ନିଙ୍ଗେ ଏତେଲାଞ୍ଜା ବାଣାଆୟଅଁ □”

୬ ଇଦାଆଁତାକି ମାର ସାସାତଲେ ଏଲେଇଞ୍ଜାଲି ଆଡ଼ିନାୟି,

“ପୁରୁ ନା ସାୟେମି ଆନାସି,
ନାନୁ ଇଚାଣି ଆଜଅଁ,

ମାଣ୍ଡସି ନାଙ୍ଗେ ଏନାଆଁ କିହାଲି ଆଡ଼ାନେସି ?”

୭ ଆମିନି ଗାଟାରି ମିଙ୍ଗେ ମାହାପୁରୁତି ବଲୁ ଝେସାମାଞ୍ଜାତେରି, ମୀରୁ ଏଲେତି କାଜାରାଇଁ ମାନି କିଦୁ; ଏଞ୍ଜାରି ଏନିକଁ ନୀତାମାତେରି ଇଞ୍ଜା ହାଡ଼େରି, ଏଦାଆଁ ଅଣ୍ପାଦାନା ଏଞ୍ଜାରି ନାମିତି ଲେହେଁ ମୀରୁ ଜିକେଏ ନାମାଦୁ □

୮ ଜୀସୁ କ୍ରୀସ୍ତ ରେଃଏନି, ନୀଞ୍ଜୁ ଅଡ଼େ କାଲେଏ ତାକି ସମାନା ତୁୟିନେସି □

୯ ଏଟକା ଅଡ଼େ ଅର ରଲେତି ଜାପୁନି ତାଣା କିଲିବିଲି ଆଆଦୁ, ଇଚିହଁ ତିନି ରାନ୍ଦାତା ଆଏ, ସାମା ମାହାପୁରୁ କାର୍ମାଟି ହିୟାଁ ତୀରି ଆନାୟି ନେହେଁ; ଆମିନି ଗାଟାରି ତିନି ରାନ୍ଦାତି ମେରା ମାନୁଞ୍ଜି ଆନେରି, ଏଞ୍ଜାରାକି ଏନି ଲାବା ଆଏ □

୧୦ ମା ଇଲେତି ର ପୂଜାପିଣ୍ଡା ମାନେ, ଆମିନି ପୂଜା ପିଣ୍ଡାତି ଦିଶ୍ଟୁଇଁ ତୁମ୍ଭ ଇଲୁତା ସେବାକିନି ପୂଜେରାଙ୍ଗା ତିଞ୍ଜାଲି ଅଦିକାରା ହିଲେଏ □

୧୧ ଇଚିହଁ ଜାହୁଦିୟାଁତି କାଜା ପୂଜେରା ପାପୁ ତାକି ହେର୍ପାମାନି ଜନ୍ତୁତି ନେତେରି ସୁଦୁ ଗାୟୁତା ଅନେସି; ସାମା ଏ ଜନ୍ତୁତି ଆଙ୍ଗା ବାରେ ସାମଣ୍ଡା ପାଙ୍ଗାତା ତାଚାହାଁ ହୁଡ଼ିଆନେ □

୧୨ ଇଦାଆଁତାକି ଜୀସୁ ଜିକେଏ ତାନି ନେତେରି ତଲେ ଏନିକଁ ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଙ୍ଗାତା ହାଡ଼େସି □

୧୩ ଇଦାଆଁତାକି ଝାଦୁ, ମାର ଜିକେଏ ଏଞ୍ଜାଣିଲେହେଁ ନିନ୍ଦା ଅରହାନା ଗାଡ଼ା ପାଙ୍ଗାତା ଏଞ୍ଜାଣି ତାଣା ହାନ □

୧୪ ଏନାଆଁତାକି ଇଚିହଁ ଇମ୍ପାଆଁ ବାରେ ଦିନାତାକି ମାଙ୍ଗେ ତୁୟିନି ଗାଡ଼ା ହିଲେଏ, ସାମା

ମାର ତାୟୁ ଝାହିମାନି ଗାଡ଼ାତି ବେଟାଆହାଲି ପାରିମାନାୟି □

୧୫ ଇଦାଆଁତାକି ଝାଦୁ, ମାର ଜୀସୁ ତାଣାଟି ମାହାପୁରୁଇଁ ଜହରାତି ପୂଜା କିନ, ଇଚିହଁ ତାନି ଦରୁ ଜଲିମାନି ଗୁଡ଼ିତି ବାରେଦିନା ହେର୍ପିନ □

୧୬ ଏଟକା ତାରାଇଁ ସାୟେମି କିହାଲି ବାଣା ଆଆଦୁ, ଇଚିହଁ ଇଲେତି ପୂଜା କାମାତା ମାହାପୁରୁ ରାହାଁ ଆନେସି □

୧୭ ମୀ କାଜାରାଇଁ ମାନୁଞ୍ଜି ଆହାନା ଏଞ୍ଜାରାଇଁ ମାନି କିଦୁ, ଇଚିହଁ ଆମିନି ଗାଟାରି ମାହାପୁରୁକି ଲେକା ହୀନାୟି ମାନେ, ଏଞ୍ଜାରିଲେହେଁ ଏଞ୍ଜାରି ମୀ ଜୀଞ୍ଜୁତି କାଡ଼ିମାନେରି, ଏନିକଁ ଏଞ୍ଜାରି ଏଦାଆଁ ଦୁକୁତଲେ କିଆନା ରାହାଁତଲେ କିହାଲି ଆଡ଼ିନେରି; ଦୁକୁତଲେ କିଡ଼ିସାରେ ମିଙ୍ଗେ ଏନି ଲାବା ହିଲେଏ □

୧୮ ମାଙ୍ଗେତାକି ପ୍ରାତାନା କିଦୁ, ଇଚିହଁ ମା ନାମୁ ମାନେ, ମା ଅଣ୍ପୁ ନେହାୟି ଆପେ, ଅଡ଼େ ବାରେ କାମାତା ନେହଁ ମାଣ୍ଡକି ଆହାଲି ମାୟୁ ଅଣ୍ପିମାନମି □

୧୯ ଅଡ଼େ ନାନୁ ମୀ ତାଣା ଏନିକଁ ତବେ ଝାୟାଲି ଆଡ଼ିଇ, ଏଦାଆଁତାକି ମାହାପୁରୁ ତାଣା ପ୍ରାତାନା କିହାଲି ନାନୁ ମିଙ୍ଗେ ହାରେକା ବାଡ଼ିମାଲିମାଞ୍ଜାଇଁ □

ରାନ୍ତି ପ୍ରାତାନା

୨୦ ଆମିନି ହିଡ଼ିତି ହିୟାନି ମାହାପୁରୁ କାଲାକାଲା ତୁୟିନି ରାଜିମାନାତି ନେତେରି ତାକି, କାଜା ମେଣ୍ଡା ଗଡ଼ୁ ଇଚିହଁ ମା ପୁରୁ ଜୀସୁଇଁ ହାଡ଼ାରି ତାଣାଟି ନୀଟହା ମାନେସି;

୨୧ ଏଞ୍ଜାଣି ନକିତା ଏନାୟି ନେହାୟି, ଏଦାଆଁ ଏଞ୍ଜାସି ମା ହିୟାଁତା ଜୀସୁ କ୍ରୀସ୍ତ ତାଣାଟି ରାପୁହାନା ତାନି ମନଲେହେଁ କିହାଲି ମିଙ୍ଗେ ବାରେ ନେହଁ କାମା କିୟାପେସି □ ଏଞ୍ଜାଣାକି କାଲାକାଲାତି ଗାଞ୍ଜୁରମି ଆପେ □ ଆନେନ □

ଆକୁତି ରାନ୍ତି କାତା

୨୨ ଏ ତାୟି ତାଙ୍ଗିସ୍ତା, ନାନୁ ମିଙ୍ଗେ ବାଡ଼ିମାଲିମାଞ୍ଜାଇଁ, ଇ ଜାଗ୍ରାତା କିଞ୍ଜିକିନି କାତା ସାସା ଇଗାନା ମନ ହୀଦୁ, ଇଞ୍ଜା ନାନୁ ରାହାଁ କିହାଲି ଇ ଉଣା ଆକୁ ମିଙ୍ଗେ ରାଟାମାଇଁ □

୨୩ ମା ତାୟି ତିମତି କାୟିଦିତି ତବେ ପିସ୍ତପି ଆହାମାନେସି ଇଞ୍ଜୁ ପୁଞ୍ଜେରି, ଏଞ୍ଜାସି ତବେ ଝାଡ଼ିସାରେ ଏଞ୍ଜାଣିତଲେ ନାନୁ ମୀ ତାଣା ବେଟିଝାହାଲି ଝାଈଁ □

୨୪ ମୀ ବାରେ କାଜାରାଇଁ ଅଡ଼େ ମାହାପୁରୁ ଲକୁଇଁ ଜହରା ଝେହୁଦୁ □ ଏମିନି ତାୟିୟାଁ ଇଟାଲି ଦେସାଟି ଝାହାମାନେରି, ଏଞ୍ଜାରି ମିଙ୍ଗେ ଜହରା ଝେସିମାଞ୍ଜାନେରି □

୨୫ ନାହାପୁରୁତି କାର୍ମାମେହନାୟି ବାରେତେରି
ମିଙ୍ଗେତାକି ଆୟାପେ □

ଯାକୁବଙ୍କ ପତ୍ର ଜାକୁବ ରାଚାମାନି ଆକୁ ମୂଲୁ ହାଡ଼ା

ଇ ଜାକୁବ ପତିତି ଜାକୁବ ଇନାସି ରାଚାମାରେସି
□ ଏଝାସି ଜାସୁ କ୍ରୀସୁ ତାୟି ଆହାମାଣ୍‌ମିନେସି,
ଏମ୍ବାଆସିକି କୁଲମିତି ସାଲୁଝି କିନାସି ଅଡ଼େ
ଜିରୁସାଲମତା ବେରଣି କିନାସି ମାରେସି କାମା
୧୫:୧୩ □ ପାସୁଲ ଗାଲା ୨:୯ ଜାକୁବଇଁ
କୁଲମିତି “ତୁଡ଼ିୟା ମୁଣ୍ଡା” ଇଞ୍ଜାମାନେସି □ ଜୀସୁ
କ୍ରୀସୁ ଜାର୍ନାଆଡ଼ି ୫୦ ବାର୍ଯା ତାୟୁ ଇ ଜାକୁବ
ପତି ରାସ୍‌କି ଆହାମାରେ ଇଞ୍ଜି ବୁଦିଗାଟାରି
ଏଲେ ଇଞ୍ଜିମାନେରି □ ଜାକୁବ ଜିରୁସାଲମତି
କୁଲମି ସାଲୁଝି କିନାସି ମାଟିବେଲାତା ଇ ପତିଇଁ
ରାଚାମାରେସି □

ଜାକୁବ ତାନି ପତିତା “ଇତାଲା ଆତାଲା
ଦେସାଣା ରାଞ୍ଜାଣା ବିଚାଣା ଆହାମାନି ବାର ଗଟା
କୂଲୁ ଲକୁ” କାତା ରାଚାମାନେସି ୧:୧ □ ଜାକୁବ
ଝେହ୍‌ନି କାତା ବାରେ କ୍ରୀସ୍ତାନା ଲକୁକି ଲଡ଼ାମାନେ
ସାମା “ବାର ଗଟା କୂଲୁ ଲକୁ” ଇତିସାରେ ଜୀହୁଦି
କ୍ରୀସ୍ତାନା ଲକୁ □ ଏନାଆଁତାକି ଇତିହଁ ଇ ପତି
ପଡ଼ଝିଆନି ବାରେ ଲକୁତାକି ହାରେକା କାତା
ଏପହାଲି ତାକି ରାସ୍‌କି ଆହାମାନେ □ ଜାକୁବ ନାମୁ
ଅଡ଼େ କାମାତି କାତା ଝେସାମାନେସି □ କାମାତା
ସାତା ନାମୁ ତଞ୍ଜାଆନେ ୨:୧୭ □ ଏଝାସି ବାଡ଼କୁ
ଗାଟି ଲକୁତି ପାରଡ଼ା ବାଟି କିନାଣି ୨:୧-୪ ଅଡ଼େ
ମାର ଏନାଆଁ ଜଲିନାୟି ଜାଡ଼ନୁ ତଲେ ଜଲଲି
ଝେସାମାନେସି ୩:୧-୧୨

ପତିତା ମାନାୟି

- ୧ ଜାକୁବ ତାନି ପତି ପଡ଼ଝି ଆନାରାଇଁ ଜହରା
କିନାୟି □ ୧:୧
- ୨ କ୍ରୀସ୍ତାନା ଲକୁଣି କସ୍ତ ବେଲାତା ସୁସ୍ତି ତଲେ
ମାଞ୍ଜାଲି ଝେହ୍‌ନାୟି □ ୧:୨-୨୭
- ୩ କାମା ତଲେ ନାମୁତି ତହ୍‌ନାୟି ମାନେ □ ୨:୧-
୨୭
- ୪ ଜଲିନି ବଲୁୟାଁତି ବାଡ଼ୟୁ □ ୩:୧-୧୨
- ୫ ମାହାପୁରୁତି ବୁଦି ଦାର୍‌ତିତି ବୁଦି କିହାଁ
ହାରେକା ପାରଡ଼ା ମାନେ □ ୩:୧୩-୪:୧୦
- ୬ ବଡ଼ପଣ ଆନି କାତା □ ୪:୧୧-୫:୭
- ୭ ଜାକୁବ ରାନି ବେଲାତା ନେହେଁତାକି ଜାପିନି
କାତା ରାଚିନାୟି □ ୫:୭-୨୦

୧ *ନାମୁ ଜାକୁବ, ମାହାପୁରୁ ଅଡ଼େ ପ୍ରବୁ ଜୀସୁ
କ୍ରୀସ୍ତତି ହଲେଏସି, ଦାର୍‌ତିତା ଇତାଲା ଆତାଲା
ଆହାମାନି ମାହାପୁରୁ ଲକୁଇଁ ଜହରା □

ନାମୁତି ତାୟିପାରି କିନାୟି
୨ ଏ ନା ତାୟିୟାଁ ଅଡ଼େ ତାଜିସ୍ତା, ମାରୁ
ଏତିବେଲା ତାୟିପାରି କିନି ତାଣା ତାୟିପାରି
କିଞ୍ଜିଆଦେରି, ଏତିବେଲା ଏଡ଼ି ହାରେକା ରାହାଁତି
କାତା ଇଞ୍ଜି ଅଣ୍‌ପାଦୁ;

୩ ତାୟିପାରି କିନାଣି ଜୀଣା ଆନି ନାମୁ ଏଡ଼ି
ଅରହାଲି ହୀୟାନେ, ଇଦାଆଁ ପୁଞ୍ଜାମାଞ୍ଜେରି □

୪ ଅଡ଼େ, ମାରୁ ଏନିକଁ ଏନି ଗୁଣୁତା ଉଣା
ଆଆନା ନେହଁ ତାରି ଅଡ଼େ ସୁଦୁ ଗାଟାତେରି
ଆଦୁ, ଏଦାଆଁତାକି ଅରହିନାୟି ହାରେପୁରେ କାମା
କିନେ □

୫ ସାମା ମୀ ବିଡ଼ା ଆମ୍ବାଆରାକି ବୁଦି ଉଣା
ମାଟିସାରି, ଆମିନି ମାହାପୁରୁ ଦହ୍ ଆହ୍‌ଆନା
ବାରେତାକି ହାରେପୁରେ କେୟୁ ଦେଚାନା ଦାନା
କିନେସି, ଏଝାଣି ତାଣା ପ୍ରାତାନା କିପାସି, ଏମ୍ବାଟିଏ
ଏଝାଣାକି ହୀପକିଆନେ □

୬ ସାମା ଏଝାସି ଇଚାଣି ଆନାମାନା ଆଆନା
ନାମୁତଲେ ପ୍ରାତାନା କିପାସି, ଇତିହଁ ଆମ୍ବାଆସି
ଆନାମାନା ଆନେସି, ଏଝାସି ଗାଲି ତଲେ ଇତାଲା
ଆତାଲା ଆହିମାନି ସାମ୍‌ଦୁରିତି ତାରି ଆଆଗାଟି
ଏୟୁ ଉଣ୍ଡା ଲେହେଁତାସି □

୭ ଏଲେତି ଲକୁ ପ୍ରବୁ ତାଣାଟି ଏନାଆଁ
ବେଟାଆଇଁ ଇଞ୍ଜି ଆସା କିଆପେସି;

୮ ଏଝାସି ରୀ ମନ ଗାଟାସି, ଇଞ୍ଜା ତାନି ବାରେ
କାମାତା ତାରି ଆଆଗାଟାସି □

ବାଡ଼କୁ ଗାଟାସି ଅଡ଼େ ବାଡ଼କୁ ହିଲାଆଗାଟାସି
୯ ବାଡ଼କୁ ହିଲାଆଗାଟି ତାୟି ତାନି କାଜାପାଣା
ତାକି ରାହାଁ କିପାସି,

୧୦ ବାଡ଼କୁ ଗାଟାସି ତାନି ଉଣା ଆହିମାନାଣି ତାକି
ବଡ଼ପଣ କିପେସି, ଏନାଆଁତାକି ଇତିହଁ ବାଡ଼କୁ
ଗାଟାସି ଜାଡ଼ାତି ପୁୟୁବଣ୍ଡା ଲେହେଁ ତୁଲା ହାନେସି
□

୧୧ ଏନିକଁ ଝେଡ଼ା ଲାଇ ହଡ଼ାସାରେ ଜାଡ଼ା
ଏନିକଁ ଝାୟାହାନେ ଅଡ଼େ ଏଦାନି ପୂଞ୍ଜା
ତୁଲିନୁ ଇଞ୍ଜା ତାନି ଅଜୁତି ଝାଣା ମେଣ୍‌ଜାହାନେ,
ଏଲେକିହଁଏ ବାଡ଼କୁ ଗାଟାସି ଜିକେଏ ତାନି
ବାରେ କାମାତା ଝାଡ଼ିନେସି □

ତାୟିପାରି ଅଡ଼େ ଜୁପକା ତହ୍‌ନାୟି

୧୨ ଆମିନି ଗାଟାସି ତାୟିପାରି କିନାଣି
ଅରହିନେସି ଏଝାଣାକି ନେହେଁ, ଇତିହଁ
ମାହାପୁରୁ ତାନୁ ଜୀସୁ ନନି ଲକୁଣି ଆମିନି
ଜୀସୁଗାଟି ଚପେରି ହୀହାଲି ଆଞ୍ଜାମାନେସି,
ତାୟିପାରି କିତାଣି ଜୀଣାଆଡ଼ି ଜେଟ ଏ ଲକୁ ଏ
ଆଞ୍ଜାମାନି ଚପେରି ବେଟା ଆନେସି □

୧୩ ଆମ୍ବାଆସି ତାୟିପାରି କିଞ୍ଜି ଆଡ଼ିସାରେ, “ନା
ଇ ତାୟିପାରି କିଞ୍ଜି ଆନାୟି ମାହାପୁରୁ ତାଣାଟି

* ୧:୧ ୧:୧ ମାଟି ୧୩:୫୫; ମାର୍କ ୭:୩; କାମା ୧୫:୧୩; ଗାଲା ୧:୧୯

ଆହିମାନେ” ଇଞ୍ଜିହ୍ ଇନାଆପେସି, ଇଚିହ୍ ମାହାପୁରୁ ଲାଗେଏତି ପାନ୍ଦାଟି ତାୟିପାରି କିଞ୍ଜି ଆଅସି, ଅଡେ ଏଞ୍ଜାସି ତାନୁଏ ଆମ୍ବାଆରାକ୍ ତାୟିପାରି କଅସି □

୧୪ ସାମା ମାଣ୍ଡସି ତାନି ଲାଗେଏତି କାମା ତଲେ ଜୁପକା ଅଡେ ନାଡ଼ିକିଞ୍ଜି ଆହାନା ତାୟିପାରି କିଞ୍ଜିଆନେସି;

୧୫ ଅଡେ ତାୟି ଲାଗେଏତି କାମା ପୁରାମାସା ଆହାନା ପାପୁତି ଜାନି କିନେ, ଇଞ୍ଜା ପାପୁ ଗାଡ଼ି ପାତାଆହାନା ହାକିତି ଜାନି କିନେ □

୧୬ ଏ ନା ଜୀଞ୍ଜୁତି ତାୟିୟା ଅଡେ ତାଞ୍ଜିସ୍ତା ମୀରୁ ନାଡ଼ି ଆଆଦୁ □

୧୭ ବାରେ ନେହ୍ ଦାନା ଅଡେ ବାରେ ତୀରିତି ବର ଲାକଟି; ଇଚିହ୍ ଉଜେଡ଼ି ଗାଡ଼ିକିତି ଆବା ତାଣାଟି ଝାନ୍ନେ, ଆମ୍ବାଆରି ତାଣା ଏନି ବାଦ୍ଲି ଆନାୟି କି ଇଚାୟିଞ୍ଜା ସାୟି କିହାନା ଆନେରି ଆନାୟି ହିଲେଏ □

୧୮ ମାର ଏନିକ୍ ତାନି ଗାଡ଼ି ଆଡ଼ି ତାଣାଟି ରଲେଏତି ର ମୁଲୁତି ପାଡେୟି ଲେହେ ଆନାୟି, ଏଦାଆଁତାକି ଏଞ୍ଜାସି ତାନି ଅଣପୁ ତଲେ ସାତା ବଲୁ ତଲେ ମାଞ୍ଜେ ଗାଡ଼ି କିୟାତେସି □

ଝେନାୟି ଅଡେ କାମା କିନାୟି

୧୯ ଏ ନା ଜୀଞ୍ଜୁତି ତାୟିୟା ଅଡେ ତାଞ୍ଜିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେତେରି ଝେଞ୍ଜାଲି ଜାଗ୍ରାତା ଆଦୁ, ଇଞ୍ଜା ଝେସାଲି ଦାଗା ଆଆଦୁ ଅଡେ ଦେବୁଣିଏ କପା ଆଆଦୁ,

୨୦ ଇଚିହ୍ ମାଣ୍ଡସିତି କପା ମାହାପୁରୁତି ନକିତା ଦାମ୍ବୁ କିହାଲି ଆଡେଏ □

୨୧ ଏଦାଆଁତାକି, ମୀରୁ ବାରେ ପଲ୍ଲଆ ଗାଟାଣି ଅଡେ ବାରେ ଲାଗେଏତାଣି ପିସାଡୁହ୍ଦୁ, ଆମିନି ମାହାପୁରୁ ହିୟାତି ବଲୁ, ମୀ ଜୀଞ୍ଜୁତି ଗେଲ୍ପାଲିତାକି ଆଡ଼ିନେ, ଏଦାଆଁ ସୁଦୁଗାଟି ଅଣପୁ ତଲେ ଆହ୍ଦୁ □

୨୨ ସାମା ମୀରୁ ଏଞ୍ଜାଣି ବଲୁ ଝେନାତେରି ଆହ୍ ଜାହାରାକ୍ ନାଡ଼ି କିହାକତାଆନା, ବଲୁତି କାମା କିନାତେରି ଆଦୁ □

୨୩ ଇଚିହ୍ ଆମିନିଗାଟାସି ବଲୁତି କାମା କିନି ଲକୁ ଆଆନା ଝାନ୍ନେ ଝେନି ଲକୁ ଆନେସି, ଆଡିହ୍ ଏଞ୍ଜାସି ଦାପେଣିତା ତାନୁଏ ତାନି ମୁମ୍ ସିନିକିହା କଡ଼ିମାନି ମାଣ୍ଡସି ଲେହେତାସି,

୨୪ ଏଡେତା ଏଞ୍ଜାସି ତାଞ୍ଜେ ସିନିକିତି ଜେଟ ହାଜାନା, ଏଞ୍ଜାସି ଏମ୍ବାଟି ହଡ଼ା ହାତି ତାୟି ଏନିଲେହେତି ମାଣ୍ଡସି ଦେବୁଣିଏ ବାଣାଆନେସି □

୨୫ ସାମା ଆମ୍ବାଆସି ତୀରପୁ ଇଚିହ୍ ଗେଲ୍ପାଲି ଆଡ଼ିନି ନେହ୍ ମେରାତି ସିନିକିହାନା ମେରାତି କାମା କିନେସି, ଅଡେ ଆଜିତାକି ଝେନି

ଲକୁ ଆଆନା କାମାକିନାସି ଆନେସି, ଏଞ୍ଜାସି ତାନି କାମାତା ନେହ୍ସି □

୨୬ ଇଚିହ୍ ଆମ୍ବାଆସି ଜାହାରାକ୍ ତୀରି ଗାଟାତେଏ ଇଞ୍ଜା ଅଣପା କଡ଼ିନେସି, ଇଞ୍ଜା ତାନି ଝେନିତି ଲକୁଆନା ତାନୁ ତାନି ହିୟାତି ନାଡ଼ି କିନେସି, ଇଚିହ୍ ତାନି ଦାମ୍ବୁକାମା କିନାୟି ଉଜେଏତାୟି □

୨୭ ତାଲି ତାଞ୍ଜି ହିଲ୍ଲାଆ କକାରି ପଦାଣି ଅଡେ ରାଞ୍ଜେଣି ଇୟାସିକାଣି ତାନି ଦୁକୁ କାକୁଲି ବେଲାତା ସାୟେମି କିନାୟି ଅଡେ ଦାରତିତା ମାନି ବାରେ ଲାଗେଏତି କାମାଟି ଗେଲ୍ପା କଡ଼ିନାୟି, ଇଦି ମା ମାହାପୁରୁ ଅଡେ ଆବା ନକିତା ନେହାୟି ଅଡେ ସୁଦୁ ଦାମ୍ବୁତି କାମା □

୨

ପାରଡ଼ା ବାଟି କିନାୟି

୧ ଏ ନା ତାୟିୟା ଅଡେ ତାଞ୍ଜିସ୍ତା, ମା ଗାଞ୍ଜୁରମିଗାଟି ପ୍ରବୁ ଜୀସୁ ଜ୍ରୀସୁ ତାଣା ନାମା ମାନାତେରି ମାଣ୍ଡସିୟାତି ମୁମ୍ ମେସାନା ଲେମ୍ବାଆଦୁ □

୨ ଇଚିହ୍ ରଅସି ବାଂଗାରା ମୁଦି ଅଡେ ଦାରାଗାଟି ନେହ୍ ଅଜିତି ହିମ୍ବୁରି ହୁତାନା କୁଟମି କୁଡ଼ା ଆହାମାନି ତାଣା ଝାନ୍ନେସି, ଅଡେ ର ହିଲ୍ଲାଆଗାଟାସି ଗେଞ୍ଜାମାନି ମାହ୍ତି ହିମ୍ବୁରି ହୁତାନା ଝାନ୍ନେସି,

୩ ଅଡେ, ମୀରୁ ଦାରାଗାଟି ଅଜିତି ହିମ୍ବୁରି ହୁତିତି ଲକୁକ୍ ମାନି କିହା ଏଲେଇଞ୍ଜେରି, “ଇମ୍ବାଆଁ ନେହ୍ ଟାୟିତା କୁଗାମ୍ବୁ,” ଅଡେ ହିଲ୍ଲାଆଗାଟାଣାକ୍ ଏଲେଇଞ୍ଜେରି “ଏମ୍ବାଆଁ ନିତାମାନାମ୍ବୁ, ଆଆତ୍ ନା କତାୟା ଡ଼କକା କୁଗାମ୍ବୁ,”

୪ ଆଆତ୍ ମୀରୁ ମୀ ବିତ୍ରା କାଜା ଲକୁ ଉଣା ଲକୁ ପାରଡ଼ା ବାଟି କିଞ୍ଜି ଆହ୍ ଏଟକା ଏଟକା କିହା ଲାଗେଏତି ନୀହାୟି କିହିମାଞ୍ଜେରି □

୫ ଏ ନା ଜୀଞ୍ଜୁତି ତାୟିୟା ଅଡେ ତାଞ୍ଜିସ୍ତା, ଝେଞ୍ଜୁ ମାହାପୁରୁ ଇ ଦାରତିତା ବାଡ଼କୁ ହିଲ୍ଲାଆଗାଟାରାକ୍ ତାନି ନାମୁତା ଦନ ଗାଟାରି ଆହାଲି, ଅଡେ ତାନି ଜୀଞ୍ଜୁନହ୍ ମାନାରାକ୍ ଆମିନି ରାଜି ହୀହାଲି ଆଞ୍ଜାମାନେସି, ଏମ୍ବାତି ଅଦିକାରା କିହାଲି ଆଡ଼ା ହିଲଅସି ?

୬ ସାମା ମୀରୁ କାକୁଲି ଗାଟାରାକ୍ ଅପିହିଲଅତେରି □ ବାଡ଼କୁ ଗାଟାରି ମୀ ମୁହେଁ ରାଜି କିୟଅରି କି ? ଅଡେ ମିଞ୍ଜେ ନୀହାୟି ପାଞ୍ଜାତା ରେଜା ଅୟଅରି କି ?

୭ ଆମିନି କାଜା ଦରୁତଲେ ଝେଞ୍ଜା ମାଞ୍ଜେରି, ଏନାଆଁ ଏଞ୍ଜାରି ଏ ଦରୁତି ନିନ୍ଦା କିଅରି □

୮ ମୀରୁ ମୀ ପାଡ଼ିତି ଲକୁଣି ମୀ ଜୀଞ୍ଜୁତି ଜୀଞ୍ଜୁ ନନି ଲେହେଁ ଜୀଞ୍ଜୁନଦୁ, ସାପ୍ତେରିତା ରାସ୍କି

ଆହାମାନି ମାହାପୁରୁ ରାଜିତି ମେରା ସାତେଏ ମାନୁଝି ଆଦେରି, ଆତିହିଁ ମୀରୁ ନେହିଁ କିହିମାଞ୍ଜେରି,

୯ ସାମା ଲକୁ ମୁମୁଡ଼ି ମେସାନା ଲେମ୍ବିମାଞ୍ଜେରି, ଆତିହିଁ ମୀରୁ ପାପୁ କିହିମାଞ୍ଜେରି, ଅଡ଼େ ଏ ମେରା ତଲେ ଦହ ଗାଟାତେରି ଇଞ୍ଜି ତଞ୍ଜା ଆହିମାଞ୍ଜେରି □

୧୦ ଆମ୍ବାଆସି ବାରେ ମସାତି ମେରା ମାନୁଝି ଆହାଁ ରଣିଏ ମେରାତି ଉରିନେସି, ଇତିହିଁ ଏଝାସି ବାରେ ମେରାତି ଦହ ତଲେ ତଣ୍ଡ ବେଟା ଆନେସି □

୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜି ଝେସା ମାଟାସି, ଏଝାସି ଲକୁଣି ପାୟାଆଦୁ ଇଞ୍ଜି ଜିକେଏ ଝେସାମାନେସି, ମୀରୁ ଦାରିକାମା କିଆନା ଲକୁଣି ପାୟିଦେରି ଇତିହିଁ ମେରାତି ଉରିନାତେରି ଆଦେରି □

୧୨ ଗେଲପିଆତି ମସାତି ମେରାତି ମୀରୁ ନୀହାଁୟି କିଝିଆଦେରି, ଇଦାଆଁ ପୁଞ୍ଜାନା ଏଲେତି କାତା ଜଲାଦୁ ଇଞ୍ଜା କାମା କିଦୁ □

୧୩ ଇତିହିଁ ଆମ୍ବାଆସି କାର୍ମା ମେହୁଅସି ମାହାପୁରୁ ଏଝାଣାଇଁ କାର୍ମା ମେହୁଆନା ନୀହାଁୟି କିନେସି, ସାମା କାର୍ମା ମେହୁନାସି ନୀହାଁୟିତା ଜାଣା ଆନେସି □

ନାମୁ ଅଡ଼େ କାମା

୧୪ ଏ ନା ତାୟିୟାଁ ଅଡ଼େ ତାଙ୍ଗିସ୍ତା, ଆମ୍ବାଆସି ନାଙ୍ଗେ ନାମୁ ମାନେ ଇଞ୍ଜି ଇନେସି, ସାମା ଏଝାଣି କାମା ହିଲେଏ, ଆତ୍ ଏଦି ଏନି ଲାବା ? ଇଲେତି ନାମୁ ଆମ୍ବାଆରାଇଁ ଗେଲପାଲି ଆଡ଼ିନେ କି ?

୧୫ ଏରିବେଲା ର ତାୟି କି ତାଙ୍ଗିନାକି ହୁଟାଲି ହିମ୍ବରି କି ତିଞ୍ଜାଲି ରାୟା ହିଲାଆତିହିଁ,

୧୬ ଇଞ୍ଜା ମୀ ବିତାଟି ଆମ୍ବାଆତେରି ତାନି ଆଙ୍ଗାତି ଲଡ଼ାମାନାଣି ହୀଆନା, “ମାହାପୁରୁ ନିଙ୍ଗେ ବର ହିୟାପେସି, ବାଣ୍ଡି ପାଞ୍ଜାହାଁ ହିଡ଼ଡ଼ିଟି ନେହିଁ କି ହାଲାମୁ” ଇଞ୍ଜି ଇତିହିଁ ଏଦି ଏନି ଲାବା ?

୧୭ ଏଲେକିହିଁଏ, କାମା ହିଲାଆସାରେ ନାମୁ ହାଡ଼ାୟି □

୧୮ ସାମା ଆମ୍ବାଆସି ଏଲେଇନେସି, “ରଅଣି ନାମୁ ମାନେ ଅଡ଼େ ରଅଣି କାମା ମାନେ;” କାମା ହିଲାଆନା ନୀ ନାମୁ ତସ୍ତାମୁ, ଅଡ଼େ ନାମୁ କାମା ତଲେ ନା ନାମୁତି ତସ୍ତାଇଁ □

୧୯ ମାହାପୁରୁ ରଅସିଏ, ଇଦାଆଁ ମୀରୁ ନାମିମାଞ୍ଜେରି; ଏଦି ନେହିଁ କାତା, ବୁଡୁୟା ଜିକେଏ ନାମାହାଁ ଆଜିତାକି ତୀରଗିମାମୁ □

୨୦ ସାମା ଏ ବୁଦି ହିଲାଆଗାଟାତେରି, କାମା ହିଲାଆନା ନାମୁ ଉଜେଏତାୟି, ଇଦାଆଁ ପୁଞ୍ଜି ହିଲଅତେରି ?

୨୧ ମା ଆକୁ ଅବ୍ରାହାମ, ପୂଜାପିଣ୍ଡା ଲାକ ତାନି ମୀରଏଣା ଇସାହାକଇଁ ପୂଜା କିହିମାଟାଟି କାମା ତଲେ ଦାମୁଗାଟାସି ଇଞ୍ଜି ଝେଙ୍ଗା ହିଲାଆତେସି ?

୨୨ ମୀରୁ ମେସିମାଞ୍ଜେରି, ଅବ୍ରାହାମତି ନାମୁ ତାନି କାମାତା ତଞ୍ଜାଆଡ଼େ, ଅଡ଼େ କାମା ତଲେ ନାମୁ ପୂରାଆଡ଼େ;

୨୩ ଏତେଟିଏ ସାସ୍ତେରିତି ଇ ବଲୁ ସାତା ଆଡ଼େ, ଅବ୍ରାହାମ ମାହାପୁରୁ ତାଣା ନାମିତେସି, ଅଡ଼େ ତାଙ୍ଗେତାକି ଏଦି ଦାମୁଗାଟାସି ଇଞ୍ଜି ଝେଙ୍ଗିତେସି, ଇଞ୍ଜା ଏଝାସି ମାହାପୁରୁତି ତଡ଼େଏସି ଇଞ୍ଜି ଝେଙ୍ଗିତେସି □

୨୪ ଇତିହିଁ ମାଣ୍ଡି ଝାଉଇ ନାମୁଟି ଆଏ, ସାମା ତାନି କାମାଟି ଦାମୁଗାଟାସି ଆନେସି ଇଞ୍ଜି ମୀରୁ ପୁଞ୍ଜିମାଞ୍ଜେରି □

୨୫ ଏଲେକିହିଁଏ ଦାରେଣି ରାହାବ୍ ଦାମୁଗାଟାୟି ଇଞ୍ଜି ଝେଙ୍ଗାମାତେ, ଏଦି ପାରୁ ପାରାଲି ମେଣେଏ ଝାହାମାଟାରାଇଁ ତାନି ଇଜ ଅହାନା ଇତିତେ ଇଞ୍ଜା ଏଟକା ଜିରୁଟି ପାଣ୍ଡାଲି ସାୟେମି କିହାମାତେ □

୨୬ ଇତିହିଁ ଜୀଝୁ ହିଲାଆସାରେ ଆଙ୍ଗା ହାଡ଼ି ମାଡ଼ହା, ଏଲେକିହିଁଏ କାମା ହିଲାଆସାରେ ନାମୁ ଜିକେଏ ହାଡ଼ାୟି □

୩

ଝେନ୍ଦରିତି ଲକ୍ନାୟି

୧ ଏ ନା ତାୟିୟାଁ ଅଡ଼େ ତାଙ୍ଗିସ୍ତା, ମୀରୁ ହାରେକା ଜାପୁନାତେରି ଆଆଦୁ; ଜାପୁନାତାୟି ମାର, ମାର ଅର ଲକୁ କିହାଁ ହାରେକା ତଣ୍ଡ ପାଣ୍ଡନାୟି ଇଦାଆଁ ପୁଞ୍ଜାମାଞ୍ଜୁ □

୨ ଇତିହିଁ ମାର ଏନି ଏନି କାମାତା ପୁଟି କିହିମାନାୟି, ସାମା ଆମ୍ବାଆସି ମାହାପୁରୁ ବଲୁତା ପିଟଝି ଆଅସି, ଆତିହିଁ ଏଝାସି ନେହିଁ ମାଣ୍ଡି, ଅଡ଼େ ଏଝାସି ତାନି ବାରେ ଆଙ୍ଗାତି ତାନ୍ଦୁଏ ଲକ୍ନାଲି ଆଡ଼ିମାନେସି □

୩ ମାର ଗଡ଼ାୟାଁଣି ଲକ୍ନାଲି ତାକି ତାମି ଗୁଡ଼ିତା ବାକେରି କାଟିକିହିମାନାୟି, ଅଡ଼େ ଏଦାନିତଲେ ମାର ତାମି ବାରେ ଆଙ୍ଗାତି ଝେଟୁହି ମାନାୟି □

୪ ଏୟୁ ଜାଜାତି କାତା ଜିକେଏ ଅଣ୍ପାଦୁ, ଏଦି ଏତେକା କାଜାୟି ଅଡ଼େ କାଜା ଗାଲି ତଲେ ତାକିତ୍ ଜିକେଏ, ଜାଜାତି ତାୟୁଝାକି ମାନି ର ଉଣା ମାରା ତଲେ ତାକିନେ, ଏ ମାରା ଆହନାସି ଆମ୍ବିୟାଝାକି ମନ କିନେସି ଏନିକା ହାନେ □

୫ ଏଲେକିହିଁଏ ଝେନ୍ଦରି ଜିକେଏ ଆଙ୍ଗାତି ର ଉଣା ବାଗା ଆତିହିଁ ଜିକେଏ, ଏଦି କାଜା ବଡ଼ପଣତି କାତା ଜଲାଲି ଆଡ଼ିନେ □ ମେହୁବୁ ର ଉଣା ହିଡୁ ପୁୟାଁ ତଲେ ଏତେ କାଜା ଜାଡ଼ା ଝେହାହାନେ □

୭ ଝେନ୍ଦରି ଜିକେଏ ହିରୁ ଲେହେଁତାୟି; ଏଦି ମା ଆଜ୍ଞା ବିଦ୍ରା ବାରେ ଲାଗେଏ ପଲେଏ ତାଣାଟି ସାଲୁଝି ଆହିମାନେ, ଏଦି ବାରେ ଆଜ୍ଞାଟି ଲାଗେଏ କିନେ, ଅଡେ ତାନୁ ନକଟି ହରିମାନି ହିରୁତଲେ ତାଞ୍ଜାନା ଗାଡ଼ି ଆହାମାନି ଦାରତିତି ହୁଡିନେ □

୭ ଇଞ୍ଜା ବାରେ ଲେହେଁତି ଜନ୍ତୁ ଜିଝେଡ଼ି, ପଟା କାଟି, ବାଣ୍ଡିତଲେ ତାକିନାଇ, ଅଡେ ଏୟୁଡି ଜନ୍ତୁ, ମାଣସି ଏ ବାରେ ଜନ୍ତୁୟାଣି ଲକହାଲି ଆଡ଼ିମାନେସି □

୮ ସାମା ଝେନ୍ଦରିତି ଆମ୍ବାଆସି ଲକହାନା ସାପି କିହାଲି ଆଡ଼ଅସି, ଏଦି ପଲୁଆ ଗାଟାୟି ଇଞ୍ଜା ଲକ୍ଷାଆ ଗାଟାୟି, ଅଡେ ଏଦିଏମ୍ବାଆଁ ହାନିମାନି ବାସା ମାନେ □

୯ ଝେନ୍ଦରି ତଲେ ପ୍ରୁ ଆବାଇଁ ଜହରା କିହିମାନାୟି, ଇଞ୍ଜା ଏ ଝେନ୍ଦରି ତଲେ ମାହାପୁରୁ ଲେହେଁ ଗାଡ଼ି ଆଡ଼ି ମାଣସିଇଁ ବାକା ଇଟି ମାନାୟି;

୧୦ ଏ ରଣ୍ଡିଏ ଗୁଡିଟି ଜହରା କିନାୟି ଅଡେ ବାକା ହାନି କାତା ହରିମାନେ ଏ ନା ତାୟିୟାଁ ଅଡେ ତାଜିସ୍ତା ଏଲେଆନାୟି ନେହେଁ ଆଏ □

୧୧ ର ଜାରଣାଟି ଡାକ୍ନି ଅଡେ କାମ୍ବେଲି ଏୟୁ ହନୁ କି ?

୧୨ ଏ ନା ତାୟିୟାଁ ଅଡେ ତାଜିସ୍ତା, ତୟା ମାରନୁତା ଜାତ ପାଡେୟି ଅଡେ ଅଜ୍ଞୁରିମାଡାତା ତୟା ପାଡେୟି ଆୟାଲି ଆଡିନେ କି ? ଏଲେକିହଁ ଏ ହାରୁ ଜାରଣା ଡାକ୍ନି ଏୟୁହାହାଲି ଆଡେଏ □

ମାହାପୁରୁ ତାଣାଟି ଖାନ୍ତି ବୁଦି

୧୩ ମୀ ବିଦ୍ରା ବୁଦିଗାଟାସି ଅଡେ ତେଲୁହିନାସି ଆମ୍ବାଆସି ମାନେସି ? ଏଞ୍ଜାସି ବୁଦିଗାଟାସି ଲେହେଁ ଉଣା ଆହାନା ଇଞ୍ଜା ସୁଦୁଗାଟାସି ଆହାନା ତାନି ନେହଁ ମାଣକି ତଲେ କାମା ତସ୍ପେସି □

୧୪ ସାମା ମୀ ହିୟାତା ଗାଡ଼ି ତାହାରା, କପା ଅଡେ ଖାରଇ ଜାହାରାତାକି ଅଣ୍ପିନାୟି ମାନେ, ଆତିହଁ ସାତାତି କପାଟି ବତପଣ ଆଆଦୁ ଅଡେ ମିତି ଜଲାଆଦୁ □

୧୫ ଇଲେତି ବୁଦି ମାହାପୁରୁ ତାଣାଟି ଖାଏ, ଏଦି ଇ ଦାରତିତାୟି, ମାଣସିତି ଅଣ୍ପୁ ଗାଟାୟି ଅଡେ ଲାଗେଏ ପଲେଏତି ବୁଡୁୟାଁ ଖାୟି □

୧୬ ଇତିହଁ ଆମିନି ତାଣା ତାହାରା ଅଡେ ଜାହାରାତାକି ଅଣ୍ପିନାୟି ମାନେ, ଏ ଗାୟୁତା ବାରେଲେହେଁତି ଲାଗେଏତି କାମା ମାନେ □

୧୭ ସାମା ଲାକଟି ଖାନ୍ତି ବୁଦି, ତଲିଏ ସୁଦୁଗାଟାୟି, ତାୟୁ ହିଡ଼ି ଜାଞ୍ଜୁଗାଟାୟି ଅଡେ ସୁଦୁ ସୁଖାଲା, ମାନୁଝି ଆନାୟି, କାର୍ମାମେହନାୟି ଅଡେ ନେହଁ ପାଡେୟିକା ତଲେ ନେଞ୍ଜାମାନାୟି, ଆନାମାନା ଆଆଗାଟାୟି ଅଡେ କୁରୁ ହିଲାଆଗାଟାୟି □

୧୮ ଅଡେ ହିଡ଼ି ହାନି ଲକୁ ତାଣାଟି ହିଡ଼ିତି ବିଚା ମାଟ୍ଝିଆନେ, ଦାର୍ମୁଗାଟି ପାଡେୟି ଦାପି ଆନେ □



ଦାରତି ତଲେ ତଣେ ଦହନାୟି

୧ ମୀ ତାଣା ମାଡାଗଡ଼ି ଅଡେ ଗଡ଼ହା ଆମ୍ବିଟି ଖାହିମାନେ ? ଏଞ୍ଜି ମୀ ତାଣା ମାନି ସୁକୁଡି ଅଣ୍ପୁଟି ଖାହିମାନୁ ଏଞ୍ଜି ବାରେ ବେଲା ଗଡ଼ହା କିଞ୍ଜିକିହିମାନୁ □

୨ ମୀରୁ ଏନାଆଁ ବେଟାଆହାଲି ଅଣ୍ପା ମାଞ୍ଜେରି, ଏଦାଆଁ ବେଟା ଆଆସାରେ ଲକୁଣି ପାୟାଲି ଅଣ୍ପା ମାଞ୍ଜେରି, ଏନାଆଁ ବେଟାଆହାଲି ହାରେକା ଜୁପକା ଆନେ ଏଦାଆଁ ବେଟା ଆଆସାରେ ଗଡ଼ହା ଅଡେ ମାଡାଗଡ଼ି କିହିମାଞ୍ଜେରି, ଏନାଆଁତାକି ଇତିହଁ ମୀରୁ ମାହାପୁରୁଇଁ ରାସି ହିଲଅଡେରି;

୩ ମୀରୁ ରାସିମାଞ୍ଜେରି ସାମା ବେଟାଆହି ହିଲଅଡେରି, ଏନାଆଁତାକି ଇତିହଁ ମୀରୁ ମୀ ଆଜ୍ଞାଟି ଜୁପକାଟି ଲେମ୍ବାଲି ତାକି ପାପୁ କାମା କିହାଲି ରାସିମାଞ୍ଜେରି □

୪ ଏ ଦାରେଣିସିକାତେରି, ମୀରୁ ପୁଞ୍ଜାହିଲଅଡେରି ? ଦାରତିତି ତଣେ ଆନାସି ଏଞ୍ଜାସି ମାହାପୁରୁତି ସାଡୁ, ଇତିହଁ ଆମ୍ବାଆସି ଇ ଦାରତିତି ତଣେ ଆହାଲି ଅଣ୍ପିନେସି; ଏଞ୍ଜାସି ମାହାପୁରୁତି ସାଡୁ □

୫ ମୀରୁ ଏନାଆଁ ଦାର୍ମୁ ପତିତା ରାସ୍ତି ଆହାମାନି ବଲୁ ଉଜେଏ ଇଞ୍ଜା ଅଣ୍ପିମାଞ୍ଜେରି କି, “ମାହାପୁରୁ ଆମିନି ଜାଞ୍ଜୁତି ମା ତାଣା ବାସା ଆହାଲି ହାହାମାଞ୍ଜାନେସି, ଏଞ୍ଜାସି ମାଜ୍ଞେ ବାରେ ଖାକିଟି ସାଲୁଝି କିହାଲି ଅଣ୍ପିମାନେସି □”

୬ ସାମା ମାହାପୁରୁ ହାରେକା କାର୍ମାମେହନାଣି ହିୟାନେସି; ଏଦାଆଁତାକି ସାସ୍ତେରିତା ରାସ୍ତି ଆହାମାନେ, “ମାହାପୁରୁ ଆଜ୍ଞାରା ଆନାରି କପାଟି ନିଜିନେସି, ସାମା ଜାହାରାଇଁ ଉଣା କିହା କଡାମାନାରାଇଁ କାର୍ମା ମେହନେସି, ମାହାପୁରୁତି କାର୍ମା ହାରେକା ବାଡ଼ୟୁ ଗାଟାୟି □”

୭ ଏଦାଆଁତାକି ମୀରୁ ମାହାପୁରୁ ତାଣା ହେରପା କଡାଦୁ; ଅଡେ ସୟତାନଇଁ ଆବାଆଦୁ, ଆତିହଁ ଏଦି ମୀ ତାଣାଟି ହେକ ହାନେ □

୮ ମାହାପୁରୁ ତାଣେ ଖାଦୁ ଆତିହଁ ଏଞ୍ଜାସି ମୀ ତାଣେ ଖାନେସି, ଏ ପାପୁ ଗାଟାତେରି, ମୀ କେସ୍ତାଣି ନେହଁ କଁ ନରୁଦୁ, ଅଡେ ରା ଅଣ୍ପୁ ଗାଟାତେରି, ମୀ ହିୟାତି ଅଟହା କଡାଦୁ □

୯ ହିୟାଁ କାଡ଼ି କିହାଁ ଦୁକୁତଲେ ଡାଦୁ; ମୀ କାକନାୟି ଡାକିତା ଅଡେ ମୀ ରାହାଁ ଦୁକୁତା ତାରି ମ୍ବିପେ □

୧୦ ପ୍ରଭୃତି ନକିତା ମୀରୁ ମିଙ୍ଗେ ଉଣା କିହାକତାଦୁ, ଏଚେଟିଏ ଏଝାସି ମିଙ୍ଗେ କାଜା ଲକୁ କିୟାନେସି □

ଏଚକା ଲକୁଣି ନାହାଁୟି କିଆଦୁ

୧୧ ଏ ତାୟି ତାଜିସ୍ତା, ମୀରୁ ରଅତେରି ରଅଣା କପାଟି ନିନ୍ଦା କାତା ଜଲ୍ଲାଆଦୁ; ଆମ୍ବାଆସି ତାୟି କପାଟି ନିନ୍ଦା କାତା ଜଲ୍ଲିନେସି କି ନାହାଁୟି କିନେସି, ଏଝାସି ମସା ମେରା କପାଟି ଜଲ୍ଲିମାନେସି, ଇଞ୍ଜା ଏମ୍ବାତି ନାହାଁୟି କିହିମାନେସି □ ସାମା ମୀରୁ ମସା ମେରାତି ନାହାଁୟି କିଦେରି, ଇଚିହଁ ମୀରୁ ମସା ମେରାତି ମାନୁଝି ଆନାତେରି ଆଆନା ଏମ୍ବାତି ନାହାଁୟି କିନାତେରି □

୧୨ ମାହାପୁରୁ ରଅସିଏ ମେରା ହାନାସି ଅଡ଼େ ନାହାଁୟି କିନାସି, ଏଝାସି ଗେଲପାଲି ଅଡ଼େ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆଚ୍‌ହିତାଣାକ୍ ନାହାଁୟି କିହିମାଞ୍ଜି ?

ବତପଣ କିଆଦୁ

୧୩ ନୀର୍ବ ମେହଦୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଝିଏ ମାମ୍ବୁଏ ଗାଡ଼ାତା ହାନମି ଇଞ୍ଜା ଏମ୍ବାଆଁ ର ବାସୀ ପାତେକା ଡୟାନା ବେବାରା କିହାଁ ଗାଡ଼ି ଲାବା କିନମି;”

୧୪ ସାମା ଝିଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅତେରି, ମୀ ଜୀଝୁ ଏନିକଁ ଗାଡ଼େକା ତଞ୍ଜାଆହାନା ଗାଡ଼େକା ମେଣ୍‌ଙ୍ଗାହାନି ଡକଅଡ଼ି, ମୀରୁ ଏଲେତାତେରି □

୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରଭୃତି ଅଣ୍‌ପୁ ଆଡ଼ିସାରେ ମାରୁ ଜୀଝୁତଲେ ନୀତା ମାଞ୍ଜାନା ଇଦାଆଁ କିନ ଆଆତଁ ଏଦାଆଁ କିନ □”

୧୬ ସାମା ମୀରୁ ନୀର୍ବ ମୀ ବତପଣ ତସାକଡ଼ିମାଞ୍ଜେରି; ଇଲେତି ବତପଣ ଲାଗେଏତାୟି □

୧୭ ଏନାଆଁତାକି ଇଚିହଁ, ଆମ୍ବାଆସି ନେହଁ କାମା କିହାଲି ପୁଞ୍ଜାନା କିଅସି ଏଝାସି ପାପୁ କିନେସି □



ବାଡ଼କୁ ଗାଟାରାକ୍ ଜାଗ୍ରାତା କିନାୟି

୧ ଏ ବାଡ଼କୁ ଗାଟାତେରି ନା କାତା ଝେଞ୍ଜୁ କସ୍ତୁତି ଦିନା ଝାହିମାନେ ଏଦାଆଁତାକି ଦୁକୁଆହଁ ଡୀଦୁ ଇଞ୍ଜା କାନିକାର୍ମା ଆଦୁ □

୨ *ମୀ ବାରେ ଦନ ସୀରହା ହାଚେୟିଏ, ଅଡ଼େ ମୀ ହିମ୍ବୁରିକାକ୍ ଲୀମ୍ବୁ ତିତେୟିଏ,

୩ ଅଡ଼େ ମୀ ବାଂଗାରା ଇଞ୍ଜା ଝେଣ୍ଡି କିରଞ୍ଜୁ ଆଡେୟିଏ; ଏଚେଟିଏ ଏ କିରଞ୍ଜୁ ମୀ କପାଟି ସାକି ହାହାନା ହିରୁ ଲେହେଁ ମୀ ଆଙ୍ଗା ଜିକେଏ ନାସା

କିୟାନେ, ଇ ରାନ୍ତି ବେଲାତା ମିଙ୍ଗେତାକି ଦନ କୃତି କିହାମାଞ୍ଜେରି □

୪ ହେଣ୍ଡୁ ମୀ ଗୁଡ଼ିୟାତି ତାସା ଦାଃଆନାରାକି ନାଡ଼ିକିହାନା ଆମିନି କୁଲି ହାହା ହିଲଅତେରି, ଏଡ଼ି ଗାଡ଼ି କାଲୁଝି ଆହିମାନେ, ଅଡ଼େ ତାସାତି ଦାଃଆନାରି ଡାନାୟି ବାରେ ବାଡ଼ୟୁଟି ପ୍ରଭୃତି କିୟଁ ତୁ ଏଗା ହାଚେୟିଏ □

୫ ମୀରୁ ଦାରତିତି ସୁକୁ ଅଡ଼େ ରାହାଁତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାକ୍ ଆଙ୍ଗା କିହାମାଞ୍ଜେରି □

୬ ମୀରୁ ଦହ୍ ହିଲାଆଗାଟାରାକ୍ ଦହ୍ କିହାନା ପାୟିମାଞ୍ଜେରି; ଏଝାସି ମିଙ୍ଗେ ଝେଣ୍ଡେ ଏନାଆଁ କିୟଅସି □

ସାସାତଲେ ପ୍ରାଡ଼ାନା କିନାୟି

୭ ଏଦାଆଁତାକି ଏ ତାୟି ତାଜିସ୍ତା, ପ୍ରଭୃତି ଝାନ୍ତି ଦିନା ପାତେକା ସାସାତଲେ କାଟାନା ମାଞ୍ଜୁ, ର ତାସା କିନାସି ଏନିକଁ ତାନି ବୁମିତି ପାଡ଼େୟି ବେଟାଆହାଲି ତାକି ମୁଲୁତି ପିୟୁ ଅଡ଼େ ତାୟୁତି ପିୟୁ ରିନି ଦିନା ପାତେକା ସାସାତଲେ କାପୁ କାଟାନା ଡୟିନେସି □

୮ ମୀରୁ ଜିକେଏ ଏଲେକଁ ସାସାତଲେ ମାଞ୍ଜାନା ମୀ ହିୟାତି ସୁସ୍ତି କିପୁ, ଇଚିହଁ ପ୍ରଭୃତି ଝାନ୍ତି ଦିନା ତାଗେ ଝାଡ଼େୟିଏ □

୯ ଏ ତାୟି ତାଜିସ୍ତା, ମୀରୁ ଏନିକଁ ନାହାଁୟି କିଝି ଆଅତେରି, ଏଦାଆଁତାକି ରଅତେରି ରଅଣା କପାଟି ଏନି କାତା ଜଲ୍ଲାଆଦୁ, ସିନିକିପୁ, ନାହାଁୟି କିନାସି ଦୁଝେରିତା ନିତାମାନେସି □

୧୦ ଏ ତାୟି ତାଜିସ୍ତା, ଆମିନି ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ପ୍ରବୁ ଦରୁଟି କାତା ଝେସାମାଚେରି, ଏଝାରାକ୍ ମୀରୁ ଅଣ୍‌ପାଦୁ, ଦୁକୁ କସ୍ତୁ ବେଟାଆନାଟି ସାସା ଅଡ଼େ ଅରହାଲି ଜିରୁ ତସାମାଞ୍ଜାନେରି □

୧୧ ମେହଦୁ ଆମ୍ବାଆରି କସ୍ତୁ ଅରହା ମାଚେରି, ମାମ୍ବୁ ଏଝାରାକ୍ ନେହାଁରି ଇଞ୍ଜା ଇନମି, ମୀରୁ ଆୟୁବତି ଅରହିନାଣି ଝେଞ୍ଜାମାଞ୍ଜେରି, ଅଡ଼େ ପ୍ରବୁ ଡାୟୁତି କାମା ମେସାନା ପୁଞ୍ଜାମାଞ୍ଜେରି, ଏଝାସି କାର୍ମା ମେହନାସି ଅଡ଼େ ଜୀଝୁ ନନାସି □

୧୨ ଏ ନା ତାୟି ତାଜିସ୍ତାତେରି, ମୀରୁ ପାରମାଣା କିଝୁଏ କିଆଦୁ, ଲାକପୁରୁତି ଦରୁତଲେ ପାରମାଣା କି ଦାରତିତି ଦରୁତି ପାରମାଣା କି ଏଚକାତି ଏନି ଦରୁ ଆସାନା ପାରମାଣା କିଆଦୁ, ସାମା ମୀଦି ହାଅ ଇନି କାତା ହାଅ ଆପେ ଇଞ୍ଜା ଆଏ ଇନି କାତା ଆଏ ଆପେ, ଏନିକଁ ମୀରୁ ନାହାଁୟି ଦିନାତା ତଣ୍ଡ ଗାଟାତେରି ଆଅତେରି □

୧୩ ମୀ ବିତ୍ରାଟି ଆମ୍ବାଆସି ଦୁକୁ କିହିମାନେସି ? ଆତିହଁ ଏଝାସି ପ୍ରାଡ଼ାନା କିପାସି, ଆମ୍ବାଆସି

* ୫:୨ ୫:୨ ମାତି ୬:୧୯ * ୫:୧୨ ୫:୧୨ ମାତି ୫:୩୪-୩୭

ରାହାଁଟି ମାନେସି ? ଇତିହାସି ଏଞ୍ଜେଲି ଜହରା ପାରୁ
ପାଟାପେସି □

୧୪ ✨ଆମ୍ବାଆସି ମୀ ବିତ୍ରାଟି ଆଡାଆ ଗାଟାସି
ମାଟିହାସି ଏଞ୍ଜେଲି କୁଲମିତି ପ୍ରାଟିନାଙ୍ଗାଣି
ହାଟାପେସି; ଇଞ୍ଜା ଏଞ୍ଜେଲି ପ୍ରବୁତି ଦରୁତଲେ ନିହୁଁ
ଝାକ୍‌ହାନା ଏଞ୍ଜେଲି ତାକି ପ୍ରାଡାନା କିପାରି □

୧୫ ଏ ନାମୁଗାଟି ପ୍ରାଡାନା ରଗ ଗାଟାଣାଲ୍
ନେହାସି କିନେ, ଇଞ୍ଜା ପ୍ରବୁ ଏଞ୍ଜେଲାଲ୍ ନିକ୍‌ନେସି,
ଇଞ୍ଜା ଏଞ୍ଜେଲି ପାପୁ କିହାମାଟିହାସି, ଆତିହାସି
ଏଞ୍ଜେଲି ପାପୁ ମେଣ୍‌ଲି କିଞ୍ଜିଆନେ □

୧୬ ଏଦାଆଁତାକି ମୀରୁ ରଅତେରି ରଅଣା ନକିତା
ମୀ ପାପୁ ଝେକ୍‌ଦୁ, ଅଡେ ନେହାସି ଆହାଲିତାକି
ରଅତେରି ରଅଣି ତାକି ପ୍ରାଡାନା କିଦୁ, ଆତିହାସି
ମୀରୁ ନେହାସି ଆଡେରି, ଏଦାଆଁତାକି ଇତିହାସି
ଦାମ୍ବୁ ଗାଟାଣି ପ୍ରାଡାନା ହାଡେକା କାଜା କାମା
କିହାଲି ଆଡିନେ □

୧୭ ଏଲିୟ ଜିକେଏ ମା ଲେହେଟି ଦୁକୁ ସୁକୁ
ଗାଟି ମାଣ୍‌ସି; ଏଞ୍ଜେଲି ପିୟୁ ଆଆପେ ଇଞ୍ଜା ରଣ୍‌ସିଏ
ମନତଲେ ପ୍ରାଡାନା କିତେସି, ଅଡେ ତାନି ବାସା ସ
ଲେଞ୍ଜୁ ପାତେକା ଏ ବୁମିତା ପିୟୁ ଆଆତେ □

୧୮ ଇଞ୍ଜା ଏଞ୍ଜେଲି ଅଡେ ଝେଣ୍‌ଣେ ପ୍ରାଡାନା
କିହାଲିଏ ହାଗୁଟି ପିୟୁ ରାତେ, ଅଡେ ବୁମିତା ଆନା
କାମ୍ବିତେ □

୧୯ ଏ ନା ତାୟିୟା ଅଡେ ତାଜିସ୍‌ସା, ମୀ ବିତ୍ରାଟି
ଆମ୍ବାଆସି ସାତା ଜିରୁଟି ବାଣା ଆତିହାସି ଅଡେ
ଆମ୍ବାଆସି ଏଞ୍ଜେଲାଲ୍ ଝେଣ୍‌ଣେ ଝେଟ୍‌ହା ତାନେସି,

୨୦ ✨ଆତିହାସି ଆମ୍ବାଆସି ପାପୁ ଗାଟାଣାଲ୍ ତାନି
ପଲ୍‌ଆ ଜିରୁଟି ଝେଟ୍‌ହା ତାନେସି, ଏଞ୍ଜେଲି ଏଞ୍ଜେଲି
ଜାଞ୍ଜୁତି ହାକିଟି ଗେଲ୍‌ପିନେସି, ଇଞ୍ଜା ହାଡେକା
ପାପୁତି ମ୍ବେପ୍‌କି କିନେସି, ଇଦାଆଁ ମୀରୁ ପୁଞ୍ଜୁ □

ପିତରଙ୍କ ପ୍ରଥମ ପତ୍ର ପିତର ରାଡ଼ାମାନି ର ଲମ୍ବର ଆକୁ ମୂଲ୍ୟ ହାତା

ପିତର ର ଲମ୍ବର ଆକୁ ପାଣ୍ଡୁଆତି ପିତର ରାଡ଼ାମାନିରେସି □ ପିତର ଏଞ୍ଜାସି ଆମ୍ବାଆସି ଅଡ଼େ ଆମ୍ବାଆରାକି ତାନି ଆକୁ ରାଡ଼ିମାନିରେସି ଏ କାତା ଝେସାନା ତାନି ଆକୁ ରାଡ଼ାଲି ମାଟ୍‌ହେସି □ ଏଞ୍ଜାସି ଆମ୍ବାଆରାକି ପୁଣି ମେସିପି ଆଆତି ଲକୁ ଇଞ୍ଜି ଇରେସି ଏ ବାରେ କ୍ରୀସ୍ତୁକି ନାମିତି ଲକୁଣି ଆକୁତା ଝେକ୍‌ହେସି ୧:୧; ୧:୧୭; ୨:୧୧ □ ଏଞ୍ଜାସି ତାନି ଆକୁତି ପତ୍ରଞ୍ଜି ଆନାରାକି ଏଲେକିହିଁ ଝେସ୍ତେସି ଏନାଆଁତାକି ଇତିହିଁ ଏଞ୍ଜାରି ହାରେକା ଦେବା ଇତାଲା ଆତାଲା ଦେସାଣା ହସିପି ଆହାମାନେରି □ ଇତିହିଁ ଇ ଆକୁ ଏଚର ବାଗା ପାଞ୍ଜୁଲ ଏପିସିୟ କୁଲମିକି ରାଡ଼ାମାନି ଆକୁ ଲେହେଁତାୟି, ହାରେକା ଲକୁ ନାମିମାନେରି ଏପିସିୟତି ତାୟି ର ଲମ୍ବର ପିତର ପତି ଜୀସୁ କ୍ରୀସ୍ତୁ ଜାନୀଆତି ୨୫ ବାର୍ଷା ତାୟି ରାସ୍ତାକି ଆହାମାନେ □ ପିତର ଇ ଆକୁତି ରମତି ରାଡ଼ିତେସି, ଆମିନିଗାଟାଣି ଏଞ୍ଜାସି ବାରିଲନ ଇଚେସି ୫:୧୩ □

ମିଙ୍ଗେ ରାହାଁ କିହିଁ ଅଡ଼େ ସାକି ହାହିଁ ଇଦି ଏ ମାହାପୁରୁତି ସାତା କାର୍ମାମେହନାୟି ଇଞ୍ଜି ପିତର ଝେସାନା ଇ ଆକୁତି ରାଡ଼ିତେସି ୫:୧୨; ୧ପିତ ୨:୧୧-୩:୭; ଏପିସି ୫:୧୮-୨:୯ ଅଡ଼େ କଲସିୟ ୩:୧୮-୪:୨ ହାରେକା ରଲେଏତି କାତା ରାସ୍ତାକି ଆହାମାନେ □ ଇ ବାରେ ତାନିଗଟା ଆକୁତା ଇଲୁ କୁଟମିତା ଆଣ୍ଡି ଆହାମାନା ତୁୟିନାୟି ଅଡ଼େ କାଜା ଲକୁତି ମାନଞ୍ଜି ଆହାମାନା ତୁୟାଲି ଜାପୁଞ୍ଜି ଆହାମାନେ □ ଏଚିବେଲାତା ସାସ୍ତି ଞ୍ଜାନେ ତାରିଆହାନା ମାଞ୍ଜାଲି ଏଞ୍ଜାସି କ୍ରୀସ୍ତୁକି ନାମିତି ଲକୁଣି ସାସା ହାହିମାନେସି ଏନାଆଁତାକି ଇତିହିଁ ଜୁଗୁ ରାନ୍ତି ଦିନା ତାଗେ ଞ୍ଜାଡ଼େୟିଏ ୪:୧ □

ପତିତା ମାନାୟି

- ୧ ପିତର ତାଙ୍ଗେ ଝେକ୍‌ହା କଡିନାୟି ଅଡ଼େ ତାନି ଆକୁତି ପତ୍ରଞ୍ଜି ଆନାରାକି ଝେହନାୟି □ ୧:୧-୨
- ୨ ଗେଲ୍‌ପି ଆନାୟି ବାରେ ଲକୁତାଣା ଏଜାମାନାକି ଅଡ଼େ ତାନି ଜୀସୁ ଏନାୟି ଇଞ୍ଜି ପୁଞ୍ଜାମାନାକି ଏଞ୍ଜାସି ମାହାପୁରୁକି ଜହରା କିନାୟି □ ୧:୩-୨:୧୦
- ୩ କ୍ରୀସ୍ତୁକି ନାମିତି ଲକୁ ଏନିକିହିଁ ଇ ଦାର୍ତତିତା ନାତିନାୟି ଅଡ଼େ ଏନିକିହିଁ କି ତକ୍ରା ଅଡ଼େ ତକ୍ତି ଇଞ୍ଜା ସାଞ୍ଜୁକାରି ଅଡ଼େ ହଲେଏସି

- ନେହିଁକିହିଁ ତୁୟିନେରି ଏ କାତା ଏଞ୍ଜାସି ଜାପୁନାୟି □ ୨:୧୧-୪:୧୧
- ୪ ପିତର ଏଞ୍ଜାରାକି ସାସ୍ତି ଞ୍ଜାଡ଼ିସାରେ ତାରିଆହାନା ତୁୟାଲି ସାସା ହାନାୟି □ ୪:୧୨-୫:୧୧
- ୫ ପିତର ତାନି ଆକୁ ରାପୁନାୟି □ ୫:୧୨-୧୪

୧ ନାନୁ, ପିତର, କ୍ରୀସ୍ତୁ ଜୀସୁ ତାଣ୍ଡାଟି ପାଣ୍ଡୁଆହାମାନି ସୀସୁ, ପତ୍ର, ଗାଲାତିୟା, କାପାଦକିୟା, ଆସିୟା ଅଡ଼େ ବେତନିୟା ରାକିତା ଇତାଲା ଆତାଲା ବାସାଆହାମାନି ମାହାପୁରୁ ଆଡ଼ାମାନି ଲକୁତାକି ଆକୁ ରାଡ଼ିମାଇଁ, ୨ ଆଡ଼ା ମାହାପୁରୁତି ତଲିତି ବୁଦିତଲେ ସୁଦୁଜୀସୁ ତଲେ ସୁଦୁ ଆହା ମାନି ଗାଟାତେରି ଅଡ଼େ ଜୀସୁ କ୍ରୀସ୍ତୁତି ନେତେରି ତାଞ୍ଜିକି ହାକତାଲି ଆଡ଼ି ଆହାମାନେରି □ ମିଙ୍ଗେତାକି ମାହାପୁରୁତି କାର୍ମାମେହନାୟି ଇଞ୍ଜା ହିଡ଼ି ଆପେ □

ଜୀସୁତି ବାର୍ଷୁ

- ୩ ମା ପୁରୁ ଜୀସୁ କ୍ରୀସ୍ତୁତି ଆଡ଼ା ଅଡ଼େ ମାହାପୁରୁକି ଜହରା; ଇତିହିଁ ଏଞ୍ଜାସି ତାନି କାର୍ମାଟି ଜୀସୁ କ୍ରୀସ୍ତୁକି ହାକିଟି ନିକ୍‌ହାନା ମାଙ୍ଗେ ପୁଞ୍ଜି ଜୀସୁ ହାହାମାଞ୍ଜାନେସି, ଏଡ଼ି ମାଙ୍ଗେତାକି ନାତିନି ବାର୍ଷୁ ହାହାମାଞ୍ଜାନେ,
- ୪ ଏନାଆଁତାକି ମାହାପୁରୁ ତାନି ଲକୁତାକି ଆମିନି ଦାରାଗାଟି ବର ଇଟାମାନେସି, ଏନାଆଁ ବେଟାଆହାଲି ମାର କାପୁ କାଡ଼ାମାନାୟି, ଏଞ୍ଜାସି ଲାକପୁରୁ ମିଙ୍ଗେତାକି ଏନାଆଁ ଜାଡ଼ୁ ତଲେ ଇଟାମାନେସି, ଏନାଆଁ ଏଡ଼ି ନସ୍ତ ଆଏ କି ଞ୍ଜାଡ଼େଏ □
- ୫ ଆମିନି ଗେଲ୍‌ପିନାୟି ରାନ୍ତି ଦିନାତା ତଞ୍ଜାଆହାଲି କିଞ୍ଜିଆହାମାନେ, ଏନାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୁତା ନାମୁତଲେ ଜାଗ୍ରାତା କିଞ୍ଜି ଆହାମାଞ୍ଜେରି □
- ୬ ଏନାଆଁତାକି ମୀରୁ ରାହାଁ କିଦୁ, ଆଡ଼ିକିକେଏ ନୀଏଁ ଗାଡ଼େକା ତାକି ହାରେକା ତାୟିପାରି କିନି ତାଣ୍ଡାଟି ତୁକୁ କସ୍ତ ବେଟାଆନାୟି ମିଙ୍ଗେତାକି ଲଡ଼ାଆନେ,
- ୭ ଏନିକିହିଁ ଗାଡ଼େକା ନସ୍ତ ଆନି ବାଂଗାରା ହିରୁତା ହୁଡିନି କିହାଁ ହାରେକା ଦାରା ମୀ ତାୟିପାରି କିଞ୍ଜିଆଡ଼ି ନାମୁ, ଏଡ଼ି ଜୀସୁ କ୍ରୀସ୍ତୁ ତଞ୍ଜାଆନି ବେଲାତା ମାନି ତଲେ ଜହରାତି, ଗାଞ୍ଜୁରମି ଅଡ଼େ ମାନି ବେଟାଆନାୟି □
- ୮ ନୀଏଁ ମୀରୁ ଏଞ୍ଜାଣାଇଁ ମେସା ହିଲାଆଡ଼ି କିକେଏ ଜୀସୁନହିଁ ମାଞ୍ଜେରି, ଇଞ୍ଜା ନୀଏଁ ମେହ୍‌ଆତ ଡିକେଏ ତାନି ତାଣା ନାମାହାଁ ଝେସାଲି ଆଡ଼ାଆରେତୁ ଗାଞ୍ଜୁରମିତି ରାହାଁତା
- ୯ ରାହାଁ ଆହାମାନା ଏ ନାମୁତି ପାଡ଼େୟି ଲେହେଁ ମୀ ଜୀସୁତି ଗେଲ୍‌ପିନାଣି ବେଟାଆହାମାଞ୍ଜେରି □

୧୦ ଇ ଗେଲ୍‌ପିନି କାତା ମାହାପୁରୁ ଅଣ୍ଟାପୁତି ବଲୁ
ଝେହ୍‌ନାରି ମନ ହାହାନା ପାରିହ୍ ସିନିକିତେରି,
ଆମ୍ବାଆରି ଏମିନି କାର୍ମାମେହ୍‌ନାୟି ମିଙ୍ଗେ ଆନାୟି
ମାଚେ, ଏ ଡାୟୁତି କାତା ଝେସାହ୍ ଡସାମାଚେରି,

୧୧ କ୍ରୀସ୍ତତି ଦୁକୁ ବେଟାଆନାଣି ଇଞ୍ଜା ଅଡ଼େ
ଡାୟୁତି ଗାଝୁରମି ବେଟାଆନାଣି ନକେଏ
ପାରମାଣା ହାନାସି ଇଞ୍ଜା ଏଝାରିତାଣା ମାନି
କ୍ରୀସ୍ତତି ଜୀଝୁ ଏ ବାରେ ଏଚିବେଲା ଝାନ୍ତେ
ଅଡ଼େ ଏନିକି ଝାନ୍ତେ ଏଝାରି ପୁଞ୍ଜାଲି ନକେଏ
ଅଣ୍ଟାପାମାଚେରି □

୧୨ ଏଝାରି ଏ ବାରେ କାତା ତାମି ତାକି ସେବା
କିଆନା ମୀ ଲାବା ତାକି ସେବା କିହିମାଚେରି,
ଇଦି ଏଝାରିତାଣା ତଞ୍ଜା ଆହାମାଚେ, ଇଞ୍ଜା
ଏ ବାରେ କାତା ଲାକପୁରୁଟି ପାଣ୍ଡୁଆହାମାନି
ସୁଦୁଜୀଝୁତି ବାଡ଼ୁୟୁ ତଲେ ମୀ ନକିତା ନେହ୍
କାରୁ ଝେହ୍‌ନାରି ତାଣାଟି ନୀର୍ସି ମିଙ୍ଗେ ଝେସ୍‌ପି
ଆହିମାଞ୍ଜାନେ; ଏ ବାରେ କାତା ଦୁଡୁୟା ଜିକେଏ
ପୁଞ୍ଜାଲି ଅଣ୍ଟାପି ମାନେରି □

ସୁଦୁଜୀଝୁ ତଲେ ମାଞ୍ଜାଲି ହାଟକି ଆନାୟି

୧୩ ନେହ୍ କାମା କିହାଲି ତିୟାରା ଆଦୁ □ କାପୁ
କାଚାନା ଜୀସୁ କ୍ରୀସ୍ତ ତଞ୍ଜା ଆନି ବେଲାତା ଆମିନି
ବର ମିଙ୍ଗେ ହୀପକି ଆୟାନେ, ଏଦାଆଁତାକି
ତୀରେତଲେ ବାସୁ ଇଟାଦୁ □

୧୪ ମାହାପୁରୁଇଁ ମାନି କିଦୁ, ମୀରୁ ତଲି
ପୁଞ୍ଜାହିଲାଆତି ବେଲାତା ଆମିନି ଲାଗେଏ
ପଲେଏତି ଜୁପକା ତଲେ ମାଚେରି ନୀର୍ସି
ଏଲେଆଆଦୁ □

୧୫ ସାମା ମିଙ୍ଗେ ହାଟାମାଞ୍ଜାନି ମାହାପୁରୁ
ଏନିକି ସୁଦୁଗାଟାସି ମୀରୁ ଜିକେଏ ଏଲେକି
ମୀ ବାରେ ମାଣ୍ଡକିତା ସୁଦୁ ଗାଟାଚେରି ଆଦୁ □

୧୬ ଦାମ୍ବୁପତିତା ରାସ୍‌କି ଆହାମାନେ, “ମୀରୁ
ସୁଦୁ ଗାଟାଚେରି ଆଦୁ, ଏଦାଆଁତାକି ଇଚିହ୍ ନାଦୁ
ସୁଦୁ ଗାଟାଚେର୍ସି □”

୧୭ ଅଡ଼େ ଆମ୍ବାଆରି ମୁମ୍‌ମେହ୍‌ଆନା ବାରେ
ଲକୁତି ଏଝାରି କାମା କିହାମାନିଲେହେଁ ନୀହ୍‌ୟି
କିନେସି, ଏଝାଣି ତାଣା ପ୍ରାତାନା କିନାଟି ଆବା
ଇଞ୍ଜା ହାଟିତିହ୍, ମୀରୁ ଇ ଦାର୍‌ତିତା
ବାସାଆହାମାନି ପାତେକା ମାନି ତଲେ ଏଝାଣାଇଁ
ଆଜାନା ମାଞ୍ଜୁ;

୧୮ ଇଚିହ୍ ମୀରୁ ପୁଞ୍ଜାମାଞ୍ଜେରି ମୀ ଆକୁ
ଆବାୟା ତାଣାଟି ବେଟାଆହାମାନି ଉଜେଏତି
ମାଣ୍ଡକି ତଲେ ନୀଡିନି ତାଣାଟି ମୀରୁ ଝେଣ୍ଡି କି
ବାଂଗାରା ଲେହେଁତି ନାସା ଆନି ଆସ୍ତି ତଲେ ପିସ୍‌ପି
ଆହାହିଲଅଚେରି,

୧୯ ସାମା ଏନି ସିନା ଅଡ଼େ ଦହ୍ ହିଲାଆଗାଟି
ମେଣ୍ଡା ତାଲୁ ଲେହେଁତି କ୍ରୀସ୍ତତି ଗାଡି ଦାରାଗାଟି
ନେଚେରି ତଲେ ପିସ୍‌ପି ଆହାମାଞ୍ଜେରି □

୨୦ ଦାର୍‌ତି ଗାଡିଆଡି ନକେଏ ମାହାପୁରୁ
ଏଝାଣାଇଁ ଆଡିତେସି ଇଞ୍ଜା ଇ ରାନି ଜୁଗୁତା ଏଝାସି
ମିଙ୍ଗେତାକି ତଞ୍ଜା ଆହାମାଞ୍ଜାନେସି;

୨୧ ଆମିନି ମାହାପୁରୁ ଏଝାଣାଇଁ ହାକିଟି
ନିକ୍‌ହାନା ଗାଝୁରମି ହାହାମାନେସି, ଏଝାଣି ତାଣାଟି
ମୀରୁ ଏ ମାହାପୁରୁଇଁ ନାମିମାଞ୍ଜେରି, ଇଦାଆଁତାକି
ମୀ ବାରେ ନାମୁ ଅଡ଼େ ବାସୁ ମାହାପୁରୁ ତାଣା
ଆଟ୍‌ଝା ଆହାମାନେ □

୨୨ ନୀର୍ସି ମୀରୁ ସାତାତି ମାନଝି ଆହାମାନା କୁଟୁ
ହିଲାଆ ତାୟିଇଁ ଜୀଝୁ ନହାଲି ତାକି ମୀ ହିୟାତି
ଅଟ୍‌ହା କତାମାନାକି ମୀ ବାରେ ହିୟା ତଲେ ମୀରୁ
ରଣ୍ଡିଏ ମନତଲେ ରଅତେରି ରଅଣାଇଁ ଜୀଝୁନଦୁ □

୨୩ ଇଚିହ୍ ମୀରୁ ନାସା ଆନି ପାଡ଼େୟିଟି
ଆଏ, ସାମା ଏଚେଲା ନାସା ଆଆଗାଟି ପାଡ଼େୟିଟି,
ଇଚିହ୍ ମାହାପୁରୁଟି ଜୀଝୁ ଅଡ଼େ ବାରେବେଲା
ଡୁୟିନି ବଲୁ ତଲେ ଝେଣ୍ଡେ ଜାର୍ନା ଆହାମାଞ୍ଜେରି
□

୨୪ ଦାମ୍ବୁ ସାସ୍‌ପେରିତା ରାସ୍‌କି ଆହାମାନେ,
“ଇଚିହ୍ ଦାର୍‌ତିତି ବାରେ ଲକୁ ଗାକି ଜାଡ଼ା
ଲେହେଁତାରି,
ଏଝାରି ଅକୁ ବାରେ ଜାଡ଼ାତି ପୁଞ୍ଜା
ଲେହେଁତାୟି □
ଗାକି ଜାଡ଼ା ଝାୟାହାନେ ଇଞ୍ଜା ପୁଞ୍ଜା ବାରେ
ଡୁଲାହାନୁ □

୨୫ ସାମା ମାହାପୁରୁଟି ବଲୁ କାଲ୍‌କାଲ୍‌ତାକି
ଡୁୟିନେ □” ଇଦି ଏ ନେହ୍ କାରୁତି ବଲୁ, ଆମିନି
ଗାଟାୟି ମୀ ତାଣା ଝେପକି ଆହାମାଚେ □

୨

ଜୀଝୁତି ଝାଲି ଅଡ଼େ ସୁଦୁଗାଟି କୁଡ଼ା

୧ ଇଚିହ୍ ପ୍ରୁ କାର୍ମା ମେହ୍‌ନାସି ଇଞ୍ଜା
ମୀରୁ ନୀର୍ସି ପୁଞ୍ଜିମାନାକି, ଇଞ୍ଜା ବାରେ ଲାଗେଏ
ପଲେଏତାଣି, ନାଡି କିନାଣି, କୁଟୁ, ଲକୁଣି ତାହାରା
ଇଞ୍ଜା ଲକୁଣି ନିନ୍ଦା କାତା ଜଲିନାଣି ପିହ୍‌ଦୁ,

୨ ପୁଞ୍ଜିନି ଜାର୍ନାଆଡି କୁଟି କକାରି ପଦାଲେହେଁ
ଏଦାଆଁ ଆଣ୍ଡାଆତି ପାଲୁ ଗସାଲି ଅଣ୍ଟାପିଦେରି,
ଆଡିହ୍ ମୀରୁ ପାତାଆହାନା ଗେଲ୍‌ପି ଆଦେରି □

୩ ଦାମ୍ବୁପତିତା ରାସ୍‌କି ଆହାମାନେ, “ମାହାପୁରୁ
ଏଚେକା କାର୍ମା ମେହ୍‌ନାସି, ଏଦାଆଁ ମୀରୁ
ପୁଞ୍ଜାମାଞ୍ଜେରି □”

୪ ଜୀଝୁଗାଟି ଝାଲି ଲେହେଁତି ପ୍ରୁ, ଏଝାଣାଇଁ
ମାଣ୍ଡସିୟା ତାଣାଟି ଅପାଆଚେରି ସାତା, ସାମା
ମାହାପୁରୁ ତାଣା ଆଟ୍‌ଝି ଆହାନା ଗାଡି
ଦାରାଗାଟାସି ଆଡେସି □

୫ ତାନି ତାଣା ଝାହାନା ମୀରୁ ଜିକେଏ ଜୀସୁ
କ୍ରୀସ୍ତ ତାଣାଟି ମାହାପୁରୁ ନକିତା ନେହ୍ ଜୀଝୁତି
ପୁଜା ହାହାଲିତାକି ସୁଦୁଗାଟି ପୂଜେରାଜା ଲେହେଁ

ଆହାଲିତାକି ଜୀଞ୍ଜୁତି ଖାଲି ଲେହେଁ ଆହାନା ର ପ୍ରାତାନା ଇଲୁ ଲେହେଁ ଆଦୁ □

୨ ଇତିହ ଦାମ୍ଭୁ ପତିତା ରାସକି ଆହାମାନେ; “ନାନୁ ସିୟନତା ର ଆଚ୍ଵି ଆହାମାନି ଅଡେ ଦାରାଗାଟି କନତି ମୂଲୁ ଖାଲି କିହାମାଲ୍ ଇଞ୍ଜା ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଏଚେଲାଞ୍ଜା ଲାଜା ବେଟାଆଅସି □”

୩ ମୀରୁ ପ୍ରବୁଲ୍ ନାମିମାଞ୍ଜେରି, ମୀରୁ ଏ ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି, “ଇଲୁ କେପିନାରି ଆମିନି ଖାଲିତି ଅପାଆଡେରି, ଏଦି ଏଞ୍ଜାରାକି ଇଲୁ କନତି ମୂଲୁ ଖାଲି ଆଡେ □”

୪ ଅଡେ ଦାମ୍ଭୁପତିତା ରାସକି ଆହାମାନେ, “ଏ ଖାଲିତା ହାରେକା ଲକୁ ପୁଟି କିନେରି, ଏ ପାକା ଖାଲି ଏଞ୍ଜାରାଲ୍ ଡ଼ଇ ତରୁଗି କିନାୟି ଆନେ;”

ମାହାପୁରୁ ବଲୁ ଆହାଆତାକି ଏଞ୍ଜାରି ଏମ୍ବାଆଁ ବାଦା ବେଟାଆନେରି ଇଞ୍ଜା ଏଦାଆଁତାକି ଏଞ୍ଜାରି ମାହାପୁରୁ ତାଣାଟି ଆଚ୍ଵି ଆହାମାଟେରି □

୫ ସାମା ଆମ୍ବାଆସି ମିଙ୍ଗେ ଆନେରିଟି ତାନି କାବାଆନି ଉଜେଡିତା ହାଟାମାଞ୍ଜାନେସି, ମୀରୁ ଏନିକ୍ ଏଞ୍ଜାଣି ଗୁଣୁ ପାଟିଦେରି, ଏଦାଆଁତାକି ମୀରୁ ମାହାପୁରୁ ଆଟାମାଞ୍ଜାନି କୁଡାଡେରି, ରାଜାତି ସେବାକିନି ପୁଜେରାଙ୍ଗା, ମାହାପୁରୁ ସେବାତାକି ଏଟକା ଆହାମାନି ସୁଦୁ କୁଡାଡେରି, ଇଞ୍ଜା ମାହାପୁରୁଟି ଲକୁଡେରି ଆହାମାଞ୍ଜେରି □

୬ “ତଲି ମୀରୁ ମାହାପୁରୁଟି ଲକୁ ଆହା ହିଲାଆଡେରି, ସାମା ନୀର୍ବ ମୀରୁ ମାହାପୁରୁଟି ଲକୁ ଆହାମାଞ୍ଜେରି, ତଲି ମୀରୁ ମାହାପୁରୁଟି କାର୍ମା ବେଟାଆହା ହିଲାଆଡେରି, ସାମା ନୀର୍ବ ତାନି କାର୍ମାଆନାଣି ବେଟାଆହାମାଞ୍ଜେରି □”

ମାହାପୁରୁଟି ହଲିୟାଙ୍ଗା

୭ ଏ ଜୀଞ୍ଜୁତି ତାୟି ତାଙ୍ଗିସ୍ତା, ନାନୁ ମିଙ୍ଗେ ଇ ଦାରୁତିତା ଏଟକା ଦେସାତାଡେରି ଇଞ୍ଜା ହେକ ଦେସାଟି ଖାହାମାନାଡେରି ଇଞ୍ଜା ଅଣ୍ଡାପାନା ବାତିମାଲିମାଞ୍ଜାଲ୍, ମୀରୁ ମୀ ଆଙ୍ଗାତି ଜୁପକାଟି ହେକ ଆଦୁ, ଏଞ୍ଜି ମୀ ଜୀଞ୍ଜୁ କପାଟି ଜୁଜୁ କିହେମାନୁ □

୮ ମୀରୁ ଜୀହୁଦିଆଆତି ଲକୁତାଣା ମୀ ମାଣ୍ଡକି ଦହ ହିଲାଆଗାଟାୟି ଆପେ, ଏନିକ୍ ଏଞ୍ଜାରି ନୀର୍ବ ମିଙ୍ଗେ ପାପୁ ଦହ ଗାଟାଡେରି ଇଞ୍ଜା ନିନ୍ଦା କିୟାନେରି, ତାୟୁ କ୍ରୀସ୍ତ ଖାନ୍ତି ଦିନାତା ମୀ ନେହ୍ କାମା ମେସାନା ମାହାପୁରୁଲ୍ ଜହରା କିନେରି □

୯ ପ୍ରବୁ ତାକି ବାତିମାଲିମାଞ୍ଜାଲ୍, ମୀ ମୁହେଁ ସାଲ୍ଵି କିନାରାଲ୍ ମାନୁଞ୍ଜି ଆଦୁ □

୧୪ ବାରେତି କିହାଁ କାଜା ରାଜା ଆପେସି, ଲାଗେଏ ପଲେଏତାରାଲ୍ ଡ଼ଣ୍ଡ ହାହାଲି ଅଡେ ନେହ୍ କାମା କିନାରାଲ୍ ରାହାଁ କିହାଲିତାକି ତାନିତାଣାଟି ପାଣ୍ଡୁଞ୍ଜିଆହାମାନି ସାଲ୍ଵି କିନାସି ଆପେସି, ଏଞ୍ଜାରାଲ୍ ମାନି କିଦୁ □

୧୫ ଇତିହ୍ ମୀରୁ ନେହ୍ କାମା କିହାଁ ବୁଦି ହିଲାଆ ଉଜେଏତି କାତା ଖେହ୍ନାରାଲ୍ ସାପି କିଦୁ, ଏଦି ମାହାପୁରୁଟି ଅଣ୍ଡପୁ □

୧୬ ମୀରୁ ମେଲା ମାନାଡେରି ଆଡିଜିକେଏ ଏ ମେଲା ଆହାମାନି ତାଣାଟି ଲାଗେଏ ପଲେଏ ଲେମ୍ବାଆଦୁ, ସାମା ମାହାପୁରୁଟି ହଲିୟା ଆହାନା ନେହ୍ କାମା କିଦୁ □

୧୭ ବାରେ ଲକୁଲ୍ ଆବାଦୁ, କ୍ରୀସ୍ତାନା ତାୟି ତାଙ୍ଗିଲ୍ ଜୀଞ୍ଜୁନଦୁ, ମାହାପୁରୁଲ୍ ଆଜାଦୁ, ରାଜାଲ୍ ମାନି କିଦୁ □

କ୍ରୀସ୍ତ କସ୍ତୁଟି ଜାପିନାୟି

୧୮ ହଲିୟାଙ୍ଗାଡେରି ମୀରୁ ଆଜିତଲେ ମୀ ସାଞ୍ଜୁକାରିୟାଲ୍ ମାନୁଞ୍ଜି ଆଦୁ, ଖାରୁଲ ନେହାଁରାଲ୍ ଅଡେ କାର୍ମା ମେହ୍ନାରାଲ୍ ଆଏ, ସାମା ଲାଗେଏତି ସାଞ୍ଜୁକାରିୟାଲ୍ ଜିକେଏ ଏଲେକ୍ ମାନୁଞ୍ଜିଆଦୁ □

୧୯ ଇତିହ୍ ଆମ୍ବାଆସି ମାହାପୁରୁଲ୍ ନାମିତାକି ଲାଗେଏତାଣି ତାକି ଦୁକୁ କସ୍ତୁ ବେଟାଆହାନା ଅରୁହିନେସି, ଆତିହ୍ ଏଦି ରାହାଁତି କାତା □

୨୦ ମୀରୁ ମୀ ଦହ୍ ତାକି ଡ଼ଣ୍ଡ ବେଟାଆଡେରି, ଏମ୍ବାଆଁ ଏନି ଲାବା ? ସାମା ନେହ୍ କାମାତାକି କସ୍ତୁ ଅରୁହିତିହ୍, ମାହାପୁରୁ ମିଙ୍ଗେ ବରୁ ହିୟାନେସି □

୨୧ ମାହାପୁରୁ ତାଣା ବାରେତାକି ହାଟକିଆହା ମାଞ୍ଜେରି, ଇତିହ୍ ମୀରୁ ଏନିକ୍ କ୍ରୀସ୍ତୁଟି ପାଞ୍ଜୁଲି ତଲେ ତାକିଦେରି ଏଦାଆଁତାକି ଏଞ୍ଜାସି ଜିକେଏ ମିଙ୍ଗେତାକି ଦୁକୁ କସ୍ତୁ ଅରୁହାନା, ମିଙ୍ଗେତାକି ଏଲେଆହାଲି ତସାମାଞ୍ଜାନେସି;

୨୨ ଏଞ୍ଜାସି ଏନି ପାପୁ ଦହ୍ କିହାହିଲାଆଡେସି କି ଏଞ୍ଜାଣି ଗୁତିଟି ମିଟି କାତା ଏଚେଲାଞ୍ଜା ହଟାହିଲାଆଡେ □

୨୩ ଏଞ୍ଜାସି ନିନ୍ଦା ବେଟାଆହି ମାଟାଟି ଖେଣ୍ଡେ ନିନ୍ଦା କିଆଡେସି; ଦୁକୁ କସ୍ତୁ ବେଟାଆହି ମାଟାଟି ଖେଣ୍ଡେ କସ୍ତୁ ହିୟାଲ୍ ଇଞ୍ଜା ଆଜି ତସାନା ଖେହ୍ଆଡେସି, ସାମା ସାତା ନୀହାୟି କିନି ମାହାପୁରୁ ତାଣା ତାନି ବାରେତି ହେରପିଡେସି □

୨୪ ମାରୁ ଏନିକ୍ ପାପୁ ତାକି ହାହାନା, ଦାମ୍ଭୁତାକି ଜୀଞ୍ଜୁତଲେ ନୀତିନାୟି, ଏଦାଆଁତାକି ଏଞ୍ଜାସି ପାସି ମୁଣ୍ଡା ଲାକ ତାନି ଆଙ୍ଗା ତଲେ ମା ବାରେ ପାପୁ ଡେକା ଅଡେସି, ଏଞ୍ଜାଣି ରାହାଁତି ମୀରୁ ନେହ୍ ଆହାମାଞ୍ଜେରି □

୨୫ ଇତିହ୍ ମୀରୁ ଜିରୁ ବାଣାଆହାମାନି ମେଣ୍ଡାୟା ଲେହେଁ ଆହାମାଟେରି, ସାମା ନୀର୍ବ

ମୀରୁ ଜୀବୁତି ଗତୁ ଲୁଲମିତି କାଜାଣା ଦେତ ଦେତ ତାକାଲି ମୀରୁ ଖେଣ୍ଡା ଖାହାମାଖେରି □

୩

ତକ୍ତି ତକ୍ତି କାତା

୧ ☆ଏଲେକିହି ଏ ଓ ତକ୍ତିସିକାତେରି, ମୀରୁ ମୀ ତକ୍ତିୟାଇଁ ମାନୁଖିଆଦୁ, ଏନିକିହି ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହିଁ ମାଣ୍ଡିକି ମେସାନା, ମୀରୁ ଖେହୁଆନା ଜିକେଏ ମାହାପୁରୁ ତାଣା ନାମାଲି ଆଡିନେରି □

୨ ଏନିକିହି ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ବଲୁତି ମାନୁଖି ଆଆତି ଜିକେଏ ମୀ ମାହାପୁରୁତି ଆଜି ଅଡେ ମାଣ୍ଡିକି ମେସାନା କାତା ଖେନାଆନା ଜାହାରା ତକ୍ତିନି ସୁଦୁଗାଟି ମାଣ୍ଡିକି ମେସାନା ନାମିନେରି □

୩ ☆ତାୟଁ ବାଣାୟଁ ହାରେକା ଅଜିକିହିଁ କିଶ୍ତା କତାନା, ବାଂଗାରା ତୁରହାନା, ଅଜିତି ହିମ୍ପରିକା ହୁଟିନାୟି, ଖାରୁଇ ଇ ବାରେ ତଲେ ମୀ ଆଜାତି ଅଜି କିହାକତାଆଦୁ,

୪ ମୀ ହିୟାତା ଏମିନି ହିଡ଼ି ଜୀବୁତି ଗୁଣୁ ମାହାପୁରୁ ନକିତା ହାରେକା ଦାରାଗାଟାୟି, ଏଦିଏ ମୀ ନାସା ଆଆଗାଟି ଅଜୁ ଆପେ

୫ ଏନାଆଁତାକି ଇତିହିଁ ତଲି କାଲାତି ସୁଦୁଗାଟି ଇୟାସିକା ଜିକେଏ ମାହାପୁରୁ ତାଣା ବାସୁଁ ଇଟାନା ତାମି ତକ୍ତିୟାଇଁ ମାନିକିହାଁ ଜାହାରାଇଁ ଅଜିକିହା କଡିମାରୁ □

୬ ଏଲେକିହିଁ ଏ ସାରା ଜିକେଏ ଅଭାହାମଇଁ ମାନୁଖି ଆହାଁ ଏଞ୍ଜାଣାଇଁ ନା ପ୍ରୁ ଇଞ୍ଜିମାତେ; ମୀରୁ ଜିକେଏ ନୀଏଁ ଏନାଆଁ ଆଜାଆନା ନେହିଁ କାମା କିତିହିଁ ଏଦାଣି ମାସ୍କାତେରି ଆଦେରି □

୭ ☆ତକ୍ତିୟାତେରି, ଏଲେକିହିଁ ଏ ମୀ ତକ୍ତିସିକାଣି ମୀ କିହାଁ ବାତୁୟୁତା ଉଣାଗାଟାଇ ଇଞ୍ଜି ପୁଞ୍ଜାନା ଏଞ୍ଜାସିକାଇଁ ମାନି କିଦୁ, ଇଞ୍ଜା ଏଞ୍ଜାସିକା ତଲେ ଆଣ୍ଡାନା ବୁଦିତଲେ ତୟାଦୁ, ଏଞ୍ଜି ଜିକେଏ ମୀ ତଲେ ମାହାପୁରୁ ତାଣା କାଲିକାଲି ଜୀବୁତି କାର୍ମାତି ଦାନା ବେଟାଆନୁ, ଏନିକିହିଁ ମୀ ପ୍ରାତାନା କିନିତାଣା ବାଦା ଖାଏ □

ନେହିଁ କାମାତାକି କସ୍ତ ପାଶ୍ଟାନାୟି

୮ ତାୟୁତି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡପୁ ତଲେ ବାରେତି ସୁକୁ ଦୁକୁତା ଆଣ୍ଡୁଞ୍ଜି ଆନାୟି, ତାୟି ତାଜିଇଁ ଜୀବୁନନାୟି, ନେହିଁ ହିୟାଁ ଅଡେ ଜାହାରାଇଁ ଉଣା କିହାକତାଦୁ □

୯ ଲକୁ ମିଜେ ଲାଗେଏ କିୟାତିହିଁ ଜିକେଏ ଏଞ୍ଜାରାଇଁ ଖେଣ୍ଡେ ଲାଗେଏ କିଆଦୁ, ନିନ୍ଦା

କିୟାତିହିଁ ଖେଣ୍ଡେ ନିନ୍ଦା କିଆଦୁ, ସାମା ଏଞ୍ଜାରାଇଁ ବର ହୀଦୁ, ଏନାଆଁତାକି ଇତିହିଁ ଏଲେକିହାଲି ମାହାପୁରୁ ମିଜେ ଆତାନା ହାଟାମାଞ୍ଜାନେସି □

୧୦ ଦାର୍ମୁ ସାସ୍ତେରିତା ରାସ୍କି ଆହାମାନି ଲେହିଁ

“ଆମ୍ବାଆସି ଜୀବୁତା ସୁକୁ ତଲେ ତୟାଲି ଇଞ୍ଜା ରାହାଁତି ଦିନାୟା ମେସାଲି ଅଣ୍ଡିନେସି, ଏଞ୍ଜାସି ଲାଗେଏ ପଲେଏ କାତାୟାଁ ତାନି ଖେନ୍ଦରିଟି ଜଲ୍ଲାଆପେସି, ଅଡେ ମିତି କାତାୟାଁ ତାନି ଗୁଡିଟି ଏଚେଲାଞ୍ଜା ହଥାପୁ □

୧୧ ଏଞ୍ଜାସି ଲାଗେଏ ପଲେଏ ତାଣାଟି ହେକ ଆହାନା ନେହିଁ କାମା କିପେସି, ଇଞ୍ଜା ତାନି ବାରେ ହିୟାଁ ତଲେ ହିଡ଼ି ଜୀବୁ ପାରାନା ଏ ଜିରୁଟି ତାକାପେସି □

୧୨ ଏନାଆଁତାକି ଇତିହିଁ ଦାର୍ମୁ ଗାଟାରକି ପ୍ରବୁତି କାନୁ ମାନେ, ଇଞ୍ଜା ଏଞ୍ଜାରି ପ୍ରାତାନାଟି କାର୍କା ଅତାହାଁ ଖେନେସି, ସାମା ପାପୁ ଗାଟାରି କପାଟି ପ୍ରୁ ନିଜିନେସି □”

୧୩ ମୀରୁ ନେହିଁ କାମାତାକି ରାହାଁ ଗାଟାତେରି ଆଦେରି, ଆତିହିଁ ଆମ୍ବାଆସି ମିଜେ ଲାଗେଏ କିୟାଲି ଆଡାନେସି ?

୧୪ ☆ସାମା ନେହିଁ କାମା କିହାନା କସ୍ତ ବେଟାଆତି ଜିକେଏ, ଏଦି ମୀ ତାକି ନେହିଁ, ଆମ୍ବାଆସି ମିଜେ ଆଜି କିୟାତିହିଁ ଆଜିତାକି ଆଡାଜାକା ଆଆଦୁ;

୧୫ ସାମା କ୍ରୀସ୍ତଇଁ ପ୍ରୁ ଇଞ୍ଜିଁ ମୀ ହିୟାତା ସୁଦୁ ତଲେ ମାନି କିଦୁ, ଆମ୍ବାଆସି ଏଚେଲାଞ୍ଜା ମୀ ତାଣା ମାନି ବାସୁତି କାତା ପୁଞ୍ଜାଲି ଖେଞ୍ଜାତିହିଁ, ଏଞ୍ଜାଣାଇଁ ଖେଣ୍ଡେ ଖେସାଲି ମୀ ଅଣ୍ଡପୁ ତଲେ ତିୟାରା ଆହାମାଞ୍ଜୁ,

୧୬ ସାମା ଖେହୁନାଟି ସୁଦୁ ଅଡେ ମାନିଗାଟି ଅଣ୍ଡପୁ ତଲେ ଆଜାଆନା ନେହିଁ ବୁଦିଟି ଖେହୁଦୁ, ମୀରୁ କ୍ରୀସ୍ତ ତାଣା ଆଣ୍ଡାନା ନେହିଁ ମାଣ୍ଡିକି ମାନାକି ମିଜେ ନିନ୍ଦା କିହାନା ଦହୁ ଦହୁନାରି ଏମ୍ବେଏ ଲାଜା ପାଶ୍ଟପେରି ଇଞ୍ଜିଁ ମୀରୁ ତୀରିତି ଅଣ୍ଡପୁ ତଲେ ମାଞ୍ଜୁ □

୧୭ ଏନାଆଁତାକି ଇତିହିଁ ଲାଗେଏ ପଲେଏ କାମାତାକି ଦୁକୁ ବେଟାଆନି କିହାଁ ମାହାପୁରୁ ଇଚା ଆତିହିଁ, ନେହିଁ କାମାତାକି ଦୁକୁ ବେଟାଆନାୟି ନେହିଁ □

୧୮ କ୍ରୀସ୍ତ ମିଜେ ମାହାପୁରୁ ତାଣା ତାତାଲି ତାକି ଏଞ୍ଜାସି ଦାର୍ମୁଗାଟାସି ଆହାନା ଦାର୍ମୁ ହିଲାଆ ଗାଟାରି ତାକି ପାପୁ ତାକି ରଣ୍ଡିଏ ଦେବା ହାଡେସି, ଏଞ୍ଜାସି

☆ ୩:୧ ୩:୧ ଏପିସି ୫:୨୨; କଲସି ୩:୧୮ ☆ ୩:୩ ୩:୩ ୧ତିନ ୨:୯ ☆ ୩:୭ ୩:୭ ଏପିସି ୫:୨୫; କଲସି ୩:୧୯ ☆ ୩:୧୪ ୩:୧୪ ମାତି ୫:୧୦

ଆଜ୍ଞା ତଳେ ହାତେସି ସାତା, ସାମା ଜୀଞ୍ଜୁତଲେ ନୀତିତେସି,

୧୯ ଏମ୍ବାଟିଏ ଏଞ୍ଜାସି ସୁଦୁଜୀଞ୍ଜୁ ତଲେ ମାଞ୍ଜାନା ଦସପି ଆହାମାଟି ଜୀଞ୍ଜୁୟାଁ ତାଣା ହାଜାନା ମାହାପୁରୁ ବଲୁ ଝେକ୍‌ହେସି;

୨୦ ତଲି କାଲାତା ନହ ଜାଜା କେପିତି ବେଲା, ମାହାପୁରୁ ସାସାତଲେ କାଟିମାରେସି, ଆଡିଜିକେଏ ଏଞ୍ଜାଣାଇଁ ମାନଞ୍ଜି ଆଆତେରି, ଏ ଜାଜାତା ହାରେକା ଲକୁ ଆଏ, ଆଟା ଜାଣା ହଡାନା ଏୟୁଟି ଗେଲ୍‌ପି ଆଡେରି;

୨୧ ଏ ଏୟୁ ଇ କାଲାତି ବାପ୍ତିସ୍ତ* ଇତିହୁଁ ଏଡି ମା ଆଜ୍ଞାତି ମାଟି ନରନାୟି ଆଏ, ସାମା ମାହାପୁରୁ ତାଣା ନେହୁଁ ଅଣ୍‌ପୁ ବେଟାଆହାଲି ପ୍ରାତାନା କିନାୟି, ଇଞ୍ଜା ଜୀସୁ କ୍ରୀସ୍ତ ହାକିଟି ନିଜିତାକି ଗେଲ୍‌ପି ଆନାୟି □

୨୨ ଏ ଜୀସୁ କ୍ରୀସ୍ତ ଲାକପୁରୁ ହାଜାନା ମାହାପୁରୁଟି ଚିଃନି ଚଟତା କୁଗାମାନେସି, ଏମ୍ବାଆଁ ଦୁଡୁୟାଁ, ପାଣା ବେଟାଆଡାରି ଅଡେ ବାଡୁୟୁ ଗାଟାରି, ଏଞ୍ଜାଣାଇଁ ମାନଞ୍ଜି ଆହାନା ତାନି ଡଇ ମାନେରି □

୪

ମାହାପୁରୁ ତାକି ନୀତିନାୟି

୧ କ୍ରୀସ୍ତତି ଆଜ୍ଞା ତଲେ ଦୁକୁ କସ୍ତ ବେଟାଆହା ମାନାକି ମୀରୁ ଜିକେଏ ଏଲେକିହୁଁ ଏ ଏଞ୍ଜାଣି ଲେହେଁତି ଅଣ୍‌ପୁ ତଲେ ଜାହାରାଇଁ ତିୟାରା କିହାକତାଦୁ, ଏନାଆଁତାକି ଇତିହୁଁ ଆମ୍ବାଆସି କ୍ରୀସ୍ତତି ତାକି ଆଜ୍ଞାତା ଦୁକୁ କସ୍ତ ବେଟା ଆହାମାନେସି, ଏଞ୍ଜାସି ପାପୁଟି ହେକ ଆହାମାନେସି,

୨ ଏନିକିଁ ମୀରୁ ଦାର୍ତତିତା ନୀତାମାନି ପାତେକା ପାପୁଗାଟି ମାଣସିତି ଲାଗେଏ ଜୁପକାତି ଅଣ୍‌ପୁ ତଲେ ନୀତାଆନା ମାହାପୁରୁଟି ଅଣ୍‌ପୁ ଲେହେଁ ନୀତାଦୁ □

୩ ହାରେକା ଦିନା ମୀରୁ ନାମାଆଗାଟାରି ଇଟା ତଲେ କାମା କିହାଁ ମୀରୁ ଏତେ କାଲା ଲାଗେଏ ପଲେଏ କାମାତା, ଲାଗେଏତି ଜୁପକା, କାଡୁ ରୁଡୁ ଆନାୟି, କାଡୁ ଗସାନା ରାହାଁ କିନାୟି, କାଡୁ ଗସାନା ହଡିନାୟି, ଇଞ୍ଜା ଅପାଆଗାଟି ପେଣକା ବମାୟାଁଣି ପୂଜା କିହିମାତେରି,

୪ ମୀରୁ ନୀର୍ବ ଏଞ୍ଜାରିତଲେ ଏ ବାରେ ଲାଗେଏ ପଲେଏ କାମାତା ରାହାଁତଲେ ଆଣ୍ଡିହିଲଅତେରି, ଏଡାଆଁତାକି ଏଞ୍ଜାରି ଆତାଜାକା ଆହାନା ମିଜେ ହାରେକା ନିନ୍ଦା କିୟାନେରି □

୫ ସାମା ଆମିନି ମାହାପୁରୁ ନୀତାମାନାରାଇଁ ଅଡେ ହାଡାରାଇଁ ନୀହାଁୟି କିହାଲି ହାଜିମାନେସି,

ଏ ମାହାପୁରୁ ନକିତା ଏଞ୍ଜାରି ତାନି ବାରେ କିତି କାମାତି ଲେକା ହୀନାୟି ମାନେ □

୬ ଏଡାଆଁତାକି ହାଡାରି ତାଣା ଜିକେଏ ମାହାପୁରୁଟି ନେହୁଁ କାରୁ ଝେସପିଆଡେ, ଏନିକିଁ ଏଞ୍ଜାରି ମାଣ୍‌ସିୟାଁ ଲେହେଁ ଆଜ୍ଞା ତଲେ ନୀହାଁୟି କିଞ୍ଜି ଆତିହୁଁ ଜିକେଏ ମାହାପୁରୁ ଲେହେଁ ଜୀଞ୍ଜୁତଲେ ନୀତିନେରି □

ମାହାପୁରୁଟି ଦାନା ଅଡେ ନେହୁଁ ଗୁମ୍ବସା

୭ ଏ ବାରେତି ରାନ୍ତି ଦିନା ତାଗେ ଝାଡେୟିଏ, ଏଡାଆଁତାକି ମୀରୁ ନେହୁଁ ରୁଦି ଗାଟାତେରି ଆଦୁ, ଇଞ୍ଜା ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ □

୮ ବାରେତି କିହାଁ ମୀରୁ ରଅତେରି ରଅଣାଇଁ ହାରେକା ଜୀଞ୍ଜୁନଦୁ, ଏନାଆଁତାକି ଇତିହୁଁ ଏଲେତି ଜୀଞ୍ଜୁନନାୟି ହାରେକା ପାପୁଟି ପିକ୍‌ନେ □

୯ ଗୁରୁମୁରୁ ଆଆନା ରଅତେରି ରଅଣାଇଁ ଗତାୟାଁ ଲେହେଁକି ସେବା କିଦୁ □

୧୦ ବାରେଜାଣା ତେରି ଏନିକିଁ ମାହାପୁରୁ କାର୍ମାତି ଦାନା ବେଟାଆହାମାଞ୍ଜେରି, ଏଲେକିହୁଁ ଏ ମୀରୁ ମାହାପୁରୁ ମେରାତି ନେହୁଁ ଗୁମ୍ବସାୟାଁ ଲେହେଁ ଆହାନା ଏ ବାରେ ଦାନା ତଲେ ରଅତେରି ରଅଣାଇଁ ସେବା କିଞ୍ଜିଆଦୁ □

୧୧ ଆମ୍ବାଆସି ଝେକ୍‌ନେସି ମାହାପୁରୁଟି ନେହୁଁ କାରୁ ଝେକ୍‌ନାସି ଲେହେଁ ଝେକ୍‌ପେସି; ଇଞ୍ଜା ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡୁୟୁ ବେଟାଆହାମାନି ଲେହେଁ ସେବା କିପାସି □ ଏନିକିଁ ଜୀସୁ କ୍ରୀସ୍ତ ତାଣାଟି ମାହାପୁରୁ ଗାଞ୍ଜୁରମି ବେଟା ଆନେସି; ଇଞ୍ଜା କାଲାକାଲାତି ଗାଞ୍ଜୁରମି ଅଡେ କାଜାପାଣା ଏଞ୍ଜାଣିଞ୍ଜାୟି □ ଆମେନ୍ □

କ୍ରୀସ୍ତାନା ଲକୁତି ଦୁକୁ କସ୍ତ

୧୨ ଏ ନା ଜୀଞ୍ଜୁତି ତଣେସିଜାତେରି, ନୀର୍ବ ମିଜେ ହିରୁତା ତାୟିପାରି କିନି ଲେହେଁ ହାରେକା ଦୁକୁ କସ୍ତ ଝାହାମାନେ, ଏଡି ମାଜେ ଝାନାୟି ହିଲାଆତେ ଇଞ୍ଜୁଁ ଅଣ୍‌ପାଆଦୁ □

୧୩ ସାମା କ୍ରୀସ୍ତତି ଦୁକୁ କସ୍ତତା ମୀରୁ ଏତେକା ଆଣ୍ଡାମାଞ୍ଜେରି ଏତେକେଏ ରାହାଁ ଆଦୁ, ଏନିକିଁ ଏଞ୍ଜାଣି ଗାଞ୍ଜୁରମି ତଞ୍ଜାଆନ୍ତି ବେଲାତା ଜିକେଏ ମୀରୁ କାଜା ରାହାଁତା ରାହାଁ ଆଡେରି □

୧୪ ସାମା ମୀରୁ କ୍ରୀସ୍ତତି ଦରୁ ତାକି ନିନ୍ଦା ବେଟାଆଡେରି ଆତିହୁଁ ମୀରୁ ନେହାଁତେରି, ଇତିହୁଁ ଗାଞ୍ଜୁରମିଗାଟି ଜୀଞ୍ଜୁ, ଇତିହୁଁ ମାହାପୁରୁଟି ଜୀଞ୍ଜୁ ମୀ ତାଣା ଡୟାମାନେ □

* ୩:୨୧ ୩:୨୧ମୁଞ୍ଜିନାୟି

୧୫ ଏଦାଆଁତାକି ମୀ ବିଭ୍ରାଟି ଲକୁଣି ପାୟିନାରି, ସରୁ କିନାରି, ଦହ କାମା କିହାନା, ଲକୁଇଁ ସାକ୍ତି କାତା ଜଲିନାରି ଆହାନା ସାସ୍ତି ବେଟାଆଡ଼େରି □

୧୬ ସାମା ଆମ୍ବାଆସି କ୍ରୀସ୍ତାନା ଲକୁ ଆହାମାନାକି ସାସ୍ତି ବେଟା ଆନେସି, ଆତିହ୍ ଶୁ ଏଞ୍ଜାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଇଁ ଜହରା କିପେସି □

୧୭ ଇତିହ୍ ମାହାପୁରୁ ଇଲୁଟିଏ ନୀହ୍ନାୟି କିଞ୍ଚି ଆହ୍ନା ବିଚାରା କିନି ଦିନା ୱାନେ; ଇତିହ୍ ମାହାପୁରୁ ନବେଏ ମାଜେ ନୀହ୍ନାୟି କିୟାତିହ୍, ଆତିହ୍ ତାମି ନେହ୍ କାରୁ ମାନଞ୍ଚି ଆହାହିଲଅରି ଏଞ୍ଜାରି ତାୟୁତି ତଣ୍ଡ ଏତେକା ଆଜିହପେତାୟି ଆଏ □

୧୮ ସାସ୍ତିରିତା ରାସ୍ତି ଆହାମାନେ,
“ଦାମ୍ବୁଗାଟାସି କସ୍ତଲେ ଗେଲ୍ପି ଆନେସି,
ଆତିହ୍ ଦାମ୍ବୁ ହିଲାଆ ଗାଟାରି ଅଡ଼େ
ପାପୁଗାଟି ଲକୁ ଏନିକ୍ ମୁମ୍ବୁତହ୍ନେରି
?”

୧୯ ଇତିହ୍ ଆମ୍ବାଆରି ମାହାପୁରୁତି ଅଶ୍ପୁ ଲେହେଁ ଦୁକୁ କସ୍ତ ବେଟାଆନେରି, ଏଞ୍ଜାରି ନେହ୍ କାମା କିହାନା ଏଞ୍ଜାଣି ତାଣା ହାରେପୁରେ ବାସ୍ତି କିପାରି, ଆତିହ୍ ଏଞ୍ଜାରାଇଁ ଗାଡ଼ିକିତି ମାହାପୁରୁ ବାରେବେଲା ତାନି ଆଞ୍ଜାମାନି କାମା ଲେହେଁ କିନେସି □

୫

ମାହାପୁରୁତି ମେଣ୍ଡାୟାଁ

୧ ଇତିହ୍ ନାନୁ ମୀ ତଲେତି ର କୁଲମିତି ପ୍ରାଚିନାତେଏଁ, ଅଡ଼େ କ୍ରୀସ୍ତତି ଦୁକୁ ବେଟାଆହାମାନି ତାଣାତି ସାକ୍ତି ଇଞ୍ଜା ୱାହିମାନି ଗାଞ୍ଜୁରମିତା ଆଣ୍ଡିନାତେଏଁ ନାନୁ, ମୀ ତାଣା ମାନି ପ୍ରାଚିନାଙ୍ଗାଣି ବାତିମାଲିମାଇଁ,

୨ *ମୀ ତାଣା ମାନି ମେଣ୍ଡାୟାଁଣି ଜାଡ଼ନୁ କିଦୁ ମାହାପୁରୁ ମିଜେ ହେରପାମାଞ୍ଜାନି ମାଦାତି ପହ୍ନିଦୁ, ଗୁତାଗୁତା କିନାକି ଆଏ, ସାମା ରାହ୍ନା ଅଶ୍ପୁ ତଲେ ମାହାପୁରୁ ଅଶ୍ପୁତି ଲେହେଁ ଜାଡ଼ନୁ କିଦୁ, ୱାରଇ ତାବୁୟାଁ ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଶ୍ପୁ ତଲେ କାମା କିଦୁ □

୩ ଅଡ଼େ ଆମ୍ବାଆରି ଦାୟିପତି ମୀ କେୟୁତା ହାପ୍ତି ଆହାମାଞ୍ଜାନେ, ଏଞ୍ଜାରି ମୁହେଁ ସାଲଞ୍ଚି କିନାତେରି ଆଆନା ଏ ମାଦାତି ମାନି ଗାଟାତେରି ଆହାନା କିଦୁ □

୪ ଏବେଟିଏ “କାଜା ଗଡ଼” ତଞ୍ଜାଆନି ଦିନାତା ମୀରୁ ଗାଞ୍ଜୁରମିତି ଏତେଲା ୱାଡ଼ାଆଗାଟି ଟପେରି

ବେଟାଆଡ଼େରି □ ତାନି ଉଜେଡ଼ି ଏତେଲା ୱାଡ଼େଏ □

୫ ଏ ଦାଂଗଣାୟାଁତେରି, ଏଲେକିହ୍ ଏ ମୀରୁ ଜିକେଏ ମୀ ପ୍ରାଚିନାଙ୍ଗାଣି ମାନଞ୍ଚି ଆଦୁ, ମୀରୁ ବାରେଜାଣା ତେରି ରଅତେରି ରଅଣି ନକିତା ସୁଦୁଗାଟି ଅଶ୍ପୁତି ହିମ୍ବୁରି ଲେହେଁ ପରଦୁ, ଦାମ୍ବୁ ସାସ୍ତିରିତା ରାସ୍ତି ଆହାମାନେ, “ଇତିହ୍ ମାହାପୁରୁ ତାହାରା ଗାଟାରି କପାଟି ନିଙ୍ଗାନା ସୁଦୁ ଗାଟାରାଇଁ କାର୍ମା ମେହ୍ନେସି □”

୬ *ମାହାପୁରୁତି ବାଡ଼ୟୁଗାଟି କେୟୁ ତୁଇ ମୀରୁ ମିଜେ ଉଣା କିହାକତାଦୁ, ଏନିକିହ୍ ଏଞ୍ଜାସି ତାୟୁ ସମାନା ଦିନାତା ମିଜେ କାଜାତେରି କିୟାନେସି;

୭ ମୀ ଅଶ୍ପୁତି ବକୁ ବାରେ ମାହାପୁରୁ ତାଣା ହେରପାଦୁ ଇତିହ୍ ଏଞ୍ଜାସି ମିଜେତାକି ଅଶ୍ପିନେସି □

୮ ସେଡ଼ନା ଆହାନା ଜାଗ୍ରାତା ମାଞ୍ଜୁ, ଏଦାଆଁତାକି ଇତିହ୍ ଆମ୍ବାଆରାଇଁ ଗୁହଇଁ ଇଞ୍ଜୁ ମୀ ସାତୁ ସୟତାନ ତୁକିମାନି ସିହ୍ଠାଞ୍ଜାଣି ଲେହେଁ ପାରିହ୍ ରେଜିମାନେ □

୯ ମୀରୁ ନାମୁତା ତୀରି ମାଞ୍ଜାନା ସୟତାନଇଁ ପେରଦୁ, ଏଦାଆଁତାକି ଇତିହ୍ ଇ ଦାଡ଼ିତା ମାନି ମୀ ନାମିତି ତାୟିୟାଁକି ଇଲେତି ଦୁକୁ କସ୍ତ ଆହିମାନେ □

୧୦ କ୍ରୀସ୍ତ ତଲେ ଆଣ୍ଡାନା ତାନି କାଲାକାଲାତି ଗାଞ୍ଜୁରମିତା ଆଣ୍ଡାଲି କାର୍ମାମେହ୍ନି ମାହାପୁରୁ ମିଜେ ହାଟାମାଞ୍ଜାନେସି, ମୀ ଗାଡ଼େକାତି ଦୁକୁ କସ୍ତ ବେଟାଆଡ଼ି ତାୟୁ ଏଞ୍ଜାସି ତାନୁଏ ମିଜେ ତୀରି ଆଡ଼ଞ୍ଜା, ବାଡ଼ୟୁ, ଅଡ଼େ ଏତେଲା ଗୁତା ଆଆଗାଟି ବାସ୍ତି ମିଜେ ହିୟାନେସି □

୧୧ ବାରେ ବାଡ଼ୟୁ ଜୁଗୁ ଜୁଗୁତାକି ଏଞ୍ଜାଣିଞ୍ଜାୟି □ ଆଡ଼େନ୍ □

ରାନ୍ଦିବେଲାତି ଜହରା

୧୨ *ସିଲାଇଁ ନାମୁତି ତାୟିଲେହେଁ ନାନୁ ଜୀଞ୍ଜୁନହ୍ନାନା ତାନିତାଣାଟି ନାନୁ ଇ ଉଣା ଆକୁ ରାଟାମାଇଁ □ ମାହାପୁରୁତି ସାତା କାର୍ମାତି ସାକ୍ତି ହୀହାନା ମିଜେ ରାହ୍ନା କିୟାନାୟି ନା କାମା □ ଏ କାର୍ମା ମେହ୍ନିତାଣା ଆଡ଼ଞ୍ଜାତଲେ ମାଞ୍ଜୁ □

୧୩ *ମାହାପୁରୁ ତାକି ଆଡ଼ଞ୍ଚି ଆହାମାନି ବାବିଲନତା ମାନି କୁଲମି ଅଡ଼େ ନା ଦାମ୍ବୁତି ମୀରୁଏସି ମାର୍କ ଜିକେଏ ମିଜେ ଜହରା କିହିମାଞ୍ଜାନେରି □

୧୪ କ୍ରୀସ୍ତାନା ଲକୁ ଲେହେଁ ଜୀଞ୍ଜୁନହ୍ନାନା ଜହରା କିଦୁ □ କ୍ରୀସ୍ତ ତାଣା ମାନି ଲକୁକି ହିଡ଼ଡ଼ି ଆଡ଼େ □

☆ ୫:୨ ୫:୨ ଜହ ୨୧:୧୫-୧୭ ☆ ୫:୨ ୫:୨ ମାତି ୨୩:୧୨; ଲୁକ ୧୪:୧୧; ୧୮:୧୪ ☆ ୫:୧୨ ୫:୧୨ କାମା ୧୫:୨୨,୪୦ ☆ ୫:୧୩ ୫:୧୩ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪

ଆହା ମାଞ୍ଜାଲି ସାସା ହାହାନା, ପିତର ତାନି
ଆକୁ ରାଘନାୟି □ ୩:୧-୧୭

ପିତର ଲିଖିତ ଦ୍ରୀତିୟ ପତ୍ର ପିତର ରାଘନାୟି ରୀ ଲମ୍ବର ଆକୁ ମୁକୁ ହାଡ଼ା

ପିତର ରୀ ଲମ୍ବର ଆକୁତି ପାଣ୍ଡୁଆଡ଼ି ପିତର
ରାଘନାୟି, ସାମା ହାହାନା ବୁଦିଗାଗାରି
ନୀର୍ଦ୍ଦେଶ ଲିଖି ସାତା ଲିଖି ନାମିହିଲଅରି
□ ଲଦାଆଁ ପିତର ତାଣାଟି ଆମ୍ବାଆସି ଆପେ
ରାଘନାୟିନେସି □ ରାଘନାୟି ଏଲେଇଞ୍ଜି
ମାନେସି, ଏଞ୍ଜାସି ଜୀସୁ ଇ ଦାର୍ତତା ନୀତାମାଗାଣି
ଅଡ଼େ ମୁମ୍ବୁ ବାଦଲି ଆହାମାଗାଣି ତାନୁଏ
ମେସାମାଗେସି ୧:୧୭-୧୮ □ ଇ ଆକୁତି ପିତର
ରାଘନାୟିସାରେ ଏଞ୍ଜାସି ରମ୍ଭତା ମାଞ୍ଜାନା ତାନୁ
ହାଡ଼ି ନକେଏ ଜୀସୁ ଜୀସୁ ଜୀର୍ନାଆଡ଼ି ୨୫-୨୯
ବାର୍ଷା ତାୟୁ ରାଘନାୟି □ ପିତର ରୀ ଲମ୍ବର
ଆକୁତି ତାୟୁ ପିତର ରାଘିତି କାଲମି ଝେସାନା
ଏଲେଇଚେସି ଲଦି ରୀ ପାଲିତି ଆକୁ ୩:୧ □
ଏଞ୍ଜାସି ଇ ଆକୁତା ବାରେ ଜୀସୁନା ଲକୁତି ଦରୁ
ଝେକ୍‌ହେସି □

ଜୀସୁଇଁ ନାମିତି ଲକୁ ନେହଁକଁ
ନୀତାବାଡ଼କାଲି ସାସା ହାହାଲି ଅଡ଼େ ମିତିତାଣି
ଜାପ୍‌ନାରି ତାଣାଟି ଜାଗ୍ରାତା କିହାଲି ଇ ଆକୁ
ପିତର ରାଘନାୟି ୨ ପାର୍ଟୁ □ ପିତର ଏଞ୍ଜାରାଇଁ
ଜୀସୁ ତବେ ଝାହାହିଲଅସି ଇଞ୍ଜିମାନି ଲକୁ କାତା
ଆହୁଆଦୁ ଲିଖି ସାସା ହାହାତେସି □ ଏଞ୍ଜାସି ତସାନା
ଝେସେସି ମାହାପୁରୁ ନିସ୍ତା ଆହୁଁ କାମାକିନାସି
ଆଏ ସାମା ଏଞ୍ଜାସି ବାରେଜାଣାଟି ଗେଲ୍‌ପି ଆହାଲି
ଅଣପିମାନେସି ୨ପିତ ୩:୮-୯ □ ଏଦାଆଁତାକି
ନେହଁ ମାଣ୍ଡକିତି ଜୀସୁତଲେ ନୀତିନାୟି ମାନେ
୩:୧୪ □

ପିତର ମାନାୟି

- ୧ ପିତର ତାଲେ ଝେକ୍‌ହା କତିନାୟି ଅଡ଼େ ତାନି
ଆକୁତି ପଡ଼ି ଆନାରାଇଁ ଝେହ୍‌ନାୟି □ ୧:୧-
୨
- ୨ ଏଞ୍ଜାସି ଏଞ୍ଜାରାଇଁ ନେହଁକଁ
ନୀତାବାଡ଼କାଲି ଅଣ୍ଡି କିହିମାନେସି
ଏନାଆଁତାକି ଇତିହଁ ମାହାପୁରୁ ମାଲେ
ବାଡ଼ୟୁ ହାହାମାଞ୍ଜାନେସି □ ୧:୩-୨୧
- ୩ ଏଞ୍ଜାସି ମିତି ଜାପ୍‌ନାରି ତାଣାଟି ଜାଗ୍ରାତା
ଆହାଲି ଝେସାମାନେସି ଅଡ଼େ ଜୁଗୁ ରାନ୍ତି
ଦିନାତା ଏଞ୍ଜାରାକି ଏନାଆଁ ଆନେ ଲିଖି
ଝେସାମାନେସି □ ୨:୧-୨୨
- ୪ ଜୀସୁଇଁ ନାମିତି ଲକୁଣି ଜୀସୁ ଝେଣ୍ଡେ ଝାନ୍ତି
ଦିନା ପାତେକା ନେହଁ ଜୀସୁତଲେ ତିୟାରା

୧ ସିମନ ପିତର, ର ହଲେଏସି ଅଡ଼େ ପାଣ୍ଡୁ
ଆହାମାନାସି, ମା ମାହାପୁରୁ ଅଡ଼େ ଗେଲ୍‌ପାନି
ଜୀସୁ ଜୀସୁତି ଦାମ୍‌ତାକି ଆମିନି ଗାଗାରି ମା
ଲେହେଁ ହାହେକା ଦାରାଗାଟି ନାମୁ ବେଗା
ଆହାମାନେରି, ଏଞ୍ଜାରିତାଣା ଆକୁ ରାଘିମାଲ୍ □
୨ ମାହାପୁରୁ ଅଡ଼େ ମା ପ୍ରବୁ ଜୀସୁତି ବୁଦିତଲେ
ମିଲେତାକି କାର୍ମାମେହ୍‌ନାୟି ଅଡ଼େ ହିଡ଼ି ଜୀସୁ
ହାହେକା ଗାତି ଆୟାପେ □

ମାହାପୁରୁ ହାଡ଼ିନାୟି ଅଡ଼େ ଆଡ଼ିନାୟି

- ୩ ଆମ୍ବାଆସି ତାନି ଗାଞ୍ଜୁରମି ଅଡ଼େ ନେହଁ
ଗୁଣ୍ଡୁତଲେ ମାଲେ ହାହାମାଞ୍ଜାନେସି, ମାହାପୁରୁ
ତାନି ବୁଦିତଲେ ଲାକପୁରୁତି ବାଡ଼ୟୁତି ମାଲେ
ଜୀସୁ ଅଡ଼େ ଦାମ୍‌ତି ଜିରୁ ତାକି ବାରେ ଲଡ଼ାମାନାଣି
ହାହାମାଞ୍ଜାନେସି □
- ୪ ଏଦାଆଁ ତଲେ ଏଞ୍ଜାସି ମାଲେ ଗାତି ଦାରା
ଅଡ଼େ ହାହେକା ଲଡ଼ାଗାଟି ଆଞ୍ଜାମାନି ଦାନା
ହାହାମାଞ୍ଜାନେସି, ଏନିକଁ ଏ ବାରେ ତଲେ ମୀରୁ
ଲାଗେଏତି ଅଣ୍ଡପୁତା ଆହିମାନି ଆମିନି ନାସା ଆନି
ଦାର୍ତତା ମାଞ୍ଜେରି, ଏମ୍ବାଟି ଗେଲ୍‌ପି ଆହାନା
ଲାକପୁରୁତି ଗୁଣ୍ଡୁତଲେ ଆଣ୍ଡାଦୁ □
- ୫ ଲଦାଆଁତାକି ମୀରୁ ହାହେକା ଜାଡ଼ନ୍ତୁତି
ନାମୁତଲେ ନେହଁ ଗୁଣ୍ଡୁ, ଅଡ଼େ ସାତା ଗୁଣ୍ଡୁତଲେ
ବୁଦି,
- ୬ ବୁଦିତଲେ ଆଲ୍‌ପାତି ଲକ୍‌ନାୟି, ଆଲ୍‌ପାତି
ଲକ୍‌ନାଣି ତଲେ ସାସା, ସାସାତଲେ ଦାମ୍‌ତି କାମା
କିନାୟି,
- ୭ ଦାମ୍‌ତି କାମାକିନାଣି ତଲେ ତାୟିୟାଲ୍
ଜୀସୁନନାୟି, ତାୟିୟାଲ୍ ଜୀସୁ ନନାଣି ତଲେ
ବାରେ ଲକୁଇଁ ଜୀସୁ ନନାଣି ଆଡ଼ଦୁ □
- ୮ ଇ ନେହଁ ଗୁଣ୍ଡୁୟା ମିଲେ ଲଡ଼ାମାନେ;
ଈ ବାରେ ମୀରୁ ବେଗାଆହାମାନି ପ୍ରବୁ ଜୀସୁ
ଜୀସୁତି ବୁଦି ମିଲେ ପାର୍‌ସାଡ଼ା ଅଡ଼େ ବାରେ ମେଡ଼ି
କିହାମାଞ୍ଜାନେ □
- ୯ ସାମା ଇ ବାରେ ଗୁଣ୍ଡୁ ଆମ୍ବାଆରି ତାଣା
ହିଲେଏ, ଏଞ୍ଜାସି ହେକ ମେସାଲି ଆଡ଼ାଆ
କାଣା ଆହାମାନେସି, ଅଡ଼େ ତାନି ନକେଏ କିତି
ବାରେ ପାପୁଟି ନରଞ୍ଜି ଆଡ଼ାଣି ଏଞ୍ଜାସି ବାଣ୍ଡି
ଆହାମାନେସି □
- ୧୦ ଲଦାଆଁତାକି, ଏ ତାୟି ତାଲିସ୍ତା, ମାହାପୁରୁ
ମିଲେ ଆଡ଼ାନା ହାହାମାଞ୍ଜାନାଣି ଅଡ଼େ ମନତି
ଅଣ୍ଡପୁ ତାରି କିହାଲି ହାହେକା ଜାଡ଼ନ୍ତୁ ଗାଗାତେରି
ଆଦୁ; ଇଲେ କିତିସାରେ ମୀରୁ ଏଚେଲା ଜିକେଏ
ମୀ ନାମୁତା ଡ଼ଣା ଆଅଡ଼େରି □

୧୧ ଇଞ୍ଜା ଇଲେକିହିଁଏ ମା ପ୍ରବୁ ଅଡେ ଗେଲ୍‌ପାନି ଜୀସୁ କ୍ରୀସ୍ତତି କାଲାକାଲାତି ରାଜିତା ରାହାତଲେ ହାଜାଲି ମିଙ୍ଗେ ହୀପକି ଆୟାନେ □

୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜେରି ଅଡେ ମୀରୁ ବେଟାଆହାମାନି ସାତାତା ନେହିଁକିଁ ତୀରି ଆହାମାଞ୍ଜେରି, ଆଡିଜିକେଏ ନାନୁ ଇ ବାରେ କାତା କାଲେଏ ମିଙ୍ଗେ ଅଣ୍ଡି କିଞ୍ଜିକିହାଲି ଜାଗ୍ରାତା ତୁୟିଇଁ □

୧୩ ନାନୁ ନୀତାମାନି ପାତେକା ଇ ବାରେ କାତା ତାକି ମିଙ୍ଗେ ସେଡନା କିହାଲି ନାନୁ କିନାୟି ମାନେ ଇଞ୍ଜିଁ ଅଣ୍ଡିମାଇଁ □

୧୪ ମା ପ୍ରବୁ ଜୀସୁ କ୍ରୀସ୍ତ ନାଙ୍ଗେ ଏନିକିଁ ଝେସାମାଞ୍ଜାନେସି, ଏଲେକିହିଁ ନାଙ୍ଗେ ଦାପେ ଇ ନା ଆଙ୍ଗା ଲେହେତି ତୁମ୍ବୁ ପିସାଲି ଆନେ,

୧୫ ଅଡେ ନା ହାଡି ତାୟୁ ଜିକେଏ ମୀରୁ ଏନିକିଁ ଇ ବାରେ କାତା କାଲେଏ ଅଣ୍ଡିପୁତା ଇତିଦେରି, ଇଦାଆଁତାକି ନାନୁ ଅଣ୍ଡିମାଇଁ □

କ୍ରୀସ୍ତତି ଗାଞ୍ଜୁରମି ମେସ୍ତାରି ସାକି

୧୬ ଇତିହିଁ ମାମ୍ବୁ ଏତିବେଲା ମା ପ୍ରବୁ ଜୀସୁ କ୍ରୀସ୍ତତି ବାଡୁୟୁ ଅଡେ ଝାହିମାନି କାତା ମିଙ୍ଗେ ପୁଣ୍ଡି କିୟାତମି, ଏତିବେଲା ଏନି ସୁତୁମି ତଲେ କେପିତି ପୁସପନିକା ଆସା ହିଲାଆତମି, ସାମା ତାନି ଗାଞ୍ଜୁରମିତି କାଣ୍ଡା ତଲେ ମେସ୍ତା ସାକିୟା ଆହାମାତମି □

୧୭ ଏତିବେଲା କାଜା ଗାଞ୍ଜୁରମିତି ଏଞ୍ଜାଣାକି ଇ ହାଡା ଝାଡେ, ଏତିବେଲା ମାମ୍ବୁ ଏମ୍ବାଆଁ ମାତମି, “ଇଞ୍ଜାସି ନା ଜୀସୁତି ମୀରୁଏସି ଇଞ୍ଜାଣି ତାଟେଏ ନା ହାରେକା ରାହା ମାନେ □” ଏତିବେଲା ଏଞ୍ଜାସି ଆବା ମାହାପୁରୁ ତାଣାଟି ସାମ୍ବୁମି ଅଡେ ଗାଞ୍ଜୁରମି ବେଟାଆଡେସି;

୧୮ ମାମ୍ବୁ ତାନିତଲେ ଏ ସୁବୁ ହରୁ ଲାକ ମାତିବେଲାତା ମାମ୍ବୁ ହାଗୁ ଲାକଟି ଝେଙ୍ଗିତି ଇ ହାଡା ଝେଞ୍ଜାମାନମି □

୧୯ ଏମ୍ବାଆଁ ମାହାପୁରୁ ଅଣ୍ଡିପୁତି ବଲୁ ଝେକ୍‌ନାରି ଝେକ୍‌ହାମାଟି ମାହାପୁରୁ ଅଣ୍ଡିପୁତି ବଲୁ ମାଙ୍ଗେତାକି ହାରେକା ଆଟ୍‌ଞ୍ଜା ଆଡେ; ମୀରୁ ଏଦାଆଁ ଆନ୍ଦେରିତା ଡଞ୍ଜାମାନି ଦୀଞ୍ଜିଁ ଲେହେଁ ଅଣ୍ଡିପାନା ଲାଆଁ ଝେୟାଆ ପାତେକା ମୀ ହିୟାତା ଝେୟାଜାରା ହୁକା ହୁଆ ପାତେକା ଏଦାଣି ମନ୍ ହାଡିହିଁ ନେହେଁ ଆନେ □

୨୦ ମୀରୁ ବାରେତି କିହାଁ ତଲିଏ ଇଦାଆଁ ପୁଞ୍ଜୁ, ଦାମ୍ବୁ ପତିତା ରାସକି ଆହାମାନି ମାହାପୁରୁ ବଲୁତି ଜାହାରା ବୁଦିତଲେ ତେଲ୍‌ହାଲି ଆଡାଆୟି □

୨୧ ଇତିହିଁ ଆମିନି ମାହାପୁରୁ ଅଣ୍ଡିପୁତି ବଲୁ ଝେକ୍‌ନାରି ଝାଞ୍ଜୁ ତାମ୍ବୁ ମାଣ୍ଡିସି ଅଣ୍ଡିପୁତି ଆମ୍ବାଆସି ଜିକେଏ ଝେକ୍‌ହା ହିଲଅରି, ସାମା

ମାହାପୁରୁ ପାଣ୍ଡିତି ମାଣ୍ଡିସିୟା ସୁବୁଜୀଞ୍ଜୁଟି ସାଲ୍‌ଞ୍ଜି ଆହାନା ଏଞ୍ଜାରି ଅଣ୍ଡିପୁତି ବଲୁ ଝେସାମାତେରି □

୨

ମିତି ଜାପ୍‌ନାରି

୧ ସାମା ଲକୁ ତାଣାଟି ମିତି ମାହାପୁରୁ ବଲୁ ଝେକ୍‌ନାରି ହଡେରି; ଏଲେକିହିଁଏ ମୀ ବିତ୍ରାଟି ମିତି ଜାପ୍‌ନାରି ହନେରି; ଏଞ୍ଜାରି ନାସା ଆନିଲେହେଁତି ନାଡିକିନି ଅଣ୍ଡିପୁ, ତୁଗୁନା ଝେକ୍‌ହାନା ଏଞ୍ଜାରାଇଁ କତାମାନି ପ୍ରବୁଇଁ ଜିକେଏ ପୁଞ୍ଜାହିଲଅମି ଇନେରି, ଅଡେ ଜାହାରାଇଁ ଦେବୁଣିଏ ନାସା କିୟାନେରି □

୨ ଅଡେ ହାରେକା ଲକୁ ଏଞ୍ଜାରି ଲାଗେଏ କାମାତି କେଡ ହାନେରି, ଇଞ୍ଜା ଇଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନେ □

୩ ଏଞ୍ଜାରି ଦନ୍ ଜୁପ୍‌କାତାକି ମିତି ଜାପ୍‌ହାନା ମୀ ତାଣାଟି ତାବୁୟା ଲାବା ବେଟାଆହାଲି ଅଣ୍ଡିନେରି, ଏଞ୍ଜାରି ତଣ୍ଡୁ ତଲି କାଲାଟିଏ ଆହିମାନେ ଅଡେ ହାରେକା ଦିନାଟିଏ ମାହାପୁରୁ ଏଞ୍ଜାରାଇଁ ବିଚାରା କିହାମାନେସି, ଏଞ୍ଜାରି ନାସା ଆନାୟି ଝାଡେୟିଏ □

୪ ଇତିହିଁ ମାହାପୁରୁ ପାପୁ କିତି ଦୁତୁୟାଁଇଁ ପିହ୍‌ଆନା ହିରୁ ଗାଡୁୟୁତା ମେଡହା ମାନେସି, ଏମ୍ବାଆଁ ଏଞ୍ଜାସିକା ନାହାୟି ଆନି ଦିନା ପାତେକା ଆନ୍ଦେରି ଗାଡୁୟୁତା ଇଟାମାନେସି □

୫ ମାହାପୁରୁ ପୁଞ୍ଜଇ ଦାରତିତି ଜିକେଏ ପିସାହିଲଅସି, ସାମା ଦାମ୍ବୁ କାତା ଝେକ୍‌ନି ନହ ଇଞ୍ଜା ତାନିତଲେ ସାତା ଜାଣାଇଁ ଗେଲ୍‌ପାନା ପାପୁତି ଦାରତିତି ଏୟୁତଲେ ବୀଡ଼ଞ୍ଜି କିଡେସି;

୬ ଏଞ୍ଜାସି ସଦମ ଅଡେ ଗମରା ଗାଡାଡି ଦାରମ୍ବୁ ମ୍ବୁପ୍‌ହାନା ନାସା କିହାଲି ତଣ୍ଡୁତି ହୁକୁମି ହୀଡେସି ଅଡେ ଏଞ୍ଜାରାଇଁ ତାୟୁ କାଲାତି ଦାମ୍ବୁ ହିଲାଆଗାଟାରି ପୁଣ୍ଡିକିନିଲେହେଁ କିଡେସି □

୭ ଅଡେ ପାପୁ ଦହଗାଟି ଲକୁତି ଲାଗେଏ ପଲେଏ କାମାଟି ହେକ ଆହାମାନି ଦାମ୍ବୁଗାଟି ଲଟଇଁ ମାହାପୁରୁ ଗେଲ୍‌ପିଡେସି,

୮ ଏ ଦାମ୍ବୁଗାଟାସି ଏଞ୍ଜାରିତଲେ ବାସା କିହାଁ ଏଞ୍ଜାରି ଲାଗେଏତି କାମା ମେସା ଅଡେ ଝେଞ୍ଜାନା ଦିନମି ତାକି ଦିନମି ଦାମ୍ବୁଗାଟାସି ଆହାନା ହାରେକା ଦୁକୁ ବେଟାଆହିମାତେସି □

୯ ଇଲେକିହିଁଏ ପ୍ରବୁ ଦାମ୍ବୁଗାଟାରାଇଁ ତାୟିପାରି କିନି ତାଣାଟି ଗେଲ୍‌ପାଲି ଇତିହିଁ ଦାମ୍ବୁ ହିଲାଆଗାଟାରାଇଁ, ଆମ୍ବାଆରି ଆଙ୍ଗାତି ଲାଗେଏତି କାମାତା ସାଲ୍‌ଞ୍ଜି ଆହାନା ପ୍ରବୁଇଁ ମାନି କିଅରି, ଏଞ୍ଜାରାଇଁ ବିଚାରା ଦିନାତି ତଣ୍ଡୁ ତାକି ଇଟାଲି ପୁଞ୍ଜାମାନେସି □

☆ ୧:୧୭ ୧:୧୭ ମାତି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

୧୦ ଇତିହାସ ଆମ୍ଭାଧାରୀ ମାହାପୁରୁଷ ଅଦିକାରୀତ ହାଣି କିହାନା ଜାହାରା ଆଜ୍ଞାତ ଜୁପକାତା ତୁୟମାନେରି, ଏଞ୍ଜାରି ଏ କାଜା ନୀହାୟି ଦିନା ପାତେକା ଏନିକି ତଣ୍ଡ ହାହାନା ଇଟାଲି ଆନେ
 □ ଏ ମିତି ଜାପ୍ନାରି ଆଜାଆ ଗାଟାରି, ଏଞ୍ଜାରି ଲାକପୁରୁ ଗାଞ୍ଜୁରମି ଗାଟାରିଇଁ ମାନି କିଆନା ଏଞ୍ଜାରିଇଁ ଲାଜା କିହିମାଞ୍ଜେରି □

୧୧ ଆଡ଼ିଜିକେଏ ହାରେକା ବାଡ଼ୁୟୁ ଅଡ଼େ କାଜାପାଣା ବେଟାଆହାମାନି ଦୁତୁୟା ପୁରୁ ନକିତା ଏଞ୍ଜାରି କପାଟି ନିଜ୍ଞାନା ନିନ୍ଦାକିହି ବିଚାରା କିଅରି □

୧୨ ସାମା ଇଞ୍ଜାରି ବୁଦି ହିଲାଆ ଜନ୍ତୁ ଲେହେତାରି, ଏଞ୍ଜାରିଲେହେଁ ଇ ମିତି ଜାପ୍ନାରି ଜିକେଏ, ଏନାଆଁ ଏଞ୍ଜାରି ପୁଞ୍ଜାଲି ଆଡ଼ଅରି ଏଦାଆଁ ଏଞ୍ଜାରି ନିନ୍ଦା କିନେରି, ସାମା ଏଞ୍ଜାରି ଜାଡ଼ାତି ଜନ୍ତୁ ଲେହେଁ ନାସା ଆନେରି,

୧୩ ଏଞ୍ଜାରି ଲାଗେଏତି କାମା କିହାମାଟିସାରେ ଲାଗେଏ କମାଟି ପାଡ଼େୟି ବେଟାଆନେରି □ ଏନାୟି ଏଞ୍ଜାରି ଆଜ୍ଞା ତାକି ନେହେଁ ହନେ, ଏଦାଆଁ ଏଞ୍ଜାରି ମାଦେନା କିହାନା ରାହାଁ ବେଟାଆନେରି □ ଏଞ୍ଜାରି ଜାହାରା ନାଡ଼ି କିଞ୍ଜିଆନି କାମାତା ରାହାଁ କିହିଁ ମୀ ତଲେ ତିଞ୍ଜାଲି କୁଡ଼ା ଆନେରି □

୧୪ ଏଞ୍ଜାରି କାଣ୍ଡକା ଦାରି କାମାତା ନେଞ୍ଜା ତୁୟିନୁ, ପାପୁ ପିସାଲି ମନ କିଅରି, ଏଞ୍ଜାରି ତିକିତାକାଗାଟି ହାରେକା ଲକୁଇଁ ଜୁପକା ତହୁନେରି, ଏଞ୍ଜାରି ହିୟାଁ ଦନ୍ତତି ଜୁପକାତା ତୁୟିନେ, ଏଞ୍ଜାରି ବାରେ ବାକା ବେଟାଆନାରି □

୧୫ ଆମ୍ଭାଧାରୀ ଲାଗେଏତି ବାଡ଼କୁ ଜୁପକାତି ଜୀଞ୍ଜୁ ନନି ବିୟରା ମୀରୁଏସି ବିଲିୟମତି ଜେତ ଜେତ ହାଚେସି ଅଡ଼େ ସାତା ଜିରୁ ପିସାନା ଲାଗେଏ ଜିରୁ ହାଚେସି □

୧୬ ସାମା ଏଞ୍ଜାସି ତାନି କିତି ଦହତାକି ଲାଗି ବେଟାଆଡ଼େସି, ଇଞ୍ଜା ର ଜଲ୍ଲାଲି ଆଆଗାଟି ଗାଡ଼ଦେ ମାଣ୍ଡସି ହାଡ଼ାତଲେ ଜଲ୍ଲାହାଁ ମାହାପୁରୁ ଅଣ୍ଡପୁତି ବଲୁ ଖେହ୍ନି ତାଣାଟିଏ ସାପି କିତେ □

୧୭ ଇ ମିତି ଜାପ୍ନାରି ଏୟୁ ଖାୟିତି ଜାରଣା ଲେହେତାରି ଅଡ଼େ କାଜା ଗାଲିତା ଉମ୍ବିନି ହାଗୁ ଲେହେତାରି, ମାହାପୁରୁ ଏଞ୍ଜାରିକି ହାରେଏ ଆନ୍ଦେରିଗାଟି ଟାୟୁ ଇଟାମାନେସି □

୧୮ ଇତିହାସ ଏଞ୍ଜାରି ଉଜେଏତି ବଡ଼ପଣତି ତାହାରା କାତାୟାଁ ଖେହ୍ନେରି ଇଞ୍ଜା ନାଡ଼ିକିନି ମାଣ୍ଡକିଗାଟି ଲକୁ ତାଣାଟି ଗେଲ୍ପି ଆହାମାନି ଲକୁଣି, ତାମି ଆଜ୍ଞାତ ଜୁପକାଟି କାମା କିହାନା ପାନ୍ଦାତା ମେଡ଼ନେରି;

୧୯ ଏଞ୍ଜାରି ଏଞ୍ଜାରିଇଁ ମେଲା ଆହାନା ମାଞ୍ଜାଲି ଆଡ଼ିଦେରି ଇଞ୍ଜା ଆଞ୍ଜିନେରି, ସାମା ଏଞ୍ଜାରି ତାମ୍ବୁ ନାସା କିଞ୍ଜିକିନି କାମାଟି ହଲିୟାଜ୍ଞା

ଆନେରି; ଏନାଆଁତାକି ଇତିହାସ ଆମ୍ଭାଧାରୀ ଆମ୍ଭାଧାରୀ ତାଣା ହାରିଞ୍ଜି ଆନେସି ଏଞ୍ଜାସି ଏମ୍ବାତି ହଲେଏସି ଆନେସି □

୨୦ ଇତିହାସ ଏଞ୍ଜାରି ପୁରୁ ଅଡ଼େ ଗେଲ୍ପିନି ଜୀସୁ କ୍ରୀସ୍ତତି ବୁଦିତଲେ ଦାରତିତି ଲାଗେଏତି ତାଣାଟି ଗେଲ୍ପି ଆହାନା ଖେଣ୍ଡେ ଏମ୍ବାତି ପାନ୍ଦାତା ଦସ୍ପି ଆହାନା ହାରିଞ୍ଜି ଆନେରି, ଆଡ଼ିହିଁ ଏଞ୍ଜାରିକି ତଲିତି ତଣ୍ଡ କିହାଁ ତାୟୁତି ତଣ୍ଡ ହାରେକା କସ୍ତୁଗାଟାୟି ଆନେ □

୨୧ ଇତିହାସ ଦାମ୍ବୁତି ଜିରୁ ପୁଞ୍ଜାନା ଏଞ୍ଜାରିକି ହେରପି ଆହାମାନି ସୁଦୁ ହୁକୁମି ପିହିନି କିହାଁ ଏଦାଆଁ ଏଚେଲାଞ୍ଜା ପୁଞ୍ଜାହିଲାଆଡ଼ିହିଁ ନେହିଁ ଆଡ଼େମା □

୨୨ “ନେଃଉଡ଼ି ତାନୁ କାକ୍ଞାନା ଖେଣ୍ଡେ ତିଞ୍ଜାଲି ଇଞ୍ଜା ନରଞ୍ଜି ଆହାମାନି ପାଜି ଅଡ଼େ ଖେଣ୍ଡେ ଲାଦିତା ତେରମାଲି ହାନେ” ଏଞ୍ଜାରିକି ଏ ଖେକ୍ଞାମାନି ସାତା କାତା ଏଞ୍ଜାରିକି ଆହାମାନେ □

୩

ପୁରୁ ଖେଣ୍ଡେ ଖାନ୍ତି ଦିନା

୧ ଏ ଜୀଞ୍ଜୁତି ତାୟି ତାଜିସ୍ତା, ନାନୁ ନୀଏଁ ମୀ ତାଣା ଇ ରୀ ଲମ୍ବର ଆକୁ ରାଡ଼ିମାଲ୍, ଇଦାଆଁତାକି ଇ ରୀ ଆକୁତା ନାନୁ ମିଙ୍ଗେ ଏ ବାରେ ଅଣ୍ଡପି କିହାନା ମୀ ସୁଦୁ ମନତି ପାଡ଼ିକିହାଲି ଅଣ୍ଡପିମାଲ୍ □

୨ ମୀରୁ ଏନିକି ସୁଦୁଗାଟି ମାହାପୁରୁ ଅଣ୍ଡପୁତି ବଲୁ ଖେହ୍ନାରି ତାଣାଟି ତଲି କାଲ୍ଲାତା ଖେସାମାନି ବାରେ ବଲୁ ଇଞ୍ଜା ପାଣ୍ଡୁଞ୍ଜି ଆହାମାନାରି ତାଣାଟି ଖେସ୍ପିଆହାମାନି ପୁରୁ ଇଞ୍ଜା ଗେଲ୍ପିପାନାଣା ହୁକୁମି ଅଣ୍ଡପୁତା ଇଟାଦୁ □

୩ *ତଲିଏ ମୀରୁ ଇ କାତା ପୁଞ୍ଜୁ, ଇ ରାନ୍ତି ବେଲାତା ଏଚରଜାଣା ତାମି ଲାଗେଏ ପଲେଏ କାମା ତଲେ ତାକିନେରି; ଏଞ୍ଜାରି ମିଙ୍ଗେ ଲାଜା କିୟାନେରି □

୪ ଏ ଲାଜା କିୟାନାରି ଖାହାନା ଏଞ୍ଜାରି ମିଙ୍ଗେ ଲାଜାକିହିଁ ଏଲେଇଞ୍ଜାନେରି “ଜୀସୁ ଖେଣ୍ଡେ ଖାଲ୍ ଇଞ୍ଜା ଖେସାମାଞ୍ଜାତେସି ଆଡ଼ିହିଁ ଏଞ୍ଜାସି ଏଚେଲା ଖାନ୍ତେସି ? ଇତିହିଁ ମା ଆକୁ ଆବାୟାଁ ହାଡ଼ି ଦିନାଟିଏ ନୀଏଁ ପାତେକା ବାରେ ଦାରତିତି ଗାଡ଼ି ଆଡ଼ି ଦିନାଟିଏ ଏନିକି ମାତେ, ଏଲେକିହିଁଏ ନୀଏଁ ଜିକେଏ ତୁୟାମାନେ □”

୫ ଏଞ୍ଜାରି ପୁଞ୍ଜା ପୁଞ୍ଜାନା ବାଣ୍ଡି ଆନେରି, ତଲି କାଲ୍ଲାତା ମାହାପୁରୁ ହୁକୁମି ହୀତେସି ଅଡ଼େ ହାଗୁପାକା ଅଡ଼େ ଦାରତି ଗାଡ଼ି ଆଡ଼େ ଅଡ଼େ ଦାରତି ଏୟୁ ତାଣାଟି ଏୟୁ ଗୁରଚାନା ଗାଡ଼ି ଆଡ଼େ □

* ୩:୩ ୩:୩ ଜୀହୁଦା ୧:୧୮

୭ ଅତ୍ତେ, ଏଞ୍ଜାଣି ତାଣାଟି ଏ ତଲି କାଳାତି ଦାରତି ଏୟୁତଲେ ନାସା ଆଡେ;

୭ ସାମା ନୀର୍ଦ୍ଦିତ ହାଗୁପାକା ଅତ୍ତେ ଦାରତି ଏ ମାହାପୁରୁତି ବଲୁ ତଲେ ଲାଗେଏ ପଲେଏତି ଲକୁତି ନାହାଁୟି ଅତ୍ତେ ନାସାତି ଦିନା ପାତେକା କୁଡି ଆହାନା ହିରୁତା ହୁତାଲି ଇଚ୍ଚି ଆହାମାନେ □

୮ ସାମା ଏ ଜୀଞ୍ଜୁତି ତାୟି ତାଜିସ୍ତା, ମାହାପୁରୁ ନକିତା ର ଦିନା ର ମାଣା ବାର୍ଯା ସମାନା ଅତ୍ତେ ର ମାଣା ବାର୍ଯା ର ଦିନା ସମାନା; ଇ କାତାତି ଏଚେଲା ବାଣା ଆଆବୁ □

୯ ହାରେକା ଲକୁ ପ୍ରୁ ଶ୍ରେଣ୍ଡେ ଖାନି ଦିନା ମାନେୟିଏ ଇଞ୍ଜୁ ଅଶ୍ପିନେରି, ସାମା ପ୍ରୁ ତାନୁ ଏଲେଇଞ୍ଜା ମାନାଣି ଏଚେଲାଞ୍ଜା ଶ୍ରେଡା କିଅସି; ଏନିକ୍ତି ଆମ୍ବାଆରି ନାସା ଆଅରି, ସାମା ବାରେଜାଣା ମନ ଶ୍ରେଟ୍ଟହା କଡିନେରି; ଇଦାଆଁ ଅଶ୍ପିନା ଏଞ୍ଜାସି ମୀ ତାକି କାର୍ମା ମେସି ମାଞ୍ଜାନେସି □

୧୦ *ମାହାପୁରୁ ଖାନି ଦିନା ର ସରୁ ଖାନି ଲେହେଁ ଖାନେ, ଏ ଦିନା ହାଗୁପାକା କାଜା ହାଡାତଲେ ମେଶ୍ଟାହାନେ, ଅତ୍ତେ ଦାରତିତା ମାନି ବାରେ ଦିଶ୍ପୁ ଗାତି ଶ୍ରେସାନା ରୁୟାହାନୁ, ଇଞ୍ଜା ଦାରତି ଅତ୍ତେ ଏମ୍ବାଆଁ ମାନି ଆସ୍ତି ବାରେ ହିରୁତା ଡଞ୍ଜାହାନେ □

୧୧ ଇ ବାରେ ଇଲେଆହୁଁ ମେଶ୍ଟାହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡଞ୍ଜାହାଁ ମେଶ୍ଟାହାନେ ଅତ୍ତେ ଦାରତିତି ବାରେ ଦିଶ୍ପୁ ହାରେକା ଶ୍ରେସାନା ରୁୟାହାନେ,

୧୨ ପ୍ରୁ ଖାନି ଦିନା କାପୁ କାଡାଡୟିନି ଲକୁ, ଏଡି ଏନିକ୍ତି ତବେ ଖାନେ, ଇଦାଆଁତାକି ମୀରୁ ଜାଗ୍ରାତା ଆବୁ, ଏ ଦିନା ହାଗୁଲକ ମାନି ଶ୍ରେଡା ଲେଞ୍ଜୁ ହୁକାୟା ଶ୍ରେସାହାନାକି ଖିରଲାହାନୁ □

୧୩ *ମୀର ମାହାପୁରୁ ଆଞ୍ଜାମାନି ଲେହେଁ ର ପୁଃନି ହାଗୁପାକା ଅତ୍ତେ ପୁଃନି ଦାରତିଇଁ କାଡାମାନାୟି, ଆମିନି ଗାଗାୟି ଦାମ୍ବୁତଲେ ବାସାଆନି ଚାୟୁ ଆନେ □

୧୪ ଇଦାଆଁତାକି ଏ ଜୀଞ୍ଜୁତି ତାୟି ତାଜିସ୍ତା, ମୀରୁ ଇ ବାରେ କାଡିମାନାକି ମାହାପୁରୁ ନକିତା ଏନିକ୍ତି ପାପୁ ହିଲାଆଗାଟାତେରି ଅତ୍ତେ ଦହ ହିଲାଆଗାଟାତେରି ଆହାଁ ହିଡଡି ତଲେ ମାନାତେରି ଆହୁଁ ତଞ୍ଜା ଆଦେରି, ଏଦାଆଁତାକି ଜାଡନୁ ତଲେ ମାଞ୍ଜୁ;

୧୫ ଅତ୍ତେ, ମା ପ୍ରୁବୁତି ହାରେକା ଅରୁହିନାୟି ଗେଲପାନାୟି ଇଞ୍ଜୁ ଅଶ୍ପିପାଦୁ, ମା ଜୀଞ୍ଜୁତି ତାୟି ପାଞ୍ଜୁଲ ଜିକେଏ ମାହାପୁରୁ ହୀହାମାନି ରୁଦିତଲେ ମିଜେତାକି ଏଲେକ୍ତି ରାଡା ମାଞ୍ଜାନେସି □

୧୬ ଏଞ୍ଜାସି ତାନି ରାଡାମାନି ବାରେ ଆକୁତା ଇ ବାରେ କାତା ରାଡାନା ଏଲେକ୍ତି ଶ୍ରେସାମାନେସି; ଏ ବାରେ ଆକୁତା ଏଚେକା କାତା ମାନେ, ଏମିନିଗାଟାଣି ତେଲହାଲି ଆଡାଆୟି, ଇଞ୍ଜା ପୁନାଆଗାଟି ଇତାଲା ଆତାଲା ଅଶ୍ପିପାଗାଟି ଲକୁ, ତାମ୍ବୁ ନାସା ଆୟାଲି ଏଚ୍ଚକାତି ସାସ୍ତେରିତା ଏନିକ୍ତି ରାସ୍ତି ଆହାମାନେ, ଏ ବାରେ ତାଣା ଜିକେଏ ଏଲେକ୍ତି ଉଜେଏତି କାତା ଶ୍ରେହ୍ନେରି □

୧୭ ସାମା ଜୀଞ୍ଜୁତି ତାୟି ତାଜିସ୍ତାତେରି, ମୀରୁ ଇଦାଆଁ ବାରେ ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି ଜାଗ୍ରାତା, ଏନିକ୍ତି କିଲିବିଲି କିନି ଲକୁ ତାଣାଟି ନାଡି କିଞ୍ଜି ଆଆନା ମୀରୁ ଆଚ୍ଚା ନାମୁତା ଉଣା ଆଅତେରି □

୧୮ ସାମା ମା ପ୍ରୁ ଅତ୍ତେ ଗେଲପାନି ଜୀସୁ କ୍ରୀସ୍ତୁତି କାର୍ମା ଅତ୍ତେ ରୁଦିତା ପାଡାଆବୁ □ ଏଞ୍ଜାଣାକି ନୀର୍ଦ୍ଦି ଅତ୍ତେ କାଳାକାଳାତାକି ଗାଞ୍ଜୁରିମି ଆପେ □ ଆନେନ୍ □

* ୩:୧୦ ୩:୧୦ ମାଡି ୨୪:୪୩; ଲୁକ ୧୨:୩୯; ୧ତେସ ୫:୨; ଶ୍ରେ ବଲୁ ୧୭:୧୫ * ୩:୧୩ ୩:୧୩ ଶ୍ରେ ବଲୁ ୨୧:୧

ଯୋହନଙ୍କ ପ୍ରଥମ ପତ୍ର ଜହନ ରାଫାମାନି ର ଲମ୍ବର ଆକୁ ମୂଲ୍ୟ ହାତୀ

ଜହନ ରାଫାମାନି ର ଲମ୍ବର ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଚିଏ ୧୦୦ ବାର୍ଷା ତାମ୍ବୁ ପାଣ୍ଡୁଆହାମାନି ଜହନ ରାଫାମାନେସି । ଜହନ ଜାହାରାଲ୍ ଇ ଆକୁତି ରାଫାମାଲ୍ ଇଞ୍ଜି ଖେସି ହିଲଅସି, ସାମା ଜହନ ତଲିତି ଆକୁତା ଏଝାସି ଜୀସୁ କ୍ରୀସ୍ତୁତି ନୀତାମାଚାଣି ଅଡ଼େ ହାହାନା ଖେଣ୍ଡେ ନିଜିତାଣି କାନୁ ତଲେ ମେସାମାନମି ଇଞ୍ଜି ସାକି ହାହିମାନେସି ୧:୧-୩ । ଜହନତି ର ଲମ୍ବର ପତି ଅଡ଼େ ଜହନ ରାଫାମାନି ନେହ୍ କାବୁତି କାତା ରଣ୍ଡିଏ ସମାନା ଲେହେଁ ଆହିମାନେ । ଏତିରେଲାତା ଏଝାସି ଏପିସିୟ ଗାଡ଼ାତା ମାଚେସି ଏମ୍ବାଆଁ ଏଝାସି ଜହନ ରାଫାମାନି ନେହ୍ କାବୁ ଅଡ଼େ ଜହନ ର ଲମ୍ବର ଆକୁ, ଜହନ ରା ଲମ୍ବର ଆକୁ, ତାନି ଲମ୍ବର ଆକୁ ରାଫାମାନେସି ଇଞ୍ଜି ନାମିମାନେରି ।

ବୁଦିଗାଟାମି ଇଞ୍ଜାକତିମାନି ର ଗତିତି ଲକୁ ତାଣ୍ଡାଟି କୁଲମି କସ୍ତ ବେଗାଆହି ମାଚାଟି ଜହନ କ୍ରୀସ୍ତାନା ଲକୁକି ଇ ଆକୁ ରାଫାମାନେସି । ଏଝାରି ନାମୁ ଜୀସୁ ସାତେଏ ମାହାପୁରୁ ମାଚେସି ସାମା ଦାରତିତା ମାଚିବେଲାତା ଏଝାସି ଉଞ୍ଜା ଅଡ଼େ ନେତେରିତି ମାଣ୍ଡି ହିଲାଆତେସି । ଜହନ ଜୀସୁ କ୍ରୀସ୍ତୁଲ୍ କାନୁ ତଲେ ମେସାମାନି ସାକି ଅଡ଼େ ତାନି କେନ୍ଦୁ ଏଝାଣାଲ୍ ତୀଗାମାନାକି ଏଝାସି ଇଦାଆଁ ରାଫାମାନେସି, ୧:୧-୩ । ଜହନ ଇ ଆକୁତି ରାଫାମାନି କାତା ଆହିମାନେ ତାନି ରାହାଁତି ହାରେପୁରେ କିନାୟି ୧ଜହ ୧:୪ ଅଡ଼େ ନାମୁ ଗାଟାରାଲ୍ ପାପୁ ପିସାଲି ତାକି ୧ଜହ ୨:୧ ଅଡ଼େ ମିଚି ଜାପୁନାରି ତାଣ୍ଡାଟି ନାମୁ ଗାଟାରାଲ୍ ଗେଲ୍ପାଲି ୧ଜହ ୨:୨୬ ନାମୁ ଗାଟାରାଲ୍ ଗେଲ୍ପି ଆହାମାଞ୍ଜେରି ଇଞ୍ଜାଲି ୫:୧୩ ।

ପତିତା ମାନାୟି

- ୧ ଆକୁତି ପୁଣ୍ଡିକିନାୟି ଅଡ଼େ ରାଫାମାନି କାତା ଖେହ୍ନାୟି । ୧:୧-୪
- ୨ ମାହାପୁରୁ ଏନିକ୍ ଉଜେଡ଼ି ଅଡ଼େ ଜୀସୁ ଲେହେଁ ନୀତାଲି ଖେସାମାନେସି । ୧:୫-୩:୧୦
- ୩ ରଅସି ରଅଣାଲ୍ ଜୀସୁ ନନାଣି ଖେଣ୍ଡେ ଅଣ୍ଡି କିନାୟି । ୩:୧୧-୫:୧୨
- ୪ ଆକୁତି ରାପୁନାୟି । ୫:୧୩-୨୧

ଜୀସୁତି ବଲୁ

୧ ☆ ମୂଲ୍ୟ ଏ ଆମ୍ବାଆସି ମାଚେସି, ମାମ୍ବୁ ଏଝାଣି ବଲୁ ଖେଞ୍ଜାମାନମି, ଆମ୍ବାଆରାଲ୍ ମା କାନୁ ତଲେ ମେସାମାନମି, ଆମ୍ବାଆରାଲ୍ ନେହିକ୍ ସିନିକିହା ମାନମି ଅଡ଼େ ମା କେନ୍ଦାତଲେ ତୀଗାମାନମି, ଏ ଜୀସୁଲେହେଁତି ବଲୁତି କାତା ଖେସିମାଞ୍ଜାନମି ।

୨ ☆ ଏ ଜୀସୁ ତଞ୍ଜାଆଡ଼େ, ଇଞ୍ଜା ମାମ୍ବୁ ମେସୁମି ଅଡ଼େ ସାକି ହାହିମାଞ୍ଜାନମି; ଆମିନି କାଲାକାଲାତି ସୁଦୁଜୀସୁ ଆବା ତଲେ ମାଚେ, ଅଡ଼େ ମା ତାଣ୍ଡା ତଞ୍ଜାଆଡ଼େସି ଏଝାଣି କାତା ମିଙ୍ଗେ ଖେସିମାଞ୍ଜାନମି ।

୩ ମାମ୍ବୁ ଏନାଆଁ ମେସାମାନମି ଅଡ଼େ ଖେଞ୍ଜାମାନମି, ଏଦାଆଁ ମିଙ୍ଗେ ଜିକେଏ ଖେସିମାଞ୍ଜାନମି, ଏନିକ୍ ମୀରୁ ଜିକେଏ ମା ତଲେ ଆଣ୍ଡାଲି ଆଡ଼ାଦେରି; ଅଡ଼େ ମା ଆଣ୍ଡାମାନାୟି ଆବା ଅଡ଼େ ତାନି ମୀରୁଏଣା ଜୀସୁ କ୍ରୀସ୍ତୁ ତଲେ ମାନେ ।

୪ ମା ରାହାଁ ଏନିକ୍ ହାରେ ପୁରେ ଆନେ ଇଦାଣିତାକି ଇ ବାରେ ମାମ୍ବୁ ରାଫାମାଞ୍ଜାନମି ।

ମାହାପୁରୁ ଉଜେଡ଼ି

୫ ମାମ୍ବୁ ଏଝାଣି ତାଣ୍ଡାଟି ଆମିନି କାବୁ ଖେଞ୍ଜାମାନମି, ଅଡ଼େ ଖେସିମାଞ୍ଜାନମି, ଏ କାବୁ ଇଦି, ମାହାପୁରୁ ଉଜେଡ଼ି, ତାନି ତାଣ୍ଡା ଆନେରି ହିଲ୍ପୁଏ ହିଲେଏ ।

୬ ମାମ୍ବୁ ଆନେରିତା ମାଞ୍ଜାନା ମାହାପୁରୁ ତଲେ ଆଣ୍ଡୁଆହା ମାନାୟି ଇଞ୍ଜି ଖେସିହ୍, ମାର ମିଚି ଖେହ୍ନାତାୟି, ଅଡ଼େ ମାର ସାତା ତଲେ ତାକିହିଲାଆୟି ।

୭ ସାମା ଏଝାସି ଏନିକ୍ ଉଜେଡ଼ିତା ବାସା ଆହାମାନେସି, ମାର ଜିକେଏ ଏଲେକିହ୍ ଏ ଉଜେଡ଼ିତା ତାକିନାୟି, ଆତିହ୍ ମାର ରଅସି ରଅଣି ତଲେ ଆଣ୍ଡୁଆନାୟି ମାନେ, ଅଡ଼େ ତାନି ମୀରୁଏଣା ଜୀସୁ ନେତେରି ମା ବାରେ ପାପୁତି ନରହାନେ ।

୮ ମା ତାଣ୍ଡା ପାପୁ ହିଲେଏ ଇଞ୍ଜି ଖେହ୍ନାୟି, ଆତିହ୍ ମାର ମାଞ୍ଜେଏ ନାଡ଼ି କିହାକତିମାନାୟି, ଅଡ଼େ ମା ତାଣ୍ଡା ସାତା ହିଲେଏ ।

୯ ସାମା ମାମ୍ବୁ ପାପୁ କିହାମାନମି ଇଞ୍ଜି ମାହାପୁରୁ ନକିତା ଖେହ୍ନାୟି, ଆତିହ୍ ଏଝାସି ମା ପାପୁ ବାରେ ମ୍ବୁକ୍ହାଲି ଅଡ଼େ ବାରେ ଲାଗେଏ ପଲେଏ ତାଣ୍ଡାଟି ଅଟ୍ହାଲି ନାମୁ ଅଡ଼େ ତୀରିଗାଟାସି ।

୧୦ ମାର ପାପୁ କିହା ହିଲାଆୟି ଇଞ୍ଜି ଇନାୟି, ଆତିହ୍ ମାର ମାହାପୁରୁଲ୍ ମିଚି ଗାଟାସି କିହିମାନାୟି, ଅଡ଼େ ତାନି ବଲୁ ମା ତାଣ୍ଡା ହିଲେଏ ।

୨

କ୍ରୀସ୍ତ ଗେଲପାନାସି

୧ ଏ ନା ମାରକା ମାସକାତେରି ମୀରୁ ଏନିକି ପାପୁ କିଅତେରି, ଇଦାଆଁତାକି ଇ ବାରେ ମୀ ତାଣା ରାଡ଼ିମାଞ୍ଜାଇଁ । ସାମା ଆମ୍ବାଆସି ପାପୁ କିନେସି, ଆଡିହୁଁ ମା ଖାକି ଆହାନା ଆବା ତାଣା ବାଡ଼ିମାଲିନାସି ରଅସି ମାନେସି, ଏଞ୍ଜାସି ଦାମ୍ବୁଗାଟି ଜୀସୁ କ୍ରୀସ୍ତ ।

୨ କ୍ରୀସ୍ତ ମା ପାପୁ ତାକି, ଖାରଇ ମା ପାପୁ ତାକି ଆଏ, ସାମା ଦାରତିତି ବାରେ ଲକୁଡି ପାପୁ ତାକି ଡାକିତି ପୁଜାଲେହେଁ ଆଡେସି ।

୩ ମାର ମାହାପୁରୁତି ହୁକୁମି ମାନଞ୍ଜି ଆନାୟି, ଆଡିହୁଁ ଏମ୍ବାଟି ପୁଞ୍ଜାଲି ଆଡିନାୟି, ଏଞ୍ଜାଣାଇଁ ସାତାତଲେ ପୁଞ୍ଜାମାନାୟି ।

୪ ତାନି ହୁକୁମି ମାନଞ୍ଜି ଆଆନା ଆମ୍ବାଆସି ନାନୁ ଏଞ୍ଜାଣାଇଁ ପୁଞ୍ଜାମାଇଁ ଇଞ୍ଜି ଜଲିନେସି, ଏଞ୍ଜାସି ମିତି ଗାଟାସି ଏଞ୍ଜାଣି ତାଣା ସାତା ହିଲେଏ ।

୫ ସାମା ଆମ୍ବାଆସି ତାନି ହୁକୁମି ମାନଞ୍ଜି ଆନେସି, ଏଞ୍ଜାଣି ତାଣା ମାହାପୁରୁତି ସାତା ଜୀସୁନନାୟି ପୁରା ଆହାମାନେ, ଏମ୍ବାଟିଏ ମାର ପୁଞ୍ଜାଲି ଆଡିନାୟି ମାର ମାହାପୁରୁ ତାଣା ମାନାୟି ।

୬ ଆମ୍ବାଆସି ନାନୁ ମାହାପୁରୁ ତଲେ ଡୟିଲ୍ ଇଞ୍ଜି ଇନେସି, ଏଞ୍ଜାସି ଜୀସୁ କ୍ରୀସ୍ତ ନୀତା ମାଟିଲେହେଁ ନୀଡିନାୟି ମାନେ ।

ପୁଞ୍ଜନି ହୁକୁମି

୭ ଏ ନା ଜୀସୁତି ତଡ଼େସିଙ୍ଗାତେରି ନାନୁ ମୀ ତାଣା ଏନି ପୁଞ୍ଜନି ହୁକୁମି ରାଡ଼ିମାଞ୍ଜାଆଁ, ସାମା ତଲିଟିଏ ଆମିନି ପୁଞ୍ଜଇ ହୁକୁମି ବେଟା ଆହାମାଞ୍ଜେରି, ଏଦାଆଁ ରାଡ଼ିମାଞ୍ଜାଇଁ; ମୀରୁ ଆମିନି ବଲୁ ଖେଞ୍ଜାମାଞ୍ଜେରି, ଏଦିଏ ପୁଞ୍ଜଇ ହୁକୁମି ।

୮ ଅଡ଼େ ନାନୁ ନୀଏଁ ମିଙ୍ଗେ ପୁଞ୍ଜନି ହୁକୁମି ଲେହେଁ ରାଡ଼ିମାଞ୍ଜାଇଁ, ଇଡିହୁଁ ଏଡ଼ି କ୍ରୀସ୍ତ ତାଣା ଅଡ଼େ ମୀ ତାଣା ଜିକେଏ ସାତା ଇଞ୍ଜି ତଞ୍ଜାଆନେ, ଇଡିହୁଁ ଆନେରି ଗୁଟା ଆହିମାନେ ଅଡ଼େ ସାତା ଉଜେଡ଼ି ତଞ୍ଜାଆଡେୟିଏ ।

୯ ଆମ୍ବାଆସି ତାନି ତାୟି ତାଜିଇଁ ଅପାଆନା ନାନୁ ଉଜେଡ଼ିତା ମାଇଁ ଇଞ୍ଜି ଇନେସି ଏଞ୍ଜାସି ନୀଏଁ ପାତେକା ଆନେରିତା ମାଞ୍ଜାମାନେସି ।

୧୦ ଆମ୍ବାଆସି ତାନି ତାୟି ତାଜିଇଁ ଜୀସୁ ନନେସି ଏଞ୍ଜାସି ଉଜେଡ଼ିତା ମାଞ୍ଜାମାନେସି, ଇଞ୍ଜା ଏଞ୍ଜାଣି ତାଣା ପୁଟି କିନାୟି ଏନାୟି ହିଲେଏ ।

୧୧ ସାମା ଆମ୍ବାଆସି ତାନି ତାୟି ଅପିହିଲଅସି ଏଞ୍ଜାସି ଆନେରିତା ମାନେସି, ଅଡ଼େ ଆନେରିତା ତାକି ତାକିହୁଁ ଆମ୍ବିୟାଞ୍ଜାକି ହାଜିମାନେସି,

ଏଦାଆଁ ପୁନଅସି, ଇଡିହୁଁ ଆନେରି ତାନି କାଣ୍ଡାଣି କାଣା କିହାମାନେ ।

୧୨ ଜୀସୁତି କକାରି ପଦାଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ, ଏନାଆଁତାକି ଇଡିହୁଁ କ୍ରୀସ୍ତ ଦରୁତଲେ ମୀ ପାପୁ ବାରେ ମେଣ୍ଟାମାନେ ।

୧୩ ତାଞ୍ଜିତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ, ଏନାଆଁତାକି ଇଡିହୁଁ ଆମ୍ବାଆସି ମୁଲୁଟିଏ ମାନେସି, ଏଞ୍ଜାଣାଇଁ ମୀରୁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟିତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ, ଇଡିହୁଁ ମୀରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି ।

୧୪ କକାରି ପଦାଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି ଇଡିହୁଁ ମୀରୁ ଆବା ମାହାପୁରୁଇଁ ପୁଞ୍ଜାମାଞ୍ଜେରି, ଏ ଆବାୟିତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି ଇଡିହୁଁ ଆମ୍ବାଆସି ମୁଲୁଟିଏ ମାନେସି ଏ କ୍ରୀସ୍ତଇଁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟିତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି ଇଡିହୁଁ ମୀରୁ ବାଡ଼ୁ ଗାଟାତେରି, ଅଡ଼େ ମାହାପୁରୁତି ବଲୁ ମୀ ତାଣା ମାନେ ଅଡ଼େ ମୀରୁ ଲାଗେଏ ପଲେଏତାଣି ଜୀଣା ଆହାମାଞ୍ଜେରି ।

ଦାରତିତି ଜୀସୁ ନଆଦୁ

୧୫ ଦାରତିତି ଅଡ଼େ ଏମ୍ବାଆଁ ମାନାଣି ବାରେତି ଜୀସୁ ନଆଦୁ, ଆମ୍ବାଆସି ଦାରତିତି ଜୀସୁ ନନେସି, ଏଞ୍ଜାଣି ତାଣା ମାହାପୁରୁ ଆବାତି ଜୀସୁନନାୟି ହିଲେଏ ।

୧୬ ଇଡିହୁଁ ଆଙ୍ଗାତି ଜୁପକା, କାନୁତି ଜୁପକା, ଅଡ଼େ ଦନତି ବତପଣ, ଦାରତିତା ମାନାୟି ଇ ବାରେ ମାହାପୁରୁ ଆବା ତାଣାଟି ଖାହାହିଲେଏ ସାମା ଦାରତିତି ଗାଡ଼ି ଆହାମାନେ ।

୧୭ ଦାରତି ଅଡ଼େ ଏମ୍ବାଆଁ ମାନି ଜୁପକା କାଲେଏ ତାକି ଆଏ, ସାମା ଆମ୍ବାଆସି ମାହାପୁରୁତି ଇଚାତି ମାନଞ୍ଜି ଆନେସି ଏଞ୍ଜାସି କାଲେଏ ତାକି ତୀରି ଆନେସି ।

କ୍ରୀସ୍ତସି ସାତୁ

୧୮ ଜୀସୁତି କକାରି ପଦାଁତେରି ରାନି କାଲା ଏଗାଞ୍ଜାଡେୟିଏ, ନାଡ଼ିକିନି କ୍ରୀସ୍ତ ଖାନେସି ଇଞ୍ଜି ମୀରୁ ଏନିକି ଖେଞ୍ଜାମାତେରି, ଏଲେକିହୁଁ ଏ ନୀଏଁ ଜିକେଏ ହାରେକା ନାଡ଼ିକିନି କ୍ରୀସ୍ତୟି ନିଙ୍ଗିତେରିଏ; ଇଦାଆଁତାକି ମାର ପୁଞ୍ଜାମାନାୟି ଜୁଗୁ ରାନି କାଲା ଏଦାତେୟିଏ ।

୧୯ ଏଞ୍ଜାରି ମା ବିଡ଼ାଟି ହଡ଼େରି, ସାମା ମା ଗତିତି ଲକୁ ହିଲାଆତେରି; ଏଞ୍ଜାରି ମା ଗତିତି ଲକୁ ଆଡିହୁଁ ମା, ଏଞ୍ଜାରି ମା ତଲେ ଡୟିତେରିମା; ସାମା ବାରେ ମା ଗତିତି ଲକୁ ଆଏ, ଇଦି ଏନିକି ତଞ୍ଜାଆନେ, ଇଦାଆଁତାକି ଏଞ୍ଜାରି ହଡ଼ାହାତେରି ।

☆ ୨:୭ ୨:୭ ଜହ ୧୩:୩୪

୨୦ ସାମା ମୀରୁ ଏ ସୁଦ୍ଧା ଗାଗଣା ତାଣ୍ଡାଟି ବର ବେଟାଆହାମାନାକି ମୀରୁ ବାରେତେରି ରୁଦି ବେଟାଆହାମାଞ୍ଜେରି □

୨୧ ମୀରୁ ସାତାଟି ପୁଞ୍ଜାହିଲାଆକି ନାନୁ ମିଙ୍ଗେ ରାଡ଼ିମାଞ୍ଜାଲ୍ ଏଡ଼ି ଆଏ, ସାମା ମୀରୁ ସାତାଟି ପୁଞ୍ଜାମାନାକି ଅଡ଼େ ସାତାଟି ଏଚେଲାଞ୍ଜା ମିଟି ହଏ ଇଞ୍ଜି ମୀରୁ ପୁଞ୍ଜାମାନାକି ନାନୁ ମିଙ୍ଗେ ରାଡ଼ିମାଞ୍ଜାଲ୍ □

୨୨ ଜୀସୁଇଁ କ୍ରୀସ୍ତୁ ଆଏ ଇଞ୍ଜି ଆମ୍ବାଆସି ଖେହ୍ନେସି, ଏଞ୍ଜାଣି ତାଣ୍ଡାଟିଏ ମିଟି ଖେହ୍ନେସି ଆମ୍ବାଆସି ? ଅଡ଼େ ଆମ୍ବାଆସି ଆବା ଅଡ଼େ ମୀରୁଏଣାଲ୍ ଇ ରିଆରାଲ୍ ଜିକେଏ ଅପଅସି ଏଞ୍ଜାସିଏ ନାଡ଼ିକିନି କ୍ରୀସ୍ତୁ □

୨୩ ଆମ୍ବାଆସି ମୀରୁଏଣାଲ୍ ଅପଅସି ଏଞ୍ଜାସି ଆବାଲ୍ ବେଟାଆହାହିଲଅସି, ଆମ୍ବାଆସି ମୀରୁଏଣାଲ୍ ଆବିନେସି, ଏଞ୍ଜାସି ଆବାଲ୍ ଜିକେଏ ବେଟାଆହାମାନେସି □

୨୪ ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଡ଼ି ମୀ ତାଣ୍ଡା ଡ଼ୟାପେ, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଡ଼ି ମୀ ତାଣ୍ଡା ଡ଼ୟିତିହ୍, ଆତିହ୍ ମୀରୁ ଜିକେଏ କାଟ୍ଲେଏ ଆବା ଅଡ଼େ ମୀରୁଏସି ଜୀସୁ ତାଣ୍ଡା ଡ଼ୟିଦେରି □

୨୫ ଅଡ଼େ କ୍ରୀସ୍ତୁ ମାଙ୍ଗେ ଏନାଆଁ ଆଞ୍ଜାମାଞ୍ଜାନେସି ଏଡ଼ି କାଲାକାଲାତି ଜୀସୁ □

୨୬ ଆମ୍ବାଆରି ମିଙ୍ଗେ ନାଡ଼ି କିୟାଲି ଅଣ୍ପାନେରି, ଏଞ୍ଜାରି ତାଣ୍ଡାଟି ଜାଗ୍ରାତା ଆହାଲି ନାନୁ ମୀ ତାଣ୍ଡା ଇ ବାରେ ରାଡ଼ିମାଞ୍ଜାଲ୍ □

୨୭ ସାମା ମୀରୁ ଏଞ୍ଜାଣି ତାଣ୍ଡାଟି ଆମିନି ସୁଦ୍ଧାଜୀସୁଟି ବର ବେଟାଆହାମାଞ୍ଜେରି, ଏଡ଼ି ମୀ ତାଣ୍ଡା ଡ଼ୟାମାନେ, ଇଞ୍ଜା ଆମ୍ବାଆସି ମିଙ୍ଗେ ଜାପ୍ତହାନେସି, ଏଡ଼ି ମିଙ୍ଗେତାକି ଲଡ଼ା ହିଲେଏ, ସାମା ଏଞ୍ଜାଣି ତାଣ୍ଡାଟି ଆମିନି ବର ବେଟାଆହାମାଞ୍ଜେରି ଏଡ଼ି ମିଙ୍ଗେ ଆମିନି କାତା ଜାପ୍ତହାନେ, ଏଡ଼ି ସାତା, ମିଟି ଆଏ; ଇଦାଆଁତାକି ଏ ଜାପ୍ତନାଣି ତଲେ ଏଞ୍ଜାଣି ତାଣ୍ଡା ଡ଼ୟାଦୁ □

୨୮ ନା ଜୀସୁଟି ମୀରୁକା ମାସ୍ତକାତେରି, କ୍ରୀସ୍ତୁ ତଲେ ଆଣ୍ଡାନା ଡ଼ୟାଦୁ, ଏଡ଼ିକ୍ ଏଞ୍ଜାସି ଏଚିବେଲା ତଞ୍ଜାଆନେସି, ଏଚିବେଲା ତାନୁ ଖାନାଟି ତାନି ନକିତା ମୀରୁ ଲାଜା ଆଆନା ସାସା ମେଡ଼ାଆନାୟି □

୨୯ କ୍ରୀସ୍ତୁ ଦାମ୍ବୁଗାଟାସି, ଇଦାଆଁ ପୁନାୟିମାନେ, ଆତିହ୍ ଆମ୍ବାଆସି ଦାମ୍ବୁକାମା କିନେସି, ଏଞ୍ଜାସି ଏଞ୍ଜାଣି ତାଣ୍ଡାଟି ଜାର୍ନା ଆହାମାନେସି, ଇଦାଆଁ ଜିକେଏ ପୁଞ୍ଜୁ □

୩

ମାହାପୁରୁତି ମୀରୁକା ମାସ୍ତକା

☆ ୩:୧ ୩:୧ ଜହ ୧:୧୨ ☆ ୩:୫ ୩:୫ ଜହ ୧:୨୯

୧ ☆ମେହ୍ନୁ ଆବା ମାଙ୍ଗେ ଏଡ଼ିକ୍ ଜୀସୁ ନନାଣି ହୀହାମାଞ୍ଜାନେସି, ମୀରୁ ମାହାପୁରୁତି ମୀରୁକା ମାସ୍ତକା ଇଞ୍ଜି ଖେଞ୍ଜିନାୟି, ଅଡ଼େ ମୀରୁ ଏଲେକିହ୍ ଏ ଆହାମାନାୟି □ ଇଦାଆଁତାକି ଦାର୍ଡି ମାଙ୍ଗେ ପୁଞ୍ଜାମାଞ୍ଜେଏ, ଇଚିହ୍ ଏଡ଼ି ଏଞ୍ଜାଣାଲ୍ ଜିକେଏ ପୁଞ୍ଜା ହିଲାଆତେ □

୨ ଏ ନା ଜୀସୁଟି ତଣ୍ଡେସିଙ୍ଗା, ନୀଏଁ ମୀରୁ ମାହାପୁରୁତି ମୀରୁକା ମାସ୍ତକାତାୟି, ଅଡ଼େ ତାୟି ଏଡ଼ି ଆନାୟି, ଏଡ଼ି ନୀଏଁ ପାତେକା ତଞ୍ଜା ଆହା ହିଲେଏ, ମୀରୁ ପୁଞ୍ଜାମାନାୟି, କ୍ରୀସ୍ତୁ ଏଚିବେଲା ତଞ୍ଜାଆନେସି, ଏଚିବେଲା ମୀରୁ ଜିକେଏ ଏଲେକିହ୍ ଏ ଆନାୟି, ଇଚିହ୍ ଏଞ୍ଜାସି ଏଡ଼ିଲେହେକି ମୀରୁ ଏଲେକିହ୍ ଏ ଏଞ୍ଜାଣାଲ୍ ମେହ୍ନାୟି □

୩ ଅଡ଼େ ଆମ୍ବାଆସି ଜିକେଏ କ୍ରୀସ୍ତୁ ଜୀସୁ ତାଣ୍ଡା ଇ ବାର୍ସୁ ଇଟାମାନାସି, ଏଞ୍ଜାସି ଏଡ଼ିକ୍ ସୁଦ୍ଧାଗାଟାସି, ଏଞ୍ଜାସି ଏଲେକିହ୍ ଏ ତାଙ୍ଗେ ଅବହା କଡ଼ିନେସି □

୪ ଆମ୍ବାଆସି ପାପୁ କିନେସି, ଏଞ୍ଜାସି ମାହାପୁରୁତି ହୁକୁମି ଉରିନାସି, ଏଡ଼ିଇଚିହ୍ ହୁକୁମି ଉରିନାୟିଏ ପାପୁ □

୫ ☆ମୀରୁ ପୁଞ୍ଜାମାନାୟି, କ୍ରୀସ୍ତୁ ପାପୁ ଡେକା ଅହାଲି ଖାଡେସି, ଇଞ୍ଜା ଏଞ୍ଜାଣି ତାଣ୍ଡା ପାପୁ ହିଲେଏ □

୬ ଆମ୍ବାଆସି କ୍ରୀସ୍ତୁ ତାଣ୍ଡା ଡ଼ୟିନେସି, ଏଞ୍ଜାସି ପାପୁ କିଅସି; ସାମା ଆମ୍ବାଆସି ପାପୁ କିନେସି, ଏଞ୍ଜାସି କ୍ରୀସ୍ତୁଲ୍ ମେସାହିଲଅସି କି ଏଞ୍ଜାଣାଲ୍ ପୁଞ୍ଜାହିଲଅସି □

୭ ନା ଜୀସୁଟି କକାରି ପଦାଁତେରି ଆମ୍ବାଆରି ମିଙ୍ଗେ ନାଡ଼ି କିୟାଆପେରି; ଆମ୍ବାଆସି ଦାମ୍ବୁକାମା କିନେସି, କ୍ରୀସ୍ତୁ ଏଡ଼ିକ୍ ଦାମ୍ବୁଗାଟାସି, ଏଞ୍ଜାସି ଜିକେଏ ଏଲେକ୍ ଦାମ୍ବୁଗାଟାସି ଆନେସି;

୮ ଆମ୍ବାଆସି ପାପୁ କିନେସି, ଏଞ୍ଜାସି ସୟତାନଟି ଜାର୍ନା ଆଡାସି, ଇଚିହ୍ ସୟତାନ ତଲିଟିଏ ପାପୁ କିହ୍ ଖାହିମାନେ, ସୟତାନଟି କାମା ନାସା କିୟାଲି ମାହାପୁରୁ ମୀରୁଏସି ଖାଡେସି □

୯ ଆମ୍ବାଆସି ମାହାପୁରୁ ତାଣ୍ଡାଟି ଜାର୍ନା ଆହାମାନେସି, ଏଞ୍ଜାସି ପାପୁ ଅଡ଼େ ଖେଣ୍ଡେ କିଅସି, ଇଚିହ୍ ମାହାପୁରୁଟି ଗୁଣ୍ଡୁ ଏଞ୍ଜାଣି ତାଣ୍ଡା ମାନେ, ଅଡ଼େ ଏଞ୍ଜାସି ମାହାପୁରୁ ତାଣ୍ଡାଟି ଜାର୍ନା ଆହାମାନାକି ପାପୁ କିହାଲି ଆଡଅସି □

୧୦ ଆମ୍ବାଆରି ମାହାପୁରୁଟି ମୀରୁକା ମାସ୍ତକା ଅଡ଼େ ଆମ୍ବାଆରି ସୟତାନଟି ମୀରୁକା ମାସ୍ତକା, ଏଡ଼ି ତଞ୍ଜାଆନେ; ଆମ୍ବାଆସି ଦାମ୍ବୁକାମା କିଅସି, ଇଞ୍ଜା ତାୟି ତାଜିଲ୍ ଜୀସୁ ନଅସି, ଏଞ୍ଜାସି ମାହାପୁରୁ ତାଣ୍ଡାଟି ଜାର୍ନା ଆହାହିଲଅସି □

ରଥସି ରଥଶାଳ୍ ଜୀଞ୍ଜନନାୟି

୧୧ *ଇଚିହ୍ ରଥସି ରଥଶାଳ୍ ଜୀଞ୍ଜନନାୟି ମାନେ ଇ ହାଡ଼ା ମୂଲୁଟିଏ ଖେଞ୍ଜା ମାଞ୍ଜେରି;

୧୨ ପାପୁତି ମୀରୁଏସି କୟିନ, ଏଞ୍ଜାଣିଲେହେଁ ଆଆଦୁ, ଏଞ୍ଜାସି ତାନି ତାୟି ହେବଲଇଁ ପାୟିତେସି; କୟିନ ଏଞ୍ଜାଶାଳ୍ ଏନାଆଁତାକି ପାୟିତେସି ? ଇଚିହ୍ ତାନି କାମା ପାପୁ ଗାଟାୟି, ଅଡ଼େ ହେବଲତି କାମା ଦାମ୍ବୁଗାଟାୟି ମାତେ □

୧୩ ନା ତାୟି ତାଞ୍ଜିସ୍ତାତେରି ଦାରତିତି ଲକୁ ମିଙ୍ଗେ ଅପାଆତ୍ ଜିକେଏ ମୀରୁ କାବା ଆଆଦୁ □

୧୪ *ମାର ପୁଞ୍ଜାମାନାୟି, ମାର ହାକିତି ଜୀଶାଆହାନା ଜୀଞ୍ଜୁ ବେଟାଆହାମାନାୟି, ଇଚିହ୍ ମାର ତାୟି ତାଞ୍ଜିସ୍ତାଣି ଜୀଞ୍ଜୁନହ୍ ମାନାୟି, ଆମ୍ବାଆସି ଜୀଞ୍ଜୁ ନଅସି, ଏଞ୍ଜାସି ହାହାଲି ମାନେସି □

୧୫ ଆମ୍ବାଆସି ଜାହାରା କ୍ରୀସ୍ତାନା ତାୟି ତାଞ୍ଜିଇଁ ଅପଅସି, ଏଞ୍ଜାସି ଲକୁଣି ପାୟିନାସି; ଅଡ଼େ ଲକୁଣି ପାୟିନାରି ତାଶା କାଲକାଲାତି ଜୀଞ୍ଜୁ ଡ଼ୟେଏ, ଇଦାଆଁ ମୀରୁ ପୁଞ୍ଜାମାଞ୍ଜେରି □

୧୬ ଜୀସୁ କ୍ରୀସ୍ତ ମା ତାକି ଜୀଞ୍ଜୁ ହୀତାକି ମାର ଜୀଞ୍ଜୁନନାୟି ଏନାୟି ଇଞ୍ଜୁ ପୁଞ୍ଜାମାନାୟି; ଅଡ଼େ ତାୟି ତାଞ୍ଜି ତାକି ମା ଜୀଞ୍ଜୁ ଜିକେଏ ହୀନାୟି ମାନେ □

୧୭ ସାମା ଆମ୍ବାଆସି ଦାରତିତା ଦନ ଗାଟାସି ଆହାନା ତାନି ତାୟିତି ଲଡ଼ାମାନାଣି ମେସାନା ଜିକେଏ ଏଞ୍ଜାଶାଳ୍ କାମା ମେହଅସି ଇଚିସାରେ, ତାନି ହିୟାତା ମାହାପୁରୁତି ଜୀଞ୍ଜୁନନାୟି ମାନେ ଇଞ୍ଜୁ ଏନିକ୍ ଏଲେଇନାୟି ?

୧୮ ନା ମୀରୁକା ମାସ୍କା ଖାଦୁ, ମାର ଜଲ୍ଲା ଜକଡ଼ି ତଲେ ଜୀଞ୍ଜୁ ନଆନା କାମା ଅଡ଼େ ସାତା ତଲେ ଜୀଞ୍ଜୁ ନନାଣି ତହନାୟି ମାନେ □

୧୯ ଏଲେ କିତିସାରେ ମାର ସାତାତି ମୀରୁକା ମାସ୍କାତାୟି ଇଦାଆଁ ପୁଞ୍ଜାମାନାୟି, ଅଡ଼େ ଏନି କାତା ମା ହିୟାଁ ମାଙ୍ଗେ ଦହ କିୟାନେ, ଏ କାତାତା ଏଞ୍ଜାଣି ନକିତା ମା ହିୟାଁ ସୁସ୍ତି କିୟାଲି ଆଡ଼ିନାୟି;

୨୦ ଏମିନି କାମାତା ମା ହିୟାଁ ମାଙ୍ଗେ ଦହ ଦସ୍ତାନେ, ଏମ୍ବାଟି ଏଞ୍ଜାଣି ନକିତା ଏ କାତାତାକି ମା ହିୟାଁତି ସୁସ୍ତି କିହାଲି ଆଡ଼ିନାୟି; ଇଚିହ୍ ମାହାପୁରୁ ମା ହିୟାଁଟିଏ କାଜାସି, ଏଞ୍ଜାସି ବାରେ ପୁନେସି □

୨୧ ନା ଜୀଞ୍ଜୁତି ତଣେସିଙ୍ଗା ମା ହିୟାଁ ମାଙ୍ଗେ ଦହ ଦସ୍ତାଆଡ଼ିହ୍, ଆଡ଼ିହ୍ ମାର ମାହାପୁରୁ ନକିତା ସାସାତଲେ ନିଚାଲି ଆଡ଼ିନାୟି □

୨୨ ଅଡ଼େ ମାର ଏନାଆଁ ରୀହନାୟି, ଏ ବାରେ ଏଞ୍ଜାଣି ତାଶାଟି ବେଟାଆହ୍ ମାନାୟି, ଇଚିହ୍

ମାର ତାନି ହୁକୁମି ମାନଞ୍ଜି ଆହିମାନାୟି, ଅଡ଼େ ତାନି ନକିତା ଏନାୟି ନେହାୟି ଏଦାଆଁ କିହିମାନାୟି □

୨୩ *ତାନି ହୁକୁମି ହୀହାମାନିଲେହେଁ, ମାର ତାନି ମୀରୁଏସି ଜୀସୁ କ୍ରୀସ୍ତ ଦରୁତଲେ ନାମିନାୟି ଅଡ଼େ ତାନି ହୀତି ହୁକୁମି ତଲେ ରଥତାୟି ରଥଶାଳ୍ ଜୀଞ୍ଜୁନନାୟି □

୨୪ ଆମ୍ବାଆସି ମାହାପୁରୁତି ହୁକୁମି ମାନଞ୍ଜି ଆନେସି, ଏଞ୍ଜାସି ମାହାପୁରୁ ତଲେ ଡ଼ୟିନେସି, ଅଡ଼େ ମାହାପୁରୁ ଏଞ୍ଜାଣି ତାଶା ଡ଼ୟିନେସି; ଇଞ୍ଜା ମାହାପୁରୁ ମା ତାଶା ଡ଼ୟିନେସି, ଇଦାଆଁ ମାର ତାନି ହୀହାମାଞ୍ଜାନି ଜୀଞ୍ଜୁତଲେ ପୁଞ୍ଜିମାନାୟି □

୪

ସାତା ମାହାପୁରୁତି ଜୀଞ୍ଜୁ ଅଡ଼େ ମିତି ଜୀଞ୍ଜୁ

୧ ନା ଜୀଞ୍ଜୁତି ତାୟି ତାଞ୍ଜିସ୍ତା, ବାରେ ଜୀଞ୍ଜୁୟାଁଇଁ ନାମାଆଦୁ, ସାମା ଏଞ୍ଜାରି ବେଟାଆହାମାନି ଜୀଞ୍ଜୁୟାଁ ମାହାପୁରୁ ତାଶାଟି ଖାହାମାନୁ କି ଆଏ ଇଦାଆଁ ନେହ୍ କି ତାୟିପାରି କିଦୁ, ଏନାଆଁତାକି ଇଚିହ୍ ଦାରତିତା ହାରେକା ମିତି ମାହାପୁରୁ ବଲୁ ଖେହନାରି ହଟାମାନେରି □

୨ ଇଲେ କିତିହ୍ ମୀରୁ ମାହାପୁରୁତି ଜୀଞ୍ଜୁତି ପୁଞ୍ଜାଲି ଆଡ଼ିଦେରି, କ୍ରୀସ୍ତ ଜୀସୁ ମାଣସି ଆଙ୍ଗା ଖାଶା ତଲେ ଖାହାମାନେସି, ଇଦାଆଁ ଆମିନି ଜୀଞ୍ଜୁ ଜଲିନେ, ଏଡ଼ି ମାହାପୁରୁ ତାଶାଟି ଖାହାମାନେ □

୩ ଅଡ଼େ ଆମିନି ଜୀଞ୍ଜୁ ଜୀସୁଇଁ ନାନୁ ପୁଞ୍ଜାହିଲଅଁ ଇଞ୍ଜୁ ଜଲିନେ, ଏଡ଼ି ମାହାପୁରୁ ତାଶାଟି ଖାହାହିଲେଏ; ସାମା ଏଡ଼ି ନାଡ଼ିକିନି କ୍ରୀସ୍ତୁତି ଜୀଞ୍ଜୁ, ଆମିନି ଜୀଞ୍ଜୁତି ଖାନ୍ କାତା ମୀରୁ ଖେଞ୍ଜାମାଞ୍ଜେରି, ଇଞ୍ଜା ଏଡ଼ି ନୀଏଁ ଜିକେଏ ଦାରତିତା ଖାଡ଼େୟିଏ □

୪ ଜୀଞ୍ଜୁତି କକାରି ପଦାତେରି, ମୀରୁ ମାହାପୁରୁ ତାଶାଟି ଜାର୍ନା ଆଡ଼ାତେରି, ଅଡ଼େ ମୀରୁ ନାଡ଼ିକିନି ବଲୁ ଖେହନାରାଇଁ ଜୀଶା ଆହାମାଞ୍ଜେରି, ଇଚିହ୍ ମୀ ତାଶା ଆମ୍ବାଆସି ମାନେସି, ଏଞ୍ଜାସି, ଦାରତିତା ଆମ୍ବାଆସି ମାନେସି ଏଞ୍ଜାଣି କିହାଁ କାଜାସି □

୫ ନାଡ଼ିକିନାରି ଦାରତିତି ଖାହାମାନେରି, ଇଦାଆଁତାକି ଏଞ୍ଜାରି ଦାରତିତି କାତା ଖେହନେରି, ଅଡ଼େ ଦାରତିତାରି ଏଞ୍ଜାରି କାତା ଖେନେରି □

୬ ସାମା ମାର ମାହାପୁରୁ ତାଶାଟି ଜାର୍ନା ଆହାମାନାୟି; ଆମ୍ବାଆସି ମାହାପୁରୁଇଁ ପୁନେସି, ଏଞ୍ଜାସି ମା କାତା ଖେନେସି; ଆମ୍ବାଆସି ମାହାପୁରୁ ତାଶାଟି ଜାର୍ନା ଆହାହିଲଅସି, ଏଞ୍ଜାସି ମା କାତା ଖେନଅସି, ଏମ୍ବାଟି ସାତାତି ଜୀଞ୍ଜୁ ଅଡ଼େ ନାଡ଼ିକିନି ଜୀଞ୍ଜୁ ପୁଞ୍ଜାଲି ଆଡ଼ିନାୟି □

ଜୀଞ୍ଜୁ ନଞ୍ଜିଆନାୟି

୭ ନା ଜୀଞ୍ଜୁତି ତଃଶେଷିକ୍ଷା, ରଥତେରି ରଥଶାଳ୍ ଜୀଞ୍ଜୁନଦୁ, ଇତିହଂ ଜୀଞ୍ଜୁନନାୟି ମାହାପୁରୁ ତାଶାଟି ଖାନ୍ଦେ, ଆମ୍ବାଆସି ଜୀଞ୍ଜୁ ନନ୍ଦେସି, ଏଞ୍ଜାସି ମାହାପୁରୁ ତାଶାଟି ଜାର୍ନା ଆହାମାନେସି, ଇଞ୍ଜା ଏଞ୍ଜାସି ମାହାପୁରୁକ୍ ପୁଞ୍ଜାମାନେସି □

୮ ଆମ୍ବାଆସି ଜୀଞ୍ଜୁ ନଅସି, ଏଞ୍ଜାସି ମାହାପୁରୁକ୍ ପୁନଅସି, ଏନାଆଁତାକି ଇତିହଂ ମାହାପୁରୁ ଜୀଞ୍ଜୁ ନନାସି □

୯ ଇମ୍ବାଆଁ ମାହାପୁରୁତି ଜୀଞ୍ଜୁନନାୟି ତଞ୍ଜା ଆହାମାନେ, ଏଞ୍ଜାସି ତାନି ରଶ୍ଟିଏ ମୀର୍ଏଶାଳ୍ ଦାର୍ତତିତା ପାଶ୍ଟାତେସି, ଏନିକଂ ମାର ଏଞ୍ଜାଶି ତାଶାଟି କାଳାକାଳାତି ଜୀଞ୍ଜୁ ବେଟାଆନାୟି □

୧୦ ମାର, ମାହାପୁରୁକ୍ ଜୀଞ୍ଜୁ ନଡାୟି, ଏଡି ଆଏ, ସାମା ଏଞ୍ଜାସି ମାଜେ ଜୀଞ୍ଜୁ ନୟାତେସି, ଇଞ୍ଜା ତାନି ମୀର୍ଏଶାଳ୍ ମା ପାପୁ ତାକି ପୂଜା ଆହାଲି ପାଶ୍ଟାତେସି; ଏଡି ଏମ୍ବାଟିଏ ଜୀଞ୍ଜୁନନାୟି ତଞ୍ଜା ଆହି ମାନେ □

୧୧ ନା ଜୀଞ୍ଜୁତି ତଃଶେଷିକ୍ଷା, ମାହାପୁରୁ ମାଜେ ଏନିକଂ ଜୀଞ୍ଜୁ ନହାଁ ମାଞ୍ଜାନେସି, ମାର ଜିକେଏ ରଅତାୟି ରଅଶାଳ୍ ଜୀଞ୍ଜୁ ନଞ୍ଜିଆନାୟି ମାନେ □

୧୨ ଆମ୍ବାଆସି ଏଚେଲାଞ୍ଜା ମାହାପୁରୁକ୍ ମେସାହିଲଅସି; ସାମା ମାର ରଅତାୟି ରଅଶାଳ୍ ଜୀଞ୍ଜୁନଞ୍ଜିଆନ, ଆତିହଂ ମାହାପୁରୁ ମା ତାଶା ମାନେସି, ଅଡେ ତାନି ଜୀଞ୍ଜୁନନାୟି ମା ତାଶା ମାନେ □

୧୩ ମାର ମାହାପୁରୁ ତାଶା ମାନାୟି ଅଡେ ଏଞ୍ଜାସି ମା ତାଶା ମାନେସି, ଇଦାଆଁ ମାର ପୁଞ୍ଜାମାନାୟି, ଇତିହଂ ଏଞ୍ଜାସି ମାଜେ ତାନି ଜୀଞ୍ଜୁ ହାହାମାଞ୍ଜାନେସି □

୧୪ ମାହାପୁରୁ ଆବା ତାନି ମୀର୍ଏଶାଳ୍ ଦାର୍ତତିତି ଲକୁଣି ଗେଲପିନାସି ଆହାଲିତାକି ପାଶ୍ଟାତେସି, ଇଦାଆଁ ମାର ମେସାମାନାୟି ଅଡେ ସାକି ହାହି ମାନାୟି □

୧୫ ଆମ୍ବାଆସି ଜୀଞ୍ଜୁକ୍ ମାହାପୁରୁତି ମୀର୍ଏସି ଇଞ୍ଜା ଝେକନେସି, ମାହାପୁରୁ ଏଞ୍ଜାଶି ତାଶା ମାନେସି, ଅଡେ ଏଞ୍ଜାସି ମାହାପୁରୁ ତାଶା ମାନେସି □

୧୬ ଅଡେ ମାଜେତାକି ମାହାପୁରୁତି ଆମିନି ଜୀଞ୍ଜୁନନାୟି ମାନେ, ଏଦାଆଁ ମାର ପୁଞ୍ଜାମାନାୟି ଅଡେ ନାମାମାନାୟି □ ମାହାପୁରୁ ଜୀଞ୍ଜୁ ନନାସି; ଆମ୍ବାଆସି ଜୀଞ୍ଜୁ ନହଂ ମାନେସି ଏଞ୍ଜାସି ମାହାପୁରୁ ତାଶା ମାନେସି ଅଡେ ମାହାପୁରୁ ଏଞ୍ଜାଶି ତାଶା ଡୟିନେସି □

୧୭ ଦାର୍ମୁତି ଜୀଞ୍ଜୁତା ନୀତାମାନାକି ମାହାପୁରୁତି ଜୀଞ୍ଜୁନନାୟି ମା ତାଶା ତାରି ଆହାମାନେ, ମାର ନାହାୟି ଦିନାତା ସାସା ବେଟାଆନାୟି, ଇତିହଂ

କ୍ରୀସ୍ତ ଏନିକଂ ମାନେସି, ମାର ଜିକେଏ ଇ ଦାର୍ତତିତା ଏଲେକିହଂ ଏ ମାନାୟି □

୧୮ ଜୀଞ୍ଜୁ ନନି ତାଶା ଆଜି ଡୟେଏ, ସାମା ସାତା ଜୀଞ୍ଜୁନନାୟି ଆଜିତି ହେକ କିନେ, ଇତିହଂ ଆଜି ତଶ୍ଟ ବେଟାଆନାଶି ତଲେ ଆଶ୍ଟାମାନେ, ଇଞ୍ଜା ଆମ୍ବାଆସି ଆଜିନେସି ଏଞ୍ଜାସି ଜୀଞ୍ଜୁ ନନି ତାଶା ତାରିତାସି ଆଏ □

୧୯ ମାହାପୁରୁ ତଲିଏ ମାଜେ ଜୀଞ୍ଜୁ ନୟାତାକି ମାର ଜୀଞ୍ଜୁ ନହଂମାନାୟି □

୨୦ ଆମ୍ବାଆସି ନାନୁ ମାହାପୁରୁକ୍ ଜୀଞ୍ଜୁ ନହଂମାଳ୍ ଇଞ୍ଜାନା, ଏଞ୍ଜାସି ତାନି ନାମିତି ତାୟି ତାଜିକ୍ ଅପଅସି, ଆତିହଂ ଏଞ୍ଜାସି ମିତି ଝେହନାସି, ଇତିହଂ ଆମିନି ତାୟିକ୍ ମେସାମାନେସି, ଏଞ୍ଜାଶାଳ୍ ଜୀଞ୍ଜୁ ନଅସି, ଇତିହଂ ଆମିନି ମାହାପୁରୁକ୍ ମେସାହିଲଅସି, ଏଞ୍ଜାଶାଳ୍ ଜୀଞ୍ଜୁ ନହାଲି ଆଡଅସି □

୨୧ ଆମ୍ବାଆସି ମାହାପୁରୁକ୍ ଜୀଞ୍ଜୁ ନନ୍ଦେସି, ଏଞ୍ଜାସି ତାନି ତାୟିକ୍ ଜିକେଏ ଜୀଞ୍ଜୁ ନପେସି, ଇ ହୁକୁମି ମାମ୍ବ କ୍ରୀସ୍ତ ତାଶାଟି ବେଟା ଆହାମାନମି □



ଦାର୍ତତିତା ଜୀଶା ଆନାୟି

୧ ଆମ୍ବାଆସି ଜୀଞ୍ଜୁକ୍ କ୍ରୀସ୍ତ ଇଞ୍ଜା ନାମିନେସି, ଏଞ୍ଜାସି ମାହାପୁରୁ ତାଶାଟି ଜାର୍ନା ଆହାମାନେସି; ଆମ୍ବାଆସି ଜାର୍ନାକିତି ଆବାଳ୍ ଜୀଞ୍ଜୁ ନନ୍ଦେସି, ଏଞ୍ଜାସି ତାନିତାଶାଟି ଜାର୍ନା ଆହାମାନି ଲକୁଣି ଜିକେଏ ଜୀଞ୍ଜୁ ନନ୍ଦେସି □

୨ ମାର ଏଚିବେଲା ମାହାପୁରୁକ୍ ଜୀଞ୍ଜୁନନାୟି ଅଡେ ତାନି ହୁକୁମି ମାନଞ୍ଜି ଆନାୟି, ଏଚିବେଲା ଏଦାଆଁ ତଲେ ମାର ମାହାପୁରୁତି ମୀର୍କା ମାସକାଳ୍ ଜୀଞ୍ଜୁ ନହଂମାନାୟି ଇଞ୍ଜା ପୁଞ୍ଜାଲି ଆଡିନାୟି □

୩ *ମାହାପୁରୁକ୍ ଜୀଞ୍ଜୁନନାୟି ମା ତାଶା ମାନେ, ଇତିହଂ ମାର ଏଞ୍ଜାଶି ହୁକୁମି ମାନଞ୍ଜି ଆନ, ଏଞ୍ଜାଶି ହୁକୁମି ମାନଞ୍ଜି ଆନାୟି ହାରେକା କସ୍ତ ଆଏ

୪ ଆମ୍ବାଆସି ମାହାପୁରୁ ତାଶାଟି ଜାର୍ନା ଆହାମାନେସି, ଏଞ୍ଜାସି ଦାର୍ତତିତି ଜୀଶାଆନେସି, ଅଡେ ଏନାଆଁ ଦାର୍ତତିତି ଜୀଶା ଆହାମାନେସି, ଏଡି ମା ନାମୁ □

୫ ଜୀଞ୍ଜୁ ମାହାପୁରୁ ମୀର୍ଏସି, ଇଦାଆଁ ଆମ୍ବାଆସି ନାମିନେସି, ଏଞ୍ଜାଶି ପିସପେ ଆମ୍ବାଆସି ଦାର୍ତତିତି ଜୀଶା ଆନେସି ?

ଜୀସ୍ତ କ୍ରୀସ୍ତ ତାକି ସାକି

୬ ଜୀସ୍ତ କ୍ରୀସ୍ତ ଏୟୁ ଅଡେ ନେତେରିତି ଖାହାମାଚେସି, ଖାରଇ ଏୟୁତଲେ ଆଏ, ସାମା ଏୟୁ ଅଡେ ନେତେରି ଇ ରୀ କୂଡା ତଲେ

* ୫:୩ ୫:୩ କହ ୧୪:୧୫

ଝାହାମାରେସି; ଅଡ଼େ ସୁଦୁଜୀଝୁ ଜିକେଏ ଏମ୍ବାତି
ସାକି ହାହିମାନେ, ଇତିହିଁ ଜୀଝୁଏ ସାତା □

୭ ଇ ତାନି ଜାଣା ସାକି ମାନୁ □

୮ ସୁଦୁଜୀଝୁ, ଏୟୁ ଅଡ଼େ ନେତେରି ଏଝି ରଣ୍ଡିଏ
ସାକି ହାହିମାନୁ □

୯ ମାର ଲକୁ ହୀତି ସାକି ନାମିନାୟି, ଆତିହିଁ
ମାହାପୁରୁ ହୀତି ସାକି ଏଦାଣିକିହାଁ ହାରେକା
କାଜାୟି, ଅଡ଼େ ମାହାପୁରୁତି ସାକି ଇଦି, ଏଝାସି
ତାନି ମୀରଏଣା ଝାକିଟି ସାକି ହାହାମାନେସି □

୧୦ ଆମ୍ବାଆସି ମାହାପୁରୁ ମୀରଏଣା ତାଣା
ନାମିନେସି, ଏଝାସି ତାନି ହିୟାତା ଇ ସାକି
ବେଟାଆହାମାନେସି; ଅଡ଼େ ଆମ୍ବାଆସି ମାହାପୁରୁତି
ସାକି ନାମଅସି, ଏଝାସି ମାହାପୁରୁଇଁ ମିତି ଗାଟାସି
କିହାମାନେସି, ଇତିହିଁ ମାହାପୁରୁ ତାନି ମୀରଏଣା
ଝାକିଟି ଆମିନି ସାକି ହାହାମାନେସି, ଏମ୍ବାଆଁ ଏଝାସି
ନାମାହିଲଅସି □

୧୧ ଏ ସାକି ଇଦି, ମାହାପୁରୁ ମାଙ୍ଗେ ରାଆଗାଟି
ଜୀଝୁ ହାହାମାଞ୍ଜାନେସି, ଅଡ଼େ, ଏ ଜୀଝୁ ତାନି
ମୀରଏଣା ତାଣା ମାନେ □

୧୨ ଆମ୍ବାଆସି ମାହାପୁରୁ ମୀରଏଣାଇଁ
ବେଟାଆହାମାନେସି, ଏଝାସି ଜୀଝୁ ବେଟାଆହାମାନେସି
ଆମ୍ବାଆସି ମାହାପୁରୁ ମୀରଏଣାଇଁ ବେଟାଆହାହିଲଅସି,
ଏଝାସି ଜୀଝୁ ଜିକେଏ ବେଟାଆହାହିଲଅସି □

ଜୀଝୁ ହୀନେସି, ହାନିହଗେତି ପାପୁ ମାନେ ଇଞ୍ଜିଁ
ଏଝାରି ତାକି ପ୍ରାତାନା କିହାଲି ଝେସିହିଲଅଁ □

୧୬ ବାରେ ଲାଗେଏତି କାମା ପାପୁ, ସାମା ବାରେ
ପାପୁ ହାଝି କିଏ □

୧୮ ଆମ୍ବାଆସି ମାହାପୁରୁ ତାଣାଟି ଜାର୍ନା
ଆହାମାନାସି, ଏଝାସି ପାପୁ କିଅସି, ଏନାଆଁତାକି
ଇତିହିଁ ଏଝାସି ମାହାପୁରୁ ତାଣାଟି ଜାର୍ନା
ଆହାଁ ଜାହାରାଇଁ ଗେଲ୍ପା କତିନେସି, ଅଡ଼େ
ପାପୁତି ଜୀଝୁ ଏଝାଣାଇଁ ତୀଗେଏ, ଇଦାଆଁ ମାର
ପୁଞ୍ଜାମାନାୟି □

୧୯ ମାର ମାହାପୁରୁ ତାଣାଟି ଜାର୍ନା
ଆହାମାନାତାୟି ଇଞ୍ଜା ବାରେ ଦାରତିଇଁ ସୟତାନ
ଲକହାମାନେ, ଇଦାଆଁ ମାର ପୁଞ୍ଜାମାନାୟି □

୨୦ ମାର ପୁଞ୍ଜାମାନାୟି, ମାହାପୁରୁ ମୀରଏସି
ଝାହାମାନେସି, ଇଞ୍ଜା ଏଝାସି ମାଙ୍ଗେ ସାତାତାଣାଇଁ
ପୁଞ୍ଜାଲି ରୁଦି ହାହାମାଞ୍ଜାନେସି; ଅଡ଼େ ମାର ଏ
ସାତାଗାଟାଣି ତାଣା, ଇତିହିଁ ତାନି ମୀରଏସି
ଜୀଝୁ କ୍ରୀସୁ ତାଣା ନୀତାମାନାୟି, ଏଝାସି ସାତା
ମାହାପୁରୁ ଅଡ଼େ ରାଆଗାଟି ଜୀଝୁ ଗାଟାସି □

୨୧ ନା ଜୀଝୁତି ମୀରକା ମାସ୍‌କାତେରି ପେଣ୍‌କା
କିମାୟାଁ ତାଣାଟି ମୀରୁ ହେକ ଆହାନା ମାଞ୍ଜୁ □

ରାଆଗାଟି ଜୀଝୁ

୧୩ ମୀରୁ ମାହାପୁରୁ ମୀରଏଣା ଦରୁ
ନାମାମାଞ୍ଜେରି, ମୀରୁ ଏନିକିଁ ପୁଞ୍ଜାମାଞ୍ଜେରି,
ରାଆଗାଟି ଜୀଝୁ ବେଟା ଆହାମାଞ୍ଜେରି,
ଇଦାଆଁତାକି ନାନୁ ମିଙ୍ଗେ ଇ ବାରେ ରାତାମାଞ୍ଜାଇଁ
□

୧୪ ଇଞ୍ଜା ମାର ମାହାପୁରୁ ଅଣ୍ପୁତି ଲେହେଁ
ପ୍ରାତାନା କିନାୟି, ଆତିହିଁ ଏଝାସି ମା ପ୍ରାତାନା
ଝେଞ୍ଜାନେସି, ଇଞ୍ଜିଁ ମାହାପୁରୁ ତାଣା ମା ବାସ୍
ମାନେ □

୧୫ ଅଡ଼େ ମାର ଏଝାଣି ତାଣା ଏନାଆଁ
ପ୍ରାତାନା କିନାୟି, ଏଦାଆଁ ଏଝାସି ଝେଞ୍ଜାନେସି
ଇଞ୍ଜିଁ ମାର ପୁଞ୍ଜାମାନାୟି, ଆତିହିଁ ଏଝାଣି
ତାଣା ମାର ଏନାଆଁ ପ୍ରାତାନା କିହିମାନାୟି, ଏ
ବାରେ ବେଟାଆହାମାନାୟି, ଇଦାଆଁ ଜିକେଏ
ପୁଞ୍ଜାମାନାୟି □

୧୬ ମୀ ନାମିତି ତାୟି କି ତାଜିଇଁ ପାପୁ
କିହିମାନାଣି ମେହ୍‌ଦେରି ଇତିସାରେ, ଅଡ଼େ ଏ
ପାପୁ ହାଝି କିନାୟି ଆଏ, ଏ ତାୟି ତାଜି ତାକି
ମାହାପୁରୁ ତାଣା ପ୍ରାତାନା କିଦୁ, ଅଡ଼େ ମାହାପୁରୁ
ଏନିକିଁ ହାନିହଗେତି ପାପୁ କିହାହିଲଆ ଲକୁଣି
ଜୀଝୁ ହୀନେସି, ଏଲେକିହିଁ ଏ ଏଝାରାକି ଜିକେଏ

ଯୋହନଙ୍କ ଦ୍ଵୀତୀୟ ପତ୍ର ଜହନ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

ରୀ ଲମ୍ବର ଜହନ ଆକୁତି ଜୀସୁ କ୍ରୀସ୍ତ ଜାର୍ନାଆତି ୫୦ ଟିଏ ୧୦୦ ବାର୍ସା ତାମ୍ଭୁ ପାଣ୍ଡୁଆହାମାନି ଜହନ ତାଣାଟି ରାସ୍ତା ଆହାମାନେ । ଜହନ ଜାହାରାଲ୍ ଆକୁ ରାଚିତାସି ଇଞ୍ଜି ଖେହ୍‌ଆନା କୁଲମିତି ପ୍ରାଚିନାତେଏଁ ଇଞ୍ଜି ଖେସିମାନେସି । ଜହନ ରୀ ଲମ୍ବର ଆକୁତି ଜହନ ରାଚିତି ନେହ୍ କାବୁତଲେ ସମାନା ମାନେ । ଇ ପତିତା ଜୀସୁ ଏନିକ୍ ରଅସି ରଅଣାଲ୍ ଜୀସୁ ନନ୍ କାତା ଖେସାମାତେସି, ଜୀସୁତି ହୁକୁମିତି ହାରେକା ମାନି କିହିମାନେସି । ଏଲେକିହ୍ ଏ ଜୀସୁତି ହୁକୁମି ମାନଖି ଆନାୟି ଆହିମାନେ ଏଝାଣାଲ୍ ଜୀସୁନନାୟି ଜହ ୧:୫-୭; ଜହ ୧୫:୯-୧୦ ।

ଏତିବେଲାତା ଏଝାସି ଏପିସିୟ ଗାଡ଼ାତା ମାତେସି ଏମ୍ପାଆଁ ଏଝାସି ଜହନ ରାଚିତି ନେହ୍ କାବୁ ଅଡେ ଜହନ ମୂଲୁ ଆକୁ, ଜହନତି ରୀ ଲମ୍ବର, ଅଡେ ଜହନ ତାନି ଲମ୍ବର ଆକୁ ରାଚାମାତେସି ଇଞ୍ଜି ଲକୁ ନାମିମାନେରି । ଜହନ ଇ ଆକୁତା ଆଚାମାନି ଇୟା ଅଡେ ତାନି ମୀରକା ମାସ୍କା ଇଞ୍ଜି କୁଲମିତି ରାଚିମାନେସି । ଜହନ ଇ ଆକୁ ରାଚିନି କାତା ଆହିମାନେ ନାମୁତା ମାନି ଲକୁଣି ସାସା ହୀନାୟି ଅଡେ ମିତି କାତା ଖେହ୍‌ନାରି ତାଣାଟି ଜାଗ୍ରାତା କିହାଲି ରାଚାମାନେସି ।

ପତିତା ମାନାୟି

- ୧ ଜହନ ଆକୁ ପଡ଼ୁଆନାରାଲ୍ ଜହରା କିନାୟି । ୧:୧-୩
- ୨ କୁଲମିତି ସାସା ହୀହାନା ମାହାପୁରୁତି କାଜା ହୁକୁମିତି ଅଣ୍ପି କିନାୟି । ୧:୪-୭
- ୩ ମିତି ଜାପ୍‌ନାରି ତାଣାଟି ଜାଗ୍ରାତା କିନାୟି । ୧:୭-୧୧
- ୪ କୁଲମିତି ନାମୁଗାଟି ଲକୁଣି ଜହରା କିହାନା ଆକୁତି ରାପ୍‌ନାୟି । ୧:୧୨-୧୩

୧ ନାନୁ, କୁଲମିତି ପ୍ରାଚିନାତେଏଁ, ମାହାପୁରୁ ଆଚାମାନି ଇୟା ଅଡେ ତାନି ମୀରକା ମାସ୍କାକି ଇ ଆକୁ ରାଚିମାଲ୍, ନାନୁ ଏଝାରାଲ୍ ସାତା ଜୀସୁ ନହ୍‌ମାଲ୍, ଅଡେ ଝାରଇ ନାନୁ ଆଏ, ସାମା ସାତାତି ପୁଞ୍ଜାମାନି ବାରେକାଣା ଜୀସୁନହ୍ ମାଞ୍ଜାନେରି ।

୨ ଆମିନି ସାତା ମା ହିୟାତା ତୁୟାମାନେ ଅଡେ କାଲ୍‌କାଲ୍‌ତାକି ମା ତାଣା ତୁୟିନେ ।

☆ ୧:୫ ୧:୫ ଜହ ୧୩:୩୪; ୧୫:୧୨,୧୭

୩ ଆବା ମାହାପୁରୁ ଅଡେ ତାନି ମୀରକାଣା ଜୀସୁ କ୍ରୀସ୍ତ ତାଣାଟି କାର୍ନାମେହ୍‌ନାୟି, ହିଡ଼ି ଜୀସୁ ହୀହାନା, ସାତା ଅଡେ ଜୀସୁ ନଝିଆହାନା ତୁୟିଦେରି ।

ସାତା ଅଡେ ଜୀସୁନନାୟି

୪ ନୀ ମୀରକା ମାସ୍କା ବିତ୍ରାଟି ଏଚରକାଣା ଆବା ତାଣାଟି ମାଲେ ହୀହାମାଞ୍ଜାନି ହୁକୁମି ଲେହେଁ ସାତାତି ତାକିନି ତାକୁ ମେସାନା ନାନୁ ହାରେକା ରାହାଁ ଆହିମାଲ୍ ।

୫ ଏ ଜୀସୁତି ଇୟା ନାନୁ ନାଏଁ ନିଲେ ର ପୁଞ୍ଜନି ହୁକୁମି ରାଚିମାଞ୍ଜାଲ୍ ଏଡି ଆଏ, ସାମା ତଲିଟିଏ ବେଟାଆହାମାନି ହୁକୁମି ରାଚାନା ବାଚିମାଲିମାଞ୍ଜାଲ୍, ମାର ରଅତାୟି ରଅଣାଲ୍ ଜୀସୁନନାୟି ମାନେ ।

୬ ମାର ତାନି ହୁକୁମି ମାନଖି ଆହାନା ମାଞ୍ଜେ ମାନାୟି, ଇଦିଏ ଜୀସୁ ନନ୍ କାତା, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଲେଆହ୍ ଏ ମାଞ୍ଜୁ, ଇଦି ଏ ହୁକୁମି ।

୭ ନାନୁ ଖେସିମାଲ୍, ଇଚିହ୍ ଆମିନି ଗାଟାରି ଜୀସୁ କ୍ରୀସ୍ତ ମାଣ୍‌ସି ଝାଣା ତଲେ ଝାହାହିଲଅସି ଇଞ୍ଜି ଇନେରି, ଇଲେତି ହାରେକା ନାଡ଼ିକିନାରି ଦାର୍‌ତିତା ହଟା ଝାହାମାନେରି, ଇଲେତି ଲକୁ ନାଡ଼ିକିନାରି ଅଡେ ନାଡ଼ିକିନି କ୍ରୀସ୍ତ ।

୮ ସାମା ମୀ ତାକି ମାମ୍‌ କିହାମାନି କାମାତି ପାଡେତୁୟି ବାରେ ଜାକ୍‌ଆନା ଏନିକ୍ ଏମ୍ପାଟି ହାରେ ପୁରେ ବର ବେଟାଆଡେରି ଏଦାଆଁତାକି ଜାଗ୍ରାତା ଆଦୁ ।

୯ ଆମ୍ପାଆସି କ୍ରୀସ୍ତ ଜାପ୍‌ହା ମାନାଣି କିହାଁ ଆଗାଡ଼ା ଗାଣ୍‌ନେସି, ଏଝାସି ମାହାପୁରୁଲ୍ ବେଟାଆହାହିଲଅସି; ଆମ୍ପାଆସି କ୍ରୀସ୍ତ ଜାପ୍‌ହା ମାନାଣି ତଲେ ତୁୟିନେସି, ଏଝାସି ଆବା ଅଡେ ମୀରକାସି ଇ ରିଆରାଲ୍ ଜିକେଏ ବେଟାଆହାମାନେସି ।

୧୦ ଆମ୍ପାଆସି ଇଲେକ୍ ଜାପ୍‌ନାଣି ଆସାନା ମୀ ତାଣା ଝାଅସି, ଏଝାଣାଲ୍ ମୀ ଇଜ ହାଚାଆଦୁ, ଇଞ୍ଜା ନେହ୍ ମାଞ୍ଜି କି ଜିକେଏ ଇନାଆଦୁ;

୧୧ ଏନାଆଁତାକି ଇଚିହ୍ ଆମ୍ପାଆସି ଏଝାଣାଲ୍ ନେହ୍ ମାଞ୍ଜି କି ଇନେସି, ଏଝାସି ତାନି ଲାଗେଏତି କାମାତା ଆଣ୍ଡିନାସି ଆନେସି ।

ଆକୁତି ରାଚି କାତା

୧୨ ନାନୁ ମିଲେ ହାରେକା କାତା ରାଚିନାୟି ମାନେ, ସାମା ଆକୁତା ଇଞ୍ଜା ସୀରା ତଲେ ରାଚାଲି ଅଣ୍ପି ହିଲଅଁ; ମୀ ତାଣା ଝାହାନା ମୁମ୍‌ମେସ୍‌ପି ଆହାନା ଗୁତି ତଲେ ଜଲ୍‌କି ଆୟାଲି ଆସା କିହିମାଲ୍, ଏନିକ୍ ମା ରାହାଁ ହାରେକା ଆନେ ।

୧୩ ମାହାପୁରୁ ଆଚାର୍ଯ୍ୟ ନୀ ତାଙ୍କିନି ମୀରକା
ମାୟକା ମିତ୍ତେ ଜହରା କିହିମାଞ୍ଜାନେରି □ ଆମେନ୍
□

ଯୋହନଙ୍କ ତୃତୀୟ ପତ୍ର ଜହନ ରାଚାମାନି ତୀନି ଲମ୍ବର ଆକୁ ମୁକୁ ହାଡ଼ା

ଜହନତି ତୀନି ଲମ୍ବର ଆକୁ ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ସା ତାୟୁ ପାଣ୍ଡୁଆହାମାନି ଜହନ ତାଣାଟି ରାୟୁକି ଆହାମାନେ □ ଜହନ ଜାହାରାଇଁ ଆକୁ ରାଚିତାସି ଇଞ୍ଜିଲ୍ ଖେହୁଆନା କୁଲମିତି ପ୍ରାଚିନାତେଏଁ ଇଞ୍ଜିଲ୍ ଖେସିମାନେସି ୧:୧; ୨ଜହ ୧:୧ □ ଇମ୍ବୁଆଁ ପୁଞ୍ଜାଲି ଆହିମାନେ ଏଞ୍ଜାସି ଏପିସିୟ ଗାଡ଼ାତା ମାଟିବେଲୀତା ଜହନ ରାଚିତି ନେହୁଁ କାବୁତଲେ ତୀନିଗଟା ଆକୁ ଜିକେଏ ରାଚାମାନେସି ଇ ନାମ୍ବୁ, ଇଚିହୁଁ ଜହନତି ତଲିତି ଆକୁ, ରୀ ଲମ୍ବର ଜହନ, ଅଡ଼େ ତୀନି ଲମ୍ବର ଜହନ □ ଜହନ ଗାୟସ ଦରୁ ଇନି ର ନାମ୍ବୁଗାଟି ତାୟିକି ଇ ଆକୁ ରାଚାମାନେସି □

ଏଞ୍ଜାସି ଗାୟସଇଁ ର ତଟେଏସି ଇଞ୍ଜାନା ଏ ରାକିତା ରେଜିମାନି କ୍ରୀସ୍ତାନା ତାୟିୟାଁଇଁ ଜୀସୁ ନହାଲି ହୁକୁମି ହାହିମାନେସି □

ପତିତା ମାନାୟି

- ୧ ଜହନ ଜାହାରାଇଁ ଖେସାକତିନାୟି □ ୧:୧
- ୨ ଗାୟସଇଁ ସାସା ହାହାନା ରେଜିମାନି କ୍ରୀସ୍ତାନା ତାୟିୟାଁଇଁ ଆବାନା ଜୀସୁ ନହାଲି ଖେହୁନାୟି □ ୧:୨-୮
- ୩ ତାୟୁଗ୍ରେପିସ୍ ଅଡ଼େ ତିମିଟ୍ରିଅସ୍ କାତା ଖେହୁନାୟି □ ୧:୯-୧୨
- ୪ ଆକୁତି ରାପ୍ନାୟି □ ୧:୧୩-୧୪

୧ *ନାନୁ, କୁଲମିତି ପ୍ରାଚିନା ଜହନତେଏଁ, ନାନୁ ସାତା ତଲେ ଜୀସୁ ନହୁଁମାନି ନା ଜୀସୁତି ଗାୟସଇଁ ଜହରା ପାଣ୍ଡାନା ଇ ଆକୁ ରାଚିମାଇଁ □

୨ ଏ ନା ଜୀସୁତି ତଟେ ନାନୁ ଜୀସୁତା ଏନିକ୍ ନେହୁଁ ଆହୁଁ ମାଞ୍ଜି ଏଲେକିହୁଁ ନାନୁ ବାରେ ଖାକିଟି ନୀ ନେହେଁ ଆପେ ଅଡ଼େ ନୀ ଆଙ୍ଗା ଜିକେଏ ନେହୁଁ ମାଣ୍ଡେ ଇଞ୍ଜିଲ୍ ନାନୁ ପ୍ରାଚାନା କିହିମାଇଁ □

୩ ନାନୁ ବାରେଦିନା ସାତା ତଲେ ତୟିମାଞ୍ଜି, ଏଲେକିହୁଁଏ ଏଚରଜାଣା ନାମିତି ତାୟିୟାଁ ଖାହାନା, ନାନୁ ତୀରିତଲେ ସାତାତା ନୀତାମାନାଣି ସାକି ହିୟାଲିଏ ନାନୁ ହାରେକା ରାହୁଁ ଆତେଏଁ □

୪ ନା ମୀରକା ମାସ୍କା ସାତା ଅଡ଼େ ସାତା ତଲେ ନୀତାମାନାଣି ଖେଞ୍ଜାନା, ଏଚେକା ରାହୁଁ ଆହିମାଇଁ,

ଏଦାଣିକିହୁଁ ଆଗାଡ଼ା ନାଙ୍ଗେ ଅଡ଼େ ଏନି ରାହୁଁ ହିଲେଏ □

ଗାୟସ କିତି କାମାତାକି ଜହରା

୫ ଏ ନା ଜୀସୁତି ତଟେ ନାନୁ କ୍ରୀସ୍ତାନା ତାୟିୟାଁ ତାକି ଅଡ଼େ ଏଚକା ଦେସାତି କ୍ରୀସ୍ତାନା ତାୟିୟାଁ ତାକି ନାନୁ ଅଡ଼େ ଚିକାଣା ତଲେ ସେବା କାମା କିହିମାଞ୍ଜି □

୬ ଏଞ୍ଜାରି ଇମ୍ବୁଆଁ ମା କୁଲମିତା ନୀ ଜୀସୁ ନତି କାତା ଖେସିମାନେରି; ନାନୁ ଏଞ୍ଜାରାଇଁ ମାହାପୁରୁତି ରାହୁଁ ଆନିଲେହେଁ ତୀନି ଜିରୁ ତାକି ଲଡ଼ାମାନାଣି ହାହାନା ସାୟେମି କିମୁ □

୭ ଏନାଆଁତାକି ଇଚିହୁଁ ଏଞ୍ଜାରି ନାମାଆଗାଟାରି ତାଣାଟି ଏନାଆଁ ରାହୁଆନା କ୍ରୀସ୍ତତି ସେବା କାମାତାକି ହଚାମାନେରି □

୮ ଏଦାଆଁତାକି ମାରୁ ଏନିକ୍ ଏଞ୍ଜାରାଇଁ ସାୟେମି କିହାନା ସାତାତି ତସାଲି ଏଞ୍ଜାରି ସେବା କାମାତା ଆଣ୍ଡିନାୟି ମା କାମା □

ଦିୟତ୍ରପା ଅଡ଼େ ଦିମିତ୍ରିୟ

୯ ନାନୁ କୁଲମିତାକି ର ଇଚାଣି ଆକୁ ରାଚିତେଏଁ, ସାମା ଦିୟତ୍ରପା କୁଲମିତି କାଜାସି ଆହାଲି ଅଣ୍ଡପାନା, ନା କାତା ଖେଞ୍ଜାହିଲଅସି □

୧୦ ନାନୁ ଖାଡ଼ିସାରେ ଏଞ୍ଜାସି କିହାମାନି ବାରେ ଲାଗେଏତି କାମା ଖେହୁଇଁ, ଏଞ୍ଜାସି ଏନିକ୍ ମା କପାଟି ଲାଗେଏତି କାତା ଖେସାନା ମାଙ୍ଗେ ନିନ୍ଦାକିହୁଁ ମିତି କାତା ଖେସିମାନେସି, ଖାରୁଇ ଏଚେକେଏ ଆଏ, ସାମା କ୍ରୀସ୍ତାନା ତାୟିୟାଁ ଖାଡ଼ିହୁଁ ଅପିହିଲଅସି କି ଆମ୍ବାଆରାଇଁ ଅପାଲି ହାହି ହିଲଅସି, ଅଡ଼େ ଆମ୍ବାଆରି ଆବିନାରି ଏଞ୍ଜାରାଇଁ କୁଲମିତି ହପ୍ସାଲି ଅଣ୍ଡପିମାନେସି □

୧୧ ଏ ନା ଜୀସୁତି ତଟେତି, ନାନୁ ଲାଗେଏ ପଲେଏତାଣି ଆହୁଆନା, ସାମା ନେହୁଁ କାମାତି ଆହୁମ୍ବୁ, ଆମ୍ବାଆସି ନେହୁଁ କାମା କିନେସି ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି ଲାଗେଏ ପଲେଏ କାମା କିନେସି ଏଞ୍ଜାସି ମାହାପୁରୁଇଁ ପୁଞ୍ଜାହିଲଅସି □

୧୨ ବାରେଜାଣା ଦିମିତ୍ରିୟଇଁ ନେହୁଁସି ଇନେରି, ଏଞ୍ଜାସି କିହାମାନି ସାତା ନେହୁଁ କାମା ଜିକେଏ ଏଦାଆଁ ତସିମାନେ, ମାମ୍ବୁଜିକେଏ ଏଦାଆଁ ସାକି ହାହିମାନମି, ଇଞ୍ଜା ମାମ୍ବୁ ଖେହୁନି କାତା ସାତା ଇଞ୍ଜିଲ୍ ନାନୁ ପୁଞ୍ଜାମାଞ୍ଜି □

ଜହରା ତଲେ ଆକୁ ରାପ୍ନାୟି

୧୩ ନାନୁ ନିଙ୍ଗେ ହାରେକା କାତା ଖେସ୍ତାନାୟିମାନେ ସାମା ଏଦାଆଁ ଆକୁତା ସୀରା କାଡ଼ିତଲେ ରାଚାଲି ଅଣ୍ଡପି ହିଲଅଁ □

* ୧:୧ ୧:୧ କାମା ୧୯:୨୯; ରମି ୧୭:୨୩; ୧କର ୧:୧୪

୧୪ ମାର ମୁମ୍ମ ମେସପି ଆହାନା ଜଲ୍ଲି ଆୟାଲି
 ଆଡ଼ିନାୟି ଇଞ୍ଜି ଆସା କିହିମାଲ୍ ।

୧୫ ମିଲୋତାକି ହିଡ଼ଡ଼ି ଆୟାପେ, ତଃଣସିଙ୍ଗା
 ମିଲୋତାକି ଜହରା ପାଣ୍ଡିମାଞ୍ଜାନେରି, ବାରେଜାଣାତି
 ଦରୁ ଆସାନା ଜହରା ଖେହ୍ମୁ ।

କ୍ଷିତ୍ରଦାକ ପତ୍ର ଜାହ୍ନବୀ ରାଢ଼ାମାନି ଆକୁ ମୂଲୁ ହାଡ଼ା

ରାଢ଼ାମାନି ଜାହ୍ନବୀ ଦରୁତଲେ ଇ ପତିଲ୍ଲ ଜାହ୍ନବୀ ଆକୁ ଇନେରି □ ଜାହ୍ନବୀ ଜାହାରାଲ୍ଲ ଜାକୁବ ତାୟି ଇଞ୍ଜିଁ ଝେସାମାନେସି, ଜାକୁବ ଜାସୁକି ତାୟି ମାରେସି, ଏଦାଆଁତାକି ଜାହ୍ନବୀ ଜିକେଏ ଜାସୁକି ତାୟି ଆନେସି ୧ □ ଇ ଆକୁ ଆମିନି କୁଲମିତାକି ରାସୁକି ଆହାମାରେ ଇଞ୍ଜିଁ ମାର ନେହଁକଁ ପୁଞ୍ଜାହିଲିଆୟି ଅଡ଼େ ଇମ୍ପାଆଁ ହାରେକା ପୁଞ୍ଜାଲ ମେରାତି କାତା ମାନୁ, ଜାହ୍ନବୀ ଆକୁତି ଜାହ୍ନବୀ ଲକୁ ପଡ଼଼ି ଆନାରି ମାରେରି □ ଆତିହଁ ଜିକେଏ, ଏଞ୍ଜାସି ମାହାପୁରୁ ଆଡ଼ା “ହାଡ଼ାମାନି ଲକୁ, ଜାହ୍ନବୀମାନି ଲକୁ, ଅଡ଼େ ଜାସୁ କ୍ରାସୁକି ତାରି କିହାମାନି ଲକୁତି” କାତା ଝେସାମାନେସି ୧ □ ଇ ଆକୁ ଜାସୁ କ୍ରାସୁ ଜାନାଆଡ଼ି ୨୦ ବାର୍ଯା ତାୟି ରାସୁକି ଆହାମାରେ □

ମିତି ଜାପୁନାରି ତାଣାଟି ହେକ ମାଞ୍ଜାଲି ବାରେ ଇ ପତି ରାଢ଼ାମାରେସି ଜାହ୍ନବୀ ୪ □ ଏଞ୍ଜାସି ପୁଞ୍ଜାଲ ମେରାତା ଗଟ଼ି ଆଡ଼ି କାତା ଆଡ଼ହାମାନେସି ଅଡ଼େ ତାନି ରୁକୁବାଡ଼ିତି ଆଡ଼ଞ୍ଜା କିହାମାନେସି □ ଇ ଆକୁତା ପିତରତି ରା ଲମ୍ବର ଆକୁତା ମାନି ନାଡ଼ି କିନାଣି ଜାପୁନାରି କାତା ଜାହ୍ନବୀ ୪; ୨ପିତ ୨:୧ ଅଡ଼େ ଜିକେଏ ଦୂତୁୟାଁ, ସଦମ ଅଡ଼େ ଗମରାତି କାତା ରାଢ଼ାମାନେସି □

ପତିତା ମାନାୟି

- ୧ ଜାହ୍ନବୀ ତାନି ପତି ପଡ଼଼ି ଆନାରାଲ୍ଲ ଜହରା କିନାୟି □ ୧-୨
- ୨ ଏଞ୍ଜାସି ମିତି ଜାପୁନାରି କାତା ଝେହ୍ନାୟି □ ୩-୪
- ୩ ପୁଞ୍ଜାଲ ମେରାତି କାତା ଅଡ଼େ ଲକୁତି କାତା ଝେହ୍ନାୟି □ ୫-୧୭
- ୪ ଏଞ୍ଜାସି ଏଞ୍ଜାରାଲ୍ଲ ଏନାଆଁ କିନାୟିମାନେ ଇଞ୍ଜିଁ ଝେହ୍ନାୟି □ ୧୭-୨୩
- ୫ ମାହାପୁରୁଲ୍ଲ ଜହରା କିହାନା ଆକୁ ରାପୁନାୟି □ ୨୪-୨୫

୧ ନାନୁ ଜାହ୍ନବୀତେଏଁ, କ୍ରାସୁ ଜାସୁତି ହଲେଏସି ଅଡ଼େ ଜାକୁବତି ତାୟି, ଆବା ମାହାପୁରୁ ଆଡ଼ା ମାନାତେରି ଅଡ଼େ ତାନି ଜାହ୍ନବୀ ନନାତେରି ଇଞ୍ଜାଁ ଜାସୁ କ୍ରାସୁ ତାକି ଆଡ଼଼ି ଆହାମାନାତେରି ମିଲେତାକି ଇ ଆକୁ ରାଡ଼ିମାଞ୍ଜାଲ୍ଲ □

☆ ୧:୯ ୧:୯ ଝେ ବଲୁ ୧୨:୭

୨ ମିଲେତାକି ମାହାପୁରୁତି କାର୍ମାମେହ୍ନାୟି ଅଡ଼େ ହିଡ଼ି ଜାହ୍ନବୀ ଇଞ୍ଜାଁ ଜାହ୍ନବୀୟି ହାରେପୁରେ ଆୟାପେ □

ମିତି ଜାପୁନାରି

୩ ଏ ନା ଜାହ୍ନବୀ ତରେସିଲ୍ଲା ମାର ବାରେ ଜାଣାତାୟି ଏମିନି ଗେଲପି ଆନି ତାଣା ଆଣ୍ଡାମାନାୟି, ଏ କାତା ମିଲେ ତାକି ରାଡ଼ାଲି ଅଣ୍ଡିମାରେଏଁ □ ସାମା ମାହାପୁରୁ ତାନି ଲକୁଣି କାଲାକାଲାତାକି ହାହାମାନି ନାମୁ ଝାକିଟି ଜୁଜୁ କିହାଲି ମିଲେ ରାହାଁ କିଞ୍ଜି କିୟାଲି ଲଡ଼ାମାନେ ଇଞ୍ଜିଁ ଅଣ୍ଡିତେଏଁ □

୪ ଏନାଆଁତାକି ଇତିହଁ ଏଚରଜାଣା ମାହାପୁରୁଲ୍ଲ ମାନଞ୍ଜି ଆଆଗାଟାରି ମେଣେଏ ମୀ ବିଡ଼ା ଝାହାମାନେରି, ଏଞ୍ଜାରି ମାହାପୁରୁ କାର୍ମାମେହ୍ନି କାତା ତିରିମୁପହାନା ତାମୁ ତାମୁ ଅଣ୍ଡିତି ଲେହେଁ ଲାଗେଏ ପଲେଏତି କାମା କିହମାନେରି, ଅଡ଼େ ଜାସୁ କ୍ରାସୁ ରଥସିଏ କାଜାସି ଅଡ଼େ ପ୍ରୁ, ଏଞ୍ଜାରି ଏଞ୍ଜାଣାଲ୍ଲ ଅପଅରି, ଏଞ୍ଜାରି ବେଟାଆନି ଡ଼ଣ୍ଡି କାତା ତଲି କାଲାଟିଏ ଦାମୁପତିତା ରାସୁକି ଆହାମାନେ □

୫ ପ୍ରୁ ତଲିଏ ଏଚରଜାଣା ତାନି ଲକୁଣି ମିସର ଦେସାଟି ପିସପି କିତେସି, ସାମା ଏଞ୍ଜାରି ବିଡ଼ାଟି ନାମାଆଗାଟାରାଲ୍ଲ ନାସା କିତେସି, ଇତିହଁ ବାରେ କାତା ପୁଞ୍ଜାମାଟି ଜିକେଏ ମିଲେ ଅଡ଼େ ଝେଣ୍ଡେ ଅଣ୍ଡି କିଞ୍ଜି କିୟାଲି ଅଣ୍ଡିମାଲ୍ଲ □

୬ ଅଡ଼େ ଏମିନି ଦୂତୁୟାଁ ମାହାପୁରୁ ହାହାମାଟି ପାଣା ପିସାନା ତାନି ବାସାଆନି ଚାୟୁ ପିସୁ ମାହାପୁରୁ ଏ ଦୂତୁୟାଁଲ୍ଲ ନାହାଁୟି କିନି ଦିନା ପାତେକା ଆନ୍ଦେରି ଚାୟୁତା କାଲାକାଲା ତାକି ହିକ୍‌ଶିୟାଁ ତଲେ ଦସା ଇଟାମାନେସି □

୭ ଏଲେକିହଁଏ ସଦମ ଅଡ଼େ ଗମରା ଅଡ଼େ ତାନି ସାରିସୁରୁ ମାଟି ଗାଡ଼ାୟାତାରି, ଦାରିକାମା ଅଡ଼େ ତାନି ବିଡ଼ା ଲାଗେଏ ଅଡ଼େ ଅପାଆଗାଟି ଲାଜା ଆନି କାମା କିତେରି, ଏଦାଆଁତାକି କାଲାକାଲା ତାକି ଡ଼ଞ୍ଜିମାନି ହିତୁତା ସାସ୍ତି ବେଟାଆଡ଼େରି, ମା ବାରେଜାଣା ତାକି ଜାଗ୍ରାତା କିଞ୍ଜିକିନି କାତା ଲେହେତାୟି ଇଞ୍ଜିଁ ମୀରୁ ଅଣ୍ଡିପାଦୁ □

୮ ଏଲେକିହଁଏ ହାପାନା ହେଣନାରି ଜିକେଏ, ଅପାଆଗାଟି କାମା ତଲେ ତାନି ଆଙ୍ଗାଟି ଲାଗେଏ କିହମାନେରି, ଅଡ଼େ ମାହାପୁରୁତି ଅଦିକାରାତି ଅପାଆନା ଲାକପୁରୁତି ଦୂତୁୟାଁଲ୍ଲ ନିନ୍ଦା କିହମାନେରି □

୯ ☆ସାମା ବାରେକିହାଁ କାଜା ଦୂତୁ ମିକାୟେଲ ମସାତି ମାଡ଼ହା ତାକି ସୟତାନ ତଲେ ବାଦିବାଦା ଆଡ଼ାଟି ନିନ୍ଦା କିହାନା ଏଦାନି ବିଚାରା କିହାଲି ସାସା

କିଆନା, ଖାରୁଇ ଏଚେକା ଏଲେଇଚେ, “ପ୍ରବୁ ନିଙ୍ଗେ ଦାକା ହିୟାପେସି □”

୧୦ ସାମା ଇ ଲକୁ ତାମ୍ବୁ ପୁନାଆଗାଟାଣି ବାରେ ନିନ୍ଦା କିନେରି, ଇଞ୍ଜା ବୁଦି ହିଲାଆଗାଟି ଜଡ଼ ଲେହେଁ ତାମ୍ବୁ ତାମି ଆଙ୍ଗାତି ଅଣ୍ପୁ ତଲେ ପୁଞ୍ଜାମାନି ତାଣାଟି ନାସା ଆନେରି □

୧୧ ଆୟତା, ଏଞ୍ଜାରି ତଣ୍ଡ ବେଟାଆନାରି, ଇଚିହିଁ ଏଞ୍ଜାରି କୟିନ ଜିରୁତା ହାଜାମାନେରି, ତାରୁୟାଁ ଜୁପକାତାକି ଏଞ୍ଜାରି ବିଲିୟମ ଦହ କିତଲେହେଁ ଦହ କିହାମାନେରି, ଏଞ୍ଜାରି କରହ ଲେହେଁ ହଆଗାଟି ଗଡ଼ହା କିହାନା ଏଞ୍ଜାଣିଲେହେଁ ନାସା ଆନେରି □

୧୨ ଏଞ୍ଜାରି ଲାଜା ଆଆନା ମୀ ତଲେ ତିଞ୍ଜା ଉଣ୍ଡାନା ମୀ ରାହାଁତି ବକିତା ଆଣ୍ଡାନା ମାହୁଁତି ଗାରି ଲେହେଁତାରି, ଏଞ୍ଜାରି ଖାରୁଇ ଜାହାରା ତାକି ଅଣ୍ପିନେରି, ଏଞ୍ଜାରି ଗାଲି ଖେନି ପିୟୁ ରାଆଗାଟି ଦୁନ୍ଦା ଲେହେଁତାରି, ଏଞ୍ଜାରି ତାକି ମେଗାନା ପେନିବେଲା ପାଡ଼େୟି ଆୟାଆଗାଟି ଖାୟିତି ମାରୁନୁ ଲେହେଁତାରି □

୧୩ ଏଞ୍ଜାରି ସାମ୍ବୁରି ଖାତିସାରି ହନି ମାଟିଗାଟି ପମ୍ବୁଲି ଲେହେଁ ଏଞ୍ଜାରି ଲାଜାଗାଟି କାମାୟାଁ ତଞ୍ଜାଆନେ, ଏଞ୍ଜାରି ତାମି ଟାୟୁ ପିସାନା ଇତାଲା ଆତାଲା ରେନି ହୁକାୟାଁ ଲେହେଁତାରି, ଏଞ୍ଜାରାକି ମାହାପୁରୁ କାଲେଏତାକି ଆନେରିଗାଟି ଟାୟୁ ତିୟାରା କିହାଁ ଇଟାମାନେସି □

୧୪ ଆଦମ ଟିଏ ସାତା ଲମ୍ବୁର ମାଣ୍ଡସି ହନକ, ଜିକେଏ ଡାୟୁ ଆନି କାତା ଏଞ୍ଜାରି ତାକି ଖେକହା ମାରେସି, “ମେହମ୍ବୁ ପ୍ରବୁ ତାନି ମାଣା ମାଣା ସୁଦୁଗାଟି ଦୁତୁୟାଁ ତଲେ ଖାନେସି □”

୧୫ ମେହମ୍ବୁ ପ୍ରବୁ ନୀହାଁୟି କିୟାଲି ଖାନେସି, ଏଞ୍ଜାସି ଦାମ୍ବୁ ହିଲାଆଗାଟାରାଇଁ ତାମି ପଲ୍ଲଆ କାମାତାକି ଅଡ଼େ ଏଞ୍ଜାରି ମାହାପୁରୁଇଁ ମାନଞ୍ଜି ଆଆନା ଏଞ୍ଜାଣି କପାଟି ଖେସ୍ତି ଅପାଆଗାଟି କାତାତାକି ଏଞ୍ଜାରାଇଁ ଦହଗାଟାରି କିହାନା ତଣ୍ଡ ହାନେସି □

୧୬ ଇ ଲକୁ ବାରେବେଲା ତାମ୍ବୁ ତାମ୍ବୁ ଏଚେକା ବେଟାଆଡ଼ି ଜିକେଏ ରାହାଁ ଆଅରି □ ଏଞ୍ଜାରି ଖାରୁଇ ତାମି ଲାଗେଏ ପଲେଏତି ଅଣ୍ପୁ ତଲେ ସାଲୁଞ୍ଜି ଆନେରି; ଏଞ୍ଜାରି ବଡ଼ପଣ ତସାନା କାଜା କାତା ଖେହନେରି, ଅଡ଼େ ଲାବା ବେଟାଆହାଲି ଜୁପକା ତସାନା ଲକୁ ନକିତା ଅକ୍ତି କାତା ଖେହନେରି □

ଜାଗ୍ରାତା ଅଡ଼େ ଜାପ୍ନି କାତା

୧୭ ସାମା ଏ ନା ଜୀଞ୍ଜୁତି ତଣ୍ଡେସିଙ୍ଗା ମା ପ୍ରବୁ ଜୀସୁ କ୍ରୀସ୍ତତି ପାଣ୍ଡୁଞ୍ଜି ଆହାମାନାରି ତଲିଟିଏ ଏମିନି ବାରେ କାତା ଖେସାମାନାଣି ବାରେ ଅଣ୍ପାଦୁ □

୧୮ ଏଞ୍ଜାରି ଏନିକିଁ ମିଙ୍ଗେ ଖେସାମାଞ୍ଜାତେରି ରାନି ବେଲା ମାହାପୁରୁଇଁ ମାନଞ୍ଜି ଆହାନା ତାମି ଅଣ୍ପୁ ତଲେ ମାଞ୍ଜାନା ନିନ୍ଦା କାତା ଖେହନାରି ହନେରି ଇଞ୍ଜା ଲାଜା କିହାନା ଏଲେଇଞ୍ଜାନେରି □

୧୯ ଏଞ୍ଜାରି ଗଡ଼ହା କିଞ୍ଜି କିହାଁ ଜାଟୁ ଡିକ୍ନେରି, ଅଡ଼େ ଆଙ୍ଗାତି ଅଣ୍ପୁଟି ସାଲୁଞ୍ଜି ଆହାନା, ମାହାପୁରୁତି ନେହୁଁ ଜୀଞ୍ଜୁ ବେଟାଆଆତାରି □

୨୦ ସାମା ଏ ତଣ୍ଡେସିଙ୍ଗା ମୀରୁ ମୀ ତୀରିଗାଟି ନାମୁଗାଟି ଦାମ୍ବୁତି ଇଲୁ ପାଡିକିହାଁ କତାଦୁ, ଅଡ଼େ ସୁଦୁଜୀଞ୍ଜୁ ତଲେ ପ୍ରାତାନା କିଦୁ □

୨୧ ମା ପ୍ରବୁ ଜୀସୁ କ୍ରୀସ୍ତତି କାର୍ମାଟି କାଲାକାଲାତି ଜୀଞ୍ଜୁ ହିୟାନେସି, ମୀରୁ ଏଦାଆଁ ବେଟାଆହାଲି କାଟାନା ମାହାପୁରୁ ଜୀଞ୍ଜୁନହୁଁ ମାଞ୍ଜାନି ତାଣା ମାଞ୍ଜେମାଞ୍ଜୁ □

୨୨ ଆନାମାନା ଆନି ଲକୁଣି କାର୍ମାମେସାନା ନାମୁତା ପାଡିକିଦୁ □

୨୩ ଏଚକା ତାରାଇଁ ହିରୁଟି ଡେଞ୍ଜିତି ଲେହେଁ ଗେଲ୍ପାଦୁ, ଆଙ୍ଗାତି ପାପୁ କାମାତା ମାହାମାନି ହିମ୍ବୁରିକା ଅପାଆଦୁ, ଏଚର ଲକୁଣି କାର୍ମା ମେସ୍ତମି ଜିକେଏ ଏଞ୍ଜାରାଇଁ ଆଜିନାୟି ମାନେ □

ଜହରାତି ପାତୁ

୨୪ ଆମ୍ବାଆସି ମିଙ୍ଗେ ପୁଟିକିନି ତାଣାଟି ଗେଲ୍ପାଲି ଆଡାନେସି, ଅଡ଼େ ତାନି ଗାଞ୍ଜୁରମିତି ହାରେକା ରାହାଁତଲେ ନକିତା ତାଗାଲି, ମାଙ୍ଗେ ଦହ ହିଲାଆଗାଟି ଲକୁ ଲେହେଁ କିହାଲି ଆଡାନେସି □

୨୫ ଏ ମା ପ୍ରବୁ ଜୀସୁ କ୍ରୀସ୍ତ ତାକି ମା ଗେଲ୍ପାନି ମାହାପୁରୁ ରଅସିଏ, ଗାଞ୍ଜୁରମି, କାଜାପାଣା, ବାଡ଼ୁୟୁ ଅଡ଼େ ସାଲୁଞ୍ଜି କିନାୟି କାଲେଏତାୟି, ନୀଏଁ, ଅଡ଼େ ଜୁଗୁ ଜୁଗୁତାକି ଏଞ୍ଜାଣିଖାୟି □ ଆନେନି □

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନଇଁ ତସାହିଁ ଝେକ୍‌ହି ବଲୁ ମୂଲୁ ହାଡ଼ା

ଝେକ୍‌ହି ବଲୁ ପୁଃନି ମୋରାତି ରାତି ପତି □ ଇଦି ଜିକେଏ ଜହନ ତାଣାଟି ଜୀସୁ କ୍ରୀସୁ ଜାର୍ନାଆତି ୯୫ ବାର୍ଯା ତାୟୁ ରାସ୍‌କି ଆହାମାତେ ୧:୧ □ ଏଝାସି ଜହନତି ନେହଁ କାବୁତଲେ ତାନିଗଟା ଆକୁ ପତିୟାଁ ରାତାମାରେସି ଏଝି ୧ଜହ, ୨ଜହ ଅଡେ ୩ଜହ □ ଜହନ ଆମିନି ଗାଟାଣାଇଁ ଜୀସୁ ହାରେକା ଜୀସୁ ନହଁମାରେସି □ ଜହନ ଏୟୁ ମାଦିମାନି ବୁମିତି ପାତମସ୍ ଟାୟୁତା ମାନି ବେଲାତା ଇ ଝେକ୍‌ହି ବଲୁ ରାତାମାରେସି, ଇତିହଁ ଜୀସୁ କ୍ରୀସୁତି ନେହଁ କାବୁତାକି ଏଝାଣାଇଁ ଏମ୍‌ଆଁ ଅଝିଆହାମାତେ ଜହ ୧୩:୨୩ □

ଜୀସୁ ଝେଣ୍ଡା ଝାନି ଦିନା ତାଗେ ଝାହି ମାନାକି ଜୀସୁ କ୍ରୀସୁ ତାଣା ନାମୁତଲେ ମାଞ୍ଜାଲି ପଡ଼ଝି ଆନାରାକି ସାସା ଅଡେ ଆସା ହୀହାଲିତାକି ଇ ଝେକ୍‌ହି ବଲୁ ରାତିତେସି ୧:୩; ୨୨:୭ □ ଏଝାସି ବାରେ ନାମିତି ଲକୁ ଅଡେ ବାରେକିହାଁ ସାଡ଼ାଗଟା କୁଲମିତାକି ରାତିମାନେସି ୨-୩ □ ଜହନ ତାନି ରାତିନି ତାଣା ମାହାପୁରୁ ଅଣ୍‌ପୁତି ବଲୁ୧:୩ ଅଡେ ତାନି ମେସାମାନି ହାରେକା ସିନାୟାତି କାତା ରାତିମାନେସି □ ଇ ପତିତି ଏରେକା ତାଣା ପୁଃଇ ପତି ତଲେ ସମାନା ମାନାଣି, ଜିକ ୬:୧-୮ ମେସାଲି ଆଡିନାୟି □ ସାଡ଼ାଗଟା ତାଡ଼ି ଅଡେ ସାଡ଼ାଗଟା ଗିନାୟାଁ ଏମିନି ଗାଟାଇ ମାହାପୁରୁ ମିସରତି ଲକୁଣି ତଣ୍ଡ ହୀହାଲିତାକି କସୁୟାଁ ପାଣ୍ଡାନେସି ହାନାୟି ୭-୯ □

ଝେକ୍‌ହି ବଲୁ ରାନ୍ତି ବେଲାତି କାତା ଝେସିମାନେ, ଜୀସୁ ତାୟୁ ଜୀଣା ଆନେସି ଅଡେ ଆମିନି ଗାଟାରି ଏଝାଣି ତାଣା ବାର୍ଯୁ ଇତିନେରି ଏଝାରି ବାରେବେଲା ଏଝାଣିତଲେ ତୟିନେରି □ ଇ ପତି ନିଙ୍ଗେ ଜାଗ୍ରାତା କିୟାପେ ଅଡେ ଆସା ହିୟାପେ, ଇତିହଁ ଜୀସୁ ତବେ ଝେଣ୍ଡା ଝାହିମାନେସି □

ପତିତା ମାନାୟି

- ୧ ଜହନ ତାଙ୍ଗେ ପୁଣ୍ଠିକିନାୟି ଅଡେ ତାୟୁତି କାତା ମେହନାୟି □ ୧:୧-୨୦
- ୨ ସାଡ଼ାଗଟା କୁଲମିକାକି ଜୀସୁ କ୍ରୀସୁ ତାଣାଟି ଜହନତି କାବୁ □ ୨:୧-୩:୨୨
- ୩ ସାଡ଼ାଗଟା ବୁଡ଼ା ମୁଦ୍ରା ଅଡେ ସାଡ଼ାଗଟା ତୀଡ଼ି □ ୪:୧-୧୧:୧୯

- ୪ ମୀରକା ଅଡେ ସାଡ଼ାଗଟା ତାର୍କାଗାଟି ରାବୁ ତଲେ ଜୁଜୁ □ ୧୨:୧-୧୪:୨୦
- ୫ ସାଡ଼ାଗଟା କପାଗାଟି ଗିନାୟାଁ □ ୧୫:୧-୧୬:୧୮
- ୬ ମାହାପୁରୁ ଲାକପୁରୁ ତାନି ସାଡ଼ୁଇଁ ଜୀଣା ଆନାୟି □ ୧୭:୧-୨୦:୧୫
- ୭ ପୁଃନି ଲାକପୁରୁ ଅଡେ ପୁଃନି ଦାର୍‌ତି □ ୨୧:୧-୨୨:୨୧

୧ ଜୀସୁ କ୍ରୀସୁତି ଝେକ୍‌ହି ବଲୁ; ଝେଡ଼ା ଆଆନା ଏନାୟି ଗଟଝି ଆନେ ଏଦାଆଁ ବାରେ ଏଝାସି ଏନିକଁ ତାନି ହଲିୟାଙ୍ଗାଣି ଝେହନେସି, ଏଦାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେରପିତେସି, ଅଡେ ଏଝାସି ତାନି ଦୁଡୁଇଁ ପାଣ୍ଡାନା ତାନି ହଲିୟା ଜହନଇଁ ଏଦାଆଁ ଝେସେସି □

୨ ଏ ଜହନ ମାହାପୁରୁତି ବଲୁ ଅଡେ ଜୀସୁ କ୍ରୀସୁତି ସାକି କାତା ଇତିହଁ ଏଝାସି ଏନାଆଁ ମେସେସି ଏ ବାରେ କାତାତି ସାକି ହୀହିମାନେସି □

୩ ଆମ୍‌ଆସି ଇ ପତି ପଡ଼ଝି ଆନେସି ଇଞ୍ଜା ମାହାପୁରୁତି ବଲୁ ଝେଞ୍ଜାନା, ଇ ପତିତା ରାସ୍‌କି ଆହାମାନାଣି ବାରେ ମାନଝି ଆନାରି ନେହାଁରି, ଏନାଆଁତାକି ଇତିହଁ ଇ ବାରେ ଗଟଝି ଆନ୍ତି କାଲମି ତାଗେ ଝାଡେତୟିଏ □

ସାଡ଼ାଗଟା କୁଲମିକି ଜହରା କିନାୟି

୪ *ନାନୁ ଜହନତେଏଁ, ଆସିୟାତା ମାନି ସାଡ଼ାଗଟା କୁଲମିକାଣି ଜହରା ଝେସାନା ରାତିମାଞ୍ଜାଇଁ, ମାହାପୁରୁତି କାର୍ମାମେହନାୟି ଅଡେ ହିଡ଼ି ଜୀସୁ ମିଙ୍ଗେ ଆୟାପେ, ନୀଏଁ ଆମ୍‌ଆସି ମାନେସି ତଲି ମାଟାସି ଅଡେ ଜିକେଏ ତାୟୁ ଦିନା ଝାନେସି, ଅଡେ ତାନି ରାଜିତି ସିଂଗାସାଣି ନକିତା ନିଟାମାନି ସାଡ଼ାଗଟା ଜୀସୁୟାଁ ତାଣାଟି,

* ଜୀସୁ କ୍ରୀସୁ ନାମୁତି ସାଡ଼ା ସାକି ହୀନାସି, ହାଡ଼ାରି ବିଡ଼ାଟି ତଲିଏ ଜାର୍ନା ଆଡ଼ାସି, ଅଡେ ଦାର୍‌ତିତି ରାଜାୟାଣି ସାଲଝି କିନାସି □ ଏଝାସି ମାଙ୍ଗେ ଜୀସୁ ନହାଁମାଞ୍ଜାନେସି, ଅଡେ ତାନି ନେତେରିଟି ମାଙ୍ଗେ ପାପୁଟି ଗେଲପାତେସି □

୬ *ଅଡେ ମାଙ୍ଗେ ର ରାଜାତି କୁଲୁଲେହେଁ କିହାନା ଆଡ଼ା ମାହାପୁରୁ ନକିତା ପୂଜେରା ଲେହେଁ ଆଡ଼ାମାଞ୍ଜାନେସି, ତାନି ଗାଝୁରମି କାଜାପାଣା କାଲକାଲା ତାକି ଆପେ □ ଆମେନ □

୭ *ମେହଦୁ ଏଝାସି ଦୁନ୍ଦା ତଲେ ଝାହିମାନେସି, ଏରେଟିଏ ବାରେ କାଶକା ଏଝାଣାଇଁ ମେହନୁ, ଅଡେ ଏଝାଣାଇଁ ଗୁକ୍‌ହା ମାଟାରି ଜିକେଏ ମେହନେରି, ଦାର୍‌ତିତାରି ବାରେ କୁଡ଼ା ଏଝାସି ଝାହିମାନାକି ଡ଼ାନେରି ଏଡ଼ି ସାଡ଼ା ଆନେ □ ଆମେନ □

☆ ୧:୪ ୧:୫ ଝେ ବଲୁ ୪:୫ ☆ ୧:୬ ୧:୭ ଝେ ବଲୁ ୫:୧୦ ☆ ୧:୭ ୧:୭ ମାତି ୨୪:୩୦; ମାର୍କ ୧୩:୨୭; ଲୁକ ୨୧:୨୭; ୧ତେସ ୪:୧୭; ଜହ ୧୯:୩୪,୩୭; ମାତି ୨୪:୩୦

୮ ବାରେ ବାଡ଼ୁରୁ ଗାଟି ପ୍ରବୁ ମାହାପୁରୁ
ଝେସିମାନେସି, ନାନୁ ମାଟ୍‌ନାତେଏଁ ଅଡ଼େ
ରାପ୍‌ନାତେଏଁ, ଆମ୍ବାଆସି ନୀଏଁ ମାନେସି ତଲିଏ
ମାରେସି ଅଡ଼େ ତାୟୁ ଦିନା ଖାନାସି ନାନୁ ଏଞ୍ଜାତେଏଁ
□

କ୍ରୀସ୍ତାଇଁ ମେହ୍‌ନାୟି

୯ ନାନୁ ଜହନତେଏଁ, ମୀ ତାୟିତେଏଁ, ଜୀସୁତି
ସୀସୁ ଆହ୍ଲା ତାନି ରାଜି ଲକୁତାକି ଖାହିମାନି କସୁ
ଅରୁହାଲି ନାନୁ ମୀ ତଲେତି ର. ମାଣ୍‌ସିତେଏଁ □
ଜୀସୁ ତସାମାନି ସାତା ଇଞ୍ଜା ମାହାପୁରୁତି ବଲ୍ଲୁ
ଝେସିମାଟାକି ନାଙ୍ଗେ ପାଡ଼ମସ୍ ସାମ୍‌ଦୁରି ମାଦି
ମାନି ଟାୟୁତା ପାଣ୍ଡାମାଞ୍ଜାତେରି □

୧୦ ପ୍ରବୁତି ଦିନାତା ସୁଦୁଜୀଝୁ ନା. ଲାକ
ରେଚାଞ୍ଜାତେ, ଅଡ଼େ ନାନୁ ତାୟୁ ଖାକିଟି ତୀତି
ମହ୍‌ରି ଲେହେତି କାଜା ଗିୟାତଲେ ଏଲେ
ଇଞ୍ଜିମାଟି ର. ହାଡ଼ା ଝେରେଏଁ □

୧୧ ନାନୁ ମେସିମାନାଣି ରାଚାମ୍ବୁ ଅଡ଼େ ଇ
ପତିତି ଇ ସାଡ଼ାଗଟା କ୍ରୀସ୍ତାନା କୁଲମି ଇତିହ
ଏପିସି, ସ୍ପର୍ନା, ପର୍ଗମ, ତୁୟାତିରା, ସାଦ
ପିଲାଦେଲ୍‌ପିୟା ଅଡ଼େ ଲାଝୁଦିକିୟାତି କୁଲମିତା
ପାଣ୍ଡାମ୍ବୁ □

୧୨ ଆମ୍ବାଆସି ନା. ତଲେ କାତା ଆହିମାନେସି,
ଇଦାଆଁ ମେସାଲି ଝେଣ୍ଡେ ସିନିକିତେଏଁ, ଇଞ୍ଜା
ସାଡ଼ାଗଟା ବାଂଗାରା ଦୀଝିୟା,

୧୩ ଇଞ୍ଜା ଏ ଦୀଝିୟାଁ ମାଦିଏ ମାଣ୍‌ସି ମୀରୁଏଣା
ଲେହେଁ ର. ମାଣ୍‌ସି; ଏଞ୍ଜାଣି ପାଃଆନାୟାଁ ପାତେକା
ହିମ୍‌ରି ପୁକ୍‌ହା ମାଚେ ଅଡ଼େ ବକତା ବାଂଗାରା
ପାଟାତି ତ:ରି ରୁପାମାଚେ;

୧୪ ଏଞ୍ଜାଣି ତାୟୁଁ ବାଣାୟାଁ ଅପ୍‌ହି ଲୁଲୁ ଅଡ଼େ
ପେଣ୍ଡି ମାରୁ ଲେହେଁ ଦବ୍‌ଲା, ଅଡ଼େ ଏଞ୍ଜାଣି
କାଣ୍‌କା ହିରୁ ଲେହେଁ ତୀଞ୍ଜି ମାରୁ □

୧୫ ତାନି ପାଃଆନାୟାଁ ହଲୁତା ହୁଡିତି ପିତାଡ଼ା
ମୁସିମାନି ଲେହେଁ ମିଣ୍‌ସି ମାରୁ, ଅଡ଼େ ତାନି
ଗିୟାଁ ଲଦ ଲଦ ଇଞ୍ଜାଁ ରିହିମାନି ଏୟୁତି ହାଡ଼ା
ଲେହେଁତାୟି □

୧୬ ତାନି ଚିଃନି କେୟୁତା ସାଡ଼ାଗଟା ହୁକାୟାଁ
ମାରୁ, ତାନି ଗୁଡିଟି ରିକଞ୍ଜାକି ଦାରାଗାଟି କାଣ୍ଡା
ହଡେ, ତାନି ମୁମ୍‌ମାଦେନା ବେଲା ତୀଞ୍ଜିମାନି
କାରା ଲେହେଁ ଉଜେଡ଼ି ଗାଟାୟି □

୧୭ *ନାନୁ ଏଞ୍ଜାଣାଇଁ ମେସପନିଏ ହାଡ଼ିଲେହେଁ
ତାନି କଡାୟାଁ ତୁଇ ରିତେଏଁ, ଏମ୍ବାଟିଏ ଏଞ୍ଜାସି
ନା. ଲାକ ତାନି ଚିଃନି କେୟୁ ଇଟାନା ଇଲେ
ଇଞ୍ଜାତେସି, ଆଜାଆନି ନାନୁ ମାଟ୍‌ନାତେଏଁ ଅଡ଼େ
ରାପ୍‌ନାତେଏଁ □

୧୮ ଆଜାଆନୁ ନାନୁ ନୀତା ମାନାତେଏଁ
ହାଡାତେଏଁ, ନାନୁ କାଲା କାଲେଏତାକି ନୀତାମାଇଁ,
ହାନାୟି ଅଡ଼େ ହାଡାରି ରାଜିତି କୁଟିକାଡ଼ି ନା.
କେୟୁତା ମାନେ □

୧୯ ଇତିହଁ ନାନୁ ଏଦାଆଁ ମେସାମାଞ୍ଜି, ଅଡ଼େ
ଏଦାୟି ନୀଏଁ ଆହିମାନେ ଇଞ୍ଜା ଇଦାଣି ଜେଚ
ଏଦାୟି ଆନେ ଇ ବାରେ ରାଚା ଇଟାମ୍ବୁ □

୨୦ ନା. ଚିଃନି କେୟୁତା ମେସାମାନି ସାଡ଼ାଗଟା
ହୁକାୟାଁ ଅଡ଼େ ସାଡ଼ାଗଟା ବାଂଗାରା ଦୀଝି
ସଡ଼ାୟାଁତି ତୁଗାମାନି କାତା ଇଦି, ସାଡ଼ାଗଟା
ହୁକାୟାଁ ସାଡ଼ାଗଟା କୁଲମିତି ଦୁଡୁୟାଁ, ଅଡ଼େ
ସାଡ଼ାଗଟା ବାଂଗାରା ଦୀଝି ସଡ଼ାୟାଁ ସାଡ଼ାଗଟା
କୁଲମିକା □

୨

ଏପିସି କୁଲମିତାକି କାରୁ

୧ “ଏପିସି କୁଲମିତି ଦୁଡୁ ତାଣା ରାଚାମ୍ବୁ,
ଆମ୍ବାଆସି ଚିଃନି କେୟୁତା ସାଡ଼ାଗଟା ହୁକାୟାଁ
ଆସାମାନେସି ଅଡ଼େ ସାଡ଼ାଗଟା ବାଂଗାରା ଦୀଝି
ସଡ଼ାୟାଁ ମାଦି ରେଜିମାନେସି,

୨ ଏଞ୍ଜାସି ଏଲେଇଞ୍ଜି ମାନେସି, ନାନୁ କିହାମାନି
କାମା ନାନୁ ପୁଞ୍ଜାମାଇଁ, ନାନୁ ଏନିକଁ ଖାହୁତଲେ
କାମା କିହିମାଞ୍ଜି, ଅଡ଼େ ଏଚେକା ଅରୁହିମାଞ୍ଜି
ଏଦାଆଁ ପୁଞ୍ଜାମାଇଁ, ନାନୁ ଲାଗେଏ ପଲେଏ
କାମା କିନାରାଇଁ ଅପିହିଲଅତି, ଅଡ଼େ ପାଣ୍ଡୁଝି
ଆଆନା ମାମ୍‌ପାଣ୍ଡୁଝି ଆହାମାନମି ଇଞ୍ଜାଁ ଝେସା
କଡିନେରି, ନାନୁ ତାୟିପାରି କିହାଁ ଏଞ୍ଜାରି ମିତି
କାତା ଝେହନାରି ଇଞ୍ଜାଁ ପୁଞ୍ଜିମାଞ୍ଜି □

୩ ନା. ଦରୁ ତାକି ଦୁକୁ କସୁ ଅରୁହିମାଞ୍ଜି ଇଞ୍ଜାଁ
ଖାହାହିଲଅତି ଇଦାଆଁ ଜିକେଏ ନାନୁ ପୁଞ୍ଜାମାଇଁ □

୪ ଆତିହଁ ଜିକେଏ ନୀ କପାଟି ନା ଇ କାତା
ମାନେ, ତଲି ଜୀଝୁନହଁ ମାଞ୍ଜାତିଲେହେଁ ନୀଏଁ
ଜୀଝୁନହଁ ମାଞ୍ଜଅତି □

୫ ଅଡ଼େ ନାନୁ ଏନିକଁ ତୁଇ ତରଗା ମାଞ୍ଜି
ଏଦାଆଁ ଅଣ୍‌ପାନା ନୀ ପାପୁ ପିସାହାଁ ମନ୍ ଝେଟ୍‌ମ୍ବୁ
ଅଡ଼େ ତଲିତିଲେହେଁ ସାତା କାମା କିମ୍ବୁ, ଆଆଡ଼
ଏଚେତା ନାନୁ ହିୟାଁ ଝେଟ୍‌ଅତି, ନାନୁ ନୀ ତାଣା
ତବେ ଖାହାନା ନୀ ଦୀଝି ନୀ ତାଣାଟି ଏଚକା
ଗୁଟିକିୟାଇଁ □

୬ ଆଡ଼ିଜିକେଏ ନୀ ତାଣା ର. ନେହଁ ଗୁଣ୍ଡ
ମାନେ ନାନୁ ଏନିକଁ ନିକଲାୟତାରି ବାରେ କାମା
ଅପିହିଲଅଁ ଏଲେକଁ ନୀନୁଞ୍ଜା ଅପିହିଲଅତି □”

୭* “କୁଲମିକାଣି ସୁଦୁଜୀଝୁ ଏଦାଆଁ ଝେସିମାନେ
ଆମ୍ବାଆରି କାର୍‌କା ମାନୁ ଏଦାଆଁ ଝେଣ୍‌ମ୍ବାସି □
ଆମ୍ବାଆସି ଜୀଣା ଆନେସି, ଏଞ୍ଜାଣାଇଁ ନାନୁ

☆ ୧:୧୭ ୧:୧୭ ଝେ ବଲ୍ଲୁ ୨:୮; ୨୨:୧୩ ☆ ୨:୭ ୨:୭ ଝେ ବଲ୍ଲୁ ୨୨:୨

ମାହାପୁରୁ ରାଜିତା ମାନି ଜୀଝୁଗାଟି ମାରୁନୁତି ପାଡ଼େୟି ତିଝାଲି ହୀଇଁ ।”

ସ୍ପର୍ନା କୁଲମିତାକି କାରୁ

୮ “ସ୍ପର୍ନା କୁଲମିତି ଦୂତୁ ତାଣା ରାଚାମ୍, ଆମ୍ବାଆସି ତଲିତାସି ଅଡ଼େ ତାୟୁତାସି, ଆମ୍ବାଆସି ହାହାମାଚେସି ଅଡ଼େ ଝେଣ୍ଣେ ନୀତିତେସି, ଏଝାସି ଏଲେଇଞ୍ଜି ମାନେସି ।”

୯ ନାନୁ ନୀ ବାରେ କସ୍ତୁ ଅଡ଼େ ହାକି କାକୁଲି ପୁଞ୍ଜାମାଇଁ, ସାମା ନୀନୁ ବାଡ଼କୁ ଗାଟାତି ଅଡ଼େ ଆମ୍ବାଆରି ଜୀହୁଦି ଲକୁ ଆଆନା ମାମ୍ବୁଜୀହୁଦି ଲକୁତମି ଇଞ୍ଜିଁ ଇନେରି, ଏଝାରି ସୟତାନ ଗତିତାରି ଏଝାରି ନିନ୍ଦା ଜିକେଏ ନାନୁ ପୁଞ୍ଜାମାଇଁ ।”

୧୦ ମୀରୁ ଏମିନି ଦୁକୁ ବେଟାଆହାଲି ହାଜି ମାଞ୍ଜେରି, ଏ ବାରେ ଆଜାଆଦୁ; ମେହ୍‌ଦୁ ମିଙ୍ଗେ ତାୟିପାରି କିହାଲି ସୟତାନ ମୀ ବିତ୍ରାତି ଆମ୍ବା ଆମ୍ବାଆରାଇଁ କାୟିଦିତା ଇଚିନେ, ଅଡ଼େ ମୀରୁ ଦସ ଦିନା କସ୍ତୁ ବେଟାଆଦେରି । ମୀରୁ ହାନି ପାଡେକା ନାମୁତଲେ ମାଞ୍ଜୁ, ଆତିହ୍ ନାନୁ ମିଙ୍ଗେ ଜୀଝୁତି ଟପେରି ହିୟାଇଁ ।”

୧୧ “କୁଲମିତି ସୁଦୁଜୀଝୁ ଏନାଆଁ ଝେସିମାନେ, ଝେଞ୍ଜାଲି କୀକା ମାଟିସାରେ ଝେଣ୍ଣାସି, ଆମ୍ବାଆସି ଜୀଣା ଆନେସି ଏଝାଣାଇଁ ଅର ଦେବାତି ହାକି ତଲେ ନସ୍ତୁ କିହାଲି ଆଡେଏ ।”

ପର୍ଗମ କୁଲମିତାକି କାରୁ

୧୨ “ପର୍ଗମ କୁଲମିତି ଦୂତୁ ତାଣା ରାଚାମ୍, ଆମିନି ଗାଟାଣି ତାଣା ରିକଝାକି ଦାରା ଗାଟି କାଣ୍ଡା ମାନେ ଏଝାସି ଏଲେଇଞ୍ଜି ମାନେସି ।”

୧୩ ଆମିନି ତାଣା ସୟତାନତି ସିଂଗାସାଣି, ଏମ୍ବାଆଁ ନୀନୁ ବାସା କିହିମାଞ୍ଜି, ଇଦାଆଁ ନାନୁ ପୁଞ୍ଜାମାଇଁ, ଆତିହ୍ ଜିକେଏ ନୀନୁ ନା ଦରୁତି ଆଡ଼ଝା ତଲେ ଆସାମାଞ୍ଜି, ଅଡ଼େ ନା ସାକି ଆନ୍ତିପା ଏତିବେଲା ମୀ ତାଣା ସୟତାନତି ବାସା ଟାୟୁତା ପାୟୁଝି ଆହାମାଚେସି, ମୀରୁ ନା ତାଣା ନାମାମାନାକି ଏତିବେଲାତା ଜିକେଏ ନାଙ୍ଗେ ପୁଞ୍ଜାହିଲଅଁ ଇଞ୍ଜାଆତି ।”

୧୪ ଆଡ଼ିଜିକେଏ ନୀ କପାଟି ର କାତା ମାନେ, ଇତିହ୍ ଆମିନି ବିଲିୟମ ପେଣ୍‌କା ବମାୟାକି ଡାକାମାନି ବଗୁ ତିନି ତାଣାଟି ପାପୁ ଅଡ଼େ ଦାରିକାମା କିଝିକିନି ପାନ୍ଦା ମେଡ଼ହାଲି ଇସାୟେଲ ମୀରକା ବାଲାକଇଁ ଜାପୁହା ମାଚେସି, ଏଲେତି କାମା କିନି ଲକୁ ମୀ ବିତ୍ରାତି ଏଚରଜାଣା ତାକିନାରି ମାନେରି ।”

୧୫ ଏଲେକିହ୍‌ଏ ନିକଲାୟ ଜାପୁନାଣି ଆସାମାନି ଲକୁ ମୀ ବିତ୍ରା ମାନେରି ।”

୧୬ ଏଦାଆଁତାକି ମୀ ପାପୁ ପିସାନା ହିୟାଁ ଝେଟୁଦୁ ଆଆତ୍ ନାନୁ ମୀ ତାଣା ତବେ ଝାହାନା ନା ଗୁତିଚି ହନି କାଣ୍ଡାତଲେ ଏଝାରି କପାଟି ଢୁଢୁ କିଇଁ ।”

୧୭ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରି କୀକା ମାନୁ ଏଦାଆଁ ଝେଣ୍ଣାସି । ଆମ୍ବାଆସି ଜୀଣା ଆନେସି ଏଝାଣାକି ଡୁଗାମାନି ମାନା ତିଝାଲି ହୀଇଁ ଅଡ଼େ ଏଝାରି ବିତ୍ରାଟି ବାରେଜାଣାତି ପୁଞ୍ଜି ଦରୁ ରାସ୍‌କି ଆହାମାନି ର ଦବ୍‌ଲା ଝାଲି ହୀଇଁ, ଏ ପୁଞ୍ଜି ଦରୁ ଏନାୟି ଝାଲି ଆନାଣା ପିସ୍‌ପେ ଆମ୍ବାଆସି ପୁନଅସି ।”

ତୁୟାତିରା କୁଲମିତାକି କାରୁ

୧୮ “ତୁୟାତିରା କୁଲମିତି ଦୂତୁ ତାଣା ଇଲେଇଞ୍ଜିଁ ରାଚାମ୍, ମାହାପୁରୁତି ଆମିନି ମୀରଏଣା କାଣ୍ଡା ଡ଼ାଞ୍ଜିମାନି ହିରୁ ଲେହେଁ ଇଞ୍ଜା ପାଞ୍ଚଆନା କଡାୟା ମୁସିମାନି ପିତାଡ଼ା ଲେହେଁ ଏଝାସି ଏଦାଆଁ ଏଲେଇଞ୍ଜି ମାନେସି ।”

୧୯ ନାନୁ ନୀ କାମା, ଜୀଝୁ ନନାଣି, ନାମୁତଲେ ସେବା କିନାଣି, ଅରହିନାଣି ପୁଞ୍ଜାମାଇଁ, ଅଡ଼େ ନୀ ତଲିତି କାମା କିହାଁ ନୀଏଁ ହାରେକା ଗାତି କାମା କିହିମାଞ୍ଜି, ଇଦାଆଁ ଜିକେଏ ପୁଞ୍ଜାମାଇଁ ।”

୨୦ ଆଡ଼ିଜିକେଏ ନୀ କପାଟି ର ଇତି କାତା ମାନେ, ଜିଜେବଲ୍ ଦରୁଗାଟି ଆମିନି ଇୟା ଜାହାରାଇଁ ମାହାପୁରୁ ଅଣ୍‌ପୁତି ବଲୁ ଝେକ୍‌ନାତେଏଁ ଇଞ୍ଜିଁ ଝେସାକତାନା, ନା ସେବା କିନାରାଇଁ ଦାରିକାମା ଅଡ଼େ ପେଣ୍‌କା ବମାୟାକି ଡାକାମାନି ବଗୁ ତିଝାଲି ଜାପୁହାନା ଲାଗେଏ କିଝି କିହାମାନେ, ମୀରୁ ଏଦାଣି ଅରହି ମାଞ୍ଜେରି ।”

୨୧ ନାନୁ ଏଦାନାକି ତାନି ପାପୁ କାମା ପିସାନା ମନ ଝେଟହାଲି ହୀତି ଜିକେଏ, ତାନି ଦାରିକାମା ପିସାଲି ମନ କିଆଡେ ।”

୨୨ ଇଦାଆଁତାକି ନାନୁ ଏଦାନି ମାଡ଼ୁ ଢୁଞ୍ଜିକଇଁ, ଅଡ଼େ ଆମିନି ଗାଟାରି ଏଦାନିତଲେ ଦାରିକାମା କିନେରି, ଏଝାରି ତାନି ପାପୁ କାମାଟି ହିୟାଁ ଝେଟୁଆତ୍ ନାନୁ ଏଝାରାଇଁ ଆଜିହପେତି ସାସ୍ତି ହୀଇଁ ।”

୨୩ ଅଡ଼େ ନାନୁ ତାନି ମୀରକା ମାସ୍‌କାଇଁ ହାକି ତଲେ ନାସାକିଇ, ଏଚେଟିଏ ନାନୁ ବାରେ ଲକୁତି ହିୟାଁ ଅଡ଼େ ମନତି ଅଣ୍‌ପୁ ପୁନାତେଏଁ, ଅଡ଼େ ବାରେଜାଣାକି ତାନି କାମାଟି ପାଡ଼େୟି ହୀନାତେଏଁ ଇଞ୍ଜିଁ ବାରେ କୁଲମିକା ପୁଞ୍ଜାନୁ ।”

୨୪ “ସାମା ମୀରୁ ତୁୟାତିରାତା ଏଚରଜାଣା ମାନାତେରି ଏ ଲାଗେଏତି ଜାପୁନାଣି ଆସା ହିଲଅତେରି, ଇଞ୍ଜା ଏଟକାତାରି ଏନାଆଁ ସୟତାନତି ଡୁଗାମାନି କାତା ଇଞ୍ଜିଁ ଇନେରି,

ଏଦାଆଁ ମୀରୁ ଜାପାହିଲଅତେରି, ନାନୁ ଏଝାରି ଲାକ ଏନି ପୁଃନି ବଲ୍ଲୁ ହାଅଁ □

୨୫ ଇଚିହିଁ ମୀ ତାଣା ଏନାୟି ମାନେ ଏଦାଆଁ ନା ଝାନ୍ତି ଦିନା ପାତେକା ତୀରିତଲେ ଆସାମାଞ୍ଜୁ □”

୨୬ ଆମ୍ବାଆସି ଜୀଣା ଆନେସି, ଅଡ଼େ ତାୟୁ ପାତେକା ନା କାମା କିନେସି, ନାନୁ ଏନିକିହିଁ ନା ଆବା ତାଣାଟି ଅଦିକାରା ବେଟାଆହାମାଇଁ, ଏଲେକିହିଁ ଏ ଏଝାଣାକି ଏ ଦେସାତି ଅଦିକାରା ହୀଇଁ □

୨୭ ଏଝାସି ବାରେ କୁଡ଼ାତି ଲକୁଣି ଲହ ବାଡ଼ଟା ତଲେ ସାଲୁଝି କିନେସି ଅଡ଼େ ଇରୁଆ ତ:କାୟାଁ ଲେହେଁ କୁରୁକୁଟା କିନେସି □

୨୮ ଅଡ଼େ ନାନୁ ଏଝାରାକି ଝେୟାଜାରା ହୁକା ଜିକେଏ ହୀଇଁ □

୨୯ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରାକି କୀର୍କା ମାନୁ ଏଦାଆଁ ଝେଣ୍ମାସି □”

୩

ସାଦଁ କୁଲମିକି କାରୁ

୧ “ସାଦଁ କୁଲମିତି ଦୁତୁ ତାଣା ରାଟାମୁ, ଆମ୍ବାଆସି ମାହାପୁରୁତି ସାତାଗଟା ଜୀଝୁୟା ଅଡ଼େ ସାତାଗଟା ହୁକାୟାଁ ଆସାମାନେସି ଏଝାସି ଏଲେଇଞ୍ଜି ମାନେସି, ନାନୁ ମୀ କାମା ବାରେ ପୁଞ୍ଜାମାଇଁ ମୀରୁ ଦରୁ ତାକି ଜୀଝୁ ଗାଟାତେରି, ସାମା ସାତା ତଲେ ହାଡ଼ାତେରି □

୨ ଜାଗ୍ରାତା ଆଦୁ ଅଡ଼େ ମୀ ତାଣା ଏନାୟି ମାନେ ଏ ବାରେ ଡ଼ଗୁନି ନକେଏ ଏଝାଆଁ ବାଡ଼ୟୁ କିଦୁ, ଇଚିହିଁ ନାନୁ ମୀ ବାରେ କାମା ନା ମାହାପୁରୁ ନକିତା ଦହ ହିଲାଆଗାଟାୟି ତଞ୍ଜା ଆହା ହିଲେଏ □

୩ ☆ଏଦାଆଁତାକି ମୀରୁ ଏନିକିଁ ଜାପାମାଞ୍ଜେରି ଅଡ଼େ ଝେଞ୍ଜାମାଞ୍ଜେରି ଏଦାଣି ଅଣ୍ପାନା ମାନଝି ଆଦୁ ଇଞ୍ଜା ପାପୁଟି ହିୟାଁ ଝେଟୁଦୁ; ମୀରୁ ଜାଗ୍ରାତା ଆଆଡିହିଁ ନାନୁ ସରୁଲେହେଁ ମୀ ତାଣା ଝାଇଁ, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆଡ଼ଅତେରି □

୪ ସାମା ସାଦଁତା ମୀ ବିତ୍ରା ଏତରଜାଣା ମାନେରି, ଏଝାରି ତାମି ହିମ୍ପରିକା ମାହଁ କିହାଁ ହିଲଅରି, ଏଝାରି ଅପ୍ପନି ହିମ୍ପରିକା ହୁଟାନା ନା ତଲେ ତାକିନେରି, ଏନାଆଁତାକି ଇଚିହିଁ ଏଝାରି ପାଡ଼ା ଆଡ଼ାରି □

୫ ☆ଆମ୍ବାଆରି ଜୀଣା ଆନେରି ଏଝାରି ଏଲେତି ଅପ୍ପନି ହିମ୍ପରିକା ହୁଟିନେରି, ଅଡ଼େ ନାନୁ ଏଝାରି ଦରୁ ଜୀଝୁଗାଟି ପତିଟି ଏଚେଲାଝା ମ୍ପେକ୍‌ଅଁ, ଇଞ୍ଜା ନାନୁ ନା ଆବା ଅଡ଼େ ତାନି ଦୁତୁୟାଁ ନକିତା ନା ତଲେତାରି ଇଞ୍ଜିହିଁ ଏଝାରି ଦରୁ ଝେକ୍‌ଇଁ □”

୬ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରି କୀର୍କା ମାନୁ ଏଦାଆଁ ଝେଣ୍ମାସି □”

ପିଲାଦେଲପିୟା କୁଲମିତାକି କାରୁ

୭ “ପିଲାଦେଲପିୟା କୁଲମିତି ଦୁତୁ ତାଣା ରାଟାମୁ, ଆମ୍ବାଆସି ସୁଦୁଗାଟାସି ଅଡ଼େ ସାତାତାସି ଆମିନିଗାଟାଣି କେୟୁତା ଦାଝୁଦତି କୁଟିକାଡ଼ି ମାନେ, ଏଝାସି ଦାରା ଦେତିସାରେ ଆମ୍ବାଆସି ସୁଣ୍ଡାଲି ଆଡ଼ଅସି, ଅଡ଼େ ଦାରା ସୁଣ୍ଡିସାରେ ଆମ୍ବାଆସି ଦେଚାଲି ଆଡ଼ଅସି,

୮ ଏଝାସି ଏଲେଇଞ୍ଜି ମାନେସି ନାନୁ ମୀ କାମା ପୁଞ୍ଜାମାଇଁ, ସିନିକିଦୁ ନାନୁ ମୀ ନକିତା ର ଦାରା ଦେଚାମାଇଁ, ଏଦାଆଁ ଆମ୍ବାଆସି ସୁଣ୍ଡାଲି ଆଡ଼ଅସି, ଇଚିହିଁ ମୀ ବାଡ଼ୟୁ ଉଣା ମାଟି ଜିକେଏ ନା ଜାପ୍ପନାଣି ମୀରୁ ମାନଝି ଆହାମାଞ୍ଜେରି, ଇଞ୍ଜା ନା ଦରୁ ଏଚେଲା ପୁଞ୍ଜାହିଲଅମି ଇଞ୍ଜି ଇଞ୍ଜାହିଲଅତେରି □

୯ ମେହ୍‌ଦୁ ଆମ୍ବାଆରି ଜୀହୁଦି ଲକୁ ଆଏ, ସାମା ମିତି ତଲେ ଜୀହୁଦି ଲକୁତମି ଇଞ୍ଜି ଇଞ୍ଜିମାନେରି ଇଲେତି ସୟତାନ ଗତିତି ଲକୁଣି ନାନୁ ମୀ କତାଣା ଜହରା କିଝି କିୟାଇଁ, ଇଞ୍ଜା ନାନୁ ମିଙ୍ଗେ ଜୀଝୁନହିଁ ମାଞ୍ଜାଇଁ ଇଞ୍ଜି ଏଝାରି ପୁଞ୍ଜାଲି ଆଡ଼ିନେରି □

୧୦ ନା ହୁକୁମି ତଲେ ସାସା ଆସାନା ମାଞ୍ଜେରି, ଇଦାଆଁତାକି ଦାରତିତି ଲକୁଣି ତାୟିପାରି କିହାଲି ବାରେ ଦାରତିତା ଆମିନି ତାୟିପାରି କିନି ଦିନା ଝାନ୍ନେ, ଏମ୍ବାଟି ନାନୁ ଜିକେଏ ମିଙ୍ଗେ ଗେଲ୍‌ପାଇଁ □

୧୧ ନାନୁ ତବେ ଝାହିମାଇଁ ମୀ ଜୀଣାଆଡ଼ି ଚପେରି ଏନିକିଁ ଆମ୍ବାଆସି ମୀଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଟା ତଲେ ଆସାଁ ଡ଼ୟାଦୁ □

୧୨ ☆ଆମ୍ବାଆସି ଜୀଣା ଆନେସି ନାନୁ ଏଝାଣାଇଁ ନା ମାହାପୁରୁ ଇଲୁତି ମୁଣ୍ଡାଲେହେଁ କିଇଁ, ଏଝାସି ଏମ୍ବାଟି ପାଙ୍ଗାତା ହାଲଅସି, ନାନୁ ନା ମାହାପୁରୁତି ଦରୁ ଅଡ଼େ ଲାକପୁରୁଟି ଝାହାମାନି ପୁଃନି ଜିରୁସାଲମ ମା ମାହାପୁରୁଟି ଗାଡ଼ାତି ଦରୁ ଇଞ୍ଜା ନା ପୁଃନି ଦରୁ ତାନି ଲାକ ରାଡ଼ିଇଁ □”

୧୩ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ, ଆମ୍ବାଆରି କୀର୍କା ମାନୁ ଏଦାଆଁ ଝେଣ୍ମାସି □”

ଲାଝୁଦିକିୟା କୁଲମିକି କାରୁ

୧୪ “ଲାଝୁଦିକିୟା କୁଲମିତି ଦୁତୁ ତାଣା ରାଟାମୁ, ଆମ୍ବାଆସି ସାତା ଇଞ୍ଜା ନାମୁଗାଟାସି ଅଡ଼େ ସାତା ସାକି ହୀନେସି, ଅଡ଼େ ଆମ୍ବାଆସି ମାହାପୁରୁ

☆ ୩:୩ ୩:୩ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୧୭:୧୫ ☆ ୩:୫ ୩:୫ ଝେ ବଲ୍ଲୁ ୨୦:୧୨; ମାତି ୧୦:୩୨; ଲୁକ ୧୨:୮ ☆ ୩:୧୨ ୩:୧୨ ଝେ ବଲ୍ଲୁ ୨୧:୨

ଗାଡ଼ିକିତାଣି ମୂଲୁଏ ଗାଡ଼ିକିତାସି ଏଞ୍ଜାସି ଏଲେଇଞ୍ଜି ମାନେସି □

୧୫ ନାନୁ ମୀ କାମା ପୁଞ୍ଜାମାଇଁ, ମୀରୁ ହିଡ଼ଡ଼ି ଆଏ କି ଉସମି ଜିକେଏ ଆଏ, ମୀରୁ ହିଡ଼ଡ଼ି କି ଉସମି ଆହାମାଟି ନେହଁ ଆଡେମା □

୧୬ ସାମା ମୀରୁ ହିଡ଼ଡ଼ି କି ଉସମି ଆଆନା କାଞ୍ଜନି ଆହାମାନାକି ନାନୁ ମିଙ୍ଗେ ନା ଗୁଡିଟି ହୁପାଲି ହାଜିମାଇଁ □

୧୭ ନୀନୁ ଏଲେ ଇଞ୍ଜିମାଞ୍ଜି, 'ନାନୁ ବାଡ଼କୁ ଗାଟାଡେଏ ନାଙ୍ଗେ ହାରେକା ଦନ ମାନେ; ନାଙ୍ଗେ ଏନାୟି ଲଡ଼ା ହିଲେଏ □' ସାମା ନୀନୁ କାର୍ମା କାକୁଲି ଗାଟାଟି ଅଡେ ସାୟେମି ହିଲାଆଗାଟାଟି, ହାକି ଗାଟାଟି, କାଣା ଅଡେ ନାଗ୍‌ଡ଼ା ଗାଟାଟି, ଇଦାଆଁ ପୁଞ୍ଜାହିଲଅତି;

୧୮ ଇଦାଆଁତାକି ନାନୁ ନିଙ୍ଗେ ଇ କାତା ଝେସିମାଞ୍ଜାଇଁ ନାନୁ ବାଡ଼କୁ ଗାଟାଟି ଆହାଲିତାକି ହିରୁତା ହୁଡିଟି ବାଂଗାରା ଅଡେ ନୀ ନାଗ୍‌ଡ଼ାଟି ଲାଜା ଏନିକିହଁ ତଞ୍ଜା ଆଏ ଇଦାଆଁତାକି ହୁଚାଲି ଦବଲା ହିମ୍ବରି ଇଞ୍ଜା କାଣକା ମେସାଲି ତାକି କାଣକାଣାଁ ରୁବାକଡିନାଣି ନା ତାଣାଟି କଡାମୁ □

୧୯ *ନାନୁ ଏଚେକା ଲକୁଣି ଜୀଞ୍ଜୁ ନଇଁ ଏଞ୍ଜାରାଇଁ ଦାକା ଅଡେ ତଣ୍ଡ ହାଇଁ ଏଦାଣିତାକି ରାହାଁ ଆହାଁ ମନ ଝେଟ୍‌ହା କଡାମୁ □

୨୦ ମେହ୍‌ମୁ ନାନୁ ଦୁଝେରି ତାକିତା ନିଚାନା ଦାରା ଝେଟିମାଇଁ ଆମ୍ବାଆସି ନା ଗିୟାଁ ଝେଞ୍ଜାନା ଦାରା ଦେନେସି ଆଡ଼଼ ନାନୁ ବିତ୍ରା ହଡ଼ାନା ତାନି ତାଣା ହାଇଁ ଅଡେ ନାନୁ ଏଞ୍ଜାଣିତଲେ ରାନ୍ଦା ତିଇଁ ଅଡେ ଏଞ୍ଜାସି ନା ତଲେ ରାନ୍ଦା ତିନେସି □

୨୧ ନାନୁ ଏନିକିହଁ ଜୀଣାଆହାନା ନା ଆବା ତଲେ ସିଂଗାସାଣିତା କୁଗାମାଇଁ ଏଲେକିହଁ ଏ ଆମ୍ବାଆସି ଜୀଣା ଆନେସି ନାନୁ ଏଞ୍ଜାଣାଇଁ ନା ତଲେ ନା ସିଂଗାସାଣିତା କୁଗାଲି ହାଇଁ □

୨୨ "ସୁଦୁଜୀଞ୍ଜୁ କୁଲମିକାଣି ଏନାଆଁ ଝେସିମାନେ, ଆମ୍ବାଆରି କୀକା ମାନୁ ଏଦାଆଁ ଝେଶ୍‌ମାସି □"

୪

ଲାକପୁରୁ ପ୍ରାଡାନା

୧ ଏଚେଟିଏ ନାନୁ ମେସ୍‌ସେଏଁ, ମେହ୍‌ଦୁ ଲାକପୁରୁଟି ର ଦାରା ଦେପିଆହାମାନେ; ଅଡେ ତୀଡ଼ି ମହ୍‌ରି ହାଡ଼ାଲେହେଁ ନା ତଲେ ନକେଏ ଜଲିମାଟାଣି ଝେଞ୍ଜା ମାଚେଏଁ, ଏଦି ଏଲେଇଞ୍ଜାଡେ "ଇମ୍ବାଆଁ ନିଙ୍ଗା ଝାମ୍ବୁ, ଏନାୟି ଇଦାଆଁ ତାୟୁ ଗଟଞ୍ଜି ଆନେ ଏ ବାରେ ନିଙ୍ଗେ ନାନୁ ତସ୍ତାଇଁ □"

୨ ଏ ଦେବୁଣିଏ ସୁଦୁଜୀଞ୍ଜୁ ନାଙ୍ଗେ ଆଲଗାଡେ, ମେହ୍‌ଦୁ ଲାକପୁରୁ ର ସିଂଗାସାଣି ମାଚେ, ଇଞ୍ଜା ସିଂଗାସାଣି ଲାକ ରଅସି କୁଗାମାନେସି □

୩ କୁଗାମାନାଣି ଝାଣା ହୀରା ଅଡେ ମାଣିକ୍ୟ ଇନି ଦାରାଗାଟି ଝାଲି ଲେହେଁ, ଅଡେ ସିଂଗାସାଣିତି ମରକତ ଇନି ଦାରା ଗାଟି ଝାଲକା ଲେହେଁ ସାରିସୁରୁ ର ଦାରଣକି ଗୁରତାମାଚେ □

୪ ଅଡେ ସିଂଗାସାଣି ସାରିସୁରୁ କଡେ ସାରିଗଟା ସିଂଗାସାଣି ମାନୁ, ଅଡେ ସିଂଗାସାଣିୟାଁ ଲାକ କଡେ ସାରି ଜାଣା ପ୍ରାଟିନାଙ୍ଗା କୁଗାମାନେରି, ଏଞ୍ଜାରି ଦବଲା ହିମ୍ବରିକା ହୁଚାମାନେରି ଇଞ୍ଜା ଏଞ୍ଜାରି ତାୟୁଁ ତୁ ବାଂଗାରା ଟପେରି □

୫ *ସିଂଗାସାଣିଟି ବିଲିବାଲା ମ୍ବୁହ୍‌ନାୟି ଅଡେ ହାଗୁ ଗୁଣ୍‌ନି ହାଡ଼ା ହଡେ, ଅଡେ ସିଂଗାସାଣି ନକିତା ହିରୁଗାଟି ସାଡ଼ାଗଟା ଦୀଞ୍ଜିୟାଁ ତୀଞ୍ଜିମାରୁ, ଇ ସାଡ଼ାଗଟା ହିରୁ ବନ୍ଦାୟାଁ ମାହାପୁରୁଟି ସୁଦୁଜୀଞ୍ଜୁୟାଁ

୬ ସିଂଗାସାଣି ନକିତା ଦାପେଣିଲେହେଁ ର ନେହଁ ସାମ୍‌ଦୁରି ତଞ୍ଜାଆହିମାଚେ, ସିଂଗାସାଣି ସାରିସୁରୁଟି ମାଦିଏ ସାରିଗଟା ଜନ୍ତୁ ଜୀଝେଡିକା, ଏଞ୍ଜାସିକା ନକିତା ଅଡେ ତାୟୁତା କାଣକା ମାରୁ □

୭ ନକିତି ଜନ୍ତୁ ସିହିଁ କାଞ୍ଜିଆନି ଲେହେଁ, ଅଡେ ରୀ ଲମ୍ବର ଜନ୍ତୁ ବାତା କଡି ଲେହେଁ, ତାନି ଲମ୍ବର ଜନ୍ତୁଟି ମୁମ୍‌ ମୁାଣ୍‌ସିତି ମୁମ୍‌ ଲେହେଁ, ଅଡେ ସାରି ଲମ୍ବର ଜନ୍ତୁ ଲାକ ଉମ୍‌ମାନି ଲେଡ଼ ଲେହେଁ ତଞ୍ଜାଆହିମାଚେ □

୮ ବାରେ ଜନ୍ତୁୟାଁକି ସ ଗଟା ମାରାୟାଁ ଏ ମାରାୟାଁ ବିତ୍ରା ଅଡେ ପାଙ୍ଗାତା କାଣକା ମାନୁ ଏଞ୍ଜି ଲାଆଁ ମାଦେନା ଜମାଆନା ଏଲେଇଞ୍ଜି ମାନୁ □

"ସୁଦୁ, ସୁଦୁ, ସୁଦୁ, ବାରେ ବାଡ଼ୟୁଗାଟି ମାହାପୁରୁ, ଆମ୍ବାଆସି ତଲିଏ ମାଚେସି ନୀଏଁ ମାନେସି ଅଡେ କାଲେଏ ମାନେସି, ଏ ପ୍ରୁ □"

୯ ଜନ୍ତୁୟାଁ ଏଚିବେଲା ଏ ସିଂଗାସାଣିତା କୁଗାମାନି କାଲାକାଲାତି ଜୀଞ୍ଜୁଗାଟି ମାଣ୍‌ସିଇଁ ଗାଞ୍ଜୁରମି ସାମ୍‌ମି ଅଡେ ଜହରା କିନେରି □

୧୦ ଏଚିବେଲା କଡେ ସାରି ଜାଣା ପ୍ରାଟିନାଙ୍ଗା ସିଂଗାସାଣିତା କୁଗାମାନି ମାଣ୍‌ସିଇଁ ମେଣ୍ଡାକୁତାନା କାଲେଏ ନୀତାମାନି ମାଣ୍‌ସିଇଁ ଜହରା କିଚେରି, ଇଞ୍ଜା ସିଂଗାସାଣି ନକିତା ତାନି ଟପେରିକା ଇଚାନା ଏଲେଇଚେରି □

୧୧ ମା ପ୍ରୁ ଅଡେ ମାହାପୁରୁ □
ନୀନୁ ଗାଞ୍ଜୁରମି ସାମ୍‌ମି ଅଡେ ବାଡ଼ୟୁ ବେଟାଆହାଲି ଜଗେ ଗାଟାଟି □

ଏନାଆଁତାକି ଇଚିହଁ ନୀନୁ ବାରେ ଗାଡ଼ିକିହା ମାଞ୍ଜି □
ଅଡେ ନୀ ଅଣପୁ ତଲେ ବାରେ ଗାଡ଼ି ଆହାମାନୁ, ଅଡେ ଜୀଞ୍ଜୁତଲେ ନୀତାମାନୁ □

୫

ରୁପିନି ପତି ଅଡେ ମେଣ୍ଡା ତାଲୁ

* ୩:୧୯ ୩:୧୯ ଏକ୍ତି ୧୨:୬ * ୪:୫ ୪:୫ ଝେ ବଲ୍ଲୁ ୮:୫; ୧୧:୧୯; ୧୭:୧୮; ଝେ ବଲ୍ଲୁ ୧:୪

୧ ନାନୁ ସିଂଗାସାଣିତା କୁଗାମାନାଣି ଚିଃନି କେୟୁତା ର ପୁଃଃଈ ପତି ମେସ୍ତେସ୍, ଏଦି ରିକଞ୍ଜାକି ରାୟକି ଆହାମାଚେ ଇଞ୍ଜା ସାଡାଗଟା ମୁଦ୍ରା ଝେପି ଆହାମାଚେ □

୨ ଅଡେ ନାନୁ ବାଡ଼ୟୁ ଗାଟି ର ଲାକପୁରୁତି ଦୁଡୁଇଁ ମେସ୍ତେସ୍, ଏଞ୍ଜାସି କାଜା ଗିୟାତଲେ ଏଲେଇରେସି, ଆମ୍ବାଆସି ଇ ମୁଦ୍ରା ହୁକହାନା ପତିତି ଦେଚାଲି ପାଡ଼ାଆନେସି □

୩ ସାମା ପତିତି ଦେଚାଲି, ଏମ୍ବାଆଁ ଏନାୟି ରାୟକି ଆହାମାନେ, ସିନିକିହାଲି ଲାକପୁରୁ, ଦାରତିତା ଅଡେ ତାଡେପୁରୁତା ଆମ୍ବାଆସି ସାସା କିଆତେସି □

୪ ଏ ପତିତି ଦେଚାଲି କି ଏଦାଆଁ ସିନିକିହାଲି ଆମ୍ବାଆସି ସାସା କିଆଲିଏ ନାନୁ ହାରେକା ଡାତେସ୍ □

୫ ଏମ୍ବାଟିଏ ପ୍ରାଚିନାଜା ବିତ୍ରାଟି ରଅସି ନାଜେ ସାସା ହାହାନା ଏଲେଇଞ୍ଜାତେସି, “ଡାଆନି, ସିନିକିମୁ ଜାହୁଦା ଗତିତି ଦାଞ୍ଜୁଦ କୁଡାତି ସିଃହ ଜାଣା ଆହାମାନେସି; ଏଞ୍ଜାସି ଇ ପତିତି ସାଡାଗଟା ମୁଦ୍ରା ଦେଚାଲି ଅଡେ ଏ ରୁପିତି ପତି ଏକହାଲି ପାଡ଼ା ଆହାମାନେସି □”

୬ ଏଚେଟିଏ ନାନୁ ସିନିକିତେସ୍ ସିଂଗାସାଣି, ଅଡେ ପ୍ରାଚିନାଜା ମାଦିଏ ସାରିଗଟା ଜନ୍ତୁ ତଲେ ର ମେଶ୍ତା ତାଲୁ ନିଚାମାନାଣି ମେସ୍ତେସ୍, ଏ ମେଶ୍ତା ତାଲୁ ପାୟୁଞ୍ଜି ଆଡି ଲେହେଁ ତଞ୍ଜାଆହିମାଚେ, ଏଦାନାକି ସାଡାଗଟା କମକା ଅଡେ ସାଡାଗଟା କାଣକା ମାଚୁ, ଏ କାଣକା ଦାରତିତି ବାରେଞ୍ଜାକି ପାଶୁଞ୍ଜି ଆହାମାଚି ମାହାପୁରୁତି ସାଡାଗଟା ସୁଦୁଜାଞ୍ଜୁୟାଁ □

୭ ମେଶ୍ତା ତାଲୁ ସିଂଗାସାଣିତା କୁଗାମାନାଣି ତାଗେ ହାଜାନା ଏଞ୍ଜାଣି ଚିଃନି କେୟୁତି ଏ ରୁପିତି ପତି ଅଡେସି □

୮ ଏ ପତି ଅହାଲିଏ ସାରିଗଟା ଜନ୍ତୁ ଅଡେ କଡେ ସାରି ଜାଣା ପ୍ରାଚିନାଜା ଏ ମେଶ୍ତା ତାଲୁ ନକିତା ମୁଦ୍ରା କୁଡାହାଁ ଜହରା କିତେରି, ଏ ବାରେଜାଣା ତାକି ର ର ସେରଞ୍ଜି ଅଡେ ମାହାପୁରୁ ଲକୁ ପ୍ରାଡାନାତି ଦୁପା ଦୁପାଣି ନେଜାମାନି ର ବାଂଗାରା ଗିନା ମାଚେ □

୯ ଏଞ୍ଜାରି ର ପୁଃଈ ପାଚୁ ପାଡିମାଚେରି; “ନାନୁ ଏ ରୁପିତି ପତି ଅହାଲି ଅଡେ ଏମ୍ବାଟି ମୁଦ୍ରା ଦେଚାଲି ପାଡ଼ା ଆନାତି, ନାନୁ ପାୟୁଞ୍ଜିଆହାମାଚି, ନୀ ନେତେରିତି ବାରେ ଗତି, ବାରେ ହାଡ଼ା, ଦେସା, ଅଡେ ବାରେ କୁଡାତି ଲକୁଇଁ ମାହାପୁରୁ ତାକି କଡାମାଞ୍ଜି,

୧୦ *ନାନୁ ଏଞ୍ଜାରାଇଁ ରାଜାୟାଁ କୁଡା ଅଡେ ମାହାପୁରୁ ସେବା କିୟାଲି ପୂଜେରାଜା କିହାମାଞ୍ଜି □

ଏଞ୍ଜାରି ଦାରତିତି ସାଲୁଞ୍ଜି କିନେରି □”

୧୧ ଏମ୍ବାଟିଏ ନାନୁ ସିନିକିତେସ୍, ସିଂଗାସାଣି, ଜନ୍ତୁୟାଁ ଅଡେ ପ୍ରାଚିନାଜା ସାରିସୁରୁ ହାରେକା ଦୁଡୁୟାଁତି ହାଡ଼ା ଝେଚେସ୍, ଏଞ୍ଜି ମାଣା ମାଣା ଅଡେ ଲାକେ ଲାକେ ଜାଣା ନିଚାମାଚୁ □

୧୨ ଏଞ୍ଜି କାଜା ଗିୟାତଲେ ପାଡିମାଚୁ; “ପାୟୁଞ୍ଜି ଆହାମାନି ମେଶ୍ତା ତାଲୁଦେଁ, କାଜାପାଣା, ଦନ, ବୁଦି, ବପୁ, ସାମ୍ବୁମି, ଗାଞ୍ଜୁରମି, ଜହରା ବେଟାଆହାଲି ପାଡ଼ାଆନେସି □”

୧୩ ଅଡେ ନାନୁ ଲାକପୁରୁ, ଦାରତି, ତାଡେପୁରୁ ଅଡେ ସାମ୍ବୁରତା ମାନି ବାରେ ଜୀଞ୍ଜୁ ଗାଟାଇ ଇଞ୍ଜା ଦାରତିତା ମାନି ବାରେ ଜୀଞ୍ଜୁ ଗାଟାଇ ପାଚୁ ପାଡିମାନାଣି ଝେଚେସ୍ □ ଏଞ୍ଜି ପାଡିମାଚୁ;

“ସିଂଗାସାଣିତା କୁଗାମାନି ମାଣସିଇଁ ଇଞ୍ଜା ତାନି ମେଶ୍ତା ତାଲୁଇଁ ଜହରା କିଦୁ; ତାନି ସାମ୍ବୁମି, ଗାଞ୍ଜୁରମି ଅଡେ ବାଡ଼ୟୁ କାଲାକାଲାତାୟି □”

୧୪ ଏଚେଟିଏ ସାରିଗଟା ଜନ୍ତୁ ପାଲି ଆସାନା ଏଲେଇରୁ, “ଆମେନ୍” ଅଡେ ପ୍ରାଚିନାଜା ମୁଦ୍ରା କୁଡାହାଁ ଜହରା କିତେରି □



ସାତା ଗଟା ସାଲିୟାଁ

୧ ଅଡେ ନାନୁ ମେଶ୍ତା ତାଲୁଇଁ ସାଡାଗଟା ମୁଦ୍ରା ବିତ୍ରାଟି ର ଲମ୍ବର ମୁଦ୍ରା ଦେତାଣି ମେସ୍ତେସ୍, ଅଡେ ସାରିଗଟା ଜନ୍ତୁ ବିତ୍ରାଟି ର ଜନ୍ତୁ ହାଗୁ ଗୁଣି ହାଡ଼ାତଲେ ହାଡିମାଚାଣି ଝେଚେସ୍ “ଞ୍ଜାମୁ!”

୨ ଏମ୍ବାଟିଏ ନାନୁ ସିନିକିତେସ୍ ଅଡେ ର ଦବଲ୍ଲା ଗଡ଼ା ଇଞ୍ଜା ତାନି ଲାକ ହଚାମାଚାଣି କେୟୁତା ର ଆମ୍ବୁ ଆସାମାଚେସି, ଅଡେ ଏଞ୍ଜାଣାକି ର ଟପେରି ହାପକିଆଡେ, ଅଡେ ଏଞ୍ଜାସି ଜାଣା ଆହାଁ ଜାଣା ଆୟାଲି ହଚାହାଚେସି □

୩ ମେଶ୍ତା ତାଲୁ ଏଚିବେଲା ରା ଲମ୍ବର ମୁଦ୍ରା ଦେତେସି, ଏଚିବେଲା ଅଡେ ରା ଲମ୍ବର ଜନ୍ତୁ ଏଲେଇଚାଣି ଝେଚେସ୍ “ଞ୍ଜାମୁ,”

୪ ଏମ୍ବାଟିଏ ଅଡେ ର ଗଡ଼ା ହଚା ଞ୍ଜାଡେ, ଏଦି ନେତେରି ଞ୍ଜାଣାଗାଚାୟି; ଲକୁ ଏନିକି ତାମ୍ବୁ ତାମ୍ବୁ ପାୟୁଞ୍ଜି ଆନେରି, ଏଦାଆଁତାକି ଦାରତିତି ହିଡ଼ଡ଼ି ହେକ କିହାଲି ତାନି ଲାକ ହଚାମାନାଣାକି ବାଡ଼ୟୁ ହାପକିଆଡେ ଅଡେ ଏଞ୍ଜାଣାକି କାଜା କାଣ୍ଡା ହାପକିଆଡେ □

୫ ମେଶ୍ତା ତାଲୁ ଏଚିବେଲା ତାନି ଲମ୍ବର ମୁଦ୍ରା ଦେତେସି, ଏଚିବେଲା ତାନି ଲମ୍ବର ଜନ୍ତୁ ଏଲେଇଞ୍ଜିମାନାଣି ଝେଚେସ୍, “ଞ୍ଜାହାଁ ସିନିକିମୁ” ଏମ୍ବାଟିଏ ନାନୁ ସିନିକିତେସ୍, ମେହ୍ଦୁ ର କାଡ଼ିନି

* ୫:୧୦ ୫:୧୦ ଝେ ବଲ୍ଲୁ ୧:୬

ଗଡ଼ା; ଅଡ଼େ ଏମ୍ବାଆଁ ହଡ଼ାମାନାଣି କେୟୁତା ର କେଜି ତୁକ୍ନାୟି ମାଚେ □

୨ ଅଡ଼େ ନାନୁ, ସାରିଗଟା ଜନ୍ତୁତି ଗୁଡ଼ିଟି ହଡ଼ି ଲେହେଡ଼ି ର ହାଡ଼ା ଝେଚେଏ; “ର ଟାକା ତାକି ର କେଜି ଗହଁ ଅଡ଼େ ତାନି କେଜି କାଞ୍ଜିଆ ଜନାୟାଁ ମେଡ଼ା ଆନୁ ସାମା ମୀରୁ ଜୀତ ମାରୁନୁତି ନିୟୁଁ ଅଡ଼େ ଅଙ୍ଗୁରି ରାସା ନସ୍ତ କିଆଦୁ □”

୩ ମେଣ୍ଡା ତାଲୁ ଏଚିବେଲା ସାରି ଲମ୍ବର ମୁଦ୍ରା ଦେତେସି, ଇଞ୍ଜା ନାନୁ ସାରି ଲମ୍ବର ଜନ୍ତୁ ଏଲେ ଇଞ୍ଜିମାଚାଣି ଝେଚେଏ, “ଝାମ୍ବୁ!”

୪ ଏମ୍ବାଟିଏ ନାନୁ ସିନିକିତେଏଁ ଦାରମ୍ବୁ ଝାଣାଗାଟି ଗଡ଼ା, ତାନି ଲାକ ହଡ଼ାମାଚାଣି ଦରୁ ହାକି, ଏଝାଣି ଜେଚ ଜେଚ ଦାରତି ହାଜିମାଚେ, ଏଝାରାକି ଦାରତିତି ସାରି ବାଗା ବିଡ଼ା ର ବାଗା ମୁହେଁ କାଣ୍ଡା, ହାକି, ରଗ ଅଡ଼େ ଜାଡ଼ାତି ଜନ୍ତୁ ଜୀଝେଡ଼ିକା ତଲେ ପାୟାଲି ବାଡ଼ୁୟୁ ହୀପକିଆଡ଼େ □

୫ ମେଣ୍ଡା ତାଲୁ ଏଚିବେଲା ପାସା ଲମ୍ବର ମୁଦ୍ରା ଦେତେସି, ଏଚିବେଲା ଆମିନି ଲକୁ ମାହାପୁରୁତି ବଲ୍ଲୁ ତାକି ଅଡ଼େ ଏଝାରାକି ହୀପକି ଆହାମାନି ସାକି ତାକି ହାହାମାଚେରି, ଏଝାରି ଜୀଝୁୟାଁ ନାନୁ ପୂଜାପିଣ୍ଡା ଡ଼ଇ ମେସ୍ତେଏଁ □

୬ ଏଝାରି କାଜା ଗିୟାତଲେ ହାଡ଼ିହଁ ଏଲେ ଇଞ୍ଜିମାଚେରି, “ସୁଦୁ ଅଡ଼େ ସାତା ପ୍ରୁ, ନାନୁ ଏଚରଦିନା ପାତେକା ଦାରତିତି ଲକୁଇଁ ନୀହାଁୟି କିଆନା ମାଙ୍ଗେ ପାୟାଲି ତାକି ଏଝାରାକି ଡ଼ଣ୍ଡୁ ହୀଆନା ପିହୁଦି ?”

୭ ଏଚେଟିଏ ଏ ବାରେଜାଣା ତାକି ଦବଲା ହିମ୍ବରକା ହୀପକିଆଡ଼େ, ଇଞ୍ଜା ଏଝାରି ତଲେତି ତାୟିୟାଁ ସେବା କିନାରି ଏଚରଜାଣା ପାୟୁଝି ଆନି କାତା ପାୟୁଝି ଆଆପାତେକା ଏଝାରାକି ଅଡ଼େ ଏଚରଦିନା ଜମାଲି ଝେସପିଆଡ଼େ □

୮ ମେଣ୍ଡା ତାଲୁ ସ ଲମ୍ବର ମୁଦ୍ରା ଦେଚିମାଚାଟି ନାନୁ ମେସ୍ତେଏଁ; ଦେବୁଣିଏ ଆଜିହୁପେତି ବୁମି ଝାଡ଼ିତେ □ ଝେଡ଼ା କାଡ଼ିନି ଝାଣା ହିମ୍ବରି ଲେହେଁ ଆଡ଼େ, ଅଡ଼େ ଲେଞ୍ଜୁ ନେତେରି ଝାଣା ଆଡ଼େ □

୯ କାଜା ଗାଲି ଏନିକି ମାରୁନୁଇଁ ଝାଡ଼ିହସାରେ ହିଇଲି ତୟା ପାଡ଼େୟିକା ତରଗିନି ଲେହେଁ ହାଗୁଲାକତି ହୁକାୟାଁ ଦାରତିତା ତରଗା ହାରୁ □

୧୦ ହାଗୁପାକା ତଲୁ ପତି ରୁପୁଝି ଆଡ଼ି ଲେହେଁ ରୁପୁଝିଆହାଁ ମେଣ୍ଡାମାହାଚେ □ ଅଡ଼େ ହରକା ଇଞ୍ଜା ସାମ୍ବୁରି ବିଡ଼ାମାନି ଇଚି ଇଚି ଦେସାୟାଁ ତାନି ଟାୟୁଟି ଗୁଚା ଆହାହାରୁ □

୧୧ ଅଡ଼େ ଦାରତିତି ରାଜାୟାଁ, ସାଲଝି କିନାରି, ଜୁଜୁକିନି କାଜାରି, ଦନ ଗାଟାରି, ବାଡ଼ୁୟୁ ଗାଟାରି, ହଲିୟାଙ୍ଗା ଅଡ଼େ ହଲିୟାଙ୍ଗା ଆଆତାରି ଏଝାରି

ବାରେଜାଣା ପାଝୁତା ଇଞ୍ଜା ହରକାତି କାଜା ଝାଲକା ପାରଡ଼ା ଡ଼ଇ ହାଜାନା ଡ଼ଗୁଡେରି □

୧୨ ଅଡ଼େ ଏଝାରି ହରକା ଇଞ୍ଜା ଝାଲକାଣି ହାଡ଼ିହଁ ଏଲେଇଚେରି, “ମା ମୁହେଁ ତରଗାନା ସିଂଗାସାଣିତା କୁଗାମାନାଣି ତାଣାଟି ଅଡ଼େ ମେଣ୍ଡା ତାଲୁ କପାଟି ମାଙ୍ଗେ ଡ଼କୁହାମୁ □

୧୩ ଇଚିହଁ ଏଝାରାକି ଆଜିହୁପେତି କପାଟି ଦିନା ଏଦାତେୟିଏ, ଇଞ୍ଜା ଏମ୍ବାଆଁ ଆମ୍ବାଆସି ନିଚାଲି ଆଡ଼ିନେସି ?”



ଇସ୍ରାୟେଲତି ୧୪୪,୦୦୦ ଲକୁ

୧ ଏଚେଟିଏ ନାନୁ ଦାରତିତି ସାରି କନତା ସାରିଗଟା ଦୁଡୁୟାଁଇଁ ନିଚାମାନାଣି ମେସ୍ତେଏଁ, ଅଡ଼େ ଦାରତିତି ସାରିଝାକିତି ଗାଲି ଆକ୍ମାମାନେରି, ଏଚେଟିଏ ଦାରତି ସାମ୍ବୁରି ଅଡ଼େ ଆମିନି ମାରୁନୁ ମୁହେଁ ଗାଲି ଝାଆପେଝା ଇଞ୍ଜା ଗାଲିତି ଆକ୍ମାମାନେରି □

୨ ଅଡ଼େ ନାନୁ ର ଦୁଡୁଇଁ ଝେଡ଼ା ହପୁଝାକିଟି ହଡ଼ାଝାଡ଼ାଣି ମେସ୍ତେଏଁ, ଏଦାନି କେୟୁତା ଜୀଝୁତି ମାହାପୁରୁତି ବୁଟୁ ମୁଦ୍ରା ମାଚେ, ଏ ଦୁଡୁ ଦାରତି ଅଡ଼େ ସାମ୍ବୁରି ନସ୍ତ କିହାଲିତାକି ସାରିଗଟା ଦୁଡୁକି ଅଦିକାରା ହୀହାମାଚେ, ଏଦି କାଜା ଗିୟାତଲେ ହାଟାନା ଏଲେଇଚେ,

୩ “ମାମ୍ବୁମାହାପୁରୁତି ସେବା କିନାରି ମୁଞ୍ଜୁତା ବୁଟୁ ମୁଦ୍ରା ନାବଗାଆ ପାତେକା ମୀରୁ ଦାରତି, ସାମ୍ବୁରି, କି ମାରକାଣି ନସ୍ତ କିଆଦୁ □”

୪ ଏଚେଟିଏ ମୁଞ୍ଜୁତା ବୁଟୁ ମୁଦ୍ରା ନାବଗା କଡ଼ିତାରି ୧୪୪,୦୦୦ ଲକୁ ମାଚେରି ଇଞ୍ଜା ନାନୁ ଝେଚେଏଁ ଏଝାରି ଇସ୍ରାୟେଲତି ବାର କୁଡ଼ାତି ଲକୁ ମାଚେରି □

୫ ଜୀହୁଦା କୁଡ଼ାଟି ବାର ମାଣା ଲକୁଇଁ ବୁଟୁ ମୁଦ୍ରା କିହାମାନେସି, ରୁବେନ୍ କୁଡ଼ାଟି ବାର ମାଣା, ଗାଦ୍ କୁଡ଼ାଟି ବାର ମାଣା,

୬ ଆସେର୍ କୁଡ଼ାଟି ବାର ମାଣା, ନପ୍ତାଲି କୁଡ଼ାଟି ବାର ମାଣା, ମନସି କୁଡ଼ାଟି ବାର ମାଣା,

୭ ସିମିୟନ କୁଡ଼ାଟି ବାର ମାଣା, ଲେବି କୁଡ଼ାଟି ବାର ମାଣା, ଇସାକାର କୁଡ଼ାଟି ବାର ମାଣା,

୮ ସୁରୁଲୁନ୍ କୁଡ଼ାଟି ବାର ମାଣା, ଜସେପ କୁଡ଼ାଟି ବାର ମାଣା, ବିନ୍ୟାମିନ୍ କୁଡ଼ାଟି ବାର ମାଣା ଲକୁଇଁ ବୁଟୁ ମୁଦ୍ରା କିହାମାନେସି □

ଗାଡ଼ି ମାନ୍ଦା ଲକୁ

୯ ଏଚେଟିଏ ନାନୁ ସିନିକିତେଏଁ ମେହୁଦୁ ବାରେ ଜାଡ଼ି, ବାରେ କୁଡ଼ା, ବାରେ ଦେସା, ବାରେ ହାଡ଼ା, ଏଜିକିହାଲି ଆଡ଼ାଆଗାଟି ର ମାନ୍ଦା ଲକୁ ଅଜିତି ଦବଲା ହିମ୍ବରକା ହୁଚାନା କାଜୁରି ମାଚାୟାଁ

☆ ୭:୧୨ ୭:୧୨ ଝେ ବଲ୍ଲ ୧୧:୧୩; ୧୨:୧୮; ମାଡ଼ି ୨୪:୨୯; ମାକି ୧୩:୨୪,୨୫; ଲକୁ ୨୧:୨୫ ☆ ୭:୧୨ ୭:୧୨ ଲକୁ ୨୩:୩୦

କେୟୁତା ଆସାନା ସିଂଗାସାଣି ଅଡ଼େ ମେଣ୍ଡା ଡାଲୁ ନକିତା ନିଚାମାନେରି □

୧୦ ଏଞ୍ଜାରି କାଜା ଗିୟାତଲେ ଏଲେଇଚେରି, “ଝାରଇ ସିଂଗାସାଣିତା କୁଗାମାନି ମାହାପୁରୁ ଅଡ଼େ ମେଣ୍ଡା ଡାଲୁ ମାଜେ ଗେଲପାନାସି □”

୧୧ ସିଂଗାସାଣି, ପ୍ରାଚିନାଜା ଅଡ଼େ ବାରେ ସାରିଗଟା ଜନ୍ତ ସାରିସୁଟୁ ଲାକପୁରୁତି ଦୁତୁୟା ନିଚାମାନେରି, ଅଡ଼େ ସିଂଗାସାଣି ନକିତା ମୁନୁ କୁତାନା ମାହାପୁରୁଇଁ ଜହରା କିହାନା,

୧୨ ଏଲେଇଚେରି, “ଆମେନ୍ ନେହାୟି, ଗାଝୁରମି, ବୁଦି, ଜହରା, ସାମ୍ବମି, ଅଦିକାରା ଅଡ଼େ ବାଡ଼ୁୟୁ, କାଲାକାଲା ତାକି ମା ମାହାପୁରୁଝାୟି! ଆମେନ୍ □”

୧୩ ଅଡ଼େ ପ୍ରାଚିନାଜା ବିତ୍ରାଟି ରଅସି ନାଜେ ଝେଞ୍ଜାତେସି, “ଦବ୍‌ଲା ହିମ୍ବରକା ହୁଚାମାନି ଇ ଲକୁ ଆମ୍ବାଆରି ? ଅଡ଼େ ଏଞ୍ଜାରି ଏମ୍ବିଟି ଝାହାମାନେରି ?”

୧୪ *ନାନୁ ଏଞ୍ଜାଣାଇଁ ଏଲେଇଚେସି, “ଏ ନା ପ୍ରବୁ ନାନୁଏ ଏଦାଆଁ ପୁଞ୍ଜାମାଞ୍ଜି” ଏମ୍ବାଟିଏ ଏଞ୍ଜାସି ଏଲେଇଞ୍ଜାତେସି, “ଈଞ୍ଜାରି ଆଜିହପେତି ସାସି ଅରହାନା ହଟା ଝାହାମାନେରି, ଇଞ୍ଜା ମେଣ୍ଡା ଡାଲୁତି ନେତେରି ତଲେ ଏଞ୍ଜାରି ତାନି ହିମ୍ବରକା ରାଚାନା ଦବ୍‌ଲା କିହାମାନେରି □

୧୫ ଏଦାଆଁତାକି ଏଞ୍ଜାରି ମାହାପୁରୁ ଇଲୁତି ସିଂଗାସାଣି ନକିତା ନିଚାମାନା ଲାଆଁ ମାଦେନା ଏଞ୍ଜାଣି ଜହରା କିନେରି, ଇଞ୍ଜା ସିଂଗାସାଣିତା କୁଗାମାନାସି ଏଞ୍ଜାରାକି ବାସାଗାୟୁ ହାନେସି □

୧୬ ଏଞ୍ଜାରାକି ଏଚେଲାଝା ହାକି କି ଏସ୍‌କି ଆଏ; ଇଞ୍ଜା କାରା କି ଏନି ଝେହ୍‌ନାୟି ତୀଗାଲି ଆଡ଼େଏ □

୧୭ ଇଚିହ୍‌ ସିଂଗାସାଣି ମାଦିତି ମେଣ୍ଡା ଡାଲୁ ଏଞ୍ଜାରି ମେଣ୍ଡା ଗଡ଼ୁ ଆନେସି □ ଅଡ଼େ ଜୀଝୁହୀନି ଏୟୁ ହଟିମାନି ତାଣା ଏଞ୍ଜାରାଇଁ ତାକିକିହା ଅନେସି, ଅଡ଼େ ମାହାପୁରୁ ଏଞ୍ଜାରି କାନୁତି ବାରେ କାଣ୍ଡୁ ଜେଜାତୁହନେସି □”



ସାଡ଼ା ଲମ୍ବର ସାଲି

୧ ମେଣ୍ଡା ଡାଲୁ ଏଚିବେଲା ସାଡ଼ା ଲମ୍ବର ମୁଦ୍ରା ଦେତି ଦେବୁଣିଏ ଲାକପୁରୁ ଆଦା ଗଂଟା ପାତେକା ସାପିଆଡ଼େ □

୨ ଏମ୍ବାଟିଏ ନାନୁ ମାହାପୁରୁ ନକିତା ନିଚାମାନି ସାଡ଼ା ଜାଣା ଦୁତୁୟାଈଁ ମେସ୍‌ସେସି, ଏଞ୍ଜାରାକି ସାଡ଼ାଗଟା ତୀତ୍ରି ମହୁରି ହୀପକି ଆଡୁ □

୩ ଏମ୍ବାଟିଏ ଅଡ଼େ ର ଦୁତୁ ଝାହାଁ ପିଣ୍ଡା ନକିତା ନିତେସି, ଏଞ୍ଜାଣି କେୟୁତା ବାଂଗାରା ଦୁପ୍‌ଣି ସାଡ଼ଝା ମାଚେ, ଅଡ଼େ ସିଂଗାସାଣି ନକିତି

ବାଂଗାରା ପୂଜାପିଣ୍ଡା ଲାକ ବାରେ ମାହାପୁରୁ ଲକୁତି ପ୍ରାଚାନା ତଲେ ହେରପାଲି ତାକି ହାରେକା ଦୁପ୍‌ଣି ହୀପକିଆଡ଼େ □

୪ ଏମ୍ବାଟିଏ ଲାକପୁରୁ ଦୁତୁ କେୟୁତି ଦୁପ୍‌ଣି ବୟ୍‌ ମାହାପୁରୁ ଲକୁତି ପ୍ରାଚାନା ତଲେ ଆଣ୍ଡାନା ମାହାପୁରୁ ନକିତା ଏଗାଡେ □

୫ ତାୟୁ ଏ ଦୁତୁ ଦୁପ୍‌ଣି ସାଡ଼ଝାତା ପୂଜା ପିଣ୍ଡାତି ହିଚୁତଲେ ନେଞ୍ଜିକିହାନା ଦାରତି ଲାକ ଡାଞ୍ଜିତେସି, ଏମ୍ବାଟି ହାଗୁ ଗୁଣ୍ଡେ ବିଜା ରିନିହାଡ଼ା ଝେଞ୍ଜାତେ ଇଞ୍ଜା ବୁମି ଝୀତିତେ □

ତୀତ୍ରି ଉକିନାୟି

୬ ଏଚିବେଲା ସାଡ଼ା ଜାଣା ତୀତ୍ରି ଆସାମାନି ଦୁତୁୟାଁ ସାଡ଼ା ଜାଣା ତୀତ୍ରି ଉକାଲି ତିୟାରା ଆଡ଼େରି □

୭ ର ଲମ୍ବର ଦୁତୁ ତାନି ତୀତ୍ରି ଉକିତେସି ଏଚେଟିଏ ନେତେରି ତଲେ ଆଜିୟାଁ ଅଡ଼େ ହିଚୁ ଆଣ୍ଡି ଆହାଁ ଦାରତି ଲାକ ରିଚୁ, ଇଞ୍ଜା ବାରେ ମାରନ୍ତୁ ମାଡ଼ା, ହିଇଲି ଜାଡ଼ା ତଲେ ଦାରତିତି ତାନି ବାଗାଟି ର ବାଗା ବାରେ ଝେହା ହାଚେ □

୮ ଏଚେଟିଏ ରୀ ଲମ୍ବର ଦୁତୁ ତାନି ତୀତ୍ରି ଉକିନି ଦେବୁଣିଏ ଡାଞ୍ଜିମାନି ର କାଜା ହରୁ ଲେହେତାୟି ସାମ୍ବପୁରି ଲାକ ରୀତେ ଇଞ୍ଜା ସାମ୍ବପୁରିତି ଏୟୁ ତାନି ବାଗାଟି ର ବାଗା ନେତେରି ଆହାହାଚୁ □

୯ ସାମ୍ବପୁରିତା ମାନି ତାନି ବାଗାଟି ର ବାଗା ଜୀଝୁ ଗାଟାଇ ହାହାହାଚୁ, ଅଡ଼େ ସାମ୍ବପୁରିତା ମାନି ଜାଜାୟାଁ ତାନି ବାଗାଟି ର ବାଗା ଜାଜାୟାଁ ବିଡ଼ହାହାଚୁ □

୧୦ ତାନି ଲମ୍ବର ଦୁତୁ ତୀତ୍ରି ଉକିତେସି, ଇଞ୍ଜା ଦେବୁଣିଏ ହିଚୁ ବନ୍ଦାଲେହେଁ ଡାଞ୍ଜିମାନି ର କାଜା ହୁକା ହାଗୁଟି ତାନି ବାଗା କାଡ଼ା ଅଡ଼େ ଉସାଣାଁ ରୀତେ □

୧୧ ଏ ହୁକାତି ଦରୁ “କାମ୍ବେଲି” ଏଚେଟିଏ ତାନି ବାଗାଟିଏ ର ବାଗା ଏୟୁ କାମ୍ବେଲି ଆଡୁ, ଇଞ୍ଜା ହାରେକା ଲକୁ ଏୟୁ ଗସାନା ହାଡ଼େରି, ଇଚିହ୍‌ ଏଞ୍ଜି କାମ୍ବେଲି କିଞ୍ଜି ଆହାମାଚୁ □

୧୨ ସାରି ଲମ୍ବର ଦୁତୁ ତୀତ୍ରି ଉକିତେସି ଇଞ୍ଜା ଝେଡ଼ା, ଲେଞ୍ଜୁ, ହୁକାୟାଁତି ବାରେ ତାନି ବାଗାଟି ର ବାଗା ନସ୍ତୁ ଆଡୁ, ଇଞ୍ଜା ତାନି ବାଗାଟି ର ବାଗା ଉଜେଡ଼ି ଉଣା ଆଡ଼େ, ଇଞ୍ଜା ଲାଆଁୟାଁ ମାଦେନା ତାନି ବାଗାଟି ର ବାଗା ଉଜେଡ଼ି ଉଣା ଆଡ଼େ □

୧୩ ତାୟୁ ନାନୁ ମେସ୍‌ସେସି, ହାଗୁତି ମାଦି ଉମ୍ବିମାନି ର ଲେଡ଼ୁ କାଜା ହାଡ଼ାତଲେ ଏଲେଇଞ୍ଜିମାଟାଣି ଝେଚେସି, “ଆହା! ଦାରତିତା ବାସା ଆହାମାନି ଲକୁ ଆଜିହପେତି ତଣ୍ଡ ବେଟାଆନାରି, ଇଚିହ୍‌ ଅଡ଼େ ତାନି ଜାଣା ଦୁତୁୟାଁ ତୀତ୍ରି ଉକାଲି ହାଜିମାନେରି □”

* ୭:୧୪ ୭:୧୪ ମାତି ୨୪:୨୧; ମାର୍କ ୧୩:୧୯



୧ ଏବେଟିଏ ପାସା ଲମ୍ବର ଦୂତୁ ତୀତ୍ରି ଉକିତେସି ନାନୁ ର ହୁକା ହାଗୁଟି ଦାରତିତା ରିତାଣି ମେସ୍ତେସି, ଏଞ୍ଜାଣାକି ତାଡ଼େପୁରୁତି କୁଟିକାଡ଼ି ହାପକି ଆହାମାଚେ □

୨ ଏଞ୍ଜାସି ଏ ତାଡ଼େପୁରୁ ଗାଡ଼ୁମୁ ଦେଚାଲିଏ ଏମ୍ବାଟି କାଜା ହଲୁତା ହନିଲେହେଁ ବୟ୍ ହଚାଞ୍ଜାତେ, ଇଞ୍ଜା ଏ ହିରୁ ଗାଡ଼ୁମୁତି ବୟ୍ ତାକି ଝେଡ଼ା ଇଞ୍ଜା ହାଗୁ ଆନ୍ଦେରି ଆଡ଼େ □

୩ ଏ ବୟ୍ ଗପ୍‌ଏରିକା ହଚାନା ଦାରତିତା ଝାଡ଼ୁ, ଏଞ୍ଜାସିକାକି ଦାରତିତି କାଚାକୁପିତା ମାନି ବାସାତି ବାଡ଼ୁମୁ ହାପକିଆଡ଼େ □

୪ ଏଞ୍ଜି ଦାରତିତି ମାରୁକା ଗଚା ଜାଡ଼ାତି ନସ୍ତୁ କିଆନା, ଆମ୍ବାଆରି ମୁଞ୍ଜୁତା ମାହାପୁରୁତି ବୁଟୁ ମୁଦ୍ରା ହିଲାଆଡ଼େ ଏଞ୍ଜାରାଇଁ କସ୍ତୁ ହାହାଲି ଏଲେଇଣ୍ଡି ଆଡ଼େ □

୫ ଏଞ୍ଜାରାଇଁ ପାୟାଆନା ପାସା ଲେଞ୍ଜୁ ତାକି କସ୍ତୁ ହାହାଲି ଗପ୍‌ଏରିକାକି ଅଦିକାରା ହାପକିଆଡ଼େ, କାଚାକୁପି କାଚିତେ ଇଚିସାରେ ଏନିକ ବାସା ଆନେ ଏ କସ୍ତୁ ଏଲେତାୟି □

୬ ଏଚିବେଲା ଲକୁ ହାହାଲି ଅଣ୍ଡିନେରି ସାମା ହାଅରି, ଏଞ୍ଜାରି ହାହାଲି ଅଣ୍ଡିନେରି, ସାମା ହାକି ଏଞ୍ଜାରି ତାଣାଟି ହଚାଡ଼ୁହନେ □

୭ ଏ ଗପ୍‌ଏରିକା ଜୁଜୁତା ହାଜାଲି ତିୟାରା ଆହାମାନି ଗଡ଼ାୟା ଲେହେଁ ତଞ୍ଜାଆହିମାଡ଼ୁ, ଏଞ୍ଜାସିକା ତାକାଣା ବାଂଗାରା ଗପେରି ଲେହେଁ ପିଡ଼ିଟି ଆହାମାଚେ, ଏଞ୍ଜାସିକା ମୁମ୍ବୁମାଣ୍ଡିସି ମୁମ୍ବୁ ଲେହେଁ ମାଚେ □

୮ ଇୟାସିକା ତାୟା ରାଣାୟା ଲେହେଁ ଏଞ୍ଜାସିକା ବାଣାୟା, ସିହଁ କ୍ଷାଣିତି ପାଲୁକା ଲେହେଁତ ତାନି ପାଲୁକା ମାଡ଼ୁ □

୯ ତାନି ବକତା ଲହ ପାଟା ଲେହେଁତି ପାଟା, ତାନି ମାରାୟା ଝାଡ଼ିମାନି ହାଡ଼ା ଜୁଜୁ ତାକି ଗଡ଼ାୟା ରାତାୟାଣି ରେଜା ଅହିମାନି ଲେହେଁତି ହାଡ଼ା □

୧୦ କାଚାକୁପିତି ଲେଂଗୁଣି ଇଞ୍ଜା ବାସା ସୂଜା ଲେହେଁ ଏଞ୍ଜାସିକାକି ଲେଂଗୁଣି ଅଡ଼େ ବାସା ସୂଜା ମାଚେ, ପାସା ଲେଞ୍ଜୁ ତାକି ମାଣ୍ଡିୟାୟାୟା ସାସ୍ତି ହିୟାଲି ଏଞ୍ଜାସିକା ଲେଂଗୁଣିକାଣା ବାଡ଼ୁମୁ ବେଗାଆହାମାଡ଼ୁ □

୧୧ ଏଞ୍ଜାସିକା ମୁହେଁ ର ରାଜା ସାଲୁଞ୍ଜି କିହିମାନେସି, ଏଞ୍ଜାସି ତାଡ଼େପୁରୁ ଗାଡ଼ୁମୁତି ଦୂତୁ, ଏଦାନି ଦରୁ ଏବି ହାଡ଼ାତଲେ ଆବାଦନ୍ ଅଡ଼େ ଗ୍ରିକ୍ ହାଡ଼ାତଲେ ଅପଲିୟନ୍ ଇଚିସାରେ “ନାସା କିନାଇ □”

୧୨ ତଲିତି ଆଜିହପେତି ତଣ୍ଡ ଉଣା ଆଡ଼େ ଅଡ଼େ ଜଡ଼େକା ଆଜିହପେତି ତଣ୍ଡାୟା ଝାହିମାଡ଼ୁ □

୧୩ ସ ଲମ୍ବର ଦୂତୁ ତୀତ୍ରି ଉକିତେସି, ଇଞ୍ଜା ନାନୁ ମାହାପୁରୁ ନକିତି ବାଂଗାରା ପୂଜା ପିଣ୍ଡାତି ସାରିଗଚା କମ୍‌କା ବିଡ଼ାଟି ର ହାଡ଼ା ଝେଚେସି □

୧୪ ଏଞ୍ଜାସି ତୀତ୍ରି ଆସାମାନି ସ ଲମ୍ବର ଦୂତୁଇଁ ଏଲେଇଚେସି, “ପରାଡ଼ କାଜା କାଡ଼ାତା ଦସ୍‌ପି ଆହାମାନି ସାରି ଜାଣା ଦୂତୁୟାୟାୟା ପିସ୍‌ପି କିମୁ □”

୧୫ ଏମ୍ବାଟିଏ ମାଣ୍ଡିୟାୟାୟା ତାନି ବାଗାଟି ର ବାଗା ଲକୁଇଁ ପାୟାଲି ତାକି ତିୟାରା ଆହାମାନି ଆମିନି ସାରି ଜାଣା ଦୂତୁୟାୟାୟା ଏ ଦିନା, ଲେଞ୍ଜୁ ଅଡ଼େ ବାସା କିଞ୍ଜି ଆହାମାଚେ ଏଞ୍ଜାରାଇଁ ପିସ୍‌ପି କିଞ୍ଜିଆଡ଼େ □

୧୬ ଗଡ଼ାୟାୟା ଲାକ କୁଗାନା ଜୁଜୁ କିନାରି ରୀ କଟି ମାଚେରି ନାନୁ ଝେଚେସି □

୧୭ ଅଡ଼େ ନାନୁ ଗଡ଼ା ଇଞ୍ଜା ଏମ୍ବାଆଁ ହଚାମାନାରାଇଁ ମେସ୍ତେସି, ଏଞ୍ଜାରି ବକ ପାଟା ହିରୁ ଅଡ଼େ ନୀଲି, ହାଞ୍ଜେରି ଝାଣା; ଗଡ଼ାୟାୟା ତାକା ସିହଁକ୍ଷାଣି ତାକା ଲେହେଁ, ଇଞ୍ଜା ଏଞ୍ଜାସିକା ଗୁଡ଼ିଟି ହିରୁ, ବୟ୍, ଅଡ଼େ ଗାନ୍ଦାଗୁଣ୍ଡା ହଚିମାଚେ □

୧୮ ଏଞ୍ଜାସିକା ଗୁଡ଼ିଟି ହିରୁ, ବୟ୍, ଅଡ଼େ ଗାନ୍ଦାଗୁଣ୍ଡା ଲେହେଁ ଇ ତାନିଗଚା ତଣ୍ଡାୟା ହଚୁ, ଇ ତଣ୍ଡାୟାଟି ମାଣ୍ଡିୟାୟା ତାନି ବାଗାଟି ର ବାଗା ପାୟାଞ୍ଜି ଆଡ଼େରି □

୧୯ ଏନାଆଁତାକି ଇଚିହଁ ଗଡ଼ାୟାୟା ବାଡ଼ୁମୁ ତାନି ଗୁଡ଼ି ଅଡ଼େ ଲେଂଗୁଣିତା ମାଚେ, ଇଚିହଁ ଏଞ୍ଜାସିକା ଲେଂଗୁଣିକା ତାୟା ଗୁାଟି ରାଡ଼ୁ ଲେହେଁ ମାଚାକି ତାନି ଲେଂଗୁଣିକା ତଲେ ଲକୁଣି ନସ୍ତୁ କିହିମାଡ଼ୁ □

୨୦ ଆମିନି ଲକୁ ଇ କସ୍ତୁତଲେ ପାୟାଞ୍ଜି ଆହା ହିଲାଆଡ଼େରି, ଏଞ୍ଜାରି ତାନି କେୟୁତଲେ କିତି କାମାତାକି ମନ୍ ଝେଚ୍‌ପି କିଆଡ଼େରି, ଇଚିହଁ ବୁଡ଼ୁୟାୟାୟା ପୂଜା, ଅଡ଼େ ମେସାଲି, ଝେଞ୍ଜାଲି, ତାକାଲି ଆଡ଼ାଆଗାଟି ବାଂଗାରା, ଝେଣ୍ଡି, ପିତାଡ଼ା, ଝାଲୁକା ଅଡ଼େ ମାରୁକା ତଲେ କେପିତି ପେଣ୍ଡାକା ବମାୟାୟାୟା ପୂଜା କିହାଲି ପିହ୍‌ଆଡ଼େରି □

୨୧ ଅଡ଼େ ଏଞ୍ଜାରି ଲକୁଣି ପାୟାନ୍ଦାୟା, ଗୁଣି ଗାରଡ଼ି, ଦାରିକାମା, ଅଡ଼େ ସରୁ କାମା କିନିତାଣାଟି ମନ୍ ଝେଚ୍‌ଆଡ଼େରି □

୧୦

ଲାକପୁରୁତି ଦୂତୁ ଅଡ଼େ ରୁପିତି ଉଣା ପତି

୧ ଏବେଟିଏ ନାନୁ ର ବାଡ଼ୁମୁଗାଟି ଦୂତୁଇଁ ଲାକପୁରୁତି ରେଚା ଝାହିମାଚାଣି ମେସ୍ତେସି, ଏଞ୍ଜାଣି ସାରିସୁଟୁ ଦୂନ୍ଦା ଇଞ୍ଜା ତାନି ତାୟାୟାୟା ଲାକ ଦାରଣକି ଅଡ଼େ ତାନି ମୁମ୍ବୁଝେଡ଼ା ଲେହେଁ ଅଡ଼େ ତାନି କଡ଼ାୟାୟା ହିରୁ ମୁଣ୍ଡାଲେହେଁ ତଞ୍ଜାଆହିମାଡ଼ୁ;

୨ ତାନି କେୟୁତା ଦେପି ଆହାମାନି ର ଉଣା ତଲୁ ପତି, ଏଞ୍ଜାସି ତାନି ଚିଞ୍ଜି କଡ଼ା ସାମଦୁରିତା ଅଡ଼େ ଚେବି କଡ଼ା ଦାରତିତା ଇଚାମାଚେସି;

୩ ସିହ୍‌କ୍ଷାଠନି ଗାଜ୍‌ନିଲେହେଁ କାଜା ହାଡ଼ାତଲେ ହାଡ଼ିତେସି, ଏଞ୍ଜାସି ହାଟାଲିଏ ଏଲେକିହିଏ ସାଡ଼ାଗଟା ହାଗୁ ଗୁଣ୍‌ନାଇ ତାନି ହାଡ଼ା ଝେକ୍‌ଜି କିଡୁ □

୪ ଏ ସାଡ଼ାଗଟା ହାଗୁ ଗୁଣ୍‌ନାଇ ଝେସାଲିଏ ନାନୁ ରାଡ଼ିକ୍‌ ଇଞ୍ଜି ଡିୟାରା ଆଡ଼େଏ, ଏଚେଟିଏ ନା ତାକି ହାଗୁଟି ଇ ହାଡ଼ା ଝେଚେଏ, “ଏ ସାଡ଼ାଗଟା ହାଗୁ ଗୁଣ୍‌ନିତାଣାଟି ଏନାଆଁ ଝେଞ୍ଜାମାଞ୍ଜି ଏଦାଆଁ ରାଡ଼ାଆନା ଡ଼କୁହା ଇଟାମୁ □”

୫ ଏଚେଟିଏ ଆମିନି ଦୁଡୁକ୍‌ ସାମ୍‌ଦୁରି ଅଡ଼େ ଦାର୍‌ଡ଼ି ଲାକ ନିଚାମାଚାଣି ନାନୁ ମେସାମାଚେଏ, ଏଞ୍ଜାସି ତାନି ଚିଃନି କେୟୁ ଲାକପୁରୁ ଝାକି ଦାସାନା

୬ ଆମ୍‌ଆସି ଲାକପୁରୁ, ଦାର୍‌ଡ଼ି, ସାମ୍‌ଦୁରି, ଅଡ଼େ ଏମ୍‌ଆଁ ମାନାଣି ବାରେ ଗାଡ଼ି କିହାମାନେସି, ଏ କାଲେଏ ତାକି ନୀତାମାନାଣି ଦରୁଟି ପାରମାଣା କିହାନା ଏଲେଇଚେସି, “ଅଡ଼େ ଝେଡ଼ା ଆଏଦେଁ”

୭ ଏଚିବେଲାତା ସାଡ଼ା ଲମ୍‌ର ଦୁଡୁ ତୀଡ଼ି ଉକିନେସି, ମାହାପୁରୁ ଅଣ୍‌ପୁଡ଼ି ବଲ୍ଲୁ ଝେକ୍‌ନାରି ଅଡ଼େ ତାନି ସେବା କିନାରାକ୍‌ ନେହିଁ କାବୁ ଝେସାମାଚେସି, ଏଚିବେଲା ମାହାପୁରୁ ତାନି ଡ଼ଗୁମାନି ଅଣ୍‌ପୁ ପୁରା କିନେସି □

୮ ଇଞ୍ଜା ନାନୁ ଲାକପୁରୁଟି ଆମିନି ହାଡ଼ା ଝେଞ୍ଜା ମାଚେଏ, ଅଡ଼େ ଝେଣ୍ଡେ ନା ତାକି ଏଲେଇଞ୍ଜି ଝେକ୍‌ଜିତେ, “ହାଲାମୁ, ସାମ୍‌ଦୁରି ଅଡ଼େ ଦାର୍‌ଡ଼ି ଲାକ ନିଚାମାନି ଦୁଡୁ କେୟୁତା ଆମିନି ତଲୁ ପତି ଦେପିଆହାମାନେ ଏଦାଆଁ ଅମୁ □”

୯ ଏଚେଟିଏ ନାନୁ ଏ ଦୁଡୁ ତାଗେ ହାଜାହାଁ ଏ ଉଣା ତଲୁ ପତିତି ରାସ୍‌ସେଏ, ଏଞ୍ଜାସି ନାଜେ ଏଲେଇଞ୍ଜାଚେସି, “ଇଦାଆଁ ଅହାଁ ତିନାମୁ; ଇଦି ନୀ ବାଣ୍ଡିତି କାମ୍‌ଲି କିୟାନେ ସାମା ନୀ ଗୁଡ଼ି ତାକି କିରୟାଁ ଲେହେଁ ଆନେ □”

୧୦ ଏଚେଟିଏ ନାନୁ ଦୁଡୁ କେୟୁଟି ଏ ଉଣା ତଲୁ ପତି ଅହାଁ ତିଚେଏ, ଏଡ଼ି ନା ଗୁଡ଼ି ତାକି କିରୟାଁ ଲେହେଁ ଆଡେ, ସାମା ଏଦାଆଁ ତିଚି ତାୟୁ ନା ବାଣ୍ଡି କାମ୍‌ଲି ଆହାହାଚେ □

୧୧ ଏଚେଟିଏ ନାଜେ ଏଲେଇଞ୍ଜି ଝେସ୍ତାଚେସି ହାରେକା ଗଟି, କୁଡ଼ା, ହାଡ଼ା ଗାଟାରି ଅଡ଼େ ରାଜାୟାଁ କପାଟି ତାୟୁ ଏନାୟି ଗଟ଼ି ଆନେ ଏଦାଆଁ ନାନୁ ଅଡ଼େ ଝେଣ୍ଡେ ଝେହ୍‌ନାୟି ମାନେ □

୧୧

ରିଆରି ସାକି ହାନାରି

୧ ଏଚେଟିଏ ନାଜେ ଲାଡ଼ିନି ଲେହେଁଡ଼ି ର ବାଡ଼ଗା ହାପକିଆଡେ, ରଅସି ନାଜେ ଏଲେଇଞ୍ଜାଚେସି, “ହାଲାମୁ, ମାହାପୁରୁ ଦେଝୁଡ଼ି,

ପୁଜାପିଣ୍ଡା ଲାଚାମୁ ଅଡ଼େ ଆମ୍‌ଆରି ଏମ୍‌ଆଁ ପ୍ରାତାନା କିନେରି ଏଞ୍ଜାରାକ୍‌ ଏଜିକିମୁ □

୨ ✨ସାମା ଦେଝୁଡ଼ି ପାଙ୍ଗାତି ଆଂଗେଣିତି ପିହ୍‌ମୁ ଏଦାଆଁ ଲାଚାଆନି, ଇଚିହିଁ ଏଡ଼ି ଜୀହୁଦିଆଆତାରାକି ହାପକି ଆହାମାନେ, ଏଞ୍ଜାରି ରୀ କଡ଼ି ରୀ ଲେଞ୍ଜୁ ପାତେକା ମାହାପୁରୁ ସୁଦୁ ଗାଡ଼ାତି କଡ଼ାତଲେ ଝିସାନା ଦୁଡ଼ି କିନେରି □

୩ ଅଡ଼େ ନାନୁ ନା ରୀ ସାକିୟାଁକ୍‌ ପାଣ୍ଡିକ୍‌ ଏଞ୍ଜାରି ବାସ୍ତାୟାଁ ପରହାନା ୧,୨୬୦ ଦିନା ପାତେକା ମାହାପୁରୁ ଅଣ୍‌ପୁଡ଼ି ବଲ୍ଲୁ ଝେକ୍‌ନେରି □”

୪ ଏଞ୍ଜାରି ଦାର୍‌ଡ଼ିତି ପ୍ରବୁଡ଼ି ନକିତା ନିଚାମାନି ରୀ ଜୀତ ମାରୁକା ଅଡ଼େ ରୀ ଦୀଞ୍ଜି ସଡ଼ାୟାଁ ଲେହେଁଡ଼ାରି □

୫ ଆମ୍‌ଆସି ଏଞ୍ଜାରାକ୍‌ ନସ୍ତୁ କିହାଲି ଅଣ୍‌ପିନେସି, ଆଡ଼ିହିଁ ଏଞ୍ଜାରି ଗୁଡ଼ିଚି ହିରୁ ହଚାହାଁ ଏଞ୍ଜାରି ସାଡ଼ୁୟାଁକ୍‌ ନାସାକିନେ, ଆମ୍‌ଆସି ଏଞ୍ଜାରାକ୍‌ ନସ୍ତୁ କିହାଲି ଅଣ୍‌ପିତିହିଁ, ଏଞ୍ଜାସି ନାସା ଆନେସି □

୬ ଏଞ୍ଜାରି ମାହାପୁରୁ ବଲ୍ଲୁ ଝେକ୍‌ନାଟି ଏନିକ୍‌ ପିୟୁ ଆଏ ଏଦାଆଁତାକି ହାଗୁଡ଼ି ସୁଣ୍ଡାଲି ଅଦିକାରା ହାପକି ଆହାମାନେ, ଏଚର ଦେବା ଏଞ୍ଜାରି ମନ ଆନେ ଏଚର ଦେବା ଏଞ୍ଜାରି ଏୟୁଣି ନେତେରି ମ୍‌ପହାଲି ଅଡ଼େ ଦାର୍‌ଡ଼ିତି ଏନି ଇଚି ଏଲେଡ଼ି ମରଡ଼ି ତଲେ ଡ଼ଣ୍ଡ ହାହାଲି ଏଞ୍ଜାରାକି ଅଦିକାରା ମାନେ □

୭ ✨ଏଞ୍ଜାରି ସାକି ହାହାଲି ରାଡ଼ି ତାୟୁ ତାଡ଼େପୁରୁ ଗାଡ଼ୁୟୁଟି ର ଜନ୍ତ ହଚାଞ୍ଜାହାନା, ଏଞ୍ଜାରିତଲେ ଜୁଜୁ କିନେ □

୮ ଏମ୍‌ଆତି ଏମିନି କାଜା ଗାଡ଼ା ସୁଦୁଜୀଝୁ ତଲେ ସଦମ ଅଡ଼େ ମିସର ଇଞ୍ଜି ଇନେରି, ଏମିନିତାଣା ତାନି ପ୍ରବୁ ଜିକେଏ ପାସିତା ହାହାମାଚେସି, ଏ କାଜା ଗାଡ଼ାତି ଆଂଗେଣିତା ଏଞ୍ଜାରି ମାଡ଼ହାୟାଁ ଡ଼ୟିନୁ □

୯ ଅଡ଼େ ବାରେ ଦେସା ଗଟି, ହାଡ଼ା, ଇଞ୍ଜା କୁଲୁଡ଼ି ଲକୁ ତାନିଦିନା ଆଦା ପାତେକା ଏଞ୍ଜାରି ମାଡ଼ହାୟାଁକ୍‌ ମେହ୍‌ନେରି ଅଡ଼େ ଏ ମାଡ଼ହାୟାଁକ୍‌ ମୁସାଲି ହେଲ ହାଅରି □

୧୦ ଏଚେଟିଏ ଦାର୍‌ଡ଼ିତା ବାସା ଆହାମାନାରି ଏଞ୍ଜାରି ହାଡ଼ି କାବୁ ଝେଞ୍ଜାନା ତିଞ୍ଜି ଉଣ୍ଡିହିଁ ରାହାଁ କିନେରି, ଅଡ଼େ ରଅସି ରଅଣାକି ରାହାଁତଲେ ବେଟୁ ହାପକି ଆନେରି, ଇଚିହିଁ ଇ ରୀ ମାହାପୁରୁ ଅଣ୍‌ପୁଡ଼ି ବଲ୍ଲୁ ଝେହ୍‌ନାରି ଦାର୍‌ଡ଼ିତି ଲକୁଣି କସ୍ତୁ ହାହିମାଚେରି □

୧୧ ତାନିଦିନା ଆଦା ତାୟୁ ମାହାପୁରୁ ତାଣାଟି ଜୀଝୁଡ଼ି ଗାଲି ଝାହାଁ ଏଞ୍ଜାରି ଆଙ୍ଗାତା ହଚେ, ଏଚେଟିଏ ଏଞ୍ଜାରି କଡ଼ାଣି ବାଡ଼ୁୟୁ କିହାନା ନିତେରି,

✨ ୧୧:୨ ୧୧:୨ ଲୁକ ୨୧:୨୪ ✨ ୧୧:୭ ୧୧:୭ ଝେ ବଲ୍ଲୁ ୧୩:୫-୭; ୧୭:୮

ଅଡ଼େ ଆମ୍ବାଆରି ଇ କାମାତି ମେସ୍ତେରି ଏଝାରି ଆଜାହାଚେରି □

୧୨ ଏଚେଟିଏ ଏଝାରି ଲାକପୁରୁଟି ର କାଜା ହାଡ଼ାତଲେ ଏ ରିଆରାକି ଏଲେ ଇଞ୍ଜିମାଚାଣି ଝେଚେରି, “ଇମ୍ବାଆଁ ଝାଦୁ” ଏଚେଟିଏ ଏଝାରି ତାନି ସାଡ଼ୁୟାଁ ଏଝାରାଇଁ ମେସ୍‌ପନିଏ ଦୁହା ତଲେ ଲାକପୁରୁ ହାଚେରି □

୧୩ ✱ଏ ଦେବୁଣିଏ ବୁମି ହାଚେରକା ଝୀତିତେ ଅଡ଼େ ଗାଡ଼ାତି ଦସ ବାଗାଟି ର ବାଗା ନାସା ଆଡ଼େ, ଅଡ଼େ ୭,୦୦୦ ଲକୁ ହାଚେରି, ଇଞ୍ଜା ଏଚେକା ଲକୁ ନୀତାମାଚେରି ଆଜିତାକି ଲାକପୁରୁଟି ମାହାପୁରୁଇ ଗାଝୁରମି କିତେରି □

୧୪ ରୀ ଲମ୍ବର ଆଜିହପେତି ତଣ୍ଡ ରାଡ଼େ, ସାମା ତାନି ଲମ୍ବର ଆଜିହପେତି ତଣ୍ଡ ତବେ ଝାହିମାନେ □

ସାତା ଲମ୍ବର ତୀତ୍ରି ମହୁରି

୧୫ ତାୟୁ ସାତା ଲମ୍ବର ଦୁତୁ ତୀତ୍ରି ଉକିତେସି ଇଞ୍ଜା ଲାକପୁରୁ କାଜା ହାଡ଼ାତଲେ ଇ ହାଡ଼ା ଝେକ୍‌ଟେ, “ମା ପ୍ରବୁ ଅଡ଼େ ଏଝାଣି ମସିହା ଦାରତିତି ସାଲୁଝି କିନି ଅଦିକାରା ନୀଏଁ ତାନି କେୟୁତା ଅହାମାନେସି, ଏଝାସି କାଚେଲଏ ତାକି ରାଜି କିନେସି □”

୧୬ ଏଚେଟିଏ ମାହାପୁରୁ ନକିତା ଜାହା ଜାହାରା ସିଂଗାସାଣିତା କୁଗାମାନି କଡ଼େ ସାରି ଜାଣା ପ୍ରାତିନାଜା ମୁନୁ କୁତାହାଁ ମାହାପୁରୁଇଁ ଜହରା କିହାଁ,

୧୭ ଏଲେଇଚେରି,
“ପ୍ରବୁ, ବାରେକିହାଁ ବାଡ଼ୁୟୁଗାଟି ମାହାପୁରୁ, ନୀନୁ ନୀଏଁ ଅଡ଼େ ତଲିତାତି,
ମାମ୍ବୁ ନିଙ୍ଗେ ଜହରା କିହିମାଞ୍ଜାନମି;

ଏନାଆଁତାକି ଇଚିହୁଁ ନୀନୁ ନୀ କାଜା ବାଡ଼ୁୟୁ ତଲେ ସାଲୁଝି କିୟାଲି ଅଦିକାରା ନୀଞ୍ଜୁଟିଏ ଅହାମାଞ୍ଜି □

୧୮ ଜୀହୁଦିଆଆତାରି କାରୁବି ଆହାମାଚେରି,
ସାମା ନୀଏଁ ନୀ କପା ଆନି ଦିନା ଝାଡ଼େ,
ଇଞ୍ଜା ହାଡ଼ାରି ନୀଏଁ ନୀହାଁୟି କିଝିଆନେରି,
ଇଞ୍ଜା ନୀ ହଲିୟାଜା ମାହାପୁରୁ ଅଣ୍ଟପୁତି ବଲ୍ଲୁ ଝେହ୍‌ନାରି,

ମାହାପୁରୁ ଲକୁ, ଅଡ଼େ ନୀ ଦରୁତି ଆଜିନି କାଜାରି ଇଚାରି ବାରେ ଲକୁ ଦାନା ବେଗାଆନେରି,

ଅଡ଼େ ଆମ୍ବାଆରି ଦାରତିତି ନାସା କିନେରି ଏଝାରି ଜିକେଏ ନାସା ଆନେରି □”

୧୯ ✱ଏଚେଟିଏ ଲାକପୁରୁ ମାନି ମାହାପୁରୁ ଇଲୁତି ଦାରା ଦେପିଆଡ଼େ, ଅଡ଼େ ତାନି ଇଲୁତା ମାନି ରାଜିମାନାତି ପେଡ଼ା ତଞ୍ଜାଆଡ଼େ, ଅଡ଼େ ବିଲିବାଲା ମିହ୍‌ନାୟି, ହାଚେରକା ଗିୟାଁ, ହାଗୁ ଗୁଣ୍‌ନି ହାଡ଼ା,

ଇଞ୍ଜା ବୁମି ଝୀତିତେ ଅଡ଼େ ହାଚେରକା ଆଜିୟାଁ ରିଡୁ □

୧୨

ଆୟାତି ଅଡ଼େ ରାତୁ

୧ ତାୟୁ କାବାଆନି ଲେହେଁତି ସିନା ହାଗୁଡ଼ା ତଞ୍ଜାଆଡ଼େ, ର ଆୟାତି ଲେଞ୍ଜୁ ଲାକ ନିଚାମାଚେ ଅଡ଼େ ଝେଡ଼ାତି ଉଜେଡ଼ି ପରହାମାଚେ □ ଏଦାଣି ତାୟୁଁ ତୁ ବାରଗଟା ହୁକାୟାଗାଟି ଟପେରି ମାଚେ □

୨ ଏଦି ପୁରା ମାସା ଆହାନା ଜାନିକିନି ବେଲାତା ଲୁଞ୍ଜିନି ବୀସା ତାକି କସ୍ତୁ ବେଗାଆହିମାଚେ □

୩ ଏଚିବେଲା ହାଗୁ ଲାକ କାବାଆନି ର ସିନା ତଞ୍ଜାଆଡ଼େ, ଏମ୍ବାଆଁ ପାଟୁ ଝାଣାଗାଟି କାଜା ରାତୁ ଏ ରାତୁକି ସାଡ଼ାଗଟା ତାକା, ଇଞ୍ଜା ଦସଗଟା କମ୍‌କା, ଅଡ଼େ ତାକା ଲାକ ସାଡ଼ାଗଟା ଟପେରିକା ମାତୁ □

୪ ତାନି ଲେଂଗୁଣି ତଲେ ହାଗୁଡ଼ି ତାନି ବାଗା ହୁକାୟାଣି ଦାରତି ଲାକ ମେଡ଼ହେ, ଇଞ୍ଜା ଏ ରାତୁ, ଜାନିକିନି ଦେବୁଣିଏ ଇୟାନି ତାଲୁତି ଗୁସାଲି ଏଦାନି ନକିତା ନିତେ □

୫ ଆମ୍ବାଆସି ବାରେ କୃଡ଼ାତି ଲକୁଣି ଲହ ବାଡ଼ଗା ତଲେ ସାଲୁଝି କିନେସି ଇଲେତି ର କକାଣି ତାଲୁଇଁ ଏ ଇୟା ଜାନିକିତେ, ଅଡ଼େ କକାଣି ତାଲୁଇଁ ମାହାପୁରୁ ଇଞ୍ଜା ତାନି ସିଂଗାସାଣି ନକିତା ପେରହା ଅଝିଆଡ଼େ □

୬ ଅଡ଼େ ଏ ଇୟା ଲକୁ ହିଲାଆ ବାଚାତା ହଟେ, ଏମ୍ବାଆଁ ୧,୨୬୦ ଦିନା ପାଡ଼େକା ପହିକିଝି ଆୟାଲି ମାହାପୁରୁ ତାଣାଟି ଏମ୍ବାଆଁ ଏଦାନାକି ର ଟାୟୁ କେପି ଆହାମାଚେ □

୭ ✱ଏମ୍ବାଟିଏ ଲାକପୁରୁ ଜୁଜୁ ଆଡ଼େ, ମିକାୟେଲ ଅଡ଼େ ତାନି ଦୁତୁୟାଁ ଏ ରାତୁ ତଲେ ଜୁଜୁ କିଡୁ, ଏଚେଟିଏ ଏ ରାତୁ ଅଡ଼େ ତାନି ଦୁତୁୟାଁ ଜିକେଏ ଜୁଜୁ କିତେରି □

୮ ସାମା ରାତୁ ଇଞ୍ଜା ତାନି ଦୁତୁୟାଁ ଜୀଣା ଆହାଲି ଆଡ଼ାଆଡୁ, ଇଞ୍ଜା ଲାକପୁରୁ ଏଝି ଟାୟୁ ବେଗାଆଆଡୁ □

୯ ✱ଏଚିବେଲା ଦାରତିତି ନାଡ଼ିକିନି ପଲ୍‌ଆ ପେନୁ ଇଞ୍ଜା ସୟତାନ ଦରୁଟି ଝେକ୍‌ଟି କାଜା ରାତୁ ଏ ପ୍ଲାଃଇ ନାଗା, ଏଦି ତାନି ଦୁତୁୟାଁ ତଲେ ଦାରତିତା ମେଡ଼ପି ଆଡ଼େ □

୧୦ ଏଚେଟିଏ ଲାକପୁରୁଟି ଏଲେଇଞ୍ଜି ର କାଜା ହାଡ଼ା ଝେଚେଏଁ, ନୀଏଁ ମାହାପୁରୁ ତାଣାଟି ଗେଲ୍‌ପିନାୟି ଏଗାଝାଡ଼େ, ତାନି ରାଜି ଅଡ଼େ

✱ ୧୧:୧୩ ୧୧:୧୩ ଝେ ବଲ୍ଲୁ ୬:୧୨; ୧୬:୧୮ ✱ ୧୧:୧୯ ୧୧:୧୯ ଝେ ବଲ୍ଲୁ ୮:୫; ୧୬:୧୮; ଝେ ବଲ୍ଲୁ ୧୬:୨୧ ✱ ୧୨:୭ ୧୨:୭ ଜୀହୁଦା ୧:୯ ✱ ୧୨:୯ ୧୨:୯ ଲୁକ ୧୦:୧୮

ବାଡ଼ୁରୁ ଇଞ୍ଜା କ୍ରୀସ୍ତତି ଅଦିକାରା ଖାହାମାନେ, ଇଚିହଁ ଆମିନି ସାତୁ ମା ତାୟି ତାଈସ୍ତା କପାଟି ନିଜ୍ଞାନା ଲାଆଁ ମାଦେନା ମାହାପୁରୁ ନକିତା ଦାଝା କିହିମାରେ, ଏଦି ଲାକପୁରୁଟି ଦାର୍ତତିତା ମେଡ଼ପି ଆହାମାନେ □

୧୧ ଏଝାରି ମେଣ୍ଡା ତାଲୁତି ନେତେରି ତଲେ ଅଡ଼େ ଝେଙ୍କହାମାନି ସାତା କାତାତଲେ ଜୀଣା ଆହାମାନେରି ଇଞ୍ଜା ଏଝାରି ହାହାଲିତାକି ଜିକେଏ ତାନି ଜୀଝୁଇଁ ଜୀଝୁ ନହାଁ ହିଲାଆତେରି □

୧୨ ଏଦାଆଁତାକି ଏ ଲାକପୁରୁ ଅଡ଼େ ଏମ୍ବାଆଁ ବାସା ଆହାମାନାତେରି ରାହାଁ ଆଦୁ, ସାମା ଦାର୍ତତି ଅଡ଼େ ସାମ୍ବୁରି ମୀରୁ ଡଣ୍ଡ ବେଟା ଆନାତେରି ଏନାଆଁତାକି ଇଚିହଁ ତାନି ବେଲା ହାରେକା ଡଣ୍ଡା ମାନେ ଇଞ୍ଜା ପୁଞ୍ଜାନା ପଲୁଆ ପେନୁ ସୟତାନ ହାରେକା କପାତଲେ ମୀ ତାଣା ରେଟା ଖାହାମାନେ □

୧୩ ରାରୁ ଜାହାରାଇଁ ଦାର୍ତତିତା ମେଡ଼ପି ଆହାମାନାଣି ମେସାନା ଏ କକାଣି ତାଲୁଇଁ ଜାନି କିତି ଇୟାନି ଜେଟ ଜେଟ ପେରହା ଅଡ଼େ □

୧୪ ଏଚେଟିଏ ଏ ଇୟା ରାରୁ ଗୁଡିଟି ଏନିକଁ ଗେଲପିଆହାଁ ତାନି ବାସା ସ ଲେଞ୍ଜୁ ପାତେକା ପହିକିଝି ଆନେ, ଏଦାଆଁତାକି ଲକୁ ହିଲାଆ ବାଟାତି ତାନି ଟାୟୁତା ଡମ୍ବାହାଜାଲି ଲେଡ଼ୁଟି ରୀ ମାରାୟାଁ ହୀପକି ଆଡୁ □

୧୫ ଏଚେଟିଏ ଏ ଇୟାନି ଅଝି କିୟାଲି ରାରୁ ତାନି ଗୁଡିଟି ର କାଜା କାତା ଏୟୁ ହପ୍ପହେ □

୧୬ ସାମା ଏ ଇୟାନି ସାୟେମି କିହାଲି ଦାର୍ତତି ତାନି ଗୁଡିଟି ଦେଟାନା ରାରୁ ଗୁଡିଟି ହଡ଼ି କାତା ଏୟୁଣି ଗୁସ୍ତେ □

୧୭ ଏଚେଟିଏ ରାରୁ ଏ ଇୟାନି ହାରେକା କପା ଆହାଁ ତାନି କୁଡାତାରି ଏଚେକା ଲକୁ ମାହାପୁରୁତି ହୁକୁମି ମାନଝି ଆହାଁ ଜୀସୁତି କାତା ଝେସିମାନେରି, ଏଝାରିତଲେ ଜୁଜୁ କିହାଲି ହାଚେ □

୧୮ ଇଞ୍ଜା ରାରୁ ସାମ୍ବୁରି ଗାରୁଡି ବାଃଲିତା ନିତେ □

୧୩

ରୀ ଜନ୍ତୟାଁ

୧ ☆ଏଚେଟିଏ ନାନୁ ସାମ୍ବୁରି ମାଦିଟି ହଡ଼ାଝାହିମାନି ର ଜନ୍ତ ମେସ୍ତେସ୍, ଏଝାଣାକି ଦସଗଟା କମ୍‌କା ଅଡ଼େ ସାଡ଼ାଗଟା ତାର୍‌କା, ତାନି କମ୍‌କାଣା ଦସଗଟା ଟପେରିକା ଇଞ୍ଜା ତାର୍‌କା ଲାକ ମାହାପୁରୁ ନିନ୍ଦାକିନି ର ର ଦରକା ମାରୁ □

୨ ଏ ଜନ୍ତ ତାରିରେକ୍‌ଣା କ୍ଳାଃନି ଲେହେଁ ତଞ୍ଜାଆହିମାରେ, ତାନି କଡ଼ାୟାଁ ଅଃଅଡ଼ି କଡ଼ାୟାଁ ଲେହେଁ ଇଞ୍ଜା ଗୁଡି ସିହଁକ୍ଳାଃନି ଗୁଡି ଲେହେଁ ଏ

କାଜା ରାରୁ ଜନ୍ତକି ତାନି ବାଡ଼ୁରୁ, ସିଂଗାସାଣି, ଅଡ଼େ ବାରେ ଅଦିକାରା ହୀତେ □

୩ ଏ ଜନ୍ତୁତି ତାୟିଁ ତୁ ଆମିନି ହାନିଲେହେଁଟି ଗାହାଁ ତଞ୍ଜାଆହିମାରେ, ସାମା ଏ ଗାହାଁ ନେହଁ ଆଡ଼େ, ଅଡ଼େ ଦାର୍ତତିତା ମାନାରି ବାରେ କାବା ଆହାଁ ତାନି ଜେଟ ହାଚେରି □

୪ ଅଡ଼େ କାଜା ରାରୁ ଜନ୍ତକି ତାନି ଅଦିକାରା ହୀତାକି ଏଝାରି ରାରୁଇଁ ଜହରା କିତେରି, ଏଝାରି ଏ ଜନ୍ତୁଇଁ ଜିକେଏ ଜହରା କିହାଁ ଏଲେଇଚେରି, “ଆମ୍ବାଆସି ଇ ଜନ୍ତ ଲେହେଁ ଆନେସି ଅଡ଼େ ଆମ୍ବାଆସି ଏଦାଣି ତଲେ ଜୁଜୁ କିହାଁ ଜୀଣା ଆନେସି □”

୫ ଏଦାନାକି ଆଙ୍କାରା ଅଡ଼େ ମାହାପୁରୁ ନିନ୍ଦାତି କାତା ଝେସାଲି ଗୁଡି ହୀଝିଆଡ଼େ, ଅଡ଼େ ରୀ କଡ଼ି ରୀ ଲେଞ୍ଜୁ ପାତେକା ସାଲୁଝି କିୟାଲି ଅଦିକାରା ହୀପକିଆଡ଼େ □

୬ ଏମ୍ବାଟିଏ ଏଦି ତାନି ଗୁଡି ଏକ୍‌ହାନା ମାହାପୁରୁ ନିନ୍ଦା କାତା ଜଲାନା, ମାହାପୁରୁ ଦରୁ, ମାହାପୁରୁ ବାସାଆନି ଟାୟୁ, ଅଡ଼େ ଲାକପୁରୁ ବାସା ଆହାମାନାରାଇଁ, ବାରେତି ନିନ୍ଦା କିତେ □

୭ ବାରେ ମାହାପୁରୁ ଲକୁଇଁ ଜୁଜୁ କିହାଁ ଜୀଣା ଆହାଲି ଅଦିକାରା ହୀଝିଆହାମାରେ, ଅଡ଼େ ବାରେ ଗିଟି, କୁଡ଼ା, ହାଡ଼ା, ଦେସା, ଲାକ ଅଦିକାରା ହୀଝିଆହାମାରେ □

୮ ଆମ୍ବାଆରି ଦରୁ ଦାର୍ତତି ଗାଡ଼ି ଆଆ ନକେଏ ପୂଜା ମେଣ୍ଡା ତାଲୁତି ଜୀଝୁଗାଟି ପତିତା ରାସ୍‌କି ଆହାହିଲେଏ, ଦାର୍ତତିତା ବାସା କିହାମାନି ଏ ବାରେ ଲକୁ ଏ ଜନ୍ତୁଇଁ ଜହରା କିନେରି □

୯ “ଆମ୍ବାଆରାକି କୀର୍‌କା ମାନୁ ଏଝାସି ଝେଣ୍‌ମ୍ବାସି!

୧୦ ଆମ୍ବାଆସି ଦସାହାଁ ଅନେସି, ଏଝାସି ଏଲେକିହଁ ଏ ଦସପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆତିହଁ ଏଝାସି ଏଲେଆହଁ ଏ କାଣ୍ଡାତଲେ ପାୟୁଝି ଆନେସି, ଏଚିବେଲାତା ମାହାପୁରୁ ଲକୁତାକି ନାମୁ ଅଡ଼େ ଅରୁହିନାୟି ଲଡ଼ାମାନେ □”

୧୧ ଏଚେଟିଏ ନାନୁ ର ଜନ୍ତୁଇଁ ବୁମି ବିତ୍ରାଟି ହଡ଼ାଝାଡ଼ାଣି ମେସ୍ତେସ୍, ମେଣ୍ଡା ତାଲୁ ଲେହେଁ ଜଡ଼େକା କମ୍‌କା, ଅଡ଼େ ଏଦି ରାରୁ ଲେହେଁ କାତା ଆହିମାରେ □

୧୨ ଏ ଜନ୍ତ ନକେଏତି ଜନ୍ତ ନକିତା ତାନି ବାଡ଼ୁରୁ ତସାନା ଏମିନି ନକେଏତି ଜନ୍ତକି ହାନିଲେହେଁଟି ଗାହାଁ ମାଡ଼ାମାରେ, ଏଦାନି ଜହରା କିହାଲି ଦାର୍ତତି ଅଡ଼େ ଏମ୍ବାଆଁ ବାସା ଆହାମାନାରାଇଁ ବାଲାମାତମି କିନେ □

୧୩ ଏ ଜନ୍ତ କାବାଆନି କାମାୟାଁ କିନେ, ଏଦି ବାରେ ଲକୁ ନକିତା ହାଗୁଟି ଦାର୍ତତିତା ହିରୁ ରିଝିକିନେ □

☆ ୧୩:୧ ୧୩:୧ ଝେ ବଲ୍ଲ ୧୭:୩,୭-୧୨

୧୪ ଇଞ୍ଜା ଏ ତଲିତି ଜନ୍ତ ନକିତା ଆମିନି କାବାଆନି କାମା କିହାଲି ଅଦିକାରା ବେଟାଆହାମାଟେ, ଏମ୍ବାଟି ଦାର୍ତତିତା ବାସାଆହାମାନି ଲକୁଣି ନାଡ଼ିକିହା, ଆମିନି ଜନ୍ତ କାଣ୍ଡାତଲେ ଗାହା ଆହାମାଟି ଜିକେଏ ନୀଡ଼ିତେ, ଏଦାନି ର ବମା କିହାଲି ଏଝାରାଇଁ ଏଲେଇନେ □

୧୫ ଏ ଜନ୍ତୁତି ବମା ଏନିକ୍ ଜଲ୍ଲାଲି ଆଡ଼ିନେ ଅଡ଼େ ଏଚେକା ଲକୁ ଜନ୍ତୁତି ବମାତି ଜହରା କିଅରି, ଏଝାରି ଏନିକ୍ ପାୟୁଡ଼ି ଆନେରି, ଏଦାଆଁତାକି ତାୟୁଡ଼ି ଜନ୍ତୁକି ତଲିତି ଜନ୍ତୁତି ବମାକି ଜୀଝୁ ହାହାଲି ଅଦିକାରା ହାପକିଆଡ଼େ □

୧୬ ଅଡ଼େ ଏ ଜନ୍ତୁ ଉଣା, କାଜାରି, ବାଡ଼କୁ ଗାଟାରାଇଁ, ହାକି ଗାଟାରାଇଁ, ହଲିୟାଙ୍ଗା, ହଲିୟାଙ୍ଗା ଆଆତାରାଇଁ, ବାରେଜାଣାତି ତାନି ଚିଃନି କେୟୁତା ଆଆତ ମୁଞ୍ଜୁତା ର ସିନା ଇଟା କତାଲି ବାଲାମାତମି କିନେ □

୧୭ ଅଡ଼େ ଏ ସିନା ଇଚିହ୍ ଜନ୍ତୁତି ଦରୁ ଆଆତ ତାନି ଦରୁତି ଲମ୍ବର ଇଟା କତାଆତି ଲକୁଣି ଏନାଆଁ କତାଲି କି ପାରଗାଲି ହୀଏ □

୧୮ ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଝାସି ଏ ଜନ୍ତୁତି ଲମ୍ବର ଏଜିକିପାସି, ଏନାଆଁତାକି ଇଚିହ୍ ଏଦି ର ମାଣସିତି ଲମ୍ବର ଅଡ଼େ ଏ ଲମ୍ବର ଆହିମାନେ ସ ଝାଞ୍ଜା ତାନିକଡ଼ି ସ □

୧୪

ମେଣ୍ଡା ତାଲୁ ଅଡ଼େ ତାନି ଲକୁ

୧ *ଏଚେଟିଏ ନାନୁ ସିନିକିହାଁ ମେସ୍ତେଏଁ, ଅଡ଼େ ମେଣ୍ଡା ତାଲୁ ସିୟନ ହରୁତା ନିଟାମାନେ, ଅଡ଼େ ଆମ୍ବାଆରି ମୁଞ୍ଜୁତା ମେଣ୍ଡା ତାଲୁ ଇଞ୍ଜା ତାନି ଆବାତି ଦରୁ ରାସ୍‌କି ଆହାମାଟେ ଇଲେତି ଲକୁ ସାଡ଼ାକଡ଼ି ସାରି ମାଣା ଲକୁ ତାନିତଲେ ନିଟାମାଟାଣି ମେସ୍ତେଏଁ □

୨ ଅଡ଼େ ଲାକପୁରୁଟି ଲଦ ଲଦ ଆହି ରିନି ଏୟୁ ଇଞ୍ଜା ହାଗୁ ଗୁଣ୍‌ନିଲେହେଁତି ର କାଜା ହାଡ଼ା ଝେଚେଏଁ, ଆମିନି ହାଡ଼ା ନାନୁ ଝେଚେଏଁ ଏଦି ସେରଜି ଡ଼ିଡ଼ିହାମାନାରି ହାଡ଼ାଲେହେଁ ଝେଜିମାଟେ □

୩ ସିଂଗାସାଣି ସାରିଗଟା ଜନ୍ତୁ ଅଡ଼େ ପ୍ରାତିନାଙ୍ଗା ନକିତା ର ପୁଃନି ପାରୁ ପାଡ଼ିମାଚେରି, ଅଡ଼େ ଦାର୍ତତିଟି କଡ଼଼ି ଆହାମାନି ସାଡ଼ାକଡ଼ି ସାରି ମାଣା ଲକୁ ପିସ୍‌ପେ ଆମ୍ବାଆରି ଏ ପାରୁ ପାଟାଲି ଆଡ଼ାଆତେରି □ ବାରେ ମାଣସି କୁଡ଼ା ବିଡ଼ାଟି ଝାରଇ ଏଝାରିଦେଁ ଗେଲ୍‌ପି ଆହାମାଟେରି □

୪ ଏଝାରି ଇୟାସିକା ତଲେ କାଲ୍‌ହାନା ତାମ୍ବୁ ଜାହାରାଇଁ ଦହ୍ କିହାଁ କଡ଼ା ହିଲାଆତେରି, ଇଚିହ୍ ଏଝାରି ଅଡ଼ହାରି, ମେଣ୍ଡା ତାଲୁ

ଆମ୍ବିୟାଝାକି ହାନେ ଏଝାରି ତାନି ଜେଟ ହାନେରି, ଏଝାରି ମାହାପୁରୁ ମେଣ୍ଡା ତାଲୁତି ତଲିତି ପାଡ଼େୟି ସମାନା ମାଣସିୟା ବିଡ଼ାଟି ଗେଲ୍‌ପି ଆହାନା ମେଣ୍ଡା ତାଲୁ ନକିତା ହେରପିଆହାମାନେରି □

୫ ଏଝାରି ଗୁଡ଼ିତା ଏନି ମିଟି ଜଲ୍‌ନାୟି ହିଲେଏ, ଏଝାରି ଦହ୍ ହିଲାଆ ଗାଟାରି □

ତାନି ଜାଣା ଦୂତୁ

୬ ଏଚେଟିଏ ନାନୁ ହାଗୁତି ମାଦି ଉମ୍ବିମାନି ର ଦୂତୁଇଁ ମେସ୍ତେଏଁ, ଏଝାସି ଦାର୍ତତିତା ବାସାଆହାମାନି ବାରେ ଗଟି, କୁଡ଼ା, ହାଡ଼ା ଅଡ଼େ ଦେସାତି ଲକୁତାଣା ଝେକ୍‌ହାଲି କାଲାକାଲା ତାକି ଡ଼ିୟିନି ନେହ୍ କାରୁ ଝେକ୍‌ହି ମାନେସି □

୭ ଏଝାସି କାଜା ଗିୟାତଲେ ଏଲେଇଚେସି, “ମାହାପୁରୁଇଁ ଆଜାଦୁ ଅଡ଼େ ଏଝାଣାଇଁ ଗାଝୁରମି ହୀଦୁ, ଇଚିହ୍ ମାଣସିତି ନାହାଁୟି କିନି ଦିନା ଏଗାଝାଡ଼େ, ଅଡ଼େ ଆମ୍ବାଆସି ହାଗୁ, ଦାର୍ତତି, ସାମ୍‌ଦୁରି ଇଞ୍ଜା ଜାରଣା ଏୟୁଡ଼ି ଗାଡ଼ିକିହା ମାନେସି, ଏଝାଣାଇଁ ଜହରା କିଦୁ □”

୮ *ତାନି ତାୟୁ ଅଡ଼େ ର ଦୂତୁ ଇଚିହ୍ ରୀ ଲମ୍ବର ଦୂତୁ ଝାହାନା ଏଲେଇଚେସି, “ଆମିନି କାଜା ଗାଡ଼ା ବାବିଲନ ବାରେ କୁଡ଼ାତି ଲକୁଇଁ ତାନି ଦାରିକାମା କିଝିକିନି କାଡ଼ୁ ଉଡ଼ହାନା ହଟିକିହାମାଟେ, ଏଦି ରିହା ହାଜାମାନେ □”

୯ ଏଦାଣି ତାୟୁ ଅଡ଼େ ର ଦୂତୁ ଇଚିହ୍ ତାନି ଲମ୍ବର ଦୂତୁ ଝାହାନା କାଜା ଗିୟାତଲେ ଏଲେଇଚେସି, “ଆମ୍ବାଆସି ଏ ଜନ୍ତୁ ଅଡ଼େ ତାନି କିହାମାନି ବମାତି ଜହରା କିନେସି ଅଡ଼େ ମୁଞ୍ଜୁତା କି କେୟୁତା ତାନି ସିନା ଇଟା କଡ଼ିନେସି,

୧୦ ଏଝାସି ମାହାପୁରୁତି କପାଗାଟି ସଲାତା ଝାକ୍‌ହାମାନି ହାରେକା କାରବିତି କାଡ଼ୁ ଗହ୍‌ନେସି, ଆମ୍ବାଆରି ଇ କାମା କିନେରି ଏଝାରି ବାରେ ମେଣ୍ଡା ତାଲୁ ଅଡ଼େ ସୁଦୁ ଲାକପୁରୁତି ଦୂତୁୟାଁ ନକିତା ହିଚୁ ଅଡ଼େ ଗାନ୍‌ଗାଟି ଗୁଣ୍ଡା ତଲେ କସ୍ତ ବେଟା ଆନେସି □

୧୧ ଇଲେତି ଲକୁଣି କସ୍ତ ହାନି ହିଚୁ ବୟ୍ କାଲାକାଲା ତାକି ହଚେମାନେ, ଆମିନି ଗାଟାରି ଜନ୍ତୁ ଅଡ଼େ ବମାତି ଜହରା କିନେରି ଅଡ଼େ ତାନି ଦରୁ ଇଞ୍ଜା ସିନା ବେଟା ଆହାମାନେରି, ଏଝାରି ଲାଆଁ ମାଦେନା ଜମାଲି ବେଟାଆଅରି □”

୧୨ ଇମ୍ବାଆଁ ମାହାପୁରୁ ଲକୁ ଇଚିହ୍ ମାହାପୁରୁତି ହୁକୁମି ମାନଝିଆନେରି, ଇଞ୍ଜା ଜୀସୁଇଁ ନାମିନେରି, ଏଝାରାକି ଅରୁହିନାୟି ଲଡ଼ାମାନେ □

୧୩ ଇଞ୍ଜା ଲାକପୁରୁଟି ଇ ହାଡ଼ା ଝେଚେଏଁ, ଇ କାଡ଼ା ରାଟାମ୍ବୁ, “ନୀଏଁ ଆମ୍ବାଆରି ମାହାପୁରୁ ତାଣା ମାଞ୍ଜାନା ହାନେରି, ଏଝାରି ନେହେଁ □” ଅଡ଼େ ନାନୁ ଝେଚେଏଁ ସୁଦୁଜୀଝୁ ଝେସିମାଞ୍ଜାନେ, “ଏଝାରି

* ୧୪:୧ ୧୪:୧ ଝେ ବଲ୍ଲୁ ୭:୩ * ୧୪:୮ ୧୪:୮ ଝେ ବଲ୍ଲୁ ୧୮:୨

ତାନି କାମାତି ଖାହୁଟି ଜମିନେରି, ଇଚିହିଁ ଏଞ୍ଜାରି
କାମାତି ପାଡ଼େୟି ଏଞ୍ଜାରିତଲେ ଡ଼ୟିନେ □”

ତାସା ଦାନାୟି

୧୪ ଅଡ଼େ ନାନୁ ମେସ୍ତେଏଁ, ଇଚାୟି ଦବ୍ଲାଇ
ହାଗୁ ଇଞ୍ଜା ଏଦାଣି ଲାକ କୁଗାମାନେସି ର ମାଣ୍ଡସି
ମୀରଏସି ଲେହେଁତାସି; ତାନି ତାୟିଁ ତୁ ବାଂଗାରା
ଟପେରି, ଇଞ୍ଜା କେୟୁତା ର ଖାହୁନି କଟାଡ଼େଲି
□

୧୫ ଏମ୍ବାଟିଏ ମାହାପୁରୁତି ଇଲୁଟି ର ଦୁଡୁ
ଖାହାନା ହାଗୁତା କୁଗାମାନାଣାଇଁ କାଜା ଗିୟାଁତଲେ
ଏଲେଇଚେସି, “ନୀ କଟାଡ଼େଲି ଆସାନା
ତାସା ଦାମୁ □ ଦାରତିତି ତାସା ଦାଃନି କାଟୁ
ଏଗାଞ୍ଜାଡେୟିଏ □”

୧୬ ଇଦାଆଁ ଝେଞ୍ଜାନା ହାଗୁତା କୁଗାମାନି ମାଣ୍ଡସି
ତାନି କଟାଡ଼େଲି ଅଗିତେସି ଇଞ୍ଜା ଦାରତିତି
ତାସା ବାରେ କୁଡ଼ିକିଞ୍ଜିଆଡେ □

୧୭ ଏଦାଆଁ ତାୟିଁ ଲାକପୁରୁତି ମାହାପୁରୁ ଇଲୁଟି
ଅଡ଼େ ର ଦୁଡୁ ହଟାଞ୍ଜାଡେସି, ଏ ଦୁଡୁ କେୟୁତା
ଜିକେଏ ଖାହୁନି କଟାଡ଼େଲି ମାଚେ □

୧୮ ଅଡ଼େ ପୂଜା ପିଣ୍ଡାତି ହିରୁ ଅଦିକାରାତା ମାନି
ର ଦୁଡୁ କଟାଡ଼େଲି ଆସାମାନି ଅର ଦୁଡୁଇଁ କାଜା
ଗିୟାଁତଲେ ଏଲେଇଚେସି, “କଟାଡ଼େଲି ଅଗାନା
ଦାରତିତି ଅଜୁରି ବାଡ଼ାଟି ଅଜୁରିକା ବାରେ ଡ଼ଡ଼ହା
ଡୁହୁମ୍ବୁ; ଏଞ୍ଜି ବାରେ କାମ୍ବାମାନୁ □”

୧୯ ଏମ୍ବାଟିଏ ଦୁଡୁ ଦାରତିତା ତାନି କଟାଡ଼େଲି
ଅଗାନା ଅଜୁରିମାଡ଼ାୟିଟି ଅଜୁରି ଡ଼ଡ଼ହେ ଇଞ୍ଜା
ଏଞ୍ଜାସି ମାହାପୁରୁ କାରବିତି ଅଜୁରି ପାଡ଼ିକିନି
ଦନିତା ମେଡ଼ହେସି □

୨୦ ☆ଗାଡ଼ାତି ପାଙ୍ଗାତା ମାନି ଏ ଦନିତା ଅଜୁରି
ପାଡ଼ିକିଞ୍ଜିଆଡେ ଇଞ୍ଜା ଏମ୍ବାଟି ଗଡ଼ାୟିଁ ବାକେରି
ପାଡେକା ନିଙ୍ଗାନା ତାନି ଖାଞ୍ଜା କିଲମିଟର ହେକ
ପାଡେକା ଇଞ୍ଜା ରୀ ମିଟର ଲାକ ପାଡେକା
ନେଡେରି ଖାଞ୍ଜାଡେ □

୧୫

ସାଡ଼ାଗଟା ରଗ କିନି ସାଡ଼ାଗଟା ଦୁଡୁୟାଁ

୧ ଏମ୍ବାଟିଏ ନାନୁ ହାଗୁତା ଅଡ଼େ ର କାବାଆନି
ଲେହେଁତି ସିନା ମେସ୍ତେଏଁ, ସାଡ଼ାଗଟା ଦୁଡୁୟାଁ
ସାଡ଼ାଗଟା ରଗୟାଁ ତାନି କେୟୁତା ଆସାନା
ଡଞ୍ଜାଆଡୁ, ଏ ରଗୟାଁ ମାହାପୁରୁତି କପା ତହୁନାୟି
ରାନାୟି ମାଚେ □

୨ ଅଡ଼େ ନାନୁ ମେସ୍ତେଏଁ, ହିରୁ କାଲୁହି ଦାପେଣି
ଲେହେଁତି ସାମ୍ବୁରି, ଆମ୍ବାଆରି ଜନ୍ତ, ଏଦାନି ବମା
ଇଞ୍ଜା ଏଦାନି ଦରୁତି ଲମ୍ବରଟି ଜୀଣା ଆଡ଼ାରି,
ଏଞ୍ଜାରି ମାହାପୁରୁ ହାହାମାନି ସେରଜି ଆସାନା
ଗାଜୁ ଲେହେଁତି ସାମ୍ବୁରି ଗିରୁତା ନିଚାମାଚେରି □

☆ ୧୪:୨୦ ୧୪:୨୦ ଝେ ବଲ୍ଲୁ ୧୯:୧୫

୩ ଏଞ୍ଜାରି ମାହାପୁରୁ ହାତି ରାମଗଂଗା ଝେଟିହିଁ
ମାହାପୁରୁତି ସେବାକିନି ମସାତି ପାରୁ ଇଞ୍ଜା ମେଣ୍ଡା
ଡାଲୁତି ପାରୁ ପାଡ଼ିହିଁ ଏଲେ ଇଞ୍ଜା ମାନେରି,
“ବାରେତି କିହାଁ ବାଡ଼ୁୟୁ ଗାଟି ପ୍ରବୁ ମାହାପୁରୁତି,
ନୀ କାମା ଏଚେକା କାଜାୟି ଅଡ଼େ କାବା
ଆନାୟି,

ବାରେ ଲକୁତି ରାଜାତି,
ନୀ କାମାତି ଜିରୁ ବାରେ ନୀହାଁୟି ଗାଗାୟି
ଇଞ୍ଜା ସାତାତାୟି □

୪ ପ୍ରବୁ! ନିଙ୍ଗେ ଆମ୍ବାଆସି ଆଜାଆ ଗାଗାସି
ମାନେସି ?
ଆମ୍ବାଆସି ନୀ ଗାଞ୍ଜୁରମି ଝେକ୍‌ଆଗାଗାସି
ମାନେସି ?

ଇଚିହିଁ ନୀନୁ ରଅତିଏ ସୁଦୁ ଗାଗାତି;
ବାରେ କୁଡ଼ାତି ଲକୁ ଖାହାନା ନୀ ପୂଜା କିନେରି,
ଏନାଆଁତାକି ଇଚିହିଁ ନୀ ଦାମ୍ବୁଗାଟି
ନୀହାଁୟିତି କାମାୟାଁ ବାରେଜାଣା
ମେସାମାନେରି □”

୫ ଏମ୍ବାଟିଏ ନାନୁ ମେସ୍ତେଏଁ, ଲାକପୁରୁତି ସାକି
ହାନି ତୁମ୍ବୁ ଦେଞ୍ଜୁଡ଼ିତି ଦାରା ଦେପିଆଡେ

୬ ସାଡ଼ାଗଟା କସ୍ତୟାଁ ଆସାମାନି ସାଡ଼ାଗଟା
ଦୁଡୁୟାଁ ଲାକପୁରୁତି ଦେଞ୍ଜୁଡ଼ିତି ହଟାଞ୍ଜାଡେରି;
ଏଞ୍ଜାରି ଅପହି ମୁହୁନି ହିମ୍ବୁରିକା ହୁଚାମାଚେରି
ଇଞ୍ଜା ଏଞ୍ଜାସିକା ବକ ସାରିସୁରୁ ବାଂଗାରା ପାଟା
ଦସାମାଚେରି □

୭ ସାରିଗଟା ଜନ୍ତୟାଁ ବିଡ୍ରାଟି ର ଜନ୍ତ
କାଲେଏତାକି ନୀତାମାନି ମାହାପୁରୁ କପାତଲେ
ନେଞ୍ଜାମାନି ସାଡ଼ାଗଟା ବାଂଗାରା ଗିନାୟାଁ ଏ
ସାଡ଼ାଗଟା ଦୁଡୁୟାଁକି ହୀତେସି □

୮ ମାହାପୁରୁତି ଗାଞ୍ଜୁରମି ଅଡ଼େ ତାନି ବାଡ଼ୁୟୁତି
ହଟିମାନି ବୟିଁ ଦେଞ୍ଜୁଡ଼ିତା ନେଞ୍ଜାହାଚେ;
ସାଡ଼ାଗଟା ଦୁଡୁୟାଁ ତାଗାମାନି ସାଡ଼ାଗଟା ରଗୟାଁ
ରାଆ ପାଡେକା ଏ ଦେଞ୍ଜୁଡ଼ି ବିଡ୍ରା ଆମ୍ବାଆସି ହଡ଼ାଲି
ଆଡ଼ାଆଡେସି □

୧୬

ମାହାପୁରୁ କପାତି ସାଡ଼ାଗଟା ଗିନାୟାଁ

୧ ଏଚେଟିଏ ନାନୁ ଝେଚେଏଁ, ଦେଞ୍ଜୁଡ଼ିତି ରଅସି
କାଜା ଗିୟାଁତଲେ ଏ ସାଡ଼ାଗଟା ଦୁଡୁୟାଁଇଁ
ଝେସିମାଚେସି, “ହାଜୁ, ସାଡ଼ାଗଟା ଗିନାୟାଁଣା
ନେଞ୍ଜାମାନି ମାହାପୁରୁତି କପାତି ଦାରତି ଲାକ
ଞ୍ଜାକ୍‌ଦୁ □”

୨ ଏଚେଟିଏ ମୂଲୁତି ଦୁଡୁ ହାଜାନା ତାନି ଗିନାତା
ଏନାୟି ମାଚେ, ଦାରତି ଲାକ ଞ୍ଜାକ୍‌ହେସି; ଏ
ଦେବୁଣିଏ ଆମ୍ବାଆରି ତାଣା ଜନ୍ତୁତି ସିନା ମାଚେ,
ଇଞ୍ଜା ତାନି ବମାତି ପୂଜା କିହାମାଚେରି, ଏଞ୍ଜାରି

ଆଜ୍ଞାତା ହାରେକା କସ୍ତୁଗାଟି ବୀସା ପଟ୍ଟକାୟା ହୁତୁ
□

୩ ଏଚେଟିଏ ରୀ ଲମ୍ବର ଦୂତୁ ତାନି ଗିନାତାଣି
ସାମ୍ବଦୁରି ଲାକ ଖାକ୍‌ହେସି; ଇଞ୍ଜା ସାମ୍ବଦୁରିତି
ଏୟୁ ହାଡି ଲକୁତି ନେତେରିଲେହେଁ ଆଡୁ, ଇଞ୍ଜା
ସାମ୍ବଦୁରିତା ମାଟି ବାରେ ଜନ୍ତୁୟା ହାହାହାତୁ □

୪ ତାନି ଲମ୍ବର ଦୂତୁ ତାନି ଗିନାତା ଏନାୟି
ମାଚେ, କାତା ଇଞ୍ଜା ଉସା ଏୟୁ ଲାକ ଖାକ୍‌ହେସି;
ଇଞ୍ଜା ଏ ଏୟୁ ବାରେ ନେତେରି ମିଶହା ହାତୁ □

୫ ଏଚିବେଲାତା ନାନୁ ଝେଚେଏଁ, ଏୟୁ
ଲାକ ଅଦିକାରା ବେଟାଆହାମାନି ଦୂତୁ
ଏଲେଇଞ୍ଜାମାଚେସି, “ନାନୁ ସୁଦୁ ଗାଟାଟି, ନୀଏ
ମାନାତି ଅଡେ ତଲିଏ ମାଟାଟି; ନାନୁ ତୀରପୁତଲେ
ନାହାୟି କିହାମାଞ୍ଜି □

୬ ଏଞ୍ଜାରି ମାହାପୁରୁ ଲକୁଇଁ ଇଞ୍ଜା ମାହାପୁରୁ
ଅଣପୁତି ବଲ୍ଲୁ ଝେହନାରି ଆମିନି ନେତେରି
ବକ୍‌ହାମାଚେରି, ଏଦାଆଁ ମୀରୁ ଏଞ୍ଜାରାଇଁ
ଉଟ୍‌ହାମାଞ୍ଜି □ ଏଞ୍ଜାରି ଏନାଆଁ ବେଟାଆନାଣି
ବେଟାଆହାମାଚେରି □”

୭ ଏଚେଟିଏ ପୂଜା ପିଣ୍ଡାଟି ର ହାଡା ଝେଚେଏଁ,
ବାରେତି କିହାଁ ବାଡୁୟୁଗାଟି ମାହାପୁରୁ ପ୍ରୁ! ନୀ
ନାହାୟି ବାରେ ସାତା ଅଡେ ଟିକାଣାତାୟି □

୮ ସାରି ଲମ୍ବର ଦୂତୁ ତାନି ଗିନାତା ମାଚାଣି ଝେଡ଼ା
ଲାକ ଖାକ୍‌ହେସି, ଏଦାଆଁତାକି ଝେଡ଼ା ହାରେକା
ଡ଼ାଞ୍ଜାନା ଲକୁଣି ହୁତିତେ □

୯ ଏଚିବେଲା ଲକୁ କଣଚା ହାଟି କାରାତା
ଝେହାହାଚେରି, ଅଡେ ଇ ସାସ୍ତି ଲାକ ଅଦିକାରା
ମାନି ମାହାପୁରୁ ଦରୁତି ନିନ୍ଦାକିତେରି □ ସାମା ହିୟାଁ
ବାଦଲି କିହାଁ ଏଞ୍ଜାଣି ଗାଞ୍ଜୁରମି କିଆତେରି □

୧୦ ପାସା ଲମ୍ବର ଦୂତୁ ତାନି ଗିନାତା ମାଚାଣି
ଜନ୍ତୁତି ସିଂଗାସାଣି ଲାକ ଖାକ୍‌ହେସି, ଜନ୍ତୁତି ରାଜିତା
ଆନ୍ଦେରି ଆହାହାଚେ, ଇଞ୍ଜା ଲକୁ କସ୍ତୁତଲେ ତାନି
ଝେନ୍ଦରିକା କାଟା କଡିତେରି □

୧୧ ଅଡେ ଏଞ୍ଜାରି ଆଜ୍ଞାତି ରାଶାରାକା ତାକି
ଇଞ୍ଜା ପଟ୍ଟକାୟା ବୀସା ତାକି ଲାକପୁରୁତି
ମାହାପୁରୁଇଁ ବାକା ଇଚିତେରି □ ସାମା ତାନି
ଲାଗେଏତି କାମାଟି ମନ ଝେଟ୍‌ଆତେରି □

୧୨ ସ ଲମ୍ବର ଦୂତୁ ତାନି ଗିନାତା ମାଚାଣି
ପରାଡ଼ କାଜା କାତା ଲାକ ଖାକ୍‌ହେସି, ଏ କାତାତି
ଏୟୁ ଖାୟାହାତୁ, ଝେଡ଼ା ହପୁ ଖାକିଟି ଖାହିମାନି
ରାଜାୟାକି ଜିରୁ ପାରଲିଆତେ □

୧୩ ଏଚେଟିଏ ନାନୁ ମେସ୍‌ସେଏଁ, ପାନାୟାଲେହେଁ
ଡଞ୍ଜାଆହିମାନି ତାନିଗଟା ଲାଗେଏତି ଜୀଞ୍ଜୁୟାଁ □
ଏଞ୍ଜି ରାତୁ ଗୁଡିଟି, ଜନ୍ତୁ ଗୁଡିଟି, ମିଟି ବଲ୍ଲୁ
ଝେହନାରି ଗୁଡିଟି ହଡ଼ାଞ୍ଜାହିମାତୁ □

୧୪ ଏ ଲାଗେଏତି ଜୀଞ୍ଜୁଗାଟି ବୁତୁୟାଁ କାବାଆନି
କାମା କିହାଲି ଆଡିନୁ, ଏଞ୍ଜି ବାଡୁୟୁ ଗାଟି
ମାହାପୁରୁତି ଦିନାତା ଜୁଜୁ କିହାଲିତାକି ଦାରୁତିତି
ରାଜାୟାଣି କୁଡିକିହାଲି ହାଟାହାତୁ □

୧୫ * “ଝେଞ୍ଜୁ! ନାନୁ ସରୁଲେହେଁ ଖାକ୍‌,
ଆମ୍ବାଆସି ଜାଗ୍ରାତା ଆହାଁ ସରୁ ତାଣାଟି ଜାହାରା
ହିମ୍ବୁରିକା ଡୁକୁହାଲି ଆଡ଼ିମାନେସି, ଏଞ୍ଜାସି ନେହେଁ
□ ଏଞ୍ଜାସି ନାଗୁଡ଼ା ଆହାଁ ରେଅସି, ଅଡେ ଏଞ୍ଜାସି
ଲାଜା ବେଟାଆଅସି □”

୧୬ ପଲ୍ଲୁଆ ଜୀଞ୍ଜୁୟାଁ ଏ ବେଲାତା ଦାରୁତିତି
ରାଜାୟାଣି ଆମିନି ଟାୟୁତା କୁଡିକିତୁ ଏବୁ
ହାଡ଼ାତଲେ ଏଦାନି ଦରୁ ଆର୍ମାଗାତେନ □

୧୭ ସାତା ଲମ୍ବର ଦୂତୁ ତାନି ଗିନାତା ମାଚାଣି
ଗାଲି ଲାକ ଖାକ୍‌ହେସି, ଏଚେଟିଏ ଦେଞ୍ଜୁଡିତି
ସିଂଗାସାଣିଟି ର କାଜା ହାଡ଼ା ଝେଜିତେ, “ଇଦାଆଁ
କିଞ୍ଜିଆତେ!”

୧୮ * ଦେବୁଣିଏ ବିଲିବାଲା ଆହୁଁ ମୁସ୍‌ସେ ଇଞ୍ଜା
ହାଗୁ ଗୁଣିନି ହାଡ଼ା ଆଡେ, ଇଞ୍ଜା ହାରେକା
ବୁମି ଖୀଡିତେ, ଇଚିହୁଁ ଦାରୁତିତା ମାଣ୍‌ସିୟାଁ
ଗାଡ଼ିଆଡ଼ି ଦିନାଟିଏ ଏଚେଲାଞ୍ଜା ଇଲେତି ବୁମି
ଖୀଡ଼ାହିଲାଆତେ, ଇଦି ବାରେକିହାଁ ଆଜିହଡ଼ପତି
ବୁମି ଖୀଡିନାୟି ମାଚେ □

୧୯ ଏମ୍ବାଟିଏ ଏ କାଜା ଗାଡ଼ା ତାନି ବାଗା ତଲେ
ବାଗା ଆଡେ ଅଡେ ଦାରୁତିତି ବାରେ ଗାଡ଼ାୟାଁ
ବିଡ଼ହାହାତୁ, ଅଡେ କାଜା ଗାଡ଼ା ବାବିଲନତି
ମାହାପୁରୁ ବାଣା ଆହା ହିଲାଆତେସି, ଏଞ୍ଜାସି ତାନି
ଗହନି ସଲାଟି ତାନି ହାରେକା କପାଗାଟି କାଡ଼ୁ
ଏଦାଣି ଉଟ୍‌ହେସି □

୨୦ * ସାମ୍ବଦୁରି ମାଦି ମାନି ଦେସାୟାଁ
ମେଣ୍‌ଜାହାତୁ ଇଞ୍ଜା ହରକା ବାରେ ଡ଼ଗୁା ହାତୁ
□

୨୧ * ରୀ କଡ଼ି ଦସ କେଜି ବଜୁଗାଟି ଆଜିୟାଁ ହାଗୁ
ଲାକଟି ମାଣ୍‌ସିୟାଁ ଲାକ ରିତୁ, ଲକୁ ଇ ମରଡ଼ି ତାକି
ମାହାପୁରୁଇଁ ନିନ୍ଦାକିତେରି □

୧୭

ଝେଜିତି ଦାରେଣି

୧ ଏମ୍ବାଟିଏ ସାଡ଼ାଗଟା ଗିନାୟାଁ ଆସାମାନି
ଦୂତୁ ବିତ୍ରାଟି ରଅସି ନା ତାଗେ ଖାହାନା
ଏଲେଇଞ୍ଜାତେସି, “ଇମ୍ବାଆଁ ଖାମୁ ହାରେକା କାତା
ଦାରି ଗାଡ଼ି ଆହାମାନି ଦାରେଣି ଲେହେଁତି କାଜା
ଗାଡ଼ା ଏନି ସାସ୍ତି ବେଟାଆନ୍ଦେ ଏଦାଆଁ ତସ୍ତାଇଁ □

୨ ଦାରୁତିତି ରାଜାୟାଁ ଏ ଦାରେଣି ତଲେ
ଦାରିକାମା କିହାମାନେରି, ଇଞ୍ଜା ଦାରୁତିତା ବାସା

* ୧୭:୧୫ ୧୭:୧୫ ମାଟି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲ ୩:୩ * ୧୭:୧୮ ୧୭:୧୮ ଝେ ବଲ୍ଲ ୮:୫; ୧୧:୧୩,୧୯ * ୧୭:୨୦
୧୭:୨୦ ଝେ ବଲ୍ଲ ୬:୧୪ * ୧୭:୨୧ ୧୭:୨୧ ଝେ ବଲ୍ଲ ୧୧:୧୯

ଆହାମାନାରି ବାରେ ଦାରି କାମାଲେହେଁତି କାଡୁ ଗସାହାଁ ହଡ଼ାମାନେରି □

୩ ☆ଏତିବେଲାତା ସୁଦୁଜୀଝୁ ନା ତାଣା ଖାଡ଼େ ଇଞ୍ଜା ଏ ଦୁତୁ ନାଙ୍ଗେ ବାଃଲି ବୁମିତା ଅୟାଡେସି □ ଏମ୍ପାଆଁ ନାନୁ ମେସେସି, ର ପାଚୁ ଖାଣାଗାଟି ଜନ୍ତ ଲାକ ର ଇୟା କୁଗାମାରେ □ ଏ ଜନ୍ତୁତି ଆଙ୍ଗାତା ମାହାପୁରୁ ନିନ୍ଦାକିନି ଦରକା ରାସ୍‌କି ଆହାମାଚୁ, ଅଡ଼େ ଏଦାନାକି ସାଡ଼ାଗଟା ତାର୍‌କା ଇଞ୍ଜା ଦସଗଟା କମ୍‌କା ମାଚୁ □

୪ ଏ ଇୟା ହେୟାଁ ଲେହେଁତି ଖାଣା ଅଡ଼େ ପାଚୁ ଖାଣାଗାଟି ହିମ୍ପରି ହୁଡ଼ାମାରେ, ଇଞ୍ଜା ଏଦି ବାଂଗାରା ଅଡ଼େ ଗାଡ଼ି ଦାରାଗାଟି ମଣି, ମୁକ୍ତା ତଲେ ସାକୁ ଆହାମାରେ, ତାନି ନାଡ଼ିକିନି ପାଡ଼େୟିକା ଲେହେଁ ଅପାଆଗାଟି ଦିଶ୍‌ସୁ ଇଞ୍ଜା ଦାରିକାମା କିନି ଲାଗେଏତି କାମା ତଲେ ନେଞ୍ଜାମାନି ର ବାଂଗାରା ଗିନା ଏଦି ଆସାମାରେ □

୫ ଏଦାନି ମୁଞ୍ଜୁତା ଡ଼ଗୁମାନି ର ଦରୁ ରାସ୍‌କି ଆହାମାରେ, “କାଜା ଗାଡ଼ା ବାବିଲନ ଦାର୍‌ତିତି ବାରେ ଦାରି ଇଞ୍ଜା ଅପାଆଗାଟି କାମାତି ତାଲି □”

୬ ନାନୁ ଅଡ଼େ ମେସେସି, ଏ ଆୟାଟି ମାହାପୁରୁ ଲକୁ ଇଞ୍ଜା ଜୀସୁ ତାଣା ମାନି ତଲେ ମାଞ୍ଜା ସାକି ହାହାନା ହାହାମାନି ଲକୁତି ନେତେରି ଗସାନା ହଡ଼ାମାରେ □ ନାନୁ ଏଦାନି ମେସାନା ହାରେକା କାବା ଆଡ଼େଏଁ □

୭ ଅଡ଼େ ଦୁତୁ ନାଙ୍ଗେ ଏଲେଇଞ୍ଜାଡେସି, “ଏନାଆଁତାକି କାବା ଆହିମାଞ୍ଜି ? ନାନୁ ଏ ଆୟାଟି ଅଡ଼େ ସାଡ଼ା ଗଟା ତାର୍‌କା ଇଞ୍ଜା ଦସଗଟା କମ୍‌କା ଗାଟି ଏଦାଣି ଡେକାମାନି ଜନ୍ତୁତି ଡ଼ଗୁମାନି କାତା ନାନୁ ନିଙ୍ଗେ ଝେସିମାଞ୍ଜାଇଁ, ଝେନାମୁ □

୮ *ଜନ୍ତୁ ର ଦିନା ନୀଡ଼ାମାରେ; ନୀଏଁ ଅଡ଼େ ନୀଡ଼ାହିଲେଏ, ସାମା ତବେ ତାଡ଼େପୁରୁଟି ନିଙ୍ଗା ଖାନେ ଇଞ୍ଜା ଅର ଦେବା ନାସା ଆନେ □ ଦାରତି ଗାଡ଼ି ଆଡ଼ି ନକେଏ ଆମ୍ପାଆରି ଦରୁ ଜୀଝୁତି ପତିତା ରାସ୍‌କି ଆହାହିଲେଏ, ଦାରତିତା ବାସାଆହାମାନି ବାରେ ଲକୁ ଜନ୍ତୁଇଁ ମେସାଁ କାବାଆନେରି □ ଏଦି ର ଦିନା ନୀଡ଼ାମାରେ, ନୀଏଁ ଅଡ଼େ ହିଲେଏ, ସାମା ଅଡ଼େ ର ଦେବା ତଞ୍ଜାଆନେ □”

୯ “ଇ ବାରେ କାତା ତେଲହାଲି ତାକି ବୁଦି ଲଡ଼ାମାନେ □ ଜନ୍ତୁତି ସାଡ଼ାଗଟା ତାର୍‌କା ସାଡେଏ ସାଡ଼ାଗଟା ହରକା, ଆମିନି ଲାକ ଆୟାଟି କୁଗାମାନେ □ ଏଝାରି ଜିକେଏ ସାଡ଼ା ଜାଣା ରାଜାୟାଁ ଲେହେଁ □

୧୦ ଏଝାରି ବିଡ଼ାଟି ପାସାଜାଣା ମେଣ୍‌ଙ୍ଗା ହାଜାମାନେରି, ନୀଏଁ ରଅସି ମାନେସି, ଅଡ଼େ ରଅସି ନୀଏଁ ପାଡେକା ଖାହାହିଲଅସି, ଏଝାସି ଖାଡ଼ିସାରେ ଗାଡ଼େକା ତାକିଏ ସାଲୁଝି କିନେସି □

୧୧ ଅଡ଼େ ଆମିନି ଜନ୍ତୁ ର ଦିନା ନୀଡ଼ାମାରେ, ଏଦି ଆଟା ଲମ୍ପର ରାଜା, ଏ ବାରେ ରାଜାୟାଁ ବିଡ଼ାଟି ରଅସି ଇଞ୍ଜା ଏଝାସି ଜିକେଏ ତବେ ନାସା ଆନେସି □”

୧୨ “ମୀରୁ ମେସାମାନି ଦସଗଟା କମ୍‌କା, ଦସ ଜାଣା ରାଜାୟାଁ ଲେହେଁ, ଏଝାରି ନୀଏଁ ପାଡେକା ସାଲୁଝି କିହାହିଲଅରି □ ସାମା ଜନ୍ତୁ ତଲେ ସାଲୁଝି କିହାଲିତାକି ର ଗଂଟା ତାକି ଏଝାରାକି ବାଡ଼ୁୟୁ ହାପକିଆନେ □

୧୩ ଏଝାରି ରଣ୍ଡିଏ ଅଣ୍‌ପୁ ତଲେ ମାଞ୍ଜାନା ତାମି ବାଡ଼ୁୟୁ ଅଡ଼େ ଅଦିକାରା ଏ ଜନ୍ତୁକି ହୀନେରି □

୧୪ ଏଝାରି ମେଣ୍‌ଗା ତାଲୁ ତଲେ ଜୁଜୁ କିନେରି, ଅଡ଼େ ମେଣ୍‌ଗା ତାଲୁ ଏଝାରାଇଁ ଜୀଣା ଆନେ, ଇତିହଁ ଏଝାସି ପ୍ରବୁ କିହାଁ ପ୍ରବୁ ଅଡ଼େ ରାଜା କିହାଁ ରାଜା, ଅଡ଼େ ଆମିନି ଗାଟାରି ଏଝାଣିତଲେ ମାନେରି ଏ ହାଡ଼ାମାନାରି, ଆଡ଼ାମାନାରି ଅଡ଼େ ନାମୁଗାଟାରି ଜିକେଏ ଜୀଣା ଆନେରି □”

୧୫ ଦୁତୁ ନାଙ୍ଗେ ଅଡ଼େ ଏଲେଇଞ୍ଜାଡେସି, “ନୀନୁ ଆମିନି ଏୟୁଣି ମେସି, ଆମିନି ଲାକ ଏ ଦାରେଣି କୁଗାମାନେ, ଏଦି ଆହିମାନେ ଏଟକା ଏଟକାତି ଦେସା, କୁଡ଼ା, ଗତି ଇଞ୍ଜା ହାଡ଼ାଗାଟି କୁଲମି □

୧୬ ନୀନୁ ମେସାମାନି ଦସଗଟା କମ୍‌କା ଇଞ୍ଜା ଏ ଜନ୍ତୁ, ଦାରେଣିନି ଅପାଡ଼; ଏଝି ଏଦାନି ତାଣାଟି ବାରେ ପିସ୍‌ପିକିହା ଅହାନା ନାଗୁଡ଼ା କିହାନା ପିହ୍‌ନୁ □ ଏଝି ଏଦାନି ଉଙ୍ଗା ତିଞ୍ଜାନା ହିଚୁତା ହୁଡ଼ାନା ନାସା କିନୁ □

୧୭ ଏନାଆଁତାକି ଇତିହଁ, ମାହାପୁରୁ ତାନୁ ଅଣ୍‌ପାମାନାଣି କିହାଲିତାକି ଏଝାଆଁତାକି ଇ ଅଣ୍‌ପୁ ହାହାମାନେସି □ ଏଝି ରଣ୍ଡିଏ ମନ ଆହାନା କାମା କିନୁ ଇଞ୍ଜା ମାହାପୁରୁତି ବଲ୍ଲୁ ସାତାତଲେ ଆଆପାଡେକା ରାଜିତି ସାଲୁଝି କିନି ବଲ୍ଲୁ ଏ ଜନ୍ତୁ କେୟୁତା ପିସାହୀନେସି □”

୧୮ “ଇଞ୍ଜା ଆମିନି ଆୟାଟି ମେସି, ଏଦି ଆହିମାନେ, ଦାରତିତି ରାଜାୟାଁଣି ସାଲୁଝି କିହିମାନି ଏ କାଜା ଗାଡ଼ା □”

୧୮

ବାବିଲନ ନାସା ଆନାୟି

୧ ଏଚେଟିଏ ନାନୁ ଅଡ଼େ ର ଦୁତୁଇଁ ଲାକପୁରୁଟି ରେଟା ଖାହିମାଟାଣି ମେସେସି; ଏଝାସି କାଜା ଅଦିକାରା ଗାଟାସି, ତାନି ଗାଝୁରମି ତାକି ଦାରତି ବାରେ ଉଜେଡ଼ି ଆହାହାରେ □

୨ ☆ଏଝାସି କାଜା ହାଡ଼ାତଲେ କାଲୁଝି ଆହଁ ଏଲେଇଡେସି, “କାଜା ଗାଡ଼ା ବାବିଲନ ମେଣ୍‌ଙ୍ଗିଡେ! ଏଦି ବାରେ ମେଣ୍‌ଙ୍ଗିଡେ! ଏଦି ବୁଡୁୟାଁ ବାସାଗାୟୁ ଅଡ଼େ ପଲ୍‌ଆ ଜୀଝୁୟାଁ ଅଡ଼େ

☆ ୧୭:୩ ୧୭:୩ ଝେ ବଲ୍ଲୁ ୧୩:୧ ☆ ୧୭:୮ ୧୭:୮ ଝେ ବଲ୍ଲୁ ୧୧:୭ ☆ ୧୮:୨ ୧୮:୨ ଝେ ବଲ୍ଲୁ ୧୪:୮

ପଲ୍ଲଆ କାମାୟା, ଇଞ୍ଜା ଅପାଆଗାଟି ପଗାୟାତି
ବାସାଗାୟା ଆହାମାନେ □

୩ ଇଚିହିଁ ବାରେ ଜାତିତାରି ତାନି ଦାରି
କାମାଲେହେତି କାଡୁ ଗସାମାନେରି, ଦାରତିତି
ରାଜାୟା ତାନିତଲେ ଦାରିକାମା କିହାମାନେରି,
ଅଡେ ଦାରତିତି ବେବାରା ଗାଟାରି ତାନି ଜୁପକାଟି
ବାଡକୁ ଗାଟାରି ଆହାମାନେରି □”

୪ ଏଚେଟିଏ ନାନୁ ଲାକପୁରୁଟି ଅଡେ ର ହାଡ଼ା
ଏଲେ ଇଞ୍ଜିମାନାଣି ଝେଚେଏ,

“ଏ ମା ଲକ୍ଷ୍ମଣେରି! ଏଦାଆଁତାକି ଏଦାନି ତାଣାଟି
ହଡ଼ା ଝାଡୁ!

ମୀରୁ ଏନିକିଁ ଏଦାନି ପାପୁତା ଆଣୁଅଡେରି;
ଇଞ୍ଜା ତାନି ତଣ୍ଡି ବାଗା ବେଟାଆଅଡେରି;

୫ ଏନାଆଁତାକି ଇଚିହିଁ ଏଦାନି ପାପୁ ବାରେ
ଲାକପୁରୁ ପାଡେକା ଏଜାମାନେ,
ଅଡେ ଏଦି କିହାମାନି ଲାଗେଏତି କାମା
ମାହାପୁରୁ ମନତା ଅଣପାମାନେସି □

୬ ଏଦି ମିଜେ ଏନି କିହାମାଞ୍ଜାନେ ଏଲେକିଁ ମୀରୁ
ଏଦାନାକି କିଦୁ;

ତାନି କିହାମାନାଣି କିହାଁ ରୀ ଗୁଣୁ ଝେଟଦୁ,
ଏଦି ଆମିନି ସଲ୍ଲାତା କାଡୁ ଆଟହାମାନେ,
ଏମାଆଁ ରୀ ଗୁଣୁ କାଡୁ ତାନି ସଲ୍ଲାତା ଆଟଦୁ
□

୭ ଏଦି ଏଚେକା ତାନି ଗାଞ୍ଜୁରମି କିହାମାନେ ଅଡେ
ବଡପଣ ତଲେ ମାଞ୍ଜାମାନେ,
ଏଲେକିଁ ଏଦାନାକି ଦୁକୁ କସୁ ହୀଦୁ;

ଏନାଆଁତାକି ଇଚିହିଁ ଏଦି ଜାହାରାଇଁ ମନତା
ଝେସା କଡିମାନେ,
‘ନାନୁ ରାଣି ଆହାଁ କୁଗାମାଇଁ,
ନାନୁ ରାଣ୍ଡେଣିତେଏଁ ଆଏ,
ନାଜେ ଏଚେଲାଞ୍ଜା ଦୁକୁ କିହାଲି ଆଏ □’

୮ ଇଦାଣିତାକି ର ଦିନା ବିତ୍ରା ତଣ୍ଡି ପାଣ୍ଡନେ,
ଇଚିହିଁ ହାକି, ଡାକି, ଅଡେ କାର୍ଝୁ ଆନେ,
ଅଡେ ଏଦି ହିଚୁତା ଝେହାହାନେ,
ଇଚିହିଁ ଏଦାନି ନୀହାଁୟି କିନାସି ପ୍ରବୁ
ମାହାପୁରୁ ବାରେ ବାଡ଼ୁ ଗାଟାସି □”

୯ ଦାରତିତି ବାରେ ରାଜାୟା ତାନିତଲେ
ଦାରିକାମା କିହାନା ରାହାଁଟି ନୀତାମାନେରି, ଏଞ୍ଜାରି
ଏଦାନି ହୁଡିମାନି ହିଚୁ ବୟିଁ ମେହନେରି, ଇଞ୍ଜା
ଏଦାନି ତାକି ଦୁକୁ ଆହାଁ ଡାମନେରି;

୧୦ ଏଞ୍ଜାରି ଏଦାନି କାକୁଲିଟି ଆଜିତାକି ହେକ
ନିଚାନା ଏଲେଇନେରି, “ଆୟଡ଼ା, ଆୟଡ଼ା, କାଜା
ଗାଡ଼ା, ବାଡ଼ୁ ଗାଟି ଗାଡ଼ା ବାବିଲନ ନୀନୁ ବାକା
ପଣନାତି, ଇଚିହିଁ ରଣ୍ଡିଏ ଗଂଟା ବିତ୍ରା ନୀ ତଣ୍ଡି
ଞ୍ଜାଡେ □”

୧୧ ଅଡେ ଦାରତିତି ବେବାରା ଗାଟାରି ଏଦାନି
ତାକି ଦୁକୁ ଆହାଁ ଡାମନେରି, ଏନାଆଁତାକି ଇଚିହିଁ
ଆମାଆରି ଏଞ୍ଜାରି ପାରନି ଦିଶ୍ଵ କଡଅରି,

୧୨ ଇଚିହିଁ ବାଂଗାରା, ଝେଣ୍ଡି, ଦାରା ଗାଟି
ମଣି ଅଡେ ମୁଲ୍ଲାୟା, ସିଲକୁ ହିମ୍ପୁରିକା, ହେୟା
ଞ୍ଜାଗାଟି ହିମ୍ପୁରିକା, ପାଟୁ ହିମ୍ପୁରିକା, ଏଟକା
ଏଟକାଟି ଅଜିତି ହିମ୍ପୁରିକା, ଚନ୍ଦନ ଇଞ୍ଜା ଏଦାନି
ଲେହେତି ଗାନ୍ଦା ଗାଟି ମାରକା, ହାତି ପାଲକା,
ଦାରା ଗାଟି ଝେସକା, ପିତାଡ଼ା, ଲହ, ଅଜିତି
ଡ଼ୁସୁପା ଞ୍ଜାଲକାତଲେ କେପିତି ବାରେ ଆସି □

୧୩ ଡାକ୍ନି ସାଲି, ଗାନ୍ଦାଗାଟି ଆସି, ଦୁପଣି,
ଗାନ୍ଦାଗାଟି ରୁବିନି ନିୟୁଁ, ଗାନ୍ଦାଗାଟି ଦୁପଣି,
କାଡୁ ନିୟୁଁ, ଗୁଣ୍ଡା, ଗହଁ, କଡିୟା, ମେଣ୍ଡାୟା,
ଗଡ଼ାୟା, ରାତାୟା, କଡ଼ାମାନି ହଲିୟାଙ୍ଗା, ଅଡେ
ମାଣସିୟାତି ଜୀଝୁ □

୧୪ “ନୀ ଜୀଝୁତି ଜୁପକା ଗାଟି ଅଣ୍ଡପୁତି
ପାଡେୟିକା ନୀ ତାଣାଟି ମେଣ୍ଡାଙ୍ଗା ହାରୁ, ଅଡେ
ବାରେ ଡାକନାୟି, ରାହାଁତି ବାରେ ନୀ ତାଣାଟି
ଏଟକା କିଞ୍ଜି ଆହାଁ ନାସା ଆହାମାନେ, ଅଡେ
ଏଚେଲାଞ୍ଜା ଏ ବାରେ ମେଡ଼ା ଆୟେଏ □”

୧୫ ଇ ବାରେ ଦିଶ୍ଵୁତି ବେବାରା କିନାରି ଏ
କାଜା ଗାଡ଼ା ତଲେ ବାଡକୁ ଗାଟାରି ଆହାମାଚେରି,
ଏଞ୍ଜାରି ଏଦାନି କସୁତି ଆଜିତାକି ହେକ ନିଚାନା
ଦୁକୁତଲେ ଡାହଁ ଏଲେଇନେରି □

୧୬ “ଆୟଡ଼ା! କାଜା ଗାଡ଼ାଟି! ନିଜେତାକି
ଏଚେକା ଆଜିହପେତି କସୁ ଞ୍ଜାଡେ, ନୀନୁ ଅଜିତି
ହିମ୍ପୁରିକା, ହେୟା ଞ୍ଜାଗାଟି ହିମ୍ପୁରିକା, ପାଟୁ
ହିମ୍ପୁରିକା ହୁଟାମାଟି, ଅଡେ ବାଂଗାରା, ଦାରାଗାଟି
ମଣି ଇଞ୍ଜା ମୁଲ୍ଲାୟା ତଲେ ମିଶ୍ଵି ମାଟି ସାଜୁୟା
ଡୁରହାମାଟି □

୧୭ ଇଚିହିଁ ରଣ୍ଡିଏ ଗଂଟା ବିତ୍ରା ଏ ବାରେ ଦନ
ମେଣ୍ଡାଙ୍ଗାହାଚେ □

ଏୟୁ ଜାଜାୟା ସାଲଞ୍ଜି କିନାରି ଏମାଆଁ
କୁଗାମାନାରି ତଂଗାୟା ସାଲଞ୍ଜି କିନାରି ଇଞ୍ଜା
ସାମଦୁରିତା ଇତାଲା ଆତାଲା ରେଜିହିଁ ବେବାରା
କିନାରି ହେକ ନିଚାନା,

୧୮ ଏ ଗାଡ଼ାଟି ହୁଡିମାନି ହିଚୁ ବୟିଁ ମେସାନା
କାଜା ଗିୟାତଲେ ଏଲେଇନେରି, ଇ କାଜା ଗାଡ଼ା
ଲେହେ ଆମିନି ଗାଡ଼ାମାନେ □

୧୯ ଏଞ୍ଜାରି ତାନି ତାର୍ଜା ଲାକ ଦୁଡି ଡାଞ୍ଜା କଡାନା
ଦୁକୁତଲେ ଡାହଁ ଡାହଁ ଏଲେଇଚେରି, ଆୟଡ଼ା
ଏ କାଜା ଗାଡ଼ାଟି, ନିଜେ ଏଚେକା ଆଜିହପେତି
ତଣ୍ଡି ଆଡେ, ନୀ ବାଡକୁ ତଲେ ସାମଦୁରିତି
ଜାଜାଣା ରେଜିହିଁ ବାଡକା ମାଚେରି, ନୀଏଁ ରଣ୍ଡିଏ
ଗଂଟା ବିତ୍ରା ଏ ବାରେ ମେଣ୍ଡାଙ୍ଗାହାଚେ □”

୨୦ ଲାକପୁରୁ, ମାହାପୁରୁ ଲକୁ, ପାଣ୍ଡି
ଆହାମାନାଚେରି, ମାହାପୁରୁ ଅଣ୍ଡପୁତି ବଲ୍ଲ
ଝେହନାଚେରି, ମୀରୁ ଏଦାନି ନାସା ଆନାଣି ତାକି
ରାହାଁ ଆଦୁ, ଏନାଆଁତାକି ଇଚିହିଁ ମାହାପୁରୁ
ମିଜେ କିହା ମାଞ୍ଜାନାଣି ତାକି ବାଦୁଲି ଅହାମାନେସି
□

୨୧ ଏତେଟିଏ ତାୟୁ ର କାଜା ଦୂତୁ, ର ଜେତାଖାଲି ଲେହେଁତି ର ଖାଲି ସାମ୍‌ଦୁରି ଲାକ ମେଡ଼ହାନା ଏଲେଇଚେସି, “ଇଲେକ୍ କାଜା ଗାଡ଼ା ବାବିଲନ ମେଡ଼ପି ଆନେ, ଅଡ଼େ ଏଡ଼ି ଏଚେଲାଖା ତଞ୍ଜା ଆଏ □

୨୨ ସେର୍‌ଜିୟା ଅଡ଼େ ପାଟିନାରି ହାଡ଼ା, ପାରୁଡ଼ି ଉକିନାରି, ତୀଡ଼ି ଉକିନାରି ହାଡ଼ା ଏଚେଲାଖା ଏଦାନି ତାଣା ଝେକ୍‌ଚେଏ, ନେହ୍ ନେହ୍ ସାଦୁ ଇଞ୍ଜା ଏଟକାତି ଆସ୍ତି କେପିନାରି ନୀ ତାଣା ତଞ୍ଜା ଆଅରି, ଅଡ଼େ ଜେତାଖାଲକା ତଲେ ନୁୟ୍ ନାୟ୍ ଏଚେଲାଖା ହାଡ଼ା ଝେକ୍‌ଚେଏ □

୨୩ ଦୀର୍‌ଜିୟାତି ଉଜେଡ଼ି ନୀ ତାଣା ଏଚେଲାଖା ତୀଞ୍ଜେଏ, ବାହା ଆନି ମାସ୍କା ଅଡ଼େ ବାହା ଆନି କକାରି ହାଡ଼ା ନୀ ତାଣା ଏଚେଲାଖା ଝେକ୍‌ଚେଏ, ଏନାଆତାକି ଇଚିହ୍ ନୀ ତାଣା ବେବାରା କିନାରି ଦାର୍‌ତିତା କାଜାରି ମାଚେରି, ଅଡ଼େ ନୀ ମାୟାମନ୍ତରତା ବାରେ କୁଡ଼ାତି ଲକୁ ମୁଞ୍ଜା ହାଜାମାଚେରି □”

୨୪ ଗାଡ଼ାତା ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାରି, ମାହାପୁରୁ ଲକୁ, ଇଞ୍ଜା ଦାର୍‌ତିତା ପାୟ୍‌ଖିଆହାମାନି ଲକୁତି ନେତେରି ଏଦାନି ତାଣା ତଞ୍ଜାଆହାମାଚେ □

୧୯

୧ ଏତେଟିଏ ଲାକପୁରୁ ର କାଜା ମାୟା ଲକୁତି ହାଡ଼ାଲେହେଁତି ର କାଜା ହାଡ଼ା ଏଲେଇଞ୍ଜିମାଚାଣି ଝେଚେଏ, “ହାଲେଲୁୟା! ଗେଲ୍‌ପିନି, ଗାଝୁରମି ଅଡ଼େ କାଜାପାଣା ମା ମାହାପୁରୁଖାୟି □

୨ ଇଚିହ୍ ଏଝାଣି ନୀହାୟି ସାତା ଅଡ଼େ ନେହାୟି, ଆନିନି କାଜା ଦାରେଣି ତାନି ଦାରିକାମା ତଲେ ଦାର୍‌ତିତି ଲକୁଣି ପଲ୍‌ଆ କିହାମାଚେ, ମାହାପୁରୁ ଏଦାନି ତଣ୍‌ ହାହାନା ତାନି ହଲିୟାକାଣି ପାୟିତି ନେତେରିତି ବାଦୁଲି ଅଡ଼େସି □”

୩ ଅଡ଼େ ଏଝାରି ରୀ ପାଲି ଏଲେଇଚେରି “ହାଲେଲୁୟା! ଏ ଗାଡ଼ା ଝେହିମାନି ବୟ୍ କାଲାକାଲାତାକି ହଚେମାନେ □”

୪ ଏତେଟିଏ କଡ଼େ ସାରି ଜାଣା ପ୍ରାଟିନାକା ଅଡ଼େ ସାରିଗଟା ଜନ୍ତୟା ମୁନ୍‌ କୁତାନା ସିଂଗାସାଣିତା କୁଗାମାନି ମାହାପୁରୁଇ ଜହରା କିହାନା ଏଲେଇଚୁ, “ଆମେନ୍ ହାଲେଲୁୟା □”

ମେଣ୍ଡା ତାଲୁତି ବାହା ବକ୍ତି

୫ ଏଚିବେଲା ସିଂଗାସାଣିଟି ର ହାଡ଼ା ହଚାନା ଝେକ୍‌ଚେ, “ଏ ମାହାପୁରୁତି ହଲିୟାକାଚେରି, ଏଝାଣାକ୍ ଆଜିନି କାଜାରି ଇଚାରି ବାରେଜାଣା ଚେରି ମୀରୁ ମାହାପୁରୁଇ ଜହରା କିଦୁ □”

୬ ଅଡ଼େ ନାନୁ କାଜା ମାୟା ଲକୁ ଲେହେଁତି ହାଡ଼ା, ଲଦ ଲଦ ରିହିମାନି ଏୟୁ ଲେହେଁତି

ହାଡ଼ା, ଅଡ଼େ ହାଗୁ ଗୁଣ୍‌ହିମାନି କାଜା ହାଡ଼ାଲେହେଁ ଏଲେଇଞ୍ଜି ଝେସିମାନାଣି ଝେଚେଏ, “ହାଲେଲୁୟା! ଇଚିହ୍ ପ୍ରୁ ମା ବାଡ଼ୁଗାଟି ମାହାପୁରୁ ରାଜା ଆହାନା ପାଣା ବେଟା ଆହାମାନେସି □

୭ ଝାଦୁ ମାର ରାହାଁ ଆନ, ଇଞ୍ଜା ଏଝାଣି ଗାଝୁରମି ତାକି ଏଝାଣାକ୍ ଜହରା କିନ, ଏନାଆତାକି ଇଚିହ୍ ମେଣ୍ଡା ତାଲୁତି ବାହା ଆନି ଦିନା ଏଦାତେୟିଏ, ଇଞ୍ଜା ଏଝାସି ବାହା ଆନି ମାକ୍‌ଜା ତିୟାରା ଆହାମାନେ □

୮ ଏଦାନାକି ମୁହ୍‌ନି ଅଡ଼େ ଅପ୍‌ନି ହିମ୍‌ରି ହୁଚାଲି ହାପକି ଆଡୁ;” ଏ ଦବ୍‌ଲା ହିମ୍‌ରି ଇଚିହ୍ ମାହାପୁରୁ ଲକୁତି ଦାମ୍‌ କାମାୟା □

୯ ଏଚିବେଲା ଦୂତୁ ନାକ୍‌ଜେ ଏଲେଇଞ୍ଜାଚେସି, “ରାଡ଼ାମୁ, ଆମିନି ଗାଟାରି ମେଣ୍ଡା ତାଲୁତି ବାହା ବକ୍ତିତା ହାଟକି ଆହାମାନେରି, ଏଝାରାକି ନେହେଁ □” ଅଡ଼େ ଏଝାସି ନାକ୍‌ଜେ ଏଲେଇଞ୍ଜାଚେସି, “ଇ ବାରେ ମାହାପୁରୁତି ସାତା ବଲ୍ଲୁ □”

୧୦ ଏତେଟିଏ ନାନୁ ଏଝାଣାକ୍ ଜହରା କିହାଲି ତାନି କତାୟା ତୁଇ ରିତେଏ, ଏତେଟିଏ ଏଝାସି ନାକ୍‌ଜେ ଏଲେଇଞ୍ଜାଚେସି, “ଜାଗ୍ରାତା, ଇଲେ କିଆନି, ନାନୁ ଜୀସୁ ଅଡ଼େ ମୀ ସାକି ଇଞ୍ଜା ମୀ ତାୟିୟା ତଲେ ର ହଚେଲଏଣା ଲେହେଁ; ନାନୁ ମାହାପୁରୁଇ ଜହରା କିମ୍, ଜୀସୁତି ସାକି ଏଡ଼ି ସାତା, ମାହାପୁରୁ ବଲ୍ଲୁ ଝେହ୍‌ନାରି ଜୀଝୁ □

ଦବ୍‌ଲା ଗଡ଼ା ମୁହେଁ କୁଗାମାନାସି

୧୧ ଏତେଟିଏ ନାନୁ ଲାକପୁରୁତି ଦେପିଆହାମାନାଣି ମେସ୍‌ସେଏ, ଏମ୍‌ଆଁ ର ଦବ୍‌ଲା ଝାଣାଗାଟି ଗଡ଼ା ମାଚେ, ଏମ୍‌ଆଁ ହଚାମାନାଣି ଦରୁ ନାମିତାୟି ଅଡ଼େ ସାତାତାୟି; ଏଝାସି ନେହ୍ କ ନୀହାୟି କିନେସି, ଅଡ଼େ ଜୁଜୁ କିନେସି □

୧୨ ଏଝାଣି କାଣ୍‌କା ହିରୁ ଗୁଦ୍‌ଝା ଲେହେଁତାକ, ତାନି ତାୟ୍‌ତୁ ହାଚେକା ଚପେରିକା, ଅଡ଼େ ଏଝାଣି ର ଦରୁ ରାସ୍କି ଆହାମାନେ, ଏ ଦରୁ ଏଝାଣି ପିସ୍‌ପେ ଆମ୍‌ଆରି ପୁନଅରି □

୧୩ ଏଝାସି ନେତେରିତା ଉଡ଼ହା ମାନି ର ହିମ୍‌ରି ହୁଚାମାନେସି, ଇଞ୍ଜା ଏଝାଣି ଦରୁ “ମାହାପୁରୁତି ବଲ୍ଲୁ □”

୧୪ ଲାକପୁରୁତି ଜୁଜୁ କିନାରି ଅପ୍‌ନି ଦବ୍‌ଲା ହିମ୍‌ରିକା ହୁଚାନା ଦବ୍‌ଲା ଝାଣା ଗଡ଼ାୟା ଲାକ କୁଗାନା ତାନି ଜେଡ ହାଚେ □

୧୫ ଏଝାଣି ଗୁତିଟି ଝାସ୍ତି କାଣ୍ଡା ହଚେ, ଏ କାଣ୍ଡାତଲେ ବାରେ ଦେସାତି ଲକୁଇଁ ଟୁଣ୍‌ନେସି; ଏଝାସି ଏଝାରାକ୍ ଲହ ବାଡ଼ଗା ତଲେ ସାଲ୍‌ଖି କିନେସି, ଅଡ଼େ ଏଝାସି ତାନୁଏ ବାରେ ବାଡ଼ୁଗାଟି ମାହାପୁରୁ କାଜା କପା ଲେହେଁତି ଅଞ୍ଜୁରି

ପାତେୟିକା ପାଟିନି ଗାଡ଼ମୁତା ମାନି ପାତେୟିକା
ଝିହ୍ନେସି □

୧୭ ଏଝାଣି ହିମ୍ବରତା ଅଡ଼େ ଏଝାଣି କୁଦଗୁତା
ଇ ଦରୁ ରାସ୍ତକି ଆହାମାନେ, “ରାଜା କିହାଁ ରାଜା
ଅଡ଼େ ପ୍ରବୁ କିହାଁ ପ୍ରବୁ □”

୧୮ ଏଚେଟିଏ ନାନୁ ର ଦୂତୁଇଁ ଝେଡ଼ା ଲାକ
ନିଚାମାନାଣି ମେସ୍ତେସ୍, ଏଝାସି ହାଗୁଡ଼ି ମାଦି
ଊମ୍ବିମାନି ବାରେ ପଟାୟାଣି କାଜା ହାଡ଼ାତଲେ
ହାଟାନା ଏଲେଇଚେସି, “ଝାଦୁ ମାହାପୁରୁତି କାଜା
ବଜିତା କୃତା ଆଦୁ □

୧୯ ଏନିକିଏ ମୀରୁ ରାଜାୟା, ଜୁଦୁ ତାକି
କାଜାରି, ବାଡ଼ମୁ ଗାଗାରି, ଗଡ଼ାୟା ଅଡ଼େ
ଗଡ଼ା ଲାକ କୁଗାମାନାରି, କଡ଼ାମାନି ହଲିୟାଙ୍ଗା,
ହଲିୟାଙ୍ଗା ଆଆତାରି, କାଜାରି ଅଡ଼େ ଇଚାରି
ବାରେତି ଉଙ୍ଗା ତିଝେରି □”

୨୦ ତାୟୁ ନାନୁ ଜନ୍ତତି ଅଡ଼େ ଦାରତିତି
ରାଜାୟାଣି ଅଡ଼େ ଏଝାରି ଜୁଦୁ କିନାରାଇଁ, ଏଝାରି
ଗଡ଼ାୟା ଲାକ କୁଗାମାନାରି ଇଞ୍ଜା ଏଝାରି ଜୁଦୁ
କିନାରି କପାଟି ଜୁଦୁ କିହାଲି କୃତା ଆହାମାନାଣି
ମେସ୍ତେସ୍ □

୨୧ ଏ ଜୁଦୁତା ଜନ୍ତ ଅଡ଼େ ଏଦାନି ନକିତା
କାବାଆନି କାମା କିହିମାନି ଏ ନାଡ଼ିକିନି କ୍ରୀସ୍ତଇଁ
ଆସାନା ଦସ୍ପିଆଡ଼େ □ ଆମିନି ଲକୁତାଣା ଏ
ଜନ୍ତତି ସିନା ମାଚେ ଇଞ୍ଜା ଆମ୍ବାଆରି ଏଦାନି ବମାତି
ପୂଜା କିହିମାଚେରି, ଜନ୍ତ ତାନି କାବାଆନି କାମା
ତଲେ ଏଝାରାଇଁ ନାଡ଼ି କିହାମାଚେ □ ଜନ୍ତ ଇଞ୍ଜା
ନାଡ଼ିକିନି କ୍ରୀସ୍ତଇଁ ଡ଼ାଞ୍ଜିମାନି ହିରୁତା ଜୀଝୁତଲେ
ମେଡ଼ପିଆଡ଼େ □

୨୨ ଅଡ଼େ ଏଚେକା ଡ଼ୟିତି ଲକୁ ଗଡ଼ା
ଲାକ କୁଗାମାନାଣି ଗୁଡ଼ିଟି ହଡ଼ିମାନି କାଣ୍ଡାତଲେ
ପାୟୁଝିଆଡ଼େରି; ଏଚେଟିଏ ବାରେ ପଟାୟା ଏଝାରି
ଊଙ୍ଗା ତିଞ୍ଜାନା ବାଣ୍ଡି ପାଞ୍ଜିଡ଼ୁ □

୨୦

ର.ମାଣା ବାର୍ଯାତି ରାଜି କିନାୟି

୧ ଏଚେଟିଏ ନାନୁ ର ଦୂତୁଇଁ ଲାକପୁରୁତି
ରେଚା ଝାହିମାଚାଣି ମେସ୍ତେସ୍, ଏଝାଣି କେୟୁତା
ତାଡ଼େପୁରୁ ଗାଡ଼ମୁତା କୁଟିକାଡ଼ି ଅଡ଼େ ର କାଜା
ହିକ୍ଣି ମାରୁ □

୨ ଏଝାସି କାଜା ରାଡ଼ୁତି, ଏ ପୁଃଈ ନାଗା,
ଇଚିହ୍ ଦିୟାବଲ ଅଡ଼େ ସୟତାନତି ଆସାନା ର
ମାଣା ବାର୍ଯା ପାତେକା ଦସ୍ପା ଇଚିତେସି □

୩ ଅଡ଼େ ଏଦାନି ତାଡ଼େପୁରୁ ଗାଡ଼ମୁତା
ମେଡ଼ହାନା ଗାଡ଼ମୁତା ଦୁଝେରି ସୁଣ୍ଡାନା ଏଦାନି
ଲାକ ହାକିତି ମୁଦ୍ରା ଝେଡ଼େସି, ଇଞ୍ଜା ଏନିକିଏ
ର.ମାଣା ବାର୍ଯା ରାଆ ପାତେକା ଦେସାତି ଲକୁଣି

ନାଡ଼ି କିହାଲି ଆଡ଼େଏ; ଅଡ଼େ ତାୟୁ ଗାଡ଼େକା ତାକି
ପିସ୍ପି କିଝି ଆନେ □

୪ ଏଚେଟିଏ ନାନୁ ଏଚରଗଟା ସିଂଗାସାଣିୟା
ମେସ୍ତେସ୍, ଏ ବାରେ ଲାକ ଏଚରଜାଣା
କୁଗିଚେରି, ଏଝାରାକି ନୀହାୟି କିହାଲି ଅଦିକାରା
ହୀପକିଆଡ଼େ, ଅଡ଼େ ଜୀସ୍ତତି କାତା ଇଞ୍ଜା
ମାହାପୁରୁତି ବଲ୍ଲୁ ତାକି ଆମ୍ବାଆରି ତାର୍କା ଦାପି
ଆହାମାରୁ, ଇଞ୍ଜା ଆମ୍ବାଆରି ଏ ଜନ୍ତ ଅଡ଼େ
ତାନି ବମାତି ଜହରା କିହାଁ ହିଲାଆଚେରି ଅଡ଼େ
ତାନି ସିନାତି ମୁଞ୍ଜୁତା କି କେୟୁତା ବେଟାଆହା
ହିଲାଆଚେରି, ଏଝାରି ଜୀଝୁୟା ମେସ୍ତେସ୍; ଏଝାରି
ଝେଣ୍ଡେ ନୀତାନା କ୍ରୀସ୍ତ ତଲେ ର.ମାଣା ବାର୍ଯା
ପାତେକା ସାଲଝି କିଚେରି □

୫ ଅଡ଼େ ଏଚେକା ହାଡ଼ି ଲକୁ ଏ ର.ମାଣା ବାର୍ଯା
ରାଆ ପାତେକା ନୀତାଆଚେରି, ଇଦିଏ ତଲିତି
ହାକିଟି ନିଜିନାୟି □

୬ ଆମ୍ବାଆରି ମୂଲୁ ଝେଣ୍ଡେ ନିଜିନି ତାଣା
ଆଣ୍ଡିନେରି ଏଝାରି ନେହେଁ, ଅଡ଼େ ଏଝାରି
ସୁଦୁଗାଗାରି; ଅଡ଼େ ଏଝାରି ମୁହେଁ ତାୟୁତି ହାକିତି
ଏନି ଅଦିକାରା ହିଲେଏ, ସାମା ଏଝାରି ମାହାପୁରୁ
ଅଡ଼େ କ୍ରୀସ୍ତତି ପୂଜେରାଙ୍ଗା ଆହାନା ଏଝାଣିତଲେ
ର.ମାଣା ବାର୍ଯା ପାତେକା ସାଲଝି କିନେରି □

ସୟତାନତି ହାରଝି ଆନାୟି

୭ ଏ ର.ମାଣା ବାର୍ଯା ରାଡ଼ିସାରେ ସୟତାନ ଦସ୍ପି
ଆହାମାତି ଇଲୁଟି ପିସ୍ପି ଆନେ □

୮ ଏଚେଟିଏ ସୟତାନ ଦାରତିତି ସାରିସୁଟୁ
ମାନି ଦେସାତାରାଇଁ ଇଚିହ୍ ସାମ୍ବୁରିତି ବାଃଲି
ସମାନା ହାରେକା ଗଗ ଅଡ଼େ ମେଗଗ ଏଝାରାଇଁ
ନାଡ଼ିକିହାନା ଜୁଦୁ ତାକି କୃଡ଼ିକିହାଲି ହଡ଼ାହାନେ □

୯ ଏଝାରି ଦାରତିତି ସାରିସୁଟୁ ହାଜାନା ମାହାପୁରୁ
ଲକୁ ବାସାଆନି ତାଣା ଅଡ଼େ ମାହାପୁରୁ ଜୀଝୁ
ନହାମାନି କାଜା ଗାଡ଼ାତା ମୁଚିଚେରି, ଏଚିଚେଲା
ଲାକପୁରୁତି ହିରୁ ରିହାନା ଏଝାରାଇଁ ନାସା କିଚେ □

୧୦ ଆମିନି ସୟତାନ ଏଝାରାଇଁ ନାଡ଼ି
କିହାମାଚେ, ଏଦାନି ହିରୁ ଅଡ଼େ ଗାନ୍ଦାଗୁଣ୍ଡା ତଲେ
ଡ଼ାଞ୍ଜିମାନି ଗାଡ଼ମୁତା ମେଡ଼ପିଆଡ଼େ, ଏମ୍ବାଆଁ ଏ
ଜନ୍ତ ଇଞ୍ଜା ମାହାପୁରୁ ବଲ୍ଲୁ ମିଚି ଝେହ୍ନାସି ଜିକେଏ
ମାନେସି; ଅଡ଼େ ଏଝାରି ଏମ୍ବାଆଁ ଲାଆଁ ମାଦେନା
କାଲାକାଲା ତାକି ଡ଼ଣ୍ଡ ବେଟାଆନେରି □

ରାଦି କାଲାତି ନୀହାୟି

୧୧ ଏଚେଟିଏ ନାନୁ ର କାଜା ଦବ୍‌ଲା ସିଂଗାସାଣି
ଇଞ୍ଜା ଏମ୍ବାଆଁ ରଅସି କୁଗାମାନାଣି ମେସ୍ତେସ୍;
ଏଝାଣି ନକିଟି ଦାରତି ଅଡ଼େ ହାଗୁପାକା ହଟାଡ଼ୁସ୍ତୁ
ଏଝାସିକାକି ଅଡ଼େ ଚାୟୁ ମେଡ଼ା ଆଆଡ଼େ □

୧୨ ଅଡ଼େ ନାନୁ ଇଚାରି କାଜାରି ବାରେ
ହାଡ଼ାରାଇଁ ସିଂଗାସାଣି ନକିତା ନିଚାମାନାଣି

ମେସ୍ତେସ୍, ଅଡ଼େ ପତିୟାଁ ବାରେ ଦେପିଆଡୁ; ତାମ୍ଭୁ ଜାହୁତି ପତି ଇଞ୍ଜିଁ ଅଡ଼େ ର ପତି ଦେପିଆଡେ; ଏ ପତିଣାଁ ରାସ୍ତକି ଆହାମାନି ଲେହେଁ ହାଡ଼ାରି ତାମି କିତି କାମା ଲେହେଁ ନାହାଁୟି କିଝି ଆଡେରି □

୧୩ ସାମ୍ବୁରି ତାନିତାଣାଟି ହାଡ଼ାରାକ୍ ହେରପିଡେ, ଇଞ୍ଜାଁ ହାକି ଅଡ଼େ ତାଡ଼େପୁରୁ ତାନି ତାଣା ହାଡ଼ାରାକ୍ ହେରପିଡୁ; ଇଞ୍ଜାଁ ଏଞ୍ଜାରି ବାରେ ତାମି କିତି କାମା ତଲେ ନାହାଁୟି କିଝି ଆଡେରି □

୧୪ ଏଚେଟିଏ ହାକି ଅଡ଼େ ତାଡ଼େପୁରୁଟି* ହିରୁତଲେ ଡ଼ାଞ୍ଜିମାନି ଗାଡ଼ୁୟୁତା ମେଡ଼ପିଆଡେ, ଇ ତାମୁତି ହାକି ଇଚିହଁ ହିରୁ ଗାଡ଼ୁୟୁ □

୧୫ ଆମ୍ବାଆରି ଦରୁ ଜାହୁତି ପତିତା ରାସ୍ତକି ଆହା ହିଲାଆଡେ ଏଞ୍ଜାରାକ୍ ଡ଼ାଞ୍ଜିମାନି ହିରୁ ଗାଡ଼ୁୟୁତା ମେଡ଼ପିଆଡେ □

୨୧

ପୁଃନି ହାଗୁପାକା ଅଡ଼େ ପୁଃନି ଦାରତି

୧ ଏମ୍ବାଟିଏ ନାନୁ ର ପୁଃନି ହାଗୁପାକା ଅଡ଼େ ପୁଃନି ଦାରତି ମେସ୍ତେସ୍, ଇଚିହଁ ତଲିତି ହାଗୁପାକା ଅଡ଼େ ତଲିତି ଦାରତି ମେଶଙ୍ଗା ହାଜାମାରେ, ଇଞ୍ଜାଁ ସାମ୍ବୁରି ଅଡ଼େ ହିଲାଆଡେ □

୨ ଅଡ଼େ ନାନୁ ସୁଦୁ ଗାଡ଼ା ଇଚିହଁ ପୁଃନି ଜିରୁସାଲମତା ତାନି ବାହା ଆନି ତକ୍ରାକ୍ ବେଟାଆୟାଲି ତିୟାରା ଆହାମାନି ଡ଼ାଆ ମାଙ୍ଗାଲେହେଁ ଲାକପୁରୁଟି ମାହାପୁରୁ ତାଣାଟି ରେଟାଞ୍ଜାହି ମାଟାଣି ମେସ୍ତେସ୍ □

୩ ଅଡ଼େ ନାନୁ ସିଂଗାସାଣିଟି ର କାଜା ହାଡ଼ା ଏଲେ ଇଞ୍ଜିମାଟାଣି ଝେଚେସ୍, “ମେହ୍ଦୁ ମାଣ୍ଡିୟାଁ ତାଣା ମାହାପୁରୁଟି ବାସାଗାମୁ ମାନେ, ଏଞ୍ଜାସି ଏଞ୍ଜାରିତଲେ ବାସା ଆନେସି, ଇଞ୍ଜାଁ ଏଞ୍ଜାରି ଏଞ୍ଜାଣି ଲକୁ ଆନେରି,

୪ ଅଡ଼େ ମାହାପୁରୁ ତାନୁଏ ଏଞ୍ଜାରିତଲେ ଡ଼ୟିନେସି, ଇଞ୍ଜାଁ ଏଞ୍ଜାରି କାନୁତି ବାରେ କାଣ୍ଡୁ କେଜାତୁହନେସି; ଏମ୍ବାଆଁ ହାକି ଅଡ଼େ ଝାଏ; ଦୁକୁ, ଡ଼ାକି, ଇଞ୍ଜାଁ ବାସା ଅଡ଼େ ଡ଼ୟେଏ; ଇଚିହଁ ପୁଃଆୟି ବାରେ ମେଶଙ୍ଗା ହାଜାମାନେ □”

୫ ଏଚେଟିଏ ସିଂଗାସାଣିତା କୁଗାମାନାସି ଏଲେଇଚେସି, “ମେହ୍ଦୁ ନାନୁ ବାରେ ପୁଃନି କିହିମାକ୍!” ଅଡ଼େ ଏଞ୍ଜାସି ଏଲେଇଞ୍ଜାଚେସି, “ରାଟାମ୍ବୁ ଏନାଆଁତାକି ଇଚିହଁ ଇ ବାରେ କାତା ସାତାତାୟି ଅଡ଼େ ନାମୁଗାଟାୟି □”

୬ ଏଞ୍ଜାସି ନାଙ୍ଗେ ଅଡ଼େ ଏଲେଇଞ୍ଜାଚେସି, “ବାରେ ରାଡେୟିଏ, ନାନୁ ଆଲପା ଅଡ଼େ ଅମେଗା, ମାଟନାଚେସ୍ ଅଡ଼େ ରାପନାଚେସ୍, ଆମ୍ବାଆସି ଏସ୍ତକି ଗାଟାସି ଏଞ୍ଜାଣାକି ଜାହୁହାନି ଜାରିଣାଟି ତାବୁୟାଁ ହୀଆନା ଏୟୁ ଗସାଲି ହୀକ୍ □

୭ ଆମ୍ବାଆସି ଜୀଣା ଆନେସି, ଏଞ୍ଜାସି ଇ ବାରେତି ଅଦିକାରା ଆନେସି; ନାନୁ ଏଞ୍ଜାଣି ମାହାପୁରୁ ଆକ୍, ଇଞ୍ଜାଁ ଏଞ୍ଜାସି ନା ମୀରଏସି ଆନେସି □

୮ ସାମା ଆମ୍ବାଆରି ଆଜିନାରି, ନାମୁ ହିଲାଆ ଗାଟାରି, ଅପାଆଗାଟି କାମାକିନାରି, ଲକୁଣି ପାୟିନାରି, ଦାରି କିନାରି, ଗୁଣି ଗାଡ଼ଡ଼ି କିନାରି, ପେଶକା ବମାୟାଁ ପୂଜା କିନାରି, ଏଞ୍ଜାରି ଅଡ଼େ ବାରେ ମିତି କାତା ଝେହ୍ନାରି, ହିରୁ ଅଡ଼େ ଗାନ୍ଦାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ୁୟୁତା ଚାୟୁ ବେଟାଆନେରି, ଏଦି ତାୟୁତି ହାକି □”

ପୁଃନି ଜିରୁସାଲମ

୯ ଏଚେଟିଏ ସାତାଗଟା ଦୁଡୁୟାଁ ତାୟୁତି ସାତାଗଟା ତଣ୍ଡୁୟାକ୍ ଆସାମାନି ସାତାଗଟା ଗିନାୟାଣା ସାତାଗଟା ଦୁଡୁୟାଁ ବିଡ଼ାଟି ର ଦୁଡୁ ନା ତାଣା ଝାହାନା ଏଲେଇଞ୍ଜାଚେସି, “ଇମ୍ବାଆଁ ଝାମ୍ବୁ, ବାହା ଆହିମାନି ଡ଼ାଆମାଙ୍ଗା ଇଚିହଁ ମେଶ୍ଟା ତାଲୁତି ତକ୍ତିନି ନିଙ୍ଗ ତସ୍ତାକ୍ □”

୧୦ ଏଚେଟିଏ ଏ ଦୁଡୁ ନାଙ୍ଗେ ସୁଦୁଜାହୁ ବାଡ଼ୁୟୁଟି ର କାଜାୟି ଅଡ଼େ ପାଡ଼ାଆଡ଼ି ହରୁତା ଅହାନା ଏ ସୁଦୁ ଗାଡ଼ା ଜିରୁସାଲମତି ତସ୍ତାଚେସି, ଏଦି ଲାକପୁରୁଟି ଇଚିହଁ ମାହାପୁରୁ ତାଣାଟି ରେଟା ଝାହିମାରେ,

୧୧ ଅଡ଼େ ଏଦି ମାହାପୁରୁଟି ଗାଞ୍ଜୁରମି ତଲେ ମ୍ବିସିମାରେ, ଏଦାନି ଉଜେଡ଼ି ହାରେକା ଦାରାଗାଟି ମଣି ଅଡ଼େ ଝେଡ଼ାତି ଅପନି ଦାପେଣିଲେହେଁ □

୧୨ ଏଦାନି ସାରିସୁଟୁ ର କାଜାୟି ଅଡ଼େ ପାଡ଼ାଆଡ଼ି କଟା ମାନେ, ଏମ୍ବାଆଁ ବାରଗଟା ଦୁଝେରିକା, ଏ ଦୁଝେରିକାଣା ବାରଜାଣା ଦୁଡୁୟାଁ ଇଞ୍ଜାଁ ଦୁଝେରିକା ଲାକ ଇସ୍ତାୟେଲ ମୀରକାତି ବାର କୁଡ଼ାତି ଦରକା ରାସ୍ତକି ଆହାମାନେ □

୧୩ ଝେଡ଼ା ହପୁଞ୍ଜାକି ତାନିଗଟା ଦୁଝେରିକା, ଚିଃନିଞ୍ଜାକି ତାନିଗଟା ଦୁଝେରିକା, ଚେଟ୍ଟିଞ୍ଜାକି ତାନିଗଟା ଦୁଝେରିକା, ଅଡ଼େ ଝେଡ଼ା କୁଡ଼ନି ଞ୍ଜାକି ତାନିଗଟା ଦୁଝେରିକା □

୧୪ ଏ ଗାଡ଼ାତି କଟା ବାରଗଟା ପୁନାଦିକା ଇଚ୍ଚକି ଆହାମାନୁ, ଏ ଝାଲକା ଲାକ ମେଶ୍ଟା ତାଲୁ ତାଣାଟି ବାରଜାଣା ପାଣ୍ଡୁଝି ଆହାମାନାରି ବାରଗଟା ଦରକା ରାସ୍ତକି ଆହାମାନୁ

୧୫ ନା ତଲେ କାତା ଆହିମାଟି ଦୁଡୁତି କେୟୁତା ଗାଡ଼ାତି, ଇଞ୍ଜାଁ ଏମ୍ବାତି ଦୁଝେରିକା ଅଡ଼େ ସାରିସୁଟୁଟି କଟା ଲାଟାଲି ର ବାଂଗାରା ବାଡ଼ଗା ମାରେ □

୧୬ ଏ ଗାଡ଼ାତି ସାରି କନ, ତାନି ଲାମ୍ବା ଅଡ଼େ ଅସାରା ରଣ୍ଡିଏ ସମାନା; ଏଞ୍ଜାସି ଏ ଗାଡ଼ାତି ଏ ବାଡ଼ଗା ତଲେ ଲାଟାଲିଏ ବାର ମାଣା ବାଡ଼ଗା

* ୨୦:୧୪ ୨୦:୧୪ ହାଡ଼ାରି ମାନି ଦେସାଡି ☆ ୨୧:୧ ୨୧:୧ ୨୧:୧୩ ୨୧:୨ ୨୧:୨ ଝେ ବଲ୍ଲ ୩:୧୨

ଆଡେ; ଏମ୍ବାତି ଲାମ୍ବା ଅସାରା ଅଡେ ପାଡ଼ଣି ଜିକେଏ ସମାନା ଆଡେ □

୧୭ ଅଡେ ତାୟୁ ଏଦି ଗାଡ଼ାତି ସାରିସୁଟୁ କଟା ଲାଟାଲିଏ ଏଦି ମାଣସିତି ଲେକାତଲେ ସାଡ଼ାକଡ଼ି ସାରି ହାଡ଼ା ଆଡେ, ଦୂତୁ ଏ ଲେକାତଲେ ଲାଟି ମାଟେସି □

୧୮ ଏ ସାରିସୁଟୁ କଟା ଝେଡ଼ାତି ଅପନି ଦାପେଣି ଲେହେତି ମଣି ତଲେ କେପି ଆହାମାନେ, ଅଡେ ଗାଡ଼ା ଅପନି ଦାପେଣି ଲେହେତି ସୁଦୁ ବାଂଗାରା ତଲେ କେପି ଆହାମାନେ □

୧୯ ଗାଡ଼ାତି ସାରିସୁଟୁ କଟାତି ପୁନାଦି ଏଟକା ଏଟକାତି ହାରେ ଦାରାଗାଟି ମଣି ଖାଲକାତଲେ ଅଜିକିଝି ଆହାମାନେ, ତଲିତି ପୁନାଦି ଜାସପର, ରୀ ଲମ୍ବର ପୁନାଦି ନିଲକାଡ଼ମଣି, ତାନି ଲମ୍ବର ପୁନାଦି ବଦୁଜ୍ୟମଣି, ସାରି ଲମ୍ବର ପୁନାଦି ମରକତମଣି,

୨୦ ପାସା ଲମ୍ବର ପୁନାଦି ପଲକମଣି, ସ ଲମ୍ବର ପୁନାଦି ମାଣିକ୍ୟ ମଣି, ସାତା ଲମ୍ବର ପୁନାଦି ପୁସପରାଗମଣି, ଆଟା ଲମ୍ବର ପୁନାଦି ପିରଜମଣି, ନ ଲମ୍ବର ପୁନାଦି ଗମେସଦକ ମଣି, ଦସ ଲମ୍ବର ପୁନାଦି ଇସୁନିୟମଣି, ଏଗାର ଲମ୍ବର ପୁନାଦି ଦାରଣକି ଖାଣାଗାଟି ମଣି, ବାର ଲମ୍ବର ପୁନାଦି ନେହଁ ଗାନ୍ଧାଗାଟି ମଣି ମାଟେ □

୨୧ ବାର ଗଟା ଦୁଝେରିକାଣା ବାରଗଟା ମୁଲ୍ଲାୟା, ର ଦୁଝେରିତି ର ମୁଲ୍ଲା ତଲେ କେପି ଆହାମାନୁ; ଅଡେ ଗାଡ଼ାତି ଆଂଗେଣିକା ନେହଁ ଦାପେଣି ଲେହେତି ସୁଦୁ ବାଂଗାରା ତଲେ ଆହାମାନୁ □

୨୨ ନାନୁ ଏ ଗାଡ଼ାତା ଏନି ଦେଝୁଡ଼ି ଜିକେଏ ମେହୁଆଡେଏଁ, ଇତିହଁ ପ୍ରବୁ ବାରେ ବାଡ଼ୁୟୁ ଗାଟି ମାହାପୁରୁ ଅଡେ ମେଣ୍ଡା ତାଲୁଏ ଏମ୍ବାତି ଦେଝୁଡ଼ି ସମାନା □

୨୩ ଉଜେଡ଼ି ତାକି ଏମ୍ବାଆଁ ଝେଡ଼ା କି ଲେଞ୍ଜୁତି ଲଡ଼ା ଆଏ, ଇତିହଁ ମାହାପୁରୁଟି ଗାଝୁରମିଏ ଏମ୍ବାଆଁ ଉଜେଡ଼ି କିନେ, ଅଡେ ମେଣ୍ଡା ତାଲୁ ଏମ୍ବାତି ଦୀଝି ସମାନା □

୨୪ ଏମ୍ବାତି ଉଜେଡ଼ି ତଲେ ବାରେ ଦାର୍ଡିତି ଲକୁ ତାକିନେରି, ଅଡେ ଦାର୍ଡିତି ରାଜାୟା ତାନି ହାରେକା ଦନ ଏ ଗାଡ଼ା ବିଡ଼ା ତାନେରି □

୨୫ ଏମ୍ବାତି ଦୁଝେରିକା ମାଦେନା ବେଲା ଦେପି ଆହାଁ ତୁୟିନୁ; ଏଝି ଏଚେଲା ଜିକେଏ ସୁଣୁକି ଆଡ଼, ଇତିହଁ ଏ ଟାୟୁତା ଲାଆଁୟା ଇନାୟି ହିଲେଏ □

୨୬ ବାରେ କୁଡ଼ାତି ଲକୁ ତାନି ଗାଝୁରମି ଅଡେ ହାରେକା ଦନ ଏ ଗାଡ଼ାତା ତାନେରି □

୨୭ ଏନି ପଲଆ ଗାଟାରି କି ଅପାଆଗାଟି କାମାକିନାରି, ମିତି ଜଲିନାରି ଆମ୍ବାଆରି ଏମ୍ବାଆଁ ହଡ଼ାଲି ଆଡ଼ଅରି; ସାମା ଆମ୍ବାଆରି ଦରୁ ମେଣ୍ଡା ତାଲୁତି ଜୀଝୁତି ପତିତା ରାସ୍‌କି ଆହାମାନେ, ଏଝାରି ହଡ଼ାଲି ଆଡ଼ିନେରି □

୨୨

୧ ତାୟୁ ଦୂତୁ ନାଙ୍ଗେ ଜୀଝୁହୀନି ଏୟୁତି ର କାତା ତସ୍ତାତେସି, ଏଦି ଅପନି ଦାପେଣିଲେହେଁ ଉଜେଡ଼ି, ଅଡେ ମାହାପୁରୁ ଇଞ୍ଜା ମେଣ୍ଡା ତାଲୁତି ସିଂଗାସାଣିଟି ହଡ଼ାନା ଗାଡ଼ାତି ଜିରୁ ମାଦିଟି ହାଜିମାନେ □

୨ ଏ କାତାତି ରିକଝାକି ବାର ଦେବା ପାଡ଼େୟି ଆୟିନି ଜୀଝୁତି ମାରନ୍ତୁ ମାନେ, ଏମ୍ବାଆଁ ଲେଞ୍ଜୁ ତାକି ଲେଞ୍ଜୁ ପାଡ଼େୟି ଆୟିନେ, ଇଞ୍ଜା ଏ ମାରନ୍ତୁତି ଆକା ବାରେ କୁଡ଼ାତାରାଇଁ ରଗଟି ନେହଁ କିନାଇ □

୩ ଏମ୍ବାଆଁ ଏନି ବାକା ତୁୟେଏ, ମାହାପୁରୁ ଅଡେ ମେଣ୍ଡା ତାଲୁତି ସିଂଗାସାଣି ଗାଡ଼ା ମାଦିଏ ତୁୟିନେ, ଇଞ୍ଜା ଏଝାଣି ହଲିୟାଜା ଏଝାଣି ସେବା କିନେରି □

୪ ଏଝାରି ତାନି ମୁମ୍ବୁ ମେହୁନେରି, ଇଞ୍ଜା ତାନି ଦରୁ ଏଝାରି ମୁଞ୍ଜୁତା ରାଡ଼ିନେସି □

୫ ଏମ୍ବାଆଁ ଲାଆଁୟା ଆଏ, ଏଝାରାକି ଦୀଝି କି ଝେଡ଼ାତି ଉଜେଡ଼ି ଲଡ଼ା ଆଏ, ଇତିହଁ ପ୍ରବୁ ମାହାପୁରୁ ଏଝାରି ମୁହେଁ ଉଜେଡ଼ି ଲେହେଁ ଆନେସି, ଇଞ୍ଜା ଏଝାରି କାଲାକାଲା ତାକି ରାଜି କିନେରି □

ଜୀସୁ ଝେଣ୍ଡା ଖାନାୟି

୬ ଏଚେଟିଏ ଦୂତୁ ନାଙ୍ଗେ ଏଲେଇଚେସି, “ଇ ବଲ୍ଲୁ ସାତା ଇଞ୍ଜା ନାମୁଗାଟାୟି; ଏନାୟି ଗାଡ଼େକେଏ ଗଟଝି ଆନେ, ଏ ବାରେ ତାନି ସେବା କିନାରାଇଁ ତସାଲି ତାକି, ପ୍ରବୁ, ମାହାପୁରୁ ଅଣ୍ଟପୁତି ବଲ୍ଲୁ ଝେହୁନାରି ଜୀଝୁୟାତି ମାହାପୁରୁ, ତାନି ଦୂତୁଇଁ ପାଣ୍ଡାମାଞ୍ଜାନେସି □”

୭ “ମେହୁମୁ ନାନୁ ତବେ ଝାହିମାଇଁ; ଆମ୍ବାଆସି ଇ ପତିତି ବଲ୍ଲୁତି ମାନଝି ଆନେସି ଏଝାସି ନେହେଁ □”

୮ ନାନୁ ଜହନଡେଏଁ, ଇ ବାରେ ଝେଟି ଅଡେ ମେସ୍ତି ତାୟୁ ଆମିନି ଦୂତୁ ନାଙ୍ଗେ ଏ ବାରେ ତସ୍ତାତେସି, ନାନୁ ଏଦାନି ଜହରା କିହାଲି ତାନି ପାଞ୍ଚଆନା କତାଣା ରିଡେଏଁ □

୯ ସାମା ଏଝାସି ନାଙ୍ଗେ ଏଲେଇଞ୍ଜାତେସି, “ଜାଗ୍ରାତା ଏଲେକିଆନି, ନାନୁ ଜିକେଏ ନୀ ତଲେ ମାହାପୁରୁ ଅଣ୍ଟପୁତି ବଲ୍ଲୁ ଝେହୁନି ନୀ ତାୟିୟା ତଲେ, ଅଡେ ଇ ପତିତା ରାସ୍‌କି ଆହାମାନି ବଲ୍ଲୁତି ବାରେ ମାନଝି ଆନାରି ତଲେ ର ହଲେଏଣା ଲେହେଁ; ମାହାପୁରୁଇଁ ଜହରା କିମୁ □”

୧୦ ଅଡେ ଏଦି ନାଙ୍ଗେ ଏଲେଇଞ୍ଜାତେସି, “ନାନୁ ଇ ପତିତି ତାୟୁ ଗଟଝି ଆନି ବଲ୍ଲୁତି ସାଲି କିଆନି, ଏନାଆଁତାକି ଇତିହଁ କାଲମି ଏଦାଡେୟିଏ □

୧୧ ଆମ୍ବାଆସି ଦାମ୍ବୁ ହିଲାଆଗାଟାସି, ଏଝାସି ଅଡେ ଦାମ୍ବୁ ହିଲାଆ କାମା କିପାସି, ଆମ୍ବାଆସି ଲାଗେଏ କାମା କିନେସି, ଏଝାସି ଅଡେ ଲାଗେଏ କାମା କିପାସି, ଆମ୍ବାଆସି ଦାମ୍ବୁଗାଟାସି,

ଏଞ୍ଜାସି ଅଡ଼େ ଦାମ୍‌ଗାଟାସି ଆଠେସି, ଆମ୍ବାଆସି ସୁଦୁଗାଟାସି, ଏଞ୍ଜାସି ଅଡ଼େ ସୁଦୁ ଆଠେସି □”

୧୨ “ମେହ୍‌ମୁ, ନାନୁ ତବେ ଝାହିମାଲ୍, ବାରେଜାଣା ତାକି ତାନି କାମାତି ଲେକାତଲେ ପାଡ଼େୟି ହାହାଲି ନା ଦାନା ନା ତାଣା ମାନେ □

୧୩ *ନାନୁ ଆଲ୍‌ପା ଅଡ଼େ ଅମେଗାତେଏଁ, ନକିତାତେଏଁ ଇଞ୍ଜା ତାୟୁତାତେଏଁ, ମୂଲୁତାତେଏଁ ଅଡ଼େ ରାପ୍‌ନାତେଏଁ □”

୧୪ ଜୀଞ୍ଜୁତି ମାର୍‌ନୁତି ଅଦିକାରା ଆୟାଲି ଅଡ଼େ ଦୁଝେରିଟି ଗାଡ଼ାତା ହଡ଼ାଲି ତାକି ଆମ୍ବାଆରି ତାନି ହିମ୍‌ପୁରିକା ରାଟାମାନେରି ଏଞ୍ଜାରି ନେହେଁ □

୧୫ ସାମା ରେଜିମାନି ନେସକା ଲେହେଁତାରି, ଗୁଣି ଗାରଡ଼ି କିନାରି, ଦାରିକାମା କିନାରି, ଲକୁଣି ପାୟିନାରି, ପେଶକା ବମାୟିଣି ପୂଜା କିନାରି, ମିଚିକାତାତି ଜୀଞ୍ଜୁ ନନାରି, ମିଚି କାମାତି କିହାଲି ରାହାଁ ଆନାରି ବାରେ ପାଙ୍ଗାତା ଡ଼ୟିନେରି □

୧୬ “ନାନୁ ଜୀସୁତେଏଁ, ମାହାପୁରୁ କୁଲମିକା ତାକି ମିଙ୍ଗେ ଇ କାତା ଝେସାଲି ନା ଦୁଡୁଲ୍ ପାଣ୍ଡାମାଞ୍ଜାଲ୍, ନାନୁଏ ଦାଞ୍ଜୁଦତି ମୂଲୁ ଅଡ଼େ କୁଡ଼ାତାତେଏଁ; ଏ ଉଜେଡ଼ିତି ଝେୟାଜାରା ହୁକାତେଏଁ □”

୧୭ ସୁଦୁଜୀଞ୍ଜୁ ଅଡ଼େ ବୀହା ଆନି ଡ଼ାଆ ମାଙ୍ଗା ଏଲେଇନ୍ନୁ, “ଝାମ୍‌ମୁ!”

ଆମ୍ବାଆସି ଝେନେସି ଏଞ୍ଜାସି ଏଲେଇଶ୍‌ମାସି, “ଝାମ୍‌ମୁ!”

ଏସ୍‌କି ଗାଟାସି, ଝାପାସି, ଆମ୍ବାଆସି ମନ କିନେସି; ଏଞ୍ଜାସି ଜୀଞ୍ଜୁହାନି ଏୟୁ ଉଜେଏ ଗସ୍‌ପେସି □

ରାନି କାତା

୧୮ ଆମ୍ବାଆରି ଇ ପତିତା ମାନି ତାୟୁ ଗଟଞ୍ଜି ଆନି କାତାତି ଝେନେରି, ନାନୁ ଏଞ୍ଜାରାଲ୍ ଜାଗ୍ରାତା କିହ୍ ଝେସିମାଲ୍, ଆମ୍ବାଆସି ଇ ପତିତା ଏନାଆଁ ଆଟ୍‌ନେସି, ଆତିହ୍ ମାହାପୁରୁ ଇ ପତିତା ରାସ୍‌କି ଆହାମାନି ଡ଼ଶ୍‌ୟାଁ ଏଞ୍ଜାଶାକି ହୀନେସି;

୧୯ ଅଡ଼େ ଆମ୍ବାଆସି ଇ ପତିତି ବଲୁତି ମ୍ଲେକ୍‌ନେସି, ଆତିହ୍ ମାହାପୁରୁ ଇ ପତିତା ରାସ୍‌କି ଆହାମାନି ଜୀଞ୍ଜୁତି ମାର୍‌ନୁ, ଅଡ଼େ ସୁଦୁ ଗାଡ଼ାତି ତାନି ବାଗା ମ୍ଲେକ୍‌ନେସି □

୨୦ ଆମ୍ବାଆସି ଇ ବାରେତାକି ସାକି ହାହିମାନେସି, ଏଞ୍ଜାସି ଏଲେଇଞ୍ଜି ମାନେସି, ସାତା, “ନାନୁ ତବେ ଝାହିମାଲ୍!” ଆଠେମନ୍ □ ପ୍ରବୁ ଜୀସୁ ଝାମ୍‌ମୁ □

୨୧ ପ୍ରବୁ ଜୀସୁତି କାର୍‌ମାମେହ୍‌ନାୟି ବାରେତାୟି ମାଙ୍ଗେ ଆୟାପେ □ ଆଠେମନ୍ □

* ୨୨:୧୩ ୨୨:୧୩ ଝେ ବଲ୍ଲ ୧:୮; ଝେ ବଲ୍ଲ ୧:୧୭; ୨:୮